

Henrici Mori Cantabrigiensis S. S. T. D. Effigies. A. E. 61.

Salomon Prov. c. 4. v. 23.

Præ omni Custodia Serva cor tuum quia ex ipso sunt Vitarum Egressus.

M. Antoninus. Med. lib. 10.

O Chara Anima quando una eris et nuda et Simplex.

S. Paulus. 1. ad. Cor. c. 16.

OMNIA VESTRA FIANTE IN CHARITATE.

JO

HENRICI MORI
CANTABRIGIENSIS
OPERA THEOLOGICA,

ANGLICE quidem primitus scripta,

Nunc verò

Per Autorem LATINE reddita.

Hicce novus præfixus est de
SYNCHRONISMIS
APOCALYPTICIS
TRACTATULUS,
CUM

Luculenta demonstratione necessariæ & inevitabilis
INTELLIGIBILITATIS

Visionum Apocalypicarum calci ejusdem
Tractatus adjecta.

Dan. Cap. 12.

Expurgabuntur, dealbabuntur, & explorabuntur multi, & impiè agent impii, nec intelligent ulli impii, sapientes aurem intelligent.

Siracid. Cap. 39.

Qui ad meditandam Supremi Legem animum adjecit, is antiquorum omnium sapientiam exquirat, intelligendisque vacat Vaticiniis.

LONDINI,

Impensis Gualteri Kettilby, sub Signo Capitis Episcopi in D. Pauli Cœmeterio.
M D C C.

DEDICATIO.
JESU NAZARENO
CRUCIFIXO DEI FILIO,

Qui nos in Ecclesiam Sanctam & inculpatam,
Et quæ nullam haberet maculam aut rugam
Pretioso S U O Sanguine
Redemit;

COMMUNI HUIC Humani Generis SERVATORI

Ac præstitutæ L U C I G E N T I U M,
Æ T E R N Æ utiq; P A T R I S S A P I E N T I Æ
In B. Virginis Utero I N C A R N A T Æ,
Servorum I L L I U S omnium indignissimus
H E N R I C U S M O R U S
Hæc sua Scripta T H E O L O G I C A
Séq; ipsum pariter suáq; adeò omnia,
C O R P U S, A N I M A M, V I T A M
L. M. Q. D. D.

Fidóq; E J U S commendat P A T R O C I N I O,

Suppliciter E U M Orans,
Ut faxit hæc O P E R A sua
In I L L I U S cedant Gloriam
Et E C C L E S I Æ S U Æ Emolumentum;
Utiq; P R O M I S S O R U M S U O R U M memor
Præpotenti S P I R I T U S adventu
T E N E B R A R U M R E G N U M debellet
Viréq; frangat P E C C A T I ac D I A B O L I,
E C C L E S I A M Q U E S U A M repurget
Ab omni I M M U N D I T I E
S U P E R S T I T I O N I S, I D O L O L A T R I Æ & P R O F A N I T A T I S
S A T A N I C Æ Q U E S Æ V I T I Æ,
Æ T E R N A M Q U E in Terris stabiliat
J U S T I T I A M ac P A C E M,
Et F E L I C I S S I M A illa S E C U L A acceleret
Jam olim per os prædicta
Sanctorum S U O R U M P R O P H E T A R U M,
Ut V E R A sic J E H O V Æ N O T I T I A
Totum O R B E M T E R R A R U M repleat
Sicut A Q U Æ operientes M A R E.

Amen.

DE DIO A. 110.

TESTI NAXARINO

CRUCIFIXO DE 1110

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

COMMUNI HUIUS IN GENE SERVATON

Quoniam in Exultatione sancti spiritus

Et per ipsum habet mundum in manu

Plene 2110. 2110.

Reverentia

SCRIPTURUM

In hoc

VOLUME THEOLOGICO

Contentorum Syllabus.

Praefatio ad Lectorem.

Visionum *Apocalypticarum* Ratio *Synchronistica*.

Magni *Mysterii Pietatis* Explanatio, five, Vera ac fidelis Representatio *Aeterni Evangelii* Domini ac Servatoris nostri *Jesu Christi* Dei Filii unigeniti Homini-
minumq; Principis ac Angelorum. pag. 1.
pag. 15.
pag. 49.

Mysterii Iniquitatis Pars prior, five, Diligens justaq; Delineatio *Vere Ideae Antichristianismi* in Realibus genuinisq; illius Membris. pag. 445.

Mysterii Iniquitatis Pars posterior, five, *Synopsis Prophetica* compendiosum continens Prospectum in illa Sacrae Scripturae Vaticinia quibus *Regnum Antichristi* infignisve Lapsus seu Degeneratio Ecclesiae in eis rebus omnibus quae in *Idea Antichristianismi* comprehenduntur, praefiguratur vel praedicitur. pag. 577.

Expositio *Prophetica* septem Epistolarum ad septem Ecclesias *Asiaticas*.

De *Veris Rationibus* five Fundamentis *Certitudinis Fidei* in rebus Religionis brevis Dissertatio. pag. 779.
pag. 825.

Antidotus adversus *Idololatriam*, five, Dissertatio brevis multa complectens Theoremata ad dignoscendum quid sit haberiye debeat *Idololatria* apud Christianos ap-
primè utilia, cum Applicatione ad Doctrinam *Concilii Tridentini*. pag. 835.

Antidoti Appendix, in qua vera & adaequata Notio seu *Definitio Idololatriae* communiter sic dictae proponitur, Exempli plurima istiusmodi *Idololatriae* in *Romana* Ecclesia per propositam Definitionem examinantur, Consuetudines quaedam in Ecclesia *Anglicana* vindicantur, seriazq; aliquot Monitiones de *Idololatria Spiritualis* demum annectuntur. pag. 869.

Divinorum *Hymnorum Heptachordon*.

Carmina quaedam in Scriptis Philosophicis *Anglicè* occurrentia, & *Latine* hic per Autorem reddita. pag. 891.
pag. 904.

Rerum ac Verborum, locorumq; Scripturae in hoc Volumine explicatorum *Index locupletissimus*. pag. 909.

Præcipuorum membrorum *Antichristianismi* Descriptionum simul & Prædictionum eisdem respondentium *Index particularis*.

Erratorum Collectio, quod recurrere potest Lector, quoties ob *opa Typographica* sensus ipsi, (quod rarissimè spero post Præfationem eventurum) inter legendum hæserit.

In hoc

Contentorum Syllabus

[illegible]

A D

Lectorem Præfatio.

I.



Ratatus nostro hoc Theologico volumine contenti cum multis easq; admodum prolixas Præfationes haberent, equidem Lectoris tedium optime me sublevarum putavi, si abscinderem universas, unicamq; Generalem earum loco substituerem totiq; volumini præficerem. Quod tamen sic faciendum duxi, ut quæ necessaria sint de singulis breviter monere nusquam omitterem. Sed, & ea e dictis præfationibus excerptem, novis quibusdam, ubi opus esset, subinde intermixtis, inq; Præfationem generalem quam commodissime fieri poterat concinnatis.

De Theologico hoc Volumine in genere, quæ monenda censuerit Author.

Quantum ad occasionem scripta mea Latine transferendi, styliq; rationem & similia, cum ad utrumq; volumen tam Philosophicum quam Theologicum perinde pertineant, ea ad Præfationem generalissimam differenda censeo, volumini Philosophico præfigendam.

Quod autem volumen hoc Theologicum in Latini luminis oras prius emissem quam Philosophicum, iusta id sua, ut spero, non caret Apologia. Equidem fateor tractatus meos Philosophicos, hos in hoc volumine contentos & temporis & naturæ ordine præcedere, ut qui prius scripti sunt & generaliora hisce argumenta tractant. Siquidem in illis libris existentie Dei, Animæq; immortalitati demonstranda mysteriorq; creationis Mosaico enucleandæ opera præcipue data est. Ego vero artis methodo methodum prudentia hic præferendam judicavi, Ordiniq; concinnitati ac elegantie manifestam Ecclesiæ utilitatem. E re autem Ecclesiæ plus fore existimo ut istiusmodi scripta in lucem prodeant quæ Christianam Religionem demonstrant ac confirmant, quam quæ ea solummodo tractant in quibus omnes Religiones consentiunt. Cujusmodi sunt Dei rerumq; incorporearum Existentia ac anima humana Immortalitas & similia. Ut taceam majorem quidem earum etiam rerum certitudinem & sacris Scripturis plenè recteq; intellectis, quam vel ex limpidissimæ Philosophiæ fontibus hauriri posse. Quod ego certe adeo expertus sum, ut planè sentiam experientiam hanc, magnum illum Philosophandi ardorem qui me admodum juvenem invaserat, si maturius mihi obtigisset, maxima ex parte fuisse extincturam. Quæ enim fieri potest ut is qui veritati Evangelicæ clarâ ac luculentâ methodo propositæ ac demonstratæ, solidiq; ac irrefragabilibus vaticiniorum interpretationibus mirifice munite ac corroboratæ plenam fidem habet, aut de Deo ejusq; providentiâ aut de Angelorum ministerio & existentia, animæq; humana immortalitate in posterum unquam dubitet. Committere igitur non potui quin ea scripta quibus me in fide Christianâ confirmatissimum persenssi Latine prius transferenda curarem priusq; in lucem emittenda.

Quod quidem eo diligentius feci, ut, quam præcipuum, emendandi in his ipsis scriptis loca paucula cæve, perficiendi illustrandiq; mihi inde occasionem arripere. Quædam enim mihi exciderant sed paucissima quæ ex clarissimi Medii Hypothesi potius quam propriâ emanarunt, quæ mihi haud satis attento inter scribendum se insinuerant. Aliaq; sunt quæ vaticinia minimè spectant, quæ, ut quorundam hominum ingentium est, in sequiorem rapiébantur partem quæ proinde aut mutari aut delevari. Quippe qui is sum, qui cum omnibus, quantum possum, prodesse studeo; offendere volo neminem.

Sed enim verò si in eis rebus quæ aperitè veræ sunt clarèq; demonstratæ major solito ardor tantam aliquando lucem comitatus sit, videaturq; eniquam stylum meum aliquibus in locis nimis arasse asperitate & vebementiâ, equidem vellem tam rehem Animam ac prudentem apud seipsam considerare an non sint in mundo homines æque pravi, atq; ego descripsi, & an non ipse per charitatem iudicare debeat me nullos alios indigere quàm eos ipsos; cumq; sint tales quales ego descripsi an minus severe eos tractasse oporteret. Et si ipse ex eorum numero non sit ear participatum ire vellet

INNOTIA.

B

ipforum

ipforum peccata justas eorum improbando correptiones ac vituperia. Contra quæ nulla ratio colorve est, nisi plane insensati facti sint qui hanc penam merentur. Quæ insensibilitas plus deploranda ac desenda est quam quod exponuntur fidelis Chirurgi explorationibus, ejus artis ratio atq; methodus vel invitum ipsum coegerit, ut, ad vivum eos, quantum poterat, lancinaret, illi vero qui principia in impietatem digesserunt, ipsamq; Religionem formaverunt deslexeruntq; in subsidium & conspirationem cum scdissimis moribus propositisq; merè mundanis, minimè mirum est; dum possunt ex tam leviculis rationibus putare seipsos Templum domini, filios Altissimi, ipsasq; Cœli delicias, si parem ab hominibus honorem autument sibi deferri oportere, seq; debere porro (quanquam in tam perversis viis incedunt) pari pompâ & securitate proficisci, atq; olim filii Israel ex Ægypto, de quibus dicitur, quod ne canis quidem linguam suam adversus eos movebat. Atq; hæc de Theologico hoc volumine in genere dicta sunt.

De Mysterio
Pietatis,

2. De singulis jam partibus aliquid breviter prælibemus: primoq; de Mysterio pietatis; cujus titulum plenamq; inscriptionem si rectè intellexeris totius Tractatus scopum ac rationem facile deprehendes. Expectare igitur moritò poteris, ex eo quod Explanationem Mysterii pietatis eam appello, expositionem quidem non merè verbalem sive declarationem quid per illud significetur vel in eo doceatur, sed tam ordinatam veritatum representationem, ut totius scopo rectè intellecto partium singularum ratio eò pertinentium manifestò appareat. Finis verò ad quem omnes Mysterii Christianitatis partes digitum intendunt, est Divinæ vitæ Triumphatus ejusq; ad debitos suos gradus subvectio. In cujus exaltatione Deus maxime glorificatur & magnificatur quàm locupletissime; non autem in tenebricoso illo ægregè intelligibili Potentiæ irresistibilis exercitio. Per quod nulli alii actus Devotionis in nobis excitari queunt, quam timor quidam atq; stupor, quales misellas pecudes & attonitas invadere solent in tempestatibus & tonitruis, magnisq; ac violentis torrentibus quibus ipse, nesciunt quò, deportantur.

Nuncupavi porro, Veram ac fidelem Repræsentationem æterni Evangelii, &c. Veram appello, utpote cui nullas humanas inventiones vel deductiones immisceri sino, eis solis contentus quæ expressè in scripturis declarantur. Quorum veritatem credo me evidentia irrefutabili demonstrasse in tertiâ parte hujus Tractatus. Addo verò fidelem, ut qui absq; omni partium studio, eam scripsi, nihil ingerens ex affectu sensuve ullius mundani commodi, nec ex spiritu contentionis, aut inani gloria, sed libere loquens & ex animo, nullâ habitâ ratione personarum & partium, minimè mecum instituens aut demulcere hos aut illos irritare sed nuncium meum sic enarrare quemadmodum hominem decet, qui sibi conscius sit, brevi se mandati præstiti rationem in altero mundo esse redditurum: Atq; quemadmodum profiteor me omnia hæc sincero corde transsegisse, ita nihil dubito quin ipse eventus testimonium sit perhibiturus id verum esse quod sum professus.

Etenim cum alii per Hypocriticam quandam adulationem externæ personæ Christi omni obligatione ad Divinam vitam se exuant (qui est mysticus ille Christus in nobis) gratiamq; Dei in Evangelio ad licentiam & libidinem pervertant; alii vero contra, (sive id fiat ex vi melancholiæ quæ cogitationes introrsum revocat, sive ex scandalo propter abusum personalium officiorum Beati servatoris, cum observarent plerosq; Christianos externam religionis formam pro peccati pallio adhibere, sive deniq; ob Articulorum quorundam fidei Christianæ obscuritatem) Infideles plane facti sint, nullam historię Christi in universum fidem habentes ipsiusq; personam rejiciant, mysterium Christianitatis rem omnino intra nos autumantes, nec ullum aliud habere objectum quàm quod in nobis aut agit aut agitur; Ego certe curiosissimo studio & evidentia irrefragabili Testimoniorum tum Ratiōis tum Scripturæ demonstravi & veritatem & necessitatem tam externi quàm interni Christi, & manifesto eis ante oculos exposui mirandam Dei sapientiam ac bonitatem in formando tam habile Instrumentum, quàm est exterior Christianitatis Oeconomia ad renovandas animas nostras in gloriosam Imaginem filii sui qui Dei vita est certumq; nobis pignus beatæ Immortalitatis. Præterea nullus est Christianæ fidei Articulus nec ullum particulare miraculum quod aut servatori accidit aut per ipsum factum est aut faciendum, quod occurrat in Evangeliiis aut usquam alibi in novo Testamento cujus plenam solidamq; rationem non reddidi, usq; adeo ut ausum dicere quod nemo sit qui rationis usum habeat, quin libere fassurus sit se nulla vera argumenta producere posse contra religionem Christianam, qualis in ipsis sacris scripturis exhibetur. Et quid obsecro est, si hoc non sit, fidelem Repræsentationem Evangelii facere?

Quod non temere nominavi, Æternum Evangelium Domini ac servatoris, &c. ad id confirmatus ex eo loco Danielis qui Christianam Religionem צדק וימיט Justitiam æternam

æternam nuncupat, sive Religionem æternam, quemadmodum recte interpretatur Grotius. Quæ religio notam suam Characteremve sumit à Passione Messiae & abinde incipit, manereq; debet usq; dum ille visibiliter redierit in nubibus Cæli ad finem imponendam huic rerum terrenarum Scenæ. Fui porro huc impulsus ex destinato studio oppugnandi impudentem illum Euthusiasten de quo tam multa locutus sum in subsequenti Tractatu, qui seriam videtur navasse operam Christianiti antiquandæ quatenus fundatur super personam semper beati servatoris; nempe crucifixi illius Jesu, ut aliud introducat Evangelium: Fingitq; se proinde Angelum illum in medio cælo volentem illudq; predicantem omni genti & tribui, & linguæ, & populo.

Præter generalem vero hanc rationem ac titulum, etiam de particularibus quibusdam locis lectorem monere haud alienum fore censo; ut de fustiori Animalis vitæ descriptione, de prolixiori delineatione Paganismi, de Parallelismo Servatorem inter & Apollonium, de Mahometismo etiam ac Familismo, ejusq; sætu squalidiori Quakerismo.

Et quantum quidem ad vitam Animalem, putabam me non posse nimis accuratè agere in ea describenda cum tam commodè inserviat ad meliorem intelligentiam Divinæ. Cujus natura ac proprietates quò clarius ac distinctius à quopiam concipiuntur, quoq; majorem earum experientiam gustumq; magis sapidum habet, eò majori voluptate perleget quæ scripsimus, intelligetq; Rationabilitatem, certusq; erit de Veritate & soliditate Religionis Christianæ. Etenim Divina vita profundissima quasi Basis est & fundamentum totius hujus Mysteriorum Pietatis, quod tractamus.

Præterea, perfectior intelligentia naturæ vitæ Animalis judices nos facit magis idoneos multarum superstitionum Paganicarum, in quibus licet ipsi argutis suis defensionibus ab Atheismi crimine crassiorisq; Idololatriæ se expedire possent, præstareq; unum fuisse æternum Numen, (disiniatur quam Philosophicè potest) quod eorum cultus præcipuum erat ultimumq; objectum; est tamen hinc manifestum vel optimos ex ipsis Animalis vitæ limites non excessisse. Quippe qui Deum coluerunt in his barbaris Religionibus ex sensu solummodo earum rerum quæ Animali vitæ gratificabantur: & si copiosius depinxi quàm sedè ac sordidè id fecerint, spero judicatum iri me non frustra hos labores suscepisse, cum tam clare inde appareat, quam justam victoriam Christianitas contra Paganismum reportavit.

Et quod perpetuum illum Parallelismum spectat quem feci inter Christi vitam ac Apollonii, præter voluptatem quam percipere poterit lector ex descriptione Characteris & actionum tam præclaræ personæ quam erat ille Paganus, (quem sui Compagani aut equipararunt beato nostro servatori aut prætulerunt, quiq; non vanus ac leviculus Euthusiastes erat, elato stylo affectataq; eloquentia turgidus, sed egregium Justitiæ, Castitatis, & Generositatis exemplum, & qui talia miracula edidit, qualia nihil præter Magiam opemq; Potestatum invisibilem, quibuscum sædus icerat, efficere potuisset) præter voluptatem, inquam, quam inde percepturus est, accedet etiam commoditas clarioris & distinctioris cognitionis rectæ Idæ Personæ reverà divinæ, ex hujus utiq; eminentiæ detectione, quæ tamen externâ specie tam prope accedebat ad veram. Etenim quamvis illæ res meliorum Gentilium oculos perstrinxerint, ut Hieroclis & aliorum, ita ut illam reputarent personam æquè Sacram ac ipsum Servatorem; nihil dubito tamen quin ex hoc Parallelismo, collationem probaverim vanam fuisse ac temerariam, palamq; fecerim omnibus, qui rectè judicare possunt quid vere Divinum sit, Christum Servatorem tantum excessisse characterem Apollonii (quanquam valde probabile est, Philostratum libertatem sibi indulgisse addendi plura miracula ac perfectiones, quam quarum iste sibi unquam conscius erat) quantum Apollonius ipsa bruta animalia excedebat. Ac proinde hunc mentis Parallelismum magni spero usus fore ac momenti, utpote quo doceantur homines rectè distinguere inter Divinam vitam ac Animalem, etiam tum cum Animalis vita ornamentis quam fieri potest splendidissimis vestita nobis exhibetur. Cujus rei Apollonius exemplum est illustrissimum.

Et tamen ad nullum faciat curiositatis judicii exercitium Mahometem grandemq; illum Euthusiasten ab Amstelodamo tanquam duos audaces ipsius Christi Corrivales in scenam introducere, in conspectum tamen eos trahere non est omnino supervacaneum, quanquam ob id solum, ut de propriis ipsorum vultibus condemnentur. Nam & id etiam facit ad confirmationem Religionis nostræ, quod nullos habeat Competitores sive Æmulos nisi qui primo aspectu culpabilitatem suam prodant ac vilitatem. Quod facilius fit in Mahometismo, cum eorum successus ac victoriæ audaces ipsos fecerint, minusq; curantes quomodo turpitudinem suam mundo exponant. Familismus vero monstrum est magis varium, obscurum, & ab hominum conspectu abditum. Qui tamen in cæcis suis cavernis non cessat mussitare se jus habere ad imperandam universæ

terra, tandemq; fore ut sibi locum cessuri sint & Christianitas & Mahometismus. Atque idcirco defectus merito censeretur potuisset, si hoc monstrum è spelunca sua in apri- cum non extraxissem, ut cum semel mundus ipsum aspexerit satiatos se tam horrido spectaculo statim exclamarent, nisi Deus ex irâ suâ ipsos tradidit in reprobum sen- sum propter abusus solidarum veritatum Evangelii.

Equidem fateor tam amplas excursiones, frequentesq; expostulationes cum Famili- stis & Tremantibus sive Quakeris non posse magno esse meo Tractatui ornamento; sed potius onerosas; istiusmodi præsertim hominibus qui scripta legunt propter volupta- tem magis quam bonum aliquem fructum, propterq; privatam potius oblectationem quam publicam egrum utilitatem, quam nec ipsi intendunt, nec facile eam observant aut sapiunt in institutis aliorum. Verum cum Ecclesiæ Christianæ Bonum publicum scribendi hunc Tractatum scopus mihi esset ac mensura, sufficit mihi proprium propo- situm fidelitèr prosequi, gratificationem nihil morans nitidiorum & elegantiorum in- geniorum, quæ profectò tam fastidiosa sunt ac delicata, ut ad ulcus accedere nollent, quamvis levi suo tactu ipsum possent sanare nec ad hominem egrotum appropinquare, quanquam vel umbræ suæ projectu morbum ejus possent depellere: Me vero minime pœnitet hanc operam insumpsisse, cum adeo fundamentalis detectio vesaniæ ac dementi- tiæ harum Sectarum non possit, uti spero, non esse admodum efficax ad prævertendum in posterum ipsarum propagationem, ut diutius penes dolosos ipsorum ductores non sit per fucata verba hominibus simplicibus probèq; animatis imponere, efficereq; ut talem factionem imprudentes foveant, cujus profundissimum arcanum est obstinata contra Personam Christi rebellio, Christianæq; religionis perfectæ abrogatio.

Atq; hæc quidem sufficere poterunt ad excusandum fusorem illam harum rerum tra- ctationem. Quam defensionem facile admissum iri confido, cum hæc methodus adeo naturalis sit ut alii qui eandem provinciam susceperunt eidem planè sibi insistentium judicaverint, ut Adamus Borelius in suo, Universi humani generis Legislatore. Quod profectò Institutum quod is ingenti, ut videtur & laudabili zelo vastoq; molimine aggreffus est, spero, me hoc Tractatu rationibus brevioribus nec minus firmis absol- visse. Id vero præcipuè discriminis est, quamvis scopus utriq; nostrum idem sit, inter illius rationes measq; in probando Christum esse totius humani generis Legislatorem sive Principem, quod is solâ vi miraculorum ac vaticiniorum quinque primis libris Novi Testamenti commemoratorum hanc fidem primò hominibus extorqueri velit, quippe qui parvi sive mediocris judicii ac ingenii homines nullo alio argumento move- ri posse existimat: quibus ille itaq; solis erudiendis Legislatorem suum videtur de- stinasse. Ego vero doctis pariter atq; indoctis meas Lucubrationes institui, ac pro- inde non tam ea quæ ad vulgi captum accommodatiora quam quæ omnino vera videri possint & cuiusvis homini excitatoris & exercitatoris ingenii firma atq; solida, in medium proferenda censui. Unde fit ut Religionis Christianæ per omnes suas partes Rationabilitatem quasi in Idea primùm explicuerim, cui Rationabilitati statim sub- jungo omnium Christianorum literatorum juxta atq; illiteratorum per tot secula con- stanter adhibitam fidem. Realem autem existentiam excellentiamq; personæ Jesu Nazarenæ ex prophætiis postea autoribus vaticiniisq; Veteris Testamenti Messia chara- cteres continentibus cum indubitatis eventibus comparatis ita demonstro, ut certissi- mum simul efficiam vitam Christi maturè scriptam fuisse, & eâ ipsâ ætate quâ testes oculati earum rerum quæ scriptæ sunt, vixerunt. Quod præcipuum & fere unicum fundamentum est, cui totum opus Borelianum innititur, cuiq; demonstrando maxi- me omnium insudat.

Quod quidem ego satis demonstraſſe mihi videor exoticis hisce argumentis & quæ ex ipsis quinque Novi Testamenti libris non petuntur. Neq; enim, ut ingenuè fatear quod res est, mihi in mentem tunc veniebat insitorum argumentorum ex eis ipsis li- bris accersendorum. Quæ tamen minime contemnenda sunt, quæq; ob eam causam, è Borelii Legislatore (cujus videndi vir illustrissimus præstantissimusq; Dominus Franciscus Mercurius Helmontius cum Ragleiæ essem, potestatem mihi fecerat) in li- brum septimum hujus Tractatûs transferenda inserendaq; curavi.

Ex instituto etiam Borelii erat de doctrina præceptisq; Christi quam copiosissimè agere, nos verò ea parcius tractamus nisi quatenus ad tres illos vitæ Divinæ ramulos referenda sunt, Humilitatem, Puritatem, & Charitatem, nec, tametsi in ratione reddenda actionum & miraculorum Christi satis copiosi sumus, illustranda tamen præceptorum Rationabilitati (quanquam id haud alienum futurum fuisse concedo) quicquam operæ impendimus. Neq; enim animam inducere potui, ut crederem præ- cepta Christi cuiquam visum iri rationi minus consona, si ipsorum sensum non perversat. Videri quidem possunt primo aspectu severa & difficilia, sed ea severitas non est major quam quæ requiritur in curatione morborum corporis. Ut

Ut valeant homines ferrum patiuntur & ignes.

Et teipsum abnegare & mortificare teipsum nullius rei in te est aut abnegatio aut mortificatio vel occisso præterquam vitiorum tuorum, ex quo tibi proveniet ineffabile gaudium & quies. Nec difficultates in hisce rebus subeundis, adeo grandes sunt quin subsidia multo sint majora, modo fides tua sit sincera. Cuinam enim libidini valedicere gravari poteris illius causâ qui & propriæ ipsius vitæ valedicere non gravatus est tuâ? Et quodnam præsens est gaudium quod non lubenter perdas si felicitatem illam futuram credas quæ te manet in altero mundo? Quomodo ve committere poteris ut fornicationem non vites dum consideras quod tam sædo indulgendovicio vilem meretricem facis Sancti Spiritus Rivalem. Cujus templum corpus tuum est si sis Christianus, cujusq; templum fieri non potest si tibi tam periculosam libertatem indulgeas; cum nihil sit quod operationes Spiritus æque extinguit ac frenorum relaxatio hujusmodi illicitis cupiditatibus. Verum rationes præceptorum Christi tam obviæ sunt quantum ad speculationem, quantumq; ad experientiam tam fideles, ut supervacaneum fore credam huic argumento diutius insistere, pro certo hoc cuiq; asserens veritatem eorum & soliditatem optimè ab eo intelligendam esse ex usu vitæ ad eam normam institutæ.

Atq; hæc fere sunt, quæ de Myſterio Pietatis Lectorem monere operæpretium putavi. Myſterium Iniquitatis in duas partes dividitur, Idæam Antichristianismi & Synopsin Propheticam. Quas utraq; ἡ δὲ πρὸς τὸν πληθύνοντα quàm plurimis fore prævideo, & ex ipsis titulis valde displicituras.

Idæa Antichristianismi: Equidem utraq; vocabula tam misere præconceptis offensionibus ac præjudiciis onusta sunt, ut ipse etiam liber facile præjudicari possit anteq; quam perlectus sit condemnari nisi debitis maturisq; præmonitionibus, quò benignius excipiat, viam præmuniam.

De Idæa Antichristianismi.

Sciat igitur Lector hanc Idæam quam ipsi præsentio, non vanum esse, Acreum ac Platonicum Chimericumve Figmentum, quemadmodum quidam omnem Idæam existimant, nec hunc meum de Antichristianismo Tractatum rudem esse, inurbanam, omnisq; charitatis expertem formam Phrasæologicam convitiandi ejusmodi rebus vel personis quæ non solum innocentes sunt, verum etiam sacre: sed è contra naturam Antichristianismi tam justè scitèq; hæc Idæa esse circumscriptam, eaq; tam aptè limitatam ut reverà frenum sit linguis labiisq; eorum qui nescientes quid verè Antichristianum sit quid non, in proterva qualibet animi intemperie omne id in Religione sic appellitant quod ad suos sensus ac imaginationes non quadrat. Præterea cum hic Tractatus scriptus sit per modum Idææ, hoc est, cum abstracta sit descriptio seu delineatio Naturæ Antichristianismi absq; omni applicatione ad ullam certam personam personæve cujusmodicunq;, quam obsecro Rusticitatem, Inurbanitatem charitati sue defectum præ se ferre potest hoc propositum, nisi agreste quid ac inurbanum existimandum sit vitia definire in abstracto, eaq; per partes & objecta sua describere, & per quasq; circumstantias quæ ad clariorem perfectioremq; eorum cognitionem faciant, modo cum fide id fiat & peritia. Atq; equidem an falsimonie quicquam ego in re quam per universam hanc meam Antichristianismi descriptionem adhibuerim, summâ ausim confidentiâ idonei cujusvis nullog; præjudicio laborantis lectoris iudicium ac conscientiam appellare. Verum cuicunq; rei Antichristianismi notam inussi ea ex suâ natura talis est, sive sic appelletur, sive non, Quam accuratam definiendi rationem si omnes imitari velint nihil profecto magis tenderet ad pacem orbis Christiani, stabilemq; ac firmam promotionem veræ Christianitatis in singulis Nationibus.

Ceterum, esto, inquit aliqui, quod nihil falsò vel fraudulenter administratum sit in provincia quam suscepimus, ipsa tamen susceptio quantumvis justa atq; utilis, an non aliquod in se habet ignobile, illiberale ac inglorium cum stylus toties tingendus sit calamusq; contaminandus Antichristi & Antichristianismi nominibus, quas voces rudis ac imperiti vulgi halitus æquè rancidè olet atq; suas cepas ac allia, quasq; illi adeo conspurcarunt immodestis suis ac hiulcis ebotibus citra omnem scopum ut indignas reddiderint quæ per labia nunc transeant viri cujusvis liberalis ac ingenui. Ad quod respondeo, ingenuè me fateri Titulum Dissertationis ob hanc ipsam causam merito minus plausibilem videri posse. Etenim, verum nihilominus est, propriumq; nomen illius Argumenti quod tracto, cui soli, si rudis hic populus edoctus fuisset vocem appropriare, nunquam profecto tantam nauseam movisset contraxissetve præjudicium, quantam nunc videtur movisse ac contraxisse. Speroq; veniam saltem si non gratiam mereri, quod tam sedulo navavi operam quo debitum eos propriumq; vocabulū usum edocerem.

C

Verum,

Verum, si quis ulterior subist sensus huic objectioni, quasi ignobile ac illiberale esset infraq; generosum animum detectioni oppugnationive ipsius etiam Antichristianismi se ingerere, equidem non possum quin profitear, cum bona objectoris venia, existimare me minime eum intelligere quid sit Antichristianismus aut saltem quid ego per ipsum intelligam, quibusve cum rebus in hac Idæa descripserim. Ille enim Antichristianismus quem ego oppugno mundi; conspectui expono nihil aliud est quam realis Impietas, crassa fraudulentia ac impostura & perquam truculenta ac nusquam equiparanda crudelitas adversus insontia Christi membra, atq; id omne (quod infinitis modis crimina aggravat) sub specie ac prætextu Pietatis ac Religionis, immo Religionum omnium sanctissima, ipsius utiq; Christianitatis. Hæc igitur si non solum inurbana sunt & illiberalia, sed & ferina, belluina vel potius diabolica, potestna illiberale esse aut inurbanum animitus & ex professo ea impugnare.

Vel ut distinctius agam magisq; particulatim pro duabus hominum conditionibus. Eos primum rogo qui conscientiam habent, fidemq; Christianæ Religionis adhibent, quatenus in sacris Scripturis est tradita, Eos, inquam, rogo quàm illi ignobilem ac ingloriosam rem reputent illud oppugnare quod aperte ac manifesto verbo Dei adversatur, præceptisq; Jesu Christi: omnive opere adniti illud demoliri quod ipsum finem illius Evangelii supplantat frustraturq;, adeoq; ex diametro felicitati illius Regni repugnat. Proculdubio quicumq; judicare potest hujusmodi institutum minus honorificum esse, ejusdem cum Spiritus esse oportet cum illa hominum Societate quos servator olim justissimè reprehendit hisce verbis. Quomodo vos potestis credere quum gloriam alii ab aliis captetis & gloriam quæ à solo Deo proficiscitur non quæ-

Johan. 5. 44.

Johan. 12. 43.

raris, quemadmodum & dictum est alio loco, Dilexerunt enim gloriam hominum potius quàm gloriam Dei. Jam verò quantum ad eos qui rem tam nobilem ac gloriosam esse existimant ad omnes religiones se indifferenter habere, vel potius fidem adhibere nulli, qui ne communis quidem Christianitatis sensu tanguntur, talis nimirum in qua omnes qui se Christianos appellant, consentiunt, etiam hos, nisi communis Humanitatis sensum porro exuerunt (quo nihil fingi potest magis barbarum ac inurbanum) hos, inquam, rogo, quid peccati esse possit contra leges vel summæ Generositatis si quis profiteatur displicentiam suam ac Inimicitiam contra ejusmodi rerum constitutionem quæ aperte ac manifesto non solum legi Christi perspicuisq; Scripturæ documentis adversatur sed & indispensabilibus & indelebilibus Naturæ regulis ac Rationis, & communibus adeo universisq; agnitis humani generis Privilegiis. Esto quod ipse vix credas Deum esse multoq; minus quicquam post hanc vitam fore, quodq; proinde conscientiam habeas ad quamlibet religionem liberam quantumvis impiam ac ineptam, & irridere possis imperiosas Sacerdotum Imposturas post tuâ ipsis præstita obsequia. Verum, certusne tamen esse potes liberos tuos tales fore, uxoremve ingremio tuo si forte talis in præsens sit, sic esse permansuram? Audesne præstare Intimum tuum sic mansurum qui tibi vitâ tuâ charior est? Immo verò teipsum semper talem fore, nec tam potenti icu Deum conscientiam tuam vulneraturum, ut convertendus sis ad veram Dei cognitionem filiiq; ejus Jesu Christi? Nunc igitur semel tibi dico & per compendium, contexturam hanc Antichristianismi quem ego oppugno, Meram esse Tendiculum Retève quod tibi ponitur tenditurve ad vitam adimendam tibi ipsi, Intimo tuo, Uxori, liberisq;. Nemo horum cum cognitione & judicio profiteri se potest fidelem Dei servum ejusq; Christi quin eo ipso obnoxius sit sanguinolenta sevitiæ hujus Monstri Antichristianismi.

Sed pone propriam tuam conscientiam nondum esse expergescitam, potesne adeo omni Charitate. expers esse, vel (dum Generositatem tam canorâ voce crepas) adeo infra bruta animalia degenerare, ut non affectus sis immò verò misere & intolerabiliter afflictus, dum uxorem tuam vides è gremio tuo per vim abreptam, Amicos tuos ac liberos è brachiorum tuorum amplexu avulsos, moxq; in squalidum carcerem conjectos, & post tristem ac fastidiosam moram in suis sordidis cellulis, in conspectum populi eductos ad maxime contumeliosam ac cruciabilem mortem, quæ in ullos unquam malefactores solet inferri. Nec intimos tuos amicos solum intelligo charosve parentes ac liberos, sed & ipsam uxorem tuam ad vivicomburium sic educendam (tanquam si Saga esset aut viri per venerum interemptrix) atq; etiam tunc cum gravis sit, sætu ex utero prorumpente per sevam torrentium flammarum obstetricationem, cum interim omnis hæc crudelitas in ipsos adhibeatur quia nolunt contra Deum peccare propriamq; conscientiam. Quæ Sancta Spiritus sensibilitas teneraq; divini Numinis Reverentia, quanquam tu pro crassa tua Philosophia Imbecillitatem in ipsis eam judicare possis (tamen cum talis nevus sit qui nullam vel tuo ipsius judicio dedecari

maculam

maculam præ se gerit, quinimo qui maxime decorus sit in eis qui fortunâ prosperâ utuntur, quiq; summam commiserationem moveat intimamq; condolentiam in rebus afflictis & adversis) ne minimo quidem momento minuire potest charitatem tuam atq; affectionem erga calamitosos tuos amicos in hac conditione, cum & personalis ipsorum pulchritudo & amabilitas, prudensq; ac scita demerentium morum obligatio constansq; fidelitas & utilitas in omnibus officiis ac negotiis tam profundum tibi amoris & existimationis characterem imprefferint ut oppidò quam difficulter sit unquam obliterandus.

Potestne igitur tam barbara rerum constitutionis oppugnatio, quam hæc est, tamq; ad tuum ipsius sensum & iudicium gravis & intolerabilis sub quoquam prætextu ignobilis haberi sive ingloriosa, & non potius summè Generosa & Heroica? Quinimò è contra tutò pronunciare possumus, qui non animitus execratur atq; abhorret istiusmodi deformem ac detestabilem rerum faciem qualem in hac Idea descripsi, non solum in Irregeneratorum statu esse, Divinaq; vitæ prorsus expertem & ex consequenti æternæ exortem salutis, sed & infra humanam naturam eum subsedisse, & non solum inurbanum, sed & stupidum ac vecordem aut ingenii deniq; prorsus ferini apertè evasisse.

Jam verò quantum ad Synopsin Prophetica, equidem minime me latet quam De Synopsi
multifariis hominum Præjudiciis hoc etiam scriptum sit obnoxium (ut qui Tractatus Prophetica.
est qui interpretandis vaticiniis Danielis præsertim atq; Apocalypseos totus impenditur) Inter cætero verò duo præsertim emicant, Unum est eorum qui omnia ejusmodi studia admodum vana ac frivola existimant, quippe qui apud seipsos jam statuerunt Vaticinia omnia gryphos esse ænigmataq; inextricabilia omnisq; certæ solutionis omnino incapacia. Alterum eorum est qui in ea sunt opinione quod vaticiniorum sensus pervestigatio, Apocalypseos præsertim ac Danielis, ad nihil aliud tendat nisi ad factiones ac confusionem ad turbas ciendas ac tumultus in orbe Christiano viamq; sternendam ad subversionem Regnorum Rerumq; publicarum & ad ruinam & exitium ipsius Ecclesiæ Christi. His duobus permagnis præjudiciis me oneratum censeo, verum nullus dubito quin ab utrisq; aspirante cæptis Deo, plenè me perfectèq; sim liberaturus.

Quod igitur ad primum attinet, neminem esse credo apud quem Dei timor quicquam valet, quem non pueret in tali sententia persistere, cum ad Prophanitatem Impietatemq; tam propè accedat, immo ad apertam adversum Divinum Spiritum Blasphemiam, quasi is istiusmodi res sanctis Prophetis dictasset quæ nullum sensum haberent, nec ab ullo unquam Lectore essent intelligendæ. Ecquid magis scoticum adversus Divinam inspirationem dici potest quam hoc? quodq; majori dolo atq; astu ipsa Christianæ Religionis fundamenta subruat? Verum non opus est ut nimis sollicitè confutando errori insudemus, qui ab omnibus hominibus cujuscunq; sectæ, qui serio Religionem colunt tam universim est condemnatus. Nam obscurissimos Vaticiniorum Libros (Apocalypicos intelligo & Danielis) commentariis suis illustrare conati sunt, Pontificii, Protestantes, & qui ex neutra se parte profitentur; unde universi sanè harum Visionum Intelligibilitatem communi quasi suffragio confirmarunt. Cæterum quæcunq; ipsis insit obscuritas præsentem hanc nostram operam eo acceptiorem esse debere ego quidem existimo, quod tantum ad claram certamq; eas interpretandi rationem contribuerim, tam firma ponendo fundamenta ac principia; ut si quis ea diligenter observet Historiamq; inveniat, intra harum legum limites applicabilem, fieri profecto non possit ut vero Vaticiniorum sensu excidat, non magis certè quam Græci Latine Autoris recta expositione, quandiu ad regulas Grammaticas notaq; Dictionariorum Interpretamenta recurrit.

Quas leges cum ipse tam stricte accuratèq; observaverim, totum equidem mundum appellare ausum an Ratione planè demonstrativa sensum earum visionum, quas suscepì explicandas, non explicaverim, liberèq; profiteor rem eam me invenisse haud ita arduam, certòq; persuasus sum nullam tam eximiam Ingenii præcellentiam doctrinæ copiam, quam integritatem cordis mentemq; præjudiciis liberam ad hujusmodi res intelligendas requiri. Nam si Spiritus ille Vitæ in homine semel resuscitatus sit, Regenerationis suæ virtute sive novæ Nativitatis non videbit modo oculis sed & manibus palpabit horum Mysteriorum veritatem. Non intelligent ulli impij, sapientes verò intelligent, ii scilicet qui animum suum ad hujusmodi res intelligendas appulerint; qui interim tam prudentes futuri sunt ut nihil præjudicare velint eis de rebus quarum accuratius examinandarum nondum eis data sit opportunitas.

Jam verò quantum ad alteram objectionem; quod sensus horum Danielis atq; Apocalypseos

Dan. 12. 10.

Apocalypseos Vaticiniorum investigatio ad tumultus tendat & seditiones in Orbe Christiano, equidem id temere admodum imperitèq; dictum est. Nolo sanè inficiari, quin quemadmodum dicitur de Philosophia, quod superficialia illius delibatio hominem fortean sibi minùs caventem, in Atheismum possit præcipitare, ita levior in hæc Vaticinia inspectio inclinare queat aliquos ad Fanaticam quandam Instabilitatem vanumq; de quinta Monarchia insomnium carnalibus temerariæ sue Imaginationis commentis maxime congruâ. Veruntamen, ut plenior disciplinæ Philosophicæ haustus impias istas animæ sordes iterum diluit, ita nullus dubito quin penitior sensûs harum Divinarum Prædictionum investigatio majorem animi sobrietatem homini sit conciliatura, radicitusq; evulsura omnes illos inanes prætextus ad Innovationes atq; Schismata. Ac proinde operam quam in pleniorē penitionemq; Inquisitionem in sensum harum Visionum Propheticarum impendi veniam saltem spero apud homines mereri posse, si non ipsorum approbationem tanquam debitum suum præmium vindicare; quandoquidem id quod tantopere ad pacem ac sobrietatem facit non potest quin optimo jure debitæ approbationis præmium apud homines vindicet.

Dico igitur, si negligentiori investigatu istiusmodi horum Vaticiniorum Interpretationes formatae sint quæ periculum incommodumve aliquod secum traherent, major emicuit necessitas ut unus aliquis pluresve accuratiori perscrutatione in verum ac genuinum ipsorum sensum penetrarent, ne Divina illa Veritas quæ in bonum Ecclesiæ revelata est per errorem in damnum ejus ac ruinam verteretur. Ut certè talis opinio de modo introducendi quintam Monarchiam, qualem quidam imaginati sunt & amplexi, multas turbas noxaq; in res orbis Christiani inferre possit. Fundamentum cujus erroris cum malis ipsius consequentiis septimum nostræ Co-expositionis Consecrarium penitus tollit, ut nihil de aliis locis dicam. Funestâ porro edocci sumus experientiâ quàm vesanas Applicationes Euthusiastæ faciunt Bestiæ decacornis & Meretricis Babylonica dum per cæcum suum falsumq; zelum Magistratum quemlibet legitimum Bestiam, & Ecclesiam quamlibet ritè ordinatam Meretricem illam imaginantur, ut celebratissimus ille eques Romanticus per inflammatam animi rabiem le famq; Imaginationem, proximam, quæ occurreret Molam alatum pro Gigante, innocuoq; ovium Greges pro tot Armatorum hominum exercitibus adoriebatur.

Is vero qui animum ad illud adverterit quod tam manifestè demonstravi, media scilicet Synchrona necessariò simul finiri, nostramq; Anglicanam Reformationem eminentem fuisse prædictionis Resurrectionis Testium completionem Speciminalem non potest in æternum ab ea dementia non liberari seq; sufficienter reperire munitum adversus omnes istas vesanas sectas qui his temporibus tam magnificè se efferunt, magisq; speciatim adversus altivola illa Trementium & Familistarum insomnia qui sub prætextu neminem cognoscendi secundum carnem tam facile omni nostræ Religionis valedicunt quæ ad Personalalia Christi Officia refertur. Nam si Protestantium Reformatio ut in aliis locis ita præsertim hic in Anglia Resurrectio erat Testium, prout certissimum est eam esse, æquè profectò certum est firmumq; Familismum & Quakerismum mera esse Enthusiastica deliria, ex eo quod rejiciunt despectuq; habent ea omnia quibus tam plenè tam expressim universimq; testimonium perhibetur, ab hac nube Testium vel potius ab his Testibus in cælum ascendentibus in nube. Cujus Vaticinii Impletionem præstantissimo maximèq; ordinato modo contigisse autumo in Anglicana nostra Reformatione ubi Testis Ecclesiasticus altissime omnium inter Reformatas Ecclesias in cælum hoc Propheticum ascendit. Quod justæ reprehensioni inservire potest Sectæ etiam Presbyterianæ, quotquot scilicet ex ipsis inviderunt ei hanc Residentiam aut etiamnum invident.

Et rursus, quantum ad Tremantes & Familistas, qui adeo Gigantei sunt sibiq; sufficientes, si ita fas sit loqui, Religionistæ, eamq; horum Testium Testimonii partem quæ remissionem peccatorum in sanguine Christi & Justificationem liberationemq; per merita illius Passionis completitur, aspernantur & contemnunt, quam insubiditèr superbi hæc in re sint palam est ex eo, quod liberatio Testium ex servitute Romani illius Pharaonis planè attribuitur transitioni ipsorum per Mare Rubrum, & notissimum est primos Protestantes Reformatores exordium sumpsisse ab articulo justificationis hoc ipso in sensu. In quo quidem Egyptii mystici subversi sunt Equi Equitesq; & submersi. Quo nullus dubito quin Epinixion illud, Apoc. 15. alludat quemadmodum magis particulatim suo loco probavi.

Quamobrem manifestum est quantam vim hoc habere debeat ad reconciliandos omnium Sectariorum animos cum Nationalibus suis Ecclesiis, quippe quarum fidei confessio Institutaq; eadem sunt quæ horum Testium qui per specialem providentiam in

Cælum

Lib. 2. cap. 3.
sect. 5.

Vide Lib. 1. c.
4. sect. 5 & lib.
2. c. 12. sect. 2.

Cælum sunt accersiti & per Divinæ illius prædictionis Impletionem Testes demonstrati Dei atq; Veritatis; Et similiter quam utile sit ad pacem & stabilitatem omnium Rerum publicarum Regnorumq; Protestantium, utpote qui inde tam certi esse possunt cui Religioni ipsis sit adhaerendum, periculumq; subesse ne perinde sit atq; contra flumen luctari (nisi Reformatarum Ecclesiarum peccata ad tempus castiganda tanto malo viam aperiant) immò adversus Deum ipsum belligerare, siquis superinducere conaretur istiusmodi opiniones Praxesve contra quas ab his declaratis Dei testibus Testimonium sit perhibitum. Neq; enim sapientia est, nec prudentia, Prov. 21.30. nec consilium contra Dominum.

Enimvero in huiusmodi rerum circumstantiis Deus, qui corda hominum occupare solet & ipsorum oculos pro suo libitu illustrare, ita populum illuminare potest ut plus videre valeant quam professi ipsorum Prophetæ, quorum visus occurrere potest quod Injustitiæ præmium in ipsorum manibus inveniatur, hoc est, quod Mundanarum Utilitatum aucupium conscientiam eorum iudiciumq; vastaverit. Tunc enim ipsorum conditio à Balaami conditione in asini equitantis non multum abluderet quam ille nunc ex hac parte nunc ex illa baculo contundeat, ut in ea semita eam contineret, quæ maximè directò ad privatam suam propositum, ad propriam scilicet cupiditatem explendam duceret. Asina verò cum plus sibi à stricto Angeli gladio quam à furiosis Prophetæ Verberibus metueret, brevi ex cursu ad murum se appropinquat pedemq; atterit sedentis. Nulla enim vis humana mortalem Animantem cogere potest adversus vim terroremq; Dei contraire.

Quamobrem magni profectionis momenti est ut ii qui in Imperio sunt significationis Vaticiniorum non sint ignari quo se certò à lapsu in hanc diaphaniam sustineant nec suas res ita unquam administrant ut quicquam adversus Divinæ providentiæ cursum moliri videantur, sed ad eam Cynosuram potius Gubernacula dirigant. Quam ignorantiam servator Judeis videtur exprobrare, Hypocritæ, cœli terræq; faciem Luc. 12. discernere scitis, hoc autem tempus quid sit ut non discernatis? Tantum abest ut veri Vaticiniorum sensus investigatio tumultuum causa sit in Rebus publicis Regni sue, cum è contra recta ipsorum intelligentia undequa; tantopere tendat ad firmam eorum stabilitionem atq; pacem. Quæ in istiusmodi Religione firmiter fundari nequit quæ veritati Divino etiam fato præmunitæ in rebus summi, quod fingi potest momenti, apertissimè repugnat.

Nec certe horum Vaticiniorum intelligendorum utilitas intra Reformatarum Ecclesiarum limites coercetur sed & in universum orbem Christianum redundat. Quemadmodum videre est in accuratiori meâ Explicatione perditionis Bestiæ & combustionis Meretricis. Nam secundum nostram Interpretationem prædictio Interitus huius quartæ Bestiæ benignum videri debet promissum potius quam comminatio. Quod utiq; ejusmodi est; Eam nempe, quemadmodum ad tempus desit, ita post certam temporis periodum in æternum esse desituram. Jam verò temporaria cessatio sive abolitio Bestiæ in eo tantum consistebat, quod Imperium puram & Apostolicam Christianitatem Idololatriis nondum coinquinatam amplexata erat & tuebatur. Quamobrem æterna ejus abolitio sive Interitus nihil aliud futurus est quam illius in æternum ab omni Idololatria & Antichristianismo firma stabilisq; purificatio. Quod nuncium sane neutiquam infestum esse potest ulli Imperatori ulliusve Secularibus Imperii Regibus ac Principibus, utpote qui ab Idololatria (quæ Imperium Bestiam constituit) & à dolosa Tyrannide & usurpationibus Pontificis Romani unà operà sint liberandi.

Quantum verò ad Hierarchicam Papæ ejusq; cleri potestatem (quod & talem Presbyteratum qui debite observantiæ erga secularem Principem in rebus indifferentibus doctrinam haud satis edidicerit per Analogiam perinde est perstricturum) quantum, inquam, ad Hierarchiam Popalem quæ (prout Rex semper beatæ Memoræ Jacobus aculeatè sanè sed admodum justè eam taxavit) sub larvata simulatione curæ spiritualis animarum, regna exhaurit Orbemq; Christianum cæde & sanguine miscet, huic potestati fateor, Visiones Apocalyptice aliquanto, sicut par est, sunt severiores. Hæc enim potestas, (exceptis eis rebus in quibus cum primæva Ecclesia conveniat) cum nihil in se contineat præter fraudum & imposturarum cumulum, præter Superstitiones & Idololatrias, præterq; sevas & Antichristianas Cruelitates, Visiones sanè Apocalyptice Visiones Dei non essent nisi tam impiæ & Satanicæ, (ut vocatur in Epistola ad Ecclesiam Thyatirensensem) Politicæ male ominarentur. Ut tamen si libere mihi liceat profiteri quod sentio, si improba illa rerum malarum moles ejecta esset & abolita, falsaq; illius mercimonia, ubiq; quemadmodum hic in Anglia erant, interdicta, huiusmodi sanè purificatio procul-

Præfat. Monitor ad Cæsar. &c.

dubio impletura esset prædictionem combustionis Meretricis Babylonicae per ignem secundum primarium illarum Visionum sensum scopumq; , Ecclesiæq; & quicquid in ipsa decorum sit aut utile servari possit ab omni ulteriori severiori; castigatione; modo ne in illis quæ reliqua sint novam quandam Antichristianitatem exercent totamq; Religionem in externa sola forma quantumvis irreprehensibili collocent, negligentes interim indispensabiles vitæ Divinæ leges, honestamq; ac laudabilem Moralitatem. Tam parum cuiquam rationis suppetit cur sibi male metuat à recto sensu Apocalypicos in hisce Visionibus, nisi rebus Regni peccati faveat Dominioq; Diaboli in Mundo.

Quod autem quidam me vehementius accusaturi sint, tanquam si libertatem mihi assumpsissem ab omni Charitate alienam, quod ea Vaticinia quæ ab antiquis Interpretibus intellecta sunt de Antichristo adeoq; ab ipsis Pontificiis de eodem etiamnum intelliguntur, tam amplè Orbis Christiani Portioni quam est Ecclesia Romana applicuerim; ad hoc libere & ingenuè respondeo, & tanquam in illius conspectu cui omnium mortalium corda nota sunt nudaq; patent, me nihilo majorem capere voluptatem in hos Antichristianos characteres deprehendendo in Ecclesia Romana quam si tot maculas pestilentiales in cognatorum meorum charissimorumve amicorum corporibus detexissem; adeo ut hac in re ne vel minimi quidem defectus charitatis ipse mihi sim conscius.

Sed enimvero si charitatis leges tam stricte observandæ sint (ut certè sunt) eam observandi rationem teneamus quæ ita communi omnium suffragio comprobata est ut in tritum abierit Proverbium; Charitatem scilicet à propriis Laribus incipere oportere, pari; curâ Protestantium Ecclesiis in eis rebus quas cum veritate tuentur prospiciamus atq; Pontificii etiam in falsitatibus Imposturisq; obtrudendis, suæ parti prospiciunt. Meliori igitur jure fidelitati meæ erga veram Christi Ecclesiam quam ulli Charitatis defectui erga Romanam imputari debet, quod communem illam Protestantium Assertionem de magno illo Antichristo optimis quibusq; rationibus munitam in medium denuò proferam. Quæ quidem cum mihi tam solida visa sit & irrefragabilis veritas, summi profecto charitatis defectus erga pretiosam primorum Reformationum memoriam, Testium illorum quos Divina Providentia è mortuis excitavit, mihi conscius essem, nisi, quam contentissime possum; eniterer ad suffulciendam eorum existimationem in re tanti momenti, ubi certè errasse videri non possunt sine extrema sui ipsorum ignominia damnoq; irreparabili causæ Protestantium.

Etenim ut nulla doctrina est, in qua nos & Pontificii dissentimus, quæ sit verior, ita sanè nulla omnino est quæ ullatenus tam potens sit ad omnes ipsorum adversus nos assulturas propulsandas quàm hæc est quæ Ecclesiam ipsorum Babylonii Civitatem esse statuit, ex qua expressim Dei populo præcipitur ut exeant, ne participes sint peccatorum ejus & ex plagis ejus accipiant. Quod sapiens ille Princeps Jacobus semper beatæ memoriæ Rex optimè novit, integrasq; proinde primitivas Reformationis sententias conservavit, vel potius Regali suo calamo exornavit expolivitq; quod etiam fecerunt duo illi egregiè religiosi ac eruditi Præsules Andreæ & Jewellus multiq; alii pii doctiq; nostræ Ecclesiæ Episcopi. Neq; hic præmittam quam explicite ipsa Ecclesia Anglicana hanc rem in Homilia de periculo Idololatriæ, alteraq; contra Rebellionem definiverit. Quos illustres Testes in tanti momenti veritate inurbanum esset & injustum insimulare defectus charitatis ejusdemve eos habere suspectos.

Et quod ad me attinet, equidem non possum quin porro addam (cum eà sim sententiâ, cumq; tantopere confirmatus sim ab illis Heroicis Exemplis, quorum quantum ad summam rei in hisce meis Prophetici Interpretationibus vestigia premo) quod utiq; me infidum existimaturus essem, non solum erga veram Christi Ecclesiam, illiusq; Regni incolumitatem quam charitas nunquam est proditura, sed etiam erga ipsam Ecclesiam Romanam charitate frigere, nisi hanc adversus eam prophetandi libertatem adhiberem vel potius prophetias interpretandi in justam illius reprehensionem & emendationem.

Stultorum incurata pudor malus ulcera celat.

Dictum illud de eo perinde verum est qui amici ulcus celat quando ad sanationem faceret ejus detectio, atq; de eo qui celat suum proprium.

Quod si Charitatis defectus sit, verba paucula duriora, quantum libet vera, adversus eam eloqui, quanta illa demum futura est Barbaritas eam maximis Fortune calamiti-

calamitatibus, quibus res humanae obnoxiae sunt, exponere? Ut si quis effreni furori rapinaeque inundantis Turcae eam proderet, Numquam hoc Benevolentiae charitatisque futurum esset adeo demeritorium specimen? Et tamen hoc ipsi proculdubio ii præstant qui cubito ejus pulvillos consunt blandique ei palpant, appellitando sororem meam & matrem meam nec adeo grandes in ea contendendo errores esse & peccata; cum interim aperte rea sit omnium illorum peccatorum quæ Apoc. (9. 20.) recensentur, Quæ sunt *περὸν τοῦ αἵματος τοῦ δαίμονος καὶ τοῦ θανάτου, οὐρανοῦ, φαρμακείας, πορνείας, καὶ μύατα*. Idololatriæ multifariæ, sevæ cruentæque persecutiones, Adjurationes Magicæ Incantationesve, impurus cœlibatus. Piæ fraudes impiæve Astutiæ cum impenitentia omnibus superaddita. Propter hæc peccata Locustæ Equitesque; Euphratæi, Saraceni utique atque Turcæ Ecclesiam Orientalem vastarunt; Et tamen à charitate alienum habendum est Latinam Ecclesiam, quæ majori horum Maleficiorum reatu tenetur, ea de re monere.

Non quod ego existimem in fatis esse ut Turcæ universam Ecclesiam Occidentalem unquam inundaturi sint armisve subacturi, sed quod nullus dubitem quin expurgatio Ecclesiæ à crassis suis Idololatriis sævisque hominum innocentum Persecutionibus, tanti periculi à cervicibus nostris amoliendi tutissima sit certissimaque Ratio. Quantum verò ad vaticinia Apocalyptica, ancipitem ea fiteor super hac re habere aspectum. Divino autem fato constitutum esse ut Roma Pontificia Idololatrica, Regina æternum non sedeat manifestissimum est. Ecclesiam vero universam fere Occidentalem ipsamque adeo Romam sine cæde sine flammis solâ Divini Spiritus ope Christiani Orbis Principes sincerisque Antistites ed impellentis tandem reformatum iri nequaquam abnuunt Oracula. Quod ut desperandum non est, ita ab omnibus bonis vehementer est exoptandum.

Quod si hoc adeo optabile sit an non perinde est optabile ut persuaderi possit Ecclesia Romana se tali Reformatione indigere? Ecquid vero est quod eam indigentia hujus magis convicturum sit quam quod immania illius flagitia tam conspicue depicta sint (ut sunt certe) in illis Visionibus quas in hoc Tractatu explicavimus; immo pungenter admodum & satyricè à Dei spiritu descripta, in eum finem ut Christianus Orbis ex profundo hoc sopore ac veterno excitetur. Hujusmodi enim aliquam oportet esse vehementem & aculeatam Increpationem quæ retrahere possit & revocare Ecclesiam à tam inveteratis erroribus, radicatis in consuetudine, & in dulci Lucri fascino & illecebra fundatis; quod nulla spes est ullis levibus conditionibus relictum iri. Quam quidem luminis vim è vero horum vaticiniorum sensu enitentem obnoxia hæc Ecclesia plane agnoscit se persentisfere, ex eo quod seipsam, quantum potest à redargutoriis eorum perfrictionibus abscondit, hominesque subornat qui arte quanta possunt maximâ deformitates ipsius pallient, defendantque ab ipsâ ardore urentes, ac penetrantes splendores harum veracium Visionum falsis suis & adulterinis glossæmatis. Quod tamen facinus à charitate est omnium alienissimum maximaque injuria quæ ei inferri potest, ut tam altum hoc pacto soporem illi concilient, quo irresistibili Dei irâ opprimatur, justoque ipsius zeli exponatur furori.

Quamobrem an non magis è re illius foret si desisteret in posterum in istiusmodi coactis & incredibilibus depravata scripturæ Interpretationibus perfugia quærere, malasque illas technas missas faceret ut reformet seipsam ad illud exemplum quod tam manifestè à Divinis Oraculis approbatum est in sensu non solum credibili sed aperte vero. Ratione enim plane demonstrativè verum esse constat è secundo Confectario nostræ Co-expositionis, Ecclesiam ante quadringentos circiter annos à nato Christo non factam fuisse Antichristianam; sicuti ex Ratione etiam Exterioris Atrii ad Interius eam Symmetram fuisse usque ad ea fere tempora. Quæ priora Ecclesiæ sæcula exemplare erant Anglicanæ nostræ Reformationis. Quibus addas, quod jam insinuavi, dictam Reformationem eminentem fuisse Vaticinii de Resurrectione Testium completionem Speciminalem, adeo ut Rectitudo illius confirmata sit ab illis perinde Visionibus quæ Restitutionem Ecclesiæ præfigurant atque ab eis quæ significant primævam illius puritatem.

Interea vero loci manifestum est tantum abesse ut recta Visionum Apocalypticarum Intelligentia rebus Christiani Orbis sive Reformati sive non Reformati quicquam obsit ut nihil excogitari possit quod ad communem omnium salutem magis tendat conducaturque.

Quod quidem futurum esset, tametsi illud esset Vaticiniorum Apocalypticorum ingenium ut funestas omnino & truculentas clades ac calamitates Christiano Orbi minitarentur; modo clarè constaret ob quæ præsertim peccata, tanta illi mala
intens-

intententur; ut certè æquè manifestò ex Visionibus Apocalypticis, si non manifestius de culpæ genere constat quam de pœna, nempe de Idololatriis sævisq; hominum innocentium Persecutionibus. Potestne igitur intempestivum esse aut inutile de præcipuo fonte ac origine tantorum malorum Christianum Orbem præmonere, ut per maturam rescipiscientiam præcaveri possint ac præverti. Comminationes enim Divinæ Hypotheticæ sunt sive stylo simplici ac vulgari sive Prophetico Symbolicove denuncientur. Sensus utiq; utrobique idem est.

Visionum Apocalypticarum Ratio Synchronistica.

Idololatrias autem innocentumq; hominum sævas injustasq; persecutiones duo illa gravissima esse crimina quæ in orbem Christianum Pontificium à Spiritu Sancto intenduntur, nemo, opinor, qui seposito omni præjudicio libellum nostrum de Visionum Apocalypticarum Ratione Synchronistica legerit Tabulasq; perlustraverit, unquam potest dubitare. Quem igitur Tractatum, reliquis nostris scriptis Theologicis hoc Volumine contentis præfixi. Ut pote qui persuasus sum, postquam quis prima hæc Vaticiniorum (eorum scilicet quæ ad Ecclesiam Christi pertinent) intelligendorum rudimenta imbibierit, quod non solum Synopsin nostram Propheticam (ad cujus promptiorem intelligentiam quodammodo sunt necessaria) sed quicquid uspiam rerum Apocalypticarum in Mysterio Pietatis, aliisve è sequentibus Tractatibus occurrat & fructu optimo, & summa quidem cum voluptate lecturus sit pariq; intellecturus facilitate, clareq; tandem percepturus magnam illam quam de felicissimo Ecclesiæ statu in terris olim futuro spem concepimus, non levibus quidem aut commentitiis sed veris solidisq; Fundamentis inniti.

Reliqua hujus voluminis opuscula.

Atq; hæc de Mysterio Pietatis & de Mysterio Iniquitatis dicta sunt. Quæ sequuntur Opuscula non est ut multum eis immoremur, præsertim cum quæ jam dicta sunt hæc etiam locum aliquem habere possint. Utilitatem Expositionis septem Epistolarum ad septem Ecclesias Epilogus illi additus satis explicat. Usus vero Tractatuli de veris Fidei fundamentis satis ex se manifestus est, occurritq; in proximè subsequenti Tractatu, Antidoto scilicet adversus Idololatriam. Cujus Tractatus soliditatem eo alacrius Lectori prædicare possum quippe quod tametsi nuper ab acerrimo Adversario docto sanè ac versuto impugnatus sit repertus est planè inexpugnabilis. Qui tamen adjuncta Appendice fortior adhuc factus est atq; munitior.

Solum jam superest Divinorum Hymnorum Heptachordon quod ut Devotionis potius quam Poeseos specimen edo. Rogatu amici cujusdam versus primum Anglice composui, eaq; quam ille à me vehementer efflagitavit styli sensusq; simplicitate; nec multum nitoris addidit Latinitas. Edendos tamen curavi, ut quæ conjungendi cum Historia sensum Religionis nostræ Mysticum haud incommoda Exempla fore sperabam. His autem Carmina paucula superaddidi quæ Anglice sparsim occurrunt in scriptis meis Philosophicis, hæc à me Latine reddita. Quod hoc consilio feci, ut, si quid humanitus acciderit illaq; Provincia ab alio aliquo suscipienda sit Versiones istas in parato habeat, nisi forte, quod facile fieri potest, ipse elaboraturus sit elegantiores.

Scripta Autoris inter se collata.

Atq; sic percurri dicam an pervolitavi per reliqua hæc scripta mea Theologica de quibus jam invicem comparandis Lectorem pauca, quæ ipse forsitan observaturus sit, monendum duxi. Primum est, mihi non unâ quasi vice clarissimam illam maximèq; distinctam Visionum Propheticarum Intelligentiam obtigisse, sed per occasionem me potius quam datâ operâ harum rerum Notitiam acquisivisse. Neq; enim mihi conscius sum me hoc genus Peritiæ affectasse sed fere nolenti volenti eam tantâ mihi cum claritate & facilitate se insinuasce ut non possim sanè quin ea certò plenèq; intelligerem quæ alii adeo obscura sibi videri volunt ac incerta. Atq; hic ausim profectò ejuslibet appellare conscientiam ac judicium, modo omni seposito præjudicio & cum Timore Dei perlegere vellet ac perpendere octo postrema Capita libri primi Synopses Propheticæ an non expositio nostra in cap. 13. & 17. Apocalypseos certitudinem habeat plane Mathematicam & de qua nemo qui mentis compos sit postquam intellexerit possit dubitare. Cui si addat Grotii, Riberæ, novæq; cujusdam Interpretationis Confutationes quæ libro secundo occurrunt quæq; primis quinque Capitibus continentur, clare quidem deprehendet Divina Oracula non adeo Nasum esse cereum ut quidam libenter sibi fingunt, sed ad unum certum sensum oppidò quam rigidè ac inflexibiliter determinari, huncq; sensum nos certò affectos esse in dictis illis duobus Capitibus Apocalypseos.

Quod in expugnabile est Propugnaculum contra omnes Præstigijs & Incurstationes Pontificiorum. Quippe postquam tam clare constiterit de sensu horum duorum Capitum, frustra litigabitur de cæteris. Quanquam non dissimulandum est Expositionem

sitionem septem Epistolarum ad septem Ecclesias pari fere certitudine niti, uti ex ultimo illius capite constat, perindeque esse si quis dubitaret de septem illarum Epistolarum scopo Prophetico, nempe an sit ejusmodi Prophetia, qualem esse contendimus (cum universa illic notanda, nominibus ipsis non exceptis, eò planè colliment) ac si hæstaret de structura Animalis Casu facta sit an Providentiâ cum omnes illius partes ad unum finem, quæ est perfectio vitalium functionum Animalis, tam manifestò destinentur. Reliquaq; profectò Vaticinia quæ interpretati sumus si non pari ex se certitudine, satis luculentâ tamen, si prædictorum Vaticiniorum certitudinem adjungamus, & concinnitate & firmitudine mihi exposita videntur, submissoq; hîc corde Patri Domini nostri Jesu Christi Cæli terræq; conditori gratias ago, quod hæc sui Regni Mysteria tam clare mihi patefecerit, nec cuiquam harum rerum invideo jactabundam suam ac securam Ignorantiam.

Quibus igitur de rebus cum tam firmiter persuasus essem, quamq; immensi momenti futurum esset ut tam clara Veritates in hominum venirent notitiam, equidem omnium Mortalium me nequissimum censuissem si Mysteria tanta ac tam utilia Orbi Christiano celassem. Quod etiam effecit, ut duram hanc Latine transferendi hæc mea scripta Theologica provinciam data occasione tam alacriter susciprem, Divinæ hac in re, uti sperabam, Providentiæ Nutui Obsecutus. Consultius enim judicavi si omnibus externæ vitæ periculis & incommodis caput offerrem; quam si domesticæ illius Furie, læsæ scilicet & inquieta Conscientiæ spiculis ac vulneribus animam exponerem.

Ceterum, tametsi, quod dicturus eram, summâ maximeq; distinctâ claritate hæc mihi Mysteria innotuerint, id tamen haud factum est semel, sed detinebar aliquandiu veteris Hypotheseos speciositate, nec Resurrectionem Testium adhuc contigisse putabam. Qua de re abunde jam certus sum, satisq; valida suo loco adhibui argumenta quibus alii itidem ea de re certi esse possunt. Hoc tamen præstare non aulm, quanquam quedam sat scio me expunxisse, nulla usquam in meis scriptis prioris Hypotheseos manere vestigia. Quin & satis ampla occurrere memini, Myster. Pietatis, lib. 5. cap. 7. quæ ex instituto integra reliqui, propter moralem suam utilitatem. Atq; hoc primum est quod Lectorem monere volui.

Alterum est ingens illud discrimen inter Apologias in Mysterio Pietatis pro Idololatria Paganica factas, & Pontificiæ Idololatriæ tum in Idea Antichristianismi, tum in ipsa adversus Idololatriam Antidoto, Exagitationes. Ubi opportunè Lector potest observare quàm libero cogitationum æstu ego semper Philosophatus sim, plenamq; Idololatriæ notitiam me uno similiter haustu non accepisse sed omnes hujusmodi res per datas occasiones paulatim in animum instillasse. In Mysterio Pietatis de nihilo sollicitus eram præterquam de Divina providentia & Christianæ Religionis veritate in genere defendenda. Atq; hoc opere abunde contentus nunquam, quod sciam, ulterius in Theologicis Speculationibus progressurus fuisset, (utpote quæ eas res in usum vitæ potius quam in inanem contemplationis oblectationem proseguendas semper censi) nisi miram Pontificiorum industriam ac diligentiam in corrumpeendis suâ superstitione hominibus observassem & singularem eorum de successu, ac si ipsorum Religio mox quasi post-liminio reversura esset, jactationem & confidentiam. Quæ res effecit ut fere coactus omnes cogitationes meas ad id unum intenderem, ut Pontificiæ Religionis naturam ac conditionem penitus intelligerem. Quod quidem studium Tractatum de Mysterio Iniquitatis peperit & Antidotum adversus Idololatriam. Et certè hic rursus opportune monendus est Lector, quàm dissimile veri sit hominem qui Idololatrias Paganicas Apologiis tam aptis scitisq; deauraverit, ex metu nullo plebeio ac superstitioso (sed puræ solius ac defecate Rationis vi convictum) Idololatrias Pontificias tantopere posse abhorrere. Fateor enim me stabilem & determinatam Idololatriæ naturam, postquam huic rei penitiùs rimandæ operam dedissem, multo accuratius quàm cum istas Apologias excuderem, tandem intellexisse, omninoq; jam censere res tanti momenti, ubi de Dei honore hominumq; salute agitur, non temulento ac lubrico Juvenitioris Ingenii dulcori ac eloquentiæ relinquendas esse, sed ad rigidissimam Rationis normam esse expendendas, ac nutu & autoritate Divinorum Oraculorum dirigendas definiendasq;. Quicquid verò incommodi ex blandiusculis istis ac leviculis Apologiis in Mysterio Pietatis profecturum sit, facile ei, ut spero, in sequentibus Tractatibus medebitur firmissimarum Rationum Scripturarumq; luculentè expositarum soliditas ac severitas.

Ceterum nec alienum forsitan erit aliorum etiam hujus generis scripta cum his nostris parumper comparare. Tertio igitur, observare poterit Lector quàm nullo partium studio, summâ verò fide & simplicitate in vaticiniis Interpretandis versatus

Aliorum scripta cum illis comparata.

sint; quippe qui nullo adverse partis odio amorisve defectu, nimiave erga nostros benevolentia inductus de via deslexi, sed utrisque perinde quæ grata ingratave esse possint ingenuè liberèq; declaravi. Etenim ut tandem abolitum iri Religionem Romanam ex Divinis Vaticiniis pronuncio, ita nullam esse necessitatem ut Urbs Romanæ ferro flammisq; vastetur, (sicut vulgò narrant de combustione Ateretrivis) Bestiave aliter peritura sit quam quoad Belluinam suam sævitiam fœdamq; Idololatriam ex eisdem Oraculis planè aperteq; definitio. Utq; haud ita pridem factam Reformationem Testium esse Resurrectionem vehementer contendo Intervallumq; Ecclesiæ Sardonum ejus durationem significare, ita cum minùs perfectum esse rerum statum ex Interpretatione Epistolæ ad Ecclesiam Sardonam rursum statuo, plusq; eos in nunc zeli carnalis quam vitæ verè Christianæ habere, gravemq; aliquam calamitatem ista Epistola prædictam nisi respuerint, ipsis imminere nentiquam eos celo. Quinimo & in ipsa Expositione illius Epistolæ & in libri Epilogo eos hisce de rebus clare libereq; moneo. Eosq; etiam atq; etiam denuo hic rogo ut dicta mea serio & cum timore Dei apud seipsos perpendant & considerent.

Quartò deniq;, cum adeo effrenis futura prædicendi pruritus plurimos eo confidentiæ impulerit ut eventus Visionibus Propheticiis præfiguratos ad certum annum determinarent tanquam ad eam ælænam in Vaticiniis prænotatos, turpiterq; frustrati fidem sic & sibi ipsis & ipsi vaticiniorum interpretandorum studio apud multos abrogaverint; Ego sanè non solùm nihil ipse ad certum annum præfinio, sed apertè etiam definitio nihil jam superesse in Visionibus Apocalypticiis nondum impletis; nec unquam profectò fuisse, quod ad tam præcisum tempus ab aliis possit definiri, ita ut nullus locus jam reliquus sit turbulentis hominibus & temerariis ad res novas, quasi dato divinitus signo, moliendas, Visionem enim de Testium Resurrectione impletam jam esse affirmo diesq; 1260 quantum ad omnem usum Propheticum, omnino exiisse. Quæ de re ex quo primùm ei acquisitus pressusq; contemplandæ animùm adjeceram plusplusq; indies factus sum confirmator. Adeo ut Ruinæ Antichristi quam vocant, taliumq; Eventuum qui eam maturaturi sint, appropinquo à nullis aliis Indiciis conjectari possit quam ex profectu veræ sinceræq; Pietatis illibatæq; morum integritatis in Ecclesiis Reformatis, quemadmodum fusiùs edocui in Epilogo Expositionis Epistolarum ad septem Ecclesias.

Verùm enimvero, quanquam nihil de Die Annove gloriosi adventus Domini nostri Jesu Christi ejusq; claritate, quæ iste Homo peccati delendus sit definitio, facere tamen non possum quin audacter constanterq; affirmem eum suo tempore deletum iri, felicissimamq; rerum scenam statim successuram.

Erit erit proculdubio tempus & elucescet tandem ille dies ubi Justitiæ sole exorto Egyptiacæ tenebræ ac Caligines penitus dissipabuntur. Ubi omnes Ecclesiæ sordes atq; fœdiæ Divini amoris ardore absumentur & expurgabuntur. Ubi omnis morum immanitas fœdeq; Superstitiones & Idololatriæ in stagnum amandabuntur Ignis atq; Sulphuris. Ubi deniq; Calvinismus, Lutheranismus, Papismus & quicquid uspiam fœdus sapit & opinionum animorumq; dissidia in unum (qui instar omnium est) verè Catholicum & Apostolicum quoad vitam pariter ac doctrinam colliquefcent Philadelphianum. Quæ tempora ut Deus acceleret cordaq; Principum ac Populorum Christiani Orbis ed inclinet bonorum omnium Votum esse debet & expectatio.

VISIONUM
APOCALYPTICARUM
RATIO
SYNCHRONISTICA
TABULIS
SYNCHRONISTICIS

Universas Apocalypſeos Viſiones Propheticas continentibus
eximiè illustrata ;

CUM

Luculenta Demonſtratione neceſſariæ & inevitabilis

INTELLIGIBILITATIS

Viſionum Apocalypſicarum Diſſertationis calci adjecta.

Per HEN. MORUM, Cantabrigienſem.

Jul. Scal.

*Nullam majorem afferre ſolet ignaris inſcitia voluptatem quàm expeditum
faſtidioſumq; contemptum.*

LONDINI,

Typis J. Macock, Impenſis Joh. Martyn ſub Signo Campanæ, & Gualteri
Kettilby ſub Signo Capitis Episcopii in Divi Pauli Cœmeterio.

MDC LXXIV.

VISIONUM
APOCALYPTICARUM
R. A. T. I. O
SYNCHRONISTICA
TAB. I. I. I.
SYNCHRONISTIS

Universitäts-Bibliothek
der Universität Bonn

1578. 1579. 1580. 1581. 1582.

1578. 1579. 1580. 1581. 1582.

1578. 1579. 1580. 1581. 1582.

1578. 1579. 1580. 1581. 1582.


1578. 1579. 1580. 1581. 1582.

1578. 1579. 1580. 1581. 1582.

1578. 1579. 1580. 1581. 1582.

VISIONUM APOCALYPTICARUM RATIO SYNCHRONISTICA.

CAP. I.

Axiomata Synchronistica & de Latitudine Epocharum.

I. Incipiemus ab Axiomatibus *Synchronisticis* quæ tantæ claritatis sunt, ut instar communium sint sententiarum in rebus Mathematicis.

Axioma. 1.

Synchrona sunt quæ ab eodem tempore incipientia indeque perpetuò continuata in idem tempus desinunt.

Axioma. 2.

Quotcūq; Synchrona inter se fuerint idem eorundem omnium Principiorum tempus, idemq; finium esse intelligitur.

Axioma. 3.

Isochrona sunt quæ tempore sunt æqualia.

Axioma. 4.

Omnia Synchrona Isochrona sunt sed non vice versâ, omnia Isochrona Synchrona.

Axioma. 5.

Isochrona tamen quorum aut Principia aut Fines coincidunt Synchrona omninò sunt.

Axioma. 6.

Quæ uni alicui tertio Synchrona sunt inter se sunt Synchrona, omnibusq; quotquot fuerint, quibus illud tertium sit Synchronum.

Axioma. 7.

Quod in Principii unius alicujus Synchroni tempus definit, à Finisve tempore incipit, idem in omnium suorum Synchronorum Principiorum tempus commune desinere vel à Finium communi tempore incipere necesse est.

Hæc sanè tam manifesta sunt abstractè Mathematicèq; sumpta ut ne explicatione quidem ullâ, nedum demonstratione indigeant.

2. Quantum verò ad tempus Initiorum Finiumq; Visionum Synchronarum summo-
perè notandum est id nequaquam tam præcisè ac Mathematicè intelligi oportere;
Non ita certè ut momento punctove temporis circumscribatur, non horâ, non die,
non Anno; sed modo longè laxiori intelligendum est, & pro naturâ Visionis ex Hi-
storiarum circumstantiis definiendum. Ut vel ex uno illo exemplo (*Apoc. 17. v. 12.*)
cuilibet constare potest. *ἡ ὥρα ἡ ἡμέρα ἡ βασιλεία τῶν ἡμερῶν ἡ πόλις ἡ πόλις ἡ πόλις*. Hoc
enim est Initium sive Epochâ Bestiæ *quæ erat & non est & tamen est*, quod cum ea
hora vel tempore coincidit, quo decem Reges (quod paulatim fiebat) regna sua ac-
cipiunt. Hoc verò nec diei nec anni spatio coercetur, sed in aliquot annorum feri-
em excurrit.

CAP.

CAP. II.

Synchronorum Apocalypticorum plena ordinataq; Propositio.

1. **A**tq; hæc pauca quidem Axiomata sufficiant, ad quæ in particularibus Visionum Synchronismis demonstrandis, quoties opus fuerit, possit recurri. Priusquam verò ad illas demonstrationes descendamus primò operæ pretium fore judico de *principali filo* Ordinis Visionum Apocalypticarum pauca prælibare & deinde *Universalem Synchronismorum Tabulam* non demonstrare quidem (id enim postea faciam per partes) sed ordinatim duntaxat describere ac proponere, ut Mathematici Propositiones vel Problemata suis Demonstrationibus solent præfigere.

2. *Principale* autem *filum* Seriei Ordinisve Visionum Apocalypticarum citra controversiam statuenda est *Visio septem Sigillorum* quæ directè apertèq; ab initio ad finem totius stadii Apocalyptici procurrit, totumq; tempus quo res transigendæ hoc vaticiniorum libro præfiguratae sunt, à carceribus ad metam comprehendit. Quod facile intelligetur prompteq; agnosceretur, si quis ipsum Textum Apocalypticum consuluerit. Manifestum enim est Cap. 6. v. 1. Visionem primi Sigilli, *Sessorem* utiq; *Equi albi* ipsum esse Initium rerum prædicendarum & *quinq; proxima Sigilla continuato ordine subsequi, Visumq; uniuscujusq; Sigilli illud esse quod immediate post ejus apertionem commemoratur vel representatur.* Ac proinde cum statim post apertionem Sigilli septimi Cap. 8. v. 1. *Angelorum septem tubicinum Visio exhibeatur* palam est eam ipsam septimi esse Sigilli Visionem, *spatiumq; Sigilli septimi* hoc pacto in *septem partes disparti*, quæ *septem Tubarum tempora* dici possunt.

3. Septimæ verò sive ultimæ Tubæ tempus ad finem usq; Mundi pertingere nemo, opinor, potest dubitare. Præsertim si magnificum illud Angeli juramentum rectè intellexerit. Cap. 10. v. 5. Ubi sublatâ ad Cælum suâ manu jurat per viventem in perpetua secula, *Ὅτι ὅταν ἔτι ᾤσῃ, ἀλλ' ἢ ἐν ταῖς ἡμέραις τῆς φωνῆς τοῦ ἰσθμοῦ ἐγγίλῃ, ὅταν μέλλῃ ἐκτελέσῃ τὸ τέλος τοῦ Μωσέως τὸ διὰ αὐτοῦ ἐρημίσει τοῖς ἰαυτοῖς δόλοις τοῖς περὶ ταῦτα, hoc est, Quod tempus non erit deinceps nisi in diebus vocis septimi Angeli quando futurum est ut clangat peractumq; fuerit *Mysterium Dei* ut suis servis Prophetis nuntiavit. Nam quod ἀλλ' ἢ non ἀλλὰ legendum sit sensus imperfectus & vacillans, lecto ἀλλὰ, planè innuit. Ab ἀλλ' ἢ verò in ἀλλὰ, lapsus erit facillimus. Quod si ἀλλὰ legendum esset, & particulam & exterere ut redundantem & τελευτῶσται non τελευτῶσται simul legere oporteret, legendo verò ἀλλ' ἢ, quod idem est atq; εἰ μὴ, naturalis sensus in solidum restituitur.*

4. Jam verò ut *Sigillum septimum* in *septem Tubarum* Intervalla dividitur, ita porro hæud obscurum est, *Tubam* etiam *septimam* in *septem Tonitruorum* intervalla dividi. Quod sane mihi satis constare videtur ex eo quod v. 3. occurrit. Nempe quod commemorantur septem Tonitrua tanquam Tubam sextam immediate subsequētia quemadmodum planè ex rerum ordine apparet.

Hæc enim Visio statim annectitur Tubæ sextæ Cap. 9. commemoratæ. Et verò, cum hoc decimo capite Visiones *Libri Sigillati* claudantur, Novaq; atq; ea alterius generis Visionum series subindicetur. *Libri* scilicet *aperti*, Visiones *Sigillati* septem hisce *Tonitruis* claudi consentaneum est, eaq; non solum esse in *Tuba septima*, sed eam *totam* occupare, nequid extremæ scenæ defiat. Ut omittam quam congruenter ultimum Tonitruum cum Terræ conflagratione coincadat.

5. Non est igitur quod dubitemus, quin *Tuba ultima* in *septem Tonitrua* divisa sit, similiter atq; *Sigillum ultimum* in *septem Tubas*. Unde insignis hæc oritur totius hujus Principalis Visionum Apocalypticarum fili Tripartitio, nimirum in *sex prima Sigilla*, in *sex primas Tubas*, & in *septem Tonitrua*.


Quæ Visiones unæ post alteras eo ordine quo recensui collocatæ *totam temporis Apocalyptici lineam* occupant ab initio ad finem pertingentes. Atq; hic opportunum erit multumq; ex usu nostro, monere, Visâ omnia Apocalyptica, quæ ad primam partem hujus lineæ pertinent, appellanda esse *prejuxta*, *Antemedialia*, quæ verò ad alteram, *mixta*, sive *Medialia*, quæ ad tertiam vel ultimam, *postjuxta*, seu *Postmedialia*, quæ verò & ad primam & secundam aut ad secundam tertiamq; sive ultimam quoquo modo spectant *Mixta* esse vocanda.

6. Atq; hæc de generali ordine Visorum Apocalypticorum. Universalem jam Synchronismorum Tabulam Lectori ante oculos quantâ possumus perspicuitate, proponemus,

nemus, tam plenam certè & accuratam ut nullam Visionem propriè Propheticam à me sperem prætermisum iri.

Est igitur Filum illud principale totius Schematis Apocalyptici AD. in tres partes divisum. AB. BC. CD. totusque Semicirculus AZD. Prophetiam *Libri Sigillati*, Semicirculus verò AND. Prophetiam *Libri Aperti* contineat. Particularium verò Semicirculorum ALB & BRD prior sex prima Sigilla, posterior septimum complectitur, quod & septem Tubas continet. Quarum sex primas Semicirculus BMC, septimam Semicirculus CND includit distributam demum in septem Tonitrua ordinatim numeris, I. II. III. IV. &c. distincta, sicut factum etiam est in Sigillis Tubisq;.

VISIONVM APOCALYPTICARVM TABVLA GENERALIS.



Atq; adhuc *Sigillorum, Tubarum, Tonitruorumq;* filum sive seriem omnes reliquæ Visiones non tantum *Libri Aperti* sed & *septem Ecclesiarum* aliquo modo annexi applicari possunt per Synchronismos aut *perfectos* proprièq; *dictos*, aut per *imperfectos & parciales*; quemadmodum monebimus percurrendo singulos.

7. Incipiemus autem à *Visionibus Antemedialibus*, ubi AEB est mulier parturiens sole amicta stellisq; duodecim coronata. Apoc. cap. 12. v. 1. AFB. Atrium Templi & Altaris symmetrum. Cap. 11. v. 1. AGB. Prælium Michaelis cum Dracone de Puerperio Mulieris. Cap. 12. v. 4, 7, 8. AJR Ecclesia *Ephesina* sive Intervallum *Ephesinum* cum primo Sigillo ex parte contemporans. Cap. 2. v. 1. RHK. Intervallum *Smyrænum* quod cum parte posteriori primi Sigilli; & cum secundo, tertio, quarto & quinto prioriq; parte sexti contemporat. Cap. 2. v. 8.

8. Se-

8. Sequuntur Visiones Mediales, ubi BC est cœtus 144000. Servorum Dei Signaculo Dei vivi munitorum. Cap. 7. v. 3. LNC. Intervallum quo ponuntur tres illi Angeli Apoc. 14. v. 6. usq; ad versum 13. cum posteriori parte Tubæ quartæ & cum quinta sextaq; contemporans. MC. Intervallum Angeli cum Threnodia Cap. 18. BDC. Atrium exterius asymmetrum, à gentibus 42. menses calcatum. Cap. 11. BEC. Duo testes amicti saccis & prophetantes lugubriter dies 1260. ibid. BeC. Iidem Testes occisi & jacentes in platea Urbis magnæ per tres dies & dimidium. BFC. Mulier in Deserto ibi alenda dies 1260, seu per tempus tempora & dimidium temporis. Cap. 12. v. 6. & 14. BGC. Bestia septiceps cum decem cornibus cujus plaga lethalis est sanata, Cap. 13. v. 3. BHC. Bestia bicornis sive Pseudopropheta Bestiæ decacornis Instaurator. ibid. v. 11. BJC. Cœtus Virgineus 144000. Signatorum Agni, Cap. 14. v. 1. BKC. Urbs illa magna Meretrix Babylon bestiæ septicipiti decacorni (*quæ erat non est & tamen est*) infidens. Cap. 17. v. 3; 8. KPR. Intervallum Pergamenum cum posteriori parte sigilli sexti & cum quinq; prioribus fere Tubis contemporans. RQC. Intervallum *Thyatirense* cum aliqua particula quintæ totaq; Tuba sexta contemporans.

9. Reliquæ sunt Visiones Postmediales. Ubi CAH. HYP. PzQ. QqR. RrS. SpT. & ToD. sunt septem Tonitruorum *Antisynchrona* septem, CAH verò septem Phialarum Intervallum est cum præfixo Cantico Moïsis sive Psalmodia Citharistarum. Apoc. Cap. 15. & 16. Cui plenè contemporat CFH. Doxologia scilicet Seniorum & Phialarum compendium. Cap. 11. v. 16. ad finem Capitis. CEH est *δουλοπλῆρωσις* præconiorum trium Angelorum. Cap. 14. à v. 6. ad v. 13. commemoratorum. CBO, est Intervallum Ecclesiæ *Sardianæ* Cap. 3. v. 1. cum sex primarum Phialarum intervallo contemporans. gH. est Angelus Apoc. 18. cum sua Threnodia in Babylonem, contemporans cum secundo tertioq; trium Angelorum. Cap. 14. commemoratorum. GH tres Synchronas Visionum combinationes complectitur, Visionem *Messis & Torcularis*. Cap. 14. v. 15. & 18. Visionem *sextæ & septimæ Phialæ*, Cap. 16. v. 12. & Visionem *Preparationis sponse*, & *Prælii Sessoris Equi albi*, Cap. 19. v. 7. & 11.

HYP. est nova Hierosolyma descendens de Cœlo HiP. Apprehensio Satanæ. PzQ. Millenne Christi Imperium in terris. PLQ. Incarceratio Satanæ in Abyssum ejusq; in eandem obsératio obsignatiove cum Christi Imperio contemporans. Apoc. 20. HMQ. est Turba Palmifera. Cap. 7. 9. OWQ. est Intervallum Ecclesiæ *Philadelphianæ*. Cap. 3. v. 7. cum Phiala septima incipiens & in Principium quarti Antisynchroni definens. QqR. est illud Antisynchronon quartum Solutio scilicet Satanæ Cap. 20. v. 3. RrS Obsidium Sanctæ Civitatis per Gogum & Magogum ibid. v. 7. SpT. Christi adventus ad Judicium ibid v. 11. PUT. Novæ constitutæ Hierosolymæ sive Sanctæ Civitatis cum tertio quarto quinto sextoque Antisynchrono contemporantis duratio. PNT. Turba improba (cum eisdem Antisynchronis contemporans) è Sanctâ Civitate exclusa. Cap. 22. v. 15. QXT. Intervallum Ecclesiæ Laodicensis Cap. 3. v. 14. ToD. Telluris conflagratio. Cap. 20. v. 14. TeD. Consummata Sanctorum Salus.


Universalis Synchronismorum Visionum Apocalypticarum Comprehensionis Propositio sic est. Ad singulorum demonstrationes aut qualescunq; demùm Probationes (neq; enim omnes quanquam satis certæ sunt, æquæ sunt certæ) jam pergitur.

CAP. III.

Synchronismorum Medialium Demonstrationes.

1. Incipiemus à Visionibus *Medialibus*, quippe quorum Synchronismi maxime omnium illustres sunt, maximeq; perspicui. Inter reliquos verò præcellunt *Atrii exterioris*, *Duorum Testium* sive *Prophetantium* sive *Occisorum*. *Mulieris Eremicæ* & *Bestiæ septicipitis instauratæ* Synchronismi, propterea quod illæ Visiones ex ipso Textu planè deprehenduntur *Isochrone*. Quæ certè & non contemnenda Probabilitas est eas esse etiam *synchronas*, & ad Synchronismos earum investigandos satis opportuna Invitatio.

Visionum

VISORVM MEDIALIVM
TABVLA.

Visionum Atrii exterioris, Duorum Testium, Mulieris Eremicola
& Bestie septicipitis instauratæ ex ipso Textu detectus
Isochronismus.

2. Isochronas verò esse clarè constat ex eo quod *Atrium exterius* calcandum dicitur à Gentibus per menses 42. Cap. 11. v. 2. *Duo Testes* prophetant amici faccis dies 1260. ibid. v. 3. *Mulier Eremicola* alitur in deserto dies 1260. Cap. 12. v. 6. vel per tempus tempora & dimidium temporis, v. 14. *Bestia* post plagam lethalem curata bellum gerit, blasphematur & dominatur in omnem tribum linguam & gentem per menses quadraginta duos Cap. 13. v. 5. Tempus autem tempora & dimidium temporis omnes exponunt de tribus annis & dimidio. Quin & ex ipso Textu facilè demonstratur, siquidem mora mulieris in deserto & per tempus tempora & dimidium temporis & per 1260 dies numeratur. Tres verò Anni & dimidium æquantur quadraginta duobus mensibus sicut utriq; diebus mille ducentis sexaginta. Palam est igitur Tempus tempora & dimidium temporis, Menses 42, & dies 1260. idem tempus denotare, & proinde has quatuor Visiones esse *Isochronas*. Quidni dicam has quinq; Testium dividendo in *lugubriter prophetantium* & *Occisorum*; cum tres dies & dimidium idem esse quod tria tempora & dimidium, fusè alibi proba-

probaverimus. Vide Myster. Piet. lib. 5. cap. 15. Synops. Prophet. lib. 1. cap. 4. Sect. 11, 12. & lib. 2. cap. 12. in ver. IX.

Supra dictarum Visionum Synchronismus demonstratus.

3. Dictas Visiones *Isochronas* esse manifestum est. Quin & *Synchronas* esse sic facile patebit. *Bestia* enim *instaurata* & *Mulieris* in *Eremum* ingredientis idem est initium, nempe statim à Victoria Michaëlis adversus Draconem qui dejectus in terram, cum fugam mulieris in desertum effuso flumine antevertere non posset stans super arenam Maris huic ipsi *Bestiæ* inde ascendenti suam virtutem thronum ac potestatem tradit ut reliquos ex semine *Mulieris* bello lacefferet. Apoc. cap. 12. v. 13. Cum verò *Mora* *Mulieris* in deserto, & *Integrum* adhuc *infractum*q; à decem Regibus *Bestiæ* *Regnum* *Isochrona* sint, necesse est, ut sint *Synchrona* per Axioma *Synchronisticum* quintum.

Et per idem Axioma, *Regnum* dictæ *Bestiæ* & *Luſus* *Testium* prophetantium ut & *Eorum* *Mors* *Synchrona* sunt; simul enim finiuntur, ad exitum *Tubæ* sextæ; quemadmodum ex versu 14. Cap. 11. planè constat. Nam immediatè antecedit & *Resurrectio* & *ascensio* *Testium* & decimæ partis *Civitatis* casus, unde & *Luſus* & *Mors* *Testium* & *integrum* sive *infractum* *Bestiæ* *Regnum* quatenus *infractum* & *integrum* simul finiuntur, ac proinde *Synchrona* omnino sunt per Axioma quintum.

Testes verò & *Atrium* à *gentibus* occupatum *Synchrona* sunt ex 1. & 2. versibus cap. 11. Ubi planè innuitur idem tempus & *gentibus* *Atrium* *conculcantibus* & *duobus* *Testibus* miserum illum statum *lagentibus* dari, porroq; ad *Resurrectionem* & *Ascensionem* *Testium* gentes dicuntur irâ inflammari. v. 18. Res apud omnes Interpretes in confesso est.

Quamobrem cum *Atrii* *conculcatio* *Luſui* *Testium* eorumq; *morti* nempe *Politice* contemporet, *Luſus* *Testium* *infractio* *integrove* *Bestiæ* *Regno* vel *Dominio*, *Bestia* *Regnum* *Mora* *Mulieris* in *Deserto*, manifestum est per Axioma sextum singula singulis contemporare.

Bestia bicornis & Meretricis Babylonice cum Bestia instaurata contemporantium Synchronismus.

4. Superfunt *Bestia bicornis* & *Bestia instaurata* item *Meretricis Babylonice* & ejusdem *Bestiæ* contemporaciones, *Bestiam* verò *instauratam* & *Bicornem* *Bestiam* contemporare inde liquet, quod *Bestia Instaurata* sit *Imago Bestiæ*, cap. 13. per *Bestiam Bicornem* facta, hoc est, per *Pseudopropheta* formata & constructa, quam & animat & regit *Bestia bicornis* sive *Pseudopropheta* omnemq; ejus potestatem exercet in conspectu ejus adeo ut necesse sit ut unusq; potestates & *Dominia*, quatenus *Bestialia*, id est, *Idololatrica* & *Tyrannica* simul oriantur, simul vigeant, & simul moriantur sive ex parte sive in solidum. *Bestiam* verò *Bicornem* & *Pseudopropheta* eundem esse plane constat ex cap. 13. v. 14. & cap. 19. v. 20. Ubi ultimus Exitus, consummatumve exitium *Bestiæ instauratæ* & *Pseudoprophetæ* describitur. *Integrum* verò nec dum à decem Regibus imminutum *Bestiæ instauratæ* Imperium ac *Pseudoprophetæ* *Dominium* ad Visiones has *Mediales* duntaxat pertinent, ultimus exitus in *Postmediales* Visiones excurrit, ut suo loco videbimus.

5. *Bestiæ instauratæ* & *Meretricis Babylonice* contemporatio sic patet, *Bestia* scilicet *instaurata* quatenus *instaurata*, i. e. *Idololatricæ* factæ *Meretrix* insidet, idq; simul atq; *instauratur*; sed & decem cornua, i. e. decem Reges regna sua accipiunt dum *Bestia instauratur* & potestatem suam *Bestiæ* tradunt usq; ad præstitutum tempus quo tandem osuri sunt *Meretricem* & retracturi suam potestatem (quo compages *Bestiana* dissolvitur) & corpus *Meretricis* usturi Cap. 17. sive id speciminatim fiat sive totaliter. Prius ad has *Mediales* Visiones attinet, ad *Postmediales* posterius. Præterea cum *Meretrix* idem sit quod *Bestia bicornis*, & *Bestia quæ erat & non est & tamen est*, idem quod *Imago Bestiæ*, quemadmodum in Co-expositione nostra abunde demonstravimus, inde etiam liquidò patet *Meretricis* & *instauratæ Bestiæ* contemporatio.


Cætus Virginei cum Meretrice adeoq; omnium Medialium Visionum libri aperti inter se contemporantium Synchronismus.

6. Cætus verò *Virginei Signatorum*, cap. 14. & *Meretricis Babylonice* contemporatio

ratio ex ratione *analogias* maximè omnium est obvia. Nam *Bestia bicornis*, quod dixi, & *Meretrix* idem sunt, & è regione hi *Virgines* opponuntur *Signatis Bestie* cap. 13. i.e. *Characterem Bestie* manu vel fronte accipientibus, ut si *Patris nomen* frontibus inscriptum habere dicuntur. Quemadmodum igitur *Bestia* suos habet servos per totum suum regnum ita & *Agnus* intelligitur habere per idem Intervallum suos eisdem oppositos, qui quatenus eis oppositi sunt hic tantum considerantur, hoc est, sub ratione perpetuæ *analogias*, unde utrorumq; liquet contemporatio.

7. Itaq; cum *Cætus Virgineus* cum *Meretrice* contemporet, *Meretrix* cum *Bestia instaurata*, *Bestia instaurata* cum *Bestia bicorni*, manifestum est hæc quatuor *Universa* inter se contemporare. At eadem *Bestia* contemporabat cum præcedentibus *Synchronis*. Ergo omnia inter se contemporant per *Axioma sextum*, hoc est, 1. *Atrium exterius* à gentibus conculcatum. 2. *Duo Testes* in sacco & cilicio prophætantes. 3. *Cadavera Testium* per tres dies & dimidium in Platea magnæ Civitatis jacentia. 4. *Mulier Erémicola*. 5. *Bestia instaurata*. 6. *Bestia bicornis* sive *Pseudopropheta*. 7. *Meretrix Babylonica*. 8. Et *Cætus Virgineus* signatorum *Agni* prorsus inter se contemporant. Atq; hæc sunt *Synchrona Medialia Prophetiæ Libri aperti*.

VISORVM MEDIALIVM TABULA.



*Duorum Synchronorum Libri Sigillati cum octo Synchronis Aperti
contemporantium Synchronismus.*

8. Duo adhuc restant quæ sunt *Libri Sigillati*; sex primæ *Tubæ* scilicet & *Cætus* 144000, *servorum Dei ex omnibus Tribubus Israël collectorum & Dei Sgnaculo munitorum*. Quæ visa præcedentibus contemporare sic probamus. Sex primas *Tubas* cum initio *Sigilli septimi* incipere ex supra dictis manifestum est. Cap. 2. Sect. 2. *Cætum* verò *Virginium* Apoc. cap. 14. & *Cætum Israëliticum* Cap. 7. eundem esse Cætum hinc planè constat, quod utriq; Signati sint, quod in fronte sint signati, quod Nomine Dei vel Patris, quodq; deniq; idem sit Cætus utriusq; Numerus (nempe 144000) qui planè Symbolicus est. Cætus igitur uterq; cum reverà idem Cætus sint incipiunt cum Sigillo septimo (uti patet ex Cap. 7. Apoc. v. 2. & Cap. 8. v. 1. 2.) ac proinde cum sex primis *Tubis*; cumq; idem sint Cætus necessario in eundem terminum desinunt. Cætus autem *Virginis* Synchronus est *Luci Mortive duorum Testium* Sect. 7. ideo Cætus, *Israëliticus* eisdem Synchronus est. *Lucus* autem *Testium* definit in finem *Tubæ sextæ*, ac proinde Cætus *Israëliticus* in eundem definit. Atq; sic primæ sex *Tubæ* & Cætus *Israëliticus* Synchrona sunt *Luci Mortive Testium*, ac proinde Synchrona inter se reliquisq; omnibus Synchronis Medialibus *Libri aperti* per Axioma sextum. Atq; hæc de Synchronis Medialibus *perfectis*.

Medialium Mixtorum seu quoquo modo imperfectorum Synchronismi.


9. Mixta illa five quoquo modo imperfecta Medialia Synchrona sunt. 1. Intervalli Ecclesiæ Pergamenis pars longe maxima 2. Intervallum trium Angelorum. Apoc. capite decimo quarto. 3. Intervallum Angeli Threnodi *Babylonici* Apoc. decimo octavo. 4. *Thyatirensis Ecclesiæ* Intervallum. Quantum ad primum, totius illius Intervalli principium fiximus intra Sigillum sextum. Nam Smyrnæum Intervallum per decem Persecutiones extenditur & ad Sigillum sextum pertingit, quod continet eos rerum motus quibus *Constantinus* non solum Pacem, sed & exaltationem Ecclesiæ paulò ante afflictæ paravit, inter quem primum statum & degenerationem Ecclesiæ aliquem Temporis tractum intercedere oportet, quod Sigillo sexto contineri manifestum est. Instauratio enim Bestiæ incipit cum Sigillo septimo sive *Tubæ primæ*. Finis autem Intervalli *Pergameni* figitur in Annum Christi 1242. ubi finitum est bellum contra *Albigenses*, sicut memoravimus in *Expositione septem Ecclesiarum*. Ille autem Annus incidit in Tubam quintam, annos aliquot ante res *Turcicas* quas *Tubæ sextæ* complectitur. Intervallum verò trium Angelorum quorum primus est *Græci Imperatores Iconomachi*, secundus *Albigenses*, Tertius *Lutherus* cum reliquis Reformationibus, necesse est ut incipiat Anno ferè septingentesimo tricesimo, hoc est, centum ferè annis ante res *Saracenicæ* *Tubæ* quintæ, unde ejus initium in *Tubæ quartæ* ponendum, exitus verò in fine *Tubæ sextæ*, tunc enim facta est Reformatio. Hæc est clarissimi *Medi* Expositio, quæ sanè suâ probabilitate non caret. Et si vera sit nihil tamen impedit, quo minus alia *ἡ συνεργασία* formari possit probabilior & nobilior qua de re videbimus in Synchronis *Postmedialibus*. Admissâ verò *Medi* Expositione de tribus Angelis consentaneum sane est ut Angelus cum Threnodia in Babylonem hic etiam ponatur, incipiatq; cum secundo Angelo, Visumq; desinat in Reformationem, postea verò plenius implendum. Idem autem eos habere initium eadem utriusq; vox plane innuit *Cecidit Cecidit Babylon*. Intervallum deniq; Ecclesiæ *Thyatirensis* exire in Reformationem satis clarè probavimus in *Expositione septem Ecclesiarum*, quo Lectorem remitto. Reformationem verò *Resurrectionem* esse *Testium* alibi probo.

Apoc. cap. 14. 8.
& cap. 18. 2.

CAP. IV.

Visionum Antemedialium Synchronismorum Demonstrationes.

1. Hactenus de Visionibus *Medialibus*. Ad *Antemediales* jam pergimus. Synchrona igitur perfecta *Libri aperti* Antemedialia tria sunt. 1. Atrium Templi & Altaris Symmetrum. 2. Mulier sole amicta & stellis duodecim Coronata. 3. Draconis cum Michaële pugna de Mulieris puerperio, ejusq; contra eam insidiæ: *Libri* verò *Sigillati* unicū. Sex prima utiq; Sigilla. Atrii

VISORVM ANTEMEDIALIVM
TABVLA.


Atrii Interioris Symmetri, Mulieris duodecim stellis Coronatae, & Prælii
Michaelis cum Dracone, cum sex primis Sigillis contemporantium
Synchronismus.

2. Hæc quattuor Visa si ab eodem tempore incipiunt & in idem tempus desinunt Synchrona sunt per Axioma primum. Quod in idem tempus desinunt sic probatur.
1. Manifestum est *sex prima Sigilla* terminari in principium *sex primarum Tubarum*, quippe quarum Principium est Principium Sigilli septimi. 2. *Atrium verò Templi & Altaris Symmetrum* planè terminatur in *Atrium asymmetrum*: Interius nempe *Atrium* definit ubi incipit *Exterius*. 3. *Mulier verò sole amicta & duodecim stellis coronata*, i. e. Ecclesia purè adhuc Apostolica, nec Bestiæ Draconiloquæ; c. 13. sive Pseudoprophetae præceptis institutisve Idololatricis coinquinata sic persistit usq; ad initium ejusdem Bestiæ bicornis sive Draconiloquæ & in illud ipsum tempus impingit. 4. Et ultimò, *Draconis cum Michaële pugna & Insidia contra Mulierem* ipsum ingressum Mulieris in Eremum attingunt. Apoc. c. 12. v. 13, 14. Jam verò cum *Mulier Eremicola*, *Bestia bicornis Draconiloqua Atrium exterius asymmetrum* & *sex primæ Tube* Synchrona sint, principiorum horum omnium idem est tempus per Axioma secundum, & proinde quattuor hæc Visa Antemedialia in idem tempus desinunt.
3. Et ab eodem pariter tempore incipiunt, nempe ab ipsâ Apocalypseos Epochâ, primisve

primisve Ecclesiæ exordiis. Primum enim ab eo tempore incipit Sigillum. Ab eo usq; tempore Mulier erat duodecim stellis coronata, solemq; amicta. Ecclesia nempe Apostolorum doctrina, Deiq; verbo illustrata. Draconis etiam sive Satanz insidiis impetita & Angelorum ministerio adjuta, Dei calamo deniq; commensâ sive Symmetra. Etenim ut *exterius Atrium* tempus Ecclesiæ calamo Dei incommensuratum significat, ita consentaneum est immò necessarium ut *Interioris Atrium* totum tempus commensuratum denotet; aliòqui prima Prophetia *Libri aperti* prorsus esset *iniqua* & inciperet à Visione *Mediali*. Ordinem verò temporis per Structuræ alicujus corporeæ partium ordinem stylo Prophetico notari posse ex Statua *Nebuchadnezzaris* notissimum est. Quamobrem cum quatuor hæc Visa ab eodem tempore incipiant & in idem tempus definant manifestò Synchrona sunt per Axioma primum. Deniq; cum in tempus Principiorum Synchronorum Medialium quorundam definant, necesse etiam est ut *Antemedialia* immediata sint respectu reliquorum omnium per Axioma septimum.

Cæterum cum hîc *Atrii interioris Symmetri* ut in præcedenti capite, *Atrii exterioris*, & passim in Scriptis meis Theologicis *Temporum Ecclesiæ Symmetrorum & Asymmetrorum* facta sit mentio, ut ne minimum Lectori supersit Obstaculum quominus etiam obscuriora scriptorum meorum loca summa cum facilitate ac voluptate perlegat, *Templi & Atriorum ejus Ichnographiam* ipsi ante oculos hîc ponendam censui, quemadmodum eruditissimus *Medus* in suis *Commentariis* eam depingendam curavit.

Ichnographia sive iussu, id est, Templi & Atriorum ejus.



Ubi α & β ipsum Templum est live δ Nati. α . Sanctum Sanctorum. β . Sanctum. γ δ . Altare Holocausti. $\alpha\gamma$ $\delta\beta$ Thyssasterium live Altarium in quo Altare stabat. AAAA Atrium Interius. Totum hoc spaciū omnia hæc comprehendens cum per calamum Johanni ab Angelo datum (Apoc. II.) mensuratum esset Symmetrum dicitur; utpote quod calamo illi congruum erat vel homogeneous, juxta illud Aristotelis *ἡ δὲ τῶν μέτρων σύμμετρος*. Hoc autem denotat primævum illum statum Ecclesiæ quo nondum ad cultus Idololatriæ degeneraverat, nec à Verbo Divino legitima illa omnium Rituū norma ac mensura defecerat. Hæc sunt illa Tempora Ecclesiæ quæ nos tam frequenter vocamus Symmetra; quæ hic, tanquam enormis illius Criminis Idololatriæ immunia, à Spiritu Sancto approbantur. Reliquum autem spaciū nempe BBBBBBB quod est Atrium exterius quasi rejectaneum ac prophanum representatur, utpote de quo dicitur, *Ejice foras*, quippe quod conculcandum foret à Gentibus, i.e. Novo quodam Gentilismo ac Idololatria conspurcandum contra Dei Verbum, quæ vera est omnium, uti dixi, Rituū Christianorum mensura, ad quam cum hæc Ecclesiæ tempora minimè quadrent rectè appellantur Asymmetra. Tam apertè denotant hæc duo Atria duos illos dissimiles Ecclesiæ status: Sed & ordinem non solum Dignitatis sed Temporis etiam significant. Interius enim Atrium ante erat quàm Exterius; Eademq; inter Atrium Interius & Exterius (nempe 2 ad 7, siqua Villalpando fides) atq; inter Tempora Ecclesiæ Symmetra & Asymmetra est Ratio. Quod suo loco notabitur.

Intervallorum Ephesini & Smyrnæi cum sex primis Sigillis partialiter contemporantium Synchronismus.


4. Restant duo tantum Visa Antemedialia, Intervallum Ecclesiæ Ephesinæ & Intervallum Smyrnææ, Intervallum Ephesinæ Ecclesiæ à prima Apocalypseos Epocha incipit & definit in decimum Annum Neronis qui est Initium Intervalli Smyrnæi, Illic enim incipiunt decem Persecutiones, Intervalli Smyrnæi Character peculiaris. De exitu autem Intervalli Smyrnæi jam dictum est in Synchronis Medialibus. Sect. 9. c. 3. Ephesini verò exitus necessario intra Sigillum primum reperitur; siquidem Sigillum illud Johannis Apostoli morte & generali Oraculorum per Orbem terrarum obmutescentiā clauditur, ac proinde ad Annum ferè Christi centesimum protenditur, cum annus decimus Neronis in annum Christi sexagesimum tertium incidat; Adeo ut, si Resurrectio Ascensiove Christi Apocalypseos statuenda sit Epocha; Intervallum Ephesinum vix dimidiam quidem primi Sigilli partem occupet. Vide Doctissimum Medum in Sigillum primum, nostramq; septem Ecclesiarum Expositionem.

CAP. V.

Postmedialium Visionum Synchronismorum Probationes.

1. **V**Enimus jam ad Visa Postmedialia, quæ omnia clangoris Tuba Septimæ Intervallo comprehenduntur. Quod spatium Septem Tonitrua in Prophetia Libri Sigillati implere satis supra confirmavimus. cap. 2. sect. 4. Quid verò singula Tonitrua ipsa significant, non tantum mihi assumo ut quoquam modo definiam. Hunc verò inter alios usum habere posse, ut sint distincta Intervalla, quibus totidem Principalia Visa Antisynchrona in Prophetia Libri aperti respondeant vix quenquam puto addubitaturum, nempe si totidem Visa unâ serie à Principio hujus Intervalli ad finem procurentia, in hac etiam Prophetia inveniri possint. Quæ quidem me reperisse minimè dubito, eaq; esse quæ supra recensui. 1. Effusionem scilicet septem Phialarum. 2. Novam Hierosolymam de Cælo descensionem. 3. Christi Regnum millenne in terris integrum firmumq; cum prima incipienti Resurrectione. 4. Solutionem Sathanæ. 5. Dilectæ Civitatis obsidium per Gogum & Magogum. 6. Christi adventum ad Judicium incipientem cum Resurrectione Universali. 7. Et Terræ deniq; conflagrationem. Hæc sunt septem Antisynchrona principalia septem Tonitruis pari passu è regione respondentia. De quibus nullam spero fore difficultatem postquam primum Antisynchronorum sextam Tubam immediate consequi confirmavero.

Septem

VISORVM POSTMEDIALVM
TABVLA.

Septem Phialarum cum Primo Tonitruo contemporantium Synchronismus.

2. Quod sic expedio. Primùm, ostendendo quam infirma sint argumenta eorum qui maximam partem Phialarum, quinq; putà, sexve primas ante Tubam Septimam collocant. Tota enim argumentorum vis huc demum redit; quod ipso ferè initio Tubæ septimæ dicuntur Regna Mundi facta esse regna Domini nostri Christi; ejus quodq; regnaturus sit in secula seculorum, Apoc. cap. II. v. 15. Quod tamen fieri non potest ante Bestiam perditam, cui perdendæ Phialæ inserviunt, nec tamen Thronus ejus ante quintam effusam tenebescit. Ergo sex saltem effunduntur ante Tubam septimam. Ad quod breviter respondeo, voces illas è Cælo cap. II. v. 15. Faustas duntaxat esse acclamationes ad resurrectionem ascensionemq; Testium, pignus scilicet Imperii Christi Universalis clangente Tuba septima obtinendi, non quidem in ipso initio illius Tubæ, sed post septem Phialas intra hanc Tubam septimam effundendas, quas in ipso initio Tubæ omnes effundi nemo cogitaverit. Equidem rem tantam tamq; moliminofam tantillo tempore peragi posse incredibile est. Bestiam verò in ipso initio hujus Tubæ perditum iri, ex versu 6. cap. 10. falsò colligunt, dum τὴν μὲν σατανῆν reddunt, cum cæperit clangere, uti etiam ὁ τυλῆς, omittendo ὁ, vertunt consummabitur Mysterium Dei, quasi simul atq; cæperit Angelus clangere omnes illæ præclaræ prædictiones de Universali Regno Christi essent implendæ, cum tamen

tamen *ἵνα μὴ αὐτὴν ὡς τὴνδε τὴν μυστικὴν οὐδὲν τεκνισμὸν reddatur* (quod & supra notavi) *Quando futurum est ut clangat & consummatum fuerit Mysterium Dei* nempe in plenâ perditione Hominis peccati & erectione Universalis Regni Christi. Accisum autem erat & minutum etiam à decem Regibus, Regnum Bestiæ sive Antichristi in *Resurrectione & Ascensione Testium*, ita ut Regnum ejus quantum ad illius plenitudinem & Integralitatem (ut sic loquar) cum *Tuba sexta* exierit.

SEPTEM PHIALARVM
TABVLA.



3. Nulla igitur solida est ratio cur *sex prime Phiale* sub *Tuba sexta* collocentur. Nos verò intra *Tubam septimam* omnes collocandas esse sic probamus. Primo magis congruum est, sicut *septem Tuba Sigillo septimo*, *septemq; Tonitrua Tuba septimâ*, ita ut *septem Phiale* extremorum Tonitruorum alterutro includantur, non autem in diversa distrahantur, schemaq; *Apocalypticum* tam difformi luxatione deturpent.

Deinde *septem Phiale* dicuntur *septem ultimæ Plagæ*, quibus consummetur ira Dei cap. 15. 1. Ad quam *Tubam* igitur rectius referri possunt quàm ad *ultimam*. De omnibus enim dicitur quòd *ultimæ* sint, sicq; appellari, respectu *sex Tubarum*, Adversarii etiam fatentur. Finiri igitur nullæ earum debent ante finem *sex Tubarum*. At quinq; saltem si non *sex* finiuntur ante finem *Tubæ sextæ*, juxta horum Hypothesin. Aut igitur *ultimæ* non dicendæ sunt, (quas tamen sic vocat Spiritus S.) aut post *sextam Tubam* collocandæ.

Tertio deniq; Apoc. cap. 15. Manifestum est primum illius capitis versum *Titulum* quassesse, immo *merum Titulum Visionis Phialarum*, quæ amplissimis circumstantiis postea per totum illud caput caputq; decimum sextum deducitur. Introducitur autem Visio cum Hymnodia & gratiarum actione Citharistarum ob insignem aliquam victoriam vel liberationem Populi Dei à servitute planè *Ægyptiaca*, hoc est, quorundam, procul dubio, populorum regnorumve à *Romani Pharaonis* jugo, non autem *omnium*; quod & ipsum Canticum innuit, v. 4. ut & hoc eximium esse *specimen* Judicii Divini adversus *Ægyptum Mysticam*, *majorisq;* Regni Christi *amplificationis pignus*.

Post verò hanc Hymnodiam *Mosaicam*, v. 5. ubi ea verba occurrunt, *ἡ πᾶσα τὰ ῥα τὰ ἔσθ'*, expressè dicitur *Templum Tabernaculi Testimonii in Cælo apertum esse*, septemq; Angelos plagas septem habentes inde exire. Deinde autem cap. 16. septem suas Phialas ordine effundunt. Ubi in septima mentio fit *vocis è Throno excurrentis*, v. 17. qui Thronus idem est quod *Arca Testamenti*. Statim verò insequuntur *fulgura, & Tonitrua, & Voces, ingensq; Terræ motus, & immanis grando*.

Atq; hinc manifestum est ante magnam aliquam victoriam liberationemve Populi Dei ab *Ægyptiaca*, i. e. *Pontificia servitute* hanc Hymnodiam non cani, & nullam ante cantatam Hymnodiam egressumq; Angelorum è Templo Phialam effundi. Dicit enim *ἡ πᾶσα τὰ ῥα τὰ ἔσθ'*, nempe post cantatum hoc *Epinicion*.

4. Hymnodiam verò hanc cantari, & Angelos è Templo egredi post sextam Tubam liquidò mihi videtur constare ex cap. 11. à versu 11. ad finem capitis. Ubi res gestæ rebus horum duorum capitum viz. 15. & 16. planè ex-amussim respondent. Ibi enim à versu 11. ad vers. 14. mirifica narratur liberatio Populi Dei sub figura *duorum Testium occisorum in Ægypto* (quod cum Cantico illo *Mosaico* cap. 15. optimè convenit) & ad vitam resurgentium ascendentiumq; in Cælos ingenti interim clade in *Ægyptum* inflictâ. Quibus statim subjungitur v. 14. Væ secundum abiit, id est, *Tuba sexta*. Hujusmodi autem cladem aliquam in Hostes victoriamq; supponit Hymnodia Citharistarum, imò planè commemoratur, cap. 15. v. 2. Statim verò atq; clangit Angelus septimus, præter acclamationes illas è Cælo de futuro Christi successu, *Doxologia* continuò sequitur *Seniorum* (quæ Hymnodia sive *sancta Citharistarum* respondet) usq; ad versum 19. Quemadmodum verò cap. 15. *Citharistarum Hymnodia finita* statim mentio fit *apertionis Templi Tabernaculi in Cælo*, ita & hic statim post *Doxologiam Seniorum* dicitur, *Et apertum est Templum Dei in Cælo*. Quod proculdubio dictum est datâ operâ, ut intelligamus idem utrobq; significari, indeq; colligamus Angelos *non exire*, nec Phialas effundere *nisi post Tubam sextam*. Porro ut Cap. 16. in effusione Phialæ septimæ vox dicitur audiri *de Templo Cæli à Throno*, ita hic *Arca Testamenti Domini*, quæ est ejus, *Thronus*, conspici; & quemadmodum illic *Fulgura fieri, & Tonitrua, & Voces, & Terræ motus, Grandoq; Talentaria*, ita & hic *& fulgura, & voces, & terræ motus, & grando magna*. Quæ certiora esse possunt Visionum eodem spectantium Indicia sive Vestigia? Manifestum igitur est omnes Phialas post *Resurrectionem Testium* imò post *Doxologiam Seniorum* quæ cum *septima Tuba* incipit, effundi. Quod oportebat demonstrare.

*Reliquorum sex Antisynchronorum cum sex reliquis Tonitruis
contemporantium Synchronismus.*

5. Jam verò cum tam clarè constet *Effusionem Phialarum Antisynchronon* esse *primi Tonitruum*, de sex reliquis nulla erit difficultas. *Descensionem enim Novæ Hierosolymæ à Cælo* continuò sequi planè innuitur cap. 21. v. 9. ex eo quod Angelus ultimæ putâ Phialæ effusor, quâ *Bestiam*, i. e. *Bestianam Politian* perdidit, *Novam Johanni ostendit Hierosolymam* descendente cælitis à Deo. *Novam sanctamq; Politian*, æquissimam, justissimam, purèq; *Apostolicam* (sicut & *Nova hæc Hierosolyma* numero *Duodenario* in solidum undiq; nititur) cælitis à Deo descendente, i. e. ab hominibus cælesti ingenio præditis, Divinòq; Spiritu imbutis constitutam. Per *Descensionem* igitur *Novæ Hierosolymæ*, æquissimarum legum, vitæq; ac doctrinæ *Apostolicæ* ad amussim congruentium, in magno aliquo Concilio verè Sancto verèq; *Oecumenico*, quos *Spiritus Sanctus* cælitis in eos delapsus dirigat, celebratissimam intelligo sanctionem. Hæc est ipsa *descensio sanctæ Urbis de Cælo*; *Antisynchronon* utiq; secundum. Hanc autem continuò excipit *Imperium Christi Millenne*, *Judiciumq;* statim juxta has leges exercetur. Atq; hoc est *Antisynchronon* tertium. Apoc. cap. 20. v. 4.

Post

Post Millennii verò exitum *Satanam* è carcere suo solutum iri apertè indicatur. v. 7. Quod est *Antisynchronon* quartum.

Aliquanto verò post eò res devenit ex hac *Satanæ* solutione ut dilecta Civitas obfideatur à Gogo & Magogo. Ut sancti utiq; in angustias redigantur ab Idololatriis ab Injustis atq; Impiis, v. 9. Quod est *Antisynchronon* quintum.

Interponit verò se Christus veniens ad Judicium, qui pro Tribunali sedens universos judicat, bonos malosq; vivos pariter atq; mortuos in Universali scilicet Resurrectione, v. 11, 12, 13. Quod est *Antisynchronon* sextum.

Sententiæ deniq; *Executio* in malos apertè memoratur, v. 14, & 15. supraq; præinuitur in calce versus Noni: Hæc est *Telluris Conflagratio*, quod est *Antisynchronon* septimum. Quodq; apertissimâ ratione respondet *Tonitruo septimo* Physicè proprièq; sic intellecto, quemadmodum & *Resurrectio ultîma* & *universalis* sic intelligitur, non autem *Ethicè* aut *Politicè*. Vides quam naturali nexu omnium horum *Antisynchronorum* ordo cum suis *Tonitruis* inter se cohæreat.

Synchronorum cum Antisynchrono primo sive septem Phialis tum plene tum ex parte contemporantium Synchronismus.

6. Videamus jam de Synchronis *Antisynchronis* his septem subnexis, primòq; de Synchronis *Antisynchroni* primi. Quorum perfecta quidem duo sunt *Doxologia Seniorum* cum *Phialarum compendio* & *Praconiorum trium Angelorum deuteroplerosis*. De priori constat ex suprâ dictis sect. 4. Idem verò sibi ipsi æquale esse manifestum est. De *deuteroplerosi* autem ambigi potest an sit admittenda, de admittâ æqualitate cum septem Phialis minimè potest, siquidem tres illi Angeli non sunt tres singulares Personæ sed trium cœtuum istiusmodi hominum successio. Admitti verò hanc *deuteroplerosis*, etiam suppositâ priori Impletione & Interpretatione & posse & debere mihi hinc constare videtur, ex eo quod multo sit illâ alterâ concinnior. *Deuteroplerosis* enim hæc incipit post tempus *ἀρτισυρίας*, cœtus Virginei ut & Visio hæc sequitur eundem Cœtum. Altera verò Expositio retrahit hanc Visionem trium Angelorum versus initia temporum Cœtus Virginei, quod duriusculum videtur. Præterea prior Interpretatio ut quæ aliquanto anteit Reformationem, immensum nūnis Intervallum relinquit inter exitum Praconii trium Angelorum & vocem de Cœlo. c. 14. v. 13. dicentem, *Beati mortui qui in Domino moriuntur*, &c. ubi planè innuitur primam Resurrectionem instare fructumq; Testimoniū fidelium Martyrum Christi adversus Antichristum mox in terris ob pacem & securitatē Ecclesiæ Evangelicæ eorum opera restitutam uberrimo modo perceptum iri. *Deuteroplerosis* autem hæc in ea usq; tempora res deducit, nempe ad ultimam usq; Phialam ubi Potestas Bestiana funditus subvertitur.

7. Imperfecta *Antisynchroni* primi Synchrona sunt. 1. Intervallum *Sardianum*, quod incipere cum *Phialarum effusione* & in Phialam ultimam definere in *Expositione septem Ecclesiarum* clarè ostendo, *Sardin* verò *Canticum Letitiæ* significare, quod præclarè cum *Hymnodia Citharistarum* & *Seniorum Doxologia* convenit. Sed non opus est hæc repetere. 2. Secundum est, *Angelus cum Threnodia in Babylonem*, Apoc. 18. (Quamvis enim plurium ibi Angelorum fiat mentio, unius tamen Angeli videtur aut continuata aut subinde resumpta Narrationis summa) quem cum secundo tertioq; trium Angelorum contemporare manifestum est ex versu 2. c. 18. propter idem *Praconiorum* initium & in finali Babylonis exitio enarrando moram. 3. Tertium est, Visio *Messis & Torcularis* quæ cum *sexta septimaq; Phiala* contemporat, utpote quarum exitus idem est, consummata scilicet Bestiæ perditio. *Messisq; & Sexta Phiala* (quæ spem præbet convertendorum Regum Orientis) natura congener non obscurè innuit idem utriusq; esse initium. 4. Eademq; ratio est de *Sponsæ preparatione* & *Equi albi Sessoris prælio*. Nam præparatio Sponsæ convertendis illis Regibus Orientis respondet, & exitus *prælii Sessoris Equi albi* est plena potestatis Bestianæ abolitio quemadmodum & Phiala ultima. Itaq; *præparatio Sponsæ* & *Prælium Sessoris Equi albi* sextæ septimæq; Phialæ contemporat.

Synchronorum Antisynchrono secundo tertioq; tum singulis tum Coniunctis contemporantium Synchronismus.

8. *Antisynchroni* secundi unicum perfectum sive adæquatum Synchronum est, *Apprehensio* scilicet *Satanæ* catenæq; ipsi quasi injectio; quam ipsa rei natura docet *Descensionem Novæ Hierosolymæ*, i. e. optimarum legum constitutioni contemporare.

certè ratione omnium verisimillima fit) rebus ultimæ Phialæ adnumeremus. Subest enim *Iconismorum Metallaxis* quam suo loco explicavimus. Intervallum autem *Philadelphianum* sic contemporare ex eo patet, quod Christus huic Ecclesiæ promittit se eam conservaturum adversus tentationis horam toti orbi eventuram. Apoc. 3. 10. Quod planè arguit Ecclesiam hanc in *ultima Phiala* extitutam esse, inter magnos eos rerum motus ac mutationes quæ figurantur ingenti illo terræ motu sub ea Phiala. cap. 16. v. 18, 19. Sed & in ipso initio hujus Phialæ extitutam porro liquet, cum id quod primum omnium commemoratur in Epistola ad eam Ecclesiam, sit parvis suis copiis ingentis successus promissio. Quo mihi innui videtur, partem hanc fore exercituum *Sessoris Equi albi*. Quos *septimæ Phialæ* contemporare supra probatum est. Ante hoc tempus verò à paucis illis nominibus *Sardianis Philadelphianis* distingui, nulla satis firma suppetunt argumenta.

Philadelphianum verò Intervallum in quartum *Antisynchronon* impingere ex rei natura innotescit. Soluta enim Satanâ laxatur ardor *Philadelphianus* & in teporem *Laodicenum* incipit flaccescere, quanquam externa forma *Philadelphicæ* ad finem usq; Mundi persistit.

Novæ Hierosolymæ durationis Turbæq; ex ea improbæ Exclusionis cum Antisynchronis tertio, quarto, quinto, sextoq; contemporantium Synchronismus.

10. Nam & *Antisynchronorum* tertii, quarti, quinti, sextique Synchronum est *Novæ Hierosolymæ constitutæ duratio*. Obsidetur enim à Gogo & Magogo sub *Antisynchrono* quinto nec ante septimum infertur *conflagratio*. Quamdiu autem Civitas manet tamdiu ex eâ excluditur *Turba apertè improba & Idololatrica*. Apoc. c. 22. v. 15. Satis clarè igitur constat de duobus hisce *Antisynchronorum* tertii, quarti, quinti, sextiq; Synchronis.

Intervalli Laodicensi cum quarto, quinto atq; sexto Antisynchrono contemporantis Synchronismus.

11. *Antisynchronorum* quarti quinti atq; sexti unicum est Synchronon, Intervallum scilicet *Laodicenum*. Quod necessario incipit ubi *Philadelphianum* definit, extenditur autem usq; in sextum *Antisynchronon*. Tum quod solenne ibi Christus iudicium exercet, quod & nomen *Laodiceæ* innuit, sicut in *Expositione septem Ecclesiarum* notavi, tum quod Terra non concrematur ante septimum.

Antisynchroni septimi Synchronon.

12. Solum jam superest *Antisynchroni* septimi Synchronum, consummata scilicet *salus Sanctorum*, ipsorumve in Caelos Remigratio. Quod tamen obscurius subindicetur, nolui tamen omittere. Subindicatur autem cap. 20. v. 15. ubi planè supponitur, eos qui in *Libro Vitæ* scripti inveniuntur, non conjici in stagnum igneum, cum igitur *tota Terra* tunc ardeat *Sanctos in Cælum* recedere necesse est, ne eodem cum impiis obruantur incendio. Idem etiam significari suspicarer versu primo Capituli proximi nisi elegantissimam *Lemmatosynechiam* esse censerem, & *Politice* exponi debere, quanquam externus cortex novam Terram novumq; Cælum loco veterum igne peremptorum indicare videtur, Cœlestem scilicet Patriam ubi nullum Mare sed Pax & quies æterna. Omnium verò apertissimè traditur in Epistola ad *Laodicenses* Apoc. 3. v. 21. *Qui vicerit ei dabo mecum in meo sedere solio, ut ego quoq; victor consedi cum meo Patre in ejus solio*. Dei Patris verò solium Cælum est. Vide *Expositionem septem Ecclesiarum*. Addemus tandem non nihil de *Epocha Visionum* Apocalypticarum deq; vera & authentica temporum numerandorum mensura & postea concludemus.

CAP. VI.

De EPOCHA Visionum Apocalypticarum deq; Vera & Authentica
Temporum numerandorum Mensura.

1. **M**irum (idq; meritò, si ita res haberet) aliquibus videtur, nullam certam Epocham à Spiritu Sancto vaticiniis Apocalypticis apponi, sed omnia, ob incertum exordium, quantum ad temporis rationem fluctuare permitti, cum tamen Visa principalia, quibus multa alia Synchrona sunt & ad quæ reliqua omnia tanquam aut antecedentia aut consequentia referri possunt certis temporum numeris definiti videantur, nec tamen ulla Epochæ præfigi. Contra planè atq; factum est in Hebdomadam Danielis Vaticinio, ubi Epochæ ab exitu mandati ad condendam civitatem expressim vaticinio apponitur. Hic verò à quo principio exordium sit, utrum à Nativitate Christi, an ab illius Passione Anno 33. an verò ab Excidio Hierosolymitano Anno 70. an deniq; ab ipso tempore quo hæc Johanni facta est Revelatio, puta Anno 94. Viri Eruditi ad hodiernum usq; diem dubitant. 2. Mihi verò admodum incredibile videtur Spiritum Sanctum in *Systemate Prophetico* cætera tam perfectò compositoq; rem tanti momenti omittere voluisse; Ac proinde & præfixisse Epocham & talem quidem, quæ rerum prædicendarum naturæ maximè conveniat, & tali demum loco extare qui ei rei maximè sit opportunus, assertatissimè contendo, Capite scilicet decimo septimo Apocalypseo, quod clavem quasi continet totius hujus compaginis Vaticiniorum. In hoc loco opportuno & congeneri extat planè Epochæ eorum Visorum (*Medialium* scilicet) quæ certâ temporis mensurâ definiuntur; nec id solum, sed & utilis admodum & quæ rerum prædicendarum naturæ maximè convenit. Utilis quidem, cum ea tempora denotet quibus Ecclesia incipit in Ritus Idololatricos Paganicosq; apostatare, de quibus temporibus moneri Christianorum magis intererat, quàm à quo anno Antemediales Visiones incant. Magisq; consentaneum erat eis Visionibus Epocham præfigi quarum tempus apertis memoratationibus definitum est, cujusmodi sunt *Mediales*, quàm eis quarum duratio numeratione aut nulla aut admodum obscura significatur. Ejusmodi autem sunt Visiones Antemediales.

3. Epocham verò hanc quam innuimus rerum prædicendarum naturæ maximè congruere dico, propterea quod satis laxam habet latitudinem, ut & res ipsa, exordium utiq; dictæ Apostasiæ, quod per hanc Epocham indicatur. Neq; enim uno anno patefacta est hæc Apostasia, sed paulatim serpsit, emerfitq;, nempe intra spatium quò decem Reges regna sua accipiunt. Atq; illud ipsum spatium est hæc Epochæ in Apocalypsi satis aperte significata. Cap. 17. v. 12. Et decem cornua quæ vidisti decem Reges sunt, qui regnum nondum acceperunt, sed potestatem tanquam Reges unam horam accipiunt cum Bestia, i. e. Circa eadem tempora quibus Imperium Romanum in decem Regna dividitur repullulascit etiam in eo sub novis Nominibus pristina Idololatria Paganica, itaq; fit imago Bestiæ, sive Bestia quæ erat non est & tamen est. Cap. 13. 14. Cap. 17. 8.

4. Acceptio autem non dicam, sed captatio horum Regnorum incipit ab Anno 365, anno illo ominoso & mirabili ob ingentem illum terræ motum quo aquæ marinæ tanta in terram mole inundabant, ut naves ædium culminibus inhærentes reliquerint. Quo prodigio Barbarorum in Romanum Imperium statim inundantium significabatur Irruptio. Acceptio verò Regnorum in Annum 455. desinit, ita ut totum hujus Epochæ spatium nonaginta ferè annos compleat. Hæc certè notabilis est hujus Epochæ Apocalypsicæ laxitas. (Vide Josephi Medi Apostasiam novissimorum Temporum. Part. 1. cap. 14.) Quæ & alteri difficultati lucem est allatura. Interea loci non abs re erit notare etiam eos qui nullam in Apocalypticis peritiam affectant aut profitentur, unanimiter ferè statuere Relapsum Ecclesiæ in ritus Idololatricos annis circiter 400. post natum Christum contigisse.

5. Qualem Epocham, quibusq; eam Visionibus Spiritui Sancto visum sit præfigere, satis jam liquet. Restat ut videamus, quænam sit vera ac Authentica harum Visionum (*Medialium* scilicet) à sua communi Epochâ per partes temporis dimetiendarum ratio. Nempe, an spatium durationis mensurandum sit per partes septimas, quas Tempus Tempora & dimidium Temporis, & tres Dies & dimidium innuere videntur, an verò per partes millesimas ducentissimas sexagesimas, quas 1260. dies innuunt, an deniq;

deniq; per *quadragesimas secundas*, quas Menses 42. indigitant. Quantum ad me ego nullus equidem dubito, quin per primas numerandum sit, *parq;* durationis *septima* sit mensura vera & Authentica per quam singularum *Visionum Medialium* duratio fit metienda. Quod sic statuo ob has Rationes sequentes.

6. Primò, cum *semi-tempus* pars sit septima Temporis temporum & dimidii temporis, palam est primam & antiquissimam mensuram hujus spatii *Visionum Medialium* apud *Danielem* esse *partem septimam*. Quòd autem idem tempus solvitur in partes *quadragesimas secundas*, & in partes *millesimas ducentegas sexagesimas* id fieri videtur ornatùs tantummodo gratià, ut & per menses & dies numerari possit, & ut Tempus & Tempora & Dimidium Temporis tria omnino Tempora & dimidium continere *pleniùs* possit constare. Vide Synopsin Prophetica[m] lib. 1. Cap. 4. Sect. II.

Deinde per *septimas* has partes, rejectis *millesimis ducentegis sexagesimis*, & *quadragesimis secundis*, ut quid in reliquis fieri oportet nos doceat, datà operà videtur Spiritus Sanctus duorum Testium Mortem Luctumq; numerare, dum ait occisos Testes, post tres dies & dimidium (ubi dies idem quod tempus est) i.e. post *septem semi-dies* vel *septem semi-tempora*, resurrexisse. Dico sic formatam esse eam Testamentum Visionem, ut Numeratio temporis eorum tandem fieri possit per *partes septimas* & secundum eum sensum terminari. Quod igitur perinde verum est de reliquis Synchronis Medialibus. Numerationem verò per partes *Millesimas ducentegas sexagesimas* sola affectat humana curiositas; Minimè verò eam suggerit Veracitas Divina, quæ utilia non curiosa hominibus solet impertire.

Deniq; valdè ineptum videtur atq; absònum, cum ipsa Epochæ horum Synchronorum tantam habeat *latitudinem* & tam *laxam*, ut ipsum Intervallum ab Epochæ deductum per partes tam *minutas* mensuretur; Epochæ enim quanquam minor parte, per quam totum Intervallum mensuramus, esse potest, nunquam tamen potest esse major, & tamen duplo major erit & amplius, si annorum Mensibus, nonagecuplò vel minimùm sexagecuplò, si annis spaciū metiamur. Et nisi annis metiri licuerit, vix quisquam, credo, de mensibus contenderit, sed facilè recurret ad *semi-tempora*. *Semitempore* verò vel *semidie* verà & Authenticà mensurà dicti spatii constituto, ut manifestum est Resurrectionem Testium jam præteruisse, nempe post *septimum semidiem currentem*; ita post *septimum excursum*, & intra, *currentem octavum* (qui ab extrema parte dictæ Epochæ ordiendo, ad millesimum octingentesimum trigessimum ferè annum excurrit) res quintæ Phialæ à *Iosepho Medo* descriptæ si contigerint, *Denteroplerosis* esse poterit *Resurrectionis Testamentum*; quanquam prima, maximèq; propria illius Visionis Impletio, & quæ Effusionem Phialarum antecedit, jam præterit; nunquam denuò, propter Phialarum Effusionem integro distinctòq; ordine nunquam rursus effundendarum, repetenda.

7. Atq; hæc breviter de *mensura numeranda Durationis Synchronorum Medialium*, ac principali unicq; Apocalypticarum Visionum Epochæ à Spiritu Sancto notata, totoq; adèò ordine Visionum Synchronistico, qui multum memoriam adjuvabit.

Cæterum, addam præterea *Versiculos* aliquot, quo certius ac facilius hunc Visionum Ordinem memoriæ infigas, paucos quidem eos, ut qui Novenarium non accedunt, sed huic rei ut spero apprimè utiles. *Monostichia* duo, duo *Disticha*, *Tristichum* autem unum.

Monostichium Septem Ecclesiarum seriem continens.

1. *Eph.* 2. *Smyr.* 3. *Per.* 4. *Thya.* 5. *Sar.* 6. *Philadelphia.* 7. *Laodicea.*

Ecclesiam *Ephesinam*, *Smyrnam*, *Pergamensem*, *Thyatirenses*, *Sardensem*, *Philadelphiensem*, & *Laodicensis*, quæ septem Intervalla totum tempus Apocalypticum, complent, satis apertè hoc *Monostichion* indicat.

8. *Filum* autem illud principale *Apocalypseos* quod idem tempus percurrit, *seriè*mq; Visorum omnium *Libri Sigillati* sustinet, duo *Disticha* unumq; *Tristichum* delineant.

Distichum prius sex prima Sigilla continens.

1. *Albo est Arcus Equo.* 2. *Ruso Ensis.* 3. *Libra Nigello.*
4. *Pallenti Mors.* 5. *Ara Animis.* 6. *Concussio Mundo.*

Primi Sigilli Visum est *Equus Albus* cujus sessori arcus in manu est &c. Secundi, *Equus rufus* cujus Sessor Ensem habet magnum &c. Terti, *Equus niger* cum Sessore manu

manu stateram tenente &c. Quarti, *Equus pallidus* cujus Sessor est Mors, ejusq; Comes Infernus. Quinti, *Animæ interfectorum* ob Testimonium Jesu sub Altari vindictam petentium, Sexti *Quidam pyras ingens Mundi motus* ita ut Sol tenebresceret, Stellæ in terram caderent, Montesq; dimoverentur. Hæc sunt sex prima Sigilla hoc Disticho contenta. Septimum verò facile memineris septem esse Tubas, quarum sex primæ hoc disticho continentur.

Distichum posterius sex primas Tubas continens.

1. *Grando*, 2. *Mons Ardens*, 3. *Lampasq; Absynthina*, 4. *Cæli Tertia pars percussa*, 5. *Locustæ*, *Eques Euphratens*.

Primæ Tubæ Visum est *Grando* & *Ignis* mixta cum sanguine. Secundæ *Mons magnus ardens* in Mare missus &c. Tertiæ, *Stella ardens* ut *Lampas* in fluvios lapsa, cui nomen *Absynthium* &c. Quartæ, *Tertia pars Solis*, *Lunæ*, *Stellarumq; percussa* &c. Quintæ, *Ingens agmen Locustarum* copiosè descriptum Apoc. 9. cum Caudis Scorpionum, & Rege cui Nomen Abaddon. Sextæ, *Innumerus Equitum ab Euphrate Exercitus*, quorum mirabilis locuplesq; eodem capite est descriptio. Hæc sunt sex primæ Tubæ, quas hoc Distichon complectitur. Septimam verò septem Tonitrua continere facile recordaberis.

9. Quorum Antisynchrona, quæ brevitatis causâ, septem Tonitrua etiam appellare poteris, hoc, si lubet, Tristichon comprehendantur.

Tristichon septem Tonitrua complectens.

1. *Post Phialas*, 2. *Urbs de Cælo*, 3. *Millenneq; Regnum*, 4. *Vinclis exutus Satan*, 5. *Gogi atq; Magogi Obsidium*, 6. *Christi Interventus*, 7. *Premia Pænæ*.

Primi Tonitruui Visum sunt *septem Phialæ*, quarum sex primas altero *Monostichio* mox recensēbimus. Secundi, *Nova Hierosolyma descendens à Deo de Cælo*. Terti, *Millennæ Christi Imperium* integrum vegetumq; Apoc. 20. memoratum. Quarti, *Solutio Satanae* e carcere suo, ibid. Quinti, *numerosus Gogi & Magogi exercitus* castra Sanctorum & dilectam Civitatem circumiens, ibid. Sexti, *Christi adventus ad judicium*, ibid. Septimi, *Hominum impiorum Dæmonumq; in stagno sulphureo*, quæ est mors secunda, *perditio*, consummataq; Sanctorum Salus.

10. Solus jam restat Ordo Phialarum, quas primum *Tonitruum* continet, quarumq; sex primas hoc *Monostichium*.

Monostichium alterum, quo sex primæ Phialæ continentur.

1. *Terra*, 2. *Mare*, 3. *Fluvii*, 4. *Sol*, 5. *& Thronus*, 6. atq; *Euphrates*.

Hæc sunt sex primarum Phialarum Objecta. Prima enim Phiala in *terram* effusa *ulcus* parit. Secunda in *Mare*, *cruorem* facit tanquam mortui. Tertia in *Fluvios* immissa eos vertit in *sanguinem*. Quarta in *Solem* efficit ut igni homines urat. Quinta in *Thronum Bestiæ*, ut regnum ejus obtenebrescat. Sexta in *Euphratem*, ut exsiccatâ aquâ ejus, via præparetur Regibus ab Oriente. Septimæ verò Phialæ objectum *Aërem* esse (in quem eâ effusâ, maximè post homines natos terræ-motus contingit, *Grandoq; Talentaria*) absq; hoc artificio memoria tenere non gravaberis.

11. Interea loci satis te percipere spero *principalis illius Fili Apocalyptici Visa* eorumq; ordinem, septem octove versiculorum ope animo firmiter infigi posse. Quibus reliqua Visa facili negotio *ordinatim* adhærebunt propter ipsam rerum *cognitionem* aut *oppositionem* apertam. Visa enim *Antemedialia*, sex primis Sigillis Synchrona, & Ecclesiæ *Apostasian* præcedentia, cum puriorem illius statum repræsentent, facile tibi occurret ea esse, *Atrium interius Symmetrum*, *Mulierem Sole amictam*, *stellisq; duodecim coronatam*, cumq; tam crudeliter persecutionibus Paganicis impugnata esset, *Prælium deniq; Michaëlis cum Dracone*.

12. Tempus verò sex primarum Tubarum cum sit Tempus *Apostatantis* Ecclesiæ, quo tamen tempore *vera Ecclesia* nunquam definebat esse, facile Visa ipsis Synchrona divides in ea quæ aut partem Ecclesiæ corruptam sive Idololatricam, aut quæ Ecclesiam mixtam vel quatenus mixtam, aut quæ incorruptam partem & sinceram repræsentant.

presentant. Primi generis sunt hæc tria, *Meretrix Babylonica*, *Bestia bicornis* quæ & *Pseudopropheta* & *Bestia Decacornis Instaurata*. Secundi generis duo, *Atrium exterius* sive *Civitas Sancta* gentibus calcata, & *Mulier Eremitica*. Tertiū hæc tria perfecta Synchrona. *Cætus Israëliticus*, *Cætus Virgineus*, *Duo Testes* sive *lugariter Prophetantes* sive *Occisi*. Imperfecta verò duo, *Visio trium Angelorum*, & *Visio Angeli Threnodi Babylonici*.

13. Tempus deniq; *septem Tonitruorum* quanquam magis varium sit, singulorum tamen Synchrona ut quorundam conjunctorum optima ratione cum ipsis cohærent. Ut Tonitruū primi quod septem Phialas continet (quæ plenario Bestiæ exitio inferviunt) duo Synchrona perfecta viz. *Doxologia Seniorum & Phialarum compendium*, & *Deuteroplerosis trium Angelorum* manifesta aut cognatione aut Identitate cum primo illo Tonitruo cohærent. Ita imperfecta tria. 1. *Angelus Threnodus Babylonicus*, qui cum secundo trium Angelorum incipit. 2. *Messis & Torculor*. 3. Et *Præparatio Sponse & Prælium Sessoris Equi albi* quæ cum Phiala sexta ineunt. Hæc omnia optimè cohærent cum effusione Phialarum, quæ Bestiam penitus perdunt. Ut *Apprehensio Satanae* cum *Descensione Novæ Hierosolymæ*, quod est secundum Tonitruum. *Satanaeq; Incarceratio* cum *Millenni Christi Imperio* quod est tertium Tonitruum. Et *Turba Palmifera* cum secundo & tertio simul. Quartum, quintum & sextum Synchrona non habent Singula, cum tertio conjuncta habent duo. *Duratiōem scilicet Novæ Hierosolymæ constitutæ*, & *Impiæ & Idololatricæ Turbæ Exclusionem*. Ultimum deniq; Tonitruum unicum habet Synchronum, *Consummatam Sanctorum salutem*, sive in Cælum Remigrationem, quod ex opposita ratione facile cum illo connecti intelligitur.

14. Qui memoratos versiculos animo firmiter infixerit & Synchronorum naturas aut cognatas aut oppositas vel paululū consideraverit, equidem vix dici potest quam nullo cum negotio Universas Visiones Apocalypticas ordinatim ac fideliter memoriā retenturus sit, quantaq; cum voluptate sensum earum sit percepturus in eisq; versaturus absq; omni onere ac tædio. Quod ex eo solo plerumq; oriri solet, quod hic liber Apocalypticus ad instar sylvæ videatur inviæ & Labyrinthæ, congeriesve confusa & perplexa Visionum sine omni ordine aut ratione congestarum, cum tamen revera compages sit tam ordinata ut nihil in omnibus Artibus aut Scientiis magis exactum inveniendū sit magisve perspicuum & luculentum & de quo certius judicium ferri possit quantum ad summam rerum, cujusve memoria feliciter aut jucundius retineri. Quod eo consilio dico, ut omnes bonos ad hoc genus studii extimulem, ut Mirabilia Divinæ Providentiæ mecum contemplari possint, pariterque ei qui Throno insidet gratias agere atq; Agno qui regnat in secula seculorum.

CAP. VII.

Necessariæ Intelligibilitatis Vaticiniorum Apocalypticorum ex rebus notissimis & apud omnes in confesso aut certis in se clarèq; demonstrabilibus luculenta in genere demonstratio.

1. **A**Tq; hic meritò opere hoc *synchronistico* mihi defunctus viderer nisi quod opportunum valde multumq; è re nostra fore censeam, per *Tabulas* has *Synchronisticas* vasis quorundam Tergiversationibus Hypocriticisq; suffugiis obviare; queritantium scilicet Vaticinia Apocalyptica ita inviæ esse & obscura, ut nemini operæ pretium esse possit eis intelligendis laborem insumere, fannisq; & derisionibus (ut est res superciliosa fastuq; plena affectata Ignorantia) aliorum in hoc genere studia excipientium. Ego verò ut morbum hunc curem aut saltem maleolentem ejus odorem nasutiorum naribus offundam, quo crassam hujusmodi hominum hypocrisin perverfamq; vafritiem percipiant, etiam *necessariam* quandam *Intelligibilitatem*, hoc est, non *incertam* & *preariam*, sed *apertam* & *inevitabilem*, qualem quis vel invitus agnoscere cogatur Vaticiniis Apocalypticis inesse, è rebus notissimis & apud omnes in confesso aut certis in se clarèq; demonstrabilibus perspicuè luculentèq; demonstrabo.

2. Notissima autem hæc cum jure postulari possint, (ut quæ verissima sunt) debeantq;

H

debeantq; concedi, *Postulata*, brevitatis causâ, à Mathematicis nomine mutuato appellabimus.

Postulatum. 1.

Quorum primum est, Tempus ab initio Ecclesiæ Christianæ ad finem usq; Mundi dividi posse in tres partes, ita ut prima pars finiatur circa Annum à nato Christo quadringentesimum. Secunda pars extendatur ad Annum ab eo tempore circiter millesimum ducentesium sexagesimum. Tertia, illinc ad finem Mundi Diemve novissimum.

Postulatum. 2.

Secundum est, Mediam hanc partem 1260. annis consistentem subdividi posse in partes septem æquales, viz. in tres annos annorum & dimidium annorum annum, i. e. in annorum *semiannos* septem, vel in annorum *semestria* septem, quæ 42. menses annorum constituunt; ut certum quoddam temporis spacium apud Danielelem dividitur in *Tempus Tempora* & *Dimidium Temporis*, i. e. in tres annos & dimidium, in quo omnes Interpretes consentiunt. De annis autem simplicibus non intelligendum esse sed de annis annorum abunde demonstravimus Myster. Piet. lib. 5. cap. 15. Est igitur *Annorum Semestre* vel *Semiannus*, vel *Semi-tempus* spacium annos 180 continens, ut *Olympias* annos quatuor, *Lustrum* quinq; , *Indictio* quindecim, *Seculum* centum.

Postulatum. 3.

Tertium est, per *primam* hujus Temporis tripartiti *partem*, nempe per tempora ab initio Ecclesiæ ad annum fere quadringentesimum, Ecclesiam ritibus Idololatriæ nondum contaminatam fuisse sed statu puro fere ac Apostolico mansisse, saltem quantum ad atroces ullas ac enormes deviationes à mensura Apostolica Dei; verbo, sed admodum interim enixè allaborasse ut id tandem eveniret, quod Christus, cum in vivis erat, prophetice prædixerat. *Ne formidate, parvum Ovile, nam visum est Patri vestro vobis dare regnum.* Quod tum primum factum est cum *Constantinus Magnus* conversus esset ad fidem Christianam, quo & Imperium Romanum Christianum evasit. Hoc autem *instituto* & *consilio* quasi *gravidâ* erat Ecclesia Christiana, nempe ut Christianam fidem per totum Imperium Romanum propagarent. Quam ob causam omnibus modis oppugnabantur à Diabolo & sævissimis Persecutionibus, Incarcerationibus, Cruciatus & crudelissimis mortis generibus affligebantur. Quæ ob spem victoriæ præmiq; , invictâ patientiâ tolerabant. Hic hujus temporis erat status, intra quod *Constantini Magni* contigit Conversio. Quibus de rebus nostrove earum narrandarum modo an naturalis sit & appositus nulla subesse potest dubitatio.

Postulatum. 4.

Quartum est, Circa initium *partis mediæ* Temporis tripartiti, dum Imperium Romanum in multa regna & principatus propter Barbarorum irruptiones frangebatur, incepisse Ecclesiam Ritus Idololatriæ fovere eaq; profiteri atq; agere, quæ *Divino verbo nentiquam quadrabant*, atq; in his Paganicis superstitionibus eo usq; tandem processisse ut præter Invocationem Sanctorum, Imaginum etiam cultum, & adorationem Eucharistiæ stabilirent, varioq; ritus Paganicos ita imitarentur, ut antiquus *Paganismus* rursus in Imperium Romanum introductus videretur & deturpata Christianitas *veteris Ethnicismi* speciem referre: Dum *viri pii* & *doctrinæ Apostolicæ tenaces* miserum hunc Ecclesiæ casum lugebant, *omnigenasq; ærumnas* & calamitates mortemq; adeo ipsam (alii immanissimis cædibus ac Lanienis, Alii vivicomhuriis) ob testimonium suum adversus has corruptiones & impietates invicto animo patiebantur, Potestate utiq; Sacerdotali sive Ecclesiastica turpissimos hos ritus sub *Infalibilitatis* prætextu, legibus stabiliente, & *civilem instigante potestatem* ad severiter animadvertendum in eos qui eosdem nolint observare; Deo autem interea loci partim ob antiquas partim ob novas Idololatrias malorum Iliadem in Imperium Romanum immittente.

Nam ingens facta est & repetita Barbarorum in Imperium Romanum irruptio ab Anno 395 ad annum 406, qui ferro & igne Romanum Orbem immaniter vastabant ac populabantur. Anno verò 410. ab *Alarico Gothorum* Rege Roma capta est spoliata & incensa, iterumq; à *Genferico Vandalo* circa Annum 455. Quin & mox Occidentalis Cæsareatus extinctus est in *Augustulo*, Civitasq; postea Romana, cum sub

sub *Regibus Ostrogothicis* Consulatu, Senatu, aliisque solitis Romanis Magistratibus ornata floruisse statim à bello per *Belisarium Narsetemque*; contra *Ostrogothos* gesto finitoque; in ignobilem Ducatum, illa quæ modo *Italia* Regina erat, depressa est, *Ravennæque* sub *Exarchatu*, facta tributaria.

Sed ut majora adhuc mala in Imperium Romanum ingruerant. Primum enim *Saraceni*, *Turcæ* deinde, utriusque *Idolorum hostes* infensissimi innumeris copiis in Orbem *Pagano-Christianum* & Idololatricum, ipsi interim falsæ & impuræ Religionis propagatores, tanquam flagella à Deo immissa, irruebant. Prior illa Plaga ab Anno 830. ad Annum 980. & porro, *Romano* Imperio incubuit. Posterior ab anno fere 1300. modo notabilius ingruens ad captam *Constantinopolin* extenditur & ultrà. Disce profecto hæc plagæ erant in Ecclesias Orientales.

Sed intra hanc mediam stadii Apocalyptici partem in *septimo* scilicet *semi-tempore* five *Annorum Semestri septimo* notabilis clades accidit Ecclesiæ etiam *Occidentali*, five *Romane*, multis Regnis populisque communionem ejus repudiantibus per factam haud ita pridem Reformationem; adeo ut ipsi *Pontificii* manum Dei justam ea in re agnoscerent, ut videre est in *Historia Concilii Tridentini*.

Inter magnas autem has rerum mutationes Providentiam Divinam aut dormivisse, aut vacillasse, neminem spero ita impudentem fore ut affirmet; sed incolumitati ac salutis suorum, occultis saltem aliquibus viis, fideliter prospexisse: quin & aperte aliquando id fecisse, magnifice gloriatur S. *Augustinus*; ipsosque etiam Paganos, ementito nomine Christiano, contra ferocitatem ac violentiam Barbarorum se munivisse.

Et postremo, in hac adulteratâ & Idololatrica Ecclesia veram Christi Ecclesiam latuisse, ut septem olim millia *Israëliitarum* (qui *Baalim* nec genibus accidebant nec oribus osculabantur) in turba *Israëlis* Idololatrica, extra omnem est controversiam. Huncque fere aut statum fuisse mediæ hujus partis cuniculi Apocalyptici, aut menaturali minimèque coacto sermonis genere eundem descripsisse, nemo qui vel primoribus labiis Historiam degustaverit potest inficiari.

Postulatum. 5.

Pars verò *tertia* & *ultima* cum tota ferè futura sit, brevius absolvetur. Inivisse verò, cum magna *Reformatorum Letitia* gratiarumque actione Deo, ob excussum *Romani* Pontificis jugum plusquam *Aegyptiacum* nemo potest dubitare. Pontificisve mancipia animo jam exulceratissimo factos esse adversus prosperitatem *Reformatorum*, omniaque miscere voluisse bello & seditionibus, conatibus verò suis eos excidisse manifestum est. Multaque Regna ac populos per aliquam multos jam annos in Fide reformati stetit stabilitos. Pluresque *Pontificis* Emissarios ob perfidiam propositaque nefaria adversus Principes reformatos meritis poenas luisse, totosque adeo exercitus pontificiis partibus faventes, aliquando fuisse fusos.

Quin &, quod dolendum est, quanquam Ecclesiæ reformatæ à ritibus Idololatricis pulchrè se repurgaverint, refrixisse tamen apud ipsos pristinum Zelum & charitatem, plusque cumulandis opibus quam regno Christi amplificando intentos esse, & de inutilibus opinionibus quam de vita immaculata magis sollicitos. Quibus rebus sit, ut iræ Divinæ obnoxii sint, magnasque calamitates expectare debeant, nisi resipiscant. Testimonia tamen eorum adversus Idololatrias Pontificias in Cœlo rata esse certissimum est, statumque Ecclesiæ in terris purum tandem fore ac gloriosum, ex multis è veteri Testamento Vaticiniis clarissime constat. Quod & *Ligatio* & *Incarceratio Satanae* per mille annos, quam adhuc futuram esse certissimis demonstrationibus evinci potest, aperte supponit, ut & abolitionem Potestatis Pontificiæ Idololatricæ. *Politia* verò illâ *Idololatricâ* solutâ, *Novam Politiam* æquissimis Legibus, summeque Christianis consistentem, formatum iri per *Concilium* aliquod verè *Oecumenicum*, valde profecto est consentaneum. Quas per mille saltem annos strictè observandas Divina aperte indicant oracula. Postea verò statum Ecclesiæ, ut sunt res humanæ, mutationibus obnoxie in pejus inclinaturum esse, nec tamen iterum in pristinas sordes Idololatrias relapsurum; sed ne in infinitum earundem rerum fiat repetitio, Christum antea ad Judicium venientem, præsentis rerum Scenæ finem esse impositurum, more etiam humano loquendo, admodum verisimile est, ex Divinis autem Oraculis certissimum. Atque hæc status Ecclesiæ per partem stadii Apocalyptici tertiæ five ultimæ brevis esto descriptio.

Postulatum. 6.

Sextum est, Librum Apocalypseos, cum incipiat cum Visionibus quæ ad res Ecclesiæ primitivæ spectant, ut omnes fatentur, & istiusmodi etiam Visiones exhibeat quæ statum Ecclesiæ in terris gloriosissimum adventumq; Christi ad iudicium præfigurant, (quæ ad primam & ultimam Stadii Apocalyplici partem referuntur) omnino consentaneum esse Visiones etiam continere quæ spectant ad mediam, adeoq; librum esse qui Visiones complectitur, quæ res *saltem Ecclesiæ* à principio ad finem usq; sine ullis hiatibus aut lacunis repræsentant.

Postulatum. 7.

Septimum & ultimum est, Eas Vaticiniorum Interpretationes quæ ex analogia *styli Prophetici* sensuque *Schematum & Iconismorum Prophetorum* usitato & approbato fiunt, Visionibus ad res gestas & tempora, nulla vi aut coactione, applicatis, Intelligibiles saltem censerì debere, quidni dicam & veras?

Generalis Tabula Perlustratio.

3. His sic præmissis, *Tabulas Visionum Apocalypticarum Synchronisticas* singulas jam breviter perlustremus, ut videamus quàm *neccessaria* Visionibus singulis insit *Intelligibilitas*.

Et certè dum primam sive *generalem Visionum Apocalypticarum Tabulam* contemplamur, videmus planè nihil occurrere nisi quod ex *Postulatis* primo secundo & sexto perquam facillè intelligitur; Tripartitio scilicet totius temporis Apocalyplici & variarum Visionum à principio usq; ad finem continuatio. *Tripartitionis* partium singularum *Synchrona* in particularibus Tabulis considerabimus.

Visorum Antemedialium Tabula Perlustratio.

4. Ut primò in Visorum *Antemedialium* Tabula. Quæ si cum tertio *Postulato* comparemus, quod nil nisi res indubitatas in se continet, continuò deprehendemus *Mulierem sole amictam stellisq; duodecim coronatam*, Ecclesiam significare Christo soli, qui sol est iustitiæ, ac duodecim Apostolis addictam, eorumq; doctrinæ adhærentem. Quod autem *parturiens* figuratur, immò *masculum paritura*, qui ad Dei thronum attollendus sit, id innuit, eam maximis laboribus & sævissimis tolerandis doloribus Persecutionum eniti, ut Imperium aliquando fiat Christianum, adeoq; tandem ut *Imperatores* habeat *Christianos*. Quod primò contigit in *Constantino Magno*, egregio Ecclesiæ *filio masculo* & ad *Thronum Dei*, id est, *Imperatorium* sublato. *Puritas* autem *Ecclesiæ*, eis temporibus, significatur etiam per *Atrium interius Symmetrum*, quippe cuius Fidei mensura erat *Verbum Dei*, Christi q; Doctrina ac Apostolorum. Nec ullis *Paganicis* superstitionibus & *Idololatricis* adhuc erat contaminata, quod in *Atrio exteriori* fit, quippe à *Gentibus conculcato*, hoc est, per *Idololatricum* quandam *Gentilismum* conspurcato. *Labores* autem & *Persecutiones* Ecclesiæ, & conflictus cum *Homicida* Diabolo ejusq; affecis nempe Paganis, figurantur in *Prælium Michaëlis* cum *Dracone*, qua de re nemo, quod sciam, dubitat, minusq; dubitabit, si *Cabbalistici* illius Aphorismi me minerit. *Non humiliatur Militia Terrestris in terra, nisi prius humilietur militia Cælestis in Cælo*.

Quò igitur collineant *Synchrona* hæc tria *Libri aperti Antemedialia*, facile cernitur; sed & eodem tendunt *Visa* quædam *Libri Sigillati*. *Equi enim albi Sessor* cum *arcu* in manu, cui data est *corona*, puta *Imperatoria*, nempe sub *viçtoria* *conditione*, idem innuit quod *mulier paritura Regem masculum*.

Hoc etenim est quò tendit & in quò dirigit *arcum*, *Metamq;* plenè attingit in *Sigillo sexto*. Ingens enim illa *Mundi Concussio*, stellarumq; casus, rerum *Paganicarum* mutationem significat, *Victoriamq;* *Constantini* adversus *Satanæ Vexilleferos*, quod nemo non fatetur. *Clamor* autem ille *animarum sub Altari* pro *Vindicta*, *Sigillo quinto*, persecutionem illam longè omnium acerbissimam sub *Dioclesiano* & deinceps, & imminentem Dei ultionem proximo nempe *Sigillo* futuram. Hæc tam clara sunt ut ferè pigeat notare, sed priorum trium *Synchronorum* sensum egregiè confirmant, ob rerum affinitatem.

Quod

Gaulmin. in
Lib. de Vita &
Morte Moysi
Notar. lib. 1.

VISORVM ANTEMEDIALIVM
TABVLA.


Quod deniq; faciunt *Ephesine* & *Smyrneae* Ecclesiae & res & nomina. *Ephesus* enim quod ad *Temporis* alludit, supra dictum scopum ac desiderium videtur subindicare; *Smyrna* verò amaritudinem, persecutionum scilicet acerbiteriam, notat, quas fideles Christiani *Antemediali* hoc tempore tolerabant. Quin & *Corona* fit mentio, ad Ecclesiam *Smyrneam*, & decem certè Persecutionum. Afflictionem habebitis dierum decem, *Apoc. 2. 10.* Esto fidelis usq; ad mortem & dabo tibi coronam vitae, id est, Coronam Imperatoriam, Imperio Romano ad Christianitatem converso, quo futuri estis securi à Persecutionibus Paganicis. *Pergami* etiam pars, quæ exaltationem significat, cum sigillo sexto, ubi filius Ecclesiae masculus ad Dei solium attollitur, contemporat. Si hoc non intelligibile est, quid obsecro est intelligibile? Breviter enim videmus, omnia Synchrona hujus primi Intervalli Stadii *Apocalyptici*, miro consensu inter se convenire, & rebus illius temporis accuratissimè congruere, Puritati scilicet Ecclesiae, Persecutionibus & Victoriæ. De veritate hujus Interpretationis, cum res ipsorum minùs lædat, ne Pontificios quidem ipsos dubituros esse confido.

Visorum Medialium Tabulae Perlustratio.

5. *Medialium* Visorum Tabulam jam consideremus, & Synchronorum inter se & cum rebus illius Intervalli congruentiam. Primò, per Postulatum quartum constat, Ecclesiam

Ecclesiam ab initio hujus Intervalli *Idololatricam* esse factam, i. e. Imperium Romanum ad Christianitatem conversum, ritus denuò resumpsisse Idololatrias, & *Gentilismo* se denuò contaminasse. Quod igitur *Atrium exterius* à gentibus conculcatum planè denotat. Synchr. 1. Deinde, Potestatem Ecclesiasticam sive Sacerdotalem, sub *Infallibilitatis* prætextu fœdos errores introduxisse, Religionemq; *Ethnicam* adeo ad vivum in ritibus suis expressisse, ut Imperium Romanum planè Christiano-Paganicum, sive *Bestia instaurata* videretur; i. e. *Imago Veteris Idololatriæ Imperii*, quamvis non idem ipsum Imperium, & tamen idem cum sit tam turpiter *Idololatricum* & eisdem ferè modis licet non eisdem nominibus quibus antea. Quæ res plane significantur per *Pseudopropheta* qui format *Imaginem Bestiæ* Synchr. 6. & per *Meretricem* quæ infidet *Bestiæ*, quæ erat, non est, & tamen est. Synchr. 8. Tertio, Querelas piorum, ipsorumq; oppressiones, & Afflictiones miseraq; mortis genera, hæc facta esse per malignas instigationes *Idololatriæ Sacerdotii* apertè significatur per Synchr. 2, 3, 6, & 8. per Visiones *Testium Lugentium* & *Occisorum*, per *Meretricem ebriam sanguine Martyrum*, per *Bestiam bicornem* quæ facit ut qui *Imaginem Bestiæ* nolunt adorare occidantur. Tres etiam *Angeli* & *Angelus Threnodus* contra Idololatriam hujus Intervalli testimonium perhibent & *Bestiæ* ruinam comminantur. Quarto, veram Ecclesiam Christi in hac fœda Apostasia non periisse, innuunt Synchr. 2, 3, 4, 7. nempe *duo Testes saccis amicti* & *Politice* mortui. *Mulier in deserto*, & *Cætus Virginis*. Tres etiam *Angeli* & *Angelus Threnodus*.

VISORVM MEDIALIVM TABVLA.



Intervallum autem hoc septem *semidierum* vel *semitemporum* Idololatricum & Apostaticum incepisse circa ea tempora quibus Imperium Romanum in multa Regna frangebatur manifestum ex eo est, quod initium *Bestiæ quæ bajulat Meretricem* quæ ipsa dicitur plena *nominibus Blasphemie*, i. e. Idololatriæ idem ponitur quod *decem Regum* Apoc. 17. 12. Idololatricum autem esse multis Iconismis manifestò declaratur, nempe quod Imperium *Imago sit prioris Bestiæ Idololatricæ* Cap. 13. quod *Bestia* plena sit *nominibus Blasphemie*, quod regatur à *Meretrice quæ Terra Incolas suæ scortationis vinò inebriat*. Cap. 17. Equidem non possunt esse clariores Idololatriæ Iconismi quam isti sunt.

Quin & res quinta sextaq; Tubæ huc consonant, cum enim *Grando Barbarorum* irruptionem in Imperium Romanum tam bellè figuret, *Mons ardens in Mare projectus* Romam captam & incensam, *Stella Absynthium dicta* amarulentum Cæsareatus Occidentalis occasum, sive exitum. *Cæli percussio* Romæ antiquis suis Magistratibus orationem, Consulatu, Senatu reliquisq; minime dubium esse potest quin *Locustæ Saracenos, Turcas* verò *Equites Euphratæ* significant, cum Imagines utriusq; cum Ingenio moribus factisq; istarum Gentium tam aptè etiam congruant. Divinam verò interim vindictam cæco impetu non ferri *cætus Servorum Dei illius Signaculo munitus* apertè docet.

Quam immanes autem Plagæ hæ Orbi erant Christiano, notissimum est. Causa verò ob quam Deus has plagas inflixerit planè declaratur. Apoc. 9. 20. *Et reliqui hominum qui his plagis occisi non sunt non destiterunt à suis Actionibus ne Demonia venerarentur & simulachra aurea, argentea area, &c.* Quinta igitur saltem sextaq; Tubæ Idololatriam etiam hujus Intervalli innuunt. Nam *daubria* sive *daupnas*, Animas separatas bonas pariter atq; malas significare Criticum neminem latet, uti nec eum latere oportet, stylum Apocalypticum obliquo potius & figurato Sermone gaudere quam directo & aperto. Versus autem vicessimus primus *Homicidia* etiam notat i. e. sævissimas persecutiones in eos qui Idololatriam cum ipsis noluerint committere.

Quin & conditio Ecclesiæ *Pergamensis & Thyatirensis* idem confirmat. Etenim quanquam in Epistolis ad Ecclesiam *Ephesinam & Smyrnam* Idololatriæ nulla sit mentio tanquam si Ecclesia eo morbo tunc temporis infecta esset, in Epistolis tamen ad *Pergamensem & Thyatirenses* Christus manifestò conqueritur de *esu Idolothytorum, mortemq; Martyris Antipæ & Jezebelem Propheticiam* commemorat, ut taceam ipsam vocem *Thyatira* ad *Soathena* sive *Martyrum Vivicomburia* alludere. Tam homogenea sunt medii hujus Intervalli temporis Apocalyptici Synchrona tamq; apertè *Idololatriam Ecclesiæ Sanctorumq; persecutiones* ubiq; figurant.

Cum autem hoc ipsum Intervallum Ecclesiæ propter *Sanctorum Invocationem, Imaginum cultum & Eucharistiæ adorationem* per Postulatum quartum, Idololatricum sit (omnes enim istos ritus reverà Idololaticos esse in *Antidoto adversus Idololatriam*, ejusq; *Appendice* luculentè demonstravimus) & *Homicidii reum* ob sævissimas persecutiones adversus Christi *cætum Virgineum*, qui Idololatriam nolunt committere, criminaq; hæc tam clarè Iconismis Propheticeis represententur, quomodo fieri potest quin omnes hæ Visiones *Mediales* perspicuæ sint admodum & intelligibiles?


Restat solummodò ut notabilem illam cladem Romanæ Ecclesiæ, quæ intra hoc medium Intervallum contigit per *Resurrectionem Testium septimo semidie resuscitatorum* significari moneamus. Evenit enim post *semidiem septimum* inchoatum nobilis hæc & nunquam obliviscenda *Reformatio*, qua *Testes* tam *Ecclesiastici* quam *Civiles*, modo *Politice* mortui revixerunt, in pedes steterunt, & *ascenderunt in Cælos*, hoc est, ad honores muneraq; tam *Civilia* quam *Ecclesiastica* subvecti sunt, integris Regnis Romanam Communionem deferentibus, quod per *magnum Terræ motum* (c. 11. 13.) præfiguratur, quo tot Populi abrupti sunt ab Ecclesia Romana & ad Religionem puram & Evangelicam conversi. Reliqui verò gloriam dederunt Deo judiciq; ejus justa esse agnoverunt. Atq; hîc sanè *Integralitas & Plenitudo Regni Bestiæ* à decem Regibus ante hac minimè accisi finitur, in hoc Annorum semestri septimo. Synchr. 5. Vide Apoc. c. 17. v. 17. Quàm pulchrè omnia hæc *Synchrona Medialia* cum medio curriculi Apocalyptici spacio conveniunt satis videmus. Perlustremus jam breviter *Visa Postmedialia*.

Visorum Postmedialium Tabula Perlustratio.

6. In Tabula igitur *Visorum Postmedialium*, si comparentur cum eis rebus quæ Postulatum quintum continet. *Latitæ Reformatarum Ecclesiarum* de Pontificis iugo excussio apertè respondet *Canticum Moysi servi Dei* c. 15. & *Doxologia seniorum*

rum c. II. 16. Immo ipsa Notatio Nominis *sardis* huc consonat, quod Periti linguarum Orientalium *Canticum Letitiæ* significare autumant. Deinde Effusio *Phiale primæ* quæ homines characterem Bestiæ habentes tetrīs ulceribus afficit, *exulceratos animos* mancipiorum Pontificis & inquietos, novasq; res adversus Ecclesias reformatas sed inauspicatō & cum suo damno molientes ad vivum repræsentat. Effusio verò *Phiale secundæ* quā Mare factum est *crur* qualis solet esse mortuorum satis apertè significat confirmatum Ecclesiarum reformatarum statum, ab Ecclesiâ Romanâ penitus revulsarum, & quantum ad res ejus prorsus *mortuarum*, omnemq; in hoc Mari, nempe in Regnis & Ditionibus Reformatorum, piscandi spem omnino esse extinctam, Effusio deniq; *tertiæ Phiale* qua *stuvii* facti sunt *sanguis cadem Emissariorum* Pontificis justorumve Exercituum in Reformatorum regna immisissorum satis apertè significat. Cæteras Phialas Phialarumq; Synchrona in Phialarum Tabula considerabimus.

VISORVM POSTMEDIALIVM TABVLA.



Quod verò ad vitia maculasq; attinet Ecclesiarum reformatarum quibus Divinæ iræ se reddunt obnoxios, fateor nihil eâ de re in Vaticiniis libri aperti clarè indicari. Sed cum status Phialarum *status* videatur *conflictus* inter partem Reformatam & Pontificiam, Templumq; dicatur *fumo impleri* dum Phialæ effunduntur, status certè hic *obscurus & involutus* optimè consistit cum *imperfectiōe* statūs Ecclesiarum Reformatarum, *vitii*sq; ob quæ Divinæ vindictæ fiunt obnoxia. In Epistola verò ad Ecclesiam

siam *Sardensem* apertè notatur *Imperfectio* hæc & *Vitiositas*, & *Comminatio* adjungitur nisi resipiscant, quod eos maturè facturos animitùs opto speroq;.

Statum verò Ecclesiæ *purum* tandem & *gloriosum* fore in terris plane significatur per *Descensionem Novæ Hierosolymæ de Cælo*, per *Millenne Regnum Christi* in terris, *Satanâ* interim non solum *apprehenso & ligato*, sed & in *Abyssum incarcerato*, foribus in eum obferatis per mille annos obsignatise. Cui consonat etiam *Philadelphia*, quæ *fraternum Amorem* significat; Epistolaq; ad eam Ecclesiam summas illius laudes tanquam Ecclesiæ perfectissimæ & immaculatissimæ continet. Potestatem verò *Pontificiam Idolatricam* ante abolitum iri *septem Phialæ*, plagæ novissimæ, in *Bestiam* infundendæ infligendæve satis indicant, quin & ex natura rei scælicia illa tempora eas præcedere oportere manifestum est.

Postea verò statum Ecclesiæ in pejus inclinaturum esse, *solutio Satanæ sanctæq; Civitatis obsidium* haud obscurè innuunt: ut & *Laodicea*, cujus Ecclesiæ status quam tepidus tandem sit, quamq; *Philadelphiana* dissimilis, quantum ad internum Amoris zelum vigoremq;, in Epistola ad eam Ecclesiam satis copiosè ostenditur. De Christi verò adventu ad Judicium Terræq; conflagratione ne minima quidem est obscuritas.

Septem Phialarum Tabulæ Perlustratio.

7. Superest ut Tabulam *septem Phialarum* breviter jam contemplemur. Partem autem eam quæ res præteritas spectat jam attigimus. Reliquæ sunt quatuor Phialæ postremæ, quarum Interpretationes & intelligibiles & probabiles dari posse styli Prophetici proprietas facile te docebit. Qualis Iconismus *Sol* sit ex *Alphabeto Prophetico* promptè intelligitur, nec ad unum solummodo astringi, ex Figura illa Prophetica quæ *Henopæia* appellatur. Quartæ igitur Phialæ effusio in *solem* significat aliquam mutationem factum iri in uno aliquo magno Principe aut pluribus, quæ ingens damnum illatura sit *Papatui*: dicuntur autem homines uri propter *radicem solis* (nempe quod is eâ solâ ratione nocere solet) & in eas angustias redigi, ut ad *blasphemias*, i. e. *Idolatricas* suas preces, sed frustra, se recepturi sint, uti ingeniosè exponit illam phrasin *Abrahamus Paganus*. Quintæ verò Phialæ effusio in *Thronum Bestiæ, Romanam Urbem* (de bicorni enim Bestia agitur) funestâ aliquâ calamitate afflictum iri apertè significat. Urbs enim septicollis Thronus sive sedes Meretricis est. C. 17. 9.

Jam verò *sextæ Phialæ* effusio in *Euphratem*, cum tam manifestum sit per *Equites Euphrateos Turcas* significari, admodum profectò consentaneum est ut aliquam mutationem, quæ in magnam jacturam & terrorem Pontificiis cessura sit, in *Imperio Turcico* futuram notet; rebus *Turcarum* sic constitutis ut via præparetur *Principibus Orientis* ad fidem Christianam puram & Apostolicam aut conversis aut convertendis, inter quos & *Judeos* fore valde est probabile. Per *Messiem* verò & *Sponsam præparatam*, quæ huic *sextæ Phialæ* contemporant, eandem, quam & ipsa significat, rem significari autumo.

Effusionem verò *Phialæ septimæ* in *Aërem*, quam tam immanis *Terræ-motus* comitatur, *magnamq; Civitatem in tres partes divisam grandinemq; de Cælo Talentariam* sic intelligo in genere; Imensas utiq; fore in omnibus falsis Religionibus rerum mutationes (*Aër* enim *Diaboli Regio* est, quippe cujus ille dicitur Princeps;) *Magnam* verò *Civitatem* omnium fere populorum universitatem significare. *Tripartitionem* verò distinctionem in eos qui *Infideles* sunt militantq; sub *Dracone*, in *Pseudocatholicos* qui militant sub *Bestia* & *Pseudopropheta*, & in *verè Evangelicos* qui doctrinæ *Apostolicæ* adherent. Populos verò *Infideles* appellari *Civitates gentium*, eosq; verorum *Evangelicorum Boanergium* voce attonitos & convictos cadere, i. e. resistere non posse quin veritati cedant. *Refractarios* verò *Pseudocatholicos, Babylonis* nomine notatos, *Talentariæ grandinis* casu decorticari ut arbores Tempestate grandinosâ, omniq; potestate exui, ita ut Potestas Pontificia funditus pereat. Pauca hæc notasse satis sit. Reliqua *Phialæ septimæ* facilius intelliguntur, obiter notando *Iconismorum* esse *Metallaxin*, *magnumq; exercitum* in *Civitatem magnam* mutari, nec *Civitatis divisionem* in tres partes per *Terræ motum* fieri, sed per *Lemmatosynchronian*.

SEPTEM PHIALARVM
TABVLA.



Septimæ autem hujus Phialæ interpretationem confirmat ejus Synchronon, *Prelum* scilicet *Sessoris Equi Albi*. Quod planè *Prelum* est *Sermonis Dei* qui bellum gerit cum *Regibus Terræ* eorumq; exercitibus, qui sunt *Civitates gentium*, & cum *Bestia* quicum est *Pseudopropheta*, qui ambo non convertuntur sed capiuntur & vivi conjiciuntur in stagnum ardens sulphure. Potestas utiq; eorum *Idololatrica* penitus aboletur. Reliqui verò, id est, *Exercitus Regum terræ*, *Infidelium* scilicet, occiduntur gladio *Sermonis Dei* (Apoc. c. 19. 21.) id est convertuntur, ut *Civitates gentium* antè cadere *Boanergium* voce dictæ sunt. Cum autem *Equi albi Sessor* dicatur *Torcular iræ Divine* calcare (c. 19. 15.) Capite verò 14. v. 20. ex *Torculari sanguis* manare usq; ad equorum frænos, nullus dubito, quin eadem res utroq; significetur, ingens utiq; *Evangelicæ veritatis* in *Judeos* & *Infideles* *Victoria*.

Id solum jam superest, ut *trium Angelorum* & *Angeli Threnodi Babylonici Dente-roplerofes* (nam de *Phialarum compendio* eadem ratio est quæ de ipsis *Phialis*) leviter attingamus. Per primum igitur Angelum intelligo seriem *Doctorem Evangelicorum* unius *Dei cultum* contra *Idololatriam Pontificiam* cum zelo & scientia acriter urgentium, à prima *Phiala* ad initium sextæ pertinentem. Secundum verò Angelum, hoc sensu intellectum, sextæ *Phialæ* contemporaneum facio, qui ob propinquitatem casus *Babylonici* eam quasi jam cecidisse pronunciat. Eò enim res *Phialæ sextæ* summopere & efficaciter spectant. *Tertius* verò *Angelus septimæ Tubbæ* contemporaneus ejusmodi

eiusmodi Doctores innuit, qui summo zelo & vehementia omni populo inculcant iram Divinam in eos qui characterem Bestiæ accipiunt, partibusq; Pontificiis se addi-
cunt, & in hoc seculo effusum iri & in æternum. Angelum verò *Threnodum Babylo-*
nicum eadem fere nunciare puto quæ secundus Angelus, sed *Threnodiam* suam exten-
dere usq; ad finem Phialæ septimæ.

8. Atq; hæc breviter dicta sint & in genere, quibus *Intelligibilitas* Vaticiniorum
Apocalypticorum demonstratur. Quod facile fit ex *Postulato septimo*, & recursum ad
Iconismorum Prophetorum Alphabetum, quem perpetuò, ubi opus est, fieri suppo-
no, uti etiam ad *Schemata Prophetica*, quorum utrorumq; usum & exempla in *syn-*
opsi Prophetica propono & explico.

Et certè quantum ad *Medialia* & *Ante-medialia* Vaticinia & quotquot à *Post-me-*
dialibus impleta sunt, ipsa *congruentia* Apocalypticorum Vaticiniorum cum *Eventis*
styloq; Prophetico satis fidem facit ea, & eo ordine disponi debere, & valdè *intelligi-*
bilia esse. Sed & *necessitatem* inesse huic *Intelligibilitati*, quandamq; quasi *inevi-*
tabilitatem, *Synchronismorum certitudo* ex insitis Visionum characteribus demonstra-
ta, aperta; *Epochæ* Visorum Medialium (cap. 17.) successione; Caput Bestiæ in-
dicatio porro evincunt. Quibus enim obsecro de rebus, præterquam eis quas in-
dicavimus, per totum terrarum orbem eo temporis Intervallo possunt illa visa *Medi-*
alia intelligi? Quæ *Meretrix Babylon*? quæ *Bestia bicornis* præter eam ipsam quam
innuimus? Potestatem scilicet Sacerdotalem, præsertim Romanam, terræ Incolas scor-
tationis suæ vino inebriantem. Quin & ipse Spiritus Sanctus *Meretricem hanc* super
septem *Romæ* montes sedere aperte docet, atq; eo ipso Ecclesiam illam, (suffugia
quærant, quam volunt, argutissima,) planè esse *Idololatricam*. Quod & verum esse
manifestissima ratio demonstrat. Nec tamen potest non mirificè oblectare pios, dum
humanas ratiocinationes vident divino suffragio tam clarè comprobatas.

9. Quod eos verò attinet qui hæc studia tanto contemptu excipiunt ac fastidio,
propterea quod nihil certi in eis statui posse existiment, sed omnia vaga esse, obscu-
ra & lubrica, querelam hanc certum est nullo niti fundamento, nisi quod aut fato
quodam, aut suâ culpâ, animo sint ab huiusmodi studiis averso, dum mentes tamen eo-
rum aliis fortean non magis certis Notionibus, longèq; minus utilibus refertæ tur-
gent. Eos verò qui suâ interesse putant Vaticinia Apocalyptica nunquam posse in-
telligi, si fingunt quod optant, minus quidem demiror. Interea loci, quicquid fit,
nimis quàm manifestum est viros quamplurimos eosq; doctos fateri se hæc non intel-
ligere, nec sperare se unquam intellecturos. Quæ quidem dum confidero, ad eorum
ferè accedo sententiam, qui harum rerum intelligentiam non tam celsitudini cuidam
ingenii, copiæve scientiarum, quam Divinæ gratiæ tribuunt. Atq; equidem omnino
sic sentio, non tam mentem requiri multis artibus & scientiis excultam, mundanâq;
munitam prudentiâ, quàm animum sincerum, ac præiudiciis liberum, Intellectumq;
humilem, simplicem, ac planè Infantilem, qualem describit in sua Doxologia bea-
tus Servator. *Ago tibi gratias, Pater, Cæli Terræq; Domine, qui hæc sapientes peri-*
tosq; celaveris, & patefeceris Infantibus. Ita Pater, quoniam sic tibi placitum est.

Magni Myſterii Pietatis
EXPLANATIO,
SIVE
Vera ac fidelis REPRÆSENTATIO
ÆTERNI EVANGELII
Domini ac Servatoris noſtri
JESU CHRISTI,

Dei Filii, Unigeniti, Hominumq; Principis ac Angelorum.

Per H. M. D. D.

1 Tim. 3. 16.

Et ſine Controverſia magnum eſt pietatis Myſterium: Deus conſpicuus factus eſt in carne, juſtificatus eſt in ſpiritu, conſpectus eſt ab Angelis, prædicatus eſt gentibus, fides illi habita eſt in mundo, ſurſum receptus eſt in gloriam.

Act. 1. 10, 11.

Et cùm eſſent intentis in Cælum oculis, eo proſciſcente, ecce, viri duo adſtiterunt illis albo veſtitu.

Qui & dixerunt, viri Galilæi, quid ſtatis intuentes in Cælum? Hic Jeſus qui ſurſum receptus eſt à vobis in Cælum, ita veniet, quemadmodum conſpexiſtis eum proſciſcentem in Cælum.

Gal. 1. 8.

Etiamſi Angelus à Cælo aliud atq; hoc Evangelium prædicaverit, Anathema eſto.

LONDINI,

Typis J. Macock, Impenſis Johan. Martyn ſub Signo Campanæ, & Gualteri Kettilby ſub Signo Capitis Episcopi in Divi Pauli Cœmeterio.

MDC LXXIV.

Magni Myſterii Pietatis

EXPLANATIO.

ETERNI EVANGELII

TESTI CHRISTI.

Per R. M. D. D.

LOVDIV.

Typis J. Maſſae, Impensis Johannis Maſſae, & Gubernatoris
in unum sub signo Capite Philippi in unum Pauli Constantini.


MDCXXIV.

MAGNI MYSTERII PIETATIS EXPLANATIO.

LIB. I.

CAP. I.

1. *Quatuor præcipuæ Mysterii proprietates.* 2. *Prima proprietas, Obscuritas.* 3. *Secunda, Intelligibilitas.* 4. *Tertia, Veritas.* 5. *Quarta, Utilitas.* 6. *Naturæ Mysterii aliquanto plenior Descriptio.* 7. *Totius Tractatus Distributio.*



1. Mysterium unumquodq; legitimum his quatuor saltem gaudet Proprietatibus. Est enim pars scientiæ, Primò competenter *Obscura*, recondita & abstrusa; hoc est, Non est eò usq; abdita difficilisque explicatu, quin, in Secundo loco, sit ad modum debitum *Intelligibilis*. Tertiò, Non est solum *Intelligibilis*, hoc est, istiusmodi quam quis mente complecti possit sine ulla rerum repugnantia, sed certò *evidenterq; Vera*. Quartò & ultimo, Non est aliena aliqua inanisque speculatio, sed *Veritas* admodum *fructuosa & utilis*: bene adjici etiam potest, ad finem aliquem *Religiosum*.

2. *Obscuritas* autem hæc abstrusaque ejus ratio Mysterium reddit non solum *augustum* magis ac *venerabile* eis hominibus quibuscum communicatur, sed illud etiam abscondit ab eorum oculis qui indigni sunt qui ejus participes fiant. Unde quidam *Critici Mysterium* derivârunt à voce *Hebraica* מסתר quæ est à סתר *abscondere*. In quo quidem quoad sensum bellè collineatur. Alii verò, majori cum peritia rerum Grammaticarum, agnoscunt *μυστήριον* esse Græcum vocabulum nativum, indidemq; illius rationem petunt, nempe à μύειν, *μυστῆρ* τὸ μύειν τὸ σῶμα, quoniam ii quibuscum communicatur *silentium tenere* obligantur, nec illud indignis & inidoneis hominibus impertiri. Et ad hunc sensum *Chrysostomus* Mysterium interpretatur, τὸ ἀπόρρητον καὶ θαυμαστὸν καὶ ἀγνώστου, *Materiam mirabilem, incognitam, nec facile temereve cum aliis communicandam*.

3. Nec certè omnino communicari posset si nullo pacto posset intelligi. Quamobrem *Intelligibilitas* hoc insuper Mysterio requisitum adjicit, quòd inde sit *communicabile* eis qui ritè præparati sunt ad illud recipiendum. Quamobrem Etymologiarum Magistri hanc etiam rationem vocis *μυστήριον* reddiderunt, quòd sit scilicet, à μύειν, quod est *docere & erudire* hominem in rebus sacris, quousq; ille idoneus sit ad audiendum. Atq; hinc etiam fit *μύστης mysta*, Scholaris vel Inceptor in Divinis Mysteriis, talis qui non nisi leviter tinctus vel imbutus est cognitione hujusmodi rerum sacrarum.

4. Cæterum postea clarius homini obvenit manifestatio, pleniorq; satisfactio; tuncq; qui modò μύστης erat, jam ἐπὶ πλείους evadit sive ὑποφωτισμένος, cum magis firmiter nunc persuasus

persuasus sit de illa *Veritate* quam non nisi obscure antea perceperat. A qua claritate rei representatæ ac certitudine necessariò oritur plenus liberq; mentis *Assensus* absq; omni addubitatione vel hæsitantia; cùm vulgatum illud verbum opportunè hîc expleatur, *Visionem esse quæ firmam rei facit fidem.*

5. Verùm ut nè arida ac jejuna *fides* sit sine omni affectu ac complacentia in illius objecto, idcirco etiam addidimus, *Mysterium* hoc non solum certò *verum* esse, sed & apprimè *fructuosum* & *utile*; quod tametsi vox *μυστήριον* ipsa non innuat, est tamen aliud in eadem lingua ejusdémq; sensus vocabulum quod apertè id indicat. Est autem *τελεσιω*, i. e. *In sacris Mysteriorum initiatio*; cujus utilitatem *Platonius* quidam, nec sine verbali allusione, perquam optimè describit ad hunc modum. *Σκοπὴ τῶν τελεσῶν ἐστὶν εἰς τὴν ἀναγὰν τὰς ψυχὰς ἀεὶ, ἀφ' ἧς τὴν πρῶτην ἐποίησαντο κάθοδον, ὡς ἀπ' ἀρχῆς.* Quæ sententia si transferre eam velimus in linguam magis familiarem, sic sonat. *Quod scopus utiq; finisq; omnium Mysteriorum religiosorum est restitutio lapsi hominis ad pristinam beatitudinis conditionem, reduciòq; illius ad sublimem illam stationem quam ille tunc primùm deseruit, quando propriam suam voluntatem, voluptatémq; vitæ Animalis voluntati Dei præferebat, vitæq; illi ac sensui qui reverrà est divinus.*

6. Quamobrem, nè nimium diu in limine hæreamus, breviter & in genere concludimus, *Mysterium* esse partem Divinæ scientiæ mediocriter saltem *Abstrusam*, ex quo sit *Venerabilior*, & *Intelligibilem* ut fiat *Communicabilis*, & *Veram* ac certam ut *firmum* pariat *Assensum*, & admodum deniq; *Utilem* & efficacem ad perficiendas hominum animas, easq; restituendas ad eam fœlicitatem ex qua olim exciderunt; ut *Utilitas* rei quæ tam propè eos tangit æquè possit *affectus* eorum sibi attrahere atq; veritatis evidentia illigare ipsorum intellectus, atq; ità totus homo ferri in fervidum amplexum earum rerum quæ ipsi exhibentur per religionis suæ cognitionem.

7. Quæ generaliiori hoc modo proposuimus, magis particulatim jam tractabimus, pleniùsq; prosequemur quatuor eas primarias Proprietates in *magno illo Pietatis Mystério* quam *Christianitatem* appellamus, Tractatum distribuendo in quatuor has partes Principales. Quarum Prima paulisper *Obscuritati* nostræ Religionis insisteret, Secunda ejus *Intelligibilitati*, Tertia *veritatis Certitudini*, Quarta ingenti illius *Utilitati*. Quibus tandem addemus quas considerationes maximè opportunas fore judicabimus de secundariis Proprietatibus quæ ex his primariis oriuntur.

C A P. II.

Christianitatis Mystério convenire, ut sit mediocriter saltem obscurum ad excludendos ventri mundoq; deditos. 2. Quemadmodum & ad eludendos conatus inobsequentis eruditionis & industriae. 3. Et ad oblectandos & perficiendos homines pios verbòq; Dei obedientes. 4. Gratificationes insignes quæ Animabus speculationi deditis ex obscuritate Scripturarum obveniunt.

1. **N**ON mediocrem quidem esse *Obscuritatem* in Christiana Religione facilè evincitur tum è causis tum ex effectis hujus *Obscuritatis*. Nam præterquam quòd ex communi *Mysterii* natura Christianitas debet competenter *obscura* esse & *abstrusa*, ut indè *venerabilior* fiat & ab omni contemptu remotior; non possumus non videre quàm specialis præterea in re ipsa congruitas sit, ut tam sanctum tamq; immensi momenti *Mysterium*, quàm est Religio nostra, *abstrusum* sit & *obscurum*. Divina enim illa Sapiencia, quæ omnia justè ordinat, pretiosas illas veritates modo adedè exposito & obvio communicare non debet, ut indigni æq; facilè ac digni ipsas percipere possint; sed leves homines & voluptatibus mundòve deditos negligere, permittens unicuiq; merces secum domum reportare, pro ratione precii quod in communi foro persolvere voluit: Cùmq; tantam valeant operam infumere rebus vilibus & leviculi momenti, non oportet profectò eam se abstinere à plectendo hos contemptores Margaritæ tam inæstimabilis, æternâ illius jacturâ. Quàm enim manifesta Hypocrisis est si quis se liberatum putet à Pietatis studio, per querelas suas de difficultatibus illius *Mysterii* & ambiguitatibus, cùm tamen nè decimam quidem partem laboris ac studii quod in res vulgares vilésq; hujus mundi impendit, in ipsum unquam hætenus impenderit?

2. Atq;

2. Atq; certè hoc pacto tum levi ac dissoluto *Voluptuario*, tum etiam *Mundano* nimis anxio ac sollicito merita rependitur gratia; sed nec iis solis, *Obscuritas* enim hujus Mysterii de quo loquimur talis est ut universa Naturæ ac Geometriæ scientia ad profunditatem illius nunquam penetrare possit, ejusve præstantiam sapere, nec omnimoda Linguarum peritia rectè illud interpretari, nisi verus ille Interpres magnusq; *Mystagogus*, ipsius utiq; Dei Spiritus, dignetur illud nobis aperire, ipsumq; mentibus nostris ita penitus insinuare ut fidem gignat in nostris cordibus, adeò ut corda nostra nihil hæsitent dum externâ voce veritatem illius profiteamur. Nam quod *ipsam literam* sacrorum Oraculorum attinet, Deus per ipsam non tam manifestò mentem suam exposuit, ut videri possit, baculum, quod dicitur, è manu propria cecidisse, sed etiamnum humilem dirigit cordisq; simplicis hominem; dum scrutatorem superbum in hoc obscuro Veritatis campo inextricabilibus erroribus patitur defatigari. Quamobrem *immorigera* tum *Eruditio* tum *Industria* arcentur à plena certâq; hujus Divini Mysterii cognitione, æquè ac animus *Mundanus* ac *Voluptuarius*. Quemadmodum & beatus noster Servator pronuntiavit in pia illa Doxologia, *Confiteor tibi, Pater, Domine Cæli & Terræ quòd absconderis hæc à sapientibus & intelligentibus, & ea detexeris infantibus. Etiam Pater, quia ita placuit tibi.*

3. Nec *impii* solummodò frustra sunt per hujus sacri Mysterii *Obscuritatem*, sed magna profectò gratificatio fit *piis*. Etenim animus humanus cùm ex sua natura rebus cognoscendis ita deditus sit, cùmq; Intelligentia una sit è præcipuis illius facultatibus, non potest non esse ipsi valde oblectabile & jucundum nobilissimas mentis dotes in Divinissima Objecta collocare, admodumq; congruum & decorum ut ejusmodi exercitiis consecrarentur. Ut taceam, præsentem de veritate addubitationem, sanctas animas magis adhuc pias & à Deo pendentes facere, solo utiq; illo tuto ad veritatem fidelisq; Duce. Ex quo fit ut tantum nos abesse oporteat ab obmurmurando contra Divinam Providentiam, propter sacrarum Scripturarum *Obscuritatem* & ambiguitatem, ut eò magis ob id mirari debeamus illius sapientiam, cùm tot tamq; graves causas detexerimus cur divina Oracula debeant esse *Obscura*. Quippe quòd impios & prophanos homines procul hinc arcet & excludit, debitam Mysterii Reverentiam tuetur, & condignis deniq; Mystis multum prodest magnoperèq; gratificatur.

4. Etenim, quid obsecro majorem in modum Homini gratificari potest (cujus ipsa natura *Ratio* est, Privilegiùmq; proprium *Sermo*) quam ex Artium, Linguarumq; peritia, per mentis sagacitatem, sedulamq; comparisonem unius loci Sacrarum Paginarum cum altero, elaboratè eruere aut saltem clariorem reddere Divinam aliquam veritatem è Scripturis ad inopinatam suiipsius oblectationem generalèmq; utilitatem Ecclesiæ? Quandoquidem charissima ejus Animæ facultas, summâq; naturæ suæ gloria plenissimo hic agunt jure, & in tam laudabilem finem, ut non opus sit limitibus, sed infinitum esse possit gaudium & exultatio, cùm in eo cor triumphet in quo modus non facilè exceditur, in honore scilicet Dei, Bonòq; illius populi publico. Quæ omnes Animæ gratulationes in prosperis suis Divinarum veritatum prosecutionibus omnino perderentur, vel præverterentur, si in sacris Scripturis omnia tam plenè planèq; ac methodicè descripta essent ut Lectio nostra & Intellectio pari ubiq; passu procederent. Quam ob rem ut mens humana spirituali quasi quadam Agriculturâ condignè exerceretur & occuparetur, Deus Scripturam non fecit tanquam Hortum humano artificio excultum, ubi Ambulacra plana sunt & regularia, Arbores secundum genera separata, & ordinatim sitæ, Fructus maturi, Herbarq; efflorescentes, omniâq; plenè visui nostro exposita; sed potius tanquam Agrum rudem & incultum, ubi certè habeamus Solum abditâq; rerum pretiosarum semina, nihil tamen ad ullam Pulchritudinem, Ordinem, Perfectionem vel maturitatem absq; propria nostra industria perducì possit; nec sanè cum ea, nisi ros illius Gratia super eam descendat, absq; cujus benedictione spiritualis hæc cultura nihilo melius successura est quàm Agricolarum labor sine sole & pluvia.

C A P. III.

1. Obscuritas Christiani Mysterii ab effectis probata, qualia sunt Judæorum Rejectione Messiae sui. 2. Sectarum multitudo inter Christianos. 3. Opinionum earum differentiae de Trinitate. 4. De Creatione. 5. De Anima humana. 6. De Persona Christi. 7. Et de natura Angelorum.

1. **H**Actenus Christiani Mysterii *Obscuritatem* arguimus ab illius causis, quibus evicimus oportere illud esse obscurum, ac proinde quod ita esse valde sit verisimile. Verum illius effecta adeo manifesta sunt ut si vel breviter ea indigitemus, necessario extra omnem controversiam positum erit revera sic esse.

Exempla jam pauca proferamus in medium. Cur *Judei* nondum conversi sunt? vel potius quid est quod primitus *Messiam* suum repudiarent, nisi quod Scripturarum Prophetiae adeo obscurae erant ut falsam de eo notionem praconceptissent, deique illius conditione in qua esset appariturus? Expectabant enim illum tanquam potentem Principem futurum, qui regnum restitutus esset Israel, Victoriisque, Pacem, Prosperitatem, ac Dominium, super gentem Judaicam sua opera accumulaturus, Cui opinioni, credo, *Mosaica* Oeconomiae vilitas, sub qua vixerunt, (quae perpetuo ipsis proponebat mundana commoda tanquam Obedientiae suae praemia) illos illigaverat. Promissa enim illa cum aut figurativa essent & Allegorica, aut miscerent aliquid de statu secundi adventus Messiae cum primo, cumque avidus eorum oculus omnino fixus esset in id quod secularem felicitatem maxime promittere videbatur, nullum alium sensum praeter eum ipsum in scriptis illis Enigmaticis illi profecto observare potuerant. Quae tamen satis clara erant omnibus quos Deus ad eorum Intelligentiam praepararat, quique ad electionem Gratiae pertinebant. Potuit vero, si ita sapientiae illius visum fuisset, omnia tam manifesta facere, ut nihil opus foret hodie Judæorum vocationem expectare, sed longe antehac in unum nobiscum corpus coaluissent. Verum ipsorum rejectio in majorem nobis cedit Veritatis Religionis nostrae confirmationem & certitudinem, cum eam vel ex eis ipsis monumentis demonstrare possimus quae ab apertis nostris Inimicis custodiuntur. Et praeterea, nemo majori cum Ratione requirere potest ut totus Israel simul conflaturus fuisset ad Christum quamprimum apparuit, quam ut secundus Adventus conjungendus fuisset cum primo, primusque retro reducendus ad seculum post lapsum Adami proximum; nec id certe meliori jure, quam ut Autumnus in Aetatem & utrique in Ver tanquam in unum cumulum conjicerentur. Consilia Dei simul sunt ac semel, sed ipsorum completiones lente maturescunt debitoque ordine & tempore.

2. Caeterum, tametsi *Judeos* missos faceremus, nosque contineremus intra eorum limites qui aut sunt aut haberi volunt *Christiani*; eorum certe opiniones ac Sectae & fuerunt & etiamnum sunt tam numerosae, ut vel ipsa memoratio tam manifestae Veritatis sufficere possit ad evincendam *Obscuritatem* illorum Oraculorum ad quae omnes provocant. Exempla producam solummodo in rebus majoris momenti, quod satis certum pignus erit innumerabilium dissensionum in minoribus.

3. Quamobrem, ut nihil dicam de Mystero illo maxime arduo *Trinitatis* in divino Numine, (ubi difficilis illius Problematis Speculatores curiosi primo dividuntur in *Trinitarios* & *Anti-Trinitarios*, deinde *Trinitarii* in *Heterusianos*, *Homusianos*, & *Homousianos*,) videbimus eos profecto dissentientes, non solum in Personarum distinctione sed & in ipsa Divina Essentia. Dum Alii affirmant Deum esse infinitum, alii finitum, Quidam Spiritum, alii Corpus, Tertii non solum Corpus sed & figuram humanam praedictum. De qua Opinione *Anthropomorphitae Aegyptii* tanto cum zelo & confidentia contenderunt ut Episcopum *Alexandrinum*, praemortis metu, ad subscribendum huic ipsorum tam crassae imaginationi cogerent.

4. Rursus de *Creatione Mundi*, Alii affirmant Deum fecisse ex materia sibi coaeterna nec ab ipso dependenti; Alii ex nihilo eum creasse; Alii non fecisse omnino, sed factum esse ut quidam statuunt ab Angelis, ut alii a Diabolo.

5. De *Anima humana*, Quidam asserunt, quod subsistit agiturque; antequam veniat in corpus; Alii in corpore solo; Alii nec in eo, ut qui revera tenent Animam non esse, sed ipsum corpus per seipsum omnia peragere. Quod quidam tenent aliquando resurrecturum esse, Alii nunquam, sed totum Christianitatis Mystrium in hac vita perfici.

6. De

6. De *Christo*, quidam arbitrabantur eum solum Deum esse in humana specie se exhibentem; Alii hominem solum, Alii utrumq; Alii neutrum.

7. De *Angelis*, quidam affirmant eos corpora esse Ignea vel Aërea, alii Spiritus puros, alii Spiritus corporibus Aëreis vel Igneis indutos; Alii quod nihil horum sint, sed *momentaneæ ex Deo Emanationes*; alii deniq; quod sint nihil aliud quàm *Divina quædam Imaginationes* in hominum mentibus. Quod nullo pacto admitti potest, nisi quis forte ferre possit sanctum Patriarcham *Abrahamum* eò usq; per ætatem delirasse, ut tenero opimòq; vitulo, tribusq; panibus subcineritiis tres divinas Imaginationes exciperet, quæ ipsum in tabernaculo suo inviserant. Cæterum pro certissimo habendum est, tam levia ac enormia glossemata quàm hæc sunt nihil aliud arguere posse, quàm obliquam in ipsum Textum, omnemq; omnino Religionem, contumeliam, interpretemq; Christianum non esse, sed aut Atheum aut saltem Infidelem. Quamobrem ut hujusmodi animas temerarias polluti perversiq; sui Ingenii dictatis relinquamus, considerabimus potiùs pauculas quasdam sed maximi momenti difficultates, in quibus quidam homines aliàs, intra suam profectò Sphæram, satis intelligentes, satisq; strenui Autoritatis sacrarum Scripturarum assertores, à reliquis plerisq; Christianis dissentiunt.

Prima difficultas est, *De Trinitate Personarum in Unitate Deitatis.*

Secunda, *De Divinitate Christi.*

Tertia & ultima, *De statu Animæ post mortem.*

Quæ quidem Theoremata quamvis sint, fateor, subtilis speculationis, videntur tamen tam necessaria & essentialia, duo priora præsertim, Religioni Christianæ, ut è re fore putaverim ea siccâ mentione non præterire, nec sanè multa dicere in tam profunda plenâq; Mysterii materia.

CAP. IV.

1. Trinitatem è Schola Platonis non esse introductam per Patres in Ecclesiam. 2. Platonice Trinitatis descriptio, differentiaq; *Hypostaseôn*. 3. Descriptio Unitatis earum. 4. Cûq; omnes tenentur debitum Adorationis Objectum. 5. Irrefutabilis Rationabilitas Trinitatis Platonice, quam tamen declinabant Patres, planè demonstrat Trinitatem è schola Platonis non fuisse introductam in Ecclesiam. 6. Quod porro evincitur ex consensu notionis Platonice Trinitatis cum verbis phrasiq; Scripturæ. 7. Si Christiana Trinitas è Platonis Schola petita fuisset, non tamen sequi, quod Mysterium sit Paganicum. 8, 9, 10. Trinitatem esse, multis probatur sacræ Scripturæ Testimoniis.

1. JAM verò quod primum attinet; *Trinitas*, inquiunt illi, in genere contra ipsam objectantes, nihil aliud est, nisi Paganicum quoddam atq; Ethnicum figmentum è Philosophia *Pythagoræ* aut *Platonis* accersitum, & doctrinæ Ecclesiæ per antiquos Patres insertum, quorum pleriq; erant *Platonici*. Ad quod respondeo; Quod non est omnino verisimile, Patres à schola *Platonis* Trinitatis Mysterium mutatos esse, quemadmodum facilè intelligetur postquam, quantum præsentī Instituto inserviturum sit, *Platonice Triados* doctrinam explicaverimus. Quæ breviter sic est.

2. Tres sunt, inquiunt illi, *Hypostases* in Deitate, verbi gratia, *Τὸ γὰρ, νοῦς, ψυχὴ*, hoc est, *Bonum*, sive *prima & quæ ipsa ex se existit Bonitas*; *Intellectus*, sive *Mens æterna*, & *Anima* deniq; sive *Spiritus*. Suum verò *Τὸ γὰρ*, appellant etiam *Platonici* *τὸ ἰν*. Omniaq; tria ad hunc modum distinguunt.

Τὸ γὰρ }
Νοῦς }
Ψυχὴ }

Bonum. }
Intellectus. }
Anima. }

τὸ πρῶτον ἔν
ἔν παντι
ἔν τῇ παντι.

(Primum Unum.
Unum Omnia.
Unum & Omnia.

Si intelligentiam hîc nostram paululùm sublevare velimus Imaginationis adminiculo, *Primum* possumus comparare cum simplici puròq; Lumine; *Secundum* cum

lumine in colores variegato, quemadmodum fit in Iride; *Tertium* cum illis Luminis Radiis (totum enim lumen est) qui recipiunt & deferunt hos colores ad terram usq; , eosq; imprimunt & reflectunt ab immoto aliquo stagno aquæve conceptaculo. Rursus, prima Hypostasis est καὶ ὅτιαν τὰ γὰδδν, καὶ αὐτὴν νοῦς. *Essentialiter Bonum, Causaliter Intellectus*. Secunda est καὶ ὅτιαν νοῦς, καὶ αὐτὴν ψυχὴ, καὶ αὐτὴν μίθεξιν τὰ γὰδδν. *Essentialiter Intellectus, Causaliter Anima, Participativè Bonum*. Tertia est καὶ ὅτιαν ψυχὴ, hoc est, Ἔσως καὶ ἀμνηστία, καὶ αὐτὴν ὅλην καὶ κόσμον, καὶ μίθεξιν νοῦς καὶ τὰ γὰδδν. *Essentialiter Anima, hoc est, Amor & Operatio, Causaliter Materia & Mundus, Participativè Bonum & Intellectus*.

3. Nunc verò quantum ad *unitatem* trium Hypostaseōn, illius perfectionem optimè per gradus intelligemus. Ut, primò, quòd vita propria atq; energia, si ità fas sit loqui, uniuscujusq; Hypostaseōs intra seipsam non coërcetur, sed ad instar vocis alicujus soniq; audibilis in silenti nocte, per universam Deitatem perpetuò resonat, vel quemadmodum fit in Cantico trium Partium dum canitur, Cantatores singuli totà fruuntur Harmonià.

Verùm hoc, fateor, propiùs ad imaginem accedit *Communitatis* quàm *Unitatis*. Ac proinde gradum alterum faciamus, affirmemúsq; , Quemadmodum Corpus & Anima concipiuntur unum hominem constituere, & Corpus hoc individuum individuáq; hæc Anima constituere hunc individuum hominem; ità & tres Hypostases concipi posse unam individuum constituere Deitatem, cùm & ipsarum unitas mutuáq; sui ipsarum actuatō infinis vicibus perfectior sit quàm in ulla re alia quacunq; fingi potest. Quòdq; quemadmodum motiones Corporis ab humana Anima percipiuntur, Animáq; humanæ impressiōes in corpus ab ipso itidem perciperentur, si ullam haberet in seipso percipiendi facultatem; ità ex arctissima hac & ineffabili trium Hypostaseōn unitate mutuáq; Actuatione singulæ ipsarum peculiare Energiae ab omnibus invicem perfectè percipiuntur. Vitáq; Primæ modis adeò infinitis & ineffabilibus Secundæ gratificatur & utrarumq; Tertiæ ex immutabili necessitate naturæ & congruitate, ut manifestum sit eas non nisi unam habere posse voluntatem, quod est Cor ipsum, Centrum sive Radix Deitatis, puta, *Æterna & ex seipsa genita Bonitas*.

Tertiò verò & ultimò, Hæ tres Hypostases non solùm *unæ* sunt ex *unitate* hac mutue *Actuationis* quæ *separabilitatis realis* capax videri potest, sed est etiam *realis* quædam in ipsis *Unitas* atq; *Identitas*, cùm distinctio inter ipsas, quemadmodum loquitur *Tatianus*, καὶ μυστηριώδης sit καὶ ἀποκορύφω, ad instar Radiorum Solarium ratione Solis; vel si malles, ut se res habet in Centro, Radiis & superficie Globi, quem repugnat concipi absq; ipsis, vel in facultatibus Animæ respectu Animæ ipsius, quæ ab ipsa æquè inseparabiles sunt quàm ipsa est à seipsa.

Cum igitur omnium Unitas, Emanatióq; Secundæ & Tertiæ è Prima adeò naturalis sit, necessaria & inevitabilis (Prima enim sine Secunda non magis esse potest, nec Secunda sine Tertia, quàm Sol absq; suis radiis Animæ absq; suis facultatibus) nullus restat scrupulus, inquit illi, quin hoc rectè appellare possimus *Divinum Numen* sive *Deitatem*, cùm Secunda Tertiáq; è Prima Radice tam inevitabiliter emergunt & ab ipsa adeò sint inseparabiles. Ac proinde nihil hîc est quod propriè creatura dici potest, quandoquidem *Creatio libera* est actio & *in tempore*, Emanatio hæc *necessaria & æterna*. Quod si creatura non sit, quid obsecro esse potest nisi Deus?

4. Cumq; ex his tribus omnia sint quæ facta sunt, inq; earum manibus rerum omnium sint Gubernacula, nihil minus quàm *divina adoratio* ipsis de jure competere potest. Quanquam enim aliqualis esse possit excellentiæ earum submissio vel diminutio in ipsarum descensu à prima, tamen cùm omnes rectè habeantur Creatores nostri & Gubernatores, nullam quidem ex ipsis oportet Divino cultu excidere.

5. Hoc summarium est compendiosissimum doctrinæ *Platoniorum* de *Trinitate divini Numinis*. Quæ quidem, quemadmodum in seipsa satis rationi consona videtur, ità nec obnoxia audaculis illis cavillationibus quas nimis temeraria Ingenia contra sacrum *Trinitatis* Mysterium expromunt; Urgentes contra distinctionem Personarum sine Essentiarum differentia, illas non nisi tres *Logicas* notiones esse uni *singulari* ac *individue* naturæ attributas; Contráq; tres Essentias ejusdem naturæ, videri eas superfluum quandam esse ac gratuitam ejusdem rei Repetitionem, ingénsq; illud chasma Deum inter mundúmq; creatum æquè hiulcum hoc pacto esse atq; antea; Omninoq; concipi non posse quin cùm ultima Hypostasis ejusdem prorsus naturæ sit cum prima, ipsa etiam esset prolifica & sic in infinitum: Quòd necesse sit ut hi tres omnes Dii sint, si quisquam ex ipsis sit Deus, cùm ejusdem prorsus generis sint omnes, contrà quàm in *Platonica* Triade sit ubi prima sola Hypostasis est αὐτὴ καὶ, quem-

quemadmodum quidam ausi sunt etiam affirmare de Trinitate Christiana. Nunc igitur dico, cum omnia tam facilia tamque irreprehensibilia sint, in speculatione huius Mysterii *Platonica*, videtur profecto plane impossibile, si antiqui Patres hanc *Trinitatis* Notionem à *Platonicis* mutuati fuissent, quin eam insuper juxta hunc faciliorem modum magisque plausibilem voluissent explicare.

6. Verum obijcies, Quod, tametsi hoc genus explicatio videri potest in se rationi magis consona, possit tamen fortean non tam aptè Scripturarum locis quadrare, indeque fieri quod Patres, quamvis Mysterium in genere à *Platone* acceperint, particulatim tamen illud ad mentem *Platonicorum* non explicuerint. Verum enimvero non hoc solum certum est, nullum esse Scripturæ locum qui cum suprà descripto Mysterio digladiatur, sed etiam multos esse qui magna cum probabilitate pro eo produci possint. Manifestum enim est, quod, quemadmodum Secunda Hypostasis in *Platonismo* vocatur, *Νοῦς*, *Σοφία*, & *Λόγος*, ita etiam in *Christianitate* appellatur *Λόγος* & *Σοφία* tanquam si *Sapientia* & *Intellectus* illius utrobique character proprius agnosceretur. Possent etiam satis verisimiliter in sensum suum trahere id quod Christus loquitur Johan. 14. 28. *Pater major est quam ego*. Quodque de Spiritu profert cap. 16. 14. *Ille me glorificabit, quia de meo accipiet quod renunciabit vobis*. Quamobrem, dico, cum Patres ex omni parte tam blandè invitarentur ad introducendam *Platonicam* Trinitatis notionem in Ecclesiam, quod proculdubio, si ipsi *Platonici* fuissent Mysteriumque ex ista schola accersivissent, facere non potuissent quin eam in Ecclesiam introduxissent.

7. Secundò, Concedamus antiquos Patres *Platonicos* fuisse, Mysteriumque Trinitatis inde in Ecclesiam Christianam introduxisse; non tamen continuo sequitur quod sit propterea *Paganicum Ethnicumve* Mysterium, cum *Pythagoras* & *Plato* illud non acceperint à *Paganis* vel *Ethnicis*, sed à doctis *Hebræorum*, quemadmodum multi Auctores asserunt, ipsosque *Hebræos* à longa temporum serie recepisse tanquam divinam Traditionem; talisque *Platonismus* agnoscitur apud *Iamblicum* qui ipsum appellat *φιλοσοφίας διονυσιακήν*. Et proculdubio nisi magna aliqua ratio subfuisset, homines tantæ & tam profundæ scientiæ quantæ erant *Pythagoras*, *Plato*, *Plotinus* aliique, propagando illi mysterio & enucleando nunquam tantum operæ impendissent.

8. Tertiò & ultimò, Dico non solum impium esse sed & vanum & ineptum Paganismi titulo dedecorare illud Mysterium, quod tam apertè eis qui nullo laborant præjudicio, descriptum expositumque est in sacris Scripturis. Nam ipsa forma Baptismi præscripta à Servatore satis evidenter denotat tres divinas Hypostases. De Patre nulla est controversia. De Divinitate Filii plenius disseremus in secunda difficultate quam proposuimus. Quod *Spiritus* non est mera Potentia, Proprietas vel Attributum Dei, sed Hypostasis, quidam, qui satis immunis est omni Ecclesiarum Traditionumque servitute, & (quemadmodum ipse autumat) admodum strictus fidusque sacre Scripturæ affectator, satis apertè agnoscit, dum eum facit Angelum aliquem creatum, qui titulum Sancti Spiritus gerit, divinisque illis omnibus fungitur muneribus quæ sancto Spiritui attribuuntur.

Sed non opus est ut per cujusquam errorem veritatem tueamur, cum ad seipsam sustentandam ipsa sibi sufficiat, ac proinde nullis aliis auxiliis utemur quàm quæ ipsa Scriptura nobis offert. Atque hinc Baptismi forma aliquid argumenti nobis suppetat quo evincamus, Spiritum Sanctum non esse *Attributum* sed *Hypostasin*. Etenim cum *Βαπτίζεις εἰς τὸ ὄνομα* sit, seipsum tradere Disciplinæ, Regimini & Autoritati huius vel illius *Personæ*, sensus maximè naturalis & incoactus esset, concipere omnes tres commemoratos in forma esse *Personas*, cum tam manifestò nobis constet de duobus quoddam sint.

Cæterum alia sunt Scripturæ loca quæ rem clariorem reddent. Rom. 15. 13. *Utinam verò Deus spei impleat vos omni gaudio & pace credendo, ut spe abundetis* ἢ *δυνάμει πνεύματος ἁγίου* per potentiam Spiritus sancti. Nunc igitur si Spiritus sanctus mera Potentia esset non Persona, quàm ridicula hæc esset Tautologia? Sensus enim esset, per potentiam sanctæ Potentiæ. Rursus, Johan. 16. 13. *Ὅταν δὲ ἴδῃτε ἑαυτοὺς, τὸ πνεῦμα τῆς ἀληθείας, &c. ἑαυτοὺς & τὸ πνεῦμα* conjuncta pessimam faciunt Syntaxin, nisi *Personalitas* sit in sancto Spiritu, quod ex eo quod sequitur admodum est evidens. *Non enim loquetur à semetipso, sed quæcumque audierit loquetur*. Accipere ab uno idque cum aliis communicare per modum audiendi & loquendi, cuinam illud competere potest præterquam *Personæ* vel *Hypostasi*? Huc etiam adjicere potes quod occurrit Marc. 13. 11. *Quicquid datum fuerit vobis illo momento, id loquimini; non enim estis vos qui loquimini, sed Spiritus Sanctus*.

Nunc verò quod hæc Hypostasis non sit Angelus creatus inter alia argumenta ipsa

ipsa Christi conceptio videtur nobis demonstrare, cum multò magis congruum sit ut ille qui olim aquis incubabat, creavitq; mundum, sanctum illum Fœtum formaret in matrice Virginis, quàm ut Angelus quisquam creatus animum ad hoc opus appelleret. Etenim hoc pacto Christus non fuisset *filius Dei* sed *Angeli* quantum ad nativitatem suam in Tempore.

9. Præterea, unus hic individuus spiritus repræsentatur in Scriptura tanquam ubiq; paratus ad sanctificandum, ad regenerandum, ad varia dona gratiâsq; Ecclesiæ distribuendum; per Prophetarum ora dicitur locutus, & *κατασκοπεύει* τὸν ἐν ἑαυτῷ esse sive intimorum cordis perscrutator. Baptismus etiam & benedictiones ipsius nomine impertiuntur. Ipsum deniq; in rebus dubiis attestamus, quæ divini cultûs pars est. Quæ omnia rectiùs de eo intelliguntur quem propriè *Dei spiritum* appellamus, quàm de ullo particulari *Angelo creato*.

10. Unum solummodò locum superaddam, qui rem extrâ dubium positurus est eis qui de ipso Textu nihil dubitant. 1. Johan. 5. 7. *Nam tres sunt qui testificantur in Cælo, Pater, Sermo, & Spiritus sanctus, & hi tres unum sunt.* Ecquid scribi potest manifestius ad probandam Divini Numinis *Tri-unitatem*? Quantum verò ad eos qui suspicantur sententiam supposititiam esse, equidem mihi illud negotium non facessam ut opinionem illorum refellam, cum id pensî à nupero quodam Interprete tanto cum iudicio & soliditate jam absolutum sit, ut nihil præter præiudicium & pertinaciam efficere possit ut quisquam non convictus à tam clara demonstratione decedat. Quamobrem cum de veritate huius primi Articuli circa divini Numinis *Tri-unitatem* satis certi simus, pergamus nunc ad proximum qui est de *Christi Divinitate*.

C A P. V.

1. Quòd genuinus sensus Capitis primi Johannis Divinitati Christi evidens perhibet testimonium.
2. Pressio magis particularis circumstantiarum illius capitis in eum finem.
3. Johannem usum esse voce *λογος* in sensu Judaico vel Cabbalistico.
4. Trinitas, Christi q; Divinitas probatæ à divino cultu ipsi debito, & ex eo quòd sacrificium pro peccato factum sit.
5. Quòd negare Trinitatem & Divinitatem Christi, vel unionem nostram cum Deitate ejusdem generis facere cum illa Christi, est Christianitatem subvertere.
6. Inutilitas & protervitas fictæ & affectatæ Deificationis Enthusiastarum; quàm q; perniciofa illa sit Religioni Christianæ.
7. Providentia Dei in preparando gentes per Platonismum ad faciliorem receptionem Christianitatis.

1. **Q**uòd Christus non sit *λογος ἀρχὴ* sive mera Creatura, sed divina Hypostasis, aut verè, realiter & Physicè (non Allegoricè & Moraliter) cum illa divina Hypostasi conjunctus qui *λογος* appellatur, si homines nollent obfirmatas suas præconceptiones secum adducere, sed facilem nativumq; sensum Textûs auscultare, initium certè Evangelii S. Johannis huic controversiæ statim finem imposeret. Appello enim quemlibet, supposito quòd unio humanæ naturæ Christi cum *λογος* vera sit, quoniam ea aptiori, significantiori, magisve rem ipsam condecienti modo exprimi potuisset quàm jam expressa est in ipso prædicti Evangelii principio. Quamobrem in alios sensus illud interpretari, nihil aliud est quàm seipsum deludere, ipsaq; Scripturâ abuti, dum animi ipsorum tam fœdis præoccupantur præiudiciis. Cujus violentiæ, quam in sacras paginas adhibent, ipsi tam facile sibi conscii esse non possunt, cum plenum se jus nactos esse putent distortendi ipsas in quamlibet partem potius quàm ut eas in eo situ jacere sinant quo tam manifestò digitum intendunt in hujusmodi Mysterium quod hi impossibile esse arbitrantur apertèq; sibiipsi repugnare. Ità enim temeraria ipsorum cæcâq; ratiocinatio prædeterminavit, & de *Trinitate*, & de *Divinitate Christi*. Eis verò qui nulli parti addicti sunt hic Textus eam habet in se evidentiam, ut non possit non abunde fidem eorum confirmare.

2. Cur enim omitteret Evangelista modum & circumstantias *Nativitatis* Christi, quatenus homo est, nisi quòd intentus esset *eternæ ipsius generationi* narrandæ, quatenus est Deus? Cûrve eum non appellaret eo nomine quod ipsi datum erat in sua circumcissione, vel nomine *Christi* sive *Messie*, qui persona erat quæ expectabatur in tempore, nisi quòd cogitationes ejus retrò ferebantur ad id ipsius quod ab omni erat

erat *Æternitate*? Neq; profectò concipi potest quòd hic nuncuparetur λόγος vice *Jesu* vel *Christi*, nisi magnum aliquod subesset *Mysterium* à doctis ope *Judaicorum* Interpretum detegendum, qui sæpenumerò loquuntur de verbo Domini tanquam de *Hypostasi* à Deo distinguenda, sed tali tamen per quam Adamum creavit reliquasq; creaturas. Et quod me attinet, equidem nullus dubito quin *Philosophi Græci*, uti *Pythagoras* & *Plato*, non solùm suum λόγον nacti sint, sed & totum suum *Trinitatis* *Mysterium* è *Divinis Traditionibus* apud *Judeos*. *Philo Judæus* frequenter de hoc principio in *Deitate* loquitur, λόγον θεῷ ipsum appellitans vel τὸν θεὸν λόγον. aliquoties διὰ, aliàs παρὰ θεὸν διὰ ἑᾶν. mundi; creationem illi attribuit, quemadmodum & sanationem morborum animi & purgationem Animarum à peccatis: adeò ut hic *Author* optimus esse possit *Commentator* in primum hoc caput *Johannis*.

3. Quamobrem cùm sit hæc λόγος notio apud *Judeos*, cui *Mundi* creationem & gubernationem attribuebant; cùm idem & hic fiat, quid verisimilius esse potest quàm quòd *Johannes* eum ipsum λόγον indiget qui est *Creator* & *Gubernator* omnium? Quod vel ipsa *Phrasis* rerumq; ordo porrò confirmant. Nam proculdubio hoc ἐν ἀρχῇ in *Evangelio* idem est quòd illud ἀπ' ἀρχῆς in prima *Epistola Johannis*. Et quid ἀπ' ἀρχῆς significet eadem *Epistola* explicabit, cap. 2. 14. *Scripsi vobis, Patres, ἵνα ἴκηται πρὸς τὸν ἀπ' ἀρχῆς, quoniam nōstis eum qui est æternus*. *Christusq;* per *Propheetam Isaiam* appellatur *עֲבֵדֵי יְהוָה Pater æternus*. Hic enim sensus est maximè proprius vocis *עֲבֵדֵי*, quemadmodum apparet ex *Isaia* 57. 15. *Hoc dicit excelsus & sublimis עֲבֵדֵי יְהוָה habitans æternitatem*. Neq; incongruum est ut idem ipse *Dei Filius* sit & *Pater* ac *Gubernator* omnium creaturarum. *Propheta Micheas*, cap. 5. de *Christo* vaticinans, eum ad hunc modum describit, *ὃς αὖ ἐξ ὁδοῦ αὐτοῦ ἀπ' ἀρχῆς ἐξ ἡμερῶν αἰῶνος, Emanationes ejus à principio, à diebus Æternitatis*. Quod cum eo optimè convenit quòd *Christus* profitetur de seipso, *Johan. 8. πρὶν Ἀβραάμ γενέσθαι ἐγώ εἰμι*. Nam si *Johan. 8. 58.* ante *Abrahamum* erat, nulla esse potest questio quin ante omnia etiam fuerit; nec nisi optimo jure id ipsi attribuendum sit quòd apud *Psalmistam* occurrit, *πρὶν τὰ ὄρη γυνώσκου σὺ αὖ, Prinsquam montes fierent aut formaretur Terra & Orbis, à seculo & usq; in seculum tu es Deus*.

Jam verò quantum ad rerum ordinem, postquam *Evangelista* bis asseruerat quòd λόγος erat in *Principio*, ut nemo errare possit putarèq; illud intelligendum esse de principio *Ministerii*, quatenus erat *Messias*, enarrat porrò juxta doctrinam *Judeorum*, quòd omnia per eum creata sunt; & versu decimo, ut nullum relinquatur subterfugium, asserit insuper quòd etiam ille ipse *Mundus* qui per eum creatus erat, ipsum non noverit; quòd excludit prorsus omnes morales & mysticas interpretationes, planèq; ostendit ipsos homines impios, quanquam ipsorum impietas non sit, ejus esse creationem & consequenter universum mundum prætereà. *Authórq;* ad *Hebræos* novum hujus veritatis *Testem* se adjungit, illud *Psalmistæ* citans de *Filio Dei*, *Tu initio, Domine, terram fundasti, & opera manuum tuarum sunt cæli*.

4. Cæterum aliud adhuc superest *Divinitatis Christi* Argumentum quòd nihil attinet probare, quum ipsum adversarii sponte concedant. Estq; cultus divinus *Christo* debitus, quem ego sanè nemini deberi arbitror præterquam soli *Deo*. Colere enim eum qui non est *Deus*, est in antiquos *Paganorum* ritus relabi, qui hominum cultores erant & mortuorum sacrificia comedebant. Nam *Jupiter*, *Belus*, *Bacchus*, *Vulcanus*, *Mercurius*, *Osiris* & *Isis*, reliquiq; *Paganorum* *Dii* quid erant nisi meri homines quorum beneficentiæ præclarèq; facinora *Divinos* honores post mortem à superstitionis posteritate extorserunt? Quamobrem *Christus* non debet esse merus homo sed *Deus*, hoc est, realiter & Physicè uniri debet cum ipsa *Deitate*, quam ipsi oportet præsentem esse non per modum nudæ *Assistentiæ*, sed per modum *Informationis*, ut, quemadmodum corpus & Anima unus homo est, ita *Deus* & homo unus sit *Christus*. Verùm si nulla esset *Trinitas*, sed una sola *Hypostasis* in *Deitate* ac *humanitate* *Christi* ad hunc modum conjunctis, quomodo sacrificium fieri possit pro peccato, cùm nemo esset præter seipsum cui possit offerri? Aut quomodo ab alio mitti possit, cùm nemo alius sit qui eum mittat? Nec *Filius Dei* è sinu *Patris* dici possit pati, sed ille ipse qui iratus est sacrificium fieri ad propitiandum seipsum. Quæ quidem res admodum absurdæ sunt & incongruæ.

Sed objicies, quòd Absurditas hæc etiamnum manet in secunda *Hypostasi*. Etenim annon illi peccatum æquè contrariatur ac *Primæ* & *Tertiæ*, & consequenter annon illa etiam est æquè irata? Ac proinde cùm illa passà sit in natura nostra, manifestum est eum mactatum fuisse ad propitiandum seipsum. In qua difficultate solvendà, lubens profectò admittam omnes tres *Hypostases* æquè peccato iratas fuisse, easq; similiter pari commotas misericordiâ erga peccatores. Qui misericors affectus erga

erga genus humanum in Deitate erat ante incarnationem & mortem Christi. Sed Declaratio formalis, visibilisq; Consignatio hujus Reconciliationis facta est per *Jesus Christum*, juxta rationem quâ revelatur in Evangelio; cujus transactiones rerumq; ministrationes nostrâ gratiâ susceptæ nihil aliud sunt quàm *suavis quedam divina sapientiæ condescensio blandiq; suiipsius demissio & attemperatio in hoc Myserio ad humanæ naturæ facultates proprietatésq;* ut accommo hoc artificio lucrifaciat nos firmiterq; devinciat ad amorem & obedientiam. Atq; ea propter, cùm omnes tres Hypostases pariter irascerentur peccato, pariterq; proclives essent ad condonandum peccatori, illæ conjunctim talem Rationem declarandæ hujus condonationis adinvenerunt, quæ & suam maximam displicentiam atq; odium contra peccatum ostendere posset, simulq; summâ vi agere in ipsum peccatorem ad permovendos illius affectus ad sincerum dolorem ac pœnitentiam. Quamobrem divina Commachinatio hæc erat; Ut æternus utiq; Dei Filius esset incarnandus, & ad demonstrandum Dei odium contra peccatum mactandus faciendusq; sacrificium expiatorium pro peccatis totius Mundi. Quo nullum quidem præstantius machinamentum excogitari potest ad permovendos hominum animos ad abhorrendum peccatum & ad amandum illius legem qui ita redemit nos, & per proprium sanguinem in gratiam nos reconciliavit cum suo Patre. Ad quem, (cùm sit, ut ita dicam, Deitatis caput rerumq; aliarum omnium, habeatq; ex paterno jure primam potestatem puniendi & condonandi peccata) Pacificatio hæc ex ipsa rei natura quàm aptissimè dirigitur. Nam unum idemq; est atq; si Pater-familias Gentisve Princeps, quamvis ipsi in animo sit veniam indulgere alicui reo, tamen nè nimis pronus videretur ad misericordiam, itaq; subditos ad rebellionem animare, consilium iniret cum maximo natu filio, ut ille apud ipsum sit admodum vehemens intercessor, in gratiam rei, quanquam ipsi filio non minùs displicet crimen illius pro quo intercedit, quàm suo displicet Patri. Eadem prorsus ratio est de Intercessione *Christi* apud æternum Patrem, nisi quòd erat majori cum animi ardore & agone, (etiam ad mortem usq;) momentisq; longè majoris. Cæterum ut talis Intercessio & Pacificatio consilari posset è solitaria scena unius Personæ, planè est impossibile.

5. Quamobrem *Divinitatis Christi* Negatio, vel *Trinitatis* videtur planè Religionis Christianæ subversio: Neq; ea solum, sed & *Fanatica illa Species Protervitat* ac *Superbiæ* in aliquibus *Enthusiastis* qui suam unionem cum Deo ejusdem generis esse volunt cujus est *illa Christi*. Hoc enim pacto verè essent Deus, divinâq; Adoratio ipsis competeret. Sin minùs, indicium est eos non esse Deum, ac proinde nec ipsum Christum esse. Quorum utrumlibet Religionem nostram confundit & destruit. Cæterum si roges quanam differentia sit inter Christi unionem nostramq; cum Divinitate, illud paulò suprà innui. In una Divinitas est *Forma informans*, in altera *Forma assistens* solummodò: In una est tanquam *lux* in corpore *lucido*, in altera tanquam *lumen* in corpore *pellucido*. Divinitas in Christo est tanquam lux in Sole, Divinitas in ejus membris tanquam lumen solis in Aëre.

6. Atq; hæc distinctione debitâq; distantia servatâ, quam quidem protervi atq; inflati *Enthusiastæ* non observant, relinquitur ipsis adhuc satis spaciū satisq; animationis quâ contendant, ut ad minimum tam boni sint quàm præ se ferunt, longeq; meliores, (sat scio) quàm reverà sunt; cùm ut plurimum nulla alia inveniatur differentia hos inter maximèq; vulgares Christianos, quàm quòd ipsorum linguæ majori verborum tumore sermonisq; æstu exturgescant, mentesq; pluribus vanis imaginationibus, enormibusq; deliriis impleantur; cùm alteri è contrâ modestè loquantur conformiterq; Apostolicæ fidei, & minori cum strepitu honestius vivant. Cæterum cùm nulla minor unio cum Deo quàm *Realis & Physica* Deificatio sufficiat ad bonos eos reddendos, indicium est eos, homines esse pessimos, superbiâq; communi sensu ac ratione ipsorum intellectus spoliâsse. Annon enim ille Spiritus qui creavit formavitve omnia satis potens est ad reformandas reducendâq; mentes nostras ad perfectissimum gradum *Humilitatis*, *suiipsius Abnegationis*, *Dependentia à Deo*, *Amoris Proximi*, *Obedientiæ erga Magistratum*, *Fidei*, *Temperantiæ & Sanctitatis* absq; ulla majori *Hypostatica* Unione nobiscum, quàm cum ipsa Terra, Mari, Sole, Luna, & Astris reliquisq; naturalibus partibus Creationis, quas tamen ille omnes formavit regitq;? Quamobrem concludimus, quòd, *Asserere Unionem veri cujusvis Christiani cum Deo ejusdem esse generis cum illa Christi, dogma est temerarium, inutile, nullâq; ratione nixum, sed istiusmodi quod repugnat Christianæ Religionis eamq; funditus subvertit.*

7. Vidimus quàm necessaria & essentialis Christianitati sit hæc doctrina *Divinitatis Christi*, & consequenter *Trinitatis* sine qua illa altera rectè concipi non potest.

Ac

Ac proinde non solum frivolas illas cavillationes & contumelias, quæ sacro huic Mysterio infamem Paganismi notam inurere volunt, culpamus & averſamur; sed etiam summopere magnificamus submissæq; adoramus Divinam Providentiam, quod hæc Veritas tamdiu viva conservaretur tamq; sedulo expoliretur ab eis Paganis qui præcipuum illius usum ignorabant, & in quem finem Doctrina illa tradita esset antiquis Patriarchis, Prophetis sanctisq; antecedentium seculorum sapientibus, sive in *Egypto* sive in *Judea*, unde *Pythagoras* & *Plato* eam acceperunt, præparabantq; eas Mundi Regionibus, ubi ipsorum Philosophia locum aliquem habebat, ad faciliorem receptionem Christianitatis. Sed cursim hoc alibi etiam attingimus.

CAP. VI.

1. *Opinionis Psychopannychitarum periculum & Inconsolabilitas.* 2. *Quæ urgent è I Cor. 15. in medium posita.* 3. *Ad Responſionem Paratus ac Præmunitione nos primò monens de natura Styli Prophetici.* 4. *Secundò, de vagula tremulæ inspiratarum Mentium vibratione.* 5. *Tertiò, de Ambiguitate vocum in scriptura, & particulatim de vocibus ἄδρασι & ὕπνῳ.* 6. *Quartò & ultimò, de conditione Corinthiorum qui nullum præmium post hanc vitam fore jam crediderant.* 7. *Responſio ex ultimo & penultimo Prolemmate.* 8. *Ex primo ulterior Responſio.* 9. *Quemadmodum & è secundo & tertio, ubi ipsorum Objectioni, è vers. 32. plenè satisfi.* 10. *Respondetur argumento è Servatoris Citatione ducto adversus Sadducæos, Ego sum Deus Abrahami, &c.*

1. **P**ROgredimur nunc ad tertiam & ultimam difficultatem de statu Animarum separatarum, quas non dormire asserimus, hoc est, non carere omni operatione ac sensu vel gaudii vel pænæ, sed cognitionem habere perceptionemq; suæ conditionis sive bona sit sive mala. Quem Articulum æquè certò verum autumo atq; priores duas, quanquam non usq; adeò indispensabilem; & quamvis ad salutem necessarius non sit, maximopere tamen expedire ut teneatur. Quandoquidem non potest non frigidam suffundere zelo nostro ac fervori in Religione dum nobiscum reputamus fore, ut in fine vitæ magnum illud & exoptatum præmium in multos centenos si non aliquot millenos annos differendum sit & protelandum, per longum sub sepulchri aggeribus stupidumq; ac inconsolabilem Animæ somnium.

Præterea, si tali hebetudini ac subsidentie Animi indulgeamus, ut contenti simus in tam longum tempus vitæ functiones intermittere altumq; dormire, hoc certè tandem efficere potest ut anima in tam stupidam deprimatur diffidentiam, ut non creditura sit se unquam esse evigilaturam; sed Myſterium Christianitatis intra angustos hujus vitæ limites concludi, quemadmodum *David Georgius* aliq; *Enthusiastæ* crediderunt, quibus pluralitas uxorum multò magis placebat quàm ullus fidei articulus qui tales promittebat voluptates quæ in carne carpi non possint.

2. Verum nobis hic res non est cum hominibus hujusmodi vanis ac Fanaticis, sed cum maximè devotis severioris Rationis filiis, qui dictare non prætendunt sed demonstrare è Scriptura Animæ obdormitionem; confidenter suggerentes, quò facilius homines in suam trahant sententiam, contrariam opinionem non esse Christianam sed Paganicam, derivatam à Philosophia Platonis (quam Græci Patres imbibebant) & indè introductam in Ecclesiam Christi. Ad quorum primum respondeo, quod demonstrationes Adversariorum nostrorum pro Animæ obdormitione nihil sunt præterquam propriæ ipsorum imaginationes & insomnia super Textum sacrum perperam intellectum. Est certè præter institutum nostrum diu huic argumento insistere. Dabo tantummodò specimen infirmitatis reliquarum ipsorum rationum proponendo & refellendo eas quæ videntur omnium firmissimæ. Præcipua eorum demonstratio petitur è perpetuo tenore 15 Capitis primæ ad Corinthios, sed magis particulatim è versu 32. *Si secundum hominem adversus bestias pugnavi Ephesi, quæ mihi utilitas si mortui non excitantur?* Hinc pro certissimo concludi putant, animam ante Resurrectionem corporis nullius rei fruitionem habere, quippe quod alioquin ipsa recordatio earum rerum quas passus est Paulus pro Christo solatio ipsi esse potuisset postquam è corpore exiverat.

3. Sed ut huic difficultati copiosius satisfiat, præmittamus quædam ad viam præmuniendam.

Problema
primum.

muniendam. Ut primò, *Sermonis Schemata apud Prophetas hominésq; divino Numine afflato* ut plurimum esse hujusmodi, quæ *sensum maximè percellant fortissimèq; feriant imaginationem*, dum res describunt repræsentationibus sive imaginibus quàm maximè fieri potest *sensibilibus, palpabilibus, & particularibus*. Juxta quam figuram Resurrectio generalis illustratur excitatione hominum è pulvere terræ, eorúmque exitu è Sepulchris; cum tamen multa eorúm millia sepulturâ caruerint, ossibus eorum in superficie terræ putrescentibus; aliâq; millia nulla alia sepulchra præter aquarum voragine pisciûmq; ventres invenerint.

Problema
secundum.

4. Secundò, Scriptores sacros animi sui conceptus scribere non solere tam strictâ ac scholasticâ Methodo ut accuratè semper ac precisè ad unum titulum respiciant; sed liberâ quadam imaginationis vibratione nunc hoc nunc illud tangere, prout movetur & actuantur ab illo Spiritu qui plus mentibus ipsorum unâ vice suggerit quàm lingua eorum otium habet & facultatem ordinatè & distinctè eloquendi; acrioriq; cum attentione occupari in evincendo præcipuum maximèq; utilem scopum sui Sermonis quàm in satisfaciendo curiositatibus hominum circa minutiores minúsque necessarias rerum circumstantias.

Problema
tertium.

5. Tertiò, Multas voces in Scriptura laxum habere & ambiguum sensum, & propterea intelligendas esse prout loci circumstantiæ rerúmque verisimilitudo determinaverint. Atq; hæc ipsa vocabula *ἀνδρασις* & *ὑγίαις* hujus generis esse; Ut quæ aliquando significant *resuscitationem corporis* è sepulchro, aliquando *Vivificationem* solummodo corporis, sive alicujus ad vitam revocationem. Aliàs verò *ἀνδρασις* unum idémque est quod Judæorum *חַיִּים*, quemadmodum observat *Grotius*, quod nihil aliud significat nisi *vitam æternam*, sive *beatam Immortalitatem*. Alii significationem ulterius extendunt idémque faciunt *ἀνδρασις* & *ὑγίαις*, quod est *διατήρησις*, hoc est, *existentia conservationem*. Et certè cum mors tam periculosus videatur transitus, in eóque versetur discrimine, nè in *Lethæum* somnum aut in puram putam *Non-subsistentiam* illabamur, Divina conservatio, cum novum quasi vitæ statum inchoemus, non ineptè hîc appellatur *ἀνδρασις*, ut quæ *novam* quodammodo nobis donat *subsistentiam*, in pedes rursus nos erigens; *ὑγίαις* verò, ut quæ nos *vigiles* præstat & immunes periculo æternum obdormiscendi, omnesque amittendi vitæ functiones. Quem sensum vocabuli nuperus Interpres dextrè confirmat comparando *ἡγήνηται* *σὺ*, Rom. 9. 17. cum *הָעֵתִידָהּ* Exo. 9. 16. quod Septuaginta reddunt *διατήρησιν*. Ratio modúsve cujus *διατήρησις* sive conservationis perquam aptissimè significatur voce *ὑγίαις*, quæ impulsu concussúmve innuere potest, talem utiq; quo utimur ad prævertendum vel fugandum Syncopen, Animæ deliquium. Estque Deus magnus ille Author vitæ atque motûs; quemadmodum loquitur Apostolus.

Problema
ultimum.

6. Quartò & ultimò, *Corinthii* cum populus essent insigniter voluptatibus carnis dediti, nullam esse quæstionem quin loci Illecebræ aliqua etiam è membris Ecclesiæ *Corinthiæ* seduxissent, ipsaq; itidem fecissent *κοιτητάς*. Jam verò cum nihil sit quod æquè extinguit omnem spem ac prælagium vitæ futuræ quàm sensuales carnalésque voluptates, admodum verisimile est hæc membra corrupta, ex propriis animi sensibus, Fide excidisse quantum ad Articulum de præmiis expectandis post hanc vitam, itaque cum *Hymenæo* & *Phileto* vel cum *David-Georgianis* hujusque seculi *Nicolaitis* genuinum sensum Resurrectionis sive beatæ Immortalitatis in Interpretationes aëreas ac Mysticas perverso studio extenuasse; quo prætextu ostentare se possent tanquam Christianos reliquis magis spirituales & intelligentes, & tamen interim minori cum timore morsu conscientiæ quàm reliquos, omnigenam licentiam sibi indulgere, libertatémque fruendi illecebrosissimâ quaque hujus mortalis vitæ voluptate.

7. Quamobrem præsentî Argumento respondeo in genere, ex hoc ultimo proximèque præcedenti *Problemate*, Quòd scopus Apostoli in hoc 15. capite ad Corinthios est demonstrare quòd vita sit post mortem corporis beatâque Immortalitas omnibus in Christum credentibus expectanda. Cujus rei certissimum pignus dedit Deus excitando Christi corpus è Sepulchro, vivumque eum exhibendo discipulis suis. Quod signum quidem est quod rem perquam commodè repræsentat & obumbrat. Cum beata Immortalitas in eo præcipuè consistat, quòd *corporibus cælestibus*, æthereis ac Paradisiacis vestiendi tandem sumus per Christum, quæ ipse omnibus suis donabit novissimo die.

8. E primo respondeo, Quòd tametsi sanctus *Paulus* tali Phrasi utitur quæ Imaginationem in terram defigit solummodò ibique detinet, quemadmodum patet ex similitudine seminis quam adhibet, humo conditi ibique putrescentis (neque enim homines in aquas sementem faciunt;) tamen in quocunq; elemento animæ corporæ Sanctorum

ctorum inventæ fuerint sive Terra, sive Aqua, seu deniq; Aëre; Immo verò quamvis concederemus, cum quibuscumque, multas sanctorum hominum Animas in Aëre vivere vehiculis eo temporis intervallo quod inter ipsorum mortem diemq; iudicii intercedit, tamen nullum majus istis inde accideret incommodum, quàm vel eis ipsis qui tunc vivi reperientur in carne. Neutri enim excludentur à fruitione corporum suorum glorificatorum.

9. E secundo tertiòq; respondeo, Facile fieri posse ut Sanctus *Paulus* tres animi conceptus haberet, cum de hoc Mysterio scripsit, alternis vibrationibus recurrentes. Unum scilicet magis simplicem & generalem de vita & subsistentia Animæ terreno hoc corpore exutæ; Alterum magis specialem de beata Immortalitate: Tertium deniq; maximè omnium determinatum qui rationem & modum exhibebat hujus Beatitudinis, in eo utiq; eam consistere, quòd corporibus glorificatis tandem vestiendi simus. Atq; ex hoc generali Responso etiam alterum magis particulare dirigam in versum 32. hujus capituli. Ubi ei *καὶ οἱ ἐκ τῶν νεκρῶν* vel sic exponi potest, *Si animæ iustorum defunctorum cælestia sua ac glorificata corpora non sint habituri*: (nam tametsi concederetur eas vivere interim agerèq; in vehiculis aëreis, tamen cum ille status ac Regio, quemadmodum & Terra, communis sit malis juxtà ac bonis, nullum hoc pacto obtenturi essent peculiare præmium ob eos labores ac ærumnas quas in hac vita subiissent:) Vel saltem sic, (qui sensus est longè tutissimus,) nempe ut intelligatur in genere *de vita ac subsistentia Animæ post exitum suum à corpore*, juxta ultimam significationem vocis *ἐκ τῶν νεκρῶν* in Prolemmate tertio. Atq; ità vis argumenti *Psychopannychitarum* maximè præcipui penitus enervatur.

10. Sed & alia Scripturæ loca sunt quæ ad idem propositum perperam applicant. Ut responsum Servatoris ad *Sadduceorum* quæstionem de resurrectione, *Ego sum Deus Abraham, & Deus Isaac, & Deus Jacob. Deus non est Deus mortuorum sed viventium*. Hinc Adversarii nostri concludere volunt, Animas defunctorum non vivere. Quippe quòd si viverent, Servatoris argumentum invalidum esset pro Resurrectione mortuorum. Nam si Abrahami Spiritus etiamnum vivus esset, Deus illius Deus esse posset, quamvis corpus ejus nunquam resurgeret. Sed huic difficultati facile satisficit ex secundo Prolemmate, cum per id, Prolemmatq; tertium resurrectio hic intelligi possit *de vita futura* solummodò. Cumq; opinio *Sadduceorum* esset quòd nec Angelus sit, nec Spiritus, nec ulla vita futura, beatus Servator non tam accuratè præcisèq; responsum restringit ad particularem illam circumstantiam beatæ Immortalitatis, quæ consistit in fruitione glorificatorum corporum; sed magis laxè respondet de subsistentia Animarum hominum defunctorum, quòd & sunt & vivunt, quòdq; propterea sunt *Spiritus* in rerum natura. Atq; sic admodum scitè dextrèq; refellit universam doctrinam *Sadduceorum* hanc sententià à *Pentateucho* eorum citatà peritèq; ad præsentem quæstionem applicatà.

CAP. VII.

1. Responsum generale ad ea Scripturæ loca quæ nullius rei fruitionem fore innunt, ante Resurrectionem.
2. Responsum particulare ex Hugone Grotio ad id quod occurrit 2 Cor. Cap. quinto.
3. Paratus ad Responsum quam ipse author molitur, per explicationem Græcæ vocis *ἐκ τῶν νεκρῶν*.
4. Illius Paraphrasis in sex primos versus prædicti capituli.
5. Hujus Paraphraseos ulterior confirmatio.
6. Imbecillitas Argumentorum *Psychopannychitarum* notata.

1. **T**ertia ultimàq; ratio probandi animæ obdormitionem sumitur ex hujusmodi Scripturæ locis quæ videntur horam mortis immediatè cum die Resurrectionis conjungere. Ut in 2 Cor. 5. ubi Apostolus videtur innuere, quòd nihil temporis intercedat inter solutionem hujus nostri terreni Tabernaculi & inductionem cælestis, quæ cum non sit ante diem Iudicii, indicium est animam ante illum diem in nulla alia esse conditione quàm obdormitionis ac somni. Et similiter se res habet 2 Tim. Cap. 1. & Cap. 4. In priori loco loquitur *de Deposito quod Deo concredidit usq; ad illum Diem*; oratq; ut *Onesiphorus* gratiam inveniat *in illo die*: In posteriori verò agit de *corona Justitiæ quam Dominus justus ille Judex daturus est ipsi die illo*; tanquam omnia differenda essent usq; ad illud tempus. In meo verò Iudicio

Cap. 1. v. 12.
Cap. 4. v. 8.

admodum infirma est hæc argumentandi Ratio; nempe, ex eo quòd sanctorum Animæ magnum illud præmium non recipiunt ante diem iudicii, eas idcirco concludere nihil interim recipere omnino, immò verò pejori esse conditione quàm erant in hac vita, ut quæ jam nullum habent sensum, nec ipsæ sibi conscia sunt quòd existant. Eorum certè opinio multo hac tolerabilior mihi videtur, qui tametsi eas extemplò ad cælum usq; in currus suos æthereos non tollant, permittunt tamen ipsas ad minorem à terra distantiam æreis suis vehiculis moveri vitæq; muneribus fungi. Sed cùm dies ille novissimus, dies sit tam immensæ Pompæ ac Apparatus tamq; tremendæ Gloriæ ac Majestatis, minimè mirum haberi debet si Apostolus tam frequenter hujus temporis mentionem faciat ad fortiùs movendos hominum animos, dum intermedium interea spacium alto præterit silentio: Nam hac ratione tanquam magis propinquum exhibetur, ut sit in objectis visus, quæ è longinquo sita, multò propiùs abesse videntur oculo, rebus omnibus intermediis, quæ in visum cadunt, sepositis ac remotis.

2. Jam verò quantum ad secundam ad Corinthios, Cap. 5. Duæ sunt viæ solvendi illam difficultatem. Una est Hugonis Grotii, in qua & è nostris Interpretibus nuperus quidam isq; doctus insitit, interpretans (atq; equidem scitè) versum Tertium, (*Εἴτε ἐν δούλοις, ἢ ἐν κυρίοις ἐκδύνασθε*) ad hunc modum: *Si modo inventi fuerimus in numero eorum qui etiamnum terrenis hisce corporibus vestiti erunt, non ipsis per mortem spoliati.* Quam interpretationem ipsa præcedens vox *ἐκδύνασθε* multò adhuc facit probabilior, quemadmodum & subsequens illa Phrasis *ἢ κατὰ τοὺς πόδας*, quæ utitur Apostolus in consimili loco. Hæc Expositio omnem prorsus tollit vim Argumenti *Psychopannychitarum* ab hoc Textu desumpti: Etenim cùm Apostolus videatur loqui tanquam si continuo post solutionem hujus Terreni, Cælesti statim Tabernaculo essent vestiendi, (quod præcipuè colligitur è versibus secundo & quarto) id tantum ex hac Hypothesi dicitur, quòd adventus Domini fieri posset etiam dum illi adhuc carne vestiebantur.

3. Cæterum cùm hæc interpretatio videri possit sapientiæ Apostoli nimium derogare, quasi sententiâ pendulâ esset & incertâ an dies Iudicii suâ ætate posset contingere, quod quidam homines nullo pacto ferre poterunt; alteram proponam, ut penes ipsos sit optio utram malint amplecti. Videtur sanè illa prior speciale habere præcellentiam in proprio sensu duorum istorum vocabulorum *ἐκδύνασθε* & *ἐκδύνασθε*; & si hic rectè apud nos res successerit, nullus dubito quin reliqua absq; omni obstaculo sim expediturus. Hoc igitur primò præmittendum est de sensu duorum istorum vocabulorum, Quòd quemadmodum *δύνασθε* significat simpliciter *vestimentum induere*, ità *ἐκδύνασθε* aptè significare potest *interius aliquod induere vestimentum*. Nam *ἐκ* facile potest significare *intrà*, in compositione, quemadmodum facit *In* vox latina, in *Inducula*, *Indusium*, *Interula*; quæ omnia vestimentum aliquod interius significant: duòq; priora ut plurimum derivantur ab *ἐκδύνασθε* vel *ἐκδύνασθε* in propria hac vocabuli significatione. Et quemadmodum *ἐκδύνασθε* significare potest, *interius vestimentum induere*, ità *ἐκδύνασθε* potest etiam significare, *additionem vestimenti interioris ad vestimentum exterius*. Ità enim significabit *ἐκ* in compositione, tanquam si sensus esset *ἐκδύνασθε καὶ ἐκδύνασθε* Non contentos esse exterius solummodò vestimentum gestare, sed & interius aliquod porro induere, quemadmodum in hyeme semi-indusium addimus vel subuculam. Quòd si hic *Criticismus* videatur nimis elaboratus, esto *ἐκδύνασθε* idem quòd *δύνασθε*, & *ἐκδύνασθε* idem quòd futurum foret *ἐκδύνασθε*. Quòd tum in genere solummodò significaret ulterioris vestitus additamentum, sive intrà sive extrà, sed quòd exponendum esset pro rerum circumstantiis.

4. Hoc modo ad propositum præmuniti brevem tandem instituemus Paraphrasin in sex illos primos versus Cap. 5. secundæ ad Corinthios (quos contra nos urgent) ad hunc putà modum.

2 Cor. c. 5.

1. Scimus enim, si terreste hoc corpus nostrum ac mortale dissolutum esset, cæleste nos continuò habituros, cujus Author ac fabricator est Deus.

2. Estq; ob hanc ipsam causam quòd adedò suspiramus vehementerq; expetimus vestiri cælesti nostro corpore intra hoc terreste.

3. Nempe ut sic vestiti, quando eximus terreste nostrum corpus nudi non inveniamur, nec relinquantur animæ nostræ ad finitandum in crudo Aëre.

4. Etenim nos qui sumus in his terrenis corporibus vehementer suspiramus tanquam onerati; nec tamen ità quasi cuperemus omni omnino corpore spoliari, aut quòd vellemus ilico, antequam Deo visum fuerit, his terrenis corporibus liberari; sed ut intrà habeamus vestitum magis spirituale & cælestem, ut mortalitas absorbeat à vita.

5. Neq;

5. Neq; ad hunc statum pervenimus propriis nostris viribus, sed Deus est qui in nos agit, (quod modò dixi) in corpus juxtà ac Animam, formâtq; nos in hanc conditionem per operationem sancti sui Spiritûs quem dedit nobis tanquam pignus eterne illius Beatitudinis quam expectamus.

6. Ac proinde nos semper bono animo sumus, nullà unquam prorsus re dejecti. Etenim siue manemus in terreno hoc corpore, est certè tolerabile, cùm nostrum usitatum sit & naturale domicilium; siue eximus ex eo, quod magis est optabile, id utiq; tunc continget quod magnam nobis creabit voluptatem, cùm profecturi tunc simus ad Dominum, interno nostro homine tam commodè vestito ad iter & accincto.

5. Quòd hic genuinus sensus sit horum versuum versùs capitis proximè præcedentis decimus sextus porrò confirmabit, ubi Apostolus ait, Quòd etiamsi externus noster homo corrumpitur, internus tamen renovatur indies; hoc est, Quamquam terrefre illius corpus sit in languescenti conditione & ad interitum vergenti, spirituale tamen ac cæleste novas acquirit vires, & magis magisq; indies efflorescit. Jam verò cùm Resurrectio & cælestis corporis acquisitio eadem res sit, esset certè pretium operæ inquirere in mentem Apostoli, Philip. 3. v. 11. ubi indefessos suos profitetur labores & conatus ad assequendam Resurrectionem mortuorum. Quo in loco statim sequitur, Non quòd jam acceperim aut jam perfectus sim. Nam si hoc internum ac spirituale corpus non innueret terrestri involutum, nihil opus erat ut diceret Philip-pensibus se illud nondum accepisse vel assecutum esse. Sed præsentì difficultati satis antea factum est quàm ad hunc locum devenimus.

6. Vidimus jam quàn imbecilli demonstratores sint *Psychopannychitæ* contra vitam & operationem Animæ hoc terrestri corpore exutæ in appellationibus suis ad sacras Scripturas. Videbimus nunc quàm improbabilis sit eorum calumnia in hanc opinionem quasi inventio esset Paganica, derivata omnino, prout illi aiunt, è Schola *Pythagoræ* & *Platonis*, & indè in Ecclesiam introducta.

CAP. VIII.

1. Opinionem de vita animæ ejusq; operatione immediatè post mortem, non petitam esse à Platone per Patres, ut qui præexistentiam ejus omiserunt, opinionem sanè in se admodum probabilem. 2. Talémq; quæ valde verisimilis videtur è multis Scripturæ locis; ut ex eis quæ producuntur à Menassia Ben Israël è Deuteronomio, Jeremia, & Jobo. 3. Et porrò ex eo quòd Deus requievit die septimo. 4. Quòd Patrum proclivitas ad sentiendum illum Angelum qui toties Patriarchis apparuit, Christum esse, ulterior esse potuit invitatio ad hanc fidem. 5. Alia loca è novo Testamento quæ videntur innuere præexistentiam animæ Christi. 6. Plura ejusdem generis è S. Johanne. 7. Vis aliqua superaddita ultimis argumentationibus ex opinione Socinianorum. 8. Quòd Servator admittit aut saltem non improbavit opinionem præexistentiæ. 9. Scopus præcipuus præcedentium locorum è Scripturis citatorum, viz. quòd vita Animæ ejusq; operatio post mortem non est è Platone opinio Paganica, sed Christiana veritas quæ evinci potest è Scripturis.

1. VErùm minimè difficile fore arbitror demonstrare quòd impossibile sit ut per-versa hæc eorum sententia sit vera. Nam si antiqui Patres, ex eo quòd ad-eò versati sint in scriptis *Platonis* opinionem hanc de vita Animæ ejusq; post mortem subsistentia, in Christianam Religionem introduxissent, præexistentiam certè illius (quæ tam explicita celebrisq; *Platoniorum* est doctrina) nullo pacto omittere potuissent; præsertim cùm illud dogma clavis sit quibusdam Providentiæ Mysteriis quæ nulla alia tam dextrè potest referare, cùmq; in se aded Rationi sit consona, nihilq; ullius momenti contra eam possit produci. Etenim annon manifestum est, Animam, cùm sit indivisibilis & immaterialis substantia, non posse generari? Nunc verò si à Deo creatur in omni efficaci actu libidinis, præterquam quòd in genere durum est ut Deus immaculatas Animas in polluta corpora præcipitet, planè abominandum præterea videtur ut per suam tam specialem actionem, quàm est creatio, sanctam suam Majestatem Adulteriis, Incestibus & execrandis hominum concubitibus cum Brutis Animalibus censendus esset immiscere. De hoc plura vide in Tractatu meo de Animæ Immortalitate, lib. 2. cap. 12. & 13.

Sed

Sed instabunt porro dicentque, Non ipsam Irrationabilitatem opinionis esse sed ejus cum sacris Paginis discrepantiam ad eamq; normam inflexibilitatem quæ coëgit eos præexistentiam Animæ missam facere, cum tamen interim vitam, operationemq; cum ejus post mortem subsistentia mordicè retinebant.

2. Cæterum proculdubio non difficilis illis futura fuisset provincia etiam ex ipsis sacris Scripturis causam suam probabilem reddere. Cui proposito & Judæi non-nihil contribuere potuissent è veteri Testamento. *Menasseh Ben Israël* multa loca citat in hanc sententiam: ut Deuteronom. 29. 14, 15. ibi subinsinuans cum Deus fœdus feriret & cum præsentibus & cum absentibus, posterorum *Judeorum* Animas tunc fuisse in rerum natura, quantumvis non illic præsentibus in legis promulgatione. Nam Paciscentium divisio in absentes & præsentibus naturaliter innuit utroq; esse, quamvis hi hîc sint, alii verò aliis in locis. Hic Textus seriò urgetur à plerisq; Judæis ad confirmandam *πρόσπαρξιν* animarum, quemadmodum notavit *Grotius* in ipsum locum. Item *Jerem.* 1. vers. 5. prædictus Rabbinus reddit, *Antequam formâsem te in ventre indidi tibi sapientiam*, legendo, *הָיִיתִי* in *Piel* non in *Cal.* Addemus & tertium locum, *Job.* 38. 19, 21. *Nôsti te jam tum natum fuisse, numerumq; dierum tuorum esse multum? Tum, viz. ab initio Creationis, vel quando lux creata erat* (intellectuum sive immaterialium rerum Symbolum.) *Septuaginta* etiam aperte reddunt ad eum sensum. *οἶδα ἀπὸ τότε γέννησαι, ἀριθμὸς δὲ ἡμερῶν σου πολὺς.* Ego novi quòd tum natus eras, quòdque numerus annorum tuorum est multus. Author libri Sapientiæ (qui tamen non sit Canonicus est tamen Scriptor admodum venerabilis) satis articulatè eloquitur super hac re, cap. 8. v. 19, 20. ubi agit de anima *Salomonis*. *Eram autem puer eximiâ ingenii indole præditus, bonamq; animam sortitus. Vel potius cum essem bonus in corpus introivi impollutum.*

3. Allegare præterea potuissent, quàm malè consistat hæc quotidiana Animarum Creatio cum quiete illa quam Deus die septimo celebravit, ut qui tunc creditur totum Creationis opus finivisse.

4. Porro cum ea esset proclivitas in antiquis Patribus, ad credendum in istis Angelorum apparitionibus quæ Patriarchis olim contigerunt, ipsum Christum sæpenu-merò fuisse qui apparuit, hoc etiam ipsos invitare insuper potuisset ad retinendam doctrinam de præexistentia Animarum, ut opinio de Christo tunc apparente magis integra esse posset & determinata; quemadmodum & futura esset apud illos qui tenent *Melchisedecum*, qui *Abrahamo* benedixit, fuisse Christum. Quam opinionem *Cunæus* tanquam veram amplectitur. Nec potest *Calvinus* eam tanquam à veritate alienam rejicere, modò suis ipsius verbis stare velit, quæ occurrunt in Lectionibus in *Danielem*; quæ hæc sunt: *In eo nihil est absurdi quòd Christus aliquam speciem humanæ naturæ exhiberet antequam manifestatus erat in carne.* Quòdque Angelus qui ducebat Israëlitas in terram Canaan Christus erat, videtur planè asseri 1 Cor. cap. 10. v. 9. *Neq; tentemus Christum sicut quidam eorum tentârunt & à serpentibus perierunt.* Christus verò non nudus Deus est, sed complexum quid ex humana natura & divina. Perpende etiam Hebr. 11. 26. Quæ quidem loca insinuare videntur quòd anima Messiae sancti seminis jam olim erat Patronus ac Protector, specialémque relationem habebat ad Judæos præter cæteras omnes nationes. Ac proinde quândo veniebat in mundum (i. e. nascebatur, educabatur & versabatur inter Judæos) eò magis propriè dici poterat venire ad suos, quanquam sui eum non agnoverunt nedum acceperunt.

Johan. c. 1.

Atque profectò Animam Messiae in rerum natura fuisse antequam nostram carnem sumpserat, sensus maximè facilis ac naturalis illius loci (1 Johan. 4. 2.) videtur etiam inferre: *Πάν πνεῦμα ὃ ὁμολογεῖ Ἰησοῦν Χριστὸν ἐν σαρκὶ ἐληλυθότα, ἐκ τοῦ θεοῦ ἐστίν.* Videtur hîc S. Johannes *Cabbalistam* agere, quemadmodum in multis locis Apocalypseos, hoc est, in lingua loqui doctorum è Judæis; sensus enim genuinus est, *Quicumque spiritus profitetur Jesum esse Messiam profectum in carnem sive in corpus terrestre, ex Deo est;* Quod supponit eum fuisse antequam in illud venerat, vel huc è cælo profectus erat. Quæ *Judeorum* doctrina est & aded accuratè ad eorum sensum enarrata, ut nec ipsi eam exprimere potuissent locutione magis naturali & emphaticâ. Ac proinde prout ipsi illi Patres suggerere poterant, res præternaturalis ac violenta esset ul- lum alium sensum huic Textui imponere.

5. Rursus, cum optimè fieri possit, ut ille, etiam ante generationem hominum & terrarum Orbis inhabitationem, *Messias* esset electus, (ut ità loquar) & un- tus insuper cum Divino *ἀγῶ*, cœlestiq; gloriâ ac pulchritudine resplendens inter An- gelos in Cælo; Hæc Hypothesis rationem reddet admodum facilem & genuinam multorum locorum novi Testamenti quæ aliter valde obscura videntur. Quem- admodum

admodum illud Philip. 2. v. 6, 7, 8. Multorum enim mentes excruciauit, quò fieri possit, ut ex eo quòd homo fiat, sui ipsius exinanitio in æternum & immutabilem Deum cadat. Ad quòd tamen Textus digitum videtur intendere. Potest autem admodum propriè competere Animæ Messiae, qui etiam verè Deus erat per unionem Physicam cum Deitate. Similiter Johan. 17. v. 4, 5. *Ego te glorificavi in terra, opus consummavi quòd dedisti mihi, ut facerem. Nunc igitur glorifica me tu Pater eà glorià quam habui apud te priusquam hic mundus existeret*, hoc est, Reduc me, Pater, rursus ad te ipsum ut eà glorià iterum fruam quam apud te habui in cœlis, antequam homines nati essent, atq; hic terrarum orbis formatus. Hic est genuinus sensus horum duorum versuum. Nam quòd hoc intelligendum est de Humanitate Christi, adeò usq; persuasus est Grotius, ut inde ille coactus sit reddere, *ἐξ ὧν ἔσθ' ὃ καὶ ἀποποιήσας, quam habiturus eram, vel ad quam destinatus eram*, antequam Mundus existeret. Sed præsens hæc interpretatio nihil opus habet tali distortionem ac vi verbis factâ, sed valde naturalis est & spontanea.

6. Postremò, Johan. 6. 38. *Quia descendi è Cœlo ut faciam non voluntatem meam sed voluntatem ejus qui misit me.* Et cap. 3. 31. *Qui è Cœlo venit, supra omnes est.* Et adhuc explicatius, cap. 16. 28. *Exivi à Patre & veni in Mundum, & iterum relinquo mundum & proficiscor ad Patrem.* Sed omnium explicatissimè, cap. 3. 13. *Nullus enim ascendit in Cælum nisi qui descendit è Cœlo, nempe filius hominis qui est in Cœlo*, i. e. Cujus mens & conversatio ibi est, quamvis personalis ejus ac visibilis præsentia sit super terram, quemadmodum & Grotius interpretatur hæc ultima verba. Quibus omnibus addere poteris Johan. 6. 62. *Quid si igitur spectaveritis Filium hominis ascendentem eò ubi erat prius?*

7. Hæ scripturæ quas citavimus tam validè premunt verguntq; versùs descensionem è Cœlo localem æquè ac ascensionem in Cælum, ut quidam inde existimaverint Christum præter ascensum ejus post Resurrectionem, corporaliter raptum fuisse in Cælum mandatq; à Deo ibi accepisse, indeq; postea missum fuisse ad prædicandum Evangelium. Sed proculdubio tam notabilis res per Christum in carne transacta nunquam prætermissa fuisset à cæteris tribus Evangelistis, nec tam obscurè per hunc levitèrque subindicata.

8. Verùm, cum hic Evangelista altiùs volaret, quàm ut coërceri posset intra fines illius temporis quòd post Christi incarnationem occurrit, admodum facile factu fuisset Patribus, præexistentiæ patrociniū suscipere descensúsque Animæ Messiae in terrestre corpus, sententiámque magna cum probabilitate defendere ex eis Scripturæ locis quæ citavimus. Et, ut nihil deesset ad causæ evictionem, potuissent porrò addere, hanc de præexistentia Animæ opinionem saltem non reprehensam fuisse à Salvatore, si non esset ab ipso probata; quemadmodum apparet ex Johan. c. 9. ubi rogatus à discipulis utrùm cæcus ille an Parentes peccaverint, ut cæcus nasceretur, (quæ quæstio planè supponit præexistentiam ante hanc vitam) videtur quidem admittere, certissimum est eum non reprehendere, hanc Hypothesin. Non certè magis quàm Marc. 8. 27, 28. vel Matth. 16. 14. ubi cum discipuli ipsi dicerent quòd quidam eum *Eliam* esse putarent, alii *Jeremiam* aut certè unum aliquem è veteribus Prophetis; iterum ille admittit aut saltem non contradicit opinioni Judæorum de præexistentia vel transmigratione Animarum (quemadmodum & ipse Grotius agnoscit illud de *Jeremia* ad *παλιγγενεσίας* referri) sed pergit ad rogandum eos quemnam ipsi eum esse existimarent.

9. Concludo itaque, cum argumenta sint adeò plausibilia ad probandam Animæ præexistentiam non è ratione sola sed & ex ipsis Scripturis petenda, si antiqui Patres è schola Platonis, Ethnicâ hac ac Paganicâ opinione (ut adversarii eam amant appellare) de capacitate Animæ ad agendum vivendúmque post mortem corporis, imbuti fuissent, impossibile fuisse ut posteriorem illam partem omitterent de præexistentis Animæ vita antequam in corpus descendat; quæ ipsissima res est ad quam omnia ea quæ hætenus dixi collineabant. Nam hinc clarè constat priorem illam partem non esse inventionem Paganicam.

CAP. IX.

1. Argumenta è Scriptura quòd anima non dormiat post mortem, ut 1 Petr. 3. cum ejus explicatione. 2. Authoris Paraphrasis cum Interpretatione Calvinii comparata. 3. Nihil opus fuisse Calvinio ut Apostolum solœcismum committere supponeret. 4. Duæ viæ ita interpretandi Apostolum ut & solœcismus Grammaticus & Purgatorium evitentur. 5. Secunda viâ interpretandi. 6. Secundum argumentum è Scriptura. 7. Tertium ejusdem generis cum priori. 8. Explicatio illius pressâq; applicatio. 9. Locus quartus. 10. Quintus ex 12 ad Hebræos, ubi Deus Pater appellatur Spirituum. 11. Sextum Testimonium è verbis Servatoris, Matth. 20. 28.

1. CÆterum ut utilis hæc & lætabilis doctrina de vita Animæ ejusq; subsistentia post hujus corporis naufragium firmius stabiliatur, superaddam ulterius manifestissima quæque, quæ in Scripturis occurrunt, illius rei argumenta. (Nam quantum ad ea quæ à Ratione petuntur, remittam vos iterum ad supradictum Tractatum lib. 2. cap. 16, 17 & 18.)

Est autem illud è 1 Petr. 3. v. 18, 19, 20. meo quidem judicio non infimæ notæ testimonium, si præjudicium & violentia à genuino sensu non distorqueat, quem hunc esse quis facile deprehendere potest: Nam & Christus semel pro peccatis passus est, justus pro injustis, ut nos ad Deum adducat; mortificatus quidem vel interfectus quoad corpus sive carnem, vivus tamen & incolumis quoad animum sive spiritum; per quem etiam ad animas separatas sive spiritus in carcere profectus prædicavit, qui immorigeri olim erant, nempe in diebus Noæ.

2. Solidus ille Scripturarum Interpres Johannes Calvinus locum in genere exponit juxta hanc Paraphrasin, hoc solo excepto, quòd pro vivus quantum ad animam vel spiritum, ille legit, spiritu vivificatus, per spiritum innuens spiritum Dei. Sed manifestum est, Antithesin eo modo magis aptam esse & accuratam quo nos locum exposuimus. Et ζωοποιῶν æquè rectè redditur vivum esse ac vivificari: quemadmodum συμποσιῶν non significat gravem fieri, sed gravem vel modestum esse. Præterea ζωοποιῶ tum ζωογονῶ apud Septuaginta Interpretes, significant non solum vivificare vel resuscitare mortuum, sed vivum servare, ad quem sensum nos exposuimus ζωοποιῶν.

Est etiam aliud leve discrimen inter nos, quòd ille mallet φυλακὴν translatum iri, speculam sive turriculam, ubi excubias agunt, quàm Carcerem. Quod nos facile admittere possumus, qui hunc locum contra obdormitionem Animæ post mortem proferimus. Cùm verò ipse agnoscat alterum sensum bonum esse, nos à communi Translatione nihil variavimus. Maxima discrepantia est quòd ille ἀπειθήσαντι poni opinatur pro ἀπειθήσαντων, Dativum pro Genitivo absoluto, sed nos eum hic relinquimus ad componendam istam litem cum Grammaticis. Manifestò interim apparet quòd pius doctusq; Interpres multo tolerabilius putabat admittere Apostolum falsam scripsisse Syntaxin quàm doctrinam corruptam, cùm stulta illa Pontificiorum opinio de Purgatorio pejor in Religione Solœcismus sit quàm in Græco Sermonе Latiniſmus, casusve incongrui positio in Grammatica.

3. Hoc verò cùm nimis laxum sit principium & quod nullo modo satisfacturum sit Adversariis, supponere utiq; sacros Scriptores σολεϊκῶν in sermone quoties verborum sensus nobis non arridet, consultius ipsi fuisset aliam aliquam viam tentasse magis laudabilem ad liberandum nos à periculo Purgatorii. Et quantum ego video, duæ quidem sunt quarum utralibet nos satis præmunitura sit contra incurſus Pontificiorum.

4. Prima sit, observando quandam sensus latitudinem in vocabulo ἀπειθήσαι. Nam ut Aristoteles notat in Metaphysicis lib. 4. cap. 12. particula [α] in compositione non significat solum privationem perfectam, sed etiam τὸ εὐλογεῖν ἢ τὸ μισεῖν, unde optimè interpretari possumus. ἀπειθήσαντι πᾶσι, qui olim non tam obedientes credentē sive fuerunt quàm eos fuisse oportebat; quiq; tam mali fuerunt, ut justè punirentur in corporibus, inq; diluvio perirent; & tamen ita boni, ut altiore tandem vitæ æternæ gradum consecuturi essent per prædicationem Christi apud mortuos. Quemadmodum & iterum insinuat in subsequenti capite hujus Epistolæ vers. 6. Quamobrem supponentes duos tantummodò status, unum scilicet Inferni, Paradisi alterum, dicimus quòd illi ἀπειθήσαντες, in gradu infimo erant Paradisi, in quo custodiebantur

bantur tanquam in inferiori aliqua Mansione quæ ipsis erat quoddam quasi carceris genus atque custodiæ (dum animi ad altiora tam vehementer aspirabant) usque dum magna illa facta esset accessio ipsorum felicitati per Christi adventum concionemque quam apud illos habuit. Atque hic est ille ipse sensus ad quem *Calvinus* collineat in expositione sua super hunc locum.

5. Sed & adhuc restat altera Interpretatio quam secundo loco proponemus, quæque nos æquè certò à Purgatorii periculo liberabit quàm illa prior, nec ullam immutationem requirit in præcedenti Paraphrasi. Admittemus igitur has immorigeras Animas fuisse in Inferno, non quidem in infima Regione, sed in tolerabilioribus ejus partibus: Nec tamen omnino inde sequitur, ex eo quòd Christus in spiritu se illis exhibens prædicabat ipsis, eosque præparabat per lætum Evangelii nuncium ad futuram gloriam, abduxitque eos secum postea in triumpho in Cælum, tanquam opimum spoliū à Diaboli faucibus ereptum, quòd etiamnum ulla sit ex Inferno Redemptio, multoque adhuc minùs quòd ullum sit Purgatorium. Hoc enim solummodo spectabat Animas eorum qui subito à medio sublati erant in Diluvio, solennemque crucifixionis Servatoris pompam, ejusque ascensionis, qui etiam in media morte Mortis Principem subruit & devicit, & in Ascensione sua magno cum Triumpho has Passionis suæ Primitias secum reportavit, easque Patri obtulit in altissimis Cælis. Verum ex hoc etiamnum expectare ut continuetur quotidiana vel annua liberatio ex Inferno vel Purgatorio æquè sine causa concluderetur, atque si ex eo quòd in celeberrima Principis alicujus Coronatione omnes carcerum fores confestim referarentur in aliqua Civitate, facinorosi homines ac malefici inde inferrent, eas per totum illius imperium similiter patentes fore.

Atque sic videmus quàm tutus etiam, facilis hic obviusque hujus loci sensus sit, quem è re fore judicavi à doctiorum curiosiorumque Interpretum excarnificatione eripere, ut liberum suum suffragium conferre possit ad confirmationem tam utilis Articuli quàm qui præ manibus est. Nam si Christus mortuis prædicavit, manifestum est illos in concione quæ tanti eis futura erat momenti, non indormivisse.

6. Rursus, 2 Cor. 5. v. 8. *Confidimus autem & probamus potius migrare è corpore & ad Dominum ire habitatum.* Hic *ἐκ τοῦ σώματος ἐν τῷ κυρίῳ* planè innuit migrationem è mortali hoc corpore non illius mutationem in corpus immortale. Ac proinde tutò concludere possumus quòd alacritas hæc & promptitudo Apostoli ad moriendum supponit fruitionem præsentis Christi post mortem ante generalis Resurrectionis diem. Alioqui, cur est ut cuperet mori magis quàm vivere, nisi quòd expectaret fidem visu statim perfectum iri, quemadmodum subindicare videtur versu præcedenti. Verum absque controversia melior est illa quæ per solam fidem est fruitio quàm nulla; quòd tamen necesse est contingere si Anima operari non potest extra corpus.

7. Huic consimilis probatio ulteriòrque veritatis confirmatio est illud ad Philip. c. 1. v. 21, 22, 23, 24. ubi Apostolus iterum professus fortitudinem suam ac animi promptitudinem ad magnificandum Christum in corpore tum per vitam tum per mortem, eodem ferè argumento utitur quo antea. *Mihi enim vivere Christus est, & mori lucrum. Et certè in carne si vixero, erit mihi operæ pretium. Quid verò eligam ignoro. Coarctor enim utrinque, desiderans migrare & esse cum Christo: nam id longè optimum est. Sed permanere in carne magis necessarium est propter vos.*

8. Genuinus cujus loci sensus citra controversiam hic est: Quòd quamdiu victurus esset, vita ejus Christi vitæ consimilis futura erat, innocens scilicet, sed multis fortunæ asperitatibus & afflictionibus circumsepta, cum repetita Domini Jesu stigmata in corpore suo ipsi portanda essent; quodsi trucidandus esset, tunc semel unòque ictu veritatem sanguine suo ac Martyrio consignaret, nec solummodo omnes futuras molestias evitaret (in quibus tamen ferendis Amor Christi ejusque opitulatio & spes splendida æterni præmii semper eum sustentabat) sed quòd maximum illius lucrum futurum erat atque commodum ad fruitionem ejus præsentis perveniret, ad quam tam immenso rapiebatur desiderio. Quodsi esse cum Christo esset in sinu ejus obdormiscere, & nè conscium quidem esse illius præsentis apud quem est, impossibile esset ut Apostoli affectus tanto impetu ferrentur in eum statum, vel ut iudicium ejus determinaret *πολλὸν μᾶλλον κρείσσον εἶναι*, tam multò præstare ut sic esset; præsertim cum mora illius in carne tam necessaria esset *Philippensibus*, reliquisque Ecclesiis; cumque ea quæ jam passus erat & passurus in hac vita non minùs illustre testimonium perhibitura essent veritati quàm mors ipsa.

9. Quartò, Illas S. Petri loquendi formulas quæ occurrunt 2 Petr. 1. 13. *Iustum enim arbitror quamdiu sum in hoc Tabernaculo excitare vos per commonefactionem;*

Quum sciam brevi futurum ut deponam hoc Tabernaculum meum, &c. atq; itidem vers. 15. *μὴτὰ τὴν ἡμέραν ἔξοδον* eodem alludere valde est verisimile; quasi anima exiret à corpore tanquam à Tabernaculo. Omnes hæ locutiones mihi equidem videntur manifestò indicare quòd non sit ulla adeò necessaria unio Corpus inter atq; Animam quin extra illud atq; intra æquè liberè possit operari. Quemadmodum homines nihilo magis stupidi, somnulosi, & insensiles, vestes exuendo, evadunt, vel domibus exeundo, sed potiùs magis expergefacti, agiles, & in sensationem magis excitati & erecti.

10. Quintò, Hebr. 12. Ibi Deus appellatur *Pater spirituum, corrector ac castigatō Animarum*, quatenus distinguuntur à carne & corporibus. Et postea, vers. 22. Apostolus longè nos evehens supra considerationem corporeæ nostræ conditionis adducit nos tandem, *ad montem Mysticum Sion, Civitatem Dei vivi, ad cælestem Jerusalem & Myriadas Angelorum, ad conventum & concionem Primogenitorum qui conscripti sunt in Cælis & iudicem universorum Deum & Spiritus justorum perfectorum*. Nunc igitur rogo, quanam perfectio esse possit in spiritibus horum hominum justorum, si stupido & insensibili obruantur somno, quàmq; dissentanea ac incongrua repræsentatio sit confertissimi hujus Theatri in Cælis à *sanctis Angelisq;* constituti, si tanta ipsorum pars quanta est piorum hominum defunctorum animæ, somnulosè nutantes reperirentur in frequenti hoc conventu, vel potiùs plusquam Lethæo somno consopiti? Quod sanè ut in se valde absonum est, ità profectò repugnat omnino magnificentia repræsentationis quam Author in hoc loco mihi videtur moliri.

11. Sextò, Matth. 10. 26. Vita animæ à corpore separata manifestò ibi asseritur à Servatore nostro. *Et nē timete vobis ab eis qui trucidant corpus, animam autem non possunt trucidare: sed timete potiùs eum qui potest & Animam & corpus perdere in Gehenna: i. e. Qui potest si velit vitam perdere vel extinguere tam corporis quàm Animæ in Igni infernali, juxta opinionem quorundam quorum sententiam protuli in Tractatu de Animæ Immortalitate lib. 3. cap. 18. vel miserè punire & affligere tam corpus quàm Animam in Inferno, cujus cruciatus morte ipsa sunt peiores. Nam ut ἀπολλύν & Perire significant admodum miserum esse, ità ἀπολλύν & Perdere facillè significare possunt valde miserum reddere.* Jam verò quantum ad priorem partem versûs [Animam autem non possunt trucidare] manifestum est quòd possint si anima vivere non posset à corpore separata. Nam trucidare corpus quid aliud est quàm ipsum vitâ privare? Quamobrem, si Anima per mortem corporis vitâ privetur, manifestum est quòd & illa occidi vel trucidari possit. Quod adversatur Servatoris assertioni.

C A P. X.

1. Argumentum insigne à statu Animæ Christi atq; Latronis post mortem.
2. Grotii explicatio Promissi Christi Latroni facti.
3. Significatio τῆς κατὰ βαπτισμὸν εἰς ἄδαν.
4. Quomodo Christus cum Latrone potuerint esse & in ἄδῃ & in Paradiso simul.
5. Quòd Parabola Divitis ac Lazari, & Dispensatoris injusti supponunt animam immediatè post mortem vitâ ac sensu frui.

I. **R**estat adhuc & aliud, idq; insigne argumentum è Scripturis petitum. Animæ Servatoris Latronisq; cum eo crucifixi immediatè post mortem corporis vivebant & subsistebant. Quemadmodum apparet è Luc. c. 23. v. 42, 43. *Dixitque, Jesu Domine, memento mei quum veneris in regnum tuum. Tum dixit ei Jesus, Amen, dico tibi, hodie mecum eris in Paradiso.* Quasi sic responderet, Tu quidem à me petis, ut sim tui memor cùm in regnum meum venero, sed in tam longum tempus ego te non differam, noli modò diffidere de inopinata bonitatis erga te meæ copia. Pro certo enim tibi dico, quòd hoc ipso die mecum eris in Paradiso. Néq; ulla relinquitur evasio qua Interpretatio hæc eludatur. Cùm Syrus Interpres ut notat Grotius, punctum interpōnat inter [dico tibi] & [hodie] Græcâq; omnia exemplaria, prout affirmat Beza, *οἷμας* jungant cum *ἄδῃ*, unumq; ex ipsis habeat *ἄδῃ* inter *λέγο σοι* & *οἷμας* intersertum, ita ut omnis locus intercipiatur subterfugiis.

2. Grotius hunc locum admodum ingeniosè interpretatur, ubi supponit Christum, Latronem, cùm *Judeus* esset, juxta Hebræorum doctrinam alloqui, qui statum

statum piè defunctorum appellârunt *ἡ ἡδὴ Hortum voluptatis vel Paradisum*. In quo tamen non fruebantur consummatâ illâ Beatitudine quam in die Resurrectionis expectabant; perfundebantur tamen interim magno quidem gaudio & solatio, tanto sanè ut nemo putaretur eò pervenire post mortem nisi qui animam haberet bene purificatam antequam è corpore exiret. Hujusmodi autem animas comparat τοῖς πνεύμασι δικαίων τελειομένων, *spiritibus justorum perfectorum*, quorum mentio suprâ facta est ex Authore ad *Hebræos*, Cap. 12. Ac proinde satis gravis causa erat, inquit ille, ut Servator diceret latroni, [hodie] hoc modo ipsi notum faciens, quòd in longius tempus non esset differendus, juxta suorum Rabbiorum doctrinam, tamen vitam facinorosam degisset, sed ex hac sua sincera pœnitentia statim cum Christo in Paradiso ipsi esset intrandum, etiam intra eum ipsum diem quo eum allocutus est Christus.

3. Neq; nobis opus est cum S. *Augustino* multum insudare illi articulo Symboli Apostolici, κατέβη εἰς ᾅδου, ità explicando ut consentire possit cum Christi præsentia in Paradiso per spaciū illud quod inter mortem ejus resurrectionemq; intercessit. Nam ᾅδου in genere, quemadmodum hic Interpretes evincit, nihil aliud significat præterquam invisibilem Animarum statum à corpore separatarum: neq; ipsum restringit vox κατέβη ad descensum in Infernum. Nam quantum ad hanc Phrasin, καταβαίνειν εἰς ᾅδου, quoniam dicitur de tota Christi persona, quemadmodum & de aliorum qui in statum mortuorum intrant, per defixionem Imaginationis in illud quod maxime crassum est & sensibile, viz. in descensum corporis in Sepulchrum, facile adducimur ad utendum eâ, tamen significare volumus recessum totius personæ tam animæ quàm corporis è numero viventium: Quemadmodum *Jacob* facit Genes. 37. 35. ὅτι καταβήσομαι πρὸς τὸν ὕδνα μὲ πνέων εἰς ᾅδου. cum tamen filius ejus non esset sepultus, sed à feris discerptus & devoratus, uti ille existimabat. Quamobrem sensus est, Dum corpus meum descendit in sepulchrum, animâ tamen meâ ad filium meum proficiscar in regionem mortuorum.

4. Rursus, quanquam καταβαίνειν ut plurimum significat descendere vel ire deorsum, significat tamen aliquando simpliciter ab aspectu hominum evanescere; sæpè sapius verò, prout fit in aliis vocabulis, ità in hoc, κατέβη nullam omnino habet significationem, sed καταβαίνειν idem prorsus est quod βαίνειν. Cujus infinita ferè exempla facile esset producere apud Septuaginta Interpretes, nisi quòd supervacaneum fore existimo. Quamobrem κατέβη εἰς ᾅδου aptè reddi potest (non quidem, descendit in Infernum, sed) in regionem ivit animarum separatarum, sive spirituum hominum hac vitâ defunctorum. Quòdq; ᾅδου generalem hunc habet sensum *Grotius* planè evincit, non solum ab illo suprâ citato loco Genesios, sed ex usu vocabuli apud multos Authores Græcos, veluti *Diphilum*, *Sophoclem*, *Diodorum Siculum*, *Josephum*, *Platonem*, & alios. Illud *Plutarchi* valde notabile est ubi exponit versum illum *Homeri*.

Ψυχὴ δ' ἐκ παθίων πλάμην αἰδίδεο βαβήκει.

[αἰδίδεο] hoc est, inquit ille, εἰς τὸν αἰδὴν καὶ ἀόρατον, εἴτε αἶσα δύν τις εἴτε ὑπόγειον τόπον, In obscurum & invisibilem, sive Aërem quis statuatur, sive aliquem subterraneum locum. Idemq; Author alibi, τὸ αἰδὴς καὶ ἀχρῶτον ὅς αἶψα ᾅδου ἐπικλῆσιν ἔχον. Per id ipsum innuens Aërem esse invisibilem illam Regionem mortuorum in quam expirantium hominum spiritus proficiscuntur. Et in confesso est apud omnes, cum cætera elementa, ignis, aqua ac terra visibilia sint, Aërem tamen & Ætherem prorsus esse invisibilem. Ac proinde ᾅδου optimè in se complecti potest tum Infernum tum Paradisum. Unde & manifestum est Christum eodem tempore & εἰς ᾅδου & in Paradiso esse potuisse quemadmodum quispiam potest esse in Anglia & Londini simul. Et promissum ejus latroni de celeri ac immediata fruitione illius beatitudinis fuit quasi quædam ad universum mundum à Cruce Proclamatio, quòd humanæ Animæ vivunt ac subsistunt extra hæc terrestria corpora. Quod porro demonstravit suum resumendo corpus & ascendendo cum eo in cælum in conspectu discipulorum suorum.

5. Quam veritatem mihi planè videtur supponere etiam in Parabola Divitis & Lazari & injusti Dispensatoris. Nam ex eo quòd Dives ab Abrahamo petit ut Lazarum mitteret ad fratres ejus ad certiores eos faciendos de misera sua conditione, quanto nimirum teneretur dolore ac cruciatu; Manifestò supponitur quòd animæ impiorum vexantur & cruciantur etiam ante diem Judicii, immò verò immediatè post ipsorum mortem. Quòdq; piorum animæ continuò post earum exitum ex hac vita, æternis fruuntur gaudiis, quemadmodum declaratur per transportationem Animæ Lazari in sinum Abrahami & per Servatoris applicationem Parabolæ injusti Di-

spensatoris, dum nos indè hortatur ut bona nostra temporalia liberaliter cum pauperibus communicemus, ut quum vita hæc ejusq; voluptates defecerint ad sempiterna admittamur gaudia.

Sed non opus erat ut eis locis insisteremus quæ magis obnoxia sunt cavillationibus & subterfugiis lubricorum nostrorum Adversariorum, cum tot tamq; clara & irrefragabilia Scripturæ Testimonia pro præsentis veritatis confirmatione jam protulerimus. E quibus manifestò constare potest, non Paganismum esse sed solidam & inculpabilem Christianitatem asserere, Quòd animæ defunctorum non dormiunt, sed vivunt, intelligunt, videntque, ac percipiunt, quali post mortem conditione collocentur, siue bona illa sit siue mala.


M A G N I

MAGNI MYSTERII PIETATIS EXPLANATIO.

LIB. II.

CAP. I.

1. *Pergit ad partem Christianitatis magis intelligibilem, ad cujus clariorem intelligentiam Propositiones quaedam preparatoriae ponendae sunt.* 2. *Ut primò, Quòd Deus est.* 3. *Brevis illius Assertionis Ratio ex ejus Idea petita.* 4. *Confirmatio ulterior ex ordinaria illius concatenatione cum rationibus reddendis ceterarum rerum omnium. Ut primò, existentiae disjunctarum mutuòq; independentium particularum materiae.*

I.  Xegi tandem Itineris nostri partem maximè tenebricosam & dubiam, quâsq; potui rationes, de rebus in Christianitate maximè obscuris & abstrusis, in medium protuli. Incipimus nunc intrare in Regionem magis luminosam & amœniorem, facilioremq; veritatis prospectum, illucescente nobis jam die, Auroræq; splendore montium cacumina deaurante; unde ulteriorem jam clarè prospicimus pleniorémq; *magni illius Mysteriorii* in quod inquirimus, Revelationem: Quam Dei Spiritus in manifestis sacrae Scripturae monumentis ita ratificabit & confirmabit, ut apud eos qui acumine pollent & judicio, eam credam in posterum extra omnem controversiam collocatum iri, quantum ad Mysteriorii attinet *veritatem*. Verùm interea loci contemplanda nobis est *Rationabilitas* illius & *Intelligibilitas* è præcipuis quibusdam maximèq; confessis Aphorismis Rationis liberæ ac Philosophiæ; qui intellectus nostros in præsentī hac veritatis prosecutione non minùs oblectabunt & demulcebunt, quàm jucundæ Radiorum Solarium reflexiones à montium summitatibus reverberatorum ante-lucani viatoris oculos demulcent. Nos verò recensēbimus tantummodo, non multum insistemus probationi harum conclusionum, utpote quæ ejusmodi sunt, quæ aut jam plenè & irrefragabiliter à nobis demonstratæ sunt in aliis nostris scriptis (vide *Tractatum de Anima Immortalitate & Antidotum adversus Atheismum*) aut adeò in se evidentes sunt, ut simplex ipsarum perceptio demonstrationis vicem possit explere.

2. Prima earum ac præcipua est, *Quòd Deus existit, i. e. Ens infinità Sapientiā, Bonitatem & Potentiā præditum.* Quod materiam corpûve esse non posse manifestum est, vel in maximam, quam Imaginatio assequi potest, tenuitatem comminutum. Ac proinde necesse esse ut sit Spiritus, omnipræsens, pervadens & penetrans omnia. Quæ conclusio naturalibus animæ nostræ facultatibus adeò consentanea est, si modò nobis semel cum ipsis major esset usus & familiaritas (quidam enim homines optimæ suiipsum partis notitiā planè exciderunt) ut aliud quodvis vel contra vel citra hanc sententiam admodum inadæquatè, perversè, duritèr; in cogitationibus nostris jacere perciperemus.

3. Nam cùm impossibile sit, quin aliquid à se existat, Annon Rationi longè magis

magis consonum est, ut illud à se sit cuius ipsa natura & Idæa idem indicat implicatque, quàm ut non solum hoc non sit omnino, sed ut aliquid à se existat cuius tamen natura nihil tale infert vel involvit. Quamobrem ea facillima est & facultatum nostrarum dictatis maximè congrua Philosophandi ratio, quæ Dei existentiam admittit. Hoc enim instructi Principio rationem possumus reddere præcipuorum objectorum quæ sub contemplationem nostram cadunt. Nam si quis ausit asserere quòd materia à se existit, ejus assertio omni caret fundamento, nec ullam illius rationem reddere potest, cum nihil tale contineatur in ejus Idæa. Quodsi asserat Deum existere, rogétq; cum quispiam quomodo id fiat? in promptu responsio est, ipsam utiq; Idæam Dei talem ejus naturam repræsentare quæ non possit non esse. Etenim Idæa absolutissimæ & perfectissimæ Essentiæ non potest mentibus nostris talem eam non repræsentare quæ maximè absolutam ac perfectam ~~esse~~ habeat siye habitudinem ad existentiam. Unde continuò sequitur, si propriis nostris facultatibus fidem habere velimus, Deum reverà existere. Alioqui, cum facultates nostræ nos doceant necessariam existentiam ipsi competere, nos tamen interim affirmaremus eam ipsi non competere (quod manifestò verum est si omnino non existit) quæ est crassissima apertissimâq; contradictio.

4. Quanta verò esset ea in quovis homine vecordia & insania, negare libera suæ rationis dictata in re non solum adeò in se manifesta sed ita utili insuper & jucunda in contemplatione operum Naturæ illiusq; materiæ corporeæ ex qua facta sunt? Nam quantum ad existentiam ipsius substantiæ materiæ hære multum non possumus in investiganda illius causâ, quamvis existentia suæ rationem nullam in sua Idæa contineat. Etenim tamen unaquæq; ipsius particula à reliquis independens sit & separabilis, ac proinde magna penuria Materiæ potuisset esse in Universo nimiave illius copia; neutrum tamen horum accidit. Sed quid factum sit ut tantum omnino materiæ talisq; qualis est producta fuerit, veram jam invenimus sufficientemq; causam, Omnipotentem scilicet Deitatem, quæ quidlibet efficere potest quod nullam implicat contradictionem. Atq; hujusmodi est materiæ productio ejusq; emissio in existentiam.

C A P. II.

1. *Quòd peritæ operum Naturæ formationes existentiam Dei demonstrant.* 2. *Quòdq; illæ agnitionem generalis Providentiæ etiam ab irreligiosis Physiologis extorserunt.* 3. *Esse etiam particularem Providentiam siye inspectionem Dei in unamquamq; personam individuum: Quæ est secunda nostra assertio.*

1. **V**ERùm progredimur jam ad illud quod eximium magis est atq; admirabile, ad *Formationem* scilicet *materiæ* in tam varias rerum viventium formas, in quibus tam excellens accuratâq; sapientia ac peritia detegitur, ut prorsus sit impossibile ut merus materiæ motus absq; aliquo intellectuali moderatore unquam eam reducat ad tam perfectam pulchritudinem atq; ordinem. Appellare verò primam harum rerum omnium causam *Naturam* potius quàm *Deum*, est aut imperitè, aut perversè lepidève sermocinari. Nam si *Naturam* faciunt principium cæcum omniq; scientiâ destitutum & perceptione, quomodo illa tam constanter tueri potest perfectam illam rationem atq; artificium quod in corporibus omnium Animalium observamus? Quodsi in ipsâ admittere volunt cognitionem ac peritiam, est certè non nisi frivola & morosa controversia, utrùm nempe primum rerum omnium Principium *Deus* habendus sit an *Dea*, *Deitâs*ve an *Natura* appellanda. Illi verò facile intelligere possunt qui non datâ operâ cæcutiunt, eum esse ordinem rerumq; constructionem in operibus Naturæ, ut prima ipsorum origo non possit non esse *Intellectualis* siye *Rationalis*, omniâq; ad finem optimum, maximâque, quæ fieri potest, utilitatem ac felicitatem *Creationis* dirigî. Adeò ut quas in Idæa Dei invenimus Perfectiones, hoc est, infinitam *sapientiam* & *bonitatem*, easdem etiam inveniamus à *Naturâ* objectis nobis reflexas, possumusq; indè summa cum religione ac voluptate & confirmare innatam illam notionem quam habemus de Deo, mentesq; pariter nostras ab inextricabilibus erroribus laboribusq; liberare, dum acquiescimus tam plenæ sufficientiq; causæ earum rerum quæ tam exquisito artificio fabricatæ nobis ante oculos indices occurrunt in Universo.

2. Atq;

2. Atq; profectò speciebus rerum tam pulchrè prospectum est & accuratè, ut agnitionem extorserit *generalis providentiæ* etiam eis hominibus, quorum si intellectuales facultates permisissent, vita certè ipsorum atq; mores vix ipsos sustinuissent à subsidendo dilabendove in foedissimos stupidissimósq; Atheismi gradus. Verùm cum res viderent in Natura formatas ità ut sunt, non potuerunt diffiteri quin originem suam duxissent à Principio *Intellectuali*, qui Deus est, assignantes quidem ipsi ineffabilem quandam Beatitudinem in contemplando seipsum suamq; sapientiam in formando mundum variq; in eo creaturarum genera; sed fingentes interim eum tam fataliter sedi suæ affixum, ut inclinare se non possit vel eò usq; demittere ut singularium hominum sive Individuorum vitam morèsvē notet vel observet, manumve porrigat aut ad remunerandum eos aut ad puniendum. Quæ quidem opinio videtur vel ex crassa deploratq; ignorantia rationis multorum infortuniorum quæ particularibus creaturis in hoc mundo obveniunt, vel ex tenero quodam rerum suarum sensu ac prospicientia oriri; utpote qui sibi valdè prætimet ab ullo alio Deo quàm quem sibi polliceri possunt nihil acturum esse supra vel contra ordinarium cognitumq; Naturæ cursum. Quam Hypothesin illi certissimum pignus fore autumant futuræ Impunitatis.

3. Mihi verò videtur planè impossibile, ut Enis tam excellens omnibúsq; numeris absolutum quàm est ipsa Deitas, ignoret quicquam quod sciri non repugnet. Ac proinde secunda nostra Assertio erit, *Quòd particularis exquisitq; Providentia est, ad unamquamq; rem individuum in mundo personamq; pertingens.* Cum æquè facile sit Deo omnia pervidere atq; unum quodvis singulare, quippe cujus perceptio infinita est, & quæ propterea nec distrahi potest nec defatigari. Jam verò cum & Bonitas ejus & Potentia non minùs sint immensæ, necessariò sequitur, nihil esse quod vel vilissimæ creaturæ accidit in tota Creatione, quin *Divina Bonitati* congruerit id ipsum vel efficere vel saltem permittere. Quanquam enim in præsens durum videri potest illi particulari creaturæ, potest tamen tandem in majorem illius cedere utilitatem, vel existimari, ad minimum, aliquid conferre ad Bonum universi, quemadmodum *Marcus Aurelius Antoninus* magno cum judicio subinde nos monet in suis *Meditationibus*; levémq; eum Philosophum & superficialium judico, qui hanc causam tueri non potest contra universas Atheorum suspiciones & cavillas.

CAP. III.

1. *Assertio tertia, Quòd sunt Spiritus sive substantiæ immateriales Particulares, & de ipsorum generibus.* 2. *Ipsorum existentia demonstratio, & præsertim eorum qui latiori sensu Animæ appellantur.* 3. *Differentia inter Animas vel Spiritus hominum & Angelorum; quòdq; Idololatria Paganica Sagarumq; Ceremonie probant Dæmonum existentiam:* 4. *Ut & Dæmonum existentia existentiam bonorum Angelorum.*

1. **T**ertia mea assertio est, *Quòd sunt Spiritus, sive substantiæ immateriales particulares.* Quæ quidem veritas faciliè elucescit, ex eo quod jam adeò firmiter demonstratum est. Nempe quòd est *unus omnipotens, omniscius & infinitè benignus Spiritus qui appellatur Deus*; qui cum agat juxta suam propriam naturam, dubitare non possumus quin creaverit innumerabiles Spirituum multitudines ad seipsis fruendum suòq; Creatore. Qui sunt aut *purè immateriales* nullam habentes communionem cum materia, quos *Græci* iterum dividunt in *Nous* & *Éréses*, in *Mentes*, *Intellectus*ve puros, & *Unitates*: aut sunt tales (quamvis secundum ipsam essentiam vel substantiam sint immateriales) qui *vitaliter* cum *materia* uniri possint ab ipsaq; affici. *Hos Spiritus*, ob defectum aptioris nominis, *Animas* appellamus, (noto vocabulo ad majorem sensus latitudinem abutentes, cum bona *Criticorum* venia) quippe quòd omnes materiam vitaliter actuant, sive *Æthereæ* sit sive *Ærææ*, sive deniq; *Terrestres*. Utrùm verò sit & *media Spirituum species* inter *Animas* & *Intellectus puros*, meritiò quis dubitare potest; tales utiq; qui differunt ab *Intellectu* ex eo quòd immediatam habeant potentiam movendi materiam, & ab *Animabus* quòd cum materia vitaliter non jungantur sed agant solummodo ut *Formæ assistentes*, quales *Aristotelici* suas Orbium motrices fingunt *Intelligentias*.

2. Quantum ad existentiam trium priorum ordinum, argumentum illius jam indicavimus

Vide Tractatum
de anima Im-
mortalitate,
lib. 2. c. 2-4,
3, 6.

dicavimus non contemnendum, quod & omnes spirituum ordines indifferenter attingit. Ultimus verò ordo non cadit solummodo sub cognitionem Rationis magis abstractæ, sed & sub ipsam experientiam. Nam quòd sit spiritus in humano corpore nobis evidens est, quoniam invenimus tales in nobis operationes, quæ, si eas pressius consideratiùsq; examinemus, materiæ competere non possunt. Hic spiritus qui ita agit in nobis *Anima* nuncupatur. Quòd verò Principium aliquod huic consimile & Analogum sit in Aëreis vel Æthereis *Geniis*, actiones conditionesq; quorundam ex ipsis fidem faciunt. Nam si eorum natura talis non esset qualem nos descripsimus, hoc est, si non inhabitarent vitaliterq; actuarent vehicula corporea, quæ fieri potuit ut peccarent unquam essentve lapsi? Non fit enim nisi ex conjunctione horum duorum Principiorum *Spiritus* & *vehiculi* ut unquam introduci posset ulla interna Tentatio, Distractio, vel Confusio in ullis ordinibus *Geniorum* vel *Angelorum*. Substantiæ verò puræ, simplices & abstractæ videntur prorsus impossibiles ac proinde impeccabiles. Quamobrem admodum probabile est, omnes Angelos lapsos quos vulgò *Dæmonas* vocamus, esse ex quarto ordine Spirituum quos modo descripsimus.

3. Qui *Spiritus Geniorum* sive lapsorum sive nondum lapsorum insigniter differunt ab his *hominum spiritibus*, in eo quòd non sunt capaces informandi humanum vel terrestre corpus, ac proinde supra ipsos se gerunt efferuntq; tanquam superioris Ordinis Essentiæ; præq; fastu ac contemptu usq; à primo suo lapsu aut vi aut fraude miserum abjectumq; humanum genus variis illaquearunt superstitionibus cultibusq; Idololatricis sibi præstandis. Quod tamen efficere non potuissent nisi ipsi homines perinde ac illi lapsi fuissent. Quamobrem superstitiones Paganicæ Sagarumq; Historiæ evincere possunt *Dæmonas* esse, talisq; esse naturæ, qualem nos indicavimus.

4. Et credo sanè, hoc probato, neminem dubitaturum quin sint etiam boni Angeli qui præliari possint contra malos eisq; moderari. Deus enim non sinet magnum hujus universi *Automaton* adeò imperfectum esse, ut ipse cogendus sit perpetuo pedem efferre seq; eis rebus ingerere quas nobilior aliqua Creationis Pars præstare possit, nec ea inter se committet quæ toto genere differunt. Præterea illi Philosophi qui maximo cum judicio de his rebus scripserunt, non facile concludunt, ullas alias essentias intellectuales creatas esse quàm quæ capaces sint unionis vitalis cum aliquo saltem vehiculo. Quod si verum esset causæ nostræ nihil officeret, cum admissio trium priorum ordinum nihil faciat ad nostrum propositum. Deniq; improbable est, cum lapsus Angelorum à libero profectus sit principio, quin quemadmodum quidam ceciderunt, ita alii stationem servaverint, semperq; proinde fuerint, ab eo usq; tempore quo illi lapsi sunt, & *boni* & *mali* Angeli in mundo, eo nempe sensu quo ego explicavi naturam Angelorum vel Geniorum sive bonorum sive malorum.

C A P. IV.

1. *Affertio quarta*, Angelorum lapsum ex eo factum esse quòd Animalì vitæ se totos dederint, deseruerintq; Divinam. 2. *Quinta*, Hunc lapsum eorum purissima ipsorum vehicula mutasse in vehicula magis crassa & sæculenta. 3. *Sexta*, Vehiculorum mutationem Vitæ extinctionem non fuisse. 4. *Septima*, Animas humanas immortales esse, ageréq; & vivere post mortem. *Cui rei fidem facit lapsorum Angelorum actuositas.* 5. *Intimi*q; *Organi Perceptionis Homogeneitas.* 6. *Scopus finisq; externorum organorum sensus in hoc terrestri corpore.* 7. *Potestas Animæ ad organizandum suum vehiculum.* 8. *Et Perfectio deniq; divinæ Providentiæ.*

1. **A**ddimus quartò, Angelos hos ante lapsum duplex vitæ principium in se habuisse, *Divinum* unum, alterum *Animale*; eorumq; lapsum in hoc consistere, quòd desistentes ab obsequio erga *Divinam vitam*, *Animali vitæ* totos se addicerent absq; modo ac mensura.

2. Quintò, *Quòd hæc rebellio effectum habuit in ipsa eorum vehicula, mutavitq; pura eorum ac Ætherea corpora in magis sæculenta ac terrestria*; (intelligendo *terrestria* in tam lato sensu quàm facit *Cartesius*, qui totam *Atmosphæram* complectitur.) Amiserunt igitur Mansiones illas magis splendidas pro obscuro hoc ac caliginoso Aëre ubi vagantur, habentq; nunc in pollutis suis vehiculis minus Cœli quàm vel

vel infima Animarum regeneratarum quæ hæc terrestria Tabernacula incolunt. Idq; ex Propheta de ipsis verissimum est, *Occidisse utiq; ipsis solem in meridie.*

3. Sextò, *Corruptionem Perditionemve horum vehiculorum æthereorum ipsis vitæ extinctionem non fuisse, sed exclusionem tantummodo à vita ac voluptatibus supremi Paradisi quibus fruebantur in cælestibus illis vehiculis.* Etenim quòd etiamnum vivunt, moventur & agunt, ex eo manifestum est quòd totus terrarum Orbis famâ reboat ipsorum flagitiorum ac facinorum.

4. Septimò, Quòd *Animæ humana, quæ equè immortales sunt* (cùm sint Spiritus) *ac illæ lapsorum Angelorum, vitâ non privantur post mortem hujus corporis.* Nam quemadmodum Animæ lapsorum Angelorum à tenuiori ad densius crassiùsve descendunt, absq; sensûs vitæq; jactura; ità animæ nostræ ascendunt à crassioribus ad puriores & tenuiores habitationes, cum pari si non majori securitate agendi & vivendi post mortem corporis.

5. Quod faciliùs credemus, si consideremus, quàm contemptibilis vilisq; res sit Organum illud quod ultimum maximèq; immediatum instrumentum est deferendi ad animam quicquid in exteriori hoc Mundo percipimus (& quod maximopere notandum est) in quo solo Anima ullum omnino habet sensum sive perceptionem earum rerum quæ ad illius Notitiam appellant. Quod (si non sit *Animales Spiritus* intra cerebrum) fieri posse fateor cum *Cartesio*, ut sit *Conarium*, quo nec Aqua, nec Aër, nec Æther, nec ullum aliud elementum videtur esse magis simplex & homogeneous. Adeò ut aptitudo & commoditas non videatur in natura organi sita esse, sed in eo quòd anima per eas leges quibus in corpus introducta est, *Centrum suæ perceptionis* ibi collocavit.

Vide Tractatum de Immortalitate Animæ, lib. 2. c. 7. Sed. 16, 17, 18. & cap. 8. per totum.

6. Quod minutum *Centri perceptionis* Animæ Tabernaculum, cùm tam crassæ sit consistentiæ, (quâ minùs passibile sit & alterabile,) valde conveniebat, ut fabrica esset tam accurata externorum Organorum Oculi, Auris, Nasi aliarumq; Partium ad corroborandum istos motus & impressiones quas transmittunt; ità ut satis fortiter ferire possint *Conarium*, aut saltem per Organa perrumpere & penetrare usq; ad *Animales Spiritus* in cerebro, supponendo eos intimum maximèq; immediatum *Organum perceptionis*. Quòd verò Conformatio externorum Organorum sensûs talis sit ut mirandum in modum adaptata sint ad dictum finem, adeò in confesso est apud *Anatomicos*, ut nihil opus sit illius insistere probationi: Quemadmodum & apud *Medicos*, nullum ex organis externis sensum ullum in se habere vel perceptionem, non magis sanè quàm *Otacusticon* aliquid aut vitrum *Dioptricum*. Unde manifestò apparet quàm parùm Rationis habeat illorum desperatio qui opinantur, postquam anima exuta est organico suo corpore, eam nullius rei sensum habere posse vel perceptionem. Accurata enim illa Organizatio ad nihil aliud tendit, nisi ad attemperandum vel adæquandum vim motûs crassitudini consistentiæ *Conarii*, difficultatq; eò transeundi per nervos. Cujus igitur Organicæ Conformationis nullus potest esse usus in anima à corpore separata, cùm *Perceptionis centrum* quasi nudum collocetur in *tenero* magis & *passibili* elemento, qualis est Aër, Æther & similia. Adeò ut maximum omnium futurum sit miraculum, si anima post mortem obdormiverit, cùm minimo quovis momento impelli possit & excitari.

7. Preterea, non est à ratione alienum statuere, & ipsam & alios spiritus, quamvis nulla habeant Organa fixa & à Natura formata, posse tamen ad magis distinctam plenamq; Objectorum perceptionem, elementum in quo sunt, in temporariam *Organizationem* compingere, idq; pari cum facilitate & celeritate atq; nos pupillam dilatamus & contrahimus, humorèq; Crystallinum in oculo reducimus vel promovemus.

8. Et nè Animarum humanarum naturam solùm spectare videamur sed & voluntatem Dei ejusq; Propositum, nemo unquam adhuc nomen suum inter Philosophos professus est qui Immortalitatem Animæ negavit eo sensu quo ego pro ea contendo, quin particularem providentiam priùs negaverit. Quam tamen ego impossibile puto ut quisquam neget, modò diligenter & sine partium studio in rem ipsam velit inquirere. Ac proinde septima hæc Assertio optimo jure retineri potest, nempe, *Quòd Animæ humana immortales sunt, quòdq; agunt vivuntq; post mortem.* Quo de Argumento recentius pleniusq; scripsi in Tractatu de Animæ Immortalitate ad quem remittendus est lector.

Lib. 2. Cap. 17, 18.

CAP. V.

1. *Octava Assertio*, Politiam esse inter Angelos Animasq; separatas tam bonas quam malas; Duosq; proinde distincta Regna, unum *Lucis*, alterum *Tenebrarum*. 2. *Perpetuasq; inter ipsa inimicitias & bella*. 3. *Nona*, Infinita esse examina Spirituum Atheorum tum Aëreorum tum Terrestrium in perfectam ignorantiam atq; odium omnis veræ Religionis demerforum.

1. **O**ctava Assertio est, *Unumquemq; Angelum sive bonum sive malum æquè verè personam esse ac hominem quemlibet, cum & vitâ, sensu, & intellectu, sit præditus*. Ac proinde omnes similiter capaces esse *Gaudii & Doloris*, & propterea legibus coercibiles. Cumq; opitulationes mutux illud adipisci possint quod nequit solitudo, necesse porro est ut sint *Sociabiles*, & in corpora Politica redigantur, legibusq; pareant, aut ob spem præmii, aut ob pænæ metum. Ex integra igitur Naturæ Angelicæ massa (accensendo etiam huc, juxta sententiam *Philonis*, Humanas Animas in quibuscunq; inveniantur vehiculis) oriuntur, post ipsorum lapsum, *duo distincta Regna*, unum *Tenebrarum*, (cujus leges non ultrâ quam ad res *Animalis vitæ* pertingunt) alterum *Lucis*, quod est *verum Dei regnum*. Atq; hîc *vita Animalis* subjicitur debitumq; præstat obsequium, dum *Divina* imperat exercetq; dominatum; Quemadmodum *Divina vita* in altero regno sub pedibus conculcatur, solâq; *Animalis* dominatur rerumq; potitur.

2. Jam verò, cum vita intima, primâq; Origo motus in utroq; regno adeò contraria sit, manifestò sequitur, quòd perpetuæ futuræ sint inter hæc duo regna inimicitia & bella usq; dum pars altera plenam acta sit victoriam. Quod & adhuc facilius concipiemus, si admittamus quod & rationi maximè consonum est. *Regnum* utiq; *Lucis* à cœlo usq; ad terram pertingere; hoc est, Quemadmodum in eadem Terræ superficie Animalia inveniuntur, ferocia ac mansueta, innocua & venenosa, hominesq; boni ac mali, pii & impii; ita etiam in eisdem Aëris Regionibus, utriusq; generis Spiritus vagari, bonos cum malis, *Regni tenebrarum* subditos, cum subditis *Regni Lucis*. Huic Aëreorum Angelorum Ordini Philosophi veteres Animas adnumerabant hominum defunctorum, tam proborum quam improborum, nisi ad extraordinarium quendam planeq; Heroicum puritatis ac perfectionis gradum pervenissent; tum enim opinabantur eas ad regiones illas magis sublimes & Æthereas attolli.

3. Nondò, *Infinita esse Spirituum Atheorum agmina vel examina tam Aërea quam Terrestria ad Tenebrarum Regnum pertinentia, quæ aut absolute Deum esse negant aut saltem particularem providentiam*. Divinamq; vitam tanquam fastidiosam quandam infestamq; Imaginationem omniq; præterea præmio destitutam considerant. Et si quam homini in hac vita voluptatem conciliat, eodem numero eam habent quo illas quæ hominibus mente captis & Melancholiâ laborantibus contingunt, quorum Imaginatione multas, quod dicitur, stultorum Paradisos ipsis creat, quibus se oblectent. Idemque, inquiunt illi, facit Religiosa hæc Insania eis qui ipsâ tenentur, cum nec ullum objectum reale habeat, nec fructum alium præterquam quo Imaginatione falsa superstitionis ipsorum mentes illudat. Et tamen hi Rebellores, rerum naturalium, Mathematicarumq; subtilitatum satis gnari esse possint, & in omnimoda astutia scientiâq; Politica versatissimi; tamen cum omnis rerum divinarum gustus & cupiditas in ipsis penitus extincti sint aut consopiti, neq; ipsi quidem excogitare quicquam possunt nec ullas approbare rationes ab aliis excogitatas ipsisq; oblatas, quibus ab eo statu Rebellionis & tenebrarum, in quo siti sunt, ad verum Dei vivi cultum revocari valeant. Immo verò probabile est eos præ duritie cordis eò audaciæ confidentiâq; prorupisse, ut se satis instructos viribus esse autument ad conflegendum cum potestatibus *Regni Lucis*, summamq; rerum gloriantur penes ipsos olim fuisse & etiamnum ad ipsos jure pertinere, & aliquando in ipsorum manus esse relapsuram; suum Principem jactantes fratrem esse natu majorem, sed in has rerum angustias dejectum per invidiam minoris. Quod furiosum olim erat commentum *Enchitarum, Ophitarum, vel Satanianorum*.

CAP. VI.

1. *Assertio decima, Quod ruina erit Regni Tenebricosi consummatissima, idq; modo quodam supernaturali, & in ipsas externas eorum personas. 2. Undecima, Gentem humanam initium habuisse & finem aliquando esse habituram. 3. Quod & Terrarum Orbis Conflagratio testificatur.*

1. **T**UM verò, loco decimo, Admodum rarum est & inusitatum ut tam obstinata & irreconciliabilis oppositio, quàm quæ reperitur inter duo illa regna de quibus loquimur, non finiatur tandem insigni aliquâ clade, alterutrâ parte plenam reportante victoriam. Sed præterea jus perspicuum atq; æquitas illius causæ quam Potestates Regni Lucis defendunt, non solum hoc, apud eum qui sedet Judex, obtinebunt, ut finis tandem suis laboribus & conflictationibus imponatur; sed & ab eorum parte certissimus stabit successus, idq; non solum in sensu quodam tacito, Mystico & Allegorico, (cujus hi Spiritus Athei nullum habituri sunt sensum vel perceptionem, ut qui omnia resoluturi sunt in Naturam, rerum Politicarum peritiam, bonâve fortunam, fortassis in aliquas extraordinarias Stellarum virtutes & influentias quæ aureum iterum seculum in Scenam introducant; Tam parùm poterit Justitiæ Regnum in terris homines insigniter impios & obduratos convincere) sed per præpotentem quandam miraculûq; plenam Pompam ac Comparentiam, quâ in ipsis externis sensibus confundentur consternabunturque, cum nihil aliud jam reliquum sit in quod Divina Providentia operetur, quippe quod divina vita, sensûsq; Conscientiæ jamdiu in ipsis extincti sint, ratioq; ipsorum penitus consopita, quantum veram Dei cognitionem spectat, & universa Religionis officia.

2. Undecimo, *Generationes hominum initium habuerunt & finem aliquando sunt habituræ.* Quod initium habuerunt communi omnium Philosophorum, Poetarum, & Historicorum consensu comprobatur. *Aristotelici* quidam dissentiant, sed ob rationes tam infirmas, ut operæ pretium minimè fore judicem ipsos confutare. *Cartesius* verò ipsiûsq; Philosophia huic opinioni aded favet ut necessariò ipsam inferat. Præterea, *Naturæ Historia* idem videtur confirmare ex eo quod Tellus jam non tam perfecta pariat Animalia quàm primitus produxerat. Quemadmodum notat *Lucretius* lib. 2. de Rerum Natura.

*Jamq; aded fracta est Ætas; effataq; Tellus
Vix animalia parva creat, quæ cuncta creavit
Secunda, deditq; ferarum ingentia corpora parva.*

Quod quemadmodum certissimum est signum Ætatis jam affectæ in Tellure, ita etiam Juventutis illius primûq; ortûs argumentum est perspicuum.

5. Cæterum, præter Philosophicum illud axioma, *Quicquid oritur moritur*, Quod generatio tandem cessabit super Terram antiqua illa *Conflagrationis Mundi* fama ulterius perhibet Testimonium. De quo funesto fato *Sibyllæ* jam olim cecinerunt, idemq; *Pythagoras* & *Heraclitus* sunt testificati, quos etiam *Ovidius* secutus est: & *Stoici* itidem, (homines sanè qui satis tardi sunt ad credendum res miras magnasve è parvis levibûsve argumentis,) in suam hoc assumpserunt Philosophiam; addentes porro, humanas Animas ad illud usq; tempus substituras esse, sed in extrema hac conflagratione tandem perituras. Alii magis benignum hujus ignis usum fote præfagiunt, ut qui putant per eum purgandam esse Terram magisq; fertilem reddendam, eòq; modo præparandam esse ad feliciorẽ habitationem; tanquam si divina *Nemesis* admodum amicum aliquod consilium in gratiam totius Creationis foveret, etiam tum cum maximè crudelis & severa videtur contra aliquam illius partem; nec in hoc Justitiæ solummodò actum exerceret, sed & peritæ Agriculturæ, exurendo scilicet sterile solum cum omnibus in eo reptantibus Animalculis, ut Ager indè fiat fertilior; juxta illud *Virgilii* in *Georgicis*.

*Sæpe etiam steriles incendere profuit Agros,
Atq; levem stipulam crepitantibus urere flammis:
Sive indè occultas vires ac pabula terre*

*Pingua concipiunt; sive illis omne per ignem
Excoquitur vitium atq; exudat inutilis humor.*

Sed tam immane facinus prohibeat Deus, ut mortalis quisquam eò usq; audeat & desipiat, ut profiteatur se intelligere tam profundum Providentiæ Mysterium.

Summa quò ego collineo hæc est: Opinionem esse non *Christianorum* tantummodò sed & *Ethnicorum Judæorumque*, fore tandem totius terrarum Orbis conflagrationem finemq; impositum iri præsentī huic rerum Scenæ. Quod dogma maximo mihi futurum est usui in defendenda nostra Religione contra utrosque.

C A P. VII.

1. *Assertio duodecima*, Quòd visibilis erit & supernaturalis liberatio filiorum *Regni Lucis* in mundi Conflagratione. 2. *Ratio Assertionis*. 3. *Assertio decima tertia*, Quòd novissima vindicta ac liberatio sic instituentur quemadmodum maximè conducet ad Triumphum *Divinæ vitæ* super *Animalem*. 4. *Unde maximè consentaneum est* ut *Regni Lucis Princeps Anima* potius esset humana quàm Angelus. 5. *Assertio ultima*, quæ & prioris consecutarium est, brevissq; generalis naturæ *Christianitatis Descriptio*.

1. **D**uodecima Assertio est, *Non solum fore sensibilem ac palpabilem cladem & subversionem Regni Tenebrarum*, (talem utiq; quam ipsi maximo cum suo malo perferissent, horrendo destructionis turbine circa capita ipsorum circumstrepente, & manifestâ Dei Irâ erumpente & involante in externas eorum personas) *sed conspicuam etiam liberationem alterius Regni ex hac tempestate ignea & sulphurea*, è perferoci Dei furore, & è fremitibus atq; exæstuationibus Naturæ contra Impios accensæ & extimulatæ. Quis enim animo concipere potest horrorem, fœtorem, & confusionem, flammarum ignis crepitationem, sonora illa murmura ac mugitus conturbati maris, æstuantis fumorumq; globos emittentis ad modum aquæ in ingenti bullientis Lebetæ, terribiles ululatus dirósq; gemitus Spirituum illorum rebellium, qui præter generalem eorum omnium deletionem quibus antea oblectabantur, ineffabilibus insuper corporis cruciatibus prementur cum incogitabili animi vexatione conjunctis, dum *Amor suiipsius* (quod intimum ipsum est *Animalis vitæ* centrum) ipsam Inferni Abyssum se præstat, ut qui summa cum indignatione & vindicta contra seipsum effervesceat & accenditur, eò quòd, cum tam multæ occasiones se obtulerint fundamenta jaciendi melioris conditionis, tam miserè tamen prospexisset propriæ salutis & fœlicitatis; convictus tandem, quòd specialis providentia bonorum hominum rebus invigilet, quòdque Justitia æternum reportatura sit præmium. Nam in illo die renovabunt vires suas pii omnes ac fideles, evehenturq; longè ultra ictum horrendi illius fati, hoc est, ascendent sursum in æthereis illis vehiculis curricularum cœlestibus, (de quibus & veteres loquuntur Philosophi) atq; ita intrabunt in Immortalitatem ac quietem æternam.

2. Quodsi non esset visibilis hæc *Potestatum Regni Lucis* liberatio, adversi regni Potestates, quantumcunq; paterentur, id omne cæcæ & inevitabili Fortunæ impuarent, æquè ac Terræ motus ac Inundationes partiales, particularésq; conflagrationes, quæ oppida olim ac Regiones destruxerunt, ac proinde malam suam conditionem, gravem quidem calamitatem existimarent, pœnam verò vel supplicium nullo modo. Quod probabilius videbitur si consideremus quòd ipsi *Epicurei* atq; *Athei* finalem mundi destructionem aliquando fore agnoscunt; quemadmodum notari potest apud *Lucretium*, qui de Terra, Mari, ac Cœlo sic præcinit & præfigit.

*Tres species tam dissimiles, tria talia Texta
Una dies dabit exitio; multósq; per annos
Sustentata ruet moles & machina Mundi.*

3. Decima tertia Assertio est, Quòd hæc palpabilis & visibilis differentia, quam Providentia Divina bonos inter atq; malos interponet, ita instituetur vel ita jam instituta est, ut *non solum manifesta sit futura Atheorum & Epicureorum convictio & confutatio*,

confutatio, atq; indubitata revelatio existentiae Dei ejusq; in Mundum Imperii ac Principatus, *sed & speciali modo dirigetur ad illustrandum augendumq; honorem ac Triumphum* Divinae vitae super *Animalem*. Quae per tot dolores, afflictiones, & tentationes, per tot impiorum contumelias ac dicteria, crudelēq; ac barbaras persecutiones, tandem cum omnibus illis qui ipsi adhæserint, in thronum attolletur collocabiturq; aeternae Pacis ac Gloriam.

4. Atq; ut hoc majori cum arte fiat, illa Sapiētia quae optimum ad modum cuncta disponit, omnia illa declinanda censuit quae *Animali vitae* adeo pulchra ac pretiosa videntur; Cujusmodi sunt externa hujus mundi Pompa ac Potestas, Ordinis sublimitas, eximia ac singularis rerum naturalium Peritia, Pulchritudo, Nobilitas, Robur corporis, & alia quaecunq; quibus *vita Animalis*, separatim à *Divina*, se oblectat, quae per seipsam potest praestare. Omnia haec, inquam, praetereunda erant in delectu illius personae cujus auspiciis magna illa victoria contra *Regnum Tenebrarum* erant patranda. Quemadmodum scriptum est, *Non in fortitudine Equi voluntatem habet nec in tibiis viri delectatur. Diligit Jehovah timentes ipsum, sperantes in misericordia ejus.* Quod illustrationis solummodo gratia profero. Est enim in se manifestò verum, Deum suam propriam gloriam, hoc est *vitam divinam* sive sui ipsius Imaginem in creaturis suis elucentem, omni naturali perfectioni praeferre. Ità igitur rem geri oportebat in electione Principis *Potestatum Regni Lucis*, quemadmodum fieri potest apud Regem aliquem, qui generali Nobilium luxuria, rebellione ac perfidia ad iram provocatus, ut ostendat quam parvi ipsorum ordinis altitudinem prae vera virtute aestimet, unum ex infimis Plebeis eligat, singulari tamen prudentia, fide ac fortitudine praeditum, eumq; à se proximum honore ac potestate in regno administrando collocet. Ad eundem planè modum Omnipotens, praetermissis superiorum ordinum Angelis, ut magna illius de *Divina vita* existimatio clariùs appareret, magisq; fieret conspicua, delectum faciendum censuit ex ordine Animarum humanarum & in unam aliquam ex ipsis imperium esse conferendum, quae illi muneri à mundo condito destinata insignes victorias reportatura sit contra *Regnum Tenebrarum* & redemptura tandem omnes quos Diabolus captivos tenuerint, in gloriosam libertatem filiorum Dei.

Psal. 147:
10, 11.

5. Postremò igitur (ut tandem preparatorias nostras Assertiones finiamus) *principium Christianitatis Mysterium in hoc consistit*, quòd sit sapientissimum Providentiae Inventum post hominum lapsum atq; Angelorum, ad contundendum superbiam, & ad eludendum frustrandumq; omnes technas ac molitiones Diaboli & sociorum ejus, & ad reducendum omnes poenitentes animas ac regeneratas ad eam gloriam ac beatitudinem cujus jus perdiderint olim ejusq; fruitione exciderint. Vel, si malles, breviter, magisque, fortean, significanter, sic; *Christianitas est illa divina Sapientiae ac Providentiae periodus in qua Animalis vitae insigniter insultatur & triumphatur per Divinam.*

CAP. VIII.

1. *Qui nè speculativus quidem Christianus est indicium esse communi eum sensu carere ac ratione.* 2. *Naturam Divinae atq; Animalis vitae statimq; mundi ante & in adventu Servatoris prius inquirendum esse quam progrediamur.* 3. *Cur Deus non statim Divinam vitam ad eam attollat gloriam quae ei deberi videtur.* 4. *Primum Responsum.* 5. *Secundum Responsum.* 6. *Tertium Responsum.* 7. *Quartum & ultimum Responsum.*

1. **E**Jusmodi jam Conclusiones posuimus aut ex se adeò evidentes, aut Ratione demonstrabiles, aut deniq; sapientissimorum qui unquam extiterunt virorum (etiam eorum quorum nihil intererat ut Christianitas vera esset) autoritate adeò comprobatas, ut, cum maximae ejus difficultates in has facillimè resolvantur, manifestò apparituum sit, non solum ineptitudinem quandam esse ad omnem omnino Religionem, sed & communis sensus laudabiliùmq; hominis facultatum defectum, quo impediatur quispiam nè *speculativus* saltem Christianus evadat.

2. Duo jam tantummodò supersunt quae ad ulteriorem preparationem nobis ante oculos sunt proponenda, antequam ad particularem distinctarum Christianitatis partium

tium ad antecedentia Theoremata applicationem progrediamur, Unum est de *Animali vita* ac *Divina*, alterum de *conditione Mundi & antea & in eis temporibus* quibus Princeps Regni Lucis magnum illud inceptum aggressus est redimendi hominem lapsum è servitute Diaboli.

3. De primo nonnulli forsan proclives erunt ad quærendam, Quid sit hæc *Animalis vita* & quidnam *Divina*, ut hæc de illa tanta cum pompa ac splendore triumphare debeat? Et quæ sit, si una adeò longè majoris pretii sit apud Deum quàm altera, ut non statim illam sine tam longis exorsis ac laboriosis ambagibus in thronum attollat, ipsi debitum suum honorem donans sine mora, & errantibus lapsisq; Animabus fœlicitatem illam cujus sunt capaces, absq; tanta & tam fastidiosa molestia?

Cujus posterioris quæstionis, vel potiùs audacis & imperitæ Expostulationis rusticitas & inurbanitas proritat me, præter leges Methodi, ad eam expediendam antepriorem: præsertim cum nihil ad responsum requiratur præterquam quod in ipsa expostulatione supponitur, nempe quòd *Divina vita* longè præstantior sit ac pretiosior quàm *vita Animalis*.

4. Verùm, quàm maximæ sit præstantiæ hæc *Divina vita*, si rectè tamen eam intelligamus, illud ex ipsa quo nos privamur, nihil est per seipsum nisi sublimis quædam ac nobilis mentium nostrarum modificatio quæ ineffabiliter boni beatiq; evadimus, capacesq; fruendi Deo, summo, quod concipi potest, Bono. *Divina* verò *vita* in ipso Deo est impassibilis, nec turbari quoquam modo potest nec diminui, nec ullâ ratione incommodari: Eaq; *vita* in nobis, *Divina* nimirum illa animarum nostrarum modificatio, quando in nobis non est, non est omnino, ac proinde cum non sit, nullam subit calamitatem, nec certè quando est in nobis, ullum sentit aut dolorem aut voluptatem, ullamve gratificationem aut displicentiam. Est enim ipsa anima quæ sentit omnia, eaq; est quæ percipit hunc *Divinum sensum atq; vitam*. Nullus verò sensus percipit seipsum, alioqui tot essent personæ quot sunt sensus. Quamobrem ipsa *Divina vita* non læditur, non perturbatur, nec torquetur ullâ impatientiâ vel expectatione illius honoris ac Triumphi qui ipsi destinatur.

5. Secundò, Ille status ad quem beatorum Animæ tandem perveniunt, quæ est *Divine vite* coronatio cum Immortalitate & Gloria, est certè conditio tam præstans & excellens ut valde justum sit & consentaneum ut nullum liberum Agens unquam eò perveniat nisi per competentem mensuram tribulationum & miserationum quibus exploretur sinceritas illius affectûs quem debet tam pulchro ac amabili objecto. Et tametsi viæ Providentiæ sint aliquantum laboriosæ ac molestæ, quibus animas hominum ad hunc quietis portum ac tranquillitatis reducit; tamen cum tam certò & tam eximiè remunerandi tandem simus, nisi nostri ipsorum Amor nos occæcat, facere non possumus quin fateamur quòd totius rei progressus admodum congruus esset & decorus, quòdque res ita gestæ sint quemadmodum eas gestas esse oportebat, prout notat *Aristoteles* de Historia Poëtica, ubi laboribus & calamitatibus exercitata virtus semper tandem victoriam consequitur ac gloriam. Quamobrem Philosophus *Epicorum* Poëtarum lectionem *Historiographorum* lectioni præfert, propterea quòd Poëtæ *Epici* res ita describunt quemadmodum eas fieri oportet, Historiographi verò quemadmodum factæ sunt, quæ sæpenumero videntur non tam rectè factæ esse quàm oportuit. Sed stulti & Infantes, juxta vulgatum Proverbium, rerum dum moventur & perficiuntur, inidonei sunt spectatores, nesciunt enim quò tendant. Nec mirum est si mundus stupidus ac imperitus in contemplanda Providentia multum animo consternetur usq; dum magnus ille *Drammatista* Omnipotens Deus periodum perduxerit, prope ultimam rerum *Catastrophen*. Tunc enim pro certo cælum terraq; reboabit hac acclamatione sive *Plaudite, Verè est fructus justus, utiq; est Deus judicans in terra*.

Est autem morosi & impatientis animi, quod nec expectare nec approbare velimus in pleno Providentiæ cursu illam Methodum, quam accuratissima maximq; judicii Ingenia in magnam sanè facultatum nostrarum gratificationem etiam in Historia ficta adhibuerunt; tanquam si humana Inventio Sipientiâ Divinâ justior & perfectior esse possit. Quamobrem, iterum affirmo, Quòd *patiens ac perseverans Virtus currum suum Triumphalem tandem conscendet, & per amplum hujus mundi Theatrum vehetur cum splendidissima pompa ac gloria*.

6. Tertiò, Non solum condignum tantæ remunerationi pretium per longam hanc explorationem & probationem adscribitur, sed & *peculiares quedam virtutes* admodum nobiles ac laudabiles per eam exercentur, quæ absq; hac occasione æternum potuissent obdormiscere. Cujusmodi sunt *Heroica fortitudo, Patientia invicta, sedula*

sedula vigilansq; Prudentia, prompta & subtilis Inventio, & perspicua solidaq; Rationis disquisitio ac directio contra perversas suggestiones, apertioresve declarationes *Sophistarum Regni Tenebricosi*. Præterea in magis sensibili schola sumus profundæ Humilitatis ac subjectionis nostræ voluntatis voluntati Divinæ in rebus omnibus, opportunitatēq; habemus in nos conjectam tantarum probationum obsequii nostri in temporibus Sterilitatis & Desertionis, ut ipsa Fidelitatis nostræ recordatio non possit non efficere ut longè nos indè chariores Deo factos deprehendamus, & ut ineffabile in animis nostris excitetur gaudium & solatium, quod huiusmodi occasiones habuerimus ostendendi fidelitatem nostram ac constantiam erga eum quem anima nostra tantoperè amat. Quamobrem ex eo quod res tam lentè ac gradatim progrediantur, naturalis quædam videtur nostræ Beatitudinī fieri accessio. Id verò à Deo expectare ut unā vice animam in eum statum compellat, in quem aded naturaliter tempore succedente maturefcere debet, perinde est atq; expectere ut Tempestates anni una in alteram in unum cumulum præcipientes conjiciantur, utq; nec gemmæ sint nec flores, (quanquam & illi peculiarem suum usum habent, & pulchritudinem, atq; fragrantiam) sed ut toto anno Autumnus sit, quemadmodum in consimili causâ suprâ respondimus. Sed Divina Sapientia Bonitatis suæ optima est dispensatrix, quæ ad omnes Naturæ facultates exercendas *Monstra* pariter ac *Hercules* in Mundum introducit, ut fortitudo aptum in quo vires suas experiatur, adinveniat Objectum. Ac profectò nisi ipsum tenebrarum Regnum aliquo modo utile esset & aliquale præpotenti Divinæ Sapientiæ ac Bonitatis Principatui præstaret Homagium, equidem ausim pronunciare, quod nè uno quidem momento substitutum esset, sed statim foret è rerum universitate exterminandum.

7. Quartò & ultimò, Cum nihil præter nosmetipsos quicquam damni capiat, (si modò nos damni quicquam capiamus) ex hac Beatitudinis nostræ dilatione, quemadmodum jam demonstravimus, cumq; nos lapsi simus & à Deo nostro defecerimus, omnino justum est ut ob id ipsum pœnam non mediocrem subeamus, ut Divinæ illius perfectionis, quæ à nobis recuperanda est, honor non lædatur minuatūve tam vili sordidq; prostitutione & tam facili subitq; reditione in gratiam. Quanquam enim Deus per filium suum reconciliatur nobis semel, illud tamen nos non eximit à subeundo debitam pœnarum seriem antequam integrum Reconciliationis nostræ fructum possideamus. Neq; nova est hæc doctrina sed talis quam ipsi Apostoli docuerunt, nempe, quod per multas tribulationes & afflictiones nobis intrandum sit in regnum cælorum. Et, Quem diligit Dominus castigat & flagellat quemcumq; filium recipit. Quamobrem nulla erit recuperatio pristinæ nostræ felicitatis nec ulla efficax reditio in gratiam cum Deo nisi per constantem & durabilem methodum disciplinæ & probationis. Aded ut sufficientem causam videamus cur Providentia omnem illam Beatitudinem Fidelium cujus tandem participes futuri sint, semel non adducat, sed per aliquos anfractus & ambages (quemadmodum Expostulator temerè ipsas appellitat) eos circumducatur, antequam omnia finita sint & completa.

CAP. IX.

1. Quid sit vita Animalis in genere, quodq; bona sit in seipsa. 2. Amor suiipsius Passionum Animalium radix, quodq; ipse per se utilis sit & innocuus in Creaturis. 3. Ut & ipsius Partes. 4. Nobiliores Animales Proprietates in Brutis, ut sensus Gloriæ, sapientia & Astutia. 5. Politicum Regimen inter Apes. 6. Inter Grues & Cervos. 7. Et inter Elephantos. 8. Conclusio, Quod sapientia Politica cum omnibus suis ramulis Vitæ Animalis pars sit.

1. JAM verò ut redeamus ad id de quo in primo loco agere debuimus, Animalem vitam intelligo & Divinam, & ut declaremus quid sint, non ratione quidem spinosâ ac Philosophicâ sed quantum ad usus vitæ illiusq; Gubernationem inferviat; dicimus primò in genere: Animalem vitam illam esse quæ in Brutis æquè cernitur atq; in Hominibus, quæq; summatim consistit in exercitio sensuum omniumq; earum Passionum quas natura ipsis iniecit, sive ad bonum uniuscujusq; particulare, sive ad speciei conservationem. Quod melius intelligetur, si in aliquibus instemus, in quibus ut in reliquis Sapientiæ Divinæ in Natura vestigia facile deteguntur.

guntur. Unde pariter apparebit, nullum malum bonūve simpliciter esse in *Animali vita*, sed usum indebitum, immoderatūq; Animi oblectationem in huiusmodi motionibus solum esse Peccatum. Quod manifestum est in externis sensibus. Sed nos præcipue, quanquam breviter, considerabimus *Passiones* brutorum Animalium.

2. Radix generalis harum omnium proculdubio est *Amor suiipsius*, qui quamvis pessimè sonet (sicut sanè debet in sequiorem partem acceptus) apud homines, est tamen legitima & perquam necessaria vitæ proprietas in quolibet bruto Animalium. Illa enim cum non sint prædita laxioribus illis & liberioribus Intellectus Rationisq; facultatibus, si intensus ille amor quem unumquodq; erga seipsum gerit directus fuisset æqualiter in reliquis creaturas, qualis inde perplexitas animiq; distractio oriretur in singulis Animalibus, cum sollicitudo atq; cura ipsis ita reduplicaretur ab externis considerationibus respectūq; aliorum, ut unumquodq; compelleretur suas res negligere, immemorq; esse securitatis propriæ ac felicitatis; aut saltem minis capax redderetur ei prospiciendi, ex eo, quod animadversio ipsorum alibi defixa esset & in eas creaturas quibus propter distantiam loci & similia incommoda, opportunè succurrere nullo pacto possent. Atq; sic eorum affectus æquè infructuosi aliis reperirentur, atq; inutiles sibiipsis, dum eò non diriguntur nec ibi concentrantur ubi plurimum boni præstare poterunt, nempe in semetipsis. Quibus tamen ad opitulandum semper maximè instructa sunt & parata, utpote quæ sibi præstò sunt maximè suisq; casibus præsentissima. Quamobrem iustissimis de causis fit, quòd unumquodq; Animal fortissimum erga seipsum Amorem gerit, quippe quòd suis rebus facilius prospicere potest quàm alienis, aut quàm ab aliis ipsius potest prospici & auxilium ferri.

Nec tam præsentis alibi cognoscere Divos.

Quamobrem nulla est vitiositas in *Amore suiipsius* quatenus est merus *animalis affectus*, sed est legitimum Vitæ Principium à Deo Naturæ insitum ad Bonum commodūq; Creaturæ.

3. Cumq; Radici nullum subsit venenum, Rami in seipsis puri sunt & innocui. Qui quidem Rami sunt omnes *passiones Animales*, cuiusmodi sunt *Ira, Timor, Dolor, Gaudium*, omnes necessariae corporis Cupiditates, quæ ad ejus conservationem tendunt, quales sunt *Fames & Sitis & dormiendi appetitus*. Nec sanè hic subsistit *Amoris suiipsius* effectus & influentia, in prospiciendo utiq; *Individuis*, sed sapientia illa quæ in Natura operatur ita res comparavit, ut hæ brutæ Creaturæ quando propriam suam voluptatem atq; oblectationem maximè quærunt, facinus tunc edant *Univerſo* quidem omnium *utilissimum*, utpote quod conservationis infervit earum *Specierum* Animalium quæ adeò perfectæ sunt, ut durare in mundo non possint absq; hoc genere propagationis quæ fit per unionem *Maris* ac *Femine*.

Non est instituti nostri accuratam inire enumerationem *Animalium Affectuum*, multoq; minùs eorum usum declarare, in quo Divina Providentia æquè manifestò apparet atq; in Anatomica Partium corporis dissectione; ac proinde Testimonium perhibet, omnes in suo genere bonos esse, utpote qui in Naturam Animalem insiti sunt per tam sapientem & benignum Artificem.

4. Nos solummodò mentionem faciemus paucarum è nobilioribus *Passionibus* quæ observantur in aliquibus Brutis: Quales sunt, *Gloriæ Laudisq; sensus, Affectus naturalis erga fœtus*, quem Græci *συνδν* appellant, *Astutiæ usus* & subtilitatis in consulendo propriæ salutis, *Realis eorum atq; efficax ratio Politica* quæ bono publico prospiciunt, & obscura deniq; quorundam actuum *Religionis Imitatio*. Nullas prolixas excursions faciemus super his capitibus quæ proposuimus, nominabimus tantummodò quædam Animalia tanquam obsides illius veritatis quam innuimus. Exempli causâ, *Laudis inesse sensum* brutis, & *gloriæ* ac victoriæ manifestum est in *Pavonibus, Elephantis, Equis* & in *Gallis Gallinaceis* generosis ac pugnacibus. *Naturalem* ipsis inesse *affectum* erga fœtus omnia ferè Animalia testificantur; *Reciproce* verò *affectum* pullorum erga eos qui ipsos pepererunt, exemplum eminentissimum est in *Ciconia*, unde *ἀντιπατρὶς* est pii filii officium præstare erga grandævum Parentem. Est & aliud *Gratitudinis* genus valde conspicuum in aliis Animalibus, in *Canibus* præsertim, qui in defendendo vitam Dominorum sæpenumero periculo exposuerunt suam, & tam altum ex eorum morte conceperunt dolorem ut spontaneâ fame contabuerint, mortemq; voluntariam hoc pacto ipsi sibi tandem consciverint. Adeò ut hæ ipsa bruta ad *perfectiorem* illam *Pharisaicam* pervenisse videantur quæ ulterius non pertingit quàm ad *amorem Amicorum*, & ad benefaciendum eis qui ipsis benefecerint. Quantum ad *Astutiam* peritiāq; sibi prospiciendi & sartam testam conservandi

conservandi propriam suam cuticulam, quamvis instare possimus in multis aliis, ero tamen contentus mentione unius tantummodò Animalis ob dolos & versutias admodum celebris, Vulpem intelligo.

5. Quantumq; ad *ordinem Politicum* atq; Regimen, illius perfectio in *Apum Republica* non solum apud magnos Physiologos notatur, sed vulgariter nota est etiam cuilibet Rustico qui alvearia habet in suo horto. Ubi observare potest quomodo una aliqua Apis bombitatione suâ tanquam tubæ clangore reliquas ad opus excitat, quàm scitè apteq; tota societas diversa mellificationis suæ munera inter se distribuit, quàm severi Fucorum sunt punitores, ejicientes ipsos ex alvearibus. Quàm fideles ac morigeræ sunt *Regi suo* vel *Duci*, moventes se prout ille se movet, & sustinentes eum corpusculis suis quoties defessus est volando. Quàm peritè sibi cavent nè ventorum violentiâ à se invicem dissipentur, arripiendo scilicet minuta lapidum fragmina in pedes quibus levia eorum corpora saburrentur magisq; stabilia fiant. Quod etiam memoriæ proditum est de *Gruibus*, quamvis in quem finem magna sit inter doctos dissensio; quibusdam affirmantibus hos lapides unguibus eos gestare ad explorandum *aqua* sit an *arida* supra quam volant, quasi distinctione sonitus demissorum lapidum utra sit faciliè internoscant. Ego verò faciliùs dijudicatum iri existimem per visum, ac propterea in eam pronior sum sententiam quòd hi lapides eidem inserviunt usui cui Apum lapides inserviunt.

6. Quod verò magis *Politicum* in *Gruibus* videtur, hoc est, nempe quòd *unum* habent *Præfectum* sive *Ducem*, qui dum super terram quietem capiunt, toti agmini invigilat, lapidem in pede tenens, ut si fortè somnus oculis ejus obrepat, lapsus lapidis eum possit exsuscitare. Reliqui interim dormiunt capitibus sub alis repositis. Si quid verò periculi immineat, præfectus clamore signum dat, atq; sic omnes simul avolant. Hanc præfecturam sive præeundi officium per vices suscipiunt tam in aëre quàm in terra, & ille qui jam primam aciem ducit, rostròq; primus aërem findit, statò mox tempore ad agminis tergum se recipit. Quod etiam non sine admiratione notari solet de *Transitu Cervorum Siculorum* per illud fretum *Siciliam* inter & *Calabriam* situm, novorum Pascuorum investigandi gratiâ singulis ferè æstatibus repetito; Qui sequitur, caput imponit clunibus illius qui proxime antecedit; Ille igitur qui jam universis præit, mox in tergum totius agminis se recipit, ut primum se senserit defatigatum, & in ultimi clunes caput suum reponit. Hoc faciunt per vices, atq; ità cornuum pondus non magno sanè impedimento est ipsorum transfretationi.

7. Illud etiam admodum *Politicum* est quod *Apollonius* in itinere suo ad *Indos* de *Elephantis* fluvium trajicientibus observavit. Minimi primo loco incedebant, itaq; reliqui pro magnitudine ordinem servantes sequebantur, maximis ultimo in loco trajicientibus. Quem ordinem cum *Damis* ejus discipulus & Itineris comes, improbaret tanquam rudem & ineptum, magister ejus *Apollonius* veram ei rationem hujus rei exposuit, enarrans illi, in fuga fuisse à venatoribus actos, cumq; jam recederent, oportere fortissimos quosq; juxta disciplinam militarem ultimos incedere. Præterea si maximi primo loco ambulassent, ipsorum corporum pondus viam profundiorum facturum fuisse magisq; difficilem & incommodam minimis subsecuturis.

8. Quamobrem manifestum est, sapientiam *Politicam Animalis vite* partem esse, omnèsq; illas virtutes quæ sub ipsa comprehenduntur, cujusmodi sunt *Justitia Politica*, *Temperantia*, *Fortitudo*, *Sensûsq; amicitia* ac *gloriæ*, cum multis aliis affectibus qui in *Politico genio* continentur atq; deprehenduntur in multis aliis brutis æquè ac in *Elephantis* reperiri. Sed non licet nimium expatiari.

CAP. X.

1. *Esse juxta Plinium, Religionem etiam quandam in brutis; ut in Cercopitheco.*
 2. *In Elephanto.* 3. *Confutatio opinionis Plinii.* 4. *Passionem quandam esse posse in Cercopithecis & Elephantis è Solis Lunæve aspectu, consimilem illi Venerationis affectui in homine; Idololatriamque proprium fructum esse vitæ Animalis.*
 5. *Hujus rei detectio ex consuetudine Indorum.* 6. *Quorum Idololatria in cultu Solis & Lunæ originem duxit ab illa animali Passione.* 7. *Nihil mali esse in ipsa passione nisi nos in Insensibilitatem quandam primæ invisibilis causæ demergat.*

1. **U**ltima affectio quam nominavimus erat *Religio*, vel potius quædam quasi umbra illius. *Ægyptii* ortum Lunæ sub Imagine *Cynocephali* repræsentant, qui talem habet cum illo Planeta consensum ut in Interluniis hoc Animal visum perdat cæcūmq; permaneat usq; dum Luna lumen suum recuperaverit. Fluxus etiam menstruus Fœminæ semper contingit in coitu Lunæ cum Sole. Unde *Ægyptii* Sacerdotes custodiebant hæc animalia in Templis suis ad accuratiorem observationem cursus Lunæ, ipsaq; Hieroglyphica constituerunt, quibus ortus Lunæ significetur, pingentes utiq; *Cercopithecum* hac positurâ, stantem scilicet in posteriores pedes erectum, pedesq; anteriores Cælum versùs tollentem, cum rostro ad Lunam directo. *Plinius*q; planè affirmat eum novam lunam exultatione adorare. Quod tamen fateor me non majorem Adorationis actum existimare, quàm adulationes blandasq; assultationes canis ad reditum sui domini, multifariâve illas incurvationes corporisq; ad pedes ejus prostrationes. Unde *Critici* conantur rationem reddere Græci vocabuli *ἱεροπνευστος*, quod *Adorationem* significat.

2. Idem author, inter alias *Elephanti* proprietates hanc etiam connumerat, *Religionem* scilicet, syderum solisq; ac lunæ venerationem. Afferitque, in *Mauritania* singulis noviluniis postquam luna cœperit elucere, Elephantes ad fluvium *Amilum* se recipere, ubi post solennem purificationem aquæq; consperionem, salutato demum sydere in silvas iterum revertuntur.

3. Quod duo magna illa mundi luminaria præpotentem habeant in corpora sublunaria influentiam, admodum est manifestum, quodq; peculiariter in quædam agunt præ aliis, & tamen absq; omni suspitione Religionis in his in quæ sic agunt. Quænam enim *Religio* esse potest in *Heliotropio* quod caput suum cum cursu Solis cum ad modum circumtorquet? Qualisve est illa aded antelucana devotio in Gallo, quem tamen *Proclus* fingit, Hymnos suos matutinos *Apollini* sive Soli, quum primum radios illius senserit, summo diluculo cantare? Et quænam est deniq; devotio illa vespertina in corvis cornicibusve quos observare possumus summitatibus arborum procerarum insidere, rostris ad solis occasum conversis? Generalis illa vita atq; motus in mundo habet, (quod dixi) particularem suum affectum pro natura Animalis in quod incidit. Atq; ita lunæ præsentia, quæ tanta cum exultatione à *Cercopitheco* recipitur, cum tam solenni Religionis specie ab *Elephanto*, à *Cane* tamen diu & prolixè adlatratur; quemadmodum & Sol atrocissimis incessitur maledictis à quodam *Libye* populo ob immoderatum suum calorem. Nemo tamen est, opinor, nisi admodum levi ac temerario ingenio, qui concessurus sit hoc genus *Simiarum* atq; *Elephantum* actionibus ac gestibus suis Lunam magis adorare, quàm *Canem* suis latratibus ei convitari vel blasphemare.

4. Veruntamen non negabo quin in Simiis & Elephantis & in aliis hujusmodi brutis Animalibus quæ ad humanam perfectionem propius accedunt, fieri possit ut aspectus Solis & Lunæ excitet aliquando novum quoddam & insolitum sensationis vel impressionis genus; confusum aliquod & attonitum phantasma, ex amore, metu, & admiratione conflatum, maximè affine illius Passionis quam in nobismetipsis *Venerationem* nuncupamus. Tantam utiq; vim habent notabiliora Naturæ objecta in infirmos sensus animales. Ac proinde quamvis *Religio* non sit, *Idololatria* tamen facile esse potest genuinus *Vita Animalis* fructus, prout satis aptè dextrèq; detegitur in cultu *Solis* & *Lunæ*.

5. Etenim quod *Cercopithecis* atq; *Elephantis* illi in *Mauritania* faciunt, idem fit ab *Idololatriis* in duabus *Indiæ Orientalis* insulis, *Tidor* & *Ternate* appellatis, ubi Hymnos canunt orienti *Soli*, noctūq; *Lunam* invocant incrementi liberorum gratiâ, pecorūmq; & fructuum terræ, opinantes hæc duo luminaria maxima esse mundi *Numina*,

mina, Solémq; marem esse, Lunam fœminam, atq; hos duos peperisse *stellas*, quas etiam tanquam quosdam minorum Gentium Deos æstimant.

6. Quòd investigârunt causam aliquam primam à qua Ordo, Oeconomía ac Regimen mundi dependerent superiorum animæ facultatum sagacitati acceptum est referendum. Quòd verò *Solem* cum *Luna* primam illam causam tam ineptè constituerunt, id factum est ex *bruta admiratione* crassâq; stupefactione *sensuum animalium*. Quæ *animalis propensio* horúmq; objectorum vis & attractio ad vivum depinguntur apud *Jobum*. Si vidi *Solem* quando splendebat & *Lunam* cum claritate incendentem: Et seduxit se in abscondito cor meum & osculata est manus mea os meum. Etiam hoc fuisse iniquitas judicata, quia abnegâsem Deum altissimum. Quamobrem, uti suprà dixi, quanquam Religio non est, Idololatria tamen rectè judicatur fructus hujus *Passionis animalis*, quæ est veneratio Objectorum glorioforum insolitâq; admirationem Spectatori incutientium.

Cap. 31. 26,
27, 28.

7. Non quòd quicquam subsit incommodi, si admodum sensibilibus percellamur illustrissimis Naturæ Phænomenis, sed quòd minimè deceat eò usq; in ipsa demergi, eîsve adhærescere, ut ulteriùs non progrediamur, nec perveniamus ad *Illius* cognitionem qui *Invisibilis* est, nec externis corporis oculis unquam cerni potest. Alioqui tantum abest ut admiratio animiq; emotio ex aspectu nobiliorum in Mundo Objectorum quicquam mali in se habeat, ut usitata sit potiùs proprietas Philosophici Ingenii ac Religiosi, magnâq; secum adducat tum voluptatem tum utilitatem. Estq; proculdubio aliquis usus & commodum in omnibus *animalibus affectionibus*; ac proinde si quas ex ipsis relinquamus, nisi fiat nobilioris alicujus boni adipiscendi gratiâ, nos statim eo ipso magis mutilos & imperfectos reddimus.

CAP. XI.

1. De vita media cujus radix est ratio, & quid ipsa Ratio sit.
2. Præcipuæ hujus mediæ vitæ partes.
3. Quòd vita media operatur, secundùm eam vitam cui immergitur, sive Animalis sit sive Divina.
4. Illius gnâvitas quando in Animalem vitam immergitur circa res & contra & citra Religionem.
5. Quousq; ea progredi potest in actionibus religiosis.

1. **A** Nimalis vitæ naturam satè jam illustravimus; Antequam ad divinam pergamus, operæ erit pretium paulisper considerare *mediam* quandam vitam, vel facultatem Animæ humanæ, *Divinam* inter atq; *Animalem* positam. Cui si fas est nomen imponere è generali principio communiq; illius Radice, rectè eam possumus appellare *Rationem*. Quæ potentia quædam sive facultas Animæ est, quæ aut ab innatis suis *Ideis communibûsq; notionibus*, aut ex certitudine suorum sensuum, aut è narratione ac traditione aliorum, convolutum cognitionis glomum sibi ulteriùs quasi retexit vel deglomerat, intellectualem suæ lucis orbem in majus spaciûm extendens, detegendo discernendq; arctas illas connexiones ac coherencias conceptuum quos ipsa apud se de rebus efformatos invenit, atq; ita inferendo unum ex alio multifarias deducit conclusiones tum ad speculationis voluptatem tum ad necessitates usûsq; vitæ.

2. Ab hac singulari facultate, communive radice scientiæ amplificandæ, multi quidem rami germinant, nos verò quosdam tantummodò è præcipuis nominabimus. Quales sunt, *Rerum Naturalium peritia*, *Arithmetica* & *Geometria*, *Facultas loquendi*, sive simpliciter *Grammaticè*, sive etiam *Rhetoricè*, *Educatio civilis*, & *promptitudo differendi juxta modum quandam exteriorum in rebus Religionis*.

3. Hæc brevis est *vite mediæ* descriptio, quæ neq; *Animalis* est nec *Divina*, sed reverà est (quod Astrologi de Planeta *Mercurio* nugatoriè imaginantur) talis quale illud est cum quo conjungitur, seu bonum sive malum sit, seu *Divinum* sive *Animale*.

4. Nam si Ratio in *vitam Animalem* absorpta sit non cessat ibi operari, sed omnes illius operationes eâ vitâ tinguntur in quam est immersa; Adeò ut admodum diligens futura sit, aut in inveniendis concinnandisq; scitis aliquibus rationibus acquirendi divitias, aut in jocosis aliquibus technis ad adipiscendas voluptates, aut in consiliis inveniendis ad satisfaciendum ambitioni, aut deniq; ut tota sit occupata in

quærendo victu, parandove quæ ad vitam sint necessaria. Nec nudæ actionis limitibus coerceri se finit, sed secundum cuiusq; genium, seipsam prodit in facultate sermonis atq; Eloquentiæ: Quosdam idoneos reddens ad scribendum Tractatus Politicos, mirâ rerum humanarum peritiâ confertos; Alios excitans ad spinosas conclusiones efformandas deducendâve in rebus Religionis; Alios deniq; extimulans ad excogitandum quàm plurimas possunt Cavillationes contra Religionem sub qua nati sunt, immò verò contra universam Pietatis Professionem, & ad omni opere enitendum quo fiat ut fides in Deum ejûsq; providentiam pro re stolidâ ac ridicula apud homines æstimeretur. Aliquando sociam sibi asciscit *Poëticam* ut potentioribus illecebris hominum mentes teneat in legendo conceptus suos quos illa cum ipsis communicat. Hinc tot tristitia animûmq; in dulcem quendam dolorem colliquefacientia Elegia, in inopinatam mortem pulcherrimæ alicujus Fœminæ; Tot triumphalia Carmina super crudelibus barbarisq; victoriis sanguinolento Marte acquisitis; Tot impuræ Cantilenæ ad putidissimam illam Deam, terrestrem *Venerem*; Tot deniq; temulentæ cantuunculæ ad extimulandos homines ad enormem *Bacchi* usum à bibacibus Poëtis cructatæ.

5. Nec tamen hoc totum est quod *Ratio* præstare potest atq; *Imaginatio*, dum *Animalis* tantummodò vitæ afflatu atq; instinctu aguntur (modò paululum accedat Educationis aptaq; corporis temperies;) sed operam insuper dabunt componendis sacris *Hymnis* in honorem *Sanctorum*, *Beatæ Virginis* præsertim, etiam ipsius *Christi* & sanctæ & individue *Trinitatis*; describendis porro Paradisi voluptatibus & divitiis, quanquam ipsi illic nunquam adhuc fuerunt, nec fortè ibi unquam sunt futuri. Et si hæc leviora videri possunt, utpote *Poëtica*, de eis etiam quæ magis realia apparent & solida, quæq; prosaicâ Oratione, & cum gravitate magis compositâ peraguntur, ardentes intelligo prolixâsq; preces, conciones longas & fervidas, multo zelo atq; eloquentiâ armatas ornatâsq; de his etiam pronuntiandum est quodd & oriri possunt & sæpenumero oriuntur à nullo altiori principio quàm nos descripsimus, quoddq; effectus esse possunt earum facultatum quæ in homine purè *Naturali* inveniuntur.

C A P. XII.

1. *Insignis aberratio, ac hebes jacensq; gustus* Hominis purè *Animalis* in rebus ad Divinam vitam spectantibus; Quoddq; radix hujus vitæ est Fides in Deum cum obedientia conjuncta.
2. Tres rami ab hac radice, Humilitas, Charitas, Puritas, & cur vocentur Divinæ.
3. Descriptio Humilitatis.
4. Descriptio Charitatis, & quomodo civilis Justitia, Probitâsq; moralis eminenter in ea contineantur.
5. Descriptio Puritatis, quomodôq; eminenter in se contineat quicquid *Moralis* Temperantia & Fortitudo præ se ferunt.
6. Verissime Fortitudinis Descriptio.
7. Et quàm eximium ejus exemplum erat Servator.
8. Stupende fortitudinis Servatoris ulterior representatio.
9. Moralem etiam Prudentiam necessario comprehendendi in vita divina.
10. Divinam vitam optimam esse aliam ad reserandum *Christianitatis* Mysterium, sed illius præstantiam concipi non posse nisi ab eis qui illius sunt Participes.

1. **E**T nunc certè *Animalem vitam* ad tam altum gradum eveximus addendo ipsi hanc *Mediam Naturam*, ut cuiuspiam forsân mirari subeat in qua tandem re delectum sim facturus, quæ pretiosior videri possit aut optabilior, nisi fortè in aliqua *Miraculorum editrice Fide*, quâ Dæmonas possimus ejicere, & montibus mandare ut removeantur & deportentur in medium mare. Tantum verò abest ut tale aliquod privilegium reperiatur in quo naturalis hominis Spiritûs tumor atq; fastus se fit oblectaturus, ut è contrâ magis verendum sit nè, postquam hanc vitam desorpsim, ille nullum omnino ipsius gustum sit habiturus vixq; intellecturus sit quid velim: Et si intellexerit, eam tamen considerabit tanquam aridam & insipidam notionem absq; omni fructu & voluptate. Verùm utcumq; res successerit, ipsam tamen ei declarabo quàm perspicuè potero, & ut nihil sit defuturum, radicem illius primo in loco cursim breviterq; tangam. *Quæ est fides obedientialis firmâq; fiducia in vero Deo Creatore atq; Origine Rerum omnium.* Ab hac fide Angeli Apostatæ lapsûmq;

lapsūmq; genus humanum desciverunt. Anima verò *Messie* semper erecta stetit, per profundissimas vadans tentationes quibus humana natura onerari potest vel impeti.

2. Sed *sancta* hæc ac *Divina vita* eis qui oculos ad videndum habent, maxime erit perceptibilis in suis Ramulis, quanquam & illi etiam *Animali homini* apparituri sunt admodum marci & contemptibiles. Sunt autem hi rami numero tres, quorum nomina quantumvis trivialia & vulgaria, recte tamen intellecta talem sensum secum important ut nihil majoris momenti pronuntiari possit aut *hominum* linguis aut *Seraphinorum*. Sunt autem breviter hi ipsi, *Charitas*, *Humilitas*, & *Puritas*; Quæ ubicunq; inveniuntur, certa & infallibilia signa sunt & indicia aut *Angelis nondum lapsi* aut *Anime regenerate*.

Has *Divinas* appellamus *Virtutes*, non tam quod sacra *eternæ Deitatis* attributa aliquantulum imitantur, quam quod propriae sunt istiusmodi Creaturæ cui suam Naturam impertit in quantum capax est, siue Creatura illa *Homo* sit siue *Angelus*, atq; sic evadat aut *θεοειδής* aut *θεοδιδόμος*, hoc est, *θεόμορφος*. Hujusmodi enim Creatura (& *Christus* hujusmodi creatura erat gradu qui concipi potest maximo) conspicuas in se habet has tres *Divinas Virtutes*, *Humilitatem* scilicet, *Charitatem* & *Puritatem*.

3. Per *Humilitatem* intelligo talem Spiritum siue proprietatem per Divinam Gratiā nobis vel alii cuivis intellectuali Creaturæ insitam, per quam intimo sensu & affectu, quicquid habemus, sumus, aut agere possumus, Deo attribuimus Authori & Donatori omnis boni & perfecti muneris. Hic est summus sanctitatis gradus & verissimum acceptissimūmq; Sacrificium quod offerre possumus Deo, nempe tam liberè ac medullitè agnoscere quod quicquid habemus, ab eo prorsus profectum sit. Unde fit ut nihil omnino nobismetipsis arrogemus nec cum contemptu aliis dominemur. In hac gratia comprehenditur ingenua quædam gratitudo (quod est liberrimum nobilissimūmq; Justitiæ Genus) hoc est, Plena abrenunciatio omnis à se dependentiæ, firmāq; ac profunda suiipsius submissio Divinæ voluntati in omnibus, & displicentia aut saltem Insensibilitas ad hominum plausus omnēmq; Mundanam gloriam.

4. Per *Charitatem* intelligo amorem quendam Intellectualē per quem *Divinas perfectiones* deperimus. Quales sunt illius *Bonitas*, *Æquitas*, *Benignitas*, etiam *Sapientia* ejus, *Justitia* & *Potentia*, quatenus benevolè gratiosēq; actuantur & modificantur supradictis Attributis. Asserōq; insuper, verè transformari in has *Divinas perfectiones*, quantum cum humana Natura communicari possunt, & ex sincero ipsarum sensu in nobis ipsis amare & admirari Deum in quo modis adeo infinitis & immensis inveniuntur, verissimam summāmq; illius Adorationem esse; & acceptissimam tandem Divini Nominis celebrationem maximāmq; glorificationem quam humanæ Animæ præstare possunt suo Creatori. Sed per hanc transformationem Animarum nostrarum in Divinam Imaginem Intellectualis amoris, mentes nostræ non solum attolluntur Deum versùs Religionis ardoribus ac Devotionibus, sed descendunt etiam pleno liberōq; flumine tenerrimorum affectuum erga socias creaturas, dum gratulamur ipsis suum bonum tanquam si nostrum proprium esset, nosq; calamitatum perinde miseret ac si nos ipsi pateremur, ac pro viribus deniq; peritiāq; foelicitatem earum promoveri conamur, miseriam verò quā longè possumus, ab ipsis propellere. Atq; hoc eminenter in se complectitur quicquid aut *Justitiæ Civilis* aut *Moralis Probitas* sibi proponere videtur. Quomodo enim eos injuriā afficere possumus, pro quorum prosperitate ac incolumitate non tæderet nos mori?

5. Per *Puritatem* intelligo debitam moderationem ac Regimen super omnia gaudia & voluptates carnis, dum tam strictis loris vigilq; oculo in dolosa illius invitamenta & illecebras intenti sumus, & tam firmā fide sincerōq; affectu in cœlestem illam Pulchritudinis Ideam in mentibus nostris erectam defixi, ut nec dolores corporis nec *Animalis vite* voluptates unquam nos deprimere sinamus infra Spiritualem nostram Beatitudinem, omniāq; illa oblectamenta quæ *Vita illi* quæ reverè *Divina* est competunt. Atq; in hoc manifestò continetur quicquid *Moralis Temperantia* præ se fert vel *Fortitudo*. Nam ille vulgò satis temperans habetur qui cerebrum à crassa stupiditate corpūq; à morbis saluum & incolumē servare potest. Verūm hæc *puritas* ipsam *Divinam vitam* respicit, requiritq; talem moderationem in omnibus rebus quæ carnem spectant, ut corpora nostra semper manere possint Tempa impolluta idoneāq; habitacula quibus Dei Spiritus inhabitet, inibiq; operetur siue per viam Illuminationis, siue Sanctificationis & Animationis

mationis Instinctusve ad interiora sanctitatis munera. Et quantum ad *Fortitudinem* manifestum est, cum hæc Animæ Puritas mortificaverit prorsus penitusq; edomuerit omnes enormes cupiditates voluptatesq; corporis, quod Mors longè minùs formidabilis, ut & hæc mortalis vita multò minoris momenti nobis postea videbitur.

6. Sed *Fortitudo* omnium longè maxima est quando *Amor* ipsâ morte fortior invenitur, etiam in penetrantissimo acerbissimòq; illius sensu. Cùmq; non tam imbecillitas insensibilitasq; corporis, nec etiam *plenus impetus ac furiosus ardor, ac tempestas naturalium Spirituum*, dolorem mortemq; tolerabiliores reddunt, sed ipsius animæ *nuda fortitudo ac constantia* id efficit, animata tantummodò & armata inextinguibili amore *Divinæ vitæ* & proposito inflexibili omnia peragendi quæ ab illo principio ipsi imponantur.

7. Exemplum hujus *Fortitudinis* admirabile est in beato Servatore; tantumq; transcendit fortitudinem illam vulgò cognitam, & Poëtarum Historicorumq; clamis ubiq; celebratam, quantum illorum Heroum fortitudo excedit agrestem ferocitatem & audaciam Urforum, Luporum & Leonum. Nam quòd quis audeat in arenam cum Morte descendere, quando igni æstusq; agitatorum Spirituum totus exardet, non multum abludit ab imagine eorum præliorum quæ inter pocula contingunt, ubi, ex eo quòd sanguis eorum per nimiam vini ingurgitationem incaluerit, duellatores non persentiscunt lethalia illa vulnera quæ corporibus invicem infligunt. Pugnare verò frigente adhuc animo, nec dum præ ira exardescente, illa demum vera fortitudo est; eòq; major quo Incœpti Occasio nobilior reperitur, minùsq; furoris & passionis partibus inerat, quando primum inter eos convenit de pugna dièque. Alioqui animas mactant temerario cholera Paroxysmo, aut saltem immani illi Tyranno, qui ipsis dominatur, *Superbiæ*, quam, ut illi honestiorem rei colorem superinducant, *Honoris sensum* appellitant; absq; quo si esset, meliori postea inito consilio, ipsi sibi facillè gratiam facerent & laboris & periculi pugnae.

8. Cæterum ut loquamur de fortitudine magis legitima & laudabili, quod est cum hoste congredi in aperto campo, ubi animi eorum ita accenduntur & inflammantur Tympanorum strepitu & clangore Tubarum (quæ certè possint hominem vel mediocris Spiritus usq; ad insaniam ferè efferare) æstimatur tamen facinus admodum forte ac honorificum, si quis in hoc turbine ac tumultu Spirituum suorum gladium suum occisorum sanguine saginat, hostemq; ex omni parte demetit mactatq; tanquam victimam Patriæ atq; Amicis, uxorem intelligo & liberos reliquosq; ipsi sanguine vel affinitate conjunctos. Quod tamen factum meritò comparari potest animositati ac furori Luporum ac Tigridum quæ satis ferociter defendunt foetus suos per innatam suam audaciam atq; confidentiam absq; ullo externo adminiculo & artificio quibus ipsorum animi accendantur. Verum fortitudo & strenuitas semper benedicti nostri Principis ac Servatoris cum nulla re conferri potest, utpote quæ omnia transcendit quæ excogitari possunt vel nominari. Quænam enim comparatio institui potest inter eam animositatem quæ inspiratur à belli pompa, vel certaminis singularis, ab æstu & ardore naturalium Spirituum, à furore & odio adversus inimicum, vel erga amicum amore, & talem fortitudinem, quæ omnibus *Animalis vitæ* commodis destituta, imò verò maximis illius incommodis onerata, ut penetrantissimo mortis sensu, Timore, Agoniâ, & Horrore, persistit tamen nihilominus, & ex humili sui submissione Voluntati Divinæ, tenerrimòq; affectu erga amabilem illam *Divinæ vitæ* Imaginem per omnia dura perrumpit cum infracta constantia, idq; (quod certè commemorari non potest absq; summa admiratione animiq; stupore) non ad redimendum vindicandumve malè tractatum Amicum, sed ad servandum liberandumq; Inimicum malevolum?

9. Vidimus jam quàm eminenti modo, *Justitia, Temperantia & Fortitudo* in *Divina vita* comprehenduntur, quæ *vitam mediam* sibi asciscens sive facultates Rationales, necessariò etiam in anima firmissima jacet verissimâq; *Prudentiæ* fundamenta. Hæc enim *Divina vita* & lux est & purificatio Oculi mentis, unde Ratio evadit verè illuminata in rebus omnibus *Divinis* ac *Moralibus*. Quod Mysterium quamvis satis pro rei dignitate declarari non possit, breviora tamen quædam intimamina obsidum vices explere poterunt illius veritatis. Exempli causâ; Ex eo quòd superbiam amovet, suipsius quæstionem & intemperantiam, manifestum est, quanti sit momenti *Divina vita* ad regenda ac moderanda judicia nostra & intellectus in rebus universis.

Vide plura super hac re lib. 8. c. 11.

10. Omni quo poteram opere annisus sum clarè ante hominum oculos exponere præstantiam illius vitæ quam nuncupamus *Divinam*. Sed impossibile est ut verbis deferatur in eam animam quæ non aliqualem illius sensum experientiamq; jam antea habuerit. Quam certè si habeat, clavis illi erit ad referendum Christianitatis Mysterium optima quæ inveniri potest; atq; in hoc lumine clarè perspiciet quàm decora res sit atq; justa, ut hæc vita quæ reliquas omnes tam immensis intervallis antecedit atq; superat, tandem post longas tentationes & conflictus de omnibus triumphet. Quòdq; in hunc finem Jesus Christus deberet venire in mundum, qui est author & consummator hujus nobilissimi maximèq; Heroici Incepti.

EXPLANATIO

L. B. III.


MAGNI

MAGNI MYSTERII PIETATIS EXPLANATIO.

LIB. III.

CAP. I.

1. *Lapsum animæ à Divina vita, suiq; immersionem in materiam accelerare partum Cain in Eva Mystica è Paradiso expulsa.* 2. *Quòd maximè fundamentalis error animæ lapsæ sit partus Cain, quòdq; indè etiam oriundus sit Abel in Mystério, Paganicæ Idololatriæ vanitas.* 3. *Polytheismi & Atheismi crimen in Paganos omnes à Salomone intentatum: Et quantoperè conveniat ut eorum audiatu defenso ad meliùs intelligendum Mundi statum ante adventum Christi.* 4. *Defensio ipsorum, Quòd non nisi unum Deum colunt, nempe Solem, sciè à Macrobio tractata.* 5. *Brachmanes Indiæ Solis cultores. Exceptio Apollonii apud ipsos & de falsa illius vandq; Pythagorismi affectatione.* 6. *Ignorantia Indorum Magorum Dæmonumq; qui eos erudiebant.* 7. *Concessio, quòd illi reliquiq; Pagani cultum terminarent in unum supremum Numen quod ipsi Solem esse existimabant.*

I.  Ostquam satis clarè jam, uti sperò, *Divine vitæ* naturam illustravimus exposuimusq; omnibus (qui idonei ea de re sunt iudices) ut & naturam *vitæ animalis*; faciliùs nunc pleniùsq; intelligemus in quo consistat *Defectio* tum rebellium Angelorum tum hominis lapsi. In eo enim consistebat, quòd reliquerunt Divinæ vitæ legem, seq; totos dederunt *vitæ Animalis*, perbacchantes in ea omnimodisq; voluptatibus indulgentes sine modo & mensura. Cujus effrænata libertatis hoc videtur calamitosum esse effectum, quòd Anima hominis tandem penitus oblita sit sui Creatoris, depressa prorsus & immersa in infimas hujus mundi corporei sordes atq; fæces. Illa enim in ipso facultas, quæ Gaudii corporei capax est (quæ est *Eva Mystica*) adèd ferox & effrænis evasit, ut nobiliores illos ac delicatiores animi sensus exederet prorsus planèq; extingueret, atq; adèd intimè hominem amore & dependentiâ cum materia conjungeret, ut postquam anima ejus Deum deseruerat verum illius Dominum ac maritum, crassæ huic fabricæ Corporeæ (externum intelligo ac sensibile universum) per vivam quandam adhæsiōem tam arctè se agglutineret, ut in hac intima ardentissimâq; conjunctione, id, in Mystério, præstiterit, quod, in litera, legitur de *Eva* postquam expulsa erat è Paradiso. *Peperit primogenitum suum Cain.* Cujus partus in sensu Mystico nihil aliud est quàm falsa illa opinio, quam ratio Nominis subindicat. קניתי איש ארץ יהוה *Possedi virum sive maritum qui est ipse Jehovah,* juxta facillimum maximèq; naturalem sensum Particulæ ארץ.

Vide Cabbalam
Philosophicam
in Genesim, cap.
2 & 3.

2. Hic igitur primus est maximèq; fundamentalis error humani Generis lapsi, quòd Corpus sive *Materiam* solum illum verumq; *Jehovam* faciunt, solam illam veramq; *essentiam* primamq; *substantiam* unde omnia sunt, agnoscuntq; *nullum Deum* præter mundum hunc visibilem & sensibilem. Ac proinde hic non subsistunt sed naturaliter progrediuntur

progrediuntur porro ad partum *Abel*, quod *Josephus* interpretatur *in dolore*. Cui proculdubio Anima humana in hac conditione valde est obnoxia, sed vocabulum æquè aptè potest significare *vanitatem*, & ut plurimum significat; Quod optime quadrat ad illud Apostoli de Paganis eorumque Religione, quod *vani facti sunt in Ratiocinationibus suis*. Atque ita id evenit de quo Author pii illius libri qui inscribitur *Sapientia Salomonis* tam Tragicè conqueritur.

3. Etenim *vani sunt omnes homines natura*, in quibus inest ignorantia Dei, & qui ex iis, quæ spectantur bonis, cum qui est (*τὸν ὄντα*, *Jehovam*) non potuerunt intelligere; nec ex operibus consideratis ipsum opificem agnoverunt: sed aut Ignem aut Ventum, aut celerem Aërem, aut Astrorum orbem, aut violentam Aquam, aut Lmina cæli rectores Mundi Deos esse putaverunt.

Hæc accusatio admodum pressè urgetur in universum Paganismum. At verò æquum est ut paululum spaciū ipsis permittatur quo seiplos defendant, ut veritas ex eo opportunius detegatur firmitusque stabiliatur, & naturalis humani generis status ante adventum Christi in Mundum, plenius intelligatur, quæ res ipsa est quæ jam est præ manibus, ultimūque argumentorum quæ per modum præparationis ad præcipuum nostrum Institutum proposuimus.

Crimen quod ipsis hic intentatur est *Polytheismus*, quod necessariò *Atheismus* in se concludit. Nam uno plures Deos asserere, est asserere nullum. Quamobrem cum Pagani *Polythei* sint in Professione, per indubitabilem consequentiam etiam *Athei* deprehenduntur.

4. Verum hic quidam ex eis talem pro seipsis Apologiam instituunt, affirmant utique, quod illi agnoscunt unicum supremum Numen, solem scilicet. Quodque diversi illi cultus qui Diis exhibebantur, ad hunc unum dirigebantur, quanquam sub diversis nominibus propter diversas influentias & virtutes quas in ipso observabant. Hæc est ipsissima *Macrobi* defensio, quam ille sub personam *Vettii Prætextati*, admodum scitè ac peritè tractat; à proprietatibus nempe Naturæ, vel à Nominum allusionibus, vel à similitudine Statuarum & Imaginum, vel à Ceremoniarum conformitate, vel denique ex Oraculorum testimoniis, non minùs sexdecim Paganorum numina (quæ vulgò videbantur distincta) ad hoc unum *Solis* reducens, nempe *Apollinem*, *Bacchum*, *Martem*, *Mercurium*, *Æsculapium* & *Salutem*, *Herculem*, *Isidem*, *Serapidem*, *Adonidem*, *Attinem*, *Osiridem*, *Horum*, *Nemesein*, *Panem*, *Jovem*, *Saturnum*. Nec dubito quin similibus contorsionibus anfractuosisque Ingenii & Imaginationis flexuris reliquorum Deorum cultus ad ejusdem Numinis cultum reducere potuisset, cum & in ipso limine sermonis hujusmodi ominis verbum ex Antiquorum oribus desumptum illi exciderit, nempe *Ἐν τῷ πᾶσι* quod si diligenter excutitur non potest non demonstratum dare, Paganorum cultum terminatum fuisse in unum supremum Objectum; Quem *Macrobius* quidem vult esse solem. Concluditque omnia in pleniorē hujus sententiæ confirmationem, duplici Citatione; Una est brevis Invocationis ab Ethnicis Theologis usurpatæ, cujus forma sic est: *Ἦλκ' παντοκράτωρ, κόσμου πνεῦμα, κόσμου δύναμις, κόσμου φῶς*, i. e. O Sol omnipotens, mundi Spiritus, mundi Vis, mundi Lux; Altera est ex Hymnis Orphaicis.

Κίχλυθι τριπτόρε δίνης ἑλικαυγία κύκλον
Οὐρανίαις στροφάλιγγι περίδρομον αἰεὶν ἐλίσσον
Ἄγλας Ζεῦ, Διόνυσε, πάτερ πόντου, πάτερ αἰνι,
Ἦλκ' παγκράτωρ, πανόολε, χρυσοστρογγύς.

*Audi qui longè vagantis vorticis volutantem lumina Circulum
Cælestibus axibus circumcurrentem perpetuò rotas
Illustris Jupiter, Dionysî, Pater maris, Pater terræ,
Sol omnium Genitor, omniformis, splendore aureo refulgens.*

In quibus versibus Generatio & Regimen rerum omnium attribuuntur Soli, qui (ut magis consentaneum videri possit) agnoscitur sensum habere & Intellectum, quem admodum videre est apud eundem Autorem, *Saturnal.* lib. 1. cap. 23. Quod etiam asseritur cap. 18. ubi probat *Bacchum* & *Solem* eundem esse. Hanc enim rationem Nominis *Διόνυσος* reddit, quod sit quasi *Διὸς νῦν* mens *Jovis*, intelligendo per *Jovem* *Ζῆνα φυσικόν*, *Jovem naturalem*, qui est Aër vel liquida pars Universi, quemadmodum *Theophrastus* explicat in Scholiis suis in *Aratum*. Atque hic *Macrobius* asserit, quod *Jupiter* significat cælum. *Physici Solem, mundi mentem dixerunt: Mundus autem vocatur Cælum, quod appellant Jovem.*

5. Quod *Sol* vero supremum Numen sit Ethnicorum, ulterius evinci potest è Ceremoniis & cultu quem *Indorum Brachmanes* ipsi præstabant, qui & Sacerdotes *Solis* nuncupabantur, quos utiq; *Apollonius Tyaneus*, industrius ille Paganismi instaurator, tantis effert laudibus, tantôq; Magis Babylonis præfert, & *Aegyptiis Gymnosophistis*, omnibûsq; omnino per totum terrarum Orbem sapientibus. Cæterum circumstantiæ ejus apud ipsos Exceptionis & Hospitii, prout rem narrat *Philostratus*, argumento est eos solummodò insigniores fuisse Magos & Præstigiatores quàm in reliquo terrarum Orbe inveniebantur, non reverà sapientiores, quemadmodum nobis, qui verum Deum colimus, necessariò est concludendum. Quid enim aliud colligere possumus à nigro illo adustôq; Asclela, cum Anchora aurea in manu, Cunulâq; corniculata è fronte ejus explendescente, qui *Damidi* & *Apollonio* dum in via erant obvium profectus est, institutûmq; eorum per modum Divinationis ipsis prædixit, eosq; postea duxit ad Magos? Quid ab illo monte perpetuò fumante, continuîsq; nubibus crassissve nebulis circumcincto & involuto, adeò ut hi Sophi nullo pacto inveniri possent absq; ope nigelli alicujus hujusmodi viæ ducis, ab ipsismet missi, nec habitatio eorum à quoquam intrari, quamvis nec fossæ essent nec milites quibus propelleretur? Quid à modo receptionis hujus præservidi Græci qui tantum terrarum orbis partem peragravit ut eos investigaret? Quem convivio acceperunt ubi Vinum ac Bellaria ad mensam deferrebantur absq; ullius mortalis manuum ope? Quid ab ipsorum Hymnis ac Phreneticis saltationibus in circulum quibus Divinum Soli cultum præstabant, humum virgâ ferientes, qua terra ad instar fluctuum maris sub ipsorum pedibus undaret dum ad hunc modum saltabant, cantabantq; Hymnos matutinos putatio suo Numini apparenti supra Horizontem? Quid inquam aliud colligi potest ab istis universis, quàm conventiculum fuisse Magorum ac Præstigiatorum? Quancquàm negare nolo quin esse possent Sacerdotes, omnium quidem consummatissimi, de quibus Paganismus eis temporibus gloriari poterat. *Apollonitq;* maxime idonei præceptores, cujus propositum fuit summa cum cura & diligentia ritus Paganicos instaurare, atq; eo pacto Christianitatis incrementis obfistere.

Atq; proculdubio Diabolus Paganismum quàm exoptabilem poterat atq; amabilem reddidit per insignia illa ornamenta Ingenii atq; morum aliarûmq; mirabilium perfectionum quæ reperiiebantur in illo Homine. Sed cultus ille quem Soli præstitit quancquàm cum demonstrat satis peritum atq; Orthodoxum *Hierophantam* in superstitione Paganica, Ignorantia tamen ejus in rebus Philosophicis manifestum est argumentum eum non fuisse genuinum *Pythagoreum*, sed eo nomine ac Professione astutè abusum esse ad institutum suum Paganicum felicius promovendum.

6. Equidem Dæmones illi quibuscum *Apollonio Indorûmq;* Magis tanta erat familiaritas, aut admodum invidi mihi fuisse videntur, aut valde ignari, vel saltè *Philostratus*, qui eorum Historiam scripsit. Nam in aperiendis suis Mysteriis, talia eorum oribus excidunt, quæ planè repugnant partibus maxime Essentialibus Philosophiæ *Pythagoricæ* ipsiûsq; adeò veritatis. Sed quantum ad hanc Opinionem quòd Sol supremum Numen sit, cum hi Spiritus lapsi æquè illius beneficio utantur atq; nos mortales (quemadmodum & *Homerus* videtur indigitare.

Ἄνθρωπος ὁ ἄθανάτοισι φῶς φέρει ἡδὲ βελτίονι.

(Oriebatur ut Immortalibus lucem ferat & Mortalibus)

cumq; in tam abjectum gradum à Deo vero defecerint, non est verè dissimile quin & ipsi hoc objectum cultus sui faciant, utpote, cujus ope, Bonis maxime sensibili se frui sentiunt, & ab extremis illis tenebris quas triste rerum Fatum tandem ipsis superinducturum est, conservari.

7. Quibus omnibus bene pensculatis tutò concedere possumus id cui probando *Macrobius* adeò allaborat. Quòd utiq; cultus Ethnicorum terminatus sit in unum supremum Numen quem peritiores *Mystagogi Solem* esse statuerunt, & ab Oraculo *Clario* edocti erant eum appellare *Jao*, tanquam si verus ille esset *Jehovah*.

CAP.

CAP. II.

1. *Supradictam Concessionem nihil facere ad causam Paganorum cum plures uno sint Soles.* 2. *Non solum Unitatem sed nec reliqua Divina Attributa cadere in Solem.* 3. *Opinionis Cardani, qui intelligentiam luci Solis attribuit, confutatio.* 4. *Aliud genus defensionis Paganismi quæ præten dit, Ethnicos unum Deum voluisse cui nul lum indiderant nomen.* 5. *Detectio ex sua ipsorum Religione, Deum hunc inno minatum non esse Deum verum sed Mundum materiale.*

1. **C**æterum facile demonstratur nihil ad eorum causam facere hanc Concessio nem. Etenim quamvis in unitate huius numinis maximè sibi placeant ac triumphent, ut qui putant unicum in mundo esse Solem; quemadmodum vox La tina *Sol*, & Græca *ἥλιος* subindicant (immò verò *Macrobius* hanc notionem adeò deperit, ut contendat *Apollinem Delphicum* non sic appellari à loco cultus sui sed à *ἁλός* voce Græcâ antiquâ quæ significat *unus*, unde & *ἁλιός* dirivetur quasi jam non unus) nobilis tamen atq; ingenuus Philosophiæ Genius non abducetur captivus araneis hisce vinculis Superstitionis & Criticismi in verbis. Ac proinde rerum natu raliū peritiores audacter tot indignant *Soles* quot cernuntur in Firmamento *stellæ fixæ*, quemadmodum cum omnium admiratione clarè demonstratur in illa nunquam satis laudatâ Philosophiâ *Renati Descartes*. Quâ quidem, si rectè plenèq; intelli gatur, inveniri non potest firmiter propugnaculum contra & *Paganismi* stoliditatem, & Prophanitatem *Atheismi*.

* Vide lib. 5.
cap. 16 sect. 5.

2. Sed non solum obvium hoc unitatis attributum huic Paganicæ Deitati deest, sed multa alia præterea, quæ tamen necessariò includuntur in notione Dei. Cujus modi sunt *Spiritualitas*, *Immensitas*, *Omnipotentia*, *Omniscientia* & similia. Nam radorum ejus reflexio Demonstrationi est *Lucem* esse corpus, ac proinde nisi omnia corpora lumen essent aut saltem pellucida, *Sol* immensus esse non potest cum ab ex currendo ulterius per alia corpora prohibeatur. Atq; hinc nec *omnipotens* est, nè in ea ipsa quidem quâ maximè excellit proprietate. Neq; enim utrumq; Terræ latus il luminare potest simul, nec faciem propriam liberare ab importunis illis maculis quæ ad instar spumæ alicujus vel muccaginis etiam ingratis Divinæ suæ potestatis ac Nu minis ipsi subinde insident; quemadmodum *Sheinerus* & *Cartesius* diligenter obser vâvunt. Tantumq; abest ut sit *omniscius*, ut nullam omnino habeat cognitionem, cum materia vel corpus nullius sit capax cogitationis, quemadmodum à Scholâ *Car tesiana* rectè statuitur, & à me plenè demonstratur in libro de *Immortalitate Anima*.

3. *Cardanus* verò intelligentiam huic Luminari attribuens scribit potius ut *Sacerdos Solis* (& certè tum ipse tum pater ipsius Magiæ suspecti erant) quàm ut *homo Philosophus*, ac solidâ ratione præditus. Sed nè accusatio videatur incredibilis, propria ipsius verba in medium proferam. *Cumq; Sol luceat intellectu*, inquit ille, *qui ei est tanquam Anima; si ab ea secedere posset intellectus, nona liter luceret Sol quàm Terra.*

In quo planè intellectum & lumen visibile idem facit. Quod si esset, sequeretur tamen nihilominus Solem nihil cernere posse in tenebris, ac proinde eum non esse *omniscium*: Cicindelamq; ac Candelam junceam magis idoneas testes esse eorum quæ noctu peraguntur quàm Sol esse potest. Nam si lux visibilis & Intellectus idem sint, qualibet recens accensa Lampas vel Teda statim fiet Intelligentia. Adeò vana est hæc Hypothesis, quod *Sol sit supremum mundi Numen*.

4. Sunt autem aliud genus Patroni Paganicæ superstitionis, qui defensionem cau tius instituunt, affirmantes tantum in genere, Quod illi varii ritus qui adhibebantur in colendis particularibus Numinibus, dirigebantur ad unam supremam causam re rum omnium, quamvis pro ea quæ sunt prudentia non sint ausi eam nominare. In cujus rei argumentum afferunt, Primò, Quando invocabant aliquod particulare Nu men quod ipsis opportunum erat eo tempore invocare, Sacerdotes postea Invoca tionem universarum Deitarum in genere addidisse, quemadmodum *Servius* notat in illud *Virgilii*.

Diisq; Deæq; omnes studium quibus arva tueri.

Secundò, Quòd omnes Dii erant *σύνθετοι*, hoc est, Altaria eis erant extructa & consecrata universis in genere, cum hujusmodi Inscriptionibus,

DIS DEABUSQUE OMNIBUS.

&

DIBUS DEABUSQUE OMNIBUS.

& familia.

Tertiò, Quòd omnes unum commune Festum habebant, quod vocabatur *Διοξυρία* vel potiùs *Διοξυρία*, quemadmodum notat *Seldenus*.

Postremò, *Aegyptii* cùm essent populus ob *Polytheismum* magis infamis ac Religionum varietatem quàm ulla alia gens sub Cælo, Sacerdotes tamen eorum observabantur Ceremoniarum suarum quoddam compendium facere in cultu certarum quarundam Sphærarum vel Globorum, quorum unus erat in unoquoq; Templo, sed secretò custoditus, & clam oculis vulgi. Quippe quòd Sacerdotes cognitionem unitatis Objecti suorum cultuum tanquam Arcanum ad seipfos solos pertinens reservabant.

5. Sed quòd unum hoc cultus objectum non erat *Deus verus* sed *Mundus materialis*, ipsa figura quâ usi sunt non obscurè videtur significare. Et notavi suprâ Mundum & Jovem in Philosophia Paganica unam eandemq; rem esse. Et *Plutarchus* porrò apertè asserit de *Aegyptiis*, *Ὅτι τὸν πρῶτον διδοὶ τῷ παντὶ τὸν αὐτὸν νομίζουσιν, Quòd mundum sive universum idem atq; Deum principem primamve rerum omnium causam, esse existimant.* Hunc *Aegyptii* colebant sub nomine *Serapidis*, qui rogatus à *Nicocreonte* Rege *Cypri* quis Deus esset, hoc sciscitanti oraculum edidit.

Ἐγὼ δίδε τοιόσδε μαθεῖν οἷον κ' ἔγω εἶπα,
Ὀυρανὸν κέσμε κεφαλὴ, γαστὴρ δὲ θάλασσα,
Γαῖα δὲ μοι πόδες εἰσὶ, τὰ δ' αἶψ' ἐν αἰθέρι κείταν
Ὅμμα τε θαλαυγὲ λαμπρὸν φάος ἡλίοιο.

*Talis sum Deus intelligendus qualem ego dico,
Cælestis mundus caput est, venter verò mare,
Terra mei pedes sunt, aures autem in æthere jacent,
Oculusq; cuncta eminens lustrans est splendida lux Solis.*

Ex qua Hypothesi facillimè intelligitur quænam mens sit *Ænigmatica* illius Inscriptionis in Templo *Sais* urbis in *Ægypto*. *Ἐγὼ εἰμι πᾶν τὸ γυνόν, κ' ἐν κ' ἰσόμενον, κ' τὸν αὐτὸν πᾶσι τοῖς πᾶσι θεοῖς ἀντιτάττω.* Ego sum, omne id quod erat, est, aut futurum est, & nemo mortalis unquam adhuc meum peplum subduxit. Venerandum profectò *Ænigma*, cui nè unum quidem granum veritatis subest, nisi nihil sit in rerum Universalitate præter materiam modificatam. Verùm hoc modo Mundum Deum facere, est reverà agnoscere esse omnino nullum. Ac proinde hoc genus *Monotheismi* Paganorum æquè crassus est *Atheismus* ac eorum *Polytheismus* suprâ probatus est.

C A P. III.

1. Ultimi Paganica Superstitionis Patroni, qui agnoscunt Deum mentem esse æternam à materia distinctam, resq; omnes Manifestationes esse Attributorum illius.
2. Manifestationes ejus in mundo externo.
3. Manifestationes intra nos, putà in Passionibus.
4. Nobiliores ejus Emanationes & communicationes cum interna mente: quòdque Pagani veteres Nomina Personalalia affixerunt hisce diversis virtutibus ac Manifestationibus.
5. Ratio cur has distinctas virtutes sive potentias totidem Deos Deasve constituerint.
6. Ratio cur coluerint Genios & Heroas.

1. **U**ltimum optimumq; genus Patronorum Paganismi illi sunt qui profitentur unam æternam Spiritualem & Intellectualem Essentiam Gubernatricem & Moderatricem rerum omnium, Qualem *Plutarchus* Sacerdos Paganus definit Deum. *Νῦν οὖν ὁ διδοὶ χάρις ἐστὶν, τὸ εἶναι, τὸ ἀμύγει πάσης ὕλης καὶ πᾶσι συμπιπλεγμένον.* Deus igitur Mens est sive Intellectus, Forma vel essentia abstracta, hoc est, omni prorsus Materiali

teriâ immunis, & cum nulla re passibili connexilis. Quem ille sic describit ad mentem Socratis, Platonis & sui ipsius. Subtilissimi igitur ingeniosissimiq; Paganorum defendunt se ad hunc modum.

Agnoscamus, inquiunt illi, unam esse æternam Deitatem, infinitè sanctam & benignam, omnisciam, omnipotentem, primam causam & originem rerum omnium in mundo, tum immaterialium tum materialium, nihilq; omnino esse in mundo quod non sit *Manifestatio* præsentis & Attributorum hujus unius Deitatis. Nôsq; propterea considerare vastam hujus latè patentis Universi Capacitatem tanquam augustissimum sanctissimumq; quoddam Templum hujus divinæ Majestatis, quæ unamquamq; illius partem implet & possidet. Quandoquidem quælibet apparentiæ ad externos nostros sensus, quilibet motus & excitationes intra propria nostra corpora, quælibet in mentes nostras impressiones, nihil aliud sunt nisi tot *Manifestationes* aut Sapientiæ, Bonitatis, Potentiæ & Justitiæ, aut saltem Iræ & Indignationis hujus unius Dei ad cujus patefactiones sive apparentias, ubicunq; emicuerint, nos parati sumus submississimè adorare.

2. Sive igitur oculi nostri rutilantiori illo Solis splendore percelluntur, sive magis placidam mitèmq; Lunæ contuemur pulchritudinem, scintillantiumve stellarum Lucis sincerioris contemplatione occupamur; sive recreamur lenissimis suavissimisque refrigerantium Aurarum spirationibus, aut attoniti subsistimus ad Cataractæ magni alicujus fluvii horrendum murmur, aut altitudinem miramur insuperabilis alicujus inaccessibleisq; rupis montisve, aut jucundo quodam horrore & titillanti frigore totum corpus percurrente silentem aliquam sylvam sacrumve & umbrosum Nemus contemplamur; sive Cæli facies arideat nobis hilari Cæruleo renidens, sive vultu magis torvo ac minaci nos intueatur, caliginosis piceisq; nubibus fulmen & tonitruum in terram intentantibus; sive Aër frigidus sit, vegetus & salubris, sive præfocanter calidus, contagiosus & Pestiferus, adeo ut dum hiantiori ore auras vitales capiamus, subitam & inevitabilem mortem haurire cogamur; sive deniq; terra firma stet ac immobilis atq; faveat & industriæ Opificis, sive ipsis ædificiorum nostrorum fundamentis propter magnas Soli concussationes nutationesq; à terræ motibus, quos & horrendi ab infrâ mugitus terribiliq; murmura comitantur, ruinam minitetur; Quicunq; casus notabiles nobis accidunt sive in bonum sive in malum, hi sunt illi *Joves* & *Vejoves* quos nos colimus, qui certè nobis non multi sunt sed unus Deus, qui solus potestatem habet salutis ac mortis, ac proinde à quacunq; parte hujus magnifici illius Templi, *Universi* scilicet, vocem suam emisit, corda nostra pariter atq; oculi statim eò diriguntur cum Timore, Amore ac Veneratione.

3. Nec sanè hîc subsistit nostra devotio, vel potius huc solummodo ad extrâ vagatur, sed & notabiliores illas alterationes & commotiones quas intra nosmetipsos invenimus illi etiam attribuimus, cujus *Spiritus, Vita, ac Potestas* implet omnia. Ac proinde eas ipsas *Amoris* passiones atq; *Iræ*, à quorum priori pendet omnis illa naturalis dulcedo affectionis quæ invenitur aut in hominum amicitis aut in amoribus foeminarum, quemadmodum à posteriori magnus ille splendor pompæq; Belli: Has cum reliquis animæ passionibus tanquam *Manifestationes* quasdam illius præsentis consideramus qui ubiq; operatur in nostrum aut *solatium* aut *pœnam* aut *explosionem*.

4. Nec præterire possumus nobiliores illius communicationes cœlestesq; emanationes in mentes nostras: Quales sunt *Sapientia, Justitia, Ordo Politicus*, & id genus reliqua. Quæ omnia cum prioribus illis & aliis innumerabilibus, quæ brevitatis causâ missa facimus, Religio Majorum nostrorum in Deorum Dearumq; *personas* formavit, Sapientiam vocantes *Minervam*, Justitiam *Dicem* vel *Themis*, Ordinem Politicum, *Eunomiam*. Ad amorem referebantur *Cupido* ac *Venus*, ad Iram *Mars* & *Eumenides*. Illa vis quæ terram quatit, dicitur *Enosichon*. Mare *Neptunum* appellant, Aërem *Junonem*, Solem *Apollinem*, Lunam *Dianam*, Tellurem *Vestam*, Frumentum *Cererem*, Vinum *Bacchum*, & sic de reliquis.

5. Cujus profectò nulla alia Ratio reddi potest quàm quod antiqui superstitionis Paganicæ Autores vel Inventores adeo Enthusiasticè afficiebantur singularum *divinarum virtutum* sive *manifestationum* in mundo contemplatione, ut cum admiratione secum reputantes quàm magni unaquæq; earum sigillatim considerata sit momenti, singulis separatim immorandum decreverint in religiosis suis cogitationibus & meditationibus, excellentiasq; Divinas non confundendas esse ac obscurandas uno generali & promiscuo cultu, eum tantum æstimarent unumquodq; Dei attributum ut per se solum sufficere putarent ad constituendam Deitatem. Ac proinde intellexerunt per *personales* has appellationes sive masculinas sive foemininas (Deus enim, inquiunt

inquiunt illi, est ἀπερίσβαλον) unam & eandem Deitatem sub hac vel illa suiipsius manifestatione in mundo, juxta quam nomen proprium ipsi tribuebant, tanquam si nova esset diversae *persona*; cum tamen apud ipsum res non aliter se habeat, quam in appellationibus Oceani, qui nomen mutat pro mutatione Regionum quas alluit.

Εἰς μὲν ἅν πολλοὶ δ' ἐπαναμίσειν ἀναγῶς,

quemadmodum *Dionysus* notat in *Geographico* suo Poëmate.

6. Et si rationem etiam habuerunt Religiosi cultus *Geniorum* vel *Spirituum*, five istiusmodi quorum apparitio adeò horrida erat & terrifica ut ingentem pavorem hominibus incuterent, seu talium quorum benigniorem aspectum comitabatur jucunda quædam admiratio & gaudium, hos illi considerabant tanquam aliquas eminentiores manifestationes illius unius æterniq; Numinis quod per omnia percurrit, Vitam omnibus & Essentiam suppeditans, quem idcirco appellabant *Zura* vel *Δία*, i. e. *Jovem*; Quem triplicem faciunt *Cælestem*, *Marinum* & *Infernalem*; duos posteriores eorum vocantes, alterum *Neptunum*, alterum *Plutonium*. Cum tamen sit *unus æternus Spiritus*, inquiunt illi, quem in his tribus veneramus, quorum regnum & dominium est super omnia, quamvis illius administratio differat pro natura ac merito illorum qui gubernantur. Eademq; afferri possunt ad defensionem illius cultus quem defunctis *Heroibus* præstamus, per quorum nobiles personas defæcationesq; *Spiritus Divine excellentiæ* illustrius solito transfluxere. Nam reverà non tam eos colimus quam Deum per ipsos translucentem, ut is qui se incurvat Solem versùs vel Lunam per vitrum *Fenestræ* lucentem, adorationem suam non destinat animòve intendit vitro sed cœlestibus illis *Luminaribus*. Nec nos corpora incurvamus versùs illa *Luminaria* sed Deum versùs, qui per omnia se nobis exhibet præsentem.

C A P. IV.

1. *Ethnicorum Festa, Tempa, & Imagines.* 2. *Eorum Apologia pro Imaginibus.* 3. *Significantia Imaginum Jovis & Æoli;* 4. *Etiam Cereris,* 5. *Atq; Apollinis.* 6. *Paganorum defensio à significantia Imaginum, earum usum non magis Idololatricam esse quam librorum in omnibus Religionibus; fuisse verò in usu etiam in Gente Judaica.* 7. *Responsum Paganorum ad eos qui dicunt, impossibile esse ut Deus per externam Imaginem representetur.* 8. *Ethnicis invidendum non esse si quid fortè solidi subsit eorum Apologiæ; & quare.*

1. JAM verò pro variis apparentiis hujus unius Deitatis quæ seipsam ubiq; exerit, Majores nostri varios Religiosos ritus & ceremonias instituebant. Multa *Festorum* & *Sacrificiorum* genera decernebant, *Tempa* ædificabant, extruebant *Altaria* cum variis Inscriptionibus, *Imagines* erigebant proprias, & hujus vel illius *Divine Virtutis* apprimè significativas, quæ statis temporibus locisq; ab ipsis erat colenda. Quibus religiosis consuetudinibus sub quibus eramus nati, nosmetipsos subjecimus, nec eo, quantum quidem nos opinamur, obnoxios fecimus ulli justæ suspicioni aut imputationi Idololatriæ.

2. Neq; enim nos coluimus istas *Imagines* quæ sic erectæ erant, non sanè magis quam aliæ Gentes *Sacra Legis* suæ vel Religionis *Volumina* colunt, quoties vel ex ipsis orant, vel ea prælecta audiunt, vel deniq; eis in juramentis exigendis utuntur. Nam Religio illa quæ præstatur non præstatur libro, sed illi cujus liber ille esse dicitur, illi quem orant, & per quem jurant. Atq; istæ *Imagines* nobis vices præstant illorum sacrorum librorum apud alios, cum admodum scitè exprimant circumstantias exertionis illius *Divine Virtutis* quam nos statò aliquo tempore adoramus. Ut videre est in *Imaginibus Jovis, Æoli, Cereris, Apollinis* & reliquorum.

3. *Jupiter* enim, qui apud ipsos Deus erat *Tonitru*i, ut sceptrum Regium in sinistra gestabat, ità dextra fulmine onerabatur, juxta illud Poëtæ.

— Cui dextra trifurcis

Ignibus armata est.

Æolus ventorum Deus stabat ad os Antri, vestimento lineo cinctus, *Fabri ferrarii* follibus

foliis pedibus ejus subjectis. Ad dextram stabat *Juno* nube testa, coronam ipsius capiti imponens, ut quæ regnum suum illi dederat. Ad sinistram stabat *Nympha*, umbilico tenus in aquam immersa, quam *Juno* ipsi in uxorem addixerat. Quæ Imago est representatio significantissima Naturæ & causarum Ventorum, atq; aded facile intelligenda, modò notemus per *Junonem* Aërem significari, ut nihil opus sit ulteriori explicatione.

4. *Ceres* effingebatur ad similitudinem Fœminæ rusticæ, bovi insidentis & habentis in dextra vomerem seminumq; calathum à cubito pendentem, in sinistra falcem & flagellum. *Juno* Aëris nubiumq; Dea ab uno erat latere, *Apollo* sive *Sol* ab altero, ad significandum, nisi calor Solis pluviamq; tempestivæ laboribus Agricolæ subveniant, nihil germinaturum.

5. Figura *Apollinis* sive Solis sic erat. Imago ejus juvenilem habebat vultum, dextrâ pharetram tenebat Sagittis gravidam Arcumque, sinistrâ Lyram. Sub pedibus erat monstrum terribile in forma Serpentis tria habentis capita, viz. Lupi, Leonis, & adblandientis Canis. In capitis vertice aureus erat Tripos, & circa tempora duodecim gemmarum corona. Cujus quidem simulachri significatio, quanquam primo aspectu abstrusa videri potest, tamen si paulisper rem perpendas, aptè admodum representat naturam Solis, temporisq; quod dependet à Sole, & *Cognitionis* quæ dependet à tempore. *Arcus* & *Sagitta* nihil aliud significant nisi radiorum jactus à tam longinqua distantia. Unde appellatur ὀμβρὰ & ἀπλάων apud Poëtas. *Vultusq; juvenilis* nihil aliud præterquam indeficientem illius vigorem, quem ætas non omnino minuit. *Lyra* ejus significat Planetarum circa eum *Choreas*, acsi in medio eorum sedens fidibus caneret, aut saltem juxta alteram Hypothesin, tanquam si ipse chorum duceret Lyram digitis increpans, reliquiq; Planeta ipsum sequerentur. *Duodecim gemmae* significant duodecim signa Zodiaci quibus circumcingitur. *Triceps Draco* Tempus denotat in triplici sua Ratione, Præteriti, Præsentis, & Futuri. Tempore præterito, quemadmodum notat *Macrobius*, adinstar rapacis Lupi, rerum memoriam devorante; præsentis, ob actum instantem valido fervidq; existente, ut Leo; & futuro, ad imaginem blandientis Canis, jucundâ sanè quantumvis incertâ spe animos nostros demulcente. Et *Tripos* deniq; aureus triplex Objectum designat Scientiæ quam tempus sapientibus affert, qualem *Homerus* *Calcantem* describit *Apollinis* Sacerdotem.

Οὐκ ἴδῃ τὰτ' ἰσθῆ, τὰτ' ἰσθῆ, πρὶτ' ἰσθῆ.

Qui novit præsentia, futura & præterita.

Aded ut manifestum sit, quàm maximè videatur enormis & alienus harum Imaginum usus, quòd idem tamen erat earum qui est ille librorum. Ut quæ animos nostros excitabant (& fortassis cum majori accessione Religionis & admirationis) in sensum & considerationem illius *Divinae Virtutis* quæ à nobis erat colenda vel adoranda.

6. Quamobrem admodum injusta est illa criminatio quæ nos insimulare velit Idololatriæ propriè sic dictæ, tanquam si ipsa Idola coleremus. Nam quantum ad nudum Imaginum usum in divino cultu (cùm sit ea in ipsis quam adduximus utilitas) nihil profectò dubitamus quin in se licitus sit, ubi nullum est Dei præceptum quod eum prohibeat. Atq; certè ubi præceptum illius super hac re est expressissimum, ut in Gente *Judaica*, notissimum tamen est apud omnes, quòd & illic etiam erat religiosus usus Imaginum, quemadmodum patet in Cherubinis qui Propitiatorum tangebant, & in Serpente æneo quem eos spectare oportebat in deserto, nam per ipsum exerebat Omnipotens Salutiferam suam virtutem in eos qui serpentibus igneis puncti essent. Hujusmodi enim effecta à Natura non sunt, nec ab arte, sed ab ipsa Religionis efficacia, quemadmodum ipsum vocabulum *Telestma* manifestò indicat. Jam verò videtur quidem nobis res planè incredibilis ut Deus quicquam præcipiat quod in se absolute malum est; ac proinde indubitabile est Imaginum usum in divino cultu in se non esse malum.

Vide plura
lib. 8. c. 15.

7. Neq; illud quòd præcipue & usitatissime affertur contra usum Imaginum in cultu Religioso (viz. Impossibile esse Deum representare per figuram ullam externam) nobis quidem videtur ullius esse momenti. Neq; enim nos concedimus has Imagines destinatas esse ad Deum figurandum vel representandum, sed ad sensibilibus solummodò exhibendum oculis effecta & objecta earum virtutum & attributorum quæ nos in eo adoramus. Et certè si concederemus, habemus tamen quo nosmetipsos possumus defendere. Nam si nobis non utendum est Imaginibus in divino cultu, quia

quia illæ naturam Dei non possunt sic exhibere ut ipse in se est, ne omnino quidem nobis de ipso cogitandum est, quando eum colimus, cum illæ cogitationes quas de ipsius Natura ac persona formamus (quanquam fortasse non omni carent veritate) non maiorem tamen similitudinem conformitatēve cum illo gerunt quem colimus, quàm Imaginatio hominis cæci à nativitate gerit cum gloriosa Imagine Solis. Sentit profectò jucunda præsentia illius effecta in corpus suum, sed oculi ejus nunquam eum viderunt, nec mens ipsius potest concipere quàm illustris sit aspectu.

8. Ad hunc ferè modum, maximè ingeniosum, cautum & subtile genus Paganorum seipfos defendunt. Neq; nos oportet id ipsis invidere, si quid fortè solidi firmive ipsis occurrerit in hac sua defensione. Nam Christianitas innatâ suâ excellentiâ adeò splendet, ut nihil nobis opus sit alias Religiones deteriores quàm reverà sunt, fingere, ad augendam illustrandāve illius eminentiam. Præterea, quò tolerabiliorem antiqui Paganismi statum fuisse detexerimus, eò faciliorem provinciam sustinebimus contra homines profanos & Atheos, quibus si concederemus providentiam per tot secula penitus neglexisse omnes gentes Terræ, excepto parvo illo Judæorum manipulo, illi certè nobis vel invitis indè concluderent, nec ullam super ipsos fuisse providentiam, cum sit res incredibilis, ut ulla omnino sit providentia in rebus summi momenti, quin latius se diffundat quàm in tam angustam mundi partem, quàm quidam opinantur. Quòd verò Ethnici non adeò in solidum destituti sunt omnibus mediis perveniendi ad veram Dei cognitionem Sanctus *Paulus* videtur abunde declarare in Epistola ad *Romanos*; quòdque eorum conditio non tam horrificè desperata erat, videri potest fortean insinuare in mitiori illa loquendi formula quâ usus est in oratione sua ad *Athenienses*, ubi ait, *Deum ad tempora eorum Ignorantiæ connivisse*. Sed ferè oblitus eram propositi, quod non est Apologias texere pro Ethnicis, sed quas illi Idololatriis suis excusationes prætexunt refellere, quod jam faciam, idq; perquam breviter.

C A P. V.

1. *Responsio ad ultimam Paganorum Apologiam, ut primò, Quòd paucos eorum respicit.* 2. *Quòdque hi pauci è numero fuerunt potius τῶν Σαβουρίων quàm meri Paganorum.* 3. *Imaginum cultum expressim à Deo in lege Moysi esse prohibitum.* 4. *Quòd obscurant potius quàm adjuvant Divinarum Virtutum conceptionem.* 5. *Magnum esse periculum nè cultum ad Deum directum intercipient.* 6. *Curiosos & quibus minus satisfactum sit, ad Theologiam Polemicam esse remittendos.*

1. **P**rimò igitur considerare debemus, ea ferè omnia quæ allata sunt ad Paganorum defensionem, ad admodum paucos eorum spectare, cum maxima eorum pars Idololatræ fuerint in sensu crassissimo, quemadmodum manifestum est è querelis *Davidis*, Psal. 135. ut etiam ex Epistola *Jeremiæ*, aliisque locis, quæ saltem insinuant Paganos, non verum Deum sed Dæmonas ipsos, simulachris, uti illi per errorem credebant, illigatos adorasse.

2. Secundò, Quæstio est an pauci illi, quales fuerunt *Pythagoras*, *Socrates*, *Plato*, *Plotinus*, *Plutarchus*, aliq; consimiles, recensendi sint inter Paganos cum propius ad naturam accesserint & conditionem τῶν Σαβουρίων, imbutiq; fuerint cognitione illius unius Æterni Spiritus qui Creator est rerum omnium & Governator, quam scientiam imbiberunt colloquendo cum Judæis, aut saltem colloquendo cum eis qui cum ipsis colloqui fuerant. Quòdque ad illius cognitionem pervenerint ex hujusmodi arcana Traditione sive *Cabbala* cum ipsis communicata; ex eo manifestum videtur quòd viri hi Sancti inter Ethnicos & Divinorum Mysteriorum periti, docuerunt etiam *Triunitatem* æquè ac *Immaterialitatem* Divini Numinis. Primos eorum intelligo & præcipuos, quales erant *Pythagoras* & *Plato*. Quod Dogma cum supra captum esset humanum, & tamen ad Christianitatem adeò utile & accommodatum, argumento mihi est evidentissimo illud ipsorum propriam non fuisse Inventionem, sed eos illud accepisse, aut ab eis qui ipsi homines *Inspirati* erant, aut saltem qui id receperant ab iis qui erant *Inspirati*.

3. Tertiò, Ipsa simulachrorum fabricatio & incurvatio coram ipsis res est expressum Dei populo interdicta in ea Religione cujus Deo complacuit seipsum Inventorem

torem præstare & Formatorem. Quod satis evidens est signum, aliquam subesse vitiositatem Idolorum usui in Divino cultu.

4. Quartò, Allegata illa Imaginum utilitas ad erudiendum populum & ad ipsis ante oculos exponendum naturam illius Divinæ Virtutis quæ ab ipsis sit adoranda, equidem res est quæ in magna versatur controversia. Nam cum præsentia tam mirabilis Objecti coram oculis externum sensum adeò fortiter feriat, impeditura est potius internam operationem animi, quàm magis puri ac genuini conceptus de Deo formentur, quàm ullam opem ad eos rectè formandos allatura. Et quemadmodum memoria nimis sæpe perditur ex scriptorum chartarumq; usu, ità potentia imaginandi five concipiendi, quantum ad res divinas, corrumpi potest vel debilitari ex his falsis fulcris & adminiculis externarum Repræsentationum.

5. Quintò & ultimò, Magnum est periculum, cujus & sensu ad vivum tangi videtur Divina Zelotypia, nè Reges hi Vicarii, ac Repræsentativi Divinæ Majestatis, quemadmodum illi hos esse volunt, perfidi inveniantur erga *supremam Potestatem*, intercipientes sibiq; retinentes omnes illas preces & gratiarum actiones, omnes illas immolationes ac sacrificia quæ à populo offeruntur. Nam imperita multitudo Sacerdotem videns sacrificantem & universum populum preces suas effundentem cum oculis in Idolum fixis, loco aliquo edito collocatum, sculptumq; in omnia membra, omniq; vitæ ac sensus organa tanto cum artificio, ut ab aspectu viva aliqua persona esse videatur; faciliè, inquam, inducetur per ingenii sui infirmitatem imperita multitudo eam reverà talem esse opinari, ac proinde adorare eam tanquam vivam & potentem Deitatem, talem utiq; quæ illis potest pro libitu suo aut prodesse aut nocere; prout *Grotius* rectè observat ex *S. Augustino*.

6. Cæterum si hæc nostra responsio ulterioribus Objectionibus & Replicationibus videbitur obnoxia, disputaces ad *Scholasticorum* spinas, & *Theologiæ Polemicæ* fiducias remitto, dum ipse interim utiliùs occupor in formando istiusmodi accusationem in universum Paganismum, tam claram ac evidentem, ut Ingenia inter ipsos omnium subtilissima & versutissima vim illius nunquam potuerint eludere.

CAP. VI.

1. *Nova & irrefutabilis accusatio contra Paganismum, eos scilicet Divinas virtutes non coluisse ultra quàm quod ad vitam spectabat animalem, quemadmodum nobis demonstrant eorum Dijoves & Vejoves.* 2. *Jupiter altitonans, Averruncus, Robigus, & Tempestas.* 3. *Et jucundum spectaculum Dei sui Panis; Quid significetur per ejus fistulam & Nymphas circa eum saltantes.* 4. *Quid per opinionem quòd filius erat Mercurii, quidq; per adamatam suam Nympham Syringem, uxorem Echo, filiàmq; Iamben.* 5. *Interpretatio cornuum, corporis hispidi, faciei rubicundæ, barbæ prolixa, pedum caprinorum, & vultus ridentis.*

1. **G**Rave illud crimen *Atheismi, Polytheismi, & Idololatriæ* quod in Ethnicos illatum erat jam audivimus, & quibus artibus ingeniq; subtilitatibus conati sunt seipsos defendere, prætendentes in varietate suorum cultuum non esse nisi unum æternum Numen quod adorant, pro diversis utiq; manifestationibus *Illius* præsentia qui operatur omnia in omnibus. Accusatio quàm ipsis jam intentamus non est, fateor, adeò atrox, sed tamen omni specie destituta excusationis five defensionis, quàm se illius immunes esse evincere possint. Est autem breviter hujusmodi; Quòd tametsi admitteremus eos coluisse unum æternum & incorporeum Numen infinitè sapiens, bonum & potens, est tamen manifestum, quòd ipsum adorabant in istiusmodi solummodò sui *Manifestationibus* quæ ad *Animalem vitam* maximè pertinebant, hoc est, in talibus quæ aut maximè horrendæ ac terribiles aut maximè ei gratae & jucundæ erant. Hinc fit, prout suprà monui, quòd suos habebant *Vejoves* pariter ac *Dijoves*, qui ambo non nisi unus erat *Apollo* sive *Sol* qui est visibilis *Diespiter* sive *Lucetius*. Verùm propterea quòd aliquando per præfocantem illum æstus quem in Aëre producit, pestem luemq; excitat, celebrabatur etiam sub titulo *Vejovis*, cujus templum olim videbatur Romæ, ut & simulachrum illius, manu sagittas tenens ad nocendum paratas, quemadmodum videre licet apud *A. Gellium*.

2. Horror etiam tonitruï urgebat eos ad colendum *Jovem* sub notione vel titulo

tulo Ἰσχυρίῃ vel ἰσχυροῦ, Jovis altitonantis, quemadmodum eum appellant Latini. Ipsaq; sacra Scriptura non se abstinere à nuncupando Tonitruum Dei vocem. Supradictus Criticus addit huic Ἀπύλλῳ ἀποστόλῃ (quemadmodum Græci eum vocarent) Averruncum & Rabigum, quorum posteriorem ait propitiandum esse ad incolumitatem Segetis, priorem ad nostri ipsorum salutem & securitatem. Prior verò videtur potius Titulus generalis, ad quamlibet Divinam Virtutem pertinens, quæ propitianda est ad averruncandum malum, quàm ad unam aliquam particularem Iræ Divinæ in mundo Manifestationem. Cujusmodi est Tempesta Marina, quam Romani particulare Numen fecerunt postquam eorum Consul Cornelius Scipio ex periculo evaserat.

*Te quoq; Tempesta meritam delubra fatemur,
Cum penè est Corvis obruta classis aquis.*

3. Illæ Instantiæ quæ ad voluptates spectabant & gratificationes vitæ Animalis innumeræ ferè sunt. Aliquas verò in medium proferre oportet ut rectius judicemus de reliquis. Et videtur sanè quòd ipsorum Deus Pan, per quem, ut & illius nomen denotat, Univerſum intelligebant, admodum jucundum eis erat spectaculum, ut patet tum ex illius pictura, tum ex aliis fictionibus quas de eo habebant. Cur enim pingebatur cum fistula in manu, ridenti; vultu? Cur Nymphæ intelligebantur ad mulicos illius sonos circa eum tripudiare? nisi quòd agnoscebant omnia in Universo ordinata esse summa cum congruentia & harmonia, aded ut inhabitatrices illius, hoc est, Animæ rerum vivarum omnium, (quæ Nymphæ sunt quarum hic facta est mentio) percussæ singulæ sensu illius quod unicuiq; maximè gratum est ac jucundum; exultare fingantur ac tripudiare præ gaudio. Mundum verò materiale & visibilem per Panem eos intellexisse manifestum est tum ex eis quæ scribunt de illius Nativitate ac Amoribus, tum ex aliis quibusdam quæ in Imagine illius observantur.

4. Dicitur enim esse filius Mercurii vel Hermetis, qui est Divinus λόγος. ὁ λόγος Dei ἰσχυρίῃ, Verbum Dei internum, quemadmodum Mundus est λόγος ποσειδά, Verbum externum sive Sermo prolatus. Jam verò cum Univerſum unicum sit, Pan rectè eximitur à turba illa Amasiarum, quibus Dii alii implicari fingebantur, cum nemo sit quam ille amet præterquam reflexionem sui ipsius à mentibus humanis quæ eum contemplantur. Hæc, quando Natura illius verissimè fidelissimèq; reflectitur, Ordòq; rerum ac Providentiæ fines rectè intelliguntur, est adamata sua Nympha Syrinx, quando rudiori quodam modo magisq; confuso, uxor illius Echo, è qua nata est Iambe fœmella garrula & ridicularum historiolarum fabularumq; anilium plena, ut & scommatum & cavillationum perversarumq; repræsentationum earum rerum quæ in mundo observantur. Per quam filiam Panis putatitiam intelligi possunt falsæ Philosophorum Sectæ vanæq; Gentium superstitiones quarum per omnia secula permagna semper extitit copia, quæ tametsi ignaris placere possint, peritioribus tamen non possunt non vanæ aut impiæ videri.

5. Sed ex Imagine ejus maximè manifestum est quòd Univerſum per eum intelligebant. Quid enim significari poterat per acuta ejus Cornua Cutisq; hispiditatem, nisi particularum effluvium aut radii saltem ab omnibus corporibus excurrentes quæ agunt ad distantiam? Quod maximè conspicuum est in lunæ cornibus cœli quæ tam longè à nobis distita sunt, & quæ tamen videmus, quemadmodum & alia visus objecta, virtute Pyramidis cujus basis est in ipso objecto, cuspis in oculo nostro. Hæc in genere sunt Panis Cornua; lucidq; faciei rubedo eum in æthere colorem denotat: Ut & prolixa barba Solis Lunæq; profusum lumen; & vestitus è maculosa pelle Pardalis, stellas, & terram fortean ac mare, unum Insulis alterum Floribus variegatum. Quòd verò partim homo est partim brutum, id comprehensionem significat omnium animalium tum irrationalium tum rationalium. Quòd autem caprinis pedibus insistit, species utiq; rerum subsistere non posse absq; proclivitate ad libidinem, cujus Caper notissimum est Symbolum. Quòd deniq; ridens pingitur, significat totum mundum rem esse ludicram, quemadmodum etiam docet lepidus ille Prophetæ Mahometes, cujus suffragio adjungere possumus & illud Poëtæ qui vitam humanam ludum facit Comicum:

*Σκὰν πᾶς ὁ βίῃ τῶ πολυτροπῶν, ἢ μάδῃ παλῶν
Τὴν αὐτὴν μελαγχολίαν, ἢ φέρει τὰς ἰδύρας.*

*Scena universa vita ac lusus est, aut disce ludere
Res serias missas faciens, aut perfer dolores.*

Sed hoc leviter suprâ tetigimus. Ad particularia Numina jam properamus.

CAP. VII.

1. Ut mundus sive Universum colebatur sub nomine Panis, ita & partes illius sub nominibus Cœlii, Junonis, Neptuni, Vulcani, Plutonis, Opis, Bacchi, Cere-
ris, &c. 2. Quod Nox etiam Numen factum est, cuius illi gallum sacrificabant,
cum consimili ratione aliorum sacrificiorum. 3. Manifestationes interiores quæ
ad vitam spectant Animalem, speciatim Iræ atq; Amoris, qui sunt Paganorum Mars
& Venus. 4. Minerva, Mercurius, Eunomia, &c. manifestationes ad vitam me-
diam relate. 5. Religionis Græcorum consensus cum Romana & Egyptiaca.
6. Eorum cultus fluvii Nili, &c. 7. Quod Religio reliquarum Gentium Terræ
eiusdem erat naturæ cum Romana, Græca, & Egyptiaca, nec ultra se extendebat
quàm ad vitam Animalem. 8. Quodq; cultus hominum defunctorum eodem in-
nixus est fundamento.

1. **Q**uemadmodum enim universale hoc Divinæ Potentiæ specimen, *Mundum*
intelligo, Numen unum integrum constituerunt, ita & illius partes in tot
particularia Numina diviserunt. Quid enim erat eorum *Uranus* sive *Cælius*, nisi
Cælum hoc aspectabile? Quid *Jupiter* & *Juno* nisi *Aër* & *Nubes*? *Neptunus* Mare
erat; *Vulcanus* (Numen illud claudicans) Ignis; qui dicitur claudicare quod sine
ligneo tanquam Baculo progredi nequeat, quemadmodum notat *Phorhutus*, per ba-
culum pabulum innuens sine quo nec progredi nec sustentari potest. Per *Plutonen*
intelligunt partes terræ interiores ex quibus aurum & argentum aliarq; res pretiosæ
effodiuntur. Per *Opem* & *Bonam Deam* exteriores partes soli in genere quæ neces-
saria vitæ suppeditant tum hominibus tum brutis. Huc etiam accensendi sunt *Bac-
chus*, *Ceres*, *Pomona*, *Flora*, & id genus Deitates; ut ad *Cælum* referenda sunt Sy-
dera Cœliver exercitus, & speciatim *Sol* & *Luna*, illustrissima illa Paganorum Numi-
na. Quorum posterius occurrit sub nomine *Dianæ*, prius *Apollinis* & fortean *Vestæ*.
Illius enim Templum rotundum erat, Ignisq; perennis & inextinctus in medio Tem-
pli custodiebatur à virginibus *Vestalibus*. Quo denotatur Solem in medio mundi
esse, & nomine illius *Ætæa* (quod est ab *Ætæa*) eum esse immobilem juxta accuratio-
rem illam Hypothesin.

2. Nec certè videntur solummodò *Cælestium luminarium* oblectationem ac vo-
luptatem satîs grato sensu percepisse, sed & solatia & utilitates *Noctis*, tenebricosæ
illius Telluris umbræ, intra cujus nigricantia velaria omnes Animantes membra sua
ad somnum suaviter componunt. Quamobrem & *Noctem Deam* statuerunt, *Lato-
nam* etiam eam appellantes, ipsiq; gallum sacrificabant, quemadmodum nos docet
Ovidius in *Libris Fastorum*, propterea quod turbator erat illius quietis ac silentii
quod *Nox* ægris fessiq; mortalibus præstabat. Ità Canem sacrificabant *Dianæ* ob im-
portunos illius latratus contra Lunam; Caprum *Bacchô* ob arrosas vites, *Cereri*q;
suem ob erutas Segetes. Hujusmodi occasiones obviæ infinitam introduxerunt nu-
merum ceremoniarum quas operæ pretium non erit hic percurrere. Cum ipsa natu-
ra Numinum quæ Pagani coluerunt satîs evidens sit indicium scopi sensûsq; Religi-
onis ipsorum, eamq; se non extendisse ultra vitam Animalem.

3. Eminentissimas *Exteriorum manifestationum* Divinæ potentiæ in Mundo recen-
suimus, pauca jam exempla proferemus *Interiorum*. Et maximè notabiles, opinor,
sunt eæ duæ naturales passionēs *Iræ* atq; *Amoris*. Quas potestates illi adorant sub
nominibus *Martis* & *Veneris*. Scholastici eas appellant *Irascibile* & *Concupiscibile*,
ad quæ duo reducunt reliquas animæ Passiones. Sed his non est immorandum.

4. Sunt etiam aliæ interiores Deitates (si fas sit ita loqui) quales sunt *Pallas*, sive
Minerva, *Mercurius*, *Eunomia* & consimiles. Quæ omnes ultra *mediam*, de qua
locutus sum, vitam non pertingunt, fructûsq; sunt & effectus humanæ rationis seip-
sam exercentis in Naturæ cognitione. Belli disciplinæ, Justitiæq; Politicæ, in pe-
ritia artes faciendi & Mercaturæ, in Inventione Litterarum, Musicæ & Architectu-
ræ, & (si sic placet) in omni Genere Mathematicarum Scientiarum: (cujus exem-
plum habemus in præcepto Oraculi quod jussit eos cubum duplicare) quas, cum in
nobis esse possint absq; omni sensu *Divinæ vitæ*, tutò opinor appellare possumus
perfectiones *Animales* sive *Naturales*. Nam quantum ad eum qui in his maximè om-
nium versatus sit, illi tamen nihilominus competere potest illud Apostoli, *Animalis
homo non capit quæ sunt Spiritûs Dei*.

5. Quod Romanorum Religio in qua præcipue hætenus instituitur, ultra *vitam Animalem* se non extenderet, satis jam manifestum est; ab ipsis verò *Græci* nihil ferè differebant, quandoquidem *Βαυός τῶν Δώδεκα Θεῶν*, (*duodecim Deorum Ara*) duodecim ex eis numinibus dedicabatur consecrabaturq; quæ ab ipsis Romanis colebantur, quæq; nos jam recensuimus. Et quantum ad *Ægyptios* manifestum est etiam, quod eorum Religio nihilo erat melior, si non pejor, cum *Serapis* apud ipsos idem sit qui *Pan* sive *Universe*, juxta concessionem proprii sui Oraculi, *Osiris*q; & *Isis* nihil aliud quàm *Sol* & *Luna*. Numina sanè quæ vix in ullorum Paganorum cultibus religiosis omittuntur. Equidem verum est populum quendam in *Africa* Solem execrari propter immoderatum suum calorem; sed eò fortius est argumentum ubi radiorum illius solatia sentiuntur, (& ubi obsecro Gentium non sentiuntur?) populum rudem æquali cum affectu ei benedixisse & adorasse.

6. Fluvius *Nilus* magnum erat Numen apud *Ægyptios*, ut & *Ganges* apud *Indos*, eum utriq; solum inundationibus suis tam mirificè impinguarent. Divinitatem *Nili* superstitiosè agnovit etiam vagabundus ille Græculus *Apollonius*, cum res sacras faceret intra conspectum strepitumq; frementium illius Cataractarum postquam *Gymnosophistas* inviserat. Sed quod ipsos Incolas attinet, minimè mirum est eos in Deorum numerum tantum retulisse Benefactorem, cum & eas res colerent quæ ex ejus donis ac beneficiis victitabant. Hujusmodi enim erant illæ animantes, Aves, Bestiæ, & Reptilia quibus illi divinum Honorem deferebant; immò verò addere poteris Arbores Herbæq; Allio Cepâq; non exceptis, quemadmodum omnes in magnam sanè ipsorum contumeliam solent objicere.

7. Quæ de *Roma* diximus, *Græcia*, & *Ægypto*, æquè demonstrari possunt de Religione omnium præterea mundi Partium, ut de *Arabia*, *Persia*, *India*, *China*, *Tartaria*, *Germania*, *Scythia*, *Guinea*, *Æthiopia*; & in orbe recens detecto, ut in *Virginia*, *Mexico*, *Peru* & *Brasilia*. Sed res tædii esset nec pretium operæ per tam numerosam Inductionem in una tamdiu oberrare chorda, consultiusq; est parcius agere quàm expatiari in re tam copiosa ac confessa. Quicumq; illos Scriptores legerit (quorum satis magna est copia) qui eum certiore facere possint de hisce rebus inquirendis, pro certò inveniet, Religionem Ethnicorum non excurrisse ultra *Animalis vitæ* objecta. Et tamen sub variis nominibus vagari possint, esse tamen easdem res ubique, scilicet *Iram* *Amoremq;* sensualem, aut saltem talia quæ huc inserviunt, ut *Frustrum* atq; *Vinum*, aliâq; quæ requiruntur ad humanæ vitæ aut necessitates aut voluptates. Quibus addas & virtutes illas quæ generalem in ista habent influentiam, ut *Sol*, *Luna*, *Stellæ*, *Ignis*, *Aqua*, *Aër*, & similia.

8. Hisce rebus Inanimatis superadjicere porro possumus Personas illustres, ejusmodi scilicet quas non potuerunt non agnoscere insignes suos esse Benefactores. Quales fuerunt illorum *Legislatores*, *Reges* & belli *Duces* qui cum successu multa præclara prælia eorum causâ sustinuerint; & primi deniq; artium *Inventores*, ulliusve utilis fabricæ ad humanæ vitæ commodum. Quamobrem subtilissimi Paganorum cultus Patroni, eludant quàm bellè possunt *Idololatriæ* crimen vel *Polytheismi*, nunquam tamen hanc diluent accusationem, Quod eorum Dei-cultus in Paganicis suis Ceremoniis nihil aliud erat quàm superstitiosa potestatis illius agnitio, quæ & gratificari valet & gravare spiritum hominis merè animale vel naturalem.

C A P. VIII.

1. *Judaismum etiam nihil aliud respexisse quàm gratificationes Animalis vitæ, prout apparet ex illorum Festis.* 2. *Quod tamen populus humili hac conditione tenebatur, Moyses tamen Typorum suorum significationem novit, illamq; Immortalitatem quæ revelanda erat per Christum.* 3. *Sabbata eorum non se extendisse ultra res hujus vitæ.* 4. *Nec Annos Sabbaticos & Jubilæos.* 5. *Nec Tubarum Festum.* 6. *Nec Festum Tabernaculorum.* 7. *Nec Pentecosten.* 8. *Nec deniq; Festum Expiationis.*

1. **E**T certè ut absolutissima Religionis Christianæ Transcendentia plenius intelligatur, non possum hic præterire, *Judaismum* cum *Paganismo* magnopere consentire in hac ipsa re qua de jam agimus. Quanquam enim *Judæi* in hoc admodum

dum rectè se habebant & Orthodoxè quòd cultum dirigebant ad unum illum solumq; verum Deum qui cælum fecit & terram, quiq; Author est & donator omnis boni muneris, cultumq; hunc præstabant absq; omni Idololatriæ superstitionis offensione & scandalo: Deus tamen sub hac *Oeconomia Mosaica* Judæorum populo nihil amplius videtur apertè polliceri quàm præsentia hujus naturalis vitæ commoda & gaudia; nec aliud quicquam comminari quàm illius calamitates & incommoda; ut manifestò apparet *Deuteronom.* 28. ubi *Benedictiones* ob obedientiam legi *Mosis* præstitam, & *Maledictiones* ob inobedientiam fusæ & copiosè describuntur.

2. Quæ tamen non sic dico quin facilè credam *Mosè* ipsum intellexisse Mysterium Immortalitatis promissumq; illorum æternorum gaudiorum quæ revelanda erant per Messiam in plenitudine temporum, quemadmodum & significationem omnium illorum Typorum qui ad eum spectabant. Et *successores* porro *illius* in illa gente, viros puta Sanctos & Prophetas non mediocrem habuisse hujus Mysterii cognitionem. Sed hoc est quod ego volo, Maximam utiq; partem sive vulgus *Judæorum* sub humili hac abjectaq; conditione clausum fuisse & obseratum, legemq; *Mosaicam* in sensu suo externo ultra hunc scopum non collineasse, quemadmodum apparet ex omnibus illorum Festis, cum nè unum quidem ex eis ad quicquam aliud spectat, quàm ad fructus atq; commoda hujus præsentis vitæ.

3. Nam quod *Sabbata* attinet, erant solummodò Creationis hujus mundi aspectabilis commemoratio. Quam fidem etiam *Sadducæi* amplectebantur æquè ac alii, quanquam interim negabant, aut Angelum esse aut Spiritum, quippe quòd nulla de hujusmodi rerum Creatione in externa *Mosis* litera facta sit mentio. Ac proinde Angelorum apparitiones considerabant solummodò tanquam temporarias quasdam è Deo Emanationes, quæ continuò cessabant, simul atq; ille dispareret.

4. Et quantum ad *Annum Sabbaticum*, ut & *Annum Jubileum* qui celebrabatur ad finem septies septem annorum, præterquam quòd non sunt sine reflexione super creationem mundi qui consummatus est Die septimo, quo & Deus ob id ipsum requievit, illæ præterea rationes quæ super hac re in textu *Mosaico* recitantur, ultra res hujus præsentis vitæ non pertingunt. Nam quod *Sabbaticum Annum* attinet, præceptum de eo sic est: *Sex annis seminabis terram tuam & congregabis fruges ejus. Anno autem septimo dimittes eam & requiescere facies ut comedant pauperes populi tui, & quicquid reliquum fuerit edant Bestiæ agri; ita facies in vinea & oliveto tuo.* Et quantum ad *Jubileum*, admodum evidens est usum habuisse secularem, ad manumissionem servorum & ad restitutionem terrarum primis suis dominis, qui per necessitatem coacti erant eas vendere. Ista igitur Festa instituta sunt ratione habitû Boni secularis sive Politici.

5. *Tubarum* quidem Festa ac *Neomeniæ* videntur ad altiorem usum assurgere, ad convocandum utiq; populum ad legem audiendam. Verùm suprâ expressim notavimus *benedictiones* & *maledictiones* legis esse tantummodò temporales. Et quantum ad *Sacrificia* sive *Gratiarum actionis* sive *Propitiationis* omnia referebantur ad bonum malumq; hujus vitæ quam in carne degimus.

6. *Festum Tabernaculorum* institutum est in memoriam habitationis filiorum *Israël* in Tabernaculis vel Tentoriis, quando Deus eos eduxerat è terra *Ægypti*: quemadmodum & *Pascha* Repræsentatio erat magis particularis modi & circumstantiarum liberationis è manibus *Ægyptiorum*, quemadmodum videre est *Exod.* 12.

7. In *Pentecoste*, qui est Dies quinquagesimus post *Pascha*, duos panes *Elevationis* offerebant; quemadmodum secundo post *Pascha* die *manipulum Spicarum*, *Primitias Messis* suæ: adeò ut illæ solennitates fructus terræ tantummodò respicerent.

8. Et postremò quantum ad *Expiationis Festum*, in quo *Caper emissarius* peccata populi cum malis ob ea meritis in desertum deportabat, cum hæc mala & calamitates, prout sæpius dixi, in lege *Mosaica* denunciata, non sint nisi rationis temporalis, manifestum est hanc particularem Ceremoniam in Religione *Mosis*, quantum literam spectat, non extendisse se ultra voluptates ac misérias hujus mortalis vitæ. Quandoquidem illud soli Christo reservatum est, nempe ut ille certissimum lætissimumq; nuncium afferret æternorum illorum gaudiorum, quorum in cælis participes erimus ^{2 Tim. 1. 20.} cum illo cujus erat *mortem abolere, & vitam ac immortalitatem in lucem producere per Evangelium*, ut loquitur *S. Paulus*.

CAP. IX.

1. *Judaismi præstantia præ Paganismo.* 2. *Authores Religionum Ethnicorum quinam erant.* 3. *Quàm naturaliter humanum Genus lapsum, sub superstitiosam Tyrannidem cadat Diaboli.* 4. *Manifesta hujus Tyrannidis effecta in Gentibus Americanis.* 5. *Quod falsa illa ac enormis Resignatio in Tremantibus eos naturaliter exponit Tyrannidi Satanae.* 6. *Cecorum impulsu affectationem præparationem esse ad Possessionem Dæmoniacam, & ad restitutionem vilissimarum superstitio- num Paganismi.*

1. **Q**uid igitur dicemus? nullumne est idè reale discrimen *Judaismum* inter & *Paganismum*? Immo verò magnum. Nam tametsi utriq; in hoc consentire videntur, quòd neuter eorum quantum ad suum finem ulteriùs pertingat quàm ad gratificationes *Vitæ animalis* (cùm incredibile planè sit ut eorum animæ, qui eò usq; demersi sunt ut nihil ultra præsentem hunc rerum statum prospiciant, ad tam altum sanctificationis gradum emergant, quàm intelligitur per hanc *vitam*, quam nos appellamus, *Divinam*;) *Judaismus* tamen præstantiam habet præ *Paganismo* longè maximam. Primò, Quòd absconditi illi tandèmq; detecti Evangelii The- sauri tam accuratè præfigurantur & adumbrantur in Typis *Mosaicis*, ut quivis certus esse possit quòd per eos præsignificabantur. Secundò, Quòd cultus Dei secundùm ritus *Mosis*, magis purus est vacuùsq; omni suspitione Idololatriæ, quòd omnino non fit in Religione Ethnicorum, quemadmodum satis suprà declaravimus.

2. Postremò, Quòd ipse Deus author ac institutor erat Religionis Judæorum, cùm Ethnicorum ritus inventi sint & instituti aut ab Angelis, quemadmodum quidam volunt, hujusmodi nempe qui præfecti erant & custodes distinctarum Gentium & Regionum (qui si boni erant, terrarum Incolæ, ut videtur, ab ipsis desciverunt primàq; eorum Instituta corruperunt tam multis abhinc sæculis ut cognitio eorum nunquam ad nos pervenerit;) aut ad summum à meliori genere Spirituum lapsorum, aut ab hominibus Politicis vafis ac versutis, aut ab impuris & malignis Dæmonibus. Et certè quousq; historia lucem nobis præfert, omnes Religiones Mundi, exceptis illis quas *Moses* & *Christus* instituerunt, meliores non habent Authores quàm qui sunt trium posteriorum Generum; quemadmodum facile est colligere ex eis quæ jam dicta sunt; nimirumq; multas suspicor, institutas fuisse ab impurissimis è tota Turba lapsa & malignissimis.

3. Nam cùm Genus humanum adeò demersum sit & à Deo lapsum per tentationem Diaboli, ille ad instar Avis rapacis prædam sequitur, ibiq; venatur semper ubi maximè abundant prædæ, super filios hominum alas librans, quos postquam ad terram dejecerit, nec ibi eos dimittit, sed cùm semel ipsos apprehenderit atq; occupaverit, quàm diutissimè potest sub sua potestate custodit: Cùm id ipsi quasi sorte contigerit, ut æquè naturaliter hominibus dominaretur atq; homines improbi circumveniunt & dominantur sibi invicem; Potentiores utiq; & subtiliores imbecillioribus & imperitioribus.

4. Cujus quidem rei Terræ orbis noviter detectus exemplum videtur amplissimum, cùm pauci in *America* loci sint qui non reperti sunt Serpenti veteri modis quidem crassis & visibilibus subjecti, utpote quorum Ritus religiosi ac Ceremoniæ æquè distorti erant, deformes ac perversi, magisq; sanguinolenti ac crudeles quàm ad quos *Sagæ Magiq;* in nostris regionibus tenentur. Est enim horum Apostatarum Spirituum institutum ac propositum ut Naturæ legis reliquiæ luminisq; Rationis in homine penitus oblitterentur, Genusq; humanum ipsorum in integrum fiant Mancipia, obliviscanturq; nobilitatis suæ conditionis ac naturæ, & submittant se ipsorum cujuscuq;modi mandatis, quæ tamen utplurimum talia sunt quæ nullos nisi mente captos, brutasve pecudes deceant.

5. Ac proinde periculosum est falsumq; genus Resignationis in eis, qui, ut extraordinarii in religione profectus speciem præ se ferant, omnibus humanitatis & Rationis Regulis, sub prætextu exercitii seipsos abnegandi, valedicunt. Nam propriam suam ad hunc modum voluntatem procul ablegantes in rebus bonis ac laudabilibus spaciunt, faciunt Diabolo ad intrandum possidendumq; eorum tum animas tum corpora, & ad adigendum eos ad actiones maximè viles ac sordidas, ad maximè inurbanas & ridiculas, immò verò ad maximè improbas, impiasq; quibus humana Na-
tura

tura obnoxia esse potest. Quod nimis verum esse ipsa docet experientia in illa Fanatica Tremmentium secta, qui sub obtentu crucifigendi dictata Rationis & Humanitatis & cuiusque rei ad quam Spiritum suum ferri sentiant, Dei lampadem in seipsis extinguunt: atque hoc modo in tenebris relictii deridiculum sunt & ludibrium Satanæ sive Diaboli, jurati illius humani Generis hostis, *Demonēsque Delusores*, tanquam tot *Ignes fatui*, eos circumducunt in hac cæcarum errationum nocte quam sua sponte ipsi sibi superinduxerunt, ex eo quod noluerint uti illo Talento quod jam eis Deus dederat, sed à seipsis illud abjecerint, tanquam rem pollutam ac profanam.

6. Hoc verissimum est de multis eorum ex suis ipsorum confessionibus; Aliasque his similia manifesta sunt in quamplurimis sive ipsi fateantur sive non: Sed quicquid illi prætenderint, certissimum est, Quod ille Spiritus qui à Scripturis eos abducit, ab usu Rationis, à communi Humanitate, à sua Fidelitate erga Christum qui pro ipsis mortuus est quemque Deus exaltavit supra omnes omnino Potestates ac Principatus sive inter homines sive inter Angelos; Ille spiritus, inquam, qui seducit eos ab officiis adeo inviolabilibus ut hæc sunt, nullus alius est quam ille ipse qui hominem seduxit in Principio, & nunc rursus eum reducere tentat ad servilem abjectamque subjectionem suo imperio, eum penitus privando omnibus illis tenerioribus Animi sensationibus, legitimisque Rationis suggestionibus naturalisque Conscientiæ, laudabilibusque educationis suæ consuetudinibus, ut cæcis solummodo impulsibus agatur quorum nulla reddenda est ratio, ut hoc pacto facilius ab ipso intretur & possideatur, rapiaturque ad quamlibet turpitudinem ac improbitatem, ad crudelitatem quamlibet & obscenitatem absque lucta atque mora; & ut, lege Christi extincta & antiquata, turpissima maximèque barbaræ Religionis Formæ Gentilium denuò restituantur. Nam virulenta illa hujus Sectæ inimicitia atque odium contra Ministros Evangelii non obscurum est argumentum quod aguntur Invidia Diaboli, cujus regnum jam partim cecidit & magis magisque indies cadet per manum Servatoris: Cujus Triumphos ut videamus quam sint iusti, non tam levi brachio excutiendus est Paganismus quam nos eum habetenus excussimus; sed magis saturis coloribus nobis depingenda est belluina sanguinolentia; Satanæ Tyrannis super nationes Terræ in execrabilioribus suis Ritibus & Ceremoniis, quarum detestabilitas demonstrat nullum eos alium habuisse Instituto-rem quam ipsum Diabolum.

CAP. X.

1. *Dominium Diaboli usurpatorium in mundo, quodque Christus venit ut eum ejiceret.*
2. *Amplitudo Domini Diaboli ante adventum Christi.*
3. *Gens Judæorum lux mundi, & quam influentiam habere possent in alias Gentes dum Paganismus regnabat.*
4. *Si Hemisphærium nostrum quicquam tolerabilius erat Americano, id imputandum esse Doctrinæ Patriarcharum, Moïsi, ac Prophetarum.*
5. *Quod Judæorum influentia tam exigua erat ut omnes nationes præter ipsos Idololatræ essent, quamplurimæ verò etiam obscenas crudelēque superstitiones exercerent.*

1. **Q**UOD regna Terræ sunt, vel potius erant in manu Diaboli, ita ut in quemcunque ipsi libuisset, ea potuerit conferre, magna erat illius apud Servatorem nostrum Gloriatio, cum tentabat illum ad procidendum ante ipsius pedes ad eumque adorandum. Estque dignum observatu, Servatorem Titulum ejus non duxisse in controversiam, quanquam illud ei negabat Homagium. Immo verò videtur agnovisse præsentem illius possessionem ac Dominium in mundum, dum eum illius Principem vocat, quantumvis usurpatorem, & talem à quo ipse ad liberandas gentes venerat. *Nunc redemptio est mundi hujus* (ita enim *redem* significat *Johan. 12. 31.* quemadmodum notavit Grotius) *nunc princeps mundi hujus ejicietur foras; & ego, si exaltatus fuero à terra, omnes traham ad meipsum.*

2. Jam verò quam absolutum & universale ejus Dominium erat ante adventum Christi in mundum, facile intelligemus si consideremus eum unum Hemisphærium habuisse integrum, *Americam* scilicet cum Insulis adjacentibus. Atque hujus in quo nos degimus, & quod complectitur tres illas magnas Continentes *Europam, Asiam, & Africam* (excepto paululo illo Terræ quod ille hominum manipulus, Dei utique populus, possidebat) quænam pars illius non erat?

3. Hæc

3. Hæc igitur Fidelium familia per omnia secula fuit, quemadmodum Servator loquitur, *lux Mundi*, quanquam nunquam sanè tam visibilis, ac diffusa quàm post illius adventum. Nec dubitandum est, quin viri sapientes è multis Nationibus collocuti olim cum *Judeis* sive in *Palestina* sive in *Aegypto* deportarent secum aliquid quo meliores reddere possent leges ac Ritus earum Regionum in quibus postea ad tempus aliquod commorati sunt. Adeò ut, si Tyrannidis Satanae, aut impuritatis Institutorum suorum ac Ceremoniarum nec tot sint nec tam immania & abominanda in hisce partibus Mundi quàm in altero Hemisphærio exempla, nulli quidem tolerabilitati illius Malitiæ atq; Improbitatis imputandum sit, sed efficaciz illius Lucis cujus præsentia sæpenumerò ac manifestatio tam grata & congrua est animæ humanæ, ut tametsi educata fuerit & enutrita in vanis ac impuris superstitionibus, & sanguinolentis & ferinis Ritibus falsæ barbaræq; Religionis, tamen utprimum forma purior sit proposita, confidenter consentiat cum illa quæ est melior, & sine mora, Potentiæ resistat & *prava Consuetudinis* & *maligni Domini* simul.

4. Hoc autem non eò dico quasi existimem Cognitionem Dei in Antiquis *Patriarchis*, *Mose* & *Prophetis*, tantam habuisse influentiam in Incolas hujus nostri Hemisphærii, ut exempla nobis hîc non suppetant earum rerum abominabilium quæ inter Nationes occurrebant; sed si videri possimus fuisse in conditione aliquanto tolerabiliiori quàm erant *Americani*, quòd illud imputari non deberet ulli moderationi vel indiligentiæ illius osoris & contemptoris humani Generis, sed Divinæ Providentiæ, & Veritatis viribus, cujus lumen ad tantam distantiam & post tot reflexiones & refractiones non tamen omni carebat effectu.

5. Quanquam profectò nec tantæ erat efficaciz ut crassam Idololatriæ superstitionem populorum finibus usquam arceret. Verùm multis in locis ea lux adeò in integrum deerat, ut *Bestialitas*, *Obscœnitas*, & execrabilis *Crudelitas* additæ essent aliis partibus nefariis suarum superstitionum. Infinitum esset omnia quæ possumus exempla in medium proferre. Quædam verò necesse est ut producamus tanquam reliquorum obfides; nec refert quo ordine, sed quâ maximâ possumus brevitate, nominando tantummodò eorum abominationes non autem in illis insistendo.

C A P. XI.

1. *Ritus nefarii Cybeles Matris Deorum.* 2. *Eorum Bacchanalia.* 3. *De Priapo, & cur Asinum ei sacrificabant.* 4. *Lupercalia cur per homines nudos celebrata.* 5. *Floræ solennia.* 6. *Atq; Veneris, quòdq; obscœna ipsa Venus erat quam adorabant.* 7. *Quòd ipsorum Venus Urania sive Regina Cœli etiam nihil aliud est nisi libido terrestris, quemadmodum apparet ex illius ceremoniis.* 8. *Quòd hæc Venus Luna esse existimatur. Lascivæ illius & obscœnæ Ceremoniæ.*

1. **P**rima quæ memoriæ occurrit mater est Turbæ illius deificatæ, *Cybelen* intelligo, Deorum matrem. Cujus rituum celebratio tantum habuit nequitiz ac turpitudinis, ut magis ingenuos è Romanis puderet officium illud sustinere. Sacerdotes vestimentis variegatis induti saltationes inhonestas ac Mimicas peragebant, capita distorquentes admodum deformiter, temporaq; musica manuum ictu in pectora ad Tympanorum Tibiarum Cymbalorumq; modulos notantes, molliter ad hunc modum domatim per plateas tripudiabant, mendicantes à populo nummulus in usum *Cybelis* matris Deorum. Unde appellabantur *Metragyrte* æquè ac *Menagyrte*. Erant autem tam fœdæ pecudes sordidiq; potatores, ut nefaria illorum facinora occasionem dederint vulgato illi Diverbio, *Circulator Cybeleius*, quo intelligebant hominem nequam & omnino dissolutum ebrietatq; prorsus ac omnimodæ Turpitudini deditum.

2. *Bacchanalia* nominare non possum quin cogitationes vestrz me antevertant, ubi ut videtur (estq; querela gravis illius scriptoris *T. Livii*) tametsi Titulus solennitatis ad *Bacchum* referatur, finis tamen illius atq; exitus definire solebat in libidinem promiscuam atq; *Venerem*; immò verò in violentiam *Martiam* pugnasq; ac frequentia Homicidia. Nam noctis opportunitates, & virorum fœminarumq; diversarum ætatum atq; ordinum confusa permixtio libidinisq; per vini intemperantiam incitatio effecerunt ut omnes limites transilirent Pudoris ac Modestiz, adeò ut per vim

vim quotquot possent vitiarent; & de praeda concertantes vulnerarent & occiderent se invicem, cum rugitus & gemitus animas efflantium, ejulatusq; foeminarum per vim vitiatarum audire non possent propter strepitus & tinnitus Tympanorum & Cymbalorum quæ per totum id tempus perstrebebant. Ità ut videri possint Romani æquè ac *Sicyonii* Διόνυσον Χαιρέ-λάαν coluisse. Sed ut illud sine interpretatione prætereamus.

3. *Priapus*, quàm impurum ille erat. Numen! Cujus Imago adeò obscœna est, quemadmodum videre est apud Poëtas, ut nullus castus Calamus eorum descriptiones velit repetere; quamvis sanè hæc ipsorum delineatio nudum tantummodò sit testimonium veritatis circa abominandum hoc Idolum. Huic impuro Numini asinum sacrificabant. Cujus rei rationem *Ovidius* in *Fastorum* libris satis copiosè exponit; sed historia adeò lasciva est ut suffecerit leviter duntaxat & per compendium eam notare.

Deus hic, ut videtur, perditè amabat *Lotidem* Nympham; quam in Gramine (cum reliquis Deabus ruralibus nocte Lunaribus radiis illustri) jacentem altumq; ibi dormientem, furtim ille meditabatur vitiare. Verùm cum jam proximè aberat à perpetrando facinore, *Sileni* Afellus tam inconditè rudis ac sonore, ut Nympham è somno excitaret, *Priapumq;* suo totum exueret Proposito, expectatà voluptate eum prohibens, simulq; per hunc casum omnium ruralium Numinum derisioni exponens.

Omnibus ad Lunæ lumina risus erat.

Ac proinde Pagani Asinum sacrificabant *Priapo*, reiterantes utiq; Dei vindictam in hanc Bestiam, quæ tantum illi intulerat incommodum.

4. Rationem aliquam hujus non dissimilem idem Paganorum Vates reddit illius discursitationis hominum nudorum in *Lupercalibus*, quæ celebrabantur in honorem, vel potius in dedecus, *Pan̄is Lycai*, *Fanni* vel *Sylvani*. Nihil enim est aliud quàm elusæ & frustratæ Libidinis ejus commemoratio. Nam dum *Hercules* cum uxore *Omphale* in lucum se recipiebat, formosâ sanè foeminâ ac pulchrâ splendidèq; vestitâ, hic Deus ruralis fortè fortunâ eam videns libidinis ardore correptus est. Diligenter igitur observavit ubi essent pernoctaturi, furtimq; ac sine strepitu in illud Antrum se noctu ingessit in quo illi cubabant. Ubi, cum *Hercules* & *Omphale* vestes mutuò commutassent, atq; hic in uxoris vestimentis, uxor verò in illius Pelle Leonina dormiret, id certè Deum libidinosum in tam infelicem errorem induxit, ut præter pudorem pœnas etiam in corpore contuso penderet, & ad Antri latera miserè alliso, in quæ iratus Heros eum rejecerat, exonerans se liberansq; à tam fœdo & incongruo Lecti socio. Atq; hæc ratio est cur *Sylvanus* suas ceremonias peragi voluit per homines nudos, in detestationem utiq; illius fraudis & erroris qui vestimentis subesse possunt.

*Veste Deus lusus fallentes lumina vestes
Non amat, & nudos ad sua sacra vocat.*

Tam lascivi sunt Ritus, & tam frivola antiquorum Paganorum Theologia!

5. *Flora* nomen est quod castius & innocentius sonat, sed tamen nec illius solennia peragebantur absq; impudica lascivia, lusuq; inurbano, cum improba scorta pararentur ad discurrendum nuda, spectatorum oculos pascentia obscœnis gesticulationibus ludicrisq; meretriciis.

6. Dea *Venus* non citiùs nominari potest quàm suspecta haberi; idq; meritò. Nam tametsi *Plato* & *Plotinus* duplicem agnoverunt *Venerem*, unam *Cælestem*, alteram *Popularem* ac *Corpoream*, illa tamen distinctio in genuino suo sensu inveniebatur tantummodò inter melioris notæ Philosophos; populo interim Religionem suam versùs inferius illud Numen dirigente, quemadmodum apparet ex Epithetis quæ illius nomini addebant & ex ceremoniis quas ipsi præstabant. Nam *Ἀφροδίτη πρὸς τὰς ἀγῶνας*, quam *Argivi*, ἰσθίαι, quam *Athenienses*, & καλλιγὰς, quam *Syracusani* colebant, nulla alia potestas esse potest quàm Libidinis Domina vel Præses, quemadmodum sensus impudicorum illorum Epithetorum planè demonstrat. Atq; illa *Venus* quæ colebatur *Cypri*, quòd ejusdem erat generis, inter alias Ceremonias Phallus qui ostendebatur argumentum est evidentissimum.

7. Erat quidem *Urania* sive *Venus cælestis*; Regina cœli vocatur in Scripturis, *Venus Mylitta* apud Authores prophanos (*Mylitta* significante *μαρτύριον*; tanquam si esset à מלכות) quæ colebatur tum in *Africa* partibus quibusdam tum in *Babylonia*; sed ipsius nominis ratio, quam jam exposuimus, quemadmodum & natura

Ceremoniarum manifestò ostendunt, eam fuisse tantùm popularem illam *Venerem* de qua suprà locuti sumus. Sedebant enim in Templo ejus *Fœminæ* adolecentes in locis per lineas quasdam filæve distinctis, quæ peregrinus quilibet, qui eorum corporum usum petierat, rumpebat, atq; ita scorsim à cæteris abducebat eam cum quæ rem habere maximè optaverat, posteaq; nummum illi dabat pretium operæ confectum. Atq; post hoc superstitiosum genus fornicationis permittebatur ipsi nubere cui voluerit. Nobiliores fœminæ residebant prope Templum in Vehiculis ad Tentoriorum speciem coopertis. Unde abominatio vocabatur *Succoth Benoth*, ipsaq; *Dæa Benoth*, brevitatis gratiâ. Ex quo *Critici* magna sanè cum probabilitate deducunt Latinum vocabulum *Venus*.

8. Hæc *Venus*, cujus cultus adeò celebris erat in multis locis, à quibusdam censebatur Luna esse; ut à *Philochoro*, qui affirmat viros ipsi veste muliebri indutos sacrificasse, mulieres verò veste virili. Qui quidem Planeta rectè dicitur *Regina Celi*; & sub titulo *Hecates* est etiam Maleficarum *Venus*, quemadmodum *Seldenus* notat. *Astarte* etiam idem Numen est ab impuris Sacerdotibus cultum, viris morum turpium & effœminatorum. Abominanda turpitudine hujus *Dææ* libidinis ad vivum apud *Eusebium* depingitur in vita *Constantini*. Nemus erat & delubrum extra publicam viam spurco *Veneris* Dæmoni in parte verticis montis *Libani* in fruticeto positum. Erat hîc malitiæ Schola omnibus lascivis, ubi viri non viri muliebri morbo Dæmonem placabant. Atq; erat præterea, quemadmodum ille ait, conciliabulum vel conceptaculum omnium improbarum Personarum, virorum ac fœminarum libidini & turpitudini deditarum, ubi adulterium committebant, fornicationem & peccatum Sodomiticum cum impunitate. Quippe quòd quemlibet honestæ integræq; famæ virum fœminâmve pudebat se eorum cœtui ingerere.

C A P. XII.

1. De famosis eorum Eleusiniis, quàm sœda erant & obscœna. 2. Magnificentia Rituum, magnâq; eorum frequentatio. 3. Quòd Fundamentum hujus superstitionis nihil aliud erat quàm quædam obscœnitatis species turpi & ridicula Cereris & Baubûs Historiole innixa. 4. De sœdissimis superstitionibus in Tartaria, Malabar, Narlinga, totâq; continente Americana.

1. Q Uòd tam nefariorum facinorum perpetratio reperta sit sub tam infami Titulo quàm præ se ferebat hoc spurcum Numen, minùs mirandum meritò videri potest: sed & istiusmodi solennia quæ maximam famam assecuta sunt ob suam sanctitatem & Mysteria, à sordido hoc turpitudinis genere non inveniuntur libera & immunia. In uno exemplo instabimus pro omnibus, in sacris utiq; *Eleusiniis* in *Cereris* honorem institutis, quam quivis expectaret se præbituram honestam modestamq; è rure Matronam, cum tamen quædam in illius templo spectacula (quàm sancta illi voluerint sua haberi Mysteria!) Lupanaris potius quàm loci sancti erant insignia. Quàm ob causam, opihor, *Socrates* & *Dæmonax* noluerunt hîc sacris initiari.

2. Veruntamen sive id delusorum Dæmonum ope factum sit sive Sacerdotum technis atq; fraude, (qui tam inopinatas exhibuerint coruscationes lucisq; vibrationes ac tonitrua animos præsentium percellentia, præter alia inexpectata spectacula, quæ obtulerint eis qui jam ad *Idolatriam* pervenirent factiq; essent *idolatæ*), hæc sanè solennia in tanto indè erant pretio ut aliquando tricies mille hominum frequentia celebrarentur. *Claudianus* in *Raptu Proserpine* solennitatem horum rituum admodum graphice describit.

Jam mihi cernuntur trepidis delubra moveri
Sedibus ac clarum dispergere culmina lumen
Adventum testata Dei; jam magnus ab imis
Auditur fremitus terræ Templumq; remugit
Cecropidæm—

3. Sed enim verò magnificæ huic Poëtæ descriptioni dejectissimum pudorem incutere

cutere debet aculeatum illud antiqui Patris dictorium in hanc foedam eorum superstitionem strenuè ac viriliter vibratum. *Tota in Adytis Divinitas, tota suspiria Epopiarum, totum signaculum linguae, simulacrum membri virilis revelatur.* Huic *Tertulliani* adjicere possumus ex *Theodoreto*, vel potius (prout quidam volunt) errorem *Tertulliani* corrigere. Nam exhibebant, inquit illi, *Epopiarum* oculis, τὸ κλίμα non τὸ φάλλος. Verùm cum ἱεραγωγία pars esset hujus solennitatis, *Tertulliani* error non est tam enormis quàm quidam eum facere volunt, sed populorum oculi utrorumq; spectaculo stolidè demulcebantur.

Τὸ κλίμα μὲν ἔχει τὸ βάρος, inquit *Theodoretus*; *Clemens*q; illius rationem reddit, Quippe quod *Ceres* post longos suos labores errorésq; in investigando *Proserpinam*, cum fessa esset ac tritis, sedebat in hac animi solitudine super lapidem quendam, *Græci* vocant πέτρην ἀγέλαστον, *Ovidius* reddit, *Saxum triste*.

Hic primum gelido sedit mæstissima saxo,
illud Cecropidæ nunc quoq; triste vocant.

Dea verò cum in hac misera ac afflicta esset conditione, vetula quædam Rustica, inquit *Clemens*, *Banbo* nomine, potum illi obtulit: Verùm Dea, ut quæ tota in mæstitiam immersa erat, dum recusat bibere, ἀνὰ κράτος τὰ αἰδῶτα ἢ βαύβη, τήν τε τὴν ὁρὴν ἢ Διό. Et postea, ut videtur, majori cum alacritate poculum hausit.

4. Tam foeda ac impura erat Paganorum Religio omni ex parte! Cujus ceremoniæ sordidæ nec calamis scriptæ nec sanctorum Patrum oribus prolata unquam fuissent, nisi quod necessitas ipsorum modestiæ vim intulisset. Neq; certè ipse diutius vos detinebo in tam foetulento argumento, quanquam possim ulterius in hoc luto proficisci vel potius provolvi, enarrans vobis pollutas *Candæ* consuetudines in *Tartaria*, ubi sorores, filias, immo verò proprias uxores peregrinis prostituunt in honorem cultumve suorum Idolorum. *Calecutiæ* etiam in *Malabare*, ubi rex cum summo Sacerdote officiis contendit eumq; quasi cogit voluptatum primitias carpere è nova sua sponsa. Est etiam in ea Civitate Templum Simio dedicatum, Animalis notæ salacitatis. *Narsingæ* porro, ubi foemina corpore quæstum faciunt ad nummos corrogandos ad Idolorum suorum usum. Totius deniq; continentis *Americana*, ubi præterquam quod communis eorum libido Venerisq; usus nullos novit limites, filias suas præterea offerunt Sacerdotibus constuprandas, teneros pueros Sodomiticæ turpitudini dedicant, in *Portu veteri* præsertim & *Punæ* in *Peruvia*. Ubi Diabolus eò usq; prævaluit in hac bestiali superstitione (ut refert *Purchasus* ex *Cieza*) ut pueri consecrarentur ad ministrandum in Templo, quibus sacrificiorum tempore & solennium Festorum homines principes ac nobiles abutebantur ad detestandam illam Turpitudinem. Et ubiq; ferè in regionibus montanis sub sanctitatis specie hoc nefandum vitium Diabolus introduxerat. Nam unumquodq; Templum unum & alterum alebat virum si non plures qui muliebri vestitu ornati incedebant, ab ineunte etiam atate sic assueti, ut & voce fractâ & effœminatâ loqui aliósq; foeminarum mores in re qualibet imitari, quibuscum sub sanctitatis & Religionis prætextu, eorum Magnates Festis Principalibus nefarium illud commercium exercebant. Sed de Paganicæ Religionis foeditate & spurcitie satis superq; jam dictum est.

CAP. XIII.

1. *Sanguinolenta Satanae Tyrannis in crudelibus suis superstitionibus. Primorum juvenum Lacedaemonis ad Aram Dianae flagellatio. 2. Sacrificia Bellonae sive Deae Syriae facta cum Sacerdotis sanguine. Sanguis aegrotorum voto in oblationem destinatus in Cathaia & Mangi, cum aliis nefariis & contemptuosis Satanae contumeliis. 3. Aliae fastuosa duraque tractationes in Siam & Pegu. Homines ad mortem usque compressi sub rotis currus Idoli in regno Narvingae & Bisnagar. 4. Fædæ ac difficiles peregrinationes in Zeilan, cum punctiōibus & incisionibus carnis peregrinatoris. 5. Flagellatio, Terræ manducatio, oculorum evulsio in Nova Hispania, cum distortis sordidisque Ceremoniis in Hispaniola. 6. Intolerabilis superstitionum castigationum severitas in Mexico & Peru. 7. Barbaras has sordidasque consuetudines Demonstrationem esse odii contemptusque Diaboli in Genus Humanum.*

1. **C**UM satis jam vobis ante oculos malam rerum administrationem Principis hujus mundi in effrenatis impurae libidinis exorbitationibus exposuerimus, reliquum est ut crudeles illius insolentias & malignas & contumeliosas tractationes, quibus humanum Genus, ab eo adeo vile habitum, exercuit, consideremus; quam appellare possumus sanguinolentam Diaboli Tyrannidem in homines. Sunt autem hujus exempla non pauca. Nos vero non omitemus etiam talia quae citra homicidium sita sunt, & tamen manifesta sunt argumenta illius invidiae & contemptus quem erga homines concepit. Ut Flagellatio illa primorum Juvenum *Lacedaemonis* ante conspectum amicorum & consanguineorum ad Aram *Dianae*. Quae consuetudo erat tam barbara, ut *Thespiesion* Gymnosophistarum princeps eam Graecis vitio verteret apud magnum illum Paganismi instauratorem *Apollonium*. Qui certe *Lacedaemonios* aliter purgare non poterat, quam dicendo, eos illud utique elegisse, quod futurum erat tolerabilius: Deam enim *Scythicam* humani sanguinis effusionem, hominumve mactationes ad suam aram rigide exegisse.

2. Sacrificia *Bellonae* fieri sine Sacerdotis sanguine non solebant. Quae ceremonia praestabatur a suis *Deae Syriae* in *Ignium festis*. Ubi etiam juvenes furore superstitionis correpti, virilia sibi in honorem *Deae* exsecabant, cursitabantque continuo postea per urbem, illud manu tenentes quod a corpore absceiderant, in domum aliquam mox abjecturi, ut hoc pacto ipsos obligare possent ad parandum sibi suum muliebrem ornatum ac vestitum quem sic meruerant. Aegroti in *Cathaia* & *Mangi* (quemadmodum *Paulus Venetus* commemorat) docebantur vovere proprium sanguinem in oblationem Idolis si valetudinem recuperarent. Et quod minus quidem doloris habuit, sed plus despicientiae & contemptus, Sacerdos congregationem dimissurus, conspergere eos solebat sanguine, luto, glebae frustulis, fumoque vaccino.

3. In *Siam* Religiosi ordines perquam duris subduntur legibus, cum capitale sit cum foemina colloqui, vinumque bibere non minus crimen quam quod lapidatione pensatur. Illa etiam magna est populi vilificatio & despectus in *Pegu* (prout *Purchasius* ex *Gasp. Balbio* refert) qui aquam in qua Sacerdos se laverat, bibebant. In Regno *Narvingae* & *Bisnagar* Idolum est ad quod visendum longas instituunt peregrinationes, & quando coram ipso comparent, victis manibus accedunt, vel funibus cervicibus circumjectis, aut cultris brachiis cruribusve infixis, aut denique carnem absciunt & in Idoli faciem projiciunt. Idolo vero in solennibus Processionibus foras provento ferventiores illius cultores in via procumbunt, itaque rotarum currus compressione mortem voluntariam sibi consciscunt, quemadmodum & *Balbius*, & *Odoricus* & *Linschotenus* scribunt. Alia hujus generis exempla addere possum, sed nolo nimium in propositam Methodum peccare, cum in praesens de nullis aliis Satanae crudelitibus loqui statuerim, quam quae citra Homicidium sunt positae.

4. In *Zeilan* incredibilis tædii peregrinationes suscipiunt. Nam multa centena milliaria emensi, tandem vadare coguntur per viginti fere milliaria continua in fetulento coeno, praeter scanfionem montis multa sane milliaria alti, funium adminiculo & uncorum, ac dumorum ruborumque, quas prensitare eos oportet, ut ascendant. Et postquam acclivitatem montis superaverint, conscenderintque ejus summitatem, oculosque Pedis illius impresso vestigio qui antiquus eorum fuit Legillator refecerint, pungendo tandem incidendoque propriam suam carnem poenas consummant.

5. In

5. In nova *Hispania* veniam deprecabantur ab Idolis, flagellando seipsos in nudos Humeros, & tollendo terram eamq; comedendo. In *Peru* in humum ante Idola jacebant prostrati, ferventioribus ex ipsis ab evellendo proprios oculos se non abstinētib; ceca utpote superstitione eo commotis. In *Hispaniola* quando sacrificabant, soliti sunt consecratum hamum in guttura detrudere ad revellendum quicquid in ventriculis suis jacebat. Quo peracto circa Idolum sedebant in circuitu, situ deformi, inclinatis in alterum humerum cervicibus, crurib; decussatis, orantes eo corporis gestu ut sacrificium acceptum sit apud Numen quod placabant.

6. Sacerdotes ac Religiosi in *Mexico* è lecto solebant exurgere sub mediam noctem, & postquam igni thus injecerint ante os Idoli, in locum spaciosum se recipere ubi multae lampades ardebant, ibiq; scalpellis & subulis ad os ferè suras percutere, sua tempora ungentes cum sanguine. Virilia etiam sibi per medium findebant in furiosa affectatione istiusmodi castitatis quae nullum unquam habitura est premium. Flagellabant etiam se funiculis nodosis, ut taceam longas eorum & macerantes penèq; enecantes inedia. Hisce miseris Ceremoniis utebantur etiam in *Peru*, ubi urentibus urticis nuda corpora castigabant, durisq; silicibus humeros contundebant.

Hae ac consimiles Paganorum pravæ ac malignæ consuetudines, quæ apud Scriptores occurrunt, quasq; humano Generi Satanas imposuit, evidens demonstratio est magni illius contemptus atq; odii quo flagrat contra nos. Jam verò propius ad rem accedemus, continuòq; nos accingemus ad probandam confirmandamq; illam accusationem quam beatus Servator, qui ad demoliendum illius Dominium venit, iustissimis de causis huic Usurpatori instituit. Nempe, quod Homicida fuit à principio. Quod evidentissimum est ab execrabili illa consuetudine homines ipsi, sub quacumq; ratione vel titulo, immolandi. Quæ abominanda consuetudo in plerisq; mundi partibus olim vixit, prout satis clarè evincunt Historicorum Testimonia.

CAP. XIV.

1. *Homines Diabolo Sacrificati, in Virginia, Peru, Brasilia; Guianæ & Paria Incole comedebant etiam sacrificatos; Sacrificiorum Ritus in Nicaragua.*
2. *Famelicis Dæmones sitimq; sanguinis proflantes in Florida & Mexico.*
3. *Mactationes puerorum in Peru, Rit; suffocationis pueri ac puellæ sub aquis in Mexico.*
4. *Captivos sacrificandi mos apud Mexicanos.*
5. *Immensus numerus istiusmodi sacrificiorum in Mexico, & de Saltationibus per urbem in pelle viri recens exco-
riati.*
6. *Et in Nova Hispania in Pelle Fæminæ.*

1. **H**ujus rei notitia satis recens est apud *Americanos*, quod utiq; *Virginie* Incolæ liberos suos sacrificabant Diabolo, quemadmodum & in *Peru* pro *Ingue* salute ac prosperitate, ac felici bellorum successu. Idem etiam faciunt in *Brasilia*. *Guianæ* populus & *Paria* aliarumq; regionum adjacentium non solum homines sacrificant, sed quidam eorum eis postea sacrificiis vescuntur. Sacerdotes *Nicaragæ*, ut *Purchasus* refert ex *Gomara*, post mœsti cujusdam ac lamentabilis soni Ceremoniam terq; repetitam circa Captivos circumambulationem, ex improvviso in eos involant, subitoq; ipsis pectora resecunt cultris è filice formatis, moxq; post distributionem corporis captivi Regi, summo Pontifici, & ei qui eum in bello cepit, caput arbori imponunt, sub qua alios etiam viros puerosq; sacrificant.

2. In *Florida* Diabolus illius incolis apparet conqueriturq; quàm magnâ laborat siti, quam tamen nihil restinguere potest nisi sanguis humanus. *Acosta* refert de *Mexicanis*, quod Sacerdotes Regi nunciare solebant, Deos suos præ fame ferè enecari. Cujus vocis sententia erat, exemplò eos oportere bellum movere in vicinos ut captivos possint abducere in Deorum Sacrificia.

3. In *Peruvia*, in novi *Ingue* inauguratione ducentos pueros sacrificabant aut decollantes ipsos, suasq; facies eorum sanguine ungentes, aut sub aquis eos suffocantes, posteaq; sepelientes cum certis quibusdam Ceremoniis. Et *Mexicani* in Festo quod super Lacum *Navigiolis* celebrabant, soliti feruntur sub aquis suffocare puerum ac puellam ut isthoc pacto Diis Lacus se possent associare, cumq; eis versari. *Peruvia* verò Incolæ sacrificabant etiam Virgines è Monasteriis, quemadmodum idem Author refert. Et sæpenumero *Indorum* nobiles, nec raro sancti ipsi pleben, sacrificare

ficare solebant filios suos primogenitos ad redimendam propriam suam vitam, si Sacerdos ipsis renunciasset quod morbus mortem minitaretur.

4. *Mexicani* quidem, nisi *Acosta* in eorum causa nimis facilis æquusq; sit, Captivos solummodò suis Idolis sacrificabant. Sed devictorum hostium sanguinis supra modum prodigi erant, cum & sacrificia sæpius repeterentur, & ad minimum quadragenos vel quinquagenos unâ vice sacrificarent; cogentes eos ascendere in summum alti Aggeris in Templi atrio extructi, ubi summus Sacerdos (quemadmodum socii illius vel ministri) horrido ac diabolico modo vestitus, ad pavorem populo incutiendum, pectus captivi mira cum dexteritate aperiebat, manu cor evellebat Solusq; adhuc fumans exponebat, cui & hunc calorem vaporemq; cordis offerebat, posteaq; cor in Idoli faciem projiciebat, pedisq; ictu corpus hominis mactati de scalarum Templi gradibus deturbabat.

5. Adedò prodiga erat humani sanguinis hæc abominanda eorum Religio, ut quibusdam diebus quinq; millia amplius hominum sacrificarent, & in aliquibus locis supra viginti millia, prout refert *Acosta* è Narrationibus *Indorum*. Est autem una præ cæteris crudelitatis species fœda ac horrida quæ in usu erat apud *Mexicanos*, qui captivum excoriabant & hominem alterum illius vestiebant pelle, quem oportebat ita ornatum saltare & tripudiare per omnes domos ac fora civitatis ad nummos emendicandos pro Idolis; qui verò dare recusabant, illis, pro more, cruentâ pellis extremitate alapam impingebat.

6. Hoc satis enorme est, illud verò in *Nova Hispania* enormius. Ubi foeminam excoriabant virumq; operiebant illius pelle, quem per plateas sic vestitum saltare oportebat duobus diebus continuis. Tam malignè perversèq; truculentum ac Tyrannicum erat Diaboli imperium in *novo Orbe Paganico*; nec tamen eum multò tolerabiliorem invenimus in *veteri*; Nam & illic eum deprehendimus *sanguinarium Homicidam* in plerisq; illius partibus.

C A P. XV.

1. *Immolatio puerorum Idolo Moloch in valle Hinnom.* 2. *Hanc non fuisse simplicem Februationem, sed realem Combustionem.* 3. *Consuetudinem hanc è Syria manasse ad Carthaginem usque.* 4. *Plura illius rei Argumenta; Errorq; eorum qui Saturnum Israëlè appellatum sentiunt à Grotio correctus. Quodq; Oblatio Isaac per Abrahamum nulla omnino erat occasio horum execrabilium sacrificiorum.* 5. *Immolationes hominum in Britannia, Lusitania, Gallia, Germania, Thracia, & Mona Insula.* 6. *In multis etiam locis Græciæ, ut in Messene, Arcadia, Chio, Aulide, Locris, Lacedæmone.* 7. *Quod nec Romani liberi erant ab his barbaris sacrificiis.* 8. *Quibus insuper addas Cimbros, Lituanos, Egyptios, Rhodi Incolas, Salaminis & Tenedi, Indos deniq; & Persas, &c.*

1. **F**amosa est *Syria* vel potius turpiter infamis ob crudele illud Numen *Ammonitarum Moloch*, cui filios suos sacrificabant exurentes eos in igne. Hoc ut in aliis locis ita & in valle *Hinnom* perpetrabatur, sic dictâ à rugitu seu lamentis puerorum dum exurebantur, vel à possessoribus illius agri, filiis nempe *Hinnom*. Vocatur etiam *Tophet* à Tympanorum pulsu quibus utebantur ad obruendos extinguendosq; miserorum infantium qui sacrificabantur, planctus & ejulatus. Quidam in ea sunt opinione quod *Februtio* tantummodò erat, Purificatio, vel Consecratio Liberrorum, non ipsorum *Immolatio*. Sed *Seldenus* abunde illam sententiam confutavit; ad quem curiosos remitto. De *Diis Syris* Syntagm. I. cap. 6.

2. *Gaffarellus* quidem, quanquam concedit Colonias quasdam *Persas* sedem in *Samaria* capeffentes filios sacrificasse *Adramelecho* & *Anamelecho* Diis *Sepharvaim*, nullo tamen pacto vult admittere pueros *Moloch* sacrificatos fuisse, sed februatatos solummodò. Hoc autem facit in *Judeorum* gratiam quos tam execrabilis speciei Idololatriæ nolle esse reos. Veruntamen extra omnem controversiam positum est, filios filiasq; Dæmonibus eos sacrificasse, *Psal.* 105. Et *Josephus* ipse de *Achazo* agnoscit, *ὅτι ἰδὼν ἰσχυρῶς αἰδῶν αὐτὸν τὰ Καταστροφὰς*, Quod filium suum in Holocaustum obtulit juxta superstitiones *Canaanitarum* consuetudines. Vide *Grotium* in Cap. 18. *Deuteronomii*; ubi satis manifestò probat Infantes reverà *Moloch* sacrificatos fuisse, quanquam

quanquam non negat quin procedente tempore fieri posset ut hujus crudelis consuetudinis rigor in tolerabiliorem usum mutaretur, in translationem scilicet puerorum inter duos Ignes; seculis utiq; recentioribus hujusmodi *σφαγή παγανὰ* invenientibus, ad mitigandam antiquorum rituum immanitatem. Nec veri est dissimile, quin antequam hæc crudelitas penitus abrogata esset, rarior inceperit illius esse usus, tandemq; in simplicem abiret *Februationem*. Quæ optima, quod sciam, ratio est qua *Salomonis* honor suffulciri possit, ipseq; vindicari à crimine tam fœdæ barbaræq; Idololatriæ, quanquam multis annis regnabat ante *Achazum*.

3. Hanc consuetudinem sacrificandi suos liberos è *Syria* emanasse in *Europam* pro certo affirmare non possum. Sed valde verisimile est, *Carthaginienses* inde istam duxisse consuetudinem, cum ex illa gente essent Colonia. *Lactantiûsq;* ipsis hanc crudelem superstitionem imputat, quod nempe apud illos in more erat *Saturno* homines sacrificare, quodque, cum victi essent ab *Agathocle Sicilia* rege, suspicarenturq; Deum suum ipsis irasci, ducentos Nobilium filios sacrificabant semel. Hæc abominanda eorum consuetudo immolandi suos liberos etiam ab *Ennio* olim notata est.

Pæni sunt soliti suos sacrificare pueros.

4. *Cretenses* etiam æquè ac *Syri Saturno* sacrificabant, quomodoq; illi eam acceperint consuetudinem. Sed ulterius argumentum est *Carthaginienses* suos ritus à *Syris* hausisse; nempe quod nomen Dei cui sacrificabant appellabatur *Amilcas*, quemadmodum *Seldenus* notat ex *Athenagora*, (quod quàm proximè accedit ad *Moloch* sive *Milcham*) & præterea quod illi etiam utebantur *Tympanis* ac *Tibiis* ad obruendos celandosq; rugitus ac ejulatus eorum qui sacrificabantur. *Porphyrus* ex *Phenicum* Annalibus nobis enarrat *Phenices* hunc *Saturnum Israël* appellasse, qui & Rex eorum erat antiquus, quiq; unigenitum suum filium ad liberandam regnum suum ab instanti belli periculo, sacrificavit. Filii etiam nomen affirmat fuisse *Jeoud*, quod magnam habet affinitatem cum voce Hebraica *יְהוֹדָה*, *Unigenitus*. Totâq; narratio videtur depravatam quandam Imaginem gerere Historiæ *Abrahami* sacrificantis filium *Isaac*, quanquam *Grotius* aliâ sit sententiâ & fortean ex vera rei conjectura; cum error esse possit in Exscriptore aliquo, qui in *1^a* incidens, quod nomen Regis erat qui filium sacrificabat, (*Ἰσραὴν τὸν υἱὸν Κεῖρον*, ut habet *Philo Biblius* ex *Sanchuniathone*) putavit usitatam contractionem vocis *Ἰσραήλ*, cum & *Phenicum* Rex appellaretur *מלך* (quod *Syri* usurpant pro *מלך*) ut *Enochus* nomen gerebat *מלך* quemadmodum *Grotius* plenius nobis edisserit in *Deuteronom. 18*. Verùm tamen illa ratio quam *Seldenus* è *Porphyrio* recitat vera esset, ego tamen non video qui sit opus ut hæc occasio ullam influentiam in remotiores *Europæ* partes haberet, cum *Peruviani* absq; ulla hujus generis invitatione satîs prodigi essent sanguinis filiorum suorum in sacrificando eos *Diabolo*. Cæterum si exempli *Abrahami* fama in *Europæ* partes emanasset, nulla inde ipsis conflare possit excusatio, sed major potius exprobratio criminis tum ipsis tum maligno ipsorum Magistro *Diabolo*, ex eo quod cum Deus recusaret sibi præstari tam exaggeratum rigidumq; Homagium (ad quod jus plenum & indubitatum habebat) id tamen horum manus revincire non valeret nec ab offerendo nec ab acceptando tam cruenta sacrificia.

5. Quamobrem, absq; ulla hujusmodi animatione vel æmulatione credo *Spiritus Apostatas* contemptu & crudelitate ubiq; plenos sponte sua hujusmodi execrabiles ritus in plerisq; veteris orbis partibus instituisse. Ut hic in *Britannia* ubi solebant captivos sacrificare ad prædicenda futura, quemadmodum commemorat *Tacitus*. Idemq; affirmat *Strabo* de *Lusitanis* qui in eundem finem suos captivos sacrificabant *Marti*; *Diodorus* idem scribit de *Gallis* & *Suetonius* de *Germanis*; *Eusebius* etiam de *Thracibus*, qui homines immolabant ut certiores inde fierent de futuro belli successu. Et *Tacitus* de *Mona* Insula, haud procul à nobis distita, ait, Quod sedes erat *Druidum* qui insignes erant hominum Immolatorès, quæ sacra in lucis peragebant. *Lucos* sœvis superstitionibus sacros, ille Author appellat.

6. Nec certè *Græci* liberi erant à cruenta hac superstitione. Nam *Aristomenes Messenius* trecentos homines *Jovi Ithemio* sacrificabat. *Arcades* pueros immolabant *Jovi Lycao*, & *Chii Incole* virum *Diomedis*. *Locri* jussi erant ab Oraculo ad pestem sedandam mittere quotannis ad *Trojam* duas Virgines, quæ primò jugulata concremabantur postea in sacrificium *Palladi Trojana*. Et *Iphigeniæ* macellatio (sub nuptiarum celebrandarum prætextu) per manum Sacerdotis ad aram *Dianæ* in *Aulide*, res est notissima & à *Lucretio* ad vivum depicta, cum hoc Epiphonemate in fine Narrationis.

Tantum

Tantum Religio potuit suadere malorum.

Lacedemonii etiam hominem immolabant *Marti*; Idemq; fecisse *Græcos* universos *Phylarchus* affirmat.

7. *Plinius Romanos* liberos fuisse ab istis sævis impiisq; superstitionibus gloriatur. Verum si eos semper sic fuisse intelligat, inanis invenietur jactatio. Sacrificabant enim olim homines *Saturno*, & *Jovi Latiali*; quemadmodum *Tertullianus* & *Lactantius* notarunt. Et usitatissimus apud eos mos erat tradendi homines Bestiis devorandos in festis suis solennibus quæ huic vel illi Numini celebrabant. Præterea dicuntur sacrificasse quotannis *Romæ* duos *Græcos* duosq; *Gallos* è binis utrisq; marem ac foeminam. Et per totam *Siciliam* & *Italiam* illa barbara sacrificia admodum erant frequentia etiam juxta ipsius *Plinii* testimonium, nec abrogabantur *Romæ*, ante sexcentesium vel septingentesimum annum ab urbe condita.

8. Recensere hîc possumus plures Nationes execrabili hac impietate pollutas, ut *Cymbros*, *Lituanos*, *Ægyptios*, *Rhodi* Incolas, *Salaminis*, *Tenedi*, & *Cypri*, quemadmodum etiam populum *Laodiceæ*. Quibus addas *Indos*, *Persas*, *Arabas*, *Albanos*, aliósque; sed hi quos jam nominavimus sufficere possint, tanquam exempla plena & notabilia rerum pessimè turpissimèq; administratarum à Satana in usurpato suo Imperio in filios hominum.

C A P. XVI.

1. Quatuor adhuc restare breviter tractanda quibus plenius instructi simus ad clariorem *Mysterii Christiani* intelligentiam. Quorum primum sunt *Paganorum Catharmata*. Eorum usus è *Cæsare* demonstratus. 2. Ut etiam è *Statio* & ex *Interprete Aristophanis*. 3. Quid omnes hominum *Immolationes* expiatoriæ reverà erant *Catharmata*. 4. Secundum, *Apotheoses* sive *Divini honores* in defunctos homines collati. Multorum nomina è *Diodoro* recensita. 5. De *Baal Peor*; quòdque omnia ferè *Paganorum Tempia* erant *Sepulchra*. *Prosapia Deorum* notatè à *Lactantio* ex *Ennio*. 6. *Exempla quædam Legislatorum* in numerum *Deorum* relatorum.

1. Satis plenè jam clarèq; *Paganarum Superstitionum Impuritatem & Crudelitatem* vobis ante oculos exposuimus. Quatuor tantummodò restant quæ leviter tangenda sunt, quod postquam fecerimus, equidem credo viam tunc sufficienter à nobis paratam fore ad facilem perspicuamq; repræsentationem totius *Rationis* fabricæq; *Christianæ Religionis* exhibendum, quatenus è sacris *Scripturis* enotescit.

Primum eorum quatuor, quorum mentionem facturus eram, sunt *καθάρματα* *Paganorum*, hoc est *Purgamenta*, *Piacula*; sed *Græca* vox magis propria est & accommodata, quæ mactationem hominis significat, talem utiq; quâ *Pagani* usi sunt ad expianda sua crimina & ad servandos seipfos ab ira & vindicta *Deorum*. Hæc ratio apertè agnoscebatur *Gallis*, apud quos hæc *ἀσθγανόβωια* admodum frequens erat, quemadmodum *Cæsar* observavit. Pro vita hominum nisi vita hominis reddatur, non posse *Deorum immortalium* Numen placari arbitrantur. Ac proinde in gravioribus morbis, præliis, periculis homines pro victimis immolant, aut immolaturos vovent. Quemadmodum *Ortelius* verba citat è *Cæsare*.

2. Hoc Sacrificii genus quoniam ut plurimum factum erat è vilissima fæce *Plebeculæ*, è *Mancipiis* vel *Captivis*, aliisve personis admodum contemptibilibus; *Apostolus*, ut ostenderet quàm vili apud homines æstimabatur, conditionem suam illustrabat locutione ab hac consuetudine mutuata, *ὡς πικραδίσκωτα ἢ ἀλοῦς ἱερῶν θύων*, 1 Cor. 4. 13. Ad hunc etiam ritum *Papinius Statius* alludit ubi introducit *Menecei* matrem eum ad hunc modum alloquentem:

Lustralémne feris ego te, puer improbe, *Thebis*
Devotúmque caput, vilis seu mater, alebam?

Hoc etiam notatur à *Servio* in *Virgilium*. Nihil autem esse potest accommodatius aut ad explicandam locutionem *Apostoli* aut ad apertiùs testificandum Ritus hunc *Paganicum*

Paganicum quàm quod *Hugo Grotius* addit in locum supradictum, è Scholiis in *Plutarchum Aristophanis*. καθάρματα λέγοντο οἱ δὲ καθάρσαι λοιμὸν τινὸς ἢ τινὸς ἐπίσης νόσου δυνάμενοι τοῖς θεοῖς, τὰ δὲ τὸ ἴδιον καὶ παρὰ Ῥωμαίους ἐπικατέστη. h. e. *Homines qui Diis sacrificabantur ad purgandam civitatem vel populum à peste aliòve gravi morbo vocabantur Catharmata, quæ consuetudo etiam apud Romanos vigeat.* Et in alteram Comœdiam Scholiastes *Athenienses* etiam asserit hanc observasse consuetudinem solitòsq; fuisse pauperem aliquem miserumq; Homuncionem in eum usum eligere. Ἐπειγὼν γὰρ τι καὶ Ἀθηναῖοι λίαν ἀγαπᾶν καὶ ἀχρεῖς, καὶ ἐν κατὰ συνφορὰς τινὸς ἐπιλαμβάνει τῷ πόλει, λοιμὸν λέγουσιν, ἢ τοιοῦτον τι, ἴδοντες τούτους ἴσταντο οὗ καθάρσθηναι οὗ μισθωμένοι, καὶ καὶ ἐπὶ πονήματα καθάρματα. i. e. *Athenienses enim parabant viles quasdam ac inutiles personas, & in tempore calamitatis aliqujus civitati ingruentis, Pestem intelligo & similia, hosce sacrificabant, ut hoc pacto purgari possint vel expiari eorum scelera; quam ob causam hi homines Catharmata appellabantur. Quod Latine sonat Piacula vel Purgamenta.*

3. Quin & alia huc asserre possumus Testimonia, ut illud ex *Suida* in vocem καθάρματα, aliq; præterea, sed in causa tam facili hæc debent sufficere. Etenim *Sacrificia* omnia expiatoria quibus Deorum iram sedare instituebant, quoties ἀνδροποδοῖαι erant sive hominum maculationes, (quod per totum terrarum orbem nimis frequenter factum est) hi homines qui sic sacrificabantur erant reverà *Catharmata* propriè sic dicta.

4. Secundum quod eram notaturus, ipsorum sunt ἀποθεώσεις, quo ritu nullus certè erat frequentior apud Paganos, cum nè unus quidem è Diis, ut habebantur, immortalibus esset, cui mortalis aliquis defunctus non erat cognominis ejusdemq; cum illo cultus particeps. *Diodorus* instat in *Sole, Saturno, Rhea, Jove, Pane, Cerere*, & aliis quorum Genealogias, Inventa, præclaràq; facinora Historicus ille particulatim prosequitur in primo libro *Bibliothecæ suæ Historiæ*. Belum etiam nominat *Neptuni* ac *Libyæ* filium, tanquam Ducem *Ægyptiæ* cujusdam Colonix quam duxit in *Babylonem*. Cui similiter contigit atq; innumerabilibus aliis qui insignes erant patriæ suæ Benefactores aut populi quicum conversabantur. Tempia scilicet aràsq; sibi extructas suæq; memoriæ consecratas habebant, & sacrificia Ritùsq; religiosos institutos quibus tanquam immortales Dii colebantur.

5. Et quantum ad *Baal Peor* cui *Israël* se adjunxit, *Psalm. 106.* ubi dicuntur sacrificia comedisse mortuorum, *Beda* Textum ad hunc sensum exponit: *Initiati sunt & sacrificaverunt Baal qui colebatur in Phegor. Belus enim fuit Pater Nini, &c.* Atq; hæc est ratio cur vocantur בְּחֵי מְדִיבִים sacrificia mortuorum, utpote quæ offerebantur Animæ defuncti *Beli*. *Clemens Alexandrinus* in Ethnicorum opprobrium objicit Tempia eorum ferè omnia nihil aliud fuisse nisi sepulchra præclarorum quorundam virorum, quorum memoria immortalitati consecranda prima erat occasio religiosarum illarum solennitatum ac Ceremoniarum quæ ipsis inibi præstabantur. *Lactantius* etiam ex *Ennio* & *Cicerone* planè demonstrat partem maximam Deorum Paganicorum, hujusmodi utiq; quales è *Diodoro* jam recensuimus, homines olim fuisse in terris vitam agentes, profertq; ex *Ennio* Genealogias ipsorum, consilia, & res gestas in hac vita. *Cicero* in libris de Legibus discrimen quoddam ponit inter Paganorum Numina, ubi de rebus Religionis sic statuit, *Divos & eos qui cælestes semper habitati sunt colunto, & eos quos in cælo merita locaverunt, Herculem, Libenum, Æsculapium, Pollucem, Castorem, Quirinum.*

6. *Romani* enim colebant *Romulum* ut *Babylonii Belum*, quemadmodum & aliæ Nationes in Deorum numero eos collocaverunt qui primi Leges ipsis Ritùsq; religiosos statuerunt, ut *Scythæ Zamolxin* & *Chinenses* Reges suos, & particulatim *Legillatorem suum Confusum*. *Minoi* etiam, *Æaco* & *Rhadamantho* propter singularem suam justitiam quæ claruerunt dum in vivis erant, à *Græcis* is decretus est honos ut judices in altero mundo essent apud mortuos. Sed de hoc secundo argumento satis jam dictum est.

C A P. XVII.

1. *Tertium notandum, Mediatio nempe Dæmonum. 2. Hæc superstitio leviter tacta ab Apostolo in 2^a Thimothæa τὸν ἀγγέλον. Quodq; Dæmones defunctorum hominum animæ sint juxta Hesiodum. 3. Ut & secundum Plutarchum & Maximum Tyrium. 4. Authoris conclusio ex his præmissis.*

1. **T**ERTIUM quod observandum erat, sunt Paganorum δαίμονες. Per δαίμονας vero sive Dæmonas intelligo Deos ipsorum medioximos, vel potius eos spiritus qui erant Mediatores (si fas sit eos sic appellare) suprema inter Numina atq; Homines. Juxta hunc sensum intelligendum est illud *Platonis* in suo *Symposio*. Θεὸς ἀνθρώπου ἐ μὲν γυνώσκει, ἀλλὰ διὰ δαίμονιον πᾶσι δὲ ἴσιν ἢ ὁμιλία καὶ ἢ διδασκαλίας διδούς πρὸς ἀνθρώπους. Deus cum homine non versatur, sed quicquid sit commercii & colloquii Deos inter ac homines id omne à Dæmonibus peragitur. Idemq; Philosophus planè disertèq; asserit, quod hi δαίμονες preces recipiunt atq; oblationes quas homines faciunt, easq; Diis præsentant, reportantq; secum ab ipsis munera ac mandata quæ illi aliquo tandem modo cum hominibus communicant. Sed nec hæc solius *Platonis* opinio est sed plerorumq; Philosophorum antiquorum qui quicquam ausi sint definire de rebus Religionis, ut *Zoroastri*, *Thaletis*, *Pythagoræ*, *Celsi*, *Plutarchi*, *Apuleii*, & reliquorum ferè omnium. Immo verò hæc opinio adedò naturalis est, ut inveniatur apud rudes *Americanos*, qui profitentur suos *Zemes* non alios esse quàm Mediatores ac Nuncios à summo Deo qui æternus est & invisibilis; quemadmodum *Petrus Martyr* refert in prima Decade lib. 9. de *Incolis Hispaniole*.

2. Ad hanc Ethnicorum doctrinam obiter spectasse videtur *Apostolus*, *Colos. 2. v. 18.* ἐν ταπεινοφροσύνῃ καὶ δευσιτερίᾳ τὸν ἀγγέλον, prout *Grotius* etiam notavit in eum locum. Neq; enim differentia vocabulorum ἀγγέλῳ & δαίμονι ullam in rebus ipsis differentiam arguit, cum & vox Græca δαίμων idem prorsus significet quod ἀγγέλῳ, quemadmodum & *Philo* observavit. Et utrumlibet vocabulum animæ competit à corpore separata, ut idem Author agnoscit. Verùm δαίμων significat etiam Animam corpori adhuc inexistentem juxta *Xenocratem* ab *Aristotele* laudatum. Ὁμοίως δὲ καὶ τοὺς δαίμονας ἢ ἀνὴρ ὁ δαίμων ἢ πνεῦμα, καθάπερ οἱ Χριστιανοὶ φασὶν τοὺς δαίμονας εἶναι τὸν τὴν ψυχὴν ἔχοντα πνεῦμα ταύτης γὰρ ἰσχυρὸν εἶναι δαίμονα. Quod similiter ille ἰσοδάμων beatus est qui bonum sortitus est δαίμονα sive Genium; quemadmodum *Xenocrates* ait eum beatum esse bonumve Genium habere qui bonam habet animam; Animam enim cujusque, illius esse Dæmonem vel Genium. Sed sensus magis proprius & ad quem maximè in hoc loco respicimus est ille *Platonis*. Cujus suffragio & illud *Hesiodi* addere possumus ex *Plutarcho*. Αἱ δὲ ἀπὸ γενέσεως γινόμεναι ψυχὰ καὶ σχολάζουσαι τὸ λοιπὸν ἀπὸ σωματός, δαίμονες εἰσιν ἀνθρώπων ἰσχυραί καὶ ἠολόδοι. i. e. Animi verò postquam generatione defuncti sunt ac soluti, & hujus mortalis corporis oneribus liberati, Dæmones evadunt diligentèsq; humani Generis Inspectores juxta *Hesiodum*. Unde fortè & ratio nominis deducenda est, quasi δαίμων esset à δαῖω divido, cum idem significet quod Anima separata, & à corpore quasi divisa.

3. *Plutarchus* etiam ipse huic *Hesiodi* sententiæ subscribit. Quod utiq; Animæ à corporibus suis liberatæ Dæmones fiunt vel Genii, quodq; huc & illuc passim vagantur in terris, ut qui observatores sunt ac remuneratores actionum humanarum. Et tamen ipsi *Adfores* non sint, quod tamen *Adjutores* sunt & Animatores eorum qui agunt, quemadmodum homines grandævi juvenilibusq; exercitiis jamdiu defuncti, Civitatis Juventutem in ludis suis atq; exercitiis inter se amant committere, dum ipsi interim otiosi sedent spectatores ac judices. Ad hunc modum sanè *Plutarchus* in libro de *Genio Socratis*, & *Maximus Tyrius* in suis *Dissertationibus* fusè copiosèq; disserunt, conanturq; probare quod δαίμονες sive Genii nihil aliud sunt quàm Animæ hominum qui ex hac vita migraverunt, quique etiamnum hujusmodi negotiis ut plurimum oblectantur, quibus oblectabantur in hac vita.

4. Ex quibus consequitur, Qui erant viri boni, atq; amore & charitate erga genus humanum pleni, post mortem bonos evadere Genios. Quantòq; major eorum charitas est animusq; liberior & diffusior, eò ampliorem habituros esse Provinciam, & Ditionem Inspectionemq; magis universalem, aut saltem eò magis ad id munus idoneos fore, modò sufficientem Potentiam atq; Autoritatem Divinitus sortiri possent, teneròq; illi (quæm fovent erga Gentem humanam) nobilèq; amoriparem.

parem. Et ex eo quod ipsi olim in carne erant eaq; experiebantur quæ ad nostram pertinent conditionem, tantò magis apti commodiq; erunt mediatores rerumq; nostrarum Administratores. Tam consentanea rationi est hæc Paganorum opinio de *Gehiorum suorum intercessu*, ipsorum verò cultus res admodum temeraria, cum aulum solidum sit tam fœdæ superstitionis fundamentum.

CAP. XVIII.

1. Paganorum Heroës, (quod quartum erat ultimumq; notandum) aut Deo aut Deâ aliquâ prognati, quorum posterius ridiculum esse si non impossibile. 2. Prius non omnino incredibile. 3. Francisci Pici opinio de Poëtarum Heroibus à Diis oriundis, quod revera geniti essent impuris aliquibus Dæmonibus, cum Josephi suffragio eò spectanti. 4. Possibilitas rei illustrata ab exemplo Equarum à vento gravidarum ut multi affirmant Authores. 5. Historiæ applicatio, ulterioꝝq; confirmatio à modo conceptus ad mentem Harvæi. 6. Exempla hominum Heroicâ hac genitura celebrium citra tempus μὲν ἢ ἔπειτα.

1. **Q**uartum & ultimum eorum quæ propositurus eram sunt Heroës Paganorum, qui similiter sunt *ἡρώες*, hoc est, *defunctorum hominum Animæ*. Sed speciale aliquod erat in eorum *Nativitate* vel potius *Conceptu*, utpote qui putabantur prognati à Dea aliqua viro compressa, vel à fœmina aliquo compressa Deo. Unde *Plato* rationem reddere conatur nominis *ἡρώες*, tanquam esset ab *ἡρώ* amor, quippe quod Heroës geniti essent Deo aliquo vel Deâ mortalis alicujus amore captis. Hujusmodi erat *Æneæ* generatio, sicut olim opinata est Antiquitas, quem *Venus* peperit *Anchisæ*; & *Achillis*, qui *Thetidis* erat ac *Pelei* filius. Verum ut Deæ, hoc est, Spiritus fœminarum vices explentes, liberos parerent, quanquam sint eis de rebus Historiolæ aliquammultæ quæ pro veris narrantur, nec res fortean prorsus sit impossibilis, mihi tamen admodum incredibilis videtur.

2. Cæterum *Genios* vel *Spiritus* quos Antiquitas *Deos* appellabat fœminas ita impregnare potuisse ut absq; viri ope liberos parerent, mihi non omnino videtur incredibile. Et pleriq; *Heroum* hujus generis fuisse feruntur. Cum major pars eorum qui maximè celebres erant, *Jovis* essent filii Nothi quos ille è diversis fœminis quarum amore captus erat, devîâ quâdam ac erraticâ libidine procreavit. Dicitur enim ex *Alcmena* generâsse *Herculem*, *Pelægum* ex *Niobe*, *Sarpedonem* ex *Læodamia*, *Dardanum* ex *Electra*, *Amphionem* ex *Antiope*, *Minoem* & *Rhadamanthum* ex *Europa*, ex *Leda* *Castorem* & *Pollucem*, & ex *Danaë* *Perseum*. Quatuor illius ultima adulteria scitè comprehenduntur Disticho ab Epigrammatista, cum rationibus technisve quibus usus est in aggrediendo has fœminas.

Ζῆς κλέψας, ταῦτ' ἔστυς, χερσὶ δὲ ἑσπῶτα
 Ἀλκμῆς, Ἐυρώπης, Ἀντιόπης, Δανδῆς.

3. Quod non potui me abstinere quin recitarem, cum prima transformatio ibi nominata, *Jovis* scilicet in *Cygnum* conversi (quando rem habebat cum *Leda*) mihi in memoriam revocaret *Ludovici* historiam, Dæmonis familiaris illius *Sagæ* cujus res *Franciscus Pici* tam copiosè describit, quem illa confessâ est quanquam in reliquis corporis partibus humanâ specie, pedibus tamen anserinis rem cum ipsa habuisse. Sed illud quod notatu maximè dignum est in illo Dialogo est ingeniosa illa *Pici* conjectura de istis Poëtarum fabulis, prout quidam eas æstimari volunt. Ille enim in ea est opinione quod notabilis quædam veritas eis subesse possit quantum ad *Heroum* Generationem: quodq; apud rudem Antiquitatem, quando Diaboli Dominium latiùs liberiùsq; se extendebat, genùsq; humanum magis fatuum erat & imperitum, reverà tunc erant, idq; frequenter hujusmodi congressus coitùsve venerci impurorum spirituum cum fœminis, juxta eam consuetudinem quam ad hunc usq; diem *Sagæ* profitentur se observare, præsertim in Conventiculis suis Genialibusq; Conviviis Nocturnæ illius Solennitatis quam *Ludum Domina* vocant. Antiqui *Ludum Dianæ* vel *Ludum Herodiadis* appellabant. Ubi *Sagæ* sicut ipsæ confitentur, edunt, bibunt, Choreas agunt, eaq; cum impuris Dæmonibus perpetrant quæ honestus

neſtus pudor ac verecundia vetat nominari. Qui luſus ac laſciviæ antiquis illis temporibus talem aliquando ſortiebantur effectum, ut ſcœminæ, vel *Picus* autumat, gravidæ factæ ſint à Dæmonibus ſive Geniis qui Ethnicorum olim Dii exiſtimabantur. Unde viri celebres ac illuſtres orti ſunt, & qui non ſolùm putabantur, ſed reverà erant ex ſtirpe Deorum prognati, ſecundùm eam utiq; opinionem quam ipſi habebant de Diis. *Joſephus* Author quidem gravis priſcorum Gigantum generationem ad eum modum factam fuiſſe agnoſcit, quibus aſcribit omnem illam impietatem & injuſtitiam quæ in mundum irreperſerant ante Diluvium *Noe*: πολλοὶ γὰρ ἄγγελοι τοῦ ζυγαίου συμμυρίσιν ὑβριſτὰς ἐγείναντες παῖδας ἐν ταῖς ὑπερφύλλας καλῶ, διὰ τὴν δὴ τὴν δύσδου πτωχολογίαν, quemadmodum ille ſcribit primo libro *Antiquitatum Judaicarum*. Multi enim Angeli Dei ſcœminis coëuntes, liberos genuerunt inſolentes & injurios omniſq; bonitatis contemptores, propter propriarum virium fiduciam.

4. Et tametſi hoc incredibile aliis videri poteſt, res tamen multò magis mirandæ aſſeruntur de conceptu ſcœminæ abſq; ope maris etiam in perfectiſſimo genere Animalium. Ut illud quod *Virgilius* affirmat in *Georgicis* de quibuſdam vivacibus ſtrenuiſq; Equabus quæ à vento conceperunt.

Ore omnes verſe in Zephyrum ſtant rupibus altis
Exceptantq; leves auras; & ſæpe ſine ullis
Conjugiis, vento grvida (mirabile dictu!)
Saxa per & ſcopulos fugiunt. —

Quod *Silius* etiam *Italicus* breviter ſed ad vivum exprimit de Equabus ſuæ Patriæ, *Hispanicis* ſcilicet.

Et venerem occultam genitali concipit aurâ.

Quæ nè fortè ſuſpiceris pro ea quæ ſunt levitate & credulitate à Poëtis ſolummodò enarrari, tibi porrò affirmare poſſum quòd & *S. Auguſtinus* & *Solinus* Historicus idem tradunt de Equorum progenie in *Cappadocia*. Immodò verò, quod adhuc magis ad noſtrum facit propoſitum, *Columella* & *Varro* viri rerum Ruſticarum expertiſſimi eandem rem aſſerunt tanquam certam probèq; cognitam veritatem.

5. Quamobrem cùm agnoſcendum ſit *Ærē liberum* accendendo ſpiritus horum Animalium eoſq; actuando ſale quodam volatili, ipſa implere poſſe tantā vitæ gaudiūq; copiā, ut matricēs ipſorum faciat germinare, ut ſic dicam, poſteāq; maturos fructus edere; Cur non & *ſpiritus Aëreus* transformans ſeipſum in figuram viri, illius vicem cum effectū poterit ſupplere? quandoquidem, quod & ipſæ *Sagæ* conſentunt, acriorem altiorēve voluptatem excitare valet quàm quivis vir poteſt, atq; itā corpus ſolvere in tranſmiſſionem ejuſmodi principiorum & particularum quæ ſui confluxu in matricem vitales inveniantur & prolifica. Quod eò facilius admitti poteſt ſi conſideremus Semen maris nec materiam nec formam ipſi *Fœtui* contribuere, ſed ad inſtar *Silicis* & *Chalybis* fomitem tantummodò accendere, quemadmodum ſuper hac re philoſophatur *Guilielmus Harvæus*. Adeò ut nihil opus eſſet Paganorum Diis, cùm rem cum mulieribus habituri eſſent, tam multis uti ambagibus quàm vulgò homines exiſtimant, ut primò ſcilicet partes *Succubi* agerent, deinde *Incubi*, hoc eſt, ut primo ſemen viri reciperent, transformando ſe utiq; in figuram ſcœminæ, poſteāq; ſemen in ſcœminæ matricem transfunderent, poſtquam ſeipſos mutaverint in formam viri. Propterea quòd non ſit materia ſeminis, ſed gratus contactus motūſve fermentationem quandam ſpirituofūmq; vigorem Conceptūs loco imprimens, qui ſcœminam facit prolificam. Tanta ſanè eſt Probabilitas aliquid veri ſubefſe illi famæ de ortu antiquorum *Heroum*, quanquam eorum tempora propter hitorix incertitudinem vocatur ab Historicis *χρόνος μυθικός*, æquè ac *ἡρώικος*.

6. Sed tam alta hæret ſuſpicio in mentibus hominum eſſe quidem aliqua huius generis eventa in mundo, ut auſi ſint quædam proferre exempla intra Hitorici temporis limites à probatis ſcriptoribus celebrata, ut *Alexandri* & *Scipionis*, quos multi opinati ſunt filios eſſe *Jovis*. Et *Diogenes Laërtius* comptam ſanè & elegantem Hitoriam nobis enarrat de *Periſſione* matre *Platonis*, quam ab *Apolline* impregnata fuiſſe aſſerit, quod & confirmat trium diſtinctorum Scriptorum teſtimoniis, *Spentiſſippi*, *Clearchi* & *Anaxilidis*.

CAP. XIX.

E principiis quæ posuimus historiisq; Religionum Gentium quas in medium protulimus facile esse rationem reddere rerum omnium quæ ad Servatorem spectant à Nativitate usq; ad visibilem ejus reditum ad Judicium. 2. Christianitatem summam esse & Perfectionem rerum omnium laudabilium vel tolerabilium quas ulla unquam in terris Religio complexa est. 3. Assertio confirmata enumeratione certarum quarundam partium. 4. Quod Religio nostra ad Gentes videtur magis præcipuè dirigi quàm ad ipsos Judæos. 5. Enumeratio principalium Caputum in Historia Christi, quorum rationem reddere instituit.

1. **O**missis jam nihil nos opinor quod alicujus momenti esse poterit ad præsens Institutum, cum ad viam præmunendam ejusmodi jecerimus fundamenta quæ satis instructos nos redditura sunt ad solidam rationem offerendam earum rerum omnium quæ in historia Christi occurrunt, quæcunq; ipsi contigerunt, quæcunq; per ipsum facta sunt aut olim facienda, à Nativitate usq; ad Visibilem ejus reditum ad Judicium. Etenim præterquam quod nulla illic effecta commemorantur adeò miraculosa ut excedant efficaciam invisibilium illarum Potestatum quas nos demonstravimus in mundo existere, ita & Rationabilitas præterea uniuscujusq; rei facile illustrabitur ex eis quæ indicavimus de Christianitatis natura atq; scopo, nempe ut Divina vita in terris quantum fieri potest promoveatur, iisq; qui illius facti sint participes ad æternam perducantur beatitudinem. Interea verò loci ut mundus redimatur ex Dominio & Tyrannide Diaboli, Christi q; cultus introducatur tanquam legitimi Proprietarii omnis Primatus in cælo atq; in terra. Idq; non externâ vi aut violentiâ sed mirandâ Dei sapientiâ quæ in Evangelio revelatur, quippe in quo tam blandæ sunt condescensiones amicæq; suiipsius demissiones ad facultates humanas, & tam illecebrosæ pariter ac honestæ humanorum affectuum inescationes obligationesque, ut quum primum ipsum audiverint, facile ingenuos captivos abducturum sit in sui obedientiam, cum gaudio in cordibus lacrymisq; in oculis præ gaudio obortis, toto homine quasi colliquefcente in facilem tenerumq; consensum cum hac nova lege Gratiæ, inter hos jucundos sensus Amoris, Doloris, & Lætitie; ut nihil dicam de justo illo contemptu & indignatione quibus corripientur contra illas Religiones quibus antea illigati erant, aut ob infirma earum & egena Elementa, aut ob abominanda sacrificia & Ceremonias.

2. Quicquid enim defectus sit in qualibet Religione Christus illud abunde supplet. Ubi verò Ritus earum execrabiles sunt & detestabiles, ibi apertè adversatur tum sædis obscenitatibus tum sævis crudelitatibus Satanæ. Quæ verò propensiones in humano genere proclivitatisve erant magis innocenter naturales, istis quidem gratificatur priori sublimiori; modo quàm unquam ipsis hætenus gratificatum est in ullis terræ partibus. Adeo ut reverà Christianitas non sit solummodò Judæismi complementum & perfectio, sed & universi Paganismi, cum summa & substantia earum rerum omnium quæ in ulla unquam Religione ullius momenti erant, Christi Evangelio comprehendatur. Quod idcirco reservabatur ad ultimas temporum periodos, tanquam ἀνασφαλιστικῶς vel Recapitulatio omnium quæ antecesserunt, quemadmodum loquitur Apostolus in Epistola ad Ephesos, *Ut in pleni temporis dispensatione summam recolligeret vel repeteret* (sic enim significat verbum ἀνασφαλιστικῶς) *omnia in Christo, tum quæ in cælis sunt tum quæ in terra.*

3. Nam quantum ad illa quæ in cælis sunt, sive objecta sint Paganorum cultus, ejusmodi erant eorum ἀνιδωδίστου, homines in Deorum numerum relati, atq; Heroës, sive fiducia quam collocabant in Diis suis medioximis inq; mediatione & intercessionem suorum Dæmonum, seu quæcunq; spes obscura quam habere possent quod & ipsis aliquando Deorum vita adipiscenda esset in cælis post mortalis hujus corporis dissolutionem; omnia hæc compendiosius, & tamen veriùs, planius, pleniorq; jure comprehenduntur in Christo. Quemadmodum & illa quæ in terra sunt, ut Judæorum sacrificia & Paganorum κατήχαια, tam multi tamq; curiosi Ritus ac Ceremonie Expiationis & Purificationis, hæc omnia aptius & efficacius continentur in Baptismi Sacramento, & in celebratione Mortis Domini Servatoris quàm in ullis Ritibus Nationum.

4. Ac profectò omnia tam peritè guaréq; ad Ethnicorum Religionem collineantur in

in actionibus rebûsq; ad Christum pertinentibus, ut eis potius destinatus videri possit & præstitutus quàm ipsis Judæis, quamvis prima ipsis facta sit optio utrùm eum recipere vellent an repudiare. Ità ut consiliùm Dei manifestum sit æquè ex *formatione* Religionis Christianæ atq; ex illius *effectibus*. Atq; hæc sufficiant ad subindicandam in genere naturam & constitutionem Christianitatis.

5. Verùm rem in genere sic perstrinxisse nos non erimus contenti, sed pergemus porrò ad rationes magis particulares, applicando fundamenta quæ posuimus ad notabiliores res omnes quæ in historia Christi continentur, quas ad hæc capita referemus. Ad illius utiq; *Nativitatem, Vitam, Crucifixionem, Resurrectionem, Ascensionem, Ascensionem, Intercessionem, Principatûmq;* in homines & Angelos. Ad *Spiritus sancti missionem* in Apostolos, horûmq; omnium successum in mutando statum mundi, & subvertendo regnum Diaboli. Ad *visibilem illius reditum ad Judicium* ad vindictam sumendam de impiis & ad perficiendam Redemptionem Fidelibus, coronando omnes eorum labores adversôsq; casus quos subierunt gloriâ & Immortalitate, eosq; restituendo ad gaudia illa Paradisiaca quorum jam olim perdiderant jus quibûsq; prorsus exciderant per dolos ac invidiam Diaboli. De hisce omnibus eo quo proposuimus ordine & quàm maximâ fieri poterit brevitate, agemus.


MAGNI

MAGNI MYSTERII PIETATIS EXPLANATIO.

LIB. IV.

CAP. I.

1. *Christum è Virgine nasci non est res Impossibilis: 2. Nec id solum sed & Ratio-
nabilis est propter Heroas Paganorum. 3. Utq; externa hæc Nativitas symbolum
esse possit æternæ illius Filiationis. 4. Tertio, Propter propriæ illius Personæ sancti-
tatem, & ut Continentia inde & Castitas mundo commendetur. 5. Postremo, ut
impleantur quedam sacrarum Paganarum Prophetiæ quæ Messiam indigitant.*

1.  *E* Nativitate Christi, deq; rebus cujusmodicunq; quæ per miracu-
lum aut ipsi contigerunt aut ab ipso factæ sunt, spero me satis solidam
rationem redditurum si quidem earum non solum *Possibilitatem* sed
& *Rationabilitatem* ostendero. Et certè non est omnino impossibile
ut *virgo* filium pariat, dummodò mentem sensumq; illius vocis rectè
intelligamus, quæ *fœminam* significat quæ rem nunquam habuit cum viro. Nihil
enim repugnat quin concipiat ab alia aliqua abdita causa, ac proinde *Omnipotentia*
saltem *divina* de facili illud efficere potest. Utrum enim factum difficilius est, omni-
ânè creare ex nihilo, efficerèq; ut Plantæ & Animalia è terra sponte nascantur absq;
ope maris aut fœminæ, an Matricem virginis ita præparare, ut possit sine ope viri
concupere? Quamobrem negare hujus rei *Possibilitatem* est planè negare existentiam
am Dei in mundo.

2. Verùm hoc non solum *Possibile* est, sed & *Rationabile*. Nam præterquam
quòd in genere Personæ convenit tam extraordinariæ, quàm est Servator noster, ut
comitaretur in adventu miraculosis indicationibus suæ Eminentia, est & præterea
conceptus ortusq; ejus per vim supernaturalem facti peculiaris quædam ad eas sive
Historias veras sive vehementes Paganorum suspensiones Adaptatio: Qui tam facile
credebant celeberrimos eorum *Heroas*, quorum memoria tamdiu apud ipsos florebat,
adeoq; sacra erat ut divinos ipsis honores præstarent, non ex mortali prosapia sed ex
stirpe Deorum fuisse oriundos, quemadmodum supra notavimus. Quod quidem mo-
do verissimo eminentissimòq; factum est in *Nativitate* Servatoris.

3. Rursus, Christus extra corpus consideratus, cum non sit mera humana Anima,
sed verè, *vitaliter*, & *realiter* unita cum *aby*, est reverà per unionem *æternus filius*
Dei. Jam verò cum id futurum esset quod S. Johannes narrat in principio sui Evan-
gelii, *Verbum caro facta est*, Ille qui natus est *Mariâ* (*Josephi*
sponsâ) cum ille, inquam, verus & genuinus Dei sit Filius à Patre genitus ab omni
æternitate, omq; etiam præstituto tempore in hunc mundum gignendus esset, quis
tam idoneus cui ascriberetur illius procreatio quàm ille qui & Author erat æternæ
ejus Generationis? Ac proinde virgine gignendus erat, & viâ quâdam supernaturali
concupiendus, ut *visibilis* ejus *humanitas* æquè ac *interna Divinitas* justam præ-
beret

beret occasionem cur appellaretur *filius Dei*, unumq; alterius esse posset quasi quoddam *Symbolum*.

4. Tertio, Vidimus quàm undiquaq; abominabili *obscenitate* & spurcitie secrete superstitione *Paganorum*. Ut nihil dicam de uxoria carnalitate *Judeorum*, deq; illa Impuritate quæ ab omnibus Nationibus (nisi fortè ubi superstitione eas in fœdam obduraverit *Bestialitatem*) in actibus venereis agnoscitur: quandoquidem utplurimum eas partes quas Natura istis usibus destinavit, ab oculis hominum occultabant, quippe quod pudebat eos agnoscere se tam vili abjectoq; sensus generi subjectos. Ut Christus igitur nasceretur juxta communem hunc generationis modum planè indecens erat, nè quid inde videri posset incitamenti addere hominibus ad ea ad quæ tam insano impetu pleriq; omnes suâ sponte feruntur, nihil obstante fræno illo pudoris quo Natura ipsos videtur retrahere velle & cohibere; Eoq; adhuc magis, cum & ipse in mundum venerit ut summum humano generi exemplare esse posset *Puritatis*. Quam ob causam etiam à toro nuptiali abstinuit, vitamq; virginem verbis factisq; commendavit. Quod certè potiori jure quàm quivis alius facere potuit, cum ipse pignus esset sincerorum illorum cœlestiumq; ac æternorum Gaudiorum longè firmitus quàm unquam antehac mundo est revelatum. Quamobrem partim ut contraireret Paganismi impuritatibus, partim ut Sectatores suos ad debitam æstimationem invitaret *Continentiæ* & *Castitatis*, tanquam quæ magnam vim habeant ad animam purificandam, efficiendumq; ut eas demum voluptates sapiat quæ sunt reverà *Divinæ*; ipse carnem nostram non dignatus est assumere isthoc modo, qui cum crassissimarum corporis voluptatum sensu conjungitur, nec postquam eam assumpserat, propriis illius gaudiis frui, nè legitimâ quidem illâ sub conditione Matrimonii, quippe qui eo fine in mundum venerat ut vile & contemptibile reddat quicquid summi pretii est, dulcissimq; saporis apud *hominem naturalem*.

5. Quarto & ultimò, Cum è *Virgine nasci* unus sit è characteribus *Messie*, quem admodum vel prima illa de ipso Prophetia, sensu magis proprio & emphatico, (quod utiq; *semen Mulieris* (quatenus ipsi opponitur, vel potius excluditur, *viri semen*) *contritum esset caput Serpentis*) videtur innuere; ut & explicatio illa allusio vivusq; Typus apud Prophetam *Isaiam* de virgine filium concipiente cujus nomen esset *Emanuel*, accuratissimè præfigurare: Hoc, inquam, non parum addit ad congruitatem hujus miraculosæ conceptionis Christi in virginis matrice. Quæ omnia junctim considerata plus satis sunt ad sufflaminandum blasphemias illas suspiciones stolidorum impiorumq; hominum ad eosq; convincendos quod non ad regendum lapsum aliquem moralem in matre Christi factum sit, ut is à sancto Spiritu genitus diceretur, sed quod ita reverà erat, atq; sic à Divina sapientia consilioq; determinatum. Cujus potissima erat Ratio (ut ego quidem judico) ipsa Animæ Servatoris *sanctitas*, pervicaxq; propositum vilificandi pollutas corporis voluptates, & retrahendi hominum mentes ad studium *Puritatis*, qui insignis ramus est *Divinæ* illius *vite* quam ille venit in hunc mundum ut excitaret.

C A P. II.

1. Quod quemadmodum Virginitas matris Christi Puritatem mundo commendabat, ita & ejus tenuis conditio Humilitatem, ut & aliæ circumstantiæ Nativitatis Christi. 2. De salutatione Angeli Gabrielis & de Magis. 3. Historiam Itineris ipsorum fidem corroborare, rationemq; non esse sed stupiditatem, quæ tam agrè admittit Angelorum ministerium. 4. Institutum ejus de continuando Parallelismo, Christi vitam inter & Apollonii Tyanei. 5. Apollonii pro sapia & natiuitas vitam Animalem quàm rancidè oleant. 6. Angelorum cantilena & musicorum Olorum saltatio in partu Apollonii comparatæ.

1. JAM verò quemadmodum ejus è *Virgine* natiuitas *Puritatis* erat commendatio; ita quod natus sit è tam tenuis fortunæ virgine quàm erat Sponsa Carpentarii commendatio rursus est *Humilitatis*. Est enim notatu dignum, Christum datâ operâ vilificasse & pro nihilo habuisse quicquid in pretio est præcipueq; charum *vite Animalis*; & hujusmodi sunt ea omnia quæ ad honorem nostrum faciunt & existimationem apud homines. Quorum sanè minima non censetur *Parentum nobilitas*. Sed

& aliæ *Nativitatis* circumstantiæ ad eundem collineant scopum. Etenim simul ac venisset in hunc mundum, ipse specimen præstitit illius præcepti quod postea docebat alios. *Vilissimum utiq; locum sibi delegit in hospitio.* Et quanquam hæres erat rerum omnium & destinatus Princeps Angelorum atq; hominum, extrudebatur tamen è medio ipsorum & cogeatur lectum habere in stabulo inter bruta animalia. Verum in hac humili conditione dum tam fœdè negligitur à superciliosis mortalibus, Angeli tamen cœlesti cantilenâ illius celebrant *Nativitatem*, lætum illius nuncium communicantes, non quidem cum *sapientibus* aut *nobilibus* hujus mundi, nec cum *eruditis Rabbinis Rectoribusve populi*, sed cum hominibus qui *abjectam* sed *innocentem* vitæ rationem colebant, cum pastoribus utiq; greges suos noctu custodientibus. Quæ omnes *Nativitatis* ejus circumstantiæ, videmus quàm rationabiles sint, quàmq; aptam rerum optimarum significationem habeant ac decoram.

2. Neq; Angeli *Gabrielis* salutatio super hac re, illiûsq; ad *Mariam* prædictio, inutile quoddam est & supervacuum *Urbanitatis* specimen. Verum erat quodammodo necessarium, ut quod ipsi eventurum erat ei prædiceretur, nè exanimaretur modesta virgo dum animadvertibat ventrem intumescere, illiûsq; rei causam penitus ignorabat. Idemq; dici poterit de *Magorum* Itinere, quod non frustra Historiæ insertum sit ad speciem pompæve, sed cum fama expectationis *Messie Judeorum* circa ea tempora, in totum ferè Orientem emanasset, quod hi *Genethliaci* quibus solenne erat seipsos in nativitatibus, mirisq; mundi eventis exercere, inter astra aspicienda, detegentes ut ipsis videbatur, stellam novam illiûsq; motum observantes, ducebantur hoc pacto ad ipsum locum in quo jacebat *Judeorum* Infans Rex, ubi & ipsum coluerunt non quidem ut filium Dei sed tanquam unum aliquem quem putabant aliquando fore præpotentem hujus sæculi principem. Ac proinde ut ipsum ad sibi patriæq; suæ favendum devincerent, tam maturum ipsi honorem præstiterunt.

3. Quanquam verò nihil ampliùs quàm quod dictum est, ii intendebant, tamen cum tam celebre facinus esset, non potuit non promovere eorum fidem qui ad Evangelii professionem vocandi erant. Quin & erat præterea prælusio quædam ac præfiguratio promptitudinis alacritatisq; *Gentilium* præ *Judeis* ad recipiendum Christum tanquam eorum *Principem* & *Redemptorem*; quemadmodum & prælibatio illius gloriæ quæ tandem Christo obventura erat propter magnam illam submissionem sui ipsius & nusquam æquiparandam *Humiliationem*. Adeo ut nihil possit circumstantias Historiæ illius *Nativitatis* incredibiles reddere, nisi *ministerii Angelorum* mentio inibi facta. Quod tamen nemo cavillari potest nisi qui nullos prorsus credit esse Angelos neq; bonos neq; malos. Neq; quisquam potest tam incredulus esse, nisi qui ineptas stupidi sui Ingenii suggestiones perpetuis omnium ætatum omniumq; Gentium testimoniis præferat. Quæ semper novas subinde habuerunt Instantias *Apparitionum* & *Confederationum* cum *malis Geniis*, recentisq; occasiones irrogandi eas poenas quas contra *Sagas Magosq;* impios lege olim constituerant.

4. Transeundum mihi nunc esset ad secundum caput quod proposui, nisi quod abstinere me non possim quin leviter saltem circumstantias tangam *Nativitatis* famosi illius Corivalis nostri Servatoris, *Apollonii* scilicet *Tyanei*. Cujus historia à *Philostrato* scripta, quanquam eam tanquam rem mixtam, partim utiq; veram partim falsam, considero, tamen, cujusmodicunq; sit, cum designata esset pro summæ perfectionis exemplari, cumq; *Pagani* eum hominem Christo nostro æquarent, operæ pretium duxi quàm rancidè tota illius historia *Animalem vitam* redoleat, quàmq; difficilis res sit sive in *actionibus* sive *scriptis* imitari illud quod reverà *sanctum* est atq; *divinum*, obiter ostendere. In quem finem, brevem ego historiarum utriusq; in præcipuis earum partibus instituam *Parallelismum*, ut & *Gravitas Divinitasq;* unius & ridicula alterius *levitas* & *carnalitas* dispici faciliùs possint & discerni.

5. Quemadmodum vel in primo hoc quod occurrit planum est & manifestum, quod & uno verbo absolvi potest. In eo enim quod *Philostratus* scribit quàm antiquâ ac illustri Prosopiâ quàmq; opulentis parentibus oriundus esset *Apollonius*, eumq; Originem duxisse à Civitatis *Tyane* fundatoribus ubi erat natus, an non hoc id ipsum est quod omni melle suavius est & jucundius *homini naturali*, talèq; quod nulla *sancta* & *divina* Anima in ullo habitura esset pretio? Huic affine est quod mater ejus à famulis suis deducta in pratum quod per visionem remissa erat, dum servulæ inibi sursum deorsum vagabantur fasciculos corollasq; è floribus componentes (O rem elegantulam delicatam & pompaticam!) ipsaq; ludibunda jacebat in gramine, in levem tandem somnum labitur, Oloribus interim in orbem se circa eam collocantibus, moxq; saltantibus & alas complodentibus canentibusq; tam arguto dulcisq; accentu ut tota vicinia jucundissimâ ipsorum melodiâ perstreperet, quippe qui in-

spirati quodammodo gaudióq; abrepti videbantur propter molles afflatus suaviter frigefacientis Zephyri. Quædum fierent Heroína somno excitata continuò pulchrum entia est puerum, qui secundùm Patris nomen appellabatur *Apollonius*.

6. Amœnitas historiæ quàm grata est carni & sanguini quàmq; consentanea! Verùm quàm ridiculum est illud Tripudium cornicinumq; Olorum canor, si cum cœlesti sanctorum Angelorum melodia in nativitate Christi comparentur? Illud enim quamvis verum esset, non esset tamen nisi ludicrum quoddam Prodigium, lepidáq; præsignificatio, *Apollonium* hunc, hominem fore monadicum & singularem, nec usitati moris & ingenii, inservitq; solummodò famæ illius fovendæ latioriq; nominis celebrationi. Hæc verò gravis & seria indicatio est *Bonitatis Divinæ* Amorisq; sanctorum ejus Angelorum erga homines, prædictioq; illius *pacis & gratiæ* quæ ipsis administranda erat per *Jesum Christum* qui tunc erat natus. En, inquit primus ille Angelus, cujus gloriosa præsentia magno splendore perterritos pastores circumfulsit; En, inquit ille, *ingentem ego vobis nuncio letitiam toti populo futuram. Vobis hodie scilicet natum esse Servatorem qui est Christus Dominus*. Continuóq; postea de repente extitit cum hoc Angelo cœlestium copiarum multitudo Deum laudantium & dicentium, *Gloria in supremis Deo, & in terrâ pax: erga homines benevolentia*.

CAP. III.

1. Quicquid per miraculum Servatori accidit vel ab ipso factum est usq; ad ejus Passionem, impossibile videri non posse illi qui Deum tenet & Angelorum ministerium.
2. De descensu Spiritûs sancti vocéq; de cœlo missâ in illius Baptismo.
3. Cur Christus omnimodis asperitatibus & Tentationibus se exposuerit.
4. Et particulatim cur tentatus esset à Diabolo, cum responso ad objectionem de Diaboli audacia qui ausus sit Dei filium tentare.
5. Quomodo dici posset omnia ipsi terræ Regna monstrare.
6. Ipsius quadraginta Dierum Jejunii ratio;
7. Ut & Transfigurationis in monte. Tres primæ rationes.
8. Quid sibi id voluerit quòd Moyses & Elias recesserint Christûsq; relictus sit solus.
9. Ultima ratio illius Transfigurationis, Quòd utiq; erat in confirmationem illius Resurrectionis & Immortalitatis Animarum.
10. Testimonia de cœlo circa Personæ Christi Eminentiam.

1. **D**ictum est de Nativitate Christi. Progredimur nunc ad illius *Vitam*; in qua considerabimus solummodò ea quæ ante *Passionem* illius aut *extraordinariis* quibusdam modis *ipsi* acciderunt, aut *ab ipso* per miraculum sunt patrata. Inter quæ nihil reperietur impossibile illis qui *existentiam Dei* agnoscunt, & *actuosam Diabolorum malitiam ministeriumq; Angelorum*. Cæterùm id quod insinuare vellem maximè, est competentia illa ac congruitas rerum omnium ad tam *sanctam divinamq; Personam*. Quod ut distinctius appareat monstrabo semper postea differentiam inter verum hoc Perfectionis solidæ exemplar, Christum utique, & falsum illud specimen e mentitæ sanctitatis, in illo Impostore *Apollonio*, quem recentiores *Ethnici* tanto honore sunt profecuti.

2. Præcipua quæ Christo, viâ extraordinariâ, ante *Passionem* ejus obtigerunt, hæc tria sunt. 1. *Descensus Spiritûs sancti super eum in forma Columbæ quando baptizabatur, & emissio vocis de cœlo dicentis, Hic est meus charissimus filius qui mihi acceptus est*. 2. *Diaboli Tentatio in jejunio ejus*; &, 3. *Illius Transfiguratio in monte*.

Quantùm ad primum, satis gravis certè causa erat illius miraculi. Etenim cùm Deus apud seipsum instituisset dare aliqua *Divinæ vitæ* initia in mundo per filium suum *Jesum Christum*, cur non cohonestaret principia illius Ministerii per insigne aliquod miraculum, per quod homines excitari possent ad observandum eum agnoscendumq; ipsum esse *Messiam* à Deo missum. Prout *Johannes Baptista* professus est se ea de re certum esse ex hac ipsa Indicatione. Cùmq; aliquam extraordinariam deberet esse apparitionem, hæc columbinâ quæ poterat esse aptior? quippe noto *Manusuetudinis & Innocentiæ* Symbolo, inseparabilium illorum ramulorum *Divinæ vitæ* atq; Spiritûs. Et ubi opportuniùs quàm cùm Jesus tam insigne specimen dabat suæ *Manusuetudinis* atq; *Humilitatis*, ut pateretur se lavari tanquam si *pollutus* esset, cùm tamen *luce* purior esset & *nive*, & in *forma* inveniri *discipuli Johanni* cùm tamen posset & ipsum & mundum reliquum universum *Mysteria Dei* edocere? Quod notari

notari potest in æternam ignominiam quorundam nimium sibi placentium *Enthusiastarum*; qui opinantes se aliquid extraordinarii nactos esse intus, laudabilia Ecclesiæ instituta contemnunt & aspernantur. Quod *superbiæ* eorum argumentum est infallibile, quemadmodum & hoc *Humilitatis* Servatoris. Cæterum dum hic seipsum humiliabat, Deus interim eum è contrâ æquè altè extulit, superaddens huic muto spectaculo, articulatam è cælo vocem, ut eo certiores faceret adstantes quòd hic ipse *Messias* esset verusq; *Dei filius*.

3. Quod *Diaboli* porro *tentationem* spectat quâ Christum tentavit, idem ferè significat quod cæteræ vitæ ipsius asperitates. Etenim cum *Regnum Satanae* per *Dei Regnum*, quæ Ecclesia est, diruendum esset patièdo, & devincendum, Christus Servator seipsum sistit exemplum tolerandarum omne genus Tentationum & afflictionum maximarumq; difficultatum quæ occurrere possunt: In modum utiq; sapientis fortisq; Imperatoris, qui milites animat, ex professâ animi promptitudine & alacritate paria ubiq; sustinendi cum eis, quibus imperat. Quod *Polyænus* refert stragemâ fuisse *Iphicratis*, qui cum opportunitatem fore videbat milites educere ad invadendum hostem perquam frigidâ ac pruinosâ nocte, eorumq; observabat aversionem propter acerbissimam tempestatis, vestitusq; tenuitatem, confestim se tenuius vestivit quàm ii qui vestitu utebantur vel maximè tenui, nudisq; pedibus à tentorio ad tentorium itabat ut seipsum sic ostenderet militibus; quod ita sanè eos animabat, ut sine mora se ad inceptum accingerent sub ductu tam fortis & sapientis Imperatoris.

4. Atq; ea propter Christus similiter ut animaret Sectatores suos, prævit ipsis in omne genus difficultatibus; non solum in paupertate, in ignominia, in constanti rejectione omnium voluptatum, divitiarum & honorum hujus præsentis sæculi, ut cui incumbere fidem stabilire melioris; sed & traditus etiam erat ut tentaretur à Diabolo, nè nos exanimaremur in ejusmodi conflictibus, nesciremusq; quomodo oporteret nos gerere quando ipsis illigamur. Etenim quòd tam securè transveheretur in Aëre, per manum Diaboli ad iustar innocuæ alicujus Avis unguibus accipitris abreptæ, nec tamen interibi animo deficeret, quid illud esse potest nisi eminentissimus effectus ejus *Fidei* in Deo vivente quæ est ipsa *radix* origoq; intima *Divine vitæ*? Idem dici potest de *miraculo* ejus *jejunio*. Ipse enim respondens Tentatori professus est hominem non solum ex pane vivere sed per *fidem in illo verbo quod sustentat omnia*. Illud etiam observatu dignum est quod *Grotius* notavit in locum; Triplicem scilicet hanc tentationem quâ Diabolus Christum tentavit usitatissimam esse maximèq; validam quâ genus humanum aggreditur: *Egestatem* putâ, *confidentiam Prædestinationis* & *spem splendoris humani*, (præsertim apud eos qui è molliusculis carnis illecebris & cupiditatibus se expediverint.) *Utilitas* verò tentationis Christi est, quòd accuratè antè per eam erudiamur quonam modo nos oporteat conflictare. Quamobrem Historia illius tentationis oppidò quàm decora est & rationi consona! Nec sanè quòd Diabolus Dei filium adoriretur, narratio eò minùs redditur credibilis. Nam verisimillimum est eum nondum fuisse certum quòd talis erat, eo nempe sensu quo nos intelligimus eum esse Dei filium. Quæstioq; est, utrùm omnes etiamnum Diaboli persuasi sint talem esse, qualem nos meritò eum credimus. Cæterum ex propria curiositate, ut periculum faceret quis esset, æquè ac ex maligno proposito pervertendi si posset, ad hunc modum in eremò eum aggressus esse videtur.

5. Omnium mundi Regnorum ipsi à præalto monte ostensio nonnihil videtur in se habere difficultatis. Etenim si præstigiola solummodò erat Regnorum terrenorum gloriæ representatio, quid opus erat ejus transportatione in summitatem montis aut saltem montis tam enormiter alti? Quòd si realis eorum erat contuitus, vel altissimus in mundo mons non eò usq; ampliabit nostrum prospectum ut vel unum mediocre Regnum sub visu nostro claudat. Verùm ad hoc respondeo; Versutum hunc præstigiatores commoditate usum esse tam editi loci ut Repræsentationes ejus magis ad vivum exhiberet, efficeretq; ut viderentur verisimiliores. Nam cum prospectus tam magnus oculo videretur, terramq; Planum quoddam rotundum rudis opinetur imaginatio, facile sperabat verus hic circulator se Carpentarii filium tam amplo spectaculo deludere posse, ipsiq; persuadere, id quod tam magnum erat, etiam totum esse, præsertim cum ejus visum ita perstringeret ut totus Horizon plenus videretur pomposi vanitatibus Potestatum Principatuumq; Mundanorum.

6. Quod ad longum & solenne Christi jejunium attinet, recessumq; in solitudinem per quadraginta dies post signum coelitus datum quòd erat Messias Dei filius; hoc certè admodum decorum erat commodumque, ut sic acueretur populi desiderium ad recipiendum eum post ejus reditum, & ad majorem conciliandam autori-

tatem doctrinæ quam eos erat docturus, & ad inculcandum deniq; successoribus suis ex suo proprio exemplo, quàm consentaneum sit *Animalem vitam* inedia expugnare, omnesq; corporis voluptates penitus subigere, antequam munus suscipiant erudiendi alios in Divinis rebus, quæ spectant ad æternum animæ statum. Cum tamen nunc dierum quantò cuiusq; cutis effertior sit, & à carne, sanguine & spiritibus naturalibus distentior, quantòq; acriorem habeat mundanarum rerum appetitum, tantò impatientius expectet tempus ascendendi in suggestum, ad exercendam vocem ac pulmones, & ad exhibendum se indè idoneum alicujus muneris Ecclesiastici Candidatum: quanquam Christus è contrà hoc officium prædicandi regnum cælorum non antè exercebat, quàm omnes opes, pompas ac voluptates terræ despexerat. Quem admodum verò Sapientia illius in subeundo solennem hanc *abstinentiam* & *solitudinem* detegitur, ità & ejus *Humilitas* in non affectando ullam inibi innovationem, sed in imitando exemplum *Mosis* & *Eliæ* qui in monte postea cum eo sermones ferebant in ejus *Transfiguratione*. Quod est tertium ultimumq; *Accidens memorabile* quod Servatori obtigit ante ejus *Passionem*, & quod commemoratur non ad efferciendum Historiam sed ut res ponderosæ admodum rationis ac profunda.

7. Servator sibi assumit tres ex primoribus Apostolis, *Petrum, Jacobum & Johannem*, ut spectatores essent & testes earum rerum quas visuri erant in monte quò eos deducebat, ubi transfigurabatur coram eis, *vultu ejus resplendente ad instar Solis, & vestimentis candescentibus ut Lux*; ubi & *Moses* atq; *Eliæ* sermones habebant cum ipso de Morte ejus & gloriosa Resurrectione. Quod quidem colloquium, primò, egregium erat *Corroborativum* vel *Cardiacum* quo animaretur Servator ad ingentes suos dolores constantius perferendos. Deinde, *Judeis* quibuscunq; qui ad Christianismum convertendi essent, magna sanè erat satisfactio veritatisq; evictio, ex eo quòd constaret *Mosè* & *Eliam*, hoc est, Legislatorem ipsorum & Prophetarum principem coadjutores fuisse Christo in nova hac Religione quam ille erat erecturus in terris. Et tertio, Mandatum erat particulare (etiam tum cum *Moses* & *Eliæ* coram erant) ut omnis nunc obedientia Christo præstetur tanquam dilecto Dei filio, missos faciendo *Mosè* & *Eliam*, cum in ipso omnia sint perfecta. *Exiit enim nubes quæ illos obumbravit & ex nube vox dicens, Hic est filius meus charissimus, hunc audite.*

Luc. 9. 34.

8. Et ipsa profectò visio Representatio erat illius quod erat eventurum. Etenim postea *Moses* & *Eliæ* evanuerunt, Discipuliq; ejus, postquam expergefacti fuerunt à Christo & de humo surrexerunt, (cecidérant enim proni præ timore,) oculos tolentes neminem videbant præter solum *Jesus*.

9. Quarto & ultimo, Admodum idoneum erat efficacq; argumentum ad convincendos homines de *Animæ Immortalitate*, & ad ingenerandum ipsis magis stabilem inconcussamq; fidem in Resurrectione Christi & Sepulchro: Quam ob causam Christus discipulis mandabat ut nemini narrarent visionem, sed ut custodirent ipsam in usum tempusq; opportunum, hoc est, usq; dum Christus resurrexerit è mortuis, ut tunc addi posset tanquam ulterior illius mysterii *Vitæ* ac *Immortalitatis* in corpore glorificato perfruendæ confirmatio, contra stupidam illam Atheorum hominum infidelitatem qui humanam Animam existimant, nisi carne & sanguine vestitam agere non posse.

10. In primo ultimòq; horum memorabilium Accidentium quæ recensuimus, illusterrimum est è cælo Testimonium de excellentia personæ Christi. Cui, ut nihil notabile omittatur, adjiciemus etiam illud quod occurrit Johan. 12. ubi Christo præcante, *Pater glorifica nomen tuum*, vox è cælo missa est dicens, *Et glorificavi & rursum glorificabo ipsum.*

CAP. IV.

Quæ miraculosa Accidentia in Apollonii vita hisce Christi videantur similia. Superstitiosa ejus à carne & vino Abstinencia ex siti gloriæ prædicendi res futuras. 2. Apollonius Astrologiæ judiciariæ Magister, & de septem ejus annulis cum nominibus septem Planetarum inscriptis. 3. Miraculosa Testimonia Apollonio perhibita ab Æsculapio & Trophonio quàm infirma & obscura. 4. Magnum de eo Brachmanum Encomium. Ejsq; præcellentiā ab adblandienti Leone agnitā. Horum omnium Testimoniorum vanitas ridicula.

1. **P**ertransivimus jam res præcipuas quæ modo extraordinario Christo acciderunt ante ejus *Passionem*. Antequam progrediamur, promissi memores, strictim cursimq; ea attingemus quæ similia videri poterunt in vita *Apollonii* vel modo quovis parallela. Cum *miraculoso Jesu* Christi quod ille in tam serios gravēq; fines sustinebat, ad quod & vi Spiritus rapiebatur, nihil in celebrato illo Philosopho, modò id nominis meritis sit, conferendum video præter *Abstinenciam à carne atq; vino perpetuam ac voluntariam*. Cui quidem inutili superstitioni color profectò fuscusq; superinductus est admodum aspernabilis; inanis utiq; affectatio gloriæ & prædictione rerum futurarum, quæ certè facultas est quæ summoperè oblectat titillatq; hominem naturalem: Ipsiusq; affectatio levitatem Spiritus *Apollonii* aperte demonstrat ac superbiam; ut & eorum, qui ipsum in hac scientia erudierunt, *Indorum* nempe *Brachmanes*. Qui cum interrogassent *Damidem* nunquid peritiæ haberet in *Divinatione*? illēq; ingenuè responderet omnia sua studia & cognitionem non ultrà pertingere quàm ad ea quæ ad communem vitam utilia sunt aut necessaria, falsè hominem deriserunt.

2. Cæterum, *Philostratus* de *Apollonio* scribit tanquam de homine qui totum se *Divinationis* studio & *Astrologiæ Judiciariæ* addixerat. *Iarchamq;* Principem *Brachmanum* septem illi annulos dedisse cum nominibus septem Planetarum inscriptis, *Apolloniumq;* libros quatuor ea de Arte scripsisse. Quæ quidem res demonstratio est crassæ ipsius in Natura ac Philosophia ignorantia, & pravi trivialisq; Ingenii character; quodq; nihil omnino reverà *Divinum* in eo reperiebatur, quanquam *Pagani* illum adoraverunt pro Deo. Etenim qui submittunt se ad istiusmodi artes, indicium est nullam ipsis solidam inesse scientiam, multoq; minùs principium aliquod *supernaturale* quod ipsis afflatur, sed prædictiones ipsorum planè esse *Diabolicas*, aut ipsos saltem esse meros *Impostores & Circulatores*, nullumq; prorsus auxilium extraordinarium sortitos.

3. Alterum addam duntaxat Parallelismum posteaq; progrediar. Est autem ille *Testimoniorum* de Eminentia Personarum utriusque, quorum par est inæqualitas & differentia atq; ipsarum Personarum. Quandoquidem Christo testimonium perhibuit audibilis de cælo vox, Deo apud mundum asserente, quòd *hic illius esset filius charissimus*, postulantēq; ut ipsi debitam præstarent obedientiam. Cum è contrà *Apollonii* eminentia à nemine commendabatur præterquam ab *Æsculapii* manibus & *Trophonii*, ejus & antrum intravit, cumq; eo (ut hominem decebat *Necromanticum*) diu confabulatus est, ut & eum *Achille* ad ejus Sepulchrum, qui & negotium illi concedidit instaurandi annuos suos honores atq; ritus in *Thessalia*. Hæc verò ipsius commendatio à neutro erat immediata, sed per ipsorum Sacerdotes, qui moniti, unus per insomnium, alter per obscuram aliquam vocem in Templo (cujus nullus erat testis præter ipsum Sacerdotem) res magnas prædicabant de *Apollonio*.

4. Adjicere huc possumus & testimonium *Brachmanum* celebrium illorum *Magorum*, quibus cum *Apollonius* tantopere applauderet, ipsi eum vicissim paribus extulerunt encomiis, dignūq; eum in suis comitiis statuerunt qui & vivus & post mortem pro Deo coleretur. Immo verò omnia in læceni conjiciamus nè quid defiat ponderi. Leo quidam eicur in *Egypto* videbatur etiam illius divinitatem agnoscere, accedens ad eum in templo sedentem & ad illius pedes humiliter se prosternens. Qui, dum *Apollonius* populo narrabat ut hic erat antiquus ille *Egyptiorum* Rex *Amasis* in corpus Leoninum ingressus, statim genere incepit ac plorare, vicēq; suam deslere perquam acerbiter, ut qui hoc pacto in tam tristi casu opem petebat ab *Apollonio*. Quæ res cum ipsi cordi esset, Leonem mittendū curavit *Leontopolin* *Egypti* civitatem, ibiq; jussit custodiri in eum modum qui Regalem ejus animam maxime concederet.

concederet. Quàm obscura, confusa, & ridicula sunt omnia hæc testimonia de eminentia versuti illius Impostoris? Tam vile ac evanidum est consilium omne humanum contra gloriam principatûmq; Christi veri filii Dei.

C A P. V.

1. Tria generalia Notanda in miraculis Christi. 2. Cur silentium eis sepe imperaret, in quibus miracula sua operatus erat. 3. Cur Christus nunquam frustra esset intentando nullo miraculo. 4. Atheorum vanitas qui Imaginationis viribus omnia miracula imputant. 5. De cibis evanidis & delusoriis Sagarum & Magorum.

1. **P**ervenimus jam ad ea quæ per miraculum à Jesu facta sunt in vita ejus, quorum pleraq; ad hæc quatuor capita referri possunt: Ad famelicam scilicet *Multitudinis Saturationem*, *Sanationem Ægrotorum*, *Mortuorum Excitationem*, & *Ejectionem Demoniorum*. In quibus omnibus observare poteris,

Primò, Quæ in eo erat edendi miracula facultas, eum in objectis exercuisse cognititis & familiaribus & quæ frequenter apud homines occurrunt. Nam hujusmodi sunt *Fames*, *Ægrotatio*, *Mors*, & à *Demoniis Possessio*, sive *Fascinatio*. Quod tamen non eò dico quasi utraq; idem prorsus esse existimem, sed quòd multi hoc pacto à *Demoniis* corripiantur, & fortean omnium frequentissimè.

Secundò, Christum hanc facultatem nusquam exeruisse ex levitate aliqua vanaq; ostentatione, sed prout necessitates hominum dabant se opemq; flagitabant. Quandoquidem omnia illius miracula perpetuum erant exercitium *Amoris* ejus & *Misericordie* erga genus humanum.

Quibus etiam addere possumus in tertio loco, quod & universis in genere convenit, propositum utiq; Deum per ea glorificandi, & jaciendi fundamenta, gradusq; populo faciendi, ad fidem in ipsam, ut eum agnoscerent verum esse *Messiam*.

2. Quam persuasionem ille nolebat nimium accelerare, nè *Passionem* suam præverteret; nec nimis è contrà *Passionem* suam deproperare, antequam debita illa opera præparatoria perfecisset quæ ipsi erant perficienda. Quod aliquando eum retrahere videbatur à faciendis miraculis nimium in propatulo, veluti à mutando aquam in vinum inter nuptias. Et postquam saturasset multitudinem, abscondit seipsum nè Regem eum facerent: Et sæpenumero quando privatim per miraculum homines sanaverat, seriò ipsis interdixit nè cuiquam narrarent. Quod eò fecit ne nimis properè ac præmaturè homines in eum crederent, quemadmodum paulò antè innui, & ut custodiret seipsum à furore Phariseorum usq; dum *Passionis* tempus jam appropinquaret. Interea loci Miracula ejus & Doctrina in mentes hominum gradatim erant instillanda ad præparandum eos ad pleniorē fidem post *Resurrectionem* ejus à mortuis.

3. Prolixum nimis esset uniuscujusq; particularis miraculi historiam recensere multatè super eo differere. Quod ad hunc modum in genere monuimus maximè considerandum est & notatu utilissimum. Neq; opus est ut quicquam addamus ad faciendam fidem apud eos qui tam scædi non sunt *Infideles* ut nec Deum credant, nec ullum prorsus *Spiritum* existere. Quantum ad alios illi facillimè intelligent Christum, cum junctus sit cum æterno verbo quod sanat omnia, etiam absentes sermone suo sanare posse, aut Angelorum ministerio, quos oportebat eum semper comitari. Neq; mirum est Christum nunquam frustra fuisse in ullo conatu vel prælagio, cum tam vivo modo unitus esset cum æterna Dei Sapientia, cumq; voluntatem unam, unumq; cum eo spiritum haberet, nec inturbatus esset distractusq; ullis excursionibus impetuosive impressionibus propriæ voluntatis.

4. Leves ludicriq; *Athei* naturali vi Imaginationis omnia imputant, magnopereq; sibi placent in abutendo illis locis Evangelii quæ Christum impeditum fuisse à faciendis miraculis per *Infidelitatem* populi videntur asserere: quemadmodum dicitur in Evangelio S. Marci, quòd nulla magna miracula facere poterat propter ipsorum incredulitatem. Verum Naturalis ea non erat sed Moralís Impossibilitas. Animum illuc non potuit inducere cum irritatus esset tam justâ indignatione contra propriam patriam quæ eum adeò habuit despectui. Cæterum, dicite seriò, obsecro, O animæ perquam

perquam misère cæcæ ac vecordes! Quomodo naturalis potest vis Imaginationis sanare absentes? Ut nihil dicam de præsentibus qui à morbis ægrotant ordinariis, quales sunt Lepra, Paralyfis & Hydrops. Quis unquam istos curavit per meram Imaginationem? Quomodo igitur recuperabit Imaginatio Visum etiam eis qui nati sunt cæci? Quomodo excitabit mortuos in quibus nulla prorsus est Imaginatio? ut in filia *Jairi*, & *Lazaro* qui in Sepulchro per quatrimum jacuerat? Potestne Imaginatio saturare quinq; hominum millia quinq; panibus & duobus piscibus? quatuorve millia præter fœminas & infantes septem panibus & paucis pisciculis? etiam tum cum fame ferè enecti erant per recessum triduo continuo in desertum?

5. Quas quidem res tametsi reverà efficere non possunt, eas tamen aliquo modo imitantur *Sage Magique*, nempe in conviviis suis. Quorum cibi observantur tam parùm virium naturæ sufficere, ut relinquant sæpenumero eos qui de ipsis participant æquè debiles & languidos atq; si nihil prorsus comedissent (quemadmodum *Bodin* refert de Magicis hospitibus Nobilis illius, *Aspremontensis*, cujus hospites simul atq; paucillum spacium à domo ejus equitassent, parùm abfuit quin deficerent humiq; caderent homo simul atq; eques præ fame) essetq; præterea tam fugitivæ consistentiæ, ut plerunq; inter mensam auferendam evanescant. Cum è contrà in utrisq; illis Servatoris miraculis reliquiarum fragmentorum canistra multa reservarentur.

CAP. VI.

1. De Ejectione Dæmoniorum per Christum. 2. Cur plures essent solito Dæmoniaci temporibus Servatoris; Prima Ratio, Quod minus tunc esset diligentia ac peritia in curandis Furiosis ac Lunaticis. 3. Secunda, Quod major esse posset Diaboli potestas ante adventum Christi quàm postea. 4. Non solum Excommunicationem sed Apostasiam à Christo subicere posse hominem Tyrannidi Satanae, quemadmodum usu venisse videtur in multis audentiorum Sectarum hujus seculi. 5. Diversorum Symptomatum Dæmoniacorum apud ipsos, Enumeratio. 6. Ejus generis plura. 7. Profana Mimicq; maximè Solennium Accidentium in Historia Christi per ipsos Imitatio. 8. Ulterior solutio præsentis difficultatis è Rationibus præmissis. 9. Tertium quartumq; Responsum, à curationis fama confluxuq; Dæmoniacorum in unam Regionem. 10. Quintum, ab ambiguitate vocis *Dæmoniacorum*. 11. Sextum & ultimum, Quod nihil absurdi sit concedere majorem numerum propriè dictorum Dæmoniacorum fuisse temporibus Christi quàm aliàs, propter finem utilem eorum, tunc temporis, copiae.

1. **Q**uantum ad Servatoris expugnationem *ejectionemq; Dæmoniorum* ex hominibus; quemadmodum quidem mortuorum excitatio pignus erat & præfiguratio illius potestatis quam sibi datam esse professus est, coronandi utiq; eos qui credunt in ipsum vitæ ac immortalitatis in novissimo Die; ita & hoc admodum proprium erat præludium ad cladem illam internecinam quam Satanae regno ab eo dari oportebat, utpote cui incumbere, istum ex locis omnibus tandem exterminare. Nihil hîc durum videri potest iis qui credunt esse *spiritus* (& certè nulli nisi stolidi homines ac profani corporeisq; voluptatibus nimium dediti hujusmodi rebus omnem demunt fidem) nihil, inquam, durum difficilè videri potest in hoc genere miraculi, nisi *personarum multitudo* tunc temporis Dæmoniis correptarum, vel *multitudo Dæmoniorum* in una persona correpta cujus nomen erat *Legio*.

2. Quod verò ad primum spectat, multa super ea re produci possunt responsa, quorum tamen nullum cariturum sit suo usu ac pondere. Incipiemus autem ab eis quæ minoris videantur momenti. Ubi non omitemus notare, illam Dæmoniacorum *copiam* in temporibus Christi, præ quàm in sequentibus seculis observata est, ex differentia inter illam peritiam ac diligentiam quæ tunc temporis adhibebatur circa *furiosos* homines ac *Lunaticos* in *Judæa* & adjacentibus Gentium Regionibus (unde pars eorum non parva veniebat) & eam quæ nunc dierum in usu est, proficisci potuisse. In quæstione est, inquam, utrùm illis locis & temporibus tam bellè perspectum esset hominibus *Maniacis* in cohibendo eos domi & intemperiem eorum moderando ad quàm maximam poterat mitigationem. Quanto enim ea fortior est, tanto efficacius est malis spiritibus ad corpus hominis ingredendum invitamentum. Etenim dum sui compos esse definit, eo facilius alter aliquis illius

illius sit Dominus. Quemadmodum ille qui per potius vim ac tyrannidem suus non est, multos inventurus est Dominos circa seipsum occupatissimos, omnes scilicet pueros in oppido gregatim cum sectantes illiusq; intemperiem augentes & irritantes ludicris suis injuriis, Simiarum petulantiam excedentibus. Sed in hac re non est immorandum.

3. Secundò, non adeò mira res est ut major esset copia *Demoniacorum* *Christi* temporibus quàm nunc est, propterea quòd post receptam Christianitatem potestas Diaboli magna ex parte sit suppressa. Manifestum est enim, ubi Paganismus dominatur, Personas hominum magis subjectas esse crudelitatibus Diaboli. Quemadmodum apparet ex eis quæ in Historiarum monumentis occurrunt de Incolis multarum Regionum: veluti in *Madagascar*, ubi Diabolus Incolas in ipsis corporibus affigit. In *Florida* terrefacit eos horrendis apparitionibus carnemq; ipsis abscindit in suis accessibus. *Gniana* Incolæ ad livorem usq; atq; vibices ab ipso cæduntur. Et *Brasilienses* tam miseris modis ab eo excruciantur, ut parùm absit quin præ metu statim emoriantur quoties de ipso cogitent. Quòd *Judei* Apostata eo ipso illius potestati subjecti fierent, ipsorum *Rabbinorum* erat opinio. Et Christiani Primævi Satanæ traditi cum magno suo malo. senserunt illius flagelli severitatem. Quæ omnia pro sufficienti argumento esse possunt, Christianitatis professionem cultumq; veri Dei, juxta eam Rationem quam ipse instituerit, esse & personarum nostrarum munimentum, ac protectionem contra crassas corporeasve Diaboli incurfiones & aggressuras.

4. Addiq; porrò potest, Non solùm eos qui justè excommunicantur per *Ecclesiam*, illius obnoxios esse Tyrannidi, sed & illos etiam qui suâ sponte *Ecclesiam* deserunt, Dominumq; Redemptorem suum abnegant per sacræ Historiæ Evangelii Abnegationem, Personaliùmq; officiorum Christi; etiam illius qui crucifixus est *Hierosolymis* inter duos latrones. Quemadmodum manifestò apparet in quibusdam perditarum & vertiginosarum Sectarum hujus seculi, inter quas, ausim dicere, majorem numerum propriè dictorum *Demoniacorum* inveniri posse quàm aut Christus aut Apostoli ejus dicuntur curavisse.

5. Cuinam enim rei obsecro, majori cum ratione, quàm horum fallacium Dæmonum Incolatui, attribui possunt enormes illæ extases in quibus reperiuntur? In terram lapsus pro mortuis? Altæ corporum intumescentiæ orisq; rabidi spumæ? Morum neglectus ac sordes? atq; ab omni honesto ordine & humanitate averfatio? Mimici deniq; gestus ridiculæq; corporum posituræ? Dum unus in foro publico cum naso incedit in altum erecto, passisq; brachiis & horribili voce ac fremitu fanaticas aliquas Cominationes enuncians. Alius verò hunc prope à pedibus insequitur passu molli & submisso cum capite deorsum pendulo paulumq; porrecto tanquam si nares illius stillarent sanguinem, manibusq; umbilicum complimentibus quasi torminibus afficeretur. Alii verò ad instar brutorum Animalium quadrupedant, volutantes etiam sese subinde ac resupinantes porcorum more & canum. Alii expectatâ potestate, cui vacabant, correpti in summis pedum digitis citatissimo cursu propelluntur, galeris interim in capite inversis nec tamen decidentibus, brachiisq; directò sursum extensis Indicibusq; in Zenith collineantibus, atq; hoc in tam longum temporis spacium ut nemini vulgari homini eos liceret imitari, utpote ab aliquo Dæmone sic agitados.

6. Hisce adde spectrorum turbas, diros horridosq; ejulatus ac clamores, vefanas extaticasq; Cantiones dementisq; Choreas, nudorum discursitationes per oppidum in templa ædesq; privatas, violentas ac irresistibiles concussiones & tremores quibus Natura magnoperè debilitaretur, ipsaq; corpora dolores indè sentirent: Hæcq; omne præterea factum esse à Potestate vel Spiritu quem ipsi professi sint à seipsis esse distinctum, quicq; voce distinctâ & audibili intra ipsos loqueretur, ipsorumq; brachiis manibusq; uteretur ad cædendum eorum caput corpusque. Qui oppidò quàm absurda imperaret, multos quidem macerans, nonnullos etiam enecans inedia, in omnes verò omni in re tyrannidem exercens æqualem ferè illi quam Diabolus exercet in miseros *Indos*.

7. Quòd serperent, quòd incurvato incederent corpore, quòd pulverem lamberent, quòd comederent papiliones nihilq; vescerentur præterquam Analectis Offibusq; qualia canibus prodigimus, & caulibus ac foliis Brassicarum abjectitiis, quas Forariæ fortè in humum projecissent sparsissentve; hæc sunt minora servitia imperioso illi Dæmoni ab ipsis præstita. Cæterum novus hic hospes, dum legitimæ Naturæ voci eò usq; contradicit ut non patiatur hominem viginti quatuor horarum quietem per viginti quinque dierum spacium sibi indulgere; dum eum ad ductum & auspicia damnat

damnat muscæ cujuslibet stupidæ quæ ipsi venerit in conspectum, adjudicatq; ad crûs tenendum tamdiu tamq; prope ignem (muscâ interim rem omnem moderante) ut à genu usq; ad pedem tam miseris modis ambustum esset, ut post quadrantis anni spacium vix posset sanari; hæc profectò severiora sunt magisq; rigida hujus *Infernalis Ergodiotæ* imperia. Huc accedit, quòd interna hæc vox & aliquando externa audivibiliter subinde aliqua pronunciaret Scripturæ loca in ridiculum illius abusum & Prophanationem; neq; id solum sed & miserum cogeret mancipium quem captivasset notabilia quædam Accidentia in Historia *Christi*, in personæ illius derisionem & contemptum, imitari. Cujusmodi sunt Mors illius, Triumphusq; Hierosolymis. Quorum priorem *Jacobus Milnerus* imitabatur, & *Johannes Tolderveius*; posteriorem *Jacobus Naylor*, cujus equus à duabus fœminis modo triumphali ducebatur, laboriosè per lutum ambulantes dum intrabat *Bristoliam*, Fanaticis suis comitibus ipsi interim cantantibus & repetitò acclamantibus, *Sanctæ, Sanctæ, Sanctæ, & Hosanna*. Sternebant etiam alicubi viam vestimentis. Tam vesanos ludès delusæ hæ Animæ facere cogebantur in oblectationem *Aëreorum illorum Lemurum* qui agitabant eos & actuabant.

8. Equidem expatiari possum in hac materia; verum brevis hæc subindicatio suffecerit ad quemlibet eò perducendum (modò ullam credat fascinationem esse malorumq; *Dæmonum* in hominibus incolatum) ut de facili non diffidat quin præsentis hujus sæculi intemperies ejusmodi fuerit (& etiamnum est fortassè) ut si persona esset aliqua venerabilis qui verbo suo liberare homines posset ab hac potestate quâ tam multi ex ipsis adedò insanis modis agitantur, reperiretur planè uberior seges *Demoniacorum* in hisce temporibus quàm in temporibus *Servatoris*, multiq; alii præter *Johannem Gilpinum Johannemq; Tolderveium* agnoscerent se fuisse malo *Dæmone* correptos. Cæterum hanc saltem ex hac nostra digressionem lucrati sumus, nec inscitam observationem, quæ succedanea potest esse illi ad quam maximè collineavimus; Quòd utiq; si unum sæculum sit tam longè præ aliis *Fanaticum*, valde verissimile sit, quòd & aliud posset esse æquè longè præ aliis *Demoniacum*.

9. Tertio, Istiusmodi *Furiosi & Epileptici* homines quemadmodum & *Demoniaci* non tam multum essent in sermone hominum nisi per miraculum curati essent, quòd cum non accidat in aliis sæculis, inde fit ut nec tanto cum affectu tamq; expressâ observatione notentur vel commemorentur. Quarto, *Servatore* à loco ad locum itinerante famâq; ante motus suæ personæ longè latèq; prævolante, in proclivi erat, aut ut ipse obviâ iret, aut ut ad ipsum ducerentur è regionibus Gentium circumcirca longè plures hoc genus homines, quàm aliàs ullo in tempore observari quovis modo potuissent, quamvis par eorum numerus esset in aliis mundi partibus & Ætatibus.

10. Quintò, Illi *ἄστυνιοι* ità in Scripturis appellati, nihil necesse est ut sic appellari intelligantur sensu strictissimo, quandoquidem *Furiosi, Lunatici, Epileptici*, omnesq; omnino homines extraordinariâ aliquâ melancholicâ intemperie laborantes censebantur à *Judeis* & vocabantur *Demoniaci*, populo æquè prono existente ad ascribendum *Naturales* morbos *Diabolo*, quàm *Medici* sunt ad ascribendum intemperies vexationesq; *Diabolicas Naturæ*. Cæterum *Christus* morbos suo verbo curabat (*ἰσχυρῶς καὶ ὀνόματι*) permittens populo eos, quibus ipsis visum sit, nominibus appellare. Quemadmodum ille qui medicamentum *Catholicum* nactus est, non admodum laborat vel de nomine vel de natura morbi. Sed extra controversiam est, fuisse tunc temporis *Demoniacorum* satis magnum numerum propriè dictorum.

11. Sextò & ultimò, Supponamus omnes fuisse *Demoniacos* propriè dictos, quòdq; major eorum numerus esset temporibus *Christi* & illis terræ partibus quàm unquam aliàs extitit ullo in tempore, quid illinc incommodi est, Providentiâ res sic dispensante in tam bonum Propositum? quemadmodum & ipse *Christus* innuit in illius causâ qui natus est cæcus, ubi profitetur nec ipsum nec ipsius parentes in culpa fuisse quòd natus esset cæcus, sed voluntatem Dei ità statuisse, ut daretur occasio *Christo* eò illustrius edendi miraculum. Nec deerat tunc quicquam præter divinam permissionem ad faciendos tot *Demoniacos*, quemadmodum nihil ampliùs requirebatur quàm permissio *Christi* ut *Dæmones Gadareni* porcos invaderent præcipitesq; proruerent in medium mare. Et certè captiosos admodum esse oportet qui tam liberum imperium Deo omnipotenti non permittant, ut asperitates aliquas paucis aliquibus creaturarum suarum imponat in commune bonum reliquarum, præsertim cum hæ ipse creaturæ infinitò pejora de ipso meruerint quàm quæ ille ipsis infligat, & compensentur præterea peculiari aliquo commodo propter ea quæ perpessi sint. Ex his responsis unum aliquod aut saltem multa simul sumpta plus satis sunt ad diluendam hanc primam difficultatem.

C A P. VII.

1. *Historiam Dæmoniacy cui nomen Legio nihil habere in se incongrui.* 2. *Quid hi Agmen erant Regni tenebrofi, qui Regionem Gadarenorum frequentabant, quibq; sive principem eorum solum sive multos ex agmine hominem possedisse supponamus, nihil inibi sit absurdi.* 3. *Quid factum sit ut tam multi Dæmones circa unum misellum hominem se congregarent.* 4. *Ratio cur Christus Dæmoniacy nomen roga- ret, usq; insignis mandata literis historię.* 5. *Numerositas Dæmonum detecta ex sua porcorum invasione.* 6. *Alię rationes cur Christus ipsis permetteret intrare in greges Gadarenorum.* 7. *Christum contra legem nec misericordia nec iustitia pec- caviſſe in hac permissione.*

1. **S**ECUNDA difficultas de furioso illo Dæmoniaco, qui tam multos in se habebat Dæmonas ut Legionis nomine se insigniendum par esse putaret, utpote qui possidebatur ab impurorum spirituum multitudine; quanquam primo quidem aspe- ctu rei cuiusdam enormis & incredibilis faciem gerere videtur, invenietur tamen, si penitiùs examinetur, admodum sanè vera gravisq; Historia, cum omnia inibi naturæ rerum consona deprehendantur, diviniq; Servatoris personam condecenia: Cuius erat Diabolum debellare ejusq; regnum demoliri, quemadmodum & ab illo aliqua- tenus jam factum hodie conspiciamus. Ut sit hujusmodi Dæmonum exercitus in uno loco alienum videri non debet illi qui animum inducere potest ut viso credat & ser- moni juvenis illius cujus oculi aperiebantur ad preces Elisæ, unde montem statim vidit equis curribusq; igneis plenum, Prophetam undiq; circumvallantibus. Neq; reverà quicquam est incommodi ut multitudo Dæmonum sive spirituum sit intra uni- us hominis corporis ambitum. Quanquam fieri potest ut adeo multi è Legionem ip- sum non intrarent, sed præcipuè actuaretur ab eorum principe, cum & hic à Christo singulari numero increparetur, illq; pariter responderet tanquam unus vice multo- rum. Quod æquè aptè intelligi potest de iis qui prope eum erant ipsūq; inſeque- bantur, malignamq; aliquam influentiam, ut fieri potest, per modum obſeſſionis in Dæmoniacy immittebant, quàm de iis solis qui in ipsum intraverant eūq; pro- priè possederant.

2. Videtur enim ex ipsorum petitione ad Christum, quod agmen erant Regni te- nebrarum, quibus in usu erat oberrare & pervagari per Gadarenorum Regionem, è qua minime ipsis adlubefcebat emigrare, cum illæ partes Infernalibus Potestatibus magis essent obnoxia, ut quæ Judæis Apostatis abundabant, qui cum sancto sedere excidissent subiecti eo ipso facti sunt Tyrannidi Diaboli. Quamobrem nihil necesse est ut concedamus integram Legionem Dæmonum in hoc Dæmoniaco fuisse, sed multitudinem tantummodò competentem vel unum aliquem principem è Legionem. Quanquam absq; omni vi ipsorum naturis facta multi eorum hospitari possunt in uni- us hominis corpore. Quandoquidem hi spiritus contrahere se queunt ex usitata sua extensione in ambitum longè angustiorē, & fortean in integrum se subducere è pro- priis vehiculis, ut alieno corpore utantur. Atq; hoc pacto quamplurimi possunt uniri cum humano sanguine & spiritibus.

3. Neq; id sanè durum videri debet quod tam ingens numerus occupatus esset circa unum misellum homuncionem; Etenim militaris illa vox Legio nobis admodum aptam facilēq; suggerit hujus quæstionis solutionem. Quod scilicet hoc non acci- dit primariò, sed ex consequenti, cum hujus tenebrofi agminis dux tam crebrò hunc hominem ex consuetudine frequentaret. Ac proinde hujus numerosæ turbæ obſeſſio facta tantum est per accidens, tanquam si Imperator aliquis moram faceret sui oble- ctandi causâ in cæco aliquo & solitario in agris tugurio, minime mirum esset videre domum militum multitudine circumſeſſam, utpote qui Imperatorem potiùs expe- ctant, quàm voluptatem ullam aut commodum sibiipsis ibi commorando quærunt, cum nulla sit tam numerosæ multitudini proportionata præda. Locus tamen ab ipsis non potest non graviter infestari & inquietari. Non absimiliter se res habuit apud miserum hunc Dæmoniacy: Fieri non potuit quin penè suffocaretur turbâ ac tumultu hujus Infernalis Legionis.

4. Neq; dubitandum est quin Christus noverit quàm fortis ac numerosus esset hic Dæmonum exercitus, ac proinde, ut major ipsi gloria, eiq; qui eum miserat, inde redundaret, numerositatem suam eos cogit profiteri, rogando Dæmoniacy nomen.

Erātq;

Erátq; magis consentaneum ut potestas Christi demonstraretur ipsiusq; personæ divinitas, integrum fugando Dæmonum exercitum qui ad unum Dæmoniacum spectaret, quàm ut tot essent *Dæmoniaci*, quot hic recensentur *Dæmones*, in quos potestatem suam ostenderet. Victoria enim nihilo indè minor est (cùm nec Dæmones quicquam infirmiores sint quando humanâ carne armati non comparent) multùmq; incommodi quod humano generi illinc accidere potuisset, evitabatur. Ut nihil dicam de clamore & tumultu qui indè in mundo orituri essent, quæ Christus semper datâ operâ declinabat. Cæterùm ut hæc historia literis mandaretur æquè ac res ipsæ patrarentur, par erat ut Ecclesia eò fortiores haberet fidem in Dei filium qui etiam tunc cùm in carne erat tam insignes victorias contra *tenebrarum Regnum* reportabat, in fugam vertendo multa Dæmoniorum millia simul.

5. Cujus veritatem admodum dextrè confirmabat Christus permisso eorum rerum quas impuri Spiritus tantopere desiderabant, nempe ut introirent in gregem Porcorum, qui, ut monet Scriptura, ad duo erant circitè millia. Quod non obscurum est numerositatis Dæmoniorum argumentum apud ipsos qui non amant cavillationibus indulgere, cùm impuri hi Spiritus, quemadmodum *Trismegistus* & *Psellus* observant, magnopere sibi placeant in madore Sanguinis Brutorum æquè atq; Humanum, ac proinde in ipsorum etiam hospitentur venis & arteriis. Cùmq; malitia ipsi æquè jucunda sit atq; impletio alterius illius fœdi appetitûs, minimè mirum est quòd unusquisq; hujus *tenebrosi agminis* miles promptissimè se accingeret ad arripiendam sibi prædam, atq; ità dividentes inter se spolia, turpi malignoq; suo animo singuli satisfacerent, intrando porcos eosq; præcipientes proruendo in medium Mare. Quod tamen illi nunquam efficere potuissent nisi id ipsis Christus permisisset. Nec certè malè hic suas apud se rationes instituit in concedendo permittendq; ipsis facultatem exequendi propositum. Quanquam enim illi id cupiebant in malum finem, ut sic utiq; inflammare possent *Gadarenorum* animos contra ipsum; ille tamen planè circumveniebat eos honesto astu & consilio, cùm è re sua prævideret illud futurum esse facinus, magis quàm eorum.

6. Hoc enim pacto turpitudine malignaq; *Dæmoniorum* virulentia planius demonstrata est. Unde & Christi misericordia erga *Dæmoniacum* plenius est illustrata, & ex Porcorum jactura *Gadarenorum* etiam indoles detecta, Abstinencia *Mosaica* contra *Judeos* illius Regionis, *Apostatas*, tempestivè suffulta, porcina hominum natura ænigmaticè perstricta, *Divina Christi potestas*, prout dixi, qui solus cùm tam numerosis *Infernalium Spirituum* cohortibus congregi potest, mundo manifestata, oraq; hujusmodi levium frivolorumq; *Allegoristarum* obturata, qui Dæmonia quæ Christus ejecisse dicitur non *reales substantialē sive Spiritus* faciant, sed *pravos tantummodò affectus*, quemadmodum observavit etiam *Calvinus* in ipsum locum. Quamobrem nihil omnino levitatis, Injuriae, aut Incredibilitatis est per universam hanc Historiam, sed omnes illius circumstantiæ sobriæ sunt, justæ, ac utiles.

7. Etenim non tenebatur Christus porcorum jacturæ præcavere cùm ipsorum interitus in tam publicum bonum destinaretur, tantq; momenti, ut certiores nos faceret de immensa illius potestate qui olim selsurus est Judex consummatamq; capturus vindictam de omnibus *Infernalibus Potestatibus* simul; Utq; intelligamus quòd, tamen illi tantâ abundet misericordiâ erga genus humanum, ut vitam suam pro mundo deponeret, ut per fidem in seipsum eos servare possit ab æterna pernicie; nulla tamen effœminata animi mollities, ullâve intempestiva brutorum Animantium commiseratio illius manus cohibitura sit à sumendo supplicium de infidis & obduratis hominibus. Sed quemadmodum hic Dæmonia & Porci immerfi sunt in fundum Maris, ità & *flammarum Diluvium* infundendum sit in terras in extremo Judicio, quo terrestria Animalia omnia simul cum Diabolis & damnatis Animabus igni urantur inextinguibili.

C A P. VIII.

1. *Aquæ in vinum Conversio à Christo facta.* 2. *Præda piscium miraculosa.* 3. *Nummulariorum è Templo efflagellatio.* 4. *Ambulatio ejus super mare, ventorumque increpatio.* 5. *Ficus maledictio.* 6. *Sensus illius miraculi.* 7. *Rationes cur mentem suam tam ænigmaticè expresserit.* 8. *Quod tum Prophetæ tum ipse Christus (ut in Ceremoniis quibus Christus usus est in sanando cæcum à nativitate) si rôvay loquebantur, id est, per actiones Typicas.* 9. *Quæ figurarentur in ceremoniis quibus Christus usus est in sanando cæcum, ut in luto attemperando cum spato.* 10. *Ultior pleniorque interpretatio totius illius operis.* 11. *Breves quædam stricte super vaticiniis Christi.*

1. **P**Ræter illa miracula quæ referri possunt ad quatuor illa genera quæ notavimus, sunt etiam singularia quædam exempla & naturæ inter se differentis. Cujusmodi sunt, *Aquæ conversio in vinum, Præda piscium miraculosa, Nummulariorum è templo ejectio, Ambulatio super mare, & Ventorum increpatio.* Quibus omnibus hoc commune est cum reliquis, Quod ex nulla vanitate aut ostentatione ederentur, sed ex Amoris principio charissimique affectus, cum semper invitaretur præsentī aliquā necessitate ad suam ostendendam miracula edendi facultatem. Quemadmodum in aquæ conversione in vinum in nuptiis *Cane Galilææ* celebratis, quam ille præstitit, tum matris instinctu & sollicitatione (quanquam reluctanti animo propter invidiam Phariseorum qui mortem ejus machinabantur) tum ex sensu humanitatis, cum tantopere de vino laborarent (majori, ut fieri poterat, multitudine Jesu gratiā ad Nuptiale convivium confluentē quā expectabatur) immò ausim dicere ex perquam amabili mirabilique Spiritus tenore, & qui personæ ipsius *divinitatem* concederet. Quid enim Divinius esse potest affine magis Deo, quā cum ipse voluptatum hujus vitæ vinculis prorsus liberatus esset, nuptialisque tori inexpertus, ut seposito tamen omni fastu & supercilio, alienarumque infirmitatum exprobratione, necessarium matrimonii usum foveret & suffulciret, legitimis eorum desideriis, qui ab hisce rebus se expedire non possunt, in consuetis naturalibusque corporis oblectamentis perhumaniter gratificans?

2. Miraculosa Piscium præda quam cepit *Simon* postquam rete laxaverat ad jussum Servatoris, partim *compensatio* erat longi eorum laboris qui totam noctem laborantes nihil ceperant, partim felicissimi illius successus, quem habiturus erat *Petrus* postquam factus sit piscator hominum, *præfiguratio.*

3. Miraculum illud *efflagellationis Nummulariorum è Templo* (itā enim *Grotius* illud vult æstimari, quandoquidem id Christus præstitit, quemadmodum ille scribit, *nullā vi externā, solā divinā virtute venerabilis*) quanquam primā facie videri potest illaudabilis passionis plenum ac furoris, provocatio tamen admodum justa erat, & *principium* unde hic zeli æstus effluxit omnium optimum; Charus scilicet affectus erga despectos *Gentiles* (quorum atrium sive locum divini cultus Judæi per insignem contemptum prophanabant) & justa adversus *Judæos* indignatio, qui ex stolidā quadam superbia & opinione, quod semen erant *Abrahæ*, quamvis reverā *Diaboli* filios se præstiterint, miseros *Gentiles* aspernabantur & contemnebant, pro quibus tamen Christus *mortuus* est: Erātque sanè facinus Amoris plenum Heroicique affectus, eorum jura sic tutari dum *vivebat*, ac defendere.

4. Inambulatio ejus super mare eā re facta est ut ad discipulos veniret, qui laborabant & remigabant contra ventum fluctusque, cum verisimillimum sit eum nullam habuisse opportunitatem *Cymbæ*, quo ad discipulos veheretur. Et postremo quantum ad ejus ventorum marisque in ingenti tempestate increpationem, manifestum est quod necessitas ipsi extorsit hoc miraculum, quippe quod navigium fluctibus cooperiebatur, propèque aberat ut discipuli, prout ipsi censebant, mari immergerentur, quod fecit ut è somno eum excitarent & clamarent, *Serva nos Domine, perimus.* Tam nativæ, tam appositæ, ac decoræ sunt omnes Christi actiones & miracula!

5. Unica jam restat Instantia, eaque ferè, si fas sit ita loqui, *Monadica*, Exemplum cui nihil est consimile per universam Evangelii Historiam. Est autem Fici Imprecatio. Cujus rei sensus multos sanè exercuit habuitque perplexos, quemadmodum & ipsa narratio scandalum posuit nonnullis; tanquam si hæc actio non solum levitatem

levitatem aliquam præ se gereret sed & ridiculam quandam ferocitatem, cum aliqua etiam specie Injustitiæ, si modo Injustitia adversus arborem fieri potest. Ecqua enim erat ratio cur malediceretur arbor ob id quod fructus non ferret, etiam tum cum anni tempestas ferendo fructui non erat idonea? Equidem hoc videtur admodum enorme ac præposterum. Verum si res rectè intelligatur, nihil profecto magis grave est, magisq; sobrium, & quod plus in se habet ponderis ac Mysterii.

6. Quod ad me attinet, nullus dubito quin genuinus hujus rei sensus hic sit; (& ad vivum sanè id quod significat repræsentat) Acceptissimum utiq; exoptatissimūq; fructum æternæ Justitiæ non inveniendum esse in *Judaica Oeconomia*: Immo, addam ulterius, illam arborem nunquam destinatam fuisse ad hujusmodi fructus ferendos, sed ficulnea tantummodo folia externæ & *Ceremonialis* Justitiæ, & superficialiæ cujusdam *legalisq; Moralitatis*. Perfectiores verò fructus *Spiritus regenerationis* non erant inibi inveniendi; quanquam Christus in mundum venit ut exprobraret ipsis hujus rei defectum, itaq; finem imponeret Religioni *Judeorum*, ita ut marcesceret prorsus & ad nihilum recideret, quemadmodum & hodie factum deprehendimus. Quæ consideratio inter alias, quæ in sacris paginis occurrunt, manifestius confirmat quod in eventu verum esse invenimus, nimirum juxta æternum Dei consilium Christum præcipue Gentibus decretum fuisse, fractaq; *Judaismi* testā in qua fovebatur ad tempus, sub tot umbris typisque, volatum illinc sumere oportuisse, posteaq; alas per totum terrarum orbem expandere.

7. Verum hoc Mysterium, cum minus profundæ mentis hominibus durum videri posset & asperum, ea erat ingenii Servatoris dulcedo & suavitas (ut qui ab omni offensione erat alienissimus) ut nec illis scandalum vellet ponere, nec Judæorum aures rudi monito radere, *Mosaicæve* apertè taxare *Oeconomiam*, quam gens illa in tanto pretio habebat & reverentiā, ac proinde arcanam hanc veritatem ænigmatico hoc tantum miraculo monumentis mandandam curavit.

8. Atq; sic *διὰ τῶν* loqui æquè ac *διὰ λόγων* non Prophetis solum solenne erat, sed & ab ipso Servatore usurpatum, etiam in aliis causis pariter atq; in hac. Ut in ratione sanandi cum qui natus est cæcus, Johan. 9. ubi ceremoniæ quibus utitur, admodum absurdæ videntur atq; alienæ eis qui earum mentem non intelligunt. Si quis verò sensum ipsarum rectè perceperit, non possunt non agnosci mirum in modum ad illud institutum aptæ ad quod adhibebantur. Non ad sanandum quidem cæcum (quid enim potest lutum sputūq; aquæ paululum è piscina, ad recuperandum visum homini qui natus est cæcus?) sed ad illustrandam, per Mysterium, grandem aliquam veritatem quæ ad Jesu personam spectaret.

9. Qualis est illa, quod Dei erat filius *æternusve sermo*, quo Deus mundum creavit hominēq; formavit è limo terræ; In cujus rei adumbrationem lutum cum sputo temperat, ut qui jam correctionem aggreditur emendationēq; operis manuum suarum. Quod *Erasmus* planè videtur alludere in Paraphrasi sua in hunc locum, *Ejusdem autem*, inquit ille, *Autoris est restituere quod perierat, qui condiderat quod non erat*. Nec prætermittenda est altera veritas perquam maximi profecto momenti, quæ ad vivum in hac *Typica* sanatione depingitur; Quod debemus utiq; mentium nostrarum renovationem expectare & regenerationem ab illa potestate quæ nos creavit; quodq; nemo potest ad Christum venire, tanquam ad *visibilem* personam, nisi Pater, hoc est, *æterna Divinitas* eum attraxerit, vel quemadmodum loquitur Apostolus ad Corinthios, *Quod nemo Jesum potest Dominum dicere nisi per Spiritum Sanctum*. 1 Cor. 12.3.

10. Hoc igitur est quod dico, Christum, dum lutum cum sputo temperat, æternam sic Deitatem adumbrare quæ creavit omnia; Quodq; primò in cæcum operatur, eūq; mittit postea ad piscinam *Siloam* (per quam proculdubio intelligitur *Shilo* sive *Messias*) hoc prædictas veritates nobis planè figurare. Illos nempe qui ad Christum veniunt fidelitēq; ipsi adhærent, ad id præparatos esse ipsiq; sic datos à Deo; atq; per fidem in eum purgari & purificari ab omni cæcitate & immunditie, opitulante illo Spiritu, qui promittitur omnibus credentibus in eum, quemadmodum & ipse Christus pronunciavit, *Qui credit in me, ex ejus ventre fluent aquæ perennis flumina*. Johan. 7.38. Quod ille intelligit de *Spiritu*, cujus proinde & hæ aquæ *Siloam* aptum est Symbolum & figura, cum tam signatè denotent vel ex ipso nomine, prout jam innui, purgantem sanantēq; Spiritum Christi, qui ille *Shilo* est sive *Siloam*, quo lavandi sumus & purificandi ab immundo illo terrenōq; sensu quem in statu Naturæ primæ Creatione, antequam Regenerationis opus in nobis aut inchoatum esset aut peractum, infelicitèr haulerimus.

11. *Miracula* Christi perlustravimus; cursim jam strictimq; illius dispiciamus *vaticinia*.

vaticinia. In quibus, id maximè notatu dignum est, quòd sint admodum pauca. Quod ego tanquam reprehensionem & opprobrium in naturalem illum in humano genere divinandi prædicendiq; futura pruritus considero. De quo Impostores ut plurimum maximè gloriantur, & ad quod Gens quædam *Americana*, longè præ aliis *Athea*, tam vehementer feruntur, ut sæpenumerò ex isthoc studio ad insaniam usq; incalcescant. Cæterum paulum ex ore Servatoris excidit per modum vaticinii, nisi quod quodammodò necessarium esset ut prædiceretur. Cujusmodi erat illius *Passio*, & *Resurrectio*, *Urbis excidium* & *Judicium generale*. Exercuit etiam divinandi facultatem in congressu cum foemina *Samaritana*. Verum adeò seria erant & intenta illius ad eam alloquia, ut famis sensum planè perdiderit; quippe qui plus studio promovendi ejus conversionem & compatriotarum oblectabatur, quàm vel delicatissimis bellariis quæ ipsi in mensam possent apponi. Prædixit etiam quisnam esset qui cum erat proditurus; sed eo consilio ut demonstraret, prodicionem illius aliàsque omnes calamitates, cum præviderentur, potuisse etiam evitari, seq; eas proinde suâ sponte sustinuisse. Quò etiam spectat & illa prædictio, *Et ego si à terra evehus fuerò, omnes ad me traham*: quemadmodum & ea de bono Pastore vitam suam pro ovibus deponente, & mox addente, *Atq; alias oves habeo quæ non sunt ex hoc ovili*, quo Gentiles subindicat, qui introducendi erant & lucrifaciendi per illius mortem. Quæ manifesta est demonstratio, Christum voluntariò, ex sincero suo amore erga genus humanum passum esse, anteq; prævidisse, quàm efficax Instrumentum futura esset illius Passio ad convertendas Gentes ad veram Dei cognitionem.

Johan. 12. 32.

Vide lib. 7. cap. 17. Sæcl. 8.

C A P. IX.

1. *Miracula Apollonii cum Christi miraculis collata.* 2. *Illius in convivio Magico Exceptio per Iarcham reliquosq; Brachmanas.* 3. *Hydropici & à cane rabido morbi curatio.* 4. *Civitatis Ephesi à peste per eum liberatio.* 5. *Dæmonii ejectione è ridibundo quodam Dæmoniacò, plorantisq; Spectri fugatio super montem Caucasum nocte Lunâ illustri.* 6. *Liberatio Menippi à sponsa sua Lamia.*

1. **A**ctiones Christi jam percurrimus, illas nempe quæ extraordinariæ erant & miraculosæ; progrediemur jam ad illius *Passionem*, postquam brevem collationem instituerimus inter maximè celebrata facinora *Apollonii* & *Miracula Servatoris*, secundum ea capita quibus jam institimus. *Miraculosam* nempe *populi Saturationem*, *Sanationem Morborum*, *Dæmoniorum ejectionem*, *Excitationem mortuorum*, & *rerum futurarum Prædictionem*.

2. Quod ad primum attinet, nullum illius memini exemplum in vita *Apollonii*, sed solummodò scripsisse *Philostratum*, quòd ipse *Apollonius* cum *Medorum Rege* à *Brachmanibus* excipiebatur convivio miris modis parato, ubi *Tripodes* importabantur collocabanturq; in medio absq; manûs ullius hominis ope, *Solumq;* itidem insternebatur herbis odoriferis ac floribus, panisq; & vinum, ac fructus & *tragemata* scutellis per aërem transvehebantur, imponebanturq; mensis absq; ullis ministris qui ipsa apportarent. Quæ Historia cum tantam cum narratiunculis de *Sagarum* conventiculis affinitatem habeat, cumq; *Iarchæ* suorumq; fratrum *Brachmanum* conversatio tam plena contemptu esset & insolentiâ contra Regem primariòsq; illius comites, fratrem intelligo filiòsque, hoc sanè cuivis fidem facere potest illos homines nihil à *Magis* discrepasse, charissimùmq; illorum alumnum ac discipulum *Apollonium* alium non fuisse quàm *Veneficum* & *Necromantem*, quod & *Magica Achilles* manium per eum Excitatio ulteriùs confirmat.

3. Quantum ad ejus sanationes, plures tribus non memini. Quarum prima naturæ morumq; vim potiùs referre videtur quàm miraculi; quippe quòd juvenem *Hydropicum* solis temperantiæ præceptis in *Æsculapii* templo curavit. Altera curatio erat cujusdam à cane rabido morbi, qui tantâ indè intemperie laborabat ut latraret, quadrupes incederet, humiq; procumberet in morem Canis. Sed tam propè accedit ad fascinationis speciem, eratq; *Apollonius* tam gnarus & accuratus in eis dignoscendis detegendisq; quæ loci Incolæ (qui *Tarsus* erat) eum edocere non poterant, ut colorem scilicet villositatem aliàsque qualitates canis; quemadmodum & ubinam esset; ut magna suboriatur suspicio illum ipsum qui curavit morbum, eundem etiam inflixisse,

infixisse, vel potius ejus *Dæmones* familiares. Atq; sic verisimile est canem æquè ac hominem fuisse effascinatam. Venit enim à ripa fluvii (ubi tremens steterat tanquam si febris laborasset) simul atq; *Damis* ipsi in aurem insusurraverat quòd *Apollonius* ipsum paucis vellet. Qui & populo porro narrabat, dum canem recreabat demulcebátq; manu, Animam *Telephi* è *Aspsa* in eum intravisse. Quæ conjectura nostra ulterior est confirmatio. Sed verò omnes Historiæ circumstantiæ aut ludicræ sunt & ridiculæ, aut tandem impiæ. Ut in eo, quòd effecit, ut canis hominem curaret lambendo eum, ipse verò canem curavit precando *Cydnum* fluvium, canemq; in flumen projiciendo.

4. Caterùm celeberrima sanatio quam fecit, illa erat quâ *Ephesum* civitatem à peste liberavit. Cùm verò jam palàm sit qualis vir esset *Apollonius*, purus putus scilicet *Magus*, non possum non suspicari quin hujus curationis ratio eadem sit quæ prioris, totaq; civitas, tam dirum morbum, quàm est vorax pestilentia, à manu *Diaboli* passa sit, ut majorem indè gloriam strenuo illi Paganismi *Hyperaspistæ* acquireret *Apollonio*, cujus esset, ad famæ suæ incrementum, à tam insano malo civitatem liberare. Hujus verò nostræ opinionis duo sunt non contemnenda argumenta; Unum populi per eum in Theatrum convocatio, animatioq; ad obruendum jactis lapidibus mendicum pannis annisq; oblitum, quem illis persuadebat esse *Pestem*; cùm tamen esset, ut videtur, *δαίμων τελευταιῶν*, pestiferus *Dæmon*. Quemadmodum apparuit ex oculis ejus dum lapidabatur, & ex canis villosi præstigiis, Leonem magnitudine æquantis, sub acervò lapidum inventi; cùm tamen populus eum ibi videre formâ priori, pannosi utiq; mendici, expectaret. Alterum argumentum est quòd cives *Ephesini* Imaginem erigebant *Herculi Apotropæo* in eo ipso loco quo mendicus lapidatus est. Quod indicium est Idololatriam Paganicam in fundo fuisse hujus tam belli instituti. Quamobrem duas has ultimas Curationes tanquam à suspectis principiis profectas confidero, miraculâq; tanquam facta in *Objecta* absconsa & inepta.

5. Quantum ad *Dæmonum* ejectiones nullum memini exemplum præter unum, eratq; in juvene quodam è *Corcyra* qui ridibundus erat *Dæmoniæ*, ex quo *Apollonius Athenis* per multas repetitas comminationes & impetuosâ maledictâ, ejecit tandem malum spiritum, qui in signum sui discelsus fecit ut ingens statua deturbaretur à regio vestibulo in Civitate, magno cum strepitu ac fragore. Ad hunc censum referri etiam potest, quanquam sanè haud ita propriâ reductione, adjuratio *Speſtri* quod ipsi suisq; viæ comitibus apparebat itinerantibus nocte, in monte *Caucaso*, splendore Lunæ illustrissimâ. Quod quidem *Speſtrum* ipsis anteibat nunc in una forma nunc in alia: Sed multis & vehementibus increpationibus, multisq; convitiis, contumeliis & execrationibus coactus tandem est *Dæmon* disparere & discedere, lugens ploransq; quòd tam inciviler tractatus esset ab *Apollonio*.

6. Hicce addere possumus historiam *Menippi* & *Lamie* quæ in forma pulchræ adolescentulæ amorem sollicitabat *Menippi*, ipsiq; tandem persuasit ut se duceret in uxorem. Verùm *Apollonius*, cùm convivio Nuptiali interesset, præstigias detexit, & increpando sponsam convitiandâq; effecit, ut totum, quantum memini, ædificium, (quod haud procul à *Corinθο* situm supponebatur) supellex saltem, (certus sum) opesq; illius, mobilia omnia, tapes, aurea vasa & argentea, immò verò ipsi assecræ, famuli munificesq; hujus bellæ matronæ simul evanescerent. Atq; ipsa sic sola relicta, coacta est fateri se scdum esse cornivorûmq; *Dæmonium*. Aded aut frivola aut exorbitantia sunt omnia miraculosa facinora *Impostoris* hujus *Deificati*. Omnia verò objecta miraculorum *Servatoris*, quod initio notavi, magis obvia erant & familiaria. Quod ed certius est argumentum tum *Innocentiæ* ac sinceritatis *Personæ illius*, tum *Veritatis Historiæ*.

CAP. X.

1. *Sponsa cujusdam Romæ è mortuis excitatio per Apollonium.* 2. *Divinationes ejus & particulatim per insomnia.* 3. *Divinationes ab externis aliquibus accidentibus in Natura.* 4. *Domitiani necis per Stephanum patræ, ab Halone Solem coronante prædictio.* 5. *Astrologia & Meteorologia Paganica superstitionis tegumenta & conversationis cum Dæmonibus.* 6. *Hujus rei detectio ex illius prædictione per Halonem cum ecstaticis suis maniacisq; motionibus Ephesi, comparata.* 7. *Generalis è toto Parallelismo factorum Christi & Apollonii Conclusio.*

1. **C**Elebre illud facinus *Romæ*, quæ excitatio erat sceminae adolescentulæ ad vitam, quæ ferebatur ad Rogum, solidum profectò futurum fuisset miraculum, si ullum omnino reverà fuisset. Sed enim cum tempus non notetur, quamdudum utiq; esset mortua, verisimillimum est non majus effluxisse, quàm quod *Ecstasi* animive defectui competat. Verùm quandoquidem cognitio Diaboli ultrà se extendit quàm illius potestas, facilè certiorē facere potuit *Apollonium* quàm tempestivam nactus esset opportunitatem ementititium edendi miraculum. Excitatio verò *Lazari* per *Servatorem* postquam quatrídium fuerat mortuus, fidem facit sufficientem duobus illis alteris hoc genus miraculis, vera fuisse ac realia. Hæc igitur *Romæ* recens nuptæ sponsæ ad vitam revocatio, ad prædictiones divinationesve *Apollonii* referri potius debent quàm ad Miracula, quæ præ istis admodum erant pauca. Exempla verò quædam in medium proferemus, neq; enim operæ pretium esset omnia recensere, neq; sanè hæc quæ proferimus nimis ampliter commemorare, sed nominare solummodo, breviterq; perstringere.

2. Hujusmodi erat detectio impuræ libidinis novercæ *Timasionis* in *Ægypto*, & prædictio scædi facinoris Eunuchi cujusdam in Concubinam quampiam Regis *Babylonis*; quemadmodum & *Pharionis* conservatio, *Alexandriæ*, ab extremo supplicio cum aliis Latronibus subeundo, quibus cum ducebatur ad patibulum; detinendo scilicet carnificem longis alloquiis usq; dum nuncius in equo, cursu citatissimo equitans, divinationem *Apollonii* clarâ innocentie *Pharionis* demonstratione confirmasset. His addere poteris divinationes per *insomnia*, ut illam de piscibus supplicantibus, qui *Delphini* orabant favorem; quod ille in *Eretriensium* commodum interpretatus est pro quibus intercedebat apud Regem *Babylonis*. Aliamq; quâ divertebatur à proficiscendo *Romam* antequam *Cretam* invisisset; quippe quòd scemina pretioso *Diademate* coronata, quæ se *Jovis* dixit esse Nutricem, amplexata eum esset in somno, orans ut apud ipsam paulisper commoraretur antequam iret *Romam*. Quam sceminam ille intellexit esse *Cretam*, ubi *Jupiter* natus est & educatus.

3. Erant autem & aliæ Divinationes multæ quas videbatur ab externis aliquibus Accidentibus in Natura colligere. Cujusmodi erat illa è pipilationibus passerum (in media concione quam habebat apud *Ephesos*) ad quas sermonem abruptit ut indicaret illis hominem juvenem haud longè illinc frumenti saccum in vico effudisse. Illaq; de *Læna* quam venatores in *Babylonia* occiderunt, cum *Apollonius* iter faciebat in *Indiam*, quæ cum octo catulos in ventre haberet, ille indè annum fore octoq; menses ominatus est antequam domum redirent. Tertia erat ab horribili tonitru *Romæ* in *Eclipsi*, ad quod ille attollens in cælum oculos, *Res admodum mira est*, inquit, *si hoc futurum sit frustra*. Verùm mens ejus postea satis nota erat ex eventu. Poculum enim *Neroni* è manu excussum est tunc bibenti, fulminis ictu, dum mensæ affidebat. Quarta erat è partu monstroso *Syraculis*, cum scemina ibi nobilis enixa esset filium cum tribus capitibus. Quod ille interpretatus est de tribus *Romanis* Imperatoribus *Galbâ*, *Othone*, & *Vitellio*.

4. Quinta ultimæque, quam memorabimus, *Halo* est quæ observabatur circa Solem in *Græcia*. Quod meteorum cum rotundum sit ad instar *Coronæ*, multumq; Solis lumen obscuret, *Apollonii* prædictio erat hominem quendam *Stephanum* nomine (quæ vox *coronam* significat) occisurum esse *Domitianum* Imperatorem. Quod verò ad me attinet, ego in eâ sum sententia, observationem prodigiorum æquè parum adjumente asferre hominibus in hujusmodi accuratis prædictionibus, quàm aspectuum astrorum. Prætextus verò solummodo hos esse & tegumenta vilioris alicujus Artis vel potius impiæ cujuspiam Superstitionis sceleratæq; familiaritatis cum *Apostatis Spiritibus*.

5. Quod

5. Quod quidem notabilis circumstantia Eventu hujus postremæ Divinationis cui-
libet demonstrare potest qui nullo laborat præjudicio. Etenim dum *Domitianus*
trucidabatur *Rome*, *Apollonius*, *Ephesi*, totius illius negotii peractionem æquè clarè
videbat ac si fuisset *Rome*. Et in ea illa hora quâ perpetrabatur facinus, *Stepha-*
num ad facinus animabat, & prorsum exiliens retrorsumq; oculisq; patulis & exertis
terribiliter circumspectans, Tyrannum jussit percuti, tanquam si ipsi rei præsens in-
terfuisset eamq; promovisset. Quæ *Maniaca Ecstasis* & horrida, argumentum est
eum tunc à Dæmone fuisse correptum, qui hujusmodi rerum scenam in animo ipsius
excitaret, ac proinde veri esse simillimum Dæmonem illas, etiam antequam evenis-
sent, ipsi prænarrasse.

6. Quamobrem ut breviter concludamus de factis extraordinariis *Christi* & *Apol-*
lonii; In unis nihil est nisi quod solidum sit ac necessarium, nisi quod magnum præ
se gerat pondus & utilitatem, & quod à *Divino* inculpatóq; Principio sit profectum:
In alteris nihil nisi quod sit temerè affectatum, leviculum, & frivolum, aut *Infer-*
nale deniq; & Diabolicum; nè illo circa *Pharionem* quidem excepto, quod tamen
speciem præ se fert maximè omnium plausibilem. Illa enim Divinatio nihilo præ-
stat eis quæ à Sagis vulgaribus fiunt. Illéq; justitiæ actus, qui innocentis erat à
morte vindicatio, (quæ certè in se bona est) ad vilissima tamen proposita est detor-
tus, nempe ad fidem conciliandum insigni illi *Paganismi Instauratori*, sedulóq; *suf-*
fultori Regni Diaboli.

CAP. XI.

1. *Collatio Ingenii sive Spiritus Apollonii cum illo Christi.* 2. *Apollonii Spiritum usq; ad Animalis quidem vitæ summitatem evectum fuisse, sed non altius.* 3. *Superbiam fortissimam fuisse tenebrarum Catenam quâ Apollonius tenebatur, cum enumeratione quorundam illius speciminum.* 4. *Totam ejus vitam nihil aliud fuisse quàm superbiæ exercitium & inanis gloriæ, cum per audaciam suiq; vendicationem se in gratiam apud maximos quosq; quocunq; iverit, ingereret.* 5. *Exceptio illius apud Phraotem Regem Indiæ, Iarchamq; principem Brachmanum.* 6. *Ut immiscuit se rebus Imperii Romani; Conversatio illius cum Magis Babylo- niis, Egyptiisq; Gymnosophistis; deq; plausibili ejus sermone & eloquentia.* 7. *Quod honoris famæq; sensu inescatus tam actuosum se præbuerit instrumentum pro Regno tenebrarum.* 8. *Quod, tametsi Brachmanes Deum eum pronuntiârunt, nihilo tamen præstaret speciebus nobilioribus Bestiarum.*

1. **M**iraculorum & Vaticiniorum *Christi* & *Apollonii* Parallelismum jam perfecimus, nostramq; super eis in medium protulimus sententiam: Cujus censuræ æquitas veritasque, ut manifestius omnibus appareant, utriusq; breviter comparabimus *Ingenium Spiritus sive temperiem*.

2. Quam fateor in *Apollonio* fuisse, quò quidem *Animalis vita* unquam pertinere potest, nobilissimam. *Animalis* verò *vita* vel ad summum evecta gradum à salutari Dei cognitione multum abest, neq; quicquam est amplius quàm quòd, in communi, *Bestiis*, *Diabolis*, & *Hominibus* quodammodò competat. Hæc igitur agnoscemus fuisse in *Apollonio*, *Politica* scilicet *justitiæ* sensum perquam generosum, severamq; professionem *Temperantiæ*, magnamq; *Scientiæ* affectationem, præsertim rerum futurarum. Quantum verò ad *Justitiam Politicam Pacemq; civilem* ac concordiam, quæ ipsi toties cordi esse videbantur & ad quæ tam vehementer hortabatur civitates quocunq; ivisset, nihilo certè istis inferiora recipiuntur ac foventur in ipso *Regno Diaboli*, quòd, si à seipso dissideret, stare non posset. Et quod vehementem *Scientiæ affectationem* spectat, manifestum est illam merum esse *Naturalis vitæ* ramusculum, talémq; qui etiam Apostatis spiritibus competat, imò verò multò magis ipsis quàm cuivis vulgari viro bono ac honesto: Cúmq; *Apollonii* Temperantia ultra hoc quod tam vile est & abjectum non collinearet, quàm longè obsecro, ab illo deficit, quod reverà *Cæleste* est, atq; *Divinum*? Hoc igitur de eo observatu dignum est; quòd si uno se expediverit *Animalis vitæ* laqueo, id certè factum est, ut alteri firmitus arctiusq; se illigaret.

3. Sed fortissima tenebrarum Catena quâ captus esset, est *Superbia*, quæ tametsi

è subtilioribus tenuioribusq; annulis concinnata sit, diutius nos captivos tenet quam quævis alia. Hoc est quod illius vitæ Historiam magis dedecorat quam ulla alia cuiusmodicunq; *Immoralitas*. Ad quid enim nisi ad hoc reduci potest fastuosa illa ac ridicula supplicatio, quam *Antiochia* ad *Apollinem* effudit, ut Plebem scilicet illius loci converteret in Cupressos, ut vento eorum Ramos invadente, sic fabem possent aliquem edere sonum, cum jam planè muti essent nec ullo modo habiles ad sermones ferendos cum tam gravi sagaciq; Philosopho? Cuiam rei præterquam huic imputari potest magnificum illud responsum quod *Pontis custodi* dedit quando transibat in *Mesopotamiam*, rogatus quas merces secum attulisset? Ad quod ille continuo respondit se apportasse secum, *Iustitiam, Temperantiam, Fortitudinem, Continentiam, Tolerantiam, Magnanimitatem ac Constantiam*, superaddidit etiam reliquis *Modestiam*. Verùm malè collocata est illa virtus in tam gloriosa expansione suarum laudum. Ad quod deniq; nisi ad hoc referri possunt illius cavillationes ad graves sobriásq; quæstiones quas rogabatur à Præfecto præsidiorum in confinibus *Babylonis*, ubi ità elatè arrogantérq; se gessit tanquam si Rex esset omnium Regionum quocunq; pervenisset?

4. Cæterum quid opus est particularia recensere, cum tota illius vita nihil aliud esset quam magnificus quidam elatúsq; incessus in huius mundi Proscenio, aut laboriosior quædam perambulatio & succussatoria ab una terrarum orbis Gentè ad aliam, ad honorem sibi plausumq; erogandum, corrigendo consuetudines Paganorum lapsosq; eorum ritus instaurando, partésq; agendo irrefragabilis Reformatoris ubicunq; placuerit. Quæ sanè res est carni & sanguini suavis admodum & jucunda. Quibus addas audaces illius Principum ac Magnatum visitationes, quantà maximà fieri poterat cum confidentia & propriarum virtutum ostentatione; cum seipsum mensuram præstaret æstimationis aliorum; adeò ut consuetum honorem noluerit facere *Bardani Babylonis* Regi antequam certior factus esset virtutes ejus illud meruisse. Apud quem, quemadmodum & apud alios Principes, de rebus Politicis diserebat, nihil detrectans præsentem juris administrationem. Et certè inopinata hæc illius audacia nusquam ferè carebat successu, cum nescio quo fato vel virtute, per sui venditionem, in gratiam se ubiq; ingesserit, aspernando tum pompam tum personas maximorum Principum. Adeò ut semper quasi socius esset familiaris summorum Regum atq; Imperatorum, ut qui ubiq; capti erant maximà admiratione ipsius sapientiæ. Ac proinde *Bardanes* introducit tandem in historia oppidò quàm blandè tractans contentissimèq; exorans mendicum Philosophum, ut in palatio suo dignaretur hospitari, ostendens ipsi omnem splendorem pompamq; Regni sui, magnosq; illi offerens acervos *Auri Gemmarumque*. Quorum prius tamen repudiabat, non poterat tamen à posterioribus manus abstinere, sed acceptabat lubens, sub obtentu quòd mira aliqua virtus Philosophica in ipsis lateret, quòdque idonea futura essent oblatio Diis Immortalibus postquam redierit in patriam.

5. Similiter *Phraotes* Rex *Indiæ* dicitur maximo cum honore eum excepisse, lavatumq; secum deduxisse ad Regium suum Balneum; Conviviòq; postea eum recipiens proximè seipsum collocasse supra suos nobiles. Ut honorem præteream quem apud *Tarcham* habuit, reliquosq; *Brachmanas*, quibus Rex *Indiæ* in ejus gratiam scripserat. Ubi in congressu cum sapientibus illis collocabatur in *Phraotis* Cathedra Regia, interdictus etiam nè surgeret ad ingressum Regis *Mediæ*. Quicum (in epulis illis quarum jam feci mentionem) cum lis quædam orta fuisset, Rex tandem adeò cum eo redibat in gratiam, ut summà & ferè incivili præcùm contentione ab Rege sollicitatus esset, ut se in reditu apud Aulam suam inviseret in *Media*.

6. His superadde, quàm curiosè se rebus Imperii Romani immisceret. Quàm prolixa haberet colloquia Politica cum *Vespasiano*. Quantum conspirationibus faveret contra *Neronem* & *Domitianum*. Quàm doctè apud *Magos Babylonios* disleret; de quibus *Damidi* narravit, eos non adeò perfectos esse quin & suis opus haberent præceptis atq; monitis, ut & fassus est nonnihil se ab ipsis etiam didicisse. Quàm verò insubidè cavillaretur litigarétq; cum *Gymnosophistis*, qui tamen tanti *Arioli* non erant, non minori tamen erant virtute præditi quàm aut *Brachmanes* aut ipse. Postremò, quàm plausibili sermone & quàm magnà uteretur eloquentià, quippe qui multis in locis orationes habebat admodum flexanimas, & exhortationes ad probitatem vitæ & observationem utilissimaram legum & institutorum, talium utiq; quæ ad pacem Civilem facerent populisq; securitatem.

7. Ex quibus omnibus manifestum est naturalem sensum *Honoris* & *Generositatis* alam fuisse & spiritum quo *Apollonius* tantus factus sit suis temporibus *ædelio*; cumq;

cùmq; excelsæ & magnanimæ indolis esset aptæq; natæ ad res altissimas affectandas, *tenebrarum Regnum* eâ re illum inescâsse, Instrumentumq; fecisse ad res suas promovendas; *Paganismum* utiq; per eum quàm maximo poterat ornatu condecorans, ut sic cum ipsa *Christianitate* quoad fieri posset, de principatu contenderet. Et ut nihil prorsus huic *Christi* æmulo deesset, *Indorum Brachmanes* cum tantæ eminentiæ pronuntiarent, ut & vivus & post mortem haberi & coli pro Deo mereretur, quemadmodum supra commemoravi.

8. Quodd si accuratior de ipsius personæ præstantia examinatio instituitur, invenietur sanè tam procul abesse ut Deorum numero sit accensendus, ut nihil quicquam ampliùs in ipso agnoscendum videatur, quàm quod è genere erat nobiliorum Brutorum, hoc est, quàm quodd fuit *purs putus homo naturalis*, ornatus solummodo tectûsve vestis victûsq; Pythagorici larvâ, magicæq; virtutis edendi miracula; quemadmodum demonstrari potest ex tota Historiæ ejus textura, utpote in qua nihil occurrit, quod sapit olève quicquam supra *Animalem vitam* positum: unde tued concludere possumus nihil in eo fuisse *Divini*.

CAP. XII.

1. *Christi Spiritus spiritui Apollonii quàm sit contrarius.* 2. *Historiam Apollonii sive vera sit sive falsa exquisitam arguere vitæ Christi perfectionem, singularemq; præstantiam illius Divini in eo Spiritus quem nemo Paganus aut re aut imaginatione potest assequi.* 3. *Spiritus Christi quàm contemptibilis sit homini merè naturali, quàmq; charus & pretiosus coram Deo.* 4. *Ut Humiliationes singule Christi per privilegia & exaltationes congruas & miraculosas compensatæ sunt à Deo.* 5. *Profundissima illius Humiliatio, Passio scilicet in Cruce, summâ exaltatione compensata.*

QUamobrem vitam inveniemus Servatoris, *Apollonii* vitæ prorsus contrariam, cum nihil de ipso commemoretur quod carni & sanguini sit plausibile. Nullus Prosapiæ splendor, nulla flumina Eloquentiæ, nullus Magnatum favor, nulla cujusvis rei tanquam sibi peculiaris aut de qua seorsim gloriatur, affectatio. Sed cum ubiq; affectus esset contumeliis & despectus, non cessabat tamen à benefaciendo hominibus absq; ullius hominis plausu. Cùmq; ipsa vita atq; spiritus actionum *Apollonii* generosus quidam sensus esset gloriæ, per quem ipsi Diabolus imponebat, ita id quod perpetuo in Servatoris actionibus spirabat, *passibilis* erat, *benignus*, *profundûsq;* *Spiritus Humilitatis*, qui *Divine vite* character omnium est certissimus.

2. Aded ut sive Historia *Apollonii* in integrum vera sit, sive partim vera, partim falsa, sive in integrum falsa, mihi perinde est. Etenim si vera sit, grande hoc Divinæ virtutis exemplare, prout à *Philostrato* supponitur, infinitis spaciis deficit à veritate *Divine vite* in Christo manifestatæ, cum nihil omnino inveniat in *Apollonio* quod sit reverà *Divinum*. Quodd si figmentum sit sive in integrum sive ex parte, quàm excellens est illa *Divina* in Christo præstantia, quàmq; amabilis & illustris pulchritudo illius Imaginis, cujus vel doctissimorum consummatissimorumq; Paganorum calami & penicilli, nè unum quidem lineamentum ducere possunt, nec vel minimam umbram stricturamve dare quæ ad ejus ullatenus accedat similitudinem?

3. Atq; equidem, ut fateamur quod res est, quæ fieri potest ut homini merè naturali unquam in mentem veniret, quodd *humilis quedam ac passibilis, internûq; benignitate diffuens quasi & liquecens, & seipsam afflicta seq; resignans Divinitas*, in ulla persona hospitetur, vel si contingeret, quodd majoris quicquam pretii hic Spiritus haberet quàm ille qui hominibus videtur excelsus magis ac generosus? Verum proculdubio hic Spiritus plus valet apud Deum quàm quæ in mundo sunt cetera universa; & quicumq; hunc injuriâ affecerit, non absurdum est atq; si *ipsum Dei pupillam tetigerit*. Atq; aded illi proinde cordi erant res Servatoris (in quo hic spiritus tam singulari modo præter alios reperiebatur) ut semper ejus *erumnas* ac labores condignis *Triumphis*, & voluntariis *submisiones* & humiliationes suiipius, æqualibus *exaltationibus* compensaret.

4. Atq; ad hanc rationem, humilia ejus abjectaq; *Natalia* Angelorum Chori à

cœlo melodiâ decoravit, ut & Homagio Sapientum ab Oriente qui dona ipsi obtulerunt tanquam recens nato Principi. Itâ & longum ejus in deserto jejuniû virtute non solum curandi morbos sed & mutandi aquam in vinum compensatum est & saturandi per miraculum multitudines hominum in eremo. Quemadmodum & repudiatio omnis pompæ ac gloriæ hujus mundi, (quæ ostendebatur ipsi à vertice montis) transfiguratione propriæ personæ in summitate montis Tabor, in tantâ sanè gloriâ quantam omnes splendores hujus mundi exæquare nequeunt, cùm facies ejus radios emitteret sicut sol, & vestimenta candescerent ad instar lucis. Et postremo, transportatio ejus à loco in locum per manum Satanae ut innocentis Agni in unguibus Aquilæ, hæc etiam tentatio potestate palpabili in Regnum Satanae compensata est, ac virtute ejiciendi Dæmonia fugandiq; multa millia Diabolorum simul, quemadmodum commemoravi de Dæmoniaco, cujus nomen erat Legia.

5. Verum, honor omnium maximus qui illi contigit, ex altissimis doloribus ipsi emicuit, ex acerbissima utiq; Passione in Cruce. Quæ tam gloriosâ Resurrectione, & Ascensione Sessioneq; ad Dextram Dei, ejusq; supra omnes Principatus ac Potestates sive in cœlo sive in terra exaltatione ad plenum remunerata est, quippe qui caput factus est & princeps Angelorum juxta atq; hominum, donatusq; potestate coronandi omnes credentes gloriosâ Immortalitate die novissimo. De quibus omnibus ordine agemus, ostendendo unumquodque, in suo loco, quàm decorum sit quàmq; rationi consentaneum.

CAP. XIII.

1. *His ineffabilis Passionis Christi aliorumq; ejus demerentium officiorum ad mundum sibi lucrificandum revellendumq; à Principe tenebrarum.* 2. *De præcedentibus illius doloribus, deq; Crucifixione.* 3. *Quàm necessarium esset ut Christus esset tam passibilis, tamq; vivo doloris sensu in ejus Passione in cruce penetrabilis, contra Blasphemiam quorundam impudentium Enthusiastarum.* 4. *Ipsorum ignorantia in Divina vita, quodq; illi soli triumphandum esset in persona Christi, nihil adjunctæ auxiliæ Animalis sive Naturalis.* 5. *Si Christus intropidè mortem subiisset & cum paucillo doloris sensu, quod actum fuisset & de solennitate & de utilitate illius Passionis.* 6. *Miranda accidentia quæ comitabantur ipsius Crucifixionem præfigurationes fuisse futurorum in mundo Passionis effectuum in animis hominum.* 7. *Nihil tamen impedire quo minus possint alias etiam habere significationes.* 8. *Tertia & ultima Ratio dolorum Tragicorum Passionis Christi, ex eo quod totius mundi peccata portabat.* 9. *Cavillationes captiose quorundam nimium opinionibus indulgentium Sophistarum qui injustum esse pretendunt apud Deum innocentem fontium loco punire.* 10. *Fundamentum falsum omnium frivolarum ipsorum subtilitatum.*

1. **P**rimum igitur, quantum ad ejus *Passionem*, est, inquam, contemplatio admodum delectabilis, observare, quomodo humilis hic candidusque, ad tantum, quod descripserim, imperium potiundum *Candidatus* in hoc suo negotio promovendo se adhibuerit, suæ non solum potentiae facultatisq; suos protegendî, sed & charissimi affectûs sincerissimiq; Amoris erga suum populum, quod tam horrendos dolores ipsorum gratiâ potuerit sustinere, infallibile edens specimen. Cùmq; ipsi orbis terrarum Regna sibi lucrificare incumberet, assereretur, à manu Diaboli, quàm nullis aliis prorsus consiliis technisve usus sit, quàm quæ propriam suam indolem ante oculos hominum demerentemq; benigni sui Ingenii pulchritudinem exponerent, ad pudefaciendam utiq; confundendamq; deformem illam detestabilemque malignitatem *Apuli* sui injustiq; Regnorum suorum *Usurpataris*. Quamobrem ille moribus contrahat rationibûsq; Satanae, non solum in *Humilitate* ac *Puritate* perpetuâq; per totam vitam Beneficentia, sed ut ingentem disparitatem ac discrepantiam inter veterem illum *Tyrannum* & gratiosum hunc *Principem* qui ipsi successurus erat, ostenderet; cùm Diabolus, quemadmodum memoravimus, miseris suis mancipiis intolerabiles poenas infligeret, cogendo eos propriam suam carnem sauciare & incidere, membraq; sibi per furorem & vecordiam execrare, flagellis urentibûsq; urticis seipso verberare, acutisq; silicibus vulnerare & contrundere, & eod usq; jejunare & macerare

cerare seipſos ut in deserto morerentur præ inedia, collæve ab acclivi rupe præruptæ aliquo loco se præcipitantes frangerent, uti de ipsis refert *Acoſta*; ut præteream infinitos *immolatorum* hominum numeros; Christus è contrà tantum ab hujusmodi fœda Tyrannide crudeliq; aliorum tractatione abest, ut ad quietandos animos nostros de meritò suspecta ira sui Patris, totum hoc onus in se suscepit, ut nos scilicet libi lucrificeret & ad perfectiorem promptiorémq; obedientiam sanctis suis præceptis præstandam ex tanto & tam conspicuo beneficio obligaret. Cum Sceptri illius pondus atq; vis in *Amoris sensu* præcipuè sit percipienda, quo nullum fortius vinculum excogitari potest etiam ad *naturalem Ingenuitatem* devinciendam. Verùm *Serpentis veteris* potestas in timore ac terrore exercebatur & contumelioso malignoq; despectu totius generis humani. Quamobrem, cum hæc magna sit indè utilitas lucrificandi corda hominum eaq; alienandi à *Regno tenebrarum*, Deiq; imperio subjiçendi, quòd Christus tantos dolores & ærumnas nostri causâ sustinuerit, equidem minime mirum est ipsis se lubenter submisisse, quanquam suprà quàm dici potest graves essent atq; intolerabiles.

2. Ac profectò quid potest esse gravius quàm viva illa Representatio acerbissimæ illius *Passionis* (nisi ipsa *Passio*) ubi nimirum in Olivarum monte inter contentissimas ad Deum preces in tanta constituebatur agonia, ut facies ejus sudore manaret guttis consimili sanguineis in terram delabentibus; ut mittam subsannationes inimicorum malignas, sordidasq; in vultum excreationes cum crudelibus verberationibus & sanguinolentis. Quarum rerum consideratio ad quolibet hominem asperitates tolerandas adigere possit, quibus fidem suam posset ac gratitudinem erga tam charum ac benignum *Servatorem* demonstrare. Quid igitur effectura est diræ ipsius Tragicæq; *Crucifixionis* contemplatio? Ubi tam *Divina persona*, imò verò ubi ipse *Dei filius* in carne manifestatus dedecorose inter duos latrones positus in sancta sua & *immaculata Humanitate* adeò ad vivum penetrabatur præſenti sensu realiq; mortis agoniâ, ut præ illius pondere ac gravamine cogeretur exclamare, *Eloi, Eloi, Deus mi, Deus mi, cur me dereliquisti?* Atq; hic profectò totum mundum meritò possit *Jeremiæ* verbis è cruce appellare, *Aspicite & videte an sit ullus dolor par dolori meo quo me affecit afflixitq; Jehovah in die æstus ira sue*.

3. Qui quidem dolor *Passio*q; nisi tam realis tantûq; fuisset, quantus commemoratur, quàm tenuis, obsecro, ludicraq; res futura fuisset Myſterium Christianitatis! Quàm profani igitur & execrabiles sunt miscelli isti homunciones qui in dedecus Christi illud vertere voluerint, quod reverà est Evangelii gloria; tanquam si *Servator* minùs, esset perfectus ex eo quòd adeò *passibilis* esset doloriq; *sensu penetrabilis*? Verùm manifestum est audaces hos insolenteq; *Enthusiastas*, qui de *perfectiõne* adeò gloriantur, ut aut seipſos aut cæcos ipsorum ductores Christo æquiparandos putent, imò verò & præferendos, manifestum est, inquam, tantâ eos laborare ignorantia ut prorsus nesciant in quo verà *Perfectio* consistat.

4. Etenim jam declaravi, Id solum in persona Christi quòd reverà *Divinum* erat, Triumphum debuisse habere ac victoriam, nihil adjutum ullâ omnino re qua pretiosa laudè digna communi mundi judicio existimetur. Et vera sanè illa *Perfectio* & apud Deum approbanda invenitur solummodò in illo quòd *Divinum* est, non in illo quòd *Naturale* est sive *Animale*, tale utiq; cui merè carnalis homo applauderet. Atq; hujusmodi est *Stoicismus* & *Spartanismus*, potestas quidem ac vis quam homines impij Apostataq; Angeli æquè, vel etiam magis affectant, quàm homines sancti & regenerati. Estq; multò majus exercitium fidei atq; obedientiæ erga divinam voluntatem dolores sustinere & afflictiones, quando tam profunde peccant, tamq; vehementer pungant, quàm ubi contra nescio quâ exertaq; *Generositate* *Strenuitate*q; Spiritûs ullòve alio naturali vel artificiali obusmodicinq; adminiculo adjuti contra illorum sensum obnitimur, atq; in hoc æstu animi stomachoq; nostras partes ità agimus, tanquam si invincibiles quidam essemus invulnerabilèq; *Athletæ*.

5. Si ità se res habuisset cum Christo in sua morte, actum profectò prorsus fuisset de *Passionis* illius solennitate. Imò verò nulla futura fuisset *Passio*, nec ullam incussura *Passionem* eis qui ejus lecturi essent Historiam. Cum verò afflictiones ejus tantæ essent tamq; reales quàm fuisse commemorantur, instrumentum erit ad attrahendos versùs ipsum hominum oculos cordaque, omnium sanè efficacissimum quòd mundo poterat exhiberi. Cujus & ipse satis gnarus erat atq; conscius, idq; dum erat in vivis apertè prædicabat: *Et ego si à terra evehctus fuero, omnes ad me traham.*

6. Quæ *Passionis* illius Eventa, miraculosa ista *Accidentia* quæ eam comitabantur, videntur præmonstrasse; Quid enim aliud erat illa veli Templi à summo usq; ad imum Hierosolymis diffusio? Quid illi terræ motus in remotioribus *Judææ* locis,

&

& laceratæ disruptæq; Rupes, quàm auspicatum signum, quomodo terrenæ mentes lapideæq; hominum corda, tempore procedente, quatiendæ essent luctûq; ac dolore frangendæ propter illius afflictiones qui *Servator* est *Universi*? Imò verò quid ipse Sol (qui mundi naturalis vita est atq; anima) quid illius *deliquium* defectûq; significabat, nisi triste hoc *Crucifixionis* Christi spectaculum tantam passionem omnium ingenuorum hominum animis incussurum esse, cordaq; ipsorum tanto amore & affectu erga *Universi servatorem* liquefacturum, ut lubenter mortem cum eo oppetiri sint, ut possint etiam cum ipso vivere æternisq; in cælo gaudiis perfrui.

7. Hæc verò non eò dico, tanquam si alias horum Prodigiorum significationes vellem excludere. Nam & illæ possunt suam habere veritatem atq; usum æquè ac hæ, & quædam ex ipsis præsertim præ cæteris. Quemadmodum *illa Eclipseos Solis*, quæ significare etiam potest veram mundi Lucem, illum utiq; qui à Propheta *Sol justitiæ* dicitur, tunc passum esse; *Illaq; Fissionis veli Templi*, quæ proculdubio rescissionem *Mosaicarum* Legum & Ceremoniarum denotabat, abrogationemq; officii summi Sacerdotis, cum Christus jam parietem intergerinum sustulisset, omniq; fideli accessum liberum impetrasset ad Patrem, morte nempe suâ, quâ nos reconciliavit Deo.

8. Quod nobis & tertiam offert rationem, cur hæc Christi *Passio* tam Tragica deberet esse, ut reverà erat, ejûsq; pondus ac gravamen adedò intolerabile. Divinam enim tunc iram sustinebat pro peccatis mundi in eum effusam, ut qui *percussus erat*, quod ait Propheta, *ob defectiones nostras, & iniquitates nostri omnium ipsi imponebantur*, hoc est, *universale Sacrificium* pro toto humano genere factus est. Quod superbus sibiq; nimium placens *Enthusiastes*, qui se tam bene habere imaginatur, ut omnem externam Religionem contemnat, (nisi eam fortè quam ipse adinvenit) dum non satis per otium considerat, impudenter blasphemèq; pro homine imbelli ac delicato eum traducit qui summum suâ sponte dolorem subiit, qui unquam in ullum mortalem hactenus est inflictus, quiq; pondus sustinuit omni *Ætæ* gravius, majûsq; quàm quod ullius *Atlantis* humeri possunt sufferre.

9. Atq; æquè parùm equidem ad rem faciunt captiosæ cavillationes quorundam *Leguleiorum*, ut ità dicam, ac *Rabularum* in Rebus Theologicis. Qui quanquam Personæ Christi satis quidem videntur favere, illiûsq; dolere vicem quòd tam infelicitè inciderit in Latronum manus ac Sicariorum, in nihilo tamen majori pretio illius mortem habent quàm eorum qui cum ipso diem obierunt, sanguinemq; ejus æquè communem ac profanum æstimant atq; malefactorum qui cum illo crucifixi sunt; cum Divina Ira, quemadmodum illi statuunt, illius *Passione* non propitiatur, quippe quòd injustum sit ut homo innocens vice fontium puniretur. Quænam verò injuria, obsecro, fit illi qui lubens aut *debitum* aut *crimen* alterius in se suscipit, debitumq; solvit luitve supplicium, modò is penès quem est exigere utrumlibet aut remittere, conditionem accipiat?

10. Verùm hujusmodi inepti & captiosi rerum Religiosarum tractatores, qui tantam infumunt operam ut obscuritatem eis rebus offundant quæ ex se satis faciles sunt ac manifestæ, merentur potiùs ut contemptui habeantur ac despectui quàm ut ullo eos dignemur responso. Etenim omnes eorum subtilitates, frivolæq; & infructuosæ captiones falso huic innituntur fundamento, Quòd nempe suprema Dei bonitas benignaq; suiipius demissiones & applicationes ad affectus humanos, expendendæ sint ad scrupulositates Juridicas, minutâsq; leges & angustas, quæ spectant ad ordinarias rerum transactiones quæ fiunt inter homines. Sed fruantur hæc jactabunda Ingenia elaboratæ suæ ignorantiz fructu, dum nos interim sensum obvium facilèmq; sacrificiorum in omnibus Religionibus considerantes, certiores eo pacto facti erimus de naturali illius significatione in nostra Religione propria.

C A P.

CAP. XIV.

1. *Sacrificia in omnibus Religionibus propitiationes fuisse Iræ Deorum.* 2. *Ac proinde Sacrificium Christi è Religionum sensu potius interpretandum esse quàm legum secularium.* 3. *Incommodum magnum quod acriora quædam Ingenia Christianæ Religioni afferunt, quàmque miserè subtilitatibus suis, allestantem ejus venustatem deturpent.* 4. *Ingens Passionis Christi utilitas cum sanguinolenta Satanæ Tyrannide comparata.*

1. **Q**uam generalis esset sacrificandi consuetudo apud omnes Gentes terræ aded notum est ut nihil opus sit ea in re insistere. Quodq; Sacrificia existimabantur propitiationes Iræ Deorum & peccatorum expiationes, veritas etiam est tam conspicua ut à nemine negari possit; Unde fit ut hæc Sacrificia, de quibus nos agimus, appellata sint *ἱεράσια, εὐχιστήρια, εὐχαρίστια*, Latine *Placamina, Februa, Placamina*. Multa de hoc genere occurrunt apud *Grotium de Satisfactione Christi* cap. 10. Ubi non solum per multas locutionum formulas exemplaq; rerum evincit, Sacrificia antiquorum Ethnicorum iram Deorum propitiâsse; sed etiam (quod ad rem propius accedit) supplicia eorum qui hoc modo reconciliabantur purgabanturque, in eam bestiam translata fuisse quæ mactaretur. Ad quod probandum multas adhibet Autorum Citationes, atq; inter cæteras hæcæ duas. Unam ex *Catone*,

Cum sis ipse nocens, moritur cur víctima pro te?

Alteram ex *Plauto*,

*Mèn' piaculum oportet fieri propter stultitiam tuam,
Ut meum tergum stultitiæ tuæ subdas succedaneum?*

2. Quamobrem cum hic sensus sit eorum Sacrificiorum de quibus nos agimus, in omnibus Religionibus per totum terrarum orbem; multò quidem magis convenit mortem Christi, (qui se dedit in expiationem peccatorum totius mundi) juxta eum sensum, qui germanus ac domesticus est mysteriis Religionum, quàm secundum implicatas scrupulositates perplexasq; ac alienas subtilitates Legum secularium, interpretari.

3. Quantum verò ad innovatrices illas Animas ac pragmaticas, quæ acrimoniâ ingeni sui venustum ac amabilem Christianitatis nitorem exedunt & erodunt, ut *aqua fortis* vel potius *aqua Stygia* politis metallis imposita, qualem illi ab eo inituri sunt gratiam, quem tanto se studio atq; amore prosequi prætendunt? Cum tamen maxime gratæ & illecebrosæ circumstantiæ quibus se mundo exhibuit, aded vitiatæ sint ac fideratæ rudi ipsorum sædoq; halitu, ut quotquot inficere possint errorum suorum contagio, Christianitas ipsis non nisi aridus marcidusq; ramusculus futura sit, quanquam in se Paradisus sit planè aromaticus; ubi sensus affectusq; humani gratiæ Objectorum congruitate ita oblectantur, ut ferè ecstático quodam æstu in amorem abripiantur ac obedientiam erga eum qui paradisiacis hisce deliciis eos excipit. Et quisnam obsecro Paradisus humanæ Animæ contingere potest optatior, quàm dulcis ille dolor atq; gaudium quæ ex hac consideratione germinant? Quòd utiq; ipse *Dei filius* tam tenerum affectum erga mundum gereret, ut vitam pro ipsis deponeret, & tam infamem ac dolorosam mortem obiret quâ peccata expiaret, eòsq; in gratiam reduceret cum suo Patre.

4. Cæterum nec unum hoc illi erat simplèxve adjumentum ad sibi acquirendum mundi imperium. Etenim non tantum summus illius amor erga genus humanum hoc pacto demonstratus est, sed etiam crudelis execrabilisq; natura veteris illius Tyranni eò clariùs enotuit. Quippe quòd cum Diabolus, qui per injustam usurpationem imperium mundi in manus suas attraxerat, (Tyrannidem exercens quàm maximâ poterat crudelitate contemptuq; generis humani) humanum etiam sanguinem sitiebat, & in plerisq; orbis terrarum partibus, prout supra memini, requirebat *hominum mactationes*, (quod à nulla alia causa oriri poterat quàm ex truculenta quadam superbia malignoq; nostri contemptu;) novus hic ac graciosus Princeps, à Deo ipso missus, Christus Jesus, tantum aberat à requirendò ullum hujusmodi vile atq; abjectum

jectum homagium, ut ipse è contrà factus sit pro nobis *Sacrificium*, seipsum semel præstans unum insigne & in plenum sufficiens *ad aqua* sive *Piamen*, ad expianda peccata totius humani generis & ad reconciliandum mundum Deo.

CAP. XV.

1. *Obiectio contra miraculosam Solis Eclipsin in Passione Servatoris ex eo quòd in aliis Historiis non reperitur.* 2. *Responsum; Mirandum hoc Accidens æquè facile omitti potuisse à multis Historiographis quàm alia consimiliter mirabilia, cuiusmodi erat caligo Solis circa Julii Cæsaris obitum.* 3. *Præterea longè fortiores rationes subesse cur Historici caliginem Solis omitterent in Passione Christi, quàm illam circum obitum Julii Cæsaris.* 4. *Grotium verò affirmare Eclipsin hanc etiam apud Paganicos Scriptores reperiri, ut & Tertullianum ad eorum Archiva provocasse.* 5. *Ipsam Textum eam Eclipsin universalem fuisse non innuere, unde Historia prorsus libera sit ab omnibus cavillationibus.* 6. *Apollonii ad Domitiani Tribunal citatio, graviusq; ipsius ad Damidem & Demetrium ad patiendum adversa Philosophiæ causâ exhortationum Ludibria.*

1. **V**idimus quàm *rationabilis* sit *Passionis Christi Historia*. Neq; quicquam est, quod sciam, quod illius *credibilitatem* potest imminuere nisi fortè *miraculosa Solis Eclipsis*. Non quòd ipsa Eclipsis in se sit *incredibilis*, sed quòd incredibile videri possit tam miraculosum tamq; latè conspicuum Naturæ *Accidens* scriptis à nemine mandatum fuisse præterquam ab ipsis Evangelistis, cum humanitas bonæq; literæ in eis temporibus ubiq; ferè flourerent, nec deessent Historici qui huiusmodi res literarum monumentis commendarent. Hæc obiectio magnam sanè primo aspectu præ se fert difficultatis similitudinem, videbitis tamen tandem eam in nihilum prorsus exire.

2. Primum igitur, alia consimilia *Accidentia* notemus quæ evenerunt, æquèq; mundo fuerunt conspicua: Quemadmodum fuit sensibilis illa obscuritas languorq; Solis circa *Julii Cæsaris* tempora, uti etiam in temporibus *Justiniani*. Et sanguinea deniq; obfuscatio vultus illius Luminaris per totum continuum quadriduum temporibus *Caroli Quinti*; Res in seipsis æquè notabiles atq; hæc Eclipsis in *Passione Christi*, omnesq; ut verisimile est, à similibus causis profectæ. Verùm huiusmodi harum causarum moderatio, ut effectum cum *Passionis Servatoris* tempore coincideret, hoc sanè miraculosum erat & per providentiam specialem ordinatum. Jam verò rogo de prima observatione obscurati Solis, per annum integrum sic durantis, concomitantisq; *Julii Cæsaris* mortem, cum tot essent in subsequenstibus seculis usq; ad *Suetonium* Historici, *Livius* scilicet, *Strabo*, *Valerius Maximus*, *Valerius Paternulus*, *Philo*, *Mela*, *Plinius*, *Josephus*, *Plutarchus*, *Tacitus*, quotnam ex ipsis obsecro monumentis mandaverunt hoc tam insigne Prodigium? Nullum invenio Historicum laudatum præter *Plinium*. Qui fortè id ex *Ovidio Virgiliq;* sumpserat. Qui Poëtarum more sibi valdè placentes in memoriæ mandando res mirabiles, & magnificando viros Principes, hoc Naturæ *Accidens* in honorem *Julii Cæsaris* commemorant.

*Ille etiam extincto miseratus Cæsare Romam
Cum caput obscurâ nitidum ferrugine textit,
Impiâq; eternam timuerunt secula noctem;*

Quemadmodum habet *Virgilius* in suis *Georgicis*: Et *Ovidius* similiter in libris *Metamorphoseôn*.

*Solis quoq; tristis Imago
Lurida sollicitis præbebat lumina terris.*

Quæ quidem Solis conditio ut narrat *Plinius*, per annum integrum durabat. Nec absimile est quod *Cedrenus* refert in *Justiniani* temporibus accidisse. Cæterum erant viginti ferè non incelebres Scriptores à *Justiniano* usq; ad *Georgium Cedrenum*.
Remittere

Remittere igitur hic vellem Cavillatorem ad hos *Historicos* ut eos evolveret observetq; apud quàm paucos eorum Prodigium hoc quod in *Justiniani* temporibus accidit, commemoratur. Idemq; dici potest de illo quod contigit in temporibus *Caroli Quinti*. Atq; tunc si deprehenderit adeò insignia *Accidentia* non notari à multis Scriptoribus, qui tamen ea notandi mandandiq; literis habebant opportunitatem, equidem pervellem ut apud se consideret, hujusmodi rationes quæ efficere poterint, ut ipsi talium Prodigiorum scriptionem omiserint, in eos etiam aptè quadrare posse, qui scriptionem omiserunt illius, quod in *Servatoris Passione* contigit, seq; oportere contentum esse cum ab ipsis scriptum inveniat, quorum maximè intererat illud scribere; à tribus nempe fidelibus ejus sectatoribus, *Matthæo, Marco & Luca*, qui sinceriores erga personam Christi reverentiam gerentes quàm illi Principum Adulatores, *Virgilius* utiq; atq; *Ovidius*, erga defunctum *Julium*, miraculosam hanc Eclipsin in illius honorem monumentis mandarunt, quemadmodum illi longam illam Solis obscuracionem in honorem venerati sui *Cæsaris*.

3. Neq; rem totam hoc exhaurit. Etenim possum ulterius addere, Fortiores esse rationes, cur omnes extrà quàm qui Sectatores essent Christi, commemoracionem illius Eclipseos in ipsius *Passione* contingentis omitterent, quàm ut illi Scriptores de quibus loquimur, continuam illam Solis præterirent obscuritatem quæ per integrum annum observabatur circa exitum Regni *Julii Cæsaris*. Nam & ipsa rei novitas *Cæsaris* temporibus majorem animis hominum passionem poterat imprimere, cum obscuritas Solis in *Passione Servatoris* (quanquam non dubito quin tanta esset ut ob defectum solaris luminis Stellæ apparerent eo modo quo æstivis noctibus assolent) facile posset negligi à terræ gentibus, ut quæ jam notaverant Lucem Solis istiusmodi hebetudinibus & obfuscationibus, idq; per longum tempus, esse obnoxiam. Adeò ut quanquam luridus hic & cadaverosus Solis aspectus in *Passione Christi* longè major esset, quàm in *Cæsaris* obitu, cum tamen esset multò brevior, ut qui non amplius tres horas durabat, videri posset ipsis minùs considerandus, præsertim cum nescirent quid portenderet. Atq; equidem postquam rescivissent, minus ipsis futurum fuisse animi illud literis tradendi manifestum est, cum pro nova Religione faceret, ipsorum superstitionibus contrariâ. Adeò ut vel illa sola consideratio, ratio sufficiens videri possit cur notabile hoc *Accidens* ab *Historiographis* tam *Judeis* quàm *Ethnicis* posset prætermitti.

4. *Grotius* verò ex *Phlegonte* Scriptore *Paganico* magis directum ausus est depromere Responsum, Quòd utiq; dictus Author affirmat, ducentesimæ secundæ *Olympiadis* anno quarto (qui annus est quo passus est Christus juxta communem opinionem) tantam Solis fuisse Eclipsin, quanta unquam erat maxima, nocte ex inopinato homines opprimente ad horam Diei sextam (qui est meridies) tenebrisq; adeò ingruentibus ut Stellæ apparerent ad eam diei horam. Mentionem etiam unà facit ingentis terræ motûs in *Bithynia*, ex eòq; ruinas egisse maximam partem *Nicææ*. Citantur etiam & alia ad hunc sensum ex altero Scriptore *Paganico* apud *Eusebium*, quem *Grotius* statuit esse *Thallum*. Quæ quidem Testimonia rata haberi debent atq; firma usq; dum impugnatores veritatis narrationum Evangelistarum, aut per *Chronologiam* apertè probaverint Christum illo anno non esse passum, aut per calculum *Astronomicum* naturalem fuisse Eclipsin Solis eo anno quo passus est, tam horridam scilicet ac funestam quàm *Phlegon* descripsit. *Phlegon* verò dum nullo loco illam adjudicat affigitve, eam subindicat fuisse universalem, ac proinde minimè naturalem. *Tertullianus* etiam apud *Paganos* sermoniacans super hac re, ad eorum *Archiva* provocat de illius veritate. Et quantum ad me equidem nullus dubito quin res vera sit etiam in eo ipso sensu quo de ea loquimur, nempe quòd Eclipsis erat universalis, quicquid sit de testimoniis *Thalli* & *Phlegontis*.

5. Cæterum cum ipse Textus non necessariò hoc supponat, possumus cum *Calvino* ad *Judeam* restringere, Deo per miraculum illis solummodo partibus lucem Solis intercipiente, interjectu scilicet conspissati alicujus corporis, aut excitando nigram aliquam caliginosamq; Nebulam, hujusmodi utiq; quam olim in terra *Ægypti* excitaverit. Scriptura enim cum quolibet horum sensuum satis convenit. Tam parùm occasionis reliquum est Cavillatori & Infideli. Adeò ut *Credibilitas* & *Rationabilitas* præcipuarum Circumstantiarum *Passionis Servatoris* sufficienter sint demonstrata.

6. Cum qua, nihil occurrit in *Apollonii* vita, quod conferri possit, nisi fortè illius ad Tribunal *Domitiani* citatio. Ubi postquam *Domitianus* eum à crimine quod illi intentabatur absolverat, is tamen ostentationis gratiâ, ut aliquod egre-

giæ suæ Magicarum rerum peritiæ specimen ederet, in medio Curiae evanescit, in magnam sanè conternationem Imperatoris & reliquorum Iudicum. Verùm interea loci dum tantus est huiusmodi præstigiarum artifex quibus se à periculo conservet, facit profectò ut omnia ejus magnanima Præcepta quæ tanta cum gravitate cum *Davide* & *Demetrio* communicat (quibus eos animet ad quodlibet patiendum Philosophiæ causâ) hypocritica sint & ridicula. Aded Histronica & ludicra sunt singula in *Apollonio* si conferantur cum solida illa veritate ac præstantia quæ invenitur in *Christo*.


MAGNI

MAGNI MYSTERII PIETATIS EXPLANATIO.

LIB. V.

CAP. I.

1. De Resurrectione Christi quàmque defixus ejus esset oculus in illud eventum.
2. Præcipua Resurrectionis Christi utilitas. 3. Mundus miraculis Christi motus ad pressius considerandam Divinam personæ ejus qualitatem, quò magis eum contemplabatur eò aversabatur magis. 4. Unde perperam interpretabantur eludebântque vim omnem ac evidentiam miraculorum ejus. 5. Crassa eorum ignorantia divinitus exprobrata per illius excitationem è mortuis quem illi aded vilificaverant & contempserant. 6. Christi Resurrectio Immortalitatis humanæ confirmatio.

1.  Gimus de Christi Passione, venimus jam ad Resurrectionem & Ascensionem; Primòque ad illius Resurrectionem, de qua observatu dignum est, quòd Servatoris oculus in nihil magis quàm in eam erat defixus; cum & de ea vaticinatus sit in vita sua in Parabola de destruendo templo & instaurando illo denuò intra tres dies, intelligens utique templum sui corporis; & similiter in applicatione mirandi illius Accidentis quod Jonas contigit. Ut enim fuit Jonas in ventre Ceti tres dies & totidem noctes, ita futurus erat filius hominis in terræ meditullio tres dies & totidem noctes. Nec foras eliminari passus est Transfigurationem suam in Monte ante illius Resurrectionem, ut quæ non erat satis efficax ad fidem ingenerandam animis populi, antequam & hoc ipsi contigisset; Ut omittam invidiosam illam Circumstantiam, Moysen & Eliam evanuisse, Christumque mansisse solum.

Johan. 2. 19.

Matth. 12. 39.

40.

2. Jam verò magna illa utilitas tam stupendi Accidentis in hisce tribus præcipuè consistit,

Primò, In eo quòd insignis quidam sit Triumphus Divinæ vitæ in persona Christi.

Deinde, Quòd tam certum sit pignus beatæ Immortalitatis.

Et tertio, Quòd tam firmum sit sigillum claræque demonstratio veritatis integritatisque omnium Miraculorum quæ Christus in vita sua edidit.

3. Christum Servatorem illustrissimum fuisse Divinæ vitæ exemplum quod in mundo unquam apparuit, à nemine negari potest nisi ab eo qui cæcus sit nullusque habeat oculos ad contemplandum hujus generis splendorem. Verùm ut impendio magis illuderetur Mundi Judicium confundereturque, Deus huic Divinæ præstantiæ per multa aderat & inaudita miracula, ut eò attentius vigilantiusque considerarent hanc tam sanctam & amabilem personam. Sed quò magis, ut videtur, eum contemplabantur, tantò eum aversabantur magis, cum totus mundus tam profundè in vitam Animalem lapsus esset (ipsis Judæis non exceptis) ut nullam notitiam haberet saporemve Divinæ. Immo acri quadam adversus eum laborabant antipathia, quem admodum Sapiens hanc rem satis graphice describit. Nostra cogitata arguit nobis, Sap. 2. 14, 15.

ab aspectu gravis; quippe cum ejus vita sit aliis dissimilis, & dispar institutum. Justorum exitum beatum prædicat & patrem gloriatur Deum.

4. Quamobrem cum tam inveteratum odium adversus ipsum foverent, omnia quæ ediderat miracula, omniaq; quæ ipsi per miraculum acciderant, nihil aliud poterant præstare nisi quoddam majorem in modum acuerent contra ipsum venenatum eorum Invidiæ aculeum. Unde admodum ipsis in proclivi erat perperam singula interpretari & eludere, *Demoniorum ejectionem* fœderi imputando cum *Belzebub* inito, *Diabolorum Principe*; *Testimonium è cælo*, quoddam Dei erat filius, malorum *Spirituum delusioni*, conantium eos denuò in Idololatrias cultus induere; *Saturationem multitudinis* in deserto, *Artis Magicæ* præstigiis, & *Excitationem hominum è mortuis*, naturæ morbi alicujus *Lethargici* vel *Ecstatici*, qui efficere potest ut quis vitâ sensûq; cassus videatur per integrum quatrimum. *Eclipsis* sanè *Solis* mira res futura fuisset si in ipso Sole fuissent tenebræ. At recordari poterant ex aliorum saltem narrationibus mirum in modum obscuratum fuisse, etiam per annum integrum, circa obitum *Julii Cæsaris*, atq; ita considerare hanc in *Christi Passione* obscuracionem, tanquam fortuitam quandam rerum *coincidentiam*, vel delusores aliquos Dæmonas causari, qui lucem Solis in gratiam insignis illius *Magi* interciperent, quem illi dignum esse judicarent qui inter duos consimiles crucifigeretur malefactores.

5. Verum ille, quem isti Transgressoribus adnumerabant, & pro omnium hominum vilissimo habebant, quippe qui abs re nulla commendabatur quæ *Animali vitæ* grata sit & plausibilis (quemadmodum est *Nobilitas*, *Vis eloquentiæ popularis*, *Honores*, *Opes*, *Autoritas*, *Splendida Educatio*, *Pulchritudo*, *Urbanitas* & *conversacionis Amenitas*, cum id genus reliquis) ille, inquam, nihil obstante generali hoc ipsis despectu apud homines, in summo apud eum honore erat qui *Judex* est infallibilis, *cujus viæ non sunt sicut viæ nostræ, nec cogitata ejus sicut nostra cogitata*. Cæterum ut nostros sensus ac judicia conformare posset ad suos, is *Jesum Christum* excitabat è mortuis, *passibilem illam contemptibilemq; Divinitatem* quæ in ipso hospitabatur, ad meritam sic victoriam triumphumq; perducens; cæco exprobrans mundo fœdam suam ignorantiam illius vitæ quæ sibi charissima erat summôq; in pretio; illum utiq; vivificando quem isti per invidiam occiderant, viamq; præparando quâ is ab universis coleretur qui despectus fuerat ab universis, factûsq; *Mundi Recrementum*, quamvis *illius* Ingenium, Vita atq; Indoles majoris esset pretii quam reliqua in mundo universa.

1 Cor. 15. 58.

6. Neq; profectò est hæc *Christi Resurrectio* particularis solummodò honor insigneq; Testimonium personæ Christi perhibitum, quæ tam splendidum erat *Divinæ vitæ* habitaculum, sed certissimum præterea pignus est beatæ *Immortalitatis* eis omnibus qui adnitentur illius exemplum sequi, quoddam utiq; eorum *labor non inanis futurus sit in Domino*. Ac proinde non dicitur surrexisse *solus*, sed in signum generalis illius utilitatis quam habitura esset illius *Resurrectio*, monumenta quorundam recens defunctorum sanctorum spontè aperiebantur, ipsiq; in civitate sancta apparebant multis. Quæ res Typus erant palpabilis, Propheticaq; beatæ illius *Immortalitatis* quam Christus paravit omnibus eis qui in eum credunt fidelémq; ipsi præstant obedientiam, Præfiguratio.

C A P. II.

1. Resurrectionis Christi usus ultimus, confirmatio scilicet totius Ministerii ejus.
2. Quæ fieri poterat ut Pontifices illi ac Proceres populi, qui milites pecuniâ corruperant ut famam spargerent discipulos Christi corpus ejus suffuratos esse, non converterentur potius ad fidem.
3. Quomodo evinci possit Christum reverà surrexisse à mortuis, nec fuisse alicujus Impostoris Dæmonis delusionem.
4. Primum secundumq; Responsum.
5. Tertium Responsum.
6. Responsum quartum.
7. Quintum Responsum.
8. Responsum sextum & ultimum.
9. Nihil ex eo, quoddam apparebat & disperebat pro libitu, argui posse, quin cum eo ipso corpore surrexerit quod in sepulchro jacuerat.

1. **U**ltimus *Christi Resurrectionis* usus est confirmatio totius *Ministerii*. Nam proculdubio *Judæi* eum considerabant tractabantq; tanquam *Magum* & *Impostorem*, qui tamen miras res patrasset dum in vivis erat, nihil tamen dubitabant, quin

quin si semel in *Judicio* reus ageretur, condemnareturq; & extremum pateretur supplicium, ita res cum eo successura esset ut cum aliis Malefactoribus, omnibusq; ab eo molestia finem cum ejus vita esset habitura, quemadmodum in aliis hoc genus rebus usuvenire observatur. Alioqui magnum futurum esset Providentiæ vitium sive defectus, genusq; humanum vix subsistere valeret propter immanes Magorum Sagarumq; infestationes. Cæterum Deus cum extraordinaria sua & miraculosa potentia interveniens, itaq; *Jesum* à mortuis excitans, certissimum dabat consternantissimumq; testimonium contra *malignam Judæorum* crudelitatem, (modò eam liceat *malignitatem* dicere quam Amor candorq; Christi, in mediis suis doloribus acerbissimis, *nudam* appellabat *ignorantiam*) quod unquam poterat excogitari. Nam *Judiciales* eorum transactiones hoc pacto non solum per rationem extraordinariam redduntur suspectæ, & injustitiæ insimulantur, sed modo eò usq; miraculoso, ut manifestum sit *neminem* alium quàm *ipsum Deum* eorum esse *Accusatorem*, perinde ac *Justificatorem Innocentis* quem illi morti tradiderant, & tam miserè mactaverant ut nihil præterquam ipsa Dei manus eum revocare posset ad vitam. Famam igitur tam notabilis *Accidentis* cum *Judæorum* Proceres accepissent satisq; noscerent, si fidem obtineret apud homines, quòd apertè demonstraret, omnia quæ Christus dixit fecitq; in vita sua, recta esse atq; rata, & ab irrefragabili *principio* profecta; nè populus pro *Messia* eum nunc reciperet, quem ante tres dies crucifixerat, pecuniâ milites conduxerunt qui ad sepulchrum ejus excubias egerant, ad disseminandum in vulgus, discipulos ejus eum noctu suffuratos esse, dum ipsi dormiebant.

2. Cæterum hic fieri potest, ut quispiam roget, quid factum sit ut *Pontifices* hi atq; *Proceres Judæorum* cum tam plenè certiores facti essent à militibus, qui Christi Sepulchrum custodierant, eum à mortuis surrexisse, ipsi ad fidem non essent conversi, persuasique *Jesum* reverà *Messiam* esse promissum. Sed enim nos meritò existimare possumus, id quod maximè efficax erat ad attrahendos alios ad fidem in Christum, nullam tamen vim ad eos lucrificandos habere potuisse, idq; partim quia altius se in dira illa & sanguinolenta induerant consilia Tragicæq; molitiones adversus *Jesum* quàm alii fecerant; cumq; acriorem sensum haberent honoris & existimationis apud populum quàm favoris Dei amorisq; veritatis, in desperabundo hoc poterant obduratq; animi statu, *supra calceos supra ocreas*, (quod proverbialiter dicitur) apud seipsos submurmurare, & cuilibet periculo se potius exponere quàm pudori illi ac dedecori quod comitaturum putabant agnitionem tam *detestabilis Erroris*; partim verò, quia, tametsi hoc *Accidens* mirum sanè videri posset, ipsi tamen existimare poterant illud majus non esse quàm quod maligni *Spiritus* possunt efficere, qui se mutare nōrunt in splendorem Angelorum lucis, ac proinde quòd non erat nisi fortior aliqua Tentatio ad explorandam fidem eorum & obedientiam erga legem *Mosaicam*. Quid enim non existimaturi essent potius quàm seipsos inventuri *tante* reos *ignorantiæ*, ut non agnoscerent promissum *Messiam*, postquam in mundum advenerat, *tantiq;* porrò *criminis*, ut *illius* essent interfectores *quem* vox è cœlo declaraverat *dilectum esse Dei filium*?

3. Verum ex hac solutione, (fortè dicturi estis) æquè magna oritur difficultas atq; prior, *Quonam scilicet modo nos certi esse possimus Christum reverà surrexisse è mortuis*; Quippe quòd delusorii *Dæmones* sepulchrum ejus aperire poterant eumq; indidem surripere ac postea apparere in illius forma, corpus ejus usurpantes, quod ostenderent *Thoma*, aut mutantes propria sua vehicula in similitudinem carnis & ossium, ita ut nullius hominis sensus discrimen possit internoscere. Ad hoc verò multa quidem responderi possunt, quorum

4. Primum est, *Illud, quod Objectio vel Evasio esse potest in qualibet causa, nullius esse posse momenti in ulla*. Quid enim est quod reverà unquam contingit, ad cujus similitudinem tam propè non accedat malignorum *Spirituum* imitatio, ut nostri sensus facile possint decipi?

Secundò, Quanquam hanc in se habent potestatem, nego tamen eos exerere eam posse ubi & quousq; ipsis placuerit, ac proinde Deum noluisse ipsis permittere fidem tam irrefragabilem conciliare toti Christi *Ministerio* per ultimum hoc miraculum, nisi Christus reverà *Messias* fuisset. Cum verò *Messias* esset, nulla erat ipsorum delusio, sed transactio realis per illam manum quæ est *omnipotens*.

5. Tertiò, *Omnia ad amissum ita quadrabant ac si surrexisset è mortuis*. Custodes terræ-morum videbant, lapidemq; devolutum ab ostio Sepulchri per manum Angeli de cœlo, *Petrus* inspectabat & cernebat lintea separatim jacentia, corpusq; *Christi* ibi deesse. Apparebat verò alibi discipulis, sermones cum eis ferebat, edebat cum eis & bibeat, illi carnem ejus manibus tractabant digitosq; ipsorum in
ejus

ejus vulnera immittebant. Quæ major hæc demonstratio esse poterat eum resurrexisse à mortuis? ac proinde ab hominibus nullo præiudicio laborantibus necesse est ut ita fuisse factum agnoscat, quantalibet sit possibilitas ut res aliter se haberet.

6. Quartò, Res illæ miraculosæ quæ aut ipsi contigerunt aut ab ipso factæ sunt, dum in vivis erat, cum tam *reales* essent, sicuti erant, necessariò fidem gignent in animis liberis nec quòquam præ partium studio propendentibus, illud *Accidens* fuisse similiter *reale*. Quid enim istuc tam mirum est, si *Divina* illa potentia Christum à mortuis suscitaverit, quæ & ipsi facultatem dederat suscitandi *Lazarum* à Sepulchro, postquam inibi per quatuor dies jacuerat? Ut taceam alia ejus miracula evidentiq; illa Testimonia de cœlo quòd erat filius Dei. Quanquam enim aliquod spaciū relinqui poterat tergiversationibus suffugiisq; cæcorum *Judeorum*, iis tamen qui sunt iudicio pio ac libero, *Resurrectione* Christi comparatâ cum eis quæ supernaturaliter aut ab ipso facta sunt aut contigerunt ipsi in *Vita* ejus ac in *Passione*, illa sanè mutuo itâ se constringunt corroborantq; ut nullus omnino locus relictus sit *Incredulitati*.

7. Quintò, Præterea Testimonium Angelorum qui dixerunt *Mariæ Magdalene*, *Joannæ* & aliis Christum surrexisse, nec rectè eos quærere vivum inter mortuos, ipsiusq; Servatoris vaticinium de *Resurrectione* sua tertio Die, non potuit non confirmatissimam rem reddere suis discipulis, aliisq; omnibus quorum intererat cognoscere veritatem, quiq; in eum antea crediderant, unde & vehementes facti sunt illius Asseveratores Testesq; coram mundo.

Vide lib. 7.
cap. 4.

8. Sextò & ultimò, Cum omnia hæc modo hoc extraordinario & supernaturali contigerint Viro, qui se *Messiam* esse profitebatur, & eo ipso etiam tempore quo vaticinia *Judaica* *Messiam* venturum prædixerant, inexpugnabilis sanè est demonstratio quòd hic ipse erat, quòdq; proinde omnia quæ fecit dixitque, ipsive obtigerunt, non Illusiones *Dæmonum* erant, nec *Præstigia*, sed transactiones *Reales* ac *Vere*.

9. Neq; certè id, quòd apparuerit & disparuerit pro libitu veneritq; ad discipulos foribus etiam clausis, ulla ex parte infirmat veritatem *Resurrectionis* ejus vitalisq; informationis illius ipsius corporis quòd jacuerat in Sepulchro. Etenim stupendæ quidem virtutis specimen in se residentis edidit, dum *transfigurabatur* in monte; subindicans se illud secum circumgestare quòd in *Vitam* valebat absorbere *Mortalitatem*, quanquam semper ferè intus cohibebatur, ad instar lucis in laternam cæcam inclusæ. *Divinitas* igitur illius cum interna sua exaltata humanitate, *Animam* intelligo, ipsius corpus rursus occupabat, illudq; vitaliter itâ irradiabat, ut æquè naturaliter cum eo unita esset atq; quivis Angelus cum proprio suo vehiculo, aut Anima quælibet Hominis aliùve cujusvis Animalis cum corporibus suis. Nec magis mirandum erat Christum corpus suum rarefecisse in tenuitatem disparentem & evanidam, quàm quòd Angeli *spiritusq;* sua vehicula in visibilem palpabilemq; consistentiam condenserent, eadem numero materiâ etiamnum utrobiq; permanente.

C A P. III.

1. *Christi Ascensio firmum pignus operationis Animæ in tenuiori vehiculo.* 2. *Animæ separatæ vim ac potestatem nos metiri non debere ex ejus operationibus in terrestri hoc corpore.* 3. *Vitam Animæ in terris in somnium esse si conferatur cum ea vita in quam expergiscitur in Cœlesti suo vehiculo.* 4. *Animæ separatæ vis & activitas in proprium vehiculum, à motione spirituum per eam factâ in hoc corpore illustrata; nihilq; indè commodi impiis accedere post mortem.*

1. **Q**uamobrem nulla omnino firma occurrit objectio contra *Christi Resurrectionem*. Est autem æquè utile intelligibilèq; Mysterium illius *Ascensio*. Neq; enim minùs certi sumus ex illius in cœlum *Ascensione* de vita atq; *activitate* Animæ extra hoc corpus terrestre, quàm ex *Resurrectione* illius de ejus *Immortalitate*. Etenim quanquam valde sit verisimile, corpus Christi in sua *Ascensione* terram reliquisse organizatum, terrenisq; qualitatibus modificatum, tamen vix concipi potest quin, dum subtilem *Aërem* purumq; *Ætherem* transibat, illis se assimilaret Regionibus per quas ipsi erat transcendendum, tandèmq; evaderet perfectè *cœlestis* & *æthereæ*, quicquid terrenum erat aut fæculentum in puram lucem absorpto & gloriam.

2. Nec

2. Nec durum videri potest cuilibet qui attentius hæc considerat, quod Anima liberata à terreno hoc Gurgustio tantam habitura sit vim & activitatem in *tenuis vehiculum*, cum admodum sit verisimile illius subtilitatem multum collaturam esse ad hanc activitatem ac vigorem. Cujus tamen parvam duntaxat in principio scintillam nata sit, vis tamen animi excitata inde & accensa, poterit pro libitu, totum ferè vehiculum in *etheream flammam* convertere. Neq; enim judicium capere debemus, Quid factura sit fatalibus illaqueationibus hujus terreni Carceris liberata anima, ex iis quæ inibi facit; non certè magis quàm judicare possumus de captivi alicujus *Athletæ* robore atq; activitate quando liber est, ex eis quæ agit in vinculis durâq; servitute constrictus; vel de ipsius Animi agilitate, firmitate Rationis, & perspicacitate quando vigilat, ex illius stupore aut confusentium inter se malèq; cohærentium cogitationum pugna & tumultu, quando dormit.

3. Tota enim hominis vita in terris noctu & interdiu nihil aliud est quàm *obdormitio* quædam & *Insomnium*, si conferatur cum illa Animæ *Evigilatione* quæ in recuperatione contigit sui *ætherei* live *cælestis* corporis. Quod tamen sit (nisi ipsi fortè visum fuerit per occasionem illud formare in speciem aliquam Organizatam) una simplex & uniformis Lux quam appellare possumus *Stellam ætheream*; quemadmodum *Ficinus* eas minoris puritatis, *Stellas Aëreas* nuncupat; omnes tamen nobiliores vitæ functiones melius in hoc *Cælesti* corpore peraguntur quàm in *Terrestri*, cujusmodi sunt *Intellectio*, *Volitio*, *Imaginatio*, *Visio*, *Auditio*, & id genus reliqua. Idemq; de *Animæ Passionibus* statui potest, cum sint puriores, jucundiores delicatiorèsq; quàm contingere possunt, aut saltem ad aliquod tempus nobiscum in hac vita manere.

4. Quod affirmavi de corpore *æthereo*, uniformi hoc cōgeneriq; *Orbe Lucis*, temerè dictum videri non potest eis qui naturam immediati Organi sensus intelligunt in eis corporibus quibuscum nunc unimur. Quod suprà jam monui *animales* esse *Spiritus* aut *Conarion*, quod æquè improbabile est sedem esse sensus, quàm vel *Aërem* vel *Ætherem*, eorūq; utrumlibet æquè improbabile inobsequentem fore potestati Animæ, quàm *Animales Spiritus* in hoc statu *Conjunctionis*. Ac proinde cum negari non possit quin anima eos aliquo modo moveat in corpore, nullam video difficultatem quin à corpore liberata agere possit in consimilis tenuitatis vehiculum, irà sanè ut formare ipsum queat & transfigurare in quamcunq; libuerit speciem; Cum naturale illud incantamentum quod vegetas illius vires ac facultates consopiverit, dum erat in corpore, vim suam perdat quando est extra. Quod tamen nihil commodi allaturum est impiis, quandoquidem ipsorum hinc evigilatio futura est in dolores magis acres atq; acutos inq; magis inquietam ac ferocem Gehennam.

Cæterum interea loci manifestum est, tamen concedamus corpus *æthereum* *ἀσώματος* esse & planè homogeneous, nihil id obstarè quò minùs Anima sensus & intellectus operationes possit exercere, ut os sic obturemus quibusdam Philosophis qui animam, nisi in corpore organizato, operari posse perquam strenuè negant. Quod verò etiam corpus cæleste organizatum sit, in sequenti capite nos apertè profiteamur.

Vide TraB. de
Immortalitate
Animæ, lib. 2.
cap. 2.

CAP. IV.

1. Christi Sessio ad dextram Dei & figuratè & propriè exposita. 2. Sensum ejus proprium nullam supponere humanam speciem in Deitate. 3. Tametsi Deus sit infinitus & ubiq; præsens, posse tamen esse Specialem ejus Præsentiam in Cælis.
4. Christumq; concipi sedere ad dextram hujus Præsentiaæ sive Divinæ Shechinæ.

I. **A**D Ascensionem Christi oportet addere Sessionem ejus ad dextram Dei, ejus *ἀσώματος*, & *Intercessionem* deniq; apud Deum pro Ecclesia. Et quantum ad primam, nulla ibi est difficultas, sive locutionem intelligamus figuratè, quod videtur facere *Calvinus* (tum enim per ejus Sessionem ad dextram Dei nihil aliud significatur nisi quod Deo proximus sit in Regni sui administratione, & quasi dextra illius ad tenendum sceptrum super Angelos juxtà atq; homines, ad contuendos impios tanquam virgâ ferreâ & ad recipiendos justos ad favorem) sive eam propriè accipiamus, quemadmodum alii volunt intelligi. Nihil enim est incommodi agnoscere corpus Christi glorificatum in specie esse humanam, hancq; organizatam Lucem æquè firmiter sedere posse in *æthereo Throno*, quàm corpus terrenæ carnis & ossium in *Throno ligneo* vel *eburneo*.

2. Neq;

Marc. 16. 19.

2. Neq; certè loquendi illa formula (*ad dextram Dei*) quicquam secum importat absurdi, tanquam si Deus ipse substantia esset humanà formā prædita, dextramq; haberet ac sinistram reliquasq; humani corporis partes. Nam ex ipsis verbis Textus, *et sedens in dextris Dei*, potest quis æquè commodè probare multas eum habere dextras, atq; omnino ullam. Quod planè demonstrat *Anthropomorphitas* nulla colligere posse argumenta ex hujusmodi Scripturæ locis pro insulsa sua opinione & ridicula.

3. Cæterum tametsi Deus infinitus sit, & ex consequenti ubiq; præsens simul, nihil tamen impedit quo minùs *specialis* aliqua illius *Præsentia* in uno magis loco esse possit quàm in alio; quò si quis accessum haberet, verè is dici posset cum Deo ipso coràm versari. Concedemus igitur *Divinam Shechinam* peculiaremq; gloriam visibilem Dei, quam nulla Creatura imitari queat, in coelis residentem, quam *Præsentiam* ille, si libeat, manifestare potest in multis locis simul; Verùm ubicunq; manifestetur, signum est maximè certum & infallibile, *ipsum Deum* ibi esse modo quodam *speciali*. Quæ ineffabilis & inimitabilis *Gloria*, magni certè est momenti; ut sanctæ utiq; Animæ Angeliq; mandata illinc possint accipere tanquam ab ipso ore Dei, & recreari mirabili hoc *Splendore* majorem sanè in modum quàm nos mortales *Solari lumine* recreamur, ut *Oraculum* eis sit quod sciscitari queant ab eòq; responsa claræ & indubitata certitudinis reportare, & Divinum deniq; cultum honorémq; præstare *externam* versùs *substantiam* quasi, *visibilem*q; *Præsentiam Dei*.

4. A dextro latere hujus *Gloriæ* possit *Christus* in humana forma collocari, tanquam ad dextram Patris sui qui eum misit in hunc mundum, ad quem etiam orabat *oculis in cælum sublati*, & ad quem dixit se reversurum, quando terra ipsi erat relinquenda; & apud quem porro *Stephanus* eum stantem videbat, seq; confirmantem in Martyrio suo, sive visiva illius facultas mirabilem ac stupendum in modum corroborata esset ad cernendum tam distans objectum, sive objectum ipsum non esset tam distans quàm falsæ opiniones vanorum quorundam Philosophorum illud videntur representare. Quantum verò ad me equidem existimo, si vera Philosophia semel enotuerit recteq; fuerit intellecta, nihil æquè atq; illam ad faciendam fidem Christianitati esse conducturum.

CAP. V.

1. *Christi Apotheosis cultusq; ab Idololatriæ suspicione vindicatus, cum is Deus sit* propriè dictus per suam realem *Physicamq; unionem cum Deo*. 2. *Realis & Physicæ Animæ Christi cum Deo unio cum sit possibilis, multe Rationes prolatae ad probandum, Deum reverà eam effecisse*. 3. *Vana superficialiorum Allegoristarum subterfugia notata*. 4. *Ignorantia eorum demonstrata, Christi*q; Apotheosis confirmata ab Immortalitate Animæ & Regimine mundi Politico. 5. *Quicunq; se Christo adæquet, eo ipso se indicare Mendacem esse & Impostorem*.

Lib. 3. c. 3.

1. **Q**Uamobrem nihil durum est nec incongruum in *Sessione Christi* ad dextram Dei Patris, modò *Mysterium* commodè explicetur. Illius *Apotheosis* rationi æquè consentanea invenietur si rectè intelligatur. Per *Apotheosin* verò intelligo *Residentiam ejus in cælis Diviniq; honoris receptionem & Adorationis ab Ecclesia*. In quo nihil suspectum esse potest nisi fortè aliquod Idololatriæ periculum subesse posset etiam illic ubi is verè Deus est qui colitur. Apologiam Gentilium suprà commemoravimus, & quousq; illi rei essent hujus erroris in colendo Creaturas sub obtentu quòd eminentiores saltè erant Manifestationes unius illius *æternæ Deitatis*, quam adorabant. Verùm immediatum Objectum nostri cultus non est simpliciter *Creatura*, sed *Deus* propriè sic dictus, quandoquidem is æquè realiter ac Physicè unitur cum Deo atq; Anima nostra cum corpore. Jam verò quemadmodum *homo* verè dicitur *Corpus*, sive substantia corporea, propter realem sive Physicam unionem Animæ cum corpore, ità & *Christus* verè ac propriè dicitur *Deus* propter integræ illius humanitatis conjunctionem cum Deo. Hæc est ratio admodum facilis intelligendi hoc *Mysterium*, neq; ullam in se contradictionem involvit aut repugnantiam, non certè magis quàm naturalis unio Animæ atq; corporis; quandoquidem Deus æquè facile invenire potest idonea media realiter & vitaliter uniendi Animam

Animam *Messiae* cum seipso, quàm uniendi humanam Animam cum terrestri corpore.

2. Jam verò hoc quod in potestate Dei erat ut faceret, nos è certiores esse possumus cum fecisse aut saltem aliquando facturum esse (nolo enim anticipare, & præflorare tertiam Tractatus partem antequam è perveniam) si illius consideremus congruitates. Exempla Paganicarum Apotheoson supra recensui, quomodo Divinos præstarent honores hominibus qui inter ipsos vixerant, & in ætatibus suis notabiles fuerant Benefactores & Gratificatores *Animalis vite*, sive *voluptatum* ipsius fuerint promotores sive *utilitatum*. Cujusmodi fuerunt eorum *Legislatores*, auspici *belli Duces*, vel felices *Inventores* quarundam rerum utilium ad communes vitæ necessitates. Hinc factum est ut *Venus*, *Mercurius*, *Zamolxis*, *Mars*, *Bacchus*, *Ceres*, aliq; in Deorum numerum relati sint. Jam verò cum tam ingens & singularis utilitas accessura esset humano Geni ex adventu *Messiae* in mundum, cumq; ille supplicium passurus esset pro peccatis populi, atq; sic per suam mortem, potestatem mortis debellaturus, Cœliq; portas aperturus omnibus credentibus; nè vehemens illa ac naturalis, & excusabilis saltem, propensio in genere humano ad exhibendum summos quos poterant honores suis maxime *Heroicis Benefactoribus*, frustra posset temerè ipsi ingenita videri, neu magna illa *Humiliatio* & dedecorosa *Crucifixio*, quæ *Messiae* subeunda erat, non satis ampliter compensari, nec illud quod rerum omnium amabilissimum est & tamen in hominum oculis despicatissimum, *Divinam* intelligo *vitam*, etiam per honorem cultumq; externum æquè altum atq; quo usquam gentium *vita Animalis* affecta sit, exaltari, idq; legitimè atq; extra omnem reatum *Idolatriæ*; debebat profectò Deus quando *Messias* mittendus erat in mundum, suam propriam naturam ità cum ipso communicare, vel ità *realiter* & *Physicè* seipsum cum eo unire, ut aptum idoneumq; fieret *Divini cultus* Objectum. Cujusmodi tum demum est, cum non *Morali adhesionem* nec *Instituto Politico*, sed *naturali* & *reali unione* cum *Divino* *aby* verus proprièq; dictus evadit Dei filius.

3. Videmus igitur ex quàm solidis causis quàmq; rationi consonis exaltatus sit *Messias* ad tam altum honoris gradum; utpote quem Deus *caput supremum* constituit super *Angelos* pariter atq; *homines*. Intelligo autem de ipsa *Persona Christi* æquè ac de ipsius *Natura*. Nugaces enim & superficialii *Allegoristæ* agnoscunt *Divinam naturam* sive *Essentiam rectam*, quemadmodum quidam amant appellare, esse supra omnia. Quòd verò circa notitiam *personæ Christi* adeò delicias agunt & tergiversantur, id certè factum est aut ex *ignorantia* in ipsorum intellectu, aut ex corde *infideli* quod omnem fidem abrogat *Historiæ Christi*, utpote in qua asseritur, *Angelorum existentia* & *Animarum humanarum Immortalitas*.

4. Jam verò si Angeli existant, Animæq; humanæ subsistant agantq; extra terrena sua corpora, necesse est insuper (quemadmodum in *Assertionibus preparatoriis* jam demonstratum est) ut in aliquem ordinem Regiménq; Politicum redigantur, ac supremum proinde aliquod Caput habeant sibi præfectum. Quem Scriptura hic planè asserit esse *Christum*, qui salutis nostræ princeps est belliq; dux ad opitulandum, dirigendum, animandúmq; omnes copias *Regni Lucis* ad seiplos defendendos asserendósq; alios ex *servitute Regni Tenebrarum* Tyrannidèq; Diaboli.

5. Quamobrem si quis ex inopinato surgat caputq; efferat, venditans se ipsi Christo esse æqualem, equidem eo ipso convincitur ignorantia in *Pietatis Mysterio*, deprehenditurq; mendax esse quispiam & Impostor, vel fortean Bestia est Porcúve ex *Epicuri hara*, *immortalitatem Animæ* negans, eiq; fundamento omnem suam despicientiam contemptúmque *personalis notitiæ Christi* Servatoris superstruens, eum pariter existimans atq; cæteros omnes, penitè mortalem; ac proinde annis abhinc sexdecies centenis & ampliùs ex integro periisse.

CAP. VI.

1. *Obiectio contra Principatum Christi in Homines atq; Angelos à vilitate ordinis humanorum Spirituum cum Angelicis ordinibus collatorum petita.* 2. *Responsum ad objectionem quatenus lapsos Angelos spectet.* 3. *Vis Objectionis ulterius adacta, circa Angelos non lapsos, cum Responso.* 4. *Responsum ulterius, ex eo quòd Angeli non sunt idonei qui sacrificium fiant pro peccatis Mundi.* 5. *Nec exemplum vitæ hominibus in carne degentibus.* 6. *Capacitates Christi aded uniuersales fuisse ut planè is maximè idoneus esset qui Caput Princepsq; feret omnium Intellectualium Ordinum.* 7. *Christi Intercessio ejusq; ad illud officium habitas.* 8. *Quæ res in Religione Paganica emendatæ sint & consummatæ in Nativitate, Passione, Ascensione, & Intercessione Christi.*

1. **C**Æterum porro objici potest, tametsi consentaneum sit, ut Angeli spiritusq; humani sive in corpore sive extra corpus reducantur in Politicam aliquam formam, Regiménque, videri tamen admodum incongruens incompetensq; ut unus aliquis ex infimo gradu omnium *Ordinum Rationalium Creaturarum* Principatum in omnes obtineret, in Angelos & Archangelos & in omnes Principatus & Potestates quascunq; sive in cœlo sive in terris.

2. Verùm ad hoc respondeo, Quòd etiam si superiores Ordines *Intellectualium Creaturarum* multò plus roboris habere possint naturalisq; Intellectus in se quàm homo habet, potest tamen *Humanitas* Christi, quantùm ad *Humilitatem* sanctamq; *Adhesionem Deo*, quantùm etiam ad *Suiipsius Resignationem Fidemq;* in eum qui rerum omnium est *Radix*, quantùm porro ad *Amorem* charissimùmq; affectum erga *Creationem uniuersam*, & ut summatim dicam, quantùm ad res quascunq; quæ ad *Divinam vitam* pertinerint, ipsis nihilo esse inferior. Verùm quod lapsos Angelos attinet, sint quidem, quàm fieri potest *omnium Artium* subtilitatumq; *Naturæ scientissimè* peritissimique, sint quàm volent *Potentes* ac *Gigantei*, etiam ed usq; ut montes euertere possint turrèsq; decutere uno ictu. Christus tamen ipsis infinitò præstat in *Divinis* illis perfectionibus quas enumeravimus. Immo verò *Principium* habet ultra quàm illi habent, longeq; supra ipsorum orbem remotum; quemadmodum & *Homo* *Principium* habet ultra quàm habet *Bestia*. Ac proinde nihilo magis mirandum est Deum, Dominum eum constituisse super rebelles hos *Titanas*, quàm hominem Imperium habere in Leones, Elephantos, Cetos, aliq; magna & monstrosa Animalia.

3. Verùm dicetis, Quanquam justum videtur ut Diabolus eò quòd injustè usurpaverat, exuatur imperio, illudq; detur Christo; nulla tamen apparet Ratio; cur Angeli *non lapsi* illius Sceptro subdantur, quippe qui ex sua natura altioris Ordinis sunt quàm ipse, nec ullam commiserant pœnam per Rebellionem aut contumaciam adversus Deum. Ac proinde rationi futurum fuisse magis consonum, si univisset seipsum *Hypostaticè*, quod aiunt, cum Angelo aliquo, potius quàm cum *natura Humana*. Sed enim, O homo, tu quis es, qui adeò tibi sapere videris, ut dignum te putes qui leges ponas Deo? An non illi licet seipsum ac sua dispensare prout lubet? Præterea cum tanta esset Angelicorum Ordinum defectio, qui & humanum genus tentarunt feceruntq; sui criminis participes, eorum omnium prætermissio, in conferendo tanto honore quantus in Christum collatus est, non erat certè nisi justa increpatio, meritùsq; despectus in omnes eorum ordines jactus simul, cum & *sanguis Angelicus*, si fas ita loqui, fœdo Perduellionis reatu esset contaminatus.

Porro, cum defectio & rebellio *Apostatarum Angelorum* nihil aliud esset quàm vesana quædam & effrænis voluptatibus affectibùsq; *Animalis vitæ* suiipsorum addictio, cumq; Christianitas, (quemadmodum jam definivimus) nihil aliud sit quàm *Triumphus Divinæ vitæ* in *Animalem*; Equidem hic triumphus, contemptus, & insultatio in *vitam Animalem* eò accuratius peragitur, quantò magis in unoquoq; loco ea res, quæ maximi vulgò æstimantur, prætermittuntur tanquam viles & contemptibiles; totùmq; *Mysterium* restituendæ lapsæ Creationis Deo, ab hujusmodi autore perficitur, qui illud susceperit nudus vacuùsq; ab inani Pompa inutilium istarum Circumstantiarum, *Celsitudinis* putà *ordinis*, *Nobilitatis* *Prosapiae*, *Mundane Autoritatis*, *Roboris Pulchritudinisq;* corporis, *subtilitatis Ingenii*, *Peritiæ rerum Naturalium* *Sermonisq;* *gratiæ* ac *Eloquentiæ*, aliarumq; rerum quarumcunq; quæ tanto sunt in pretio

pretio apud hominem merè *Naturalem* vel *Animalem*. Adeò ut ob hanc ipsam rationem *Angeli* excludendi essent ab hoc munere.

4. Quartò verò & ultimò, si *Angelus* quispiam se offerre voluisset hujus cum *Servatore* Honoris *Competitorem*, quæstio illa *Zebedæi* filiis proposita pudorem ipsi meritò incutere potuisset de hac sua competitione. *Nescis quid petis, potesne idem* Math. 20. 22.
bibere poculum quod ego bibiturus sum, & eodem Baptismate quo ego baptizandus sum baptizari? hoc est, Potesne vilem illam ac ignominiosam mortem crucis pati? Hoc *Angelus* certè non potest, quippe qui si in hunc mundum cum humana carne gigni posset eòsq; dolores sufferre quos *Messia* anima tulit, *Angelus* sanè non esset, sed *Anima humana*. Sed respondebitis fortè, tametsi *Angelus* mortem pati non possit in humano corpore, eum esse tamen ità capacem cruciatûs ac supplicii ut *Sacerificium* fieri satis commodè possit expiatorium pro peccatis Mundi. Verùm ego hîc rogo, quomodo nos, quorum tantoperè interest ut rem resciscamus, hanc passionem *Angeli* rescire possimus? Etenim quanquam *Transactiones* humanæ *Angelis* sunt spectaculum, *Angelorum* tamen *Transactiones* ab hominibus cerni non possunt propter vehiculorum tenuitatem. At *Angelum* dices hunc *piacularem*, etiam datâ operâ se visui nostro exhibiturum. Sed enimvero quàm *nugatoria* ac *Phantastica* hæc res apparitura fuisset cum *reali* certâq; Christi *Servatoris* *Passione* comparata?

5. Præterea, si *Angelus* hoc officium suscepisset, non potuisset nobis esse tam idoneum vitæ exemplum quàm *Christus*, qui homo erat eisdem obnoxius infirmitatibus quibus nos ipsi sumus, quîq; reverà sensit quicquid pertinet ad naturæ nostræ imbecillitatem. Etenim *Passiones* illius *Animæ* non magis imminutæ erant & abolitæ per unionem ejus cum *Deitate* quàm *passibilitas* materiæ per unionem cum *Anima*. Quamobrem cum *Christus* citra culpam ac peccatum tanta cum fidelitate per omnia carnis gravamina vadaret, quæ majora sunt quàm quibus *Angelici Ordines* exponuntur, spectaculum id certè erat perquam magni momenti tum *Angelis* tum hominibus. Quid verò *Angelus* factururus esset vel passurus nobis hominibus paris momenti esse non poterat.

6. Quamobrem is qui tam universalis erat capacitatis ut esse posset Exemplum boni, malîq; Redargutor omnibus *Ordinibus Intellectualium Creaturarum*, quæ peccabiles sunt & mutabiles; & tam generalis charitatis & commiserationis erga omnes Animas rationales ut ignominiosissimam acerbissimamq; mortem subire sustineret, quo à sua rebellione & confederatione cum *Regno tenebrarum* ad *Dei Regnum* ipsas reduceret; hæc, inquam, persona, cujus virtutis Influentia tanta est in omnes, digna est profectò quæ caput omnium fiat, juxta illud quod & de seipso declaravit, *Mibi data est omnis potestas & in cælo & in terra*. Unde manifestum est neminem ipso majorem esse præter solum Deum, ad cujus dextram fedet intercedens pro Ecclesia sua.

7. Atq; hoc ultimum est eorum quæ proposui; Illius utiq; *Intercessio*. In qua nihil necesse est ut diu immoremur, cum nulla omnino in ea sit difficultas, sed admodum magna congruitas, talîsq; quæ nulli *Angelo* competere possit quemadmodum supra indicavi. Quod & *Author* ad *Hebræos* expressè notavit Cap. 4. *Non enim habemus Pontificem qui nostris infirmitatibus affici non possit, sed qui sit in omnibus similiter periclitatus, citra peccatum*. Quem igitur necesse est oppidò quàm misericordem fore ac potentem pro nobis *Intercessorem* apud *Patrem*, non solum ad Remissionem peccatorum, sed ad omnia subsidia roboris gratiæq; impetranda, quæ Ecclesiæ suæ in terris militanti sint necessaria.

8. Atq; sic vidimus, quomodo in *Nativitate*, *Passione*, *Ascensione* & *Intercessione* Christi comprehendatur plena & irreprehensibilis completio quatuor illarum partium præcipuarum Religionis Paganicæ quæ ad eorum spectant *Heroas*, *Catharmata*, *Apotheoses*, & *Intercessiones* *Sauperum* sive *Deorum Medioximorum*. Nam quod illi in hisce rebus quasi palando naturaliter prætentabant, in eòq; errabant, illud omne hîc emendatur legitimûmq; redditur & laudabile, imò verò meritòrium & efficacium ad præsentem tum ad futuram felicitatem, in *Christo* utiq; *Jesu*, cujus per manus omnia negotia *Deum* inter atq; *homines* transire oportet, si gratiam expectamus & successum. Quæ quidem rerum accommodatio per Divinam sapientiam excogitata, permagni profectò momenti fuit ad persuadendum Gentibus ut Evangelii veritatem amplecterentur, quippe eò invitati ex rationibus solidis, quò cæca eorum propensio ipsos per hallucinationem olim & errorem naturaliter ferebat.

C A P. VII.

1. Nihil esse in Apollonii Historia quod propriè respondet Resurrectioni Christi à mortuis. 2. Exitum illius ex hac vita pro ejus esse Ascensione. De qua rumore ferant varii, sed in hoc uno consentientes quòd non moriebatur in Lecto. 3. Exceptio ejus ad Templum Dianæ Dictynnæ in Creta, ejusq; in cælos accersitio per virginum chorum in aëre canentium. 4. Modi exitus Apollonii ex hoc mundo incertitudo ex ipsius Philostrati confessione collecta. 5. Ille ad Dianæ Dictynnæ, si verus sit, nullam tamen esse Demonstrationem magnæ ullius præstantiæ in illius persona. 6. Exitum illius ex hoc mundo clandestinum suspicionem movere posse suæ admiratoribus eum cum corpore simul atq; anima abreptum fuisse in cælos. 7. De Apollonii statua vocali, deq; ejus versuum dictatione novitio cuidam Philosopho Tyanæ de animæ Immortalitate. 8. De Umbra illius apparente Aureliano Imperatori. 9. De Christi apparitione Stephano in Martyrio suo, Sauloq; dum proficiscebatur Damascum.

I. DE Nativitate, Vitâ, Morte, Resurrectione, & Ascensione Christi jam diximus; pergemus tandem ad tria illa ultima quæ proposuimus, postquam breviter quid in Apollonio consimile sit Christi Resurrectioni & Ascensioni consideraverimus. Est enim perpetuò levis saltem aliquis respectus & allusio in illius vita ad notabilia Accidentia in vita servatoris. Nihil verò invenire possum quod pro Apollonii è mortuis Resurrectione habendum sit nisi fortè elapsus illius è manibus Domitiani. Quod quidem periculum tantum erat ut omnes homines eum haberent pro mortuo. Verum quàm nugatoria ea res esset, quàmq; merum ostentationis Magicæ specimen, jam supra notavi.

2. Reâlis igitur illius exitus ex hoc mundo habendus est pro ejus Ascensione, quemadmodum & elapsus ejus ex capitali illo periculo pro ejus Resurrectione. Rumores verò de illius exitu varii sunt. Quidam enim affirmant adfectâ jam ætate, ut qui octoginta aut centum annos natus erat, Ephesi diem obiisse. Quod tamen non est verisimile, cum Philostratus profiteatur se maximam orbis habitabilis partem peragrâsse illius sepulchri inquirendi gratiâ, nec tamen ullam ea de re famam auditionemve usquam accepisse. Tam gravis verò ac Divina persona quàm putabatur Apollonius, non potuit non cohonestari pompâ funebri sacròq; aliquo Monumento, (cum tam celebri nomine esset per totum terrarum orbem) ubicunq; contigerit mori. Quamobrem probabilissimum est eum mortem, quod aiunt, in lecto non obiisse, sed in aliqua solitudine, sive mors non opinantem eum inibi oppresserit, sive ipse ex consulto sibiipsum mortem ibi consciverit, ut olim, Empedocles qui seipsum in Ætne flammâs coniecit ut haberi posset, quem Apollonius se esse professus est coram Domitiano, immortalis scilicet Deus.

Οὐ μὲν γὰρ κλεινὸς ὄντι ἡ τοι μὲν οὐκ εἶμι.

3. Alii referunt, in Rhoda Insula templum Minervæ ingressum Lindi coram populo de subito disparuisse, neminemq; scivisse quòd abiret. Alii affirmant ex hac mortali vita excessisse Creta, ubi dum ad Dianæ Dictynnæ Templum appropinquaret, fores sponte se aperuerunt, itâ ut custodes magnâ indè admiratione percussi sint. Qui & suspicabantur eum sacrilegum aliquem Incantatorem ex eo quòd feroces Molossi ipsi adblandirentur majori cum affectu & familiaritate quàm eis qui ipsos aiebant. Quamobrem Æditui vincula Apollonia injecerunt ad salvum conservandum Thesaurarium. Cæterum circa mediam noctem is seipsum liberabat, cumq; custodes nominatim inclamâisset, nè eum putarent se clanculùm velle surripere, ad fores templi abibat, quæ, ut dixi, suâ sponte se aperiebant, & postquam intraverat, sponte se rursus claudebant: post quæ continuò auditæ sunt voces è cœlo tanquam puellarum suaviter canentium, clarèq; emodulantium versiculos aliquot ad hunc sensum, Veni de terra, veni, salta huc in cælum, exsili de terra in altum.

4. Verum quantum ad Historiam exitus Apollonii ex hoc mundo duo observatu digna sunt; Primum est, Philostratum suæ narrationi fidem abrogare variando ad hunc modum alternandòq; Historiam. Etenim cum profiteatur se in magno habuisse negotio hanc in rem inquirere, eamq; explorare, seq; maximam orbis habitabilis partem

partem peragrâsse ut se faceret certior, nec tamen determinaverit quanam ex his tribus narrationibus esse posset probabilior; equidem indicium est cum de veritate nullius earum certum fuisse, sed illius exitum talem esse posse qualem ego supra subindicavi.

5. Alterum est, quod tamen si supponamus ultimam hanc trium historiarum quæ maxime gloriosa videri potest, esse pariter verissimam; *Apollonii* tamen existimatio multum obscuratur, quod noctu è mundo excesserit, quamvis agnoscerentur noctem Lunâ illustrem suo fuisse itineri destinatam. Etenim tunc Mysterii profundissimi (si modò Mysterium sit & non meram Fingentum) quod hic latere potest, summa hæc est.

Quod utiq; hæc Adoloscensulæ, Nymphæ scilicet *Dianæ*, accesserint duxerintq; secum *Magum* hunc senem ad fruendum illis ludis ac voluptatibus quas huiusmodi ludicri *Spiritus* unâ cum vetulis Sagis aliisq; ejusdem Sodalitatis, in longè remotis solitudinibus sub patula aliqua quercu, vel in summitate acclivis alicujus montis lucis umbrosisq; arboribus circumlecta matuè sibi solent creare, (quæ solemnitas ab antiquis dicebatur *Ludus Dianæ*, quemadmodum jam notavi ex *Mirandulano*) ubi per gratiam specialem, propter eximia officia *Tenebrarum Potestatibus* ab ipso præstita, collum ipsi per ludum jocumq; de aliquo præcipitio luxare possent, frangentes sic nucis putamen ut nucleo fruerentur, vel alio quovis modo scito & eleganti eum rugosis squalidisq; *Mortalitatis* vestimentis exuere, ut sic factus nudior quàm cum ad Tribunal *Domitiani* apparebat, in intimiores amplexus exciperetur à municipibus *Regni Tenebrarum*, eaq; præmia reciperet quibus dignus putabatur tam fidelis sedulûq; *illius Regni* minister. Quæ tamen alia non erant, nisi quod gradu fortè differrebant, quàm quæ alii *Magi, Incantatoresq;* solent recipere. Tam vana sunt, tam frivola ac vulgaria, omnia quæ in *Apollonii* vita occurrunt, si conferantur cum eis quæ commemorantur in vita Christi.

6. Cæterum quomocumq; factus sit illius ex hac vita exitus, non est veri dissimile quin magnum ipsius personæ honorem conciliaret quod tam clandestinus esset & secretus. Cumq; Paganico suo Zelo spurios *Abstinentiæ* obtentus, *Castitatis, contemptus Mundi*, aliarumq; specierum plausibilem *Moralitatis*, præter ipsa *Miracula* (si ita fas sit appellare) quæ per assistentiam *Potestatum Regni Tenebrarum* edidit, superaddidisset, abesse certè non poterat, quin à quibusdam putaretur cum corpore simul & Anima in coelos fuisse subvectus, ut *Enochus* olim & *Elias*, beatamq; obtinuisse *arobioris* inter Deos. Cujus rei fiduciâ quidam statuas ipsi erigebant, quemadmodum refert *Philostratus*, & nominatim, *Tyanæ*, oppido ubi erat natus.

7. *Grotius* ex Ecclesiastico aliquo Scriptore narrat Statuam illius fuisse quandam quæ loqueretur, quippe ab assistente aliquo *Demone* actuatam; sed verò & os ejus statim fuisse obturatum per potentiam Christi, & illius Evangelii prædicationem. Dictabat etiam versiculos quosdam novitio cuidam Philosopho *Tyanæ*, (de *Anima Immortalitate*) qui cum per decem continuos menses obnixè oraverat ut se ea de re certiores faceret. Quos versus ille recitabat condiscipulis suis, gestu Phrenetico, è somno exsiliens asseveransq; præsentem adesse *Apollonium*, quanquam præter ipsum nemo eum cernebat. Unde quis meritò conjiceret nihil aliud fuisse quàm confusi cujusdam Insomniæ continuationem, quod ille explebat somnum inter & vigiliam. Cum res haud ita insolens sit apud homines, etiam dormientes, pluribus respondere quæstionibus quàm huic novitio Philosopho proponebantur à suis condiscipulis.

8. Verùm realis illius apparitio *Aureliano* Imperatori videtur probabilior. Nam cum Copiæ illius, ut scribit *Vopiscus*, contra *Tyanam* irent, cumq; Cives portas oppidi clauderent contra ipsum, bilem Imperatori id factum ita movit, ut voto temerario se obstringeret nè canem quidem se relicturum vivum in Civitate; Cæterum *Apollonii* Umbra ipsi apparens in Tentorio cumq; dehortans à tanta Crudelitate mentemq; per minas ipsi meliorem induens prævertit calamitatem, ita ut capto oppido, votum suum in interuersionem solummodò canum per jocum interpretaretur. Verùm severiter mandabat militibus, ut civibus parcerent. Quæ quidam Historia si vera non erat, scitè tamen peritèq; formata est tum ad honorem suffulciendum recedens *Deificati Apollonii*, faciendo eum tam tempestivum nativi sui oppidi in tantis angustiis liberatorem, tum ad fartam tectam conservandam Imperatoris existimationem apud milites, ut qui sic videbatur per Deos Immortales absolutus à rigido illo voto tradendi totum oppidum cædibus & direptionibus militum.

9. Hæc sunt ferè præcipua quæ mihi usquam occurrunt de modo exitus *Apollonii* ex hac vita, deq; effectis falsò creditæ illius Divinitatis postquam exiverat. Verùm, præter

AB. 9. 4.

Apo. c. I. v. I.

præter Historiæ incertitudinem, manifestum est admodum miseras obscurasq; illius esse indicationes si conferantur cum demonstrationibus quæ pro reali Christi *Apotheosi* producuntur. *Stephanus* enim dum lapidabatur, ad magnam sanè Spiritus sui corroboracionem in Martyrio cœlos apertos videbat, Christumq; stantem ad Dextram Dei insigni gloriâ ac Majestate. Atq; *Paulus* dum *Damascum* proficiscebatur ad persequendos Discipulos Christi, ab hoc suo vesano Instituto dimotus est per gloriosam Apparitionem Christi è cœlo. Circumfulsit enim circa ipsum Lux ingens, & audita est vox de cœlo dicens, *Saule, saule*, cur me persequeris? Videbant etiam ejus itineris comites Lucis coruscationem, & attoniti erant, audiebantq; vocem de cœlo quanquam illius mentem non intelligebant, cum eam non tam articulatè distincteq; audirent, quàm is cuja res tum maximè agebatur. Quæ duæ sunt insignes profecto demonstrationes veræ ac legitimæ *Apotheoseos* Christi, cum quibus nihil occurrit in *Apollonii* Historia quod sit comparandum. Addam tamen & tertiam, eamq; illustrissimam; *Revelationem* nempe factam *Johanni* de rebus Ecclesiæ à suis temporibus ad finem usq; mundi, quo nullum præclarius optari potest *Apotheoseos Christi* argumentum.

C A P. VIII.

1. *Usus Parallelismi hætenus continuati* Christum inter & Apollonium. 2. *Mahometes, David Georgius, H. Nicolai, magna profitentes Prophetæ in scenam introducti, Autorisq; Apologia quod sic fecerit.* 3. *Incredulitatem circa Historiam Christi, quandamq; in Morali Mythologia dexteritatem præcipuas esse dotes in Davide Georgio & H. Nicolai.* 4. *Si ulla unquam in mundo crediderint extitisse miracula, rationem reddere eos debuisse, cur eis non haberent fidem quæ de Christo commemorantur, mundumq; erroribus eripere, miracula edendo ad confirmandam Doctrinam suam.* 5. *Si verò crediderint nulla fuisse nec ulla unquam fore, planè se produnt Atheos fuisse & Epicureos.* 6. *Sceleratum Satanæ consilium apud hanc sectam in ornando stylum suum Phrasi Scripturali, quanquam magis Infideles erant quàm vel ipsi Pagani.* 7. *Infidelitatem crassam horum duorum Impostorum meritò quempiam inducere posse ad suspicandum, duos eos fuisse astutos, potius prophanosq; Veteratores, quàm simplices verèq; mente emotos Enthusiastæ.* 8. *Ubi fides extincta sit, omnes Ecstaticas Hortationes ad virtutem justè suspectas esse posse à naturali temperie potius provenire quàm ab ullo Principio Divino.*

EXtendimus jam *Parallelismum* quousq; porrigi possit lineâ ex parte *Apollonii* deficiente. Verùm quàm diu Materia permittebat pretium operæ putabam continuare collationem, ut excellentia personæ Servatoris eò clariùs appareret tam illustri *Pseudomante* illius facti competitore, utq; toti mundo palàm esset casum non fuisse nec fortunam, sed incomparabilem personæ Christi dignitatem, & ponderosas Providentiæ Circumstantias, tam amplum illi perhibentes testimonium, quæ fecerunt, ut mundus *Christiani* facti essent potius quàm *Apolloniani*, hoc est, ut *Evangelium* potius amplecterentur quàm persisterent in *Paganismo*, quantumvis ad elegantissimum defæcatissimūq; modum *reformato*, idq; à nobilissimo generosissimūq; viro qui unquam purè audiit *Paganus*, à celeberrimo utiq; *Apollonio*.

2. Verùm, ut in integrum sibi campum habeat, devictis cujusq; modi hostibus & fugatis, non abs re fore puto, paulò longius digredi, notarèq; alios paucos qui partes æquales cum ipso aut etiam superiores sibi vendicant. Horum autem præcipui sunt hi tres, *Mahometes, David Georgius & homo ille Deificatus ab Amstelodamo*, quem certè non ausim in *Album* referre nisi præfando prius veniam, pro tali re quæ tam propinquam videatur gerere similitudinem contumeliæ & contemptus erga beatum Servatorem. Verùm, *Duessæ* antequam vestibis ornamentisq; sit euxta, *Una* se æquiparabit, ut notissima se habet fabula apud *Spencerum*. Audâxq; ignorantia quorundam alios cogit multam operam impendere explanandis evincendisq; eis rebus quæ cuilibet qui nullo labore præjudicio ut plurimum veræ deprehenduntur vel primo aspectu. Quod genus *suscepta* quanquam sanè non magna sunt Ingenii hominis argumenta, sunt tamen illius fidelitatis sinceriq; Amoris erga veritatem, quod impendio magis est præstabile.

3. Primum

3. Primum igitur pauca de duobus posterioribus *Davide Georgio* eoque; altero ab *Amstelodamo* differamus, duobus illis arcani ænigmaticique oris *Prophetis*, qui tot Mysticis ambagibus subdolèq; formatis salutationibus Mundum ad se pelliciunt, totum Evangelium nihil aliud facientes quàm unam longam, prolixamq; *Fabulam*, & se soles omnium *Inspiratos Illuminatosq;* reputantes, ob id tantummodò, quòd se opinentur rectum illius adinvenisse *veritatem*. Adeò ut eorum præcellentia præ cæteris in his duabus præcipuè rebus consistat, in *obfirmata Infidelitate* circa historiam Christi quatenus ulla de eo miracula tradit, & in *dexteritate* eam interpretandi per *Moralem* quandam *Mythologiam*. Per quod sanè, *Evangelium* penitus abrogatur, magisq; fundamentaliter subvertitur quàm *Lex Mosaica* per *Evangelium*. Nunquam enim extitit Christianus adeò impudens ut *Mosis* negaret miracula, & ex consequenti Historiæ *Instrumenti Veteris* veritatem, quòd tamen hi faciunt in Novo. Ex quo iudicium capi potest, quid facturi sint etiam in Vetere: Omnium enim verisimillimum est eos credidisse nulla in ullo sæculo miracula usquam gentium extitisse.

4. Quòd si credant fuisse aliquando miracula, ostendant rationes cur suspicentur ea quæ commemorantur de Servatore esse fabulam, ipsiq; miracula edant ad demonstrandum nobis, nos fidem adhibere falsitati, Deumq; ipsos misisse cum istiusmodi speciali Legatione cujusmodi ipsi prætendunt. Si nulla possunt facere miracula, Deus ipsis non est testis sed ipsi de seipsis solummodò testificantur, ac proinde meri sunt *Fanatici*, & cerebri intemperie laborantes *Enthusiastæ*, nihil habentes quo impellerentur ad tam audax & monstruosum Inceptum quàm sit antiquatio Christianitatis & abrogatio officiorum *Personæ* Christi, præter superbiam & furorem inflammatorum suorum spirituum, & Phantasticam de seipsis opinionem quasi Deus ipsos plus illuminaverit quàm mundum reliquum universum.

5. Si verò juxta impulsus illius Spiritus *Infidelitatis*, qui in ipsis est, nulla fuisse nec ulla unquam in mundo fore credant miracula, sed omnia juxta ratas constantèq; Naturæ leges ferri, in hoc se produnt tantum abesse ut sint *Illuminati* extraordinarii, ut è contrà magis cæci stupidiq; sint quàm quivis homo vulgaris, qui timore Dei non destituitur, & quod quidam eos esse suspicantur, occultum quoddam celatumq; genus *Atheorum* vel *Epicureorum*. Hoc verò ego ausim dicere, si stylum eorum nudaveris omnibus *Scripturalibus* loquendi formulis, omnibûsq; allusionibus ad Historiam Christi, veterisq; *Instrumenti*, nihil te inventurum in hisce Autoribus quòd altius surgat quàm Fides *Epicuri*, *Democriti*, vel *Lucretii*, cùm nihil expressum afferant quòd *Moralis* quivis *Paganus* non sit asseriturus, immò verò nec tantum quidem quantum nobilioris notæ *Pagani*, qui *Animæ* tenuerunt *Immortalitatem*.

6. Cæterum hoc est sceleratum Diaboli apud hanc *Sectam* consilium, quòd stylum eorum sermone scripturali exornet, ut sic possint quasi insignia *Regni Lucis* gessere, atq; eo dolo corrumpere milites Christianos, & à fidelitate sua erga Christum seducere, eosq; labefacere ac proruere in servitutem *Regni Tenebrarum*. Adeò ut magno illo fidei fulcro in pretiosis Evangelii promissis sublato, necesse sit ut cor ipsis deficiat in hora Tentationis, utq; gradatim ad plenum disponantur consensus cum qualibet transitoria voluptate quam naturalis homo sapit, sive in opibus sive in honoribus sive in carnis cupiditatibus explendis, idq; sub quacunq; lege mundus ista sit ipsis propositurus. Tantum igitur abest ut isti duo *preservidi homunciones à Daphnia & Amstelodamo* se tam insignia præsent mundi *Luminaria*, quàm ipsi gloriantur, ut sint majorem in modum mentibus occæcati quàm multi *Paganorum*, qui tenuem aliquam coruscationem hauserant spei mundi futuri, *Spirituūq; existentiam & edendorum miraculorum Facultatem* crediderunt.

7. Quæ consideratio inducere quempiam possit ad credendum hos, (quòd dixi) non simplices quidem fuisse, verèq; mente emotos *Enthusiastas*, sed potius versutos quosdam vafrosq; *Veteratores & Impostores*, qui cùm reverà *Epicurei* essent, quamquam aliquantò subtilioris contexturæ filique, *Ecstatico* suo & *Enthusiastico* Ingenio ad decipiendum totum Christianum Orbem abuti poterant, avocantes ipsos à Christo ad sui admirationem; quòd satis magnum ipsis esse posset emolumentum nec voluptas minor; & sub prætextu docendi magis recondita Evangelii *Mysteria*, cuniculis Evangelium subruere, auferendo substantialem illius Historiam, & *vulgaria* integendo vitæ præcepta, (qualia quivis *Paganus Moralis* de virtute tradere potest) ornatu Mystico *Natiuitatis*, *Mortis*, *Resurrectionis*, & *Ascensionis* Christi, & faciendo deniq; totum *Christianitatis Mysterium* nihil aliud, nisi quandam scire confictam *Fabulam* ad obvias quasdam veritates *Morales* illustrandas, ejusmodi planè quæ ab omni ferè *Atheo & Epicureo* agnoscantur, quarumq; usus non ultra se extendat quàm ad commodè moderandas voluptates ac gaudia hujus præsentis vitæ.

8. Equidem

8. Equidem non inficior quin frequens *Scripturalium Allusionum & Locutionum* usus in eorum scriptis, excitare possit in hominibus *probè animatis* sensum quendam ultra eorum intelligentiam ac perceptionem qui ipsa scripserint. Sed enim ubi fides in Christo extincta sit & promissorum eorum quæ ille mundo tam clarè per *Resurrectionem* suam & *Ascensionem* manifestavit, equidem id argumentum infallibile esse cenſeo *Divinam vitam* itidem esse extinctam, fieriq; ex aliqua corporis, animæve aut spirituum impuritate, ut quis infra hanc fidem subsidat, omnesq; illius virtutes aut *complexionales* tunc esse aut merè *Morales*, talesq; quæ in Bestiis cicuratis inveniuntur, meliorisve ingenii Brutis. Hanc certè verisimillimum est summam fuisse illius *Illuminationis* quæ in hisce duobus magnis invenienda sit *Gloriatoribus*, quæ si cum illa in Christo conferatur, vix eam rationem habitura est quam flamma foetida lampadis ad præfulgidum Solis splendorem. Aded ut nisi à seipsis fuissent & ab aliis beato Servatori aut æquiparati aut prælati, ego certè hanc inter ipsos collationem instituire nunquam dignatus fuisset, ullamve eorum in scriptis meis usquam facere mentionem.

C A P. IX.

1. Mahometes multò orthodoxior in præcipuis Religionis Articulis quàm supradicti Impostores. 2. Altus ille gradus in quo hic Pseudopropheta se collocat. Iter ejus in cælos Angelo Gabriele cum comitante. Bestia Alborach, ejusq; inclamatio in via à duabus feminis, reliq; per Angelum interpretatio. 3. Adventus ejus ad Templum Hierosolymis, Reverentiq; ei illic habita ab omnibus Prophetis sanctisq; Dei nunciis qui unquam in mundo extiterunt. 4. Politicus sensus visionis hucusque, callidus ac versutus. 5. Mahometes manui Angeli Gabrielis innixus ad cælum scandit super scalam Divinæ Lucis. Transitus ejus per septem cælos, & commendatio suiipsius Christo, in septimo. 6. Salutatio Creatoris cum stupendis illius circumstantiis. 7. Quinq; dona specialia ipsi à Deo data in illo congressu. 8. De versutia naturali in Enthusiasti subtiliq; eorum superbia ubi videri volunt maximè humiles. Mira vis Enthusiastæ apud rudem populum. 9. Et stupendus illius successus in Mahomete. Alii Enthusiastæ æquè elati ac Mahometes. Sed non æquè prosperi, & quare.

1. **T**ertius Pseudopropheta caputq; Gentium est Mahometes, qui tamen fortè non sit tam inculpatis moribus homo, aut saltem non tam cautus, quàm hi duo de quibus proximè locuti sumus, sed carnis voluptatibus magis apertè illaqueatus (nisi fortè falsa de eo sparsa sit fama) quàm fuerunt isti duo Sadducei, & ad fruendas illas voluptates magis idoneus; tamen, (sive fors sit sive consilium Politicum) videtur magis Orthodoxus in præcipuis Religionis Articulis quàm isti, ut qui non solum existentiam Dei, Angelorum & Spirituum tenebat, sed etiam Immortalitatem Animæ, Judiciûmq; publicum futurum, in quo unusquisq; remunerabitur secundum id quod patriverit in carne, sive bonum sit sive malum.

2. Successus hujus Ambitoris rerum magnarum in mundo tam stupendus fuit, ut paulò diutius in eo insistere, quàm in duobus prioribus è re fore judicaverim. Primò igitur notabimus in quàm altum gradum se collocet, conabimurq; postea perlibrare eum, & ad debitum suum locum reducere.

Si igitur proprio illius Testimonio fidem velimus adhibere, inveniemus eum tanto in honore apud Deum & cælestes Potestates, ut in altissimos cælos evectus sit, saltem per visionem. Verùm ille Historiam de seipso narrat tanquam si esset realis Transactio. Quòd scilicet aliquando circa mediam noctem Angelus Gabriel illius pulsabat fores, dixitq; iter ipsi suscipiendum esse in cælos, quippe quem Omnipotens paucis volebat. Quòdq; Angelus secum adduxerat bestiam ut lac candentem, cui Nomen Alborach Asino quidem majorem, sed minorem Mulo, quem Angelus jussit Mahometem conscendere; Bestiâ verò calcitrante & repudiante scissorem, rogavit eam Angelus cur id fecerit, cum nunquam hactenus receperit, nec unquam recepturus sit in dorsum virum præstantiorem Mahomete. Respondit verò Alborach se non admissurum nisi hâc lege ut promitteret se, ingressum ipsi, in Paradisum impetraturum: Quod postquam Mahometes promiserat, conscendit, Angelusq; bestiam per habenas duxit

duxit usq; dum pervenissent *Hierosolyma*. Jam verò dum in via erant itinerantes *Mahometes* vocem audiit cujusdam fœminæ eum clarè inclamantis, *Mahometes, Mahometes!* verùm Angelus jussit nihil responderi. Cùm autem paulò ulterius progressi fuissent, altera fœmina eum similiter inclamavit, Angelus verò ipsi rursus mandavit ut taceret. Postea verò rogavit *Mahometes* Angelum, quænam hæ fœminæ essent? ad quod Angelus respondit, primam promulgatricem esse *Judaicæ* Legis, secundam *Christianæ*, quòdque si ille primæ respondisset, omnes *Mauri* futuri fuissent *Judei*, si secundæ, *Christiani*.

3. *Mahometem* porrò postquam ad portum Templi *Hierosolymis* pervenerant descendisse à bestia *Alborach*, & cum Angelo venisse in Templum, ubi omnes Prophetæ & nuncii Dei qui unquam in mundo extiterunt, ibant ei obviam eumque salutabant, dicentes, *Salve venerabilis Nuncie ac Propheta Dei*. Postea verò comitantes eum insigni cum pompa ad sacellum *Mihrab*, multâ adhibitâ reverentiâ petiisse ab ipso ut pro eis omnibus oraret. Quod postquam præstiterat, rogasse eum insuper, ut ipsorum memor esset postquam Dei venisset in præsentiam. His peractis, omnes discessisse, Angelumque ac *Mahometem* solos relictos fuisse in Templo.

4. Per quod callidum versutumque Figmentum *Mahometes* proculdubio nihil aliud significabat, neque ad aliud quicquam collineabat, quàm ad suipsum *justificationem*, quòd *tertiam sectam* instituisset à Religione *Judeorum* & *Christianorum* distinctam; & ad *commendationem* suipsum toti mundo tanquam *Propheta maximi* qui unquam hætenus apparuit in terris. Verùm nondum ad summum Visionis apicem pervenimus.

5. Angelus verò & *Mahometes* egressi postea è Templo scalam invenerunt è *Divina Luce* concinnatam, quæ à terra ad cælum pertingebat, per quam ambo, *Mahomete* Angeli manui innixi, eò ascendebant, transeuntes per *septem Cælos*; Primum ex *Argento* puro, ubi *Adamus* erat; Secundum ex *Auro*, ubi *Noah*; Tertium è certa quadam *Gemma* pretiosa, ubi erat *Abrahamus*; Quartum ex *Smaragdo*, ubi *Josephus*; Quintum ex *Adamante*, ubi *Moses*; Sextum è *Carbunculo*, ubi *Johannes Baptista* inveniebatur; Septimum è *cælesti Luce*, ubi erat *Jesus Christus*. Omnes hæ personæ venerabiles *Mahometem* peramicis salutationibus charisq; amplexibus exceperunt, eiq; se commendabant. Verùm in septimo cælo *Mahometes* videtur se commendare *Christo*. Infinitos numeros, Figuras monstrosas, immensasque magnitudines Angelorum, quibus hanc suam visionem exornat ad majorem incutiendam admirationem sectatoribus suis, datâ operâ omisi, tanquam res nimium viles ac fastidiosas. Nec verò adhuc ad finem itineris perventum est.

6. Angelus igitur *Gabriel* valedicit ipsi in cælo hoc septimo, narrans ei non licere sibi ulterius cum illo progredi. Verùm Deum solum nunc futurum esse viæ ducem. *Mahometes* igitur pergens in itinere per vestigia incredibilium *summitatum* ac *sublimitatum* ferebatur, per multam aquam profundamque nivem *vadans*, adeò ut vires ipsi prorsus defecissent nisi eum refecisset vox, dicens, *Mahometes!* veni huc & saluta Creatorem tuum. Quamobrem sonum hujus vocis sequens tam *ingentem* vidit *Lucem*, ut ab ipsa ferè occæcatus esset. Dei enim Facies integebatur velamentis *Cælestis Luminis* milliaria septuaginta crassis; ad quod ille appropinquavit intra duarum sagittationum spacium, nec tamen videre poterat faciem Dei propter arduos splendores radiisq; *Gloriæ* qui è lucidis illis velamentis effluebant. Deus verò ad recreandum eum manum ipsi imposuit, quæ oppidò quàm frigida sentiebatur.

7. In hoc congressu *Legem* accepit à Deo, & *Arcana* mirabilia multa, maximè verò omnium gloriatur hæc nocte in ipsum collata esse dona quinque, quæ nemo hætenus habuerat nec post eum unquam est habiturus, viz.

Primò, Quòd Deus eum tum fecerit primum maximèque Principem Creaturam in cælo atque in terra.

Secundò, Quòd futurus esset maximè præstabilis maximèque honorabilis inter filios *Adami* in Die Judicii.

Tertiò, Quòd generalis futurus esset mundi Redemptor.

Quartò, Quòd habiturus esset omnium linguarum peritiam.

Quintò & ultimò, Quòd victoriosus futurus esset bellisq; spolia reportaturus.

8. Videmus quàm altè seipsum *Mahometes* extulerit, quantumque versutiæ Politicæ cum Fanatico hoc Figmento sit intermixtum. *Vesania* enim *Enthusiastica*, quemadmodum nunquam à summo quodam superbiæ genere disjungitur, nè tunc quidem cùm videtur maximè humilis, (etenim dum nihil sibi attribuit, sed omnem suam scientiam agnoscit potentiamque immediatè esse à Deo, id profectò nihil est aliud quàm ostentatio quædam altioris alicujus generis potentie magisque infallibilis viæ scientiæ

quàm ceteri mortales habeant, ejus quidem rei hæc visio *Mahometana* viva admodum est Imago) ita etiam sæpenumero eam comitantur inopinatae fraudis dolique circumventiones, tales sanè quæ non facillè in mentem veniant viro vulgari ac sobrio. Per quod *Enthusiastes* apud rudem populum, si non prorsus sit mente emotus, sed actiuo ingenio, & sponte oblatas nactus opportunitates, mira profectò patrare possit in mundo, taliq; quæ nemo sobrius aut præstare queat aut ausit unquam tentare. Atq; talis est hujus *Mahometis* conditio, qui in medio Dementiæ suæ *Fanatica*, effrænis lusûs ac Festiuitatis, Libidinis insatiabilis ac Ambitionis, & Rapturarum Poëticarum, Martiq; furoris, fundamenta jecit immensi illius Imperii quod totus mundus etiamnum attonitus admiratur. Ad quod primus gradus erat *Enthusiastica* illa insania quæ cum animabat ad cogitandum aut saltem profitendum se ultimum maximûq; *Prophetam* quem Deus unquam in mundum sit missurus. Nam intrepida hujus rei inculcatio multis extemporarii Ingenii adinventionibus, ad refarciendum suum honorem ubi illius imposturæ detectæ essent adjuta, negotium certè expediebat cum successu apud rudem illam gentem quicum illi res erat.

9. Quantum verò ad superbiam quæ *furorem Fanaticum* comitatur, equidem fateor alios fuisse quorum mentes istis fidiculis æquè distentæ erant atq; illius, *Davidem Georgium* intelligo, *Amstelodamensem* istum, & Doctorem *Pervorianum* aliôsq; qui eundem Titulum atq; Officiu cum illo affectabant, & fortean cum penitus illo insanirent (saltem ex eis aliqui) firmius credebant se *magnum illum Prophetam* quem Deus missurus erat in mundum, quàm ipse *Mahometes*. Cæterum cum *Mahometes Enthusiasmum* haberet magis morigerum, & quod caput rei est, meliores opportunitates venandi suam prædam, ut cui res erat cum rudi & illiterato populo, successus ejus non solum eorum successum excedebat, sed tam admirabilis erat, ut verum quemvis Prophetam potuisset cohonestare, Mundôq; commendare.

CAP. X.

1. Mahometem verum non fuisse Prophetam, è crudelibus sanguinolentisq; suis Præceptis detectum; 2. Ut & ex insatiabili ejus Libidine; 3. Et ex enormitate Imaginationis rerûmq; Ignorantia. Quis sensus esse possit nigra macula Cordi ejus per Angelum Gabrielem exempta. 4. Ejus affectatio miraculorum, ut nubis ipsum obumbrantis dum Heri sui mulos agebat. 5. Truncus arboris findens se ut viam cedat impingenti Propheta. Conferta arborum congregatio ad defendendum ab eo solem, Lunæq; divisio. 6. Res hætenus recensitas de Mahomete, sumptas esse ex Johanne Andrea Abdallæ Sacerdotis Mahometani filio, viro gravi seriôq; Christiano.

1. Cæterum Prophetam cum verum non fuisse sed merum *Enthusiasten Politicum* vassri ac versatilis Ingenii, cum aliquot micis Dementiæ ac Phreneseos mixti, tum ex depravatis illius Moribus, tum ex rerum Ignorantia & Imaginationis enormitate facillè potest deprehendi. Ad primum refero ejus crudelitatem in condendo leges quibus omnes trucidandi essent qui statim ad illius Religionem non converterentur. Quod præceptum occurrit & in *Alcorano* & in *Zuna*. *Occidite homines quousq; omnes Mauri fiant*. Utq; majori cum zelo hanc agerent *Tragediam*, nec tamen sibiipsis à morte metuerent, tantum gaudium in hujusmodi exitu è vita ipsis promisit (præter celerem Ingressum in Paradisum, comestationesq; inibi cum Creatore) ut lubenter Paradisum vellent relinquere rurûsq; venire in carnem, ut capaces fierent perfruendi tanti gaudii quantum hoc genus mors secum hominibus affert.

2. Præterquam verò quod tam crudelis erat, erat etiam insatiabiliter libidinosus, quemadmodum colligi potest ex multis illius factis, ut ex eo quod *Zeydino* servo uxorem abstulit, cum tamen ipse domi haberet non pauciores novem, *Zeydinus* verò non nisi unam solam. In libro *Azehr* & *Affameil* quindecim dicitur habere uxores & summopere propter virilitatem laudari, quod cum omnibus rem habuerit unius horæ spacio. Adulterium etiam commisit cum *Marina* quapiam, Puellâ *Judæâ*, quæ ipsi dono data erat quindecim annos jam nata, cumq; deprehensus esset in illo facinore ab *Axa* & *Haseza* duabus ex præcipuis suis uxoribus, & ob id increpitus, juravit

ravit ipsis se cum ea nunquam deinceps rem habiturum. Sed cum *Libido* ejus fortior esset jurisjurandi obligatione, duæ uxores eum iterum inveniebant illicium illum ludentem ludum. Quam ob causam *Mahometes* ampliavit matrimonii leges, licitumq; fecit omnibus suis Sectatoribus cum Ancillis rem habere. Dicitur etiam cum jam septem uxores haberet *Axam* duxisse sex annos natam, & cum ea concubuisse, cum nata amplius octo annos non esset. Deniq; nullos postea limites libidini suæ posuit, sed populum docuit sibi licere cum quibuscunq; voluerit concumbere, quamquam ipsos interea intra certum modum coercerat. Qua quidem in re non tam humanus erat ac facilis quam *David Georgius* qui permisit hanc libertatem omnibus suis Sectatoribus æquè ac sibi ipsi.

Vide Enthusiasmum Triumphantum, Sect. 34. Art. 9.

3. *Imaginationis* ejus *enormitas* rerumq; *Ignorantia* manifestæ sunt ex multis locis: quemadmodum ex eo quod *Mariam* Matrem *Jesu*, sororem facit *Mosis* & *Aaronis*, asseritq; *Stellas* catenis aureis suspendi, ipsarumq; maximas majores non esse magno aliquo monte, quodq; affirmat Deum super * *Tauri* cornu terram stabilivisse, illiusq; capitis vibrationem causam esse terræ-motuum: hoc *Mahometes* tradit in libro *Zuna*; ubi etiam docet, quando quis sepultus sit, duos Angelos nigros ad eum accedere, eumq; cogere seipsum erigere in genua, atq; sic exteriori corporis parti animam ad instar *Indusii superpellitiive* induere, quo facto, eum examinare utrum in legem *Mahometis* credat, cum multis aliis ejusdem farinae interrogationibus. Id etiam admodum scitum est illius *Figmentum*. Cum quatuor utiq; annos natus erat Angelum *Gabrielem* manu eum tenentem ponere montem quendam duxisse, atq; ibi acutâ novaculâ pectus ejus discidisse ipsiq; cor exemisse, & postquam à nigra quadam macula emundavisset, reposuisse rursus in locum suum. Sed enimverò manifestum est ab eventu, Angelum cultro suo incisorio, ratione efficacissimâ ad prævertendum tot tamq; enormia Adulteria ob quæ *Mahometes* adeò erat infamis, neutiquam usum esse. Vel fortasse fieri potest, ut illius rei sensus sit, eum exemptâ hâc nigra maculâ & abstersâ factum fuisse prorsus impeccabilem, sensu nimirum *Fanatico*, quod, faciat scilicet quæcunq; voluerit, non possit tamen peccare, non sanè quamvis cum sua matre concumberet, suumve trucidaret patrem. Quæ vesana opinio est quorundam *Enthusiastarum* in hisce nostræ ætatis temporibus.

* Vide Johan. Andr. confus. Secta Mahometana cap. 5.

4: Immensum esset omnes hujus Prophetiæ ineptias recensere, quarum quæ cum *Judicio* maximè conjuncta sit, est *miraculorum affectatio*. Etenim qui miracula nec reverâ habet nec ea potest fingere, quâ, obsecro, fronte potest ille se Prophetam profiteri? Primi miraculi, quod sibi attribuit, mentionem jam fecimus, quod cordis illius erat à nigra macula emundatio, quæ homines facit obnoxios incuritationibus *Diaboli*, quemadmodum *Mahometani* opinantur.

Secundum illi obtigit septendecim annos nato, quando nubes in morem *Canopei* eum obumbrabat die torrido, dum itinerabatur cum Camelis Heri sui: Hisce addere potes illius ab Angelo salutationem in spelunca, Lapidumq; & Arborum Animaliumq; Brutorum ad eum Alloquia, cum hac compellatione, *Salve Mahometes Dei nuncie*; quemadmodum & *Illacrymationem* aridi trunci *Palmæ* ad discessum ejus & exilium à *Mecha*.

5. Verum tria miracula eaq; omnium maximè notabilia adhuc restant. Quorum primum est, Trunci Arboris diffissio ad *Mahometis* in ipsum impactionem, dum meditabundus incedebat, cum oculis religiosè in cælum sublatis. Arbor enim spontè se fudit in duas partes, ut sancto Prophetæ liberum transitum præberet, postquam verò transiverat, in unum statim partes rursus coaluere.

Secundum est, conferta simul arborum congregatio ad defendendum ab eo Solem, earundemq; rursus ad illius jussum, cujusq; ad locum proprium recessio. In *Zuna* *Mahometes* magis particulatim affirmat, quod die quodam cum ex lege Naturæ necessaria, alvus ei exoneranda esset in aperto quodam campo, duabus mandavit arboribus ut ad se accederent ad defendendum ab ipso calorem Solis, quod illæ continuo præstabant radicibus earum è terra evulsis, quodq; postquam jusserat redire, arbores statim obsequebantur, infigebanturq; rursus terræ in suis utræq; locis ut antea.

Cæterum, ultimum maximèq; insigne miraculum (quod æquè illius *Ignorantiam Naturæ* arguit atq; *Imaginationis enormitatem*) est certè *Luna* in duas partes ab eo facta *Diviso* protrusioq; unius partis in unam Manicam, alteriusq; in alteram, earumq; moxeductio è partibus collo proximis, & in unum rursus postmodum ferruminatio, redintegrataq; Lunæ tandem in eundem Cœli locum remissio, unde suarum precularum vi eam descendere coegerat. De quibus omnibus miraculis summam observandum est, quod quemadmodum quædam ex ipsis non sunt possibilia, ita nulla,

nulla, nè affirmantur quidem coram testibus fuisse facta; quôdque denique ipsorum ple-
raq; oppidò quàm fatua sunt & ridicula.

6. Commemorantur hæc ferè omnia apud hominem admodum gravem piûmq; & verum, quantum ego conjicio, sincerûmq; Christianum, *Johannem* utiq; *Andream* filium & successorem *Abdallæ* Sacerdotis *Mahometani*, virum sanè Religionis Legisq; *Mahometanæ* consultissimum, qui post conversionem suam ad Christianitatem, li-
brum scripsit, (idq; ut mea fert sententia multo cum candore ac judicio) de Impos-
tura *Mahometismi*, ex quo collegi quæ hic recensuimus, possimûsq; plura addere tum
ex ipso tum ex aliis Scriptoribus; Verùm hæc sufficient ad demonstrandum *Mahome-
tem* talem esse hominem qualem ego ipsum descripsi, & ad efficiendum porro ut ex
hujusmodi collationibus rectius intelligamus, magisq; vivido sensu sobrietatem,
dignitatem & irreprehensibilem propriæ nostræ Religionis soliditatem sapiamus.

C A P. XI.

1. *Tria magna Apotheoseos Christi Consequentia.* 2. *De Missione Spiritûs sancti, Apostolorûmq; facultate faciendi miracula.* 3. *Circumstantiæ descensus Spiritûs sancti in ipsos in Die Pentecostes.* 4. *Circumstantiarum hujus miraculi solida Ra-
tionabilitas.* 5. *Sensus earum Symbolicus.* 6. *Flatus violentus quid significaret, ruens reptensq; domum.* 7. *Quid Linguae igneæ & dispersitæ.* 8. *Multorum aliorum Miraculorum aut accidentium Apostolis aut ab ipsis factorum recitatio.* 9. *Congruitas & coherentia totius Historiæ miraculorum Christi ejûsq; Apostolorum à suc-
cessu illustrata.*

1. **P**ostquam longiusculâ sed necessariâ Digressione, falsas illas & insalubres vias, per quas *Mahometes*, *David Georgius*, *Fanaticusq;* illius *Gregalis* ab *Amste-
lodamo* homines volunt ducere, perlustravimus, restat jam ut ad veram illam viam fidelémq; ductorem *Jesum Christum* redeamus, cujus per *Resurrectionem*, *Ascensionem*, & *Apotheosin* cum pertransiverimus, progrediemur jam ad ultima illa tria quæ proposuimus, quæ omnia *Consequentia* sunt illius *Apotheoseos* admodum congrua & naturalia, nempe *Sessionis* illius, *Mundi*q; *Administrationis* ad dextram *Dei Patris*: Sunt autem hæc, *Spiritûs sancti Missio* in die *Pentecostes*, *facultasq;* edendi mira-
cula *Apostolis Discipulisq;* donata; *Magnus molitionum ipsorum in Mundo successus*, dum hac mirificâ potestate muniebantur; & *Visibilis* deniq; *Christi reditus in mun-
dum ad judicandum vivos & mortuos.*

2. Horum primum, quæ *Missio est Spiritûs sancti facultatisq;* *Apostolis edendorum miraculorum donatio*, id certè non solum æquum erat ut præstaretur, utpote quod ante promissum erat à Christo dum cum ipsis versabatur in terris, sed etiam necessarium ut fieret quanquam non fuisset promissum, ut, quando foras prodibant ad prædicandum Evangelium Nationibus, non viderentur prorsus ridiculi & contemptibiles, in proponendo res adeò vanas & incredibiles (quemadmodum mundo erant apparitura) talésq; quæ aliquam speciem dedecoris & opprobrii præ se ferrent. Dum ipsis hominem commendabant pro *Dei filio*, quem tamen *Judei* pro malefactore crucifixerant inter duos latrones. Proculdubio nisi extraordinaria aliqua vis eis adstisset, potuissentq; ea facere quæ planè sunt supra Naturæ leges, derisi fuissent ubiq; Gentium & exhibili undique, quocunq; venissent. Cum verò supernaturalem hanc assistentiam habuerint, & propria ipsorum fides eò firmius in ipsis indè radicabatur (dum experiebantur *Jesum* prorsus se præstare totum id esse apud *Patrem* quod se profitebatur fore;) erantq; præterea adeò mirum in modum animati & corroborati per sensibilem hanc præsentiam *Deitatis* ipsos ubiq; concomitantem, ut nulla pericula nec contumeliæ, immo verò nec ipsius mortis timor ac cruciatuum cohibere ipsos posset à reddendo apertum mundo Testimonium earum rerum omnium quas illi viderant, pro certôq; cognoverant de crucifixo *Jesu Dei filio* & humani Generis *Servatore.*

3. Vidimus jam in genere quàm necessaria esset Apostolis supernaturalis hæc assistentia. Notabimus jam particulatim quàm congrua saltem ac decora prima illius esset exhibitio, in die utiq; *Pentecostes*. Apostoli cum aliis discipulis cum in cœnaculo *Hierosolymis* convenissent, cûmq; unâ mente unâq; fide essent, & expectatione

Promissi

Promissi Spiritus Sancti; supradicto die Pentecostes supervenit ipsis repente de cælo sonus quasi vehementis flatus ruentis totamque domum replentis ubi sedebant. *Con-* Añ. 2. v. 2,
3. 4.
spertæque sunt eis dispersa lingue instar ignis qui eorum unicuique insidebat. Reple-
tique sunt omnes sancto Spiritu & diversis loqui linguis ceperunt prout Spiritus eis
dabat effari.

4. Deo supposito ac Providentiâ Angelorumque Ministerio ac Spirituum, nihil omnino hîc impossibile est nec incredibile. Notabimus verò & circumstantiarum congruitatem, quæ aut scito alicui sensui symbolico, aut utilitati minimè amittendæ interserviant, quod & ipsum diem facere iudico, eorumque hoc Pentecostes die in unum locum Convencionem. Etenim earum rerum quæ sic unicuique ipsorum per miraculum contigerunt intuitus & observatio, fortior est confirmatio fidei universorum, testésque indè magis idonei fiunt toti mundo eorum quæ ipsis per miraculum obvenierunt. Erátque Pentecostes dies tempus accommodatissimum quo hæc contingerent, propter magnum populi concursum eo die futurum.

5. Nec tamen id excludit sensum illum S. Augustini magis mysticum & symbolicum, Quodd scilicet quemadmodum Lex scripta Judæis data est die quinquagesimâ post Pascha, ita Lex Spiritus quæ cordibus hominum inscribenda erat mirandum ad hunc modum hîc inchoata est eodem die per prædicationem Apostolorum super quos Spiritus descendit viâ adedò extraordinariâ. Nec alter ille sensus de unitate loci Moralem illam Grotii significationem excludit. Deus dona sua promittit unitati. Istud etiam quod sedebant in τῇ ἐκκλησίᾳ, aut significationem habet Moralem, aut, quæ quicquam valeat, nullam; Alioqui quò à terra quispiam est remotior nihilo est Deo propinquior, præsertim intra olfactum Atmosphære. Quam speculationem Philosophicam Apollonius multa cum gravitate verborumque apparatu persequitur, ubi Davidem edocet inter itinerandum in Caucaſo monte (quem finitimi spectabant tanquam sanctum aliquod Deorum domicilium, ut & alii montes ob eandem opinionem δῶν ἐχέμενα appellantur) quò utique nihilo propinquior quisquam esset Religionis ac virtutis cognitioni quamvis in altissimum Athon, Olympum, universòve mundi Caucaſos evectus esset, nisi res divinas ac Religiosas contempleretur non tam in puro ac subtili Aëre quàm ex repurgato spiritu ac sincero.

6. Illa verò quæ præcipuam habent significationem sunt Violentus ruens flatus, Lingueque igneæ dispersæ. Quorum duorum prius Symbolum est vis illius externæ quam illaturus erat mundo Deus in introducendo in eum Filii sui notitiam. Nam proculdubio stupenda illa miracula quæ per Apostolos facta sunt, externos hominum sensus adedò fortiter feriebant, ut quodammodo vi cogerentur agnoscere manum Dei cum ipsis fuisset, doctrinamque quam docebant esse veram. Cujus cognitio tandem unâ cum miraculorum fama totum mundum replevit, quemadmodum & sonus de cælo ac violentus ruens ventus totam replerunt domum ubi sedebant. Certum est Pontifices maturè conquestos esse quòd Apostoli totam Hierosolymam doctrinâ suâ repleverant.

7. Posterius verò, Lingue scilicet igneæ dispersæ; species quidem ipsarum igneæ explorantem, penetrantem, colliquefacientem & purificantem vim Spiritus innuit, quemadmodum & ipsarum dispersio Sermonis vivi effectum, quod eorum prædicationem comitabatur, quem meliori jure appellare possumus τῶν διακόντων λόγος, quàm Stoici jejunam suam Rationem. Hic enim est qui penetrantior est quovis gladio accipiti, & pertingit usque ad divisionem Animæ simul ac corporis compagumque ac medullarum, & cogitationes & conceptus cordis dijudicat; quemadmodum observari potuit in Sermone Petri prædicato. Vel, ut usque adedò Mysticis sensibus & Spiritualibus non indulgeamus, διαπορεύωνται γλώσσῃ, Lingue hæc dispersæ symbolum solummodò externum esse possunt internæ illius facultatis ipsis donatæ loquendi diversis linguis, quanquam eas nunquam erant edocti. Quod quidem donum usûs erat admodum sobrii ac necessarii (utî & omnia erant miracula quæ edebantur vel à Christo vel ab Apostolis) cum ipsi prædicare deberent diversis nationibus quæ tunc Hierosolymis habitabant, & proficisci postea in diversas Regionem ad convertendum homines ad fidem.

8. Hæc est solida ratio quæ reddatur omnium circumstantiarum magni illius miraculi partim in Apostolos partim ab Apostolis facti post Christi Ascensionem in cælos. Quæ divina vis semper postea eis assistebat in omnibus eorum peregrinationibus ac laboribus in Evangelio, quemadmodum videre est in Actis Apostolorum. Ubi non solum invenies ipsos hac edendi miracula facultate præditos, verum etiam per præces manuumque impositionem conferentes eam aliis, in Ecclesiæ utilitatem; ubi eos videbis sanantes ægrotos, claudos in pedes erigentes, facientesque ut ambulent, suscitantes

Hebr. 4. 12.

a Añ. 8. 15.

b Añ. 5. 15.

c Añ. 3. 6, 7.

d AB. 9. 40.
e AB. 5. 16.

f AB. 5. 15.

g AB. 4. 31.
h AB. 8. 39.
i AB. 5. 19.
j 12. 7. 8.
k AB. 6. 15.
l AB. 7. 55.
m 9. 3. 4.

suscitantes^d mortuos, e Dæmonia ejicientes, omniâq; rursus miracula maximè notabilia repetentes quæ Servator edidit. Etiam nonnulla quæ ipse nunquam fecit. Cujusmodi sunt linguis locutio, & per meram corporis f umbram sanatio, quæ aliquantò mirabilior videtur quàm illa per tactum fimbriæ vestimenti Christi facta. Quibus addere potes, quæ per miraculum ipsis acciderunt, ut domicili in quo erant inter preces & supplicationes, (terræ-motûs instar) per sensibilem præsentiam Divinæ virtutis eos ubiq; concomitantis succussio; h Transvectio eorum per aërem Angelî manu ab uno loco in alium; Visitatio ipsorum per i Angelos in carcere, qui & aperiebant carceris fores faciebântq; ut vincula sponte ipsorum corporibus exciderent; Vultuum k Transfiguratio in splendorem Angelicum, Christi; l apparitio è cœlis in fulgore illustri magis & relucenti quàm est Sol circa meridiem, quemadmodum contigit Panno proficiscenti Damascum. Quarum rerum credibilitatem, quemadmodum & Resurrectionis ac Miraculorum Christi, ipse successus planè arguit.

9. Videtur enim prorsus impossibile ut Christus, homo omnibus illis perfectionibus destitutus quæ plausibiles sunt carni & sanguini; qui nec vi eloquentiæ armatus erat, aut Philosophiæ peritiâ, aut autoritate dignitatè mundanâ; nec fortunæ Nobilitatisq; subsidiis munitus, (sed è contrâ ex eo, quòd vitam degebat, exemplumq; se præbebat morum, qui aut contemnuntur à naturali homine, aut odio habentur, incommodatus ac præpeditus) quiq; adhuc magis invisus contemptibilisq; factus est, propter mortem ignominiosam quam inter duos infames malefactores subiit: Equidem nisi vis alta extensumq; de cœlo brachium rem Christianam promovisset, hoc est, nisi idem Christus hujusmodi, quæ commemorantur, miracula ipse patrâset, nisi à mortuis surrexisset, ascendisset in cœlos, atq; Spiritum indè in Apostolos effudisset, donâsetq; ipsos facultate tam mirabilia patrândi opera quàm quæ reverà patrabant, impossibile inquam prorsus fuisset, ut Christianitas eum habuisset successum, quem ad hunc usq; Diem eam in mundo habuisse cernimus. Adeò ut tota Christi Historia admodum congruens sit & cohærens, talisq; qualis juxta ipsam rei naturam debet esse quandocunq; Messias venerit in mundum.

C A P. XII.

1. Tria insignia effecta Missionis Paracleti per Christum, ab ipso prædicta, Johan. 16. Paracletus ubi venerit, &c. 2. Expositio Grotii in locum. 3. Fundamentum illius expositionis. 4. Brevis indicatio genuini sensûs loci per Autorem. 5. Vaticinium Christi impletum, agnitionemq; non solum à Christianis sed & à Mahometanis. 6. Substantiam Mahometismi Mosem esse & Christum; Unius Dei perquam fervida eorum Professio. 7. Agnitio miraculorum à Christo factorum & Apostolis, summiq; Privilegii in Christum collati. 8. Quam vim in ipsos habeat ea veritatis Christianæ portio quam jam sunt amplexi, & quæ porro spes sit plenæ ipsorum Conversionis.

1. Immenſæ profectò operæ res esset amplum illum successum, quem Christi Passio, Resurrectio, Ascensio, Spiritusq; sancti Missio in mundo habuit, particulatim prosequi. Caterum universalissima, latissimèq; patentia effecta silentio præterire non possumus, præsertim illa tria de quibus & ipse vaticinatus est, Johan. 16. Quid utiq; Paracletus ubi venerit mundum arguet de peccato, & de justitia, & de judicio.

De peccato, quoniam mihi fidem non habent.

De justitia, quoniam ad patrem discedo, nec me videbitis ampliùs.

De judicio, quoniam princeps hujus mundi judicatus est.

2. Cujus summa, prout Grotius forensi sensu locum interpretatur, admodum latè se extendit, agnosciturq; æquè apud Turcas ac Christianos. Eruditus enim expositor Christum supponit Spiritum mittere tanquam Advocatum, qui causam ejus acturus esset adversus mundum (& certè vox παράκλησις id significat & nihil ampliùs) atq; ità mundum convicturus, Primò, de grandi Infidelitatis crimine trucidationeq; veri eorum Prophetæ, imò expectati Messie. Hoc propriè spectat ad Judeos qui eum crucifixerunt, & senſerunt profectò Divinam vindictam ob tam atrox facinus, cùm Urbs ipsorum excisa esset, Templumq; dirutum, ipsiq; dissipati factiq; fœx populi in omnibus mundi locis.

Secundò,

Secundò, De *equitate* benignaq; transactione iusti Dei cum Christo, qui cum injustè passus esset, ejus injuriam resarsit faciendo eum cœlestis gloriæ participem, propter opprobrium & contumeliam quam tulerat in terris.

Tertiò & ultimò, De *judicio* sive justitia partem inter atq; partem, quòdque proinde, quemadmodum Diabolus *Judeos* instigavit ad Christum vitā suā exuendum, itā per modum *Retaliationis* Christus Diabolum præsentī Imperio Dominiòque in mundum exueret, per destructionem utiq; *Idololatriæ*, cultusq; Apostatarum spirituum abolitionem; quanquam sanè claudicare hic aliquantulum videtur τὸ ἀντιπαραστήσειν cùm membra sint adedò heterogenea.

3. Expositio tamen nihilominus sat̄ ingeniosa apparebit, modò consideremus id quod ille pro fundamento posuit suæ Interpretationis. Quòd utiq; *Peccatum*, *Justitia* & *Judicium*, ἀμαρτία, δικαιοσύνη, κρίσις, *Hebraicis* respondent vocabulis, חטא וצדקה; primo, חטא significante publica judicia de criminibus, alteris verò duobus judicia privata, unum ex æquo & bono, quod est צדקה δικαιοσύνη, alterum certam ex lege formulam habens quod est חטא κρίσις. Quod proculdubio istiusmodi leges complectitur quæ ad jus *Possessionis* æquè spectant ac *Retaliationis*, ad quam *Grotius* tam speciatim collineat in sua citatione Levit. 24. 20. Diabolus igitur cùm merus esset *usurpator* nullumq; jus haberet ad mundi Imperium ac Dominium, actio erat in illius usurpationem, atq; sic interpretatio erit irreprehensibilis. Et certè quòd Actio hujusmodi sit, manifestum est ex eo quòd Christus Dei filius rerum omnium sit hæres, quemadmodum & ipse alicubi innuit, & Apostolus etiam disertis verbis de- Hebr. 1. 21

4. Sensus igitur suprà citati Textus breviter hic est, Quòd Spiritus qui dicitur *Paracletus* sive *Advocatus* ubi venerit, convicturus sit mundum de *Christi Veracitate*, deq; *Infidelitate* ac *Crudelitate Judeorum* qui eum crucifixerant, qui verus erat *Propheta*, non deceptor necdum deceptus; & de *Æquitate Dei* qui ejus jam compensarat labores ac æumnas quas apud *Judeos* passus erat, recipiendo eum ad seipsum eumq; coronando immortalī gloriā; & de *Judicio Dei* adversus Diabolum, ὅτι ὁ ἀρχὸν οὗ ἀβυσσοῦ τῆς ἀνομίας, Deum sententiam contra ipsum jam tulisse, quòd scilicet ejiciendus sit ex usurpato suo Imperio, quòdque omnes *Paganicæ* formæ cultus abrogandæ sint & abolendæ.

5. Hoc quidem *Paracletus* sive *Dei Spiritus* Apostolis superveniens eisq; & Ecclesiæ modis adedò miraculosis per tot secula assistens, tam irrefragabili evidentiā verum præstitit, ut non solum totus Christianus Orbis de eo certus sit, sed & immensum *Turcarum* Imperium omnesq; *Mahometani* ubicunq; terrarum disseminati. Adedò ut tota quodammodo terra impleta sit hujusce rei famā ac fide. Quod certè notare operæ pretium fore putavi nè minùs amplius hic successus videri posset quàm reverà erat.

6. Quanquam enim *Mahometani* Christiani non sunt sed Pagani in sensu nimis quàm vero, manifestum tamen est magnam partem literæ ipsorum Legis, *Mosē* esse & *Christum*. Et in confusionem crassā ejusq; *Idololatriæ* ac *Polytheismi*, profitentur unum solum Deum, Cœli ac terræ creatorem, maximāq; vis ac pondus Religionis eorum huic principali innititur articulo. Cujus quidem consideratione adedò abrepti sunt atq; accensi, ut in Templis magnam partem temporis impendant in clarè emodulando unam hanc veritatem, *La illa ilella, La illa ilella*, hoc est, *non est nisi unus Deus*; quemadmodum referunt Historici. Verùm hoc nihil amplius est quàm quod ipsi *Judei* credunt, nec fortassean ex tam probis fundamentis. Sed enimvero ulterius aliquanto progrediuntur, tanquam si ambitiosi essent consolidandi imperfectum illum Titulum quem quidam eis tribuit, ipsos appellans *Semichristianos*.

7. Etenim partim in *Alcorano* partim in *Zuna* commemoratur, *Christum Jesum à Spiritu sancto conceptum esse, virginēq; Mariā genitum, Evangelium viam esse ac lucem & salutem hominum, eosq; qui obediunt illi non damnatum iri. Christum cognovisse ipsa humanarum cordium cogitata, mortuos suscitasse, insanabiles hominum morbos curasse, visum cæcis restituisse, mutosq; fecisse loqui. Apostolos Christi, Matthæum, Petrum & Paulum leprosum quendam Habib Araiar appellatum Antiochiæ sanavisse, & suscitasse Regis filiam à mortuis, visumq; pariter restituisse infanti qui natus erat cæcus.* Et postremò, tres præminentias *Alcoranus* tribuit *Christo* quas nulli alii *Propheta* tribuit, non *Abrahamo*, non *Mosè*, & nè ipsi quidem *Mahometi*. Prima est, quòd cum Anima simul ac corpore in cœlum subvectus esset, ubi expressim additur in *Zuna* quòd & rediturus sit illinc ad judicandum mundum judicio recto. Secunda, quòd appellandus esset *Verbum Dei*. Tertia, quòd *Sanctus Dei Spiritus* esset

esset nuncupandus. Hæc legere poteris diffusius tradita apud *Johannem Andream*, in sua *Confusione Sectæ Mahometanæ*, ut etiam apud alios. Ex quibus porro addere poteris, *Turcam* tantâ existimatione venerationeq; habere *S. Johannis* Evangelium, ut in corporibus id gestent dum proficiscuntur in militiam, tanquam amuletum quoddam quo sclopetorum ictus defendant vel eludant.

8. Hoc notatu dignum putavi; partim ut is honor qui *Christo* debetur non detur *Mahometi*; (De quo optimum quod enunciari potest hoc certè est, Quod utiq; ille non adeò usquequaq; Evangelii Mysterium, nec per suam ignorantiam, nec per fraudes Politicas, nec per ulla fanaticas vertiginosq; Levitates pervertit depravavitque, quin tantum substantiæ virtutisq; ejus superfuerit quantum ictu gladii adjutum, satis potens fuit ad concidendam crassio rem illam Idololatriam Paganicam, ad castigandos inobedientes Hypocriticosq; Christianos, & ad demoliendum externum Diaboli Dominium in Mundo :) Et partim, ut dispicere possimus, quanta spes sit, opportuno tandem tempore (postquam præcipua Orbis Christiani scandala sint ablata, (cùm & tam bellè jam sit per splendidam suam quam fovet de Servatore opinionem præparatum) quòd universum Imperium *Turcicum* derepentè evasurum sit Christianum: cùm id quod vanum falsumq; apud ipsos est, meliori non innitatur fulcro, quàm fatuis ineptisq; Visionibus, falsisq; allatis Miraculis, absurdisq; fabulis versuti, cerebrosi impuriq; Impostoris; cùm è contrà Fides pura Christiana Evangelio comprehensa tam solida sit, tam sincera tamq; rationi consona, ut nemo sit qui mentis est compos, quin clarè ipsi constare possit de illius veritate.

Vide cap. 16.
Sect. 5.

C A P. XIII.

1. *Triumphum* Divinæ vitæ non tam amplum esse hætenus, quàm ruinam externi Imperii Diaboli. 2. *Conspicua* illius eminentia temporibus primitivis. 3. *Reale ac crudele Christianorum Martyrium* sub decem persecutionibus demonstrationem esse quòd eorum *Resurrectio* non sit Allegorica. 4. *Beatæ Immortalitatis in Evangelio promissæ per Allegoriam Elusionem vel Abolitionem, maximam esse contra Christum Blasphemiam quæ potest excogitari.*

1. **V**Idetis quàm amplus sit successus *Adventus Servatoris* in mundum ratione externæ ruinæ Regni Principis hujus mundi, veteris illius usurpatoris in filios hominum. Jam verò si ex me quæritis, quantus *Divinæ vitæ* Triumphus fuerit per totam hanc victoriam; Equidem fateor quòd meritò quispiam optare possit ut major esset quàm sit, ut fuisset amplior, diutiusq; durasset. Aliquid tamen per totum hoc tempus etiam hac ex parte præstitum est.

2. Fides enim in Deum per Dominum *Jesum Christum*, firmaq; persuasio circa vitam futuram, hujusq; fidei effectus, qui est ipsa natura spiritusq; Christi habitantis in nobis, consistens è *Puritate, Humilitate & Charitate*, hæc sana salubrisq; constitutio multum erat in Primitivis Ecclesiæ temporibus, etiam tum cùm nullum subsidium auxiliūq; ab humanis viribus habebant, immò verò cùm crudeliter ab ipsis tractabantur, quippe qui eligeant potius ablegari in exilium, in carcerem, tormentis subijci, & quodlibet mortis genus subire, quàm abnegare eum qui pretiosissimo suo sanguine eos redemerat, paraveratq; ipsis æternæ felicitatis locum apud semetipsum in Cœlis.

3. Hic *Fides Divinæq; vitæ* admodum conspicuas reportabant victorias, conspicuosq; Triumphos agebant, quippe quæ in totius mundi conspectu crudelem Diaboli malitiam despiciatui habebant, ipsiusq; mortis terrorem, larvâ etiam quàm maximè horrendâ indutæ; quemadmodum innumera videre est exempla sub Paganis Imperatoribus in decem illis Persecutionibus sanguinolentis. Quæ quidem Historia non potest quin quemlibet faciat abominari hujusmodi leves perfidosq; *Allegoristas* qui intercipere spem futuræ vitæ, attenuando talia loca in Scripturis quæ ejusmodi sensum præ se ferunt, in sensum præsentarium, *Moralémq; ac Mysticam* Interpretationem; tanquam si Evangelium & pretiosa promissâ inibi contenta non ultrà quàm ad hanc vitam quam hic degimus in terris, pertingerent.

4. Quod summum est quod excogitari potest in *Jesum Christum* opprobrium ac Blasphemia, tanquam si *Proditor* potius esset quàm *Servator* humani Generis, majorémq;

jorémq; in modum humanum sitiret sanguinem quàm isti *Indorum* Dii de quibus locuti sumus qui ejusdem tam prodigi erant in suis Sacrificiis. Et verò quasi amor non esset charissimúsq; erga nos affectus, qui fecit ut vitam deponeret pro nobis, sed odium inveteratum malignúmque consilium efficiendi, ut Myriades hominum mactarentur sponteq; sacrificarentur præ fidelitate atq; amore erga eum qui eos ad hunc modum prodiderit. Quamobrem quicunq; novum Testamentum ita interpretatur ut certitudinem præmii ac pœnæ post corporis mortem eludat ac subvertat, is profectò aut purus putus est Infidelis aut horridè Blasphemus.

CAP. XIV.

1. *Corruptio Ecclesiæ ex quo Christiana Religio, Religio facta est Imperii.* 2. *Quòd nec tunc cessabat esse vera vivaq; Ecclesia quanquam abscondita in Eremito.* 3. *Tametsi Divina vita valde tunc abjecta erat, Personas tamen Servatoris Christi, Virginis Mariæ, &c. locupletissimè fuisse cultas;* 4. *Apostolòsq; ac Martyres summis officiosissimisque blandimentis ad antiquam rationem Paganicorum Rituum exceptos.* 5. *Conditio Christianitatis post generalem Apostasiam comparata cum illa Unæ in deserto inter Satyros.* 6. *Tametsi hic Ecclesiæ status diu fuerit, non tamen sic fore in perpetuum; dùmque sic est, reales tamen Christi Inimicos etiam pulverem illius pedum lambere.* 7. *Vesani ludi quos hi Simii Satyriq; faciunt cum Christiana veritate.* 8. *Quantum describerit Christianus Orbis à præceptis exemplòq; Christi in Bellis movendis effundendiq; sanguine.* 9. *Quòd tametsi Providentia ad Paganicum hunc Christianismum ad tempus connexerit, facere tamen non potest quin Ecclesiam tandem ad puritatem pristinam restituat.* 10. *Plenam vero hujus rei probationem nimis prolixam fore pro hoc loco.*

1. **P**Rimitivæ Ecclesiæ conditionem qualis erat antequam facta esset Religio Imperii, strictim cursimq; attigimus; Quæ futura esset postea mutatio vel ex ipsis causis quivis poterat præcipere. Etenim postquam non solum persecutionis metus ablatum erat, sed magni etiam honores externaq; commoda Ecclesiæ additi, vel pessimus quisq; maximèq; Atheus à Paganis promptissimus paratissimúsque foret ad Christianam Religionem amplectendam; & si qui ex Ethnicis non accipiebant conditionem, non est dissimile veri quin ii essent quibus maximè erat Religio quid facerent, quantumvis sub cultu erroneo educatis. Adeò ut rēte tunc plus cœni limiq; traheret quàm bonorum piscium. Hortúsque Dei qui antehac nihil habebat nisi salubres herbas florésque, herbis nunc erraticis noxiisq; tota obtegeretur. Vel, si malles, vera Ecclesia quæ antea ut Civitas in monte, omnibus facta erat conspicua, abscondita nunc esset, & dispersa in vasta Romani Imperii Eremito, quod tametsi nomine tenus Christianum erat, vitā tamen ac moribus evaserat plusquam Paganicum.

2. Cæterum nè res minoris faciamus, quàm reverà erant, Primò, vera Ecclesia Christiana *abscondita* solummodò erat non *perdita*, quemadmodum se res habet ad hodiernum usq; diem. Est enim etiamnum in eremo & ad instar *illius vocis in eremo clamantis*, conqueritur testatúrque contra ferinos, sensuales abominabilesq; vitas sævosq; mores in ea mundi parte quæ appellatur Christiana. Semper enim fuerunt & etiamnum sunt in magna hac rudiq; massa Christianitatis aliqui, qui verè regenerati sunt integrèq; per Dei manum in amabilem Christi Imaginem formati, qui testimonium perhibent de fœdis ac detestabilibus exorbitationibus eorum qui adeò impudenter imperiosèq; gloriantur se solos veros esse Christianos, cùm tamen reverà non sint omnino Christiani, hoc est, nulla vera Christi *membra*, utpote qui nihil habent *illius Spiritus*, quemadmodum & eorum opera manifestò declarant.

3. Et secundò, Quanquam fatendum est ipsam *Divinam vitam* quatenus Ecclesiæ est communicabilis, multùm, quod aiunt, infra foros fuisse gravitèrque suppressam, ex quo primùm *Christianitas* & res *Politica* simul conjunctæ pari quasi passu incesserunt; tamen postquam Ecclesia adeò opulenta facta esset pompisq; splendida, opes sanè suas admodum liberaliter in honorem expendebant non solum *Servatoris* in quo *Divina vita* adeò præcellenti modo habitabat, sed etiam *beate illius Genetricis*, sanctorumq; *Apostolorum* ac *Martyrum*, qui & magna profectò erant *Divine vite* exempla. Cùmque hæ Generationes istiusmodi essent à quibus nihil melius Deus posset expectare,

Esai. 53. 12.

illius providentia meo quidem iudicio, sapienter permisit ut tam profunde se immergerent in studium *externi cultus* non solum *Christi* sed & fidelissimorum suorum *Seſſatorum*, ut illud ad aliquem modum expleri posset etiam in *Martyribus*, quod de *Christo* prædictum est; *Itaq; partem ei dabo inter magnos, cumq; potentibus spolia participabit, quoniam objecerit animam suam morti.* Ac proinde *Martyres* qui tantam partem tulerunt in ærumnis afflictionibusq; *Christi*, permittentur etiam ad aliquem usq; modum participes fieri illius gloriæ ac honoris qui exhibetur magnis Principibus & Imperatoribus post discessum ex hac vita, hoc est, *Imagines* habere ac *Templa* erecta, ipsorumq; nominibus consecrata. Atq; hoc profecto facit ut non sim irâ attonitus ad illum Providentiæ eventum, quæ tantum ossibus *Martyris Babylæ Antiochiæ* olim *Episcopi* virtutem permisit, ut os possit obturare *Apollini Daphneo* cum *Julianus* illud denuò aperire multis opimis Sacrificiis tentasset. Ut taceam multa alia memorabilia miracula quæ per reliquias *Sanctorum* ac *Martyrum* in diebus illis facta erant.

4. Hactenus igitur mundus *Paganus* ex quo tempore *Christiani* facti sunt, admodum religiosè officiosi fuerunt juxta veterem rationem *Paganismi*, venerabundè genuflectentes perblandèq; sollicitantes multis sacris ritibus & ceremoniis, non *Christum* solum sed & beatam *Virginem*, omnesq; sanctos *Martyres* & *Confessores*, promptè admodum liberèq; ipsis omnem externam impertientes reverentiam, & sacella, dièsq; consecrantes honori ipsorum ac memoriæ. Adeò ut *personalis cultus Divina vite*, quatenus in *Christo* residet, in *beata Virgine*, in hoc vel illo *Sancto* vel *Martyre*, æquè accuratè peragatur, ac cultus excellentium illarum dotum *Animalis vite* in antiquo *Paganismo*, quas illi colebant in *Belo*, in *Baccho*, in *Cerere*, *Apolline*, *Venere* aliisq; personis eminentibus apud *Ethnicos*, qui insignes fuerant *Animalis vite* in *Homine* Gratificatores.

In Poëmate
quod inscribitur
Ælvarum Re-
gina. lib. 1.
cant. 6.

5. Equidem meo iudicio, descriptio illa apud *Spencerum*, exceptionis *Una* apud *Satyros* in *Deserto*, ad vivum *Christianitatis* conditionem repræsentat ex quo *Ecclesia* ex *Horto* facta primùm est *Eremus*. Saltabant, ludebant, subsaltimq; tripudiabant circa eam, externis abundantes genuflexionibus & gestulationibus obsequiosis. Illa verò interim nihil ipsis inculcare poterat *Divina Legis vite* quam illa cum ipsis communicatùm venerat. Imago rei adeò viva est, versùsq; tam amœni, ut sperem tædio non fore si aliquot ex ipsis præcipuos recitavero. Quemadmodum ex *Enneasticho* undecimo; ubi *Satyros* facit suam ruditatem deponere atq; asperitatem, quantum poterant, ad recreandam attonitam *Virginem* post graves suas calamitates.

Rugatam frontem & minitantiæ cornibus ora
Abjiciunt, Rurisq; rudis deponitur horror.
Quin & testantur suavi sua gaudia rictu.
Utq; animum recreent, mæstos abigantq; timores,
Hanc colere hi sua crura docent inflexa retrorsum.

Et rursus in sequenti *Enneasticho*.

Dum capit hos tenera miseratio digna juventa
Percellitq; animos clare admiratio formæ,
Insolito toti languescunt prorsus amore.
Submissè & sese prosternunt gramine molli,
Cælestisq; pedes lambunt, blando ore, puellæ.

13.

Signa voluntatum ex humili hoc gestu illa capeſſit,
Componitq; lubens animum ad præſentia fata.
Intrepidam sic se viridi de cæspite tollit,
Candentes profertq; pedes sine suspitione.
Illi omnes læti, ut volucres sub vere recenti,
Deducunt, lepidas circa celebrando choreas,
Clamorèmq; cient & rustica carmina dicunt,
Arboreisq; viam sternentes frondibus, illam
Ecce, coronatam nitidâ, venerantur, olivâ.

14.

Personat interea tam alacri cava Tibia cantu,
Ut sylva ingeminent tremulis timuitibus Echo.

*Ipsi autem terram feriunt pedibusq; fatigant
Lascivos imitando citatis saltibus Hedos. &c.*

Verum inter omnem hanc alacritatem agilitatemq; corporis, in repetitis suis Cere-
moniis obsequiosisq; Gesticulationibus, *Una* nihil poterat internæ illius Legis vitæ
ipsis inculcare, sed totus eorum zelus in externam impendebatur Adulationem Ido-
latriam. Quemadmodum Poëta conqueritur *Enneasticho* 19.

*Hoc fato freta infelix felixq; Puella
Sustinet illorum stupefactos pascere ocellos;
Et ne ipsi misera infortunia prisca recurrant,
Longo apud hunc populum versatur tempore agrestem.
Hæc ergo interea nudum ipsi pandere verum
Conatur, cultum sibi cum præstaret inanem,
Fædum illam faciens simulacrum Idololatriæ,
Verum dum illa suo à cultu zelum arcet ineptum,
Illius, ben ! stupidum miseri venerantur Asellum.*

6. Cæterum quamvis jam diu sic factum sit, videtur tamen incredibile ita fore in
perpetuum : Et verò dum ita se res habent ut sunt, *Divina* tamen *vita Personalem*
suum jam agit *Triumphum*. Et etiamnum Inimici Christi, etiam dum tales sunt, (&
profectò omnes nondum regenerati homines sunt tales, tono quantumlibet elato vo-
citantur Christiani) ejus pedum delambunt pulverem, submittuntq; se ac proster-
nunt nominibus eorum hominum, quorum vitas, si rursus in terris essent, (cum ip-
sorum vitis ita sint contrariæ) inexpiabili odio prosequerentur, personasq; contem-
nerent ob vilitatem, pedibusq; proculcarent ; immò verò fieri potest, ut majori cum
contumelia ac crudelitate, quam unquam hætenus sit factum, eos denuò cogerent
truculenta sua subire Martyria.

7. Adeò ut mirum sit spectaculum observare quàm absurdos ac ridiculos, *Satyr*
hi, *Cynocephali* ac *Cercopitheci*, (universam intelligo humani generis massam, qui
nullà alià præterquam *Animali vitâ* sunt animati) fecerint ludos, per multos cente-
nos annos in Deserto, cum pretiosa Evangelii veritate ; quot modis Sophisticis gri-
phisque, quot infructuosos subtilitatibus ac tricis, quàm crassis contradictionibus ac
Repugnantibus, *Scholastici Polemiciq;* Theologi mundum adimpleverint ; quæ super-
flue onerosæq; Ceremoniæ, qui recens formati ad illaqueandos hominum Animos Ar-
ticuli, quæ sibi placentium Sectarum rerumq; partes ac divisiones ; quæ vario arti-
ficio cœlata Formæ, bellæq; confictæ Curiositates adinventæ sint & efformatæ, aut à
superstitiosis *Ecclesiasticis* aut à carnalis ingenii *Politici*.

8. Et tamen si hæc rei summa esset, quanquam sanè satis perperam vel sic habet,
Scena solummodò *Comica* esset, præ eo quod jam facta est. Tandem enim infelix Si-
mius Calcearii cultro suum sibi concidit jugulum. Orbisq; Christianus madens ja-
cet, versans se volutansque, per nescio quot secula, in proprio suo sanguine. Cujus
rei ratio est, quòd in longa hac turbidâq; contentione pro *Religione externa*, mag-
nâq; illius ostentatione, *Interna vita* spiritusq; Christianitatis, quæ consistit in *Hu-
militate, Charitate & Puritate*, omittitur aut excluditur, *Superbiâque, Libido, &
Avaritia* primæ factæ sunt omnium nostrarum Actionum motrices. Adeò ut tametsi
Christi nomen præ nobis geramus ex eòq; sumus denominati, corda tamen nostra rea-
lesq; cultus sint oppidò quàm crasse *Paganici* ; dum ipsas animas nostras cum omni-
bus suis facultatibus affectibusq; etiam pessimi Tituli Numinibus Paganorum conse-
cramus : Cùmq; id severiter expressimq; à Servatore nobis mandatum sit, ut ame-
mus inter nos, nihilominus tamen tanquam per contumeliam destinatumq; contem-
ptum, ut ostendamus quàm planè desciverimus denuò in Paganismum, mutuum po-
tius sanguinem in libamentum *Marti* effundere volumus, quàm inviolabile ac indispen-
sabile præceptum *illius* custodire quem nos tamen interim proprium nostrum *Domini*
num profitemur ac Principem.

9. Ad hunc profectò modum semper-vigili visum est Providentiæ oculo, conni-
vere quasi ad tempus, ad *Christianismum* hunc *Paganicum* æquè ac in antecedentibus
seculis ad antiquum *Paganismum*. Cæterum proculdubio melior aliquando futurus
est rerum status, totq; gloriosæ de Christo, etiam in hoc mundo, implendæ Prophe-
tarum Prædictiones in tam fastidiosam scenam non desinent, ubi tam parum rerum
bonarum est, tantâq; colluvies malarum ac turpium. Sed enim Domini Spiritus
ossa hæc arida afflabit, actuabitq; hanc externam Religionis formam vitæ ac virtute,

* Apoc. 20. v. 7.
8, 9, &c.

squamæq; ab illius oculis decident, omnesq; farsæ sordis iniquæ scititarum decident de illius cute, carôq; ejus erit ut caro teneri infantis, visusq; acquirat & sanitatem, inculpatamq; pulchritudinem & amabilem ad aspectum. Hæc quando evenient, erit tunc *Divina vita* in summo suo Triumpho & Exultatione in terris, præstantissimisque hic Ecclesiæ status ad bene longum tempus durabit; * verum impij rursus impetent justos, Christusq; ad judicium visibiliter rediens dirimet licem.

10. Hæc est verissima fidelissimæq; interpretatio in genere (quantum ex Prophetiis Historiisq; Ecclesiæ judicare possum) quæ de illo potest fieri temporis Intervallo quod inter Spiritus Sancti per Christum in Apostolos effusionem intercedit, ejusq; reditum rursus ad Judicium. Sed enimverò cum proluxa nimium res esset magis particulatim probare quod asserui, nec præsentis, quod præ manibus est, negotio essentielle, necessarium minime duxi ut in ullos operosos conatus demonstrandi veritatem conclusionis me induerem. Remittam potius eum qui dubitat ad perdoctas lucubrationes incomparabilis illius Divinorum vaticiniorum Interpretis, *Josephi Medi*, ut sibi in eis perlegendis satisfaciatur; Cujus rerum tractandarum rationes eâ fiant cum cura ac cautione, eâ intelligentiæ claritate & severitate rationis, eâ judicii perspicuitate ac nusquam æquiparandâ modestiâ ac serenitate, ut horum studiorum prosecutiones, quæ propter vesanos & ridiculos præservidorum fanaticorumq; Ingeniorum errores ac hallucinationes in multum inciderant odium & infamiam, non parvum, ut video, honorem existimationemq; sibi rursus asciverint ex bene ordinata coherentiq; methodo & irrefragabilibus ratiociniis hujus gravis ac venerandæ Personæ. Cujus rationibus innixus non diffugio quin apertissime fatear putare me, manifesto constare, tum ex *Daniele* tum ex *Apocalypsi* quod in orbe Christiano rerum scena succedente tempore multum immutabitur, idq; in melius.

Et quandoquidem nihil est quod æquè momentis rationum *Josephi Medi* contraponderet atq; autoritas splendorq; meritò celebrati nominis doctissimi *Hugonis Grotii* qui visiones *Apocalypticas* in diversum planè sensum interpretatus est (cujus expositionis ingeniositates elegantulæq; concinnitates mihi ipsi penè eò usq; imposuerant ut crederem fieri posse, ut aliquis istiusmodi sit etiam *Apocalypseos* sensus, cuiusmodi is est, ad quem ille collinear) ut manifestò de summa rei constet, dabo operam ut utriusq; Expositiones ante Lectoris oculos fideliter proponantur. Quem spero inclementius non laturum, si persona tam pia, tam docta, tantq; prædita judicio quàm erat *Josephus Medus*, & in materia ad quam videri potest selectus per Deum ac Naturam & separatus, & ad quam ipse præcipue summa cum cura, studio ac Religione animum appulit, clariùs longiusq; viderit quàm *Hugo Grotius*, qui satis amplam sanè laudum segetem aliunde habet, quiq; per negotia Politica exquisitoribus perquisitionibus tam abstrusi Mysterii non poterat vacare.

C A P. XV.

1. Grotii rationes quibus probare velit Dies non significare Annos apud Prophetas, proposita & refutata.
2. Demonstrationes quod Dies aliquando Annos significant.
3. Medi Opinio, quod novum Vaticiniorum Systema à prima usq; Epochâ incipiat à capite 10. v. 8. illustrata & confirmata.
4. Quid significetur per Tres Dies & Dimidium quibus Testes jacent occisi.
5. De Bestia ex Abyllo.
6. De Resurrectione prima.
7. Presentis argumenti conclusio ex evidentia veritatis Synchronismorum Medianorum.

* Grot. in Apoc.
cap. 2. 10.

1. **P**recipua præsumptio quam fovet *Grotius* contra doctrinam Medianam ex hujus rei fiducia est quod Dies nunquam significant Annos. Quod si probare posset, equidem penitus enervaret inutilémq; redderet totam Interpretationum *Apocalyptricarum* structuram à *Josepho Medo* conclunatam. Verum ille affirmat cum confidentia quanta potest maxima, * Dies etiam apud Prophetas dies esse non annos ut quidam somniant: Annuiturq; id probare, (simulatq; se planè fecisse) ex verbis Angeli apud *Danielem*, c. 8. v. 14. [Atq; ille mihi ita dixit, Ad vesperomatutina bis mille & trecenta. Deinde expiabitur Sacrum] comparatis cum vers. 26. [Illud quoq; de vesperomatutinorum visione effatum verum est] hoc est, inquit ille, nihil habet in se obscuri, sed planum est ac perspicuum. Unde porro inferat, manifestum esse

esse ubique, quod *Dies* nunquam habent sensum ullum absconditum sed significant simpliciter *Dies* non *Annos*. Ubi, meo quidem iudicio, admodum imperitè ratiocinatus est hic tam eruditus Interpretator. Quamvis enim concederemus, *verum*, hoc in loco significare *plurimum ac perspicuum* absq; omni Figura vel Aenigmate, non statim sequitur quodd ubique; *Dies* nominatur intelligendum sit juxta hunc magis usitatum propriumq; sensum. Quod responsum satis solidum esset, quamvis ipsa vox *דַּי* vel *דַּיִם* hic usurparetur. Verum hae non usurpantur, Textus verò sic se habet: *דַּיִם בְּקָרְבָּן יָדְךָ*, hoc est, *ad bis mille vesperomatutina*, sive *bis mille vespere*. Ceterum alibi, ut cap. 12. v. 11, 12. *דַּיִם* ibi ponitur. Ac proinde ex eo quodd *Dies*, ubi describitur per naturales suas partes *Aurora* atq; *Vesper*, naturaliter significat non figuratè, concludere porro ita significare etiam ubi sic non describitur, admodum mendosa esset illatio. Quibus potes addere, ex eo quodd Angelus dicit *Danieli*, Visionem hanc *vesperomatutinorum*, id est, *Dierum*, esse perspicuam, manifestò innuere, quodd visiones *Numeri* Dierum aliquando perspicuae non sunt sed obscurae, annosq; possunt significare, alioqui hae monitio frustra fuisset: Quemadmodum profectò & ipsa hae per dies numeratio, quandoquidem magis è re ipsa fuisset vaticinium declarasse per tot annos, nisi quodd datà operà factum sit ut vaticinia *Danielis* magis fierent obscura, ut sic ab istiusmodi oculis absconderentur, quibus Divinae sapientiae visum sit eorum sensus perceptionem praecludere. Hoc verò summum est quodd *Grotius* potuit contra expositionem *Dierum* per *Annos* opponere.

2. Nos è contrà videamus quid pro ea dici possit. Primò, manifestum est quodd descriptiones Temporis Propheticae aliquando certas quasdam affectant ambages & obscuritates quibus se abscondant, quodd nec ipsi Adversarii negare possunt. Alioqui *Daniel* tres annos & dimidium planius dicere potuisset, quàm *Tempus & Tempora & Dimidium Temporis*. Quamobrem cur non & *Anni* significari possunt per *Dies* aequè ac *Tempus* ac *Tempora* *Annos* significare, praesertim cum sit scita quaedam Analogia in hac re, quandoquidem utriq; mensurantur completo Solis circuitu, *Annus* alteri, alteri *Diurno*?

Dan. 7. 25 &
cap. 12. 7.

Porro, videmus planè Deum ipsum in multis Scripturae locis reverà *Dies* facere compendiosas *Annorum* representationes. Ut Num. 14. 34. *Unoquoq; Die in annum verso*. Et Ezekiel. 4. 6. *Me tibi totidem Dies pro totidem Annis dante*. Quibus addere potes *Judeorum* Doctores olim hoc pro principio sumpsisse in interpretandis Vaticiniis, *dies* utiq; *annos* posse significare. Quodd profectò admodum prope rem attingit, quantum ad *Apocalypsin*, cujus autorem Adversarii lubenter agnoscunt non abhorruisse à *Cabbalismo*.

Tertiò, Urgebo eum ipsum Textum contra *Grotium* quem ille tam mirum in modum pervertit ad suum sensum, Dan. 8. 26. ubi Angelus dicit *Danieli* quodd *Visio matutini & vespertini temporis est vera*, sive plana ac perspicua. Quae proculdubio significatio est *Danielis*, quasdam Prophetias ipsi impertitas, ubi *Tempus* numeratur per *Dies*, non esse perspicuas, sed considerandas esse tanquam aenigmaticas & figurativas. Sed & mentio hae temporis *vespertini* & *matutini* planè ostendit *Dies naturales* sive *vespere* ordinaria intelligi oportere; Et tamen Angelus nihilo minùs hanc suggerit cautionem. Unde & adhuc manifestius est *Dies* in vaticiniis ut plurimum significare *Annos*.

Quartò, *Cornu parvulum*, Dan. 7. quodd regnat ad *Tempus & Tempora & dimidium Temporis*, evidens est, non esse *Antiochum Epiphanem*, quippe quodd hoc *Cornu parvulum* pars sit *quarta Bestia*, scilicet *Romane*, *Antiochus* verò pars Imperii *Græci*. Manifestum enim est à cap. 8. v. 21. cum *Cornu magnum* primus sit Rex, quatuor subsequentia *Cornua* ejusdem esse Regni, sub cujus extremum *Antiochus Epiphanes* exsurgit, ut apparet vers. 23. Hae adeò manifesta sunt ut nihil fieri posset manifestius. Quamobrem *Cornu parvulum* cap. 7. pars est *Romani* Imperii, Potestas inibi cujus Regnum trium annorum & dimidii spacio circumscribi non potest. Verum hi anni resolvendi sunt in 1260 dies, atq; hi 1260 dies rursus in totidem annos, aut nullus omnino sensus eruendus est hujus vaticinii. Hoc verò jam nobis praestitum est in *Apocalypsi*, ubi *Mulier* in deserto dicitur ibidem habitare ad *Tempus & Tempora & dimidium Temporis*, aequè ac mille ducentos sexaginta dies, quodd planè demonstrat hujus solutionis soliditatem.

Cap. 12. 14.
Vers. 6.

Quintò, Illi numeri *Danielis* cap. 12. vers. 11, 12. *dierum* nempe *mille ducentorum novaginta*, & *mille trecentorum triginta quinque*, cum ad nullam omnino rem applicari possint in significatione *Dierum*, cumq; tam exactè ultima *Tempora* indigens in *Annorum* significatione, *Dies* in scriptis Propheticiis aliquando *Annos* significare ultior est demonstratio.

Vide Med. De
Numeris Da-
nielii.

Sextò,

Apoc. 11. 9,
11.

Sextò, Videtur admodum improbabile, cum dies singularis, temporis sit spaci-
um quod tam parùm momenti habeat ad ejusmodi res transigendas quæ prædicuntur in
Scripturis, ut Spiritus Dei, Temporis enumerationem per *Dies* institueret, cum mul-
tò compendiosius ea fieri posset per *Annos*; præsertim cum infra Divinam Majestatem
fit hujusmodi minutias tricàsve captare, nullaq; sint eventuum exempla quæ obser-
vata sunt tam accuratè ad *diem* respondisse, ubi intervalla per *Dies* mensurata sunt
in Vaticiniis, quæ aliquem annorum numerum potuissent explorare. Quàm incredi-
bile igitur est ut dimidium Diei traheretur in computum, quemadmodum fit in *occi-
sis Testibus*, si Dies intelligantur & non major aliqua Temporis mensura?

Grotius in
Dan. 9. 24.

Septimò, Manifestum est & apud omnes in confesso, *Dies* Hebdomadam Danielis
esse *Annos*. Hic sudat æstuatq; *Grotius*, valdeq; cupit evadere si modò possit, sin-
gendo peculiare quoddam privilegium vocis שבע, ut illa utiq; significet annorum
Hebdomadem, nisi fortè Dierum mentio addita sit ad sensum aliò determinandum.
Quod certè attonitum me reddit dum video hominem aliàs aded ingenuum, tam fal-
sas ac temerarias suppositiones comminiscens. Equidem ausim dicere vix quen-
quam mihi fidem habiturum esse nisi verba illius in medium producam, quæ sunt hæc,
Ubi de dierum Hebdomade agitur solet adjici dierum nomen; cum tamen non sint
nisi duo exempla ubi ימים additur ad שבע. Unum Dan. 10. v. 2, 3. quod ex con-
suetudine non fit, sed ut major Lux accendatur intelligentiæ præcedentis vaticinii
Hebdomadam annorum, ex hac scilicet discriminatione, innuitq; quòd & illæ suâ
naturâ dierum Hebdomadas significarent. Alterum Ezek. 45. 21. ubi scribitur ימים
שבעה redditurq; ימים ארבעים à septuaginta Interpretibus, tanquam si legisset שבעה
septem dies, non Hebdomadas dierum. Verùm enimvero contrà planè ac ille pro-
nunciavit שבעה sive Hebdomas absq; omni additione semper significat Hebdomadem
dierum, nisi schemate Prophetico *Dies Hebdomadis*, *Annos* significant, quemadmo-
dum hic fit apud Danielelem. Vide Genes. 29. v. 27, 28. Exod. 24. v. 22. Levit. 12.
v. 5. Num. 28. v. 26. Deut. 16. v. 9, 10, 16. 2 Par. 8. 13. Jerem. 5. v. 24. In his
omnibus locis שבעה significat Hebdomadem Dierum absq; additione ימים. Neq;
ullum extat exemplum ubi hujusmodi habet additionem præter illa duo ab ipso alla-
ta quorum reddidimus rationem.

Octavò & ultimò, Synchronismi *Medani* Apodicticè veri sunt cuilibet homini qui
ingenii sat habet & patientiæ ad perlegendos eos ad eosq; intelligendos. Cæterum
juxta hos Synchronismos Duratio conculcationis Atrii exterioris, Vaticinationis
Testium lugubris, Mulieris in deserto, Decacornis Bicornisq; Bestia, Servorum Agni
signatorum, Meretricis Babylonia, & Sex deniq; primarum Tabarum, Duratio, in-
quam, horum omnium intra spaciū trium annorum & dimidii circumscribitur, si
mille ducenti sexaginta dies, dies tantummodò sint & non anni, quemadmodum
vult *Grotius*. Quod tamen impossibile est, præsertim si consideremus quòd *Bestia*
in figurato Prophetarum sermone *Res publicæ* sint sive Regna, non *Personæ*, talésq;
propterea quæ tam brevis ævi concipi non possint ut tres annos tantum durent ac di-
midium. Quibus adjici potest præcipuas res Apocalypseos intra hos *Synchronismos*
comprehendi, meritoq; quemvis mirari posse, quòd nulla *annorum* fiat mentio in to-
to hoc libro, præterquam *Millennii*, sed solum *Mensium*, aut *Dierum* & *Dimidii*
Diei. Quæ non obscura profectò est indicatio, annorum computationem sub his vo-
cibus abscondi ubi definitum Tempus significant. Quamobrem luce clariùs esse exi-
stimò, *Dies* in scriptis Prophetis aliquando significare *Annos*. Nec quicquam ra-
tionis video cur non *Tempus* æquè ac *Res* & *Actiones* Symbolicè à Prophetis expri-
mi possit.

3. Maxima objectiones quæ afferri possunt contra *Medi* Methodum in interpre-
tanda Apocalypsi, quantum ego video, sunt aut contra Divisionem Apocalypseos à
quarto capite ad finem usq; libri, in duo visionum Propheticarum *systemata*, unum
Imperii fatum complectens, alterum *Ecclesie*, & ab una Epocha incipientia utrâ-
que, aut certè contra Interpretationem Temporis trucidationis *duorum Testium*,
aut deniq; contra suppositionem quòd *Bestia* ex Abyssò (cap. 11.) eadem sit quæ *Be-
stia* ex Mari (cap. 13.)

Quòdq; potissimum contra primum urgetur hoc est, unum utiq; è præcipuis signis
inchoationis novæ seriei vaticiniorum eum sefellisse. Etenim cum concludere velit
è cap. 10. vers. 11. ὁ σφραγιστὴς τοῦ βιβλίου ἔειπεν ἔρχου, sive ejusdem rursus Tempo-
ris spaciū percurSIONem à carceribus ad metam; uti & è vers. 8. Ἀτq; eadem vox quam
de cælo audiveram rursus mecum locuta est; quòd respondere putat eis quæ occur-
runt cap. 1. v. 10. & cap. 4. v. 1. quorum prius est inchoatio vaticinii *septem Eccle-
siarum*, posterius, *septem Sigillorum*. Objicitur contra signum secundum quòd
defectuosum

defectuosum sit, propterea quod haec vox non conjungitur cum mentione Tubae, quemadmodum illa duae quibuscum illam comparat. Equidem fateor si tuba mentio adjecta fuisset, inchoatio vaticinii de novo admodum manifesta futura fuisset & conspicua. Immo verò nimis quam conspicua pro libello vaticiniorum ad quae obscuranda Dei sapientia tanto usâ est artificio. Verum haec semi-indicatio satis erat hujusmodi hominibus quos Deus dignos fecisset (tempusq; idoneum putasset) quibus aperiretur Mysterium.

Videatur verò mihi aliae esse indicationes inchoati de novo *systematis* vaticiniorum, quae magna ex parte hujus possint compensare defectum. Quas tamen breviter tantummodo subindicabo. Ut primò, extraordinariam Majestatem illius Angeli qui *apertum* vaticiniorum *Libellum* habet in manu; quandoquidem ejus descriptio non multum abfimilis est illius qui *Libellum obsignatum* habebat, Apoc. cap. 4. & 5. Et dein *novus* hic vaticiniorum *Libellus*, aut novâ saltem modificatione distinctus, videtur ex sua natura *novum* innuere *systema* vaticiniorum genere distinctum aequè ac volumine, cum unum putâ res *Imperii*, alterum res *Ecclesiae* continent. Quae res quantumvis naturâ differentes, cum tamen parallelæ sint tempore, equidem consentaneum est statuere *secundum* vaticiniorum *Libellum* ad eandem Epocham porrigi cum *primo*. Quod, tertio, ulterius significatur per juramentum Angeli qui jurat, *Tempus non fore amplius, sed Mysterium Dei finitum iri ad septima Tuba clangorem*. Quae enunciatio, quod *Tempus non erit amplius*, proculdubio intelligitur de Tempore & Temporibus & dimidio Temporis, quae tunc exitura sunt cum Tuba sexta, & quae indigitabantur per *Danilem* servum & Prophetam Dei. Quae ratio est cur addita sint illa verba, *Sicut annuntiavit servis suis Prophetis*. Et postremo, ut & adhuc certior esse possis, vaticinium de novo incipere à prima usq; Epochâ, non est levior hæc sola ac generalior * Tubæ septimæ mentio, quae est ultima Periodus *Libelli obsignati*, sed & illius in septem || Tonitrua distributio, cujusmodi erat * Sigilli septimi in septem Tubas. Atq; potens hic illustrisq; Angelus, tamen non sit unus è septem propriè sic dictis, (atq; hic solummodo dicatur *Angelus*) tamen eum sexto immediatè succedat, est certè aliquo modo septimus pro hac vice, quandoquidem & rugitum suum videtur continuare per totum spacium quo *septem Tonitrua* voces suas edunt. Quorum ultimum, verisimile est, Tonitruum fore propriè dictum, *Finalem* scilicet *Mundi conflagrationem*, *Tellurisq; incendium à fulmine & fulgure*. Et certè postquam *Sigillorum* vaticinia ad hanc ultimam *Catastrophen* pertinuerint, oportet profectò admodum esse scrupulosum qui dubitare potest an *aperti Libelli* vaticinia de novo incipiunt à prima usq; Epochâ *Revelationis*.

Apoc. 10. 6, 7.

* Vers. 7.

|| Vers. 3.
* Cap. 8. 1, 2.

Quibus omnibus adjici potest, Synchronismos *Medanos* non dependere ab hac hypothese, sed è contrâ ipsos evidentiâ quidem irrefragabili evincere, plus esse quam Hypothesin, necessariam utiq; veritatem è demonstratione dictorum Synchronismorum emergentem.

4. Quantum ad *tres dies & dimidium*, quibus Testes dicuntur jacere occisi, vix quisquam nunc dierum est adeò imperitus, quem non pudeat opinari hos dies, dies esse naturales, Testesq; hos duos, duos esse homines particulares. Verum obiectio contra eos urgetur qui *tres annos & dimidium* esse agnoscunt, quemadmodum *Aseadus* facit, qui sit probabile ut ad extremum halitum *Bestiana potestatis* verissimi maximeq; Apostolici Christiani deteriori futuri sint conditione, quam usquam fuerunt hactenus. Verum ad hoc respondeo, *Medanorum* Synchronismorum veritatem ab hoc minimè dependere, quodq; illius hac in re conjectura non usq; adeò abhorret à vero.

Apoc. 11. 9, 10.

Cæterum ingenuè fateor meliorem adhuc restare respondendi rationem, nimirum, *Hos tres dies ac dimidium*, idem esse quod *Tempus & Tempora & Dimidium Temporis*, hoc est, *Tria Tempora ac Dimidium*. Est enim extra controversiam quod *sepenumerò* nihil amplius significat quam *χρῆνος* vel *χρῆς*. Jam verò quod ita hic significat, præterquam quod adeò improbabile sit ullum usquam Eventum respondurum esse Interpretationi, *Testes* seu unquam alio ullo modo occisum iri, quam quo jam saepe diùq; occisi fuerint, ipsa mentio præterea *dimidii Diei dimidia Tempori* respondentis perblandè nos invitat ad credendum; cum porro nec verisimile sit providentiam curiositatem computandi per Anni dimidium affectare velle; quae res est, ejus nullum occurrit exemplum in divinis Vaticiniis. Hi tres dies igitur & semissis, primò vertendi sunt in *tria Tempora & Dimidium*, ac deinde *haec tria Tempora & Dimidium* in *tres Annos & semissis*, ac postremo hi *tres Anni & semissis* in *mille ducentos sexoginta Dies* Propheticos. Quae ambages ac circuitus non omnino sunt improbabiles, si consideremus quam operosa involucri sint de finatq; obscuritate in hoc libro

libro

libro *Apocalypsis*; ut, verbi gratia, in *Numero Bestie* novæq; *Hierosolymæ*; quod leviter mox attingemus. Ut præteream magnam utilitatem horum trium Dierum & Dimidii ad determinandum verum Numerum Temporis & Temporum. Quomodo enim certi esse possumus quot illic Tempora designentur, præsertim cum sit *רנ"ו* apud Danielelem, quod est *pluralis* numeri non *dualis*, ac proinde proclivius videtur ad innuendum plura quàm duo Tempora, ac minimum Tria, unde fierent quatuor Tempora & Dimidium. Hi vero tres Dies & semis aut corrigunt aut prævertunt errorem, determinando hoc Tempus & Tempora ac Dimidium Temporis ad Tria Tempora ac Dimidium. Quod equidem fateor me nihil dubitare quin verus sit sensus Mysterii.

Apc. 11. 7.

○ Nec certe quoddam dicantur occidi, *ὅταν τολέσων*, ullum infert damnum nostræ Interpretationi. Non enim rectè redditur, *postquam peregissent*, neq; necesse est ut reddatur, *dum finem faciunt* suarum Testificationum, tanquam hoc eventurum esset circa earum finem. Sed probè admodum exponi potest, *dum peragunt*, dum suum testificandi officium exequuntur usq; ab initio 1260 dierum ad eorum finem. Nec verò realis illa est sed apparens tantummodo absurditas quam hæc Interpretatio videtur secum adducere, tanquam si Testes vaticinari possent dum cadavera eorum jacent in plateis, utpote jam mortuorum. Etenim manifestum est eos, eo in sensu quo dicuntur mortui, vaticinari etiam potuisse centonibus amictos, immò verò necessariò id fecisse, hoc est, Testificationes suas præstitisse in luctu ac squalore. Mors enim eorum non est alia quàm mors *Politica*, ex eo nempe quoddam omni Imperio ac potestate mundanâ privantur. Nam hujusmodi eorum est Resurrectio, scilicet *politica*, cum ad Honorem suscitentur rerumq; Regimen, prout ipse *Medus* agnoscit. Quamobrem nihil absurdi est nec in *sensu interno* nec in *externo* cortice hujus Vaticinii.

iii Sensus enim *internus* is est quem dixi; at verò cortex *externus* pulchro admodum formatus artificio ad instar Imaginis *Nebuchadnezzaris*, ubi solummodo propter decorum Typi tota Imago repræsentatur tanquam stans dum pedes percutiuntur, cum tamen id quod significabatur per Caput, per Pectus ac Brachia, & per Ventrem & Crura, *Babylonicum* scilicet, *Persicum* & *Græcum* Imperium, jam præterierat. Pariq; hinc modo in hoc Testium Typo, *decori gratiâ*, si non per necessitatem (ut crassæ evitetur apparentia Incongruitatis, nec videantur Testes vaticinari dum cadavera eorum jacent in plateis,) tempus mortis eorum, quod tamen reverà totos 1260 dies pervadit, integitur, contrahiturq; in *hos tres dies & semis*, nec apparere permittitur ubi in rebus ipsis significatis reverà existit; quemadmodum è contrà, illæ Imaginis partes repræsentabantur tanquam stantes, postquam res quas significabant, desivissent existere. Quod schema nihilo durius est in uno loco quàm in altero, & verò in hoc Testium Typo magis utile ac necessarium.

Apc. 11. 7.

Apc. 13. 1.

5. Quantum ad *Identitatem Bestie* è *Mari* & *Bestie* ex *Abyss*, nullus scrupulus superesse posset, si Interpretatores in *τῇ ἀβύσσῳ*, è *Mari* reddidissent, quemadmodum & illius sensus admodum est capax; quandoquidem *ἀβύσσος* & *θάλασσα* idem sæpe significant in Scripturis; ut Job. 38. 30. & cap. 41. 31. *ἀνὰ τὴν ἀβύσσον ὅπου χαλκὸν*, & Psalm. 106. v. 9. *ὁ θύων αὐτὸς ἐν ἀβύσσῳ ὡς ἐν ἱερῷ* ut & Esai. 63. 13. Jon. 2. 6. & aliis locis.

Quamobrem Divinæ visum est sapientiæ, rei obvelandæ tantummodo causâ, Phrasin variare; quemadmodum & totus hic vaticinorum liber multis obseptus est hisq; destinatis, quanquam non insuperabilibus obscuritatibus & difficultatibus ad custodiendum hunc Thesaurum in abscondito usq; ad tempus præstitutum: Vel usurpatur fortasse vox *ἀβύσσος* hoc in loco pro *θάλασσα*, ut sensus non determinetur ad *Bestiam Decacornem*, sed ut facultas saltem daretur interpretandi de *bicorni Bestia* alteri illi contemporariâ.

6. Cæterum nusquam omnino majorem difficultatis speciem induit liber hic Apocalypcticus quàm in *prima Resurrectione*, cap. 20. At verò simul notandum est nullam illic subesse difficultatem nisi talem quæ saltem æqualiter ursura sit eos qui millenium inchoant à Temporibus *Constantini*. Aded ut hoc nullum præjudicium esse possit *Medi* Interpretationibus & *Synchronismis*. Etenim, tamet si viâ Allegoricâ procedamus cum quibusdam, intelligamûsq; *primam hanc Resurrectionem* in sensu *Politico*, qualem modò de Testibus adhibuimus, hæc certè via faciliùs accommodatur ad *Medand* Synchronismos, quàm ad alteram Hypothesin. Nec profectò multum incommodi esset si eam admitteremus ut veram, cum illæ Phrasæ quæ tandem literalem impletionem habituræ sunt, usurpentur sæpe in sensu figurato, quemadmodum observare possumus in *Lacu Ignis*, in quibusdam descriptionibus *adventus Dei*

ad

ad particularia *Judicia* exequenda, in *sex Tonitruis* & similibus. Quæ Locutiones omnes literalem tandem physicamq; completionem sunt habituræ.

— Verum enimverò quamvis sensus *Resurrectionis* figuratus ferri possit in hoc loco ac tolerari, ut tamen ingenuè fatear quod res est, ego cum non ausim asseverare omni ex parte esse verum. Rationes meas in ipsa Textus expositione indicabo, qui sic habet. *Tum fellas vidi, in quibus confessum est, illisq; judicium datum est; itémq; vidi animas decollatorum propter Jesu Testimonium, proptérq; Dei sermonem; & qui neq; Bestiam aut ejus Imaginem venerati sunt, neq; notam in suam frontem aut manum acceperunt, ii vixerunt & cum Christo mille annos regnârunt. Reliqui mortuorum non revixerunt donec transacti forent mille anni. Hac est prima Resurrectio, felix sanctusq; est is qui est primæ Resurrectionis compos. In eos secunda mors potestatem non habet, quin erunt Dei & Christi Sacerdotes & cum eo regnabunt mille annos.*

Nullus unquam erat liber qui majori cum Artificio scriptus est quàm hic liber *Apocalypseos*, tanquam si unumquodq; verbum pensitatum antè fuerit in bilance quàm in chartam conscriptum. Quod ex aliis æquè locis manifestum est atq; ex hoc. In quo videre mihi videor duplicem proponi prædictionem, *Resurrectionis* utiq; propriè dictæ, quæ est veritatem per mortem suam testificantium, & *Politica* præterea *Resurrectionis*, veræ & *Apostolicæ Ecclesiæ* superstitis adhuc in terris. Priores sunt ei *πρωταλειψμένοι*, posteriores qui Bestiam non sunt venerati, &c. qui si non distincti essent ab alteris ac diversi, satius fuisset omisisse & atq; legisse, *ὅτι οἱ ἔζησαν, ἢ τὸν μὴ ἀποχθονεύσαντες*, &c. Quamobrem hæc prima est indicatio, duos ordines hominum hic descriptos esse; Unos qui mortem passi sunt pro Evangelii causa, Alteros adhuc superstites, verum strenuos *Bestiæ* impugnatores. Est verò & secunda intimatio in verbis subsequenter, *ὁ ζῶν & ἡ βασιλεύσα, vixerunt & regnârunt*. Videtur Dei Spiritus datâ operâ elegisse vocem *ζῶν* potius quàm *ἀζῶν*, nè putaretur nimis apertè vergere versùs sensum *Resurrectionis literalis*, atq; ita nimis violenter urgere lectorem ad intelligendum utrosq; ordines suprà discriminatos expectatores fore *realis* ac *literalis* Resurrectionis etiam hæc vice. Hanc, inquam, ob causam utitur voce *ζῶν*, quæ quatenus respicit τὸν πρωταλειψμένον ex sua natura innuit Resurrectionem *literalem*, quatenus verò alteros respicit non sane *literalem* Resurrectionem, sed solummodò quòd vivent regnabuntq; in terris cum Christo, quæ est ipsorum *Moralis* ac *Politica* vita ac Resurrectio. Hi qui *πρωταλειψμένοι* sunt, regnabunt cum Christo in *cælis*, illi alteri cum Christo in *terris*, cùm universalis ille Princeps sit utriusq; Ecclesiæ: Ac proinde neq; cæli neq; terræ hic fit mentio, ut sensus accommodari possit ad eorum imperii possessionem cum Christo sive in *cælis* sive in *terris*, pro distinctis utiq; capacitatibus personarum. Eadémq; adhibetur cautio in temporis præfiguratione; De quo nihil est necesse ut statuamus illud significare *mille annos literaliter*, sed *ad minimum mille annos*; nec tamen plures, pro certo, quàm sunt *dies* in *annis mille*, nec fortean tam multos. Significatio verò eorum potius symbolica est, quemadmodum & *decem dierum* cap. 2. v. 10. *Feretiſq; decem dierum afflictionem*, hoc est, *extremum afflictionis*, ultra quod nihil superest, quemadmodum & nullus numerus est ultra *Decem*. Per quod igitur intelligi debet mors. Atq; id in causa est cur statim subjiciatur, *Esto fidelis ad mortem usque, & tibi dabo coronam vitæ*. Ità hi *mille anni* in terris symbolum sunt stabilis durationis Ecclesiæ ad finem usq; mundi; quòd nullum Imperium florebit ultra ipsius Regnum, quippe quòd mille *Cubus* est, cujus radix est *decem*. Applicatio verò illius ad Regnum filiorum Resurrectionis cum Christo in *cælis* inconcussam indicat stabilitatem infinitamq; durationem illius cœlestis etiam Regni, ultra quod omnino est nihil.

Reliqui verò mortuorum in ἀζῶν. Quòd vox *ἀζῶν* hic usurpatur non *ζῶν*, id planè respicit τὸν πρωταλειψμένον, innuitq; eorum Resurrectionem *realem* esse ac *literalem*, quòd alii pervenire non poterunt donec mille anni transacti forent in terris. Post quæ planè dicitur *generalem* futuram esse *Resurrectionem*, omnesq; mortuos surrecturos (vers. 12, 13, 14.) Quamobrem cùm *Generalis* hæc *Resurrectio literalis* sit ac *Realis*, nimis quàm durum est ac violentum hanc *primam* intelligere *Resurrectionem*, qua de mentio fit versu quinto, Mysticam solummodò esse ac figuratam. Verum si *literaliter* intelligamus id quod sequitur, sensum habet oppidò quàm naturalem ac facilem. *Felix sanctusq; est is qui est primæ Resurrectionis compos* (quod sic in singulari numero, quispiam meritò putet datâ operâ enunciari, ut nemo hoc intelligat de successivo Ecclesiæ corpore per mille annos in Terris existente) ἐν τούτῳ ἡ θάλασσα & ὁ θύλος, in eos secunda mors potestatem non habet, stagnum scilicet igneum (v. 14.) in quod *Hades* sive tota *Mortalitatis Regio* conjicitur, universâ Terrâ conflagrante;

conflagrante; verum Beati illi qui partem habent in *prima Resurrectione*. Optime enim ipsis jam prospectum est, satisque sunt securi, quandoquidem corpora sua *caelestia* nacti sunt quae pro certo ipsos ex funesto hoc fato eximent. Etenim hi omnesque; alii quos Deus postea participes facturus est beatæ hoc genus Resurrectionis, naturaliter à *secundæ mortis* ictu sunt tuti. *Quin erunt Dei ac Christi Sacerdotes & cum eo regnabunt*, non τὰ χλῆμα ἔτι, sed certitudinis distinctionisque; gratiâ, simpliciter χλῆμα ἔτι, hoc est sanctæ erunt, sacræ, divinæque; Personæ viventesque; cum Christo in immutabili æternoque; suo Regno in cœlis in secula seculorum.

Hunc ego judico maxime facilem, maximeque; naturalem sensum hujus loci, *Personaleque; Regnum Christi in Terris* sanctorumque; Martyrum, opinionem esse admodum temerariam, absurdam & periculofam, neque; ad quicquam idoneam, præterquam ad æstus & tumultus tum *Imaginationis* tum *Actiōis*. Neque; equidem necessarium existimo ut *primæ Resurrectionis filii* nobis omnino appareant, cum cœlestia eorum corpora in quæ vivificantur, naturaliter sint invisibilia, ac proinde miraculi instar, ut nos ea videamus, nec magis necessarium quàm earum animarum ad visum exhibitio, quas Christus secum Triumpho in cœlum deduxit post suam Resurrectionem, quas tamen ille mundo conspiciendas non exhibebat. Et verò si hîc faceret, meliorem facti finem excogitare non possum, quàm *Josephus Medus* in medium jam protulit, ut sit utique; in signum nutumque; *Judeis* ad promovendam eorum conversionem; sed de hisce rebus nihil ausim asseverare. Hoc solum pro persuasissimo habeo, si orbis Christianus semel purgatus esset omnibus suis Idololatriis, fatuisque; & repugnantibus opinionibus, impiisque; usibus ac consuetudinibus, ingens profectò futurum esset miraculum, si *Judei* ab amplectenda Religione Christiana coerceri possent aut inhiberi.

7. Quamobrem ut breviter concludamus; Cùm Synchronismorum *Medianorum* veritas, quatenus argumentum præsens respiciant, aded sit *Apodictica*, nihilque; ullius momenti contra ipsos obijci possit, *Dierumque;* numeri ac Mensium quorum ibi fit mentio, necessario *Anni* exponendi sint, cumque; juxta hanc Hypothesin nullus alius possit esse sensus *Mulieris in Eremita, Babylonis civitatis magnæ, Bicornis Bestiæ, Bestiæque; Decacornis*, quàm is quem *Medus* proposuit; manifestum sanè est Ecclesiam Christi in conditionem degenerem lapsuram fuisse per mille ducentos sexaginta annos, æqueque; evidens, futuram esse ex hoc lapsu Instauracionem; cum nullus adhuc factus sit locus *promisso Millennio*, Persecutione, Ecclesiæ vestigia premente usque; ad tempora *Constantini*; post quæ mille ducenti sexaginta Dies erant successuri, unde palam est *Millennium* nondum advenisse. Quemadmodum porro apparet ex eo quòd *Tubæ* septimæ sit *Synchronum*, quòdque; *Testium Resurrectio* futura sit postquam per 1260 dies aut saltem per ultimos tres dies & dimidium mortui jacuerint; & ex eo quòd *Agni Nuptiæ* initium sumunt ab incendio *Babylonis*, ut *Turba palmifera* à victoria sua super infestam *Bestiam*. Hæc posteriora tam clara sunt ac perspicua ut nihil opus sit ipsis immorari. De *Resurrectione Testium* alibi accuratius agimus.

Et sanè magnum est hujus *Synchronistice* Architecturæ *Medi* Privilegium, quòd nulli superinædificetur Hypothesi, sed innatis solummodò ipsarum *visionum Apocalypiticarum* characteribus; cum è contrà *Grotiana* Methodus ità dependeat à Chronologia Scriptionis *Apocalypseos*, ut nisi *Jobannes* has *Revelationes* receperit temporibus *Claudii* (quod tamen est contra communem omnium tum antiquorum tum recentium Scriptorum sententiam) tota expositionum illius fabrica in humum sit collapsura. Ad quod superaddi potest, quòd nullum is habet in Prophetico hoc *Labyrintho* nec *Ductorem* nec *glomum*, immò verò nè illum obvium quidem sed fallibilem; ipsum utique, quo jacent, vaticiniorum ordinem: sed cogitur aliquando retrò ire prout putaverit se res historicas commodius posse applicare; Adeò ut nullum omnino *viæ ducem* nactus sit ex ipsa *Apocalypsi*. Cùm è contrà *Medus* lege illà certâ ac demonstrativâ *innatorum Synchronismorum* dirigatur limiteturque, quos ipse ex ipsis *Apocalypseos* visceribus sibi eruit. Quorum veritatis potest & hæc una esse generalis post-Confirmatio, quòd ex res quæ *Synchronæ* inveniuntur, *naturalem* etiam inter se *connexionem* habent & complicationem, quemadmodum ille qui vel leviter oculos in *Synchronismorum Schema* conjecerit ipsasque; rerum naturas notaverit, facile deprehendit.

CAP. XVI.

1. De quatuor Animalibus circa Thronum Majestatis ante Sigillorum Vaticinium descripta. 2. De sex primis Sigillis secundum Grotium. 3. De sex primis Sigillis secundum Medum. 4. De Atrio interiori & de pugna Michaëlis cum Dracone, secundum Grotium & Medum. 5. De visionibus septem Tubarum. 6. De propinqua cognatione ac colligatione septem illorum Synchronorum quæ sex primis Tubis sunt contemporanea. 7. Errores & defectus Grotianæ Interpretationis illorum Synchronorum. 8. De Numero Bestiæ. 9. De Synchronis Tubæ ultimæ contemporantibus. 10. Quam necessarius sit ductus hujusmodi Synchronismorum qui ex ipsis eruantur Visionibus, probatum ex erroribus Grotii qui illorum ope caruit. Authoris Apologia quod Medum Grotio prætulit, cum Indicatione sui Instituti quod se hisce rebus immiscuerit.

1. Cæterum ad pleniorē demonstrationē præstantiæ Methodi *Medana* præ illa quā usus est *Grotius*, nonnullas utriusq; Interpretationes inter se comparabo. Universas enim considerare prolixum nimis esset ac laboriosum; quædam verò ex utrisq; specimina in medium producere admodum utile si non & necessarium. Primum igitur, in primis sex Sigillis, addam etiam in primis sex Tubis, *Grotius* scenam omnium Visionum in *Judea* collocat, eisdemq; terminat in *Civitatis excidio*. Quæ de re hoc in genere notandum est, Applicationes illius, ut plurimum nimis quàm tenues esse, magisq; quàm pro horum vaticiniorum ingenio pusillas. Ipsaq; vaticinia si nullum alium haberent sensum, optimè omitti potuisse, quandoquidem, quicquid in ipsis utile foret Ecclesiæ, Beati Servatoris ore multò apertius jam fuerat prædictum; ac proinde non esse verisimile, ea obscurioribus suis præfigurationibus tantum in Apocalypsi spacium fuisse occupatura. Verum descendemus porro ad particulares Interpretationum defectus & incongruitates; Primòq; Sigillorum cum sessione Majestatis ipsis præfixa. Ubi *Grotius* quatuor Animalia, Leonem, Vitulum, Hominem, & Aquilam, *Petrus* facit, *Jacobum*, *Matthæum*, & *Paulum*; Quod præterquam quod in genere figmentum est sine omni fundamento excogitatum, ipsæ præterea applicationes, quantum ego video, non sunt ad eodē consentaneæ. Cur enim *Petrus* qui præ timore Domini suum negabat, *Leo* potius habendus est quàm *Paulus*, cujus ardor æstusq; proculdubio non minor erat quàm alterius? Et cur *Paulus* Aquila potius quàm Vitulus, qui certè in Ministerio *Bovis* instar laborabat, *Boviq;* trituranti seipsum comparat, 1 Cor. 9. 9? Et quanquam longa quidem suscepit Itinera, non tamen per Aërem volabat, nec sanè ibat velocius sive in terrâ sive in mari, quàm alii viatores. Et cur deniq; *Matthæus* Homo magis censendus est quàm omnes reliqui, potiusq; quàm *Jacobus* Frater Jesu qui peculiari Titulo *filius hominis* appellabatur.

Quamobrem, *Medi* Expositio hîc longè videtur solidior, ut quæ confessum habet Fundamentum; Castrametationem utiq; populi *Israëlis*, qui in quatuor distribuebatur partes, & unaquæq; pars sub vexillo erat sive Insigni: Qui ad orientem siti erant, *Leonis*; qui ad Occidentem, *Bovis*; qui ad Austrum, *Hominis*; qui ad Boream, *Aquile*. Ad eodē ut gloriosa hæc Divinæ Majestatis sessio illustretur ordine Castrametationis *Israëliticæ*. Quibus in medio erat Tabernaculum tanquam Thronus Dei, circâq; illud Tribus *Israëlis* sic dispositæ quemadmodum dixi. Quæ est infinitò solidior expositio, quàm illa *Grotii*, quemadmodum distinctius intelliges in aperiendis quatuor primis Sigillis. Quorum applicationes in *Medi* interpretatione ad Animalia singula, mira cum congruitate adaptatæ sunt. In *Grotiana* verò applicationes sunt admodum ineptæ ac frigidæ. Ille enim satis idoneam se arbitratur reddidisse rationem cur *Leo*, hoc est, *Petrus* invitet ad visendum spectaculum *Sessoris Equi albi*, quia *Petrus* primus erat qui Evangelium prædicabat, unde primæ hîc ei loquendi vices deferuntur, ut ille autumat. Cum tamen minimè constet eum primum fuisse eorum qui tam expeditè linguis loquebantur, Act. 2. per quas illi omnes proculdubio prædicabant Evangelium.

2. Quod hîc *Equi albi Sessor* Christus est, utriq; consentiunt. Sed cur primum Animal Præco esse debeat hujus spectaculi, rationes *Medana* longè commodius demonstrant, quemadmodum mox deprehendes. Præconem *Sessoris Equi rufi Matthæum* facit, quoniam legitur Matth. 24. 7. *Consurget enim gens contra gentem &*

regnum contra regnum. Sed hoc *Matthæi* vaticinium non est, sed *Servatoris*. Visionem impleri fingit in bello inter *Bereenses* Incolâsq; *Philadelphie*; sed nullum distinctum tempus nominat, nec Principem ullum qui hujus *Equi rufi* possit esse Sessor.

Ves. 3. Præconem *Sessoris nigri equi Paulum* facit, quippe cui prædixit *Agabus* hanc ipsam famem fore quam hic significari imaginatur *Grotius*. Sed hac ratione *Agabus* potius debuit esse Animal quam *Paulus*. Ut taceam *Agabum* aliis præterea Christianis hanc famem prædixisse pariter atq; *Paulo*. Impletio hujus Visionis juxta *Grotium* in regno *Claudii* contigit.

Ves. 8. Præconem *Sessoris equi pallidi* facit *Jacobum*, quoniam ille divitibus mortem comminatur cap. 5. verum ipse agnoscit per mortem hic intelligi *Pestem*, cum comminatio apud *Jacobum* belli sit & cædis, nempe excidii incendijsq; *Hierosolymorum*, quemadmodum & ipse illius capitis versum tertium interpretatur. Vides quàm exhibitis filis applicationes horum quatuor Animalium hisce quatuor hæcenus Visionibus alligentur. Ut præteam (quod etiam valde inconcinnum est) ipsius usq; ordinis in quo primum proposita erant perturbationem (cap. 4. v. 7.) ubi primum erat Leo, secundum Bos, tertium Homo, & quartum Aquila; Quæ debebant respondere primo, secundo, tertio quartq; Sigillo sine ulla ordinis perturbatione; cum tamen hic secundum Animal applicetur Sigillo quarto, tertium secundo & quartum tertio.

Apos. 6. 9. Quintum *Sigillum* interpretatur de vindicta cædis Martyrum, quemadmodum & *Medus* facit; sed restringit visionem ad *Stephanum* & *Jacobum* & ad paucos alios nescit quos. Atq; hoc pacto nullam relinquit visionem ad præfigurandum decem sanguinolentas persecutiones quæ momenti erant plus decies millies majoris quàm ad quod ille collineat.

Ves. 12. Sextum *Sigillum*, quod mentionem facit *Terre motus*, *Eclipse Solis* atq; *Lunæ*, *Lapsus stellarum*, &c. exponit literaliter de hujusmodi prodigijs planè contra rationem Prophetarum Interpretationum, & absq; Historiarum applicatione ad fidem rei faciendam. Talis est inconcinnitas & insignificancia *Grotianæ* Interpretationis sex primorum Sigillorum. Longè verò aliter res habet apud *Medum*.

3. Primum enim, applicatio quatuor Animalium ad quatuor primâ Sigilla & ordinata est, admodumq; propria & articulata. Leo enim ex parte orientali Castrorum *Israëliticorum*, applicatur Christo Principi ab Oriente, pluribus in sensibus quàm quibus mihi visum est insistere; utpote qui ordinarii sunt & obvii. Præterea natura Leonis rei per visionem significatæ convenit, nempe *Victorie Sessoris Equi albi*. Idemq; fit in reliquis. Etenim eodem modo Bos ex parte Castrorum occidentali, applicatur *Trafano* ab Occidente; Homo ex parte australi, *Septimio* ab Austro; & Aquila ex parte boreali, *Maximino* ab Aquilone. Natura etiam visionum conveniunt quæ sub illis Imperatoribus contrigerunt. Ingentes cædes sub *Trafano*, *Adriano*q; ejus successore indigitantur per *Bovem*. Accurata justitiæ administratio, diligensq; rerum curatio, annonæq; provisio in *Septimio* & *Alexandro Severo*, per *Hominem*, cui numerandi facultas & metiendi, administrandiq; justitiâ aded est propria; & extraordinaria deniq; *Furis*, & *Ensis*, *Pestis*q; *Grassatio* sub *Maximino* per *Aquilam carnivoram*, quæ defunctorum cadaveribus vescitur.

In summa, sex primorum Sigillorum sensus hic est: Ille immaculatæ justitiæ Princeps, *Equi albi Sessor* cum sagittis arcuq; in manu ad aliquod quàm maximi momenti collineat, (nec quicquam minus sanè quàm quod sectatoribus suis promisit, etiam cum fortuna abjectissimâ utebantur, Ne formidate, & parvam voile, nam visum est Patri vestro vobis dare Regnum.) scopumq; attingit in sexto Sigillo, ubi Imperium Diaboli Paganicum immane quantum conquassatum ex eo quod *Constantinus* factus sit Christianus. Sed ad adornandum Temporis curriculum ad illam usq; tempestatem Prophetis aliquibus characteribus, *Rufi*, *Nigri*, *Pallidi*q; Equorum *Sessores* introducuntur: uti etiam opportunissime Animalium Martyrum clamor sub altari; quo magis speciatim denotatur regnum *Diocletiani*, decemalq; tunc incipiens illa nusquam equiparanda *Christianorum* persecutio, quinto scilicet sub Sigillo. Post quod Imperii assertio in Christi manus per subversionem Paganicarum Potestatum immediate sequitur, sextiq; Sigilli materia est Prophetis illustrationibus admodum aptis præfigurata. Adeo ut omnia in *Methodo Medani* ut sunt facilia, naturalia & distincta, ita valde magni sunt ponderis dignaq; quæ Spiritus Dei, sanctiq; illius Prophetæ predicant.

Neq; sanè quicquam habet *Grotius* quo alteri videatur prestare, nisi forte interpretatione *Sessoris Equi nigri*. Quem & Historiam eo flecti potuisset, *Medus* libenter de

de fame similiter exponere voluisset. Verum, meo quidem iudicio, nihil severitatem Justitiæ significantius depingit quam nigredo: Sive ipsam animi temperiem spectaveris in qua residet, quæ gravis est, tristis, rigidâq; melancholia; sive illius, in rebus criminalibus executionem, quæ est mors, cujus funestum Hieroglyphicum est nigrigudo. *Niger* igitur *Equus* cum *hilance* Sessorem arguit severiter justum, frugalem & de futuro sollicitum, quiq; curabit sedulo, 1. Ut si una Chœnix Tritici denario vaneat, tres Hordei vaneant denario; 2. Ut homines honestis laboribus victitent, non furtis nec rapinis. Chœnix enim significat *unusquisque* unius diei victum, & denarius mercedem unius diei. 3. Ut nulla fiant furta nec latrocinia, (sed mensurata rerum emptio) quamvis tanta annonæ caritas foret ut diei labor ultra quam victum nihil sit suppeditaturus. 4. Prospiciet ipsis ut habeant saltem Chœnicem pro denario, utq; frumenti pretium victusq; necessarii, diei mercedem non excedat. Et similiter de vino ac oleo cavebit, nè ulla inibi fraus fiat vendendo emendove, nec ulla rerum vastatio concuscatiove ab effreni milite.

4. Ad Tubas jam pergendum esset; Verum malo hic paulisper subsistere, visionesq; illas prius tractare quæ hisce *sex sigillis* contemporant, suntq; * *Pugna Michaelis cum Dracone*, || *Templumq;* ac *Altare Dei mensuræ Angeli commensurabilia*. || *Medus* interpretatur hanc pugnam septicipitis *Draconis* ac *Michaelis* de conflictu Ecclesiæ Christi cum crudelitate Paganica usq; ad *Constantini* Tempora ac *Theodosii*. Qui quemadmodum Synchronus est, ita & magnam insuper cognationem habet cum visionibus *sex primorum sigillorum*. *Sagittarius* enim in *Equo albo* ad hoc eventum collineat toto hoc cruento prælio, quod attingit tandem assequiturque, in *sexti sigilli* completionem.

Grotius verò visionem refert ad *Simonem Magum*, *Petrumq;* qui precibus suis ex aëre eum precipitem deturbavit. Ad quod ille supponit acclamationem illam Angelorum factam qui spectatores erant *Cacomagici* hujus *Petauristæ*, eumq; è fenestris cœli prospexerunt, dum precipitabatur deorsum in terram. Sed quam pusilla hæc res est ac ludo risuq; digna, præ effectu illo quod *Medus sigillo sexto* assignat, quod & exitus erat illius pugne, scopusq; ad quem *Sagittarius* in *albo Equo* collineabat per omnes labores afflictionisq; *sanctorum*?

Illud de Templo Dei sive *interiori Atrio Templi Grotius* ad hunc solummodò sensum interpretatur: Quòd utiq; sic mensuratur ad significandum *Adrianum* in eo non esse ædificaturum, quanquam in terra circa illud ædes exstruxit, civitatēq; *Æliam* juxta suum nomen nuncupabat. Nullum verò expressum Testimonium affert *interiori Atrio* nihil fuisse inædificatum. Nec sanè si ita erat, digna res esset quam Divina notarent vaticinia. Nec verisimile est ita cordi fuisse providentiæ illum locum, quem Deus penitus rejecerat, instaurationēq; illius impedivit * *globis igneis* è fundamento erumpentibus, ut de illius prophanatione sollicitus esset. Proculdubio tam divina Prophetia quam est hæc Apocalypseos, res tam pusillas minutatq; non curat. Præterea, ex eo quòd Angelus *Johannem* jubet metiri non solum Templum & Altare, sed etiam homines in eo adorantes, indè planè innuitur aliud illius rei sensum esse quàm *Grotius* investigabat, eumq; esse certò quem *Medus* invenit; *Interius* scilicet hoc *Atrium*, quod mensurari dicitur Ecclesiam Christianam puram significare, antequam adulterata esset quodam quasi *Pagano-Christianismo*. Quæ Ecclesiæ conditio manifestam etiam habet cum aliis rebus Synchronis cognationem; ut cum obfirmata *Draconis* per Sanctos impugnatione, tamq; serja suæ Religionis Professione ut eum propriis suis vitis præferrent.

5. Progrediemur nunc ad *Tubæ*. Visionem illam *Primæ Tube*, *Grandinem* scilicet & *Ignem* cum *sanguine mixtos*, *Grotius* (omnino extra viam Expositionis Prophetice) interpretatur ad sensum Moralem; de duritie utiq; cordis, iraq; sanguinolenta: quod ille *Judeis* applicat, cum tamen grando ignisq; Symbola sint vindictæ hostilis in alios, non iræ intus ardentis, propriosq; corrodentis animos; ac proinde hæc grando ignisq; dicuntur cladem inferre *gramini* & *arboribus*. Quamobrem *Medus* multò aptius ad infestationem Romani Imperii applicat, ab anno 395 ad 406, partim per *Alaricum* & *Gothos*, partim per Nationes Barbaras sub *Radagaiso*, & partim deniq; per *Vandalos* & *Alanos*. Hæ sunt Boreales Tempestates turbinisq; Grandinis cum igne & sanguine quæ in Romanum Imperium ingruerunt.

Visionem *secundæ Tube*, *Montem* scilicet *igne flagrantem* dejectum in mare, *Grotius* exponit de Turre *Antonia*, cujus tamen lapsum nulla comitabatur flagratio, ac proinde is mavult intelligi de excursionationibus iratorum militum è Turre in Populum Hierosolymæ. Quæ certè pusilla res est si conferatur cum urbe capta & incensa ab *Alarico*, ex quo continua sequebatur Imperii vastatio usq; ad illius dilacerationem

Apoc. 6. 6.

* Apoc. 12. 7.

|| Apoc. 11. 1.

Apoc. 12. 10.

Apoc. 11. 1, 2.

* Vide lib. 7.

cap. 9. sect. 10.

Apoc. 12. 11.

Apoc. 8. 7.

Ves. 8.

Vers. 9.

rationem in decem Regna; Quæ *Medi* est Expositio in hac visione. Altera verò male convenit illi præsertim locutioni, *Tertiâq; navium pars corrupta*. Quod innuit, mare hîc majus quid sonare quàm unius urbis incolas turbâmvē populi in unum vicum collecti. Ut præteream librum hunc vaticiniorum qui res toties *numeris* indigitat, hîc, ut aliàs, per τὸ τρίτον μέρος Imperium Romanum intelligere.

Vers. 10.

Ab. 21. 38.

* Antiq. lib. 20.
cap. 6. Bell.
Jud. lib. 2.
c. 23.

Tertiæ Tuba visio est *Stella illa magna in tertiam fluviorum partem delapsa, Lampadis in morem ardens*, Cometa, putà, *Lampadis* propriè sic dictus. Hoc *Grotius* applicat ad *Egyptium* illum Impostorem cujus facta est mentio in *Actis*, & apud * *Josephum*. Sed præterquam quòd τὸ τρίτον, pars tertia, iterum hîc denotat Imperium Romanum; Stella hæc major est, meo judicio, quàm quæ Erronem istum *Egyptium*, facileq; detectum proculcatumq; deceptorem condeceat. *Medi* Interpretatio multò est accommodatior, qui ad extinctionem *Occidentalis Cæsareatûs* rem applicat, qui admodum humilis factus erat & obscurus in illis nullius notæ. Imperatoribus, *Avito, Majorano, Severo, Anthemio, Olybrio, Glycerio, Nepote* immediatis antecessoribus *Augustuli*, sed prorsus lapsus est & extinctus in hoc ærumnarum, amaritudinum, tristissimorumq; infortuniorum Principe quem *Odoacer Rex Hérulorum* è Throno suo evulsit, Anno 476.

Vers. 12.

Quartæ Tuba visio, *Eclipsis* scilicet *tertiæ partis Solis, Lunæ ac Stellarum*, pergit porrò in rebus ad urbem Romam pertinentibus, significatq; illam Lucem quæ fulgebat sub *Ostrogothorum* Regibus extinctum iri, quòdq; Majestate Regiæ esset spolian-da, immò verò Consulatu, Senatûsq; autoritate. Quod sinistrum fatum admodum graphice præfiguratur per obscurationem *Solis, Lunæ & Stellarum*, quemadmodum *Medus* rationibus irrefragabilibus probavit, perindèq; applicavit historiam. *Grotius* de captis solummodò quibusdam oppidis in *Galilæa* aliisq; locis per *Vespasianum*, deq; cæde *Judeorum* interpretatur. Quæ certè laxa est admodum dilutâq; Interpretatio si cum *Medana* conferatur.

Apoc. 9. 1, 2, 3.

Quintæ Tuba visio *Claviger* est *putei Abyssis*, atq; *Locustæ*. Quos *Grotius* ad *Eleazarum* refert filium *Ananiæ*, (quanquam & ipse fatetur tempus non convenire) & ad factionem *Zelotarum*. Quos ille *Locustas* istas esse cum *Scorpionum* caudis opinari non potest, nisi ex generali illa ratione, quòd *Raptores* erant ac *Vastatores*, quòdq; lentè malum infligebant, ut venenum *Scorpii* Triduum enecationi hominis impendit. Cæterum minimè constat *Zelotarum* malum adeò speciali modo lentum existimandum esse; quandoquidem ab eis orta Calamitas diutius non durabat quàm hujusmodi barbara solet militum effrænum & indomitum violentia. Neq; certè quinq; menses excedit juxta ipsius *Grotii* computum. Sed enimverò ille suum computum nè adnititur quidem Historiâ comprobare. Præterea, quomodo Coronæ aureæ *Zelotis* possunt competere? Nam quòd *Grotius* sic exponit ὡς σίγαροι χερσὶν, quasi ὡς jactationem tantum esse innueret Coronarum & victoriarum, non reales Coronas, id sanè absq; omni fundamento dictum est, potestq; ex propria ipsius expositione consimilium locutionum confutari; τείχας ὡς τείχας γυμνασίου & ἰδούσας ὡς ἀνίσταν, per quæ ipse agnoscit realem molliem, voracitatèmq; in hisce *Zelotis* intelligi. Illud de *aculeo in caudis*, *Scorpionum* similibus, *Introibant ut defensores, exibant raptores*, est sanè ingeniosum, sed nequaquam solidum. Nam si formam velis mores ipsorum figurare, introibant æquè *Raptores* atq; exibant. Quippe anteriores harum *Scorpio-locustarum* partes rapinam perfectius repræsentant quàm posteriores.

Vers. 5.

Vers. 7.

Vers. 8.

Visiois hujus *Medana* applicatio ad *Mahometem* & *Saracenos* mirabiliter naturalis est usquequaq; & accurata. Malum itaq; *quintæ Tuba* est falsum illud Luminare, Pseudopropheta *Mahometes* per iram Dei in terram immissus. Cujus doctrina est ille fumus putei *Abyssis*, ejusq; Sæctatores *Saraceni*, *Locustæ* de quibus hîc fit mentio. Ut qui, 1. Ex *Arabia* venerunt quemadmodum *Locustæ Egyptiæ*, quæ *Egyptum* literalem infestabant. 2. Et admodum *Numerosi* erant prout *Locustarum* agmina esse solent. 3. Moramq; suam faciunt *juvas noli*, quod menses quinos reddere poteris. Quæ allusio est ad consuetam durationem *Locustarum*, (*Plin. 11. 29.*) respondetq; in sensu Prophetico quinis annorum mensibus, hoc est, centum & quinquaginta annis quibus hæ *Locustæ Italiam* infestabant, & bis centum ac quinquaginta annis quibus *Saracenicum* Regnum durabat. Adeò aptè quini menses ad ipsos applicantur. 4. Ut & aureæ Coronæ ad multitudinem victoriarum eorum, ut qui subdiderunt *Palestinam, Syriam, utraq; Armenias, Asiam* minorem, *Persiam, Indiam, Egyptum, Numidiam, Portugalliam, & Hispaniam*, intra octoginta annorum spaciū. 5. *Arabes* unde oriundi sunt *Saraceni*, crines constringebant tiarâ vitæ ad morem sceminarum. 6. Alarum sonitus harum *Locustarum* qui erat ut tonitrus

Apoc. 9. 9.

nitus curruum multorum equorum ad pugnam currentium, major est quam pro Zelotarum factione significatio, sed aptissime ingentes celeréq; victorias *Saracenorum* denotat. 7. Quemadmodum & *venenata Scorpionum cauda* eleganter indigitant venenum veteris Serpentis sub falsa Religione *Mahometismi*. Etenim omnes illæ *Potestates* quæ non sunt sub *Regno Lucis*, partes sunt *Potestatum Principis Regni Tenebrarum*, hoc est, Diaboli. 8. Quemadmodum & hic planè indicatur ex eo quòd Rex super ipsos *Angelus* sit *putei Abyssi*, quanquam tantum præ se ferunt zelum colendi illum * *unum* verum Deum qui *fecit Cælum & Terram*. Hæc falsa eorum affectatio perstringi videtur in ipso nomine sui principis *Abaddon*, alludendo ad עבדון & עבדו ut *Medus* monet, quem illi coluerunt tanquam Creatorem mundi, quum tamen reverà ejus potiùs perditorem colerent, ut hæc Prophetia voce hæc *Abaddon* insinuat.

Vers. 11.

* Vide cap. 12. scilicet. 6.

Illà verò *Grotii* allusio in *Apollyon* ad Ἀπόλλων magis expressa est, sed nostro multò accommodatior instituto quàm ipsius; quandoquidem Ἀπόλλων secundum *Chrysippum* est ab α & πολὺς vel πολλός, ac proinde significat, *unus*; quemadmodum & *Adad*, Deus *Assyriorum*. Quod nomen non ità celatur in *Abaddon* quin illud scindendo in אב & דון, & demendo terminationem nihil significantem, & solvendo duas γ quæ tam arctè coërcentur per *Dagesh*, דד statim se prodat, ad confirmandam *Paronomasiam*. Qui דד igitur necessariò est *Assyriorum* Ἀδὰδ, βασιλεὺς δαῶν, uti eum appellat *Philo Byblius*, potuitq; cum *Homero*, pari jure vocare παῖς δαῶν, cum idem sit qui *Apollo* & *Jupiter*, quorum Tituli apud *Orpheum* in Hymnis sunt παργαγίτης, παῖς δαῶν, παῖς αἰῶν. Atq; אב Hebraicè *Principatum* æquè significat ac *Paternitatem*, ut apparet in regali illa appellatione *Abimelec*. Quamobrem דון אב idem est quod Ἀδὰδ παῖς vel Ἀδὰδ βασιλεὺς, supremus *Adad*, Pater & Princeps omnium; & *Paronomasia* tam manifesta ac canora in אב דון & *Abaddon* ut eundem ferè habeant sonum. Unde palàm est quòd non sit de nihilo, quòd Propheta hoc nomen *Abaddon* præ nominibus * aliis elegerit quæ magis tritæ erant vastatorémq; significant æquè atq; hoc. cùq; interpretari maluerit ἀπολλών, quàm ἐλοθεύς vel ἐλοθεύων, ut scilicet Hypocriticam indigaret *Saracenorum* ostentationem *Monothetismi*, uniusq; Dei cultus, quem tamen illi præstant per invidiam præcipuè & oppugnantiam adversus Christianam Professionem *Trinitatis*, dum tamen ipsi interea sub *Vastatore* militant, & etiamnum sunt æquè verè Pagani ac *Assyrii* olim *Græci*q; qui *Adadum* coluerunt & *Apollinem*.

Vide lib. 2. cap. 2. scilicet. 1. Macrobius. Saturnalis. lib. 1. cap. 23.

* וי אבדון אבדון אבדון

Vide cap. 12. scilicet. 6.

Sexta Tuba visio sunt *Equites Euphratæi* quos *Grotius* ad exercitum *Romanum* applicat qui obsidebat *Hierosolyma*, quem ille lubenter vult nominari *Euphrateum*, ex eo quòd quædam è copiis Romanis, illæ scilicet è *Syria* castrametabantur prope *Euphratem*. Sed cur totus, obsecro, exercitus indè nominaretur *Euphratæus*? Deinde, quatuor Angeli, qui fieri potest ut illi aptè referantur ad *Vespasianum*, *Titum*, *Mucianum*, & *Tiberium Alexandrum*, quandoquidem hi quatuor æqualis ordinis non erant, nec autoritatis coordinate, unusq; solummodò ex ipsis Imperator erat Exercitus? Quòd verò & alii pari jure connumerari potuissent atq; quidam ex his quatuor, ex eo apparere potest quod ipse scripsit in versum 16. Præterea, nullam reddit rationem Temporis, *Diei* utiq; *Menfis* & *Anni*, nec numerositatis eorum, ἀνὰ μυριάδας μυριάδων, idq; *Equitum*. Interpretatur porro ipsorum *Loricæ igneas*, *hyacinthinas* & *sulphureas* de Sagorum militarium coloribus, tanquam si illa facta essent è filis coloris ignei, violacei & pallidi sive sulphurei, quæ res multò vilior est & abjectior quàm ut in tam sacro notetur vaticinio. Applicatio *Falaricarum* ad ignem, fumum & sulphur ex equorum oribus manantes ingeniosum est si consideretur per se solum. Cum *Medi* Interpretatione mox eam comparabimus. Verùm Pedes, quem Romani collocabant aliquando ponè Equitem ad expeditionem, præsertim cum non federet vultu retrorsum ab Equite averso, nec per caudam Equi laberetur sed à latere descenderet in terram, equidem admodum ægrè præstat *Amphisbene* similitudinem; ut mittam ipsam *Amphisbenam* illius sensu merum esse figmentum. Interpretatio etiam de cultu Dæmoniorum & simulachrorum aureorum argenteorúmq; ad sensum *Mysticum* magis languida est ac diluta quàm expositio *Literalis*.

Vers. 14, 16.

Vers. 14, 15.

Vers. 15. Vers. 16.

Vers. 17.

Vers. 20.

Sed in unoquoq; horum particularium, *Medi* Interpretatio concinnitatem habet irreprehensibilem, cum quatuor Angelos apud fluvium *Euphratem* ad quatuor *Sultanias* Imperii *Turcici*, *Bagdad*, *Cæsaream*, *Aleppo*, *Damascum*, cis ultràq; *Euphratem* sitas referat. Cum calculationem ineat Temporis, *Diei*, *Menfis* & *Anni*, (i.e. 396 annorum) ab Inauguratione *Togrulbecci* Principis *Turcarum* usq; ad captam *Constantinopolin*, quod justum est 396 annorum intervallum. Cum *Myriadas Myriadum* *Equitum* ad notam *Turcicorum* Exercituum numerositatem applicet, qui cum Persæ

Vers. 14.

Vers. 15.

Vers. 16.

Perſæ facti ſint longâ in illa Regione commoratione, vocantur etiam *Perſæ* in Hiſtoria *Græca*. Adeo ut *Pedites* juxta hanc alluſionem *Equites* etiam ſint, פָּרִס Equitem ſignificante æquè ac *Perſiam*. Quæ Nominales alluſiones uſurpantur etiam apud *Daniclem*, ubi Hircus *Ægeadum* Reges, hoc eſt, *Macedonum* repræſentat.

Verſ. 17. *Loricas igneas, Hyacinthinas, & Sulphureas* de aspectu interpretatur quem habere videntur inter diſplodendos ſelopos in prælio, quod facit ut tota ipſorum pectora ad tempus appareant ignea, mox coloris Hyacinthini ob fumum, maxime verò permanens objectum ſenſus eſt ipſe ſulphuris fœtor. Quæ quidem Repræſentatio intelligenda eſt de ipſis haud longè diſſitis. Hæc pulveris *Pyrii* inventio (ab illa præviſa providentia quæ *Johannem* inſpiravit, nec fruſtrâ in his viſionibus indigitata, ſed ut indè certiores ſimus, de temporibus ad quæ pertineant) iterum ſubinducatur ex eo quod Equorum Capita Leoninorum dicuntur ſimilia. Cujus *Grotius* brevem hanc reddit rationem, *Ritus equorum ſanguinolenti qualis Leoni poſt devoratas pecudes*. Quasi hî etiam carnem ederent, ad oblinendas ſanguine maxillas. Sin minus, ubi eſt Imago illa Leonina in his magis quàm in aliis? In eam igitur ego proprior ſum ſententiam, Capita eorum comparari cum Leonum capitibus propter terrorem ſonitus, horrendi ad inſtar rugitus Leonis, quando Equites junctim diſplodebant in hoſtem. Nam ſtatim ſequitur, *Exq; eorum oribus manabat ignis & fumus & ſulphur*. Omnia hæc exhalabantur ex Leoninis eorum faucibus ſimul. Ad quod *Grotiana* Falaricarum applicatio non eſt conferenda, ut quivis, qui earum naturam conſiderat modumq; jaculandi, vel primo intuitu facile deprehendet.

Verſ. 19. *Medi* etiam expositio ſerpentinæ caudarum equorum impendiò magis elegans eſt magiſq; utilis. Αἱ ὀφθαλμοὶ ὡς οἱ ὄφιοι, ἔχουσι κεφαλὰς hoc eſt, *Caudæ equorum erant tanquam ſi fuiſſent ſerpens dimidiatus illic affixus, indèq; capite pendulus eminuſſet*. Quæ Imago eſt triſtiſſimi illius Eventu ſubſequentis eorum in homines victoriam. Cùm Diabolus tunc, vetus ille *Serpens*, paratus ſit ad ſermones ſerendos cum eis ad eoſq; ſeducendos ad *Mahometiſmum*. Et poſtremò Interpretatio *Demoniorum cultus & Idolorum* in ſenſu proprio, ejusq; rei applicatio ad reſiduum Romani Imperii, Papali Superſtitione & Idololatriâ contaminatum, equidem optarem ut in eos tam aptè non quadraret quàm reverà quadrat.

Verſ. 20. Harum duarum Tubarum ultimarum applicationes tam particulatim accuratæ ſunt & exquiſitæ, ut tamenſi neceſſariò Synchroniſmorum vi non inferrentur, admodum tamen difficile eſſet de ipſis dubitare. Quod merito appetitum cuius acueri poſſit intelligendi ſenſum *Tubæ ſeptimæ ac ultimæ*, quæ ex canoris conſiſtit Laudibus ad Deum in cœlis, quod *facta ſint Mundi regna Domini noſtri ejusq; Chriſti qui regnabit in omnem perpetuitatem*. Hæc *Grotius* interpretatur de libertate quam Chriſtiani naſti erant profitendi Religionem ſuam *Hieroſolymis*, etiam tum cùm *Judei* illinc agebantur in exilium. Cæterum viſio proculdubio multò grandior eſt quàm pro re tantilla. Ἐγὼ οὐκ αἰ βασιλείαι ὅτι κόσμος. Valde durum eſt interpretari κόσμος & βασιλείαι in plurali numero de *Judea* ſola. Et præterea, quomodo hic regnat Chriſtus in omnem perpetuitatem cùm ſubditi illius miſera jamdiu facti ſint *Turcarum* mancipia? *Verſ. 17.* Si magnam ſuam poteſtatem illic adeptus ſit regnumq; inierit, eam rursus perdidit, ſi modò *Grotii* ſenſus ſit verus. Sed enim manifeſtum eſt hanc *Tubam ſeptimam* ad emeſſionem Eccleſiæ ex ſua Apoſtaſia pertinere, ex eo quod *Templum Dei apparet Arcæq; fœderis in cœlo*. Quæ figura eſt illius poteſtatis Politicæ quam homines puri ac Apoſtolici eis temporibus habituri ſunt. Templum enim Eccleſiam ſignificat in ſtatu ſuo puro, dum *Angelicæ divineve* meſuræ erat *ſymmetra*, verſ. 1.

Verſ. 14, 15. Cæterum, apparitionem Arcæ fœderis in cœlo comitantur *fulgura & ſonitus ac tonitrua & terræ-motus & grando magna*. Quemadmodum etiam innuitur per ipſum titulum *Tubæ ſeptimæ*, cùm ſit vā-Tuba impiis & incredulis: convenienter ſanè *ſeptem Tonitruis* quæ implebant *Tubæ ſeptimæ* ſpaciū dum magnus ille ac illuſtris Angelus rugit ſicut Leo, meritòq; putatur Servatorem Chriſtum repræſentare, Leonem tribus *Jude*, qui ſemel excitatus, nunquam ceſſabit prædam perſequi uſque dum omnia ſub pedes ejus redegerit, nè morte quidem ipſâ exceptâ.

Apoc. 10. 3. 6. Sed redeundum eſt jam ad eas res quæ *ſex primis Tubis* ſunt *Synchrone*. Quæ viſiones tamenſi plures ſunt quàm ullæ aliæ viſiones *Synchrone*, habent tamen omnes admodum propinquam cognitionem manifeſtāq; colligationem inter ſe. Summa conditionis eorum temporum quæ indigitant, eſt *Apoſtaſia* ſive *Degeneratio* Eccleſiæ, quæ tamen nunquam tam corrupta ſupponitur quin aliqui in ea eſſent puri ac Apoſtolici Chriſtiani. Ac propterea ad repræſentandum duo genera profeſſorum Chriſtianitatis, duo itidem genera ſunt viſionum: Illis utiq; de meretrice *Babylonica*, *Beſtia decacorni*, ac *bicorni*, ad *Degenerationem* Orbis Chriſtiani ſpectantibus;

tibus; illis verò de duobus Testibus in saccis lugentibus, de Cetu Virginco, de Signa-
tis Agni, ad eos qui puritatem suam custodiebant in Ecclesia. Hæ omnes sex primis
Tubis contemporant, è quibus ira Dei in Imperium Romanum efflatur, uti par est,
propter eorum Apostasiam, quemadmodum & æquum est ut Deus tunc temporum
protegat suos. Atq; ea propter cetus Agni notantur obfignanturq; in frontibus ut
à communibus conserventur calamitatibus. Generalis porro hæc Apostasia in Eccle-
siam irrepere non potuisset nisi Ecclesiastica & Seculares potestates conspirassent, un-
de factum ut bicornis pariter Bestia sit atq; decacornis. Contra quas opponuntur
duo lugentes Testes, alter personam *sinceri Sacerdotis* sumens, alter *Magistratus fi-
delis*. Cùmq; hæc Apostasia multum consistat in inani superstitione crassaq; *Idolo-
latria* quæ juxta linguam Scripturæ, *Fornicatio* appellatur, Imago hujus status ad-
modum graphicè exhibetur per visionem *Meretricis Babylonica*, cui ex adverso ap-
ponitur *Cetus virginus*.

Apoc. 7. 3.

Apoc. 14. 4.

Apoc. 14. 4.

Apoc. 14. 4.

Dux adhuc supersunt visiones quæ propriè ad duorum generum alterutrum refe-
rendæ non sunt, sed ad utrumq; singulæ, scilicet, *Mulier in deserto*, & *Atrium ex-
terius sanctæq; Civitas à gentibus conculcata*. Quæ visiones & pietatem & prophe-
tiam simul subindicant: cùm pars verè pia Ecclesiæ significetur per *Mulierem*,
sed per *Desertum* *sevitia* ac *Bestialitas* reliqui orbis Christiani, utpote qui *Animali
vitæ* toti erant dediti. Per *Atrium exterius sanctæq;* *Civitatem* notatur *sanctitas
Christiana Ecclesiæ* à reliquo mundo separata. Per ejus verò *conculcationem à Gen-
tibus* cultus Paganici imitatio per generalem orbis Christiani Apostasiam introdu-
ci. Unde palam videre est quàm forti vinculo, ex ipsarum rerum natura, octo hæ
visiones *Synchrone* contineantur ad unumq; Tempus religitur.

Apoc. 12. 6.

Apoc. 11. 2.

7. Consideremus jam Grotii errores & defectus in eisdem interpretandis. Ut in
visionibus *duorum Testium* & *Atrii exterioris*, *sanctæq; Civitatis à Gentibus* per
quadraginta duos menses conculcata, hoc est, inquit ille, *per tres circiter annos &
dimidium*. Hanc Civitatem ille de *Ælia* ab *Adriano* extructa interpretatur: Quæ
proinde ob hanc rationem non est æstimanda tanquam sancta, quemadmodum reverà
Hierosolymorum civitas ita esse cessabat postquam *Judei* cessaverant esse Dei popu-
lus. *Conculcationem sanctæ Civitatis* interpretatur de extruptione inibi Templi
Jovi Capitolino. Quasi verò Templum illud, non amplius tres annos steterit ac di-
midium. Sed circumscribere vult hosce annos initio ædificationis Templi & *Bar-
chochebi* seditione, sed nullam affert Historiam ad confirmandum hoc suum com-
mentum. Et sanè si efficere posset ut *Barchochebi* tempus huc quadraret, nihil ta-
men istoc pacto proficeret, nisi Templum etiam posset diruere ad trium annorum
finem & dimidii. *Duos Testes* vult esse duas Ecclesias in *Ælia*, unam *Hebraicè*, al-
teram *Græcè* loquentem, tanquam si Dei Spiritus dividere vellet hosce in duas partes
(qui unam fidem profitebantur unòq; erant Animo) nullâ re præterquam externo
sermone distinctos. Corpora horum interfectorum Testium in *magnæ urbis foro*
per tres dies & dimidium jacentia, de oppressione interpretatur & persecutione
per *Barchochebum*, quæ certè admodum erat brevis, si trium dierum ac dimidii spa-
cium non excesserit. Nec verò probabile est Divinum vaticinium, præcisam dimi-
dii diei, vel trium dierum ac dimidii rationem affectare velle in tam generali rerum
præfiguratione quàm est Apocalypsis. Præterea quàm dissimile veri est ut *Hieroso-
lyma*, quæ jam omnem suam gloriam potestatemq; perdiderat, appellaretur nomine
magnæ Civitatis?

Ves. 8. 9.

Præcipua quæ homines movere potest ad ita sentiendum ratio, est illa Locutio,
quasi *Dominus ibi crucifixus esset*. Verùm respondeo, Dominum nostrum in *litera-
li* sensu non fuisse crucifixum nec *Sodome* nec *Ægypti*, ad quam *ibi* immediatè re-
ferri videtur; nec verò in sensu *spirituali Hierosolyma* magis quàm in reliquo Ro-
mano Imperio. Quamobrem hæc Civitas nihil aliud est quàm degener Ecclesiæ Apo-
staticæ Politia, ubi Christus persecutionem subit, (quemadmodum *Paulo* conquiritur)
in veris suis vivisq; Membris. Ubi porro Christus secundum *spiritum*, hoc est,
Divinam vitam, meritò dicitur *crucifixus*, crucifixus esse non solum tempore præte-
rito, sed *doctus*, indefinitè, erat, est, erit crucifixus quamdiu hæc Apostatica Pot-
estas viguerit. Etenim tempus præteritum in prophetia frequens est pro futuro. Cæ-
terum si cui minus sapit sensus hic *Mysticus*, hujus loco illum *Josephi Medi* substi-
tuam, quem nemo, *literæ* quantumvis addictissimus, unquam poterit evadere, Quod
utiq; per *Mythum* intelligitur totius Romani Imperii ambitus, intra quem Christus
etiam *literaliter* est crucifixus. Vide *Medum* in ipsum locum.

Quantum ad visionem *Mulieris duodecim stellis coronate* (qui numerus puram
Apostolicamq; Ecclesiam significat) moram illius in deserto per 1260 dies ille de
extinctione

Apoc. 12. 6.

extinctione interpretatur Ecclesie, saltē ad externam speciem, *Roma* per *Simonis Magi* miracula ac pręstigias (quę tamen suspecta est Historia) ejusq; manifestatione solummodò rure pagisque, qui ad instar deserti sunt si cum celeberrimę Civitatis populositute conferantur. At verò Tempus 1260 dierum ad nullam Historiam adaptat. Ut taceam hanc Interpretationem dependere ab Interpretatione alia dura admodum & difficili, ut intelligatur [*& raptus est ejus filius ad Deum ejusq; solium*] de disparentia Ecclesie per seductiones *Simonis*. Cum tamen ad *solum Dei ferri* proculdubio significet *imperium indipisci magistratūq; fieri*, quemadmodum & *Magistratus* significat *Magistratus*. Quod & subindicatur etiam in antecedente parte versū, nempe quodd *Gentes omnes Sceptro ferreo esset rectorus*.

Apoc. 17.3. In visione *Meretricis insidentis Bestie coccineę* cum capitibus septem decemq; cornibus, & verò, si velis, *Bestie ē Mari ascendenti*, cap. 13. (nam cum eadem sint etiam ex *Grotii* sententia, meritò debent conjungi) hanc *Bestiam* is *Idololatrię peccatum* facit. Quod tamen omnino extra viam est interpretandi schemata Prophetica, ubi *Bestie* Regna vel Imperia significant, ut patet ex *Daniele*. *Decem* tamen *Cornua* decem Reges esse agnoscit, in quo rectē fecisset, si agnovisset etiam corpus aptum quod ipsa gestaret. *Septem* Capita septem facit *Cæsares, Claudium, Neronem, Galbam, Othonem, Vitellium, Vespasianum, Titum*. At verò si *Cæsares* capita sint, oportet plura esse capita quàm septem. Etenim quatuor fuerunt *Cæsares* ante *Claudium*, & triginta, ut opinor, post *Titum*, qui non erant Christiani. Verum *Claudius*, inquit ille, primus est qui Doctores Christianos in exilium misit. Quod tamen facinus tantillę notę erat, ut prima persecutio affixa sit *Neroni*; reliquęq; novem notabiles persecutiones post *Titum* ortę sunt, novissimā ipsarum grassante paulò ante *Constantinum* magnum. Aded ut magis justa sit ratio ut hæc *Bestia* plura quàm triginta Capita haberet quàm septem sola.

Apoc. 13.2. Porro, In *Bestia*, quam *Johannes* Propheta *Pardali* corpore assimilat, pedesq; innuit habere *ursinos* & *os leoninum*, is *Claudius*, qui modò unum ē capitibus *Bestie* erat, jam vult illius esse corpus; & *Domitianum*, qui novissimo septem *Cæsarum* recentior erat, ac proinde propter ordinem, caudam potius referebat, os esse *Bestie*, & cap. 17. *Bestiam* ipsam. Tantum est violentię ac incohęrentię in consarciendā hac falsa Hypothesi. Illud etiam durum est, meo quidem judicio, quodd unum statim ē capitibus, quę modò *Cæsares* erant, *Capitolium* faciat *Romanum*, quamvis lethaliter vulneratum dicatur, idq; per *ictum Gladii*, & *lethiferum vulnus* esse sanatum. Quę mihi quidem videntur improprie admodum coactę; ad Montem *Turremve* applicari. Prętendit etiam se rectē tempus adaptasse quadraginta duorum mensium quibus *Bestie* bellum erat gerendum; sed ad nullam nos remittit historiam. Et *Helvicus* secundam Persecutionem decimo Regni *Domitiani* anno affigit; unde non tres anni erunt & dimidium, sed sex anni integri quibus ipse bellum gesserit contra Sanctos.

Apoc. 17.8. Ceterum præcipuum perperam interpretandi artificium impenditur in cap. 17. *Apocalypseos*. Ubi *Bestiam quę erat, & non est, & ascensura est ex Abyssu & in perniciem abitura*, ille iterum applicat ad *Domitianum*, nihil pensi habens singulare caput in *Bestiam integram* transmutare. Verum Descriptio paulò accuratior est vers. 10. *Septem capita septem Reges sunt, quinq; ceciderunt & unus est, alius nondum venit, & cum venerit paululum duraturus est. Bestia autem quę erat & non est, is est octavus, & ex septem est, inq; perniciem abit. Decem autem quę vidisti cornua, decem Reges sunt, qui Regnum nondum adepti sunt, sed potestatem, ut Reges, eadem hora adipiscuntur cum Bestia*.

Quinq; hic Reges qui ceciderunt, sunt, inquit *Grotius*, *Claudius, Nero, Galba, Otho, & Vitellius*; Quę quàm inepta sit opinio suprā demonstravi. Et unus est, hoc est, inquit ille, *Vespasianus*, in cujus regno supponitur, non probatur, quodd *Johannes* scripsit has Visiones. Alius nondum venit, *Titus* scilicet. Et cum venerit paululum duraturus est. At verò *Galba, Otho, & Vitellius* ad multò minus Tempus durabant. *Bestia quę erat & non est*, nimirum *Domitianus*, qui Imperator erat dum *Vespasianus* Pater à *Roma* aberat. Qui profectò si reverà erat, nec per blanditiem & assentationem solummodò itā appellitatus, applicatio satis est commoda. Tunc enim aliquādo de eo verum erat, quodd erat & non est, sed futurus iterum est Imperator. Is octavus est. *Domitianus* certē octavus est caputq; aded distinctum ac notabile, quippe qui regnabat diutius quàm ullus ex suis antecessoribus, ut is eā re interpretationem prorsus subvertat. Erit enim hoc pacto *Bestia octiceps* non septiceps contrā ac fert visio. Quodd igitur illā verba [*& ex septem est*] datā operā corrigunt, ostenduntq; octavum non itā esse octavum quin septem solummodò Capita sint *Bestię*.

Bestiæ. Quod ænigma Grotii interpretatio nunquam poterit solvere. Ut taceam, si in τῶν ἑπτὰ ἱερῶν significet, *filius est alicujus à septem*, quod minùs esset ambiguum dixisse, ὡς τῶν ἑπτὰ, vel potiùs ὡς ἑπτὰ. Neq; enim filius erat omnium septem sed solius *Vespasiani*. *Decem cornua decem Reges sunt qui regnum nondum sunt adepti*. Hoc ipse Grotius exponit de *Ostrogothis, Wisigothis, Vandalis, Gepidis, Longobardis, Herulis, Burgundionibus, Hunnis, Francis, Saxonibus*. Hæc sunt decem cornua *Domitiani* (Grotius enim *Domitianum* vult hanc esse Bestiam) enascentia & agentia aliquot post seculis quàm *Domitianus* esse desierat. Quæ est Interpretatio ita enomis itaq; contra omnem rationem ut nihil esse possit magis absurdum.

Vers. 12.

Visionum quæ sex primis Tubis contemporant ultima quam nos attacturi sumus, est *Bestia Bicornis*. Quam Grotius contra universam Prophetice Interpretationis Analogiam exponit de *Arte Magica*, non de ulla *Politia* sive *Ecclesiastica* sive *Civili*. Cornua *agninis* similia duæ sunt virtutes Christianæ, quas imitantur *Magi*; *Temperantia* scilicet in cibo potùque, & *Abstinencia* à venere. Verùm abstinencia à venere communis est allis Religionibus cum Christiana: Et verò abstinere à carne vinòq; omnino nullum est præceptum Christianum. Tractio porrò illa violenta *Umbra Achillis Statueq; Apollonii* ad consarciendam Expositionem τῆς ἀρχῆς τοῦ αἰῶνος ἐκείνης, intelligendo per αἰῶνα *Umbra Achillis* (quod præter usum est vocabuli) vel *statuam Apollonii* à Sectatoribus suis erectam; atq; hinc è vestigio & eodem quasi halitu, interpretando τῆς εἰκόνης (postquam tam sæpe significaverat aut *Achillis umbram* aut *Apollonii statuam*) de *Imaginibus in genere*, est certè Scripturam in Imaginem ceream convertere, eamq; formare in quamcunq; nobis placuerit speciem.

Vers. 14.

8. Cæterùm, est & adhuc ulterior solidiorq; *Grotiani* Erroris evictio è ratione *Numeri Bestiæ* petita. Illa enim proculdubio Bestia est * *bicornis* ad quam Numerus 666 rectè possit applicari, quem adaptare vult Grotius ad *Ulpium* notum *Trajani* Imperatoris nomen, quod ille legit ΟΤΑΠΙΟC, literam C. Senarii loco ponens. Sed enimvero si consideremus quòd *Numerus nominis Bestiæ* dicitur, *Trajani* hoc pacto ipsa fiet *Bestia*. Quod est contra Schematum Propheticoꝝ legem, ubi *Bestia particularem* aliquem hominem non significat sed *corpus Politicum*. Et contra priorem suam insuper Expositionem *Bestiæ* quæ secundum ipsum aut *Idololatria* est aut *Magia*. Quamobrem αὐτοῦ multò tolerabilius est, hac ratione, quàm hoc de ΟΤΑΠΙΟC commentum. Ut taceam dici *numerum Bestiæ* nullà factà nominis mentione. Ut & *numerum hominis* absq; omni significatione quòd ad illius nomen pertineat. Quod planè innuit ulteriorem aliquem scopum esse quàm allusionem ad ullius hominis nomen, vel ad nomen ullius *Politie*. Sensus verò τῆς ἀποκάλυψος γὰρ ἀποβῆναι ἐκείνης, est, quòd numerus est humanus, talis utiq; quem etiam homines tractent quiq; humanà arte possit numerari. Verùm, ut videtur, aliqua peritia requiritur in eo tractando, propterea quòd dicit, *Hic sapientia est, qui intelligentià præditus est computet numerum Bestiæ*. Quòd si nihil aliud esset quàm *Literarum numeralium* alicujus nominis additio, perexiguum profectò hoc esset peritiæ specimen. Tota peritia vel potiùs fors casùve esset *nomen* invenire, nulla verò omnino esset peritia in calculando nominis numero. Veruntamen textus ait, *qui intelligentià præditus est calculet numerum Bestiæ*, ipsumq; numerum ponit qui calculandus est vel numerandus. Qui tamen numerus numerari non potest more humano, (quanquam ille sanè mōs innuitur) nisi per *Radici extractionem*. Ac proinde proculdubio *Potterus* noster veram invenit solidamq; solutionem hujus *Ænigmatis*.

* Apoc. 13. 17.
Ubi Bestia, est
bicornis scilicet
Bestia, non ima-
go Bestia, ad
quam hic nu-
merus perti-
neat.

Vers. 18.

De quo nemo quisquam facere poterit quin sibi satisfaciat, nisi aut ignorantia aut præjudicium eum minùs reddiderit capacem, si consideraverit; Primum, in genere, quàm opulenta visum est *Divino Spiritui* *Mysteria* numeris obvolvere & abscondere. De qua re multa occurrunt eaq; præclara exempla in *Creatione Mundi* in sex dies distributà. Cujus *Mysterii* intelligentia non aliter acquirenda est nisi per naturas potestatesq; numerorum, quemadmodum satis evidentè demonstravi in *Cabbale meæ Philosophicæ defensione*.

Et deinde in secundo loco (ut propiùs accedamus ad Propositum) si id notaverit quod supradictus author urget perquam appositè, Alios utiq; Numeros in Scriptura necessariò ad hunc modum numerandos esse, per extractionem nempe *Radici* aut *Quadraticæ* aut *Cubicæ*, ut dignoscamus præcisas Dimensiones rerum sic numerandarum; ut lapidum illorum quorum fit mentio 3 Reg. 7. 10. qui dicuntur esse quidem alii octo, alii decem cubitorum. Quam necesse est summam esse *Cubicam* cujusq; lapidis, quemadmodum ille manifestò demonstravit. Numeros etiam *Quadratos* notari, evidens est ex *Ezekiel. 48. 20. vices quinquies mille per vices quinquies mille*. Sed ut propiùs adhuc ad rem quæ præ manibus est accedamus, Summa

Cap. 21. 16.

Ves. 17.

cubica novæ Hierosolymæ, stadiorum scilicet duodecim millia, in Apocalypsi describitur. Cujus nullus sensus esse potest in numerandi ratione nisi inveniendò illius perimetrum. Quod nullo pacto fieri potest nisi extractione Radicis Cubicæ. Mensura etiam muri, nempe, *Centum quadraginta quatuor cubiti*, nullo modo ad ipsum applicari potest si eam consideremus tanquam numerum linearum. Nam multò minor esset quàm pro ejus perimetro, multòq; quàm pro altitudine major. Quamobrem mensura crassitudinis altitudinisq; muri indicatur, quæ est Radix centum quadraginta quatuor, nimirum *duodecim*.

Tertiò itaque, applicatio Numeri 144 ad Civitatem sanctam, cum tam manifestò appareat in radice illius, *duodecim* scilicet, qui est Numerus peculiari quodam modo ad res præcipuas novæ Hierosolymæ significandas consecratus, cumq; Chiliarchiæ, sive Cohortes, ut ita dicam, Agni supputentur per hunc numerum sub ipso initio illius Capituli quod immediatè sequitur mentionem *numeri Bestiæ*, confectaq; sit è duodecies duodecim Chiliadibus tota multitudo, quemadmodum apparet cap. 7. quàm certum inquam argumentum est hoc & inexpugnabile, computationem *Numeri Bestiæ* similiter fieri debere per illius Radicis extractionem? atq; ἀριθμοῦ αὐτῆς æquè esse inter 144 & 666, quàm inter 12 & 25; & denique, quemadmodum 12 numerus est puræ Apostolicæq; Ecclesiæ, ita & 25 numerum esse Ecclesiæ lapsæ & Antichristianæ?

Hæc est perspicua & in nullam partem inclinans ipsius rei ratio in *Abstracção*, quoscunq; sit perstructura. Sed enimvero tam planè apertèq; *Romanam Hierarchiam* perstringit, ut non queat quispiam quin stet attonitus ad tam luculentam accuratamq; providentiam. Etenim dexter hic doctusq; Scriptor ex Historia nimis quàm manifestum effecit, *viginti quinque*, Characterem esse æquè essentialiter in *Hierarchiam Romanam* intextum, atq; *duodecim* in novæ Hierosolymæ statum. Atq; sex illa *Principalia* quibus sancta Civitas illustratur in Apocalypsi, scilicet,

1. Duodecim portas,
2. Duodecim Angelos in portis,
3. Duodecim Tribus portis inscriptas,
4. Duodecim Fundamenta cum Nominibus inscriptis,
5. Duodecim millia stadiorum, solidam Civitatis mensuram,
6. Duodecim fructuum Arboris vitæ genera,

habere etiam ex-amussim ἀριθμοῦ suâ in *Romana Hierarchia* ac civitate, viz.

1. Viginti quinque; Portas, sive literaliter, sive mysticè sumptas pro Ecclesiis ad baptizandum.
2. Viginti quinque; Angelos, hoc est, Pastores.
3. Viginti quinque; Titulos sive Paroecias.
4. Viginti quinque; Cardinales.
5. Viginti quinque; millia stadiorum, cujus Cubi Perimeter circuitus est Romæ, ut Perimeter Cubi duodecies mille stadiorum circuitus Hierosolymæ.
6. Viginti quinque; Articulos fidei, qui credentibus esse debeant pro cibo Arboris vitæ.

In hisce rebus Essentialibus & in multis aliis præterea ille evidenter sanè demonstravit quàm exactè applicabilis sit radix 666 ad Hierarchiam Romanam. Ad cujus Tractatum te remitto, ut pleniorè indè haurias satisfactionem. Quâ profectò carere non poteris, modò præjudicio liber sis, & vel mediocri rerum Geometricarum & Arithmeticarum peritiâ instructus.

Præcipua Obsectio maximèq; obvia contra illius interpretationem est, numerum 666 non esse perfectè *quadratum*, quemadmodum est 144. Quærent enim, si 25 numerus sit qui intenditur, cur expressus Bestiæ Numerus non esset potius 625, perfectum utiq; quadratum numeri 25? cūrve non alius quivis numerus inter 625 & 676, æquè ac 666? Ad quod breviter respondeo, Quòd, quemadmodum res non significabatur per *Radice* sed per *Quadratum*, eam celandi causâ; ita ob eandem rationem nec per *Quadratum perfectum*, cum tam streperus sit Tinnitus ipsius radices in illius cauda. Quod vaticinii completionem impedire potuisset eòsq; ad nimium sibi cavendum ab affectatione Numeri 25 (ut qui tam notabilis pars esset numeri Bestiæ) excitare, mundòq; nimis maturè detegere ejus numerandi Mysterium. Et quantum ad numeros inter 625 & 676, quæro cur non 666 æquè ac quivis ex reliquis? Vero enim Quadrato ob causas tam graves semel prætermisso, quilibet modesti judicii homo integrum deinceps fore Scriptori concedat quolibetcumque è reliquis eligere.

Verùm præterea, ut nulla huic Mysterio desit perfectio, Numerus 666 insignes secum

secum affert significationes, eiq; rei ad quam applicaretur admodum congruas. Cujusmodi est illa, v. 9. quam notavit *Medus*; venenum utiq; *sexti* Capitis Idololatricum totum corpus hujus Antichristianæ Bestiæ pervadens, illo significari. Illud etiam *Grotii* ingeniosum est, *Senarius numerus res hujus mundi significat, ut Septenarius res seculi melioris.* Aded ut hac ratione tam *Externum* quàm *Internum* hujus numeri Bestiæ mundanum sit, carnale ac sensuale. Nam & *Radix*, viz. 25, eandem naturam innuit, cum hujus *Radix* sit *quinque*, sensualitatis Symbolum stupidæq; adhæSIONIS objectis externorum sensuum, qui sunt præcipuæ animæ facultates quæ demulcentur, recreantur, exercenturq; in Religione Romana. Illinc Religio illa incipit illisq; definit, quemadmodum sit in hoc numero, qui generatur ex *quinq;* in seipsum ducto, rursusq; definit in *quinque*. Hic est *circuitus* superstitiorum eorum exercitiorum quæ non pertingunt ad emendationem *interni*, sed sunt solummodò infructuosa, quanquam admodum effascinatoria, oblectamenta *externi hominis.*

Et postremò, Ipsa ratio suprà laudati Autoris non solum ingeniosa est, meo quidem judicio, sed æquè solida, de propiori scilicet accessu *Radix* 666 (connumerando etiam fractionem) ad 26 quàm ad 25, ut uterq; horum numerorum obtentum habere possit, cur is vera *Radix* censeatur. Etenim hoc pacto numerus 666 magis exquisitè apertèq; repræsentat Hierarchiam *Papalem*. Per *Radice* utiq; 25, Cardinales viginti quinque à Papa tanquam Capite supra ipsos posito distinctos; per 26, viginti quinque Cardinales cum Papa conjunctos, utpote qui quoties ipsi placuerit, prætendit se quoq; unum esse à Cardinalibus. Verum ille aliam insuper addit rationem hujus Numeri, quæ temerè non est rejicienda; Quod scilicet, quemadmodum 144, qui est perfectum *Quadratum*, figuram præstat *Areæ Hierosolymæ*, ità maxime perfecta figura è 666 eandem habet rationem Longitudinis & Latitudinis quæ figura *Areæ Romæ*. Hæ argumentationes videbuntur fortean nimis quàm remotæ ac alienæ iis hominibus qui nè primis quidem rudimentis Arithmeticæ atq; Geometriæ imbuti sint, aut saltem, antiquissimam optimamq; sapientiam numerorum symbolis absconditam fuisse (quod de *Pythagoræ* schola pervulgatissimum est) nondum observarint. Cæterum, si quis seriò apud se consideret quàm exiguus sensus eruendus sit à Philosopho, è sex Dierum Creatione, Deiq; requietudine in septimo, absq; hac clave Naturæ Numerorum ac Figurarum, adducetur profectò vel invitus confiteri, unam esse supremam sapientiam quæ semper Ecclesiæ, sacrissq; Scripturis ab extremo ad extremum invigilavit, cui in abstrusissimis illius Mysteriis visum est eam adhibere obvelandi methodum, quæ *Numeralis* est, vel, si ità fas sit loqui, *Cabbalistica*.

9. Ultima *Synchrona* illa sunt quæ contemporant *Turbæ septimæ*, incipiuntq; à fine sextæ, finiunturq; Die Judicii propriè sic dicti, quod aut ad *Infernum* ducit aut *Paradisum*. Hæ *Synchrona* sunt, *Ligatio Satanae*, *Beatum millennium*, Regnumve Christi cum sanctis in Terra, *Sponsa Agni*, *Nova Hierosolyma*, & *Turba* deniq; *Pal-mifera*. Cognationem rerum hoc *Synchronismo* comprehensarum jam suprà notavi. Grotianas solummodò præcipuarum ex ipsis Expositiones, hic in medium producam. *Sponsam Agni* ille de familia ac comitatu *Constantini* interpretatur; ubi insignem committit Parachronismum. Etenim manifestum est, quod huic Sponsæ nubendum esset Christo post devastationem Urbis per ignem. Quemadmodum apparet tum ex ordine harum visionum, tum ex cap. 19. v. 2, 3. Incendium verò *Romæ* per Totilam factum est post tempora *Constantini*. Initium millennii *Grotius* affigit Edicto cuidam *Constantini*, quo de *Eusebius* loquitur, & in quo ligationis *Satanae* fit mentio. Bellam sanè hoc præ se speciem fert, quemadmodum & Interpretatio regni Martyrum cum Christo, de honore ipsis præstito ad sua sepulchra. At verò notandum est quàm brevi is honos in probrum Idololatricum mutatus sit, quòdque insuper mille illi anni juxta illius computum ante trecentos annos & amplius exierint; à quorum tamen exitu solutio *Satanae* suum capit initium. Quod respectu millennii *μικρὸν χρόνον*, i. e. exiguum tempus appellare non possumus, cum tertiâ illius parte non sit minus, & certè nullus integer est sensus, nisi intelligatur illius respectu exiguum.

Sed præterea, quod & adhuc pejus est, dum solutionem Diaboli interpretatur de incurfione Familiae *Ottomanicæ* in orbem Christianum, nobis in mentem revocat insignium victoriarum *Saracenorum*, qui æquè veri Diaboli erant ac ipsi *Turcæ*, & tamen Christianum orbem multum infestabant ante annum 800. Aded ut juxta hunc computum Diabolus solutus esset in medio millennio. Solutusq; jam extiterit integrum ferè millennium. Quod igitur respectu *millennii* non potest esse *μικρὸν χρόνον*. A falsa hac hypothesi dependet etiam ejus opinio, quod *Constantinopolis* obsidio

Apoc. 19. 7.

Apoc. 20.

obsidio per *Turcas* sit *sanctæ Civitatis* per numerosos *Gogi* ac *Magogi* exercitus circumcinctio. Quippe ipsi Græci *Constantinopolin*, *novam Sionem* appellant, ut notavit *Grotius*. At verò manifestum est expositionem hanc meram esse hallucinationem; propterea quòd *sancta* ac *dilecta Civitas* in vaticinio non capitur, Deo de cœlo interveniente per ignem, & per finale iudicium totam rerum scenam abolente. *Turcæ* verò hanc *Sionem* ceperunt & per ducentos annos eam pacificè possiderunt.

Concludam cum *Nova Hierosolyma*, *Agni Sponsa*, viro suo ornatâ, quâ *Grotius* interpretatur de Ecclesia Catholica nunc splendidiori factâ ornamentis, curâ sumptuq; Principum, ipsi paratis. Qui sensus, si quid ego video, non est omnino probabilis. Cùm nuptiæ significarent potiùs adductionem alicujus populi ad Christum, qui antea ipsi unitus non erat, aut saltem manifestationem populi qui antea latebat, quàm ornatio externa eorum qui jam notus sunt professusq; Christi populus. Huc accedit, quòd tempora quæ *Grotius* indigitat *Nova Hierosolyma* maxime sunt dissimilia, utpote quæ Ecclesia est ad *Apostolicam* rursus *Symmetriam* reducta, aureoq; Angeli calamo commensurabilis, quæq; omnino ex *Duodenariis* consistit, ad ostendendum quàm purè sit Apostolica, nullum fundamentum habens nec structuram præter Christum & Apostolos. Integra enim ejus soliditas, *Longitudo*, *Latitudo*, & *Altitudo*, est *duodecim millia stadiorum*. Latitudo etiam muri & altitudo mensuratur per *duodecim*. Adeò ut nihil omnino sit in *nova* hac *Hierosolyma* nisi quod purum sit & Apostolicum. Res verò ità se non habet in Ecclesia illa tam sumptuosè ornata ad quam *Grotius* respicit. Quibus addas, quod de ea dicitur, In ea templum non vidi, cùm unaquæq; Ecclesia Templum sit sub Hierarchia Romana.

10. Examinare etiam poteram, Expositiones *Phialarum* aliorumq; Locorum in quibus consimiles potuissim detegere lapsus & errores. Ea verò quæ in medium produxi sufficiunt ad ostendendum in quàm præternaturales, distortas, immò verò rectè dixerim, impossibiles rerum applicationes ii conjiciuntur, qui absq; ductu Synchronismorum ab innatis ipsarum visionum characteribus desumptorum Apocalypsin conantur interpretari. Ut è contrà, hujus viæ ducis adminiculo quàm facilis ac naturalis sensus reddi possit uniuscujusq; Visionis, quàmque ex-amussim respondens Historiæ rerum ac eventis, ut manifestum est in expositionibus *Josephi Medii*. Quem *Hugoni Grotio* ex nulla malevolentia despectuè illius miraculi suæ ætatis quantum ad eruditionem & ingenuitatem ad hunc modum prætuli; sed solummodo ex amore veritatis: quemadmodum ipsum *Grotium* fecisse planè sum persuasus in suis concinnandis Interpretationibus; sed & præterea (quod in majorem illius laudem cedit) ex admodum profundo sensu fructuum pacis, & ex spiritu mansuetudinis, candoris & humanitatis, in quibus virtutibus eum credo supra multos alios excelluisse. Atq; equidem nisi ipse mihi conscius essem, eundem illum spiritum, ad aliquem saltem modum, me instigasse ad detegendos illius errores, qui ipsum instigavisset ad committendos, sensum pacis intelligo boniq; publici Ecclesiæ; mallem profectò in illius erroribus, humanitate comitante, spiritusq; mansuetudinis versari, quàm in istiusmodi veritate, quæ necessariò conjungatur cum feritate, amaritudine spiritus, ac furore. Verum enimvero, quemadmodum veritas illa, quam ego defendo, longè superior est illius erroribus, ità sanè spero quòd Instituti mei benignitas, postquam *Medanarum* Interpretationum Apocalypseos utilitatem consideraveris, æquè ac earum veritatem, illius benignitate nullatenus inferior sit apparitura.

CAP. XVII.

Quid à dñi yrbis in tñx non arguit res plerasq; in Apocalypsi ad excidium Hierosolymæ Romamq; Ethnicam pertinere. 2. Magna utilitas hujus Libri ad evincendam Providentiam particularem Angelorumq; existentiam, & ad præcipuos quosdam Christianitatis Articulos confirmandos. 3. Quam præstabile instrumentum sit contra enormitates ac furores Enthusiatarum. 4. Quam opportunè Judæorum ora & Atheorum illo obturentur. 5. Speculum esse quo naturam Apostasie Ecclesie Romanæ contemplerur. 6. Et ad quod Reformatæ Ecclesie se examinent, an ipsa penitus ex hac Apostasia sint emersa, cum Autoris scrupulo ea de re. 7. Quidnam idololatriæ & Idololatriæ nobis etiamnum adherescere videatur. 8. Instructio ulterior nobis oblata è visione interfectorum Testium. 9. Periculosi errores ac Proposita quorundam præservidorum meditatorum super quinta Monarchia. 10. Appropinquationis Millennii maximè utilis consideratio, & quomodo tempus retardari possit si non prorsus amitti per Infidelitatem eorum ac Hypocrisim ad quos potissimum spectat ea felicia secula accelerare.

1. **F**T profectò utilitas Apocalypseos ità expositæ quemadmodum *Medus* eam exposuit, inestimabilis est. Visiones enim tam perfectè apteq; applicantur ad Historias confessas hâc viâ quâ ille incedit, ut is qui vaticinia nolit credere impleta iis in rebus quas ille producit, impletionem ullorum omnino vaticiniorum credere non possit: Cum è contrâ si applicationes majoris momenti non essent nec clariores aptioresq; quam sunt istæ viâ quam sibi *Grotius* elegit, Liber hic vaticiniorum omnino foret inutilis, cum penes neminem esset, nisi qui suprâ quàm dici potest, sit oculus, tam mancis, imperfectis, immò, quemadmodum jam dixi, *impossibilibus* Interpretationibus acquiescere. Quamobrem vindicatio methodi *Medani* in interpretando hoc libro est reverà ipsius libri in eam auctoritatem assertio atq; usum, quem eum habere oportet in Ecclesia. Est enim quædam stabilis constansq; Lux omnibus Ecclesie seculis, maximè verò novissimo, destinata.

2. Neq; verò Locutiones illæ, à dñi yrbis in tñx, & i yrbis kypōs, & i dñi kypōs, *Apoc. 1. 1. & c. 22. 6, 10. c. 22. 7.* veritatem quicquam quam nos declaravimus infringunt, ullòve modo arguunt res omnes in Apocalypsi aut ad *Hierosolymæ* excidium aut ad *Romam* Ethnicam pertinere. Nam quod ad prius attinet, valde supervacaneum videtur ut multæ visiones in eam rem impendantur cum Servator tam clarè de ea antea vaticinatus esset, & cum omnibus utilibus circumstantiis quæ possint expeti. Quam vana igitur est Imaginatio, tot hic impendi Visiones in hoc libro quæ non solum obscuriores sint, quàm Servatoris vaticinia, sed adeò in se obscuræ ut nè nunc quidem ullo modo tolerabili, applicari possint ad cognita Eventa, ac proinde necessariò Ecclesie prorsus sint inutiles? Quippe quæ nec præmonere eos poterant de re ulla antequàm eveniret, nec monumentum esse Divinæ Providentiæ postquam venerat.

Et quantum ad posterius, Visiones, inquam, sunt satis planæ & expressæ de *Roma* Ethnica, ejusq; sanguinolenta Persecutione Ecclesie in prælio *Michaëlis* cum *Dracone*. Prima etiam *sex Sigilla* ad illud Tempus pertinent quo *Roma* erat Paganica; quorum sextum significat maximam illam rerum mutationem ad commodum Ecclesie, Imperio factò Christiano. Quamobrem nullus est defectus Visionum de *Roma* Ethnica, nec ullæ de ea visiones nisi quæ valde erant significantes ac utiles. Cujusmodi sunt universa *sex prima Sigilla* & visio *Michaëlis* & *Draconis*. Quæ Ecclesiam animant ad patientiam sub decem illis cruentis Persecutionibus, ex fiducia, quòd victoriam tandem contra infestos suos Inimicos sint reportaturi. Et quid expeti poterat amplius, quòd in generalibus hujusmodi vaticiniis significetur? Immo addo porrò, computare eos potuisse propinquitatem liberationis suæ è situ Animalium quæ præcones erant *primorum quatuor Sigillorum*, observando utiq; à qua mundi parte tales Imperatores venirent qui maximam gererent similitudinem cum Equorum Sessoribus *rufi, nigri, & pallidi*, cumq; persecutio ingruerat maximè, spes eorum tunc fuisse luculentissimas, eventumq; maximè propinquum, quemadmodum apparet ex facili Interpretatione *quinti & sexti Sigilli*, adeò ut satis visionum sit de *Romano Imperio* dum erat Paganicum quatenus ad rem Ecclesie pertinerent.

Et cur, obsecro, visiones non essent de Imperio postquam factum sit *Christianum*, rursusq; paganisaverit sub Christianitate, atq; in hac Apostasia crudeliter oppresse-

rit

rit ac persecutum sit vera Christi membra? Cur non & hic rerum status prædicetur æquè ac ille prior? Ad hoc, duo tantum responderi possunt; Nimirum, aut Ecclesiam nondum factam esse Apostaticam, aut illas voces ταχὺ & ἐν τάχην planè significare scopum Apocalypseos eò usq; se non extendere. Prius equidem perverlem Responsum ut esset solidum. Verum ea de re hic non est disceptandi locus. Posterius admodum infirmum censeo atq; ineptum, & à ratione profectum tam ridicula, quàm illius futura esset, qui audito talem Comœdiam vel Tragœdiam agendam esse post semiquadrantem horæ, (quod ego quidem puto citò esse satis) statim inferret, omnes actus ejus scenasq; quadrantem horæ non esse excessuras. Et ut suffragia etiam ipsorum Adversariorum ad usum nostrum adhibeamus, ipse *Grotius* interpretatur, ὁ γὰρ ναυὶς ἰσχυρὴ, non de tota serie visionum, sed de quibusdam solummodò & particulatim de excidio Hierosolymorum. Atq; alias coguntur exponere de ejusmodi eventis quæ ante annos abhinc non ampliùs ducentos evenerint, & de ejusmodi etiam quæ ante mundi finem non sint eventura. Quæ demonstratio est ineptitudinis hujus objectionis contra *Medanæ* Methodum hujus libri interpretandi. Cujus sensum in genere cum ab omnimodò præjudicio liberaverimus, insignem jam illius consideremus utilitatem.

2. In primo igitur loco, clarissima est, ut mea quidem fert sententia, & manifestissima demonstratio, quæ humano Intellectui offerri potest, specialem esse super Ecclesiam Dei Providentiam, Angelosq; esse hujus providentiæ ministros; si consideremus communicationem fuisse vaticiniorum de rebus Ecclesiæ ac Familiæ Dei per ministerium Angelorum servis suis ac Prophetis apparentium à temporibus *Abrahami* Fidelium Patre ad hoc seculum usq; & porro; veritate Eventorum aut in rebus adhuc durantibus, aut in indubitatis rerum præteritorum Historiis planè ante oculos nostros jacente ad hunc usq; diem. Quod indicium est hosce Prophetas, qui dixerunt se colloquia habuisse cum Angelis, cum propriis suis Imaginationibus colloquia certè non instituisse, sed reverà cum cœlestibus illis Incolis fuisse collocutos. Quemadmodum proculdubio contigit *Abrahamo*, Gen. 18. Ubi Angelus illi ait, *Quod in eo omnes orbis Nationes sunt felicitanda*, per Christum scilicet qui oriundus erat ex illius semine. Nec sanè *Daniel* quando erat ad fluvium *Ulai* cum propria sua umbra confabulatus est, sed cum Angelo, prout ipsa Eventi veritas probat. Qualis etiam erat *Gabriel* qui vaticinium *septuaginta Hebdomadum* ipsi impertivit. Quo nihil esse potest cum evento magis accuratè congruens. Quibus addere potes illos Angelos qui illi apparuerunt in ripis fluvii *Hiddikel*. Quarum prædictionum Eventa partim jam transacta sunt, partim etiamnum transiguntur sub Tempore, Temporibus & dimidio Temporis, quæ etiam penè jam si non prorsus effluxerunt. Periodusq; sunt ultimorum Temporum indigatorum per illos Numeros, 1290 dies, & 1335 dies, quorum ab Angelo fit mentio in ripis fluvii *Hiddikel*, quemadmodum rectè, ut ego quidem sentio, solidèq; interpretatus est *Josephus Medus*. Quæ generalis rerum significatio in vaticiniis *Danielis* magis particulatim magisq; plenè deducitur in Apocalypsi S. *Johannis*. Qui itidem planè profitemur se sermocinatum fuisse cum Angelis. Cumq; illius visiones eventis adeò ex-amussim congruant, manifesta demonstratio est tum *Providentiæ Dei* continuatæ super Ecclesiam, tum *Angelorum Existentiæ*. Qui primus est ille insignis fructus atq; usus hujus libri Apocalypseos, Quod utiq; ille qui legit, accuratèq; applicabilitatem visionum ad Eventa rectè observat, nec de *Existentiæ Dei* sanctorumq; *Angelorum*, nec de *speciali* illius *Providentiæ* super Ecclesiam possit dubitare.

Possim etiam addere, nec de *Anima Immortalitate*, cum Christus tam manifestò *Johanni* apparuerit eumq; allocutus sit his verbis. *Nè metue, ego sum primus & ultimus qui vivo & fui mortuus, & jam sum vivus in perpetua secula. Amen. Et habeo claves inferorum atq; mortis*, hoc est, potestatem suscitandi vivificandive homines die novissimo. Ad quod addere potes descriptionem generalis Resurrectionis, cap. 20. Quæ res cum dictæ sint à Propheta cujus visiones hæcenus tam accuratè rerum eventis responderunt, non potest non esse *Resurrectionis* Christi, nostræq; propriæ *Immortalitatis* irrefragabilis demonstratio: Quinimo totius veritatis Christianismi, & speciatim duorum illorum sublimium Articulorum de *Divinitate Christi* & *divini Numinis Tri-unitate*. Nam cum adeò universim agnoscatur ab Ecclesia Dei, Evangelium & Epistolam S. *Johannis*, atq; hunc librum *Apocalypseos* eundem habere Autorem, quemadmodum ipsa materia sitisq; ulterius arguit (cum locutio ac materia propius ad notiones accedat antiquæ Cabbalæ Judæorum, ut, v. g. in usurpatione vocis *אֵלֹהִים* de Christo, in eis omnibus) non potest non esse magna fidei confirmatio, cum persona tam præcellenti Divinæ revelationis dono cohonestata tam expressus

expressus sit illius sancti Mysterii Assertor, quod pro certo reperitur in Principio ejus Evangelii. Cui igitur etiam ii cum reverentia fidem adhibere debent qui haud aded de facili hujus rei aptos conceptus sibi possunt efformare. Quandoquidem à ratione alienum omnino non est, ut quis tam insigniter inspiratus quàm erat S. *Johannes*, aliquid haberet sibi impertitum, quod vulgarium Ingeniorum intelligentiam excedat. Aded ut necesse sit, ut *Superbia* hic mater sit *Infidelitatis*. Atq; hæc prima maximèq; generalis utilitas est quæ ex divinissimo hoc libro Apocalypseos capi potest, extenditq; se, fateor, ultrà quàm rerum ordo hoc loco requirat. Veruntamen ego is sum qui non possum quin dissertationis *utilitatem* propositæ Methodi *perfecti* atq; elegantiae præferam.

3. Cæterum, in secundo loco, est alius præterea hujus usus præstantissimus, etiam contra illos quos aut simulatio, aut studium affectatiôq; hujusmodi rerum peritiæ effecit, ut aut apparerent aut reverà essent viri vecordes admodum menteq; emoti. Neq; enim improbabile judico quosdam homines lubenter se posse in hanc viam ingerere, sèq; illic, ex destinato consilio res suas hoc pacto promovendi, ostentare. Quæ pessima est, meo quidem judicio, Sacrilegii species maximèq; execrabilis quæ excogitari potest. Quantò verò in sensu ac interpretatione visionum hujus libri magis sumus versati, eò magis idonei erimus ad eludendum malâ proposita istiusmodi *Enthusiastarum* & *Impostorum*, qui, cum rerum ad Regnum Christi pertinentium prorsus sint ignari, præ se tamen gerere volunt tanquam si ipsi magni illi essent Imperii ejus Instauratores, Inceptorèsq; Beati Millennii Regniq; Spiritus in terris. Quorum fraus atq; improbitas ex solidè concinnatis Synchronismis *Josephi Medi* facile detegitur.

Hæc verò loquor potissimum magni illius *Familistarum* Prophetæ gratiâ, quem toties nominavi; cujus Impostura ex Apocalypsi facilè refellitur. Cum enim Ecclesia per aliquot secula duraverit *Symmetra*, hoc est, *Angeli calamo commensurabilis* (quæ secula antè erant quàm Ecclesiæ Apostasia) evidens est, Fidem praximq; Ecclesiæ Catholicæ tunc temporis approbatam esse & ad regulam Dei conformatam; ac proinde ab hominibus non esse reprobendam nec reformandam ulterius quàm in statum primitivum, quando Symbolum in sensu aperto ac literali, absq; omnibus suffugiis allegoricis intelligebant agnoscebantq; *Cleri* ac *Populi* distinctionem, & in locis ad cultum publicum separatis conveniebant. Quod testimonium ex hoc divinitus afflato Propheta S. *Johanne*, irrefragabile est contra eos universos qui personam Christi abdicatam volunt, illiusq; Divinitatem cum Triunitate Divini Numinis negant, Mediatorium illius officium abrogant, & nullam distinctionem populum inter atq; Clerum statuunt, Ecclesiâq; demolendas esse contendunt, cum multis aliis hujusmodi vesanis Fanaticisq; professionibus atq; molitionibus. Quæ proculdubio abominabiles habitæ fuissent in eis seculis, quibus Ecclesia erat *Symmetra*. Quæ usq; ad quadringentos circiter annos à nativitate Christi durabant, quemadmodum ex ingeniosa *Medi* collectione, è proportionem exterioris Atrii Templi ad interius appareret, quæ juxta *Villalpandum* erat ut 7 ad 2. Ac proinde 1260 dies *Apostasie* supponunt 360 dies *Puritatis* Ecclesiæ Apostasiam hanc antecedentis. Qui additi ad annos à *Nativitate* Christi ad illius *Passionem*, annos faciunt præter præter præter quadringentos. Vel si ab his ipsis Temporibus, (quibus Apostasie periodus ad finem jam ferè perducta est) retrorsum computes, & 1260 demas à 1660, quadringenti anni rursus tibi remanebunt. Ad quod usq; Tempus Visiones Apocalypticæ fidem praximq; Ecclesiæ Catholicæ tanquam approbatas, nobis præstant, coram Deo. Quod certè ego tanquam aptissimum Instrumentum confidero ad repellendum furorem talium *Reformatorum*, quales illi sunt *Enthusiastæ* quorum feci mentionem, & tanquam demonstrationem, quod magnus ipsorum zelus, exaggeratúsq; & affectatus sermo nihil impedit quò minùs meri sint *Demoniaci*, nequaquam verò homines divinitus inspirati.

Verum, ut in eis Temporibus quibus *Messias* personaliter venturus erat in mundum, multi Impostores instigati à Diabolo, surrexerunt ad decipiendum populum *Judeorum* eosq; in multas misérias ac calamitates induxerunt, ità nunc appropinquante tempore quo Christus appariturus sit in *Oeconomia Spiritus* & interfecti Testes resurrecturi essent ac regnaturi, multæ itidem falsæ Oeconomix ingerent se cum furore, audacia, ac tumultu, assimulabuntq; veram illam Oeconomiam singulæ. Quod malum, eludendo oblitterandove præcipuum Apocalypseos scopum, supponendq; omnes res inibi contentas intelligendas esse vel de Hierosolymorum excidio, vel de Roma Ethnica, nunquam prævertetur (hoc enim non dissimile foret atq; si quis violento incendio paululum aqua aspergeret, quod effecturum est ut

ignis majorem in modum fureret) sed appellendo animos nostros ad penitentiorem sensus harum Divinarum Visionum intelligentiam, ut eo magis idonei simus ad regendum hominum zelum divertendumq; à tanto ad quod incitari possint damno Ecclesiae inferendo; ut Triticum non comburatur simul cum Zizaniis, sed quod purum est atq; Apostolicum conservetur.

Atq; sic in rebus *Civilibus*. Cum ipsa potestas *Civilis Magistratus* ejusq; securitas à vesanis praevidisq; hominibus periclitetur, qui rapinā ac sanguine *quintam* erigere volunt *Monarchiam*, omniāq; Regimina Politica, quousq; aut Enthusiasticus ipforum æstus instigaverit, aut invitaverit opportunitas, eorumq; conatus secunda-verit, evertere funditus ac deturbare, (prætendentes omnem Autoritatem omnesq; ordines ac gradus in *quarta* hac *Monarchia* contaminatos esse ac prophanos, seq; ipsos illos pastinatores esse quos oportet omnia complanare, omniāq; Regimina mundana frustillatim frangere, ut Christus *quintus* ille *Monarcha* advenire possit & millenne suum Imperium in terris auspicari) Christianorum protectio Gubernatorum maxime interest sive *Ecclesiasticorum* sive *Civilium* in sensu horum vaticiniorum tam bene esse versatos, ut satis instructi esse possint ad os obturandum clamoris hisce *Fanaticis* etiam per ea sacra Oracula, quæ illi adeo pervertunt ac abutuntur, & ad ostendendum eis nullam prorsus earum rerum quas illi tam vanè sibi imaginantur, probationem suppetere; prout pro certo non suppetit, quemadmodum jam demonstravi in Expositione quarti quintiq; versus Capitis vicesimi Apocalypseos; Doctrināq; fuisse Apostolorum, Praximq; Ecclesiae dum erat *Symmetra*, morem gerere Magistratui, pacificēq; sub eo vivere quantumvis esset Paganus; multoq; magis obediendum esse eis qui sunt Christiani: *Superiorem & Inferiorem* tam naturales esse in *Populo* quam caput ac pedes in *Corpore humano*; Ac propterea neminem Regimen politicum posse vilificare quin id præ vesania faciat, improbōve aliquo consilio captivandi tandem alios subjugandi; jugo propriæ suæ libidinis ac furoris: Reges esse ac Gubernatores etiam sub renovato rerum statu in Millennio, quemadmodum apparet Apoc. 21. v. 24. Nullāq; Regiminis formam malam esse posse ubi Gubernatores regunt secundum bonas Leges. Et postremo, statuere quicquam essentialiter malum quod in se indifferens est, atq; sic à Christo & Apostolis relictum, peccatum esse fundamentale contra legem novæ *Hierosolymæ*, cujus fundamentum & structura consistit in *duodenariis*. Verum enimverò, si quis cum convincere eos debeat per ea quæ vera sunt, eorum conaretur furorem, falsa glossēmata obtrudendo, suppressere, proclivissima protectio ea via esset ad eos magis inflammandos animandōsq; ad contemptum eorum qui ipsos debent regere atq; instruere. Etenim præfiguratio Apostasiæ Ecclesiae ejusdemq; deinceps Institutionis, (quæ fieri potest sine ulla saltem temporalium Potestatum ac Principatuum Immutatione) res adeo manifesta est ut nullā ratione queat celari.

4. Tertius usus Apocalypseos, Responsio est ad objectionem admodum tortuosam à Judæo juxta atq; Atheo vibratam. Etenim cum res tam perperam per tot continua Ecclesiae secula successerint, ut mundus iterum quodammodo factus sit Paganicus, cumq; *Turca* etiam tantam Ecclesiae partem absorpserit, nulla protectio vera Religio esse potest nec Providentia in mundo, inquiet Atheus: Et *Judæus*, Messiam saltem nondum venisse, cum Idololatria omnes ferè Nationes occupaverit, quæ ipsum profitentur. Verum ad utrosq; respondemus, Nihil omnino hic contigisse quod à Deo antea non erat prævisum, planēq; prædictum in his Visionibus *Apocalypticis*. Ut ea præteream, quæ modo magis generali adumbrata sunt apud *Daniēlem*. Quod igitur argumentum potius est pro Providentia quam contra eam, demonstratioq; magis fidelitatis vigilantiaq; *Messiae* super Ecclesiam suam, quam quod nullam adhuc in mundo Ecclesiam sibi collegerit. Manifestum enim est Christum sanctarum illarum Visionum esse Authorem, magnāq; illas clades, quæ Ecclesiae acciderunt sive à *Turcis* sive ab aliis, ipsi propter suam Apostasiam à puritate Apostolica fidei ac Praxeos, obvenisse.

5. Quartus usus, isq; maxime insignis, Apocalypseos est, ut sit purum speculum in quo, & Apostasiam Ecclesiae, viāq; ad ejus institutionem pariter contemplemur. Apostasia Ecclesiae modo quodam generaliori per numerum nominis Bestiæ significatur, cujus *Radix* cum sit 25, (quemadmodum & *Radix* numeri Ecclesiae Apostolicæ 12) Apostasiam eorum subindicat in genere consistere in addendo *radici* & *fundamento* Christianæ Religionis Articulos supernumerarios propriæ suæ inventionis & formationis, ut qui contenti non erant Essentialibus & Fundamentalibus fidei Articulis, qui clarè apertēq; traditi sunt à duodecim Apostolis, facileque, sine omni disputatione ac controversia sacris intelliguntur Scripturis contineri. Notavi etiam supra

suprà à radice numeri 666 (quæ est 25, quæq; iterum resolvi potest in 5) Apostaticam eorum Religionem ad gratificandos recreandósq; externos sensus præcipue esse formatam; ibi eam incipere, ibidemq; definere, & diviniore sinere magisq; coelestes animi motus sepultos jacere & consopitos. Sed & adhuc magis particulatim indigitatur hæc Apostasia per *Quadratum* 666, tanquam si venenum *sexti capitis* Bestiæ, illius putà *rufi* sanguinolentiq; *Draconis*, hoc est, crudelis *Persecutio* & *Idololatria* per totum corpus Apostaticæ Ecclesiæ disseminaretur: Cujus pars præcipua necessariò est *Bestia Bicornis*, quæ totum Romanum Imperium admodum vivam effecit *Imaginem Bestiæ*, (cujus lethale vulnus sanaverat) hoc est, antiquæ Potestatis Paganicæ. Verùm de hoc dictum est satis, cùm argumentum sit ad quod alii nimis avidè aures sint arrecturi, alii verò nimis obstinatè, & absq; omni ratione ac deliberatione statim repudiaturi.

Apoc. 13:

6. Cæterùm speculum hoc Apocalypticum non solum Pontificiis inservit, sed & universis Christiani Orbis Ecclesiis ad vultus suos contemplandos, & ad considerandum, quantum etiamnum illic inhæreant, quantumve emerferint ex hoc lapsu atq; Apostasia, utrumve penitus ex ea emerferint necne. Magnus enim profecto animo meo injectus est scrupulus super hac re, idq; ex ratione 1260 dierum in quibus Mulier dicitur esse in deserto, Testesq; centonibus amicti lugere. Quantum ad quorum dierum Epocham, maturrima omnium quibus insistit *Josephus Medus* est 365, scilicet à morte Juliani, quæ 1260 dies in annum 1625 terminat. Et tamen multos antè annos quàm hoc tempus effluerat, eadem erat Ecclesiarum differentia quæ nunc est. Quod manifestum indicium est Mulierem tunc non fuisse nec dum esse à *deserto egressam*, sed veram Ecclesiam etiamnum abscondi in hisce Ecclesiarum divisionibus, totumq; hætenus, quantum ad externam rerum faciem, nihil aliud fuisse quàm vastam quandam Eremum.

Præterea, quod Ecclesiarum divisiones attinet, quæ factæ sunt antè centum circiter annos, quæ statim hujus vel illius Reipublicæ Ecclesiæ evaserunt, si istæ alterationes tunc factæ fuissent juxta rationem purè Apostolicam, suscitatio Testium planissime fuisset, eorumq; in cælum evocatio, etiam multos antè annos quàm dies 1260 effluerant. Quæ sanè non obscura est subindicatio res nondum rectè se habere, Testesq; nondum esse suscitatos, nec Mulierem ex Eremo egressam.

7. Quamobrem præ humilitate debita ac modestia suspicantes nosmetipsos ex generali hac Ecclesiæ Apostasia, in quam Spiritus Dei eam lapsuram prædixerat per 1260 annos nondum prorsus emerfisse, videamus si quo modo possimus investigare quanam hujus lapsus reliquæ etiamnum inter nos maneat. Quas credo eò promptius nos esse agnituros, quantò majorem habituræ sint affinitatem cum ea Ecclesia quam nos merito judicamus manifestò esse Apostaticam. Nunc igitur quæro, Annon unum est ex erratis fundamentalibus in illa Ecclesia, quòd res quasdam fundamentales faciunt quæ reverà non sunt, humanasq; suas inventiones sic miscent cum infallibilibus Dei Oraculis, imperiosq; eas populo obtrudunt? Hoc etiam ad vivum nos tangit in re Ceremoniarum. Sed enimvero, annon incertæ inutilisq; opiniones æquè puræ putæ Ceremoniæ sunt ac Ceremoniæ ipsæ, contra quas indomitum equorum more nos adeò recalcitramus nec sine roncho diffugimus? Immo porro addere possum, difficile esse nosmet ab altera illa nota Bestiæ purgare, Antichristiana nimirum Persecutione in rebus Religionis, idq; ob rerum discriminationes quas Christus ipse nunquam posuit, sed nos solummodò eas fingimus atq; imaginamur.

Rursus, quantum ad Idololatriam, notum alterum *Bestiæ* characterem, annon & illum possumus apud nosmetipsos invenire? Avaritiam solummodò non intelligo, quam Apostolus vocat Idololatriam, sed confidentiam illam erigendi *Imaginationes*, si non *Images*, de Deo, aliquas certè magis horridas ac terribiles, quàm illæ sunt quæ stabant in maxime pollutis Templis Paganorum (statua *Saturni* proprios liberos dentibus membratim diserpentis, misericordiæ præ istis symbolum haberi debet) dum interea loci lugentes Testes tum ex *Mose* tum ex *S. Johanne* testimonium perhibent, Quòd natura Dei alia prorsus sit. *Deus amor est, & qui in amore manet in Deo manet & Deus in eo. Jehovah, Jehovah, Deus misericors & exorabilis, ad iram tardus, ad clementiam & auxilium propensus.* Et tamen quàm violenti conatus sunt ad erigendum hoc Idolum falsamve Imaginem in cuiusq; Templo, quod aliàs Amori Dei ac refocillanti ac consolabundæ habitationi sancti illius Spiritus deberet consecrari? Illa porro Imago Dei cæca est, & Paganorum Cupidine pejor, quam leves quidam stultulq; Opinatores in suam ipsorum gratiam erigunt. *Quòd utiq; Deus nullum peccatum videt in suis electis,* peccent quàm volent gravissimè crassissimèq; cùm tamen interea Scriptura expressum affirmet, *Jehovam in cælis habentem solium*

suis oculis aspicere, suis luminibus hominum genus probare. Et purioribus cum esse oculis quàm ut scelus videat facinusve possit aspicere. Ut præteream ipsas opiniones quæ per curiositatem humanam in rebus religionis formantur, quantumvis alioqui sint innocuæ, Idola fieri, eadèmq; effecta habere quæ habent Idola, hoc est, animum consopire; adeòq; stupefacere, ut officiorum *indispensabilium*, motuumq; *Divina vite* sensum perdat; præterea, ornare nosmetipsos huiusmodi opinionum curiositatibus, electitiam quandam sanctimoniam esse & Adorationem cultumq; Dei juxta proprium nostrum appetitum ac imaginationem. Quod profectò perquam paucillum distat ab Idololatria.

* Gen. 19.
Scilicet 4.

8. Et postremò, summatim magisq; compendiosè. Consideremus naturam Testium occisorum à Bestia ex Abyssò. Quos, res puerilis esset duas esse personas opinari, quandoquidem vaticinari dicuntur per 1260 annos prout rectè statuit *Medus*. Egòq; addo insuper, etiàm mortuos esse alio sensu, eo ipso tempore quo dicuntur vaticinari, quemadmodum * suprà notavi admodumq; parùm addubitationis subesse posse puto illi Interpretationi. Dispicimus igitur quid sint hi duo Testes. Et certè propter locutionum Propheticarum opulentiam atq; copiam, ad unam aliquam significationem singularem eos restringendos esse non censeo, sed has binas saltem res adumbrare: *Vetus* scilicet *novumq; Testamentum*, quæ hîc per prosopopœiam duo Testes vocantur, vel *Magistratum & Ministerium*: quandoquidem illæ res per quas describuntur, allusiones sunt ad *Mosè* & *Aaronem*, & ad *Zerobabelem* atq; *Jesum*. Concinnitas prioris Interpretationis à sola illa obvia allusione ad *Latinam* vocem *Testamentum* non dependet, sed etiàm ulteriùs confirmatur à *Græca* *μαρτυριαι*. Cùm *μαρτυριαι* frequenter leges vel Instituta Dei significant, reddatùq; etiàm pro *דיבר* *דיברין*. Ut omittam *vetus novumq; Testamentum*, quamvis ità non appellarentur, esse tamen reverà Mundo duos eximios Divinæ mentis Testes.

Quamobrem, facientes nunc, more Prophetico, hos duos libros personas duas, eos dicere possumus *vivos* esse vel *occisos*, aut in *Politico* sensu aut in sensu *Morali*. *Vivi* nimirum essent in sensu *Politico*, si penès ipsos solos esset Imperium in negotiis transigendis tum *Ecclesiæ* tum *Reipublicæ*. Ità ut nullæ essent Injunctiones tanquam *indispensabiles* in rebus Religionis; nisi quales ipsi planè determinent, multòq; minùs ullæ quæ ipsis adversentur. Et similiter, in rebus *Civilibus* omnis *Oppressio Tyrannisq;* inhiheretur. Quamobrem dum humanæ Inventiones imperium obtinent in Ecclesià loco divinorum Oraculorum, dùmq; enormis oppressio Tyrannisq; in Christi membra prævalet, hoc est, dum homines se arbitrantur potestatem, opes, ingenium, rerumq; peritiam habere, ad conculcandum solummodò populum, non ad eis succurrendum regendùmq; ad realem eorum utilitatem, & ad nobilitandum eorum animos quousq; sint capaces, potiùs quàm ad mancipia stupida efficienda ac mastrigias, eruendo ipsis oculos, eosq; in equos molarios transformando, ut eò faciliùs cogèrentur laborare sudarèq; ad dominorum explendas cupiditates ac libidines: ubicunq; res ad hunc modum gerantur, *Bestia* ibi ex *Abyssò* *duos Testes interfecit* in *Politico* sensu, lege Dei interim protestante contra malas rerum administrationes, tum in *vetere* tum in *novo Testamento*, quemadmodum cuilibet manifestum esse potest, qui illa scripta perlegerit.

Testes porrò *vivi* essent in sensu *Morali*, si *indispensabilia* illa vitæ præcepta per ipsos testificata converterentur in nobis in vitam atq; mores. *Verbum* enim *externum* non est nisi *litera mortua*, sed tum demum propriè vivum est, quando illa vita in nobis gignitur de qua illud testificatur. Quæ si negligatur, ipsorumq; regula, quatenus *Politiam Ecclesiasticam* respicit, declinetur; agantq; homines tum in rebus *Politicis* tum in *Privatis* juxta regulas hominum, eorumq; inutilia instituta, atq; sic *indispensabilia* Dei præcepta vili pendant, quis est tam cæcus quin videat *duos Testes* de quibus loquimur planè esse *occisos*, *vetusq;* ac *novum Testamentum* nihil aliud esse, nisi duo vitæ cassà cadavera, jacentia insepulta quidem, (comburere enim ea nolunt eorumq; cineres in urnam condere, reconderèq; sub terrâ propter metum populi) sed inutilia & inertia, nullamq; vim habentia ad enormem impiùmq; mundum coercendum, qui aliam sibi sumplerunt legem electitiam, à falsâ & Antichristiana Ecclesià formatam ac procusam, nihil repugnantem, immò verò apprimè faventem omnibus illis pompis ac vanitatibus contra quas in ipso Baptismo apertè sumus sancteq; jurati. Unde dicitur quòd *terre incolæ gaudebant, triumphabant donq; inter se mittebant ob occisos Testes*, utpote quorum mors tantopere ad efractam fruitionem rerum omnium mundanarum ac carnalium conducebat. Verùm effecit interim ut Ecclesià nihilo tolerabilior fieret quàm *Sodoma & Egyptus*, quàm terra *Tyrannidis ac Bestialitatis*, Civitas *sede libidinis ac Oppressionis*.

Apoc. II. 10.

Verf. 8.

In

In qua (ut ad alteram pergamus allusionem) *Moses & Aaron, Zerobabel & Iesua*, sanctus & legitimus *Magistratus* ac *Ministerium* occiduntur, hoc est, excluduntur ab omni *Politica Potestate* per *Bestiam ex Abyſſo*, *in r̄is abyſſi*. Quod quatenus significare potest *Mare*, potest etiam intelligi de *Bestia decacorni*: quatenus verò *puteum profundum in terra*, qualis ille erat è quo *fumus* ascendit & *Locusta, bicornem Bestiam* potest denotare, quæ dicitur ascendisse ex *terra*, magisterq; est illius sapientiæ quæ *terrena est, animalis, & Dæmoniaca*, quàmque comitatur zelus amarulentus & crudelis, contentionesq; ac rixæ circa vanas & inutiles *Opiniones* ac *Ceremonias*. Apo. 13.11.

Hoc credo nos satis proclives fore ad agnoscendum adversus alios, eos nempe qui in eis regnis habitant, ubi *Papatus* tantopere dominatur. Verum è re nostra magis esset, examinare etiam quid perperam factum sit Domi. Neq; enim sequitur ex eo quòd *Numerus Bestie* non invenitur super nos, quòd partes Bestianas nulla ex parte agimus. Nec maculæ purpureæ sunt sed ipse morbus qui enecat. Verum similiter se res habet, atq; si quis non satis peritus distinguendi Oves inter atq; Capreas, moneretur illas in certo quodam Pascuo quæ talem super ipsas Notam Figuramve inustam haberent, Capreas esse. Inscita profectò atq; insubida res esset nisi cogitaret *Notam* hanc Figuramve non aded Capræ esse essentialem, quin ubi alio in loco in Animal incidisset sic formatum pariq; magnitudinis & vocis consimilis Capræ, auderet statim pronunciare hanc etiam esse Capream, quamvis supradicta nota deesset. Quamobrem seposito omni partium studio, liberè consideremus, utrùm nos puræ simus adhuc Oves necne.

Si *Testes* apud nos occisi sint in sensu tum *Morali* tum *Politico*; si nomen sequamur vel autoritatem ullius hominis, eiq; morigeremur magis quàm manifestis Scripturis; si contenti non simus tali fide de qua ex ipsis planè constet, quæque Ecclesiæ fides esset etiam tum cùm erat *Symmetra*; si per foedum crassumq; *Antinomianismum*, perq; doctrinam, quòd superfluum sit aut impossibile ut quis bonus sit, vitamq; juxta Christi præcepta instituat, Scripturam impediamus quò minùs in nobis viva fiat, & miscendo opiniones nostras imperiosq; obtrudendo aliis, totius Religionis fidem apud quosdam in discrimen vocemus, aliòsq; è loco & autoritate, quæ per naturam rerumq; ordinem ipsis in sortem cederent, excludamus, quantumvis sinceri cordis eximiazq; vitæ Christianos, secundum illud exemplare *antiquum & symmetrum*: profectò cùm ad hunc modum transgressi simus sanctum Primævum Apostolicumq; numerum [12] per nova nostra additamenta, & persecutionem insuper addamus, æquè certò sic aut evadimus aut manemus partes *Bestie* atq; supradicta Caprea Caprea est cui nulla nota aut character erat inustus.

Nec antè unquam à crimine Occisionis Testium liberati erimus quàm omnem seposuerimus æstum fastumq; in præferendo nostras ipsorum opiniones, quibus ponderosiora vitæ præcepta irrita faciamus, mandatq; Dei rescindamus nostris traditionibus, illigantes populi affectum rebus inutilibus, eosq; assuefacientes frigere ad indispensabilem Christi legem. Quod reverà est *Testes occidere* eosq; penitus demortuos jacere sinere in plateis. Dùmque illi qui rerum gubernacula tenent ea sibiipsis tenent, suamq; affectant, animi causâ, ostentare & exercere potestatem, obliviscentes veram normam Regiminis esse solatium populi, eorumq; animorum nobilitationem (ut sint liberi, scientes, fidelisq; Christiani ac subditi) nec recordantes quæcunq; quisquam habeat, ipsi data esse ut alienis utilitatibus per ea inserviat, non ut proprias exfatiet cupiditates: dum hujusmodi, inquam, errores peccatq; inveniuntur, sive in *Ministerio* sive in *Magistratu* supremo aut subordinato, ad quem usq; gradum inveniantur, ad eundem usq; gradum *Moses & Aaron, Zerobabel & Iesua, Novum Testamentum* ac *Vetus* occiduntur ejiciunturq; mortui in plateas, omnisq; Potentia (in quamlibetq; formam se verterit) nihil aliud evadit nisi lusus *Leviathanis* in marinis fluctibus, qui ante se Profundum, ollæ ritu, ebullire facit, canaq; post se relinquit ac spumæ vestigia, glorians in Potestate sua ac Titulo, quòd sit *Filiorum Superbiæ Rex*.

9. Quamobrem, *Millennalis* illa felicitas de qua quidam tam canorè sermocinantur, non quidem consistit in demoliendis omnibus Gradibus Ordinibq; *Superioritatis* in Ecclesia vel Republica, quippe quæ res naturales sunt ac necessariæ; sed in rebus rectè administrandis in utraq; per illos hominum *Ordines*. Qui si omnia componere vellent ad *Regulam Apostolicam*, & ejusmodi erigere disciplinam quæ indispensabilem *Dei vitam* fovere posset, non autem ineptas inutilisq; inventiunculas temerariorum ac fallibilium *Hominum* promovere; Et unusquisq; pro suo gradu officia præstare, quibus subveniatur succurratq; populo, ita ut vir quisq; probus ac virtuti

Jacob. 1. 20.

virtuti deditus posset pro suo loco juxta modum Christianum vivere, eumque non tristem sordidumque; sed latum alacrumque; & solamine plenum; Tributa proculdubio Honorum ac Titulorum hujusmodi hominum Ordinibus optimo jure debentur, & in utilitatem cedunt perinde atque in ornamentum *Universo*. Est igitur planè *Fanaticus* quidam Furor vel *Satanicus* in istiusmodi hominibus qui sub prætextu introducendi quintam Monarchiam, quemadmodum illi appellant, Ordines omnes, Gradusque; subvertere volunt in Ecclesia & Republica; quasi ira hominis divinant posset operari justitiam: Cum nec illæ Dignitates ipsæ ullam in se habeant prophanitatem, nec Personæ fortean quæ ipsas possident minùs sanctæ sint quàm illi qui eos de gradu deturbare satagant. Nam si suiipsius ditatio per ruinam aliorum jus cuiuspiam acquirat ut pro sancto habeatur, nobilissimi certè Latrones maximum sibi facturi sint viæ compendium ad introitum in *sanctum sanctorum*. Sed hujusmodi *Zelotæ*, quàm miseri futuri sint è servitute Redemptores, nimis quàm Tragicè præfiguratur per illam Judaicam Factionem *Hierosolymis*, longè sanè intolerabiliorem Civibus quàm ipsi erant hostes qui eos obsidebant.

Quamobrem expectatio inhiatioque; quintæ Monarchiæ in hoc sensu, nihil aliud esse potest quàm sitis prædæ ac sanguinis, dum multi homines eò excitantur secreto stimulo veteris Serpentis, per invidiam adversus Ecclesiam Christi, sperantes se posse hoc pacto Evangelium eradicare, destruendo scilicet stabilitam Autoritatem, & Ministerium expilando, ut sic introducere possint fædam superstitionum Fanaticarum & Athearum prophanitatum colluviem. Quod malum prævertendi certissima, meo quidem judicio, ratio est, reductio Ecclesiæ per eos qui autoritatem habent ad hujusmodi formam quæ purè sit Apostolica. Etenim tunc rerum constitutio tam sacra erit & irreprehensibilis, ut perterrefactura sit procùlque; submotura improbitatem atque; audaciam ejusmodi hominum qui aliter per conspicuam intermixtionem rerum falsarum, impiarum atque; idololatricarum animari possint ad involandum in universa simul, & ad omnia frustulatim discerpenda. Quò accedit quòd secundo remigaturi sint flumine, fluxusque; divinæ vindictæ eos porro sit provecturus. Qui subinde in Ecclesiam fluxurus est usque; dum vera, sinceraque; fiat Reformatio. Nulla enim unquam expectanda est stabilitas antequam illa civitas extructa sit cujus non solum fundamentum in *Duodenario* ponitur, verum etiam illius Portæ, Tribus, Angeli, Latitudo muri & Altitudo, totiusque; Civitatis soliditas nihil sint aliud præterquam perpetua per omnia *Duodenarii* Repetitio, hoc est, antequam Ecclesia appareat quæ est purè *Apostolica* tum in *Vita* tum in *Doctrina*.

10. Quæ tempora cum adeò propinqua sint, quemadmodum apparet ex ratione vaticiniorum, magna profectò debet esse animatio unicuique; ad spectandum illorum, & ad excutiendum stuporem illum soporemque; Lethargicum, qui mundum tamdiu occupavit, quasi nunquam se melius res esset habitura. Hic enim *Infidelitatis Articulus*, inter alia, Testes tamdiu in morte, juxta omnes illos sensus supradictos detinuit. Quamobrem unusquisque; seipsum reformet, & hortetur animetque; proximum suum ad testificandam lætam illam testificationem de *Potentia Dei* ad devincenda subjugandaque; omnia genera peccati. Hæc enim Tempora per rapinam ac violentiam non accelerantur, sed per incrementum Justitiæ in terris. Ad cujus realem celestemque; promotionem nihil magis efficax est quàm persuasio, Quòd Deus nunc in hisce ultimis temporibus majorem solito gratiam opemque; suppeditaturus sit eis qui fideles esse volunt in suo fœdere, quòdque; Justitiæ opus multò majori cum facilitate profectus suos facturum sit quàm hætenus, & successu infinitò meliori.

Quamobrem consultissimum est, ferrum ferire dum candet, donaque; præsentia capere hujus diei salutis, nè fortè cum hujusmodi prædictiones gratiæ conditionales sint, id nobis accidere possit quod olim contigit Israëlitis, quorum cadavera conciderunt in deserto per fastidiosam moram, longamque; ipsorum circumductionem, qui aliter in propriis suis personis promissam terram intrassent. Ità profectò ego non video quin sit possibile vel probabile, prædictionem mutationis Ecclesiæ in tam excellentem statum malæ rerum administratione retardari posse, eorumque; hominum infidelitate à quibus magis speciatim Deus expectat ut se pro strenuis gerant operariis in alba hac messe Apostolicæ puritatis & sanctitatis; nec se à magna illa *Babylone* separatos credant, ut *Babylonas* sibi pusillas magisque; tolerabiles ædificent, quanquam in perpetuum non tolerandas; sed omni opere enitantur, ut in unam sanctam Dei civitatem explendescant & coalescant. Cæteroqui non video quin successus talis futurus sit qualis eorum sint conatus quorum res maximè agitur. Et sanè varietas rationis numerandi temporis periodum per *Dies*, *Menses* & *Semi-tempora* videtur hujusmodi quid comminari. Ac proinde juxta hanc laxiorem computandi rationem

per

per *Menses* ac *Semi-tempora*, sublatere potest reservatio moræ in triginta, immò in centum vel ducentos annos longiùs quàm aliàs Deus intenderat gloriosam hanc *Oeconomiam* auspiciari. Verùm enimvero, certitudo Eventuum, aliorum vaticiniorum ordine antecedentium, nisi promissum hoc conditionale sit tam *Judeis* quàm *Christianis*, demonstratio est, fieri non posse quin aliquando sortitutum sit effectum.

Hæc est ratio fidelissima quam ego reddere possum, de statu Christiani Orbis ab effusione usq; Spiritus Sancti in Apostolos ad reditum Christi in spiritu ad renovandam lapsam Ecclesiam in veram Sanctitatem ac Justitiam, in *Resurrectione Testium*, *Regnòq; Sanctorum in terris per mille annos*. Quorum sub exitu Dies erit Judicii propriè dictus, quem post longam hanc sed non admodum alienam, ut spero, Digressionem, si quidem Digressio sit, quàm accuratè potero jam pertractabo.

EXPLANATIO

LIB. VI

MAGNI

MAGNI MYSTERII PIETATIS EXPLANATIO.

LIB. VI.

C A P. I.

1. *Tria Principalia consideranda in Christi reditu ad Judicium, viz. Visibilitas illius personæ, Resurrectio mortuorum & Mundi conflagratio.* 2. *Loca Scripturæ ad probandam illius personæ Visibilitatem.* 3. *Futuram tunc esse Resurrectionem mortuorum non in Morali sed in Naturali sensu, ex evidentissimis locis Scripturæ demonstratum.* 4. *Testimonia è Scriptura ad probandam Mundi Conflagrationem, ut è cap.3. Epist.2. Petri.* 5. *Interpretatio versuum duodecimi & decimi tertii.* 6. *Demonstratio quod Apostolus ibi Conflagrationem Mundi describit.* 7. *Opinionis eorum confutatio qui interpretari volunt descriptionem Apostoli de incendio Hierosolymæ.* 8. *Adventum Christi toties in his duabus Epistolis Petri memoratum de ejus ultimo Adventu ad Judicium intelligi debere.* 9, 10. *Ejusdem assertionis ulterius Confirmatio.* 11. *Alia loca indigitata quæ probare possint Conflagrationem.*



N reditu Christi ad Judicium tria consideranda sunt, tanquam admodum arctè connexa cum eo & complicata. 1. *Persona nimirum illius Visibilitas* Pompæq; Adventus; 2. *Resurrectio Mortuorum*, & 3. *Mundi Conflagratio*. Sed enim cum de his omnibus dubitetur apud quosdam qui tamen profitentur se sacrosanctam Scripturæ Autoritatem minimè negare, producam primò, talia Scripturæ loca quæ manifestò hos articulos asserant, & deinde demonstrabo quàm rationi consentanea sit assertio.

2. *Visibilis ac personalis Reditus Christi ad Judicium*, quamvis è multis locis probari possit, ego tamen contentus ero paucioribus. Et ingenuè equidem fateor me minimè dubitare quin cap.24. Matth. à vers. 30. ad 32, (ubi *filius hominis* dicitur *venire in nubibus cæli cum multa potentia atq; gloria, Angelosq; suos emittere cum Tuba vocalissima*) valde expressum sit hujus rei Testimonium. Versum verò 29, descriptionem puto statûs mundi, præsertim Imperii Romani usq; ad apparitionem signi filii hominis. Utrum verò hoc signum filii hominis sit ipse filius hominis veniens in nubibus, an aliud aliquod signum in cælo multò ante adventum ejus exhibendum, ad conversionem Judæorum, non tantum mihi hîc assumo ut definiam. Hanc verò temporis periodum à Christo hîc obscuriùs magisq; mancatè descriptam esse, nemo mirari debet qui meminerit futurum tunc fuisse ut hæc omnia mox plenius Johanni revelarentur per Angelum à Christo missum, quemadmodum constat ex Apocalypsi. Quod de tribus his versibus 29, 30, & 31, intelligendum moneo. Verum à 32 ad versum 36, Servatorem credo primum suum argumentum de Excidio Hierosolymæ resumere, ac proinde, cum intra conspectum esset Templi ac Civitatis, usum esse pronomine ταῦτα, hæc, in suo utiq; de ipsis vaticinio, Sed in versu 36, prædicationem

Conflagratione per ignem visibilem ac palpabilem eximi, manifestum est citra omnem addubitationem ex 5, 6, & 7 versu hujus Capitis. Ubi Apostolus contra tritum illud perfugium munimentumq; Atheorum, *Identitatem* scilicet ac *Immutabilitatem* Legis Naturæ & Ordinis cursûsq; *Universi*; quod omnia utiq; nunc se habent ut habuerunt à principio, semperq; ita habitura sunt, quodq; propterea Deus per nullam viam extraordinariam unquam exiturus sit ad Judicium; Contra hoc, inquam, Apostolus insigne illud Divinæ vindictæ exemplum opponit in immittendo inundationem in veterem orbem terrarumq; obruendo immenso aquarum Diluvio. *Qui verò nunc sunt*, inquit ille, *Cæli atq; Terra reservantur igni ad Judicii & impiorum hominum exitii diem.* Nunquid aquæ in Temporibus Noë naturales erant, quando disceptatio Deo erat cum omni Carne; & erit ille ignis, quo perdendus est hic mundus, spiritualis? Levi verò ac temulento animo homines, quorum corda infidelitate obtenebrantur, nihil pensi habent quàm deformes distortasq; Scripturæ Interpretationes effingant, modò flectere eam possint vel ad minimam speciem consensûs ac conformitatis cum propria ipsorum Imaginatione ac Incredulitate.

7. Equidem novi, qui per hanc Cæli Terræq; conflagrationem, urbis *Hierosolymæ* Excidium intelligi volunt. Verùm descriptio multò major est quàm pro tantillo opere, nec facile intelligi poterat ab iis quibus intendebatur in solatium, cum mundi Conflagrationi tam adamussim quadraret, alteriq; tam dispar esset eventui. Præterea manifestum est ex argumento *illusorum* contra adventum Christi vers. 4. (quod scilicet *omnia eodem in statu manent ab orbe condito*) hunc Adventum Christi ab iis non intelligi (& consequenter nec ab ipso Petro) de incendio Urbis in bello (hujusmodi enim res sæpenumero contingunt, poterantq; non improbabile judicare etiam *Hierosolymam* tempore procedente incendi posse) sed de ultimo illo ac glorioso Adventu Christi ad judicandum totum terrarum orbem, quod Judicium *Telluris Conflagratio* sit comitatura.

8. Et profectò si quis seposito præjudicio liberè secum velit penitare materiam præcipuam harum duarum Epistolarum, nihil aliud esse inveniet præterquam exhortationem, ut omni opere ad perfectionem firmamq; radicationem in omnibus virtutibus Christianis enitatur, ob spem præstantissimæ illius mercedis quæ nobis dabitur in illustri adventu Domini Jesu: Quemadmodum videre est in hac secunda Epistola, Capite primo. *Ita enim vobis largè suppetet aditus ad æternum Regnum Domini nostri ac Servatoris Jesu Christi*: Quod responder illi loco in prima, ubi promissum sic describit, *Immortalem, impollutam & immareescibilem hereditatem nobis in cælis repositam*; & sic porro ad versum usq; decimum tertium. Quos versus proculdubio nullum defæctum Ingenium unquam intelliget de liberatione ab ulla temporali calamitate multòq; minùs ab excidio *Hierosolymæ*, à qua illi dispersi *Judei* satis longè remoti erant, æquè sanè longè ac sunt *Pontus, Cappadocia, Asia, Galatia, & Bithynia*. Ut taceam, tam sedulam inculcationem tam funesti argumenti de fatali sanctæ Urbis excidio calamum hujus venerabilis Apostoli haud ità condecere, nec adeò ad stomachum fuisse eorum ad quos scripsit, ut qui *Judei* natione erant æquè ac *Christiani*. Quarum rationum neutra permittere poterat ut tam horrendum urbis excidium læta ipsis esset aut consolabunda contemplatio, cum & Lacrymas Servatoris oculis ad majorem temporis distantiam elicuerit. Magnaq; præterea ejus sollicitudo, ut hæc res post obitum suum * memoriâ recolerent, indicium est illud, in quo tanopere insistit, majoris momenti esse ac diuturnioris durationis, quàm quod spectare possit ad Civitatis incendium.

9. Argumentum porro, quo hæc res imprimere vult animis, assensibûsq; eorum ad quos scripsit, quod utiq; ipse gloriosæ transfigurationis Christi testis erat oculatus, quando persona illius apparebat in eo splendore qui corpus condeceret glorificatum, tale scilicet quali ipse appariturus est in reditu suo ad judicium; hoc certè rationi adhuc magis consonum esse ostendit, illam *divinam & æternam, illum præpotentem Adventum* Christi quo de ibi fit mentio, esse ultimum illius adventum in gloria, quando *transfiguraturus est corpora nostra humilia ut conformia fiant ejus corpori glorioso, pro vi illa efficaci quâ potest etiam subicere sibi omnia*. Hic igitur præcipuus Christianæ fidei articulus in quo Christianorum omnium res potissimum vertitur, id erat quod Apostolus tam vehementer sollicitèq; urgebat, ipsiq; ante suum discessum inculcabat, ut quod præcipuum eorum erat fidei ac patientiæ fulcrum; quodq; ille, à speciali experimento, quod ipse inter gloriosam illam Transfigurationem in monte fecerat (ubi *Moses & Elias* sermocinabantur cum *Christo*, quod certissimum Immortalitatis Animæ erat indicium) nullum esse scitè concinnatum Figmentum, sed certam veritatem confirmabat, tum ex eis quæ is illic sibi ante oculos posita

2 Pet. I. 11.

1 Pet. I. 4.

* 2 Pet. I. 13,
13, 14, 15,
c. 3. 1.2 Pet. I. 16,
17, 18.

posita vidit, tum etiam ex eis quæ narrata audiit in sancto illo conventu, ubi de *Pas-
sione* Christi differebatur & de opido quàm gloriosis illius consequentiis. Quorum
maxima omnium est ultimus ejus ad judicium reditus, quando consummaturus est
felicitatem omnium credentium æternâ gloriâ & Creationem restitutus ad perfe-
ctum illum statum à quo lapsa erat, & obstinatos puniturus igni æterno. Quæ qui-
dem cum absq; *seriei Temporum* circumstantia declararentur, admodum proclive
erat illis tribus Auditoribus in monte opinari ea perquam brevi eventura, ac proinde
querere, an non oportebat *Eliam* venire prius, juxta quæ illi edocti erant à Scribis
ex *Malachia* Propheta. Nisi fortè ipsa apparitio *Eliæ* illiusq; iterum discessus contra
eorum expectationem ac voluntatem, in illam quæstionem eos conjecerint.

10. Cæterum, gloriosum illum adventum præpotentemq; Christi præsentiam,
quam ille tam sollicitè ipsis confirmare satagit, non esse adventum ejus ad exciden-
dam *Hierosolymam*, apparet porro è versu decimo nono hujus Capituli; ubi, post-
quam operam dedit eis stabiliendis in fide magni illius articuli, (à resplendenti trans-
figuratione personæ Christi, cujus rei ipse in monte *Tabor* testis erat oculatus, ut &
auribus Testis illius vocis de cælo, *Hic est filius meus dilectus*) nec non Promissi il-
lius pretiosi quod ab eo præstabitur in Die novissimo, (cujus præclari muneris ca-
pessendi, gloriosi scilicet Judicis vivorum & mortuorum, pignus erat visibile ejus
Transfiguratio) ipsisq; præterea vaticinia veteris Testamenti tanquam *Lucernæ in
obscuræ loco lucentem*, quâ aliquò usq; pedes suos dirigere possint, commendavit;
subinsinuat tamen insuper clariorem eos habituros esse firmioremq; certitudinem ma-
gnæ hujusce veritatis, *die tandem illucescente & Luciferò oriente in cordibus eorum*.
Quod certè admodum durum est ad ullam rem aliam applicare præterquam ad clario-
rem persuasionem, per *Dei spiritum in ipsorum animis*, de veritate hujus Promissi
æternæ Remunerationis, coronæq; beatæ Immortalitatis donandæ, in Christi reditu
ad judicium, novissimo Die. Hæ aliæq; consimiles rationes faciunt ut mihi prorsus
incredibile videatur, per cladem hanc igneam, *Hierosolymorum* incendium non au-
tem *Terræ conflagrationem*, per illustrémq; Christi adventum toties in hisce Episto-
lis commemoratum, vindictam ejus in *Judeos*, non ultimum verò illius reditum ad
judicandum universum Terrarum orbem intelligi oportere. Quæ suppositio est, ut
ego quidem existimo, styli hujus Apostoli ponderi ac gravitati longè conveni-
entior.

Atq; hæc obiter, ad asserendum præstantissimas has duas Epistolas in illum magis
naturalem magisq; solennem ac utilem sensum quo semper hætenus, nisi ante pauxil-
lum tempus, intelligebantur. Quanquam fatendum est versum septimum ultimi
Capituli secundæ Epistolæ eos nondum depravasse. Cum revera impossibile sit ut
illum aliter quàm de mundi *conflagratione* interpretemur. Qui solus nostro pro-
posito possit sufficere.

11. Multas alias huic accumulare possumus sententias tunc in Prophetis tum in
Apocalypsi & alibi, quæ eodem spectant quò hæ Epistolæ *Petri*; ad probandum
utiq; finale aliquando fore Judicium Dei per ignem; quemadmodum & alia Scri-
pturæ loca quæ indicant notabile aliquod supplicium reservari Diabolis quod tandem
aliquando ipsis sit infligendum. Etenim quando quânamve datâ occasione opportuniùs
inchoari poterit, quàm ad *Conflagrationem* mundi? Horribilem quendam crucia-
tum ipsis reservari manifestum est è Mat. 8. 29. *Hucine venisti vexatum nos ante tem-
pus constitutum?* Et 2 Pet. 2. 4. (ut & Epist. Jud. vers. 6.) ubi Diaboli dicuntur
custodiri æternis vinculis sub tenebris ad magni Diei Judicium. *οὐρανὸν ἔσπευ ταρασσόντας
καὶ δυνάμεις*. In tartarearum tenebrarum catenas præcipitatos conjecit, id est, in Regio-
nes inferiores caliginosi Aëris tanquam in tenebrorum carcerem, usq; ad magnum il-
lum *Conseffum* inclusit; quemadmodum quidam exponunt, & sanè cum judicio.
Cum quibus locis si ultimam illam maledictionem comparaveris severamq; sententi-
am Servatoris adversus impios, *Faceffite à me, execrables, in ignem sempiternum
Diabolo ejusq; Angelis paratum*, admodum facile inde erit inferre, qualenam futu-
rum sit hoc finale supplicium, & quando & quomodo incepturum. Cæterum non
opus est ut hisce rebus immoremur, cum id quod præ manibus erat satis jam firmi-
ter demonstravimus.

CAP. II.

1. *Congruentia ac necessitas visibilis reditus Christi ad Judicium.* 2. *Alia argumenta illius reditus ad judicium ad eos convincendos qui miraculosam illius credunt Nativitatem, Transfigurationem, Ascensionem, &c.* 3. *Argumenta adversus eos librata qui proniores sunt ad Infidelitatem, ex historiis desumpta, ubi ejusmodi res contigisse inveniuntur ad aliquem usq; gradum, quæ expectentur in visibili Christi adventu.* 4. *Quod ante judicia extraordinaria prodigia frequenter apparuerunt, per Angelorum ministerium, ut ante insignes Pestilentias.* 5. *Ut etiam ante Regionum vastationes per bellum.* 6. *Ante absorptionem Antiochiæ per Terræ-motum.* 7. *Ante Incendium Sodomæ & Gomorrhæ.* 8. *Et ante excidium deniq; Hierosolymorum.*

1. **R**estat jam ut ostendamus, has tres præcipuas circumstantias adventus Christi ad judicium, (quas Religionis nostræ probavimus mysterio contineri) in seipsis congruas esse & rationi consonas. Quod primò præstabimus, de *visibili Pompa & illustri adventu Personæ Christi in Aëre*, sanctis suis Angelis ipsum comitantibus dum descendit tanquam cum strepitu belli, inflatq; classico, Archangelo ante ipsum vocalissimâ Tubâ bellicum canente, dum cœlestes copiæ militari incessu progrediuntur. Nam proculdubio apparatu maximè formidabili ac glorioso apparebit, atq; in hoc solenni terribiliq; ordine audacem, prophanum, Atheumq; mundum aspectabit, qui nullo alio pacto convinci volunt Deum esse ullamve Divinam Providentiam, sed vultu supercilioso & sermonibus illusoriis omnem spem futuri præmii prorsus contempserunt, piósq; omnes tanquam imbecillo ingenio homines aut mente captos deriserunt. At verò tunc fidelium corda immenso replebuntur gaudio, dum ad eò lætum contuentur adventum illius, quem nihil longius ipsorum animis videbatur quàm dum viderent; qui remuneraturus est omnes eorum injurias, dolores ac contumelias condigno honore ac beatitudine. Immo dicere possum, Christum seipsum vindicaturum ab omnibus illis irrisionibus & opprobriis quæ audaces ac prophani homunciones ex propria ipsorum sensualitate immaniq; superbia per singula secula in eum conjecerunt, placentes sibi ipsis, aliisq; porcis Epicureis consimilis impietatis cum seipsis gratificantes per impia sua disteria scommatq; adversus eum qui summum erat exemplum Divinæ perfectionis quod unquam exiitit. Immo addo insuper, quodammodo necesse esse, ut sit hujusmodi *personalis reditus* Christi in gloria ad judicandum mundum secundum sua promissa, ut maledici hi non animentur ad connumerandum eum cum istiusmodi Impostoribus quales erant *David Georgius* ac *Mahometes*, qui tametsi brevius spacium Sectatoribus suis præfixerint, nullus tamen antè de ipsis audietur nuncius quàm comparuerint ante ejus Tribunal, de quo loquimur.

Ab. 2. v. 10.

Vide lib. 2.
cap. 6. scilicet 2.

2. Et quantum ad eos, qui credunt personam Christi etiamnum subsistere, eumq; modo tam miraculoso in hunc mundum esse genitum, tam gloriose in monte transfiguratum, tam mirabiliter suscitatum è mortuis & modo deniq; tam conspicuo in cœlos ascendisse, duobus interim Angelis veste albâ indutis affirmantibus ad eos qui ipsum intuebantur, eum eodem planè modo quo ascendit rursus esse reversurum, quid istuc obsecro magis mirum est, ut reverà sic rursus sit rediturus, quàm quæ hi agnoscunt de ipso jam verè enarrari? Et quàm consentaneum est ut suum in mundum Imperium principatûmq; retineat, cum nemo quisquam sit qui tam carè emerit quàm ipse, acerbissimâ scilicet suâ *Morte ac Passione*? Et qui tam misericors est Mediator propter humanam suam Naturam, is eò æquior futurus est Judex. Finem verò aliquando futurum esse plenamq; cessationem generationis hominum in terris, id jam suprà, tantum non demonstravi; quanquam profectò satis sit ostendere nullam in ea re esse incongruitatem vel incompetentiam. Etenim illud sufficere debet ad inhibendos homines modestos ab investigando vel amplectendo hujusmodi nugatorias Allegorias, quibus Scripturarum Testimonia in Articulo tanti momenti quanti hic est, eludi possent.

3. Et quantum ad eos qui majorem in modum Infideles sunt, & supradictam adventus Christi descriptionem ad Judicium tanquam rem admodum improbabilem si non impossibilem considerant, equidem nihil est præterquam mera ipsius Atheismi socordia ac stupiditas quæ efficere potest, ut talia opinentur. Admisso enim semel, Angelos

Angelos esse æquè ac Homines, gloriosi hujus Christi Adventus cum sanctis Angelis admissu æquè facilis & naturalis est ac ingentis cujusvis exercitus Pompa Martia, magnæ Confessûs celebritas. Quod verò Spiritus sunt sive Angeli, quodq; hominibus apparere possunt in qua Aëris regione ipsis libuerit, innumerabilia nobis exempla Historia sufficit. Et quantum obsecro (quod ad miraculi rationem attinet) differt hic pompaticus Christi Adventus in nubibus ab illis præliorum simulachris ingentiûmq; exercituum congressibus in Aëre, quorum famâ omnia ferè secula omnesq; Historiæ, tam sacræ quàm prophanæ perstreperunt? Armorum crepitus Tubarûmq; clangor de cælo admodum frequenter auditus est, quemadmodum *Plinius* aliq; Historici referunt. *Virgilius* & *Ovidius* has res commemorant versibus sanè prodigiorum solemnitati congruentibus.

*Armorum sonitum toto Germania cælo
Audiit* — *Georgic. lib. 1.*

Et *Ovidius* super eodem argumento.

*Arma ferunt inter nigras crepitantia nubes
Terribilésq; tubas auditâq; cornua cælo.*

Aded ut prædictio Apostoli de visibili Christi Adventu ad Judicium, cœlestibus copiis etiam comitantibus & Archangelo Tubâ ante eum canente, tantum absit ut sit impossibilis, ut aliquem saltem ad gradum mensuramq; jam in mundo extiterit, quanquam profecto stupenda illa prodigia infinito minora sint *Diei Judicii* gloriâ ac terrore.

4. Præterea, si res parvas magnis comparare liceat, ut certè licet, præsertim cùm analogia sit tam perspicua, Quodnam judicium particulare notabilémve vindictam immisit Deus in mundum, quam sensibile Angelorum ministerium non sit antegressum? Copiosam hîc facere possim inductionem: Verùm ego me infra modum continebo. Ante vastantes pestes bellâq; quàm frequentes hæ sunt apparitiones? Multorum primi generis mentionem facit *Cardanus*. Ante pestem *Galatæ* apparuit juveni cuidam, dum illuc nocte pluviâ equitabat, plaustrum igni tectum, quod ei gradu quàm vellet citato equitanti, semper tamen erat ex adverso. Rusticorum etiam vocem auditiv dicentium, *Cave, Cave*. Hoc spectrum eum comitatum est usq; ad Templum S. *Laurentii*, quod extra oppidi portam situm erat. Ibîq; in terram subfidere Plaustrum, Boves, Rustici, Ignisq; simul.

*De rerum varietate, lib. 14.
cap. 69.*

Idem Author mentionem etiam facit mirabilioris Prodigii ante Pestilentiam in *Pern*, super ripas fluvii *Consote* prope *Carthaginem*; ubi apparuit quibusdam mulierculis ibi, ut mos erat, lavantibus, homo admodum procera staturæ cum ventre dissecto & exenterato, cûmq; duobus infantibus in brachiis suis. Hic ipsas alloquebatur, dixitq; omnes fœminas Christianas morituras esse, & maximam etiam ipsarum partem. Hoc spectrum cernebatur etiam equo insidens in montium jugis, ventôq; celerius cursitans. Ingens pestis subsequuta est, quæ universos ferè loci Incolas peremit.

*Idem lib. 15:
cap. 81.*

Illud etiam ex *Fincelio* admodum notabile est. Apparitio scilicet duodecim vel quindecim virorum in *Marchia*, ingentibus horrendisq; staturis, in Segete, falces manibus tenentium, magnôq; opere avenas demetentium, aded ut ipsi falcium ictus distinctè ad multum spacium audirentur; cùm tamen interea loci, nullæ avenæ defectæ essent. Populus ipsis apprehendendis operam dedit, verùm illi celerius currebant quàm ut possent capi, & nihilominus demissioni segetis æquè sedulo insudarunt in fuga atq; antea. Gravissima pestis hoc etiam excepit Prodigium. His adjicere possim quod credibili auditione accepi de hujusmodi rebus hîc in *Anglia* contingentibus.

*Vide Henning.
Graii, Magic.
de spectris, lib.
1. sect. 124.*

5. Cæterum progrediar potius ad alterum genus Prodigiorum quæ bella spectant. De quibus *Machiavellus* planè confitetur, quemadmodum & *Cardanus*, ante magnos rerum motus, Bella Urbiumq; excidia, mira sæpenumero apparuisse prodigia; & particulatim præliorum simulachra in Aëre, qualia cernebantur supra *Argivum* ante adventum Regis *Gallie* in *Italiam*, quemadmodum ipse *Machiavellus* testificatur. Et *Cardanus* ulteriora etiam nobis sufficit exempla, ut illud de *Mexico*, ante illius cladem, ubi consimilia Prodigia contigerunt. Crux etiam visa est *Mexicanis* in Oriente, homôq; aded procera staturæ ut caput ejus cœlos attingere videretur, quod valde eos territabat. Scribit etiam de *Pictis* in *Anglia*, ante ipsorum interne-

*Vide Machia-
vel. de Repub-
lica, lib. 1.
cap. 56.*

*Cardan. de Re-
rum varietate,
lib. 15. cap. 78.*

internecionem, spectatos fuisse igneos exercitus in Aëre contra se invicem præliantes, inq; confiniis *Pictos* inter atq; *Scotos* auditum esse etiam meridie tantum armorum Equitum strepitum se invicem incursantium, ut miseri Rustici vix mentis compotes essent præ consternatione Animi ac timore.

Vide Johan.
Garib. de Pha-
nomenis, Sy-
stem. 2.

6. Illud etiam terribile erat Prodigium quod funestam illam præcessit *Antiochie* ruinam per terræ-motum. Spectatum est supra magnam illam civitatem *Spectrum* in aëre vastæ magnitudinis, habitu quidem muliebri, sed vultu horribili, adeo ut perterrefecerit omnes qui eum intuebantur, præsertim cum flagellum vibrabat quod tenebat manu; tam sonori illius erant ictus ac tremendi. Hoc duravit per quindecim noctes continuas ab hora secunda usq; ad quartam mensis Maii, Anno 349.

7. Verum, nihil ad rem nostram magis accommodatum est quam *Sodome* ac *Gomorrhæ* per ignem de cælo subversio, quæ finalis mundi Conflagrationis compendiosa est repræsentatio. Ante enim vindictam de duabus illis impiis Civitatibus sumptam, tres Angeli Abrahamo apparuerunt propositumq; ipsi revelarunt. Duo itidem *Lotum* inviserunt, manûq; quasi vi prehensâ ipsum extraxerunt ex horrenda illa perditione.

Joseph. de Bello
Judaico, lib. 7.
cap. 12.

8. Multa alia huc accumulare possem exempla, sed solâ adjectione unius illius maximèq; eminentis Instantiæ de Excidio *Hierosolymorum* contentus ero, ubi *invisibiles Potestates*, Angelos intelligo, inventæ sunt agere modo quidem *sensibili* admodum ac *palpabili*. Quod deprehenditur non solum per flammantem illum gladium qui Civitati per integrum annum impendebat, & per subitaneum lumen, quod noctu circa Altare Templumq; circumfulsit, adeo ut omnia splenderent ut in Die, pèr q; spontaneam porro apertionem Portæ Templi orientalis quæ tam gravis erat ac ponderosa (quippe quæ ex ære erat confecta) ut conjunctas viginti hominum vires ad eam claudendam requireret, (quibus adjicere potes vocem illam à sacerdotibus auditam dum noctu Templum ingrediebantur, tempore *Pentecostes*, *Μελαβαίωμεν ἰν- τὸν οὐρανόν, ἐμigreῖμεν ἕνθα*) sed præcipuè, & quod maximè ad rem nostram facit, per illa *ἡ ἰσχυρὰ ἡ φάλαγγας ἰσχυρὰς διατίσας τῶν νεφῶν*, per illos *currus armatasq; militum Phalanges* quæ circum circa in Aëre sub occasum Solis è nubibus exsilire cernebantur, & numerosis suis Turmis omnia loca implere. Quamobrem cum hujusmodi particularia judicia cum visibili comitatu Angelorum Dei peracta sint, rem miram existimare poterimus, si, tunc cum universum orbem judicaturus est, majori solito cum gloria in cœlestibus copiis sit appariturus, millies mille ipsi ministrantibus & centies millies mille stantibus coram eo, prout loquitur Propheta? Quod vaticinium, quamvis ad breviores Temporis Periodos fortean referri possit, illius tamen plenissima proculdubio maximèq; propria completio in ultimo futura est iudicio.

Dan. 7.

C A P. III.

1. Resurrectionem Mortuorum, quò magis rigidè definitur juxtaq; singulas Circumstantias minutiaq; à Theologis traditas, eò magis gratam fore auribus Atheorum.
2. Quòd valde verisimile est Resurrectionem notione scholasticâ sumptam magnum illum fuisse lapidem offendiculi duobus illis Enthusiastis Delphiæ & Amstelodami, eosq; exstimulasse ad vertendum totum Evangelium in Allegoriam.
3. Incurabilis Enthusiastarum conditio.
4. Atheorum Objeçtio prima contra Resurrectionem scholasticam proposita.
5. Secunda Objeçtio.
6. Tertia & ultima Objeçtio.
7. Ipsorum Objeçtiones absolutam Impossibilitatem Resurrectionis scholasticæ minime demonstrare; cum Autoris proposito ipsis respondendi juxta alias Rationes.

I. VEnimus nunc ad secundam rem propositam, Resurrectionem scilicet mortuorum, ad quam ausim dicere Atheum aures arrecturum majori solito attentione, avidèq; doctrinam imbibiturum modò proponatur cum circumstantiis maximè curiosis quibus vel rigidissimi Theologorum eam volunt describi; & præcipuè his duabus, Quòd utiq; habituri simus eadem numero corpora in quibus hîc viximus in terris; Quòd q; illa ipsa corpora humo hæc illac disjectâ exsultura sint è sepulchris. Hanc doctrinam Atheus oppidò quam suaviter amplectitur, tanquam pignus, prout is nimium prædenter opinatur, falsitatis vanitatisq; reliquorum omnium articulo- rum Religionis Christianæ. Quamobrem dum summum Christianitatis scopum adeo citra

citra rationem esse imaginatur atq; incredibilem, sub bello hoc prætextu, toto se statim onere liberat, integrèq; seipsum dedit præsentis vitæ voluptatibus.

2. Nullusq; dubito quum hic sit magnus ille lapis offendiculi in quem duo illi cæci Enthusiastæ, *Delphie & Amstelodami* (de quibus toties locutus sum) impegerunt & illiserunt seipsos, scopulus per quem fidei suæ fecerunt Naufragium; *Resurrectionem* vertendo extremamq; *Judicium* in *Allegoriam* merè *Moralem*, ultimamq; opinandæ Tubam ipsorum esse Doctrinam, Christumq; in ipsis venisse ad judicandum vivos & mortuos; & beatam deniq; Resurrectionem tantopere celebratam & expectatam tamdiu, nihil aliud esse quàm in eandem vitam suscitari ac fidem cum his Fanaticis; nam sic eos appellare oportet; Lubentèq; eos rogare volo quid significetur per Resurrectionem *injustorum* si hæc sit *justorum* Resurrectio? Vel si hæc *ad vitam* Resurrectio sit, quid significetur per *Resurrectionem ad condemnationem*?

3. Sed enimvero vix consentaneum est quæstiones ullas *Enthusiastis* proponere, utpote qui, sub prætextu Inspirationis, rationis usui nuntium remiserunt, obstinatòsq; Imaginationis propriæ conceptus pro certis & indubitatis Revelationibus imperiosè mundo dictant. Ac proinde hac ratione minor de illis spes est quàm de ipsis Atheis, qui proponendo suas objectiones occasionem hominibus præbent inveniendi responsum. Verùm ubi homines magno cum fastu ac supercilio veritatem negant sub obtentu Spiritûs, nulla redditâ ratione, hæc ignorantia vel potius insania omnino est incurabilis.

4. Relinquentes igitur hujusmodi homines plenæ perfruitioni propriarum Imaginationum, Atheorum objectiones audiamus contra hunc Articulum sic propositum quemadmodum supra definitum est. Sunt autem præcipuè tres.

Prima est contra *Numericam Identitatem* corporum nostrorum in Resurrectione. Quippe quod *Anthropophagi*, inquit illi, sive *Cannibales* perpetuò carne humanâ nutriuntur, quin & inter sese alteri alteros devorant. Ut maximam igitur contra hanc Assertionem Instantiam proferamus: Quomodo is homo inquit illi, qui ferè perpetuò carne humanâ cibatus est tandemq; ipse hominibus sit cibus, idem habere potest corpus in Resurrectione? Relinquetur enim æquè carne nudatus atq; cornix erat plumis, postquam aves rostris evulsas sibi singulæ abstulissent quas ad se sörunt pertinere. Ut taceam periculum perdendi propriam suam carnem, (si quam habet carnem de proprio) ex eo quod ipse devoratus sit ac digestus in corpora ac carnes aliorum.

Objeçtio prima.

5. Secunda Objeçtio dirigitur contra humanorum corporum suscitationem ex ipsorum sepulchris. Atq; sic se habet: Hoc supponit, inquit illi, omnes homines sepultos esse, cum tamen Myriades in mari suffocatæ sint, & à piscibus devoratæ. Præterea infiniti Numeri, qui juxta consuetum gentis suæ morem sepulti sint, habuerunt tamen non nisi multesimam corporum suorum partem terræ commissam; paucillos scilicet cineres in urna, reliquo corpore, in ipsa concrematione super pyram, in aërem exhalante. Quod quodammodo etiam contingit in eis qui sepeliuntur in Terra. Corpus enim ibi putrescit, & colliquatur in fumos ac vapores, quos calor Solis exhaurit elicitq; in Aërem. Pars fortassis in Herbarum germina insumitur, quæ aut super terram putrescunt, aut depascuntur equis, quibus honesta in sortem non cedunt funera, sed in apricis campis putrescentes jacent, aut ab aliis devorantur Animalibus quæ tandem istoc modo putrescunt. Aded ut anima, si corpus suum quasi- tum irret, certiore fortean nuntium de eo acceptura esset in Aëre quàm in terra. Tam incredibile est ut circumscriptum custodiatur in tam angusta Terræ parte quàm est sepulchrum.

Objeçtio secunda.

6. Postremò, ut ipsum jugulum causæ concidant, ipsa Principia enervare conantur, profundissimq; hujus assertionis de *Identitate corporum* in *Resurrectione* subvertere fundamenta; objiciendo, ipsum finem illius implicare contradictionem. Etenim cum ea ipsa sit ratio, ut corpus utiq; quod particeps erat illegitimarum voluptatum vel laudabilium vigiliarum ac laborum animæ, poenas etiam illius vel præmia parteciperet, hæc illi urgent, corpus non esse *idem numero* corpus per totam hominis vitam, non certè magis quàm fluvius idem fluvius est; sed consumi & instaurari, præsentèsq; spiritus, sanguinem & carnem transitu ferri, *ut sapit Nunc*, ut loquitur *Heraclitus*, novaq; indies per cibum fieri supplementa. Nòsq; propterea *idem numero corpus* non habere magis quàm eadem numero vestimenta, sed vetera utrobique obteri, & acquiri nova; Verùm in vestimentis semel, gradatim in corporibus. Quamobrem tanto studio contendere, ut suscitetur *idem numero* corpus quod sepultum est, idq; justitiæ gratiâ, est profectò, inquit illi, contendere ut quantà

Objeçtio ultima.

maxima

maxima potest fiat Injustitia. Etenim hoc pacto Senis corpus punietur propter peccata illius corporis quod habuit in Juventute.

7. Hæc horumq; similia sunt argumenta eorum qui religionem subvertere volunt ex hac bella occasione quemadmodum illi existimant, estq; aliquid quod collineant, quod ad aliqualem incongruitatis & incredibilitatis detectionem in hac materia tendere videatur; summa verò rei numeros omnes perfectæ impossibilitatis non explet. Mihi autem tantilli videtur momenti, ut eos responso nunc, sub illis rationibus istaq; Hypothesi cui illi insistant, non sim dignaturus. Paulò altiùs volatùm capessam, ut *dum via sursum sit*, quod ait Sapiens, *immunis sum à laqueis deorsum*.

Id verò quod respondeo intelligi volo dictum ad Atheum & Infidelem, permitteas aliis qui substantiam jam credunt, imaginationes suas ac circumstantias variare prout ipsis libuerit. Quantum verò ad hos alteros, rigidè profectò me oportet ac custoditè cum ipsis transigere, nec nimis longum syrma trahere ne ipsi illud calcibus premant.

C A P. IV.

1. *Responsum ad primam & ultimam Cavillationem è principiis Scholæ Platonice, Animam scilicet Hominem esse, Corpùsq; nihil percipere.* 2. *Responsum ad secundam, rectè interpretando quid significetur per suscitationem è sepulchro in generali ipsius notione.* 3. *Quòd nullum argumentum est è Scriptura pro eodem Numero corpore, sed potius contrà.* 4. *Atheorum Obiectio à voce Resurrectio desumpta, diluitur, vocisq; sensus explicatur tum Hebraicæ tum Græcæ.* 5. *חַיִּים וְקוֹמָה & חַיִּים וְקוֹמָה quid significant in generali illo sensu qui applicari potest tam ad Injustorum Resurrectionem quàm Justorum.*

Respons. ad objectionem primam & ultimam.

1. **R**espondeo igitur primò, juxta sententiam præstantissimi generis Philosophorum, quòd, *Animus cujusq; is est quisque*, itémq; quòd *Nûs, ἡ ψυχή & τὸ εἶναι ἡντικύνην*. Solum animum esse qui audit, qui videt, quiq; voluptatibus fruitur, ac cruciatur doloribus. Corpus verò nihil omnino percipere, non certè magis quàm Tunicam hominis verberibus ornatam. Atq; hoc sanè Responsum primæ ultimæq; Cavillationi omnem occasionem præcindit. Cur enim solliciti sunt homines de eodem numero corpore, nisi quòd certi esse volunt sese easdem numero esse Personas? Cùm verò certissimum sit nullam esse stabilem Hominis Personalitatem præterquam quæ in ipso sit Anima (nam si corpus *Numericæ huic Identitati* essentiale esset, homo adultus non eandem haberet *Individuationem* quam habuit quando baptizatus est) manifestum est si eadem sit anima, eandem omnimodè eum esse personam, mutationemq; corporis differentiam *Personalitatis* magis realem non efficere quàm facit mutatio vestimentorum. Et curnam homines tantoperè contendunt, ut *idem numero* corpus præriorum Animæ pœnarumq; fiat particeps, nisi quòd corpus imaginantur voluptatis dolorisq; capax? Sed enimverò turpissimè errant per Naturæ rerum imperitiam, cùm corpus nullius omnino capax sit sensûs, & cogitationis; quemadmodum non solum optimi è *Platonickis*, sed & præstantissimus ille Philosophus *Cartesius* definivit, abundeq; demonstratur in Tractatu meo * de *Animæ Immortalitate*.

* Vide lib. 2. cap. 2, 4, 5, 6.
Respons. ad objectionem secundam.

2. Hoc igitur evictò, Respondeo porrò ad secundam Cavillationem de Resuscitatione hominum ex ipsis sepulchris in quæ erant conditi; Locutionem scilicet solummodò Propheticam esse & Symbolicam (quanquam non diffiteor quin ad literam id quibusdam possit contingere) nihilq; ampliùs significare quàm sic. Quòd utiq; iidem homines qui moriuntur ac sepeliuntur, in propriis suis personis æquè verè apparituri sunt in die Judicii, atq; si illa ipsa corpora quæ humo mandabantur statim à suis animabus rursus fuissent actuata, eq; suis sepulchris exiliissent: & ut Instantiam proferam, erunt æquè verè eadem personæ atq; erat *Lazarus* quando surrexit corpore simul atq; Animâ è sepulchro. Universalis verò illa Locutio de Resuscitatione hominum è sepulchris, non est nisi Propheticum Schema sermonis ad sensus nostros fortius ferendos, quemadmodum suprâ notavi in Expositione Capituli 15. primæ Epistolæ ad *Corinthios*, contra *Psychopannychitas*. Et propterea quantò major sit absurditarum accumulatio contra illam Circumstantiam, tantò magis, utilem illam nostram Interpretationem confirmabit.

Vide lib. 1. cap. 6. sect. 3.

3. Has suppetias contra Atheos attulit Philosophia. Sed respondeo porrò quantum ad ipsam Scripturam (quæ sola certa est veritatis Religionis nostræ mensura, cuiusq; solius sententiæ ausim stare, minimè existimans me teneri ad quamlibet probandam Opinionem, quàm superbia, præcipitantia, incuria ignorantiave Doctorum fallibilium mundo obstruere) quòd utiq; Atheos ausim provocare ad producendum ullum locum Scripturæ ex quo evincere possint *Mysterium Resurrectionis* ejusdem numero corporis Resuscitationem involvere. Locus omnium accommodatissimus videtur ille Job. 19. Quem, quâ jam sunt peritiâ recentiores Interpretes, de Resurrectione omnino non intelligunt. Caput verò decimum quintum primæ ad *Corinthios* tantum abest ut hanc curiositatem asserat, ut è contrâ manifestò definiat non esse idem corpus, sed, *quemadmodum Deus frumentorum calamis grana dat prorsus distincta ab eo quod satum est*, ita in Resurrectione daturum esse animæ corpus omnino differens ab eo quod sepultum est. Jam verò si non sit idem corpus, quid opus est ut recondat se in terram ut rursus indè exeat? Quamobrem manifestum est Apostolum, prout suprà dixi, stylo illic *Prophético* scribere ac *Symbolico*.

4. Verùm Atheus adhuc instabit ulteriùsq; objiciet, Quòd ipsa vox *Resurrectio* innuit idem corpus esse resurrecturum. Id enim solum quod *cecidit* propriè dici potest *resurgere*. Sed præfacilis est Responsio, cùm Objectio fundetur solummodò in ignorantia significationis vocabuli quod interpretari debemus ex linguis Originalibus *Græcâ* ac *Hebraicâ*, non autem è *Latina*; quanquam nec vox *Latina* semper supponit Individualem Restitutionem illius rei quæ cecidisse dicitur vel periisse ut in versu illo *Ovidiano*,

Victa tamen vinces subversâq; Troja resurges.

Hoc verò non tam propè ad nostrum propositum accedit. Consideremus potiùs Græcam vocem *ἀνάστασις* cujus vices *Latine* supplet *Resurrectio*, ac proinde æquè lato sensu accipi debet atq; illa. Jam verò *ἀνάστασις* tantum abest ut significet, aliquibus in locis, *Reproductionem* vel recuperationem ejusdem rei quæ antea extitit, ut nullum omnino *Reiterationis* sensum præ se ferat. Ut Matth. 22. 24. *ὁ ἀναστὰς ἀπὸ τῆς ἀδελφῆς ἀνδρός*. Et Genes. 7. illic *ἐξανάστασις* & *ἀνάστα* significant solummodò *substantiam viventem*. Ac proinde *ἀνάστασις* significatione activâ secundum hunc sensum nihil aliud erit quàm donatio vel continuatio vitæ vel subsistentiæ alicui rei. Vox *Hebraica* quæ respondet voci *ἀνάστα* est *קוּם*, quam Interpretes reddunt *substantiam viventem*. Unde *קוּם תְּקוּם* juxta hanc Analogiam optimo jure habere potest eandem sensûs latitudinem quàm *חַיָּה*, cùm utræq; voces sint quæ redduntur per vocem *Resurrectio*. Verùm absolutè ac per se significant solummodò *vivificationem* vel *erectionem in vitam*, vel quòd quippiam fiat *Creatura vivens*.

Veruntamen, cùm homines Creaturæ sint quæ aliquando vixerunt rursùsq; aliquando sint vivificandæ, faciendæq; sensibilia ac visibilia *ἀναστήματα* in die Judicii, idcirco *קוּם* & *תְּקוּם* plerumq; exponuntur per vocem [Revivificatio], atq; *ἐγέρσις* & *ἀνάστασις* in hujusmodi sensu intelliguntur qui vitæ *recuperationem* innuat.

5. Jam verò *Judeorum* Doctores, quemadmodum notavit *Buxtorfius*, inter has duas voces admodum Criticè distinguunt, addicentes vocem *קוּם* significandæ *Resurrectioni Justorum*, alteram verò *Impiorum Revivificationi*, quanquam iterum aliquando easdem voces confundunt. Id verò quod maximè ad nostrum propositum fecerit, est notare, in qua significatione harum vocum, ipsa res significata *Injustis* pariter competat atq; *Justis*. Atq; equidem quantum ego existimare possum, illud ipsum est quod *Paulus* Apostolus enarrat, 2 Cor. 5. 10. *Nam nobis omnibus comparendum est ante Christi Tribunal, ut ferat quisq; premium ejus quod in corpore fecerit, siue boni siue mali*. Cæterum tam impii quàm justi etiam antequam sic compareant, reverà vitam habent ac existentiam, quanquam, quantum ad nos, *in istis* sunt, *mortui, disparentes, & invisibiles*. *πάντες ἡ δὲ ὄψις ᾗσιν*, Luc. 20. *Omnes verò vivi sunt* ac visibiles Deo; etiam mali æquè atq; boni. Quamobrem *Resurrectio* siue *Revivificatio* (nihil amplius enim illud vocabulum significat) quæ utrisq; sit communis, hæc est: Quòd scilicet palpabilia ac visibilia fiant *ἀναστήματα* comparentq; in generali illo *Confessu* in ultimo Die. Tunc enim universus Mundus boni pariter atq; mali non solum vivi erunt Deo, sed etiam sibi invicem vivi ac visibiles. Atq; hæc est illa *ἀνάστασις* siue *Revivificatio* quæ omnibus est communis. Quòdq; hæc sententia solida sit vel hinc apparere potest, quòd *Lucas* dicendo, *omnes enim vivunt Deo*, planè innuit respectu nostri eosdem esse mortuos. Quamobrem quatenus *mortui* esse dicuntur, eatenus dici possunt *revivificari* vel *suscitari è mortuis*;

quod de animabus humanis dicitur fieri per *artem Magicam*, propterea quod coguntur *apparere*. Diabolus verò non dicitur suscitari è mortuis quia nunquam propriè dici potuit vivus fuisse inter nos, vel inter nos vixisse.

C A P. V.

1. *Obiectio contra Resurrectionem ab Activitate Animæ extra corpus cum Responso primo.* 2. *Secundum Responsum.* 3. *Speciales significationes vocum תחיית המתים & תחיית החיים quarum prima ad Injustos, altera ad Justos pertinet.* 4. *Vitam quæ in terra deditur vel in hac inferiori Aëris Regione, veriùs mortem dici posse quàm vitam.* 5. *Modus recuperandi corpora cælestia in Die novissimo.* 6. *De Completione Promissi Christi ea in re.*

1. **P**ROgredi porro jam deberem, nisi quod hîc, nec invitus quidem interpellandus sim unâ adhuc Obiectione, quæ hæc est: Si humanæ Animæ vivunt aguntq; extra sua corpora ante Resurrectionem, quid opus est ullâ corporis Resurrectione? Ecqua enim necessitas esse potest ullorum omnino corporum si ipsorum Animæ vivunt aguntq; absq; eis? Sed respondeo,

Primò, Quòd certitudine prorsus infallibili certi esse non possumus, quin Animæ tam bonorum quàm malorum post mortem *aëreo utantur corpore*, in quo si qua fides sit Historiis, apparuerunt aliquando post discessum ex hac vita. Quòdq; agere possint in his *aëreis vehiculis*, cogitare & intelligere æquè commodè atq; alii Spiritus, non est omnino incredibile nec impossibile, cum facultates humanæ Animæ nihilo sint inferiores facultatibus quorundam ordinum Spirituum; quippe qui tam perspicuam rerum intelligentiam non habent quin judiciis & opinionibus inter se dividantur. Siquidem alii hujus Sectæ Philosophorum sunt, alii illius, quemadmodum isti qui Patri *Cardani* apparuerunt seipfos professi sunt *Avenroistas*.

2. Verùm secundo, si concederemus animas defunctorum omni omnino corpore spoliari, & posse nihilominus agere, meritò tamen concipere possumus, id quod adeò intimam aliquando unionem cum crassissimis corporum habuit, habere certè semper admodum vehementem propensionem, complacentiam naturalem, essentialémve aptitudinem ad conjunctionem cum aliquo saltem corpore. Quam quidem vim sive facultatem, quanquam pro certo affirmare non possumus adeò inflammabilem esse, ut anima nunquam non in vitalem unionem cum aliquo genere vehiculi excitetur, turò tamen possumus pronuciare, quoties naturali illi capacitati satisfit, majorem animæ accedere perfectionem, majoremq; gaudiorum vigorem: quandoquidem operationes illius inde fiunt magis sensibiles & vividæ. Ac proinde ingens illud *Cælestis, Ætherei, Immortalis*ve corporis præmium, quod nobis donabitur novissimo Die, quàm maximi profectò est momenti ad perficiendam felicitatem Animarum fidelium, sive eas supponamus interim absq; corporibus vivere, sive vivas esse in vehiculis solummodò aëreis. Quarum posterior, si ad stirpem usq; excutiat, maximè irreprehensibilis apparebit opinio, minimèq; hominum contradicentium cavillationibus obnoxia. Utra verò harum magis vera sit, viris gravibus ac sapientibus determinandum relinquo.

3. Hoc offendiculo è via submoto, progrediemur jam ad speciales significationes vocum תחיית המתים & תחיית החיים. Quarum prior dicitur *ἀνάστασις νεκρῶν*, *Resurrectio ad condemnationem*; Posterior *ἀνάστασις ζώντων*, *ἀνάστασις δικαίων* & simpliciter *ἀνάστασις*, *Resurrectio vita, Resurrectio Justorum*, & simpliciter *Resurrectio*, quemadmodum fit 1 Cor. 15. & alibi. Quamobrem תחיית המתים sive *ἀνάστασις* quatenus ad impios pertinet, nulum ulteriorem habet sensum *Revivificationis* quàm juxta generalem illam rationem quam explicavimus; *ἀνάστασις νεκρῶν*, *Resurrectione ad condemnationem* innuente tantum quòd resuscitandi sunt, cogendiq; die hoc generalium Citationum, ad audiendam illam æternæ mortis sententiam, comparere, *Faceßite à me execrabiles in Ignem perpetuum, Diabolo ejusq; Angelis paratum*. Cæterum תחיית החיים prout propriè ad *justarum Resurrectionem* refertur, vocaturq; *ἀνάστασις ζώντων*, ulteriorem in se includit magisq; particularem *Revivificationem*; in eam utiq; vitam quam primo lapsu perdidimus, in vitam illam *Paradisacam*, in *Ætheream cælestemq;* vitam quæ recuperari non potest nisi recuperando cælestia illa ac glorificata corpora quæ Christus nobis datum iri promisit in suo Adventu.

4. Nam

Vide Traß. de
Immortalitate
Anima, lib. 3.
cap. 17.

Ibid. lib. 3.
cap. 1.

4. Nam fœculenta hæc Tellus & vaporibus pollutus Aër quæ ipsa regio est mortis, ubi omnes voluptates, gaudia ac triumphus hujus præsentis vitæ à rictûs risûsq; Lemurum Choreæq; mortuorum imagine non multum abludunt, hæc impura, inquam, elementa nullum tam commodum sufficere possunt Animæ habitaculum, ut vel minimum quicquam appropinquare queat ad perfectionem illius Felicitatis quam possessura est, cum Christo visum fuerit nostra hæc vilia corpora in gloriosi sui corporis similitudinem mutare, atq; sic nos restituere ad fruitionem *cælestis* illius vitæ quam nos infelicitè primo nostro lapsu perdidimus. Ad quem finem Christus in mundum venit, quemadmodum ipse profitetur Johan. 6. v. 40. *Hæc est ejus qui me misit voluntas, ut quisquis Filium videt in eumq; credit, vitam adipiscatur æternam, & ego illum ultimo Die exsuscitem.*

5. Atq; sic proculdubio erit in Adventu illius ad judicium, ut illi utiq; qui tunc eum vident firmiterq; in eum credunt, ardentèr amant vehementerq; exoptant illius adventum, inventuri sint in seipsis tam vivam calidamq; motionem, partim per gloriosum accessum illius personæ numerosiq; ejus comitatûs, partim per mirabiles secretasq; *Divinæ Præsentie* operationes in ipsa corpora juxta atq; Animas emanantes, ut Fides accensa erit tam irresistibilis, tam exultabundum Gaudium, Animûmq; mirificè raptans Amor, ut erumpentes simul in corpus & in ipsum inundantes, totum cujusmodicunq; sit, in flammam puram ac ætheream sint conversuri. Atq; sic in cælestibus his curriculis *Elie* instar in cælos ascendent ad Christum, obviâmq; illi ibunt in Aëre, jungentq; se cum illius copiis quocunq; se promoverint, & qui tunc facti erunt *ἰσχυροί*, vehiculis ipsorum per virtutem ac potentiam Christi, ejusq; Divinitatis operationem, in puram, Paradisiacam, Angelicamq; naturam transformatis.

6. Atq; sic promissum suum implebit *exsuscitandi* nos novissimo Die, eò quòd ad hunc modum nos revivificat restituitq; ad eam vitam & gaudium quibus excideramus, quòd in eam gloriam rursus nos collocat quam in nobismet ipsis deleveramus extinxeramusq; in opacis his nostris corporibus, quòdq; ad pristinum illum felicitatis statum nos evehit, ac Paradisum superiorem, in quam ingredi iterum ac possidere non possumus nisi evadendo in solidum *Ætherei* ac *Cælestes*.

CAP. VI.

1. *Resurrectionis Mysterium ab omnibus objectionibus tum Atheorum tum Enthusiatarum se liberâsse.*
2. *Animam fruitionis cælestis corporis non esse incapacem.*
3. *Idq; summum maximèq; congruum esse præmium quo illa donari possit.*
4. *Nec donum hoc majus esse quàm quod Christus possit tribuere demonstratum ex eis que fecit cum esset in terris.*
5. *Omne judicium illi commissum esse à Patre.*
6. *Plura Argumenta ad eundem sensum.*
7. *Quousq; sua Resurrectionis defensio se extendat.*

1. **A**Tque nunc sanè spero me Mysterium *Resurrectionis* ab omnibus quibus involvatur præjudicii putativisq; difficultatibus adeò extricâsse, ut universum mundum tutò ad certamen provocare possim, *Atheum*, *Infidelem*, rerûmq; novarum affectatorem *Enthusiasten*, si ullam formare possunt contra ipsum objectionem quam cum ratione possint adhibere, quæq; non sit obstinatum solummodò cæcorum stupidorumq; suorum Intellectuum dictamen.

2. Nam pretiosa hæc Immortalitatis corona quâ Christus tunc nos coronabit, nec supra ipsius potestatem est, quòd minùs eam nobis daturus sit, nec supra capacitatem nostram, quòd minùs eam nos simus recepturi. Etenim tentamina, Alarûmq; ut ità dicam, eluctantium evibratiunculæ in facultatibus Animæ humanæ, etiam in hoc mortis ac incarcerationis statu, quantumvis præpeditæ, tales tamen sunt, tamq; nobiles ac Divinæ, tum in speculationibus tum in affectibus piis, præsertim cum spiritus nostri plus solito puri sunt propiusq; ad defæcationis genus quoddam æthereum accedunt, ut illi qui harum rerum experientiam habuerint, diffidere quidem non possint, quin si Angelici corporis adjumentum haberet Animal, ipsius operationes nihilo eorum operationibus inferiores essent futuræ. Quæ & demonstratio est illam æquè capacem esse hujusmodi corporum atq; illi sunt; & dignitatis insuper ac valoris, aptitudinisq; ac congruitatis hujus tam ampli præmii non obscurum argumentum.

3. Ipsa enim Philosophia testificari potest, quod pro majori spirituum puritate motus passionésq; animi mutantur, fiúntq; magis sancti ac Divini, cogitata nostra ac conceptus magis clari, Amor erga Deum ardens magis ac sincerus, Benevolentia erga homines magis libera ac generalis, omnéq; Animæ facultates in præcinctu magis ad obtemperandum præstantissimis quibusq; præceptis ac suggestionibus Rationis ac Religionis. Quàm immensi igitur momenti est hujusmodi habere corpus quod non solum perpetuò consensurum sit cum optimis animæ motionibus, sed virtute cœlestis suæ puritatis mentem naturaliter ad ejusmodi cogitata, motiones & affectus, qui Deo maximè accepti sint, ipsamq; animam maximè oblectent, inclinaturum? Quæ consideratio sublimem illam Rationem quæ in Religione nostra reconditur, evidenter demonstrat: In hoc utiq; glorificati corporis promisso, tanquam maximi præmii vehementissimarum nostrarum colluctationum, obedientiæ ac laborum in hac vita. Nihil enim præterquam Divina Inspiratio aut aliqua infallibilis Philosophiæ Methodus humanæ menti unquam detegere potuit tam immensi momenti Mystrium.

4. Verùm, dubitare an Christus nos vestire possit hujusmodi corporibus, totumve hominem, in quibuscunq; corporibus inventi erimus, in illam Immortalitatem atq; vitam, quæ nobis in transformatione vilium nostrarum corporum in ejus gloriosi corporis similitudinem accidit, vivificare; est certè aut oblivisci aut non credere quantam is habuerit potestatem quando in terris erat. Quomodo per solum suum verbum, æstum maris tranquillaverit, tempestatésq; ac ventos jusserit filere; quomodo panes paucos paucósq; pisces ita inter edendum multiplicaverit, ut multa hominum millia eis saturaret in Deserto; Quod insigne erat specimen potestatis transformandi materiam in quamcunq; modificationem ipsi liberet. Ut præteream ægrorum curationes, non eorum solum qui præsentés erant & in eum crediderunt, sed etiam absentium. Quibus potes addere suscitationem mortuorum, quod propius ad propositum nostrum accedit, uti & eorum Resurrectionem qui cum ipso surrexerunt, ad significandum vivificam virtutem *illius* qui & ipse per miraculum surrexit è sepulchro.

Vide Traß. de
Anima Immor-
tal. lib. 3. c. 18.
scilicet 15.

5. Per quæ mirabilia opera planè demonstravit illud verum esse quod de seipso professus est, *Sicut enim Pater habet vitam in seipso, sic dedit & filio vitam habere in seipso*; hoc est, potestatem vivificandi, exsuscitandiq; à mortuis. Quemadmodum videre licet ex contextu Johan. 5. v. 26. Nec id solum, sed dedit etiam illi potestatem puniendi, æquè ac remunerandi, quemadmodum sequitur versu proximo, *Etq; auctoritatem dedit etiam judicium exercendi quoniam filius hominis est*. Ille utiq; filius hominis, qui post *Passionem* suam, *Resurrectionemq;* è mortuis omnem omnino potestatem habiturus erat sibi traditam sive in Cœlis sive in Terra. Quod à nobis facile credi debet, quandoquidem tam immensam habuit virtutem etiam in infimo suæ *humiliationis* gradu, quando ultrò citròq; ambulavit, afflictus, despectus, & neglectus, comitatus solummodò paucis contemptibilibus piscatoribus, aliisq; hujusmodi infimæ conditionis hominacionibus, & tamen etiam tunc eorum oculos aperuit, qui nati erant cæci, & ad distantiam ægros sanavit; nullaq; adjutus suffultúsve visibili pompâ vel potestate, uno oris sui verbulo integram fugavit Diabolorum legionem simul. Quid igitur ille non facturus est quando rediverit in maxima gloria quâ *visibilis Divinitas* potest apparere? Quando cœli implebuntur copiarum suarum claritate, omnéq; mundi nationes attonitæ stabunt ad tremendum adventus ejus splendorem.

6. Annon ille igitur, qui in abjectissimo suo statu, ad vitam revocare potuit fide sensúsq; cassum corpus, eos poterit vivificare qui in glorioso illius adventu adedò implentur Fide, Amore, Gaudio, Desiderio & Admiratione, ut affectuosæ ipsorum Animæ propria sua corpora, si fieri possit, relinquere gestiant, ut accedant propius suumq; homagium præstent suo tamdiu expectato Servatori & Redemptori? Annon Divina illa ac omnipotens potentia circùm circa ab ipso emanans, ita tunc cooperabitur cum inflammatis illis affectibus, ut ipsa corpora eorum excitatura sit in facultatem naturaliter ascendendi ad ipsum, ac sese cum ipso conjungendi? Erítve illi, obsecro, difficile carnem Aëremve in purum ignem atq; ætherem convertere, & ejusmodi facultatem in Anima expergefacerere quæ eum naturaliter possit vitalitérque actuare, qui Aërem mutavit in carnem, defunctúmque Lazari cadaver tam aptè præparavit ad reunionem cum Anima, ut quarto post die quàm sepultus erat, è sepulchro eum suscitaret? Quamobrem hæc *Resurrectio, Vita & Immortalitas* de qua loquimur, cum nec potestatem Christi excedat, quò minus eam nobis daret, nec natura nostra illius sit incapax, restat ut pro certo concludamus eâ nos aliquando perfruituros,

fruituros, utpote quam Christus & per seipsum & per Apostolos suos tam clarè nobis expressèq; promisit.

7. Atq; hæc sanè sufficiant ad defensionem Doctrinæ Resurrectionis adversus *Atheos* & *Infideles*, quatenus sacrâ Scripturâ tribusq; Symbolis continetur. Cum quibus apertè affirmo *idem corpus* resurrecturum, nōsq; tunc fore æquè realiter & ad sensus nostros, & ad alienos, easdem personas corpore juxtâ ac Animâ, atq; eramus in hac vita. Scholasticam verò *ejusdem numeri corporis* notionem sciens prudensq; declinavi, quòd sit extra præsentis nostri Instituti scopum; non quòd eam impossibilem judicarem, uti suprà obiter monui. Addoq; præterea, me minimè difficile putare è natura nutritionis penitiùs cognita & perspecta, ut planè quis demonstret etiam in ipsis *Anthropophagis*, qui à pueritia ad extremam usq; senectutem humanâ carne vescuntur, sat tamen materiæ superesse posse ex eo corpore, quod quisq; eorum in vita sua gestaverit, à carne humana quâ quotidie nutriti sunt distinctâ, ad concinandum cuiq; corpus in Resurrectione ex *eisdem numero Atomis* quibuscum singuli in hoc statu vitaliter erant uniti. Cæterum quod dixi, hoc planè extra propositum meum erat, qui *Fidem Christianam* non *opiniones hominum*, in hoc Tractatu defendendum suscepì.

CAP. VII.

1. Cæcilius contra Resurrectionem mundi; Conflagrationem Diſſeria. Ad illa contra Resurrectionem jam responsum esse. 2. In quo sensu Christiani magis sobrii intellexerint mundi Conflagrationem. 3. Conflagrationem in eorum sensu possibilem esse à combustibilitate partium terræ probatur. 4. Ut etiam ab igni actuali in multis montibus invento, ut in Ætna, Helga, & Hecla. 5. Multa hujus generis exempla apud Plinium. 6. Exempla Vulcanorum apud Acoſtam. 7. Vulcani Guatimalæ. 8. Vulcani sine fumo vivum habentes ignem in fundo. 9. Vulcani qui flammam fumumq; per aliquot millenos annos emiserunt. 10. Fontes calidi, scaturigines picem refinamq; emanantes, Thermæ quadam ignem ad distantiam concipientes.

1. Tertia res, quam proposuimus, in Christi reditu ad iudicium comprehensa, est *Mundi Conflagratio*, Doctrina æquè incredibilis plerisq; Ethnicorum atq; ipsa *mortuorum Resurrectio*, & comparatio utriusq; cum se invicem, eandem ipsis reddidit modo adhuc magis ridiculo incredibilem. Ut videre est ex scommate illo quod *Cæcilius* in Christianos jacit apud *Minucium Felicem*. Quid? quòd toti orbi & ipsi mundo cum syderibus suis minantur incendium, ruinam moluntur? quasi aut Naturæ Divinis legibus constitutus æternus ordo turbetur, aut rupto omnium elementorum fœdere & cœlesti compage divisa, moles ista quâ continemur & cingimur, subruatur. Nec hæc fumosa opinione contenti, aniles fabulas astruunt & annectunt. Renasci se ferunt post mortem & cineres & favillas. Nescio quâ fiducia mendaciis suis invicem credunt. Putes eos jam revixisse. Anceps malum & gemina dementia, Cælo & Astris quæ sic relinquimus ut invenimus interitum denunciare, sibi mortuis & extinctis (qui sicut nascimur sic interimus) eternitatem repromittere. Verum aculeus geminus hujus ancipitis diſſerii facillè evellitur. Illèq; de Resurrectione jam evulsus est: Quandoquidem manifestò ostendimus, illud Myſterium nihil ampliùs includere, quàm quòd eadem individua persona revivificabitur corpore pariter atq; Animâ, vitæq; æternæ beatitudine donabitur. Eadem verò individua persona nullam supponit necessitatem *ejusdem numeri corporis* scholasticè intellectam, quemadmodum fusè demonstratum est.

2. Ipsum spiculum mucrove hujus scommatis contra Conflagrationem, est etiam error præsumptivus æquè ac ille contra Resurrectionem (quanquam profectò ego neutrius nego possibilitatem) & in hisce ipsis verbis latet. *Ipsi mundo cum syderibus minantur incendium, ruinam moluntur*. Equidem tam horridus strepitus atq; fragor (quamvis quidam è Paganis Philosophis, ut *Lucretius* & *Seneca*, eum admittere non reformidârint) meritò tamen sagaciores poterat ab assensu deterrere. Cæterum Conflagratio mundi juxta Christiani Myſterii veritatem, modestioribus credibilioribusq; terminis circumſcribitur, cum ad Cælum stellatum omnino non spectet,

spectet, nisi hosce cælos stellatos appellari vultis qui sunt Cometarum Stellarumq; cadentium receptacula. Aded ut tota clades comminata à magis scitis gnarissq; Christianis in globum terrestrem solummodò intentetur & circumjacentem Aërem cum universa illorum supellectile quæ comburetur consumeturque. Verumtamen *Aër & Terra* non cessabunt adhuc esse *Terra Aërque*, sed cum ejusmodi alterationibus quas horrendum illud incendium in ipsis operatum fuerit.

3. Quodd hoc possibile sit, multa tum in *Terra* tum in *Aëre* inveniuntur quæ nos inducere possunt ut credamus. Etenim quidnam terræ est quod non sit combustibile? Exterior pars cespititia consuetum est foci pabulum. Ipsiq; lapides per ignem in cretam calcemve convertuntur. Montesq; *Pyrenæi Galliam* inter atq; *Hispaniam* ignem ita conceperunt (sive id Fulmine factum sit sive à Pastoribus) ut è Fodinis, Auri Argentiq; quasi flumina manarent per aliquot dies continuos. Ex quo accidente quidam volunt hos montes nomen suum sortitos fuisse, à πυρ scilicet significante ignem. Præterea multæ sunt minerarum fodinæ in terra quæ non solum vim ignis patiuntur ipsiq; cedunt, verum etiam eum quodammodo cupiunt sibiq; avidè arripiunt, ut *Naphtha, Sulphur, & Bitumen*. Ut multa genera taceam Carbonum, ingentisq; Sylvas atq; Eremos qui ita sunt combustibiles ut merus ardoris Aëris excessus aliquando eas incenderit, quemadmodum multis locis contigit Anno 1474.

4. Hisce omnibus adjicere possumus quàm multis in Terræ locis actuales inveniuntur ignes, Foci ab ipsa Natura accensi, tanquam si illa Larem haberet familiamve aleret sub terra multisq; è montibus uteretur pro caminis: Cujusmodi sunt *Vesuvius* in *Italia*, *Ætna* in *Sicilia*, *Helga & Hecla* in *Islandia*, montes certè aded terribiles ob Tonitrua, flammarum eruptiones, & ejaculationes dissectionesq; Lapidum, Cinerum, fœtoris atq; fumi, ut qui liberius imaginationibus indulgent, *Infernum* hinc opinentur quodammodo anticipari. Quæ profectò sententia paulò plausibilior esset si apparitiones æquè verè ibi videri dicerentur atq; frequenter dicuntur apparere.

Plin. Natural.
Histor. lib. 2.
cap. 106.

5. *Plinius* plura nobis hujusmodi suppeditavit exempla, ut *Chimeram* montem *Phaselidis* in *Pamphylia*, *Hephestianos* montes in *Lycia*, *Cophantum* in *Bactriana*. Prope *Hesperium* montem in *Æthiopia* campi noctu toti lumine coruscant, quemadmodum & certum quoddam solum in *Babylonia*. *Nymphæus* mons *Apolloniæ* ignem ejaculatur & materiam bituminosam cujus furor pluviam intenditur, quemadmodum & flamma ignivomorum illorum montium in *Lycia & Pamphylia*. *Æolia* illa Insula, *Hiera*, per dies aliquot continuos simul cum circumjacente mari, tota conflagravit. Quod ille refert tanquam veritatem cognitam ac compertam, Exemplumq; haud longè distitum. Concludit verò cum incendio alti illius vastiq; montis in *Æthiopia* *Σιῶν ὄρη* appellati, hoc est, *Currus Deorum*; tanquam maximè insigni hujus generis exemplo, superaddens cunctis breve hoc Epiphonema: *Tot locis tot incendiis rerum Natura Terras cremat.*

Joseph. Acst.
Histor. Ind. lib.
3. cap. 24.

6. Et tamen hi *Vulcani* non minùs frequentes sunt in *America*, quemadmodum *Acosta* scribit, eosq; describit in genere ad hunc modum. Quodd scilicet rupes sint cuspidève altissimorum montium in summitatibus planitiem habentes in ejusq; medio puteum, vel hiatus magnum qui descendit usq; ad calcem montis, Res profectò, uti ille ait, aspectu admodum terribilis. Ex istis hiatibus evomitur fumus & aliquando ignis & aliquando neuter; quemadmodum fit ut plurimum in *Vulcano Arequipæ*, uti etiam in illo *Mexicano*, prope villam *Angelorum*, qui fumum solummodò ac cineres emittit per vices, nunquam verò ignem. Et tamen Incolæ verentur nè aliquando erupturus sit totamq; Regionem concrematurus.

7. *Vulcani Guatimalle* magis horrendi sunt. Anno 1586, tota ferè Urbs *Guatimalle* collapsa est terræ-motu. Hic *Vulcanus* noctu & interdiu per sex continuos menses è vertice tunc ejecerat & quasi evomuerat ingentia flammarum flumina. Insignis sanè instantia illius copiae combustibilium quæ Natura in Thesauris suis habet recondita. Quemadmodum & observari potest in *Vulcano de Quitto*, qui tantam copiam cinerum ejecit, ut ad multas undiq; leucas eò loci, lucem Diei obscuraret.

8. Sunt etiam & alia Genera *Vulcanorum* qui nunquam ejiciunt nec fumum nec flammam nec cineres, sed in fundo cernuntur ardere igni vivido acrisq; qui nunquam extinguitur. Hoc avaro imposuit Sacerdoti, fecitq; ut putaret nihil aliud esse quàm acervos auri igni colliquatos, quos ille sperabat extrahi posse cacabum ferreum demittendo cum catena. Verum Inventum ejus igni ferendo non erat par, *Cacabo & Catena* colliquescentibus simul atq; ad fundum montis appropinquassent.

9. Cæterum

9. Cæterum maximè omnium mirandum est illud quod *Acosta* notavit de quibusdam *Vulcanis* qui per aliquot centenos, immò verò millenos, annos perpetuò eiecerunt fumum, flammæ ac cineres. Visibilia hæc exempla particularium incendiiorum Terræ, notabiles sunt subindicationes, quòd in secretis Providentiæ fodinis tanta recondita sit materiæ combustibilis copia ut ad universalem illam sufficere possit Conflagrationem de qua loquimur, quando utiq; venerit ille vindictæ Dies qui hisce Iræ thesauris est usus.

10. Plura huc addere possumus argumenta Ignium subterraneorum eorūq; pabuli è terræ-motibus, calidisq; fontibus desumpta. Cujusmodi quidam sunt in *Pern*, ut idem Author refert, qui eo usq; calent ut manum quis in eis tenere non possit ad tempus repetitionis unius *Ave Maria*. Infiniti horum numeri sunt in Provincia *Char-chasia*. Mentionem etiam facit in eodem loco, diversorum fontium ac scaturiginum quæ Picem ac Resinam emanant. Quod tamen nequaquam tam mirum videtur quàm *Thermæ* illæ in *Parma* territorio, quas *Fallopini* commemorat, quarum aquæ ad distantiam ignem concipiunt. Et quantum ad Fontes calidos, frequentiores sunt in his cognitis Terræ partibus quàm ut quicquam omnino opus sit eis immorari. Vide *Plin. lib. 2. cap. 103.*

Joseph. Acost. lib. 3. cap. 17.

CAP. VIII.

1. *Cometa igneus Soli par qui post mortem Demetrii apparuit. Cometa siccitatis Præ-sagia, sylva incensa postquam illi apparuerant.* 2. *De Stellis cadentibus. De Cometa cauda quæ fluvium exsiccavit.* 3. *Vini dolia exhausta hominēsq; in atomos dissipati fulmine.* 4. *Ignem Tonitralem aliquando inextinguibilem esse, ut ille sub Macrino Imperatore, atq; is qui Legionis Fulminatricis precibus est impetratus.* 5. *De fulmine congelatorio, deq; transmutatione uxoris Loti in statuas salis.* 6. *Subversio Sodomæ per ignem de cælo. Diluvia & Terræ-motus universales probabilitatem innuere Diluvii etiam ignei.* 7. *Plinium inter maxima recensere miracula Diluvium hoc igneum nondum contigisse.*

1. **Q**uantâ materiæ copiâ instructa sit Tellus ad universalem hanc Conflagrationem vidimus; consideremus jam quid Cælum Aërve possit suppeditare. Ubi reliqua Meteora ignea missa facientes, pauca solummodò proponemus exempla *Cometarum, Stellarum cadentium, atq; Fulminis.*

Per *Cometas* intelligo eas solas Stellæ novas quæ sublunares sunt, & è materia combustibili actu inflammata. Cujus generis unus erat tam vastæ magnitudinis, qui apparuit post mortem *Demetrii*, ut ad aspectum Sole minor non reperiretur, Noctemq; splendoris sui ignei claritate in Diem converteret. Cæterum ut magis in genere agamus de hoc Meteoro, *Cardanus* aliq; Philosophi signa eos esse volunt aut causas insignium siccitatum. Et certè utraq; meritò possunt haberi, ii præsertim qui sunt sublunares: quippe quòd hujusmodi ingentia corpora ignea haud facillè possunt nutriri sine magno humidi nativi Aëris dispendio. Quòd tempestatem insalubrem etiam facit ac pestilentialem. Quantum verò ad siccitates, observatum est postquam hi *Cometæ* apparuissent, annum factum esse aded supra modum calidum, ut segetum spicas in agris torrefaceret & adureret, totas sylvas concremaret, fontēsq; exsiccaret ac fluvios; quemadmodum factum est annis 1477, & 1539.

2. *Stellæ cadentes vel tales sunt quales Virgilius describit in Georgicis;*

*Sæpe etiam Stellæ vento impendente videbis
Precipites cælo labi, noctisq; per umbram
Flammarum longos à tergo albescere tractus.*

(quæ Meteora, tametsi noctu rei magnæ speciem præ se ferunt, ut plurimum tamen nihil damni inferunt, nisi fortè fortunâ in *Ariciæ* agros inciderent, cujus solum aded fuit combustibile ut è cujuslibet prunæ lapsu ignem conciperet) vel ex eo genere *Cometarum* sunt qui ipsi aliquando *stellæ cadentes* frant: Quod *Scaliger* affirmat contigisse suis Temporibus: & *Fromondus* ex *Sennerto* scribit, eandem *Cometæ* Anno 1543. decidisse, lapsamq; in fluvium, omnem ejus aquam absorpsisse.

3. Cæterum

3. Cæterum nullius ignei Meteorī effecta aut tam frequentia sunt aut tam horrenda quàm effectum *Fulminis*. Ad quod procreandum *exhalationes* è terra sulphuræ non nihil contribuunt, quemadmodum & *vapores* humidi ad generandum pluviam. Quod ex magna Tonitruorum crebritate circa *Vulcanos* de quibus locuti sumus, satis patescit.

Unum effectum notabile quod *Plinius* commemorat, consimile est illi caudæ Cometæ. Unum enim genus fulminis esse affirmat quo dolia exhauriantur intactis operimentis. Nec multum ab hoc abludit illud quod supradictus Author narrat ex *Wolfango Meurero*, quod Minister quidam à *Lipsia* proficiscens ad *Torgam* ita fulmine consumptus sit, ut nè unum quidem frustulum ipsius videndum reliquum esset, toto corpore in vapores & exhalationes dissoluto, vagisq; ventis abrepto & diffiato. Spississima solidissimâq; corporis contextura durare non potest quando acris hic penetransq; ignis illam impetit. Hoc enim Meteorum ex tam subtilibus, lævibus ac furiosè agitatatis consistit elementis, ut irresistibiliter pertransitura sint quocunq; proruperint, omnesq; atomorum congeries disjunctura, prout *Lucretius* optimè illa describit.

*Quæ facile insinuantur & insinuata repente
Dissolvunt nodos omnes & vincla relaxant.*

4. Verum & illud inter cætera valdè profectò observatu dignum est de Fulmine, quod utiq; illius ignis aliquando sit inextinguibilis, quemadmodum contigit in Temporibus *Macrini Imperatoris* quando Theatrum ictu fulminis percussum est etiam eo ipso die quo eorum *Vulcanalia* celebrabantur. Atq; hujusmodi ille ignis erat qui de cælo cecidit Temporibus *Aurelii* propter preces Legionis Christianæ, quæ ab hoc effectu vocabatur postea *Legio Fulminatrix*. Hujusmodi ignis bene largus imber, qui adeò pervicax est atq; importunus, quæ terræ pars est tam incombustibilis quin is eam sit perdomiturus?

5. Nollem hic inferere mirum illud & inexpectatum Fulminis effectum quo mollia corpora ac fluida indurat congelatq; (quod & *Seneca* & *Cardanus* notant; Alter instantiam producit dolii vini in glaciem fulmine conversi, Alter Messorum quorundam in *Lemno* Insula, quibus fulmine percussis, dum cœnabant sub quercu, corpora facta sunt tam dura, rigida solidâq; quàm si totidem statuæ fuissent, quæ easdem actiones imitarentur quas inter cœnandum vivi peragebant, cum unus videretur edere, alter poculum ad os attollere, tertius bibere, &c.) nollem, inquam, hujus rei mentionem hic inferere, nisi quod aliquam lucem afferre possit & credibilitatem mirabili illi transmutationi uxoris *Loti* in statuam salis; Fulmine, ut videtur, quod tunc cecidit attemperato, ex parte, ad talem effectum in illiusq; Fœminæ refractariæ percussione vibrato, ut non solum Divinæ iræ contra inobsequentem curiositatem, sed & modi diræ illius vindictæ in *Sodomam* & *Gomorrhæam* effusæ atq; in adjacentes Civitates, monumentum esse posset. Quod scilicet cum fulmine esset ac fulgure de cælo, quemadmodum Textus testatur, & cui *Solinus Tacitusq;* consentiunt, non autem subterraneis solis ignibus è Terra erumpentibus, & terræmotuum absorptionibus Civitates illas deglutientibus, ut *Strabo* videtur insinuare.

6. Hæc *Sodomæ* per ignem de cælo subversio, cujus Historiæ fidem adhibent tum *Ethnici* tum *Christiani*, possibilitatis Conflagrationis Terræ tam amplum est pignus, ut, tametsi alias hujusmodi Instantias de civitatibus fulmine deflagratis ex *Plinio* aliisq; possim superadjicere, unico tamen hoc notabili exemplo contentus ero. Cumq; tam copiosos divitesq; igneorum principiorum in Natura Thesauros satis jam ostenderim, breviter nunc quæro Curnam fieri non possit ut principium hoc aliquando ita erupturum sit & inundaturum ut aliquando universalis quædam Ignis, æquè ac olim Aquæ, in terram rabies futura sit ac debacchatio? Occultæ enim Naturæ Causæ ac Principia interdum parcius operantur, interdum liberius, interdum verò, tanquam si rupissent omnes leges limitésque, insanis modis debacchantur. Quemadmodum observare licet in *Torrentibus* & *Terræ-motibus*, qui aliquando intra paucorum milliarium ambitum continentur, aliquando sunt quodammodo universales, quales illi erant *Terræ-motus* qui contigerunt annis 367, & 1289. Ità Torrentes aliquando ita contracti sunt ut vix privatum pratum tegant, aliquando tam ampli ut tota oppida inundent, & aliquando deniq; adeò expansi ut aut universales sint aut saltem immensa Regna ac Continentes cooperiant. Hujusmodi fuerunt Diluvia *Deucalionis*, *Ogygis*, atq; illud *Noachi*. Videmus similiter in historia quas particulares clades Elementum igneum, aut fulminationibus è Cælo, aut è Terra eruptionibus, in has *Ædes*, in illud Oppidum, imò in integras Regiones intulerint. Quid igitur

igitur obstat quin illius furor tandem eò usq; sit prorupturus, ut meritò appellari possit *generale ignis Diluvium*?

7. Equidem hoc *Plinio* tam longè videtur abesse ut sit impossibile, ut is è contrà apud se perpendens quantà hujus Elementi copiâ mundus sit refertus, quàmq; id faciliè seipsum per omnia diffundat, in eam olim eruperit vocem, *Excedit profecto omnia Miracula, nullum diem fuisse quo non cuncta conflagrarent.*

Plin: Histor. Natural. lib. 2. cap. 107.

CAP. IX.

1. *Conflagratio probata à Pronitate Naturæ & immensa Christi potestate.* 2. *Copiarum Satanæ à superno Armamentario deorsum per eum depulsio.* 3. *Præcellens Potentia ac Peritia Copiarum Angelicarum Christi.* 4. *Efficacia illius Fiat in spiritum Naturæ.* 5. *Ineffabilis corroboratio ejus Animæ per unionem suam cum Deitate, modûsq; operationis in Elementa mundi.* 6. *Dei oculum in Terram desigi, atque, prout se res dederit, eum Actorem esse posse æquè ac spectatorem, modò ritè invocetur.* 7, 8. *Incendii Terræ per Christum facti brevis descriptio, cum tremendis illius Effectis.*

1. Illud igitur quod Natura ex se videtur adeò perpetuò comminari, nunquid nobis creditu difficile esse potest, Christum atq; copias illius Angelicas gloriosas, qui potestatem habent supra naturam, idem posse efficere, quando visum erit illi quem Deus *visibilem mundi Judicem* constituit? Recolite enim apud vosmetipsos quale Imperium, quando erat in carne atq; in infimo suæ Humiliationis gradu, in elementa habuerit, quàmq; potestatem in eos obtinuerit, quibus tam diu permissum erat in crassiori hoc mundo elementari dominari, quorûmq; Dux nuncupatur Princeps Aëris. Recordamini ut uno oris sui verbulo integrum *Regni tenebrosi* Legionem procul à se ablegavit. Quid igitur est quod ille efficere non possit in hoc suæ Exaltationis statu, quando rediturus est ad Judicium cum ineffabili illa Majestate ac gloria? Quando descensurus est cum clangore Tubæ & cum fulgidis suis cohortibus terram aspectaturus, totâmq; cœli Testudinem impleturus innumeris suis *legionibus Lucis*. Quarum quidem præsentia eradiantes ardores, ad fumos vaporésq; montibus excutiendos suffecerint, & ad igneum illud principium quod in Terræ visceribus consopitum latitat, expergefaciendum in voracem flammam.

2. Sed enim, præterea, descendendo ad hunc modum, *Usurpatorem veterem tenebrosûq;* illius *Legiones* à superno *Armamentario* depellunt, atq; nunc omnes illius machinas contra ipsum dirigunt ac moliuntur, omnémq; materiam incendiariam, & Pyrobolis concinnandis aptam, in ipsum effulminantes insumunt. Hoc enim illud Tempus est de quo *Diphilus* Tragædus est vaticinatus.

Ἐσται γὰρ, ἔσται καὶ αὐτὸς αἰώνων χεὶρ
 Ὅτ' αἱ πυρὸς γήιναι θυσανίδες ἔσονται
 χρυσωτὸς αἰθήρ· ἢ δὲ βοσκυθῶσα φλόξ
 Ἀπῶλε τὰ πύργια καὶ μετέδρα
 φλέξει μακρῶς.

Erit enim, erit novum seculorum Tempus
 Quando Thesaurum igni refertum aperiet
 Aureolus Æther. Flamma verò vorax
 Omnia quæ in terra & in sublimi sunt sita
 Cremabit furens.

Et certè si hîc satis Materiæ jam non esset quæ in maximè dira ac formidabilia igneorum Meteororum genera formari possit, talia utiq; quæ certam cladem sint illatura; Illud tamen *Verbum* quod creavit omnia, tantum materiæ faciliè potest in hujusmodi modificationem mutare, quantum qualèq; omnium efficacissimè tam gravi vindictæ sumendæ inservierit.

3. Verùm nullus dubito quin causæ secundæ sint, citra Omnipotentis Numinis virtutem creatricem, quæ satis idoneæ sint ad hujusmodi Providentiæ ministeria;

obeunda; Quales certè innumerabiles refulgentium Angelorum Legiones meritò esse videntur. Quorum peritia atq; Imaginationis in Naturæ Elementa vis longè longèq; proculdubio major est quàm ut nos possimus concipere; cùm ipsorum facultates, præsertim aliquæ, tantum nostras excellunt, quantum nostræ istas brutorum Animalium quæ nè minimum quidem sensum conceptumve habent nostræ facultatis artivse quam in rebus agendis adhibemus.

4. Qualem igitur virtutem facultatèmq; inesse putatis harum cœlestium copiarum Duci atq; Principi Jesu Christo, qui etiam in carne, quod sæpius insculcavi, potestatis suæ in Elementa Mundi tam præclara specimina edidit? Hujus igitur *Voluntatis Imaginationis*ve merum *Fiat in spiritum Naturæ* operans five propinquius five remotius, non potest quin sufficiat, modò ipsi ità visum fuerit, ad universam illam particularum coalitionem, ex qua coagulum compagèsve cujusq; terrenæ substantiæ orta sit, solvendam, ad easq; in hujusmodi flammam convertendas cujusmodi terram olim fuisse nonnulli augurantur; vel ad actionem ità moderandam & eò usq; Tellurem incendendam, & cum tali partium modificatione, quæ aut præsentī aut futuro suo Proposito maximè convenerit.

5. Hoc effectum supra virtutem Divinæ Animæ Jesu inhærentem positum non videbitur, si ineffabilem ejus corroborationem per stupendam illius unionem cum Deitate consideremus, Obedientiàmq; *spiritus Naturæ* elevatis excitatisq; Animæ facultatibus, potestatemq; hujus *spiritus* in *subtilem mundi Materiam*, & vim deniq; *subtilis materiæ* ad disjungenda omnium rerum coagula, & promptitudinem rursus harum particularum dissolutarum ad coalescendum denuò in talem formam in quam regularis *spiritus Naturæ* activitas ipsas sit compositura. Tota enim hæc res nihil aliud est quàm sublimior quædam ac *divinior Magiæ species* per excitationem *spiritus Naturæ* operans in mutabilia mundi Elementa, nec cujusquam profectò rei *Creatio* aut *Annihilatio*.

6. Aded ut retinentes nosmetipsos citra *nudam* Deitatem, considerantèsq; solummodò causas secundas partim naturales partim liberè agentes, inter quas oppidò quàm sublimis præcellentèq; Divina Anima *Jesu* est Princeps, potestatem detexerimus quæ multò plus potest quàm nos de Telluris conflagratione declaravimus. Et certè cùm vel hoc suffecerit, quàm supra modum certi esse possumus de facilitate hujus Incepti, ex eo quod S. *Petrus* suggerit de absoluta potestate *Verbi Dei* per quod omnia sunt & qui perpetuus est operum suorum spectator? *Nam Domini spiritus orbem replet*, inquit Sapiens, & *omnia continens notitiam habet vocis*. Atq; æquè verum est omnia ejus patere aspectui; Tellurèmq; semper præsentem esse ante oculos Dei. Quamobrem is qui perpetuus est Inspector, numnam difficile est concipere, quod tandem, post solennem aliquam Temporis periodum, speciali aliquo modo in actionem se efferre voluerit, si fuerit opus, eòq; ritè sit invocatus?

7. Quamobrem postquam fideles ab omnibus Terræ partibus congregati fuerint & ad Christum Servatorem sursum eveci, conjunctiq; cum illius *Legionibus Lucis*, nullis tunc relictis in terra & inferioribus Aëris partibus præterquam qui obduratè tenebroso Regno adhæserint (Quod nunc extrinsecè magis tenebrosum quàm unquam hætenus fiet, piceis nubibus universam cœli faciem contegentibus subitàmq; inducentibus noctem Terræ Incolis etiam sub meridiem:) In tristi hoc, tacito, torvòq; cœli aspectu, is, qui in carne exauditus est, responsùmq; accepit per tonitru, (postquam precatus erat, dicens, *Pater glorifica nomen tuum*;) per eandem in qua etiamnum est sempèr; futurus cum æterno Deo gratiam, tam universale tunc tonitru fulgùr; excitabit, ut futurum sit ut illius strepitus super omnes terræ partes audiat, ardentes Cometas Stellásq; cadentes depluat, ignèmq; effulminet aded inextinguibilem, ut certissimam cladem, ubicunq; ceciderit, sit illaturus. Aded ut solo supra modum incalescente, subterraneæ illæ materiæ combustibilis fodinæ ignem sint concepturæ. Quæ internas incendiando Telluris exhalationes horrendum ciebut sub solo murmur, ità ut terra tonare videatur contra raucos streperòsq; cœlorum fragores, omniáq; impleantur funestis Tonitruorum reboatibus. Terræ-motus Ignisq; eruptiones ubiq; erunt Gentium, Urbèsq; integræ ac regiones absorptæ vastis hiatibus latissq; divulsionibus humi. Nec certè Mare Terram poterit ab universali hac Conflagratione defendere, non magis quàm Ignis olim eam valuit servare à latè se diffundente Diluvio. Ignea enim hæc vindicta tam sitibunda erit ut maximam Maris partem sit exhaustura, nec voracem illius sitim restinguet aqua, sed majorem in modum excitabit. Hujusmodi enim Natura est quorundam Ignium ut Historiæ passim testificantur.

8. Quamobrem magnus Oceani alveus ficcus relinquetur, omnesq; fluvii convertentur

2 Pet. 3. 5.
Sapient. cap.
1. v. 7.

Johan. 12. 8.

tentur in fumum ac vapores, adeo ut tota terra una integrâ ineffabilis spissitudinis nube involuta erit, quæ caliginem plusquam *Ægyptiam* creabit viscidam & tactui palpabilem. Quæ superaddita suffocanti huic æstui ac fœtori exterius hoc consummabit *Infernum*; supplicii locum non prophanis solummodo Atheis, & Hypocritis, sed & ipsi Diabolo ejusq; Angelis paratum. Ubi pœnarum Ratio pro, animorum eorum ferocitate augebitur, perversarumq; Conscientiarum iniquitate.

CAP. X.

1. *Præcipue Fallaciæ quibus fit ut homines possibilitati Conflagrationis Terræ nullam adhibeant fidem.* 2. *Conflagrationem non solum possibilem esse sed & rationabilem.* Prima Ratio ad rei fidem faciendam. 3. *Secunda Ratio, Naturalis Compagium omnium particularium Consenscentia, quodq; hujusmodi Terra sit, quæ proinde arefcit, deq; soliditate aliquid perdit, unde & propius accedit ad Solem.* 4. *Terram igitur aut secundum cursum Naturæ aut speciali Providentiæ Decreto combustum iri.* 5. *Rationi maxime consonum esse posteriori viâ id effectum iri, propter obdurata Atheorum corda.* 6. *Vindictam vero adhuc significantiorem fore si post miraculosam Fidelium liberationem sumatur.*

1. **S**pero me tandem eò usq; profecisse ut cuilibet possibilitatem Conflagrationis Mundi plenè persuaserim eo utiq; in sensu quo explicavi. Atq; equidem nihil ego novi quod retinere possit hominem ab assentiendo rei tanquam *possibili*, nisi stupida illa fallacia quâ nihil fieri posse concludimus, præterquam quod nos aliquando factum vidimus, aut nosmetipsos efficere posse imaginamur. Atq; hæc ratio est quæ facit ut Athei nullam credant Creationem, nempe quod ipsi nihil nisi ex præjacenti materia efficere possint. Solitûsq; ac ratur rerum cursus tam profundam impressionem sensibus nostris indit, ut admodum difficulter imaginari possimus eas unquam mutatum iri. Quod facit ut quidam homines nunquam de morte cogitent, præsertim si nunquam hætenus ægrotaverint, perblandâ rei *Impossibilitate* propter diuturnam vitæ durationem, in spes ipsorum irrepente, quasi nunquam sint morituri. Ac propterea magnus ille Monarcha uti hinc coactus est Monitore, qui singulis matutinis ipsi diceret, *Μήνεις ἀθάνατος ὢν, Memento te esse mortalem.* Quam de facili igitur istiusmodi immutabiles Naturæ leges comminisci possumus quæ terram sartam tectam à tali Interitu de quo loquimur conservare possint, cum in tam propitiam opinionem ac bene ominantem de propria nostra vita ac fortuna imprudentes ducamur, ut de statu nostro mutabilitate postquam ad mediocre tempus in eo semel stabiliti simus, nunquam sanè somniemus? Quamobrem unumquemq; spero qui vulgarem hanc fallaciam observaverit, facilè sibi tantum rationis suæ usum recuperaturum, ut Conflagrationem Terræ *impossiblem*, ex eo quod ignoret qui ipse possit comburere, aut semper duraturam incomburstam, quod *hætenus* mansit incombusta, non sit conclusurus.

2. Cæterum, illud ad quod ego præcipue collineo hoc est, ut demonstrem scilicet hominis Christiani Fidem de rebus esse non solum *possibilibus* sed & *rationabilibus*. Quod aliquem usq; ad modum jam probavi, multifarios illos detegendo igneorum combustibiliûmq; principiorum thesauros in cœlo atq; in terra. Quibus insuper addo:

Primo, Quandoquidem Providentia omnes res particulares corporeas ordinat versatq; *Numero, Pondere ac Mensurâ*, rationi consentaneum esse ut duratio præsentis hujus rerum scenæ *numeretur*, hoc est, numerum annorum habeat fixum & circumscriptum, ita ut tandem futura sit *Pausa plena*, vel *Periodus*, ultimum aliquod *Exiit ac Plaudite*, huic *Tragico-Comædiæ*.

3. Secundo, Omnes corporeas compages particulares initium habentes, (excepto corpore glorificato) finem etiam *naturaliter* & *ex se* esse habituras. Id verò quod finem habiturum est, est etiam senio obnoxium. Et quantum ad me, equidem non dubito quin Terra hujusmodi sit naturæ gradatimq; consenscat, succedentibus sæculis magis magisq; arida futura ac sterilis. Unde & pumicea magis evasura est suæq; soliditatis nonnihil deperditura. Etenim corpus quod porosum est humorèmq; potest imbibere quò humidius eò solidius est, quòq; solidior terra est,

eo facilius suam à Sole, dum circa eum rotatur in communi hoc Planetarum vortice, servatura est distantiam. Quamobrem cum Terræ distantia ita minuatür quemadmodum observant *Astronomi*, nisi quodd ab aliis causis proveniente possit, periculosum esset symptoma atq; indicium eam ad senium festinare tandemq; exhaustum iri. Quantòq; magis exhausta erit, tantò adhuc propius ad Solem propelletur juxta Philosophiam *Cartesianam*, aut saltem aliquam aliam Naturæ legem æquè efficacem. Adeo ut tandem partim præ nimia sua ariditate, partim propter accessum ejus adeo propinquum ad fontem caloris, non solum saltus sylvæque, quod jam aliquando contigit, sed & subterraneæ Sulphuris aliúsq; materiæ combustibilis fodinæ ignem sint concepturæ toti; planè Terræ facturæ incendium.

4. Dico igitur Terram, in extrema Periodo, ad hunc modum combustum iri; idq; aut secundum cursum Naturæ (cujus generis exitii concomitantia præcipua hæc sunt, Quodd utiq; propter diuturnam intemperiem ac languorem aut prorsus inhabilis futura sit aut miserè admodum habilis ad sustinendum aut homines aut pecudes per multa antè continua secula quàm penitus labefactata sit hæc mortifera febris & exusta; & verò post hanc mortem cladèq; multò minùs habilis, quandoquidem tunc non nisi *caput mortuum* futura sit propter longam exhaustionem vitæ ac virium Soli antè tentam hanc Conflagrationem) aut certè speciali magis ac solenni Providentiæ decreto, Conflagrationis suæ Periodum decurtante. Ex quo si quod commune bonum rerum universitati contigerit, equidem Dei filium potentèsq; ac illustres illius copias in tam præclaro útiliq; facinore occupari haud dedeceret. Etenim an non tota terra Domini vinea est particularisq; agellus in quo is agriculturam suam peritè possit benignèq; exercere?

5. Tertiò & ultimò, Cum tot sint obduratè rebelles *Spiritus* tam inter Angelos Apostatas quàm inter homines qui eò usq; à Deo defecerunt ut vix ullum illius sensum in animis suis retineant, qui particularem providentiam audacter negant, strenuèq; imaginantur, si Deus sit, quodd tamen nullarum particularium creaturarum res observet curètve, qui irrident Religionem scommatisq; eam excipiunt, vitamq; Dei filii, quam in terris vivebat, tanquam vile ac contemptibile pusillanimitatis, abjectisq; spiritus exemplum considerant; qui omnes veros ejus Sectatores pro stultis habent morboq; Hypochondriaco laborantibus, propriasq; suas libidines legem sibi in rebus omnibus statuunt, ac proinde nullum conscientiae morsum sentiunt quantamcunq; injustitiam commiserint aut crudelitatem, aut qualicunq; *Bestialitati* ac turpitudini se dediderint: Hi, inquam, cum nullo interno conscientiae sensu imbuti sint, verum universi, nè Diabolis ipsis exceptis, in corporibus vel vehiculis satis aceri sensu præditi, quàm consentaneum est, immò verò quàm necessarium ut turbo igneus, vindictæq; tempestas in externas ipsorum personas intonet, utq; cruciatus corporeus eos ad vivum usq; penetrèt, eaq; omnia quibus se oblectaverint ruinâ collabantur ac pereant, utq; suffocentur ipsi vexenturq; *infernali* æstu ac tenebris quarum nullum noverint finem?

6. Hæ considerationes quas in medium produxi, *Conflagrationem* Mundi non solum possibilem faciunt sed etiam admodum rationabilem, præsertim si supponatur cum illa circumstantia, quodd *naturaliter* nempe non contingat, (quippe quodd illi tunc communem tantum eam existimaturi essent calamitatem) verum è contrà etiam per eam, cujus persona legèsq; adeo vilificantur contemnunturq; ab omnibus potestatibus *Regni tenebrosi*, visibiliter infligatur, idq; ad ulteriorem convictionem & aggravationem, postquam coram oculis conspexerint *supernaturalem* justorum liberationem. Sic enim promissum illud apertè præstatür ac comminatio Servatoris, quodd utiq; discrimen positurus sit olim oves inter atq; hædos, unis dicturus, *Adeste beati Patris mei, possidete paratum vobis regnum ab orbe condito*; alteris verò, *Faceffite à me execrabiles in ignem sempiternum* Diabolo ejusq; Angelis paratum.

Vide lib. 2. cap.
6. sect. 2.

Math. 23. 34.
41.

CAP. XI.

1. Recapitulatio sive Synopsis partis intelligibilioris Christiani Mysteriorum, cum indicatione illius utilitatis. 2. Fundamenta inexpugnabilia hujus Mysteriorum, Existencia Dei, Lapfabilitas Angelorum atq; hominum, Naturalis hominum subjectio Diabolis in conditione lapsa. 3. Dei Sapientia ac Justitia in permittendo hæc ad tempus. 4, 5. Plures permissionis hujus Rationes. 6. Lapsus hominum atq; Angelorum probatus. 7. Bonum ex hoc lapsu emergens. 8. Permagna Divinae vitæ Pretiositas. 9. Conflagratio Terræ. 10. Bonum quod ex contentione inter Regnum lucidum ac tenebrosus emergit. 11. Deum aliquando speciali modo assistere debere Regno Lucis, & in via humanis facultatibus maximè accommodata. 12. Ac proinde in mundum mittere venerabile aliquod exemplum Divinae vitæ cum miraculosis attestacionibus, missionis tam sacrae Personæ. 13. Hanc Personam, propter magnos dolores qui eis obveniunt qui ad Divinam rursus anhelant vitam, apportare secum debere pignus palpabile condigni præmii, Beata putà immortalitatis vel infimis ingeniis per Resurrectionem suam è mortuis & in cælum ascensionem manifestata. 14. In humani generis defectione à Tyrannide Diaboli caput aliquod esse oportere, cujus qualitates contrariæ sint qualitatibus veteris Tyranni, ipsumq; potestatem præterea habere restituendi nos ad ea omnia quibus privati sumus sub usurpatore. 15. Omniaq; porò notabilia religiosorum affectuum apud Gentes objecta modo magis legitimo ac probato in hoc Capite comprehendendi. 16. Quòd hæc Christianitatis Idea Divinam bonitatem ità concedet, itaq; convenit mundi conditioni, ut nemo sapiens piusq; dubitare possit, quin aliquando Divina Providentia eam in actum sit productura; Quòdque, si Messias jam venerit scriptaq; novi Testamenti secundum literam vera sint, ea jam in actum sit productura.

1. Satis plenè jam, opinor, Rationabilitatem Christianæ Religionis in sua Idea illustravimus, plenius fortasse quàm opus erat prius quàm aggressi essemus probationem plus esse quàm meram Ideam. Contrahemus jam per modum Recapitulationis partem hanc magis Intelligibilem in formam minorem, ut debita illius symmetria, partiumq; proportio commodius conspici possit. Quod & memoriam nostram recreabit & adjuvabit porò judicium, quippe qui magis facilem sic habituri sumus opportunitatem robur solidum contemplandi pulchràmq; totius structuræ congruentiam.

2. Atq; ausim hîc profectò ad certamen provocare quemlibet vel malignissimè gnarum ac peritum, si ullam realem invenire potest objectionem contra fabricam tam intelligibilis Veritatis, cujus fundamentum super quod extruitur non minùs firmum est quàm hæc Axiomata quæ nullo pacto possunt negari, Deum scilicet esse, & perfectam particularémq; Providentiam. Esse etiam Angelos ac Spiritus humanos realiter à suis corporibus distinctos, & utrosq; perinde lapsus esse capaces. Quæ quidem nos demonstravimus partim in præsentî hoc Tractatu, partim in * scriptis aliis: Et universum hîc mundum appello an ea quæ scripsimus ejusmodi non sint quibus nihil solidi possit opponi. Præterea, Lapsus hominum pariter atq; Angelorum esse Divinae vitæ derelictionem & adhesionem Animali absq; omni freno ac limite. Quo fit ut lapsi Angeli vel Dæmones æquè ac ipse homo quantum ad internam vitam mera bruta evaserint omni tactu sensûve Divinae bonitatis destituti. Ac proinde ipsorum Imperium in genere, brutorum imperio planè simile esse, secundum libidinem utiq; ac potentiam, ubi fortiores infirmioribus cum superbia ac insolentia imperitant. Atq; ità Diaboli cum hominibus gradu aliquo sint superiores, magis ingenio polleant ac viribus quàm illi, equidem per Naturam eis in sortem cedit ut in genus humanum Tyrannidem exerceant, utpote qui tandem cum ipsis Diabolis ejusdem criminis facti fuerunt participes, æquèq; contra Deum rebelles atq; illi.

3. Et certè non est nisi sapientiæ quoddam genus ac justitiæ in magno illo Judicio ac Dramatista, Deo omnipotenti, hæc permittere ad Tempus. Ac proinde maxima pars terrarum orbis debebat ad Tempus Religione cultuq; Dæmonum exerceeri, qui insani erant enormèsq; vitæ merè Animalis commendatores filius hominum sine ullis finibus aut limitibus; dum ipsi interea illud Tributum à malè tractatis mortalibus recipiebant quod maximè eorum superbiæ & Tyrannicæ indoli conveniret, hoc est, cultum

Vide lib. 2.
cap. 1, 2, 3.

* In Antidoto
adversus Athe-
ismum, & in
Tractatu de A-
nima Immor-
talitate.

cultum Religiosum & obedientiam absolutam, quemadmodum probavi multis exemplis ex Historia allatis.

4. Nec mira res est, ut Deus hæc omnia silentio tam diu ferret, partim ex eo quod jam significavi, & partim, quoniam is extra omnem omnino ictum realis alicujus injuriæ est situs, & ex eo porro, quod *Objectum* hujus enormis furoris tum hominum tum Diabolorum in quo sibi tantopere placent, non est nisi effectum *unius illius Potestatis* unde omnia sunt, vel minutula aliqua quasi lacinia aut umbra *Divinorum attributorum*. Universos enim *Animalis vite* ramusculos bonos esse ac laudabiles in seipsis, solùmque immoderatum eorum Amorem usumque rem esse culpabilem satis clarè demonstravimus. Magna igitur illa Rebello Angelorum pariter atque hominum nihil aliud est quàm phrenetica quædam circa magis obscuras, evanidas, magisque ignobiles operationes manifestationesve illius Potestatis quæ in omnia se penetrat, & quæ omnia subsistunt ac moventur, temulentia ac deliratio.

5. In humili hoc abjectoque statu tenetur *Regnum tenebrarum*, qui vel omnis suæ contumaciæ ac Rebellionis ingratis ipsum pulverem semper lambunt pedum illius à quo defecerunt. *Neque enim vis ulla est nec consilium contra æternum Deum, sed voluntas illius stabit in omnibus.* Illa igitur cuncta complectens *Sapientia* non circumventa erat nec ex inopinato oppressa rebelli hæc spirituum turbæ, sed passa est eos introducere tenebras è quibus ipsa elicitura esset magis mirabilem ac gloriosam Lucem, permisitque primum ipsis tabellam coloribus quibusdam fuscis oblinere super quos illa apud seipsam statuerat speciem postea delineare maxime omnium illustrem pulchramque quam humanus oculus ad contemplandum potest expetere.

6. Quod verò lapsus sit hominum atque Angelorum valde est manifestum. Humani generis lapsus tam conspicuus est ut non solùm Philosophi nobiliores, quales erant *Pythagorei* ac *Platonici*, verum etiam ipsæ sanctiones legum ac poenarum constitutiones, generalisque hominum confessiones de pronitate sua ad vitium ac improbitatem abundè testificantur. Quodque impii sunt *Spiritus* sive *mali* Genii æquè ac *boni*, Paganorum Religiones, & confessiones *Sagarum* ipsorumque effecta in Dæmoniacis satis valida sunt argumenta.

7. Jam verò, quod dixi, *Sapientia* illa quæ omnia ordinat suaviter, nè minimis quidem modis, malo hoc Angelorum hominumque lapsorum incepto frustratur vel eluditur, sed illud tanquam idoneum fomitem ac materiam unde gloriosior *Divina vite* Triumphus, flammæ instar sit erupturus, considerat. Notusque ille *Pythagoreorum* Aphorismus, qui nulla Principia in pusillos fines posuerunt, huic rei perquam optimè convenit, *Τὸ χείρον ἔχειν ἢ τὸ βελτίον, Deterius utilitati usuique inservit melioris.* Ipsumque proculdubio *tenebrarum Regnum*, majori regni *Lucis* utilitati ab illo qui gubernat omnia, admodum dextrè subordinatur. Siquidem debitum universis ipsorum facultatibus exercitium præbet (in gratiam nempe *Divina vite* quam Deus jure merito rebus omnibus præfert) uti & felicissimam insuper victoriam ac Triumphum. Adeò ut seculorum periodus ita finire debeat, (tam accuratà Providentiâ res administrante) quemadmodum valde lepida ac jucunda *Tragico-comædia*. Hæc humana ratio expectabit, supposito quod sit Deus ac Providentia, (ut sunt pro certissimo utriusque) præsertim si una Animarum ac *Spiritus* qualitas melior sit ac pretiosior quàm alia. *Divinæque vite* tandem perfectio omnium amabilissima.

8. Quod vel tactus fidem æquat apud omnes eos qui semel ejus perceperint excellentiam ac dulcedinem. Et ignorantia certè cæcorum, nullius argumenti vim habere debet contra scientiam eorum qui vident. Etenim una Anima, Angelus vel Spiritus (quanquam idem esse possunt substantiâ, quemadmodum omnes res corporeæ eadem sunt materiâ) tantò differre potest ab altero quantò Aurum, Adamantes, & Uniones à communi limo lutove differunt, vel perfectissima Pulchritudo à monstro maxime deformi ac horrido. Illud igitur quod vile est rejicietur, quod verò pretiosum est ac nobile eligetur in die illo quo Dominus gemmas suas collecturus sit ac repositurus.

9. Quodque aliquando futurus sit hujusmodi vindictæ visibilis dies, in quo tota Terra per iram Dei conflabit, non solùm communis fama per omnia secula locosque divulgata de *finali mundi conflagratione*, Rationesque naturales in Philosophia, verum etiam ipsa necessitas alicujus universalis, palpabilis & sensibilis supplicii de hominibus impudenter prophanis atheisque sumendi admodum validum argumentum est cur credamus.

10. Magnum igitur illud Bonum quod oritur ex hac defectione hominum atque Angelorum est *activitatis* intellectualium creaturarum in mundo acrior intentio, quò emanationes *omnimodæ vite* magis ad vivum possunt sentiri, dum omnes facultates

tates ac passiones Animarum ac Spirituum provinciâ magis difficili ac variâ excitantur & occupantur, majoriq; cum æstu vitæ atq; mortûs, cumq; attentiore vigilantia, sensûq; magis sapido acquisitarum perfectionum, quàm si nulla hujusmodi facta fuisset pugna luctaq; inter *Regnum tenebrarum ac lucis*.

11. Nunc igitur quanquam primâ quidem specie Deus videri potest *Regnum tenebrorum vitæq; animale* è carceribus aliquanto antè emitti permisisse laxarive ad cursum quàm *Divinam*, debet tamen opportuno tempore per modum aliquem oppidò quàm efficacem, ità excitare, animare & assistere *Divinæ vitæ* contra *Potestates tenebrarum*, ut admodum conspicuas aliquando victorias contra usurpatam Satanæ Tyrannidem in filios hominum, possit reportare. Quamobrem *Divina Sapientia* quæ secundum potentiam absolutam non agit, sed secundum naturæ rerum congruentiam, humanum genus à servitute Diaboli liberare, eosq; ab enormitatibus *Animalis vitæ* ad amplectendam *Divinam* revocare debet, hujusmodi quidem ratione quæ humanis facultatibus maximè sit accommodata.

12. Et quid, obsecro, excogitari potest, quòd magis naturaliter operari queat in humanam indolem ad exsolvendum eum è servitute Satanæ, efficiendumq; ut *vitam* amplectatur *Divinam* quam dereliquerat, quàm ut aliquod valdè conspicuum illius exemplum in gravi aliquo ac venerabili viro exhibeatur, qui maximè feridè humanum genus ad insistendum suis vestigiis ac moribus hortaturus sit, cuiusq; *Doctrina* per sensibilia de cœlo Testimonia, ad exornandam exaltandamq; illius personam esset commendanda; quo palàm fiat eum charissimam esse prolem, voluptatem unicam, ipsissimamq; delicias æterni Dei, cum hujusmodi vocali significatione ex ipsis nubibus, *Hic est filius meus dilectus, audite eum?* Breviter, quàm ut *Nativitas, Vita ac Mors* ejus adornanda esset ejusmodi miraculosis ac supernaturalibus circumstantiis quibus manifestum esse possit omnibus qui datâ operâ non cæcutiant, *hunc hominem verum esse ac infallibilem Dei nuncium?*

13. Cæterum, cum hoc tantò tristius futurum fuisset nuncium, quantò forent persuasiores illud esse verum, Quòd utiq; relinquere deberent omnes enormes voluptates *Animalis vitæ*, ac presè arcteq; se astringere ad *Divinam*: Necessarium porrò erat ut de condigno præmio certiores fierent ob tantos labores qui ipsis sustinendi essent, in mortificando castigandq; suas naturales & assuetas cupiditates, & coercendo sese intra viam angustiorē. Ac proinde consentaneum erat ut illa veritas quæ ità obscura plerisq; hominibus & incredibilis videretur, etiam crasso aliquo modo vel maximè mediocri captui fieret manifesta. Præmium intelligo *beatæ Immortalitatis* post hanc vitam, & recuperationem Cœli vel Paradisi quam Gens humana perdididerat. Cujus certitudo nescio quo meliori modo ipsis detegi possit quàm per Testimonium cujuspiam quem nos certi simus esse infallibilem, quiq; expressim affirmet se illinc fuisse profectum, rursusq; illinc post mortem esse rediturum, nec id solum affirmet hominibus, sed demonstrat insuper, etiam ad externum aspectum, suscitatione scilicet è sepulchro suo postquam planè aperteq; mortuus fuerat, & ascensione in cœlos ubi caro & sanguis habitare non possunt. Quæ *Immortalitatis Animæ* conspicua quidem demonstratio est, atq; æquè sensibilibiter vel tardissimo captui accommodata, atq; si homo quispiam, de cujus fide ac veracitate populus certò esset persuasus, ab alto aliquo monte descenderet, ubi nemini ex illius loci incolis adhuc fuisse contigerat, narraretq; ipsis, quàm amœnæ sylvæ nemorq; ibi essent, & quàm omni genere deliciosorum fructuum plena, adeò ut vera esset terrestris Paradisus, quòdq; locus non tam præruptus esset & inaccessus quàm illi opinabantur, & cum eo illuc reverteret rursus in ipso conspectu eorum qui in quæstionem rem vocarent. Hæc consideratio ipsam internam eorum rationem penetraret, remq; ipsam apud ipsos, acu, quod dicitur, tangeret. Neq; enim eò usq; lapsi sunt qui vel in infimum lapsi sunt gradum ut omnem sensum proprii sui commodi perdidissent, cupiditatēve sempiternæ Beatitudinis, si qua fortè spes tantæ rei ipsis effulserit.

14. Atq; hoc profectò sufficeret ad efficiendum ut humanum genus jugi Tyrannidis Diaboli tæderet. Verum in omnibus defectionibus oportet caput esse aliquod. Et nulla sanè persona tam idonea est ad hujusmodi Inceptum quàm is qui remunerari noverit suos Sectatores, cujus virtutes Tyranni vitiis eminenter sint oppositæ, cuiusq; imperium postquam inauguratus sit, consuetis naturalibus populi propensionibus innocuis minime omnium adversetur.

Quamobrem, quum Diaboli imperium infame sit ob ineffabilem superbiam, insolentiam, & crudelitatem in humanum genus (quemadmodum fusè detectum est in sanguinolentis sacrificiis & contumeliosis hominum tractationibus quantum ad superstitiones,

stitutiones, de quibus nemo dubitare potest quin nullum alium habuerint Autorem quàm ipsum *Satanam*) caput hujus legitimæ defectionis debet esse eximiè benignus, clemens, misericors, mirificq; humani Generis amans. Humilis porro admodum & demissus, tantumq; abesse à requirendo istiusmodi abominabilia & sanguinolenta Homagia cujusmodi sunt hominum mactationes, ut ipse potius è contrà vellet propriam suam vitam lubenter eorum gratiâ deponere. Quod necessario ineffabilem sibi affectuum sectatorum suorum conciliationem procreabit, excitabitq; in ipsis vehementiorem detestationem Tyrannidis Diaboli. Cæterum, quandoquidem Amor inefficax est, ubi benefaciendi facultate destituitur; Princeps hic magis consummatè perfectus erit, si inveniatur non modò tam benignus ut lubenter vellet, si res ità tulerit, vitam suam pro subditis suis deponere, sed etiam facultate polleat servandi eos ab omnibus illis incommodis quibus adversa potestas ipsos illaqueavisset. Cujus quidem merces nihil erat aliud quàm æterna mors. Ac proinde par erat ut potestatem haberet à Deo donandi vitam æternam, & coronandi nos beatâ Immortalitate in Die novissimo, servandiq; à generali illa clade quæ, procedente tempore, rebelles Angelos æquè ac impœnitentes hominum animas est oppressura.

15. Postremò, naturalibus illis ac innocuis propensionibus humani generis hoc caput, de quo agimus, gratificabitur, si illiusmodi in ipso sint proprietates quæ eorum opinionibus, consuetudinibus, & desideriis in re Religionis convenient. Novimus verò ex Historia, Ethnicos admodum pronos fuisse ad suspicandum eos qui eximii eorum fuerint benefactores ex stirpe plusquam humana fuisse oriundos, & tam altum erga eos habuisse gratificationis sensum, ut in Deorum numerum post mortem referrent Divinósq; ipsis honores præstarent. His adde opinionem de necessitate suorum καταστροφῶν & ἀνθρωποθυσιῶν ad placandam iram Deorum; deq; Deorum suorum Medioxumorum utilitate. Quamobrem si Divina Providentia has etiam addiderit gratificationes in Electione Capitis quod constituturus est ad oppugnandum demoliendúmq; Regnum Satanæ, res eò adhuc magis perfectè adaptabitur accommodabitúq; humanis facultatibus, quæ postquam ineptissimis erroribus diu sint ludificatæ, facere non possunt quin ingenti abripiantur gaudio ad aspectum veri & legitimi sui Objecti. Atq; sic Nationes invenient talem Principem ac Ducem, quem quantò attentius intueantur & aspectent, tantò majori illius amore erunt inflammati; Sapientiâ Divinâ demittente se in hoc consilio ad omnimodas blandarum sollicitationum artes quibus miserè lapsum humanum genus lucrificare possit reducereq; à Tyrannide Satanæ ad regnum Dei.

16. Hæc brevis est intelligibilioris partis Christianitatis *Recapitulatio*, cujus formam rationemq; talem esse judico, ut ausim cujusvis judicium appellare, an non ità digna sit Divinâ sapientiâ ac bonitate, itaq; commodè adaptata naturæ rerum presentiq; hominum conditioni in terris, ut fieri non possit quin Providentia aliquando mitteret in mundum talem Principem ac Redemptorem populi sui à captivitate Diaboli, qualem nos descripsimus; qui postquam æternæ vitæ promissâ eis qui ipsum fideliter sectaturi sint, declaravit, legitq; hoc pacto sibi milites contra copias *Regni Tenebrarum*, mundum nobili hoc maximq; momenti conflictu exerceat, & post debitum tempus probationis Fidei, Perseverantiæ, Constantiæ, Amoris atq; Obedientiæ eorum qui ipsi adhæserint, rediret rursus visibili cum pompa secundum Promissâ, victoriam donans, pacemq; ac beatam Immortalitatem suis, iramq; effundens & vindictam extremúmq; Exitium in contumaces & contemptuosos suos Inimicos. Hæc forma, inquam, Providentiæ atq; inventum in Idea sua consideratum ità rationi consentaneum est, ut nemo sapiens piúsq; sit quin aliquando id reapse fore in Mundo facile sit assensurus. Cæterum nunc probare conabor reapse jam esse, hancq; Providentiæ periodum incepisse in adventu Jesu Christi filii Dei ac beatæ Virginis, hoc est, Religionem nostram Christianam, (quatenus spectat Personam Christi,) quemadmodum ego eam in præcipuis illius partibus proposui & explicavi, non esse *meram Ideam* sed *realem* & *actualement veritatem*. Quod spero sufficienter demonstratum iri si probavero, Expectatum *Messiam* jam venisse, scriptaq; Novi Testamenti esse vera. Etenim nihil tunc propositum nostrum frustrari potest nisi quis eò dementiæ prorupturus sit ut *literalem sensum* eorum scriptorum pervertat, miraculq; omnia ibi commemorata in *meram* mutet *Allegoriam*.

CAP. XII.

1. *Præcipuum Authorem hujus Mysticæ dementiæ, quæ verum & literalem sensum Scripturæ abrogat, esse H. Nicolai, in cujus igitur doctrinam personamque accuratius est inquirendum.* 2. *Amarulenta ejus convitia, magnusque despectus ac contemptus ministrorum Evangelii Christi qui docent secundum literam, cum malis ejus rei consequentiis.* 3. *Ratio cur ipsos ita vilificet; Ejusque præceptum sectatoribus, ne doctores ullos consulant præterquam Seniores suæ Familiæ, immo ne dictata quidem propriarum conscientiarum, sed ut totos se dedant Seniorum suorum ductui; simplicium Animarum per impiam hanc technam à Servatore suo defectio irrecoverabilis.* 4. *Exaggerata suiipsius magnificationes suisque servitii Amoris præ Oeconomia Mosis, Johannis Baptistæ & ipsius Christi.* 5. *Quod ejus Servitium Amoris tertia est Oeconomia, nempe Spiritus, talisque quæ excellat Oeconomiam Christi, cum aliis suæ Doctrinæ Encomiis, veluti, clangorem esse ultimæ Tubæ, Descensum novæ Hierosolymæ de cælo, Resurrectionem mortuorum, & gloriosum adventum Christi ad Judicium, eternamque impiorum condemnationem in Igne Infernali.* 6. *H. Nicolai pro suo tempore & post eum, per successionem, Familiæ Amoris natu maximum ipsum Christum esse descendente de cælo ad mundum judicandum, verumque Pontificem maximum in æternum in Sancto Sanctorum.*

1. **C**UM igitur hoc unicum restet obstaculum quo minus prosperè hac in re procedamus, cumque disseminatio hujus *Mysticæ dementiæ* ab existimatione & autoritate illius nimis quàm valdè venerati Enthusiastæ *H. Nicolai Amstelodamensis* proveniat, necessitatem hic mihi imponi video subsistendi paulisper, detegendi; enormes ejus doctrinas & absurdas, tum ad liberandum ab errore seductos ipsius admiratores, tum ad confirmandam * publicam meam de ipso Censuram; ut ne videar vel minimo quidem modo temerarius fuisse vel injurius. Utque commodius progrediamur; primò, eum vobis exhibebo in summo suo apparatu ac splendore, proprii styli testimoniis exornatum, talémque qualis ipse coram mundo cupit videri; & postea examinabo siquid sublit fundamenti, rationisve cur quis credat eum esse talem. Et postremò argumenta producam quibus eum demonstrabo id non esse quod præ se fert.

* Enthusiasmi, Triumphat. sect. 40.

2. Utque hic ipsius splendor apparere possit æquè grandis atque ipse discupit, primò, audietis quàm misellæ reculæ sint omnes qui non inveniuntur suæ sectæ, si modò fidem habere velitis ipsius de eis censuræ. Nimirum, * *Nullam cognitionem esse Christi nec Scripturæ extrà quàm quæ sit in sua Familia: Absque suo servitio Amoris omnia Dei servitia, Sapientiam ac Doctrinam è Scriptura, per quantumlibet peritos doceatur, non esse nisi effascinationem & cecitatem.* || Et quotquot diffidunt opponuntque sese suo servitio Amoris, terram sapere ac Diabolum. Nullamque esse remissionem peccatorum extra suam communitatem. * Pro certoque omne id falsum esse & mendacium, seductionem & deceptionem, quicquid non Deificati nec illuminati homines ex imaginatione vel opulentia suæ scientiæ & eruditionis è Scripturis, producant, instituunt, prædicant docentque. Omnes Doctores ac discipulos extra suam communitatem, falsam esse Christianitatem, synagogam vel scholam Diaboli, imò nidum Diabolorum omniumque impiorum Spirituum. Ac de ipsorum scientia per compendium pronunciat & semel; Eam utique falsam esse Essentiam, Diabolum, Antichristum, Spiritum illum impium, Inferni Regnum, ac Majestatem Diaboli. Nihilò præstabilius quàm sic est maximè sobria maximèque accurata ratiocinatio è sacris Scripturis, simplèxve Historiæ Christi omniumque illius Promissorum Intellectio in Animabus quantumlibet sinceris & religiosis, nisi sint ex sua beata Familia Amoris, quibus, ut videtur, per sortem contigit solis esse è toto mundo *Illuminatis*. Super hac re plura occurrunt in prima ejus Exhortatione cap. 15 & 16. Qui deformis infestusque character quem Christianis omnibus, præterquam eis qui è propria sint Familia, inurit (qui tamen reverà (quemadmodum mox intelligetur) non sunt Christiani) non potest non exacerbare animos professus suis sectatoribus eosque supra modum irritare contra Evangelii ministerium Literale. Quod tamen satis clarè nobis exhibet Historiam Christi, promissa ejus, ac præcepta. Neque quicquam est sensus Mystici quod verum sit, quin *literaliter* in Textu descriptum inveniatur. Adeò ut

* Vide Introduct. cap. 8. 96. & cap. 1. 10.

|| Vide vaticinium spiritus Amoris, cap. 10. 7. * Exhortat. c. 7. 4 cap. 16, 17.

tota ipsorum gloriatio non sit nisi de *Allusionibus* ac *Phrazeologiis*. Nec producere quicquam possunt quod non aperte jam in ipsa litera nobis ante oculos jacet. Ac proinde si quod habent *selectum* inter seipsum *secretum* est certe *Infidelitatis* quoddam *Mysterium* vel *Incredulitatis*, audax & absurda *Præsumptio*, *Historiam non esse veram*.

Cap. 12. 37.

* Cap. 13. 9.

* 14. 1.

* Cap. 20.

12, 13.

3. Quæ *Præsumptio* eos facit omnes *Scripturæ* peritos tam confidenter sub ignorantia concludere, cum nemo eorum hactenus tam nasutus fuerit ut vel minimam in *vetustate Literæ* odoraretur falsitatem. Ac proinde nè *Novitii* ipsorum illaquearentur distraherenturve per fidem simplicem perspicuamve doctrinam vulgarem Christianorum, hortatur eos non auscultare nec credere ulli alii ministerio vel informationi, præterquam quæ administratur per *Seniores* suæ *Familie Amoris*, ipsis præcipiens ut intellectus suos totos * dedant natu maximo *Familie*, nullisq; aliis autem accommodent præterquam suæ *Sectæ Doctoribus*. * Immo verò non permittit ipsis nè *lumen* quidem *animi sui internum* consulere, nec seipsum judicare, judicareve à propriis suis conscientiis, sed solummodò à *Senioribus Familie Amoris*, de quibus nè minimam suspicionem eos habere oportet aut erroris aut perfidie. Quæ maxima Tyrannis & servitus est quæ humanæ Animæ imponi potest, nec obscura indicatio quòd ea approbaturi sint ac persuasuri quæ planè sunt contra *Scripturam*, *Rationem* & *Conscientiam*. Atq; hac technâ multi innocui simplicesq; Agni ex ovili Christi rapiuntur, & in densissimas remotissimasq; sylvas, & tenebrosissimas specus & cavernas, ultra famam, deportantur ab albo hoc Lupo devorandi, qui gratiosis suis sermonibus, flexanimis persuasionibus, mollisq; blandiloquentiâ amore totâ inuctâ & aromatizatâ, hosce parvulos, qui ori suo salivam movent maximè, ad magnam sui admirationem primò pellicit, & postea ad æternam eorum perniciem, extinguit prorsus in ipsis omnem illam *Fidem* quam habuerint in *Persona ac Promissis* semper beati *Servatoris*.

Quod quidem is efficit intereludendo omnes suppetias quas *Rationis* usus *Scripturarumq;* peritia afferre possit, ejusmodi ea conviciis lacerans, quæ suprà commemoravi, (cum mollissima contumelia quam in ea conjicit, sit *imaginatio scientiæ*,) verum seipsum magnificans, suumq; *servitium Amoris*, hoc est, *Doctrinam* suam supra quicquid hactenus filiis hominum apparuerit, quemadmodum jam intelligetur.

Vide Evang.
ejus cap. 37.

4. Anteposit enim seipsum *Abrahamo*, *Mosè*, *Davidi*, & universis *Prophetis*. *Jahanni* etiam *Baptista*, immò verò & personæ ipsius *Christi*. Etenim concedit sanè *Ministerium Patrum* in *foedere Circumcisionis* usq; ad *Mosè* fuisse anteriorem partem veri *Tabernaculi*; *Mosè*mq; in figuris atq; umbris exhibuisse veram *Essentiam* veri *Sanctuarii Dei* in *Spiritu*; *Davidiq;* ac *Prophetis* ostensam esse veram *Essentiam* in *Spiritu sui visus*; *Johannem* porro *Baptistam* præparationem fuisse per pœnitentiam ad introitum in *sanctum* veri *Tabernaculi*, hocq; *sanctum* veri *Tabernaculi* esse *ministerium Christi* in *Fide*. Sed enim verò *sanctum sanctorum*, sive maximè *sanctum*, id sibi ipsi reservat suòq; *Amoris servitio*. In quo, uti ille gloriatur, est perfectio vitæ, vaticiniorum omnium à mundo condito completio, justum Dei judicium, *Thronus Christi* ante quem omnia necessariò sunt manifestanda, perfecta *Deitatis Essentia*, & vera requies *Electorum Dei*. Appellat porro suum *Amoris servitium Diem novissimum*, & perfectiorem ac *Coronidem* omnium operum Dei. Quibus inquirere vult illud æternum esse *Diem septimum* sive *Sabbatum*. Et tamen idem vult esse *Diem* etiam *octavum*, tanquam si affectaret *Diem festum* ultra illum Dei ipsius *Diem*, *Tempusq;* ultra *Æternitatem*.

Cap. 38. 3.

5. Rursus, in suo *vaticinio Spiritus Amoris*, summo se iterum loco collocat in enumeratione trium principalium Ministeriorum, Ministerii scilicet *Legis* sub *Deo Patre*, Ministerii *Fidei* sub *Christo Servatore*, & Ministerii sive *servitii Amoris* sub *Spiritu sancto*. Cujus officii affectationem ille didicit à *Præceptore suo Davide Georgio*, quemadmodum notatur ab ipsis qui de his *Enthusiasticis* scripserunt. Missa hic facio minora ejus doctrinæ encomia, veluti, Quòd sit *Tuba ultima*, *firmissimus ille sermo Propheticus*; Quòd ejus *Dies Amoris* sit *novus ille Dies* quem fecit *Dominus*, abundans claritate plenúsq; æterna gaudia, *Nova Hierosolyma* descendens de *Cælo*, & *Hæreditas rectæ Perfectionis*. Concludemus cum illo quod scribit in *Revelatione Dei*: Ecce statim in hoc *Die* apparet *Regnum Dei* cælorum ejusq; *justitiæ*, *Divina Majestas ejusq;* *gloria*, *salus Christi* & *ætterna vita* in perfecta claritate cum magno triumpho & gaudio; *Resurrectio etiam mortuorum*, *purificatio Terræ*, *Gentium benedictio*, *justum Dei Judicium*, *gloriosus Christi Adventus cum omnibus suis Sanctorum myriadibus*, *Æternusq;* *Condemnatio impiorum in Igne Infernali*. Quid igitur amplius expectare potes quàm quod impletur in ejus *servitio Amoris*? Aut quæ major

Revel. Dei cap.
29. v. 3.

major esse potest persona quàm is qui tam gloriosam exorditur Oeconomiam in ter-
ris? Observemus igitur quemnam seipsum faciat in media hac gloria ac apparatu
quem ante hominum oculos exponit.

6. Equidem quasi parùm esset è mortuis esse suscitatum unctumq; Spiritu sancto,
glorietur præterea Deum in ipso habitationem suæ gloriæ suiq; sancti nominis obli-
gnavisse. Et alibi, se Deum factum esse cum Deo & consubstantiatum cum Divino
Numine. Et expressum in Evangelio suo, cap. 34. declarat, ut Deus se hominificavit
cum ipso, ipsūq; Deificavit cum sua Deitate in Tabernaculum vivum, in Domici-
lium habitationis, in sedem sui Christi è semine Davidis. Ut Tribunal Christi re-
velatum est de cælo à dextra Dei, utq; in eodem Tribunali Christi sedet quidam (sc-
ipsum intelligit) in habitaculo Davidis qui justè judicat, æquitatem meditat, re-
quirītq; justitiam, Deūq; per eum judicaturum esse totum ambitum orbis terrarum.
Hic (in Introductione ad speculum justitiæ) est verus Messias, æternus Pontifex ma-
ximus in sancto sanctorum, nobilis Rex Israël & Judæ, qui sedem Patris occupat,
pacificus Princeps sempiternus super domum Jacob secundum Promissā. Verū in-
quies, hoc intelligi non potest de H. Nicolai sed de Christo, quemadmodum aliās
scripsit, In sua communitate Amoris verum esse judicem Jesum Christum Dominum
nostrum ac Regem, qui justum exercet judicium Patris secundum veritatem. Verū
intelligere nos porro oportet hunc Christum qui sedet super thronum Patris Davi-
dis esse Patrem natu maximum Familie Amoris, quemadmodum apparet ex suo
Evangelio, cap. 31. sect. 14, 16. Quæ loca collata cum his quæ jam commemorata
sunt planè indicant, H. Nicolai hunc Christum esse super thronum Davidis pro suo
Tempore; &, quod adhuc pejus est, semēq; nunquam finiendæ insanix ac Blasphē-
mæ, Enormem utiq; hanc præsumptionem, quod maximus natu Familie ipse Chri-
stus sit de cælo regressus ad judicandum mundum cum Æquitate, in suos posteros
derivatum iri in perpetuum. Utq; adventus hujus Christi videri possit magis glorio-
sus magisq; ipsis Scripturæ locutionibus congruens, Angelis comitatus advenit æquè
ac Sanctis, dum quidam ex illius Senioribus exornantur resplendenti Titulo Sera-
phinorum, ut videre licet in Legendo de vita ejus, quod inscribitur, *Mirabilia Dei*,
ut etiam in suo *Speculo Justitiæ*.

Evang. cap. 38.

Cap. 12.

Exhortat. cap.
20. 13.

CAP. XIII.

1. *Examinatio Rationum omnium quæ occurrunt cur Fanaticus hic gloriator tanto-
perè se magnificet.* 2. *Nullas esse ejus rei Rationes nec è Materia quam tradit,
nec ex Eloquentia Scripturali, nec ex suis animi Rapturis & Allegoriis peten-
das.* 3. *Ineffabilis vis & utilitas Literæ præ illa Allegoriarum in Crucifixione,
Resurrectione, Ascensione Servatoris ejusq; reditu ad Judicium.* 4. *Quod fa-
cultas allegoricè interpretandi Scripturas nullum donum speciale sit divinum,
sed aut naturalis imaginationis aut educationis fructus.* 5. *Nullas enim occasiones
habuisse magnificandi se ex editis miraculis.* 6. *Nec ex eo quod Perfectionis aut
specialis aliquis Præco esset aut Exemplum.* 7. *De Imperfectione illa quæ radi-
catur in Impuritate Astralis Spiritus & effrenis Tumultus Imaginationis in ho-
minibus Fanaticis.*

1. Cæterum satis jam narratum est ad ostendendum singularem illam existimatio-
nem quam hic *Enthusiastes* & de seipso habuit & in aliorum animos insinu-
are voluit de sua Persona ac Doctrina. Examinemus jam quodnam jus rationemve
ipse habuerit tantum sibi assumendi, aliæve tantum ipsi attribuendi habere possint.
Et ut omnimoda quæ excogitari possint argumenta in medium protrahamus; ela-
tam hanc de se opinionem, quasi tam singularis esset persona, aut è *Materia* quam
tradit hauriri oportet, aut ex ejus *Eloquentia*, aut ex animi *Raptibus* quibus tene-
retur in scribendo suas Revelationes (quemadmodum eas censerī cupit) aut ex al-
legoricis suis *Mysteriis*, aut ex sua *Perfectionis* Evangelizatione, aut deniq; ex eo
quod *Scripturæ* de ipso *vaticinate* sint tanquam de Persona in qua omnia sint im-
plenda.

2. Jam verò quantum ad præcipuam *Materiam* quam apertè tradit & in propa-
tulo, est certè *præstantia Amoris*. Quæ Christianitati veritas est tam essentialis
tamq;

Vide lib. 8.
cap. 2. & 13.

Vide Enthusias.
Triumphat. sect.
19. usq; ad 59.

támq; manifestò in Evangelio inculcata, ut nullus verus sit Christianus cui non sit admodum conspicua. Aded ut nihil opus sit novo aliquo præceptore qui in hac Divina gratia nos erudiat, multòq; minùs Prophetà aliquo divinitùs inspirato ad docendum id quod tam clarè jam omnibus patet. Ac proinde si quid novi subfit in hac *Amoris* doctrina, istiusmodi Amoris genus esse oportet quod Christianis prorsus sit novum, veris utiq; Christianis, non autem *Gnosticis*, scholæq; *Simonis Magi* qui æquè magnificè de se locutus est atq; hic Impostor quoquo modo potuit. Et quod *scripturalem* ejus *Eloquentiam* spectat, animiq; *Raptus* & elevationes in scribendo sua cogitata, quòd hujusmodi res frequenter à *Natura* oriuntur (ut deteriora taceam adminicula) corporisq; *Temperamento*, abundè declaratum est in *Enthusiasmo Triumphato*, quemadmodum & de dexteritate *allegoricè* Scripturam interpretandi; Quod quàm distortè tamen ac monstrosè ille fecerit mox annotabimus.

3. Interea loci observatu dignum existimo quàm vertiginosi omniq; judicio destituti illi homines sint, qui tantoperè mystico sensu oblectantur ejusmodi partium Historiæ Christi quæ maximam utilitatem habituræ sint si secundum meram literam intelligantur: Cujusmodi sunt ejus *Passio*, *Resurrectio*, *Ascensio*, *Sessio ad dextram Dei*, & *Reditus ad Judicium*, quando mutaturus est hæc vilia nostra corpora in similitudinem sui corporis cœlestis. Nam si hæc omnia faceremus meras imagines aliqujus rei in nobis præstandæ; *Crucifixionem* scilicet, *mortificationis* veteris hominis, *Resurrectionem*, *resurrectionis* nostræ ad novitatem vitæ, & *Ascensionem* in cœlos sessionemq; ad dextram Dei, *introitus* nostri in *Essentiam cœlestem*, regniq; & imperii inibi nostri cum Christo in spiritu, & *Reditum* ejus deniq; ad *Judicium*, *moderationis* ac *gubernationis naturalis* nostri ac terrestris hominis cum æquitate & Justitia; (quæ ipsæ allegoriæ, aut aliæ vix tam commodæ, profundissima sapientia est maximèq; divina Revelatio quæ reperitur in admirando hoc Propheta :) Hujusmodi, inquam, allusiones & similitudines nullam majorem vim haberent nec efficaciam ad urgendum nos promovendumve ad eas perfectiones assequendas quas repræsentant, quàm si historia Christi mera esset fabula. Verùm si hæc omnia non consideraremus quidem tanquam *Imagines*, sed pro *Argumentis* è vera Historia deductis uteremur, haberent sanè ad bonos nos efficiendos vim prorsus inenarrabilem. * Et enim hoc pacto quivis ingenuus animus in pœnitentiales lacrymas totus liqueceret dum secum recolit, quomodo Dei filius ex mero amore ac commiseratione erga ipsum pro ipso esset crucifixus, ac proinde lubenter submitteret se omnibus doloribus cruciatibusq; mortificationis ex genuino gratitudinis sensu erga suum Servatorem. * Et ex credita *Resurrectione* Christi è mortuis èd plùs animaretur ad prosequendam eam Resurrectionem quæ est ad sanctitatem vitæ, cum certus sit de æterno laborum suorum fructu per beatam Immortalitatem. Cujus & *Ascensio* Christi in cœlum ulterius pignus est, & *Sessio* ad dextram Dei validior invitatio ad alienandum animum suum à desideriis terrenis adjiciendumq; rerum supernarum meditationi. * Et postremo certa spes obtinendi illam coronam gloriæ quam Christus justus judex ipsi tribuet die novissimo (glorificatum illud cœlesteq; corpus intelligo) obligatio erit maxima quæ excogitari potest ad expendendas vires naturalis sui corporis in illius obsequium, ipsumq; exponendi omnimodis asperitatibus, immò ipsi morti si opus fuerit, in honorem sui Servatoris; & ad illud possidendum interea in sanctitate quantà potest maximà, per gratulabundam observationem Præceptorum illius à quo expectamus corporis nostri Redemptionem.

4. Quamobrem cum *literalis* sensus historiæ Christi tam potens sit atq; efficax ad bonos nos efficiendos, indicium est, magnæ quidem inscitie ac levitatis esse, meras allegorias & allusiones, quæ nullam omnino in se vim habent impellendi nos ad pietatem ac virtutem, aded deperire, ullòve modo suspicari rem esse aded *spiritualem* ac *divinam* Scripturas allegoricè posse interpretari. Nihil enim hinc *Divinum* est præterquam firmus noster assensus ipsis sacris veritatibus quæ traduntur in Evangelio, sive *Vita* sint sive *Historia*. Etenim hoc donum est reverà spirituale. Verùm quòd concipimus unam alteram repræsentare posse, hoc tantum est naturalis Imaginationis nostræ agilitas; aut ex usu & educatione nobis obveniens dexteritas: qualis non dubito quin in S. Paulo fuerit qui educatus est *Phariseus* ac proinde in eorum *Midrash* sive sensu Mystico veteris Testamenti bene versatus, quod fecit ut aded pronus esset ad hujusmodi applicationes in *novo*. Hæc verò non tam specialis Inspiratio erat peculiarisve *spiritualis* acquisitio præ reliquis Apostolis, quàm muneris sui pristinaq; *Educationis* specimen, quæ eum allusionibus & Allegoriis in interpretando legem assuefecerat. Aded ut multum sanè me miserarum harum Animarum miserescat, quæ allusionibus istis & allegoricis reflexionibus, tanquam speculationibus omnium selectissimis,

Vide lib. 10.
cap. 13. sect. 5.

selectissimis, ita abripiuntur oblectanturque, ut se illuminatos inde sentiant longe supra captum aliorum mortalium; plus sibi placentes in variè depictis coloribus Iridis, quam in sincera luce quæ illinc reflectitur. Quam tamen omnes veri Christiani manifestò vident sentiuntque in illius Naturæ simplicitate absque ullis hujusmodi nubilosis refractionibus, noruntque reliquum non esse dictamen Spiritus sed merum Imaginationis ministerium quæ illustrandis divinis perceptionibus opem suam affert. Et tamen tenue hoc Acetarium cibus est præcipuus quo hic Pseudopropheta suos pascit Sectatores, maximaque Demonstratio quæ probari volunt quod sit modo adeò extraordinario vocatus & inspiratus.

5. Quantum enim ad miracula, nunquam ulla edidit, quemadmodum videre est in libro de ejus vita, qui inscribitur *Mirabilia Dei*, ubi nihil miraculosi commemoratur nisi propheticum quoddam insomnium in quo videtur terrefactus, una cum religiosis quibusdam locutionibus postquam ex eo excitatus erat. Quibus addas felicem ejus elapsus è manibus Persecutorum, qui cum forteam tam vigilantes non fuissent quam par esset, Historia ita rem narrat quasi percussus essent cæcitate. Et denique ingeniosas ejus quæstiones & responsiones Sacerdoti vel *Confessario*, quando puer erat; ubi præcipuam doctrinæ suæ summam tam plenè enunciat ut videatur æquè sapere annos octo natus atque unquam postea, quanquam ad satè grandem ætatem vixerit. Caterum quilibet qui vel minima ex parte rerum gnarus sit, facile potest discernere illam Dissertationem neutiquam pro vera Historia sed pro Fabula potius spirituali fuisse proculsam. Adeò ut hæ res, quam libet pusillæ sint, nulla tamen sit certitudo de earum veritate.

6. Jam verò quod illum Titulum spectat, quod eminentissimus sit *præco Perfectionis*, admodum inanis est gloriatio. Etenim si per *perfectionem Amorem* intelligit, qui est *perfectio Legis*, non potest clariùs commodiusve prædicari quam in novo Testamento per Christum & Apostolos prædicatur (* Et quæ obsecro comparatio fieri potest inter hujusmodi *Amoris doctorem*, qui postquam Dei filius per signa & miracula declaratus erat, per intimam commiserationem erga genus humanum propriam vitam effuderit, & mollem obscurumque homuncionem, qui nihil novit præter affectata verba sermonesque; delicatulos coram mundo proferre?) siue magis generalem prætendit Perfectionem in Divinis charismatis vitæ illa sancta cujus radix est *Fides in Deum* ejusque in Christo promissa, ramulique *Charitas, Humilitas & Puritas*, mox profectò apparebit, quantum ad Fidem veram, eum omnino ab ea defecisse, factumque esse arborem emercidam, mortuam & eradicatam. Et in præsens manifestum etiam est ex suis scriptis (ut nullas ipsi intendamus accusationes ex alienis) quam longè absit, ut sit perfectus in *Charitate, Humilitate, aut Puritate*. Quodnam enim luculentius signum est *defectus Charitatis* quam concludere omnes homines, qui ex ipsius *Communitate* non sint, Synagogam esse Satanæ, filiosque Diaboli? Et quæ major *superbia* quam seipsum *Abrahamo, Mosi, Christoque* præferre, simularéque; tanquam si ipse Deus esset, judicatum veniens orbem terrarum cum suis Myriadibus Sanctorum & Seraphinorum? Et postremò, quæ evidentiora symptomata libidinis & *impuritatis* quam subsidere excideréque; omni sensu ac prælagio vitæ futuræ? Ut taceam querelas ejus in suo *speculo justitiæ*, de hujusmodi hominibus qui insinuant se ad notandam detegendamque; eorum libertatem; * strenuamque; ejus animationes contra pudorem ac modestiam in viris foeminisque, honestamque; eorum averlationem ab istiusmodi factis quæ verecundia ordinaria vetet nominari. Quæ meo quidem judicio admodum foedæ sunt maculæ in isto *speculo*, ac si oris sui halitum in ipsum efflasset mulier aliqua menstruosa.

7. Caterum, est adhuc præterea subtilior quædam *Impuritas* à qua quisque non est liber, puderet certè eum, si infirmitatem suam resciceret, se profiteri *perfectum*; estque ea *Impuritas Astralis Spiritus*, in quo effrænis Imaginationis sedes est & dominium. Hinc sunt isti *Syderi Planetarii* & *Pracones* ac *Vates*, qui ipsi primò tacti afflative, omnes alios consimili *Impuritate* laborantes *Fanatico* suo contagio affiant & inficiunt. Illi in quibus *mortificatio* plenum suum opus nondum habuerit, naturalisque; ipsorum Temperamenti intima nondum emundaverit, de præfacili percutiuntur obruunturque; hujusmodi *Enthusiasticis Tempestatibus*; usque; dum perfectior purificatio ipsos commiserit tuto præsidio *Intellectualium Potestatum*. Jactet igitur se hic *Pseudopropheta*, quam magnificè volet, de gloriosa sua resurrectione è mortuis, manifestum est eis qui ipso sunt perfectiores, quod per eam quidem mortem nondum pertransiit quæ ad inconcussam veritatis Regnum eum deducere potuisset, & in immotam tranquillitatem serenamque; quietem mundi Intellectualis intromittere. Ubi turbidi flatus procellæque; *Astralis Spiritus* cessant, nec *Imaginationis* violentia fideles

Repre-

* Vide lib. 8.
cap. 2. sect. 3.

* Vide speculum
Justitiæ
lib. 3. cap. 26.

3 Reg. 19. 12.

Repræsentationes Æternæ Rationis pervertit. Deus enim non est in his *Turbini-
bus Fanaticis*, non certè magis quàm erat olim in *Tempestuoso Vento, Terræ-motu*, aut
Igni qui transibant coram Propheta *Elia*. Verùm divina veritas inveniendâ est in
tacita illa & exili voce quæ *verbi Æterni* est *Echo*, non furioso quidem *Imagina-
tionis corporeæ* impulsu nobis impacta, sed suaviter illabens à Patre Luminum apud
quem nulla umbra est Immutationis. Hæc acquisitio erat extra hujus Glorioris
ictum sita, qua de is nè minimum quidem habuit sensum vel præsagium; ac proinde
totus erat deditus calidis præservidîsq; impressionibus seductæ *Imaginationis* in
Astrali Spiritu. Qui mirificè elatus exaltatûsq; in hoc falso lumine vim habet per
verba scriptæ inflammandi alios, dementandîq; eodem æstu strepitûq; suarum extra
se raptu *Imaginationum*, ita ut *Rationis* è *Temperie corporis non oriundæ* vox tacita
& exilis nunquam distinctè possit audiri.

CAP. XIV.

1. Nullum esse de H. Nicolai nec de doctrina ejus in sacra Scriptura vaticinium. Il-
lud Angeli predicantis æternum Evangelium sine ratione ipsi applicari. 2. Ut &
locum illum Johan. 1. 21. quod utiq; sit ille Propheta. 3. Vesana ejus Applicatio
Act. 17. v. 31. ad seipsum. 4. Prava Adaptatio I Cor. 13. v. 9, 10. & Hebr. 6.
v. 1, 2. ad doctrinam hujus novi Prophetæ. 5. Argumentatio pro Autoritate Ser-
vitii Amoris à serie Temporum & Oeconomiarum, cum Responso. 6. Oecono-
miam Familiæ Amoris planè adversari Regno Spiritûs. 7. Authorem non oppu-
gnare Regnum Spiritûs de quibus Cabbalistæ etiam loquuntur, sed tantummodò
affirmare, quod illa Oeconomia non tollit personalia Christi officia, nec externam
venustatem Divini cultûs. 8. Regnum hoc Spiritûs si promovendum sit ministerio
unius cujuscumque Personæ, non sequi tamen H. Nicolai eum esse, cum aut merns sit
allucinans Enthusiastes aut quid pejus.

Apoc. cap. 14.
v. 6.

1. **A**Tque ea propter occæcati flatu pulvereq; hujus Fanaticæ Tempestatis eò de-
mentia propelluntur, ut delirum hunc hominem tam sanctam esse ac Divi-
nam existiment Personam, ut in sacrarum Scripturarum vaticiniis indigetur. Sed
enimverò loca quæ afferunt, tam inscitè inepteq; applicantur, ut eos mirum in mo-
dum quasi capite obnuptos esse deorsumq; detentos prævalido aliquo fascino & in-
cantamento ulterior sit confirmatio. Etenim quàm vana res est & nugatoria *homi-
nem* hunc, *Angelum* illum facere qui æternum Evangelium prædicat, cum tamen An-
gelicum illud præconium septingentis saltem vel octingentis antè annis peractum sit
quàm hic homo viveret, juxta consensum omnium eorum Interpretum qui solidam ac
bene coherentem rationem vaticiniorum S. *Johannis* reddere sunt conati? Cæterum
hoc plus est quàm cui nobis sit opus allaborare (& fortean quàm effici potest) ut
confutemus utiq; hanc Assertionem demonstratione Chronologicâ. Sufficit, ut no-
temus, quod dictum sit gratis, quod mera Imaginatio sit, nullâ confirmata ratione
nec argumento, cum tamen è contrâ, adversus eam oppidò quàm evidens sit Ratio;
quippe quod hic vir quem tantoperè venerantur, vilificator potius sit *æterni Evan-
gelii* quàm ejus prædicator, quemadmodum mox apparebit suo in loco.

Vide Grogium
in locum.

2. Secunda eorum conjectatio, quod præfiguratus sit in Scripturis fundatur in illo
S. Johan. 1. v. 21. ubi eum volunt esse *illum Prophetam*, viz. Prophetam quendam
eminentem, distinctum ab *Elia* & *Christo*. Verùm quàm infirmum hoc sit argumen-
tum perquàm facillè discerni potest. Primò enim, si hujusmodi aliquis eminens Pro-
pheta futurus esset, distinctus ab *Elia* & *Christo*, non statim sequitur quod hic is sit.
Et tum dein, hæc Judæorum expectatio nullum Divinum est Testimonium. Et verò
tertiò, expectabant eum *Judæi* quemadmodum quidam notârunt Interpretes, ante
adventum *Elie*, ut *Eliam* ante adventum *Christi*. Alii intelligunt per illum Pro-
phetam, Prophetam *Jeremiam* qui nuncupatur à *Deo* *responsum*, *Ille Propheta Dei*. Et
postremò, inter reliquos præstantissimus ille *Criticus* piûsq; Interpres *Castellio* sim-
plicitè reddit, *Propheta*. Cum sensus sit, *Esne saltem tu Propheta*? Vide *Castellio-
nem* in locum. Tot, ecce, sunt enervationes hujus absurdi Figmenti, quod is præ-
dictus sit in hoc Scripturæ loco.

3. Sed & tertium locum producam, eumq; à seipso electum, Act. 17. ubi Deus
dicitur

dicitur statuisse Diem quo justè judicaturus est orbem terrarum per eum virum quem *Ab. 17. v. 31.* definiit, Fide ejus rei palàm factà omnibus per illius ex mortuis suscitationem. Efrons hic *Enthusiastes* non dubitat sibi ipsi hunc locum applicare, quasi is vir ille esset inibi prædictus. Cùm tamen clarè constet, locum intelligendum esse de *Persona Christi* quem Deus corporaliter suscitaverat è Sepulchro in pignus palpabile ratamq; confirmationem, quòd mundus per eum judicabitur secundum Scripturas, Matth. 25. 31. Cæterùm supponentes locum ità intelligendum esse, quemadmodum Fanaticus hic gloriator eum vult intelligi, videamus qualisnam sensus futurus sit cùm præcedenti versu continuatus, qui erit hujusmodi, *Deum scilicet nunc omnibus ubiq; hominibus denunciare, ut resipiscant, quippe quòd mille quingentis annis hinc elapsis, suscitaturus sit H. Nicolai è mortuis, sensu morali, qui mundum judicaturus est per suam Doctrinam.* Quàm *Gyrgathea* hæc insania est hujusmodi sacre Scripturæ Expositiones, sub prætextu sublimioris Inspirationis quàm unquam hæcenus in mundo extitit, vendicare? Exhortatio Apostoli sensum haberet æquè enormem ac luxatum, atq; si quis vehementi voce populum inelamaret in *Pauli* ambulantem, ut in pedes quantum queunt se conjiciant, confestimq; è Templo exeurrant, quippe quòd mille hinc & quingentis elapsis annis in capita hominum sit ruiturum.

4. Ut nulla omittam loca quæ afferunt, addam insuper 1 Cor. 13. v. 9, 10. *Ex parte enim cognoscimus & ex parte vaticinamur, postquam autem advenerit quod perfectum est, tunc quod ex parte est, ut inutile, delebitur.* Et Hebr. 6. v. 1, 2. *Quapropter omisso rudimentorum Christi sermone ad perfectionem tendamus, non jacentes rursum fundamentum resipiscentiæ ab operibus mortuis & Fidei in Deum, Baptismatum doctrinæ ac manuum impositionis, & Resurrectionis mortuorum & judicii æterni.* Ex his duobus locis colligere solent, quòd Doctrina Christi est imperfecta, quòdque perfectior doctrina ventura erat, quæ est, inquirunt illi, doctrina *Hen. Nicolai*. Quod tamen argumentum æquè infirmum est & seivolum quàm blasphemum. Manifestum enim est in priori loco non comparari Doctrinam aliquam in terris introducendam cum doctrina Christi & cognitione Apostolorum, sed conditionem cognitionis Christianæ Ecclesiæ in hac vita cum illa quam habitura est in cœlis: Ac proinde dicit, *Nunc ex parte cognosco, at tunc cognoscam quemadmodum & ipse sum cognitus.* Quid! numnam *S. Paulus* inquit, se nihil clarè ante tempora *H. Nicolai* intellecturum? O insaniam & impudentiam vertiginosorum horum Interpretum! Quantum verò ad locum posteriorem, Quid? nunquid nos volunt amittere symbolum Christianum sub prætextu novæ doctrinæ quæ sit perfectior? Immo, volunt proculdubio; quemadmodum mox planè apparebit. Verùm quàm impudenter hac Scripturam abutantur ad execrabilem hunc finem, evidens est ex subsequenti versu, *Atq; id nos faciemus si quidem permiserit Deus,* hoc est, Ipse Apostolus tradet illam doctrinam Perfectionis cujus facit mentionem versu primo. Ac proinde nullum est vaticinium de doctrina *H. Nicolai*, sed exquisitior de Sacerdotis Christi præstantia declaratio, quæ longior est & accuratior quàm quæ brevi Symbolo queat comprehendendi. Verùm ad quàm misellas technas adiguntur delusi hi Fanatici, cùm meliora his argumenta non habeant pro erroribus suis rebellibus adversus Christum suffulcendis?

5. Examinationem rationum quibus inducantur ad credendum virum hunc Fanaticum tam grandem eminentemq; Prophetam cum paulò elegantiori speculatione Sæctatorum suorum, quæ suffulcire volunt magnam illam opinionem quam de ipso conceperunt, quæ & ab ipso met alicubi indicatur, concludam. Nimirum, Ipsam temporum seriem ac Providentiæ magnis illis professionibus quas is de suo facit ministerio, testimonium videri perhibere. Etenim quemadmodum ad Tempus erat Ministerium Legis sub Deo Patre, & Ministerium postea Fidei sub Christo filio, ità & Spiritum sanctum suas habere debere vices & Ministerium. Et quoddam Ministerium illud esse potest præterquam Ministerium vel Servitium Amoris? Ad quod respondeo, si hoc seriò loquuntur & cum ratione habita ad tres Hypostasies semper beatæ Trinitatis, manifestum esse, quòd hoc *Mysterium* non communicabatur cum mundo sub Lege *Mosis*, sed custodiebatur absconditum sub arcana *Cabbala* apud viros sapientes ac Prophetas, tunc demum publicandum, postquam Christus venerit, ad meliùs intelligendam aptiùsq; commendandam doctrinam ipsius unionis cum æterno Verbo. In adventu igitur Christi, cum quo plenitudo Divinæ sapientiæ communicanda erat cum hominibus, distinctior cognitio *Deitatis* clariórque confirmatio *Immortalitatis Animæ* (quæ præcipui sunt antiquæ *Cabbale* ramuli) erat etiam impertienda. Verùm nusquam dicitur, nec certè potest concipi, quòd Deus Pater distinctim à Filio & à Spiritu sancto Legem dedit *Mosi*, sed actus erat, (quemadmodum omnes actus sunt

sunt ad extrà) integræ *Deitatis*; nec verò *Pater* nec *Spiritus sanctus* excluduntur in Oeconomia Evangelii, sed gloria eorum agnoscitur æqualis, & majestas coætterna. Nec porro fieri potest ut Ecclesia unquam cesset esse sub *Fide Jesu Christi*, ita ut alia aliqua succedens Religio eam sit expulsura. Etenim *Fides* promissorum visibilis adventus Christi ad Judicium remunerationisq; verorum suorum membrorum coronâ æternæ vitæ ac gloriæ, necessariò debet manere usq; dum ipsa *Promissa* sint impleta. Quæ non nisi phantasticè & umbraticè impleri concipiuntur in *Servitio Amoris*.

6. Præterea, quemnam obtentum habere potest illa Oeconomia ut se venditet pro Ministerio *Spiritus*, in qua homines inhihentur à fidem adhibendo internis propriorum Animorum manifestationibus (in quibus solis propriè dici possunt à Deo doceri) urgenturq; ad dedendam omnem suam lucem propriasq; conscientias ut regantur flectanturq; ad voluntatem *seniorum* ejus Familiae? Hoc non est divinitus inspirari sed à solis doceri hominibus, & ad instar frusti alicujus inanimi marmoris per manum statuarii formari & exsculpi. Aded usquequaq; dissimilis est Oeconomia *Spiritus*, huic *Servitii Amoris Oeconomiae*. Ut præteream, Rapinæ speciem esse fur-tique, illud tanquam proprium suæ ipsorum Familiae addicere quod tamen uniuscujusq; verè credentis in Christum est peculium, ut qui proculdubio assistentiam habet Spiritus sancti, quemadmodum fusè probavi in sequentibus partibus hujus Tractatus.

Vide lib. 8.
cap. 8 & 9.

7. Verum enimverò si quis ausit affirmare, Post emortuam hanc Religionis Formam externamq; adulationem *personæ* Christi, quæ per nimium multa secula perduravit, successurum esse generaliore dominatum *Spiritus vitæ* experimentalisq; cognitionis interni illius Sceptri ac Potestatis, subjicientis sibi omnes Inimicos sub pedibus suis, mundumq; renovantis in veram justitiam ac sanctitatem, hoc illud est quod ego nullo modo oppugno, immò verò ut liberè fatear quod res est, fatalem equidem habeo immutabilémq; propensionem ad credendum illud esse verum, hocq; esse posse Regnum illud *Spiritus* quod *Cabbalista* olim prælagierunt, quòdque incipit cum Resuscitatione Testium in Apocalypsi S. *Johannis*. De quibus rebus jam locutus sum. Verum interea loci hoc non est speciale opus unius cujuscumque hominis, sed ad imaginem erit Visionis * *Ezekielis*, ubi *Spiritus* à quatuor Regionibus cæli veniens ossa afflat, nervis, carne, cuteq; jam intellecta. Et ecce revixerunt, steteruntq; super pedes, valde magnus exercitus, agmen ordinatum, qualem oportet esse Christi Ecclesiam. Nam interna hæc vis Spiritus non abrogabit nec destruet (quemadmodum hi *Satanici* Impostores prætendunt) externam Religionis Christianæ fabricam, quæ personæ Christi spectat officia, Capitis Ecclesiæ suæ; sed emendabit eam & corroborabit, facietq; magis irreprehensibilem, & supra quàm dici potest pulchram: ut major erat splendor in illis suscitatis corporibus postquam Spiritus vitæ in ipsa intraverat quàm quando mera erant inanima cadavera.

Vide lib. 5. cap.
17. sc. 8.

* Cap. 37. v.
9. 10.

8. Ad hæc, tametsi crederemus hanc Oeconomiam Christi in Spiritu, specialiiori quodam modo unius alicujus ministerio promovendam esse, non omnino sequitur quòd *H. Nicolai* is sit; nec id solum, sed & nullus dubito quin manifestum sim facturus impossibile esse ut sit ille. Quod sufficienter me præstiturum spero si ipsum nulla ex parte eum esse quem se esse prætendit, sed merum solummodò allucinantem Enthusiasten, si non pejus quid, demonstravero. Quæ ultima pars est mei Propositi. Atq; hoc, quantum ego existimo, plenè evincitur probando eum omnia officia personæ Christi antiquasse quatenus homo est, & spem omnem intercepisse ejus visibilis redditus ad judicium in nubibus cæli, remunerationisq; omnium verè credentium gloriosâ coronâ vitæ in cœlesti corpore die novissimo. Quæ quidem res aded manifestæ sunt in Scriptura, ut Scripturam ipsam oporteat auctoritatem suam perdere si illæ semel perdant suam fidem, quemadmodum manifestum est ex eis quæ jam diximus in hoc præsentis Tractatu. Ac proinde qui hæc negat palam est eum non esse hominem divinitus inspiratum, sed Ministrum & negotiatorem pro Diabolo.

C A P.

CAP. XV.

1. Quod *personalia Christi officia non sunt antiquanda* : Sacerdotem esse in æternum, demonstratum ex multis sacre Scripturæ locis. 2. Officium judicis affixum esse etiam humanæ illius Naturæ, probatum ex multis Scripturæ testimoniis. 3. Loca adducta ad excludendam Christi humanitatem, cum Responsis ad ea. 4. Locus ultimus maximèq; plausibilis quem adducunt, cum Responso ad eundem.

1. **J**AM verò quodd *humana Christi persona*, si fas sit ità loqui, non sit abjicienda, evidens est (ut nè repetam quæ aliàs attuli) ex tota Epistola Autoris ad *Hebræos*. Etenim is qui ibi dicitur Sacerdos in æternum, est ille ipse homo qui crucifixus erat *Hierosolymis*, qui dicebatur per omnia fratribus esse similis, ut *misericos* esset & fidelis Pontifex in iis quæ apud Deum agenda forent ad expiandum peccata Populi. Nam ex eo quodd perpeffus fuit cùm tentatus est, potest & iis qui tentantur succurrere. Patetq; ulterius, quodd hic ipse est quo de loquimur, ex eo quodd nasci dicitur non ex tribu Levi sed ex tribu Judæ, cap. 7. 14. & tamen inibi declaratur Sacerdos in æternum secundum ordinem Melchisedechi. Totum caput lege; nihil clariùs asseri potest quàm æternum Sacerdotium hujus hominis, qui populum sanguine suo lustrans extra portam supplicium pertulit. Quæ hujusmodi sunt particularia quæ necessariò æternum Sacerdotium humanæ Christi Personæ affigant.

Rursus, ex eo quodd dicitur non nisi semel pati, manifestum est *literaliter* intelligendum esse de *humana ejus persona*. Cùmq; omnis sacerdos pergat quotidie Ceremoniis fungi, & eadem sepe sacrificia facere quæ peccata adimere nunquam possunt, Ille uno pro peccatis functus in perpetuum sacrificio consedit ad Dei dextram, &c. Et tamen adhuc plenius in antecedenti Capite, Non enim in manufactum sanctuarium ingressus est Jesus, quodd veri sanctuarii exemplar foret, sed in ipsum celum ut nunc Deo coram appareat pro nobis. Neq; ut sepe seipsum offerret, quemadmodum Pontifex ingreditur sanctuarium quotannis adhibito sanguine alieno : alioqui fuisset ei sepe patiendum supplicium ab orbe condito : sed nunc semel sub seculorum exitu ad obliterandum suo sacrificio peccatum, factus est manifestus. Et quemadmodum hominibus semel moriendum est, deinde subeundum Judicium : ità Christus semel ad multorum tollenda peccata oblatus, iterum sine peccato conspicietur expectantibus se ad salutem. Quibus addere potes illud Petri, Siquidem Christus quoq; semel pro nobis passus est, justus pro injustis, quodd nos ad Deum adduceret. Et I Johan. 2. 1. Filioli mei, hæc vobis scribo ut non peccetis, quodd si quis peccaverit Advocatum habemus apud Patrem Jesum Christum justum; Qui & piaculum est peccatorum nostrorum, nec solum nostrorum sed etiam totius mundi. Et si sic erat in Temporibus Johannis, cur non semper?

Præterea, Rom. 5. 6. Christus enim cùm nullis adhuc viribus essemus, prestituto tempore pro impiis mortuus est. Non dicit, per impios sed pro impiis. Quodd proinde allegoricè exponi non potest, nisi admodum insensatè; non certè magis quàm versus 10. Si enim hostes cùm essemus, reconciliati sumus Deo per ejus filii mortem, multò magis reconciliati servabimur per ejus vitam. Nunquis reconciliatur per vitæ Divinæ, mystici utiq; in nobis Christi, macerationem? Quamobrem manifestum est quodd in temporibus S. Pauli humana Persona Christi ille Pontifex erat qui propitiatio erat apud Deum per sui ipsius sacrificium; nec verò Deus declaravit usquam quodd adhuc eum exuerit, vel unquam exuturus sit suo munere, usq; dum venerit ad Judicium, quando apparebit secundà vice absq; peccato ad salutem, quemadmodum dictum est ex Autore ad Hebræos, hoc est, quando suum piaculum secum non adducet, corpus scilicet terrenum, mortale & crucifixionis capax, sed apparebit tanquam gloriosus Judex ad perficiendam salutem omnibus qui verè in eum credunt, lætùmq; ejus expectant adventum, quo tempore corporum nostrorum redemptionem consummabit nòsq; transferet ad æternum suum Regnum in cœlis.

2. Atq; hoc Judicis officium *humane ipsius Personæ* quasi signatis Tabulis confirmatum esse, manifestum est ex eo quodd ex Actis Apostolorum recitavimus, nempe, quodd Deus palàm fidem fecit omnibus quodd judicaturus sit orbem terrarum per virum Jesum ex eo quodd tam miraculosè eum è mortuis suscitaverit. Qui & ille ipse filius hominis est qui apparebit super Thronum suis Angelis constipatus, Matth. 25. Et nemo profectò negabit quin is qui sedet ad dextram Dei venturus sit ad judican-

Hebr. 2. v. 17.
18.Hebr. cap. 10.
v. 11.Hebr. 9. v. 24,
25, 26, 27,
28.

I Pet. 3. 18.

Act. 17. v. 31.

AB. 3. 13. 21.

dum vivos ac mortuos. Verum est hic ipse crucifixus Jesus, qui pro letitia sibi proposita sustinuit, contempto pudore, crucem, & ad dextram solii Dei confedit, Hebr. 12. 2. Cui veritati S. Paulus etiam testimonium perhibet in Actis. Ubi ille ipse Jesus quem Judæi tradiderant negaveruntq; coram Pilato, dicitur receptus esse in cælos usq; ad tempora restitutionis omnium, de quibus jam olim locutus est Deus per os omnium sanctorum suorum Prophetarum. Hoc utiq; innuit quod in ultima completionem periodorum Temporis appariturus sit rursus, finiturusq; Pietatis mysterium & perfecturus tandem Populo suo salutem juxta quod promissit Johan. 6. *Nemo potest ad me venire nisi pater qui me misit eum trahat, quem & ego suscitabo ultimo die.* Quod proculdubio intelligendum est de ipsius humana Persona, propterea quod ob eam ipsam causam Judicem eum constituit vitæ atq; mortis; quemadmodum apparet Cap. 5. v. 26. *Sicut enim Pater habet vitam in seipso, sic dedit & Filio habere vitam in seipso. Et auctoritatem ei dedit etiam judicii exercendi quoniam filius est hominis.* Jam igitur cum dicit, Nemo potest venire ad me nisi Pater eum trahat, manifestum est per Patrem intelligendam esse invisibilem Deitatem, cujus operationes & præparationes intra animam hominis, eum habilem faciunt ad se jungendum cum humana Christi Persona, visibili utiq; Capite Ecclesiæ Dei: alioqui si per Christum hic intelligeretur æternum Verbum, sensus equidem minimè esset commodus. Illud enim est quod trahit, non id ad quod trahitur, hoc in loco. Porro, ubi ait quod suscitabit eum die novissimo, evidens est, non Moraliter nec Mystice intelligendum esse, sed Literaliter; alioqui differri non posset usq; ad ultimum diem, sed perficiendum esset in hac vita. Nec intelligi potest de die *Servitii Amaris*, tunc enim sensus esset, eos qui ante sexdecim centenos annos in Christum crediderint, futuros nunc esse *Familistas*, vel potius alios aliquos eorum loco. Quæ profectò Promissa insipida sunt & ridicula. Quamobrem hicc filius hominis est cui Deus etiam dedit potestatem exercendi judicium. Atq; ille ipse proculdubio est qui repræsentatur super magnum Thronum candidum, à cujus conspectu terra cælumq; fugerunt, Apoc. 20. *Et vidi mortuos parvos & magnos stantes in conspectu Dei, & libri aperti sunt, & alius liber apertus est qui est liber vitæ, judicatiq; sunt mortui ex eis quæ scripta erant in libris, secundum opera ipsorum: & reddidit mare mortuos quos habebat, mors quoq; & Infernus reddiderunt mortuos quos habebant, & judicatum est de singulis secundum opera ipsorum. Infernus autem ac mors conjecti sunt in stagnum ignis.* Infernus (i. e. *Ides*) Regio hic est mortuorum; Totaq; fabrica ac Phræseologia materiæ hic contentæ tam planè supponit Judicium esse de defunctis, sive mari immersi fuerint, sive sepulchris conditi, sive aliis cujusmodicunq; circumstantiis hanc mortalem vitam reliquerint, ut veritas hæc de visibili Christi adventu ad judicium nullis inventis allegoricis celari possit aut eludi.

3. Nec habent certè inconsiderati nostri Adversarii quicquam quod afferant pro contumaci suo contemptu *humane Personæ* Christi, nisi Scripturæ locum unum & alterum quos illi oppidò quàm perperam interpretantur. Cujusmodi sunt Hebr. 11. v. 26. Ubi Moyses *maiores dicitur ratus esse divitias, Christi probum, quàm Egypti thesauros.* Et cap. 13. v. 8. *Jesus Christus & heri & hodie & idem est in sempiternum.* Ex quibus locis talem sibi solummodò animo figurant Christum qui temporibus *Mosis* æquè erat atq; nunc, idemq; erat semper ab orbe condito sempèrq; est futurus. Verum montes hîc, quod dicitur, è grumis planè excitant. Simplex enim ac genuinus sensus prioris nihil aliud est quàm quod *Moses* tales contumelias tulit quales Christus fidq; Christi Professores ferunt: quod exemplum *Mosis* pro argumento adhibet ad *Hebræos*, ad confirmandam ipsorum patientiam. Nisi fortè locum interpretandum putes ex illa suppositione, quod Christus præfectus esset *Israëlis* etiam ante suam Incarnationem. Cæterum prior sensus facilius videtur & plausibilior. Et quod locum spectat alterum, nihil aliud est quàm exhortatio ad Perseverantiam, à constantia Christianorum Præsidum ac Rectorum, qui in fide perstiterant usq; ad finem; unde eos monet Apostolus quod fides etiamnum eadem sit, Christiq; assistentia eadem nunc quæ tunc eis fuerat, sempèrq; futura est eadem omnibus verè credentibus. Quod certè totum id exhaurit quod sententia illa innuit, *Jesus Christum eundem heri esse & hodie & in sempiternum.* Etenim vocem *heri* interpretari ab *Æterno* admodum durum est & phræseologiæ Scripturæ adversum. Psalm. 90. *Nam apud te mille anni habentur pro besterno Die præterito.* Et Job. 8. *Nam nos quidem besterni sumus nec scimus quicquam.* Quod verissimum est de novis his novitiis Scripturarum interpretibus.

2 Cor. 3. 16.

4. Cæterum ultima eorum maximèq; plausibilis Citatio est ex Epistola ad Corinthios. *Itaq; nos deinceps neminem novimus, secundum carnem. Quod si Christum secundum*

secundum carnem cognovimus, at nunc jam non novimus. Hinc plenam sibi factam esse copiam existimant exauctorandi *humanam Personam Christi* ex hoc *Pauli* exemplo. Sed error eorum ex inscitia Idiomatis Hebraici exortus est, in hoc Scripturæ loco. Etenim quemadmodum notavit præstabilis ille Interpres *H. Grotius*, verba reddenda sunt, *Immo tametsi noverimus Christum secundum carnem*, hoc est, Tametsi ipse cum aliis Christum noverim secundum carnem versatusq; sim cum eo hic in terris, immò cognatione aliquantò propinquiùs cum eo conjunctus, quemadmodum quidam, ut videtur, *Corinthii* gloriabantur, tamen deinceps, inquit ille, ad hunc modum eum non cognosceremus, sed tanquam cœlestem Principem; apud quem ille in maxima est gratia qui maxime propè renovatus sit ad Imaginem illius vitæ. Vel absq; hoc Hebraismo; Obliqua potest esse monitio ad personas prædictas, rationemq; habere potiùs exhortationis ad ipsos quàm declarationis de seipso; quam illi eò certiùs cogerentur sibi ipsis assumere, quantò evidentiùs constaret *Paulum* nunquam novisse Christum secundum carnem. Quòd hujusmodi sensum aliquem habet ac non illum adversariorum, ex præcedenti versu est manifestum, ubi *humanam Christi Personam* in Sacerdotali suo officio expressim agnoscit. Propterea quòd asserit eum esse unum illum hominem qui mortuus est pro omnibus (non occisus per omnes prout supra notavi) ut vivi non jam sibi ipsis vivant sed ei qui pro ipsis est mortuus & revixit. Quod nullum habet sensum nisi intelligatur de *humana Persona Christi*. Et vers. 20. apertè profitetur seipsum nuncium esse crucifixi *Jesu*, magnive Angeli fœderis legatum. Itaq; cum pro Christo Legatione fungamur, ut Deo per nos adhortante, quaesumus pro Christo, reconciliamini Deo. Qui peccati ignarum pro nobis peccatum effecit, ut in eo nos fieremus Justitia Dei. Quorum nullus esse potest sensus probus qui *humanam Christi personam* ab officio Sacerdotali excluderet. Abundè igitur demonstravimus *Personam Servatoris* non esse exauctorandam; sed in æternum Sacerdotem esse secundum Scripturas.

CAP. XVI.

1. Quòd *H. Nicolai* in scriptis suis exauctorandam esse *Personam Christi* planè docet. Ut ubi affirmat, quicquid docetur à Scripturæ peritis falsum esse. Omnèsq; res Biblii non esse nisi Præfigurationes eorum quæ ad beatæ suæ Familiæ conditionem spectant. 2. Aliæ citationes ad idem propositum, ejusq; execrabilis Allegoria Paschatis à Christo cum discipulis celebrati, quo veram illius cognitionem Historicam conatur abolere. 3. Multa Loca ubi Sacerdotale Christi officium evidenter tollit. 4. Alia quæ gloriosum tollunt illius reditum ad Judicium & Resurrectionem mortuorum in sensu vero ac Apostolico. 5. Cur in hac Controversia voce *Persona* potiùs usus sit quàm *Natura*.

1. **A**Què evidens jam faciemus, quòd hic Pseudopropheta, quo de loquimur, eum exauctorandum esse censet, quo clarè eum apud mundum falsitatis & imposturæ convincemus. Idq; præcipuè ex propriis ipsius scriptis. Ex quibus primùm istiusmodi Loca producemus quæ modo generaliori id, ad quod tendimus, inferant. Quod certè talia Loca faciunt, quæ expressè declarent, *Quicquid docetur de Christo extra Communitatem Amoris, falsum esse.* Unde planè apparet, Articulos Symboli Apostolici literaliter intellectos falsos esse juxta sententiam inspiratæ hujus Communitatis. Etenim hi Articuli docentur ab eis qui non sunt è Familia *H. Nicolai*. In prima exhortatione cap. 5. ille planè declarat, veram fidem in *Jesum Christum* inveniri non posse apud ullum populum in terris qui extra *Communitatem Amoris* versantur. Et cap. 16. sect. 15, 16. nos monet, Præsumptionem esse contra Deum contrâq; ejus Sanctos, quòd quisquam ex Literæ peritia vel ex imaginatione scientiæ tantum sibi assumat ut pro Doctore se gerat vel prædicatore, institutve quicquam, vel immisceat se ulli Dei cultui nisi sit illuminatus Senior è Familia Amoris. Et sect. 17. affirmat, Omne id falsum esse ac mendacia, seductionem & deceptionem, quicquid docetur ab aliis ex Scripturæ peritia. Rursus in Evangelio suo cap. 32. ibi asserit, Qui extra Familiam Amoris existunt, omnes res Christianitatis eis esse in Imaginibus, Figuris & umbris, in similitudinibus, Parabolis & Libellis sigillatis: ubi mens ejus faciliè intelligitur ex cap. 30. sect. 17. Figuras enim

umbrâsq; has facit verarum & spiritualium rerum, quæ olim per Jesum Christum e-
verunt, visæ sunt, audita & prædicatæ, quæq; manserunt tanquam monumenta ve-
rarum & spiritualium rerum quæ procedente tempore eventura erant, nempe per hunc
divinitus inspiratum Ministrum. Quo Historia Christi mera sit Allegoria Prophe-
ticâq; Præfiguratio eorum quæ implentur in Oeconomia Communitatis Amoris. In
qua omnia implentur in Christo quicquid de ipso scriptum est, prout is planè assertit,
cap. 12. sect. 10. Et copiosius declarat in suo vaticinio spiritus Amoris, cap. 13. Ne-
minem ex naturali suo Scripturæq; consulto intellectu ullum omnino habere lumen vel
notitiam Christiani Mysteriorum, immò verò ejusdem aded expertem esse, ut nè minimum
illius apicem intelligat. Loqui quidem potest ex verbo scripto sed nè hitum intelli-
gere juxta veritatem, sed totum opertum est & sigillatum coram eo in similitudinibus,
Imaginibus, Figuris & Parabolis. Ubi iterum facile est inferre, egregium hunc
Prophetam nullos articulos Christianæ Fidei veros esse tenere eo in sensu quo Scri-
pturæ consulti eos docent. Quod planè est negare Historiam Christi meròq; Infide-
les nosmetipsos profiteri. Ex quo spiritu Infidelitatis singulas ferè clausulas Sym-
boli, tam distortis allegoriis elusit, ut hujusmodi hominibus, qui fanatico illius af-
flatu dementati non sint, nec ad meliorem de ipso fovendam opinionem quàm meri-
tus sit effascinati, necessariò appariturus sit Infidelis.

Postremò, In sua Introductione, cap. 9. sect. 35. Ibi iterum audacter affirmat, Pro-
certo mera esse mendacia quicquid literæ periti instituunt vel exponunt, quantumli-
bet claro sint intellectu, si nondum reformati sint per Amorem ejusq; servitium. Et
in subsequenti sectione planè declarat, Scripturas non docendas esse nec exponen-
das Historicè, sed tanquam Præfigurationes Promissorum quæ implentur in suo ser-
vitio Amoris. Unde manifestum est eum nullam habuisse fidem Literæ Scripturæ
nec miraculosæ Historiæ Christi & prædictionibus de ipso quibus Fides nostra allige-
tur humanæ ipsius Personæ. Ad quam abolendam summâ, quæ fingi potest, utitur
diligentiâ, tanquam si non simplex studium, sed inspirata quædam invidia odiûmq;
planè Satanicum adversus honorem Personæ Christi, eum in omnibus suis scriptis
agitaret.

Cap. 12.
Sect. 14.

Introduct. cap.
13. 17.

2. In quem finem, opinor, illa cautio est in Introductione, Ut nemo cor suum
alliget ulli rei externæ quæ ipsi inserviat ad rectitudinem vitæ. Nam omnium rerum
externarum nulla huic fini aptius inservire potest quàm humana Christi persona, qui
passus est pro nobis redemptq; nos ab ira ventura, modò nos fideles in suo secedere
maneamus. Illa etiam Loca ubi ait, vitam piam esse ipsum Servatorem, neminemq;
Christum noscere posse eumve confiteri, nisi illius forma sit in eo, hoc est, vita illius
vel imago, videntur eò dirigi ut externam Christi Personam allidant. Quemadmo-
dum & id quod profert cap. 22. Quod nullum aliud scilicet fundamentum jaci potest
quàm ille Jesus Christus, qui ab æterno erat, est, & in æternum est futurus. Quo
nullus dubito quin intendat humanæ illius Personæ exclusionem, cujus computus non
nisi sexdecim centenos ante annos aut eò circiter incepit. Sed maxime mirabilis
Techna quâ eum exauctorare nititur, est mystica illius Expositio celebrationis Pascha-
tis Christi cum discipulis. Quam perfacile intelligemus modò notemus quid ille
per Carnem in scriptis suis significet. Per Carnem verò intelligit Literam vel Hi-
storiam. In vaticinio spiritus Amoris, cap. 13. v. 4. Quapropter omnes illi longè pro-
fecto errant qui secundum proprium intellectum (ex terrestri essentia vel ex carne vel
litera) veritatem Dei judicant, quæ celestis est & spiritualis: vido etiam Introduct.
cap. 14. sect. 20.

Nunc igitur si legas Evangelium ejus, cap. 21. sect. 3, 7, 8, 10. item cap. 22. sect.
5, 6. & cap. 25. sect. 1, 2, invenes breviter (immemum enim esset allegoricas has
ambages perscribere) rectam Paschatis celebrationem cum Christo esse, ut ille (Chri-
stus scilicet secundum carnem, ipsissima ejus verba sunt) mactetur, hoc est, ut Chri-
stus secundum literam vel Historiam aboleatur ut recipi possit solummodò secundum
spiritum. Quod magnum illud arcanum est hujus Sectæ Familistarum. Ecce in-
quit, hæc est recta Pascha cum Christo rectèq; cœna quam Fideles sincerèq; discipuli
Christi cum Christo celebrant, nimirum quæd discedunt ad eum planè modum cum
Christo ex carne (hoc est, ut Christus secundum Historiam Literæve crucifigatur
macteturve in eis, id est, nullius pretii fiat, prorsusq; rejiciatur tanquam mera Fabula)
& in spiritum transcant (hoc est, spirituale Mysteriorum Christi, immòdior sive Mo-
rale Fabulæ) & ex morte ac mortalitate (hoc est, ex litera mortua) in sempiternam
Immortalitatis vitam æternam. In quo strepero sermone ac sonoro, nè ullum tibi
pollicearis tam diuturnum durabilève mercimonium, nihil significatur nisi status Per-
fectionis quem hi Familistæ sibi hæc fingunt in terris, estq; sempiternus in nullo alio
sensu

sensu quàm *successione*, quodd sibi promittant ipsorum Sectam in perpetuum duraturam. Ac proinde addit, unde peccatum omnisq; perniciēs devincitur; nimirum, per hunc statum *Perfectionis*, in quo peccatum omnisq; status destructilis absorbetur. Etenim cum ad summum pervenerint, nulla superest rerum mutatio, quamvis eorum personæ fiat mortales juxta propriam ipsorum doctrinam. Hæc *Paschatis Allegoria* tam scæva est, tam perversa ac distorta fictio, ut nisi Autorem ipsius immenso modo *Fanaticum* existimarem, eam equidem comitatam obliquo scommate ac dictorio contra Historiam Christi suspicarer, effectumq; esse animi Athei & derisorii. Nemo enim *Atheni* suum hîc ingenium exercere posset magis vafra subdolâq; malitiâ quàm is videtur fecisse. Quod ed aliquando me inclinât ut eum credam non fuisse simpliciter *Fanaticum*, sed aut *Athenum* aut à *Damone possessum*, cum ille tamen interim nesciret cujus esset *insignis*.

3. Atq; sic, in genere, prælibavimus præcepimûsq; quàm sedulò hic Author conetur Christi personam extrudere. Prosequemur jam hanc Materiam in duobus præcipuis Capitibus. *Officio* scilicet *sacerdotali*, *visibiliq; Adventu* ad *Judicium* in *humana sua Persona*. Cui annectitur gloriosa *Resurrectionis æternæq; vitæ* Promissum in simplici verôq; sensu absq; omni ænigmatica elusione & æquivocatione. Quodd nè flocci quidem facit propitiationem per personalem Christi Passionem factam, meo quidem judicio, nimis quàm apertè demonstrat cap. 13. sect. 8. *Documentalium sententiarum*, ubi nè cogi possit agnoscere utilitatem illius Advocati apud Patrem, *Jesu utiq; Christi justî qui Propitiatio est pro peccatis nostris*, eum qui per vim tentationis peccat infontem pronunciat, ut virginem, Deuteron. 22. cui quis vim intulerit, invitâmq; compresserit, ut nullus sic usus esse possit Sacrificii Christi, cujus mortem Personalem & officium Sacerdotale ad hunc finem is nunquam commemorat. Prout porrò observare licet, *Exhortat.* cap. 20. à sectione 19 usq; ad finem capitis. Ubi tamen supponit offensiones hominis lapsûsq; quotidianos perquàm graves ac terribiles ipsi ante oculos versari, ob hancq; causam valdè contristari corde, peccati aculeos sentire, mortisq; spicula, & Inferni condemnationem, atq; sic multo angore animi & afflictione exerceri: nulla tamen omnino applicatio est *Sacrificii Christi in cruce*, nec auxilium ullum aut solatium exhibetur, per illius Passionem, quanquam hic locus erat maximè opportunus qui occurrere potest, ubi illius rei fiat mentio. Et cap. 24. in precibus quas illic effundit, cum eum mediatione Christi qui dolores mortis in cruce pro nobis sensit, oporteret uti, supposititio tantum utitur Dei promisso ac fœdere quod fecerit cum *Familia Amoris*, sect. 3. & 7. vide eum etiam in *Beatitudines*, sect. 6. Et minimè quidem mirum est tam altum esse silentium de Reconciliatione per Christi crucem factâ, cum tam apertè affirmet sect. 34. Quodd *vera Essentia in Amore illa pax sit Deum inter atq; hominem* (cujus fit mentio Ephes. 2. 14.) *verumq; Testamentum quod fixum manet in æternum*. Et in *Exhortatione* cap. 12. 44. *Remissio peccatorum* obtinetur *submitiendo se tantum Familiae Amoris*. Idem utiq; quod *David Georgius* venditabat de sua Doctrina. *Quapropter dilecti mei filiioli nè vertamini nec divertamini à Familia Amoris; cum in ea ipsa sit sedes gratiæ ad æternam peccatorum remissionem, omnibus eis qui ipsi adherent, & ad pacem & tranquillitatem vitæ universis qui ipsi se submitunt*. Per hujusmodi lapsus & omissiones, qui non admodum tardi sunt intellectûs mentem illius facillè possunt odorari. Quæ tamen etiam adhuc magis patescit ex aliis locis Evangelii sui, cap. 13. ubi *æternum Sacerdotium* super Christi Personam non collocat, verum *Regium hunc Sacerdotem*, nullam omnino Personam facit, sed rem; statum scilicet vel conditionem sui ipsius & suorum Sectatorum hîc in terris. Ac proinde hunc *Mysticum Christum* illuc nuncupat, *Sabbatum Domini, Diem septimum in Paradiso, Perfectionem*, &c. Et cap. 22. *Introitum Christi in celos* ejûsq; visibilem illuc *Ascensionem, Sessionemq;* ad dextram Dei & *Spiritus sancti missionem* in Die *Pentecostes* (quod reale effectum erat æterni ejus Sacerdotii & Intercessionis apud Deum pro Ecclesia) nihil aliud facit præterquam illius *adventum secundum Spiritum ex Essentia cælesti* in ipsorum mentes animasve in quas spirituales suas coelestèsq; virtutes demiserit.

Quamobrem mysticus hic Christus unicus est ille Pontifex maximus quem ille agnoscit, nec eum aliter quàm hoc sensu mystico ac spiritali æternum verumq; Dei Christum esse admittit. Vide locum. Cujus certus eris me genuinum reddidisse sensum, si comparaveris cum cap. 26. sect. 10, 11, 12. ubi apertius affirmat, Quodd sit *Regia Essentia Amoris*, (Christus secundum Spiritum (quem verum Lumen appellat) qui Pontifex maximus sit qui manet in æternum ad Dei dextram in cælesti Essentia. Quæ locutio [*cælestis Essentia*] moraliter apud eum mysticèq; semper significat aliquidq; intra nos innuit. Et tamen quæ ejus est impudentia. Id quod occurrit

currit Act. 1. v. 11. huc allegat, ubi Christus dicitur in *cælum* ascendere *literaliter* & *naturaliter* intellectum, discipulis oculos suos in eum defigentibus dum ascende-
bat. Atq; sic videmus quantâ industriâ, immò verò quantâ vesaniâ & temeritate *humana* Christi Personam officio Sacerdotali ubiq; excutiat. Et quemadmodum *cælum* vel *Sanctum sanctorum* intra nos esse vult, ita & illius *sacrificium* & *Passionem* intra nos pariter esse statuit, *Introduct.* cap. 8. 38. *Ubi nunc sunt ulli*, inquit ille, *qui cœnam Christi celebrant, ubi frangant, distribuunt, comedantq; panem* (quod verum corpus est Christi) *in Christi commemorationem*, quòd utiq; *passus sit in nobis propter peccatum mortem crucis, atq; sic mors illius sit publicata usq; dum venerit in gloria?* Ubi manifestum est quòd crucifixionem Christi mysterium esse vult in nobis, insinua-
rẽq; insuper, nobis impositum esse officium. Nam Corpus & Caro Christi Christus est secundum Historiam. Qui Christus secundum carnem mactandus est in nobis si quidem *Pascham* ritè celebremus. Atq; sic nobis publicanda est illius mors usq; dum venerit in *gloria*, hoc est, in *spiritu*.

4. Et certè non alius est gloriosus illius *adventus ad Judicium*, apud hanc Sectam, quàm hic mysticus & spiritualis *adventus*; Quæ secunda erat pars, quam prosequen-
dam proposui, quàmq; non dubito quin facturus sim meridianâ luce clariorem. Hu-
jus rei tot sunt Testimonia & tam apposita, ut maximè nobis cavendum sit nè nimis
simus in illius Demonstratione copiosi. *Revel.* Dei cap. 7. ibi *illuminati* ejus *Senio-
res* unâ cum sua *Familia Amoris* cœli sunt, in quibus Christus filius Dei gloriosè
ovantẽrq; venit ad Judicium, ut regnent cum Deo ejusq; *Justitia* in terris in æter-
num. Quod mundi finem planè excludit, illũq; Christi Adventum quem expectant
omnes Christiani. Et cap. 15. sect. 6. affirmat in *octavo* hoc Die, qui *dies est Spiritus
Amoris*, omnes mortuos, qui *defuncti sunt in Domino Jesu Christo*, surgere è mortuis,
omnẽsq; generationes *Cœli* atq; *Terræ* judicari in *Judicio Dei cum Æquitate*.

Rursus, in *Introduktion* cap. 1. ait, *Hunc verum ac gloriosum Deum, qui Resur-
rectio est & vita, Sanctos suos è sinu suo revelare, ubi (ex quo tempore obdormie-
runt) requieverunt, usq; ad hunc Diem Amoris, quippe qui in ultimis his tempori-
bus in Resurrectione justorum, manifestandi erant cum Christo in gloria ad justum
Dei judicium in terris.* Et cap. 12. ibi etiam affirmat: *In hoc Die Amoris apparere
venirẽq; ad nos modo vivo ac glorioso omnes Sanctos Dei qui præteritis temporibus
mortui sunt & obdormierunt in Deo.* Et cap. 22. ibi etiam narrat, *Quomodo in
certa firmãq; spe æternæ vitæ sincerè fideles requieverint in Domino Jesu Christo usq;
dum apparuerit illius adventus qui nunc in hoc Die Amoris ex cœlesti Essentia revela-
tur, cum quo Jesu Christo priores Fideles Christi qui obdormierant, requieverant vel
mortui erant in ipso, nunc etiam manifestantur in gloria, suscitati è mortuis in eum
finem ut vivi cum eo regnent super ejus inimicos.* Quibus addere potes, quæ scri-
psit cap. 16. in *vaticinio Spiritus Amoris*; *Fugam capeffite, Fugam capeffite, imò
faceffite hinc è via ò vos Dei hostes ejusq; servitii Amoris, & Domino Sanctisq; ejus
locum cedite. Nec tamen sic fugietis Dei vindictam.* Nam porrò addit, *Dominus
venit ad litem dirimendam, Familiam Amoris inter reliquũq; Mundum, unde
terra jam movetur, contremiscunt cœli, & elementa præ ardore colliquefcunt, signũq;
adventus filii hominis apparet in cœlo, cum quo rumore ruentiq; strepitu Potentiæ
Dei & Sanctorum ejus, ultima Tuba continuo clangorem suum edit, per quem infla-
tum vehementis ejus clangoris pẽrq; comparentiam adventus Christi, mortui suscita-
buntur surgẽtq; ad judicium Dei, qui postquam Sanctorum suorum sanguinem vin-
dicaverit, quem impii effuderunt in terra, puram hanc Familiam in pacificam ejus
possessionem induit, ut in eam imperium exerceanť judicẽtq; cum justitia nunc jam
dehinc in omnia porrò secula. Aded ut impletio omnium vaticiniorum in *Familis-
mi Triumphum* designat, quod id ipsum est de quo & *David Georgius* gloriabatur.
Vide etiam cap. 15. sect. 5.*

Postremò, in *Evangelio* cap. 35. 8. *Ecce in hoc ipso Die, (Amoris scilicet) Resur-
rectio mortuorum Domini evenit per comparentiam Adventus Christi in majestate
sua secundum Scripturas.* Et paulò post, sect. 9. *In qua Resurrectione mortuorum,
Deus nobis ostendit, quòd tempus jam impletum sit, quo mortui ejus (vel mortui qui
obdormierunt in Domino) surgunt in hoc Die Judicii sui apparentq; nobis in Divi-
na gloria, qui etiam vivent deinceps in nobis cum Christo in æternum, regnabũtq;
cum eo in terra.* Cujus sensus manifestus est: Animas ante tot centenos annos de-
functas vivere rursus in his qui sunt è *Familia Amoris*, & regnaturas esse in æter-
num in eis cum Christo mystico in terra. Quod planè excludit alterum illud Judi-
cium vel Resurrectionem in sensu *literali*, prout suprà monui. Deniq; cap. 14. sect.
15. *Ob hanc causam spes nostra nunc in hoc Die plurimis quidem mundi incolis per-
quam*

quam parum nititur, sed spem nostram cum gaudio multo magis ponimus in adventu mortuorum, qui moriuntur in Domino vel in eo mortui sunt, quod scilicet illi in sua Resurrectione à mortuis vivo modo advenient, nobisq; ibunt obviam. Etenim omnes mortui Domini, membrâq; Christi jam vivent surgentq; cum suis corporibus, usq; ipsis nosmetipsos aggregabimus, ipsiq; nobis, in unum corpus in Jesu Christo, in unam amabilem Amoris Essentiam, undq; erimus concordēs in amore pacēq; Jesu Christi.

5. Atq; hæc de exauторatione humanæ personæ Christi apud Familistas dicta sunt; quàm humanam Personam toties appellavi, potius quàm Naturam; non quod ego omnino aliter sentiam de Hypostatica Christi unione cum æterno verbo quàm Ecclesia Catholica sentit, quemadmodum planè apparet ex aliis locis hujus præsentis Tractatus, ut lib. 1. cap. 5. sect. 1, 4, 5, 6. & lib. 10. cap. 6. sect. 1. sed quod obviam ire volui tergiversationibus & æquivocationibus Familistarum, qui quamquam humanam personam Christi (per quam ego illius Naturam humanam Orthodoxè sumptam intelligo) tam apertè exauторare deprehenduntur, strenuè tamen negarent se ullo modo abjicere vel exauторare humanam Christi Naturam, subintelligentes utique, quamlibet humanam naturam cum Divina natura conjunctam, vel Deificatam, prout illi amant loqui, agnoscentes apud se hanc humanam esse Christi naturam ubicunq; extiterit. Cui subterfugio ut viam præcluderem, Personam dixi non Naturam, quo significari volebam particularem illam naturam humanam quæ ad solum Jesum Christum spectat. Quod monuisse operæ pretium duco, ut nemo hanc Locutionem eo solo consilio, quod dixi, adhibitam, in sequiorem partem interpretetur.

CAP. XVII.

1. Perversa Interpretatio illius Articuli fidei qui est de vita æterna. 2. Incredulitas ejus circa Animæ Immortalitatem probata à violenta ejus distorsione appositissimorum testimoniorum ejusce rei ad suam Oeconomiam & Ministerium hic in terris. 3. Interpretatio cœlestis corporis 2 Cor. 4. memorati, & cœlibatûs Angelorum ad significationem cujusdam statûs hujus præsentis vitæ. 4. Quod H. Nicolai, aequè ac David Georgius, nullos esse Angelos tenuit nec bonos nec malos. 5. Plures demonstrationes eum animam humanam tenuisse mortalem. 6. Quàm aptè his reliquis suis Doctrinis Personæ Christi exauторatio conveniat. 7. H. Nicolai quantumlibet se magnificet, multò inferiorem esse meliori genere Paganorum. Irreverentia ejus erga divinam Majestatem si modò quicquam seipso tenuit Divinus.

1. **J**AM verò, quod loco omnium ultimo occurrit, quantum ad fidei Articulum de vita æterna, illius apud ipsum expositio sic est: *Constituimus quod eadem vita æterna est vera lux hominum, quodq; Deus fecit elegitq; eum, hominem utique, ad hoc, ut viveret scilicet in eadem Luce in æternum.* Ubi per [eum, hominem utiq;] intelligit humani generis successionem, quemadmodum quilibet deprehendere potest qui vel mediocriter versatus sit in illius scriptis. Et per æternam vitam veramq; lucem hominum intelligit lucem Amoris ejusq; servitium, quod ille præfagit mansurum esse in æternum. Quodque igitur appellat Domicilium habitationis Dei, æternam requiem Sanctorum, sempiternam solidè fundatam Hierosolymam, verum & imperturbatum Regnum, plenum Divine Potentiæ, Gaudii, omnisq; cœlestis Pulchritudinis, in quo laus Domini cum plenitudine æternæ vitæ vivæq; dulcedine cantatur ab æterno in æternum. Hujusmodi mellitis carminibus jucundisq; incantamentis solet grandis hic Impostor parvulos suos confopire in æternam oblivionem perfectamq; incredulitatem circa pretiosa illa æternæ Beatitudinis Promissa nobis per Christum facta, qui mortem abolevit, & vitam ac Immortalitatem in Lucem produxit per Evangelium.

Evang. Regi
cap. 34 & 37.

2. Etenim quod apud istum nulla alia sit vita præter hanc, nec ulla Animæ Immortalitas beatæ Resurrectio quæ in eo consistit ut cœlesti & spiritali corpore induatur juxta apertum literalēq; sensum Scripturæ, crassa ejus abusus duorum locorum, quæ hoc planè probant (1 Cor. 15.) [1 Thessal. 4.] evidenter demonstrat: quæ ille vesane distorquet, quemadmodum & reliquam Scripturam, ad meram prædictionem sui Servitii Amoris; in quo ille vult omnia quæ ad Diem novissimum ac Resurre-

Resurrectionem spectant impleri, ut certi esse possimus nihil restare quod expectandum sit præter illam. Nam in hoc, *ultima Tuba clangit; Christus apparet in cælis ad iudicium profectus; illi ipsi Sancti qui olim mortui sunt & obdormierunt in Domino, nunc suscitantur in gloria, idq; cum ipsorum corporibus viviq; nobis obviam veniunt, juxta illud 1 Thessal. 4. Et postremo hi suscitati Sancti, hoc est, Familia Amoris regnabunt ad hunc modum cum mystico suo Christo in omnem perpetuitatem.* Quæ, obsecro, Scripturæ Interpretatio magis accuratè magisq; radicitus omnem expectationem evellere potest *personalis adventus* Christi ad iudicium, spemque beatæ Immortalitatis per Resurrectionem mortuorum inibi inclusam, quàm hæc ab audaci hoc Scriptore ficta? Quam eò certiores esse possumus eum intendere, quantò Applicationes illius miseriorem in modum sint coactæ, nec tamen meliores hisce probationes habeat ad ratificandum suum *servitium Amoris*. Etenim si hæc loca putasset id significare, quod omnes Christiani ea significare putant, nunquam imaginari potuisset ullam omnino ipsis inesse vim ad stabiliendam suam Doctrinam. Sed enim verò cum sensus orthodoxus ipsi videretur prorsus incredibilis, hinc factum est ut tam confidenter crediderit se rectum invenisse sensum. Si bonâ utiq; fide agat, nec Scripturam pro mera fabula reputet, quam integrum illi esset abuti prout libuerit.

3. Observare enim possumus eum eadem uti industriâ in eludendo vim ejusmodi locorum, quæ *immortalem statum* post hanc vitam planè probant, etiam illis ubi è re sua non esset sic facere, si animam humanam teneret immortalem. Ut 2 Cor. 5. ubi promissum cœlestis vel spiritualis corporis manifestò proponitur, quemadmodum ex ultimis versibus proximè præcedentis capitis adhuc plenius apparet: at tamen hos *Familistas* non pudet illud exponere de *sancto sanctorum* in vero Tabernaculo, juxta eorum affectatam loquelam, per quod intelligunt *Perfectionem Amoris*, statum quendam in hac vita, prout videre licet in libro, cui titulus est, *Mirabilia Dei*. Et in *spirituali terra pacis*, illud quod scriptum est Luc. 20. 35. de filiis Resurrectionis, quòd utiq; *nec uxores ducunt nec dantur nuptum, sed similes sunt Angelorum Dei*, ille applicat ad statum *familie Amoris*, inq; hac vita statuit impleri. Quæ allegoria tam dura est ac perversa, ut nihil præterquam obstinata incredulitas circa sensum *literalem* impellere quenquam potuisset ad tam insubidam ineptamq; expositionem comminiscendam. Ut præteream inhonestam illam insinuationem quam secum affert, *communitatis uxorum*, eam ipsam doctrinam quam *David Georgius* etiam dicitur disseminasse.

4. Qui porro tenuit, Angelos & Dæmonas nihil aliud esse quàm homines bonos vel malos, vel eorum virtutes & vitia; In cujus vestigiis discipulus ejus *H. Nicolai* admodum diligenter insisit, quemadmodum apparet ex ejus *Revelat. Dei*, cap. 14. Ubi *Justitiam facit veros Spiritus sive sanctos Angelos*; prout aliàs etiam dicit, quòd *ille qui septem mortalia peccata in se habet, possidetur à septem maxime horridis, maximeq; perniciosis Diabolis*; innuens reliqua vitia Diabolos etiam esse, sed non adeò perniciosos. Insinuatq; porro in eodem loco, *septem Diabolos è Maria Magdalena ejectos septem illa fuisse mortalia peccata*. Et pro certo novi peritissimos scientissimósq; hujus *Familie*, liberè professos esse existimare se nullos esse nec Diabolos, nec Sagas, nec Angelos præterquam qui intus in nobis sint. Quæ quidem si pro veris haberentur, necesse esset aut Scripturas abjicere, prorsusq; repudiare, aut eas omnino *Allegoricè* interpretari, ad sensum merè *Moralem* vel *mysticum*, quemadmodum hi *Enthusiastæ* fecerunt.

5. Quamobrem cum *existentiam* credant nec *Angeli* nec *Spiritus*, necesse est ut nec *Animæ* credant *immortalitatem*. Et quòd nihil horum credant ulterior hæc est Evidentia, quòd ille nunquam exhortatur quenquam ad sanctitatem ex hac ratione (quod tamen maxime potens est argumentum ad reducidos homines ad bonam frugem quod proponi potest) neq; sanè utitur unquam in literali suo sensu ejusmodi locis Scripturæ quæ beatam Immortalitatem post hanc vitam includant. Bellè id præterea convenit cum hac Hypothesi quòd sectatores suos animet ad consentiendum cum qualibet superstitione quamtumlibet impurâ ac Idololatricâ, potius quàm ut seipfos periculo exponant. Et quidam certè notârunt eos hanc Rationem hujus rei attulisse, nempe ut *Dei Templum non destruat*. Per quod intelligunt humanas suas personas, quas in morte corporis illi prorsus perditum iri supponunt. Et ut nullus super sit scrupulus quin hæc sit ipsorum opinio, cum mentione cujusdam loci

Epist. 6. cap. 10.

in ejus Epistolis concludam, quem *Familista* quidam peritissimus mihi ostendit tantum omnium appositissimum ad probandum, Autorem tenuisse *Animæ Immortalitatem*. Cujus tamen sententiæ, qui rem penitiùs rimetur, nullam volam inveniet nec vestigium; quamvis bella ibi daretur ipsi occasio ex-textu, quem illic tractat,

[Eccle-

[Ecclesiast. 12.] de *spiritus* reditu ad Deum qui eum dedit, aperte profitendi sententiam suam super hac re, si modò Animam *immortalem* tenuisset: cum tamen is è contrà per *spiritum* hîc intelligat non Animam quidem humanam sed *spiritum Dei* distinctum ab Essentia humana, quo Deus cum Humana Essentia conjungitur; fieriq; posse innuit ut hic *spiritus* nec cum Humana Essentia, utpote qui nondum in ea sit excitatus, nec cum Deo uniatur; ac proinde nos monet tanquam de officio nostro, ut *spiritus* hic etiam in hac vita, ad Deum redeat qui eum dedit; rem pro solita sua sensûs mystici insulsiſsimâ affectatione *Moraliter* interpretans; cum Textus proculdubio de *naturali* hominis *spiritu* animâve sit intelligendus, qualem omnes homines habent, non solùm *Regenerati*. Hæc igitur omisso declarationis suæ pro *Anime immortalitate*, cum tam opportuna esset, illiq; ad quem scripsit tam utilis sibi; decora, mihi videtur non obscura demonstratio, quòd animam crediderit *mortalem*. Quæ obdurata illius opinio effecit ut omnes fidei articulos in leves inanésq; Allegorias solveret, itaq; negaret *Resurrectionem Christi*, æquè ac aliorum qui in ipsum credant; cumq; securus esset, ut ipsi videbatur, quòd is etiamnum non subsisteret, nullum alium Christum somniare poterat, qui caput Ecclesiæ esset, præter *mysticum illum*, cui ille tantoperè insistit, *Rectam* scilicet *Amoris Essentiam*, quæ omnium est *Perfectio*. Et certè si nihil porro expectandum sit post hanc vitam, ipse ausim eum pronunciare æquè grandem Prophetam ac vel ipse vel sectatores ipsius eum cupiunt existimari.

6. Datâ igitur illius Hypothesi, sibi ipsi profectò satis bellè consonat, in amovendo *humanam* Christi *personam* tanquam rem quæ ante mille sexcentos annos perierat, & in *depangendo Deitatem* in suam propriam personam ità *vastis ac sonoris* itibus, ac si totum mundum audire vellet & intelligere, quòd is æquè Deus, esset atq; ille Christus qui passus est *Hierosolymis*, quòd; omnes illi qui *Perfectionem Amoris* assecuti fuerint, tales pariter essent, ut abundè hoc pacto compensare posset jacturam unius illius qui mortuus est in cruce postquam in manus lapsus erat immisericordium peccatorum. Hoc, inquam, bene coherens ipsius est insomnium: Et quòd insomnium sit & nihil ampliùs, partim jam demonstravi, & demonstrabo adhuc clariùs in præſenti hoc Tractatu.

7. Intereà loci oppidò quàm manifestum est, tametsi seipsum tam *Seraphicis* elogiis exornet, propriamq; personam tam splendidis titulis decoret, tanquam si nihil adhuc in mundo unquam extiterit tam sanctum tamq; Divinum; quòd tamen reverà multò sit inferior meliori genere Paganorum; quippe qui nihil ampliùs est præterquam *Enthusiasticus Sadducæus* aut *Fanaticus Deista*, si id sanè sit. Etenim demiror qualem ille Deum sibi fingat erga quem cœlestem Senatam tam rusticè se gerere facit, ut hujusmodi sermonis formâ apud eum utatur, *Revel. Dei*, cap. 21. *Age igitur, ità sanè sit, O Deus, permittantur tibi primæ vices declarandi tuum jus*. Verùm non est mihi in animo, me ulteriùs in hanc abyssum Satanæ immergere, ex qua Deum precor, ut unumquemq; sincerum Christianum quàm maturrimè eripiat.

CAP. XVIII.

1. Noxa magna & periculum quæ mundo ab hoc Pseudopropheta contingant. 2. Ferocitas quàm probabile est fore hujus Sectæ; (quando tempus inservierit;) & Aviditas exequendi sanguinolentam illius visionem. 3. Familismum esse machinamentum Satanæ quo subvertere conatur Christianitatem. 4. Qualem rerum faciem verisimile sit futuram, supposito quòd Familismus summâ rerum potiretur. 5. Rationes quæ moverent Autorem tam accuratam hujus Imposturæ detectionem instituire.

I. EX descriptione quam hætenùs fecimus, facilè computare possis quàm ingens malum mundo contingat ab hoc falsarum *Revelationum* captatore, ubicunq; incantamenta ejus ad possidendum hominis animum locum sint habitura. Nam primò, admiranda illa Dei sapientia in externa Religionis Christianæ fabrica, quatenùs personam Christi spectat, mirifica Amoris conciliatrix *Passio*, gloriosa *Resurrectio* & *Ascensio*, consolabilis *Intercessio*, lætùsq; ad *Judicium Reditus*, quando Immortalitas perficienda est in cœlesti gloria, totum hoc simul abripitur, & unâ cum illo

æternæ vitæ certitudo. Et præterea, ut nihil desit ad perfectionem tam prodigiosi mali quod in hac Familia alitur, inveniri quidem porro potest quasi quædam *Pandore pyxis* humano Generi etiam in hac vita, nisi benignior Providentia illud præverterit. Etenim cum plenam habeant, quod dixi, ab infallibili suo Propheta dissimulandi licentiam; & æquivocationibus utendi, consensuendiq; cum qualibetq; Religione externâ; ad ingentes numeros clam multiplicari possunt cum magno Imperii ubi versantur vel Reipublicæ periculo. Edocti enim ab illuminatis suis Senioribus nihil expectandum esse post hanc vitam, quam maximis præsentis mundi oblectamentis & gaudiis avido & salivoso ore facile imminebunt. Cujus possessionem ac Dominium Propheta eorum ipsis tam magnificis verbis, tamq; Enthusiasticâ grandiloquentiâ promissit, ut facere nequeant quin ad violentam aliquam rerum molitionem ad primam quamq; occasionem quâ tuto se uti posse speraverint, inflammentur. Et quàm plenum jus putas eos se habere existimatos ad involandum in omnia dum caput suæ Factionis ipso Christo nihilo inferius esse arbitrantur, veniente ad judicandum terrarum orbem in justitia?

2. Quamobrem si acerbus aliquis inter ipsos homuncio, imperiosi animi & pervicacis, superbiâ effertus & melancholiâ, profundeq; in doctrinam hujus Sectæ baptizatus, per fanaticum suum æstum, ingenii dotes, sermonisq; facultatem eò honoris emerferit ut pro natu maximo illius *Familie* habeatur, idem continuò & suâ opinionone evadit & eorum, Deus ipse rediens ad judicium, omnésq; illius copię *Sancti* & *Seraphini*, si quando opportunitas eos armaverit ad exequendum suum propositum. Atq; tunc censebunt illud implendum esse quod præfiguratur in illa visione hominis loricati & armati catenâq; ferreâ cincti, cujus manus & crura ad cingulum usq; sanguine madebant, cum gladio etiam in sinistra rubro, & sanguine tincto, & cum altero in dextra qui ignis prorsus erat gliscens, coruscans, & crepitans admodum terribiliter, multâq; flammulas emittens. Quod dirum spectrum hanc vocem in sequentibus sectionibus edit; *Ultio, ultio, ultio. Celeriter, celeriter, imò verò admodum celeriter. Væ, væ, væ, omnibus inimicis Domini Sanctisq; ejus, & omnibus inimicis familie Amoris.* Tantas Dei delicias se gloriantur, ejusq; Providentiæ, tamq; miserum finem apud seipos omnibus eis qui non sint è beata ipsorum Familia prælagiunt! Deus pro misericordia sua oculos hominum aperiatur, ut horrendum Diabolici hujus Impostoris propositum discernere possint, & seipos ex his subtilibus Satanæ delusionibus expedire.

3. Etenim si quid ego in me habeo sensûs & prælagii, conspiratio est ad debellandum subjugandumque, si fieri potest, universum orbem Christianum, & ad cultum Christi radicitus extirpandum, fidemq; extinguendam omnium ipsius promissorum, sub prætextu majoris sanctitatis & perfectionis quàm in Christiana Religione reperitur; quanquam hic Familismus talis sit qualem esse abunde demonstravi. Vide ejus vaticinium *Spiritus Amoris*, cap. 11. item cap. 14. sect. 8, 9. & cap. 16. sect. 3, 4, 7, 8. & cap. 19. sect. 4, 5, 7, &c. Quibus in locis, suis confidenter promittit sectatoribus, plenam victoriam eos tandem reportaturos, i. e. *Familismum* Christianitatem è mundo extrusurum.

4. Quod quidem quoniam illi tam efficitur evenire cupiunt, supponamus paulisper evenisse, eosq; per Christianum orbem summâ rerum potiri, computemûsq; apud nosmetipsos, qualia futura sint hujus rei consequentia. Proculdubio tametsi singulæ paginæ hujus divini Autoris (prout illi eum volunt æstimari) tam confertim depictæ sint dulcisonis repetitionibus *Amoris* & *Amabilis*; eventus tamen hujusmodi victoriæ in maximè ferinam desiturus est Tyrannidem quæ in hac terrestris orbis scena unquam hætenus est conspecta, ipso *Mahometismo* longè deteriorem. Primum enim futuræ vitæ spe omni abscissâ, quilibet, quantum poterit, eò liberiori acrioriq; impetu feretur ad explendas suas libidines, indulgendâq; sibi vel maximè superfluas voluptates hujus vitæ præsentis. Unde illi qui inermes sunt, absq; omni commiseratione proterentur ad satiandos appetitus superbi & injuriosi oppressoris. Et deinde quantum ad pacem in rebus Religionis, ob quam præcipuè rationem hic blandiloquens Impostor mundo se commendare studet, Interpretationes Scripturæ quibus ille suam apud homines stabilire conatur auctoritatem, tam vesanæ sunt ac fanaticæ, tamq; ab omni sensu & ratione dissonæ, ut in eis perpetuæ contentionis semina inseverit, nisi illud malum remedio ipso morbo deteriori prævertatur, hoc est, projectissimâ conscientiæ servitute fidemq; implicitâ quod Propheta eorum infallibilis sit, nullâ factâ examinatione vel addubitatione. Quæ vilissima abjectissimâq; degeneratio est quod humanus animus detrudi potest, & cui maximè ibi allaboratur ubi Religio gentis maximè corrupta est & falsa. Verùm quod hæc posterior futura sit conditio,

conditio, nimis quàm verisimile videtur tum ex necessitate rei, tum ex ejusmodi indicationibus quæ in scriptis ejus occurrant, quas ego jam produxi. Quibus addere potes illud in *Revelatione Dei*. Ubi planè prohibet nè quis spiritus examinet, per *rationem* vel *scientiam*, vel *Scripturæ peritiam*, sed per *veram viventis Deitatis Essentiam*. Quæ verba sanè magnifica sunt, sed quæ nihil aliud significant quàm nos ad *viventem Deitatem* nunquam antè pervenire quàm in rebus Religionis juxtà cum illo sentiamus. Ac proinde omnem Rationis informationem intercipient, immediatum expectat assensum, hoc est, assensum talem ut nos omninò nesciamus cur assentiamur. Quo nihil insanius esse potest nec furiosius, aut saltem versutiam magis sapiens ac imposturam, promptamq; contumeliam, contra omnes dissentientes, tanquam illi à *vivente Deitate* prorsus essent alienati. Sed illa Religio proculdubio falsa est in suo fundamento quæ in se inquiri non patitur per Rationem; ut ille optimè de *Mahometismo* pronunciat, *Asteris suspecta merx est quæ hac lege obtunditur nè inspicì possit.*

Revel. Dei
cap. 18. Sect.
10, 11, 12.

Grotius de Re-
ligione Christi-
ana, lib. 6.


5. Videmus quàm efferata res sit & exorbitans cæcus hic Enthusiasmus, ipsum Inferni vehiculum, quod ad Atheismum rapit & Prophanitatem, currusq; triumphalis Diaboli. In quo proculdubio *deificatus* hic Pseudopropheta abripiebatur, quanquam is fortean illud nesciebat, sed gloriabatur in dedecore suo, & magnoperè sibi placebat in foeda hac sua captivitate. Conditionem cujus Spiritus qui sit & quorsum tendat, quantum ego mihi sum conscitus, tanta cum diligentia detexi, ex nullo alio principio quàm ex isto Amore ac fidelitate quam crucifixo meo Servatori ac Principi debeo, & ex charitate & commiseratione quam habeo erga membra confosia illius corporis quæ est Ecclesia. Etenim nequeo profectò quin in dolorem & lachrymas totus solvar dum considero quàm facilè decipiantur multæ simplices Animæ, Fanaticæq; Eloquentiæ fascino in hanc absurdissimam persuasionem captiventur, quasi major solito Divinitas resideret in hac Persona, quem ego certò scio quasi Epicurum esse alterum in Enthusiastem conversum, hominemq; infra Evangelii lucem æquè altè sublapsum, atq; misellum quemvis Paganum qui nè fando quidem quicquam de ipso unquam inaudiverit. Ac proinde spero omnes illius Admiratores qui eò usq; in ejus sectam baptizati non sint ut *Pascham* ipsius celebraverint Christumq; mactaverint secundum *carnem*, hoc est, secundum *Literam* & *Historiam*, atq; sic infideles prorsus evaserint, accepturos in bonam partem quòd tam fideliter fraudem detexerim, ut illi nullatenus deinceps favere possent tam horrendæ Imposturæ. Et quantum ad eos qui mactaverint Dominum vitæ, quos tamen non admodum multos esse spero, cur illi inclementius hanc meam sermonis libertatem laturo sint, equidem nullo pacto apud meipsum possum comminisci. Etenim ipse, eorum loco, aum pronunciare, quantum ad hoc, quòd eum ad hunc modum mactaverint (quod & S. Petrus dixit in alia causâ) eos fecisse sanè ex ignorantia per præstigiola incantamenta magni hujus Impostoris, & propterea errorem suum citius agnoscere non posse quàm veniam impetrare, per eum qui reverà mactatus est & sacrificatus pro peccatis mundi, & è mortuis suscitatus ad confirmandam nobis spem beatæ Immortalitatis post mortem corporis. Qui profectò non potest non esse nuncius admodum lætus omni populo qui recto sinceròq; animo sint. Atq; hæc de *Rationabili* Religionis Christianæ *literaliter* intellectæ structura, Imposturæq; *Familismi* dicta sunt.

MAGNI MYSTERII PIETATIS EXPLANATIO.

LIB. VII.

CAP. I.

1. *Argumentum tertiae partis Tractatus hujus esse Christiani Mysteriorum Realitatem.*
2. *Quod ipsa Religionis Christianae Rationabilitas, à virisq; probis ac sapientibus ab eo tempore quo inceperit ad hunc usq; Diem constanter adhibita Fides, manifesta veritatis Demonstratio esse potest eis qui non sint nimis Sceptici.*
3. *Leviam & inconsideratorum Ingeniorum ab omnibus Argumentis à vaticiniis deductis averratio, cum principis eorum Objectionibus contra ipsa.*
4. *Vaticinia de Messia in veteri Testamento nec supposita esse à Judæis nec corrupta.*
5. *Responsum ad objectiones de Obscuritate Vaticiniorum;*
6. *Ad eamq; à libero Arbitrio.*
7. *Quod omnia vaticinia non sunt è fortuito tumultu æstusq; humanarum Imaginationum, sed ex Revelatione Divina, ex instantiis irrefragabilibus probatum.*
8. *Ratio particularis cur veri fuerint Prophetae apud Judæos, cum exemplis quibusdam verorum Prophetarum in aliis locis.*
9. *Notabile vaticinium à Varrone agnatum de trucidatione Julii Caesaris in Senatu.*

I.  Ervenimus jam ad tertiam partem Tractatus, in quo creperunt hujus magni Mysteriorum Diluculum, cui explicando allaboramus, in pleniorē Lucem emicabit, progressusq; Veritatis Justitiae profectui non erit absimilis, quæ magis magisque elucescit usq; ad Diem ultimum.

Possibilis ut & Rationabilis Idea Christianitatis quam hæcenus representavi, non est nisi *seminalis* quasi *forma* Plantæ sub humo in semine abscondita; verum nunc eam tanquam ad externos sensus exhibebimus, germinantem frondēsq; emittentem in communem omnium conspectum, demonstrabimūsq; hanc *possibilem Ideam* ad *realem* jam pervenisse *actualemq; existentiam* in Universo.

Quæ cum tanti momenti res sit, non festinanter nimis nec confusè coacervatēq; eam tractabimus, sed distinctè & explicatè; nec tamen ullos gradus faciemus, qui pompæ magis inserviant quàm usui & pleniori demonstrationi illius veritatis ad quam probandam adnitimur.

2. Et certè ipsum primum gradum quem facturus sum vel potius quem jam partim feci, spero cuilibet homini, nullis præjudiciis laboranti, haud parvi momenti appariturum. Declaravimus amplè satis & intelligibiliter quàm egregiè *rationabilis* sit Religionis nostræ fabrica, quàm decora & quàm bene inter se coherentiā omnia illa sint quæ Christus commemoratur aut fecisse aut passus esse. Adde igitur ipsius rei *Rationabilitati*, constantem illius perpetuamq; *Traditionem* pro vera, quodq; sic esse, tam seriò per multa secula sit credita, ut tum docti tum indocti, tum nobiles tum ignobiles vitam suam deponere parati fuerint, imò verò de facto deposuerint,

fuerint, in illius rei Testimonium; & nemo quisquam est opinor, nisi nimis quàm Scepticus sit, quin hæc consideratio ejus assensum sit elicitura. Etenim fama earum rerum quæ seriò affirmantur constantèrque creduntur à sapientibus emunctòq; judicio hominibus, cum ratione in quæstionem vocari non potest, nisi res ipsæ quæ affirmantur, rationi sint absontæ, vel nimium artificiales & nimis eleganti scitòq; Rationis apparatu ornata ac munitæ. Quòd res ipsæ *rationi* admodum consentaneæ sunt, suprà jam satis demonstravi. Et quàm parùm oleant artificium elaboratum aut *Dialecticæ* aut *Rhetoricæ*, quemlibet ausim appellare qui ipsas recognoverit. Quamobrem si quis in Infidelitate sua persistat, impedimentum certè non est in Mysterio ipsi oblato sed in seipso, ut qui minimè cupit illud esse verum, sive ex superbia id fiat, & quòd admodum gravatè laturus sit se veræ Religionis hætenus ignarum inveniri, sive ex amore aut voluptatum aut commodorum hujus præsentis vitæ quem Christiana fides naturaliter limitat & coërcet.

Verùm progredimur ad id quòd fortiùs pressurum est magisq; coacturum. Quòd Judæi per multos centenos annos eum expectarunt & etiamnum expectant, quem *Messiam* suum appellant, nemo est qui nescit; quemadmodum etiam quòd hoc nomen *Messias* idem est quòd *Χριστός*, unde & Religio nostra denominata est *Christiana*. Quamobrem si hunc *Messiam* jam advenisse probavero, *Jesumq;* quem nos colimus illum Christum esse, partis tertiæ hujus mei Tractatûs penum sic absolvam; probato scilicet Christianitatem (cujus *Ideam* hætenus descripsi) non esse *meram Ideam* sed veritatem *realem*.

Quòd primùm adnitar efficere è *Vaticiniis*, deinde ex *Historia*. Quorum utrorumq; collatio tam validum erit argumentum, ut hominibus nullo præjudicio laborantibus fieri non possit quin perfecta demonstratio sit apparitura.

3. Equidem novi quosdam tam impatienti ac superficiali spiritui, ut vel ipsum nomen ac mentionem vaticiniorum abhorreant, utpote qui sibi conscii sunt se non tanto abundare otio ut eorum vim excutere possint. Verùm si cum ratione contradicere volunt, oportet eos aliquas ex quatuor his Objectionibus pro causâ sua afferre. Ea scilicet aut frequenter supposititia esse, aut saltem à versutis aliquibus Politicis ad inserviendum Civili alicui proposito corrupta. Aut adeò obscura, ut nulla certa mens sensûve eorum ullo modo erui possit. Aut si id possit fieri, non infallibiliter tamen præmonstrare res sic prædictas certò esse eventuras, cum tanta sit rerum mundanarum ab actionibus humanis dependentia. Aut denique, ut ipsum jugulum causæ impetant, affirmare, nunquam fuisse nec futura esse unquam ulla vaticinia ab extraordinaria Inspiratione profecta, sed quosdam homines admodum fervidas habere Imaginationes, eosq; dum mens ipsorum multùm in rerum futurarum meditatione occupatur, quæ ipsis visâ sint maximè vera, effutire, prædictionesq; eorum, uti contingit in Insomniis, interdum veras inveniri, interdum falsas, Famamq; earum quas contigit veras esse falsam illam persuasionem animis hominum ingenerâsse, quòd utiq; veri extiterunt Prophetæ in mundo.

4. Hujusmodi profectò Considerationes, mirum in modum Animis levibus atq; Atheis gratificantur; verùm si altiùs penitusq; inspiciantur, nullam omnino vim inveniuntur in se habere.

Etenim quantum ad primam Objectionem, manifestum est, quòd nullum hæc locum habere potest si consideremus quanta cum Religione ac veneratione *Judæi* etiam externam litteram divinorum illorum Oraculorum quæ ipsorum fidei concreditæ sunt, tuentur & custodiunt. Ad hæc, Ridiculum est suspicari eos aut supposuisse aut adulterâsse hujusmodi vaticinia quibus nos hæc usuri sumus, cum talia sint, quæ manifestò contra Religionem Judaicam militent. Quòd certè præclarum est Christianitatis Privilegium quòd in defendenda sua causa tanta cum fiducia appellare potest ea ipsa monumenta quæ in Adversariorum suorum manibus semper fuerunt custodita. Nec profectò potest *Christianus*, si velit hæc vaticinia adulterare, quin è vestigio detectus foret & deprehensus à *Judæis*. Unde nec Atheus nec Paganus ullas hujusmodi malas technas cum ratione suspicari possunt.

5. Quòd verò ad *obscuritatem* vaticiniorum spectat & ambiguitatem, nego omnia suo merito existimari obscura. Præterea, etiam eorum quæ aliquo modo obscura dici possunt, Locutiones ac Verba in unum sensum aptiùs flecti possunt quàm in alium. Et ubi hujusmodi est aliqua ambiguitas, ille sensus existimandus est verus qui ita esse judicatus est ab hominibus nullo præoccupatis præjudicio, quique, cunctis perpenſitatis, facillimus maximèq; proprius apparet. Cujus responsi vis per exempla meliùs intelligetur, postquam eò descenderimus, quàm per præceptum generale.

6. Tertia objectio à nullis urgeri potest nisi à talibus qui liberi arbitrii facultatem nimium admirentur, & cum Idololatrica ferè veneratione suspiciant: Obliti interea quòd quædam vaticinia conditionalia non sunt sed absoluta, qualia proculdubio omnia illa sunt quæ tam immensi mundo momenti sint quàm est Adventus *Messie*. Qui, si conditionalis fuisset, nihil meritò putandum est cum potuisse impedire præter peccatum. Quod in hac causa æquè absurdè adhibetur atq; si quis concluderet invaliditatem *Ægri* arcere Medicum, cum illius potiùs adventus sit occasio. Atq; unus certè finis Adventus Christi, quemadmodum abundè jam demonstravi, est ut sit sacrificium pro peccato, mundumq; renovet in Justitiam.

7. Ultima difficultas maximè perversa est atq; lubrica, sed talis tamen quæ facile subdomari possit, si consideremus quàm exquisitè ac particulatim multa præfigurata sint in vaticiniis, & quòd ii plerunq; qui vaticinati sunt, miracula etiam ediderint, aut aliquid miraculosum & extraordinarium ipsis contigerit; quòd * Angelorum visionibus potiti sint & supernaturalibus potestatibus sint adjuti. Præclarum cujus rei exemplum est vaticinium illud viri Dei è *Judea* ad *Aram* in *Bethelè*, quod manûs *Jeroboami* exarefactio ac restitutio comitabantur, & filio *Aræ* cinerumq; effusio in lignum quòd vaticinium erat verum. Quod tamen tam accuratum erat, & ad minutiores circumstantias determinatum, ut & nomen etiam illius nominet qui ultionem facturum esset super *Aram* in *Bethelè*, *Jofas* utique; quanquam hæc prædictio rei erat intra trecentos illinc annos non eventuræ. Ità *Esaias* vaticinatus est de *Cyro*, nomine, deq; eis quæ Deus destinaverat facienda per eum in gratiam populi sui, antè centenos aliquot annos quàm *Cyrus* natus esset. Et *Daniel* tam accuratè translationem prædixit Imperii ab *Affyriis* ad *Medos Persæsq;*, & deinde ad *Alexandrum Macedonem*, cujus successores ex parte *Lagi Selenciq;* posteriores forent, quantaq; mala per eos *Judei* essent passuri, ut *Porphyrus*, postquam Historiam *Græcam* cum *Danielis* vaticinio comparaverat, nullam aliam evadendi rationem excogitare potuerit, quàm prætendendo Vaticinia scripta fuisse post Eventum. Quod sanè tam frivolum est subterfugium, ut nullo illud dignaturi simus responso.

8. Etenim cum Deus sit, cumq; *Judei* specialiori modo sub quadam quasi Theocratia viverent, populûsq; essent quibus solenne erat Prophetas habere nunciôsq; divinitus inspiratos, cur istuc tam mirum *Porphyrio* videretur aut cuilibet alii, quòd Deus per sanctos suos Angelos *Daniclem* Prophetam moneret tam præcisè ac particulatim de rebus futuris quæ ad populum suum peculiarem tantoperè attinebant? Quippe quòd etiam in eis locis de quibus minorem videtur Providentia curam gere, insigniores rerum publicarum Regnorumq; mutationes per Sacerdotes atq; Magos istarum Regionum prædictæ fuerunt. Quemadmodum *Moteczuma Mexicanorum* Regi contigit antequam *Hispani* eas orbis partes invalissent, ut videre est apud *Acostam* aliôsque Scriptores. Et *Valens* Augur, apud *Varronem*, ut primùm urbs *Romæ* condita erat, dicitur prædixisse eam ad duodecim centenos annos duraturam. Quod & ità evenit.

De admirandis
natura arcanis,
lib. 4. Dialog.
52.

9. Ipsèq; *Vaninus*, profanum illud ingenium, non eò usq; *Epicuræâ* incredulitate infatuatus est quin agnosceret, immò verò affirmaret, non sine seria provocatione ad omnes Historias tam antiquas quàm recentiores, si non omnes magnæ rerum mundanarum mutationes miraculoso aliquo modo prædictæ fuerunt. Quin & ipse unum memorabile exemplum profert vaticinii in tabulam aheneam insculpti in Sepulchro *Cappys* inventam, de cæde *Julii Caesaris* in Senatu. Qui tamen *Cappys*, Rex *Italiae* vixit mille circiter annis ante *Julium Cæsarem*. Aded ut nisi quis supra modum stupidus sit, necesse sit ut fateatur omnia vaticinia non è delirationibus & evagationibus agitabilis Imaginationis, sed ex altiori aliquo magisq; infallibili Principio proficisci, multoq; magis consentaneum esse, quoties eventa magni momenti vaticiniis respondent, ut Providentiæ id potiùs quàm Fortunæ imputemus. Equidem novi *Vaninum* omnia referre ad cœlestia corpora & influentias Stellarum. Verùm quàm absurda ac puerilis hæc ejus opinio sit, suo loco demonstrabo.

Vide cap. 14.
sect. 2, 3, 4.
etc. & cap.
15, 16, 17.

CAP. II.

1. *Sensus genuinus Vaticinii Jacobi.* 2. *Ex illo deductum consecrarium, Quod Messias jam advenit.* 3. *Non contemnendam futuram fuisse vim in hoc vaticinio quamvis verba ipsius in alios etiam sensus flecti potuissent; nunc vero cum nullius alius interpretationis tolerabilis capacia sint, demonstrationem certam esse, Messiam jam venisse.* 4. *Præcipue Judæorum Interpretationes propositæ.* 5. *Quod nec Moses nec Saul intelligi possunt per Shiloh.* 6. *Nec David.* 7. *Nec Jeroboamus, nec Nebuchadonazor.* 8. *In captivitate Babylonica Sceptrum sequestratum potius fuisse quàm penitus ablatum; cum ulteriori indicatione ineptitudinis sensus vaticinii si applicetur ad Nebuchadonazor.* 9. *Suffugium ipsorum in יי notatum & refutatum.* 10. *Varie significationes vocis שבט, ipsorumque illinc expositiones.* 11. *Responsum ad eas in genere.* 12, 13. *Responsum ad effugium quo interpretantur שבט tribum.* 14. *Responsum ad Interpretationem quâ שבט baculum alitute significat.* 15. *Responsum ad Interpretationem quâ virgam correctionis significat.* 16. *Responsum conjunctim ad ambas has ultimas Interpretationes.* 17. *Quod varietas Expositionum demonstratio sit nullas earum ipsis satisfecisse.*

I. CUM satis jam de vi istiusmodi argumentorum quæ è vaticiniis deducantur certi simus, pergamus porrò, eaq; adhibeamus ad rem probandam quæ præ manibus est. Quod utiq; *Jesus*, quem nos colimus, ille ipse est Christus. Quod præstabimus producendo primum talia Vaticinia quæ *tempus adventus ejus præfinit* & circumscribant, & dein talia quæ *characteres notâsq; Personæ* manifestius indicent.

E primo genere est antiquissimum illud & eminentissimum vaticinium grandævi *Jacobi*, & in lecto jam moribundi. *Non recedet sceptrum à Juda nec Legislatores* Gen. cap. 49. v. 10.
medio pedum ejus, usq; dum Shiloh venerit & ad eum erit populorum congregatio. Ut deductio hinc nostra evidentior esse possit, percurramus primò breviter verba Vaticinii.

Sceptrum] Vox *Hebræa* est שבט, quam *Septuaginta* Interpretes exponunt Ἀρχον, *Aquila* ἀρχὴν, *Symmachus* ἡγεσία, *Onkelos* מלכות. Quæ omnia idem significant, *Principatum* scilicet, *summamve potestatem Politicam*.

A Juda] Per *Judam*, ipsâ sacrâ Scripturâ nobis exemplo præeunte, intelligi potest non solum *Tribus Juda* præcisè sumpta, sed etiam quæcunq; accessio vel cooptatio facta sit in illam *Tribum*, quemadmodum apparet ex *Malachia*, cap. 3. v. 4.

Nec Legislatores] מורקק *Septuaginta* reddunt ἡγετας. Vox naturaliter significat *Imperatorem* vel *Legislatores*. Credo eos qui eam reddiderunt, *Dux*, non aberrasse à mente *Septuaginta* Interpretum. Significet igitur מורקק eum qui *Leges* vel *mandata* populo dat. Qui admodum genuinus est sensus vocabuli, quemadmodum omnes agnoscunt, & qui maximè propinquam habet cognationem cum vocabulo præcedenti juxta morem usitatam in Scripturis, repetendi bis eandem rem sub verbis parùm significatione differentibus. Cujus rei *Exempla* sunt innumerabilia.

E medio pedum ejus] מבין רגליו. *Septuaginta* vertunt ἐκ τῶν ποδῶν αὐτοῦ, hoc est, ex semine *Judæ*, eo sensu quo jam applicata est vox *Juda*; hoc est, quod *Juda* habiturus est *Principem*, *Rectorem*, vel *Potestatem Politicam* de proprio, vel gubernabuntur seu regentur per eos qui è sua stirpe sunt oriundi.

Usq; dum Shiloh venerit] hoc est, *Usq; dum venerit Messias*; quemadmodum omnes antiqui Interpretes *Judæorum* semper hunc locum exposuerunt, utpote qui judicia habuerunt nullo partium studio corrupta. Dissenserunt tantummodo illi, æquè ac alii, circa notationem nominis *Shiloh*, ut videre est apud *Martinium*. Quidam *Shiloh* poni volunt pro שׁיר, quod idem est quod בן, quandoquidem שׁיר significat filium, unde est *Shiloh* secundina. Alii *Shiloh* nomen esse volunt ejusdem formæ cum קישור & קישור, exponuntq; *salvator*, *Pacificus*, à שׁלום. *Septuaginta* videntur legisse שׁיר, quod illi reddunt, ὅς τὰ ἀποδείματα αὐτοῦ, usq; dum ille venerit, cui res tante & tam splendide reservantur. Alii, quemadmodum & *Translatio vulgaris*, legunt שׁיר missus. Quæ quidem lectio præ reliquis omnibus semper mihi placuit. Et suffragium huc etiam contulit incomparabilis vir *Hugo Grotius* in ipsam locum.

* Vide lib. 4. cap. 8. sect. 8. 9, 10.

Et

Et ad eum erit populorum congregatio. Expectationem, Obedientiam, vel confractionem.] Vocabulum יקרא significare potest Congregationem, Nullus ex his sensibus est qui vaticinio non conveniat; verum secundus tertiusq; facilioris rationis Criticæ sunt capaces.

2. Ex brevi hac ac legitima verborum expositione manifestum est, naturalem ac genuinum *Vaticinii Jacobi* sensum hunc esse, nempe, quodcunq; Tribus Israël contigerit, Tribum tamen Judæ, & quæcunq; pars Tribuum in unum cum ea coactura sit, idemq; nomen ac Titulum habitura, politicâ potestate seu imperio Gentilitio nunquam privatum iri usq; dum venerit Messias. Hic, inquam, maximè facilis est ac naturalis sensus hujus vaticinii, talisq; qui semper à propriis suis Interpretibus exhibitus sit donec funestus ille error in trucidando Messia suo, judicia ipsorum pervertisset. Quamobrem, quantum ad ea tempora ubi nondum fontes facti sunt, dumq; idonei fuerunt judices, ipsos Judæos appellamus si vaticinium *Jacobi* non planè prædicit, quòd Politica potestas vel imperium Gentilitium Judæorum non cessaturum sit donec venerit Messias. Cæterum manifestum est illud cessavisse. Ac proinde Messiam pro certo advenisse.

3. Qua de re Vaticinium hoc nos satis certos redderet quamvis aliæ præter hanc Interpretationes tolerabiles forent; cum consentaneum sit, ubi varii verborum sensus esse possint, eum verissimum concludere qui facillimè maximèq; suâ sponte emanat, itaq; facere videtur omnibus qui nullo laborant præjudicio. Cæterum ut adhuc certiores esse possimus de veritate illius sensus Prophetiæ qui jam propositus est, quanquam tum Judæi tum alii, omnes ingeniorum suorum nervos intenderunt ad alios sensus excogitandos, in nullos tamen inciderunt nisi qui supra modum vani sunt ac stolidi.

4. Non abs re erit præcipuos eorum gustandos propinare. Primum igitur, Illi qui nolunt Messiam intelligi per *Shiloh*, *Mosen* intelligunt aut *Saulum* aut *Davidem* aut *Jeroboamum* aut *Nebuchadonazor*. Primum, *Mosen*, quippe quòd quando missus erat ad liberandos filios Israël ex *Ægypto*, *Juda* illi tradidit Sceptrum, quanquam is erat è tribu *Levi*. Deinde, *Saulum*, utpote qui coronatus est in *Shiloh*. Tertio *Davidem*, innuendo scilicet quòd Sceptrum erat in *Juda* atq; illuc mansurum usq; ad tempora *Davidis*, cujus sub regno accessio quorundam populorum facta est ad illius Dominium. Quarto, *Jeroboamum*, ut qui is erat qui coronatus est in *Shiloh*, & Sceptrum præterea à *Juda* abstulit. Quinto, *Nebuchadonazor*, quoniam ille Sceptrum abstulit à *Juda* Populumq; abduxit captivum & *Hierosolymam* Templumq; evertit solòq; æquavit. Sed ad hæc omnia breviter responderi potest.

5. Ad illud de *Mose*, Quòd ille Sceptrum à *Juda* auferre non potuit, cum *Juda* tunc nullum habuerit. Nam omnes Tribus simul tunc sumptæ nullum erant Regnum corpûsve Politicum, multòq; minùs una aliqua ex ipsis, sed servi abjectissimi, miseriq; Tyranni *Pharaonis* mancipia. Ad illud de *Saulo*, Quòd Rex creatus non sit in *Shiloh*, sed in *Mizpeh*. Quòdq; *Saulus Benjamita* Sceptrum à *Juda* auferre non potuit, cum nullum adhuc haberet, quod antè notatum est. Ut præteream ridiculum illum sensum Adventûs *Shiloh*, cum *Shiloh* Locus sit juxta hanc Interpretationem, non Persona; & quàm frigide extrema vaticinii clausula ad *Saulum* applicetur.

6. Ad illud de *Davide*, pari ferè ratione responderi potest quâ ad antecedens; Quòd utiq; *Juda* ante tempora *Davidis* quamvis primas teneret honoris ac senioritatis, nullum tamen vibrabat Sceptrum in reliquis Tribus, nec ullam particularem ac distinctam jurisdictionem habebat præ cæteris. Quòdq; admodum incertum est atq; ineptum, si legamus totum Vaticinium, (quod proximè antecedentibus versibus tam magnificè loquitur de virtute ac fortitudine Judæ) admittere illud tam de repente ita flaccescere humiq; repere, ut *Judam* solummodò primas non perditurum honoris sui ac senioritatis prædicat usq; dum venerit *David*. Et præterea, quod adhuc duriores hunc sensum facit, verba naturaliter innuere videntur, quòd *Juda* Sceptrum perditurus sit simul atq; *David* vel *Shiloh* venerit, quamvis primum id tempus sit quo illud acceperit. Verba, inquam, naturaliter id innuunt quanquam non necessariò. Sed ponamus non innuere, sed Regium Sceptrum, per hoc quidem vaticinium, manere posse apud *Judam* in multos post centenos annos, quòd & factum est, idq; etiam tunc cum reliquæ Tribus ferè omnes perditæ essent, quàm frivolum tamen vel sic faciunt hoc *Jacobi* vaticinium, dum res minutiores tam magnificè illustrat, maximèq; notabiles quæ ad illam Tribum pertinent planè omittit? Et postremo, quòd accessio illa ad Jurisdictionem *Davidis* non tam aptè adæquat, justèq; explet sensum verborum יקרא עמי, quàm Congregatio illa ad Messiam quem Judæi expectant.

7. Ad illud de *Jeroboamo*, Quod *Jeroboamus* non unctus sit Rex in *Shiloh*, sed in *Sichem* Civitate *Ephraim*: Quodq; hæc conspiratio non abstulit Sceptrum à *Juda*, sed occasionem potius dedit *Judæ* ut sit Regnum ex se integrum, taléq; quod non dissolveretur per multos centenos annos postea, cum antehac non nisi pars esset Regni *Israëlitici*.

Et postremò, ad illud de *Nebuchadonator*, Quod illa Interpretatio admodum stolidum ac frivolum sensum vaticinio imponit, tanquam si sic se haberet, *Sceptrum scilicet non ablatum iri à Juda, usq; dum aliquis per vim illud abstulerit*. Quasi *Jacobus* ausus quidem esset vaticinari, *Judam* non eò usq; fatuum fore, ut ultro Sceptrum suum cuiquam sit traditurus, quamvis tam imbellis esse possit vel infortunatus ut illud manibus suis extortum sit amissurus. Quamobrem is, quo de hæc sit prædictio, plus debet *Judæis* esse, vel alius, quàm merus grassator seu deprædator, & rationem apud ipsos habere aut Regis aut Prophetæ, idq; modo plusquam ordinario. Alioqui sensus admodum frigidus erit & ineptus, tanquam si diceret, *Sceptrum non auferetur antequam auferatur*.

8. Præterea, Sceptrum non tam auferebatur in Captivitate *Babylonica*, quàm sequestrabatur ad tempus, ipsis interibi à Deo per os Prophetarum certioribus factis, quod redituri essent intra spacium septuaginta annorum. Adeò ut *Interregnum* potius esset quàm Regni vel Politicæ *Judaicæ abolitio*. Quam quidam mansisse inter ipsos volunt tenui aliquo gradu etiam in illo Captivitatis suæ intervallo, ut qui habebant רשי גליות *αρχιμαστίδας* suos, qui potestatem haberent in Populum *Judæ*. Hoc verò plus est quàm pro quo operæ pretium esset enixius contendere. Promissum Dei per ora Prophetarum suorum, reducendi eos intra annos septuaginta, exiguq; captivitatis duratio præ fruitione postmodum sequentis libertatis, per se sufficiunt ad efficiendam captivitatem suspensionem solummodò non ablationem sceptri à *Juda*. Quibus omnibus adjicere potes connexionem absonam hujus partis vaticinii cum proximè antecedenti, ubi *Juda* tam magnificè propter virtutem suam ac fortitudinem laudatur, cui tamen statim subjicitur (juxta hanc Interpretationem) Sceptrum ejus nunquam ablatum iri, donec aliquis eum devicerit illudq; abstulerit, quod ut videtur *Nebuchadonator* fecit. Qui quidem sensus maximè incongruus est atq; insipidus qui excogitari potest, prout partim suprà insinuavi.

Cæterum si vaticinium interpretaris, quemadmodum veteres *Judei* illud interpretati sunt, de *Messia*, cohærentia admodum perfecta est & perspicua. Quod scilicet strenuus hic Bellator *Juda* nunquam Sceptrum suum penitus amissurus sit usq; dum specialis ille Dei nuncius, gentiumq; expectatio, *Messias* scilicet, advenerit, qui longè universaliori Bono inserviturus sit quàm quod ad parvum illum mundi manipulum *Judeos* pertineat.

9. Proximum suffugium quod quærunt & invenisse se arbitrantur est in עדי, dum imaginantur quod עי significare hic potest (ut interdum facit) in *æternum*: Verum accentus *Athnah* רנני, quæ idem valet quod *colon* in Latino sermone, viam ipsius intercludit ad hoc diverticulum.

10. Ultima ambiguitas, quam prætendunt, voci שבט inest, quam significare dicunt aut *Tribum*, aut *Baculum*, opitulationis scilicet, seu *sustentationis*, aut *virga castigationis* & *afflictionis*. Sumendo pro *Tribu*, vaticinium sic institui potest, Quod tribus *Judæ* nunquam auferetur donec *Messias* venerit; vel sic, Quod Tribus *Benjamin*, quicquid sit de reliquis tribubus, nunquam auferetur à *Juda*, &c. Si sumatur pro *Baculo*, sensus hic est, Quod *Juda* in quacunq; Captivitate aut oppressione fuerit, sustentabitur tamen alicunde & aliquo modo levabitur donec venerit *Messias*. Si sumatur pro *virga*, Quod *virga castigationis* & *afflictionis* nunquam auferetur à *Juda* donec *Shilo* venerit.

11. Quibus respondeo, primòq; cunctis in Genere. Quod cum שבט & מרוקק ad hunc modum in vaticinio collocentur, tamq; naturaliter sibi invicem respondeant, tametsi מרוקק æquè frequenter significaret *Scribam*, atq; eum qui potestate politica vel imperio præditus sit, nimis quàm coactum tamen foret ita exponere in hoc loco, cum vox שבט adeò naturaliter sensum alterum indigitet, & etiamnum adhuc coactius si consideraveris מרין רנני ex semine ejus, quæ res est quæ parum habet momenti in inferioribus istis officiis *Scribæ* & *Expositoris Legis*. Quibus addere potes quod מרוקק nunquam sic exponitur in Scripturis per Septuaginta, sed semper aut Βασιλευς aut ἡγεμὼν aut ἡγεμῶν. Adeò ut, tametsi legitimum vaticinii sensum in ipsius initio eludere possint, pars tamen subsequens & seiplam & partem alteram etiam tueatur à violentia & injuria. Nam oportet planè esse מרוקק, hoc est, Politicam potestatem in *Juda*, donec *Shiloh* venerit, quicquid per שבט significatum fuerit.

12. Verum ut singula leviter tangamus; ubi porro notandum est, *Tribum Juda*, non ipsius *Personam* subjectum esse vaticinii. Sensus igitur primæ Interpretationis hic erit: Quod *Juda* non auferetur à *Juda* donec venerit *Shiloh*. Quod valde profectò ridiculum est. Veruntamen quoad ejus fieri potest, *Tribus Juda* etiam à *Tribu Juda* est ablata, ac proinde *Shiloh* jam venit. Nam universa *Tribus Juda* in frustula discerpta est & inter Nationes per omnes Terræ partes dissipata. Vel si contra rationem *Personam Juda* objectum vaticinii supponere volunt (cujus tunc sensus erit, *Tribus Juda* ab eo non auferetur donec venerit *Shiloh*) Patriarcha magis determinatè locuturus fuisset, dicturusq; שבת לא יסור שבת, alioqui שבת לא יסור שבת naturaliter significat, nulla omnino *Tribus* ab eo auferetur, cum tamen decem in captivitatem abductæ sint, nec adhuc unquam redierint. Præterea, si שבת reddi possit *tribus ejus*, illa etiam ipsi reverà ablata est & perdita, cum sub illius imperio non sit, hoc est, sub Regimine Politico *Juda*, qui instar Imperatoris est cujus exercitus planè est devictus, & in captivitatem abductus, & alieno prorsus imperio subditus. Nec quicquam refert quòd nomen illius etiamnum gerunt, cum illius non sint sub potestate. Equidem Patriarchæ in lecto moribundi mens rebus admodum pusillis occupabatur, si nihil amplius huic vaticinio subsit quàm præ se fert hæc prima Interpretatio.

13. Et secunda certè, sumendo iterum שבת pro *Tribu*, eisdem objectionibus obnoxia est cum prima, ejusq; ineptitudo paulò adhuc crassior magisq; conspicua. Et enim admodum hic evidens est, quòd שבת מיהודה לא יסור שבת necessario significabit, *ne Tribus quidem auferetur à Juda*, &c. Est enim haud absimile atq; si quis diceret, Non auferetur Ovis ex Ovili usq; dum venerit *Damata*. Verum si post adventum *Damata* unica reperiretur Ovis relicta, alter ille Pastor proculdubio ludificatum se putaret si pollicitator iste apud ipsum prætenderet, ex eo quòd Ovem unicam in Ovili servaverit, promissum se servasse. Quippe quòd inepta esset fallaxq; defensio allegare, se promississe Ovem non ablatam iri, quòdque illic Ovis sit quæ nondum est ablata. Adeò ut manifestum sit quòd per שבת una particularis *Tribus*, *Benjamitica* putà, non potest intelligi, ac proinde nulla omnino. Nam reliquæ omnes per *Salmanassar* in perpetuam abductæ sunt captivitatem.

14. Ad tertiam Interpretationem respondemus, *Jacobum* hic unicuiq; filiorum suorum benedictiones *peculiares* distribuere. Hæc verò omnibus communis est ac proinde *Juda* non assignanda. Et deinde admodum pusillam rem esse inter tot illustres prædictiones & encomia *Juda*, quòd nunquam ad tantas redigendus sit angustias quin vivere possit & subsistere, quanquam in statu humili & abjecto, & ab aliis populis dependenti. Adeò ut hic sensus Vaticinii valdè frivolus sit ac dilutus.

15. Et quarta quidem æquè prava est, si non pejor. Primò enim, ut antè, quod commune est omnibus *Tribubus*, & verò ad alias potius *tribus* pertinet quàm ad *Judam* (decem intelligo *Tribus* à *Salmanassar* abreptas) hic *Juda* tanquam proprium addicitur, idq; in magnorum encomiorum medio ac benedictionum. Totum vaticinium de *Juda* perlege, & primo statim aspectu deteges hujus affumentis discrepantiam si hic sensus sit hujus partis vaticinii. Præterea, vaticinium juxta hunc sensum verum esse non possit. *Juda* enim florentissimum erat Regnum vel Respublica per multos centenos annos, quemadmodum constat ex Historia.

16. Et postremò, ut his duabus ultimis Interpretationibus conjunctim respondeamus; Vox שבת simpliciter posita, ut hic est, & absq; ullis additis circumstantiis quæ sensum ejus determinant, nunquam significat aut baculum *sustentationis* aut virgam *castigationis*. Adeò ut pari jure exponere possint *grallam*, atq; utrumlibet. Nam שבת פסחים pro certo significabit *grallam*. Ac proinde eandem sumendo libertatem quam illi sibi assumunt, sensus hujus Vaticinii sic institui potest: *Gralla non recedet à Juda nec Scriba è medio pedum ejus usq; dum Shiloh venerit*; hoc est, *Juda* nunquam deerit scriba *Grallator*, id est scriba claudipes, scriba utiq; qui claudicantes, tortuosas & perversas legis Expositiones, ad capitalis ipsorum erroris defensionem excogitaturus sit, usq; ad secundum adventum *Messie*.

17. Brevia hæc vobis specimina proposui ineptarum illarum Evassonum quibus utuntur *Judei* ad occultandum planum ac perspicuum sensum hujus Vaticinii *Jacobi*. De quo notatu dignum est, quemadmodum illorum Expositiones valde vane sunt atq; sic omnino nobis videntur, ita manifestum esse quòd nec sibi ipsis per eas satisfaciant, ex eo quòd tantam earum multitudinem excogitaverint. Quid enim eos urgere potuit ad novam excudendam Interpretationem nisi quòd verus parum ipsis satisfecerit? Et certè tametsi per vim vaticinio factam, quàm plurimas poterant, jam extorserunt, cui tamen omnium potissimum adherere debeant, planè nesciunt.

CAP. III.

1. *Vaticinium Haggæi.* 2. *Naturalis sensus Vaticinii.* 3. *Quod Templum secundum nullâ aliâ ratione gloriosius esse potuit primo, nisi quod Messiam reciperet.* 4. *Quod Herodis Templum hâc intelligi non poterat.* 5. *Responsum ad subterfugium de Templo Ezekielis.* 6. *Vaticinium Malachiæ ulteriorem vim addere huic Haggæi.* 7. *Quod Propheta nullum aliud Templum intelligere poterat præter illud quod tunc existerat.*

1. **C**Æterum si tolerabilem aliquam Evagationem in hoc vaticinio invenire potuissent, neq; sic tamen opus suum absolvissent, cum aliæ sint perspicuæ prædictiones quæ eodem collineant; ut apud Haggæum, *Sic enim ait Jehovah exercituum, Propediem erit cum ego cælum, terram, mare siccumq; commovebo, cunctasq; Gentes commovebo, & expectatio veniet Gentium omnium, istamq; ædem replebo gloria, ait Jehovah exercituum. Meum est argentum, meum est aurum, inquit Jehovah exercituum. Major erit istius posterioris ædis gloria quàm prioris, dicit Jehovah exercituum. Et in loco isto dabo pacem, inquit Jehovah exercituum.*

Hagg. cap. 2.
v. 6, 7, 8, 9.

2. Cujus vaticinii sensus naturalis hic planè est. Propheta populum animat hortaturq; ad operandum & ædificandum Templum, propterea quòd, tametsi non tam sumptuosum futurum erat quàm prius, in ornamentis Auri & Argenti, quæ tamen, si vellet, de præfacili contribuere posset Deus; (*meum est argentum, meum est aurum*) gloria tamen hujus posterioris ædis major erat futura quàm prioris, ex eo quòd honoranda erat præsentia *Messiae*, qui hîc vocatur expectatio vel *desiderium omnium gentium*. Et quemadmodum alibi nuncupatur *Princeps Pacis*, ita & hîc adventus ejus pacis dono illustratur. *Et in loco isto dabo pacem, inquit Jehovah Exercituum.*

3. Jam verò *Judeos* rogamus, quâ ratione ædes hæc secunda gloriosior erat priori, si *Messias* in eam non ingressus est dum existerat. Quòd contemptibilis erat structura præ *Salomonis* Templo, fletus senum dum extruebatur plana erat demonstratio. Præterea ipsi Rabbini agnoscunt eam quinq; privilegiis quibus altera gaudebat fuisse destitutam: *Urim* scilicet & *Thummim*, *Shechinâ*, *Igni de cælo*, *Arcâ fœderis*, & *spiritu Prophetiæ*. Evagationes hîc *Judeorum* oppidò quàm miserræ sunt & despicabiles, viz.

4. Quòd tametsi hoc Templum in Principio non adeò gloriosum erat, tamen postquam *Herodes* illud reformaverat, magis splendidum erat ac magnificum quàm Templum *Salomonis*. Quod non solum falsum est, verum si admitteretur pro vero, sensum tamen hujus Vaticinii non expleret. Etenim omnia illa externa Ornamenta illorum quinq; Privilegiorum suprâ dictorum damnum compensare non poterunt. Quibus addas, quàm ridiculum sit tam pusillum institutum extruendi Templum splendidum, tam exaggeratis magnificisq; verbis prædictum esse, tanquam si futurum fuisset maximum quod unquam hætenus in mundo contigit miraculum (quod tamen præstatur per vilissimum hominum *Herodem*) *Ego cælum, terram, mare siccumq; commovebo, &c.*

Et secundum certè suffugium, posterius hoc Templum decem annis diutius stetit quàm prius, etiam adhuc magis frivolum est ac nugatorium. Ac propterea coguntur tandem relinquere hoc Templum, & tertio cuidam vaticinium affigere, Templo scilicet *Ezekielis*, quod nondum extructum est, tametsi hoc vaticinium ante bis mille amplius annos prolatum sit. Cum tamen Propheta dicat, *Propediem erit cum ego cælum, terram, mare siccumq; commovebo.*

5. Verum obstinati *Judei* adhuc instabunt urgebuntq; manifestum esse, quàm magnificum Templum sit *Ezekielis*, & quàm clarè prædictum, tandemq; exiturum esse, seq; propterea non expectaturos *Messiam* suum ante illud tempus. Ad hoc verò breviter respondeo, Primò, fieri posse ut visio hujus Templi nihil aliud esset quàm exhibitio Templi *Salomonis*, quale scilicet tunc erat cum *Nebuchadonator* illud destruebat. Ad quam opinionem multum inclinatur *Grotius*. Secundò, si sit aliqua magnificentior structura, vaticinium non esse absolutum, ut illud de *Messia*, sed conditionale, quemadmodum videtur expressè indicari in ipso vaticinio, *Ezekiel. 43.* Unde ego equidem credo Repræsentationem esse posse ejusmodi magnificæ structuræ quam *Judei* erecturi fuissent in temporibus *Messiae* si ipsum non repudiassent,

Ref. 10, 11.

* Vide Ezekiel.
47. v. 8, 9, 10,
11, 12.

quod utiq; diruturi fuissent Templum *Herodis*, utpote quod per nefarias manus tam execrabilis viri extructum erat, & structuram *Ezekielis* erecturi. Hic naturalis exitus fuisset receptionis sui *Messiae* apud *Judeos*. Verum consilium *Jehovæ* ipsum stabit. Vel deniq; tota visio est sensus merè *mystici* ac *spiritualis*. Quod visio sanctorum aquarum ac mirabilis earum virtus, ut & arborum ibi commemoratarum (cap. 47.) non obscure insinuat. Adeo ut nullum argumentum à Templo *Ezekielis* deductum vaticinii *Haggæi* vim enervare possit, cum id in se ita perspicuum sit, alterumq; ad sensum ipsi minimè repugnantem tot modis interpretabile.

6. Veritas cujus adhuc evidentior erit si addamus illud *Malachiae*, *Ecce ego missurus sum nuncium meum, qui expediat viam ante me, & repente veniet in Templum suum Dominus quem vos queritis, & Angelus fœderis quo vos delectamini, ecce venturus est ait Jehovah Exercituum.*

Quod vaticinium præcedenti vaticinio omnino par est atq; simile, nisi quod plenius describit personam *Messiae*, quo certiores esse possimus utraq; de ipso esse intelligenda. Atq; Tempus hîc denuò satis apertè videtur prædefiniri; Quod nempe venturus esset in illud Templum quod *Judei* tunc habebant extructum, (quanquam haud diu tunc instauratum fuerat) & præsentia suâ cohonestaturus, antequam subvertendum esset solòq; æquandum.

7. Hic proculdubio naturalis sensus est hujus vaticinii, valdeq; durum est supponere *Malachiam* ullum aliud Templum præter hoc in animo suo habuisse. Verum hoc Templum ante plus mille sexcentos annos solo est æquatum; ac proinde aut tunc in Templum *Messias* ingressus est, aut vaticinium est falsum. Nunquam enim ab eo tempore ullum extitit Templum in quod ingredi possit, nec existit in præsens, nec unquam denuò extitutum est, saltem ante illius adventum. Quomodo enim *Judei* ædificabunt sibi Templum antequam *Messiam* invenerint? Adeo ut necesse sit ut primò sit *Messias*, dein Templum, si sit omnino. Verum proculdubio hoc vaticinium *Malachiae* Templum primò paratum supponit & jam extructum, *Messiamq;* præstituto tempore genitum iri in hunc mundum & in illud ingressurum. Quod proinde oportet esse Templum secundum.

C A P. IV.

1. *Vaticinium Danielis.* 2. *Expositio vaticinii.* 3. *Quod dicta Expositio aequè facilis est & naturalis atq; Interpretatio ullius scripti cujuscumque; quàmq; præstabile opus esset demonstrare è chronologia Passionem Christi, biduo triduove post initium vel ante finem ultimæ Hebdomadis contigisse.* 4. *Summa sensus totius vaticinii.* 5. *Circumscriptionem Propheticarum Hebdomadam non fieri per excidium Civitatis sed per impletionem illustrium illarum Prædictionum de Messia, nullamq; Epocham veram esse posse quæ in ipsas non terminetur.*

I. **U**ltimum vaticinium quod nos hîc allaturi sumus est ex *Danielis* cap. 9. Ubi prædictionem illam *Jeremie* dum in animo secum revolvebat, quod utiq; septuaginta anni explendi erant in devastationibus *Hierosolymæ*, dùmq; enixè precibus apud Deum contendebat de salute ac libertate Populi sui, Angelo *Gabrielis* expresse mandatum est ut eum adiret atq; vaticinium hoc cum eo communicaret.

I. *Septuaginta septimanae destinate sunt Populo tuo, tueq; sacra urbi ad finiendum peccatum, ad obsequanda delicta, ad ignoscendam culpam & ad inducendam æternam justitiam & ad obsequandam visionem ac vaticinationem, & ad ungendum sanctorum sanctissimum.*

II. *Scies igitur & intelliges ab edito mandato de reditu & de instauranda Hierosolyma usq; ad Messiam Principem fore septimanas septem & sexaginta duas, quibus redibitur, & vici ruineq; instaurabuntur idq; in difficultate temporum.*

III. *Post duas autem & sexaginta septimanas perimetur Messias, sed non propter seipsum, Populúsq; Principis venturi urbem & sanctuarium depopulabitur, eritq; finis ejus cum inundatione, & ad belli finem desolationes sunt determinate.*

IV. *Confirmabitq; fœdus multis unâ septimanâ, sed in medio septimane sacrificium abolebit ac munus, & propter expansiones abominationum desolatum reddet etiam usq; ad consummationem eamq; præcisam quæ effundetur in desolatum.*

2. Hoc

2. Hoc tam illustre vaticinium est, & ad Propositum nostrum tam eximie accommodatum, ut breves aliquot annotatiunculas ad singulos versus annectere è re fore judicemus. Ut eò manifestius sensus apparere possit, & si quæ sint Interpretationum diversitates, apertius constare, eas nullatenus principali illi veritati, pro qua nos contendimus, nocere.

I. *Septuaginta septimanae*] hoc est, septimanæ vel Hebdomadæ Annorum. De quo sensu nullum est dubium nec apud *Judeos* nec apud *Christianos*. Et septuaginta hujusmodi septimanæ non tam præcisè sumptæ, ut illud quod prædictum est, antè evenire non possit quàm septuagesima septimana prorsus sit elapsa, nec partem aliquam subsequenti septimanæ excurrere; cùm computatio fiat per annorum septimanas non per annos, quemadmodum *Josephus Medicus* rectè etiam observavit; ejusmodiq; sit Hypothesis, quam nemo jure possit cavillari.

Destinate sunt] *וְנָתַתְּ*, hoc est, *excise*, prout quidam volunt. Innuendo quòd statim post exitum harum Hebdomadum *Judei* rursus abducendi sint in captivitatem. Verùm illa supervacanea est curiositas, & vaticinii sensui non adeò usquequaq; consona. Adeò ut meo judicio præsens Translatio ei præferenda sit.

Populo tuo tuæq; sacre urbi] hoc est, sub exitum septuaginta septimanarum Populus *Judaicus* desinet esse Populus Dei, Civitatq; ipsorum esse sancta, Religione eorum naturaliter cessante ob aliqua ipsorum facinora, quò præstantior, secundum Divinum Propositum, sit introducenda.

Ad finiendum peccatum, vel, ad explendum, perficiendum vel consummandum peccatum.] Ità enim hîc significabit * vox *וְנָתַתְּ*, videturq; maximè genuinus esse sensus in hoc loco: Quasi Angelus dixisset; Per septuaginta septimanas auferetur flagellum à populo tuo, quibus iterum corruptissimas suas vivendi rationes sectabuntur, peccata peccatis accumulantes usq; ad summum. Quod maximè insigniter fecerunt in occidendo Messiam suum.

* Septuaginta
verunt *וְנָתַתְּ*
συνέλαβεν
ἀμαρτίαν.

Ad obsignanda delicta, vel ad finem imponendum Piaculis Judaicis.] Ità enim significabit vox *וְנָתַתְּ*: Et *וְנָתַתְּ*, quod idem est quod obsignare, finem denotat rei impositum, per modum impletionis, & consummationis, uti sit prope finem hujus versûs, *ad obsignandam visionem & vaticinationem*. Vox *וְנָתַתְּ* ibi usurpatur.

Ad ignoscendam culpam, vel ad expiandam culpam.] Ità enim *וְנָתַתְּ* significat. Sensu verò idem ferè est utrobique.

Et ad inducendam eternam Justitiam] i. e. Talem legem vel Religionem quæ duratura sit in perpetuum, & juxta quam si vivamus, nostra futura sit Justificatio non opera Legis Mosaicæ, nec istæ oblationes & sacrificia.

Et ad obsignandam visionem & vaticinationem] i. e. Ad implenda consummandaq; Vaticinia, illustria utiq; illa maximiq; momenti vaticinia de *Messia*.

Et ad unguendum sanctorum sanctissimum] viz. Personam omnium quæ unquam vixerunt sanctissimam. Nam tametsi *קָדֵשׁ* foemini sit generis, videaturq; sanctitatem potius significare in abstracto vel Rem sanctam, *Judei* tamen ipsi intelligunt de Persona; *Moses Gerundensis* de ipso *Messia*. Et adhibetur ad rem quamlibet significandam Deo consecratam, sive Ager sit, sive Homo, sive Pecus; Levit. 27. 28. Præterea nihil opus est ut *קָדֵשׁ* nomen sit foemini generis, sed idem planè quod *קָדֵשׁ* sanctus, quemadmodum apparet ex Levit. 21. 7. Num. 6. 8. Aut saltem verba ibi legenda sunt *קָדֵשׁ*, ac proinde rursus confirmant quod *קָדֵשׁ* ad consecratas Personas æquè pertinet ac Res. Si intelligendum fuisset de loco sanctissimo Templi, verissimum est quòd scriptum fuisset *קָדֵשׁ הַקֹּדֶשׁ*, & non *קָדֵשׁ קֹדֶשׁ*. Verùm si *קָדֵשׁ קֹדֶשׁ* significet hîc locum sanctissimum, Christus etiam erat *קָדֵשׁ קֹדֶשׁ* modo eminentissimo qui excogitari potest. Nam in eo tota divinitatis plenitudo habitabat corporaliter.

II. *Ab edito, mandato de reditu & de instauranda Hierosolyma*] viz. A decreto vel mandato *Artaxerxis* anno septimo sui Regni, cujus mentio sit Ezræ 7. Quo Ezræ jus datum est constituendi Magistratus ac Judices super Populum, ut haberent potestatem vitæ ac necis inter seipso, vivendiq; secundum proprias suas Leges Politicas. In qua concessione fieri non poterat quin jus vel decretum extruendi ædificia *Hierosolymorum* includeretur. Ut taceam, prout rectè *Funccius* etiam arguit, libertatem hanc vivendi sub propriis suis Magistratibus verissimum esse maximèq; solidum sensum condendi Civitatem. Quibus addas vers. 18. expressam ibi dare facultatem expendendi in quoscunq; ipsis libuerit usus, liberalium illarum contributionum Residuum, quæ pro sacrificiis usibq; religiosis factæ essent. Unde manifestum est quòd jus vel facultas ædificandi Civitatem in illa concessione includebatur. Nec magnoperè curabat *Ezra* illud à Rege expressim emendicare quod prævidebat

videbat in rei majoris concessione involutum iri, talisq; quæ efficacius Regis animum inclinare possit, Rei scilicet Religionis; ut videre licet v. 23. Quamobrem hoc est proprium Decretum pro urbe reedificanda aut nullum. Nam aliorum Decretorum Tituli aut sunt de Templo ædificando, aut restringuntur ad extruendos muros Civitatis, quandoquidem ædes antea erat extructa, quemadmodum videre poteris legendo Historiam *Ezræ* & *Nehemiæ*, ad hunc ferè sensum argumentantur ii qui hanc Hebdomadam Epocham statuunt.

Usq; ad Messiam Principem] hoc est, Usq; ad manifestationem illius personæ quæ tam bene nota erat, tamq; avidè expectata à *Judeis* sub nomine *Messie* sui, cum vox illa nunquam absolute usurpetur nisi de illo intelligatur.

Fore septimanas septem & sexaginta duas] id est, Sexaginta novem septimanas, cum separationi horum numerorum nullum subsit mysterium, sed Hebraismus solummodo (intelligendus ex *Ezekiel*. 45. 12. & *Genes*. 5. ubi frequenter occurrit; uti etiam semel cap. 8. v. 3.) quemadmodum *Grotius* notavit in hunc locum. *Funccius* ad aliquod majoris momenti adnititur; Quod utiq; status Reipublicæ *Judaicæ* magis perturbatus foret per primas septem septimanas aut eò circiter, quemadmodum intelligere licet ex *Ezra* & *Nehemia*.

Vici Ruinaeq; instaurabuntur, idq; in difficultate Temporum] hoc est, Non solum Area *Hierosolymæ* ædificiis rursus replebitur, sed & urbis mœnia reedificabuntur, quanquam in turbatis incertisq; Temporibus, quemadmodum constat è supradicta Historia. Quippe quod ædificatores cogeantur accincti esse gladiis æquè ac trullis instructi ad opus.

III. *Post duas autem & sexaginta septimanas*] Quæ continuò succedunt septimanis septem; hoc est, post sexaginta novem septimanas perimetur *Messias*, viz. supradictus *Messias* Princeps. Necessè enim est ut hic sit maximè naturalis illius sensus, & quod paulò antè monui, *Messias* nusquam ità absolute ponitur nisi in hoc loco. Unde proculdubio *Judæi*, ipsi, quem illi expectabant suum fore liberatorem, nomen *Messie* tribuebant.

Perimetur.] Si ירר effret, significare posset *transfixum* vel *affixum*, quemadmodum *Funccius* illud significare velit: verum est ירר, quod significat decidere vel abscindere, non solum à vita, sed, quod notat *Medus* noster, à Regno, quatenus quis Rex est. Et *Judeorum* respectu abscissus est juxta utrosq; hos sensus: Erat enim *Messias* Princeps quem proprius suus populus à vita abscidit & eo ipso à seipsis, quò minùs illi diutius esse possent populus illius, illè eorum Rex. Ac proinde statim sequitur ואין לו, quod non est, sed non propter seipsum. Sensus verò est, Quod abscissus erit *Messias* per manus populi *Judæorum*, quòdque is populus illius non erit. Hanc expositionem vocum ואין לו *Manasseh Ben Israël* adeò approbat, ut eam ibi adhibeat, ubi non est ità naturalis ac facilis, aut saltem tautologia est. Interpretatur enim de *Agrippa* ultimo Rege *Judæorum*, quem, inquit ille, *Vespasianus* triennio ante excidium Templi occidit, ואין לו, atq; ità Regnum diutius non erat *Agrippæ*, nec cujusquam ex illius Prosapia. Cæterum interpretando de *Messia*, cum supponatur quod abscissus sit per manus populi *Judaici*, admodum facile est intellectu quod is populus sit casus nominativus verbo subintellecto in ואין לו, quod ille populus qui illum abscidit, populus ejus diutius non sit futurus propter immane hoc facinus quod patrârint. Adeò ut ex hoc facinore *Judæi* cessarent esse populus Dei, atq; sic eis à Deo derelictis, magna tandem illa ingruit ultio in subsequentibus verbis prædicta, Civitatem scilicet eorum ac Sanctuarium perditum iri per eos qui designati erant in populum *Principis Messie*. Etenim eum ad modum *Medus* interpretatur hunc locum, & oppidò quàm doctè ac peritè meo quidem judicio; vertendo utiq; נגיד העם Populus *Principis* futurus, quo *Romanos* indigitat. In quo Imperio præcipuè Christus habiturus erat Ecclesiam suam ac Regnum. Estq; maximè sanè consentaneum ut quemadmodum *Messiah* antè erat idem qui *Messiah Princeps*, sic *Princeps* hoc in loco idem sit qui *Messiah*, cum sensus adeò examussim quadret. Cum è contrà si *Messiah* hîc non intelligatur per נגיד sed solummodò Princeps aliquis ac Populus in genere [populus *Principis* venturi] sensus nimis laxus esset ac dilutus, qui juxta *Medanam* Hypothesin constitutus multo magis compactus est, filòq; magis æquali.

Eritq; finis ejus cum inundatione] hoc est, Post excidium Urbis, Exercitus *Romanus* inundabit *Judeam*.

Et ad Belli finem desolationes sunt determinate.] *Grotius* interpretatur ו pro, & vertit, Pro fine belli erit desinita desolatio. Deus hunc exitum bello isti præfinit, terra vastitatem.

IV. *Confirmabitque.*] *Medus* noster sic reddit, Confirmabit tamen nihilominus. Nam conjunctio ¹ vim habet ferè cujuslibet conjunctionis varièq; reddi potest; prout ipse sensus indicaverit. Sensûq; maximè genuinus videtur is quem *Medus* dedit; Quòd utiq; tametsi *Israël* rejectus erat, Reliquiæ tamen secundum electionem gratiæ lucrificandæ erant Christo per Evangelii illius Regni prædicationem. Quod peragendum erat ante & post ejus *Passionem*, per seipsum & per Apostolos suos. Hæc est illa *אודם דיאבאן*, novûmq; fœdus quod ipsam Inscriptionem novi Testamenti adornat. Et Septuaginta sanè hoc ipso in loco reddunt *דיאבאן*, *דוואמאס דיאבאן*.

Confirmabitq; fœdus] hoc est, quemadmodum dixi, Fœdus Evangelii. Vide *Funccium* in locum.

Multis] i. e. Aliquibus, iisq; non admodum paucis: Ità enim vocabulum frequenter significat. Quanquam verum etiam sit quòd multi è *Judeis* conversi erant novûmq; hoc fœdus inibant intrâ spacium hujus unius Septimanæ, quæ septuagesima est vel ultima Hebdomada.

Sed in medio septimana, vel *illius septimana*.] *חצי השבוע* significare potest vel dimidium unum Hebdomadæ, ut interpretatur Grotius; vel simpliciter in medio Hebdomadæ. In qua Interpretatione non opus est, ut *medium* mathematicè significet partem mediam Hebdomadæ ab extremis æquidistantem, sed partem quamlibet intra extrema. Aded ut secundus sextûsve annus Hebdomadæ dici possit in hoc sensu, idq; verè, in medio esse Hebdomadæ. Unde Angelus fortean rectè existimari potest nihil amplius voluisse per hanc locutionem, quàm quòd prædixit eventurum esse postquam ultima septimana inceperit, & antequam exiverit.

Sacrificium abolabit ac munus.] *Messias* scilicet tunc passus antiquabit finemq; imponet *Judaicis* Sacrificiis & Oblationibus. Quippe quòd cum is qui per ea præfigurabatur jam oblatus esset ac sacrificatus, manifestum est illa altera quantum ad jus ac efficaciam cessasse, hoc est, abrogata fuisse & abolita per excellentiam illius personæ quæ seipsum obtulit semel in sacrificium & piaculum pro peccatis totius mundi. Modò Chronologia suffragatura sit, nulla equidem ratio humana aptiorem investigare potest excogitarève interpretationem quàm hæc sit de abolitione jugis sacrificii per *Messiam*. Qui quasi scopus est totius Vaticinii. Etenim significare intra quam Hebdomadam *Messias* passurus esset, ex cujus morte *Legis* Mosaicæ antiquatio & introductio æternæ *Justitiæ* dependebat, res magis consentanea est & quam tam præcisa & accurata Temporis ratio condeceat, quàm *Templi* exedim; quod alii Interpretes per abolitionem sacrificii volunt indicari. Præterea appositum magis, magisq; compendiosum fuisset Templum nominasse quàm Oblationes ac Sacrificia, nisi aliquod majoris momenti per hanc locutionem esset indicatum. Præcipuus igitur vaticinii scopus est accuratius præfinire tempus, ut *Manifestationis* ita & *Mortis* *Messie*, quæ nullus dubito quin hîc commodè possit insinuari per hanc locutionem, & quod magis in genere & indeterminatè in antecedenti versu perstringebatur per ejus *abscissionem*; quantum quidem ad *tempus*, exquisitiùs hîc definiri, & quemadmodum antea ad mortis ejus mentionem, ultio subnectebatur eis qui ipsum occiderint, ita hîc, ubi mors ejus iterum repetitur, eandem rursus ultionem repeti.

Et propter expansiones abominationum desolatum reddet.] Textus Hebraicus habet, *ועל כן שקוצים משמים*. Quod cum *Josepho Medo* sic reddi volo, *Et præfectus alæ abominationum, depopulator erit*, i. e. præfectus exercitui Idololatrarum Gentilium, Romano scilicet exercitui. Vide *Grotium* in Matth. 24. v. 15. Quæ Interpretatio tametsi ab Interpretatione *Medi* paululùm differt, eam tamen meo quidem judicio multùm confirmat. Siquidem per multas citationes ex Autoribus planè evincit *Romanos* in vexillis gestasse Imagines Deorum suorum, quæ *Hebraicè* dicuntur *שקוצים*. Unum illud è multis duntaxat proferemus quod occurrit apud *Tacitum*; *Fulgentibus Aquilis signisq; & simulachris Deum in modum Templi*. Tam apertè hæc alæ abominationum intelligitur de exercitu Idololatrarum.

Etiâ usq; ad consummationem eamq; præcisam] *Leges*, *Et usq; ad consummationem*, i. e. perfectionem hujus vastitatis.

Quæ effundetur in desolatum] *Lege*, Effundetur vel durabit super desolatum; viz. *על שקוצים*, Romanus exercitus manebit circa *Hiero solymam* usq; dum ad extremam eam deduxerit calamitatem ac vastitatem. Vel extendet se ad instar aquæ effusæ in desolatum, eo in sensu quo Inundatio intellecta est versu antecedenti. Nam, ut paulò antè insinuavi, hæc non est nisi repetita prædictio ejusdem ultionis ex eadem occasione sumenda, nempe ob occisionem *Messie sui*, quæ innuitur in ista locutione, *sacrificium abolabit & munus*, ut qui eo tempore ipse mactandus erat vel sacrificandus juxta æternum Dei consilium.

3. Sensus hujus Vaticinii quem nos exhibuimus, tam cohærens tamq; quasi unius fili est, uniúsve generis, quanquam è diversis Interpretibus desumptus & concinnatus, ut nulla Interpretatio ulli omnino scripto magis aptè ac naturaliter applicari queat. Adèd ut quemadmodum dixi, modò Chronologia faveat huic Interpretationi, certissimum sit eum verum esse sensum quem proposuimus. Et certè *Funccius* qui septuaginta septimanas planè expirare facit cum ultimo Servatoris halitu in cruce, si exitum ipsarum invenire potuisset vel uno anno tardiolem, tolerabilem si non laudabilem rationem hujus Vaticinii reddidisset juxta latitudinem sensûs מצי ושבועי suprà memoratam. Nec profectò res est adèd extra omnem spem posita, quin Chronologi annum saltem errare possint in suis Computationibus. Verùm quicumq; per industriam suam ac peritiam in Historia ac Chronologia Mundo demonstraverit, *Pas-sionem* Servatoris duobus vel tribus annis ante finem vel post initium ultimæ Hebdomadæ contigisse, Inventio ejus pluris profectò erit Christianæ Religionis quàm aut *Venæ Lactææ* aut *Circulatio Sanguinis* Medicinæ & Philosophiæ. Nam impletio hujus Vaticinii tam perspicua & perfecta apparebit, ut si *Porphyrus* rursus in vivis esset, cogeretur rursus pronunciare, quòd scriptum erat post eventum, hoc est, quòd *Judæi* excogitârunt Vaticinium ad confutandos seipsos.

4. Lætum igitur nuncium quod Angelus *Gabriel* cum *Daniele* communicat hoc est, *Judæos* utiq; redituros esse ex Captivitate, atq; ab Enunciatione Decreti cujusdam de reædificanda *Hierosolyma* formâq; ipsi indenda Civitatis, hoc est, de restituenda potestate vivendi sub propriis suis Legibus ac Magistratibus, ab eo deinceps tempore Deum ipsis septuaginta septimanas determinâsse, seq; per illud ferè tempus specialem suam protectionem ipsis esse exhibiturum, ipsiûsq; populum tamdiu eos esse mansuros, ut & Civitatem eorum sanctam, nec Oblationes & Sacrificia eorum antiquanda esse, nec Legem & Religionem abrogandam. Veruntamen intra illud tempus novam Legem ac Religionem esse inchoandam, quæ nunquam finem est habitura; & propterea æterna *Justitia* nuncupatur; & Judaica Sacrificia ac Piacula tunc cessatura esse, hoc est, nullam approbationem vel efficaciam habitura. Quippe quòd *Messias* ante illius Temporis exitum adventurus esset, (quem illi forent occisuri) & per mortem suam finem omnibus aliis sacrificiis impositurus, cum illius sanguis sufficiat ad reconciliandum universum Mundum Deo. Sed enim, tametsi divinæ Providentiæ propositum hac in re sanctum sit ac salutare, *Judæi* tamen, cum *Messiam* per malitiam ac invidiam sint crucifixuri (utpote quibus enormis impietas oculos occacaverit) Populus, inquam, *Judaicus* ex favore Divino ejiciendus erit, nec erunt illi populus *Messie*, sed populus *Messie* postmodum futurus, *Romani* scilicet advenient, & Civitatem ipsorum ac Sanctuarium ad extremam usq; vastitatem depopulabuntur.

5. Hæc brevis est facilisq; totius vaticinii ratio, ex qua planè apparet, quòd prædictio excidii urbis non sit nisi appendix ad vaticinium principale, nec nisi obiter se inferat & tanquam effectum fœdi illius facinoris *Judeorum* in occidendo Principem suum; circumscriptio verò Propheticarum Hebdomadum per præcipua illa instituta facta sit propter quæ *Judæis* destinabantur, hoc est, quòd non finiendæ essent usq; dum æterna *Justitia* introducta fuerit, *vaticinia impleta* & *Sanctorum sanctissimus* unctus, hoc est, usq; dum *Messias* venerit, passus fuerit, resurrexerit, ascenderit in cœlos, Spiritum sanctum in Apostolos miserit & Christianæ Religionis fundamenta satis firmiter jecerit. Quæ omnia in ultima Hebdomada peracta sunt. Post quæ Civitas demolienda erat per *Romanos*, verùm nihil opus erat tempus accuratè præfinire.

Cæterum fama ac strepitus ejus demolitionis ità judicia & imaginationes turbavit multorum eruditorum virorum, ut admodum perversè ac per vim Extensionem Hebdomadum ad excidium usq; Civitatis pertraxerint, atq; sic obscuritatem creaverint minimè necessariam in tam præclaro veritatis Religionis nostræ testimonio. Etenim nulla sanè esse potest genuina & quæ omninò satisfactura sit Hebdomadum *Danielis* Interpretatio, nisi universæ, septem, sexaginta duæ, & septimana singularis, unæ post alteras statim subsequentes eadem quali continuentur lineâ, talisq; eligatur Epochæ ut in exitu sexaginta novem Hebdomadum *Messias* mundo manifestetur, & perimatur Hebdomade septuagesimâ, fiatq; sacrificium pro peccato, atq; sic legem abroget Judaicam & Justitiam æternam introducat, &c. Ad quod Epochæ ab anno septimo *Artaxerxis* Longimani bellè adnititur juxta computationem *Funccianam* & aliquatenus quadrat, quanquam non eò usq; quò quis meritò exoptare possit. Verùm five ea sit five alia aliqua, perinde est, modò sumatur ab aliquo mandato de instauranda Civitate & ad medium ultimæ Hebdomadis nos deducat. Quid autem nostras

Lydiatus

Lydiatus eximiâ Pietate & acerrimo Ingenio vir anno viceſimo *Artaxerxis* pro Epochâ ſumpto (in Opusculo Chronologico quod *Emendatio Temporum* inſcribitur) hâc in parte præſtiterit, maximum profeſſo Lectori pretium operæ fore cenſeo ſi velit experiri. Summa Methodi hæc eſt: Cùm initium Regni *Artaxerxis Longimani* ſeptennio priùs ſtatuat quàm *Funccius* (ut qui illud ponit Anno primo Olympiadis 79, *Lydiatus* verò anno ſecundo Olympiadis 77) palàm eſt Hebdomadaſ Danielis à decimo quarto *Artaxerxis* eundem exitum quem antea habituras, Anno nempe quarto Olympiadis 202. At verò cùm *Lydiatus* viceſimum *Artaxerxis* ſumat pro Epochâ Hebdomadam, manifeſtum eſt exitum tunc habituras ſex annis tardiùs, Anno nempe ſecundo Olympiadis 204. Adeò ut ſi Chriſtus paſſus ſit poſtremæ Hebdomadis Anno ultimo, ſecundùm Epocham *Funccianam*, quod *Helvicus* innuit; Calculo à *Lydiati* Epochâ inito, Paſſio in annum primum ultimæ Hebdomadis incidet. Reliquum igitur Methodi Artificium inſumitur, in probando paſſionem Chriſti quadrennio ferè poſterioriùs contigiffe quàm vulgò ſtatuunt, Anno nempe 22 *Tiberii*, cùm alii decimo nono contigiffe ſtatuiffent, & ex conſequenti Paſſionem Chriſti exactè in medium Hebdomadis incidiffe. Hæc inquam ſumma rei eſt, quibus autem rationibus eam confecerit, ipſe apud *Lydiatum* vide.

CAP. V.

1. Applicatio primi verſus vaticinii ad probandum quòd Meſſias jam venerit. 2. Judæorum Eviſiones proponuntur ac reſelluntur. 3. Applicatio ſecundi verſus vaticinii cum conſutatione opinionum eorum Rabbiorum qui Cyrum, Jeſum, & Zerobabelem, vel Nehemiam ſuum Meſſiam faciunt. 4. Applicatio tertii verſus cum conſutatione fictionis Judæorum, quâ Agrippam Meſſiam ſuum abſciſſum eſſe volunt.

1. **C**onſummavi jam ſenſum vaticinii *Danielis*, idq; magis accuratè quàm præſens hæc occaſio requirebat, quod dico propter Epocham *Funccianam* præ cæteris electam quæ *Ezra* ſeptimo occurrit. Etenim tametiſi tam præciſè ac particulatim non ageremus, ſatis virium tamen haberet hoc vaticinium ad evincendum quòd Meſſias jam venerit.

Etenim ex primo verſu admodum clarè liquet, quòd intra ſeptuaginta Hebdomadas *Sanctorum ſanctiſſimus* ungendus eſſet & æterna Juſtitia introducenda. Nunc igitur quæro ex *Judeis*, vel ex aliis quibuſlibet, undecunq; Epocham deſumpſerint, an invenire poſſint ullam æternam Juſtitiam, Legem vel Religionem, quæ introducta ſit ante Hebdomadam *Danielis* exitum, præterquam Religionem Chriſtianam. At verò ex hoc vaticinio oportet aliquam Legem vel Juſtitiam æternam, intra hoc tempus introduci. Et dicant porrò mihi, Quid vel quiſnas ſit ille *Sanctorum ſanctiſſimus* qui intra has Hebdomadas unctus ſit, ſi non ſit ille ipſe Chriſtus quem nos Chriſtiani colimus? Ipſi *Judei* agnoſcunt ſecundum Templum unctum non fuiſſe. Ad perſonam igitur aliquam id pertinere neceſſe eſt; quem igitur oportet eſſe Meſſiam in ſubſequenti verſu commemoratum. Quibus addere poſſim; Quomodò viſio & Prophetia impletæ ſunt? (quarum eminentiſſimæ ad Meſſiam ſpectant) quomodo, inquam, impletæ ſunt & obſignatæ, intra ſpaciùm harum ſeptuaginta Hebdomadam, ſi Meſſias non venerit?

2. *Judei* nullam quidem omnino hîc viam habent evadendi niſi affigendo huic verſui interpretationem coactiſſimam abſurdiſſimamq; quæ unquam poteſt excogitari. Quafi ſenſus eſſet quòd illæ res quæ hîc prædicuntur, poſt ſeptuaginta Hebdomadas ſint eventuræ. Quanquam planè liquet ex diſtributione Hebdomadis in partes & expreſſa prædictione, quòd hoc in hac parte eventurum ſit, illud in alia, præcipuum vaticinii ſcopum eſſe quæ ante illarum conſummationem eventura ſint præmonere. Qua de re adhuc magis certi eſſe poſſumus ſi examinemus ineptitudinem alterius ſuppoſitionis eamq; ad ipſa verba Textûs applicemus, quæ ſic ſe habent.

Septuaginta ſep̄timanæ deſtinate ſunt populo tuo tuæq; ſacræ urbi, vel exciſe populo tuo tuæq; ſacræ urbi, וְנִגְזַרְתָּ אֶת־הָעָם אֶת־הָעִיר אֶת־הַמִּצְדָּתְךָ אֶת־הַמִּצְדָּתְךָ אֶת־הַמִּצְדָּתְךָ אֶת־הַמִּצְדָּתְךָ ad finiendum peccatum &c.] Si illæ res quæ ſequuntur in hoc verſu intelligendæ ſunt tanquam quæ poſt ſeptuaginta Hebdomadas ſint eventuræ, quis ſenſus eſt præpoſitionis 7? Proculdubio plures illius ſenſus eſſe

non possunt quàm hi duo: Aut ille nimirum juxta quem Septuaginta reddiderunt *in septuaginta annis*, nempe, ut *peccatum finiatur*, prout versio *Anglicana* etiam reddidit, qui proculdubio verus est sensus, aut is saltem quo idem significat quod *וַי*. Neq; ullus sensus inveniendus est præter hos duos qui à quoquam possit proferri.

Si prior, crassa hæc hinc ingruet absurditas; Quod scilicet cùm trecentæ circiter Hebdomadæ ad perficiendas illas res in hoc versu commemoratas decurrerint, nec illæ hætenus sint effectæ, vaticinium tamen septuaginta solarum mentionem facit, earumq; in quibus ipsi profitentur nihil earum rerum efficiendum fuisse. Quo nihil profectò concipi potest vesanum magis magisve ridiculum.

Si posterior, Respondeo, quod *Septuaginta* aliq; præjudicii immunes Interpretes semper verterunt juxta priorem sensum. Immo verò quod *Abarbanel* & *Manasseh*, qui alias hujus vaticinii sensum pervertunt, ad eundem tamen modum illud exponunt, conceduntq; quod *וַי* nunquam significat *וַי* usq; dum vel usq; ad. Et postremò si sic significaret, sensus tamen vaticinii vel sic miserè mancus esset & imperfectus, si comparatur cum Eventu. Sensus enim esset, Septuaginta septimanæ destinatae sunt populo tuo, usq; dum vel antequam *æterna Justitia* introducenda sit, *Sanctorum sanctissimus* ungendus, *visio* & *Prophetia* perficienda, &c. Quod proculdubio supponit quod intra paululum post spacium, saltem intra septuagenas Hebdomadas alteras hæ res perficiendæ essent, & tamen ter septuaginta Hebdomades elapsæ sunt post septuagenarum primarum exitum, nec tamen ullus nuncius est de hujusmodi rebus auditus. Quapropter luce meridianâ clarius est quod res ibi intellectæ & indicatæ eventuræ erant intra illas septuaginta Hebdomadas expressim à Propheta *Daniële* memoratas.

3. Rursus, è secundo versu hujus vaticinii *Messiam* venisse sic demonstramus; quoniam scilicet à mandato, edito, vel decreto de reedificanda Urbe usq; ad *Messiam*, non sunt nisi sexaginta novem Hebdomadæ. Quamobrem quodcumq; finxeris decretum, tempus illud elapsum est, & multi centeni anni præterea. Quodq; hoc vaticinium intelligendum est de magno illo *Messia*, Principe eorum ac Redemptore, satis planè apparet ex eo quod appellatur hic à Daniele *משיח נגיד* & absolute *משיח*, ut quod nomen ejus proprium est, cùm in aliis Scripturæ locis sit appellativum. Unde plus quàm conjectura est *Judeos* ex hoc loco nomen *Messie* sui sumpsisse, intellexisseq; de eo *Messia* quo de nos agimus. Verùm post infelicem istum errorem in repudiando *Messia* suo postquam advenerat, aliàs per vim interpretationes efflexerunt, Textui prorsus inapplicabiles: Quibusdam per *Messiam* intelligentibus *Cyrum* Regem, aliis *Nehemiam*, aliis *Jesum* Sacerdotem, aliis *Zerobabelem*. Quorum commentorum nulla nè possibilia quidem sunt. Epochæ enim à quæ temporum rationem initam oportet, petenda est ab aliquo mandato vel decreto de reedificanda Civitate. Sic enim se habent verba, *מן מציא דבר להשיב*, *A promulgatione Decreti de reditu & de instauranda Hierosolyma*. Quod is sensus sit *מן מציא דבר* manifestum est è cap. 1. Esther. v. 19. *וצא דבר מלכות*, *promulgetur regium decretum*. Unde planè constat quod *דבר* idem est quod *decretum*, & *מן מציא* illius *Promulgatio*. Quemadmodum intelligi potest etiam è Luc. 1. *ἐκείνη ὥρα*. Et ipsa Particula *וַי* rem extra omnem ponit controversiam, quod *דבר*, uti Septuaginta sæpe vertunt, significat *inchoat*, *revelat*, non *predictionem* vel simplicem *sermocinationem* de rebus, quippe quod *וַי* tametsi satis eleganter verti possit, *de*, illa tamen præpositio totam illius vim non exhaurit, sed quemadmodum versio *Anglicana* habet rectius redditur, *ad*. Adeo ut nulli sint, communi sensu & vel mediocri linguæ *Hebraica* peritiâ præditi, qui non fateantur *מן מציא דבר להשיב* significare, *A decreto ad faciendum ut redeant & reedificent*, &c.

Ex quo valde manifestum est, quod nullæ earum Personarum quas hic *Judei* offerunt, agnosci possunt pro *Messia* cujus mentio fit in hoc vaticinio. Non quidem *Cyrus*, quippe quem, si ad primum decretum applicaveris, quod suum erat, ratio vel primo aspectu absurdissima est. Nam sic numerandum esset ab edito *Cyri* ad eundem *Cyrum*. Alia verò decreta post *Cyrum* sunt, ac promde, si quicquam absurdius esse potest, sensus etiam adhuc erit absurdior. Est verò eadem ferè ratio de *Jesua* & *Zerobabele*. Nam illi erant ii ipsi viri qui immediate *Cyri* decretum exequabantur. Et quod *Nehemiam* spectat, is nimium multis annis remotus est à decreto *Cyri*, & nimis pariter propinquus illi decreto quod anno septimo *Artaxerxis* promulgatum est. Hæc edò dico ut suffugium ipsis intercludam quod querunt in partitione numeri hujus vaticinii in septem Hebdomadas & sexaginta duas Hebdomadas, quasi futurae essent septem solummodo Hebdomadæ à Decreto ad *Messiam*, hoc est,

est, quadraginta novem tantum Anni. Verum præterquam quod manifestum est, quod Chronologia ipsis hujusmodi subterfugium non accommodabit, est evidens præterea, quod tametsi id faceret, merum tamen futurum esset subterfugium. Et enim nisi sexaginta duas Hebdomadas cum septem Hebdomadibus conjunxeris, sensus non erit integer; quemadmodum quivis facile intellecturus est qui periculum fecerit. Et verò quod *Messias* non venturus est intra primas septem septimanas ex eo liquet, quod post septimanas sexaginta duas sit abscindendus.

4. Quod tertium erit argumentum (è versu tertio vaticinii) Messiam jam venisse. Post sexaginta duas septimanas perimetur *Messias*, hoc est, post initium ultimæ septimanæ & ante illius exitum. Nullum enim dubium est, cum septuaginta Hebdomadæ in partes ad hunc modum dividantur ad indigitandum tempus adventus & manifestationis *Messie* usque ad illius mortem, quin ea omnia quæ in conspectu mundi acturus sit vel passurus, istis Hebdomadibus circumscribantur. Ac poinde tutò concludere possumus quod ante septuaginta Hebdomadas finitas abscissus erat *Messias*, hoc est, quod abscissus erat vel peremptus ante mille sexcentos amplius annos, ante Excidium scilicet urbis, quemadmodum planè apparet ex Textu qui *Hierosolymorum Excidium* effectum facit illius necis. Et septimanarum numerus, quodcumque decretum elegeris, necessariò finitur ante urbem captam, & propterea *Messias* peremptus erat, & consequenter in Mundum natus, ante tot annos elapsos.

Judei hic ut tam manifestam demonstrationem evadant, Historiolam narrant de *Agrippa* quodam ultimo eorum Rege & de *Mumba* filio ejus, quos illi dicunt *Vespasianum* Romæ occidisse tribus annis, ac dimidio ante Templi demolitionem. Hic igitur is est qui abscissus est à Regno Judææ 17 יא"ו & diutius, illius non erat nec Posteritatis ejus. Hoc est maximè speciosum Responsum quod hætenus commenti sunt, quanquam & ipsum, si examinetur, admodum invenietur infirmum. Primò enim manifestum est è monumentis Historiæ & Antiquitatis, *Agrippam* ultimum *Judeorum* Regem triginta ferè annos vixisse post Excidium *Hierosolymorum*. Et tunc dein, si supponeremus figmentum hoc verum esse, septuaginta Hebdomadum ultima aut finietur multis annis ante, aut excurreret ultra necem *Agrippæ*, si feceris, prout fieri oportet, Decretum de reedificanda Civitate computationis Epocham, affixerisq; anno septimo aut *Funcciani Artaxerxis* aut *Scaligerani*, aut vicesimo saltem anno prioris *Artaxerxis* cum *Thoma Lydiato*. Quibus omnibus adjicere poteris quod cum 17 יא"ו hic ponatur absolute, non potest quin intelligatur de *Messia* magno, quem *Judei* expectabant & etiamnum expectant, cum & ipsorum Rabbini sic exposuerint dum nullo præoccupabantur præjudicio. Quòdque maximè consentaneum est, eandem intelligi Personam per totum vaticinium commemoratam; qui primò præfiguratur sub Titulo קדש קדשים (quem proprii ipsorum doctores etiam interpretantur de *Messia*) per quem si Templum significatum fuisset, scriptum fuisset potius קדש הקדשים. Ut præteream minimè constare quod Templum unquam unctum esset sicut Tabernaculum. Ac proinde, cum *Persona* uncta intelligatur in primo versu, quod optimè convenit cum statim resumpta uncti Principis mentione in secundo, oportet etiam 17 יא"ו qui in secundo tertioque versu occurrit, eandem esse Personam: Cumque in primo versu jungatur cum illius mentione non solum tam sacer Titulus quam est *sanctorum sanctissimus ungens*, sed etiam *æternæ Justitiæ Introductio, peccatorum Expiatio, & impletio vaticiniorum*, manifestum est tam vulgarem Personam, quam erat *Agrippa* (vel quicumque alius qui nominari potest) vaticinio *Danielis* non posse adaptari, quippe quod talia ibi prædicuntur quæ ipsi nullo modo competant; sed quæ, ut mox ex aliis vaticiniis constabit, unice & examussim competunt magno *Messie* quem *Judei* expectabant, propriisq; sunt characteres illius Personæ, quemadmodum plenè suo loco demonstrabimus.

C A P. VI.

1. Quam manifesta Argumenta sint tria illa, Jacobi, Haggæi, & Danielis vaticinia, Messiam jam venisse. 2. Quid communis erat Judæorum opinio, Messiam circa ea Tempora venturum fuisse quibus nos eum venisse asserimus. 3. Vaticinium Danielis Vespasiano perperam applicatum à Josepho. 4. Ulterior ex Tacito confirmatio quod Judæi circa illa Tempora suum expectabant Messiam. 5. Alterum Testimonium ex Suetonio.

1. **I**nterea loci ita manifestum est & perspicuum ex his vaticiniis Jacobi & Haggæi, quod Messias jam venerit, ut quivis quantumvis ab omni Commercio cum his partibus Europæis seclusus prorsusq; nescius, qualisnam hic sit rerum facies, modò intellexerit, Politiam Judaicam Templumq; abolita esse, & opportunitatem habuerit legendi supradicta vaticinia, certus inde esse posset Messiam jam venisse in mundum: Quemadmodum etiam posset ex hoc vaticinio Danielis, quamvis nihil omnino resciverit earum rerum quæ in Europa gestæ sint, modò notitiam haberet Epochæ decretorum, observaretq; Hebdomadas à quoviscunq; eorum antè multos centenos annos defuisse. Hæc tam clara sunt ac perspicua, ut supervacaneum esset quicquid superadjicere ad confirmandum eorum fidem.

2. Quod tamen quidam faciunt provocando ad Judicium propriorum suorum Rabbīnorum, an non ipsi concluderint Messiam suum venturum fuisse circa ea Tempora quibus nos eum venisse affirmamus. Nehemias Rabbīnus Judaicus qui quinquaginta annis vixit ante Christum, ex vaticinio Danielis apertè pronunciabat, quod Adventus expectati Messie ultra quinquaginta annos differri non poterat; quemadmodum apparet ex Grotio, si is rectè ea in re edoctus erat à Stoæoxo. Verùm ex eo quod respondet ad Sarra-vium, proclivis quispiam esse potest ad concludendum, quod propriis oculis ipsum locum usurpasset: *Ostendit mihi istum locum olim Hage Stoæoxus.* Quodq; hæc non unius duntaxat Rabbīni erat opinio, verùm multorum & Sapientibus ipsorum sententia, manifestum est ex eo quod Josephus scribit: *De bello Judaico lib. 7. cap. 31.* τὸ δὲ ἀνδρῶν αὐτῆς μάλιστα πρὸς τὸν σάλαμον ἢ χριστὸν ἀμφοτέρω τῶν τοῖς ἱεροῖς εὐρημῶν γερμῶναι, ὡς καὶ τὸν κατὰ ἐκείνον χρόνον τῆς χρείας τῆς αὐτῶν ἀρετῆς τῆς δικαιοσύνης. ὅσοι δὲ μὲν ὡς δικαίον ἐξέλαβον, καὶ πολλοὶ τῶν σοφῶν ἐπαλαστήσαντες πρὸς τὴν κρίσιν. i.e. *Id quod eos ad bellum excitabat maxime anceps erat vaticinium in sacris scriptis inventum, quasi circa ea Tempora unus quispiam e terra eorum Orbis futurus esset Imperator. Hoc Judæi accipiebant tanquam ad se propriè pertinens, multiq; ex sapientibus eorum circa hanc rem judicio vacillabant.* Ex quibus verbis planè apparet, quod Docti Judæorum & quodammodo universa ipsorum gens persuasi erant, quod Messias quem illi notè tunc orbis Principem fore putabant, prope instaret. De quo tam serio illi persuadebantur, ut vitas, libertates, templum, urbemq; ea de re in discrimen darent, quandoquidem id potissimum erat quod eos ad funestum illud bellum excitulabat. Quorum firmitudinis in hac opinione ulterius argumentum est, quod tam prompti erant ac proclives ad imaginandum hunc vel illum hominem circa ea tempora suum esse Messiam. Multi enim tunc erant qui ab eis ad tempus ita habebantur, ut Herodes, Judas Gantonates, Jonathas, Barchocab alitque:

3. Nec profectò nota illa Josephi in vaticinium, quod hanc fiduciam Judæis indidit, vocando χριστὸν ἀμφοτέρω, vaticinium ambiguum, illius perspicuitati quicquam derogat quantum ad temporis designationem. Sed character Personæ ut videtur, non tam clarè exhibebatur, quàm eum ignoraverint, postquam advenisset. Ac proinde necesse erat Josepho, ut oraculum diceret ambiguum. Sed enimverò ambiguum supra modum fuisset, si potuisset, quemadmodum ille supponit, facilius ad Vespasianum applicari quàm ad verum Messiam. Nam Messias illic prædictus perimendus erat (Vespasianus non item) idq; ante Hebdomadæ ultimæ exitum, cùm Vespasianus Hierosolymam obsideret quadraginta circiter annis post. Ut mittam, quàm ridiculum sit solennia sanctaq; Prophetarum Oracula ad rem tam pusillam deprimere, ut cùm prædici oporteret unum quempiam e stirpe Judæorum magnum fore Principem Sceptrumq; vibraturum super nationes (quæ prædictio semper tanquam decus peculiare considerabatur ac privilegium Judæorum) prædicatur solummodò peregrinus quis in Judeam venturus nec ob meliorem finem quàm ut Urbem expugnaret, & Templum demoliretur, ipsosq; Judæos servili jugo subiceret, Imperator postmodum

dum Romanus eligendus, quemadmodum in multis aliis ante ipsum factum est. Utrum metus & prætimententia mentem *Joseph* ita perturbare posset ut hanc suam Interpretationem veram existimaret, (quanquam non sit nisi servilis quædam palpatio) equidem non disceptabo. Cæterum siue is falsam eam existimaverit siue non, sic reverà esse, credo me extra omnem controversiam posuisse.

4. Verùm quod *Josephus* de opinione Gentis suæ commemorat, eos putasse scilicet *Messie* sui adventum fore circa ea Tempora, idem in scriptorum olim Paganorum Historiam se ingessit. *Cornelius Tacitus* tam propè accedit ad ea quæ *Josephus* scripsit, ut videatur sanè quasi quædam eorum tralatio. Quemadmodum, ubi loquitur de Prodigis quæ Excidium urbis antecessere: *Vise per cælum concurrere acies, rutilantia arma, & subito nubium igne collucere Templum. Expasse repente delubri fores, & audita major humanæ vox, Excedere Deos, simul ingens motus excedentium.* Et postea statim addit: *Que pauci in metum trahebant: pluribus persuasio inerat, antiquis Sacerdotum literis contineri, eo ipso Tempore ut valesceret Oriens, profectiq; Judæa rerum potirentur: quæ ambages Titum & Vespasianum prædixerunt.* In quibus planè insinuat quòd opinio propè instantis Adventus *Messie* tam fortis erat, ut contra omnia mala omina ac prodigia obniteretur eaq; vinceret, immò efficeret ut in sensum faustum interpretarentur; tanquam si *Excedere Deos*, nihil aliud esset nisi festinatio ad possidendas Gentium terras; Quod nullo alio sensu verum erat quàm quòd Christus, qui peculiaris Angelus custos, si fas sit ita loqui, *Judeorum* antea erat, factus sit postea totius Imperii Numen. Vel si malles, Deus, qui Topicus quodammodo antea erat & ad *Judeos* restrictus, manifestò ac propalam factus sit postmodum totius terrarum orbis Deus.

Tacit. Histor. ab excessu Neronis, lib. 9. cap. 13.

Vide lib. 6. cap. 2. Seb. 8.

5. *Suetonius* in vita *Vespasiani*, (cap. 4.) verbis disertis, hanc *Judeorum* expectationem veterem & constantem opinionem appellat. *Pererebuerat, inquit ille, Oriente toto vetus & constans opinio, esse in fati ut eo tempore Judæa profecti rerum potirentur. Id de Imperatore Romano, quantum eventu postea prædictum patuit, Judæi ad se trahentes rebellârunt.* Ex quibus verbis *Suetonii* intelligere possumus quàm constanter persuasi essent *Judæi*, illud tempus fuisse adventus *Messie* sui, quòdque illius Rei fama intra *Judææ* limites non continebatur, sed in universum Orientem emanarat, & quòd totus deniq; Mundus attonitus stabat in expectatione magni Principis *Judeorum*.

CAP. VII.

1. Cum tam evidens sit *Messiam* venisse, continuò sequi *Jesum* eum esse. 2. Prophetas dum vaticinabantur de eminenti aliquo Rege, Sacerdote vel Propheta, interdum raptu suo Prophetico in istiusmodi locutiones ablatis fuisse, quæ magis propriè ad *Messiam* pertinerent quàm ad eam Personam quam inceperant describere. 3. Allusiones has duàm esse generum, purè Allegoricas, vel mixtas. Dèq; usu purè Allegoricarum apud Apostolos & Evangelistas. 4. De Allegoriis hoc genus mixtis, dèq; earum vi ad argumentandum. 5. Eminens illud vaticinium *Eliaæ* quod tam plenè personam Christi illustrat. 6. *Judeos* veteres illud de *Messia* suo intellexisse, recentiores hinc cogi duos supponere *Messias*. Anima *Messie* ad hoc munus ab orbe condito destinata, quemadmodum apparet ex *Pesikta*. 7. Novem characteres Personæ *Messie* supradictò vaticinio contenti. 8. Indicatio brevis quibus versibus vaticinii lateant. 9. Vaticinium hoc ad populum *Judeorum* applicari non posse, nec adequatè ad *Jeremiam* personam. 10. Specialia quædam loca vaticinii quæ nullo pacto ad *Jeremiam* sunt applicabilia.

I. Abundè, opinor, demonstravimus tempus adventus *Messie* jam exiisse, ac proinde, (cum Prædictiones de ipso ac Promissæ conditionalia non sint, quemadmodum supra insinuavi, sed absoluta) manifestò consequi eum venisse. Ex quo immediatè inferre possumus, præsertim si tempus illius adventus consideremus, *Jesum Christum* eum esse. In quoniam enim alium oculos animamve desigere possunt? Verùm accuratè magis procedemus ac gradatim, suspendemq; illationem usq; dum illa vaticinia propoluimus quæ personam illius illustrant. Qualisnam utiq; futurus sit, quæ facturus, & quæ tandem ipsi sint eventura.

2. Quæ

2. Quâ de re nullum locupletius pleniusve est vaticinium quàm illud *Esaie* cap. 53. Verùm antequam illud ullumve aliud aggrediar, valde commodum erit, ad cavillationes omnes ac tergiversationes anticipandas, hypothesein quandam ponere quæ &, in se, rationi consona est, & approbata insuper, immò magni æstimata, in eis locis ubi res ipsos non attingit, à doctissimis *Judeorum*. Estq; hæc; Quòd scilicet, cùm eminens illa Persona, quem illi *Messiam* suum appellitant, tandem ipsos invisura esset in hac Terra, & quemadmodum ipsa nominis ratio innuit, (quod *un-ctum* significat) apex futurus ac flos trium illarum Functionum in quibus unctio adhibebatur, in *Prophetica* scilicet, *Sacerdotali* ac *Regia*; admodum consentaneum est admittere, Prophetas dum ab illapsu Divini Spiritus movebantur & de prælustri aliquo vaticinabantur *Sacerdote*, *Propheta*, vel *Rege*, (cùm eos illa regeret Sapientia quæ omnisca est motuq; omni mobilior, & quæ ab extremo ad extremum pertingens potenter penetrat, ordinatq; omnia suaviter) ità agitados fuisse ablatosq; ut in hoc fatidico raptu, quo correpti essent, sensus animorum verborumq; ultra illam Personam proveheretur quam primò describere inceperant. Adeò ut juxta hanc Hypothesein, multa esse eaq; præclara vaticinia, quæ Personæ Christi characterem exhibent, quæ primò aliam aliquam personam respiciebant, quæ non nisi obscurior quædam umbra illius esset, sponte simus agnoscituri: Verùm post levem hanc perstrictionem ac transultum ad præcipuum quò collineant scopum ferri, ubi penetrant & infiguntur, ut sagitta metæ infixæ.

3. Est verò Transultus hic vel allusio duorum generum, aut *perfecta* Allegoria aut *mixta*. Illam *perfectam* appello *Allegoriam*, quando omnes descriptiones quæ de prima Persona adhibentur, ipsi probè ac naturaliter conveniunt, sed intelligi tamen possunt (idq; fortean magis accuratè) de aliqua illustriori persona olim ventura. Hujusmodi Allusiones usurpantur ab Apostolis & Evangelistis, cum insigni sanè confirmationis fidei fructu, utcunq; indè *Judei* offendantur. Etenim nullus alius hujus rei sensus esse potest quàm hic; Quòd scilicet, aut interpretationes quas Prophetis imponebant, non erant Interpretationes *Judeorum*, ac proinde ad *Judeos* tunc persuadendos admodum accommodatæ (& argumento quidem est eas veras fuisse Interpretationes, ex eo quòd antè factæ essent, quàm *Judei* præjudicio occæcati:) aut certè hæ expositiones suæ erant, hoc est, è suis propriis mentibus eas primùm eruebant. Quòd tamen impossibile est ut fieret, cùm Allusiones sint solummodò, nisi cognitio certa earum rerum quæ Servatori Christo contigerunt, illos eo pettraxisset. Adeò ut argumenta illa allusoria validæ nobis sint confirmationes, quòd Historia Evangelii etiam eis in rebus quæ maximè incredibiles videntur, sit indubitanter vera. Unicâ ego contentus ero instantiâ (quamvis plures afferre possim) de Christo scilicet è virgine nato. Certè nisi rescivissent reverà sic fuisse, aut saltem quòd Sapientes eorum, illud *Esaie* cap. 7. ad eum sensum interpretati essent, incredibile est illos hunc locum ad eam rem confirmandam unquam fuisse allaturos. Cùmq; nullum alium locum adhibeant præter hunc, qui solummodò allusorius est, manifestum est certitudinem Eventi fuisse quæ ipsos in hac Interpretationem conjecit.

4. *Mixtam* appello *Allegoriam*, quæ partim *allusoria* est, ut quæ applicari potest ad aliquam personam inferiorem sive *Rex* sit, seu *Propheta*, sive *Sacerdos*, & dein ad *Messiam*; partim *simplex* & determinata, & quæ applicari non potest nisi ad *Messiam* solum; Prophetâ à Divino Spiritu ità agitato, ut in summa exæstuatione *Divini* illius ardoris in quo est constitutus, sensus animi verbâq; ultra eam personam excurrant, qui *Typus* est, & in tales penetrent circumstantias, quæ omninò veræ non sint nisi in *Antitypo*. Atq; hujus generis prædictiones de *Messia* æquè demonstrativæ sunt eis qui intolerandi non sint Cavillatores, atq; si Vaticinium *Messiam* solum respexissent, absq; ulla perstrictione transultuve ab aliâ aliqua persona ad *Messiam*.

5. His præmissis redeamus jam ad *Esaia*, totumq; pervolvamus Vaticinium, ut accuratius de eo judicemus. Cap. 53.

1. *Quis credet orationi nostræ, & Jehovah brachium cui patefit?*

2. *Cum creverit ille coram eo ut virgultum & stirps ex æstiosa terra, informis, indecorus, nullam ut in eo formam cerneremus quo eum appeteremus.*

3. *Contemptus & minus quàm Homo: Homo dolorum ægritudinisq; gnarus, qualq; aspectu averfandus, adeò contemptus ut eum esse non arbitramur.*

4. *Sanè morbos nostros ac dolores ipse tulit, ac toleravit, & nos eum existimavimus vulneratum, casum divinitus & oppressum.*

5. *Atq; ipse ob peccata vitidq; nostra peremptus atq; contusus penas nobis salutares dedit, ejusq; vibicibus sanati sumus.*

6. *Omnes*

6. Omnes nos ut oves erravimus, suam quisque viam secuti, & Jehovah in eum omnium nostrum crimen coniecit.

7. Mulctatus ipse oppressusque, nè mutavit quidem; ut pecus dum ad eadem agitur, ut agnus ante suum tonsorem obmutescens, nè mutavit quidem.

8. Ex vinculis & iudicio ereptus est, & generationem ejus quis enarrabit? quippe quod ex vivorum terra excisus est, accepto ob mei populi peccata vulnere.

9. Illique mortuo tributum est cum impiis & cum divite sepulchrum, quod neque violentiam fecerit nec fraudem habuerit in ore.

10. Libuit autem Jehovah eum agitudine contundere: quia si animam suam periculo exposuerit, videbit semen suum diesque; prolongabit, & voluntas Jehovah in ejus manu prosperè succedet.

11. Per animæ suæ laborem adipiscetur satietatem, cognitione sui justos reddet, justus ipse servus meus, multosque eorumque crimina feret.

12. Itaque impertiar ei inter Magnates, cumque potentibus spolia participabit, quoniam animam suam profuderit in mortem, & fontibus annumeratus multorum peccatum tulerit, proque fontibus interpellaverit.

6. Antiquissimi sapientissimi; Judæorum semper interpretati sunt hoc caput de Messia suo. Et Rabbinī recentiores cum de perspicuitate hujus vaticinii satis persuasi essent, rationemque haberent autoritatis sapientum illorum Interpretum qui ipsos antecesserunt, coacti sunt, aliqui saltem ex ipsis, duos potius Messias agnoscere, unum Josephi filium, alterum Davidis, priorem Messiam ærumnosum, posteriorem victoriosum ac triumphantem, quàm Evidentiam hujus vaticinii negare. Ex quo etiam specialis Traditio memoratur in libro antiquo apud Judæos qui vocatur *Pesikta*, quæ assertionem nostram porro confirmat, quod utique illi hoc vaticinium interpretati sunt de ærumnis Messie; nimirum quod Messie anima destinata erat (& lubenter accepit conditionem) ad patiendum ab ipso mundo condito. Traditio sic se habet: Quod scilicet, postquam Deus mundum creaverat, exeruit manum sub thronum gloriæ eduxitque animam Messie cum toto suo satellitio, dixitque ei, Num tu vis sanare ac redimere filios meos post sex millia annorum? Respondit, se velle. Rursus igitur ei dixit Deus, Numnam & supplicia perferes ad expurgandas eorum iniquitates (juxta illud quod scriptum est (est ipsissima Rabbinī applicatio) Certè morbos nostros tulit) Respondit anima Messie, Perferam, idque animo lubentissimo.

Vide Halstom
de Messia pag.
309. & Horn-
beck lib. 6.
cap. 1.

7. Hoc sufficit ad fidem faciendam, quod opinio erat antiquorum & nullo adhuc præjudicio laborantium Judæorum, hoc vaticinium intelligendum esse de Messia. Et certè, quod dixi, nullum unum est vaticinium quod adeò notis scatet ac Characteribus personæ illius uti hoc, quanquam æquè omnes non sunt conspicui; verum ausim dicere hos novem saltem aliquo modo in eo contineri. 1. Ejus à Judæis rejectionem. 2. Sacrificium expiatorium eum fore pro peccato. 3. Resurrectionem ipsius. 4. Ascensionem. 5. Apotheosin. 6. Doctrinæ præstantiam. 7. Receptionem à Gentibus. 8. Abolitionem superstitionis ipsarum, Divinique cultus inidoneis personis præstiti. 9. Et Regni denique illius perpetuitatem.

8. Subindicabo jam breviter in quibus vaticinii versibus singuli insinuantur: Rejectione ejus à suis satis manifestò prædicitur vers. 1, 2, 3. Passio, sive quod sacrificium futurum sit pro peccato, vers. 4, 5, 6, 7, 10. Ascensio & Resurrectio, vers. 8, 10. Ascensio, vers. 9. Ipsique mortuo tributum est cum impiis & cum divitibus sepulchrum, hoc est, cum impiis divitibus, cum potestatibus terrenis, cum hominibus opulentis, potentibus & injuriis, cum Nimrodibus illis mundanis quorum sepulchra ac monumenta postea magnifica facta sunt ipsique pro Diis habiti. Quod neque violentiam fecerit nec fraudem habuerit in ore. Ratio supra quàm dici potest solida est. Nam si imundani Principes ac Imperatores Divinum cultum sibi præstitum habuerint post ipsorum mortem, qui tamen non erant nisi magnifici Latrones ut quidam appellat, resque suas aut vi aut malo dolo administraverant; longè potiori jure debet Messias, qui nullam fecit violentiam nec dolus erat in ore ipsius, ad hunc honorem subvehi, Tempia sibi extructa habere, & coli tanquam Deus. Versus duodecimus hunc sensum ulterius confirmat. Itaque impertiar ei inter magnates, cumque potentibus spolia participabit, quoniam objecerit animam suam morti. Quæ spolia de nulla re tam aptè intelligi possunt quàm de hac *Λωδύον*, cum illius mentio facta sit ob hanc rationem, quod animam suam objecerit morti. Versus, alter alterum, ita se illustrant, ut nullus scrupulus esse possit, quantum ego existimo, quin hic verus sit ac genuinus sensus. Præstantia doctrinæ intelligitur ex vers. 11. qui successum Evangelii præmonstrat. Receptione à Gentibus, è vers. 10, & 11. Nam si Gentes non advenissent & adjunxissent se Ecclesiæ, parum satietatis adepturus fuisset per laborem Animæ suæ, cum

Characteres, 1.
2. 3. 4.

Character 5.

Character 6.
Character 7.

Character 8.

cum *Judei* exclusi essent vel potius seipso exclusissent. *Abolitio superstitionis* earum & illiciti cultus quem praestabant personis inidoneis, in ipsarum Christi *Receptione* includitur.

Character 9.

Diuturna denique *Regni illius duratio*, è vers. 8. Et quis enarrabit generationem illius? i. e. Perpetuitatem Regiae suae Personae, & successionis Ecclesiae quae aeternum ipsi est adhaesura.

9. Accurata haec est ratioque; maximè consona hujus vaticinii Explicatio. Ceterum utcumque sit, hoc saltem extra omnem Controversiam positum est, *Passionem & Glorificationem Messiae* hic praefigurari; atque nisi hoc in genere intelligatur, nullum sensum commodum fieri posse hujus vaticinii. Nam ad calamitates *Judeorum* illud detorquere valdè durum est, immò impossibile, quemadmodum apparet ex vers. 8. *Ex vivorum terra excisus est, accepto ob mei populi peccata, vulnere.* Quamobrem non erat populus Dei qui percussus erat, sed una aliqua Persona propter eos percussa. Maximè tolerabilis applicatio vaticinii est ad afflictiones *Jeremiae* de quo *Grotius* illud interpretatus est, Christum tamen non excludens; totque locis sensum tam commodè adaptavit ut non diffitear quin de *Jeremia* possit sensu primo minùsq; illustri intelligi. Applicationem verò ad Christum non esse merè allusoriam manifestissimum est, taliq; praedici in hoc vaticinio quae non nisi admodum manco & inepto sensu ad *Jeremiam* possint applicari.

10. Et certè ipsum initium hujus vaticinii multò magnificentius est quàm ut rebus *Jeremiae* conveniat. *Quis credet orationi nostrae* &c? nihil enim est adeò creditu difficile in universis illis quae *Jeremiae* contigerunt. Rursus, vers. 5. *Ejusque vicibus sanati sumus.* Ridiculum est vel adniti velle ea verba *Jeremiae* applicare. Ille enim nullum erat sacrificium expiatorium ad sedandam iram Dei, sed quod ille passus est in damnum potius populi cedebat. Idque aequè ineptè ipsi adaptatur quod occurrit vers. 8. Et quis enarrabit generationem illius? tanquam intelligendum esset de *Jeremiae* longævitate, cum tamen homines longè obscurioris potat, ipso multò diutius vixerint. Tam frigida ac frivola est haec Interpretatio. Nec nisi per vim potest illa Locutio, *Quippe quod ex terra vivorum excisus est* (praesertim si consideremus mentionem sepulchri in proximo versu factam) ad alium sensum trahi, quàm de morte inferenda: Quae tamen non erat *Jeremiae* conditio. Sic versu 10. *Quia si animam suam piaculo exposuerit;* Interpretari hoc de *Jeremia* planè est delirare. Nam *ΠΩΛ* significat aut sacrificium pro peccato, hoc est, piaculum, vel peccatum ipsum. At verò *Jeremias* nec peccatum erat, nec pro peccato populi sacrificium. Et postremò, ut taceam quàm inepta sit illa Locutio, *Impertiar ei inter magnates cumque potentibus spolia participabit,* ut applicetur ad minutum illum casum *Jeremiae*, cap. 40, vers. 5. ubi magister Equitum dicitur ei dedisse viaticum & munus & sic eum dimisisse, ad iter nempe ita accinctum & instructum (nam & ipsa vox *אֶרְכָּב* ostendit totum munus ferè rationem habere viatici, nec decebat sanè Prophetam quicquam amplius accipere, aut ditare se spoliis suorum popularium) ut taceam, inquam, quàm inepta sit locutio ut ad tam pusillam rem applicetur, verba subsequenter tam plena sunt & apposita [*Quoniam animam suam profuderit in mortem*] ut nihil levius significare possint quàm actualement necem, nec ullum occurrit exemplum quo aliter significant. Ac proinde participatio spoliiorum cum potentibus necessariò post mortem futura intelligitur, ejusque Apotheosin denotare. Manifestum est igitur tam ex confessione ipsorum *Rabbinorum* quàm ex verbis vaticinii, non esse solummodò allusoriam *Messiae* praefigurationem sed expressam ipsius descriptionem ex ejusmodi circumstantiis quae nulli alii praeterquam ipsi competant. Et propterea, quod dixi, aequè validam esse atque si de ipso solo tota foret intelligenda.

Ceterum cum omnes illius characteres hic inclusi non tam pleni sint ac conspicui quàm in aliis locis, cumque illi qui maximè conspicui sunt tanti sint momenti ut nullum futurum sit operæ dispendium plures superaddere confirmationes, equidem eorum singulos ex aliis etiam vaticiniis plenius adhuc & luculentius demonstrabo.

C A P.

CAP. VIII.

1. Plures demonstrationes è vaticiniis, Quod Messias futurus erat sacrificium pro peccato. 2. Quod suscitandus erat è mortuis; 3. In cælos ascensurus; 4. Et colendus tanquam Deus. 5. Quod futurus erat Lux eximia Gentibus; 6. Eisq; acceptissimus. Quid intelligendum per [Et erit requies ejus gloriosa.] 7. Quod abolendæ per eum erant superstitiones Paganorum. 8. Regnumq; ejus nullum finem habiturum. 9. Quod hi cuncti characteres Jesu competunt quem nos colimus, & nemini præterea.

1. **P**rima nota Messiae, ejus erat *Rejectionis*, quod utiq; rejiciendus esset à *Judeis*. *Character 1.*
Verum cum illa loca quæ Trucidationem illius prædicunt, à fortiori hanc ejus Rejectionem arguant, nihil opus est ut ea de re quicquam speciatim superaddamus. Quod Messias perimendus erat, faciendusq; pro peccato sacrificium, præter plenam illam ac copiosam *Esaiæ* prædictionem, manifestum porro est ex *Daniele* qui prænarat fore ut post sexaginta novem septimanas Messias abscinderetur; cumq; addat postea in medio septimanæ abolitum iri sacrificium, manifestum est mortem ejus & Judaicorum sacrificiorum atq; oblationum abolitionem in una futura fuisse septimana, & propterea mortem sacrificium fuisse quo oblationes *Judaicæ* antiquarentur. Nam satis notum est, Templum eorum atq; oblationes triginta amplius annos post passionem Christi durasse; adeo ut intelligi non possit de externa Templi demolitione & prohibitione sacrificiorum, sed de tollenda eorum validitate ac efficacia, cum Lex sacrificandi abrogata esset per transcendens illud sacrificium corporis beati *Servatoris* in cruce. Nihil enim excogitari potest præterquam hoc quod sacrificia *Judaica* in medio septimanæ possit abolere. Adjicere huc possumus *Psalm.* 22. & *Zachar.* 12. 10. Sed quod jam allatum est satis est ac super.

2. Videamus jam potius quid prædictum de illius *Resurrectione* è mortuis. Et meo quidem judicio, illa admodum perspicua ipsius est prædictio, *Psalm.* 16. v. 8. Ubi *David* per Divinam quandam vim spiritu raptus longè sublimiora scribit quàm quæ ulli homini competere possint præterquam vero *Davidi*, Messiae utiq; ipsi: *Jehovam mihi jugiter habeo propositum, quo mihi dextero non labesiam. Itaq; non tantum animo ac mente lætor & exulto, verum etiam caro mea habitat secure, quoniam tu animam meam non relicturus es in sepulchro, non es passurus ut pius tuus corruptionem patiatur, sed mihi vitæ semitam tu monstrabis, apud quem plena gaudiorum adest copia, cujus in dextra perennes sunt voluptates.* *Character 3.*

Hæc tam naturalis vivaq; descriptio est cujuspiam è sepulchro antè suscitati, quàm passus sit corruptionem, & ascendentis ad præsentiam Dei in cælis, ad æternam vitam fruendam, ut nihil esse possit enarrativum: verum ipse *David* nunquam suscitatus erat è sepulchro, sed caro ejus sensit corruptionem. Unde manifestò apparet, quod vaticinium erat de aliquo alio, viz. de Messia cujus *David* erat Typus.

3. Ascensio Messiae admodum graphicè præfiguratur *Psalm.* 68. *Currum Dei sunt viginti millia, etiam millia Angelorum, Dominus cum illis est ut in Sinai, in sanctuario suo. Ascendisti in sublime, Captivitatem captivam abduxisti, dona pro hominibus accepisti etiam pro rebellibus ut Jehovah inter ipsos habitet.* *Character 4.*

Si hoc applicetur Christo, sensus facilis est, præsertim si notaveris quonam modo Dominus inter eos esset in *Sinai*, quod utiq; unus erat Princeps Angelus, quem quidam volunt esse Christum, qui sustinebat personam Dei, qui habere posset nomen *Adonai*; quemadmodum & Christus habet qui nuncupatur Angelus fœderis, *Malach.* 3. 1. Hujus loco hic ipse Christus est innumeris comitatus Angelorum turmis, dona recipiens à Patre suo quæ cum hominibus communicet, ut Deus inter ipsos habitare possit, ut ad fidem possint lucriferi & in Ecclesiam ipsius cooptari.

4. Hoc vaticinium etiam *arabice* illius planè indicat. Verum sunt & alia loca quæ eam adhuc manifestius illustrant, ut *Psalm.* 110. *Dixit Jehovah Domino meo, Sede ad meam dextram donec tuos hostes effecero scabellum pedum tuorum.* Et deinde vers. 4. *Jurat Jehovah non mutaturus sententiam, te sacerdotem esse in æternum, ad rationem Melchisedechi.* Ipsi *Judæi* olim agnoscebant hunc *Psalmum* vaticinium esse de Messia. Primusq; ac quartus versus tales sunt ut nullum alium sensum ferre possint, quàm quod Messias major futurus esset *Davide*, & quod Rex esset futurus, Sacerdos & Intercessor ad dextram Dei in æternum. *Character 5.*

Item *Psalm.* 45. 6. *Solium tuum è Deus, in omnem permanet æternitatem, sceptrum equitatis sceptrum Regni tui est. Justitiam amas perosus impietatem: propterea Deus, tuus deus, oleo te letifico inunxit præ sociis tuis.* Hunc de quo hic *Psalmista* loquitur מלך appellat, nec significare potest vulgarem aliquem Regem

gem vel Magistratum, quippe quodd dicit Thronum ejus esse *וְיִשְׁבֹּן* hoc est, in æternum absolute, quemadmodum R. *Moses Egyptianus* illas voces exponit. Quapropter jure merito *Chaldæus Paraphrastes* hunc Psalmum vaticinium facit de Messia, cujus *Αποθωσις* vel Divinitas planè exprimitur in istis versibus quos recitavi.

Unum superadjiciam locum è Propheta *Esaia*, cap. 9. v. 6. Nam *filius nobis natus est, filius nobis est datus, qui humeris suis Principatum gerat, qui nomine vocatur Admirabilis, Consiliarius, Deus potens, Pater æternitatis, Princeps pacis. Amplificationi illius principatus & paci nullus erit finis in solio Davidis & in Regno ejus, ad id jure justitidq; condendum & stabilendum in omnem deinceps æternitatem, zelus Jehovæ exercituum illud est effecturus. Nullus dubito quin hoc vaticinium aliquo modo referri possit ad *Hezekiam* eumq; primo loco tangere; verum præcipuus illius scopus est *Messias*. Et certè quodd ejus Divinitas mihi Regniq; æternitas illustratur, tum *Chaldæi Paraphrasta* testimonium, tum *Septuaginta* Interpretum Tralatio, tum ipsæ deniq; vaticinii dictiones ac verba juxta Textum Hebraicum, satis evidenti sunt argumento. Illi enim vertunt *וְיִשְׁבֹּן* (Et vocabitur nomen ejus, Admirabilis, Consiliarius, Deus potens, Pater æternitatis, Princeps pacis) ad hunc modum; *Καὶ καλέσεται τὸ ὄνομα αὐτοῦ μεγάλης βουλῆς ἁγίας, θαυμαστὸς οὐρανῶν, δεῖς ἰσχυρῶν, ἱερατικός, ἀρχὴν οὐρανῶν, πάσης τῆς μέλλουσας αἰῶνος* tanquam si intellexissent de *הַמֶּלֶךְ הַנֶּאֱמָר*. Cujus expositionis nullus potest esse sensus si ad *Hezekiam* referatur, sed optimè convenit cum *Messia* *ἀποθωσις*. Ut taceam Tralationem illam [Amplificationi illius principatus & paci nullus erit finis] tam accuratè cum Hebraica veritate consentire, ut manifestum sit omnes locutiones quæ in vaticinio occurrunt, *Hezekiæ* competere non posse. Ipsèq; *Grotius*, qui sensum singularum dictionum hujusmodi vaticiniorum ad eam personam extendere amat quasi primò respiciunt, ingenuè tamen fatetur, eas magis aptè & perspicuè ad *Messiam* hinc posse applicari. Quod cuivis æquo rerum æstimatori abunde possit satisfacere, illas de eo ipso esse intelligendas, præsertim si consideraverit, quodd antiqui *Judæi*, quos meritò existimare potest Prophetarum suorum indolem geniumq; optimè intellexisse, longè ante inveteratum illud altercandi studium *Judæos* inter & *Christianos*, ita eas sint interpretati.*

Character 6.

5. Sextus character Personæ, est ejus doctrinæ præstantia. Hæc subinducatur, prout dixi, *Esaï*. 53. *Cognitione sui justos reddet, justus ipse servus meus, multos;* sed plenius illustratur *Malach*. 3. *Et repente veniet in Templum suum Dominus* (quodd produci etiam poterat tanquam aliud vaticinium de Divinitate Messiae) *quem vos queritis, & Angelus fœderis quo vos delectamini, ecce venturus est, ait Jehovab exercituum. Quis autem sustineat diem adventus ejus, aut quis consistat quum apparuerit? Erit enim quasi ignis conflatoris & ut smegma fullosum; sedensq; constabit & expurgabit argentum & expurgabit Levitas, & tam puros reddet quàm est aurum aut argentum, ut Jehovæ munus offerant in justitia. Quibus planè significatur puritas ac sanctitas illius Legis atq; Spiritus quem Messias communicaturus esset cum seriis sincerisq; suis sectatoribus, quodd ipsos penitus purificaturus esset & expurgaturus ab omni sua vitiositate atq; Hypocrisi.*

Et Rursus, *Esaï*. 42. *Ecce meus servus cui adminiculator, quem mihi ex animi mei sententia delectum meo spiritu donavi; jus illi edet Gentibus. Non clamabit, non queritabitur, non voce sua foris strepet. Quassatam arundinem non perfringet, languescens ellychnium non exstinguet, jus ad veritatem perducet. Non languescet neq; fatiscet, quin jus in terris statuat, ab ejusq; lege pendcant Insule. Sic dicit Deus Jehovab, qui cælos creavit atq; distendit, qui terram ejusque progeniem porrexit, statum incolentibus eam hominibus, spiritum versantibus in ea dans. Ego Jehovab te cum justitia voco, prehensumq; manu tneor, & humano fœderi Gentiumq; constitutioni destino. Ad aperiendos cacos oculos, ad victos & in tenebris habitantes ex ergastulo & carcere educendos.*

Et *Esaï*. 49. *Audite Insule me, & attendite remoti populi. Jehovab me ex utero vocavit, ex ventre mea matris meum nomen memoravit. Meumq; os simile reddidit acuti gladii, me in umbra sua manus abdedit & postquam ex me fecit sagittam, meq; in Pharetra sua recondidit. Et vers. 5. Itaq; dicit Jehovab, qui me jam ab utero servum sibi formavit ad reducendos ad ipsum Jacobæos, quomodo Israëlita ei non sint allegandi, ero tamen in oculis Jehovæ gloriosus, eritq; meus Deus potentia mea. Dixitque, Parum est ut mihi sis servus in suscitandis Jacobidarum Tribubus instaurandisq; ruinis Israëlitarum; etiam te cæteris Gentibus invenio dabo ut pateat mea salus ad extrema Terrarum. Mea salus *יְשׁוּעָה* cum allusione ad ipsum nomen *Esaie* *יְשׁוּעָה* quod significat salutem Domini. Cui etiam alludi videtur in primo versu,*

Ex

Ex ventre matris meum nomen memoravit. Quod sanè ita affine est nominis Jesu, ut *Messias* videri possit præfigurari in ipso nomine Prophetæ *Esaie* æquè ac in illius Persona; prout ingenuè fatendum est, utraq; hæc vaticinia aliquo modo ad *Esaia* ipsum primò pertinere. Cæterùm considerando quòd eminentiores eorum Reges ac Prophetæ Typi futuri essent *Messie*, quòdque oratio tam alta sublimisq; sit, dubitari non potest quin in Divinis his raptibus spiritusq; elevationibus mens linguæq; *Esaie* ferretur ultrà quàm quod propriæ ipsius personæ competeret, & propterea per ipsam rei rationem transferri debeat ad *Messiam*. Siquidem perspicuum est ex aliis locis, quòd venturus esset tandem unus quispiam maximè transcendens *Princeps* & *Propheta* præcellentiori modo gradusq; unctus quàm alius quiviscunque, quem *Judei* expectabant appellabantq; suum *Messiam*. Ac proinde simul manifestum est, quòd *Messias* eorum eximius futurus esset Doctor; Prophetæ vel Legissator.

6. Septimus Character est læta illius receptio à Gentibus; id quod & ultima hæc vaticinia etiam innuunt. Verùm alia insuper adjungam. Ad hunc sensum *Judei* ipsi interpretati sunt antiquum illud Vaticinium Jacobi *וְיִקְרָא עִמּוֹ*, Et ad eum erit Gentium aggregatio; Septuaginta, *ἡ ἀνδρῶν πνεύματα ἐν αὐτῷ*, Atq; ille spes vel expectatio Gentium. Estq; alterum illo adhuc antiquius, quod idem denotat, Promissum utiq; * Abrahamo factum quòd is futurus esset Pater multarum Gentium, quòdque in ejus semine omnes nationes terræ essent felicitandæ. De quo etiam alia vaticinia testificantur: *Esaï. 2. 2. Erit ergo in postremis temporibus ut mons edis Jebœ in vertice aliorum montium fixus sit & elatus supra colles; & ad eum gentes omnes confluent.* Ipsi Doctores *Judeorum* agnoscunt hoc intelligi de Temporibus *Messie*. Et cap. 11. 10. Atq; illo tempore *Iseam* stirpem, expositum populis vexillum, conquirent Gentes, eritq; requies illius gloriosa. Vel Gentes quærent eum, modo nempe religioso supplicantes ei, laudésq; illi cantantes. Nam *שׁוֹרֵר* sæpenumerò illo sensu usurpatur, *שִׁלְשׁוּרָי רַבִּי דָּוִד*. Eritq; requies illius gloriosa, i. e. Et sepulchrum ejus erit gloriosum; ita quidam vertunt, & sanè non temerè nec sine causa. Etenim *נָחַם* in multis locis significat requiem mortuorum, *Job. 3. v. 17. וְשָׁנָה יָנִינוּ יַעֲקֹב בָּח*, quod Septuaginta reddunt, *ἔτι ἀναπαύσασθαι καλῶς καὶ ὡραῖα*, est in *Jobæ* descriptione statûs mortuorum. Item *Proverb. 21. 16. בְּקֶדֶר רַפְאִים יָנַח* In mortuorum congregatione requiescet, *Ἐν συναγωγῇ νεκρῶν ἀναπαύσεται*. Verùm *נָחַם* præstat. Nam *רַפְאִים* & *מָנוּחַ* idem sunt, prout apparet ex *Psal. 88. v. 11. Postremò Psal. 23. v. 2. מָנוּחַ*, *Aque requietum*, talem requiem innuunt qualis somnus est frater mortis. Nihil enim magis in proclivi est quàm procumbere ac dormire in umbrosis fluvii ripis. Quamobrem *מָנוּחַ* meritò significare potest, *Dormitorium* ejus vel sepulchrum ejus erit gloriosum, hoc est, Ad speciem templi tandem exaltabitur, Diviniq; ipsi præstabuntur honores, & orabunt eum Gentes ac venerabuntur, quemadmodum innuitur è verbis proximè præcedentibus. Sed enim, hoc plus erat quàm quo hoc vaticinium necessariò erat onerandum, quanquam satis verisimile sit illud in ipso contineri.

Multa alia sunt loca quæ confirmationi hujus septimi Characteris inserviant. Cæterùm cùm satis jam demonstratus sit, parùmque controversiæ de eo oriri soleat, ad octavum pergo.

7. Qui est *superstitionum Ethnicarum per Messiam abolitio*, hoc est, istiusmodi cultuum quibus per Divinum jus eis non licebat uti, cùm tam crassè errarent in Obiecto. Hic tam manifestò includitur in duobus ultimis characteribus, ut nihil opus sit aliis confirmationibus. Verùm si opus esset, illa quæ occurrunt in *Psalmo 2. & 110.* ulteriorem facere possent fidem. Ubi scilicet *Messias* novus constituitur Rex & Sacerdos. Quod igitur novam innuit Religionem ac Leges, talésq; quarum Gentes antea essent ignaræ, quibûsq; eas obedire jam cognitæ, sub pœna extremi supplicii, oporteret.

8. Postremus character est diuturna Regni *Messie* duratio. *Psal. 89. v. 35. Semel juravi per Sanctitatem meam Davidi non mentiturus, Ejus semen æternum fore ejusq; solium ut Solem apud me. Utq; Lunam duraturum semper, ut testem in cælo fidelem.* Item *Psal. 45. v. 6. Solium tuum ô Deus! in omnem permanet æternitatem, sceptrum æquitatis sceptrum Regni tui est, &c.* Quod vaticinium sensum explicat prioris, ostenditq; quòd implendum sit in *ἀποδόσει Messie*. Vide etiam *Psal. 72.* quem *Hebræorum* Doctores agnoscunt intelligendum de *Messia*; item *Daniel. 2. 44. & cap. 7. 27.* Hic character tam manifestus est ut nihil opus sit illi diutius insistere.

9. Hæ sunt præcipuæ Notæ ac Characteres Personæ *Messie* per quos certò dignoscere

scere possumus quisnam ille sit. Et quis obsecro is esse potest juxta hos Characteres nisi ipse *Jesus* quem nos Christiani colimus? Quemnam enim pro *Messiatu* competitorem, qui *Judeis* existens rejectus esset à *Judeis*, reperire possumus præter ipsum? Quis è mortuis resurrexit ascenditq; in cœlos nisi ipse? Quis deniq; præter ipsum ad expurgandum mundum à vitiis, & ad illuminandas Gentes tam puram doctrinam tradidit? Is igitur est quem expectabant olim Nationes, eumq; læto plausu receperunt. Is est cujus gratiâ vanas impurâsq; superstitiones dereliquerunt, cujus doctrinâ ad veri æterniq; Dei notitiam pervenerunt. Et is deniq; est quem Deus propter acerbis suas ærumnas & afflictiones supra Angelos & Archangelos & universas cœlestes copias exaltavit collocavitq; ad dextram suam, ut Sacerdos sit & Rex super Ecclesiam in omnem perpetuitatem.

CAP. IX.

1. *Uſus peculiaris argumentorum è vaticiniis veteris Testamenti duſorum ad convincendos homines Atheos & Melancholicos.* 2. *Applicatio vaticiniorum ad notos eventus ad evincendam veritatem noſtræ Religionis.* 3. *Veriſimile non eſſe quin aequè diu duraturum ſit Sacerdotium Chriſti atq; generationes hominum in terris.* 4. *Concluſio ex eis quæ hætenus allata ſunt.* 5. *Chriſtum non eſſe perſonam fictitiâ probatum ex Hiſtoriis ſcriptorum Paganicorum, ut ex Plinio; 6. Et Tacito.* 7. *Uti etiam ex Luciano; 8. Et Suetonio.* 9. *Joſephi Teſtimonium ſuppoſititium eſſe, cum rationibus cur ſilentio præteriret quæ ſpectabant ad Chriſtum.* 10. *Juliani Propoſitum reædificandi Templum Hieroſolymis, cum miro ejus rei ſucceſſu, ex Ammiano Marcellino.*

1. **N**ON mediocrem ſanè progreſſum jam fecimus in probanda *Realitate* Chriſtianæ Religionis, quòd plus ſit quàm *mera Idea*. Subſiſtamus hîc pauliſper & reſpiremus, contemblemurq; apud noſmetipſos peculiarem uſum ac commoditatem hujus præſentis argumenti ad os obturandum audaci *Atheo* æquè ac ſuſpicioſo *Melancholico*. Etenim nimis quàm verum eſt, & quiſq; vir bonus ut res aliter ſe haberet, animitùs exoptat, recentiora Eccleſiæ ſecula bonâ fide cum mundo non egiffe; verùm ultra omnes modetiæ & conſcientiæ limites, historiolas fatuas, & fictitiâ miracula populo obtruſiſſe, tanquam ſi in eorum manus tradita eſſet plebs ut deciperetur ab ipſis & luderetur. Quæ quidem Conſideratio quosdam homines in fixam quandam & inconcuſſam incredulitatem circa totam rem Chriſtianitatis conjicit, efficiatq; ut eam tanquam ſigmentum merum conſiderent ac fabulam. Illi enim etiam Primitivæ Eccleſiæ Genium ex eis quæ nunc dierum ante oculos fieri obſervant, metuntur, atq; ſic univerſam Sacerdotum Tribum habent pro Impoſtoribus. Quæ cenſura quamvis impenſè ſit injuſta, difficile tamen admodum erit hoſce Cenſores convincere quin valde vera ſit, niſi ex tali aliquo argumento quale nunc nobis ante oculos jacet; Ex eo ſcilicet, Quòd antiqua veteris Testamenti vaticinia à Chriſtianis Sacerdotibus fingi non poſſent, quòdque *Judei* ea nollent fingere cum tam apertè contra ſeipſos faciant. Immo verò ii qui vel levem aliquam de *Judeis* notitiam hauſerint, agnoſcent ſtatim eos tam religioſè ipſi *literæ* horum ſacrorum Oraculorum ad dictos eſſe ut ſcientes prudenteſq; nè unum quidem apicem auſint mutare. Quapropter omnia illa vaticinia quæ nos attulimus realia ſunt, demonſtravimurq; porro, quàm perſpicuè Meſſiam ante multos centenos annos prædixerint venturum. Unde & eum jam advenſiſſe maniſeſtum eſt.

2. Quæro igitur ex *Prophano* quolibet vel *Melancholico*, quis ille *Meſſias* ſit ſi *Jesus* non ſit ipſe? Immo verò appello ipſos, ſi ipſius Perſonæ characteres per proprios ipſorum ſenſus, juxta prædictionem infallibilium eorum Oraculorum, certò non ſunt dignoſcendi. Vaticinia dixerunt, Eum rejectum iri à ſuis. Roga *Judeos*, ipſi agnoſcent ſe eum rejeciſſe. Vaticinia prædixerunt, Eum abſciſſum iri ab ipſis vel occiſum. Roga *Judeos* qui non inficias ibunt quin ad mortem turpiſſimam eum condemnaverint, quamvis id meritò ſe feciſſe in ſuam deſenſionem contenderint. Vaticinia prædixerunt, Doctrinam ejus illuminaturam Gentes. Roga oculos tuos ſi Gentes non ſint converſæ à vanis & illegitimis ſuis ſuperſtitionibus ad notitiam unius illius Dei qui cœlum fecit & terram, Jeſuq; Chriſti quem ille miſit. Vaticinia præſi-

præfigurârunt *Resurrectionem* ejus à mortuis & in cœlos Ascensionem. Et interroga, obsecro, propriam tuam conscientiam si non credis hanc semper fuisse Christianorum fidem. Et consule propriam rationem si possibile fuit ut mors Christi totum ferre orbem ad se attraheret nisi ejus *Resurrectio* eam fuisset infecuta. Proculdubio ii qui in eum crediderant, post mortem ejus eum deserturi fuissent si è mortuis non resurrexisset. Sed ea de re plenius posthac agemus. Postremò, vaticinia prædixerunt, *Messiam* cultum iri tanquam Divinam aliquam Personam, & Divinos honores esse recepturum, quòdque Deus eum facturus esset Regem & Sacerdotem in omnem perpetuitatem. Interroga sensus tuos proprios, si non rem reperis ita prorsus se habere. Quot millia Templorum extructa sunt ipsiusque nomini consecrata? In quot Nationibus Regnisque Terræ colitur is, tanquam filius Dei, precésque ipsi offeruntur & in ejus nomine, laudésque illi cantantur summâ, quæ concipi potest, solennitate & affectu?

3. Et quantum ad durationem Regalis illius Sacerdotii; Per tempus haud mediocre id sanè jam permanfit, per mille circiter & sexcentos annos, quemadmodum infallibiliter colligi potest ex Historia. Persona verò is est (ut ex antiquis *Judeorum* vaticiniis apparet) tam sacra sanctaque & in quam Providentiæ oculi tam mirandis modis defixi sunt, infinito supra quam in ullum alium virum qui unquam hætenus extitit, ut impossibile sit Testimonia ei perhibita ullâ temporum successione oblitteratum iri; cum nihil præter universalem Conflagrationem omnia Oraculorum Judaicorum & Christiani Evangelii exemplaria possit consumere. Ac proinde res est citra omnem verisimilitudinem, immò verò, dixerim, citra omnem possibilitatem ut hic cultus Regnumque Christi in terris unquam cessatura sint, donec terra ipsa Incolas alere cessaverit. Equidem non inficias eo, quin intoleranda Christianorum Impietas, quin ipsorum Infidelitas, Ferocitas & Impuritas, execranda Hypocrisis & aperta Prophanitas efficere possint ut hoc Christi Regnum admodum mobile sit & itinerans, ut ab una Natione transeat ad alium populum; verum alicujus gentis populivæ Religio semper Christianitas est futura. Sin autem, erunt tamen saltem sinceri Professores illius nominis in diversis Nationibus & Regnis, ut factum est in afflicto Primitivæ Ecclesiæ statu. Qui pro certo orbem Terrarum Christianâ Religione iterum imbuent, idque majori cum gloria ac puritate quam unquam hætenus, nisi vindicta flammifera cœlitus proruens intervenerit, Christusque in nubibus apparuerit visibiliter rediens ad Judicium.

4. Illud igitur quod ego hic præcipue urgeo hoc est; Quod tamen quispiam tam cautus sanè sit suspicaxve aut versutus, ut, ex eo quod recentiora Ecclesiæ secula, tanto adulterationis & falsimonii reatu sint dehoneftata, nullis omnino Ecclesiæ scriptis monumentisve credere vellent, nè sacrosanctis quidem Evangeliiis Epistolisque Apostolorum exceptis, sufficientem tamen certitudinem haurire potest ex veteris Testamenti vaticiniis (quæ nisi egregie fatuus esse velit rationisque exfors, nullum prætextum habere potest suspicandi supposititia.) Quod Christianitas *figmentum* non sit, sed *realis* veritas, modò vaticinia comparaverit cum eventis rerum quæ ipsi ante oculos jacent, cumque libera confessione eorum qui pro inimicis Christianæ Religionis se gerunt, Nationem intelligo *Judeorum*.

5. Ad firmiorem cujus rei faciendam fidem adhibere porro potest ea quæ apud profanos Autores sparsim scripta reperiuntur. Etenim si cui lubet tam prodigiosè Melancholicum esse ac suspicacem ut dubitet utrum unquam extiterit hujusmodi homo qui dictus sit *Christus*, ipsa Paganorum Historia, ea de re ipsum certiorum facere potest, cum apud ipsos tam matura facta sit earum rerum mentio, ut nullus subesse posset error circa existentiam personæ de qua loquuntur, utrum scilicet in mundo unquam extiterit necne. Nam *Plinius*, *Tacitus*, *Lucianus*, & *Suetonius* florebant cuncti tam prope ea tempora quibus *Hierosolymorum* Civitas capta erat (*Plinius* scilicet circiter viginti, *Tacitus* triginta, *Lucianus* & *Suetonius* quadraginta circiter vel quinquaginta annis post urbem captam) ut certam non possent non habere à dispersis *Judeis* notitiam, utrum *fictitia* esset Persona an *realis*, utpote qui sedulò adfixuri fuissent Religionem sibi adeò invisam, si fictitium omnino habuisset fundamentum, maturè suffocare. *Plinius* in Epistola sua ad *Trajanum* Christianos invenit seriò Religionem suam profitentes, nec mortis metu ab ea posse dimoveri. Quorum errorem improbum ac periculosum facile confutare potuisset, si Historia Christi figmentum fuisset Poëticum. Verum ille immotos eos invenit, nec isti malo medicari potuit: Quam constantiam ipsorum is vocat *pervicacem & inflexibilem obstinationem*. Quam sanè ridiculum est opinari obvenire posse hominibus in re ficta quam per temporis proximitatem levissima quævis pervestigatio facile detectura sit, esse falsam; idque eò usque ut constanter

stanter se exponant cruciatibus ac morti. In eadem etiam Epistola scribit se duas ancillas ad Torturam adduxisse, *Sed nihil aliud*, inquit, *inveni quàm superstitionem pravam ac immodicam*. Et de eis qui præ metu à Professione suæ Religionis destiterunt, *Affirmabant*, inquit, *hanc fuisse summam vel culpæ suæ vel erroris, quòd essent soliti stato die ante Lucem convenire Carménq; Christo quasi Deo dicere, &c.* Quod indicium est Christianos maturè Christum secutos fuisse, non ut merum aliquem, quantumvis eminentem, Præceptorem *Moralem*, & qui præstantissima vitæ præcepta dederit, longèq; meliora quàm quivis alius unquam præcepisset; sed personam illius reverà divinam tenuisse, & ob stupendas aliquas rationes sanctè eum adorasse.

6. Verùm inquisitio hæc & sanguinolenta Persecutio Christianorum etiam ante *Trajani* tempora inceperat, in *Neronis* scilicet, qui ad occultandum abominabile suum facinus in concremando urbem Romæ, Christianos perquam barbarè puniebat tanquam illi hujus sceleris fuissent autores. Tacit. Annal. lib. 15. Ergò abolendo rumori Nero subdidit reos & quæsitissimis pœnis affecit quos per flagitia invisos vulgus Christianos appellabat. Auctor nominis ejus Christus, qui Tiberio imperitante, per procuratorem Pontium Pilatum supplicio affectus erat. Repressaq; in præsens exitiabilis superstitio rursus erumpebat, non modò per Judæam originem ejus mali, sed per urbem etiam quò cuncta undiq; atrocita aut pudenda consueunt celebranturque. Igitur primò correpti qui fatebantur, deinde indicio eorum multitudo ingens band perinde in crimine incendii quàm odio humani generis convicti sunt. Et pereuntibus addita ludibria, ut ferarum tergis contecti laniatu canum interirent, aut crucibus affixi, aut flammandi; atq; ubi defecisset dies in usum nocturni luminis urerentur. Hæc Persecutio vix triginta annis erat post Passionem Christi. Appello jam quemlibet, si possibile judicare potest ut illi, qui vixerunt tam prope illa Tempora quibus Christus dicebatur crucifixus, ut accuratè possent in eam rem inquirere, appello inquam, si possibile potest judicare, ut illi vitas fortunâq; suas odio & crudelitati Ethnicorum exponerent, nisi quòd pro certo rescivissent hujusmodi hominem fuisse qui Hierosolymis esset crucifixus. Quæroq; porrò, cùm tam ignominiosam mortem oppetiverit, annon rursus impossibile sit quin extraordinarium aliquod in Persona Christi esset, quo illi, cum omnium mortalium odio, propriarumq; vitarum periculo, post mortem ejus tam firmiter ipsi adhærescerent.

7. Ac proinde *Lucianus*, in Peregrino suo, meritò Christum nuncupat τὸν μέγαν ἑκείνον διδρασκόν τὸν ἐν Παλαιστίνῃ ἀναστασιόδινον, magnum illum virum in Palestina crucifixum. Nam opinionem saltem sectatorum Christi eloquebatur si non suam. Et doctrinam Christianorum appellat θαυμαστὴν σοφίαν τῶν χριστιανῶν, mirandam Christianorum sapientiam. Quos ille affirmat Ethnicorum numinibus renunciare, τὸν δὲ ἀναστασιόδινον ἑκείνον σοφιστὴν αὐτῶν προσκυνοῦν, & crucifixum illum suum Sophistam, i. e. magistrum, vel præceptorem colere. Et in *Philopatri* suo, si modò suus sit (& sanè si non sit non multum refert, cùm necessariò sit scriptor aliquis ipsi coætaneus) sunt quædam sublimium quarundam speculationum in Christianitate intimamina, ut de *Trinitate*, de *Vita æterna*, de *Galilæi ascensu* in cælum tertium; εἰς τρίτον ἕγερθὼν ἀεὶ βαλίσσας, ὅπου τὰ κάλλιστα ἐκμεταδεύκεις δι' ὅσα ἡμεῖς ἀνακαίνισιν, Per aërem proficiscens in tertium cælum, ubi postquam præstantissima quædam edoctus esset, per aquam nos renovavit. Quam verisimillimum est subindicationem aliquam esse ascensionis Christi in cœlos, aut saltem raptûs *Pauli* in cælum tertium, quanquam narratio sit depravata. Et verò *Critias* in illo Dialogo jurat ὅτι τὸν υἱὸν ἐκ τοῦ πατρὸς, Per filium è Patre. Atq; is ac *Triephon* Divinam deridentes inter se Providentiam, ut quæ per Religiosos quosdam ita exhibebatur, tanquam si res humanæ scriptæ essent in cœlis, alter alterum interrogat, *Critias* utiq; *Triephonem*, si res universæ, etiam *Scytharum*, illic erant scriptæ. Ad quod *Triephon* respondet, πάντα εἰ τούτοις γὰρ χρεῖς ἐξ ἐν ὅμοις, Etiam res universæ, si quidem Christus sit inter gentes. Quæ omnes Locutiones indicant quàm venerabilis de Christo disseminata sit per Orbem Opinio, quòdque propterea extraordinaria aliqua dignitas ac præstantia illius inesset Personæ. Cujus conclusionis utilitas suo loco patebit.

8. Interea loci mentionem solummodò addam de eo factam apud *Suetonium* in vita *Clandii*, cap. 25. Ubi *Chrestus* vocatur quemadmodum antea in *Luciani Philopatri* appellabatur χρεστός. Judæos impulsore Chresto assidue tumultuantes Româ expulit. Quod maturimum est Religionis nostræ monumentum quod apud prophanos Scriptores reperiri potest; nec mirum, cùm tam prope ad Passionem Christi pertingat, unde Religio nostra incepit. Nam regnum *Clandii* initum est annis circiter septem post Passionem Christi & intra tredecim annos finitum. Et quòd Christus passus

passus sit sub Pontio Pilato ipse Tacitus testimonium perhibet, in eis quæ ex eo supra recitavimus. Verum accuratior harum rerum Chronologia expectari non potest nisi ab eis quorum magis interest, ab ipsis scilicet Christianis.

9. Josephi testimonium longius se extendisset, si certi esse possemus ea quæ videtur de Christo scripsisse, per ineptam fraudem malefidorum quorundam *superstitionistarum* aut lippientium *Politicarum* non fuisse supposita: qui Christianæ Religionis soliditatem nihil opus habere eorum fictionibus & mendaciis ad se sustentandam haud satis prævidebant. Sed enim, quantum ad me, ego minimè verisimile iudico Josephum, cum Christianus non esset, ad eum modum de Christo scripturum fuisse, ut alias rationes præteream quæ asserti possint. Et propterea majoris compendii causâ lubens agnoscam ea quæ occurrunt in illius *Antiquitatibus*, de Jesu crucifixio, non sua esse sed ab aliis fuisse supposita. Quam omissionem partim illius prudentiæ imputo, partim integritati. Etenim cum res Jesu tam accuratè cognosceret, nihil mali de eo per iudicium ac conscientiam dicere poterat, nisi quod erat crucifixus, quod illius culpa non erat sed eorum qui injustè ac crudeliter eum trucidarant. Nominare verò solummodò, nihilq; de ejus rebus gestis commemorare, manca profectò res fuisset ac frigida, honorificè verò de ipso loqui popularibus suis *Judeis* ingratum, ut & ipsis Paganis. Quamobrem cum vilificare eum ejusq; Sectatores & convitiis proscindere, ut Paganici Historiographi solent, per conscientiam non posset, nec, cum persuasus non esset eum fuisse Messiam, quàm eximia esset Persona, per prudentiam, declarare, restat certè ut verisimilimum sit, eum eò usq; astutiæ indulgisse, ut nullam omnino mentionem de ipso faceret.

Aniquitat. Judaic. l. 10. c. 4.

10. Non nisi unum jam producemus porro testimonium ex *Historiographis* Paganis, idq; ex Ammiano Marcellino de Juliani proposito reedificandi Templum Hierosolymitanum, ut *Judei* illuc denuò possent juxta antiquum suum morem sacrificare. Quod quidem per invidiam potiùs adversus Christianos factum existimabatur, quàm per ullam benevolentiam erga *Judeos*, & in contumeliam universalis illius & inestimabilis sacrificii corporis Christi in cruce semel oblatis, quod abolere debebat omnia *Judaica* sacrificia, & *Mosaicarum* Ceremoniarum usui finem imponere. *Ruffinus* & *Sozomenus* hanc rem fusiùs enarrant. Verum nos eorum recitatione contenti erimus quæ Ammianus scripsit (lib. 23. proximè ab initio) qui cum Paganus esset, sensu quàm poterat pulcherrimo, Imperatoris inceptum incrustat. Eventum verò satis perspicuè est descriptum; quod quidem ejusmodi est quod Christianæ Religionis veritatem multum confirmet. Julianus imperii sui memoriam magnitudine operum gestiens propagare, ambitiosum quondam apud Hierosolymam Templum (quod post multa & internecina certamina obsidente Vespasiano, postea & Tito agrè est expugnatum) instaurare sumptibus cogitabat immodicis: negotiumq; maturandum Alipio dederat Antiochienti, qui olim Britannias curaverat pro præfeto. Cum itaq; rei idem fortiter instaret Alipius, juvaretq; Provincia Rector, metuendi globi flammarum prope fundamenta crebris assultibus erumpentes fecere locum, exustis aliquoties Operantibus, inaccessum; hocq; modo elemento destinatiùs repellente, cessavit Inceptum.

C A P. X.

1. Plura argumenta, quod tum Judæi tum Pagani agnoscebant Christum reverà extitisse, & miracula fecisse. 2. Harum allegationum vis vaticiniis de tempore Adventus Christi Personæq; Characteribus superadditarum. 3. Characteres Personæ adhuc accuratiores esse, sed quibus antè non sit insistendum quàm Historiæ Evangelii veritas sit probata. 4, 5. Transcendentem Personæ Christi eminentiam ex eis quæ jam allata sunt & ex ejus Resurrectione, absq; recursum ad Evangelia posse demonstrari. Unde necessario sequi, Quod vita ejus esset scripta. 6. Vitam maturè scriptam fuisse, dum oculati Testes adhuc vivebant, per admodum validam demonstrationem probatum. 7. Æternam felicitatem per Christum, spem fuisse primorum Christianorum, probatum ex Luciano & 8. Paulo : & de peculiari voluntate veritatis in illius Epistolis. 8. Primum ac maturimum Christianitatis sensum in illis scriptis contineri. 9. Impossibile esse, cum æterna salus à cognitione Christi dependeret, quin Apostoli maturè curarent ut miracula Christi literis mandarentur. 10. Quod non poterant Apostoli quin vitam Christi scribendam curarent ad erratiles conatus temerariorum prævertendos, ad satisfaciendum desideriis fidelium, & per Obedientiam Divino instigatui. 11. Equè incredibile esse ut descriptionem vitæ Christi negligerent, quàm ut vir quispiam rerum mundanarum gnarus Testamenti descriptionem negligeret cum scribendi haberet opportunitatem. 12. Cum adèd incredibile sit quin vita Christi scripta esset, scriptaq; quædam inveniantur eandem complectentia, planè consequi ea ipsa esse.

1. **H**ÆC Testimonia è scriptoribus Paganis ad abolendam ineptam illam & absurdam suspensionem de tota Christi Historia quasi mera Allegoria esset vel Fabula, abunde possunt sufficere : Quæ certè res est quam vel maximi illorum hostes nunquam ausi sint Christianis objicere, nec Judæi nec Pagani, nec recentiores Athei, nasutiores præsertim, quales fuerunt Pomponatius & Vaninus, qui non solum personam Christi agnoscunt, verum etiam illius miracula : tantum referunt ad Stellarum influxus cœlestesq; Intelligentias, de quibus in proprio suo loco agemus. Judæi etiam agnoscunt ejus miracula, verum addunt præterea Magum fuisse. Et ipse Julianus Celsusq; qui scripserunt contra Christianos, nusquam eò impudentiæ proveci sunt ut negarent Jesum Nazareum in Judæa olim vixisse & res miras illic patrâsse, quanquam alter eorum ab ipso defecit, alter in eum nunquam credidit. Et Hierocles egregius ille Paganus moralis miracula Christi non negat nec Personæ præstantiam, sed contendit Apollonium Tyaneum cum eò saltem conferri posse. Et ut taceam Tiberii propositum conscribendi eum in album Romanorum numinum per senatusconsultum, quia hujus rei narratio est à Christianis, apud Eusebium scilicet ex Tertulliano, jungemus magis appositè quod Adrianus Severus & Heliogabalus, quanquam incalsam eandem tamen rem postea tentârunt. Et particulatim de Severo, Lampridius Historiographus Ethnicus scribit, quod utiq; hic Imperator cum templum Christo erigere apud se instituisset, eumq; inter reliquos Deos colere, prohibebatur à Sacerdotibus, qui consulentes sacra repererant omnes Christianos futuros si id optatò evenisset, & templa reliqua deferenda. Adeò ut admodum magnifica & venerabilis opinio de Christo vigeret etiam apud illos qui Christiani non erant.

2. Quæ testimonia ex Scriptoribus Profanis vel sola certè non mediocrem vim habent ad fidem faciendam illius rei pro qua jam contendimus, Christum utiq; olim in terris vixisse, personamq; fuisse admodum illustrem atq; nobilem, propter ea quæ ipsi inessent, quæ ab ipso facta sint, vel ipsi divinitus contigissent. Quibus testimoniis si perspicua illa addas vaticinia quæ prædixerunt Judæorum Messiam venturum esse circa ea tempora quibus Christus dicitur vixisse, (in quo Christiani Ethniciq; Historiographi conveniunt) characteresq; illos quos pro certo novimus ad eum pertinere, eosdem scilicet quibus satis fusè jam institimus, impossibile est, nisi scepticismus eò usq; invaluit, ut in morbum transierit æquè perfectum, atq; est dementia quælibet atq; stupiditas, quin plus de Christo quivis crediderit quàm pro quo impræsentiarum hos contendimus.

3. Et tamen Personæ illius characteres in vaticiniis exhibiti etiam adhuc accuratiores sunt, quàm quos hætenus attulimus, ad probandum eum reverà fuisse expectatum

statum *Messiam*; ut, verbi gratia, quod oriundus foret è stirpe *Davidis*, è tribu *Jude*, quod oporteret eum è *virgine nasci*, & in oppido *Bethleem*, quod *aperiturus* esset *cæcorum oculos* & *claudos* facturum *ambulare*, aliq; id genus miracula; quod ejusmodi morte multandus esset quâ *manus pedesq; essent perfodiendi*; quod *super veste sortem jacturi essent*, & *acetum porrecturi* ad sedandam sitim; quod *oraturus* esset pro eis qui eum crucifixerint.

Verum hæc Particularia cum nullam vim antè habitura sint quàm Evangelii Historiam veram probaverimus, eorum usus differendus est usq; dum eam expediverimus difficultatem. In qua absolvenda his tribus probandis allaborare debemus. 1. Quod vita Christi, ejusq; Mors modo quodam serio ac perquisito ab aliquibus descriptæ sint; nec *Poëticè Allegoricève*, sed *Historicè* quemadmodum *Plutarchus*, *Tacitus*, & *Suetonius* existimantur vitas scripsisse virorum illustrium & Imperatorum. 2. Quod hæc scripta maturè exarata essent etiam dum in vivis erant oculati earum rerum testes quæ ibi referuntur. 3. Quodq; hæc Evangelia quæ nunc dierum apud nos recepta sunt, vera sunt exemplaria eorum quæ tam maturè essent scripta.

4. Prima quidem pars videtur mihi plenè demonstrari posse ex illo quod jam probavimus, absq; omni recursum ad Historiam Evangelii; Admodum transcendentem scilicet fuisse Eminentiam in Persona Christi, utpote cui & Tempus & præcipui Characteres expectati *Messie* tam accuratè conveniebant. Unde non poterat quin omnium oculos in se converteret, & valdè fervidos fidôsq; sectatores sibi lucrifaceret, qui saltem orali traditione omnia quæ in ipso miranda stupendâq; viderant & observaverant pervulgaturi essent. Ex quo necessariò sequitur, quod fieri non poterat quin vita morsq; ejus per unius saltem alicujus calamum describendæ essent, præsertim cum tam * certò constaret eum è mortuis resurrexisse.

5. Etenim cum *Judei* eum crucifixissent, nihil magis invisum eis esse poterat quàm illa sectatorum suorum Narratio, quod Deus per miraculum eum è mortuis suscitaverat; Quo Christus justificatus erat per specialem Providentiam ab omnibus eorum calumnationibus impijsq; ac falsis accusationibus, ipsi verò summi criminis quod in se cadere posse poterant putare damnati, trucidationis scilicet *Messie* sui. Quamobrem illius rei testificatio quæ eos redditura erat etiam in suis ipsorum oculis, si modò vera fuisset, adeò invisos & execrabiles, necessariò testificatores, apud ipsos, effectura esset admodum invisos ac odiosos, ipsosq; stimulatora, ad mala quàm poterant maxima contra illos machinanda. Unde impossibile est ut discipuli Christi tam enormem falsitatem etiam si à mentiando per conscientiam non abhorruissent, vellent defendere; verum adhuc magis impossibile, si eorum consideremus simplicitatem & innocentiam, quibus qualitatibus eos præ cæteris mortalibus imbutos fuisse nemo quisquam adhuc unquam dubitavit. Concludo itaq; Personam tam manifestò sacris antiquis vaticiniis præfiguratam, tam refulgentem stupendis virtutibus, & inauditis Providentiis splendidam; Personam, quæ propter miracula quæ edidit à *Judeis* infidelibus *Magnus* habebatur, à Philosophis Ethnicis, Atheisq; effector miraculorum, & à propriis suis sectatoribus *Messias* expectatus prædicabatur & unigenitus Dei filius quem per miraculum è mortuis suscitavit postquam *Judei* eum crucifixerant; Personam, inquam, tam mirificè decoratam, suprà quàm quisquam alius qui unquam usquam gentium extiterit, nec habere tamen vitam suam ac res gestas literis à quoquam mandatas, res est longè incredibiliòr quàm vel maximum miraculum quod unquam hætenus à quoquam literis sit traditum.

6. Jam verò in secundo loco, Quod historia hæc vel narratio vitæ necisq; ejus factis maturè scripta sit, dum oculati scilicet Testes earum rerum quas aut fecerit aut ipsi obtigerint, adhuc in vivis erant, si consideremus quantum esset operæ pretium hujusmodi Historiam maturè perfici, est etiam valde manifestum. Etenim non potuit profectò non videri res perquam maximi momenti, cum discipuli Christum tam sanctam ac Divinam Personam crederent, fidelémq; suam ei adhærentiam unicam sibi fore æternæ vitæ fruendæ certitudinem. Quam præclaram veritatem de beata fruenda Immortalitate, illi evidenter edocti erant ex successu illo quem *Messias* habuit in terris, qui sanè erat omnium infaustissimus; quippe qui per contumeliam tam miserè tractatus erat & tam ignominioso modo crucifixus. Cum tamen illi cum reliquis *Judeis* expectare possent, eum jugum Romanum cervicibus ipsorum excussurum esse, ac gloriosum victoriosumq; Principem, cum magna ipsorum utilitate etiam in hoc mundo, futurum. Verum videbant illi Providentiam, hanc viam declinare, & manu extertâ eum in aliud exaltare Regnum, suscitando è mortuis, & visibili pompâ recipiendo ipsum in cælos. Quæ tam conspicua immortalitatis animæ erat Demonstratio & tam peculiaris utilitatis sectatoribus eximii hujus *Intimi* Omnipotentis,

*Vide plura
c. 16. sect. 4.
q. 8. cap. 8.
sect. 2.

cum & ipsis intrandum foret in alterum statum, ut conscientiae vis sensusque proprii commodi in altera vita effecturi essent ut admodum solliciti evaderent & officiosi memoriae sui Divini Praeceptoris conservatores, qui tum viam ad beatam Immortalitatem tum ejus certitudinem ipsis tam aperte demonstraverat. Ad quod gratitudinis genus praestandum etiam adhuc constrictius obligabantur cum adeo ipsis in proclivi esset eum considerare tanquam *donum Dei publicum* humano generi datum, nec restringendum ad illud praesens seculum sed ad omnem posteritatem transmittendum, nec claudendum intra parvum illum discipulorum manipulum quos post se reliquit, sed toti *Israëli* impertiendum: Nec diu ignorare poterant etiam Gentes in ipso partem habituras, praesertim post rejectionem à *Judaïs*; quodque sic futurus esset *lux ac salus omnium Nationum* à seculo in seculum secundum effata Prophetarum.

Lucian. Philoparr.

7. Quod hic maxime maturus Ecclesiae sensus erat de cognitione Christi quantum ad *aeternam salutem*, ipsa rei Natura, quemadmodum jam insinuavi, manifestò demonstrat. Quam enim mentem? quem sensum elicere poterant ex illius per divinam virtutem à mortuis suscitatione, visibilisq; assumptione in caelos, praeterquam quod conspicuum pignus sic foret futurae felicitatis, quae eis esset obventura, qui fideles illius discipuli fuerint & sectatores? Hæc proculdubio fides erat Apostolorum & omnium succedentium Christianorum, quemadmodum & ipsi Ethnici testificantur de ipsis, quanquam per modum derisionis. *Ἀλλὰ καὶ ἡμεῖς τοῦτο πρὸς ἑαυτοὺς ἔχοντες, ὅτι αἰῶνα, Verum catechizatus, persuasus esto per me, si quidem eternam vitam indipisci cupias.* Huic argumento multum insistitur apud Apostolum Paulum passim in suis Epistolis. In quibus tam praeposterè nominandis quamvis nimis præceps videri possim, ut qui jam in eo tantum sum ut methodum eruam quæ demonstrari possit, admodum matura facta fuisse Christianitatis monumenta, etiam intra seculum oculatorum Testium earum rerum quæ monumentis sunt mandata; ego tamen nequaquam existimo me praeposterè fecisse, si consideremus, quod peculiaris quædam sit *ἀνέκδοτα* in illius Apostoli scriptis, ea neutiquam supposititia esse seu fictitia. Quippe quod, meo quidem judicio, extra vires humanas situm videatur inaccessatum illum imitari fervorem, naturalia illa & inexpectata sublimis serisq; zeli schemata, Parentheticas illas ponderosarum rerum sensusq; exundationes, exastuantes, penè dixerim, ultra Logicae coherentiae limites, & vividam illam ac vigorosam Passionem, spiritusq; elevationem, idq; omne adeo citra omnem humani artificii suspensionem, ut non possimus quin firmiter credamus eum qui has Epistolas scripsit, penitus persuasum fuisse, vel potius abreptum plenâ earum rerum fide quas scripserat. Equidem certus sum quod ipse non possum quin firmiter credam, meq; nè minime quidem ea de re addubitationis capacem inveniam. Qui tamen per naturam aequè sum melancholicus ac suspiciosus atq; alius quivis mortalis, prout per nimis quàm præcocia hoc genus argumenta demonstrare possem, si modestia mihi permitteret ineptias pueritiæ meæ ac errores, cum maturis ac deliberatis conclusionibus eorum, qui al-laborarunt ut longè maxima Orbis ingenia existimentur, conferre.

8. Quamobrem cum ipse tam plenè apud meipsum persuasus essem, nec in quenquam unquam hætenus eâ impudentiâ inciderim, quin fateretur Epistolas S. Pauli scripta esse alicujus qui seriò sincerèq; illas res tractabat, provocationem certè meam ad illas hoc in loco de sensu menteq; primæ ac Apostolicæ fidei non potui judicare intempestivam. Est enim evidens ex his Epistolis scriptorem vixisse intra seculum oculatorum Testium earum rerum mirabilium quæ aut factæ sunt à Christo aut illi contigerunt. Unde manifestò porro apparet sensum Evangelii quem Paulus in his Epistolis declarat, primum fuisse maximeq; maturum sensum quem Apostoli de Christianitatis Mystério conceperunt. Quod Christi scilicet Passio Expiatio erat pro peccatis, quodq; nos purificandi sumus per fidem in ipsum, & quod aeterna nostra salus ab illius cognitione dependet.

9. Appello jam quemlibet, etiam omnium qui vivunt, maxime Scepticum, si res tam immensi momenti quàm hæc est, quæ ad communem humani generis salutem in altero statu spectat, ab eis qui & veritatem & momentum illius rei noverint, & obligationem habuerint ad eam curandam plusquam ordinariam, quorumq; conscientiae ipsis comminaturæ essent aeternæ vitæ jacturam, nisi omnibus legitimis probatisq; modis uterentur ad firmiter radicandam, quàm efficacissimè poterant, sinceram certamq; tam salutiferi Mysterii cognitionem, frigide potuit & negligenter promoveri? Et an possibile sit primos imaginari Christianos tam stupidos fuisse ac vecordes, ut non viderent quàm necessarium esset circumstantias *Nativitatis, Vitæ, & Necis* Servatoris, omniq; miracula quæ fecit, maturè, dum infidelium hominum ac repugnacium ora obturari poterant, provocatione ad oculatos Testes earum rerum quæ de eo commemorantur, literarum monumentis commendare?

10. Et

10. Et certè si imaginari possemus huiusmodi supinam negligentiam vel averfationem in ipsis Apostolis, qui maximè idonei futuri erant harum rerum scriptores, aut ii saltem quos illi de singulis certiores fecerint, aliorum tamen (qui à scribendis huiusmodi rebus mirabilibus quæ in *Judea* contigerunt, quanquam non satis edocti de earum veritate, manus abstinere non poterant,) præcipitantiâ ac temeritas eos compulsa esset ad conscribendam adeo maturam de rebus Christi Historiam; & ad præfigenda monumentis sua nomina, ad omnem errorem prævertendum. Ut imprudenter taceam recens conversorum Christianorum qui non poterant non esse oppidè quàm cupidi notitiæ earum rerum omnium quæ ad illam divinam Personam spectabant, cujus nomen nunc religiose profitebantur, quémq; unigenitum Dei filium agnoscebant. Quocirca aut ipsi Apostoli aut saltem alii aliqui ab ipsis plene instructi, non poterant quin narrationem facerent literisq; mandarent factam de *Nativitate, Vita ac Morte* Christi, multisq; illis memorabilibus inibi contentis, ad solatium confirmationemq; Profelytorum suorum, & ut vera esse posset harum rerum Descriptio ad omnem usq; Posteritatem transmittenda. Quibus demum addere potes, si possibile esset ut hæc omnia deficerent, (quod ego incredibile existimo) Providentiam tamen non defuturam nec supernaturalem Inspirationem quæ eos ad tempestivè ordiendum finiendumq; tanti momenti opus impelleret.

11. Equidem, meo judicio, inexpugnabilis hæc Demonstratio est, Historiam Christi tam maturè scriptam fuisse aut ab ipsis Apostolis, aut ab eis quibus cum Apostolis summa erat necessitudo & familiaritas, quàm nos scriptam contendimus. Infinitoq; probabilius esse hoc non fuisse factum, quàm ut quis magnâ fortunâ multisq; liberis homo, rerumq; mundanarum sciens, etiam tunc cum facultatem habet scribendi Testamentum, illud tamen scribere negligeret, quod profectò nemo quisquam crederet nisi post obitum ejus testamentum inveniri non posset, nec tunc fortassis, sed suspicaretur potiùs aliquem flammis illud commississe. Verùm si reperitur taléq; appareat quale condecoreret hominem id sapientiæ rerumq; peritiæ fecisse, nemo de ipso dubitare poterit, cuja res ibi nullo modo agitur. Et certè si dubitet, pro stulto statim habebitur aut homine fraudulento, qui aliquid emolumentum sibi quærît in dubium vocando Testamentum.

12. Et valdè sanè consimilis est ratio in his monumentis Christianitatis de quibus agimus. Etenim secundum manifestam rationis deductionem videmus impossibile esse quin tam maturè essent scripta. Et externum certè Eventum internis mentis nostræ demonstrationibus accuratè respondet. Sunt enim duæ Historiæ *vite mortisq;* Christi à duobus è suis Apostolis scriptæ, *Matthæo* scilicet & *Johanne*, tertiâ à *Marco* qui cum *Petro* Apostolo multum versatus erat, & quarta à *Luca* cui multus usus & consuetudo erat cum *S. Paulo*, cujus acta unâ cum Actis reliquorum Apostolorum ille commemoravit, finitq; narrationem ante *Pauli* discessum à *Roma* in *Hispaniam*. Unde concludi potest *Lucam* Evangelium suum scripsisse dum *Paulus* erat in vivis. Cujus factorum ipse testis oculatus erat, quemadmodum *Matthæus*, & *Johannes* omnium eorum quæ ipsi scripserunt, aut saltem plerorumque, reliqua accipientes ab aliis Apostolis qui, ipsis absentibus, rebus gestis interfuerant; aut ab ore ipsius Servatoris. Hæc conclusio ita manifesta est ut æquè ridiculum sit eam negare, atq; si quis supradictum negaret Testamentum. Quod nemo facere potest quin omnium clamoribus pro stulto explodatur. Etenim quando externa Eventa talia videmus, quæ perspicua & irrefragabilis Ratio non potuerit non concludere necessario eventura, oportet aut *Stultitiam* esse aut *Fraudem* quæ quempiam faciat negare ea evenisse, postquam tam manifestò externis ipsius sensibus sint exhibitæ.

CAP. XI.

1. *Nova methodus probandi vitam Christi scriptam esse temporibus Apostolorum.*
2. *Lucam, & Pauli comitem fuisse in plerisque suis Itinerationibus, Actorumq; scriptorem & Evangelii secundum Lucam.*
3. *Argumentatio ex Lucae Johannisq; Evangelista professione quod Jesu Nazareno coetanei essent ad probandum duo illa Evangelia tam mature esse scripta.*
4. *Eadem ferè argumentandi ratio ex nominibus Matthæi & Marci prefixis reliquis Evangelistis.*
5. *Obiectio proponitur & diluitur.*
6. *Authoris gratificatio, quod eandem rem quam methodo magis exoticâ tam firmiter probaverat, rationibus videat in suis luculentè denudè demonstrari.*

1. **A**Tq; hæcenus quidem ea ferè argumenta adhibuimus ad probandam vitam Christi tam mature, quam contendimus, scriptam fuisse, quæ extrinsecus sunt accersita. Est autem & altera eodem spectans minime contemnenda argumentandi ratio, quæ ex lectis confusaneis quibusdam *Adami Borelli*, viri pii ac eruditæ, chartulis primùm mihi innotuit, quæq; ex locis ipsorum scriptorum Evangelicorum, vero scopo Evangelistarum prius supposito vel intellecto, est eruenda. Priori Methodo, proprio obsequens genio, usus sum; hanc aliunde mihi occurrentem, quam brevissimè luculentissimèq; potero, jam proponam atq; absolvam. Huc autem respondit ut argumentis quasi *insitis*, i. e. Dictis aliquibus quæ in quatuor Evangelistis (addè etiam si lubet & *Acta Apostolorum*) occurrunt, demonstremus omnes illos libros ætate Christi aut saltem ante Excidium Hierosolymitanum fuisse scriptos.

2. Incipiemus ab Evangelio quod *Lucæ* nomen præ se gerit. Cuius scriptor plane significat se vixisse ætate *Pauli* ac Apostolorum. Nam *Actorum* cap. 16. v. 9, 10. sic narrat. Et huiusmodi visum noctu *Paulo* occurrit. *Vir quidam aderat Macedo, qui cum his verbis hortabatur. Prosequere te in Macedoniam ad succurrendum nobis. Id visum simul ac ille vidit, in Macedoniam contendere cupivimus, affirmantes à Domino nos advocari ad illos in Evangelio instituendos. Ergo solvimus à Throade, & sic portò. Et cap. 27. & 28. tricies quadragesve inquit se *Paulo* fuisse itineris comitem à *Cæsarea* usq; ad *Romam*, idem utiq; ille qui *Actorum* Apostolorum est scriptor. Et consensu nave, inquit, *Adramyttinâ* secundum *Asiam* loca navigaturi solvimus, v. 2. Et sequenti versu, postmodò ad *Sidonem* appulsi sumus, &c. Et sic tricies quadragesve in rebus quæ in communem omnibus vectoribus obtingerunt, se etiam cum reliquis commemorat. Unde manifestum est hunc *Actorum* scriptorem naufragio, quod *Paulus* cum reliquis passus est, his capitibus commemorato interfuisse. *Actorum* autem scriptor idem est qui scriptor Evangelii secundum *Lucam*, quemadmodum patet ex ipso *Actorum* exordio. [Primum quidem librum feci de omnibus, Theophilæ, quæ *Jesus* & facere & docere iussit, &c.] cum præfatione Evangelii comparato, viz. Quandoquidem agnoscere sunt multi narrationem contexere conscriptarum rerum, quemadmodum nobis tradiderunt qui ab initio & spectatores & administratores rerum fuerunt, visum est etiam mihi qui omnia à capite diligenter conscriptus sine tibi ordine scribere, optime Theophilæ, ut quæ auditione accepisti res, eas certò cognoscas. Nihil proferte potuit huius Evangelii *Actorum* scriptor, quo distinctius testaretur se Apostolorum temporibus vixisse, atq; sic opportunitatem habuisse certam nunciandi notitiam earum rerum quas scripsit.*

3. Quemadmodum verò *Actorum* scriptor & Evangelii secundum *Lucam*, *Jesu Nazareni* ætate se vixisse perhibet, ita scriptor Evangelii secundum *Johannem*, cap. 19. v. 34, 35. Sed unus militum lanceâ latus ejus pupugit & continuo exiit sanguis & aqua. Atq; hoc idem qui vidit, testatur, estq; verum ejus testimonium, isq; vera se dicere scit, ut vos quoq; credatis. Quid potest esse expressius?

Jam verò cum hi duo Evangelistæ tam apertè asserunt se Christi temporibus vixisse, cumq; ipsum Institutum conscribendi illos libros totum spiret pietatem sinceram, sumamq; probitatem, non videtur sanè verisimile ejusmodi homines qui tam serio Pietati operam navarent, si istis temporibus non vixissent, adeò turpiter voluisse mentiri, addo, aut tam stultos esse ut scriptorum suorum auctoritatem enervare vellent tam splendido mendacio, cum ista fraus latere non posset, nempe si seculo uno aut altero post isti libri primùm exiissent, & tamen præ se tulissent ab hominibus *Jesu Nazareno* coetaneis fuisse conscriptos. Quis enim non statim collecturus esset malo dolo rem agi, cum impossibile prorsus videretur si tam mature scripti fuissent,

ut

ut in lucem antea non prodirent, multorumve Christianorum manibus non extarent cum parva volumina sint, quanquam maximi profecto momenti, iterumque ac millies parvo cum negotio transcribi possent?

4. Estque ferme par Ratio de Evangeliiis secundum *Matthæum* & secundum *Marcum*, quatenus scilicet ipsorum nomina eis præfixa sunt. Etenim cum *Matthæus* absolute & simpliciter nominetur absque omni ab aliis ejusdem nominis adjecto discrimine, patet est eum *Matthæum* qui inter discipulos *Jesu Nazareni* recensebatur, intelligi oportere. Idemque dicendum de *Marco*, quod utique intelligi oportet de noto *Bar-nabæ* confobrito, (quorum mentio subinde occurrit in *Actis Apostolorum*) cum nulla adjecta sit discriminatio quâ alius aliquis indicari significetur. Ea, inquam, Evangelia, alterum *Matthæi*, alterum *Marcæ* nomine insignita, in publicum illis cum Titulis dari non potuerunt, quin suspectæ fidei statim habenda essent ob supradictam rationem. Nemo enim est qui non statim quæreret, si *Marcus Matthæusque* illa scripserint Evangelia, cur Christianorum manibus antea non versarentur, cum tam facili negotio transcribi potuissent, & eam multis communicari. Nunquam ergo pro *Matthæi Marcæque* Evangeliiis accepta fuissent nisi intra tempus Apostolorum essent scripta. Et si serò post ea tempora ab Ecclesia aliqua virò pio & earum rerum diligenti ac curioso scripta essent, nempe nè aliquando Narrationes traditæ corrumpere- rentur succedentibus sæculis aut prorsus exolecerent, proculdubio magis è re Ecclesie factum fuisset, si aperte falsi essent, librum recens concinnatum esse ab ejusmodi viro qui summam fidem ac diligentiam in colligendis undique Ecclesie traditionibus adhibuisset, quas & ejusmodi esse vulgò esset notum, quàm ut ementito nomine etiam notissimarum Traditionum fidem in discrimen vocarent, & suspicionem moverent populo Ecclesiam secum bonâ fide non agere, sed fraudes ac imposturas meditari. Nulla igitur ratio excogitari potest cur *Marcæ Matthæique* nomina istis Evangeliiis præfixa sint, nisi quod ab eis ipsis Authoribus sint scripta.

5. Quod autem quidam hic objici posse putant de quinque illis libris universis, quatuor scilicet Evangeliiis & *Actis Apostolorum* (quæ omnia tam aperte præ se ferunt tempore *Jesu Nazareni* Apostolorumve fuisse conscripta) fraudem nimirum latere potuisse populo per subdolos suos Doctores persuaso, dictos libros, quanquam eâ ætate scripti erant, latitare tamen per aliquot centenos annos potuisse & nunc deum in lucem prodire; Quemadmodum & *Dianæ Ephesæ* Sacerdotes populo persuaserunt simulachrum quoddam per Artificem ex materia vitiginea reverâ factum, de cælo à *Jove* delapsum esse, adeo ut universa *Asia* aliæque Regionibus id pro certissimo deinceps habuerint, quamvis initio apud prudentes facile potuerit fraudis esse suspectum; hoc profecto minime opportunum mihi videtur suffugium, sed valdè co-acta & aliena comparatio.

Quod enim simulachrum illud attinet, propter antiquitatem illius, ut erat admodum vetustum, quodlibet serè de illius ortu, quod manifestâ ratione confutari non posset, vastis illis *Dianæ* Sacerdotibus dabatur fingendi copia, modò nullâ insitâ absurditate oneraretur narratio, sed ejusmodi esset de qua testibus potius agi oporteret quàm rationis robore. Nam simulachrum sive aureum sive vitigineum ante aliquamultos centenos annos è cælo lapsum fuisse, quid incommodi secum trahit repugnantiaevæ, quo eam falsam argui possit esse Fabulam? Majora istoc profecto effici possunt Daemonum ministerio, sive bonorum sive malorum. At librum de *vita miraculisque Christi*, summâ fide ab oculato teste aut ab eo qui ab oculatis testibus res acceperit conscriptum, (cum res tanti sit momenti ut æterna nostra inde pendeat salus) per aliquot centenos annos, immò multo minore tempore, latuisse, nec cum Christiano populo communicatum fuisse, tam incredibile est ut fungum esse oporteat, qui fidem istiusmodi fraudi sit habiturus. Unde manifestum est quod quinque illi libri Evangelici supra memorati, qui planè se temporibus Christi & Apostolorum indicant esse scriptos, si non nisi multis annis post innotuissent, nunquam pro talibus ab Ecclesia fuissent accepti. Jam verò accepti sunt, unde clarè patet eos etiam intra eam ætatem innotuisse, ac proinde tam maturè scriptos esse.

6. Atque hæc pars quidem præsentis methodi est, quâ libros Evangelicos etiam ætate *Jesu Nazareni*, ejusque Apostolorum scriptos demonstrari volumus. Et certè mihi res pergrata est quod domesticâ hæc methodo rursus demonstratum videam quod magis exotica supra mihi videor tam firmiter demonstrasse.

C A P. XII.

1. *Precipuum Historiæ Evangelicæ scopus.* 2. *Quod quedam scopo hujus Historiæ adversa scripta sint, argumento esse eam & sincerè & maturè scriptam fuisse.* 3. *Historia Evangelica si humanum esset figmentum, discipulorum Christi character longè futurus fuisset nobilior.* 4. *Quæ dedecoris notæ apud Matthæum ipsis iniuste sint.* 5. *Quæ apud Marcum.* 6. *Quæ apud Lucam & Johannem.* 7. *Ex his breviter deducta conclusio.* 8. *Quæ occurrant apud Evangelistas & in Actis Apostolorum primo aspectu absurda.* 9. *Horum locorum vis ad evincendam Historiam Evangelicam tum summa cum fide tum maturè fuisse scriptam.* 10. *Loca apud Matthæum quæ ipsius Jesu gloriam obscurare videantur contra precipuum Historiæ Evangelicæ scopum.* 11. *Quæ apud Marcum.* 12. *Quæ apud Lucam & Johannem.* 13. *Citatorum locorum ad fidem Historiæ Evangelicæ faciendam Applicatio.*

1. CÆterum, nondum tota, quod dixi, exhausta est vis hujus Methodi. Superest pars altera, quæ nisi brevitati studeremus longè uberius se diffunderet. Nos autem argumentationem intra hos cancellos continebimus, ut ea primo loco proferamus quæ vix ultrà pertingere videntur quàm ut Historiam Christi in *Evangeliiis* nullo humano ingenio confictam demonstrent, sed ita ut res gestæ erant, conscriptam: Dein verò ea quæ eam ætate Christi vel ante excidium *Hierosolymitanum* conscriptum esse magis insigniter evincant.

2. Verùm ut horum locorum proferendorum vis rectius intelligi possit, oportet primùm præmonere, quis sit præcipuus & principalis scopus Historiæ Evangelicæ. Eum autem esse ut *Christi Nazareni*, tanquam Prophetæ summi adeoque expectati *Messie* verique Dei filii, Divinâ vocè ita cœlitus declarati, existimatio ac gloria quàm diligentissimè amplissimèq; illustretur, evidentissimum est. Si igitur ea passim occurrunt quæ huic finì aperte videntur adversari, manifestum est indicium Evangelicæ Historiæ scriptores non pro libitu suo res confinxisse, istiusmodi enim proculdubio tunc omisuri fuissent, sed ita prorsus uti certò cognovissent eas gestas esse, fideliter narrasse. Certò autem eas cognoscere non potuerunt, nisi non auditione tantum sed oculatâ experientiâ edocti essent, aut ab oculatis testibus eas accepissent. Unde & hæc prima loca agnoscere licet aliquantum facere ad tam maturam Historiam Christi conscriptionem evincendam.

3. Dico igitur primùm, si historia *Evangelica* humano Artificio conficta esset, non autem uti res se habebant, fideliter descripta, Discipuli sanè Christi, ut est humani ingenii amœnitas & elatio, meliori latiori q; characterè descripti fuissent; cùm virum tam sanctum, tam sapientem, tantum Prophetam, immò ipsum Dei filium, ex sententia humana, magis dociles saltem si non docti condecernerent discipuli, meliusq; morati ac fideles, addo & honestius nati & meliori vivendi ratione occupati.

4. Nunc verò, ut Piscatores omittam, *Matthæus* se publicanum fuisse ipse prodit cap. 9. v. 9. & alibi. Quin & discipulos à Christo *discipulos* appellari multis in locis memorat; c. 6. v. 30. & cap. 8. 28. ut & *Petrum*, cap. 14. v. 31. Johannem etiam Baptistam interrogantem introducit num *Jesus* esset *Messias*, cap. 11. 3. *Petrus*q; timidum narrat mari inambulantem, c. 14. 30. *Jesum* discipulos increpantem tanquam *discipulos*, quoddam tardo essent ingenio, c. 15. 16. item, cap. 16. quoddam rudes tardiq; essent denuò ipsis exprobrantem. *Christum* porro narrat *Petro* dixisse, *Abi pone me, Satana*, v. 23. Discipulos non potuisse ejicere dæmonium, c. 17. 16. nec habuisse fidem ut granum sinapis, *ibid.* Eos prohibuisse Infantes ne venirent ad Christum, eoque nomine ab eo fuisse reprehensos, c. 19. v. 13. Nescire quid petant, cap. 20. v. 22. Omnes discipulos relicto *Jesu* fugisse, quamvis promississent se eum nunquam relicturos, etiamsi ipsis moriendum esset, c. 26. v. 35. *Petrum* verò postea non solum Christum abnegasse, verum etiam cum juramento dirisq; affirmasse se non novisse hominem, v. 74. Quosdamq; de discipulis de *Jesu* resuscitato dubitasse, cap. 24. 17. Hæc *Matthæus* aliq; id genus plura.

5. *Marcus* autem memorat discipulorum cor fuisse obduratum, *discipulos*, cap. 6. v. 52. Et rursus *Jesum* discipulis suis exprobrasse quoddam non intelligerent nec considerarent & adhuc haberent obduratum suum cor, cap. 8. v. 17. Quoddam habentes oculos non viderent, & aures habentes non audirent neq; meminissent, v. 18. Disputasse inter se quidnam sit ex mortuis resurgere, c. 9. 10. Contendisseq; in via quidnam

nam eorum reliquis major esset, v. 34. Non credidisse istis qui *Jesum* resuscitatum viderant, idq; à *Jesu* ipsis fuisse exprobratum, cap. 16. v. 11, 13, 14.

— 6. *Lucas* verò narrat *Mariam* (quanquam olim ab Angelo salutata eaq; de re monitam) miratam fuisse super verbis *Simeonis*, cap. 2. v. 33. Et nec *Josephum* nec *Mariam* intellexisse cùm *Jesus* duodecennis eis dixisset sibi agenda esse *Patris sui negotia*, v. 50. *Petrum* autem in monte existentem nescivisse quid dicebat, c. 9. v. 33. Et postea discipulos ignorasse cujus essent spiritus, v. 55.

Johannes etiam scribit *Johannem Baptistam* dixisse se non esse *Eliam*, c. 1. v. 21. cùm tamen *Christus* eum esse noverit, *Matth.* 17. v. 12.

Et *Lucas* rursus in *Actis Apostolorum*, *Barnabam* narrat & *Paulum* exorto inter ipsos *μαρτυρῶν* ab invicem secessisse, c. 15. v. 39. Item *Paulum* aliòsq; cum ipso impeditos fuisse à Spiritu sancto loqui in *Asia*, c. 16. v. 6. Quosdam verò discipulos nè audivisse quidem Spiritum sanctum esse, c. 19. v. 2. Et *Paulum* deniq; postquam increpitus esset, quòd convitiatus fuisset Pontifici maximo, dixisse, *Nesciebam, fratres, quòd is esset summus Sacerdos*, c. 23. 4, 5.

7. Quis voluntarius *Historia Evangelicæ* ex proprio cerebro fictor & concinnator, istiusmodi res de summi Prophetæ veriq; *Messia* discipulis principalibus commemorare voluisset, ac non omittere potius, atq; si quid hujusmodi fando accepisset silentio suppressere? Unde videmus quantà fide ac simplicitate *Historia Evangelicæ* sit conscripta.

8. Quam fidem ac simplicitatem majorem in modum mihi illustrare videntur quædam in illa *Historia* occurrentia, quæ primo quidem aspectu aliquam absurdi falsive speciem præ se ferunt; à quo maximopere sibi caveret quivis hujusmodi rerum scriptor fabulosus & simulatitius, sed semper intra τὸ πιθανόν diligenter & custoditè se contineret. Hujusmodi non pauca huc congeri possent, modò paululùm liceret digredi. Sed nonnulla utcunq; in medium proferre non gravabimur.

Qualia sunt ista apud *Matthæum*; Dixisse *Jesum* *Jairi* filiam non esse mortuam sed dormire, c. 9. v. 24. Granum sinapis minium omnium seminum esse, c. 13. v. 32. *Judeis* signum non datum iri nisi signum *Jonæ*, c. 12. 39. Discipulis modò habeant fidem ut granum Sinapis nihil fore impossibile, c. 17. 20. Si vel duo *Jesu* discipuli in petendo consenserint, omnia ipsis datum iri, c. 18. v. 19. Nullum bonum esse nisi unum Deum, c. 19. v. 17. Facilius esse ut Camelus transeat per foramen acis quàm ut dives ingrediat in regnum cœlorum, v. 24. Qui *Jesu* causâ omnia reliquerit centupla recepturum esse (in hac vita, *Luc.* 18. 30.) ibid. v. 29. Discipulos quæcunq; oratione petant credentes, ea esse accepturos, c. 21. 22. *Jesum* fructum vitis quem bibebat cum discipulis, novum cum ipsis bibiturum esse in Regno Patris, c. 26. v. 29. Omnes qui gladium sumunt gladio perituros esse, v. 51. *Judeos* illius ætatis & ipsi visuros esse *Jesum* sedentem ad dextram Potestatis, & venientem in nubibus cœli, v. 64. *Jeremias* citatus pro *Zacharia*, c. 27. v. 9. Ambos latrones Christo convitiatos esse, v. 44.

Apud *Marcum*; *Jesum* curato surdo mandasse præsentibus nè cui id dicerent, c. 7. v. 36. Juvenem quendam anonymum nudum aufugisse, qui *Jesum* in Passione secutus est, c. 14. v. 52. Qui Dei fidem habet, montem verbo posse transferre in mare, c. 11. v. 22. Et qui non disceptarit in corde suo sed crediderit quæ dixerit fore, ipsi futurum esse quicquid dixerit, ibid. v. 23. Horâ sextâ in Passione Christi extitisse per universam terram tenebras usq; ad horâ nonam, c. 15. v. 33.

Apud *Lucam*; Deum daturum esse *Jesu* Thronum Patris sui Davidis, eumq; regnaturum esse super domum *Jacob* in æternum, c. 1. v. 32, 33. Omnem mundanam felicitatem, pacem ac securitatem, Abramidis de nato *Johanne* promittit Pater *Zacharias*, v. 68, 69. &c. *Πάσα ἡ ἐκκλῆσια* tunc temporis descriptam fuisse, c. 2. v. 1. Gaudium nunciatum omni populo *Judaico* ob *Jesu* nativitatem, v. 10. Eum esse populi *Israëlitici* gloriam, v. 32. Tunc temporis Redemptionem eluxisse *Hierosolymis*, v. 38. Tempore *Jesu* & deinceps omnem vallem impleri, omnem montem & collem humiliari, distorta recta fieri & loca aspera in levorem reduci, omnemq; carnem videre salutare Dei, c. 3. v. 5, 6. Diabolum *Jesu* ostendisse in excelsa monte omnia Regna τῆς ἐκκλῆσις (& eorum gloriam, *Matth.* 4. 8.) idq; in puncto temporis, cap. 4. v. 5. *Jesum* præcepisse parentibus puellæ resuscitatae nè cui Resuscitationem ejus renunciarent, c. 8. 56. Staturam suam augere uno cubito, *ἐμάχρον*, pro re minima habitum, c. 12. v. 25.

Item in *Actis Apostolorum*; Discipuli *Paulo* dicunt per Spiritum nè ascendat *Hierosolymam*, c. 21. v. 4. & mox *Agabus* Propheta *Paulo* apertè per Spiritum pronunciat ei *Hierosolymam* eundum esse, *Judeisq;* illuc ipsum esse victuros & in manus Gentium

Gentium tradituros, v. 11. Homines qui cum *Paulo* erant in itinere ad *Damascum* non audivisse vocem, lucem autem vidisse, c. 22. v. 9. Et tamen c. 9. v. 7. vocem quidem eos audivisse, vidisse verò neminem.

9. Hæc pauca notasse sufficiat ad ostendendum quàm sine omni furo fallendive studio Historia Evangelica ab his Autoribus scripta sit, neminemque, nisi qui certò scit ea quæ scribit vera esse, ita nempe dicta factave uti narrat, cupitq; se veracem haberi, istiusmodi res Historiæ admiscere velle, quibus fidem suam suspectam reddat; multoq; minùs eos, qui fictam meditantur Historiam, quam tamen tanquam veram credi volunt, unquam audere committere ut cum integrum sit eis quidlibet fingere, ea affingant, quæ primâ fronte conspicuam falsitatem absurditatemve præ se ferre videantur, quo de tota Historia suspicionem moveant. Nihil igitur in causa esse potest cur huiusmodi, specie quidem falsa absurdave, reipsâ tamen vera ac solida in scriptis his Evangelicis occurrant, nisi quòd scriptores aut ipsi certò cognoscerent vera esse, aut vivos adhuc testes appellare possent de ipsorum veritate quando ea scripserunt. Quod de reliquis omnibus intelligendum dico præterquam de *Jeremia* pro *Zacharia* perperam citato. Quod quidem, si quis cum *Augustino* *quædam memoranda* statuatur, nihil incommodi video. Qui fallere student, cautè & circumspèctè se gerere oportet in rebus minoribus ubi falsitas facillè detegi potest. Qui verò sibi conscius est nulli rei se studere nisi veritati, certòq; scit res ipsas quas narraturus est veras esse, haud ita mirum est, si omissiori sit animo in levioribus rerum circumstantiis, adeò ut lapsus firmitudinem hîc pariat rerum narratarum fidei, certumq; sit pignus scriptorem fraudibus & imposturis minimè operam dare, sed de summa rei propriam conscientiam vivòsq; adhuc Testes appellare audere. Tam intimè præsentem scopum attingit hæc, ut fortè videbitur, paulò divaricator Digressio.

10. Redeamus verò jam in viam, propositamq; Methodum paulò strictius prosequamur, eaq; loca notemus quæ, cum tam clarè constet illustrationem gloriæ Christi, tanquam Prophetæ summi veriq; Dei filii carne manifestati, præcipuum Historiæ Evangelicæ finem esse, gloriam tamen illius & exultationem planè diminuire videntur: Cuiusmodi sunt hæc.

Apud *Matthæum*. Omitemus hîc mentionem de *Thamar*, de *Rahab*, de *Ruth*, de uxore *Uriæ*, c. 1. v. 3, 5, 6. & ad ea quæ ad ipsam personam Christi spectant nos propriemus. Dicuntur igitur Diaboli in porcos intrasse Jesu mandante & in aquis perisse, c. 8. v. 32. *Jesus* dicitur miratus esse, v. 10. Scribas quosdam secum cogitasse, quòd blasphemaret, c. 9. v. 3. Publicanum sibi in discipulum dicitur elegisse, v. 9. Phariseorum sententiam fuisse quòd per Principem Dæmoniorum ejiceret Dæmonia, v. 34. & c. 12. 24. *Johannem Baptistam* dubitasse an *Jesus* esset *Messias*, c. 11. v. 3. Venisse eum edentem & bibentem, dictumq; fuisse hominem voracem, vinosum, publicanorum & improborum amicum, v. 19. Civitates pœnitentiam non egisse ad *Jesu* prædicationem & miracula, v. 20. Vocatur filius fabri, c. 13. v. 55. *Jesum* Gentiles vocasse *Judea*, c. 15. 26. Abiisse, cum ab eo signum de cœlo peterent *Pharisei* & *Sadducei*, c. 16. 4. Reprehendisse eum qui bonum ipsum vocabat doctorem, c. 19. v. 17. Fatetur suum non esse dare ut quis sedeat ad dextram vel sinistram ejus, c. 20. v. 23. *Jesum* sumptis secum *Petro* & *Zebedæi* filiis cepisse contristari & *admoneri*, c. 26. 37. Istisq; Discipulis dixisse, *Anima mea undiquaq; tristis est usq; ad mortem. Manete hîc & vigilate mecum*, v. 38. Dixisse porro, *si possibile sit, transseat à me calix hic; veruntamen non sicuti ego volo sed sicut tu*, v. 39. Magnâ deniq; voce in cruce exclamasse, *Deus mi, Deus mi, quare me dereliquisti?* c. 27. v. 46.

Apud *Marcum*. *Jesum* iudicis permisisse Dæmoniis ut porcos invaderent qui ad duo erant millia, c. 5. v. 13. *Jesum* interrogasse quis eum tetigerit, & circumspexisse ut videret qui eum tetigit, v. 30, 31. Dicitur Faber, c. 6. 3. Nullumq; miraculum *Nazarethæ*, propter ipsorum incredulitatem, nisi quòd paucos infirmos sanaverit, facere potuisse, v. 5. *Jesum* misisse digitos suos in aures surdi difficulter loquentis, & sponentem tetigisse linguam ejus, suspicientemq; in cælum ingemuisse, & postea dixisse, *Aperitor*, c. 7. v. 33, 34. Suspirasse rursus cum *Pharisei* signum è cœlo peterent, iterumq; transfretasse, c. 8. 12, 13. Curaturum cæcum, manu eum prehensum eduxisse vico, in ejus oculos conspuisse, eiq; manus imposuisse, & eum interrogasse ecquid videret, cumq; respondisset se homines ut arbores videre ambulantes, rursus ejus oculis manus imposuisse, tandemq; effecisse ut clarè distincteq; videret, v. 24, 25. Item discipulos increpasse nè cui dicerent se esse Christum, v. 30. Interrogasse patrem pueri obsessi quantum sit temporis ex quo hoc ei fuit, c. 9. v. 21. Ficui maledixisse ita ut arefceret quòd nihil præter folia in ea invenisset, cum tamen necdum esset tempus ficuum, c. 11. v. 13, 14. Diem novissimum ipsummet *Jesum* ignorasse, c. 13. v. 32.

12. Apud

12. Apud *Lucam*. Multas mulieres *Jesum* fuisse secutas, eiq; de bonis suis ministrasse, c. 8. v. 3. *Mosem* & *Eliam* dixisse *Jesu* exitum quem habiturus esset *Hierosolymis*, c. 9. v. 30, 31. In Parabola Lazari *Moses* & *Propheta* nominantur Christo omisso, quasi ipse major non esset *Mose* & *Prophetis*, c. 16. v. 29. Angelus *Jesum* confortat, c. 22. v. 43. *Cleopham* aliósq; sperasse *Jesum* cum fuisse qui *Israëlitas* liberaturus esset, c. 24. v. 21.

Apud *Johannem*. *Jesum* matri suæ dixisse *et ipse est qui vivit*, c. 2. v. 4. Noluisset *Jesum* in *Judea* versari quia *Judei* eum studebant trucidare, c. 7. v. 1. Eum interrogasse de *Lazaro* sepulto, ubinam posuistis eum? c. 11. v. 34. Infidiis ipsi structis à *Judeis* noluisset amplius in propatulo versari, sed in locum desertum secessisse, v. 53, 54. *Jesum* dixisse, Nunc turbata est anima mea, & quidnam dicam! Pater serva me ex hac hora, c. 12. v. 27. Post datam à Christo *Jude* offam Satanam eum ingressum esse, Christumq; dixisse, *Quod facis citò fac*, c. 13. v. 27.

13. Hæc ferè loca sunt quæ in chartulis illis *Borelianis* producuntur tanquam ad imminutionem tendentia gloriæ & existimationis *Jesu Nazareni*, quem tamen summè honorare & hominibus commendare Scriptores hi *Evangelici* pro præcipuo suo scopo habuerunt. Et certè hoc saltem planissimè arguunt Historiam Evangelicam summa cum fide & simplicitate scriptam esse, ità ut res gestæ sunt, non autem pro libitu ex cujusvis cerebro esse confictam. Quàm enim aliena hæc sint ab omni humano artificio & dolo palàm est, nihilq; præter veritatem ipsam sibi certò cognitam ab his Scriptoribus extorquere potuisse ut hæc quæ principali suo scopo tam apertè adversari videantur, uspiam admiscerent. Certò cognitam verò veritatem habere non poterunt per traditionem, præsertim post trecentos circiter annos, quo tempore, si unquam, tutum & opportunum erat hujusmodi Historias, Traditionum prætextu, concinnare. Nam detrivisset proculdubio ætas omnia quæ principali scopo minùs consentanea viderentur: ut præteream prorsus incredibile esse tam varios Christi sermones eósq; aliquando bene longos orali traditione transmitti posse, rerumve tam variarum, tam minutarum, tamq; primà quidem specie inter se dissonarum, nisi statim atq; gestæ sunt, libris mandentur, memoriam posse conservari. Ex quibus meritò rursus proclive est concludere omninò fieri non posse quin Historia Evangelica, qualem extare videmus, statim à rebus gestis fuerit conscripta. Quod & ultimà hæc ratione firmitus adhuc evincemus.

CAP. XIII.

1. *Argumentum ultimum, Multas utiq; occurrere in Evangeliiis Actisq; Apostolorum Prædictiones, quæ nisi dictorum librorum Scriptores ætate Christi vixissent, nunquam fuissent scriptæ.* 2. *Veluti apud Matthæum; 3. Apud Marcum; 4. Apud Lucam; 5. Apud Johannem; 6. In Actis Apostolorum.* 7. *De scriptore Evangelii secundum Lucam & Actorum Apostolorum peculiare quippiam.* 8. *Eximia hujus ultimi argumenti vis quæ nullis objectionibus eludi potest.* 9. *Res gestas Christi maturè scriptas esse ex Apocalypseos scriptione argumentum.* 10. *Nostræ methodi & Borelianæ felix conjunctio ac conspiratio.*

1. **U**ltimi verò illius Argumenti vis breviter hæc est; Quòd utiq; si falsum sit Scriptores horum quinq; librorum (*Evangelia* secundum *Matthæum* intelligo, secundum *Marcum*, *Lucam* & *Johannem*, *Actisq; Apostolorum*) *Jesu Nazareni* ætate vixisse, sed centenis aliquot annis post (circa ea putà tempora quibus Imperium *Romanum* Christianitatem accepisset, Canónq; librorum sacrorum esset constituendus, cum id seculum videatur huic rei maximè opportunum) nunquam profectò commississent ut aut sic scriberent, aut talia, quæ simul atq; scripta prodirent, manifestò falsa viderentur, hoc est, maximoperè cavissent nè istiusmodi narrarent aut *Jesu Nazareni* aut *Apostolorum prædictiones*, quibus Eventuum discrepantiæ planè jam viderentur omnem abrogasse fidem. Istiusmodi autem Prædictiones in singulis illis libris occurrunt, saltem cum illis serioribus temporibus, quibus libri sic scripti supponuntur, comparatæ; Quædam verò nec illà quidem indigent comparatione.

2. Apud *Matthæum*; Cum autem vos insecrabuntur in aliqua urbe, fugite in aliam. Amen dico vobis, non vos antè perlustraveritis urbes *Israëliticas* quam veniat filius

humilis, c. 10. v. 23. Cum tam obviam sit adventum filii hominis intelligere de novissimo Die Judicij, quis fallax & suppositivus Scriptor unquam ausurus fuisset sic scribere trecentos putà annos post Apostolorum tempora, cum tam certo constaret Apostolos Civitates *Israëliticas* jam perlustrasse, nec tamen filium hominis eo sensu advenisse?

Rursus cap. 24. v. 29. *Protinus autem post illius temporis calamitatem sol obscurabitur, neq; luna suum splendorem emittet, & stella de caelo cadent, &c. Amen dico vobis, non prius hanc ætatem præterituram esse, quam fiant hæc omnia. Cælum & terra præteribunt, verba autem mea non præteribunt*, v. 34, 35.

Quis fraudulentus scriptor ac falsarius animum unquam inducere potuisset ut sic scriberet trecentis putà annis post ætatem *Jesu Nazareni*, aut vel paulò post *Excidium Hierosolymitanum*, aut qui potuisset stylum sic constituere ut proclive faceret omnibus existimare omnia illa evenire debuisse (obscuracionem scilicet Solis atq; Lunæ, Stellarum casus, clangores tubarum Angelicarum, Adventum filii hominis in nubibus cœli, &c.) intra eam ipsam ætatem quâ *Jesus* vaticinabatur? A nullo igitur falsario hæc scripta sunt, sed ab aliquo Apostolo qui hæc ab ipsius Christi ore audierit, & sic ut audiverat scriptis mandavit, certò sciens ea à Christo dicta esse, recteq; intellecta non posse non esse vera.

3. Apud *Marcum*; Et docebat *Jesus* dicens illis, *Nonne scriptum est, Domus mea domus precationis vocabitur omnibus Gentibus?* c. 11. v. 17. Quibus verbis proculdubio etiam tunc aliquid Prophetici subesse innuit Christus opportuno tempore implendum. Quis verò scriptor mendax & fraudulentus post excisum Templum ex proprio cerebro hujusmodi sermonem Christo assignare voluisset, multoq; adhuc minus aliquot centenis annis post?

Item c. 16. v. 13. *Et dixit Jesus Apostolis, Ite in mundum universum & predicate Evangelium omni creaturæ. Qui crediderit & baptizatus fuerit, salvus erit; qui vero non crediderit, condemnabitur. Porro signa eos qui crediderint hæc subsequantur; Per nomen meum Dæmonia ejicient, linguis loquentur novis, serpentes tollent, & si quid lethale biberint non nocebit illis, super ægrotos manus imponent & bene habebunt. Nemo falsarius hæc ausus fuisset scribere de signis eos qui crediderint subsequantibus postquam ejusmodi miracula defuissent, quoniam Eventum ipsius repressurum fuisset audaciam, metuissetq; nè statim manifestus deprehensus esset mendacii. Unde palàm est scriptorem hunc scripsisse quando istiusmodi miracula in Ecclesia vigeant, hoc est, ipsâ ætate *Jesu Nazareni* & *Apostolorum*.*

4. Apud *Lucam*, c. 1. v. 67. *Zacharias autem Pater Johannis Baptistæ sancto Spiritu plenus vaticinatus est his verbis. Laudandus Dominus Deus Israël, qui visitavit & fecit Redemptionem populo suo. Et erexit cornu salutis nobis in Domo David pueri sui. Sicut locutus est per os sanctorum, qui à seculo fuerunt, Prophetarum suorum. Fore ut servatamur ab inimicis nostris & de manu omnium qui oderunt nos. Ut uteretur misericordiâ erga Patres nostros, ac memor esset sancti sui fœderis, præstaretq; iuramentum quod juravit ad Abraham patrem nostrum, ac daret ut sine timore de manu Inimicorum nostrorum liberati serviremus ipsi cum sanctitate & justitiâ ceteram ipso cunctis diebus vitæ nostræ. Proculdubio hoc Zachariæ vaticinium primâ specie secularem felicitatem promittit *Judæis* & securitatem ab inimicis, quasi *Jesus* is futurus esset qui à mundana servitute liberaturus esset *Israëlem*, quemadmodum & *Cleophas* aliq; putaverunt, Luc. 24. 31. Equis igitur scriptor mendax & suppositivus post *Hierosolyma* excidium *Judæorumq;* dispersionem in omnes Gentes, tam stolidus futurus fuisset, cum quodlibet fingere ipsi integrum esset, ut istiusmodi vaticinium ori *Zachariæ* inderet, quando res planè contrà acciderant atq; illud videretur præfinire? Vaticinium verò stylo mystico & Prophetico rectè intellectum verissimum est, qui sensus à Spiritu sancto intendebatur, quicquid *Zacharias* ex privata mentis motu intellexerit.*

Rursus, c. 2. v. 10. *Et dixit Pastoribus Angelus, Nè timeatis. Ecce enim annuncio vobis gaudium magnum quod futurum est omni populo. Quia natus est vobis hodie servator, qui est Christus Dominus, in Civitate David. Et vers. 32. Jesus vocatur gloria populi *Israëlitici*. Quæ quidem verba sensu obvio magisq; literaliter videntur ingens aliquod bonum promittere universo populo *Judaico*, quasi *Jesus* istiusmodi *Christus Dominus* sive *Messias* futurus fuisset qui & gloria & columen totius populi *Israëlitici* esset, cum tamen longè maximæ *Judæorum* parti summæ ignominia summisq; infortunii facta sit occasio; cum & *Excidium* urbis, omnesq; quæ illud aut comitata sunt aut subsecuta miseriæ, turpissimo illo *Messia* sui parricidio impu-
tentur. Unde manifestum est neminem falsarium post excidium *Hierosolyma* *Judæosq;* dispersos*

disperfos istiusmodi alloquium Angeli ad pastores fingere voluisse, ac proinde scriptorem hujus Evangelii ante Excidium Hierosolymitanum vixisse, non aliquot centenis annis post.

5. Apud Johannem; In novissimo autem Die magni festi stabat Jesus & clamabat dicens, Si quis sitit, veniat ad me & bibat. Qui credit in me, sicut dicit Scriptura, ejus ex ventre fluent perennis aquae flumina. Id autem dicebat de Spiritu quem accepturi erant qui in eum crederent. Nondum enim erat Spiritus sanctus, utpote cum Jesus nondum esset glorificatus. Spiritus autem ille potissimum hic intelligitur per quem, post ascensionem Christi, credentes in eum varia miracula edebant, c. 7. v. 37.

Est autem & alius locus adhuc luculentior, c. 14. v. 12. Amen Amen dico vobis, qui credit in me, opera quae ego facio & ipse faciet, & majora hic faciet, quia ego ad Patrem meum vado. Quis supposititiam de Christo meditans Historiam post trecentos ferè annos quod miracula cessassent, tam dissona admisceret & quotidianae Experientiae repugnantia? Verba igitur illa sunt verba scriptoris, qui & certò Jesum ita dixisse novit, & eà ipsa aetate vixit quā hujusmodi vigeant miracula, praecleara admodum ac manifesta (qualia ipse Christus edidit) eaq; per homines vivos facta non per defunctos Martyres, quae & obscura erant nec huic generi accensenda.

6. In Actis deniq; Apostolorum; His auditis compuncti sunt corde & dixerunt ad Petrum & reliquos Apostolos, Quid faciemus, viri fratres? Petrus ait ad illos, Delictorum poenitentiam agite, & baptizetur unusquisq; vestrum in nomine Jesu Christi in remissionem peccatorum, & accipietis dona Spiritus sancti. Vobis enim facta est repromissio & filiis vestris, & omnibus qui longè sunt, quoscunq; advocaverit dominus noster, c. 2. v. 37, 38, 39. Si scriptor hic centenis aliquot annis post Jesu aetatem vixisset, ac proinde mendax ac fraudulentus esset, nunquam scripisset promissionem doni Spiritus sancti factam esse omnibus qui longè sunt, quandoquidem tunc temporis eventum promissioni non responderet.

Huic tamen confimilis & paulò luculentior locus de donis Spiritus baptismum statim subsequenter occurrit, c. 19. v. 2. ubi Paulus ad discipulos quosdam Ephesinos, An Spiritum sanctum, inquit, adepti estis cum credidistis? Cui illi, Nos verò ne quidem an Spiritus sanctus sit audivimus. Quā igitur ratione baptizati estis? Johannis Baptismate, inquiunt. Et Paulus; Johannes quidem poenitentiae baptismate baptizavit, vulgò monens, ut in venientem post se crederent, hoc est, in Christum Jesum. Hoc audito, illi in Domini Jesu nomen baptizati sunt. Cumq; manus Paulus eis imposuisset, venit super eos sanctus Spiritus, linguisq; loquebantur & vaticinabantur. Erant autem in summa viri circiter duodecim. Videmus hic iterum planè asseri, quòd proprius quidam ac peculiaris effectus sit baptismationis in nomen Jesu, ut mirifica dona sancti Spiritus in baptizato statim se prodant. Quamobrem nemo falsarius fictitiam Historiam concinnans post horum donorum cessationem, multoq; minùs post aliquot centenos annos quàm cessassent, hujusmodi narrationes libro suo insereret, cum praesens experientia fidem dictis sit abrogatura. Ac proinde manifestum indicium est hæc Acta Apostolorum ab aliquo scripta esse qui, cum eà aetate vixerit quā hæc dona Spiritus vigeant, certò novit ea baptismum comitari.

7. Quibus omnibus addas, cum Actarum Apostolorum & Evangelii secundum Lucam idem sit scriptor, cumq; utriusq; scopus sit perfectissimam pietatem ac probitatem omnemq; honestatem ac simplicitatem veritatemve in dictis factisq; hominibus commendare, incredibile prorsus esse scriptorem tam pium ac serium, ut videatur, tam operosi totiesq; repetiti mendacii sibi velle esse conscium, quòd centies ferè in hoc libro Actarum subindicaverit se Pauli Apostoli fuisse in suis itineribus Comitem. Libros fingere aliorum nomine non est adedò insolens. Suam verò personam Historiae supposititiae intexere, omni credo carere exemplo. Id verò obiter dictum esto. Ad rem redeo.

8. Eximium profectò postremum hoc argumenti genus est, quo & veritas & antiquitas suprà dictorum quinq; librorum demonstrantur. Ex eo utiq; quòd talia in singulis reperiantur quæ, fieri non potest, quin falsarius quivis metueret ne omnem sibi abrogarent fidem. Nec ulla vim evadendi hujus argumenti suppetit ratio. Si quis enim objiciat eos simulare hac in re potuisse ac si sinceri essent, ut fides per hoc ipsis haberetur in re multò majoris momenti, nempe ut hoc pacto hominibus persuadere possent se aetate Jesu Nazareni vixisse & scripsisse, quo prae-dictiones & miracula quæ narrant, posteris probari posse sperarent, in promptu responsum est: Nam præterquam quòd impossibile sit, ista simulatione persuadere hominibus fictitiis suos libros tam maturè scriptos fuisse, & per aliquot centenos annos, aut per longum

saltem tempus latuisse, cum tam ingens tamen Ecclesie futura fuisset videretur ipsorum utilitas si statim atque scripti essent, innotuissent: Præterquam, inquam, quod hæc Impossibilitas eis non potuerit non esse cognita, ut quæ tam crassa est & conspicua; nec ipsi quidem præterea abstinere se valuissent, quin metuerent, si supra commemoratas Christi prædictiones apud *Matthæum*, *Marcum* & *Johannem*, *Vaticinium*que *Zacharie* ita scripserint quemadmodum eas jam scriptas videmus, ne omnem istoc pacto auctoritatem Christo adempturi essent adeoque; scripta sua prorsus inutilia reddituri, omnemque fidem & reliquis vaticiniis ac miraculis per ipsos narratis omnino abrogaturi: Et si cui vaticinio eventum respondeat, effecturi, ut casui potius imputetur quam spiritui prophetico. Manifestum est, inquam, cum ipsum finem simulationis suæ hæc scribendi ratione se frustraturos esse tam necessario præviderent, scriptionem horum librorum ab hujusmodi Falsariis non fuisse factam, sed à quibusdam qui ætate *Jesu Nazareni* vixerunt, certoque noverunt quæ scripserint, vera esse, sic utique *Jesum* sic *Zachariam* locutum esse, de eventu aut interpretatione nihil solliciti. Ita verò simulare ut simulandi finem perdas, stultissimum est, nec nisi apud stultissimos possibile.

9. Quod autem ad Christi vaticinia attinet, Matth. 24. commemorata, minime mirandum est Oracula illis tam confuse & acervatim effundi, tamque obscuris temporum distinctionibus, cum ille Spiritus per quem Christus locutus est, illius confusio- nis usum noverit, sciretque se idoneo tempore omnia Fata & Ecclesie & Mundi pariter, quatenus pertineant ad Ecclesiam, per distinctas series esse deducturum. Quod in libro *Apocalypseo* eum præstitisse manifestum est. Qui Liber tam divino Artificio conscriptus est, & tam multis & insignibus Eventis comprobatus & confirmatus, ut summæ profecto vecordie foret, eum ullius Falsarii opus esse posse suspicari. Spiritum autem sanctum res omnes Ecclesie à Temporibus Christi ad finem mundi prophetice præfigurandas curare voluisse, nec tamen res Christi & Apostolorum eâ ætate gestas literis maturè mandandas, perquam ridiculum est opinari.

10. Quin & id factum esse nos duplici ratione, & illâ nostrâ magis exoticâ & hæc *Borelianâ* ex ipsis scriptorum Evangelicorum visceribus eruta, firmissimè demonstravimus. Ego enim per *exteriorem* meam illam Methodum evidentia irrefragabili evici, fieri non posse quin vita *Jesu Nazareni* maturè, etiam intra ætatem quâ vixit, ab aliquibus fide dignis Autoribus sit conscripta, aut ab oculatis utique rerum gestarum Testibus aut ab eis qui res gestas ab eisdem accepissent, ac proinde hujusmodi fuisse quatuor vulgò notos *Evangelistas*. Jam verò ad majorem conclusionis nostræ confirmationem, per magis *intrinsecam* hanc *Borelii* methodum porro superadditur, *Quatuor illa Evangelia*, ut & *Acta Apostolorum*, libros esse sic scriptos ut factis manifesta in ipsismet appareant Indicia eos aliâ ætate scribi non potuisse quam quâ vixit *Jesus Nazarens*; nec possibile esse ut sint supposititii, sed à talibus Autoribus quales præ se ferunt, bonâ fide exarati.

Unde summa rei huc assurgit; Manifestò scilicet constare aliquos libros de vita Christi rebusque gestis Apostolorum, etiam ipsorum ætate scriptos fuisse, eosque quinq; quos Ecclesia recepit ut canonicos, eos insitos habere characteres ut planè de se fidem faciant eos alio tempore scribi non potuisse. Aded ut non *Scepticum* solummodò sed & stupidum esse oporteat qui de re tam certa dubitare possit.

C A P. XIV.

1. *Alia argumenta, Quòd vita Christi scripta esset ab Apostolis vel discipulis*, ex Grotio. 2. *Responsum ad ineptam suppositionem quòd hæc monumenta ab Apostolis exarata omnia sint combusta.* 3. *Exemplaria non fuisse corrupta nec per incuriam nec per fraudem.*

1. **A** Tque duplex hæc quidem demonstrandi Methodus abunde potest sufficere ad probandam Historiam vitæ Christi tam maturè scriptam esse quam ego affirmo, idque ab aliquibus è suis Apostolis ipsive qui ipsis erant coætanei, speciatim, à *Matthæo*, *Marco*, *Luca*, & *Johanne*, quemadmodum & singulorum Evangeliorum Tituli indicant. Verùm eorum argumentorum mentionem non præteribimus quibus *Grotius* hoc in loco utitur; Quòd scilicet hæc Evangelia sub his ipsis nominibus citantur

citantur à *Iustino, Irenæo & Clemente* primis Ecclesiæ patribus. Quòd *Tertullianus* affirmat quorundam ipsorum autographa etiam suo tempore extitisse, quanquam centum ducentisve annis postquam erant scripta. Quòd universæ Ecclesiæ ea pro Authenticis habebant antequam ulla convocata essent super ea re Concilia. Quòd nec *Judei* nec *Pagani* hoc unquam vocabat in controversiam. Quòd *Julianus* quanquam Christianitati inimicus, expressè confessus est hæc scripta quæ veniunt sub nominibus *Petri, Pauli, Matthæi, Marci, Lucæ* reverà eorum esse scripta. Et deniq; quòd æquè ineptum est atq; absolum de hoc dubitare, quàm in quæstione habere, utrum illa Poëmata quæ sub *Homeri & Virgilii* nominibus veniunt, sint reverà ipsorum Poëmata necne. Quæ profectò argumenta non possunt non habere debitum suum pondus apud eos quæ non sint prænimis pervicaces. Cæterum credo me conclusionis veritatem satis antè evicisse.

2. Contra quam non video quid vel perversissimum Ingenium excogitare possit aut objicere, nisi fortè dicturus sit quòd prima monimenta ab Evangelistis exarata omniàq; exemplaria ab ipsis fideliter desumpta combusta essent, quòdq; hæc quæ nunc dierum habemus non fiat nisi quadam Ecclesiæ Post-figmenta, scriptaq; ab ipsa ementita & supposititia. Quæ æquè temeraria & stolidi est Allegatio, atq; si quis filius, cui bonorum pars in Paterno Testamento assignatorum minùs placeat, quanquam Testamentum authenticum apparet ut quod maximè, prætenderet tamen verum Testamentum concrematum esse novumq; hoc in ipsius damnum, suppositum, cum nè minimum quidem apicem hujus accusationis probare possit. Immo verò aum dicere quòd illa Allegatio impendiò sit stolidior quàm hæc. Quandoquidem hoc factu facile sit scriptum aliquod singulare comburere novumq; postea ejus loco supponere. Verum impossibile omnino erat inimicis Ecclesiæ prima illa vera Evangelii exemplaria, ut quæ procudubio in custodia erant multorum millenorum hominum in diversis terræ partibus, unquam suppressere aut disperdere. Nam scripta cum essent mole tam exigua & tam immensi momenti, quis, obsecro, Christianus qui vel legere sciret, exemplari carere voluerit? Ut præteream, nulla in Historia esse hujusmodi rei gestæ vestigia. Nec potest profectò ullus Historicus de hoc genus factis testimonium perhibere. Quis enim ipsi præstare poterat, si tentassent comburere, quòd universa essent combusta? Et si aliqua relicta essent, momento rursus multiplicarentur. Et satis certi esse possumus quòd non nisi pauca tradituri essent, cum eam veritatem quam complectebantur, tanto prosequerentur amore, ut eam propriis suis vitis præferrent. Ut omittam ex infinitis horum scriptorum characteribus satis constare eadem planè esse quæ olim ab Apostolis Apostolorumve discipulis sunt exarata.

3. Est igitur absq; omni dubio verum, Exemplaria quæ nunc habemus Evangelistarum, transcripta esse à primis suis Autographis absq; omni interruptione. Solus scrupulus qui jam restat est de tertia ultimq; conclusione, an possint alterari aliquo modo & depravari in tam longa temporis successione, sive id fortuitò fiat sive per pias Ecclesiæ fraudes. Ad quod primum hoc respondeo, Incredibile esse quin Evangelia hoc periculum æquè evaserint, atq; scripta *Platonis, Aristotelis, vel Marci Tullii*, si ejusmodi solummodò alterationes spectemus quæ per incuriam transcribentium proveniant; & nemo tamen dubitat quin scripta eorum plenè nunc ipsorum mentes mundo impertiant, de eis rebus quas declarant, æquè plenè sanè & perfectè, ac ipsi primitùs eas per illa scripta expresserint. Et quantum ad pias Ecclesiæ fraudes, respondeo, Ecclesiam magis simplicem fuisse & sinceram in temporibus Apostolorum & aliquot post seculis; intra quod temporis spacium tot exemplaria Evangelii extiterunt, & per terrarum orbem dispersa sunt, ut ea scripta, etsi maximè id vellent, adulterare tamen non possent. Nam quemadmodum jam dixi, cum scripta ea mole essent tam exigua, & ex consequenti tam facilis eorum transcriptio, fieri non poterat quin exemplaria pro numero ferè Christianorum (eos intelligo qui legere scirent) multiplicarentur, transcriptioq; fieret, cum scriptum tam sacrum esset, summa cum cura & diligentia; nam pro certo Christiani seriò dabant operam Religioni in diebus illis. Præterea, valde consentaneum est ut credamus, quòd specialis Providentia & casum & fraudem coërcere vellet à violandis tam sacris scriptis, in re qualibet quæ ullius futura esset momenti; & si nullius momenti futura sit, ecquid indè fiunt deteriora? Ut præteream quàm naturaliter formido ac reverentia erga tam sacrosancta scripta eos inhibitura essent à miscendo quicquam per fraudem cum ipsis, eave corrumpendo. Ipsumq; Eventum, verum esse hoc præsagium satis præstat. Nam in eis perlegendis planè deprehendimus eam esse concordiam ac consensum unius partis cum altera, eumq; congenerem rerum tenorem, ut certi esse possimus

possimus nihil spurii aut adulterati in Textum unquam fuisse suffarcinatum. Multitudo etiam variarum Lectionum conclusionem nostram ulterius confirmat, quod & argumentum est magnæ illius exemplariorum copię quam dixi. Ut & harum variarum Lectionum collectio testimonium fidelitatis etiam recentiorum horum seculorum Ecclesię, summęq; illius Reuerentię quā tenebantur erga hæc monumenta; ex eo scilicet quod nē varias ipsorum Lectiones interire paterentur, sed ad exercenda prudentiorum peritiorumq; Judicia eas conservarent; Et postremo, ex perleſtis his variis Lectionibus, nihil omnino, per ipsas, veritatis Religionis Christianę deperditum esse (& ex consequenti nullum damnum cuiquam aut detrimentum factum, nisi iis, qui factiones & opiniones magis sapiunt quā realem Evangelicę Pietatis vim ac virtutem) manifesta detectio, hæc etiam eam veritatem confirmat pro qua contendimus; Quod Exemplaria scilicet Evangelii quę quotidie evolvimus, sint incorrupta, quodq; ea proinde quę in ipsis continentur sunt certissimē vera, ut quę scripta erant per calamos eorum qui sufficientem notitiam habuerint earum rerum quas enarrant, cum & earundem oculati essent Testes aut saltem cum eis essent versati qui ipsas viderant, & utriq; tam illibatę fidei & integritatis ut nihil per totum terrarum orbem par reperiri possit aut confimile.

CAP. XV.

1. Plures characteres particulares personæ Messię in Vaticiniis. 2. Ut, quod natus sit in Bethlehem; 3. Idq; à Virgine. 4. Ejus curatio claudorum & cecorum. 5. Manuum ejus ac pedum perfossio.

I. **A**Tq; sic Veritatem Evangelii rerumq; in eo contentarum irrefragabilibus demonstrationibus confirmavimus, & consequenter Religionis Christianę Certitudinem ac Realitatem. Quo jam effecto, paucos aliquos Personæ Messię Characteres tempestivius superaddere possumus, tam sanè particulares atq; expressos ut meritò in admirationem nos rapere possit tam accurata Providentia in prædictionibus ac vaticiniis detegenda. Non multa quidem proferemus exempla, quoniam propositum nostrum jam absolvimus, & qui hujusmodi rerum copiam affectant, alios consulere poterunt qui ipsas uberius ac copiosius tractarunt. Nos ea tantummodò resumemus quorum mentionem suprà fecimus. Quod natus sit in Bethlehem, è stirpe Davidis, idq; è virgine. Quod cæcos videre claudosq; ambulare fecerit. Quod manus pedesq; perfossi sint. Quod super vestem ejus sortem jecerint; quodq; oraverit pro crucifigentibus. Hæc de ipso vera esse Evangelium planè testificatur, & quidem de ipso fuisse prædicta æquè manifestum est ex vaticiniis veteris Testamenti quę hîc recitabimus.

Micha. 5. 2.

2. Et primùm, illud Michę; *Et tu Bethlehem Ephratah parvulus es in millibus Judah, ex te mihi egredietur qui sit dominator in Israël, & egressus ejus ab initio à diebus æternitatis.* Hæc admodum particularis descriptio est Personæ Messię à loco Nativitatis; eratq; hoc confessum Principum Sacerdotum ac Scribarum glossēma super hoc Textu, quemadmodum apparet, Matth. 2. v. 4, 5. Ad quod Episcopus adjicit *Chaldaei Paraphrasē* & R. *Salomonis Jarchi* suffragium. Verùm id quod hanc prædictionem divinamq; Providentiam adhuc admirabiliorem facit, sunt impletionis circumstantiæ. Quippe quod Bethlehem non erat oppidum ubi habitabant Josephus & Mariā, nec eo tempore illuc suā sponte ibant, nec sanè ex occasione ordinaria; sed Augustus (& certè non nisi aliquo speciali divinitus instinctu) decretum fecerat ut totus orbis, hoc est, omnes sub imperio Romano, describerentur, h. e. ut eorum nomina in tabulas publicas conscriberentur. Quocirca omnes ibant ut describerentur, in suam quisq; urbem; unde factum est ut Josephus etiam à Galileā iret ex Civitate Nazareth in Judæam, ad Civitatem Davidis, quę vocatur Bethlehem, quoniam erat è domo & prosapia Davidis, ut describeretur cum Mariā desponsa sibi uxore, quę tunc prægnans erat. Unde, quemadmodum inferre vult Grotius, evidens est Mariam è familia Davidis fuisse, æquè ac Josephum, alioqui ad suę stirpis vel familię Civitatem proficisci debuisset, & non ad Bethlehem. Verùm miranda Providentię manus quam hac in re omnes suspiciunt hæc est; Quod utiq; ex hoc facto aded toti mundo manifestum esset, Christum oriundum esse è stirpe Davidis, natumque,

natūque juxta vaticinium, in *Bethlehem*. Quod si verum non fuisset, *Judei* facile illud potuissent refutare. Ceterum Christiani parati erant probare quod assererant, provocando ad memorias publicas in Romanis Archivis custoditas, quæ videndæ erant, ut *Justinus*, *Tertullianus* & *Chrysostomus* affirmant, suis etiam secularibus. Quod uno quidem statu omnes istos ineptos & fabulosos *Judeorum* Parachronismos de tempore *Jesu* diffiat atq; dissipat.

3. Proximus Character illius personæ est, quod debebat nasci à *Virgine*. Quemadmodum factum esse affirmant Evangelistæ, duôq; vaticinia ita fore prædixerunt. Quorum primum est *Genes. 3.* ex ipsius Dei ore prolatum. *Semen scilicet femine contritum esse caput Serpentis.* Quod semen proculdubio Christus erat, qui propriè appellari non poterat semen mulieris magis quàm semen viri, nisi quod præfiguratio esset, Christum à virgine, sine viri ope, nasci oportere.

Alterum vaticinium occurrit *Esai. c. 7. v. 14.* *Propter hoc dabit Dominus ipse vobis signum, Ecce virgo concipiet & pariet filium, & vocabitur nomen ejus Immanuel.*

Hoc vaticinium, fateor, exponi potest, & summa quidem cum facilitate & perspicuitate, de certa aliqua puella, virgine putà, quam ipse Propheta *Esaias* ducturus esset in uxorem eo tempore quo *Achazo* Regi is vaticinium pronunciabat. Cujus primus sensus hic solummodò est, Quod intra illud temporis spaciū quo hæc virgo nuberet, pareret & infantem educaret, hoc est, intra tempus ejus infantie, *Syrorum* & *Israhelitarum* copie *Judeam* relicturæ essent re infecta, nec tamen foret interea loci ea rerum penuria quam *Achazus* metuebat, quod insinuat ista Locutione, *Butyrum & mel comedet, &c.* Nomen etiam infantis vocabatur *Emanuel*, *Deus nobiscum*, quippe qui adhibebatur ut signum specialis Assistentiæ ac Providentiæ divinæ super *Achazum* & Regnum suum.

Præterea, affirmare equidem non possum antiquorum quenkum aut recentiorum *Judeorum* hoc vaticinium unquam interpretatum esse de *Messia*. Cujus tamen rei nullum majus consequetur incommodum quàm hoc, Quod utique, cum primus illius sensus tam facilis sit & obviū & ipso Evento comprobatus, cumq; nulli è *Judeis* unquam ausi sint illud *Messia* applicare, nihil præter certam notitiam quam Evangelistæ habebat Christum sic reverà natum fuisse, efficere potuit ut ipse illud huic natiuitatis circumstantiæ applicaret. Hoc verò pro certo cognito, ut & illo magis reconditæ disciplinæ Principio, apud *Judeos*, de ipsorum משיח & de sublimiori pleniori; sensu Historicis Propheticiq; Testamenti veteris locis adjudicando (quandoquidem omnia ipsis contigerunt in Typis) impossibile planè erat quin hæc interpretatio hujus vaticinii daretur, cum perfectius magisq; propriè ad Christum pertineret quàm ad *Esaiæ* filium; cujus mater virgo solummodò erat antequam illius mater facta esset: verum *Mariæ* mater *Christi* virgo erat & antè & post: & verò Propheta filius, nominalis tantum *Emanuel* erat, Christus reverà *Nobiscum Deus*, utpote in quo plenitudo Deitatis habitabat corporaliter. Et postremò, ex eo quod Propheta jubeat *Achazum* signum petere à Deo sive in profundo sive in cælo desuper, manifestum est quod per signum intelligitur signum aliquod prodigiosum & præter assuetam Naturæ legem. Ac proinde quando Propheta dicit, *Deus ipse dabit signum, Ecce virgo concipiet & pariet filium, &c.* manifestum est quod hoc signum debet esse prodigiosum sive præternaturale. Quod nunquam plenè ac propriè impletum erat antequam verus *Emanuel* natus esset ex semper-beata matre virgine *Maria*. Nam Liberatio *Judeæ* à duobus illis Regibus intra spaciū Infantie pueri, signum non erat sed res ipsa significata, Typusq; magnæ Redemptionis per Christum olim perficiendæ. Quod verò *Judei* cavillantur de voce משיח valde frigidum est & frivolū. Qui vel mediocriter linguam *Hebraicam* callent, satis certi sunt משיח propriè significare virginem, talem utiq; quæ virum nunquam sit experta. Quod apparet tum à derivatione vocis, tum à constanti usu ipsius significationis. Quibus potes addere hoc ipso in loco sic etiam reddi ab *Aquila* & *Jonathane*, & à *Septuaginta* interpretibus. Adeo ut hoc vaticinium mihi videatur magis certò ad Christum in suo sensu maxime proprio applicari posse quàm aliud ullum quod è vaticiniis illis, quæ ad quenkum alium præterquam ad ipsum solum referri possent, unquam ab ipsis *Judeis* ad *Messiam* solum hætenus fuit applicatum.

4. Illud de claudis, surdis, & cæcis occurrit, *Esai. cap. 35. v. 5.* *Tunc aperiuntur oculi caecorum, & aures surdorum patebunt: Tunc saliet, sicut cervus, claudus, & contabunt lingue mutarum.* Quæ verba quamvis impletionem metaphoricam habere possint in diebus *Henochiæ*, nulla tamen est controversia quin propria & realis eorum impletio ad *Messiam* referretur, quod aptissime convenit cum illo quod immediatè præcedit, v. 4. *Ecce deus vester veniet, ille veniet & salvabit vos.* Et certè Deus nunquam

nunquam tam propriè dici potest ullo in tempore venisse quàm in persona semper-beati *Servatoris*, qui meritò nuncupatur *Deus benedictus in secula*, Rom. 9. 5.

5. Ultimum exemplum petitur è Psalm. 22. quem antiqui *Rabbini* liberè & apertè fatentur vaticinium esse de *Messia*. In quo particulares quædam Periochæ, res scilicet in ipsis significatæ, quantumlibet expressæ & præcisæ, nemini alii unquam contigerunt, cui illi hunc Psalmum ascribere possint, verùm examussim & ad literam contigerunt ipsi. Quemadmodum id quod legitur v. 18. *Vestimenta mea inter sese partiti, super veste mea sortem jecerunt*. Cui eventum exactè respondet Matth. 27. v. 35. Et rursus vers. 16. *Me circumvallat improborum caterva qui mihi manus ac pedes perfoderunt*. Nescio an possim insuper etiam addere è vers. 14. *Sicut aqua effusus sum*, illudq; comparare cum *Johan. 19. v. 34*. Atq; id ex *Esaia* hîc memorare, dum in *Passione* Christi versamur, & pro fontibus interpellavit, cùmq; illo Luc. 23. 34. similiter conferre, *Pater remitte eis, nesciunt enim quid faciant*. Sed particularis prædictio primæ illius circumstantiæ planè admirabilis videtur, nempe ut ipsum mortis genus modusq; tam accuratè describeretur à Propheta. Illud enim realiter omnino ac literaliter impletum est in illius crucifixione, in qua manus pedesq; malefactorum perfodiebantur clavis, quibus cruci affigerentur. Nec sanè debent lectiones variæ in כָּרִי & כָּרִי prædictionis hujus vim ac perfectionem quoquam modo delumbare. Nam postquam hoc ad rem suam quàm scitissimè possint accommodaverint, cogentur tamen nolentes volentes agnoscere specialem aliquam violentiam ac laniatum in manus pedesq; factum ex ipso sensu Textûs. Quoddè verò ità omnino sit interpretandum quemadmodum vulgò interpretamur, suffragium doctissimorum ex ipsis *Judeis* ut *Jacobi Ben Chaiim*, *Mosis Hadarfan*, & Septuaginta interpretum abunde confirmat. Cui etiam Chaldæi Paraphrastæ expositio, *Aquila* & *Masora* nonnihil contribuant. Quibus addere possumus quoddè כָּרִי solum sine alterius vocabuli adjectione non est sensus integer, quoddq; per scribarum indiligentiam, primò mutatio fieri poterat vocis כָּרִי in כָּרִי quæ utræq; eundem haberent sonum, & deinde כָּרִי in כָּרִי quæ consimili ferè modo scribuntur, cùm nullum fere discrimen sit inter כָּרִי & כָּרִי præter literarum magnitudinem, neq; id sanè multum, unde sæpe admodum confunduntur. Hoc certè verisimilius est quàm ut integrum vocabulum omisissim sit, quod qui כָּרִי legunt supponunt. Illa etiam *Grotii* allegatio contra hanc Lectionem suo non caret pondere, nempe quoddè Leonis similitudo ante tres tantum versus adhibetur, & proinde non verisimile esse, quoddè tam continuò rursus usurpetur, præsertim cùm post quatuor versus iterum illius mentio fiat. Postremò ipsum Eventum huic criticæ controversiæ finem imponere debet apud eos qui nullo laborant præjudicio. Et certè quanquam pervicacium ora obturare non potest, mirabili tamen voluptate exhilarabit piorum hominum corda ac rationi deditorum tam accuratæ Providentiæ, quæ rebus humanis invigilat, contemplatio.

C A P. XVI.

1. *Evangelium Christi, si falsum fuisset aut fabulosum, eum successum Hierosolymis ex prædicatione Apostolorum non fuisse habiturum.* 2. *Præceptorum etiam severitas, aliæq; asperitates subeunda, homines à Christiana Professione avertissent.* 3. *Uti & incredibilitas Resurrectionis Christi, nostræq; Remunerationis in conflagratione mundi.* 4, 5. *Vilitas etiam & contemptibilitas primorum Authorum homines abactura fuisset, nec quenquam habituri fuissent ipsis auscultantem nisi Resurrectio Christi firmiter ab ipsis fuisset probata.* 6. *De qua Apostoli abunde certi esse poterant, cùm facti esset tantum notitia: nec omnino credibile esse eos, nisi de ea certi essent, illam voluisse declarare, propter pericula quæ indè essent subituri.*

1. **P**ossim equidem plura *particularia* memorabilia ex hoc Psalmo aliisq; locis quæ ad accuratiorem Personæ Christi characterem describendum faciunt, notare. Sed Propositi mei limites jam excessi, ut qui me hisce rebus immiscere statui eò tantum usq; quod sufficienter demonstrare possem illius Mysterii *Realitatem* de quo agimus. Quam postquam confirmaverimus unico insuper argumento, Objectioniq; uni & alteri responderimus, imponemus tunc finem huic tertiæ parti nostri *Tra-*
ctatus.

Ultimum igitur argumentum breviter hoc est, Quòd Religio adeò nihil ab hominibus adjuta, immò verò ipsorum tum opinioni naturali tum mundano commodo ità contraria, nunquam ad eum modum se per terrarum orbem disseminare potuit, si falsa fuisset & fabulosa, nec ullo fundamento vero & reali subnixa. Quàm latè autem se propagaverit ex Historia *Evangelii* & *Actuum Apostolorum* apparet, quemadmodum & ex Epistolis *S. Pauli*, etiam tum cùm maximi illius Adversarii, *Judei* scilicet, in procinctu stabant in campo ad obsistendum; Quibus primùm necesse erat ut Evangelium prædicaretur, quique opportunitatem habebant diligenter inquirendi explorandique veritatem Facti, de re qualibet quæ affirmaretur ab Apostolis post *Passionem Christi* tanquam ab ipso facta, ipsive alicunde obveniens, vel à seipsis patrata, postquam recepissent donum Spiritus sancti juxta promissa, & miracula edidissent, quemadmodum & ipse prius fecerat. Multa verò millia Judæorum conversa erant quos impossibile est ut cogitemus, saltem universos (& diligentiores exploratores magisque nasuti ab errore reliquos revocare poterant) tam supinos fuisse ac incuriosos ut omnia minutius & scrupulosius non perscrutarentur in re tanti momenti quanti erat aterna ipsorum salus, & quæ tam præsentaneum damnum ac detrimentum illatura esset quàm erat jactura favoris omnium suorum popularium, ipsosque necessariò ipsorumque proceres reos faceret criminis maximè nefarii quod ab ullis mortalibus committi poterat.

2. Cæterum successus hic non substitit, sed ex Judæa se extendit in omnes Romani Imperii partes, cùm innumerabiles ubique hominum multitudines lucrifactæ sint Ecclesiæ, donec tandem integræ Gentes, Regna ac Sceptra, &, ut verbo absolvam, universum Imperium *Romanum* factum esset Christianum. Hæc est ipsius *Historiæ veritas* quam nemo potest negare. Quòdque hæc *historia vera* esse non potuit nisi Religio Christiana vera etiam fuisset (res illas intelligo *miraculosas* quæ de Christo ejusque Apostolis commemorantur) demonstrari porro potest tam ex *austeritate* quàm *incredibilitate* doctrinæ hujus Religionis, ut & ex *imbecillitate* & *contemptibilitate* eorum qui eam fundarunt primùm & disseminarunt. Etenim si *præcepta* Christianitatis consideramus, quæ facienda sunt, si *res credendæ*; *Præcepta* sanè admodum *stricta* sunt ac *severa*, admodum injucunda atque ingrata carni atque sanguini, taliisque quæ *Vita animalis* nullo pacto sapere possit aut amplexari, nisi res aliqua extraordinaria adjuncta sit quæ per vim cogat ut ea admittamus. *Sui ipsius negatio*, *Mortificatio*, Præcipitatio hominis in viam aut necessariorum aut difficulter evitandarum *persecutionum* & *afflictionum* ab extrà, præter renunciationem earum voluptatum quas nulla nobis externa potestas prohibet, nuncium esse non potest naturali homini quoquo modo acceptum. Ut præteream scommata mundi & dicteria quæ proculdubio infecutura essent Religionis mutationem. Quæ mutatio non poterat non videri etiam adhuc gravior & intolerabilior, propterea quòd perfectam esse oportebat atque integram, ab ea utique superstitione in qua educati essent omninò immunem, cui in solidum debebant renunciare. Unde non potuit non augeri periculum eorum ac infamia.

3. In quibus tamen asperitatibus sustinendis nihil habebant quo se suffulcire possent præter fidem istiusmodi rerum quas meritò quis judicare possit maximè effecturas ut à Religione Christiana resilirent. Remunerationem intelligo post hanc vitam, non aliter ipsis confirmatam quàm per Resurrectionem cujuspiam è mortuis postquam triduum sepultus jacuerat. Quod ipsis exhibebatur tanquam pignus beatæ illius Resurrectionis quam illi qui doctrinam Christianam amplexi sint, obtenturi essent in conflagratione mundi terræque conversione in cineres: Id quod humano sanè ingenio tam incredibile est, ut nemo nisi viâ aliquâ reali ac infallibili reverà sic esse convictus esset, ipsi fidem unquam esset habiturus, aut cohibiturus sese ab illo repudiando non sine scommatis additis & derisione; quemadmodum factum est ab *Epicureis* & *Stoicis*, Act. 17. v. 18. Quocirca citra omnem controversiam qui Christianitatem primi amplexi sunt, eam, nullis aliis rationibus moti quàm manifestâ oculatorum testium probatione, susceperunt, & affirmationibus ejusmodi hominum quos ipsi viderent admodum sinceros esse ac serios, quique ipsi virtutem magnæ illius potestatis Dei quæ Jesum Christum è mortuis suscitaverat, manifestò in seipsis refidentem haberent, quâ & ipsi miracula edere poterant; quemadmodum commemoratur in *Actibus Apostolorum*.

4. Jam verò quod primos spectat Autores hujus Religionis ac fundatores, quàm imbecilli essent ac contemptibiles quantum ad res mundanas, inde planè apparet, quòd nec ob stirpis nobilitatem, nec ob humanarum Artium ac Scientiarum peritiam mundo commendabantur; nec ullam habebant potestatem secularem quæ ipsis affi-

steret, nec armorum vim quibus aut alios subdomarent aut seiplos defenderent, quanquam tantis ac tam imminentibus periculis perpetuo exponebantur. Ipse Servator ex humili erat familia, Carpentarii filius, inter duos latrones crucifixus tanquam nefarius malefactor. Quid igitur excogitari potest quod movere posset Apostolos ejus ac Discipulos ut ipsi post mortem ejus tam fideliter adhererent, seq; ipsos omnigenis periculis, omnigenisq; afflictionibus, Verberationibus, Incarcerationibus, longis Itinerationibus, intolerandis cruciatibus, ipsiq; adeo Morti tam constanti animo exponerent? Quid efficere poterat, ut suam turbarent pacem, pacemq; aliorum omnium, si non aliquod admodum miraculosum subesset & quod dignum esset quod totius mundi expectationem excitaret? Quod nuncium afferre poterant diversis illis gentibus quod proficiscebantur, cujus ipsos non puderet, si nihil aliud allaturi fuissent quam quod *Judei* quendam, *Jesum* nomine, *Josephi* Carpentarii filium, inter duos latrones *Hierosolymis* crucifixerant; virum sanè honestum ac justum? Fieri potest, responderent Gentiles, quod in majorem eorum cedit infamiam. Sed quid ad nos id attinet? Verum hic vir erat ipse promissus *Messias*, fecitq; admodum stupenda miracula, Dæmonia ejecit, omne genus morbos sanavit, filiisq; Dei per audibilem de cælo vocem declaratus est. Quantum ad miracula, adderent statim Gentiles, quorum mentionem facitis, res sanè mirandas accepimus ab eis aliquando factas qui Magi appellantur, nec ullam nos habemus illius personæ notitiam qua de vos loquimini quò discernere possimus an reverà tam bonus esset quam vos eum fuisse prædicatis. Nam judicia hominum sæpenumerò partium studio laborant, & per affectus atq; amicitias pervertuntur. Mirum autem videtur nobis si reverà tam bonus fuit quam vos eum facitis, declaratúsq; à nubibus filius Dei, quod Deus passus sit eum inter duos latrones per tantam in cruce ignominiam mori. Quod indicium est, tametsi miracula fecerit, ea tamen ab istiusmodi tantum *Potestatibus* profecta esse quæ Magistratui subjiciantur, quæq; propter fidelem illam Providentiam quæ rebus humanis invigilat, nihil efficere possint, postquam Magus prehensus sit, incarceratus & condemnatus. Certè si nihil amplius in Historia fuisset quam hoc, videtur impossibile ut Christiana causa eum habitura fuisset successum, quem reverà habuisse deprehendimus.

AB. 1. v. 3.

5. Quamobrem proculdubio primi Evangelii prædicatores ad hæc omnia addebant, & cum admiratione sanè & consternatione Audientium; Hunc *Jesum*, quem *Judei* hoc modo crucifixerant, per mirificam Dei manum suscitatum esse è sepulchro tertio die; Post suam resurrectionem conversatum esse cum suis discipulis & sigillatim & conjunctim, visum esse ab amplius quingentis fratribus semel; In terris commoratum esse quadraginta dies, & postea conspectum visibiliter ascendere in cælos. Quæ quidem, ut erant supra omnem expectationem mirabilia, planèque, modò vera essent, non solum innocentiam sed singularem Divinitatem Personæ Jesu arguebant; ita certè erant tam incredibilia, ut nemo ipsis fidem habere posset, præsertim cum tam præsentaneo periculo conjunctam, nisi ab eis narrata essent qui oculati essent testes & illibatâ vitæ integritate, aut in majus rei compendium, qui se veros esse Dei nuncios per signa aliqua vel miracula in ipso loco ad confirmandam veritatem suæ narrationis edita, demonstrarent.

6. Hæc igitur summa erat ipsorum nuncii; Quod nihil erat nisi notitia Facti, quod ipsi pro certo verum esse cognoscebant, & serio ac fervidè mundo declarabant absq; omni arte & eloquentia. Apostoli enim homines erant omnino illiterati, Piscatores, Publicani, & consimiles, neq; ulla arma habebant quibus homines ad fidem subigerent, præter simplicem, quanquam affirmatissimam & seriam, narrationem earum rerum quas ipsi pro certo nôrint, affirmabántq; ea cum constantia, ut pacem suam ac quietem, fortunas, vitasq; tanquam pignus veritatis rerum earum quas affirmârint, deponerent. Quod certè testimonium falsum esse non poterat, quippe quod erat, uti dixi, de notitia facti, de *Resurrectione* scilicet *Christi*, in qua tam multos decipi impossibile erat: Nec in opinionem quidem cujusquam cadere potest, quod aut contra proprias suas conscientias aliis decipiendis operam darent, aut sine sufficienti cognitione rem affirmare vellent quæ nihil præter odium & offensionem, præter carceres, cruciatus, ac mortem, ipsis esset conciliatura. Interea verò loci per misellâ hæc ac contemptibilia Instrumenta, (quæ nec Politicâ autoritate adjuti erant (sed ab ea oppressi) nec Arte ullâ aut eloquentiâ instructi, (*Paulo* solum excepto, qui neutram tamen utebatur) & per successionem eorum quos ipsi converterant, intra pauca secula totus ferè mundus Christianis scatebat omnium conditionum ac graduum, nobilibus pariter ac ignobilibus, literatis & illiteratis, quanquam oð nullo sæculari commodo invitatis, sed è contrâ miseriæ ac persecutioni perpetuò expositis.

expositis. Quæ omnia seriò perpensa, unà cum accuratissima congruitate & perspicuitate vaticiniorum de Messia, non possunt sanè quin demonstratio veritatis Religionis Christianæ, non minùs quidem certa quàm demonstratio quævis Mathematica, cuilibet æquo rerum æstimatori videantur.

CAP. XVII.

1. *Ad objectiones Judæorum contra adventum Messie Responsum.* 2. *Atheorum Aristotelicorum Evasio pompatica, supponendo omnia Miracula & Apparitiones Effecta esse Intelligentiarum corporumq; Cælestium.* 3. *Hypothesios restrictio per Vaninum ad unam Animam cœli.* 4. *Intoleranda illius superbia ac vanitas.* 5. *Confutatio illius opinionis & Aristotelici Atheismi à motu Telluris.* 6. *Vanini subterfugium cum seipso collidi.* 7. *Quòd Christianitas Judaismo successerit, speciali Dei consilio factum esse, non Influentiâ Stellarum.* 8. *Summa Cardani fatuitas in calculando nativitatem Servatoris, cum demonstratione quàm absurda sit Vanini exultatio in impia sua opinione, quòd Mahometes, Moses & Christus syderei essent Legissatores & ejusdem planè Autoritatis.* 9. *Impudentiam & impietatem horum duorum Thrasorum Authorem coëgisse ad pleniorè detectionem Nugalitatis Principiorum Astrologiæ.*

1. **O**bjectiones quarum mentionem facturi eramus, à duabus sunt partibus, à *Judeo* scilicet & ab *Atheo*. Illa à *Judeo* præcipuè hæc est; Quòd conditio temporum sub *Christo* cum Vaticiniis de Temporibus *Messie* non convenit. Non est ea pax & concordia, (nè in ipso quidem orbe Christiano,) nec in *Ecclesia* nec in statu *Civili*; neq; hæcenus extirpata est *Idololatria*, neq; *Israélite* in suam terram reducti & restituti. Quæ tamen omnia tanquam eventura in temporibus *Messie* erant prædicta. Unde manifestum est, inquiunt illi, *Messiam* nondum advenisse. Sed breviter respondeo, 1. Quòd Promissa Prophetica de adventu *Messie* absoluta erant, quemadmodum jam * suprà notavi; amplitudo verò effecti ipsius adventus conditionalis, cum homines sint *Agentes liberi*, non *fatales* rerum suarum *peractores*, quòd nec ipsi *Judei* negare possunt. 2. Quòd ipsa Evangelii natura atq; indoles eò tendit ut implerentur illa Promissa de universali pace ac justitia, incepitq; satis auspiciò ac splendide in primis *Ecclesiæ* temporibus, quantum quidem *Ecclesiam* ipsam spectabat. 3. Quòd, qualiscunq; relapsus aut impedimentum postea acciderit, res non sunt adeò in desperato quin procedente tempore emendari possint, quòdque illi, in illis diebus quando conversi fuerint ad *Christum*, poterunt, si id tunc ipsis adeò volupe futurum est, in terram suam redire. Sed enim, post hanc seriam eorum conversionem realémq; animorum renovationem in statum verè *Christianum*, vix equidem credo eos in tam puerili sensu permanuros ut hujusmodi res ullo pretio sint habituri, verùm inventuros se in spiritali terra *Canaan* jam esse constitutos, & in itinere suo ad illam *Hierosolymam*, quæ sursum est, quæq; mater est nostrum omnium, nec penes quemquam fore præter seipsos, eos exturbare è via.

2. Altera Objectio vel potiùs Evasio saluberrimi illius usûs qui fieri potest de Veritate Historiæ Christi, ab illo genere Atheorum est qui *Aristotelici* amant appellari. Sunt enim duo Atheorum genera, *Epicureum* unum, alterum *Aristotelicum*. Primi negant omnes substantias *incorporeas* quascunque, omnesq; *apparitiones*, *miracula* ac *vaticinia* quæ easdem inferre possunt. Qui quidem ex irrefragabili hac declaratione quam fecimus abunde jam sunt confutati. Alteri substantiis incorporeis non adversantur, nec Vaticiniis sanè, Apparitionibus aut Miraculis, etiam maximè illustribus, adeò ut non diffugiant quin agnoscant Historiam Christi, Resurrectionem ejus, suq; ipsius exhibitionem post mortem, Vaticinia etiam de ipso, & quid non? Verùm habent sanè argutum hoc subterfugium quò se factos tectos à recipiendo quicquam indè commodi, conservent, propterea quòd nullam talem Providentiam particularem esse statuunt qualem nos indè inferre volumus. Siquidem hæc omnia per influentiam cælestium corporum perfici possunt ab *Intelligentiis* ad singulas sphaeras pertinentibus actuatorum, modòq; naturali, ab eo qui in summo orbe residet, istiusmodi influentias derivantium, quæ secundum certas Naturæ periodos novos *Legissatores* producant, facultatem ipsis indentes edendi miracula, essq;

opitulantes per apparitiones, & visiones Angelorum, facientes ut illæ videantur esse ubi revera non sunt, & ut appareant postquam esse desiverint. Cum tamen interim nec Angeli sint nec Animæ separatae, sed transitoria effecta sint hæc omnia virtutis cœlorum & configurationum cœlestium corporum, quæ paulatim defervescit: Unde stellarum influentiâ deficiente, una deficit simul Religio, alteraq; vigere incipit. Ad hunc modum *Judaismus* locum cessit *Christianitati*, & *Christianitas*, in multis Terræ partibus, *Mahometismo*, quippe quæ omnes *Leges* sunt è mutabili Naturæ cursu profectæ, non immediato Dei digito designatæ, qui sedem in octava sphæra occupans, nullo modo particulari rebus humanis se intermiscet, sed ad distantiam tantummodò, cœlestium *Intelligentiarum* ope, virtutisq; Stellarum, genera quædam Providentiæ specimina in terrestrium Creaturarum progenies transmittit.

3. Bella profectò speculatio, & quæ duos istos argutos in Philosophia fatuos *Pomponatium* & *Vaninum* apprimè condecet. Quorum tamen posterior elegantulo huic figmento non usq; adeò plenè & conformiter antiquæ Aristotelis doctrinæ se ipsum videtur dedidisse; sed magnas cum rebus incorporeis inimicitias gerens, oppidò quàm avidè earum numerum minuere, quantum potest, conatus esse, magnopereq; sibi applaudere, se hoc tandem assecutum, quòd una scilicet solummodò Cœlorum Anima æquè efficaciter atq; Intelligentiæ *Aristotelicæ*, ad hæc omnia obeunda sufficere possit. Atq; ea propter de istis subinde dubitat, hanc verò seriò affirmat & tanquam unicum illud Intellectuale & Immateriale principium supremumq; Numen confirmat; sed tale quod non aliter operetur quàm modo naturali & per Periodicas cœlestium corporum Influencias. Ubi observare licet astutiam hominis ac subtilitatem, quàmq; sedulò suæ prospiciat incolumitati, dum in supernis illis sedibus Deitatem incarcerat, nè ipsi damni quicquam suâ vicinitate inferret, & ut extra ejus telorum jactum pari spacio remotus esse possit atq; *Tellus* est à *Luna*. Tam cautus sanè consiliarius est in hujusmodi rebus, mala ac degener conscientia.

4. Hoc præcipuum est Arcanum quod *Amphitheatrum* illud celebratq; *Dialogi* hujus stupendi Ingenii suppeditant, qui adeò titillatus est admiratione ac opinione suarum animi dotum & abreptus, ut in posteriori illo libro à jactando quidem seipsum Deum propter egregiam suam scientiam ac sapientiam abstinere non posset: Cum tamen proculdubio nemo quisquam fuerit, cujus suiipsum existimatio & arrogantia rationem ingenii dotum æquè excefferit atq; miscelli hujus homuncionis suarum. Neq; enim apud ipsum quicquam memoratu dignum occurrit præterquam quod scævus ille & tortuosus scriptor *Hieronymus Cardanus*, quanquam paulò modestius, mundo antè divulgaverat. *Vaninus* illuc tantum addidit magis rancidum gustum Impietatis ac Prophanitatis.

5. Equidem, attributionem tam nobilium Eventorum virtutibus Stellarum nihil aliud esse quàm putridas quasdam veteris Paganicæ superstitionis reliquias, aliàs insinuavi; satisq; manifestò demonstravi in * Libro de *Animæ Immortalitate*, nullam esse talem cœlestibus corporibus insitam Divinitatem, qualem & antiqua *superstitio* affirmavit & recentiores quidam *Philosophastri* volunt imaginari. Atq; hinc evidenter probaturus sum contra gloriosum hunc *Thrasonem*; Remotionem Deitatis ad illam à Terra distantiam planè esse impossibilem. Vix enim nunc dierum sunt qui nomen suum inter Philosophos ausi sint profiteri, qui motionem Terræ non æquè promptè agnoscunt ac realitatem *Antipodum* & *Sanguinis circulationem*. Hoc unicum igitur hinc rogare velim *Vaninum*, An non admissurus sit Solem in illo cœlo esse in quo is suam inesse imaginatur *Celi Animam*? Et an cœlum hoc non extensum sit longè ultra Solem, sedesq; sit hujus suæ cœlestis Deæ? Nemo omnium, opinor, est qui hæsitabit quin statim ipsius vice responsurus sit, Rem extra dubium ita se habere. Quocirca continuo inde inferam, Quòd, licet imperita illius Imaginatio nos in *Universi* loco quàm volet humillimo versari concipiat, sex mensium tamen spacio æquè longè supra vel ultra solem subvehi erimus quàm nunc sumus infra eum depressi, & tamen imaginabimur nosmetipsos æquè tunc depressos atq; antea. Quod planè innuit Tellurem Lunamq; in liquido Æthere natæ, qui cum ubiq; sit, necesse est & hanc *Vanini* Deitatem ubiq; similiter esse; quanquam illius degener animus adeò miserè sibi metuebat à tam sancto vicinio, nec opinionem poterat tam *presentis Numinis* ferre. Atq; sic sanè motus *Telluris* annuus omnem illam superstitionem vim detrivit & sanctitatem, quam antiquus Paganismus dederat, & *Aristotelici* etiamnum Athei datam volunt *Soli*, *Planetis* atq; *Stellis*, & vel inviti cogimur per Naturæ lumen humanamq; rationem, verum illud Principium agnoscere, à quo omnes res miraculosæ proveniunt, Deum utiq; ubiq; præsentem, in quo vivimus, movemur & subsistimus.

6. Præterea,

* Vide Præfat.
sect. 4 & lib.
2. cap. 14.

6. Præterea, suppose *Prodigia* omnia, *Apparitiones* & *Vaticinia* mediante influentiâ coelestium corporum fieri, his *Intelligentiis*, vel illâ *Animâ* cœli operantibus per ea in personas hominum ad inspirandos eos, commutantibusq; Aërem in *Repræsentationes* ac *Visiones* quæ cum ipsis colloquantur, hoc velamentum tamen angustius est quàm ut fatuitatem hujus miscelli *Sophistæ* contegat, cum suppositio hæc seipsam planè destruat. Agnoscit enim has *Inspirationes* & *Vaticinia* vera esse, quæ sic à Sydereis illis virtutibus derivantur. Est verò evidens, qui maximè illustres Prophetæ fuerunt, versatos fuisse cum Angelis, cumq; eis collocutos, atq; rem sic fuisse literis etiam mandasse. Ut exempli causâ, Propheta *Daniel* cum *Gabriele* Angelo collocutus est, Christus etiam sermonem habuit cum *Mose* & *Elia* in monte *Tabor*, & *Moses* cum Angelo Dei in monte *Sinai*. Præterea *Christus* qui tam mirificè inspiratus erat cœlitusq; adjutus, plus semel atq; iterum pronunciavit, bonos beatum manere statum post hanc vitam; Quæ omnia supponendo paulisper Dictata esse ac Repræsentationes *Influentiarum Astralium*, ex *Vanino* quero qui sit ut ipse sapientior sit iis quibus tam miraculosa obtigit Assistentia; ut is utiq; has Angelorum visiones resciret tales non esse quales illi qui viderant, eas fuisse retulerunt; *Mosē*q; & *Eliam* non Spiritus fuisse *Mosis* & *Eliæ*, sed transitorias solummodo Figurationes Aëris à cœlorum *Influentiis* excitatas? Ex ipso portò quererem an non censet cœlestem Assistentiam, (quæ juxta propriam ipsius opinionem homines certiores facere potest de rebus post mille annos futuris (hujusmodi enim erat prædictio necis *Julii Caesaris* in Senatu, quantumvis rei admodum contingentis) certò eos edocere posse, quibus illi visum fuerit tam mirificè opitulari, utrum *Animæ humane* mortales sint an immortales, quod longè cognoscibilius est *æthereis* illis *Potestatibus* quàm illud alterum. Quamobrem miserum hoc Figmentum quo se ab agnitione Angelorum vel *Demonum*, & à subsistentia *Animæ* post mortem à qua adeò abhorret, eximere velit, nihil ipsi prodest, sed cum magis temulentum arguit, magisq; levem ac vertiginosum, dum veritatem hujusmodi narrationum admittit, & genuinas tamen negat earum consequentias, quàm illi sint qui ipsis narrationibus omnem derogant fidem.

7. Quod verò objicitur de *Christianitate* exturbante *Judaismum*, & de *Mahometismo* in multis Terræ partibus exturbante *Christianitatem*, partim falsum est, partim nihil ad Propositum. *Christianitatem* exturbasse *Judaismum* propriè dici posse, valde falsum est. *Judaismus* enim maturefcebat potius & adolefcebat in perfectionem *Christianitatis*, quàm suffocabatur, sufflaminabaturve adverso quoquo flatu Syderearum earum *Influentiarum* quas ille somniat. Videmus enim ut res progressæ sunt uno continuato Propositi tenore ab *Abrahamo* usq; ad *Christum*, quemadmodum vaticinia ac Prædictiones in sacris Paginis planè testificantur. Deus promittit *Abrahamo*, in illius semine omnes Terrenationes felices fore. *Jacobus* in lecto moribundus, Politiam Judaicam ac Religionem non defecturam prædixit donec *Messias*, *Judeus* ac filius *Abrahami*, advenerit, ad quem Gentium confluxus futurus esset; atq; sic in * aliis vaticiniis quæ jam recitavimus & applicavimus. Unde manifestum est manum consiliūq; esse Dei, (ut qui sibi firmiter constat, cuiusq; Sapientia ac Providentia ab extremo ad extremum se extendit) quæ hanc rem olim inceperint promoverintque, non tumultus, adversusve flatus variorum aspectuum coelestium corporum quæ nunc extruant, nunc destruant, pro diversitatibus ac contrarietatibus Schematismorum suorum & Configurationum.

8. Nec quicquam profectò aliud præter levitatem animi inanemq; gloriam *Cardanum* poterat ad tam temerarium ausum incitare; ut *Servatoris* *natiuitatem* calcularet, cum & annus ejus natalis tam incertus sit apud exercitatissimos Chronologos, ipsaq; Astrologia res ita prorsus absurda ac frivola, quemadmodum mox demonstrabimus. Nec ullum ingenii specimen est sed crassæ impietatis, *Mahometismi* ortum *Judaismi* ortui & *Christianismi* tam audacter æquiparare; tanquam si *Moses*, *Christus*, & *Mahometes*, *Astrales* *Legislatores* pariter essent omnes, & à Stellarum *Influentiis* similiter adjuti & inspirati. Opinio sanè quâ *Vaninus* tam mirificè oblectatur, ut loco stare nesciat dum hanc sententiam è *Cardano* commemorat, ita totus agitur inebriaturq; gaudio. Cæterum hanc exultationem ejus admodum puerilem esse & nullo subnixam fundamento, tum ex eo apparet, quòd vaticinia, Divinas leges & Miracula Stellarum *influentiis* falso attribuat, (qui supersticiosus sanè error est ex veri Systematis Mundani ignorantie profectus) tum etiam (id si verum esset) quòd *Mahometem* (qui versutus vir erat & purus putus Politicus, qui nec miracula edere poterat nec vaticinari) *Legislatorem* tamen inflaginetur miraculosa cœlorum vi excitatum, tali utiq; quæ Divinos *Legislatores* ac *Prophetas* ad vera edenda miracula instruat.

Vide lib. 9.
cap. 17. sect. 2.

* Lib. 7. cap. 9.
7, 8.

instruat. Quibus addere potes ridiculam pervicaciam hujus perversi Sophistæ, cui quanto plus concedimus earum rerum pro quibus tantopere contendit, (quod *Mahometes* scilicet etiam Propheta sit *ascensus* & ab *Anima celi* illuminatus, quod juxta illius opinionem altissimum firmissimumq; est Miraculorum Divinæq; Sapientię Principium) eò locupletius Testimonium habemus contra ipsius vecordiam, qui existentiam Dæmonum tam obstinatè negat & subsistentiam Animæ post mortem. Quæ apertè affirmantur etiam ab hoc tertio teste quem ipse introduxit. Ac proinde cum ab ejusmodi veritatibus quæ à cœlestibus corporibus pro certo dictatæ sint, tantopere abhorreat, nisi superbiæ excessus & arrogantia occacasset Judicium sensuq; eum privasset; non potuisset sanè quin speciatim aculeato illo *Satyristæ* dicto sentiret se pungi.

O curvæ in terris animæ & cœlestium inanes!

Verum lassato nimium, vagos insequendo ac flexuosos levium horum & fugitivorum Ingeniorum volatus mihi fatiscit Spiritus; Quorum temerariæ cogitationes, imaginationesq; subsultoriæ æquè quidem numerosæ sunt ac debiles & invalidæ contra firma & immota Fundamenta *Rationis* solidæ ac *Religionis*.

9. Oporteret jam ad quartam *Tractatus* partem transire nisi quod intolerandæ impudentiæ *Cardani* in calculando Servatoris Nativitatem consideratio, & nefaria *Vanini* super ea re exultatio (tanquam si Religio omnis nihil esset aliud nisi Influentia Naturæ & transitorius Stellarum Flatus) invitet imò cogat me provocetq; ad retegendam execrabilis ipsorum artis vanitatem, in qua conspirarunt ad blasphemandum Deum & ad reddendam Religionem contemptibilem hominibus atq; inutilem.

C A P. XVIII.

1. *Argumenta plausibilia pro Arte Astrologica proposita.* 2. *Prima Rudimenta di-
ſtæ Artis.* Qualitates Planetarum ipsarumq; penetratio per terram. 3. *Quod
Terra ipsis æquè pervia est atq; Aër, deq; divisione Zodiaci in Trigonos, &c.*
4. *Essentiales dignitates Planetarum.* 5. *Dignitates eorum Accidentales.* 6. *De
duodecim Domibus cœlestibus, & de quinque modis erigendi Schema.* 7. *Quam
necessaria sit accurata momenti temporis cognitio, veraq; Longitudinis & Latitu-
dinis loci.* 8. *Directio quid sit, & qui præcipui Directores vel Significatores.*
9. *De Apheta & Anæreta, deq; tempore quando Anæreta fatalem icum infligat.*

1. **R**evem igitur hanc digressionem faciemus ut exponamus vobis ante oculos extremam ineptiam & futilitatem falsò nominatæ Artis *Astrologiæ*; Cujus præcipuæ rationes generales, particulariæq; Principia hæc sunt quæ sequuntur.

1. Primò, afferunt, Rem esse citra omnem fidem, tam innumerabilem Stellarum multitudinem, quarum lux non magni sanè momenti sit, nec positio ipsarum tam exquisita ut ornamento mundi multum inserviat, in nullum alium finem factam esse quam ut aspectentur. Quamobrem aliud aliquod Mysterium, inquit illi, subesse oportet, Stellâsq; abditis quibusdam Influentiis esse præditas, ac peculiares suas virtutes habere singulas, æquè distinctas quidem atq; herbas floréq; campi, ipsorumq; artem Astrologicam esse, quæ harum proficitur scientiam.
2. Rursus, Terra & Aqua cum sint, ut videmus, corpora adeò simplicia, varias istas Naturæ productiones, absq; infinita hac varietate cœlestium corporum, Stellarum utique, diversisq; earum Influentiis in Terram fieri non posse. Hoc magnus eorum Hyperaspistes *Christophorus Heydonus* tanquam Principale argumentum in eorum causam perquam acriter urget.
3. Tertio, manifestum esse, quod *Luna* humidam habet Influentiam, quodq; in Pleniluniis plerorumq; Animalium Cerebra, Ætutorum oculi, Conchyliumq; viscera in majorem molem intumescunt, quodq; Noviluniis vicissim imminuuntur.
4. Quarto, Lunam etiam (quod non sine admiratione observamus) Fluxum Reflexumq; Maris gubernare, ejusq; Influentiæ effectus perinde quando sub *Horizonte* est à nobis cerni atq; cum supra, quando propè à *Nadir* nostro abest atq; cum propè abest

abest à *Zenith*. Unde, inquiunt illi, manifestum est, cœlestia corpora non solum vim aliquam habere atq; Influentiam præter lucem, sed & subtilem magis, magisq; penetrantem quàm est ipsa Lux; quippe quæ viam sibi fodere potest per ipsam Terræ crassitiem, effectumq; in parte ejus ulteriori sortiri. Quorum utraq; ut ut miranda, ab acu magnetica porro confirmant, quæ stellam Polarem tam constanter spectat, etiam ultra Tropicum *Capricorni* posita; ubi *Polus Borealis* viginti trigintave gradus infra Horizontem occulitur. Unde manifestum est, inquiunt illi, Influentiam stellæ *Polaris* per ipsa Telluris viscera penetrare, insignèq; argumentum est secretæ ac irresistibilis virtutis reliquorum corporum cœlestium.

Quintò, *Stationem, Directionem, & Repedationem* Planetarum rem esse tam miram & mysterio plenam, ut non verisimile sit quòd inæquales hæ motiones ederentur, nisi irregulares istæ hæc illæ excursions, istæ retrogressiones progressionèsq; opus aliquod alabratorium esset, quoddamq; nendi ac texendi fata fortunàsque rerum ac Personarum in mundo hoc inferiori, artificium.

Sextò & ultimò, *Experientiam Anniversariam* nos docere, quòd accessus Solis mundum renovat, annuamq; facit Resurrectionem Plantarum & Insectorum, taliumq; Animalium quæ ex putrefactione gignantur, nullumq; alium patrem habeant, præter flammanti barbâ Solem. Itaq; unus hic Planeta si tam miranda perficit, reliquos proculdubio planetas stellásque fixas factas non esse frustrâ, sed suas virtutes habere atq; operationes æquè ac ille, quorum efficaciam & influentiam, nostræ, inquiunt hi Stellarum Aspectatores, artis est, præcisè ac particulatim definire. Adjicere huc deniq; potes, si lubet, ex *Origano*, Fervorem *Caniculæ*, humidamq; Influentiam *Hyadum & Arcturi*. Hæ sunt generales Rationes maximè plausibiles quibus hi Impostores professionem suam suffulcire conantur. Verùm nunc præcipua principia particularia, primavæ Rudimenta describemus hujus adeò adamatæ Scientiæ, quemadmodum illi eam existimatam volunt, atq; utrisque tunc ordine respondimus.

2. Quamobrem, secundum *Origanum* (quem præcipuè secuturus sum in his Astrologicis Principiis describendis, non omnibus quidem sed quotquot descripsisse sufficiat; nec ulla sum descripturus quæ ipsi pro Principiis non agnoscant, nec omissurus ulla quæ æqualis momenti sint cum his quæ describo.)

Primum, ab ipsis docetur, *Planetas* maximam habere influentiam in terrestria corpora; verùm *stellas* simul *fixas* æquè ac illos virtutes habere adeò potentes ut ipsa Telluris penetralia permeent. E planetis *Solem* calidum esse, & humidum magis quàm aridum, *Martem* calidum esse & vehementer aridum, *Saturnum* aliarum stellarum influentiam calidam impedire, summòq; gradu esse frigidum, quemadmodum & siccum. Ab his duabus qualitatibus quæ principiis vitæ contrariantur *Saturnum* vocari *Infortunam* majorem, *Martem* *Infortunam* minorem, quippe quòd calor vitæ non est contrarius, quamvis ariditas sit. *Jupiter* etiam æstimatur *Fortuna* major, quoniam sufficientem humorem habet cum calore temperatum. Verùm *Venus* *Fortuna* minor, utpote cujus humiditas calorem ejus excedit. Ab hac distinctione *calidi, frigidi, aridi & humidi*, Planetæ etiam dividuntur in *Masculinos & Femininos, Diurnos & Nocturnos, &c.* Adeò ut si hæ suppositiones de *Ariditate, Humiditate, Frigiditate & Caliditate* corruerint, reliqua omnia simul cum ipsis sint corrutitura.

3. Cæterum illud Principium, ut ego quidem existimo, observatu magis dignum est quod jam perstrinximus; nempe Stellarum Planetarumq; Influencias liberè per terram transire. Prout in illo *Ptolemæi* Aphorismo innuitur, qui ab *Origano* citatur. *Masculinescere* & efficaciores dici Planetas qui ab *Horizonte ortivo* vel *occiduo* deducuntur ad *Meridianum* supra vel infra terram, *effæminari* verò qui contrâ. Quod planè indicat influencias eorum æquè facile per Terram transire ac per Aërem. Alioqui proculdubio illi Planetæ qui tendunt ab *Horizonte* occiduo versus *meridianum* sub terra, damno ac debilitatione, quantum ad effectus, afficerentur. Illud etiam hæc Hypothesi nititur, (*Tellurem* scilicet *Stellarum Influentiis* nulli esse impedimento;) Nempe quòd *Jupiter* *Consignificator* existens in domo secunda denotat divitias, & quòd plures Planetæ in domo sexta sunt, eò magis subjectum esse morbis qui nascitur. Stellásque fixas & Planetas potentissimè agere in *Cardinibus* cœlestium The-matum, è quorum tamen numero *Imum celi* est unum. Quæ quidem omnia Terram supponunt æquè perviam cœlestibus Influentiis atq; ipsum Aërem.

Ut omittamus alias *Signorum* divisiones in *Mobilia, Fixa, & Bicorporea*, in *Masculina & Feminina, &c.* describam solummodò divisionem illorum magis celebrem, in *Trigonos*. Ut in *Trigonum Igneum, Arietem, Leonem Sagittarium; Ter-*

5.

6.

renu,

reum, Taurum, Virginem, Capricornum; *Aëreum*, Geminos, Libram, Aquarium; *Aqueum*, Cancrum, Scorpionem, Pisces.

4. Perbellas etiam res nos docent de *Dignitatibus* Planetarum, quæ sunt aut *Essentiales* aut *Accidentales*. *Essentialis dignitas* nihil aliud est nisi incrementum innata virtutis Planetæ ex eo quod in hoc vel illo loco sit *Zodiaci*, quemadmodum *Origanus* definivit.

Prima *Essentialis* dignitas est *Domus* Planetæ. Exempli gratiâ, *Leo* est domus *Solis*, *Cancer*, *Lunæ*; & propterea quod plura sunt *Signa* quam *Planete*, in sortem reliquis cedit ut binas singuli habeant domos; cum tali aspectu ad domos *Luminarium* qui bonitatem vel malignitatem naturæ eorum maximè condeceat. Verbi causâ, *Capricornus* & *Aquarius* Infortunati *Saturni* domus esse debent, quoniam eorum aspectus *Luminarium* domibus est *oppositus*. *Sagittarius* & *Pisces* domus *Jovis* quia eorum aspectus ad supradictas domos *Solis Lunæq;* benignus est, utpote *Triunus*. Verum *Mars Arietem* & *Scorpium* pro suis domibus habet, quippe qui cum ipse sanè malignus planeta sit, domos suas habere debet ad domos *Solis* atq; *Lunæ* maligno aspectu sitas, nimirum in *Quartili*, &c. Et quemadmodum in suis esse domibus *Dignitas* est, ità in *Signo* opposito versari, nuncupatur *Exilium* habeturq; pro magno Planetæ *Detrimeto*.

Secunda *Essentialis* Dignitas est *Exaltatio*; uti *Aries* *exaltatio* est *Solis*, quoniam illius Efficacia tam conspicua est in Vere, & propterea *casus* ejus debet esse in *Libra*: Quæ è contrà *exaltatio* debet esse *Saturni*, cum ille Planeta temperamento frigidus sit, contrà ac sit in *Sole*. *Caput Draconis* etiam exaltatur in *Geminis*, quemadmodum *Albumasar* ex *Hermete* nos docet, & deprimitur rursus in *Sagittario*.

Tertia *Essentialis* Dignitas est *Triangularitas* sive *Triplicitas* quâ Planetæ quidam suorum Trigonorum constituentur. *Sol* & *Jupiter* Trigoni *Ignis*; *Luna* & *Venus* Trigoni *Terrei*; *Saturnus* & *Mercurius* *Aërei*; & quia octo Planetæ non sunt sed septem solummodò, *Mars* solus est *Aqueæ* Triplicitatis *Trigonocrator*. Omitto quicquam dicere de *ignis* sive dignitate *Terminorum*, qui ad duo *Luminaria* nihil spectant.

Carpentum, quod quinta dignitas est, non est nisi coacervatio quatuor præcedentium. *Persona* vel *Almugea* est quando eadem est Configuratio *Solem Lunamve* inter & alium Planetam, quæ est inter ipsorum domos. *Decanatus* est Præfectura Planetarum super singulos denos gradus signorum in *Zodiaco*. Ut *Martis* super primos denos gradus *Arietis*, *Solis* super secundos, *Veneris* super tertios; *Mercurii* super primos denos gradus *Tauri*, *Lunæ* super secundos, *Saturni* super tertios, & sic deinceps secundum ordinem Planetarum, usq; dum omnes deni gradus *Zodiaci* peragrati sint.

Ultima *Essentialis* dignitas est *Gaudium*. Quod iis tantum Planetis competit qui duas habent domos, atq; tunc accidit quando Planeta collocatur in illa domo quæ naturæ suæ maximè conveniat.

Præcipuæ harum *Dignitatum* sunt *Domus*, *Exaltatio* & *Triplicitas*. Prima enim quinque; potestates habet, secunda quatuor, tertia tres. Verum *ignis* duas tantum habet, & *Almugea* & *Gaudium* non nisi unam singulæ.

5. Dignitates *Accidentales* oriuntur vel ex eorum positura ad *solem*, vel ex motu in suis orbibus, vel ex mutua sua Configuratione.

Respectu Posituræ ad *Solem*, aut sunt in *Cazimi*, aut *Combusti* sive *ἑνωμένοι*, aut à *Combustione* liberi, aut *Orientales* & *Occidentales*. Esse in *Cazimi* est corporaliter jungi cum *Sole*, impertitq; Planetæ quinque; fortitudines. Esse *combustum* sive *ἑνωμένον* est distare decem vel quindecim gradus à *Sole*. Hæc Positio quatuor vel quinque; *detrimetis* Planetam afficit. *Liberum* verò esse à *Combustione* quinque; fortitudines addit. *Saturnus*, *Jupiter* & *Mars* à *coniunctione* sua usq; ad *oppositionem* cum *Sole* *Orientales* sunt & lucrantur duas fortitudines; verum ab *oppositione* sua usq; ad *coniunctionem* sunt *Occidentales* & duo patiuntur detrimenta.

Respectu motuum Planetæ sunt *Directi* vel *Retrogradi*, *Celeres* vel *Tardi* aut *Stationarii*. *Directio* quatuor habet fortitudines, *Retrogradatio* quinque; debilitates, *Statio* debilitates duas.

Configuratio sive *Aspectus* est *Sextilis*, *Quartilis*, *Triunus*, *Oppositio* & *Coniunctio*. *Coniunctio* benignorum Planetarum quinque; addit Fortitudines, malignorum Debilitates quinque. *Sextilis* & *Triunus* benigni aspectus sunt, *Quartilis* & *Oppositio* maligni, &c.

6. Cæterum ut propius ad culmen Artificii ascendamus, describemus jam scitas istas quas fecerunt Cœli formationes in *Domas Duodecim*, in Astrologicorum suorum Schematum

Schematum *Erectione* notatas. Prima domus incipit ab *Horizonte orientali* & numeranda est secundum ordinem Signorum Orientem versus, vocaturq; *Horoscopus* & *Domus vite*. Secunda *ἀναγωγῆς* & *domus Lucris*. Tertia *δύστης* & *domus Fortune*. Quarta *ἐπιγύμνητος*, *Imum cæli* & *domus Patrimonii*. Quinta *ἀγὰρ τῶν* & *domus Librorum*. Sexta *κατὰ τῶν* & *domus Aegritudinum*. Septima *δύστης* & *domus Nuptiarum*. Octava *ἐπιτάλαμνος* & *domus Mortis*. Nona *δύστης* & *domus Religionis*. Decima *μεταγύμνητος* *Cor cæli* & *domus Honorum*. Undecima *ἀγαθὸς αἰών* vel *domus Amicorum*. Duodecima *κακοδαίμων* vel *domus Carceris*. Harum domuum singulae suum habent *Consignificatorem*. Prima domus *Saturnum*, secunda *Jovem*, tertia *Martem*, quarta *Solem*, & sic deinceps juxta Ptolemaicum ordinem Planetarum. Secundum quem etiam constituunt suos *ἡγεμόνες* vel *Alfridarios* tribuentes Planetis per successi-
nem dominium septennae à nativitate. Primum utiq; septennium *Lunæ*, Secundum *Mercurio*, Tertium *Veneri*, &c.

Jam verò hæc *Schematis Erectionis* distributiōq; cœlorum in Domos duodecim, modis fit non paucioribus quinque; quemadmodum refert * *Origanus*. Primus est *Julii Firmici*, qui Circulos ita per polos *Zodiaci* ducit ut incipiendo à communi Sectione *Eclipticæ* & *Horizontis* Orientalis tota *Ecliptica* in duodecim partes æquales dissecatur. Secundus est *Aben-Ezra*, qui *Æquatorcm* dividit in duodecim æquales partes, (ut alter *Zodiacum*,) quatuor magnos ducendo Circulos per mutuas sectiones *Horizontis* & *Meridiani*, & per trigelimos gradus *Æquatoris* ab *Horizonte Orientali* numerandos. Tertius est *Campani*, qui Principalem *Verticalem* in duodecim æquales partes circulis dividit per communes intersectiones *Horizontis* & *Meridiani* ductis. Quartus, *Alcabitis* circulos ducit per Polos mundi, & certa quædam puncta æquidistantia in semidiurno & seminocturno arcu *Ascensionis* *Eclipticæ*. Et postremo *Porphyrus* duas orientales partes *Zodiaci* *Horizonte* & *Meridiano* supra infraq; interceptas, in trinas partes dividit æquales: Tot utiq; modi sunt ædes extruendi Castellave in Aëre.

7. Ut *Erectionis Schematis* Infantis fatum verè possit prædicere, tempus Nativitatis accuratè cognoscendum est! Nam unum gradum si peccaveris in tempore Nativitatis, totius anni errorem in prædictione progignet; si minuta quinque, errorem mensis, &c. In quem finem etiam necessarium est cognoscere *Longitudinem* & *Latitudinem* Loci.

8. Post *Erectionem* tam exquisiti *Schematis* præcipua vitæ humanæ Accidentia se prædicere posse prætendunt, idq; vel per *Professionem Annuam* & *Transitionem*, vel per *Directionem*. Ultimâ Principalis est, ac proinde nè aures vestrae miserâ ac prodigiosâ horum Præstigiatorum Barbarie nimium quantum onerentur, postquam primam è duabus prioribus, *Aspectibus* omnino niti notavero, *Transitionemq;* nihil aliud esse quàm Planetæ transitum per *Nativitatis* loca sive sua, sive aliorum Planetarum, sive *Horoscopi*, &c. animum postmodum ad aliquantò plenius ex * *Organo* definiendam vobis naturam *Directionis* adjiciam. Quæ est inventio arcus *Æquinoctialis*, qui circulis Positionum duobus intercipitur, trajectis per duo loca *Zodiaci*, quorum unum Significator, alterum Promissor occupat, & una cum arcu *Eclipticæ* vel ascendit vel descendit in data Sphæræ habitudine respectu circuli Positionis sub quo alter eorum jacet. Terminus à quo computatio fit est Significator, terminus ad quem Promissor. Ut si *Sol* dirigatur ad *Martem*, *Sol* significat dignitates, & *Mars* naturam earum dignitatum, & distantia temporis computatur per *Directionem*. Omitto omnes Planetas omnesq; Domos capaces esse *Directionis*, si accuratè Schema examinare velimus. Verùm præcipui *Directores* vel *Significatores* sunt, 1. *Apollonius*, quem *Arabes* vocant *Hylech* ab *ἡλίου*, *Latini* *Emissorem* vel *Prorogatore* vitæ. 2. *Luna* pro affectibus animi. 3. *Sol*, etiam tunc cum *Apollonius* est pro conditione vitæ ac dignitatum. 4. *Horoscopus*, pro sanitate ac peregrinationibus. 5. *Medium cæli*, pro nuptiis & procreatione liberum. 6. *Καὶ τῶν* vel *Pars fortune* pro incremento vel decremento Divitiarum.

9. Verùm præcipuus omnium est *Apollonius*: ut qui vitam ipsam respicit, qui ad *Ἀναστήτην* dirigitur sive *Interfectorem*. Qui est aut aliquis, putà, Planeta qui præsens est in octava domo, ut *Saturnus* vel *Mars*, aut *Almuten* domus octavæ vel Planeta cum *Almuten* conjunctus, vel *Almuten* Planeta, vel deniq; *Almuten* Domini octavæ Domus. Cæterum magnum jam mysterium est, atq; id sanè Tragicum, quoddam simul atq; *Apollonius* ad locum *Ἀναστήτην* venerit, hoc est, *Emissor* ad locum *Interfectoris*, vix tunc Infantulo quoddam unquam sub tam inauspicato sydere natus sit; nullum enim tunc restat effugium, quin mortem moriatur. Nec sane * *Alcochodon* ejus vel *Almuten* *Hylegi* quicquam ipsi profuturus est postquam *Hylech* sive *Emissor* in *Ἀναστήτην* seu cœlestis illius Lanii manus inciderit.

* De moribus,
part. 2. cap. 11.

* De moribus,
part. 2. cap. 13.

* Alcochodon
est stella virtu-
tis ex qua de
annis quibus
natus secundum
Naturam cursum
victus est, in-
diciū sumi-
tur, nisi ratio-
ne directionis
vel alterius
violenti & su-
biti casus vita
nati subito ob-
rumpatur. Vide
Organ. de ef-
fect. part. 13.

S f Hæ

Hæ sunt maximè Fundamentales maximèq; solennes Nugæ seu Ineptiæ (nam sic appellari oportet) totius ipsorum Artis, ad easq; jam reverà tales esse demonstrandas, postquam ad generales illas *Rationes plausibiliores*, quibus seipsos suffulcire volunt, respondero, seriò animum appellam.

C A P. XIX.

1. *Stellas Planetasq; suo usu non carere quamvis nulla sit veritas in Astrologia.*
2. *Quòd Stelle non sunt causæ varietatis rerum productarum in hoc mundo inferiori.*
3. *Lunæ humefactivam vim sensibilem nullum esse argumentum pro influentia reliquorum Planetarum & Stellarum.*
4. *Nec Fluxum ac Refluxum Maris, Directionemve Acus ad Polum Borealem.*
5. *Stationem & Repedationem Planetarum argumentum esse adversus Astrologos.*
6. *Influentiam Caniculæ, Hyadibus & Orioni attributam, suam non esse sed Solis, Solisq; Influentiam solummodò esse calorem.*
7. *Leves occasiones Inventionis illarum Dignitatum Planetarum quas Exaltationes vocant & Domos, quemadmodum & Aspectuum.*
8. *Inscitia Astrologorum in præferendo Planetas Stellis fixis ejusdem apparentis magnitudinis, & in Figmento primarum qualitatum Planetarum, earumq; quæ inde ortæ sint.*
9. *Temeritas in assignando corporum cælestium Influentiis tam liberum per terram transitum.*
10. *Absurda Divisio signorum in Mobilia & Fixa, ridiculæq; Effecta quæ attribuunt Trigonis, unâ cum demonstratione Falsitatis illius Figmenti.*
11. *Confutatio Dignitatum Essentialium.*
12. *Quemadmodum & Accidentali-um.*
13. *Erectionis Thematum subversio ac distributionis Cælorum in duodecim Domos.*
14. *Inscita professio accuratæ cognitionis momenti paritûs Infantis.*
15. *Confutatio Animodar & Trutinæ Hermetis.*
16. *Ut & Methodi rectificandi Nativitatem per accidentia nati.*
17. *Provocatio Autoris ad peritos, si non totam falsò nominatam Artem Astrologiæ fundamentaliter confutavit.*

I. **Q**uamobrem, ad primum generalem obtentum, Quòd ipsa existentia Stellarum Planetarumque, si Arti Astrologicæ nihil veri subesset, in nullum usum foret, respondeo, Quòd etiamsi certæ quædam in ipsorum singulis virtutes essent & Influentiæ, non sequitur tamen eas horum arte detegi posse: Et deinde, Quantumvis nullæ virtutes essent in stellis fixis præter lucem & calorem, non inde concludi eas in nullum usum fore; Propterea quòd recentiores peritiorèq; Philosophi tot *Soles esse statuerunt. Quam Hypothesin Astrologos prius confutare oportet quàm vim ullam valeant primo argumento inesse, evincere. Et quantum ad Planetas iidem insinuant, eos etiam istiusmodi aliquem usum habere posse, cuiusmodi habet nostra tellus, hoc est, matres esse posse aliquorum Animalium, quanquam nihil de eorum natura definiverunt, quò ipsorum opinio magis innocua sit & irreprehensibilis; ut in se sanè est admodum probabilis: Propterea quòd Tellus æquè ac *Saturnus*, *Jupiter* & reliqui, circa *solem* movetur & æquè Planeta est atq; ipsorum quisquam; quemadmodum præstantissimi Astronomorum nunc dierum non dubitant affirmare. Quod quidem primum hunc generalem Astrologorum obtentum prorsus enervat.

2. Ad secundum respondeo, *Stellas* non esse nisi *Luminaria* quædam ejusdem Naturæ cujus est ipse Sol, sed aliquantò longius remotas, ità ut ejusdem ferè generis sit ipsarum etiam contributio. Et præterea nihil esse quod subtilem illarum Influentiam defendat excludatve, etiam secundum Astrologorum sententiam; ac proinde etiamsi esset hæc inter ipsas varietas, tamen, cum universa hæc varietas ad quodlibet Terræ punctum perinde pertingat, productum semper idem fore, nisi particulæ Terræ ab alia aliqua causâ diversificarentur, quemadmodum reverà fit. Et Tertio, nec ipsarum varietatem nec cælorum influentias, si merè sint materiales, sufficientes causas esse rerum in hoc infimo orbe productarum. Quarto, materiam cælestem ubiq; esse, Terramq; in ea natæ ut lignum in aqua, aded ut nihil opus sit ad tam remotas & incognitas causalitates recurrere. Et postremo, universalem illum *ætherem* seu *Spiritum Naturæ* ubiq; pariter esse paratum ad formandam materiam in huiusmodi Figuras ac virtutes ad quas dispositio ejus maximè propendeat. Atq; hoc profectò satis est & fortean plus satis ad contundendam aciem argumenti supradicti Astrologorum *Hyperaspistæ*.

3. Equidem

* Vide lib. 3.
c. 1. § 2. 6.
Item Immor-
tal. lib. 3. cap.
19. § 2. 4, 5, 6.

3. Equidem agnosco *Lunam* in plenilunio suo res quasdam tumefacere. Quod effectum tum sensibile & palpabile est, tum etiam rationi consonum, propter proximitatem ejus, reflexionemq; Radiorum Solarium ab ipsius corpore. Qui cum moderatæ tantum virtutis sint, liquefaciunt Aërem ac vapores in magis insinuantem Humiditatem, nec eos dissipant quemadmodum directi ejus Radii faciunt interdiu. Quem effectum non dubito quin quivis alii Planetæ præstare possent, si ita collocarentur ut discus eorum appareret æqualis magnitudinis cum disco *Lunæ*, ipsæq; in locum alium amandaretur. Verum ab hujusmodi & rationabilibus & palpabilibus effectis *Lunæ* concludere quod alii etiam Planetæ Stellæq; fixæ æquè potentes affectus in nos habeant, quos tamen nec ratione nec experientiâ licet deprehendere, intoleranda est vesania.

4. Potestq; quid consimile de *Fluxu & Refluxu* Maris responderi; Cujus Phænomeni rationem satis probabilem *Cartesius* tradidit Princip. Philos. part. 4. Ellipsin scilicet cœlestis materiæ angustari per *Lunæ* corpus quod facit ut *Æther* celerius fluat: quæ perspicua & Mechanica est Phænomeni solutio, talisq; quæ sano sensu intellecta possit esse vera. Et deinde certâ experientiâ invenimus hunc *Fluxum & Refluxum* à cursu *Lunæ* dependere, ita ut nulla fraus hac in re subesse posset aut deceptio. Cæterum ubi nulla ratio est nec sufficiens experientia, quod hoc illius causa sit, alterum alterius causam fingere, à Rationis legibus porus est alienum. Et ad *Magnetem* quod attinet Stellamq; *Polarem*, quod suprà dixi hîc repeto; nempe primum minimè consequens esse, ex eo quod quædam sint à cœlis effecta sensibilia; certa, & constantia, ut statim, quæcunq; libuerit effecta ab hac vel illa particulari stella procedere, citra omnem debitam Experientiam & Rationem nobis liceat imaginari. Et tum postea, non tam cœli Influentiam esse quàm terre *Magnetismum* in quo hæc directio acûs versùs Boream consistit. Acus enim variat in certis quibusdam Meridianis & tria ferè milliaria à *Rossebùrg* oppido prope ipsum Angulum ubi Mare *Finnicum* & sinus *Finnicus* junguntur, in medio multorum scopulorum in gyros se ducit, nec sic facere desinit per integri milliarii spacium. Quod ulteriori demonstrationi est directionem Acûs à magnetismo Terræ dependere. Et certè si Eventa quæ Astrologi prædicere prætendunt tam firmiter ac manifestò eas causas quas ipsi afferunt, indigarent, (hunc puta Planetam, vel illam Planetarum Configurationem Stellarumve) quàm Acus Terræq; axis Boream, etiamsi nullam harum rerum rationem reddere possent, ego tamen facilè ipsorum artem probarem. Verum cum tam perspicuæ sint demonstrationes contra Artis Fundamenta, nec ulla pro ipsis experientia certa, hæc particulares Allegationes de *Lunæ* stellæq; *Polari* nihil omnino momenti ipsis addere possunt.

5. *Statio* verò & *Retrogradatio* Planetarum contra ipsos satis præstabile est argumentum, ostenditq; quàm fatua & imaginaria res sit tota hæc ipsorum Ars quæ tam crassis erroribus nititur. Nam qui verum Mundi systema intelligunt satis nôrunt ista Phænomena realia non esse sed duntaxat apparentia. Quod valdè turpem sanè hisce Astrologis inurit labem. Verum hoc nobis iterum mox occurret.

6. Ad ultimum respondeo, Quod nec *Canicula* nec *Arcturus* nec *Hyades* nec *Orion* ullos istiusmodi effectus existimantur habere cujusmodi ipsis attribuuntur, nisi tunc cum *Sol* in talibus locis sit *Zodiaci* in quibus ipse absq; eorum ope eisdem esset producturus. Atq; idcirco mendosè id attribuunt istis stellis quod reverà virtuti caloris *Solis*, quippe propiùs ad nos accedentis aut diutiùs nobis imminetis, est acceptum referendum. Et quantum ad rabiem *Canis* quæ jam multum quidem deserbuit, quàm cicur Animal putas eum fore postquam *Æquinoctiorum* Anticipatione latibulum ipsi ad *Capricornum* usq; depressum assignaverit, si mundus utiq; tamdiu sit duraturus? Hæc certè ut schemata quædam Poëtica ferri possunt, (quale est illud *Virgilii*, qui quod ad *Solem* pertinet *Signis* attribuit,

*Candidus auratis aperit cùm cornibus annum
Taurus*)

verum severitatem *legum Artis*, quæ propriè nos loqui jubent nec realem causalitatem rebus circumstantibus concomitantibusve ascribere, nunquam poterunt sufferre. Cæterum quod *Solis* efficaciam spectat, eam neutiquam negabo, nec tamen agnoscam aliter quàm quoad generalem Influentiam caloris, qui fovet excitatq; seminalia rerum Principia in perfectionem atq; *Actum*. Quod nihilo plus *Mysterii* habet quàm illa *Ægyptiorum* ancillarumq; *Livia* ovis incubatio exclusioq; pullorum absq; ope Gallinæ, id quod *Sol Struthiocameli* ovis frequenter præstat in arena re-

lictis. Agnoscamq; præterea reliquas Stellas non frustra esse sed ad debitam distantiam suos edere effectus. Quales nec ipse Sol potest postquam remotus sit ad Tropicum *Capricorni*, quo radii ipsius sunt magis obliqui. Quàm nihil igitur putas eum effecturum si æquè longè amotus esset atq; ipsæ stellæ fixæ, quarum omnium Influentiæ simul conjunctarum Absentiam ipsius brumali Tempore supplere non possunt? Unde manifestum est quàm valde inepta sit illatio, remota scilicet Stellarum Planetarumq; corpora in nos vim aliquam habere, propterea quòd *Sol* & *Luna*, qui tam propinqui nobis sunt, habeant, qui tamen si æquè longè distarent, Influentia eorum proculdubio æquè insensibilis futura esset atq; quinq; Planetarum stellarumve fixarum.

7. Et tamen tam intoleranda est Impudentia Inventorum Astrologiæ, ut tales proprietates etiam aliis Planetis Stellisq; passim attribuerint, quarum attribuendarum rationem solummodo habeant, si omnino uspiam, in duobus *Luminaribus*. Ut exempli causâ, Quia sensibilem aliquam mutationem in Aëre & Terra circa introitum *Solis* in *Arietem*, observare poterant, illud certè signum *Exaltationem* Solis statuere tolerabilius erat Figmentum. Nunc verò hinc, *Exaltationis* loca etiam aliis Planetis decernere, ut *Taurum Luna*, *Libram Saturno*, erraticus quidem & temerarius est, ab una levi occasiuncula, ad res, ubi nihil est consimilis Rationis aut Experientiæ, transfusus & excursio. Similiter, Quia data erat aliqua intimatiuncula quâ *Leonem*, *Solis domum* constituerent, cùm illius calor tunc maximè sit sensibilis, & *Cancrum domum Luna*, quippe quæ tunc nobis maximè verticalis est, reliquis hinc etiam Planetis domos impertierunt binas singulis absq; omni sanè verecundia & acumine; quandoquidem nulla est ratio nec effectum quod huc aptè quadret.

Et postremò, quantum ad *Aspectus*, verisimillimum sanè est sensibiles varietates Phasium Lunæ in *Oppositione*, *Trino* & *Quartili*, primam dedisse occasionem notandi eos: Cùmq; res aliæ acciderent quanquam nihil prorsus à cursu Lunæ dependentes, nimirum ut septimus quisq; Dies in morbis acutis sit *Criticus*, utq; ad istas plerunq; vices maximi fierent tumultus & alterationes in ægro, *Quartili*q; *Lunæ Aspectus* etiam contingeret post septem circiter dies à *Conjunctione*, & demde post alios septem dies esset in *Oppositione*; Naturalis hic fermentationum circuitus in morbis acutis, ipsis profectò occasionem in his rebus dedit calumniandi *Lunam*, illiusq; gratiâ opprobriis afficiendi aspectus *Oppositionis* & *Quadraturæ* in reliquis omnibus Planetis. Tam leves Indicatiunculæ, quàm hæ sunt, maximè solida sunt structuræ Phantasticæ Artis Astrologiæ fundamenta; contra quam aliquantò jam propius bellicas nostras machinas admovebimus, itaq; quassabimus & proteremus ut nè in Imaginationibus quidem hominum locum deinceps sit inventura.

8. Ut incipiamus igitur à primo Principiorum eorum quæ proposuimus; Quòd Planetas stellis fixis præferant (illos intelligo qui tam remoti sunt ut non majoris magnitudinis quàm illustriores Stellæ appareant) omni caret ratione; Cùm Planetæ non sint nisi inertis materiæ acervi, nostræ Terræ non dissimiles, nullumq; lumen habeant præterquam quod à Sole mutantur. Illa enim quæ videtur innata Lux *Lunæ* non est nisi Reflexio Radiorum Solarium à Terra. Quamobrem activitas eorum & Influentia meritò debet minor æstimari quàm stellarum fixarum, quæ non mutuatitio sed innato Lumine micant. Et quantum ad pervicacem ipsorum penetrationem in ipsa Telluris viscera, hic certè error ex fictitia Lunæ influentia natus est, in Fluxum Refluxumq; Maris, etiam tunc quando in ulteriori parte Terræ sita est. Ad quod cum aliis istiusmodi fallacibus Conclusionibus* jam Responsum est. Nunc verò quantum ad qualitates Planetarum, ubi definiunt Solem calidum esse & humidum potius quàm aridum, sed *Martem* calidum & vehementer aridum, & *Saturnum* aridum & frigidum, quid non nobis obtrusuri sunt hi perfrictæ frontis Impostores dum istiusmodi nugas effutire audent quæ per externos nostros sensus facile confutentur? Etenim an non ipse sensus nos docet *Solem* omnium Planetarum maximè calidum esse atq; aridum? Hujus sanè calor est non autem *Martis*, qui gramen florésq; arefacit, summitates montium exurit, miserq; orbis terrarum torret incolas, quando corpora magis directis illius radiis exponunt. Quæ verò facultas nos unquam edocere potuit *Martem* tam torridum calidumq; Planetam esse, *Saturnum*q; adeò frigidum? Equidem is qui caput radiis ipsorum *Acrorychis* qui maximè sunt potentes, exposuerit, professusq; fuerit se plus frigoris ab uno plúsq; caloris ab altero sensisse quàm ab aliis cœli partibus, æquè vesanum se demonstraturus sit, atq; delirus ille senex qui affirmabat se quoties auscultaret cœlestium sphaerarum concentum musicum audire. Omnes Planetæ corpora sunt opaca & cujuscunq; sint coloris æquè frigidi atq; terra. Neq; enim flava nec rubra argilla majorem emittit calorem quàm

* Vide Sess. 4.

quam alba. Nec habet Solum quodvis ullam sensibilem Influentiam præterquam quæ naribus hauriatur, quæ interdum salubris gratiaque reperitur, interdum verò ingrata. Cæterum, qui fieri potuerit ut hi Stellarum Aspectatores ad eam usque longitudinem suas proboscides producerent, ut differentes Planetarum virtutes odorarentur, equidem nullo modo intelligo. Quamobrem Martem definire calidum & aridum, Saturnum aridum & frigidum, &c. impudens est stultitia, apertaque reliquarum qualitatum primarum Planetis assignatarum vanitatis demonstratio. Cumque ab his existimantur Benigni vel Maligni, Masculini vel Fœminini & similia, tota hæc pars falso nominata Scientiæ Astrologorum nihil aliud est nisi odiosa Inepriarum consarcinatio.

9. Ad secundum, quod terram adeò perviam facit Influentiis Stellarum & Planetarum; dico Primum, Principium esse quod omni probatione destituitur, quemadmodum jam evici. Et deinde si ipsis hoc concederem eos statim coactum iri illud rursus evomere, cum totam ipsorum artem penitus destruat. Nam radii influentiæque Stellarum & Planetarum si per terræ corpus liberum habent transitum, tota Ceremonia erigendi Schema pro tali Latitudine vel Longitudine prorsus est supervacanea: immò verò, quantum ad Cœlos, omnium mortalium Fata paria forent & consimilia. Quippe quod abdita illa Influentia, quæ universa gubernat, ad omnia Terræ puncta ab omnibus cœli partibus se extenderet semel.

10. Tertiò, De Divisione Signorum in Mobilia, Fixa, & Bicorporea; Mobilia Equinoctialia sunt signa & solstitialia. Quorum posteriora nomen fixorum merentur potius quam mobilium. Et meo quidem iudicio Tempestates anni æquè commodè dici possunt iniri (Frigida putà) in Sagittario, & fixa esse in Capricorno, & (Calida) in Geminis, & fixa esse in Cancro, quàm iniri in Capricorno & fixa esse in Aquario, &c. Sed ad minutiora lubenter connivebimus. Illud de Igneis, Terreis, Aqueis, & Aëreis Trigonis magis dignum est notatu, nec possum sanè quin submissim rideam dum eorum effecta lego. Ut exempli gratiâ, in Arte medica, prout Dariotes refert, Luna & Ascendens in signis igneis virtutem attractivam corroborat, in terreis signis retentivam, in Aëreis digestivam, & expulsivam in Aqueis. Nunquis igitur dehinc ausurus sit medicinam præscribere præceptorum Astrologicorum inconsultu? Item in Agricultura memorabile illud est quod apud * Heydonum occurrit, qui rationem nobis explicat faciendi ut Planta aut profundius in Terram aut sublimius in Aërem germinet, serendo scilicet ipsum sub tali Lune Aspectu. Etenim si Luna sit in Triplicitate terrea, radix profundius in terram deorsum penetrabit; si verò in Aërea, sublimius sursum in Aërem. Quod profectò secretum est selectissimum. Jam verò ut missam faciamus precariam hanc & arbitrariam divisionem Zodiaci in huiusmodi quatuor Trigonos, quorum unica hæc est occasiuncula, quantum ego video, aptitudo utique Leonis ut una pars fieret Trigonum ignei cum in illo signo Sol maximè ardeat (per quem angustum meatum cuncta quatuor Elementa in cœlum volaverunt, sedesque in suis singula Triplicitatibus in Zodiaco magna sanè cum alacritate & agilitate capefferunt, saltus ranarum ludum, quem vocant, imitantia, itaque alia aliorum dorsa transilientia, ut dividendo se in tres æquales partes, unusquisque Elementi Triens se Trini Aspectus membrum consocium invenerit) ipse flos sanè joci ac medulla est, quod nullus omnino sit huiusmodi in cœlo Zodiacus, vel si malles, nè cœlum quidem ipsum in quo egregii hi Artifices has suas Triplicitates constituent. Quippe quia cœlum hoc atque hic Zodiacus quo de loquimur, vetus tantummodò error est Ptolemæi ejusque Sectatorum, qui cum verum Mundi Systēma nescirent, nec motionem terræ quæ Anticipationis Equinoctiorum causas complectitur, Cœlum imaginati sunt supra cœlum stellarum, Zodiacumque, qui non recedit ab Occidente in Orientem quemadmodum stellifer Zodiacus facit. Atque hoc sanè figmentum quod recentiora secula cum Cachinnis scenâ exploserunt, solum subiectum est horum celebratissimorum Trigonorum & Triplicitatum quæ proinde cum eo scenâ meritò exhibantur. Quæ quidem detectio, manifesta demonstratio est universam Artem Astrologicam non nisi frivolis & imaginariis Principiis niti, quemadmodum ulterius declarabimus; Ac proinde illos Medicos qui peritiam suam commendare volunt ab huiusmodi vanis observationibus, aut Impositores aut Fatuos se planè profiteri.

11. Quartò, Quantum ad Essentiales Planetarum dignitates attinet, cum nihil aliud sint præter incrementum innatæ virtutis, ex eo quod in hoc vel illo signo reperiantur, cumque hæc signa illius Zodiaci signa sint qui nullum habet cœlum, nec in rerum natura existit, manifestum est universam hanc Essentialium dignitatum doctrinam corruere. Sed & distinctas huius inanis Figmenti partes oculis jam usurpemus. Quantum igitur ad primam Essentialem dignitatem, Planetæ Domum, nemo est qui

* Defens. Astrolog. Judic. cap. 7. p. 186.

quî vel mediocriter emunctæ naris sit homo, quin statim illi suboleat quid sibi id velit quòd *Leo* factus sit *Solis* domus; non utiq; quòd signum illud majorem vim habeat calefaciendi, sed quòd *Sol* ipse circa Tropicum *Canceri* diu tunc manserit, atq; ita plus solito terram calefecerit tam diuturnâ in tam comodo positu morâ. Atq; hoc illud est, non ipsius in sua domo constitutio, quod calorem tantoperè adauget. Nam illi, ultra Tropicum alterum, terræ Incolæ proculdubio frigescent satis. Idémq; dici potest de *Cancro* Domicilio *Lunæ*, quòd positura est non natura Loci quæ nobis auget virtutem ejus, minuit verò *Antecis*. Ex tenui hac indicatuncula à sensu, & ex erroribus rationis, citra omnem quidem rationem & sensum singulis reliquorum Planetarum domos decreverunt, operis regulam facientes, Benignitatem & Malignitatem *Aspectuum*: Quod merum Figmentum esse * jam notavi, cum nullum Fundamentum habeat præter temerariam conjunctionem Dierum *Criticorum* cum *Aspectibus* *Lunæ*.

* Vide Scđ. 7.

Quàm exiguum munus sit *Exaltatio* Astrologica, intelligi potest ex liberalitate *Albumazaris* qui inter Planetas etiam *Caput Caudamq; Draconis* ad eandem dignitatem promovit, quæ tamen nihil aliud sunt nisi Intersectiones Imaginariorum Circulorum *cursus Lunæ & Eclipticæ*. Sed de hac dignitate satis jam * dixi, ac proinde progredior ad proximum.

* Vide Scđ. 7.

Quantum ad *Τετραγονεστους* sive Dominos *Trigonorum*; Magna profectò calamitas est quòd non octo omnino Planetæ sint, ut singuli *Trigoni* binos suos *Consules* habere possent, nec *Mars* solitariè in suo aqueo *Trigono* regnare. Verùm cum *Trigonorum* ineptia satis jam confutata sit, nihil opus est quicquam ulterius de hac dignitate addere. Privilegium etiam *Ὁμολογίων* per primum generale argumentum abolitum est, cum partes *Signorum* æquè fictitiæ sint atq; tota *Signa*. Et sanè quod *Carpentum* attinet, sive *Sedem Regiam* vel *Thronum*, cum dignitas sit ex quatuor prioribus composita, manifestum est, partibus imaginariis existentibus, totum etiam merum esse nihil.

Quòdq; *Persona* Planetæ sive *Almugæa* tantundem valet ex eo apparet, quòd *Aspectus* inanis est imaginatio, nullo solido Fundamento subnixâ, quemadmodum plus semel jam insinuavi.

Itémq; Dominos *Decanatum*, non nisi imaginarias habere provincias ex eo rursus manifestum est, quòd totus eorum *Zodiacus*, in quem omnes istæ nugæ coacervantur, est tantum imaginarius, ordôq; assignationis eorum juxta falsam Hypothesein, secundum utiq; seriem Planetarum in *Ptolemaico* Systemate.

Et postremò, *Gaudium*, ultima *Essentialium Dignitatum*, duas Falsitates supponit; Quòd Domus utiq; sunt in hoc fictizio *Zodiaco*, quòdq; Planetæ sunt *Masculini & Fæminini*: Quæ suppositio jam confutata est. Aded ut omnes hæ *Essentiales Dignitates* substantiâ & realitate omnino careant, particulariûmq; *Fortitudinum* earum recensio, tot quasi *Nullitatum* sit incassum enumeratio.

12. Nec melior expectanda est ratio de *Accidentalibus Dignitatibus*. *Cazimi* enim, *Combustio* & *Liberatio* à *Combustione*, quàm ineptæ sunt Imaginationes, quàmq; sibi ipsis repugnantes? Primum enim non est rationi consonum, si naturam Planetarum noveris, *Solisque*, ac cœlestium *Vorticum*, statuere Planetam in *Cazimi* quinq; lucrari *Fortitudines*. Nam ultra *Solem* Planeta, ad quam maximam potest à nobis abesse distantiam; Et *Saturnus*, *Jupiter* & *Mars* integrâ Diametro *Solis* Orbitæ plus tunc à nobis distant, quàm cum sint in *Oppositione* ad *Solem*, & *Venus* ac *Mercurius* dimidiâ ferè ipsorum *Orbitâ*. Præterea quomodo potest transire virtus eorum per corpus *Solis* vel nixum *Vorticis* contra Planetam atq; nos, nec tamen eludi vel consumi? Rursus si *Cazimi* citra *Solem* bonum sit, cur ultra *Solem* non est malum? Et si *Venus* vel *Mercurius* in corpore *Solis* tantum valent, quantò plus valent *Solis maculæ* quæ multò sunt majores? Quarum nullam unquam rationem in Dignitatum computationibus Astrologorum Ignorantia habere poterat. Postremò, Quàm insani & malè proportionati saltus hi sunt, ut *Cazimi* quinq; valeret *Fortitudines*, & tamen *Combustio*, quæ non nisi parvam à *Sole* distantiam innuit, quinq; oneraretur *Debilitatibus*? Et *Liberatio* rursus à *Combustione*, hoc est major à corpore *Solis* remotio, quinq; iterum lucraretur *Fortitudines*? Quæ res tam citra omnem rationem sunt & tam arbitrariæ, ut nulli, præterquam qui læso cerebro sint, fidem ipsis adhibere possint.

* Vide cap. 18. scđ. 5.

Illud etiam insigniter ineptum est; Ut *Saturnus*, *Jupiter* & *Mars* à sua * *Conjunctione* cum *Sole* usq; ad *Oppositionem* duas haberent *Fortitudines*, & ab *Oppositione* ad *Conjunctionem* duas *Debilitates*. Nam in magna parte Semicirculi, qui ab *Oppositione* ducit ad *Conjunctionem*, multò propinquiores sunt terræ, ac proinde multò fortiores,

fortiores, quàm in Principio illius Semicirculi qui à *Conjunctione* ducit ad *Oppositionem*.

Præterea, quantum ad *Dignitates* & *Debilitates* quæ Planetis conferuntur propter *Directionem*, *Stationem* & *Retrogradationem*, manifestum est quòd pro præcipuo haberent Fundamento Errorem de systemate mundano, ignorantiamq; annuæ motionis Telluris & incertam applicationem quotidianorum quorundam Accidentium loquendiq; formularum apud vulgus. Et propterea quia, cum res malè succedunt, retrò ferri dicuntur, cumq; defatigati sumus tardius incedimus, vel subsistimus parumper respirandi causâ, cum verò maximè vigemus viribus corporis celerrimè currimus, *Stationi* idcirco duæ *Debilitates* attribuuntur, *Retrogradationi* non pauciores quàm quinque, sed *Directioni* quinq; *Fortitudines*. Cum tamen rationi magis sit consentaneum ut *Statio* virtutem Planetæ rebus multò firmitus imprimat quàm *Directio*. Cæterum reverà Planeta nec *Stationarius* est nec *Retrogradus*, sed tantum apparens, ac proinde nec hæ *Debilitates* veræ sed imaginariæ.

Ultima *Dignitas* accidentalis est *Configuratio* sive *Aspectus*, cujus inania Fundamenta * jam exagitata sunt. Quibus addam insuper, Quòd valdè rationi absonum * *Vide Sect. 7.* est statuere *Sextilem* & *Trinum* benignos esse, & *Quartilem* tamen, qui inter utrumq; interjacet, omnino malignum. Immo verò multò magis consentaneum esset, existimare, si *Conjunctio* & *Sextilis* benigni sint, *Quartilem Trino* esse benigniorem, quippe quòd ab *Oppositione* longius amovetur, quòdq; Planetæ in hoc Aspectu habiliores sunt ambo simul ad feriendam terram radiis magis directis quàm si in *Trino* Aspectu essent. Ac proinde, ego nullam equidem rationem excogitare possum cur tam sinistram foverent de *Aspectu Quartili* opinionem, nisi propter acutorum morborum inquietudines, quæ ferè septimo quoq; die contingunt, quod & tempus est *Quartilis Aspectus* Lunæ. Et propterea totum *Aspectuum* Mysterium in pravam hanc ac temerariam Applicationem retexitur.

Vidimus quàm nullius pretii sint omnes *Dignitates* Astrologicæ. Et tamen super ingentes has Artis suæ fictitiæ Inanias & nullitates, tota omnium suarum prædictionum fabrica, de quibus tantoperè gloriantur, superstruitur. Adeò ut certi esse possimus omnia vana esse & ridicula.

13. Quod *Domos* Nativitatis duodecim spectat, Divisio arbitraria est; *Erethidq; Schematis* tot diversis modis, & æquali tamen cum successu, demonstratio successum ab Arte non esse sed Fortuna. *Domorum* etiam *Configuratio* * septennésq; illi *Xenoxestrosi* * *Vide cap. 18.* sive *Alfridarii* satis innuunt rem totam non esse nisi Figmentum falsâ illâ *Ptolmæi* Hypothesi subnixum; Quòd utiq; Planetæ Tellúsq; pro Centro *Solem* non habent. Verum hoc totum non exhaurit quod contra hæc cœlestia Domicilia dici possit. Tellus enim aut pervia est omnibus Stellarum Planetarumq; radiis tam infra quam supra *Horizontem*, aut illi soli qui sunt supra *Horizontem* in Infantem virtutes suas diffundunt. Si prius verum sit, omnes Nativitates pares sunt vel consimiles. Si posterius, cur plura habent domicilia quàm sex? & cur nam subter *Horizontem* ulla? Serioq; porro rogo, quæ mens, quis hujus rei sensus, ut *Horoscopus* & *Domus sexta*, cum tanti momenti domi sint, subter *Horizontem* sint fiti, præsertim cum aliàs ipsis visum sit stellam vel Planetam *Verticalem*, maximam habere Efficaciam pronunciare? Nec potuit profectò quicquam aliud esse præter meram Imaginationem, quod eos ad faciendum *Horoscopum* induceret, *Domum vitæ*; nempe, quòd stellas inde oriri fingeant, & ex ea parte quasi in mundum nasci. Unde (quemadmodum notavi ipsorum esse in rebus cæteris morem) absq; omni rationis specie reliquas cœlestes *domos* finxerunt. Et ut adhuc certior esse possis nihil esse in his domibus (vel potius domos ipsas esse nihil) sunt tantum distributio Imaginarij illius Zodiaci atq; cœli (quos (quod * suprà dixi) * *Vide sect. 10.* *Ptolmæi* error in mundum introduxit) in duodecim Sectiones Imaginarias, incipiendo ab Orientali puncto Zodiaci. Adeò ut Ars ipsorum perpetuò extruatur super purum purum nihil.

14. Jam verò quod ad accuratum Nativitatis tempus attinet: ut quis resciscat ipsum momentum quo Infans nascatur, Curiositas, inquam, est nullius utilitatis. Nam primum, si dura crassaq; Terra cœli radiis sit pervia, quàm facilè possunt tenuia illa Matricis integumenta perpetuò à Stellarum virtutibus penetrari? Quibus proinde etiam tunc Infans æquè exponitur atq; quando recens est natus. Sin minùs, cur non aliqua momenta postquam natus sit, ipsarum Influentiis æquè exponi potest ac eo ipso momento quo sit natus? Etenim an non possunt hæ Influentiæ quæ ipsa viscera Telluris metallipæ penetrant, per tenellam Infantis cutem absq; resistantia pertransire? Verum supponendo hanc curiositatem non inutilem fore; Quàm difficilis & lubrica res est ad tam accuratam illius cognitionem quàm illi necessariam esse

esse prætendunt, pervenire? Primum enim oportet exquisitè cognosci loci Longitudinem (quæ res est suprà quàm dici potest ardua & incerta) alioqui perfectæ temporis notitia nihil valitura est. Et tamen rursus hæc accurata temporis notitiæ affectatio ridicula videtur, cum, quodnam sit proprium partûs momentum, non possimus certè determinare. Nascitur enim gradatim Infans, & pauci aut nulli exeunt, postquam apparere inceperint, spacio breviori quàm semiquadrantis Horæ. Quamobrem cum caput Infantis stellarum influentiis exponatur, cur non totum corpus contagium illud cœlestè pervaderet? Verùm suppone illud partûs momentum esse quo totum corpus primum exit, quomodo hoc momentum cognoscetur? Per Horologium minutarium, inquires, quale *Tycho* habuit, *Heydonus*q; se habuisse professus est, quod exactè minutum secundumq; scrupulum Temporis illi ostendebat. Sed quàm pauci Nativitatum computatores de eodem gloriari possunt privilegio? Et si possent, in quem usum esset, cum tam rarò contingat eos in eadem esse domo, multoq; minùs in eodem cubiculo ubi Fœmina fœtum enititur. Quamobrem Obstetricis narratio maximam ipsis quam habeant, affert certitudinem; & quot, quæso, Nativitates computatæ sunt etiam absq; illo adminiculo? Nec tamen abstinent à prædicendo confidenter Fata Fortunæq; hominum vel incerto tempore dato. Possunt enim, ut profitentur, datum tempus corrigere, reducerèq; ad verum Nativitatis momentum, idq; tribus modis, per *Trutinam* utiq; *Hermetis*, per *Animodar*, & per *Accidentia Nati*. Quæ quàm audax sit & absurda gloriatio, nunc videamus.

15. *Trutina Hermetis* hoc fundamento nititur, Quòd gradus *Zodiaci* in quo *Luna* constituitur in tempore conceptionis, idem *Horoscopus* est *Nativitatis*. Sed quàm ineptum hoc est subterfugium? Quandoquidè exquiritum Conceptionis tempus æquè difficile est cognitu atq; illud Nativitatis? Et si cognitum esset, nulla tamen est certitudo temporis partûs, cum aliæ citiùs aliæ tardiùs pariant, quemadmodum quævis Mater, Nutrix & Obstetrix satis nòrunt. Nec ex eis ulla prætenderit se ad diem posse prædicere quando fœmina sit paritura.

In *Animodar* Nativitas aut *Conjunctionalis* est aut *Præventionalis*, hoc est, aut post aut ante *Conjunctionem Solis* atq; *Lunæ*. Si Interlunium præcedat tempus Nativitatis, gradus notandus est in quo contingit; si Plenilunium, ille gradus in quo *Luminare* illud est quod supra *Horizontem* est in tempore *Oppositionis*, Sol interdiu, Luna noctu. Gradibus ad hunc modum datis, inveniendus est *Almuten Almusteli*, qui Planeta est qui plurimas habet dignitates in illo loco *Oppositionis* vel *Conjunctionis*; Quæ sunt *Trigonus*, *Domus*, *Altitudo*, *Opusculosa*, & *Aspectus*. Tum gradus Signi notandus est in quo *Almuten* erat in tempore æstimatæ *Nativitatis*, &c. Nec enim opus est ut ulteriùs pergamus; satis jam dictum est ad demonstrandum totam Methodum supersticiosam esse Ineptiam. Etenim cum computatio debeat fieri per locum *Almuten Almusteli*, ejûsq; electio ex dignitatibus, Dignitatèsq; nihil aliud sint nisi deliræ Imaginationes ac Vanitates, quemadmodum jam probavi, necesse etiam est ut correctio per *Animodar* vana res sit atq; futilis. Præterea non solum *Picus*, adversarius Astrologiæ, quàm falsæ ambæ hæ Methodi, *Animodar* & *Regula Hermetis*, sint & inter sese collidentes, profitetur, sed & ipse *Origanus*, amicus Artis, consultius esse dicit auscultare narrationibus aniculæ cujullibet Obstetricis quàm utrius horum modorum fidem adhibere.

Certissima via corrigendi Thema Nativitatis juxta *Origani* sententiam, est per *Accidentia Nati*, sive bona sive mala, ut sunt Honores, Donationes, Egritudines, Carceres, Casus, Conflictus, &c. quæ tamen via vel primò Aspectu admodum lubrica est. Est enim saltem res dubia & incerta an sit ullum in homine liberum arbitrium. Verùm, quantum ad me, equidem ausim paulò ulteriùs progredi, apertèq; profiteri, me existimare, ex *interno Sensu*, *Ratione* Sacrisq; Oraculis demonstrari posse, homines libero Arbitrio præditos esse. Unde necessariò sequitur, multa hominibus accidere præter *naturam* præterq; fatum. Morbi igitur, Incarcerationes, Ignominia, & Dignitates nobis, aut nostris aut aliorum liberis Actionibus accersi possunt, idq; citiùs vel tardiùs prout hominum virtutes vel vitia operantur. Quod omnem tollit certitudinem Computationis per *Accidentia Nati*.

16. Præterea, ipsa ratio Computationis admodum frivola est & ridicula. Cum enim triplex sit, prout tradit *Origanus*, *Profectio annua*, *Transitio*, & *Directio*, harum nullæ quicquam aliud sunt præterquam meræ Imaginationes & Figmenta. Quid enim vanius esse potest magisve imaginarium quàm *Annua Profectio*, quæ *Horoscopum* supponit reliquasq; domos annis singulis triginta gradus moveri donec integra Periodus Duodecimo utiq; Anno finiatur? Nuncubi hujus natalitii Thematis Circuitus esse potest præterquam in propriis ipsorum Cerebris? Et tum postea, Prædictiones vel

vel Correctiones per *Aspectus Cuspis* Radicis fiunt cum *cuspidibus* præsentis Schematis pro hoc vel illo anno calculati. Quòd verò ipsi *Aspectus* nihil sunt, semel atq; iterum notavi.

Et quod ad *Transitionem* attinet, quid monstrosius est, quàm putare, Planetam transeundo per locum in quo ipse erat aliæ Planetæ in Nativitate, tam notabiles alterationes in Persona nata efficere posse, tanquam si Planetæ odoratis foccis circuitus suos obambulant, aut fortius olerent in Nativitate aliqua quàm aliis temporibus, aliûsq; Planeta in pedum tractum incidens odore exultaret, idemve augeret eundem & renovaret? Et quid est quod adhærere potest his cœli punctis in quibus Planetæ inveniuntur in Nativitate? Cûrve tractus totus ejusdem non est odoris? Illêve odor non extinctus per aliorum Planetarum transitum? Sed enim verò quid est ad quod imaginandum Dementia & Effascinatio hominem non cogat, quo sua tueatur præjudicia? Et certè hos duos modos ipse *Origanus* lubens misum facit tanquam minùs sanos ac probabiles; verùm *Directionem* pro re magis solidâ habet & eximia.

Quæ tamen reverà inveniatur æquè frivola ac reliquæ. Nam quemadmodum in *Transitiõe*, ita etiam in *Directione* magna alteratio accidit quando Planeta, vel *Cuspis* vel *Aspectus* ad locum veniunt ubi talis Planeta vel *Cuspis* erant in Nativitate. Quando *Significator* ad locum venit *Promissoris* tunc pro certo se prodest effectum. *Promissor* enim concipitur tanquam immobilis, talisq; qui fixus stet expectetq; *Significatoris* adventum. Quæ demonstratio est Promissorem hunc aut spacium imaginariū esse aut nihil. Utrum verò horum putas sanctius promissis staturum? Immo & *Significator* si *Horoscopus* sit aliæ *Domus*, est etiam imaginarius, quemadmodum demonstravi. Et certè si Planeta sit, cûm moveantur Planetæ non ut Aves in Aëre vel Pisces in Aqua, sed ut suber flumine delatum, manifestum est hunc Planetam nunquam ad illam partem venire cœlestis Materię in qua *Promissor* erat in Nativitate, *Promissore* semper labente cum materia in qua natat: Ac proinde si quam post se virtutem reliquerit, oportet iterum in Imaginario spacio deponi. Quod inexpugnabile argumentum est, totum *Mysterium Directionis* esse Imaginariū.

Quamobrem si *Profectio annua*, *Transitio* & *Directio* tam vanæ sunt ut nihil *prosum* significant, quomodo ab Eventis possumus (quamvis de ipsis iudicium & ex ipsis ratiocinatio satis accuratè fieret juxta has leges Phantasticas) accuratam indicationem temporis *retrosum* arguere? Si de regulis aliquibus *Naturæ* vel *Astronomie* gloriari potuissent quibus *Genituram* rectificare possent, aliquid *profecto* attulissent; nunc verò cûm eorum recursus sit ad propria sua Phantastica & fictitia Principia, nihil sanè omninò efficiunt.

17. Atq; sic equidem Sectionem octavam nonamq; antecedentis Capitis percurri antequam prævideram. Quisq; vel mediocriter versatus sit in solidis *Philosophie naturalis Astronomieq;* Principiis, & vel minimam habeat ad firma mea ratiocinia indè deducta attendenda patientiam, non potest non agnoscere me universam Artem Astroligicam fundamentaliter confutasse, seq; planè percipere bellos illos omnes Terminos, *Horoscopum*, *Cælestes domos*, *Exaltationem*, *Triplicitatem*, *Trigonos*, *Aspectus benignos & malignos*, *Stationem*, *Retrogradationem*, *Combustionem*, *Cazimi*, *Significatorem*, *Almugeum*, *Almutinem*, *Promissorem*, *Aphetam*, *Anaretam*, *Trigonocratorem*, *Horecratorem*, & *Alcochodonem*, unâ cum reliquis canoris ipsorum Nullitatibus universis, his nostris contra ipsas arietationibus, tanquam aridorum ossium struem, cum strepitu in Terram corruisse. Atq; hîc quidem non dubitarem pronunciare me omninò Hostem profligasse ac debellasse nisi quodd cæcum quoddam Castellulum video quò se fugitivi hi plerunq; solent recipere. Et certè ex Titulo admodum firmum esse oportet, quippe quodd illi *Experientiam*, vel *Eventuum Observationem* appellant, quos prædictionibus suis accuratè respondere gloriantur.

CAP. XX.

1. *Fallax eventorum Allegatio prædictionibus respondentium.* 2. *Responsum ad Evasionem, Errorem in Artifice esse non autem in Arte.* 3. *Plures Confutationes importune ipsorum Præsumptionis, Quod Ars eorum semper prædicat vera.* 4. *Certitudinem Astrologiæ ex eo non probari, quod eventum aliquando prædictioni Astrologi accuratè respondeat.* 5. *Magna Astrologiæ affinitas cum Dæmonolatria, & de secreta Dæmonum operatione quæ prædictionum eventa maturent.* 6. *Propter secretam Operationem & Familiaritatem Dæmonum cum professis Astrologis fieri, ut nullum argumentum duci possit ab Eventis ad veritatem Artis stabiliendam.* 7. *Recapitulatio totius argumenti contra Astrologiam.* 8. *Iustæ occasiones hujus Astrologiciæ excursionis, & quàm bellè ostenderit ridiculam Conditionem trium illorum levium & elatorum ardelionum in Fide Christiana profliganda, Apollonii, Cardani, & Vanini.*

1. **C**eterum Fortalitium eorum hîc non tam firmum est quàm Impudentia insignis & planè ahenea, Quod tanta nempe cum confidentia nobis persuadere volunt se virtute Principiorum Artis suæ quicquam unquam futurum prædixisse. Sunt multi sanè Divinationis modi ludicri, in quibus nemo seriò rem agit, & Prædictiones tamen personalesq; sciscitantium Descriptiones aliquando satis examussim congruunt. Quod tamen nemo mentis compos arti imputaverit sed *casui*. Nec quicquam aliud erat præterquam fallacia in Sacerdote *Neptuni*, qui spectatorem in admirationem marini illius Numinis rapere voluit, ex consideratione multorum Donariorum in templo ejus à voventibus suspensorum. Is verò cui sic studuit imponere, paulò nasutior erat quàm ut sic deciperetur. Deposcebat enim protinus Catalogum eorum qui æquè atq; hi *Neptuno* vovissent, & passi tamen essent Naufragium. Atq; ego similiter Syllabum deponco earum prædictionum quibus nullum responderit eventum. *Cardanus* in ea facultate Princeps existimatus conqueritur vix decem è quadraginta veras esse. Et *Picus* diligens hujus Artis explorator profitetur se propriâ suâ Experientiâ reperisse novendecim è viginti fuisse falsas, idq; in Prognosticationibus mutationum Cœli, ubi Agentes liberi non intermiscent se ad interrumpendas vel repellendas naturales Stellarum Influentialas.

2. Verùm aberrationes omnes quas vel ipsi vel alii observaverint, magis devotos Astrologiæ admiratores ad ingenuam agnitionem vanitatis suæ Artis nunquam poterant abducere. Defensio enim ipsorum est, Primum, se ex Historia, è privatis narrationibus, & ex propria sua Experientiâ certos esse, Prædictiones aliquando præcisè ad Annum, immò ad Diem & interdum ad Horam impleri, rerumq; Circumstantias tam particulatim describi ut *Fors* esse non possit sed *Ars* quæ tam accuratam rerum delineationem exhibeat. Deinde, Aliorum Professionem propriamq; ipsorum Observationem ipsis testificari siquando peccatum sit, quod error in *Artifice* sit non in *Arte* ipsa. Postquam enim *Schema Astrologicum* denuò examinaverint, se Eventum invenire ibi significatum, & propriam ipsorum fuisse incuriam quod id antea eos fugisset. Verùm ut ad posterius primò respondeamus, dico observationem hanc suam, universalem esse, neutiquam eos prætereundum posse, quicq; Astrologiam callent maximè, lubenter agnoscere, eam esse plerumq; intricacionem rerum & complicationem, ut admodum longum tempus requiratur ad debitum ferendum, juxta *Artem*, de proposita *Nativitate* Judicium. Ac proinde affirmo, cum Representatio Eventu tam dubia sit, si primà vice rectè prædicere contingat, illos faciliè sibi persuadere eam ipsam fuisse cœlestis *Thematis* mentem. Si quid erraverint, viam ulteriùs moliri usq; dum invenerint quod Evento respondeat. Qui tunc omninò sensus habendus est Artis, quanquam *Artifex* eum antea non deprehenderat. Nec ulteriori adhuc accuratio-riq; inquisitioni rem exponent, nè fortè in discrepantiam aliquam iterum inciderent, vel potiùs ex obfirmata credulitate, si rectè res ceciderit, id pro certo fieri ex vero scopo firmisq; principiis adamatæ suæ scientiæ; Cùm tamen reverà Themata ipsorum nullam habeant in Representationibus suis certitudinem, sed similiter hîc fiat atq; in pannorum sericorum coloribus alternantibus, vel in Imaginibus in strictas tabulas depictis, si ex hac parte intuearis hunc colorem, si ex altera alium videbis, ex hac parte pulchram virginem, ex altera videbis simium; vel deniq; quemadmodum in Oraculis *Apollinis*, qui meritò appellabatur *Loxias*, utpote cujus responsa ambigua, tam obliquis flexibus hæc atq; illà se vertebant, ut nihil præter Eventum determinare posset, quid indigarent.

3. Huc

3. Huc adjici porro potest, quòd prætenſio ipſorum *Schematum* (quantumlibet ſint exacta) prætenſio inquam rectè ſemper repræſentandi Eventa, impudentiſſima præſumptio ſit maximèq; temeraria; Quippe quòd (quemadmodum jam inſinuavi) Objecta prædictionum aded mutabilia ſint ex liberorum Agentium interpoſitu; quem idcirco neceſſe eſt ſeriem ſubinde *Cauſalitatis* in naturalibus hominum Propenſionibus interrumpere. Unde ſit ut cum ratione nemo ullas certas prædictiones à Stellarum ſignificationibus expectare poſſit, nec certam ullam haurire experientiam an quicquam ſolidi huic Arti ſubſit necne. Et certè non poteſt quin cuilibet admodum audax videatur Suppoſitio, imaginari omnes qui uno prælio gladii acie cadant vel naufragium patiantur, eadem Tempeſtate vel eadem Peſte ſimul auferantur, *Emiſſores & Interſectores* in ſua habuiſſe Nativitate, necis tempori reſpondentes. Ipſi *Artiſtes* id affirmare non audent, ac proinde cautionem introducunt inobſervatam recurrendi ad Eclipſes, Cometàſq; ut generalis fortunæ Loci inſtituatur Calculatio; immò Parentum & Progenitorum, & Amicorum familiarium, qua tamen de re in celebratiſſimis Astrologorum Prædictionibus nulla ſit mentio. Ac proinde cum hæ & conſimiles Conſiderationes omiſſæ ſint, indicium eſt prædictiones ipſorum caſu tantummodo repertas fuiſſe veras. Quamobrem turpiſſima quædam Impudentia eſt veritatem prædictionum Arti imputare, ubi ipſius Artis Regulæ neſtquam obſervantur; immò poſſum addere, ubi experientiâ maniſeſtâ conſutantur. Ità enim ſit in Gemellis mutuò coaleſcentibus. Quorum natura eadem prorsus debet eſſe juxta Astrologorum Artem, cùmq; eodem momento orti ſint idem etiam debet eſſe momentum mortis. Et tamen inſeparati illi Gemelli in *Scotia* nati, qui ad vigeliſimum octavum ætatis annum vixerunt, diſſentientes fratres ſæpè reperti ſunt, rixariq; & concertare inter ſe, unuſq; eorum priùs altero mortuus. In reſpondendo cui inſtantia, meo quidem judicio, ingenioſus ille Miles auratus *Chriſtophorus Heydonus* miſerè hæret, ſe cum laude hinc expedire neſcius.

Vide Deſenſ.
Judic. Astrolog.
cap. 11.

4. Jam verò quantum ad exquisitas Eventu Circumſtantias, dico, Quòd ex accurata congruentia Eventu cum prædictione certitudinem Artis concludere mendosa ſit Illatio. Nam & pariter verum eſt, eventum aliquando prædictioni, modis quàm perfectiſſimis, contrariari. Ac proinde hæc æquè valida eſſet Demonſtratio Artem non eſſe, atq; illa altera eſſe. Sed ſatis faciliè intelligitur utrumq; caſu poſſe contingere. Rurſus quantum ad præciſam temporis rationem, veriſimillimum eſt id caſu evenire, quippe quòd (prout ſuprà probavi) nulla via ſit rectificandi Nativitatem ad eam perfectionem quam illi prætendunt. Et quod particulares circumſtantias attinet in quæſtionibus Horariis, quid obſtat quin illæ per celatam aliquam Prænotificationem intelligi poſſint, vel per technas aliquas fraudèſve ab Impoſtoribus frequenter uſurpatas? Quòd ſi Astrologorum Prædictiones ab his liberæ ſint, & tamen quantum ad tempus aliàſq; Circumſtantias exactæ reperiantur; & tam multæ inſuper, ut minùs probabile videatur caſui poſſe imputari: (quanquam & caſus eam habet latitudinem ut difficile ſit quicquam ſtatueri caſu non contingere quod vel quadruplo rariùs accidit quàm contrarium) non ſtatim ſequetur, eas aliarum rerum immunes fore, quæ tamen proculdubio peiores ſint, horridiores, magiſq; execrabiles quàm illæ alteræ. Qualis eſt *Demonum* conſultatio *Spirituumq; Familiarium* Impietas, quam ſedulus ille Astrologiæ Patronus *Chriſtophorus Heydonus*, agnoſcit frequenter nimis ſub hujus Artis pallio tegi.

5. Et certè, quantum ad me, ego parùm quidem dubito, quin ipſa *Astrologia* veteris Paganorum *Superſtitionis* quædam ſit Appendicula, qui cælorum exercitùs cultores fuerunt, quorùmq; Sacerdotes confœderationem interunt cum Diabolo. Ac proinde nec mirum eſt ſi *Demonolatria* Astrologiæ ſuperirrepreſerit, ambæq; denuò veterem ſuam familiaritatem mutuò renovaverint. Et proculdubio perquam lætum ſpectaculum eſt aëreis illis *Lemuribus*, iſtis oſoribus contemptoribùſq; humani generis, nobiles videre hominum facultates, ad tam vile miſerùmq; Myſterium dejectas illigatàſque, quod ad Divinationem nihil valet niſi iſti *arabum & ſaium* iſti *maligni Impoſtores* ſuas etiam partes in ſcena agant. Neq; enim intellectu difficile eſt, quòd inviſibiles hi *Inſidiatores*, curioſitati hominis, qui immiſcere ſe vult & exercere in hac ſuperſtitione, ità ſe valeant inſinuare, ut incitare poſſint (in Horariis putà quæſtionibus) tales perſonas, taliq; in tempore ad ſciſcitandum hos Hariolos, ut ſecundùm præcognitas Astrologiæ regulas *Thema cæli* ſatis circumſtantialiter repræſentaturum ſit Perſonam ſciſcitantem, neceſſarios ejus, totàmq; ejus conditionem, ac veram quæſtionis ſolutionem ſive de *Ægrotationibus*, Boniſve furto ſublatis, ſive aliis id genus quæſtionibus quæ in *Dariotiſ Introductiōe* occurrunt, ſit redditurum. Quod non poteſt quin mirificè novitium Astrologum amore & admiratione tam

stupendæ Artis oblectet inflammétque. Et quantum ad Nativitates præcisâsq; prædictiones temporis Mortis cujuslibet, & ipsarum fortean circumstantiarum illius (quod aut solùm aut ut plurimum in hujusmodi contingit hominibus qui aut huic Arti addicti sint aut devoti sint ipsius admiratores) equidem admodum est suspicandum, easdem *invisibiles Potestates* ad effectum maturandum operam suam conferre, eosq; sic quorum infortunia mortésq; prædicuntur, ad honorem Arti conciliandum miserè debere occidi, sacrificiâq; fieri libidini & ambitioni rebellium istorum Dæmonum; quorum secreto flagello ac dominio homines seipsos exponunt, quando se hujusmodi superstitionis curiositatibus ingerunt: Quæ antiqui Paganismi appendiculæ sunt, quâsq; verisimillimum est ab istis superbis & ludicris Spiritibus ad illaqueandum hominem per contemptum & ludibrium ad eumq; subjugandum deceptionibus suarum technarum & illusionum inventas esse & suggestas. Neq; enim alienum est cogitare per certas quasdam magnæ Politicæ *Mundi invisibilis* leges, jus eos posse contra hominem absq; explicito contractu acquirere, si tam temerarius semel fuerit ut se Mysteriis *Regni tenebrarum* immisceat, ipsi se exerceat, ullôve modo eis utatur. Curnam enim non æquè hîc atq; in Ceremoniis Magicis hoc contingat? (Sed nolo nimium excurrere.) Quapropter tutissimam ego viam existimo, ut quisq; qui nomen suum Deo dedit Christoque, omninò se ab his superstitionis curiositatibus Astrologiæ abstineat, nec ipse se in eis exerceat, nec alios qui se in eis exercent, consulat, nè quid damni ipsi indè eveniat, aliisve quorum causâ hos Hariolos consulit, cum utriq; hac ratione *flagello invisibili* se obnoxios reddant.

6. Dico igitur, cum vagi hi *Dæmones* Aërei aut occultè se studiis Actionibûsq; Astrologorum insinuent, aut etiam conversationi ipsorum ac familiaritati apertius se offerre non graventur, quò Artem orali rerum præteritarum, præsentium ac futurarum revelatione cohonestent, tali quidem ratione quæ planè supra humanas facultates sit posita, quæro, inquam, unde constare possit, *Cardani* putà mortes & *Ascleptarionis* aliorumq; quos nominare possum, sive à seipsis sive ab aliis magis præcisè prædictas, per familiaritatem Dæmonum non prædictas fuisse sed per pura putà Astrologiæ Principia? Et similiter de quibuscunq; honoribus aliisve Eventis quæ observata sunt omninò secundum Astrologicas prædictiones accidisse, equidem rogo, quomodo probari possit *Astrologiam* hîc non fuisse tantum pro *Persona*, sed reverà *Magum* sub ipsa latuisse? Quanto Prædictiones accuratiores sunt, tantò quidem major est causa suspicionis.

7. Nunc igitur ut concludamus; Cum Principia *Astrologiæ* tam absurda sint & frivola, immò contradictoria & inter se collidentia, & super falsas Hypotheses, crassosq; errores de *Natura*, *Mundi*q; *Systemate* extructa; Cum nullum debitum habeat Objectum propter liberorum Agentium interpositus, tum hominum tum Angelorum, quibus imaginaria illa series naturalis ac necessaria causarum & eventuum perpetuò interrumpitur; Cum nulla sit sufficiens Experientia ad evincendam Artis veritatem, quippe cujus Professores, leges ipsius utcunq; fictitias satis religiosè non observârunt, unde si quid hætenus verum esse contigit, casum esse oportet. Quod penitus tollit sua omnia Argumenta ab Eventis, ità ut Ars ipsorum omninò destituatur non solùm Principiis quæ falsa esse demonstravi, sed & ipsâ Experientiâ & Effectis, quæ hætenus fuerunt nulla. (Et certè nihil pensi habent fidenti voce pronunciare quòd hæc vel illa configuratio talem sortitura sit eventum, quamvis nunquam id experti sint aut rarè admodum, ut necesse est contingere in conjunctione *Saturni*, *Jovis* & *Martis* quæ intra septingentos annos non redit.) Cùmq; insuper illæ Prædictiones quæ dicuntur Eventis convenisse tam paucæ sint ut coincidentia fortuito facta meritò existimetur, & si quid prædictum sit magis plenè præcisèque, quantum ad ipsas circumstantias, æquè rectè supponi possit, immò longè rectius, ab occulta provenire insinuatione vel visibili conversatione cum *Erronibus* illis *Aëreis* quàm ab indicatione Stellarum; Et postremò cum ea sit affinitas frequensq; Astrologiæ cum *Dæmonolatria* veteriq; superstitione *Paganica* Associatio: Equidem oportet valde impuram habere facilèq; effascinabilem Imaginationis Passivitatem, siquis alligari potest ad fidem aut affectationem tam absonæ Ineptiæ quàm est Astrologia, & tam propè ad Apostasiæ & Impietatis crepidinem appropinquantis.

8. *Astrologicam* hanc meam excursionem jam absolvi, ad quam vehementer provocatus sum per zelum justum, debitamq; detestationem nunquam æquiparandæ præsumptionis impiæq; protervitatæ gloriabundi istius *Cardani*, qui aut ex enormi animi elatione & admirationis hominum siti, aut etiam ex maligno adversus veram pietatem consilio nobis vult persuadere, Divinitatem Christianæ Religionis ejûsq; sacrosanctitatem suis imaginariis stellarum legibus subjici, fatumq; Christi Dei filii

* Sueton. in vi.
ta Domitiani.
sect. 15.

& à Spiritu sancto per miraculum geniti scriptum esse in ejus Nativitate, quam ille nempe se prætendit calculasse: Tanquam si omnis illa Justitia, Mansuetudo potentiâq; edendi miracula, in Servatore derivata sint in sua Nativitate per naturalem Influentiam *Configurationis* Cœlorum; nec ultro vitam suam deposuerit pro mundo, quemadmodum ipse * profitetur, sed fato coactus, & Astrologici alicujus *avapstû* * *Johan. 10. 18.* sive *Syderis Intersectoris* ictui expositus. Hanc, inquam, excursionem *Cardani* gratiâ feci; sed & præterea, ut condignam rependerem gratiam, vesano illi gloriatori, sibiq; immane quantum placenti *Philosophastro*, profano & vertiginoso *Vanino*, immenso sanè plausori & admiratori enormis hujus vanæq; suppositionis *Cardani*, quam is profecto ita deperit ut fundamentum ipsam faciat & superstructuram in universis scriptis suis impiis, *Basin* & *Coronidem* omnium improbarum suarum & perversarum doctrinarum contra veritatem sanctitatēq; Religionis Christianæ. Quibus dubius addere etiam potes *Apollonium*, (quanquam is multo antè floruit) *Divinarum Revelationum* gloriosum professorem, fervidūq; languentis *Paganismi* Instauratorem, verum perquam misellum simul affectatorem Prædictionum * Astrologicarum, unde facile detegitur quem ad modum gradūve ipse aut vaticinatus sit aut philosophatus. Et certè perquam bellum, meâ quidem sententiâ, spectaculum est videre hos tres tam sedulos Christianæ Religionis impugnatores tanquam tres elegantulos Fatuos *Astromanticis* suis leriis larvisq; perquam pueriliter ridiculēq; splendidos, propter ausa sua temeraria contra rem tam sanctam solidamq; quàm est Fides Christiana, idq; ex tam ineptis frivolisq; rationibus quàm quas ipsis suppetit Astrologia, justo contemptui & derisioni hominum exponi.

* Vide lib. 4.
cap. 4. sect. 2.

MAGNI

MAGNI MYSTERII PIETATIS EXPLANATIO.

LIB. VIII.

C A P. I.

1. *Finis & utilitas Christianæ Religionis in genere.* 2. *Quod Christus venit in mundum ut peccatum ex eo exterminet.* 3. *Ejus seria Humilitatis commendatio.* 4. *Eadem à Paulo Apostolo inculcata.*

1.  Inivimus jam tertiam *Tractatus* nostri partem, satisq; luculentè probavimus, Christianitatem non *rationabilem* solum esse & *intelligibilem* rei alicujus *Ideam*, quæ digna sit cui Divina Providentia initium aliquando daret, ad instarve *Formæ esse seminalis* otiosè in semine latitantis sub terra; verùm eam se jam in *realem existentiam* emisisse, factamq; esse tanquam arborem adultam, quæ brachia sua longè latèq; extendit. Restat nunc ut consideremus *ramos* ejus *fructusque*. Atq; ausim hic professò affirmatissimè pronunciare, hanc illam esse arborem cujus folia ad sanationem Gentium destinata sint, non ad prætextum palliationemve Peccati; fructusq; ejus verè credentibus *Vitam fore & Immortalitatem*. Hæc brevis est comprehensio gloriosi finis magnæq; utilitatis Evangelii. Sed enim paulò explicatiùs in re tam immensi momenti agendum est. Intelligere sanè poteris ex eis quæ dicta sunt in prima parte de *Natura Mysteriorum Pietatis*, Evangelium *Machinamentum* quoddam esse ad attollendam *Divinam vitam* in eos Triumphos qui ipsi debentur, eiq; ab æterno per omniciam Dei Providentiam sunt designati. Dispiciamus jam quàm idonea sit Evangelii *Dispensatio* ad hoc Propositum, hoc est, res illæ quæ in eo *narrantur*, quæ *de eo prædicuntur*, quæq; *ab eo præcipiuntur*, quàm aptæ illæ omnes ad hunc finem collineent atq; conspirent, partim suppeditando quàm efficacissima media, quibus Anima ad sublimiorem Justitiæ gradum etiam in hoc statu restituatur quàm per ullam aliam, quæ unquam hætenus extitit, restitui potuerit Oeconomiam, ex eòq; certius simul postea in beatam trajiciatur Immortalitatis statum; & partim exhibendo tam legitima fundamenta Divini cultûs Domino Jesu præstandi, in quo hæc vita qua de loquimur tam copiosè residet, quippe qui illâ inunctus est modo longè effusissimo præter socios. Ità ut hæc quidem ratione, quamvis alterum illud Propositum tam parùm effecti sortitum sit apud homines, non possumus tamen quin agnoscamus *Divinam vitam* omnibus quidem suis pompis ac Triumphis non penitus excidisse. Ordinem verò à priore genere *virtutum vel potentiarum* hujus *Machinamenti*.

2. Quarum prima in hoc ferè consistit, *Quod utiq; tam manifestò ac perspicuè declaratur in novo Testamento, Insignem illum Finem adventûs Christi in mundum, esse ut ex eo peccatum exterminet animasq; hominum purificet ab omni Immunditie ac Impietate. Quemadmodum è multis locis apparet. 1. Johan. cap. 3. Qui committit peccatum ex Diabolo est, quoniam à principio Diabolus peccat. In hunc finem filius Dei patet factus est*

est ut dissolvat opera Diaboli. Quisquis natus est Deo peccatum non committit, quoniam semen ipsius in eo manet; nec potest peccare, ed quod ex Deo natus est. Rursus, Tit. cap. 2. Illuxit enim gratia illa Dei salutifera omnibus hominibus, erudiens nos ut negatâ impietate & mundantâ cupiditatibus sapienter & justè & piè vivamus in presenti seculo, Expectantes beatam illam spem & illustrem adventum gloriæ magni illius Dei ac Servatoris nostri Jesu Christi. Qui dedit semetipsum pro nobis ut redimeret nos ab omni iniquitate & purificaret sibi ipsi populum peculiarem studiosum bonorum operum. Item, Ephes. cap. 5. v. 25. Viri, diligite uxores vestras sicut & Christus dilexit Ecclesiam, & semetipsum exposuit pro ea; ut eam sanctificaret, postquam purgasset lavacro aquæ per verbum: Ut sifteret eam sibi gloriosam Ecclesiam non habentem maculam aut rugam aut quicquam ejusmodi, sed ut esset sancta & inculpata.

Multa alia loca huc adjicere possum, verum uniceo insuper contentus ero testimonio ex ore beati Servatoris, qui profitetur se non venisse ut dissolveret legem aut prophetas, sed ut impleret; hoc est, ut ad altiorem perfectiorémq; sensum provéheret & explicaret, quemadmodum ex universo scopo Sermonis in monte apparet. Quorum præceptorum observationem ille seriò à discipulis suis ac sectatoribus requirit, quemadmodum constat ex illa similitudine quâ dissertationem suam claudit, ubi declarat, quod illi qui custodiunt & præstant sermones ejus, tuti erunt & muniti sicut is qui domum suam super petram ædificaverit; ii verò qui audierint sermones ejus nec tamen præstant, quod futuri sint sicut is qui domum suam ædificavit super arenam, hoc est, super falsum & evanidum fundamentum. Et paulò supra apertè profitetur etiam contra tales qui in nomine ejus vaticinati sint, Dæmonia ejecerint & ediderint miracula (quæ tamen res sunt majoris momenti quàm aut conceptio aut auditio prolixarum præcum vel Sermonum) profitetur, inquam, eis, ed quod hanc legem Justitiæ quam hic proponit non observaverint, se in die Judicii eos non nosciturum, sed jussurum à se facessere, ut qui operati sunt iniquitatem.

Atq; hoc quidem sufficit ad demonstrandum, Finem Evangelii Renovationem esse animorum humanorum in veram ac realem inhærentem Justitiam ac Sanctitatem, quam per Oppositionem ad Animalem vitam (quæ tamdiu in Mundo dominata erat non solum in rebus Civilibus sed & in ipsis * Religiosis Ritibus Paganorum, quemadmodum fusè jam enarravi) denominavi vitam Divinam, partèq; ejus, ex quibus præcipuè consistit, enumeravi, Humilitatem scilicet, Charitatem & Paritatem. Quas proinde quàm expressim & particulatim Evangelium nobis inculcet, non alienum erit hic ostendere.

3. Christus Servator Matth. 11. ad primam harum virtutum, seipsum pro exemplo proponens, solenniter nos invitat. Venite ad me omnes qui fatigati estis & onerati, & ego reficiam vos. Tollite jugum meum super vos & discite à me quod mitis sum & humilis corde, & invenietis requiem animabus vestris. Et Matth. 5. v. 5. Beati mites quoniam ipsi possidebunt terram, est ab eodem ore editum Promissum. Quorum utrorumq; locorum sensus est, Quod Humilitas & mansuetudo multam pacem gignit & tranquillitatem suisq; ipsius fruitionem etiam in hac vita, cum è contrà superbia perpetuis offensionibus & impatientiæ hominem exponat. Præterea, homo superbus, est ipse quasi agger scopulq; contra quem Omnipotens sagittas suas dirigit ut eum lancinet, vulneret atq; vexet; laceratissimus Divinæ vindictæ flagrio, ac Deridiculum Infortunii & Ludibrium. Deus superbis resistit; demissis vero dat gratiam. Cæterum non est mei Instituti hujusmodi loca facilia quæ prolaturus sum interpretari, sed tantummodò in Lectoris conspectum producere.

Cujusmodi multa sunt alia præterea, quæ testificantur de Excellentia hujus gratiæ Humilitatis. Servator enim rursus (Matth. 11.) harum præcipuè virtutum Humilitatis scilicet & mansuetudinis jus esse declarat ut Regni Dei Mystèria cognoscant. Confiteor tibi Pater Domine celi atq; terra, quod absconderis hæc à sapientibus & intelligentibus & ea detexeris Infantibus. Etiam Pater, quia ita placuit tibi. Et Matth. 18. Christus rogatus quisnam maximus sit in Regno cælorum, advocat ad se puerulum sistitq; ipsum in medio ipsorum atq; ait, Amen dico vobis, nisi conversi fueritis & statis ut pueruli, nequaquam ingrediemini in regnum cælorum. Quisquis igitur demiserit seipsum sicut puerulus iste, is est maximus ille in regno cælorum. Et cap. 20. v. 25. Scitis Principes Gentium in eas dominari, & qui magni sunt licenti à uti in eas. Verum non ita erit inter vos: Sed quicumq; voluerit inter vos magnus fieri, sit vester minister. Et quicumq; voluerit inter vos primus esse, sit vester servus. Sicut filius hominis non venit ut sibi ministraretur sed ut ministraret, daretq; animam suam in redemptionis pretium pro multis. In quibus Periochis insinuantur nimis splendidum inucleraq; honorem, locum habere non debere in Ecclesia Christi:

Matth. 5. 19.

Matth. 7. 24.

* Vide lib. 3. cap. 6 & 7.

Jacob. 4. 6.

Christi: Verum si Officia sint alia aliis honorificentiora, quæ honorificentiora sunt utilitati publicæ magis inservire oportere præsertim in rebus ad Religionem pertinentibus.

* Doctor infallibilis, imperiosus Pater vel Magister de sua autoritate obtrudens alios doctrinam quam Christus docuit. || Quis quis inter vos majorem in Ecclesia dignitatem obtinebit, sed sciat sibi non plus imperii concessum, sed plus oneris injunctum. Grot.

Nam eodem etiam spectat quod occurrit Matth. 23. ubi superbia & Hypocrisis Scribarum & Phariseorum taxatur. *Ligant enim onera gravia, inquit Servator, difficiliaq; portatu & imponunt in humeros hominum, digito autem suo nolunt ea movere. Omnia vero opera sua faciunt ut spectentur ab hominibus, dilatant enim Phylacteria sua & producant simbrias Palliorum suorum, amantq; primos accubitus in cenis primosq; confessus in conventibus, & in foris salutationes, & vocari ab hominibus Rabbi. Vos autem nē vocemini * Rabbi, unus enim est Doctor vester Christus; omnes autem vos fratres estis. Et patrem vestrum, neminem vocetis in terra: Unus enim est Pater vester qui in cælis est. Nec vocemini * Doctores, unus enim vester est Doctor, nempe Christus. Sed qui maximus est vestrum sit || minister vester. Qui se exaltaverit deprimetur, & qui sese demiserit exaltabitur.*

4. Hactenus Servator, idq; admodum copiosè. In cujus vestigiis Apostoli etiam insistunt. Rom. 12. 16. *Eodem animo inter vos mutuo estote affecti, non elatè de vobis ipsis sentientes, sed humilibus obsecundantes. Nē estote prudentes apud vosmetipsos. Et Ephes. 4. Precor itaq; vos, captivi in Domino, ut ambuletis ita ut dignum est, vocatione quā vocati estis. Cum omni modestia & mansuetudine, cum animi lenitate, tolerantes alii alios per charitatem. Et ad Tit. 3. Suggere ipsis ut sese subjiciant Principatibus & Potestatibus, ut obtemperent, & ad omne opus bonum sint parati. Nē cujus famam ledant, ut sint à pugnis alieni, æqui, omnem exhibentes lenitatem erga quosvis homines. Aded ut videamus Religionem Christianam æquè protervitati Inferiorum occurrere atq; affectatæ Dominationi Superiorum. Tam expressim Humilitatem Mundo commendat Evangelium.*

C A P. II.

1. *Christus Amorem & Charitatem tum per præcepta tum per proprium exemplum Ecclesie sedulo inculcat. 2. Misera Impostura falsiq; pretextus Familie Amoris quibus Donum hoc divinum sibi vendicent. 3. Absurditas Familistarum in rejiciendo Personam Christi, ut tam ignobili & carnali Ductori quàm est Hen. Nicolai adherent. 4. Nugatorem hunc nunquam verum ullum specimen dedisse amoris sui erga Genus humanum quemadmodum Christus ejusq; Apostoli fecerunt. 5. Injusta ejus usurpatio Tituli Amoris. 6. Nunquam equiparandæ Obligationes afflictionum Christi quas humani Generis causâ sustinuit.*

I. **P**roximus Divine vite Ramulus est Christianus Amor sive *Charitas*, quæ nihil profectò diligentius inculcatur in novo Testamento. Christus eam reliquit pro suo, proq; Ecclesie suæ *Symbolo*, pro Tessera quâ distingui possint dignoscq; ad quem pertineant. Johan. 13. 34. *Mandatum novum do vobis, ut alii alios diligatis: sicut, inquam, dilexi vos, ut etiam diligatis alii alios. Ex hoc omnes cognoscent vos esse discipulos meos si charitatem habueritis alii in alios. Tanquam si dixisset, Inaudire nonnihil fortean potueritis ex Mose de diligendo Proximum suum ut seipsum, Quod præceptum cum eò usq; se non extenderit quòd hoc meum intendo, cumq; præterea id ipsum ad quod se extendit, abjiciatur jam prorsus atq; negligatur, ego nunc illud denuò instauro ratumq; reddo, & eis sanè rationibus, ad eumq; gradum & modum quo nunquam factum sit hactenus. Volo enim, ut vos sic mutuo diligatis, quemadmodum ego vos dilexi, hoc est, tam medullitis ac sincerè ut parati sitis ad deponendas animas vestras alii pro aliis si quando opus ferit. Quod magis expressè apertèq; dicitur, cap. 15. 12. Hoc est præceptum meum ut diligatis alii alios prout dilexi vos. Majorem hanc charitatem nemo habet, quàm ut quis animam suam ponat pro amicis suis. Quod cum Christus pro Ecclesia sua præstiterit, præsertim eis Circumstantiis quibus præstitit, nunquam equiparandum profectò specimen est veri ac sinceri Amoris, & ad dilectionem tum ipsius, tum nostri ipsorum invicem arctissima quæ excogitari potest Obligatio.*

2. Quas quidem res dum seridè contemplor, equidem vix possum cum patientia crassam istam audacis illius *Enthusiastæ Amstelodamensis* imposturam animo recordari: Quippe

Quippe qui cum nullum omnino huiusmodi Amoris qui aut *Moralis* aut *Divinus* merito existimari possit, argumentum dederit, sed ingens tantummodo effuderit tumidum verborum cum distortis Allegoriis levibusque ad historias sacras allusionibus profluvium; immiscens aspergensque subinde speciosum nomen *Amoris* (quanquam nihil rationis interim adhibet quâ ad rem ipsam incitari possimus) pro tanto tamen se efferre cupit huius Mysterii magistro, ut ipsa Christianitas inde antiquanda sit, omnisque ille honor atque cultus qui Servatori debetur abjiciendus, omnia illius Officia tollenda, Passio ejus contemnenda immo deridenda, visibilis ad Judicium reditus anticipandus & eludendus, Resurrectioni & Ascensioni fides demenda, Promissumque æternæ vitæ in præsentem gloriam, gaudia & opulentas Beatitates, quibus ii frui finguntur qui iudicium rationemque huic vaniloquo Impostori submitunt, nugisque Floralitiis, Chironomicisque Tripudiis huius suavis Sectæ, qui tam gloriabundè sibi titulum usurpant Familiæ Amoris, abduci se sinunt, penitus absorbendum. Cum tamen huius factionis Author, quemadmodum ego satis edoctus sum, ad Lenonem propius accedebat alterumque *Sardanapalum*, quam ad idoneum sincerumque Mundi in tam sancto Mysterio Informatorem. Quippe qui propter suspectas in domo mulierculas infamis erat, splendidèque vivebat ac delicatè suprâ quàm sortem ordinemque ejus condeceret; ob coccineam diploidem holosericam etiam notabilis, aliisque huic congeneres habitus, uti etiam ob amplum suum augustumque speculum, in quo integram suam Deificatam humanitatem à capite ad calcem contemplatus, componensque proluxam barbam, & holoserica latera manibus demulcens, perquam magnifico profectò elatòque gressu per admirationem sui ipsius subinde incedere potuerit; quippe qui mundum suis putidis Imposturis tam facilem repererat & tam propitium. Ut præteream quàm ridiculus denique esset propter oraculorum suorum scriptatrices *Fæmelas* aliisque multas id genus delicatas consuetudines, nè dicam impuras & obscenas, Quæ quidem cuivis homini qui vel mediocri sagacitate sit præditus non possunt non significare, in Titulo huius sectæ, qui se *Familiam Amoris* appellant, nullum alium Amorem intelligendum esse quàm qui merè *Naturalis* sit & *Animalis*; quanquam huius Amoris Mysterii præco tam altè se effert, adeoque in sublime alas quasiat ut minorem quempiam quàm *Apocalypticum* illum *Angelum* in medio cœli volentem & *Evangelium æternum* Terræ incolis prædicantem se imaginari non possit. Et certè verisimile est hoc *Evangelium Henrici Amstelodamensis* æquè diu duraturum ac generationes hominum, ut certum est æquè latè patere ac genus hominum ac brutorum.

3. Audite ô Cœli, & ausculta ô Terra, dum adversus rebelles Hypocritas iustam causam ago & despiciati. *Sic dicit Dominus Jehovah, Ecce ego fundo in Sion lapidem, lapidem probatum, angularem, pretiosum, lapidem in fundamentum firmum, in quem qui crediderit non confundetur. Et ponam iudicium ad lineam & iustitiam ad trutinam, & subvertet grando mendaciorum suffugia, & aquæ inundabunt latibula ipsorum.* Quod hic lapis angularis firmumque fundamentum * *Christus* sit qui passus est *Hierosolymis* pro certo edocemur ab eis qui reverà *Divino Spiritu* afflati erant, à beatis utique Apostolis. Quod suffugium mendaciorum ac latibulum aptissime ad hanc latitantem *Familiam* applicari potest ex eo apparet, quod Summa ipsorum Religionis nihil aliud sit quàm fallacium Allegoriarum & affectatorum vocabulorum fasciculus, per quæ subdolè cum hominibus agunt, & sub prætextu puriorum Mysticorum sermonum selectissimam utilissimamque veritatem quæ unquam cum filiis hominum hætenus communicata est, è mundo eliminare satagunt. Veritatem intelligo Evangelii in nuda sua simplicitate expositam, quâ tam perspicuè erudimur quales nos esse oporteat, quid agere, quidque demum expectare. Tempestas verò & Grando quæ opprimit ipsos, & Diluvium quod in abdita ipsorum illabetur habitacula, isti erunt torrentes *Rationis*, & irrefragabilis *demonstrationis*, qui à sinceris fideisque Christi sectatoribus in ipsos irruent & irrumpent.

Dicite igitur ô vos, qui fictitiis Inspirationibus adedò indulgetis, quorumque Imaginationes flatulento quasi turbine supra Oeconomiam Evangelicam vos abripuerunt, quare in Judæorum errorem incurritis ac pretiosum hunc lapidem angularem, firmumque fundamentum repudiatis, superque fallacem arenam paludemve putridam quæ nullum pondus sustinuerit, ædificatis? Cur Christum in veritate suæ Historiæ abjicitis (maximè conspicuum sanè Divinæ Providentiæ pignus & Reconciliationis Dei cum hominibus, futuræque Felicitatis quod unquam hætenus mundo est exhibitum). & pro ductore vobis eligitis merum Nugatorem Allegoricum, *Idolopuum* verbis quidem ornatum & locutionibus è sacra Scriptura surreptis, sed præcipuo suo scopo utilissimoque sensu exutis & spoliatis?

Esa. 28. 16.

* 1 Pet. 2. 6.
Rom. 9. 32, 33.

Cur unigenitum Dei filium dereliquistis, & vosmetipsos tutelæ tradidistis ac consilio hominis merè carnalis omniq; verà fide in Deum Christumq; prorsus destituti, nec id solum sed & omni solidâ scientiâ Rationeq; ? Cur tam temerarii estis ac vertiginosi, ut fidem habeatis homini qui tantum testificatur de seipso, & tam inverecundus est Plagiarius ut nullas vobis merces offerat præterquam quas à vobis sit suffuratus, (si quidem ex Ecclesia Christiana vos esse profiteamini) easq; ita veneno infectas & adulteratas ut eas recipere non possitis quin increduli circa veritatem Evangelii Christi fieri, ab eoque, cui tot illustria olim vaticinia, tot miracula per seipsum edita, cui stupenda è mortuis Resurrectio & audibiles de cælo voces, dum in vivis erat, cum reverà unigenitum Dei filium fuisse locupletissimum perhibuerunt testimonium, deficere statim periclitemini ?

4. Quam aded demerentem demonstrationem argumentumve sinceri sui affectus atq; amoris erga genus humanum vobis unquam dedit hic *Propheta Amstelodamensis*, ut vos cum tam præcellentem in hujusmodi Divino Mysterio Mystagogum venditetis, Christóq; & Apostolis non æquiparetis solum, sed & præferatis ? Annon ille otiosam debebat vitam, desidémque, ac mollem, prout in aliis opulentis Tabernariis fieri solet, cum è contrà non solum ipse Servator sed & Apostoli duram *Asceticamq;* vitam vixerint plenam periculis & afflictionibus etiam ab extrâ ? *S. Paulus* pro reliquis eloquatur. Fuerunt enim omnes in eadem ferè conditione constituti, meritóq; possent cum inflatis his Fanaticis Professoribus in eisdem ferme verbis expostulare. *Ministri Christi sunt ? (desipiens loquor) ego sum amplius, in laboribus plurimis, in carceribus abundantius, in plagis supra modum, in mortibus frequenter; A Judæis quinquies quadragenas unâ minùs, accepi. Ter virgis cæsus sum, semel lapidatus sum, ter naufragium feci, noctem & diem in profundo egi. In Itineribus, in periculis fluminum, periculis à meis Gentilibus, periculis à Gentibus, periculis in civitatibus, periculis in solitudine, periculis in mari, periculis inter falsos fratres: In fatigatione & ærumna, in vigiliis sæpe, in fame & siti, in jejuniis sæpe, in frigore & nuditate, &c.* Quibus omnibus adjicere poteris malignas & cruciabiles mortes quas pleriq; eorum tandem sustinuerunt; atq; hoc omne, ex fideli amore erga Dominum suum ac Magistrum Jesum Christum, & ex charissimo affectu erga humanum genus studióq; ipsorum boni ac salutis. Verùm quid istuc est, obsecro, quo hic *H. N.* ità mundum devinxit ut omnis Religiosus Honor ac Reverentia quæ personæ Christi debeat, illius causâ abjiciendi sint, audâq; hic Impostor per tumidos suos prætextus, (quasi is nempe Caput Patérq; hujusmodi Familiæ sit, quam *Amoris Titulo* insigniri oporteat, cumq; hac sua familia Deus sit Christúsque, & *Cherubini* ac *Seraphini, Angeli & Archangeli* suis jam occupati officiis judicandi vivos ac mortuos & colligendi electos ab omnibus Angulis Terræ) constanti Christianorum Fidei silentium imperet ?

5. Cæterum meâ quidem sententiâ, vel primo aspectu demonstrat se omni prorsus carere *judicio*, si non *malitiâ* abundare, hic *vivorum ac mortuorum Judex*, dum inter *domesticos Fidei & Familiæ Amoris* vel minimum molitur discrimen aut dissidium : Ut præteream crassam ejus & impudentem injustitiam in vendicando sibi ipsi illud honoris symbolum quod per sanguinolentam victoriam alter meritò reportavit. Etenim, quod modò dicturus eram, quid hic *H. N.* præstitit ut hunc *Titulum* mereatur, nisi quodd multa Fanaticas & confusaneas affectatitii sermonis Rhapsodias scripserit à sacra Scriptura per abusum mutuati, sensumq; ejus perverterit finemq; supplantaverit per improbas suas elusiones vanasq; Evasiones Allegoricas, atq; sic sub prætextu inchoandi sublimiorem Religionis ac Justitiæ Oeconomiam quàm unquam hactenus extitit, reverà *Sadducismum, Epicurismum, & Atheismum*, veræ Religionis loco perquam perfidè introduxerit ? Hic luxuriosus ejus *Enthusiasmus* unâ cum cohonestatione *Familiæ* per coccineæ suæ diploidis splendorem, summa prorsus est, quantum ego video, quâ subnixus *Æmulum* se sistat aut *Competitorem* veri illius Divini Amoris Magistri, quâve proprios suos sectatores devinciat.

6. Equidem fateor *Servatorem* nullos conscripsisse libros cum res trivialis sit & ferè pædagogica, multóq; infra tam nobilis Personæ Divinitatem. Verùm brevis illa sententia quam pretiosissimo suo sanguine scripsit, *Sicut ego vos dilexi ità etiam diligite alii alios*, plus valet quàm multa voluminum millia scripta licet verissimâ sincerissimâq; Eloquentiâ quæ ab ullius unquam Oratoris calamo stillaverit. Nec certè is unquam ullis sumptuosus vestibis conspicuus erat nisi quando vel invito injuriosi Milites ei chlamydem coccinam per contemptum & ludibrium induerant : Nec resplenduit unquam ullis coloribus nisi è tinctura proprii sanguinis in solenni sua ac tremenda *Passione*, quando tam crudeliter virgis cæsus est, quando per angorem animi

animi sanguine sudabat, quando clavis affixus est cruci, lanceaq; sanguinem & aquam è latere ejusemisit. Quos omnes ineffabiles & intolerandos cruciatus innocuus hic agnus Dei ob nullam suam culpam passus est (Quæ enim gratia esset, tanquam facinorosum Impostorem aut nefarium Malefactorem pati?) sed ex sincero affectu ardentissimòq; Amore erga genus humanum, ut posset per hanc suam acerbam *Passionem* & gloriosas illius consequentias, *Resurrectionem* & *Ascensionem*, nos Deo sacrificare. Et nunc sane totus mundus judicet an possibile sit ut sit quisquam Auctor, professor hominum Reformer in illo revera *sancit* ac *Divino Amore*, qui cum *Dominio Jesu* sit conferendus, qui Amoris erga nos sui dedit hanc nunquam equiparandam *Demonstrationem*.

CAP. III.

1. *Occasio quâ Familistæ Amoris Titulum sibi vendicaverint.* 2. *Fervida Apostolorum præcepta ad Amorem insequendum, qualisq; ille sit Amor.* 3. *Nos Deum diligere non posse nisi & diligamus proximum.* 4. *Expositio quinti sextiq; versûs, 1 cap. 2 Epist. 8. Petri.* 5. *S. Pauli vehementis Charitatis commendatio;* 6. *Accurata illius Descriptio.* 7. *Charitatem summam esse Divinitatis participationem, illudq; quo Dei filii evadimus.* Quamq; injurii hî Fanatici sunt qui Ecclesiam Christi hoc Titulo spoliant, cumq; hancq; sibi proprium attribunt.

I. **A** Videte igitur me vos *Justitiæ Sæcutores*, vos qui *Jehovæ* estis studiosi, spectate
ex qua rupe excissi, ex quo lacus cavo excelsi estis. Intuemini eum quem transfixistis, cujusq; sanguis Ecclesiæ suæ est semen, cujus Sponsa è latere suo desumpta est, ut *Eva* olim è latere *Adami*. Agnoscite originem vestram, & recolite apud vosmetipsos pretium Redemptionis vestræ, inestimabilem utiq; sanguinem Agni immaculati *Jesu Christi*. Cujus quidem sensus & consideratio firmitimum glutinum est quod excogitari potest ad unicandam nos cum *Servatore* & cum nobis ipsis invicem.

Esai. 51. 1.

Ceterum cum Ecclesia à tam longo tempore se factionibus & persecutionibus, bellis sanguinib; effusioni & omni generi Inimicitiarum & Hostilitatis adversus se invicem dediderit, cum illi qui sincerum Evangelii Mysterium bonâ fide cum populo communicare debebant, temerariis suis perversisq; additamentis, suis adulterationibus, subelitationibus, inanibusq; commentis adeo perplexum reddiderint, ut nihil aliud evaserit nisi controversiarum officina scholâq; contentionum, ex qua nihil audiat præter altercationes & rixas circa inutiles Opiniones, nihil hinc exortum sit præter odium, superbiam & factionem, immò perquam barbaræ persecutiones & homicidia, cum buccinam iastaverint ex eis ipsis locis sacris quæ erecta sunt ad prædicandum Evangelium Pacis, & præ Antichristiana quadam vesania classicum cecinerint adversus eos qui Deo reconciliati sunt per sanguinem *Jesu Christi*, qui debet esse commune totius orbis Christiani glutinum & coagulatum, ad continenda corda eorum in firmam unitatem & concordiam; Cum, inquam, ad hunc modum vacuum *Davidis* Tabernaculum dereliquerint, istucne tam mirum est si peregrinus ed interim se etiam ingesserit, illudq; aliis abutibus possederit? cumq; pretiosissimum illud Legatum moribundi Domini, *Amorem* scilicet *mutuum* tam turpiter abjecerint, ecqua injustitia est si alienus quispiam de humo tollat illudq; in conspectu eorum, manu vibret explicetq; in æternum ipsorum dedecus & ignominiam? hoc est, ut verbo absolvam, si ista *Pseudofamilia Amoris*, amabilem istum Titulum occupaverit, quem ii meritis aut repudiâsse aut jus ejus perdidisse existimari possunt. Quantum ad me, equidem nescio quam aut pro ineptis Opinionibus, aut nefariis Christiani Orbis facinoribus Apologiam instituiam. Hoc autem pro certo scio, *vexillum* super veram Christi Sponsam *Amorem* esse; Amorem symbolum esse ac tesseram omnium membrorum ejus fidelium; Amorem atq; Pacem Legatum esse novissimum discipulis Christi à moribundo suo domino ac magistro relictum, Hereditatem inviolabili jure descendentem in veros Dei filios in perpetuum; Amorem esse impletionem Legis, singulâq; ferè Evangelii paginas scriptâq; Apostolorum implevisse; cumq; de Fide loquuntur, nullam aliam intelligendam esse Fidem, quam quæ operetur per Charitatem & Amorem.

2. Ex multis illis repetitionibus & inculcationibus sanctæ hujus & cœlestis virtutis spicilegium facturus eram quarundam, quas pro dono vobis offerrem, ut inde possit constare, quàm fervidum Evangelium Christi sit quàmque copiosum in urgendo hoc indispensabili officio. Pergimus igitur addimûsq; eis quæ jam citavimus hæc subsequencia loca. Galat. 5. 6. *Nam in Jesu Christo nec circumcisio quicquam valet nec præputium, sed fides per charitatem operans.* Quod si circumcisio nihil valet sine fide per charitatem operante, quid valebit baptizatio, vel rebaptizatio ullave alia externa Ceremonia absq; vera fide, cujus vita & spiritus charitas sit, ad quam Apostolus nos dirigit? Et postea, v. 13 & 14. *Vos enim ad libertatem vocati estis, fratres, tantum nè libertatem arripite ut datam carni occasionem, sed ex charitate servite alii aliis. Nam tota Lex uno verbo completur, Diliges proximum tuum ut teipsum.* Ubi hæc Lex charitatis tam cautè & circumspectè describitur ut abusus hujus Tituli ad libidinem & Libertinismum planè excludatur, adversus illos qui loquuntur multum de Amore, verum Libertini sunt interim in corde. Quæ quidem cautio iterum admodum sobriè prudentèq; adhibetur à S. Johanne, Epist. 1. cap. 5. v. 2. *Per hoc cognoscimus nos diligere filios Dei quum Deum diligimus & mandata ejus servamus.* Quæ manifesta Demonstratio est, quod ille Amor ad quem S. Johannes tam copiose nos hortatur in sua Epistola, purus Amor est atq; Divinus, talisq; quem nemo se exercere certus esse possit, nisi omnia Dei mandata servet. Etenim carnalis etiam homo diligere potest filios Dei, quippe quos experitur innocuos, pacificos, & beneficos, vel ex eo quod ipse sit temperamento bene sanguineo ac benigno. Verum hæc dilectio in homine qui præceptis Dei religiosè non obtemperat, merè animalis est & naturalis, nec ex communicatione Divini Spiritus profecta, quem omnes Regenerati participant, sed ex Temperamento, quod dixi, & Amore suiipsius, qui cuilibet rei à qua naturale percipit solatium adhærescit. Ac proinde si quis filius Dei aliquantò spinosior reperiatur & asperior, in adversando, reprehendendo, vel fortean non consentiendo pravis aliquibus actionibus vel consuetudinibus hujus benigniori temperie hominis, corruptus ejus sanguis statim effervercet contra Dei filium, odiûmq; pro amore reponet.

1 Johani. 4. 20.

3. Quemadmodum verò beatus hic Apostolus unicèq; à Servatore dilectus tam studiosè precavit, nè amor ille, quem is mundo commendat tam abjectus sit ac demissus ut syrma quasi in cœno traheret, ita certè admodum sapienter Hypocrisis occurrit elatorum quorundam Animorum Religioni deditorum, qui se amore Dei ejûsq; cultu adedò abreptos prætendunt, cum tamen officiorum erga proximum plena ipsis abreperit oblivio. Ac proinde ad calcem præcedentis Capituli aperte pronunciat, *Siquis à se Deum amari dicit & tamen fratrem suum odit, mendacem esse. Qui enim fratrem suum quem vidit non amat, Deum quem non vidit, quo pacto potest amare? Atq; hoc ab eo præceptum habemus ut Deum qui amat, suum quoq; fratrem amet.* Quod officium secundæ Tabulæ cum difficillimum sit, & per Hypocrisim humanorum cordium maximè periclitetur evadi atq; eludi, ejus etiam inculcatio maximè frequens est apud Apostolos. Paulus ad Ephes. cap. 4. v. 31. *Omnis acerbitas & odium & ira & clamoritas, & maledicentia; deniq; omne vitium tollatur ex vobis: Ac este alii in alios benigni, misericordes, condonantes inter vos, quemadmodum Deus vobis in Christo condonavit. Quapropter estote imitatores Dei ut chari filii, & cum charitate vitam agite, quemadmodum Christus adamavit nos & seipsum pro nobis dedit, in oblationem victimæq; Deo ad suavem odorem.* Et ad Colos. 3. 12. *Induite igitur ut Dei electi, sancti amatq; affectum misericordiæ, benignitatem, modestiam, mansuetudinem, patientiam, alius alium ferentes & invicem condonantes si quis habet quod de aliquo expostulet; quemadmodum Christus vobis condonavit, sic vos quoq; facite. Sed super hæc omnia induite charitatem qua perfectionis vinculum est; vigeatq; pax Dei in vestris animis ad quam estis in uno corpore vocati, &c.* Petrus etiam in prima sua Epistola Catholica; *Animos vestros veritati obediendo purificate per Spiritum, ad fraternum amorem non fictum, & sincerà mente inter vos impensè amate.* Et Epistola secunda, cap. 1. *Vos verò in hoc omni studio incumbite acquirentes in fide vestra virtutem, in virtute scientiam, in scientia temperantiam, in temperantia patientiam, in patientia pietatem, in pietate fraternum amorem, in amore fraterno charitatem.*

1 Pet. 1. 22.

4. Aureæ hujus divinarum gratiarum catenæ cohærentia tam mirabilis est ut, tametsi præter meum scopum sit de locis quæ profero quicquam dicere, hunc tamen absq; aliqua interpretatione præterire non possim. Verum tam plenè harum virtutum inter se totiûsq; catenæ cum præcedenti Textu connexionem non intelligemus, nisi

nisi ipsa prima sententiæ verba paulò aliter exponamus. Apostolus in præcedentibus verbis commemorat, quemadmodum *Deus omnia præviderit ad vitam ac pietatem pertinentia, per cognitionem filii sui Jesu Christi, qui nos suâ gloriâ ac virtute vocavit, & propter quem ille nos eximiis maximisq; promissis donavit, ut mundanam cupiditatis corruptelam effugientes Divina participes Naturæ fiamus.* Et tunc ingeritur quod recitavimus, *εὐλόγησθε τὸν Θεόν.* Quod rectius redditur, *Et propterea sine mora, &c.* *εὐχαριστοῦντες ὡς τῷ κύριῳ ὑποτάξαντες.* Grotius vult id redundare; ut & *Tractatio Anglicana.* Quantum verò ad me, ego quidem tantum abesse existimo ut id redundet, ut illud putem potiùs sententiæ essentialè, datâq; operâ interpositum, ut majus quoddam Mysterium intelligamus quàm simplicem tot virtutum unius ad alteram additionem, ità ut nulla absit. Quod solum est quod expressum significari possit, si id esset omissum. Sed enim cum hæc propositio *causalitatem* significet, plus est quàm nuda harum *Divinarum Gratiarum* enumeratio. Nam docemur insuper quàm naturaliter oriantur una ex alia, quòdq; *causalem* habeant una ab alia, per totam seriem, dependentiam.

Sensus igitur sic est; Cum Deus pro sua parte, omnia paraverit ad ipsorum salutem, consimilèmq; *Fidem* pretiosam cum ipso Apostolo obtinuerint, eos sine mora dare operam oportere ut per efficaciam *Fidei* suæ, *virtutem* etiam acquirant, hoc est, robur animi ac fortitudinem. Præclara enim ac nobilia promissa animum excitant confirmantq; in aggrediendis illis difficultatibus quas ii debent subire, qui promissa cupiunt obtinere. Et certè hic difficultatum aggressus & conflictus, quæ in hominis Christiani via inveniuntur (dummodo merus non sit de re Christiana confabulator, sed actor strenuus sedulûsq; sectator præceptorum exempliq; Jesu Christi) gignit profectò in eo non *verbalem* sed veram *scientiam*, hoc est, *experientiam* sanctam in semitis Dei. Atq; per hanc experientiam docebitur, quomodo carnalia ista ac mundana desideria ac cupiditates sæpenumerò hominem decipiant & de via seducant, occæcando illius Judicium importunis suis suggestionibus, & extinguendo, aut saltem stupefaciendo religiosiores illos divinioreq; animi sensus quoties efflagitationibus suis auscultatum sit avidisq; appetitionibus satisfactum. Ac proinde hæc *Scientia* vel *Experientia*, *Temperantiam* gignit, hoc est, magis rigidum obfirmatûmq; consilium cohibendi subjugandiq; omnia mundana & carnalia desideria & obstinatè aurem obturandi contra omnes ipsorum inverecundas mendicationes efflagitationesque.

Quas res si quis seriò ad gradum modûmq; debitum aggreditur, deprehendet proculdubio seipsum, pensum suscepisse admodum arduum & intolerandum, nec ullum occurret remedium præter *Patientiam*, quam tamen inveniet ità extra suam potestatem positam, ut coactus fuerit in genua ante Deum cœli procidere, ipsûmq; efflictiû rogare ut se in hoc certamine ac conflictu contra domesticos suos inimicos confirmet, assistat & corroboret, utq; spiritum suum in tanto angore ac cruciatu suffulciat. Unde manifestum est quòd *Temperantia* leges stricte & religiosè custodire non possumus quin *Patientia* necessariò indè sit emersura, nec custodiri in hoc spiritu *Patientie* absq; invocatione agnitioneq; divinæ Assistentiæ, quod quidem indubitatus est propriè dictæ *Pietatis* fructus.

Nec possumus profectò animos nostros ad hoc *Pietatis* genus seriò & sincerè appellere, quin precibus nostris suspiriisq; ad Deum, Responsa accepturi simus, & præter propriam nostram expectationem, supràq; fidem aliorum, gloriosa. Et propterea, postquam victoriam per Divinam gratiam quæ nobis sufficit, & tam lætum triumphum super cupiditates nostras nacti simus, reperientes tunc animas nostras altissimo gratitudinis sensu erga Redemptorem nostrum ac benefactorem abreptas, qui retributionibus nostris ipse neutiquam indiget, affectuum nostrorum flumen naturaliter deorsum erga Ecclesiam suam derivabimus, Sanctosq; in terra versantes, & eos qui virtute præstant, aut qui saltem eò se sincerè suspirare prætendunt. Atq; hic propriè dicitur *Amor fraternus*, qui affectus nostros ad eos defert qui ejusdem nobiscum sunt Religionis. Qui *fraternus Amor* non solum ex hac *gratitudinis* Ratione erga Deum oritur, sed etiam ex ipsa *temperie* & conditione *Animæ* ad hunc modum purificatæ: juxta illud quod S. Petrus insinuat, quòd postquam animas purificaverimus obediendo veritati per spiritum, hujusce rei finis atq; exitus futurus sit *Amor fraternus*. Alioqui ad quod inserviret hujusmodi Purificatio?

Num Invidia, num Odium, num Libido, num Ambitio, num Luxuria aliâq; enormia Desideria affectûsq; ex *anima* ejiciendi sunt per sanctitatem atq; puritatem, ut diaphanum deinde tantummodo glaciei frustulum immaculatûve nivis flocculus evadat? Num tam pura fiet, tam pellucida, tam crystallina, tam omni labe ac tincturis,

Psal. 16:
2, 3.

lincturis, omni immunditie coloribusq; fuscissime vacua, ut nihil præterfluentes umbras nocturnæque, *diaphanam* suam puritatem occupet? Equidem tunc nihil meliori conditione foret quam nocturnus Aer, nihil felicius quam statua Alabastrina! Nihilq; totum hoc futurum esset, nisi mundior quædam emortua, & quasi-fame enecta animæ sepultura. Verum nihil periculi est ne tam rectis exitus adeo operosos paratus consequatur. Etenim Amor & Desiderium tam essentielles sunt animæ ut eos penitus exuere non possit, sed tantum commutare. Est enim anima, quemadmodum eam *Psellus* appellat, *æther* & *æther* æther, *Ignis* immaterialis & incorporeus, Activitas inextinguibilis, & quæ aliquod semper capabile obiectum. Ac proinde si ab amore mundi propriiq; corporis cupiditatibus esclaverit, pro certo Christi corpus, Ecclesiam utique, confestim amabit, operamq; dabit illius commodis promovendis. Nec hic quidem subsistere potest, verum pura hæc vividq; flamma sursum ascendit & reflectitur iterum deorsum, & in omnes partes se vibrat, ad obiecta omnia in coelo terraq; se extendens, quemadmodum naturalis Ignis omnem materiam combustibilem penetrat. Ac proinde ex puris suis & ardentibus speculationibus Deitatis & infinitæ illius Bonitatis, & ex observatione Capacitatis totius Creationis, quæ Bonum quidem tum ab ipso Deo tum à se invicem recipit, angustas illas *Fraterni Amoris* ripas statim inundat, in illamq; ineffabilis amplitudinis immensaq; præstantiæ gratiam ac virtutem, *universalem* intelligo *charitatem*, se expandit, quæ summa Perfectio est cujus humana Anima sive in hac vita sive in futura sit capax: Atq; sic demum perfecta fit, quemadmodum pater ipse in celis est perfectus.

5. Hæc est illa via excellentissima quam *S. Paulus* tanto cum animi rapto, tanto cum Triumpho commemorat, *i Cor. cap. 13.* Ubi postquam multiplicia Dei dona Ecclesiæ collata enumeraverit, ut dona prædicandi, vaticinandi, edendi miracula, agros sanandi, & loquendi diversis linguis, in effusissimas Charitatis supra omnia laudes continuo erumpit. *Si & hominum loquar & Angelorum lingue neq; charitate sum præditus, sum as resonans & cymbalum tinniens. Et si tantum Divinationis habeam ut omnia arcana scientiamq; omnem teneam, & si adeo omni sum fide præditus ut vel montes transmoveam & tamen charitate non sum præditus, nihil sum. Et si omnes meæ facultates in alienos egros erugem, & si vel meum corpus comburendum tradam & tamen charitate non sum præditus, nihil proficio.*

Et postquam expectationem nostram exultationemq; celestis hujus virtutis magnificæ hac sua eloquentiâ accenderit, non imaginationes solummodò nostras inflammavit (ut vani solent Enthusiastæ, *judicium* interim tenebris relinquentes) sed Divinæ hujus virtutis naturam nobis admodum distinctè & copiose describit; adeo ut manifestò deprehendere possimus ubi nos consistere oporteat, quidnam oporteat quærere, & quo modo possit constare, nos, id quod quæverimus reverà obtinuisse.

6. *Charitas* patiens est, benigna est; *Charitas* non amatur, non est temeraria, non timet, non se gerit turpiter; Non sibi ipsi studet, non est irritabilis, non male cogitat, non gaudet injustitiâ sed veritate lætatur: omnia tolerat, omnia credit, omnia sperat, omnia sustinet. Hæc admodum plena vivaq; est Descriptio Amoris sive *Charitatis*, characterq; maximè suavis celestisq; perfectionis quæ naturæ humanæ communicari potest, quæq; è sincero corde hujus tam opulenti possessoris illius, sancti utiq; Apostoli, tam fervide effusa est, ut multo plus profectò me moveat, quam omnis illa affectatissima loquacitas summorum *Enthusiastarum* qui in Professione hujus *Mysterii* tam magnificè gloriatur.

7. Hæc est summa *Divinitatis* participatio, quæ citra Mysticam illam conjunctionem humanitatis Christi cum Deitate, in humanam naturam cadat, quæq; proinde illud est quo *filii Dei* evadimus, quemadmodum *Johannes* evidenter declarat in prima Epistola cap. 4. *Charissimi* amenus nos inter nos, nam *Charitas* à Deo est, & qui quisquis amat, ex Deo natus est, Deumq; novit. Qui non amat non novit Deum, nam Deus amor est. Et vers. 10. In eo amor est, quod Deus, non ex eo quod nos eum amaverimus, sed quod ipse nos amaverit, misit filium suum pro peccatis nostris paculum. *Charissimi*, si sic nos amavit Deus, nos utissimè debemus amare nos mutuo. Deum nemo unquam vidit, si alius alium amamus manet in nobis Deus, sumusq; ejus perfectâ charitate præditi. Et rursus vers. 16. Deus amor est, & qui in amore manet, in Deo manet & Deus in eo. Multa alia testimonia sunt summe illius existimationis quam vera Ecclesia Christi de sancta hac virtute *Charitatis* habet. Sed quæ jam citavimus, ad demonstrandum sufficiunt quam sedulo Evangelii Præcepta hunc præcellentem *Divinæ vite* ramulum arguant, quam appellamus *Charitatem*, quâq; insuper citra omnem Excusationem injuriæ, impiæ, & blasphemæ adversus Christum Fanatici illi Impostores sunt qui ab Ecclesia deficiunt, Christi officia abrogant, Christia-

Christianamq; antiquant Religionem sub prætextu introducendi altiore quam Oeconomiam ac Revelationem, cui Titulum ac inscriptionem *Amoris* imponant, Ecclesiæ vexillum gerentes, ut hoc malo dolo eò tutius eam adoriri possint & profligare, saltem maximè simplicia (& optimè animata sæpenumerò) Ecclesiæ membra à vero suo Capite Jesu Christo seducere, qui ipsos pretiosissimo suo sanguine redemit. Cujus Principatus in Ecclesiam nunquam definere potest cum nec ipse desinat existere: Verùm Rex est & Sacerdos in æternum secundum vaticinia.

CAP. IV.

1. *Servatoris stricte Puritatis præceptio; unde manifestum sit amorem quem is commendat, Carnalem non esse sed Divinum.* 2. *Multa loca ex Apostolis illud officium urgentia.* 3. *Duo alia loca eodem spectantia.* 4. *Præsumptio eorum absurda qui Christianitate abutuntur ad libertatem peccandi.* 5. *Quod Error hic maturè Ecclesiam incessit, & etiamnum in Ecclesia nimium quantum sylvescit.* 6. *Unde ipsum impugnandi apparet necessitas, quod se facturum pollicetur argumentis Dissertationis à 1 Joh. 3. 7. sumpto.*

1. **T**ertius *Divine vite* ramulus est *Puritas*. In qua præcipienda cum & Christus & Apostoli tam seduli sint ac fervidi, manifestum porro est *Amorem* illum quem illi mundo commendant, suspectam aliquam affectionem quidem non esse (illi putà consimilem cui incerta ac præstigiola Enthusiatarum loquela favere meritò existimetur) sed eum ipsum purum sanctumq; *Amorem*, quem nos jure optimo nuncupavimus *Divinum*. Et quàm severiter hæc *Puritas* qua de agimus exigatur, paucas sanè sed oppidò quàm appositas jam producā Instantias. Matth. 5. 27. *Audi-vistis antiquis esse dictum, Ne adulterato: Ego verò vobis dico, quisquis feminam sic aspiciet ut eam concupiscat, jam eam animo adulteravit. Quid si tibi vel oculus tuus dexter officit, erue eum & abjice; Præstat enim tibi unum membrorum tuorum perdi quàm totum corpus tuum in Gehennam dejici. Et si tibi vel dextra tua manus officit, amputa eam & abjice, &c.* Quæ magis seria sedulq; monitio fieri potest ad *Continentiam Abstinentiãq;* à corporeis voluptatibus, quàm est hæc *Servatoris* qui sub nulla leviori pœna quàm supplicii Inferni omnem nobis interdicat *lasciviam & impuritatem*, etiam omnia præparatoria præludia ad turpes Libidinis actus inhibens, nec ullam permittens nè imaginariam quidem scenam illicitorum facinorum, quibus voluntas nostra reverà assensura esset, si oblata foret opportunitas.

2. Inveniemus verò & Apostolos sui Magistri vestigiis hac in re insistentes. 2 Cor. 6. *Quapropter exite ex medio eorum ac separamini inquit Dominus; neve impurum tangite; & ego vos accipiam vobisq; pater ero & vos mihi eritis filii ac filia, inquit Dominus omnipotens. Hæc igitur habentes promissa, charissimi, purgemus nos ipsos ab omni & corporis & animi labe, sanctitate perfungentes cum Dei metu.* Et 1 Thes. 5. *Ipse verò Deus pacis sanctificet vos totos, ut integer vester spiritus, & anima & corpus inculpate in adventum Domini nostri Jesu Christi conserventur.* Et in præcedenti capite, vers. 3. *Hoc enim & Dei voluntatis est & vestra sanctitatis, ut ab impudicitia vos abstineatis, sciãtq; quisq; vestrum suum vas cum sanctimoni- ac honestate, non (ut alienigena Deum ignorantes) cum cupiditatis libidine, possidere.* Item 1 Cor. 6. v. 13. *Corpus verò non scortationi sed Domino, & Dominus corpori. Deus verò & Dominum suscitavit, & vos per ejus potestatem suscitabit. An nescitis corpora vestra Christi esse membra? Ergo Christi membra tollam & scorti membra faciam? Absit. Et paulò post, Fugite scortationem. Omne aliud peccatum, quodcunq; committit homo, extra corpus est; sed qui scortatur, is in proprium corpus peccat. An ignoratis vestrum corpus templum esse sancti Spiritus, qui in nobis est, quem à Deo habetis; neq; vos esse vestros quippe pretio emptos? Honorate igitur Deum vestris & corporibus & animis quæ Dei sunt. Porro, Colos. 3. 5. *Quamobrem mortificate membra vestra terrestria, impudicitiam, obscenitatem, libidinem, cupiditatem malam, & avaritiam quæ est Idololatria. Propter quæ invadit ira Dei homines contumaces. Cui consimile est quod occurrit Ephes. 5. 3. *Scortatio verò & omnis impuritas aut avaritia nè nominetur quidem inter vos sicut decet sanctos, & obscenitas & stultiloquium & scurrilitas quæ non conveniant; sed potiùs gratiarum actio. Nam hoc nōstis, nullum scortatorem, aut impurum,***

impurum, aut avarum qui est Idololatra, habere hereditatem in Regno Christi & Dei. Nemo vos decipiat vanis verbis, propter hac enim venit ira Dei in homines contumaces. Quare nolite eorum esse consortes. Et 1 Cor. 6. 9. An ignoratis injustos non esse Dei hereditatem possessuros? Nè errate, nec impudici, nec idololatra, nec adulteri, nec molles, nec cinædi, nec fures, nec avari, nec ebriosi, nec convitiatores, nec rapaces regni Dei hereditatem possidebunt.

3. Ampliorem sanè locorum hoc Puritatis & Sanctitatis officium urgentium collectionem feci quàm institui, nec tamen abstinere me possum quin duo alia insuper addam, unum ex S. Petro, 1 Epist. cap. 2. *Charissimi, cohortor vos, ut tanquam inquilini & peregrini abstineatis à corporeis cupiditatibus, quæ adversus animam militant. Alterum ex eo est quem toties laudavi, Rom. 13. 12. Discessit nox, dies autem adest, quare deponamus opera tenebrarum, & induamus arma lucis. Honestè nos ut in die geramus; non comessionibus & ebrietatibus; non concubitibus & libidinibus; non jurgiis & emulatione: Sed induite dominum Jesum Christum, neve carnis curam gerite, ejus indulgendo cupiditatibus.*

4. Abunde jam mihi demonstrasse videor, quàm aperte & explicitè Christus ejusq; Apostoli instant urgeantq; omnes homines qui Evangelium audiunt ut diligenter & religiosè ejus præceptis obtemperent, ut sancti sint etiam sicut Christus sanctus est, in omnimoda Conversatione; ut qui tenentur ad aditendum & suspirandum ad participationem *Divinæ vitæ* in omnibus suis partibus, *Humilitate, Amore & Puritate, exosi etiam vestem carne coinquinatam*, quemadmodum loquitur Judas Apostolus; quàmq; manifestum sit hanc *Sanctitatem & Justitiam* non minùs sanè serid ac severiter requiri quàm sub pœna perdendæ salutis æternæ, nisi juxta hæc præcepta vitam suam instituant. Adeò, ut obstupescam planè dum apud meipsum *Infernale illud & abominandum*, quod quidam Evangelio imposuerunt, glossema confidero, tanquam si ipsa licentiæ schola esset, finisq; adventus Christi in mundum fuisset ut secum à cœlesti Rege hominibus diploma deferret, quo instructi peccare possint in posterum cum *autoritate*, omni saltem cum *securitate & impunitate*, cum nihil ex eorum parte deposcatur præterquam ut credant Christum pro ipsis fuisse mortuum, nec sanè id factum esse sub alia conditione quàm ut sic factum credant; tanquam si Christus seipsum ad redimendum nos à peccato non deditisset, sed ad asserendum in *peccandi libertatem*; Quæ perversissima est depravatissimâq; Divinæ gratiæ in Christo revelatæ Interpretatio quæ excogitari potest, scopôq; principali adventus Christi in mundum ex Diametro opposita. *Dedit enim seipsum pro nobis ut redimeret nos ab omni Iniquitate, & purificaret sibi ipsi populum peculiarem, studiosum bonorum operum.*

Tit. 2. 14.

5. Verùm enimverò quantumlibet repugnans sit hic error atq; absonus, Ecclesiam tamen admodum maturè inceserat, quemadmodum ex multis Apostolorum monitis apparet, quippe qui inter hortandum alumnos suos ad *Sanctitatem vitæ ac realem Justitiam*, quàm propensi essent ad hanc fallacem opinionem [quod liceret ipsis in hujusmodi rebus esse negligentes ac remissos] sæpe subindicant. Quasdam instantias observare poteras jam allatas, quibus illud addas S. Jacobi; *Reipsa verò præstate sermonem, nec estote auditores solum; fallentes vosmetipsos.* Verùm illud S. Johannis maxime expressum est & emphaticum; *Filioli, nemo vos decipiat; Qui justa facit justus est quemadmodum ille justus est; hoc est, quemadmodum ipse Christus justus erat qui non putativâ & imaginariâ justitiâ justus erat sed reali; quanquam erant, ut videtur ex hac monitione, eis temporibus, qui operam persuadendis hominibus dabant aliter fieri posse ac docet Apostolus; Et optarem equidem, quod hic error non tam latas etiamnum radices in Ecclesia spargeret, quo tamen in nullum credo majorem incidere posse homines nec periculosiorem, cum mirandum illud machinamentum (quemadmodum appellavi) quod Deus in mundo ad vitam pietatèq; promovendam erexit, invalidum omnino reddat & inutile.*

Jacob. c. 1. 22.

Johan. c. 3. v. 7.

6. Quamobrem cum omnes subsequentes *Potentia* hujus *Instrumenti* ab hac *prima* dependeant, nisi *primam* hanc probemus integrâq; præstemus, *reliquæ* nullam vim habituræ sunt nec effectum. Quocirca ut omnia reddam glabrâ, facilia, & expedita, obligatum me video in his quantumlibet evidentibus Testimoniis non acquiescere, *Quod utiq; strictè tenemur ad inberentem prosequendam sanctitatem*, sed demonstrare porro apud idoneos judices, quàm illegitima & infirma sint fundamenta hujus Erroris quem illi mundo obtrudere volunt tanquam præcipuum Evangelii Mysterium, nimirum, *Si modò quis credat, quamvis omni sanctitate sit destitutus, eum tamen tanquam sanctum justumq; per imputationem Justitiæ Christi approbatum iri, & consequenter quomodocunq; vitam instituerit, eternam felicitatem esse hereditaturum.*

hereditarium. Initium dissertationis sumam à gravi illo sincerôq; consilio sancti Apostoli, quod novitiis infirmisq; Christianis impertit, cuiusq; mentionem modò feci, *Filioli, nemo vos decipiat, &c.*

CAP. V.

1. *Apostoli cura nè Christiani novitii pernicioso hoc errore cainquinentur, opinandi se justos quamvis justa minimè faciant.* 2. *Quàm obnoxii sint isti contagio, ejusq; rei causæ inquirendæ.* 3. *Primum genus scripturarum in eum finem perperam adhibituram.* 4. *Secundum genus.* 5. *Ipsam statum Christianæ Infantia pronos eos facere in hunc errorem.* 6. *Quæ natura sit illius Fidei ob quam Abrahamus adeò commendatur, quiq; sensus in scripturis ei dixerunt.* 7. *Exploratio sensus vocabuli, Justificatio.* 8. *Responsum ad scripturas quæ realem Justitiam à Fide videntur disjungere.* 10. *Justosq; nos facere per Imputationem.* 11. *Irrefragabilia Scripturæ Testimonia quæ necessitatem realis Justitiæ probant.*

1. **Q**UOD Plato in Legillatoribus & Institutoribus vel Gubernatoribus Rerum publicarum adeò commendat, quòd utiq; specialem primariamq; curam gerunt *Pueritiæ & Juventutis*, quemadmodum diligentes Agricolaæ peculiariora sepimenta teneris plantis circumponunt ad defendenda pericula quibus ipsarum teneritudo eas exponat; illud etiam observari potest in beato Apostolo qui inter multa alia adminicula quæ in novitiorum Christianorum gratiam paravit, præmunivit eos etiam & circumvallavit hæc prudentissimâ Cautione contra tam periculosum in Christianitate errorem, ut imaginentur se statim justos fieri solùm profitendo se Christianos, quamvis nulla sit realis Justitia in cordibus eorum nec ulli fructus illius in manibus; Error profectò improbus ad quem multi Impostores seducere homines olim tentarunt. Quales fuerunt *Nicolaus, Marcio, & Carpocrates*, quemadmodum Historici notarunt.

2. Et verò cum nulla melior esse possit Antidotus quàm ut Christiani Novitii convincantur se huic obnoxios esse contagio, equidem diligenter explorabo apertèq; exponam causas propter quas adeò obnoxii sint, ut dum in hac conditione se deprehendunt, majorem adhibeant operam ad conservandos se nè pestilentiali hoc veneno inficiantur.

Atq; hic certè illud reperiemus evenire in rebus *Spiritualibus* quod in *Naturalibus* sæpenumerò fieri solet. Etenim quemadmodum corpora infirma à cibo potuq; morbos contrahunt, immò verò ab illo, quod tam perpetuum ac palpabile vitæ principium est ut vix uno momento absq; eo vivere valeamus, refrigerantem intelligo *Aërem*, quæ teneriora corpora sæpe in febres aliàsque intemperies conjicit; ita tenera infirmæq; Animæ ex mala sæpenumero concoctione, ipsum æternæ vitæ cibum, Dei utiq; verbum, in materiam morbificam convertunt, & cum crescere quidem virèsq; acquirere ex illius comestione debeant, Divinam è contrà in se vitam planè debilitant, atq; in ægrotationes periculosissimas miserrimàsque se præcipitant.

3. Prima igitur causa hujus pronitatis in Novitiis Christianis ad præsentem hunc errorem sunt certa quædam Scripturæ loca, quorum sensum cum illi minùs intelligant, in gratiam propriæ suæ *carnalitatæ* corporearumq; Cupiditatum interpretari præsumunt. Immensum esset omnia cortadere quæ in hunc malum finem pervertuntur. Principaliora tantùm producere contenti erimus, ad quæ postquam respondero, reliquis, eò ipsò, satisfiet.

Atq; hæc in duo genera dispescere possumus, sunt enim aut talia quæ videantur innuere, *Nudâ Fide nos justificari*, adeòq; ex inani sola persuasione justos evadere; aut hujusmodi quæ asserere videantur, *Justitiam Christi nostram esse*, justosve per illam ipsam Justitiam quæ in illo est, nos evadere posse.

Et primi quidem generis est illud, *Rom. 4. Credidit autem Abraham Deo & imputatum est ei pro justitia.* Atqui ei qui operatur, merces non imputatur ex gratia sed ex debito. Ei verò qui non operatur, sed credit in eum qui justificat impium, imputatur fides sua pro justitia.

Et *Rom. 5. Justificati igitur ex fide pacem habemus cum Deo per Dominum nostrum Jesum Christum.* Et *Rom. 10. 4. Nam finis Legis est Christus ad Justitiam*

capitis credenti. Et vers. 9. ejusdem capitis, *Si confessus fueris ore tuo Dominum Jesum & credideris in corde tuo quod Deus eum excitavit à mortuis, servaberis.* Quæ loca innuere videntur, meram persuasionem quod Christus fecerit passûve sit hoc vel illud, Justificationem nostram esse ac salutem. Possim huc adjicere Gal. 2. v. 16. verum illud in proprium suum locum differam.

4. Venimus jam ad secundum genus Testimoniorum Scripturæ quæ videntur *justitiam Christi nobis imputare*, doceréque, eam esse quâ & nos justi evadimus. I Cor. 1. 30. *Ab eo autem vos estis in Christo Jesu qui factus est nobis Sapientia à Deo Justitiâq; & Sanctificatio & Redemptio.* Et Rom. 5. *Ergo quemadmodum unius delicto factum est ut omnes homines damnarentur, sic etiam unius justitia fit ut omnes homines absolvantur atq; vivant.* Sicut enim per inobedientiam unius hominis peccatores constituti sunt multi, ita per unius obedientiam justi constituentur multi. Ex his aliisq; consimilibus locis novitii Christiani & imperiti, proni sunt ad concludendum, se justos esse posse per Obedientiam ac Justitiam Christi applicatam ipsis & imputatam, quanquam nullam habeant realem justitiam in propriis animabus nec quicquam ipsis pensi sit vitam justè instituere. Atq; hæc est prima causa ipsorum proclivitatis ad noxium hunc errorem. Sed restat altera, cujus absq; concursu prior hæc nullam habitura esset efficaciam. Nam omnes scripturarum sententiæ proculdubio salubres sunt ac veræ, verum animarum nostrarum insalubritas est & corruptio quæ venenum haurit ex herbis his floribûsq; Paradisi.

5. Dico igitur in secundo loco, Quod præcipua causa propensionis pueritiæ Christianæ ad crassum hunc errorem, est ipsa conditio eorum qui adhuc *pueri infantes* sunt in Christianitate. Nam *puerilem* hunc statum hujusmodi esse arbitror. Quando utiq; quis liberam sanè apertamq; facit Christianitatis professionem, & cum gratiarum actione ad Deum quantâ potest maximâ, propter immensam ejus misericordiam in sanguine Christi ad remissionem peccatorum, gratiam hanc firmiter quidem (ut ille opinatur) per fidem suamprehendit, infirmiores etiam aliquas fovens vitæ Justitiæ inchoationes; verum homo vetus etiamnum valde fortis est corpûsq; peccati perquam parùm subactum aut labefactum, aded ut, quotiescunq; *Novitius* hic impetitur, labor admodum gravis sit, & immensa operis series adhuc restet, & tam ingrati quidem & laboriosi, ut nec *Metaphora* sit nec *Hyperbole perpetuam* eam appellare *Mortem, jugemq; Crucifixionem.* Cum igitur hæc Conditio sit ejus qui adhuc *puer* est & *fetè infans* in Christianitate, cujusvis Judicium appello an fieri possit quin satis magna futura sit pronitas in hujusmodi hominibus ad liberandum se ab hoc labore ac cruciatu *Mortificationis* quâ ascendere debent ad altiores gradus *Justitiæ atq; vitæ.* Atq; nunc sanè quandoquidem facillè inducimur ea credere quæ ad nostrum commodum faciunt, nostrâsq; cupiditates adimplendas, fieri non potest quin si quid propiùs ad eum sensum sonet, nos facillè simus consonantiam expleturi, strenuâ quidem persuasionem quod sic omnino sonat, & fortassean gratias Deo insuper acturi propter amabilem hanc insaniam, propter charissimas has hallucinationes nostras & insomnia. Quamobrem ut tandem assumamus; cum itaq; Scriptura primo aspectu huic aliquantulum favere opinioni videatur, quod *justi esse possimus absq; omni reali Justitia in nobismetipsis, sed per eam atq; quæ immenso intervallo à nobis distat, sitq; est in alio,* ut tanti angoris & cruciatûs quanto ad realem justitiam internam constiterit sincerus nixus & suspiratio, fiat compendium, aliter vix evenire potest, quin is, qui ad altiorum statum nondum pervenerit, de facili assensurus sit tam grata & opportuna Notioni, semelq; eam amplexus, exardescat vehementer contra quemlibet qui aggressus fuerit eum exturbare ex hac tam placida requie aut à falso hoc gaudio & solatio dimovere, infirmo imbelliq; animo hujus tenere ætatis eligente potius, (ad præsentem dolorem evitandum) præproperam *palliationem*, quàm *Curationem* perfectam.

Sed enimverò nè confirmare potiùs videar hos Novitios in periculoso suo errore quàm ab illo abducere, producendo in medium præcipua ipsorum loca nihilq; ad ea respondendo, allaborabo jam manifestum reddere, quod aliter possint, si voluerint, illa loca intelligere, quàm intelligunt; & tum postea, cum eorum glossema non sit ita rationi reliquaq; Scripturæ consentaneum, quod relinquere debeant hunc adulterinum sensum, quem in vitiis suorum improbitatûsq; gratiam foveat.

6. Utq; jam instructiores hanc rem aggrediamur, significationem primò vocabulorum quæ tam frequenter in Epistolis S. Pauli occurrunt, quæq; controversiam quæ præ manibus est tam propè spectant, determinabimus. Cujusmodi sunt *Fides, Justitia, Justificatio, Imputatio* & similia.

Et primò, quantum ad *Fidem*, quæ tantis laudibus ab Apostolo extollitur, præcipua

cupia illius vis ac natura quæ toties ab eo inculcatur, nihil aliud videtur, quàm prævalidus quidam sensus atq; fiducia in Potentia, Justitia, & Bonitate Dei, firmâq; persuasio quod pro certo effecturus sit quicquid promissit, quantumlibet improbabile ac difficile visum id fuerit carni & sanguini. Atq; hoc est quod adeo commendatur in Abrahamo, quemadmodum liquet ex quarto ad Romanos. *Qui Rom. 4. 18. contra spem spe credidit fore se patrem multarum Gentium, ut erat promissum; sic erit tua posteritas.* Itaq; Fide non infirmus non consideravit suum corpus jam emortuum (qui propemodum centenarius esset) aut enecam Saræ vulvam: verum de Dei promisso, non dubitavit præ diffidentia sed Fide valuit, Deoq; gloriam tribuit: exploratum habens eum, quæ promississet, etiam præstare posse, itaq; illud imputatum est ei pro Justitia, hoc est, Deus approbavit eum tanquam virum bonum atq; pium, qui naturalem rei improbabilitatem non respiciens, sed promissus Dei firmam adhibens fidem illud præstitit quod & Divinæ Bonitati ac Potentiæ debitum erat, quodq; bonum justumq; hominem decebat. Itâ ut λογισθεῖς εἰς δικαιοσύνην nihil aliud innuat, quàm approbari tanquam virum bonum, facientemq; quod bonum ac justum est, atq; ob eam sanè causam quod facit quod bonum est atq; justum. Quemadmodum hic Actus Animæ exerentis seipsam supra abjectum inertemq; naturæ tenorem, alâq; quasi sibi addentis per vividum Potentiæ Divinæ ac Bonitatis sensum, quo assentiat fidemq; habeat ejusmodi rebus quas præsens Naturæ status nunquam potuerit efficere, hic, inquam, Actus, bonus certè est atq; justus, itaq; à Deo æstimatur & censetur, atq; à bona sanctâq; animi temperie provenire, quæ δικαιοσύνη dicitur, & quamlibetcunq; significat virtutem vel Bonitatem in homine. Atq; sic de actu Phineæ quando tanto cum zelo vindictam sumpsit de Zimri & Cosbi, dicitur, Psalm. 106. ἔτι ἐλογίσθη αὐτῷ εἰς δικαιοσύνην, spectabatur tanquam nobilis & insignis actus Justitiæ in omnem seculorum perennitatem, hoc est, talis reputabatur qualis reverà suâ naturâ fuit. Verum sensus non est, quod hoc illi erat vice reliquæ omnis justitiæ, quodq; nunc ex omni parte reputabatur justus, quanquam in aliis rebus non omnino sic esset.

7. Jam verò quantum ad Justificationem, optimè intelligemus vim vocabuli ex Græco δικαῖον, δικαῖον & δικαιοσύνη. Primò igitur, præter sensum Forensensem, qui maximè celebris est atq; obviuus, δικαῖον significat, justum esse; Gen. 38. 26. δὲ δικαῖον ὁμῶς ὁ ἱσθ, Thamar justior me est. Itâ Eccles. 31. 5. ὁ ἀγαπᾷ χρυσὸν ἢ δικαιοσύνην, Qui aurum diligit non erit justus, quo nempe sensu dicitur, Apoc. 22. 11. ὁ δικαῖος δικαιοῖται ἔτι, Qui justus est justus esse pergat. Secundò, significat justum apparere; Psalm. 51. 4. ἵνα δικαιοῖς, ut æquitas tua appareat. Et Psalm. 143. 2. Nam in conspectu tuo nemo mortalium δικαιοῖται, justus apparebit. Sed hunc sensum fateor obscuriorem esse & incertiorem. Tertiò & ultimò, δικαῖον significat justum vel purum facere; Psalm. 73. v. 13. Ἄρα μάταιος ἰδικαῖον τὴν καρδίαν μου, Ne ego frustra cor meum purificavi. Et Eccles. 18. 22. καὶ μὴ μένῃς ὡς δαυὶδ δικαιοῦναι, Nec tuam probitatem usq; ad mortem differas; ut habet Translatio. Et Rom. 6. 7. ὁ γὰρ ἀποβαλὼν τὸ δικαῖον διὰ τοῦ ἁμαρτίας, Etenim qui mortuus est, liber est à peccato. Item Act. 13. 39. Et ab omnibus, quibus non potuistis per legem Moysi justificari, in hoc omnis qui credit, justificabitur; δικαιοῖται, liberabitur, purgabitur, i. e. Perfectius purgari potestis & purificari à peccatis & impietatibus vestris quàm potuistis sub Lege Moisaica. Quod consentaneum est aliis scripturæ locis, veluti, * Lex nihil perficit. Et rursus, Si data Lex esset quæ vitam conferre possit, planè in Lege sita foret justitia. Atq; jam cùm legitimum invenerimus horum vocabulorum sensum, facilius inde poterimus & expeditius sensum etiam reterege præcedentium locorum Scripturæ, pro perniciofa hac opinione allatorum, Quod Christianus justus esse potest absq; omni reali Justitia.

8. Quamobrem ad illud in quarto ad Romanos: Cujus vis major erit si illud etiam addiderimus quod paulò antè occurrit in cap. 3. v. 28. Censemus ergo Fide justificari hominem absq; legis operibus. Et quod porro infert, v. 9. Convicimus enim & Judeos & Græcos omnes peccato subesse. Ubi Propositum Apostoli videtur, magnificare, quemadmodum maximè par erat, Ministerium Evangelii, mundòq; significare, quod quicquid adhuc extitit, ante adventum Christi imperfectum sit, lapsum, & ruinofum, totumq; omnino peccaminosum & infirmum, etiam ipsa Legis opera, laxissq; illa & æquabilis Justitia externa mere Moralitatis ac Ceremoniæ. Adèd ut universus Mundus reus reperiatur coram Deo, nec per opera Legis possit ulla caro justificari in conspectu ejus. Per legem enim agnitio peccati solummodo est, nullas ministrat vires ad præstandum quod mandatur.

Quocirca hæc omnia pro nihilo habentes, debemus ab ovo rem dentuò ordiri

summisq; viribus eniti ad talem Justitiam quæ sit per fidem in Jesu Christo, nec acquiescere in ulla re quæ præstari potest per vires Carnis ordinarias, sed aspirare ad Justitiam illam quæ nobis communicatur per illum spiritum, qui excitavit Jesum Christum è mortuis. Sed enim nec Abrahamus nec quivis alius justificari potest per ullam carnalem justitiam de suo, verum ille summè spiritualis actus Abrahami ultra communem Naturæ viam se extendens, qui contra spem spe credidit, illud utiq; erat quod Abrahamum tantoperè Deo commendabat. Atq; sic ab Exemplo Abrahami fidem Christianam toti mundo commendare vult Apostolus, ac præsertim Judæis Abrahami posteris. Nam in fine quarti Capitis imputationem Fidei Abrahami pro justitia, huic usui accommodat; ut nos nempe adduci possimus ad credendum

Rom. 4. 24, 25: in eum qui Jesum Dominum nostrum suscitavit ex mortuis qui propter delicta nostra traditus est & propter justificationem nostram revixit. In quo versu continentur duo grandia Evangelii Privilegia, hoc est, Peccatorum remissio propter satisfactionem mortis Christi & nostra justificatio quâ justi sanctiq; evadimus per fidem firmam in eo qui Jesum excitavit ex mortuis. Cui Interpretationi versus 11. cap. 8. egregie favet. Quod si spiritus ejus qui Jesum ex mortuis excitavit, habitat in vobis, is qui Christum ex mortuis excitavit etiam mortalia vestra corpora vivificabit per inhabitantem in nobis spiritum suum, viz. in Justitiam: Quemadmodum liquet ex præcedenti versu; Si verò Christus in nobis est, corpus quidem mortuum est per peccatum, sed spiritus vita est per Justitiam, hoc est, Corpus mortis, à quo liberari cupimus, ut loquitur Apostolus, apparet per præsentiam Christi in nobis tam mortiferum esse corpus ob rationem peccati, cum nihil in præsens percipiamus nisi gravantem quandam ineptitudinem ad omnem sanctitatem ac bonitatem in corpore ejusq; affectibus, omnemq; improbitatem & impuras Atheasq; suggestiones à carne, quæ mors certè animæ est, Nam quæ carnis sunt sapere, mors est. Aded ut propter improbitatem corporis stupidamq; ejus inertiam, res æquè funesta & dira appareat atq; Mezentiana illa vivorum mortuorumq; colligatio, postquam semel Christus in nobis extiterit: Verum vita tunc nostra illa Justitia est, quæ est ex Spiritu, dum invenimus admodum delectabilem calorem voluptatémq; grato affluxu sanctæ illius ac Divinæ sensationis. Verum is qui Christum excitavit è mortuis, vivificabit tandem etiam hæc nostra mortalia vel emortua corpora, faciétq; ut conspirent miraq; facilitate & alacritate concurrant, promptaq; Instrumenta fiant & ætuoſa, ac Spiritui Justitiæ in rebus omnibus morigerantia.

Quæ quidem persuasio præcipua Christianæ Fidei pars est maximèq; omnium Abrahami fidei confimilis, qui Bonitati, Potentiæ, ac veracitati Dei confidens, postquam & ipse & uxor ejus Sara marcidi essent & quantum ad naturalem generationem emortui, atq; sic omni spe videndi unquam ullum ventris sui fructum destituti, habebat tamen Isaacum sibi natum, qui * Gaudium risumq; in ipso nomine præfert, eratq; proculdubio Christi Typus secundum spiritum. Isaacus enim Sapientia, Potentia & Justitia Dei est emanans ac penetrabili vi se disseminans per omnes facultates humanæ Animæ atq; corporis; aded ut totus homo abripiatur cum gaudio ac Triumpho ad agenda omnia quæ reverà ac solidè bona sunt, pari profectò cum oblectatione ac voluptate atq; cum edit esuriens aut sitiens bibit. Atq; sic per introitum progressumq; in tam sancta vitæ conditione satis approbatur à Deo, atq; ad hunc modum per fidem justificati pacem habemus cum Deo per Dominum nostrum Jesum Christum. Rom. 5. 1.

* Γίλοις δὲ ψυχῇ καὶ χαρὶ καὶ ἰσορροπῇ ἐμπνεύσει τὸ πνεῦμα. Philo in Allegoriis. Et in ἀλλήλοις. Οὐχ ὅτι τὸν αὐτὸν καὶ αὐτομάτως καὶ αὐτομάτως τὸν ἐκείνου ἀποκαλύπτει καὶ μετὰ τὴν γέννησιν αὐτὸν ἐν γένει οὐκ ἐστὶν ὁ αὐτὸς. Et in De Nomium mutatione. Οὐχ ὁ αὐτὸς ὁ Ἰσαὰκ ἀλλ' ὁ συνεινυῖται τὸν αὐτὸν τὸν ἀπαρτιῶν χαρὴν, γίλοις, ὁ ἐνδοξασθὲν ἰδὲν καὶ ἰδὲν αὐτὸν μεταγίγει καὶ ἀδελφὸν ἀντιπαρατίθει ψυχῇ.

Aded ut hæc justificatio non sit mera persuasio quòd Christus pro nobis speciatim mortuus sit, quòdve è mortuis sit excitatus ut alterius justitia nobis imputetur; verum fiducia est in Deo quòd is sanguinem Christi pro Piaculo accepit, quòdque potens est per vim spiritus sui nos etiam suscitare ad novitatem vitæ, quò animemur ad anhelandum aspirandumq; ad interiorem illam perfectiorémq; Justitiam. Quæ privilegia Deus omnibus Evangelii auditoribus absq; ullo respectu ad opera, aut antea vitæ modestiam proponit, modò nunc velint venire & summam hanc & opulentam Evangelii Oeconomiam amplecti, & alacri obfirmatòq; animo ferri ad impugnandum ac demoliendum hominem peccati in seipsis, ut viva hæc novaq; via realis Divine Justitiæ erigi possit in cordibus suis ibiq; dominari. Si animentur, inquam, ad sanctum hoc Inceptum per fidem in Christo ad remissionem peccatorum, & in virtute illius spiritus ad penitus eradicandam & extirpandam omnem internam corruptionem & improbitatem, hæc Fides continuò ipsis imputatur ad Justitiam, hoc est, & sunt & accipiuntur à Deo tanquam chari illius Filii & tanquam viri boni &

& ex Promissi semine prognati. Nunc enim nec ex sanguine nec ex voluntate carnis, sed ex voluntate Dei geniti sunt, & voluntas eorum tota fertur ad Justitiam veramq; sanctitatem quam esuriunt sitiuntq; tam vehementer ac sincerè quàm naturalem suum cibum potumve: Deusq; qui corvorum pullis clamantibus dat pabulum, non ita crudelis est ut his cœlestem suum cibum deneget. Quem itaq; adipiscuntur exerendo se & quasi extorquendo eum è Dei manibus per *Fidem* in virtute illius *Spiritûs* per quem omnia se posse arbitrantur. Philip. 4. 13.

9. Atq; hæc est unica, quantum ego video, legitima notio *Justificationis* per *Fidem*. Nec certè illa loca quæ suprà citavi ullam aliam ab hac disjunctam probant. Nam ille locus qui maximè omnium huic Notioni videtur adversari [viz. Rom. 4. 5. *Ei verò qui non operatur sed credit in eum qui justificat impium, imputatur Fides sua pro Justitia*] optimè exponi potest juxta tenorem illius sensûs quem jam declaravi. Hoc enim magnum illud est ac lætificum Evangelii Privilegium quod nullâ ratione priorum operum habitâ, si modò nunc credamus, remissionem Peccatorum in Christo, fiduciamq; ponamus in illius potentia ac virtute qui improbos justificat (i. e. justos improbos facit eosq; purgat ac purificat ab omni peccato, & iniquitate, à quibus per vires suas naturales purgari non poterant, eosq; ad Justitiam realem internam per sui *Spiritûs* operationem restituit) hæc Fides imputatur ad Justitiam, atq; is qui sic habet, etiam sensu *Forensi* justus pronunciatur coram Deo. Nam qui sic credunt boni sunt justiq; viri quoad sinceritatem, adeò ut pacem habeant cum Deo per sanguinem Christi; Et per virtutem illius *Spiritûs* qui nunc in ipsis operatur, magis magisq; indies renovantur in gloriosam illam Imaginem & exoptabilem libertatem quæ ex repetitis victoriis *Divina vite* in ipsis emergit efficitq; ut *justi sint quemadmodum & Christus justus est*. Scd. 3.

Cùmq; jam maximè satisfactum sit difficultati, reliqua loca allata, per applicationem eorum quæ jam de Natura *Fidei* & *Justificationis* dicta sunt, suâ sponte facile concident.

10. Quantum ad illa Scripturæ loca quæ videntur *Justitiam Christi nobis attribuer*, veluti ubi dicitur, *Nobis factus à Deo Justitia & Sanctificatio & Redemptio*, sensus solummodò hic est, Quod operatur in nobis Sapientiam, Justitiam, &c. Alioqui inferri possit quod imputativam duntaxat Redemptionem habituri simus, quodq; reverà salvandi non simus nec redimendi. Et quod alterum spectat, *Sicut per inobedientiam unius hominis peccatores constituti sunt multi, ita per unius obedientiam justi constituentur multi*; locus, inquam, est qui contra ipsos militat. Etenim per *Adamum* facti sumus reverà peccatores & ad peccandum proni, originali labe ex illius lumbis contractâ, ac proinde sumus per Christum reverà justi constituendi. Atq; hic Finis erat Obedientiæ illius qui factus est obediens usq; ad mortem crucis, ut sepulti unâ cum eo per baptismum in mortem, sicut Christus excitatus est ex mortuis per gloriam Patris, ita & nos in novitate vite ambulemus, Rom. 6.

Quapropter cùm reverà nullum sit fundamentum in Scriptura, hujus puerilis erroris, cùmq; æquè absolum sit ut una anima justa sit pro alterâ, atq; ut unum corpus sanum sit pro altero, si ostendero scripturam ipsam expressim à nobis requirere ut justî sanctiq; simus in propriis nostris personis, nihil tunc deerit ad plenam detectionem puerilis hujus absconæq; opinionis, quod quis justus esse possit absq; omni *justitia in ipso habitante*.

11. Et, meo quidem judicio, hic ipse Textus S. *Johannis* perspicua est hujus veritatis evictio, utpote qui manifestò declarat, qui opinantur justos se esse posse tametsi justè non agant, neq; eo sensu justî sint quo Christus justus esse dicitur, omnino decipi. Sunt verò multa alia Apostolorum Testimonia eodem spectantia, quorum quædam jam notavi; quemadmodum ubi dicitur, *Quod Christus manifestatus est ut peccata nostra tollat*, quodq; in eum finem venerit, ut destruat opera Diabolî, & *Quisquis natus est ex Deo peccatum non committit, quoniam semen ipsius in eo manet*, hoc est, perenne principium *Divina vite* atq; sensûs quo videt horrètq; quicquid improbum est viròq; bono indignum. Et rursus I Johan. 2. 3. *Per hoc scimus nos eum nôsse, si mandata ipsius observamus. Qui dicit novî eum, & mandata ejus non servat, mendax est & in eo veritas non est. Qui autem servat sermonem ejus, verè in hoc charitas Dei perfecta est. Per hoc scimus nos in ipso esse: Qui dicit se in eo habitare, debet sicut ille ambulavit ita & ipse ambulare. Quale illud est, 2 Tim. 2. 19. Quisquis nomen Christi nominat, discedat ab injustitia.* I Johan. 3. 7.

CAP. VI.

1. Allegatio vers. 16. cap. 2. ad Gal. ut & scopi totius Epistolæ. 2. Quid sit Justitia Fidei juxta Apostolum. 3. In quo sensu illi qui in Christo sunt dicantur non esse sub Lege. 4. Justitiam Fidei non esse Figmentum sed Realitatem in nobis. 5. Quod hæc Justitia nova sit Creatura, quidq; nova sit hæc creatura juxta Scripturas. 6. Quod nova Creatura consistit in Sapientia, Justitia verq; Sanctitate. 7. Justitia novæ Creaturæ. 8. Illius sapientia & sanctitas. 9. Quod Justitia Fidei non excludit bona opera. Impia eorum perfidia qui contrà docent.

1. **Q**UANTUM ad illum Textum cujus suprà explicationem differebam, illius etiam sensum nunc tandem excutiam. Erat autem Gal. 2. 16. *Scientes non justificari hominem ex operibus legis sed per fidem Jesu Christi; & nos jam in Christum Jesum credidimus ut justificaremur ex Fide Christi & non ex operibus Legis: Propterea quod non justificabitur ex operibus Legis ulla caro.* Ab hoc etiam loco Scripturæ, sunt qui inferre volunt antiquationem vel abolitionem omnis *Moralis Honestatis realiq; Justitiæ* cujusmodicunque, prætendentes nihil præter nudam Fidem requiri quo accepti simus Deo. Et certè totam hanc Epistolam imaginantur inexpugnabilia ministrare argumenta ad defendendam perniciosam hanc Conclusionem, quamvis nulla sit apud æquos Judices, tam immensæ confidentiæ solida Ratio. Quod de facili intelligemus, postquam notaverimus scopum hujus Epistolæ tantummodo esse ut *Galatas*, qui ad *Judaismum* Legemq; *Mosis* Cereemonialem ferè relapsi erant, reducat rursus ad Christianitatem. *Dies observatis & menses & tempora & annos; Metuo equidem vobis, nè frustra in vobis laboraverim*, cap. 4. 10, 11.

2 Pet. 3. 16.

Cæterum præcipuus Apostoli scopus est contra *Circumcisionem*, ut planè constare potest vel ex prima Epistolæ perlectione; quam dum verbis extenuat unà cum lege *Mosis* in Genere, extollitq; Fidem in *Christo*, videtur aliquando eximere hominem ab ambulando secundum legem *Moralem* sub prætextu Fidei in *Christo*. Verum ut *S. Petrus* rectè observavit, *Insunt obscura quedam, in Epistolis Paulinis, quæ indocti infirmique, ut & reliquas Scripturas, in suam perniciem detorquent.* Nos verò nè in eundem errorem & perniciem abducamur non parùm sanè intererit *S. Pauli* vestigia notare ut ità nosmetipsos possimus ex periculoso hoc Labyrintho expedire.

2. Cùm itaq; abolere aut saltem vili pendere legem videatur in extollendo illam Justitiam quæ est per Fidem, videamus quæ hæc per Fidem, quæq; illa *Legis Justitia* sit. Cap. 2. 19. *Ego enim per legem legi mortuus sum ut Deo viverem; crucifixus sum cum Christo, vivo autem, non jam ego, sed vivit in me Christus. Ego per legem legi mortuus sum;* quale hoc est ænigma, ut Lex suis discipulis se spoliet? Et tamen ità facit. Est enim *Pædagogus* ad *Christum* vel potiùs *Hypodidascalus* qui postquam nos bellè instruxerit & castigaverit, ad altiore gradum promovet, ut perficiamur utiq; in *Christo*, qui perfectio Legis est. Verum ipsa Lex nihil perficit, atq; hæc ratio est cur Justitia non sit ex Lege.

Atq; ad hunc profectò sensum loquitur Apostolus in hac ipsa Epistola, cap. 3. v. 21. *Ergone Lex est contraria Dei promissis? Nequaquam. Si enim data Lex esset quæ vitam conferre posset, planè in Lege sita foret Justitia.* Nèquē i *Judaici* & *zoroastriaci*, Lex quæ animare & vivificare nos posset. Hoc verò supra Legis vires positum est. Is ipse Titulus est & Prærogativa Christi, qui via est, veritas ac vita. *Ego sum resurrectio & vita; qui credit in me, etiamsi mortuus fuerit reviviscet. Et quisquis vivit & in me credit, nunquam est moriturus*, Johan. 11. 25. Hæc igitur est *Justitia Fidei*, quæ longè superat *Justitiam Legis* sive *Literæ occidentis*.

3. Quamobrem postquam hæc *Fides* venerit quæ nos extruat in vivam internæ *Justitiæ* formam, sub Lege tunc *Mosaica* diutiùs non sumus, verum Dei filii sumus omnes per Fidem in *Jesu Christo*. Jam verò nulli sunt Dei filii nisi qui ducuntur *Spiritu Dei*, quemadmodum Apostolus testatur in Epistola ad *Romanos*. Hi verò qui *Spiritum Dei*, habent quales fructus edant abunde exponitur apud Apostolum in hac Epistola ad *Galatas*, cap. 5. v. 22. *Fructus spiritus est Charitas, gaudium, pax, lenitas, benignitas, bonitas, fides, mansuetudo, temperantia. Adversus eos qui sunt ejusmodi, non est Lex: Etenim non opus est, cùm ipsi sibi ipsis Lex sint.* Atq; sic videmus

videmus quomodo illi qui in Christo sunt non sint sub Lege, quippe quod internus ille Fons obedientiae, vel *Lex viva* in cordibus ipsorum, illa sit superior : Illi verè ac solidè eam complent per *Spiritum* illum qui est ex Fide. *Spiritus* enim ille *Amoris* genitor est, Amórque Legis Completio. Nam tota Lex uno verbo completur, *Diliges proximum tuum ut teipsum*, Gal. 5. 14. Hoc autem dico, Obtemperate Spiritui, neve carnis cupiditatem exequimini. Caro enim contrà quàm Spiritus, & Spiritus contrà quàm Caro concupiscit; atque hæc inter se ita contraria sunt, ut ea quæ vos velitis non faciatis. Qui proculdubio verus & genuinus sensus est verborum, *ἡ μὲν, ἡ δὲ διάνοια, ταῦτα ποιεῖτε*, quemadmodum Grotius etiam notavit. Atque hæc inter se contraria sunt, hoc est, unum alterum oppugnat, nempe spiritus carnem, *ἡ μὲν, ἡ δὲ διάνοια, ταῦτα ποιεῖτε*, in eum finem ut ea non perpetretis ad quæ corrupta vestra voluntas ac mens carnalis vos inclinet. Quod aptissimè cohæret cum illo quod sequitur, Quod si Spiritu ducimini, non estis sub Lege. Contra tales enim non est Lex, ut suprà dictum est. Quod quidem innuit, si non ducantur Spiritu, quod obnoxii sunt Legis maledictioni, Morti, Inferno & Damnationi. Nam sic etiam loquitur Apostolus, postquam opera carnis recensuerit, Qui talia agunt, eos scilicet Regni Dei non fore hæredes. Et v. 25. apertè declarat, Qui Christi sunt, eos carnem unà cum libidinibus & cupiditatibus crucifixisse.

4. Aded ut manifestò videamus *Justitiam* illam quæ ex Fide est, non esse meram *Chimeram* vel *Imaginationem*, sed excellentiorem *Justitiam* quàm quæ est ex Lege. Lex enim non est *vivificans Spiritus* sed *Litera emortua*. Christus verò Resurrectio est & vita; Isque Deus est *Justitia* nostra, ad salvandum potens, qui facillè potestates mortis, Tenebrarum ac Diaboli ex anima hominis exterminat. Verùm eà nos oportet esse patientiā ut toleremus opus in nobis per eum fabricandum. *Vivo equidem, non jam ego, sed vivit in me Christus*. Quod si palliare adhuc & cooperire velimus scæda nostra corruptaque corda fictitiis Inventis ab ipsa *Hypocrisis* confutis, nobisque gratiam factam fingere quod minùs opus sit aut ut inter nos invicem aut nobis ipsis benefici simus, propterea quod Deus in Christo tam propitius nobis sit & beneficus; audite quid Apostolus dicit in sexto ultimoque Capite hujus Epistolæ, v. 7. Nè fallimini, Deus non irridetur, quicquid enim seminaverit homo hoc & metet; nam qui seminat carni suæ, ex carne metet interitum; qui verò seminat spiritui, ex spiritu metet vitam eternam.

5. Scopus igitur Apostoli non est extenuare & deprimere veram virtutem realemque *Justitiam*, sed intento quasi digito nobis ostendere ubi reperiatur : non in Diebus nec Annis, non in Noviluniis nec Festis, non in Circumcisione aut in emortua Legis litera, sed in Christo Deique Spiritu, in renovata Dei Imagine, in nova Nativitate, in nova vita, in secundo Adamo de coelo, in nova Creatura. *A me verò abstineat gloriari nisi in cruce Domini nostri Jesu Christi, per quem mundus mihi crucifixus est, & ego mundo*. Nam in Christo Jesu neque Circumcisio quicquid valet, neque præputium, sed nova Creatura. Quam Apostolus alibi novum hominem appellat. Ut deponatis, quod ad pristinam conversationem attinet, veterem illum hominem qui deceptricibus cupiditatibus corrumpitur. Et renovemini spiritu mentis vestræ; Induatique novum illum hominem qui secundum Deum conditus est ad *justitiam* veramque sanctitatem; hoc est, non ad externam Ceremonialem sanctimoniam, sed per Regenerationem interni Spiritus in vitam novam ex ipso corde ebullientem. Et rursus, Colos. 3. v. 9. Nolite alii in alios mentiri, exuti veterem hominem cum suis actionibus, indutique novum, qui cognitione renovatur ad imaginem conditoris sui : ubi non est Græcus aut Judæus, Circumcisio aut præputium, Barbarus, Scythæ, servus, liber, sed & omnia & in omnibus Christus. Gal. 6. 14. Ephes. 4. 22.

6. Hæc nova igitur Creatura nihil aliud est quàm Imago Dei in Anima humana. Ità conjunctim testantur hi duo Textus, Novus homo qui secundum Deum conditus est, ad Cognitionem, *Justitiam*, veramque sanctitatem; Idem quod Plato docet in Theæteto suo : Οὐδὲν ἄλλο δὲ θεῶν ἢ δεινὸν γινώσκειν ἢ ἀληθινόν, similitudo verò justum sanctumque fieri ac sapientem. Verùm cum plerique omnes (etiam vetus in nobis Adamus) sanctos, justosque, ac sapientes se existimant, opportunum hinc erit dispicere, quanam *Justitia*, sanctitas, ac sapientia hæc sit quæ in nova Creatura reperitur.

7. Et quis eam tam rectè edocere potest quàm is qui ipsa est? Matth. 5. Audistis dictum fuisse antiquis, Non occides; quisquis autem occiderit, tenebitur judicio : Ego verò dico vobis, Quicumque irascitur Fratri suo temerè, tenebitur judicio : quicumque verò dixerit fratri suo, Raca, tenebitur confessu : quisquis autem dixerit, Fatue, tenebitur Gehenna ignis. Audistis dictum fuisse antiquis, Non mœchaberis : Ego verò dico vobis, Quicumque aspicit mulierem ut eam concupiscat, jam adulteravit eam

eam in corde suo. Rursum audistis dictum fuisse antiquis, Non pejerabis, sed red-des Domino quæ juraveris : Ego verò dico vobis, Nè juretis omnino, sed esto sermo vester, etiam etiam, non non ; Quod præter hæc est, id à malo est. Audistis etiam ut dictum sit, Oculum pro oculo, & dentem pro dente : Ego verò dico vobis, Non esse resistendum injuriæ. Audivistis itidem dictum, Proximum tuum amato, & inimi-cum tuum oderis : At ego vobis dico, Amate inimicos vestros & bene precamini iis qui vobis imprecantur, benefacite vestris malevolis & orate pro lædentibus & in-se-stantibus vos, ut filii sitis vestri Patris qui in cælis est, qui solem suum oriri facit in malos juxta ac bonos, & justos injustosq; compluit. Ecce accuratam & intamina-tam Justitiam quæ est in anima Regenerata, longè supra doctrinam & cogitatum aut Legalis Pharisæi aut Philosophi merè Moralis ! Justitia extrinseca in exteriori homi-ne, vel intrinsecus justum esse, quatenus corrupta Ratio suggerit, ad instar men-struati panni est, si cum hac Justitia conferatur, quam Christus à nobis requirit, no-vaq; Creatura secum in nos adducit simul atq; in nobis ad debitam staturam adoleve-rit. Ad hanc normam igitur quisq; se examinet.

8. Et quemadmodum hæc Justitia longè præstat, imò aliquando adversatur Ju-stitiæ naturalis hominis, (nam apud eum odisse inimicos & compensare malum ma-lo justum est) ita sanctitas multum transcendit sanctitatem aut antiquorum aut mo-dernorum Scribarum & Phariseorum præservidorumq; Patronorum Ceremoniarum. Nam omnes Ceremoniæ Temporis, Loci, Gestuum, Vestimentorum & Rituum non sunt nisi signa & umbræ universa, corpus verò Christus est. Postremò nè naturalis homo imaginetur se sapientem esse, (ut nemo certè est qui non omnium rerum bona-rum illud præ cæteris maxime proclivis sit sibi adjudicare) nè sapientem seipsum antè imaginetur quàm sanctus sit atq; justus, sapientiam suam juxta illam regulam ex-pendat quæ in Epistola Jacobi occurrit, cap. 3. Quis sapiens est & intelligens inter vos, ostendat bonis moribus sua opera cum sapientia mansuetudine. Quòd si amarum invidiam & similitatem habetis in animo, nolite contra verum jactare vos atq; men-tiri. Non ea est ista sapientia quæ supernè proficiscitur, sed terrena, animalis, Dæ-moniaca. Ubi enim invidia est & similitas, ibi est tumultuatio & omne opus præ-vum. At supernè oriens sapientia, primum casta est, deinde pacifica, æqua, obse-quiiosa, pietate bonisq; referta fructibus absq; partium studio, sine simulatione. Ju-stitia igitur novæ Creaturæ Justitia est longè supra Legis Mosaicæ literam, quan-quam exactè servatam. Ejusq; sanctitas multò splendidior quàm stola Aaronis, om-nisq; ejus ornatus Sacerdotalis, aut quæcunq; aliæ Ceremoniæ quas aut Deus in-stituerit aut homo excogitaverit. Et illius deniq; sapientia longè supra omnes illas tenuiter attritas aut rixantium Sectarum aut Scholarum disputantium subtilita-tes, ut quæ ab omni contentione & amarulenta contradictione abhorret.

9. Aded ut manifestum sit ex constanti scopo Apostoli & in hac Epistola & pas-sim alibi, quòd virtutem veramq; Moralitatem non vilificat, sed ad altiore ejus gradum & perfectionem collineat, quòdque Justitia Fidei quam ille Justitia operum præfert non introducitur ad excludenda bona opera è vita Christiana, sed ad urgen-dum nos ad exactiora Justitiæ opera quàm quæ præstari poterant sub Oeconomia Le-gis. Quàm improba igitur perfidia est contra Ecclesiam Christi quàmque inverecunda audacia in falsis illis Doctoribus, qui hominibus persuadere volunt, hanc doctrinam, quòd quis in conspectu Dei propter aridam emortuamq; Fidem approbetur omni reali sanctitate ac justitiâ vacuam ac destitutam, non solum Christianam veritatem esse sed selectissimam maximeq; principalem Doctrinam in universa Christianitate, cum tamen nullum illius inveniatur vestigium per omnia præcepta documentaq; sive Chri-sti sive Apostolorum ?

CAP. VII.

1. Quod exiguus Sanctitatis modus homini Christiano non sufficiat. 2. Quemadmodum apparet ex Scripturis jam allatis. 3. Plures ejus rei demonstrationes ex Prophetis; 4. Uti etiam ex Evangelio; 5. Aliisq; locis novi Testamenti. 6. Valida Christiani militis armatura. 7. Vehemens ejus ad perfectionem contentio.

1. **Q**uamobrem postquam satis jam primam purgavimus inunximusq; magni hujus machinamenti rotam, in cujus usu ostendendo tam diligenter occupamur, ad secundam nunc progredimur, ubi nisi parem industriam adhibuerimus, hæc certè machina nequiquam efficax erit ad illud Propositum ad quod destinatur, ad destruenda utiq; opera Diaboli. Cujus stratagematum subdolorumq; Inventorum cum non simus ignari, opportunè hîc quod huic loco maximè convenerit, declarare non dubitabimus, nempe, quòd, ubi animos nostros hoc periculoso errore inficere non potest, Quod Fides nuda & omni sanctitate destituta ad salutem suffecerit; in secundo loco conabitur persuadere, Exiguum quidem sanctitatis modum nobis sufficere posse cum passio Christi tanto pretio sit apud Patrem, qui mortem illius pro Piaculo acceptat, cumq; per illius sanguinem reconciliemur Deo; & propterea, remissum quodvis desiderium, quamvis ignavam inclinationem ad obedientiam satis fore, cum Christi Passio, ejusq; Justitiæ Imputatio reliquum sint suppletura.

2. Caterum, quòd hæc reverà suggestio Diaboli sit, non sensus Evangelii, manifestum reddam ex multis Scripturæ testimoniis. Equidem affirmare possum multa ex iis quæ jam attulimus, idem planè demonstrare. Quid enim sibi vult illud Johannis, ubi declarat, Quod quisquis natus est ex Deo peccare non potest, propterea quòd semen Dei in eo manet? Quid illud Pauli ubi ait, Quod Christus venit ad redimendum nos ab omni iniquitate & ad parandam sibi Ecclesiam non habentem maculam aut rugam, Ecclesiam sanctam & inculpata? Qui sit ut Christus Servator Regulam Justitiæ ad tam exquisitum Perfectionis gradum evexerit, æstimando tacitos libidinis assensus suppar quiddam esse ipsi adulterio, iram temerariam & irrationabilem, speciem quandam homicidii, nec solum condemnaverit retaliationem, sed & nobis, ut bono malum compensemus, mandaverit? Quis, inquam, sensus est, quæ mens horum omnium nisi quòd nos Christiani ad altiorem gradum Perfectionis in vita ac sanctitate vocemur quàm quo unquam adhuc ulli omnino Moralitatis & Religionis magistri homines urserunt? Ac proinde tantum abest ut Christianitatis Dispensatio, vitia ulla morumve defectus nobis indulgeat, ut non solum ab istis nos purget, verum etiam haud pauxillo momento altiùs nos attollat, nec unquam cesset donec animas nostras ad Divinum planè statum restituerit.

3. Hanc conditionem esse ad quam unusquisq; Christianus vocatur, nec contentus esse debet, nisi ipse sibi sit conscius, se totis viribus huc incumbere, aliquosq; saltem profectus illorum indies facere, & Descriptiones Propheticae Regni Messie in terris aliq; multa Testimonia in Evangelio scriptisq; Apostolorum, adhuc plenius demonstrant. Nam præter ista loca quæ Regnum Messie ab Abundantia Pacis describunt & Justitiæ, quæ terrarum Gentes sit inundatura, ut aquæ mare tegunt; sunt etiam alia particularia loca quæ oppidò quàm ingentem sanctitatis mensuram, quæ Ecclesia Christi illustris foret, præfigurant, cum clariori scientia majoriq; alacritate ad ambulandum in semitis Dei. Et nullus equidem dubito quin illud quod corporeo sensu impletum est in temporibus Christi, haberet etiam sensum spiritua-lem magis, magisq; permanentem; Illud nempe Esaia cap. 35. 5, 6. Tunc & cæcorum patefient oculi, & surdorum reserabuntur aures; tunc cervi ritu saliet claudus, ovabitq; lingua muti. Quod ad vivum depingit conditionem verè credentis in Christum, dum fideles suos profectus facit in Christianitate, de virtute in virtutem gradiens usq; dum apparuerit coram Deo in Sione. Huc adjice illud Zachar. 12. (Et enim quòd mysticè ad præsens Propositum applicari potest, ex v. 10. apparet, Et aspicient ad me quem crucifixerunt;) Quod verò citaturus eram occurrit v. 8. Eo tempore propugnabit Jehovah pro Hierosolymitanis, ita ut sit eorum infimus Davidi similis, Davidæ autem Deo similes Angelosq; Jehovah eis præposito. Quemadmodum Servator pronunciat de Johanne Baptista, Qui est minimus in regno cælorum major est eo. Propheticas prædictiones cum illa Malachie claudam, cap. 3. de Angelo

1 Joh. 3. 9.
Tit. 2.
Ephes. 5:

Matth. 11. 11.

fœderis, Christo scilicet, eaq; Oeconomiam quam ille erecturus erat in mundo. Ecce venit, dicit Jehovah Exercituum. Et quis ferre poterit diem adventus ejus, qui seos poterit stare cum apparuerit? Ipse enim tanquam ignis constans, & tanquam saponaria fullonum. Et sedebit constans & emundans argentum, purgabit enim filios Levi, constabitq; eos sicut aurum & sicut argentum, eruntq; ipsi Jehovah offerentes munus in Justitia.

4. Quod id ipsum est quod Johannes Baptista de Christo testificatur, Matth. 3. v. 11. Ego quidem baptizo vos aqua ad resipiscentiam; sed post me venit qui quidem adeo me præstantior est, ut ego non sim dignus, qui ejus calceamenta portem. Is vos baptizabit sancto Spiritu & Igni. Is in manu suam habens ventilabrum, aream suam expurgabit, frumentumq; suum comportabit in horreum; paleam autem igni cremabit inextinguibili. Cui potes addere v. 10. Jam verò securis arborum radici ad-movetur: Itaq; arbor omnis fructum bonum non edens exscindetur, & in ignem injicietur. Consimiliter illi quod occurrit Matth. 15. 13. Omnis planta quam meus cælestis Pater non plantavit, extirpabitur. Quæ Scripturæ nobis planè declarant finem adventus Christi fuisse, ut penitus consumeret radicibusq; evelleret errorem omnem ac improbitatem ex eorum cordibus qui eum sint recepturi.

5. Atq; hoc profectò sufficere possit ad detegendum quàm sublimis gradus sanctitatis ab eo expectetur qui absq; omni fūco & tergiversatione verus vult esse Christianus. Cæterum nolo prætermittere alia loca quæ ad eundem sensum sonant; 1 Pet. 1. 13. Quamobrem succinctis mentis vestre lateribus sobrii, perfectè sperate afferendum adventu Jesu Christi beneficium, ut obedientes filii, nec vos superioribus ignorantie vestre cupiditatibus accommodantes; sed quemadmodum qui vos vocavit sanctus est, ita vos quoq; vosmetipsos in omni vita sanctos præbete; quandoquidem scriptum est, Sancti estote, nam sanctus ego sum. Idem quod Servator nobis præcipit sermone suo in Monte; Estote perfecti quemadmodum Pater vester qui in cælis est, perfectus est. Paulus etiam ad Ephes. cap. 6. v. 10, Quod superest, Fratres mei, corroboremini in Domino & in robore virtutis ejus. Induite universam Dei armaturam ut possitis stare adversus insidias Diaboli. Quoniam non est nobis lucta adversus carnem & sanguinem, sed adversus imperia, adversus potestates, adversus mundi Dominos, rectores tenebrarum seculi hujus, adversus malignos spiritus in Aëre habitantes. Propterea assumite universam illam armaturam Dei, ut possitis resistere tempore adverso, & omnibus confectis stare. State igitur lumbis circumcinctis veritate, & induti thorace justitiæ; calceatis pedibus præparatione Evangelii Pacis. Insuper assumpto scuto fidei, quo possitis omnia jacula Mali illius ignita extinguere. Galeam etiam salutarem recipite & gladium Spiritus, qui est verbum Dei. Addemus solummodò breviusculam orationem à Principe salutis nostræ, Christiano militi sic armato oppidò commodam, Apoc 3. Qui vicerit, ei dabo mecum in meo sedere solio, ut ego quoq; victor consedi cum meo Patre in ejus solio. Quæ quidem sic collata, & anxiosè sollicitèq; considerata, non possunt sanè quin ex torpido illo & veterioso infructuosa fidei insomnio nos exuscitent, & ex inerti illa sordidaq; servitute peccati (quæ sub invincibilis Infirmitatis obtentu tenemur) in fiduciam firmam, in omnipotentem virtute Christi ejusq; armaturæ ac munitionis nos erigant; quibus & omnes nostras domesticas libidines, utcunq; ignitis Diaboli Pyrobolis accensas & inflammatas, possimus devincere.

6. Qui vicerit ei dabo. Et quando, obsecro, vincit? An non in eodem campo victoria paritur quo committitur prælium? Et militia nostra an non hîc in terris est? Ac proinde manifestum est nostram etiam hîc victoriam fore. In hac enim vita nobis præcipitur ut occidamus & mortificemus veterem in nobis hominem, qui quamdiu vixerit, semper malignum aliquod inventum excogitabit quo Christi regnum è cordibus nostris subruere possit & eradicare. Ac proinde oportet nos integro animo aut huc aut illuc nosmetipsos convertere. Non possumus & Christo & Belial simul servire. Lux & tenebræ in eodem nequeunt manere spacio. Et certè Apostolus tam perfectam nobis paravit armaturam, ut non possumus quin palam profiteamur, fortiores nos esse homine forti qui atrium hætenus custodiverit, ita ut si non ejiciatur, nos in culpa simus. Fidelis enim Miles Christianus tam perfectè armatus est (quippe qui veritate cingitur, cuiusq; cor justitiæ & sinceritate munitur, mens æternæ vitæ repræsentationibus reficitur; cujus pedes promptitudine, & indefatigabili secundum Christi Evangelium ambulandi Proposito calceantur, cujus memoria selectissimis, utilissimis, animosissimisq; Scripturæ præceptis instruitur, totaq; anima per fidem in virtute Dei contra omnes aggressiones ac tentationes Inimici salutis nostræ corroboratur) ut facere non possit quin prælio victor evadat, quanquam domesticis illius

Libidinibus

Libidinibus suppetias ferat ipse Aëris princeps, qui dominatur in filiis Inobedientiæ. Nam *hoc scutum fidei ignita omnia tela Diaboli extinguere valet.* Hæc illa Fides est quâ antiqui regna expugnârunt & Justitiâ sancti sunt. Atq; hoc illud est per quod unusquisq; Christianus victorias suas contra Regnum Tenebrarum ac Injustitiæ prolaturus est quantum ipsi placuerit. Nam secundum fidem suam ita cuiq; eveniet. Hebr. 11;

7. Quamobrem qui inerti cuidam segnitiei ac indiligentiæ in his rebus aggredien-
dis patrocinantur, Fideles Christiani non sunt sed *falsi fratres* qui se in cætus no-
stros ingesserunt. Nemo qui aratro admotâ manu respicit in tergum, aptus est ad
Dei regnum. Rursus, *Qui amat Patrem aut Matrem supra me, non est me dignus.* Luc. 9. 62i
Et qui amat filium aut filiam supra me, non est me dignus. Matth. 10. 37i Immò verò qui vitam su-
am supra Christum amat, non est illo dignus, nec potest illius esse discipulus, quem-
admodum ipse Servator declarat. Quomodo igitur is Christi discipulus esse potest,
qui ullam amat libidinem, quantumlibet jucundam, quantumlibet utilem, supra
filium Dei qui proprio suo sanguine eum redemit? Quocirca omnes veri Christiani
in hac parte rem seriò egerunt, tum in actionibus, tum in professione ac precibus,
aspirantes enixèq; contententes ad omnem perfectionem sinceritatis ac puritatis tam
Carnis quàm Spiritûs, sanctitate perfungentes cum timore Dei, quemadmodum
Apostolus Corinthios hortatur. Juxta quod etiam est illud S. Jacobi; *Patientia* Cap. 1. v. 9.
verò perfectam operationem habeat, ut perfecti integriq; nullâ re careatis. Qualis est
illa oratio Epaphræ pro Colossensibus, cap. 4. 14. qui illuc dicitur, *assiduus, pro ipsis,*
precibus certare ut perfecti absolutiq; stent in omni voluntate Dei. Quod idem fere
est quod illud S. Petri 1 Epist. cap. ultimo. *Ceterum Deus omnis gratiæ qui vocavit*
nos ad æternam suam gloriam in Christo Jesu, is vos paulum passos, absolutos reddat,
stabiliat, roboret, fundet. Quibus addemus illud Authoris ad Hebræos, itaq; con-
cludemus. *Deus verò pacis qui magnum illum ovium per æterni fœderis sanguinem,* Hebr. 13. 20;
pastorem, Dominum nostrum Jesum, à mortuis reduxit, perficiat vos in omni opere
bono ad præstandam ipsius voluntatem, efficiens in vobis quod acceptum sit in conspectu
suo per Jesum Christum, cui sit gloria in secula seculorum. Amen.

CAP. VIII.

1. Auxilium Christiani par saltem esse suo Penso. 2. Due Potentiæ sive Virtutes Evangelicæ, quæ officium illius pensumve complectuntur. 3. Auxilium primum Evangelicum, Promissum scilicet Spiritûs, cum vaticiniis ea de re ex Ezekiele & Esaia. 4. Subindicationes quadam sensûs Mystici posterioris. 5. Alia præcel-
lens illius rei præditiô.

1. **E**Videntissimum jam fecimus, illam Justitiæ mensuram ad quam Christianus vo-
catur non inertem esse nec somniculosam inclinationem ad sanctitatem, non
mancam, claudicantem nec Hypocriticam Christi consecrationem, sed sinceram atq;
alacrem contentionem, lætâmq; tandem assecutionem talis gradûs Sanctitatis ac Ju-
stitiæ, qui præscriptiones omnium aliarum Religionum quarumcunq; longè tran-
scendat, effeq; reverà aded consummatam ac perfectam ut nihil præstantius aut ex-
optari possit aut excogitari. Tam sancta ac cœlestis vocatio est vocatio Christiani.
Et certè expectatio tanta est, ut si auxilia & subsidia ipsi proportionata non essent,
nunquam essemus ad finem nostræ vocationis perventuri. Verùm subsidia nostra,
meo quidem judicio, majora sunt quàm pro nostro penso, nisi quòd nos nobismet-
ipsis deesse videamur.

2. Hactenus vidimus, quàm necessaria Christiano sit interna sanctificatio, & ad
quàm amplam illius mensuram vocetur. Quòdq; ad contendendum aspirandûmq;
perpetuò ad hæc ambo inviolabili jure tenetur, quemadmodum manifestò declara-
tur à Christo, ab Apostolis, & Prophetis antiquis. Quamobrem hæc duo, eviden-
tiam intelligo, primò, quòd oportet nos internâ reallq; justitiâ esse præditos, nec id
solum, sed perfectissimo deinde modo & extraordinario, quæ sunt Evangelii Potentiæ
quæ summum illud nostrum maximûmq; officium complectuntur, ut sancti utiq; si-
mus, quemadmodum is qui nos vocavit, sanctus est, perfectiq; quemadmodum Pater
noster qui in cælis est perfectus est. Subsequentes Evangelii Potentiæ omnes auxi-
lia sunt vel subsidia ad hunc Finem destinata. Quarum Prima est Promissio Spiritûs

per Christi Intercessionem; Secunda, *Exemplum Christi*; Tertia, *super ejus Passione Meditatio*; Quarta, *super Resurrectione & Ascensione*; & Quinta deniq; *super Judicio ultimo*. Hæ *Potentie* tam mirabilis efficacie sunt, si ritè applicentur, ut omnes munitiones demoliri valeant, omnemq; malam imaginationem, ac sublimitatem omnem contra cognitionem Dei elatam ejicere, & in captivitatem omnem cogitationem, ad obediendum Christo redigere, ut loquitur Apostolus. Nulla vis habitualis peccati, nulla libidinum violentia adversus ipsas stare poterunt quin statim funditus necessario labefactentur.

3. Prima harum *Potentiarum*, est *Promissio Spiritûs*; non ad paranda *Miracula* (illa enim res tantum transitoria erat primisq; Ecclesiæ seculis solummodò accommodata) sed ad *perfectam sanctificationem* purificationemq; ab omnibus nostris peccatis, ut robur plenum ac adultum in omni justitia ac sanctitate assequamur. Quod hæc *Potentia*, *Dispensationis Evangelii* in omnibus verè credentibus sit comes, tum è prædictionibus Prophetarum, tum ex ore Servatoris & beatorum Apostolorum apparet.

Esai. 44. *Et nunc audi Jacob serve mi & Israel quem elegi, sic mandat Author, conditorq; tuus Jehovah, tuus ab utero adjutor. Noli timere servus meus Jacob, & tu Jesurun quem elegi; Nam perfundam aqua sitientes, aridumq; solum rivis; Perfundam spiritu meo tuam stirpem meq; benedictione tuam progeniem, ita ut graminum more pullulent, tanquam ad aqua profluentem salices. Quod vaticinium maxime propriè applicatur Ecclesiæ Christi quæ verum semen est Jacobi; utpote qui illi sunt qui colluctantur cum Deo contenduntq; intrare per angustam portam quæ ducit ad vitam. Illi sunt verus * Jesurun, qui recto sunt corde, sinceriq; quæsitores Dei, qui esuriunt sitiuntq; Justitiam, ac proinde Deus ipsos supernaturali Influentiâ benigni sui Spiritûs saturabit.*

Luc. 13. 24.

• א שר
rectus.

Rursus, Ezekiel. 36. v. 25. ubi præfiguratur beata regni Christi Dispensatio. *Et effundam super vos aquam mundam, & mundabimini ab omnibus inquinamentis vestris; & ab universis Idolis vestris vos mundabo. Daboq; vobis cor novum, & spiritum novum dabo, in medio vestri, & auferam cor lapideum è carne vestra, daboq; vobis cor carneum. Et spiritum meum dabo in medium vestri, efficiamq; ut in præceptis meis ambuletis & judicia mea custodiatis & faciatis illa.*

Item Esai. 41. 10. Ubi proculdubio si secundum analogiam interpretandi vaticinia locum exponamus (cùm semen Abrahæ Typus sit spiritualis Ecclesiæ Christi ipsorumq; militia non carnalis sed spiritualis, nec illæ aquæ à Christo promissæ istiusmodi latices qui in fluviis amnibusq; profluant, sed emanationes illius purificantis refrigerantisq; virtutis Spiritûs Dei) statim videbimus quàm præsentaneo fidòq; auxilio Deo visum sit vero suo Israël succurrere, in quibus nullus est dolus, sed qui sincero animo bellum gerunt & summis viribus resistunt omnibus tentationibus Mundi, Carnis & Diaboli.

Et tu Israel serve mi, Jacob quem elegi, semen Abrahæ amici mei, nè metue, nam tibi adsum; Nè remollesce, nam ego te Deus tuus corroboro, te juvo, te meâ justâ dextrâ fulcio. Pudore quidem & ignominia afficientur omnes qui tibi sunt insens: in nihilum redacti peribunt homines, qui à te dissident, ita ut eos quærens non sis inventurus: homines qui contendunt tecum redigentur in nihilum & perduelles tui abolebuntur. Nam ego Jehovah Deus tuus dextram tuam prebendo, dicoq; tibi Nè formida, ego te juvo. Nè formida vermis Jacob, mortales Israël, Ego te juvo, inquit Jehovah, vindexq; tuus, sanctus Israël. Ego te traham, efficiam tribulam novam dentatam, qui montes tritures atq; teras, & colles pro paleis habeas, quos ventus, te ventilante, auferat dissipetq; turbo; quum tu interea in Jehovah exultabis, in sancto Israël gloriaberis. Inopes pauperesq; aquam torridâ præ siti linguâ requirentes neq; nanciſcentes ego Jehovah audiam, Deus Israël non deseram. Aperiam per excelsa fluviis & mediis in vallibus fontes, deserta siticulosq; loca in aquarum stagna, lympharumq; scatebras redigam. Hoc vaticinium est accurata descriptio illarum internecinarum perfectarumq; victoriarum quas Ecclesia contra peccatum & Satanam per supernaturalia Spiritûs Dei subsidia adipiscitur.

Quod promissum iterum repetitur subsequenti Capite, quod tamen prolixius sit priori, parsq; illius jam allata sit in aliud propositum, abstinere tamen non possum quin torum transcribam, cùm tam perspicuum sit de Christo vaticinium (ut ex prima illius parte apparet) & de virtute illius Regni per spiritum ad debellandum omne peccatum & improbitatem in eis qui verè credunt: *Ecce, meus servus cui adimiculor, quem mihi ex animi mei sententia delectum meo spiritu donavi, Ius edet Gentibus. Non clamabit, non queritabitur; non voce sua forte strepet. Quassatam arundinem*

Esai. 42.

arundinem non perfringet, languescens ellychnium non extinguet; jus ad veritatem perducet. Non languescet neque satiscet, quin jus in terris statuatur, ab ejusque Lege pendeant Insule. Sic dicit Deus Jehovah qui celos creavit atque distendit, qui terram ejusque progeniem porrexit, statum incolentibus eam, hominibus in ea versantibus spiritum dans. Ego Jehovah te cum Justitia voco, prehensumque manu tueor, teque in humanum fœdus lucemque Gentium destino, ad aperiendos cecos oculos, ad victos & in tenebris habitantes ex argastulo & carcere educendos. Ego cuius nomen Jehovah est, gloriam meam alteri laudemve meam simulachris non dabo. Præterita ecce venerunt & nova ego significo: nondum orta vobis eloquor. Capite Jehovah novo carmine, Jehovah laudem extremi terrarum, qui descendunt in mare, & quicquid eo continetur, Insule, earumque habitatores. Clament deserta, eorumque oppida, villæque in quibus habitat Kedar. Ovent Petre incole, ex montium vertice vociferantes. Afficiatur Jehovah gloria, ejusque laus in Insulis prædicetur. Jehovah Herois ritu prodibit, viri bellicosi modo impetum dabit, clamansque ac vociferans in hostes suos se corroborabit. Qui jam diu tacitus, me continens dissimulavi, more parturientis exclamabo, desolabo & Meglutiam simul. Desolabo montes & colles omnesque, eorum herbas siccabo, & fluviis in insulas redigam, stagnaque arefaciam, & cecos per ignotam eis incognitamque viam & semitas ducens agam, tenebrasque in lucem ante eos, & prava in recta convertam; hæc faciam eis, eosque non derelinquam.

4. Est admodum magnifica ac exaggerata immensæ virtutis Dei desuper, quæ Ecclesiæ suæ opitulatur, Representatio, docetque ut Christus per Dispensationem Evangelii à servitute Peccati nos liberat, ut aperit intellectus ignorantiam, & in libertatem asserit illos qui in tenebræ conscientie argastulo clausi erant, in captivitate detenti sub peccato, ut illi qui aridi sunt ac steriles desertorum instar, cacuminumque rupium, vivarum aquarum scaturigine irrigabuntur, utque Pagis quos * Kedar possidet, hoc est, illis, qui mœrore ac tenebris obumbrantur, oriatur Lux, ipsique Dominum collaudabunt: propterea quod ille ipse Dux eorum erit, bellum geret ipsorum, & per vim spiritus sui, perque ignem illum, per quem cum omni carne disceptabit, arefaciet summitatem & florem superbiæ ipsorum, exsiccatque restagnantes eorum libidines lubricasque cupiditates, & illuminabit semitas eorum ante ipsos & in terram Justitiæ eos introducet. Hæc sunt vera prælia ac victoriæ Ecclesiæ Christi, quemadmodum illi qui velamen oculis cordibusque ablatum habent facile cernunt. Et certè cum ullo alio utili sensu, rarè contingit ut legi possint consimiles descriptiones victoriarum Ecclesiæ contra inimicos ejus per Christum partarum, aut per illos qui ejus erant typi; ut certè David Typus erat eximius. Ac proinde si mihi legendus esset Psalmus 18. [Adamabo te Jehovah, meæ vires, &c.] parùm profectò me inde ædificatum iri sperarem nisi in hujusmodi mysticum sensum eum resolverem, supponendo utique illud in me quod Christi particeps est, hoc est, internam meam mentem vel spiritum bellum gerentem contra * Saulum, qui est potentia Carnis, avida vorago Inferni, Peccatum illud quod habitat in hoc mortali corpore cuius vanæ cupiditates nec fundum habent nec finem.

5. Equidem hujusmodi allegationibus ex Prophetis & Psalmis abundare possum: Verùm intelligenti clavem in manum tradidi quæ ipse possit (si fidem suam, per copiosa illa Promissa talium subsidiorum, de quibus nos loquimur, seriis Evangelii Professoribus facta, auctam cupit ac corroboratam) hujusmodi thesauros referare. Unum tantummodò superaddam testimonium, quod, meo quidem iudicio, valde expressum est. Estque Esai. 35. *Confirmate manus languidas & labentia corroborate genua: dicite festinis animi, Este fortes & impavidi. En Deus vester ultor veniet, præmiator ipse Deus veniet servatum vos. Tunc & cecorum patefient oculi & surdorum reserabuntur aures. Tunc cervi ritu saliet claudus, ovabitque lingua muti. Nam erumpet in desertis aqua & in solitudine flumina, ita ut stagnent arida & scateant siticulosa lymphis: ac in qua statione cubuerint dracones, in ea sit arundinis juncique statio. Erit autem ibi semita atque via, quæ via sacra vocabitur, quæ pollutis impervia erit, verùm ipse in via cum illis incedet, & stulti non errabunt in ea. Non erit ibi leo, nec eam seiva scandet bestia, aut ibi extabit, sed ambulabunt per eam Redempti. Jehovahque clientes reversi venient ovantes in Sionem, & sempiternam persusi caput letitiæ voluptatem & gaudia consequentur, mœrore atque gemitu fugiente.*

* ארץ obte-
nebrata, atque
fuit.

* נחש Infer-
nus, à נחש
petiit.

CAP. IX.

1. *Magna utilitas Fidei Promisso Spiritûs adhibita.* 2. *Esus Carnis Christi, ejusq; Sanguinis Potatio quid sint.* 3. *Ulterior Promissionis Spiritûs demonstratio.* 4. *Quod nullo nostro merito Deum possimus devincire.* 5. *Alia Scripturæ Testimonia ad priorem scopum spectantia.*

1. **H**ÆC loca quæ ex Testamento veteri recensuimus non possunt non refocillare, immò propter styli Prophetici sublimitatem inflammare, animum illius qui ipsa legerit, modò facultatem habeat res *Mysticè* applicandi ad eximium illum scopum quò diriguntur. Quæ verò ex *Novo* addituri sumus, quamvis imaginationem tam altâ grandiloquentiâ non sint percussura, rationem tamen fortean multò certius penetratura sint fortiùsq; assensum extortura, etiam iis qui aliàs admodum agrè agnoscerent hoc verum esse; *Quod nempe tanta & tam supernaturalia subsidia Divinitus nobis suppetant, quàm sit Sancti Spiritûs, in consiliatationibus nostris contra Peccatum cooperatio.* Quæ persuasio magni certè momenti est ad corroborandos animos nostros adversùs omnes Tentationes, & ad efficiendum ut in omni Conflictu victoriam adipiscamur. Ac proinde uberiores jam producemus hujus veritatis demonstrationes.

2. Et prima quæ mihi in mentem occurrit, est illa beati Servatoris, Luc. 11. 13. *Quod si vos, qui mali estis, scitis bona dare vestris liberis, quantò magis Pater cælestis dabit sanctum Spiritum petentibus à se?* Quòdque hæc dispensatio Spiritûs sanctificantis commune donum sit omnibus Christianis, ex eo apparet quod jam citavimus ex S. *Matthæo*, ubi *Johannes* profitetur se gnarum solummodo baptizandi cum aqua ad resipiscentiam, verùm baptisma Christi fore cum *Spiritu sancto* & cum igni, hoc est, cum virtute *Spiritûs* qui conflabit nos & purificabit, quemadmodum argentum purificatur in igni. Item ex *Johan.* 6. ubi Christus *Manna* se nuncupat quod descendit de cælo, declarâtque, *qui comedit carnem, bibitque sanguinem ejus, vitam habere æternam;* cum aliis id genus locutionibus. Quapropter discipuli ejus cœperunt offendi. *Jesus* verò respondit dixitque, *Hocine vos offendit? Quid si videatis filium hominis ed ascendentem ubi erat prius?* Illud mirum vobis ac stupendum futurum est spectaculum, talèque quod certò vobis meam Divinitatem confirmaverit, sed tam longè simul meum corpus à vobis removebit, ut non potueritis tunc, si volueritis, tam crassè errare ut existimetis me loqui de hoc corpore ac sanguine quæ nunc mecum circumgesto. *Spiritus est qui vivificat, caro nihil prodest.* Verba quæ ego vobis loquor *Spiritus* sunt & *vita* sunt, hoc est, intelligi debent de *spirituali corpore* quod intimum est *sancti Spiritûs templum*, cujus & vos hîc oportet ad aliquem modum compotes esse, quòdque consummatam habiturum est purificationem in ultimo Die, quando vos æternæ vitæ perfectione sum coronaturus. Vel simpliciter intelligenda sunt de *Spiritu vitæ*; illa quæ secundum meam Divinitatem ipse sum, de æterno nempe verbo in quo est *vita*, *vitæque*; illa *lux hominum* est. Hoc est illud quo vos oportet vesci, imbiberèque in animas vestras, quando non habetis particulare meum corpus præsens vobiscum. Etenim *verbum* hoc atque *Spiritus* præstò sunt ubique ut ab eis qui esuriunt sitiuntque cœleste hoc animarum suarum pabulum, hauriantur. Atque sic id impletur quod declarat, v. 56. *Qui meâ carne vescitur meumque sanguinem bibit, is in me manet & ego in eo.* Nam Carnis esus est spiritualis corporis ad aliquem modum Participatio, ejusque Sanguinis potatio, *Imbibitio* insimul illius *vite* quæ in purgata omnia & purificata hominum corda, ex æterno verbo elucet, quo Christus in ipsis habitat, & ipsi in illo & Deus in omnibus.

3. Rursus *Johan.* 7. 37. *Postremo autem die, qui erat Festi celeberrimus, constitit Jesus & hisce verbis clamavit, Si quis sitit veniat ad me & bibat. Qui mihi fidem habet, ut * perhibent literæ, ejus ex ventre fluent perennis aquæ flumina.* Id autem dixit de Spiritu quem accepturi erant, qui ei fidem haberent, quemadmodum & ipse textus exponit. Ac proinde insignis est ratificatio sensûs *Mystici* eorum vaticiniorum quæ ex *Esaiâ* recitavimus.

Verùm hæc apertiùs narrantur & absque omni Metaphora, *Johan.* 14. 15. *Si me amatis, mea præcepta servate. Ego verò meum Patrem exorabo ut alium vobis consolatorem det, qui vobiscum perpetuò maneat, scilicet veritatis Spiritum, quem mundus consequi non potest, quòd cum neque videt neque cognoscit. Et vos eum cognoscitis, quoniam*

* Vide cap. 8.
scilicet 3. 4. 5.

quoniam apud vos manet & in vobis futurus est. Quod præceptum promissumque simile est illi, quod apud Esaiam occurrit, cap. 58. Quod utique, (si serio animos appellamus ad ritè Deo obediendum) ille Spiritum suum in nos effundet. *Tunc erumpet aurora modo tua lux, salusque celeriter pullulabit, teque & tua præcedet Justitia, & Jehovah gloria excipiet.* Et paulò post: *Orietur in tenebris lux tua, & caligo tua erit ut meridies, & Jehovah te semper deducens appetitum tuum in siccitatibus saturabit, ossaque tua impinguabit, & eris veluti hortus irriguus, & tanquam scaturigo aquarum cujus latices nunquam deficiunt,* hoc est, (prout spiritualis quivis Christianus ad interpretandum locum proclivis erit) si Justitiam sitias & summis interim viribus contendas ad externis ejus fungendum officiis erga Deum atque homines, hic vitæ atque veritatis Spiritus intra te ad instar *matutine lucis* erumpet, *Divinaque emanationes* tam mirificè te reficient & corroborabunt, ut cum facilitate & jucunditate in omnibus Dei semitis ambulaturus sis, quæ veluti Paradisi ambulatoria tibi erunt amœnis floribus confuta, & internum tibi externumque hominem modo ineffabili recreabunt.

Vers. 8.

Vers. 11.

4. Non quodd conatus nostri vel desideria per modum meriti nostra ex parte Deum obligent, sed illius est misericordiæ erga animam quæ sincerè ad eum suspirat. Etenim antequam is opus suum in nobis perfecerit, omnia nostra opera nullius sunt pretii; & si quando res eò venerit ut sint ullius pretii, equidem tunc nostra non sunt sed illius. Ad quem sensum loquitur Paulus ad Titum, cap. 3. *Sed postquam benignitas & humanitas extitit Servatoris nostri Dei, non ob justitiæ opera, quæ nos fecerimus, sed pro sua misericordia servavit nos lavacro regenerationis, renovationisque Spiritus sancti, quem effudit in nos copiosè per Jesum Christum Servatorem, ut ejus beneficio justifi facti, fiamus hæredes vitæ, quæ speratur, æternæ.* Quem effudit in nos. Juxta illud Prophetæ, *Et eris veluti hortus irriguus.*

5. His adde Johan. 3. 5. *Respondit Jesus, Amen, Amen, dico tibi, nisi quis fuerit genitus ex aqua & Spiritu, non potest introire in Regnum Dei. Quod genitum est ex carne caro est, & quod genitum est ex spiritu spiritus est.* Et Rom. 8. 9. *At vos non estis in carne sed in spiritu, siquidem Dei Spiritus habitat in vobis. Quid si quis Christi Spiritum non habet, is Christi non est.* Et vers. 26. *Adde quod Spiritus quoque nostris succurrit infirmitatibus. Nam quid oremus, ut fieri debet, nescimus; sed ipse Spiritus pro nobis supplicat gemitibus ineffabilibus.* Item I Cor. 3. 16. *An ignoratis vos esse templum Dei, & Spiritum Dei habitare in vobis?* Et postremò, Ephes. 3. 14. (infinitem enim esset omnia Scripturæ loca corradere quæ ad hoc propositum faciunt) *Hujus gratiæ flecto mea genua ad patrem Domini nostri Jesu Christi, ex quo omnis & in cælis & in terra denominatur cognatio, ut pro sua gloriosa opulentia det vobis fortiter corroborari per suum Spiritum in interiori homine quo habitat Christus per fidem in vestris animis, & sitis in charitate radicati atque fundati, ut comprehendere & cognoscere valeatis unà cum sanctis omnibus, quam latè longèque, quàm altè ac sublimè pateat, & quàm omnem cognitionem excedat amor Christi, ut omni Divinæ perfectione sitis perfecti.* Ei verò, qui eà vi quæ viget in vobis, potest omnia longè longèque copiosius facere, quàm nos poscere aut cogitare, ei, inquam, sit gloria in Ecclesia per Christum Jesum, in omnem omnium seculorum perpetuitatem. Amen.

CAP. X.

1. *Recapitulatio eorum quæ hætenus dicta sunt de Evangelii Utilitate. Deque necessitate liberandi homines ab eis erroribus qui Christianam vitam tam propè tangunt.* 2. *Mala Conditio eorum qui justitiâ imaginariâ contenti sunt per oppugnatores Arielis, Montisque Sionis præfigurata.* 3. *Ineptitudinis hujus Opinionis ulterior demonstratio.* 4. *Quod verus Christianus peccare non potest quin sibi eo ipso dolorem cruciatumque inferat.*

1. **A** Bunde jam ex testimoniis Scripturæ, interne sanctificationis atque Realis justitiæ in nobis inhabitantis, intensique ejus gradus necessitatem demonstravimus, unà cum efficacissimo subsidio ad hunc finem destinato, Promissione scilicet Spiritus Dei moventis & cooperantis in interno homine ad finienda perficiendaque omnia

omnia nostra opera in nobis, quò sancti esse possimus & inculpati absq; macula aut ruga aut quoquam ejusmodi.

Occurrimus etiam perversis falsorum Doctorum glossematis, quibus laxare volunt & enervare robur & efficaciam *trium* harum *Potentiarum* Evangelii de quibus hactenus egimus, introducendo nudam, infructuosam, sterilemq; Fidem, vel externæ Justitiæ imputationem, quæ juxta eorum computum, longius ab ipsis quàm vel altissima stella est remota. Ad quem quidem errorem, si æquè noxâ careret atq; fundamento, pacificus quivis Christianus non ægrè sanè conniveret. Verùm cum antiquum sit ac malignum contra Ecclesiam stratagemata, & pro tali à sapientissimis Apostolis habitum, machinamentum malum à *Principe tenebrarum* ad subvertendum Regnum Christi excogitatum, nemo qui rem Domini Jesu sincerè sapit serioq; studet illius Regno atq; Imperio in terris promovendo, potest sanè bona cum conscientia, illud sicco pede præterire, sed omnes intendet nervos ad homines à tam periculoso errore liberandos.

2. Et quanquam ad *juncturam* proximam *Evangelicæ* hujus *machinæ* quam describo nunc propero, non possum tamen cum proprii animi pace ulterius progredi, antequam ad Apostolorum *suffragia* (qui unanimiter hanc opinionem, *quòd quis justus esse possit cum tamen vitam suam justè non instituat*, admodum periculofam imposturam ac delusionem concluderunt) addiderim porro argumenta quædam è ratione rei petita, quæ majorem adhuc sensum malarum hujus opinionis consecutionum animis nostris incutiant. Equidem, quantum ad me, ingenuè fateor minimè me deprehendere, quomodo quis *justus* hic esse possit absq; *justitia*, aut *beatus* in futuro seculo nec tamen *justus* hic esse; aut quomodo quivis *verus* Christianus suos animi morbos palliatos malit quàm curatos, contentusve sit ullâ re aliâ quàm illo *Manna*, quod descendit de cœlo, verâ scilicet carne ac sanguine Christi juxta eum sensum quo sum interpretatus, aut absq; saturatione animæ suæ *reali spiritu Justitiæ*, sive *Divinâ Naturâ*, quæ verus animæ cibus est verusq; potus. Neq; enim intelligo quomodo conditio horum Oppugnationum tam Essentialis ac Fundamentalis veritatis ulla alia esse queat quàm illa quam Propheta *Esaias* præfiguravit in eis qui oppugnant * *Arielem*, Altare Holocaustorum, (ubi tota natura bestialis comburenda est & consumenda igni Dei) montemq; * *Sionis* obsident, montem *siccitatis siti*sq; quam promissit Deus se irrigaturum vivis aquarum fontibus. *Ut enim somnians famelicus videtur sibi comesse, deinde experrectus sentit inanem stomachum suum; utq; somnians sitibundus videtur sibi bibere, deinde expergesactus lassum se avidiq; appetitûs deprehendit: sic accidet tot Gentium turba adversus montem Sionem militantium.* Hæc est conditio omnium sectarum quarumcunq; quæ adversantur eis qui sitiunt esuriuntq; justitiam. Hi enim reverà saturabuntur, rore Divinæ gratiæ ubertim stillante in hanc *Sionem*, implebunturq; spirituali *Manna* de cœlo; cum è contrâ illi alteri, quorum *fames sitisque*, (id est, *inopia* ac *defectus*) *realis* sanè est, sed non *realem* versùs *Justitiam*, vescuntur solummodò Imaginationibus & insomniis, & quandocunq; ex illis experrecti erunt, invenient se omni bono destitutos.

3. Immo, quod adhuc pejus est, tutò ferè concludi potest, eos nè capaces quidem fuisse somnandi cibum cœlestem; Hæc enim vitæ est functio, somnare ea quæ grata sunt huic vel illi generi Animantium. Et siqua talia somniant quæ suæ naturæ congrua sint, indè sit quòd eis aliquando antè sint usæ, & subinde illis utantur juxta Naturæ leges, ac fruuntur. Et certè is qui *verus Christianus* est, non est homo *merè naturalis*, sed est *Nova illa Creatura* quæ formatur in justitia verâq; sanctitate, ac proinde, ex eisdem principiis ex quibus genitus sit (non quidem ex *humana voluntate* sed ex *Spiritu Dei*) eum nutrirî oportet. Ac propterea non solum somniat sed reverà vescitur illo *Manna* quod est de cœlo, *internâ* illâ ac *essentiali Justitiâ* quæ est à Deo. Et quemadmodum impossibile est ut unus homo edat, bibat ac spiraret pro altero, secundum modum *naturalem*, ita similiter impossibile est ut una aliqua persona edat, bibat, spiratq; pro altera secundum modum *spiritualem*. Et certè si vitam illam prorsus viveremus, quæ in omni vero Christiano reperitur, æquè incommode judicaremus ut quis *justus* pro nobis esset, quàm ut quis nostri vice esset *sanus*. Quid enim solatii esset, dum nos ipsi Febris, Calculi aut Podagræ paroxysmo tenemur, quòd alia aliqua Persona nostro interim loco sanus sit bellèq; se habeat?

Ac proinde nimis quidem infausta est indicatio, homines hæc imaginariâ persuasionem fascinosos, *anagynctas* evasisse, ut loquitur *Apostolus*, ob torporem animi *callo obductos*, & omni Divinâ vitâ sensuq; destitutos, alioqui vitium ac peccatum æquè ingrata futura essent animis ipsorum, ac morbi corporibus dolorifici. Atq; hinc est quòd

Esai. 29.
* Ab תור
ignis & תור
Deus.
* ציון א ציון
siccitas.

quod S. Johannes ait, *Quod is qui ex Deo natus est non peccat, propterea quod semen Dei manet in eo*, prout supra notavi. Ecquod enim vitæ Principium est quod contra seipsum peccat? Quæ bestia lubens seipsam vulnerat? Quæ arbor fiderat seipsam? Quæ vita seipsam ullo modo violabit? Num Aquila natabit in mari? Delphinusve volabit in Aëre? An non omnia animalia custoditè se intra proprium suum elementum retinent, fugiuntq; contraria tanquam quæ aut perniciem aut dolorem ipsis pariunt? Quis igitur homo renatus pati potest ut ad peccati regionem accedat? Quod certè non magis jucundum ei foret quàm fumus oculis aut auribus serræ stridor. *Quomodo possum hoc malum facere & peccare in Deum meum?* Immo verò quomodo possum secare, lancinare, atq; urere meipsum, illum potiorè meipsum, Christum utiq; qui vivit in me, cum quo ego patior, quoties ejus imago patitur.

Atq; hoc sufficere potest ad generaliorè prælibationem absurditatis hujus impiæ & perniciosæ Imposituræ quæ semper plùs minùs Ecclesiam Christi infestavit. Producemus jam magis accuratam schedulam detrimentorum damnorumq; ex unico hoc malo provenientium.

CAP. XI.

1. *Realis Justitia defectum divinam quoq; sapientià nos spoliare è Scriptura demonstratum;* 2. *Ut & ex ipsius rei natura.* 3. *In naturalibus etiam speculationibus anima obesse.* 4. *Nobiles omnes & laudabiles actiones sufflaminare;* 5. *Imaginariumq; Religionis sectatorem contumeliæ publicæ exponere.* 6. *Quod Justitia merè imaginaria pacem conscientie animæ eripit;* 7. *Divinumq; Gaudium;* 8. *Sanitatem porro & incolumitatem;* 9. *Et æternam deniq; salutem.* 10. *Deum etiam hoc pacto glorià suà privari, Ecclesiàmq; pace publicà ac prosperitate.*

1. **I**nfaustus verò hic computus comprehendì potest sub duobus hisce generalibus capitibus; *Bonum scilicet hominis ac Dei glorià.* Illa autem particularia quæ Bonum hominis præcipuè complectitur sunt hæc:

1. *Vera sapientia sanumq; de rebus judicium.*
2. *Nobiles utilisq; Actiones.*
3. *Honestæ existimatio.*
4. *Pax & tranquillitas animi.*
5. *Divinum Gaudium, animiq; in Deo Exultatio.*
6. *Corporis sanitas & incolumitas in hac vita.*
7. *Æterna Felicitas in futura.*

Jam verò quod verà sapientià menteq; sanà fraudamur per fatuam hanc suppositionem, *Quod justus quis esse potest tamen non sit justus ut Christus justus erat*, Justitià utiq; reali & infitâ, hinc abunde constabit, Quod Justitia & Sanctitas sola vera via sit ad divinam sapientiam solidumq; de rebus judicium. Quod tum innumeris Scripturæ Testimoniis, tum ex rei ipsius natura evinci potest. *Si quis voluerit Dei voluntatem exequi, cognoscat de doctrina*, inquit Servator, *utrum ex Deo sit an ego à meipso loquar*, Johan. 7. & Psalm. III. *Timor Domini* (per quem intelligitur Justitia, ut declinemus malum & bonum faciamus, ut Psalmista ipse se explicat) *principium est sapientiæ, rectè sapiunt hæc quicumq; præstant, &c.* Et alibi, *Secretum Jehovah timentibus eum, pactumq; ejus, ut illud scire faciat eos*, quemadmodum rectè Hebraicum reddi potest. Et Job. 32. *Cogitabam grandævitas esse loqui, & tot annorum exercere sapientiam.* Verùm afflatu aguntur homines eosq; Præpotentis aura reddit intelligentes. Cæterùm, Afflatum hunc, Divinæq; sapientiæ auram pro habitaculo suo cor reverà justum habere, apertè nos edocet *Sapientia Salomonis*, aded scilicet ut qui contentus sit Justitià amittere, sapientià etiam necessariò simul exciderit. *Siquidem in malitiosum animum non intrat sapientia, nec habitat in corpore peccatis obnoxio.* Sanctus enim disciplina spiritus fugit dolum & ab imperitis cogitationibus abigitur & injustitiæ adventu increpatur. Sapientia igitur & injustitia sub eodem tecto manere non possunt. Nec corpora nostra fieri & Dei viventis Tempa & fallacis Idoli.

Et sanè si opus esset Allegoricum quicquam Mysticumve apertis hisce Scripturæ Testimoniis attexere, possemus etiam huc asserre, preciosam hanc veritatem, *Quod*

Prov. 4. 18.

sapientia utiq; *oritur ex Justitia*, Diei quarti Creatione, in quo cœli facta sunt *Luminaria*, esse adumbratam. Etenim ille *Mysteriis* scatens *Judeus* locum explicans, hoc Numeri *Quaternarii* Privilegium observatu dignum commemorat. *וְהָיָה הַיּוֹם הַזֶּה יוֹם הַדִּין* Quod *Quaternarius* primus quadratus est, pariter par, sive equaliter equalis, *mensura Justitiæ & Equitatis*. Quamobrem cum hic diei numerus, symbolum sit *Justitiæ*, illa quæ creata sunt in hoc Die, *Luminaria* scilicet cœli, *Divine scientiæ* vel *sapientiæ* symbola merito haberi possunt, *solis* utiq; *Justitiæ*, quemadmodum *Christus* appellatur: insinuando scilicet Quod *Divina sapientia* concipitur paritûrque, vel si malles, creatur in *Justitia*. Adeo ut hic *sol Intellectualis* non oriatur nec luceat in mentes nostras ante hunc diem quartum, diem utiq; *Justitiæ*; Tunc verò id fit quod occurrit in Proverbiis, *Quod justorum semita sit quasi Lux splendens וְדֶרֶךְ הַיָּשָׁרִים כְּאוֹר הַשֶּׁמֶשׁ* que pergit splendētq; עַד נֵכֵן הַיּוֹם, usq; ad firmitudinem vel stabilitatem Diei, hoc est, usq; ad meridiem, qui est quasi Diei solstitium ubi altitudo ejus non tam sensibilibus variat. Adeo ut sensus sit, Quod semita justorum ad instar curriculi Solaris est qui scandit perpetuo usq; dum ad meridiem planè pertingat, via verò impiorum quasi caligo (quemadmodum dicitur in subsequenti versu) qui quod impingant nesciunt.

2. Atq; sic manifestum est è *Scripturæ* testimoniis, Quod divina sapientia sanāq; mens non obrinetur nisi per *Justitiam realem*, & consequenter, quod is qui realem justitiam amittit, necessariò simul amittat *veram sapientiam*.

Cæterum præter hæc sunt etiam innata argumenta ab ipsis rebus desumenda, quibus eadem veritas probari possit. Nam manifestum est corruptionem *Voluntatis*, rubiginis instar, robur exedere, pulchritudinem deturpare & splendorem obscurare *Intellectus*, naturalisq; acuminis aciem obtundere. Sed ut paulò explicatiùs rationes quasdam exponamus cur *Injustum* etiam *Inspientem* esse oporteat. Prima est, *Impii Cordis Falsimonia*; Secunda verò, *Asymmetria* sive *Incongruitas vitiosa mentis cum divina veritate*. Et quantum ad priorem, manifesta sanè ratio est cur sapientiæ thesauros *Injusto* committere nolit Deus. Etenim in *falsorum* hominum custodiam ipsi non visum est tradere. Quàm sollicita sit hac in re *Divina sapientia* & circumspecta præclare docet *Siracides*, cap. 4. *Ea quidem primum cum eo aget oblique, eiq; metum & formidinem incutiet, & eum suâ disciplinâ torquebit, donec ejus animo fidem habeat. Deinde, ubi eum suo jure tentaverit, rursus rectè aggredietur viâ, exhilarabitq; & ei arcana sua detegat, cumq; scientiâ, & Justitiâ prudentiâ locupletabit.* Verum, quod magnum hunc ac preciosum Thesaurum pollutis & prophanis animis non commissura sit, ipsorum quod jam dixi, in causa est perfidia, quippe, quum ad abutendum eo adeò sint proni, hoc est, quum aut contempturi sint eum, ut Porci margaritam, voluptates carnales, Divitias, mundiq; honores, ei præferentes, atq; sic extinguentes sordidis suis libidinibus pravîsq; cupiditatibus benignam Dei gratiam, à Deo cum condigno contemptu rejiciuntur. (Neq; enim tam vilis ac prostituta res est *Divina sapientia* ut more impudicæ mulieris in hominum familiaritatem se intrudat, verum ad primum adventum conspectumq; Rivalium suorum, *Cupiditatis* scilicet *Carnis*, *libidinis* *Oculorum fastusq; vitæ*, si amicè excipiantur, tanquam correpta increpitq; se subducit, multaq; hujusmodi contumeliæ eam penitus tandem fugabunt; adeo ut cum illa nos antè quæsitum iverit, eam nunc à nobis quæsitam ægrè simus inventuri) Aut saltem, tametsi eam non videantur contemnere, & negligere, tamen perfidos se demonstraturi sint abutendo eâ ad alios usus quàm ad quos eam Deus destinavit. Veluti si indè conaremur majorem nobismetipsis famam colligere, propriaq; nostrâ arrogantia nosmetipsos oblectaremus, fastuosè aliis nos præferentes aut ingenii acumine, mentisq; sagacitate ad fraudem uteremur ac imposturam, aut ad ullis patrocinandum malis moribus sive in nobismetipsis sive in aliis; cum homo injustus, inquam, adeò proclivis esset ad tam perfidè abutendum magno hoc Dei dono, indè fit ut *Divina sapientia* nunquam in falso illius corde sit habitatura; verum illius vice fortuitè quævis opiniones, quas naturalis ejus propensio, consuetudo, educatio, propriæve mentis & Conscientiæ confusio promiscuè in ipso coacervaverint; quibus, ille tanquam veras amplectens, abutetur tamen, ostendētq; quàm indignis modis ipsam *Divinam sapientiam* tractaturus esset, si quo pacto eam assequi posset, certè aut sic aut pejùs, vel potius seipsum pejùs habiturus esset cum illa quàm cum istis alteris, siquidem ille cibus pessimus ærotis est, qui rectè valentibus est optimus.

Cæterum præterquam quod Deus ita apud seipsum statuit, cordi scilicet impio se sapientiam nunquam concessurum, est & præterea *incongruitas* quædam, si non *inconpossibilitas* in re ipsa, quod minus fiat. Homo improbus illius prorsus est incapax.

Animalis

Animalis homo non capit ea quæ sint Spiritûs Dei, quippe quæ sint et stultitia; nec potest ea cognoscere quia spiritualiter dijudicantur. ἡ γὰρ αἰσθητικὴ δύναμις τοῦ ἀνθρώπου ἁπλῶς καὶ ἄνευ πνεύματος οὐ δύναται. *Sol videri ob oculo non potest nisi solis similitudinem in se receperit, ut loquitur Plotinus.* Quapropter admodum præposterè agimus, dum tantum temporis in æternitatis nostro exercendo impendimus, & tam parùm in illo præparando & adaptando ut meliori cum successu eo postmodum uti possimus. Si oculi infirmi sint, turbidi & obscuri, ferè ad cæcitatem usque, non adeò stulti sumus ut putemus diu, sæpè vel multa Objecta intuendo visum posse perfici. Immo verò eum citiùs reddituri sumus indè pejorem. Sed oculi morbus priùs tollendus est, & tunc facilè & uno momento plura videre poterimus quàm antea multis annis potuissimus, curtam oculorum ætem laboriosè objectis admovendo; vel potiùs (& quod magis facit ad rem) talia tunc cernere valebimus, quæ in priori conditione nullo pacto potuissimus percipere.

Sic anima humana in statu suo corrupto & polluto temerè & inconsultè facit, dum tanta cum curiositate & anxietate eruendis divinis veritatibus allaborat. Propterea quòd adhuc, læsum est illius organum, debètq; priùs fidelis medici peritiæ committi, Christi utique, qui humanarum animarum sanator est æquè ac olim eorum corporum; atq; ità restitui rursus in statum illum salutis ac sanitatis (& *Justitia* illa animæ *sanitas* est) atq; dein uti suâ facultate postquam capax sit recipiendi illud quo objectum cerni potest. *In lumine tuo videbimus lucem.* Quòd si oculus nullum lumen recipiat, nullum potest cernere objectum. Similiter anima si nullam à Deo impressionem recipiat, nihil *divini* dispicere potest. Est enim profectò verissimum quòd *simile simili cognoscitur*, ac proinde nisi *Imago Dei* in nobis sit quæ est *Justitia* veràq; *sanctitas*, nihil de natura Dei cognoscimus & consequenter nihil de eo rectè concludere possumus. Nullam enim mensuram habemus quam ipsi applicemus, quippe qui nihil possidemus illius naturæ homogeneum, atq; hoc solum mensura esse potest; *Νῦν γὰρ τὸ μέγεθός σου γινώσκω* ut loquitur Philosophus. Postquam verò ad *Justitiam* illam pervenerimus Animæ Rectitudinem, per hanc, tanquam per *Quadratum Geometricum*, nos etiam comprehendimus cum omnibus sanctis, quæ sit illa *spiritualis Latitudo, Longitudo, Profunditas & Sublimitas*, qua de loquitur Apostolus. Quòd *rectus Angulus* præstat in *Mensurationibus Mathematicis*, idem præstat *Animi rectitudo* in conclusionibus *Theologicis*.

3. Et nè momento minorem faciamus hanc sapientiæ jacturam quàm reverà sit, superaddimus porrò, *Injustitiam* implicari onerariq; multis morbis & impedimentis quæ *naturali* etiam *Scientiæ* æquè ac *Divinæ* multum in hominibus obstant. Cujusmodi sunt *Ira, Impatientia, Sui ipsius admiratio, majorve justo opinio. Admiratio personarum, pusillanimiæve ipsarum nimii Æstimatio. Victoriæ cupiditas magis quàm veritatis. Rebus mundanis nimis artæ adhesio & attentio, ut Divitiis, Potestati ac Honoribus. Immersio mentis in corpus, nobilitq; illius & divini ignis Animæ per Intemperantiam & Luxuriam extinctio*; cum id genus aliis. Quæ omnia proculdubidò omni generi scientiæ tam *Naturalis* quàm *Divinæ* admodum sunt inimica. Et quantum ad *Iram* quæ in Disputationibus apparet, eam judicium occæcare, ab omnibus agnita est veritas, quemadmodum & Dicta illa proverbialia testantur. *Impedit Ira animum, &c. & Ira furor brevis est.* Insania verò & sapientia unà consistere non possunt. Hæc passio cum ad objecta Religiosa fertur *Zelus* dicitur; & Apostolus, nequis fortè hac in re erret, *ζῆλος πικρὸς, zelum amarulentum* nuncupat. Verùm hæc inordinata *Ira* sive in rebus *humanis* sit sive *Religiosis*, reverà *turbo* est in Anima secumq; cænum, stramina, pulverem cunctaq; promiscuè in Intellectum rapit semperq; plus minùs Judicium occæcat. Quantumq; impatientia adversatur selectissimæ illi naturalis scientiæ parti quæ circa *Mathematica* versatur, indè constet, quòd hæ scientiæ aut inveniunt aut faciunt earum alumnos animo mansueto ac tranquillo, ut rectè *Petiscus* observat. Utrùm verò *nostri ipsorum admiratio*, an *aliarum personarum* plus veritati officiat non tam facilè definitur. Quamquam enim procliviores sumus ad admirandum nosmetipsos, possumus tamen minori Conscientiæ reluctance alterum admirari, cum id aliquam Amicitie modestiæve speciem præ se ferat; tametsi ut plurimum, si non semper, ipsi aliquod clandestinum aucupium illic exerceamus, atq; sic nosmetipsos in alio admiremur minori cum suspicionem ac invidia. Quamobrem via compendiosissima, quæ quis abjectè sordidèq; alterum non admiretur, est ut nè nimium ineptè admiretur seipsum, suæve opinionis majori cum favore æstimet quàm alienas. Nam difficile admodum erit ut ei, cui *Sui ipsius amor* non imponit, ab alio aliquo imponatur, quem seipso melius amare non potest.

Et quantum ad *victoria cupiditatem*, sensus huius dementia est, Quod quis sapiens malit videri quam esse, gloriamve habere ac famam sapientie quam illius possessionem. Ipsi qui ita affectus est, necessario debet ejusmodi sequi studia quæ maxime obvia sunt, maximèq; plausibilia ac popularia, atq; ita apud sapientes stultus evadere, æquè ac sapiens videri apud stultos.

Et quod *Adhesionem* spectat *rebus mundanis & Attentionem*, plures unâ animas in humano corpore eum certè gerere oportet, qui avaris hominibus & ambitiosis sat otii superesse tenet, quo aut divinarum rerum aut naturalium multum peritiæ nanciscantur: Nam consilia ipsorum de divitiis honoribûsq; acquirendis ineunda, & initorum executio, aded totam animæ animadversionem occupabunt, ut unica animadversiva facultas ambabus provinciis non sufficerit. Unde sanè possibile est ut illi homines qui istiusmodi institutis se non addixerint, sed in sapientia sola exquirenda semper sint occupati, plus intelligant in rebus *naturalibus* ac *divinis* quam illi qui per longam diligentiam ac industriam vel ad summum Honorum ac Divitiarum apicem pervenerint. Quæ tamen sententia est, quam nec *Judaici Prelati* olim, nec præsentis *Cardinales* approbant. Quod in causa erat, quod alteri *Christum* tam audacter persecuti sunt, alteri præcipuos è Christianis Philosophis, ut patet in *Historia Galilei*.

Postremo, Quod *immersio mentis in corpus, sensualitas & Intemperantia*, magna sint scientiæ impedimenta, manifestissimum est. Etenim cum Anima in hoc statu dependeat à *Cerebro* quantum ad *Imaginationem & Memoriam* (sine quibus nec ulla esse potest *Intellectio*) æquè atq; ab *Oculis & Auribus* quantum ad *Visum & Auditum*, sequitur planè, quod alterato *Cerebro & per frequentem Intemperantiam* male affecto, facultas *Intellectus* pariter deficiat. Nam si ipsum *Clima Coeliq;* temperies in quo homines nati sunt & educati tantum momentum habent vel ad *bebetudinem* Ingenii vel *acumen*, quantum ab omnibus habere agnoscuntur (unde natum illud *Diverbium, Baoticum ingenium*) cibi certè potûsq; ratio tantundem saltem valebit, si non multò plus. Constatq; frequenti miserq; *Experientiâ*, quàm multi homines qui naturales animi dotes præclaras quidem primùm nati erant, eas tamen postea aut ingluvie sepeliverint aut ebrietate submerserint aut exhauserint libidine. Quæ veritas est quæ multò facilius intelligi potest, quàm condignè deplorari.

4. Satis luculentè jam probatum est, Nos verò *sapientiâ* sanâq; mente, per perniciosam hanc opinionem, quod quis iustus esse potest quamvis iustus non sit ut *Christus iustus erat*, hoc est, *reali Iustitiâ* præditur, certissimè defraudari.

Quod verò omnibus præterea defraudamur *præclaris utilibûsq; Actionibus*, æquè est manifestum. Undenam enim illa oriri possunt nisi ex his duobus fontibus *Iustitiæ ac Sapientiæ*? Prior verò hic deesse supponitur, unde & alterius jactura manifestè demonstrata est. Quapropter humani Generis *Felicitas* ac *Beatitudo* miserrimè hic naufragium patitur.

5. Ac propterea tertio, Nullum relinquitur *Fundamentum bonæ existimationis* apud homines, sed ipsorum ora aut *silentio* clauduntur, aut aperientur in *contumeliam*. Nam natura improba operabitur in eis qui *revera improbi* sunt, actionesq; *Injustitias* in eis, qui nihilominus se è justorum numero haberi volunt ob aliam aliquam rationem quàm quod ita *revera* sint, acerbius prolixiusq; taxabuntur ob id ipsum quod se inter pios probosq; connumerant. Nam delicta eorum qui nullam speciem Religionis præ se ferunt nec sanctitatis nomen affectant, notantur solummodo ab his qui sancti sunt, usq; soli inde offenduntur; verum quando illi qui inter Religiosos recensentur legem transgrediuntur, ipsi etiam impii, qui suis peccatis ludentes mutuo connivent, magnopere ab his offenduntur, & elatâ voce in eos invehiuntur. Nefariis enim ipsorum facinoribus per externum Religionis velamen perumpentibus, meritò profectò deridentur; ut *Asinus* olim à feris sylvaticis, cum incongruenter illuc aures per pellem *Leoninam* apparebant, ineptusq; rudis indolem prædabat *Asinam*.

6. Hæc *imaginarie Iustitiæ* spoliât nos etiam *Pace animi ac tranquillitate*. Nam qui injustè agit, eo ipso contra *nationem rectam Deiq; spiritum* rebellat. Is verò qui *imaginarie* duntaxat iustus est, non potest quin injustè agat; quippe *realis Injustitia* realem suum sortietur effectum, ut venenosa plantæ fructum, ovâq; serpentes edunt. Quamobrem is qui non nisi *imaginarie* iustitiam habet, regnum rebellionis secum circumgestat, & hinc in mentem reprobam à Deo permissus sit, pax animi ejus ac tranquillitas non potest non perturbari. Etenim *rationalis* profectò *Anima* hominis non est ita prorsus ab omni virtute ac bonitate alienata, immò verò ea inter ipsas intercedit congruitas & *connaturalitas*, ut perquam difficile sit antiquum illud

inter

inter ipsas foedus omnino dissolvere. Virtus enim, quod dixi, *naturalis* est Animæ, Vitium verò & *Improbitas extranea & adventitia*. Alioqui cur emundatio Animæ purgatio illius dicatur? Purgatio enim est *ἀπαγωγή ἀλλοθεν καθεύς, Alieni omnis ablatio*, quemadmodum *Platonici* definiunt. Ac propterea cum virtus *naturalis* Animæ sit, consentaneum est eam illic melius radicatum statuere, quam ut derelictam imaginatione quavis vel opinione penitus extirpari possit, sensusve illius ita facile deleri. Ac poinde cum ibi maneat, homòq; interim *juxta præternaturalem* aliquam & *irrationalem* in quam fortè fortunâ inciderit, opinionem agat, contra nobilem hunc & innatum Animæ sensum, necesse est eum indè vulnerari & inquietari.

7. *Divinum Gaudium Animæq; Exultatio tollitur.* Quid enim est Gaudium & Exultatio nisi plenior ac facilior cujusvis Naturæ juxta propria sua Principia Operatio? Ut in Flamma, postquam per fumum crudasq; lignorum suffocationes in magis liberam activitatem, magisq; incohibiles sui splendoris luminisq; vibrationes se expediverit. Et certe Anima suam propriam libertatem, virtutem, faciliemq; Activitatem ac naturalem Complacentiam, postquam semel è variis Carnis mundi; oneribus ac impedimentis in Divinam illam flammam eruperit, in spiritu Justitiæ invenit, adeoq; illud sentit, quod se suamq; felicitatem maximè omnium perficit, quodq; ipsi mellis congruit quàm ulla unquam res cujus sensum hætenus perceperit. Quod iterum indicium est, hoc Animæ maximè esse *naturale*, quandoquidem ipsius sensus hoc maximè oblectatur eoq; acquiescit. Et inter summa illa Gaudia in tam immenso bono fruendo quid opportunius præstare potest quàm perceptas suas voluptates in affectuosis hujusmodi animi ejaculationibus efflare? *Gaudete in Domino semper, & iterum dicam gaudete.* Et cum Psalmista, *Ovate justi in Jehovah, probos decet Laudatio.*

8. *Sanitatem autem & Incolumitatem*, substituendo *meram Imaginationem* pro *reali Justitia* tolli manifestum est. Etenim si Legis observatio, *sanitas sit umbilico* Proverb. 3. 8. & *medulla ossibus*, ut loquitur Sapiens, quid aliud futura est Injustitia nisi carcinoma in carne & ossibus putredo? Et si illud Apostoli verum sit, *Ecquis verd est qui* 1 Pet. 3. 13. *vos ledat si bonitatis imitatores sitis*, quid demum damni aut periculi est in quod incidere non possitis, si illi quod malum est adhærescitis?

9. Quemadmodum verò *sanitate* privamur & *incolunitate* in hac vita, ità etià aternà futurà vità per dolum hunc & imposturam, quà nosmetiplos circumvenimus, felicitate fraudamur. Nam ut ea argumenta prætermittam quæ ex ipsa rei ratione ducuntur, quàm incompetens animà injusta cælum fit & incongruens, ipsæ sacræ Paginæ manifestum perhibent testimonium. *Nulla enim res immunda intrabit in sanctam Civitatem.* Et 1 Cor. 6. 9. *An vos latet injustos Regnum Dei non esse adepturos? Nè errate, nec impudici, nec Idololatra, nec Adulteri, nec molles, nec cinaedi, nec fures, nec avari, nec ebriosi, nec convitiatores, nec rapaces regnum Dei consequentur.* Et Hebr. 12. 14. *Pacem cum omnibus persequimini, & sanctitatem sine qua nemo Dominum videbit.* Atq; sic videmus totam hominis felicitatem realémq; beatitudinem per perniciosam hanc Imaginationem, quòd quis aliter justus esse possit quàm per veram vivémq; *Justitiam*, subverti funditus & dissipari.

IO. Atq; æquè porro planum est hanc Imposituram Deum suâ gloriâ spoliare ac hominem privare suâ felicitate. Etenim si per Dei *Gloriam imaginem Dei* intelligimus hominibus communicabilem, quemadmodum *Imago*, hoc est, *Lux Solis*, gloria Solis est, siue agnitionem illius excellentiæ & perfectionis, quæ est in Deo, profundè primum in cordibus nostris conceptam & plenè dein ac libère ore prolatam, ambo hæc proculdubio per falsam hanc opinionem tolluntur. Et de priori quidem nullum est dubium, propterea quòd *Spiritus Justitiæ* est *ipsa Dei gloria* siue *Imago Christi*. Ac proinde quodcumq; hanc intercipit, reverà Dei gloriam obscurat. Et æquè verum est de altero. Quippe quòd, cum locupletissimæ pretiosissimæq; excellentiæ Divinæ Naturæ ab anima detegi non possint quantum oportet nisi ipsa evadat Divina (*αὐτὴν θεὸν ὡς ἀπὸ αὐτῆς, ὡς hoc ipsum feceris tum demum illud videbis*, quemadmodum *Platinus* loquitur) necessario sequitur nullam animam eas condignè admirari posse & extollere, nisi quæ sit Divina, hoc est, quæ talis sit, in quam Deus *Spiritum justitiæ* veræq; sanctitatis effuderit sine qua impossibile est Deum videre.

Quibus omnibus, quæ particularim exposuimus, ad unumquemq; *privatum* hominem pertinentibus addere porro potes ingentem damnaorum summam ad *Publicum* etiam spectantium. Quæ enim pax fidèq; servari potest inter homines ubi profectum Religionis Myſterium Reale Juſticia eſt expoſito? Quidve in illius locum ſubſtitui

stitui potest nisi Fraus & falsimonia, impuræ Libidines, Factiones furiosæ, Tumultus barbari, & cruentæ Rebelliones? Quibus superadjicere potes ipsam spei nostræ jacturam quod mundus unquam melior sit evasurus, quodve sancta Dei promissa suum unquam fortitura sint effectum. Neq; enim crudelius telum est aut immanius ad Testes occidendos nec inexpugnabilius *Fortalitinum* contra Regni Christi adventum, millenniūq; Beatitudinem, (quàm multi boni fidelēs; Christiani expectant) quàm hæc ex *Inferno* genita Doctrina *Antinomorum*.

C A P. XII.

1. De attentione ad Lumen intra nos, de quo Spirituales quidam tantoperè gloriantur. 2. Oportere eos per illud, Lumen Rationis & Conscientiæ intelligere, nisi Fanatici sint, Maniaci aut Impostores. Quodq; hæc Conscientia necessariò informationem accipit ab extrâ. 3. Et particulatim à sacris Scripturis. 4. Spirituales hosce suæ opinionis ineptiam per praxes ipsi contrarias prodere. 5. Provocatio ad Lumen intra ipsos si Christiana Religio secundum sensum Literalem non est vera. 6. Operationem Divini Spiritûs non absolutè fieri sed restrictè ad certas quasdam leges & conditiones quemadmodum fit in Spiritu Naturæ. 7. Quarta Potentia Evangelica, Exemplum utiq; Christi. 8. Propositum Autoris de vindicando Exemplo Christi ab aspersis maculis, unà cum illius rei ratione.

1. **T**Res primas Evangelii virtutes five Potentias jam expeditivimus: Quarum trium postrema, *Promissio* scilicet *Spiritûs*, tam sufficiens quibusdam videri potest, sine omni additamento (quemadmodum & aliis, sat scio, sic videtur) ut ex professo hîc requiem suam ponant, excludantq; aut saltem negligant omnem illam utilitatem quæ ex *historia* Christi redundat, atq; eo ipso Christianam abrogant Religionem. Hi sunt præsignes illi *Spirituales* qui de *lumine intra se*, de *vi ac impetu intra se* tam magnificè loquuntur, fusq; gloriantur se nullius rei externæ indigere quâ regantur & suffulciantur, sed per se progredi posse absq; omni externo adminiculo. Nam modò strictè *lumen intra se* observent, virtutem Dei *spiritumq; Dei* ipsis opitulaturum esse, eōsq; in omnem veritatem deducturum. Nec possum profectò quin assensum præbeam his quæ declarant. Nam pro certo scio hoc verissimum esse, modò affectatas sermonis formas abjicere vellent & expressis terminis rem definire, Quod stricta sincerāq; Obedientia Dictatis Rationis & Conscientiæ, perpetuāq; sui ipsorum abnegatio in hujusmodi rebus quas aut noverint aut suspicentur malas esse, unà cum piis interpellationibus ad Thronum Gratiæ pro assistentia & illuminatione *Spiritûs sancti* ad detegendum devincendumq; omnem errorem, falsitatem, superbiam, & Hypocrisin quæ in cordibus ipsorum latere possunt; pro certo, inquam, scio, quod hæc *dispensatio*, si quis illi se fidelem ac morigerum præstiterit, ducet tandem in omnem salutarem veritatem; quodq; fieri non potest quin qui sic se gesserit futurus sit sensu maximè solido plenōq; *Christianus*, ad eorum utiq; formam qui Christo firmiter in primis purissimīq; seculis Ecclesiæ adhærebant. Quod si præservidam quamlibet effrænēq; Imaginationem aut violentam & irrationabilem suggestionem *Lumen quod intra se est*, appellitabunt, illūdq; sequentur, hoc non est religiosè sanctēq; *Rationem* ac *Conscientiam* observare, sed in sensum reprobum tradi, sēq; ipsos omnibus exponere tentationibus quibus aut *Diabolus* aut *Libido* propria sordidāve *Melancholia* eos potest illaqueare.

2. Quamobrem per *lumen illud intra ipsos* intelligere eos oportet Conscientiam in ipsis *rationalem* & *intelligibilem*, aut certè perfectos *Fanaticos* vel *Maniacos* haberi, vel quod adhuc pejus est, *Planos* meros ac *Impostores*, qui Conscientiam prætendentes sed irrationalem & ad nullam Legem expendendam, libertatem hoc pacto sibi asciscere volunt faciendi quodcunq; ipsis placuerit, ut qui toti tandem effusi sint solutiq; in furorem ac libidinem.

Et tum deniq; hæc Conscientia *intra ipsos*, res ità omnino *intra ipsos* non est ut nullam accipiat informationem ab eis quæ *extrâ* sunt. Etenim manifestum est quod hæc Dei *lampas* quæ in nobis ardet, ab Objectis externis alitur nutriturque. Nam *ininspectabilia* Dei, cujusmodi est ejus sempiterna Potentia ac Divinitas ex mundi *Creatione*, dum considerantur per opera, satis clarè perspiciuntur, æternæ utiq; Dei virtutes

virtutes per effecta externa. Et quemadmodum per *externum librum Naturæ* de existentia Dei erudimur, deq; ejus *generali* Providentia quantum spectat ad vitæ necessaria tum *hominum* tum *brutorum*; ita etiam possumus per *externa Scripta* vel monumenta de magis *speciali* ejus Providentia erga filios hominum, quantum ad statum in mundo altero, æternamq; vitam in Christo manifestatam plenius informari. Verum interim concedo *Lumen illud* esse *intra nos*, quod post perlecta hæc sive *Naturæ* sive *Divinæ Revelationis* volumina judicat concluditque.

3. Cæterum, ut is qui ad res *Mathematicas*, *Architecturam*, *Agriculturam*, *Hortorum cultum* & similia, animum adjicit, si ex inepta opinione quod *lumen ratioq; intra nos* solummodo sint & *non extrâ* (ut certè nec atramentum nec charta nec ambo simul conjuncta lumen ac rationem magis participant quàm sensum vitamq;) scriptis nolit uti *Euclidis* putà ad res *Mathematicas*, nec alius cujusslibet autoris qui de hujusmodi rebus scripserit, & sic de reliquis quas nominavi facultatibus, nec sermones cum quoquam serere oculòsve conjicere in ea opera quæ fecerint, sed apud seipsum tantummodo cogitare, & ad propriæ lucernæ lumen otiosus domi sedere, misellus futurus est *Mathematicus*, *Architectus*, *Hortulanus*, aut *Agricola*: ita certè quantum ad *Morales Divinæsq;* veritates, is qui sic à seipso doceri vult ut nullis adminiculis externis sit usus, talibus præsertim quæ *sacra Scripturæ* suppeditant, invenietur tandem discipulus fuisse admodum stolidi & imperfecti Magistri.

4. Præterea, hi homines sibi ipsis per usus suos ac consuetudines contradicunt. Nam & illud vilificant per quod edocti sunt, ipsaq; loquendi formas retinent quas à Scriptura didicissent, nec sciunt sanè absq; Scripturarum vocabulis loqui, ullamve speciem probam Religionis præ se ferre sine allusionibus ad Scripturas; Grandèq; illud documentum tam sanctè *observandi lumen illud quod intra nos est*, mutuati sunt ex *Evangelio Johannis*: & tamen tam vesani sunt ac morosi ut ipsam baculum sine quo nè unum quidem gressum facere possunt in Religione, vellent abjicere. Ad hæc, si hoc *lumen intra nos* tam præcisè *intra nos* sit ut nullâ informatione indigeat *ab extrâ*, cur illi tot libellos scriptitant? Catechismos concinnant? totq; publicant Vaticinia? Cur exhortantur, redarguunt, imò verò convitiantur rixanturq; adversos homines quod eos convertant, si illud quod *extrâ est* ad id quod *intrâ est* non pertingat? Cûrve unâ congregantur ad audiendum unum aliquem è cœtu suo (postquam in Ecstasi lapsus sit rursusq; in pedes erectus) ex turbato suo pectore oracula dictantem? Verba enim quæ audiunt *extrâ* sunt aurèmq; verberant, non sunt lumen quod est *intrâ*; unde manifestum quod lumen quod *intrâ est* informari potest ab eo quod est *extrâ*, sive id vox sit, sive scriptum: Quod si sit, Obligatio planè injicitur huic lumini quod *intrâ est* ita consideratum esse, ut quàm accuratissimam potest, informationem ab eo quærat, quod verisimillimum sit, ipsum informare posse ab *extrâ*.

5. Ac proinde omni cum diligentia examinare tenentur maximè veneranda *Religionis* monumenta & præsertim illius Religionis sub qua non solum nati sunt, sed quæ ex se absolutè & simpliciter nobilissima est Religio quæ unquam extitit. Quam propterea nulli nisi qui ab omni omnino Religione alieni sunt, utpote qui totos se libidini ac prophanitati dederint, absq; examinatione ausint relinquere; Et certè si eam examinare velint, Religionem intelligo Christianam (quatenus ad *personam* Christi refertur, qui *Hierosolymis* inter duos latrones crucifixus est resurrexitq; è mortuis die tertio, qui ascendit visibiliter in cœlos, rursusq; visibili modo redibit ad judicandum vivos & mortuos) ad *lumen hoc intra ipsos* provoco, ad rationem ipsorum ac conscientiam, idq; vel versutissimorum inter ipsos Impostorum, aliorumve quorumcunq; quos socios sibi asciscant, si evidentia hujus Religionis è vaticiniis, Historia, ex ipsaq; ejusdem Religionis Natura non talis est, quam nihil nisi ignorantia veri illius sensus rectiq; scopi impedire possit quod minùs certissima agnoscat veritas à quibusslibet hominibus, præterquam ab eis qui malè metuunt nè ulla Religio quæ ad sanctitatem ducit quicquàmve promittit post hanc vitam, inveniat vera.

6. Quantum ad objectionem illam ab insigni vi *Divini Spiritûs* desumptam, quasi ea ex se adeò sufficiens esset ut fides in ea, ab eaq; profecta auxilia omnem anticiparent mentionem usumq; alius cujusslibet *Potentia* qua videatur conducere ad finem *Evangelii*, animarum utiq; nostrarum sanctificationem; ad hoc respondeo; Qui ad hunc modum ratiocinantur, eos omnino errare nescientes Scripturas. Etenim hæc *Potentia Spiritûs* quæ credentibus communicatur, non est vis absoluta atq; omnipotens cui nec resisti potest nec quæ potest frustrari, ubi debita scilicet media desunt peritæq; accommodationes quæ cum ipsius concurrant operationibus conatibûsve

bûsve ad operandum. Verùm hujus conditio ab eo quadantenus illustrari potest quod observatur in *Spiritu Nature*, celeberrimo illo omnium naturalium Generationum Incrementorum ac Perfectionum Principio. In quo nimirum *Hypothetica* quædam *Omnipotentia* est quantum ad *Nature* opera; hoc est, *hic Spiritus* nunquam committet ut defuturus sit promovendis perficiendisque singulis modò hæ vel illæ Circumstantiæ in Agentibus corporeis non desint. Ità prorsus se res habet in *Divino Spiritu* live *Spiritu sancto* quatenus est nobis communicabilis, assistet pro certo finiendisque opera sua si ex nostra parte nullum sit impedimentum, quod nos oporteat amoliri de via, nec defectus alicujus rei quâ nos uti possumus ad promovendam fidem nostram & ad sanctitatem vitæ perficiendam; cujusmodi sunt meditationes super sacris Scripturis, Colloquia cum viris sanctis reisque Christianæ gnaris & expertis, ac submissus religiosusque usus omnium Institutorum Christi. Nam tametsi hæc *assistentia Spiritus* supra quàm dici potest, efficax sit sincero ac diligenti, in negligenti tamen, quod dixi, & perverso, conatus ejus frustrantur & eluduntur. Atque ea propter *Stephanus* ad hunc sensum cum *Judeis* expostulat, *Duri cervice & incircumcisi corde & auribus, vos semper Spiritui sancto obnitimini.* Atque aliis in locis monemur, *non contristare Spiritum, nec Spiritum extinguere.* Quæ locutiones planè demonstrant communicationem *Spiritus* non esse absolutam nec omnipotentem, sed juxta quasdam leges viasque à Deo ipso ordinatas recipi; Qui pro sua infinita sapientia istiusmodi Methodum in Religione Christiana delineavit, quæ maximè accommodata sit ad lucrificiendas animas sibi. Cujus quidem partem jam audivimus, pergemusque nunc porro ad *quatuor* ultimas Evangelii *Potentias* quæ summo perè operationi *Spiritus* in corda omnium verè credentium, inferviunt.

AB. 7. 51.

Ephes. 4. 30.

1 Thes. 5. 19.

7. Harum verò prima est *Exemplum* semper-beati Servatoris, qui non alia nobis dedit præcepta quàm quorum ipse accuratissimum esset exemplar, talèque adedò *exemplar vitæ*, hoc est, *Fidei in Deum, Humilitatis, Amoris ac Puritatis*, ut illius vestigiis insistentes minimè dubitare possimus an rectâ incedamus viâ, quippe qui per voces de cælo, perque sua in terris miracula demonstratus sit ac declaratus unigenitus filius Dei. Quapropter quò propius ad illius semitam gressus nostros dirigimus, eò sumus certiores quòd super solo solido ambulamus. Ut prætermittam eum Dominum nostrum esse ac Principem, ac naturalem proinde Ingenuitatem urgere nos oportere ad sic instituendas vitas nostras, quemadmodum illius moribus maximè conveniat. Ipsèque hoc expressum requirit tanquam certissimum amoris nostri ac fidelitatis erga eum testimonium. *Si diligitis me mandata mea servate.* Quorum præcipuum est illud, *Sicut ego dilexi vos ut vos etiam diligatis alii alios.* Ità discipulis dat exemplum *Humilitatis* erga se invicem, ex eo quòd ipse pedes eorum lavisset. *Si igitur ego vobis & Dominus & magister pedes lavi, vos quoque debetis alii aliorum lavare pedes.* Exemplum enim præbui vobis, ut quemadmodum ego vobis feci vos quoque faciat. Johan. 13. Et Matth. 11. *Subite jugum meum, & à me discite qui mitis sum & animo submissus, & invenietis animis vestris requiem.*

Johan. 14. 15.

Johan. 13. 34.

8. Caterùm non opus est ut huic argumento insistam, cum in secunda parte *Tractatus* satis fusè ostenderim, totam Christi Historiam, omnes ejus actiones, mores ac res gestas, ad commendandam nobis *Divinam vitam* quàm efficacissimè tendere. Arripiemus tantùm hoc loco opportunitatem abstergeri istiusmodi maculas quibus scædus ac insalubris halitus blasphemorum quorundam labiorum live olim seu nuper conatus sit Divinum hoc perfectionis speculum contaminare. Quod non solum indispensable fidelitatis officium erit erga personam Servatoris, sed egregium etiam suis sectatoribus corroboramentum: præsertim postquam addiderimus Parallelismum istiusmodi accusationum & calumniarum in ipsos, quæ maximè affines sint earum quæ ipsi Servatori sunt iniustæ. Nam & ipse prædixit olim quid eventurum esset, *Non est discipulus supra magistrum, neque servus supra dominum suum. Si patrem familias Beelzebulem vocarunt, quanto magis ejus domesticos?* Verùm quàm injustæ sint calumniæ live contra ipsum Servatorem live ejus *Sectatores* nunc tandem videbimus.

Matth. 10. 25.

C A P. XIII.

1. Christum non blasphemasse declarando seipsum Dei filium. 2. Nec fuisse Magnū ex eo quod eiecit demonia. 3. Injuste eum insinuatū fuisse profanitatis. 4. Nihil detestabile fuisse in ejus Neutralitate quantum ad factiones Politicas. 5. Nec ullam Injustitiam partiumve studium in eo inventum. 6. Severam ejus reprehensionem Phariseorum non recte posse convitium appellari. 7. Nec ē Templo Num̄dinatorum efflagellationem Zelum tumultuarium. 8. Nec horrendum Ejulationem in Passione, impatientia vel Desperationi recte imputari. 9. Dementiæ mentisve alienationis suspicio diluta. 10. Vindicatio à Prodigalitate calumnia Morisq; dissoluti. 11. Curva ac perversa Phariseorum Natura notata, cum Servatoris defensione quod cum quibuscumque hominibus promiscue conversaretur. 12. Christum sui-questorem non fuisse in subeundo mortem crucis ob latitiam sibi propositam.

I. Cujus quidem penſi pars prior quamvis supervacanea videri possit si non ridicula apud Christianos, qui nullas pravas cogitationes de persona illa fovere possunt quam jure merito colunt, nihilominus tamen cum non omnes qui in Christianis Rebus publicis Regniſve degunt, nè ullo quidem sensu, animatus sunt Christiani, ad hos convincendos, si fieri posset, de excellentia Christi, vel saltem ad vaniloqua ora facilius obturanda nè temerè in posterum ac imperitè judicent, non abs re fore puto Postulationem Libellumve delatorium contra innocentem & immaculatum Agnum, Christum Jesum, per malignos insulsoq; homines exhibitum recitare, in hunc solummodò finem ut is quem illi tam indignè detulerunt æquè honorificè dimitti possit & absolvi. Ut innocentia ejus luce evidentior, jus ejus meritis clarius Psal. 39. 6; effulgeat.

Atq; hîc sanè ut satis altè in ipso Principio insurgerè possint satisq; profundè ictum infligere, usq; ad condignam vitæ privationem; 1. Blasphemia in fronte libelli ponitur, ut majorem speciem robûq; subsequētib; accusationibus suppeditet.

2. Exorcismi dein Magici & transactiones cum Diabolo.
3. Sabbati profanatio.
4. Neutralitas, sive, tepida in controversiis publicis indifferentia.
5. Injustitia.
6. Convitia.
7. Zelus tumultuarius & injuriosus.
8. Impatientia & Desperatio.
9. Mentis alienatio sive insania.
10. Luxuries vitæq; dissoluta.
11. Profusio ac Prodigalitas.
12. Ambitio deniq; & suiipsius questio.

Hæc sunt distincta illa fimeta è quibus impii ac perversi homines sterçus effodere tantoperè contendunt, quod in illius faciem conſpiciant, qui perfectum erat exemplar Divinae Puritatis ac Justitiæ. Verùm in singulis his sordium puteis, maligno huic operi, quàm certatim velint, isti insudent, haud difficulter inveniemus quo omne id quod objiciant pari celeritate abstergere possimus atq; illi possunt offundere.

Et videamus primò, quomodo se gerant, quidve possint in prima causa efficere, quæ est de Blasphemia. Johan. 10. Ex eo quod Deum declarat patrem suum seq; cum Patre unum esse, furiosè illuc postulatür Blasphemia, propèq; factum erat ut lapidaretur. Et Johan. 8. Illic etiam eum lapidaturi erant ob id solum quod dixerit se fuisse ante Abrahamum. Et Matth. 9. 3. Hîc iterum accusatur blasphemix ob id dictum, Confide fili, remittuntur tibi peccata tua.

Atq; hîc quidem in prima hac accusatione de facto constat. Christus confitetur se unum esse cum Deo, se Dei filium esse, potestatem habere remittendi peccata, & fuisse ante Abrahamum. Verùm id omnino negatur, Christum in ullo horum dictorum blasphemasse.

Primò, enim, perpende ipsa verba Christi. Ego & Pater unum sumus. Quàm sine omni ratione ac sequela insulsi hi ac protervi verborum illius perversores, quem ob bonos mores doctrinamq; tanto odio proſequēbantur, ab illo dicto deducunt,

[*Ego & Pater unum sumus*] quod hic cum homo esset seipsum Deum faceret? Etenim æquè pueriliter ineptèq; ab eis illinc infertur, quod seipsum Deum faceret, quàm si corpus ipsam Animam esse concluderent quia corpus & Anima unum sunt, hoc est, unus homo. Nec major falsitas est multòq; minus *Blasphemia*, si *Humanitas Christi* (qui tam realiter ac vitaliter aduatus, informatus, unitusq; erat cum Deo quàm ipsum corpus cum Anima) de seipso pronunciet, quasi reverà Deus esset, quàm cum lingua dicit, *Ego intelligo, Ego credo, Ego percipio*, cum tamen nec corpus nec ipsa credat, percipiat, intelligatve quicquam, sed *Anima* sola cum qua tam intimè unitur, & de qua id quod lingua enunciat in istiusmodi locis est intelligendum.

Et certè si hoc observare curiosèq; animadvertatur admittaturque, nec alterum illud Christi dictum, quod unq; ante *Abrahamum* extiterit, invenietur *Blasphemia*. Christus enim propter suam tam intimam unionem essentialèq; Conjunctionem cum Deo, quàm *Athanasius* unioni corporis ac animæ rectè assimilât, æquè propriè potest & naturalitèr profiteri seipsum ante *Abrahamum* extitisse, immò verò ante mundum conditum quàm lingua hominis effari, *Ego post hujus mei corporis mortem ero superstes*. In quo nihil sensus incongrui subest, juxta maximè sobriorum hominum sententiam. Verùm præterea, id quod occæcati *Judei* minimè intelligebant, quippe suæ particularis Religionis & irregenerate naturæ nubilis & crassitudine obnupti; Christus aliquando de seipso sub notione *Divine ejusdem vite & Unitatis* loquitur, quæ filiis hominum communicatur per omnia sæcula ac loca. Quamobrem hic sensus est, Quod scilicet cum Religio *Judaica*, Topicq; ac temporaria sanctitas longius non inceperit quàm usq; ab *Abrahamo*, illa certè Christi quàm is mundo adeo ad plenum exhibuit, verè universalis esset & quoad tempus & quoad locum. *Lux quæ illuminat omnem hominem venientem in Mundum. Aeterna Dei sapientia quæ in omnibus sæculis, eos qui eam receperint, Dei amicos effecit ac Prophetas*. Sapient. 7. 27.

Nec mirum est quod *Divini homines* pro altiori magisq; intima sua unionem cum Divinitate sensum quasi perdant, ac memoriam particularium suarum *Personalitatum*, deq; seipsis secundum eas res potiùs quibuscum tam vividè uniantur, quàm secundum corporeas suas, evanidas, circumscriptasq; personas pronuncient.

Quam verò cum *Blasphemia* non sit prout plane liquet, admittere, quod quis tam vitaliter actuari possit uniriq; cum Deo, in quo si ullibi Dei mentem habitare oportet; quis magis cum ratione censeri potest præcata posse remittere quàm talis tamve manifestus Propheta quàm Servator seipsum declaravit per signa & miracula apud populum facta? Verùm Servator ipse tam præclare pro seipso respondit & ad conditionem suorum opponentium tam appositè, ut postquam responsum ejus recitaverimus, huic primæ Accusationi factum erit plùs satis. Nonne scriptum est in Lege vestra, *Ego vos Deos appellavi? Si illos appellavit Deus ad quos Dei sermo habitus est, nec scriptum rescindi potest; vos me, quem pater consecravit & in orbem misit, impiè loqui dicitis, quod me Dei filium esse dixerim? Si patre meo dignus non facio, mihi nè credite. Sin facio, si mihi minus creditis, ut facis credite ut & patrem in me & me in eo esse cognoscatis & credatis*. Et sanè vel primo aspectu pulchra hæc est, coram æquo quovis iudice, atq; honesta oratio, quod Servator utiq; tantum aberat à *Blasphemia*, ut quantum ad vitam sanctus esset, vel potiùs omnis sanctitatis exemplar ac Archetypum; quantum ad miracula, *Potentia Dei*; quantumq; ad Naturam ac Relationem, *Filius Dei* in sensu tuto, scripturali, ac *Judaico*, nè humiliorum captui per altiores ac difficiliore sententias negotium facessamus. Quæ tamen sententiæ non tam difficiles sunt quàm veræ; scriptisq; Apostolorum & Evangelistarum iudicibus constitutis (quos Christianum unumquemq; oportet appellare) Divinitatem ad Christum realiter & essentialiter, non titulariter pertinere, (ut quæ æquè necessariò in formali ratione illius Naturæ includitur atq; anguli tres in notione Trianguli) apud homines nullo præjudicio laborantes facilè profectò probatum iri confido. Et certè quantum ad me, equidem eos homines qui de Christi Divinitate tantas turbas cient (cum tamen se velint & appellari & existimari Christianos) reatu absolvere non possum, non solum quidem summæ imprudentiæ & temeritatis, sed & admodum grandis erroris in Christianitate.

Quin & ipsi *Judei*, quibus magnum hoc Mysterium Coalitionis Dei atq; hominis in unam personam nondum innotuerat, admodum perversè tamen agebant interpretando verba Christi in talem sensum quem illi confidenter appellare possent *blasphemiam*, cum ea interpretari potuissent sensu tali qui cum suæ ipsorum fidei tenore magis convenisset. In hoc inquam, insignis erat eorum *malitia*, quod vulgarem candidamq; interpretationem illius dicto adhibere noluerint, cujus tamen opera &

Joh. 10. 34, 35.

& actiones tam miraculosæ erant ac Divinæ, cuiusq; vita tam plena *Benignitate ac Innocentiâ*.

2. Verùm ea erat hujus stupidæ Nationis perversitas, ut illæ etiam res quæ promptam sui *Messie* agnitionem ab ipsis prolicere debuissent, eos reddiderint magis obstinatos; minúsq; *amicos* illi præbere putârunt se oportere, quod ipse *inimicus* esset *Diabolo*; eumq; *Conspiratorem* contra *Deum* censuerunt, cujus tamen studium erat ac institutum *Satanam* ex *Hospitio*, ubicunq; eum invenerit nidulantem, exturbare.

In secunda igitur Accusatione omni opere enituntur Christum Mundo repræsentare tanquam *Magum*, hominẽq; qui pactum inierit cum *Diabolo*, Matth. 12. 22. ubi postquam populus multum consternatus erat ex magno illo Miraculo quod *Jesus* fecerat in sanando *Demoniaco*, cæco, & mutò, adeo ut apud seipsum inceperint cogitare, quod facile fieri posset ut hic reverà esset *Messias*; impii invidiq; *Pharisei* statim eum impudentissimè calumniantur, dicentes, *Iste non ejicit Dæmonia nisi per Beelzebulem Principem Dæmoniorum*. Responsum verò Christi ad tam immanem calumniam æquè solidum est atq; placidum & benignum.

Omne Regnum à sese dissidens desolatur; & omnis Civitas aut Familia secum ipsa dissidens non stat. Quod si *Satanas* *Satanam* expellit, ipse sibi adversatur. Quæ fieri potest igitur ut stet ejus regnum? Quod si ego per *Beelzebulem* ejicio *Dæmonia*, vestri generis homines per quem ejiciunt? Itaq; ii erunt vestri *Judices*. Sin ego per Dei Spiritum ejicio *Dæmonia*, &c. Equidem hic seipsum purgat per duo præstantissima argumenta. Primum supponit *Diabolos* tam sapientes esse tantòq; sui amatores, ut & noverint conservare & conservandæ operam dare voluerint propriæ suæ *Reipublicæ* ac *Potestati*. Quod si Christo facultatem darent ejiciendi confocios *Diabolos*, initium hoc planè esset seditionis ac dissidii cladẽq; ipsorum *Politix* portenderet. Nec cum ratione suspicari quis potest, Christum adeo intimum cum tenebrarum Principibus fuisse conspiratorem, eãve apud ipsos familiaritate valuisset ac gratiã, ut hoc factum sit per collusionem inter ipsum ac *Diabolos* ut in alia aliqua re Dei regnum facilius pleniúsq; possit subvertere. Etenim nihil excogitari potest magis contrarium *Diabolorum* tum *Rei* tum *Naturæ*, quàm illa vita quam Christus dictis factisq; mundo commendavit. Ut mittam cultus spiritualis præceptionem, qui *Paganismum Dæmonumq; cultum* funditus evertit. Ac proinde eò perversius à *Phariseis* factum est quod hoc miraculum *Diaboli* potiùs potestati, quàm *Spiritus Dei* imputarent; præsertim (quod est secundum argumentum) cum ipsi filios suos ac discipulos per nullam malam artem, sed per virtutem Dei *Dæmonia* ejicere existimarent, quemadmodum multi scriptores testificantur, & *Judeos* & *Ægyptios*, spiritus impuros propalam ejecisse adjurando ipsos per nomen Dei *Abrahami*, *Isaac*, & *Jacobi*, & aliquando per nomen *ἑσπεδοῦ*, ἡ δὲ ὁρμή & ἡ ὁρμή & ἡ δὲ, hoc est, per nomen *Jehovæ*, ut *Theophilus* testatur.

3. Tertium crimen est *Prophanitas*, Sabbatiq; violatio, Luc. 6. Ubi *Jesus* cum discipulis iter per *Sata* facientes, spicas vellunt manibúsq; confrictas comedunt, idq; *Die Sabbati*. Hic verò Christus suos defendit per exemplum *Davidis*, qui panes *Propositionis* sumpsit & comedit. Et versu 11. Scribæ & *Pharisei* furore replentur, quod hominem sanaverat *die Sabbati*, adeo ut consilium capiant de extrema ipsi injuria inferenda, quanquam certè quis putaverit mitem illam solidamq; pro re facta apologiam aut prævertere eorum bilem aut sedare potuisse, Licetne sabbatis benefacere an malefacere? hominem servare an perdere? Cæterum nullum responsum meo quidem judicio vel fingi potest acutum magis magisve appositum quàm illud quod occurrit Marc. 2. v. 27. *Sabbatum propter hominem factum est, non homo propter Sabbatum. Itaq; filius hominis etiam Dominus est Sabbati*. Ubi ritè prædispositus Christianus brevi sententiã docetur, dignã sanè quæ literis aureis scribatur, vel potiùs quæ cordi inscribatur viri cuiusq; sancti & intelligentis, non solùm equidem quod ad Sabbatum spectat, sed ad totam etiam rem Religionis. Quod scilicet hominis gratiã potiùs constituta est quàm Dei, quòdq; tametsi Dei honor præcipuè in ipsa prætenditur, est tamen felicitas hominis, quæ per eum reverà etiam à Deo ipso intenditur. Quod miselli homunciones crassis mentibus & obtenebratis, austeròq; *Phariseorum* fermento nimium quantum fermentatis, non intelligentes, multam sanè & sibiipsis & toti mundo creant molestiam per protervam suam ineptamq; prosecutionem earum rerum quæ ad Religionem attinent, utpote qui idonei aut opinionum aut actionum eorum hominum non sunt judices quos Divina Libertas ac Benignitas in Naturam transformaverint ipsorum naturæ planè contrariam.

4. Jam verò quantum ad neutralitatem quæ adeo intoleranda & detestabilis videtur

detur eis quorum effrenata mundanorum commodorum desideria protervâq; consilia faciunt, ut eos omnes odio habeant, qui cum possint nolunt tamen se instrumenta temperariis ipsorum inceptis præstare, tantum abest ut hoc crimen sit in Servatore, ut meâ quidem sententiâ, admodum præclarum ornamentum sit valdeq; decorum in moribus tam Divina piæq; personæ, qui ad meliora obeunda separabatur, quàm ut *politici* factionibus ac dissidiis operam daret, quæ rarè ab ullo meliori Principio inchoantur promoventurve quàm Invidiâ, Ambitione & Avaritiâ.

Cum Servator admodum subdolè urgeretur ad declarandam sententiam suam aut pro aut contra *Cæsarem* (Matth. 22.) per hanc quæstionem, *Licetne pendere tributum Cæsari necne?* ille de hujus vel illius causæ æquitate sententiam ferre quam cautissimè poterat declinavit, hoc solummodò scitè attemperatum reddens responsum, *Solvite quæ sunt Cæsaris Cæsari, & quæ Dei Deo.* ita Christus sapientissimè *Responsio & Seditionis nota & violatæ Religionis calumniam in quæstione insidiosissima effugit*, quemadmodum eximius ille Interpretes observat. Atq; hoc pacto liberabat seipsum ab induendo sibi speciem aut *Herodiani*, *Gaulonitici* aut *Cæsarei*.

5. Quas fingere possint *Injustitiæ* imagines *studite partium* ex hujusmodi locis excerptum iri verisimillimum est, Cujusmodi sunt *intempestiva ficus maledictio*, ob id quod fructus non ferret, cum nec tempus anni esset ut ferret fructus. *Reprehensio Phariseorum ob prolixas suas preces*, cum & ipse commemoretur per noctem integram orasse. Et postremò, *absolutio femine adulteræ* in ipso facinore deprehensa.

Vide lib. 4. c. 8.
sect. 5, 6, 7.

Verùm quantum ad primum, Ut Ficus nullum damnum sensit, ita nec ullum factum est damnum ex eo quod exaruerit. Cæterum factum erat purè *symbolicum* quo judicium Dei præfigurabatur contra infructuosam Religionem Judæorum, prout supra notavi.

Quantum ad preces prolixas; Cum Servator dictus sit (Luc. 6.) in montem proficisci ad orandum, ibiq; *pernox orare Deum*, Græcum exemplare habet, *ἡνυσσεν* ἡν ἡν, non *ἡνυσσεν* ἡν. Quod igitur verisimilius est significare, non in oratione ad Deum, sed in *proseucha* Dei sive *Divino oratorio*, Loco scilicet ubi Deum orant, ut patet ex illo *Satyristæ*.

Ede ubi consistas in qua te quare proseucha?

Quicquid sit, concludendum est Servatorem Hypocrisim potius & *affectionem* prolixarum precum condemnasse quàm ipsam *prolixitatem*, quippe quod impossibile sit, ut quispiam tam consummati *Spiritus* quàm Servator erat, aut brevitate aut prolixitatem orationum ab hominibus adhibitarum reprehendat, modò ex affectu sobrio ritè regulato, non ex *affectione* vana oriantur.

Quod *absolutionem* spectat *adulteræ*, certè sic accipi non potest quasi approbatio esset conniventiae ad hujusmodi scæda facinora, sed opportuna potius *Judeis* improbitatum suarum exprobratio, quarum cum ipsos oporteret sibi conscios esse, non debuerunt nimis proni præcipitesq; ferri ad pœnas eorum quibus ipsi fortean pares essent peccatores, præsertim cum potestas condemnandi puniendiq; ferè è manibus ipsorum per *Romanos* esset ablata. Atq; hîc sanè Christus id fecit quod Divinam illam benignamq; naturam quæ in ipso habitabat maximè condecoreret. Cujus quidem hic fructus non erat nisi manipulus si cum plena illa messe conferatur quæ filiis *Adami*, ex eis quæ is fecit passusq; est postea, esset metenda.

6. Ad *Convitiâ* quod attinet; Verbum vehementissimum quod ipsius ore unquam excidit illud erat quando *Scribas & Phariseos Hypocritas* appellavit, quod juxta propriam vocabuli significationem idem est quod *Histrionis* sive *Ludiones Scenici*. Et profectò *Scriba* ac *Pharisei* olim & ab eo usq; tempore eorum posterî se suamq; Religionem ita ornârunt ut meritò ille titulus quasi jure hæreditario ipsis affigi possit ipsorumq; semini in perpetuum. Verùm Christus alibi paulò acerbior videtur *Johan. 8. v. 44.* ubi planè disertèq; loquitur, *Vos ex patre Diabolo estis.* Cæterum is Titulus tam aptè ipsis, post inanem suam gloriationem quasi *Abrahamus* pater eorum esset Deusq; *Abrahami*, (ad cujus tamen filiarum ipsi jus suum perdidierant, quippe qui naturam habebant ipsi prorsus contrariam) in sortem obigit, ut inexcusabilis fuisset omissio in Christo non reficasse ipsis memoriam de vera sua stirpe ac prosapia, præsertim cum ad id plenâ auctoritate esset instructus.

7. Quantum ad *zelum* illum, ut primo quidem aspectu videtur, *injuriosum* ac tumultuarium, ubi factâ ex loris scuticâ Nundinatores è Templo exigit, mensâq; subvertit argentariorum, ipse patrândi modus facinus profectò justum præstat, cum miraculosa

miraculosa planè res sit ut homo privatus, & armis & humanâ autoritate destitutus, tot homines abigeret tum à statione sua tum à lucro. Nec certè zelus hic quantumlibet tumultuarius videatur, ullam Indecori speciem præ se ferret, si considerare velimus unde emanaverit. Servator proculdubio altam indignationem ac dolorem in corde suo concepit postquam despicientiam illam observaverat, ac contemptum quem cæci illi ac superstitiosi *Judei* erga miseros abjectosq; Gentiles gerebant, dum locum cultus eis destinatum tam fastuosè profanabant. Verùm hic non est immorandum, præsertim cum hanc Objectionem alibi jam tetigerim. Hoc addam tantum in transcurso, Quod nihil erat quod majori vi mitem Servatoris spiritum ad iram provocare poterat & impatentiam, quàm superciliosa Superbia vultusq; ac fucata Hypocrisis magis eximiorum professorum Religionis.

Lib. 4. cap. 8.
sect. 3.

8. Quod assertur de desperatione ipsius ac dissidentia in Deo, ex ultimis illis, horridis, Tragicisq; verbis colligitur, *Eli, Eli, lama sabachthani*, quæ cum in ipsis mortis angoribus & intolerabili cruciatu prolata essent, si duriora fuissent magisq; abscondita quam videntur, parùm cause fuisset cur Christus ob ea accusaretur, quippe qui secundum humanam naturam eisdem tenebatur angustiis quibus illi qui cum maximis ægitudinum paroxysmis conficiantur, quorum facta Actiones hominis potius censenda sunt quam humane, ipsiq; proinde ab omni culpa absolvendi. Verùm illa verba tam sobria sunt ut hujusmodi Apologiâ nequaquam indigeant: præsertim si integrum sit ea secundum Textus *Hebraici* latitudinem unde desumuntur interpretari. Nam *Lama*, ut, vel quomodo significabit æquè ac *enr*. Atq; tum non est nisi vox dolentis miseramq; suam vicem desistentis ex præsentis sensu intolerabilis suæ desertionis.

9. Quod verò alii mentis quandam alienationem in Servatore fractamq; ac conturbatam obliviscentiam colligunt quod seipsum ab eo derelictum pronunciaret qui & ipse erat (nam reverà erat Deus) atq; sic de eo conquereretur quod nullo pacto possit contingere, equidem hæc accusatio majorem in ipsis arguit intellectus defectum. Nam Humanitas Christi non erat Deus; alioqui non esset *divisus* Deus & homo, sed *divinus* *homo*. Cæterum cum per unionem solummodò Deus esset, etiam servatâ hâc unione, desertio humanitatis fieri potuit. Quemadmodum Sol, in *Passione Christi* à mundo non disjunctus, ad id tamen temporis mundum deseruit, subtrahendo ab ipso suum lumen. Verùm si hâc non succedit aliâ ingredientur viâ, qua insaniz labem ipsi impingant qui meritò appellatus est *sapientia Dei*. Hanc tamen accusationem etiam suorum dictis confirmabunt, Marc. 3. 21. *Quo audito, sui ad eum capiendum profecti sunt, dicebant enim eum esse insanum*. Sed enimverò hoc ferè fatum est omnium hominum qui plus cæteris sapiunt, ut vix meliori conditione habeantur quàm insani & maniaci. Etenim, cum animi conceptus habeant aut altiores aut contrarios vulgo, & ex consequenti sæpenumerò contrà ac vulgus agant, dementiæ suspicionem ægrè profectò possunt evadere, cum multitudo suorum judicium, etiam vilissimum ex ipsis tam vilem de seipso opinionem non foveat, quin infallibilem planè se putet in eis rebus quas à longo tempore tanquam veras tenuit absq; omni contradictione aut in seipso aut aliorum. Venitq; mihi in mentem dicti cujusdam alicubi apud *Tresmegistum*, ubi altissimorum Mysteriorum præceptor postquam filium suum *Tatium* illuminaverat, tandem de contumeliis præmonet quas subiturus esset à vulgo, utiq; pro certo affirmans, eum ipsis visum iri hominem vesanium ac *Maniacum*. Atq; hæc etiam erat *Democriti* conditio, quem, populus ex commiseratione nimia ac officiositate ab *Hippocrate* petiit, ut summâ adhibitâ arte ac diligentia tanquam mentis malè compotem sanaret. Cui rei cum Die proximo operam daturum apud se statuisset, monebatur præcedenti nocte per Divinum visum vel Insomnium, *Democritum* non insanire sed populum. Et ut redeamus ad allatum Textum, si conjecturas quorundam haud ita sanè improbables sequi velimus, Populus hic rursus insanire reperietur non Christus. Nam *is* æquè consentiet cum *is* atq; cum Christo. Factaq; multitudinis magis affinia sunt vesaniæ quàm eorum quicquam quæ illic de Christo commemorantur. Populus enim tam tumultuosè unâ confluebat, adeoq; erat turbulentus, ut videretur, ut hominibus cibum pacificè per ipsum capere non liceret. Quamobrem cum ille fervor esset atq; æstus in multitudine, Christi familiares proficiscebantur *multitudinem*, Christum manu prehendere eumq; deducere ex Turba sive *is*, ex multitudine; *is* *is*, Dicebant enim multitudinem seu populum insanire, vel mente captum esse. Quæ res nimis sæpè credibilis est, sive hic Textus eo faciat, sive non.

10. Quantum ad decimam undecimamq; Accusationem, de *Luxurie moribusq; dissolutis*, de *Prodigalitate* inutilliq; rerum profusione, quæ quidem proximè accedunt

dunt ad summum pessimumq; genus vesaniae, istae quidem expressim in Scriptura describuntur. Ipsiq; Servator novit quàm sinistra Fama de ipso spargeretur, Luc. 7. 33, 34. *Venit enim Johannes Baptista qui nec panem comedit nec vinum bibit, & dicitis eum habere Daemonium. Venit filius hominis qui & comedit & bibit, & dicitis hominem esse edacem vinosumq; & amicum Publicanorum & peccatorum, αμαρτωλῶν.* Nam in sequentibus versibus illa mulier in Civitate, quæ ἐκαστῶν dicitur, quæq; tantum sumptus affectusq; in Servatorem effudit, hujusmodi erat, *prostituta pudicitiae mulier*, quemadmodum *Beza* interpretatur: Quomodo verò se gesserit erga Christum Servatorem, illic describitur. *Ei à tergo flens, adstitit ad pedes, cepitq; ejus pedes lacrymis rigare, & capitis sui capillis abstergere, ac deosculari, & unguento ungere.* Quod unguentum in alio Evangelio, *Alabastrum* dicitur *unguenti spicatae nardi preciosi*. Quæ familiaris & affectuosa officiositas profususq; sumptus, unà cum sinistra illa fama quæ hæc mulier notabatur, non potuit non magno esse scandalo *Phariseis* illic præsentibus. Etenim cùm Legis *Oeconomia* sub qua vivebant, nihil perfectum redderet, sed externas tantum actiones hominum coerceret, facillè fieri poterat, cùm ipsi sibiipsis nullarum meliorum motionum intus conscii essent, ut ut sese gerebant ad extrà, quàm aut *Acerbitatis* aut *Libidinis*, ut Christi acceptationem tam familiaris & affectuosi officii à fœmina istius famæ, à nulla alia re provenire quàm ex vano aliquo vitæq; dissolutæ principio existimare valerent, Prophetamque propterea leviculo animo & inconstanti factum esse concluderent, aut nullum potius reverà fuisse Prophetam. Sed enim & Propheta erat, & animo constanter sobrio, & hac etiam in re prorsus inculpabilis. Novit enim eam jam aliquandiu conversam esse æquè ac olim fuisse peccatricem, cujus conversionem Servator, quippe qui sæpius cum ea conversatus est, aut inchoabat aut per hanc suam conversationem confirmabat. Nullas enim is societates declinabat, ut nec bonus Medicus ullum declinat ægrotum, aut morbum. Et proculdubio magnum illud miraculum quod *Jesus* operatus erat in ipsius fratrem (hæc enim *Maria* erat soror *Marthæ* & *Lazari* quem Christus è mortuis suscitaverat) non potuit non firmiter eam stabilire in fide ac amore Dei ac *Jesus* Christi quem ille miserat. Unde factum est, cùm cor ipsius plenum illo tempore esset lætis recordationibus Divinæ misericordiæ ac Bonitatis per virum hunc *Jesus Christum* sibi tam ampliter exhibitæ (ut Remissionis peccatorum, verorum documentorum Justitiæ, novitatis vitæ & recuperationis charissimi sui fratris *Lazari* è sepulchro) ut ex profundo sensu Divini Amoris gratiq; animo erga eum per quem hoc omne ipsi manifestatum erat ac præstitum, benevolentia affectusq; mirum in modum abundaret. Quorum effecta cùm nullum mali sensum Servatori moverent (quippe cujus corpus æquè purum & immotum erat ac consecratum marmor, alæve Cherubinoꝝ in Templo aureæ, ipsumve Alabastrum quod preciosum unguentum in se continebat) non solum profecto *Incivilitas* fuisset sed & *Impietas* devotam hanc *Profelytam* ullo modo inhibuisse, fervidove ipsius cursui amoris sincere, gratiq; affectus frigidam suffudisse. Qui proculdubio cuicumodi videri potuerit miseris illis spectatoribus, istis angusti peccatoris *Phariseis*, odor tamen bonæ fragrantiae erat Deo, sacriq; suffimenti instar cœlestem aulam replebat, haud absimili modo atq; alabastrum unguenti confractio totam odore perfundebat domum; eoque grato sanè omnibus, præterquam *Judæ* (cujus avaritia fecit ut scito prætextu pro pauperibus, contra factum exclamaret tanquam profusum ac prodigum) & supradictis præterea *Phariseis* qui sine dubio, quicquid odorati suffitus proprias suas nares non attigerit demulseritque, id omne inanem sumptum reputarent.

II. Cæterum observatu dignum est, tam perversam impiamq; fuisse horum tortuosorum *Superstitionistarum* indolem, ut vera bonitas quamcunq; externam induerit speciem, ipsis nunquam posset placere. In *Johanne Baptista*, ea erat præsignis severitas vitæq; austeritas cum irreprehensibili integritate cordisq; puritate conjuncta, ut facillè quis putaverit eum vel nutu suo ac autoritate ipsos potuisse ad id quod honestum est compellere. Verùm hunc tanquam *Demonio Melancholico* correptum considerabant. *Servator* speciem jucundam magis, magisq; remissam induit, verendam illam seponens rigidamque, quæ in altero reperiebatur, severitatem, omnibus se societatibus immiscens, nihil vultuose agens imperiosè, sed vitam similiter aliis hominibus componens, peccato solo excepto; (quod vitæ genus, ut perfectius est illo altero, quippe quod majorem naturæ benignitatem firmiorémq; radicationem supponit in Bono, ita pauci sunt qui illius sunt capaces, minimè verò omnium auceps & instabilis juvenus, quam suspectas societates tanquam voracem pestem oportet devitare) hi tamen, quod dixi, miseri hi, inquam, *Pharisei*, tanquam jurati omnis

realis

realis sanctitatis probitatisq; detestatores ac hostes, quicquid de umbra ipsius præ-
tenderint, nè uno quidem benigno verbulo Servatorem nōrunt impertiri. Verūm
benignum ejus ingenium & ad convictionem facilē, itā interpretantur, quasi ad vi-
ctum absumendum natus esset, merūmq; cibi potūsque mancipium; utilēmq; suiipsius
in omne genus hominum conventus ingestionem, (publicanis & peccatoribus non
exceptis) in eorum bonum, tanquam si amicitiam coleret fructūq; inivisset cum eis
rebus quæ reverā sint malæ. Christus verō Servator sufficientem hac in re pro seipso
apologiam contexuit hisce paucis verbis. *Non egent valentes medico, sed male af-
fecti.* Et in altera similitudine perversam eorum naturam per id quod in cantico à
pueris in foro sedentibus cantato occurrit aptè representat, *Nos vobis fistulā cecini-
mus, neq; saltastis; vobis luximus, neq; plorastis;* hoc est, Inepti hi spiritūq; segni
& inhabili homunciones Pharisei, nec per tristē austeramq; vitam *Johannis* nec
per mores magis liberos & in affectatos *Servatoris* ad id quod reverā bonum est mo-
veri poterant.

12. Atq; ea propter relinquamus tandem ipsos tanquam incurabiles, ultimamq;
criminationem examinamus, quæ ex uno è propriis sectatoribus & amicis desumitur.
Hebr. 12. v. 2. *Spēctantes in fidei ducem perfectoremq; Jesum, qui pro letitia sibi pro-
posita, sustinuit, contempto pudore, crucem, & ad dextram solii Dei consedit.*

Cavillatores hic ad derogationem perfectæ illi Justitiæ in Christo, insinuant, quod
suiipsius quæsitōr esset in omni illo labore ac dolore quem sustinuit pro filiis
hominum, immo verō ambitiosus Regni quæsitōr (Illa enim lætitiā quā ipsum sufful-
ciebat hoc solum erat in Textu memoratum; quod à nemine fateor negari posse)
quodq; propterea omnes illæ Actiones Perpeffionēsq; Servatoris, quæ aded *Heroicæ*
videbantur, non nisi à principio mercenario provenirent. Verūm huic objectioni
facile respondetur. Etenim si per Solium Regnūq; magis imperturbatam in-
telligimus magisq; *plenam Divinitatis possessionem*, quæ potentiorē innuit
sublimiorēq; exaltationē humanæ naturæ Christi, liberiorēq; fruitionem *Di-
vine*; (atq; hoc certē propriam Christi Servatoris bonum spectat;) sive pote-
statem illam quā donandus erat, ad *captivam ducendam Captivitatem*, & ac-
quirenda dona hominibus, & ad potestates *Inferni* ac *Tenebrarum* conculcan-
das, ut *Adami* filii à tam diuturna servitute liberentur; Hoc solum, hoc reg-
num, hæc potestas quod collineabat Servator, nec ambitiosum in eo animum nec
mercenarium arguebat. Nam plenioris Dei fruitionis cupiditas *Ambitio* non erat
sed *Divinus Amor*. Quam is modo illo *Luciferiano* non affectans, (*similis ero Al-
tissimo*), sed per humilem animi raptum in venerabunda recordatione *Divine pul-
chritudinis*; tantum aberat ut peccati quicquam admiserit, ut certē id fecerit, quod
aut *Infirmus* fuisset aut *Peccatum* non admisisset. Et quemadmodum *Jacobus* pro-
priè dici non poterat, aut *sui-quæsitōr* aut *mercenarius* respectu *Rachelis*, propter
quam tot annos serviebat, quāq; aded animitus diligebat; sed respectu *Labanis*
eiusq; ovium custodiæ rectē dici poterat *mercenarius* suiq; quæsitōr (nam illi, *Ra-
chelis* tantum causā, serviebat) itā Christus *Divine Nature* cupidine accensus, per
amorem cujus, tantum laboris ac miseriæ in terris sustinuit, non poterat respectu il-
lius gloriose animūq; ad se rapientis pulchritudinis, quā frui adnitebatur, aut
sui-quæsitōr rectē dici aut *mercenarius*, siquidem ipsa Dei erat præsentia quā tanto-
perè capiebatur, ut Amicus amabili personā sui Amici.

Jam verō quantum ad potestatem illam quā se investitum iri prævidebat, *ducendi
captivam captivitatem* & *acquirendi dona hominibus*, cum in commune aliorum bo-
num esset, cur non ipsi licebat in hoc sibi ipsi placere, & sese consolari in mediis suis
terumnis ac laboribus absq; omni suspitione *Ambitionis* aut *Culpe*?

Quamobrem harum omnium Objectionum ingratis, & aliarum quarumcunq; quæ
excogitari possunt contra *consummatissimum* illud exemplar *Justitiæ*, immaculatum
illum Agnum *Jesum Christum*, cum cantico illo laudum in Apocalypsi per Seniores
ante Thronum Agni cantato, concludemus.

*Dignus est mactatus Agnus qui potestatem accipiat & divitias & sapientiam &
viam & honorem & gloriam & laudem.* Omnisq; rerum natura quæ & in cœlo est &
in terra & sub terra & in mari, hæc & quæ in eis sunt omnia cœlestem chorum adau-
geant, dicantq; sedenti in solio, & Agno, *Laus & honor & gloria & imperium in
sempiterna secula.*

Rev. 5. 12, 13.

C A P. XIV.

1. Ratio cur tam diu vindicationi vite Christi à calumniis malevolorum immoratus sit. 2. Realis Christiani verus character. 3. Verus character falsi Christiani ac Pharisaici. 4. Quàm facile vera Christi membra accensentur Blasphemiae à Christianis Pharisaicis; 5. Suarumq; Gratiarum operationes vitioso alicui principio imputentur. 6. Quomodo qui superstitiosi non sunt, habeantur tanquam pro profanis. 7. Tepiditas in infructuosis Religionis controversiis quantopere Pharisaïs displiceat. 8. Ipsorum ignorantia in Equitatis lege ac Charitatis. 9. Quàm proclivis res sit ut sincerus Christianus pro convitiatore habeatur propter suam veriloquentiam. 10. Quod vel levissima corruptionis Pharisaicæ impugnatio de facili ab ipsis accipiat tanquam zelus tumultuosus ac amarulentus. 11. Quod maxime solida scientia perfectissimorum Christianorum vesania existimari posset à Phariseo formali. 12. Pronitas ejus ad judicandum de vero Christiano ex propriorum suorum vitiorum indomitum motibus. 13. Prudens ejus ac versuta Avaritiæ præ aliis vitiis electio. 14. Absurda ejus in eos qui ad Perfectionem anhelant Censura. 15. Quodq; nemo ex ipso amore virtutis virtutem colat, in scita Opinitio. 16. Utilitas hujus Parallelismi inter Christi contumelias & verorum ipsius membrorum. 17. Exemplum Christi piis animabus quàm ingens Privilegium.

1. **A**Tq; sic Christum vidistis ab omnibus illis suspicionibus & calumniis per malignos ac imperitos homines in eum conjectis vindicatum; quibus eum tanquam non tam nobilis ac Divini Principii Justitiæ compotem nec ab eodem res suas tam constanter administrantem representare satagunt, quàm ipse profitetur, quàmque omnes ipsius sectatores de ipso semper testificati sunt. Cui quidem negotio plus operæ me impendisse fateor quàm in causa personæ adeo undiq; integræ ac innocentis expectari potuerit. At enim eum Christum Servatorem non tam in seipso considerarem quàm in membris ipsius, in veris utiq; ipsius membris, qui unum habent communem cum ipso spiritum, quiq; proinde eisdem accusationibus pravisque perversorum & inconsideratorum hominum censuris obnoxii sunt quibus ipse erat in carne, perquam utile profecto fore putabam sollicitè excutiendis & justè rectèq; interpretandis universis Christi factis majori cum diligentia insistere; ut hoc pacto illi qui se illius membra appellitant, melius cognoscant quemadmodum oporteat se invicem interpretari, vel si ipsi Christi membra non sint, ut discant saltem non temerè nec inconsideratè de eis judicare qui sunt, & reverà sic ambulat ut & ille ambulabat.

Utq; antea mei labores huic instituto accuratius inserviant, ed usq; eis addere non dubitabo quoad ostendero, quemadmodum homines, ut plurimum, idem stercus cœnive verissimis Christi membris injiciant, quod ipsi Christo olim injecerunt.

2. Atq; ut hoc majori cum evidentia accipiat, permittite mihi brevi descriptiunculâ genuinam Imaginem veri Christiani seu vivi membri Christi in animis vestris præfigere. Atq; hujusmodi quidem is est, qui ejusdem vitis palme est, quiq; in se eundem succum vitamq; derivatam habet, unumq; ac eundem cum Christo Divinum spiritum participat. Cujus fructus est Deum amare toto corde totq; animo, suumq; proximum ut seipsum, idemq; aliis facere quod ab aliis nobis fieri volumus. Et ne illud solummodo nomen quod ferè pro nihilo apud nimium multos habetur, addo insuper, Solum illum verum Deum cognoscere agnoscereque, & quem ille misit Jesum Christum. Et proculdubio quisquis hoc in debita sua mensura ac vigore vitæ obtinuerit, is sibi conscius est percipitq; tantæ & tam gloriosæ perfectionis animi dulcedinem, ut quicquid ingenium sensusve humanus ed addere poterit, haud majoris sanè valoris visum fuerit, quàm pulvis straminave quæ pedibus conculcamus.

3. Atq; nunc postquam quid verum vivumq; Christi membrum sit explicaverim, sinite me quid falsus, titularis, vel Pharisaicus Christianus sit vobis itidem enarrare. Atq; hic certè is est qui Divinum succum spiritumve in se derivatum non habet, utpote qui non inexistit & incrementum capit, coalescitve in unum cum vera vite Jesu Christo, nec compos est, ullamve perceptionem habet illius Sufficientiæ, Gaudii, Animiq; satisfactionis quæ in interna vita Christi spiritusq; Justitiæ, æternaq; ac indispensabili veritate Dei reperitur; sed maxime necessariis in Christianitate rebus emortuus, maximèq; pretiosis ac salutaribus, vivusq; solum existens aut præcipue

spiritui

Marc. 12. 33.
Matth. 7. 12.

Johan. 17. 3.

spiritui mundi, seipsum toto corde totq; animo diligit, Deum verò ac Proximum suiipsius solummodò gratiâ; vel pro jumento potiùs, suo proximo utitur, eisque, postquam aliquibus astutè callidèq; collatis beneficiis tanquam capistro illaqueaverit, inequitat: Deumq; *colit* potiùs quàm *diligit*, utiq; nè noceat. Multis eum obsecrans, ut ex gratia speciali quamvis nihilo melior sit cæteris, nec intendat speretve se unquam meliorem fore, ut meliùs tamen ipsi sit in novissimo, quàm cæteris mortalibus. *Utinam ipse eadem morte moriar quàm probi, sitq; meus idem qui eorum exitus.* Vel fortean ità erit, (quod tamen nihilo est præstabilius) ut loco vivæ Christi Justitiæ, egregiè se in affectatitiis quibusdam speciminibus electitiæ sanctitatis sit elaturus. Imaginatur enim Deum esse tutumq; fore eum aliquâ ratione demereri, ac proinde ut conscientia ipsius in eis rebus quæ maximi sunt momenti ac utilitatis excusari possit, alias de suo sensu ac consilio assumet, ut Jejunationem bis in Hebdomade, prolixarum Precum effusionem, auditionem prolixarum Concionum, præcisamq; aliquibus non necessariis, incertis, & infructuosis Opinionibus de Deo ac Religione adhæSIONem, hujusmodi sanè quæ nec per Scripturas nec per Rationem probari possint; & incallescens admodum in harum rerum agitatione ac zelascens; (quanquam in perturbationem Ecclesiæ Dei & in proximi sui injuriam) hæ tamen nugæ ac affaniæ suo cerebro sensuq; prognatæ, hic Ardor, *Æstus*q; ac strepitus sunt Altare, Ignis, & Holocaustum, quibus per hunc zelum Deo sacrificat, sistitq; se tanquam Oblatorem coram Omnipotente. Atq; id omne ut excusetur in eo ab eóq; liberetur quod ipsissimus scopus est omnis Religionis ac Cultûs, mactationem intelligo propriæ vitæ corruptæ, & acquisitionem magni illius præmii quod nobis propositum est, qui *sanctus est Spiritus Justitiæ, Æquitatis ac Puritatis*, cujus moderatio ductusq; mundi lux est ac vita hominum.

Num. 23. 16.

4. Cùmq; jam, laxè licèt rudisq; Minervâ, horum duorum oppositorum Christianitatis Professorum lineamenta deduxerim, (*veri* scilicet Christiani ac *Pharisei*) equidem hinc tanquam ab ipsa causâ ac origine, evidentiam in id, lucemq; derivabo, quod nunc eo propositum; Qui *Parallelismus* est inter falsas eas accusationes & contumelias quas Servator in propria sua persona sustinuit, atq; illas quibus vera vivaq; illius membra, propter Spiritum Pharisaismi, qui semper in mundo dominatus est & etiamnum in eo dominatur, sunt obnoxia.

Primòque, de primâ accusatione quæ Servatori intendebatur, de *Blasphemia* scilicet; *Blasphemavit*, Matth. 26. Manifestum est, cùm natura *Pharisaica* demoliendi annihilandiq; in nobismetipsis omnia elata & ambitiosa proposita, omnem suiipsius-quæstionem, avaritiam & intemperantiam sibi gratiam fieri tantoperè discupiat, quòd de facili, (quòd hanc negligentiam compenset pacificetq; conscientiam ac gratiam ineat cum Deo,) præclaris sublimibûsq; subtilitatibus omni studio contexendis, stupendisq; Mysteriis è qualibet occasiuncula è Scripturis desumpta eruendis, naturæq; Dei ac Religionis diligenter adornandæ juxta ementititium naturalis Imaginationis nitorem humaniq; ingenii curiositatem, gnaviter datura sit operam. Unde fieri potest, cùm *Pharisei* hi traditionarii in maximo negotio habuerint omnes naturalium suorum ac irregeneratorum animorum nervos contendere ad magnificos aliquos conceptus (quemadmodum ipsi existiment) quos Deitati impertiant, investigandos, ut unus quispiam per Christum liberatus (qui veritas est quæ reverà nos liberos facit) non admittendo vel contradicendo sublimibus his Divinisq; ipsorum Inventionibus de Deo Christòve, quibus eum involverint vestierintve, (quanquam nihil aliud fecerint quàm quod *Jovis* vestimentis aureis *Dionysius* olim fecisse dicitur, aurea utiq; exuerint ut induant linolaneis; facile suspectus esse possit accusatusq; *blasphemia* ac injuriæ adversùs Deum, cùm tamen non sit nisi rejectio absurdarum Conclusionum temerariorum ac inconsideratorum hominum, vel quod pejus est, eorum profectò qui vel datâ operâ Deum Christumve sic vestierint, eóq; ornatu populo spectandum exhibuerint, qui ad fucatam suam Hypocrisin, lucrumq; ac utilitatem maximè faciat. E multis instantiis unam duntaxat in medium proferam. Ut torserunt sua ingenia Clerus *Romanus* excruciaruntq; in defendendo magno illo Transubstantiationis Mysterio, siquidem ordinarii ipsorum Sacrificuli majora habent potestatem edendi miracula quàm ipse Diabolus excogitare poterat, quibus Servatoris facultatem exploraret. Etenim quantilla res est lapidis in panem commutatio, si cum panis commutatione conferatur in Deum incarnatum? Et tamen Sacrificulus post verba pauca formalia Consecrationis prolata rem effecit, ut ut videatur prodigiosum? Et quicumq; nunc *panem* ausit *panem* appellare non autem *Deum Christumve*, qui fieri poterit ut non existimetur *blasphemare*? Veruntamen hæc blasphemia adversùs naturam Dei Christive non est, sed adversùs figmenta mendaciq; hominum, ac proinde non

magis blasphemia est quam panis Christus est, humane Imaginatio ipsa Essentia Divina. Lex igitur quam Christiani hoc in loco observare debent hæc est; Cum ea sit morum protervia, mundani commodi sensus, educationisq; stupor, qui aut inchoare possint falsos de Deo conceptus, eosdemve continuare, si quis forte se profiteretur ejusmodi res, quas quidam tam imperiosè ac peremptoriè ipsi credendas proponant, concipere non posse, eum statim non existimandum esse, Deum blasphemare, cum facile fieri possit ut dissensus sit tantummodo à fictitiis hominum opinionibus.

5. Secunda Accusatio adversus Servatorem erat, Quod facta illa miraculosa ac benigna quæ fecit, à potestate Satanae proficiscebantur non Dei. Nec difficile profecto mihi videtur aliquid huic consimile invenire in illis contumeliis quibus vera illius membra afficiantur per censuram temerariam ac Pharisaicam. Quod hoc quidem est; Vita nimirum bonorum sanctorumq; hominum eximia & exemplaris, ab illis qui tali vestitui externæ formæ Religionis ex certis quibusdam ceremoniis ac opinionibus constitutæ magis addicti sunt quam ipsius Religionis veritati ac Essentiæ, naturalibus sæpenumero corruptisq; Principiis imputatur; qualia sunt, inanis gloria, mundana existimatio, emolumentum Politicum & similia; Quod non inicitè illi Phariseorum declarationi respondet quod Christus Dæmonia ejecerit per Beelzebulem Principem Dæmoniorum. Ità moderni Pharisei de eis pronunciant qui de sua secta non sunt, quantumlibet sanctè inculpatèq; in hoc præsentī seculo vixerint, virtutem colentes ac devitantes vitium, quod hoc scilicet non sit ab ullo Divino in ipsis principio, sed ex spiritu superbiæ omnium vitiorum Principe.

6. Sic in tertio loco, Illi qui rigorem plus quam Judaicum in observatione Sabbati affectant (quanquam profecto nimis id sæpe fit ut conscientia ipsorum magis libera sint ad operandam iniquitatem per totam insequentem septimanam) hi tamen tantum sibi assument ut non minoris sanè criminis quam Prophanitatis eos insimulaverint qui eandem non observant mensuram aut Superstitionis aut Hypocriſeos cum seipsis.

7. Quartò, Neutralitas tepidæq; in Controversiis publicis indifferentia, quæ fieri potest quin valdè abominabilis videatur Phariseo formalive Professori? Etenim cum nullam aliam Religionem noverint præter eam quæ in certis quibusdam dispensabilibus ac non necessariis opinionibus & consuetudinibus consistat, quando illæ concutiuntur periclitanturque, is qui non extremo tunc se objecerit periculo tanquam si Deus ipse veraq; illius Religio in discrimen adduceretur, non potest quin existimetur homo admodum ignobilis ac detestabilis. Cum tamen interea frigide & indifferenter affici in rebus indifferentibus, si ad rectam rationis normam res expendere velimus, æquum justumq; debeat existimari.

8. Nec certè istuc adeò mirum est, si Tribum Pharisaicum audiamus de veris regeneratisq; Christianis tanquam injustis conquerentem; quandoquidem illi secundum externam aliquam agunt Regulam vel Traditionem, quæ ut improbis ipsorum indomitq; corruptionibus obviam iret erat constituta, (malo nodo malus cuneus) & quæ nihilominus ii astute perversèq; abutuntur ad injuriam sibi ipsis mutuo inferendam, iisve qui ipsis multò sunt meliores; veri autem Christiani secundum vivam Equitatis legem æternumq; Dei Amorem in cordibus ipsorum ebullientem agunt judicantque.

9. Sextò. Quantum ad Accusationem convitiandi ac maledicendi, certò vel sobrius benèq; moratus Christianus huic calumniæ facilè obnoxius esse potest. Etenim cum Phariseus per opinionem suæ aut formalis aut phantasticæ justitiæ magnificè se efferat, ubivis potiùs perfugium quærens quo sibi persuadeat se justum piumq; esse quam veram participando justitiam ac pietatem, agatq; propterea secundum illam naturam quam reverà habet, non secundum id quod seipsum esse fingit; fieri profecto non potest quin verus Christianus Divinâ Naturâ spiritusq; Justitiæ imbutus, dum minimè apud se aut convitari aut maledicere instituit, sed facillimâ maximèq; inafsectatâ verborum proprietate ligonem, ut diverbio dicitur, ligonem appellat, sicq; se gerit ut Adamus olim in statu Innocentiæ, qui nomina creaturis juxta suas naturas imposuit; fieri, inquam, non potest, cum Actiones eorum ac Personæ turpes fœdæq; sint, qui tamen se probitate nemini secundos existimant, quin quotiescunq; eis nominibus appellentur quæ veritatem omnino ipsorum naturæ expriment, statim nihilominus judicaturi sint de quælibet, convitiatorem ac maledicum.

10. Jam verò quantum ad zelum tumultuarium, equidem fateor Hypocriſin Pharisaicam rem esse adeò abominabilem ac provocatoriam in conspectu filiorum Dei, ut vix fieri possit quin teneros ipsorum vividèq; spiritus, non certè minùs quam

quàm naturalis flamma carnem nostram naturalem, urat pungátque, quod nemo nostrum tanta cum patientia sustinere possumus, quin proclives simus ad testificandum dolorem gestibus nostris, actionibus ac verbis: ut prateream, quòd in benigniori benèq; moderato zelo contra rem *Pharisaicam*, cùm omnia ibi adeò putreant adeòq; ulcerosa sint miserisq; obducta emplastris, vel levissima actio oppugnantia ve eos ante exclamare coget, quàm quoquo modo lædantur, quippe qui sibi ipsis conscii sunt quàm insinceri sint atq; sustinendo vel minimo momento rudioris contrectationis impares. Adeò ut remississimus oppugnationis vigor qui contra injustas ipsorum vias ac Hypocriticas seriò dirigatur, ab eis habitus erit pro zelo amarulento ac tumultuoso.

Octavò, Justi ac tempestivi *placūs ejulatúsq;* charissimorum servorum Dei consociorúmque membrorum Jesu Christi, quando natura nimium quantum rebus adversis sævissimè Tormentis opprimitur, *Impatientia* ac *Desperationis* symptomata non sunt temerè judicandi. Nam vocalis miseriarum sensus expressio vitium non est, siquidem hujusce sensus suppressio nec virtus aliquando esse potest, sed potius *superbia* symptoma vel *Spartanismi* affectatio.

11. Nunc verò loco nono, quantum ad illam *Insaniam* atq; Phrenesin quæ vero Christiano à superstitioso *Phariseo* perquam sæpe objicitur, hujus rei causa manifesta est ex utrorumque naturis, vel ex ipsa natura insanie. Nam quemadmodum stupiditas mentisve imbecillitas extinctio est rationis in intemperie *frigida*, ita insania est inordinatio, conturbatio & dissipatio Imaginationis ac Rationis in *calida* intemperie. Quamobrem, ubicunq; calor sensum excedit rationemq; illius qui loquitur agítve, tantum se ingerit *insanie* quantum est hujus caloris excessus. Cæterum quod sensum ac rationem spectat, cùm non apparere perinde sit atq; non esse, necessariò indè sequetur, qui multo cum zelo ac vigore res enunciant in se quidem admodum veras aliis verò valde incredibiles parùmve intelligibiles, quòd ab eisdem habiti erunt pro *Maniacis*. Atq; hinc factum est quòd *Festus Paulo* dixerit, *nimias literas cum ad insaniam adegisse*. Atq; hinc forsàn oriri possit dictum illud vulgare, *Nullum magnum ingenium sine admixtura insanie*. Partim ex eo quòd nullum magnum facile esse potest Ingenium, quin bonam mensuram *Caloris* naturalis Activitatísque Animi insuper habeat, & partim, vel potius præcipuè, quòd exercitium augmentumque harum ingenii dótum per subtiles rerum indagationes ejusmodi produxerunt Conclusiones tam paradoxas tamque vulgarium hominum conceptibus oppositas, & tamen tam evidenti ratione subnixas, prout ipsarum Inventores judicabant, ut pari eas ardore ac confidentiâ veras esse asserentes apud istiusmodi homines qui capaces non essent subtilitatis rationum quibus eas inferebant, non possent profectò quin sibi pro mercede existimationem acquirerent talium hominum, quorum cerebra aliquibus saltem granulis condirentur seminibusve insanie ac Phrenitidis. Et juxta hanc Analogiam jure merito dici potest, *nullus insignis Christianus, &c.* Quòd nullus est præstabilis Christianus qui non videbitur aliquam in se habere speciem vesaniæ, præsertim si formalis rigidusq; *Phariseus* judex sedeat. Cujus gestus & actiones semper quasi lignea aliqua externâ fabricâ coërcentur, puelli instar in sellula sua stataria; quippe cujus traditiones consuetæq; opiniones tam profundè in illius memoria exaratae sunt & insculptæ, quàm externæ primòq; aspectu obviæ rerum in Universo formæ specièsve crassioribus inscriptæ sulcis cerebelli Idiotæ. Et quemadmodum imperitus Rusticus cum vix mentis compotem esse suspicaretur qui confidenter eloqueretur quicquam quod crassiusculas illas lineas quas sensibiles hujus mundi species in ejus Imaginatione descripserint manifestò decussaret cancellaretve, ita proculdubio formalis *Phariseus* cum vesanum judicare non dubitaret, qui cum zelo ac confidentia ejusmodi res quæ nullo modo sui præjudicio laborantis animi præconceptionibus & præfigurationibus conformes essent, pronunciaret; maximè verò omnium si istiusmodi quarum nullum conceptum formare posset, utpote quæ non super eandem quidem Planitiem oppositæ essent, sed tam altè submotæ ut ejus apprehensio ad eas non posset pertinere. Certè quòd verum quodvis Christi membrum vehementius de hujusmodi rebus differeret eò furiosius insanire videretur, frigido prudentiq; *Phariseo* Judicis sedem capeffente.

12. Quantum ad tres ultimas calumnias quæ in Servatorem conjiciebantur, quibusque vera ipsius membra, si merè *formalis* Christiani sententiæ staretur, similiter forent obnoxia; *Luxuriam* intelligo *vitamque*; dissolutam, Profusionem ac Prodigalitatem & *Ambitionem* deniq; & *suiipsius-quæstionem*: breviter expediam universas. Et ad primam hæc generalis consideratio attinet; Quanto quisque in se infirmior est magisque tentationibus obnoxius; tanto est ad suspicandum proclivior, alios ibi pec-

care ubi occurrit quicquam quod humanas corruptiones possit prolicere aut irritare, ubi aliqua signa sunt effectus illius quod in aliquibus hominibus vitiosum est, quanquam illa ipsa signa effectus in seipsis nec bona sint nec mala. Hic Christianus *formalis* id consulens quod in ipso vivit agitque, suam internam utique corruptionem, de optimis hominibus ex suo ingenio judicat, concluditque quemadmodum ipse afficeretur, quodque ipse ageret patereturve in his vel illis circumstantiis, omnes in eisdem circumstantiis & conditionibus idem agere vel pati. Et eo plus profecto scandalum & offensionis hominum perfectissimorum maximèque purificatorum conversationi inesse potest, quod ipsorum invulnerabilitas & insensibilitas in mediis istiusmodi vanitatibus quibus alii moveantur, qui etiamnum vivi sunt peccato, eos redditura sit magis innocenter liberos, nec tam custoditè sibi caventes ab eis rebus quæ nihil in se habent realis malitiæ vel pravitatis.

13. Et quod *Prodigalitatem* spectat, obvium est concipere quod Avaritiæ Judicis partes obeunte, ipsi etiam *Frugalitati* nomen illud inuratur; quodque cum Avaritia tam mundum siccumque ac authenticum peccatum sit (utpote quod tam perfecte adversatur vesanis debacchationibus moribusque dissolutis perditum ac profusi Nepotis) vix inveniat *Phariseus* qui adeo imprudens erit ut tam utile vitium non retineat. Quamobrem *Phariseus* cum avarus sit, equidem verus Christianus, quem nobilis illa ac Divina natura juxta quam regeneratus est magis liberalem reddidit, necessariò ab ipso judicabitur prodigus & improvidus.

14. Postremo, quantum ad *Ambitionis* & *suiipsius-questionis* Inculpationem; non est certè Ambitio nec superbia quàm contentissimè possumus allaborare, ut in gloriosam illam ac Divinam Christi Imaginem renovemur, summòque opere ut ea in nobis perficiatur eniti. Nam in hac Imagine modo quidem eminentissimo continetur saluberrima illa ac pulcherrima Animi dispositio, inaffectata *Humilitas*. Etenim cum *Imago Christi* non adolescat in nobis nisi ex destructione & (si fieri possit) perfecta *annihilatione* effrenatæ nostræ ac indomitæ voluntatis, quæ semper avidè ac pertinaciter suam propriam quærit satisfactionem, & ubicunq; invenerit statim gloriatur, sibi que ipsi arrogat successum; necessariò inde consequitur, quod quanto perfectius vera *Imago Christi* in nobis recuperatur, tanto plenius liberemur ab omni superbia & arrogantia. Adeo ut quemadmodum superbæ status nequitiam esse potest sed celestis Dei halitus in Anima qui nos ad aspirandum ad tam sublimem perfectionis gradum propellat, ita nec gradus hic perfectionis postquam eum assequuti simus, ulla causa esse potest superbæ; siquidem humilitas de ipsa ejus essentia est. Est enim res atque contradictoria & repugnans atque, si dixeris, *superbos nos fieri evadendo humiles*.

15. Quod *suiipsius-questionem* spectat, equidem Accusatio ejusdem ingenii videtur cum illa Diaboli adversus *Jobum*, *Quasi verò gratis religiosus sit Jobus*. Homines sanè *Justitiæ spiritu* destituti & in virtutibus ac voluptatibus *Divinæ Prestantiæ* ac *Gratiæ* hospites planè ac peregrini, nihil imaginari illis possunt præter externos ipsius fructus, cujusmodi sunt Honor & Existimatio apud Homines, Præmiùmve futurum apud Deum. Quamobrem necesse est, cum *Phariseus Formalisve Christianus* nihil voluptatis ac dulcedinis in virtute ipsa ac sanctitate percipiat, si alios eisdem magnoperè addictos observaverit, ut eos statim judicet uti tantummodo hisce rebus ad alias res jucundiores acquirendas, laudem putà plausumque vel futurum aliquod post hanc vitam *præmiùm*, rebus verò ipsis quibus utantur minimè omnium *oblectari*. Cum tamen proculdubiò vivum Christi membrum ac reverà in Imaginem ejus regeneratum, non certè magis posset à placendo sibi desistere sibi que indulgendo sensum & conscientiam hujus *Divinæ vite* amabilis; illius fructus, omnes Actiones intelligo *sanctas* ac *decoras*, quàm naturalis homo à gaudiis sui corporis abstinere, etiam si noverit brevè fore quando corpus hoc nulla ipsi deinceps suppeditaturum sit Gaudia. Et tamen hic insuper adjicias oportet, Quod proximè accedit ad impossibilitatem, ut is qui adeo evalit *Divinus*, cor suum non habeat abunde repletum preciosa spe futuræ Immortalitatis & Gloriæ. *Vitam petiit à te & etatis longitudinem desiderasti perennem*.

Psal. 21.

16. Parallelismum jam perfeci inter contumelias in Servatorem conjectas easque quibus verissima ipsius membra obnoxia esse possunt. Quam operam malè collocatam minimè existimo, quippe quæ ad obturanda ora *carnalibus* rerum *estimantibus* tam commode inserviat, & ad animandos sinceriores Christianos nè ab imitando tam excellenti exemplo propter injurias ac contumelias hominum deterreantur, sed recognoscant propriam suam Innocentiam, Securitatem ac Libertatem dum in vera via incedunt, hoc est, in *Jesu Christo* Dei filio, qui se nos in libertatem vindicat, reverà
liberi

liberi evadimus, id est, liberi à propriarum nostrarum libidinum deceptionibus, & liberi à metu ac terrore imperiosorum ac supersticiosorum hominum, qui errores suos nobis pari importunitate & zelo obtrudere volunt, eosq; æquè indispensabiles facere ac ipsa infallibilia Dei oracula.

17. Atq; sanè tam ingens est, hoc Christi Exemplum, seriò Religioni operam dantibus privilegium, ut si ei contemplando, aeterno obtutu defixi inhæreremus, immensas illius utilitates mente vix possemus assequi, ut habeamus utiq; tam certum, tam Divinum, tam infallibilem qui nobis exemplo præcat contra omnes *Animalis vite* stupores, subdolæve ac serpentinæ *carnalis sapientie* sophismata, *vie ducem*, ut tam apertè cognoscamus quid *æterna Sapientia incarnata*, quid *ipse Dei Filius* à cœli nubibus sic declaratus, aut egerit aut acturus esset in datis circumstantiis; unde & quid nobis agendum sit, in ferendis injuriis & contumeliis, in honoribus mundanis contemnendis, in voluntatibus nostris cœlesti patri omni in re integro resignandis, in doloribus tolerandis, ipsaq; aded morte in Dei gloriam veritatisq; testimonium quantumvis acerbissima subeunda, si res tulerit, facillimo negotio colligamus; *Omni scilicet abjecto pondere decurrendum nobis esse constanter, propositum stadium, intuentibus in fidei ducem & perfectorem Jesum Christum, qui pro sibi proposito gaudio pertulit crucem, ignominia contempta, & ad dextram throni Dei consedit.* Ex qua re vel sola judicari potest certitudinis Historiæ Christi, cui suprà tantoperè insudavimus, quanti à piis sincerisq; animabus æstimanda sit, Demonstratio. Atq; hæc de *Exemplo Christi* dicta sunt. De quo postquam ea enarravimus, quæ maximè putavimus fore necessaria, pergemus jam ad illius *Passionem*, quæ est quinta *Potentia Evangelica*.

CAP. XV.

1. *Passio Christi quinta Potentia Evangelica, cujus virtus speciali modo notatur ab ipso Servatore.* 2. *Quod Serpens æneus in deserto Typus erat Propheticus Christi, quodq; morbos non per Artem, sed per Divinam virtutem curavit.* 3. *Quod Præparationes Telestematicæ superstitione sunt, manifestum esse ex eorum Collectionibus qui de ipsis scripserunt.* 4. *Particulatim ex Gaffarello & Gregorio.* 5. *Telestematicum effecta esse supra leges Nature.* 6. *Si qua sit vis naturalis in Telestematicis eam esse à similitudine; cum illius etiam rationis confutatione.* 7. *Ulterior rationis illius confutatio.* 8. *Quo sensu Serpens æneus Telestema esset, eumq; necessariò Typicum esse de Christo vaticinium.* 9. *Accurata perfectaq; in eo Christi præfiguratio.* 10. *Superbia impia ac protervitas eorum qui admirabili hoc invento Divinæ Providentiæ non tangantur.* 11. *Intoleranda eorum Blasphemia qui unigenito Dei filio convitiuntur ob ejulationem in horribili sua Agonia in cruce. Ubi speciatim detegitur Inamabilitas Familiæ Amoris.*

I. **E**T certè quinta hæc *Evangelica Potentia*, *Passio* utiq; Christi, tanti est momenti atq; efficacæ ut ipse Servator cum majori solito voluptate miranda illa Effecta quæ in mundo productura esset animo revolvissè videatur, Johan. 12. 32. *Et ego si à terra eveltus fuero, omnes ad me traham. Id autem dicebat significans quo letus moriturus esset, prout Textus testificatur.* Hoc verò ostendit quàm potens *machinamentum* ipse Servator ad trahendum ad se universum mundum, suam mortem fore putaret. Quæ Demonstratio est, quòd animus Christiani meditationi Mortis ac *Passionis* Christi multùm debet immorari. Cujus usus in altera Intimatione Servatoris, tametsi magis Typicâ, apparet; Analogia autem tam manifesta est ut neminem possit latere. Johan. 3. *Et quemadmodum Moses extulit serpentem in deserto, ità extolli oportet filium hominis, ut quisquis credit in eum non pereat sed vitam habeat æternam.* Hæc tam perfecta *Passionis* Servatoris nostri est representatio, ut nequeam profectò quin mihi ipsi dem vitio quòd eam inter alia vaticinia quæ ad probandam *Messie Passiōem* attuli, non enumeraverim.

2. Et adhuc verò apertius apparebit, quòd in præfigurationem Typicūve Christi vaticinium decernebatur, si consideremus, quòd *Moses* ex nulla naturali peritia ad hoc moveretur, quasi effigies hujus ænei Serpentis per ullam vim Artis Naturæve *Israëlitæ* ab ignitis Serpentibus morfos sanaret. Sed immediatum erat à Deo consilium,

Cap. 16. 6.

filium, per cuius potestatem supernaturalem cura perficiebatur. Quemadmodum & Author libri *Sapientiae* expressè notavit; *Quod is scilicet qui respiciebat ad σύμβολον σωτηρίας*, quemadmodum ille appellat, *ad signum salutis, non servabatur per rem visam sed per eum qui est servator omnium*. Nam præterquam quod totum Mysterium *Telestmatum* non est nisi superstitiosa ineptia, maximè affinis connexaq; absurdo prætextui istiusmodi mirabilium Influentialium quas veterum Paganorum ignorantia stellis attribueret, ipsa præterea materies huius serpentis ad hunc effectum incommoda erat atq; inidonea, quemadmodum Interpretes in ipsum locum observârunt. Ad quod addere possum nullum extare exemplum ullorum *Telestmatum* quæ observata sunt morbum ad hunc modum curare, solo scilicet aspectu. Eaq; quæ facta sunt adversus Scorpiones aliave perniciosâ Animalia fugâsse quidem eos è loco aut in ipso solo necâsse; verùm si quis morsus esset à venenosis his serpentibus, tactualem remedii applicationem adhibitam fuisse quò, qui læsus esset, curaretur.

3. Nec tamen hoc tantùm urgebo, quàm quòd totum negotium *Telestmaticarum* Præparationum sit superstitiosum, quòdque nullum per ullam naturalem virtutem vel Influentialiam sortiantur effectum. Hoc ipse mihi videor manifestò deprehendisse ex eorum *Collectionibus* qui videntur in exhibendis aspectui hominum hisce *Curiositatibus* sibi maximè placuisse. Ex *Gaffarelli* verò præ cæteris, qui magnâ sanè verborum copiâ, ratione verò nullâ nobis persuadere adnititur *Telestmatum* vim esse naturalem. Verùm nunquam usquam Gentium causam novi magis levibus laxisque, magisque frivolis rationibus defenfitam. Cæterùm ex proprio ipsius ore desumam quoeum convincam, idque ex his duabus rationibus. Primò, Ex eo quòd secundùm ejus conjecturas & narrationes erectio & præparatio horum *Telestmatum*, quemadmodum & nos contendimus, superstitiosa sit vel *Paganicè* Religiosa. Et tum dein, Quòd eorum effecta, si quando ulla habent, sint planè supra virtutem ullius causæ naturalis.

4. Quantum ad primum, ipse se ea esse in opinione profitetur, quòd primi Dii *Latinorum*, quos illi appellabant *Averruncos* sive *Deos Tutelares*, alii non erant quàm hæ *Telestmaticæ* Imagines. Ejusque ratio est, quòd quosdam è Diis hisce *Tutelaribus* sub certis quibusdam *Constellationibus* fecerint. Quòd quidem ego minimè mirum esse judico, cùm cælorum copiarum *Paganorum* numina essent, & *Telestmata* ac *Astrologia* utraq; perinde antiquæ Superstitionis Lacinia. Atque equidem *Apollonius Tyanens*, qui tanto studio ac labore totum terrarum orbem peragrabat ut Religionem *Paganicam* instauraret, præclaram habebat Facultatem (nisi Historici de ipso splendide mentiantur) consecrandi *Telestmata* contra *Ciconias*, *Culices*, *Fluviorum inundationes*, *Ventos*, ac *Tempestates* aliâsq; res noxias. Quam tamen nasutus ille Sophista *Philostratus* sciens prudensque; omisit in illius vitæ *Fabula*, ut qui valde erat sollicitus, quòd fartum tectum eum servaret ab omni suspitione rerum magicarum; quemadmodum quivis observare potest è multis *Philostrati* locis. Adeò ut utrâlibet viâ *naturalis Telestmatum* efficacia figmentum merum reperitur.

Cæterùm quòd eorum Formatio non nisi *Paganica Superstirio* sit, accuratiores illæ *Collectiones* ac Transcriptiones *Gregorii* ulterius manifestabunt, si quis eas perlegerit. Ibi enim observare potest, ut in urbibus ædificandis non solum *Astrologicas* Regulas consulebant, ut apta esset cælorum Configuratio, sed loci *Genio* præterea sacrificabant idque aliquando cum humano sanguine, figuramque; erigebant æneam in quam, quemadmodum illi putabant, *Tutelare* Civitatis numen *Telestmaticè* deferrebant. Quæ proinde Statua in aliquo tuto recessu vel in loco aliquo eminenti collocabatur. Verùm ubicunque; sita esset, ibi summam fati fortunæ rerum suarum contineri arbitrabantur. Hujus proculdubio generis erat *Trojanum Palladium*, cætiq; ac *claudi Davidi* adeò invisi, 2 Sam. 5. prout *Gregorius* ratione quidem solidâ, quantum ego video, conclusit.

5. Hoc sufficit ad innuendum ex quò *Principio* hæ *Telestmaticæ Ineptiæ* ortæ sint, cujuscunque; fuerint generis. Ipsorumque; *Effecta*, qualia commemorantur, istiusmodi planè sunt quæ cœlestibus Influentialibus imputari non possint, si Circumstantias rerum cautè circumspecteq; consideremus. Exempli causâ: Quæ cœlitus Influentialia derivari potest in Civitatem ex eo quòd primum lapidem vel unum aliquem lapidem sub tali cœli aspectu habeat collocatum? Quid hoc ad totam Civitatem quæ per multos menses, imò annos fortean postea est extruenda? Ut taceam quàm clarè suprà demonstraverim universam *Astrologiæ* Artem merum esse nugamentum. Adeò ut tota hæc Ceremonia nihil aliud sit quàm consecratio Civitatis, ejusque; tutelæ alicujus *Demonis* commendatio. Et tametsi figuram admitteremus *Telestmaticam*, putâ *Ciconia* vel *Scorpionis*, Scorpiones abigere posse & *Ciconias*, quomodo tamen potest

*Telestmatica*Lib. 7. cap. 15,
16, 17.

Telestmatæ hominis statua hominem abigere & Fortalitium Provinciæve inexpugnabilem conservare ab inimicorum incurfionibus? quemadmodum fecerunt argenteæ Statuæ in *Thraciæ Illyriæq;* confiniis conditæ, quas *Valerius* mandavit ut effoderentur auferrenturque, ex quo illæ Regiones paucis post diebus *Gothis Hunnisq;* inundabantur. Præterea res mira est, quod humanæ statuæ tale discrimen inter homines ponerent, ut ab horum quidem partibus starent, illis verò adversarentur, quando figuræ *Telestmatice* aliorum Animalium, sui generis omnia promiscuè fugant. Quæ quidem ejusmodi sunt quæ ex *Naturæ* legibus nullo pacto possint explicari.

6. Si quæ sit vis naturalis in hisce rebus, eam certè à *similitudine* oriri oportet; verum quàm ridiculum est cogitare hanc similitudinem quicquam commercii habere cum Astris? Etenim tàmetsi nomen ibi sit, putà, *Scorpionis*, nullus tamen ibi est *Scorpius*, nec ulla ejus Imago. Quod si vis aliqua *Antiscorpionia* in ista Constellatione esset, materies metallumve quod eam ullatenus recepturum est, reciperet eam in alia quavis figura æquè ac in figura *Scorpionis* & in aliquibus fortè commodis. Cæterum hæc *Influentia*, cum nihil aliud sit præterquam tenues quædam particulæ quæ *Scorpionis* ænei poros pervadant, æquè facillè potest exire atq; intrare, locumq; cedit proximè subsequenti *Influentiæ*, atq; sic eadem nunquam permanebit. Est igitur omnino *similitudo Scorpionis ænei* quam oportet *Scorpios* abigere. Cujus rei nemo quisquam, si vera esset, ullam rationem excogitare possit præter communitatem *spiritus Naturæ*, & Instantiam illam unius chordæ tremantis ad ictum alterius sibi unisonæ, sympathiæq; in personis propter rationem similitudinis & cognationis; ut in duobus illis fratribus Infantibus, per omnia oppido quàm sibi invicem similibus, *Rhogii* natis in *Gallia*, quorum unus si ægrotabat, contristabatur, somniculosus erat, alter statim eodem modo afficiebatur. Quæ maximè plausibiles sunt rationes quas *Gaffarellus* affert pro sua aded adamata conclusione. Si igitur *Scorpii* & *Culicis* à loco fugiebant ex positione figuræ *Culicis* vel *Scorpii*, ex ære putà vel alio aliquo metallo conflata, hanc ego rationem esse augurarer, quia *spiritus* scilicet *Naturæ* dum duriter dissonetq; afficitur in hujusmodi corpore quod perfectam talis alicujus animalis similitudinem gerit, potest aliquatenus durum absolumq; sensum in talibus etiam Animalibus excitare, quæ proinde in hujusmodi loco deprehendentia seipsa duriter ingratèq; affici, nunquam profectò committent ut satis longè se ab eo non contineant. Cæterum si hæc vera sit causa, hujusmodi *Telestmata* fieri possunt absq; omni respectu ad cœlestes Configurationes. Unde rursus omnes istæ *Astrologicæ Ceremoniæ* demonstrari possunt meræ nugæ esse ac naniæ.

Quin & hoc ipsum ego demonstrabo nugamentum esse nugacissimum, nullamq; omnino vim esse naturalem in *Telestmatibus*; quod ex ipsorum Historia evincam. Etenim *Gregorius* nobis narrat aut *Gaffarellus*, si pars aliqua *Telestmatibus* abrumpatur, effectum cessare, (quod quidem asserre potuissemus tanquam argumentum quod virtus *Telestmatibus* in ipsa figura omnino sita sit) Exemplum autem adducunt *Crocodili Telestmatici* cujus maxilla abrupta erat. *Crocodili* enim exinde statim redierunt. Quod mihi profectò indicium est effectum non esse à *spiritu Naturæ* sed à ludicris quibusdam & præstigiis *Dæmonibus* quibus cordi est humano Generi imponere. Nam si *Ani Telestmatici Phallusq;* in eas partes operantur, cur non & supradictus *Crocodilus* qui maxillâ mancus erat, operaretur in omnes partes *Crocodilorum* præterquam maxillas, quod certè satis cruciatûs esset ad eos à locorum finibus abigendos. Atq; ille *Phallus* cujus mentionem facit *Gregorius* (quem is rectè, ut opinor, inter *Telestmata* numerat) curabat cruciabátve *Atheniensium* pudenda, perinde ut illi nomen recipiebant cui consecrabatur. Unde conjecturam quivis capere potest de reliquis hoc genus nugamentis.

7. Rursus, Hæc *Telestmata* contra istiusmodi res fabricantur quæ nullam vitam sensumve in se habent, ut contra Ignem atq; Aquam. Quorum Insculpturæ nullas tales habere possunt Similitudines, quemadmodum cuivis patet, quibus *Spiritus Naturæ* ulli omnino operationi illigent, & tamen *Gaffarellus* venerabilem narrat Historiolam de *Telestmate* contra Ignem sub ponte *Parisiis* reperto. Quod certè si vim ullam naturalem haberet ad conservandam Civitatem ab immanioribus incendiis quæ ædes consumerent ac demolirentur, impedivisset etiam Incolas ab accendis candelis per Ignarium, digitisq; calefaciendis pruinoso mané. Curiosus tamen hic Philosophus videtur nihilominus dolere hujus *Telestmatibus* jacturam, quasi inde esset, prout ille ait, quod Civitas ab eo usq; tempore crebris incendiis sit exposita. Verum sint sculpturæ *Telestmatice* Ignis atq; Aquæ, eis rebus quàm simillimæ, aded ut eas sperare possimus aliquo modo *Spiritus Naturæ* affecturas, tamen cum nulla sit sagacitas nec sensus in fluvio putà *Lyco* quem *Apollonius* hac Arte cohibuit, nec in

Igni

Igni jam exiſtenti, (multoq; minùs in eo qui nondum exiſtit) quomodo ſe ſubducere poſſunt ab eis locis ubi *Teleſmata* reconduntur, cùm nullam habeant, ſicut Animalia, facultatem ſe movendi ſpontaneam?

Postremo ſunt ſanè *Teleſmata*, quæ nullam omnino habent ſimilitudinem cum eis rebus quas debent abarcere; ut ſtatua illa ænea Equi cum Sefſore *Conſtantiopolis* erecta adverſus contagium peſtilentiale; quæ, prout illi narrant, poſtquam erat deſtructa, Civitas præter ſolitus ſubjecta eſt Peſtilentiis dirisq; Mortalitatibus. Navis etiam illa ænea illuc *Teleſmaticè* conſecrata adverſus pericula tempeſtuoſi illius maris, nullam omnino habebat ſimilitudinem cum Aqua Ventôve, & tamen ejusmodi virtutis erat ut, poſtquam pars ejus erat abrupta atq; perdita, mare ſtatim ad priſtinum ſuum ingenium ac furorem redierit; verùm parte eâ poſtea repertâ, & ad reliquam navim agglutinatâ, mare continuò factum eſt tranquillum. Diverſebant igitur denuò experimenti faciendi cauſâ, Ventiq; cum eo ac mare ſubito turbidi erant ac tumultuabantur, aded ut Navis commodè appellei non poſſet ad portum; verùm Navi æneâ rursus ritè compactâ ac ferruminatâ Ventî Marèq; rursus miteſcebant ſilebântque.

Quamobrem ſi quis oculos ſuper totum argumentum abſq; omni præjudicio conjecerit, vix poteſt ſanè quin pronunciet eum qui ſibi perſuadere valeat virtutem *Teleſmatum* eſſe naturalem, eſſe quidem magis abſurdè credulum quàm vel ſimpliciſſimum *Superſtitioniſtarum*, qui unquam extiterunt.

8. Ex his quæ dicta ſunt ſatis conſtat, Serpentem æneum à *Moſe* in deſerto erectum, non fuiſſe *Teleſma* eo ſenſu quo *Gaffarellus* vocem vult intelligi, hoc eſt, non fuiſſe ſculpturam, ſtatuum, vel ſimilitudinem alicujus rei arte *Aſtrológica* fabricatam, cujus effecta, aut in malis futuris averruncandis aut in medendis præſentibus, omninò ſint à cauſarum naturalium concuſſu, (tameſi earum Applicatio ſit artificialis;) quarum præcipua ſit cœlorum Influentia & figura *Teleſmaticæ*. Maniſteſtum enim eſt nihil quicquam hujusmodi fieri poſſe. Verùm ſi intelligant per *Teleſma* talem figuram alicujus creaturæ ritu Religioſo in prædictos fines conſecratam, nihil impedit quòd minùs *Serpens æneus Teleſma* appellari poſſit, ſive à voce *Hebraica* סֶרְפֶּנֶס quæ ſignificat *imaginem*, ſeu à *Græca* *τύπωμα*, quæ conſecrationem denotat. Factus eſt enim ex præſcriptione Divina, abundèq; ad quod erigebatur, præſtitit effectum. Verùm ſanationes cùm ſupernaturales eſſent, cùmq; nec figura nec materia Serpentis quicquam ad ſanandos eos contribueret qui ab ignitis ſerpentibus morſi eſſent, maniſteſtum eſt quòd *Moſi* integrum fuiſſet aliâ quâvis figurâ *Teleſmaticâ* æquè ac *Serpentis* uti, (cùm nihil rei ipſi ſubeſſet quod ad eam ipſum invitaret) ſi Deus ipſe utiq; illum eò non moviſſet. Neq; imaginari poſſumus ullam aliam cauſam cur Divina Revelatio ei hanc formam ſuggereret præterquam quòd magnum aliquod ſuberat Myſterium. Aliquid igitur quod ſummopere ad Eccleſiam Dei ſpectat, in eo denotabatur; Et quod initio dicturus eram, remotis jam omnibus obſtaculis, rursus hîc reſumo, & fidenti voce pronuncio, Quòd maniſteſtum erat, quantumvis Typicum, de *Paſſione Meſſiæ* vaticinium, deq; illius uſu, idq; tam perſpicuum ut nulla verba eam accuratiùs nobis præfigurare potuiſſent. Analogia enim ac ſimilitudo exquisitiſſima eſt, modò oculos in totam rerum ſcenam conjicere velimus.

9. *Iſraélite* enim in deſerto quàm naturaliter repræſentant Chriſti Eccleſiam in mundo? Idemq; ab ignitis ſerpentibus morſi nos ipſos libidinum veneno infectos & vexatos, excruciatosq; conſcientiæ morſu, poſtquam peccatum intraverit in animas noſtras? Quid magis ad vivum repræſentare poterat *Servatorem in cruce pendentem* (qui cùm peccatum non noverit pro nobis tamen factum eſt peccatum) quàm hic *Serpens æneus* ligno tereti in caſtris *Iſraëlis* impoſitus? Qui quidem externam habebat figuram *igniti Serpentis*, verùm tantum à ſerpente aberat ut nihil commune cum ſerpente haberet præter *externam* ipſius formam, & ſanabat præterea omnes qui morſi eſſent à venenoliſ illis ac lethiferis ſerpentibus. Ità beatus Servator immunis peccati ipſe exiſtens, & tamen in externa peccati ſpecie maximè deformi quæ ipſi indui poterat, (utpote qui inter duos capitales malefactores paſſus eſt, quemadmodum de eo prædictum erat quòd cum ſcleratis reputandus eſſet) eſt certè in hac poſitura (ubi tam vivam peccati gerit Imaginem) univerſæ Dei Eccleſiæ, quoties ignitis peccati percellantur incitamenti mortiferiſve pungantur angoribus morſuq; Conſcientiæ, quæ exulcerata ſunt iſta vulnera, quæ peccatum relinquit in anima poſtquam ſemel ab ipſo morſa ſit; eſt, inquam, ad hunc modum in cruce pendens, ſi in ipſum cum oculo fidei reſpiciant, Remedium præcellentiſſimum, præſentiſſimūq; delenimentum dolorum ſuorum ac morborum quod cogitationibus hominum poteſt offerri; ejusmodi ſaltem hominum qui humili animo ſunt atq; ſincero.

10. Quantum

IO. Quantum verò ad eos, qui sui existimatione intumescunt, qui perversæ sunt rationis, & ingenii elati ac *Luciferiani*, qui subtilitatem opiniosi sui Acuminis curiosamq; arcanorum omnium inquisitionem tanto in pretio habent, majorisq; faciunt naturales sui animi dotes quàm Amicitiam illius qui amavit nos usq; ad mortem, hi profectò homines non sunt exuberantis dulcedinis illius benignitatis suavisq; condescensionis Divinæ Providentiæ in sua manifestatione Jesu Christi filiis hominum factâ idonei gustatores & æstimatores, uti nec præservidus *Enthusiastes* fatuarum suarum Revelationum, Divinarumq; (prout is eas opinatur) visitationum sensu repletus, tam intrepidus, tam inflexilis, tam perfectus (quemadmodum vana Imaginationis suæ blandimenta sibi persuadere volunt) ut nihil sanè præter Deum ac seipsum dignum suis cogitationibus judicet, nec omnino dubitet immediatim se præstare Omnipotentis Clientem absq; omni Medioximi interposito cujuscumque. Ad eam usq; duritiem tumoremq; cordis accrevit hic, sui opinione turgescens, *Enthusiastes*. Cæterum verus hujus Character is est qui apud Apostolum *Judam* occurrit, *Quod non sit utiq; nisi os loquens prætumida, inflatus, animalis, Spiritum non habens*. Et ejusdem ferè farina ii etiam sunt qui meditationem *Passionis* Christi omnino negligunt, quanquam tam insignem vim habet ad extinguendos suppressendosq; in ipsis omnes igneos motus peccati. Cæterum *blasphematores* suprâ quàm dici potest execrabiles sunt isti quorum superbia ac opiniositas fecit ut personæ Christi in altissimis suis angoribus in cruce convitiarentur, illudq; peccaminosæ alicui infirmitati & imperfectioni imputarent, quod non nisi congruum erat immensi ponderis perpeffionum illius effectum, qui totius mundi peccatum portavit quiq; factus est pro ipsis Piaculum apud Deum. Et tamen quia exclamavit in verbis illius Psalmi, qui valde graphicum est de *Perpeffionibus* illius vaticinium, *Deus mi, Deus mi, cur me dereliquisti?* jus sibi idcirco datum putavit fatuus ille *Fanaticus* ab *Amstelodamo*, suisq; Senioribus illuminatis gloriandi se perfectiores esse ipso Dei filio, cujus tamen certus adventus in mundum tam clarè demonstratur ex antiquis vaticiniis *veteris Testamenti*, tamq; manifestò confirmatur commemoratis miraculis *Novi*.

II. Atq; jam judicium omnium hominum appello si ipse *Satanas* quicquam potuit effutire malignum magis magisve contemptuosum adversus demerentes *Perpeffiones* semper beati Servatoris (qui ex charissimo suo affectu erga genus humanum horrendos illos mortis angores subibat, pèrque gravissimam vadabat Dei indignationem pro peccatoribus) quàm perdit hi homunciones, qui se mundo commendare volunt sub ementita specie Tituloq; Hypocritico *Familie Amoris*, cum tamen usum *Passionis* Christi antiquando ipsiq; Christo tam nefariè in cruce convitiando toti mundo demonstrent se nè minimum quidem habere sensum experientiæve tam Divini Mysterii, sed & improbos Apostatas esse à Deo qui purus ille est ac Divinus Amor, subversoresq; regni filii sui Jesu Christi: In quo nec elati hujusmodi *Enthusiastæ* nec ulli aridi asperiq; Ratiocinatores ac Disputatores unquam habituri sunt partem aut jus, usq; dum Giganteos hosce mores deposuerint factiq; sint (quemadmodum Servator Christus qui illa est infallibilis veritas, præscripsit) tanquam pueruli, talium enim solummodò est regnum cælorum, prout Princeps illius Regni declaravit. Hos igitur amplexatus est & benedixit, quando in vivis erat; his moribundus in cruce brachia extendit ut eos reciperet; his guttas sanguinis lacrymavit, ut illi vicissim lacrymas amore faucii effunderent. Pro his cæsus est flagellis, ut illi propriarum suarum libidinum malarumq; concupiscentiarum exorbitantias castigarent. Pro his pretiosum suum sanguinem profudit ut illi morerentur peccato & Justitiæ viverent per illam virtutem quæ Jesum Christum excitavit è mortuis. Hæc est crucis stultitia, scandalum sanè non solum Infidelibus, sed multis etiam eorum qui haberi volunt fervidi ac intelligentes Christiani.

Math. 19. 12.

C A P. XVI.

1. *Finem Perpeſſionum Chriſti non eſſe ſolummodo Conſcientiæ pacificationem ſed & extirpationem peccati, teſtimonio Scripturæ probatum.* 2. *Plura Teſtimonia eodẽm ſpectantia.* 3. *Inutilitas ac Jejunitas Allegoriæ Paſſionis Chriſti ſi conferatur cum Applicatione Hiſtoriæ.* 4. *Applicatio Perpeſſionum Chriſti contra Superbiam & Avaritiã;* 5. *Ut & contra Invidiam, Odium, Vindiãam, inanem Lætitiam, Angores Mortis & Amorem inhoneſtum.* 6. *Generalis Applicatio mortis Chriſti ad mortificationem omne genus peccati.* 7. *Celebrationis cœnæ Dominiç ſenſus atq; utilitas.*

1. **C**Æterum quod hic ſenſus ſit *Perpeſſionum* Chriſti, hoc eſt, quod nos debeamus in carne pati ac mortificare membra noſtra peccato obnoxia, præter id quod ipſe Servator inſinuavit comparando ſeipſum *Serpenti anco* in Deſerto, cujus aſpectus non *dolorem* ſolum ſedabat eorum qui morſi eſſent, ſed auferabat etiam *venenum* (unde tuto concludere poſſumus, quod intuitus Chriſti in cruce non ſolum *ſanationi ſtimulorum Conſcientiæ* poſt peccatum commiſſum inſervit, ſed & abolendo veneno & corruptioni Peccati nè quando in poſterum peccatum committamus) maniſeſtum eſt porro ex eo, quod ipſi Apoſtoli utilitatem urgent Chriſti crucifixi ad hos utroſq; fines ac propoſita. *Johannes* 1 Epist. cap. 2. *Filioli mei, hæc vobis ſcribo, ut non peccetis; Quid ſi quis peccaverit, Advocatum habemus apud Patrem Jeſum Chriſtum, juſtum, qui idem piaculum eſt peccatorum noſtrorum.* Hunc verò Crucis uſum, *Proſtitutionem* utiq; pacemq; Conſcientiæ, omnes ſibi arripiunt. Nobis incumbit magis ut producamus ejuſmodi loca quæ alterum uſum, *Mortificationem* utiq; peccatorum, oſtendant. Illud *S. Petri* 1 Epist. cap. 4. valde expreſſum eſt. *Igitur Chriſto pro vobis corpore ſupplicium paſſo, vos quoq; eadẽ mente armamini, ſiquidem qui corpore ſupplicium tulit is peccare deſit, nè deinceps ad hominum cupiditates ſed ad Dei voluntatem reliquum in corpore tempus vivat.* Satis enim eſt vobis præterito vitæ tempore extraneis morem geſſiſſe, verſantes in libidinibus, cupiditatibus, vinolentiis, comueſſationibus, potationibus, & nefariis ſimulachrorum culturis. Ad quem ſenſum aequè plenè loquitur cap. 2. v. 19. *Hoc enim gratiam emeretur ſi quis, quantum ſibi ſit Dei conſcius, dolores fert, patiens injuſtè.* Ad hoc enim vocati eſtis, ſiquidem Chriſtus quoq; pro nobis injuriam paſſus eſt, vobis præſcriptum relinquens ut ejus veſtigia ſubſequamini; qui peccatum nullum commiſit nec extitit in ejus ore dolus: qui conviviantibus convivia non regerebat, injuriam patiens non minabatur, ſed rem juſtè judicaturus committebat. Qui peccata noſtra ipſa ſuo corpore ſuſtulit in patibulum, ut peccatis deſuncti juſtitie vivamus: cujus vibice vobis eſtis ſanati. Eratis enim quaſi palantes Oves: ſed nunc ad Paſtorem & animarum veſtrorum curatorem converſiſtis. Quid maniſeſtius hoc ipſo confirmare poteſt uſum Crucis ad curandum abolendūve peccatum?

2. Sed & audiemus inſuper quid *S. Paulus* dicat, 2 Tim. c. 2. v. 11. *Certa res eſt, ſi ſimul mortui ſumus, ſimul etiam vivemus; ſi toleramus, etiam unà regnabimus; ſi negamus, ille quoq; negabit nos.* Equidem hoc certiffimum eſt tam de interna mortificatione quàm de afflictionibus externis. Mentiõq; ſit mortis Chriſti ad ſuſtentandos animos noſtros in utriſq; perferendis. Et *Philip.* 3. v. 10. *Ut Chriſtum cognoſcam & vim Reſurrexionis ipſius & communionem perpeſſionum ipſius, dum conformis ſio ipſius morti.* Ut quemadmodum Chriſtus ſcilicet in cruce mortuus eſt, ita ille per crucem mori poſſit mundo omnibꝫq; illius vanis cupiditatibus. Eõſq; qui aliter ambulant non poteſt quin crucis hoſtes pronunciet, utpote quorum Deus eſt venter, qui gloriam ſibi in ſua turpitudine collocant; quiq; terreſtria ſapiunt, v. 8. Et *Gal.* 6. 14. *A me verò abſit gloriari niſi in cruce Domini noſtri Jeſu Chriſti; per quem mundus mihi crucifixus eſt & ego mundo: hoc eſt, mundus mihi non eſt niſi mortuum ſpectaculum, ſiquidem affectus mei erga ipſum ſunt mortui.* Concludam cum præclaro illo loco *Rom.* 6. 3. *An ignoratis quicunq; ſumus Chriſti Jeſu nomine baptizati, ad ejus mortem eſſe baptizatos? Sumus ergo unà cum eo per baptiſmum ad mortem ſepulti: ut quemadmodum Chriſtus ex mortuis in paterna gloria reſurrexit, ſic & nos in vitæ novitate gradiamur.* Si enim ejus mortis ſimilitudine inſtituti facti ſumus, etiam Reſurrexionis erimus: illud ſcientes veterem noſtrum hominem

nem simul esse crucifixum ut peccati corpus aboleatur, nè nos ampliùs peccato serviamus. Etenim qui mortuus est, à peccato est liber.

3. Videtis ut vehementissimâ Apostolorum Exhortationes ad enecandas superandasq; libidines nostras acuuntur consolidanturq; opportunis recursitationibus ad *Crucifixionem* Servatoris. Quæ allusionēs si nihil ampliùs essent, quàm quod absurda illa ac perversa Secta, quam toties nominavi, eas significare volunt, (qui tanto studio universæ Christi *Historia* in meram *fabulam Allegoricam* à capite ad calcem convertendæ allaborant, tanquam si nihil esset præterquam fictitia rerum representatio in nobis moraliter transigendarum) argumentum profectò nullius planè esset momenti. Nam *mors Arietis Hirci* etiam multò aptiùs representandæ macerationi sensualium nostrarum cupiditatum inserviret quàm *mors Christi*, ut qui erat tam innocens persona. Cæterum vis Argumenti in hoc omnino consistit; Ut persona non solum tam immaculata atq; innocens, sed tam sancta sacræque, tam venerabilis ac Divina, filius Dei viventis, sic de cælo declaratus, evidentèrque prædictus per ora infallibilium Prophetarum, idq; ad tot seculorum distantiam, talisq; indubitato per propria sua miracula demonstratus, & per illud miraculum miraculorum, Resurrectionem ejus à mortuis, visibilèmq; Ascensionem in cælos in conspectu suorum Discipulorum, ut tam illustis ac Divina persona, ut hic Dei filius, per charissimum affectum atq; amorem erga Genus humanum se non solum paupertino ac despicabili vivendi modo committeret, sed nec cædi diffugeret nec flagellari mortiq; tandem tradi & dolorificæ & ignominiosæ, cum latronibus & malefactoribus, atq; id in eum duntaxat finem ut iram Dei sedaret coeliq; portas humano Generi huc illuc palanti longiùsq; indies à primæva sua felicitate aberranti aperiret; hoc profectò istiusmodi Argumentum est quod vel durissimum cor liquefaceret, tardissimūmq; ingenium ad promptam alacremq; perfunctionem illius officii quod tantopere ipsi incumbit, excitaret, nimirum ut obfirmatiùs si fieri possit apud se omnibus suis peccatis mundanisq; vanitatibus mori statueret, quàm Christus olim vitam suam deponere statuit, ut ab eis ipsum liberaret.

4. Ingens hæc mortis Christi *Potentia* tam invincibilem habet efficaciam apud eos qui meditationi ipsius seridè volunt immorari, ut nullum Peccati Fortalitium ei resistere potuerit, nec ullus sit malus ac inordinatus Affectus quem consideratio hujus *Passionis* non sedaverit, suppresserit, prorsusq; subjugaverit. Vel ipsa Circumstantiarum *Perpeffionum* ipsius enumeratio etiam ea ipsa vitia sordere faciet quibuscum maximam contraxerimus familiaritatem, tranquillabitq; omnes illas perturbationes animiq; inquietudines quibus adversissima vitæ Accidentia propriæ nostræ Infirmitas nos poterunt exponere. Nummorum amator es? Quin erubescis ò homo dum apud teipsum recolis, quòd *Avaritia* Servatorem tuum prodidit nummisq; vendidit triginta argenteis? Quive abstinere potes à communicando bona tua cum pauperibus, cum Christus tuâ gratiâ proprii sanguinis tam prodigus fuerit? Superbia turgescis? Quis fit ut non pudeat efferre teipsum, postquam unigenitus Dei filius formam assumpsit hominis, immò hominis conditionis infimæ, submisitq; seipsum factusq; est obediens usq; ad mortem, etiam ad ignominiosam mortem crucis, ut nos doceret *Humilitatem*, ut eadem in nobis mens esse posset quæ erat in ipso, ut loquitur Apostolus? Num neglectus incedis, despiciatui habitus, aut convitiis laceratus? Servatori tuo alapas impingebant, illudebant, sputumq; in faciem ejus expuebant. Tui Inferiores tibi præferuntur? *Barabbas* vir probior habitus est quàm *Jesus*. Num amici tui malè tibi servant fidem? Christus à *Juda* proditus est per osculum. Num de acquisitis decidis, vel ab expectatis excidis honoribus? *Jesus* nullam terrestrem Coronam gestabat, præterquam è spinis contextam, nec Sceptrum præter calamus, nec Chlamydem coccinam nisi quam injuriosi milites ei induissent ut ei genuflecterent & illuderent. Traducerisne per hominum ora tanquam is qui non rectè sentiat in Rebus Religionis? Servator tuus accusatus est blasphemix. Qui igitur motus vel perturbationes *superbie* inquietare poterunt animum tuum modò perpeffiones Servatoris in memoriam revocaveris?

5. Et quantum ad *Invidiam*, *Odium* & *Vindictam*, qui horum in te ferre potes vel levissimum tactum sensumve dum eum contemplaris qui ex amore propriam suam vitam pro nobis deposuit, etiam tum cùm inimici ejus eramus, immò pro eis ipsis hominibus qui eum crucifixerunt, Deum orans pro ipsis, *Pater, ignosce eis, nesciunt enim quid faciunt*? Et si in inanem letitiam facilè abriperis, quidnam meliùs sedare potest levem illam ac vertiginosam Intemperiem, quàm mœstitiæ illius recordatio cujus Anima undiquaq; tristis erat usq; ad mortem? Et si maximæ & penetrantissimæ afflictiones te adoriuntur, quid fortiùs poterit patientiam tuam munire

Philip. 2. 5.

1 Pet. 4. 1.

Luc. 23. 34.

Math. 26. 38.

quàm si cogitaveris de amaro illo poculo, cujus consideratio Servatorem in tantam Agoniam adegit, ut sudaret quasi grumos sanguinis descendentes in terram? Et postremò si Libido ac lascivia animam tentant tuam, maximè præsentaneum remedium est contemplatio moribundi tui Domini ac magistri; qui cum extensis suis brachiis in cruce rivalem se præsentat fortissimis tuis affectibus. Contemplare inclinatam Caput non coronatum quidem Rosis sed Spinis vulneratum. Aspice semiclausos oculos spiritibus olim lucidis repletos ac venustatos (quorum mites lenesq; motus perpetui erant benignitatis ejus ac commiserationis erga filios hominum interpretes) jam verò gravissimâ mortis nube obductos & oppressos. Exocularè frigida ac pallentia labia, extremumq; spiritum excipe, & dic quæso an non in eo hunc audiveris susurrum, Potèstne quicquam me intensius amare qui ex amore hanc dolorificam & ignominiosam mortem tuâ causâ sustineo?

6. Caterùm quod ineptæ huic lasciviæ Passioni tanquam proprium applicavi, æquè locum habet in quolibet alio inordinato affectu; meritòq; Servator quàm inhumane quàm; ingratè secum agitur exostulare potest & queri, quoties professi ipsius discipuli quamlibetq; libidinem mortificare recusent illius causâ qui ipsorum gratiâ ignominiosissimæ morti se tradidit. Ac proinde quicquid opiniosi elatiq; Farui imaginari possint de cruce Christi & meditatione super ipsius Crucifixionem, tanquam si res esset quæ infantes potius concederet in Christianitate quàm homines adultos, ego eam profectò confidenter pronuncio *magnam Dei Potentiam* ad Salutem: Et quamdiu quisquam peccatum in se inveniat eum huc recurrere debere, ut curetur, quemadmodum olim *Israélita* in Deserto, quoties mori essent ab ignitis serpentibus ad *Serpentem æneum* quem *Moses* in castris suis erexerat, debebant respicere. Atq; eos sanè qui hujus utilitatem non agnoscunt, equidem facillè suspicor *Israélitas* non esse, sed ipsam viperarum ac serpentum progeniem, quibus peccati venenum ita congener sit ut in naturam ipsis transierit ac oblectamentum, nè minimum quidem ipsis creans dolorem; unde nec ullam sibi querunt curationem, sed crucem fugiunt ut Scorpii locum ubi *Telesma* contra ipsos sit erectum.

7. Verùm Christus Servator vim *Passionis* suæ ac efficaciam tam probè intellexit ut præcepto speciali de crebra Commemoratione *illius* provideret, quòd eum par erat non nisi semel pati. Hanc vulgò appellamus *Eucharistiâ* sive sacram *Communione*. Quæ sanè solennitas est quæ nunquam, usquedum Servator in nubibus visibiliter redierit ad Judicium, sit antiquanda, prout *S. Paulus* innuit, *1 Cor. II. 26. Quotiescunq; enim editis panem hunc & poculum hoc bibitis, mortem Domini annunciatis usq; quò venerit.* Usus enim ejus solidus cessare antè non potest quàm omnia sint completa. Etenim quamdiu homines profectus facere in Pietate oportet, aut animare se invicem ad sacra aliqua Incepta, aut conflictari cum peccato, aut pro victoriis Crucis gratiarum actiones concelebrare, equidem impossibile est ut sancta Eucharistia cesset.

Nam maximè propria ad Sacramentum ritè recipiendum Præparatio, est seria de *Passione* Christi quæ in eo commemoratur meditatio. Cujus consideratio quàm ingentem vim ac efficaciam habeat ad devincenda perdomitandâq; omnia genera vitiorum ac corruptionum, satis jam indicavi. Aded ut *Communione* quæq; celebratio quasi repetita quædam animi destinatio esse debeat firmâq; in sanguine novi foederis conspiratio, omni opere adnitendi ad subvertendam potestatem Peccati, *Tenebrarum* ac *Diaboli*; idq; ex sensu magni illius Amoris ac Fidelitatis quam debemus charissimo nostro Servatori ac Principi Jesu Christo, qui mortuus est pro nobis, suumq; sanguinem ad astringendum agglutinandumq; nos sibi ipsi & nobismetipsis invicem effudit. Aded ut *Mysterium Religionis Christianæ* *Mysterium* sit profundissimæ charissimæq; Amicitia, maximèq; indissolubilis Unionis atq; Affectûs qui ullo pacto concipi potest. Ubi nec loci distantia nec temporis, ullam faciunt divisionem; sed cælum terramq; uno vinculo continet, adnectitq; præterita præsentibus, præsentiaq; actuat ac vegetat ad prosperam felicemq; maturationem futurorum. Sic se res habet apud omnes eos qui veri sunt Christiani, sanguinemq; Christi realiter participant. Unam illi habent mentem unumq; cor. Unum illi votum habent, quæ amplificatio est Regni Domini nostri Jesu Christi in Mundo per veritatem ac sanctimoniam, ut Pax Christiana, Fides atq; Amor florere possint usq; ad extremos fines terræ.

CAP. XVII.

1. *Sexta Potentia Evangelica quæ est Resurrectio & Ascensio Christi. Privilegium hujus demonstrationis Immortalitatis Animæ præ ea quæ est Ratione subtili ac Philosophia deducitur. 2. Magna vis quam hæc consideratio habet ad impellendos homines ad vitæ probitatem; 3. Avellendosq; à mundanis voluptatibus, etq; assuescendos quæ sunt æterna; 4. Et ad habendum suam Conversationem in cælis. 5. Conditiones æternæ Hereditatis. 6. Plures ad officium instigationes à consideratione Immortalitatis Animæ.*

1. *Sexta Potentia Evangelica est Resurrectionis & Ascensionis Christi contemplatio, propter quem stupendum Eventum Apostolus declaravit Christum esse qui mortem abolevit, & vitam in lucem produxit ac immortalitatem per Evangelium.* 2 Tim. 1. 10. *Etenim profectò quæcunq; traditiones fuerint apud Rabbinos Judæorum, quæcunq; disquisitiones conclusionesve apud Philosophos sive Platonicos seu Aristotelicos, de Animæ Immortalitate, erant certè aut in seipsis tam dubiæ ac fallaces, aut tam subtiles, & ad commune judicium popularémq; intelligentiam tam parùm accommodatæ, ut de re sanè tanti momenti mundo neutiquam possent satisfacere. Atq; equidem si quis de hoc argumento scriberet, quantumlibet accuratè ac Apodicticè, hujus tamen scripti utilitas non nisi ad paucos se extenderet, ad eos utiq; qui ingenio sunt patienti admodum & capaci, multoq; abundant otio, & perlegendis examinandisq; subtilibus hujusmodi pressisq; rationis contexturis magnopere oblectentur, quod plerisq; profectò hominibus ingentis esset laboris atq; tædii. Et postquam quis scripserit legeritq; quicquid potest de hoc Argumento, & vel in optimas maximèq; demonstrativas rationes inciderit, quantum tamen ad usum atq; accommodationem, Collectio sanè earum res voluminosa est ac onerosa æquè, ac Collectiones ab ipsis incertæ ac fallibiles; saltè eis qui perfecti Rationis suæ domini non sunt ac magistri. Verùm è contrà Resurrectio & Ascensio Servatoris, quemadmodum res certa est, quippe sic de facto esse per ingentem testium multitudinem comperta & confirmata, ità & ipsius Recordatio & Representatio animis nostris fit semel, fortiterq; ferit Imaginationem, Rationemq; nostram tam potenti convictione penetrat ut hoc credentes non possimus aut de Dei Existentia aut de propria nostra Immortalitate diutius dubitare. Et certè postquam semel satis persuasi simus de Existentia Dei statq; nostro immortali post hanc vitam, vel hoc solum, quantum ego quidem sentio, ad sustollendos nos sufficeret supra omnes illos laqueos quos nobis Satan in hoc mundo jacturus est quibus nos queat illaqueare.*

2. *Mortalitas sanè, si ritè à quopiam perpendatur, non potest quin aliquid impedimenti nimium avidis Honorum & Divitiarum prosecutionibus, mundanisq; omnibus Consiliis ac machinationibus, quemadmodum & (ob morborum mortisq; accelerandæ metum) profusiori indulgentiæ voluptatum corporis ac intemperantiæ injiciat. Cæterum futuræ vitæ certitudinem, cujus conditio talis futura est, qualis conversatio nostra in hoc statu semina jecerit, sive in felicitatum sive in miseriam, idq; ineffabiliter supra quàm quod contingit vel contingere potest in hac vita; hanc sanè considerationem tantam in se vim habere oportet, si ritè perpendatur, ut nobis summa cum alacritate omnes illicitas voluptates ac molimina hujus mundi transitorii relinquere persuadeat, ut jus aliquod acquiramus in futuro, nec omnia uni carinæ concedere, si quicquam omnino, fatiscienti nimirum vasculo hujus mortalis corporis, quod propè subinde abest ut aut subsidat aut subvertatur, atq; sic spes nostras omnes submergat quas in eo collocaverimus. Quamobrem quemadmodum à S. Petro accepimus, Debemus tanquam advenæ ac peregrini abstinere à carnis cupiditatibus quæ adversus animam militant, ut Animi nostri exeuntes impolluti ac puri à sordibus ac contagio hujus contaminatæ terræ in qua peregrinantur, in beatam Societatem recipi possint spirituum hominum iustorum consummatorum, ut loquitur Author ad Hebræos. Cum è contrà si polluti exeant & impuri, par omnino eorum futura sit & consimilis receptio. Siquidem tradendi sunt in potestatem deformium illorum incolarum Inferni, quorum aspectus & societatis vel ipsa cogitatio sufficere possit ad deterrendum quemlibet, qui ad Atheismum usq; non sit dementatus, ab assumilando seipsum per repetitos vitii ac improbitatis actus sordidis hisce ac foetidis Carcerionibus: Ut prætermittam supplicii dolorem qui & ad externos sensus fonteq; Conscientias inevitabili Dei vindicta in ipsos ingruente, pertinet.* 3. *Quam-*

2 Tim. 1. 10.

1 Pet. 2. 11.

Hebr. 12. 23.

3. *Quam-*

3. Quamobrem rationi omnino consentaneum est, ut *mundo hoc utamur, tanquam si ipso non uteremur*, utq; addicamus nosmetipsos ejusmodi voluptatibus quæ maximè propriæ sint statui futuro; Cujusmodi sunt deliciosissimi illi tactus sensûsq; *Divini Amoris*, purûsve ille ac *intellectualis affectus* quem S. Paulus appellat *Charitatem*: Quæ alieno bono oblectamur æquè, ac si nostrum esset: Quæ exultamus in *Divina Sapientia ac Bonitate* quæ è creaturis elucescit: Quæ amplificationem cupimus *Regni Christi* ardentius infinitò, quàm ullam privatam cuicunque sit utilitatem, fidelitèq; promovemus avidèq; expectamus lætam consummationem perfectionèq; magni *Mysterii Pietatis* in plenissima sua Periodo usq; ad finalem Triumphum in *Reccatum & Satanam*, perfectamq; Redemptionem Ecclesiæ Christi in gloriosam libertatem filiorum Dei.

Colof. 3. 1.

Math. 6. 19.

4. Hæ sunt legitimæ voluptates Animæ quæ consilium iniit de fruenda vita futura; Animæ, quæ surrexit cum Christo, ac proinde quæ superna sunt quærit, ubi Christus ad dextram Dei sedet. Et ex hac ipsa ratione Apostolus suam urget exhortationem, Colof. 3. *Mortificate igitur membra vestra terrestria, scortationem, impuritatem, mollitiem, cupiditatem malam, & avaritiam quæ est Idololatria.* Et Servator in Sermone suo in monte: *Nè congerite vobis opes in terris ubi & ærugo tineæq; corrumpunt & fures perfodiunt ac furantur. Sed vobis opes in cælo congerite ubi nec ærugo nec tineæ corrumpunt nec fures perfodiunt aut furantur. Nam ubi vestra erunt opes, ibidem erit & vester animus.* Atq; idcirco S. Paulus de seipso profitetur (& exhortatur alios ut eum imitentur) quod animus ejus totus occupetur in supernis, Philip. 3. 17. *Estote mei imitatores, fratres, & eos considerate qui ita se gerunt, ut nos exemplum habeatis. Nam nostra quidem obversatio, id est nostra quæ ipse* (Res nostræ municipales, nostræ maximi momenti negotiationes) *in cælis est, quæ de Civitate nos sumus, & de qua Servatorem expectamus Dominum Jesum Christum qui humile nostrum corpus sic transfigurabit, ut eandem cum ejus glorioso corpore formam habeat, pro ea vi quæ ipse sibi subicere potest omnia.*

Apo. 21. 27.

5. Et certè is qui per fidem semel hæc possedit, perquam mirum sanè mihi videtur, ut de re quapiam alia cogitaret. Quemadmodum nec *Captivus* abstinere se posset à voluptate cogitandi de statò Die suæ libertatis, vel *pauperculus* quis de hæreditate quæ post certos aliquot annos ad se sit descensura. Et si conditionalis esset, quemadmodum hæc Regni cælorum est, facilè concludere possumus quanti suâ interesset omni studio curare ut conditiones propositæ observentur, omnesq; nervos intendere ad qualitates ejusmodi acquirendas quæ faciant ut nè jus perdat fruendi illâ Fortunâ quæ aliter illi naturaliter in sortem esset cessura. Quæ verò necessariæ qualitates sint eorum qui æternæ illius Hæreditatis Hæredes sunt futuri, Scriptura manifestò declarat. *In civitatem sanctam non intrabit quicquam profanum.* Nulli possunt esse *Hæredes* hujus Regni præterquam *Dei filii*: Nec ulli *filius Dei* præterquam qui *Dei Spiritu aguntur*, Rom. 8. Et quinam fructus effectûsq; hujus domesticæ Ductoris sint, ipse Apostolus jam perspicuè enarravit, Galat. 5. *Fructus scilicet Spiritus esse Charitatem, Gaudium, Pacem, Lenitatem, Benignitatem, Bonitatem, Fidem, Mansuetudinem, Temperantiam.* Et qui *Christi sunt* (sub cujus solius Titulo nobis licet regni cælorum jus nobismetipsis vendicare) *carnem crucifixerunt cum affectibus & concupiscentiis.* Atq; rursus, Rom. 8. 13. *Nam si carnis arbitrio vixeritis, morituri estis; sin spiritu corporis actiones peremeritis, vivetis;* hoc est, vivetis vitam pacis, gaudii & justitiæ hîc in terris, & æternæ postea gloriæ in cælis.

6. Videtis igitur quàm vehementem vim habeat *futura Beatitudinis Meditatio* in verè credentem, quàmq; eum excitet ad allaborandum quàm enixissimè potest ut *Divina* fiat *Nature* particeps, & ad aspirandum ad debitam mensuram sanctitatis, sine qua necessariò expectatâ nostrâ felicitate excidemus. Quæ quidem consideratio non potest quin animum ejus ab enormibus voluptatum, utilitatum atq; honorum hujus mundi cupiditatibus abalienet. Quæ tametsi multas non haberent sibi intermixtas vexationes & amaritudines nec curam multam ac sollicitudinem, sed certæ pro hac vita essent ac integræ, cùm ipsa tamen vita incerta sit, & longissima ejus duratio non nisi instar insomniî cursorisve qui velociter præterit si cum nostra alibi futura commoratione conferatur, ausim equidem proprio cujusvis hominis *mundani* computo relinquere, quàm miserum pepigerit pactum, perdendo quod futurum est pro hisce temporariis fruitionibus; multò certè pejus quàm is qui suum *jus primogeniti* unico rufo edulio vendidit. Cæterum nolo in argumento tam facili ac perspicuo longius expatiari. Omnis certè sapientia, omnis eloquentia humana eum movere non potest quem satis nota illa sed admodum ponderosa Servatoris verba non

non moverint, *Quid verò proderit homini si vel totum mundum lucratus fuerit, & animæ suæ jacturam faciat? Aut quam dabit homo animæ suæ compensationem.* Marc. 8. 36.

CAP. XVIII.

1. Dies Judicii septima & ultima Potentia Evangelica, digna quam Regenerati æquè ac Irregenerati animis suis recolant. 2. Illius Diei incertitudo, quodq; impios inopinantes opprimet. 3. Qui oblatam hîc gratiam obstinatè rejiciunt, in nihilo meliori conditione fore post mortem quàm sint ipsi Diaboli. 4. Funestissimi Crepusculi vespertini terribilis illius Diei Domini Descriptio. 5. Matutinæ ejus Apparentiæ terror hominibus improbis. 6. Ulterior ejus Descriptio. 7. Translatio Ecclesiæ Christi ad æthereas suas mansiones, cum brevi Descriptione cœlestis eorum Beatitudinis.

1. **V**enimus jam ad septimam & ultimam Evangelicam Potentiam, quæ consideratio est tremenda illius solennitatis Diei Judicii; Cujus vel ipsa mentio ex ore Pauli Felicem Prætozem fecit contremiscere. Atq; equidem fateor tam durum esse telum, ut magis idoneum videatur ad contundenda obdurata Infidelium corda & Irregeneratorum quæ ferro incrustata sunt atq; silice, quàm ad molitiones ulas adversus verè Regeneratos, ac sincerè credentes. Nam illæ alteræ Potentiæ Evangelicæ magis accommodatæ sunt ac abunde sufficientes ad faciendum ut ii cum alacritate & constantia in divinis semitis incedant. Verùm est & in hoc Die Judicii Objectum vel maximè seriis ipsorum cogitationibus haud sanè indignum; Quæ perfectio est & consummatio Redemptionis Piorum. *Omnes quidem non obdormiemus sed omnes mutabimur, idq; in melius.* Quicquid enim mortale est immortalitatem tunc induet, nulliq; Sanctorum viliori veste circumvestientur quàm corpore cœlestis seu æthereæ consistentiæ. Hæc est incorruptibilis illa Corona Gloriæ, Vitæ, ac Justitiæ cujus Apostoli mentionem faciunt sanctusq; Paulus expressè declarat sibi reservatam esse in eum Diem, in Diem scilicet Judicii. *Quod superest, reposita est mihi Justitiæ corona quam reddet mihi Dominus in illo Die, justus ille Judex; non solùm autem mihi, sed & omnibus qui illustrem illum ipsius adventum expetiverint; hoc est, quorum affectus & conscientiæ adedò sinceri sunt ut nihil longius ipsis sit quàm ut consummatam perfectamq; Ecclesiæ felicitatem videant; tantumq; absunt à timore, ut corda eorum exultarent præ gaudio dum clangorem tubæ audiant cœlùmq; cernant propter cœlestes ipsius copias per universum aërem diffusas, resplendescere.* 1 Cor. 15. 51.

2. Hæc igitur meditatio cum ad *Inconversos* juxta pertineat atq; *Conversos*, perperam sanè à nobis fuisset omissa. Et ut meliorem habere possit effectum, nostri sanè officii est ea suggerere, quæ aut diruere valeant aut prævertere ejusmodi falsa fatuavæ munimenta quæ mens humana contra ipsam extruere possit, quò fortes illius impetus in animam conscientiamq; eludat. Atq; hæc duo præcipua sunt. Unum, *longum illud hinc temporis intervallum ad Diem illum*, quod terrorem illius admodum diminuit, sicut ea visus objecta minora videntur quæ longius ab oculis removen-
tur. Alterum est, *spes quadam quod intra tam longum temporis spacium data erit penitendi convertendiq; opportunitas, quamvis totam hîc suo arbitrio vitam insti-
tuant.* Possunt enim seipsos præparare in illum Diem vitâ illâ alterâ quæ est futura.
• Verùm ad primum respondeo, quòd hujus Diei appropinquo valde incerta est (propter obscuritatem vaticiniorum ipsarumq; adedò eorum completionum) atq; sic relinquitur ad præsens bonorum exercitium & perpetuam vexationem impiorum tam in hoc rerum statu quàm in futuro. Adventus igitur ejus subitus erit, ad morem Cometæ Stellæve crinitæ, quam nemo prædicere poterat quando primùm esset apparitura, sed terribior multò longeq; minacior, mortem quidem huic vel illi Principi, hujusve vel illius Reipublicæ mutationem non minitans, verùm communem cladem subversionemq; omnium Regnorum ac Rerumpublicarum ipsiusq; Terræ concremationem cum ejus operibus Incolisq; per ignem inextinguibilem. Et certè illud malum quod quis non novit quin Die crastino incepturum sit, si rectè consideretur, non potest videri longè distans sed propinquum esse, statimq; nos oppressurum.

3. Ad alterum respondeo, Qui repudiat scilicet gratiam oblatam, oblatasq; oportunitates

2 Pet. 2. 10,
14, 17.

portunitates quibus probus sanctusq; evadat in hac vita, nullum majus habiturum esse privilegium in altera quàm ipsi habent Diaboli, qui, quemadmodum S. Judas nobis expresse enarrat, in æternis vinculis sub caligine magni illius Diei Judicio reservantur, quiq; inevitabiliter tunc fatum subibunt Sodomæ ac Gomorrhæ, quæ sempiterno igni pœnas luentes ad exemplum jacent. Quales verò homines hi sint, Judas & Petrus admodum graphicè describunt; tales utiq; qui se totos exuissent omni Obligatione ad veram Sanctitatem ac Justitiam, impuræq; essent ac sordidæ Conversationis; Fædi somniiatores qui carnem quidem pollunt, Dominatum verò rejiciunt, convitiisq; incessunt Dignitates, Balaami sectatores deceptione mercedis veritatem pervertentes; labes in Christianorum conviviiis, irreligiøsè conviventes, & absq; omni metu seipfos pascentes, nubes aquâ carentes ventis circumactæ, arbores emarcidæ, infrugifera, bis emortuæ, eradicatæ, undæ maris efferatæ, despumantes sua ipsorum dedecora, stellæ erraticæ, quibus caligo tenebrarum in æternum est servata. De quibus nihilo plus spei superest quàm de Lucifero & execrabilibus suis sociis. Sanctusq; Petrus de ipsis eandem planè sententiam pronunciat, nam iidem prorsus sunt homunciones; Spiritus utiq; confidentes & audaces, arrogantes & nimium quantum sibi placentes, despicientes Dominatum, Dignitatẽq; convitiis incessentes. Qui prætumida vandq; loquentes inescant libidinosi corporis cupiditatibus eos qui propemodum eos effugerant qui in errore versantur. Comestatores diurni, oculos habentes plenos adulterii, & qui à peccando cessare nesciant, nec abstinere ab eam aliis commendando libertatem; verum instabiles animas decipiunt, cor habentes ad avaritiam exercitatum, fontes aquâ carentes, nebula à turbine agitatæ, quibus tenebrarum caligo sempiterna reservatur. Nam cum Diaboli deturbantur in Infernum, traditque, sicut ipsi, in tartarearum tenebrarum catenas, in Diem Judicii custodiuntur, 2 Pet. 2. Aded ut nihil melius sperandum sit de hujusmodi impœnitentibus peccatoribus post hanc vitam qui suas vastârunt conscientias obstinatẽq; neglexerint aut restiterint convictionibus multifariis, clarisq; illuminationibus, atq; oblationibus crebris gratiæ & assistentiæ per dispensationem Evangelii, quàm de antiquis istis Apostatis, impiis illis spiritibus qui captivi custodiuntur in Inferno ad tremendum illum ac terribilem Diem Domini.

Sophon. 1. 15.

Sapient. 5. 17.

4. Ad diem illum Domini in quo omnis caro infidelis contremiscet, omnisq; facies nigrorem contrahet. Hæc enim reverà invenietur *sevitie Dies, angustie angorisq; Dies, calamitatis ac miseriæ Dies, tenebrarum & caliginis Dies, nubilosa nebulosq; Dies, tubæ clangorisq; Dies adversum munias urbes adversumq; pinna altæ non Judæ solùm sed adversum omnes Nationes Terræ.* Nam ipse Dominus descendet de cœlo ut sibi vindictamumat de inimicis suis. *Sumet armaturam suæ vehementiæ, & rerum naturam armabit in hostium ultionem. Sumet inexpugnabilem sanctitatis clypeum & severam iram acuet in ensẽ, ipseq; aded mundus unâ cum eo dementes oppugnavit. Ferentur collimantia jacula fulgurum, & tanquam ex ritè curvato rubrum arcu in scopum desilient, ac ex lapidante furore grandines plenæ jacentur: Saviet in eos aqua maris, calidiq; amnes inundabunt eos submergentque. Difflabuntur ventis ignitis, rapidisq; turbinibus defatigabuntur, nec pacem ullam invenient nec solatium in æternum.* Lunæ ac Stellæ lucem suam subducent, ipseq; aded Sol in sanguinem convertetur. Nihil enim præter caligines, nebulas ac fœtores, nihil præter vapores sulphureos, ætus suffocantes, nubes piceas horrendo tonitru ac fulgure onustas, immensos terræ motus & innumeras subterranearum flammarum eruptiones, vulcanos crepitantes, fumantes montes, alta tortuosq; ignium flumina ac volumina ab ardentibus sylvis nemoribûsq; consurgentia, sonoras ejulationes miserisq; ululatus perterritorum hominum ac brutorum, apparitiones tetricas ac truculentas, profundos horridosq; excruciatarum animarum gemitus, nihil præter hujusmodi calamitosa Objecta, postquam semel finalis vindicta impiorum turbam oppresserit, Terræ Aërisq; scenam explebunt.

5. Hujusmodi est funestum illud *Crepusculum vespertinum* terribilis Diei Domini; Aspectusq; ejus *Matutinus* non multò lætior erit aut *profano homini* aut *Hypocrite*. Spes enim Hypocritæ non potest quin eum fallat, corq; ipsius ad instar lapidis subfidat, dum justum videt Judicem, qui cor perscrutatur atq; renes, venientem in nubibus cœli ad vindictam sumendam de improbis, & ad bonos ab imminente fato, quod tellurem manet, liberandos. Atq; equidem superbus dicaculusq; Epicureus, qui Religionem irridebat tanquam Imbecillitatis quandam speciem & Fatuitatis, impudenteq; negabat Deum existere ullamve esse Providentiam, tunc sanè summo cum suo dedecore ac confusione propriam suam agnoscet Philosophiam, quam tam egregium ingenii specimẽ putaverat, infelicissimam in quam incidere potuisset stultitiam esse

ac

ac dementiam. Confutabitur enim etiam ad externos suos sensus quando ipsum Christum videbit adventantem, omnibus suis cœlestibus copiis comitatum, quando Turbæ clangorem audiet, spectabitq; continuò totum aërem rutilantibus Sanctorum Angelorumq; Legionibus repletum. *Clangetur enim*, inquit Apostolus, *atq; tunc ii qui jam ex hac vita exceſſerunt*, apparebunt statim in cœlesti sua armaturâ in corporibus suis glorificatis. Neq; enim ii qui in vivis sunt, eos prævenient qui sunt mortui, sed potius è contrâ. Nam eos qui obdormierint in *Jesu* Deus adducet secum, armabitq; eos splendidâ armaturâ vitæ ac Immortalitatis, quò pars fiant gloriosi illius exercitus Angelici cum quo summus noster Princeps ac Servator *Jesus Christus* Tellurem paulisper aspectabit in consternationem maximam ac terrorem Turbæ Impiorum.

6. E quibus per Ministerium Angelicarum cohortum Sanctos suos colliget, qui vivi in carne inveniantur, ab omnibus partibus terræ, ut Angeli olim *Lotum* eripiebant è *Sodomâ* quando Civitas destruenda erat igni ac sulphure de cœlo; Quî Typus erat proculdubio hujus *Judicii finalis*. Et certè sive per celerem fiat descensum cursum igneorum *Eliano* consimilium, qui tutò sic subvectus est in cœlos, & mille circiter annis post cum Servatore in monte versatus est, seu clarè nitentes nubes aurigarum suorum cœlestium gloriâ ac splendore rutilantes supponantur ipsis tanquam scabellâ quibus conscendant (neq; enim periculum est nè corporum pondus pertumperet, terrâ tunc carnèq; tam subitò in purum ætherem mutatis) seu quæcunq; alia pompa & solennitas esse possit in ipsorum transportatione à reliquis Mundi Incolis ad gloriosum illum cœtum qui omnium hominum oculos in cœlos aspectantium perstricturus est & consternaturus; hæc visibilis bonorum selectio ac secretio à malis, improborum corda necessariò impletura est terrore ac horrore ineffabili.

Idq; partim propter prodigiosa Accidentia inexpectata hujus visitationis supernaturalis quæ ipsos propter infidelitatem suam adedò inopinantes oppresserit, & partim ex tristi rerum futurarum præſagio, horrida nimirum illius funestæq; Tempestatis quàm modò descripsimus, noctis utiq; perpetuæ tonitruum & fulgurum & terræmotuum, rugituum & ululatum, omnigenæq; confusionis & destructionis in æternum.

7. Quæ dira vindicta postquam execrabilem illam turbam derelictam à Deo, rabi-
dæq; irritatorum Elementorum sævitæ traditam invaserit, victoriosa Christi Ecclesia cum reliquis Angelicis copiis recedent, in æthereas Regiones perquam pulchro ordine ascendentes amabiliq; apparatu; & resonantem ætherem, dum incedunt, canticis Gaudii & Jubilationis replentes. Etenim hic maximæ est solennitatis Dies Festumq; splendidissimùm quod celebrari potest in cœlis; quorum Incolæ si unius peccatoris conversione latentur, quæ gaudia, quas ovationes eos agere oportet in completa totius Ecclesiæ Redemptione? Ubi *Jesus Christus* salutis nostræ Princeps qui *Heb. 7. 25.*
ad plenum servare novit, perfectè nos redimit, corpus pariter atq; animam, captivamq; Captivitatem ducens, nòsq; ex potestate asserens *Inferni, Mortis* ac *Diaboli*, in propriam nostram patriam restituit, rursusq; nobis confirmat antiqua illa filiorum Dei Privilegia, concives nos constituens cum puris & impollutis Angelis, plenòsq; participatores omnium Jurum atq; Immunitatum ejus Regni cœlestis; etiam illius Regni ubi Ordo est & Regimen sine Invidia & Oppressionem, & sine omni Superstitione Religio. Ubi est pulchritudo sine labe, amor sine libidine, dulcedo sine satietate. Ubi splendor est externus sine superbia, concentus musici sine asperitate & discrepantia, amicitia sine omni sordido proposito, sapientia sine rugis, & ingeniositas sine inani gloria. Ubi est beneficentia sine omni malo dolo, activitas sine lassitudine, sanitas sine morbo, & voluptas sine dolore. Et deniq; ubi visio est Dei, societas Christi, Angelorum familiaritas & communio Sanctorum; ubi est Amor & Gaudium & Pax & Vita sempiterna.

Ex cujus ineffabilis felicitatis consideratione quæ Conclusio magis genuina inferri potest quàm ea quam *S. Paulus* super eodem argumento jam intulit, *Itaq; fratres mei dilecti, firmi estote, immoti, abundantes in opere Domini semper, quum solatis laborem vestrum non esse inanem in Domino.* *1 Cor. 15. 58.*

C A P. XIX.

1. Quod nulla potest esse Religio quæ majorem vim habeat ad promovendam Divinam illam Vitam quam Christianitas. 2. Externus Divinae vitae Triumphus quam bene firmatus, quamque plenè celebratus. 3. Religiosus orbis Christiani splendor. 4. Spiritus Religionis Ceremoniarum onere suffocatus. 5. Voluptas quam fideles devotique servi Jesu Christi à Divino honore Personæ ipsius etiam ab improbis præstito percipiunt.

1. Satis jam conspectui vestro naturam usumque hujus septifarii *Machinamenti*, h. e. septem *Potentiarum Evangelicarum* exposuimus, quam validæ sint ad diruendum quodlibet peccati munimentum, & ad divinam in nobis vitam spiritumque Justitiæ extruendum. Quod verò tam parùm in orbe Christiano hætenus præstiterint, eam sanè disquisitionem in debitum suum locum tempusque differam. Interea loci universum Mundum appello an ulla excogitari possit Religio quæ magis idonea sit ad hoc propositum quam sit Religio Christiana.

2. Quantum verò ad externos *Divinae vite* Triumphos respectu personæ Christi, Religionis nostræ usus hac in re demonstrabilis est non solum ab ipsius natura sed etiam à diutinis constantibusque effectis quæ hætenus obtinuit in orbe Christiano. Nam quantum ad Religionis nostræ naturam, plenum sanè nobis constituit jus exhibendi *Divinum* Christo honorem, summum quem exprimere possumus; cum tam perspicuè in ea declaratus sit *verum Dei filius* non solum per multa de cælis testimonia, sed etiam per modum supernaturalem ipsius generationis in utero virginis per innumbrationem Spiritus sancti, per unionem mysticam cum *eterno verbo*, per miraculosam Resurrectionem è mortuis, per visibilem Ascensionem in cælos, & à dextra nunc Patris sessionem. Hoc satis securitatis nobis præstat omnem faciendi *Divinum honorem* beato Servatori tanquam unigenito Dei filio. Et certè Ecclesia, nequid justæ illius laudi detrudere videar, hac in re minimè parca fuit, cum ipsa Religionis nostræ constitutio ad hoc propositum tam efficaciter conduceret. Etenim in tam *Divina Persona* quam esset Christus (qui verus utique erat Dei filius, & tamen ad tam horridam mortem humani Generis causâ se demisit) qui potuit Gens humana adeò devincta, in exhibendis ipsi omnigenis amoris sui ac devotionis Testimoniis modum sibi imponere?

3. Innumeras itaque crexerunt Templorum, Sacellorum aliorumque religionum ædificiorum structuras magnificas illiusque nomini consecraverunt, Sacerdotum Christianum amplissimis Reditibus ac Dignitatibus donaverunt, Instrumenta musica in Ecclesiis crexerunt, Hymnosque Divinos in honorem Servatoris cantaverunt; Ornâverunt Tempa, Passionem ejus cum ineffabili affectu ac reverentia celebrârunt, Festa instituerunt, omnemque tempus locumque tantâ ornamentorum varietate repleverunt, ut maxima pars splendoris pompæque Orbis Christiani Religionis gratiâ facta videretur. Quod certè spectaculum futurum fuisset pulchrum admodum & amabile, nisi quoddam *Superstitio, Hypocrisis & Tyrannis Ecclesiastica* per eandem fenestram in Dei Templum irrepsit.

4. Verum externus hic cultus ejusque Ceremoniæ, res quidem, quæ à malis æquè ac à bonis præstari possunt, & à merè *Naturali* perinde homine atque à *Regenerato*, hæ sanè enormiter crescebant & ad instar noxiarum herbarum luxuriantium Tripticum suffocabant; vel, quod in plenis contingit nimiumque pinguefactis corporibus, (in quibus naturalis calor atque activitas multum diminuitur) Rituum visibilium ingens onus atque moles vitam spiritumque Religionis extinguabant.

5. Ceterum utcumque exterior hic honor Servatori præstitus continuavit, & magna ex parte etiamnum per totum Christianum Orbem continuat, quanquam ipsius significationes ubique non sunt perinde splendide atque urbanæ. Quæ Divini honoris ipsi præstiti continuatio non potest quin fidelibus suis devotisque servis plurimum gratificetur, ut qui profundum sensum habent dedecorosarum perpeffionum quas Dominus suus ac Magister ex charissimo erga ipsos affectu sustinuit, naturaliterque proinde Tributo hæc Divina Adorationis latantur tam sanctæ sacræque personæ ab Homnibus collato, cum tam congrua pars sit præmii Humiliationis illius ac Ignominie. Nec mediocrem sanè porro percipiunt voluptatem, ex eo quoddam Divina Providentia de veris etiam Christi membris (quorum mores animique sensa mundanis moribus ac rudimentis adeò sunt opposita, Personæque tam invise aut

aut contemptibiles) ita rem ordinaverit ut mundus tamen submississimis prostrationibus id in Christo adorare cogatur, quod in suis membris despiciatis aded proterit proculcatque.

Verum huic Argumento diutius non immorabor, cum satis copiose alibi de eo sim locutus. Demonstravimus jam *utilitatem Mysterii Pietatis* quantum ad rationes omnes *Sacras ac Religiosas*. Quantum ad res hujus præsentis vitæ valeat, verbo absolvam, partemq; *Tractatus* quartam sic concludam.

CAP. XX.

1. Utilitas Christianitatis ad bonum hujus vitæ per Servatorem sanctumq; Paulum testificata. 2. Eiusdem ab ipsa rei natura probatio. 3. Objectiones contra Christianitatem quod ad res politicas minus sit idonea. 4. Concessio, primariam Evangelii intentionem non esse Regimen Politicum, cum illius concessionis usu. 5. Nihil esse in Christianitate quod Regnis ac Rebus publicis non magnopere prosit. 6. Eas ipsas res, quas Christianitati objiciunt, finem Regiminis Politici quam efficacissime promovere. Quemadmodum facit Charitas, exempli causa. 7. Humilitas, Patientia, & inordinatarum Cupiditatum Mortificatio. 8. Invincibilis Fortitudo quam Amor Christi & consociorum suorum membrorum Christiano militi inspiret.

1. Quid Christianitas aliquid felicitati etiam hujus præsentis vitæ contribuit, evidens est tum à testimonio Christi & Apostolorum, tum ex ipsius rei natura, Matth. 6. Ubi Servator postquam nos hortatus est ut nimis solliciti non simus de rebus hujus vitæ, cibo ac vestitu, exponens nobis ante oculos Divinæ Providentiæ curam in creaturis multo minoris pretii quam nos simus, quam pulchre provisum sit volucris aëreis quæ neq; serunt neq; metunt, nec in cellas congerunt, quamq; splendide vestiantur agrorum Lilia neq; laborando neq; nendo; concludit demum, nos tanta cum cura hujusmodi res quærere, quantâ mundano ingenio homines solent, minimè oportere. Sed quærite primum, inquit ille, Regnum Justitiæq; Dei, & ista omnia vobis addentur. Et Paulus ad Timotheum, Pietas ad omnia utilis est, promissiones habens & præsentis & future vitæ. 1 Tim. 4. 3.

2. Et si consideremus ipsius rei naturam; Præsentis felicitati à vera Christianitate, non quidem solummodo virtute promissi sed ex naturali etiam dependentia causarum & eventuum magna profectò sit accessio, præsertim postquam Christianus ille animi tenor ad aliquem notabilem gradum pervenerit perfectionis & maturitatis. Neq; enim persona est in universo mundo magis devinciens quam Christianus maturus & adultus, nec ulla verior prudentia quam alios devinciendi studium. Quæ quidem animi modificatio quanto sincerior est eò est amabilior, eòq; securius contra Fortunam adversam munimentum. Quam igitur utilitatem Humanitas habet, eam certè habet in gradu summo. Ut taceam tranquillum ejus castigatumq; spiritum tantum eum efficere & supra quàm dici potest consideratum, sagacemq; sanè supra omnem opinionem hominis irrogeniti. Fidelitatem etiam ejus atq; honestatem alacremq; industriam propriæ suæ comitantur Beatitudines. Et moderata Divitiarum ac Honorum cupiditas commendabilisq; eorum usus nullâ conspurcatus labe aut avaritiæ sordidæ aut inanis ostentationis, malignè intentata spicula secretæ Malitiæ & Invidiæ aut prævertit aut repellit. Et si mediocris tantum rerum hujus mundi portio ipsi in sortem obtigerit, nihilo tamen minor est ejus animi acquiescentia dum illud verum reperit quod & David & Salomon pronuntiaverunt, Multò utiq; præstare rem tenuem justorum, quàm impiorum opulentiam. Et quando magis intolerandæ pressuræ & afflictiones in eum incidunt, cujusmodi sunt magni morborum Paroxyismi, Incarcerationes, ipsiusq; aded mortis aggressiones; tamen etiam in his ejus conditio (suprà quàm dici potest) superior est, præquam ut alius quivis mortalis sit capax. Etenim quò magis hæc externum hominem urgeant, eò magis internus inflammatur accenditurq; ad exercitium earum facultatum quæ maxime sanctæ sunt ac pretiosæ; & nullâ quidem indigentem admonitione (quanquam tam aptâ sanè ac apposita quàm sit illa Epicteti, Νῦν ἵσθι ὁ ἀγὼν ὃν ἡμεῖς πάρεσι τὰ Ὀλύμπια) ipsæ rerum circumstantiæ Christianum hunc Athletam ad exerendas omnes animæ vires & ad feliciter Psalm. 37. 16.
Prov. 16. 8.

armis utendum spiritualibus, quibus accinctus est in hunc diem Conflictationis, sine mora excitabunt. *Fides* enim & *Devotio* & experrectiores de *statu altero Meditationes* ita munient illius spiritus, animúmque corroborabunt, ut in tota hac afflictione plusquam victor evasurus sit per virtutem Christi quæ eum ad omnia reddit idoneum. Et quò magis hujus præsentis vitæ gaudia minuantur, tantò magis mens ejus defigetur in ea quæ sunt futura.

3. Brevis hæc subindicatio suffecerit ad ostendendum quàm unicuique vero Christiano ad hujus præsentis vitæ solatia in *privata* sua conditione utilis sit Christianitas. Verùm prætermittere non possum quin eam porro utilitatem exponam quam *Communitas* hominum percipiet ex eo quòd veri facti sint Christiani. Ad quod equidem eò vehementius moveor quoniam quidam de Christianitate tanquam de Religione corporibus *Politicis* nunquam destinata, rebúsque publicis admodum incommoda non dubitarunt pronunciare. Quasi Christiana *Humilitas*, *Carnis Mortificatio*, & *Tolerantia injuriarum* ita debilitaret gentem & effoeminaret, ut eam æquè *inermem* redderet ac *innocentem*, armisq; infestantium Finitimorum ac ferocitati vitrici proderet. *Charitatis* verò præcepta tam acriter inculcata manus omnino laxarent eorum qui ad laborandum satis robusti sint, itaq; totam terram Mendicis desidiis implerent. Hujusmodi cavillationes malevoli quidam non solum adversus Religionem Christianam, ut opinor, sed adversus omnem omnino Religionem quæ inordinatos eorum affectus coercere possit, adinvenierunt & in vulgus sparserunt, sed in ignorantia propriæ detectionem magis atq; ignominia, quàm ullius imperfectionis aut ineptitudinis in Christianitate quò minus Religio esse possit florentissimorum Regnorum ac Rerumpublicarum quæ possunt constitui.

4. Ut propositis igitur Objectionibus respondeam. Equidem in primo loco cum ipsis agnoscam, Evangelium primario, ad utilitates hujus vitæ non fuisse destinatum, nec habere in se Propositum ullum Politicum de rebus publicis administrandis, sed de efficiendis hominibus, in privata sua conditione, bonis ac beatis, & de formandis ipsorum animis in eam vitæ ac sanctitatis formam quæ eos maxime certos facere possit de illa lætitia ac gloria quæ verè credentibus in mundo altero sit reposita. Verùm interea loci non possum quin simul adnotem, quantò manifestius est nullum Politicum mundanumve Propositum esse in Evangelio, tantò esse evidentius nullam ipsi fraudem malumve dolum subesse, nec technam ullam esse machinationemve *astuti* alicujus *Legislatoris*, sed sanctum, sincerum & infallibile Testimonium voluntatis Dei de vera via ad salutem, æternamque Animarum humanarum felicitatem.

5. Cæterum tametsi hoc ipsis tam liberè concesserim, nego tamen quicquam omnino esse in Religione Christiana, nisi quod non solum cum felicitate Reipublicæ Regniue quod *reverà* factum sit Christianum consistat, sed eam maximopere promoveat. Inanes enim verborum sonitus rerumque nomina nihil efficiunt. Itaq; affirmo, quòd quascunq; habere præcellentias aliæ Religiones existimari possunt ad sinceram obedientiam supremo Magistratui præstandam, & ad res bonæ fide transigendas inter homines privatos, (qui generalis est omnium Religionum scopus, quatenus corporibus *Politicis* inserviant) has certè habet Christianitas & ex fundamentis magis evidentibus & indubitatis quàm ulla alia Religio cujusmodicunque. Quæ enim per universum terrarum orbem Religio est quæ eam demonstrationem exhibere potest vitæ futuræ, quam Christianitas in Resurrectione beati Servatoris, infallibili illo pignore immortalis felicitatis, omnibus suis sectatoribus exhibet? Veritas igitur Christianæ Religionis ritè repræsentata cum tam irrefragabiliter *litteratos* juxta atq; *illiteratos* convincat, Cor ac conscientia non *Populi* solius sed etiam *Magistratus* eò magis indissolubiler devinciatur ad sua sibi officia mutuò præstanda. Cujus effectus est pax inviolabilis, & simul cum ea omnia ea vitæ solatia quæ optimæ Leges ac Regiminum formæ ad felicitandum quamlibet Nationem collineare prætendunt.

6. Immo addo porro eas ipsas res quas illi contra Christianitatem objiciunt, tales esse, quæ si natio reverà evadat Christiana, efficacissimè omnium, Politici Regiminis fines sint promoturæ. Quorum is unus è præcipuis est, ut *mutuò nobis invicem opitemur prout res nostræ efflagitaverint*. Quid autem ad hoc magis conducere potest quàm *Charitas*? Neq; sanè ullum periculum est nè hæc mutuò nobis succurrendi propensio *communitatis Politicæ* studia ac conatus relaxaret, cum curam eorum tantummodò lenitura sit demulsurq; industriam, & excruciantem illam exemptura sollicitudinem, quæ eos necessariò invadit qui nimis certo norunt, nisi ipsi se sustinere valuerint, fieri non posse quin pereant. Quæ rerum suarum desperatarum consideratio eos ad omnimodas fraudes technasq; compellit quibus seipsos possint conservare. Quæ quidem vitæ inconsolabilitas malæque illius tentationes in Republica

lica verè *Christiana*, ac charitati proinde sincerè dedita, maturè præciduntur. Nec tamen desidia indè aletur increscètte, siquidem eadem *Christiana* animi temperies universos facit beneficiorum conferendi magis cupidos quàm accipiendi, juxta generosum illud Servatoris dictum, *Beatius est dare quàm accipere.* Act. 20. 35.

7. Et quemadmodum extra controversiam est, quòd *Humilitas*, *Injuriarum Tolerantia*, atq; *enormium carnis cupiditatum Mortificatio* in Republica *Christiana* ad pacem certissimè tendunt; fidelèmq; *Justitiæ* administrationem in rebus omnibus (unde enim bella ac dissidia, violentia ac injustitia, nisi ab inordinatis carnis nostræ cupiditatibus, à superbia nimiaq; vindictæ cupidine?) ità etiam verissimum est, quòd nè minimo quidem momento nos magis obnoxios reddant hostium Invasionibus, tanquam magis ignavos indè ac pusillanimos factos. Debita enim cupiditatum carnis Castigatio corpus reddit magis sanum, verumq; asperarum & laborum patiens, cum è contrà luxuria ipsum putridum ac effoeminatum faciat & morborum omni generi expositum. Et inscitè sanè res est & planè ridicula existimare, Quòd *Humilitas* *Christianos* tam cicurata effectura sit animalcula, ut hostis eos pro libitu manu tollere possit de humo & quasi loculo impositos secum deportare. Etenim *Christiana Humilitas* in eo non consistit, quòd contenti simus in servitutem redigi ab hominibus, sed in non contemnendo alios, nec nobismetipsis quicquam arrogando, injustumve Dominium quærendo in alios pro nostra voluntate ac libidine.


8. Nec certè *Patientia* erga injurias particulares *Christianum* omnino assuefacit ad remissius resistendum injulto patriæ suæ ac libertatis Invasori. Nam illud ipsum Principium, *Divinus* utiq; *Amor*, qui ad privatas injurias ferendas eum instigabat, quarum damnum facilius computare poterat, æquè vehementer eum urgebit ad repellendam publicam violentiam in Christi corpus ingruentem, qui chariores ipsi sunt quàm propriorum oculorum pupillæ, quorumq; res, etiam ipsius judicio, tantum rem suam privatam excedit quantum eorum numerus personam suam singularem. Hujus amor igitur erga Christum qui pro ipso mortuus est, cujusq; causa tunc reverà periclitabitur; Hujus sincerus erga consocia sua membra affectus quibus moribundus eorum Dominus sacrum illud amoris mutui Legatum reliquit, ipsorum etiam animis id stupendo suo exemplo imprimens, qui cum eis tot gradibus præstaret demisit se tamen ad ignominiosam & acerbam mortem crucis ut ipsi ardentè integrèq; se invicem amarent, & si quando res tulerit, proprias suas vitas non hæsitarent deponere pro se invicem; Firma hujus fiducia in Providentia Divina specialiq; assistentia eorum qui bella ejus gerant; Hujus deniq; præsentis mundi moderatus amor, certaq; felicitatis fruendæ in altera vita statim post hujus perditionem, expectatio: Consideratio, inquam, harum rerum omnium ità milites *Christianos* armabit (sint in privatis suis moribus quàm mites humilèsq; quàm agnini cicurèsq; volueris) tantà animositate ac fortitudine ut non possim quin prælagiam Benedictionem illam *Mosaicam* Incepta eorum semper esse comitaturam; *Ut quini utiq; centenos & centeni decies mille in fugam versarent. Eos enim Jehovah præcedet, eos Deus Israëlitarum colliget.* Levit. 26. 8. Esai. 52. 12. Quæ igitur natio cum tali populo, qualis hic, conflictari potest? Etenim neq; vis est nec consilium contra Omnipotentem.

MAGNI MYSTERII PIETATIS EXPLANATIO.

LIB. IX.

CAP. I.

1. *Mysterii Pietatis proprietates derivativæ. 2. Certum quendam modum Obscuritatis Venerationem gignere, nobis ab ipsis sensibus suggestum; 3. Confirmatūq; omnium Religionum suffragiis; & à natura animi reconditi reservatūq; in hominibus illustratum. 4. Ignorantia & Rusticitas eorum hominum qui unamquamq; Divinam Scripturæ veritatem Objectum fore intellectus sui comprehensibile expectant, etiam in ipsis modis ac circumstantiis. 5. Repugnantias nihilominus & Religione excludi debere. 6. Divinitatem Christi ac Divini Numinis Triunitatem nihil repugnantiae in se continere.*

1.  Xpedivimus jam quatuor primas *Mysterii Pietatis* proprietates, siquidem de illius *Obscuritate*, *Intelligibilitate*, de ejus *Veritate* ac *Utilitate* tractavimus. Supràque, ex his alias quatuor Proprietates oriri monuimus, (quas, si lubet, appellare poteris *Derivativas*) ut exempli causâ, *Ex Obscuritate* hujus *Mysterii*, illius oritur *Venerabilitas*; ex *Intelligibilitate*, *Communicabilitas*; è *Veritate*, vis extorquendi *Assensum*; & ex *Utilitate* deniq; affectuosa illius *Existimatio*, zelusq; ac desiderium promovendi quantum possumus ejus cognitionem ac virtutem per totum terrarum Orbem. Restat igitur ut de his singulis aliquid dicamus sed quantâ possumus brevitate.

2. Debitum quendam *Obscuritatis* modum *venerabilius* *Mysterium* efficere, veritas est quæ nobis à multis *Observationibus* suggeritur. Quomodo *Umbra* & *Silentium* ipsos sensus afficiant quilibet testificari potest qui non tam durâ rudiq; corporis contexturâ filôq; sit ut eum *crassa* solummodò & *vehementia* Objecta moveant. Is verò cujus sensus *passivi* magis sunt ac *delicati*, quomodo, dum in aliquod umbrosum inviumq; *nemus lucûmve* intrat, affectus sit, cujus arborum conferta densitas umbræq; multiplicatæ aspectum ejus prohibent ac spem unquam transeundi per omnia quæ in sacro illo solo crescunt, cum haud mediocri voluptate narrare potest: verum quæ videt tanquam jucunda admodum atq; amœna approbat, & peculiarem interim percipit voluptatem ex divinatione illa confusa obscuraq; representatione rerum illuc videndarum, quò oculi ejus in præsens penetrare non possunt nec pedes appropinquare. *Silentium* etiam loci multum ejus auget *solemnitatem*, in quo (quod rectè monet *Plutarchus*) aliquid *Profundi subest & Mysteriosi*. Atque sanè propter hanc ipsam causam Umbrositas Taciturnitasque noctis videtur, ut plurimum, perquam venerabile Objectum eis quorum sensus adeò acuti sunt ac subtiles ut omnimodas Naturæ mutationes facilè persentiscant sapidèq; dijudicent. Quæ quidem impressio Poëtæ imaginationem illâ descriptione ditavit,

Noxq; tenebrarum specie reverenda tuarum.

3. Communia

3. Communia etiam omnium Religionum suffragia à nobis sunt quæ semper aliquid primo sanè aspectu haut ità facile intelligibile affectarunt; Ipsarumq; Tempia ità extructa sunt, ut *Adyta* etiam sua haberent, hoc est, Locum aliquem magis sacrum & inaccessum. Et notare potro possumus quòd sermo parvus, Animusq; reconditus ac reservatus in homine, naturaliter ei conciliat reverentiam. Quippe quòd restat adhuc aliquid in eo impervium atq; inaccessible, quod si cum aliis communicaret, honorem suum diminuere posset ac seipsum reddere magis despicabilem. Est enim humana natura admodum proclivis ad miram aliquam & majorem justo opinionem fovendam de eis rebus quas ignoret, & ad eas quas semel nòrit negligendas ac vili pendendas. Hi sunt fures illi qui lubenter domum relinquunt postquam omnem ex ea thesaurum exportaverint. Verùm expectatio perpetua honorem continuat atq; conservat. Et quid nostrà refert, si fundum putei sit profunditatis immensurabilis, modò aqua quam indè exhaurimus pura sit ac salubris? Quamobrem illi qui pro absoluta perspicuitate ac claritate in omnibus Religionis articulis tantoperè contendunt, plus sanè *Rusticitatis* & *Inscitiae* ostendunt quàm aut *subtilitatis Ingenii* aut *Judicii*, ipsorumq; zelus non tam ex *veritatis* studio quàm ex *superbia* & inani gloria oritur, utpote, qui animo id oppidò quàm iniquè ferunt, ut quicquam in *Pietatis Mystério* eò usq; *mysticum* sit, ut ipsorum sibi nimium placens ratio illud *comprehendere* non valeat.

4. Perlubenter autem ex his quæro qui tantos se *Rationis* Magistros gerunt, quicq; sibi solis illum Titulum in rebus Religionis arrogant & usurpant, per quam facultatem nobis demonstrare possint Divina Oracula nullarum rerum mentionem nobis facere debere præterquam earum quæ *adequata* sint *Intellectus* nostri *Objecta*, adeò ut hæere nequeamus nec confundi in adnitendo modos & circumstantias *comprehendere* illius generalis veritatis quam nobis proponunt. Generalis enim illius propositio nobis utilis esse potest etiam tum cum circumstantiarum curiositas nulli alii rei interserviat quàm satia euidam cupiditati fovenda omnem deglutienti veritatem quæ nobis sit obvia, & nobismetipsis postea magnificè effereendis in tam opimo spolio. Hæc autem dico obscurissimorum Articulorum nostræ Religionis gratià, de *Trinitate* scilicet *Divini Numinis Christi*q; *Divinitate*. Sacram enim Scripturam utraq; affirmare abunde suprà demonstravi; cumq; hæ Assertiones eadem Autoritate nobis commendentur quàm universum novum Testamentum, quàm fronte committere possumus ut eas negare audeamus, & nosmetipsos interea Christianos profiteri? Adversarii enim nullam asserre possunt causam præter *modi rei Incomprehensibilitatem*. Quæ certè objectio admodum iniqua est & nugatoria.

Lib. 1. cap. 4.
sect. 8, 9, 10.
Et cap. 5. sect.
1, 2, 3, &c.

Quod enim nobis per *Divinam Revelationem* communicatur æquè certum est ac sensus nostri. Verùm sensus nostri nòs certos faciunt de ejusmodi rebus quas nulla facultas concipere possit quomodo tales sint, quales sensus nostri nobis eas esse præstant. Exempli causà; Immediatam unionem materiæ cum materia, & facultatem quam habemus per voluntatem ac cogitationem movendi quodlibet corporis membrum, hæc res certò novimus esse, quæ tamen æquè *incomprehensibiles* sunt atq; eorum quicquam quæ Scriptura declaravit de *Deitatis Trinitate* vel *Divinitate Christi*. Ac proinde omnia eorum argumenta contra duos hos Articulos vana sunt ac invalida. Sufficit enim ut in fines illos utiles quorum mentionem sæpe numero feci, in Scriptura proponantur, verùm modo quodam magis obumbrato, obscuro & generali, siquidem hoc satis est ad illud Propositum ob quod proponuntur. Et si quis se tanto Mystério concipiendo parem non invenerit, religiosè hic statim admiratione humilq; veneratione damnum resarciat. Quæ affectiones quidem hominem pi-um magis condecet quàm vehemens ac peremptoria rationis suæ opiniosa prosecutio, & temeraria affectatio inspectandi in ea quæ Deo visum sit ab oculis suis abscondere. Quod æquè protervum est & agreste ac peplum nobili cuiusvis matronæ modestæ virgini earum etiam ingratiss per vim vultibus abripere.

5. Cæterum ut nulla fraus fiat veritati, nec humanum genus omnibus incredibilibus fictionibus avarorum Sacerdotum, impiorumq; Impostorum fabulis obnoxium relinquatur, magis accuratè jam præcisq; hæc nostram *Reverentiæ* præceptionem ad istiusmodi Religionis Articulos determinabimus, qui non ob rationem solummodò Divinæ Revelationis utilitatq; ad laudabilem aliquem finem, sed ob eorum etiam immunitatem ab omni *repugnantia* & *impossibilitate* nobis commendentur. Nam quantum ad me equidem satis certus sum, Deum qui facultates nostras creavit, nihil nobis credendum unquam oblaturum esse quod post diligentissimam disquisitionem ipsis planè contradicat. Alioquin omnes Religiones perinde credibiles essent, Lunæq; exitus è manica *Mahometis* æquè tolerabilis narratio foret ac Historia *Jonæ*, qui

qui postquam tres dies & tres noctes in ventre Ceti mansisset, vivus dicitur exiisse. Quod tamen *miraculosum* quidem sit, non est tamen *impossibile*.

6. Quamobrem Confidentia pronuncio quantā possum maximā, *Divinitatem Christi & Deitatis Triunitatem* quatenus de his Articulis Scriptura determinaverit, nullam in se habere *Repugnantiam* seu *Impossibilitatem*. Immo verò addo insuper, Quantum ad symbolum *Athanasianum* (quod meo quidem iudicio, in hoc Mysterio explicando satis distinctum est & expressum, si modo certa quædam inibi verba sensu varientur secundum eam latitudinem cuius non solum capacia sunt sed quam etiam necesse est ea in hoc Symbolo habere) talem equidem ejus interpretationem consilari posse, contra quam vel captiosissima ratio nullam excogitare possit Cavillationem.

C A P. II.

1. Quod latitudo sensus sit in verbis Symboli Athanasiani, quodq; unus & unitas non idem ubiq; significant.
2. Similiter se rem habere in vocibus Deus & Omnipotens.
3. De voce Equalis, & in quem finem tam distincta Deitatis cognitio Ecclesie communicata sit.
4. Quo sensu Filius Spiritusq; sanctus Deus sint. Divinam Adorationem indubitatum eorum jus esse, sensumq; esse Symboli Athanasiani satis intelligibilem, talēq; qui nec Polytheismum, nec Idololatriam nec ullam omnino Repugnantiam involvat.
5. Nullam esse difficultatem in Divinitate Christi nisi quam Scholæ per falsas suas Notiones Suppositi & Hypostaticæ Unionis introduxerint.
6. Unionem Christi cum æterno Verbo nullam implicare contradictionem, & quā legitimū is sit Divini cultus Objectum.
7. Hujusce rei Applicatio ad Judæos.
8. Unio Christi cum Deo cum illa Angelorum comparata qui in veteri Testamento nomen Jehovah gestabant.
9. Rationabilitas unionis Servatoris cum æterno Verbo, curq; cum illa Hypostasi distinctim ab aliis.

1. **T**AM verò necessario supponi hanc varietatis latitudinem in sensu aliquorum verborum Symboli, manifestum est ex eorum consensu qui hoc quidem Mysterium summa cum subtilitate & curiositate tractaverunt. Est enim planè impossibile ut aut illi aut alii quivis existiment totius *Triunitatis* Deitatem eodem sensu unam esse quæ Pater per se solus consideratus, vel Filius Spiritusve sanctus sic consideratus unus sit; Tunc enim cum nihilo plus esset unitatis in singulis Hypostasibus quàm in tota *Trinitate*, unaquæq; Hypostasis foret *triuna*, quod nemo quisquam, opinor, asseret. Unde manifestò efficitur, latitudinem sensus in vocibus *unus* & *unitas* admittendam esse in Symbolo.

2. Ad eundem modum quando Pater dicitur esse *omnipotens*, Filius *omnipotens*, & Spiritus sanctus *omnipotens*, manifestum est vocem *omnipotens* eundem non habere sensum in illis omnibus. Pater enim habet potentiam æternæ generationis Filii, & tam Filius quàm Pater æternæ emissionis Spiritus: Filius verò non procedit à Spiritu, nec Pater à Filio generatur. Verum Spiritus Filiusque, qui ambo à Patre sunt, quàm infinitis vicibus creatum mundum dignitate antecedunt. Idēq; dici potest de voce *Deus*, per quem si illud intelligis quod absolute omnium primum est, tali utiq; sensu ut reliqua omnia sint ab ipso ipsūq; à nullo, nec Filius nec Spiritus præcisè sumpti *Deus* dici possunt juxta hanc significationem, siquidem Pater ab ipsis non est sed ipsi à Patre.

3. Ac proinde porro manifestum est vocem *Equalis* non intelligendam esse *Mathematicè* & absolute, sed cum utili respectu ad nos. Quæ quidem clavis est quæ totum Symboli Mysterium facile aperiat; Quod Deus mundo non communicavit ad nendas iudè texendæve infructuosas Aranearum telas, sed Divinæ suæ gloriæ cognitionem tam explicitè nobis impertiit, ut distinctam Deitatis in *Triunitate* naturam intelligentes *Divinitatem Christi* eò facilius concipiamus, & quàm legitimū is sit Objectum Divini cultus, & Adorationis. Etenim cum *Humanitatis titulos* pertranscat ad æternum Dei filium, nè minimus quidem scrupulus subesse potest umbræ Idololatriæ in hujusmodi cultu Divino.

4. Nam Filius Deus est, Spiritusq; sanctus Deus æquè ac Pater; hoc est, omnes tres sunt *Æterni*, *Omnipræsentēs*, *Omniscientes*, & *Omnicreates*. Ac proinde Divina Adoratio citra omnem Controversiam, toti *Trinitati* à *Creaturis* debetur. Nec ob hanc solummodo rationem, sed etiam ex eo quod ad eò perfecte *unum* sunt, eandēq;

eandemq; habeant indivisibilem Omnipræsentiam, atq; una integra propterea sint Deitas, una coequalis Gloria & coæterna Majestas. Dico igitur hanc significationis latitudine semel admissâ, quæ & necessario supponitur, talem erui posse Symboli *Athanasiani* sensum, contra quem nulla *Polytheismi* involutio, vel *Idololatriæ*, ulliusve *Repugantiæ* vel *Impossibilitatis* objici possit, & tamen finem hujus Mysteriorum in hujusmodi intelligibili Interpretatione ad plenum obtineri. Verum talem Paraphrasin hoc in loco perficiendam in me non suscipiam. Atq; id in quo jam periculum feci, per modum *Tentaminis* potius factum intelligi volo Invitationisve ad alios ut ipsi vires suas experiantur, quàm definitæ Assertionis in tam profundo Articulo, qui humilem nostram admirationem requirit potius quàm disquisitionem curiosam. Sufficit sanè quòd quousq; Scriptura de hoc Articulo determinaverit, extra omnem exceptionem sit ac contradictionem.

5. *Divinitas Christi*, meo quidem judicio, facilius objectum est Fidei nostræ, quippe quæ æquè intelligibilis est atq; *unio Animæ & Corporis*. Nam ut ambo illa unum efficiunt hominem, ita Deus & homo unum efficiunt Christum, prout ipse *Athanasius* rem explicavit. Hoc *Schola* unionem *Hypostaticam* appellant, quæ nullam in se habet perplexitatem nisi quâ ipsæ eam intricaverint. Omnis enim *Substantia* ex seipsa substantia est *individua*. *Universalis* verò substantia non nisi *Notio Logica* quæ ex nostra multarum ejusdem naturæ substantiarum comparatione emergit. Neq; ulla omnino est substantia quin per debitas modificationes præparatorias capax fieri possit unionis cum alia aliqua individua substantia, hæq; *due* individue substantiæ *unâ* sic queant integra substantia evadere. Quæ tamen non ita *una* sunt ut *due Numerice* substantiæ esse desinant, quippe quæ non aliter dicuntur *una* esse, nec sunt, sat scio, aliter una, quàm per aptam unius *Unionem* cum altera. Quod nihil impedit quòd minùs etiamnum sint, & certè si sunt, necesse est esse *duas*; nimirum, *Animam* meam *corpûsq;* etiamnum esse *hanc* individuum Animam atq; *hoc* individuum corpus, quamvis sint, quemadmodum appellant, *Hypostaticè* unita. Conjunctionem enim solummodò arguit non substantiarum confusionem nec ullam deperditionem *Individualitatis* substantiarum ad hunc modum junctarum. Nulla enim substantia conjungi potest cum altera quin hæc individua maneat substantia, etiam ob eam ipsam causam quòd sit substantia, cum quælibet substantia per se sit Individua, quemadmodum supra monui, & tamen unibilis cum altera substantia; unde manifestum est Scholasticam *Suppositi* notionem merum esse delirium.

6. Ex quo facile est intelligere, *Humanitatem* Christi *æternumq;* *Verbum Hypostaticè* posse uniri absq; omni repugnantia Rationi humanæ Scholarum nugis nondum adulteratæ, & utraq; ipsorum interim *Hypostases* naturæve *individuas* integras manere. Cujus quidem rei sensibiliorem hanc exhibebo Repræsentationem. Supponamus immensum globum ex solido auro conflatum, exceptâ unicâ parvâ sectione quam argenteam supponemus. Hoc individuum aurum atq; hoc individuum argentum, individuum hoc aurum argentumq; etiamnum permanentia, unum integrum globum constituunt, qui sanè globus dempto eorum alterutro, integer non est. Similiter se res habet in *Christo*, quippe quòd cum ex secunda Trinitatis *Hypostasi* & humana illa Persona, (seu individua, si mallet, natura) quæ *Hierosolymis* obversata est, constituatur, hæc individua natura humana illud *argentum* individuum est, alteraq; illud *aurum* individuum; verum utraq; simul *unus* ille *Christus* cujus *Divinitatis Sphæra* omnia implet, cumq; ubiq; præstò sit non potest quin legitimum sit objectum Orationum Invocationumq; nostrarum, quemadmodum & *passiva Christi humanitas* fulcrum fidei nostræ atq; confidentiæ per acerbam suam *Passionem* assiduamq; *Intercessionem* apud Deum.

7. Quæ igitur superstitio subesse potest, minimæ Idololatriæ suspicio in dirigendis orationibus nostris ad Christum, modò de eo cogitemus ad quem preces nostras dirigimus? Nam æterna Deitas immenso suo splendore in hoc Devotionis objecto ita omnia obruit ut mens nostra tota ferè in Deum ipsum feratur, quanquam cum debita honoris reflexione in personam Servatoris, virtute cujus *Mortis* & *Intercessionis* nostros accessus facimus ad Deum. Quæ quidem veritas etiam à *Judeo* recipi possit absq; omni scrupulo, modò meminerit quanta cum devotione atq; humilitate ipsorum Patres Angelorum præsentiam* adoraverint. Quibus in eorum Lege *Jehovah* nomen Dei sanctissimum etiam attribuitur. Et si Angelus qui personam solummodò Dei sustinet per modum Legationis, hunc Divinum habet honorem, quanto magis is debetur Christo qui *Jehovah* est non solum Titulo externove munere sed reali unionem cum *æterno Filio* Dei, quem *Platonici* in sua Triadè 7^o appellunt, quod idem *Græcè* quod *Jehovah* *Hebraicè* sonat.

* Exod. 34. 8.
Gen. c. 18. 4
19.
Exod. c. 3. 14.
32 & 34.

8. Verùm si aded extraordinariam illis fuisse Angelorum unionem cum Deo, ubi tam sanctum nomen illis attribuitur, imaginari velint (quæ non insecuta est defensio) ut ejusmodi raptu suspensorio abrepti essent quo propriarum suarum *Personalitatum* sensum perdidissent totiq; actuati fuerint à Deo, qui eis uteretur eodem planè cum imperio quò animæ nostræ propriis suis corporibus; hæc tamen duplici nomine inferior esse potest illà unione quæ est inter *Humanitatem Christi & Aeternum Verbum*. Nam primò fieri potest ut ejusdem non sit Generis, sed tantò fortean differat quantò *Spiritus* unio cum corpore vitæ casto ab unione humanæ Animæ cum sano vivòq; corpore. Et deinde si admitti possit quòd principium aliquod exciteretur & expurgiscatur modòve quovis inseratur Angeli Essentiæ, quò realem habere possit vitalèmq; unionem cum Deo; tamen cum hæc temporaria tantummodò sit, cum perlonga illa ac durabili *Messie* unione non est profectò conferenda. Nec certè Angeli præsentia visibilis cum magis idoneum Divini cultûs objectum reddit quàm est Christus. Christus enim secundum excellentiorem suam magisq; adorabilem naturam, præsens est ubique. Vide *Castalionem* in Cap. 3. *Exodi*: Unde fortean hæc controversia rectius tutiusq; possit dirimi.

9. Concludo igitur *Divinitatem Christi* humanæ rationi non repugnare; realem illius intelligo *Physicamque*, si ita fas sit loqui, cum *Aeterno Verbo* unionem. Etenim cum hoc ipsum *Verbum* sive *æterna Sapientia* esset per quam Deus creavit omnia, equidem res admodum decora est & congrua ut insigne illud instrumentum instaurandi tam nobilem partem Creationis quàm sit homo, particulariter cum *æp* sive *Aeterno Verbo* sit unitum. Nec tam difficile est conceptu, quomodo particulariter immediatèq; cum hac *Hypostasi* uniri possit, nec tamen cum alteris duabus, etiam ex eo quòd in Natura observamus. Nam & facultates animæ in eadem animæ parte residentes possunt, prout pars corporis attemperatur vel modificatur, aliæ se exercere in dicta parte, aliæ *silere*, nullamve actuationem in eam exercere. Estq; porrò evidens, tametsi sanctus *Dei Spiritus*, *Spiritusq;* *Natura* ubiq; præsentis sint in mundo & in eisdem planè spaciis punctis jaceant, actiones tamen ipsorum, applicationes, colligationesve cum rebus admodum esse distinctas. *Spiritus* enim *Natura* materiam tantumprehendit, crassiora corpora deorsum Terræ centrum versùs dejiciens, ac vegetabilia omnia efformans in eam Pulchritudinis varietatem quam in ipsis deprehendimus, non agit verò omnino in animos spiritûsve nostros *Illuminatione* ullà *divinâ*, non certè magis quàm *Spiritus sanctus* immiscet se, suamve dat operam depellendis lapidibus deorsum vel diffractis regulis ab ædium culmine deturbandis. Quæ quidem res si rectè perpendantur scitèq; excutiantur, hoc Mysterium satis intelligibile reddet eis qui idonei sunt ad hujusmodi speculationes obeundas. Aded ut nihil opus sit quicquam superaddere, cum jam ultra quàm intenderam progressus sim, per zelum utiq; contra *Frudentem* quorundam & *Imprudentiam* aliorum, qui tam confidenter affirmant quosdam Christianæ Religionis Articulos non solùm *obscuros* esse (quod lubens agnosco, Religionemq; nostram ed fieri *venerabiliorem*) sed & *rationi repugnare*, quòd omnino nego, ostendámq; suo loco funestas tam temerariæ Assertionis consequentias.

C A P. III.

1. Quòd Communicabilitas Christianæ Religionis ejus Rationabilitatem innuit.
2. Recta methodus communicandi Christianum Mysterium. 3, 4. Exemplum breve illius methodi. 5. Ulterior illius continuatio. 6. Quomodo Mystagogus gerere se debeat erga magis tardos vel illiteratos. 7. Periculum demittendi Evangelium ad tarditatem vel exiguitatem cujuslibet imbecillis Ingenii.

1. **S**Econda Mysterii Pietatis Proprietas Derivativa est Communicabilitas. Nam ex eo quòd *Intelligibile* est, fit etiam *Communicabile*. Unde porrò apparet quam ego *Communicationem* intelligam; non talem utiq; quæ Picis Pſittacive competat, id est, verborum strepitum phrasiumve quas vel aves istæ, nobis præeuntibus, possunt reperere, sed *rationalem* impertitionem quâ humano intellectui de veris fidei nostræ Fundamentis satisfiat. Hoc certè officio veterum Christianorum conscientia onerabatur, quemadmodum constat ex 1 Pet. cap. 3. v. 15. *Estote autem semper parati ad respondendum*

respondendum cuilibet petenti rationem ejus spei quæ in vobis est cum Lenitate & Re-
verentia. *Ἐτοιμοὶ περὶ ἀπολογία πᾶσι αἰτιῶσι ὑμῶν λόγον.* Quod si ratio fidei nostræ à
nobis petitur, ipsæq; Apostolus nos jubet petenti respondere, proculdubio is nullius
Irrationabilitatis conscius erat quæ in fide esset Christiana suis quidem temporibus.
Illud verò arguti illius Patris Ecclesiæ, *Credo quia impossibile*, quomodocunq; Re-
spondenti placere potuerit, nunquam profectò potuit satisfacere Opponentī. Hoc
enim non inveniretur ἀπολογία ἢ βεβαίωσις τῶ ἰναγγαλίῳ, ut S. Paulus loquitur, *Defensio* Philip. 1. 7.
& *Confirmatio Evangelii*, sed potius illius expositio derisioni & contemptui. Is
enim qui impossibilia in sua Religione agnoscit, causam deferit ante disceptationem;
totūq; id semel concedit Adversario pro quo ille tantoperè contenderet, nempe
Religionem ejus nihil aliud esse quàm *Fictionem* quandam vel *Ineptiam*.

2. *Intelligibilitatem* igitur *Communicationem* præcedere oportet apud eum qui
Mysterium communicat cum altero, eò usq; quò par esse putet illud communicare.
Alioqui si linguæ semel licentiam permiserit præcurrendi intellectum, quam spem
is habere poterit ab altero se intellectum iri qui nec ipse intelligit quæ dicit? Unde
nisi in *stultum* aliquem inciderit, necesse erit ut ipse *talis* reperiatur, habeaturve pro
Impostore vel *Maniaco*. Tam parùm futurum est ædificationis in hujusmodi sermo-
nibus.

Verùm si quis reverà prudens esse velit Christianæ Religionis *Mystagogus*, eum
certè non solum dare operam oportet ut nihil de Mysterio pronunciet quod ipsi non
sit intelligibile, sed etiam admodum circumspectè cavere nè quicquam cuiquam ef-
futiat cujus non sit capax. Ac proinde si rectà Methodo uti velit, *incipere* debet
à talibus quæ facillima sūt intellectu, maximèq; omnium demonstrabilia, & certis-
sima præterea pignora illius felicitatis quam illi expectant, qui Christianitatem sin-
cerè fervidèq; amplecti cupiunt.

3. Exempli causà; Declarare debent, Christum Messiam esse, expectatum olim à
Judæis, quanquam ab eisdem rejectum postquam venerat. Eum Dei esse filium mira-
culosè è virgine genitum: Sacrificium fuisse pro peccato, & ignominiosam crucis
mortem sustinuisse nostri causà: Resurrexisse tertio Die è mortuis & visibiliter in cæ-
los ascendisse, & expectari indè rediturum tanquam Judicem vivorum ac mortuorum;
eòsq; tunc qui in eum credunt coronandos esse summā gloriā ac immortalitate, corpo-
ribus eorum humilibus in cælestis ejus corporis similitudinem commutatis: Resurre-
ctionemq; Christi manifestum esse pignus hujus Divini propositi, nos aternā utiq; vitā
remunerandi. Hujusmodi sanè primo loco communicanda sunt ac proponenda,
quippe quæ humanum intellectum vel imaginationem nullā concipiendi difficultate
vexant aut fatigant, & tamen tam mirabilia sunt ut vel attentissimam nostram ani-
madversionem inquisitionemq; acerrimam elicere possint quò nobis de ipsorum veri-
tate satisfiat.

4. Quæstionis igitur terminis tam facilè intellectis proximo loco expectandum est
ut *veritatis narrationis evidentia* demonstretur; Quod è perspicuis in veteri Testa-
mento vaticiniis de Adventu *Messie* deq; eis quæ is aut facturus esset aut passurus,
effici oportet, & ex solida demonstratione quòd Historia Christi in Evangeliiis reli-
quisq; novi Testamenti scriptis incorrupta sit & authentica. Postea verò ordinate
& gradatim ducendi sunt ad eas res quæ magis obscuræ sunt ac mysteriosæ, & tamen
patienter ritèq; præparato animo & veræ & intelligibiles. Nam tametsi res quædam
in Christianitate *obscuræ* esse possint; tamen quousq; Scripturæ de ipsis quicquam
definiverint, sunt & *intelligibiles* & *veræ*. Aded ut *Veritas* & *Intelligibilitas* in
unaqua; legitima parte sit Christianitatis, saltem eis qui intellectum suum habent
rationalibus speculationibus exercitatum. Quantum verò ad illos quos ingenii tar-
ditas vitæ ratio minùs idoneos reddiderit ad meditationes subtiles & obscuras, ii
profectò tutā adhæsiōne exemplo sanorum dictorum in Scripturis tradito contenti esse
debent.

5. E quibus satis luculentè erudiri possunt de *Divinitate Personæ Christi*, ex eo
quòd illic legunt eum vocibus de cælo filium Dei fuisse declaratum: Eum à viro non
esse genitum sed per inumbrationem Spiritus Altissimi: Talia eum miracula edidisse
quæ verum Dei filium condecernerent, quippe quæ planè excedebant naturæ potesta-
tem: In eo habitasse plenitudinem Deitatis corporaliter, cum in Templo Judæorum
typicè tantum habitaret. Ac proinde multò majorem rationem esse ut *Christiano-* Apoc. 21. 22.
rum orationes dirigerentur ad Christum quàm *Judæorum* ad Templum Hierosolymis, Johan. 1. 14.
versus quod Deo supplicantes semper venerabantur etiam tunc cum longè ab eo di-
starent: Verbum denique dici carnem factum esse, illud ipsum scilicet verbum quod
erat in principio apud Deum, quando omnia creabantur, atq; verbum hoc Deum
fuisse,

Tim. 3. 16. fuisse, Deumque manifestatum esse in carne per Christi adventum in Mundum.

6. Quod hæc reverà ità se habent, ipsa Scripturarum Autoritas satis nobis demonstrat. Quantum verò ad eos qui *Metaphysicis* speculationibus inexercitati sint, & nè unionem quidem propriæ suæ animæ atq; corporis consideraverint, sandove quicquam unquam de distinctione *Reali* ac *Formali* inaudiverint, aliisq; præcis determinatisq; Notionibus quæ ad magis expressam intellectionem tam sublimium speculationum quàm est *conjunctio Divinitatis & Humanitatis Christi, Numiniq; Divini Triunitas*, requiruntur; optima profectò monita quæ *Mystagogus* ipsis dare poterit, hujusmodi sunt; Debere utiq; eos suæ scientiæ defectum humiliori Adoratione supplere; Deum ex immensa sua bonitate Mysteria hæc mundo ad usum impertivisse non ad curiosam spinosamq; speculationem; tamq; modestè de seipsis eos sentire oportere ut non statim id aliis cujuscumque captum excedere statuant, quod ipsi in præsens non possunt intelligere.

7. Veritatem Evangelii rem esse stabilem & immutabilem, non alterandam mutandamve pro variis humanorum captuum gradibus, & si nihil exhiberetur fidei nostræ præterquam quod omnes affirmaturi sint se planè plenèq; concipere, Religionem certè tandem ad nihilum prorsus redactum iri. Neq; enim hic subsistent, limitè sibi ponent, in rejectione nimirum *Divinitatis Christi & Triunitatis* in *Deitate*; sed & notiones *Angelorum & Spirituum* ac *immaterialis Animæ*, omniumq; deniq; rerum quarumcunq; reverà *spiritualium*, ità *incomprehensibiles* quibusdam apparebunt, ut Religio tandem ad æquè abjectum rerum ordinem atq; sunt *corpus & materia*, deturbanda sit, nullum alium inventura Objectum præterquam *mundum visibilem*. Et tunc *sol stellæq;* maxima omnium erunt Numina. Atq; sic aut antiqua superstitio Paganica aut purus putus Atheismus in illius locum succeder.

CAP. IV.

1. *Christianum Mystagogum quomodo porro oporteat se gerere in communicanda Evangelii veritate.* 2. *Maximam eum curam adhibere debere nè quid loquatur quod ad vitam ac pietatem sit inutile.* 3. *Zeli erratici quorundam vanorum Boanergium hujus seculi iusta Reprehensio.* 4. *Abusum Ministerii ad subvertendos præcipuos Evangelii fines ejus perpetuationem in discrimen posse adducere.* 5. *Quemlibet ardorem zelumve Ministerium vivum non constituere.*

1 Pet. 3. 15.

1. **H**ujusmodi responsum aliquod, prudens peritusq; Mysterii Christianitatis *Communicator* illi dabit qui rationem suæ fidei ab ipso requisiverit, suum sensum de singulis aperiens *purè æquè & libè* cum lenitate & timore, ut loquitur *S. Petrus*, hoc est, cum *patientia & mansuetudine* erga eum quem instruit, & *sancta cum observantia & reverentia* erga Deum cujus aliquo modo Legatus est, ac proinde summam operam adhibere debet nè quid in mandato sibi nuncio erret, nève quicquam de suo intermisceat cujus nullam sibi datam habeat potestatem eloquendi, nève veritatem distorqueat præ timore vel favore, nec seipsum ob levitatem ullam affectatamve vanitatem in stylo verbisve, quæ argumentum tanti momenti dedecuerint, reddat suspectum. Nam Ingenii concinnitas eloquentiæq; meditata aurem quidem ad tempus titillare potest ad morem cantilenæ Musicæ dum peritè contatur; *fidelis* verò ac *seria* ponderosissimarum Religionis nostræ partium Declaratio cor audientis vulnerabit, ipsamq; adeò animam captivam ducet in obedientiam Christi.

2. Verum præter cætera, is qui vel de suo consilio aggreditur, vel meliori quopiam jure ad hoc munus vocatur, semper sibi ante oculos proponat *Utilitatem* Mysterii cui communicando allaborat, eandem reminiscens *universalem* illius esse *propriètatem*; quòdque, si quando eum ipsius sive incuria sive curiositas in speculationes *inutiles* transvexerit, extra viam præcudubio vagatus sit, humanasq; jam communiet Inventiones quæ ad Christi Evangelium nihil pertinent; nec gregem quidem nunc sincero verbi *lacte* pascat, sed salugineo cerebri alicujus plus julto fervefacti sudare. Hic maximè communis maximèq; periculosus error est qui in hac functione solet observari; tanquam si ars ipsorum ac facultas nihil esset aliud nisi ejusmodi verborum per horas aliquot integras ejulatio, quorum nè unum quidem

dem dirigatur intendaturve in metam scopumve Evangelii, quæ extirpatio est peccati Regniq; Diaboli demolitio.

3. Et tamen res profectò mira est, quantum observare liceat zelum ac ardorem quàmq; turbinosum strepitum audire horum *Boanergium*, horum *filiorum tonitru*, tanquam si quælibet sententia ignis esset ac fulgur de cælo contra Peccati Satanæq; munimenta, omnemq; cogitationem redacturi essent ad obediendum Christo, qui in mundum venit ut *redimeret nos ab omni iniquitate, Ecclesiâq; sibi compararet puram, sanctam & incontaminatam, absq; omni labe ac macula*. Qui finis tamen nihilominus non solum non intenditur sed nimis sæpe oppugnatur supplantaturq; Hypocriticis Insinuationibus aut *Supervacuitatis* harum rerum aut earundem *Impossibilitatis*. Et nè longum faciam, maxima ex parte tam parùm sibi constar ipsorum Disfertatio, ut nesciat profectò quispiam quid sibi velint: Verùm haud absimile est atq; si quis canes leporarios in agrum introduceret eosq; laxaret cum clamore, cum tamen nulla coram ipsis sit præda. Qui strepitus tamen efficiere possit ut exultim se moveant ad tempus attenteq; in omnes partes circumspiciant, statim tamen deprehendent suâ nihil interesse, cum in ipsorum conspectu non sit quod prosequantur.

4. Quòd si exhortari velint *ad sequendam pacem & sanctitatem sine qua nemo Dominum videbit*, hoc certè studium nostrum ac conatum meritò possit excitare, ut qui notus est certusq; Evangelii prædicandi scopus. Veruntamen si nullum hujusmodi finem in eo deprehendimus, ipsiq; proinde cæco impetu contraimus vilq; pendimus *diluculum* Diei Justitiæ, qui tandem in terrarum orbem elucefcet, ad lætificandas habitationes Christianorum reddendamq; Orbem Christianum Terram Gaudii & Pacis; Deiq; populum exanimamus portentosas enarrando Historias de filiis *Anak* invictis illis *Gigantibus*, cum tamen nihil sit adeò difficile nedum invincibile vero *Josue*, Domino utiq; *Jesu*, *Sapientiæ* ac *Potentie* Dei. Equidem verendum est nè hanc functionem, quæ à Deo ad munimentum adversus peccatum destinata est, si per imperitum zelum propugnaculum fiat Injustitiæ, nè eam, inquam, diruat Deus atq; amoveat tanquam murum Horti ruinosum, cujus segnia rudera lapidesq; in innocuas herbas floresq; subinde decedentes eos suffocant atq; enecant, vel tanquam vetustam aridamq; sepem, quæ viviradicibus jam adultis, evellenda est funditus & auferenda.

5. Cæterùm, si opus Domini fideliter & qui velimus & secundùm Evangelii propositum, nosmetipsi tandem è *viviradicum* numero erimus, viviq; lapides evademus sustinentes alii alios in templo Dei. Et verò nè illi qui nondum ad hunc modum vivificati sunt, se tamen sic esse propter extraordinariam suam promptitudinem ac vivacitatem existimare præsumant; non possum me abstinere quin pronunciem hanc vitam de qua loquor nullum esse æstum ardoremve naturalem, nec ulla externa illius effecta. Nec *vivum* illud esse *Ministerium* juxta hunc sensum, quod maximam zeli speciem præ se fert. Nam notissima profectò res est, *Medicinam frigescentem in junculo admodum calido ministrari posse*. Atq; equidem usu venire nimis quàm proclive est, ut quæ ardore æstusq; traduntur quàm fieri potest maximo, in auditorum mentes semel recepta, tantùm absint à calefaciendo ipsos postea animandove ad sanctitatem veram ac justitiam, ut omne ejus è contrà desiderium in ipsis extinguant. Quod tamen non minus crimen est quàm suffocatio *vite Divine* in mundo quantum in nobis est, Regniq; Christi in terris supplantatio. Hæc profectò non potui quin notarem de *Communicatione* Evangelii, ut quæ in insignes usus & *Auditori* pariter ac *Doctores* inserviunt, quò nimirum nec alter ipse se fallat, nec alter ab ipso fallatur.

C A P. V.

1. Fidei Historicæ natura. 2. Fidem veram ac salvificam propriè Fœdus esse; deq; variis significationibus vocis διαθήκη. 3. In quo Lex & Fœdus convenient. 4, 5. In quo Fœdus & Testamentum convenient. 6. Quòd Ecclesia Doctrinam Christi appellare poterat vel Novam Legem vel Novum Fœdus. 7. Quare appellata sit διαθήκη potius quàm Νόμος. Prima ratio. 8. Alia ejus rei rationes. 9. Occasio reddendi τῇ καινῇ διαθήκῃ, Novum Testamentum.

1. **T**ertia Derivativa Proprietas hujus Mysterii, vis est eliciendi Assensum, quæ oritur ex manifesta claritate veritatis Evangelii. Hic Assensus qui communis est omnibus manifestis veritatibus cuicunque sint Naturæ, Divino huic Mysterio propriè applicatus, Fides appellatur: Atq; hæc Fides in personis, quarum nihil interest, in Angelis putà vel Dæmonibus, (quibus Evangelium fortean non omnino intenditur, & qui tamen verum illud esse credunt, saltem Angeli boni) atq; in eis etiam personis quarum interest Evangelium recipere, nec tamen illud volunt amplecti quanquam verum esse credunt (si modò tales sunt qui sic effici possunt) in his, inquam, Fides hæc vulgò appellatur Fides Historica. Haud dissimiliter atq; cum quis plenè intellexerit quempiam prædium pagumve hoc vel illo pretio emisse, hæc in ipso Historica est cognitio, potestq; ad unguem totam rei transactionem enarrare, creditq; omnia sic facta esse; verum interea loci is nullum illuc jus habet, ut qui profitetur se aut noluisse aut non potuisse hujusmodi conditionibus contrahere. Talis est Fides Historica, quæ sola nihil omnino nobis prodest ad salutem, nec ullum nobis jus partemve acquirit in Regno cœlorum.

2. Quòd si ex hac Fide ac cognitione, nos seriò acceptamus amplexamurq; Evangelii conditiones, hæc certè salvifica Fides evadit, nec Cognitio Fidè sive merè Historica est sed Fœdus. Cujus pacta ac promissa luculentè in Novo comprehenduntur Testamento, quemadmodum è Tralatione Latina illud vulgò appellamus. Verum Græca Inscriptio est ἡ καινὴ διαθήκη, quod rectius reddi potest, Novum Fœdus, sed potest etiam præterea exponi Nova Lex. Tantæ enim latitudinis est significatio vocis διαθήκη, cum & Legem, Fœdus & Testamentum denotet, prout Hugo Grotius observavit è Platone, Aristophane & Isocrate.

Vide Grot. in
Inscriptionem
Novi Testa-
menti.

3. Et meritò sanè hæc tria juris genera sub una veniunt communi notione ac nomine διαθήκη, si convenientiam & affinitatem quam inter se habent consideremus. Primum enim Lex & Fœdus conveniunt in sanctione, Fœdera præsertim publica, quæ olim facta erant pecudis alicujus mactatione. Unde sanctio à sanguine est, à sanguine scilicet Sacrificii. Quam ob causam etiam Doctores Hebraorum בְּרִיתָא בְּדָם succidere sine omni hæsitacione deducunt, ut Latini fœdus à feriendo. Unde & ipsa phrasis ferendi Fœdus ità obvia est tum apud Hebræos tum etiam apud Græcos Latinosq; autores. Quòd sanctio sit in Legibus æquè ac in Pactis publicis ac Fœderibus ex eo manifestum est, quòd Sanguis Transgressoris Legi debet satisfacere. In legibus Sanctio dicitur ea pars, inquit Grotius, quæ sanguinem delinquentis Legi consecrat.

4. Rursus, Lex & Testamentum hoc habent commune, quòd neutra sint absq; sponcione vel contractu. Nam & hæres, eo ipso quòd hæres est, præstare debet factum defuncti; & subiectus alterius imperio, eo ipso quòd subiectus est, ejusdem legibus parere debet, quemadmodum idem Author nos monet.

5. Postremò, Fœdus & Testamentum in hoc conveniunt, quòd initio integrum est homini pacisci vel non pacisci, & similiter administrationem obire, hæreditatemve hanc vel illam adire vel non adire. Sed non semper homini integrum est hujus vel illius imperio subjici vel non subjici, siquidem subiectio inevitabiliter in quempiam descendere potest, tanquam talibus parentibus prognatum, atq; in talis Principis jurisdictione.

6. Ex hac distincta intellectuone harum diversarum significationum vocis διαθήκη, quanam ex illis Naturæ Evangelii aptissimè conveniat faciliùs judicare possumus, sapientiamq; Antiquorum observare in eligendo hanc Inscriptiōem præ qualibet alia. Poterant enim τῇ καινῇ Νόμον appellare, duplicem eò habentes invitationem. Primò enim Judæi Pentateuchum suum ut & reliquos suos libros sacræ Scripturæ ὡς appellationem, hoc est, Νόμον. Et Doctrina Christiana ità etiam nuncupatur à

Paulo

Paulo & Jacobo, Galat. 6. Alii aliorum onera portate, atq; ita Christi lege persungimini. Et Jacob. 2. Si quidem Legi paretis regie quæ sic literis est prodita, Alterum ut teipsum diligito; rectè faciit. Poterant etiam Inscriptionem facere ἡ καινὴ διαθήκη, cujus determinatus sensus futurus fuisset, Novum fœdus; Hoc verò specialem illum sensum vocis διαθήκη ad quem Author ad Hebræos alludit, occultasset, cap. 9. v. 17.

7. Sed enim illi διαθήκη potius appellaverunt quàm Νέον, Primò, quia videntur ab ipso Christo non obscure moneri ut sic Evangelium nuncuparent. Matth. 26. 28. Τὸ τοῦ αἵματος τοῦ καινοῦ διαθήκης, Hic est enim sanguis meus novi Fœderis. Idem etiam legere est apud Marcum atq; Lucam. Aded ut cùm sanguinis hic fiat mentio, sanctio propriè sic dicta, quæ res est in natura fœderis maximè conspicua, manifestò se prodatur. Authòr; ad Hebræos accuratius pleniùsq; hoc argumentum prosequitur cap. 7, 8 & 9. ubi vers. 19. Christi sanguinem cum sanguine fœderis à Deo cum Judæis facti planè comparat. Effusus enim omnia mandata ex Legge Moyses Exod. 24. 8. universo populo, sumpto vitulorum & bircorum sanguine cum aqua & lana coquina ac hyssopo, ipsum librum & universum populum conspersit, dicens; Hic est sanguis Testamenti quod ad vos mandavit Deus. Quo quidem cum sanguine Testamenti fœderisve Judaici, perpetuò ad finem usq; capitis, sacrificium Christi comparat, & pretiosi illius sanguinis effusionem, quando pacificum fœdus feriebat cum Deo in Remissionem peccatorum universi Generis humani.

8. Altera ratio cur διαθήκη appellaverint potius quàm Νέον est, quia hæc Inscriptio planius nobis suavem illam Dei Omnipotentis condescensionem instituatur singularémq; Bonitatem in Evangelio, qui Christum mittendo non egit nobiscum jure summo, nec imperiosè nos tractat ac minaciter, ut severi solent *Legislatores*, sed mansuetè clementérq; ad instar eorum qui benigno quodam modo ac familiari inter se paciscuntur. Sacríq; Scriptores tantum absunt ab ulla notabilem præbendò occasionem Νέον nomine insigniendi Evangelium, ut Legi quasi datà operà frequenter illud opponant. Et si quando illi Titulum istum attribuunt, sit sanè ut plurimum non sine aliquo emollienti mitigantive adjectamento, ut quando vocant *Legem fidei* non operum, & *Legem Libertatis*, Jacob. 1. 25. Aded ut videamus sufficientem subesse causam cur, tametsi *Judæi Pentateuchum* suum aliq; scripta sacra ἡ τὰν ἀποκάλυψιν appellaverint, primitiva tamen Ecclesia scripta Evangelica appellaret διαθήκη, Fœdus, cùm & Testamentum præterea sæpenumero significet, ad quod Author ad Hebræos alludit, cap. 9. 17. quod quàm proximè etiam accedit ad naturam fœderis, ubi quis conditionaliter Hæres constituitur.

9. Ipse igitur Titulus Voluminis illius Authentici Religionis nostræ generalem aliquam ejus Naturæ noticiam nobis ministrat, nempe si aptè à Græco fuisset translatus. Verùm Christiani Latini tam in Veteri Testamento quàm in Novo, cùm semper reddiderint διαθήκη Testamentum (etiam ubi διαθήκη dñi nominatur, quemadmodum Grotius notavit, cùm Deus tamen mori nesciat, nec proinde unquam occasionem habiturus sit Testamentum conscribendi ultimamve suam voluntatem) Translatoribus nostris Anglicanis aliisque, opinor, quamplurimis, se, in hujus libri Titulo, sequendi Occasionem dederunt, reddendiq; Testamentum potius quàm Fœdus: per quod tamen Fœdus revèrà est intelligendum. Alioqui si Voluntas ultima vel Testamentum hîc intelligatur, quemnam obsecro sensum Vetus præ se feret Testamentum?

CAP. VI.

1. Vetera fuisse Fœdera plura uno. 2. Quodnam vetus illud fœdus esset à quo novum distinguitur, cuive speciatim opponatur, cum brevi significatione discriminis eorum. 3, 4. Objeçtio adversus datum eorum discrimen, cum Responso. 5. Ratio cur secundum fœdus non facile frangatur. 6. Ponderosam secundi Fœderis considerationem autorem ad ampliorem totius argumenti deductionem è S. Paulo instituendam urgere.

1. IN genere igitur Religio nostra Christiana Fœdus est, cujus condiciones pactive particularia in illis libris comprehenduntur, quod Novum vulgò appellamus Testamentum, quod melius significantiùsq; redderetur Fœdus Novum. Cujus natu-
ram

ram tam commodè intelligere non possumus nisi ad *vetus* retrò *fœdus* respectando quod *novum* præcessit, cuiusq; mentio sit in Scripturis; cumq; plura uno sint, notando cuinam præcipuè ex illis *novum* hoc *Fœdus* opponatur. Mentionem fieri plurimum uno fœderum manifestum est ex *Ephes. 2. 12.* Et speciatim Circumcisio in libris *Mosis* ac Prophetarum vocatur ברית אל'יִשְׁרָאֵל, & *diabum* in *Instrumento novo*, Act. 7. 8. καὶ ἰδού αὐτῷ διαβύμν περιτομῆς, Inittq; *Deus* cum *Abrahamo* *fœdus* circumcissionis.

v. 31, 32.

2. Sed enimvero illud unum eminentissimum maximèq; formale ac solentie Fœdus quod *Deus* pepigit cum filiis *Israëlis*, illud inchoans quidem in ipsorum exitu ex *Ægypto*, consummans verò in *Sinai* Monte *Arabia*, hoc proculdubio *vetus* illud *Fœdus* est ad quod præcipuè illi respexerunt qui Religionem nostram *novum* *Fœdus* nuncuparunt. Quod profectò fecerunt satis grandi suffulti Autoritate, Prophetà *Jeremià* hac in re ipsis præeunte, c. 31. *Tempus erit, inquit Jehovah, cum feriam cum Israëlitica Judæaq; Domo novum fœdus, non quale fœdus percussi cum eorum majoribus tunc cum manu prebensos eduxi ex Ægypto, quod quidem meum eis imperantis fœdus violârunt, inquit Jehovah. Sed hoc erit fœdus quod cum Israëlitica Domo post illa tempora percutiam, inquit Jehovah, Meam Legem in eorum pectora dabo, inscribâmq; cordi, & ego eis Deus, & ipsi mihi populus erunt. Quod promissum commemoratur etiam Elai. 54. Eruntq; tui nati omnes à Jehovah docti & in multa pace degent tui nati.* Adeo ut inveniantur *vetus novumq; fœdus* sibi invicem ex adverso posita etiam secundum ipsorum Prophetarum ordinationem. Naturæ quorum differentia in hoc præcipuè consistit, Quod *vetus Fœdus*, externum *Fœdus* sit, aliquod extra hominem positum; alterum verò principium quoddam vitæ intrinsicus insitum. Hoc est Verbum illud quod in corde nostro est æquè ac in ore, cuius & *Paulus* prædicatorem se profitetur, unde necesse est illud esse *Jesu Christi* Evangelium.

Johan. 7. 38.

3. At verò, inquires, *Evangelistarum Apostolorumq;* scripta etiam extra nos sunt æquè ac *Litera Mosaica*. Esto; manifestum tamen est nihilominus apertèq; constat eos ad *veram* Evangelii *Oeconomiam* non pervenisse qui *interuum* vitæ principium non sunt assecuti. Quod cum sit Evangelii maximè proprium ac peculiare propositum, Evangelium considerare debemus juxta hoc propositum finemve, illudq; judicare suum opus nondum perfecisse, nihilq; ferè nobis antè prodesse quàm hoc effectum sit. *Qui credit in me, sicut dicit scriptura, ejus ex ventre fluent perennis aquæ flumina.* Et *Johan. 6. Qui meâ carne vescitur, meumq; sanguinem bibit, is in me manet & ego in eo. Quemadmodum vivit pater qui me misit, ita & ego per patrem vivo, & qui me vescitur is quoq; per me vivet.* Quæ loca manifestò innuunt maximè *intima vitæ principia* quæ concipi possunt, *divinâ* utiq; *Naturâ* quasi in succum & sanguinem in nobis conversâ.

4. Caterum Conversatio nostra, sub *Fœdere Mosaico*, spiritusq; tenor, non est nisi assueta ordinariâq; temperies, habitusve hæc aut illa agendi vel non agendi; & consequenter omnis illa *Justitia* non nisi quædam animi carnalibus rationibus affecti Forma, quam *Metus* ac *Consuetudo* in externam quasi Animæ superficiem insculperint; quos characteres eadem *Instrumenta* legibiles conservant. Verum sub *Christi fœdere* nec *Metus* nec *Consuetudo* sed *internus vitæ Spiritus* in æternam sanctitatem nos efformat permanentemq; renovationem naturæ, occultiq; hominis regenerationem.

5. Unde & ratio intelligenda est illius differentię quam *Propheta Jeremias* innuit, inter *Vetus Fœdus* atq; *Novum*: *Vetus* utiq; *Fœdus* violatum fuisse à populo suo, nunquam verò fore ut violetur *Novum*. Etenim cum unum jugum sit externum, alterum verò interna voluptas vitæ ac radicatum Animæ desiderium; minimè mirandum est id quod violentum est non esse diuturnum, nòsq; primâ datâ occasione, indomitum Equorum more, sarcinam abjicere quæ nos adeo lædit atq; obterit, quippe quæ, cum nostri pars nulla sit, tanquàm superfluum pondus miserè nos onerat gravatque. Verum perfecta *Lex Libertatis*, cum nostra fiat quasi *vita* ac *natura*; maximam profectò gravamen esset secundum eam non agere, & contra quidem agere, onus intolerandum. Effet enim quædam quasi vulneratio excruciatioq; *vitalis Principi spiritusve Christi* in nobis, quo non solum adjuvamus corroboramurq; ad omne bonum opus, sed eodem naturaliter oblectamur: cum è contrâ sub *Lege Mosaica*, nullam habemus spiritus conformitatem cum *puris præceptis Moralibus*, nec ullam in proluxa illa insipidarum & fastidiosarum Ceremoniarum sarcina complacentiam: Et nihilominus, *Oeconomia Mosaica*, tametsi nullum robur ministrat ad præstandum quod requirit, requirit tamen, durorum *Pharaonis* Penſi-exactorum ritu, eandem laterum summam, etiam cum nulla *Palex* sit copia.

6. Atq;

6. Atq; hoc aliquam sanè nobis affert lucem ad detegendam duorum fœderum naturam, quatenus à Propheta *Jeremia* describuntur. Cæterum cum sit tam immensi momenti argumentum, brevi hâc curtâq; illius ratione non ero contentus, sed copiosiore totius rei deductionem ex *Paulo*, (*Gal. 4.*) instituiam, ut plenius tam utile intelligamus *Mysterium*: Et postquam inde præstantiam statûs *Novi fœderis* detexero, ea tandem superaddam quæ ad magis fructuosam tendant tum ritè illud ineundi, tum felices in eo faciendi profectus, notitiam.

CAP. VII.

1. Status differentes duorum Fœderum, *Gal. 4.* per duplicem similitudinem illustrat. 2. Natura Veteris Fœderis adumbrata in *Agar*; 3. Et præterea in filio ejus *Ismaële*. 4. Natura Novi Fœderis adumbrata in *Sarah*; 5. Ut etiam in *Isaac* ejus filio & in *Israële* prole ejus. 6. Necessitas imitandi fidem *Abrahami* ut spiritualis *Isaac* sive *Christus* in nobis nasci possit. 7. Discrimen ingens inter primum secundumq; Fœdus in quo consistat, cum indicatione eminentissimi Objecti nostræ fidei obiter facta. 8. Alterum Caput principale, in quo hoc discrimen consistat, Libertas utique, idq; primò, à Ceremoniis & Opinionibus. 9. Secundò, ab omne genus Peccatis, malisq; affectibus. 10. Postremò, ad omnimodam Justitiam & Sanctitatem.

I. **D**icite mihi qui sub Lege esse vultis, legem non auditis? Scriptum est enim *Gal. 4. 21.* Abrahamum duos habuisse filios, unum ex ancilla alterum ex libera, quorum ancilla filius secundum carnem natus est, liberæ autem filius ex promisso: per quæ aliud figuratur. Nam ea sunt duo Fœdera: Unum à monte *Sinai* in servitutem gignens, videlicet *Agar*. Nam *Agar* *Sinai* mons est in Arabia, qui cum ea quæ nunc est *Hierosolyma* congruit, quippe quæ unâ cum filiis suis serviat. At superior *Hierosolyma* libera est, quæ mater est nostrum omnium. *22, 23.*

Historia de *Agar* & *Sarah*, de *Ismaële* & *Isaaco* hic introducitur ad illustrandum (quod sanè admodum appositè graphicèq; facit) duas differentes conditiones eorum qui sub Lege sunt, & eorum qui sunt sub Evangelio, ut præcellentiam præstantiâq; alterius supra alteram ante *Galatarum* oculos expositâ, non essent deinceps titubanti fluctuantive animo, nec pretiosam Evangelii puritatem superfluitatibus Judaicis, & inutilibus, si non perniciosis Ceremoniis coinquinarent, adulterarentque; sed soli Christo firmiter adhærent, non relabentes rursus ad *Mosem*, nec *Mosaicos* ritus Ceremoniâq; cum simplicitate & sinceritate Christi commiscuentes.

Verbis quæ recitavimus, duplex inest similitudo. Exponemus primùm, in utraq; *Protaseon* partes singulas, & pergemus dein ad *Apodoseon*. Prioris quidem partes sunt *Agar* *Abrahami* ancilla, *Ismael* ancillæ filius, modusq; generationis hujus filii ex ancilla. Secundum carnem natus est, hoc est, secundum ordinarium Naturæ cursum. Jam verò in *Apodoseon*, *Hierosolyma* quæ nunc est, id est, Ecclesia Judaica respondet *Agar* *Abrahami* ancillæ; itq; qui ex ea sunt Ecclesia, *Ismaël* ancillæ filio; & generationi secundum carnem, externâ Legis literâ nasci.

Posterioris *Protaseon* partes sunt *Sarah* fœmina libera, & *Isaacus* *Abrahami* filius ex hac libera genitus. Et postremò generationis modus, qui & *ἀποδοσις* non erat, sed *ἀπὸ τοῦ ἰσχυροῦ*, non erat secundum ordinarium Naturæ cursum, sed per Extraordinariam Dei potentiam ejus promisso significatam. Atq; nunc in *Apodoseon*, superior vel quæ sursum est *Hierosolyma*, hoc est, vera Ecclesia Christiana respondet *Sarah* liberæ, itq; qui sunt ex illa Ecclesia *Isaaco* liberæ filio, ipsorumq; Generatio ex spiritu non ex litera, *Isaci* generationi quæ per promissionem, non secundum carnem facta est.

Jam verò, si partes singulas harum duarum *Protaseon* inter se invicem suo debito ordine comparemus, insignem profectò deprehendemus in eis differentiam vel potius contrarietatem. Nam *Agar* & *Sarah* differunt ut *Servitus* & *Libertas*, & *Ismael* & *Isaacus* ut *Servus* & *Liber*, ipsorumq; generationis via modusve tantum à se invicem distat alter ab altero quantum Deus à Natura. Unde & realem necesse est oriri differentiam vel contrarietatem in partibus *Apodoseon*, nimirum, inter veterem ac terrestrem *Hierosolymam*, & novam quæ est sursum; inter *Judaum*, *Pharisæum*,

erat per *virtutem Divinam* modo extraordinario in Natura operantem, in qua virtute *Abrahamus* fiduciam ponens, fidemq; habens promisso, vidit præstituto tempore, fruebatúrque illius effectui. Atq; hæc est illa pretiosa fides Christiana, tam insigniter necessaria, & tamen tam parçè apud eos qui res Theologicas satis fusè tractaverunt commemorata. Etenim absq; hac Fide in virtute potentiave Divina, *Isaacus* in nobis nunquam gignetur, & certè si in nobis genitus non sit, nullam video rationem cur nosmetipsos Christianos concludamus, hominève sub *secundo Fœdere* constitutos. Quamobrem hæc res est apprimè necessaria cui insistatur, ut id tandem reverà esse possimus quod pretendimus, hoc est, ut Filii esse possimus *Libera* non *Ancilla*. Ut verus in nobis existat *Isaacus* qui *Christus* est secundum spiritum, Dei sapientia ac potentia, Divinus quidam vigor atq; vita, quibus freti summa quidem cum alacritate & gaudio in Divinis semitis ambulare possimus.

6. Atq; hæc profectò ea erat tam necessaria utilisq; Fides, quæ in *Abrahamo* adedò commendabatur, ut imputaretur ei ad Justitiam quemadmodum suprà notavi. Confidentia utiq; illius in Divino Promisso in eis rebus quæ supra ordinariam Naturæ potentiam sitæ sunt. Ità enim plerunq; comparati sunt etiam illi homines qui amplas de Deo Divinæq; Providentia professiones faciunt, ut nunquam tamen ipsi ultrà quàm in naturalibus causis ac probabilitatibus humanis, fidem habeant. Hoc verò non tam Deo confidere est quàm *Naturæ*, nec tam ab eo dependere quàm à frigida nostra ac inefficaci Ratione, quæ à consuetis Probabilitatibus semper concludit. Quod *Abrahamus* si fecisset, multam sanè commisisset, fecissetq; jacturam promissi partûs filii sui *Isaaci*. Atq; hic profectò minimè alienum erit nosmetipsos examinare an non & nos spiritualis *Isaaci* partum per infidelitatem nostram impediamus. Etenim dum homines plerosq; omnes tam pravos deprehendimus, ac nobismetipsis corruptionis multæ omnimodæq; infirmitatis ac proclivitatæ ad id quod malum est conscii sumus, rémq; tam vulgarem apud homines esse observamus in depravatis suis viis persistere, habitûsq; solitos non exuere, & nos ipsos etiam in nostris consiliis ac conatibus sæpenumerò victos decessisse, retròq; fuisse repulso, valde profectò proclives sumus ex spiritu Infidelitatis ad concludendum id quod tam difficile est carni ac sanguini, quòdque tam rarò in rebus humanis contingit, nunquam in nobis effectum iri. Et propterea prout fors tulerit sic vitam instituimus, aut saltem perquam tennes facimus profectus in vera Religione ac Pietate; ut ut est, deficiamus, sat scio, longeq; absimus à præclara illa vocatione ad quam vocamur, ad gloriosam scilicet illam filiorum Dei libertatem à servilibus inutilium Ceremoniarum realiumq; peccatorum illaqueamentis. Quod quidem indè proficiscitur quòd illà *Abrahami* fide destituimur, qui contra omnem naturalem probabilitatem credidit, (non obstante vieto suo corpore, steriliq; *Saræ* utero) Deum sibi semen excitaturum esse seq; filium in extrema sua senectute procreaturum. Oportet igitur nos *Abrahamum* Patrem fideliùm imitari, nec diffidere quin id, in quo nosmetipsos infirmos deprehendimus, Deus opportuno tempore nobis sit suppleturus, ac propterea cum patientia ac perseverantia contentissimè porrò pergere, & per fidem in Dei potentia, qui Christum suscitavit è mortuis, expectare, quòd & nos postquam conformes facti simus illius mortui, participes etiam erimus ejus Resurrectionis è mortuis. Christus enim in animis nostris per mortem nobiscum vadans, hoc est, sustentans nos corroboransq; in maximis nostris angoribus, seipsum pariter ac nos in gloriosam è mortuis Resurrectionem effert. Quam, *Nativitatem*, si lubet, æquè aptè appellare poteris atq; *Resurrectionem*, tali tantummodò libertate utendo quæ jam in Scriptura usurpata sit, ubi Apostolus de Resurrectione Christi loquens illud citat è Psalmo secundo, *Tu filius meus es, ego hodie te genui*. Atq; hic ille filius est, qui, prout ipse de seipso proficitur, *si nos liberos fecerit, reipsa liberi erimus*. Est enim filius *Saræ* feminae liberae, cumq; nos ejusdem cum ipso spiritûs sumus, eo ipso liberi evadimus.

7. Et certè si insigne illud discrimen inter primum secundumq; fœdus declarare velimus per compendium, in his duabus potissimùm rebus consistit in quibus jam insistimus. Primò, verum Christianum, eumve qui finem scopumq; novi fœderis sit assecutus, id esse quod est per fidem in *supernaturali* virtute in ipso operante. Secundò, hanc conditionem quam assecutus est, conditionem esse *veræ ac perfectæ libertatis* propriè sic dictæ. Qui verò sub *primo fœdere* est, id esse quod est per *solas Naturæ vires* & componendo seipsum quantum potest ad externam Regulam ipsi ante oculos propositam. Et sanè is qui nihil hòc præclarius præstat vel in ipsa Christianitate, hoc est, qui extrinsecus solummodò se ad *Literam* Evangelii componit, nondum ad Evangelii finem appulit, nec *Isaacus* adhuc in ipso est genitus, verum sub externa forma *Legali* degit, vice *Legis Spiritûs vita*. Nec libert

natus

natus esse potest, siquidem *Lex Spiritus* vitæ ipsi deest, quæ reipsa nos liberat à *Lege peccati & mortis*.

Jam verò, quia verus Christianus ad felicem illam conditionem in qua situs est per *supernaturalem potentiam* pervenit (quæ conditio est ut liberè quis & naturaliter bonus sit atq; justus, hoc est, *Dei p[ro]p[ri]a, Divinâ Naturâ*; quam postquam assecuti sumus, naturaliter & sine coactione illud agere quod bonum est atq; justum propriè dici possumus) innotescit illinc nobis eminentissimum quoddam *Fidei nostræ* Objectum: *Divina* scilicet *Potentia*, cujus ope formandi sumus in hunc felicem statum vivæ internæq; Justitiæ, quæ nobis tam intima est quàm sunt animæ nostræ, quæq; ipsa vita est ac spiritus animarum nostrarum ut Animæ corporum: Atq; sic *fide justificamur* quemadmodum alibi monuimus, *fide* utiq; in *virtute Dei* quâ Jesum Christum in nobis excitare potest è mortuis, vel quod idem est, quâ potest facere ut *Isaacs spiritualis* crescat in vietis nostris ac sterilibus uteris, idq; in nobis efficere, Gratiâ suâ assistente, quod solis Naturæ viribus nunquam fuisset effectum. Hoc, inquam, eminentissimum est & perquam nobilissimum nostræ Fidei Christianæ Objectum. Et de hujus Fidei defectu, sensu quidem Mystico Propheta meritò existimari potest conqueri ubi ait, *Quis credidit Orationi nostræ? & Jehovah brachium cui patetis?* *Esai. 53. 1.* hoc est, Homines admodum tardi segnèq; sunt ad credendum Potentiam Dei in Christo tam efficacem esse, quàm reverà est, ad diruendum quodlibet munimentum Satanz & ad occidendum interimendūq; Peccati corpus in nobis ut spiritus Justitiæ restituatur in nobis ac reviviscat. Atq; hæc breviter de primo membro in quo *secundum fœdus* differt à primo. Secundum hoc est, Quod status *secundi fœderis* status est *libertatis*, quemadmodum ille sub primo status *servitutis*.

8. Atq; hæc *libertas* in his tribus potissimum rebus consistit. Primum, In eo quod liberati sumus à fastidiosis prolixisq; Ceremoniarum impedimentis, nec superstitionis superfluarum opinionum laqueis retibūve ampliùs sumus implicati, talium utiq; quæ suâ naturâ ad *Divinam vitam* promovendam minimè tendant, Christi regnum amplificandum in Terris. Atq; equidem animum nusquam inducere potui ut zelum crederem circa speculationes non necessarias quicquam aliud esse quàm naturalis calor ebullitionem in illius rei gratiam quæ æquè chara sit, immò verò charior ipsi *Diabolo & Animalis homini* quàm veris Dei filiis. Apud quos scientiæ speculativæ curiositas ac desiderium multum minuitur, propter ardentem eorum appetitum atq; sitim *Divinæ vitæ* ac *sensûs*: qui modo quidem admodum vivo eos post debitum *Regenerationis* gradum *Resurrectionis* sue è mortuis est possessurus, postquam scilicet resurrexerimus perinde cum Christo ac olim cum eo mortui fuimus. Interea verò loci dum per dolorificos *Mortificationis* angores transimus, omnes profectò bellæ opiniones curiositatèq; Religionis, sparsæ tunc circa nos jacebunt neglectæque, ut nugamenta & crepitacula pueruli lethaliter ægrotantis.

9. Deinde, altera pars *libertatis* nostræ in eo consistit, Quod liberi sumus à peccato. Ipsa verba sunt Apostoli, *Si enim ejus mortis similitudine in istititii facti sumus, etiam Resurrectionis erimus; illud scientes, veterem nostrum hominem simul esse crucifixum, ut peccati corpus aboleatur, nè nos ampliùs peccato serviamus. Et enim qui mortuus est à peccato est liber.* Atq; hinc manifestum esse autumo, qui debitos fecerit profectus sub *secundo fœdere*, sub Christi scilicet Evangelio, eundem à rebellionem ac tumultu corporis peccati esse liberum. Et nè in tam generali notionem tergiversari possimus ejusq; vim eludere, magis particulatim rem proponam. Liberum igitur eum dico à *Superbia*, ab *Invidia*, ab *Odio*, ab *Iracundia*, à *Dolore*, ab *Avaritia*, & ab omni turpi *Cupiditate*. Et quædam sanè ex his naturæ Christiani ita repugnant, *Superbia* putà & *Invidia* ut adinstar sint præsentissimi veneni, nec vel minimo gradu cum illa conditione qua de loquimur, unà possint consistere. Et tamen aliquid per argumentationem asserri possit pro *odio*, credo tamen illud admodum perversè obtortèq; locum occupaturum in corde boni cujusvis Christiani, nec certè quicquam illo opus esse video, siquidem *Ira* & *Dolor*, hoc est, commiseratio, ejus vices supplere poterunt. Et observatu quidem dignum est, Christum Servatorem *Ira* aliquoties abreptum fuisse & *dolore*, ac *commiseratione* colliquatum; verum nè minima quidem intimatiuncula est odii per totam Servatoris vitam. Adeò ut tutissimum sit maximèq; securum aut irasci aut misereri improborum hominum, non autem odio prosequi, nè & nosmetipsi aliquo modo invis evadamus nos induendo tam deformi larvâ. Quantum verò ad *Libidinem* ac *voluptates corporis*, tam conspicuum illud est mortificationis Objectum, ut is sanè qui hîc metam non transfigit jugulumq; percutit, nihil omnino necaverit. Est enim vitiositas omnium crassissima & lutulentissima (ut taceam quantum in se habeat scandali) & inquietatrix hominum

num importunissima qui serio studio ad Deum feruntur, maximâq; Fidei sensûsq; in rebus Divinis suffocatrix, itaq; alas Animæ delibutas reddit & quasi visco illitas, ut fursùm se movere non valeat nec seipsam ab impedimentis corporis ullo modo liberare, nec imaginari quicquam animôve concipere quod *cæleste* sit ac *Divinum*.

Jàm verò *Superbiâ Voluptatêq; corporeâ* exterminatis, manifestum est *Avaritiâ* actutùm hinc submotum iri; siquidem illa ut plurimum non est nisi istorum duorum vitiorum opsonatrix. Isq; qui maximè sordidè avari sunt, probè sibi sunt conscii, cùm pecunia ad omnia valeat (quicquid homines obgannierint) se nec esse nec unquam fore despicabiles.

10. Tertia ultimâq; *Libertatis* pars est quæ nos liberos reddit ad *Justitiâ*. Quôd; sic se res habet, ex eo quod jam dictum est planè apparet. Etenim postquam quis ab *onere inutilium Ceremoniarum*, ab *infructuosarum & superstitiosarum Opiniorum* illaqueationibus, & à corpore deniq; *Peccati* liberatus sit, quid nunc, obsecro, *Divinum* illud *Principium Regenerationis* ab operatione alacri, libera ac delectabili potest impedire? Nam omnis collis jam depressus est, omnisq; vallis exaltata, omniâq; plana & æqualia coram eo facta, ut cum voluptate, pace ac gaudio ambulare possit in viis æternæ illius Justitiæ quam Christus in mundum introduxit. Nam æternum-verbi semen ipsi insitum, vivâq; Lex Justitiæ cordi ipsius insculpta, æquè naturaliter eum regit actuâtque, quàm anima corpus solutum vinculis movet; nec major illi coactio est servitûsve illud agere quod reverà *bonum* est atq; *sanctum*, quàm homini irrogenito id facere quod *naturale* est aut *peccaminosum*.

Atq; sic perspicuè fidelitèr; nobis ante oculos proposui bene adulti Christiani Ideam, qui debitos suos profectus fecit sub ingentibus subsidiis *novi Fœderis* seu Evangelii; ut cognoscere indè possimus quò nos aspirare oporteat atq; anhelare, nec unquam quiescere donec facti simus hujus tam beatæ felicisq; conditionis compotes. Quod sanè Propositum tanti momenti est ut huic penso absolvendo me defuisse existimavero, nisi ea etiam quæ directioni in ineundo hoc *Novo Fœdere* quod descripsi, & ad progressus faciundos in eodem inservire possint, insuper addidero. Quod *adequatum* ostendendo illius *Objectum*, *Principium verum* quo moveamur ad paciscendum, & *Media efficacissima* quibus nos fideles præbeamus prosecutores illius quod initio deliberatum habuerimus pactiq; sumus, præstitum iri censemus.

C A P. VIII.

1. *Adequatum Objectum Fidei salvificæ sive Fœderis Christiani.* 2. *Quod obligatio etiam ex nostra parte sit, manifestum esse ex ipsa Novi Testamenti Inscriptione.* 3. *Sanguis in fœderibus quid significet.* 4. *Et quid per Analogiam Sanguis Christi in fœdere Christiano.* 5. *Periculosus error execrabilisq; Hypocrisis eorum qui sibi aliisq; persuadere volunt pacti præstationem ex eorum parte in hoc Fœdere nullam requiri.* 6. *Cælestem Hereditatem, sub conditione tantum, nobis promitti è multis Scripturæ locis demonstratum.*

1. **O**bjectum adæquatum *Fidei salvificæ sive Fœderis Christiani* (per *Fœdus* enim intelligo fidelem nostrum sincerumq; conditionibus Evangelii assensum) illud est quod vulgò appellamus *Novum Testamentum*, hoc est, omnes illæ utilissimæ veritates quæ illuc commemorantur, tam *Præcepta* quàm *Promissa*. Quibus omnibus fidem adhibendum est iisq; firmiter assentiendum. Vel ut majori cum compendio loquar; Quicquid Christus illuc dicitur fecisse pro nobis aut passum esse, nostri causâ egisse nobisve procurasse; quicquid boni nobis jam effecit, promissive ex sua parte in posterum, hoc omne sine ulla mala suspitione animive fluctuatione est credendum. Et quicquid ex nostra parte agendum requiritur, id etiam libero plenôq; animi proposito acceptandum est ac spondendum, & summa cum constantia ac sinceritate eò allaborandum, sine omni fraude ac tergiversatione, sine ullis technis & elusionibus perversisq; interpretationibus sanctorum præceptorum Evangelii.

2. Ipsa enim Inscriptio hujus Instrumenti quod *Novum* appellamus *Testamentum*, si *æquè* *diabolum*, *Fœderis* notionem præ se fert, hoc est, *mutuæ obligationis*; quanquam & *Novam Legem* potest etiam significare. Qui Titulus severius quidem refutaret Hypocriticos illos & sui ipsorum & sectatorum suorum palpones, qui fallacibus & præstigiis

præstigiis suis interpretationibus persuadere ipsis volunt, nihil ex eorum parte in hac Evangelica Oeconomia expectari. Et præterea Lex non temerè apud *Aristotelem* definitur per *Συνθήκη* *Fædus*, cum sit ἡ συνθήκη ἀλλήλοις τῶν δικαίων, quemadmodum eam *Lycophron* descripsit; cum Lex sponsor sit & susceptor quòd res justè bonèq; fide transigetur partem inter atq; partem. Nec veritatem ad quam collineamus eludere poterunt prætendendo τὴν καὶνὴν διαθήκην eo solo sensu *Novum Testamentum* esse quo ad homines moribundos refertur, atq; idcirco significare posse jus alteri concessum sine ulla mutua Obligatione: Hoc enim sensu *Novum Testamentum* appellari non potest, quippe quòd nullum sit *Vetus* quod illi respondeat. Etenim Lex Dei *Fædus*ve per *Mosè*m, *Testamentum* appellari non poterit in hoc sensu: Deus enim Pater non moriebatur, nec certè est Lex *Mosaica* Legatum quodpiam ultimave Voluntas ac *Testamentum* ad mortem *Mosis* relatum.

3. Restat igitur Christianitatem *Fædus* esse obligatorium, quo pars parti obligetur, Deus scilicet homini, homòq; Deo; Hujusq; *Fæderis* Mediatorem esse *Jesum Christum*, cujus sanguis in *Cruce* effusus, hujusce *Fæderis* sanguis est, quemadmodum & maxime sacra & solemnia *Fædera* apud Gentes, ipsòq; adeò *Judeos* (prout supra memoravi) sanguine aspergebantur. Quæ Ceremonia sacrificandi effundendiq; sanguinem nihil aliud erat quàm insinuatio mutue imprecationis comminationisve extremi mali sibi invicem, si fraudulenter egerint in concepto *fædere*, *Orotius* antiquam Religionis *Paganicæ* formam producit quæ expressim ad hoc propositum facit. Qui prior defexit, tu illum, Jupiter, sic ferito, ut ego hunc porcum hodie feriam, tantòq; magis quanto magis potes pollesque. Atq; sic *Trojanis* *Græcis*q; solenne *fædus* ineuntibus, ejusq; se mutuo stare conditionibus religiosè obligantibus, pronuntiabat unus quispiam hanc imprecationem seu comminationem utrivis parti qui fidem fefellerint.

Ζεὺ κούριον, μέγιστε, καὶ ἀθάνατοι θεοὶ ἄλλοι,
Ὅστις πρῶτος ἤσχετο κατὰ δόξαν πικρύνειν,
Ὅστις σὺ ἵππιον χαλκίδι φέει ὡς ὅτε ὄϊον.

Jupiter augustissime, maxime, cateriq; immortales Dii,
Utri priores contra *fædera* noxam intulerint,
Sic cerebrum ipsorum in terram fluat sicut hoc vinum.

4. Ex hac generali notione significationeq; sanguinis in *fæderum* *Sanctione*, quis illius sensus sit in illo *fædere* quod Deus nobiscum pepigit per sanguinem Christi, faciliùs intelligemus. Etenim sub *Passionem* suam ultimam, vinum appellabat sanguinem novi *Fæderis* pro multis effundendum in remissionem peccatorum, hoc est, in pacem ac reconciliationem Deum inter atq; hominem. Caterùm in his publicis *Pactionibus*, *Pacificationibus* ac *Fæderibus* quæ fiebant per sanguinem, quanquam ea benevolentiae ac consensûs ceremonia erat, sanguinis tamen effusio non cessabat significationem etiam habere comminatoriam iis qui infidi futuri sint in sancito *fædere*. Multòq; magis sic se res habet in sanguine filii Dei. Ut pax multò majoris est momenti, ita & *fæderis* violatio multò majoris periculi. Hoc Author ad *Hebraeos* expressè notavit, ostenditq; quòd in voluntariis impietatibus perversisq; defectionibus à Deo, pars expiatoria pacificatoriq; sanguinis Christi virtutem suam amittit, parsq; comminatoria vim suam tunc inceptat exerere. Hebr. 10. 26. Nam si postquam veri cognitionem affecti sumus, datà operà peccamus; non jam superest ullum pro peccatis sacrificium, sed horrenda quadam expectatio *Judicii*, ignisq; sevitiæ adversarios consecuturi. Siquis contra *Mosaicam* Legem commisit, is citra ullam misericordiam ex duorum triumve *Testimonio* moritur: Quanto graviore putatis afficiendum penà, qui Dei filium proculcaverit, *fæderis*q; sanguinem, per quem lustratus est, pro profano habuerit, & gratiæ spiritum affecterit contumelià? Ac proinde, quemadmodum statuit *S. Petrus* 2 *Epist.* 2. Satius eis fuisset justitiæ viam nunquam cognovisse, quàm eà cognitâ, à tradita sibi sancta disciplina retrò recessisse. Quos homines is describit in antecedenti versu; Tales utiq; esse, qui cum ex mundanis *fæditatibus* elapsi essent per cognitionem Domini nostri ac Servatoris *Jesu Christi*, eisdem iterum intricabantur deviati, rursusq; in peccati servitutem redacti, auscultando præstigiis doctrinis *Libertinismi*, quemadmodum plenius in illo Capite licet videre.

5. Quamobrem apertè constat ex eis quæ jam allata sunt, conditiones esse in *Novo Fædere* ex nostra parte præstandas æquè ac promissa ex parte Dei, nec Christianitatem

nitatem esse tam laxam, remissam ac inertem Religionem quàm quidam Impostores eam facere volunt; quod & adhuc clariùs ex multis aliis Scripturæ testimoniis evincemus. Matth. 11. *Regno cælorum vis adfertur, & violenti illud rapiunt.* Ex quo planè innuitur nullos segnes remissivè conatus nos perducituros esse ad fruitionem Promissorum Fœderis. Atq; alibi, *Nemo qui, aratro admotà manu, respicit in tergum, aptus est ad Dei Regnum.* Et Luc. 13. 24. *Contendite intrare per angustam portam, quia multi (dico vobis) studebunt intrare & non poterunt. Quia angusta est porta & stricta via que ducit ad vitam; sed lata est porta & spaciota via que adducit in exitium, multiq; sunt qui introeunt per eam.* Prout occurrit in consimili loco *Matthæi.* Quæ manifesta Scripturæ loca quivis judicaverit satis valida esse ad expurgandum fœdos hos somniatores è perniciosis suis commentis ac opinionibus, per quas persuadere nobis volunt *Oeconomiam Evangelicam* rem esse tam mollem ac delicatulam, ut nulla sit manuum ad aratrum admotio, nulla contentio nec colluctatio, verùm nos ad cælos in plumea culcitra otiose *Fidei Fænativæ Libertinismi* sublatum iri. Cùm tamen Oracula Evangelica nos doceant, cum timore ac tremore nos nostram ipsorum salutem conficere oportere; currerèq; nos debere ac colluctari, pugnare & resistere, atq; id usq; ad sanguinem. 1 Cor. 9. 24. *An nescitis ut, qui currunt in curriculo, omnes quidem currant, sed unus certaminis pretium obtineat? Sic currite ut assequamini.* Enimvero omnes qui certant omnia perferunt, illi quidem ut interituram assequantur coronam: at nos immortalem. Equidem sic curro ut non incertò; sic luctor ut qui non aërem verberem; quin contundo subigòq; meum corpus nè fortè cùm alios docuerim ipse sim rejectaneus. Et tamen S. Paulus æquè electum erat vas atq; selectissimus horum egregiorum Pictatis Professorum qui per propriam sui ipsorum palpationem ità sibi imponunt, ut opinentur se faciliorem reperisse ad salutem viam, quàm Paulus ipse noverit, sperantq; se victoriam obtenturos ac coronam, non quidem pugnando contra proprias suas corruptiones, sed affectatitiis blandorum verborum formulis inanèq; grandiloquentià aërem verberando; quæ ad nihil aliud tendunt, quàm ad palliandam propriam suam Hypocrisin ac Infidelitatem in factò Fœdere & ad seductionem exitiùmq; aliorum.

6. Sanctus verò Paulus, ut ut illi quibuscum apud ipsum locis in pravæ suæ causæ favorem abuti volunt, apertissimus est hujusmodi falsæ doctrinæ redargutor, atq; adhuc expressiùs nos monet, Promissa Evangelii esse conditionalia. *Certa res est* (inquit ille ad *Timotheum* 2 Epist. cap. 2.) *Si simul mortui sumus, simul etiam vivemus; si toleramus, etiam unà regnabimus. Si negamus, ille quoq; negabit nos; si infidi sumus, (putà in Fœdere) ille tamen fidus manet, seipsum negare non potest.* Ille stabit pacto fœderi, juxta omnes illius rationes ac propolita, sive in pœnam sive in premium. Et Rom. 8. *Nulla igitur nunc est condemnatio iis qui sunt in Christo Jesu, verùm ipsorum conditio sive descriptio statim subuectitur, qui non secundum carnem incedunt sed secundum Spiritum; & vers. 8. Qui verò in carne sunt, Deo placere nequeunt. At vos non estis in carne sed in spiritu, siquidem Dei Spiritus habitat in vobis. Quod si quis Christi Spiritum non habet, is Christi non est. Si verò Christus in nobis est, corpus quidem mortuum est per peccatum, sed spiritus vivus per justitiam.* Et rursus, *Nam si carnis arbitrio vixeritis, morituri estis; sed spiritu corporis actiones peremeritis, vivetis.* Et vers. 16. *Ipse Spiritus animis nostris testatur nos esse Dei liberos; quod si liberos, etiam hæredes; hæredes, inquam, Dei, Christi autem coheredes; si modò simul patiamur, ut simul etiam glorificemur.* Quod planè innuit Hæreditatem cœlestem Regnùmve Gloriæ conditionale Regnum esse seu Hæreditatem. Et ut Regna taceamus, nè remissionem quidem peccatorum obtinebimus nisi sub conditione. Matth. 6. 14, 15. *Si enim remiseritis aliis hominibus sua delicta, remittet & vobis pater vester cœlestis. Sin minus remiseritis aliis sua delicta, nè Pater quidem vester vestra remittet delicta.* Quid isthoc potest esse evidentius?

Philip. 2. 12.

Ephes. 6. 12.

Hebr. 12. 4.

C A P. IX.

1. *Quid sit reverà Novum hoc Fœdus inire.* 2. *Hujus fœderis pactionem, actualem supponere Resipiscentiam.* 3. *Quòd Fœderator novus ex aqua & Spiritu sit genitus.* 4. *Necessitas peritè tractandi recens natos in Christo Infantulos.* 5. *Doctores quosdam meras Striges esse & Infantifugas.*

1. **N**OVUM hoc igitur Fœdus Evangelicum, Fœdus esse conditionale evidentissimè demonstravimus. Et certè nisi Hypocrisis & Impietas animas hominum tam degeneres effecerit ut Rationi consona absconâve eis perinde sint, ab ipso quidem sono & significatione vocabuli percipere possint capitulationes quasdam mutuas & conditiones subindicari, alioqui non posset esse Fœdus. His igitur præmissis quinam ille debitus sit affectus qualitasq; animi, quæ in eo requiritur qui Novum hoc Fœdus vult inire, quidve illud sit quo reverà illud jam iniisse intelligatur, facilius dispiciemus. Neq; enim est *Fides* merè *Historica*, seu Persuasio illa vera esse quæ in novo Testamento occurrunt, agnitioq; quòd ea omnia ad pacem salutemq; hominis tendant, quòdq; homo ad vitam, quoad poterit, obligatur, juxta sancta illa Præcepta quæ inibi continentur, instituendam; sed *amorem* præterea oportet esse & *existimationem dictorum præceptorum æquè ac persruendi æternæ vitæ Promissi desiderium*, sincerumq; porro institutum adnitendi sic vivere quemadmodum Leges Evangelicæ præscribunt, & hilarem deniq; expectationem *Divinæ assistentiæ*, quòd Deus utiq; vires illi per Spiritûs sancti cooperationem suppeditaturus sit ad tales faciendos in vitâ pietatèq; progressus qui verum Fidei Christianæ professorem condecant.

2. Qui, post perlectas Evangelii capitulationes prout in *Novo* occurrunt Testamento, vel quocunq; alio modo ipsius substantia illi sit communicata, postq; intellectos suos indè errores & deviationes, sive in opinione sive in praxi, ita affectus est quemadmodum declaravimus, manifestum, inquam, est, hunc peccatorum suorum errorumq; jam penituisse, priorèmq; Conversationem eatenus reverà improbasse quatenus menti Christi erat incongruens. Adèò ut status suprâ descriptus planè supponat *Resipiscentiam*, quæ rejectionem complectitur talium opinionum quas falsas esse detexerimus, & dolorem ac abhorrentiam ab omnibus nostris delictis cum voluntate compensandi injurias quantum in nobis est, si quid cuiquam nocuimus, & pronitatem ad vindictam quandam de nobismetipsis sumendam, in coercendo nosmetipsos & inhibendo à fruitione earum etiam rerum quæ in se licitæ sint, sed quæ in præsens fortean haud ita nobis expediant, sed potiùs noxiæ sint & perniciosæ.

3. Qui sic affectus est, quemadmodum descripsi, quiq; tam lubenti potest sinceròq; animo Christum amplecti, eumq; recipere ut *Regem* æquè ac *Sacerdotem* & *Prophetam*, & se jure obligatum sentit sic vivere in mundo sicut ille vixit, illius exemplum in omnibus sequens, quique (quod dixi) amat approbâtq; illas virtutes quas ille mundo commendavit, hic profectò perquam idoneus est *Novus Fœderator*. Nam caro & sanguis hæc non revelavit ipsi, sed Spiritus Dei qui est in ipso, quippe qui genitus est non ex corruptibili semine sed incorruptibili, ex verbo Dei quod vivit manetq; in æternum. De hoc statu intelligi potest illud *Johannis*, *Quisquis professus fuerit Jesum esse filium Dei, Deus in eo habitat & ipse in Deo.* Et cap. 5. *Quisquis credit Jesum esse Christum illum, ex Deo natus est.* Atq; hæc nova illa est *Nativitas* sine qua nullus est introitus in regnûm cœlorum, nempe, nisi quis genitus sit ex *Aqua* & *Spiritu*, hoc est, nisi sit genitus ex *Spiritu*, qui per *aquam Baptismatis* significatur. Quod externum *symbolum* est internæ *Regenerationis*, quâ homo capax fit hujus *Divini Fœderis*, remissionem peccatorum per Christum obtinet, & reale ac visibile membrum ejus Ecclesiæ constituitur.

4. Et postquam ad hunc modum in Ecclesiam genitus sit, nec tunc certè receptus est in brachia absolutæ Omnipotentia ad eum sustinendum, defendendum ac nutriendum; sed eadem ferè hic ratio est quæ in tenera Planta recens è terra nata, vel in Infante recens in mundum edito; qui nisi in manus incidunt una periti hortulani, alter bonarum nutricum, ambobus profectò periculum est nè funesto aliquo casu pereant. Accretio saltem ipsorum impediri potest per negligentem inicitamq; curationem si non & ipsa vita extinguatur. Etenim *Influentia Gratiæ* non est semper irresistibilis, nec Propositum illius indeclinabile; verum ita ferè se habet ut *Spiritus natura*

1 Johan. 4. 19.

1 Johan. 5. 1.

Vide lib 8. cap.
12. sect. 2.

turæ ejusq; conatus ac tentamina ad perficiendas earum rerum species quas producit, quemadmodum suprà notavi. Illa certè semper ad optimum enititur, sed inhiberi potest, & sufflaminari, & ipse *Spiritus sanctus* (quod ait Apostolus) *extingui potest* æquè ac ignis naturalis. Et tametsi Natura jucundum illud vitæ Principium liberaliter suppeditet, refrigerantem scilicet Aërem; pulmones tamen infantis ità farciri possunt insalubri lacte miseræ ac infidæ nutricis, ut eum trahere non possit ad vitam tuendam ac sanitatem: sed infelix infans immanitati morbi cedere cogatur, & per eorum manus occidere, qui vitam ei ac nutrimentum prætendebant ministrare.

* Lib 8. cap. 5.

5. Estq; par ratio in eis qui adhuc Infantes sunt in Christianitate, qui reverà vitam habeant sensumq; ac desiderium illius quod bonum est, verum ad id ætatis nondum pervenerint, quin opus habeant ab aliis lactari. Si illi igitur qui prætendunt eos nutrire, venenum pro sincero verbi lacte impertiunt, minimè dubium est quin permagno versentur in periculo nè vitam illam perdant in quam recens geniti sint, & à novo fœdere deficiant. Quodd hujusmodi erant olim Nutrices, vel *Striges* potius, quæ cum Infantes nutrire deberent, ipsum sanguinem vitamq; Religionis eis exugebant, multa in Apostolorum Epistolis loca subinsinuant, quemadmodum jam * notavi. Parvulos nimirum eos fuisse infantes quibus isti Impostores persuadere volebant eos justos esse posse, quamvis non essent justi ut Christus justus erat. Quod profectò frigidum torpidumve venenum ipsis in ora exprimere est, non salutare verbi lacte nutrire. S. Paulus fidelior nutrix erat, ipsumq; Titum sic esse docebat, cap. 3. ubi post mentionem factam de novo hoc Fœdere ineundo per Lavacrum Regenerationis & Renovationem Spiritus sancti, statim subjungit, *Fidus est hic sermo, & hac volo te asfirmare, ut ii qui Deo crediderunt bonis operibus studeant perfungi.*

C A P. X.

1. Primum Principium quod novus Fœderator stricte debet observare. 2. Secundum Principium quod observare debet. 3. Tertium ultimumq; Principium.

1. **Q**uamobrem ut nemo retrò cedat gradumve sistat, sed debitos profectus faciat, ritèq; in Christiana vita adolescat; Primum Principium cui *Novum Fœderator* adherere debet fixus & immobilis, hujusmodi est; *Indispensabilem* utiq; esse *Obligationem* in hoc novo Fœdere, vitam quantum possumus instituendi secundum illa præcepta Evangelii quæ aut ipsius Servatoris ore aut per sanctos suos Apostolos sunt tradita: Nec indulgere nobismetipsis oportere in re qualibet quam propriæ nostræ conscientiæ nos monent esse peccaminosam, nec animo quidem deijci tanquam omnis spei expertes, si quando nos contra proprium nostrum institutum ac consilium errasse quicquam lapsosve esse inveniamus, sed cum alacritate & confidentia, per mediationem Servatoris, obfirmationes in posterum addere conatus majoremq; circumspectionem, adminiculum etiam aliquod ex lapsibus nostris (in quos subita erroris alicujus infirmitatisve anticipatio nos conjecerit) ad celeriores altioresq; profectus in *Divina vita* nobis comparantes. Has duas considerationes *indispensabilis obligationis ad officium, Christi; pro nobis Intercessionis & Propitiationis, S. Johannes* scitè prudentèr; conjunxit, 1 Epist. cap. 2. *Filioli mei, hæc vobis scribo ut non peccetis: Quod si quis peccaverit, Patronum habemus ad Patrem, Jesum Christum justum, qui idem piaculum est peccatorum nostrorum: nec solam nostrorum, sed etiam totius mundi. Ac in eo nobis enim esse notum intelligimus, se ejus præceptis paremus. Qui cum sibi notum esse dicit, & tamen ejus præceptis non pareat, mendax est, nec est in eo veritas. Qui verò ejus dictis pareat, is verè perfectò Dei amore præditus est.* Quemadmodum hic Articulus valde perspicuus est, (prout alibi fusiùs probavi) ità profectò maximè necessarius est qui credatur animoq; recolatur perpetuò, ut nos tyros conservemus à gustando, tangendo, propiusve modo quovis accedendo ad aspectum odoremve dulcorosi illius veneni Libertinismi (coloretur licèt, dulcoretur, & aromatizetur verbis quidem gratiosissimis, gloriosissimisque locutionibus quibus humana Eloquentiæ fraus illud exornare potest) halitumq; hujusmodi Impostoris devitemus, pari profectò studio atq; hominis peste infecti, quippe cujus conversatio mors est & æterna animarum nostrarum perniciēs.

Lib 8. c. 1, 2, 3,
4, 5, 6, 7, 10,
11.

2. Secundum

2. Secundum Principium cui adherere debet, *Fides est*, penè dixerim, *Omnipotens in Deo per Christum*. *Fiduciam* intelligo in *Assistentia Sancti Spiritus* ad devincendum ejiciendumq; & nobis omnia genus peccati. Nam si fortiter fidelitèq; huic adherescimus, nihil sanè nobis poterit obistere, sed per patientiam & perseverantiam ex omnibus suis munimentis Satanam exigere valebimus. *Secundum fidem tuam ita fiat tibi*, æquè verum est in sanationibus animarum nostrarum per Christum atq; olim erat in curandis ægrotorum corporibus quando erat in terris. Hic principalis est *Fidei salvificæ* ramulus, maximūq; robur & adminiculum quod habemus, quo sustinere nos possumus nè subsidamus in peccatum nec fluminibus impietatis immergamur & abripiamur. Si hoc retinaculum perdimus, perimus. Etenim ii qui non credunt se posse peccato resistere, necesse est ut seipsos illi dedant captivos. Atq; hoc est quod facit sanctum *Paulum* tanto fervore ac affectu Deum orare pro *Ephesiis* ut dignetur eis largiri speciale hoc donum *Fidei* in confirmationem corroboracionemq; interni Hominis, cap. 3. *Hujus rei gratia flecto mea genua ad Patrem Domini nostri Jesu Christi, ut pro sua gloriosa opulentia det vobis fortiter corroborari per suum Spiritum in interiore hominem, quo habitat Christus per fidem in vestris animis, & sitis in Charitate radicati atq; fundati, &c.* quemadmodum aliàs recensui. Et in *Doxologia* hanc Orationem proximè subsequenti, quàm ineffabilis efficaciz in nobis sint Spiritus operationes non vulgari grandiloquentia enarrat: *Ei verd, qui cæci vi, quæ videri in nobis, potest omnia longè longèq; copiosius facere, quàm nos poscere aut cogitare, ei, inquam, gloria in Ecclesia per Christum Jesum, in omnem omnium seculorum perpetuitatem. Amen.* Quæ verba planè innuunt ejusmodi esse inexhaustam Gratiz & Assistentiz opulentiam à Spiritu Dei ut effectus operationum illius in nobis in præsens nè cogitari quidem possit nedum exprimi. Quapropter fides nostra in hoc supernaturali Principio non potest justo major esse, quoq; major est ed major erit fortitudo, victoriq; celerior & perfectior.

3. Et tamen aliud adhuc superest Principium quod fidem nostram ulterius actuat, nosq; reddet magis adhuc vivaces, obfirmatos & invincibiles, atq; hic *Amor Christi* est, quo se Novitius quisq; Christianus calefacere debet animūq; magis magisq; inflammare: Quod quidem optimè præstabit frequenti meditatione in *Passionem Christi*, quam ignominiam, quos dolores ac ærumnas sustinuerit ad conciliandum sibi amorem animarum humanarum, & ad devinciendas eas sibi dulcissimis illis ac inviolabilibus vinculis sinceri Amoris & Amicitiz, ut hæc aurea catenâ eas possit ad se à terra ad coelos attrahere. Quocirca Novum oportet Fœderatorem, quoties ingentem Servatoris Amorem secum recolit, pectusq; sentit jam incallescere cœlestis illius flammæ radio tactum, illustris utiq; Solis Justitiæ ad Dei dextram splendentis, oportet, inquam, reminisci quam is compensationem pro omni illo Amore ac Charitate quam nobis præstitit, requirat. Præceptum breve est, ac proinde nunquam obliviscendum, *si diligitis me, mandata mea servate.*

CAP. XI.

1. *Examinatio diligens quam Novus hic Fœderator instituire debet ad inveniendum quicquid in ipso sit corruptum & vitiosum.*
2. *Verè Regnitum non posse quiescere donec omnis ex eo exacta sit corruptio.*
3. *Ferventissimarum precum vivi Christiani objectum.*
4. *Discrimen inter filium Secundi Fœderis & Mancipium Primi.*
5. *Vaticinii Esaie de hoc statu Mystica Impletio.*

1. **C**hristianus igitur Novitius ad hunc modum *Fide & Amore, confirmatissimūq; sensu officii sui armatus*, quod utiq; eum sanctum esse oportet, quemadmodum is qui eum vocavit sanctus est, promptus tunc erit paratūq; ad aspectum hostis sustinendum, & ad eos exquirendos; si primo circumtūtu non inveniat, & ad extrahendos ipsos ex omni latibulo Hypocriseos & in apicum educendos trucidandōsq; Et si post diligens scrutinium nullos inveniat, ita tamen modestus erit ut diffusus sit propriæ suæ peritiæ, & ferventissimis precibus apud Deum contenderit ut dignetur ipsi detegere quicquid internæ abditæq; impietatis in ipso adhuc latere possit; in eum utiq; finem ut vetus fermentum prorsus expurgeretur, nihilq; omnino relinquatur quod adversetur Christi Sceptro Regnōq; Dei in ipsius corde:

2. Est enim reverà impossibile ut is, qui verè regenitus sit atq; semen Dei vitamq; ejus Spiritus in se habeat, quiescat unquam donec omne id quod pollutum corruptumq; est ex ipso ejiciatur. Verùm res ad imaginem illius quàm proximè accedit quod sit in naturali corpore quando agrotat; aut *Mors* aut *Sanitas* mediocri tempore totum corpus possidebit. Si materia morbifica non egeratur per sudorem, purificationem aliâve aliquam evacuationem, vita ipsa mox egeretur. Quod si id quod adversatur vitæ, tempestivè amoveatur, sanitas certissimè succedet.

Lib. 8. cap. 5.
scilicet 8.

3. Atq; ita prorsus se res habet in ipsa *Divina vita* postquam radices egerit atq; adoleverit, quicquid ei contrarium est odiosum etiam est & onerosum, ad instar Inventi Tyranni illius qui mortuos vivosq; simul colligavit. Quamobrem verus Christianus nunquam se quietè habebit ac pacificè, donec molestum hoc onus dejecerit, corpus utiq; peccati, veterem hominem, qui terrestrem rancidumq; emittit fetorem, si vel ulla ex parte percipiatur, & sanè tam intolerabilem, ut *Divina vita sensusq;* in homine eum nullo modo pati possit. Nec certè in conditione esse tam insensata ut quicquam super sit illius acidi fermenti, nec tamen ulla illius fiat perceptio. Ac proinde maxime importuna Dei sollicitatio apud Thronum Gratiae in vera vivèq; Christiano, hæc est; nempe, ut dignetur Deus ei detegere, quicquid in ipso super sit turpitudinis aut deformitatis sive in praxi seu in opinione. Quod Deus pro sua misericordia gradatim facit, non totum simul, nè nimium distractionis confusionisq; animi iudè oriatur. Verùm si nobismetipsis non defuerimus, opus suo quidem tempore perfectum erit, regnumq; celorum aequè intra nos atq; extra ad instar grani erit sinapis. Crisis morbi opportuno fiet tempore, quod paulò antè monui, totusq; Homo Dei Spiritu revivificatus erit, restitutusq; ad statum Justitiæ, Pacis & Gaudii in Spiritu Sancto.

4. Etenim quibusvis aliis conditionibus acquiescere, non est profectò Filii *secundæ Fœderis*, sed Mancipii cuiuspiam desidis sub *primo*, qui non operatur ex principio *Amoris internæq; vitæ ac collibentiæ*, sed ob rationem aliquam *externam*, minime curans quàm parum operæ absolvat, qualisve animi tenore, modò severam in præsens fustigationem devitet, promissamq; tandem à Domino recipiat mercedem. Verùm sub *secundo Fœdere* res multò aliter se habet. Verus enim hic Christianus impatiens est peccati, eo ipso nomine quod peccatum sit, eandemq; rationem habet ad *sensum* ipsius *animæ* quàm molestus dolorificusq; morbus ad *sensum corporis*, ac proinde intolerabili conditione est usq; dum ab ipsa liberetur, eoque magis, quanto est certior illud menti voluntatisq; Christi adversari qui in mundum venit ad sanandas nostras iniquitates, & ab omni peccato nos liberandos.

Isa. 41. 11, 12.

5. Ac proinde postremò, nunquam debemus contenti esse donec nosmetipsos per Divinam potentiam ad eum statum tenoremq; animi senserimus pervenisse (idq; ad eum usq; gradum quo humana natura sit capax) ut nihil prorsus super sit non demoliturum, quod *Divine* in nobis *vitæ* contrarium sit aut inimicum. Ut illud impleatur quod vaticinatus est *Esaias*, *Eos nimirum qui contra Israëllem pugnant tanquam nihilum fore; Eosq; qui cum ipso contendunt perituros. Quares eos & non invenies, etiam eos qui tecum contendunt. Erunt tanquam nihil ac veluti nihilum qui contra te bellum gerunt.*

C A P.

CAP. XII.

1. Quod peccati abolitio non sit sine aliquo configendi spacio. Methodus maxime infallibilis ad eam rem exequendam. 2. Externarum actionum constant Regulatio. 3. Hypocritica eorum querela de defectu potestatis qui ea bona opera non faciunt quæ sunt in eorum potestate. 4. Periculum mutandi Novum Fœdus in sedus operum, Amoremq; Christi in Amicitiam mercenariam. 5. Ardentissima preces ad Deum ut Imago Christi perficiatur in nobis. 6. Circumspectio perpetua ac vigilantia. 7. Vilificationem externorum Institutorum nullum signum esse novi Fœderatoris, sed insolentis animi ac carnalis. 8. Novo Fœderatori monitum de sua conversatione apud homines. 9. Divinæ vitæ Ramulus sine Fide in Deo & Christo in meram degenerare Moralitatem. Examinatio omnium motuum & excursionum proprii spiritûs quàm bene cum Humilitate, Charitate, & Puritate conveniant. 10. Monita de exercendo Humilitatem nostram; 11. Ut & Puritatem; 12. Amoremq; vel Charitatem.

A Tq; hoc quidem inservire potest generali directioni ac animationi, verum tamen ea etiam subnectemus quæ rationem habent magis particularem. Itæ enim hæcenus locuti sumus quasi, simulatq; quis sub secundo Fœdere constitutus sit, nihil illi jam amplius opus esset præterquam peccatorum suorum investigatio: quippe quod tunc Fide armatus & Amore, ea subito posset conficere. Verum nē quis me perperam intelligat, id sanè fieri non potest sine aliquo configendi spacio. Ceterum quânto his Divinis virtutibus instructior est, tantò erit victoria facilior & celerior. Interea verò loci caro adversus spiritum, & spiritus adversus carnem semper aliquid machinabitur, & patientia ac fidelitas ex nostra parte requiruntur ut id omne præstemus quod Deus jam in potestate nostra posuit. Et proculdubio in potestate novi Fœderatoris positum est, idoneo tempore omne genus corruptiones & immoderata desideria per brevem hanc & infallibilem methodum mortificare, per constantem scilicet ipsorum repulsam. Pauperi ad fores tuas mendicanti si nihil des, nunquam te reviset. Desiderium non explendo extinguitur. Et res nota est hominem sæpenumerò appetitum perdere nimis diu expectando prandium.

2. Desiderium inordinatum in morem febris nos frequentabit si indulgeamus ipsi, eiq; satisficiamus. Satanas intinctq; ossula in ventres nostros unà descendunt. Verum Fame expugnare poteris & Desiderium & Diabolum in eo latitantem, per obfirmatam temperantiam, & cohibitionem tuius in externis tuis actionibus. Noli affectare inanem gloriam plausuræ in actionibus tuis externis & sermonibus, sed modestè ea declina, & superbia mox concidet in animam tuam, videbisq; suo tempore Humilitatem orientem in tuo corde dulcèq; in te puerentem suo miti lumine. Ire tuæ exitum nē permittes, & extinguetur ad instar ignis suffocati. Lascivie Libidinis te sollicitanti noli respondere, & desistent te inclamare, arescentq; ut herba noxiæ in pulverem pedibus conculeata. Audè beneficis esse vel adversante degeneri abjectoq; tuo animo, & inimicis tuis gratificare, eis utiq; qui te oderunt invidentque. Avaritia enim atq; odium sæpius sic frustrata, præ indignatione & agridine tandem te derelinquent.

3. Quod si fallaciter agas cum Deo cumq; Anima tua in eis rebus quas ille in potestate tua posuit (& externum quidem hominem planè posuit in tua potestate) easq; perficere negligas, & tamen de defectu virium conqueraris, non possum quin aperte pronunciem te Hypocritam esse, perfidiosq; agere cum Christo in sancto fœdere, & Diabolum falsumq; tuum cor te decepisse. Assentaris quidem ac blandiris labiis tuis, bellasq; narras Historias de Benignitate liberq; Dei gratia in Christo, verum cor tuum procul ab eo abest. Nam quisquis nominat Christi nomen, eum oportet recedere ab injustitia, quemadmodum supra notavi ex Apostolo.

4. Jam verò in secundo loco, quemadmodum fideliter debemus in constanti abstinentia à malis actionibus externis persistere easq; exercere perpetuò quæ sunt bonæ; itæ certè summopere cavere debemus nē in his ipsis acquiescamus, veramúsq; hoc pacto Novum Fœdus in merum Fœdus operum, quasi externis his nostris peractionibus ita nos Christum devinciremus ut is obligaretur per modum gratitudinis nobis cælum dare, aut vi contractûs seu emptionis, cum tamen hac in re subdolè nos geramus, ut homines pauperculi aliquando agunt cum Magnatibus qui ipsis vilius aliquod munusculum

sculum præsentant ut præmium longè majoris pretii ab eis extorqueant, nullo interim sincero amore eos prosequentes, sed hamo tantum escam indentes ut piscem capiant. Immo verò addo insuper, Quod personalis amor atq; affectus ex sola ratione quod Christus externo aliquo modo nobis beneficus fuerit nōsq; ab æterno exitio liberaverit, nè hoc quidem plenè attingit finem ac propositum *secundi Fœderis*. Hoc enim vix quicquam aliud esset præterquam *Amicitia* quædam *mercenaria*, talisq; quæ vel *homini* merè *naturali* competet. Nam & is eum diligere potest qui tale bonum illi impertit, quod ipsi *Animali vitæ* ac Appetitui gratificetur. Verum *Amor* noster atq; *amicitia cum Christo* adhuc penitior esse debet atq; intimior, quandoquidem nos non solum sensu externorum Beneficiorum sed & Spiritus unitate ipsi alligamur, cum eadem in nobis *vita Spiritusq;* sit qui in ipso erat hic in terris. Ac proinde in ipsis Animabus nostris summa sympathia erit ineffabilisq; voluptas ac prolubium in illa *Natura* atq; *Spiritu* qui in omnibus Actionibus spirat sermonibusq; Servatoris in Evangelio commemoratis, animūmq; mirificè in universis ejus præceptis (sive per se ipsum sive per sanctos suos Apostolos traditis) abreptans oblectatio. *Dulciora erunt favorum necesse & optabiliora quàm multa aureorum argenteorumq; millia*, ut Prophetæ *David* loquitur.

5. Quamobrem nunquam cessandum est usq; dum nosmetipsos omnino abreptos deprehendamus & quasi absorptos amore ipsius *characteris & Genii*, ut sic loquar, beati Servatoris, & inveniamus nos sic affectos esse ut ille affectus erat in hoc mundo. Ac proinde externæ nostræ professioni preces fervidas ad Deum superaddere debemus, non solum ut Tentationibus resistere possimus externisq; bonis operibus fungi, sed ut dignetur etiam naturam nostram nobis in integrum renovare, ut *Regeneratio* nostra perfecta esse possit, itaq; in vivam Domini nostri ac Servatoris Jesu Christi Imaginem in solidum transformemur. Quod profectò non statis solum temporibus præstandum est sed perpetuo, prout opportunitas se dederit vacatiōq; à rerum mundanarum turba ac tumultu. Tunc enim oportet nos sermocinari cum cordibus nostris Divinamq; illam Imaginem ac Characterem contemplari, *Christi* utiq; *vitam*, observareq; ubi nos maxime deficiamus, & ad quam illius partem affectus nostri maxime frigeant, atq; sic cum seriis vehementibusq; ejaculationibus Deum versus, opem auxiliūmq; illius Spiritus implorare ad consummandum bonum illud opus quod in nobis inchoavit. Atq; ita quidem præceptum illud Apostoli explebimus, *Continenter orate*; hoc est, sive ob emergentem aliquam Tentationem, seu in ipsis nostri ipsorum Examinationibus ac meditationibus Religiosis.

6. Et quemadmodum debemus *continenter orare*, ita certè oportet & *continenter vigilare*, hoc est, transire ab una actione ad aliam cum *debita circumspeditione*, ipsam nostram conversationem cum hominibus, negotiaq; mundana in usum ad principale nostrum trahentes Propositum, promovendi scilicet in nobis *Divinam vitam*. Nam prodeuntes ad hunc modum in communem vitam lucemq; hominum, præsentem eo ipso habemus illius gratia quæ in nobis est exercitationem, faciliūsq; inde possumus infirmitates nostras & defectus deprehendere, quasq; vires similiter nacti simus, quosq; fecerimus profectus in via illa quam elegimus, experiri. Atq; sic quod nacti sumus eò magis corroborabitur, & quod nobis deest, cum nobismetipsis illius jam sumus conscii, distinctius profectò sciemus, qua ratione sit petendum à Deo.

7. Sic prosperè proculdubio opus procedet per *perpetuam Meditationem*, *Preces* ac *Vigilantiam*. Et dum ad hunc modum in teipso occupatus es, vide ut aliorum hominum te rebus immisceas. Et speciatim tibi cave nè *publica Ecclesiæ Instituta contempnas*. Eadem enim monita ac consilia accipere potes in *Congregatione publica*, quibus in propria tui ipsius conscientia assensus es, ab ore fidelium & peritorum Ministrorum Evangelii. Quæ, si is sis quem te esse simulas, oblectabunt cor tuum, tum ex eo quod testimonium sit veritatis, tum etiam quod per divinam benedictionem suam effectum habere possint in aliis perinde ac in teipso. Quapropter *novi Fœderatorum* indicium non est sed *Animi insolentis* & carnalis, & mali aliquid molientis, hujusmodi res vili pendere.

8. Præterea & hæc etiam monita tecum reportare debes de *conversatione tua cum hominibus*. Primò, Neminem debes ob ullas res externas indifferentis interpretationis, in *visu*, in *vestitu moribusve* civilibus judicare, sive quis more magis aulico, sive rurali se gerat, sive vultu subtristi sit, sive magis hilari & explicato, sive vinum bibat, seu à bibendo absteineat, sive splendide vestitus sit, seu neglectiori ornatu incedat, & sic de id genus aliis; non debes, inquam, sententiam, nè in tacitis quidem tuis cogitationibus, de hujusmodi rebus ferre, sed unumquemq; æstimare ex eo quod reverà Christianum ipsi insit, veræ Christianitati contrarium. Et tum dein, circumspectè tibi cavendum

cavendum est nè justa alterius libertas te ad aliquod incommodum adducat, pellendo te ad illius imitationem. Tu verò id strictè observare debes quod propria tua Conscientia te monet ad tuam incolumitatem maximè esse facturum, ut bonum opus feliciter in te procedat, utq; iustitia firmam suam radicationem habeat suumq; plenum incrementum. Interim verò sic te curare debes ut infantem temerum, hominemve ægrotantem quibus ea rectè interdiciuntur quorum utendi adultis sanisq; semper datur copia. His duobus monitis omne scandalum præcavebitur, quo aut tibi ipsi nocere possis aut injuriam aliis inferre.

9. Postremò, magis particulatim expressimq; tibi commendabo frequentem Meditationem de his tribus *Divine vite* ramulis, *Humilitate*, *Charitate* & *Puritate*, unà cum altissima ipsarum radice, *Fide in Deum per Jesum Christum*. Nam si hæc non adjungatur, progressus tuus in *novo Fœdere* in *Moralitatem* quandam facillè degenerare potest *in mere consuetudinariam* vel complexionalem, nihilq; in se habere quod reverà sit *Divinum*. Ejusmodi cum non fore scio qui idoneum te reddat ad salutem illam adipiscendam quæ omnibus verè credentibus promittitur. Et quantum ad tres illos *Divine Radicis* ramulos, volo te eos semper ante oculos tuos proponere, omnesq; motus & excursions spiritus tui in externa opera, examinare, quàm bellè cum his convenient, attentèq; observare, quando teipsum putas unius horum Principiorum stimulo, tanto cum zelo ferri, an non interim in id incurras quod alteri eorum alicui sit oppositum. Immo verò ardor tuus Enthusiasticus eò te fortean abripere potest, ut contra illud ipsum etiam Principium pecces à quo te moveri maximè existimes.

10. Sic dum nimis quàm enormes affectas indicationes *Humilitatis* tuæ, prudentes quidem gnariq; rerum Religionis, *Superbiam* tuam ex eisdem deprehendent. Ut si contentus non esses homines pauperes ad mensam tuam excipere, sed ministrare ipsis insuper, quadrà in manum sumptà, apertèq; capite, omniq; ministri mensarii officia ipsis præstares, tanquam si vetera jam instaurares *Saturnalia*. Cave tibi nè quid inanis gloriæ sapiat tam insolens actio, nève famam tibi quæras hominumq; sermone celebrari. Et vide porro an non peccatum sit contra *Charitatem*, & offendiculum futurum eis qui sunt extrà, qui si imaginari possunt te esse sincerum, vel invitì ferè trahentur ad credendum te valde Fanaticum esse & Melancholicum, totumq; forsàn rem Religionis nihil esse præterea. Sed vera *charitas* nihil agit indecorè.

11. Et si quando *Puritatis* studium te impellit ad subigendum castigandūq; corpus tuum, tam occultè rem illam perage ut contra *Humilitatem* nihil pecces Pharisaicà tuà ostentatione. Quamobrem si carnis mortificationi seriò operam das, noli id ostentare hominibus aut *vestitu sordido*, aut *aspectu tristi*, acerbòq; vultu; sed hoc tu tecum habe quàm potes secretissimum, ut *qui in secreto te aspicit, reddat tibi in propatulo*.

12. *Charitatis* sensu incalescis, quam *Amorem* tu malles appellari? Cave nè quid contra *Puritatem* pecces desectendo in impuram *Fanaticismq; Libidinem*, Foveam illam lutulentam in quam multi grandiloquorum *Enthusiastarum* corruerunt, itaq; illius cœno occacati sunt, ut principalem Illuminationis suæ fructum statuerint, eas obire Actiones sine modo ac pudore ad quas & Naturæ lumen & Evangelium Christi nos docuerunt erubescere. Hujusmodi circumspersionibus tibi opus erit, si tuò tum cursum dirigere cupias. Quòd si fidelis esse velis *interno tuo Ductori*, fidemq; in *santo Fœdere* illibatam servare, nullo profectò indigebis monitore. Via tua coram te tam plana fiet ut nec errare potueris nec titubare, sed pervenies tandem ad exoptatum scopum omnium laborum tuorum ac conatum, ad firmam utiq; *Pacem perennemq; Justitiam, impleberisq; omni plenitudine Dei*.

MAGNI MYSTERII PIETATIS EXPLANATIO.

LIB. X.

CAP. I.

1. *Affectum & existimationem quam habere debemus de Religione nostra, non consistere in damnando universos ad infimum Inferni Barathrum qui eam non profiteantur. 2. Intempestiva Christianis hujus sententiæ inculcatio. 3. Quod Christianum spiritum ea approbare magis condecet quæ bona sunt & laudabilia in aliis Religionibus, quàm tam sædè eas vituperare. 4. Quæ sint debite demonstrationes Amoris nostri erga Christi Evangelium. 5. Quàm exigua pars mundi Christiana nuncupetur, & quàm pauci veri Christiani sint in ea parte sic nuncupata. 6. Imperitam aliquam fuisse aut perfidiosam potentis illius machinamenti Evangelici tractationem, quod tam parùm exitii hæcenus Diaboli regno intulerit. 7. Authoris Propositum in lucem protrahendi præcipua debitorum ejus effectuum impedimenta.*



1. Quarta ac ultima *Derivativa Proprietas* Mysterii Pietatis, & quæ ex illius utilitate oritur, magnòq; illo commodo cui non solum, quantum ad hanc præsentem ac transitoriam, verùm etiam ad futuram æternamq; humani Generis felicitatem inservit, est summa illa *Existimatio* atq; *Honor* quem aut extorquet à nobis aut saltem debet extorquere. Qui quidem non exprimendus est, quemadmodum vulgò fit, vilificando convitiisq; prosciindendo omnes alias Religiones, damnandòq; vel optimos integerrimòsque *Turcas, Judæos & Paganos* ad imum Inferni, forèsq; tunc in eos obserando clave bis versâ, excubandòve illic ad ostium cum prælongis contis ad detundendos eos fundum versis, si qui fortè ipsorum emergere adniterentur vel quovis modo crepere: Hic fervor zelus omninò falsus est, nec ulli usui Evangelio, tam apertè statuere quod impossibile sit ullis hominibus, qui nati non sint sub Christianitate nec ad eam visibilter conversi, Infernum evitare, cùm tamen nunquam audiendi opportunitatem habuerint veram Evangelii vocem. Nam si Providentia tam severa repræsentetur & arbitraria, Incredulitatem potiùs gignet de omni omninò Religione, quàm nostram propriam promovebit, præsertim apud Animos liberos & intelligentes.

2. Et quid obsecro opus est ut tam funestas Historiolas illis enarrent qui Evangelium audiunt de istis qui non audiunt, nec unquam occasionem nacti sunt illud audiendi? Illorum profectò nihil interest, sed & hos perturbat qui audiunt, facitq; ut Divina Providentia minùs sit intelligibilis quàm antea. An non hoc sat esset eorum Auditoribus, nempe ut intelligerent eos qui Evangelium audiunt & tamen illud repudiant, esse in statu damnationis, siquidem Fidem ipsi habere, ipse lapis *Lydiæ* salutis est eis, quibus Evangelium offertur. Quod si operam dabunt curiositatibus (qui tamen mos est haud ità laudabilis) hoc tantùm possunt superaddere, Nullos salvos factum iri nisi virtute illius veritatis quæ comprehenditur in Evangelio, hoc est, antequam

antequam aggregati sint ad unicum illud Caput Ecclesiæ, qui est Iesus Christus, quippe quod *nullum aliud nomen est sub cælo apud homines datum per quod servandi simus*, quemadmodum Apostolus declarat. Cæterum quomodo Religiosi *Judæi, Pagani, & Turcæ* quibus Christianis mori non datum videatur, possint ad hoc Caput aggregari, equidem admodum decoræ in nobis modestiæ pars erit, ignorantiam nostram apertè profiteri.

3. Proculdubio multum præstaret, multoq; magis spiritum Evangelii condeceret ea quæ laude digna sunt in *Judaismo, Turcismo & Paganism*o admittere & commendare, & cum benignitate ac commiseratione eos monere quibus in locis errent, quibusve deficient; quàm in os illis involare, ipsiq; consummatissimam in quam humana Natura circa res Religionis labi potest, exprobrare impietatem, atq; sic ab immoderata depreffione aliarum Religionum propriam nostram extollere conari. Quod profectò mihi Schema Rhetoricum videtur perinde ridiculum atq; si quis *Salomonem* compararet cum universis per terrarum orbem fatuis, posteaq; gloriaretur quantò is omnes istas sapientiâ anteiverit, vel *Helenam* cum maximè deformibus fœmellis quæ unquam extiterint, atq; indè excellentiam illius pulchritudinis argueret, quippe quæ fœdas illas miserèq; distortas formas tanto intervallo superaret. Quæ meo quidem iudicio, admodum exigua frigidâq; est commendandorum hominum ratio.

4. Verùm hujusmodi demonstrationes Amoris nostri erga Evangelium & venustate carent & iudicio. Is qui profitetur se fidem habere veritati Evangelii *novumq;* hoc iniit *fœdus*, si solidum erga illud sui affectûs reverà exhibere velit testimonium, oportet cum id vitâ suâ præstare ac conversatione. Nam si illud approbat eiq; credit, non potest profectò quin monita sequatur inibi contenta. Quòd si strictè fidelitèrq; faciat, inveniet sanè ea tam ineffabilis præstantiæ, tamq; immensæ utilitatis, ut hoc solummodo contentus esse non possit, quòd ipse scilicet indè tam uberes fructus decerpserit, sed ingenti tenebitur desiderio, idem bonum, si fieri posset, cum universo mundo communicandi.

5. Atq; equidem quantum ad me, quoties seriò apud meipsum irrefragabilem claritatem & evidentiam veritatis in Evangelio Christi supra reliquas omnes Religionēs, perpendo, magnamq; illam ac penè irresistibilem vim ac efficaciam quæ in eo latet ad efficiendos homines pios probosque, non possum quin multo animi ardore latiore illius in mundo diffusionem discupiam. Admodumq; demiror, majores illud non fecisse profectus quàm reverà fecit. Etenim *Idololatria Paganica*, (quemadmodum *Breewoodus* in libro *Inquisitionum*, probabiliter collegit) duas tertias Orbis cogniti etiamnum possidet, *Mahometismus* partem quintam, *Christianismus* non nisi sextam. Et (quod adhuc magis deplorandum est) perquam magna pars Christianæ Ecclesiæ incursione *Turcæ* devastata est, & ad hunc usq; diem miseræ sub illo servituti subdita jacet. Et ut nihil desit quo augeatur admiratio, etiam earum mundi partium quæ purè, quantum ad *Titulum*, sunt *Christiane*, tanta profectò earum portio, sive sub nomine *Reformatorum* veniunt sive *Catholicorum*, tam crassâ Hypocrisi, tam apertâ Prophanitate professq; apud suos clandestinos cœtus impiâq; Conventicula Atheismo inficiuntur, ut res haud parùm difficilis sit sincerum Christianum in maximè speciosis Orbis Christiani Ecclesiis invenire, talem utiq; qui professionem suam non neget aut corde aut opere aut utroque.

6. Quæ tristis rerum scena non potest quin quemlibet serium moveat Christianum, qui animitus Religioni suæ bene optat, ad exquirendum quantum potest, veras causas hujus deplorabilis conditionis Orbis Christiani, quæq; impedimenta sint quæ obstant Evangelio (quod ex se tam potens est Instrumentum ad salutem) quò minùs effectum apud nosmetipsos sortiatur minùsve per alias Regiones quæ adhuc sunt Paganicæ, liberè currat. Peccata nostra in causa esse promptè respondebit quilibet piè animatus Christianus. Cæterum quæstio adhuc manet, cum machinamentum sit apud nos omnium sanè efficacissimum quod sapientia Divina excogitare potuit ad peccatum è mundo exterminandum, cur major clades peccati viribus *regnâq; tenebrarum* nondum sit illata. Inquisitionem igitur institui oportet qualifnam hujus machinamenti tractatio fuerit? quæ adjectiones ablationeq; factæ quibus efficacia illius eludatur aut aboleatur? qui errores in illius usu admissi, & similia. Etenim quòd alicubi miserè in usu Evangelii per totum Christianum orbem peccetur, valde manifestum est ex eo, quòd illius propositum ferè ubiq; ex toto frustretur, *Prophanitasque, Infidelitas & Atheismus* penè omnium corda occuparint. Quod pleriq; omnes sine hæsitatione consentunt, quidam sanè cum dolore verè Christiano, aut sincera indignatione, alii cum tacito quodam gaudio rictûve subrisorio, quippe gratulantes sibi corrupta suâ cogitata & actiones tot hominum suffragiis confirmari & cohonestari.

7. Ut missa igitur faciamus istiusmodi Principia quæ nunquam intelligenda sint, sed æternum ob signata ab aspectuq; nostro longè remota, ea saltem aspiciamus quæ intelligibilia sunt atq; visibilia. Eas, inquam, in medium causas producamus, quas nemo quisquam negare potest æquè latè patere atq; horrendos hosce morbos, vehementerq; inclinare, si non efficaciter ac necessario præcipitare Orbem Christianum in hanc abominandam conditionem quâ his temporibus multisq; antè seculis est repperus.

C A P. II.

1. Maximè fundamentalis error radixq; omnium corruptionum in Ecclesia Christi.
2. Superstitionem etiam esse posse in oppugnando Ceremoniæ & in prolaxis precibus & concionibus.
3. Religionem electitiam veram Pietatem ubiq; extinguere.
4. Insalubre ac flatulentum pabulum affectatæ 'Orthodoxiæ, cum malis illius consequentiis.
5. Professorum Hypocrisin mundum Atheis replere.
6. Auctoritativam obtrusionem crassarum Falsitatum Incredulitatem gignere, circa totum Mysterium Pietatis.
7. Ecclesias Christiani orbis ferè omnes reas esse hujus perniciosi erroris.
8. Immensum Incommodum doctrinæ Supralapsariorum.

1. **Q**uamobrem ut liberè eloquar quod ex constantissimo propriæ Conscientiæ suasu verissimum esse sentio. Universalissimum maximèq; fundamentale in Christiano orbe Erratum, idq; unde omnis Ecclesiæ corruptio incepit & etiamnum continuatur & invalescit, est tumida illa Orthodoxarum Opinionum & externarum Ceremoniarum præ indispensabili obedientia Mandatis Christi existimatio, fidelique studio perveniendi ad debitos gradus realis Renovationis interni Hominis in veram vivamq; sanctitatem & justitiam: In cujus locum plerunq; Opinionum Curiositas in rebus inscrutabilibus juxta atq; inutilibus substituitur, & Obtrusio Ceremoniarum, numerosarum, onerosarum, & non solum supervacanearum sed & illibatam modestiam & castimoniam sponsæ Christi minimè condecens, quæ sibi cavere debet ab omni specie umbræ Idololatriæ, quæ Spirituale Adulterium est seu Fornicatio. Etenim dum cor pruritu meretricio ad externas istas pompas fertur, majusq; justo pretium ipsis imponit, interna Pietatis vita facilè extinguitur Amorq; indispensabilis Legis Christi frigescit & emoritur. Immo verò ii qui zelum maximum habent, & si fas sit ita loqui, furorem erga res Religionis, adinventus est tantus & tam onerosus externorum exercitiorum cumulus, ut vel hujusmodi quidem Zelote omnes vires suas in exteriora munimenta antè absumere possint, quàm ad castellum Regium capiendum accedere vel ad Legem perfectæ libertatis ullum introitum invenire, ad Divinam illam utiq; vitam quæ in vera Humilitate consistat, perfectæ Puritate & Charitate sincera. Nam omnes hoc genus Ceremoniæ ad nihil aliud faciunt nisi ad pulchram speciem in Carne, nec mentium nostrarum Regenerationem in fraternam Charitatem omnis simulationis expertem possunt attingere. Unde vel speciosissime pii in hoc Religionis genere interim esse queunt maximè immaniter crueles & injusti, maximèq; implacabiles & malitiosi omnium quidem mortalium. Et tamen juxta falsam illam Religionis formam quam humana inventio mundo proposuerit, possunt profectò & seipsos censere, & cenferi pariter ab aliis modo plusquam Seraphico pii & Religiosi; quantumvis judicio Christi veræq; suæ Ecclesiæ, in felle amarissimo nexuq; Injustitiæ positi.

2. Atq; in aliis Christiani orbis partibus, ubi Ceremoniarum pompa exteribq; superstitio tanto non urgentur opere, quanquam primâ quispiam conjecturâ sperare possit res melius illis successuras, Experientia tamen eum docebit eas conditione haud multò illis esse meliori, Causisq; degenerationis crassæq; Hypocriseos & Impietatis æquè prolificas hinc esse æquèq; bene instructas ad producendos suos effectus atq; in aliis locis. Etenim & hæc quædam Superstitionis species est totam Religionem in superstitionis oppugnandis Ceremoniis collocare, & unumquemq; eò magis pium existimare quanto majori contra illas zelo exardescat. Quamobrem affectibus animi in calidam hanc contentionem exhaustis exhalatisque, corda nostra ad indispensable Evangelii Officia, cujusmodi sunt Amor, Patientia, Mansuetudo, Fraterna Benevolentia, cum reliquis fructibus qui arborem vitæ, vitam utiq; Christi nobis

nobis insitam demonstrant Spiritumq; Dei in nobis manere, penitus frigescant. Ut præteream, meminisse nos oportere *prolixas preces* & oppidò quàm *crebras conciones* *Idolorum* loco succedere posse, & *externam Religionem* nobis constituere, vicēq; illius explere *Pietatis quæ indispensabilis est* & *interna*, perennisq; fons & scaturigo omnium venustarum & utilium actionum, probaq; Conversationis coram Deo & coram Hominibus.

3. Dico igitur Religionem hanc *electitiam* per omnes Christiani Orbis partes (quanquam aliufmodi non sit quàm quæ ab impio sanè homine æquè dextrè ac plausibiliter coli possit atq; à verè iusto ac regenerato) cùm tantoperè extollatur populòq; commendetur, penè irresistibilem esse tentationem occasionēve unde pleriq; homines *reverà ac moraliter* improbi evadant. Illa enim naturali inclinatione & appetitu in humano genere ad Religionem per insalubre hoc pabulum satiato aut consopito, nullo flagrare possunt desiderio illius Religionis, quæ omnino solida est ac vera, summopereq; gaudebunt sibi illius gratiam factam esse, quippe quam initio difficilius sit amplecti & exercere. Unde necesse est propemodum ut eam omittant vel derelinquant.

4. Eòq; facilius ab ea abstinebunt, quòd aliud venenosum, sit ferculum quòd ita eos tumefacit ut parùm absit quin disrumpantur, quæ illa est magni estimatà Doctrina seu eruditio quam *isidoria* sive *opinionis rectitudinem* appellitant. De qua Apostolus, *Scientia inflat, Charitas verò edificat*. Hæc sanè ipsis res tam pulchra 1 Cor. 9. i. ac gloriosa videtur ut seiplos hinc planè Angelos Lucis imaginentur; summèq; idoneos, qui, modò nitidè elegantèq; splendidis his *Orthodoxie* ornamentis convestiantur, ad Divinam Præsentiam accedant. Vecordes Fatuos! cæcos & carnales! qui, ex eo quòd maculosi his tunicis, versicoloribus his pannis, quos ipsi sibi neverunt contextuerintque, induti sint, se cœlesti Majestati commendaturos speraverint. Dum favorem Dei ad hunc modum opiniosà suà cognitione ambiunt, heu! quàm crassè suam produnt ignorantiam ac stultitiam! Quis enim fieri potest ut id quod plùs naturali homini gratificatur, imò ausim dicere, ipsi Diabolo, quàm Animæ regeneratæ, qui, inquam, fieri potest ut id quempiam acceptum reddat Deo? Et tamen in universis Ecclesiarum Sectis & Divisionibus summum huic rei pondus inesse judicant, maximum pro ea zelum gerunt, & vehementissimè eam populo commendant, qui Pastorum suorum exemplum sequentes, modò in dilacerantibus hisce controversiis diligentes sint ac fervidi, vitam profectò Christi plenissimo modo se possidere putant, quanquam interim *Charitas* erga vicinum planè friget, nec ad minimum *veræ* Justitiæ ac Sanctitatis gradum adhuc pervenerunt. In hoc præcipuè consistit *Mysterium Hypocritæ*, per omnes Christiani Orbis Ecclesias, quòd utiq; eos pios esse existimant qui pro viis opinionibùsq; suæ Sectæ magnum zelum foveant. Li verò qui non foveant, sint aliàs quantumlibet inculpati & sinceri Christiani, aut odio habentur tanquam *Heretici*, aut ubi benignissimè cum ipsis agitur, contemnuntur tanquam miselli *Moralistæ*, hominèsq; *merè Naturales*.

5. Hæc verò maximè generalia sunt & admodum valida sanè *Obstacula*, ad impediendum Evangelium à producendo ejusmodi effectus quos aliter in Christiano Orbe produceret, & ad reddendos plerosq; Christianitatis Professores *Hypocritas*, hoc est, tales qui magnam Pietatis speciem præ se ferant, verùm illius interim vim negent & efficaciam; quæ in officiis nostris erga proximum maximè apparere debet, atq; in sobria justaq; conversatione sinceritatèq; in rebus omnibus obeundis tanquam in conspectu Dei. Jam verò hæc Professorum *Hypocrisis*, *Profanitatem* gignit, *Atheismum* & *Infidelitatem* in istiusmodi hominibus qui tam validam naturaliter ad res Religionis propensionem non habeant, hoc est, qui ingenium non habeant tam *superstitiosum* ut ad Religionem sub quibuscvis conditionibus alligentur, sub forma qualibet & à quibuscvis illius commendatoribus. Naturalis enim ipsorum *Sagacitas* suggerit, si ulla omnino sit Religio, eam à solida *Moralitate* neutiquam esse separandam. Cui profectò tum *Propheta* tum *Apostoli*, præceptaq; *Christi* locupletissimum testimonium perhibent. Verùm isti observantes eos homines qui circa Religionem maximas turbas strepitùsq; excitant, summumq; pro ea zelum gerunt, Honestatis leges negligere communisq; Humanitatis, in aliena jura facilè involare, colludere, dissimulare, & in rem suam splendidè mentiri, superbos itidem esse & opiniosos, auræq; popularis avidos captatores, invidos porro, feroces & implacabiles, quin & impuros etiam ac sensuales, atq; immisericordes deniq; & crudeles, nec quicquam pensi habentes, si integra Regna in sanguine natent, modò sic suam in misère delusarum animarum conscientias Tyrannidem tueantur, (cùm tamen contentio non sit nisi circa fœdum ac stipulam, combustibiles humanæ Inventionis superstructuras,

quarum superstitiosus quisque inanem affectans gloriam, pulchrâque specie in carne se venditare, manipulum saltem si non plenum sinum superinjecerit ad occultandas suffocandasque indispensabiles Evangelii veritates, ad adigendos homines in angores laborisque pro illo quod non est panis, ad discutiendas eorum mentes Repugnantibus, Contradictionibus & Impossibilitatibus, ad conficienda corpora infructuoso tædio prolixarum superfluarumque Ceremoniarum, ad corda illaqueanda nugis tricisque, & ad efficiendum denique hoc pacto ut sancta ac ponderosa Servatoris præcepta negligantur, quæ tamen omnibus intelligibilia sunt & aliquatenus ab universis approbata; Cujusmodi sunt, *sic alterum tractare, quemadmodum nos ab aliis tractari volumus; Proximum diligere sicut nos ipsos, & similia*;) si, inquam, qui tam religioso per naturam non sunt ingenio, verum sat interim habent acuminis & sagacitatis ad olfaciendas corruptiones, dijudicandasque actionum hujusmodi Professorum incoherentias, dum hæc observant, vehementissime profecto hoc offensaculo irritantur (atque admodum ægè quidem diffugere possunt quin devincantur tam perversâ simulatæ Pietatis scenâ) ad concludendum totam rem Religionis nihil aliud esse nisi intemperiem quandam animi ac insaniam, vel ad summum Technam duntaxat Politicam ad ditandum Sacerdotem, populumque in officio continendum.

6. Hoc magnum sanè scandalum est, nimiumque efficax contra vim Evangelii machinatio, *Moralis* nimirum *honestatis* per eos qui præsignes Zelotæ sunt summi; Religionis Professores, *despicientia* ac *vilificatio*. Hoc *Atheismum* & *Profanitatem* immanè quantum promovet. Est autem & alterum Erratum quod jam subindicavi æquè Epidemicum & universale, & ad minimum æquè ad malum hoc Propositum efficax atque illud prius. Vix ulla est per Christianum Orbem his temporibus Ecclesia quæ non solum *Falsitates* non obtrudit, sed istiusmodi quidem falsitates quæ libero cuivis animo puræ putæ apparuerint *Contradictiones* & *Impossibilitates*, easque demum eadem cum Gravitate, Auctoritate & Importunitate qua ipsa sacrosancta Dei Oracula. Cujus quidem rei funestam necesse est fore consequentiam. Quis enim vir pius peritusque ab Ecclesia non abigetur si ipsi Veritatem profiteri non licuerit absque aperta assertionem crassissimi Mendacii? Si bonum vinum ex uno utre, ex altero verò venenum præsentaneum effundi videt in eundem calicem, quis unquam ipsi persuadebit ex eo bibere? Triste hoc profecto spectaculum est verè Religiosis, sed hominum profanorum gaudium atque ovatio, qui lubenter hanc occasionem sibi arripiunt vilificandi totum *Pietatis Mysteriorum*, perinde ac si nulla omnino in ipso esset veritas, quia tam crassæ *Falsitates* in ipsos urgentur imponunturque eadem cum Indispensabilitate eademque Religionis sollemnitate, quæ ex res, quæ (absque feria illa esset Sacerdotum impudentia in aliis apertis Falsitatibus) etiam apud ipsos pro veris haberentur. Cæterum hi tanto non abundantes otio ut res possint penitus introspicere curiosiusque explorare, nec tamen forsitan multum averfi à fidem adhibendo fideli narrationi à viro probo atque honesto factæ, dum narratorem in aliquibus rebus quas vehementissime urget, turpiter offendunt cæspitantem, toti fidem abrogant Historiæ, perfectique sic evadunt *Athei* & *Infideles*, quanquam in propriam suam securitatem colludunt cum Collatoribus, hoc est, submitrunt se publicamque Religionem colunt, externam exhibendo reverentiam, tamen non possunt quin in sinu derideant aut ignorantiam aut callidam fraudulentiam *Spiritualium* suorum Dكتورorum.

7. Et certè nè injustè videar Christiani Orbis statum criminari, universam intellico Ecclesiam visibilem, in quacunque sub cælo natione sitam, equidem, si qua fides Historicis, nulli sunt nec *Greci*, nec *Romani*, nec *Lutherani*, nec *Calvinistæ*, quin hujus criminis inventi sint rei. Singulare aliquod exemplum in singulis producami. *Greci* æquè ac *Romani Transsubstantiationem* tenent, *Lutherani Consubstantiationem*, opiniones profecto, quæ nullum habent in Scriptura fundamentum, quæque rationi apertissime repugnant. Nec tamen apertius quàm *absoluta Reprobatio*, prout rigidi nostri *Reprobatores* eam definiverunt: Deum scilicet *ineluctabili decreto* ab omni eternitate statuisse, *introducendum in rerum universitatem innumeras certarum animarum humanarum Myriadas, numerum earum quæ salvandæ sunt longè longèque superantes, quæ, quemadmodum in mundum detrudendæ erant inconsultæ vel sine consensu suo, ita quicquid egerint vel quantumcumque contra allaboraverint, ad ineffabiles cruciatus simul atque ex eo exiverint certissime destinandæ, & ad altiorum adhuc miseriæ gradum Die novissimo adjudicandæ, tantum sanè ac tam vehementem ut omnes equales, omniisque tormenta quæ effratissimorum Tyrannorum ingenium aut crudelitatem unquam excogitare potuerit aut exercere, lusus præ eo essent ac delicia; hæque penas ac cruciatus quæ præteritis in eas incubituros esse in ævum seculorum perpetuitatem.*

8. Hæc verè est acerbi illius dogmatis Representatio. Quod rationi perinde repugnans

pugnans est atq; si quis *Circulum quadrangulum Lucemve nigram* dixerit, æquæq; durum auribus ac horridum verè regenitorum in naturam Dei qui ipse *Amor* est, quàm vel summa Blasphemia quæ proferri potest. Nec sanè mentes eorum, qui satis aliàs irreligiosi sunt, à notitia Dei ità prorsus sunt alienæ, quin apud se concludant, si omnino Deus sit, talem eum esse non posse qui tam occultum profundumq; inierit consilium sempiternis destinandi suppliciiis miseram suam ac impotentem nunquamq; sibi resistantem Creaturam, quæ nihil unquam commisit nisi ad quod agendum ipsa Divina Decreta eam determinaverint, quæq; proinde semper servus erat obsequentissimus Omnipotentis; ob quod tamen ad æternas poenas tandem est damnanda, per eum cui semper obsecundabat. Seria ac imperiosa tam diræ opinionis pro uno è summis selectissimisque Religionis Arcanis obtrusio, efficiet profectò ut animi liberi nimiumq; ad prophanitatem propensi, universam Religionis fabricam nihil aliud nisi Fatuorum Terriculamentum concludant, nullumq; prorsus esse Infernum; siquidem homines tam innocentes constantisque Divinorum Decretorum obsecundatores illius futuri sunt Incolæ.

CAP. III.

1. *Vera mensura Opinionum sumenda à Proposito Evangelii, quod in genere est, superabundantis Misericordiæ ac Bonitatis Dei erga Genus humanum Illustratio.* 2. *Et tum dein, Triumphus Divinæ vitæ in persona Christi per divinum honorem illi legitime exhibitum.* 3. *Tertiò, Divinæ vitæ in divinis illius membris Promotio.* 4. *Quarta & ultima Regula, quæ probentur opiniones; Commendabilitas utiq; Religionis nostræ peregrinis & extraneis.*

1. **M**ultas alias Opiniones in diversis Christiani Orbis partibus invalescentes, quæ ad frustrandum eludendumq; scopum serium ac propositum nostræ Religionis magnoperè tendunt, huc adicere possum. Verùm antequam ulterius progrediar, notabo primùm præcipuam Evangelii Christi Proposita ut magis perspicuam certamq; habere possimus Regulam ac mensuram quâ opiniones examinemus. Scopus igitur Evangelii in Genere est *Bonitatis ac Misericordiæ Dei* magnificatio, qui humano Generi tam gloriosam lucem in qua incedant, suppeditavit, tamq; efficacem extulit rationem ad redimendos eos ab amore caducarum vanitatum hujus præsentis mundi, & ad revocandos ad seipsum & ad participationem ineffabilium gaudiorum ac voluptatum regni sui cœlestis. Sic enim amavit Deus mundum ut filium suum unigenitum dederit, ut quisquis ei fidem habeat non pereat sed vitam obtineat sempiternam. Non enim misit Deus filium suum in mundum ut mundum damnet, sed ut servetur per eum mundus. Et Tit. 3. Fuimus enim aliquando nos quoq; dementes, contumaces, errantes, variis serviētes cupiditatibus & voluptatibus, in pravitate invidiæq; degentes, odiosi, alii aliis infensi. Sed postquam benignitas & humanitas extitit Servatoris nostri Dei, non ob Justitiæ opera quæ nos fecerimus, sed pro sua misericordia servavit nos, lavacro renascentiæ renovationisq; Spiritus sancti quo nos largè perfudit per Jesum Christum Servatorem nostrum, ut ejus beneficio justî facti, siamur hæredes vitæ, quæ speratur, æternæ. Ad quem sensum Apostolus etiam loquitur, Ephes. cap. 2. Vos quidem mortui fuistis delictis & peccatis, in quibus aliquando versati estis, ut est hujus mundi vitæ, ad Principis æræ Potestatis arbitrium, videlicet spiritus qui nunc in contumaciis viget hominibus. In eisdem peccatis nos quoq; omnes versati sumus aliquando, in nostræ carnis cupiditatibus facientes quæ vellet caro atq; cogitationes; fuimusq; naturæ digni supplicio sicut & ceteri. Verùm Deus misericordiâ dives tantâ nos charitate complexus est, ut cum delictis essemus mortui, redocuerit nos in vitam, unâ cum Christo, (gratiâ estis servati) simulq; suscitaverit & in Christo Jesu in cœlestibus collocaverit, ut ostendat in futuris seculis suam tam divitem beneficentiam quâ pro sua benignitate usus est in nos in Christo Jesu. Ad quæ deniq; addere poteris Tit. 2. 11. Illuxit enim gratia illa Dei salutifera omnibus hominibus, erudiens nos ut negatâ impietate & mundanis cupiditatibus, sapienter & justè & piè vivamus in præsentī seculo, &c. Hæ Scripturæ manifestum perhibent testimonium generalioris hujus scopi Evangelii.

2. Proximum Evangelii Propositum est, *Divinæ vitæ, quæ tam insigniter conspicuèq; apparuit in persona Christi Servatoris externa Exaltatio*; quemadmodum

Regula prima.

Job. 3. 16, 17.

Regula secunda.

abunde

abunde jam declaravi Myſterium Chriſtianitatis hoc præcipuè Inſtitutum complecti, ut ſubvehatur utiq; in Triumphum *Divina vita* ſupra *Animalem* ac *Naturalem*; idq; aut ad extrâ in Religioſo illo cultu quem Servatori præſtamus, quémq; etiam Hypocritæ, hominẽsq; impii eidem præſtant, aut ad intrâ in Propagatione vera Fidei ac Sanctitatis, in vivis illius membris ſincerisq; diſciplinæ ſuæ ſectatoribus, Philip. 2. *Nam ſic animati eſſe debetis ut Chriſtus Jeſus, qui cum in Dei forma eſſet non rapinæ habuit ſuam cum Deo equalitatem, ſed ſeipſum ed uſq; ad nihilum redegit ut ſumptâ ſervili formâ factus ſit hominum ſimilis, & figurâ repertus ut homo ſeſe adeo deiecit ut obediens fuerit uſq; ad mortem & quidem mortem Crucis. Quapropter Deus eum ſummoperè extulit, & nomine donavit omnium nominum ſummo, ut ad Jeſu nomen omne ſe genu ſteſſet, cæleſtium & terreſtrium & ſubterraneorum: omniſq; lingua confiteatur Dominum eſſe Jeſum Chriſtum ad Dei Patris gloriam. Et Hebr. 1. Solium tuum, ô Deus, in omnem permanet æternitatem, ſceptrum æquitatis ſceptrum Regni tui eſt, Juſtitiam amas perſus improbitatem; propterea Deus, tuus Deus, oleo te lætiſſico inunxit præ tuis ſociis, hoc eſt, Exaltavit te ad debitum hunc honorem atq; imperium, omnia ſubjiciens pedibus tuis, iſtis Angelis non exceptis, quemadmodum S. Petrus nos docet, 1 Epist. 3. 22. Qui eſt ad dextram Dei profeſus in cælum, ſubjectis iſtis Angelis & Potestatibus ac Virtutibus. Eſt verò ulterioſior Angelicarum claſſium Enumeratio, Coloff. 1. ubi Apoſtolus de ſublimi hac perſonæ Chriſti exaltatione agens, inſinuat etiam non ſolùm Ordinum Angelicorum ſub ipſo ſubjectionem, ſed & Reconciliationem eorum per ipſum Deo, pleniorẽmq; illorum, quemadmodum quidam volunt, Confirmationem in Divina Gratia, verſ. 15. Qui Imago eſt inſpectabilis Dei, totius rerum nature Primogenitus, utpote per quem condita ſunt omnia, tum quæ in cælis tum quæ in terris ſunt; tum aſpectabilia tum inſpectabilia; & Solia & Dominatus & Principatus & Potestates. Omnia & per eum & propter eum condita ſunt, & is eſt ante omnia & per eum conſtant omnia, & is corporis Eccleſiæ caput eſt. Is eſt principium, primogenitus ex mortuis, ut ſit is in omnibus Princeps. Quoniam per eum viſum eſt Patri omnem Plenitudinem inhabitare, & per eum omnia ſibi conciliare (pace per ſanguinem Crucis ejus factâ) tum terreſtria tum cæleſtia. Tam mirificus ac illuſtris erat fructus Humiliationis Servatoris, tamq; conſpicuum eſt ille & legitimus Divinæ Adorationis Objectum.*

Regula Tertia.

3. Atq; ad hunc modum *Divina vita* triumphos agit in perſona Chriſti qui caput eſt Eccleſiæ. Sed & alterum inſigne Evangelii Propoſitum eſt ut *Vita Divina* in nobiſmetiſſis promoveatur, hoc eſt, ut *Fides in Deum per Chriſtum*, ut *Humilitas*, *Charitas*, & *Puritas* debita ſua in nobis incrementa habeant, ut indè idonei ſiamus ad recipiendam immarceſcibilem illam coronam Gloriæ quam omnibus verè credentibus ille donaturus eſt die noviffimo, quando univerſam ſuam Eccleſiam cum canticis Gaudii atq; Ovationis ad regnum ſuum cæleſte deducet. Quòd hic præcipuus ſit Evangelii ſcopus ſatis fuſè jam probavimus, ac proinde nihil neceſſe eſt ut quicquàm hoc in loco ſuperaddamus.

Regula quarta.

4. Quarta & ultima Regula ſeu menſura Opiniorum eſt *Religionis noſtræ eis qui ſunt extrâ Commendabilitas*, hoc eſt, Summoperè quidem cavere debemus nè illi affigamus quicquàm propriarum noſtrarum Inventionum Interpretationum veſcripturæ (tanquam Dogmata Chriſtiana) quod peregrinis videri poſſit, iſſq; qui adhuc liberi ſunt, abſurdum atq; inſolens. Nam tametiſi illi qui propter educationem ſuam, pleniorẽ Chriſtianitatis noticiam habuerint, Religioni ſuæ quantumvis per multa gloſſemata falſa corruptæ inepſaſq; hominem opinionẽs modo æquè indiſpenſabili atq; ipſam Scripturam Canonicam obtruſas, mordicũ adhærebunt; extranei tamen qui illis nondum illigati ſint nec aſſueti, facere non poterunt quin ab eis abhorreant; cùmq; iſtis pari prorsus autoritate atq; ipſum Dei verbum offerantur, cogentur profeſſo reſiliſſe, ſanctamq; veritatem derelinquere propter indiſſolubilem ejus connexionem cum iſtiusmodi craſſis falſitatibus quas ei intertextas conſpiciant: id quod ſeridò certè conſiderandum eſt ab omnibus iis qui ullum Amorem habeat erga Evangelium, ſincereq; illius cupiunt propagationem & promotionem in Mundo. Nam deſtinabatur proculdubio in Bonum magis generale, latiorẽmq; diſfuſionem quàm hætenus contigit, ex eo quòd in manus infidorum incidit ac perfidioſorum hominum qui inſtrumentum illud duntaxat faciunt colligendi ſibi opes & acquirendi potestatem, dominandiſq; populo non lucrificandi animas Deo.

CAP. IV.

1. *Precedentium Regularum usus generalis.* 2. *Specialis earum usus in favorem hominum mutuum qui Opinionibus dissentiant.* 3. *Examinatio Electionis & Reprobationis iuxta has Regulas; quæque bene conveniant cum illo Divinae vitæ ramulo quam appellamus Humilitatem.* 4. *Discrepantia absoluta Reprobationis cum prima Regula;* 5. *Quemadmodum & cum tertiâ;* 6. *Cum secunda etiam & quarta.*

HÆ sunt quatuor illæ præcipuæ Regule quas ego, admodum utiles judico ad examinandas tum proprias nostras opiniones tum alienas. Et si quando aut priorum nostrorum spirituum ardor aut confidentia aliorum speciosas veritates nobis obtrudere voluerit (nam apertas falsitates vel figmenta, in quemcumque id finem fiat, admittere, res intoleranda est) quæ supradictis scopis non inservierint, merito eas tanquam inutiles curiositates æstimare poterimus, & si fortè insuper Revelationem vel Inspirationem prætenderint, totam rem concludere nihil aliud esse nisi vesaniam ac delusionem *Fanaticam*. Quod si non solum non promoveant fines supra nominatos sed eos etiam impendant atque impugnent, æstimandæ profectò sunt non tanquam frivola, sed tanquam noxia atque impia, atque adeo omnibus modis evitanda. Et postremo, quanquam tales videntur, quæ si recipiantur eisque obtemperetur nonnihil ad illos fines conferre possint, oportet tamen hanc cautionem superaddere quòd ita urgenda non sunt ut nisi quis eas receperit, bonus non habendus sit Christianus. Etenim cum à fallibili ac dubitabili iudicio proveniant, non certè æquum est ut *indubitatum Christianæ libertatis ius* infringant, quandoquidem ipsa Scriptura sola sufficit ad Christianum perfectum reddendum & quantum ad vitam & quantum ad doctrinam.

2. Sed enim & ulterior usus esse potest harum Regularum in favorem utique mutuum eorum qui dissentiant opinionibus, observando scilicet bonum illud ad quod collineant æquè ac malum ad quod tendant. Quod multum profectò facit ad pacem & amorem fraternum, & ad obtundendum ferocis acerbique zeli stimulum, qui efficit ut nimium servidus, zelata cum existimet qui adversa ipsi sententiæ sit, nihil præter noxam oppositâ suâ doctrinâ intendere. In examinanda igitur qualibet opinione notare debemus cuinam Evangelii proposito consentaneum sit æquè ac cui adversetur. Et ut usus Regularum nostrarum manifestius appareat, praxin earum jam ostendam, paucas quasdam opiniones probando per hunc *Lydiæ* lapidem; Immensum enim esset universas examinare, ut & supervacaneum. Quippe quòd is cui libitum fuerit reliquas ad hæc exempla examinare poterit, atque adeo quamcumque quæ adhuc extiterit in rebus Religionis, aut in posterum sit, exitura.

3. Prima Opinio quæ occurrit, *Talis est Electio & Reprobatio quæ liberum Arbitrium prorsus excludat.* Controversia tam vulgò nota est, ut nihil necesse sit eam delineare. Applicando hanc doctrinam quatuor Regulis quas descripsi, in tertiâ invenio, eam aliquem habere cum eximio illo *Divinae vitæ ramulo* consensum ac congruentiam, cum *Humilitate* scilicet & suiipsius submissione totiusque mundi *Divinae voluntati*; Dominus est, quod illi videbitur, faciat. Quòdque proinde fieri potest ut seria humilisque Anima multum hac consideratione occupata & abrepta de nihilo præterea cogitet, sed pro ipsissima veritate hanc doctrinam habeat, immò verò in ea vivat ac immoriatur, & ad beatas postea sedes proficiscatur. Unde *Satanici* plane furoris esset huiusmodi *Dogmatistarum* persequi, & defectus quidem charitatis, cum hi æquè piè probèque vivant ac alii Christiani, amorem erga eos parem non habere atque erga alios, immò verò non augere nostrum in ipsos affectum superadditione commiserationis erga ipsos, utpote qui in domicilio magis fusco tenebrosoque habitent quam alii Mortales. Quod manifestò, postquam opinionem ipsorum reliquis Regularum quas perscripsimus earumque partibus applicaverimus, apparebit.

4. Nam si eam applicemus primæ, illa certè nos docet finem Evangelii Manifestationem esse superabundantis Misericordiæ ac Bonitatis Dei erga homines qui *nequeunt vultu perire sed omnes redire ad sanitatem*, ut S. Petrus nos monet. Funesta verò hæc *Prædestinantium* Opinio vel primo aspectu huic fini Evangelii adversatur, quippe quæ *Divinam Bonitatem* adeo semi-plenâ facie induit, immò merito dixerim, vultu magis exili ac macilento, quam sit quævis subtilissima nova Lunula, infinitisque

1 Reg. 3. 10.

2 Pet. 3. 9.

nitivse vicibus exiliori, siquidem lamentabiles eorum narratiunculæ sint veræ. Nam ut rem uno verbo absolvam; Numerus hominum supra quàm dici potest exiguus *necessariò* quidem per liberam Dei gratiam, æternum salvabitur, reliquum verò humanum genus ad ineffabile, æternum, ac intolerabile supplicium ac cruciatum æquè *necessariò* damnabitur. Hæc est gloriosa illa ac superabundans Gratia Evangelii secundum eorum sententiam. Quod Animi sanè liberi *pejissimum* nuncium, maximèq; *periculosum* judicabunt quod ad aures hominum unquam adhuc pervenerit. *Pessimum*, quippe quod tam pauci salvandi sint; *Maximè periculosum*, ut quod universos homines in damnationis discrimen præcipitabit juxta ordinariam rerum rationem. Etenim, si res jam prædeterminatæ sint, quis tenebitur vel uno passu pedem promovere nisi ad indulgendum suo genio, carpendumq; præsentia hujus vitæ gaudia?

5. Est enim à ratione admodum alienum ut solliciti simus facessamusve nobis negotium quò illud efficiamus quod æquè certò ac celeriter sine opera nostra effectum iri putamus. Adeò ut nist quis supra omnem opinionem demens sit atq; stolidus, suaq; circa res ratione uti nesciat, cogetur profectò tantum non, admodum vehementer, sat scio, pellicietur, ad dissolutissimos actus maximèq; impios, quos aut cor proprium aut mundanæ tentationes ipsi suggerere poterunt. Unde manifestum est hanc doctrinam in seipsa, quamvis quibusdam sub specie *Humilitatis* possit imponere, supplantatricem esse ac vastatricem universæ *Divine vite*, *Radix* pariter ac *Ramulorum*, hoc est, Infirmitat etiam *Fidem* hominum in Evangelio, (nempe si hoc ferio severèq; illis inculcetur tanquam speciale Evangelii Propositum) omnes eorum conatus ad bona opera sufflammat, eosq; prorsus ab omni studio revocat beatæ illius Regenerationis Renovationisq; mentium suarum in *Amorem*, *Puritatem*, *ipsamq;* adeò *Humilitatem*, quam maximè omnium prætendunt. Ac proinde ut plurimum, quanquam videntur submississimè se gerere erga Deum, sunt tamen valde proclives ad præbendos se nimis quàm rigidos, acerbos, & ferè crudeles erga homines, utpotè qui pleni sunt superbiâ, dissensione ac confusione. Adeò ut hujus opinionis pravitas etiam per *tertiam Regulam* detegi possit.

6. Et aliquantum sanè peccat contra *secundam*. Etenim cum juxta propria ipsorum concessa tanti esset sanguis filii Dei ut pro decies mille mundis pretium Redemptionis esse potuisset, quantum obstaculum hoc erit affectuosiorei cuiusvis venerationi illius in Cruce, dum secum recollit eum *Passionis* suæ Propositum ad tam valde paucos restrinxisse? Nihil profectò præter sui ipsius Amorem, siue adulationem sustinere hinc quempiam potest in suo cultu religioso. Quàm adorabilem obsecro rem fecerunt eximiam illam Dei clementiam in *Jesu Christo*, dum repræsentatur nobis, juxta explicationem Mysterii per ipsos factam, eodem tempore & plenam invenisse satisfactionem Justitiæ suæ pro peccatis totius mundi, & tamen eo ipso momento universum ferè mundum ad æternam damnationem destinasse, atq; id sanè ad manifestandam suam Justitiam, quæ sufficienter per mortem filii sui manifestatur? An non illa Gratia magis libera est quæ omnibus designatur, cuiusq; amplectendæ omnes capaces fiunt, nisi ipsi sibi defuerint, quàm illa quæ non nisi certis quibusdam iisq; valde paucis Divinâ quadam necessitate quasi impingitur, cuiusq; defectu reliqui mortales necessariò peribunt? Quamobrem rebus sic constitutis, nemo quisquam amorem illum & venerationem Servatori debitam asciscere potest, nec fidem profectò narrationi, apud homines magis nasutos ac sagaces, procurare. Quod peccatum est etiam contra *quartam Regulam*. Quæ cohibere nos debet ab affigendo quicquam, modo quoquo peremptorio, Religioni nostræ quod eam redditurum sit extraneis minùs commendabilem. Quod proculdubio hæc opinio facit apud omnes homines nullo præjudicio laborantes. Quod quidem me planè attonitum reddit dum sedulam considero ejus obtrusionem per quosdam homines, quos ego per charitatem facile judicare possum, ut habentur, ita reverà esse suo quidem modo pios ac Religiosos. Est enim intolerandæ superbiæ animiq; plus æquo sibi tribuentis se ipsos infallibiles fingere in ea Controversia de qua homines Judicii liberi, & saltem æquè pii ac religiosi, si non magis, ferio ac datâ operâ, contra statuerunt, præsertim cum ipsorum sententia tam manifestis incommodis oneretur.

CAP. V.

1. Electionem & Reprobationem nonnihil ad Humilitatem conducere. 2. Quosdam homines irresistibili virtute Discriminativæ Gratiæ salvari. 3. Reliquum Genus humanum gratiam habere sufficientem, multosq; ex ipsis salvatum iri. 4. Hujus viæ mediæ Calvinismum inter & Arminianismum præstantia. 5, 6. Periculum ingens atq; noxa antecedentium extremarum.

1. **N**ihil est quod hanc opinionem excusabilem reddit præter illam speciem, quod dixi, quam præ se fert *Humilitatis*; & cui fortean aliquâ ratione, reipsa inserviat. Atq; equidem admodum idoneum eam judicarem instrumentum ad tollendam superbiam omnem atq; arrogantiam quâ nobismetipsis quicquam attribuamus; proximûmve contemnamus, si professores ejus universim essent tam miti animo tamq; humili ac submisso; cum è contrâ nimis sæpe inveniantur oppidò quàm asperi, feroces, & aliorum contemptores. Cæterum fieri potest ut ea *Dogmatis* culpa non sit sed *Dogmatistæ*, quanquam profectò gravis illa Dei severitas quæ specioso hoc Mysterio includitur, exemplum est haud ità efficax ad *humanitatem & benignitatem*.

2. Sed enimvero ut selectissima illa atq; amabilissima virtus Christiana, *Humilitas*, nullis careat incitamentis & animationibus, nec suffocetur extinguaturve voluptas illa, quam quædam Animæ ex libera agnitione *irresistibilis Divinæ Gratiæ* prævalentiûmq; ejus operationum in animos suos, meritò capere possint, talem equidem pacis redintegrationem inter utraq; partes constituam, ut nisi invidia & ægritudo ex Divina bonitate erga genus humanum concepta eos etiamnum minùs contentos reddiderit, nullus dubitem quin ipsis plenè sim satisfactorus. Apertè igitur profiteor prorsûsq; credo esse quidem rem hujusmodi quam quidam *Gratiam Discriminativam* appellitant, idq; ad eam graduum differentiam in bonum, ut pauci quidam è genere humano, hujus virtute, Irresistibiliter salvandi sint, reliquum verò Genus humanum æternæ felicitatis sint candidati, hoc est, libero præditi sint arbitrio, salutisq; capaces existant, alii magis alii minùs, ità ut si quisquam damnandus sit, ipse sit in culpa. *Deus enim*, quod ait *Siracides*, *homine improbo non eget.*

Ecclesi. 15. 12.

3. Et nè hoc merum videatur subterfugium nec multum cuidam ab simile commento aliorum Theologorum, addo porro, de hoc reliquo Genere humano de quo loquor, quòd *Gratia sufficiens* aliquâ saltem ratione aliquòq; tandem tempore ipsis offertur, quòdq; multi ex ipsis pro sua fidelitate erga lumen virtutemq; quam Deus ipsis impertierit, reverà salvabuntur. Quam quidem sententiam nec *Arminianus* ægrè ferre debet nec *Calvinista*. Quicquid enim boni *Arminianismus* erga humanum Genus prætendit, totum id exhibetur parti non absolutè electæ, & erga partem quidem alteram *Divina Beneficentia* major est, quàm quæ assignatur ab *Arminio*. Et quicquid boni prætenditur in *Calvinismo* erga eam partem quæ absolutè electa est, eadem hîc bonitas rursus exhibetur, diraq; illa insuper Larva avellitur quâ ignorantia & melancholia Divinam Providentiam amabilemq; Evangelii faciem induerant.

4. Huc adicere possumus, Quòd is qui deprehendit seipsum modo quodam extraordinario ac prævalenti ad illud quod bonum est ferri, id omne *liberæ Dei Gratiæ* æquè plenè hîc ascribere potest atq; in *Calvinistica* Hypothesi: Quòdq; is cujus animus non fertur ad id quòd bonum est, Deum culpæ non potest sed seipsum. Nec certè potest Satanas valido illo stratagemate homines circumvenire, eosq; vel in *desperationem* vel in *vitam dissolutam* seducere, suggerendo scilicet si damnandus sit homo, eum certò damnatum iri, si salvandus, certò salvum fore, ipsumq; hominem nec unum promovere posse nec alterum impedire. Et enim nisi quis admodum profundè radicans sit in Fide sincerâq; Obedientia, equidem judicarem animi esse nimium sibi tribuentis stolidèq; sibi assentantis, seipsum unum ex *Electis* censere, cum magis tempestivam profiteri possit *tenuram*, & pro *Candidato* duntaxat salutis se gerere; postquam verò ad *irreversibilem* eorum conditionem pervenerit quorum Animæ quodammodò perfectæ consummatæq; sunt in Fide atq; sanctitate, opportuniùs tunc erit meliùsq; eum concedebit omnia illa opera intus in animo ipsius transacta *soli Deo* ascribere, illudq; *Jacobi* dictum usurpare, *Certè hoc in loco Jehovah erat, atq; ego illud nesciebam*, lo-

Gen. 28. 19.

cumq; ubi dormierit *Bethel* nuncupare, *Templum* utiq; *Dei*. Tale enim est corpus uniuscujusq; Christiani regeniti, & præsertim *Electorum*.

5. Hæc nostra hætenus concessio, quemadmodum verissima est, & certè non inutilis ad promovendum gratum illum humilèmq; Animi habitum qui omnia *libere* ac *irresistibili Gratia* lubens attribuit, virtutiq; particularis suæ ac irrevocabilis Prædestinationis & Electionis; ita magnum profectò propugnaculum est & præsidium contra periculosos illos errores qui in altera via nimium sæpe obtingunt. Ubi cùm nulum inveniat medium quia quis sit aut *Electus* aut *Reprobus*, quàm proclivis res est ex sui Amore strenuam hanc obfirmatamq; opinionem assumere, se utiq; Dei filium esse, eò destinatum ante jacta mundi fundamenta, pariq; cœtitudine salvatum iri atq; fuit natus? Quantum verò ad alios, misera retrimenta ac rejectanea Creationis, eos nunquam viam ad cœlum salutemq; esse inventuros, quicquid egerint, quantumcunq; precibus Deum sollicitaverint, propriamve Naturam vexaverint ac defatigaverint, sed *Samsonis* instar eum effossis oculis, in hujus mundi scenam introduci tantum ut ludicrum sint *Palestinæ* spectaculum, vel ad summum ut meræ umbræ sint maculæ quibus pulchritudo splendörve *secrorum Sanctorum* magis emineat & emicet, qui cùm inevitabiliter capiendi sint quodam quasi salutis laqueo tendiculæve ipsis ab omni æternitate positâ, simul atq; imaginati fuerint se pede prehensos ac constrictos, ita resiliunt exiliuntq; lineâ retenti, tantâ sanè & tam enormi violentiâ, ut facillè quis putaverit ipsis in animo esse, ferocibus suis vulturis misibûsq; tentare, propriarumque suarum corruptionum vis an filium *Decretale* sit fortius.

6. Immo ad eum confidentiæ temeritatq; gradum assurgunt, ut impossibile prorsus existiment se vel maximè vesanis dissolutisq; vitæ rationibus quæ fingi possunt ad incitاس unquam redactum iri, latumve se pilum, ob id, à favore Divino dimoturos. Deniq; eò dementiæ prorumpunt ut nullam legem agnoscant præter propriam libidinem, suæq; indomitæ voluntatis expletionem, consequenterq; concludunt se peccare non posse. Ità utiq; imitantes falsum illud exemplar, scelerq; facientes compendiosas Icunculas, Imagunculæve portatiles illius magni ipsorum *Idoli* (neq; enim Deus est) *qui vult*, ut illi statuunt, *ob eam solam causam quia vult*. Atq; sic ludunt saltantq; circa Imaginationem proprii sui cordis, ut filii *Israëlis* olim, *absente Legislatore*, circa vitulum conflatilem. Ad hunc profectò modum ceca hæc & tenebrosa Opinio, quam Animæ quædam inconsideratæ essentiali Christianitatis partem constituere conatæ sunt, multos primò quidem in *Libertinismum*, postea verò in deploratissimum *Atheismum* seduxit.

CAP. VI.

1. *Opiniones Scholasticæ de Divinitate Christi antecedentibus Regulis applicatæ;*
 2. *Ut & de Trinitate.* 3. *Antitrinitariorum Doctrinæ applicatio dictis regulis;*
Illius cum tertia discrepantia; 4. *Ut etiam cum secunda.* 5. *Antitrinitariorum Defensio.* 6. *Ad eorum defensionem Responsio.* 7. *Divinitatis Christi negatiquam vastè cum tertia Regula discrepat.*

1. **P**roximæ opiniones quæ occurrunt illæ sunt de *Divinitate Christi* deq; sancta *Trinitate*, Primòq; illæ è scholis; de quibus tantum in genere pronuntiabo, Quòd tametsi industria sinceritasq; Propositi ipsorum laudabilis sit, uniendi nempe *Humanitatem Christi* adeò *Hypostaticè* cum *Divinitate*, ut nulla superesset in summis quidem præstandis Divinis Honoribus illi, quem Dei filium appellamus, suspicio Idololatriæ, atq; propterea illud ad quod collineant valdè congruens sit *secundæ Regule* quam proposuimus; tamen quantum ad me, equidem existimo eos ad finem præcipuum tam parum contulisse ut una illa perspicua locutio apud *Athanasium*, *Quemadmodum corpus & Anima unus homo est, ita Deus & homo unus est Christus*, universis ipsorum curiosis Definitionibus longè præstet, quæ ad nullam majorem unionem *Hypostaticam* pertingunt quàm illam corporis animæque. Cùm tamen ausim affirmare, si res à stirpe exquireretur, *Divinitatis, Humanitatisq;* in Christo unionem etiam unitiorem esse exactioremq; quàm sit illa Animæ atq; corporis quàm illi *Hypostaticam* vocant. Verùm tam imperitè perplexeq; res definiverunt, ut tametsi scopus eorum cum *secundâ* nostra *Regula* satis conveniat, operis tamen peracti ratio multum digladietur cum *tertiâ quartæque*. Quippe quòd hujusmodi contradictiones & inextricabiles spinositates fidem debilitant, cursumq; Evangelii impediunt apud *Ex-
traneos*.

3. Quod rectè etiam dici potest de subtilibus eorum malèq; consistentibus disquisitionibus & conclusionibus de *Trinitate*. Ubi quanquam eorum Propositum eadem ratione laudabile sit quàm antea, Mysterium tamen tam repugnans ac intricatum effecerunt, ut Christianam fidem multum infirmant etiam eis qui *intus* sunt, eamq; minus probabilem, & commendabilem reddant *Peregrinis*: Occasionemq; hinc præbuerint ingeniis quibusdam audaculis, cum tam perplexè ac præpediè repræsentatum sit, totum negandi Mysterium, unde nomen sibi *Antitrinitariorum* compararunt.

3. Quorum quidem opinionem tanquam *fundamentaliter* Christianitati repugnantem ego confidero; si modò novum Testamentum Christianitatis *fundamentum* sit, nihil enim isthòc novi in eis scriptis expressius. Ac proinde *Trinitatis* negatio, negatio est autoritatis novi Testamenti. Vel si prætereundum volunt, se ea quæ illic occurrunt ita posse interpretari ut hanc doctrinam evadant, eadem sanè ratione eos existimo quamlibet doctrinam evadere posse, atq; sic etiamnum sacra Scriptura pro *cipha* erit nihilq; significabit. Quod multum tendit ad enervandam Fidem nostram, crassumq; peccatum est contra *Regulam tertiam*.

4. Atq; ego profectò facilè demonstrari posse sentio peccatum etiam esse particulatim contra *secundam*. Nam *Divinitas* Christi non tam appositè apteq; in eum quadrat sine suppositione *Trinitatis*, quemadmodum alibi insinuavi. Ac proinde tanquam specialem Dei Providentiam agnosco, quod tam explicita Deitatis in *Trinitate* cognitio tam generaliter unà cum Christianitate mundo enotuerit, ut æternus utiq; Dei filius honorari possit in Christo, & tota, ut ita dicam, Deitas distinctè adorari & coli.

Lib. 1. cap. 4. §.

5. Cæterum respondebunt, tamen *Trinitatem* negent ac *Divinitatem* Christi, nempe, quod æternum Verbum caro facta sit, se Divinum tamen honorem illi debitum strenuè asserere, seq; propterea *secundam Regulam* non transgredi: Agnoscere enim se quamvis Christum merum homo sit, Deum tamen ei dedisse omnem potestatem in cælo pariter ac in terra, eumq; visibiliter rediturum esse ad judicandum vivos atq; mortuos; & quemadmodum pater vitam habet in seipso, ita eum dedisse filio vitam *habere in seipso*, hoc est, potestatem vivificandi nos & suscitandi Die novissimo, mutandiq; hæc humilia nostra corpora in gloriosi sui corporis similitudinem. Ipsorumq; proinde opinionem Christianitatis fini æquè inservire atq; illam alteram quantum ad *Divinum* cultum Christo debitum, magisq; præterea convenire *Regule quartæ*; siquidem perplexitates istæ de *Divinitate Christi* Numinisq; *Trinitate* Religionem nostram minus plausibilem reddunt *extraneis* minusq; commendabilem.

Job. 3. 26.

6. Verum ad hoc rehero. Primum, ut antea, Quod *Trinitatem* *Divinitatemq;* Christi tollere, est auctoritatem tollere *novi Testamenti*, aut talem sumere libertatem violentè cogendi distorquendiq; rerum sensum, quæ illud contemptibile reddiderit & ad nihil utile. Quo quid obsecro potest perniciosiores effectus producere? Peccatum erit non contra *unam* solummodò *Regulam* sed contra quas perscripti *universæ*. Cursumq; Evangelii non apud *extraneos* tantum sed etiam apud nosmetipsos impedit, & Christianum Orbem ad *Infidelitatem* rursus reducet ac *Paganismum*.

Deinde, nego equidem Scripturam de *Divinitate Christi*, sanctæ *Trinitate* quicquam declarare quod sit impossibile, rationi repugnans, minusve intelligibile quàm quibus homines passim assentiuntur qui liberi sunt Philosophi, quiq; nihil propter externam aliquam vim vel superstitionem, sed propter rationem solam singula admittunt. Unionemq; assero *Æterni Verbi* cum humana Christi Natura æquè facile concipi posse, (quantum ad modum ejus) quàm unionem Animæ ac corporis. Spidas *Scholarum* ac perplexitates nugas esse nec in Religionem nostram admittendas. Scripturas *Deitatis Trinitatem* in genere tantum proponere, nullis obscuratam terminis, qui quemvis irretire possint qui vel mediocri ingenio sit & intellectu, nisi aded stolidus esse velit ut existimet, ex eo quod secunda *Hypostasis* in *Trinitate* *filius* dicitur, Deum *Patrem* aliquando *Maritum* factum fuisse *Uxoremq;* duxisse, quemadmodum *Turcæ* oppidò quàm ineptè obijciunt. Cum reverà nihil aliud significetur quàm quod *Filius* sit à *Patre*, sanctusq; *Spiritus* ab utrisque.

Tertiò, Primum Autorem inceptorémve aut saltem eminentissimum instauratorem hujus *Sectæ* quæ tam strenuè audaciterq; negat *Trinitatem*, hominem fuisse ingenio sanè, quanquam satis *leguleio*, tam inepto tamen & à *rebus Divinis* tam averso ut Existentiam Dei, naturæ ac rationis lumine innotescere posse aperte inficietur. Et postquam Scripturarum ope, quemadmodum ille opinatur, eum invenisset, decervit tamen, nec dum eum apprehendit. Id enim quod *Essentiâ infinitum* non est, non potest esse *Deus*. Ac proinde minimè mirum est, quod tam gravatim ferat, tantoperè ab admissione distinctioris illius pleniorisq; Dei cognitionis in sacris

manifestatæ Oraculis abhorreat, quòdve ii qui tantum cum illius Genio consensum habent in aliis rebus, eum etiam imitentur in hac.

Quartò, Nobilissimas Animas optimosq; Philosophos qui unquam uspiam extiterunt quantum ad Naturæ spectat Deiq; cognitionem, idq; aliquot ante Christum seculis, sua sponte, absq; omni vi vel obtrusione *Triunitatem* Numinis tenuisse; quam tametsi nollem omni ex parte perfectam præstare, talis tamen est quantum ad rei summam, ut ratio pro ea stet, nullaq; ullius momenti ratio contra eam produci possit; quin & generalioribus illis Scripturæ indicationibus valde est congruens. Nec certè credo Christianum quenquam ad tenendum hoc Theorema in quibuscunq; conceptis Inventionis humanæ formis obligari, quanquam eas perlegere licet tantumq; fidei quantum par est eis adhibere, admodumq; consentaneum esse censeo ut humana ratio tam profundum Mysterium perfectè non comprehendat neq; exhaustiat, ac proinde quod reliquum est, humili adoratione expleri oportere.

Quintò & ultimò, *Triunitatem Deitatis* negando *Christiq; Divinitatem*, alios etiam Articulos Fidei indè incredibiles apparere, Divinumq; illum cultum qui Christo exhibetur suspectum reddi Idololatriæ. Neq; enim verisimile videbitur Peregrinis, eis præsertim qui ab huiusmodi superstitionibus abhorrent, quòd Deus unquam merum hominem ad eum dignitatis gradum exaltaverit ad quem ipsi *Sociniani* Christum agnoscunt fuisse exaltatum; sed subdolum esse aliquam ac versutam Demonum Technam quâ mundum aut dejiciant in cultus Idololatriæ aut saltem in eisdem detineant. Id etiam illis videbitur incredibile, si Christus merus est homo, nempe ut virtute in seipso sita, quemadmodum is profitetur, eximium illud promissum præstare valeat Die novissimo; suscitandi utiq; nos in vitam gloriosam ac immortalem, mutandiq; hæc corpora carnis in puram ac coelestem substantiam. Quod profectò opus est quod nemo efficere potest præterquam solus Deus. Ac proinde si perficiatur virtute aliqua in seipso, sit proculdubio ipsa Deitate in eo residente, *Eterno* scilicet *Verbo* per quod omnia creata sunt. Qui dicitur filius esse Dei ante Incarnationem; & post Incarnationem, cum is qui in tempore genitus est cum hoc *Eternum Verbum* simul considerantur tanquam unus Dei filius per realem ac Physicam unionem. Unde illud facile intelligitur ad quod modò allusimus. *Sicut Pater vitam habet in seipso, sic dedit & filio vitam habere in seipso.* Adversariorum verò ratio viæ admodum difficulter concipi potest aut intelligi, & propterea manifestò peccat etiam contra eam ipsam *Regulam* cum qua in eam prætendunt maxime consentire, nempe contra Christianæ Religionis *Commendabilitatem peregrinò & extraneâ.*

7. Quemadmodum etiam non mediocriter peccat & in *Regulam tertiam*. Nam Christum spoliando sua *Divinitate* quò minus agnoscat reverà esse filius Dei, omnes illæ condescensiones ejus ad quas in bonum nostrum se demisit, æstimatio, inquam, ipsarum omnium multum minuetur exolescetque, nec scopum tam fortiter attingent ferientque, quàm sub hac antiqua ac universali Hypothesi Ecclesiæ Christi quem illa semper agnovit reverà esse Dei filium. Quod pretium profectò æstimationeq; perpeffionum ipsius non potest quin immensè amplificet, atq; ea propter eo efficacius affectus nostros in sinceriore dolore pro peccato colliquesfaciat, nosq; in obfirmatoria erigat consilia mortificandi necandiq; omnes inordinatos motus ac desideria, omnes perversas corruptasq; Naturæ nostræ suggestiones, ut ut durum nobis videbitur, reducendiq; eas sub sceptro *Jesu Crucifixi*. Quod hæc quidem Secta tam parùm considerat, ut admodum ægrè adducantur ad agnoscendum Christi mortem sacrificium esse expiatorium, atq; sic sterilibus suis, aridis, temerariisq; ratiocinationibus, unam ex præcipuis potentiss, selectissimisque Artificiis Evangelii quibus homines boni reddantur, è Christianitate expungunt.

CAP. VII.

1. Justitia imputativa, Invincibilis Infirmetas ac Solifidianismus quo sensu dici possunt cum secunda ultimâq; Regula consentire, & quo discrepare cum tertia. 2. Zeli pro Justitia imputativa Absurditas; 3. Et pro Solifidianismo. 4. Conspiratio Justitiæ imputativæ, Solifidianismi & invincibilis Infirmetatis ad excludendam omnem sanctitatem à Conversatione Christianorum. 5. Quod prolixæ confessiones peccatorum ac infirmitatum sine Proposito mores nostros emendandi, mera Dei sit etiam in os ejus derisio & Indificatio. Et de ingenti periculo hujusmodi in Deum contumelia.

1. **E**xempla ultima applicandi examinandiq; Opiniones juxta Regulas quas proposuimus erunt in *Justitia imputativa*, in *Perfectione & Infirmetas*, in *Justificatione per Fidem solam*, & in *Regno Christi in terris*. Et quantum ad *Justitiam imputativam*, *Infirmetatem*, *Opinionemq; Solifidianorum*, equidem fateor eas egregiam præ se ferre speciem, quasi multum tenderent ad exaltationem *Personæ Christi* & ad incutiendum sensum hominibus quantoperè ipso indigeant; cumq; pacem videantur promittere ac securitatem dissolutis peccatoribus, facere profecto possunt ut Evangelium magis acceptum sit eis *extraneis* qui præsentem hoc mundo frui cupiunt æquè ac futuro, parèmq; plausibilitatem habent apud hujusmodi homines ac *Indulgentiæ Pontificiæ*, *Absolutioq;* ex *levicula quavis penitentia*, & id genus reliqua. Cujusmodi erroribus pravissq; rerum administrationibus non possum quin magnam partem illius degenerationis imputem quæ Christiani Orbis faciem ad hunc usq; Diem adeo deturpat. Nec certè comminisci quicquam possum quod in causa sit, quò minus pars maxima Ecclesiarum magis perfectè reformatarum, Christiani reperti forent reverà præstantissimi, nisi quòd hæc opiniones *Justitiæ imaginariæ*, *Solifidianismi*, & *Invincibilitatis peccati*, in locum istorum deliramentorum & errorum è quibus evaserunt, furtim successissent. Unde manifestum est quàm insigniter contra *tertiam Regulam* peccent, & consequenter quàm cautos nos esse oporteat nè ipsi istas opiniones amplectamur, neve eas cum aliis communicemus.

2. Nam ad *Justitiam imputativam* quod attinet, valdè suspicandum est, siquidem Scriptura ea de re prorsus fileat, eam suggestionem esse *Hypocrisicos* atq; doli ad subruendam debitam illam sanctificationis altitudinem ac gradum ad quem vocamur. Aliter enim Inventum hoc omnino est supervacaneum, quandoquidem sacrificium *Passionis Christi* abunde sufficit ad expianda omnia peccata in quæ nos incidere possumus ex principio condonationis capaci. Quod sacrificium prorsus superfluum esset si perfecta Christi Justitia ità nobis imputaretur ut eam pro nostra habere possemus. Sic enim nos æquè justii essemus atq; Christus, quippe qui nullam habet justitiam suâ majorem quâ justus esse possit. Cumq; hæc justitia in abstinendo à peccatis æquè consistat ac faciendo opera Justitiæ, manifestum est totum hoc nobis imputari oportere, ac proinde apud Deum sic habendos esse tanquam si nunquam peccavissimus. Unde nihil opus erat expiatione peccatorum, Christusq; consequenter frustra est mortuus. Nam imputatio illius Justitiæ omnes vices explet. Quamobrem nemo quisquam causam ullam excogitare potest cur tam absurda opinio tanto-perè quempiam oblectet nisi eam in peccati pallium destinet, seq; sic eximere velit ab omni obligatione ad *realem sanctitatem & justitiam*.

3. Neq; equidem novi in quem alium finem præterquam hunc, tanto cum zelo homines urgeant opinionem quòd *solâ fide salvandi sumus*, in tam perverso sensu quàm quidam faciunt: quippe qui hic non intelligunt *Fidem vivam per charitatem operantem*, sed quòd justificandi sumus per *fidem*, quæ à charitate, obedientiâ, & quicquid justum sanctumq; sit, sese præscindit. Verùm manifestum est, nisi quis dicere velit, se justificatum iri per *fidem mortuam*, quæ non magis vera fides est quàm *cadaver fetidum verus homo*, quòd realis *sanctitas* tam certò *Fidem* concomitatura sit, quàm *Lumen* comitatur *Solem*; quòdq; æquè ridicula controversia moveretur de *Fide*, utrùm sola justificet, ac si quis in quæstionem duceret, utrùm *solus sol* Diem efficiat. Nam si *solem* intelligunt absq; suis radiis, evidenter falsum est; si verò intelligunt *Solem* solum absq; Luna atq; Stellis, est evidenter verum. Cæterum, præscindendo *vitam à Fide*, & contemnendo tamen sic eam justificare, æquè incongruum est, ac si quis assereret *solem absq; lumine* Diem efficere, atq; æquè perniciosum quàm

quàm insinuare internam sanctitatem non esse necessariam ad salutem. Ac proinde quando loquuntur de *Fide sola* debent profectò mentem suam ità explicare ut non intelligantur *Christianam Sanctitatem* excludere sed *Judaicam*, & quæcunq; alia supervacanea, imperfecta, & superstitiosa Justificationis Principia quibus homines passim per terrarum Orbem hætenus innixi sint, simulq; urgere Christianam charitatem ad bona opera promptam quæ est *Legis* impletio.

4. Huic *Justitiæ imputativæ, Fidei*q; *justificatrici*, quam illi summoperè cupiunt à *reali* sanctitate disjunctam, addunt insuper *Infirmitatem Christianam*, quâ insinuare volunt *Peccati Invincibilitatem*. Ità ut duabus harum opinionum, debitum illum Justitiæ gradum de quo locuti sumus (immò verò quemlibet illius gradum) *superfluum* esse suggerentibus, atq; hæc tertiâ *impossibilem*, quorsum hoc tendere potest nisi ad universalem neglectum omnimodæ sanctitatis in conversatione Christiana? Cujus quidem modi Religionis professio, etiamsi à quibusdam pro speciali Dei cultu habeatur, ille ipse tamen Apostolus cujus locutionibus nimis sæpe abutuntur, meram esse Dei subsannationem, quasi naso eum adunco suspenderent, aperte declarat. *Μὴ γλαυῖτε, οὗτοι ἰ μὴ λυγίσθαι. Νὴ fallimini, Deus naso non suspenditur, Deus non eluditur. Nam quod quisq; severit idem metet.* Abusus enim hic perversq; Mysterii Christianitatis ad dissolutos mores securamq; vitæ improbitatem Applicatio derisio mera est benigniq; Consilii Dei in Christo subsannatio. Est certè rictus irrisorios in faciem cœli diducere, & sub prætextu extollendi Christum, regnum ejus reverà subvertere in terris.

Gal. 6. 7.

5. An non hæc mera subsannatio est impudensque, coràm, Divinæ Majestatis contemptio, cùm is Christum in mundum miserit in eum finem ut mundum redimat. è vana sua Conversatione, utq; aboleat destruâtq; peccati opera ac Diaboli, longas Deo in precationibus nostris narrare Historias de propria nostra Carnalitate Naturâq; Diabolica, ipsiq; in os significare sic tamen liberæ ipsius Gratositati visum esse ut ità omnino sit, & per Justitiæ Christi applicationem fieri, ut Deus nec velit nec possit ullam in nobis videre Injustitiam; atq; propterea, quod omnium pessimum est, post prolixas tædiolâsq; orationes, quarum pars maxima fœdus est atèq; priorum nostrorum peccatorum catalogus, è præsentia illius recedere, sine omni spe, proposito, conatûve emendandi nostros mores studiove evadendi quicquam meliores quàm sumus: An non hoc, inquam, est pervertere ridiculûve reddere benignum Dei consilium etiam in auditu ipsius, ipsumq; in os ejus irridere? Verum utur ad tempus connivere possit ad has ineptias vel contumelias, non tamen æternum filebit, manûsve continebit.

*Non semper stolidam præbebit vellere barbam
Jupiter.*

Non semper eludetur per mœstas mutitiones, per confessiones Hypocriticas, vultus tristes, brachia ulcerosa, Tibiâsq; panniculis colligatas lignisq; teretibus impositas cum lamentabili agnitione voluntariæ tantum miseriæ ac paupertatis, fictitiæ ac simulatæ mutilationis ac infirmitatis. Si indignatio illius vel pauxillum exarserit, ligneas istas tibiae statim absument & naturales nostros pedes nos coget in conspectum proferre, manibûsq; uti, quò fugiamus defendamûsve si fieri possit, Divinæ vindictæ ictus quæ meritò nos deprehendet affligetque.

C A P. VIII.

1. *Jactabunda Hypocrisis* Perfectionariorum; undeq; ea proveniat. 2. *Leges faciles* ad quas suam perfectionem expendunt. *Funestusq; Eventus* suæ Apostasiæ à Persona Christi. 3. *Multò plus* perfectionis esse in multis millibus eorum qui perfectionis nomen abhorrent, quàm in his qui eam tantoperè venditant. 4. *In quo consistat salubris ac decora integritas spiritûs verè Christiani.*

1. **A**Tq; hæc de reptili illa *Hypocrisi* quæ tacito suspensioq; gradu incedit in istis opinionibus *Justitiæ imputativæ, Fidei* operibus destituta, & *invincibilis Infirmitatis*. Quibus contraria est *jactabunda* illa *Hypocrisis* altè volantum Perfectionariorum,

nariorum, quorum tamen animi temperies ut plurimum æquè insalubris est ac priorum, multoq; magis ipsi indoli spirituiq; Evangelii opposita ac repugnans. Immo ausim dicere, Opinionem esse, quæ astute subdolèq; per Invidiam ipsius Diaboli in servidos, feroces, acres, & melancholicos Animos urgetur & imprimitur, qui altè volant & oppidò quàm proclives sunt ad gloriationem in seipsis tumidamq; Arrogantiam; ut sic in ipsis memoriam *Passionis* Christi oblitteret, eludatq; usum pretiosi illius sacrificii, ut extinguat amorem hominum erga eum, retrahatq; ipsos ab omni dependentia ab illius *Persona*. Qua de re certiores esse possumus si consideremus ad quàm faciles Leges suam expendant *Perfectionem* & immunitatem à peccato.

2. Nam motus cujusvis pravi quantumlibet vehementis, modò ipsi non assentiantur, nullum profectò pudorem habent nec conscientiam; & si tentationis vi ferantur ad admittendum facinus, tunc sanè omnem culpam in assultus violentiam conjiciunt, seq; ipsos tantum ut violatas virgines (pro mollitie scilicet suæ Imaginationis benignaq; de propria sua sinceritate opinione) considerant contra voluntatem suam constupratas; atq; sic in suipsorum Justificatione persistunt. Et quod adhuc magis execrandum est, postquam ad summam *Deificatæ* suæ conditionis ascenderint, pervenerintq; ad plenum *Perfectionis* statum, tunc, quod de *Indorum Abditis*, & *Illuminatis Hispanorum* dicitur, peccare non possunt: Quicquid egerint, qualemcunq; turpitudinem fœditatè mve admiserint, quantacunq; Injustitia crudelitæve ipsis suggesta sit, pro Inspiratione id omne accipiunt impuri hi ac superbi Fanatici; vel eò impudentiæ tandem deveniunt (en turpem Apostasiam à simplicitate veritatis Evangelicæ fructum!) ut apertè profiteantur nullum esse discrimen honestorum & turpium, *Peccatū*q; nihil præter *nomen* esse vel *opinionem*, nullum reale maleficium, nisi eis qui nondum libertatem suam nōrint. Qui ultimus rerum eventus manifestò indicat quis ex occulto primus esset hujus negotii motor instigatorq; in alienandis eorum animis à *Persona* Servatoris. Et certè Divina Justitia valde observabilis est in hujusmodi Apostatis, quantà percussi sint cæcitate, quàm insulsi imbecilliq; sint in suis ratiociniis ac imaginationibus, vitæq; ipsorum atq; actiones quàm odiosæ & abominabiles.

3. Cæterum quòd Religio horum *Perfectionariorum* non sit nuda per Technas Satanae ex inopinato prenitatio & illaqueatio, sed operosa quædam ac præmeditata defectio à Fidelitate sua erga Beatum Servatorem, (quanquam quidem primùm suggesta per Invidiam *Luciferi* adversus *Filium Dei*) ex hoc nimis quàm manifestum est; Quòd utiq; etiam tum cùm maximè tolerabiles videntur aliquamq; habere conscientiam rationemq; actionum suarum, id tamen quo Christiani conturbantur, cuiusq; eos pudet, hi nolunt agnoscere ullum esse peccatum, nè fortè videantur Christi sacrificio indigere, eive quovis modo propter perpeffiones suas esse obstricti. Quod indicium est, prout jam monui, *Familismum* inventum fuisse per malitiam Diaboli ad abolendum officium Christi ejusq; personam deponendam; garriant illi interim quàm magnificè gloriosèq; volent de statu suo *Deificato*. Quem *Infernalis* eorum Præceptor eos docuit tanto cum strepitu venditare, ut Christus indè videri possit minùs esse *Deus* quàm reverà est. Ego verò ausim pronunciare, multa millia simplicium modestorumq; Christianorum qui *Perfectionis* nomen abhorrent, multumq; loquuntur de *Justificatione* per fidem solam, & de *imputatione* *Justitiæ Christi*, graviterq; admodum ac seriò de propria sua *Infirmirate* conqueruntur, pervenisse tamen ad longè majorem gradum *Perfectionis* quàm hi suiipsorum Magnificatores barbariq; insultatores in humiles hos contritisq; animis Christianos, qui nihil mali intelligentes machinantèrve per istas loquendi formulas quas edocti sunt, affectuose servidèq; Servatori adhærent, & ex debita reverentia erga Deum & sincera averfatione ab omni specie mali, & ex horrore metūq; cujuslibet umbræ peccati & improbitatis ad Christum confugiunt tanquam ad *Asylum*, animasq; suas per fidem sublevant in illius Propitiatione & Intercessione pro ejusmodi Infirmiratibus quas tumidi hi Fanaticiq; Jactatores sibimetipsis aliisq; persuadere velint, minimè esse peccaminosas.

Et nunc sanè utri salubriorem animi temperiem habeant, *Elati* hi *Enthusiastæ*, an *Christianus humilis* & Orthodoxus, quilibet qui sponte non cæcutit, judicet, dicatq; quàm denuò toleranda hæc sit *Perfectionariorum* doctrina, quæ tam perfidiòse ac proditoriè ipsam *Personam* Servatoris impetit, *Regalisq;* sui *Sacerdotii* antiquationem molitur, omninoq; amabili illi ac decoræ adversatur animi conditioni quæ ab omnibus hominibus requiritur, sed à *Christianis* præter ceteros, nempe ut *spiritu sint humilis ac demisso*; quem Mors Christi nostraq; Fiducia in ejus *Passione* ac Intercessione pro gratia apud Deum naturaliter fovet alitque, & insalubrem

illam tumidamq; intemperiem Arrogantiæ suæque plus justo existimationis procul ablegat.

1 Cor. 4. 4.

4. Quæ quidem ut nemo in suam perniciem aliter accipiat atq; ipse ea intelligo, dico salubrem decoramq; Christiani spiritus temperiem in hoc consistere; nempe ut sincerè quis enitatur ad omnem perficiendam sanctitatem tum corde tum opere, nec quicquam sibi quod peccaminosum esse putat indulgeat. Et postquam ad eum sanctitatis gradum pervenerit ut sibi non sit conscius se quicquam quod illicitum est patrare, ut omnem laudem Deo tribuat, Illiusq; meritis & Intercessioni qui ipsi sancti spiritus assistentiam procuravit, & virtute mortis suæ tam potenter obligavit ad bellum gerendum contra cupiditates suas & ad immoderatos suos affectus mortificandos; simulq; recordetur, etiamsi nullius rei ipse sibi conscius sit, se tamen per hoc non justificari, nec quenquam certum esse posse quin alicubi erret, quamvis nunquam peccet contra propriæ conscientiæ lumen, utq; id potius imputet Divinæ misericordiæ quæ eum in tam violentas tentationes non duxerit quàm quidam ducti sint, quòd se reperiatur nulli submisisse malæ suggestioni, quàm ut proprium suum robur jactitet, protectionemq; contemnat tam benigni Servatoris, qui humanarum Infirmittatum expertus meritò putari potest turbinosos illos assultus à nobis defendisse qui aliter in nos fuissent invasuri. Præterea, quamlibet cunq; justi nunc sumus, id tamen vetus æs alienum non exsolvet, quippe quòd oportebat nos semper fuisse absq; peccato. Ac proinde ad tam misericordem Servatorem confugere nunquam erit intempestivum. Quæ quidem veritas est inviolabilis, utpote quæ & honorem Christi tuetur & nosmetipsos in demisso humilq; habitu animi adversus Deum atq; homines conservat. Aded ut opinio ista horum Enthusiasticorum *Perfectionariorum* manifestò tum secundam tum tertiam Regulam quas perscripsimus, transgrediatur.

C A P. IX.

1. Sinceritas *via media inter Infirmittatem simulatitiam ac venditationem Perfectionis, cum illius descriptione.* 2. Plenior character *sinceri Christiani.* 3. *Qui ad illum statum non aspirant, Hypocritas esse; qui se supra eum esse prætendunt, contra æternum Christi Sacerdotium Conspiratores.* 4. *Regnum Christi personale in terris & Millennium sensu magis sobrio intellectum ad supradictas Regulas applicata.*

1. **U**T cursum igitur nostrum inter hos qui *Invincibilem infirmitatem* Hypocriticè prætendunt, atq; altivolos illos de *absoluta Perfectione* gloriatores rectè dirigere possimus, tutam illam semitam mediam non fictæ *sinceritatis* tenere debemus. Quæ propterea nec Naturæ conditionem causabitur, tanquam omnino incorrigibilem, & quæ nè per vim quidem spiritus sancti ad obedientiam reduci possit: nec culpam in Deum conjiciet, quasi aut nollet aut susq; deq; haberet Naturæ reductionem subactionemve sub imperio Christi. Verùm seipsum quisq; culpabit in omnibus suis maleficiis, officiūq; suum reputabit (& tale quidem quod Divinâ ope præstare possit nisi ipse sibi defuerit) *membra sua Justitiæ arma præbere Deo, perinde ac olim ea injustitiæ arma peccato præbuerat.* Etenim cum *Sinceritas* fidele supponat propositum voluntatēq; faciendi quicquid rectum sit, Christus eo ipso Castellum Fortalitiūve è manibus inimicorum recuperabit, omniāq; tunc inibi arma ac machinamenta in probos fines adhibebuntur.

Oculi qui antea Cogitata putida ac corrupta è falsis illecebrosisq; objectis hauriebant, atq; sic cor accendebant fœdis libidinibus, nunc puræ fiunt fenestræ ad transmittendam lucem ac claritatem immaculatæ Dei sapientiæ in visibili creatione pulcherrimè depictæ. Aures quæ antea cum voluntate affabrè edolatas detractionis & calumniæ Fabulas imbibebant, nunc tantum patent suspiriis pauperum, ac honestæ famæ vicinorum. Pedes illi qui olim veloces erant ad effundendum sanguinem, nunc multò promptiores sunt ad redimendos Innocentes à violentia. Istæ manus quæ haud ità pridem totæ in extorquendo occupabantur rapiendq; ab aliis, nunc porriguntur semper ad eleemosynas largiendas bonāq; egenis distribuenda. Lingua ista quæ vel amicum olim secretò vulnerare non parcebat, etiam inimicum nunc in causâ justa defender.

In

In summa, nulla est externa actio veræ Sanctitatis ac Justitiæ, quin sincerus Christianus se potestatem habere eam faciendi & credat & inveniatur, ac propterea constanter quod bonum est facit fugitq; contrarium, quicquid utiq; ipsius conscientia revera sic esse, & in sua potestate esse vel facere vel effugere dictaverit; hoc est, Pro certo declinabit quod *injustum* est; Nunquam cum altero aliter aget quàm secum in eisdem circumstantiis actum velit; Certissimè abstinerebit ab *Oppressione, Adulterio, Fornicatione*, nunquam invidum ullum malignumve facinus per vindictam committet. Nec ita solum, sed credit insuper se per Divinam gratiam ab omni malitia ac invidia posse repurgari, nec malevolum animum contra hominem quenquam gerere, immò nè contra inimicos quidem; & similiter de omnibus aliis inordinatis affectibus, quibus tamen vehementer ac violentè moveatur, nunquam tamen eo usq; assentitur, ut eos explere vellet, quamvis vel securissimam explendi nastrus esset opportunitatem.

2. Nec tamen ob hoc, se perfectum autumat, quanquam nulli peccato assensum præbet quod sic esse judicat; nec de salute sua dubitat quamvis sit imperfectus. Et si per tempestuositatem importunitatemve Tentationis vel per inevitabilem aliquam inadvertentiam in malam aliquam actionem incidit, voluptas sanè quam illuc experitur non absumilis est illi, quam Infans ex lapsu in faciem super acutos filices, vel in manus super vivos carbonès perentiscit. Quamobrem sincerus ejus amor Justitiæ summâq; abhorrescentia à peccato eum semper reddet circumspèctum. Quippe qui se teneri censet non solum ut peccatum non committat quoties sic esse apparet, quod impossibile fore existimat ut unquam faciat; sed ut perpetuè vigilantia onus sibi imponat, nè illud vel tunc quidem committat cum sub speciosiori aliqua forma se insinuare velit.

Et tamen per Divinam assistentiam fidelèmq; illi adhæsiōnem se ad eum gradum pervenisse deprehendat ut omnes suas corruptiones devicerit, adeo ut seipsum accusare non possit aut *Superbiæ* aut *Libidinis*, aut *Invidiæ*, aut *Avaritiæ*, aliùsve id genus vitii, quodve *fidem Divinæ Promissis non habeat*, ab ejusve *Providentiâ non dependeat*, libensve in rebus omnibus se ipsius voluntati non submittat ad quamecunq; conditionem eum evocaverit; tamen cum ipse sibi conscius sit se nec infallibilem esse nec invincibilem, præsertim sine ope Christi, ac multis reipsa humanæ Naturæ incommodis circumvallari, (cujusmodi sunt Cogitationum aberrationes, inæqualitates Devotionis, minùs commodæ mentis habitudines propter terrenum hoc in quo degimus tabernaculum) recolâtq; secum veteres anteactæ vitæ vanitates, quam nihil, præter ignorantiam, facere potest ut putemus fuisse sine peccato, quomodocq; hæc omnia (quamvis vulgaris Philosophia ea nulla esse *Vitia* pronunciet sed meras humanæ Naturæ *Infirmiuitates*) cum lapsu nostro contracta sint, justè per Religionem nobis imputari possint, sincerus hic Christianus cujus characterem descripsi, tantum aberit ab aspernando personam Christi vilificandove ejus *Passionem, Intercessionem* sanctumq; *Sacerdotium*, ut summâ, quâ potest, ac devotissimâ Reverentiâ ac amore eum prosecuturus sit & adoraturus, nec dulcem illam animi quietem ac gaudium, quod experitur in recordando quàm inestimabilem amicum ac Patronum habeat apud Deum, pro universis voluptatibus locupletissimisque thesauris hujus præsentis vitæ sit dimissurus; præsumpturusve se per propriam vitam operâve justificatum iri, sed per *fidem in Christo*; quem summo perè gaudet se Judicem suum spectaturum die novissimo.

3. Hæc est vera solidâq; *sinceri Christiani* temperies: atq; is certè qui non fideliter ad hunc statum aspirat, claudicantem Hypocritam se demonstrat talèmq; qui *Divinam vitam* animitus non amet, quicq; nondum gustaverit sanctitatis Divinæq; Spiritus dulcedinem, nec illius operationum vim sit expertus. Is verò qui supra eum prætendit, de se condemnatus est, apertèq; se prodit ad quodnam Regnum pertineat, quod stimulatus sit utiq; per *invidiam Satana* contra Regnum Christi, ad abolenda ejus Officia, Personamq; deponendam. Quod multis animabus *Fanaticis* persuadet ut faciant, tumefaciens ipsas opinione propriæ Perfectionis eo solo consilio ut *servatorem* excludat. Cujus profectò erroris periculum non levius est quàm æternæ ipsorum salutis jactura. Nemo enim vitam æternam hæreditabit nisi per donationem *Jesu Crucifixi*, quem Deus constituit judicem die novissimo. Ut taceam quòd ipsa *vita moralisq;* temperies in his à Dei filio Apostatis si cum illa sinceri Christiani conferatur, tanta inter eas intercedit differentia, apud eos saltem qui non jacentem habent gustum, quanta est inter dulces uvas ac labruscas. Tam difficilis res est aut *Naturæ* aut *Diabolo* veram imitari tincturam *Spiritus Christi*. Vitis eorum sicut vitis *Sodome* est, & fructus eorum sicut racemi *Gomorrhæ*, ipsorumq; Ecclesiæ tanquam

tandem Ager quem Dominus fideravit, odor lactis sulphurei, Infernalisq; putei est inter ipsos.

4. Ultima res quam proposui, *Personale erat Regnum Christi in terris.* Cujus quidem opinionis rationes quemadmodum oppido quam exiles sunt aut nullae, ita sane illius utilitas mihi minimè est manifesta, nec ullum quod sciam, Evangelii finem promovere.

Quod verò *Millennium* esse poterit, quemadmodum vulgò vocitatur, longæ temporis Periodus in qua excellentius Christi Regnum, quam quod se hactenus mundum manifestavit, locum sit habiturum, equidem res est rationi tam consentanea, & cui tot & tam apposita Scripturæ loca patrocinantur, ut difficile putem cuivis homini qui nullo laborat præjudicio, eam inficiari. Cæterum rerum statûs Renovationem tunc existimo fore, quemadmodum S. Petrus nos monet, in *novos celos novamq; terram in quibus inhabitabit Justitia.* In quibus realis Sanctitas universalisq; Pax dominabitur. In quibus *crucifixus Jesus* non solum de longinquo adorabitur nec salutabitur tunc in statuis & picturis, & Ipse & Mater ejus omnesq; ipsius Apostoli ac eminentissimi Sectatores, (dum *Mars* interim, *Venus* & *Pluto* aliq; Ethnicorum Idola animis amantur & obsecundantur, toto Orbe Christiano immane quantum Bello Sanguinisq; effusioni, Libidini & Luxuria, Opibus corradendis ac Avaritiæ se deditibus, adeoq; hæc numina spiritu colentibus & veritate) sed ut *Divinus cultus* Servatoris Personæ præstitus tunc non cessabit, ita virtus illius Spiritûs ad repurgandum mundum ab omnimodo Paganismo potentiùs operabitur & ad abolendam etiam Idololatriam spiritualem, qui affectus sunt inordinati, indomitq; *Animalis vite* motus, & infeminabit hominibus talem amorem ac complacentiam in vita Christi, ut Pax & *Justitia* omnia sit inundatura.

Contentiones circa opiniones tunc cessabunt, cum nullius pretii sint nisi propter superbiam ac curiositatem *hominis naturalis*, Omnesq; bellæ adinventiones subtiliorum Theologorum tunc evanescent, omniaq; inepta ac perplexa Argumenta pugnacium Scholarum dissabuntur, solumq; Evangelium exaltabitur in Die illo. Et certè *Millennium* ad hunc sensum intellectum mihi & admodum probabile videtur & valde exoptabile, talisq; esse opinio quæ omnibus Evangelii Propositis non solum consentanea sit sed & apprime utilis, quemadmodum quivis deprehendere potest modò ad *Regulas* quas proposuimus, eam voluerit applicare.

Quarum *Regularum* usus ostendendo pauca hæc Exempla sufficere possunt, hominisq; erudiendo, qui se ab ingenti illo onere numerosarum opinionum sive à suis ipsius cogitationibus suggestarum sive ipsi oblatarum ab aliis, liberare valeat. Nam si eas ad has *Regulas* applicet, pleraq; inveniet, aut tam parum facere ad fines Evangelii, aut tantum ipsis adversari, ut alias habiturus sit indignas examinatu, alias ne nominatu quidem dignas, multoq; minù assensu apud sobrios Christianos.

Quæ quidem exercitationes rationesq; non possunt quin multum tendant ad promotionem Evangelii Christi si diligenter vel à privatis solummodò Christianis observentur. Breviter jam tantum, strictimq; attingam, quæ Magistratum maximè oporteat ad Christianitatis promotionem conferre, & tunc concludam.

C A P. X.

1. *Jus libertatis Conscientiæ ad eos qui Deum esse negant vitamq; futuram non pertinere.* 2. *Descriptio sinceri Professoris Religionis in genere ad quem hoc jus libertatis Conscientiæ pertineat.* 3. *Descriptio sinceri Professoris Christianitatis ad quem dictum jus pertineat.* 4. *Concessionem hujusmodi juris libertatis Conscientiæ contra rem nullius ferè Ecclesiæ facere nisi Romanæ.* 5. *Libertatis Conscientiæ etiam laxiori modo definitæ antiquorum Patrum autoritate confirmatio.* 6. *Argumenta pro libertate Conscientiæ è re ipsa deducta.* 7. *Argumenta deducta à magnis incommodis quibus adversa sententia oneratur.*

1. **A**Ntequam Magistratus potestatem in rebus Religionis intelligere possimus, considerare primum oportet commune humani Generis jus hoc in loco, modò in Atheismum profanitatēq; non degeneraverint. Etenim qui credit nullum esse Deum nec præmium penamve post hanc vitam, quem is colorem habere potest arrogandi

gandi sibi jus libertatis Conscientiæ? quàmve alienum est verba facere de ejus jure in Rebus Religionis qui ex professo nullam habet Religionem, nec ullam Conscientiæ obligationem ut tam impiam Professionem faciat? *Atheismus* enim quemadmodum res est, in se etasæ admodum ac conspicuè falsâ cuivis homini qui quidem mentis compos sit, suâq; ratione uti nōrit, ita certè & noxia suprà quàm dici potest & perniciofa præsentī Regnorum ac Rerumpublicarum felicitati, ac proinde evitanda ac suppressenda tanquam funestissima humanarum Politiarum pestis atq; lues.

2. Cæterum quantum ad eos qui seriam faciunt Professionem existentiae Dei Creatoris rerum omnium, ejusq; Providentiæ, agnoscuntq; vitam esse futuram in qua Impii puniendi sint, Pii verò probiq; remunerandi, qui animo admodum integro sunt ac *sincero*, nec ulli Religiosæ patrocinantur opinioni praxiæ quæ solidæ adversatur *Moralitati*; Qui ita circumcincti sunt *Divinae Majestatis* Reverentiâ atq; metu ut non possint quin bonam servant conscientiam in rebus omnibus, agentes semper tanquam in conspectu Dei; Qui fidelitate sunt non fucatâ erga Principem, promptiq; ac cupidi obtemperandi Religionis Antistitibus in re qualibet quam sua conscientia sibi permiserit; Quorumq; conscientia tanta est integritas ac salubritas ut se obligatam sentiat ad obtemperandum ipsis in rebus omnibus quas indifferentis naturæ esse deprehenderit, nec contra Dei mandata constitutas; Qui tantam rationem habent Decoris ac ordinis, publicisq; Religionis commodi ut lubenter se quibuscumque æquis multationibus submittere velint, potius quàm ut ipsorum exemptionis jus aliis occasione daret abutendi hâc conscientia libertate ad omnis Religionis neglectum ac despicientiam; Qui, inquam, sic affecti sunt, videntur profectò mihi naturaliter tale Libertatis jus nacti in Rebus Religionis quod planè inviolabile sit, quodq; magistratui non liceat invadere, nisi aliqua fortè adfit perversa mixtura quâ jus hoc tam liquidum perdere possint. Interea loci si nihil supponamus præter errorem simplicem, quam qui adversæ sunt Religionis superstitionem appellabunt, Conscientia tamen alterius partis cum ad eam obligetur, naturale ipsorum jus est suâ hâc Libertate frui. Quoniam Conscientia eorum majori hâc subjicitur potestati quàm ulla est in terris. Ac proinde Religionis libertatem ipsis non concedere, & inhumanitatis pars esset ac injustitiæ adversus ipsos, quâdamq; Rebello adversus Deum cuius legales sunt Subditi.

3. Et certè si hoc verum sit de *sincero* Religionis Professore in genere, manifestum est id non minùs verum esse de *Christianis sincero*. Hominem Christianum intelligo simplicis cordis, verum *Nathanielem* in quo nullus latet dolus. Cujus characterem partim ex generica illa *sinceri* Religionis Professoris descriptione, partim è natura sua propria non est difficile delineare. Est igitur homo conversationis irreprehensibilis, Fidemq; habens in omnibus Christianæ Religionis Essentialibus inconcussam, Conscientia inviolabilis, ut qui omnes suas res peragit tanquam in conspectu præsentisq; Dei, inexpugnabilis Fidelitatis erga Principem, Ecclesiæq; obtemperans ad summum quod sua Conscientia ipsi permiserit, hoc est, in rebus omnibus indifferentibus verèq; dubiis ac disputabilibus; Cujusq; Conscientia tam bene ordinata est ut officium suum, sic facere, existimet; Et postremo qui tanto tamq; profundo ordinis unitatisq; in Ecclesia sensu afficitur, tantamq; curam metumq; gerit nè commune verè Apostolicæ Christianitatis Bonum quovis modo inutilibus perniciosissq; schismatis minatur lædaturve, ut tametsi sibi ipsi per sortem obtingeret quod puniendus sit (ut qui nec ipse propter insuperabiles quosdam scrupulos omni Ecclesiæ instituto se submittere valeat) perlubenter tamen qualvis tolerabiles pœnas subire mallet quàm ut impunitas aut petulantibus hominibus aut malignis, abutendi hoc Titulo Libertatis ad subruendam suffodiendamq; pacem ac securitatem Ecclesiæ verè Christianæ ac Catholicæ ansam præberet. Hic est is cui præter cæteros jus hoc naturale Libertatis Conscientiæ fartum tectum conservari oportet.

4. Quod quidem si ipsi integrum reservaretur, contra rem profectò nullius ferè Ecclesiæ faceret præterquam *Romanæ*, quæ quidem tam enormiter corrupta est & tam tanta cum confidentia *Infallibilitatem* prætendit ut ingenuè fatear nihil illi tam formidabile esse posse quàm est hoc jus *Libertatis Conscientiæ* quantumvis his irreprehensibilibus circumstantiis descriptam. Quantum verò ad Ecclesias Reformatas, quarum Religio sunt illa verè *infallibilia* Dei Oracula quæ sacris Bibliis continentur, non est certè quod illæ ab hujusmodi Libertate sibi quicquam metuant, nec sanè illis noxium esset aut indecorum tam scitè limitatam indulgentiam erga *sinceros* suos alumnos adhibere, qui tam perfectè formati Christiani sunt ut omnes Essentiales Religionis nostræ partes animitus credant, sed hæsitent solummodo in aliquibus opinionibus ac scrupulositatibus quæ sunt præteressentiales; verum in reali interim ver-

santur vitæ Spiritusq; œconomia, cujus cum bene experti ipsorum Gubernatores conscii sint, non magis profecto eos dedecet aliquid ipsis speciatim permittere, quam Matrem piam indulgere aliquid Infanti dentienti, vel aliâ quâvis ratione infirido vel malè habenti, aut Patrem familiâs permittere, saltem, si non separatim proprias aliquas Accommodatiunculas eis è familia providere, quorum infirmitates malare corporis habitudines eos minùs idoneos fecerint ad prandendum cœmandumq; apud mensam communem. Hæc enim nulla illius autoritatis diminutio est sed magis prudens ac laudabilis ejus exercitatio. Ubi omnia se habent ut inanimæ statutz & pibutz, quælibet res ordinari potest ad libidinem arbitriûmve *Pistoris* vel *Statuarii*, & otiosæ sterilesq; virgines minori cum periculo corpora sua ad eam gracilitatis mensuram coarctare possunt, quæ cum ineptæ suæ imaginationis curiositate maximè conveniat. Verùm unaquæq; Ecclesia Christi, ubi *œconomia vitæ* reperitur (nec cerè unquam obliuiscendum est, eam reverà illius conditionem esse debere) ad instar prægnantis forminz est, quam proinde præ omnibus cavere oportet nè arctè nimis succingatur, ob miserarum obortionum metum. Hæc profecto tam æqua sunt ac ferè necessaria ut neminem latere possint cui vita Dei apparuerit.

Lib. 2. cap. 20.

5. Atq; equidem antiqui Ecclesiæ Patres liberius hæc de re locuti sunt & absq; hujusmodi cautione & restrictione. *Gratius* in *Tractatu de Jure Belli ac Pacis* multa producit Exempla. Canonem citat Concilii *Toletani*: *Præcipit sancta Synodus nemini deinceps vim inferre; Cui enim vult Deus miseretur, & quem vult inducat. Tertullianum* etiam, *Lex nova non se vindicat ultore gladio*. Huc etiam adducit *Clementis Constitutiones*, *Athanasium* & *Chrysostomum*, qui expresse vim excludunt & compulsionem in adducendis hominibus ad Christianitatem. Illud etiam notatu dignum est quod *Jewellus* citat è *Chrysostomo*, Homil. 19. in *S. Mattheum*. *Nunquid ovis lupum persequitur aliquando? Non, sed lupus ovem. Sic enim Cain persecutus est Abel, non Abel Cain. Sic Ismael persecutus est Isaac, non Isaac Ismael. Sic Judæi Christum, non Christus Judæos. Hæretici Christianos, non Christiani Hæreticos. Ergo ex fructibus eorum cognoscetis eos.* Quibus planè innuit Persecutionem Conscientiæ eausâ symptoma esse prorsus Antichristianum. Et præcisè iterum in eadem *Homilie*, *Quam videris in sanguine persecutionis gaudentem, lupus es.* Et postremò valde appositâ est illa Intimatio Apostoli; *Is qui secundum carnem genitus erat, persequetur eum qui natus erat secundum spiritum.* Tanta intercedit Antipathia carnalem inter verèq; regeneratum Christianum. Quod terrorem homini incutere debet quoties motiones quallibet persecutorias in animo suo oriri persequentur, utpote quæ indicationes sunt *Cainitice*, *Ismaelitice*, ac *Lupine* naturæ, signumq; certum eum non esse ex ovili Christi.

Gal. 4. 29.

6. Atq; hæc obiter de *sententia* antiquorum *Patrum* super hac re. Verùm supersunt argumenta è re ipsa deducta, quibus demonstrari potest quanta sit adversus *hominem Injustitiam* contrâq; *Deum* ipsum *Rebellio* tali sincero Religionis professori qualem supra descripti, hoc suum Libertatis Conscientiæ jus non concedere. Primò enim quod loquitur agitve secundum inevitabiles propriæ mentis persuasiones non est peccatum, quippe quod juxta nostram Hypothesin ex Ignorantia oritur invincibili, nec supponitur quidem quicquam agere contra *notas Naturæ leges*; ac proinde nullius jus legitimum inde læditur vel diminuitur, sed interea loci Divini Numinis Primatus plenè agnoscitur, Fidelitasq; ac Integritas sinceri Professoris Religionis pariter exerceatur & exeritur.

Quamobrem quæ ratio esse potest cur quispiam pro tam proba actione, quæ ob nihil quicquam culpabilis sit quod propriè sit peccaminosum, barbare tractaretur, puniretur, vel quovis modo violento inturbaretur, impedireturve? Nam quicunq; eum per vim impedire conatur, non solum innocentem actionem & laudabilem supprimit, sed & ipse necessariò foedam perpetrat ac facinorosam. Nam ejusmodi planè est aliorum sollicitatio ad omissionem illius Fidelitatis Officii quod propria ipsorum Conscientia eis persuadet se debere Deo. Quapropter is qui *sincero* Religionis Professorum à sua profitenda Religione impedit, eundem urget propellitq; ad peccandum contra Deum. Quod nulli quidem Potestati in terris fas est facere quin eo ipso rei perduellionis evadant contra suum Creatorem, corrumpeudo ad hunc modum legales suos *Subditos*, & ad infidelitatem officiûq; sui neglectum sollicitando. Quàm enormiter igitur culpabiles sunt in compellendo ipsos ac per vim trahendo ad istiusmodi actiones quas persuasi sunt Deum ipsis severiter interdixisse? Equidem si hoc non sit ei, qui sub alterius imperio est, injustè imperare, ego comminisci nescio quid sit, quidve peccatum reputandum sit adversus Deum si aliorum sollicitatio ad peccandum contra ipsum non sit peccatum. Aded ut manifestum sit supremam Dei potestatem

statem *sincerum* Religionis professorem in rebus Religionis ab omni vi externa liberare.

7. Jam verò quemadmodum hæc opinio satis se à nativa sua concinnitate ac soliditate commendat, ita etiam adhuc solidior apparebit magisq; rationi consona si consideramus contrariæ sententiæ absurditatem. Quòd libertas scilicet Conscientiæ nullo pacto in Religione sit concedenda. Hinc enim sequitur, cuilibet Religioni licere, immò verò eam debere alias omnes Religionès summa cum cura ac diligentia prohibere ac depellere. Nam cuiusq; Conscientia illi dicitur suam Religionem esse optimam, atque tam non coleret, imò verò nullam veram esse ac salutaris præter suam. Etenim si agnoverit servari posse homines in aliis Religionibus, tunc præcedens nostrum Argumentum perfecta contra ipsum demonstratio est cum non tantum adversus homines injuriosum esse, sed & reverà rebellem contra Deum, tam male tractando eos qui legitimus ejus sunt populus, quòsq; tantopere amat ut apud se statuerit eos servare, ipsòq; persequendo ob eas ipsas actiones in quibus maxime serio acceptam suam obedientiam erga illum ostendunt, suamq; quarant salutem.

Quòd si unica duntaxat vera ac salutaris sit Religio una vice in mundo, hoc certe illi maximam incommodum est quod potest excogitari. Nam per hoc dogma illa pari cura & violentia prohibebitur, ac quælibet è reliquis. Quod meo quidem iudicio valde injustum est. Ac proinde hæc altera Evidentia est veritatis sententiæ quam defendimus, nempe ex eo, Quòd contraria maxima est injuria & incommoditas veræ Religionis quæ fingi potest, quam nihil præter vim externam impedit quo minus omnia repleat loca. Nam *magna est veritas & prævalebit*. In mentibus nimirum & conscientiis eorum hominum apud quos liberam audientiam habere potest, non inter strepitus ac terrores Tyrannicarum impositionum ac obtrusionum. Ut frequentes præteream miseriae & calamitates quas hæc opinio in Nationes ac Regia superinducit; *Bella scilicet, effusionem sanguinis, Familiarum subversionem, Principum pugnas, venientis peremptionem, Inimicitias perpetuas atq; odia, omniaq; opera & actiones Regni Tenebrarum*. Tam dira sunt Consequentia Opinioni quam oppugnamus. Cum è contrà si universim agnosceretur, Libertatem Religionis naturale jus esse humani Generis, omnia hæc mala præverti possunt, Princeps nullam potest controversiam contra populum movere nec populus contra Principem contrave se invicem nisi circa jura civilia, quæ magis perspicua sunt, magisq; facilia intellectu.

CAP. XI.

1. *Omniem Nationem ac Personam jus habere examinandi suam Religionem, audiendiq; Religionem peregrinorum, propriamq; committendi si convicta sint.* 2. *Eas Nationes quæ agnoscunt hoc jus juxtaq; illud agunt, naturaliter jus habere emittendi Legatos in alias Nationes. De ipsorum illis Conversatione atq; jure ulciscendi injurias illis illatas.* Quodq; hæc Methodus Hispanorum in Indos expeditionem justam præstitisset. 3. *Præsens Theorema propter generalem mundi perversitatem ad præcin diffculter revocari posse. Magna ejus Christiano Orbi commoditas, congruentiaq; cum spiritu Christiano.* 4. *Religionem morum corruptricem à Magistratu coerceri posse.* 5. *Eamq; quæ regni robur ac tutamen tolleret.* 6. *Omniemq; omnino Religionem cui persecutionis Principia inseparabiliter intexta sint.* 7. *Responsum ad Objectionem.* 8. *Secus utiq; omnes Persecutioni esse deditas, ac proinde nullam Libertatem Conscientiæ posse concedi.*

1. **M**anifestum igitur est Libertatem Religionis commune esse ac naturale jus omnium Nationum ac Personarum, hoc est, potestatem habere quatenus sunt homines ac ratione præditi, creduntq; Deum esse vitamq; futuram, sincereq; juxta eam fidem vitam instituunt, examinandi quæ acceptissima via sit Deo serviendi in propriam suam commodum in altera vita, nec ita religantur ad eam Religionem quæ ipsis primum proposita est, quin jus habeant suspicandi, præsertim si sua ipsis non placet, aliquam esse meliorem, ac propterea colloqui licet cum eis qui alias Religionem colunt, accerere eos ab aliis Nationibus, eosq; recipere postquam advenerint, diligenter eos audire, & si convicti sint, eorum Religionem aperte profiteri, vel si sponte adveniunt eadem cum indemnitate excipiendi sunt qua *Legati Politici*, jussq; libere

liberè conversandi habent cum eis è Natione qui eos audire cupiant. Horum enim pars est libertatis loqui æquè ac alterorum audire. Quæ transactiones nullas omnino turbas excitarent, si hoc jus libertatis Religionis universim intelligeretur, agnoscereturq; apud omnes Nationes Terræ, prout pro certo ipsorum jus est.

2. Cùmq; ita sit, videtur profectò planissimè sequi, Quod quælibet natio populûve qui sincere hujus juris æquitatem agnoscunt nec praxis eorum cum eo discrepat, hanc etiam eo ipso hujus juris partem sibi acquirunt; nempe emittendi homines suæ Religionis in Gentes vicinas ad Religionem suam cum ipsis communicandam, tendendumq; si eos de illius veritate convincere possunt, & ad ostendendum ipsis errores Religionis suæ propriæ, verùm opportunis temporibus, & sine omni contumelia ac tumultu, & sine omni cuicunque Interpellatione in sacris suis peragendis; Quæ res est admodum barbara ac intoleranda Domi, multoq; magis foris in Regionibus ubi peregrinemur.

Ad evitandas cujusmodi vesanas enormitates, videtur & in se rationi consentaneum, & de eo constitutum oportet, quod nulla sit indemnitas ulli Peregrino qui tantum sibi assumit ut populum congreget sub obtentu erudiendi eos in perfectiori Religione nisi *Legatus* sit in eum finem à sua Natione missus. Nec debet profectò cum rudi populo clanculum modicè quibulvis surreptitiis incipere, sed omnia agere in propatulo, ipsosq; loci Præfectos quò advenèrit super ea re convenire, nullasq; Inspirationum Præstigias prætereire irresistibilève affatus impetûsq; *irrationalis Conscientiæ*; sed primò cum prudenti candore probare & commendare quicquid in Religione loci bonum sit ac laude dignum; & dein per inaffectatam professionem Amoris ac Benevolentia eorum qui eum miserint, erga Nationem ad quam missus sit, prudentissimis quibusq; insinuationibus, absurditates crassasq; falsitates Religionis quam celebrant eis ante oculos proponere, ac postea rationes producere quàm potest maxime demonstrativas quibus ipsis commendet suam; tales utiq; de quibus conventum sit per maturam deliberationem consultationemq; eorum qui ipsum huic negotio præfecerint, quibus ineptas quælibet inventiones de proprio tanquam eorum autoritate comprobatas superaddere crimen debet esse capitale.

Et si *Legati* hi pro Religione, dum nemini injuriam inferunt, illòve quod jure civili ipsi debeatur defraudant, malè tractentur ab eis quos lubenter velint erudire, si afficerentur incarcerationibus aliisve malis multationibus, vel capite deniq; plestantur, illa Respublica Regnûve ad quod pertinent, mortem eorum jure ulcisci potest, ipsorumq; sanguinem de manu illius populi requirere, utpote qui crasse immaniterq; jus Gentium violaverint, adeoq; universi Generis humani, nisi quis multam committendo ipsum fortean perdidit: Quod hi profectò non fecerunt, cùm hanc libertatem inter seipso concedant, aliisq; qui ejusdem juris sensum habent ac conscientiam, firmiterq; apud se statuerint, si ad bellum res prorumperet, ipsiq; evaderent vicinorum victores, nullà aliâ ratione utendum esse ad convertendos novos subditos ab antiqua sua Religione, quàm pacificè ac patienter demonstrando vanitatem illius & præstantiam soliditatemq; suæ propriæ. Quæ idcirco nullo pacto appellanda est Propagatio Religionis per gladium, cùm nè tanta quidem in ipsos vis adhibenda sit ad murandam priorem Religionem, modò sinceri inveniantur, quàm quæ vel ipsos compellat Novæ Religionis sacris interesse, vel adesse solummodò ut spectatores vel auditores. Hoc tantum ab ipsis requireretur, ut fidelitatem suam jurejurando victoribus confirmarent seduloq; dent operam ritè intelligendo communi illi Juri universi Generis humani, Quod neminem debeamus persequi propter Religionem suam, nisi alios persequendo, aliâve aliquam multam consimilem committendo jus hoc suum fortè perdidit. Et propterea suâ propriâ Religione frui poterunt si eis usq; adeò etiamnum arridet, eadem sanè cum libertate quâ ipsi victores, quantum ad privatas suas capacitates. Si *Hispanus Indorum* se Dominum fecisset cum his conditionibus & ab execrandis suis crudelitatibus abstinuisset, suam causam coram toto mundo defendere potuisset. Hæc enim Religionis per gladium propagatio non fuisset sed juris cujusq; naturalis honesta vindictio.

3. Equidem hoc *Theorema* valde sanum esse existimo solidumq; in radice, admodumq; liquido constare quid fieri oporteat, veruntamen propter generalem hominum perversitatem ac corruptionem difficilius ad *praxin* revocari. Opera pretium tamen fore putabam illud in medium proferre, quippe cujus agnitio maximo foret Religioni Christianæ commodo quod concipi potest. Quandoquidem nihil majorem vim habere potest ad *Turcos Paganosq;* convertendos ad professionem Christi quàm hoc Principium quod explicavimus, cùm Religio nostra non solum in se solida sit sed longe longeq; demonstrabilior omnibus rationalibus Ingeniis, quàm ulla Religio quam

quæ unquam hæcenus extitit. Præterea, quanquam ejus utilitas tam latè in Principio se expandere non potest, potest tamen nonnihil inservire commodo harum orbis partium quibus oculi magis aperti sunt ad contuendam veritatem. Et certè meo judicio, hoc Principium quod tantoperè commendo, ut ab *omnibus hominibus* meretur recipi tanquam verum, ità à *Christianis* præter cæteros, non solum ob rationes *Politicas*, verùm etiam tanquam magis congruens illi Spiritui quo illi imbuti esse debent, abhorrenti utiq; ab omni vi ac crudelitate. Qui propterea plenam Conscientiæ Libertatem omnibus, qui immiscendo suæ Religioni istiusmodi Principia, quæ bonis moribus ac Civili juri aut huic ipsi *Libertatis* Principio, quò de agimus, adversentur, illius jus non perdidierint, permittere debent.

4. Quamobrem illi qui sub prætextu Religionis populum istiusmodi doctrinis corrumunt quæ vitium planè promoveant, & ad eradicandum è qualibet Natione omnem veri honoris ac virtutis sensum tendant, commune hoc jus pro quo contendimus perdidierunt, quippè qui sunt communes corruptelæ ac pestes populi apud quem degant. Ac proinde Magistratus publicus cujuscunq; Gentis seu Religionis potestatem habet coercendi ipsos, cum doctrina eorum tam perniciosa sit ac detrimentosa bono Reipublicæ, luminisq; Naturæ sapientissimorumq; hominum suffragiis per omnia mundi loca ac secula tantoperè adversetur. Nulla Religio tam putridis onusta mercimoniis in ullam oram recipienda est quocunq; appulerit, sed ab *Externis* repellenda & suppressenda domi.

5. Rursus illi etiam hoc Libertatis jus perderent quorum Religio aliquid in se contineret quod, si reciperetur, *robur Regni tutaménq;* eam recipientis tolleretur vel diminueretur. Ut si hujusmodi illi inesset absurda superstitio, nempe ut præ nimia virginitatis existimatione summâq; abhorrentia à bello, evirationem urgeret tertii cujusq; infantis Masculi, & luxationem abscissionemve Indicis Pollicisve; quò certè fieret ut Regio multo populo careret, itq; qui supersint ad defendendam suam patriam essent inutiles; proculdubio Magistratus inhibendi hujusmodi Religionem plenum jus haberet.

6. Quemadmodum & in ultimo loco omnes istiusmodi Religiones quæ sibi lapinum illud inditum habeant ac ferinum Ingenium alios propter suam Religionem persequendi, qui pacificè apud ipsos degere vellent, nec quenquam cogere ad suam fidem, nec publicum Religionis exercitium inturbare. Hi enim nullum jus habent quo ampliùs tolerantur quàm pro libitu arbitriòve Magistratûs, nec majori cum ratione libertatem possunt Conscientiæ petere vel vindicare quàm Lupus Vulpesve liberam sibi fieri potestatem sua cubilia cavernulasve habendi in medio Ovilis, aut Noctua vel Nocticorax suos immiscendi accentus choro Lusciniarum.

7. Verùm dices, Omnes Religiones Sectasve hujusmodi esse Vulpes atq; Lupos, ac proinde nullam omninò Religionis Libertatem esse concedendam. Qui sic sunt, equidem fateor eos Legibus esse obnoxios ac Magistratui; ut qui jus suum Libertatis jure perdidierunt, ejusve multam commiserunt. Quæ multa magis minusve severe à Magistratu irrogari potest, perinde ut minorem majorémve securitatem viderit quòd astuta hæc ferociq; Animalia nihil damni publico sint illatura. Cæterùm credo non omnes homines qui Religionem profitentur tam iniquæ esse Naturæ. Immo verò è contrà firmiter mihi persuadeo eos, qui maximè verè religiosi sunt, à persequendo alios conscientiæ causâ, omnium maximè abhorre. Quamobrem quotquot parati sunt profiteri idq; jurejurando si requiratur, Ipsorum scilicet esse sententiam (praxi interim professioni non repugnante) neminem hominem incommodari debere quantum ad jura Civilia in Libertate, fortunis, vitæve propter ejusmodi Religionem cujus Principia nos doceant alios eo nomine non incommodare, sancteq; jurant suam illius generis esse, seq; æquè fideles fore Principi ac Reipublicæ in qua degunt atq; eos qui nationalem Religionem profitentur, hi cum nullam quovis modo multam libertatis commiserint, nec hæc ratione nec ullâ omnino aliâ, *praxes* intermiscendo vel *Principia* quæ *luminis Naturæ* laudabilisq; *Moralitati* adversentur, summæ profectò injustitiæ, esset liberam ipsis Religionem profitendi potestatem non concedere.

CAP. XII.

1. Quibus personis quibûsq; cum Circumstantiis Christianum oporteat Magistratum Conscientiæ Libertatem concedere. Magnâq; ejus veritati Christianæ commoditas.
2. Qui Christiani non sunt, non admittendos esse ad munera publica per magistratum Christianum, modò Christiani suppetant qui ad ea obeunda sunt idonei.
3. Quod Christianum oportet Magistratum opiniones hominum fallibiles non magni facere, sed unumquemq; in Ecclesia ac Republica secundum merita sua in vita Christiana suâmq; facultatem promovendi rem Ecclesiæ Gentisq; cui servit, æstimare.
4. Quod honorifica ac sufficientia stipendia continuare debet aut providere eis qui laborant in sermone & doctrina.
5. Vigilantiam Christiani Magistratûs istiusmodi Sectas suppressere debere quæ immediatam prætendant Inspirationem nulli sobriæ rationi examinandam, & quare.
6. Studium depauperandi Clerum profanitatem rancidè olere, & Atheismum ac Infidelitatem.
7. Christianum Magistratum Scholæ humane literaturæ aut erigere debere aut suffulcire, cum ponderosis illius rei rationibus.
8. Rationum illarum in Fanaticos Perfectionarios ulterior prosecutio.
9. Horrendum periculum in abjicienda Historia Evangelii sub prætextu auscultandi Lumini interno.

1. **U**T igitur tandem concludamus, brevitéq; illud tangamus Argumentum ad quod hæcenus collineavimus, nempe, *Quid Christianum oporteat Principem supremumve Magistratum ad promotionem Evangelii Christi contribuere*: Ab his generalibus Principiis inferre possumus, Primò, Oportere eum *Libertatem Conscientiæ* omnibus concedere qui multam circa eam non commiserint, talibus utiq; quales supra descripsi, præsertim si Indigenæ sunt; si modò possibile sit Indigenarum quenquam ullam aliam profiteri Religionem præterquam Christianam. Veruntamen simul exigere publicam solennemq; rationem cur Religionem suam mutare velint, quò constare possit conscientia sit malane aliqua machinatio, an mera deniq; animi levitas vel imbecillitas quæ eos fecerit ad hunc modum à Christiana Religione deficere. Quæ sive *Fraus* seu *Vertiginositas* hominem reddet istiusmodi censuris atq; pœnis obnoxium, quas probabile sit populum à consimilibus temerariis defectionibus deterrituras. Verùm si homo sit moribus seriis, inventusq; sit opinionem ex ejusmodi rationibus mutasse, quæ, quanquam falsæ sunt, possint nihilominus hominem sincere animatum in errorem seducere, tamen nequid doli fortè subsit, jusjurandum ipsi imponendum est. Quâ explorandi ratione, tamen ad res viles abjectasq; nimis sæpe abutamur, non debet tamen profectò in rebus tam immensi momenti vim suam usumq; amittere.

Quibus in causis, si qui fortè sub scrupulositatis prætextu affectatq; specie severioris Sanctitatis quàm quæ in cæteris sit, omne omnino jusjurandum repudiaverint, proculdubio *Religio* non est sed imperscrutabilis aliqua *Improbis abyssus*, quæ huic rei subest; meritòq; suspecti esse possunt clandestinæ alicujus machinationis conspirationisve contra Religionem Regiménq; Politicum sub quo degunt. Itaq; antequam ipsis aliam profiteri Religionem erit licitum, sanctissimum ab eis exigetur *jusjurandum* cum vehementissima *Divinæ ultionis Imprecatione* in animam juxta atq; corpus, si quicquam aliud eos huc moverit præter meram Conscientiæ convictionem, ullumve commodum Mundanum ex hac Religionis mutatione quærant, plûsve libertatis sibi concedi cupiant quàm ipsi sentiant se per conscientiam obligatos aliis concedere. Quæ *examinatio publica* atq; *Juramentum* valde utilia sunt atq; justa etiam in derelictionibus publici Dei cultûs in Ecclesiis, quanquam ex professo non declarant se desuisse esse Christianos. Nam Christianis se non adjungere in cultu publico, proximè quidem abest ab aperta defectione à Christo.

Hæc profectò consuetudo immensæ foret commoditatis veritati Christianæ. Sacerdotes enim hinc magis cautè prospecturi essent nè Evangelium tantâ mole rejectaneorum scrutatorum oneraretur, illiq; qui defecturi sunt, hac *examinatione* cogerentur robur ac soliditatem experiri illius Religionis cui vellent valedicere & clandestina sua consilia per *sanctitatem juramenti* præverterentur. Et postremò Christianus Magistratus concedendo hanc libertatem cum his debitis Circumstantiis (cujus proculdubio admodum rarò propter Religionis hostiæ evidentiam ei dabitur occasio) probationem evitabit Iniquitatis aliarum Religionum, quæ non per vim Rationis ac Conscientiæ, sed per externam violentiam Indigenas suos quò minùs Christiani fiant, impediunt.

2. Verùm

2. Verùm secundo, quanquam hi serii homines libertatibus, vitis, privatisq; suis fortunis multandi non sunt nec privandi, incapaces tamen reddentur munus quodlibet sustinendi in Republica, præsertim si Christianæ Religionis sint qui idem munus pari fidelitate ac peritiâ exequi possint. Est enim planè contra naturam si non impossibile prorsus, ut quispiam seriò suæ Religioni addictus peregrinùm præferat ei qui eandem secum fidem profitetur, si cæteris in rebus sint pares. Ut taceam ipsas *Præcautionis prudentiæq;* leges non posse quin ipsi suggerant tam consentaneam electionem, quibus in huiusmodi re diligenter est auscultandum. Siquidem præsens potestatis possessio meliorem præstat securitatem quàm iuramentum hominis quidem sincerè fortean animati, sed qui tamen tentari potest, & prætentationum violentia in officio labi.

3. Tertiò, Christianus Magistratus ad assistendum per potestatem suam, ad opemve ferendam, ultrà quàm ipsius Christianitatis res vel utilitas postulet, neququam tenetur, hoc est, eas suppetias latas oportet quæ debentur à Magistratu ad defendendam ac promovendam nostram Religionem, quatenus reverà Christiana est, itaq; esse ex verbo Dei scripto, & *literaliter ac Historicè* intellecto demonstratur. Nam affectatissimas solummodo Allegorias crepare est reipsa negare Fidem Christi. Et quantum ad Opiniones, quanquam profectò possunt aliæ aliis præstare, nullæ tamen debent quempiam impedire quò minùs jus suum privatum publicumve obtineat vel possideat, modò nihil animi virulenti ac persecutorii cum ipsis misceatur vel intextatur. Quinimò quicumq; fidem Christi profitetur, creditq; Scripturis *Historicè* intellectis, cujusmodicunq; fuerint opiniones ejus, is certè pro vitæ suæ meritis, præstantia ingenii, rerumq; peritiâ, ubiq; præferendus est sive in *Ecclesia* sive in *Republica*. Quæ quidem promovendi *Evangelium*, Mundumq; revocandi ad bonam frugem ratio est, quam quisquam excogitare potest, longè commodissima.

Cumq; externa violentia in rebus Religionis ita in se indecora sit, Christianum verò Magistratum maximè omnium dedeceat, quicquid damni quis imaginari possit accidere, temperando à persecutione, ad plenum id resarciretur fovendo & approbando huiusmodi liberam nudamq; repræsentationem pulchritudinis ac perfectionis Evangelii, expediti prorsus ab omnibus falsò obtentis traditionibus aliisq; cuicunq; modi offuscationibus humanæq; Inventionis irretimentis. Tunc enim Divina veritas evaginati gladii instar foret, splendida ac rutilans, acuta ac dissecans, & rationales hominum animos irresistibiliter convincens: Cum Religio nostra nunc sanè tot fœni stipulæq; contortis integumentis involvatur ut nemo illius aciem videre possit neve sentire.

4. Quartò, cum nulla adhibenda sit compulsio nec prudentia excludenda (ejusdem enim Fanaticæ vesaniæ esset prudentiam à rebus Ecclesiæ ac Reipublicæ procul amandare atq; rationem excludere è Mathesi ac Philosophia) oppidò quàm manifestum est Christianum Magistratum, *Libertati Conscientiæ, auxilium* honorifici satiq; ampli *stipendii* eis qui laborant in sermone & doctrina superaddere oportere, hoc est, per rationem ac conscientiam obligatur illud continuare ubi sit, & ordinare vel instituere ubicunq; desit. Fidentiq; voce pronuncio aut crassam esse ac *Fanaticam ignoquantiam*, aut *occultam Satane malitiam* ac invidiam contra Regnum Christi (profanos homines atq; Atheos agitantem talève qui animitus non sint Christiani) quæ quicquam contrà suggerit. Etenim quantò minùs Religio quæpiam externâ violentiâ suffulcitur, tantò instructiores oportet esse eorum mentes linguasq; qui solâ suâ doctrinâ, eloquentiâ vitæq; innocentia eam debent sustinere. Cumq; præsentia sæcula tanto polleant ingenio & tam pauxillo pietatis sensu, is certè qui solidam Religionis suæ rationem reddere in se suscipit omnibûsq; opponentibus respondere, tamen si scrupuli sint ac controversiæ de iis solis rebus quæ planè occurrunt in Scripturis, otio debet abundare & vacatione à negotiis mundanis ut ad hoc munus se præparet paratamq; facultatem in hoc genere conservet.

Fastidiosus enim ille bombus inanivse strepitus de *Spiritu* adeò nunc demum, opinor, se ridiculum reddidit ac contemptibilem ut nemo prudens auscultaturus sit huiusmodi frivolis Imposturis. Unusquisq; tenetur ad reddendam rationem Fidei suæ, Sacerdotes verò vel Ministri multò accuratiùs cæteris, cum ipsorum Provincia sit unamquamq; Bibliorum sententiam tueri præstareq; illi qui cum ratione inquirere cupit in illorum Oraculorum veritatem. Quis igitur hisce rebus satis vacare potest cui onus incumbit panem quærendi sibi metipsi ac Familiæ? Quàm injusto igitur sordidoq; ingenio sunt isti homines qui perlubenter Clerum eò loci redactos velint ut manuum operâ victum sibi quærissent? Quivis infimi subsellii homuncio garrulare poterit, ac phrasas effutire, variòsq; vultus fingere, verùm si quando quispiam homo

sobrius sibi satisfactum cupit de rationibus earum rerum quas denarrant, nè syllaba quidem minimusve apex responsi redditur, solum *Spiritus* crepant, & amarulentis convitiis Rationem lacerant, eam appellitando *carnalem*, quamvis profecto *mollis caro* non sit sed *ferrum durum* ac *penetrans*, taléq; quod ipsis vel invitis corda pungat atq; vulneret, quantumlibet eam contemnant & aspernentur.

5. Atq; equidem dum immanitatem malósq; effectus hoc genus Enthusiasmi considero, non possum quin sentiam Christiani Magistratús vigilantiam ad hoc etiam inter alia extendi oportere, nempe ad supprimendas subjugandásq; Sectas omnes ac Religiones quæ à tam *Fanatico* capite derivantur, hoc est, quæ contra fidem Christianam se credere profitentur ab illuminatione ejusmodi Spiritús quo de nullam rationem reddere queant; ejusmodi scilicet qui Rationem ipsorum non illuminet, quod doctrinæ eorum examinari possit ab aliis atq; intelligi, sed ardore tantum illos incendat ac furore adversus Ecclesiam Christi. Etenim præter integræ nationis demerenda periculum (nam contagiosus profecto morbus est si non ipsa possessio Diaboli) mala aliqua Machinatio sublatere potest contra Christianitatem Regiménq; Politicum. Multò enim facilius est inflammare Imaginationes vulgi, quàm Judicia eorum informare, quanquam hoc ad sobriam ædificationem, illud ad confusionem rerumq; subversionem tendit. Breviter Resolutionem dogmatum in immediatam *Spiritus* suggestionem, Intellectus nostros non attingentis, duo hæc pessima comitantur. Primum aut obliterat aut inutilem reddit eam in nobis Divinæ Imaginis partem quam *Rationem* appellamus, & deinde, *specialem* illam tollit *Christianitatis* præ reliquis omnibus Religionibus *præcellentiam* quòd ad tam solidam facultatem ausit provocare. Ac proinde is qui *rationis* usum in *Religione* tollit, cuniculis Christianitatem insidiosè subruit, eamq; vilissimis exæquat superstitionibus quæ unquam hætenus extiterunt.

6. Jam verò ut redeamus in viam; sermocinari, inquam, more *ecorum* istorum *Illuminatorum*, qui nullam nè prætendunt quidem rationem eorum quæ dicunt, nullum studium requirit; nec quicquam omnino præter ardorem quandam ac impudentiam, supinamq; inadvertentiam quid proximè dicturi sint, aut quàm bellè una res cum alia cohæreat: Verum is qui sic loquitur, ut rationem redditurus eorum quæ narrat, & eorum omnino omnium quæ jam denarrata sunt in sacris Paginis tam aperte, ut de sensu eorum satis constet (neq; enim quicquam incommodi est quòd quædam loca tam profunda sint ut præsens hominum solertia ad certum eorum sensum penetrare non possit) hic homo profecto curis mundanis implicari non debet cogive manuum operâ sibi victum quærere, sed liberale habere, certumq; ac honorificum stipendium. Sed enim vero Christianum Clerum contemnere eive contemptibili reddendo operam dare, depauperando ipsos, & ad viles vivendi rationes detrudendo, *Prophanitatem* valde rancide olet, etiam *Atheismum* & *Infidelitatem*. Et verò convitiis eos proscindere, *Mercenariisq;* appellare ob justas sibi operæ mercedes constitutas, *invidi* illius *fratrum Accusatoris* proculdubio vox est, qui per maligna illa convitia ac contumelias suffodere conatur ac subvertere Regnum Christi in terris, impetendo ad hunc modum necessaria illius fulcra & sustentacula, *Ministros* utiq; *Evangelii*: Quorum victus ratio à voluntate populi minimè pendere debet, ut liberiùs eos coarguere possint, & ut nulla sit ad intempestivas conniventias, nec ad inficiendam Christi doctrinam mellito aliquo veneno quo divites illaqueent, crumenásq; eorum aperiant Tentatio. Siquidem id quod sic pendunt, propriarum animarum pretium est in manus proditarum hujusmodi vaniloquorum *Aggroturum*.

7. Quintò, Christianus Magistratus continuare debet & erigere ubi desunt, *Scholas literaturæ publicas*. Quantò enim doctiores fuerint subditi ejus, eò firmitus adhærebunt Christianitati, aliq; eò facilius ad eandem fidem perducentur. Nihil est quod perinde valet ad prævertendas omnes delusiones & imposturas in Religione atq; hoc. *Mahometismo* nusquam initia dari potuerant nisi in rudi Gente & illiterata. *Christianitas* verò primas agebat radices in eis mundi partibus ubi Humanitas maximè florebat, idq; inter varias persecutiones & oppugnationes. Ut taceam inaudita proflus esse dementiæ cogitare quenquam idoneum Scripturarum Interpretem esse posse sine illa quam quidam per contemptum appellant *humanam literaturam*. Cujusmodi est *Logica* sive rata illa ratiocinandi Principia. Quibus addam *Matheſin* ac *Philosophiam*, *peritidmq;* *Linguarum* & *Historiam*. Nemo quisquam sine harum cognitione veritatem illorum Oraculorum viris doctis & intelligentibus explicare potest aut confirmare. Ac proinde illi qui hujusmodi adminicula vilificant verbisve extenuant, aut admodum imperitos rerum esse oportet aut mentis minùs compotes, aut perfidiosum aliquod consilium contra *Christianitatem* agitare, Religionemq; aliquam

Fanaticam

Fanaticam introducere studere, aut deniq; omnis omnino Religionis hostes juratos se præbere.

8. Dicite enim mihi, ô vos altivoli *Perfectionarii*, magnificiq; *luminis* illius quod *intra vos est venditores*, an interni vestri Luminis perfectio vobis unquam monstrare poterat *anteactorum seculorum Historias*, universum *presentis seculi statum*, cognitionem *Artium & Linguarum* sine omni ope librorum aut magistrorum? Qui igitur intelligere poteritis *providentiam Dei*, *vaticiniorum scopum*, auctoritatēq; illius Religionis juxta quam nobis speciatim Deus præcepit incedere sine externis adminiculis? Quomodo rectè judicare poteritis de veritate Christianitatis sine consentanea explicatione *vaticiniorum* quæ Christi adventum prædixerunt, sine consideratione quid afferri possit ad demonstrandum Historiam Evangelicam authenticam esse & incorruptam, & sine pensitatione *rationabilitatis* rerum earum miraculosarum quæ de eo inibi commemorantur, uti & earum quæ adhuc ipsi restant præstandæ in visibili ejus reditu ad judicandos vivos & mortuos? Nullum lumen *intra vos* externis destitutum adminiculis cognitionēq; *Historiæ, Linguarum & Scientiarum*, diligentiq; *Rationis* usu, (præstantissimi illius doni humano Generi à Deo immortalis dati) vos unquam super hac re idoneos judices est redditurum.

9. Et certè quemadmodum cognitione veritatis per stomachosam hanc vestram *internam Per-se-sufficiētiā* multamini, ita & æternam vestram salutem adducitis in discrimen. Justam enim excusationem hæc res non habet, quod tam pressè *internum* vestrum lumen sequamini, dum tanto id facitis cum contemptu ut ad nihil attendere velitis quod vobis offeratur ab *extrâ*, quantumlibet accommodatum sit rationalibus illis facultatibus quas Deus vobis indidit, & consentaneum. Quamobrem cum nulla sit per necessitatem ignorantia, sed spontanea vestra perversitas, quæ vos Apostatas reddidit à lege Christi, Incredulitas vestra nulla vobis est legis abrogatio; verum quantumcunq; aures vestras contra eam obturaveritis, juxta eam tamen judicabimini in Die novissimo, ubi, cum vos Deum non sic colueritis ut is se coli voluit, idem vos sic remunerabit quemadmodum vos remuneratos neutiquam velitis. Neq; enim aliud nomen est sub cœlo per quod oporteat nos servari, præterquam illud *Jesu Christi Nazareni*, quem *Judei* crucifixerunt, Deus verò suscitavit è mortuis. Quocirca vos qui præcipuam vestræ Religionis partem statuitis eum rursus crucifigere, celebrando execrabilem illam *Pascham* sive *Phasē* quæ detestanda est trucidatio Christi secundum *carnem*, hoc est, secundum *literam vel historiam*, quod est Christum omnibus suis *Officiis* exuere ipsi à Patre assignatis, merōq; deinud *Paganos & Infideles* evadere; Sentiatis profectò de vobis ipsis quàm molliter quāmq; benignè voletis, ea tamen demum in vos feretur sententia, (non quidem secundum vestra quæ vobis adedò blandè imponunt *Mysteria*, sed secundum *Literæ* veritatem) quæ omnes impios igni illi æterno adjudicabit, qui paratus est Diabolo & Angelis ejus.

C A P. XIII.

1. *Autoris ad sinceriores Tremētes benevola compellatio.* 2. *Monitio ad eam Sectam, ut rationes explorent lucrumq; computent suæ defectionis à Christo.* 3. *Nulla esse peculiaria effecta Spiritûs Dei in Secta Tremētiū, sed potius Pythonismi.* 4. *Inspirationes eorum non esse Divinas sed Diabolicas.* 5. *Vana Cognitionis Mysficarum Allegoriarum venditatio.* 6. *Rationes intolerandæ eorum amarulentia contra Ministros Christi.* 7. *Lumen intra se autorem urfisse ad testimonium perhibendum veritati Historiæ Evangelii, & ad monendum Tremētes.* 8. *Cantio sincerè animatis inter ipsos nè in Familismum divertant.* 9. *Pax animi ac satisfactio quod hoc defunctus sit officio.* 10. *Commiserabilitas conditionis sinceriorum Tremētiū;* 10. *Et spes reditutionis ad Christum.*

1. **S**ciens igitur terrorem Domini magnoperè animo commovebar ad præmonendos vos exhortandōq; eos utiq; è vobis quos curari posse sperabam & ad veritatem denuo reduci. Quidam enim è vobis execrandam illam *Pascham* tam plenè obduratēq; celebrarunt, ut obducto callo in errore obtorpuerint, nè minimas quidem reliquias spei perceptionisve earum rerum habentes quæ ad alteram vitam pertinent, Deo justè ipsos tradente in reprobum sensum quod Dominum suum abnegave-

rint qui ipsos redemit. Quantum verò ad vos quorum defectio nondum est consummata, nec oculi clausi obsignatiq; ad perfectam usq; *Infidelitatem*, obsecro vos ut subsistatis paulisper, manibûsq; cordi impositis, absq; omni præjudicio vosmetipsos excutiatis, exquiratisq; quid vobis velit; ubi vos constitui exoptetis, quidve bonæ rei vobis queratis quod non apertè vobis ante oculos proponitur in Evangelio Christi. Bellè quidem inceperatis; Quis impedivit vos? Quæ tentatio vos seduxit è via? Sincerè nunc ecclestæ Regnum queritis, an terrenæ alicui prædæ inhiatis? Excutite proprias vestras Conscientias & vobismetipsis respondete. Neq; enim mihi in animo est dedecus vestrum in apricum protrahere. Spero tamen vos me non injurium habituros si ea notavero quæ & vobis visum est neminem celare.

2. Perscrutamini igitur corda vestra & vosmetipsos explore, qualisnam is sit spiritus quo correpti estis ex quo tantâ amarulentia contra Scholam Christi exarsistis. Nulla virtus est quam vos prætere posseis quæ in illius vita ac Doctrina summâ perfectione & claritate non comprehendatur. Qui potestis igitur novam vobis Duce eligere, nisi id fiat ut gratum in aliquem errorem seducamini? Et certè non parùm gratum est superbis separatim aliquid & peculiariter habere de proprio, quod sapientiores sanctioresq; videri possint cæteris mortalibus. Enixèq; vos rogo ut proprias appelletis conscientias quantam vim hoc vitium habuerit ad promovendam vestram defectionem; & computate, obsecro, si etiamnum ullam seriò colitis Religionem, quid ex hac vestra defectione lucrati sitis. Num *ratio* vestra indè quicquam facta est perfectior? Immo verò illam abscidistis & à vobis abjecistis tanquam *carnale* quiddam ac *profanum*. An *humiliores* facti estis majoriq; *charitate* præditi? Equidem si sic sitis, non rectè facitis quod virtutes vestras tanto studio celatis, cum tamen homines velitis tam magnificè de vobis sentire. Affectatis quidem vestitum vilem satis atq; sordidum, verum interim non animadvertitis quantum oleat affectata hæc vestra sorditas fermentum *Phariseorum*, qui se conspici cupiebant & collaudari ab hominibus, utve id omnino elinqueritis quod Paganus ille *Sophista Diogenes* in dolio suo reliquerat, satiûsq; judicaveritis *superbos* esse *Cynicos* quàm *Christianas civiles*.

Et si vestra profectò *Humilitas* tantum superbiæ exhalat, ipsa *superbia* vestra quàm rancide olet in naribus omnium mortalium? Vester superiorum contemptus, impudentia vestra ac protervitas, intemperata ac inscita reprehendendi judicandiq; libertas, planè contra præcepta ac consuetudines omnium sanctorum hominum per omnia Mundi secula. Quamobrem cum *Humilitas* tam pauxilla sit, certè *Charitas* vestra magna esse non potest. Quippe qui omnes præ vobis ipsis rudem pollutamq; massam exultimatis, herbas terræ noxias & erraticas ad nihil idoneas nisi ut fanatici vestri furoris igne concrementur.

Verum respondebitis, quanquam *rationem* abdicastis omnesq; *bonos mores*, quod *Dei* tamen *Spiritus* apud vos habetis, quod instar omnium est. Si habetis, cur non fructus illius ostenditis? Nam acerbitas *Pharisaica*, Contentio cum Magistratu, publica Ministrorum Christi interpellatio, hi non sunt fructus Spiritus Dei. Et tamen hæc sola, cum rusticis quibusdam formulis dicendi *Tu pro Vos*, & nè movendi quidem *pileum*, ubi reliqui omnes *Civilitatis* causâ, capita aperiunt, præcipua sunt illius Spiritus effecta qui vos à cæteris mortalibus distinguit.

3. Estne igitur hoc ingens illud lucrum quod fecistis, obvertendo terga Christo, contemnendq; illius personam, adedò tetricos evadere & inurbanos erga reliquum genus humanum universum? Verum mihi audire videor vos rursus sic respondere: Quantum quidem ad virum hunc, nescimus quid de eo factum sit. Ecce verò *Spiritus* sensibiliter nobis adest ad hunc usq; diem. Cæterum rogo quibus id signis deprehendatur? *Eho, contraviscimus, concutimurq; in singulis corporis articulis*. Id verò ego nego ullum certum esse *Divini Spiritus* signum. An non ventus dè repente versus erat in partem *Borealem*, *Ephemeræ* correpti eratis, nimiumve excitata cholera irretita aut è via exturbata pituita vel melancholia? Quid miraculi huic toti rei subest? At enimvero sunt etiam inter nos qui in *Ecstases* abrepti sunt, qui spumabant atq; intumescabant usq; dum fibulæ disruptæ sint abruptæque. Quamobrem fieri non potest, quin hi homines pleni essent *Spiritus*, realèq; hoc esset miraculum. Si Religio vestra incrementum suum *Agyptiarum* technis & *Præstigiatorum* non debet, aut *Epilapsis* artificiosis, equidem lubens fatear, rem valde *miram* esse si non *miraculum*, propter hæc symptomata, si ipse *Satanas* hoc negotium non agitet. Hæ enim planissimè affectiones sunt *Pythonicorum*, sive talis possessionis quali vates Sacerdotesq; *Paganos* olim corripiebantur, qui omnino Dæmonum cultores erant, quorum *Oraculis* Christus silentium jamdudum imposuit. Examine igitur vosmetipsos an

non

non in propria ignominia gloriemini? Videte, ubi pedem figatis, retrospicite, vel potius introspicite in vosmetipsos & observate quis Instigator sit primusve hujus novæ rerum scenæ motor.

4. Dicite enim mihi obsecro, Quidnam *spumantes* isti vates, quando sua solvebant ora, in aures vestras exonerabant quod existimari possint sanctiores divinioreve Fanaticis illis Paganis? An non perpetua eorum erat cantilena, simul atq; in pedes erecti essent, *Omnium externorum Institutorum Exustio*? Unde igitur illa vox prodire poterat nisi ex ipsis *flammis* Inferni? quidve *tumescere* poterat *Inspiratorum* vestrorum corpora præter *virum venenumve* Diaboli, quod tandem in ora ipsorum ebulliens is invide contra æternum cultum *Personæ* Christi, contrâq; omnia sancta illius *Officia* expuebat? Quæ altera Demonstratio est contra obtentas vestras Inspirationes quod *Divina* non sunt sed planè *Diabolica*, quodq; *Mysterium Satanae* apud vos operatur, qui omni studio ad eum deturbandum adnititur, quem Deus verè exaltavit, ut *Rex* sit & *Sacerdos* Gentibus in perpetuum.

5. Ceterum longè maxima animi voluptas est quod modo tam extraordinario illuminati sitis, ut *Mysteria Regni Christi* impendio melius quibusvis aliis intelligatis, & superciliosa quædam commiseratione ignorantiam mundi deplorétis, aut cum imperiosa amarulentia in eorum ora involetis, eamq; ipsis exprobrétis, populi præsertim doctoribus, quod illi scilicet allegoricis vestris scitamentis se non assuefecerint, nec artem nacti sint totum Evangelium retexendi in sensus *Mysticos* à prædicatione *Johannis Baptistæ* usq; ad adventum *Christi* ad Judicium.

Sed enim vero, vos omni verâ illuminatione interim ita destituti estis, ut hujusmodi Inventiunculas, quantaquanta sit vestra sapientia, meras tamen esse humani Ingenii allusiones minime intelligatis, quâmq; parùm faciant ad urgenda ea in nos quæ significare supponuntur, Pœnitentiam scilicet & mortificationem cujusq; malæ concupiscentiæ ac libidinis, & animorum nostrorum renovationem in perfectam Imaginem Christi, ut illius Spiritus dominetur in nobis operâq; mortis ac tenebrarum penitus aboleantur. Hæc enim veritas apertè ac *literaliter* continetur in Scriptura, adeo ut nisi animi vestri Imaginationibus magis dediti essent quàm salubri sapidâq; Disciplinæ, nihil opus esset ut tam properè vobis novum viæ ducem asciscatis qui ad hanc lucem vos deducat. Et, Deo est gratia, multi honesti sinceriq; cordis Christiani, qui non ita gloriantur, nec tanto cum strepitu phrasæ *Mysticas* crepant; & audiunt & vivunt secundum hæc præcepta Evangelica, secretâ tacitâq; in se utentes severitate, non rigidum hispidumq; in alios *Baptistam* agentes, quemadmodum vos facitis, quibus volupe est electitias vestras austeritates in mundi conspectu, *Phariseorum* more, ostentare, qui mœstos acerbosq; vultus publicè fingeant nè populum lateret se corpora sua jejunii affligere.

Quid igitur ex *Allegoricis* vestris *Mysteriis* lucrati estis nisi indè fortè impulsu fueritis ad Historicam Evangelii veritatem dimittendam, multumq; vos relevatos eo pacto senseritis & in animi quiete constitutos, cum fides vestra istiusmodi miraculosis rebus non oneretur, cujusmodi de Christo narrantur, partim ab eo jam patratæ, partim patrandæ in fine seculorum? Nam eo ipso vos *Infideles* esse declaratis, spiritusq; vestros, quantumlibetcumq; vos efferatis, tam pollutos esse atq; impuros ut sacrosanctæ fidei Christianæ non sint idonea receptacula, quinimò eò loci vos depressos esse ubi *Epicurei* ac *Athei* hærent, qui profectò harum rerum Fidei non magis capaces sunt quàm ipsa pecora campi.

6. Si sic se res habet apud vos, equidem proprias vestras Conscientias ausim implorare si tam integrè lumen *intra* vos observatis, ut cæcum illum ducem *Henricum* *Nicolaï* aliquando non consulueritis, intinctâq; offulas perfidiosa illius *Pascba* non gustaveritis, cujus Fanaticæ audacia choream duxit huic vesanae *Apostasia*. An non celebrastis aliquando detestandam illius *Phasen* qui tam sedulò navavit operam persuadendis hominibus maximum solidissimûq; esse Cœnæ Dominicæ *Arcanum*, *Juda* iustar, Dominum suum prodere, Christum trucidare secundum carnem, hoc est, rejicere, fidemq; abrogare veritati illius Historiæ? Propria vestra corda interrogate, si hujus *intinctæ* offula calor non est, qui vos ita animavit imò verò inflammavit intoleraudâ amarulentia adversus Ministros Christi, tanquam nihil docentes præter mendaciam, quia veritati credere nondum destiterunt. An non hæc *offula cum Diabolo* qui simul cum ea intrabat, tanto furore vos intoxicavit ut sacrosancta biblia sub pedibus conculcaveritis? An non hæc est quæ fecit ut tanto boatu ac rugitu convitiati sitis Concionatoribus è suggesto prædicantibus, cœtusq; publicos turbaveritis rudibus vestris ac phreneticis interpellationibus? Quæ immanitates demonstrant quo spiritu ducamini, quodq; rebelles planè estis contra Christum & ad *Regni tenebrarum Potestates* defecistis.

7. Hæc quidem mihi temperare non potui quin scriberem, ut qui vehementer eò apud animum meum commovebar. Nam *Lumen intra me*, hoc est, Ratio mea ac Conscientia firmiter mihi persuadent Fidem antiquam & Apostolicam Historico sensu intellectam veram esse atq; solidam, officiâq; Christi nunquam antiquanda esse ante visibilem ejus reditum ad judicium secundum sensum Symboli *literalem*; *Familissimum* verò merum *Figmentum* esse *Diaboli*, Fabulâq; plausibilem ad seducendos simplices à fidelitate sua erga Christum.

Ac proinde unumquemq; moneo in hisce temporibus Libertatis ut sibi caveant à divertendo huc, eos præsertim qui ingenii sunt Enthusiastici, cujusmodi ferè sunt honestiores sincerioresq; *Trementium*. Nam si in solitudinariis suis errationibus eò divertant, maximum profectò periculum est nè universis Fidei Articulis spoliuntur, omniq; exuantur *Religione* ad nudam usq; *Infidelitatem* ac *Paganismum*, atq; adeò (quod omnium pessimum est) hujus Incantatricis poculo intoxicentur, ut hanc injuriam in lucro ponant, falsâq; *libertatem* Christianæ præferant *simplicitati*, pictûmq; illum Titulum ac phantasticum *Deificationis* reali possessioni Christianæ veritatis Divinæq; Gratia.

8. Hæc tum hoc in loco tum etiam alibi coactus sum coram mundo effari; erat enim ad instar ignis intra me, atq; hæc conscientia mea exoneratio ut pacem mihi conciliat animiq; satisfactionem, ita nec despero quin si sincerus is zelus sit pro veritate ac sanctitate quæ prætenditur, ad salutem redundatura sit horum melancholicorum Erronum, qui ultrò citròq; incedunt ad investigandam veritatem cum illa *lucerna Domini*, Spiritu scilicet illo quem ille in ipsis accendit. Sed enim utcumq; etiam ubi nullum hæc nostra monitio sortitura sit effectum, ego nihilominus extra noxam ero, ipsorumq; sanguis super ipsos erit & super execrabiles ipsorum seductores.

9. Non me quidem latet facillè fore, ut homines superbi atq; avari, qui nihil præter immerita sibi reverentia ab hominibus extorquendæ pecuniæq; quacunq; ratione sibi aduncis suis virgibus corradendæ studium sapiunt, vix se ab aperta derisione hujus mei zeli ac sollicitudinis pro tam contemptibili populo abstineant, meq; consideraturi sint tanquam hominem admodum vilia abjectaq; Consilia agitantem, qui horum miserorum ac despicibilium *Peregrinorum* immiscere me rebus volo. Verum *mundani* hi *Sophistæ* non satis interim apud se perpendunt lucrifactionem vel vilissimæ Animæ ad æternam salutem magis opimum esse spoliū quàm integrorum regnorum in terris expugnationem, eiq; fore immensum operæ pretium qui in hanc rem omni studio incubuerit.

Et præterea, quantum ad me, equidem sensa semper tam justa æquaq; de ipsorum conditione in animo meo gestavi, ut nullos ferè digniores putarem quibus quis operam det, quàm potest sedulò, dirigendis. Siquidem imperiosissimæ Sectæ tam deformes Christianitati larvas imposuerunt, ut Infantes hos absterruerint à se atq; abegerint, qui mihi quidem admodum cupidi videntur hauriendi sincerum Sermonis lac. Quod cum ubiq; ferè adeò adulteratum sit humanis Imaginationibus & Inventionibus, hoc certè anxios hos *Melancholicos* ad *internum* exquirendum *Doctorem* impulit, & ad conjiciendum se in ipsum quem nōrunt eos non esse decepturum, vocem utiq; *eterni Verbi* intra ipsos, cui si fideles sint, firmiter sibi persuadent eum ipsis vicissim fidelem fore. Quæ quidem minimè absōna ipsorum est præsumptio cum nihil supponat quod nōn arctissimè cum natura Dei ejusq; Providentia cohæreat. Et certè quotquot eorum in serio hoc persistunt sinceròq; desiderio istiusmodi cognitionis quæ ad *vitam* tendat ac *pietatem*, nullus dubito quin Deus opportuno tempore eos in veritatem deducturus sit, confirmatiorēq; facturum Christianos quàm unquam fuerint hactenus.

10. Qui ipsorum successus eò celerior futurus est ac certior, si, (quemadmodum aliis se vitiis opponunt) ita vires præcipuas contra *spiritualem superbiam* omnēq; *peculiaritatis* affectationem in *Religione*, contorquere velint, studiūq; apparendi sapientiores in ejus Mysteriis quàm vel optimi Christiani hactenus se professi sunt. Maximè verò omnium si ab *Enthusiasmo* sibi caveant sive in seipsis seu in aliis, & ab imaginando donum *Spiritus* ullam esse posse Revelationem quæ *Rationi* adversetur notæve Christi *Historia*, quippe cujus veritas tam evidenti ratione evinci potest apud omnes eos qui ei penitiùs examinandæ sine præjudicio incubuerint. Si in sinceris suis intentionibus prosequendis hos scopulos devitent, nullus dubito quin tandem redituri sint incolumes ad *Jesum Christum*, magnum illum animarum suarum *Pastorem* ac *Episcopum*.

CAP. XIV.

1. Cultum publicum essentialem esse Religioni, quamdiu à persecutione sit immunus. Recta circumstantiarum ipsius mensura. 2. De fabrica ac pulchritudine Ecclesiarum juxta hanc mensuram. 3. Res precipue quas perstringere intendit Author super Divina cultu. 4. Ecclesias Christianorum non esse Tempia, quippe quorum Religionis præcellentia cum illa Notione minùs congruit. 5. Vana Sectariorum Cavillatio circa vocabulum Church-Ecclesia, locis publico cultui constitutis applicatum. 6. Ecclesiam quamvis Templum non sit, esse tamen aliquà ratione sanctam. Et qualisnam honor ei deferri debeat, quæq; reverentia ibi adhiberi. 7. De Catechesi, Expositione & Prædicatione. 8. De Oratione, quæq; vera sit orandi ratio per Spiritum. 9. Publicarum Liturgiarum præstantia. 10. Quis sit genuinus Ministerii finis vel scopus. 11. Speciales quædam utilitates Concionum, & de præstantia Concionis Christi Servatoris in monte. 12. Optima ratio quâ quid Ministerium suum cohonestet. 13. De sanctæ Communione, & quinam inde excludendi sint, deq; positura inter recipiendum, Communionisq; fructu. 14. De Baptismi tempore, deq; signo Crucis. 15. De Canticis Hymnisq; ab Ecclesia componendis, & de diebus Festis. 16. De Passionis feriæ celebratione deq; sacra Communione. 17. De Imaginibus ac Picturis in locis cultus publici. 18. Admonitio summaria de Ceremoniis ac Opinionibus.

1. **P**ost hanc Charitatis fecundam digressionem ad Trementes, resumamus rursus negotium quod præ manibus est tandemq; concludamus. Res * sexta-ultimaq; * *Vide cap. 12. sect. 7.* quæ ad Christiani Magistratûs curam pertinet est *Cultus publicus*: Qui quidem tam naturalis mihi videtur ac essentialis Religioni, ut non possit quin in propatulo fiat, nisi vis aliqua impediat, in quo rerum statu in privatis conventiculis conveniendi periculum audebunt, hoc est, suos Religionis actus quàm publicè poterunt exercere, nec a quo ferent animo privatis Musæis se domi quemq; contineri. Exercenda igitur Religionis communio ac societas ab omnibus agnoscitur, quam proinde planè oportet externam esse & visibilem. Jam verò nullæ Actiones *visibiles* peragi possunt sine *Circumstantiis visibilibus*, harumq; Circumstantiarum aliæ magis commodæ sunt ac decore, aliæ minùs; quemadmodum vel primo intuitu manifestum est. Nec certè opus aded arduum erit judicare de aptitudine vel decore harum circumstantiarum si mensuram aliquam adinvenire possimus, quæ certus ipsarum finis sit atq; scopus. Quæ significatio est illius honoris ac reverentiæ quam Deo exhibemus Filiûq; ejus Jesu Christo, & proximi edificatio.

2. Per quam Regulam ostendemus, de Conventionis domo, quemadmodum quidam appellare malunt quàm Ecclesiam, eam esse oportere pulchræ quidem structuræ, & pro numero populi quem in communi Religionis suæ exercitio continere debet, satis magnificæ. Nam tametsi æqualis Conditionis homines familiariùs inter se transigere possint & convenire in quocunq; ipsis libuerit loco, summæ tamen haberetur inurbanitatis expectare ut Princeps infimum quemvis Ruricolam conveniret in Fœnili sordido stabulove Boario. An non igitur speciem irreligiosæ cujusdam Rusticitatis præ se ferret, quæ profectò quædam profanitas est, expectare ut omnipotens Deus Filiûsq; ejus Jesus Christus in locis squalidis sordidissq; nos convenirent, etiam tunc cum summam eis Reverentiam prætendimus devotissimûmq; obsequium præstare? Etenim quanquam magnâ inter nosmetipsos libertate uti possumus, & ubicunq; nobis libuerit convenire, tamen cum meminerimus nos ad Deum accedere illis in locis, atq; ea propter Deum vicissim speciali quidem modo accedere ad nos (sensu enim Philosophico ubiq; pariter adest) proculdubio non potest non esse debita nostræ erga eum Reverentiæ significatio, structuram loci habere pro conventu populi amplam, pulchrè affabréq; ædificatam, & satis venustè exornatam, idq; tantâ ac tam accommodatâ Religionis nostræ ac devoti cultûs quem *Crucifixo Servatori* debemus, significantiâ, quanta sine suspitione *Idololatriæ* scandalosæve cujusvis superstitionis fieri potest. Nam verum est ex ipso Naturæ lumine (quod notitia Christi non extinguit sed dirigit perficitq;) *Ædes* cultui publico destinatas aliquam habere debere magnificentiam ac splendorem, qui aptè expriment Reverentiam quam gerimus erga Numen quod adoramus. Ac proinde Christianus Magistratus in honorem sui Servatoris qui tantum ignominie pro ipso passus est, & ad reddendam Christianam Religionem magis commendabilem extraneis, (nam Religio profectò vix videbitur Religio sine cultu publico, nec exoptabilis

bilis Religio nisi publicus hic cultus peragatur innocuo splendore & decentia) hujusmodi probis consuetudinibus favere debet ac patrocinari.

3. Est certè extra limites præsentis meæ Dissertationis ullas curiosas inquisitiones aut determinationes de *Partibus* hujus *publici Cultus* minutioribus instituere, quamquam temperare mihi profectò non possum quin generales aliquas indicatiunculas de debita Administratione rerum præcipuarum quæ ad eum pertinent, adhibeam; talium utiq; quæ cogitatu maximè obviæ sint, maximèq; utiles consideratu. Atq; hujusmodi quidem sunt inquisitiones de natura *Loci* hujus *publici Cultus*, ejusq; *sanctitate*, quomodòq; in eo nos oporteat versari, præsertim verò de *Functione Predicandi*, *Orandi*, *Cenam Dominicam celebrandi*, de *Baptismo* deniq; ac *Diebus Festis*. Quibus adjicere possumus tanquam quædam adminicula Devotionis accessoria, *Musicam* ac *Picturam*. De quibus omnibus propriam sententiam simpliciter declarandam potius duxi quàm sollicitè enitendum Conclusiones nimis operosis ratiociniis demonstrare, quippe quòd pulverem id tantummodò excitaturum sit, turbamq; *Polemicam* irritaturum.

AB. 7. 48.
AB. 17. 24.

Joh. 4. 23, 24.

Psal. 141. 2.
Hebr. 13. 16.

4. De hac *Domo* igitur *Cultus publici* in qua Christiani conveniunt, equidem nihil opus esse video ut eam *Templum* imaginemur, immò verò par potius esse puto ut eam non consideremus tanquam *Templum*, quandoquidem illius Ceremoniæ usus antiquatus sit propter Religionis nostræ præstantiam ac supereminentiam. Nam celebratissimus *Jehovah* Numen *Topicum* nunc non est, nec *Christus* ad hanc vel illam Civitatem Populùmve restrictus, sed *Numen universale* declaratus totius tetrae, nec angustis cujusvis Templi parietibus continetur sed personalem suam habet residenti- am in cælis; quò devotio nostra dirigenda est mentesq; suspendendæ & elevandæ illorsum, non dejectendæ defigendæve in quemlibet terrestris *Ædificii* angulum, in quem postquam quis inspexerit nihil sanè inveniet adoratione dignum. Cui veritati tum *Stephanus* tum *Paulus* testimonium perhibent, alter *Judeis* declarando, alter *Arcopagitis*, *Deum qui fecit mundum & omnia qui in eo sunt, quum sit cæli & terre dominus, in manufactis templis non habitare*. Ipsèq; Servator mulieri *Samaritanæ*, quæ se sollicitè habebat utrum istorum Templorum, illudne *Samariæ* an verò illud *Hierosolymis*, legitimus esset adorandi locus, apertè illi narrat hujusmodi *Topicas* ac *figuratas* Deo colendi rationes brevì cessaturas. *Horam venire ac nunc esse, quum veri Adoratores adorabunt Patrem spiritu ac veritate, etenim Patrem tales querere, qui ipsum adorarent; Deum esse spiritum, & qui adorant eum oportere ut spiritu adorarent & veritate*; hoc est, internâ animarum suarum *sanctitate ac puritate*, veròq; cultu orationum, laudum ac eleemosynarum. Quarum suffimenta ac sacrificia non erant nisi figuræ atq; umbræ. *Habeantur apud te meæ preces pro suffitu, & manuum extensio pro sacrificio vespertino. Beneficentiam autem & liberalitatem nolite oblivisci, talibus enim sacrificiis propitiatur Deus*. Et postremò S. *Johannes* in *Apocalypsi* conditionem describens *novæ Hierosolymæ*, quæ Christi Ecclesia est in optimo suo statu, *In ea templum*, inquit ille, *non vidi, nam Dominus Deus omnipotens ejus Templum est, & Agnus*, hoc est, Adoratio ipsorum immediatè dirigitur ad Deum Christumque, non ad aliquem locum, sicut *Judei* olim semper venerabantur Templum versùs *Hierosolymis*.

5. At enim quamvis natura noménq; *Templi* ad domum hanc *cultus publici* non pertineant, secundùm Scripturæ sensum, (quod etiam effecit ut Christiani primitivi ab hac appellatione diligenter abstinerent) nullam tamen omninò rationem video cur quidam è *Sectis Fanaticis* offenderentur appellatione, *Church*, Ecclesiæ vulgò applicatâ. Etenim cùm Ecclesia domicilium sit in quo convenimus ad colendum *Dominum*, sive Deum Patrem seu Christum filium ejus, qui ambo *verbi* nominantur, domicilium hoc naturaliter profectò indè denominatur *verbi* *Gracè*, unde & *Anglicanum* nostrum vocabulum, *Church*, ut quivis vel è plebe Grammaticorum eos edocere potest.

6. Veruntamen cùm tam liquidò constet, Domum esse divino cultui destinatam, ac proinde specialem habere relationem ad Deum, quamvis non dedicata sit solenni ejusmodi ritu quo templum olim *Salomonis*, necessariò tamen *Sanctimoniam* quandam hinc sibi consciscit, & cum hac Sanctimonia gradum aliquem debitum æstimationis, ità ut facta ac recta honestè conservanda sit, ab eaq; procul ableganda omnis sorditas ac spurcicies tam ab extrâ quàm ab intrâ, & cùm usus eam Divino cultui appropriaverit, nisi ingens aliqua necessitas eò urserit, ad alios minùs honestos usus nunquam sit applicanda. Qui aliter hac in re sentiunt meritò quidem rei videri possunt cujusdam, si ità fas sit loqui, *incivilitatis* adversùs Deum, & periculum incur- rere nè puri puti Rustici habeantur in conspectu *caelestis Aulae* & omnium sanctorum Angelorum;

Angelorum; ut certè id etiam reputabitur pro imperitia quadam obsoletaq; *Civilitate*, venerabundas quaslibet gesticulationes adhibere erga unam aliquam partem hujus domicilii, tanquam si *ibi* esset *Arcæq; federis*. Hoc enim perinde esset ac si *Christi Ecclesiam* in *Templum* commutarem. Quamobrem illi qui post introitum in congregationem aut in genua procumbunt, aut stantes orationes suas privatas peragunt, & apertis capitibus persistunt etiam ante publicas preces inchoandas, religionem hanc venerationem ipsi ædificio neutiquam destinant sed testificantur tantummodo quanto cum timore ac reverentia accessus suos ad Deum faciant; dumq; corda ipsorum ad propinquiores accessus præparantur, qualem sensum *illius* ad ipsos appropinquationis habeant, cultu hoc ac reverentiâ religiosè significant. Veneratio enim in adventu illustrium Personarum ad magnas sanè distantias exhibetur, nec cessat quidem nisi ad debita Intervalla post digressum.

7. De *Prædicandi* ratione, quod maximè notatu sit dignum hoc est, quòd utiq; cum tria præcipua sint illius genera, *Catechesis*, *Capitum Expositio*, & *Conciones* sive *Prædicationes* propriè sic dictæ, quorum primum optimum est, ultimum minimi quidem omnium momenti; ultimum tamen hoc ac minoris utilitatis quàm cætera; quasi *Idolum* quorundam hominum est, duòq; altera tanquam paucilli momenti res, rejecta. Verùm proculdubio hæc duo maximam vim habent ad Evangelium Christi humanis mentibus efficaciter implantandum, estq; quod dixi, è duobus, *Catechesis præstantior*; quippe quæ *Catechizatum* cogit diligenter notare quod edocetur; quòdque sic edoctus est, non est tam prolixum quin secum reportare possit memoriæq; in perpetuum mandare; ac proinde maximè *utilis*, ut quæ ipsa Christiani Symboli *Fundamentalibus* complectitur primæ ac naturalissima ipsorum *consecratoria*, & quæ ad *indispensabilia* vitæ *officia* tendunt, quæq; sola proinde si credantur sincere, fidelitèq; observentur, ad cælum quemlibet sunt deductura.

Proxima verò utilis prædicandi ratio est *Capitum Expositio*, modò is qui ei rei operam dat, huc tantum incumbat (omissis omnibus inanibus excursionibus quibus multifariam suam lectionem ostendet) ut ea loca Capituli quæ obscura sunt, facilia & intelligibilia Auditorum captui reddat, intermiscendo subinde breves quidem sed vehementes officiorum inculcationes ab ejusmodi Capituli locis quæ fortissimè nos eò impellant. Hoc certè privatam Scripturæ lectionem jucundam reddet populo suo; Eòq; magis ipsis proderit, si intra *novum Testamentum* se continuerit, eaq; duntaxat è *Veteri* accersiverit quæ inservire possint pleniori intellectioni *Novi*. Non est verisimile quicquam conscientias hominum æquè convicturum atq; hoc; quòd ipsum utiq; Scripturæ Textum legere possint & intelligere, sensibilitèq; vi percelli atq; impetu illius *Spiritus* qui in illis scriptis spirat, eòq; mirificè, ultrà quàm fieri potest vel elegantissimis sermonibus comptissimève humanæ Eloquentiæ formulis, moveri. Quod tamen rei caput est in illo *tertio* Genere *Prædicandi*, maximèq; genuinus illius usus, nimirum, non inutilibus noxiisve opinionibus mentes hominum effarcire, sed magis floridæ liberitatisq; fluentis orationis artificio inflammare Auditorum affectus ad studium ac prosecutionem earum rerum quas *Mandata Evangelica* nobis præcipiant.

Fateor itaq; Exercitium hoc laudabilem habere posse usum in Congregatione ubi totus populus in *Fundamentalibus* Christianitatis probè sit instructus, & in cognitione sacrorum Bibliorum bene versatus; alioqui si *duo* illa altera necessaria *Prædicandi genera* hoc magis *superficiarium genus* sed & magis plausibile extruserit, id certè non fiet absq; ineffabili Gregis Christi incommodo. Quod profectò etiam tunc eveniet quando vel optimâ ratione peragitur. Quàm ingens igitur malum putatis fore, ubi hujus popularis Eloquentiæ Exercitium nihil aliud sit *Concionatori* præter ostentationis scenam inanissq; Gloriæ, nihilq; gignat in auditoribus ejus & admiratoribus præter tumorem quandam spiritus & flatulentiam, quippe qui opinionibus venenatâ quadam dulcedine tinctis intoxicantur, quæ ad nihil tendunt præterquam ad extinguendum amorem atq; studium veræ *Justitiæ* ac *Sanctitatis* & ad ingenerandum ipsis falsam animi securitatem execrandumq; *Libertinismum*? An non multò satius fuisset nudis *Fidei Fundamentalibus* acquiescere Symbolo *Apostolico* comprehensis, Conscientiâ interim obligatos ad vitam juxta leges Christi sanctaq; ejus præcepta instituendam, quàm falsorum hujusmodi ductorum æstu atq; strepitu tam misère infatuari & seduci?

8. De *Oratione* error *Epidemicus* est, Quòd pleriq; preces *extemporarias* per *Spiritum* fieri autumant, conceptis verò formulis *Spiritum* neutiquam adesse; cum è contrâ in *extemporariis* æstibus ac ardoribus vehementissimis *Spiritus* verè abesse possit præsensq; adesse in *conceptarum formularum* usu, ubi videri poterit major malacia & tepiditas. *Spiritus* enim *orationis* in inventionem verborum ac locutionum non

consistit (quæ potius Naturæ donum est, quemadmodum extemporariè loquendi facultas in aliis causis, quæ à calore, imaginatione, animaliumq; spirituum copia provenit) sed in firma fide in Deum per Christum & in non ficta approbatione & sincero desiderio rerum earum sanctarum obtinendarum pro quibus oramus. Ac proinde is qui aut ipse legit aut ab alio lectam *Liturgiam publicam* audit, tali animi affectu qualem descripsi, æquè verè orat per *Spiritum* atq; ille qui de suo verba phrasèsq; adhibet. Nihil enim *Divini* huic rei subest præter hanc *sanctam fidem* ac *desiderium*, cætera meræ *Naturæ* sunt imputanda. Et manifesta profectò Demonstratio est ignorantia horum hominum qui de Spiritu tanto cum hiato vociferantur, cum interim nè discernere quidem nòrint quid reverà *spirituale* sit, quid *animale* seu *naturale*. Quibus addere potes, si nemo per *Spiritum* orat præterquam is qui phrasè verbaq; adhibet de suo, tóta sanè congregatio miselli erunt Precatores, Divinòq; Spiritu prorsus destituti, quippe qui omnes à labiis pendent Ministri, qui solus hîc agnoscendus est orare per Spiritum. Cui tamen non semper tam potenter opportunèq; assistitur, quin incurrat subinde periculum res absurdas frigidæve effutiendi, faciendiq; publicum Dei cultum insipidum vel fastidiosum, aut, quod nihilò melius est, contemptibilem ac ridiculum.

9. Quapropter multò tutius est, quemadmodum & proculdubio multò solemnius, *publicam* adhibere *Liturgiam* totius Ecclesiæ autoritate signatam, quàm opus tam *sanctum* ac *devotionale* incertitudini privati Spiritûs cujusvis hominis committere, qui tentabitur tantummodò affectatam suam ostentare Eloquentiam, aut propriam suam imbecillitatem ac stultitiam propalare. Cum *concepta Forma* omnem ostentationem præventura sit elegantulâq; nugacitatem, cultumq; publicum in debita sua reverentia ac honore conservatura, præsertim ubi eâ cautione constituta sit, ut nihil in ea describatur quod incertis opinionibus mentem illiget seu illaqueet, sed ubiq; loquatur juxta notum Scripturæ tenorem humanis Glossæminis minimè depravatum.

10. Verùm dices si Minister tam strictè curtèq; in Exercitiis extemporaneè præcandi, expatiandiq; in concionibus cohibebitur, quî ullum egregium poterit specimen suæ facultatis edere in eo munere quo fungitur? Ubi dabitur opportunitas ostendendi sua dona? Ad quod respondeo, Finem utiq; Ministerii non esse ostentationem donorum cujusquam particularium sed populi ædificationem, qui meliùs ædificantur diligenter catechizando fidelitèq; ac peritè exponendo Scripturas quàm luxurianti vagâq; oratione è suggesto; ubi Concionator, postquam brevem Textum salutaverit, solo propriarum suarum Imaginationum strepitu ac Inventionum, populi aures, pro more, implere licebit, quum in exponendo toto putà capite unâ vice, mentes auditorum attentius detinebuntur ad infallibilia illa Oracula, faciliùsq; Doctoris sui aberrationes & prævaricationes notabunt. Cæterum ad majorem securitatem, nè quis munus suum hîc infideliter perperâq; administret, perversæ sacrorum horum scriptorum interpretationes ad licentiam vitâq; dissolutam, Interpretem in posterum reddent muneris sui exercendi incapacem.

11. Præterea, neq; eò hæc dico quò prædicandi usum excludam, sed ut *Catechesi* sacræq; *Scripturæ Expositioni* majorem gratiam conciliem, quæ longè utiliores sunt multòq; plus faciunt ad ædificationem. Quinimo in ea omninò sum sententia, aliquos bene temperatos in affectatæ Eloquentiæ modulos in Festis anni principalibus occasionalibûsq; Exhortationibus ad populum ex observatione in quo maximè ab ipsis peccetur, animo serio multâq; cum gravitate adhibitos, uti etiam in Jejniis publicis ac gratiarum Actionibus, rem esse apprimè utilem, eòq; fore efficaciorè, quodd hæc adeò frequenter recurrat. Quantum verò ad dies alios, si Christi Servatoris sermo in monte oppidò quàm reverenter, emphaticèq; ac distinctè legeretur, cum tam sanctæ infallibilisq; Personæ monita contineat, cujus in ore nullus error inveniretur nec dolus, qui Dei filius erat carnis nostræ *Formalitatibus* amictus in eum ipsum finem ut cathedram ad tempus apud nos capefferet, sanâq; ac salubres Prælectiones Theologicas nobis prælegeret, cujus in gratiam ipse Deus Pater ad officium præconis se demisit, silentium mandans è nubibus dicènsque, *Hic est Filius ille meus dilectus, ipsum audite*; qui tam misericors fidelisq; gregis sui pastor erat, ut vitam suam pro ovibus deponeret, adeòq; adàmatus à Patre ut per miraculum suscitatus sit è mortuis & in cælum assumptus, quiq; deniq; illinc descensurus est, & unumquemq; hominem juxta sua opera judicaturus; Si hujus, inquam, salubrium monitorum sanctorumq; Præceptorum sermo distinctè reverentèq; coram populo legeretur, equidem fieri non posset quin ad majorem tenderet ædificationem, fortiùsq; hominum animos in ipsorum bonum moveret quàm adulterata affectatâq; Eloquentia fallibilis cujusvis Mortalis. Ut evitationem taceam omnis periculi nè aut suffocen-

tur

tur hamatis spinosifq; *Theologia Polemica* controversiis, aut veneficentur intoxicenturq; insalubribus offulis saccharatis *Antinomianismi* ac *Libertinismi*.

12. Et postremo, ut etiam adhuc pressius ad hanc Objectionem respondeamus; Si Ministerium tuum modo aliquo eximio magnificare cupias, loco donorum ostentandorum, Gratias tuas exerce & adauge quantum poteris, summis viribus adnitere ut inculpato Gregi sis exemplo *Humilitatis*, *Amoris fraterni*, *Obedientiæ erga Magistratum*, *Temperantiæ*, *Integritatis illibatae in omnibus tuis transactionibus*, & *Commisserationis* erga pauperes & egenos. Summam adhibe diligentiam prudentiamq; ad tuendam pacem charitatēq; inter eos qui tuæ curæ concrediti sint, quemadmodum decet Christianos, & ad invitandos opulentiores ad maturè benignēq; succurrendum eis qui rerum inopiā laborent, ut nulla intolerabilis calamitas vitam reddat confociorum nostrorum membrorum ærumnosam ac inconsolabilem. Et ad eos porro privatim reprehendendos, qui maleficiorum quorumlibet scandalosorum sint rei, sed quàm sapientissimis potes prudentissimifq; aggressionibus & alloquiis, ut reprehensiones tuæ, quemadmodum debent, ità planè appareant à nulla re alia provenire præterquam ab amore, officioq; tui cura ac conscientia. In quo administrando si auctoritatem tuam perdere nolis ac confidentiam, ipse debes juxta indispensabiles Christi leges vitam tuam instituere, nec nisi ob earundem violationem graves illas reprehensiones obire. Quodd si ipse reverà in hisce culpandus sis, vel ut majorem tibi sanctitatis opinionem concilies, hominem corripias ob neglectum pusillarum quarundam spuriarūq; virtutum quas ipse tibi elegeris; equidem fieri non potest quin aut odiosus indè aut ridiculus evadas.

Verùm hīc magna illa versatur Hypocrisis, nempe ut compensatio fiat negligentiae in his indispensabilibus Ministerii sui maximiq; momenti officiis, quodd infructuosā oris labiorūve operā nimis quàm affatim abundant, auctoritatēq; sibi conciliare conentur è donis, quæ prætendunt, spiritualibus *extemporaneè precandi* prædicandique, loco *inculpatae sanctitatis vitæ*, utilisq; *Prudentiæ* in sui populi gratiam adhibendæ, ac *Christiane* deniq; *Bonitatis* & *Charitatis*. Et verò ut existimationem suam firmitus apud populum suffulciant, fundamenta profectò callidè peritēq; jaciunt, docendo nimirum nullam prorsus spem esse sic vivendi ut debemus, nec ullam perinde necessitatem, atq; sic universum gregem æquè putridum reddendo ac seipso, cū nemo jam supersit qui falsum Prophetam aut *exemplo vitæ* aut *Doctrina contrarietate* coarguat, auctoritatem suam hoc pacto sibi sartam rectam conservat per mirificam illam canoræ linguæ volubilitatem, quam quidam prædicandi precandiq; *technydrium* appellant. Quæ tamen etiam ubi in meliores fines dirigitur, æquè pauxillæ efficaciz est ac obbula picaria in spini ramusculo suspensā si cum personali applicatione privatāq; instructione ac coargutione conferatur. Hæc enim adfrictionis Pastoritii medicamenti Ovi morbidæ planè imaginem gerit, sine qua obbulæ in ramusculo suspensæ Ceremonia nihil faciet ad curationem, quantalibet cunq; solemnitate oves circa eam congregatæ fuerint.

13. Quantum ad *Communione*, nulli sanè ab ea excludendi sunt qui se fidem habere *sacris Scripturis* profitentur *Symboloq;* *Apostolico* in *Literali* ac *Historico* sensu intellecto; nisi crassi alicujus & scandalosi peccati rei sint (quod descriptum esse oportet in noto aliquo super hac re Decreto, non incertitudini Judicii privati cujusquam Ministri relictum) & in eodem persistant, pœnitentiam agere nolentes, ad bonāve frugem revocari. Perfidia enim esset in istiusmodi hominem quanta potest maxima, eum ad sacram hanc *Communione*mittere, securūq; reddere in ejusmodi peccatis quæ pro certo, nisi de ipsis pœnitentiam egerit, eum à *cælesti* sanctorum *Communione* in perpetuum excludant. Ut præteream scandalum ac offensionem reliquis seriò & sincerè animatis *Communicantibus* factam, quibus spectaculum apparebit æquè turpe atq; horridum, ac si quis fortè fortunā in fœdam aliquam lacunam totus lapsus ac immersus, in squalido hoc ac lutulento habitu, fimo atq; cæno madens stillāsq; se apud mensām inter illustri loco homines quos Paterfamilias ad solenne aliquod ac speciale convivium invitaverit, collocaret.

Et quod *Posturam Communicantium* attinet, quemadmodum nulli sunt qui adeò sunt curiosi ut ad eam reducant in qua Christus ejusq; Discipuli cœnam celebrabant, ità nemo debet tam scrupulosus esse & irritabilis, ut indè offendatur si unus quidem genubus insistens communionem recipiat per devotionem erga Deum humilēq; gratiarum actionem pro ingenti illo beneficio quod per eam significatur, pro morte nimirum Christi cum illius effectis & participatione ejus corporis atq; sanguinis, eo sensu quo alibi ea de re locuti sumus, alter verò eam recipiat sedens, quatenus Cœnæ celebratio est, utq; à se omnem amoliat verū suspicionem *Idololatriæ* erga externa

Lib. 8. cap. 9.
sect. 2. & cap.
10. sect. 2, 9.

Elementa panis atq; vini. Etenim æquè contra *justitiam* peccatum est ac contra *charitatem*, ejusmodi actionibus quæ tam innocentes & laudabiles rationes habeant, quovis modo offendi; Omniumq; maximè intolerandum in talis Mysteriorum celebratione quod *totum ex amore* consistat affectuq; erga Christum & erga nosmet invicem. Equidem fateor *uniformitatem* pulchriorem ad extrà speciem præ se ferre, haud tamen operæ esse pretium, ut vel minimæ turbæ illius ergò excitentur, ullave adhibeatur violentia in diversitatibus *actionum* vel potius *circumstantiarum*, quas tam commodo sensu interpretari licet, solidumq; charitatis nostræ exercitium in relinquendo singulos liberos omnino æquè congruens esse huic solenni Actioni quàm exquisitissimam *Uniformitatem* mansuetudinis mutuæq; Tolerantiæ spiritu destitutam.

Postremò, quantum ad sanctæ hujus *Communionis* fructus, præter corroborationem unionis nostræ cum Deo Christòq; per Spiritum gratiæ ex digna corporis sanguinisq; Christi participatione uberius infusum, superadditur porro peccatorum remissio, nec nostrorum solummodò illic præsentium, sed omnium, ubicunq; terrarum, sincerorum Christianorum, per hanc *sanctam* quæ dicitur *Communionem* unitorum, quemadmodum nobis subindicat S. Johannes, 1 Epist. c. 1. v. 7. *Si autem in luce ambulamus sicut & ipse est in Luce*, *καὶ οὕτως ἔχουσιν μὴ ἀλλήλων μὴτὰ τῶν ἁγίων φρούρα* *sanctorum fruimur communionem*, & sanguis Jesu Christi Dei filii purgat nos ab omni peccato, certòq; peccatorum remissionem obtinemus. Ad quod præcipuè inter cætera alludere etiam videtur ἡ καὶ οὕτως ἔχουσιν in symbolo Apostolico memorata. Quò minùs solliciti sint omnes boni Christiani de *Absolutione sacerdotali*, cùm tam crebra ac repetita per *sanctam Communionem* omnibus *sinceris* Christianis sit peccatorum remissio, nec *absolutio sacerdotalis* quicquam profit non *sinceris*.

14. Quod *Baptismum* spectat, equidem quantò diligentius quispiam in eum inquisiverit, tantò certius apud se statuet Scripturam de *tempore Baptizandi* eos, qui fidelibus prognati sint parentibus, nihil definivisse. Quidam audent longius, affirmantq; nullum esse præceptum quo baptizentur omnino, verum eos jam esse membra Ecclesiæ, quippe ex eis prognatos qui sunt. Ad quorum Posteriores respondeo, Si juris *membratura* in Christi corpore quæ est Ecclesia, capaces sint, qui fieri potest ut signi illius sint incapaces? Cæterum ad eos qui agnoscunt esse baptizandos, cùm manifestum sit nullum tempus in Scriptura definiri, dico naturaliter relinqui potestati Ecclesiæ ut illud tempus præscribat quod ipsi visum erit maximè commodum; Nam tamen plus videri possit excusationis habere si quis Ecclesiæ (in statuendo novas *Ceremonias*, talisve veterum *Circumstantias* quæ necessariae non sint) auctoritatem in dubium vocaret, non potest tamen quin intolerandæ existimetur temeritatis de ea hæsitare hoc in loco, in determinandis utiq; ejusmodi *Circumstantiis* sine quibus ipsa *actionis* substantia haberi non possit. Etenim si quis baptizandus est, equidem oportet aliquo tempore baptizari. Et certè quanquam Adversariorum argumenta speciem tumidam ac confidentem præ se ferunt, quantum tamen ego intelligere possum, tutissimum profectò tempus est quod ipsa Ecclesia definivit. Etenim in eam sententiam admodum pronus sum, qui tamen me æquè parùm superstitionibus indulgere puto quàm cæteros mortales, bonum scilicet aliquod reale ad infantem redundare ex eo quod per sinceram parentum suorum devotionem, tam maturè Christo sit dedicatus. Quam dedicationem ipsum oportet plenius ratificare & consummare, postquam ad annos *discretionis* quas vocant, pervenerit, quando capax erit respondendi ejusmodi quæstionibus quas nimis quàm proclive est imaginari, eum tunc intempestivè *interrogatum* fuisse quando non poterat loqui.

Jam verò de *Cruce in Baptismo*, certè tam opportuna erat in prima sua Institutione dum *Pagani professi* inter Christianos intermiscebantur & tam significans semper, ut si Ecclesiæ non liceat hujusmodi additamenta superadjicere, nullum profectò licet. Cæterum cùm *unitas cordium* multò præstet *uniformitati* in actionibus indifferentibus, nullum debet esse dissidium nec contentio circa has res; verum si Parentes infantis baptismum ad annos usq; *discretionis* per conscientiam differunt, si eum volunt in sua Infantia baptizari, si signationem *signo crucis* approbant si eus omissionem malunt, majorem Minister Auctoritatem sibi conciliabit profitendo suam animi æquabilitatem ac indifferentiam his in rebus, summamq; quam habeat existimationem indispensabilium Officiorum Christianitatis, benevolæq; indulgentiæ erga conscientias hominum, (quæ res multò sacrior est Ceremoniâ quâlibet ab ipso Deo non institutâ) quàm si nimium duriter ad uniformem consensum eis in rebus homines urgeret, in quibus Christus nos reliquit liberos. Quippe conspicuum *professæ charitatis* benignæq; tolerantiae exercitium ornamentum Ecclesiæ est longè pulchrius quàm *coacta Uniformitas*. Immo verò addam, Quod constans indifferentiæ professio

fessio Ecclesiam citiùs effectura sit *uniformem* quàm si Religio in hujusmodi rebus ponatur. Cessat enim contentio, ubi ejus objectum nullius esse pretii judicatur.

15. De *Musica*, manifestum est *Hymnos Canticq;* maturrimam fuisse cultûs publici speciem quæ Christo est exhibita. Et certè cum Ecclesia potestatem habeat formandi *Liturgias publicas*, equidem puto eos rectè facturos, si nec publicas Cantationes ad *Psalmos Davidicos* restringerent, sed *Cantica* quædam de suo componerent, sermone facili & inaffectato, quin & laudabili stylo metrôque, modulôsq; musicos ipsis adaptandos eurarent, non nimis quidem operosos ac artificiales, nec jacentes nimis ac languidos. Quos numero multos esse minimè quidem convenit, sed tot ferè, quot vel pueruli maturè ediscere possent, aded ut nihil opus futurum esset profano merorum mercenariorum gutture ad Chorum explendum, cum omnes *Devotiones musica* à tota congregatione peragi possent, unoquoq; Christiano partem educationis liberorum suorum ducente, *Modulorum Ecclesiæ Musicorum* peritiam, qui propterea propemodum æquè citò idonei forent ad cantandum atq; ad orandum unà cum reliqua Congregatione.

Hi *Hymni* ab Ecclesia compositi *Festis* suis principalibus potissimùm aptandi sunt, ad celebrationem institutis *Natiuitatis* putè, *Passionis*, *Resurrectionis*, & *Ascensionis* Servatoris, *Missionisq;* Spiritûs sancti. Etenim res mihi profectò videtur ferè supra omnem fidem ut Gens quælibet Historiam Christi veram esse credat, eumq; Deum fuisse tali tempore incarnatum, idemq; Numen incarnatum passum esse, &c. nec tamen tantæ rei consideratione aded esse abreptam ut hujusmodi stupenda *Accidentia* Anniversariis solemnitatibus celebraret, siquidem diebus Fests Annum adornare ipsi dicamini Naturæ consentaneum est praxiq; omnium Nationum. Quapropter qui *spiritualitatem* tantoperè prætendunt ut omnem Dierum observationem rejiciant, equidem vereor nè in ipsis sit symptoma *Infidelitatis* & secretæ alicujus Inimicitie quam adversùs ipsam Christianitatis veritatem in sinu foveant. Etenim ii qui Divinis perfectionibus maximè locupletantur, summis illis Gaudiis quæ indè oriuntur actu frui non possunt nisi à secularibus negotiis vacent; Ad quam igitur rem *Dies Fests* maximè sunt opportuni. Ii verò qui minùs perfecti sunt, per hanc à mundanis laboribus *vacationem*, opportunitatem nanciscuntur magis observatè curiosq; rimandi explorandiq; animarum suarum statum & conditionem, magisq; seriò meditandi, obfirmatoribûsq; consiliis statuendi vitæ suæ in posterum ad perfectissima veritatis ac sanctitatis Exempla componendæ, seriam se duros operam.

Et in hunc ipsum finem Diei cujusq; septimæ observatio inviolabilis esse debet nec secularibus ullis negotiis ineptisve Ludicris profanari, sed in Religiosa Exercitia, quæ publica quæ privata, tota impendi; nec ità tamen quasi ulla sanctitas in diebus collocanda esset, sed quoddam tam bella Occasio sit arripienda ad consummandum in nobis pietatis opus, & ad meditandum super infinita Dei benignitate in *Mysterio Creationis* ac *Redemptionis* patefacta.

16. Quarum posterioris cum nos Christiani tam plenam distinctamq; notitiam haberimus ut præcipua ejus progressûs noverimus delineamenta, equidem multò condignius est magisq; decorum rem totam in unum Diem confusè promiscuèq; non congerere, sed præcipuas tam eximii Mysterii partes distinctim separatimq; celebrare. Cujusmodi sunt *Natiuitas Christi*, ejus *Passio*, *Resurrectio* & cæteræ. Inter quas *Passionis* celebratio cum ad ædificationem maximè sit utilis, ejus, profectò solennitas ad minimum æquè sacra esse debet, æquè frequentata, ac religiose celebrata concionando, orando, cantandôque, ac quævis alia Dies, idq; ratione huic solennitati omnino congruâ, *Hymnisq;* ac canticis *Passioni* Christi appropriatis, mœstisq; ac emollientibus modulis hisce canticis quæ Ecclesia composuerit adaptatis.

Quæ *Passionis* quidem Cantica, Diebus *Eucharisticis* haud inutiliter poterunt adhiberi, quippe quæ in se contineant desideria fervida firmâq; consilia crucifigendi affectus nostros ac libidines, & fideliter diligendi Christum & nosmet invicem, quæ sunt præsignia illa Officia ad quæ *Passio* Christi digitum intendit atq; in nos inculcare satagit. Quamobrem Cantiones matutinæ diebus *Eucharisticis* per hæc *Passionis* Cantica oppidò quàm commodè poterunt suppleri. Cæterum inter celebrandam *Communio-nem*, dum *Panis Calicq;* circumferuntur, *Davidicorum* Psalmorum aliqui qui maximè accommodati videantur, ingentemq; Dei bonitatem ac misericordiam declarent, vel cantica aliqua ab Ecclesia composita, huicq; Instituto destinata, gratiarum actionum, piorumq; propositorum plena cantari possunt per totum tempus modulis alacrioribus, qualibus *Ascensionis* Cantica *Resurrectionisq;* cantentur. Quæ omnia Ecclesiæ *Cantica* officia in homines urgere debent ac sanctitatem premere, ex ejusmodi rationibus, quæ ex fide earum rerum quarum memoriam celebramus, naturaliter proficiunt.

Si ad cantionem horum peritè compositorum Canticorum selectorumq; Psalmorum *Organi* insuper adminiculum adderetur ad certiùs moderandam cantatoriam hanc Religionis nostræ partem, adq; magis affectuosam illius peractionem reddendam, haud facîle profectò quis excogitaverit, quid jam desit ad debitam & irreprehensibilem omnium condecensium Circumstantiarum *Cultus publici* expletionem, quas professi Christiani adhibere debent; nisi quis fortè introductas velit *Imagines* ac *Picturas*.

17. Sed enimverò ut meam super hac re sententiam liberè eloquar, Ipsa *Imaginum statuarumve* in Ecclesia collocatio, admodum audax est infensumq; spectaculum: verum incurvare se versùs eas, orarèq; flexis genibus oculisq; Religiosè ad eas sublatis res intoleranda, si modò ità sit Idololatria Paganica. Immò verò aliquà ratione deterior, hoc est, magis absurda ac ridicula, quippe quòd hæ *statue* non supponantur, ut apud ipsos, illius spiritùs ad quem precantur *Receptacula*. Adeò ut *Devotionis* hìc hominum ratio omninò absona sit, inepta ac stupida, æquè ac impia ac *Idololatrica*.

Equidem fateor picturas Repræsentationes esse aliquantò modestiores, considerationemq; gravissimarum contumeliarum quas nefaria quædam ora olim in *crucifixum Jesum* intorserunt & etiamnum aliquando intorquent, magis devotos ejus personæ Amatores allicere posse in opinionem, si repræsentatio fieret ejus *Crucifixionis* in Pictura, hominèsq; in introitu in Ecclesiam versùs ipsam se incurvarent, innocuam tantum sibi animi satisfactionem fore, si suum tam publicè præstarent Servatori *Homagium*, in ea ipsa utiq; Repræsentatione qua maximè proculcatur ac contemnitur, justamq; ipsi compensationem pro omnibus contumeliis quas impuri impiiq; homines in ipsum conjecerint.

Verum ad hæc respondeo, Primò quòd adorationis nostræ determinatio in unamquamlibet Ecclesiæ partem perinde videretur ac si *Ecclesiæ* Christianorum in *Templa* converterentur, contrà atq; scriptum est à S. *Johanne*, *Templum in ea non vidi*. Et tum postea tametsi longè petita humani ingenii inventa admodum arguta esse possint in his causis atq; subtilia, expressè tamen dicitur, quòd Deus, *Deus est zelotes*, multiq; zelosi sunt ac scrupulosi homines tam intra orbem Christianum quàm extra; ac proinde praxis quæ nec in se proba est & tam immensum præterea aliis scandalum parit, nullo modo debet obtinere in *Cultu publico* Christianorum.

Si qua sit igitur Picturarum permissio, in Ecclesia, ad *cultum* adhiberi non debent sed ad *ornatum*. Cui rei haud commodè inservient sine sumptu competenti, nec sumptus hic rursus rectè collocabitur nisi ad aliquam tendat *Ædificationem*. Ac proinde non video quæ futuræ sint ullo modo tolerabiles nisi aptæ quædam *Inscriptiones* adjunctæ fuerint: Ut in Pictura *Resurrectionis* & *Ascensionis* Christi hujusmodi aliqua Inscripção è S. *Paulo*, *Si surrexistis cum Christo, superna querite*. In Pictura *Passionis* Christi hujusmodi, *Et ego si sublatu fuerò à terra, omnes traham ad me ipsum*. *Qui sunt Christi, carnem crucifixerunt cum affectibus & concupiscentiis*. *Majorem hæc Charitatem nemo habet ut quis animam suam ponat pro amicis*. *Hoc mandatum do vobis, Sicut dilexi vos, ut vos etiam diligatis aliis alios*.

Colos. 3. 1.

Johan. 12. 32.

Gal. 5. 24.

Johan. 15. 13.

Johan. 13. 34.

Atq; sic singulæ Tabulæ, quas quidem multas esse non oportet, proprias suas debent habere *Inscriptiones* sine quibus non permittendæ sunt in Ecclesia, ut quæ ad nihil utiles sunt nisi ad otiosos hominum oculos diutiùs quàm par sit detinendos pascendosque. Jam verò sic inscriptæ, simul ac aspectantur, statim spectatoris animum piæ alicui meditationi illigant, eumq; cogunt de maximè utili sensu præcipuorum *Accidentium* quæ in Historia Christi occurrunt cogitare. Inter quæ nulla majorem habent efficaciam quàm illud *Passionis*. Cujus ad vivum delineata descriptio, unà cum canticis *Passioni* appropriatis modulisq; ac Organo, cor hominis vulnerare possunt, plùsq; corrupti sanguinis uno ictu emittere quàm repetita *Blasphemia* arida enervisq; *dissertationis* in horam unam & alteram productæ. Quæ quidem *Cultus publici* adminicula & ornamenta omnes *laudabilis* splendoris ac venustatis numeros explebunt, omnemque, si præcisè hìc subsistamus, speciem & suspicionem amolientur sive *Superstitionis* seu *Idololatriæ*.

Quòd si quis adeò infirmus sit ac scrupulosus, ut tam irreprehensibili *Picturarum* usu in Ecclesia offendatur, & particulatim si Religio nostra minùs commendabilis hoc pacto foret aut *Judeis* aut *Turcis*, quorum conversionem non solum optare debemus, sed serio fidelisq; studio quantum possumus promovere, vel saltem è via ipsis dimovere scandala omnia & offendicula; equidem potiùs quàm hujusmodi dispensabilia Punctillula amplificationem Regni Christi impedirent in essentiali sua Jurisdictione expressis verbi scripti præceptis comprehensâ, albi plenus penicillus ab ipsa charitatis

charitatis manu porrectus omnes has innocuè destinatas *Delineationes* ac *Inscriptiones* statim deleret, & quò earum damnum compensaretur, unica illa è S. Paulo succederet, *Quod si cui contentiosum esse libet, nos ejusmodi consuetudinem non habemus neq; Ecclesiæ Dei.* 1 Cor. 11. 16.

18. Ut igitur concludam; Talis Christianæ Religionis *veritas* est ac *simplicitas* ut si Ecclesiæ Autoritati visum sit additionales aliquas *Divini cultus* circumstantias commendare, fieri profectò oportet, non ad *inefficacem pompam* speciemve, sed ad *realem usum* ac *edificationem*, affectando ejusmodi pulchritudinem ac venustatem cujusmodi ipsa *Natura* in vivis animalibus affectat, quorum pulchritudo effectus est talis partium symmetriæ tenorisq; spirituum quæ vigorem ac habilitatem ad omnes vitæ functiones contineant. Et certè plures in Ecclesia Ceremonias esse non oportet quàm quarum utilitas faciliè perspicui possit vitæq; ac vis *sanctitatis* penitus actuare; ut mentes nostræ non stent attonitæ, nec distrahantur, subsidantve deorsum, nec in ulla res externas in terris defigantur, sed ab omnibus visibilibus pompis ad amorem deferantur & admirationem beati *Servatoris* in cœlis, *vitæq;* illius *cœlestis* ac *Divinæ* quam is in mundum venit ut cordibus ingeneraret omnium verè Credentium.

Et quod de *Ceremoniis additionalibus* diximus, pari jure dici potest de *deductiis Opinionibus*, quæ commendari debent solummodò ab *usu* suo ac efficacia ad vitam promovendam ac Pietatem in animabus hominum. *Earum* verò obtrusio æquè iniqua est ac *Ceremoniarum* si non iniquior. Propterea quòd *Ceremoniæ* ut plurimum indifferentes sunt, *Opiniones* nunquam, sed determinatim *veræ* vel *falsæ*, aut saltem sic tenendæ ab iis qui de eis dubitant, aut fortean contrà omnino sentiunt. Quæ igitur tantò major profectò ingenuis animis est injuria. Ut & *usurpatio* major, se aut in *Propheticum* aut *Legislativum* Christi officium ingerere, quàm tantùm affectare *Magistrum* se gerere *Ceremoniarum*. *Superstitio* verò par, siquidem superstitio nihil aliud est quàm timor ac scrupulositas circa eas res quæ nullius pretii sunt apud Deum. Quemadmodum proculdubio harum neutra ullo modo sunt, nec *opiniones* scilicet quæ ad vitam pietatémq; nihil attinent, nec *Ceremoniæ* quæ indifferentis sunt naturæ, & de se vel exerceri possunt vel omitti. Ac proinde qui timidè ac meticulosè hisce in rebus affecti sunt, indicium est eos *Legem Regiam* Christianæ Libertatis nondum satis intellexisse, illudq; interim committere, quod maximum sanè vitium est quod *duosdauporia* sive *superstitione* includitur, *captiosum* utiq; *morosumq;* Numen sibi fingere.

Unde manifestum est, *nimis anxiam usurpationem, omissionemve scrupulosam indifferentium Ceremoniarum*, ut & *nimiam sollicitudinem circa inutiles & incertas Opiniones rejiciendas amplectandæ* sive nullum esse commendabilem *Cultum* vel *Obsequium*, sed quandam implicitam potius *contumeliam* in sanctum illud Numen quod à nobis profitemur adorari.

F I N I S.

MODESTA INQUISITIO

IN

Mysterium Iniquitatis.

PARS PRIOR

Diligentem justamq; complectens Delineationem

VERÆ IDEÆ

ANTICHRISTIANISMI

IN

Realibus genuinisq; illius membris, talibus utiq; quæ Indispensabilibus Institutis Evangelii Christi ejusq; Regni Incolumitati reverà adversentur.

Per Henricum Morum Cantabrigiensem.

Sext. Empiric.

Παύλος οὐ ζητούντι πρὸς ἑαυτοὺς καὶ ἄλλοις διὰ τὴν ἐκείνου δυνάμειν ἔχοντες καὶ τὴν ἐκείνου πρὸς ἑαυτοὺς ὡς ἐπὶ τὴν ἐκείνου δύναμιν ὡς ἐπὶ τὴν ἐκείνου δύναμιν.

LONDINI,

Typis J. Macock, Impensis Joh. Martyn sub Signo Campanæ, & Gualteri Kettilby sub Signo Capitis Episcopi in Divi Pauli Cœmeterio.
MDC LXXIV.

Mytilus edulis

Diligentem iustitiae compagem dilectionem

NEW IDEAS

Religious community and its members

Amphibian Infection: *Exophiala* spp.


... ..

MODESTA INQUISITIO IN MYSTERIUM INIQUITATIS.

LIB. I.

CAP. I.

1. *Mysterium Iniquitatis sive Antichristianismi, secretum innuere studium subruendi fines Christianitatis per talem potestatem qua se interim prætendat Christianam.*
2. *Descriptionis Antichristi à circumstantialibus characteribus omissionisq; partium essentialium Incommodum.*
3. *Duo generalia Principia quibus Antichristianismus consistat.*
4. *Verum Artificium describendi genuinam Ideam Antichristianismi, cum descriptionis distributione in duo maximè generalia Lineamenta.*



Iniquitatem illius Mysteriorum qua de jam dicturi sumus apertam profanitatem non esse planè confessam Impietatem, vel ex ipso Titulo evidens est, ex eo quòd dicitur esse Mysterosa, cooperiens se umbrà speciève Equitatis vel Pietatis. Quod quidem genus Mysteriorum tametsi aliquà ratione modòve operari potest ruinasq; clanculùm moliri cuilibet Religioni ad realem Dei cultum & in propugnaculum adversùs Atheismum ac profanitatem institutæ; dubitari tamen non potest quin per hoc Iniquitatis Mysteriorum quod toties in Christianorum ore versatur, tale intelligatur Mysteriorum quod ad frustrandum propositum, ad enervandam vim ac efficaciam & ad fidem subdolè subvertendam ipsorum fundamentorum illius Religionis tendat quæ appellatur Christiana. Quam ob causam hoc Iniquitatis Mysteriorum, Antichristianismum etiam nuncupant, præcipuùmque illius Authorem ac suffultorem (sive singularis Persona sit, sive Hominum societas) Antichristi nomine insigniunt; sive hinc eum intelligas qui Christum oppugnet, sive eum qui Christi vices sibi sumens, prætendensq; se è re illius omnia acturum, reverà ejus Regno damna molitur.

2. Harum vocum Phrasiumve strepitus per aliquot continua secula orbem Christianum suo reboatu implevit. At enim non memini vel maximè fervidos hujus immanis Belluæ Insecutores, immò nè eos quidem qui eam se invenisse putarent & cepisse, tam perfectam & essentialem naturæ ejus ab externis præcisæ circumstantiis descriptionem reliquisse, ut legitimam quis habere possit plenamq; hujus Mysteriorum Iniquitatis notionem in qua reverà consistat. Ac proinde Mundum proclivem fecerunt

runt ad imaginandum eas res essentielles esse huic *Mysterio* quæ non sunt, easq; vicissim ad illud non pertinere quæ eò maximè spectant. Perinde ac si in descriptione Urbi omnem adhiberent operam nè collare omitteretur annulusve naribus infixus, & tamen aliquas integrales corporis partes interim prætermitterent.

Verùm hujusmodi imperfectæ & indistinctæ Repræsentationes ad nihil aliud tendunt quàm ad accendendos hominum animos contra eas res quæ in seipsis innocuæ sunt, & ad faciendum ut ad eas convehiant quæ reverà vitiosæ sunt ac noxiæ. Ut exempli causâ; Si quis declararet in genere *Turcam* esse *Antichristum* vel *Papam*, minime explicans quid illud sit quo ita reverà tales constituentur, certè effectum aliud futurum non esset atq; hoc, sine ulteriori utiq; examinatione nobismetipsis congratulari, quòd nos nec *Turcæ* simus nec *Papistæ* (quanquam nos ipsi interim fortean haud mediocrem in modum *Mysterii Iniquitatis* participes sumus) offensionésq; concipere ex conspectu *Tiuræ*, *Pedæ*, *Insulæve* (aliarumve rerum quæ parùm perinde aut minùs, si fieri potest, noxiæ sunt quàm hæ) ex eo solo quòd inveniuntur apud *Turcas* vel *Papistas*. Et tamen vix credam vel maximè furiosos Reformatores tam parùm ingenii zelo immixtum habituros, ut Reformationem nunquam perfectum iri arbitrentur, donec maris ligonibusq; septem *Rome* colles defoderint terramq; versus quatuor Celi ventos rutris disjecerint; quanquam profectò illa videtur maximè obvia circumstantialium notarum meretricis *Babylonice* (quæcumq; ea Meretrix fuerit) maximèq; exposita, quæ in sacris Scripturis occurrit.

3. Videmus igitur oppidò quàm necessarium esse, nè cum umbris nobis sit digladiandum, talem investigare ac proponere *Antichristianismi* delineationem, quæ innocuas circumstantias prætermittat illudq; solummodò sumat quod verè & essentialiter est *Antichristianum*, nec rem ullam, partem *Mysterii Iniquitatis* constituat quæ nihil in se habet iniqui, ut nec jure possumus ullam confessam *Impietatem* nisi quatenus simulatæ alicujus *sanctitatis* effectus sit, hujus *Mysterii* partem constituere. In his duabus igitur rebus in genere consistit *Mysterium Iniquitatis* seu *Antichristianismi*; Primo, in constituendo ejusmodi leges vel autoritative docendo istiusmodi doctrinas, ac promovendo mandandove tales usus ac consuetudines quæ naturaliter verum scopum ac propositum Evangelii Christi eludant ac frustrentur, & deinde in agendo hoc, tanto cum artificio, & sub tam pulchro prætextu, ut mundo interim persuadeant se opus Dei facere, regniq; filii ejus Jesu Christi rem promoverè.

Hæc, inquam, in genere est vera natura ac essentia *Antichristianismi*; atq; ubi hoc venenum à publica aliqua potestate imbibitur, sive Persona singularis sit sive corpus Politicum, seu utraq; simul conjuncta, hi, si primi fuerint Inchoatores, vel Continuatores hujus *Mysterii Iniquitatis* ad mensuram debitam, sunt absq; omni dubio ille *Antichristus* de quo tantus auditur strepitus in orbe Christiano. Et quantum ad eos qui ad eam mensuram, hujus *Mysterii* non sunt participes; quatenus tamen sub Religionis prætextu Doctores sunt, Fautores ac obtrusores istiusmodi Praxium ac Principiorum quæ naturaliter finem adventus Christi frustrentur, eatenus profectò & ipsi sunt *Antichristiani*.

4. Quamobrem qui anquisitè sollicitèq; consideraverit ipsèq; sibi satisfecerit quidnam ille sit magnus scopus Evangelii Christi, invenietq; insuper (ubi certè haud facillè errare poterit,) quæ res ipsi adversentur, modò eas plausibili obtentu promovendi rem Christi deauraverit, eo ipso sanè veram descripserit Imaginem seu *Ideam Antichristi*, quæ certò dignosci possit ubicumq; extiterit. Jam verò magnus ille scopus ac præcipua illa proposita ad quæ Evangelium Christi collineat, hæc planè sunt; *Extirpatio* nimirum *Idololatriæ* è mundo, ut & *liberatio* populi Dei ab inutili onere *Ceremoniarum Judaicarum*, (quem appellare possumus *privativum* Evangelii finem;) & *Exaltatio Divinæ vitæ*, cujus *Radix fides* est in Deum, firmâq; *vita future expectatio*, *Ramuli* verò *Humilitas*, *Charitas*, & *Puritas*; atq; in hoc comprehenditur *Finis positivus* Adventus Christi in hunc Mundum.

CAP. II.

1. Extirpatio Idololatriæ per Messiam prædicta à Jeremia, Deos utiq; qui Cælum & Terram non fecerunt ex terra & locis cælo subjectis sublatum iri. 2. Explicatio illius vaticinii jurisq; Servatoris Assertio quo colatur in perpetuum tanquam æternus Logos qui fecit Cælum atq; terram. 3. Loca è Psalmis ad probandum Messiam extirpaturam Idololatriam. 4. Multa loca in novo Testamento contra Idololatriam cultumq; Imaginum testificantia. 5. Spiritualitatem Christianæ Religionis à Servatore indigitatam abunde demonstrare Imaginum cultum omnemq; id genus Idololatriam esse illicitam.

1. **D**Eum sibi extirpationem Idololatriæ, per Christum missum in hunc Mundum, proposuisse manifestum est tum ex illis vaticiniis veteris Instrumenti quæ omnem omnino Idololatriam extirpatum iri prædixerunt (per quem enim id efficiendum est nisi per Messiam in quo omnes nationes Terræ sint benedicendæ?) tum etiam è multis locis in Novo.

Primi generis est illud Jeremia Cap. 10. ubi Propheta hoc vaticinium in ora indit Judæorum qui Captivi ducebantur in Babylonem; Sic dicetis, inquit ille, Dii qui cælum ac terram non fecerunt ex terra & locis cælo subjectis tollentur; verum contextus antecedens tam vividus est ac magnificus & ad nostrum propositum aded ap-positus ut non debuisset prætermitti. Ordiamur igitur à versu septimo. Quis non timebit te ô Rex Gentium? Tuum est enim decus. Inter cunctos sapientes Gentium & in universis Regnis eorum nullus est conferendus tibi. Insaniunt illi ac planè despiunt ligno vanitatem coarguente. Diductum argentum importatur de Tharsis & Aurum ex Ophar, fabri manuumq; artificis opus, Hyacinthus & purpura indumentum eorum, opus artificum universa sunt hæc. Dominus autem Deus verus est, ipse Deus vivens & Rex æternus, ad cuius iram contremiscit tellus nec sustinent gentes indignationem ejus. Et tunc sequitur hæc Prophetica denunciatio contra omne illicitum objectum Divini cultus; Sic ergo dicetis eis, Dii qui terram ac cælos non fecerunt, ex terra & locis cælo subjectis tollentur.

2. Omnia in hoc vaticinio admodum sunt perspicua præter collationem illam Regis Gentium cum sapientibus Gentium, inter quos tam infinita est disparitas, ut collatio meritò videri possit, si pura Deitas hîc intelligatur cum quibuscunq; sapientibus comparari, immane quantum impropria. Grotius igitur ingeniosè innuit intelligendum esse de aliquibus Gentium sapientibus qui translati erant in numerum Deorum, ut Taantes exempli causâ: quod aliquantulum unum è terminis comparationis suffuleit & corroborat, cum hi sapientes supponantur ad Divinos honores post mortem subvesti atq; inter immortales Deos recensiti.

Sed enimvero fateor me de eo, quod 86. Psalm. occurrit, Nullus Deorum tibi par est Domine, nulla cum tuis facta sunt comparanda, sæpenumero hæsitasse valdeq; laborasse, quod utiq; Propheta Gentium Deos (qui non erant nisi Mortales Deificati vel ad summum Angeli particulares seu Demones sensu sublimiori) cum ipsa pura, infinita & omnipotenti Deitate dignatus sit comparare. Quod certè fecit ut sæpe suspicarer hujusmodi loca intelligenda esse de Messia, cui caro nostra assumenda erat, quiq; sic verus ille Deus erat constituendus, ac deinde post perpeffiones suas Rex Gentium declarandus ac universi terrarum Orbis Numen, prout sequitur in illo Psalm. Omnes à te factæ Gentes te coram adoratum venturæ sunt, Domine, tuumq; veneraturæ Nomen. Et notissimum est, eum Logon esse sive Verbum quod erat in principio, per quod omnia facta sunt, & absq; quo factum est nihil quod est factum. Quemadmodum etiam testatur Author ad Hebræos. Tu principio Domine terram fundasti, & opera manuum tuarum sunt Cæli. Quod dicitur de Messia, quandoquidem illius tempora ibi tam planè describuntur, ut apparet vers. 22. In conveniendo populos in unum & Reges ut serviant Domino. Unde etiam illud manifestum est, Christum semper eundem fore, nec annos ejus unquam defecturos; hancq; Propheticam denunciationem, Deos qui terram ac cælos non fecerunt ex terra ac locis cælo subjectis sublatum iri, ad eum pertinere non posse. Cultus vero alius cujuslibet objecti quod non est pura Deitas, omnino exterminandus est juxta sensum hujus vaticinii.

3. Illud etiam Psalm. 97. planè demonstrat Idololatriam in adventu Christi pefundatum

Apoc. 15. 3. 4.

Psalm. 102. 25.

P. 27.

fundatum iri, Pudore afficiantur omnes qui serviunt sculptilibus, qui de Deastris gloriantur, cum veneramini omnes Dii, quod Author ad Hebræos expressim interpretatur de Christo, quo Divinitatem ejus probat, & cum eo omnem Religiosum cultum improbat, qui cuivis defertur præterquam ei qui revera est Deus, quemadmodum suo notavi loco.

4. Quantum ad loca in Novo Instrumento, plura sunt nec tamen minus expressa. Primus occurrit Act. 14. ubi cum Sacerdos Jovis sacrificare voluisset Paulo ac Barnabæ in Lystra propter insignia Miracula quæ ab eis viderat edita, illi laceratis vestibus insilierunt in turbam, hujusmodi verbis clamantes: Viri, cur ita facitis? Nos quoque sumus homines eisdem quibus vos affectionibus obnoxii: qui vobis denunciamus ut à vanis istis ad Deum vos immortalem convertatis, qui & cælum fecit & terram & mare & quæcunq; sunt in eis. Et quæ obsecro vana ista erant à quibus essent convertendi nisi à deferendo divinum honorem meris Creaturis? Idem porro Apostolus Athenis in concione medio vico Martio habita, præfervida quidem effundit præcepta adversus Idololatriam. Itaque cum Dei genus sumus, non debemus existimare auro aut argento aut lapidi arte & industriâ humanâ celato Divinitatem esse similem. Temporibus igitur istius ignorantie conniventia dissimulatis, Deus nunc denunciat omnibus ubiq; hominibus ut respiciant. Eò quod statuit diem quo justè judicaturus est orbem terrarum, &c. Quam exhortationem proculdubio Paulus adhibuit, animi contentione quâ potuit maximâ, siquidem dictum est, vers. 16. Ὁς παροξύνει τὸ πνεῦμα ἐν αὐτοῖς, spiritum ejus, zeli quasi paroxysmo fuisse exacerbatum, dum Athenarum urbem videbat adeo Deastrorum cultui deditam.

Rursus in prima Epistola ad Corinthios, Idololatriam ipsum characterem Gentilismi facit, à quo Christus in Mundum venit ut homines revocaret. Scitis vos Gentes fuisse & ad Idola illa muta ivisse prout ducebamini. Et alibi in eadem Epistola copiosius ac vehementius eos hortatur, Quapropter dilecti mei, fugite ab Idololatria. Quæ immolant Gentes, demoniis immolant & non Deo. Non potestis mensæ Domini participes esse & mensæ Demoniorum: Irritandusve nobis Dominus est? Num sumus eo potentiores? Et tamen hoc solummodo erat de Idolothytis. Quid igitur eum facturum fuisse putabimus de Incurvationibus versùs Idola? Magnâ etiam utitur acrimoniâ in hoc argumento secundâ Epistolâ ad hos Corinthios. Quod enim consortium Justitiæ cum injustitiâ, & quæ communicio luci cum tenebris, & quæ consensus templo Dei cum simulachris? Et in Epistola ad Galatas, Idololatriam apertè recenset inter crassissima carnis opera, homicidium, veneficium, & adulterium. Ac proinde Apocalypsis consimiliter Idololatriis unâ cum Homicidiis & Veneficiis, locum comminatur igne ac sulphure ardentem; eòq; cum obsenibus canibus è sancta Civitate excludit. Atq; ea propter S. Johannes proculdubio admodum seriò illam adhibet dehortationem ab Idololatria in fine Epistolæ Catholice: Scimus Dei filium venisse, & nos eâ mente donasse ut verum cognoscamus: sumusq; in vero, in ejus filio Jesu Christo. Is verus est Deus æternusq; vita. Filioli cavete vobis ab Idolis. Amen. Ex his locis abunde manifestum esse existimo pervulgationem Evangelii ad Idololatriam (scædam illam Religionis depravationem) è mundo tollendam collineasse.

5. Qua de re etiam adhuc certiores esse possumus ex iis verbis ipsius Servatoris ore prolatis. Sed venit hora & nunc est cum veri adoratores adorabunt Patrem spiritu ac veritate. Etenim Pater tales querit qui ipsum adorent. Deus est spiritus, & qui adorant eum, oportet ut spiritu & veritate eum adorent. Ubi Grotius, atq; equidem quantum ego sentio, rectè admodum, interpretatur τῷ πνεύματι καὶ ἀληθείᾳ προσκυνεῖτε, sublatis ut ritibus ita locorum discrimine. Et certè si Christianus cultus tam purus sit ut à Judaizantium Ceremoniarum luxuria abhorreat, & ab affigendo Dei residentiam loco alicui consecrato, ut Templo olim Judæorum, ab Imaginibus proculdubio & Idololatria infinitò magis abhorrebit, ut quæ infinitò magis illius puritati repugnant. Et si Deus coli non debet cum Imagine, multò minus quicquid Deus non est sive cum Imagine sive citra Imaginem debet coli.

CAP. III.

1. Quid intelligatur per, Gratiam & veritatem per Christum contigisse. 2. Plura Scripturæ Testimonia ad evincendum, Christum venisse ut homines Judaico Ceremoniarum onere liberaret. Quid significetur per *χρησταις τοῖς στοιχείοις* & *στοιχείοις*. 3. Mortem Christi in Cruce legem Ceremonialem abrogasse. 4. Plures rationes eodem spectantes.

1. **J**AM verò crassitiem & carnalitatem Judaicarum Ceremoniarum inutilémq; earum onerositatem adventu Christi aboleri oportere, (quod alterum est quod restabat probandum) è multis Scripturæ locis admodum liquidò apparet. Siquidem Lex per Mosem tradita est, Gratia & veritas per Jesum Christum contigit: hoc est, Lex, tum *Moralis* tum *Ceremonialis*, tradita est per Mosem. Sed & Lex illa *Moralis* talis tantum erat quæ vitam ministrare non posset, quemadmodum loquitur Apostolus: verum *gratiosa* Assistentia Spiritus Dei in Evangelio promissi ea demum vitam ministrat virisq; ad ambulandum secundum voluntatem Divinam. Et tum dein, quantum ad legem *Ceremonialem*, & ipsa profectò & alia universa quæ *Judæis* contigerant, *Typi* tantummodo erant atq; *umbra*; sed in Christo est *veritas*. Non erant sanè id quod præ se ferebant, ac propterea eo sensu falsa dici possunt; perinde ut is qui Imaginem seu Picturam Hominis vel Equi, Hominem Equumve reverà esse dicit, falsum pronunciat. Ac proinde Servator verè loquitur ubi ait; *Hoc vobis etiam atq; etiam confirmo, non Mosem vobis panem dedisse de cælo; sed meus Pater verum vobis de cælo panem dat: cum tamen dictum sit de Manna, Psalm. 78. Pluit illis Manna ad manducandum, & panem cæli dedit eis.* Verum quum umbra duntaxat esset atq; Typus veri cœlestis panis, qui est Christus, dicitur non esse panis de cælo. Quemadmodum in Epistola ad *Hebræos* Lex dicitur *umbram* habere futurorum bonorum. Et Paulus ad *Colossenses*; *Nè quis igitur vos damnet ob cibum vel potum, aut respectu diei festi aut novilunii aut Sabbathorum, quæ sunt umbra rerum futurarum, at Corpus est Christi.* Tam manifestum est, quid intelligendum sit per, Gratiam ac veritatem contigisse per Jesum Christum. Is enim illa veritas est quæ significabatur per *umbras* legis, & per eum ea est gratia quæ non suppeditabatur per legem, *vivificans* utiq; *Dei Spiritus*, quod peculiare promissum est Evangelii. Quamobrem cum ipsa veritas, corpus *Solis Justitiæ*, cum sanitate in alis ejus ortum sit, tempus est ut crassi *Typi* obscuræq; *umbræ* aufugiant.

2. Atq; hinc est quòd S. Paulus tam strenuè hortatur *Galatas* nè teneantur diutius in servitute intra harum umbrarum spissitudines. Verum quid dicit Scriptura? *Ejice ancillam ejusq; filium. Non enim heres erit ancilla filius cum libera filio. Ergo fratres non ancillæ nati sumus sed liberae. Quamobrem in libertate in quam Christus nos asseruit, stete; & nolite rursus jugo servitutis teneri*, hoc est, nec Circumcisionis nec alius cujusvis inutilis ac onerosæ Ceremoniæ.

Et rursus super eodem argumento admodum ovanter sanè loquitur in suprâ dicta Epistola ad *Colossenses*, eodem Capite, à versu 8. ad versum suprâ citatum. In quo Paragrapho *χρησταις τοῖς στοιχείοις*, placitorum Chirographum, videtur maximè naturaliter intelligendum de placitis Ceremonialibus, quòd hæc utiq; Cruci illius affixa erant & per mortem ejus abolita. Quantum verò ad legem quæ purè *Moralis* est & æterna, cujusq; observatio humanæ naturæ perfectio est, hanc quidem ad abolendam non venit sed ad asserendam perficiendamq; magis perspicuis glossemat. Quæ quidem Interpretatio & cum præsentis argumento (quæ sunt *Placita Ceremonialia*, de quibus agit Apostolus, *Traditiones humane & Rudimenta Mundi*) & cum significatione insuper vocabuli *στοιχείοις* vers. 20. aptissimè convenit. Itaq; si unà cum Christo, quod ad mundi rudimenta attinet, mortui estis, *τί οὖν ζήτετε ἐν τοῖς στοιχείοις*, cur tanquam in mundo viventes placitis utimini? decretis scilicet & Ceremonialibus præceptionibus hominum? Quemadmodum immediatè sequitur; *Nè tetigeris, neve gustaveris, neve attrectaveris*, quæ præcepta vocat, ac doctrinas hominum. Quæq; haud absimiles sunt earum quarum mentionem facit primâ Epistolâ ad *Timotheum*, *Prohibentium contrahere matrimonium, jubentium abstinere à cibis, &c.* quas uno quidem Textus sensu videtur appellare *fallaces doctrinas demoniorum* tanquam ab iis suggestas, de quibus Christus hic dicitur triumphasse sub nomine Imperiorum ac potestatem, virtute suæ crucis, atq; sic ipsis insultans supponitur etiam ipsorum

ipforum placita conculcare, illas dæmonum doctrinas quibus illi per invidiam ac contemptum humanum genus miserè illaqueaverant. Et certè oppidò quàm pauxillò tolerabiliores hisce vel ipsæ *Judaicæ* Ceremoniæ habitæ erunt, si postquam Deo abrogatæ essent per Christum de integro urgerentur à novis obstruoribus.

Etenim ille zelus qui hominibus inspiratur ad superstitionis placita praxeq; promovendas contra præceptum Christi honorémq; Evāgelii, cum ratione certè censeri potest à Satana provenire solertissimo illo Ecclesiæ Christi Adversario.

Cap. 2. v. 14.

3. Huic ad *Colossenses* haud ab simile est illud ad *Ephesos*. *Is est enim pax nostra qui ex ambobus unum fecit, & intergerini parietis septum abruptit & in carne suâ* (in cruce scilicet mactata ut antea) *Legem præceptorum in placitis ritib; sue positam abolevit*, quod respondet *ἡ χριστογενὴς τοῖς διζυασι*, *Chirographo placitorum* in loco supra citato. Et ex ambobus hisce locis evidens est, sacrificium Christi in cruce universas legis *Mosaicæ* abolevisse Ceremonias, prout *Daniel* Propheta prædixerat, *Æternamq; Justitiam* earum vices expleturam, Religionem utiq; quæ nos doctrina esset Deum colere in spiritu ac veritate, quam & proinde æternam fore, utpote cui nulla perfectior unquam sit successura.

Cap. 9.

Act. 15. 10.

4. Et juxta hunc Evāgelii tenorem *S. Petrus* perinde ac *S. Paulus* admodum fervidè instat in illa quæstione concilio *Hierosolymitano* habita, utrū Gentiles conversi circumcidendi essent, ubi orationem suam concludit ad hunc modum. *Nunc ergo quid Deum tentatis discipulorum cervicibus jugum imponendo quod neq; majores nostri neq; nos ferre potuimus?* nempe, ob ingentem illum numerum præceptorum *Ritualium*, quemadmodum *Grotius* notavit. Sanctusq; *Paulus* tanto zelo urget ejjectionem ancillæ cum filio suo, ut præcisè *Galatis* interminetur, *Ecce ego Paulus dico vobis, si circumcidamini Christum nihil vobis profuturum*. Aded. datâ operâ Apostoli Christi onerosum illud *Rituum* ac *Placitorum* legis *Mosaicæ* gravamen ab Ecclesiâ amoliebantur.

Galat. 5. 2.

Atq; sic abundè profectò certi sumus de *Privativo Fine* Evāgelii, nempe, fuisse, ut extirparetur *Idololatria* à *Gentibus*, *Læxq; Moysi in omnibus suis Ritualibus & Ceremonialibus Placitis* aboleretur, tanquam onerosum ac inutile *Christianitati* Delq; *Ecclesiis Gravamentum*.

CAP. IV.

1. *Finis* positivus Evāgelii *summatim* propositus. 2. *Multifariæ Rationes Honoris Christo debiti, & particulatim de Titulo Paternitatis*. 3. Et Deum Patrem & Christum Autores esse nostræ Regenerationis, nec quicquam impedire, quòd prima *Hypostasis* Pater appelletur, quòd minùs secunda illo Titulo, respectu suæ Ecclesiæ, gaudeat. 4. Reliquos Christi titulos ex se satùs esse perspicuos. 5. Divinam vitam cum radice sua ac ramulis secundam esse partem Positivi scopi Evāgelii. 6. Tale *Mysterium* quod sub pretextibus religiosi principales fines Evāgelii universos, sive Privativos sive Positivos, reverà frustretur, quòd notorium illud sit Iniquitatis *Mysterium*, manifestum esse evidentiâ planè *Mathematicâ*. 7. Partium hujus *Mysterii* copiosius prosequendi methodus. 8. In Falsitatem, Fraudem, & Noxam cujusq; membri *Antichristianismi* inquirendum esse. 9. Serium Autoris votum, ut veritas *Descriptionis* recognoscatur absq; præjudicio, citràq; tergiversationem ab iis qui ea de re convicti sint, agnoscatur.

1. **P**ositivus scopus Evāgelii, prout dixi, aliàsque probavi, *Divinæ vitæ exaltatio*; quæ fit vel omnem debitum honorem præstando ac obedientiam Christo, in quo hæc vita tam eminenter residebat, vel incrementum ejus promovendo tum *extensivè* tum *intensivè* in membris ejus, ut ad debitam altitudinem assurgat ubi est, & initium capiat apud eos ubi nondum est; ut sic universi generis humani, si fieri possit, *Massa* fermentetur, non quidem fermento *Hypocriteos* sed sincerâ doctrinâ vivificòq; spiritu Evāgelii Christi.

2. Ille Honor *submissumq; obsequium* quod personæ Christi debemus, considerandum est, præcipuè, juxta has quinq; rationes: Quatenus *Rex noster est*, quatenus *Propheta*, quatenus *Sacerdos*, quatenus *Deus in æternum benedictus*, & quatenus deniq; modo speciali *Παῖς τοῦ μέλλοντος αἰῶνος*, quemadmodum *Esaias* eum describit,

Cap. 9.

Pater

Pater Ecclesiae suae; sicut scriptum est de Logo sive Aeterno Verbo, Quotquid nuptum eum acceperint, eis potestatem datum iri ut Dei filii fiant fidem habentibus ejus na-
mini; qui non ex sanguine, nec ex voluntate carnis, nec ex voluntate viri, sed ex Deo geniti sint. Juxta quæ Servator apud Nicodemum Philosophatur, Quod ex carne natum est caro est, & quod ex spiritu natum est spiritus est. Est igitur Christi spiritus per quem in novam Creaturam regeneramur. Siquis spiritum Christi non habet, is non est Christi.

3. Veruntamen Spiritus Christi, est etiam Spiritus Dei patris; ac proinde nova nostra Creatio sive Regeneratio ipsi etiam attribuitur. Nam ipsi sumus opus con-
diti in Christo Jesu ad opera bona, quæ preparavit Deus ut in eis versaremur. Et S. Petrus in prima Epistola, Benedictus Deus pater Domini nostri Jesu Christi qui reg-
gnavit nos, &c. Cæterum postea in eodem Capite iterum æternum verbum tanquam hujus Actionis Paternitatis participem introducit; Renati non ex semine mortali
sed ex immortali, dicitur, &c. per sermonem viventem Dei & in æternum permanentem; quanquam potest etiam reddi per sermonem Dei vi-
ventis & in æternum permanentis; Atq; sic potest referri vel ad Deum Patrem vel ad æternum Logon. Quemadmodum & illud Johannis, opinor, potest, Quisquis
est ex Deo, peccatum non committit, quoniam semen ipsius (hoc est, spiritus patri-
tatis qui à Patre est & Filio) in eo manet, nec potest peccare, eo quod ex Deo na-
tus est.

Quamobrem ut Christus caput vocatur omnium imperiarum ac potestatum, & Deus Pater jure sic etiam nuncupetur; Christusq; idem Caput Ecclesiam suam
quanquam nemo est qui inficietur quin Deus id etiam sit, siquidem is qui Ecclesiam
Ecclesiae est eo ipso illius est caput: ita sanè Christus pari jure Pater Ecclesiae suae
nuncupari potest, quamvis ea primæ Hypostaseos sacrosanctæ Trinitatis ordinario
appellatio. Ac proinde cum aded realis sit Relatio Paternitatis Christum inter &
Ecclesiam in tam notabili fundamento Regenerationis per spiritum in novam Crea-
turam posita, & laudabile putabam & utile fore eam notare, quantumq; hunc reli-
quis titulum superaddere. Siquidem maximè nefaria sunt peccata quæ contra Chri-
stum etiam hac ratione committi possunt.

4. Quod Christus Rex noster sit, Sacerdos, Propheta ac Deus, veritates sunt aded
universim agnitæ, ac supra modum perspicuæ, ut nihil sit necesse, ullas aut rationes ipsa-
rum aut concinnitatis appellationum probationes producere.

5. Alter generalis positivus scopi Evangelii ramulus, est Dissematio & propaga-
tio, excitatio & nutritio Divina vite in membris Christi ad summam capacitatis
ipsorum mensuram. In qua Divina vita comprehenditur Fides in Deum, firmitasq;
premiis Justitiæ expectatio in vita futura; ut & tres illæ excellentes Gratiæ Evan-
gelicæ, Humilitas, Charitas & Puritas. Quod hæc omnes numeros, magni scopi
Evangelii expleant, quemvis ex eis quæ scripsi in Explanatione Mysterii Ricæti,
abunde persuasum iri confido.

6. Jam verò ex his, evidentiâ ac certitudine planè Mathematicâ sequitur, Quod
tale Mysterium, quod efficax sit & realis contramolitio subdolaq; frustratio privativi
perinde ac positivus scopi Evangelii Christi in supra dictis capitulis, hoc est, Illud
Mysterium quod cum purgare debeat mundum ab Idolis, ipsam Ecclesiam multifariis
Idololatriis polluit, cum liberare Ecclesiam Judaicarum Ceremoniarum onere, eam
superfluum Rituum, aut Judaicorum aut Paganicorum Christianorumve falso di-
ctorum multitudine implet: Illud Mysterium quod Christum Regem facit sine potestate
& legibus, Prophetam sine prædictione vel instructione, quod Rivalet ipsi in celo
terrâq; subornat qui summum ipsi Sacerdotium ac Divinitatem auferant, quod eludit
vel prævertit inchoationem augmentumve Novi partus malignis artificijs & consue-
tudinibus: Illud Mysterium quod naturaliter tendit ad superinducendum terrarum
orbi Atheismum & Infidelitatem imperiosè obtrudendo Hominum Fidei professionem
istiusmodi rerum quæ non solum creditu inutiles sint, sed & factu impossibiles: Il-
lud deniq; Mysterium quod Mater est superbiæ, absconitatis Nutrix, immanissima Ju-
stitiæ Schola, & truculentissima officina Crudelitatis: Hoc Mysterium, inquam,
quod tam horridum & Diabolicum est tamq; ex diametro tum Persona tum Spiritui
Christi Gratiisq; Christianis universis oppositum, (pone modo adinveniri colorem pro
crassis his maleficiis ac sceleribus, tanquam si ad honorem Christi bonumq; ejus Eccle-
siae tenderent) necessario est famosum illud Iniquitatis Mysterium ipsumq; Antichri-
stianismi corpus cum distinctis suis membris ac articulationibus.

7. Cujus imaginem postquam conspectui vestro in contracta hac delineatiuncula
exhibui, ipsi plenius laxiusq; vobis ante oculos proponendæ nunc operam dabo;
O O O
prose-

prosequendo utiq; partes quas enumeravi, modo magis distincto, taliq; methodo quæ ratione aliquâ universam naturam *Myſterii Iniquitatis*, quatenus generali ratione *Myſterio Pietatis* opponitur, subinde attingat; hoc est, ut universaliora illa membra *Myſterii Pietatis* erant, *venerabilis Obscuritas*, *communicabilis Intelligibilitas*, *Veritas demonstrabilis*, & *exoptabilis Utilitas*; ita notabo dum singula percurro in supra dictis capitulis *Myſterii Iniquitatis* tres has generales depravationes sive vitiositates; nempe per oppositionem ad *Veritatem* in *Myſterio Pietatis*, crassam ac palpabilem *Falsitatem*; pro *Utilitate*, intolerandam *Noxietatem*; pro *venerabili Obscuritate* cum *Intelligibilitate* conjuncta, insalubres horridasq; *Nebulas plusquam Ægyptiaca caliginis*, ubi nihil habitat præter fallacem *Sophisticam*, suisq; solius-studiosam *Fraudem*.

8. In summa igitur, *Falsitas*, *Frans* & *Noxa* capitula erunt Inquisitionis in membra singula hujus *Myſterii Antichristianismi*: Cujus Ideam postquam plenè exposuerimus, talémq; esse demonstraverimus, pergemus tum porro ad inquirendum ubi reverà actíve inveniatur; & ad vindicandum virtute dictæ *Ideæ*, nostram Ecclesiam quæ insons est, ab iniquis suspicionibus & infamationibus malignorum aut inconsideratorum hominum, qui res aut perversè repræsentant, aut perperam intelligunt, atq; sic injustas eis de rebus sententias ferunt quæ saltem in se licitæ sunt si non laudabiles.

9. Ille omnium cordium scrutator & illuminator oculorum, ab omni partium studio ac Hypocrisi ita corda nostra emundet, itaq; illustret mentes nostras, ut quod scriptum est cum veritate ac sinceritate perlegatur absq; præjudicio, cum facilitate intelligatur, atq; ab iis qui intimâ conscientia convicti fuerint, sine ullis evasionibus aut tergiversationibus pro vero agnoscat, ad Divini nominis Gloriam, Ecclesiæ pacem, ac promotionem Regni Jesu Christi: Amen.

C A P. V.

1. *Exempla multarum speciosarum partium Idololatriæ quæ in religionem Christianam introduci possint.* 2. *Nimia restrictio & laxatio Notionis Idololatriæ taxatæ.* 3. *Veram illius notionem exhibendi utilitas.* 4, 5. *Idololatriam non restringendam esse ad Idolorum cultum propriè dictorum.* 6. *Rem quamlibet quæ Deus non est, religiosè cultam, eo ipso fieri Idolum: quòdque Septuaginta אֱלֹהִים reddunt אֱלֹהִים & ἑρμηνεία æquè ac εἰδωλ, δαῖmony & μυστήριον.* 7. *Quòdque similiter אֱלֹהִים aliquando reddunt אֱלֹהִים, quemadmodum & Baalim, & אֱלֹהִים; quod generaliorum illum sensum vocis Idolum porro confirmat.* 8. *Idolum & אֱלֹהִים i. e. Non-Deum unum idémq; esse ex estimatione Divinâ.*

1. **E**Xordiamur à delineatione primi membri horridi hujus *Myſterii* primo scopi Evangelii Christi ramulo oppositi, quæ mundi liberatio erat ab impuro cultu *Idololatriæ*. Dico igitur si loco multifariorum illorum cultuum *Idololatricorum* in Paganismo, introducerentur (sub prætextu majoris honoris erga Deum Christumq; commodiorisq; instructionis populi) religiosus Crucis cultus ut & Imaginis Dei Patris, Filii, & Spiritus sancti, devota beatæ virginis Invocatio aliorumve quorumlibet Sanctorum vel Angelorum, Picturarum imaginumve ipsorum cultus, Diviniquæ honoris (prout olim factum est erga Imperatores Romanos) mero homini delatio, ob eam utiq; rationem quòd generalis Christi sit Vicarius, Caputq; *Oecumenicum* Ecclesiæ illius in terris, & Adoratio deniq; consecrati Panis in Eucharistia, ex opinione quòd *transubstantiatus* sit in ipsum Corpus Christi; si hæc, inquam, introducerentur in Ecclesiam tanquam veræ Doctrinæ laudabilisq; consuetudines, equidem non possent quin unum, idq; principale, *Antichristianismi* membrum constituent.

Doctrina enim vera non est, nec praxis licita sed crassa & palpabilis *Idololatria* (unum ex maximè horrendis peccatis quæ notantur in Scriptura) quemadmodum facile intelligetis postquam diligentia curaq; quâ possumus maximâ veram notionem determinatamq; illius naturam investigaverimus.

2. Voce hæc, *Idololatria*, quanquam nihil frequentius in sermone scriptisq; hominum occurrit, est tamen nihil perinde incertæ ac fugitivæ significationis. Quidam enim ad excusandos palliandosve Ritus praxésq; suas in Christiana Religione prorsus

prorsus illicitas, sensum vocabuli tam angustis limitibus clausurunt, ut secundum subtiles ipsorum distinctiones & restrictiones vel scdissimus Paganismus *Idololatriæ* vix inventus erit reus. Alii, sive id factum sit ex formidine & abhorrentia à tam detestabili crimine, sive ex nimis factiosa displicentia ac detestatione adversæ partis, ita extenderunt significationem vocabuli ultra naturalem ipsius domesticumq; sensum, ut non solum innocuæ sed & laudabiles *Divini cultus* circumstantiæ, Ecclesiæ autoritate institutæ, nequeant sanè quin ab ipsis invisi hujus ac probrosi nominis stigmate notentur. Quorum quidem zelus ac passionibus opportuna Imperitia in amovendo grandem hunc errorem ex Ecclesia, consimilem profectò sortiti sunt successum, siquidem, non tam curarunt morbum quàm mutaverunt, unumq; magnum malum pluribus aliis inferioris ordinis cambiverunt: cujusmodi sunt *Scandalum*, *temeraria injustaq; Censura*, ac *Superstitio*. Quæ admodum pravæ sunt minimèq; optabiles Intemperies in Ecclesia Christi, & non necessariorum schismatum Autores necessariæ ac Fautrices. Et si dixissem tantum, *Idololatriam* eos *superstitione* commutasse, satis id fuisset, quippe quòd reliqua omnia in se includit. Superstitio enim cum propriè *formido sit nè Deum offendamus in eis rebus quæ eum nec propitiant nec offendunt, ex opinione orta bonitatis vel malignitatis earum rerum quæ in se sunt indifferentes*; illi qui vel per ignorantiam vel ex deteriori aliquo principio superstitionem ab hujusmodi innoxiiis licitisq; actionibus averfationem mentibus hominum ingenerant, necessariò eos *scandalo* reddunt obnoxios & ad temerarias propellunt *injustasq; censuras*.

3. Quamobrem ad excusandos perinde innocentes, atq; ad fontes detegendos, accuratè definiendis insignis hujus peccati *Idololatriæ* limitibus operam dabo, ut inde dignoscere possimus quando committatur & quando non, quando ritè appellari possit inviso illo nomine, & quando contra justitiam & charitatem admissum esset hunc vel illum religiosi cultus actum tam scdò titulo insignire.

4. Quòd nomen criménve *Idololatriæ* non restringendum sit ad *Idoli* cultum, manifestum est ex vulgari sermonis consensu, quando de *Idololatricis Nationibus* disserimus, quæ *Solem* colunt *Lunamq;* ac *Stellas*, minimè advertentes an cum Imaginibus eos colant necne. Etenim hi *ἱερωὶς καὶ αἰσθητοὶ θεοὶ*, hi *conspicui ac sensibiles Dii*, quemadmodum à *Græcis* appellantur, faciliè intelligi possunt rudem populum ad adorationem sui antè pellexisse quàm aut artem aut otium haberent ædificandi templa statuæve ipsis erigendi. Unde & illa cautio à Deo populo suo in *Deuteronomio* præcipitur. *Cavendum autem vobis est diligenter, si vestram salutem amatis, nè, quum nullius rei speciem videritis quo die vos Jehova Deus vester in Horebo alloquutus est de medio igne, in tantam perversitatem veniatis ut ullius omnino figurate rei simulachrum faciatis, &c.* Neve, cum sublati in Cælum oculis videbitis *solem, lunam, stellas, omnes deniq; Cæli copias*, impellamini ad ea adoranda atq; colenda. Tam fortiter hæc humanos animos ad religiosum cultum sibi præstandum pellexerunt. Hæc prima fuerunt objecta quæ *θεῶν* nomina obtinuerunt, ut quæ in perpetuo erant motu, quemadmodum *Philo* notavit. Quæ appellatio postea in reliqua omnia hujusmodi Numina derivabatur, ipsèq; *Maimonides* prima *Idololatriæ* fundamenta posuit in his.

5. Cæterum Nationes etiam *civilitate* satis excultæ, ut *Perse* nimirum, dexteros se præstabant *Idololatræ* absq; simulachris sculptilibus seu *Idolis*. Sacrificabant enim in summitatibus Montium Cælo visibili, sub nomine *Jovis*, ut & *Soli*, *Lunæ* ac *Terræ*, *Igni* item, *Aquæ*, & *Ventis*; quæ omnia Objecta sunt sensibilia sed ab ipsis culta absq; omni sensibili figura seu representatione. Nec tamen puto quenquam sive *Literatum* seu *Idiotam* dubitaturum, quin hæc gens meritò appellanda sit *Idololatræ*: ut & antiqui *Romani*, qui multitudinem Deorum suorum absq; omni *Idolo* vel *Imagine*, per ducentos ferè annos continuos colebant, prout *Varro* & *Plutarchus* affirmant.

6. Quamobrem *Idololatria* non illic solummodò est ubi *Idolum* colitur, verum ubi quicquam adoratur quod non est *Deus*, sive visibile sit sive invisibile. Quo sensu *Gregorius Nazianzenus* *Idololatriam* definit, *Μολδθσαι τῆς περὶ χιῶντος καὶ τοῦ πνευματοῦ τοῦ κατὰ ἰκονομασίαν*. Et *Tertullianus* pronunciat, *Quicquid exaltatur ultra humani honoris modum, id est, cultu plus quàm civili colitur, eo epso Idolum fieri*. Quando non sunt verè *אלהים*, colendo, *אלילים* evadunt, hoc est, *אלילים* Non-Dii (quemadmodum quidam rationem nominis explicant) sed *εἰδωλα*, prout sæpe vox redditur per *Septuaginta*, & interdum *χρηστοῖς*. Et quod occurrit in primo *Paralipomenon*, *πάντες οἱ θεοὶ τοῦ κόσμου εἰδωλα*, planè demonstrat *εἰδωλα*, etiam ad eas res, quæ non sunt Imagines sculptiles, referri. Gentes enim *Solem* colebant atq; *Lunam*, Ani-

Origen. contra
Cels. Lib. 5.

Cap. 4. v. 15.
& 19.

Herodot. lib. 1.
cap. 131.

In orat. pane-
gr. in natal.
Christi.
De Idololat.
cap. 15.

Cap. 16. 26.

maſq; hominum defunctorum, quæ Imagines non ſunt arte factæ, ſed res naturales. Ac proinde aliquando reddunt עֲלֻמִּים *Idol, Idoloria*, vel *magiſtratus*. Quorum poſteriores manifeſtò ad ipſos inviſibiles Dæmonas referuntur, qui cùm non ſint niſi עֲלֻמִּים, juxta ſententiam Scripturæ, cultus etiam eorum non poteſt non eſſe *Idololatria*, & citra omnem hæſitationem ità eſſe agnoſcetur à quolibet, cujus in animo aut rerum ſenſus aut verborum vis ulla fida reliquerit veſtigia.

Ср. 28. 2.

7. Hoc etiam facere potuit ut *Septuaginta* paulò omissores essent in vertendo אֱלֹהִים constanter εἰδωλὰ quando de diis gentium usurpatur, sed interdum εἰδωλα, cùm & illa ipsa *Numina* quibus *Idola* consecrabantur hoc sensu non essent nisi *Idola*. Cùmq; per *Baalim* intelligerent falsa illa *Numina* ab *Imaginibus* suis distincta (quemadmodum liquet è secundo *Paralipomenon* ubi reddunt מַסֹּכֹת עֵשָׂה לְבַעְדִּים γλυττά εἰδωλῶν τοῖς βασιλεῦσι, Ahaz *statuas fecit vel Imagines ipsis Baalim*) tamen ob eandem rationem sæpenumero reddebant εἰδωλα. Siquidem ipsi *Baalim*, sive *Sol* sint sive defunctorum hominum *Animæ*, non nisi *Idola* sunt, hoc quidem sensu juxta quem nos loquimur.

Grot. in Decalog.

Quam deniq; ob causam eos cenſeo ἰδωλῶν amplius duodecies ἰδωλῶν vertiſſe, & ἰδωλῶν tantum ſemel, cum tamen eruditus Eccleſiæ noſtræ Doct̃or in ea ſit opinione quod vocabulum juxta ſenſum ſuum Originalem, (quippe quod cauſam ſignificet anxietatis, doloris, terrificæve alicujus paſſionis) δαίμονας, ipſos præcipue denotat, quorum immanes humani Generis tractationes horribilẽsq; apparitiones, perterrefactis hominibus illam Puſillanimitatis ſpeciem introduxerunt quam Græci propriè appellant δυνάμεις, ſuperſtitioſum timorem & inquietantem formidinem Dæmonum. Quæ, tantum abeſt, ut cenſeatur ab ipſis Imaginibus proficiſci, ut Grotius querelam eſſe notaverit Varronis adverſus eos qui puriorem Cultus modum à Numa inſtitutum Imagines introducendo corruperant; eos utiq; civitatibus ſuis & metum dempſiſſe & errorem addidiſſe. Sed enim, cum res quælibet quæ non eſt Deus, religioſè colendo Idolum evadat, Septuaginta meritò excuſari poſſunt, quod aded proclives fuerint ad eas voces interpretandas per vocem ἰδωλῶν, quas magis propriè expreſſeq; in his vel illis circumſtantiis interpretari potuiſſent δαίμονας. Ut & hæc in ipſis proclivitas ad ſic faciendum, argumentum rurfus eſt, quemadmodum jam dixi, concinnitatis & ſoliditatis tum Notionis tum loquendi modi apud eos qui cujuſvis rei cultum, quæ Deus non eſt, Idololatriam appellant.

8. Cui & ipse Deus testimonium perhibet quòd ejusmodi sit, declarando se eodem modo affici quando id quod non est Deus colitur, atq; quando quis veneratur Imaginem; quod dum interdicit, hanc addit rationem, *Ego enim Jehovah Deus tuus, Deus zelotypus sum*, Exod. 20. Textus *Hebraicus* habet *אני יהוה אל קנא*. Et *Deuteronomio*, cap. 32. dicit, *אני קנא*, ipsi zelare fecerunt me, *אני אלהים* in Non-Deo. Quo quidem moneri videmur in quo maximè immediatè *Idololatriæ* natura consistat, nec Imaginis cultum *Idololatriam* esse quatenus Imago est, sed quatenus ea Imago non est Deus: cùm nulla Imago Deus sit præter veram vivamq; Imaginem Patris, Jesum Christum. Illa igitur vera est ac generalis Notio *Idololatriæ*; *Id utiq; colere quod non est Deus*, quo Deum deferimus ac religiosè nos evanidæ cuilibet Representationi longève projectæ illius umbræ prostituimus; ejusmodi sanè rebus quæ non sunt nisi *עשׂוֹן אֲדוּמָה umbrarum umbræ* per infinitas degenerationum & deficientiarum (si ità fas sit loqui) ab ipso myriadas extenuatæ: atq; sic zelum ejus provocamus multiplicatis hisce *Baalim*, cùm ille solus Dominus noster sit ac maritus. Verùm hæc veritas adeò perspicua est omnibûsq; nota, ut vix operæ pretium fuerit tantum temporis impendisse quò ullum ei è verbalibus allusionibus nitorem conciliarem.

CAP. VI.

1. Israëlitas Jehovam coluisse in Vitulo aureo ex Exodo demonstratum. 2. Elohim quantumvis cum verbo pluralis numeri conjunctum, de vero Deo intelligi, cum ulteriori Testimonio è Psalmo 106. quod Deus colebatur in illo vitulo; quidq; כבוד ibi significet. 3. Vitulum aureum Apis Ægyptii Figuram non fuisse sed Cherubum. 4. Aaronis causa in conflatione Vituli aurei aperitur; Ratioq; ridiculi erroris Taciti detegitur. 5. Vitulos aureos in Dan & Bethel duos fuisse Cherubim, ad cultum Dei Israëlitis erectos, probatum è rationibus politicis Jeroboami; 6. Nec non zelo Jehu & Eliæ & instructione Coloniarum Assyriorum per Israëliticum sacerdotem. 7. Ephodum Michæ & Teraphim etiam vero Deo fuisse destinatos. 8. Et cum nihilominus & Israëlitas in eremo, ob usum horum suorum Teraphim ac Cherubi in culto divino, Idololatrias extitisse. 9. Jeroboamum itidem Idololatriam fuisse ob erectos Vitulos in Dan & Bethel, probatum è Scriptura. 10. Plura Testimonia eodem spectantia, & de Idololatria in Serpente æneo patrata.

1. **I**sta profectò disquisitio videtur hîc opportunior, Utrum scilicet, quemadmodum Idololatria est sine cultu Imaginum, ità cultus Imaginum esse possit sine Idololatria, cum Imagines colantur cum relatione ad verum Deum.

Quod verum Deum colere per Imaginem Idololatria sit, equidem manifestum esse existimo ex illo Israëlitarum cultu, qui eum per aureum Vitulum colebant quem Aaron conflaverat. Nam primò, quod Deum colebant per hunc vitulum evidens est, ex eo quod scriptum est Exod. 32. 4. ubi proclamatur, *Hi sunt Dii tui ô Israel quæ te eduxerunt de terra Ægypti*; Et vers. 8. Deus ibi enarrans Moysi quid factum sit, *Fecerunt sibi, inquit, vitulum conflatilem & adoraverunt, atq; immolantes ei hostias, dixerunt, Isti sunt Dii tui ô Israel qui te eduxerunt de Terra Ægypti*. At enim manifestum est hunc vitulum non eduxisse eos de terra Ægypti, sed eos ipsum eduxisse, materiam utiq; ex qua conflatus est. Atq; proinde eos illum duntaxat considerasse tanquam visibilem Imaginem & Repræsentationem illius præsentia qui re ipsâ illos illinc eduxerat, *Jehovæ* nimirum *Dei veri*.

2. Neq; quicquam scrupuli superest, ex eo, quod pronuntiatur numero *plurali*, tanquam si unus ille verus Deus non possit hîc intelligi. Nam *Elohim* non solum æquè aptè dicitur de uno aliquo Deo, atq; de una aliqua Imagine, sed re ipsâ, atq; id frequenter, de hoc uno dicitur Deo *Jehova*. Et *Nehemias* hunc locum recitans planè ostendit sensum intelligendum esse de uno, quandoquidem is non legit, *Isti Dii tui sunt*, sed *Iste est Deus tuus qui eduxit te de Ægypto*. Neq; quod verbum sit in numero plurali, veritatem hanc modo quoquam enervat. Quandoquidem *Elohim* cum verbo pluralis numeri conjunctum, intelligitur nihilominus de hoc uno vero Deo, quemadmodum ex multis locis Scripturæ apparet. Et ut hæc res omnimodè confirmetur, Aaron postquam Vitulum conflaverat, *Altare edificabat coram eo & Praconis voce clamabat, Cras solemnitas Domini*, hoc est, *Jehovæ* noti Israëlitarum Dei. Et *Psalmista* hanc ipsorum violationem legis exagitans, *Fecerunt, inquit, vitulum in Horeb, & adoraverunt sculptile, & mutaverunt gloriam suam in similitudinem vituli comedentis fenum*. Quæ gloria sive referatur ad Deum ipsum, sive ad conspicua symbola ipsius Residentia quæ posteriora secula magis expressim appellabant כבוד *Gloriam*, (atq; equidem puto longiùs repeti posse quàm ab istis temporibus, siquidem *Arca fœderis* ità nuncupatur primo *Samuelis*, & fortassean Psalmo 85. & secundum *Munsterum* Psalm. 63. & 2. *Jeremiæ*, si antiqua lectio erat כבוד quemadmodum vult *Grotius*, & postremò, in hoc ipso Psalmo si veteres *Hebræi* legebant non כבוד, sed כבודו, non *Gloriam suam* seu *eorum*, sed *Gloriam ejus*, ut *Grotius* suggerit) sive, inquam, referatur ad Deum ipsum sive ad *symbolicam* ejus *Præsentiam* in *Arca fœderis*, manifestum est, quando adorabant Imaginem hanc sculptilem, cultum factum fuisse Deo.

3. Quod quidem, ut certissimum est ex his Scripturæ locis, ità minùs mirum videbitur, si consideremus verisimillimum esse, vitulum aureum quem Aaron conflabat, non aliud fuisse quàm Figuram *Cherubi*, talem scilicet qualem ipse *Moses* postea faciebat & in Arca collocabat. Nam *Cherub* significat propriè *μῶρον vitulum* vel *Bovem* à *כרר* *arare*, qui & unum è quatuor Animalibus est quæ inveniuntur in

Curriculo

Cap. 9. v. 18.

Vide Gen. 20.

v. 13.

Cap. 35. v. 7.

Psalm. 106.

19, 20.

1 Sam. 4. 22.

Psalm. 85. 9.

& 63. 2.

Germ. 2. 11.

Ezech. 1. 10.
Ezech. 10. 14.

V. 7.

Curriculo Dei, in visionibus tum *Ezechielis* tum *S. Johannis*. Estq; id notatū dignum apud *Ezechielem*, quod postquam quatuor illas distinctas Formas *Hominis*, *Leonis*, *Bovis* & *Aquilæ* in primo capite recensuisset, easdem deinde repetens in decimo, *Cherubi* nomen posuit loco *Bovis*. Quatuor autem facies habebat unum: Facies una facies *Cherub*, & facies secunda facies *Hominis*, & in tertio facies *Leonis*, & in quarto facies *Aquilæ*. Primam igitur respondere oportet faciei *Bovis* in primo Capite commemoratæ. Cæterum in illo capite de omnibus observat universim quod pedes eorum erant quasi pedes *vituli*; Quæ certè haud obscura est Insinuatio factum *Aaronis* non tam alienum fuisse, quàm primo aspectu videatur, quippe qui ejusmodi *Symbolum Divine Præsentiae* erigebat, quod postea in *Arca* esset reponendum; Figuram utiq; *Cherubi* seu *vituli* aurei. Cæterum imaginari tam sanctum hominem quàm erat *Aaron*, cultum ipsis *Apis Egyptii* proposuisse, atq; sic ipsis *Idoli Idolum* conflavisse ad celebrandam solennitatem *Jehovæ*, res est tam impia, tam enormis & inconcinna, ut omnem prorsus excedat fidem.

Exod. 24. 10.

4. In summa igitur sic se res habet. Cùm Deus per *Mosē* populo *Visibilem* suam *Præsentiam* ad deducendos eos in Terram *Canaan* promississet, quam *symbolicam Præsentiam* in *Arca* oportebat fore & speciatim *Cherubinis*, super quos eum sedentem vidit *Aaron*, quando admittebatur ad Dei conspectum in Monte; Consciū igitur hujus Propositi factus repræsentandi ad hunc modum *Divinam præsentiam* per *Cherubinos* sive *vitulos aureos*, cùm *Mosēs* interim tamdiu in Monte commoratus esset ut tum ipse *Aaron* tum *Populus* eum mortuum existimarent, & ab *Aarone* populus flagitaret ut is promissum præstaret sensibilis *Divine præsentiae*, faciendiq; ipsis *Deos* ad deducendum eos in *Canaan*, aut saltem ad eos reducendos rursus in *Egyptum*, nè in sterili Eremo præ inedia perirent; ille certè in his rerum angustiis par esse putabat illud *Divine Præsentiae Symbolum* erigere quod *Mosēs* intenderat, atq; ita *Cherubum* fecit in forma *vituli*: quod quidem is & per peritiam & ex animi sui integritate fecit. Vanitas verò erat improbitasq; populi quæ in *Idolum* eum vertebat ipsum adorando, adeoq; *Egyptios* imitando in ipso cultu Dei *Israëlis*.

Cui malo occurrere nitebatur *Aaron* quàm sapientissimè poterat, hanc eligendo formam potiùs, quàm illam *Aquilæ*, *Leonis*, *Hominis*ve, utpote quæ minimè omnium eos allectura esset ad cultum sui religiosum: Quæ & ratio erat cur *Mosēs* hanc præ cæteris elegerit qui utrosq; *Cherubinos* hac formâ fecisse censetur. Puerilemq; illud *Taciti* aliorumq; errorem de *Judeis* caput *Asini* colentibus valde profectò verisimile est fundatum fuisse in apparenti vilitate harum Figurarum pauxillò sanè tardis illis Animalculis meliorum. Eoq; magis est improbabile, inquam ego, eos unquam destinatos fuisse ad religiosum cultum, ut procudubio non erant, sed ut *symbolicæ* Repræsentationes essent *curriculi Divini*, visibilisq; ejus *Apparentiæ* Prophetis. Quæ visiones nullus dubito quin *figuræ* essent sive *symbola* aliquarum nobilium solidarumq; veritatum quas hîc non est investigandi locus.

Ad hunc sensum *Moncaus* argumentatur in dissertatione super hac Materia; quod Scriptum si quis diligenter perpendat, judicare neutiquam potest quin cultus vitulo aureo præstitus, ad *Apin Egyptiacum* aliudve quodvis Numen extraneum non dirigeretur, sed ad ipsum *Jehovam Deum Israëlis*.

V. 26, 27, 28.

V. 28.

5. Estq; procudubio par ratio de *Vitulis aureis* in *Dan* & *Bethel* quos *Jeroboamus* erexit, qui profectò lucem dabunt recipiētiq; vicissim ab hoc *Aaronis*, junctimq; probabunt utrosq; tales fuisse *Cherubinos* quales in *Arca Fæderis* erant, victimasq; ac solennitates à populo celebratas ad *Jehovam* fuisse directas. Quemadmodum constat è tertio Regum, cap. 12. ubi manifestum est Technam fuisse Politicam in *Jeroboamo* quòd istos *Cherubinos* seu *Vitulos aureos* in *Dan* & *Bethel* erigeret, ut sic decem Tribus retineret à deficiendo ad *Rehoboamum* Regem *Judæ*, nec sacrificatum irent ad domum Domini *Hierosolymis*, nè deficiendi à seipso indè eis daretur occasio. Hinc excogitato consilio fecit duos vitulos aureos, & dixit eis, Nolite ultra ascendere in *Jerusalem*: Ecce Dii tui *Israel* qui te eduxerunt de terra *Egypto*. Quod falsum fuisset ac ridiculum affirmasse de Deo quolibet extraneo; facinusq; sanè ab omni ratione Politica alienissimum, institutóq; suo maximè repugnans, ullum peregrinum Deum ipsis obtruisse quem colerent. Neq; enim sperare poterat ipsorum animos quasi momento temporis à Deo *Israëlis* abalienatum iri, cui tamdiu etiam ab ineunte sua ætate servierant, seq; sic statis solennitatibus protectiones ipsorum *Hierosolyma* inhibitorium: hoc certè sperare non poterat. Huc verò illius consilia omninò collineabant, ut monerentur eidem Deo se posse servire Domi, sibiq; adèd molestarum itinationum compendium facere; atq; in hunc finem se duos aureos erexisse *Cherubinos*, nota *Divine præsentiae* symbola, unum in *Dan*, alterum

rum in *Bethel*, coram quibus convenire possent ac sacrificare, omnesq; suas Anniversarias solennitates æquè commodè, ac si *Hierosolyma* proficiscerentur, Deo *Israëlis* concelebrare.

6. Atq; hinc fit, quòd postquam inter cultum *Baal* & horum auteorum vitulorum quasi quædam competitio extiterit, posteriores hi cultores servi Domini appellarentur. Apertèq; *Jehu* profitetur zelum suum contra Sacerdotes *Baaliticos* in *Jehove* gratiam fuisse, quanquam is interim non cessabat vitulos aureos colere. Atq; ipse itidem *Eltas* Tribus *Israëlis* animat suffulcitq; contra eos ex ipsis qui defecerant ad cultum *Baal*, agnoscens cultores esse veri Dei, tametsi modus ipsum colendi *Israëlitico* per aureos istos vitulos tunc erat. Si Dominus est Deus, sequimini eum; si autem *Baal*, sequimini illum. 4 Reg. 10. 23. 3 Reg. 18. 21.

Et cum *Colonia Assyrie* interficerentur à Leonibus in *Samaria*, id attribuebatur ignorantie cultus Dei loci, quem satis notum erat fuisse *Jehovam*. Erantq; Sacerdos *Israëliticus* qui missus est ad eos qui in *Bethel* habitabant, eosq; proculdubio docebat ritu *Israëlitico* eum colere in istis aureis *Cherubinis* quemadmodum fecerant à temporibus *Jeroboami* ad eum usq; diem. Ità ut minimè dubitandum sit quin *Jehovah* cultus sit in illis vitulis aureis. 4 Reg. 17. 26. 27.

7. Huic confimile exemplum haud difficile est inventu etiam in antiquioribus temporibus, ut illud de Ephodo *Micha* ejusq; *Teraphim*, filioq; consecrato ac matre religiosa quæ argenteorum summam Domino dedicaverat, quæ simulachrum à Fusore concinnandum esset; Quòd etiam percupidè aded *Levitam* hospitio exciperet, filii loco, quem Domino consecraverat, quòdque aded beatum se prædicaret quòd tam feliciter hunc *Levitam* nactus esset, Nunc scio, dicens, quòd benefaciet mihi Deus habenti *Levitici* generis Sacerdotem: Omnia hæc planè demonstrant, quòd hæc *Teraphim* consulebantur tanquam Oraculum Dei *Israëlis*, Oraculum utiq; *Jehova*. Ephodiq; mentio facilè nos inducere possit ad credendum hæc *Teraphim* fuisse, quemadmodum opinatur *Hieronymus*, in forma *Cherubinarum*. Atq; hic proinde cultus erat *Jehove* per nudam Imaginem, estq; secunda perspicua instantia hoc genus illiciti cultus. Judic. 1. 17. V. 13.

8. Etenim hanc Religionem *Micha* illicitam fuisse planè innuitur in Epiphonemate, mentionem *Ediculæ*, Ephodi & *Teraphim* seu Idolorum proximè subsequente, In diebus illis non erat Rex in *Israel*, sed unusquisq; quod sibi rectum videbatur hoc faciebat. Cæterum ut quàm breviter agamus: Aut hæc *Teraphim* seu Imagines similes erant *Cherubinis* quos *Moses* fecerat, aut alia erant Idola profana. Si posterius, Idololatria ità conspicua est ut nihil opus sit ejus probationem ulterius prosequi; si prius, probabimus tamen & sic puram putam esse Idololatriam; & proinde priorem multò magis esse.

Cultum aurei vituli in *Horeb* Idololatriam fuisse, quanquam dirigebatur ad *Jehovam*, manifestum est, tum ex summa illa ira & offensione quam concepit Deus adversus Populum quòd coluissent & sacrificassent simulachro fusili, Dimitte me, inquit Deus, ut irascatur furor meus contra eos & deleam eos; tum ex eo quòd *Moses* aded passione ad conspectum rei abreptus esset ut præ æstu iræ suæ duas Tabulas Testimonii digito Dei inscriptas à se projecerit fregeritq; ad calcem montis. Quibus addere poteris severum supplicium, eadem delinquentium, quam mandabat *Moses*, formulamq; ejus confessionis peccatorum ipsorum coram Deo. Obsecro peccavit populus iste peccatum maximum feceruntq; sibi Deos aureos. Exod. 32. 10. V. 19. V. 31.

Qui fingit sacros auro vel marmore vultus,
Non facit ille Deos; qui colit, ille facit.

Atq; hoc ipsum peccatum erat hujus populi, nempe grande illud peccatum Idololatriæ, qui colendo vitulum aureum quem *Aaron* fecerat, quanquam per eum *Jehovam* colere intendebant, Idolum ex eo fecerunt: Quemadmodum *S. Stephanus* etiam super hac re definivit. Et vitulum, inquit, fecerunt per illos dies, obtuleruntq; sacrificium Idolo, ἀνθυπον δουλας τῷ εἰδώλῳ. Act. 17. 41.

9. Sacràq; Scriptura eandem sententiam fert de aureis vitulis *Jeroboami*, cujus in diebus & porro usq; dum *Abah* seductus esset uxore suâ *Jezebel*, cultus nec *Baal* nec peregrini cujusvis Dei admittebatur in *Israel*. *Jeroboamus* tamen quanquam *Jehovam* in aureis istis vitulis colebat, Sacerdotes dicitur sibi constituisse *Excelsorum* & *Dæmoniorum*. Textus *Hebraicus* habet עֲשׂוּרִים Faunis vel Satyris, hirsutis *Dæmonibus* lucorum vel montium. Ad monticolas *Sylvanos* allusum esse credo, idq; in opprobrium Idololatriæ cultus vero Deo in locis excelsis præstiti: quanquam septuaginta reddunt 3 Reg. 16. 31. 2 Paralip. 11. 15.

reddunt solummodo, *וַיִּשְׁתַּחֲוֶינָהּ* quod tamen ad eundem sensum tendit. Nam & *וַיִּשְׁתַּחֲוֶינָהּ* (*vanitates*) *וַיִּשְׁתַּחֲוֶינָהּ* in multis locis interpretantur. Rursus secundo libro *Paralipomenon*, ibi *Abijah Rex Judee* *Israëlem* alloquens exprobat ipsis fiduciam suam in populi multitudine & in aureis vitulis quos ipsis *Jeroboamus* fecerat in Deos, eis obijciens proculdubio Idololatriam suam, cum *וַיִּשְׁתַּחֲוֶינָהּ* hic respondeat voci *וַיִּשְׁתַּחֲוֶינָהּ* in suprâ citato loco, *Dii Demonibus* seu *Dæmoniis*.

10. Unicum jam ampliùs locum proferam è primo scilicet libro *Regum*, ubi *Ahiah* Propheta à Deo instructus aculeatum hunc nuncium mittit *Jeroboamo*: *Operatus es mala super omnes qui fuerunt ante te, & fecisti tibi Deos alienos & constabiles, ut me ad iracundiam provocares, me autem rejecisti post tergum tuum*: Quæ eadem planè sententia est quam *Psalmista* profert, de vituli aurei cultu in *Horeb*, *Obliti sunt Deum qui salvavit eos, qui fecit magnalia in Egypto*. Et tamen *Jeroboami* & *Israëliitarum* sola culpa erat quod Deum colerent in istis vitulis, etiam Deum cum qui eduxerat ipsos ex *Egypto*, quemadmodum apparet ex ipso titulo *Molitionum* suarum, in utroq; loco. *Isti Dii tui sunt qui eduxerunt te de Terra Egypti*. Cæterum naturalis sensus verborum *Ahie* hic est; Quod, cum illi cultum præstarent alii alicui rei præterquam Deo, eo ipso Deum sibi constituebant distinctum ab eo, cujus cultus nullum *Rivalem* admittit neve participem. Cum verò cultus aureorum vitulorum in *Dan* & *Bethel* adeò similis sit si non pejor quàm cultus vituli aurei in *Horeb*, fat profectò fuisse priorem probasse perfectam Idololatriam, eam necessariò inde sequitur & hanc esse similiter.

Possumus & quartum hisce addere exemplum, Incensi scilicet Adolationem *serpenti aneo*; quod proculdubio factum non erat in honorem ulli Deo peregrino cum monumentum esset miraculosarum curationum à *Jehova* Deo *Mosis* præstitarum. Verum adeò jam certum est ut nihil esse possit certius, *Cultum* utiq; *Imaginis*, quamquam in honorem veri Dei intenditur, esse nihilominus puram putam Idololatriam.

C A P. VII.

1. *Cultus illius quod Deus non est per Imaginem, tertius modus Idololatriæ.* 2. *De Cultu Imaginis quatenus Imago.* 3. *Qui factum ut vulgus Paganorum ipsi Idola pro Diis haberent.* 4. *Quæ argumenta adhibita ad gignendam opinioem de resistentia Demonum prope statuas suas.* 5. *Quæ Indicationes ipsorum præsentie in eis, quæmq; formidabiles Imagines eorum inde factæ sint.* 6. *Commentum Demonis coalitionis & dedicate Imaginis in unam Personam.* 7. *Quodq; hujusmodi Complicati cultus, quartus modus esset Idololatriæ.*

1. **A**Tq; sic duos quidem modos five rationes Idololatriæ demonstravimus, nempe *Cultum* illius quod non est Deus sine *Imaginem*; & cultum veri Dei cum *Imaginem*.

Unde & tertii enjuscum modi sequitur evictio; nempe quod cultus illius quod Deus non est per *Imaginem*, sit Idololatria, immò rectè dixeris duplex Idololatria.

Etenim si singulis separatim Divinum honorem præstare Idololatria sit, ambo hæc illicita Objecta simul adorare duplicata est Idololatria; Et si relatio externi Objecti cultus ad verum Deum Objectum illud non reddat licitum, immò nè tunc quidem quando minimè prætendit formam esse five *Imaginem* veri Dei (quod vitulus aureus proculdubio non prætendebat, neq; homo quisquam ita unquam sentiebat) tunc certè Deus falsus *Imaginem*, cultus liciti Objectum, reddere non potest, immò nec si ipsi similis esset.

2. Nec potest *Imago* ulla ex seipsa absq; omni respectu ad ullam rem aliam licitum esse cultus Objectum. Nam ut verus Deus meritò à *Psalmista* appellatur, *Deorum Deus*, ita certè Idolum ritè appellari potest *merissimum*, si ita fas sit loqui, *Nihilorum Nihil*, *vanissima omnium vanitatum* quæ ad religiosum cultum proponi possunt. Ex quibus quidem rationibus alia species Idololatriæ emergit, quæ est cultus *Imaginis* absolute & absq; respectu ad rem aliam (quæ Idololatria esset sensu strictissimo juxta notationem nominis) modò ad praxin reduci posset. Videtur enim factu admodum difficile ut *Imaginem* colamus, scientes eam esse *Imaginem*, sui solius ratione, cum ipsa natura *Imaginis* sit ad aliam rem referri.

3. Verun-

3. Veruntamen fieri fortasse potest, ut quis per imperitiam *Imaginem* colat sine respectu ad rem aliam, insolenti ornatu aspectuq; ejus formidabili opinionem animis simpliciorum incutiente, quasi mira aliqua ipsi inesset Divinitas. Quæ quidem secundum quædam Scripturæ loca videtur fuisse conditio vulgi Ethnicorum, ut Psalm. 135. 15. & rursus Psalm. 115. 4. *עֲצָבֵי הַדִּים Dolores vel Terricula Gentium* (hoc est Dii eorum) *non sunt nisi simulachra ex argento aurove constata, &c.* Per quæ quidem simulachra quamvis propè factum sit ut omnis Religio in contemptum abiret apud magis callidos & nasutos, splendor tamen eorum ac magnificentia ut videtur, rudioris plebeculæ oculos ita perstringebat ut ipsa Deos esse existimaret, quemadmodum planè apparet ex istis locis Psalmorum, copiosèq; admodum inculcatur in Epistola *Jeremie*. Quæ sententia tum *Jeremie* tum *Psalmista* ita tamen intelligenda est ut minimè nos inducat ad credendum gentes nulla alia habuisse cultus sui objecta præter ipsa *simulachra* vel *Idola* omni vitâ animaq; destituta. Etenim, quemadmodum supra notavi, verisimillimum est hos *עֲצָבֵי*, *terrifica* hæc superstitioni sui cultus Objecta primò fuisse ipsos Dæmonas, (sive defunctorum Animæ seu alia Dæmonia fuerint) qui aliquando, quanquam haud ita frequenter, præsentiam suam miraculosè manifestarant in his Imaginibus sive statuis, quasi ipsis inessent, actuarent, miròve aliquo modo assisterent, cujus rei fama continuata Reverentiam superstitionis etiam erga ipsa Idola à plebe extorquebat, tanquam si viva aliqua fuissent ac potentia Numina.

4. *Origenes* horum Dæmonum prope statuas suas religationem commemorat; sive id Magicis quibusdam incantationibus factum sit, seu potiùs tanquam tot *Gnathones* mensarumve asseclæ circa Altaria hærent ut nidoribus fruerentur sacrificiorum, *ἄλχοις μελαμβάνοντες τῆς τοῦ θυμίου ἀπορροῆς, avidè abligurientes fumos pingues victimarum.*

Haud improbabile est quin dolosi Sacerdotes horum utrumlibet populo vellent afferre (sed honestiori formâ induta) tanquam argumenta minimè contemnenda Præsentia ipsorum Dæmonum in consecratis hisce locis ac simulachris. Et certè unctuosus vapores ex sacrificiorum crematione ascendentes Epulum ipsis congruentius videtur quàm crassius sanguis. Quem tamen *Maimonides* memorat *Zabios* existimasse eorum esse cibatum, ac proinde eum comedisse ut communionem sic cum eis haberent.

5. Cæterum, prout constat apud *Origenem*, Libro tertio contra *Celsum*, evidentiores adhuc erant demonstrationes præsentia horum Dæmonum in Templis suis ac statuis, in edendis utiq; Oraculis, Morbis curandis, & sensibilibiter excrucian- dis superstitionis si quid in quovis apice Religiosi sui Cultus peccassent. Hos ille appellat *δαίμονας μαλίκας & ἰαλεῖντας*, quos innuit severos esse eis qui ritus suos violaverint monitores, *περὶ τὸ δεισιλῆσαι τοὺς πολλοὺς & ἀναδύσθαι*, ut terrorem rudi multitudini incutiant. Verùm hi Terrores fraudesne fuerint sacerdotum, an è sola Dæmonum malignitate orti, nolo hic disquirere. Ut ut erat, magnam proculdubio vel ipsarum *Imaginum* formidinem animis populi indidit, quasi potentia aliqua esset ac Divinitas etiam in ipsis.

6. Verùm nondum eò perveni quò institui; Ad commentum scilicet tam intimæ unionis *Dæmonis* atq; *statue*, quàm si essent unum sanctum *Animal* vel *Persona*. Hujusmodi enim proculdubio *Tyrii* putabant statuam *Apollinis*, qui aureis eam devincentes catenis, ipsum *Apollinem* indè sibi adè devinctum opinabantur ut ab eis decedere non posset. Quemadmodum & *Athenienses* etiam videntur præsumpsisse de *Imagine Victoriæ*, qui abscindendo illius alas sperabant se Deam cohibitu- ros nè avolare.

Quam opinionem prodigiosa quædam Effecta in hujusmodi Imaginibus facile fove- re poterant, ut illud in *Imaginem Dei Adranæ*, qui cum *Adranite* bello involvebantur, visus est copiosè sudare hastamq; vibrare à summa cuspide, uti refert *Plutarchus* in vitâ *Timoleontis*. Narratq; *Valerius Maximus* statuas *Junonis Monete*, & *Fortune* locutas esse; unam, significantem quàm lubens *Romam* itura esset, alteram appro- bantem modum suæ consecrationis, *Ritè me matrona vidisti ritèq; dedicasti.*

Gentilium etiam *Teraphim* (quæ sub certa quadam figura seu constellatione coelesti concinnabantur) ad fundenda Oracula erigebantur, estq; verisimillimum eas *Statuas* fuisse *animatas futurorum conscias*, quarum mentionem facit *Trismegistus* in *Æsclepio*, quo de genere vocalium statuarum multæ occurrunt Historiæ, sed longiùs jam evagatus sum quàm putabam.

7. Quæstio nunc emergens è consideratione occasionum quibus populus inductus sit ad credendum dedicatas has *Statuas*, seu *Imagines*. (A veri fama sit an mera opi-

nio nihil refert) viva veraq; Numina, hæc est, *Utrum* scilicet *Idololatriæ* rectè cen-
seri possint ob Divinum cultum ipsis præstitum, non tanquam Imaginibus alicujus al-
terius rei, sed, (juxta ipsorum opinionem) tanquam veris ac viventibus Deis. Cui
quidem quæstioni, quantum ego video, parùm admodum subest difficultatis. Nam
si cultus illius quod non est Deus, & tamen sub notione salutiferi viviq; Numinis
colitur, non sit Idololatria, nulli Idololatriæ inveniuntur præter eos qui putant se
omnium dexterrimè os sibi ab hoc genus fornicatione emundasse, prætendendo se
imaginem non colere propter seipsam, sed ratione habitâ ad illud Numen cujus est
Imago, verùm interea loci religiosum cultum præstant ei quod non est Deus sed res
bruta seu inanimata.

Nos verò suprà probavimus, Cultum *Solis* *Lunæ* aut alicujus *Dæmonis* absq;
Imaginē esse *Idololatriam* (nec quenquam credo esse Christianum qui ea de re un-
quam dubitaverit.) Quamobrem cultus *Imaginē* vel *Complicati* ex *Imaginē* ac *Dæ-*
monē ipsam actuante, pro numine, quod non verum illud est solūq; Numen Om-
nipotens & Infinitum, sed Res finita, talisq; quales plures esse possunt prætereà, pro-
cul omni dubio pura puta est *Idololatria*, quem & *Quartum* illius esse modum ob-
servare possumus.

C A P. VIII.

1. *Paganos unum supremum Numen tenuisse rerum omnium Conditorem.* 2. *Procli-*
commentum de unitione supremi Numinis cum statua Magica, ita ut Complica-
tum evadat unus visibilis ac supremus Deus. 3. *Utrum Cultus Magici hujus*
Complicati per eum qui visibilem Deitatem autumat, esset Idololatria. 4. *In quo*
peccatum Idololatriæ consistat, quodq; cultus hujus Magica Statuæ Quintus ejus
modus futurus esset. 5. *Aliorum casuum ad hos quinque Idololatriæ modos redu-*
ctio. 6. *Quid cultus alius cujuslibet rei præter Deum Idololatria est; & de Imagi-*
num cultus rejectione per Numam deq; illius Religionis cognatione cum Pythago-
rismo. 7. *Prima illius Philosophiæ corruptio, quodq; objectum Divini cultus æque*
unum est ac invisibile.

Ceterum unus adhuc superest casus quem postquam proposuerimus conclude-
mus. Melioris notæ Paganos hant ita ignaros fuisse Deitatis, quin unita-
tem illius essentia, omnipotentiam etiam atq; omniscientiam agnoverint, facile esset
probatu, si quis ei rei vel primo aspectu non esset assensurus. Falluntur in nomine
sed de una potestate consentiunt qui Jovem principem volunt, inquit Minutius Felix.
Atq; parcius equidem eum in eorum laudes locutum sentio, eo quod ipsos dixerit
errasse in nomine. Nam Jovis tam propè ad Jovam accedit ut illud deducere à Jovo
potius quam à Jove non abfimile sit accessit notationis vocis Fur à furvus, potius
quam à Græca *ἄρ*, ob quod *Gellius* reprehendit *Varronem*.

Thebaidos incolæ Mundi coluisse Conditorem ipsa statua per quam eum colebant
pro ipsis restatur, quippe quæ *Homini* Imago erat cum Ovo ex ore ejus prodeunte,
tanquam si sensus ita accurate *Mosaicus* esset vel *Christianus*, ut Creationem mundi
non solum insinuaret, sed & per Dei verbum eum fuisse creatum. Dicoq; *Chryso-*
stomus & *Maximus Tyrius*, ambo Pagani, apertè profitentur se in simulachris au-
reis, argenteis, eburneisve supremum Deum coluisse rerum omnium conditorem ac
conservatorem. Verùm operosiorē hujus rei probationem hic non aggrediar, siqui-
dem nuda suppositio in præsens sufficiat.

2. Supponamus igitur aliquem Ethnicum Philosophum, qui verum Universi Deum
cognoverit, sed qui à prava Imagines colendi consuetudine nondum sit purgatus;
aut ipsum persuasum esse, aut saltem ob Fines aliquos sibi præcipue cognitos aliis
plene persuasisse, talem quandam esse Artem Mysticam, qualem *Proclus* indigitare
videtur in brevi suo Tractatu, De sacrificio & Magia: ubi ex hac ratione quod
tam arcta sit *Terrestrium* cum *Celestibus* & *Celestium* cum *super-Celestibus* Essentiis
concatenatio, & ejusmodi particulares quorundam unius generis cum quibusdam al-
terius respectus seu Harmonia, subinsinuare nobis velit secretam quandam esse Me-
thodum fabricandi *Statuam Magicam* è selectis quibusdam Materiis; quæ Divina
quidem symbola rite commixta adaptatq; in *simulachrum* per Mysticum aliquem
Sacerdotem

No. 3. *Antic. lib.*
1. c. 18.

Piero. *Hiero-*
glyph. lib. 59.

Dion *Chrysost.*
Orat. 12. περὶ
τῆς θεοῦ
καὶ τοῦ
ἀνθρώπου
ἀποφύλα-
ξης.
Max. Tyr.
Dissert. 38.

Sacerdotem sive *Magum* consecratum, *unum tale* evasurum sint *quale Divinum existit secundum Essentiam*, ac proinde fieri non posse quin per vim cognationis & similitudinis ipsum *Jovem Olympium* deducturum sit ex altissimo suo intimo *supercelesti* Throno effecturumq; ut *Divinam hanc Statuam* vitaliter actuet tali quidem modo ut *statua* cum ipsa *Divinitate* unus evadat visibilis *Jupiter*.

3. Quæstio igitur quæ hinc emergit hæc est, Utrum, si simplex aliqua Animula, confidentiâ affectatitioq; præstigioli hujus *Magi* sermone capta, & in plenam persuasione inducta hanc *Statuam*, visibilem quidem, sed & verum æternumq; Deum cœli atq; terræ evaluisse, hoc *Divinum* propterea, ut censetur, *Complicatum* (quantum reverà merum sit Figmentum) pro vero Deo coleret, hæc colendi actio innoxia esset & irreprehensibilis, an verò quintum Idololatriæ modum constituat. Et enim in defensionem ejus afferri potest quod bonum est eum intendisse, cultumq; direxisse in verum Deum. Quod in causâ antecedenti non erat factum. Verum quod suprà monui, si ignorantia ab *Idololatria* excusabit, soli Philosophi sunt, qui reperientur hujus criminis capaces. Et in casu quidem præcedenti; quanquam tam veram Dei notionem non habebant quàm quæ non nisi uni competat, putabant tamen se in debitam Religiosi cultûs objectum incidisse, si modò id ipsos excusare posset. Atq; is quidem, qui hoc postremo casu veram Dei notionem nactus est, scopum tamen in ipsa applicatione non attingit, sed merum adorat *Idolum*. Ac sanè quanquam cum relatione sit ad verum Deum, reali purà ad eum mentis directione; ipsum tamen colere in *Idolo* Idololatria est, *Idolum* verò pro ipso per errorem accipere, longè deterius.

4. Breviter, ipsum cujuscvis Idololatriæ peccatum adversus Deum, præcipuè si non solum consistere videtur aut in *Injustitia* quadam contra eum, aut *contumelia*, aut *utrisque*. Jam verò quemlibet appello an non major sit adversus verum Deum contumelia merum *Idolum* pro ipso accipere, quàm applicare eum cultum, quem erga eum adhibemus, (quiq; semper ipso infinito minor est) ad illud quod est merum *Idolum*: vel an non minoris sit *Injustitiæ* illam *micam* honoris auferre (neq; enim quicquam quod nos possumus majus est) quæ Deo debetur, eamq; *Idolo* tribuere, quàm ipsum Deum quasi à seipso auferre, eum censendo id esse quod tot infinitis gradibus ipso inferius est. Quemadmodum majoris Injustitiæ esset, Principem è cunis suffurari illiusq; loco deformem aliquem *subdititium* relinquere, quàm amiculum ejus auferre, quo *subdititius* hic deformis involvatur; multoq; minor contumelia esset Sceptrum ac Tiam manui capitq; simii *Cyri* adaptare, & tum postea *Persæam* ipsi exhibere Reverentiam, quàm hunc simium ipsum *Cyrum* existimare. Prius enim sic accipi potest tanquam si ridiculus excessus esset honoris seu Homagii per imperitiam ipsi Regi, in tam regaliter ornando reverentq; adorando ejus simium, destinati: Posterius verò maxima trassimâq; contumeliâ quæ excogitari potest, nempe ut quis, ex eo quod ritè præfiguratam excellentissimi Principis Ideam animo non habeat, tam Heroicam personam à vili *Simio* vel *Cercopitheco* distinguere non valeret. Et tamen Mystica illa statua suprà memorata in quam præstigioli *Magus* sacerdosve Paganicus se verum Universi Deum vitaliter incorporasse prætenderit, vel cujuslibet sententiâ, multò vilior est, quàm vilissimum horum Animalium. Ità manifestum est, quintum hunc casum, quintum etiam modum constituere *Idololatriæ*; eumq; oppidò quàm rancidum.

5. Atq; hæc quinque instantiæ Idololatriæ nobis sufficient, ad quas tanquam ad tot perspicua illius nefarii Criminis exempla possumus recurrere, cum vix ullus sit casus quin ad has aut directè aut analogicè reduci possit. Cultus enim religiosus *Fluviorum*, *Plantarum*, vel *Animalium*, cujusmodi *Ægyptii* multa coluerunt, quatenus *Res naturales* sunt ad *primum genus*, quatenus *Representamenta* alicujus magis absconditi Numinis, ad *genus secundum* est referendus. *Picturæ* etiam ad secundum; *Columnæ* verò ac *Lapides* consecrati, si nullum sibi simulachrum superimpositum habeant & cultus tamen Divinus ipsis præstetur, referendi sunt ad statuas: ut ille lapis qui vestigium solummodò *Herculis* sibi impressum habebat quod *Thracæ* coluerunt; aliûsq; formâ quadratâ quem *Maximus Tyrius* cultum fuisse narrat ab *Arabibus*: Quibus addere poteris *Lapidem Manalem Romanorum*, *Terminumq;* lapideum in *Capitolio*.

6. Et summatim, nè vos diutius suspensos teneam, post omnium *particularium* modorum contuitum communis notio seu Idea *Idololatriæ* in hoc proculdubio consistit, nempe, in *præstando Religiosum seu Divinum cultum rei cuilibet quæ non est verus Deus*. Cujusmodi nulla res visibilis est quam aut Natura aut Ars potest exhibere. Ac proinde dicitur in Deuteronomio, *vocem quidem audivistis, sed nullius*

rei speciem vidistis. Cui consimile est illud dogma *Pythagoræ* quod *Plutarchus* notat in vita *Numæ*. Οὐτε γὰρ εἰδὼς ἢ παθεὶν, ἀθεῖον δὲ ἢ ἀνέθεον ἢ ποιεῖν εἶναι τὸ πρῶτον. Quod sanè effecit ut *Numa* omnes Imagines rejecerit in Divino cultu. Erexit verò Templum quod *Mundi* gereret similitudinem, magni illius ac augusti Templi Dei, τὸ δὲ θεῶν πῦρ, *Ignem Vestalem* in ejus medio collocans. Qua etiam in re *Pythagorissare* videbatur quanquam aliquot seculis ante *Pythagoram* floruerit. Quod indicium est fuisse in illa Philosophia felicem conjunctionem profundissimæ quidem Naturæ peritiæ, purissimæq; Religionis, quæ usquam extra confessam Dei Ecclesiam inveniri potuerit. Aded ut meritò mirari possimus undenam isti nisi indidem illas habuerint.

7. Verùm tunc primùm hujus Philosophiæ puritas contemerari cœpit, quum Angelorum cultum admisissent: Debitum enim cultûs nostri objectum æquè *Unum* est ac *Invisibile*. Audi Israel, *Dominus Deus noster Dominus unus est, nec est Deus præter ipsum*: Cujus consequentia proxima est quod is solus sit colendus, quemadmodum & *Servator Christus* confirmavit. *Adorabis Dominum Deum tuum, & ei soli servies*. Authórq; ad *Hebræos* Divinitatem Christi evincens id è Psalmis profert, *Adorent eum omnes Angeli Dei*. Quod, nisi Cultus Religiosus illi soli deberetur qui est Deus, *Divinitatem Christi* non inferret.

Et postremò, etiam secundùm Concilium *Nicenum*, qui nimirum Imaginibus favebant, *Arrianos* tamen Idololatriæ insimulabant, quod Christum Creaturam esse tenerent non ipsum Deum. Et *Nestorio* inustum est stigma odiosæ illius appellationis ἀνθρωπολάτρης seu *Hominis cultor*, quod Christum putaret merum esse Hominem. Nam & *Arriani* & *Nestoriani* Christum quantumvis meram Creaturam colendum tamen censuerunt. Quod illa Synodus apertam statuit *Idololatriam*, sive is Cultus cum Imagine, sive absq; Imagine fiat. Quemadmodum & Synodus *Laodiceæ* Angelorum Invocationem Idololatriam concludit. Et *Epiphanius* de *Persis*, Imagines, inquit ille, abhorrent, & tamen colunt Idola; *Solem* innuens *Lunamq;* ac *Ignem*. Et similiter *Gregorius Nazianzenus* (prout suprà notavi), in eo simpliciter Idololatriam ponit quod illum cultum qui Creatori debetur, in Creaturam transferamus, juxta quam Notionem *Aquinas* etiam & *Bellarminus* eam definivit. Et sanctus deniq; *Hieronymus* rotundè affirmat *Idololatriam factum esse, si quis tres Deos credit*. Vide *D. Regnoldum* de *Romanæ Ecclesiæ Idololatria*.

Aded manifestum est Idololatriam non restringendam esse ad cultum Imaginum sed ad admissionem plurium objectorum Divini cultûs quàm unius illius veri Dei. Nam plurium cultus est illa עבודה זרה quam *Judæi* appellant, quæ frequentissimè ac significantissimè in Scripturis vocatur *Fornicatio*, quæ pluralitatem objectorum potius respicit quàm distinctam objecti speciem. Quandoquidem hæc spiritualis *Fornicatio* committitur ubicunq; rem ullam colimus præter eum qui est Creator & Conservator omnium.

CAP. IX.

1. *Necessitas cognoscendi quid sit cultus religiosus quod Idololatriam dignoscamus.*
2. *Vitiositas Distributionis Cultus in Latriam, Duliam & Cultum Civilem.*
3. *Christum solum qui est Θεός, talem habere excellentiam mediam quæ Cultus religiosi sit capax.*
4. *Excessum excellentiæ in Deo supra illam in Sanctis Angelisq; adeo infinitò majorem esse quàm est excessus excellentiæ eorum supra illam in hominibus, ut admodum coacta res sit & absque cultum assignare unius denominationis primis & secundis, & non potius secundis & ultimis, qui cum concives sunt, rectè appellari potest Civilis.*
5. *Nullum genus Religiosi Cultus Sanctis deberi & Angelis ex eo probatum quod Angelus à S. Johanne noluerit adorari;*
6. *Et ex Proximitate porro naturæ nostræ ad naturam ipsorum;*
7. *Quibus Origenes homines probos æquales pronunciat, nec præfulgentes stellas colendas esse admittit quamvis essent Intellectuales.*
8. *Sanctos Angelosq; religiose colere nullam nostri officii esse partem, cum nec ad ullum præceptum utriuslibet Tabulæ reduci possit.*
9. *Cultum Religiosum non esse nisi unum, eumq; soli Deo deberi, probatum ex Responso Servatoris ad Diabolum;*
10. *Ut & ex Autore ad Hebræos evincente Christi Divinitatem è religioso cultu ipsi debito, cum multis aliis Testimoniis.*
11. *Responso ad objectionem.*

1. **A** Tq; sic tandem adæquatam invenimus *Objecti Idololatriæ* latitudinem, esse utiq; quicquid reverà non est Deus; τὸν γὰρ μὴ ὁνείκεν ὁ θεός, quemadmodum Apostolus loquitur ad *Galatas*. Cæterum nisi nunc veram *Religiosi* seu *Divini Cultus* notitiam habeamus, cognoscamusq; quando & quâ ratione, cultum hunc illi quod Deus verè non est, præstemus, etiamnum nobis hîc aqua hærebit, nec dignoscere poterimus quando aut nosmetipsi aut alii quivis Idololatriam committant & quando non. cap. 4. v. 8.

Sunt qui ad peritiùs palliandum illicitas suas praxes bellam profectò concinnarunt Historiolam; nempe, Tot esse genera *Honoris* sive *Cultus* quot sunt *Excellentiæ*. Et propterea, cum tria genera sint *Excellentiæ*, *Divinum*, *Humanum*, & *Medium Humanum* inter & *Divinum*, ut supernaturalis illa Gratia ac Gloria *Sanctorum* & *Angelorum*, esse itidem tria genera cultus, *Latriam*, *Duliam*, cultumq; *Civilem*. At enimvero Distributio minus fraudis plûsq; *Logicæ* in se habitura fuisset, si fuisset *bipartita*, tunc enim planius apparuisset qualem cultum intelligant per *Duliam*. Neq; enim eam volunt esse *Cultum Civilem*, cum membrum sit ab eo distinctum. Restat igitur ut sit *Cultus Religiosus*, quanquam verebantur apertè id effari quod clam in pectoribus suis fovebant. Nam *Religio* certè, quæ primo suo propriòq; sensu nihil aliud est quàm *Cultus Numinis*, ad Deum solum de jure pertinet, & si ad rem aliam quamlibet transferatur, Idololatria statim est malæ superstitionis.

Cæterum si apertè agere voluissent, & sic ut viros probos decuisset, *Logicæq;* gnaros, opórtet sanè *Honorem* distribuisset vel *Cultum*, primò, in *Religiosum* & *Civilem*; & deinde, secundum sensum quem illi intendebant, *Religiosum Cultum* rursus divisisset in *Latriam* & *Duliam*. At enim cum ad hoc occultè subdolèq; collineaverint, illudq; supposuerint, quamvis tam apertè non significaverint, cumq; res omnino sit præcipua quam intenderint, *Religiosum* utiq; *Cultum Sanctis Angelisq;* deberi æquè ac ipsi Deo; contra hunc solum errorem responsum contorquebo.

3. Primùm igitur dico, *Rationem* assignandi *Religiosum Cultum Sanctis* atq; *Angelis* admodum esse infirmam, nempe, quia mediam habent excellentiam Deum inter atq; Hominem. Etenim manifestum est eam eos non habere sensu debito ac præciso; siquidem illud Privilegium est quod ad solum Christum attinet qui notus est ille Θεός-ἄνθρωπος sive *Deus-Homo*, ac proinde jure merito cultu religioso potest coli. Quamobrem cum nihil sit quod reverà mediam habet excellentiam Deum inter atq; Hominem (ut *Zoophyton* ritè dici potest mediam habere excellentiam inter *Animal* atq; *Plantam*) præter Hominem Jesum Christum, nulla Creatura capax est religiosi cultus præter ipsum. Neq; is quidem illius capax aliter quàm virtute unionis Mysticæ cum vera Deitate quâ *Deus* æquè ac *Homo* evasit.

4. Et tum denuò, altera subest fraus, eaq; principalior, magisq; originalis, in distributione scilicet harum excellentiarum immediatè in tres, cum fidelius magisq; *Logicè* factum fuisset, si *Excellentiam* distribuissent primò, in *Creatam* ac *Increatam*, &

& Creatam deinde Excellentiam in illam *Sanctorum* atq; *Angelorum*, illamq; *Hominum*. At enim indè Temeritas crassaq; Inconcinnitas assignandi Cultum Religiosum meræ Creaturæ primo aspectu apparuisset; cum ex adversum illi Creator positus tam planè repugnet, qui infinitò excellentior est Creaturâ quamvis vel glorificatissimâ; vel potius, cujus excellentiæ *gradus* supra Gloriosissimam Creaturam quæ existit, infinitò major est quàm *gradus* excellentiæ *Sanctorum*, *Angelorumve* supra *Homines*.

Unde planè apparet, quàm temeraria coactaq; res sit, duas Excellentias inter quas tam infinita intercedit distantia, unâ communi *Religiosi* Cultûs capacitate continere, *Divinam* intelligo Excellentiam illamq; *Angelorum* & *Sanctorum*; cum *Humana* excellentia illaq; *Sanctorum* *Angelorumq;* infinitò propius ad se invicem accedant, ac proinde infinitò aptiores sint ad cultum unius communis denominationis recipiendum. Qui commodissimè appellari potest *Civilis*, cum *Sancti* glorificati *Angeliq;* ac *Homines pii* conservi sint & *Concives* novæ illius *Hierosolymæ* quæ à Cælo usq; ad Terram pertingit: juxta id quod scriptum est, *Verum accessistis ad Sionem montem & Dei viventis urbem*, Hierosolymam cælestem & *myriadas Angelorum*, *Spiritusq; hominum perfectorum*. Quod planè demonstrat Sanctos, & Angelos, Hominésq; pios in terris unius esse societatis, *Civésq;* ejusdem Civitatis, novæ nimirum *Hierosolymæ*; *Concives* verò cultum *Religiosum* sibi invicem præstare non solere notissimum est, sed duntaxat *Civilem*.

5. Nec sanè *Conservi*; quemadmodum *Angelus* argumentatur apud *Johannem* in *Apocalypsi*, *Et procidi ante pedes ejus ut adorarem eum; sed dixit mihi, Vide, nè feceris; Conserveus tuus sum & fratrum tuorum qui habent Testimonium Jesu: Deum adora*. Nunc verò, si *Angelus* cultum *Civilem* repudiabat, quàm alienum futurum fuisset, quinimò quàm planè illicitum, *Religiosum* cultum illi obtulisse? Et si *Religiosum* cultum repudiabat etiam præsens, quantò magis illicitum est, hunc cultum, putà *Duliam*, *Sancto Angelove* præstare absenti? Et si cultus ille oblatus *Latriæ* erat non *Dulia*, cur non *Angelus* dicebat potius, *Creatura* sum ut tu es, quàm, Ego tuus sum *conserveus*? Et deniq; si *Dulia* cultus sit licitus, juréq; Angelis præstandus, cur tantà *Angelus* carebat charitate, ut nollet *Johannis* cultum sic interpretari, tanquam si illud genus cultûs esset quod licitum erat atq; approbandum? vel quî factum est ut tam pauxillâ charitate usus sit erga Ecclesiam tantâve injuriâ Angelos suos consocios affecerit, ut alteram scrupulis æternis excrucicaret circa officium hoc colendi Angelos & Sanctos, cum & ipse hunc honorem tam scrupulosè declinaverit, alteros suo jure privaret, insigni hoc suo exemplo, quod verisimillimum erat, adèd apud Ecclesiam prævaliturum, ut huic Angelorum colendorum officio omnem fidem abrogaret? At enim verò, distinctionem *Dulie* & *Latriæ* adèd subtilem esse existimo, ut vel *Angeli* oculus nunquam dispecturus esset talem aliquam rimam minimamve fissuram in Cultu religioso quâ ità disrumpi possit dividive, ut vel minutissima illius particula illi in sortem cedat, quod reverà non est Deus: ut proculdubio nec *Sancti* nec *Angeli* sunt. Tam manifestò apparet tum è sensu Scripturæ, tum ex infinita inæqualitate inter distantias, Deum inter & Creaturas, & inter Creaturas ipsas, *Civilem* tantum Cultum non *Religiosum* ipsis competere.

6. Cæterum, teritiò, non est solùm immensa hæc distantia Deum inter & Creaturam, præcellentissimum putà è *Sanctis*, *Angelisve* qui existat; verum est etiam (quod jam supra innui) admodum arcta cognatio pressaq; naturæ propinquitas, *Sanctos Angelosq;* inter & *Homines pios*. Etenim quantum ad *Sanctos* glorificatos, *piosq;* *Homines* in terris, præterquam quòd, eorum naturam quod spectat, *ejusdem* sunt prorsus *speciei*, etiam *Gratiæ* ipsorum præterea *ejusdem* sunt generis, quamvis non ad eandem mensuram, siquidem utriq; regenerati sunt per unum eundemq; Spiritum, ac proinde utriq; pariter in conditione *supernaturali*: Quî potest igitur ille honor qui debetur eis toto genere differre, ità ut unum *Religiosum* alterum *Civilem* cultum esse oporteat?

Et tam parùm discriminis est *Sanctum glorificatum* inter & *Angelum*, ut *Homo pius* eandem repertus fuerit habere ad utrosq; excellentiæ rationem, ac proinde manifestum est *Religiosum* cultum neutri quidem deberi.

7. *Origenes* quidem, quanquam Solem Stellâq; (nempe ob minùs perfectam suam in Philosophia peritiam) ζῷα ἄναι λογικά & σποδῶν *rationalia* esse *animalia* ac virtute prædita admittere potest, immò verò ità sancta piâque, ut orationes suas indefinenter Deo offerant per unigenitum ejus Filium, strenuè tamen dehortatur ab adorando ipsos precésve ipsis fundendo. Quæ Creaturæ nihilominus *Sancto* quovis *glorificato*, immensò forent illustriores; si utiq; essent quales *Origenes* opinatur, ὁ μόνον δὴ τὸ θαυμαζόμενον ὑπὸ τῶν πολλῶν τὸ αἰσθάνειν οὐκ, ἀλλὰ & διὰ τὸ νοεῖν & ἀληθεῖν, non solùm ob visibilem

visibilem earum lucem quam vulgus hominum admiratur, sed ob veram & Intellectualem. Quàm longè igitur sanctum hunc Patrem abfuturum fuisse putabimus ab approbando *Religiosum* cultum aut *Angelo* aut *Sancto* præstitum? Quinimò vocem quidem audaculam effert alio in loco, ἅλλ' ἰδὲ τὰ αὐτῶν εἰς μακάριον, sed enim nec benigni beatique Genii (seu Angeli, quemadmodum nos vocamus) inquit ille, hominibus præstant ratione semel ac virtute perfectis. Quis igitur unquam in illius mentem venire potuisset cultum præstandi *Religiosum Sanctis*, quibus nobiscum aliquantò propinquior intercedit similitudo & cognatio?

8. Quartò, Si sit huiusmodi *Religiosus* cultus qui appelletur *Dulia*, ad cuiusnam duarum Tabularum officia spectat? Ad primæ an secundæ Tabulæ? *Secunda*, officia erga Proximum complectitur. Verùm si Sancti Angelive Proximi nostri sunt, qui sit ut cultus *Religiosus* ipsis debeatur? Si non sint, qui sit ut secundæ Tabulæ iura ab ipsis vendicentur? Si ullum igitur omnino locum in *Tabulis* habet *Dulia*, juxta quidem Adversariorum Hypothesein ad primam referatur oportet. Verùm ad quodnam illuc mandatum referri debet? Num Divina illa Interdictio, *Nè Deos ullos habeamus præter ipsum*, Divinum Cultum deberi innuit *Angelis* Sanctisve? vel ex eo quòd Deus zelotes sit, in Idolo coli sibi volupe fore? Etenim *Idolum* est, quicquid *Deus* non est, & tamen religiosè colitur. Quamobrem qui ausit asserere *Duliam* officium esse *Sanctis Angelisque* debitum, oportet certè eum tertiam Tabulam confingere, eamque adhibere impudentiam ut addat Decalogo, *Mosémque* culpet ob tam grandem omissionem. Nam æquè illustres Angeli erant & religiosi cultus perinde capaces in illius temporibus, atque unquam fuerunt postea.

9. Quintò & ultimò, Duo illa loca quæ protuli ad probandum, Deum solum colendum esse, probabunt etiam Cultum *Religiosum* non esse nisi unum: ut illud è *S. Luca*, *Adorabis Dominum Deum tuum, & ei soli servies*. Vis cujus responsi Diabolo per Christum facti quando eum tentare volebat ad se colendum, in hoc proculdubio consistit, quòd nullus cultus religiosus cuius præstandus sit præterquam soli Deo. Nam quòd Diabolus eum non expetebat, qui *Latria* dicitur, evidens est ex eo, quòd monstraret se non esse supremum Numen, agnoscendo scilicet potestatem distribuendorum Honorum Regnorumque Terræ sibi ab altero esse concreditam, ἵνα παύσωμαι υἱοί μου, ac proinde à seipso eam non habuisse. Cui consequens est, eum se non prætendisse summum esse Deum à quo sunt omnia. Quamobrem Diabolus adedò omnis rationis exfors esse non poterat, nec ità stolidus ut Servatorem juberet ullum sibi cultum præstare tanquam *summo Deo*, cum tam apertè jam confessus esset se eum non esse. Verùm illud erat cui is allaborabat, ut *religiosum* scilicet cultum illi præstaret, qualis nempe præstatur multis illis Diis Gentium, citra notionem *Supremi*.

Cap. 4.

Sensus verò Responsi Servatoris hic est, Nullum scilicet cultum *Religiosum* ad quenquam pertinere præterquam ad solum Deum. Et impatiens instigationis ad tam impium facinus, irà concitatus Diabolum eum vocitat ob tam immanem suggestionem. Quippe nemo nisi Diabolus aut requireret aut admitteret, ut cultum *Religiosum* sibi quisquam præstaret. Non abstinebat à colendo eum propterea quòd Diabolus erat, sed eum concludit esse Diabolum, quia cum verus Deus non esset, religiosè tamen coli volebat. Nec fanè respondebat Christus, Deum solum bonosque Angelos adorabis, sed *Adorabis Dominum Deum tuum, & ei soli servies*. Unde liquidò constat, unicum esse *Religiosum* cultum, eum utique qui Deo soli debetur.

10. Idem similiter manifestò infertur ab illo ad *Hebræos* ubi Author illius Epistolæ, *Divinitatem Christi* demonstrans, illud è Psalmis affert, *Et adorent eum omnes Angeli Dei*. Quod proculdubio intelligitur de cultu *Religioso*, alioqui nihil faceret ad rem; & tamen si duo sunt genera *religiosi cultus*, & adhuc æquè parum faciet. Tam manifestum est non esse nisi unum genus *cultus religiosi* quod soli appropriatur Deo. Nec certè *Arriani* à concilio *Nicano* justè Idololatræ censeri poterant, nec *Nestorius* à *Constantinensi* si cultus religiosi plura uno sint genera. Quippe nec *Nestorius* nec *Arriani* intelligere poterant per cultum illum quem præstabant Christo, cultum qui dicitur *Latria*. Hoc enim pacto apertè eum agnovissent esse id quod tam obstinatè eum esse negabant, *verum* scilicet *æternumque Deum*.

Quamobrem & *Synodus* & *S. Cyrillus*, & quotquot alii præterea *Arrianos* Idololatræ *Nestorianique* Anthropolatræ judicârunt, manifestum perhibent Testimonium, *Cultum religiosum non esse nisi unum*.

11. Nec certè potest affectuosus ille honos quem aut sacris Bibliis exhibemus osculando ipsa post jusjurandum, aut quem sanctis Dei Prophetis ejusve sacerdotibus ac fidelibus ministris deferimus venerando ipsos quâ tales, rationes nostras turbare, ullâve

ullâve verisimilitudine se obtrudere tanquam exemplum Religiosi alterius generis Cultûs. Apertè enim nego ullum esse Religiosum sive Honorem seu Affectum erga sacra Biblia vel erga virum Dei; sed ex honore illo & affectu religioso quem erga Deum ipsum gerimus, alium emergere erga eas res quæ ad eum referuntur, sed diversi generis, erga Personas, *Civilem*, verùm erga *res* inanimatas, si cum *personis sanctis* conferantur, haud tantæ sanè esset temeritatis audere definire, speciem esse honoris, *Civili* minorem, verùm Differentiæ existunt ubi nomina deficiunt quibus eas distinguamus.

Atq; equidem mihi perinde absurdum videtur, si quis ex eo concluderet, quòd honorem habeo Bibliis sacris sanctòve cuiusvis viro Dei ob Religiosum illum affectum quem erga Deum ipsum gero, hanc etiam erga Biblia virumve sanctum, Religiosam esse Reverentiam cultumve, atq; si inferret, quia Fœmina quæpiam ex *conjugali* illo affectu atq; honore quem marito habet, habet etiam illinc (quem aliter non habitura esset) favorem affectumq; erga Canem ejus Aquaticum, hunc ipsum affectum quem erga Canem gerit, aut esse aut rectè appellari Affectum *conjugalem*; Quod profectò durum est, & ridiculum vel primo intuitu.

C A P. X.

1. *Recta Distributio Cultûs in sua genera.* 2. *Definitio Cultûs Religiosi.* 3. *Exhibitionem cultûs Objecto inidoneo, quantumvis coactè fîtêve fiat, per signa appropriata agnitioni Divinarum excellentiarum crassam esse Idololatriam.* 4. *Nulloq; propterea modos esse gradûsve específicos cultûs religiosi, non quidem Dulian nec Hyperdulian, sed omnem esse Latrian.* 5. *Religiosum Cultum non applicari rei cuilibet eum dirigendo ad illam tanquam Circumstantiam, sed tanquam ad Objectum, indebitamq; propterea illius applicationem tanquam ad Objectum requiri ad Idololatriam constituendam:* 6. *Non autem ut Applicatio fiat tanquam ad Deum ipsum.* 7. *Ipsos Paganos nunquam fuisse reos ejusmodi Idololatriæ ut illi quod ipsi nòrunt non esse supremum Deum, tanquam Deo supremo cultum religiosum tribuerent.* 8. *Cùm Cultus Religiosus non sit nisi unus, indè fieri, ut illius applicatio alii cuius rei præterquam Deo, sit Idololatria.* 9. *Inculcationem Divinitatis Christi Creaturam omnem probare religiosi Cultûs incapacem.*

1. **Q**Uapropter cùm adeò luculentè à nobis demonstratum sit *Cultum Religiosum non esse nisi unum*, instructiores hinc erimus ad veriores magisq; Logicam Honoris Cultûsve distributionem formandam quàm suprà est producta; immediatè nimirum eum dividendo primò in *Religiosum* & *Civilem*; & *Civilem* deinde in *Politicum*, *Oeconomicum* & *Moralem*; & *Politicum* deniq; in *Secularem* vel *Ecclesiasticum*, seu in *Temporalem* & *Spiritualem*; cùm utrâlibet appellationes satîs sint notæ. Per cultum *Moralem* intelligo ejusmodi honorem, vel observantiam quæ in usu est apud homines privatos erga se invicem, aut saltem quatenus erga privatos, ob rationem *Moralis* alicujus præcellentiæ, cujusmodi est *Liberalitas*, *Prudentia*, *Fidelitas*, & similia: Reliqua ipsa verborum significatio tibi expedit. Nec ad propositum nostrum attinet ulli ipsorum insistere præterquam primò Cultui, nimirum *Religioso*, ad cujus penitiorum naturæ notitiam ut pervenirem, omnem hanc operam hæcenus impendi.

2. Quem rectè ad hunc modum definiri posse existimo: *Devotam* scilicet *agnitionem incommunicabilis nominis seu excellentiæ Dei externum aliquem Ritus adhibendo vel Ceremoniam illi fini propositòve appropriatam, externæ nimirum significationi internæ nostræ agnitionis Divini Nominis seu Excellentiæ*. Hæc vera est maximèq; generalis Definitio *Religiosi Cultûs* quæ institui potest. Ea enim *Religio* quæ in *Sanctorum*, *Angelorum*, *Demonum*, *Imaginum* rerumq; consimilium Cultu ponitur, est reipsa *Irreligio*, *Idololatria* vel *Superstitio*, nec meliori jure appellanda est *Cultus Religiosus* quàm Vitium *Virtus*, *Injustitia* *Justitia*, vel Pusillanimitas *Fortitudo*, qualescunq; vocularum abusus irrepere possint per imperitorum & inconsideratorum incuriam.

3. Jam verò cùm *Religiosi Cultûs* attributio illi quod non est Deus sit *Idololatria*, cùmq; *Cultus Religiosus* in vero hoc propriòq; sensu nihil aliud sit quàm *devota agnitio*

agnitio Divina Eminentie per appropriata quedam signa hujus nostræ Agnitionis indicativa, oppidò quàm manifestum est, ubi hujusmodi devota agnitio per hæc signa fit illi quod non est Deus, quòd ipso facto sit *Idololatria*.

Quinimo tametsi appropriata hæc signa adhiberentur ab aliquo sine omni devotione erga *objectum* suppositum, (quod dignissimum notatu est ac verissimum, quippe quòd completa pravitas vel defectus ad actum vitiosum non requiritur) & ab aliis duntaxat eò dirigenda decernerentur, vel ex communi usu ac consuetudine solummodo intelligenda essent ità dirigi, esset nihilominus *Idololatria*: Alioqui ad *Idololatriæ* crimen nemo profectò posset compelli, nec omninò opus habebat aut *Judaus* aut *Christianus* tam scrupulosè cavisse ab injiciendo Incenso in Altare cuius Numini Paganico nec ab integris Hecatombis sacrificandis, si opes ipsorum tantos sumptus ferre potuissent: Et quicunq; Martyrium ex hac ratione passus sit, demeritiæ certè ipsius ac stultitiæ potius imputandum esset quàm ulli veræ solidæq; Pietati.

Quamobrem, quemadmodum Blasphemia foret (quamvis id homini metu extorqueretur nec cor assensum dicto præberet) dicere, Quòd *Jesus Christus non est filius Dei sed Impositor*; ità appropriatorum Signorum agnitionis Divinæ Excellentie applicatio illi quod non est Deus, quamvis nullus comitetur assensus, est nihilominus agnitio illud Deum esse quod non est (ut Blasphemia negatio erat eum esse qui est) ac proinde non potest quin sit aperta *Idololatria*.

4. Et si *Idololatria* committatur absq; hominis devotione erga *Objectum* inidoneum, imaginetur profectò quivis externum hunc cultum religiosum quàm minimis velit gradibus devotionis seu internæ intentionis comitatum, apertè hinc patet fieri non posse quin etiamnum sit *Idololatria*. Quod consecrarium apprimè utile est ad convincendos homines de futilitate vanitatèq; istiusmodi, subterfugiorum ad quæ recurritur in istis recens excusis oculis *Dulie & Hyperdulie & Latriæ*; quibus significare volunt certas quasdam differentias & gradus *Cultûs religiosi*, immò distinctas ejusdem species, cum tamen non sit nisi unus juxta veram illam definitionem quam proposuimus. Nam quilibet actus effectûsve religiosi nostri affectûs in Deum, circa res personæve indicati, non est statim *Cultus religiosus*, prout planè apparere potest ex ipsius definitione, & ex iis quæ jam tradidimus in Capite antecedenti. Verùm ut revertamur ad rem quæ præ manibus est.

5. Per generalem hanc igitur Notionem *Cultûs religiosi*, uno, nec eo quidem contemnendo, gradu propiùs accessimus ad certam dijudicationem quando *Idololatria* committatur. Tunc nimirum quando ritum aliquem obimus seu Ceremoniam, hoc est, religiosam aliquam actionem externam peragimus, appropriatam significationi agnitionis Divinæ Eminentie, coram, vel potius, versùs illud quod non est Deus. Ubi per *coram* vel *versùs*, intelligo distinctam directionem (aut per nosmetipsos aut per alios aut saltem per consuetudinis interpretationem) hujus actionis religiosæ tanquam ad *objectum* quod eà volumus honorare. Hæc enim res sola est quæ actio evadit *Idololatria*. Semper enim erit necessitas Ritus nostros religiosos obeundi coram vel versùs hoc vel illud per modum *circumstantie loci*, quod tamen fieri potest absq; vel minimo reatu aut suspitione illius criminis. Quamobrem est destinata & assueta applicatio appropriatorum signorum agnitionis Divinarum Excellentiarum ad *objectum* in quo Divinæ Excellentie non sunt, hoc est, ad rem quamlibet quæ reverà non est Deus, quod nefarium hoc peccatum sit *Idololatriæ*. Hoc, inquam, oportet esse, atq; hoc solum, sine superadditione alijs cujuscvis rei, omnes numeros naturæ illius Peccati explebit.

6. Nam ii qui se opinantur tam mirificè astutos ac subtiles in hoc insuper inferciendo tanquam ad eam constituendam apprimè necessariam, ut applicatio scilicet horum signorum appropriatorum significationi illius honoris quem Deo debemus, *Creature* fiat in actu *Idololatrico*, tanquam Deo ipsi, hoc est, cum intentione conciliandi adoratæ Creaturæ existimationem quasi ille verus esset Deus, magnæ proculdubio stultitiæ se alligant tam insulsam efferendo Assertionem.

Etenim quemadmodum Fœmina quæ largitur conceditve alteri qui non est maritus ejus, id quod marito illius est appropriatum, Corporis utiq; sui usuram, excogitet sanè quas volet restrictiones mentales, directionesve intentionis in ipso actu, reperitur proculdubio manifesta adulterii; ità quisquis appropriata agnitionis Divinæ Excellentie symbola, qui *Cultus* est *religiosus*, illi applicat quod non est Deus, minuat certè quantum volet, mentalibus limitationibus & restrictionibus, postquam semel cultum hunc Religiosum in *Objectum* hoc inidoneum transmiserit, eo ipso citra omnem controversiam crassius evasit *Idololatra*. Et quemadmodum fœminæ illius asseveratio, se non fecisse tanquam marito suo, non eam excusabit ab Adul-

terio, ità nec hujus affirmatio neq; se fecisse tanquam vero Deo, excusabit eum ab Idololatria, quæ est spiritualis Fornicatio.

Ethic. Nic.
lib. 9. c. 2.

7. Præterea, si Idololatria non committatur nisi quum Creatura religiosè colitur pro ipso summo Deo, vel tanquam si summus esset Deus, Cultum dirigendo tanquam ad talem, difficile erit Idololatriæ exemplum in universo *Ethnicismo* invenire. Nam inter multos illos Deos quos coluerunt, unum solum colebant tanquam summum, quem *Latini* Jovem, *Græci* Δία appellabant, qui *Pater Deorum* existimabatur. Quod & occasionem dedit *Aristoteli* utendi illà locutione de officiorum distributione ac honorum, ἡ δὲ τῶν καλῶν καὶ τῶν κακῶν ὁμοίαν ἔχει τῇ τοῦ θεοῦ, *Omnia officia non pendenda esse patri ut nec omnia sacrificia sunt Jovi*. Ea verò quæ illi non fiebant (quæ proculdubio numero erant longè plurima) Cultus Idololatricus juxta hanc Hypothefin non erant. Nec ea quæ ipsius statutz fiebant ab eis qui ipsum *Jovem* eam non reputabant, nec deniq; ea quæ ipsi *Jovi* sacrificabantur tanquam Patri ac Origini rerum omnium, quippe quæ satis solida notio est veri Dei. Quapropter hac ratione pauci admodum vel potius fermè nulli inter *Ethnicos* reperientur Idololatræ. Quod profectò tam incredibile est Paradoxon, ut illud quod ipsum inferat necessariò concludendum sit esse falsum.

8. Quibus addere potes, Quòd ex eo quod jam demonstravimus, *Cultum scilicet Religiosum non esse nisi unum*, continuò sequitur illius Applicationem cuilibet objecto, quibuscunq; conditionibus, præterquam illi uni vero Deo, esse ipso facto Idololatriam.

Vide cap. 9.
sect. 10.

9. Et postremò, si appropriata signa Religiosi cultûs adhibere possint ad venerationem Creaturæ, in quem finem Christi Divinitas tam expressè in Scripturis sacris describitur, tantòq; cum zelo defenditur per omnia Ecclesiæ secula? Nam *Divinus Cultus* quem ei attribuimus juxta insubidam assertionem suprà memoratam, ipsi præstari posset quamvis merus esset Homo. Aded manifestum est, Applicationem appropriatorum signorum *Divini* seu *Religiosi Cultûs* (nam unum idémq; sunt) cum intentione colendi per ea id quod non est Deus, quanquam illud minimè intendimus tanquam *summum Deum*, vel tanquam *verum Deum* colere, Actum esse Idololatriæ.

C A P. XI.

1. Sacrificia, Labamina & Suffitus appropriata esse signa Cultûs religiosi secundum Grotium, ut & quicquid consensu Gentium tale factum sit. 2. Vota etiam, Juramenta, Donorum Supernaturalium Petitionem, Invocationemq; Sanctorum vel Angelorum quando sunt invisibiles; 3. Et Petitionem ab ipsis, dum sunt visibiles, Boni cujusvis naturalis ad Altare vel in Templo ipsis consecrato. 4. Imagines erectas & dedicatas in Templis vel super Aras modum esse Cultûs Divini, ubi & objectioni occurritur. 5. Cantica etiam & Incurvationes ità formari posse itq; circumstantiis circumscribi ut hujusmodi fiant signa. 6. Omnem Idololatriam esse Blasphemiam, Divinæq; Nominis attributionem cuius Creaturæ utrasque. 7. Generalis appropriatorum signorum Cultûs religiosi distributio. 8. Subterfugii anticipatio, prætendentis laxiorem esse significationem Cultûs religiosi quàm nos proposuimus; cùm nostræ tamen subsequentes Redargutiones omnes à veritate definitionis Cultûs religiosi, eo sensu quem nos declaravimus, omninò pendeant.

1. **Q**uamobrem nihil nobis nunc deest ad clarè dignoscendum ubi Idololatria committatur præter distinctam determinatamq; Notitiam appropriatorum signorum *Divini Cultûs*, quæ quidem ut opinor, cognitu haud ità sunt difficilia. *Grotius*, vir sanè ad imaginandum id Idololatriam esse quod reverà non est, minimè proclivis, tria hæc expressim nominavit, *Sacrificium, Libamen, & Suffitum*, quæ is appellat venerationis signa quæ consensus Gentium *Divini Cultûs* esse propria voluit. Atq; sic exempla nobis non solùm suppeditavit, sed & Regulam quâ invenire possumus quæ sint propria *Divini Cultûs* signa; quòdq; ea utiq; saltem sint, quæ consensus Gentium talia constituit.

Atq; hîc tempestivum fore credo (cùm sint qui aded temerè sacrificium *Latriæ* appropriant, quasi hoc signum Cultûs religiosi Deo omniò proprium esset, alia aliis

aliis etiam *objectis* communicabilia) obiter notare, quòd, si per *sacrificium*, Animalium mactationem intelligant, cum id genus Cultus apud Christianos planè exolverit vel potius nunquam obtinuerit, necesse sit ut vim naturamq; aliorum signorum religiosi Cultus majorem in modum evehat, eaq; manifestius reddat cuius creato *objecto* incommunicabilia, prout reverà sunt, quamvis hic casus non contingeret.

2. *Vota* etiam ac *Juramenta* Grotius agnoscit partem esse illius generis Cultus, ut & Petitionem *Spiritus sancti*, *Remissionis peccatorum*, *Vitæq; æternæ*. Hæc igitur, juxta illius sententiam, non poscenda sunt ab Angelo, quamvis visibiliter præsens esset. Quibus haud cunctanter addam *religiosam Invocationem* cujusvis Angeli Spiritusve *absentis* seu *invisibilis*. Etenim quemadmodum ex eo quòd Deus solus largitor est Vitæ æternæ, Remissionis peccatorum, & sancti Spiritus, is qui res adeò sublimes à Creatura poscit, excellentias Dei incommunicabiles in ea Creatura agnoscit; ita etiam & is qui *invisibilem Angelum sanctumve* invocatur, agnoscit similiter *Omniscientiam* quandam & *Omnipresentiam* in hoc Sancto Angelove, quæ sunt incommunicabiles Excellentie Dei.

3. Quinimò porro addam, petitionem ejusmodi rerum quas penes Creaturam fit largiri, medicinæ putà huic vel illi morbo medendo aptæ, vel auxilii in periculo per viam in itinere, si unum poscatur putà ab *Æsculapio* in Templo & ad Altare *Manibus* illius consecratum, alterum ab *Hercule* ad Aram itidem ipsi dedicatam, dico petitiones horum haud ita factu difficilium beneficiorum, immò & si sic magis placet, ab his *Geniis* seu *Demonibus* præsentibus illis & visibilibus petitorum (estq; par ratio in *Sanctis* atq; *Angelis*) necessariò nihilominus fore *Idololatriam*; siquidem *consensus Gentium* erectionem & dedicationem *Templorum* & *Altarium* pro precibus, votis & sacrificiis, *Divini Cultus* signa constituit; & notissimum est solennem fuisse cultum summi Dei, Deiq; utiq; *Israëlis*, dum Templum stabat. Cujus Residentia modo magis peculiari existimata est fuisse inter *Cherubinos*, qui ab oculis populi abscondebantur nè per ipsos *Idololatriam* committerent.

4. *Gentiles* verò depravatè admodum usi sunt hæc religiosi cultus Circumstantiâ, supplicationesq; suas ad apertas Imagines Statuasve *Divinæ Residentiæ* direxerunt, in eum finem consecratas ut Deus loci suas illis reciperet oblationes & preces. Addeò ut, tametsi omnes Nationes omnibusq; quidem temporibus hæc representatione *Divinæ Residentiæ* per Imagines non sint usæ, tamen ubi in usu erat (& erat sanè in usu oppidò quàm frequenter) manifestum est partem fuisse *Divini Cultus*, talisq; quo erga supremum Numen uterentur. Cùmq; hic modus *Divinæ presentie* visibilisve Residentiæ per Imagines non solum in cultu inferiorum *Demonum* adhibebatur, sed etiam in eorum qui nuncupabantur *Dii cælestes*, (quos certè putare non poterant è Cælo exulare ut hisce terrestribus statuis assisterent) argumento est ipsam *Imaginem* habitam esse pro *presentia* illius Dei, quem adorabant, sed consequenter hanc representationem cujusvis Numinis, sive Numen personaliter illis præsens sit sive non, ejusmodi esse quæ consensu Gentium in ordinarium transferit *Divini Cultus* modum.

Nec sanè potest Templorum erectio, Altarium, aliorumve symbolorum religiosi Cultus, eis qui non sunt Dii, efficere ut hæc desinant talia esse signa vel symbola. Tunc enim cum universa ad hunc modum violata sint & ad alienos usus detorta, nulla *Divini Cultus* signa omnino essent reliqua. Sed è contrà potius concludendum est quæcunq; res consecratæ erant Cultui honorive Dei *Israëlis*, easdem illi consecrare qui non est Deus, ipsius quidem juris esse violationem actumq; conspicuum *Idololatriæ*.

5. *Hymni* etiam & *Incurvationes* sic formari possunt ut necessariò futura sint *Divini Cultus* signa, ut, nempe si hæc incurvatio fieret versùs aliquem particularem spiritum *invisibilem*, etiam dum *invisibilis* est, esset enim agnitio unius ex incommunicabilibus Excellentis Dei, illius nimirum *Ubiquitatis*. Possumus enim ubivis nos incurvare versùs invisibilem Deum, quia est ubique; verùm incurvare nos versùs particularem aliquem *Angelum Spiritumve* dum est invisibilis, planè est incongruum, quippe quòd is ubiq; non est. Ac proinde ille qui cultum hunc ipsi præstat tanquam congruum, eo ipso interpretativè *Ubiquitatem* in eo per hunc cultum agnoscit atq; sic evadit *Idololatra*.

Incurvatio etiam versùs Imaginem cuius Creaturæ erectam, (præsertim in Templo vel super Altare, imò quantumvis ab utrisq; remotam) signum esset *Cultus religiosi* ex sententia *Divina* ac *infallibili*. *Non incurvabis te eis neq; coles ea*: hoc est, non præstabis ipsis cultum *Incurvationis*, nec alium quemvis Cultum religiosum. Nam *עבודה* est *Cultus religiosus*, cujus proculdubio *Incurvatio* in hujusmodi cir-

cumstantiis una est species, quando utiq; exhibetur aut *Spiritus* alicui *invisibilis*, aut *visibilis* eius *representationi* in *Imaginem* vel simulachro. Quorum posterius *consensus* etiam *Gentium* appropriatum fecit signum *Cultus religiosi* in Templis præsertim ut paulo supra notavi.

Et nunc quidem quantum ad *Hymnos*, ipsa carminis compositio in laudem rei cuiuslibet creatæ, *Solis* putà, *Lunæ* vel *Dæmonis*, si ejusmodi Epitheta ipsi inferantur quæ incommunicabiles Dei Excellentias significant, ut si quis sic exordiretur, *O Sol omnipotens*, vel *O Luna omniscia*, fieri equidem non potest, quin hæc *Divini Cultus* attributio foret *Soli Lunæque*. Quam etiam ob causam *Martialis* sanè mihi videtur non solum adulator *Domitiani*, sed & *Idololatra* in isto *Hendecasyllabo*.

Edictum Domini Deiq; nostri.

In quo tamen scribit secundum ipsius *Domitiani* exemplar, qui ministros suos publicos hanc formam Epistolarem docuit, *Deus & Dominus noster sic fieri jubet*. Quod quidem si aliquantò tolerabilius esse potest in *Regnis Paganis*, ubi *Dii* vulgo nihil amplius significant quam *Angeli* apud nos; in *Christianis* tamen *Nationibus* ubi *Deus* est nomen *incommunicabile*, quemadmodum Author *libri Sapientie* nos monet, appellare profecto quenquam hominem *Deum*, fieri non potest quin horrenda sit *Idololatria*, vel *Blasphemia*.

6. Nec eo quidem minus *Idololatria* quod *Blasphemia* sit, quandoquidem omnis *Idololatria* est hujusmodi. Quippe quod *Idololatria*, attribuendo signa appropriata agnitionis Divinarum Excellentiarum vili Creaturæ (& omnis sanè Creatura respectu Dei vilis est) eam æquat Creaturam Deo, & consequenter Deum æque vilem facit ac eam Creaturam. Quæ manifesta est contumelia & *Blasphemia* adversus ipsum, intolerabilior sanè quam si quis Principem aliquem vilissimi Animalculi nomine appellaret. Dico igitur, quod in eis Regionibus ubi nomen *Dei* Deum *verum* non autem *Angelos* ex loci consuetudine significat, si quis appellationem illam homini cuivis applicaret, *Idololatria* simul esset & *Blasphemia*; quemadmodum etiam foret quovis Corporis gestu erga eam uti qui *Divine adorationi* sit appropriatus, quod effecit ut *Græci* nollent reverentiam *Persarum* Regi exhibere more *Persico*, quippe quæ ea ipsa corporis positura erat quam illi in *Græcia* adhibebant in Deorum suorum cultu.

7. Hæc sunt præcipua, si non omnia *Divini Cultus* signa, quæ facile animo occurrunt. Et si qua fortè prætermisi in particulari hac recensione, ex præfacili revocabuntur, si non tutò in generali illa Notione signorum appropriatorum Religiosi Cultus, quam proposui, custodientur. Quod omnia nimirum ejusmodi sunt quæ vel *consensus Gentium*, vel *Regionum particularium consuetudo*, vel *ipsius rei naturalis significatio*, vel *Divina* deniq; *declaratio* talia constituit. Primi generis sunt *Sacrificia*, *Libamina*, *Suffragia*, *Altarium erectiones*, *dedicationes Imaginum*, & similia. Secundi generis est certa quævis *Positura religiosa venerationis* huic vel illi Regioni propria, (ut in illo *Græcorum* exemplo) quæ conscientias astringebat incolarum Regionis. E tertio genere sunt *Petitiones pro sancto Spiritu*, *Peccatorum remissione*, *ætterna Vita*, aliæque quævis re, quam penès nullam Creaturam est largiri: *Vota* itidem ac *Juramenta*, quippe quæ perfectam *necessitatem* in eis supponunt in quorum nominibus fiunt, nec solum *notitiam facti* sed etiam *puniendi potestatem* extra communem legum humanarum viam. Quam potestatem ac notitiam nulli particulari Spiritui inesse certi sumus præterquam soli Deo. Quibus addere potes *Invocationem cuiuslibet spiritus particularis dum est invisibilis*, quanquam in ejusmodi rebus in quibus naturalem habere possit facultatem nobis opitulandi. *Hymnos* etiam & quascunq; *Compellationes* ad Creaturam factas, si verba incommunicabiles Dei excellentias significant. Hæc omnia ex sua natura, & quæcunq; horum similia sint, signa sunt appropriata *Cultus Religiosi*, etiam si *Gentium consensus* sua suffragia huc non conferret, nec quidem debentur, nec licet profecto ea ulli rei attribuere, nisi vero Deo. Unde inidonea ipsorum alii cuivis *objecto Applicatio* pro certo erit peccatum *Idololatriæ*. Denique, postremi generis exemplum est *Incurratio* versus *Imagines*, quandoquidem cultum quendam ipsarum esse declaratur in *Decalogo*, prout supra notavi.

8. Et nunc demum, ut nemo sibi fingat se ullum reperisse effugium quo vim & perspicuitatem ratiocinationum nostrarum evadat, prætendendo, Cultum religiosum laxioris esse significationis quam quæ nos eum definivimus, maturè hic eum moneo, me scilicet non solum nihil morari quinam per incuriam vocabulo abusus affigi possint,

possint, quæve vellicationes & distractiones adhibeantur, quibus propriæ concinnæq; vocum significationes ad cooperiendas, palliandâsq; inconcinnas corruptâsq; opiniones, extendantur, sed etiam (quod & eum præcipue notare velim) minime fore ut demonstrationes nostræ à singulari illa significatione *Religiosi Cultûs* (quem tamen luculentè probavi non esse nisi unum) dependeant, sed à veritate illius definitionis quam de eo formavimus, & eo ipso sensu quem ex professo illic intendimus. Nemo enim negare potest quin religiosus Cultus soli Deo debitus (quamvis adeo scævo esset iudicio ut aliquod genus Cultûs religiosi aliquibus Creaturis deberi opinaretur) verè accuratèq; in suprâ dicta definitione sit definitus. Atq; equidem hîc in ipso vestibulo fidem do meas Idololatriæ evictiones petutum iri, non quidem à suppositione quod Cultus religiosus nullam alium habere possit sensum quam juxta quem in hac definitione eum definivi, verum à veritate solummodo definitionis illius *Cultûs religiosi*, qui soli debetur Deo; ut nè minimus quidem relinquatur locus cuiusvis possibili cavillæ aut subterfugio tenuissimæve eorundem umbræ aut insomnio.

CAP. XII.

1. Partium plenæ illius instructionis quam nacti sumus ad dijudicandum quid sit Idololatria, brevis enumeratio. 2. Adorationem Crucis esse Idololatriam; 3. Ut & Cultum cujuslibet Personæ è sacrosancta Trinitate per Imaginem vel Picturam. 4. Cultum religiosum Angelis Sanctisve attributum, quantumvis sine omni Imagine vel Pictura, esse Idololatriam. 5. Meram Invocationem Spiritûs cujusvis particularis invisibilis esse etiam Idololatricam. 6. Ad effugia quædam circa Sanctorum Invocationem responsio. 7. Responsio ad aliud Effugium. 8. Sanctorum Cultum per Imagines duplicem esse Idololatriam. 9. Idololatriam esse, Imaginem colere quum pro ipso Sancto eam sumimus; 10. Ut & Adorationem cujusvis hominis superstitis in terris. 11. Cultum Panis Eucharistici pro reali Christi corpore habiti, esse Idololatriam. 12. Omnes suprâ dictos actus esse Idololaticos, quicquid homines ad eorum cooperiendam deformitatem prætenderint. 13. Nec visum aliquod ab ipso apud s. Petrum ullam Idololatriam supponere licitam.

1. Satis jam, opinor, instructi sumus, partim ex confessis Idololatriæ Exemplis ab Ethnicis Judæisve commissæ, & partim ex notitia adequati objecti Idololatriæ, ut & veræ definitionis Cultûs religiosi & appropriatorum simul signorum formalisq; ac essentialis ipsorum Applicationis, ad dijudicandum indubitatèq; definiendum quid foret Idololatria, ubicunq; apud ipsos Christianos suspecti quicquam in usu occurrat, & quid non.

2. Exempli gratiâ; Crucem adorare, ullumve ei Cultum Religiosum tribuere, quamvis nulla in ipsa esset Imago, Idololatria foret, juxta primum illius Exemplum, aliâq; ejusmodi quæ illuc referantur. Quæ planè ostendunt Idololatriam sine Imagine committi posse. Quodq; hic committitur manifestum est ex eo quod appropriata Divini cultûs signa in ejus adoratione adhiberi supponimus. Quod quum sit cuius Creatura, est ipso facto Idololatria.

3. Secundo, Religiosum exhibere cultum Picturæ vel Imagini cujuslibet Personæ è sacrosancta Trinitate vel omnium trium, vel particulatim Imagini Christi, quamquam intenditur ut Cultus hic Religiosus per Representamentum ad Deum ipsum pertranscat, Patrem, Filium, Sanctumve Spiritum; est nihilominus Idololatria juxta secundum exemplum, ubi Cultus veri Dei per Imaginem probatur esse talis.

4. Tertiò, Angelos colere Sanctosve, immò & ipsam beatam Virginem cultu religioso, quantumvis sine Imagine, est Idololatria. Atq; hujusmodi esse potest religiosa ipsorum Invocatio, earumq; rerum ab ipsis postulatio quas Dei solius proprium est largiri; ut Remissionis peccatorum, Assistentiæ Gratiæ, vel Vitæ æternæ; vel ejusmodi Epithetorum usurpatio in Hymnis Canticisve eis factis, quæ incommunicabiles Dei excellentias significant, vel deniq; Votorum nuncupatio, & per eorum nomina Juratio. Hoc manifestò apparet ex primo exemplo Idololatriæ & ab id genus appropriatis Cultûs Divini signis quæ ex sua natura talia esse intelligantur.

5. Et certè hujusmodi est auxilii ab hoc vel illo Sancto imploratio, tametsi in conspicuis illis circumstantiis supplicationum nostrarum faciendarum, in Templo vel ante

ante *Imaginem Sancti*, quem oramus, non fieret. *Simplex enim Invocatio spiritus particularis invisibilis*, ex se Idololatria est absq; reliquis illis circumstantiis, quoniam ex consequenti illud attribuit isti spiritui quod soli Deo proprium est, *Omnipresentiam* intelligo vel *Ubiquitatem*. Nemo enim certus esse potest spiritum invisibilem in hoc vel illo particulari loco adesse, nisi supponatur in omnibus locis esse simul; quod proprium Dei est privilegium.

Quapropter simplex *Invocatio particularis alicujus spiritus invisibilis*, res est haud perinde levicula ac quidam eam faciunt, sed aperta Idololatria. Quinimò ausim dicere eam partem esse maximè *fundamentalem* omnis illius Idololatriæ à Paganis commissæ, (si philosophicè ac cum ratione res examinetur) matrèmq; reliquarum. Aut saltem quæcunq; insignes Objectiones extiterint rationemq; convicturæ, contra usitata *cultus religiosi* signa, erga particulares hos *spiritus invisibiles* pro more adhibita, eas etiam hic inveniri, contràq; *Invocationem* afferri posse; siquidem præcipua est quòd *Omnipresentiam* innuit invisibilis illius spiritus quem colunt.

Quam quidem ob causam *Templi Altarisq; consecratio, Residentia symbolica, visibilisve Representatio, & oblatio sacrificiorum* & similia, nulli competunt præterquam *Omnipresenti Deo*, quem semper certi sumus, si fas sit ita loqui, domi inventum iri, quoties illius ædes adimus. Quantum verò ad alios *spiritus invisibiles particulares*, quis novit domi sint necne, an negotio aliquo occupati, hostem persequentes an itinerantes, an altum alicubi dormientes? quemadmodum *Elias* sarcasticè argumentatur de *Baal*. Immo addam, an captivi abducti sint, vel in alium aliquem locum inclusi? Nemo profectò certus esse potest ubi sint, quòdve illic sint unquam ubi *Symbolica* eorum *visibilisq; Residentia* ponitur, nisi *omnipresentes* sint & necessariò illic sint, ex eo quòd sunt ubique. Sin minùs, nullum firmum argumentum habemus nec certitudinem aut *presentiæ* eorum aut *audientiæ*. *Preces* verò & *Invocatio* fidem supponunt ac certitudinem quòd audiendi simus sensu eo saltem ordinario; de quo tamen cum nulla sit certitudo nisi *spiritus invisibilis* invocatus, sit *omniprensens*, manifestum est eum qui *spiritum invisibilem* invocatur, illum *interpretativè* agnoscere *Omnipresentem*, & consequenter, si spiritus *particularis* sit & *finitus*, eo ipso committere Idololatriam.

6. Nec potest profectò hujus demonstrationis evidentia vulgatis illis subterfugiis evitari vel eludi, quasi Sancti scilicet per particularem à Deo *Revelationem*, vel per *sublimitatem* peculiaris suæ conditionis in statu illo separato & glorificato in quo sint, omnia viderent & cognoscerent. Enimvero qui ad hunc modum loquuntur, bacchantur quidem magnificè & præstigiosas nunquam intelligendorum ænigmatum ampullas ejaculantur sine omni Rationis probabilitate Scripturæ testimonio. Cum hæc certè *post-figmenta* sint, precariæq; Hypotheses ad vesaniam ac enormitatem *Idololatricarum* suarum consuetudinum excusandam excogitatæ.

Quantum enim ad posteriorem suppositionem, omninò insomnium est ut quis existimet beatam putà Virginem vi solà glorificatæ ac separatæ suæ conditionis ab hoc terrestri corpore, audire posse de cælo, ad tam immensam distantiam, pja murmura ac suspiria affectuosorum suorum supplicum, humilèsvè ipsorum prostrationes per terræ crassitiem pervidere. Invocatur enim ab omnibus hujus Globi incolis in omnibus posituris distantisve orbis habitabilis, etiam ab eis qui sibi invicem *Antipodes* sint, ubi si uni assistat necesse est ut Terræ saltem diametro distet ab altero, per quod intervallum nec visus ejus nec auditus unquam potest penetrare.

Et quantum ad Hypothesin priorem, quàm puerilis & ridicula res est! quandoquidem prætendunt se *Sanctis* supplicare ut Deum suâ gratiâ alloquantur, quum *Sancti* interim Deum antè alloqui non possunt, quàm ille nuncium ipsis dicendum narraverit, ut qui illud à supplice priùs accipit eisq; statim communicat, ut illi denudò ad eum ipsi renarrent. Quòd planè ostendit incongruentiam ullas faciendi supplicationes ad Sanctos. Et verò (si consideremus quàm perfectè placabilis Deus sit & propitius, & quàm liberè ad eum accedi possit in solo nomine & mediatione Jesu Christi) tam inutile esse Theologiæ assumentum & tam inscitum ac inartificiosum, ut nullam fidem apud quenguam habere possit communis rationis compotem. Ac proinde nulla est hujusmodi specialis revelatio *Sanctis* facta quando nos precibus nostris eos compellamus; & consequenter hujusmodi *Invocatio* (quæ Deo propria est propter omnisciam illius *Ubiquitatem*) ubi adeò perperam in *particulares* hos *spiritus invisibiles* translocatur, necesse est ut *interpretativè* actus sit *Idololatricus*. Si quidem ejusmodi cultus ipsis præstatur qui talem in objecto excellentiam supponat quæ non reperitur nisi in solo Deo.

7. Nec certè Professio ipsorum, quantum ad alias rationes, quòd tam diminuentes de

de Sanctis opiniones conceperint (eos utiq; verum Deum non esse sed Intercessores Christo inferiores & similia) eos potest ab *Idololatria* excusare. Quippe quod agnitio unius cuiusvis *Excellentiæ* seu *peculiaritatis Divini Numinis* in eo quod mera est Creatura, proculdubio est *Idololatria*, quemadmodum unius cuiuslibet Castelli proditio hosti Principis læsæ maiestatis crimen est adversus Principem. Et Pagani profecto *Idololatræ* existimati sunt ob cultum *Mercurii* totiusq; ordinis *Medioximorum* seu *Internunciorum* Deorum sive *Dæmonum*, quanquam apertè eos agnoscebant Deo supremo inferiores. Adèd ut videre non possim quin mera *Sanctorum Angelorumve* *Invocatio* manifesta sit, immò verò *fundamentalis*, pars *Idololatriæ*, & ejusmodi quidem cui omnis *Idololatriæ* pompa ac apparatus sit superstructus, *edificationem* intelligo *Templorum*, *Altarium* & *Imaginum erectionem*, *suffitus*, *sacrificia* & similia. Universi enim desinunt in *Invocationem*, ex firma quadam fiducia quòd audiri possint, quam sanè cum ratione nemo de *spiritu* ullo *invisibili* concipere potest, nisi sit *omnipræsens*, quod *Invocatio* hæc naturaliter & necessario supponit, alioqui actio minimè erit consentanea, sed oppidò quàm incongruens & ridicula. Omnes enim aliæ suppositiones de hujusmodi *spirituum invisibilium* conditione, arbitrariæ sunt, incertæ, imò verò planè incredibiles, talésq; ex quibus nulla nobis esse possit fides vel certitudo quòd preces nostræ audiantur.

8. Quartò, Et quemadmodum cultus *Invocationis* sive *Sanctorum* sive *Angelorum*, absq; usu *Imaginis*, adèd manifesta *Idololatria* est, ità & ipsorum *Invocatio*, aliùsve quivis eorum cultus cum *Imagine*, duplex necessario est *Idololatria*, & ad tertium illius modum potest referri.

9. Quintò, Cultus *Imaginis*, putà beatæ Virginis aliùsve Sancti cuiuslibet, per errorem utique, quòd ipsam Virginem aut hunc illumve Sanctum esse putemus, est itidem *Idololatria*, & ad quartam illius Instantiam referri potest.

10. Sextò, Hominem quemvis adhuc in terris viventem cultu religioso colere, sive *gestu corporis* id fiat seu *Compellatione*, *Appellationeve*, aut alià quavis re quod signum est appropriatum *incommunicabilium* *Excellentiarum Dei*; hæc etiam est *Idololatria*, referriq; potest ad Instantiam primam.

11. Septimò & ultimò, Panem consecratum in *Eucharistia* adorare, quanquam ex plena persuasione quòd transubstantiatus sit in Corpus Christi, atq; adèd cum *Divinitate Hypostaticè* unitus, nihil obstante hac opinione de ipso conceptà, actus reverà est *Idololatricus*, & manifestò refertur ad Instantiam ultimam.

12. Omnes hi actus & alii quicunq; ejusmodi naturæ qui apud ipsos etiam Christianos inveniri possunt & sub prætextu colendi Deum Christumq; usurpantur, sunt procul omni dubio actus *Idololatrici*, secundum indubitatam illius notionem ac definitionem, quæ est, *Cuiusvis rei cultus quæ non est Deus per signa religioso cultui appropriata*, talia scilicet, quæ vel consuetudo vel ipsius rei natura modos proprios nostræ agnitionis *Divinarum excellentiarum* constituerit.

13. Atq; nunc quidem postquam hujusmodi actus, *Idololatricos* esse probaverim, nihil opus est ut novam operam ad probandos eos esse illicitos impendam, quippe omnis *Idololatria* talis est, juxta suffragium Scripturæ omniumq; omninò Mortalium. Nam aliquam *Idololatriam* licitam esse ex eo velle concludere, quòd *Petrus* ἰδωλολατρίαν ἀποκρίσας mentionem fecerit, perinde ineptum est & nugatorium ac si quis ob mentionem impiarum *Blasphemiarum* adversus Deum à quopiam factam, eum qui sic locutus sit, colligeret aliquas supponere *Blasphemias* contra Deum non esse impias. Quamobrem manifestum est ἀδύνατον superaddi non quidem per modum *distinctionis*, sed *aggravationis* vel *descriptionis*, ut quando dicimus, *alba Nix* vel *Corvus niger*, quæ non adhibentur in communi sermone tanquam notæ distinctionis *Corvorum* vel *Nivis* in *albam* & *nigram*, sed sola *Epitheta* sunt, earum rerum naturam notantia. Quapropter, praxes hujusmodi & consuetudines quas enumeravimus, si in Ecclesiam Christi introducantur, unum constituent *Antichristianismi* ramulum, eumq; principalem sanè; necessèq; erit ipsorum doctrinas qui istiusmodi praxes licitas affirmant, falsas esse & rationi minimè consentaneas.

C A P. XIII.

1. Professionem unius solius Dei veri populum non reddere Idololatriæ incapacem.
2. Istiusmodi cultum Creaturæ, quanquam eam Creaturam esse cognoscimus, præstare qui vero Deo proprius sit, esse Idololatriam.
3. Judæos fuisse Idololatrias quamvis illum solum verum Deum professi sint.
4. Persuasionem, quod Panis Eucharisticus reale Christi corpus sit, non excusare ab Idololatria ejus adorantem.
5. Conditionis Ethnicorum qui Solem coluerunt cum hac Artolatrarum comparatio.
6. Sophismatis quod Author olim ipse sibi imposuit in excusanda ArtolatRIA, solutio.
7. Persuasionem, quod Panis non insit Eucharistiæ, non excusare Hostiæ adoratores ab Idololatria.

1. **P**ostquam Falsitatem Mysterii Iniquitatis in hac parte tam apertè demonstravi, secundum professam meam methodum ad *Fraudem* jam progrediar, quæ (prout suprà monui) fallaces *prætextus* & *persugia*, unà cum *Sui-quæstione* Promotorum hujus impii Mysterii, complectitur.

Et certè *Prætextus* ac *Persugia* quibus se occultare volunt, oppidò quàm tenues sunt & exiles, *Sui* verò *quæstiones* crassæ satis esse possunt & palpabiles. Ut, meo quidem judicio, illa perquam misera foret Christianorum defensio, nempe, quod illi professò nullo pacto esse possint *Idololatras* quoniam non esse nisi unum verum Deum Naturæ supra omnem Creaturam infinitò eminentis, apertè declaratèq; profitentur, quòdque proinde, si illi *Idololatras* essent, ipsi sibi planè contradicerent. Quamobrem nulli Christianitatis professores, quamvis cultum religiosum *sanctis* exhiberent, *Angelis*, *Imaginibus*, *Crucibus* & *Panis consecrati frustulo*, possent esse *Idololatras*, præsertim si constanter factum negarent, & perfrictà fronte coram Mundo testarentur se minimè esse tales.

Sed enimvero hujus excusationis ineptitudo & imbecillitas nimium quantum apparens est, si consideremus quàm facile sit quàmque frequenter usu venire soleat ut homines suæ ipsorum fidei professioni contradicant. Quàm multi enim sunt etiam eorum qui reverà credunt vitam futuram, & tamen non ità vivunt tanquam si quicquam tale esset, atque sic per actiones fidei suæ contradicunt? Quàm multi qui particularem profitentes Providentiam Dei Fidemque in ipsam, in rebus tamen adversis ab ea non dependent, sed ad illicitas aliquas vivendi rationes divertunt, aut nefarium aliquod facinus committunt quo se in his angustiis sublevent sartòsve tectos se conservent à periculo? Quàm multi qui magno sanè cum zelo invehuntur contra Cruelitatem & Injustitiam tanquam res quas Deus simul atque homines abhorreant, & tamen ipsi interim insignitèr injusti sunt & crudeles, omnium sanè judicio, quorum res illuc non vertitur, quamvis ipsi benignius proprias actiones interpretentur, & æquè strenuè ac confidenter suam Justificationem testaturi sint, quàm hi Christianitatis professores se non esse *Idololatrias*?

Tit. I. 16.

Ità igitur fieri potest, ut, quod ait Apostolus ad *Titum*, homines *profiteri se possint Deum cognoscere, & tamen suis eum negare operibus*. Possunt quidem asseverare non esse nisi unum Deum verum, & Cultum tamen ei soli debitum huic vel illi Creaturæ præstare, absque declaratione vel intentione, ut hæc Creatura habeatur pro vero Deo, Cultusve *Religiosus* existimetur ei præstari tanquam Deo vero. Quæ professò talis est Idololatria quæ nusquam apud ipsos Ethnicos inventa sit. Nec in humanam mentem explicitè potest cadere, non certè magis quàm contradictionibus fidem adhibere, etiam tum cum tales eas esse existimat, aut religiosè contraire dictatis propriæ Conscientiæ, etiam cum dictata hæc existimat esse vera. Tam manifestum est nullum populum Religiosè ac per Conscientiam illum Cultum quem soli Deo debitum sentiunt, præstare posse illi quod existimant verum non esse Deum.

2. At enim per Inadvertentiam, pravam Educationem, assuetamve Superstitionem, non est impossibile, quin nescientes aut saltem non animadvertentes, quod hi vel illi Ritus rationesve Cultus soli vero Deo propriè debiti sint, eos adhibeant in illius rei honorem quæ mera est Creatura vel Creaturæ Imago, sive *sanctus* sit sive *Angelus*. Nec certè potest reminiscencia in hoc casu quod Dei sint Creaturæ, hominem sartum tectum conservare ab Idololatria. Error enim in *natura Cultus*, quem ipsis præstat, eum demergit in Idololatriam, quanquam interim *Objectum* tanquam *Creaturam* considerat. Nec Ignorantia excusationi esse poterit, ubi opportunitas sit

sit melioris Informationis. Immo Incestus & Adulterium à nobis haberi debent & appellari Adulterium & Incestus, quamvis in usu sint ejusmodi Regionibus quæ illa approbent, debemusq; affirmare eos magis pollutum esse populum quam nos simus.

3. Quibus addere potes, Ecclesiam *Judaicam* aliquando fuisse *Idololatras* atq; sic à Prophetis Dei declaratos, quamvis cognitionem non abjecissent nec agnitionem sui *Jehovæ* unici illius veri Dei. Cur igitur Christiani *Idololatras* esse non possunt quamvis etiamnum profiteantur se unicum illum verum Deum colere Jesumq; Christum quem misit, eundem ipsum Deum Mariâ virgine olim incarnatum atq; sic in terris inter homines degentem?

4. Et particulatim quantum ad Adorationem Panis in *Eucharistia* ex persuasionem quod verum Christi corpus sit, Christianus à crimine *Idololatriæ* nec per antecedentem defensionem generalem, nec per defensionem huic casui propriam purgare se possit, nempe, quod is qui eum sic adorat omnino eum credit Christi corpus esse corporeamve illius præsentiam; non potest, inquam, purgare se hac ratione à reali reatu *Idololatriæ*. Ignorantia enim ejus nulli est ipsi excusationi non certè magis quam prius.

Sensus enim Excusationis hic omnino est, se nimirum divinum hunc Cultum præstare Panis *apparenti*; quia reverà credit *Deum* esse, ac proinde debitum hujus cultûs objectum, neq; se plus cultûs tribuere objecto quam ei debitum esse arbitratur. Si quis sensus sit in Ratione humanisq; Facultatibus, hic profectò sensus est hujus defensionis; quæ si solida sit ac justa, equidem admodum injustè facimus, quod ulla Gentes Personæve per totum terrarum orbem commissæ *Idololatriæ* insimulamur, quæ quidem seriæ essent in eo negotio peragendo. Possuntne enim religiosè ac seriò agentes, eodem tempore opinari, se *Divinum* hunc Cultum Objecto alicui præstare, ipsumq; objectum interim tanti non esse cultûs capax existimare, quantum illi exhibent?

5. Infinitò potior ratio erat cur Pagani *solem* verum illum æternumq; Deum Creatorem rerum omnium ac Gubernatorem crederent, prout in *Liturgiæ* ipsorum fragmentis declaratur, quam ut quivis Christianus imaginetur Panis consecrati frustulum eum esse. Nec quicquam dubito quin antiqui Pagani æquè firmiter crediderint *solem* Deum esse, quam Christianus quivis credere possit Panem *Eucharisticum* esse Corpus Christi. Et tamen credo nemini homini Christiano unquam venisse in mentem, ut dubitet an hi *solis* cultores essent *Idololatras*. Qui fieri igitur potest ut Christianus *Artolatra* ob easdem rationes *Idololatra* non sit, quum nihil ipsi rei insit quod unum excusare possit, quin excuset & alterum?

Et quantum ad mitigationem criminis ex utraque parte ob exteriores qualibet circumstantias, breviter addo: Illustrem Solis splendorem, calorem beneficum, effecta notabilia, immensam influentiam in mundum hunc visibilem, longè fortius argumentum fuisse longèq; eluctabilius ad faciendum ut Pagani eum Deum esse crederent, quam, *hoc est Corpus meum*, ullumve super eo Patrum Ecclesiæ *glossema* jure esse poterat ad efficiendum ut Christianus quivis Panem *Eucharisticum* crederet corpus reale *Jesu Christi*. Ut præteream, quod, quemadmodum Homicidium & Adulterium varios habere possunt aggravationis gradus, factò interim eodem permanente; ita sint certè Circumstantiæ pro ratione Imaginantium magis minùsve aggravabiles, ipse tamen actus quo de loquimur proculdubio est *Idololatria*.

6. Fateor equidem tempus fuisse quando magnoperè mihi ipsi placebam in eo, quod tam evidens argumentum me invenisse putabam, ad probandam adorationem *Hæstie*; quæ vocatur, non esse *Idololatriam* in eis qui ipsum corpus Christi eam esse crederent. Etenim errorem arbitrabar æquè excusabilem atq; in quem olim ipse incidi, cum puer essem, petendo à quodam è cognatis meis, viro sanè haud illepedo, Benedictionem. Etenim sub obscuro crepusculo cum ille fortè fortunà in cathedra se collocasset quâ pater plerunq; solitus est sedere, ego sanè illac transiens lectumq; petens, orabam eum, consueto puerorum more, ut suam impertiret benedictionem, putans meum esse patrem: verum eo remunerante cæcam meam pietatem benedictione ludicrà altòq; cachinno, statim deprehendi errorem. Nescio profectò quantum leges *decori* transgressus sim trivialem hanc narrando de meipso historiolum, spero tamen Lectorem veniam daturum huic *παιδολογίᾳ*, cum tam aptè præsentī proposito possit inservire.

Jam verò erroris hujus mei usus candidus ac benignus olim hic erat. Quod scilicet, quemadmodum nè minimam quidem intentionem habebam Benedictionem emendicandi ullumve filii officium præstandi inidoneæ illi personæ quæ in Cathedra

sedebat sed Patri soli, ac proinde quanquam Peregrinus locum occupaverat, officium tamen illud dirigebatur, intendebatur & reverà præstatur illi soli, quamvis illuc non esset quod ipsum reciperet: ita per charitatem concludebam, (& certè quod meipsum ad hunc modum fefellerim, magnum erat animo meo levamen, utpote cui minimè volupe erat plures observare in orbe errores, orbe præsertim Christiano, quàm erat necesse) siquis Divinam *Hostie* præstaret adorationem planè interim persuasus verum esse Christi corpus, quod adoratio utiq; non magis ad *Hostiam* transiret quàm mea Benedictionis emendicatio ad eum cui minimè omnium destinaveram; sed quod quemadmodum hæc posterior in solidum dirigebatur ad Patrem meum, ita prior ad personam Christi tota transiret.

Hoc quidem sophisma quo meipsum illaqueaveram magnum quod dixi benigno meo Ingenio levamen erat ac voluptas, quamdiu laxius & incuriosius super hac re cogitabam. Verùm postea, quum hisce rebus accuratius inquisitisq; pensandis operam dedissem, dictum sanè illud *Solomonis* nimis quàm verum inveniebam, *Qui scientiam acquirit, acquirit dolorem*. Nec possum errorem illum ad hunc modum excusare, quin eo ipso omnes *Idololatrias*, qui unquam extiterunt, modò in Idololatria sua seriò rem egerint, necessariò excusent. Nam proculdubio semper putabant se debitum objectum sui cultus habuisse, & quid aliud est *Idololatria* quàm debitum cultus objectum non habere? Quamobrem si persuasio, quod habemus, excusabit nos ab Idololatria, nullus devotus seriùsq; *Idololatriam* inquam reus erat illius peccati; quæ immanis profectò est contradictio.

Præterea, magna sanè differentia est inter subitam ac inevitabilem abreptionem in actionem aliquam singularem, & constantem ejusdem erroris repetitionem. Et major adhuc, si consideremus quàm canora, postremis his temporibus, Monita contra hunc tam palpabilem *Transsubstantiationis* errorem edita sint. Quandoquidem fuerunt qui voces suas intenderunt, hominèsq; inclamaverunt, non solùm ad ravim usque, verùm usq; dum sanguinem expuerent, vitasq; proprias effunderent liberè fidelitèq; testificando contra Idololatricam hanc Falsitatem. Et propterea ubi homines aut divertunt ad crassum hunc errorem aut in eo malo illius effectu persistunt, necesse est ut inexcusabilis sit *Idololatria* iudicii omnium hominum qui *Panem Eucharisticum* corpus Christi non esse crediderint. Cujus veritatis par profectò est certitudo quàm ullius rei quæ humano Intellectui proponi potest.

7. Nec postremò, perfugium istud ad rem suam quicquam faceret, si contenderent se non rectè dici posse *Panem* adorare, quippe qui nè credunt quidem eum illuc esse. Etenim controversia eadem ferè est quæ priùs, neq; novà indiget responsione. At verò ex eis quæro utra minor Idololatria sit, *Accidentia Panis* adorare, quæ illuc esse agnoscunt, an *Panem ipsum*? Et certè si Corpus Christi non subsit eis Accidentibus, actus ipsorum Adorationis in visibilia Panis Accidentia cadit, quæ si minùs nobilia sint ipso Pane, Idololatria est major. Præterea Pagani qui *Solem* adorabant, non putabant eam ipsam rem quæ reverà Sol est, illuc esse; (Sol enim non est aliud quàm inanimis & nihil intelligens materiæ flammæ massa) sed ipsum supremum Numen esse arbitrabantur, quod illi colebant tanquam Essentiam Intellectualem quæ creavit & gubernat omnia, prout paulò suprà monui. Et tamen nemo dicet hoc eos ab *Idololatria* excusasse quando *Solem* adorabant. Ubi igitur est eorum excusatio, qui prætendunt se *Artolatriæ* illius immunes esse in quam inciderunt, propterea quod Panem certè ibi esse non putant, hoc est, illud quod illuc colunt non esse Panem? Pagani enim non putabant juxta sensum notionemq; nostram de *Sole*, qui proculdubio verus est sensus, *Solem* illuc esse; quanquam externa *Solis* species illis simul & nobis eadem videtur, ut externa species Panis eadem videtur & *Artolatriæ* & ejus accusatori.

CAP. XIV.

1. *Distinctionis ineptitudo Idolum inter & Imaginem quando utraq; sunt Cultus Religiosi objecta.* 2. *Nihil quod Essentiali & Infinitè Excellentia non sit prædictum, debitum illius esse objectum.* 3. *Absentiam Sanctorum à suis Imaginibus non excusare ab Idololatria.* 4. *Improbabile esse, quòd nulla vera extet Imago Christi, si licitum esset eam adorare.* 5. *Illicitum verò esse adorare eam, quamvis extaret.* 6. *Totum Decalogum esse Moralem.* 7. *Usus Imaginum ad memoriam & devotionem, prætextum fuisse Ethnicorum.* 8. *Objecta externa Divini Cultus impedimento esse illius perfectioni.* 9, 10. *Alia argumenta minimè contemnenda contra usum Imaginum in Ecclesiis.* 11. *Multos alios esse modos excitandi devotionem in populo, Imaginibus infinitè meliores.*

1. **I**sta etiam admodum manca esset Apologia pro cultu Imaginum Sanctorum, nempe, eas Idola non esse sed Imagines piissimorum Sanctorum Dei atq; Christi. Idolum verò esse Imaginem Numinis alicujus Paganici, ut Bacchi, Veneris, Apollinis & reliquorum, qui putabantur in ipsis Idolis residere, cum Sancti apud Christum sint in Cælis. Quasi verò quæcunq; Imago, cui cultus exhibetur religiosus, non esset Idolum. Nulla enim intercedit differentia Imaginem inter ac Idolum nisi quòd una vox Græca sit altera Latina, cum utraq; significant cujusvis rei similitudinem. Atq; hujusmodi Imagines formare, innocuæ sanè artis est specimen. Verùm ubicunq; istiusmodi Imagines seu simulachra rerum vel personarum Divinum honorem Cultumve religiosum recipiunt, Idola ipso facto evadunt vel pessimo sensu ac erassissimo.

Nec certè ulla sufficiens suppetit Ratio, cur Imago Bacchi Cererisve religiosè culta Idolum evaderet, Imago verò Petri Paulive non item; cùve alterorum invocatio Idololatria sit, alterorum verò non. Quippe quòd si veri Dei cultus per Idolum sit Idololatria, cultus profectò illius quod non est Deus, duplex erit Idololatria. Atq; hic rei status est tam in cultu Imaginis Pauli Petrive, quàm Bacchi vel Apollinis.

2. Etenim Bacchus, Apollo, Ceres & reliqui, Benefactores erant humani Generis quantum ad Animalis vite gratificationes, prout fusiùs alibi notavi; verùm infiniti Benefactores non erant. Martem, verisimile est, fuisse strenuum Bellatorem quando in terris degebat, at verò non est Jehovah Zebaoth, Deus omnipotens: Et Apollo vir sapiens erat ac peritus, sed non omniscius. Quamobrem cum Divinas has excellentias modo infinito & essentiali in se non haberent, Divini cultus sunt omnino incapaces.

Myth. Pictat.
lib. 3.

Jam verò par ratio est de Benefactoribus in rebus Spiritualibus ac Divinis atq; in eis quæ Animales sunt & Naturales. Ratio enim cur religiosi cultus Marti Apollinive præstatio sit illicita, non est quòd Benefactores solummodo erant in eis rebus quæ ad vitam Animalem pertinent, sed quòd non erant infiniti ac essentialiter Anteaiores fontèsve illarum perfectionum: Atq; ea propter S. Petrus, S. Paulus, sanctusq; Johannes, immò ipsa beata Virgo, quanquam præclara profectò exempla erant potentèsq; suasores ad Amorem Dei omniàq; officia ac perfectiones Divine Vite, quæ & ipsi tam eximiis modis erant ornati, tamen cum infinitè non sint nec essentialiter boni sanctique, religiosi quidem cultus (qui in his circumstantiis Idololatria evaderet) perinde atq; quivis prædictorum, omnino sunt incapaces. Atq; ii sanè qui cum eis spirituales fornicationem committere volunt, quia tam sancti sunt bonique, æquè ridiculè improbi videntur, quàm isti Sæcarii qui feruntur pro nihilo ducere carnale Adulterium vel Fornicationem committere cum fratre vel sorore, verùm apud prophanos impiòsq; se ab hac libertate coërcere.

3. Nec potest illa suppositio, quòd Sanctorum Animæ in suis Imaginibus non sunt, quemadmodum Dæmones Paganici in suis olim Idolis fuisse existimabantur, vel minimam speciem Excusationis solidæ præ se ferre. Nam Præsentia Sanctorum cultum qui præstetur, redderet magis excusabilem, siquidem ex eo magis capaces sunt ejusmodi affectuosorum accessuum & compellationum. Verùm hæc subterfugia adeò vana sunt ac nugatoria, ut minimè digna sint quibus immoremur.

4. Apologia pro cultu Imaginis Christi plausibilior esse potest, ex eo quòd & verè Deus erat, & visibilis simul formæ & figuræ. Hæc certè non contemnenda esset

ratio cur licitum sit Picturam vel Effigiem ejus formare, verum ad demonstrationem, quod illius cultus sit licitus, nequiquam pertinet.

Esa. 53.

Præterea, quis novit quæ vera fuerit Servatoris facies? Et tunc sanè quàm ridicula & inepta est illa affectio & voluptas in contemplanda Pictura quam suam esse existimamus, cum verisimillimum sit eam non ipsi similem esse nec cuivis alteri quem noverimus? Non est enim probabile, tristem afflictumq; spiritum *Servatoris*, aut devotos suos sectatores & rerum maxime seriarum anxios tanto abundasse otio, ut illius picturam delineandam curarent, qui *homo erat dolorum & ægritudinis gnarus*. Cæterum cum *Divinitas* Hypostaticè unita sit cum Christi solius Humanitate, cumq; visibilis illius persona formæ figuræve fuerit certæ ac individua, & ab hac unione duntaxat oriri supponatur jus colendi ejus Imaginem: si Imago certè non sit Imago Christi, (quemadmodum sæpenumero, uti aiunt, accidit, ut Virginis Imago illius non sit, sed pulcherrimæ alicujus quanquam haud semper castissimæ à Civitate) sed Imago alterius cujuscumque, vel Imago temerè absq; ullius Personæ imitatione facta, quæ unquam extiterit, fundamentum hujus juris colendi Imaginem Christi vacillabit, ita ut nemo certus esse possit quin committat Idololatriam.

Et præterea, quamvis vera esset Imago humanæ figuræ Christi, ut & hoc obtentum fundamentum quo licitum sit eam colere, obliviscimur interim, nè Christum quidem ipsam debitorum esse *Divini Cultus* objectum, nisi quatenus sit *verus homo* sed & *Deus*. Verum qui Pictor, quive Statuarius describere potest exculperè illius *Divinitatem*? Quæve intercedit illam inter & hanc Statuam vel Picturam unio? Et quæ tandem nobis data est licentia violandi mandatum Dei, qui expressè nobis interdixit Imaginis vel similitudinis cujuscumque rei cultum, imò ipsam Imaginis vel simulachri fabricationem ad cultum Religiosum? Nam ipse Titulus primæ Tabulæ, qui est de Honore Dei, ejusq; Cultu, planè ostendit hunc illius Mandati esse sensum.

6. Atq; equidem, quantum ad me, nullus dubito quin totus *Decalogus* sit *Moralis*, atq; æquè severè nobis interdictus sit cultus Imaginum ac ipsum Adulterium. Cur enim misceret *Moses* officia naturarum adeò differentiam in uno brevi *Decalogo* præsertim cum tam copiosè leges suas *Positivas*, sive *Ceremoniales* sive *Politicas*, in aliis locis tradiderit? Nam simplex interdictio Imaginis fabricandæ nullum omnino est præceptum, sed prohibitio tantummodo eam convertendi in *Idolum*, ac proinde illa verba, Non incurvabis te versùs ea nec ea coles, *exegeticè* adduntur ad omnem errorem evitandum, planèq; significant Idololatriam hic interdici, non simplicem Imaginum Picturarumve delineationem; vel Imagines interdici nè in cultum Idololatricum fiant, prout suprà monui ex ipso titulo primæ Tabulæ, quæ ad Religionem spectat officiumq; nostrum erga Deum.

Mat. 19. 17.

Præterea, cur hæc decem præsertim *Mandata* dicuntur *Dei digito illis Tabulis lapideis inscripta*, nisi ut *Typicè* nobis insinuaret quod ea ipsa Lex est quæ etiam Cordibus nostris digito Dei inscripta est, modo sanè durabili & permanenti; quodq; mens cujuscumque si abstergeretur purgareturq; è cœno siturq; qui ipsi infidet, æterni illi characteres indispensabilis *Moralitatis* ac *Rationis* tam conspicuè & legibiliter illuc apparerent, ut non solum congruerent cum *Decalogo*, sed & eum, si fas sit ita loqui, tanquam Legem justissimam æquissimamq; ratificarent? Satisq; portò notum est Servatorem modo specialissimo *Decalogum* cohonestasse, indigitando eum tanquam veram viam ad æternam salutem. Generalisq; eruditæ *Antiquitatis* consensus, *Moralis legis* compendium definivit. Neq; profectò quisquam potest, qui diligentius illius naturam consideraverit, quin æternam Dei legem Ecclesiæ suæ relictam, etiam in suo *literali* sensu agnoscat. Sed enimvero in Christianitatis gratiam (quæ cultum solito longè spiritualiorem requirit) ita *Decalogum spiritualizare* ut hominibus Imagines colere sit licitum: mihi quidem idem videtur atq; in crassissimam eum *spiritualizare carnalitatem*, & perinde esse & implum & ridiculum, atq; mandatum *spiritualizare* adversus Adulterium in sanctam quandam licentiam concumbendæ cum uxore proximi sine culpa & pudore. Quem summum ferunt esse Christianæ libertatis ac perfectionis gradum apud quosdam *Sectarios*.

7. Postrema Apologia, quæ occurrit, pro religioso Imaginum usu in Ecclesiis adhibita, est, quod *Memoria* ac *Devotionis* sint adminicula, cum mens vulgi adeò crassa sit atq; hebes, & plumbea, adeoque alienata ab omni sensu ac conceptione *Deitatis* & *Religionis*, ut hisce palpabilibus ac visibilibus machinamentis attolli debeat & subvehi, quæ prehendere quidem possunt, atq; sic Devotionem suam & Affectionem erga res *Divinas* commodis his artificiosis externisq; fulcris sustinere. Verum hæc defensio *Ethnicis* communis est cum lapsis *Christianis*, eamq; Apologiam fallacem

cem frontem habere oportet, quæ causæ, quam in confesso est esse malam, perinde ac illi quæ bona esse prætenditur, inserviat.

Maximus Tyrinus Statuarum usum in Cultu religioso ad hunc modum olim defendebat. Affirmans utiq; eas esse solummodo *σημεῖα τοῦ θεοῦ τὸ διὸν τιμᾶν, καὶ δαμνᾶν χάριτος* *ἢ τινος καὶ ἰδὶοῦ θεοῦ ἀνέκτου*. Signa esse tantummodo honoris quem Deo prestamus, & manu ductionem methodumq; quâ eum remiſcimus. Quantum verò ad eos, inquit ille, quorum memoria firmior est, mentisq; acies directius penetrare nôrit in *Divinam Præsentiam*, hos quidem nihil opus habere hujusmodi adminiculis. Verùm illos supponit esse admodum paucos.

Multa ad hunc sensum legere poteris apud illum *Sophistam*, qui postquam varios *Idololatriæ* modos, quemadmodum nos eos appellare debemus, in variis Regionibus notaverit, quódq; nihilominus ubiq; ipsis esse possit τὸ θῆσις γράμην, *Deus in animo*; quanquam affectio eorum erga ipsum externâ aliquâ Repræsentatione excitetur, ut Amatorum erga Amicas suas absentes Picturis aliisve quibuscvis symbolis quæ ad eas referantur; pulchrè tandem ac plausibiliter Dissertationem suam hac quidem cautione seu admonitione concludit: Εἰ δὲ Ἕλληνας μὲν ἐπινοοῦναι πρὸς τὴν μύησιν τοῦ θῆσι οὐδὲν τίχην, Ἀργυρίους δὲ ὃ πρὸς τὰ ζῶα τιμῇ, καὶ σὺλμας ἄλλους καὶ πῦρ ἄλλους, καὶ νεμεσὶν τοῦ διασφινος, ἰσώσαν μόνον, ἐξέτωσαν μόνον, μεταποιούτωσαν μόνον hoc est, *Si artificiosè affabréq; facta Statua Græcos ad Dei memoriam revocat, sacrum aliquod Animal Egyptios, si Fluvius alios, si Ignis alios, diversitate equidem non offendor, intelligant solùm, diligant solùm, reminiscantur solùm; τὸ θῆσι οὖν γράμην ἔσθαι μόνον, Deus solùm sit in animis ipsorum.*

8. Verum enimvero, meo quidem iudicio, si quis visum defigat in *Flavium, Bonum, Statuamve*, ita ut advertat se hoc facere (& certe si non advertat in quem finem id faciat?) via est ad Deum ex animo suo excludendum compendiosissima. Quis enim de rebus duabus uno tempore satis firmiter cogitare potest? Quamobrem illa symbola religiosa quæ minimè animadversionem nostram ad se attrahunt aut in se ipsa defigunt, sed eam Deo liberam relinquunt, ad perfectiorem illius cultum sunt utilissima. Et (quod adhuc magis ad rem facit) nullum omninò habere in cultu objectum præter ipsum verum Deum, tutissima erit, quæ mentes nostras in integrum apud ipsum collocemus, ratio, quæq; veriores magisq; comprehensivas piæq; conceptiones de eo formemus, quàm ullo pacto possumus dum eum in Statua quavis, vel Pictura qualicunq; videre vel contigere prætendimus. Nam cogitatio de *infinite* illius *Sapientia, Bonitate, ac Potentia; de infinita illius Misericordia, Justitia, ac Veritate*, deq; harum *Effectis* quæ immensa ejus Providentia complectitur, sensus etiam ejus *Ubiquitatis* seu *Omnipresentiæ*, quodq; in eo *vivimus, movemur, ac subsistimus*, magis viva est pleniórq; representatio *Deitatis*, quàm vel exquisitissima *Ars, Materiesve* pretiosissima potest suppeditare.

Quòd si quis *externam Dei Imaginem* quærit quæ sub ipsos sensus cadat, En *Universum* hoc quod videmus, omnium optimum ac pulcherrimum. Quod tamen res admodum angustâ est quousq; nostri visûs acies penetrare potest. Quàm miseram igitur ac minutam *Representationem* fore necesse est rem quamlibet particularem, sive *Naturalis* sit, sive *Artificialis*, ad significandam *Divinam Majestatem*, & quàm ineptâ indignâve quæ prætendat, objectum fieri, quovis sensu, cultûs Religiosi? Quantò ea necesse est ab interna piæ mentis representatione deficiat, cum & illa mentis representatio amplissimum pulcherrimûmq; hujus visibilis Universi prospectum quem oculus capere potest, tam immensè excedat? Quamobrem quicquid Deum inter atq; nos per modum *objecti* in illius cultu interponitur, adminiculo profectò non est sed ejusdem cultûs perfectioni impedimento.

9. Et ut ad minora etiam descendamus; pia Vita similiter cujusvis *Sancti* character melior & utilior *Sancti* Imago est, majoremq; illi amorem honoremq; conciliabit, quàm Statuæ ejus Picturæve exhibitio. Nulla enim Figura, Positura, nec Colores *sinceritatem Animi* delineare possunt eamve illustrare. Quævis enim Forma artificialis, aspectum habeat quantumvis religiosum atq; pium, tantò magis viva est *Hypocrisis* Pictura, quippe quæ tantò longius abest ut sit quod præ se fert. Ubi hinc præteream quod supra attuli, minimè esse credibile, quosvis ex afflictis primitivis Christianis horas tam malè collocasse, ut sederent dum Pictura eorum describerentur, multòq; minùs beatam Virginem, sanctòsve Christi Apostolos. Quod quidem facit ut religiosus Cultus ipsorum Imaginibus præstitus æquè *ridiculus* sit atq; *idololatricus*. Manifestum est enim iudicium nullas harum Imaginum veras esse; ex eo quòd omnes sic esse prætendant, periade quasi omnes *Sancti* Dei, magni fuissent suarum terrestrium umbrarum admiratores, cùm verisimile non sit vel unum ex ipsis sic

Differt. 38. Eī
θεοῖς ἀγά-
ματα ἰδρυ-
τήον.

sic fuisse. Adeo in solidum universumque contemptibilis culpabilisque est Imaginum cultus in Christianitate. Sed ut in viam redeamus.

10. Tantum igitur abest (quantum ad *Deitatem*) ut hic Imaginum usus in Ecclesiis mentem hominis in remiscientiam Dei & in debitum dignumque sensum illius & agnitionem erigat, ut eam altius faciat subidere, eamque in vilia abjectaque objecta defigat, quinimò, per incuriam, hebetemque ad res materiales ac sensibiles propensionem in crassas Idololatrias deprimat & immergat: Et (quantum ad *Sanctos*) cum inflammare eam in affectuosam virtutum ipsorum admirationem prætendat, equidem facit ut in ea peccata delabatur, quæ illi summo cum zelo evitabant & abominabantur.

11. Quibus omnibus postremo addas, hanc defensionem adhuc infirmiorē esse in causa Christianorum, quippe quibus sunt satis idonea fulcra, & machinamenta, immò *cocleæ* si velis, *trochleæ*que ad excitandum evehendumque amorem hominum piæque affectionem, in palpabili illa ac sensibili commemoratione *mortis Christi* Filii Dei Mundi; Servatoris. *Deus amor est, & qui in amore manet in Deo manet & Deus in eo.* Qui igitur sensus, conceptio, repræsentatiōe Dei melior esse potest, quàm immensus quidam atque infinitus Amor ac Benignitas? Et quæ melior ratio attollendi nos ad ullum debitum sensus Amoris huius gradum, quàm *Passionis Christi* Celebratio, qui pretiosissimum suum sanguinem in Redemptionem Mundi profudit?

Præterea, Ad constitutum Cultus publici locum statis temporibus conventus, accessus illuc permanensque ibidem cum reverentia, supplicationum perspicuarum facileque intelligibilium ad Deum oblatio, luculentarum faciliūque scripturæ expositionum auditio, huiusmodi proculdubio officiorum perfunctiones multò firmitus hominum mentes sustinebunt detinebuntque in sensu *Deitatis*, quàm qualiscunque *Imaginis* aspectatio. Et si Hymnorum, Psalmorumve cantationem superaddas, sive cum Organo fiat sive absque Organo, modò ritè ea fiat modulataque, devotionem populi longè potentiùs excitabit, sensumque magis determinato, majorique ædificatione, quàm *muta* Picturarum Imaginumque spectacula, quæ nihil effici possunt, quando ad Idololatriam eis abutimur, præter stultitiam vel perfidiam eorum qui ipsas exercent. Privata etiam domesticæ Plebeis prælectiones, institutionesve quibus ipsi legere discant, præsentiam horum *silentium* Magistrorum reddent supervacaneam.

Qui usus igitur esse potest aut *Imaginum* aut *Idololatriæ*, vel ad rerum Divinarum cognitionem promovendam, vel ad excitandam devotionem, vel ad præcavendum denique relapsui in perfectam Dei oblivionem omnisque sensus Religionis, cum aliæ tam multæ tamque idoneæ ad hanc rem rationes suppetant?

C A P. XV.

1. *Finem generalem huius impie ac inutilis Idololatriæ cultusque Imaginum esse lucrum Sacerdotis.* 2. *Artes variæ quibus hæ Imagines fiant lucrosæ.* 3. *Lucrum Transubstantiationis causam esse cur admittatur ad perfectam explendam Antichristianismi Staturam.* 4. *Quam mirificus potensque Intercessor Sacerdos videatur ex hoc pretextu.* 5. *Variæ rationes è re sua utendi lucrosæ hæ Persuasiōe.* 6. *Honor ineffabilis qui Sacerdoti videtur obtingere ob stupendum hoc miraculum.* 7. *Quod jus videtur ei dare immunitatis à Jurisdictione civili, laborisque ipsi compendium facere aspirandi ad veritatem sanctitatemque.* 8. *Prætextus ipsorum pro Idololatria quamvis satis tennes sint, Sui-quæstiones tamen esse oppido quàm palpabiles.*

1. **Q**uamobrem cum *prætextus* pro Idololatria Imaginumque cultu adeo planè *sophistici* sint, videamus quæ *Sui-quæstiones* sustinere possint tam indignas consuetudines easve suffulcire. Et certè consilium eorum non tam altè absconditum est, quin quivis illud dispicere possit nisi datâ operâ cæcutiat. Eadem enim Mercatura exerceri potest quæ olim temporibus *Jeremiæ* exercebatur apud Idololatrias antiquæ *Babylonis* Sacerdotes, qualem notat in *Epistola* sua. *Sacrificiis autem illorum venditis Sacerdotes abutuntur, eodemque modo mulieres ab eisdem in penum recondunt.* Et haud multò post. *Eis vestimenta detrahunt Sacerdotes quibus uxores*

uxores liberosque suos induant. In summa igitur; *Finit cultus Imaginum* potest esse *Sacerdotis ditatio*, omnesque supra dicti *Pretextus* & excusationes effingi formarique ad suum *lucrum* solummodo augmentandum. Enimvero nisi huiusmodi aliquod subesset *Mundanae Utilitatis* Mysterium, miranda profecto res esset ut Christiani Sacerdotes istiusmodi consuetudinem retinerent quæ tam manifestò Dei verbo repugnet, & tam expressim ac particulatim secundo *Decalogi* præcepto adversetur, quæque tam ingens scandalum sit multis sobriis piisque Christianis, & tam immane denique tum *Judeis* tum *Turcis* offensaculum.

2. Non est igitur difficile imaginatu, postquam statuam huius vel illius *Sancti*, Virginis puta *Mariæ*, S. *Jacobi*, S. *Petri*, aliorumve quorumcunque; erexerint, sciteque eos ac decorè ornaverint, formaque personali satis vivæ eos exhibuerint, quod populum docere possint (qui ad huiusmodi *spiritualem Fornicationem* nimium sunt proclives, præsertim instigati animatique consilio & exemplo lenocinantium suorum *Ductorum*) non solum *ora* in *orationibus* aperire, sed & *manus* in variis *oblationibus*; quippe quorum rudes animos superstitioso metu imbuerint *Sanctum* offendendi si manu vacuâ accederent, & quibusdam artibus fortean efficere potuerint, ut *Imago* nunc frontem capere nunc aridè ipsis pro donorum suorum tenuitate & amplitudine videatur, aut saltem oblatores ad æmulationem provocare suspendendo in omnium conspectu quod oblatum sit Imagini, etiam cum nominibus religiosorum ac liberaliorum Clientum.

Evulgatio etiam quod hic vel ille *Sanctus* peculiarem habet facultatem edendi hæc vel illa miracula, his vel illis morbis medendi, aut opitulandi in huiusmodi angustis vel calamitatibus, quodve tantâ putâ copiâ Indulgentiarum sit dotatus; quàm fortiter hæc opiniones attractare essent superstitiosos homines ac simplices etiam ad Vota in periculo ipsis nuncupanda, & ad suscipiendas Peregrinationes ad eorum Tempia vel Sacella? Ubi introducti ad *visibilem* quasi *præsentiam* ipsius *Sancti* bene ornato suo simulachro statuæve representati, (sive ex opinione alicujus opis jam præstitæ, sive expectatione alicujus auxilii futuri) non possunt profecto, præ pudore, quin saltem pro ratione facultatum suarum offerant, nihil dubitantes quantò liberaliores fuerint Clientes tam benigno ac potenti Patrono, fieri non posse quin aliquando recepturi sint saltem par soluto pretio mercimonium.

Cæterum interim non considerant quod imitatio alicujus peculiaris virtutis in quolibet horum *Sanctorum* plus eos obligaret, (*si tu dāvis*, si qua sit illis rerum humanarum notitia) ad benefaciendum ipsis quantum possunt, quàm si quis universas suas opes ad statuarum ipsorum pedes devolveret, quodque sincera oratio ad Deum directæ per Christum majorem apud ipsos gratiam obtineret, quàm si ad seipsum facta fuisset. Quemadmodum quivis bonus Christianus citius opitularetur homini pauperi quem apud Deum seriò pièque de paupertate sua conquerentem fortè offenderit, quàm si à seipso opem poposcisset.

3. Manifestò igitur videmus quàm *lucrosa* in *Imaginum cultu* stabiliendo & *Invocatione Sanctorum* exerceri possit *Mercatura*. Et certè nisi huiusmodi aliquod *fulcrum*, *Mysteriosum* illud *Transsubstantiationis* Commentum & Idololatriam ab eo dependentem sustentaret, proculdubio tam immanis tamque apertè Scripturæ repugnans communis; Sensui ac Rationi contraria Absurditas nullo pacto posset pars ulla esse illius *Idez Antichristianismi* quam ego describo. Nunquam enim *irrepere* posset in Ecclesiam Christi suo nomine, sed quatenus alii alicui Fini seu proposito inserviret; saltem non posset illuc *retineri* postquam semel diligenter seriòque examinata esset, nisi admodum *lucrosa* reperiretur suis propugnatoribus.

4. Quibus igitur *Sui-quæstionibus*, inquires, inservire potest simulata hæc potestas tam stupendum patrandi miraculum, quàm est *panis commutatio*, in *Eucharistia*, in ipsum *Corpus corporeumve Christi præsentiam*? Ingentibus proculdubio, & ad maximas *Sacerdotis utilitates* non obscurè collineantibus. Is enim qui existimatur habere potestatem *pronunciando quatuor quinqueve verba*, efficiendi ut *Iesus Christus*, qui Deus est benedictus in æternum, *personaliter & corporaliter præsens sit*, non facile putari potest ita angustari limitari in suæ Intentionis effectu, quin postquam *Personalis Christi præsentia* procurata sit, eas ipsas res effecturus sit quas Sacerdos in ea procuranda intendebat. Quemadmodum pauci dubitant, quin is qui *spiritum* excire nòrit, qui sit quasi *deus in præsentibus* in præsentibus rerum angustis, à *Spiritu* illo impetrare possit, ut eas res adjuvet ob quas esset excitus.

Quamobrem, si supponamus Sacerdotem potestatem habere devocandi realem huius *deus in præsentibus* in *præsentiam corporalem* huiusmodi *Divino carmine* (prout ipsi profecto, sibi intus interim carmen canentes, illud facere volunt) quis dubitare potest,

potest, quin cum Christus *corporaliter* adsit, adjuturus sit etiam, *facturus*, effecturusq; rem quamlibet licitam ob quam Sacerdos virtute verborum Consecrationis eum illuc accersiverit? Christus, inquam, cum adeo realiter corporaliterq; adsit (corpore, animâ, & Divinitate). cumq; tam visibiliter ac personaliter offeratur per manus Sacerdotis, prout Populus quidem opinatur, ad impetrandum hoc vel illud beneficium à Deo, nequeunt illi profecto dubitare, quin is, cum tale in manu pignus habeat, quodlibet à Deo impetraturus sit, quod non planè sit illicitum. Nam si modo hoc palpabili filium suum ei largitus est, quidnam, obsecro, esse potest, quod illi tandem sit negaturus? Proculdubio qui Sacerdoti in uno fidem habent, haud facillè illi diffident in altero.

5. Quapropter Sacerdos tuto possit virtute hujus oblationis Christi *realiter & personaliter* in *Missa*, directionisq; suæ intentionis in hac re sacra peragenda, prætere Sacrifcium hoc valitum esse pro *viuis* simul & *mortuis*, pro *sanis & egrotis*, pro *Hominibus & Bestiis*, se per hoc *animas* posse liberare è *Purgatorio*, homines à *Peste* conservare, mederi *Pecoribus*, *Febres* fugare, *Dentium* dolorem prævertere, *Bona perita* recuperare, *Oculorum* curare *lippitudinem*, adversus *Inimicos* *Victoriam* dare, bonam deniq; *Uxorem* *Maritumve* procurare, & quid non!

Quapropter *Sacrificulus*, cum tam eximiâ imbutus supponatur potestate, modò tam affabilis esse velit & accessibilis, ut adiri possit & pro re nata ad utendum facultate, vel prece vel pretio adduci, an non pro certo utriuslibet optionem habere poterit? Unde manifestum est, si *Sacerdotes* hac ratione se ditare vellent, omninò esse in eorum potestate. Eos verò pecuniam recepturos esse pro hujusmodi rebus sacris peragendis piisq; officiis, haud sanè difficile est imaginatu. Ac proinde minimè alienum est in hac *Antichristianismi* pictura quam describo, hoc lineamentum supponere, quòd utiq; hæc *Transubstantiationis* Opinio strenuè mordicûsq; ad suffulciendas augendâsq; opes *Antichristiani* Sacerdotii possit teneri. Nam si omninò falsa sit, quemadmodum est procul omni dubio, Mater est etiam *Idololatriæ*. Ac proinde Inventores ipsius vel Fautores meritò appellari possunt *Antichristiani*, præsertim cum supponatur turpis lucris causâ tam acriter defendi.

6. Cæterum fieri potest ut non opes solæ finis sint scopûsve prodigiosæ hujus doctrinæ, sed personarum ipsorum in majorem existimationem & honorem quàm qui mero homini ritè competat, exaltatio. Transformatio enim frustuli Panis in realem Personam *Christi*, res paucillò profecto minor est quàm *Creatoris Creatio*. Et si beata Virgo ob id ipsum quòd *Dei Mater* sit, etiam ipsorum judicio, mereatur, quàm illi appellant, *ὑπερδουλα*, cultûs genus *Divino* honore, qualem ipsi Deo tribuimus, paulò inferius, quâ reverentiâ se dignos existimaturi sunt, qui illius ipsius *Dei* cujus *Maria* Virgo mater dicitur, seiplos imaginantur *Creatores*?

Magna profecto cuivis meritò videri potest difficultas, rationem excogitare, quâ sufficiens exprimatur honor ac reverentia hujusmodi *Thaumaturgico* Sacerdotio, qui hoc uno miraculo, quod tamen illi frequenter facillèq; faciunt, (quanquam sanè Servator spiritu infremere coactus est ac seipsum turbare quando *Lazarum* è mortuis excitabat) qui, inquam, uno hoc miraculo mutandi inanimatum elementum panis in vivum corpus personamq; Christi, omnia miracula quæ Christus unquam fecit excedunt, creando utiq; eum qui omnium eorum miraculorum effector erat, idq; etiam tunc quando non desit esse, & (quod aliud ingens miraculum est) faciendo ut panis nihilo alius externis nostris sensibus appareat, ac fuit antea. Quem honorem quòdve Privilegium jure illi sibi vindicare non poterunt, qui fidem fecerint populo se frequentes quidem esse tam stupendi, tam incomprehensibilis, & tam impossibilis Prodigii Effectores?

7. Equidem qui derivatam in se habent ejusmodi illimitatam ac miraculosam potestatem, quæ leges *Physicæ*, *Logicæ*, & *Metaphysicæ* maximè adamantinas excedat, immò verò eisdem adversetur & repugnet, viderine potest aliud quàm modesta quidem *Assumptio*, si ab omnibus etiam legibus *Politicis* & *Positivis*, nisi quas ipsi fortè fecerint, immunitatem sibi poscant?

Etenim quàm sanctam, quàm sacram personam eum Mundo apparere oportet, qui tam facillè tamq; frequenter adeo stupendum edit miraculum? Et propterea quàm indecora res esset, si *seculares Potestates* ullum dominium in eum prætenderent, qui tam *Divinâ* potestate sit præditus? Πάτρις γὰρ ἔστιν ὁ Θεὸς ἀρχὴν ἀέτιον, Perinde enim est ac si leges Jovi ipsi ponere vellent, (quemadmodum *Aristoteles* loquitur de suo virtute Heroicâ prædito:) ἀπὸ γὰρ Θεοῦ ἐν ἀνθρώποις οὐδε ἄνθρωπος τὸ τοῦτο, Pär enim est ut hujusmodi vir tanquam *Deus* inter homines sit; vir utiq; tam eminente insignitèq; bonus quàm ille describit. Quo igitur in loco ille habendus est qui existimatur

matur potestatem habere (quod magis conspicuum populo est admirationis obiectum) aut *equalem* aut *superiorem* potentiâ ipsius Dei, qui, ut sapientes communi consensu definierunt, ea efficere non potest quæ implicant contradictionem?

Quamobrem, si degener Sacerdotium Christianum persuadere possit populo se potestatem habere tam immane edendi ac incomprehensibile miraculum, quod ad augendam ipsorum existimationem tam immensè conducatur, minimè profectò mirum foret, si perquam fervidi futuri essent *Impostura* propugnatores, ut quæ illis, apud eos qui ei fidem habuerint, adeò ingentem honorem ac venerationem conciliaret, & difficilius illius viâ eò perveniendi, (*immaculata scilicet Sanctitatis & Exemplaritatis vitæ, ut & Veritatis solidæ; cognitionis Mysteriorum Religionis quam profitentur*) ipsis faceret compendium.

8. Quapropter, quanquam *Perfugia* prætextusque, pro *Sanctorum Invocatione*, pro *cultu Imaginum & Hostiæ adoratione*, tenues sint & nugatorii, videmus tamen *Sui-questiones* in his *Idololatricis* ritibus & consuetudinibus satis conspicuas esse posse ac palpabiles: Verùm utraq; conjuncta *Antichristianam* illam *Fraudem* constituunt (& certè est una ex eminentissimis) quæ discooperiri possit, in primo hoc ac præcipuo *Antichristianismi* membro, quæ est *Idololatriæ* in Christi Ecclesiâ *Introductio*.

CAP. XVI.

1. Idololatriam esse summam maximèq; peculiarem injuriam quæ Deo fieri possit.
2. Quòd cultus religiosus Sanctis Angelisve præstitus, realis contra ipsos contumelia sit ac blasphemia.
3. Ingens malum animabus humanis factum per Idololatriam.
4. Idololatriam homines convertere in Lupos sanguinolentos atq; Urso;
5. Matremq; esse atq; Nutricem fœdissimarum Impuritatum.
6. Quòd Fons sit omnimodæ Improbitalis & æterna mors Idololatræ.
7. Magna damna quæ Christi Ecclesiæ facit.
8. Quòd Ecclesia domi per Idololatriam minuitur.
9. Ejusq; propagatio impeditur foris.
10. Totusq; consequenter mundus ab ea afficitur injuriâ.

I. **B**Reviter nunc mala considerabimus, horrendæ hujus Enormitatis, quæ aut ad Deum (quantùm quidem malum ullum ad eum potest pertinere) aut ad Sanctos, aut ad ipsos Idololatræ, aut ad Ecclesiam, aut ad Mundum deniq; reliquum pertinent.

Peccatorum omnium *Idololatria* maximè propriè dici potest Deo injuriosa, quippe quæ adeò peculiariter ad jus cultûs honorisve sui spectat, quem nec alteri dare vult nec sibi sinere auferri. Et profectò summopere rationi consentaneum est ut sibi integer reservetur cùm nullum aliud *Tributum* præter hoc ipsi possit competere. Etenim Deus, qui infinita perfectionis est plenitudo, nullius rei indigere potest; nos verè cùm omnes ab ejus plenitudine receperimus, nec quicquam præterquam quod ab ea receptum sit habeamus, equidem tum juxta sensum æternæ illius legis *Rationis* ingenuæq; *Gratitudinis*, tum expressam sacrorum præceptorum Scripturæ injunctionem fit, ut modi proprii sint *Divini Honoris*, *Benefactori* tam infinito peculiariter debiti, quos quidem abalienare vel profanare applicando cuivis Creaturæ, maximè abominandum reputari debeat maximèq; execrandum *Sacrilegium* quod ullo pacto committi possit.

Deum igitur hoc honore defraudare, quo de ubiq; se adeò præbet sollicitum, & tam severum illius vindicem, summa quidem est contumelia sive injustitia quæ contra gloriosam Cæli majestatem offerri potest. Quæ veritas adeò in confesso est apud omnes, ut eam ulterius prosequi planè sit supervacaneum.

2. Quod sequitur majus fortean videbitur *Paradoxon*, nempe, quòd per excessum honoris cultûsve quem Sanctis exhibemus, injuriâ eos afficimus, contumeliosève tractamus nimiam ipsis habendo reverentiam. Et tamen ita reverà se habet, si rem stirpitus excutiamus, atq; examinemus. Nam fervida ac diligens præstatio illius cultûs qui ipsis fit, argumento est nos omnino credere eum ab ipsis acceptatum iri: Verùm ut illi acceptent honorem illum cultûmve qui Deo debetur, (& certè omnis religiosus Divinusq; cultus debetur Deo) idem est atq; Conjuratores se ge-

reret ac Perduelliones contra *Divinam Majestatem*, usurpantes aut saltem acceptantes *illius* jura ac privilegia: & cum verè *Sancti* esse debeant fidelèsq; subditi Christi coelestisq; ejus Regni, *Titanas* agere & *Gigantes*, filiòsve *Luciferi*, qui ad Thronum Dei ascendere volunt, ejusq; Imperium inter se partiri.

Quamobrem quicumq; prætendunt *Sanctos* ejusmodi honores cultusve qui ipsis præstantur, velle acceptare, reverà toti Mundo divulgant superbos eos esse ac inani glorià inflatos, immò Conjuratores esse ac Perduelliones adversus Deum; atq; sic honoris loco, reipsà eos afficiunt injurià, calumniando eos, eosq; blasphemando.

3. *Malum*, quod ipsis *Idololatriis* fit, perquam magnum est, & observatu obvium: siquidem *Imaginum Sanctorumq; cultus* mentem deprimit eamq; superstitiosam efficit & pusillanimam, pingues crassosq; rerum conceptus ingenerat, spiritusq; faculentos reddit ac carnales, & ad res materiales nimium quantum propensos, adeò ut *exterioritas & palpabilitas* exercitii affectionum suarum secundum hunc modum erga res Divinas, eò homines inclinet, ut majori proclivitate ac promptitudine ad alia visibilia objecta eas transponant, atq; ità statim à blandè salutando amplexandq; frigidæ Imagines inanimesq; statuas, & id genus sensibilia & palpabilia Religionis suæ objecta, ad eblandiendos tepentis carnis amplexus se recipiant, seq; ejusmodi impuritatis peccatis polluant quibus antiqui *Paganici Idololatra* insigniter se contaminabant.

Etenim omnis profectò hujusmodi ludicra & superficialia Religio necesse est ut corpus peccati integrum relinquat & intactum; internumq; hominem emortuum planè ac enectum; ità ut habentæ cuilibet carnis impetuositati plenè laxatæ fuerint, fœdàq; libido, sanguinolenta iracundia, ac zelus pro istis Idolis Fornicationis (quemadmodum fit in irà percitis Nepotibus Dominarum suarum causà) ubiq; necessario dominatura sit omniàq; inundatura. Obtusa, inquam, crassities harum *superstitiosum* mentem relinquit nec mortificatam nec illuminatam, sed tamen zelum pro istis excitat & ignarum & sanguinolentum simul ac barbarum. Quæ, meo quidem judicio, maximè deploranda conditio est quâ anima quævis constitui possit.

4. Cæterum quòd ferina hæc rabies Idolorum amorem comitatur (ut multa in Scripturis exempla prætermittam) veritas est ampliter quidem scripta & innumera-bilium multitudinum primitivorum Martyrum sanguine testificata; qui tanta cum ignominia, totq; cruciatuum modis trucidati sunt ob contemptum suum & oppugnationem antiquæ *Paganicæ Idololatriæ*, quemadmodum apud omnes est in confesso. Et *Idololatria* certè sive *Paganica* sive *Christiana*, naturaliter eos inclinat qui ei reverà addicti sunt, ad consimilem crudelitatem, furorem ac insaniam. Et tametsi crudelitas Urbi quidem Lupivæ *noxa* magis videtur eorum qui ab illis læduatur quàm *malum* ipsarum Bestiarum, quantum tamen ad eam *Circen* quæ homines in hujusmodi ferinas formas convertat, pauci dubitant, quin illa *humana* ipsorum corpora injurià afficiat. Quàm injuriosa igitur *Circe* est *Idololatria* quæ ipsam mentem transformat in hujusmodi *belluinam Ferocitatem*!

Cap. I. v. 26,
27.

Cap. 14. 24.

5. Et quod *Impuritatem* spectat, Quòd tam contigua ferè Idolorum cultus sit pedissequa, veritas est sæpenumero in sacris Scripturis inculcata, ut in Epistola ad *Romanos*, ubi Apostolus expressè affirmat, quia Gentes *veritatem Dei mutaverant in mendacium, & coluerant ac servierant rebus creatis* plùs quàm *Creatori*, (vel potiùs præter Creatorem) *idcirco Deum eos permisisse animi sui cupiditatibus in tantam impuritatem, ut eorum semine mutarent usum naturalem in non naturalem, similiterq; mares omisso semine usu naturali exardescerent mutuà libidine, mares cum maribus obscena perpetrantes, atq; ità dignam errore suo mercedem in se accipientes.* Item è tertio libro *Regum*, ubi post mentionem ædificationis Ararum & Statuarum passim in collibus editis, statim subjungitur, *sed & effeminati fuerunt in terra, &c.* Loca tot sunt & tam obvia ubi etiam *non-naturales obscenitates* cum *Idololatria* conjunguntur, ut supervacaneum perinde esset ac fastidiosum, ea recitare. Et propterea res admodum suspicanda est, ubi *Idololatria* Christi Ecclesiam maximè invadit, omnimodam ibi impuritatem similiter maximè abundare.

Cap. 14. 16. 27.

6. Sed enim remissus nimis lenisq; ipse mihi videor in hac mea accusatione adversus *Idololatriam*, dum illius *Noxam* ad *Impuritatem* solum ac *Crudelitatem* restringo. Author enim libri *Sapientiæ*, illius effecta his limitibus non claudit, sed ad *Furtum* porrò *Fraudemq;* extendit, ad *Perfidiam*, *Tumultum*, *Perjurium*, & quid non? Nam *infandorum simulachrorum cultus*, inquit ille, *omnis mali origo, & causa, & finis est.* Sanctusq; *Paulus* in suprà dicta Epistola fontem eam facit omnigenorum Vitiarum ac Improbiorum: Quod non temerè sed optima cum ratione concludit;

concludit; *Quemadmodum enim Dei cognitione non probe usi sunt, ita permisi eis Rom. 1. 26, 29. Deus in improbam mentem, ita ut nefaria faciant, pleni omni injustitia, stupri, per- versitate, avaritie, malitie; repleti invidia, cede, jurgio, fraudulentia, nequitia; susurrone, maledici, Dei osiores, contumeliosi, superbi, arroganter, malorum inven- tores, contumaces erga parentes, insipientes, insociabiles, inhumani, perfidiosi, im- misericordes.* Tantum improbitatis diluvium in homines irrumpit ex eo quod se ad- dixerint Idololatriæ. Nam deficientes à Deo per nefarium hoc peccatum, Deus vi- cissim deserit, quemadmodum nos monet Apostolus.

Et præterea, Idololatrici cultus vecordia, quæ affectus ad tam crassa incon- gruâq; objecta evocat, meliorum rerum sensum naturaliter consopit, *verumq; Reli- gionis vitam* extinguit, *quæ mentis est in imaginem vel similitudinem Dei atq; Christi Renovatio, in sancto ac pacifico Amore consistens, & in puro, casto, impol- lutâq; spiritu & à vanis hujus præsentis mundi cupiditatibus minime maculato.* Unde necesse est ut Idololatriæ introductio in Ecclesiam Christi, illius sit omni ge- nere vitiorum ac improbitatum inundatio. Verum illa consideratio ad locum po- tius proximum spectat; *Noxam* utique, quæ in Ecclesiam ab Idololatria redundat: ad quam pergam continuò, postquam breviter unam amplius *Noxam* notaverim quæ ipsum Idololatriam attingit, quâmq; puto illius animum maximè omnium penetratu- ram. Est autem hæc; *Quod portio illi assignabitur in stagno ardente igne & sul-* Apoc. 21. 8.
phure, quæ est mors secunda; hoc est, æterna illa mors ac perniciēs quæ certissimè omnes Dei inimicos tandem est oppressura.

7. *Noxam*, quæ Ecclesiæ ab Idololatria obtingit, partim jam indigitavi, nempe, quod via sit ad illam omni genere vitiorum conspurcandam omnium compendiosissi- ma, quodq; ipso facto hanc, quæ puram Christi sponsam præstare se debet, in fœ- dam transformet putidâmq; *Meretricem*. Quibus addere potes magnos illos ango- res & ægitudines animi in quas vera Christi membra conjiciuntur, dum adeò abo- minandas consuetudines praxésq; intuentur. Ut personarum ipsorum præteream ex- positionem, sævarumq; periculum persecutionum, ac difficiles illas Tentationes & inquietantes animi Anxietates ac Sollicitudines quæ naturaliter ipsos invadant, qua- tenus Homines sunt mortaliq; carne constituti, omnibûsq; malis quibus ea ipsos ex- ponat, obnoxii, & injurias deniq; præsentēs, contumelias, incarcerationes, mortēsq; multifarias quæ sincerissimam partem Corporis Christi, quod aut oppugnet, aut cum aliis communicare nolint in Idololatricis suis abominationibus, necessariò op- primerent.

8. Neq; hoc tamen rem totam exhaust; Ingens adhuc malum superest valdeq; memorabile, tremendo hoc Idololatriæ peccato Ecclesiæ factum, nempe quod impe- diatur quò minùs se extendat expandatq; per totum terrarum orbem.

Christiane nostræ Fidei pars est, prout eam in Nicæno symbolo profiteamur, unam esse Ecclesiam Catholicam & Apostolicam. Quod planè supponit Ecclesiæ jus esse ut fiat Catholica, extendaturq; per universam faciem Terræ. Verumq; præterea ac proprium hujus Ecclesiæ Catholicæ charactere esse ut sit Apostolica. Gentem nimirum quamlibet Populūve, partēve cujusvis gentis seu populi doctrinam ac disciplinam quæ à Christo sive Apostolis tradita sit, profitentem, eo ipso partem Ecclesiæ Catholicæ fieri, eos verò qui profitentur præscribuntq; praxes ac Doctrinas quæ Anti-Apostolicæ sint, de perdendo Nominis Catholici titulo periclitari, pro- ximēq; abesse ut nulla pars omninò Christi Ecclesiæ fiant. Et certè Idololatria res æquè Anti-Apostolica est doctrinæq; Apostolica contraria, atq; ulla unquam esse potest.

Quam ob causam illius in Ecclesiam Christi Introductio rescissio est totidem Ani- marum à corpore veræ Ecclesiæ quotquot persuasæ fuerint eam amplexari. Unde manifestum est Idololatriam esse quasi Gangrænā in Christi corpore sive Ecclesiæ, cujus quantum quidem invadit, tantundem exedit atq; absumit, igniq; Gehennæ ab- sumendum relinquit nisi resipiscant.

9. Neq; hæc sola hoc genus Noxa est Ecclesiæ per Idololatriam illata, nempe quod minuatur illius amplitudo divulsione eorum qui vera vivâq; ejus erant membra; per- inde memorabilis est præpeditio illa & obstructio quò minùs in membra ejus fiant, qui aliàs eo adduci possent. Etenim res est admodum aperta, quod Idololatriæ ad- missio in Ecclesiam Christi, quamdiu illic duratura sit, in perpetuum excludet tum Judæos tum Turcos, qui meritò sanè Idololatriam tantoperè abhorrent. Ut Gentēs taceam Idololatricas, apud quas sanè ridiculum esset monere (quod fecit Aposto- lus) ut converterent se à mutis Idolis ad serviendum Deo vivæ, quandoquidem facile prævidere possent conversionem tantummodo fore ab æfuetis suis Idolis ad ser- viendum Novis.

Est igitur planè tremendum facinus, profiteri quidem *Ecclesiam Catholicam*; & tamen *Idolatriæ* introductionem tam domi minuire, & horrendis hisce scandalis propagationem ejus impedire foris.

10. Quæ non solum *Noxa* est ipsi Ecclesiæ, in obstando ejus Incrementis gloriæq; obfuscando, sed & grave infortunium universo terrarum orbi (quod *malum* postremum est inde promanans) siquidem certissimum ipsis pignus esset æternæ Felicitatis, Catholicæ Christi Ecclesiæ membra constitui. Cujus rei admodum exigua spes est de *Judeis*, *Turcis*, *Paganis*ve, qui ullo pollent judicio & conscientia, dum hoc offensaculum in via ipsis injicitur, nec Christianitatem profiteri possunt, quin *Idolatriæ* praxin simul amplectantur. Quæ meo quidem judicio, gravissima censeretur calamitas apud filios hominum.

Atq; sit satis luculentam vidimus descriptionem primi principalis membri *Antichristianismi*, scilicet, *Idolatriæ*, in Ecclesiam Christi sub prætextu majoris honoris ipsi *Sanctis*q; præstandi introductæ, unà cum detectione *Falsitatis* & *Improbitalis* doctrinæ atq; praxeos, crassæq; *Fraudis* magnorūq; *Malorum* quæ eam comitantur.

C A P. XVII.

1. *Levium observantiarum multitudinem ad omnes intolerandum assurgere posse.*
2. *Nullam Religiosam observantiam levem esse posse quæ Conscientiæ obligationem innectit.*
3. *Quamvis generalis hac oneris superstitionis æstimatio ex obligatione Conscientiæ multitudinēq; observantiarum sufficere possit, se tamen particulariorem hujus membri Antichristianismi delineationem superadditarum.*
4. *De Lincturis dēq; multiplicitate Sacerdotalium ornatuum.*
5. *Prætextus & Suiquæstiones in his Ornatibus & Uncturis.*
6. *Malum ex hujusmodi Ceremoniis Sacerdoti Populūq; proveniens.*
7. *Cultus ipsorum publici plenior Descriptio.*
8. *Reverentiam Sacerdoti rectius quærī, certisq; inveniri in Vitæ Doctrinæq; vi ac potentia, quàm in Pompâ quavis Histrionica;*
9. *Quæ viris sobriis tam parum satisfacit, ut periculum sit ne ob id ipsum discedant.*
10. *Opinio miraculose virtutis in Vestimentis religiosis.*
11. *Falsitas ac Fraus hujus opinionis;*
12. *Malæq; ejusdem Consequentia.*

1. **P**roximum *Antichristianismi* membrum, oneratio est & irretitio mentium humanarum scrupulostatibus circa aut non-necessarias aut noxias opiniones & observantias: par imponendo fidelibus jugum si non majus propter multitudinem horum Rituū & superstitionarum Opinionum, quàm ipse *Judaismus* olim populo *Judaico* imposuit; atq; hoc pacto scopum frustrando adventus Christi, quippe qui venit ut finem imponeret hujusmodi onerosis & inutilibus Placitis Ritibusve, & compararet sibi Ecclesiam quæ Patrem colat in *spiritu* ac *veritate*.

Quæ quidem onerositas, quemadmodum jam insinuavi, à sola harum Ceremoniarum *multitudine* oriri potest, quàmvis res ipsæ leves videantur in se *sigillatim* consideratæ: ut plumæ quæ leves sunt singulæ, possunt præ numero simul conjunctæ plumbi massâ fieri graviores: Quodq; quispiam aliquando fortè fortunâ per otiositatem, animivē levitatem seu laxitatem facere potest, corpus utiq; inclinare ut stramen de humo tollat, vel lutum cœnūve extremitate baculi in quadrata vel oblonga dispartiri; tamen severe quispiam si ad hujusmodi pensum urgeretur, quàm pauxillò differret à condemnatione ad vilem illam servitutem *Egyptiacam* colligendi paleas & lateres perpetim conficiendi?

2. Ut mittam Nugamentum quodlibet singulare, ad quod semel facta sit Religiosa obligatio, arde stringere eos qui animo serio sunt ac religioso. Et hujusmodi quidem discipulos Christus expectat, & propterea nec ipse nec Apostoli ejus ullis rebus eos onerare volebant nisi quæ essent necessariæ; sed suademur potius *perstare in libertate quâ Christus nos liberavit*, nec nosmet finire sub servitute villum ullorum ac inutilium onerum superstitionis redigi. Ipsiq; Servator Christus, *Pharisæos* reprehendens apertè illis denunciat, *Eos frustra utiq; Deum colere, docentes doctrinam quæ sunt præcepta hominum. Nam relicto Dei præcepto, hominum tenebant instituta, poculorum lotiones & urcearum & aramentorum, multaq; alia his consimilia.*

Mat. 23.

Quamobrem

Quamobrem si Christus Servator eam pro discipulis curam gessit ut eos nollet quovis modo superstizioso illaqueari, nè in tam laudabilibus quidem & facilibus observantiis quàm erat manuum lotio ante pastum, proculdubio omnino adversus ejus voluntatem est ut sectatores ejus innumerabili irretiantur captiventurq; Ceremoniarum multitudine. Quarum cuicunque natura sit, si ipsarum numerositas *Judaicorum* rituum onus ferè exæquet, generalis hæc æstimatio sufficeret ad demonstrandum haud leve profectò *Antichristianismi* membrum fore, in quacunq; Ecclesia hæc enormitas apparuerit.

3. Quod tamen eò non dico, quòd ipse mihi conscius sim excedere peritiam nostram, membrum hoc *Antichristianismi* magis articulatim cum robustioribus nervis magisq; plenius solidisq; musculis describere. Ejusmodi igitur delineationem Placitorum ritualium dogmaticarumq; Observantiarum nunc instituam, de qua ad quemlibet æquum Judicem provocare ausim, an non pars eminens existimari debeat illius Mysterii quod propositos fines adventus Christi in mundum oppugnat planè ac frustratur. Qui proculdubio fuerunt, ut sectatores suos à peccato & superstitionum servitute liberaret.

4. Et certè dum observamus quanta cum cura ac sollicitudine Servator præcaverit nè discipuli vel levissimâ superstitionis maculâ circa lotiones ciborumq; delectus coquinaarentur, & quàm expressim ipsis affirmaverit in præstanti illa Parabola, *Nihil extra hominem quod ingreditur in eum posse eum pollueri*, admodum facile erit hinc inferre, multò minùs id quod ipsi appensum sit vel circa-positum, sanctificare eum purumve reddere.

Unde primo in loco, quanquam sanè summum rei momentum in eo non pono, si supponeremus *Sacerdotes Christianos* sibi multa genera *consecratorum vestimentorum* in majorem ornatum & sanctimoniam accumulare, ità ut eujusq; Sacerdotis vestimenta, vestimenta *Aaronis* summi Sacerdotis numero æquarent, eaq; ratione aliquâ imitarentur, *Pectorale* utiq; *Ephodum*, *Pallium*, *Tunicam ocellatam*, *Mitram* & *Balteum*; Et Episcopi sic non contenti ad majorem sui ornatum (quasi in animo ipsis esset Ceremonialia ipsius *Aaronis* vestimenta datâ operâ exsuperare) sex alia sacra ornamenta, imò novem insuper adderent; præter ipsam consecrationem horum Sacerdotum, sacro oleo rafa capita manûsq; inungendo, quæ adeò indè sanctificatæ evadant, ut magis religiosi perquam cupidè & affectuose manum Sacerdotis statim post ejus ordinationem deoscularentur, sperantes hoc pacto se pleniorè in modum participes fore illius devotionis ac sanctitatis: Quid hoc, inquam, aliud esset, quàm *Judaizare* in Christianitate mentesq; hominum istiusmodi superstitionibus illaqueare, à quibus Christus Servator eos liberatum venerit? Quæ quidem intimatio sufficit ad ostendendum *Falsitatem* & *Absurditatem* hujusmodi œconomiz in Ecclesia.

5. Quantum verò ad prætextum pro hujusmodi ornamentis *Aaronicis*, equidem nullum excogitare possum præter Legum *Leviticarum* imitationem, quæ pessima profectò est ratio, cum istæ leges per Christum sint abolitæ. Ut præteream vestimenta *Aaronica* * profundiorè habuisse & angustiorè significationem quàm ut quis ex levi quovis & superficiali proposito ea imitaretur; quandoquidem tum illa tum aliæ Figuræ *Mosaicæ* præscriptæ sunt secundum certum quoddam Exemplarè à Deo *Mosi* in monte exhibitum. Quæ cum rerum futurarum umbræ essent, in *Meridionali* hac ac ferè *verticali* Evangelii apricitate naturaliter evanescent. Ac proinde tot *novæ* umbras introducere, reverà est Christi Ecclesiam tenebris iterum obducere, abducereq; homines à recta intelligentia *antiquarum*. Quæ proculdubio Typi omnes fuere plenioris illius cognitionis Jesu Christi, *interna*q; ac spiritualis sanctitatis quam in eo obtinemus.

Verùm id *commodi* quod adulteratum hoc Sacerdotium hac in re sibi querere possit, hoc est; Nempe, ut *Histrionicis* hisce *Larvis* ac peculiaribus *Ornatibus* magis honorifici in populi conspectu evadant, qui multum profectò extenuis rerum speciebus capiuntur, simpliciores præsertim è plebecula; & ut Personæ ipsorum admodum sacre habeantur, utpote quorum ordinatio tam pompaticis celebratur ceremoniis, quorumq; sacra Unctio eam aliquâ ratione reddat *Coronationis Principum* æmulam. Quòd si perfectiori possent & penitiori modo eximium illum *Judaicorum* Sacerdotem summum imitari, seq; ipsoe is rebus ornare quibus per analogiam ejus * *Urim* ac *Thummim* respondent, *Illuminatione* utiq; *mentis* & *cordis sinceritate*, ea demum felix futura esset æmulatio, & quæ merito eos eximiorè posset à nimis curiosa affectatione rerum omnium reliquarum.

6. At enim sic est secundum nostram hanc Hypothesin ut tam immensi boni loco, hæc illinc consequantur Incommoda: Quòd *Pompa* hæc splendoreq; sacerdotalis, illis

Vide Append.
ad Defens. Gab.
bal. Philosoph.
c. 9, sect. 2, 3, 4.

* Vide Prefat.
general. ad
colle. Philof.
sect. 3.

illis quidem Sacerdotibus qui Christianæ Religionis naturam rectè intelligant, onus sit & scandalum, iis verò qui Christianitatem non rectè sapiant, nec verum illius sensum assecuti sint, intolerandæ superbix occasio sit & sui-existimationis, magnæq; securitatis & neglectûs verorum illorum & indispensabilium Christiani Sacerdotis ornatuum, & illius *Unctionis* quæ ipsos *doctrina* sit *de omnibus*, illius utiq; quæ à sancto Dei Spiritu est, qui in consecratis vestibus non habitat sed in purioribus animi habitibus, in Homine interno, Deo integrè penitûsq; dedicato, per perfectam ac realem suiipsius, Carnis, Mundi, Diabolîq; abrenunciationem, per integram sui dedicationem sincero amoris Dei atq; Proximi, puritati etiam ac sobrietati vitæ, & non fictæ Humilitati, & sui-abnegationi. Quas reales perfectiones fundamentum esse oportet Reverentiæ Christiano Sacerdoti, non exteriora illa ornamenta quæ integumenta esse possunt *Bestiæ* aut *Diaboli*.

Et postremò quantum ad populum ipsum, ut quidam ex eis externarum harum pompæ *deceptionibus* miserè esse possunt obnoxii, ita sanè alii multis indidem *offensionibus*. Illos intelligo qui animo magis serio ad *realia* Christianitatis officia feruntur, quîq; sincerum suum appetitum eludi deprehendunt non saturari externis istis in publico Dei cultu spectaculis.

7. Quod ut faciliùs intelligamus, pleniorè cultûs ipsorum publici representationem instituemus, addemûsq; *vestibus* Sacerdotis *consecratis*, *ignota lingua dedicationem* publicis suis orationibus & officiis, ad magnam sanè populi Ludificationem. Quidnam Spectaculum quis intueri potest magis *Antichristianum*, quàm si Hominem conspiceret istiusmodi Sacerdotalibus vestimentis à capite ad calcem larvarum, eîsq; consecratis universis eîq; usui dedicatis, ipsum etiam manus capûtq; sacro Oleo inunctum, in inunctâ Ecclesiâ consistentem, & ad unctum Altare, cum uncto Calice, aliisq; utensilibus unctis; Cujus & Cœmeterium sacrum sit per consecrationem & benedictionem *aquæ lustralis* in ipsum conspergæ ad absterrendos dæmonas ab infestatione soli illius consecrati, & ab interpellatione somni corporum defunctorum; quinimo, Cujus vel ipsæ Pyramidis *Campanæ baptizate* sint & chrismatizate ad fugandos truculentos Aëris spiritus in discessu Animæ, pulsatione suâ ac tinnitu? Si eum conspiceret in sacris suis posituris, nunc ad unum extremum Altaris, nunc ad alterum; nunc facie versûs populum spectantem, nunc ipsis tergum vertentem; interdum manus attollentem, aliàs easdem demittentem, mox ad pectus decussatim detinentem; nunc crucem manu singularem, nunc duas trêsvè describentem; interdum sedentem, interdum stantem, mox inclinantem corpus sanctumq; Altare deosculantem; nunc sublatâ voce eloquentem, dein submissâ sibi mussitantem, tali vero linguâ semper utentem quæ ab adstanti populo minimè intelligatur: si conspiceret, inquam, huiusmodi Spectaculum & cum illo dicto Servatoris compararet, *Venit hora & nunc est cum veri adoratores adorabunt Patrem Spiritu ac veritate; etenim Pater tales querit qui ipsum adorarent*, equidem necessariò à spectatore justam hanc censuram extorqueret, aut hos scilicet *falsos* esse Adoratores, aut Prædictionem Servatoris non esse *veram*, aut ejus completionem jam simplici illo Ecclesiæ primitivæ ævo præteritam esse; vel potiùs, si invenire velit usquam veros Christianos Adoratores, aliàs eos quæsitum iri oportere, hîc verò nec *spiritum* esse nec *veritatem* nec *linguam intelligibilem*, omnia verò magis tenebricolâ esse magisq; cæca ac muta, quàm in *media nocte* umbrarum *Mosaicarum*.

8. Ac proinde (quemadmodum concludurus eram) ut stolidiores è populo faciliè etiam in brutam quandam admirationem animivè consternationem ab hac nec intelligibili nec utili pompa ac spectuâlo abripientur, obnoxiiq; fient omni *fraudi* & *tyrannidi* huius minimè quidem *Christiani* sed nimium quantum *inuncti* Sacerdotii; ita nasutiores sanè impellentur ad eam considerandam tanquam circumforaneum quendam *larvatorum* hominum ludum, nec faciliè persuadebuntur illud quod adeò *Histrionicum* est atq; *Scenicum*, aliud quicquam serio intendere, quàm quod alii *Histrionici* ludiones intendunt, Emundtionem scilicet populi pecuniis.

Quamobrem minimè mirum esset si videremus meliùs animatos Christianos ab huiusmodi pompis abhorreere, ut quæ ex diametro antiquæ sinceritati ac simplicitati Doctorum primitivorum sunt oppositæ, qui, ut ipse Servator, bonâ fide loquebantur agebantq; omnia, nec tanto se amovebant intervallo à Gregibus Curivæ suis, enormi ullâ pompâ ac multitudine sanctimonialium ornatuum, sed cum tales ferè essent, quales ipsi, excepto quòd majora essent *Fidei* exempla, *Humilitatis*, *fraternæ dilectionis*, *contemptûs* mundi, mirificæq; cujusdam vis eloquentiæ, & efficacis exhortationis, convictionisq; humanarum mentium, ad corroborandam ipsorum fidem, & affectus inflammandos amore veræ Justitiæ & sanctitatis, (qui inimitabilis erat &

& indelebilis Christiani ipsorum Sacerdotii Character) retinebant quidem & imperabant cordibus fidelium hac autoritate Spiritus, in virtute Rationis sinceræq; Eloquentiæ sese aperientis, obsignabantq; & arctè sibi omnia astringebant indissolubili illo vinculo reverentialis ac honorifici Amoris, qui ipsis ob puritatem vitæ illibatamq; integritatem obtingebat, quippe qui docebant, (quod de Servatore dictum est) *ut habentes Autoritatem non autem ut Scribæ, qui docebant sed non faciebant.*

9. Quorum quidem excellentium exemplorum recordatio sanctioris ingenii homines ad Sacerdotales has pompas formasq; personatas superstitosum quoddam ac Hypocriticum ludorum Larvaticorum genus æstimandas fortiter impulsura esset, & ad efflagitandum ab ipsis, præ zeli sui vehementia, ut aliquantò propius ad se accedere, larvasq; suas ac personas seponere, & apertè secum & bonâ fide agere, veritatēq; Christi ipsis bonamq; Dei voluntatem in ejus verbo revelatam declarare dignentur; se enim paratos esse ad promptè eam amplectendam obsequendamque, liceat modò eam intelligere, quinimò sitire ipsam atq; esurire, nullam verò alituram refectionēve in mutis pompis reperire: quod certè si facere recusaverint, se eos esse qui hanc rationem colendi Deum minimè admirentur, sed abhorreant potius, eamq; esse relicturos, talēq; quæsituros Pastores qui in omni sinceritate cordis ac simplicitate secum sint acturi.

Nam profectò hujusmodi crassæ *Judaicisq;* deteriores corruptiones in Ecclesia, maximè serios è Credentibus ad deferendam illius Communionem cogerent, ipsamq; quantum fieri potest, sincerissimis optimēq; animatis Christiani orbis hominibus exhauriret. Atq; hoc quidem non leve *malum* nec contemptibile existimo, siquidem *Loti* decessus, *Ignis sulphurisq;* prænuncius erat in *Sodomam* depluendi.

10. Cæterum nec adhuc omnes irretientes superstitiones evolvi quæ in religiosis hisce consecrativæ vestimentis & ornatibus convolutæ possint latere.

Neq; enim impossibile est, quin imponere possint credulis ipsisq; persuadere miraculosam aliquam virtutem in ipsis, vi consecrationis seu Benedictionis à Sacerdote vel Episcopo, manere. Ut, exempli gratiâ, quòd virtutem habent recuperandi hominibus bonam valetudinem, absterrendi Diabolum, eumq; à possessis fugandi; procurandi peccatorum remissionem, quantum ad pœnam simul ac reatum, siquis eis induatur, & servandi animam à damnatione eamq; incolumem transmittendi ad Paradisi Beatitates. Tam mirifica vis sub Religiosis hisce indumentis sublitescit. Quæ tamen opiniones tam ridiculæ sunt omniq; ratione destitutæ, ut dignus sit profectò qui derideatur quicumq; earum refutationem seriò sit aggressurus.

11. Veruntamen tenuis aliquis prætextus pro earum veritate fortassis ex illo loco *Actuum* peti potest de miraculosa virtute corporis S. Pauli, *Quòd in egrotantes asferrentur ex ejus corpore sudaria vel semicinctia atq; illi morbis liberarentur & ex eis immundi spiritus exirent;* atq; è virtute vestimenti Christi, cujus fimbriæ tactus foeminam curabat quæ tot annis sanguinis profluvio laboraverat.

Act. 19.

Cæterum considerare debemus, *Christum* Dei fuisse filium, *Paulumq;* vas electum, primaq; illa tempora selecta fuisse & peculiaria Ecclesiæ tempora quæ ad fidem Christianam propagandam requirebant miraculosa hujusmodi auxilia à Deo: Miracula porrò *Infidelium* causâ fieri, non autem eorum qui jam credunt, vestimentaq; illa aut desumpta fuisse aut appensa ejusmodi corporibus quæ reverà erant uncta *Spiritu sancto* idq; ad plenam mensuram, non infusa in manus exiguo unguento ratumve in verticem oblita, quod externam tantummodo sanctitatem largitur, neminem omnino *sancto Spiritu* replet, nedum ad eum gradum ut edere possit miracula.

Quamobrem populo persuadere quòd vestimenta sive Sacerdotum seu Monachorum ullam hujusmodi in se habent virtutem, nihil aliud est quàm dolo astutiq; ipsos in magnam inducere sanctitatis personarum suarum opinionem, utpote quorum ipse vestimentorum attactus tantam habet virtutem ac sanctimoniam. Scopus, inquam, hujus Imposturæ nihil est aliud quàm Sacerdotis aliorumq; religiosorum Ordinum in Ecclesia magnificatio, nisi fortè hæc existimatio ad rem etiam pecuniariæ aliquid momenti secum afferat.

12. Mala verò hujus rei consequentia est populi deceptio seductioq; in imbecillitatem animi, neglectumq; (non dicam consilii Medici, sed) illius consilii, qui nos monet *vestimenta alba* ab ipso emere ut induamur nec appareat dedecus nuditatis nostræ; illiusve S. Pauli, *Universam utiq; induere armaturam Dei, convalescere in domino ejusq; virtutis robore; lumbos habere circumcinctos veritate, pedibusq; justitiæ lorica armatum; scutum fidei nobis insuper assumere, spiritusq; gladium,* quod

Apo. 3.

Ephes. 6. 11.

quod est verbum Dei, omni prece ac supplicatione precantes per Spiritum omni tempore.

Etenim hæc proculdubio armatura infinitò potentior est contra *Diaboli* insultus *morborumve* quam universa vestimenta sacra quæ Ecclesiæ vestiarius proferre possit, telâq; Mali ignea citiùs extinguet quam vel integræ aquæ consecratæ urnæ adversus ipsum siphonibus ejectæ.

C A P. XVIII.

1. De Incantatione sive Exorcizatione Aquæ, Olei, Salis, Cereorum, &c. cum generali subindicatione Noxæ indè proficiscentis.
2. De Exorcizatione Rosæ aureæ, Agnîq; cerei.
3. Usurpationem nominis veri Dei in his Exorcismis nihil impedire quò minùs propriè dici possint Incantamenta.
4. Exempla alia quibus se Incantatores Magôsq; præstent, cum anticipatione objectionis.
5. Falstas, Fraus, & Noxa horum Exorcismorum.
6. Exorcizatorum horum Elementorum in usus supersticiosos derivatio ac distributio.
7. De suppositione quòd Infantes obsessi sint, deq; sputo Baptismali.
8. De extrema unctione aliisq; superstitionis consuetudinibus circa homines moribundos;
9. Ut & circa corpora ipsorum exposita.
10. Fraus & Noxa harum Praxium.

1. **A** Quæ consecrata mentio me in alterius classis superstitionum quæ excogitari possint, contrà ac Fidelitas simplicitâsq; Icholæ Christi postulat, in memoriam revocat. Quibus illaqueentur hominum conscientia spēsque, in Creaturas magis quàm Creatorem perperam collocentur, ac salutaris & consolabilis sensus internus ipsius invisibilis sed Omnipotentis *Omnipresentiæ*, horum vanorum ac visibilium objectorum interpositu, quæ nec vim ullam habent nec approbationem in eos usus quibus se aptos prætendunt, extinguatur. Exorcizationem intelligo, vel incantationem, si malles, certorum quorundam naturalium Elementorum (sine omni exemplo sacra Scripturæ,) quò supernaturali quâdam virtute possint imbui.

Ut si, verbi gratiâ, Sacerdos exorcizando Creaturam Salis per Deum vivum, per Deum verum, per Deum sanctum, prætenderet se *sal sanctum* & *exorcizatum* ipsum efficere ad salutem tum animæ tum corporis omnibus credentibus illudq; recipientibus, & ad fugationem omnis mali Phantasmatis & immundi Spiritûs, sui aspersione; atq; sic exorcizando Creaturam Aquæ in nomine sacrosanctæ Trinitatis eam virtute imbuiere expellendi Diabolum morbôsq; suâ aspersione, & unamquamq; rem malam ædes infestantem, usumq; ejus commendaret ad aspergenda subinde Cubicula, ut & Ægrotos, Agros, atq; Vineas, ad salutem & incrementum. Si Cereos exorcizaret in virtutem fugandi Principem tenebrarum cum universis suis agminibus, & cogendi eos statim cum metu ac tremore se proripere à quocunq; loco ubi illi fuerint accensi. Si exorcizaret Creaturam Olei per Deum Patrem omnipotentem rerum omnium Creatorem, ità ut quicunq; eo usus fuerit, Diaboli agmina fugaturus sit, nec ipse unquam morsum veteris Serpentis passurus. Si deniq; Herbas Arborumq; ramulos exorcizaret, Campanulas etiam ac Vestimenta sacerdotalia, an non manifestum est universa hæc, & quotquot præterea hujus generis excogitari possunt, nihil aliud fore quàm superstitionis ludibria, merâq; præstigias ac Imposturas?

2. Verùm Impostura adhuc gratior esset & completior si bellam rem aliquam consecratam haberemus quæ portabilior esset, & universalioris tamen influentiæ, ut & durabilior magisq; permanens quàm sint pleraq; è prædictis. Ac proinde Forma sacra alicujus Plantæ Animalisve ad hunc modum exorcizati summo esset usui ac voluptati, Rosa putà Sharonis Liliûmve Convallium, Columba, Agnûsve, quorum nomina cuilibet auri Christianæ sunt chara.

Quamobrem Rosa aurea gaudio ac lætitiâ à benedictione summi Sacerdotis hujus Ecclesiæ imprægnata, fragrantiaq; remissionis peccatorum fideiq; incremento plena (quanquam effectus nunquam deprehenditur) Divinâ etiam protectione, omniq; Prosperitate, florum profectò esset fasciculus, ad nasum Principi pulchrè sublinendum oppidò quàm idoneus. Et similiter mitis mansuetûsq; Agnus ex materia aliqua flexilis effectus, elegantérq; efformatus è Cera putà, exorcizatus verò in potestates ac virtutes eis quæ in illo Agno Dei qui tollit peccata Mundi perquam paucillò inferiores,

res, ut qui idoneus sit, vi cuiusdam *Exorcismi* seu *Benedictionis*, ad eos qui eum gestaverint protegendos ab insultibus Carnis, Mundi ac Diaboli, à Peste, Fame, Morteq; subitanea, à periculis Terræ juxta atq; Maris, à Fulmine, Tempestatibus & Abortione, munus equidem esset Imperatore vel Imperatrice haud indignum.

Multa hujusmodi exempla excogitari possunt, de quibus omnibus pronunciandum est, ea contraria esse *fidei simplicitati veræq; potentia* Evangelii Christi, Divinæq; Nominis reverentiam imminuere, totidemq; esse adversus Præceptum tertium Admissa, *Nomen Domini Dei tui inaniter nè adhibeto*.

3. Contra quod Præceptum *Formulas* illas *Conjuratōis*, quæ in libris *Magicis* reperiuntur, evidenter peccare autumo. Ut apud *Cornelium Agrippam*, *Petrūq;* de *Abano*, ubi Divinæ illæ appellationes, *Jah, El, Adonai, Elobim, Elohe-Zebaoth, Elion, Sadai*, & similia, vanæ ipsorum reprobaq; Artis fiunt elementa. Quod manifestum quidem argumentum est, *Exorcizationem* per Dei Nomina sanctaq; Attributiona, Sacerdotem à reatu *Incantationis* neuiquam posse absolvere, cùm & ipsi *Magi* veri Dei Nominibus in sua etiam arte utantur.

Et quantum ad generalem *Incantationis* notionem, *Agrippa* quidem eam nihil aliud esse statuit quam *derivationem mirificæ cuiusdam potentia in rem incantatam virtute verborum ac spiritus Incantatoris*. Nec phrasæ sanè locavæ Scripturæ Sacerdotem excusabunt ab hac impietate, cùm hoc & præscribatur & in usu sit apud *Magos*. *Pentacula* enim ipsorum quæ à collis suspensa gestant dum *Conjuratōes* suas obeunt (quæ ipsi profectò majoris honoris causâ *Pentacula Salomonis* appellitant) hujusmodi è sacra Scriptura transcriptionibus ornantur corroboranturque.

Unde planè liquet, siquis omnes particulares Characteres talis *Apostaticæ* Ecclesiæ notare vellet, qualem ego describo, eum non posse prætermittere quin inter alios *Titulos, Veneficorum* seu *Magorum* nomen ipsis inurat.

4. Quod sanè mereri possint ob alias etiam rationes quas jam memoravimus, ut ob id nempe, quod populum *preclus quasdam* docent linguâ incognitâ, quas ipsis præcipiunt ut repetant ad hæc vel illa proposita. Quid enim hæc sunt nisi *incantamina*? Et quod faciunt, ut *Iesus Nazarenus* (qui antè plus mille sexcentos annos *Hierosolymis* crucifixus est) prolatis quibusdam verbis, eum carne, sanguine & ossibus *personaliter* appareat, *Panacearum specierum* tantummodo laxeq; pendentium *Accidentium* tenui pallio contextus & amictus, *Magia* certè specimen est supra illud *Pythionisse Endorensis*, omniq; monumenta *Necromantica* quæ unquam extiterunt. Quæ omnia professi ac venditata facinora cùm tam *universalia* sint in hac Ecclesia quam delineo, & *Epidemica*, quis tam omisso animo esse potest ut non facillè observet *Magorum Incantatorumve* nomen in hoc hominum sodalitium perquam optime quadrare?

Nam quodd hæc prætendunt solùm nec reverà quicquam efficiunt, tam gloriosi Tituli meritum ipsis non adimet, quandoquidem ipsum studium ac professio artem aliquam facitantes jus nominis satis liquidò confert. Ut is qui arundinem piscatorium per maximam Diei partem in fluvium injecerit, nec tamen unum pisciculum domum reportat, potest nihilominus rectè saluari in reditu suo, *Piscator mi*, vel *meus Hamiota*: Et is qui artem *medicam* profitetur, nec tamen quenquam fortè adhuc curaverit (præter eos qui sponte absq; illius opera convalituri fuissent) quamvis non paucos sanè occiderit, nihilo secius ab hominibus *Medicus* ubiq; appellatur. Et univèrsim quicquid homines affectant venditantque, quanquam nihil in eo genere præstare possunt, jure potest per modum *scommaticæ* reprehensionis, ad numerum integrum dedecoris eorum & ignominia explendum inter characteris sui partes recenseri.

5. Quas rationes hisce *Incantationibus* usurpandis prætexere possint, equidem fateor me haud facillè deprehendere. Sanguis enim Agni *Paschalis* quo *Israelitæ* superliminaria & utrosq; postes aspergebant, non *incantatus* antea erat quò virtus in eum derivaretur ad fugandum *Angelum percussorem*, sed solummodo præsens *signum* erat, ut & *Typus* asperitionis *sanguinis Christi*, qui tanquam Agnus immaculatus in futuris seculis pro peccatis Mundi erat sacrificandus. Nec miscebantur Aqua *Vaccæq; cineres* ullo cum *Exorcismo* seu *Incantatione* quantum ex Scriptura intelligere possumus. Nec sanè incantabat *Elisba Salem* quem in aquas conjiciebat ut eas curaret, sed utebatur dumtaxat ut circumstantiâ signove in ipsarum curatione. Quæ Ceremoniæ ad Christianitatem nihil attineant, nec certè fas est plures ex antiquis *Typis Figurisve* in Ecclesiam introducere, quàm qui jam in usu sint illius delectu qui errare non poterat.

Ratio igitur istiusmodi consuetudinum omnino nulla est. Verùm prætentio vendi-

quod est verbum Dei, omni prece ac supplicatione precantes per Spiritum omni tempore.

Etenim hæc proculdubio armatura infinitò potentior est contra *Diaboli* insultus *morborumve* quam universa vestimenta sacra quæ Ecclesiæ vestiarius proferre possit, telâq; Mali ignea citius extinguet quam vel integræ aquæ consecratæ urnæ adversus ipsum siphonibus ejectæ.

C A P. XVIII.

1. De Incantatione sive Exorcizatione Aquæ, Olei, Salis, Cereorum, &c. cum generali subindicatione Noxæ inde proficiscentis.
2. De Exorcizatione Rosæ aureæ, Agnîq; cerei.
3. Usurpationem nominis veri Dei in his Exorcismis nihil impedire quò minus propriè dici possint Incantamenta.
4. Exempla alia quibus se Incantatores Magosq; præsent, cum anticipatione objectionis.
5. Falsitas, Fraus, & Noxa horum Exorcismorum.
6. Exorcizatorum horum Elementorum in usus supersticiosos derivatio ac distributio.
7. De suppositione quod Infantes obsessi sint, deq; sputo Baptismali.
8. De extrema unctione aliisq; superstiosis consuetudinibus circa homines moribundos;
9. Ut & circa corpora ipsorum exposita.
10. Fraus & Noxa harum Praxium.

1. **A** Quæ consecratæ mentio me in alterius classis superstitionum quæ excogitari possint, contrà ac Fidelitas simplicitâq; scholæ Christi postulat, in memoriam revocat. Quibus illaqueentur hominum conscientiæ spēs; in Creaturas magis quàm Creatorem perperam collocentur, ac salutaris & consolabilis sensus internus ipsius invisibilis sed Omnipotentis *Omnipresentiæ*, horum vanorum ac visibilium objectorum interpositu, quæ nec vim ullam habent nec approbationem in eos usus quibus se aptos prætendunt, extinguatur. Exorcizationem intelligo, vel incantationem, si malles, certorum quorundam naturalium Elementorum (sine omni exemplo sacre Scripturæ,) quò supernaturali quâdam virtute possint imbui.

Ut si, verbi gratiâ, Sacerdos exorcizando Creaturam Salis per Deum vivum, per Deum verum, per Deum sanctum, prætenderet se sal sanctum & exorcizatum ipsum efficere ad salutem tum animæ tum corporis omnibus credentibus illudq; recipientibus, & ad fugationem omnis mali Phantasmatis & immundi Spiritûs, sui aspersione; atq; sic exorcizando Creaturam Aquæ in nomine sacrosanctæ Trinitatis eam virtute imbui expellendi Diabolum morbôs; suâ aspersione, & unamquamq; rem malam ædes infestantem, usumq; ejus commendaret ad aspergenda subinde Cubicula, ut & Ægrotos, Agros, atq; Vineas, ad salutem & incrementum. Si Cereos exorcizaret in virtutem fugandi Principem tenebrarum cum universis suis agminibus, & cogendi eos statim cum metu ac tremore se proripere à quocunq; loco ubi illi fuerint accensi. Si exorcizaret Creaturam Olei per Deum Patrem omnipotentem rerum omnium Creatorem, ità ut quicunq; eo usus fuerit, Diaboli agmina fugaturus sit, nec ipse unquam morsum veteris Serpentis passurus. Si deniq; Herbas Arborumq; ramulos exorcizaret, Campanulas etiam ac Vestimenta sacerdotalia, an non manifestum est universa hæc, & quotquot præterea hujus generis excogitari possunt, nihil aliud fore quàm superstitionis ludibria, merâq; præstigias ac Imposturas?

2. Verùm Impostura adhuc gravior esset & completior si bellam rem aliquam consecratam haberemus quæ portabilior esset, & universalioris tamen influentiæ, ut & durabilior magisq; permanens quàm sint pleraq; è prædictis. Ac proinde Forma sacre alicujus Plantæ Animalisve ad hunc modum exorcizati summo esset usui ac voluptati, Rosa putà Sharonis Liliûmve Convallium, Columba, Agnûsve, quorum nomina cuilibet auri Christianæ sunt chara.

Quamobrem Rosa aurea gaudio ac lætitiâ à benedictione summi sacerdotis hujus Ecclesiæ imprægnata, fragrantiaq; remissionis peccatorum fideiq; incremento plena (quanquam effectus nunquam deprehenditur) Divinâ etiam protectione, omniq; Prosperitate, florum profectò esset fasciculus, ad nasum Principi pulchrè sublinendum oppidò quàm idoneus. Et similiter mitis mansuetusq; Agnus ex materia aliqua flexili effectus, elegantérq; efformatus è Cera putà, exorcizatus verò in potestates ac virtutes eis quæ in illo Agno Dei qui tollit peccata Mundi perquam paucillò inferiores,

res, ut qui idoneus sit, vi cuiusdam *Exorcismi* seu *Benedictionis*, ad eos qui eum gestaverint protegendos ab insultibus Carnis, Mundi ac Diaboli, à Peste, Fame, Morteq; subitanea, à periculis Terræ juxta atq; Maris, à Fulmine, Tempestatibus & Abortione, munus equidem esset Imperatore vel Imperatrice haud indignum.

Multa hujusmodi exempla excogitari possunt, de quibus omnibus pronunciandum est, ea contraria esse *fidei simplicitati veræq; potentie* Evangelii Christi, Diviniq; Nominis reverentiam imminuere, totidemq; esse adversus Præceptum tertium Admissa, *Nomen Domini Dei tui inaniter nè adhibeto*.

3. Contra quod Præceptum *Formulas* illas *Conjunctionis*, quæ in libris *Magicis* reperiuntur, evidenter peccare autumo. Ut apud *Cornelium Agrippam*, *Petrūq;* de *Abano*, ubi Divinæ illæ appellationes, *Jah, El, Adonai, Elobim, Elobe-Zebaoth, Elion, Sadai*, & similia, vanæ ipsorum reprobæq; Artis fiunt elementa. Quod manifestum quidem argumentum est, *Exorcizationem* per Dei Nomina sanctæq; Attributa, Sacerdotem à reatu *Incantationis* neutiquam posse absolvere, cum & ipsi *Magi* veri Dei Nominibus in sua etiam arte utantur.

Et quantum ad generalem *Incantationis* notionem, *Agrippa* quidem eam nihil aliud esse statuit quam *derivationem mirificæ cuiusdam potentie in rem incantatam virtute verborum ac spiritus Incantatoris*. Nec phrasæ sanè locavæ Scripturæ Sacerdotem excusabunt ab hac impietate, cum hoc & præscribatur & in usu sit apud *Magos*. *Pentacula* enim ipsorum quæ à collis suspensa gestant dum *Conjunctiones* suas obeunt (quæ ipsi profecto majoris honoris causâ *Pentacula Salomonis* appellant) hujusmodi è sacra Scriptura transcriptionibus ornantur corroboranturque.

Unde planè liquet, siquis omnes particulares Characteres talis *Apostaticæ* Ecclesiæ notare vellet, qualem ego describo, eum non posse prætermittere quin inter alios *Titulos, Veneficorum* seu *Magorum* nomen ipsis inurat.

4. Quod sanè mereri possint ob alias etiam rationes quas jam memoravimus, ut ob id nempe, quod populum *preclus quasdam* docent *linguâ incognitâ*, quas ipsis præcipiunt ut repetant ad hæc vel illa proposita. Quid enim hæc sunt nisi *incantamina*? Et quod faciunt, ut *Jesus Nazareus* (qui antè plus mille sexcentos annos *Hierosolymis* crucifixus est) prolatis quibusdam verbis, eum carne, sanguine & ossibus *personaliter* appareat, *Panacearum specierum* tantummodo *laxæq; pendentium Accidentium* tenui *pallio* contextus & amictus, *Magiæ* certè specimen est supra illud *Pythoniæ Endorensis*, omniâq; monumenta *Necromantica* quæ unquam extiterunt. Quæ omnia professâ ac venditata facinora cum tam *universalia* sint in hac Ecclesia quam delineo, & *Epidemica*, quis tam omisso animo esse potest ut non facillè observet *Magorum Incantatorumve* nomen in hoc hominum sodalitiū perquam optime quadrare?

Nam quod hæc prætendunt solū nec reverà quicquam efficiunt, tam gloriosi Tituli meritum ipsis non adimet, quandoquidem ipsum studium ac professio artem aliquam facitantes jus nominis satis liquidò confert. Ut is qui arundinem piscatoriam per maximam Diei partem in fluvium injecerit, nec tamen unum pisciculū domum reportat, potest nihilominus rectè saluari in reditu suo, *Piscator mi*, vel *meus Hamiota*: Et is qui artem *medicam* proficitur, nec tamen quenquam fortè adhuc curaverit (præter eos qui sponte absq; illius opera convalituri fuissent) quamvis non paucos sanè occiderit, nihilo secius ab hominibus *Medicus* ubiq; appellatur. Et universim quicquid homines affectant venditantque, quanquam nihil in eo genere præstare possunt, jure potest per modum *scommaticæ* reprehensionis, ad numerum integrum dedecoris eorum & ignominie explendum inter characteris sui partes recenseri.

5. Quas rationes hisce *Incantationibus* usurpandis prætexere possunt, equidem fateor me haud facillè deprehendere. Sanguis enim Agni *Paschalis* quo *Israelitæ* superliminaria & utrosq; postes aspergebant, non *incantatus* antea erat quod virtus in eum derivaretur ad fugandum *Angelum percussorem*, sed solummodo præsens *signum* erat, ut & *Typus* asperitionis *sanguinis Christi*, qui tanquam Agnus immaculatus in futuris seculis pro peccatis Mundi erat sacrificandus. Nec miscebantur Aqua Vacæq; cineres ullo cum *Exorcismo* seu *Incantatione* quantum ex Scriptura intelligere possumus. Nec sanè incantabat *Elisba* Salem quem in aquas conjiciebat ut eas curaret, sed utebatur dumtaxat ut circumstantiâ signove in ipsarum curatione. Quæ Ceremoniæ ad Christianitatem nihil attinent, nec certè fas est plures ex antiquis *Typis Figurisve* in Ecclesiam introducere, quam qui jam in usu sint illius delectu qui errare non poterat.

Ratio igitur istiusmodi consuetudinū omnino nulla est. Verū prætentio vendi-

ratiōne hujusmodi potestatis tam stupendè mirificèq; res *incantandi* ad tam insignes usus, multum sanè faceret ad *honorem Sacerdotis*, qui non posset quin inde *plures res*, magna profectò ac adorabilis persona popello credulo videretur, & *exorcizata* illa mercimonia præsenti argento vendibilia essent eis qui hujusmodi rebus fidem habent.

Cæterùm hæc interim est calamitas, quod *Fides* ac *Temperantia* eò negligentius colerentur, *Urnaq; Aqua consecrata, Incantatiq; Agni cerei* vivam illam ac internam Spiritus Dei in corde scaturiginem obstruerent, & ad sensum tenderent extinguendum *Innocentia*, quâ non fortius datur fidei Christiano contra ignea fulmineaq; Principis Aëris jacula propugnaculum.

6. Hæ sunt maximè crassæ ac fundamentales superstitiones quæ *Magia Incantationis*ve speciem præ se ferunt: quæ in varios quidem usus derivari possunt, ac deduci; ut in *visitationibus Infirmorum*, in *Extrema Unctione*, in *Funeribus* & *Exequiis*, in *baptizandis Infantibus*, in *Feminis post partum benedicendis*, & *contrahendis Matrimoniis*; ubi *Aqua consecrata, Exorcizatum Oleum* ac *Candele* frequenter adhiberi poterunt. Et quædam certè ex ipsis non sine magna aliqua molestia; ut in *Unctione Infirmorum*, quorum *Oculi, Aures, Nares, Ora* ac *Manus* inunguntur, etiam *Pedes Renesque*, quorum posterius molestum confictum modestiâ naturalem inter piûmq; zelum in eis qui sensum poenitentialem peccatorum ab eis partibus prosectorum habent, potest excitare.

Exorcizatio etiam *Diaboli* ex *Infante* qui *baptizandus* est, ipsi *Infanti* terrifica res videretur si intelligeret in quàm misera conditione eum *Sacerdos* esse supponit, dum ter in faciem ipsius insufflat formulâq; adhibet *exorcisticam* ad fœdum ejiciendum *Dæmonem*, qui nimis quàm præsiciens hic fingitur ac protervus, qui sibi possessionem illius arriperet ad quem non poterat non videre *Jesum Christum* jus habere ad eò manifestum, quippe prolem eorum qui *Christi* jam erant, siquidem *Infans Christianus* parentibus est prognatus. Verùm & hîc se ingerere potest (præter alias *Ceremonias*) ritus adhibendi *sacrum Oleum* ad manus pectûsq; ei inungendum, & induendi ipsum *albis vestibus sacrâmq; manui Candelam* imponendi. Et quod omni oleo *candelave* impendio magis est sacrum, ipsum sputum potest seu *saliva* *Sacerdotis* auribus naribûsq; infantis, ad eas lustrandas sanctificandâq; leniter illini. Et postremò, ut omnia sana esse possint ac salutaria, *Sal* etiam *sacrum* ori infantis indi, ut verba ejus, simul ac loqui potuerit, magis esse possint *sapida*.

Atq; sic videris consecratorum *Elementorum* usum late posse extendi, efficerèq; ut *Baptismus Christianus* *Ceremoniarum* multitudine *Judaicum* excedat, immodò verò ipsorum *Circumcisionem*, cùm tamen solius *Aquæ* elementi usus sufficeret, unâq; aquæ infusio, infantisve immersio æquè aptè *Unitatem* Deitatis significaret ac ternæ *Trinitatem*. Et tamen tam amplas prolixâq; *umbræ* projicere posset *Christianitas*, postquam in *Ecclesia Sol* *justitiæ* in occasum semel præcipitaverit.

7. Et valde mirum profectò istuc esset si nihil terrifici mulieribus in hac appropinquante caligine appareret. Etenim tametsi bella res sit *Sacerdoti* quodd existimetur tantam habere in spiritum *Stygiûm* potestatem, ut eum *Exorcismo* ex *Infante* possit ejicere; potest tamen admodum tristis esse speculatio mulierculis aliquibus melancholiâ pariter ac superstitione laborantibus, dum secum cogitant se nunquam laborare à dolore quin *Dæmonem* simul ac infantulum sint enixuræ, & si *infans* moreretur ante *Baptismum* (cùm *Diabolus* corporalem possessionem nactus sit) eum pro certo illuc abreptum iri quò vel indulgentissima Mater nè voto quidem & cogitatione adire ausit eumq; invisere. Quod quidem summam maturandâ *Baptismi* necessitatem argueret, sed & mentem simul *Matris* melancholicæ anxietate ineffabili affligeret ac deprimeret.

Delinitio etiam aurium nariûmq; *Infantis saliva* *Sacerdotis*, horridiusculam aliquando averfationem magis delicatarum animis incutere potest. Verùm multum facit ad opinionem ejus sanctitatis, cujus excrementum spumeum tam *sacram* habeat virtutem; & vota præterea omnium foeminarum in oppido hoc pacto extorquebit, nempe ut corpore sano sit moribûq; omnibus putidis ac contagiosis libero.

8. Cæterùm admodum iniquum esset si superstitionis onus totum teneræ *Infantiae* imponeretur, primòq; nostro in hunc Mundum introitui, proculdubio terribilis hæc Dea faciet ut pressuram suam ii etiam sentiant qui ex illo sunt exituri. Et certè illa *extrema Unctionis* *Ceremonia*, quæ viam magis lævem faciliq; efficacem præcendit, homini sanè minùs supersticioso, eam salebrosam magis molestâq; redderet.

Pectoris etiam apertio, aspero illò coactæ *Confessionis* & subdolæ postea *satisfactionis* telo, ad hujus vel illius *sacri Ordinis* commodum usûq; *Ecclesiæ* elicite, facile

facile moribundi *Penitentis* mentem inter propriæ animæ curam, & prospectionem charissimæ uxori ac liberis distrahet. Verùm frequentes *Aque lustralis* asperisiones dilutum illius erunt solatium, habebitq; ante oculos, quamdiu hac luce frui liceat, *Asites* quidem magis frigidos ac inanimos quàm qui per totum quadriduum in sepulchro jacuerint; Imaginem putà *Christi* in Cruce, alteram virginis *Mariæ*, tertiam illius *Sancti* cui se speciatim devovisset. Ubi si libuerit, salutare poterit *Idolum Virginis* eis ipsis verbis quibus Angelus *Gabriel* eam olim salutavit. Verùm si omnem, civilem, dicam an *superstitiosam* blandiloquentiam seponere vellet, ac veritatem eloqui, *Jobi* hic querelam de inanimis his adiutoribus aptè usurpare posset, *onerosi consolatores estis omnes.*

Utcunque, quicquid interea frequens *Aque lustralis* asperasio præstare poterit, *Crucisve descriptio* in pectus atq; frontem, strictaq; præceptio, ut cuilibet articulo- rum apici quos Ecclesia veros esse definiverit, fidem habeat, (quippe anima, cum tam prope jam absit à decessu è corpore, in abstrusis illis Mysteriis acutiùs videt) promissiove precularum ac oblationum postquam in altero statu fuerit, non deerit ad animæ illius consolationem, quam dum expirat, si in *Domina Mariæ* manus, loco *Domini Jesu*, commendaret, qui Deus est ubiq; ad servandum paratus; præceptum illud Sacerdotis expresso Dei mandato aperte adversaretur, essetq; funesta sanè moribundo homini vitæ *Catastrophe*, extremum halitum tam fædo *Idololatriæ* peccato ad hunc modum impendere.

9. Cæterum utut est, perinde ac si omnia rectè peracta essent, corpus decenti modo exponi potest, parvâq; *Crux* defuncti manui in pectus jacenti imponi, aut saltem manus loco *Crucis* in *Crucis modum* decussatim componi, & *Aqua benedicta* in eum ritè aspergi, quæ quantamcunq; vim habere possit ad fugandum Diabolum à Cadavere, vix animam tamen vel ab ultimo illo Idololatriæ peccato abluerit, domumve defenderit ab infestatione inauspicatarum volucrum variis coloribus plumisq; distinctarum, quæ ex cujusq; hujusmodi cadaveris casu, pergratam refectionem odorantur. Tantam turbam strepitumq; excitare potest superstitio in *Exitu* hominum ex hac mortali vita æquè ac in ejus *Introitu.*

10. In medio harum *Ceremoniarum* equidem fateor *Sacerdotem* non posse non hominem mirificæ virtutis ac potestatis videri, ignaris utiq; rudibusq; spectatoribus, qui in hujusmodi superstitionum fide ab ineunte usq; ætate enutriti sint, quippe qui tam præsentanea consolandis ægrotis, ac conspicua suppeditat remedia, (cujusmodi sunt *Aqua benedicta* *Demonifuga*, *Imagines beatæ Virginis*, *Sanctiq;* *Tutelarum*, *sacri Cerei*, & similia) ipsūmq; cadaver sartum tectum virtute *crucis* elementiq; *exorcizati* asperzione ab omnibus incurSIONIBUS Satanæ & cujusq; mali Phantasmatis conservat. Cæterum homo moribundus quid commodi ex eo capturus sit, quod mens ei distrahatur & ad hujusmodi emortua spectacula ad extrà evocetur, fateor me minimè intelligere, nec concipere posse quin impedimento futura sint magis puræ ac collectæ emigrationi Animæ in statum Beatitudinis, occasionemq; harum *Ceremoniarum* *spectatoribus*, negligendi meliora illa ac interiora *Amuleta*, contra mortis formidinem terrorēq; Diaboli ministratura.

Talia intelligo, qualia sunt, *Mentium suarum in vivam Christi Imaginem Renovatio*, *Potentiaq; Peccati* (tollenda *Crucem* in mortificationem omnium malarum cupiditatum in hac vita) *devictio*, *consolabiliumq;* *gaudiorum refectionumq;* *spiritus*, *permanentisq;* ac inoliti sensus misericordiæ Dei per fidem vivam in *Jesu Christo* (ubi non possumus quin de peccatorum remissione certi simus) *consecutio*; quæ sunt *Aque* maximè *salutares*, maximēq; *sacræ* ac *benedictæ* quibus nos consolari possumus, *dolorē* ac *angorem* animi sedare, pretiosissimum *oleum balsamū*ve, quod in afflictas conscientias potest infundi. Ad quam excellentem conditionem naturaliter obstruitur, per inanēq; in externis hisce spectaculis fiduciam, dependentiamq; à multifariis istis superstitioni præstigiosisq; *Sacerdotii* incantamentis præfocatur *Aspiratio*; Qui persuadere nempè volunt hominibus se *exorcizatis* elementis machinisq; *Magiis* contra externos Diaboli insultus collineatis Animam ad cælum tutam posse perducere, minimè interim animadvertentes, peccati & inobedientiæ *Radicescentiam* & *Accretionem* animam ipsam in *malum Demonem* transformare, idēq; fatum subeundi cum execrabili illa turba, necessitatem ipsi imponere.

CAP. XIX.

1. *Onus spiritualis Cognationis nimieq; Numerositatis Dierum Festorum.* 2. *Perpetua à Carne in Religiosis quibusdam Ordinibus Abstinencia.* Fraus & Noxa illius Instituti. 3. *Cœlibatûs votivi onus.* 4. *Scopi ipsius perniciosiores.* 5. *Ordinaria utilitas quam potestas, quam describimus, Antichristiana à vitam monasticam colentibus percipit.* 6. *Rem illius multum corroborari ope Monasteriorum.* 7. *Divitiâsq; augeri cum professorum Cœlibatûs sit Hæres.* 8. *Cœlibatûs Noxæ ingentes.* 9. *De Flagellatione.* 10. *Illius inefficacia, Pœnitentis Hypocrisis, barbara Ecclesiæ suæ superbia, Noxæq; inde provenientes.* 11. *De Peregrinationibus & Jubilæis.* 12. *Multarum aliarum Antichristianarum severitatum Enumeratio.*

1. **A**Tq; sic ab uno quasi vitæ humanæ extremo ad alterum transvolavimus, cum tamen multa observanda sint quæ medium etiam illius spacium molestum efficere possunt & intricatum, *mundanis negotiationibus* impedimento esse non-necessario, *corpus* acerbè vexare & affligere, *mentemq;* gravibus ac funestis perplexitatibus inquietare. Pauca aliquot singulorum exempla indigitabo.

Ut exempli causâ; Si qui ex eo quod facti sint in *Baptismate susceptores*, talem contraherent *cognitionem*, quæ, quantumvis *spiritualis*, juxta Canones tamen Ecclesiæ quam describo, inter suos omnesq; Infantis cognatos matrimonium impediret; Quantas igitur difficultates parerent hujusmodi superstitiosæ opinionones, in filio filiæve nuptui collocandâ, cum integræ vicinæ præstando sibi mutuo Christiana hæc officia, tales spirituales Affinitates necessariò contraxerint? Cujus rei finis proculdubio nihil aliud esset, quàm ut crumenas hominum nummis exhauriant, dispensationes impetrando laxationesve ab hujusmodi non-necessariis legibus & restrictionibus.

Numerus etiam *Dierum Festorum* tantus esse potest, observatiòq; ipsorum tam superstitiosè strictèq; præcipi, ut onus ineffabile esse possit majori populi parti, iis utiq; qui manuum operâ victum quærunt, quosq; fame enecari necesse est, quando ipsis non liceat operari. Hujusce verò rei finis idem est atq; prioris. Multitudo enim crebritâsq; delinquentium, multas Ecclesiasticis Officiariis capturasq; parat, quamvis sanè multas vel minimas admodum immanes esse oporteat, quæ pauperculis hujusmodi operariis extorqueantur, qui non nisi manuum operâ in diem victitant.

2. Rursus, Pone satis magnum hominum Numerum ad *Abstinenciam à Carne*, religiosâ, vel potius superstitiosâ Regulâ cui subditi sint, per totam vitam, religari, adèd ut instar mortis putarent, Carnem gustare propter *Voti vinculum* quo ipsorum Conscientiæ teneantur; Quàm planè ferreum hoc jugum esset super tot animas Christianas? Quàm stupidos, quàm deliros hæc *Monastica severitates diæte, lecti incommodi, vigiliarumq; intempestivarum* multos ex eis necessariò reddituræ essent qui servilibus his Captivitatis *Babylonice* vinculis illaqueentur? Cui nihil profectò causæ prætexi potest, nisi quod sint tam benigno beneficòq; Ingenio, ut non solum pro seipsis mereri velint, sed & pro aliis, utq; tot Rivuli unâ concurrentes *Thesaurarium* illud *Meritorum* implere possint, quæ ab Ecclesiâ custodiantur, satisq; charo divendantur illis Virginibus quæ otio ad reficiendas lampadas fuerint destitutæ.

Hæc est *Fraus publica*; *Privata* verò certa quædam *Hypocrisis* in hujusmodi hominibus, quâ sæpenumerò indispensable Christi jugum ejusq; verbi Regulam nimii æstimando, seq; subdolè occultando sub harum *Antichristianarum* Regularum sanctitate assumptitia, penitus excutiant. Estq; *Noxa* ulterior, quod opinio merendi ad hunc modum pro seipsis aliisq; superbiâ illos inflet ac insolentiâ, atq; ideo magis abominandos eos reddat, quàm qui sub nullis hujusmodi peculiaribus Regulis Institutisve degant.

3. Est autem & altera *Abstinencia*, quæ pari severitate & rigore injuncta, plebisq; hominibus perinde foret onerosa si non multò magis; Institutum sanè quod apertè videtur menti Apostoli contrarium, qui ipsum Ecclesiæ jam à Christianæ Religionis puritate *deficientis* Characterem facit, quemadmodum & illud alterum, *Abstinenciam* scilicet à *cibis*. Verùm hæc *prohibitio* est *Matrimonii*. Quæ quidem non solum expressæ Dei Legi adversatur, sed & *Naturæ* etiam, quæ nisi in *paucissimis* aliquibus (qui speciale castitatis donum habeant) admodum severa exactrix est illius *Tributi* absq; quo humanum genus intercideret. Quantum verò ad *alios*, ab eis certè

certè matrimonium facillè omitti non potest, quin summæ ipsi irrogandæ sint pœnæ per eam *Nemesis* quæ ipsi intexitur legi quæ violatur; sed hoc Medicis accuratius prosequendum relinquo.

Quamobrem dicò, quòd Matrimonium interdicere, omnibus putà Sacerdotibus ac Diaconis, & infinito præterea numero Ordinum religiosorum ad Regulas vitæ *Monasticæ* religatorum, votq; hujusmodi, æquè saltem, si non magis sacra facere quàm ipsa vincula *Matrimonialia*, esset profectò Christiano orbi jugum æquè *Antichristianum* quàm ulla servitus quæ potest excogitari, viròsq; ac fœminas, qui voto observando seriò operam navaverint, decepti verò sint in eo suscipiendo (aut minis *superstitiosis*, aut *dolosis* blanditiis promissisq; eò impuls) in tantos animi angores corporisq; afflictiones & intemperies conjiceret, ut onus futurum esset prorsus intolerandum.

4. Et tamen Institutum hoc pro certo promoveretur in Ecclesia admodum rancidè *Antichristiana*, cùm ex utilitate tantoperè foret Ecclesiasticis Potestatibus. Cùm enim hic nihil bonæ fide excogitetur, statuaturve, sed solummodo in rem Ecclesiæ, urantur sanè, graventurq; quàm volent, qui sub suis votis Monasticis ineptè seri sunt, equidem quamdiu sit, ut nulla hujus voti censeatur violatio nisi ducendo uxorem, innumeri homines ad hanc professionem essent confluxuri; qui peculiari quodam modo religioso *membra* vel potiùs jurati *subditi* hujus *summi sacerdotis Antichristiani* facti eo ipso robur militare *Hierarchici* sui Imperii reverà evadunt, cùmq; aut duriter aut sordidè educati sint, ei summis quidem angustiis in magis carnali militia ac seculari mereri poterunt.

Cæterum interea loci, ii ex hoc hominum genere qui solitudine ac superstitione magis deliri evadunt, possunt sanè aut suâ sponte, aut virtute *voti obedientiæ Superioribus*, huc accersiti, seipsos promptos fervidòsq; sicarios ad Reges ex improvviso trucidandos præbere venenove tollendos, aliòsve quoslibet ex insidiis interficiendos quos viderint rem hujus Ecclesiæ *Apostaticæ* quovis modo notabiliore labefactare. Tam perniciosà profectò serpentum viperarumve Progenies è solitario pulvere umbrisq; harum *Monasticarum* Cavernarum in Mundum possunt erèpere, populiq; animos exacerbare, & corda subditorum irà venenosà imbuiere adversus suos Principes, & *Africanorum* *Jaculorum* more, Regum pectora repentino ictu pertundere, humisq; effundere sacrum ipsorum sanguinem.

5. Verùm hic usus aliquanto remotior est, & in fundum suppressus later. Ille verò apertus magis & expositus, Professionem scilicet tam duri vitæ instituti quàm est à maximis carnis voluptatibus *abstinentia*, in illum finem ut cœlestia gaudia eò certius mereamur, talisq; incedere vestitu qui tam conspicuæ *mortificationis* speciem præ se ferat quantum ad omnia hujus mundi oblectamenta, ex firma expectatione eorum quæ nos manent in futuro; palàm est inquam professionem hanc non posse non mirificè afficere animos hominum simplicium ac credulorum, perinde ac si hi *sordidi sordidati* maximè seri essent diligentèsq; Religionis promotores in quos quispiam speret se unquam posse incidere, eamq; proculdubio veram Ecclesiam fore, cujus hi se pia membra esse profiteantur, ac proinde cùm multi numero sint, vacetq; singulis hominem unumquemq; separatim adoriri, invenirentur profectò maximè idonea instrumenta ad captivandos detinendòsve homines sub hac *Antichristiana* potestate quam describimus, quæ quisquam potest excogitare.

6. Quamobrem hujusmodi *Angelicarum Fraternitatum* multiplicati conventus, qui fieri potest quin tot sint effossæ Piscinæ quò opes gentium Provinciarumve, ubi instituti sint, deriventur? Quippe unusquisq; promptus erit ad opitulandum ipsis in *communi*, qui se nihil in *particulari* possidere profitentur, nec ullà re, nisi ad Naturæ necessitates, sumptusq; pios, uti; utpote qui adeò in solidum castrati sunt Mandòq; mortificati. At verò cùm vitam adeò *Seraphicam* profiteantur, majorémq; apud homines consequantur gloriam, quàm quæ ab ullis mundanis Negotiationibus facillè potest acquiri, Conventus ipsorum, honorifici sanè, etiam nobiliori stirpe oriundis Recessus esse possunt, quorum scilicet res in Mundo malè successerint, aut sanguinis Nobilitas rationes excefferit Fortunarum. Quæ quidem utilitates tam latè se diffundentes tale vinculum essent apud omne genus homines, ut non exiguum foret (si rem humanà prudentiā metiamur) incolumitatis hujus *Antichristianæ Politicæ* qua de agimus, stabilimentum.

7. Quibus omnibus addere potes (nam in his nimius esse nolo) quòd tam generalis Cœlibatús professio in hac degeneri Ecclesia multum facit ad ejus opulentiam, ut cui naturaliter in sortem contingit ut sit hæres, quandoquidem hæc sua devota membra necesse est ut moriantur absq; ullis liberis quos quidem ausint agnoscere esse

esse suos. Ut nihil dicam de nummis qui in sanctam Pontificalem Crumenam venire possunt, quotiescunq; alicujus momenti sit voto Monastico quempiam absolvi.

Hæ quidem *Sui-quæstiones* esse possunt quibus in hac *Antichristiana* prohibitionne *Matrimonii* indulgeatur contra Dei legem præceptaq; sanctorum Apostolorum *Jesu Christi*.

8. *Noxæ* verò quas breviter indigitabo multiplices sunt. Qui enim hisce votis temerè sunt irretiti, & seriò rem agunt, sed per naturam inepti sunt ad hujusmodi vota observanda, hos quidem *onerosa* manet sub *imprudentibus* aut saltem *severis* Gubernatoribus servitus, & fastidiosa infirmâq; solitudo. Quantum verò ad alios, Eventus sanè turpis est atq; fætidus, usq; ad conversionem falsæ hujus Ecclesiæ in veram *Sodomam*, caveâq; immundarum volucrum.

Nam *Hypocritica* hæc *Angelica Castitatis* professio apud ipsos non erit nisi *Adulterii*, *Sodomie*, *Fornicationisq;* mater, crudelisq; ac truculentæ peremptionis miserorum Infantum simul atq; in lucem editi sint, & maturiùs sanè si quâ id arte effici possit.

Quibus addere potes enervationem depopulationemq; orbis Christiani, quò minus sit idoneus ad hostes extraneos oppugnandos. Quandoquidem hæc falsa *Politia Ecclesiastica*, quam ego delineo, magis est sollicita, quàm pleno imperio possit dominari Tyrannidemq; exercere in partem *Laicam*, quàm communem Christianitatem ab incurvationibus & invasionibus *Infidelium* tutam conservare. Verùm quemadmodum olim dixit Servator, *Fur non venit nisi ut furetur, mactet & perdat*, ac proinde minimè istuc mirum est, eum nullam curam gerere aut providentiam, pro incolumitate ac præservatione Ovium.

9. Sed & durius adhuc onus superest quod superstitio adinvenire queat; Potestq; aut *Monasticis* aliquibus Ordinibus superaddi, aut ut *Pæna* imponi, illudve quispiam sibi ipsi ex cæco quodam deliròq; zelo suâ sponte infligere, cùm ab hac non *Matre* sed *Noverca* Ecclesia praxis applaudatur. Estq; uno verbo *Flagellatio*, sive cruenta ferâq; flagris suiipius verberatio, aut ad religiosè *satisfaciendum pro peccatis* aut ad *merita augenda*. Consuetudo sanè tam truculenta ac barbara, ut aram *Diane Taurica* quàm Christi templum magis condecoreret, nec ullum habet exemplum nisi in istis Religionibus quæ ab ipso Diabolo sunt institutæ, cui oblectamento erat Tyrannidem exercere in miserum ac despiciatum genus humanum. Hujusmodi verò *Pastor* non solum *Tonsor* est ovium suarum sed & *Excoriator*, & ex diametro illius spiritui oppositus, qui promisit suis *jugum suum facile fore onusq; leve*.

10. Cæterùm hujusmodi severitates, quanquam bellam quidem in *Carne* speciem exhibent, nihil tamen faciunt ad ritè castigandas perdomandâq; corruptiones *spiritus*, nec profectò multùm ab simile est atq; siquis *currum flagellaret, equos verò impunes sineret*. Illa castigatio quæ ad emendationem vitæ pertingit & ad reducendum internum hominem sub obedientiam Christi, est *obfirmata omnibus carnis suggestionibus ac cupiditatibus resistentia*. Hæc peccaminosum in nobis principium vulnerabit altius, animâq; tandem reverà sanabit. Alterum verò illud permitti non potest nedum probari, nisi ex *Hypocritica* affectatione *pompatica* cujusdam *severitatis* in qua falsa hæc Ecclesia dominium suum in mentes corporâq; hominum possit ostentare, ac secreto indulgere gaudio in suavi gustu sensûve mirifici hujus imperii quod in mundum nacta sit, etiam ad vilissimam servitutem abjectissimâq; *Mastigiarum* conditionem.

Verùm interea loci, istiusmodi Crudelitates *Americane*, ut hæc certè sunt, malè tractati *Penitentis* vitam, corporisve sanitatem in discrimen facile possunt adducere, nec profectò potest fieri quin fœdissimum opprobrium in Scholam Christi superinducturæ sint, perinde ac si *Paganismo* similis omnino facta sit ac *Synagoga Diaboli*.

11. Illa etiam *Paganica* quædam esset injuria deceptis animabus illata, ingensq; labor ac inutilis corpori molestia, ad longas *Peregrinationes* obligari, ut hujus vel illius *Sancti* Imaginem in meliorem reconciliationem salutarerent. Verùm oblationes hîc faciunt, ad ditandam Ecclesiam, & Peregrinorum confluxus ad oppidum ditandum, eadêmq; operâ ad conciliandam oppidanorum benevolentiam tam *lucrifica* Religioni.

At verò res interim *Peregrinorum* domesticæ neglectæ relinquantur incertis admodum rationibus administrandæ, liberi solius uxoris regimini, uxor inspectioni *spiritualis* quem appellant *Patris*, & aliorum quorumcunq; ex humanioribus visitatoribus qui se ad ipsius solatium ingesserint, in absentia Mariti.

Peregrinationibus addi possunt *Jubilei* in magna hujus Ecclesiæ Apostaticæ *Metropoli*:

tropoli: qui tametsi haud ita sint frequentes, celebrationes tamen ipsorum à maximè longinquis Orbis Christiani partibus religiosorum Hospitum multitudinibus frequentarentur, ex falsa utiq; persuasione quoddam peccata ob tam sanctam Itinerationem sibi sint protinus remittenda. *Finis* verò ac *noxæ* hujus solennitatis eadem ferè sunt quæ aliarum *Peregrinationum*, nisi quoddam hæc magis speciatim instituitur ad cistas *summi Sacerdotis* locupletandas.

12. Immensum esset omnes modos superstitionum molestationum percurrere quæ sub prætextu complendi Christianitatis leges atq; Ecclesiæ, deceptorum mancipatorumq; Christianorum Corporibus fatigandis possint adinveniri. Cujusmodi sunt, *Nudis pedibus, nudosq; capite longà viâ perambulatio*; *In fontes gelidos aquis in nuda pectora prosilientibus descensio*; *In lectis glaciei nivisq; corporum suorum volutatio*; *Nudis geniculis per viam siliciam, usquequo caro cutisq; incidantur omniq; circumfundantur sanguine, proreptio*; *Cilicii proximè Cuticulam, cinguliq; acubus ac claviculis obstri, circumgestatio*; cum multis aliis hoc genus *Tragicis* exorbitantibus, de quibus nihil novi habeo quod adnotem: addo solummodo eas illi ingenuo spiritui qui in vera Christianitate spirat omnino adversari, & quod suprà dixi, planè efficere, ut *Christianorum* Religio ad barbaras *Paganorum* superstitiones nimis propinquâ similitudine accedat.

CAP. XX.

1. *Afflictantium omnis opinionum.* 2. *Hæsitantæ Animæ distractio multifariis superstitionibus ac opinionibus irretita.* 3. *Votorum Religiosorum illaqueationes.* 4. *Intricamenta è superstitione fiducia in quibusdam quæ in missa finguntur virtutibus profecta.* 5. *Vexationes ac scrupuli de intentione Sacerdotis in Sacramentis administrandis.*

1. **C**æterum ut has corporis incommodationes missas faciamus, Christianitas sanè admodum difficilis ingrataq; variis excruciationibus distractionibusq; animi, ob non-necessarias Conscientiæ obligationes intricatasq; Imaginationes ac Opiniones effici potest; Quæ cum innumere etiam sint, alienum prorsus esset omnes enumerare conari. Paucas tamen è maximè obviis nominare non dubitabo. Cujusmodi sunt, *Officium, quod fingitur, colendi Crucem, Imaginesq; ac Reliquias Sanctorum*; *Communicationis meritorum opinio, Illaqueatio votorum*; *Superstitiosa fiducia in Eucharistia, & in intentione Sacerdotis in hoc atq; aliis Sacramentis*; *De necessitate Confessionis Auricularis persuasio, Assensusq; cuiq; vel minimo apici doctrinæ ab Ecclesia traditæ, quamvis nulla sint illius in Scriptura vestigia, nec ulla pro ea adduci possit ratio*; *Metus excrucians Paganico pejoris Purgatorii, ac Necessitas deniq; penalis Satisfactionis ac Meriti.*

Verba quidem hæc quivis enunciare potest, nec tamen linguam eisdem ulcerare: verum si quis ea tanquam *Principia Conscientiæ obligantia* unquam imbibat, eisque superstitione illaqueetur, equidem præ animi inquietudine æquè interturbatè dormiet ac si quis lecti linteis pilos concisos vitriq; pulverem inspersisset. Nec ulla certè requieris animi recuperatio erit, nisi per plenum haustum soporiferæ illius Potionis quæ in fidem Sacerdotis totus recumbat, itaq; agat credatq; citra omnem disquisitionem ac ratiocinium, quemadmodum ille voluerit; seq; ipsum hoc pacto è cauto rationaliq; hominæ in stupidum patientemq; convertat. Asinum cui *falsus Propheta* inquit.

2. At enim si propriæ suæ Beatitudinis promovendæ ex suo judicio ac sententiæ seriò operam navaret, quàm misere distractus esset Objectorum Devotionis varietate? Nam si res meritoria sit unius *sancti* delabrum vilitate, certè neglectus esset propriæ suæ salutis si aliud prætermitteret. Et si *sancti* adeò ambitiosi sint ut religiosi oblectentur Invocationibus, Invocatio unius invidiam & offensionem apud reliquos quos prætermiserit facile invocanti potest concitare. Et si unum Patronum mihi elegerim, cur non suspicarer me reliquorum animos à me alienasse, nempe si perinde cupidi essent *Divini cultus* atq; nos imaginamur?

Et quantum ad *sanctas Reliquias*, quæ Religiosis offeruntur ad deosculandum, qui Conscientiæ angores inde oriri possunt, quod utiq; non satis corditus labia commiserimus

commiserimus eis quæ speciem præ se ferunt viliorē minūsq; amabilem? Quis poterit quisquam somnum quietē capere sensu morsūve ictus tam irreligiosæ, ut ita dicam, *Incivilitatis*, quantumvis adversus sanctum solummodo aliquod muccinum immundum, aliūdvē quodvis linteum luteum ac vetustum perpetrata?

Porro, cum adeo ingens virtus sit in *Cruce exorcizata* ad conservationem sanitatis tum *Animæ* tum *Corporis*, & ad fugationem cujusq; mali *Phantasmatis* (estq; eadem ferè ratio de *Reliquiis*) quas conflictationes animi in seriò religiosis excitabit, qui cum per facultates potuissent, nondum tamen à tam longo tempore tam tutum sibi totiq; familiæ comparari præsidium? aut, si per facultates minùs possunt, inter sensum paupertatis vegetosq; devotionis stimulos mordeantur distraherenturque, nec facile apud se possint statuere utrū mercandum sit necne, & certè postquam eam mercati sint, quoties in die è re foret incurvare se versùs ipsam, propiusve ad ipsam prorèpere ut secretam illam virtutem quæ ipsi indita sit à sacra *incantatione*, sive *exorcizatione* Sacerdotis, eliciant.

Estq; par Ratio de *Aqua lustrali* (quoties nempe aspergenda sit) & de *Ramulis exorcizatis* & consimilibus. Et quantum ad *Meritorum communicationem* per incorporationem in hoc vel illud *Sodalitium* seu *Fraternitatem*, quàm sollicitum quemvis efficere possit de delectu, ut ei suppetiæ ferrentur ex optimis, & quàm cupidum ineundi quàm plurimas potuerit?

3. Et quod *Votorum* illaqueamenta spectat, quàm proclive est ut homines ipsis illaqueantur ut Rusticula reti? Quam durum ac servile est ut sub *Voto* constituar *illimitata Obedientiæ* istiusmodi homini de quo certus esse non possum, quin (sub prætextu indulgentiæ à *Potestate infallibili*) ea sit mandaturus quæ ipse mihi sim conscius contra legem Dei fore, contrāq; Humanitatis leges ac Naturæ? Quàm variæ etiam occasiones esse possint *Vota temeraria* faciendi pro variis Passionibus, Exigentis & Importunitatibus, in Ecclesia ubi tam frequenter sunt in usu, ipsorumq; præstatio tantoperè facit ad ejus ditationem (ut & à votis absolutio per specialem dispensationem facta) diutius hinc non inculcabo. Hujusmodi enim sunt ferè infinita.

4. Possunt præterea oriri perquam magnæ sanè animi perplexitates, è *superstitiosa quadam fiducia in virtute* Eucharistiæ ad alios perperam usus adhibita, quàm quibus destinata est. Vulgò *Missa* dicitur. Quæ si talem haberet virtutem ac efficaciam qualem hæc Ecclesia prætendit, ut ad liberandas Animas à supplicio in vita altera, ad successus prosperos in præsentī, ad tutas peregrinationes per Mare ac per Terram, in Equo, pedibusque, ad Fœminas steriles, gravidas, aut parturientes, ad dolores dentium atq; febres, ad Porcos & Gallinas, ad recuperanda bona suffurata, & consimilia; quàm multifariæ animi contractiunculæ conscientiaq; anxietates hinc orirentur apud eos qui diligentius, magisq; seriò has virtutes ac privilegia consideraverint?

Quamobrem ubi creditur, virtute illorum *quinq; verborum Consecrationis*, Christum eò se demittere ut corporaliter & personaliter se in manus Sacerdotis det qui eum levet offeratq; Deo Patri ad præsidium & incolumitatem ovium simplicis putà cujusvis Rustici, Gallinarumq; aliarumve rerum minuscularum, qui potest supradictus vir bonus tranquillo esse animo, cum irresistibili fidem habeat importunitati tam stupendi sacrificii & cœtitudini eventum ipsius (qui in rebus majoris momenti adhuc erunt certiores, *Annon longè vos passeribus antecellit?*) nisi ad Sacerdotem se recipiat, quousq; quidem Crumenæ suæ astrigmenta se extenderint (& Conscientia certè sæpenumero excrucietur distendeturq; quò Crumenæ astrigmentis parcat) è qualibet occasione ægrotationis pecorum, ventrisve uxoris moræ, in periculis graviditatis & puerperii, in suis vel alterius cujuscumq; familia itinerationibus, & id genus reliquis, nè fortè ipse reus futurus sit infortuniorum quæ eos opprimere possunt, ex eo quòd tam certas ipsis occurrendi rationes satis maturè non adhibuerit, & si casus planè Tragici fuerint nè hanc suam negligentiam tanquam Homicidii peccatum apud se sit existimaturus?

Matth. 10. 31.

Quinimo, quomodo se poterunt homines abstinere ab expendendo seiplos ad cuticulam usque, nummos infumendo in *Missas* pro omnibus suis Amicis Cognatisque, & diligenter postea inquirendo apud pauperes quinam ex ipsis in hoc genere negligentur? Aut saltem quomodo evitare possunt quin miserè discredantur *timorem* inter seiplos depauperandi & *commiserationem* erga eos quos credunt tam immania subire supplicia in mundo altero hujusmodi auxiliorum inopiâ?

Superstitiosæ hoc genus opiniones *Far Molendino*, quod dicitur, abundè suppetabunt eis qui mentes hominum illis imbuunt, verum tam duriter eos corradent commolentq;

commolentq; qui huiusmodi doctrinis fidem habuerint, ut necesse sit eis vitam valde inquietam agere, sub hac falsæ adulteratæq; Religionis onere.

5. Quod iterum immane quantum augebitur alterâ superadditâ Incertitudine, magnâq; inducet addubitationem fluctuationemq; in omnibus huiusmodi deliberationibus, cum propensiones ipsorum eos aliâs majori cum confidentia laturæ essent ad auxilia Religionis & Sacramentorum suorum præsidia. Supposito enim quod effectus dependeat ab intentione Sacerdotis, & sumptus & devotio nostra planè incassum esset, si is aut per malitiam aut per incuriam intentionem ab opere diverteret. Quod quidem tametsi summoperè tendat ad efficiendum Sacerdotem magnum & formidabilem, & tanquam *Deumculum* quendam in terris, ut qui potestatem habet si non damandi, saltem incertam reddendi eorum omnium salutem qui à sincero suæ functionis exercitio, in *baptizando*, in *ministrando* Cœnam Dominicam, & à peccatis absolvendo, dependeant; (quæ ut fideliter peragat tenebuntur homines non solum ratam mercedem pendere, sed omnimodâ eum observantiâ, nè sibi suisve malum aliquod æternum & immedicabile meditaretur, honorare) esset tamen crux ulcûsq; animi suprâ quàm dici potest intolerandum misero credulôq; *Laico* qui hac persuasione imbutus sit, Deum utiq; extra suam potestatem posuisse, & nè ipsum quidem *Omnipotentem* corpori Ecclesiæ quenkumq; inserere posse, personamve sic insitam participem fieri gratiæ per *Cœnam Dominicam* significatæ, nec expressam peccatorum suorum Absolutionem recipere, quamvis omnia pro pio suo desiderio extrinsecus ritè administrata essent, & à professo Sacerdote ad eam functionem ordinato, nisi hic Dei delegatus velit intendatq; sic fore. Quod profectò necesse est ut Religiosos perpetuâ incertitudine discruciet & suæ & salutis aliorum.

CAP. XXI.

1. De Anniversariæ Confessionis necessitate. 2. De Absolutione Sacerdotali. 3. Quid intelligatur per Ligationem & Solutionem; qualibûsq; personis Peccatorum remissio sit commissa. 4. Erasmi glossæ in Textum S. Johannis; 5. Ut & Hugonis Grotii; unde Auricularis Confessio & Absolutionis fundamentum subvertitur. 6. Confessionem voluntariam & in genere utilem fore in Ecclesia in quibusdam Circumstantiis, & in ordine ad particularem Absolutionem à Sacerdote; 7. Ut & Confessionem particularem modò sit voluntaria. 8. Sui-quæstiones hujus Ecclesiæ in tam particulari Confessione exigenda, ab hominibus. 19, 10. Huiusmodi Confessionum servitus ac Noxa. 11. Immensa ab Opinionum incredibilium impossibilitatibusq; obtrusione religiosi ac ingenui vexatio.

1. **A**bsolutionis modò facta mentio me in memoriam revocat prætextus necessitatis semel minimum in anno confitendi (idq; Sacerdoti *Parochiali*) peccata omnia non solum *actu* commissa, sed ipsa *proposita*, *desideria*, ac propensiones ad ea committenda. Quæ meritò profectò appellari possit *Conscientiarum Carnificina*; Estq; æquè vile servitutis genus, æquèq; absurdum ac alienum, ac si omnes modestæ Virgines, gravèsq; Matronæ in *Parochia* obligarentur vestes exuere nudisq; corporibus semel quotannis se coram Sacerdote humiliare. Quod profectò intolerandæ Tyrannidis speciem præ se ferret.

Et tamen *extorta* hæc, sub damnationis pœna si quid celaveris, *Confessio* non est fanè hominem ad nudum usq; corpus exuere, sed & ipso corpore eum spoliare ut nudum cor intueri possis, atq; ità virtute hujus Superstitionis in ea secreta irrumpere, quorum solius Omnipotentis privilegium est esse conscium, qui unicus legitimus est *interrogator*, qui nihil mali pati potest intuendo maximè intimos opificii manuum suarum motus, nec certè, cum noverit ex quo facti simus, quicquam mali nobis inferre; sed iudicabit omnia cum æquitate, nec despiciatui habebit manuum suarum opus.

2. Prætextus pro hac *Confessione* est *Absolutionis* necessitas per Sacerdotem, quâ si quis per propriam negligentiam exciderit, eum eo ipso damnatum iri pro certo statuitur. Cæterum ullam huiusmodi *Absolutionem* necessariam esse præterquam in causa justæ *Excommunicationis*, nec Scripturâ nec Ratione potest probari. Etenim, ubi *Petro*, *Ecclesiæ*, vel *Apostolis* dicitur, *Quæcunq; alligaveritis super terram, erunt ligata* Math. 18. 18.

Johan. 20. 23.

ligata & in Cælo; & quæcumq; solveritis super terram, erunt soluta & in cælo; & Quorum remiseritis peccata remittantur eis, & quorum retinueritis retenta sunt. Impossibile quidem est ut sensus sit, Remiseritis vel retinueritis, Alligaveritis vel solveritis rectè an secus nihil refert, ego omnia in cælis ratificabo quicquid Apostolorum meorum successores fecerint, succedant licet externâ tantummodo professione nec eundem cum Antecessoribus suis spiritum participant. Quamobrem tam ampla perfectaq; Potestas seu commissio ad nullos pertinere potest præterquam ad Apostolos ipsos, aut ad homines spiritus verè Apostolici, qui ejusdem planè animi sunt cum Deo, atq; ita nihil agere possunt nisi quod sit rectum.

Et propterea cum adeò rarum sit ac difficile hujusmodi invenire Confessarium, argumento est talem Absolutionem non esse necessariam. Siquidem nec Deus nec Natura defunt in necessariis. Cæterum Ligatio per Excommunicationem eiq; respondens Solutio alterius planè rationis est, ut quæ ad externam Ecclesiæ spectat Oeconomiam.

3. Sed ut verum eloquar, Illa Phrasis ligandi & solvendi è Scripturis supra citata, non tam Personas respicere videtur quàm res. Est enim in his duobus, & in aliis duobus non autem in & in vel in, quæcumq; non quoscunque, alluditq; ad notas formulas loquendi Judæorum, qui illud quod declaratum est illicitum, non ligatum appellabant, licitum verò appellabant non solutum. Ac proinde ille locus Absolutionem à peccato non spectat, sed Leges & Instituta ab Apostolis Ecclesiæ declaranda, quæ Christus affirmat se ratificaturum esse in Cælis.

Alter verò locus, (Johan. 20.) de remittendis retinendisq; peccatis proculdubio Absolutionem à peccatis respicit, verum interim observa cujusmodi tandem hominibus hæc potestas sit commissæ, Sicut misit me Pater & ego mitto vos, (jam verò Christus plenus gratiâ sanctoq; Spiritu missus est) ac proinde ipsis insufflans dicit, Accipite spiritum sanctum, & proculdubio eum ipsis impertiit. Et tum demum in eos derivata est illa Autoritas, Quorum remiseritis peccata remittantur eis, & quorum retinueritis retenta sunt.

4. Unde Erasmus præclare sanè super hoc loco; Qui ex his posterioribus cristas erigunt, & Tyrannidem quandam sibi vendicant, cur non meminerunt eorum quæ mox præcesserunt? Toti turgemus mundano spiritu & tamen placeamus nobis auctoritate commissâ remittendi aut retinendi peccata. Tuere auctoritatem, sed curant ad sit Spiritus per quem Christus tribuit auctoritatem. Quod planè inquit ubi hic Spiritus non sit, ibi nec Auctoritatem esse, nec cum ratione quenquam lætificari posse remissione peccatorum, nec retentione animo consternari, quoties ab hujusmodi sit Patribus spiritualibus, qui Christi spiritu ipsi destituantur.

5. Præterea, Hugo Grotius sobriè quidem, quantum ego video, & cum judicio hunc locum interpretatur, de Remissione peccatorum per Baptismum, vel Receptione rursus in Ecclesiam si quis post Baptismum sit lapsus: Retentionem verò peccatorum, eorum esse Non-admissionem in Ecclesiam qui nondum contriti fiant Fideles, aut eorundem Excommunicationem ob lapsum aliquem tantâ censurâ dignum. Verum quid hoc ad Absolutionem Anniversariam, quæ adeò iniquam ac inutilem Confessionem extorqueat? S. Jacobus monet, ut delicta confiteamur alii aliis. Cujus quidem stylus perperam directus esset, si tam indispensabile esset officium Sacerdoti confiteri, taliq; ratione qualis descripta est, & tam frequenter, tamq; particulariter.

Anniversaria igitur hæc Provolutio Penitentis in humum ante pedes formalis Confessarii cum oculis manibq; religiose versus eum sublati sede censoriâ sedentem, nulla pars est veræ Disciplinæ Christianæ, sed (ut Erasmus rectè insinnavit,) Antichristiana cujusdam Tyrannidis species; quandoquidem res est admodum fastidiosa ac onerosa ut quis obligetur ad intimum animum aperiendum ei de cujus judicio, amicitia, ac fide minimè sit certus, & valde intolerandum, urgeri ad verba facienda de eis rebus de quibus nobis non permittemus nè cogitare quidem, idq; coram istiusmodi viro quem probabiliter suspicari possumus turpem aliquam percepturum voluptatem ex hoc genus sermocinationibus.

6. Injunctio igitur adeò particularis Confessionis nullum omnino Fundamentum habet nec in Scriptura nec in Ratione; Quippe quod nec Apostoli nec ipse Christus ullam talem requisiverunt particularem ac completam peccatorum enumerationem, nec in mandatis reliquerunt Successoribus suis ut ita facerent. Abundèq; sufficit modo magis generali ea confiteri cum seria ac sincera professione detestationis eorum, obfirmatq; propositi ea relinquendi: Qua in re si Penitens dissimulare velit, æquè facile certè potest & numerum & circumstantias peccatorum suorum dissimulare. Adeò nullus hinc est hujus Injunctionis prætextus. Cæterum

Cæterum si profiteatur dolorem suum; fixumq; mores emendandi consilium, nec tamen possit propter imbecillitatem aliquam melancholiâmve *Promisso Remissionis* ex non ficta Resipiscencia, (absq; visibili hoc ac palpabili *Absolutionis Sacerdotalis* sigillo ei appositâ) satis firmiter adhærere; equidem non video quin Sacerdos, Christi Spiritu unctus, sanctaq; commiseratione plenus erga pœnitens Ecclesiæ suæ membrum rectè possit & utiliter per illam auctoritatem quæ in Apostolos eorûmq; successores derivata est, & per Divinam illam virtutem quæ sincero Ministerii sui exercitio semper adest, pronunciando *Absolutionem*, peccatorum ejus *Remissionem* ipsi obsignare & inquietatum ejus animum in pacem reponere, cum peccata ipsius æquè certò remissa sint ac si Christus propriâ personâ eum absolvisset, quippe qui in hujusmodi causis omni procul dubio in cœlis ratificat, quicquid hîc transactum sit in terris. Quod nec ipsum *Grotium* credo negaturum, indicaturumve suæ *S. Johannis* interpretationi contrarium, quippe qui nec prætendit quas ibi commemorat solas esse remittendi peccata occasiones, sed maximè notabiles.

7. Et quemadmodum *generalis Confessio* voluntaria Sacerdoti in ordine ad *Pœnitentis* Absolutionem utilis est & laudabilis; ità voluntaria intimi animi apertio modo etiam magis *particulari* ejusmodi homini cui confidere possumus recteq; sperare aptum & idoneum fore ad hujusmodi officium obeundum, ut perfectiùs scilicet statum animæ nostræ intelligat, res est proculdubio quæ permagnam præ se fert utilitatem.

8. Verùm extorquere cuiq; Fideli singulis annis, si non crebriùs, *particularem* enumerationem omnium suorum delictorum, cogitatorum, dictorum factorumque, cum universis eorum circumstantiis, non nisi vilis esset ac inhonestus prætextus Sacerdoti insinuandi se in omnium hominum pectora, ad ipsorum secreta expiscanda, quæ vel ad rem suam privatam postea referre possit, vel cum *Ecclesiastico Politicis* ea communicare, quæ maximè factura sint ad præcipuum ipsorum Institutum, Quod conservatio est & augmentatio istius mundani splendoris, opulentiae ac Potestatis quam tantoperè affectant.

Atq; equidem hoc pacto secreta non *unius* tantum viri foeminaeve singularis, sed & integrarum *Familiarum Civitatumque*, imò totarum *Provinciarum* atq; *Regnorum*, adeoq; *universi* Christiani orbis unâ confluere possint in communem hanc Cisternam, vel si mavis, Mare Ecclesiasticarum *Notificationum*, qui ipse *oculus* est Actionis, rerumq; scitè administrandarum *Anima*.

9. Sed enim tametsi perquam suavis hæc buccella foret huic *Pseudo-Clero* quem ego describo, valde acerbum tamen futurum esset *Laicis* condimentum, non ob id solum quòd foedissimum foret inevitabilis servitutis Insigne, quòd cogerentur hoc modo sub pœna damnationis semel saltem quotannis se in humum provolvere coram istiusmodi hominibus qui & ipsi tot cubitis in terram sint immersi, seq; ipsos dehonestare, accuratè enumeratq; eis aperiendo sua delicta, de quorum Candore, Judicio, Amicitiave minimè certi esse possunt, (& certè Sacerdotem *Parochialem* hîc prætermittere, notam esset ei inurere præcipuumq; è vicinis maximè insensum sibi reddere) præter externam, inquam, hac in re servitutem, Ritumq; obeundum, à quo vel maximè probi ingenuiq; Animi abhorrerent, *Noxis* profectò maximis *periculisq;* hic locus præterea est opportunus.

Is enim cujus officium est audire homines accuratè religiosq; semel saltem quotannis seipso accusantes, majorem habet opportunitatem injustè eos defamandi (aut tacitis aliquibus insinuationibus, aut indicationibus magis expressis) quàm par est ut cujusvis hominis fidei concedatur, qui non planè *Divus* sit in terris, Cujusmodi paucissimos in hac *Politia* qua de ago, suppono.

10. *Interrogatoria* etiam ab hujusmodi *Confessariis*, maximè verisimile est Mari-bus Foeminisq; adolescentulis exempla ac incitamenta peccati ac libidinis repertum iri; Secretorumq; Familiarum notitiam, infinitarum inter vicinos contentionum semen fore, ut & inter eos qui sunt ejusdem Familiae. Nam difficile erit eis qui ex his confessionibus quid *in* vel *contra* rem confitentium fecerit, haud obscurè intelligant, prurientes suos digitos abstinere ab agendo, rebûsve ipsorum se immiscendo, inflammatosve animos cohibere à sollicitando castitatem ejusmodi foeminarum quas faciles fore præsentiant & acclives, aut ab officiosos se præstando *Indices prædævi præmonstratores* eis qui *Veneris* voluptates prosequuntur ac venantur.

Præterea, *Pœnarum* Leviculofitas, quas tamen oportet aliquam præ se ferre speciem justî ponderis valorisve ad peccatum, indurare potest homines in opinionem nihil magni mali esse in peccando, eosq; facere ut Divinæ legis violationem tanquam rem leviculam, frivolum ac nugatorium æstiment. Cum è contrâ si sola peccati

pœna labor esset studiūmq; illud omnino relinquendi, è ratione certæ expectationis diri illius ac tremendi Iudicii venturi ipsis inculcatum, etiamsi nulla alia Abolutioni esset annexa conditio, hoc sanè multò maiorem ponderis peccati sensum hominibus imprimeret, facerētq; ut celerius & diligentius ad se ab ejus onere liberandum operam navarent. Sed ut tandem concludamus.

II. Id etiam valdè excruciat *Intellectualia* præsertim & *Rationalia* Ingenia; nempe, Per conscientiam obligari sub pœna damnationis ad credendum, quicquid Ecclesia profiteatur, esse verum, dum illa interim ea hominum fidei obtrudit quæ nullam habent Fundamentum nec in *Ratione* nec in *Scriptura*. Etenim etiam in eis rebus quæ in utramq; partem disputari possunt, id quorundam hominum est fatum, ut modo nihilominus ferè invincibili inclinentur ad credendum hanc partem potius veram esse quàm alteram. Quas igitur luctas conflictūsq; oportet subire ut auctoritati Ecclesiæ contra tam strenuas fatalēsq; propriæ mentis sensationes adhæreant?

At enim, si Ecclesia ita severa esset ac imperiosa non solum in iis rebus de quibus, juxta communem plerorumq; hominum sensum, in utramq; partem statui possit, sed statueret præterea requirerētq; assensum in eis quæ *Scripturæ Ratione* omnino repugnant, quāsq; impossibile est juxta facultates omnium hominum quos nullum præjudicium occæcaverit veras esse; uti v. g. Quod unum idēmq; corpus in totum integrēq; in mille locis potest esse, millenis etiam milliaribus à se invicem diffitis; Quod adorare licet simulachrum sculptile, & similia; quàm iniquum asperūmq; onus necesse esset has salutis conditiones esse animo qui non merus sit stipes? Quibus reciprocationibus Fidei & Infidelitatis, spei ac desperationis salutis suæ eum vexari oportet, qui jus suum ad æternam beatitatem dependere putat à sincera persuasione quod Ecclesia de rebus omnibus rectè pronunciet, quum id interim proponit quod juxta omnes suas facultates, non solum veri dissimile sit sed & impossibile ut sit verum?

C A P. XXII.

1. Horrendum Figmentum Purgatorii. 2. Quod terrifica hæc Fabula totam molem superstitionum hætenus descriptarum infinito graviolem facit ac onerosiorem. 3. Antichristiana Doctrina de satisfactione Christi quasi ad reatum solummodo tollendum non ad pœnam se extenderet. 4. In quā multifarios labores ac molestias hæc Doctrina, Figmentūmq; Purgatorii homines conjiciant. 5. Dictæ Doctrinæ Figmentiq; confutatio. 6. Impossibile esse ut sincerè animati in hac vita nullam Gehennam, Purgatoriūve experiantur in altera. 7. Nullum esse fundamentum Antichristiani hujus Purgatorii nec in Scriptura nec apud Patres. 8. Fraus crassa grandisq; Noxa hujus Fictionis. 9. Descriptionis hujus secundi membri Antichristianismi Conclusio.

1. **P**ostremò, ad justum pondus *Antichristiani* hujus Jugi atq; oneris explendum, Timorem superaddi supponamus plusquam *Paganici*, quod dixi, *Purgatorii*: hoc est, supponamus Ecclesiam statuisse, Nullas Animas, nisi omnimodè puræ fuerint ac perfectæ in hac vita (è quo genere aut nullæ reverà sunt, aut si essent haud adeò immodestæ forent ut tales se esse existimarent) post exitum ex hoc corpore in beatam & consolabilem conditionem statim migraturas, sed in statum paulò differentem à *Tormentis Inferni*, nisi quod hæc non futura sint perpetua, quantumvis in plures pluresq; annos producta, nisi aliqua adhibeatur cura ad recreandos redimendosq; eos, qui in misero hoc ac funesto loco constituentur: Quem suppono eos, rebus quàm maximè possunt horridis rudi populo descripturos, fabulas ipsis narrantes de diris tetricisq; Spectris seu Apparitionibus, quæ genis pallidis flebilisq; voce extremam suam hominibus aperuerint miseriam in *Infernali* hoc supplicii Domitilio, opemq; imploraverint, ut prece, precione in Missas impenso ipsis quantum possent succurrerent, dolorēsque ipsorum allevarent.

2. Neq; equidem credo fore ut abstinerent se ab exaggerando intolerandam hanc calamitatem quibuscunq; potuerint fictionibus: Cujusmodi sunt, visas fuisse viro alicui sancto humanas animas in visione miris modis in altero statu cruciari, cum aliæ genu tenus, aliæ umbilico, axillis aliæ, aliæ etiam mento tenus in flumine steterint

terint Ignis atq; Sulphuris. Alias virgis ferreis transfixas ut Anseres in veru ad focum torrerī, fœdis *Inferni* Dæmonibus, nigris interim oribus in carbones exfufflantibus, aut ut proprio parcant spiritui, ingentes folles aheneos adhibentibus; aliis verò eliquamentum quod è tostis animabus eliquatum sit, spathulâ tollentibus & præcalidum adhuc in animas rursus infundentibus: Alias virgis è filis ferreis candentibus concinnatis flagellari; Alias in orbem super Rotam uncis ardentibus oblitam contorqueri; in sartaginibus alias confrigi: Aliis viscera ignitis hamatisq; aculeis immanium bufonum ac serpentum evelli; & alias deniq; in colliquatorum metallorum vasa imponi: Funestis hisce mortis cubiculis à cava testudine mœstos ejulatus horridosq; clamores excruciatorum animarum tristi interim reboatu resonantibus.

His vel harum similibus Fictionibus Imaginationibusve si populi animos semel imbuissent, earum certè fides non posset quin totum hujus Superstitionis Tormentum, cui describendæ tamdiu incubui, ad summum attorqueret gradum quem mens humana potest comminisci. Nec fieri profectò potest quin hujus *Purgatorii* flammæ ille ipse esse Ignis deprehenderentur, in quo Mastigiis his ac mancipiis Mystici *Pharaonis* durorumq; suorum *Pensî-Exactorum* (Apostatam illum Pontificem intelligo cum reliqua adulterata *Hierarchia* quam delineo) laborandum esset ac sudandum, quò impositum Laterum numerum conficerent ad extruendas his filiis superbiæ sua Palatia ac Pyramidas.

3. Quamobrem nudati spoliatisq; omnibus eis consolabilibus subsidiis quæ verâ Fides in *Jesum Christum* hominibus suppeditat, & in eam persuasionem adducti, *Passionem* scilicet & *Satisfactionem* Christi *Reatum* tantummodo *mortalium* Peccatorum non *æternum supplicium* tollere; & tamen (quod magni profectò Beneficii loco habendum est) *Æternum* hoc *supplicium* potestate clavium in *Temporarium* commutari, quod unumquemq; oportet subire, Debitumq; solvere aut in hac vita aut in futura, idq; vel in propria sua persona, vel per alium aliquem; hoc est, Aut ipsum aut alios ejus loco teneri ad patiendas agendâsve ejusmodi res quas Ecclesia constitutura sit & pro satisfactione acceptatura, Quod & de *venialibus* peccatis est etiam intelligendum; & postremò *Maculas sordēsque* peccati naturæ nostræ inhærentes omnino expurgandas esse *satisfactionibus* & *pœnis*, & si in hac vita plenè peractum non sit, Ignis expiatione in altera perfectum iri oportere: Populus, inquam, si hujusmodi Antichristianâ doctrinâ deluderentur, suavēq; illud ac facile Christi jugum ipsorum auferretur cervicibus (quod in sola sinceritate consistit, ut vitam nimirum quantum possumus secundum simplicem ac indispensabilem Christi legem instituamus, & si quando fortè peccemus, certi tamen simus & reatum & pœnam externam per Intercessionem illius qui noster Advocatus est apud Patrem, perpetuumq; pro peccatis Piaculum, continuè tolli) sed loco hujus facilis ingenuiq; obsequii, *Ægyptiacâ* illâ servitute quam descripsimus victi constrictiq; tenerentur, in quàm immensam servilitatem ac intolerandos labores decepti Mortales hoc pacto præcipitarentur?

4. Ad quàm fervidas operum deproperationes à duris his *Pensî-Exactoribus* compellerentur! Quæ forent ab Ecclesia ad Ecclesiam, à Delubro ad Delubrum præfestinationes! Quæ ante hujus quæ ante illius Sancti simulachrum murmura vel ejulatus! Qui Pectorum planctus, frigidorumq; Pavimentorum deosculaciones! Quæ jejunia ac vigiliæ, non quidem ad emendationem vitæ sed ad satisfactionem! Quàm longè productæ Peregrinationes à Regione ad Regionem & ab uno Terræ limite ad alterum! Quæ supplicationes oblationēque, ut Simulachrum aut saltem Sacerdos supplicanti amicè arrideat! Quæ olidis Reliquiis impressa oscula! Quæ Cœlibatûs vota, Cibisq; Abstinencia! Quæ flagellationes corporis ac excoriationes! Quæ nundinationes Indulgentiarum! Quæ Reverentia servilitasq; erga Sacerdotem! Quàm stricta Jejuniorum publicorum Festorumq; observatio! Quæ afflictae posituræ, lugubresq; vultus in coactis Confessionibus! Quæ indumentis religiosi sui ipsorum contectiones! Quæ in eremos ac solitudines exilia! Quæ in Cœnobîa ac Monasteria incarcerationes ac clausuræ! Quæ moribundorum hominum in Monachorum cucullos irreptiones! Quæ in lectis cinerosis volutationes! Quæ aspersiones Aquæ lustralis! Quæ unguentis oleisve exorcizatis inunctiones vel illinitiones! Quæ nominum referendorum in album hujus vel illius sanctæ Confraternitatis ad merita participanda maturaciones! Quæ amputationes ac demutilaciones fortium Liberorum pro Missis precibusq; conductitiis ad excantandam moribundi hominis animam ex imaginario hoc Purgatorio! In summa, Ad quàm infinitos circuitus ærumnarum ac laborum animi juxta atq; corporis hic Tyrannus *Ægyptiacus* suos Mastigias compelleret hujus unius infestæ opinionis scuticâ, Christum nimirum non esse passum pro Remissione *pœnæ* peccatorum sed

reatûs

reatus duntaxat, quique ad Cælum proficisci cupit, eum propriis sumptibus impensisque illuc itinerari oportere, propriamque personam satisfacere pro peccatis suis ac corruptionibus tali modo quem adulterata hæc Ecclesia ipsi præscripserit?

Quæ sanè nulla vera Methodus est liberandi Animas à Purgatorio, sed mancipandi ipsas in servitutem (quod dixi) plus quàm *Ægyptiacam*, easque damnandi ad colligendas paleas & ad lateres conficiendos, ad laborandum sudandumque quod imperiosi hujus *Pharaonis* crudeliūmq; suorum *Pens-Exactorum*, opes ac magnificentia sustententur. Quæ quidem maximè abominanda atque Antichristiana Captivitas est, quam quis fingere potest vel excogitare. Quippe quæ conditionem commutat naturamque Christianæ Religionis (quæ tamen nihil magis liberum est ac ingenuum magisque ex professo Legis *Mosaica* iugo contrarium) in vilem, miseram, inscitamque ac servilem Pædagogiam, facitque ut non solum onus *Mosaicum*, sed (quod nimis crebrò inculcari non potest) ipsam servitutem *Ægyptiacam* excedat.

5. Sed enim Figmentum hoc Purgatorii quamvis ad opes augmentandas potestatemque hujus Pseudo-Cleri suffulciendam & ad immensos comparandos Reditus Ecclesiæ admodum utile foret Inventum, cum illius metu, evitandive studio omnes perinde urgerentur, Principes ac subditi, Nobiles & viliori stirpe nati; Nemo tamen inficiari potest, nisi qui omnem pudorem exuerit, quin merum sit Figmentum, nec ullum in se habeat fundamentum veritatis, immò verò quidni dicam, quin certissimæ veritati sit contrarium.

Est enim certissima veritas, & quivis bonus Christianus sic esse planè persentire potest, *Christum* utique *satisfecisse* Pœnæ respectu æquè ac *Reatus*. Estque apertissima repugnantia ut sincerè animati Christiani per *Passionis* Christi ejusque personæ excellentiæ Merita (ut qui immaculatus ille Dei agnus est qui tollit peccati mundi) *justificentur*, hoc est, *sensu forensi* æstimentur justī, & tractentur tamen ut peccatores. Perinde enim est ac si quis pro eodem crimine, & coram eodem Tribunali absolveretur & puniretur simul, quo nihil dici potest ineptius aut absurdus.

Quare manifestum est nullum externum supplicium manere posse *sinceras* animas post exitum ex hac vita, (nihil enim ausim pronunciare in gratiam earum quæ non sint sinceræ, quia ipsum *Infernum* futura sit ipsorum portio) nullum Ignem, nulla Furiarum Dæmonūve ad affligendas ipsas flagella, nullos satellites *Infernales*, horridosve Purgatorii Lictores qui manus ipsis injiciant, quod minùs liberè possint per omnia Præsidia, perque omnes Emisarios invisibilium Regionum pertransire, nemine ipsas violaturo.

6. Et certè ut is, qui sincero animo fuerit in hac vita, nec solum in Christum crediderit sed quantum per vires peritiāmque licebat, omni opere adnixus sit præcepta illius exequi, cuique omnis peccati species, quotiescunque ipsum attentaret, reverà fuerit invisā, nec opprimi potuerit corporisve importunitatibus, sine dolore magno & indignatione devinci, ut hic, inquam, in suo exitu è corpore ullum excrucians Infernum Purgatoriūve in seipso gestaret, res equidem est impossibilis planè atque incogitabilis.

Etenim cum liberatus sit ab eo quicum toties coactus est colluctari, cumque inter maximas conflictationes vita sua ex sensu propriæ sinceritatis Gratiaque Divinæ fiducia in *Jesu Christo* ipsi fuerit consolabilis; quid obsecro hujusmodi homini mors esse potest, nisi vita ex mortuis? Is qui per patientiam tranquillo est animo in carcere, non potest quin hilariter se habeat in libero aëre. Et qui rectus potest incedere vinculis onustus, facile poterit si voluerit, postquam eis exsolutus sit, præ gaudio saltare ac tripudiare. Tam parum sanè periculi est ab istiusmodi *Mormolyceis* ac Terriculamentis Christiano sincero postquam è mortali hac vita decesserit.

7. Equidem aliquem pro Purgatorio prætextum fateor eos habere posse ex illo loco S. Pauli, *Si cujus opus exstiterit fuerit, damnatum faciet: ipse verò servabitur, ita tamen ut per ignem*: Qui solus Scripturæ locus est qui ipsis ullam argumenti speciem suppeditet. At enim quamvis intelligendum esset de *Igni Purgatorio* post hanc vitam, nec sic tamen illorum instituto quicquam inserviret, ut neque illi bene multi apud Patres loci, qui huc facere videntur, quæ res prolixior foret quàm ut in eam me nunc induam. Cæterum hujus loci Interpretatio, quam *Scaliger Hugôque Grotius* afferunt, adeò domestica est ac naturalis, & tam parum ad Ignem Purgatorium faciens, ut hoc Fundamentum admodum lubricum repertum fuerit eis qui ipsi inædificare volunt. Nam *οὐδὲν ἔστιν ὃ ἐστὶν πῦρ* *Scaliger & Grotius* sic exponunt; *Quid evadere potest, sed sic ut is qui è voracibus flammis subito eripitur*. Siquidem *οὐδὲν ἔστιν ὃ ἐστὶν πῦρ* proverbialis loquendi forma est, ad significationem summi periculi. Adeò ut sensus nihil aliud sit, quàm, *Eum scilicet egrè evasurum esse tremendum Dei judicium.* Et

Et quod *Origenis* spectat τὸν πῦλιν θάλαμον καθαρίων πυλῶν, consimilésq; loquendi formulas apud Patres, nunquam sanè illæ confirmabunt tale *Purgatorium*, quale hi *maiorum Architecti* in mundo volunt erigere; qui pro certo tendunt, neminem in hac conditione meritorii quicquam agere posse, nec ullos profectus facere in Gratia vel sanctitate, quanquam & ipse ignis appellatur *Purgativus* seu *Purgatorius*. Hoc enim *Indulgentiarum* pretium minueret, hominésq; *Missarum* pro mortuis emendarum negligentes redderet, omnemq; illam impendulosam pro Amicis Cognatisq; defunctis sollicitudinem tolleret, nempe si supponeretur eo statui esse ut suis vivendi rationibus piisq; institutis ac diligenti rerum suarum administratione in mundo altero, seipsos possint ab incumbenti calamitate expedire.

8. Cæterum quantumlibet infirma fuerint ipsorum pro *Purgatorio* Argumenta, Incitamenta certè ad profitendam opinionem forent admodum valida, cum hoc Figmentum effecturum esset ut reliquæ omnes eorum *Fraudes* certiorum apud homines fortirentur effectum. Utpote quod eos terrefacturum esset in facilem fatuamq; proclivitatem ad elargiendum quodlibet, etiam ad sui liberorumq; suorum depauperationem, modò eis satisfactum sit qui se claves gestare prætendunt hujus *Purgatorii Ergastuli*, certòq; pretio adduci possunt ut aut ipsis nè in tam horridum locum intrent gratiam facerent, aut si illuc intrandum sit, quàm primum potest eos inde expedirent.

Magna verò interim *Noxa* fraudulentæ hujus *Inventionis*, blasphema est contra Merita ac Satisfactionem charissimi Servatoris contumelia, Tyrannicq; Conscientiarum imperiti populi oppressio, sed & tam ingens interim scandalum nascituris, ut prævalida profectò ipsis foret Tentatio ad universæ Religionis summæ fidem abrogandam, & ad nullum omnino Animarum statum credendum post mortem, sed ad putandum mortales esse ac cum corpore perire; cum falsi hi Apostoli doctrinâ de earum Immortalitate post exitum ex hoc corpore, ad præsentem suam in hac vita conditionem lautiorē reddendam, & ad volutandum in opibus, dignitatibus omnigenisq; corporis voluptatibus tam crassè rancidèq; sint abusi.

Hæc secundi membri *Antichristianismi* competens quidem est delineatio, quod in coacervatione consistit multitudinis molestarum illicitarumq; tum Opinionum tum Observantiarum superstitionarum, quò Jugum Christi Oeconomiam *Mosaicam* multò gravius evaderet, quinimò quò Christianorum servitus pauxillo levior esset si non durior Tyrannide *Israëliitarum* in Terra *Egypti*, in domo illa servitutis, prout speciatim appellatur in Scriptura. Ac proinde particularem hanc rerum Constitutionem quam descripsi satis memorabile *Antichristianismi* membrum merito censendum esse existimo.


MODESTA

MODESTA INQUISITIO IN MYSTERIUM INIQUITATIS.

L I B. II.

C A P. I.

1. Positivi fines Evangelii quos reliqua Antichristianismi membra oppugnant. 2. Usurpationem juris infallibiliter interpretandi leges Christi, Regalis ejus Officii esse supplantationem. 3. Exemplum illius Incommodi in Glossematibus Phariseorum. 4. Varia Scripturæ loca adducta ad probandum Ecclesiam esse infallibilem. 5. Primum generale Responsum ad dicta loca, querendo an Infallibilitatis Promissum toti Ecclesiæ factum sit an parti. 6. Secundum, querendo utrum Promissum absolutum sit an conditionale. 7. Tertium, Promissum non posse esse universale quantum ad omnia objecta de quibus potest disquiri. 8. Particulare Responsum ad primum Scripturæ locum. 9. Responsum ad secundum tertiumque. 10. Infallibilitatem promissam fuisse primis duntaxat Ecclesiæ Fundatoribus. 11. Quid significetur per Columnam ac Firmamentum veritatis. 12. Illius loci Pauli ad Timotheum ulterior explicatio. 13. Si exponatur de Ecclesia universali, de Apostolicis solummodo temporibus intelligi posse. 14. Idemq; posse responderi ad locum ultimum.

1.  Xpedivimus jam illa Antichristianismi membra quæ privativos Evangelii Christi Fines oppugnant, qui erant Idololatriæ Superstitionisq; oneris è mundo sublatio. Pervenimus jam ad Finem illius Positivum; Qui in genere est Vita Divina exaltatio, idq; aut personaliter in Christo, aut in illius Propagatione in suis membris, scilicet in Ecclesia. Divini illi Honores atq; Officia ad quæ Christi Persona subvecta est, quæq; notatu maximè sunt obvia, sunt officia Regale, Sacerdotale, & Propheticum, quorum oppugnationes supplantationesve non possunt non esse totidem execrandæ partes impii hujus Antichristianismi, cujus Imaginem suis vivis, quantum possumus, coloribus depingere conamur.

2. Quantum igitur ad horum primum; Supponamus hominem quempiam, hominumve societatem sub prætextu quod ipsi vera visibilis sint Ecclesia à Christo ejusq; Apostolis per successionem descendens, jus sibi assumere infallibiliter interpretandi legem Christi, docerèq; quod omnes homines amplecti debent, & submittere se ipsorum glossematibus, quantumlibet aliena, quantumlibet improbabilia, immò quantumlibet impossibilia visa fuerint, declararèq; peccatum fore mortale, siquis de ipso-

rum

rum hoc genus determinationibus addubitaverit; Hoc profecto aperta foret oppugnatione perfectaq; supplantatio Regalis Officii Christi, plenaq; exercitii Suprematûs sui sublatio, qui aliter quidem quam per Mandata ac Decreta exerceri non potest, quæ postquam Rex publicaverit, si penes alterum sit ea quæ ipsi libuerit modo interpretari, Potestas Regia reverà erit in Interprete, minimè verò in ipso Rege. Hoc usurpatum inquam jus ac potestas infallibiliter interpretandi, reipsa Interpretem Regem constituit, Regem verò ipsum Umbram ac inanem Imaginem.

Proculdubio nullus terrestris Princeps existimaret se super Populum suum verè supremum, si omnes ejus Injunctiones Edictaq; quæ fecerit, facili naturaliq; sensu quem ipse intendit non accipienda essent, sed in alium sensum (quem Potestas extranea per exceptionem aliquam, Evasionem coactamve quamlibet Interpretationem ipsis impositura sit) distorquenda. Quamobrem quicumq; jus ac Infallibilitatem in interpretanda lege Christi præterdit, Christum reipsa nullum efficit Legislatorem, & consequenter nullum Regem aut Gubernatorem Ecclesiæ suæ. Quo quid obsecro potest esse magis Antichristianum?

3. Cui jus est interpretandi, hujus sententia pondus habet Legis Divine. Dicitur est quod tamen in sua ἱεροφανίᾳ Erasmus vilioris cujuspiam personæ ori indiderit, magnam tamen præ se fert veritatem. Et Servator quidem perniciosum hujus præsumptionis abusum, & novit & tam apertè notavit in illo exemplo Phariseorum (qui mandatum illud, Honora Patrem tuum ac Matrem, sic interpretabantur, ut Corban dicendo, vim ipsius eluderent) ut impossibile sit ut is ullum hujusmodi visibilem Interpretem cum tam illimitata potestate, quàm quidam volunt, ad Ecclesiæ injuriam suiq; Regalis Officii abrogationem ullo pacto admitteret. Quippe qui jam observavit Phariseos irrita fecisse mandata Dei per suas Traditiones, hoc est, per suas Exceptiones, Restrictiones perversasq; Interpretationes. Math. 15. 6.

4. At enim prætendent Christum Ecclesiam suam fecisse Infallibilem, quod si ita sit, Ipse Christus regnaturus est in ipsis, utpote qui secundum illius mentem omnia sunt interpretaturi. Fecisse verò Ecclesiam suam infallibilem planè constare continent ex hujusmodi Scripturæ locis. *Portas inferorum non prevalitur adversus eam.* Et rursus, *Ego autem rogabo Patrem, & alium Consolatorem dabit vobis, ut maneat vobiscum in æternum: nempe Spiritum illum veritatis, quem mundus non potest recipere, &c.* Rursus, *Quum autem venerit ille Spiritus veritatis, introductet vos in omnem veritatem.* Quibus adde illud S. Pauli ad Timotheum, ubi videtur Ecclesiam vocare Columnam ac Firmamentum veritatis. Et postremò illud ad Ephesos, ubi Christus dicitur dedisse alios quidem Apostolos, alios verò Prophetas, alios Evangelistas, alios autem Pastores ac Doctores, ad coagmentationem Sanctorum, ad opus Ministerii, ad edificationem corporis Christi: *Donec evadamus omnes in unitatem fidei, & agnitionis filii Dei in virum perfectum, ad mensuram stature adulti Christi, ut nò simus amplius pueri qui fluctuamus & circumferamur quovis vento doctrina in hominum alea veteratoria & ad insidiosè fallendum versutia, sed veritatem sectantes cum charitate prorsus adolescamus in eum qui est caput, nempe Christus.* Math. 16.
Johan. 14.
Johan. 16.
1 Tim. 3. 15
Cap. 4.

Sunt igitur hæc loca ipsorum Diploma, ac prælustris quam prætendunt potestatis infallibiliter interpretandi, nunquamq; errandi in ullis determinationibus sive conclusionibus, ipsis facta Concessio: Et nos vicissim clarè demonstrabimus merum esse obtentum.

5. Quæro enim an promissum hoc Infallibilitatis toti factum sit Ecclesiæ visibili per totam suam successionem, an certæ alicui parti? Non esse sanè absolutum & absq; omni conditione factum toti Promissum, manifestum est ex eo quod partes Christiani orbis in rebus credendis tantoperè dissentiant. Quod si factum sit alicui certæ Parti, ubi est nominatio illius partis in his promissis, quod de ipsorum interpretandi jure, mundo possit constare? Nullius quidem particularis Ecclesiæ ibi facta est mentio, non Græcæ, nec Romanæ, non Moscoviticæ nec quæ in Armenia est, nec deniq; quæ in Regno Presbyteri Johannis, nec alijs cujusquam Ecclesiæ. Unde planè liquet nullam particularem Ecclesiam ullum hujusmodi Privilegium jure sibi posse vendicare.

6. Rursus, posito quod particulari alicui Ecclesiæ hoc Promissum sit factum, unde constat factum esse citra omnem conditionem, & non eà demum lege ut seriò sincerèq; investigandæ veritati animum adjungant, mentesq; purificent ab omnibus mundanis sordibus ac cupiditatibus corporeis quæ veritatis inventionem impediunt? Nam spiritus hic Infallibilitatis in corpore peccatis obnoxio nequit habitare, siquidem cordis viteq; puritas, ipsa Lux est Organumq; Crystallinum, ipse Animæ oculus. Et

somniare quidem Privilegium *Infallibilitatis* absq; *sanctitate*, perinde est ac si quis *Promissum videndi* somniet sine luce atq; oculis.

Ut Ecclesia igitur Deum prætenderet *irresistibile* habere Propositum ipsos efficiendi in quolibet cujusvis Controversiæ apice *Infallibiles*, nec tamen simul *sanctos Bonosque*, equidem opinio adeo est absurda & Hypocritica ut facile quivis addubitare possit deploranda magis sit an deridenda. Est verò hoc interim indicio eos veram *Bonitatem* aut abhorrere aut contemnere tanquam corruptis ipsorum naturis maxime dissonam, *Infallibilitatis* verò Privilegium valde affectare, quippe quod naturali eorum superbiæ magis consentaneum est, ejusq; venditatio Instrumentum ad omnia sua dolosa proposita assequenda apprimè idoneum. Ac proinde huc adjicere possumus, meritò dubitari posse, an Promissum factum sit ulli Ecclesiæ visibili, sed talibus solummodo hominibus, quales erant Apostoli, hoc est *vocatis, electis & fidelibus*, ac reverà sanctificatis ac regeneratis. Hi enim soli vera Christi Ecclesia sunt, & si promissum præstat eis solis qui sunt vera ejus Ecclesia, abunde sufficit.

7. Præterea, Promissum hoc sive *Conditionale* sit sive *citra omnem conditionem*, non possumus non esse certi hanc *Infallibilitatem* ad omnia omnino objecta, cuicunque modi fuerint, seipsam non extendere. Ac proinde ea aggredi quæ ad salutem necessaria non sunt nec reverà faciunt ad ædificationem, esset profectò fines concessæ Potestatis transgredi, & cum eo, promissorum auxiliorum aut jus aut saltem beneficium perdere.

8. Cæterum ipsos Scripturæ textus particulatim jam examinemus. Quorum primus nihil amplius infert quàm hoc; Christi scilicet Ecclesiam nunquam exterminatam iri, Mortem adversus ipsam nunquam esse prævalituram, nec ad ipsam extirpandam ex hoc mundo, nec ad eam deprivandam gloriosâ Immortalitate in Mundo futuro. Nam *τὸ αἶμα τοῦ υἱοῦ τοῦ ἀνθρώπου* idem hîc significat quod *τὸ αἶμα τοῦ υἱοῦ τοῦ ἀνθρώπου*, Mortem nempe, *Abolitionem, statumve defunctorum*. Hoc autem verum esse potest de Ecclesia quamvis non sit *Infallibilis*, usq; adeo infirma est hæc prima Allegatio.

9. Quantum verò ad secundam, bene profectò eis esset qui eam allegant, si tantummodo esset infirma. Est enim adversus ipsos apprimè valida, multumq; facit ad Hypothesin nostram, qui infallibilitatem statuimus *conditionalem*. Nam si integrum contextum perlegas, sic se habet. *Si diligitis me, mandata mea servate, & ego rogabo patrem, &c.* Quod planè innuit subesse *conditionem*, oportere eos scilicet diligere Christum ac mandata ejus servare, si illum expectant Spiritum qui cum ipsis mansurus sit in æternum (hoc est quamdiu vixerint, ita enim vox sæpenumero significat in Scripturis) additurq; insuper *talem esse Spiritum quem Mundus non possit recipere*. Quod propterea validè insinuat, eum non habitaturum in eis qui animo mundano sint ac carnali. Quæ Promissi *Conditionalitas* subinsinuat etiam tertio in loco qui adducitur, *Quum Spiritus ille venerit veritatis, præbit vobis vel introducet vos in omnem veritatem*, hoc est, ducet vos tanquam *Hominem*, non violentè trahet rapietve tanquam *lapidem Animæve brutum* quod non est Agens liberum. Adde ut planè videamus *Infallibilitatem* hanc, ubicunq; fuerit, esse *conditionalem*.

Et certè tametsi nullus dubito quin conditione præstitâ promissum etiam præstitum fuerit omnibus hominibus quatenus ad eorum salutem sit necessarium; hæc tamen loca non sunt omnium optima quæ ad hoc propositum produci possunt. Siquidem Promissum hîc non est generale, sed ejusmodi quod ad certos quosdam homines in talibus circumstantiis dirigeretur, ut manifestum sit ad eos particulatim pertinere nec ullam successionem attingere inferre. Homines enim quos illîc alloquitur tales esse describit quibuscum præsens fuerit, quiq; monendi essent per *Paracletum* de eis rebus quas ipsis dixerit quando erat præsens, qui mæsti essent propter inopinatum ipsius decessum, cum aliis id genus limitantibus circumstantiis, quæ ad nullam hominum successionem pertinere possunt, ut quæ propriæ erant *Apostolis* quorum Christus alloquebatur.

10. Ut & ipsa profectò *Infallibilitas* Promissum videtur *ipsis* maxime proprium, utpote quibus incumbere Ecclesiæ fundamenta jacere domumq; Dei exædificare, quod postquam præstitissent rationibus satis manifestis & perspicuis quantum ad omnia ad salutem necessaria, nihil opus erit ut *Infallibilitatis* Promissum ulterius se extendat, cum Ecclesia semper in posterum incolumis futura sit, modo satis arcte adhæserit eis rebus quæ ipsi à primis suis Fundatoribus manifestò sint traditæ. Neq; certè de re ejus foret ut quicquam præterea per modum *infallibilis* Impositionis fidelibus obtrudatur.

11. Et quod quartam spectat Allegationem, ubi Ecclesia *Columna ac Firmamentum*

tum veritatis videtur appellari; Si *Cameronis* & *Capelli* ingentiosas super hoc loco conjecturas admittimus, viz. Quod [*Columna ac Firmamentum veritatis*] jungendum sit per Colon saltem, à verbis præcedentibus, intelligimurq; quod sequitur [*& sine controversia magnum est Pietatis Mysterium*] Parentheticum duntaxat esse Evangelii Christi elogium, in quod Apostolus abripi posset ex consideratione eorum maximi ponderis articulorum quos statim erat traditurus. *Deus conspicuus factus in carne*, &c. ita ut *Columna ac Firmamentum veritatis* quasi Præfatio esse possit ad insignes illos Christianæ veritatis Articulos qui, Parenthesi illâ sepositâ, immediatè sequuntur, prout solenne erat *Judeis* hujusmodi scientiæ Rudimentis Titulum hunc præfigere יסוד ועמוד והכרמון *Fundamentum & Columna sapientiæ*, equidem hic locus prorsus inidoneus reddetur ad ullam exhibendam argumenti speciem pro illo ad quod probandum adducitur.

12. Quod si hunc Titulum Ecclesiæ adjungere malles, Ecclesia erat *Ephesina* in qua *Timotheus* præsidebat quæ multa jam ante secula evanuit. Ac proinde quæ alia Ecclesia nisi Ecclesia quæq; particularis hunc locum pro Infallibilitate potest urgere? quod cognita ipsarum à se mutuo dissentienti consuetudo manifestissimè refutat. Ut præteream ipsum Titulum (*Columnam ac Fundamentum*) significare posse non quidem ipsam præstationem officii, sed officium ipsum quod tenentur præstare. Sic ut quando Apostoli appellantur *Lux Mundi* & *Sal Terra*, quod significat tantum quales eos oportet esse, non quales per inevitabilem quandam necessitatem esse cogentur. Etenim ii quos tales esse oportet, possunt nihilominus talentum suum occultare aut insipidi suâ culpâ evadere, prout in *Juda* contigit, & in universa sua successione falsorum Apostolorum qui appellant se *servos*, sed reverà *proditores* sunt Domini *Jesu*.

13. Ceterum, postremo, suppone Ecclesiam hanc *Catholicam* in genere hic intelligi debere, non statim sequitur, ex eo quod *primæva* illa & *Apostolica* Ecclesia, obstinato Providentiæ Proposito, nihil sibi insculptum habitura esset, nullòsq; Fidei Articulos, nisi qui veri forent, Mundo esset exhibitura, Ecclesiam per omnes successiones idem esse præstituram. Nam specialis quædam cura ac vigilantia primis Ecclesiæ initiis præfedit, ut omnia esse possent vera atq; solida, primumq; stabilitum sanum atq; firmum; hoc autem præstito, quod sufficere poterat ad res Ecclesiæ rectâ administratione liberorum Agentium in posterum promovendas, successus postea ab ipsorum industria ac fidelitate pendere debebat, eò saltem usq; ut nullâ miraculosâ aut supernaturali vi adjuvantur impellerenturve ad omnia conservanda pura & intemerata. Atq; id credo sufficere potuisse Ecclesiæ quod cuiq; singulari homini sufficere creditur; nempe postquam Doctrinæ Præceptaq; Christiana in Evangeliiis aliisq; Apostolorum scriptis fideliter essent tradita, quod possit inde (ordinariâ Dei gratiâ, quæ non est irresistibilis, ipsi assistente) vitam fidemq; in eis rebus quæ perspicuæ sunt, congruenter instituere: & certè quæ ad salutem necessaria sunt, omnia sunt perspicua. Quæ Regula si observata fuisset, nullus profectò error in Ecclesiam ad hunc usq; diem irrepsisset.

14. Quæ postrema Responsio aliquid confert ad Responsum efformandum loco ultimo allato. Videtur enim descriptionem tantum continere specialis Dei Providentiæ quâ ritè stabiliendæ veritati in primis Ecclesiæ seculis prospexit. In quem finem constituit non solum *Pastores* & *Doctores* (quæ Functiones etiamnum manent) sed & *Apostolos*, particularem habentes missionem ab ipso Christo, qui *veritatis spiritum* ipsis insufflavit, ut & *Prophetas* & *Evangelistas*, homines speciali modo inspiratos & adjutos in erigendo fabricam Ecclesiæ secundum voluntatem propositumq; Christi, qui tunc temporis modo quodam extraordinario per spiritûs sui assistentiam summæ rerum præfedit. Ac propterea quicquid in publicum usum Ecclesiæ scriptum est dum eorum quisquam quibus Christus Servator dixerat *spiritum apud eos mansurum qui ipsos in omnem veritatem introduceret*, supervixit, vel ab eisdem est probatum, certam quidem habet ac infallibilem Autoritatem. Quæcunq; verò *Post-Inventiones* vel Superadditiones in Ecclesia fuerint, eæ minimè fallaci hæc Regula sunt metiendæ.

Hi igitur *Infallibiles* Pastores, Doctores, Apostoli, Prophetæ ac Evangelistæ promissi non erant omnibus Ecclesiæ successionebus, sed donum erant extraordinarium prout ipse Textus innuit, quod Christus eo tempore, nempe in solenni sua Coronatione ac Triumpho, ascendens longè supra omnes coelos ut implerèt omnia, tanquam *Regale Donativum* in Ecclesiam ad celerem ejus consummationem effundebat, ut citò adolefceret, coalesceretq; in unitatem fidei cognitionisq; Christi, nec quolibet vento doctrinæ circumferretur, sed *illi soli* adhereret quæ tradita sit ab illis

coelitus inspiratis & miraculose adjunctis Ministris Evangelii. Cujus quidem rei agnitione, quantum ego sentio, sola certè futura fuisset ratio Ecclesiam conservandi in unitate in perpetuum. Cum è contrà *Infallibilitatis* prætextus in succedente Ecclesia, ubi reverà non foret, jurisq; usurpatio leges imponendi doctrinâsq; pari autoritate cum ipsis Apostolis, de sua sanè natura fontem necessariò aperturi essent omni errori, schismati, & confusione.

CAP. II.

1. *Apostolicorum scriptorum tutam ad nostra usq; tempora per Ecclesiam Traditionem, ipsius non arguere Infallibilitatem.* 2. *Quod Perspicuitas Scripturæ in rebus ad salutem necessariis, Infallibilis Judicis tollit necessitatem.* 3. *Quod Scriptura cum nullum indiget Judicem infallibilem, ullumve fidelem Traditionum Custodem, seipsam eo ipso declarat solam sufficientem Normam Ductorumve.* 4. *Non solum nihil opus esse infallibili Judice, sed & è re magis fore nullum esse.* 5. *Defectum Infallibilitatis, non tollere Ecclesiæ Autoritatem, cum privati cujusq; officium sit in rebus reverà dubiis Ecclesiæ sententia stare.* 6. *Quaquam opus sit infallibili Judice in causis Civilibus, in rebus tamen Religionis rem longè aliter se habere.* 7. *Privato cuiq; non solum permitti sed præcipi ut ipse pro se in rebus fidei judicet.* 8. *Idem jus ac Privilegium ratione etiam demonstratum.* 9. *Rationem sive Judicium hominis cujusq; privati non esse privatum spiritum sensu eo ignominioso quo quidam loquuntur.* 10. *Jus sibi vendicare judicandi pro seipso in rebus fidei, neminem facit suâ Ecclesiâ superiorem;* 11. *Nec equalem sanè;* 12. *Nec supponit demum cum sapientiore Ecclesiâ seipsum existimare, sed potius de aterna sua conditione esse magis sollicitum.* 13. *Non esse privatam suam sapientiam cui adhaeret, sed sapientiam Dei omnibus cognitam præterquam iis qui spontè cecutiant.* 14. *Ecclesiam non esse infallibilem probatum ab exemplo Ecclesiæ Judaicæ.* 15. *Parem esse rationem de Christiana.* 16. *Defectum Interpretis infallibilis haud ità grandi damno esse populo.* 17. *Ipsorum certitudinem de veritate Scripturæ per Spiritum, sententiam esse non tam superciliosè explodendam quàm quidam existimant.* 18. *Spiritum hunc propriè esse spiritum Fidei distinguendum à cognitione & sapientia.* 19. *Insignis Fraus immanisq; Noxa hujus prætextus Infallibilitatis.*

1. Cæterum postquam *Scripturis* citandis tam parùm profecerint, *Rationis* Demonstrationes prætendent (præsumendo scilicet se veram visibilem Ecclesiam per successionem à Christo & Apostolis descendentem) quibus *Infallibilitatem* in se hæreditario jure in perpetuum derivatam concludant.

Ut primò, Nisi Ecclesia per successionem perpetuam *Infallibilis* esset quòd nullam certam habere possemus & infallibilem fidem sacris Scripturis, quæ tales reverà esse ab Ecclesia asseverantur. Verùm breviter respondeo; Supposito quòd successiva hæc Ecclesia intemeratâ fide sacrarum Scripturarum exemplaria incorrupta transmiserit, non continuò sequi eam proinde infallibilem esse earundem Interpretem, non certè magis quàm fidelis *Platonis* ac *Aristotelis* scriptorum ad omnem posteritatem transmissio, eos qui ipsa transmiserint infallibiles ipsorum Interpretes argueret. Poterant enim utralibet scripta, exemplaria post singulas transcriptiones comparando, integra conservare. Et præterea specialis esse potuit Providentiæ super has sacras Scripturas Invigilatio, ut quæ adeò necessariae erant ad conservandas eas veritates quæ ab hujusmodi hominibus publicatæ sunt, qui (quod jam dixi) *infallibiliter* à Deo essent inspirati.

Fuisse verò hujusmodi scripta, quæ ad transmittendam veram Christi cognitionem sufficerent, ab iis exarata qui veritatis testes erant infallibiles, nòsq; certos esse posse quæ ipsorum Titulos vulgò præ se gerunt ea ipsa esse, equidem, citra omne periculum ad Ecclesiæ *Infallibilitatem*, tam manifestò in *Mysterii Pietatis Explanatione* demonstravi, ut supervacaneum prorsus existimem quicquam super hac re hoc in loco superaddere.

2. Secundo loco prætendent, Ecclesiam infallibilem esse oportere ex eo quòd alioquin *Infallibilis controversiarum* *Judex* defuturus esset, quinimò nec ulla quidem Autoritas in Ecclesia ad res suas administrandas reliqua futura. Sed

Sed Responsum hic occurrit & facile & breve. Nihil utiq; opus esse hujusmodi *Judice Infallibili*, ac proinde nec *Ecclesie Infallibilitate*, quippe quodd Scriptura sufficiens h'idei Regula est omnibus qui mentis compotes sunt, sive literati sive illiterati, in rebus ad salutem necessariis, fidemq; ipsis habitam, vitamq; ad earum normam institutam quemvis hominem ad cælum tuto esse perducitur.

Dei Spiritus igitur hic solus est *Judex Infallibilis*, qui æquè perspicuè ac quivis succedentes Judices possunt, in eis quæ ad vitam ac salutem necessaria sunt, quid credendum sit quidq; agendum, declaravit. Quod quidem si credamus particulatim præstemusque, & in genere porro implicitèq; credamus, & in procinctu stemus parati ad obedientiam reliquæ Scripturæ præstandam, quum primum nobis de ipsius sensu constiterit, satis equidem in tuto sumus, nec est quodd dubitemus quin benignè nobiscum actum erit in altero statu. Manifestum enim est, id quod est necessarium omnibus hominibus, in Dei verbo esse perspicuum, alioqui Salus sufficienter Mundo non esset revelata, nec quodd suprà è S. Paulo recitavimus, verum, nec Providentia Ephes. 4. Divina satis vigilans in primis Ecclesiæ jaciendis Fundamentis.

3. Nam si *Scriptura*, evidentia non esset sufficienter *infallibilis* omnium necessariarum veritatum, Deus alios postea homines excitaturus fuisset *Apostolicæ* planè puritatis in vita atq; moribus, & cum consimili potestate patrandi miracula, ut hoc pacto supplementum fieret prioribus (quod tamen nunquam factum est) aut saltem alteræ illæ necessariæ veritates, prædicatæ quidem à primis Apostolis sed ab ipsis non scriptæ, commissæ fuissent Traditioni. Quæ profectò via admodum lubrica futura fuisset ac periculosa, talisq; quam minimè verisimile sit Divinam Providentiam unquam fuisse electuram.

Quodd si ullam hujusmodi viam elegisset, proculdubio ipsa Scriptura de qua inter omnes convenit, eam nobis indigitaasset (ut & si quis institutus fuisset *Interpres*) ut infallibiliter nobis communicari posset quicquid superesset ad æternam nostram salutem necessarium: Ceterùm cum Scriptura hic sileat, eo ipso aperte declarat se sufficientem esse iis omnibus qui sincerè ac diligenter ei intelligendæ dant operam. Quod certè unusquisque, cum æterna ipsius salus indè pendeat, quod suo bono consulat, facere cogetur, quandoquidem si alii pro ipso interpretentur, fieri potest, ut oscitantibus id facturi sint aut fraudulentius.

4. Præterea, imperitum admodum ineptumq; votum est ut quis hujusmodi *Judicem Infallibilem* exoptaret, qui nobis omnes controversias jam diremisset. Hoc enim anticipaturum esset ac præcisurum privatum illud ac peculiare commercium Deum inter illasq; animas quæ ipsi sunt præ cæteris chariores, quasq; speciali quodam modo certiores facit de ejusmodi conclusionibus ad quas quamlibet modum se porrigere sit nefas. Verùm post *infallibilem* Ecclesiæ determinationem par oritur omnium certitudo, Deusque, quod dicitur, è manu sua videbitur baculum tradidisse, ac seipsum exarmasse. Cum è contrà si nullus externus sit *Judex infallibilis* ad obscuriora Scripturæ loca interpretanda, Dei jus hoc pacto in dispensandis specialibus suis beneficiis factum testum conservabitur, hominesq; ingenio magis religioso ac intellectuali divinis quidem rationibus exercebuntur, & ad non vulgarem pietatem sanctitatemq; arctius obstringentur, ut gratiam sibi concilient *interni illius infallibilis Interpretis*, sancti utiq; illius *Spiritus* quem Mundus recipere non potest, ejusq; luminis præsentia capaces fient penetrandi in verum sensum eorum scriptorum quæ ipse primis olim Apostolis aliisq; sanctis divinisq; viris dictavit.

5. Et postremò, *Defectum Infallibilitatis Autoritatem Ecclesiæ sublatum esse*, admodum imbecilla est argumentatio. Autoritas enim ipsi integra conservatur in urgendis eis veritatibus ac officiis in Scriptura, quæ omnibus sunt perspicua, etiam eis qui minimè omnium somniant se infallibiles. Et certè ea quæ aded perspicua sunt, ejusmodi sunt quæ ad tutam in cælestem nostram Patriam reductionem maximè sunt utilia. Et quantum ad eas *doctrinas* quæ obscuriores sunt (modò sunt utiles ad ædificationem) ut & *Ritus* & *Ceremonias*, Ecclesia auctoritatem habet quavis non sit infallibilis, eas declarandi, constituendique. *Omnia decenter sunt & ordine.* 1 Cor. 14. 40. Quo autem eam modo gerere se oporteat erga eos qui dissentiunt, cum copiosius ea de re alibi differuerim hic nè leviter quidem attingam.

Adjiciam tantummodo in rebus reverà dubiis ac disputabilibus me existimare officium ejusq; esse, qualecunq; privatum suum Judicium ac propensiones alioqui futura essent, Ecclesiæ auctoritati ac judicio stare, & ob amorem Pacis ordinisq; ipsorum determinationibus se haud invitum sinere concludi.

6. Atq; nunc, quod jam allatum est tertio enervando sophismati inserviet. Videtur enim plausibilis objectio contra *Scripturam*, quod minus sufficiens esse possit ad

ad regendum nos ducendūq; sine publico aliquo ac *infallibili Interprete*, quod perinde esset ac si quis contendere *Legem solam* in rebus *Civilibus* sufficientem esse sine publico *Judice*. Nam præterquam quod supra insinuavimus, *Legem perspicuam* (talemq; *Scripturam* esse asseveramus in rebus ad salutem necessariis) tuto posse carere *Judice*, ubi conscientia se deprehendit sub pœna æternæ damnationis obstrictam ad rectè eam intelligendam; hic addimus præterea, Quod *Lex Christi* urgenda sit & inculcanda per publicum *Ministram*, *Interpretem* vel *Declaratorem* sententiæ illius *Legis*, quatenus omnibus hominibus nullo laborantibus præjudicio tam illiteratis quam literatis constare possit illius esse sententiam, à nemine eorum negari qui contendunt *Scripturam* solam esse *Fidei Regulam*. Et quantum ad me (quod & supra dixi) etiam in eis locis quæ hæc ita perspicua sunt, si ejusmodi *Interpretationes* fiant quæ aliis perspicuis *Scripturæ* locis non repugnent, sed ad illos *Evangelii* fines promovendos faciant quos alibi nominavimus, spero neminem Deum offensurum sed debitum obsequium *Ecclesiæ* præstiturum, si in his rerum circumstantiis ipsorum sententiis judicisq; steterit; supponuntur enim cum conscientia & in timore Dei *Scripturam* exposuisse, non autem in privatum suum commodum carnalè pro lubrum ullo in apice. Et proculdubio in hac causa concessæ sibi potestatis diploma facile possunt producere apertèq; probare se cum autoritate agere, *Omnia fiant ad edificationem*.

1 Cor. 14. 26.

Verum, ex eo quod *Civilis* quæq; *Controversia* determinanda est per *Judicem*, idcirco inferre infallibilem oportere esse *Judicem*, qui omnes argutas ac inutiles *controversas* determinet quæ apud *Christianos* circa *Scripturas* ac *Religionem* sunt emerfuræ, imbecilla profectò est ac manca ratiocinatio. *Civilium* enim *Controversiarum* decisio omitti non potest sine facta alterutri parti injuria. Nemo verò injuriâ afficitur ex eo quod inutiles hæc aut saltem non necessariæ *Quæstiones* non determinentur.

Possunt enim diversas suas tenere opiniones sine mutua injuria, modò observare velint notam illam *Legem Christi*, *regiam* illam *legem Charitatis*. Quinimo hujusmodi *controversiarum* decisio per *Judicem* quem volunt *Infallibilem*, ingens esset parti alteri injuria, ut quæ conscientias ipsorum oblæderet, justam eorum libertatem minueret, viamq; ad cælum angustiorē redderet quàm ipse *Christus* eam constituit. Nam reverà sic facit *Judex* hic *Infallibilis* qui suas determinaciones hominibus imponit sub pœna æternæ damnationis. Deus verò pro infinita sua sapientia ac misericordia nè minimam quidem dedit intimatiunculam quâ jus sibi quisquam hoc arripiat & usurpet. Ac proinde cùm *Judex* hic *infallibilis* nec à Deo constitutus sit nec ab hominibus constitui possit, *Scriptura sola*, non autem hæc infallibiles venditatz decisiones, nostræ *fidei* *Regula* esse debet.

7. Quartus & ultimus *Prætextus* est, Quod nisi *sensus Scripturæ* determinetur per *Ecclesiæ* infallibilitatem, privatus quisq; *Spiritus* *Judex* erit *sensus illius*, immò quod adhuc pejus est, ipsius *Ecclesiæ* *Judex*, atq; eo ipso superior *Ecclesiâ*, quo nihil *insanius excogitari potest aut absurdius*.

1 Thef. 5. 21.

1 Johan. 4. 1.

AR. 17.

Matth. 15. 14.

Magna profectò primo aspectu hæc videtur difficultas; Verum respondeo: Ut unusquisq; privatus homo pro seipso judicet, potestatem è Dei verbo sibi concessam habet, immò quidni dixerim, *Mandatum*, ut v. g. ubi ipsi præcipitur, ut omnia exploret, & quod bonum fuerit retineat; uti etiam, ut nè credat cuius spiritui, sed *Spiritus* probet an è Deo sint; & alio in loco, ut paratus sit ad rationem spei suæ reddendam cuilibet petenti. *Beraenses* laudabantur etiam quod scrutarentur quotidie *Scripturas* ut certius explorarent, an ea quæ dicta erant à *Paulo* quantumvis inspirato selectòq; Dei instrumento, vera essent. Ut verò unus aliquis homo, hominūve societas à Deo constituta sit ad autoritative absolutèq; pro aliis judicandum in rebus *Fidei* ac *Religionis*, nusquam aut *Scripturâ* aut *Ratione* hujusmodi ipsis concessam invenimus potestatem; sed monemur potius ut caveamus nè capita obnupti à quoquam seducamur, nè fortè dum cæcus ceco præit ambo in foveam cadant.

8. Sed enim non *Scriptura* solum, verum etiam ipsa *Ratio* privatis, quos vocant, *spiritibus* planè dat potestatem judicandi pro seipsis. Nam qui hanc *Infallibilitatem* venditant, eo solo nomine hoc faciunt quod gloriantur se veram illam esse ab *Apostolis* usq; per successionem descendentem *Ecclesiâ*. Cæterum nisi se supra modum ridiculos præbere velint, oportet eos illius rationem convincere, quem *Proselytum* reddere conantur *Ecclesiæ*, suam nimirum veram illam esse ac *Apostolicam* *Ecclesiâ*. Sic enim venditare sine probatione, vesania esset sibilis ac explosionibus apud omnes excipienda. Verum id argumentis probare conari est certè ad privatam illius *Rationem* provocare quem velint convincere. Et si *Christianus* jam sit nec tamen ex ipsorum *Ecclesiâ*, communia ab utrisq; agnita principia sunt *sacre Scripturæ*,

Scripturæ, è quibus dum argumenta depromit Disputator, eum ipsum appellat quem ad suas partes trahere conatur, an Interpretatio, Allegatiōe earum vera non sit ac solida. Quod si *Infidelis* sit vel *Paganus*, rationes exhibere oportet quibus probet ipsarum Scripturarum veritatem ac auctoritatem. Quæ etiamnum provocatio erit ad illius Conscientiam qui lucrificandus est Ecclesiæ, an id quod ipsi offertur verum sit an falsum. Cūq; id quod ipsi offertur, tota sit Fides Christiana (ea enim est quæ veram constituit Ecclesiam) manifestum est quod ad ipsius Rationem ac Conscientiam provocatur an summa Credendorum in Christianitate non sit vera, hoc est, Etiam si Ecclesia illēq; qui illius causā disputationem suscipit jam apud seipsos judicaverint firmiterq; concluderint Fidem Christianam veram Fidem esse & in summa & in singulis suis partibus, nec ad aliud iudicium provocent respectu sui ipsorum, respectu tamen illius quem convincere student, ipsius iudicium appellant an fundamenta suæ Fidei non sint solida, atq; sic supponunt agnoscūntq; eum hisce in rebus pro seipso esse Judicem, *spiritum privatum* quantum volēs, aliūdve quodcūq; libuerit, appellitaveris.

9. At enim non video quin nimis contumeliosè appellaretur *spiritus privatus*, in eis saltem hominibus qui sincero simpliciq; corde sunt, qui nulla privata proposita foveant sed voluntatem tantū Dei quærunt ut cognoscant & faciant; estq; Dei voluntas ut omnes sic se gerant, *spiritusq; hominis Lucerna Domini* dicitur: Atq; illud sanè quod *κατὰ τὰς κοινὰς νομίας*, secundum communes Rationis Notiones quæ sunt in omnibus hominibus, iudicat, & *τὰ κατὰ τὴν φύσιν* nondum perdidit, illos communes utiq; characteres ingenuosq; sensus indispensabilis *Moralitatis ac Veritatis*, quos *Pater Luminum* Animæ olim impressit, quiq; vix in ullis animabus prorsus obliterantur, necessariò autem conservantur vigētq; in sinceris; Talis, inquam, *vita spiritus* sue, qualis hic est, in homine iudicans, admodum absone appellaretur *spiritus privatus*, quippe qui juxta *universalem* humanæ Naturæ sensum iudicat, & sic ut unusquisq; omni amoto præiudicio, semper iudicabit. Et certè si hoc parū sit, addo iudicium illud quod ita sit, iudicium esse *universalis* illius Regis ac *Legislatoris Aeterni Filii Dei*; Illius sententia est in huiusmodi causis, sed nostrorum cordium tabulis inscripta, labiisq; nostris prolata, tanquam per alicujus *Curie Præconem*. Tantum abest ut sit cuiusvis merè *privati spiritus* iudicium. At enim verò illud potius *privati spiritus* iudicium habendum est, quamvis *infallibilis* Ecclesiæ Titulum præ se ferret, quod statuitur non quidem secundum perspicuos Textus Scripturæ, sic intellectos ut quivis, qui nullo laborat præiudicio, eos sit intellecturus, nec secundum indelebiles illos *veritatis* characteres, quos Christus qui *æternus* est *Logos*, rationalibus hominum Animis inscripsit, sed secundum depravatas suas cupiditates, ac mundana, quæ parti, cui favent, his suis Interpretationibus venantur commoda. Sententia millenorum immò verò decies centies millenorum huiusmodi iudicium privati spiritus sententia magis est, quàm hominis cuiuslibet privati iudicium qui juxta ea principia quæ declaravimus, pronunciat.

10. Jam verò quantum ad invidiosam illam imputationem, quasi is qui jus sibi iudicii *discretionis* vendicaverit, *superiorem Ecclesiā* seipsum faceret, dico eum plus sibi non vendicare quàm necessariò ipsi conceditur, quemadmodum jam demonstratum est. Nam si ad privati Hominis Rationem ac Conscientiam, quando quis ei convincendo dat operam, fiat provocatio, eo ipso sanè constituitur *Judex*; & si *Judicem* fieri hoc quidem sensu, idem sit atq; fieri *superiorem*, equidem necessariò sit superior. Cæterum ego nullam necessitatem video cur ex eo quod quis ad hunc modum pro seipso iudicet, Ecclesiā *superior* evadat. Fateor equidem si pro Ecclesiā iudicaret, quod eo ipso Ecclesiā *superior* foret, nunc verò cū pro se solo iudicer, nullam usurpat *superioritatem* in Ecclesiā, sed obedientiam tantum præstat ei qui utrisq; superior est, nempe *Jesu Christo*, illius observans Mandata perspicua, ac præcepta, sive in *externo verbo* scripta, sive *cordis Tabula* legibiliter *insculpta*. Manifestis igitur ac inevitabilibus Dictatis propriæ Conscientiæ, quæ Dei tribunal est, obsequi, non est seipsum supra Ecclesiā exaltare sed submittere se Deo, eūq; supra omnia exaltare.

11. Nec certè quis *æqualem* hīc suæ Ecclesiæ se facit, quippe qui pro aliis nihil definit, sed tantum pro seipso, seq; interim profitetur paratum ad omnem obedientiam visibili Ecclesiæ, in ejusmodi rebus præstandam quæ expressis Dei Christi q; præceptis non repugnent, nec immutabilibus istis veritatis characteribus quos animabus humanis impressit, quiq; illis pro certo inveniendi sunt, nisi durior aliqua violentia, mundanive commodi cupiditas obscuraverint ipsos ac obliteraverint.

12. Nec deniq; *sapientio rem* se facit suā Ecclesiā, quæ invidiosa etiam foret imputatio;

Prov. 20.

Matth. 11.

putatio; verum citra omnem immodestiam in ea quis esse sententia potest, hominem privatum *magis sollicitum* esse posse de propriis suis rebus quæ ipsi maximi futura sint momenti, magisque fidelem in his quæ æternam suam salutem spectant, quam multa millia hominum simul conjuncta: ac proinde, quamvis tanto non polleat ingenio ac doctrinâ quàm isti, res tamen suas tutius posse administrare quàm si in ipsorum manus traderentur, præsertim cum ii qui se aliis ad cælum viæ-duces esse prætendunt, hisce rebus mundanis toti videantur implicati occupatique, perinde ac si planè obliiti essent suscepti itineris. Non est igitur *sapientiæ* supra Ecclesiam *venditatio*, sed diligens sollicitudo circa eas res quas ut plurimum *hujus mundi Sapientes* non magnoperè curant, quæ privatum aliquem sed sincero corde Christianum ad dissentiendum ab aliquibus Ecclesiæ dictatis possit animare, qui agnoscat se interim in aliis rebus, tam imbecillem ac infantilem, quàm ipsi volunt, recolens subinde apud se illam Beati Servatoris Doxologiam, *Confiteor tibi Pater, Domine Cæli ac Terræ, quod absconderis hæc à sapientibus & intelligentibus & ea detexeris infantibus. Etiam Pater, quia ita placuit tibi.*

13. Postremò, illa sapientia cui sic adhæret, apertè atq; evidenter est, non quidem *privati sui spiritûs* dictamen, (quem Ecclesiæ opponere reverà seipsum esset supponere Ecclesiâ sapientiore) sed manifesta ac perspicua *verbi Dei testimonia*, *communesq; ac indubitabiles notiones universæ humanæ Naturæ, æternæ Sapientiæ* digito, quæ omnia creavit, omnium hominum ahimis, qui mentis compotes sint, inscriptæ, quæ proinde *illius sapientiæ* luculentum est ac legibile exemplar. Adèò ut is qui illi adhæserit, *propriam suam* sapientiam sapientiæ Ecclesiæ minimè sit prælaturus, sed fideliter se submissurus *sapientiæ Dei*, cui & Ecclesia debet se submittere, nec delere, quantum in se est, impressos illos veritatis characteres ex Animis hominum, quò eos sibi ipsi possit, injustisq; sui dolosi Regni caliginis ac tenebrarum utilitatibus mancipare.

14. Cæterum, in confutando hoc *Infallibilitatis* insomnio copiosius egi quàm aut opus erat, aut quàm primò intenderam. Magnum opere compendium facere potuissimus, statimq; dementiam hujus Prætextûs demonstrare, si errorum eorum qui in Ecclesia Dei jam fuerunt mentionem in ipso initio fecissemus. Et certè Ecclesia *Judaorum* æquè verè Ecclesia Dei erat ac Ecclesia visibilis Christianorum, habetq; apud *Esaiam* æquè magnifica Promissa, atq; illa. Nam quod occurrit cap. 54. ad *Judaorum* Ecclesiam primò pertinet, quemadmodum *Grotius* notavit; atq; illuc dicitur, *Omnes fore doctos à Deo, Deumq; æternâ clementiâ ipsorum miserturum.* Et tamen tam turpiter erravit hæc Ecclesia, ut ipsorum Principes ac Gubernatores *Messiam* suum nescirent, postquam venerat in Mundum, sed eum morti ignominiosè traderent.

Cap. 5. 30, 31.

Sed enim in eis etiam temporibus quando palpabilior erat mirificæ Dei potestatis apud ipsos residentia, perquam enormiter errârunt, ut in cultu *Vituli aurei* in Deserto. Et decem Tribus Vitulos etiam aureos colebant in *Bethel*, immò verò defecerunt omnes ad cultum Baalim, septem millibus exceptis, qui cum reliquis collati tam pauci erant ut *Elias* se solum relictum existimaret. Et *Ahab* Prophetas consulens, cum magno suo malo expertus est, quadringentos ipsorum falsos esse, solùmq; *Michaiam* dixisse verum. Et *Jeremias* de suis temporibus conqueritur, *Stupenda horrendaq; fiunt in terra. Propheta prophetant mendacium & Sacerdotes manibus suis admittunt, & populus id fieri amat: Quid igitur facietis in novissimo ejus?*

Cap. 7. 4.

Est etiam illa satis acerba monitio, *Nolite considerare in verbis mendacii, dicentes, Templum Domini, Templum Domini, &c.* Nam haud usquequaque, qui *Templum Domini* se appellant, rectè se gerunt, prout in eodem Capite apparet, ubi accusantur *Idololatriæ* propalàm commissæ in civitatibus *Judæ & plateis Hierosolymæ*. Quod fieri non poterat nisi in manus incidissent cæcorum & errantium viæ-ducum, qui efficerent ut in viis suis impingerent, & ex antiquis semitis ejicerentur, & usurparent interim nihilominus præsumptuosam illam gloriationem, *Legem non perituram à Sacerdote nec consilium à Sapiente nec sermonem à Propheta*, immò nè tunc quidem quando malum machinabantur contra veros Dei Prophetas, quemadmodum videre est *Jerem.* 18.

Cap. 3. 6.

Et *Michæas* apertè de Prophetis, qui lætis temporibus tantum inserviunt, quique ventri indulgent atq; otio, *Noctem utiq; ipsis fore pro Visione, ac tenebras pro Divinatione, solem super ipsos occubiturum esse, & obtenebratum iri super ipsos diem; Divinos ac Fatidicos confusum iri præ pudore, quia non est Responsum Dei.* *Esaiâsq;* conqueritur, *Speculatores Civitatis omnes cecos esse, indoctos, omnes mutos canes latrare non potentes, jacentes, recubantes, amantes stertere, canes ingluviosos nescientes*

Cap. 56. 10, 11.

entes saturitatem, & ipsos Pastores inconsiderantes, omnes ad unam suam viam, suum quemque lucrum sequi. Tam manifestum est Ecclesiam Judæorum, tametsi aded speciali modo desponsata erat Deo, in ingentes admodum errores reverà incidisse.

15. Nec Christiana quidem Ecclesia majorem habet securitatem, quin, si avaritia, superbia, ac sensualitas suos Ductores occupet, ipsa etiam possit in magnos errores ac cæcitates incidere. Apostolus monet, *Qui sibi stare videtur videat nē cadat.* Et tempestiva profectò futura fuisset Ecclesiæ Christi jam olim monitio, quæ uon tantum nutabunda erat sed penè universa in latè manantem Hæresin *Arrianismi* collapsa, ut cogitaret apud seipsam, etiam dum stat se non aliter stare quàm sub conditione obedientiæ præceptis Christi præstitæ, nec se aded infallibiliter sapere quin erroribus obnoxia esse possit, eisq; tota impleri nisi vera sincerâq; sanctitas oculos sibi emundet, & illustret itaq; conservet nē tam fœda caliginis ac tenebrarum Nox eam opprimat.

Et certè si ante duodecies centenos amplius annos aded errori obnoxia erat, jamdudum tempus est ut evigilet, & consideret, an post tot secula otii, opulentia, honoris, omniumq; rerum affluentia, impingua non sit & incalcitraverit præceptaq; Dei post tergum rejecerit, legemq; merè carnalem de suo consilio formatam introduxerit, voluntati magis carnis consentaneam, magisq; ad mundana sua commoda promovenda idoneam. Sufficit verò hoc in loco demonstrasse eam errare posse; in quibus rebus erraverit definire, hujus præsentis dissertationis omnino est præter scopum.

16. Figmentum hoc venditæ *Infallibilitatis* planè jam delevimus, cujus ruinam Adversarii nullam habent rationem cur deplorent, nisi in illiterati vulgi gratiam id fiat, quippe qui hoc pacto putentur omnis certitudinis fidei facti incapaces, ac æternæ perinde salutis, cum sublata Ecclesiæ *infallibilitate* nulla fundamenta infallibilia habeant quibus innitantur.

Verum meminisse oportet nos jam agnovisse sufficientem certitudinem in eo, de quo *universali Ecclesia* per omnia secula inter se convenit, eam verò esse *sacram Scripturam*. Ejusmodi *universalis Traditio*, quam habet Scriptura, firmum Fundamentum agnoscitur. Cujus Ecclesia potest inerrans esse ad omnem posteritatem & *indeficiens traductrix*, quamvis eadem non sit ejus *infallibilis interpres*. Cujus tamen translationis indeficientiam illibatam, equidem fateor rem esse magis intricatam quàm ut quilibet vulgaris homo sibi eam queat expedire: quamvis interim insignitò facilius sit quàm probare Ecclesiam quæ eum suæ Communitati inferere adnitatur, esse *Infallibilem*.

Quinimo apertè fateor minimè me intelligere quæ fieri possit, ut quævis Ecclesia se vel *Ecclesiam*, sine *Scriptura*, nedum *infallibilem Ecclesiam* demonstraret. Ac proinde ut de *Scripturarum veritate* firmiter persuasi simus, videtur omnium maximè immediatum atq; primum, quemadmodum * ille rectè monet. *Nam qui de fide ac*

* Cælius Secundus Cuius contra Flori bellum.

17. Ac proinde ego nullo illud pacto explodere possum quod à quibusdam tanto cum supercilio deridetur, nempe *Dei Spiritum* esse qui certos nos facit de *Scripturarum veritate* plus quàm quolibet res alia cujusmodicunque. Nam Christus Servator ait, *Nemo venit ad me nisi Pater eum traxerit. Oves meæ vocem meam audiunt, & ego eas agnosco & sequuntur me.* Est igitur *Spiritus* in iis qui ad salutem destinati sunt, quo discernant utrùm vox Dei Christiq; sit an non. *Verus enim Pastor antegreditur & oves eum sequuntur quia nōnunt vocem ejus: Alienum autem nequaquam sequuntur sed fugiunt ab eo quia non nōnunt vocem alienorum*, quemadmodum præclare illo loco disserit Servator. Dico igitur *vocem* veri Pastoris *sacras* esse *Scripturas*, quas sensu quodam immediatio certi sunt esse Pastoris vocem. Sūntq; eis qui ad electionem Dei pertinent perinde efficaces atq; *vox* Christi ac Apostolorum quando degebant in terris. Quorum sermonis vis *Spiritu* administrata homines in eam fidem captivos abduxit quæ operatur salutem.

Johan. c. 6. v. 20.

Johan. 10. 4. 5.

Et citra omnem controversiam idem etiamnum salutis verbum quod est in sacris illis monumentis, serid ac fervidè ab hominibus inculcatum qui sinceram profitentur Fidem ac illibatam depromunt Doctrinam, nihil humanarum Inventionum ipsi immiscientes, eundem apud multitudinem sortietur effectum; & quotquot præordinati sunt adducentur ad inconcussam fidem Christianæ veritati adhibendam quatenus in sacris Scripturis exhibetur. Ipse enim de se lucem vitamq; habent, ac veluti *Spiritus* Christi ac Apostolorum sibi involutum retinent ad excitandum vulgus hominum

ad firmam vivamque fidem, quamvis multi è versutis Sophistis *Regni tenebrarum*, calidis suis perversisq; ratiociniis ipsos illaqueare possint, & quantum quidem ad huiusmodi exteriores disceptationes ad incitas redigere. Ac proinde tuti conservantur in *Fide* Scripturarum per *vim Spiritus* habitantis in ipsis, utpote cuius virtute adeò indissolubilis est suos spiritus inter atq; Scripturam harmonia ac concordia, quanquam interim se nesciunt per humanam *Literaturam* nec per Rationis acumen Arcanave Philosophiæ defendere.

Lib. 6.

18. Quem *Spiritum* in ipsis residentem, largientemq; vim hanc solidam firmamq; distinguendi inter Dei Testimonia ac Traditiones, Doctrinâq; hominum, tutò proprièq; appellari posse censeo *Spiritum Fidei*, quatenus nudè in se consideratur, & separatim à Spiritu *Cognitionis* & *Sapientie*. Quam Distinctionem *Origenes* olim notavit super illo Textu *S. Pauli* in Libro contra *Celsum*; & certè quantum ego existimo, glossema ejus valdè solidum est: Præcipuum scilicet maximûq; donum *Spiritus Divini* esse *sapientiam*, quâ quis bene habilis sit ad comprehendenda altiora fundamenta Rationisq; Philosophicas veritatis Christiani Mysterii; Alterum verò esse *Cognitionem*, putà *Antiquitatis* & *Historie*, & facultatem comparandi Vaticinia ritèq; adhibendi humanæ Literaturæ, liberalium Artium ac Linguarum adminicula; Tertium deniq; *Fidem*, quæ & in prioribus comprehenditur, sed donum est, quod ut generalius, ità & magis est necessarium, cuius quidem natura huiusmodi est quam suprà descripsi, *Immediata* nimirum *adherentia verbo veritatis Scripturis comprehenso per vim Spiritus in sinceris benèq; animatis animabus residentis, quæ sapiunt quæ Dei sunt, intimòq; sensu eum timent & reverentur*, paratq; sunt illac ire quacumq; ille eas vocaverit. Hi enim propter inefabilem cordium *sympathiam* cum veracitate *vocis Christi* in Scriptura loquentis, nunquam committent ut *vero suo Pastori* dicto non sint obedientes, quamvis se averfuri sint à voce *Alieni* & mercenarii, qui *in ovile non venit nisi ut depredetur, mactet, & furetur*.

Unde porrò videmus venditam hanc Ecclesiæ *Infallibilitatem*, quantum ad Scripturam, inutilem pariter esse atq; falsam; nec multum esse absimile atq; si Luna tantum sibi assumeret ut in gratiam Solis testificaretur *eum utiq; lucere*, quod quilibet qui non cæcutiat, necessariò videret etiam si Luna sub Horizonte esset. Ità sancti Dei filii electi ac fideles, persentiscunt & gustabunt, clarè videbunt & deprehendent Scripturam esse Dei veritatem per *eam Lucem quæ ipsi inest*, quæq; *conformis* est illi *Spiritui à Patre* luminum *derivato*, & in corda ipsorum largiter effuso. Qui, quod dixi, *Spiritus est Fidei*, certaq; fors cuiusq; membri Christi sive per *Cognitionem* profundamq; *Rationem* res expedire noverit sive secus. Et si homines viciligatores ipsum adoriantur, prudentiæ certè erit ad sua commembra, quibus Deus spiritum *Cognitionis* ac *Sapientie* dederit, eos ablegare, vel majoris fortean prudentiæ eos omninò negligere ac præterire, cum non digni sint qui cuivis disceptandi creent molestiam, utpote qui quæstiones proponunt non eo quidem consilio ut ædificentur seriòq; erudiantur in veritate, sed ad captionem contentionemque, & ex fastuosa spe eum illaqueandi à quo magnum aliquod edoceri se cupere assimulant.

19. Finis *fraudulentus*, quò Pseudo-christiana hæc Ecclesia per confidentem hanc *Infallibilitatis* venditionem collimare possit, admodum est conspicuus, ut & *perniciosa illius Effecta*. Ad quid enim hoc tendere poterit nisi ad Antichristianam hanc Potestatem absolutam efficiendam, ut possint absq; cuiusquam detrectatione quicquid ad incrementum sui honoris ac opulentiae sit valiturum, statuere & declarare, quantumcumq; communi rationi, & expresso Dei verbo præceptisq; Christi visum fuerit contrarium? Sententia enim infallibilis est, speciem præ se gesserit ab omni Regula, quam nos rectam existimemus, quam velis maximè alienam ac repugnantem.

Quamobrem hæc Potestas quicquid ipsi libuerit, efficere poterit; *tempora mutare ac leges*, etiam ipsam *Legem Altissimi*; *Ademq; Dei* per fenestras, quod dicitur, exturbare & ejicere. Quis enim est qui quicquam habet quod dicat contra Potestatem de qua ipse jam persuasus sit eam esse *Infallibilem*? Et ut summatim dicam, & quo nihil majus dici potest aut immanius, Admissio huius *Infallibilitatis*, Christi exclusio est è suo Regno atq; Throno, meriq; Mortalis in eum collocatio, *illegis* utiq; *illius Hominis peccati*, vel synagogæ filiorum *Belial*, qui ejus Sceptrum in Mundo vibrarent. Hoc unum sufficit si admittatur, ad funditus subvertendum Christi Imperium in Terris.

CAP. III.

1. *Abfconſionem Legis Chriſti in Lingua peregrina ſupplantationem eſſe vel impugnationem illius Imperii;* 2. *Ut & calumnationem & vilificationem Legis ejus.* 3. *Fraudulentus Prætextus abſcondendi Scripturas, cum vindicatione utilitatis earum & excellentiæ.* 4. *Vilificatio Legum Chriſti, irrogando minorem pœnam ob Admiſſa contra ipſas quàm contra leviora Inſtituta Eccleſiæ.* 5. *Rigidæ Injunctiões Regno Chriſti eſſe contrarias: ut & Legendorum lectiones loco illius Legis in Eccleſiis.* 6. *Diſpenſationes contra jura Divina; Illiſq; rei Fraus ac Noxa.* 7. *Perſidioſus Prætextus hujus Potēſtatis, quaſi abſoluta eſſe debeat jure ſucceſſionis in Sedem Chriſti.* 8. *Malum hujus Prætextus effectum in multis cerni Inſtitutis Legi Chriſti contrariis;* 9. *Ut etiam in abrogandis illis Legibus quæ ille quatenus Æternum Verbum eſt, noſtris animis indidit.* 10. *Sanguinolenta oppugnatione Principatûs ac Imperii Chriſti in trucidandis fidelibus ſuis ſubditis.*

1. **E**T tamen Rationes ſunt aliæ multæ quibus imperandi officium à Chriſti humeris tollatur. Ut primò; Si ſupponamus *Legem Dei in Lingua peregrina retineri ac abſcondi*, nec cuiquam permitti ut eam legat in ſermone quem intelligat; immò ſummoperè caveri, nè ipſæ preces publicæ ſanctæq; Eucharistiæ celebratio à populo intelligi poſſint, nè fortè alicujus loci Scripturæ vis qui in Liturgia publica occurrat, homines à cæca illa exſolveret obedientia, quâ ſub Antichriſtiana hac Tyrannide detinentur.

2. Quibus addere potes, (quod ſanè meliori jure oportebat præceſſiſſe) *Vilificationem ſcilicet Legis Chriſti*, tanquam *Libri nullâ aliâ re præterquam periculoſis obſcuritatibus reſerti, tanquam Leſbiæ plumbeæve Regule* quæ in quamvis partem inſecti poteſt, tanquam *Nafi cerei, Literæ emortuæ, Farraginis fortuitorum & occasionalium ſcriptorum*, quæ exarata ſunt non quidem ex ullo inſtituto conſiliõve Divino, ſed pro re nata duntaxat, ac prout caſuales quævis neceſſitates Prophetas Apoſtoloſve ad ea ſcribenda moviſſent; & certè ubi maximè modeſtè loqui volunt, eam inſufficientem pronunciare Legem Regulæve, talémq; propterea quam perfici oporteat, Inſtitutisq; propriæ ſuæ inventionis placitiſve quibuſcunq; quæ ipſis pro *Traditionalibus* doctrinis ac conſuetudinibus populo obtrudere viſum erit, compleri: Legem, inquam, Chriſti ad hunc modum vilificare, eſt reverà eam abolere, Chriſtiq; ſimul imperium in Eccleſiam, & in manus eam prodere alieni, qui cum ea agat prout ipſi libuerit, *temporæq; mutet & leges & conſuetudines* eò ſanè uſquè ut nihil reliqui futurum ſit in Chriſtianitate, quod quovis modo contra horum Uſurpatorum utilitatem fecerit.

3. In ſumma igitur ſic eſſe poteſt. Poterunt ſanè prætereſſe Scripturam, cùm in aliquibus locis obſcura ſit, ita eſſe univerſim. Verùm nos jam abunde inculcavi-mus, ſufficientem partem ſatis perſpicuam eſſe ad faciem præferendam ſinceris in via æternæ ſalutis. Verùm ſub prætextu incertitudinis ſenſûs quorundam locorum totam Scripturam amovere poterunt, ut ea loca quæ manifeſtò detectura eſſent, & falſas ipſorum doctrinas praxésq; redargutura, in conſpectum vulgi nunquam poſſint venire. Etenim, (prout rectè quidam è Patribus notavit) *Verbum Dei eſt Lucerna ad quam Fur deprehenditur;* & Servator Chriſtus olim, *Dilexerunt homines tenebras potiùs quàm lucem, quia opera eorum ſunt mala.*

Cæterùm iſta Imputatio, quaſi Scriptura ex occasione tantùm ſcripta eſſet, æquè imbecilla eſt atq; impia, & blaſphema; Perinde quaſi Spiritus Dei Apoſtoliſ tunc maximè non eſſet opitulaturus, quando id maximè poſtulet occasio; ſive; quaſi ſumpto ſpacio, meditandum eſſet quĩ ipſos poſſet inſpirare ac illuminare, nec id valeret ex tempore præſtare, ſed deprehenderetur omninò imparatus. Quæ quidem inſignem ipſorum produnt Ingenii obeſitatem craſſamq; ignorantiam ipſius naturæ Dei ſanctiq; illius Spiritûs, quem Chriſtus promiſit Apoſtoli� non defuturum in æternum, ad rectè res Eccleſiæ adminiſtrandas ſtabiliandâſque, hoc eſt, nunquam eos deſerturum quamdiu vixerint, & Evangelico Miniſterio eſſent perfuncturi. Quod proinde debet Scripturam admodum charam reddere pretiisq; planè inæſtimabilis omnibus ſincerè credentibus.

Quamobrem unus quilibet Paragraphus Episto-larum S. Pauli cui Chriſtus apparuit, & de cœlo compellavit potēſtatémq; dedit ut fieret Apoſtolus ad fundamenta jaciendâ

jacienda primamq; structuram Ecclesiæ, multis millibus Conciliorum (quæ se infallibilia prætenderint, nec tamen ullam hujusmodi extraordinariam Commissionem unquam ostendere potuerint quâ se infallibiles demonstrârint) omnino est anteponendus. Deus enim ex eo quod tam miraculosè Paulo apparuerit de cœlo, itaq; cum Apostolum constituerit, universo Mundo denunciabat se infallibili quodam modo ipsi adfuturum, ac proinde quicquid mundo per ipsum impetiturus esset Legem fore orbi Christiano nunquam abrogandam. Unde Autoritatis scriptorum S. Pauli abdicatio, ipsius legis Christi esset abolitio. Quod maximè seditiosum esset ac blasphemum Inceptum contra ipsius Christi Imperium.

4. Est verò & alia ratio supplantandi subvertendive Regimen & Principatum Filii Dei, quæ est ipsas Legum ex proportionem penarum contra ipsas delinquentibus irrogandarum, præ eis quæ contra leviora quadam humana Ecclesiasticæ Instituta delinquentibus irrogantur, vilificatio. Atq; hæc præculdubio admodum Antichristianæ hujus generis Instantiæ forent. Nempe si illius Absolutio qui Patrem trucidârit vel cum propria concubuerit Matre, quinq; sexve vicibus viliori pretio esset, quàm illius qui uno die duos Ordines suscepit, vel sine Literis dimissioris ordinatus sit; vel si Ordinationis extra rata Anni tempora multa decuplo major esset, quàm si quis cum propria Matre coiverit; vel si malis, par duntaxat poenæ violatæ Virginis, Sororis constuprata, Homicidii, Perjurii, Sacrilegii, Simonia, Confessionis foras evulgata, alendi Concubinam, & coeundi cum foemina in Ecclesia, par, inquam, duntaxat esset hisce novem simul conjunctis. Quid indispensabilem Dei Christi; legem magis vilificare possit, quàm tot delicta & tam immania minoris momenti statuere quàm Titivilitium illud humanæ Traditionis, quod extra rata Anni tempora nemo sit ordinandus?

5. Et certè omnes rigida impositiones earum rerum quæ necessariae non sunt nec admodum requisitæ, violatio sunt Formæ & Politia imperii Christi, qui omnia iusta suis membris intendebat allevamenta, nulla gravia inutiliæve juga aut onera. Quippe quæ Regni Christi signa non sunt, sed infames notæ Tyrannidis Antichristi. Verum de hoc differimus in secundo hujus fœdæ Imaginis membro, ac proinde hic illud missum faciemus. Hoc verò magis congener esset magisq; conspicua verbi Dei vilificatio, nempe si in Ecclesiis scitè confictæ Fabulæ ad demulcendas Populi aures istius loco legerentur. Perinde quasi isti sapientiores essent ipsius Dei sapientiâ, populûmq; possint excipere, ad majorem ædificationem, hujusmodi incredulibus & ridiculis Historiis, quàm ipsius Jesu Christi sermonibus, sobriis, ac faciliè intelligendis veritatis narrationibus quas Divina Providentia ad informationem suæ Ecclesiæ literis mandavit.

6. Dispensationes etiam contra Legem Christi, siue verbo Dei scriptam siue in sacra Naturæ lege comprehensam, quæ non est nisi Transcriptum quoddam illius Legis quæ in æterno Logo est, Christo utiq; secundum naturam Divinam, planè Antichristiana esset Regiminis Imperiiq; Christi subversio. Quemadmodum etiam foret feriarum ipsius Injunctionum, ejusmodi Interpretatio, quæ præcepta eas non statueret, sed consilia, quæ nobis integrum esset, vel relinquere vel sequi prout nobis visum fuerit; cum tamen Christus planè declararet, eum qui contra vel minimum horum præceptorum fecerit & ita homines docuerit, minimum numeratum iri in regno cœlesti. Quale igitur illud futurum foret, in Perjurio dispensare, in Perduellione, in Homicidio, in Incestu, in Adulterio, Sodomia, aliisq; hoc genus criminibus maximè nefariis? Quid hoc aliud esset quàm Legis Christi sublatio, Regniq; ejus abolitio in terris?

Cujus indulgentissimæ Anarchiæ Fræus ac Sui-questio, illud solummodo est, ut rete repleant, quanquam putridis id fiat tantum lignis, cœnoque; modò ex hoc cœno ac stercore ii argentum possint extrahere vel expiscari. Noxa verò, quod opes hujus falsæ Ecclesiæ affluxuræ sint & incrementum capturæ pro abominationum ac criminum horum opulentorum Peccatorum atrocitate ac copia, usquedum Divinæ vindictæ diluvium hoc diluvium peccati à terræ facie deleverit & abluerit. Iiq; interim qui tam stolidi sunt ut hisce Dispensationibus fidem habeant, putentq; se in perquam pulchram spiritûs libertatem venisse ex quo tam faciles nacti sint Patres spirituales, certissimè hoc pacto evasuri sint Peccati mancipia, quod tandem æquè certò æternæ morti tradentur.

7. Cæterum quis color speciessve, inquires, esse poterit, agendi religiosè, dum tam enormiter agunt in laxando eis habenas omnigeno scelere, qui pro tanta libertate ratum pretium possunt persolvere? Equidem dicam. Potest nimirum hæc Antichristiana Potestas omnem illam potestatem quæ in Christo est (quanquam hæc

Christi

Christi planè esset à throno suo Regio ejectio) in hunc vel hos derivatam esse tanquam illius legitimos Successores, prætere. Jam verò cum *Christi* potestas sit absolute summa, potest certè inquit facere quicquid voluerit, contràq; proprias Leges prout libuerit, dispensare. Quamobrem cum *Antichristiana* hæc potestas prætendat se esse vel habere ipsam eandem Potestatem, etiam potest prout libuerit, contra Leges Christi dispensare, præsertim ad ditandam Ecclesiam, siquidem omnis hoc gentis utilitas non potest non esse pia sanctæque. Quod tamen istiusmodi commentum est ut nihil esse possit magis perfidiosum adversus Regium Christi officium, nihil Regno illius magis perniciosum.

8. Cujus nefariæ doctrinæ effectum pro certo appariturum esset in hac Synagoga *Satana* sive *Antichristi*; Inveniremurq; Instituta ac leges Decretis Legibûsq; filii Dei planè contrarias: Quales hujusmodi proculdubio futura essent. Multa nimirum *Idololatriæ Genera*, (qualia jam commemoravimus, nec opus est hic repetere, *Frandsq;* notavimus, & *Sui-questiones* in istis consuetudinibus;) *Mandatorum humanorum pro doctrinis Inculcatio*, quod tamen expressim est contra Servatoris mandatum, cuiusq; multa protulimus exempla in secundo *Antichristianismi ramulo*; *Calicis Eucharistici à Laicis detentio*, quamvis Cœnæ Dominicæ per Christum ipsum Institutio communicationem tum *Panis* tum *Vini* tam apertè præcipiat, *Bibite ex eo omnes*; Sanctûsq; *Paulus* iterum Christi sequens exemplum, *Proinde exploret homo, se ipsum*, inquit, & ita de pane illo edat, & de poculo illo bibat. Quod præceptum indefinitum proculdubio omnes includit. Cæterum dum *Calicis bibitio* solius Sacerdotis sit privilegium, illius sanè conditionem egregiè illustrat & exornat, facitq; ut misellus *Laicus* intelligat sentiâtq; quanto elongatus sit intervallo, quàm immunda res sit, quàmq; remotus à Deo si eum Sacerdote conferatur. Hæc vera futura esset ratio, quanquam possint forteam prætere (neq; enim quicquam scio majoris momenti quod præteant) barbarum *Laicorum* prolixitatem; quas tamen credo eos lubenter sibi præscindi velle, modò omnem sic occasionem Sacerdotibus, suâ debitâ eos privandi tam sancti Sacramenti portione, possent præscindere.

Rursus, *Cultus Dei in Ecclesia Lingua peregrina*, *Orationes ad eum factæ*, & *Gratiarum actiones*; lectio etiam Scripturæ in lingua populo ignota, manifestò sunt contra præcepta *S. Pauli* super hac re, adeoq; contra illam magis universalem ac indispenabilem legem, *Omnia fiant ad Edificationem*. Estq; par ratio de *Angelorum cultu*, quem Apostolus expressè reprehendit, ut & prohibitionem *Matrimonii*, & *Abstinentiam à cibis* ob rationes religiosas, cum multis id genus aliis; quæ omnia cum expressè sint contra Mandata Legesve Christi, maximè ignominiosa esset & perfidiosa adversus eum contumelia, qui verum est Ecclesiæ Caput, apertaq; contra jus illius Imperii declaratio; Leges utiq; ad hunc modum Institutæq; facere, quæ eis quas ipse stabilivit tantoperè contrariantur.

9. Qualis itidem foret cuicunq; *Pacti quod juxta Leges Dei Naturæq; universaliter cognitæ obligat, ex quavis occasione solutio sive rescissio*. Nam hæ Christi Leges sunt quatenus est æternus Logos. Ac proinde si qui solenni juramento obstricti sint in publicis contractibus fœderibûsve legaliter suscepto, aut legitimo conjuncti matrimonio, nec quicquam admiserint quo sponsalia vincula dissolvi possint; eundem talem prætere potestatem quæ dispensare possit contra juramenta hæc atq; contractus, quæve legitima efficiat istiusmodi matrimonia quæ contrâ facta sint, quàm Dei Naturæq; leges flagitant, manifesta proculdubio futura esset contra Principatum Christi contumelia, eaq; potestas quæ sic egerit, se *Antichristianam* esse planè demonstraret.

10. Et postremò, ut mensuram hujus horrendi membri *Antichristi* quod depingimus, expleamus; Si potestas hæc, quam se venditat, infallibilis, cædes crudeles, & interneciones veris Christi subditis inferret, hominibus sanè qui innocentes sunt nec ullius contra quenquam injuriæ sibi conscii, quatenus è lege Dei ac Naturæ enotescat, verum (quod dixi) veri sunt sinceriq; subditi Christi, an non hæc praxis insigniter esset *Antichristiana*? Quæ quidem sententia adversus ipsos satis dura esset, si sic tantum haberet; *Mala morte plebantur sine misericordia, quamvis veri sint subditi Jesu Christi*.

Quàm igitur *Antichristianam* dicam an *Diabolicam* eam oportet esse sententiam, quæ ob eam ipsam rem quæ eos veros *Jesu Christi subditos* constituit, ipsos morti adjudicat; nempe ob fidelitatem suam & adhærentiam indispenfabilibus Institutis Legibûsq; Domini sui ac Principis? Et in quàm manifesto Hostilitatis statu adversus veros fidelésq; Christi subditos necesse est eam potestatem fore, qui tam apertè profitentur, nec abludit consuetudo, si quos eorum possent deprehendere, penésq; ipsos

Lib. 1. c. 12.

Lib. 1. c. 17, 18,
19, 20, 21, 22.
Matth. 26. 17.

1 Cor. 11. 28.

1 Cor. 14.
1 Cor. 14. 26.
Coloss. 2. 18.
1 Tim. 4. 3.

ipfos esset eos perdere, se ad unum omnes de facie terræ eradicaturos, operamve daturus eis subdomandis omnimodis suppliciis & crudelitatibus, Incarcerationibus, Equuleis, Vivicomburiis, & id genus reliquis Carnificinis? Atq; hoc omne (quod facinus reddit infinitò magis execrabile) sub prætextu serviendi *Jesu Christo*, cujus interim charissima sincerissimâq; membra tam barbarè persequuntur & conficiunt.

Hoc unum *Antichristianismi* membrum, *vasram hanc intelligo & sanguinolentam Perduellionem adversus sanctam Christi Majestatem ac vera illius vivâq; membra*, tantum impietatis pondus secum gerit, ut solum de se sufficiat ad integrum ferè constituendum *Antichristum*.

CAP. IV.

1. *Particulares quædam oppugnationes contra Propheticum Officium Christi, qui characteres esse possunt grandis illius Pseudo-Prophetæ, qui venturus erat in mundum.*
2. *Spiritum Propheticum nulli uni personæ appropriatum esse, sed esse liberum.*
3. *Excerptum, quod huc facit, ex Cælio Secundo Curione.*
4. *Silentium mandare Dictatis communium Notionum humanis animabus instarum, contra Propheticum Christi Officium summam esse contumeliam.*
5. *Multæ Absurditates propositæ tanquam exempla illius Tyrannidis in immutabilia humanae Rationis principia, insignisq; illius Pseudo-prophetæ indè detectio.*
6. *Infinitò probabilius esse, hunc, quem se venditat, Prophetam, fallibilem esse, quam prædictas Absurditates esse veras.*
7. *Prophetarum trucidationem,*
8. *Unâ cum supradictis Prophetici Officii Christi oppugnationibus membrum Antichristianismi conspicuum constituere.*

1. **C**æterùm considerabimus porrò hanc Antichristianam oppugnationem respectu *Prophetici officii Christi*. Quod breviter quidem expediemus, quandoquidem multæ earum molitionum quæ contra *Regale officium Christi* fiunt, æquè attingunt *Propheticum*. Ut primò, Prætextus ille, quòd sacra Dei oracula tam obscura sint ut populus ea nequeat intelligere, & tum postea ex hoc prætextu, violenta eorum à populo detentio, sub pœna mortis, si quis ea tetigerit contra voluntatem Ecclesiæ. Hoc certè Christum efficeret Prophetam sine Prædictionibus & Instructionibus, prout suprà notavi; Quæ permagna proinde ipsi esset injuria, quatenus is insignis ille *Propheta* est à Deo in mundum missus. Prohibitio etiam lectionis ejusmodi expositionum Scripturæ quæ à viris cordatis, & sinceris Christi sectatoribus scriptæ sint, qui peritè ac fideliter maximè utilia sacræ Scripturæ loca sint interpretati; Hoc, inquam, *Christi* etiam esset Antichristiana in officio suo *Prophetico* oppugnatione; *Illud* verò, in veris *suis* membris, (si ipsis utiq; persuaderi posset, infallibilem jam existere Prophetam ac Interpretem, cujus solius interpretatio verus sit Scripturæ sensus, ipsamq; Scripturam sine illa nihil valere, neminemq; habere aut Autoritatem aut Peritiam interpretandi præter ipsum,) *Spiritus prophetici* perfecta extinctio.

Quàm egregium igitur putetis hunc *Pseudo-prophetam* fore, qui dum nihil præter Oracula infallibilémq; veritatem se loqui venditat, talia tamen interim agit, loquitur, statuitque, qualia nos hæcenus descripsimus, *Multifarias* scilicet *Idololatrias*, *Superstitiones intolerandas*, & *audacissimas perspicuarum expressarumq; Legum ac Doctrinarum Christi expunctiones*? Quamobrem quis obsecro unquam potest famigeratus ille esse *Antichristus* nisi grandis hic *Pseudo-propheta*, qui sibi soli prophetandi jus arrogat, quò faciliùs mundum universum decipiat, seq; *infallibilem* venditat, hoc est, *indeficiente inspiratum*, ut enormis hæc gloriatio eò manifestiùs eum detegat eminentem illum esse *falsum Prophetam* quem Christianus orbis expectavit tamdiu ejusq; adventum formidavit?

2. Equidem hujusmodi venditatum facultatis prophetandi *Monopolium*, spiritus prophetici libertati, quod Christi æternæ Dei Sapientiæ donum est, ex diametro repugnat, utpotè qui nusquam nisi ex impio & polluto corde, nisi ex anima quæ peccatis obnoxia sit, excluditur; alioquin ille Spiritus sic describitur in libro *Sapientiæ*, ut penès nullum Dynasten sit eum sibi soli quasi additum & circumscriptum detinere.

Est enim boni studiosus, acutus, expeditus, beneficus, humani generis amans, fixus, firmus, securus, omnipotens, omnia perspicuens, & per omnes intellectuales, puros tenuesq;

tenuēsq; spiritus permeans. Nam quovis motu mobilior sapientia omnia præ puritate penetrat obitque: Est enim quidam vapor Divinæ potentia & sincera gloria omnipotentis effluentia, quod sit ut nihil in eam cadat polluti: Etenim lucis æternæ splendor est & intaminatum virtutis Dei speculum, & imago bonitatis ejus. Et cum sit una, omnia potest, & in seipsa permanens, omnia renovat, & per secula in sanctas animas migrans Dei amicos efficit & Prophetas.

Quis unus igitur homo hominūve Societas prætereundere possunt donum prophetandi ad se solos quasi hæreditario jure descendere, nisi ipsi itidem soli essent illi puri ac immaculati? vel potius quam rationem habent firmūve argumentum cur se rectè prophetari posse credant, cum in peccatis vivant, in luxuria, omnimodisq; mundanis impuritatibus?

3. Præclare profectò conclusum est à Calio Secundo Curione contra Floribellum hoc in loco; Neq; enim vera Dei cognitio verūsq; cultus unius aut Familiæ aut Gentis aut Sæcæ propria esse potest; sed quicunq; sensu immortalitatis tanguntur, ii ad se eandem pertinere existimare debent. Poterat quidem Judæorum Gens Circumcisionem externam, Aaronis Familia Sacerdotium, alias item Ceremonias sibi jure quodam vindicare; sed Divinam & internam Circumcisionem, vivas illas animi verasq; Hostias, æternas Naturæ leges, quas in hominum animis Jova Optimus Maximus à principio insculperat omnium Mortalium sententiis comprobatas, sibi nec Judæi, nec Græci, nec Romani, nec ulla præterea Natio quasi propria vindicare potuerunt.

Et statim post, magis particulatim loquens de Religione Christiana quatenus in Scriptura revelata est, ac ne illud quidem, inquit, verè dici potest, quod quidam putant; summam quasi Religionis Hæreditariam ad unum aliquem venisse sic ut pro libidine sua interpretari, addere, demere, mutare, statuere, abrogare aliquid in ea possit. Neq; enim idcirco leges Divinitus latae sunt, Religiove patefacta, quò in eam Mortales jam haberent, sed ut omni studio, curâ, labore, diligentia colerent, ejusq; dignitatem tuerentur.

4. Quamobrem quantum ad illas æternas, ac immutabiles Divine Rationis Regulas quas cuiusq; animo Deus insculpsit; quæ quidem lux eum, æquè liberè ac lumen Solis suos naturales oculos, penetrat, & sine qua, quæcunq; Vaticinia fuerint Doctrinæve in sacra Scriptura, impossibile esset ut nos de earum veritate vel de ullo omnino earum sensu certi essemus; sub prætextu, inquam, imperiosæ cujusdam Infallibilitatis, hos Divinos animæ characteres delere, ipsive silentium mandare, aut insimulare mendacii, facinus esset maximè egregiè Pseudoprophetae adversissimiq; Prophetici Christi officio (sive Humanitatem ejus consideraveris sive Divinitatem) qui unquam se potest Mundo manifestare.

5. Exempli gratiâ: Si impudens hoc Oraculum declararet, Unum idemq; individuum corpus eodem temporis momento in diversis locis esse posse, immò in locis ferè infinitis simul, isq; immensis spatiis à se invicem dissitis; Id fieri creaturæ posse quod jam actu existit; Reales, sensibilesq; subjecti modos subsistere à subjecto separatos, Motum putâ vel Duritiem, ubi nihil est quod moveatur durūve sit; Illud quod per omnes nostros sensus, perq; sensus omnium omnino mortalium rem constanter sic representantes; (modo objectum debita distantia positum sit, medium aptum ac idoneum, organūq; ritè disposita) nobis innotescit, posse nihilominus esse falsum; Idem corpus eodem tempore majus seipso esse atq; minus, pedem tantummodo à me distare & mille à me milliaria distare simul; Unam eandemq; Personam mille milliariis à seipso abesse, sederēq; immotum & iter ad se facere eodem tempore; Corpus integrum organizatum totum esse in qualibet sui parte, totum in oculo, & consequenter Partes omnes in singulis, honestiora membra in membris minùs honestis; Corpus integrum dividi, nec tamen in duas putâ partes, sed in duo integra; quæ idem sigillatim futura sint, quod ipsum corpus integrum primò divisum; Idem corpus esse nunc Athenis nunc Thebis, & tamen nullum transire per medium nec directò nec per circuitum, quo illuc perveniat; Hominem posse omnia sui corporis membra simul in ventriculum suum (artus, dorsum, ventrem, caput, adeoq; os ipsum) ore suo deglutire; Unam eandemq; individuum personam differentes habere ætates, triginta putâ annos natum esse, nec tamen amplius tres horas, eodem tempore; Cultum Religiosum, etiam eum, quæ Latria dicitur, Imaginibus exhiberi posse, nec tamen esse Idololatriam; Christum pro peccatis hominum satisfecisse, eosdēq; nihilo secius pænis quas illa peccata meruerint obnoxios manere; cum multis id genus aliis.

Dico, quicunq; sub prætextu, quò Propheta sit Oecumenicus, os suum in altum levaverit, & hujusmodi infallibiles Repugnantias in nomine Jehovæ enunciaverit, aut saltem ejusmodi definitiones Oraculares quas necesse sit falsas esse nisi hæ sint

veræ,

veræ, equidem nihil opus est ut tempus conteramus rogando, *Tunc is ex, an alius est nobis expectandus?* Sed pro certo concludere possumus hunc esse eminentem illum *Pseudo-prophetam* olim expectatum, qui modo ita *Antichristiano* seipsum Spiritui opposuerit veritatis quem Christus mundo impertiit, partim inscribendo humanis animis immutabiles illas ac infallibiles leges communis *Rationis*; partim per sacras *Scripturas* quas Ecclesiæ reliquit, hominibus inspiratis & Prophetis exaratas, & partim deniq; speciali modo conversando cum puris sanctisq; animabus quibus certiori solito ac firmiori ratione illuminationis Spiritum communicat, prout apparet ex eo quod citavimus è libro *Sapientiæ*, probariq; porro possit è multis *Scripturæ Canonice* locis.

6. Atq; nunc sanè, cùm hic *Pseudopropheta* nihil habeat quo se à suspitione defendat quòd sit *Impostor*, nisi audacter impudentèrve persuadendo hominibus se esse *infallibilem*, est certè hic locus admodum opportunus quo ad totius Mundi iudicium provocemus an non infinitò verisimilius sit, hunc unum hominem hominūve Societatem aut Successionem utrorumvis, cùm nulla vera edant miracula quibus fidem sibi extorqueant, nec honestiùs vivant æquève honestè quàm alii homines, *fallibiles* esse *erroriq;* obnoxios, aut dolis imposturisq; deditos, quàm supradictas absurdas Conclusiones esse veras. Etenim neq; *hic* neq; *illi* infallibiles esse possunt, si prædictæ conclusiones, quod proculdubio sunt, reverà sint falsæ.

Joban. 8. 40.

7. Quibus omnibus addas si *Pseudo-prophetica* hæc *Potestas* veros Christi Prophetas fidelisq; testes ita tractaret ut falsus ille Propheta *Micheam*, si ipsos in maxillas percuteret, immò crudeliter persequeretur & occideret (sic agens cum ipsis ut *Judai* olim cum charissimo nostro Domino ac Magistro qui conquestus est, *Nunc autem studeatis me interficere, hominem qui veritatem vobis loquutus sum, quam audio à Deo*) an non demonstraret seipsam illam esse *Hierosolymam* quæ facta est Meretrix, & de qua Servator prædixit fieri non posse ut Propheta pereat extra *Hierosolymam*? *O Hierosolyma, Hierosolyma, trucidatrix Prophetarum & lapidatrix eorum qui ad te missi sunt*, an non tu es mystica illa Civitas Hypocritarum, falsa Dei Domus, *Sodoma & Egyptus*, ubi & Dominus noster (æquè ac Prophetæ ante ipsum, sanctiq; post eum Testes) est crucifixus? Falsa enim *Hierosolyma*, Ecclesia adulterata, perquam cupida est sibi monopolium arripiendi mercaturamq; sanguinis, & occidendi Prophetas, testisq; Dei. Verùm hæc vehementior, quàm par est, fortean videri poterit excursio.

Luc. 13. 33.

8. Id quod contendo hoc est, Politiam hanc, quæ hanc sibi auctoritatem usurpet, omnesq; has contumelias, injurias, ac crudelitates exerceat, omnibsq; his illicitis rationibus, quas notavi, ad extinguendum Spiritum veritatis utatur, adeo ut Christus neq; in propria Persona, nec in sacris illis Scripturis quas mundo commendavit, nec in vivis suis Instrumentis quibus modo quodam extraordinario adest atq; dirigit, monere permittatur homines ac docere quæ sit via recta, quæq; indispensabilia illa officia quæ eos oporteat præstare, hanc, inquam, *Politiam* quæ ita se gerit, insigniter esse *Antichristianam*, hoc est, Christum in suo *Prophetico* quidem officio tantum oppugnare, quantum quivis *Antichristus* potest, atq; sic animatum esse itaq; agere, indubitatum ac conspicuam partem esse crassissimi Antichristianismi.

CAP. V.

1. Ementitam Repetitionem oblationis realis corporis Christi derogationem esse excellentie illius Sacerdotii. 2. Pleniores Aggravationes hujus impie contumelie. 3. Subterfugii praecipitatio. 4. Altera Sacerdotii Christi, praecipuq; finis ejus Passionis magis perniciofa oppugnatio. 5, 6. Christi sanguinem statueret tantum ad reatum peccati tollendum valere non ad poenam, quam truculentè sit Antichristianum. 7. Plures aggravationes hujus maligni generis Antichristianismi. 8. Nihil esse posse magis fundamentaliter Antichristianum quàm istoc. 9. Crimen, circumstantiis consideratis, majus videri quàm illud Judæ; cum Fraude hujus Impietatis. 10. Magnaq; illius Noxa. 11. Injuria adversus Mediatorium officium Christi. 12. Ad leviores quosdam pretextus Responsum. 13. Errorum hujusmodi Antichristianorum malarumq; consuetudinum ulterior confutatio. 14. Fraus & Noxa multiplicandi Mediatore. 15. Noxa specialis incremento Gratiae ac Sanctitatis illata.

1. **D**escribamus jam eam Antichristianam oppugnationem quæ contra Sacerdotale Christi officium fieri potest. Est quidem illud præcipuum atq; insigne Sacerdotii Christi privilegium, quod manifestè expressimq; describitur apud Autorem ad Hebræos, specialisq; illius dignitas censetur ac perfectio, Heb. 9. Neq; ut sepe offerat seipsum, sicut Pontifex ingreditur in sacrarium quotannis cum sanguine alieno: (Alioquin oportuisset eum sepe passum fuisse à mundo condito) sed nunc semel in consummatione seculorum ad abolendum peccatum per immolationem sui ipsius patefactus est. Et sicut illud statutum est hominibus ut semel moriantur, postea verò judicium est; ita & Christus semel oblatus est ut multorum peccata tolleret, &c. Et rursus cap. 10. Cùmq; omnis Sacerdos pergat quotidie Ceremoniis fungi, & eadem sepe sacrificia facere quæ peccata adimere nunquam possunt, ille uno pro peccatis functus in perpetuum sacrificio (quam oblationem sui corporis semel factam paulò antè appellat) consedit ad Dei dextram, &c. Quæ verba planissimè declarant eam fuisse excellentiam veræ oblationis æterni illius Pontificis quando corpus suum Patri offerebat ad reconciliandum Mundum Deo, ut nullâ ejus opus sit repetitione, quandoquidem salus per unam illam Christi actionem, quantum spectat ad Dei propitiationem pro peccatis, est perfecta.

Unde sequeretur, Quod hujusmodi doctrinæ venditatio, quasi Christus in Eucharistiæ celebratione per manus Sacerdotis, tanquam Sacrificium Propitiatorium pro vivis ac mortuis reverè actûq; offerretur, fœda esset perfectioni unius illius oblationis præcellentissimi nostri Pontificis Jesu Christi, quando in piaculum pro peccatis totius mundi seipsum Patri offerebat, Derogatio. Præsumptuosâ, inquam, hæc opinio, quod Christus realiter & corporaliter in singulis Cœnæ Dominicæ celebrationibus offertur, Antichristiana esset adversus Sacerdotalem Christi dignitatem contumelia admodum nefaria.

2. Quod Figmentum adhuc fœdus est atq; turpius si consideremus, quàm sordidæ Personæ Christi tractationes, quàm sceleratæ ac barbaræ injuriæ & contumeliæ illud necessariò intelligantur concomitari; quàm crebrò vi solâ Quinque-verbalis illius incantaminis, supra memorati, prolabi cogatur in manus Peccatorum, quantumvis nulla cum religione affectûve erga ipsum recitati: Nam alioqui totus cœtus cogi posset ad crassissimam committendam Idololatriam, æquè crassam sanè atq; Nationes maximè barbaræ unquam commiserunt. At verò si in Sacerdotis manus deveniat, indignioribus modis excipietur, quàm Jeremias olim qui in cœnosum Barathrum est demissus.

Abhorreret profectò cujusvis Imaginatio eò persequi, quò isti eum ablegant, quem Regem gloriæ appellant, vivum utiq; verumq; corpus Personæve Christi. Cui horridæ spurcæq; servituti, non quidem semel & iterum, nec in uno horum cœnosorum Barathrorum sed in multis millibus eodem tempore, idq; singulis septimanis semel, immò fortean diebus singulis, & per multos centenos annos perpetuos, ille necessariò innectitur.

Qualis igitur contumelia & illusio esset Ecclesiis nitidas servare & ornatas, Incensum adolere & suffumina, omnia habere luculentâ ac splendida in Domini quem quaerunt adventum in templum suum, & tamen simul atq; advenit, eum non permittere

magnifico hoc apparatu in communi cum reliquis frui, sed tanquam per illusionem & contumeliam, quod dixi, in carcerem eum compingere magis cæcum ac cœnosum quàm calamitosi Prophetæ? Et certè ubi benignius cum eo agitur, in Pyxidem tamen includere tanquam ampliatum Reum, in fætulenta ora corporaq; moribundorum hominum pro occasione postea emittendum? Perinde quasi Christus falsò vaticinatus esset in Cruce quando dixit, *Consummatum est*; quandoquidem inexhaustum planè adhuc restabat fastidiosissimæ operæ Residuum quæ ipsi postea erat suscipienda.

3. Equidem hæc admodum turpia sunt atq; indigna, quæ tametsi in nullius hominis potestate sit ea adversus Christum perpetrare, tamen cum profiteantur se hæc facere, agnoscunt planè, si possent, se perlubenter ea agere velle, ac proinde eum reverà vilificant, afficiuntq; contumeliâ: quemadmodum ii qui capite damnatum, qui è Judicum manibus effugerit, Paribulo suspendunt, aliudve quodvis mortis genus ipsi irrogant in *Effigie*, apertè mentem suam declarant haud sanè minùs quàm si ipsius personæ pœnam reverà irrogassent.

Verùm horrida hæc adversus personam Christi contumelia adhuc gravior fieri potest, si tam truculentè seduli sint in imprimenda hac fide & persuasione mentibus hominum ut manus violentas ipsis injecturi sint qui eam negaverint, eosq; occisuri. Potestne quisquam ullam excogitare majori cum industria disseminatam Blasphemiam quàm hanc contra corpus Domini Jesu Christi, sanctum illud *Deitatis Tabernaculum*? Firmiusve exoptare argumentum promptitudinis eorum ad tam fordidè, si quo pacto possent, crudelitèrque tractandum Christi corpus, cum minimè dubitent eos trucidare qui negant in eorum potestate esse sic facere, quaptacumq; id faciendi libidine exardeant?

4. Sed enim quamvis maligno hoc ac præsumptuoso Proposito excidant, possunt tamen magis periculosâ ac perniciosâ insulturâ, indignâ admodum & immane quantum absônâ, sacrosanctum Christi *Sacerdotium* impetere; veneno, quod ipsam medullam Christianæ Religionis ac dulcedinem exesurum esset, obfuscaturumq; *Sacerdotalis* Functionis Domini Jesu dignitatem ac gloriam, & præcipuum scopum perpersionum illius frustraturum & elusurum, eum nempe ut Divinæ vindictæ pro peccatis Mundi satisfaceret sistendo se pro eis Sacrificium Propitiatorium, ut quotquot in Christum Jesum credituri sint secundum benignum *novi Fœderis* tenorem (quod in proprio sanguine ad peccatorum remissionem stabilivit) ad præceptaq; ejus exequenda, pro lumine ac robore quod ordinatim gradatimq; ipsis impertiendum sit, sedulo adnisiuri, de favore Dei certi essent, quippe qui iustificati sunt per fidem in *Passione Meritisq; Christi*, non autem per propria opera meritave.

Etenim hunc genuinum esse *Novi Fœderis* tenorem, veramq; acceptissimi lætissimiq; Evangelii summam abunde constat ex omnibus scriptis Apostolorum; Nempe, Quod *iustificati per fidem*, sensu quidem *forensi*, hoc est, absoluti liberatq; à reatu omnium nostrorum peccatorum, æquè ac diversis gradibus, secundum diversas ætates profectusq; in Christianitate, *sanctificati*, ac *purificati* ab eisdem, (quæ absolutio à reatu necessario involvit securitatem immunitatēve à supplicio) *possemus*, quod ait Apostolus, *pacem habere cum Deo per Dominum nostrum Jesum Christum*. Hæc proculdubio ipsa natura est *Oeconomie Evangelicæ* atq; indoles, & suavissimus vegetantissimūsq; Flos vietis mercedisq; mortalibus qui in universo hoc Dei Horto reperiatur, & peculiaris quædam illecebra ac inescatio sincerarum animarum quò fideles obedientēsq; Filii fiant Dei, fervidq; amatores Domini Jesu.

5. Unde sequitur, nihil esse posse magis barbarè truculentēq; *Antichristianum*, quàm salutare hanc plantam, hanc arborem vitæ, ex Paradiso Dei quæ est Ecclesia, extirpare. Nam talis reverà est *cruce Christi*, in qua sanctum illud *Sacrificium Propitiatorium* pendet. Influentia cujus mortis, *Balsamum* est refrigerans quod vulnera puncturāsq; perturbata sanat Conscientiæ, quæ quantò sincerior est tantò sepe numero est afflictatior; Ac proinde *Piculum* moribundi Servatoris in sua mirificè animas afficiente *Passione*, ipsi spectandum exhibetur, tanquam unica propriāq; ejus medela.

Nihil igitur contumeliosius excogitari potest contra pretium usūq; illius inestimabilis sanguinis quem Pontifex noster semper adorandus ad pacem nobis conciliandam in *cruce* effudit, quàm efficaciam illius ità interpretari, quasi virtutem solummodò haberet *reatum* tollendi peccatorum; si verò *supplicio* liberari velimus, quòd nosmetipsos oporteret per merita pœnāq; *satisfactorias* id proprio Marte adipisci. Equidem hoc planè esset designatam Oeconomie Christianæ dulcedinem in *stygiam* acerbitatem, lætūmq; ac illustrem Diem Evangelii in nebulosam Noctem *Egyptiacam* (in qua præter horrorem servitutēq; nihil habet) & pacem deniq; animi

in perturbationem mutare, sanguinemq; Filii Dei viliozem reddere Taurorum sanguine & Hircorum.

6. Quamobrem manifestum est, Quod, docere, nos justificari non quidem *Fide* sed *operibus penitusque*, quas nos subire oporteat, quæ tales; hoc est, quatenus *pænae sunt satisfactoriae*, non autem per modum correctionis emendationisq; vitæ, (hujusmodi intelligo asperitates, quæ medicinæ loco possunt esse, & cuicunque pravitates quibus laboremus sanare) sed in solam (quod dixi) satisfactionem pro peccato admissio, perinde ac si sacrificium & satisfactio Christi in *Cruce* ad Deum propitiandum non sufficeret, nisi & unusquisq; pro seipso pateretur supplicium, à quo Christus nos liberatum venit, ut per amorem magis ingenuum, salutarēq; Spiritus libertatem hujusmodi Legis vinculis servilibusq; anxietatibus soluti, in vera viâq; via ei serviremus, in reali Sanctitate & Justitia; Hujusmodi, inquam, doctrinam docere, esset planè *sacerdotale* officium Christi supplantare & oppugnare, in eminenti illo effectu, fructuq; genuino, *oblatione scilicet sui ipsius pro peccatis Mundi nostrâq; Reconciliatione cum Deo*; quo quidem nihil excogitari potest magis *Antichristianum*.

7. Quod adhuc magis horrendum apparebit, si consideremus latitudinem quam harum poenarum necessitas intelligi potest habere; utpote quæ non hujus solius vitæ pacem inturbent, sed nos porro, ad instar Poëticarum *Furiarum*, cum flagellis facibusq; persequantur, ad afflicandos nos excruciantosq; in statu altero, quemadmodum supra descripsimus: Quasi macula quælibet erratumve hujus fragilis vitæ quod acciderit, expiari non posset nè per sanguinem quidem æterni filii Dei, sed unusquisq; proprium suum debitum in mundo altero ad ultimum usq; quadrantem solvere teneretur: Quod proculdubio perpeffiones Christi nullius reddit efficaciz, ipsiq; naturæ ac menti *Propitiatorii Sacrificii* planè repugnat. Lib. 1. cap. 22.

Hicne is est de quo Propheta *Esaias* in illo melicè plorabundo Vaticinio tam dulci & consolabili voce conqueritur? *Sanè morbos nostros, ac dolores ipse tulit, ac toleravit, ipse ob peccata vitidq; nostra vulneratus penas nobis salutes dedit, ejusq; vibicibus sanati sumus?* Nequaquam, inquiet, ingrata hæc ac perfida Potestas *Antichristiana*; quisq; propriis suis vibicibus sanabitur, propriisq; peccati bonus sustentabit. Exuetur quisq; ac cædetur, proximēq; cutim cilicio induetur, longa ac fastidiosa itinera suscipiet, nudisq; genibus per extantes filices perreptabit, jejuna-bit deniq; ac vigilabit non quidem ad correctionem emendationēq; vitæ, sed ad satisfactionem pro peccatis jam commissis, tanquam si Dei filius pro eis nunquam satisfecisset. Cap. 53.

Atq; hoc quidem passurus est non solum in hac vita, sed & *Ignis Purgatorii*, qui temporaria quædam Gehenna est (homines quamdiu huic Ecclesiæ placuerit excruciatu) in mundo altero circa eum accendetur, quem nihil extincturum est præterquam completa totius debiti solutio (nam si non totius curam partis ullius?) plenāq; satisfactio, non quidem per *Christum* sed per *seipsum* præstita, amicūmve aliquem qui hoc ipsi velit officium præstare. Christi enim meritum ac satisfactionem docetur declinare (qui solus tamen pro nobis satisfacere potuit, idēq; suâ sponte præstitit *nullâ conductus mercede*) & ad quemlibet, modò nummos Ecclesiæ conciliet, potius quàm ad ipsum confugere.

8. Potestne igitur quicquam magis fundamentaliter essentialiterve *Antichristianum* esse, quàm ad hunc modum vilificare rejicereque, aut fraudulenter, turpis lucri causâ, pretiosum fructum Passionis ac Meritorum tam sufficientis benigniq; Servatoris suppressere ac celare, hominibusq; persuadere quod per propria sua merita sint salvandi, debeantq; & hic & in altera vita pro suis peccatis satisfacere, cum tamen res sit & impossibilis & supervacanea, & menti institutōq; *Mortis* & *Passionis* plenāq; satisfactionis per beatum Servatorem præstitæ ex diametro opposita.

9. Hæc doctrina satis abominanda videtur ex seipsa; quod si consideremus ob quas rationes quibusq; circumstantiis in Ecclesiam ab Antichristiana hac potestate quam describimus, possit introduci, infinitè magis invisâ erit atq; execrabilis. *Judas* Christum pro argenti summa in manus eorum tradidit qui eum crucifixerunt, ob quod facinus memoria illius execrabilis erit in omnem posteritatem: & tamen Christus non prodebatu nisi ad id quod ille lubens suscepturus erat, quippe qui lubenter iram Dei sustinebat, ut nos ab ea defenderet, qui ipsissimus finis erat suæ *Passionis* atq; *Agoniæ*.

Supponamus jam falsam hanc Ecclesiam quam depingimus pro Argenti summa ipsum finem propositūq; *Passionis* Christi prodere, illudq; omnino frustrari ac eludere; an non Christus hic pejori modo quàm per *Judam* ipsum proderetur? *Judas* enim

enim illum non nisi ad id quod ipsi adlubescere prodidit, nempe eâ lege ut oblatio fieret Deo pro Remissione peccatorum omnibus credentibus: verum Ecclesia hæc *Antichristiana*, dum hunc finem illius *Passionis* irritum faciunt, ipso quidem *Judæ* crudeliores, Mundi Servatorem ad mortem produnt involuntariam, eoque pretio eum privant quo solo vitam suam charissimam divendidit, magisque verè hujus justus sunt occisores quàm ipsi *Judæi* qui eum crucifixerunt, dum illum eo spoliunt quod ipsi quasi vitæ erat in sua morte, quodque propriâ suâ vitâ ille charius habebat, nempe ut sufficiens foret *Piaculum*, *Sacrificiumve propitiatorium pro peccatis totius Mundi*.

Quem sanctum sanè maximique momenti Fidei Christianæ Articulum ea Ecclesia quæ lucro divendit, ut populum territet in persuasionem quàm magna sit necessitas emendi Indulgentias, conducendique Sacerdotes ad excantandas suas Animas è Purgatorio, redimendique seipsos nummis à pœnis illis severiter irrogandis, necesse est ut in hac re *Antichristianiter* se gerat contra officium Christi *Sacerdotale*, modo quidem summo maximeque nefario quem quivis potest excogitare.

10. Hæc est *Fraus* impia quam adhibent, estque par *Noxa* quæ eam comitatur. Etenim dum persuadent hominibus eos meritis suis justificari, & pro omnibus suis peccatis delictisque debere satisfacere aut in hac vita, aut in futura, aut in utrisque, immò verò in utrisque nisi moriantur tam perfecti quàm nullus homo modestus se fore sit unquam imaginaturus; nempe aut intolerandâ, hoc pacto, serios Animos solitudinis carnificinâ exercebunt circa cruciatus *Purgatorii*, quos ita terrificè describunt, tanquam si ejusdem planè naturæ essent, quanquam haud paris durationis, cum cruciatibus *Inferni*; aut levium vanorumque hominum animas insalubribus superbiz tumoribus inflabunt ex opinione suorum tantorum meritorum, quanta nunquam fuerunt nec unquam esse possunt in ullo omnino homine qui merus homo sit. Et denique peculiarem Christi gloriam ejusque Religionis obliterabunt, quæ nihil reverà præter dulcedinem benignitatemque spirat ac tenerrimam commiserationem; siquidem Caput Princepsque noster Dominus *Jesus* tam ingentes tum animi tum corporis cruciatus sustinuit, ut populus suus sic liberatus, per viam *Amoris* ac *Ingenuitatis* ipsi serviret, contra atque factum est in sanguinolenta illa sævâque servitute quâ *Satanas* olim mancipatum mundum detinebat.

Quamobrem falsa hæc Ecclesia figmento *Purgatorii* pœnisque sævis ac crudelibus Christi gregi irrogandis, flagellationibus truculentis, miserisque carnis excoriationibus, quæ Diaboli, veteris illius Tyranni, Sacerdotes magis condecere, quàm Ministros Evangelii filii Dei, Christianum orbem ad antiquam Paganismi Imaginem rursus refingeret, filiosque *Israëlis* in alteram servitutem *Ægyptiacam*, quod à duris istis *Pœni-exactoribus* affligerentur opprimerenturque, iterum divenderet. Qui rerum status quàm crasse *Antichristianus* sit, satis cumulatè suprâ notavimus.

11. Et tamen alia est præterea *Sacerdotalis* officii Christi oppugnatio eaque minime contemnenda, quatenus scilicet *intercedit mediatque* pro nobis apud Deum. Quæ de re Scriptura admodum expressè statuit, quemadmodum in priori Articulo, Christum non oblatum esse nisi *semel*, ita hinc, Mediatorem nostrum non esse nisi *unum*.
 1 Tim. 2. 5, 6. *Unus enim Deus, unus etiam Mediator Dei & hominum, homo Christus Jesus, qui seipsum redemptionis pretium pro cunctis dedit destinato tempore testificandum. Ubi non solum doctrina asseritur, Non esse nisi unum Mediatorem, sed & ratio subjungitur, Qui seipsum redemptionis pretium pro cunctis dedit. Quod cum ipsi soli proprium sit, nullus esse potest Mediator Deum inter atque hominem præter ipsum. Et merita profecto Passionis omnesque vitæ illius perfectiones tam infinitæ sunt virtutis, (ut qui declaratus erat Dei filius) ut Sanctorum quorumvis Angelorumve merita illius meritis hac in re adungere, contumeliosa esset ac blasphemia supereminentiæ illius conditionis derogatio.*

Itaque cum jus *Mediatorium* ob rationem meriti ad Christum solum pertineat, necesse est ut facinus sit planè *Antichristianum*, apertaque in personam Christi injuria, quosvis alios illi in hoc officio adungere, ac si ipse sufficiens non esset, sed tam imbecillis, inhabilisque ad eam Functionem, ut *Coadjutoribus* indigeat.

12. Quantum ad illas Allegationes, Deum scilicet *Civitati* paritutum propter quinquaginta justos qui sint in ea, & protecturum *Hierosolymam* propter servum suum *Davidem* quippe qui fecerat quod Domino placebat, seque clementiâ usum ad millesimam usque stirpem erga sui amantes suamque præcepta conservantes, nulla Ratiocinia ab his Scripturis deducta, rem quæ præ manibus est attingunt. Hæ enim omnes de rebus *Temporalibus* narrant; Fatumque justorum, in prima instantia, impiorum fato involutum fuisset. Quantum autem ad illud de *Davide*, Typus ille agnoscitur esse Christi,

Christi, verum exorto Sole Nox jam fugata est. Nec certe video quicquam concludi posse ex illo loco Exodi, nisi iusti posteros, si sic permanserint, esse permansuros. Hi igitur obtentus solummodo sunt, nec casum quem hic describimus, omnino attingunt, qui hic est; nempe, ut preces nostras huic illive *Sancto* offeramus, supplicantes ipsis ut pro nobis intercedant, tanquam si eodem gauderent privilegio quo ipse Christus, qui *Deus* pariter est atq; *Homo*, ac proinde *ubiq; presto est* quod nos audiat, propriisq; meritis immensus quod valeat apud Patrem.

13. Quamobrem hoc plane Christum esset suo honore ac privilegio spoliare, si quis Sanctos præsumeret *omnipresenciam* quandam vel omniscientiam habere, quæ illi soli sunt propriæ. Quemadmodum & solenni quodam & religioso modo ad Altare ac in Templo huius vel illius Sancti Deum orare per *merita horum Sanctorum*, ut hoc vel illud concedat; an non aperte esset declarare defectum esse in meritis Christi magni nostri *Mediatoris*, quando perfugium ad hunc modum quærimus in nominibus meritisq; aliorum?

Quam *Antichristianum* igitur futurum esset si Sanctum aliquem, puta *Virginem Mariam* in suis supplicationibus ipsi Christo præferrent, eam orantes ut imperare vellet Filio suo virtute illius officii quod ille debet Matri, si Titulum ipsi tribuerent *Reginæ Cæli, Matris misericordiarum, Vitæ suæ, suæq; Spei, Lucis Ecclesiæ, Advocatæ* suæ ac *Mediatricis*, immò verò omnes Psalmos Davidicos in supplicationes ad ipsam ejusq; laudationes vocem [*Domina*] solummodo in locum [*Dominus*] substituendo mutarent? Quam *Antichristianum*, inquam, hoc figmentum esset humilem facere virginem ad hunc modum de Cœlesti imperio, officioq; universali mediatorio, cum filio Dei consistentem? Ut præteream integra examina aliorum *Mediatorum* quos etiam ob rationem meritorum constituent. Etenim nisi id esset ob rationem meritorum suorum ac perpeffionum (quanquam nec mereri poterant nec pati ultra quam quod ad suam salutem conducere) cur Mediatores eos constituerent? Quod si eorum merita quicquam meritis perpeffionibusq; Christi superaddant, quomodo is perfectus esse potuit Sacerdos, meritave ejus esse perfecta?

Quamobrem manifestum est, alios constituere *Mediatores meritorios* præter Christum, *Antichristianam* esse contumeliam atq; calumniam adversus perfectionem excellentiamq; *Mediatorii officii* Christi.

14. *Fraus* verò impia huius Inventi, oblationum esse potest multiplicatio novis his & appropriatis *Intercessoribus*, qui amplis largitionibus illecti causam Clientum suorum in curia cœlesti strenuè fervidèq; sint acturi, aut saltem *Antichristianum* hoc Sacerdotium sic fore ipsis sit persuasurum, ut qui unicum Christi officium *Mediatorium* æquè ac pretiosæ illius Mortis ac Passionis efficaciam nummorum summâ venderint, minime perpendentes gravissimas illas *noxas* quæ Ecclesiam oppressuræ sint Patronorum Mediatorumq; multiplicatione.

Etenim quàm proclive est inconsiderato populo huiusmodi naniâ soporificâ delecto securè obdormire, dum arbitrantur hunc illumve Sanctum, quem peculiarem sibi patronum elegerint, tam certum sibi fore amicum, utpote quem superstitiosis quibusdam Ceremoniis tam officiosè coluerint, quæmq; sibi hoc pacto tam firmiter se devinxisse putent, ut, qualitercunq; vitam instituerint, non dubitent quin turò ad cœlum sint perventuri, quanquam eò per posticum aliquod ab huiusmodi amico peculiari intromissi, qui illic ad eos recipiendos præstoletur. Cum tamen Christus ipsis jam olim prædixerit, *nisi quis fuerit genitus de novo, cum non posse introire in regnum Dei*, seq; eos quorum mores non sint emendati, non esse accepturum, sed mandaturum *ut facessant cum operantibus Iniquitatem*.

Quàm facile hoc pacto ab illa fide abducuntur recumbentiq; quam habere debent in Deum Christumque, dum Sanctificationem etiam ac Redemptionem expectant ab eo in quo nulla est salus? In quàm abjecta cogitata deprimuntur eorum animi qui levare debent ad solum Deum? Quàmq; obnoxii sunt immersionibus in maxime sordidos crassosq; gradus Idololatriæ, dum proni, absq; omni retinaculo, in imaginationem prolabuntur, Templum, Altare, Sacerdotem cum sacris suis vestimentis, Diemq; festum, sacræq; Oblationes dedicatas esse vel destinatas honori illius Sancti quem illi Patronum sibi & Advocatum constituerint?

15. Et postremo, præcellentissimum illud ac potentissimum Instrumentum Sanctificationis nostræ, mentiūmq; Renovationis in amabilem Imaginem Domini Jesu, *Crucem* intelligo *Passionemq;* unci nostri *Mediatoris*, piāmque de ipsa meditationem, quæ animæ nostræ ad suis insistendum per omnia vestigiis, eiq; sincero amore serviendum firmiter illigentur; præcellentissimum hoc, inquam, Instrumentum quàm inutile fiet & inefficax, dum mentes hominum ad alios divertuntur Patronos electitios,

electitios, aut tam multorum varietate Mediatorum, (qui verè promovendæ sanctitati nihil inferviant) distrahantur? ita ut Amor ille ac Fidelitas quæ soli Christo debetur, quæq; ipsa vita salutaris animarum nostrarum futura esset cordiumq; purificatio, & ad æternum cum eo consortium in cœlesti suo regno requisita præparatio, immane quantum hinc diminueretur, redderetq; languida, tandèmq; penitus extingueretur. Quæ Noxa est damnumq; cuius summa nullo calculo iniri potest, quodq; nullo pacto potest resarciri. Distributio, inquam, ac derivatio devotionis nostræ, piq; affectûs, à Christo, in tot devios Rivulos & in Objecta istiusmodi quæ infinitò minus momenti habeant ad nos obligandos urgendosq; ad probitatem vitæ veramq; sanctitatem, haud levius profectò malum est, quàm æternæ nostræ salutis aut periclitatio aut jactura.

Manifestum est igitur oppugnationem supplantationemq; Finium & utilitatum sacerdotalis officii Christi eo modo quo declaravimus memorabilem fore partem illius *Idee Antichristianismi* cui describendæ incumbimus.

CAP. VI.

1. Oppugnatio Christi in his suis tribus notissimis officiis quàm enormiter sit Antichristiana. 2. Aliorum Titulorum Christi Enumeratio. Ipsius oppugnatio quatenus est Veritas; 3. Quatenus Lux; 4. Quatenus Vita. 5, 6. Illius Divinitatis oppugnatio Sanctos Angelosq; ei æquales faciendo; 7. Immo meram ei præferendo Creaturam. 8, 9, 10. Oppugnationes Tituli Paternitatis per injurias ac crudelitates in suos Filios. 11. Ejus oppugnatio quatenus Princeps est Pacis; 12. In dirimendis circa opiniones controversis non necessariis; 13. Vim solvendo obligationis juramentorum; 14. Et belligerando cum Sanctis.

1. **A**Tq; sic tandem naturam *Antichristiana* illius oppugnationis in hisce tribus vulgò notis Christi officiis delineavimus, quam sanè vel solam consideratam quivis judicare possit sufficientem ad completum *Antichristum* constituendum, hoc est, ad Potestatem Ecclesiasticam eò usq; corrumpendam, ut verissimè plenissimòq; jure appellari possit *Antichristiana*. Et tamen *Antichristianismus* hic ulterius explicari potest, & per magis particulares aliorum Titulorum Christi oppugnationes porrò illustrari. Non tam curiosi erimus ut omnes eos recenseamus, nec tam onerosi ut in quoquam eorum quos porrò recensuerimus, diu insistamus, cum eorum pleriq; ad unum aliquod trium illorum officiorum quibus tamdiu jam institimus, reduci possint.

cap. 9. 2. Horum Titulorum maximè insignes hi sunt, *Veritas, Lux, Vita*, qui in novo Testamento occurrunt; & apud *Esaiam, Deus Potens, Pater Æternitatis, Princeps Pacis*. Hæc sunt Nomina, hi sacri Tituli Christi, & quæcunq; Potestas ei prætendit succedere, & auctoritatem habere atq; jus illius loco regnandi hic in terris, quatenus in rebus administrandis hos Titulos Christi oppugnaverit, contravèiverit, eatenus se *Antichristianam* esse demonstrat.

Apoc. 22. 15. Cap. 8. Ut exempli causâ, si hæc, quam se venditat, Potestas magnam exerceret mercaturam in nugatoriis Legendis Figmentisque, in falsis Miraculis, callidèq; concinnatis Fabulis, (contra quas Apostolus protestatus est) ut fraude malòq; dolo populum circumveniat, atq; istiusmodi eorum mentibus opiniones insinaret quæ crumenas eorum omnium diductissimè aperturæ sint, ad eum planè modum quem pro occasione magis particulatim jam descripsi; omniq; Ceremoniarum multitudine obscuraret quæ non sunt nisi umbræ veritatis, (si id sanè sint) equidem hujusmodi rerum constitutio *Antichristianam* se planè demonstraret eumq; Christi Titulum oppugneret, qui eum declarat esse ipsam veritatem. Foris sunt Homicidæ & Venefici, & omnis qui amat & facit mendacium. Id certè tam expressim in Apocalypsi non dictum est frustrâ. Idq; notatu dignum est quod apud *Danielem* occurrit, *Antiochum* scilicet, qui *Antichristi* Typus vulgò esse creditur, in terram illic dici, veritatem proferere.

3. Proximus Titulus est *Lux*, qui figuratus Titulus est, significatq; sapientiam vel scientiam, estq; reverà nihil omnino aliud quàm symbolica prioris indigatio. *Veritas* enim veraq; sapientia, una eademq; res sunt. Verùm quatenus irradiat illustratq;

illustratq; mentes aliorum magis speciatim *Lux* dicitur. Christusq; ita appellatur tum ex eo quod per Divinam suam naturam, omnem hominem illuminat venientem in hunc mundum, tum ex eo etiam quod *Lux* erat Gentium gloriâq; populi *Israëlis*, in exteriori sua personalique, mundo factâ manifestatione.

Quamobrem omni eniti opere ad populum in tenebris plusquam *Ægyptiacis* custodiendum sub prætextu excitandi ipsorum devotionem erga Deum, cum interim technâ sit quâ ipsos totos sibi devotos addictosq; retineant, decipiantque, ac quâcunq; eis placuerit circumducant, facinus hoc planè *Antichristianum* esset adversus secundum Titulum Christi quatenus *Lux* dicitur, finisq; frustratio illius adventus in mundum, qui erat, ut *Lux* esset *Gentibus*, & ut sedentes in tenebris è domo carceris educeret. Christusq; hunc Titulum quasi hæreditario jure in omnes suos veros Sectatores ac Successores derivavit. Vos estis *Lux Mundi*. Quales igitur, obsecro, illi sunt qui non solum ipsi *lucentes lucerna* non sunt, sed & seduli molitores fautoresq; *ignorantia* & *tenebrarum*, & diligentes inhibitores omnis veri luminis quod alicunde in Ecclesiam immitti possit.

1Ja. 42. 6.

Mat. 5. 14.

4. Tertius Christi Titulus *Vita* est, quemadmodum scriptum est in Evangelio S. *Johannis*. *In ipso vita erat, & vita erat lux illa hominum*. Quam vitam, ut ego quidem sentio, S. *Paulus* admodum sapide describit, ubi ait, *Regnum Dei non esse escam & potum, sed justitiam, & pacem & gaudium per Spiritum sanctum*. Christianitas igitur status est internæ vitæ in omnes laudabiles utilisq; actiones profluentis, non *Babel* confusænearum perplexarumq; opinionum & inutilium observantiarum, non Ceremoniarum cumulus, vanarumq; Imaginationum, sed stabilis firmâq; in Deo mansio, qui *Amor* est, quisq; nos erudiet & ab interno vitæ sensu idoneos reddet ad eum amandum toto corde animoque, & proximum nostrum sicut nosmetipsos, quæ est nobilissima totius Legis impletio.

Quamobrem, loco sanctæ hujus Oeconomiz *Spiritus* atq; *vite*, si rigida inanibus opinionibus & minimè ædificantibus multifariarum Ceremoniarum observationibus introduceretur adhæsiō, hoc certè *Antichristianum* esset contra hunc tertium Titulum Christi Admissum, dum ad hunc modum insipidas Speculationes Ritûsq; emortuos in *vis vitæq; Pietatis* locum substituiamus.

5. Quartus Titulus est *Deus potens*. *Christusq; Divinitas* notus est fidei Articulus, adeoq; eximium Personæ illius privilegium, ut quicquid ei derogaverit, illud infregerit infirmaveritve, non possit non existimari admodum *Antichristianum*. Hujusmodi igitur esse oportet Templorum Altariûmq; extruções, Adoletionem Incensi, ac religiosas Invocationes Orationesq; ad Sanctos Angelosve factas.

Immo verò, tametsi nullæ ipsis offerrentur preces, vel ipsas Sanctorum Reliquias in Templum Sacellumve aliquod solenniter ponere, illosq; cum eo, Patronos Geniosve quasi Tutelares cujusvis Civitatis aut Provinciæ constituere, non minus crimen esset quàm *Idololatria*, Superstitioq; non multum absimilis illi quæ in *Telesmatibus Paladiisq;* ac *Diis Tutelaribus* cernebatur antiquorum Paganorum, quorum præsentiam hujusmodi superstitiosis Ceremoniis putabant detineri, atq; sic eos Patronos Protectoresq; suarum Civitatum Regionumve constituebant. Quamobrem si Christiani religiosè reponendo Reliquias hujus vel illius Sancti in hanc vel illam Civitatem, ita superstitiosè animati essent ut fiduciam in præsidio ponerent horum Sanctorum contra Pestem, contra Bellum, contra Tonitru, contra Terræ motus & consimilia, credentes eos potentes fore benignosq; loci Protectores; proculdubio hoc quoddam genus Cultûs Religiosi esset ipsis præstiti, nec minus peccatum quàm *Idololatria*.

Omnis enim hujusmodi Fiducia ac Dependentiâ à quovis *invisibili Spiritu* particulari est *Idololatria*, æquè ac *Invocatio*, propterea quod in invisibili illo Spiritu particulari id perinde supponit quod soli proprium est Deo. Nulla enim certitudo est *Præsentie*, & consequenter *Assistentie Spiritus invisibilis* ullo in loco, nisi illius natura talis sit ut in omnibus locis sit simul. Ac proinde qui fiduciam ponit in auxilio subsidiòve, (eo modo quo descripsi) *Spiritus invisibilis particularis*, illum invisibilem Spiritum *omnipresentem* facit vel *omniscientem*, quæ sunt incommunicabilia Dei Attributa, eòq; ipso committit *Idololatriam*, quemadmodum copiosius suprà in consimili causa disseruimus.

6. Ipsa igitur Fiducia in *Sanctis* tanquam Patronis quorumvis locorum ac Protectoribus, æquè ac Altarium extruó, Adoletio Incensi, ipsorumve *Invocatio*, unico illi certo Patrocínio potentiq; Divinitati Beati Servatoris derogat. Nam per Divinos hos honores dum hujusmodi Patronos vel Mediatore unigenito Dei filio æquamus, eum seipso minorem facimus, illisq; tantummodò similem, hoc est dissimilem sui; peculiaritatem *Divinitatis* ejus obscuramus, ejusq; abnegamus Deitatem

Coloss. 2. tem; καὶ κρατοῦντες τὴν καρὰν, ut loquitur Apostolus, *verum non retinentes Caput*, sed sub altero *Capitaneo* nosmetipsos constituentes. Est enim solum unus qui hujus Divini honoris est capax, quem igitur si alii cuivis tribuamus, partes illius Antichristi agimus qui describitur definiturque à negando Patrem Filiumque, Nam *Pater & Filius unus sunt*.

Ab. 7. Hujusmodi argumentationem Deus videtur adhibere in sua expositulatione cum Israëlitis in deserto, *Nunquid mihi victimas & sacrificia obtulistis per annos quadraginta in solitudine. domus Israël? Immo bajulastis tabernaculum Moloch & Sydes Dei vestri Rempham, quæ vos simulachra fecistis ad adorandum*. Cujus loci sensus proculdubio hic est; *Quid tametsi Israëlita sacrificabant, ut illi opinabantur* (aut prætendebant) assueta sua sacrificia Deo, juxta Legem Moysi, dum in deserto morabantur, tamen cum & alios Deos agnoscerent servirētq; præter ipsum, concludit (& verè profectò meritòq; etiam secundum humanas facultates) *eos reverà sibi non omnino servivisse*, hoc est non agnovisse talem esse qualis est, solum utiq; verum Deum. Ac proinde cum errarent in opinione de excellentia Objecti cui cultus Divinus debitus sit, tanquam si tam vile esset ut plura ejus generis esse possent, cultum suum ad eum non dirigebant, sed ad phantasma vel Idolum propriæ suæ Inventionis, cui isti prophanè tribuebant nomen *Jehova*. Verus enim *Jehovah* res non erat tam abjecta ut plures cum ipso esse possent *Divini honoris* participes.

Atq; eodem planè modo se res habet de Christo, qui idem verus Deus est in æternum benedictus. Qui Divinum honorem illi soli debitum, Sanctis Angelisve tribuit, ejus abnegat Divinitatem, nec altiori gradu quàm eorum quilibet sit, ipsum constituit. Hæc una esset *Divinitatem* illius Antichristiana supplantandi ratio, æquales nimirum ipsi constituendo meras Creaturas.

7. Est verò & via altera, vel potiùs eadem via sed modo quodam exaggeratori & consequenter magis *Antichristiana*, estq; meræ Creaturæ, quanquam beatæ sanè ac gloriøsæ, ante eum prælatio; ut verbi gratia, Si aut *Fraus* aut cæca Superstitio semper-beatam Virginem non solum ad eum Divinum honorem exaltaret, ut Temppla haberet & Altaria sibi erecta cum Precibus & Invocationibus, ut in reliquorum cultu Sanctorum Angelorūq; sed ut illi honores frequentius magnificentiusq; *Maria* Virgini præstarentur quàm ipsi *Christo*; hoc est, ut plura Temppla, & Altaria magis sumptuosa & splendida illi erigerentur quàm Christo Jesu, plures Supplicationes, Preces & Oblationes illi fierent quàm huic, majòrq; misericordiæ recognitio bonitatisq; ab illa profluentis, quàm ab hoc qui vitam suam inter acerbos cruentæ suæ *Passionis* angores pro salute mundi profudit. Et postremò, talis ipsi ascriberetur potestas & imperium in Christum ut ei mandare posset hoc vel illud, virtute officii sibi debiti, præstare.

Equidem si hoc non sit contra *Divinitatem Christi* Admissum, eum ad hunc modum facere defunctâ muliere inferiorem, etiam eum qui æquè *Deus perfectus* est, atq; *perfectus homo*, nihil omnino unquam esse potest. Est enim hoc planè *Deitatem* illius tollere, apertèq; declarare eum nullum omnino esse Deum. Quæ *Antichristiana* est adversus *Christi Divinitatem* tanta sanè quanta quoquo pacto excogitari possit, injuria.

1 Johan. 2. 22. Quis enim *Antichristus* est nisi is qui Patrem negat, Filiumq; qui æqualis unusq; est cum Patre? Et quisnam Deitatem tum Patris tum Filii negat, nisi is qui matrem Christi secundum carnem, majorem utrislibet pronunciat? quod certè is facit, qui majorem eam pronunciat alterutro.

Johan. 16. 15. 8. Quintus Titulus est *Pater eternitatis*, *Septuaginta* reddunt *πάτερ τῶ μέλλοντος*, intelligendo, ut opinor, *seculum sub Messia*. Efficaciam cujus Tituli credo Regenerationis mysterium respicere. Siquidem Christus nos in propriam Imaginem per internam operationem Spiritus sui æterni regenerat. *Omnia quæ habet Pater mea sunt* (nec sanè mirum cum is unus sit cum Patre) *propterea dixi illum* (i. e. Spiritum) *de meo accepturum quod renuntiabit vobis*. Quamobrem cum Christus regeneraturus esset mundum futurum per operationem æterni sui Spiritus, ritè aptèq; dictus est *πάτερ τῶ μέλλοντος*, *pater seculi futuri*, vel si mavis *Pater eternitatis*, utpote qui filios gignit in secula sempiterna.

Johan. 3. 5, 7. De hoc mysterio in terris egit in colloquio cum clandestino suo Discipulo *Nicodemus*. Hoc tibi magnoperè confirmo, qui de super natus non fuerit, eum Dei regnum videre non posse. Noli mirari quòd tibi dixerim, vobis de super est renascendum: *Ventus quòd vult spirat, & sonum ejus audis, sed nescis unde veniat, & quòd vadat; ita est quisquis genitus est è Spiritu*. Nemo irrogenitus notitiam sensumq; habet primi impetus motusq; Spiritus, nec intelligit quorsum illæ actiones sermonesq; tendant qui

qui illinc proveniunt. Verum ita se res habet in his quemadmodum in illis centum quadraginta quatuor millibus in Apocalypsi; qui virtute novæ Nativitatis *canticum novum* canebant quod nemo quisquam potuit discere nisi illa centum quadraginta quatuor millia qui redempti erant à terra; nempe ex eo quod *desuper* regeneriti essent; quemadmodum Servator monuit Nicodemum. Hi sunt veri *Israëlites* in quorum ore non reperitur dolus, quique ductu Spiritus per quem regeneriti sunt, *Agnum* sequuntur quocumque iverit.

Cap. 14.

9. Quamobrem cum Christus Ecclesie suæ Pater sit tam realis ex vera vivaque; Regeneratione mentiumque; Renovatione per Spiritum suum in sensus ejusmodi sanctos qui ad naturam omnium qui reverà Dei filii sunt pertineant, hos certè ita tractare tanquam si meræ Imagines essent: è lapide lignove factæ, vel materia potius nuda & inanima quæ celanda sit & quibuscumque notis, quas Potestati, quam se venditat, infallibili, ipsis visum fuerit insculpere, incidenda; magna hæc esset adversus *Paternitatem Christi Antichristiana* contumelia, quasi nos in vivos filios non gigneret, qui æquè certò sensum habeant ac discriminandi facultatem in rebus *Spiritualibus* ac Fœtus quivis Animalis in *Naturalibus*, sed electorum numerus ad instar numeri truncorum, lapidum, laterumve esset, incidendorum sculpendorumve, vel quovis modo; pro petulantia & imperiositate effrenatæ potestatis (quæ sub prætextu infallibilis & indeficientis Successionis quæ debeat esse in Ecclesia, in Christi locum se ingesserit) tractandorum.

Maxima debetur puero reverentia —

Verissimum est de quolibet filio Dei. Est enim sensus ejusmodi in ipsis Divinus, quem quicquid minus sanctum est putidulumve, admodum duriter ingratusque sit rasurum. Et certè quicquid falsum est, inveniatur ab ipsis, tum immutabilibus illis veritatis Principiis quæ in ipsorum animis sunt (quippe nullo laborantibus præjudicio) tum & Oraculis Dei literis mandatis, (quæ ab eodem Spiritu scripta sunt, per quem hæc genuina Christianorum progenies est regenerata) valde dissonum.

Quamobrem, quod dixi, hos ita tractare tanquam si nulla vita, nullus spiritus, nullusque sensus, discriminandive facultas ipsis inesset, deberentque modo æquè passivo (sine omni convictione, aut provocatione ad quicquam in seipsis) hujus Tyrannicæ Potestatis, quam describimus, dictata accipere, atque Pugillares chartæ quibus irresistibiliter à quavis manu inscribitur, infanda esset adversus Christum, quatenus est *æternus Pater*, sanctusque; Regenerator veræ suæ Ecclesie in propriam suam vitam ac similitudinem, injuria. At enim occidere & ad internecionem usque; trucidare hosce illius filios, quia tam strenuè accuratèque; *patrissant*, quia tanta cum religione & cura paternis vestigiis insistant ejusque; veritati coram mundo testimonium perhibent, an quicquam istò excogitari possit magis diabolicè contra Christi Paternitatem Antichristianum, cujusvis judicium ac conscientiam appello. Quid enim committi potest infestum magis aut truculentum adversus patrem, quàm genuinos illius filios, etiam ob eam ipsam rationem quod eum adedò ad vivum referant tamque; fideliter virtutibus deliberatissimisque; ejus consiliis ac præceptis adhæreant, trucidare?

10. Adjicere hoc potèrò possim, quod nimia animorum corporumque; hominum per multifarias externarum Ceremoniarum observationes exercitatio, frequensque; ad transfiliendum festinandumve ab uno superstizioso exercitio ad aliud instigatio, Divini partus facilè reperiri possit prædissolutio, ut nimia mulierum exercitatio in saltationibus aliisque operosioribus agitationibus gravioribusve laboribus eas in naturali partura sæpenumero facit abortire.

11. Titulus sextus & ultimus est *Princeps Pacis*. In quo principatu sive Imperio siqui jus sibi Successionis vendicarent, & tamen res Ecclesie Christi tali ratione administrarent quæ naturaliter, si non necessariò, eam impletura sit dissidiis & contentionibus, hæc Potestas proculdubio supplantatrix esset *pacifici* Imperii Christi, authorque; foret *Antichristiana* Tyrannidis & Confusionis. Ut exempli gratiâ, si Potestas hæc usurpatoria novos excuderet Fidei articulos in propriam utilitatem, notis Documentis Scripturæ Rationisque; contrarios, eorumque; professionem ab Ecclesia Christi requireret, Ritumque; suspectos, *Idololatriam* Superstitionemque; satis rancide olentes, institueret, ferè impossibile esset ut immania dissidia schismatamque; in Ecclesia non progigneret mundumque; rixis & contentionibus impleret.

Quinimò si definiendo sensui Scripturæ ratione magis determinatâ quàm reverà ex usu foret Ecclesie, operam darent, hasque; suas determinationes & expositiones hominibus tanquam necessarios Fidei Articulos obtruderent; hoc etiam multum faceret

contra pacem Ecclesiarum. Siquidem homines fataliter ferè propensi sunt ad cogitandum hoc vel illo modo in rebus, quæ ut alterutrò determinentur, ad salutem minimè est necessarium. Unde iniqua hominum Conscientiis inferretur vis, quò ævi cursus inflammaretur. Cùm è contrà quod generale est, magis *amplum* est ac *unitivum*, omnesq; recipit, omnibusq; potestatem largitur pacificè vivendi cum se invicem, sine turba aut exturbatione.

12. Cæterùm *Fatuitas* atq; *Fraus* hujus curiositatis, studium esset lucrandi vel potius extorquendi reverentiam à populo, efficiendiq; ut Functio ipsorum res grandis videatur, & Eruditio magna & Judicia infallibilia, utq; propriam suam cum *ca-*cita quadam voluptate persentiscant auctoritatem, faciántq; ut alii eam persentiant, quanquam cum gravi offensione ac divexatione Ecclesiarum Christi. Quasi verò si exemplariter viverent illudq; urgerent quod in Scriptura perspicuum est, ordinatamq; exercerent eis in rebus disciplinam, non majorem istoc pacto reverentiam assecuturi essent & venerabiliores in Dei hominumq; conspectu evasuri, aut apparituri non essent magis infallibiles insistendo illius vestigiis qui *via est, veritas ac vita*, quàm apertè transiliendo eam viam, eamve relinquendo ob devia quævis hujus mundi commoda. Quarum *frandum* detectio omnium mortalium odium necessariò in ipsos excitatura sit. Et postremò quantum ad id consilii, quo suam Auctoritatem persentiri velint, Christus ipsis viam eò præmonstravit, si modò illam velint sequi, *Docebat ut habens auctoritatem & non ut Scribe, dicunt enim & non faciunt.*

Matth. 7. &
cap. 23.

13. Hæc una est ratio *Antichristianiter* se gerendi adversus illum sacrosanctum Christi Titulum, *Principem Pacis*. Est verò & alia sceleratior, & execrabilior quàm cujusvis animus comminisci possit, qui profunditatem *Satanæ* notitiam non habuerit. Est autem hujusmodi; Si potestas hæc scilicet *Antichristiana*, quam describimus, tantum sibi assumeret, ut Christiani orbis *Principes* à Juramentis, pactisq; publicis quæ super Pacis conditionibus inter se fecerint, absolveret, ut & *subditos* à juramento *Fidelitatis* suis Principibus præstito, an non hoc planè esset omnia *Unitatis* vincula diffingere, quæ non solum *Religio* sed & *Naturæ leges* humano generi suppeditarunt? ad hunc utiq; modum jurisjurandi sanctitatem abolere quod hominibus omnis controversiæ est finis? Quis igitur poterit illa Potestas jus sibi vindicare succedendi *Principi Pacis*, quæ maximum Pacis vinculum cujus res humanæ capaces sunt, è mundo sustulerit?

Heb. 6. 16.

14. Et postremò, sanguinolenta Doctrina de vita hominibus ob errores in opinionibus eripienda, cùm aliàs inculpabiles sint in *Fide* ac *Conversatione*, sinceriq; Professores hujusmodi Christianarum veritatum quæ evidentè in Dei verbo sint revelata, immò verò vitam ipsis eripere quia ea non faciunt tenentve quæ expresso Dei verbo, quæ internis animis, quæ sacris paginis inscripto, omninò sunt contraria, quemadmodum exemplis multis in hac *Antichristianismi* descriptione declaravi; Quid obsecro hoc aliud esset quàm vexillum sanguineum suspensum exponere adversus veram Christi Ecclesiam, bellumq; propalam indicare, auderèq; adversus eos prælium qui in Agni cohortes conscripti sunt, professiq; sunt milites *Principis Pacis*? Quorum igitur oppugnatores ad eum modum quem insinuavi non possunt non esse Bestia illa *Apocalyptica* quæ bellum gerit cum *Sanctis*, *Matérve* illa *Meretricum* quæ ebria *Sanctorum sanguine* est & sanguine *Martyrum Jesu*. Tam parum subest addubitationis de postrema hac oppugnatione quin Character sit *Antichristianum* idq; tincturæ sanè saturatissimæ. Verùm super hac re plura posthac differemus.

Cap. 3. scilicet 8.

Cap. 13. 7.

Cap. 17. 6.

CAP. VII.

1. Quamlibet rerum constitutionem quæ Divinam vitam naturaliter oppugnet supprimatve, summo gradu esse Antichristianam.
2. Hujusmodi esse Idololatriam, Superstitionem, omnēsq; supradictas oppugnationes Officiorum Titulorūmq; Christi;
3. Et opinionem de virtute Sacramentorum ex opere operato: quōdq; nihil opus sit Devotionibus nostris animum attendere.
4. Muta etiam spectacula, & requiescentiam in nuda Religiosorum officiorum peratōne à quocunq; ea fiat principio.
5. Absolutiones faciles, Poenāsq; leviculas.
6. Plenas Indulgentias à Potestate Ecclesiasticæ nummis emercatas.
7. De Noxis ejusq; oppugnationis Divinæ Vitæ monitio generalis.
8. Plausibilitas suppositionis Potestatis Pompæq; Ecclesiasticæ majoris Imperiali.
9. Rationum hujus suppositionis imbecillitas.
10. Noxæ ab ea provenientes in depellendo Ecclesiasticorum animos à veritatis sanctitatisq; studio;
11. Imò faciendū ut quicquid verum sanctūve sit oppugnent, si ipsorum Avaritiæ Ambitioniq; adversetur.
12. Quōd hujusmodi Potestas Luciferiana, ipsa subversio Regni Christi esset in terris;
13. Ecclesiæq; mutatio in merum Emporium, mercatūve.

1. **T**AM expresse clarēq; hæcenus *Antichristi Imaginem* delineavimus; quatenus scilicet Christum in officiis suis oppugnare deprehenditur, sanctissimūq; Titulis qui ipsius personam adornant, planè contraire. Venimus jam ad *Divinam vitam* quatenus in Mundo propagabilis est, cujus causā Christo visum est naturam nostram assumere, suamq; vitam deponere pro nobis, ut gloriosam sibi compararet Ecclesiam non habentem maculam aut rugam aut quicquam ejusmodi, sed quæ sancta foret & inculpata. Ephes. 5. 27.

Qui cū ipse finis sit adventus Christi in Mundum omniumq; ærumnarum asperitatumq; quas durante illius peregrinatione in terris est passus, ignominiosaq; & suprà quàm dici potest, dolorificæ mortis Crucis cui se submisit; ut quis, hoc suum tam serium destinatumq; consilium quāvis ratione rerūve constitutione quam promovere affectet, eludat, aut quovis modo oppugnet supplantetve, summo profectō gradu hoc foret *Antichristianum*.

Itaq; distinctè jam articulatēq; consideremus præcipuas rationes oppugnandi supplantandiq; hoc *Propositum*, ponendo nobis ante oculos istiusmodi depravatas Leges, Instituta, Consuetudinēve in Ecclesia quæ ad extinguendam *Divinam vitam* aut in genere tendant, aut magis particulatim adversus *Radicem* ejus, *Ramulōve* dirigantur; nimirum vel adversus *Fidem*, firmūve summæ Christianitatis assensum, vel adversus *Gratias* illas inestimabiles, *Humilitatem*, *Charitatem*, & *Puritatem*.

2. Ad depingendam hanc *Divinæ vitæ* oppugnationem in genere, nihil opus est ut penicillum in novos intingam colores. Modi illi multifarii *Idololatriæ*, & *Superstitionis* quos in primo secundōq; *Antichristianismi* membro notavi, quīq; ad externa, quæ ad nihil valent, exercitia mentes hominum evocant, sed legitimam Zeli ac Religionis intentionem eludunt, (quæ nos debet interiori spiritu vitāq; justiores sanctioresq; reddere) hi proculdubio ex sua natura *vitam Dei* in anima consopiant suffocantve, & ad instar *falsi Pabuli* eam aut veneno aut fame erueant.

Illæ etiam oppugnationes quæ contra *Officia* Christi factæ sunt; illius Legis vilificatio, ejusq; è conspectu populi remotio, lectiōve in cœtibus publicis in lingua peregrina; Interpretatio eorum quæ serid nobis Christus præcepit, tanquam si laxiora essent consilia & pro arbitrio nostro sequenda vel omittenda; falsa glossēmata in Oraclis Dei ab infallibilibus, prout se venditant, Interpretibus; frustratio *præpotentis* illius machinamenti ad conciliandam obedientiam Christo, affectuosarum scilicet meditationum super *Morte* ejus ac *Passione*, dirisq; quos pro nobis tulit doloribus, divertendo cogitationes nostras variis & ad nihil valentibus objectis, *pusillis* Advocatis & Patronis, qui Devotionem nostram suffurentur Christūq; suo honore spolient animāq; nostras præcipuis adminiculis suæ sanctificationis ac salutis: Hæc aliāq; multa, quæ proferre possem, *Antichristianæ* planè sunt aggressiones oppugnationēsq; *Divinæ vitæ* in genere, eōq; prorsus tendunt ut universam Religionis vim enervent ac præcidant.

3. Quibus addere potes impias istas præsumptiones, quōd *Precēs* dinumerare sufficiat sine ulla mentis defixione in illud quod repetimus; quōdq; suspensā magis ac generalis attentio satis sit, particularibus cogitatis interim aberrantibus quocunq;

libuerit; Sacramenta gratiam conferre *ex opere operato*, quippe quæ ipsa differentia sit inter Sacramenta *Veteris Novi*q; Fœderis, quod priora ratione *operis operantis* gratiam conferant, posteriora ratione *operis operati*, nullamq; motionem bonam internam in eo requiri qui sacramenta recipit. Quid relaxare magis potest intensa desideria sincerâsq; aspirationes animarum ad realem naturæ suæ renovationem in veram sanctitatem ac iustitiam, quàm huiusmodi corruptæ opiniones?

4. Populi porro oculos mutis Spectaculis pascere, cum ipsorum Conscientias explorari oporteat zelumq; intelligibilibus exhortationibus formisve Devotionis excitari, quæ ipsos officii sui commonefaciant sensumq; imprimant rerum ejusmodi sanctarum quibus indigeant, ipsorumq; animos desiderio earum inflamment; hoc etiam planè esset *Divinam vitam* suo pabulo quo accrescere debeat atq; enutrirî, defraudare. Qualis etiam foret generalis illa opinio de omnibus Actis Religionis, *operis* utiq; *officium* præstari, modò ipsum *opus externum* præstetur, quaecumq; fuerit Principium unde profluat, hoc est, quamvis neq; attingat nec procedat ab illa vitæ scaturigine quæ in quoq; *regenito* Christiano debet ebullire, & sine qua nemo cum ratione seipsum potest existimare *Regenitum*; equidem necesse foret ut huiusmodi opiniones, ususq; ac consuetudines *veram vitamq; Sanctitatem* è mundo protererent & exterminarent.

5. Et tamen etiam aliud præterea comminisci possumus venenum Antichristianum quod mirificè langueretur homines torpidosq; in omnibus suis studiis ac conatibus ad veram sanctitatem redderet; Estq; *Absolutio facilis*, *Pœneq;* post formalem Confessionem *leves* ac ferè *nugatorie*. *Confessio* enim quæ ab *Antichristiana* hac Ecclesia quam describo, tam rigidè ab hominibus extorquetur, cum conjuncta sit cum opinione quod post *Absolutionem*, pensâque, quæ irrogata sint, pœnas, jam puri integriq; sunt qui sint absoluti, & in æquè secunda conditione ac si nunquam peccavissent, quippe quorum Conscientiarum offensarum iustæ castigationes, leni fallaciq; consopitæ sunt interpositu fictitiæ Potestatis Sacerdotalis absolvendi ubi Deus ligaverit (& certè unusquisq; ligatus manet obnoxiusq; æternæ condemnationis sententiæ die novissimo, quantumcunq; hic Sacerdos eum absolvendi potestatem prætenderit, rationemq; reddet eis de rebus quas in carne patravertit à quibus nulla in terris Absolutio pensâve Pœna liberabit, nisi reverà vias suas impias reliquerit sincerq; conversus sit ad Deum) Hæc, inquam, rerum constitutio quantum ad *Absolutionem Pensâque*, necessariò efficeret ut habent in omnium corviciis relaxarentur, cum intellexerint quàm levis ac nugatoria res sit peccare contra Deum, ex eo quod tam facilibus conditionibus cum eo rediri possit in gratiam. Aded ut multo major insideret hominum animis timor, si *Condemnatio* ipsorum atq; *Absolutio* propriis Conscientiis concrederetur, utpote quæ tam luculentè instructæ sunt *Dei verbo* luminèq; *Rationis* & *Naturæ* ad singula ex lege expendenda, nec eos requiescere permittunt donec ad competentem cordis sinceritatem emerferint. Quò postquam pervenerint, Christus *intra* ejusq; Verbum *extra* ipsos absolvet animiq; pacem restituet. Et verò si opus fuerit, *Absolutionem* etiam à sobrio aliquo fidelisq; Sacerdote accipere possunt, cujus virtus vitæq; exemplaritas ad tam seriam Functionem idoneum reddiderit, quemadmodum suprâ insinuavi, ubi maturius quàm par erat in hoc Argumentum incideram.

6. Cæterum maximè enormis contra *Divinam vitam* Antichristiana machinatio istiusmodi foret *Persuasio*, quod solvendo utiq; certas parabiles nummorum summas levèsq; aliquas obeundo Ceremonias obtenturi sint per supremam Ecclesiasticam Potestatem *plenarias Indulgentias* peccatorumq; *Remissiones* in immensam annorum multitudinem, certamq; liberationem sui ipsorum amicorumve è *Purgatorio*.

Ut verbi gratiâ, si supponeremus aliquot Ecclesias, vel si mavis multas nactas esse à summa Ecclesiastica Potestate *plenariorum Indulgentiarum* jus perpetuum, ita ut is qui coram aliquibus Altaribus in his Ecclesiis oraverit, liberam omnium prætorum peccatorum *Remissionem* sit obtenturus, securusq; futurus à supplicio. Quod tamen parum est præ eo quod sequitur. Supponamus enim huiusmodi Devotionis specimen ante alia aliqua Altaria aliisq; in Ecclesiis *Remissionem* impetraturum peccati pœnæq; in annos viginti, triginta, quinquaginta, immò in centena millia annorum; Certarumq; quarundam precularum repetitionem ante tale Altare Animam liberationem è *Purgatorio*; Incurvationem ad nomen *Jesu* impetraturum vicenorum annorum *Remissionem*, Corporisq; inclinationem ad deosculandam Crucem in Ecclesiæ pavimento *Indulgentiam* seu *Condonationem* omnium Admissorum; Oseitantem festinatamve certi numeri precularum recitationem, præsertim si consecrati sigilli putà *Agni Dei* aut consimilis alicujus Nugamenti pondus appendatur, Animam libera-

turam

turam è *Purgatorio*; & vel unam *beate Virginis* Salutationem octoginta obtenturam annorum *Indulgentiam*; Repetitionem brevis cujusdam orationuculae, vultu in Christi picturam religiose defixo, peccatorum remissionem in decies centenos mille dies reportaturam; Aliarumq; recitationes in decies centena non minus annorum millia; solamq; certi cujusdam *Crucifixi* aspectationem, sexies mille Annorum *Indulgentiam*.

Hujusmodi exempla infinita essent: Tot jam produxi, ut talem planè Ecclesiae constitutionem arguant quæ nihil magis contrarium esse possit magisve exitiosum *vite illi ac sanctitati*, ad quam Christus venit animabus hominum inalemandam, ac proinde non potest quin judicetur immane quantum *Antichristiana*.

7. *Falsitatem* ac iniquitatem harum consuetudinum nihil opus est ut evincam, quippe quæ vel primo aspectu tam culpabiles deprehenduntur, nec ut *Frudem* indigitem, cum sit tam conspicua; Eadem nimirum quam in causis consimilibus supra innui, *nummorum* scilicet *populi emundio*. Noxq; hic est *Divine vite* oppugnatione vel extinctio prout consimiliter eveniet in *Radice* ac *Ramulis*. Aded ut minime necesse fuerit in posterum ullas alias notare *Noxas* quàm quæ subiecto comprehendantur in quo sumus instituti, quandoquidem *Noxæ* in ipsis Argumentorum Titulis exprimentur. Quod è re fore putabam hic semel notasse, continuòq; jam ad delineandum proximum *Antichristianismi* membrum progredier, nisi una insuper animo meo occurreret consideratio quæ non parùm ad statum Ecclesiae valde *Novercalem* reddendum erga omnes adnissus ad *vite* ac *Pietatis* incrementum ac progressum faceret, si obtineret. Quæ suppositio hujusmodi est.

8. Fingamus aut bene magnam Ecclesiasticorum partem tale consilium cepisse, aut unus alicujus Episcopi ambitionem cum paucis ei adherentibus, opportunitatibus adjuti munisque, nec ullo carentis ingenio, actu, vel industria, eò res perduxisse, ut ipse cum Successoribus suis declararetur & à magna Ecclesiae parte agnosceretur *Universali Mundi Episcopus*, ejusq; Autoritas æstimaretur magis sacra, magis celsa, ac gloriofa quàm cujusvis Imperatoris, Dynastæve in terris, ut sub ipso subsisterentur diversi Ordines, quorum quidam, summi sanè gradus, futuri essent tanquam tot Ecclesiastici Principes, quantum ad Pompam Splendoremque, æquales fere Regibus *totius*; præter Patriarchas, Metropolitanos multosq; alios divites ac *Magistros Sacerdotii* Ordines, Ecclesiam interim omne genus emolumentis, Reditibus, optimisque atq; honorificis Dignitatibus abundante, quò tota hæc pompa suffulciatur.

Enimverò, inquires, hætenus pulchrè se res habet debemusq; optare ut reverè ita esset, nempe cum Religio res sit omnium maximè sacra ac pretiosa, ut illi qui specialiori modo ipsius fulcra sunt ac Columnæ, vitam degerent maximè splendidam, magnificam & ornatam.

9. Equidem fateor in proclivi esse ut quis primà specie ita existimet; videtur enim omnino in honorem Dei factum, cujus peculiari dedicatione illi sunt servati: Sed parè ratione Ecclesiae etiam perinde esse debent maximè splendida ædificia & augustissima, præsertim cum nihil periculi sit ut muri hi lapidei ullo superbiæ affectu vel cujusvis passionis indecora sensu afficerentur.

Cæterum supponamus hos quos se venditant, vivos Templi Dei lapides, ætè agere excitari posse ad superbiam aut libidinem ac inanimes lapides parietum Ecclesiarum; quaquam sanè externus hic splendor ac Pompa exuberansq; rerum Mundanarum affluentia ipsorum moribus nihil nocere posset, credo tamen eos professuros se nihil illis commodi reperire, nisi quòd hoc pacto hominum pauperum facti sint *Thesaurarii* (quod tamen munus futurum esset nimis seculare) vel quòd mundo testimonium perhibere possent Felicitatem Christianam in hisce rebus non consistere. Quæ tamen in re pauci credituri essent eos serio agere nisi mundanam hanc opulentiam prorsus abdicarent. Et quantum ad externum ornatum splendoremq; propriarum personarum, credibile est eos declaraturos, si Domus Dei, externas inter Ecclesias, decore saltem ornarentur, si non magnificè ac splendide, libentius oculis se illud spectaculum contemplaturos, ac majori cum voluptate quàm ornamenta quævis Imperialia suis capitibus humerisque imponenda, quæ nec videre ipsi facile possent imposita sine speculorum adjumento.

Hæc major ipsis voluptas foret, ut & nullos spectare pauperes qui vestitu ad sanitatem vili & ad aspectum tolerabili non essent vestiti, nec tam squalide sordideq; ut facile spectantibus videri possint injucunda quædam *Divine providentiæ* labes atq; macula.

Cæterum, Mitras gemmiferas sumptuosasq; vestes Sancto alicui Petro Paulove parare, non quidem esset *Tunicam Linteam* conficere, sed (quod perinde ridiculum est)

Stolam

Stolam auream concinnare soli, ac si illius natus splendor omnia hujusmodi artificialia ornamenta fulgore non excederet. Vestimentorum Magnificentia ac Nitore possunt sanè efficere ut is qui ea gestet cum rudi quadam admiratione ac stupore aspectetur, Immaculata verò Sanctitas & Virtus facient ut illi, qui ipsis præditus sit, verus honor animitus præstetur ac reverentia.

10. Enormis igitur hæc Magnificentia, in hujusmodi Ecclesiæ Antistitibus, quamvis ipsos Apostolos sanctitate æquarent, nec necessaria videretur nec requisita, nec omnino forsan exoptabilis. Quantum verò ad eos qui tali animo Apostolico non sint imbuti, ut certè plerique non sunt, vel potius sunt oppidò quàm pauci qui sunt; Dicto illo *Johannis* per omnia ferè secula verificato; *ὁ κόσμος ὅλος ἐν τῷ κακῷ κεῖται*, *Totus Mundus in malo jacet*; in his certè hic illustis egressus, hæc serena splendensq; Aurora diem profectò subito introducet pluvium ac cœnoscum.

Quippe cùm tot Temporalia præmia extent quò collineent, tot genera graduum dignitatumq; ad ipsum usq; apicem supremæ Dominationis in universum mundum, inflammabuntur omnium animi studio ac desiderio ea assequendi quæ tam illecebrosò aspectu ipsis ante oculos jacent, *Infernalisq; ignis Ambitionis ipsa vita erit animusq; Ecclesiæ*, utpote cujus omnis activitas motusq; ab illo invisò principio derivabitur. Unde consequetur, nihil præter ipsum nomen *spiritualitatis* reliquum fore, Animosq; Clericorum totos abductum iri à meditando quid verum sit, quid sanctum Ecclesiæq; ædificaturum, inq; res *mundanas* prorsus immerfos fore ac sepultos.

Sunt enim & Ecclesiastici omnes Honores ac Emolumenta reverà *Mundana* quando ad *satisfaciendum libidini oculorum, cupiditati carnis, vitæq; fastui conqui-runtur*.

11. Neq; profectò malum hoc hic substitutum est in sanctarum putà Divinarumq; meditationum neglectu, utiliūq; aut generosarum investigationum Veritatis; sed unusquisq; cùm inflatus sit elatusq; opinione ac sensu proprii sui Loci ac Dignitatis (præsertim is cujus Dominatio adeò immensa est ut se prætendat universalem totius orbis Christiani Episcopum, celsiorēq; omnibus Regibus Terræ) *furioso* hoc *Ambitionis spiritu* ed propelletur ut non solum neglecturus sit, verum etiam oppugnaturus quicquid *sacrum sanctū*ve sit, si modò cuivis adversetur excogitata methodo acquirendi opes Ecclesiæ, quò dominari omnes possint magnificēq; se gerere quisq; in proprio suo officio & Dignitate.

Quamobrem, genuina Christianæ Religionis simplicitas corruptetur & adulterabitur, Legesq; ac Articuli ab *Infalibili* hoc Sacerdotio excogitabuntur quæ Christi Legibus & immutabilibus solidæ Rationis Regulis aperte repugnant; Aures omnium hominum dolosis *Figmentis* lucrosiq; *mendaciis* implebuntur, cujusmodi multa jam exempla produximus; *Passionis* Christi *merita vilificabuntur* ac concidentur; *Veritas & Justitia* in exilium mittentur, afflictabuntur & opprimuntur; *Vetus Novūq; Testamentum muta mortuūq; litera* reddentur; quæ nullum in se habeant sensum aut informationem, sed omnia *Dictata* immediatè depromuntur ab Ecclesia quæ obstinato consilio statuet nihil dictandum esse quod *Mundanis* suis commodis adversetur; hoc est, *Duo Testes* occidentur corporaq; ipsorum in plateis jacebunt inanimæ; alioquin *habitantes in terra* (non qui *redempti sunt à terra* suāq; conversationem habent in cœlis) tantoperè gaudere non poterunt aliq; aliis munera mittere, hoc est, suffulcire se invicem suāq; res operā mutuā promovere opēq; mundanas hilariter inter se partire.

12. Manifestum est igitur hanc *Luciferianam* Politiam etiam ex sua natura Regno Christi adversaturam esse præcipuūq; Evangelii Propositum in solidum frustraturam; quæ est Renovatio Mundi in *veram justitiam* ac *sanctitatem*. Nam hisce rebus etiam illi qui *sal terræ* esse debent, omnium mortalium evadent maximè *insulsi* atq; *putidi*. Siquidem cujusq; judicium aut præsentī possessione aut impatienti tantarum tamq; opimarum Promotionum expectatione erit corruptum. Quarum cùm tam multi sint gradus, ambitiosorum animi nunquam acquiescent donec ad summum quod poterunt pervenerint, ac proinde necessariò mundanis machinationibus illaqueabuntur occupabunturq; quàm diu vixerint; idq; magna sanè cum vehementia ac sollicitudine, quippe quibus objecta tam magna videntur, & tam rutilanti specie ac fulgore ipsorum imaginationem feriunt. Cūq; Ambitio Pompæq; affectatio per omnes Ordines, ipsos nummorum indigos reddat, nullus inferior Candidatus superiores Potestates frustra conabitur corrumpere, & unusquisq; maturè quamplurimum potest Ecclesiasticarum promotionum acquirere, ut eo pacto possit plures postea mercari aut lautiores.

Quamobrem aut Lege aut dispensando contra Legem licebit hominibus non solum

Idem multa Beneficia sed & Episcopatus, præter alias Dignitates Ecclesiasticas tenere, quo fiet ut nullus Pastor capax futurus sit curandi proprium Gregem, sed cum pascere ipsos salutari doctrinâ debeat, occasionem è contrâ dabit Diabolo ad pessimum venenum infundendum quod in mentes humanas immitti potest; nempe, *Totam rã Religionis tantum artem esse ditandi Sacerdotem*. Itã necessariò & inevitabiliter absentia sua ac silentio docebunt inculcábuntq; in populum suum, cui tanto fuit offensaculo, Atheismum & Infidelitatem. Etenim si Sal ipse tam insulsus factus fuerit, quid melius de illo sperari poterit quod per eum debet saliri? Annon *Improbitas* ac *Irrreligio* omnia inundabunt?

13. Ac nè multa; Omnium animi inflammabuntur superbiã & ambitione, cumq; nullus Ambitiosus, sine pecunia, vòti compos fieri possit, Templum Dei, ut olim, *venundatoribus* implebitur & *licitatoribus*, Ecclesiãq; merum *Emporium Nundinũve* evadet, & Politia Ecclesiastica, *Civitas Mercimoniorum*, ac particularis quãq; Ecclesia *Navigium Mercatorum* in media hujus mundi populositã situm, quam stylus Propheticus *aquarum multitudini* assimilat.

Verũ diutius hãc chordã non oborabo. Satis plenam jam delineavi descriptionem ejusmodi Constitutionis rerum in Ecclesia quã inseminationem incrementumq; *Divinã vitã*, modò maximè universali oppugnaret & frustraretur, unde manifestò liquet eam admodum fore *Antichristianam*.

C A P. VIII.

1. *Istiusmodi rerum constitutionem quã naturaliter tendat ad extinguendam Fidem, summè esse Antichristianam.* 2. *Mundanam vivendi Rationem in Ductoribus spiritualibus unam partem esse hujus Constitutionis;* 3. *Suiq; quærentem Astum in omnibus Doctrinis & Consuetudinibus hujus Ecclesiæ, alteram.* 4. *Tertiò, Incertitudinis & obscuritatis in Fide Christiana professionem.* 5. *Quartò, Necessitatem, ut quis sit in Ecclesia ubi nulla sit Interruptio propter illegitimam Ordinationem.* 6. *Quintò, Persuasionem hominum, quòd Dissensus in ulla una re certitudinem tolleretur omnium.* 7.—12. *Sextò, Miracula mendacia.* 13.—16. *Septimò, Immensum Incredibilem Reliquiarum Cumulum.* 17. *Octavò, Transubstantiationem.* 18. *Quàm naturaliter illa Atheismum introducat.* 19. *Quàm compressus sit impossibilitatum fasciculus.* 20. *Venditam Ecclesiæ Infallibilitatem leviorẽ esse quàm ut ipsi contraponderet.* 21. *Nec credibilem reddi posse Fidorum miraculorum obtentu.* 22. *Multos Characteres eorum qui è sancta Civitate excluduntur præsentĩ hoc Antichristianismi membro contineri.*

1. **P**ergemus nunc ad principales illas partes *Divinã vitã*, *Radicem* scilicet illius ac *Ramulos*, ubi observatu obvium est, Quod *Radicem* enecat, quo tota Arbor necessariò emarcescat, non posse non esse summo gradu *Antichristianum*. Quamobrem si istiusmodi rerum in Ecclesia administrationem descripsero, quã naturaliter tendat ad extinguendam *Fidem*, quã necessaria aliarum *Divinarum Gratiarum* est *Radix*, nemo dubitabit quin eximium quoddam *Antichristianismi* membrum delineaverim.

2. Cujus quidem primus Articulus is est quem proximè omnium attingi, ejusmodi scilicet *Regiminis* Constitutio, eminentesq; *Dignitates*, quã Ecclesiam in lapsum urgerent, in mundumq; eam immergerent, eòq; pacto illos, quos *salem Terræ* esse oporteret, massam putidulam efficerent, secularis, vappidi insipidiq; spiritus, nihil quod ad Regnum Dei attineat, sapientis, sed emolumentis ac Promotionibus hujus præsentis vitæ in integrum occupati. Tam propè enim hoc modo ad *Infidelium* speciem accederent, ut eorum *Fidem* vacillare facerent qui ipsis sint subiecti, efficerentq; ut cogitent nihil expectandum esse post hanc vitam, quippe quum Ductores ipsorum ac Gubernatores tam ad amussim vivant juxta illam Hypothesin, *Quòd nihil utiq; post hanc vitam sit expectandum.*

3. Secundò, Exquisita Ratio ordinis ac Politicæ in Ecclesiastici sui Imperii rebus administrandis, si omnem artem ac industriam secularium Principum excederet, omnesq; Doctrinæ & Officia quæ urgentur maximè, maximèq; in usu praxive occurrant, ejusmodi essent naturæ quæ planè ad Honorem, Potentiam ac Utilitatem Sacerdotis

cerdotis tendant : hoc, inquam, multum contribueret ad efficiendos omnes homines *Infideles*, vel ut nulli rei fidem habeant, præterquam quòd summa Religionis nostræ nihil sit aliud quàm scita Inventio tot fictitiarum Historiarum, Doctrinarum, Præceptorum, Ceremoniarumq; quæ Conscientiis hominum illaqueandis inservirent, mundumq; redderent Imperio magis morigerum ; sed ità interim à Sacerdotibus formata, quomodo maximè faceret ad mundana sua commoda promovenda. Et ejusmodi profectò jam indigitavimus Dogmata esse & Doctrinas hujus Ecclesiæ, exponendo perpetuò *Fraudes Suiq; questiones* omnium Errorum ipsorum malarumq; Consuetudinum ; neq; opus est hîc eadem denuo repetere.

4. Tertiò, Hoc etiam *Christianam Fidem* oppugnaret, Talem utiq; illius naturam statuere, quæ semper debeat esse incerta. Quæ res profectò quò tendat nescio, nisi ad detinendas hominum *animas* (quod dolosi quidam Medici ac Chirurghi in *corporibus* faciunt) in conditione infirma ac valetudinaria, ut frequentius ad ipsos recurrant arctiusq; ab eis dependant ; vel fortean ob hanc causam quòd quædam Religioni necessità credenda immiscuerint quæ impossibile est ut quisquam nisi planè Fatuus sit, firmiter credat. Atq; hinc *veri solidiq;* Christianitatis *Articuli*, tales nimirum, qui sufficientem habeant evidentiam ad humanam Rationem convincendam, reputandi sunt obscuri & incerti ob id solùm, quòd in crassarum *Falsitatum* vel Incertitudinum societate reperiantur, quæ tamen jus sibi vendicant ut æquè firmiter credantur atq; maximè perspicuæ & manifestæ veritates.

Et præterea, minimè mirum est istiusmodi Ecclesiam, quæ quicquid sit certitudinis in *Fide*, super propriam suam *Infallibilitatem* illud stabiliat, ac si illud esset reverà Fundamentum illius, & opinionem & professionem incertitudinis Fidei in Alumnos suos esse derivaturam, quippe qui Fundamentum solidius non habent quàm quod nos apertè demonstravimus cavum esse, fatiscens ac infirmum.

Sola verò quæ hîc ipsis restet hæc techna est ac perfugium, nempe ut suam *Infallibilitatem* Fundamentum Fidei faciant, cùm res quas ad credendum proponunt nullam habeant aut è *Scriptura* aut è *propria sua natura* commendationem, quâ quis eas amplectatur. Ac proinde cùm ex ipsorum rationibus res adeò demum incertæ sint, eos profectò oportet, loco firmæ solidæq; Fidei, dubiâ incertaq; esse contentos. Quæ tamen reverà *Fidei Christianæ* extinctio est, vertiginosaq; fluctuationis animi in ejus locum substitutio.

5. Quartò, Illa etiam Doctrina ad labefactionem *Fidei* tendit quæ supponit sine legitima Successione Episcoporum ac Sacerdotum nullam esse posse veram Ecclesiam, nec proinde ullam veram *Fidem* ; Successionem autem hanc interrumpi posse illegitimâ ordinatione & consecratione Sacerdotis vel Episcopi, si Personæ utiq; ordinatæ vel consecratæ *Athei* sint aut *Judei*, aut ordinatæ sint ab iis qui tales sunt, aut, præ malitia, id quod intendere debent in *Sacramento Ordinationis*, quod quidem vocant, non intendunt. Quæ profectò opinio esset, quæ omnes mortales, *Scepticos* de suo statu quantum ad Religionem reddere posset, verùm Positio est quæ interno Sensui ac Rationi manifestò adversatur. Quasi verò quis in propria sua conscientia, utrùm sacræ Scripturæ veritatibus fidem habeat necne, perentiscere non posset, nisi prius certus sit se membrum esse ejusmodi Ecclesiæ quæ legitimam Sacerdotii successionem non-interruptam habuerit ab Apostolorum temporibus usq; ad sua. Cùm tamen nihil magis intimum immediatūve homini esse possit quàm sensus suus internus, quem penes nullam Artem sophisticam est, unquam confutare.

6. Quamobrem tametsi hæc Positio satis malignè collineet adversus *Fidei* certitudinem, *Noxa* tamen quam inferre possit hominibus consideratis admodum levis est ac exigua, nec multum dissimilis est perversæ illi suppositioni de necessitate *unitatis opinionum* ; ac si illæ Ecclesiæ quæ in ulla re differant, de re nulla certæ esse possint. Præclara profectò Hypothesis si vera esset, talisq; quæ cum effectu utilitatem *infallibilis Judicis* Controversiarum commendaret, modò prece aut pretio posset obtineri, per quem Ecclesiæ partes tanquam subscudibus ferreis perquam arctè queant compingi.

Nulla verò omnino vis est in hoc Theoremate ; quod vel suâ sponte in pulverem non diffuat, si consideremus nullis aliis conditionibus illud stabiliri posse quàm quæ omnem Rationem Religionemq; per universum terrarum orbem supplantarent, cùm totus Mundus judiciis suis ac Conclusionibus circa utramq; dividatur. Unde manifestum est Aggressionem, quantumvis imbecillem, eò tendere, ut universalem *scepticismum* in rebus omnibus introducat. Quo diluvio Christiana etiam *Fides* submergeretur & cum reliquis omnibus veritatibus periret, cùm nulla Arca reliqua esset quò confugerent ut incolumes conserventur ab æstu absorptūq; fluctuum hujus reciprocantis Euripi.

7. Verùm sextò, Insistemus jam in eò quod non solum malignè intenditur, sed & successum habere necesse est in ingenerando animis hominum Atheismo ac Infidelitate. Est autem mendacibus miraculis animarum ipsorum saturatio, ludificatiq; per imposturas technasq; præstigiosas; *Pias fraudes*, aliòve quocunq; elegantulo nomine, quo volent, appellaverint. *Falsitate* enim semel detecta in tali Ecclesia quæ sibi credi postulat propter propriam suam *Autoritatem* & *Infallibilitatem* potius quàm propter credibilitatem earum rerum quas proponit; siquando, inquam, deprehensa erit adulterasse, doloseve finxisse quicquam in ullis rebus, præsertim in eis quæ ad proprium tendant commodum, quæ fieri potest ut non inde quatiatur vel potius labefactetur universa *Fidei* Fabrica ab imis usq; Fundamentis. Quàm ruinofam igitur necesse est *Fidem* Christianam esse, ubi istiusmodi mendacia ac Figmenta crebrò occurrunt, ac ferè æquè crebrò ab hominibus nasutioribus deteguntur. Proculdubio *Atheismus* & *Infidelitas* necessariò in hujusmodi Ecclesiam irrupturi sunt, velut Mare discissis Aggeribus.

8. Qua in re ut clariùs intelligar, brevia aliquot exempla horum enormium *Figmentorum* producam. Ut v. g. si eà essent impudentià ut populo affirmarent certum quendam *Sanctum* postquam caput ipsi amputatum esset, illud manu tenentem per quatuor vel quinque milliaria ambulasse, interquiescendo tantummodo ad terminum cujusq; milliaris ut per apertam gulam respiraret. Alium verò *Sanctum* mensa hospitali exceptum per vitæ vaccae vitulq; dispendium, utrisq; postmodum vitam reddidisse ambòsq; die proximo in Pascuis domini sui repertos fuisse. Diabolum ab alio *Sancto* ponè Altare visum esse, in pergamenam peccata hominum diligentissimè describentem, cum verò nimis angusta esset, eam dentibus extendisse; membranà verò, ut erat lubrica, morsu dentium elapsà, Caput suum parieti allisisse. Fœminam quandam *Sanctam* à Dracone deglutitam, Cruce se signando in ventre Draconis eum frustulatim dirupisse, atq; seipsam sic liberasse. Episcopum propriam manum sibi abscidisse ut quam pollutam putabat ex deosculatione nimium affectuosæ fœminæ, subito verò agglutinatam fuisse sanatamq; precibus ad *Beatam Virginem* effusis. Consimile contigisse etiam alteri *Sancto* cujus ad genu abscissa erant crura; Capitiq; tertii, quod cum amputatum esset, exiliisse statim super cervicem, denuòq; concrevisse, secundà verò vice amputatum lapsu suo Fonti originem dedisse. Et postremò alteram fœminam *Sanctam* cum funibus ad necem traheretur, signando se Cruce *Virginemq; Mariam* invocando eo robore donatam fuisse, ut integra Boum quadriga eam ad supplicii locum trahere non valeret.

9. Nec tamen adhuc finivimus; Illud etiam delicatulum de quibusdam *Sanctis* foret Figmentum, eos nimirum *personaliter* cum Virgine *Maria* versatos fuisse, eamq; ipsis adeò benignam fuisse ac beneficam, ut lac è mammillis in os ipsis immitteret ad ineffabile suum solatium dum ægrè in lecto decumbabant. Illud porrò valde splendidum miraculum esset omniq; hinc majus, domum scilicet quandam sacrae Virginis è *Palestina* in *Italiam* manu invisibili per aërem fuisse transportatam. Dignam scilicet hi autumant hanc Dei Angelis provinciam ut lapidum lignorumq; strui removendæ operam darent. Ut *Crucifixum* etiam per idem elementum noctu ad quinquaginta milliaria itineraretur, bellum figmentum esset ad exornandam *Fidem* Fatorum. Crucifixorum etiam voces ac loquelæ nonnihil contribuerent ad explendum numerum harum Fabularum ac Delusionum.

10. Cui miraculosæ loquacitati addere potes silentiores Infomniorum fictiones, Matrimoniorum contractus Christum inter fœminasq; aliquas Sanctas; rationem efficiendi, Imagines ut oculos revolvant, lacrymentur atq; sudent; scenas Histronicas ex pacto inter simulatum *Dæmoniacum* & *Exorcistam*; Fictitias Historiolas ad arguendam mirificam *Missæ* virtutem magnamq; ejus sanctitatem; cujusmodi sunt, Prima in quæ Infans eruperit verba fuisse, Ad *Missam*, ad *Missam*. Absentes eam aluisse dum viginti dierum jejuniò operam dabant, & Captivorum cruribus catenas miraculosè excussisse. Ad singulos nummolorum tinnitus intra malluvium in offeritorio, Animam exilire è Purgatorio. Hostiam à quodam non jejunio sumptam eum in formam mutasse Equi vel Porci, &c.

Scita etiam adinveniri possint commenta ad magnificandam sanctitatem *Sacerdotis*, fingendo istiusmodi res quæ ab illius corpore desumantur, virtutem habere fugandi Diabolum, veluti si sic res gereretur ut Diabolus magis impatiens appareret dum Sacerdotis chirotheca, caliga, cingulum, vel camisia cuivis parti dæmone correpti possessive admovetur: quod hinc fieri potest ex pacto, perinde ac in conciliando hujusmodi virtutum opinionem Sancti cujuspiam *Imagini* vel *Reliquiis*. Verùm quàm stupendum in modum beatum sanctumq; necesse est eum Sacerdotem apparere, qui

persuadere populo possit, se ab ipsa beata *Trinitate* possideri corripive? Et quam sacram par est eam foemellam *sanctam* censerī quam inter atq; Christum tam intima intercedebat affectio & necessitudo, ut alter alterius invicem corda gererent; Christi corde in ipsius corpus, ipsiusq; corde vicissim in Christi corpus transmissio?

11. *Simulate* etiam *Apparitiones* ac fraudulentæ, compendiosissima via esset ad absciūdendam omnem *fidem*, quod ullæ unquam veræ extiterint. Ac proinde admodum *Antichristianum* improbitatis specimen esset ut Sacerdos quispiam hujusmodi technis ac præstigiis, sub quocunq; pio prætextu uteretur. Ut si Histrionicas vestes indutus partes ageret *Angeli* Beatæ *Virginis* de *cælo* cum splendore descendens, spiritusve alicujus à partibus *Infernalibus* diro vultu atq; pallido, manibusq; frigidis ac luteis, atq; sic personatus incertos dubiosq; animi inviseret, aut ad confirmandos eos in ea Religione quam amplexi jam sint, aut ad illam commendandam Religionem ad quam eos pertrahere satagant. Cujus generis alterum exemplum foret dispalcantium in Cœmeterio luminum adinventio, cereos figendo in Cancrorum dorsis ut sic credi possint inquietæ defunctorum esse animæ, quæ in Purgatorio torqueantur, & refrigerium è pii populi precibus & oblationibus quærant.

12. Quibus addere potes descriptionem *Purgatorii* immane quantum Poeticam ac fabulosam [cujusmodi est Animarum ante focum assatio, earundemq; carnis ab ossibus ignitis forcipibus discerptio; Frixatio itidem in sartaginibus & in flammantem picem sulphurq; ac liquefacta metalla immersio; Immanium Serpentum venenatis dentibus admorsio; In equos nigellos transformatio, & colliquefactorum nummularum in Manium guttura effusio, eorundemq; mox per vim factam revomitio ut in guttura denuò ab officiosis his Dæmonibus imfundantur; cum multis aliis hujusmodi incredibilibus excrucianti modis, à quibus nulla statuitur redemptio nisi per Indulgentias, *Missas*, Oblationes & similia, hoc est, nisi aliquod mundanum commodum inde redundet Ecclesiæ] Certè hujusmodi descriptio *Purgatorii* locivæ tertiæ incredulitatem ingeneratura esset circa omnes tres locos, effecturq; ut homines nec *Cælum* fore nec *Infernum* post hanc vitam credant, sed omnia Figmenta esse in utilitatem Sacerdotis excogitata: præsertim, prout suprà insinuavi, cum hæc ab ea Ecclesia tradantur, quæ propriam suam existimationem & auctoritatem præcipuum, si non unicum, *Fidei* fulcrum facit.

13. Sed enim & septimam viam describam, quæ miram vim habet ad Christianam *Fidem* extinguendam apud homines: Estq; immensus incredibilium *Reliquiarum* cumulus, quæ hominum fidei possint obrudi. Quarum religiosa aspectatio cum lucrum quotidianum afferret Ecclesiæ, manifesta foret demonstratio nulli ipsis esse religioni quidvis ementiri quod in proprium cedat commodum: Quod si crasse apertèq; hîc faciant, quî fieri potest ut in aliis Religionis rebus omnibus fidem non labefactent?

Hoc verò facilius intelligetur per exempla; Ut si, verbi causâ, ipsum *Fœnum* se prætenderent ostendere posse quod in præsepi erat ubi Servator jacebat, plurèsq; unâ caudâ illius *Asini* quo vectus est *Hierosolymam* cum Triumphum ageret; *Lapides* etiam quibus occisus est *Stephanus*, perinde ac *Sagittas* quibus *Sebastianus* est transfixus; Si *Virginis Mariæ supparum* cum *Sandalis Josephi* ejusq; subligaculis; item frustula quædam quinq; panum hordeaceorum & duorum pisciculorum quibus Christus quinq; hominum millia cibavit in deserto; partemq; *Sanguinis* atq; *Aquæ* qui ex Latere ejus in *Passione* effluerunt; ut & ipsius *Soli* partem super quam stetit Christus quando in cœlum erat ascensurus; *Crines* sanguinemq; *Johannis Baptiste*, & Cilicium quo vestiebatur; *Mensam* super quam Christus ultimam cœnam celebrabat, ipsūq; *sedile* in quo sedit, & linteolum quo discipulis absterfit pedes.

14. *Picturam* Christi *Dei digito* in pariete depictam, alteramq; à *Nicodemo* dum à *Judeis* cædebatur delineatam. Etiam *Præputium* Christi, funiculūq; umbilicalem, & *Chorion* quo in matrice involvebatur, *Muccinium* porro Christi & *Camisiam* quam Beata Virgo ei confecit, ut & Cunabulum insuper quo agitabatur.

15. Præterea, *Mariæ Virginis Theristrum* quo solita est caput sibi cooperire, *Pecten*, *Capillos*, *Zonam*, *Acus*, *Linūmq;* consutorium & quasillum, immò ipsam Domum in qua habitabat, pensaq; absolvebat, transportatam (quod suprà dixi) ex *Palestina* in *Italiam* per manus Angelorum; *Calamum* quo *Jesum* percusserunt; *Funem* quo eum traxerunt ad necem; ipsamq; *Spongiam* quâ *Judei* ipsi porrexerunt acetum cum felle mixtum ad bibendum; & *nummos* aliquot pro quibus *Judas* eum prodidit; immò ipsam *laternam* quâ is usus est in hoc opere tenebrarum; *Tesserdsq;* quas super tunicam inconfutilem jecerunt milites, quis eam tolleret: Præter hæc, purum Christi Sanguinem matrisq; Mariæ Lac vitris conservatos.

Columnam etiam ad quam Christus virgis cæsus est, *scalarūmq;* *gradus* quibus in Prætorium ascendit, & *Spinarum* aliquot quibus est coronatus; *Imaginem Mariæ Virginis*

Virginis à S. Luca descriptam, cui Angelica quædam è marmore statua sæpe visa est se incurvare; Vivi-mortui *Crucifixi* unguium præsemina, picturantiq; Christi vivam à se ipso in admotum sudanti faciei linteolum impressam.

16. Quid dicturi essent homines de credibilitate trium magnarum tonnarum *dentium* è mandibulis unius *Sanctæ* extractarum? de ipso Pugione in medium prolato Clypeoq; quibus armatus S. *Michael* cum Diabolo pugnavit? Et de *penna*, quæ fortean tunc temporis ex alâ Angeli exciderit? Quid de *Cranio Sancti* in uno loco, *Crinibus* in altero, *Maxilla* in tertio, *Sincipite* in quarto, & *toto* tamen *Capite* in quinto ostensis? Quid de Præputio Christi in quinq; diversis locis simul exhibitio? de *clavis* aliquot duodenis quibus Christus cruci sit affixus? Quid de tot *Crucis* *fragmentis* ut plaustrum ea vix caperet veherétve? deq; tot vitris Lacte Virginis repletis, ut vasa omnia in cujusvis Rusticæ Lactario impleant? Quomodo igitur fieri potest quin hujusmodi tam crassæ Imposturæ omnem exstimationem *fidemq;* Sacerdotis labiis abstergant, totumq; mundum conicieant in deploratissimum *Atheismum* & *Infidelitatem*?

17. Verum postremo, Incredibilem omnium maximè incredibile omniumq; Impossibilem maximè impossibile esset venditatum illud *Transubstantiationis* Mysterium, quod si urgeretur pari necessitate veritatisq; certitudine atq; ulla res urgetur ab *Antichristiana* hac Ecclesia quam describo, maximè fatalem profecto cladem *Fidei* Christianæ inferret quam ulla omnino res quæ fingi queat, possit inferre. Supponendo enim hunc maximè Fundamentalem Articulum symboli ipsorum, vel si mallets maximè omnium apud ipsos pretii, maximèq; seriò inculcatum Fundamentum, ipsamq; Cardinem universæ ferè publicæ Devotionis ipsorum Diviniq; Cultûs; certè si hoc fatiscat dissiliatve, necesse est ut omnia in terram corruant. Nam si Ecclesia deprehensa fuerit in re tanti quanti hæc est, tam turpiter falsa, continuo consequetur ei in posterum fidem habitum iri in nulla.

Quamobrem quantum ad eos, quorum *Fides* aut ex toto aut maxima ex parte, apparenti magnitudine Autoritatis hujus Ecclesiæ sit suffulta, hæc concidente ex facili detectione tam crassi *Falsimonii* (quod illa tamen vehementissimè maximèq; seriò affirmat esse *verum*) hujusmodi hominum quorumcunq; *Fides* necessariò concidet, nisi per aliquam specialem gratiam *Divinam* ipsorum conversationi cum Personis scriptisve aliquorum saniorum Christianorum, in quos fortè fortuna in vasta hac quæ vagantur solitudine, incidere possint, se adjungentem, à tam periculoso, quo stant præcipitio, retrahantur, nè lapsu cautibus se illidant, aut in cœnum se immergant *Atheismi* & *Infidelitatis*.

18. Nam proculdubio si nullo alio suffulciantur adminiculo præterquam hæc Pseudochristianâ synagogâ, quanquam externis quidem ejus comminationibus à profitendo suam *Infidelitatem* abstergeri possint, impossibile tamen erit ut tacitum illius incrementum in propriis suis animabus sufflamment, nec naturaliter fastidiant, omnèq; sincerum Religioni renuncient commercium, eamq; tanquam mendaciorum farraginem nauseabundi averfentur.

Quamobrem impossibile est quin hic Impostorum cœtus & Præstigatorum (quos, quam vivis possum coloribus depictum eo) multitudinibus adultorum obduratorumq; Atheorum scateat. Etenim *Impostura* de qua agimus cum tam insignis sit, detectioq; tam facilis & obvia, quæ fieri potest ut à quamplurimis etiam hominibus non detegatur?

Summa enim rei huc omnino redit. Utrùm probabilius sit ut Ecclesia in proprium suum commodum (quod eam ubiq; avidè acriterq; prosequi video) sciens prudensq; mihi imponat aut saltem suo vacillet iudicio (pro cuius *Infallibilitate* nullum argumentum habeo præter propriam ipsius gloriationem, cum interim è re ipsius sit ita gloriari) summa, inquam, rei huc omnino redit, utrùm probabilius sit ut illa fraudes adhibeat aut præ cæca quadam Superstitione incidat in Errorem, an verò ut Sacerdos facultatem habeat, *quinq; verba* proferendo, mutandi *Panis frustulum* in *Hominem*, *pane* interim ad omnes nostros sensus *pane* perinde permanente atq; prius, Quod duplex sanè miraculum est majusq; quam unquam adhuc extitit. (quamvis eatenus tantum consideretur) & ferè par profecto miraculum, ut quisquam illi habeat fidem.

19. Verum majora adhuc restant, non dicam *Miracula* sed *apertæ Impossibilitates*. Ut primò, Quod hic panis mutetur non quidem in hominem qui erat futurus, sed qui jam existerat; quæ absurdissima Repugnantia est quæ humano Intellectui offerri possit ad contemplandum. Et tamen in secundo porro loco, Panis ita in hominem mutatur, nempe in hominem Christum, ut totus sit in quocunq; loco panis

consecratus esse appareat, hoc est, in multis locorum millibus idq; ad admodum laxa Intervalla simul. Quæ perfectissima est contradictio quæ potest proponi, ut unum nempe idemq; corpus totum à seipso distet. Qui potest enim unum esse cum sit ad hunc modum à seipso divisum, siquidem *Unitas* consistit in *Indivisione*? Et *Suiipsius-unitas*, proculdubio est *Suiipsius-indivisio*. Ac proinde si unum *seipsum* *Oxonii* alterumq; *seipsum Cantabrigie* eodem tempore esse supponamus, impossibile est ut sit una eademq; Persona, cum distantia ac divisio eas duas distinctas esse personas planè demonstrat. Et terriò denique, à falsa hac suppositione, Quod *unum idemq; corpus esse possit in diversis locis simul*, consequetur continuò quod una eademq; Persona Corpùsve totum esse potest & intra se & extra se, totum infra se totumq; supra se, à sui dextra totum totumq; à sinistra. Quod *unum* esse potest corpus & tamen *multa* simul, vel potius non corpus sed *spiritus*, aut ut verius dicam, *Nihil*. Quod una eademq; persona sibi obviàm ire potest blandeq; seipsum in occur-su salutare, moveri & quiescere in eodem tempore, exprorecta humi procumbere & ambulare, multis milliaribus ab amico abesse, præsensq; cum illo esse simul; Nunc in coelo esse, mox in terra, nec per intermediarum Regionem pertransire; cum multis aliis huiusmodi *Absurditatibus*, quas cum suprà notaverim supervacaneum esset eis diutius hic immorari.

20. Satis jam manifestum est *Transsubstantiationem* sive Panis commutationem in ipsum corpus Christi, tam multis onustam esse & tam manifestis *impossibilitatibus*, facilèq; deprehensibilibus, ut venditata Impossibilitas, Ecclesiam aut errare præ ignorantia aut datâ operâ hominibus in proprium suum lucrum imponere, nullum momentum habere possit ad lancem in suam gratiam deprimendam, verùm tam insuperabilis erit vis harum manifestarum conspicuarumq; Repugnantiarum huius adedò audentur obtrusi Articuli Ecclesie, Transsubstantiationem intelligo, ut pondus ejus naturaliter immerfurum sit omnes ejus filios, qui vel paululum de ea cogitaverint (si nihil sua Ecclesia præstabilis eis occurrat & suffulciat) in horrendum *Infidelitatis* puteum primò, posteq; in *Infernum*.

21. Neq; enim incrustari possunt huiusmodi *impossibilitates* (quæ tales utiq; deprehenduntur ex universalibus immutabilibusq; *Rationis* legibus) *fictis* miraculis, ad conciliandam ipsis fidem; ut si, exempli causâ, istiusmodi Historiolas comminiscerentur, *Sacramentum* scilicet pugione transossum sanguinem emisisse; *Panem* ut putabatur, ex ore *communicantis* desumptum, carnem in digitis Sacerdotis reperi- tum esse; Hostiam multas sanguinis guttas in *Copore* stillasse, dum in manus Sa- cerdotis accipiebatur; Eam è manibus ejus evolasse, circumcirca in Ecclesia guttas stillantem sanguinis in pavementum marmoreum toto suo volatu; Peramabilem Puerum in pane consecrato aliquando apparuisse, & similia. Hæ enim Historie veritatem rei illius neutiquam evincere possent, quæ planè impossibile est ut sit vera, sed falsitas ipsarum potius argueretur ex fine in quem sint productæ. Nam solenne est mendacibus, *mendacibus mendaciam contegere*, nè perpluant.

22. Atq; nunc spero me tam plenè, accuratèq; hoc particulare *Antichristianis- mi* membrum descripsisse, quod *Radix* Divinæ vitæ, *Fidei* nimirum, opponitur, ut nihil putari possit deesse perfectioni istiusmodi *Contradictionis*, nec quisquam dubitare, quin illa Ecclesia quæ ad hunc modum descripta sit, una sit reverà eademq; cum ista quæ è nova *Hierosolyma* excluditur, ut quæ ab ejus Incolarum moribus tantope- rè abhorret.

Cap. 21. &
Cap. 22.

A tali enim rerum constitutione qualem in hoc *Antichristianis- mi* membro deline- avi, apertè sequetur profectos filios hujus falsæ Ecclesie (ut illi sunt in Apocalypsi) *Judei* fore, *Christi* & *Judei*, & *non* *Christi* & *Judei* *Judei* hoc est, necesse est aut ut homines sint quorum animi *superstitiosus fabulis mentulosi facti* sint, qui sunt illi *Judei* *simpliciter*, & *non* *Judei* *Judei*, tales qui *mendacibus fabulis* aures sibi deliniri ament, rebùsq; vanis atq; falsis fidem habeant ex vecordia ac imbecillitate animi, brutaq; quadam simplicitate; aut certe ut sint *idiotæ*, *Increduli*, atq; *Arbei*, quan- quam externo quodam modo, propriæ pacis causâ, se Ecclesie suæ placitis submit- tunt; aut deniq; ut sint *Judei*, vel *non* *Judei* *Judei*, *mendaces* vel qui mendacia sin- gunt, operamq; decipiendo dant populo per multifarias *Falsimonias* ac *Imposturas*. Qui cum characteres sint illius Ecclesie quæ *sancta Civitas* opponitur, equidem nos, hæc res (quæ adedò ex diametro Christianæ *Fidei* opponuntur supplantantq;) conge- rendo coagmentandòque, insigne *Antichristianis- mi* membrum reverà descripsisse, ul- terius est Indicatio.

CAP. IX.

1. Humilitatem propriam esse characterem Personæ spiritusq; Christi. 2. Principatus Ecclesiastici affectationem contrariam esse huic Divinae Gratia. 3. Hujus Ambitionis pallium. Quod visibile utiq; Ecclesia cum una sit, unum caput visibile requirit, cum Responsio. 4. Plures rationes quibus probetur Ecclesiam nullo visibili Capite indigere præter Christum. 5. Unum hoc caput, Christum Jesum, non magis legem Apostolicam, Ecclesiam efficere sufficienter unam. 6. Nullum justum prætextum esse quo ullus Episcopus, ut Caput hoc universale constituatur, jus sibi ornaret. 7. Ambitionem vero talem ipse Titulum male aliquibus Technis acquirere posse. 8. Universale hujus Episcopi methodus Clerum sibi mancipandi, supplantandi; Seculares Potestates. 9. Fraudes ejus adversus Imperatorem alijsq; Principes. 10. Ulterior Fraudum descriptio, Rapina, Superbiq; hujus universalis Patris, ejusq; usurpationis totius fere Potestatis Imperii.

1. **P**ergimus jam ad, quam maximè vivam possumus, descriptionem oppugnationis primi Ramuli Divinae Vitæ delineandam, Humilitatis scilicet. Qui cum tam specialis character sit naturæ indolisq; Spiritus Christi, sicq; à seipso declaratus, cum esset in terris (*discite à me quod mitis sum ac humilis corde*) id certe quod ipsi perfecte contrarium est, necesse est ut exquisitè sit in omni genere hominibus Antichristianum, præsertim vero in eis qui modo magis peculiari Successores Christi Apostolorumq; se esse venditant, quos ille olim de superbia ac dominatione præmonuit & affectatione Superioritatis, scilicet, *Eos quibus videmus imperare gentibus dominari in eis, & qui magni sunt inter eos, licentià in eis uti; verum non ita erit inter vos, &c.*

Cujus præcepti meminit etiam Petrus, seduloq; id agit ut & aliis ipsum transmittat, ubi monet Pastores, ut Dei gregem pascant qui penes ipsos sit, illius inspectioni vacantes, non coarctè sed libenter; non turpiter affectantes lucrum, sed prompto animo, nec ut dominantes ovili sed ut qui exempla sint gregis. Quam contrarium igitur huic id foret, si quis se supremum simulans Pastorem (quem alii etiam locis suis distinctis ac subordinatis pro suo modulo imitaturi essent) non solum in Gregem dominaretur sed in Reges & Imperatores Tyrannidem exerceat, & tanquam alter Lucifer se eodem cum Deo Christoq; throno collocaret, vel potius ipsos throno exturbaret, ut solus ad suam voluntatem dominaretur, expressas Dei leges perspicuèq; promulgatas pedibus conculcans?

2. Intingamus igitur penicillum aliquantò profundius in Pigmentorum eorum aliqua quibus uti sumus in descriptione illius membri Antichristianismi quod Divinam vitam oppugnat in genere, pleniusq; delineemus Politiam talem Ecclesiasticam, quæ maximè luculentè Luciferiana apparitura sit & Antichristiana, maximèq; ex diametro sanctæ illi Humilitati, quam Christus Successoribus suis commendavit, opposita. Supponemus igitur ut antea, unum aliquem Prælatum qui præ cæteris longius emicuerit, omni opere eriti ut Titulum ac Autoritatem Universalis Episcopi obtineat. Quod tamen quicumq; fecerit, ipse Gregorius Magnus declarat cum Antichristi fore Præcursores; Præcursores illius Regis superbia cui Sacerdotum præparatur exercitus. Quod argumento est etiam ex sententia Gregorii, Antichristum non procreatum iri ex Tribu Dan, sed ex Tribu Levi, quem porro supponemus allaboraturum quantum potest acquirendo huic Levitico Imperio, promovendæq; per successionem Cathedra suæ Episcopali, ejusmodi fere rationibus quæ sequuntur.

3. Primò, prætendit minimè consentaneum esse ut Ecclesia Catholica visibilis, cum una sit, sub uno visibili Capite non uniatur. Quæ tamen Ratiocinatio quamvis bellam speciem primo aspectu præ se ferat, tamen si penitiùs introspectiatur statim abibit in fumum. Non est enim nisi scita Concinnitas quæ in apertæ Repugnantia gratiam urgetur. Hujusmodi enim unius hominis officii institutio, quod nemo unus qui existerit exequi possit, illud possibile esse supponit quod est plane impossibile. Unde manifestum est caput minus fore quam pro corpore, quæ proinde species etiam erit perversa cujusdam Asymmetria & Inconcinnitatis. Nemo unus Mortalis caput idoneum esse potest illius Ecclesiæ quæ jus habet ut fiat Catholica, & per universum terrarum orbem se extendat. Nullum tate caput esse potest præter Christum, qui

qui *merus homo* non est sed *Deus* humanâ naturâ vestitus, ac proinde cuiq; Ecclesiæ parti membrisque singulis ad quantacumq; intervalla est præsens.

Verum, universæ Ecclesiæ unum aliquem Episcopum præficere, esset planè supponere magnum illum animarum nostrarum Episcopum ab illa abesse, qui tamen pollicitus est cum illa se fore usq; ad consummationem seculi, nec otiosus profectò spectator, sed *Pastor* diligens fidelisque *Gubernator* earum animarum quæ reverà in eum credant, sinceramq; ipsi præstent obedientiam.

Neq; Ecclesia certè Catholica in terris suam hoc pacto perdet *unitatem*. Est enim sub uno communi Capite totius Ecclesiæ tam *triumphantis* quàm *militantis*, qui (ut objectionem propius perstringamus) suæ Ecclesiæ *Caput* est *visibile*, is quidem omnibus qui ad Aulam suam Regiam appropinquant, in gloriosa illa *Metropoli* in Cœlis, ubi præcudubio conspiciendus est Throno suo *Sapphirino* insidens magnæ eum majestatis & gloria, ubiq; veri illius subditi paulo temporis spacio eum aut ipsi videre poterunt, aut saltem cum eis versari qui ad eum frequenter eunt redeuntque, eiq; coram adstant & ministrant.

Et nemo, opinor, affirmabit amplum quodlibet *Imperium* caput idcirco *invisibile* habere, quia ipse *Imperator* Palatium suum in principali Imperii sui provincia collocaverit, nec unquam intra quarundam Regni partium in conspectum prodeat, ita ut multitudines hominum eum nunquam videant, ut qui nullam habuerint opportunitatem invisendi illas partes ubi *Aula Imperatoris* sita est. Cum tamen *Jesus Christus* Ecclesiæ suæ caput ad bene longum tempus visus sit in terris, ut & conspicuè hinc in sublimiores Regni sui Regionem proficisci, atq; huc tandem præstituto tempore *visibiliter* rediturus sit, ad rationem accipiendam à rerum suarum administratoribus in inferioribus hisce suis Provinciis. Quamobrem *Christus visibilis Caput* est in suo amplo Imperio, quàm alius quivis Imperator in suo. Adeo evidens est, nihil opus esse ullo alio *visibili* Capite Ecclesiæ *communi*, præter ipsum *Christum*.

At enim hæc omnia minimè tamen obstabunt quò minus ambitiosus hic *Patriarcha*, quem ego describo, operam det hominibus persuadendis, valde consentaneum esse ut sit *unum aliquod caput visibile Ecclesiæ universalis*, qui *Christo* succederet, vel potius uni alicui, quem hic prætenderet Principem fuisse Apostolorum, illamq; ipsam sedem Apostolicam esse suam, ac necesse esse propter Ecclesiæ *unitatem* & ad *consolidandas omnes controversias*, ut hujusmodi sit sedes; quanquam profectò hæc argumentatio cuilibet qui nullo labore præjudicio, non potest non videri infirma atq; frivola. Etenim, uti jam insinuaui, Ecclesia satis *una* ex eo futura est quòd sub *uno* sit *Capite Jesu Christo*, undè; *Lege* quæ Dei verbum est, quod supra probavimus satis perspicuum esse in rebus omnibus ad vitam salutemq; necessariis. Quantum verò ad alias res, sive *Ceremonie* sint seu *Opiniones*, Regni Christi *unitatem* non omnino infringunt, utpote quod verè perspicuèq; illius Regnum futurum est quamdiu *Fidem Apostolicam* sit professurum, utantur interim quibus rituum differentiis libuerit, opinionibusq; non necessariis quàm velint dissentiant, modò cautum sit nè *ritus* ulli *opinionēs*ve reverà planèq; doctrinis *Apostolicis* adversentur, quæ universales sunt nunquamq; abrogandæ *Leges* Imperii Christi in terris. Etenim *Ecclesia Catholica* ad hunc modum in Externis variegata, erit tamen visibiliter Christi *Sponsa*, quanquam *humilis* & *modesta*, quanquam veste induta acu picta variisq; floribus ac coloribus exornata.

Cæterum, ut elatus hic *Patriarcha* suam sedem prætenderet infallibilem hanc esse omniq; desinientem sedem *Apostolicam*, oratio est cui nihil subest solidi. Nam si illa unius alicujus Apostolorum supra reliquos facta fuisset prælatio, esset certè tam magni momenti res (si controversiarum utiq; decisio per omnia succedentia secula tanti momenti sit) ut memoriæ in Scripturis tradita fuisset, omnesq; futura fuisset inter ipsos Apostolos aliæve de Apostolis ipsis disceptationes, vel potius eas præversura. Cum tamen S. *Paulus* contra planè declaret se nulla in re inferiorem fuisse summis Apostolis, quod omnium planè arguit æqualitatem.

2 Cor. 12. 11.

Præterea, si ita esset ut unus aliquis Apostolus Potestatem habuerit principatūve in cæteros, suamq; in tali particulari sede *Residentiam* tenuerit, non statim sequitur ut is qui ipsi in hac sede successerit ei etiam in illo principatu succederet, aut ut omnino in Apostolatu, sed solummodo in Episcopatu. Neq; sanè credibile est si primus hic atq; *Oecumenicus* Apostolus immediatè suo successori eandem Jurisdictionis latitudinem assignasset, ut ejusmodi juris nulla vendicatio, nec ulla ab universali Ecclesia in innocentioribus illis magisq; morigeris temporibus facta esset agnitio. Tantilli momenti sunt omnes hoc genus prætextus.

Quod si arguta hujusmodi sophismata ipsi ad proposita sua obtinenda non suffecerint,

fecerint, cum ambitio *Patriarchæ* animum adeo inflammaverit, nullum sanè non movebit lapidem quò cupiditatem suam possit explere. Quòdque Ars sophistica effectum reddere non potest, efficiendum tandem erit vel crassissimis rationibus Calliditatis *Mundane* aut *Infernalis*. Quamobrem ut absolutum hunc Ecclesiasticum Principatum obtinere possint, nihil in prima hac, quæ prætenditur, sede Apostolica successoribus Religionis fore supponemus; sed supposititios Authenticos alicujus consilii Canones eos prolaturus esse, facturósque ut pro sui Patriarchatus primatu pronuncient; fautores etiam aut approbaturos *proditiones* & *parricidia* etiam in *Imperatores* ac *Imperatrices*, in Reges Reginasque totamque ipsorum profapiam, ab aliquo, cujus fidei rerum administratio commissa sit, perpetrata, cujusque ambitio ad legalem suum Principem truculentè occidendum instigavisset, ut ipse illi in Regno, Imperiove succederet. Post quæ tamen, Parasiticæ adulatione, conniventia, & approbatione, immò congratulatione successus tam belluini Incepti, impatientes hi *Imperii Ecclesiastici Candidati* non dubitabunt gratiam sibi conciliare novi hujus Usurpatoris, quanquam manus ejus etiamnum recenti fumant sanguine; ut ab ipso nimirum utilem illum ac gloriosum Titulum *Episcopi Universalis* impetrarent, nec eo obtento ab ullis abstinere crudelitatibus in ejusmodi Episcopos qui novum hoc impositum jugum velint detrectare.

8. Postquam verò huc pervenerint, neque hic eos substitutos supponimus, verum in *secularium* etiam *Potestatum* jura malis technis mox irreptaturos. Nam *universalis* hic *Episcopus* plausibili quidem ratione juramentum obedientiæ ab omnibus aliis Episcopis in quibuscunque Regnis fuerint, requiret. Quæ tamen haud minor est Improbitas quam ejusmodi viis eos illaqueare quæ ad Infidiationes perducant ac perfidiam adversus proprios suos Principes, seq; ipsos reverà efficiant propriæ suæ libertatis proditores. Etenim cum soluti sint ad hunc modum, & alienati à propriis suis Principibus, sunt magis firmiter quidem cum magno hoc *Oecumenico Patriarcha* uniti, sed, cum eo, tantò arctiora illius mancipia facti, cum quibus, quantum ad omnimodas pecuniarum irrogationes, agere poterit prout libuerit.

Supponimus enim eos è manibus *secularium Principum* (prætextu summæ in rebus *Ecclesiasticis* Potestatis) *Investiturarum* jus extorturos, quò efficere possint ut omnes Episcopi à Temporalis Potestate minùs dependeant magisque sedi Apostolicæ devincti sint, sed & magis adhuc eidem mancipati, ut antè notavimus, & absque omni injuriarum remedio, si ab eadem fortè oppressi sint, sive removendo omnes cujusquam momenti Appellationes è curia particulari *Episcopali* ad Apostolicum Judicatum, sive aliis gravaminibus quibuscunque. Cæterum hoc solum *Appellationum* Gravamen tantum profectò est, ac si totus orbis Christianus *fidiculis* distenderetur, vel si mavis, spasmo crucianti contraheretur, ad adaptandam rerum administrationem tam coactæ *Universalitati*, utilitatiq; hujus *generalis* Vicarii Christi. Et tamen omninò sic se res habebit juxta hanc Hypothesin ad sustentandam Pompam ac Ambitionem *unius* in *universos* dominantis *Prelati*.

Efficient etiam ut totum Clericorum corpus à secularibus Judicatoriis sit exemptum, ut qui reverà, prosperis hisce machinationibus, subditi propriè facti sunt *Ecclesiastici* hujus *Monarchæ*; verum hoc pacto omnes *seculares Dynastas* crassissimâ fraude toridem subditis privabunt quot sint homines religiosi Ordinibus per totum orbem Christianum instituti; cum, eo ipso, facti sint subditi hujus *Regis superbiæ*, (quemadmodum *Gregorius* divino raptu illum appellabat) nec ante ullum *seculare Tribunal* rei peragendi, non Homicidii sanè aut Latrocinii, aut effractionis domuum, aliùsve cuicunque criminis. Quæ quidem Immunitas ut non potest quin ipsos superbos reddat & insolentes adversus *Laicos*, quos vocant; ita necesse est, quod & suprâ notavi, ut *Clerum* strictius mancipet *Ecclesiastico* huic *Tyranno*. Neque enim ullam cum ratione opem expectare possunt ab illis Principibus à quorum imperio clam se subdlexerint, & consequenter ab eorundem Protectione, per religiosas has technas fraudesque. Ac proinde illius voluntati omninò sunt obnoxii, cujus Tituli Pompæque Pontificalis magnitudo, cum justos suos redditus adeo infinitò excedat, necessariò eum redditura est rigidum *Tributi exactorem* ab eis qui peculiari modo ipsius potestati sint subiecti, eosque ad indignos modos rationesque gravandi populum, per pias vel potiùs impias fraudes dolosque redactura; dum is has suas Aves emittit diffunditque, numerosis gregibus, ut sui nummularum sint famelici erutores per Pascuum Imperii & collectores.

9. Tanta sanè pari aliorum saginata injuriâ (præsertim Episcoporum aliorumque è *Clero* quos tyrannicus hic Pontifex detonderet spoliaretque pro libitu) in hujus membri *Antichristiani* delineatione quod describo, jam detecta est superbia; sed ad altiore

altiores eveheretur gradum si ultiores adhuc affingeremus enormitates; ut si *universalis* hic Sacerdos *Episcoporum Primatu* non contentus foret, sed & ipsum *Imperatorem* affectaret dignitate autoritatēq; superare, improbēq; ac perfidē securā alicui occasione invigilaret (putā dum *Imperiales* copiæ generosē fidelitēq; occupentur in communem propellendo hostem ex orbe Christiano sive *Turcas* sive *Saracenos*) quā bellum commoveat contra Imperatorem ejūsq; socios in eis partibus quæ suæ sedi sint proximæ, ut eum indē expellat, locūq; sic faciat opportunitati sibi arripiendi aliquam *Imperii* portionem.

Equidem perquam furiosus Ambitionis ignis is esset qui quenquam ad machinationes tam diabolicas movere possit. Quale igitur facinus id putas fore, si callidus hic *Prelatus* hunc vel illum Principem in sanctas aliquas expeditiones ablegaret in eum finem ut eos Regnis suis defraudaret, ipsosve Reditibus emungeret? Quid si præcipuos Rei-publicæ Administratores omnesq; Principis subditos Fidelitatis juramento absolveret, idq; ob nullam aliam causam nisi quod sic facere ē re sua fore deputaverit? Si tantum sibi assumeret ut verum Principem deponeret alterūq; in ejus locum substitueret, *legalem* utiq; *subditum* Principis depositi, & qui nullum jus ad Coronam habuerit, spe *premi* adductus quod insolentissimi facinoris atrocitatem magnitudine exæquet, seq; ipsum ditandi oppressorum injuriis ac ruinis? Si adoraretur tanquam omnipotens quispiam *Plexipotentiarum* qui omnia possit; si Clientes coram ipso in terram prociderent ad deosculandum illius pedes, serviq; eum humeris in processionibus gestarent antiquorum more Idolorum *Babylonis*?

10. Immò verò quid existimaturus es, si *Sanctus* hic *Homo* Imperium occidentale penitus subverteret, ut seipsum ruderibus locupletaret? Si syngrapha supposititia fictaq; donationes produceret, quibus horrendam latrocinii sui turpitudinem contegeret? Quid si nulla ferē Imperii vestigia relinqueret nisi quod sit *sacerdotale*, hoc verò supra omnes *Reges*, *Imperatores* Christianosq; *Principes* immane quantum attolleret? Idq; effectum esset ab hominibus qui maximē impii fuerint omnium eorum qui *Pontificalis Sanctitatis* Titulum gestaverint? Unde confirmationes esse possemus de *Antichristiana* ratione hujus Constitutionis, quippe quæ effecta sit & stabilita per impuros *Magos*, *Homicidas*, Principūq; *Interemptores* per venena.

Hæc igitur potestas quam unus *Prælatus Luciferianus* sic obtinuerit, fraudibus utiq; ac rapinis, Reges spoliando suis juribus, Regna subvertendo ac Respublicas, Imperatorum filios illigando Conspirationibus, Rebellionibus ac Parricidiis, Subditos absolvendo à juramento Fidelitatis, orbēq; Christianum cæde & sanguine miscendo per insolens illud facinus excommunicandi Imperatores & Dynastas (qui nihil peccaverint, immò Christi legi firmiter adhæserint) Regnāq; ipsorum conferendi quibus ipsi libuerit; si hæc, inquam, vera non sit insignis illius *Antichristianæ Potestatis Idea*, quæ illi *Æquitati*, *Dulcedini*, *Mansuetudini*, *Animi*q; *Humilitati* quæ in *Christo Jesu*, etiam in summo suo Triumpho in terris, conspicua erat, perfectē est opposita, equidem fateor nescire me, nec credo quenquam alium fingere posse, quid sit.

Missum hîc facimus omnem illum Animi cruciatum Conscientiæq; torturam in quam immensa hujus *Principis Superbiæ* sublimitas totum orbem Christianum per anxias ac superstitiosas opiniones ac Ceremonias conjicere possit, inventas tantummodo ad conquirendum pabulum quo alatur sustenteturq; splendor ac Pompa hujus *magnifici Sacerdotis*. Omnium animi solitudine conterendi sunt Crumenæq; evacuandæ ut expleatur exturgescātq; hujus *Principibus inequantis Patriarchæ* fastuosus tumor. Quo de argumento cum satis jam dixerimus in Descriptione secundi membri *Antichristiani*smi, illius mentionem tantum fecisse hîc suffecerit.

CAP. X.

1. *Rationem impiam evebendi ad tantam altitudinem Supremi hujus Pastoris potestatem, demonstrationem esse perquam enormis Ambitionis.* 2. *Blasphemia ejus usurpatio acceptatioq; Divinorum Titulorum.* 3. *Barbara illius in excommunicatos Reges ac Imperatores insultatio.* 4. *Excessus Homagii à summis Magnatibus ei præstiti.* 5. *Sui-ipsius exaltatio supra Deum quantum ad Jurisdictionem.* 6. *Sui-ipsius supra eum elatio quantum ad Honorem sive Præcedentiam.* 7. *Alia hoc genus superbia exempla.* 8. *Sui-ipsius exaltatio supra Deum in ipsa Dei domo literaliter intellecta.*

1. **I**maginem *Antichristi* in potestate unius particularis Sacerdotis *Patriarchæ* sitam, ad eam jam condidimus altitudinem, ut quo jure quæve injuriâ se in absolutissimi *Principatus* in omnes Christiani orbis *Dynastas Titulum* si non *Possessionem* insinuaverit. Quod cum effectum sit rationibus aded impiis, necesse est ut Ignis *Ambitionis* plusquam *Infernalis* in fundo delitescat qui plenius adhuc se proditurus est in hisce visibilibus flammis; Nempe, in certis quibusdam exorbitantibus Titulis ac Privilegiis quibus hic superbiæ Filius sit ornatus; in barbaris suis insultationibus in debellatos Principes ac Imperatores, & in Enormitate cultus ac Homagii illius personæ in publicis solennitatibus præstiti.

2. Ut exempli causâ, quid magis blasphemè *Antichristianum* esse potest, quàm ut finat se *Divinorum* Attributorum spoliis exornari? Quàm ut appelletur *Dominus Deus* noster, optimum, maximum & supremum Numen in terris? ut declaretur ejus *Tribunal* unum idemq; esse cum *Tribunali Dei*? Potestatem illius esse absolutam? quicquid facit eum tanquam Deum id facere non tanquam Hominem? omnesq; debere se submittere illius Decretis, ut qui infallibilis est? eum omnia esse ac supra omnia? penes eum esse regna quibus vult conferre, unumq; è throno dejicere, atq; alterum illic collocare? Omnia eum posse quæ Deus potest, clave non errante? Naturam rerum eum posse commutare? aliquid ex nihilo efficere? de injustitia facere justitiam & injuriam in jus convertere? Omnes leges in scrinio esse illius pectoris? Contra canones Apostolorum novumq; aded Testamentum posse dispensare? Eum causam esse causarum? Sacrilegium esse de illius potestate dubitare? Imperium eum obtinere in Angelos, Purgatorium ac Infernum? Monarcham esse Mundi, & Imperialem majestatem tantum excedere quantum Sol excedit Lunam, ab omnibusq; Terræ Dynastis debere adorari? Hæc est una flammifera ex hac *Luciferiana Ambitionis* *Ætna Infernalis* Eruptio.

3. Altera erat insolens ejus Insultatio in Excommunicatos debellatosq; Principes; ut Exempli gratiâ, perquam barbarè *Antichristianum* esset si triumphans hic *Patriarcha* post Excommunicationem, suisq; submissionem ejus potestati faceret ut unus Imperator cum Imperatrice aliquot continuos dies nudis pedibus, vesteq; cannabinâ indutus ad januam ejus Absolutionem expectaret, idq; in media Hyeme, eumq; cogeret Insignia Imperialia resignare, atq; post hæc omnia eum deponeret, Imperiumq; alteri donaret. Si faceret ut alter seipsum publicè in Ecclesia prosterneret, & in hac prostratione pedem cervici Imperatoris imposeret, quasi viperam anguemve conculcarèt. Si tertium coronaret non quidem manibus sed pedibus, moxq; eidem pedibus Coronam de Imperatoris capite in terram dejiceret. Si unum Principem cogeret Coronam resignare, aliquotq; dies privatam personam gerere, postea verò eâ lege, ut hujus summi Sacerdotis vasallum se profiteri velit, ei permetteret Coronam rursus à manibus Legati sui recipere submissè in genua procumbenti ante illius pedes. Si faceret ut alter per modum pœnæ, manibus pedibusq; per suæ sanctæ Celsitudinis Palatium ad instar canis perreptet, mellio etiam cervici illius circumposito. Si tertium publicè in Basilica nudum virgis cædendum curaret unoquoq; Monacho Personæ Religiosæ certum plagarum numerum ipsi infligente. Proculdubio hujusmodi enormes Imperatorum, Regum, Principumq; tractationes non possent non esse indicium *Satanicæ* planè elationis animi ac superbiæ.

4. Sed enim quid pœnarum mentione opus est, cum aded invisam Imaginem turpèmq; ex assuetis ac pro more expectatis obsequiis observantissq; describere possimus? Supponemus igitur juxta notas hujus Sacerdotalis Aule Ceremonias, quoties suæ sanctæ Celsitudini, universali Ecclesiæ capiti, Equum conscendendo celsiorem adhuc

adhuc fieri placuerit, Imperatorem Regémve qui præsens fuerit illi ex officio stapedem tenere debere dum conscendit; vel si ei libuerit, per occasionem, *Cathedrâ Pontificali* transportari, Imperatorem Regémq; cervices huic jugo submittere oportere, *Hominémq;* hunc *Pontificalem* in Cathedra sua humeris suis attollere. Quando etiam pransurus est hic *magnificus Prelatus*, Imperatori Regive qui præsens fuerit hunc honorem impositum iri, ut aquam cum linteolo, ad unctas ejus manus lavandas ei ministret. Ob quod officium præsistum permittetur ei mox mensæ accumbere postquam expectaverit donec prima mensa imposita sit. *Imperatoris* etiam locum in Concilio Oecumenico hujus *summi Sacerdotis* ad pedes fore, ut bonum decet *Gamalielis* filium. Et postremo quocumq; *Patriarcha* hic *Oecumenicus* iverit, populo procidendum esse in genua; quod si promptè propensq; non fecerint, eos fustibus in genua esse prosternendos rigido illius satellitio, torvis illis exactoribus adorationis tam stupendo Idolo.

5. Hæc Ceremoniarum ratio *summum* hunc *Sacerdotem Terræ Principibus*, sive *Imperatores* fiat sive *Reges* aliæve ejusmodi *Dynastæ*, multis gradibus altiore planè collocabit. Nunc verò lineamentum unum & alterum ducemus ejusmodi sanè elationis Animi sive superbiæ quantum ad *civiles ritus ac præcedentiam*, ut meritò videatur *superioritatem* affectare supra *Deum ipsum*. Cujus Affectationis solida jam protulimus exempla, quantum ad *Potestatem*, ex eo quòd supponebatur abrogare *Leges Dei* & in earum locum talia Decreta, quæ ad proprium lucrum facerent, substituere. Quæ aperta suiipsius exaltatio est *supra Deum* quantum ad *Autoritatem realémq; Potestatem*.

6. Et quod *bonos mores* spectat *ritusq; civiles*, si supponamus eas res quas ipse illiq; qui ei adhærent, summum cultum religiosum tribuunt infra hunc *supremum Prelatum* projectas, an non hoc esset *summo Deo præcedentiam præripere*? Ut verbi causâ, si *Crux* cui *latrian* debitam judicant, ad summi hujus *Sacerdotis* pedem demitteretur, an non is sic altior esset illo cui altissimus gradus *Divini honoris* debetur? Verùm hoc forsan dixeris eum tantum æqualem redderet Deo.

At verò *Hostiam Panémve consecratum* à *Pseudo-Christiana* hac Ecclesia verum Christi corpus æstimari jam supposuimus, personamve ejus corpoream, hoc est, ubicumq; hic sit, Christum verum Deum verè ac corporaliter propriâ suâ personâ præsentem esse, æquè sanè verè & realiter atq; est in Cælo. Si igitur hæc persona Christi quæ *sanctum sacramentum* vulgò appellatur, minori afficeretur honore quàm summus Sacerdos qui ipsum consecraverit, manifestum esset eum supra illud exaltari.

Quamobrem, exempli gratiâ, si in solennibus processionibus *summus* hic *Sacerdos* Ceremonias sic institueret, ut hoc Sacramentum, id est (juxta eorum quidem sententiam) realis persona *Jesu* collocaretur in *ignobili* Pompæ parte, ipse verò summus Sacerdos inter Principes illustrissimos; ut *Jesus Christus Equo* veheretur, summus verò Sacerdos *Regum humeris* ac *Dynastarum*; ut vilisculus *Sacristæ* servus equum duceret qui *Christum Jesum* vehit, verùm si *Pontifex* eodem tempore Equo vehatur, *Princeps* aliquis ejus equum duceret, vel ipse Imperator; ut supra *Jesum Christum* umbonem deferrent *Romani* tantum *Cives*, umbonem verò supra *Pontificem Nobiles* præcipui aut *Oratores*; an non hoc planè ac conspicuè esset ipsi Deo omnipotenti honore anteferri; adeoq; elatum esse *Patriarcham Oecumenicum*, ut æterno *Patri* Creatoriq; Universi se præferret?

7. Quod etiam fieri posset in Itinerationibus ordinariis, si *Pontifex* hic ita putà statueret, ut *Jesus Christus* veheretur pretii vilioris Equo, Agasoni alicui commisso, utq; præiret (O præclaram *Præcedentiam*!) sed inter *Aulæ Pontificalis* impedimenta, Calones, Lixas & Curtifannas; tanquam adventus suæ *Sanctæ Celsitudinis* prænuncius; ipso interim lento magnificòq; passu incedente, *Patriarchis*, *Archiepiscopis*, *Episcopis*, aliisq; id genus personis illustribus stipato.

Equidem hoc meditabundo cuivis homini perquam altum quoddam Cogitatum profundamq; meditationem meritò posset injicere, quæ scilicet fieri posset ut una eademq; Persona secundum circumscriptionem suam Præsentiam corpoream uno eodemq; tempore summo cum dedecore & ignominia inter Calones equitet & Curtifannas in terris, & tamen in Throno simul sedeat majestatis ac gloriæ in summis cœlis, laudibus & Adorationibus sanctorum Angelorum circumcinctus.

Sed enimvero, ut ut hoc sit, admodum manifestum est interim *sublimem* hunc *Sacerdotem* in bonis moribus tam longè aberrasse, æquè ac crassioribus *Justitiæ* partibus, ut se supra Deum ipsum efferat, juxta propriam suam concessionem, doctrinamve Ecclesiæ, ex eo quòd majorem sibi honorem quàm itineranti Personæ Christi decreverit.

8. Quibus

8. Quibus omnibus hanc tandem suppositionem addere possumus, *Pontificem* scilicet hunc *Maximum*, suâ in supremum hoc munus *Inauguratione* super sanctum Altare Christi in principali aliqua Ecclesia suâ Metropolis collocari posse, pedibus *Pontificalis Cathedræ* sacrum *Thronum Corporis Christi* conculcantibus, ibiq; à principibus suis Ecclesiasticis & ab aspectabundo obstupefactóq; populo adorationem accipere.

Verum credo me tam perfectè Antichristianæ superbiæ effigiem jam descripsisse, ut nihil opus sit quicquam superaddere, nec ullus scrupulus super sit quin is qui tam altè se efferat non possit non esse ille *homo peccati qui in domo Dei sedens extollit se* 2 Thess. 2. *supra omne quod dicitur Deus*.

CAP. XI.

1. *Superbiam hujus elatissimi Capitis diffusuram se esse in ejus membra.* 2. *Plura irritamenta generalia ad hoc vitium in hoc dominanti Sacerdotio.* 3. *Peculiariora irritamenta in magnis quibusdam Dignitatibus.* 4. *Peculiaritatem Habituum rationemq; vivendi in quibusdam Religiosis Ordinibus occasionem esse Superbiæ.* 5. *Prætextum merendi in his Ordinibus insignem esse ac invisam hujus vitii Instantiam.* 6. *Istiusmodi elatum Pseudo-clerum cujusmodi hic est, meritò haberi posse pro homine illo peccati qui se extollit supra omne quod colitur;* 7. *Rectèq; censeri in Leviathanis descriptione qui Rex filiorum superbiæ appellatur, præfiguratum.*

1. **N**EC sanè imaginari possumus Caput modis tam immanibus superbire, quin venenum hoc in totum corpus se diffusurum sit omniq; illius membra aliquo modo tumefacturum. Quanquam enim summus hic Sacerdos magnam habet potestatem in Clerum suum, ut eos taxet, tondèatque, universi tamen haud parùm inflarentur ex opinione quòd ipsi membra sunt illius corporis cujus Caput supra omnes *Principes Terræ* tam mirificè se extulerit. In quos postquam Tyrannidem semel exercuerit, accreveritq; in ea potestate, bellèq; stabilitus fuerit, facilius fortean postea benigniorq; propriæ Tribui esse poterit. Præterea, ipsa exemptio eorum à *secularibus Potestatibus* necessariò animos ipsorum tumefaciet, efficietq; ut insolentes sint ac dominantes proclivèsq; ad injuriam, cùm ad ejusmodi Judices se recipere possint qui suis partibus sint fautori.

2. Porro Potestas audiendi Auricularem Confessionem Privilegium est quòd multum valet ad subjugandum insultandúmque misellis *Laicis* ante Pedes *Confessariorum* suorum prostratis. Atq; illud etiam discriminans Privilegium *Calicis Eucharistici* Sacerdoti peculiare, necessariò efficiet ut *Laici* dejecto sint vultu, nec præ pudore mutilatæq; suæ conditionis conscientia Sacerdotem prope audeant accedere; ut qui tam immensæ concii sunt inter se ac Sacerdotes distantia. Quæ omnia naturaliter tendunt ad horum *Clericorum* animos inani tumore inflandos. Qui igitur ferre poterunt illam opinionem quòd facultatem habent *creandi suum Creatorem*, quòdque ejusmodi Sacerdotes sunt qui *ipsum Corpus Christi* in Propitiationem offerant, ac proinde hac ratione imaginari se possint ipso *Christo* aliquo modo superiores. Atq; hæc quidem toto corpori *Sacerdotali* communia sunt.

3. Sunt verò & aliæ Considerationes quibusdam, sed satis numerosis multitudinibus peculiares. Manifestum enim est eos, qui *Sacerdotes Principes* sint illustrèsvè Personæ in hac Ecclesia, peculiarem ad hoc vitium habere instigationem. Nam cogitatu facile est hunc *Pontificem Maximum Ecclesiasticos* sub se *Dynastas* creare posse qui Co-assessores esse queant partemq; habere suæ *spiritualis Dominationis* in Populum, quippe quos ad hanc ferè formam creaverit. *Estote Fratres mei & Principes Mundi*, quod necesse est ut eorum animos ad immanem superbiæ gradum attollat.

Verum multi Ordines his quidem inferiores sed æquales tamen dignitate, *Secularibus Principibus* ac Nobilibus (ejusmodi qui pompâ utantur aut accommodatione *ἵππων & ἰπδων & οὐμάτων*, *Equorum, Pilentorum, & Pedissequorum* Affeclarumve qui eos comitentur & ab ipsorum latere currant) numerosam sanè multitudinem horum *filiorum superbiæ* constituere possint, qui Titulos tamen gerentes Pastorum Inspectorumq; Gregis Christi eos minimè omnium inspiciant, sed despiciant potius con-

Aps. 18. 13.

tennantque, utpote qui tam altè supra ipsos collocati sint ut nihil animi habeant eò se demittere ut ipsos pascant, sed ut excoriant potius sævèq; in eos dominantur.

4. Et postremo, quantum ad eos qui adhuc numerosiores sunt, quos sibi personam induisse *peculiarioris* cujusdam *sanctitatis* supponere possumus, nominatq; sua inter eos qui sub *Titulo* & auspiciis hujus vel illius *sancti* vitam suam instituunt profiteri, speciemq; præ se ferre *Humilitatis* gestando obsoletum aliquem sordidumq; habitum, & simulando se separatos à mundo, ex eo quod in otiosa ac populosa Monasteria se absconderint, ac mortificatos ejus fastui ac gloriæ, dum laudem & admirationem hominum imprimendo sibi ipsis hanc Notam specialis sanctitatis per peculiarem vestitum alienamq; vivendi rationem quærunt, equidem fateor mihi ad instar miraculi fore, si hæc ipsorum *electitia sanctitas* in cibo potuq; & à matrimonio abstinentia consistens & similibus, carnales eorum mentes non ita inflaret, ut meritò æstimari possint maximè genuini subditi hujus *Regis superbiæ*.

5. Ut omittam ipsum devii hujus generis vitæ *prætextum* non posse non turgidum modestiori sensui cujusvis sobrii verèq; sanctificati Christiani videri, qui non potest quin rem præsumptuosam existimet propriis meritis confidere, júsq; sibi ad cœlestem hæreditatem, ex quibuscunq; operibus quæ pro tam inæstimabili ineffabiliq; præmio in terris quis absolverit, vendicare. Quàm immanis igitur esset *Luciferiana* rabies ac *vesania* si *spirituales* hi rerum susceptores non sua solummodo pensâ se absolvere posse prætenderent, sed & pensâ insuper aliorum?

In quâ quidem Professione continentur duo maximè invisa *superbiæ* specimina quæ excogitari possunt; nempe, *Vilificatio meritum ad omnia sufficientium Christi*, perinde ac si illa imperfecta ac mutila essent, nec defectus eorum hominum quibus Deus vult esse propitius, possent supplere, sed pannosis indigerent assumentis miserrorum horum *Suffenorum* religiosorum, quibus interpolentur, producanturq; & tum postea, *Nimia sui existimatio*, & *ridiculè elata opinio quam de propriis viribus, robore ac sanctimonia conceperint*, quasi plus præstare possent idq; per modum meriti, quàm sibi ipsis suffecerit, quàmq; Deus ab ipsis requirat, cum tamen in sacra Scriptura expressè doceamur fatèri, *postquam omnia præstiterimus quæ possumus, nos tamen servos esse inutiles, & per fidem nos servatum iri non ex operibus ne quis gloriatur*.

Luc. 17. 10.
Eph. 2. 9.

6. Quamobrem summum hunc considerabimus Sacerdotem universaleq; Caput hujus *Cleri Pseudo-Christiani*, unà cum singulis *Religiosis* Ordinibus sub eo constitutis, devotq; ac submissâ agnitione agglutinati ipsi ferruminatisq; & ab eodem actuatis, uno universis communi *spiritu superbiæ* sensuq; imperandi dominandiq; in personas ac conscientias *Laicorum* intumescens, summamq; de seipsis opinionem propter has *carnales* externasq; species sanctitatis ac supereminentiam supra mundum reliquum concipientibus, quæ consistit tantummodo in *Unctionibus*, in *Habitibus*, in *Abstinentia* à cibo, & similibus quæ *infirmæ* sunt & *egena elementa*, sed talia tamen quæ occulto quodam veneno insilent eos ac tumefaciant qui ea sapiunt æstimantque, & è re fore credunt suâ eorum observationi operam dare; considerabimus, inquam, hos univèrsos à summo ad infimum, tanquam unum sub uno capite corpus, cunctosq; simul conjunctos tanquam *unum Hominem peccati*, qui cum unum spiritum animuq; habeant legi Dei Christi; contrarium, adversus utrosque, seipsos, quanquam alii alio modo, extollunt. Cæterum cum unam mentem ac voluntatem, unumq; consensum habeant, omnium in omnes culpa recidit, talisq; sunt effigies repræsentatioq; *Antichristianæ superbiæ*, ut nihil amplius esse possit, magisve absolutum. *Hic ille est qui omne sublime videt, ipsèq; est Rex super universos filios superbiæ*. Summum maximèq; eximium superbiæ elatæq; *Politie* exemplum quod unquam hactenus extitit.

Job. 41. 25.

7. Nec ipsum Textum ineptè hic applicari posse credo, cum tam magna intercedat Affinitas *Antichristum* inter atq; *Diabolum*, majorq; fortean ipsum inter quasdâmq; *Phrases* in Textu *Leviathanem* describentes, quàm inter dictas illas *Phrases*, ejusq; æmulum in hoc honore, utri ipsorum utiq; competat hæc *Typica* descriptio. *Superbè clypeatus squamis est, arcuâ compagine conclusis, quæ inter sese commisse ne auræ quidem perviâ juncturâ, aded aliæ aliis compactim coherant ut sint indissolubiles*. Quam supponemus ipsissimam esse gloriationem hujus *Pseudo-Christianæ Politie*. Quod sint nimirum omnes, non nisi una integra massa cujus partes aliæ aliis firmiter conjunctæ sunt, quanquam nullo Amoris ac Ingenuitatis vinculo, sed depactæ clavisve mutuò affixæ per manus ferreas Necessitatis Tyrannicæq; violentiæ; Timore extremorum patiendorum, sensu communis emolumenti, juramentòq; absolutæ obedientiæ infallibili Potestati, pari firmitudine eas compingentibus, atq; ænei clypei, arcève commissæ squamæ *Leviathanis* compactæ sunt.

V. 5, 6, 7.

Jam

Jam verò si consideremus Caput hujus monstri, *Oculi* ejus dicuntur esse tanquam *Aurora lumina*, hoc est, admodum sublati subductisq; superciliis valde splendidi ac fulgentes, quemadmodum clarissimi hujus Capitis pompam jam descripsimus. *Ex faucibus autem prodeunt facies absilientibus tanquam stridentibus igneis*; *Ex naribus* V. 10, 11, 12. *prodit fumus tanquam atheni ferventis & undantis*. *Flatus ardet carbonibus, manante ex ejus ore flamma*, hoc est, Totum mundum in superbia sua ac iracundia inflamat per impios suos Incendiarios & Emissarios, qui ad illius mandatum ad fulguris instar in omnes partes Imperii discurrunt, vel religiosâ, uti is simulat, rabie abreptus contra oppugnatōres suæ sanctæ Celsitudinis excommunicationes effulminat adversus Principes, atq; bellum sic ac discordiam accendit omniq; flammis miscet & sanguine. Et postremo, Ad obstinatam Immutabilitatem hujus Politie illustrandam, in Dogmatis suis crudelibusq; carnificinis & occisionibus eorum qui se nollunt ipsi submittere, *Cor ejus saxo & inferiori molâ firmitus esse dicitur*. V. 15.

Cæterum, quemadmodum de Pharaone Rege Ægypti dicitur in Psalmis, *Tu contrivisti capita Leviathanis, dedisti eum escam populo in deserto*, nempe Israëlitis quibus omnia in Typis contigerunt; Ità ut *Isaias* prædixit tempus fore quando *Terra deteget suum sanguinem neq; suos amplius casos operiet, In illo die Jehova suo duro, magno, validôq; gladio* (etiam eo ipso gladio qui prodit ex ore ejus) *animadvertet in Leviathanem, serpentem teretem, & in Leviathanem, serpentem tortuosum*, (obviâ ipsi ibit in omnibus fraudulentis suis flexuris & obliquitatibus) *interficietq; Draconem qui est in Mari*. Hoc est, qui inter duo maria habitat, quemadmodum *Grotius* interpretatur *Leviathanem* aquaticum in Psalmis de Pharaone Rege Ægypti, quia regnum ejus extendebatur inter duo maria. *In illa die decantatote viniferam vineam, quam ego Jehova tuens subinde irrigem, eam ne invadatur noctes dièq; custodiam*. In illa die ità radices aget *Jacobus*, ità florebit & fruticabit *Israel*, ut fructu repleatur facies orbis. Verum ultra quam institui hîc excursus est. Psalm. 74. 14. Cap. 26. 21. Cap. 27. 1.

CAP. XII.

1. *Antichristiana rerum Constitutio* Divinam Gratiâ Puritatis oppugnans in genere, descripta. 2. *Quod Numerositâs Dierum Festorum cum inefficaci exanimiq; Cultus exercitio conjuncta deducit ad Impuritatem*; 3. *Ut & Cœlibatûs votum in Monachis & Sacerdotibus non mortificatis*. 4. *Opportunitates Ordinis eorum ac Functionis*. 5. *Opinio de Fornicatione quod non sit Peccatum, & de Adulterio quod minus peccatum sit quam voti Cœlibatûs violatio*. 6. *Viliora Indulgentiarum pretia quam pro hujusmodi vitiis*. 7. *Pœne leves*. 8. *Bene magnæ partis Anni vesanis Debacchationibus sub Larvâ Personisq; Dedicatio*. 9, 10. *Concubinæ Sacerdotibus permixta*. 11. *Apparatus Pompaticus Curtesannarum Supremiq; Pastoris Tributum ex ipsarum mercimoniis*. 12. *Exemplum hujus summi Sacerdotis atq; ejus Cleri*. 13. *Sodomie crebritas prope ejus Palatium*; 14. *Illiusq; illinc diffuso in remotissimas regni sui partes*. 15. *Quod Politia Ecclesiastica in hac conditione constituta Mystica esset Civitas Sodomæ, in illis Apocalyptis Catalogis, sub Titulis Πόρνη, ΕΒΒΛΟΥΪΣΤΩΝ & Κνωή, descripta*.

1. **R**Edibimus jam in viam ad prosequendum propositum quod præ manibus est, pergemusq; ad proximam oppositionem Antichristianam, quæ est contra secundum Ramulum *Divinae vite*, nempe *Puritatem*, ubi missa factâ Hypocrisi quæ una species est *Impuritatis* (quæq; non potest non esse admodum frequens, in tali Religione qualem hactenus descripsi, quæ tantoperè in Formis superficialiis externisq; spectaculis consistit) penicillum dirigemus ad delineandum talem *Impuritatis* Imaginem, quæ magis crassa sit ac nauseosa, cujus partes præcipuæ sunt *Fornicatio, Adulterium, & Sodomia*. Dico igitur, si ipsa Forma Constitutiôq; Politie Ecclesiasticæ vel Doctrinæ istiusmodi esset quæ naturaliter homines vi propelleret aut admodum illecebrosè invitaret ad tales *Impuritates*, an non hæc conspicua esset Christianæ illius *Puritatis* ad quam nos omnes vocamur, Oppugnatio?

2. Atq; hujusmodi quidem Constitutionem credo hæc fore quam nunc eo delineatum, à rebus minutioribus primum capiens exordium. Supponemus igitur magnum *Dierum festorum* numerum, in quibus non licebit hominibus operam dare rebus secularibus

secularibus & honestis victûs quærendi rationibus, sed omnino feriari; ipsûmq; Religionis exercitium illis diebus, ut non multum Temporis occupat (nisi in ludicris quibusdam Pompis) ita ejusmodi esse naturæ ut corda Hominum non omnino attingat penetrétve, nec timorem Dei infeminet, nec Cupiditates Carnis in ipsis mortificet, quippe qui mutorum quasi spectaculorum spectatores tantummodo sunt, & publicæ Auditores Liturgiæ quam minimè intelligant, & postquam hoc fecerint se satis suo officio fecisse arbitrentur, & fortean neq; hoc faciant, nec opus aliquod seculare, nè fortè malam ab Ecclesia ineant gratiam, cùm tutius ipsis sit inveniri in *Oenopolio*, *Camponula* aut *Lupanari*, quàm honestum his diebus quæstum exercere.

Quamobrem quæro de hominibus qui mentes habeant minimè mortificatas, nullamq; opportunitatem, per intelligibilem, vivam ac penetrantem Dei publicè colendi rationem, Animarûmve convincendi potens Ministerium ad præmuniendos se adversus carnis Tentationes, sed compellantur duntaxat feriari, in quid obsecro, hi homines magis naturaliter prolapsuri sunt quàm in computationes, inebriationes atq; luxum, qui cum imperata hac desidia conjunctus necessariò eos præcipitabit in istiusmodi actus libidinis quos opportunitas ipsis obtulerit. Notissimus est Aphorismus, *Desidiam matrem esse Spurcitia*.

*Otia si tollas, periëre Cupidinis arcum,
Contemptaq; jacent & sine luce faces.
Hæc ut ames faciunt, hæc quæ fecëre tuentur,
Hæc sunt jucundi causa cibûsq; mali.*

Ac proinde *Dierum Fæstorum* numerositas cum inefficaci exanimiq; Religiosi cultûs forma conjuncta, ubi qui assunt, non sunt nisi muti quasi spectaculi, quod dixi, spectatores, quid hoc aliud esse potest quàm Turpitudinis schola, Nutrixq; Libidinis ac *Impuritatis*?

3. Rursus, Pone ordinem hominum, eumq; numerosum qui lautè opiparèq; vescantur, edant bibantq; ex potissimis, qui otiosam vitam degant, alienisq; laboribus victitent, qui nec subtilia, mirèq; effascinantia Philosophiæ studia nobilissimæq; speculationis prosequantur, quibus superfluas corporis vires minuant spiritûsq; suos exhauriant, nec se ullis penetrantioribus conterentioribûsq; *Devotionis* angoribus fatigent, sed tumultuario tantùm ac festinatorio modo statas suas preculas tanquam externum quoddam officium, obeant, in quibus, si intelliguntur, parum fortassis occurrit, quod ita animum afficiat ut corpus quoquam modo conficiat aut subdomet; pone, inquam, hos homines, quamvis satis habiles sint ac idonei ad opera *virilitatis*, voto inviolabili (temerè & imprudenter non solùm contra legem Dei, sed & propriæ suæ naturæ ac constitutionis corporeæ) factò ad Cœlibatûm perpetuum dampnari, quis naturalis esse potest hujus rei eventus nisi frequentes *Fornicationes*, aut *Adulteria*, Actûsve *Sodomitici*?

Quamobrem *Monachi* & *Sacerdotes* & quicunq; alii qui huic legi in hujusmodi circumstantiis alligantur, non possunt (nisi per miraculum) quin *conentur* saltem transgredi, si non crebrò *reverà* leges Dei ac Naturæ transgrediantur, orbemq; Christianum putido fumo ac vapore spurcitiarum suarum impleant. Et verisimile quidem est eos prædam suam faciliùs reperire posse inter fœminas consimili voto obstrictas, si ipsæ etiam supponerentur naturalis sui ingenii inconsultu ac temperamenti, sponte se obtulisse, aut dolis importunisq; aliorum sollicitationibus victæ in *Monasteria* tandem concessisse.

4. Verùm supponamus has magis custoditè seclusas esse: Mundus tamen satis latè patens est, & si verum sit, quod vulgò dicitur, *Casta est quam nemo rogavit*, illis certè, cùm tam bene instructi sint, toti; ferè istiusmodi artibus & machinationibus vacent, haud erit difficile suam prædam consequi. Enimvero nihil opus est ut opportunitates excogitent, cùm in aliquibus partibus suæ religiosæ Functionis ultro ipsis offerantur, ut in *Auricularis confessionis* auditione privata. Tam valida sanè foret Tentatio quamvis *conscientiæ* vis formidòq; *supplicii* integræ adhuc essent.

5. Supponamus verò quosdam è *Literatis* pronunciare *simplicem Fornicationem* non esse peccatum, & *Adulterium* sanè minus Peccatum esse quàm *Celibatûs voti violationem*; quàm alacriter profectò hi bene armati Monastici suam provinciam aggredierentur, & quàm multò faciliùs invitarentur innupti alii omnes, tum Mares tum Fœminæ, ad satisfaciendum suis cupiditatibus in simplici hoc genere *Impuritatis*?

6. Veruntamen si hoc tam plenè intelligi non potest aut tam firmiter credi, supponemus

ponemus plura adhuc superesse *Cardiaca* potentiorq; irritamenta ad libidinem. Tam amplas *Indulgentias*, tam vilia pretia pro *Dispensationibus* & *Absolutionibus*, à minimè sancto hoc *Pontifice Maximo* cujus mentionem tories fecimus, non solum pro simplici *Fornicatione* & *Adulterio* sed pro *Virginum violatione*, pro crassissimo *Incestu*, pro concubitu cum propria sua Nepte, immò cum propria Sorore Matrève; ut nemo multum animo consternari queat vel ad foedissimos actus *Impuritatis*, postquam semel consideraverit quàm parvi *Judex ille Controversiarum infallibilis* eos aestimaverit, nec abstinere se à qualibet illecebrosa libidine sibi indulgenda, cum tantoperè eò invitetur atq; animetur per indulgentissimum hunc *Patrem* œcumenicum, Catholicumve *Mitionem* Ecclesiæ.

7. Leves etiam *Penæ* altera esset haud inefficax Animatio ad hoc peccatum *Impuritatis*, ut si exigua aliquot *Eleemosynæ*, *Precule* quædam tot vicibus repetita, scalarumve Crucis in Foro mercatorio Circuitio, leve aliquod Jejunium & similia, compensatio foret pro tam foedis Facinoribus in homine *Laico*, bimestrisq; aut trimestris exclusio ab Ecclesia *Sacerdoti*, quantumvis alligato adulterii & in ipso facto deprehenso.

8. Cæterum plures adhuc artes imaginari possumus corrumpendi mores hominum citra expressam præceptionem ut nequam fiant atq; improbi; ut si exempli causâ, bene magna pars Anni, duodecima puta sextave pars, uni Festo continuo solenniter dedicaretur vesanæ cujusdam *Debacchationis* atq; luxûs, & tam longo ipsis permetteretur tempore, sub larvis personisq; quamlibet improbitatem turpitudinemve committere quam effrenis suæ Imaginationis lascivia vel petulantia suggesserit, perinde ac si, ex eo quodd vultus ipsorum ab Hominibus absconditi sint, eorum etiam actiones personæq; absconderentur à Deo; an non hæc mera methodus esset initiandi homines improbitate ac nequitia, & imbuendi eorum animos sceleratissimâ illâ opinione, *virtutem* scilicet & *vitium* inania tantum esse nomina, omniâq; licere permissu aut conniventia superiorum? Immo verò impia quædam Insinuatio per nimis quàm significans *Hieroglyphicum*, *Deum non esse*, at absq; hominum pudore esset, *peccatum* pro nihilo fore?

9. Hoc etiam haud parvam *Fornicationi* existimationem conciliaret, si illius libertatis exemplum elucesceret in eis qui exquisitissima esse debent Castitatis, Continentiæ & Mortificationis cupiditatum carnis exemplaria; *Sacerdotes* intelligo qui maximè immediati sunt populi duces. Itaq; si procedente tempore corruptio hujus Ecclesiæ eò usq; prorumperet ut *sancti* hi *uniciq;* Viri Dei, permissu legum *summi* sui *Sacerdotis*, *Concubinas* haberent quibus se oblectent, quæ cum uxores non sint, tam propè sanè ad scortorum conditionem accederent quàm quatuor denarii, quod dicitur, ad drachmam, an non hoc ingens scandalum esset in conspectu populi, tum virorum tum foeminarum, ad præcipitandos eos in peccatum, dum eum vident, qui immediatus ipsorum viæ-dux sit ad cælum, Meretriculam tam audacter in intimam sociam Itinerisq; comitem secum ducere? Religio enim Christiana nullam rem talem admittit atq; est *Concubina*. Unumquemq; oportet maritum esse unius *Uxoris*, *Concubine* verò neminem; siquidem id à communi sensu Christianitatis abhorret.

10. Quamobrem universi Juvenes in *Parochia* cum tam Authenticum *Fornicationis* exemplum in *Patre* suo *spirituali* conspiciant, qui tam sacra Persona est ut cuiquam Civilis Magistratus ministro nefas sit ei manus admoliri, qui tam sanctus est ut idoneus existimeretur pro populo *Intercessor* ad superum Altare in *Sancto Sanctorum*, populo interim in corpore Ecclesiæ relicto, ut *Israélite* olim ad pedem montis quando *Moses* ascendebat Deum privatim conveniendi gratiâ, in summitate montis *Sinai*. Cujus labia adeò sanctificata sunt, ut eis solum (non autem profanis barbis *Laicorum*) sacrum Poculum deosculari liceat, immò totum ebibere, & calicem postea accuratè abstergere, nè vel una guttula relinquatur ad sedandam sitim aut satisfaciendum curiositati *Laici* cujusvis quantumvis cupidi *viri femineve*. Et postremo, cujus Halitus adeò omnipotens est ut verbis quinq; recitatis creare possit ipsum humani generis Creatorem. Si tam sanctæ magnificæq; personæ quàm hæc est, inquiet quilibet *Parochiæ* Juvenulus (cum bello illo adolescente in *Comœdia*) hujusmodi lascivos cum ea quæ ipsius uxor non sit, ludos facere liceat; *Ego homuncio hoc non faciam? Ego verò illud faciam ac lubens*. Adeò naturaliter invitabuntur omnes hoc eximio *Sacerdotis* exemplo animabunturq; ad turpitudinem patrandam in singulis Villis, Oppidis, ac Civitatibus cujuslibet Regni. Nec tam ingens scandalum falsa hæc Ecclesiæ edere dubitabit potius quàm seipsam minus capacem reddere, suamve spem minuire nè *Hæres* futura sit *execurivæ* ex obitu singulorum suorum *Sacerdotum*.

11. Et quantum ad *Pontificem* ipsum, hic etiam haud parum contribuere posset ad Christiani orbis mores corrumpendos, si sub ipsius aspectu, in sua propria putâ Sede metropolitane Imperii, nimium favoris adhiberetur aut indiligentiâ in puniendâ ac reprimendâ hujus vitii petulantia ac præfidentia. Ut si permetteretur notis *Curtisannis* per Plateas incedere magnifico apparatu summarum Heroinarum æmulo, blandè officiosq; tractatis etiam sub meridiem, spectante populo, stipatisq; hominibus Ecclesiasticis summi gradûs ordinisq; nec in tam enormem crassâmq; morum depravationem animadverteretur. Hoc sanè haud exiguo adjumento esset ad gratiam comparandam atq; existimationem huic *Veneris* ludo.

Verum, suppone *sanctitatem summam Pontificiam* partem lucri harum *Monacharum Veneris* non luctanter acceptare, ad augmentandos suos redditus, an non hæc ulterior esset legitimationis hujus ludi confirmatio? publicâq; mundo significatio quod nihil opus sit hominibus ut tanta cum cura ac sollicitudine sibi ipsis contra importunam suarum libidinum obsidionem defendendis insudent, cum ipsa *summa sanctitas Pontificia* ad faciles sanè æquâsq; conditiones hac in re descenderit, patienterq; permittere velit numerosis quidem multitudinibus harum operariarum *Impuritatibus* etiam in propria sua Sede Episcopali quæstum occipere, eâ lege ut annuos sibi indè pendant Reditus, eôq; pacto sacrosanctum hunc summum Sacerdotem, supremum agnoscant Civitatis *Sanctionem*. Hoc profectò reverà esset, *matrimonii quidem persecutorem, Ganearum verò Patronum se præbere*, uti rectè quidam præcisèq; super hac re pronunciat.

Dent. 3. 18.

Quod enim majus Patrocinium exoptare possunt quàm illius suffragium & approbationem, qui aut est aut haberi vult *universalis Judex infallibilis*, saltem in causis omnibus Religiosis, cujûsq; ipse *Titulus* seu Inscriptio est, *sanctitas*? Quod autem eas approbat manifestum est ex eo quod acceptat, si non extorquet ab ipsis partem lucri. Cum tamen verus ille sanctus *Israëlis* mercedem meretricis noluerit acceptare quantumvis oblatio esset voluntaria; ut suam nimirum ostenderet averfationem ab hujusmodi impuritatibus. Verum impossibile est ut quispiam sciens prudensq; vel ex pacto, lucri particeps fiat, sub conditione scilicet silentii conniventiaque, aut quovis modo favendi Improbitati quæ lucrum invehit, quin eo ipso ipse improbitatis sit particeps. Quod cum supponatur in summo hoc Sacerdote, huic consequens est, quod hanc *Veneris Nundinationem*, quæstum intelligo Meretricium, tanquam haud ita improbum considerat, atq; hoc pacto universo mundo habenas relaxat *Libidini ac Impuritati*.

12. In quam etiam celerius præcipitarentur immergerenturq; si suffragiorum multitudine ab inferioribus *Ordinibus Religiosis* circundarentur, impudicis eorum actionibus fœtidisq; sermonibus testimonium perhibentibus, se in ea esse opinione, hoc peccatum leviculum esse vel potius omninò nullum. Supponimus enim eos vix illud tanquam peccatum considerare ullâ aliâ ratione, nisi quod peccatorem illud oporteat Sacerdoti confiteri (quod facilius Sacerdotes *Laicos* sibi obnoxios tenere possint, propriâq; ipsorum malefacta conscientis suis minùs onerosa sentire dum alios sibi similes esse toties observant) ejûsq; agnoscere auctoritatem, ac voluntati ipsius se submittere de negotio, in quo, prout ipsum jam descripsi, eum experturus sit hominem sanè perquam *civilem ac humanum*.

Supponemus igitur maximam partem Cleri hujus falsæ Ecclesiæ impuram turpèmq; in actionibus, sermonibus ac gestibus; & ut nihil desit ad exaggerandam hanc *Antichristianismi* Ideam, ea in parte cui jam insistimus (poterisq; si lubet idem in cæteris supponere) fingemus ipsum summum Sacerdotem æquare saltem reliquos Fornicationibus, Adulteriis & Incestu, si non antecellere. Quæ res profectò necesse est ut malignam habituræ sint influentiam ad mores universæ illius partis Orbis Christiani corrumpendos quæ ullam existimationem habent, ullâmq; debent Reverentiâ huic Imperio Sacerdotali.

13. Postremò, ut nihil desit ad mensuram hujus *Antichristianæ* Pollutionis sive *Impuritatis*, quam describimus, explendam, supponemus porrò eas Regiones & Principatus qui proximè summi hujus Sacerdotis Sedi adjacent, alteram esse *Pentapolin* propter *Impuritatem* omnium sceleratissimam, ipsam turpitudinem intelligo *Sodomiticam*.

Immo ipsos *Sacerdotes summos* ut plurimum adedò impios fore ut ii certè ex eis tolerabiles habendi sint si non laudabiles qui quibuscunq; voluptatibus illicitis quas è *feminis* decerpere possint, contenti fuerint, cum *Venus mascula* tam frequens sit etiam in Capitibus hujus Ecclesiæ Apostaticæ; *Pathicisq;* esse, gradum fore proximum, saltem nullum obstaculum, ad summos Ecclesiasticos honores: Fœdum hoc

Gomorrhæ

Gomorrhæ peccatum eò invaluisse, illóq; esse in pretio ut *Principes Ecclesiastici* magnoperè sibi placeant ostendendo Ingenium suum ac eloquentiam in describenda hujus vitii voluptate illiúsq; præcellentia supra omnia oblectamenta è sexu fœminæo; putidósq; hujusmodi tractatus in publicum edi cum securitate & impunitate; Capite hujus impiæ corruptæq; *Synagoge* in ipsos minimè animadvertente, qui tamen contra voti *Monastici* violationem doctrinámve quamlibet eò tendentem igni ac sulphure Excommunicationis esset fulminaturus, & suppressurus fortean laudabilem quamlibet *Satyram*, ad perstringendum fœdum hoc ac nefarium crimen *Sodomiticum* concinnatam, immò dispensationem donaturus integris Familiis ob tenues profectò rationes super usu tam execrandæ Turpitudinis.

14. Et denique, Partim per audacissima Aulae hujus *summi Præsulis* exempla, & partim per validas vitæ *Monasticæ* Tentationes & Importunitates (cùm desidia formulæq; Devotionis inefficaces corpus minimè mortificatum relinquant, immò fœculentum magis ac libidinosum quàm in quibuscumque hominibus secularibus, ipsorumq; à fœminis seclusio eis non permittat fœdo suo onere aliter quàm *Veneris mascule* usu se levare) supponemus porrò noxium hoc venenum per universum fere hunc Orbem *Pseudochristianum* se diffudisse, multaq; Monasteria hoc *Gomorrhæ* peccato abundare, impuro hoc æstu ab Inferni faucibus, *summi Pontificis* utiq; palatio, ad frigidiora ac Borealia sui Imperii *Antichristiani* climata penetrante.

15. Quamobrem cùm ipsa forma hujus *Pseudo-Christianæ Politie* ac constitutio talis sit quæ ex sua natura ejusmodi fœdis producendis fructibus sit apta, etiam fructibus *Sodome* pomisq; *Gomorrhæ*, cùmq; eam supponamus istiusmodi fructus, impurissima putà Carnis opera, *Fornicationem*, *Adulterium*, *Incestum*, ipsamq; adeò *Sodomiam* modo tam copioso producere; quomodo dubitare possumus quin insigne futurum sit *Antichristianismi* ipsiúsve *Antichristi* membrum, ubicumq; inventa fuerit, crassam hanc intelligo *Impuritatem* tam conspicuè secundo *Divinæ vitæ* ramulo oppositam, illaq; politia sic infecta (si modò illa Infectio dicenda sit qui naturalis omninò est flos fructúsve intrinsecæ constitutionis rei) cùm variis *Impuritatibus* generibus illa ipsa sit Civitas summo quidem gradu *Antichristiana* quæ mysticè dicitur *Sodoma* æquè ac *Egyptus*, cujusq; Incolæ excluduntur è sancta Civitate (*Nova Hierosolyma*) ut qui ipsi perfectè sunt oppositi, quorumq; portio stagnum est *ardens igni & sulphure quæ est mors secunda*.

In quorum nigro damnatorum Catalogo recensentur inter alios *Meretrices* & *Scortatores*, sive simplex *Fornicatio* sit sive *Adulterium*, & *Incestus*, ut & *ipsoi*, quos *Grotius* interpretatur *agrosuolitas* & *maximè cum masculis concubitores* & *Pathicos*, quibus respondent *canes* in altero Catalogo cap. 22. Si quidem libidinis & obscœnitatis caninæ furor facit ut promiscuè se invicem adorian- tur sine sexûs discrimine.

Atq; hoc sufficiat ad breviter describendum illud *Antichristianismi* membrum quod opponitur illi *Divinæ vitæ* Ramulo qui *Christiana Puritas* est.

CAP. XIII.

1. *Præstantia* Charitatis, quódq; ea est ipsa vita animaq; Politie Christi.
2. *Descriptio* naturæ Regni Christi è *Scripturis*.
3. *Proprietatum* illius Imperii è *præcitatæ Prædictionibus* Collectio, quódq; omnes effectus sunt Charitatis.
4. Cui Regnum Antichristi est contrarium.
5. *Pauperum oppressio* atq; *inopum* per *Antichristianam* hanc *Politiam*.
6. *Hominum*, sub falso prætextu *Hæreseos*, suis fortunis expoliatio.
7. *Absurdarum* pœnarum *barbaræ Injunctiones*.
8. Hujus Politie nusquam equiparanda superbia.
9. *Indignissimarum calumniarum* adversus veritatis professores disseminationes, quemadmodum *Pagani* olim fecerunt adversus primitivos *Christianos*.
10. Harum *Antichristianarum Calumniarum exempla varia*.

1. **U**ltimus *Divinæ vitæ* ramulus est *Charitas* quod culmen est summumve ger- men aut flos, immò ipsa *Quintessentia* Christianitatis, vitæq; ac anima il- lius Politie Regniq; Christi quod prædictum est in sacris *Scripturis*, debetq; maxi- mè immediatè in *Personis Ecclesiasticis* fundari; Quorum *Conversatōis Gravitās*,

Mansuetudo & Exemplaritas, ut & efficacia ipsorum doctrinæ & consolabilis ac benignæ disciplinæ vis & efficacia, ad accuratiorem pertingens vitæ humanæ emendationem quàm quod *Leges civiles* ut plurimum collineant, (hoc est, ad homines reddendos magis sobrios sanctosq; in Conversatione sua, magis æquos moderatosq; in exactionibus suis, magis liberales ac misericordes erga pauperes, magis fideles ac sinceros, magisq; benevolos ac candidos erga se invicem quàm *leges Politicæ* eos efficere possunt) erigere debet illud *Regnum Christi* in mundo, quod reverà futurum esset ingens gaudium ac felicitas omnium Nationum Terræ, secundum ipsorum votum atq; expectationem. Neq; enim quicquam magis exoptabile est quàm *Regnum Christi* (quod ut veniat quotidie oramus) secundum illas descriptiones quæ de eo fiunt apud *Prophetas* & in *Psalmis*.

- Psalm. 72.* 2. *Hominibus* patrocinabitur *Inopibus*, tuebitur genus pauperum fraudatores attenuans. Erit quasi descendens in detonsa prata pluvia, ut terram irrorans imber. Florabunt ejus tempore justī, multaq; pax donec desinat esse Luna. Et paulò post in eodem *Psalmo*; Tenuis miserabitur & egenos, pauperumq; vitam tuebitur. Eos à fraude & injuria vindicabit, & eorum sanguinem in pretio habebit. Et apud *Esaïam* de eo dictum est; Quassatam arundinem non perfringet, languescens ellychnium non exstinguet, jus ad veritatem perducet. Et rursus in *Psalmis*; Accinge femori gladium tuum heros, tuum decus & gravitatem. Atq; istà gravitate feliciter invehere, fidei & tam mitis justitiæ ergò, & tua tibi dextra res ostendat stupendas, nempe ut oppressorem attenuet, hominemq; fraudulentum publicà obruat ignominia. Etiam apud *Zachariam*; Exulta vehementer filia Sion, exclama late filia Hierosolymæ, ecce venit tibi rex tuus qui justus & victoriosus est, humilis, equitans in Asino & pullo Asinæ nato.
- Cap. 9.* Et rursus apud *Esaïam*; Ut pastor gregem suum pascet, lacerto suo congregatos in sinu gestabit agnos, fatus agens. Et alio in loco copiosius regnum Christi describens, Terrarum tenues, inquit, justè judicabit, inopēsq; terrarum corrigit ex æquo, & terras oris sui baculo verberabit, & spiritu labiorum suorum necabit impios, habens pro laterum cinctu justitiā, pro ilium cinctu fidem. Itaq; versabitur cum agno lupus, accubabitq; pardus hædo, copulatusq; vitulum & leonem & taurum ducet puer parvulus, & vacca ursusq; compascuntur, concubantibus eorum pullis, & leo more boum paleā pascetur, & ludet super aspidis foramen lactens Infans, superq; viperæ cavernam ablactatus puer manum agitabit. Nusquam malè aut nequiter fiet in meo sacro monte, quoniam tante cognitionis Jehova terra plena erit, quantis operitur aquis mare.

Quibus omnibus addere potes, Christum cum sua Ecclesia in *Apocalypsi* semper ferè representari sub Hieroglyphico Agni illius innocui & pacifici Animalis, & apud *Danielem* sub Typo *Hominis*, cum reliqua Regna ibi præfigurentur per *Feræ*. Quod planè innuit, Christi regnum regnum non fore belluinæ ferocitatis, sed *Rationis*, *Humanitatis*, summæq; *Benignitatis* ac *Misericordiæ*.

3. Secundum hanc igitur *Regni Christi* descriptionem, Regnum *Pacis* prorsus est atq; *Amoris*, Imperium *Divinæ* illius virtutis *Charitatis*, seq; ipsum manifestat in defendendis, vindicandis, ac sublevandis pauperibus, in *Humilitate* & *Mansuetudine* imperantium, atq; in eorum veritate ac fide in rebus administrandis absq; omni malo dolo ac fraudulentia, in unitate amicòq; populi commercio, in cessatione belli ac hostilitatis, & in protectione Sanctorum Dei à persecutione & cæde; omnes hæ beatitudines in Regno Christi juxta suprà citatas Prædictiones includuntur, suntq; universæ effectus *Charitatis* prout *S. Paulus* Gratiā eam à præstantissimis suis fructibus descripsit.

- 1 Cor. 13.* *Charitas* enim benigna est, plena actionibus Humanitatis, non querit quæ sua sunt, multoq; minùs sive per invidiam sive per avaritiam inhiat alienis; *Charitas* superbiam fastig; animi non inflatur, non gaudet injustitiâ dolere, sed veritati gratulatur ac fidelitati; *Charitas* non facillè malum cogitat de hominibus, nec indecorè perperâve se gerit, ex mala opinione quam de ipsis conceperit quantum ad *Moralitatem* ac *Religionem*. *Charitas* tantum abest ab inflammandis aliis ad bellum ut vix ipse irritari possit ad iram, sed lenis est atq; longanimis, tantoperèq; abhorret à persequendo trucidandòq; bonos, ut nimis severè vix animadversura sit in eos qui haud satis probatæ sint conversationis. *Charitas* enim omnia suffert, omnia credit, omnia sperat, omnia sustinet; tantum abest ut persequatur, incarceration, torturis subjiciat occidatq; homines innocentes atq; probos (qui vero Dei timore imbuantur) ex mendacis suspicionibus malisq; ominationibus; hoc est, præ metu nè veritatis Evangelicæ disseminatio usurpativum suum Imperium *Idololatricæ Tyrannidis* ac *superstitionis* subrueret.

4. Quam-

4. Quamobrem cum tam distinctum intuitum naturæ ac proprietatum *Charitatis* conditionisq; *Regni Christi* in Ecclesia, cujus Dominium in *Amoris lege* fundatur, habeamus, non difficile erit *Antichristianæ Politie* Imaginem delineare, quatenus ultimo huic *Divinæ vitæ* ramulo opponitur, quæ eximia illa est *Gratia Charitatis*.

Supponemus igitur cætum hominum, qui se Christi ac Apostolorum *Successores* esse prætendant (qui certè si legitimi illius essent successores, oporteret eos etiam in donis sui spiritus succedere) in rebus Ecclesiæ administrandis, illi *Regni Christi* descriptioni è Prophetis atq; Psalmis, prorsus esse contrarium; an non hoc crassum conspicuumq; *Antichristianismi* membrum reperiretur?

5. Ut verbi gratiâ, primùm si supponeremus, cum Servator Christus describatur tanquam is qui pauperum animas ac egenorum redimat ab oppressione & injuria, hujus *Politie* constitutionem, quam hi simulati illius successores in mundo erexerint, *jugum* esse simplicissimis corde hominibus, majus *Judaico*, servitutemq; *Egyptiacâ* intolerabiliorem, quemadmodum eam suprà descripsi, ut quæ tum conscientias eorum onerat & affligit, tum corpora etiam fatigat crumenâsq; evacuat per multas ob istiusmodi peccata quæ contra nullam Dei legem committantur ullumve officium quod debemus Proximo, sed tantùm adversus ejusmodi supersticiosa Instituta quæ per quorundam ignorantiam, aliorum verò astum & calliditatem facta sint, qui leges superfluas multiplicant, ut dulci pœnarum lucro indè fruantur, sanguinemq; ac succum hominis paupericuli, qui laboribus victitat, exsugant, quoties eum hisce suis retibus illaqueaverint; an non hoc apertissimè adversaretur illi parti Descriptionis *Regni Christi* quæ consistit in protegendis sublevandisq; pauperibus & oppressis?

6. Equidem res esset admodum à Christianitate aliena, nec obscurum quidem indicium eos haud veros & genuinos Christi esse successores, qui non eam apud civilem Magistratum gratiam obtinerent, ut omne vile vasallagium servitûsque, omnisq; squalida ac deploranda paupertas, ad gloriam Evangelii & in honorem *Regni Christi* fugetur, quod ibi semper supponitur esse ubicunq; Evangelium recipitur. Ut verò hi simulati ac Hypocritici *Successores* in mancipando mundo Instrumenta essent & Adjutores, ut partem spoliî lucrentur, vel potius ut *spiritualem* quandam *Politiam* erigerent ad mancipandos universos, & intolerandam introducerent *corporis, animæ, fortunarûmq;* servitutem, qualem ipse *Paganismus* vix unquam viderit, certè hoc oportet esse vel summo gradu *Antichristianum*.

Etenim quæ esse potest magis barbara oppressio, quantum ad *fortunas* hominum, quàm sub prætextu *Infalibilitatis* talem fabricare Religionem quæ verbo Dei perspicuo immutabilibûsq; *Rationis regulis* omninò repugnet, omnia depravando ad hunc modum, in suum commodum mundanum, sicut satis fusè jam descripsi, ut ampliores reditus ad fastum pascendum luxuriâmq; hujus falsæ Ecclesiæ acquirant? Et postquam Divinam veritatem tam crassè perverterint, ut declararent, eos qui ipsorum figmentis ac mendaciis fidem non habuerint, nullum habere jus ad proprias suas *fortunas*, non magis certè quàm quivis fur latrôve habet ad suam rapinâ acquisitam prædam, ac propterea ut non solum eos ab omnibus publicis muneribus utilis aut honorificis prohiberent, sed incapaces etiam redderent condendi Testamenta, Hæredesq; ipsorum hæreditandi suas Fortunas, eosq; absterrent à vendicandis suis Patrimoniis, nè paterna Hæresis, quasi hæreditario quodam jure descendens, ipsis vel invitis impingeretur.

7. Quibus *Antichristianis* barbaritatibus addere porrò potes contemptuosas ac crudeles pœnas quas eis imponunt qui Ecclesiæ suæ se submiserint, cogendo eos squalidè ac horribiliter personatos in publica processione incedere, aut injungendo ipsis ut suris pedibûsq; nudis ambulent in subuculis, propriâq; flagellis cedant corpora in conspectu populi dum progrediuntur. Quàm dissimile, immò verò quàm prorsus contrarium hoc est illi mansuetudini ac benignitati quæ in disciplina ac regimine *regni Christi* describitur? Verùm non opus est ut hisce rebus immoremur, quandoquidem de ipsis satis fusè suprà jam egimus.

8. Nunc verò quantum ad alterum illud spectat, *Humilitatem* intelligo, animiq; demissionem, qui etiam unus fructus est *Charitatis*, & ex quo Persona Regiménq; Servatoris apud antiquos Prophetas describitur, equidem detestabilitatem vitii *Antichristiani* huic virtuti oppositi in primo *Divinæ vitæ* ramulo ostendimus, nec opus est ut hîc quicquam insuper adjiciamus.

9. Tertius *Charitatis* Character est, quod *fidelitate* gaudet ac *veritate* in humanis *transactionibus*. Quarum quidem contraria facili negotio discernuntur. Ut missas igitur faciamus *fraudes* illas multifarias quas in hac nostra *Antichristianismi* descriptione perpetuò ferè subnotavimus, hoc certè admodum *Antichristianum* esset

esset & à *Charitate* valde alienum, nimirum *Actiones opinionésq;* hominum publicis sermonibus scriptisve perversè perperamq; repræsentare, immò insignia adinvenire mendacia ac figmenta quibus personas hominum ipsorumq; doctrinas deturpent, hominésq; subornare qui ea scribant, & in publicum divulgent tanquam vera. Quæ quidem in re eorum imitarentur mores qui vixerunt sub Dracone, antiquo illo Serpente falsq; primitivorum Christianorum *Accusatore*, quos defamabant ac calumniabantur tanquam *Solis adoratores*, quia Deum orabant faciebus ad Orientem conversis, *Hominumq; mactatores, comestorésq;* ac *potatores humane carnis ac sanguinis*, quia panem vinumq; Eucharisticum corpus sanguinemq; Christi appellitabant, cum tamen sensu tantum mystico symbolicove illud intelligerent. Ob professionem cum *S. Paulo nec masculum esse nec feminam in Christo*, sed utriq; pariter aditum ad æternum suum regnum patère, eos *nullam habuisse rationem sexuum*, sed vilissimos fuisse *Sodomitas* fœdósq; cum masculis concubitores. Ob conventiones suas ad Deum privatè colendum, in cryptis spelæisq; subterraneis propter metum persecutionis, eos *conspiratores* fuisse contra *Rempublicam Imperiūq; Romanum*. Et postremò ob reverentiam quam adhibuerunt in recipiendis elementis Panis atq; Vini in sacris suis Communionibus, cultores fuisse *Cereris atq; Bacchi*.

10. Ad eundem modum facile quidem supponere possumus *Pseudochristianam* hanc Ecclesiam contra vera Christi membra hujusmodi perversas calumnias comminisci posse, easq; in vulgum spargere, traducendo nimirum eos tanquam *Atheos* aut saltem *Arrianos*, quia *consecrati Panis* frustuli *Divinitatem* non agnoscunt, famigerando *Manicheos* quia Potestatem Ecclesiæ illà Imperatorum Regumq; superiorem non tenent, (ut sic unica nempe sit summa Potestas in Ecclesia) sed secularem potestatem asserunt ab Ecclesiastica minimè pendere. Quasi quis profectò, has duas potestates tenendo distinctas, duo *Manichaorum* principia eo ipso teneret; tanquam *Scoparum inequitatores Magos*ve eos defamando, quia propter sævissimas persecutiones loca deserta & montana habitare coacti fuerint; vel ob nocturnas suas in privatis ædibus conventiones, imputando ipsis istiusmodi horridas ac sceleratas consuetudines quæ de Christianis primitivis olim ferebantur, candelâ scilicet extinctâ eos Incestum omnèq; genus impuritatum in tenebris commisisse, immò proprios liberos in his occultis Conventiculis occidisse; Accusando illos *convitationum* adversus *Santos*, ex eo tantum quòd profiteantur sibi licitum non esse eos invocare; aut *blasphemiarum* contra *beatam Virginem*, quia par esse non putant religiosum cultum ipsi exhibere; Insimulando eos *contumacia erga Magistratum* ex eo solummodò quòd in sincera professione illius fidei quæ Christi Apostolorumq; doctrinæ consentanea sit, persistant; Et postremò impingendo ipsis quæcumq; illis libuerit execranda facinora, & obrutando ora ipsorum (lignæis aliquibus ferreisve injectis epistomiis) quos tam injustè accusaverint aut calumniati fuerint, nè pro seipsis respondere possint, seq; coram populo purgare; Immo subjiciendo homines ejusmodi Torturis ut ipsa viscera è corporibus erumpant, ut cogant eos aut seipsos confiteri aut sectam suam istiusmodi nefariorum criminum reos esse quorum haud credibile sit vel ipsos persecutores eos reverà habere suspectos, idq; in eum solum finem, ut prætextum habere possent specièmvæ aliquam ex hujusmodi extortis confessionibus, suas populo verificandi calumnias, reddendsq; insontes atq; innocuos veritatis Evangelicæ professores odiosos omnibus atq; invidiosos.

Certè si hoc illi *Charitatis* parti quæ in *fide ac veracitate* cernitur, ex diametro non adverfetur, nihil omnino excogitari potest quod illi possit adverfari.

CAP. XIV.

1. Nota ignominiosa veris Christianis iniusta ex invito Titulo Hæreticorum, cum barbaris in ipsos injuriis inde ortis. 2. Hæresin & Schisma peccata esse contra Ecclesiam verè Catholicam & Apostolicam. 3. Quid intelligatur per unam Catholicam & Apostolicam Ecclesiam. 4. Quid sit nefarium illud peccatum Hæresios. 5. Quid Schisma. 6. Homines dum sincera Corporis Apostolici membra sunt, nec Hæreticos esse posse nec Schismaticos. 7. Hypocritica & Schismatica meticuloſitas hujus Antichristianæ Ecclesiæ in abstinendo se à communione, in quovis actu religioso, cum quolibet verè Apostolici corporis membro. 8. Propositum eorum fraudulentum in fovenda hac schismatica meticuloſitate & in sociabilitate.

1. SED enim & illud adnotabimus quod tam frequenter eis imputabitur qui à falsa hac Ecclesia dissenserint, ut vix in contumeliæ loco habitum fuerit, sed Civilitatis potiùs aut saltem justitiæ, estq; illa adeò crebra horum, ignominioso Hæreticorum & Schismaticorum nomine, appellatio. Quod tamen proprio ipsorum judicio tam parùm habere ponderis vix credo, cum realis eorum super hac re æstimatione ex illorum actionibus cerni possit, ut qui *Hæreticum* tam invisum habent ac contemptibilem ut nè communibus quidem humani generis privilegiis eum dignum reputent, nec protectione illà quam humanæ Societatis leges omnibus hominibus ministrant, adeò ut nulla sit illi Promissi securitas quantumvis juramento confirmati, siquidem *fides non est servanda cum Hæreticis*. Ut nè hîc commemorem pœnam Hæresios esse capitalem. Quod quàm justè statuatur, quando quis præ superbia nimia ve sui existimatione talis non evaserit, hîc non disputabo.

2. Magis utile credo fore, si consideremus quid sit *Hæresis Schismatice* reale, ut sincerus intelligensq; Christianus contumeliâ non afficiatur, nec minùs intelligens à veritate, hujusmodi *Mormolyceis*, absterreatur. Qui contra horum peccatorum immanitatem tantoperè exclamant, eorum certè zelus & eloquentia rectiùs impenderetur, si tam fideles esse vellent ut veram eorum notionem descriptionemve nobis depromant, alioqui dum tantam præ se ferunt industriam studiumq; promovendi *Pacem ac Unitatem* in Ecclesia, fieri profectò potest ut majorem inde dent occasionem *Dissensionibus ac Simulatibus*. Plura enim statuere, *Hæreses* esse & *Schismata* quàm reverà sint, est certè plures excitare rixas ac controversias quàm sit opus. Equidem nemo me lubentiùs agnoscat *Hæresin* & *Schisma* crimina esse oppidò quàm gravia etiam saturatissimâ turpitudine tincta; at enim eam oportet veram esse *Hæresin* atq; *Schisma*; Non quicquid Protervitas, Mundani lucri ratio, aut præjudicium deniq; dominantis partis eo nomine appellandum censuerit, sub prætextu quòd illi, una illa Ecclesia Catholica sint, à cujus doctrina (quantumlibet falsa sit corruptave) siquis dissentiat, *Hæresis*, si verò à communione eorum se subducatur (quantumvis *Idololatrica* ipsorum sint praxes & consuetudines) *Schisma* sit habendum. Minimè gentium. Illa immania peccata *Hæresios* atq; *Schismatis* non sunt contra hanc illamve particularem *Synagogam*, quantumlibet numerosa sit, sed contra *antiquam* verè q; *Catholicam* ac *Apostolicam* Ecclesiam. Quibus verbis nè quis abutatur ad faciendum, ut Ecclesia minùs *Catholica* minùsq; una appareat quàm reverà sit, facilem hîc sensus eorum resolutionem apponendam censui.

3. In ea igitur sum opinione, Objectum Fidei nostræ in hoc *Symboli* Articulo hæc tres esse Propositiones.

Primò, *Ecclesiam* Dei in qua æterna salus expectanda est, non esse nisi *unam*, hoc est, neminem in religione qualibet servari posse, ut quidam nimis temerè leviculèq; imaginantur, sed *viam unam* duntaxat esse ad salutem quæ *verè* Dei *Ecclesiæ* est revelata; ad quam omnes antè venire oportet quàm æternam salutem possint adipisci.

Secundò, *Ecclesiam* hanc Dei, nunc esse Ecclesiam *Catholicam*, non *Topicam* seu *Nationalem*, ut in Republica olim *Judaica*, sed Ecclesiam, quæ jus habet ad extendendum se super faciem totius Orbis Terrarum, eòq; destinata esse à Divina Providentia, quemadmodum in multis Prophetarum locis prædicitur. *Ab ortu Solis ad occasum magnum erit nomen meum apud gentes, & ubiq; locorum afferetur meo nomini suffragium & oblatio pura*, quemadmodum *Malachias* vaticinatus est; *Davidq; in secundo Psalmo, Postula à me & tibi gentes in hereditatem, orbis fines in possessionem dabo*.

Cap. 11. 11.

Tertiò

Tertiò denique, Ecclesiam hanc unam Catholicam nec tam latè esse extendendam, ut ibi agnoscat ubi Doctrina Apostolica, Fidèsq; ac Praxis à Christo ac Apostolis tradita ac mandata oppugnentur, Doctrinæq; ac praxes eis prorsus contrariæ sint introductæ; nec in tam angustum spatium coarctandam, ut ejusmodi hominum Societates apud quos Doctrinæ Apostolicæ obtineant primævæq; praxes Ecclesiæ quæ ab Apostolis ipsiq; Christo initium sumpserint in usu sint, pro hujus Ecclesiæ Catholicæ parte non habeantur; hoc est, ut Adæquatum Characterem hujus unius Catholicæ Ecclesiæ non censeamus hunc esse, ut nihil Apostolicarum Doctrinarum imitabiliūmq; consuetudinum quæ à Christo Apostolisve suis præceptæ sint rejiciat, nec doceat instituatve quicquam quod apertè ipsis contrarium sit verbòve Dei cui Christus Apostolique testimonium perhibent.

Ac proinde illam demum veram esse Catholicam Ecclesiam & quoad totum & in singulis illius Societatibus particularibus, quæ pro suis legibus ac consuetudinibus visibilibus, quibus ipsa etiam evadat visibilis, leges habet Christi & Apostolorum, & nihil præterea superadditum quod ipsis repugnet.

Hunc spero ab omnibus hominibus facillimum agnitum iri maximèq; genuinum hujus Articuli Christianæ fidei sensum quàm hæc verba possint ferre.

4. Atq; hinc credo quemlibet facillè posse discernere quæ sit illa Hæresis quæ tam atrox flagitium sit existimandum, nempe dissensionem esse ab Ecclesia Catholica etiam in eis rebus quæ in ipsa sint Apostolica. Nam per eas solas, dum integræ minimèq; in ipsa oppugnatae manent, illa demonstrat se unam eam solamq; esse Ecclesiam Christi Catholicam. Et certè hoc atrox admodum facinus esset, contra illam auctoritatem quam habet erudiendi imbuendiq; homines hac salutari veritate, vel mutire. Siquis, inquam, dissentiret ab ulla parte hujus Apostolicæ Doctrinæ, per spiritum contradictionis, nimiamq; sui existimationem, hæc profectò Hæresis esset turpissimis, quæ fingi possunt, circumstantiis induta.

Proximūsq; huic gradus esset, ab Ecclesia dissentire Catholica in ejusmodi rebus, in quibus universim inter se consentiant, quamvis nulla pars essent doctrinæ Apostolicæ, verum interim non manifestò aut verbo Dei aut immutabilibus Notionibus humani Intellectus dissentaneæ.

Tertiūsq; gradus esset, à determinationibus propriæ cujusq; sive particularis Nationalisve Ecclesiæ in circumstantiis priorum non dissimilibus, dissentire.

Hæc sanè nimis propinquam habere videntur affinitatem cum illa quam maxime propriè primariōq; Hæresin esse definivimus. Cæterum cum ita sit, ut Concilia etiam Oecumenica errare possint, Scripturæq; in rebus ad salutem necessariis satis sit perspicua, Rēsque ac Genii particularium Nationum oppidò quàm differentes ac mutabiles, Conciliaq; Generalia admodum difficulter tardèq; congreganda, equidem non debeo nimis præproperè illi Dissensui qui vel Oecumenicam aliquam doctrinam consuetudinēve spectet, tam gravem notam, quàm est illa Hæresis, inurere, cum nulla hic supponatur violatio collisione cum Legibus doctrinisq; Apostolorum; Dissentire verò nollève subscribere cujuscunq; Ecclesiæ determinationibus quæ doctrinis Apostolicis planè repugnant, non solùm non Hereticum esset sed & Heroicum, præsertim si dissensus incommoda aliqua personalia illi probabiliter inveciturus sit qui dissenserit.

5. Nunc verò quantum ad Schisma, idem ferè statuendum est de ipso atq; de Hæresi. Manifestum enim est Schisma propriè sic dictum, separationem esse ab Ecclesia Catholica aut ab aliqua Nationali Ecclesia quæ illius pars sit etiam tunc ubi seipsam præstat Catholicam, hoc est, ubi Apostolica est vel quamvis sit Apostolica, nullāq; offerat opiniones consuetudinēve nisi quæ conformes sint Consuetudinibus ac Doctrinis Christi & Apostolorum. Separare se ab Ecclesia in hujusmodi circumstantiis, magnum equidem fateor crimen esse & execrabile. Verum separare se ab Ecclesia in aliis rebus ex invincibili suspitione quòd assensus praxisve in hoc vel illo placito peccatum esset facinorūsq; Deo invisum (quamvis illæ opiniones fortean veræ esse possint praxēsq; in seipsis innocuæ) hoc sanè quanquam hominem reddere possit materialiter Schismaticum, formaliter tamen non potest, estq; miseratione potius dignus qui sic peccat quàm contumeliā.

Quòd si quis se separet ab illa Ecclesiæ parte (modò ea pars Ecclesiæ dici possit quæ sic se gerit) quæ opiniones praxēsq; injungit quæ Christi Apostolorūmq; præceptis planè repugnant; separatio sanè in hoc casu miseratione non indiget, nec convitiis debet excipi, sed summis laudibus & encomiis. Illaque vox eos justificabit, quæ ejusmodi sibi poscit Separatistas, Exite ex ea popule mi nē participes sitis peccatorum ejus, & ex plagis ejus accipiatis. Exitus enim heic reverà foret in veram Ecclesiam Introitus,

Introitus, mora verò protracta ab ea disjunctio, quemadmodum quidam acutè sanè atq; verè, *Is Ecclesie non jungitur qui ab Evangelio separatur.*

6. Quamobrem à vera hac determinatâq; rerum intelligentia manifestum est quàm enormi modo ac Antichristiano contra *Charitatem* contrâq; vera Christi membra falsa hæc Ecclesia peccatura esset appellando ipsos *Hereticos* & *Schismaticos* & Divulsores Discerptorésq; unitatis Ecclesiæ, cum reverà tam longè absint ab *Heresi* ut fideles testes sint *Jesu*, solâq; sincera membra corporis *Apostolici*, unq; se illi fundamento agglutinent cujus *Christus* præcipuus est lapis angularis, tantûmq; absit ut sint *Schismatici* separando se à tali Ecclesia quam ego descripsi, ubi crassa *Idololatria* & *Superstitio* omnia inundaverint, ut hac suâ separatione se ex illa *Babylonica* vel *Aegyptiaca* Captivitate redemerint, transierintq; ad illam civitatem quæ in *unitate*, unâve est cum seipsa, quâmq; nunquam oportet variare, illam *unam* intelligo solâmq; veram *Catholicam Ecclesiam*, ut quæ verè *Apostolica* sit. Nam si illud verum sit, *eum non Ecclesie jungi qui separatur ab Evangelio*, equidem verum id etiam fore credo, *eum qui sincerè jungitur Evangelio separari non posse ab Ecclesia*. Ac proinde strepitus hic ac vociferatio de divulsione discerptioneq; Ecclesiæ non est nisi injusta ac clamorosa accusatio ab Hominebus qui persentiscunt usurpatitiam suam potestatem ac rem *mundanam* quassari, tanquam si in frustra dissultura esset in hac veræ *Apostolicæ* Ecclesiæ Resurrectione, restitutioneq; Imperii Christi in proprias suas manus ad erigendum promissum illud diûq; jam expectatum *Justitiæ regnum* in terris.

7. Et tamen quarto in loco, quamvis falsa hæc Ecclesia aded perfectè *Antichristiana* sit, prout eam descripsi, aded crassè *Idololatrica*, miserèq; superstitiosa & contra divulsionem unitatis Catholicæ Ecclesiæ, ut illa loquitur, tam stridulè clamorosa ac querula, supponemus eam nihilominus tam *Hypocriticè* scrupulosam esse ac meticulosam, ut jungendo se, in Divino cultu, cum eis qui membra sint veræ ac *Apostolicæ* Ecclesiæ, nolit seipsam contaminare, immò nè in oratione quidem *Dominica* cum eis se jungere, aut in gratiarum actionibus ad mensam, nec dicere *Amen* ad breviusculam quamlibet ejaculationem vel doxologiam quam occasio aliqua ori eorum indiderit qui ad corpus pertinent *Apostolicum*, immò nec ipsi gratias agere volunt, nè *Apostolici* hi cum eis se jungerent suûmq; adderent *Amen*.

Et tamen hæc Præstigiatorum Synagoga tantum profectò zelum præ se ferunt ac industriam in suffulcienda *unitate Catholica Ecclesiæ* ut nihil possit esse suprâ; dum interea odii, invidiæ & contumeliis contra hos *Hereticos*, quos vocant, ita flagrant turgenteque, ut minimè eos dubitent (ut & omnem omninò sanè Ecclesiam præter suam) *Ecclesiam* appellitare *Diaboli*, ac pronunciare Deum non esse Deum nisi eos æternis flammis sit adjudicaturus; Interdicantq; alumnis suis, nè *Requiem* quidem animabus eorum postquam ex vita hac excefferint, exoptent.

8. Cæterum hæc non est nisi quædam obstrepera ac Histrionica Paratragœdiatio præ quod mox sequitur. Diabolica interim eorum *fraus* in prosequenda illa in rebus sacris insociabilitate eos inter, quos ipsis visum fuerit *Hereticos* appellitare, atq; suos, admodum est conspicua. Nè commercium scilicet in rebus Religiosis occasionem illis præberet cognoscendi veritatem, qui nullo alio glutine huic falsæ Ecclesiæ adhærent, nisi fidem adhibendo mendaciis, non talia tantummodò intelligo quæ diu jam ficta sint ad mundanum Ecclesiæ commodum, sed istiusmodi perversas Interpretationes ac falsitates quibus alumnorum suorum animos adversus eos, quos illi *Hereticos* appellant, imbuunt, quorum doctrinas depravant morésq; prohibitu traducunt, & commercium cum ipsis interdicendo, in vili illa de ipsis opinione quam per indignas suas calumnias infuderint, suos detinent.

Præterea, per hanc scrupulositatem de communicando cum ipsis in Religioso quolibet officio, magnam sanè, quod paulò antè insinuavi, ostentant *Pharisaicæ* suæ Ecclesiæ sanctitatem, odiûmq; ingenerant ac detestationem omnium qui ipsam oppugnant. Quod quidem institutum in eis qui tantoperè de *pace* ac *unitate* Ecclesiæ sermocerantur, duplex est *Iniquitas*, summâque *Charitatis* violatio quæ citra pugnas ac prælia consistat. Verum proculdubio illa meretrix erat non mater genuina quæ tam crudeliter postulabat, ut infans divideretur. Et eam certè oportet adulteratam esse Ecclesiam, quæ Christianos in eis rebus differre vult, in quibus profitentur se convenire, & in partes discindi ubi naturaliter coalescerent, in *Apostolicis* nempe doctrinis & consuetudinibus.

CAP. XV.

1. *Quales ad bella Instigatores horrendarumq; cædium machinatores falsi hi sint Successores Christi.* 2. *Crudeles illorum lanienæ in Christi oves.* 3. *Prodigiosarum in ipsas Barbaritatum exempla propter fidelitatem suam erga Servatorem ac Redemptorem.* 4. *Numerositas eorum qui sic passi sint, cum particularibus quibusdam Cruditatum generibus.* 5. *Plura exempla hujusmodi diabolicarum Barbaritatum.* 6. *Omnia elementa iræ ac furoris, hujus Antichristianæ Potestatis instrumenta facta.* 7. *Exempla hujus Antichristianæ sevitie maximè belluina & immania.*

1. *C*Æterum restant adhuc manifestiora hujus *Antichristianæ* contrarietatis indicia adversus hanc *Divinam Charitatis virtutem*, Regiam illam legem, quod jam dixi, Imperii Christi, quod describitur à *Pacè & securitate* eorum qui sub eo vixerint, *Non nocebunt, non occident in universo sancto monte meo.*

Esaï. 11. 9.

5. In quinto igitur loco, Quàm prorsus *Antichristianum* foret in eis qui specialiori modo se prætendunt *Christi* esse *Successores*, si instigatores reperirentur ad bellum, sedulq; cædium in orbe Christiano Machinatores; Si ingeniosi pœnarum ac crudelitatum inventores, barbariq; executores earundem; sine misericordia erga pauperes, eos etiam paupertatis causâ odio habentes; Principum per venena interfectores; etiam per panem illum quo prætendunt se animas eorum velle pascere ad æternam vitam; summis interim Sacerdotibus, Capitibus utiq; hujus *Antichristianæ* Politix, sua consilia adjungentibus, aut plaudentibus saltem hujusmodi nefariis veneficiis & lanienis?

6. 2. Verùm sextò & ultimò, Crudelis ac sanguinolenta verorum vivorumq; membrorum Regni Christi persecutio, ob id solum quòd manifestis indubitatisq; cœlestis sui Principis præceptis fideliter adhæreant qui Rex Regum, ac Dominorum Dominus appellatur, hic certè necesse est ut maximè insignis capitalisq; *Antichristianismus* sit quo ulla *Politia* infici potest, modòq; maximè crasso ac visibili oppositus tum *naturæ Charitatis*, (quæ omnia suffert omniâq; sustinet, quæ nimis severa esse non vult erga improbos, multòq; minùs crudelis in bonos) tum etiam *descriptioni Regiminis Christi, qui pauperes dicitur à fraude & injuria vindicare, eorumq; sanguinem in pretio habere. Ut Pastor gregem suum pascit & Lacerto suo congregatos in sinu gestabit Agnos.* Hic est genuinus Spiritus verorum Pastorum Christianorum sive alto sive humili sint gradu, nempe ut tam benigno amicòq; animo sint erga suas oves.

Psal. 72.

Esaï. 40.

Ii verò qui eas cædunt, verberantq; & violenter agunt, cùm eas ducere debeant voce Evangelicâ exemplòq; Christiano eis anteire, hi sanè *Pastores* non sunt sed *Laniones*, facilèq; eas acturi sunt ad macellum, & ut gulæ sibi succidantur sine omni miseratione, curaturi.

3. Persecutio igitur *sanctorum* Dei etiam ob eas ipsas res quibus se *sanctos* esse demonstrant, ut ob id quòd imagines nolint colere, aliùve ullum actum Idololatricum admittere, quòd apertè sincerèq; Evangelii veritatem profiteantur, viramq; secundùm illam Regulam instituunt, ab omnibus istiusmodi rebus quas illa illicitas declaraverit religiosè abstinentes, hoc certè æquè manifestum est *Antichristianismi* membrum, atq; ullum quod aspectui nostro exhiberi possit; essetq; insigniter profectò *Antichristianum*, tametsi ultrà quàm ad mulctandos eos aliquà parte bonorum, incarceratione, mortève absq; ulteriori ulla dirissimarum circumstantiarum aggravatione, non procederet.

Nunc verò universis spoliari fortune ad infimam usq; paupertatem, non in vulgarem carcerem impingi sed in solitarium aliquod Hypogæum barathrùmve super stramen humidum detrudi stercore fimòve foetens, vel fortean sine illo Tapeto, cùm ipsum solum de se satis molle sit ac cœnosum, ità ut nihil opus videri possit pulvinari, & tam angustum forsitan præterea, ut vix spatium cuiquam sit quo exporrecto corpore decumbat.

Et tum postea, quantùm ad mortis genus, quando eò evocantur, quàm injustum barbarumq; esset ut integritas ipsorum ac sinceritas erga Servatorem crimen haberetur magis capitale quàm Furtum aut Homicidium, ac severiori proinde plecteretur morte? Siquidem decollatio aut suspendium in patibulo hîc non sufficit, sed subeunda

subeunda est ipsis istiusmodi mors quæ maximam torturam terrorémq; secum afferat. Vivicomburium constantis fidelisq; ipsorum erga Charissimum suum *Redemptorem* obedientiæ statuendum est præmium, & fortean cum extraordinariis quibusdam circumstantiis, dum illo cum favore eos non conficiunt quo parentum interfectores aut interfectrices maritorum, Magosve, & qui fœdus inierint cum Diabolo, sed maligno Trochlearum artificio dolores producant, immergendo ipsos in flammam raptimq; mox ex eisdem eos sustollendo, ac si sellæ demersoriæ pœnam illis irrogarent, non autem id agerent ut torquerentur igni. Nec parcendo sanè mulieribus gravidis nec quidem Infantulo qui igni baptizatus sit statim atq; in lucem editus, & per flammam ex disrupto matris utero perbenignè transmissus (æquè ferè intactus ac tres olim Pueri in fornace ignis ardentis) per crudeles execrandi carnificis manus in vorax illud elementum iterum fuerit remissus, ut qui viliori pretio æstimaverit innocentem infantulum *Hereticæ* quàm canis partum fœtusve felinos, quibus nemo tam crudelis esse vult ut igni eos comburat, sed clementiæ potiùs mollioris illius ac lenioris elementi Aquæ concredat.

4. Quid hic multitudines eorum qui hoc mortis genus passi sint commemorem; non per successionem tantùm intelligo, sed tricenos, octogenos, centenósq; unâ vice aut ad unum communem rogam, aut etiam in horreis ædibúve habitatoriis; ministris truculentis cum armis suis ferreis, retrò eos, quoties æstus fumúsq; eos coacturi essent tentare an in frigidiorē aërem possent erumpere, repellentibus? Quid Torturas & excarnificationes corporum eorum ante extremum hoc supplicium, linguarúmque excisiones quando ad palum adducuntur, ut nè ullam pro seipsis defensionem proferre possent, Deumve laudare aut ædificare populum?

5. Infinitum esset omnes vias quibus *Antichristiana* hæc Bestia, *Pseudochristiana* hæc *Politia*, falsóq; venditata Christi *Hierarchia* in explendo satiandóq; iram suam atq; odium in fideles hosce testes *Jesu*, viváq; veræ suæ Ecclesiæ membra uti possit, vobis ante oculos exponere, quàm immanes injurias ipsi eorúmque ministri vel instrumenta atq; Affecclæ, zeli sui veneno inflammati, innocuo Christi gregi possint inferre; neutri sexui parcendo, nè in circumstantiis quidem maximè miserandis, sed educendo fœminas easq; haud ignobilis ordinis post triduum quatrídumve quàm pepererint è puerperii cubiculo in horridum carcerem, eisq; utendo pari cum reliquis asperitate, cogendóq; ex *stramento*, quod dicitur, *puerperali* abreptas, super lectum spatularum fœtidarum in crudo tetróq; gurgustulo volutare, & haud multò post extendendo eas in equuleo, carnésq; penetrando ad ossa usq; chordis circa crura brachiáq; colligatis, totáq; corpora ita excarnificando ut eas plus quàm semimortuas in ipsis torturis relinquant.

Suspendendo alias, etiam dum Infans ex utero prodit, ventres aliis rescindendo; postquam manus pedésq; alicui tabulato clavis adfixerint, infantibúq; in frusta dissectis, stillantem sanguine carnem in matrum ora infarciendo; Aperiendo aliis uteros infantésq; suos anniculos bimósve in eos ingerendo itaq; eos suffocando materno sanguine; Viros suspendendo per pudenda ante suas ædes, oppidiq; Ministros ad eundem modum in Ecclesiarum suarum propylæis; scalpendo manus, labia, verticésq; ejusmodi Sacerdotum qui ad veram Evangelii professionem conversi sint, scalpellis fragmentisq; vitri; trahendo per pedes, homines quos ferè enecaverint per torturam ad instar emortui canis aliúve cujuslibet id genus cadaveris, ut qui nec ipsi pedibus incedere possint, & quos barbari carnifices indignos putent qui portentur.

6. Immensum sanè esset omnes recensere calamitates quibus fragilis mortalitas sit obnoxia. Omnia elementa Instrumenta fieri possint iræ odiq; hujus *Antichristianæ* Potestatis quam describo. Præter vivicomburium igitur picisq; per totum corpus illinitionem ut nidor fumúsq; sacrificii efferatæ horum crudelitati fiat acceptior, in fluvios multitudines possunt demergi tum virorum, tum fœminarum etiam parturæ tempore per vim in flumen propulsarum. Alii verò congelari possunt suffocarive ad necem usque, pruinoso, fumidóve aëre, arborum ramis ante ora antrorum quò se receperint crematis; Et postremò alii vivi in terra sepeliri, gemitus profundos ac suspiria subter humum emittentes.

Vestibus etiam ad cutem usq; expoliari, virgisq; mox ferreis cædi durum profectò esset fatum, ut & brachia cruráq; chordarum constrictione sic incisa habere ut profundi in carne relinquantur sulci, quibus vermiculi gignantur, carnémq; absument.

7. Quid hic teneros *Hæreticorum* infantes commemorem devorandos porcis projectos, aliósq; vivos lebetibus lixatos? compulsionem liberorum ut propriorum pa-

rentum sint trucidatores, parentumq; aliquando ut interfectores sint liberorum, matribus in aquas suos infantes projicere compulsis? Quid oculorum hominum effossiones abscissionesq; manuum, ut sic per latum terræ orbem dimissi viam palpent? Quid excoiatis hos, illos verò vivos assatos, aliosq; semi-interfectos, ut magis lentis doloribus ac cruciatibus pereant? Quid rescissos ventres aliis ut extremitate lactium prehensâ aboribus affixâ misellus homo circuire cogatur, lactesq; arbori circumglomerare ut experiatur quantâ sint longitudine? Quid violationem corporum mortuorum? Candelasq; ex ipsorum adipe factas venditamq; arvinam apud Pharmacopolas? Quid corporum virorum sceminarumq; unorum super altera impudicâ positurâ collocationem, emissionemq; puerorum cum flagellis quibus virorum pudenda qui in campis mortui jaceant, diverberent? Et postremò, quid barbaram in capita trucidatorum Evangelii Ministrorum palam apud Crucem in Foro mercatorio insultationem, deturpando eorum vultus, ora rescindendo mutilandòq; nares, & præ rabido quodam phreneticòq; zelo colaphos maxillis impingendo, quanquam cum propriarum manuum obtorpefactione super inanimem carnem? Tam vesani barbariq; sunt ii quos *Antichristianismi* spiritus inspirat.

C A P. XVI.

1. Nova Diabolarum injuriarum scena in innocuum Christi gregem illatarum. 2. Omnes imputandas esse Antichristianæ huic synagoga quantumvis ab ea non sint injunctæ. 3. Tribunalis planè Infernalis specioso sanctæ Inquisitionis titulo colorati descriptio. 4. Quomodo Infernales hi Judices se erga accusatos gerant. 5. Barbarâ condemnata personæ à truculento carnifice Tractatio. 6. Nova prioribus Torturis additamenta. 7. Scamni solidi excavati Tortura. 8. Ut & Prunarii ignitis carbonibus pleni. 9. Exemplarem hanc in hisce spiritualibus Judicibus crudelitatem, cum in instrumenta Affeclesq; ipsorum Ecclesiæ influentiam habeat, ipsam vream etiam facere omnium militarium Immanitatem.

1. **V**ERUM tam tristem Tragicamq; rerum scenam depingendo nimis equidem defatigor. Tò tanto dumò, Improbis modis sunt infiniti. Nihil quidem detestabilius videtur crudelitate Cannibalum qui humanâ carne vescantur. Atenim quantum ab hoc abfuturum putes si supponeremus Instrumenta Affeclesq; hujus *Antichristianæ* Potestatis dâpes ex cerebro humano instituere, mulierumq; mammas mentis imponere omasorum ritu frixas, earum scilicet quas per vim prius compressissent, pectoraq; postea abscidissent cum parte illorum membrorum quæ pudor vix permiserit nominare?

Quid judicandum esset de confossione hominis in pedum plantas auresque, de partium genitalium abscissione, frixione vulneris ad flammam candelæ, ad sistendum sanguinem, majorémq; vulnerati torturam? Quid de unguium per ignitos forcipes divulsione quò cogatur suæ Religioni renunciare, Religionemq; hujus *Pseudo-Christianæ* synagoga amplecti? Quid de nudarum sceminarum transfixione veru per pudenda, earundemq; ad hunc modum longis contis transfixarum in humeris gestatione ad aliquod spatium? Quid de excoiatiōe brachiorum crurumq; in longas corrigias, ligularum coriacearum instar, & de derelictione hominis in misero hoc statu in ergastulo ut conficiatur fame? Quid de per pedes pertractione ad Muli caudam per plateas, corpore lapidibus se allidente, populòq; lateres in pertractum projiciente dum ante eorum fores pertransit? Quid de pulveris Pyrii infarctura in ora gutturâque, quo accenso capita frustratim distrumpantur? Et quid deniq; de hac belluina barbarâq; crudelitate, ut quis oculos homini eruat, membrumq; abscindat virile, illudq; illius ori indat atq; cum sic mutilatum populi conspectui duos trêve dies continuos exponat, & postea eum vivum excoiaret, cutisq; partes quadrifariam dissectæ à præcipuis oppidi fenestris suspendat?

Ecquid magis execrabilius *Antichristianum* esse potest quàm hujusmodi crudelitates contra innocuos Christi agnos, quos falsa hæc & imperiosa Ecclesia odio *Hæreticorum* nomine deturpat? De quibus sanguinolentos suos affecles monent, eos utiq; non dignos esse qui vivant, aut qui mitiori mortis genere moriantur, Christianæ sepeliantur sepulturâ, sed ut nuda eorum corpora rabiei exponantur & esurigini porcorum atq; canum.

2. Et

2. Et certè quāquam crudelitates omnes, quæ hīc describuntur, à *Spiritualibus* grandis hujus synagogæ Hypocriticæ *Patribus* non supponantur particulariter mandata, tamen cū ministri ipsorum asseclæq; ab ipsis edocti sint, omnes qui ex ipsorum Ecclesiā non sint esse *Hæreticos*, omnesq; *Hæreticos* ipsis cānibus esse peiores, pejusque, siquādo eis visum fuerit, tractandos, immò meritorium esse tam malè eos tractare, talémq; eorum excarnificationem tantāq; cum barbarie occisionem, ipsos carnifices ab igni cruciatūq; Purgatorii esse liberaturam; manifestum est omnem hanc *Antichristianam* sævitiā ac crudelitatem ad horum *Patrum Spiritualium* fores esse devolvendam. Quod magis adhuc liquidò constabit eorum meritum esse, si eos supponamus non solūm Antichristianā suā doctrinā sed & exempli gravitate & auctoritate in alios influentiam habere.

3. Ut si verbi gratiā hujusmodi aliquam fingeremus suppositionem, *Curiam* scilicet *Judicalem* institutam esse ad inquirendos examinandōsq; omnes *Hæreses* suspectos, ut condignā plectantur pœnā postquam sint detecti, sacrāsque aliquas hujus Ecclesiæ Personas *Judices* esse in sacro hoc *Consistorio*, in *Inquisitione* hac *sancta*; rationes verò Potestatis exercendæ, quāntum ad Crudelitatem & Injustitiam, nullā earum Immanitatum quas commemoravimus esse inferiores; an non hoc quasi datum signum esset synthemave omnibus asseclis hujus Diabolicæ superstitionis ad tractandos inimicos tam crudeliter quā oportunitas unquā permissura sit, aut naturalis animorum ipsorum acerbitas suggestura?

Supponamus igitur *Tribunal*, quāquam haud perinde justum, magis tamen severum (vel potiùs crudele magis) quā illud cui *Infernales* illi *Judices* insident *Minos* & *Rhadamanthus*, & ut propiùs adhuc ad illius imaginem accedat, in subterraneo aliquo loco esse situm, (ut clamores gemitūsq; eorum qui torquentur ad aures populi non penetrent) ubi omnia peragantur in impuriore illo lumine ac fœtore tædarum lychnorūque, quos manibus ministri tenuerint assitēsq; vultibus æquè torvis & truculentis atq; *Furiæ Infernales*. Hujusq; Curiae definitiones ac sententias infinito esse injustiores quā quæ apud *Inferos*. Siquidem *Sancti* hi *Judices* illimitatam habent potestatem, villsq; quævis persona pro teste contra suspectos admitti potest; perindēq; ipsis est sive vivā vocē sive mutis tesseriis instituatur injiciatūve Accusatio in sacro hoc *Consistorio*. Etenim sine ulla personarum comparatione mutavæ oppositione Actio instruitur, sine parte, sine teste, & sine omni omnino lege præter voluntatem horum *Judicum Spiritualium* sive *Infernalium spirituum*.

4. Jam verò postquam suspectus reusve in has mortis umbras descenderit, supponemus *subterraneos* hosce *Judices* à terrificis quibusdam Præmonitionibus comminationibsq; exorsuros, miscendo subinde Hypocriticas aliquas Exhortationes & Protestationes ac si manus, ut *Pilatus* olim, abluere vellent, seq; ab innocenti sanguine quem effusuri sint, purgare.

Verū si reus præ harum minarum terrore se nihilominus accusare nolit, ut vitam tamen ipsi possint eripere tali modo cruciabili quē *Hæreticis* dignum putent, (immò tamēti libere illud fateatur, quod illi *Hæresin* appellant, nisi omnes ejusdem opinionis prodant quos aut noverit aut suspectos habeat) statim ad istiusmodi Carnificinas cruciatūsq; damnatur, quibus crudelibus his hominum monstris visum fuerit eum adjudicare.

5. Quāobrem præstō est truculentus Carnifex à capite ad calcem horribili deformitate personatus, adeo ut diabolum potiùs referat quā hominem, qui personas condemnatas prehensens, sive viri sint, sive fœminæ, nupræ virginēve inferioris ordinis nobiliorisve conditionis, eos primū omnibus vestimentis exuit ad pascendos horum sanctorum Fornicatorum oculos, quod certè modestis virginibus piisq; matronis non potest quin ipsā morte tormentum sit longè intolerabilius. Posthac manus à tergo revincit certo orbium numero ad octo putà decēve vices, crudelibus his ac libidinosis in *Tribunali* sicariis præcipientibus ut orbēs singulos uno alterum arctiùs constringat, pollicēsq; dein tenuiori chordā colliget, manūsq; demum vincti atq; pollices ad *Camelum* alliget qui à *trochlea* pendet. Postmodum verò plumbi ferrive massam pedibus adnectat, viginti quinq; pondo putà primā vice, sicq; in sublime eum fune rapiat usquedum caput *Trochleam* contingat. In qua miseranda positura inelamatur allatraturq; à barbaris his *Judicibus* ut ea fateatur quæ ipsi voluerit, atq; sic sublatus suspenditur in hoc exquisito cruciatu ad bene longum temporis spatium.

Si verò vinctus nihil fateri velit, nec amicos suos prodere, veros utiq; Evangelii professores, fidelēsq; servos *Jesu Christi*, eum mox demittunt certè, sed in eum finem ut rursus rapiant in sublime, pedibus duplo ferri pondere oneratis, *Judicibus*

interim barbaris carnifici præcipientibus ut funis retrò porròq; currat cum crebris inhibitiunculis subitisq; retenturis, aded ut pondus ferri omnes corporis articulos à se invicem divellat. Qui intolerandus cruciatus si hominem faciat ejulare & exclamare (quod ferè necessariò fit) truculenti hi qui pro Tribunali sedent Judices, suo rugitu ac contumeliosis vociferationibus clamorem obruent, vocitando eum *Canem* ac *Hereticum* quòd tam obstinatè (hoc est tam fideliter) seipsum amicòsq; suos prodere recuset.

Qua in re si perstiterit, rursus eum demittent majúsq; ad pedes pondus addent majorémq; cum eo cruciatum universo corpori, exercentes hoc afflictißimum Christi membrum intolerandis hisce torturis duas saltem tréve horas continuas, & fortean, prout ipsis visum fuerit, triduo pòst, tum cùm articuli maximè dolent, ad easdem eum carnificinas iterum perducent, immò eas repetent, si vita tolerare poterit, quinq; sexve vicibus, idq; ad bene magna temporis intervalla.

6. Atq; hanc equidem ego crudelitatem fore existimo quæ nulli earum cedat quas in universis nostris funestioribus suppositionibus commemoravimus. Sed enim & aliam superaddamus scenam aliquanto diversam. Expoliationem scilicet hominis ut antea, universis suis vestimentis, manuumq; revinctiõnem à tergo, & à trochlea suspensionem, sed cum tam arcta simul crurum tibiarrumq; per validas chordas constriptione, chordarumq; in carnem, ligni cujusdam interpositu, impressione tam profundâ, ut ad ipsa ossa ferè penetrent. In qua intolerabili tortura eum detinebunt duas tréve horas continuas.

7. Vel sic, quod adhuc crudelius est, (siquid crudelius esse potest) utriusq; nempe cruris, tibiarrum, brachiorumq; per tenues validasq; chordas, ut antea, constriptionem tam arctam utique, ut in carnem è conspectu ferè ad os usq; subsidant; vinculumq; simul supinum poni in scamnum grande solidum & in parte superna excavatum, in medio baculum habens transversum, in quem dorsum impositi recumbat cum ineffabili suo cruciatu; velum verò ex lino tenuissimum super jacentis os extensum nâres quoq; obturare, aquamq; postea non guttatim sed uno quasi continuo filo ex sublimi in os sic jacentis effundi, ut velum suo lapsu in imum guttur propellat. Quod sanè in minores angores eum conjicere non potest, quàm quos illi experiuntur qui extremum spiritum trahunt. Quæ verò violentia ei inferatur per mollius illud machinamentum, velum tenue intelligo, dum raptim ex ejus ore retrahitur, sanguis & aqua quæ simul cum eo profluant, copiosum perhibent testimonium, equidem ipsa viscera è corpore cum eo putes esse evulsa.

8. Et postremò ut tandem finiam; Nè omnium elementorum immitissimum hisce improbis crudelitarum machinatoribus, memoriâ videatur excidisse, haud sanè difficile est imaginari, quòd prægandia quædam Prunaria ferrea hic adhibere possint, ignitis carbonibus plena, ad quæ admoveri jubeant Captivi pedum plantas, quas larido subinde perungendas curent ut ambustionis dolor eò fiat exquisitior.

9. Certè si *Religiosi Ecclesiæ ordines*, in *Forma Judiciali*, & sub *Pietatis Zeliq; prætextu* adversus *Hereticos*, stupendas hujusmodi immanitates, actusq; barbaros contra fideles Christi sectatores patrare possunt, quomodo fieri potest quin eorum exemplum schola omnibus suis asseclis futura esset perpetuæ crudelitatis contra eos universos quos ipsi habituri sunt pro *Hereticis*, & omnes sanè docentur pro *Hereticis* habere qui ex sua non sint Ecclesia? Atq; propterea reatus omnium harum Tragiciarum crudelitarum quæ in vera Christi membra commissæ sint, quamvis haud immediato ipsorum *Ecclesiasticorum* jussu sed per homines militares quibus illi & Præceptores sint & exempla, optimo sanè jure huic ipsi sanguinolentæ ac Prophetarum trucidatrici *Synagoga* imputatur, huic crudeli & imperiosæ *Meretrici quæ ebria est sanguine Sanctorum & sanguine Martyrum Jesu*. Quod facîle quidem illa committere potest, cùm istiusmodi imbuta sit principiis quibus eam imbutam hic supponimus, & deservire sanè ad immensas hominum interneciones, quæ millenos, immò centies millenos unâ vice exhauriant.

CAP. XVII.

1. Oppugnationem hanc Divinæ Gratiæ Charitatis membrum esse Antichristianismi omnium immanissimum, Eorumq; qui extra sanctam sunt Civitatem, characterem.
2. Repetitum illum horrendorum Titulorum in Apocalypsi Catalogum, Synopsis præcipuorum Characterum esse Politicæ Antichristianæ hic descriptæ.
3. Veritatis nostræ Ideæ Antichristianismi exinde confirmatio.
4. Summaria hujus Ideæ Representatio in oppugnationibus frustrationibsq; Privativorum Finium Evangelii, ut & notorum officiorum Christi;
5. Ipsius etiam Divinitatis aliorumq; sacrorum Titulorum;
6. Ac Vitæ porro Divinæ tum in Radice tum in Ramulis.
7. Parabola quâ barbara Injustitia ac crudelitas hujus Antichristianæ Synagoge depingitur.
8. Apodosis Parabole.
9. Ideam nos exposuisse maximè realis essentialisq; Antichristianismi qui potest existere; cum Responso ad ea quæ contrà queant objici.
10. Eumq; ipsum esse Antichristianismum qui prædictus est à Prophetis. Cujus rei probatio necessitatem imponit inspiciendi antè in Prophetias, quàm ulla accuratior Ideæ ad Apostasiam Ecclesiæ instituat Applicationem.

1. **P**ostremum igitur hoc membrum nostræ Descriptionis quod istiusmodi res complectitur, quæ aded insigniter cœlesti illi Charitatis virtuti adversentur, membrum Antichristianismi oppidò quàm immanè esse, equidem impossibile credo ut quisquam dubitet. Ac proinde minimè mirandum est præcipuum illius characterem sanguineis literis scriptum, sanguinolentam hanc intelligo persecutionem, cui omnium postremò immoratus sum, in nigrum illum relatum esse Nominum Catalogum, quæ à sancta civitate Dei excluduntur. Foris sunt canes & venefici & scortatores & homicidæ & Idololatæ, & quisquis amat & facit vel fingit mendacium. Apo. 21. Quæ non dubito quin sit synopsis rerum præcipuarum Civitati sanctæ, Christive corpori oppositarum; ac proinde quid aliud esse potest corpus hoc alterum nisi ipsum corpus Antichristi?

2. Atq; equidem brevem hunc detestabilium istorum Titulorum syllabam memorabiliorem esse judico & accuratiori ratione supputatum, propterea quod eadem summa, quantumvis non eadem verba, in duobus distinctis locis supputari videtur. Etenim ubi verba differunt, tamen singulorum ad se invicem comparatione ritè factâ, sensum utrobique inveniemus eisdem finibus claudi. Nam κύνες & πῦρ ἐποικίον & φιλῶν ψεύδους, sensum æquè latè patentem habent atq; δειλοί, ἀπίστοι, ἑβδελυγμένοι & ψεύδται. Apo. 21. 8. & 22. 19.

Etenim quod per occasionem suprâ notavi, πῦρ ἐποικίον ψεύδους respondebit voci δειλοί: siquidem istiusmodi homines utrobique intelliguntur qui faciliè doctrinis falsis fictitiisq; Legendis tum verbo Dei tum communi sensui repugnantibus seducantur, animosq; habeant inutilitulosos & superstitiosis commentis ac mendaciis turpiter mancipatos ac delusos. Et tum dein πῦρ ἐποικίον ψεύδους respondet voci ψεύδται, & utrobique tales intelliguntur qui falsas doctrinas in Ecclesiæ suæ emolumentum excudunt, fictitiâq; Legenda comminiscuntur, Reliquiâsq; supposititias ad crumenas nummulis emungendas populo obtrudunt. Et postremò ἀπίστοι & ἑβδελυγμένοι, ambo includuntur in voce κύνες, canes. ἀπίστοι, quod incredulitatem innuit circa res Religionis, includitur in voce κύνες quatenus sunt bruta, cùm Religio hominis sit proprietas: ἑβδελυγμένοι verò sive abominabiles, nempe ob Venerem masculam, includitur etiam in voce κύνες, sed particulari habitâ ratione ad ipsorum speciem, cùm canis tam furiosè libidinosus sit ut in utrumque promiscuè sexum cæstro venereo sit percitus.

Jam verò quantum ad reliquos in utroque Catalogo Titulos φαρμακοί & φαρμακοί, exceptis verborum terminationibus, idem planè sunt. Terminationum verò differentia sensum nihil mutat. Cæterum πόντοι, φονεῖς, εἰδωλολάτραι idem sunt undiquaque. Ac proinde Synopsis utrobique prorsus est eadem.

3. Quamobrem, cùm servilis superstitio, Infidelitas sive Atheismus, turpissima utriusque generis impuritas, Legenda fictitia, doctrina, ad Impossibilitatem usq; apertamq; cum Scripturis repugnantiam falsæ, Homicidiorum atrocissima, sanguinolenta nempe Sanctorum Persecutio, Magia sive Incantatio professâ, venditatiove rerum patrandi mirabiliorum quàm vel celeberrimi Egyptiorum Magi unquam patravissent, crassa deniq; Idololatria solenni, Imaginum cultus; cùm hæc omnia, inquam, hic notentur, idq; speciali quodam modo, quippe tanquam sanctæ civitati, quæ pura

pura Christi Ecclesia est, opposita perinde ac tam execrabilia in conspectu Dei ut expressim adjudicanda sint stagno igne atq; sulphure ardenti, equidem existimo, cum hæc mea *Antichristianismi Idea* his membris præcipuè consistat, eaq; omnia præter alias ejusdem generis partes aperte complectatur, negari non posse quin vera hujus rei sit perfectaq; *Idea* etiam ex ipso sacrae *Scripturae testimonio*.

4. Verum *cujuslibet hominis rationem* breviter ausim appellare, qui vel prima Christianitatis rudimenta imbiberit nec communis sensus expers sit vulgarémve quemlibet Catechismum perlegerit, minimámve habeat gratiæ in suo corde scintillam ullúmve saporem illius quod sanctum sit atq; Divinum, an earum rerum natura ex quibus hanc *Antichristianismi Ideam* composui, essentialiter non sit atq; intrinsicè *Antichristiana*.

Enim vero, ut rursus prospectum magis compendiosum capiamus illius argumenti in quo laxiùs exspatiati sumus, tutiùsq; dein super summa rei sententiam feramus, quæ obsecro *Hypothesis* fingi potest magis *Antichristiana* quàm hæc est? Ut fraudulenta scilicet hominum Societas (sint sanè quàm voles numerosi) sub uno prædominante mutuo coalescerent capite, cui volupe sit Principibus insultare, & Imperatorum conculcare cervices coronasq; à capitibus ipsorum pede in humum dejicere, & sub prætextu quòd Christi successores sint ejusq; Apostolorum (quanquam Christus jactabundis *Judeis* (qui tamen citra controversiam posteri erant *Abrahami*) aperte dixit, eos ex patre Diabolo esse, quippe qui illius libidinibus obtemperabant) vendicarent nihilominus sibi quandam *judicii infallibilitatem* júsque res omnes per totam terrarum orbem regulandi in ordine ad Christi *Regnum Spirituale*, & tamen interim nihil aliud reverà quærerent nisi *mundani* sui *honoris* ac *potestatis* incrementum, atq; in hunc profectò finem totum Evangelii propositum subruerent & eluderent, dum leges Christi omnino negligant, & istiusmodi introducant Instituta talésq; praxes & consuetudines suffulciant quæ maximas opes investuræ sint ad sustentandam magnificentiam Tyrannici hujus Pontificis, qui par esse putet ut Principum cervicibus inequitet. Ac proinde quodlibet peccatum lucrosum atq; huic proposito accommodum vim legis obtinebit (quantumlibet Dei Christi q; legibus sit oppositum) omniq; illa sacra Adventus Christi in Mundum proposita, scabelli instar, pedibus subjicientur hujus Conciliabuli Præstigatorum quò in Thronum ascendant, quòq; faciliùs universos Terræ incolas proculcent.

Hoc est, cum Christus per Evangelium silentium *Idololatria*, per totum terrarum orbem indictum venerit, hi Impostores in proprium lucrum atq; commodum palàm in Ecclesiis suis æquè crassum imaginum cultum instituent atq; unquam apud ipsos Ethnicos extitit. Cum Christus venerit ut à *Mosaicorum* Rituum jugo atq; onere Dei populum liberaret, hi sanè humani Generis oppressores ipsorum corpora juxtà atq; conscientias numerosioribus & fastidiosioribus Superstitionibus ac Ceremoniis quàm ipse *Moses* unquam præceperit, onerabunt, ac viliora opera ac ministeria ipsis imponent, quàm *Aegyptiaci* Peni-exactores filiis *Israëlis* in gravissima sua servitute unquam imposuerint.

Cum Christus mundo datus sit à Patre ut absolutus *Rex* esset à cujus decretis nulla fieri debeat Provocatio, nec ulla abolitio, ullave contra ipsius leges dispensatio; ut perfectus *Pontifex Maximus* esset qui per immolationem sui ipsius semel factam, suamq; per se efficacem intercessionem nostri omnimodè sufficiens sit *Reconciliator* cum Deo; ut *Propheta* doctórque; cujus Præcepta ac prædictiones *infallibilia* Oracula sint universa: Hic certè *Rex Babylonis* (liceat enim mihi præstigiosum hunc Tyrannum sic appellare) cum Hypocriticis suis adjutoribus, prætendent *Christum* ipsis *Regnum* suum tradidisse, seq; eandem planè Potestatem habere quam ipse Christus, & dispensare posse contra eas leges quas ille fecerit easq; abrogare, novásq; statuere eis prorsus contrarias, autoritatémve habere qualemcunq; ipsis visum fuerit sensum eis imponendi, quæ perfecta sanè autoritatis Christi abolitio est quatenus *Rex* est & *Legislator*, summáq; perfidia maximáq; contumelia quæ in *caelestem* illius *Majestatem* inferri potest. Falsus hic rursus *Pontifex Maximus* cum distinctis suis *Levitarum* ordinibus, perinde ac si una illa Corporis Christi oblatio, quam ipse semel fecit, non sufficiens esset sacrificium pro Mundo propitiatorium, nec illius Intercessio, virtute infinitorum suorum meritorum passionisque, satis sola valeret ad nos reconciliandos cum Deo, prætendent quidem (in ingens Christi oblationis sui ipsius semel factæ dedecus & opprobrium) se utiq; propriis manibus ipsum realiter ac corporaliter singulis ferè diebus offerre; & verò ac si Intercessio Christi meritq; ejus inæstimabilia ex se manca essent & mutila, merorum mortalium merita & intercessionem assumentem loco ipsis superaddent, eorum nempe qui nisi pro seipsis mereri non poterant

poterant nec cœlum quidem nisi propter sola merita Charissimi sui Servatoris adipisci; quos tamen Antichristiana hæc Ecclesia cum facit in hoc suo incommuni-
cabili officio tam inciviliter interrumpere. Et postremò falsus hic *Propheta* cum reliquis sibi addictissimis Impostoribus, ut mendacia ipsorum populiq; seductiones non detegantur, sed cum intoleranda interim contumelia in magnum illum, verumq; *Prophetam* Dominum *Jesum*, & cum ineffabili injuria adversus sinceros ipsius sectatores, viva illa oracula ab ipso Apostolicoq; tradita à notitia hominum abscondita detinebunt non sine magnis sanè contumeliis & opprobriis in sacras illas Scripturas conjecis. Quo nihil profectò atrocius aut immanius excogitari potest contra *Propheticum* Christi officium.

5. Rursus, cum *Divinitas* Christi perspicuè distincteq; ex data opera planè assertatur in Scriptura, ut certi esse possimus, quàm licitus ille cultus sit quem illi exhibemus, quippe quod illius *Regale* est Privilegium, ut qui non *merus homo* est sed *Deus*, immò cum *Divinitas* illius nobis confirmata sit, ab illo Adorationis argumento ipsi debita, Et adorent eum omnes angeli Dei, perfida tamen hæc *Antichristiana* Hierarchia hoc privilegium subruere non dubitabit, & quantum in ipsis est toti mundo declarare eum nihil amplius esse quàm *merum Hominem*. Nam perinde ac si legitimum in ipso *Anthropolatriæ* exemplum invenissent; religiosum cultum centenis aliquot Sanctis aequè ac ipsi exhibebunt. Cum Christus apud Prophetas describatur tanquam *Princeps Pacis*, hi simulatitii ipsius successores, vel potius *Satana* proscapia, qui humani generis osor erat ac homicida ab initio, dissidiorum se præbunt motuumq; publicorum fomites, autoresq; gentibus ac Regnis omnia miscendi bello, ex rationibus scilicet Politicis subdolisq; machinationibus quibus sacrosancti sui Conciliabuli rem injustè adaugeant. Cum Christus *Lux* esset mundi, hi operam dabunt mundo detinendo in ignorantia quò faciliùs Tyrannidem in ipsos exercere possint stupidq; reddere mancipia. Cumq; Christus se professus sit *Veritatem*, hi toti in hoc erunt ut mundum impleant *Figmentis* & mendaciis modò cū arte concinnata sint, quæ ad *mundanam* suam utilitatem, pompam ac Potestatem suffulciendam maximè fecerit.

6. Et tertio denique, cum præcipuum maximèq; indispensabile propositum adventus Christi in mundum esset ut resuscitaret in hominibus illam *vitam* quæ verè sancta est & Divina, in qua quatuor illæ gratiæ cœlestes comprehenduntur, *Fides*, *Humilitas*, *Puritas* atq; *Charitas*; quantum sanè ad primam, Pseudo-Christiana hæc Ecclesia propter multitudinem clementorum suorum *Miraculorum*, crassorum *Legendorum* ac *Reliquiarum* falsarum, propter incredibiles Fabulas de Purgatorio, immanemq; *Transsubstantiationis* impossibilitatem (quæ omnia ad rem lucrūq; horum seductorum faciunt) eò res deducunt, ut si omnes *Inferni* Incolæ sua consilia conferrent, nihil invenire possent quod majorem eladem Christianæ *Fidei* illaturum esset, magisve perverse insinuatorum Religionem nihil aliud esse nisi *Figmentum* ad ditandos Sacerdotes eòsq; potentes ac venerabiles reddendos, excogitatum.

Et tum dein, quod *Humilitatem* spectat, cum supremus ipsorum *Patriarcha* adeò elatus sit, atq; ad summum hunc gradum per fraudes ac mendacia subvectus promovendo fovendove perduelliones, Parricidia aliq; id genus nefaria facinora, Turbas excitando seditionesq; per orbem Christianum, cumq; Tyrannis hæc *Sacerdotalis* eo cum fastu ac nusquam æquiparanda superbia exerceatur, dum *Supremus* hic *Levita* tam barbarè ac inhumaniter cervices Principum conculcat, summòsq; Imperatores cum infenso in ipsos est animo *scabellum* suum, cum verò maximè apud ipsum in gratia sunt *lecticarios* facit vel *sellarios*, cumq; tota hujus *Hierarchiæ* constitutio in distinctis suis pompis atq; gradibus ignea potius sit inflammantis Ambitionis *Ætæna* ad omnium mortalium animos dirà dominandi libidine accendendos (dum illecebrosarum prædarum splendor ac opimitas ipsis ante oculos perpetuò obversatur, quas ambabus exporrectis manibus prensitent) quàm laudabilis Forma moderati Regiminis quò salubris disciplina in Ecclesia observetur; ecquam fingere possumus rerum conditionem *Humilitatis* spiritui magis contrariam?

Et tum postea, ad *Puritatem* quod attinent, ut elatus hic *Pontifex* eò se demitteret ut approbandæ Fornicationi tanquam rei licitæ solum videatur Sigillum apponere, redius suos augendo è meretricum quæstu in sua Metropoli, & Cœlibatum injungendo Sacerdotibus perinde ac si secum instituisset ipsos in harum retia vi adigere nè hisce *Veneris mortalibus* mercatura unquam frigeret, ut *Monasticis* orbem impleret omnèq; Impuritatum genus nihil penderet, modò Instituta Ecclesiæ ob-

ferventur,

serventur, efficacissima profectò methodus est quæ excogitari potest ad Christianum orbem in immundarum invisarumq; volucrum caveam mutandum, & ad enecandum penitus abscindendumve illum *Divina vite* Ramulum quem *Puritatem* appellamus.

Atq; nunc postremo in loco quantum ad *Charitatem*, Quid illi magis contrarium esse potest, quam in legem Religionemve non solum id intexere quod naturaliter *injustum* est, sed modis quàm maximè barbaris *crudele*; nempe si non illos solum qui *innocentes* sunt trucidarent, sed ad necem usq; sævissimis subjicerent tormentis, etiam eos qui *fidelissima charissimâq; Christi* sunt *membra*, & ob eam ipsam causam quod tales se omnino præstiterint; & quod adhuc Barbaritatem horum successorum Satanz magis invisam redditurum est, si illaquearent homines in articulo illius Mysterii quod pignus erat amoris Christi maximi sanè qui exprimi poterat, quodq; institutum est ut firmissimum esset tenacissimumq; gluten ac coagulum eorum omnium qui appellantur Christiani, ut hoc ipso nomine quàm sincerissimo amore atq; affectu ad se invicem unirentur? Nunc igitur ut *sacrum hoc pignus Amoris, benevolentie unitatisq;* in Ecclesia, corpus intelligo sanguinemq; Christi *sacramentalem* (quæ viva quædam est ineffabilis ejus erga Ecclesiam amoris in deponenda pro nobis vita sua commemoratio) *præcipuum* efficeretur *Machinamentum* atq; artificium *illaqueandi* & postea *crudeliter torquendi trucidandi*; *fidelissima Christi membra*, quæ magis horrida, magis execrabilis, magisq; *Antichristiana* esse potest in Dominum *Jesum* contumelia & injuria? quæ Hostilitas adversus ipsum dira magis & diabolica?

Quinimò quæ conspiratio adversus humanam Naturam esse potest magis Tragica ac truculenta, quæve magis conspicua Machinatio ad reddendum universum genus humanum mera mancipia ac mastigias, & ad adimendum ipsis illud privilegium quo solo à brutis Animalibus distinguantur?

7. Supponamus numerosum hominum gregem peculiari vestitu ornatum qui ingens aliquod nemus solitudinemve habitarent, quiq; ut majorem præ se ferrent *Sanctitatis* speciem, phantastico aliquo nomine se appellarent, *Equites* putà *Sacri Nemoris, Spiritus sancti infallibilis sacerdotes*, & obfirmatissimo inter se consilio statuerent se infallibiles censendos esse in quacunq; re quam illi uno ore veram esse affirmaverint, atq; sic consentirent universi ac determinarent (propter lucrosam venditionem tam mirabilis Mercimonii) tantam esse virtutem in tali certorum quorundam verborum Magicorum formula, quâ ipsi uti nōrunt, ut, siquis ex sacro suo Ordine eam super unum aliquem ex puris illis albisq; ac rotundis lapillis qui facillè in rivulis fluviolisq; reperiantur, pronunciaverit, lapillus hic statim, quamvis eundem adhuc colorem, magnitudinem, figuram ac duritiem quam antea habebat, retinuerit, tamen (tam stupendum profectò est Mysterium) pro certo mutatus fuerit in *Aquilam*, ex eôq; ipso hoc genus lapidum, *Ætiten* appellari, sive lapidem *Aquilinum*.

Quo supposito fingamus porro hos *infallibiles Equites* occurrendo, ut sit, viatoribus in via, & declarando mirificam sui Ordinis potestatem, ostendendôq; ipsis unum aliquem ex ipsis lapillis, & post pronunciatam Formulam *Magicam* fortissimè affirmando eum reverà factum esse *Aquilam*, (quamvis ad aspectum non omnino mutatus sit ab eo quod erat prius) aliquando quidem incidere posse in viatorem tam honestum tamq; veritatis amantem ut factum planè neget contendatq; lapillum incantatum *Aquilam* non esse, sed etiamnum ut prius esse *lapidem*. Ad quæ supponemus hos *sacri Nemoris Equites*, buccinas inflando integra illius sacri Ordinis agmina è loco evocatueros, qui sacro-sanctam sui ordinis equestris *Dignitatem* & *Infallibilitatem* obtestando, firmissimè asseveraturi sint miraculum reverà esse præstitum, illudq; quod incredulus hic Peregrinus lapidem etiamnum esse contendit, esse quidem procul omni dubio regium illum alitem *Jovis*. Eam verò fore circumfusi à multitudine Peregrini generosam fortitudinem ac integritatem, ut ille nihilominus in priori opinione perstiturus sit, porrôq; additurus se credere non posse illud *Aquilam* esse in quo rostrum ullum nequeat nec ungues cernere, caput nec pedes, alas nec caudam, nec os deniq; nec carnem, sed ex omni parte æquè lapis apparet atq; antea, ac proinde se nunquam persuasum iri ullam hinc factam esse transmutationem *Magicam*, cum nulla sit illius rei probatio præter proprium ipsorum testimonium, idq; apertè contra manifestam sensus rationisq; evidentiam. Ad quæ si hi *Nemoris Equites* torvam sibi ac truculentam efferati Zeli personam in propriæ suæ Mercaturæ atq; existimationis gratiam induentes, inno-

centem

centem hunc hominem adorirentur & occiderent, in quicquid habeat involantes, Nummos, vestes Equumque; an non hi *Equites*, *Spiritusve infallibiles Sacerdotes* existimandi forent ex omnium mortalium sententia sanguinolentorum Impostorum subdola societas, turbâq; Latronum, qui consiliū ceperint de diripiendis spoliandisq; honestis viatoribus dum per illas regiones itinerentur?

8. Quid igitur existimandum est de numerosis agminibus hujus infallibilem se venditantis Ecclesiæ quam describo, qui parati sunt ad adoriendum quemlibet Christianum Viatorem in hac sua peregrinatione per hujus mundi Eremum, si *Transubstantiationem* negaverit albi rotundiq; Libi in perfectum hominem, postquam Sacerdos certam verborum formulam super illud enunciaverit, quanquam profectò Libum post exquisitissimam sensuum examinationem, nè hilum quidem mutatum deprehendatur ab eo quod erat antea? Et tamen propter jactitationem *Infalibilitatis* hujus Ecclesiæ, quisq; tenetur ad id credendum ni mori velit crudelissimo mortis genere quo ulli unquam malefactores affici solent. Quis potest quin hujusmodi hominum cœtum non solum tanquam Antichristianum æstimet, sed, si fas sit ita loqui, Anti-humanum, tanquam juratos humani generis hostes, qui quo jure quæve injuriâ eos conentur contundere Martyriisq; conficere, subjugare mancipareq; corpore juxta atq; animâ, magisq; crudelem Tyrannidem in ipsos exercere quàm par est ut quisquam Homo in ipsa bruta Animalia exerceat.

Ecquid fingi potest magis *Antichristianum* quàm hoc est, magisve contrarium nobili illi ac Divino spiritui *Charitatis* dulcisque Benignitatis quæ tam conspicua erat in Domino *Jesu Christo*, qui tam frequenter in Scriptura appellatur *filius Hominis*, quippe ad quem pertinebat expectatum illud *Pacis Regnum sanctiq; Amoris & Humanitatis*?

9. Quamobrem ex brevi hac delineatione credo quemlibet intelligere posse me admodum veram fidelēq; realis essentialisq; *Antichristianismi Ideam* exhibuisse, & ad summum profectò qui fingi potest gradum. Si quis enim rem extenuare velit dicendo *Pseudochristianam* hanc Ecclesiam Christum ejusve Evangelium non apertè negare, nec unumquemq; qui Christiani nomen gerit persequi, nec deniq; Imagines erigere Paganorum Numinibus, *Marti*, *Veneri* reliquisque, ad hæc breviter respondeo.

Ad primum; E re ipsorum non fore si totam Evangelii veritatem negarent, quippe quodd potestas ipsorum hoc pacto atq; existimatio apud homines concideret. At enim è re Ecclesiæ Dei futurum esset, si ita facerent. Unde eos constat inimicos esse omnium pessimos, ut qui majorem noxam sub obtentu amicitie, quàm quilibet professus Hostis, inferunt. Ut hinc præmittam manifesta esse in Scripturis argumenta *Antichristum* externâ professione fore *Christianum* non *Paganum* ulumve alium à Republica Christiana alienum.

Ad secundum, Quod universos non occidant, qui appellantur Christiani, argumento esse eorum malitiam ac crudelitatem accuratiori modo in *Christum ipsum* intorqueri & dirigi, ex eo quod odium suum in *sola vera* illius sincerâq; membra evomant. Ii enim quibus isti parcunt, non sunt veri Christi servi, sed hujus summi Sacerdotis mancipia, aut saltem tales ab eo reputantur, alioqui illius furorem nequaquam effugerent, adeò ut illius contra Christum molitiones majori tantum cum *astu arteque*, nè aberrent scopo, collineentur, non autem minùs *truculente* sunt aut *maligne*.

Et ad postremum, Quod Imagines Personasve colunt, non quidem *Veneris*, nec *Neptuni*, nec *Martis*, sed Beatæ Virginis, S. *Petri*, S. *Pauli*, &c. Supponamus præcellentem aliquem Principem, probumq; perinde ac potentem contra Adulterium carnalemq; Fornicationem severa Edicta promulgasse, quosdamq; hujusmodi facinorum reos apud suum Principem ad hunc modum se defendere. Equidem verum est augustissime Princeps, nos fornicationem commisisse, verum enixè hoc à te petimus, ut unum hoc summoperè observare digneris, quàm excusabilibus scilicet id à nobis factum sit & disculpabilibus circumstantiis. Neq; enim nos sumus ex crasso illo sordidoq; *Fornicatorum* genere qui quâlibet carne se lubenter polluant, sed talibus solummodo, quas (idq; ex summo suo merito) magno sanè honore sincerôq; amore prosequimur, idq; eo potissimum nomine quodd tam propinquâ necessitudine *Celsitudini* vestræ sint vinctæ, *Filiæ* intelligimus, *Sorores*, *Neptēsque*, & si quæ adhuc arctiori propinquitatis vinculo vestræ *Celsitudini* sint conjunctæ. An non hujusmodi defensio animum Principis majori irâ adversus improbam eorum impudentiam accenderet?

Quàm invisa igitur ac ridicula foret istiusmodi defensio de Fornicatione spirituali cum charissimis beati Servatoris amicis ac cognatione proximis? Num *spirituale adulterium* quæ est *Idololatria*, in Beatam Virginem, in S. *Johannem* aliósq; perpetratum tolerabilius esse potest quàm in *Dianam*, *Apollinem* aliósq; ab Ethnicis in Deorum numerum relatos mortales?

Quinimò, an non posterius hoc simplex duntaxat futurum esset Fornicatio vel Adulterium (siquidem nulla est in hujusmodi profanis personis à recipiendis Divinis honoribus averfatio) prius verò *Raptus execrabilis*, cum *Idololatria* sive spiritualis Fornicatio contra voluntatem horum cœlestium *Sanctorum* committatur, quos ad hunc modum vel ingratiis suis dehonestant ac blasphemant?

Adèò ut nè minimum quidem scrupulum superesse videam, cur quis dubitet quin *Ideam* delineaverim maximè perfecti maximèq; detestabilis *Antichristianismi* qui potest existere.

10. Atq; jam postquam tam plenè perfectèq; *Ideam Antichristi* delineaverim, possem equidem, juxta propositam methodum, illius Applicationem ad statum Ecclesiæ eò lapsum hîc instituere.

Sed enimvero cùm sint qui tam difficulter persuaderi queunt ullam Ecclesiæ Christianæ degenerationem, quamdiu externâ formâ *Jesum* profiteantur esse *Christum*, omnes numeros explere posse famosi illius insigniisq; *Antichristi* quem vaticinia videntur indigitare, quem illi summa cum confidentia contendunt apertè *Jesum* abnegaturum esse, sèq; expectatum *Messiam* esse asserturum, non professum Successorem veri Christi, ejusve discipulum; equidem utile fore existimo, antequam ad applicationem hujus *Ideæ Antichristianismi* progrediamur, ut paulò exquisitiùs vaticinia perscrutemur indèq; demonstremus cum irrefragabili, prout spero, evidentiâ talem in summa *Antichristum* præfiguratum fuisse à sanctis Prophetis prædictumque, qualem nos in hac *Ideâ* repræsentavimus; talem scilicet, qui tametsi istiusmodi abominanda facinora perpetret quæ nos commemoravimus, profiteatur tamen se interim partem, immò principem partem caputve Corporis Christi quæ est Ecclesia.

Hoc enim nisi præstitero, probè novi tam versutum ac prævaricatorium esse *Ignorantiæ* ac *Falsitatis* Genium, ut se putaturus sit hæc omnia posse evadere, dicendo me satis operosam concinnâsse descriptionem *veræ* quidem *Ideæ*, sed non *illius veræ Ideæ Antichristianismi* quam libri Titulus præ se fert; hoc est, Ecclesiam sanè admodum nequiter fecisse, & secundum aliquem sensum, Antichristianè, quòd in istiusmodi enormitates prolapsa sit, totum verò hoc non posse *illum* constituere *Antichristum* propriè speciatimq; sic dictum & Prophetarum prædictionibus indigitatum.

Quas igitur necesse est ut antè perscrutemur quàm ad cætera pergamus; quod eò lubentiùs facturi sumus, cùm methodus utrovis modo perinde sit naturalis. Prima enim proposita methodus erat ut post hanc *Ideâ Antichristianismi* descriptionem, accuratam illius ad lapsum Ecclesiæ statum applicationem instituissemus, ad detegendum quis de facto ille insignis esset *Antichristus*, posteaq; vaticinia comparâssemus cum eventis, unde constare potuisset vaticinia etiam idem malum, quòd *Ideâ* nostra, præfigurâsse. Præsens verò methodus est, post Descriptionem *Ideæ Antichristianismi*, perscrutari statim vaticinia, quo comperiamus præfigurationes *Antichristi* in præcipuis suis lineamentis (neq; enim vaticinia de Christo, prædictiones sunt omnium particularium ipsius Actionum) manifestissimè respondere *Ideâ* quam nos exhibuimus, illumq; *Antichristianismum* quem illa prædicunt degenerationem esse sive Apostasiam Ecclesiæ, formalem Christianitatis professionem adhuc retinentis, quemadmodum nos in *Ideâ* nostra rem descripsimus. Tandemq; loco ultimo accuratiorem *Ideâ Antichristianismi* suo cum prædictionibus Prophetis consensu ad hunc modum confirmatæ, ad Apostaticum Ecclesiæ statum à tot seculis ad nostra usq; tempora Applicationem facere. Quæ plenior futura foret evictio stupendæ veracitatis vaticiniorum. Estq; perinde proba ac naturalis methodus vaticiniorum *veritatem* arguere plenitudine Eventuum, atq; illustrare *eventuum naturam* applicatione Vaticiniorum.

Cæterum interea loci necessitas erit in præcepti hac inquisitione aliquo saltem modo recurrendi ad eventa. Quis enim vaticinia sine omni recursum ad eventa interpretari poterit? Omnis verò Historia ad quam opus erit ut recurramus, cùm aut talis sit quæ distincta est ab omni parte hujus *Ideæ* quam delineavimus, (ac proinde producenda in conspectum, prout loca quæ interpretaturi sumus, requisiverint)

rint) aut Notitia tantum generalis istorum membrorum *Antichristianismi* quæ descripsimus, quæ vix quisquam est qui ignoret dubitæve. Possumus profectò citra omnem confusionem vel obscuritatem (partim remittendo Lectorem ad hanc *Ideam* in eis rebus quæ probatione non indigent, partim producendo Historiam prout occasio requisiverit) ad propositam Inquisitionem in vaticinia, ut veritatem *Ideæ Antichristianismi* plenius demonstremus, nosmet accingere. Quod postquam finiverimus, accuratiorem faciemus illius Applicationem, ad reos manifestius convincendos, & liberandos innocentes ab omnibus hujusmodi injustis, quibus impeti possint, Infimulationibus.

F f f f 2

SYNOPSIS

[Faint, illegible text, likely bleed-through from the reverse side of the page]

SYNOPSIS

[Faint, illegible text, likely bleed-through from the reverse side of the page]

SYNOPSIS PROPHETICA:
SIVE

INQUISITIONIS

IN

Myſterium Iniquitatis

PARS POSTERIOR,

Compendioſum continens Proſpectum in illa Sacræ Scripturæ

VATICINIA,

Quibus Regnum Antichriſti inſignisve Lapsus ſeu Degeneratio

ECCLESIAE,

In eis rebus omnibus quæ in *IDEA* Antichriſtianismi comprehenduntur, præfiguratur vel prædicitur.

Per *Henricum Morum* Cantabrigienſem.

Theognis.

Ἀρχαῖοι τὰ μύθων νομίζοντες οἰδότες ἰδίῃ
Θεοὶ δ' ἔχ' ἐφ' ἑστῆεν πάντα ταῦτα ἰδόν.

Daniel. 4.

Hæc res decreto Vigilum, hæc Rogatio pronuntiatione Sanctorum perlata eſt.

LONDINI,

Typis *J. Macock*, Impenſis *Johan. Martyn* ſub Signo Campanæ, & *Gualteri Kettilby* ſub Signo Capitis Episcopii in Divi Pauli Cœmeterio.

MDC LXXIV.

SYNOPSIS PROPHETICA,

SIVE

COMPENDIOSUS PROSPECTUS

In Sacrarum Scripturarum

VATICINIA

DE

ANTICHRISTO VENTURO.

LIB. I.

CAP. I.

1. Antichristianismum quem in Idea nostra tam accuratè descripsimus, quèmq; in genere tam vulgariter notum est per Christi Ecclesiam se diffudisse, reverà Pagano-Christianismi genus quoddam esse. 2. Quid incredibile est nullas esse Prædictiones de tam notabili mutatione. 3. Malè collocata opera quorundam Interpretum qui obscurandis istiusmodi Prædictionibus operam navârunt, eas distorquendo in alios inutiles sensus. 4. Utrum de magno hoc Antichristo quicquam prædictum sit in Epistola S. Johannis sub hoc ipso nomine. 5. Barchocab, si omnino applicabilis sit Textui, Typum esse posse insignis illius Antichristi. 6. Famam magni illius Antichristi à Daniele prædicti occasionem dedisse mentioni multorum istorum Antichristorum apud S. Johannem. 7. Parem ferè rationem esse tarditatis Christianorum in detegendo vero Antichristo, atq; Judæorum olim in vero Christo diguoscendo. 8. Fraudulentum & Hypocriticum Oppugnatorem Christi æquè realem esse posse ac formidabilem Antichristum, quàm professum ac apertum Inimicum; sanctiq; Johannis Descriptionem ei æquè esse applicabilem. 9. Ineptâ ac delicatula tergiversatio in declinando nomine Antichristi, quòd; Titulus hic magno huic Ecclesie Inimico per occasionem ex Epistola S. Johannis sumptam ab antiquis Patribus sit impositus. 10. Quædam considerationes de Styli Prophetici obscuritate propostæ.

1.



D quàm enormem gradum Ecclesia Christi degenerare possit vel apostatare potiùs à Puritate Evangelii in horrendam illam Antichristianismi conditionem, & tamen externam Christianitatis professionem retinere, abundè demonstravimus, nempe dum utuntur Titulis quidem & Historiâ Christi & Apostolorum, sed introducunt interim sub eo obtentu talem faciem Idololatriæ & Paganicæ superstitionis barbaræq; Crudelitatis adversus veros Christi servos ut ab iis quorum judicia magis libera sunt ac perspicacia, hujusmodi Ecclesiæ status Paganismi potiùs reviviscentia quàm non-interrupta successio Christianitatis non possit non judicari; vel ut mollissimâ, quam rei veritas admittere potest, formâ loquendi utar;

utar, pura quidem censei non potest & inadulterata Christianitas, sed quidam potius *Pagano-Christianismus*. Siquidem ritus *Paganici*, Idololatriæ & Superstitiones, licet circa objecta *Christiana* reverà exercentur, & *Paganismus* hic in adulterata hac *Christianitate* æquè ferinà crudelitate propugnatur atq; antiquus ille *Paganismus* Ethnicorum Imperatorum temporibus est propugnatus. Nunc restat ut, secundum propositam methodum, sacra scrutemur Oracula ad investigandum an istiusmodi *Antichristianismus* quem ego descripsi in eis non sit præfiguratus, tamq; horrenda in Ecclesia Christi mutatio, quàm in genere manifestum est (secundum omnium hominum sententias qui non sponte cæcutiunt) ab aliquam-multis seculis Ecclesiam invasisse, non sit olim prædicta à Prophetis aut Apostolis, aut ab utrisque.

2. Mira enim mihi res videtur ac planè incredibilis, ut Deus qui tanto studio atq; curâ Ecclesiae *Judaicæ* invigilabat (prædicendo Captivitates eorum, reditûsq; ex Captivitate, & præmonendo eos de rebus cujusvis momenti ferè omnibus per ora Prophetarum suorum multis centenis aliquando annis ante eventum) Christi Ecclesiam per tam longam seculorum seriem sine *Ephod* & sine *Teraphim* relinqueret, hoc est sine Prophetis ullisve tempestivis Prædictionibus earum rerum quæ ipsi in tam longi temporis quàm mille ducentorum trecentorûve annorum continuorum decursu, sint obventuræ; ut eam pateretur errabundam in tam immensa Nocte palari, ac fluitare super fluctus absq; omni quâ gubernetur *Cynosura*. Quamobrem nullus dubito, quin Christus tam fidelem se suæ Sponsæ præstiterit, ut monumenta aliqua oracularia reliquerit in quibus quis, modò oculos nullo caligantes præjudicio eis admoveat, caractere sanè admodum legibili statum conditionemq; Ecclesiae grandemq; hanc illius Apostasiam cum maxime insignibus ejus circumstantiis perlegere possit, eaq; ferè omnia *Antichristianismi* capita quibus nos institimus illuc invenire indigitata, eiq; præsertim appropriata Ecclesiae quam Historia hujusmodi facinorum maxime affinem repræsentat.

3. Qua de re cum tam certò apud meipsum persuasus sim, equidem sine magno animi dolore aut indignatione malè collocatas horas quorundam hominum doctorum recordari non possum, qui universis illis illustribus vaticiniis (sive apud *Danilem* sive in *Apocalypsi* aliisve quibuscunq; in locis) quæ Dei populum de grandi hac Ecclesiae degeneratione præmonent, ad alios sensus quantumlibet coactos frivolosq; quantumlibet distortos & abjectos pervertendis operam navarunt, obscurantes eo pacto gloriosam Dei Providentiam, cujus vigilantia super Ecclesiam verus ac naturalis sensus horum Vaticiniorum Testis est locupletissimus, & avertentes porro illud commodum quod nobis obventurum esset ex recta intelligentia harum sanctarum Præfigurationum ac Prædictionum. Quæ si rectè intelligerentur, mirificam vim habituræ essent ad reducendum mundum ad bonam frugem, orbemq; Christianum convertendum ad antiquam Apostolicamq; Puritatem tam in *Praxi* quàm *Doctrina* à qua tamdiu jam aberraverunt.

Quamobrem ex condigno sensu honoris Dei ac promotionis Regni *Jesu Christi* omnia illa Vaticinia tum *Veteris* tum *Novi Testamenti* quæ ab antiquis de *Antichristiana* hac Apostasia intellecta sunt, in medium proferre statui, & seposito omni præjudicio partiûmq; studio, eorum sensus, quâ par est libertate, explicare. Quod præstiturum me spero ea cum perspicuitate demonstrationis ac simplicitate, offerendo scilicet adeò incoactos, adeò faciles adeòq; naturales rerum sensus, & cum indubitatis principiis tam arctè coherentes, ut nemo sit, nisi crasso occæcatur præjudicio, quin plenam satisfactionem de vera horum Divinorum Oraculorum Interpretatione sit hausturus.

4. Equidem fateor difficile fore ullum Scripturæ Textum producere in quo status hic Ecclesiae *Apostaticus* indubitatè sub ipso nomine *Antichristi* sit prædictus, quamquam id nomen plus semel in Epistolis S. *Johannis* reperitur: Verùm, tametsi quidam id faciunt, ego sanè non ausim contendere hunc *Antichristum* vel *Antichristianismum* quem hæcenus descripsi, tam apertè in singulis illis locis indicari. Non *Grotius* solùm sed ipse *Medus* istos *Antichristos* de *Pseudo-Christis* intelligit quos Servator apud *Matthæum* prædicit ante & post *Hierosolymorum* excidium exsurrecturos, quæ *ἡ πόλις ἡ ἡρα* erat Republicæ *Judaicæ*. Cum verò *ἡ πόλις ἡ ἡρα* nihil aliud sit quàm *ἡ πόλις ἡ ἡρα* (nam *ἡ πόλις* indifferenter redditur *ἡ πόλις* & *ἡ πόλις*) cumq; quartum apud *Danilem* Regnum ultimum sit; tempus etiam illius Regni significari potest per *ἡ πόλις ἡ ἡρα*. Unde illud S. *Johannis* (*Filioli, ultima hora est & sicut audivistis, ὅτι ὁ ἀντίχριστος ἔρχεται, ἰσχυρὸν ἔσται, ἰσχυρὸν ἔσται, ἰσχυρὸν ἔσται*) hujusmodi sensum, supposito Prædictionem modo aliquantulum elliptico formatam esse, habere potest, nempe

Quod

Quòd Tempus ultimum in quatuor Regnorum Calendario *Danielis*, hoc est, Regnum ultimum tunc labebatur, quod est Romanum; durante quo Regno Cornu parvulum, qui hîc appellatur *Antichristus*, in scenam erat ascensurum. Hic est *ὁ ἀρχις*, inquit ille, *insignis ille Antichristus*, quem ex *Daniele* accepistis venturum esse, verum illius adventus *majori temporis spatio distat*. Ut ea igitur loquar quæ propius ad vos spectent, etiam *nunc* multi *Antichristi* cœperunt esse, quos non *Daniel* quidem sed ipse Servator venturos prædixit, unde *rursus* intelligimus *horam* ultimam esse, non autem quatuor Regnorum *Danielis* sed *Reipublicæ Judaicæ*, quemadmodum prædixit Dominus. Vel brevius sic: *Filioli, ultima hora est*, hoc est, quatuor Regnorum ultimum, *Romanum* scilicet, & quemadmodum audivistis *insignem illum Antichristum* tunc venturum esse, viz. in ultima hora, ita & nunc in ultima hora Politicæ *Judaicæ* multi sanè sunt *Antichristi*. Unde certò colligere possumus ultimam illius esse horam, multis istis *Antichristis*, secundum Prædictionem, *hanc* horam ultimam comitantibus, quemadmodum unus ille *insignis Antichristus* *illam* demum est concomitaturus.

Secundum hujusmodi aliquem sensum fateor illum ipsum *Antichristum* vel *Antichristianismum* quem hactenus tractavi, sub eo ipso nomine in hoc Scripturæ loco significari posse, quamvis litem moturis sim adversus neminem qui eum aliter vult interpretari. *Grotius* insignem hunc *Antichristum* de quo audivisse poterant, de *Barchocab* intelligit. Sed enim cum nulla unius cujusquam præter ceteros egregii Impostoris in Servatoris prædictionibus apud *Matthæum* facta sit mentio, admodum credibile est hunc rumorem ex *Danielis* Vaticinio de improbo illo *Cornu parvulo* originem traxisse, quod proculdubio *Symbolum Propheticum* est eximii illius *Antichristi* qui erat venturus.

5. Idem Author de *Barchocab* etiam interpretatur *vis ignis* & *Ignis* itaq; reddit; *Quis potest esse major impostor?* & rectè credo. Res enim admodum tenuis esset & frigida si Apostolus *Antichristum* describeret ex eo solo quòd *Iesum* neget esse Christum magnum illum *Regem*, *Sacerdotem* ac *Prophetam* à Deo missum ad quem omnes Gentes essent confluræ. Tales enim *Antichristi* Infideles omnes sunt quorum immensa est copia. Hujusmodi igitur abnegator Christi hñc innuitur, qui agendo *Impostorem* & seipsum Christum faciendo vel ingerendo se in locum veri Christi qui ipse *Iesus* est, *Iesum* neget esse Christum, atq; sic eum negando illum etiam neget qui misit eum, quisq; de eo testatus est eum *dilectum suum esse filium cui omnes oportet auscultare*. Hujusmodi præsertim *Antichristus* erat *Barchocab* qui faciendo se *Messiam*, eo ipso negabat planè *Iesum* eum esse.

Verutamen ut eximii *Christi* Typi erant in populo *Judaico* talésq; ad quos unum idémq; Vaticinium æquè spectaret ac ad ipsum *Christum*; ità sanè intellectu obvium est quòd *Antichristi* etiam exsurgere possint apud eum populum cui omnia in Figuris contingebant, qui typi forent *insignis* illius *Antichristi* in Ecclesia Christiana exsurrecturi, quòdq; unus idémq; Textus utrosq; possit indigitare, quemadmodum haud difficile est conceptu hunc ipsum Textum id facere.

Nam quod ad magnum illum *Antichristum* attinet quem in *Idea Antichristianismi* descripsimus, manifestum est quod is *Jesum Regio, Sacerdotali Propheticoq;* suo officio exuit, illa omnia ipse usurpans, aut in alios ea conferens, quemadmodum copiose illuc declaratum est. Quamobrem cum seipsum Caput Ecclesiae tam absolutum faciat, *Jesum* eo ipso excludit quod minis is caput ejusdem esse possit, atq; sic demonstrat se *insignem* illum esse in Orbe Christiano *Antichristum*. Et sanè negando *Jesum* eum supremum esse *Regem, Sacerdotem* ac *Prophetam* cui omnes debent auscultare & obedire, cujus decreta verbaq; Leges sunt immutabiles, negat etiam ex consequenti Patrem qui eum misit, pari profecto ratione, atq; alius quisquam *Antichristus* inter *Judeos* existimari potest hoc unquam fecisse. Quis enim ex ipsis unquam dictus est nomen suum inter *Atheos* profiteri?

6. Quæ quidem res ritè pensitatæ satîs instructos nos reddent ad sensum faciliùs intelligendum illius quod quarto capite hujus Epistolæ S. Johannis scriptum est, ubi ait quod *Quicumq; spiritus profitetur Jesum Messiam esse incarnatum, ex Deo est. Quicumq; verò spiritus non profitetur Jesum Messiam esse incarnatum, ex Deo non est. Sed hic est ille spiritus Antichristi de quo audivistis eum venturum esse, & jam nunc in mundo est.* Versio vulgaris Latina habet, *Et hic est Antichristus de quo audivistis quoniam venit & nunc jam in mundo est.* Quod planè innuit eos non legisse *de aëriali sed de aëriali dei* *ἐκ τοῦ αἰθερῆος, De quo Antichristo audivistis quòd venturus est.* Addit verò porro, *ὃς πῶς ἐν τῇ πόλει ἵσταται ἔτι* *Quod simile est loco illi S. Pauli, τὸ γὰρ μέλλειν ἵσθαι ἐν πόλει τῆς ἀποχολῆς.* Ubi futurus adventus insignioris cujuspiam *Antichristi* excluditur in neutro quidem loco. In hoc verò loco *Johannis Grotius* iterum

intelligit Impostorem *Barchocab*. Antiqui verò adeoq; ipsi Pontifici insignem illum *Antichristum* Patrum. Unde pro confesso est tum apud *Grotium* tum apud Pontificios talem Inficiatorem, quòd *Iesus Messias* sive *Christus* sit in carne profectus, intelligendum esse, qui sit Impostor ac seipsum illum *Christum* esse gloriatur, quo *Iesum* eum esse planè pernegat, prout in priorem locum notavi.

Et loci utriusq; sensus hic esse potest; Quòd utique, eum ii ad quos *Johannes* scripsit, rumore famamve acceperant de eximio quodam *Antichristo* ultimis temporibus in mundum venturo (cui famæ proculdubio *Danielis* Vaticinia de *Cornu parvulo* deq; *Rege superbiae* qui se supra omnia exaltaturus esset, dederant occasionem) cumq; horum Vaticiniorum completio longius tunc abesset, quanquam certò aliquando futura, in tales ille *Antichristos* qui propinquiore essent, eorum animos defigit, quiq; licet Typi tantum essent ac figuræ magni illius *Antichristi* post aliquot secula venturi, ex ipsorum tamen usu magis foret, diligentius eos notare: interea verò *Antichristum* sic describit ut tametsi crassiori quodam modo Typos istos futuri *Antichristi* indigitet, descriptio tamen si penitus introspectiatur, magnum illum etiam *Antichristum* firmiter prehendit arcetq; constringit, quippe quæ planè innuit eum talem esse qui per modum *Imposture* se in locum *Iesu* (qui verus est *Christus*, Rex ille, Sacerdos ac Propheta à Deo constitutus, cui omnis debetur obedientia) sit ingesturus. Quod non solum *Barchocab* & istiusmodi falsi *Messia* in Republica *Judaica* fecerunt, sed & is etiam qui ita se caput Ecclesiae constituit, ut leges doctrinâsq; Christi aboleret, idem facere deprehenditur.

7. Equidem fateor Oppugnationem & Intrusionem insignis hujus *Antichristi* inter Christianos obliquam magis esse magisq; subtilem quàm erat falsorum istorum apud *Judeos* *Messiarum* molitio ac usurpatio. Sed notare simul debemus Christianorum *Messiam* sive *Christum* magis spiritualem esse quàm quem *Judei* expectarunt, ac proinde minimè mirum esse si eorum *Antichristus* alius sit naturæ; non crassus quidem & violentus Invasor Imperii Christi, sed magis subdolos Impostor astutusq; Hypocrita, qui simulet se omnia facturum in ordine ad Regnum Christi spirituale.

Nec mirari sanè debemus orbem Christianum tam tardoculum fuisse in discernendo hoc *Antichristo* postquam advenisset, quippe quibus idem hic contigit quod *Judeis* olim contigerat qui *Messiam* suum discernere non potuerunt etiam tunc quum quotidie ipsis ante oculos obversabatur; uterq; enim error ex consimili præjudicio falsaq; rerum notione ortus est. Siquidem *Judei* talem in animis suis *Messiam* descriperant qui Regna ipsis subiecturus esset, eosq; populum opulentum ac potentem in terris reddidurus (tam crassam mundanamq; *Ideam* de illius potestate ac officio conceperant) Christiani verò talem præfiguraverant *Antichristum* qui externam *Christi* professionem planè repudiaturus esset, & directè & ex professo Regnum illius oppugnaturus.

8. Sed enimvero fraudulenta & Hypocritica Oppugnatio æquè vera est & magis sanè perniciofa oppugnatio quàm quæ aperta est & directa. Et qui alterum Dominum Regemq; appellat sed proficitur interim se potestatem habere abrogandi leges: illius aliâq; quascunq; ipsi libuerit sancienti, cogendq; hujus Principis subditos ad eas observandas, hic homo profectò seipsum reverà constituit Regem. Ac proinde is qui jus sibi assumit abrogandi leges Christi novâq; de proprio cerebro excudendi quibus orbis Christianus sit regendus, consimili sanè ratione seipsum *Christum* constituit, multoq; eminentior est *Antichristus* quàm *Barchocab*, quem *Grotius* nobis persuadere vult eum esse qui his *S. Johannis* verbis sit indigitatus; *Antichristus de quo audistis quoniam venit*; cum tamen nihil ipsis, quod suprà monui, enquisset de ullò uno eminenti *Antichristo* nisi ex *Cornu parvulo* apud *Danilem*, illôq; *Rege superbiae* qui se extollit supra omne quod dicitur Deus.

Et certè omnia illa horrida lineamenta in descriptione *Antichristi* apud *Johannem* comprehensa inveniuntur in hoc homine peccati. Nam ex eo quòd se *Christum* facit, quòd certè facit *Interpretativè*, eo ipso *Iesum* negat eum esse, quippe qui legis conditor est, contra quam nulla in terris potestas dispensare potest, siquidem illius Decreta decreta sunt *eterni filii Dei*. Quamobrem qui id juris sibi assumit ut contradicat, abroget, dispensetve contra has Doctrinas ac Decreta, eo ipso negat *Iesum* esse Dei filium, & qui filium negat, Patrem simul negat qui misit eum.

Hunc sensum valde perspicuum credo æquo cuivis judicio appariturum, nec opus est ut ei diutius insistam, cum nonnulla quæ huc factura sint suprà suggererim. Monèbo hinc tantum obiter quàm solenne sit in Scriptura Peccatorem directè onerare istiusmodi criminibus quæ is tamen non nisi *interpretativè* perpetraverit. Ut ubi Deus ait, *Israëlitas* ipsi non sacrificasse in deserto. Quod verum est tantum *Inter-*

pretativè, ex eo quòd sacrificabant etiam aliis Diis, itaq; *Jehove* vero Deo non sacrificabant, utpote cujus nusquam æquiparanda perfectio, nullius Rivalis Socii in cultu Religioso est capax, quem dum aliis præstant, interpretativè quidem negant *Jehovam* eum esse qui est, ac proinde ei non sacrificant, nè tunc quidem quando id maximè prætendunt, sed figmento proprii cerebri. Ità *Jeremia* *Judeos* istiusmodi stoliditatis inculcat ac si *ligue dixissent*, *Pater meus es tu, & lapidi*, *Da me genuisti*. Quæ tamen accusatio vera est tantum interpretativè, ex eo quòd cultum Religiosum præstabant lignis & lapidibus, eòq; pacto eos agnoscebant Deum esse universi generis humani Patrem, mundi; conditorem. Et postremò in hac ipsa Epistola, S. *Johannes* ait, *eum qui negat Jesum esse Christum, patrem negare, & sic*. Quis autem fando unquam audivit aut *Barchoch* aut alium quemvis Pseudo-christum *Judeum* directe Deum negasse, qui Pater erat Domini nostri *Jesu Christi*? Multa hujusmodi exempla occurrunt in Scripturis, quæ cum ita obvia sint, nihil opus est ea proferre. Hæc pro oblide esse possunt Concinnitatis nostræ Interpretationis.

Vide Ideam
Antichristi lib.
2. c. 6. sect. 6.

Jer. 2. v. 27.

9. Verum supponamus rem totam in deplorato esse quantum ad hanc S. *Johannis* Epistolam, nõq; eminentem hunc *Antichristum*, qui tamdiu jam in orbe Christiano regnavit, in nullo hujus scripti loco indigitari agnoscere debere, fateor equidem huic consequens esse, quòd *Antichristiana* hæc Potestas quam nos tam fuscè in altero nostro Tractatu descripsimus, nusquam in Scriptura *Antichristum* sit appellari, quòd; sic quidem futurum sit, ut corruptus hic Pontifex Maximus cum Apostatice suo Clero à tali quidem exemptus fuerit infamia, ac si id nomen ei ab ipso Dei digito sit inustum; attamen non possum interea quia hoc delicias agendi tergiversandi; genus, (in abhorrendo utiq; ad hunc modum à nominibus, cum res ipsis significata adeò conspicue sint) æquè ridiculum existimem, atq; si monstrum aliquod hominis duodecim cubitos altum, magnè quidem exardesceret indignatione si quis eum Gigantem appellaverit, nullà verò omninò injurià se affectum existimaret, ex eo quòd quis eum vocaverit *Doddrapochyn*, cum tamen homo quispiam qui infra duodecim cubitorum staturam sit, *Gigas* merito possit appellari.

Ceterum quantum ad me, equidem in ea sum sententia, compendii potius causæ factum fuisse quàm propter majorem Tituli infamiam, quòd Persona illa corpùsve Politicum quòd adeò reverè *Antichristianum* factum erat, vulgò appellatus sit *Antichristus*, potius quàm *Meretrix Babylonica*, *Bestia bicornis*, *Homo peccati* & similia. Qui tituli nihilo quidem minùs sunt invisì, quanquam minùs compendiosi. Estq; observatu dignum, eos Scripturæ locos super quos antiqui Patres scripserant, *Vaticinium de Antichristo*, Titulum finge undecunq; volueris petitem, (quanquam non dubito quin ab hac S. *Johannis* Epistola sit accersitus) mirum in modum aptos esse ad præsignificanda illa Eventa quæ in *Romana Hierarchia* oculis nostris palàm sunt subjecta.

Si Veterum igitur nomenclaturæ stare velimus, cum illa Vaticinia quæ illi de *Antichristo* interpretari sunt, adeò planè indubitatèq; inveniantur ad degener illud orbis Christiani corpus spectare, omninò Rationi consentaneum est ut dictum corpus cum suo capite generali hanc ac compendiosiori appellatione insigniatur.

10. Ut verò quis mirabilem hanc aptitudinem & Applicabilitatem illorum Vaticiniorum apertius demonstret, res est sanè operosior & laboriosior, & quæ feliciori quidem successu suscipietur si viam muniamus per considerationes quasdam de *Styli Prophetici* obscuritate, apud *Danielem* præsertim & in *Apocalypsi*, ut verbi causâ, *Quare hæc obscuritas sit*, deinde *in quo consistat*, & postremò *quæ sit ad eam illustrandam familiaritèq; nobis reddendam ratio efficacissima*.

CAP. II.

1. Cur Vaticinia saltem medioort aliqua obscuritate sint involvenda. 2. Indispensabilis Necessitas hoc genus Involutionum propter liberum hominum arbitrium. 3. Ut & propter Inimicos Ecclesie tum Homines tum Dæmonas. 4. Enumeratio ejusmodi Schematum seu Figurarum in quibus potissimum hæc obscuritas consistat. 5. Quid sit Diorismus, cum diversis exemplis Numeralium Diorismorum. 6. Tiffimum videri quinq; Locustarum menses juxta hanc Figuram interpretari. 7. Ubi Numeralium Diorismorum ratio. 8. Unde & aliquid lucis affertur ad rationem intelligendam incerte designationis, in irruptione et in regno et in pace, et in gloria et in maiestate. 9. Exempla Diorismorum proportionalium. 10. Ut & Diorismorum specificorum.

Ap. 9. 5. &
10.

V. 15:

Quod Vaticinia per obscuras ambages edita sint nec mirari debemus nec con-
queri, cum tam evidens illius rei ratio sit & tam justa. Valde enim con-
sentaneum est ut illa scientia quæ tam longè supra caput humanum remota
est, veneratione perinde humili ac profunda recipiatur, quam omnibus quidem veri-
tatibus obscura mysticisq; tradendi Ratio conciliat, his autem debetur maxime quæ
maximè sunt insignes, omniumq; maximè facultates nostras astringunt & elevat, cu-
jusmodi est *Prophetia*. Ut omittam obscuritatem hanc non parum quidem præcipui
servori ac æstui quo ut plurimum homines feruntur ad cognitionem rerum futurarum
obstiterè & coercere. Quam tamen admodum paucis in sortem cedit ut modo an-
quo immediato accipiant, si cui tamen obtingit, omnes ad eum ex naturali curiosi-
tate ac desiderio prænoscenti eventa futura certatim se conferunt impudenterque.
Cui ignito pruritu ac cupidini cognoscendi res futuras Providentia diuisionem hanc
& Enigmaticam Prædictiones Propheticas edendi rationem pro fructu iniecit, ne
leges naturalis pudoris ac modestiæ, præter superinducta Religionis iustitiam Ri-
tusq; Politicos, illis impetuosis ad experiendas Nuptialis Thori voluptates propen-
sionibus objecerit, nè tam validis seductionibus citra molestationis alicujus moram, &
expectationis ceremoniam ulla fiat gratificatio. Et certe fieri potest ut hæc ipsa spes
& expectatio, ut quæ quasi quædam rerum fruendarum prædicitio est, in utroq; lo-
co voluptatem producat.

2. Cæterum restat adhuc & alia magna hujus obscuritatis necessitas, quam non-
dum indicavimus, quæ hæc est: Nè Divinæ scilicet Prædictiones de Ecclesia Dei
aut facile aut certe omnino intelligantur ab eis à quibus sint implenda antequam
tempus præstitutum advenerit, ubi id fieri possit sine veræ Ecclesiæ præjudicio, hoc
est, Res non tam aperte præfigurandæ sunt ut nimis violenter in liberum illud age-
re possint humanæ Animæ principium quo (nisi per hujusmodi miraculum de cælo
ipsi obstitatur) pro suo libitu vias suas est determinatura. Divina enim Prædictio
tam aperta ut certò quempiam præmonitura sit eum tale facilius perpetraturum esse
quod ad ignominiam suam ac exitium tenderet, Notave futura esset Characterq;
conspicuus & infallibilis coram toto mundo quod is sit invisa illa persona quam tam
dirum fatum maneat, efficeret proculdubio (nisi Deus validam aliquam vim adhi-
beret quæ vel invitum impleteret Vaticinium) ut ille ex solo honoris proprii ac securi-
tatis studio illius impletionem declinaret, omitteretq; omnes circumstantias quibus
ipse sit præfiguratus ut characterem propriæ suæ personæ in Vaticano delineatum ob-
litteret.

Exempli causâ. Si S. *Jobannes* expressim dixisset se per *Bestiam bicornem* ac *Mere-
tricem Babylonicam* successionem Episcoporum Romanorum cum tota ipsis adhaerenti
Hierarchia intellexisse, equidem difficile est creditu, quod Præsul hic *Oecumenicus*
ad occultandam propriam ignominiam, sedem *septicollem* non fuisset mutaturus nè
videretur is esse ad quem Vaticinium collinearet. Saltem id nunquam commisissent,
ut Coronæ Papali, *Mysterium* inscriptum foret, prout factum est in *Meretrice Baby-
lonica*, si prævidissent hanc visionem, ad Romanum Pontificem tam præcisè spectare.
Nec certè imaginari possumus si loco sexcentorum sexaginta sex, viginti quinq; *Nu-
merus Bestiæ* dictus fuisset, quod Ecclesia Romana eum numerum tantoperè fuisset
affectatura. Et sic de multis aliis exemplis quæ possint produci.

Deus autem vix dici possit hominem relinquere in manu consilii sui, eiq; per-
mittere liberè agere secundum propriam suam naturam, si Divina hæc de rebus fu-
turis

turis oracula modo tam aperto ac perspicuo edidisset & impletionem tamen eorum efficiendam curaret.

3. Præterea, Rerum futurarum ad Ecclesiam spectantium Notitia cum illius Inimicis communicata, in damnum illius facile cedere potest; cum ut plurimum res plena periculi sit ut Inimicus intelligentiam habeat Consultationum nostrarum ac Proponitorum.

Quod quidem verum est non solum respectu hominum sed & invisibilium illorum Ecclesie Inimicorum qui perpetuo eam sub auspiciis Principis Potestatum Aeris, (qui magni sunt illi Adjutores & Instigatores filiorum Inobedientiæ) aggrediuntur oppugnantque. Eximium hujusce rei exemplum est illud quod J. Medus notavit è S. Augustino. Quomodo scilicet Diabolus (qui jam olim tantâ rerum mathematicarum peritiâ pollebat, ut Athenienses duplicandi Cubi Problemate exercuerit) computando rationem inter exterius Templi atrium & interius, quam ut videtur compertit præter propter esse ut 1260 ad 365, statim conclusit Christianitatem non ultra 365 annos in Mundo duraturam, sed statim futurum postea ut Paganismus iterum invaleseat. Ac proinde priorum suorum Oraculorum fidem surreptitiâ hæc sed perperam intellectâ Apocalypseos Prædictione exornans, sic palam pronunciabat, ut Conversionem hominum ad fidem Christianam istoc pacto impediret. Quod argumentum equidem existimo satis validum ad nobis persuadendum quam necessarium sit ut Vaticinia sacra Enigmatis involvantur integumentis, propterea, indeterminabiles ambiguitates incertæ sint Interpretationis, donec aut Eventa aut fidelis aliquis Interpres Dei assistentiâ plusquam ordinariâ adjutus clarâ eorum solutionem sit redditurus.

4. Jam verò ad Artem quod attinet obscurandi Prædictiones in quibus potissimum illa consistat, quamvis totius declarationem in me non sim suscepturus, tamen tamen illius portionem in medium proferam, quanta ad præsens saltem Institutum sufficiat, quam harum paucarum Prophetiarum Figurarum sive Schematum explicatione complectar. Quibus hæc temere à nobis hæc data sunt Nomina, *Diorisismus*, *Stylisismus*, *Heteropiea*, *Zoopia*, *Israhelismus*, *Ellipsis*, *Antiphrasis*, *Homonymia*, *Paronymia*, *Antichronologia*, *Leysmus*. Quorum pleraque exterorum Vaticiniorum Canticum venustant perinde adornantque, ac pretiosum sensum in eis latentem celant & cooperunt.

5. *Diorisismus* ejusmodi styli Prophetici schema est, quod externam *Lyteram* apparenti quidem sensu admodum accuratâ & determinatâ rationis rerum, quantum ad *Numerum*, *Proportionem*, vel *Specificationem*, exornet. Quod igitur fortis Imaginationem ferit, ut objectum fixum immotumque fortorem Impressionem oculo infert, quam quod fugitivum est ac mobile, quemadmodum quotidiana edocemur experientia. Parique ratione conceptus determinatus vividius & palpabilis animum afficit quam qui generatior est & indeterminatior.

Exemplum primi generis illud Apocal. 2. esse cenſeo: *Habebitis afflictionem dierum decem*, ubi fateor me nunquam intelligere potuisse hoc aliter dictum quam per *Diorisismum* (quamdiu istas Epistolas *literaliter* intelligebam) modestamque esse subinsinuationem perfectissimâ plenissimâque Persecutionis, quemadmodum innuitur ex verbis subsequenſibus, *Esto fidelis usque ad mortem*, &c. Vide *Vatablum* & *Drusum* in locum, qui multa producit exempla ubi *decem* ponitur pro *multis*. Quem sensum si *decem* *Cornu Bestiæ* habere supponerentur, nulla profecto futura esset absurditas in admittendo illam Interpretationem, quanquam nec eorum industriam vilipendo qui de *decem* omnino invenendis tam solliciti sunt, tantamque ei rei impendunt operam. Nam eo fortasse validius obstinatos convicturi sint dum alii satis persuasi sunt, eam tantummodo Imperii conditionem significare, quando divisum fuerit in bene notabilem multitudinem Regnorum sive Principatuum qui Regiâ Potestate pollerent.

Et certè illa *centum quadraginta quatuor millia* cum Agno in monte *Sion* non tot omnino esse, (nec plura nec pauciora,) quivis concessurus est qui observaverit Numerum 144 *Quadratum* planè esse Numeri 12, ac proinde, juxta rationem veteris *Cabbale*, conditionem Apostolicam illius multitudinis *symbolicè* significare, non autem Numerum determinatum, non certè magis quam 666 numerum notant eorum qui sequuntur Bestiam.

Præterea, illa septies mille hominum capita qui occisi fuisse dicuntur in magno illo Terræ motu, Apocal. 11. per *Diorisismum* suspicor Propheticum sic sanè memorari. Quis verò genuinus illius loci sensus sit proprio suo loco notabimus.

Addam & quartum exemplum, *Dies utique mille ducentos sexaginta*; Qui cum nihil

nihil aliud sint nisi longiorum illarum mensurarum *trium Temporum ac dimidii* vel *quadraginta duorum mensum* in numerosiores particulas diductio, minime à ratione alienum est, variandi phrasin potius, externamve Vaticinii formam, ejusmodi determinatâ illorum temporum mensumve in 1260 dies solutione, ornandi gratiâ factum suspicari, quàm ut expectatio nostra ad defigendum se in præstitutum aliquem diem Propheticum, quo prædictum eventum contingat, excitaretur. Siquidem unus dies è tam multis, & in re tam proluxa ac moliminosa transactionis parùm habet usus aut ponderis, cum & Epochâ etiam incerta sit unde Tempus suum sumat exordium. Ut omittam quod Cl. *Medus* innuit, Variationem Temporis per *Menses Diesque, opera Lucis* spectare, operâq; *Tenebrarum*: ac proinde durationem eorum qui sub principatu *Lucis* sunt per *Dies* numerari, eorum verò qui sunt sub principatu *Tenebrarum*, cum *Luna* Noctis Regina sit, numerari per *Menses*.

Quamobrem quis, nec sanè absq; ratione, imaginari potest, latitudinem esse posse computationis etiam in hac *trium Temporum & dimidii, Mensumve quadraginta duorum* in centum viginti sex decadas dierum solutione, perinde atq; est in illis *Temporibus ac Mensibus*, & variationem quamlibet, suprà intrâve, quæ Decadem non excedat, rationes non turbare, cum Divina Oracula in illius *Omniſcientiæ* ostentationem data non sint. (quis enim ignorare potest eum vel ad minimum horæ minimum eventa posse computare?) nec ad gratificationem intemperantiæ humanæ *Curiositatis*, sed ad usum & exercitationem suæ Ecclesiæ.

Insepulta etiam Cadavera occisorum Testium *per tres dies & dimidium* in plateis Urbis magnæ jacentia, exemplum eximium est hujus *Numeralis Diorismi*. Scelus verò idem esse potest qui *trium Temporum & Dimidii*, quemadmodum alias notavi.

Apo. 9.

Vide 7. Med.
Comment. Apo-
calyp. in cap.
9.

6. Et postremo, quod ad *Menses* attinet *Locustis* ad torquendos homines, datos, equidem fateor, postquam rem paulò accuratius perpenderim, *Diorismum* etiam esse me suspicari, significareq; tantum *Symbolicè* non *Arithmeticè*. *Saraceni* enim Regni continuatio (Notabilius illud Intervallum intelligo à principio *Caliphatus Abasidarum Bagdadi* ad urbem captam à *Togrulbece*) nec præcisè est his quinq; mensium annorum, nec *duplicatio* quinq; mensum satis confirmata ex eo, quod illud tempus his in Vaticinio commemoratur. Nam mentio ejusdem numeri, bis facta in Vaticano Historiæ, non sufficiens causa est cur addantur invicem ad novam constituendam summam, perinde ac si *expensorum particularium* *Sabulula* esset. Nec postremo verisimile est Spiritum Dei. Annos trecentos, per illos *his quinq; menses* indigere voluisse, quandoquidem Imperii *Saraceni* continuatio multo erat diuturnior, ut & duratio *Caliphatus Bagdadi* non usq; adeò adæquata.

Infestatio *Italiae* per *Saracenos* ab anno 830 ad annum 980 plausibilior fuisset, modò fuisset satis commensurata. Verùm extendi se ultra annum 980. Etenim anno 1001 *Saraceni* expelluntur è *Capua* per *Othonem*, annosq; proximo *Salernum* obsident; Anno 1008 *Barium* & *Capua* ab eorum obsidione liberantur; Anno 1017 iterum *Italiam* invadunt, præter alias pugnas turbâsq; postea factas.

Hoc autem sufficit ad ostendendum quinq; menses annorum, nec ad Infestationem *Italiae* ab ipsis factam satis quadrare. Quanquam sanè puto Cl. *Medum* speciem maximè plausibilem hisce rebus induisse cujus sint capaces; Verùm conatum illius supervacaneum perinde fuisse ac sine successu. Neq; enim ulla exacta temporis ratio per hos *quinq; menses* significanda intenditur, sed elegans tantum *Diorismus* est Typum spectans, quæ sunt *Locustæ*, quarum vitæ Continuatio cum ad *Anni* spacium non pertingat, par erat ut mensibus per *Antichronismum* numeraretur. Et quis Numerus, obsecro, aptior quàm *quinarius*? Non solum ob id quod *Imperfectionis* symbolum esse possit (quemadmodum *Ribera* notavit, & ista *Locustæ* dicuntur torquere quidem non autem occidere) sed etiam ex ratione durationis vitæ ipsarum, quam juxta *Plinium*, *Aristotelem* aliòsq; Physiologos, verisimillimum est mensum circiter quinq; esse. Ità ut Mysteriorum horum Numerorum solutio non sit in simplicem *Antichronismum*, ubi Numerus figuratus verum numerum indicat determinatque, sed in *Diorismum* etiam, ubi quanquam accurata hæc temporis ratio in cortice exprimitur, in sensu tamen interiori non intenditur. Quod quidem Schema hîc singulari elegantia usurpatur propter relationem quam habet ad notum tempus continuationis illorum Animalium quæ sunt Typus.

7. Cæterum cur hoc *Diorismorum* genus in usu sit, curq; non æquè accurata temporis ratio in interiori Vaticiniorum parte inveniendâ sit atq; calata est in exteriori, Problema est paulò curiosius quàm in quod inquiri oporteat, quanquam non omnino inextricabile apud eos qui styli *Cabbalistici* satis sunt gnari, & penitus insuper apud

apud se perpendunt quàm averſa ſit Providentia à nimis duriter violentèrve urgendo liberum iſtud in homine principium, illudve neceſſariò determinando quod ſibi ipſi naturaliter permitti oportet, ut vergat quò libitum ſit ſuòq; utatur libero agendi privilegio.

8. Unde etiam ratio peti poteſt de modo exprimèndi illam temporis periodum quæ à capta Bagdado per Togrulbecum ad excidium Conſtantinopoleos per Mahometem ſecundum, intercurrit. Quanquam enim Intervallum Temporis præciſè ſit 396 annorum, quemadmodum Cl. Medus ex Elmachino Arabæ Hiſtorico apertè probavit, illius tamen in Vaticinio ſignificatio, *et dicitur quod dies et menses et anni et dies* poteſt, quemadmodum Interpretes communiter notant, nihil ampliùs innuere quàm quòd parati ſint ad tempus præſtitutum, ſive diem ſeu menſem ſive annum. Nam per *et dies* veriſimiliſſimum eſt Vaticinium illam temporis partem non indigitàſſe quam *Horam* vulgò appellamus, ſed *et dies*, quod articulus præfixus videtur inſinuare, quippe qui illi ſoli eſt præfixus. Senſuſq; eſſe potuit, *Parati ad tempus præſtitutum ſive Diem ſeu Menſem ſeu Annum*, hoc eſt, ad tempus quodlibet præſtitutum. Sed enim Eventum adeò exactum eſt & conſpicuum, ut minimè dubitem quàn ſenſus ſit, *Parati et dies et menses et anni et dies*, *Parati ad illud tempus quod indicatur per & diem & menſem & annum*. Quæ tamen nulla omninò foret indicatio, niſi adderentur invicem; tunc enim demum 396 dies conſtituent, qui ſtylo Prophetico totidem ſunt anni. Quod accuratè eventui reſpondet; ac proinde certus firmuſq; paxillus eſt quo hoc Euphrateorum Equitum Vaticinium rebus Imperii Turcici aſſigatur. Unde, ut & ex deſcriptione Loricarum horum Equitum, ad quòd mundi ſeculum hoc Vaticinium pertineat dignoſcimus, & conſequenter ad quòd illud Locuſtarum. Quarum propterea Temporis exactior ulla notatio, quàm per modum Dioriſmi ad ornatum Vaticinii, ex hac ratione videtur minùs fuiſſe neceſſaria.

9. Exempla Dioriſmorum proportionalium ejuſmodi ſunt, Apoc. 8. *Tertia pars arborum exuſta eſt. Tertia pars navium perierunt. Tertia pars maris ſanguis facta eſt;* & verſ. 12. *Tertia pars Solis percuffa eſt, & tertia pars Lune, &c.* Ubi Tertia non ſignificat illius quòd percuffum eſt rationem ad illud quòd effugiſſet, ſed Imperium, laxiori ſenſu, quòd percuffum eſt, hoc numero indigitatur. Quæ loquendi formula Cabbaliſticum planè Genium ſapit qui numeros pro rerum ſymbolis frequenter adhibent, ſicut jam notavi. Ità decima pars Civitatis non eſt pars decima Civitatis quæ tunc erat, ſed Civitas ipſa, cujuſ amplitudo ſubdecuplam tantùm rationem habebat ad eam amplitudinem quæ olim fuerat, quemadmodum Cl. Medus ſatis accuratè computavit.

Huc etiam referri poteſt illud Apoc. 18. *Duplicate ei duplum ſecundùm opera ejus, & Propinate ei duplum.* Quòd tam definitè enūnciatur quàm ſi alterum tantum ei pro illatis injuriis eſſet rependendum, cùm ſenſus tantùm ſit ei pœnarum ſatis pro injuriis quibus alios affecerit, eſſe luendum.

10. Specificorum Dioriſmorum exempla talia ſunt atq; vulgariū Synecdocharum, ubi ſpecies pro genere ponitur, quæ cùm objectum magis determinatum ſit, fortiùs imaginationem ferit eiq; plenius gratificatur. Ità Imaginatio vehementiùs afficitur audito quòd talis res perſonave comburenda ſit ignive conſumenda, quàm ſi tantùm dictum eſſet eam perituram eſſe, vel conſumptum iri, modo diſtincto ac ſpecifico minimè indicato. Sic Bellum gerere magis determinatum eſt ac ſpecificum quàm reſiſtere, & capite truncari quàm ſimpliciter mori vel necari, & trucidari vel occidi magis ſpecificum quàm perdi, & poſtremò Rex terminus eſt magis ſpecificus acriùſq; Imaginationem verberat quàm ſupremus Magiſtratus, aut quæcunq; appellatio quæ magis generalis eſt & ex conſequenti magis diluta. Quæ exempla tertii hujus generis Dioriſmorum paſſim occurrunt in Apocalypſi, & ubiq; ſerè apud Prophetas.

C A P. III.

1. *Hylasmus* quid sit, cum ejus generibus. 2. *Eximia* cujusq; generis exempla.
3. *Quæ* prima ac præcipua species *Henopœiæ*. 4. *Unam* singularem *Bestiam* significare corpus Politicum, demonstratum ex *Daniele*. 5. *SucceSSIONem* Individuorum representari uno quidem Individuo. 6. *Unam* individuum *Bestiam* representare Regnum corpusve Politicum ab ortu ejus usq; ad illius exitum. 7. *Unum* etiam virum singularem feminamve stylo Prophetico corpus Politicum representare. 8. *Secundum* genus *Henopœiæ* quid sit, & an *Deuteroplerosis* illuc referenda. 9. *Quid* *Zoopœia*, cum illius exemplis. 10. *Secundum* genus *Zoopœiæ* probatum illustratumq; ab exemplis.

1. **H**ylasmus est Schema Propheticum fortiter movens imaginationem crassa exhibendo & palpabilia objecta, qualia in Logica notionem habitura essent Subjècti vel Materie. Primum genus coincidit cum *Metonymia Subjècti*, ut quando Civitas ponitur pro Incolis, aut Templum pro iis qui Deum inibi colunt. Hujus generis exempla passim apud omnes Autores occurrunt.

Ad secundum genus referendas esse censeo ejusmodi Repræsentationes quæ per ædificia fiunt ac pavimenta & similia, quæ ex crassa quidem & palpabili materia coagmentantur, sed aliarum rerum toto genere differentium mystica sunt ac spiritualia symbola. Exempla hujus generis sunt *Atria Templi Interius & Exterius*, unum *Symmetrum*, alterum *Asymmetrum*; Quæ Ecclesiam Christianam significant nunc quidem puram & Apostolicam, postea verò ad Idola apostatantem. Ità *Sancta Civitas calcata à Gentibus* Christianam Ecclesiam significat Paganismo inundatam. Aded ut vides in hoc loco nullius symbolum sit sive corporis Politici, ut & Templum esse potest vivæ Christi Ecclesiæ.

2. Eximium exemplum hujus generis *Hylasmi* est *Hierosolyma* descriptio Apocal. 21. cum altis suis Muris Portisq; duodecim, & per *Diorismum* Propheticum mensura Civitatis statuitur ad duodecim stadiorum millia, & Muri quidem ad centum quadraginta quatuor cubitos. Materia verò est Aurum, Margaritæ & lapides pretiosi. Civitas tamen hæc aded *Hylasticè* repræsentata sensum habet maximè spirituale, nihilque aliud significat nisi Ecclesiam Christi ad puritatem Apostolicam rursus reductam.

Maximè verò notabilis Instantia *Hylasmi* Prophetici est descriptio Templi apud *Ezechielem*, quò inficiari non possum, quin hæc S. *Johannis* multis in locis alludat, Quòd autem *Hylasmus* sit non Descriptio literalis, facile quemvis credo concessurum qui caput 47. perlegerit.

Postremo, Civitatis *Babylonis* excidium in *Apocalypsi* egregium etiam hujus Schematis exemplum est. Quanquam verò generaliter ad secundum hoc *Hylasmi* genus pertineat, res tamen crebrò admodum illustrantur à genere priori, quod est *Metonymia Subjècti* non continentis quidem ut antea, sed occupantis, cum objecta Negotiationum spiritualium tam crasse exponantur describanturque.

3. Proximum Schema Propheticum est *Henopœia*, quæ ut maximam sermoni addit gratiam, ità nec minorem quolibet alio superinducit obscuritatem. Primum verò præcipuumq; illius genus hoc est; Nempe collectio multitudinis Individuorum in speciem unius Individui, ut & successionis Individuorum vel multitudinum in speciem unius permanentis Individui. Hæc est illa antiquorum mysteriorum tradendi ratio quemadmodum quilibet deprehensurus est, si penitus in naturam veritatemq; antiquæ *Cabbale* introspeciat. Quam & *Danielem* & S. *Johannem*, possum etiam addere S. *Paulum*, in Vaticiniis suis imitatos esse facile credo posse evinci.

4. Quantum ad Collectionem multitudinis in speciem sive Repræsentationem unius Individui, id quidem manifestum est ex *Daniele*. Unus enim illic individuus *Leo* totum Regnum *Babylonicum* denotat, unus *Ursus* Regnum *Medo-Perfarum*, unus *Pardus* Regnum *Græcorum*, quarta *Bestia* Regnum *Romanum*. Equidem verum est quòd quatuor *Bestiæ* dicuntur quatuor *Reges*, Latina tamen versio vulgaris habet, *Quatuor Regna*, ut & *Theodotion*, ipsèq; Textus expressim ait, *Quod quatuor Bestiæ quatuor Regna sunt in terris*. Ità *Aries* & *Hircus* in octavo capite (etiam secundum ipsius *Grotii* ex Idioma *Hebraico* Interpretationem) quamvis dicantur *Reges*, *Regna* tamen sunt. Atq; illuc sanè ubi scriptum est, *Porro Hircus caprarum Rex*

Græcorum

Gracorum est, & cornu grande quod erat inter oculos ejus ipse est Rex primus, hinc Hircus hic significet aut successionem Regum aut Regnum, nullus est sensus, immo quantumvis successionem, admodum durus tamen sensus erit si Cornu grande primum Regem faciamus, reliquos verò Corpus bestiae.

Quamobrem nisi res præter omnem modum distorquere volumus, Corpus Hirci necessario significat Regnum Græciæ, ut & Cornua ejus supremam Potestatem; juxta quam rationem *Grotius* locum explicavit, nec dubito quin illius Interpretatio sit vera.

Nec quenquam puto tam imbecillo posse esse ingenio quin perlecto *Daniele* certus futurus sit unam individuanam Bestiam in Figurationibus Propheticis multitudinem hominum in Regni corpus cointerpretari significare.

5. Cæterum, sicut grande Cornu Hirci primus Rex dicitur, ita quatuor Cornua proculdubio quatuor Reges succedentes in hoc diviso Regno secundum distinctas suas series significant, adeo ut quatuor successiones Individuorum, quousque quidem se extensuræ essent, repræsentarentur sub specie quatuor singularium Individuorum, nempe quatuor illorum cornuum. Et certè cum manifestum sit unam Individuam Bestiam repræsentare multitudinis successionem per aliquot continua secula (quæ sanè multitudines mortales sunt perinde ac singulares homines) in Regni corpus coagmentatæ, equidem delicatula admodum res esset & tergiversatoria dubitare de singularium Personarum successionem sub specie unius Capitis Cornuæ repræsentatarum.

6. Quod verò una eademque Bestia pro Regno Imperiove ponitur ab ortu ejus usque ad illius interitum, manifestum est tum ex *Daniele* tum ex *Apocalypsi*. Quatuor enim Bestiæ dicuntur ascendere ex mari, *Dan.* 7. Interitusque quartæ describitur in eodem capite quæ supponitur conculcare tertiam, ut & tertia postea dicitur in subsequen-
tibus capitibus devicisse secundam. Et in *Apocalypsi* Bestiarum origo illis describitur, ut & earum exitium per lacum igni ardentem. Unde evidentissimum est unam individuanam Bestiam non solum multitudinem sub uno Regimine repræsentare, sed & successionem hujus multitudinis per multa secula, donec cesset talis esse multitudo. Et ex consequenti Potestatem summam successivam hujus multitudinis (sive penes unum sit sive multos) per capita cornuæve talium Bestiarum repræsentari pariter oportere, nisi *Politian* absque capite imaginari possimus, quæ certè *Politia* non foret sed *Anarchia*.

7. Nec irracionales solum Creaturæ *Henopoëtici* fiunt Typi multitudinis sub unum regimen collectæ, sed etiam Rationales, quemadmodum manifestum est de Muliere in Deserto, quam ridiculum esset intelligere unam aliquam Mulierem esse singularem non autem corpus Ecclesiæ cujus verum vivumque caput est *Jesus Christus*. Mulier etiam apud *Esdræ* significat Sionem Delve Populum. Et vir ille fortean, qui illis è mari ascendit, ejusmodi aliquem sensum habet. Cur enim vir unus non æquè commodè populum multitudinemve significet ac una mulier? Et manifestum est Populum *Israëlis* vocari Filium Dei. (*Israel filius meus Primogenitus meus*) Ac proinde Filius Perditionis, Homōque peccati nihil necesse est ut significant unum Hominem singularem Successionemve singularium hominum, sed Corpus Politicum sub uno capite consiliis pessimis technisque pollenti. Per consimilem *Henopæiam* & *Judowespitus* etiam, falsus ille Propheta, non unam singularem personam significat, vel ejusmodi singularium personarum successionem, sed collectionem corpūve Impostorum sub uno Regimine simul conspirantium. Hæc sanè tam facilia sunt atque obvia ut verear ne diutius quam par sit eis sim immoratus.

8. Tantum notabo alterum genus *Henopæie*, quod certè usum suum habiturum est non contemnendum; est autem quando res naturis quidem satis differentes sub uno tamen Typo comprehenduntur. Instantiam habemus hujus rationis interpretandi Prophetas admodum sanè authenticam, *Apoc.* 17. ubi Angelus declarat non septem solum Reges sed & septem Colles sub symbolo septem Capitem Bestiæ subindicari. Juxta hanc verò Analogiam non alienum foret si quis *Babylonem* interpretaretur tum de urbe *Roma* tum de Hierarchia; Duos Testes, de Novo Veterique Testamento, de Evangelica Oeconomia ac Legali, & de Magistratu denique & Ministerio; Cornua Bestiæ bicornis, de duobus Patriarchatibus Imperialibus, de duobus cornubus Mitre Episcopalis, & de duplici potestate solvendi & ligandi. Atque hoc sanè secundum genus *Henopæie* novum videri non debet nec peregrinum, siquidem antiqui *Pythagorei* ac *Cabbalistæ* sub unius Numeri symbolo multifarias quidem Notiones congeriebant atque celabant. Nescio an & tertium huc *Henopæie* genus, ubi scilicet uno Typo prophetico eventa diversa, temporibusque diffusa & distincta, significantur, non sit referendum, quæ *Denteroplerosis* dici potest. Quæ cum tam frequenter occurrat

in Vaticiniis Veteris Testamenti, nihil absorti subesse video si occurrere nonnunquam intelligatur in Vaticiniis Novi.

Apo. 11.
Apo. 19.

Apo. 6. 8.

9. *Zoopæia* est significatio Typica alicujus rei vitæ carentis per id quod vitam habet, siue persona sit siue vivum aliquod Animal, illiusve Animalis pars aliqua. In quo sensu, cum *septem montes* per *septem Capita* Bestiæ significantur, *Zoopæia* est. Quemadmodum etiam foret si *duo Testes* de *duobus Novi Veterisq; Testamenti voluminibus* intelligerentur, *sermo Dei*, qui albo equo insidet, de toto Bibliorum volumine. Istos verò sensus esse duntaxat collaterales qui ad unum aliquem primum per *Henopæiam* reduci possint, suis locis monebimus. Quod verò *Infernus* pallidi Equi fessori additus sit pedisequus, magis absoluta videtur *Zoopæia*, ut & illa Gen. 4. *Vox sanguinis fratris tui clamat ad me de terra*, ubi actio vitæ sanguini hominis mortui attribuitur.

10. Caterùm hic notabimus secundum etiam genus *Zoopæie* quod minus durum magisq; efegans videri poterit; estq; quando Actiones liberæ Agentibus liberis attribuantur, quarum tamen illi possint non magis esse causæ quàm si res inanimæ essent, omnino in rerum universitate non existent. Juxta hanc figuram est illud *Virgilii* ore *Æneæ Turnum* occidentis prolatum.

Pallas te hoc vulnere, Pallas
Immolat, & pænas scelerato ex sanguine sumit.

Pallus quantumvis mortuus *Turnum* dicitur occidere, quanquam is nihil hic ad eum occidendum contribuit, sed illud tantummodo quod ille passus erat occasionem dedit *Æneæ* sumendi vindictam.

Secundùm quam loquendi figuram amplior Allusio Parabolæ constitui posset. Ut si *Æneæ* loco unius hominis occisi Civitatem expugnasset, Viros Fœminasq; ac Infantes pariter gladio trucidasset, domos ipsorum combussisset, easq; ut ruderis acervum in vindictam mortis *Pallantis* reliquisset, poterat sanè de amico mortuo sic pronunciare; Quod utiq; is erat qui animos militum ad muros ascendendos inflammarat; quod is erat qui justum illud, quanquam severum, edictum edidit de cædendis viris fœminisq; pariter ac infantibus; quod is erat qui domus eorum concremavit, Civitatemq; ipsorum æquavit solo; & postremò, quod is erat quem illi meritò favorem inimicum experti sunt post mortem quàm cum in vivis esset. Hæc certè figura locutionis admodum intelligibilis futura esset, nec vulgarem Eloquentiæ sublimitatem venustatemq; secum allatura.

Apo. 6. 9.

Juxta hoc schema illud Scripturæ exemplum est, *de animabus clamantibus sub Altari, Usquequò Domine, &c.* Quod nihil aliud est præterquam Parabola quæ significat mortem eorum à Divina Justitia vindictam poscere. *Eæ animæ*, inquit *Grotius*, *corpore solutæ multò magis quàm sanguis mortem toleratam testantur.* Prius enim dixerat, *Sanguis Abelis vindictam poscit, sic & animæ martyrum.* Quapropter *Zoopæia* agnoscitur in utroq; loco.

Alcazar etiam in hunc ipsum Textum, *Idem est*, inquit, *dici animas petere vindictam, ac dici earum sanguinem illam petere.* Ad quem etiam sensum *Tychonius* loquitur, sicut videre est apud *Riberam*. Quæ omnia confirmabunt secundum hoc genus *Zoopæie*, quæ liberis Agentibus vivas liberâq; Actiones attribuit, quæ tamen ipsorum respectu non sunt Actiones liberæ sed necessariae consequentiæ, quæ ab aliquo, quod istæ personæ patiantur aut saltem passæ sint, naturaliter proficiuntur. Quod Schema Propheticum notatu quidem dignissimum est.

CAP. IV.

1. *Israëlismus quid sit.* 2. *Occasionem crebri illius usus, sacramentalitatem esse Ecclesie Judaicæ respectu Christianæ, quemadmodum apparet ex ipsorum Tabernaculo & דבר.* 3. *Ex Serpente æneo, Mannâ, Rupe percussa, Legèq; ignea.* 4. *Ex vestimentis summi Sacerdotis, ex illius introitu semel quotannis in sanctum sanctorum: & ex adoratione Judæorum versùs Propitiatorium.* 5. *Ex servitute Egyptiaca fugâq; ipsorum per mare Rubrum.* 6. *Quid propriè sit Ellipsis Prophetica.* 7. *Quis sensus libri Apocalyplici intùs & extrâ scripti.* 8. *Prophetica Ellipseos proprietates exemplo illustrata.* 9. *Homonymia quid sit, & in quo differat à secundo genere Henopœiæ.* 10. *Paronomasia Prophetica quid.* 11. *Quid Metalepsis, cum illius probatione & illustratione per exempla.* 12. *Antichronismus quid sit, quæq; illius Origo.* 13. *Tres dies & dimidium insepulorum Testamentum pro tribus temporibus & dimidio positos manifestò resolvi in hanc figuram.* 14. *Quid sit Icaismus; Quodq; hujus figuræ crebritas non ita Vaticinia obscurat quin æquè facile intelligi possint ac sententiarum gentilitiorum explicationes qualibet edisci.* 15. *Quid sit Iconismorum Metallaxis.*

1. **I**sraëlismus est Schema Propheticum admodum frequens, præsertim in Apocalypsi, quod declaratio est rerum ad Ecclesiam Christianam pertinentium sub nominibus & cum allusionibus ad talia loca personæve ac res quæ ad Israëlitas olim populumve Judaicum pertinebant, idq; mystico quidem sensu ac spirituali. Quæ vocatur spiritualiter Sodoma & Ægyptus. Unde etiam insinuat plagas mysticæ hujus Ægypti Apoc. 11. 8. Sodomeq; spiritualis combustionem, mysticè & spiritualiter esse intelligendas.

2. Crebritatem hujus Schematis nemo mirari debet si consideret populum Israëliticum unum ingentem fuisse integrumq; Typum mysticum sive Sacramentum Ecclesiæ Dei, qualis utiq; futura esset sub Christo. Juxta quod S. Paulus scripsit, Quod illa 1 Cor. 10. omnia Typicè eveniebant eis: Scripta autem sunt ad nostram admonitionem in quos fines seculorum occurrunt.

Et certè valdè stupendum admodumq; jucundum spectaculum est si quis consideret quomodo Ecclesiæ Christi per populum Israëliticum in deserto, uno quasi intuitu, nobis repræsentetur, quomodòq; tota inibi eorum congregatio unum omnino esset vivens movensq; Sacramentum vel Imago Christi ejusq; corporis in rebus maximi quidem momenti quæ ad nostram spectent Religionem. Quid enim aliud erat Tabernaculum & דבר unde Deus dabat oracula, quam symbolum & αλφ tabernaculum suum in carne nostra ponentis? Nam & Pythagorei hoc nostrum corpus vocabant οὐρανός, ut & S. Petrus οὐρανός. Quamdiu sum in hoc Tabernaculo, inquit ille, 2 Epist. 1. 13. ἐν τῷ οὐρανῷ τὴν. Et S. Johannes de αλφ loquens ait, καὶ ὁ αλφὸς σὰρξ ἐν ᾧ ἐκείνους ἐν ᾧ. Et sermo caro factus est, suumq; inter nos posuit tabernaculum: Quemadmodum & in deserto habitabat apud populum Judaicum dum ii illic habitabant in umbraculis. Ac proinde demiror sanè quòd Judæi ullo majori pungerentur scrupulo de adoratione Divinæ cultu versùs sanctissimum Messie corpus exhibendo quàm versùs Dabir seu Propitiatorium, vel versùs Tabernaculum Dei. Hæc autem obiter dicta sunt. Tabernaculum Dei inter Judæos in Tabernaculis habitantes Sacramentum sive Typum fuisse Incarnationis Christi manifestum est.

3. Serpens verò æneus in ipsorum castris erectus talis Christi typus erat in Cruce pendentis; ejusq; usus tam exquisitâ analogiâ illi usui respondens cui apud Christianos inservit Christi crucifixi contemplatio, quoties aut Reatus aut venienti Peccati sensu punguntur, ut in admirationem stuporemve quemvis abriperet qui consideraverit quàm vivida ac ineffabilis vis repræsentandi ejus rei Imaginem ab antiqua illa Figura umbræve, quæ castra Israëlitis semper comitabatur in deserto ad sanandos eos qui morfi essent ab ignitis Serpentibus, (quemadmodum & Jesus Crucifixus nos sanat quoties nosmet deprehendimus ictu peccati vulneratos) eluceret.

Manna etiam quod filii Israëlitis in Deserto comedebant, an non Typus erat manducationis veri panis qui de Cælo descendit, corporis nempe Christi, qui quotidianus est animarum fidelium eibus? Et Rupe quæ percussa est, ex qua aqua effluebat, an non manifestum erat symbolum sanguinis Christi ex cujus latere sanguis atq; aqua emanabant? Legis porro promulgatio cum fulgurationibus ac coruscationibus, an non planè præcursatrix erat legis Christi quæ divulgata est per Apostolos in quos ignita

[illegible]

9. *Homonymia* est significatorum diversitas in uno eodemq; symbolo ex quibus una solummodo intelligenda est, alioqui idem esset quod secundum genus *Henopiea*. Atq; hæc quidem *Homonymia* vel casu contingere potest (nec majorem tunc habet difficultatem quam vulgaris verborum *Homonymia*, cujus sensum ipsarum rerum contextura consideratio est determinatura) vel ex instituto adhiberi ad venustioreni calaturam exteriori visionis cortici insculpendam. Ut in visione *Testium*, ubi sanè suspicor *tres dies & dimidium* quibus *Testes* occisi jacent in plateis, non quidem significare ut *Dies* in principio visionis, ita ut *tres annos* innovent & *dimidium*, sed *tria tempora & dimidium*, hoc est 1260 annos. Immo verò sic eos significare fateor me non suspicari modò, sed firmiter apud meipsum persuasum esse de illius rei veritate. An verò verisimile sit significare etiam *tres annos & dimidium*, ipsa eventa optime determinatura sunt. Quæ si consensura essent, non simplex profectò foret *Homonymia* in hoc symbolo trium dierum & dimidii, sed secundum genus *Henopiea*.

10. De *Paronomasia* non est quodd multum laboremus, postquam monuerimus illius sensum ad Rhetorum *Paronomasiam* non restringi, sed ita late extendi ut ubiubi sensus Prophetiae, ex qualicunq; aut similitudine aut identitate Nominum, Nominumve allusiva significatione explicandus pleniusq; intelligendus sit, allusio hæc ad similitudinem identitatēve Nominum aut eorundem significationem *Paronomasia Prophetica* sit appellanda. Atq; juxta hanc generalem quidem *Paronomasia* Prophetica notionem, sunt Interpretationes *Medanae*, ubi *Exercitum Emphratenum* sub *Tuba sexta* universos *Equites* appellari censet, quod *Turca* apud *Græcos* Historiographos *Perse* ferè vocentur. *Perse* verò à *πρᾶ* *Equites* significant. Et *Dan. 8. Alexandrum Magnum Macedonum Regem*, *Hircō Caprarum* præfigurari autumat, cum allusione ad *Æ capra*, unde *Macedones* dicti sunt *Ægeade*, estq; hic *simplex* ad significationem Nominum allusio. Quod verò affert de Typo Regis *Persarum* *Arietē*, ad agnitionem nominumve similitudinem propiùs accedit. *ῥᾶ* enim *Aries* ab initio vocis *פֶּרְסִי* *Persiam* significantis, non multum sono abludit. Multò verò expressior est illa apud *Grotium* allusio vocis *ἀπολλων* ad *Ἀπὸλλων*, eaq; quam ipse notavi in *Abaddon* ad *אבדון*. Et apud *Grotium* iterum vocis *Ephesus* ad *Ἐφεσός*, *Smyrna* ad *Μύρμινα*, *Sardis* ad *Σάρδα*, *Thyatira* ad *Θύατιρα*. In *Pergamus* verò, *Philadelpheia* & *Laodicea*, non est tantum similitudo nominum sed *Identitas*; & cum Nomina sint locorum *Propria*, ad significationem alluditur tanquam si essent *Appellativa*. Ingenis profectò harum *Paronomasiarum* Propheticarum seges est in Epistolis ad *septem Ecclesias*, ubi, cum omnia nomina propria sive hominum sive locorum, ut videre est in nostra *Expositione*, tam aptè cum sensu Prophetico cuiq; Epistolæ proptio, quatenus tale Ecclesiæ Intervallum repræsentat, conspirent, hujusmodi *Paronomasias* in usu fuisse apud Prophetas argumentum est evidentissimum, talēq; quod quemlibet nisi admodum hebeti aut sceptico sit ingenio, facile convincat.

11. *Metalepsis* Schema Propheticum est quo effectum eventumve cum eminenti aliqua *Persona* communicatur sive attribuitur, ex eo solo, vel præcipue quod tempus locusq; ei conveniunt; eadēq; ratio est de *rebus*. Hoc schema fateor valde *Poeticum* esse, et non inelegans nec inusitatum. Huc referendum est illud Virgilii,

Candidus auratis aperit cum cornibus annum

Taurus

& rursus,

Libra Dies somnūq; pares ubi fecerat horas,

Ubi *Taurus & Libra*, quia tunc in conjunctione sunt cum *Sole*, attribuuntur ascribunturq; istiusmodi effecta quæ reverà non ipsis sed *Soli* solummodo competunt.

Hujusmodi verò quam descripsi, etiam in *Stylo Prophetico Metalepsin* esse, unum illud in *Apocalypsi* exemplum *Sessoris Equi rursi* confirmabit; cui in manum datus est *gladius magnus*, quoq; *pacem à terra sublaturus* dicitur. Cum tamen nihil aliud significetur nisi quod hujus Imperatoris temporibus furibunda futura sit hominum

cædes ac inactatio in Imperio, quanquam nullâ ipsius culpâ. Dicitur enim *ἡ ἀλλὰ ἐπὶ τῷ*, ac si Textus datâ operâ hanc clavem porrexisset ad aperiendum sensum Visionis, quemadmodum Cl. *Medus* cum iudicio sanè observavit. Cujus quidem *primorum sex Sigillorum* Interpretatio tam solida est ut impossibile fore credam, ut quisquam omni immunis præjudicio, universis ritè pensitatis, de ipsius veritate certus non sit. futurus. Unde fit ut & ipse tam firmiter persuasus sim de præsentî Figura Prophetica quam hic descripsi.

12. *Antichronismus*, Schema est Vaticinii obscurativum quod unam pro alia temporis mensuram ponit, ut *septimanam* pro *annis septem*, uti fit apud *Danielem*, *Mensem* pro *triginta annis*, *Diem* pro *anno*. Quæ quidem Figura in Visionibus *Apocalypticis* adhiberi videtur non solum *obvelationis* causâ sed & *Proportionis* & *Decoris*, nè externo Vaticiniorum cortici, τὸ περιβάλλον, blanda illa & jucunda Historiæ credibilitas esset defutura.

Quamobrem hi *Antichronismi*, *Henopœia Prophetica* necessaria sunt sequela, quæ immensâ Imperia aliâq; corpora Politica cum longis suis successionebus in *Bestiæ Personæve singularis* figuram speciémve contrahit, unde nè vitarum duratio major quàm pro ipsarum natura videretur, necessarium erat ut earum continuatio obvelatè symbolicèq; declararetur, *dies* ponendo pro *annis*. Vita enim ipsarum multis quidem casibus breviri potest. Verùm si quis narraret de *Bestia Fæminæve* vel *Duobus Testibus*, qui 1260 annos vixerint, *ἀγὰς περιβάλλον* Decorum non observaret, sed quisq; narrationem æstimaturus esset tanquam incredibilem Fabulam.

13. Quod etiam futurum esset si *cadavera duorum Testium* dicerentur jacere per *tres annos continuos* & *dimidium*, quum tamen intra quatrimum fætorem essent emissura, quemadmodum notatum est de corpore *Lazari*. Quàm durum igitur futurum fuisset, *Testium* cadavera tanquam per 1260 annos continuos in Plateis jacentia repræsentâsse? Quamobrem, tametsi occisorum Testium cadavera, ut sic jacere dicerentur, maximè consentanea erat maximèq; viva conditionis illius repræsentatio quam ii qui sub figura duorum Testium repræsentantur, per 1260 annos erant subituri, tamen nè leges τῶν περιβάλλοντων, & τῶν περιβάλλοντων quod in Historia requiritur, violarentur, necessarium erat ut hi 1260 anni sub symbolo obvelarentur *trium dierum & dimidii*. Qui cùm significarent idem quod *tria tempora & dimidium* (Nam *ἡμέρας* & *ἡμέρας* unum pro altero promiscuè usurpantur) & hæc *tria tempora ac dimidium* idem quod 1260 anni, & veritas illa ad quam Vaticinium collinearet ad postera secula fideliter transmittitur, & decora illa cælaturæ ratio in externo Vaticinii cortice accuratè observatur. Neq; hoc sanè, tempus tantum contrahendo, sed etiam adnectendo illud ad finem 1260 dierum per *ἀσφαλιστικὴν*, quæ idem *Latinè* sonat quod *Corticis continuatio*.

Hanc verò Figuram Propheticam, quam *Antichronismum* appello, non meum quidem esse commentum, sed veritatem solidam, in *Mysterio Pietatis* jam probavi; quod & porro demonstraturus sum certitudine quidem planè mathematicâ ex nostrâ *Co-expositione decimi septimi & decimi tertii Capitis Apocalypseos*.

14. *Icasmus*, Schema Propheticum est cujus usus longè omnium creberrimè occurrit in omnibus visionibus tum *Danielis* tum *S. Johannis*, nihilq; aliud est quàm rerum ac eventuum Repræsentatio per ejusmodi symbola quæ aliquam similitudinem gerant earum rerum ac eventuum pro quibus ponuntur. Quæ quidem *Symbola* cum multa sint, Vaticinia interpretandi peritiam eò difficiliorem reddunt, sed nullatenus tamen deploratam, ut delicata quædam Ingenia apud seipsos imaginari amant, horroremq; quendam simulare ac consternationem ad inopinatam istiusmodi variformium Bestiarum mentionem atq; Cornuum ipsarum strepitum; cùm tamen si ludicras has tergiversationes seponere vellent, possent equidem intelligere *Hieroglyphica* hæc *Prophetica* multò minori cum negotio familiaria ipsis reddi posse ac facilia, quàm *scutorum gentilitiorum* explicandi peritiam, quæ sanè haud ità profunda est ac insuperabilis scientia.

15. Ad *Icasmus* ut *Iconismi* referendi sunt, ità & *Iconismorum Metallaxes*. Est autem *Iconismi Metallaxis*, quando in eadem re non idem servatur *Iconismus* ab initio ad finem Vaticinii. Hujus complexæ Figuræ duo sunt illustria exempla in *Apocalypsi*; unum in *duobus* illis *Testibus* qui primò dicuntur *amicti saccis* prophetari, deinde *occisi* in plateis urbis jacere, & sic jacentes à tribubus & populis ac gentibus aspectari. Alterum est in immenso illo omnium ferè mortalium conventu confluxu in tres partes diviso, quorum prima à *Deo* stare videtur, altera à *Dracone*, tertia à *Bestia* ac *Pseudo-Propheta*; sed primò tanquam si *tres exercitus* essent in valle *Armageddon* congregati exhibentur, deinde verò tanquam una magna *Civitas* in tres partes terræ motu dirempta. Sed nolo hisce immorari. CAP.

Apoc. 11.

Apoc. 16.

CAP. V.

1. *Prophetarum Iconismorum Alphabeti magna utilitas.* 2. *Optima Ratio pervestigandi verum eorum sensum.* 3. *Quid momenti habitura sint antiquorum Oni- rocritica ad sensum eorum determinandum.* 4. *Eandem rationem esse significationis & interpretationis Insomniorum atq; Visionum, modò merè Typica sint non ex corporis temperie orta.* 5. *Adoratio.* 6. *Adusti Sole, Ædificia.* 7. *Aer Regio propria Diaboli.* 8. *Albus vestitus.* 9. *Angeli, Ipsorum ministerium in rebus Providentiæ dispensandis notam esse Hypothesin & in Apocalypsi & in veteri Cabala.* 10. *Aqua, Aquila.* 11. *Arbores, Arcus & Sagittæ.* 12. *Ascensio in cælum.* 13. *Bestia, Omnia Regna esse Idololâtrica.* 14. *Ratio cur Agnus significet singularem tantum Personam; Dæq; Feris Idololatriam æquè ac Crudelitatem denotantibus.* 15. *Blasphemia quòd Idololatriam significet tum ex Ratione tum ex Scriptura usu & Interpretum autoritate demonstratum.*

1. **O**stendimus jam in quo potissimum Vaticiniorum obscuritas consistat, & explicando antecedentes figuras gradum quidem fecimus ad faciliorem reddendam interpretandi Artem. Sed enim cum tam multa sint ac tam varia ultimi Schematis exempla, necessarium fore censemus eorum præcipua in unum Alphabetum colligere, singulorumq; notare significationes. Quæ si memoriâ retentæ fuerint, multum profectò conducent ad facilem extricationem veri sensus omnium Enigmati-
Παλ. τῆς καὶ
δ' αὐτοῦ παρὰ
αὐτοῦ. cap. 2.
 corum Vaticiniorum in Scriptura. Nam quod *Aristoteles* affirmat de *Insomniis Enigmati- cistis*, verum etiam est de hoc genus visionibus. Τὰς ψυχὰς αὐτῶν ἡ δὲ καρδία ἐκπορεύεται καὶ τὰς ἰσχυροὺς αὐτῶν ἀναγκάζει ὥστε αὐτοὶ οὐκ ἔχουσιν ἑαυτοὺς ἀποφύγεσθαι τῶν ἐκείνων ἐκείνων. Is maximè gnarus est *Insomniorum* Interpretes qui similitudines optimè novit dignoscere, quantum enim ad ea *Insomnia* quæ res ipsas *Imaginationi* representant, de iis quilibet potest judicare.

Jam verò *Danielis* Visiones & *Apocalypseos* non rationem quidem habent, sed *ἱστορίας ἀνυστάσας*, quippe quæ res sub symbolis & similitudinibus repræsentant. Ac proinde fixam habere ac determinatam significationem (cæmq; solidis firmisq; rationibus innixam) hujusmodi *Symbolorum* atq; *Iconismorum*, non potest quin ad imbuendum nos facultate dextræ & cum successu interpretandi hæc Vaticinia, vel saltem intelligendi approbandiq; aut cum judicio improbandi Interpretationes aliorum hominum, multum contribuat.

2. Et quod ad me attinet, nullam equidem meliorem novi methodum viamve de- figendi certumq; nobismetipsis faciendi verum sensum horum Symbolorum quam at- tendendo quid ipsa Scriptura de eis declaret, accuratèq; observando quid incoacta Ratio nobis hic suggererit dispexeritve de eorum aptitudine ad res significandas vel repræsentandas. Quibus si eorum suffragia adjiciamus qui *Oni-rocritica* scripserunt, si- ve utplurimum ex propria ratione & observatione, sicut *Artemidorus* profitetur, si- ve (quod ad rem magis facit) collectionem fecerunt Antiquissimorum hujus gene- ris Scriptorum, qualem *Achmetis* filius *Seirim* nobis paravit, non potest quin fidem nostram de sensu hujusmodi *Iconismorum* multum quidem corroboret.

3. Atq; hæc *Achmetis* Collectio præ cæteris, cum *Oni-rocritica* sint trium illorum celebratissimorum Interpretum Regum *Indiæ*, *Persiæ* & *Ægypti*, ac proinde cum adeò antiqui sint adeòq; *Orientalis*, tantò probabilius est majorem habitura cognationem cum *Schematibus Prophetis* sacra Scriptura. Primus horum est *Syrbacham* in- terpres Regis *Indiæ*. Verùm tam frequenter tamq; palpabiliter Christianissat ut meritò de ejus antiquitate dubitare possimus, immò pro certo concludere eum post adventum Christi vixisse. Alter est *Ezram* Interpretes *Saaniensis* Regis *Persiæ*, & tertius *Tarphau* *Pharaonis* Interpretes Regis *Ægypti*. Quarum Interpretationum usus approbatus est ab Expositoribus qui alias toto genere differunt dissentiantq; inter se, *Orosium* intelligo, ac *Josephum Medum* cui debetur honor viam primum aper- iendi hæc in re.

4. Nec quicquam sanè scrupuli superest ex eo quòd *Insomniorum* Interpretatio- nes sint non autem *Visionum*. Nam præterquam quòd magna quidem affinitas est Vi- siones inter & *Insomnia*, cum utraq; phantasmata sint *Imaginationi*, nullà sanè liberâ actione excitationeve nostri ipsorum sed ratione pure passivâ, impressa, externis eti- am sensibus utrobique; quodammodo confopitis, (unde hæc *ἱστορία* etiam *ἱστορία* apud *Achmetem*

Achmetem appellantur) quæstio præterea non est de principio unde, modòve quo Impressiones hæ *Divinatorie* fiant, sed quid repræsentent significentve. Quas si concedatur, rectè hæc vel illa in *Insomniis* præfigurare, manifestum est eas idem prorsus præstare in *Visionibus*. Loquor enim de ejusmodi Impressiõibus quæ rationem non habent *effectorum temperamenti corporis ulliusve alius causæ naturalis*, sed meri *Typi* sive *Præfigurationis*.

Quamobrem non abs re fore existimo si addam interdum horum *Onirocriticorum* scriptorum suffragia ad ea argumentorum momenta quæ ex *Scriptura & Ratione*, pro interpretatione *Symbolorum* vel *Iconismorum* nostro *Alphabeto Prophetico* contentorum, produxero. Quod jam vobis ante oculos ponam.

5. *Adoratio*. Quòd Veneratio vel Adoratio subjectionis *Iconismus* esse potest, ex ipsius *Ceremoniæ* natura patet, cùm Corporis incurvatio aptum symbolum sit submissiõis Animi voluntatisque, illius potestati cui huic cultum præstamus. Quòdque sic significat *Idiomate Hebraico* ex multis exemplis manifestum est. Sed & ipsum Symbolum explicatur Gen. 37. ubi manipuli fratrum *Josephi* dicuntur se incurvasse manipulo *Josephi*, hoc est, *Josephi* manipulum adorasse. Τα δεστυαλα υμων προσκυνησαν τὸ ἰμὸν δεστυα, *Vestri manipuli adorabant manipulum meum*; unde Fratres ejus statim interpretantes *insomnium* dixerunt ei, *Tunc ergo regnabis super nos*, vel, *Tunc ergo dominaberis nobis*? hoc est, *Nosne tui subditi erimus, tuave ditioni subiecti*? Ità *Esaias* 45. 14. de subjectione *Æthiopum* loquens ac *Sabæorum* Regi *Cyro*, *Post te ambulant, inquit ille, in compedibus transibunt, tibi que incurvabunt se*. Græcum exemplar habet προσκυνησιν σοι, adorabunt te. Quæ omnia submissionem significant ac subjectionem illius Imperio. Unum tantum insuper locum addam, Gen. 27. *Serviant tibi populi, & adorent te Tribus. Esto dominus fratrum tuorum, & incurventur ante te filii matris tue*; vox est προσκυνήσου in utroque loco, significatque obedientiam sive subjectionem laxè sumptam, quemadmodum patet.

Verum, posito quòd hanc generalem significationem non haberet, sed denotaret tantummodo eam partem officii subjectionis quæ est *Adoratio* sive *Incurvatio*, *Stylo* tamen *Prophetico* posset quidem tam laxè significare per *Diorismum*.

6. *Adusti Sole*. *Achmetes*, *Onirocrit.* c. 167. Εἰ δὲ ἴδῃ τις ὅτι πῶτα ἀνίσταται αὐτῷ ὁ ἥλιος, ἠνέμου τιμωρὸν πρὸς τὸ βασιλεὺς ἀδελφὸν τῆς ναυκλίας. *Si quis somniaverit se à Sole esse adustum, pari, cum adustionis ratione, penà à Rege afficietur, secundum doctrinam Ægyptiorum, Indorum, ac Persarum.*

Edificia. Idem secundum sententiam Interpretum *Indorum*, Εἰ δὲ ἴδῃ μαρμῆς ὁ λίθος ἢ λίθου, ὁ ἰδὼν ἵνα πάλυτος ὢ ὁ πάλυτος αὐτὸ ἀδελφὸν αὐτοῦ. *Si quis somniaverit sibi domum esse ex marmore vel lapide, is longævus erit, ejusque divitiæ inexpugnabiles.*

Aër. Quod *Aër* accipitur pro loco Imperii Diaboli apparet ex *Ephes.* 2. *Et vos cùm essetis mortui delictis & peccatis vestris in quibus aliquando ambulastis secundum Principem Potestatis aëris, hujus Spiritus qui nunc operatur in filios diffidentie*, hoc est, in Infideles, istiusmodi qui se non submiserint Regno Dei, sed *Idolis* serviant & secundum propriæ mentis cupiditates ambulent. In quem locum *Drusus* ex מַטְרָא חַרְשָׁא. *Sciendum à terra usque ad expansum omnia plena esse turmis ac præfectis*. Juxta quam opinionem *Rabbinorum Judaicorum*, *Apostolus* iterum loquitur cap. 6. *Neque enim nobis lucta est adversus sanguinem & carnem, sed adversus principatus, adversus potestates, adversus mundipotentes tenebrarum hujus seculi, πρὸς τοὺς κοσμοκράτορας τῷ σκότειν τῷ τῶν, adversus eos qui hujus mundi imperium tenent, hujus utique tenebrosi ac caliginosi Aëris; πρὸς τὰ πνεύματα τῆς πορνείας ἐν τοῖς ἰσχυροῖς, adversus spiritus improbos sive demonas in his locis Aëreis degentes*. Nam *icardi* hic eundem omnino sensum habet quod *Expansum* in מַטְרָא חַרְשָׁא spatium scilicet à *Nubibus* ad terram, quemadmodum limitatur *Gen.* 1. Alioquin improbi hi spiritus quomodo dici possent σαρκεὶς ζῶντες τὰς σαρκὸς αὐτῶν, & σαρκὶς ἀνθρώπων ἐν τῷ ζῶντι τὰς σαρκὸς αὐτῶν, uti & *Petrus* & *Judas* de iis declarant?

Verum hac de re satis, & fortasse plus satis, quoniam ubi *Aër* occurrit in visionibus *Propheticis* hoc in sensu quo de loquimur, *Metonymia* potius vulgaris est quam *Icasmus*.

Albus vestitus. Comparando *Nicephorum* cum *Astrampsycho*, *albus vestitus* videtur significare honorem illum animique hilaritatem quæ ex hominis innocentia atque integritate oritur.

Astrampsychnus.

Λευκὸν ἐσθλὸν ἀλλοτριὸν οἷον ὅτιν ποιεῖ.

Nicephorus.

Nicephorus.

Χιτών μάλα ἔδειξεν ἀρχαίως τὸν.

Achmetes secundum sententiam *Indorum* cap. 157. 'Εάν ἴδῃ ἀνδρῶν ἑστὶ φορεῖ λευκὰ ἱμάτια, εὐρήσῃ χάραν ἢ δέξαν εἰς τὴν πίσιν ἢ ἐν τῷ κόσμῳ. Et rursus, cap. 232. 'Εάν ἴδῃ τις ἑστὶ ἐνεδύσασθαι ἱμάτια λευκὰ ἢ καθαρά, τοῦτον ἀποκαθαίρει πάσης λύπης, ἀναλῶν τῆς καδάρσεως ἢ τῆς λευκότητος, secundum sententiam *Aegyptiorum* & *Persarum*. Non opus est ut hic addam dictum esse in *Apocalypsi*, *Vestimenta pura ac candida esse justificationes Sanctorum*.

7. *Angeli*. Adeo frequens mentio fit ministerii Angelorum in *Apocalypsi*, ipsorumque Præsentia adeo cuique rei præfigitur ut committere non possim quin & hoc etiam *Schema* inter reliqua notem, quanquam fortassis *Icasm* notio haud ita accurate ei conveniat, quippe Angeli *Instrumenta* potius Divinae Providentiæ sunt quam illius *Symbola*. Verum si vulgarem illorum Repræsentationem consideremus (quæ proculdubio à *Mosaicis Cherubin* suam traxit originem) quam aptè alis instructi sint ad celerius ea obeunda Ministeria quæ ab eis expectantur, sunt sanè haud obscurum *Symbolum* illius sapientiæ quæ omnibus mobilibus mobilior esse dicitur, & attingere à fine usque ad finem fortiter, & disponere omnia suaviter. *Sapient. 8.*

Quod verò Angeli in his *Apocalypticis* visionibus tam constanter ac particulariter cuique Divinae Providentiæ negotio præficiuntur, oppidò quàm consonum est sensui *Danielis* (ut in magna illa *Nebuchadnezzaris* conditionis mutatione quæ facta dicitur decreto *Vigilum*, *ἰργ*, *Græci* eos dicerent φύλακες, excubitores sive *Vigiles*, per quos intelliguntur Angeli) ut & sensui antiquæ *Cabbale* quæ numerum *septenarium* Divini *Sabbatismi* symbolum facit (in quo à suis quiescit operibus) eumque numerum φυλακῆτιν appellat cum respectu ad officium horum *Excubitorum* sive *Vigilum*, Angelorum horum sanctorum quos administrationi suæ Providentiæ præficit.

8. *Aqua*. Aquas *Hieroglyphicum* esse posse verborum ac sermonis illiusve doctrinæ quæ per eum communicatur, palam est ex *Prov. 18. 4. Aqua profunda verba ex ore viri, & torrens redundans fons sapientiæ*. Et cap. 15. 18. *Os iusti meditatur sapientiam, os vero impii effundit mala*. Nunquam verò tam nequiter mala quàm cum effundit istiusmodi sermones quibus dissidia & contentiones excitentur, quod ad instar dissecationis est aggeris marini quò omnia inundentur. Unde factum est ut *Sapient* salubre illud monitum dederit, *Antequam misceatur litem dimitte. Nam velut* *Prov. 17. 14* *is qui aperit viam aquis, est principium contentionis*. Vide alias aquæ significationes in *Fluvius* & *Mare*.

Aquila. *Esai. 40. 31. Qui sperant in domino renovabunt fortitudinem, assument pennas sicut aquila, current & non laborabunt, ambulabunt & non deficient*. Et *Exod. 19. 4. Vos ipsi vidistis quæ fecerim Aegyptiis, quomodo portaverim vos super alas aquilarum & assumpserim mibi*. *Artemidor. lib. 2. c. 20. Ὁρχόμενος ἀντὶ τίνος ἰδὼν ἀγέλην, ἀναληθῆναι γὰρ καὶ τινος πλεόντων ἀφελῆσθαι ἢ μικρῶν* *Somniare se aquila inequitate pauperibus faustum est, sustentati enim ab aliquibus opulentis ac potentibus haud parvis fruuntur commodis*.

9. *Arbores*. Quod Arbores pro diversis suis magnitudinibus ac proceritatibus diversos hominum ordines gradusque significant, manifestum est ex illo *Zacharie*, cap. 11. *Aperi Libane portas tuas & comedat ignis cedros tuas. Ulula abies, quia cecidit cedrus, quoniam magnifici vastati sunt. Ululate quercus Basan, quoniam succisus est saltus munitus*. Paucula illa verba, *quoniam magnifici vastati sunt*, certa clavis est *Parabolæ*, docentque Vaticinium in Arbores digitum non intendere sed in Homines. Ac proinde *Vatablus* aliique Interpretes ad eum sensum locum Interpretantur. *Proverbiale illud Iambicum*,

Δρυὶς πίσις τις αὐτῆς ἐκλείπει.

ad hunc etiam sensum sonat, *Nicephori*que *Onicritica* manifestius adhuc suffragium adjiciunt.

Κοπήσα δένδρα πλείων ἀνδρῶν σημαίνει.

Et *Achmetes*, secundum doctrinam *Persarum*, *Indorum* & *Aegyptiorum* hisce *Iconismis* multum insistit, applicando diversa arborum genera diversis Personarum ordinibus. Vide *Onirocrit. cap. 151*. Quod tamen copiosius adhuc facit magisque particulatim, cap. 200. Et postremo cap. 165. 'Εάν ἴδῃ τις ἑστὶ ἀνὴρ ἑλκυστὴς δένδρα, καὶ θυμὸς

Βασιλεὺς ἀπολαύει μαγιστὰς ἀναλόγως τῶν δυνάμεων. Ad quem sensum etiam loquitur in Capite subsequenti.

Arcus & Sagitta. Naturaliter significant *intentionem* sive *collineationem* in aliquod, ἰκὺςq; *scopus*, *finis* *asssecutionem* in inceptis nostris. Potest autem modo specialiori ad victoriam bellicam referri, eoque magis quod Instrumenta bellica sunt. Onirocrit. 249. *Achmetes* ex Onirocriticis *Egyptiorum* & *Persarum*, Εὐν ἰδῆ τις ἔτι ἐκείνη βίαν ἔτι τῆς, ἐπιχαρίσσει δὲ τοῖς ἐχθροῖς αὐτοῦ. Si quis somniauerit se arcum sagittasq; manibus tenere, inimicis suis insultabit victor.

10. *Ascensio in cælum.* Cum *Regnum* sive *Politia* tam expressim affimuletur *Admundo* sive *Universo*, (quemadmodum videbimus sub illo Titulo) ut *cæli* quidem *summis locis* ac *dignitatibus* respondeant, admodum facilis est Analogia. Juxta hunc Cap. 14. 12. sensum id dictum est apud *Esaïam*, Quomodo delapsus es de cælo *Lucifer Aurora fili!* Atqui sic cum animo tuo dicebas, In cælum conscendam, &c. Aspiraveras ad summam dignitatem, sic *Vatubus*; & *Achmetes*, Εἰ δὲ ἰδῆ τις ἔτι ἀδύνατος εἶναι τὴν ἐξουσίαν, ὁνομασθεῖς ἔσται ὁ μέγας, Onirocrit. c. 161. & in capite sequenti, Εἰ δὲ ἰδῆ ὁ βασιλεὺς ἔτι ἀνάστατος εἶναι τὸν ἐχθρόν. ἰσχυροὶ ὦν ὁ δόγμα πλέον τῶν ἄλλων βασιλέων. Et paulò post, ἔτι ἰδῆ ὁ βασιλεὺς ἔτι ἀναλίσκων ἐκείνην ἐξουσίαν, μείζονα χάριν ἢ ἔχει καλαυθενόντων. Sic *Achmetes* è scriptis *Indorum*, *Persarum* & *Egyptiorum*. Quæ omnia expressè declarant, *Ascensionem in cælum* significare aut acquisitionem aut incrementum *Politicarum* *Dignitatum* ac *Honorum*.

11. *Aves*, videntur significare posse *Spiritus* sive *Angelos* tum malos tum bonos. Malos *Angelos* per *Aves* indigitari posse planè constat ex parabola *Satoris*, ubi ipse *Servator* per *volucres* quæ semina devoraverint, *dæmonas* intelligit, Marc. 4. 15. & Luc. 8. 12. *Angelos* verò bonos aliquando per *Aves* significari, monet alicubi *Alcazar*. *Platonici*q; id facillè admiserint, qui *Animas* nondum lapsas faciunt *alatas*.

Bestia. Quàm perspicua similitudo sit *corpus Politicum* inter atq; *Animantem* S. *Paulus* copiosè declarat, 1 Cor. 12. Estq; res admodum sanè facilis intellectu, quòd quemadmodum in *Animante* partes sunt distinctim formatæ quæ ità ad se invicem ordinantur, ut per vim illam quæ in cerebro residet, ope spirituum per omnia pervadentium, in bonum totius singulæ sint movendæ; ità in *Politia* diversi hominum ordines gradusq; sunt, qui unâ communi continentur lege (quæ ad instar vitæ spiritusq; est corporis *Politici*) qui nutu ac Imperio *summæ Potestatis*, quæ hujus Regni vel *Politix* caput est, in bonum publicum movendi sunt ac dirigendi. Unde minime mirum est *Homines Nationesve* in corpus *Politicum* ad hunc modum formatas, quòd *Regnum* dicitur, representari apud *Danielem* sub similitudine *θηρίων*, hoc est, *Animantium*, sed istiusmodi quæ rectè à *septuaginta Interpretibus* reddantur *θηρία*, *Feræ*, quippe quòd tales sunt quæ in illis visionibus apparent. De quibus *Grotius* in Dan. 7. ubi mentio fit quatuor magnarum *Bestiarum* è *Mari* ascendentium, Ideò *Bestiæ*, inquit ille, quia *Idololatrica erant Imperia*, ut notat *hic Jacchiades*. Non autem ob *Idololatriam* tantum sed etiam ob sanguinolentam Tyrannidem, sicut idem *Grotius* optimè notavit in *Matth.* 20. ubi Christo declarante quòd is qui maximus primusq; in suo Regno esse velit, minister debet esse ac servus reliquorum, non autem καλαυθενόντων, vel καλεσσομένων non licentiùs imperitare & dominari in suos *Inferiores* sicut gentium *Principes* faciunt. Hæc oppositio, inquit ille, ostendit cur apud *Prophetas* *Imperia mundi* *Bestiarum*, *Regnum Christi*, *Homini* *Image* depingantur. Ubi per *Bestias* intelligi oportet *Feras*, ut vox frequentius significat, eoque in sensu accuratè respondebit voci *θηρία* apud *Septuaginta*, unde *Latinum* vocabulum *Fera* derivatur, mutando θ in φ *Æolicè*. Alioqui *Regna mundi* appellari possent *θηρία*, quemadmodum quatuor *Bestiæ* in *Apocalypsi* (quæ ad castra *Israëlis* in quatuor partes distributa, sicut Cl. *Medus* rectè observavit, alludunt) non quidem *θηρία* appellantur sed *ζῷα*, cùm ille Titulus in *Politian*, ubi *Humanitas æquitásq;* dominantur, minime quadraret.

12. Multoq; minùs conveniret vero *Corpori Christi*, minime verò omnium *Agno* ipsi; nec *Agnus* sanè idoneum fuisset symbolum *Propheticum* unius personæ singularis nisi quòd multò antè ille Titulus Christo in sortem cesserat, ut qui à *Johanne* appellatus erat *Agnus Dei*, qui tollit peccata mundi, quippe qui *Agnus ille Paschatis* est cujus sanguis sui populi est salus. Quamobrem nisi hujusmodi aliquod sit obstaculum (etenim hæc Instantia videtur planè monadica) certissimum est *Animal* sive *Bestiam* stylo *Prophético* significare non quidem unum hominem singularem sed hominum Coetum, *Politian*, *Regnumve*. Quomodo enim dici possent *Cornua* habere atq; *Capita*, eaq; cornua capitq; expressim ab Angelo de *Regibus* exponi, nisi *Bestiæ* integræ significarent non quidem personas singulares, sed *Regna*?

Cur verò hæc *Bestiæ Feræve Idololatriam* perinde innuerent atq; *Crudelitatem* suo Typo, ratio quidem aliquantò profundior est sed non prorsus impervestigabilis; quam igitur ego hanc esse existimo, nempe quòd Cultus *Idololatriæ* intra merè *Bestialis Animalisve* naturæ confinia hospitatur, sicut apparere potest ex eo quod scripsi in *Mysterio Pietatis*, quò brevitatìs causà lectorem remitto.

Lib. 2. cap. 10.

13. *Blasphemia*. *Blasphemia* pro *Idololatria* posita *Icasmus* etiam est. Nam quòd verba in Deum contumeliosa sunt ad aures, idem est *Imaginum cultus* ulliusque Creaturæ cultus religiosus ad oculos. Nam utroque modo id declaratur quòd in Deum contumelia est ejusdemque vilificatio. Ac proinde minimè mirum est quòd stylus Propheticus artificiosam affectans rerum obvelationem, unum genus *Blasphemiæ* in locum alterius substituit, illam *Blasphemiam* quæ est διὰ λόγων ἢ ἡμετέρων in locum illius quæ est διὰ περὶ τῶν, quemadmodum *Chrysostomus* distinguit de Divinis Prædicationibus.

Observatu verò dignissimum est, Scripturam etiam in multis locis *Idololatriam* appellare *Blasphemiam*. Ut apud *Esaiam*, Qui suffierunt super montes, & super colles probris affecerunt me. Septuaginta habent ἀνιδισίαν μὲν, quòd idem planè est quòd ἰδωσάντων, quòd tamen non factum est διὰ λόγων sed διὰ περὶ τῶν per actiones, suas *Idololatrias*. Qui colunt Idola quasi Deos, exprobrant Deo arrogantiam Divinitatis, inquit *Cornelius à Lapide*. Consimilis locus planè occurrit apud *Ezechielem*; Hæc dicit Dominus Deus, Adhuc & in hoc blasphemarunt me Patres vestri: Introduxi enim eos in terram super quam levavi manum meam ut darem illam eis, & viderunt omnem collem excelsum & omnem arborem densam, & sacrificaverunt ibi sacrificia sua, dederuntque ibi irrationem oblationis suæ, &c. Quòd idem Interpretes iterum interpretatur de *Idololatriis* eorum, ut & *Gaspar Sanctius*. Rursus *Deuter. 31. 20.* Quum comederint & saturati crassique fuerint, avertentur ad Deos alienos & servient eis, detrahentque mihi, &c. sic Latina versio vulgaris. *Hebraicum* verò exemplar habet נִשְׁחַדְתִּי quòd proprè sonat, blasphemabunt me, quemadmodum exponitur à Septuaginta in *Esai. 52. 5.* נִשְׁחַדְתִּי שֵׁם יְהוָה, διὰ τὰς οὐκ ἀληθείας. Ut etiam נִשְׁחַדְתִּי redditur *Ezec. 35. 12.* אֲנִי שֵׁם הַפִּזְיוֹן הַזֶּה בְּלִשְׁכָּתוֹ שֵׁם הַפִּזְיוֹן. vox est in Textu *Hebraico*.

Cap. 65. 7.

Cap. 30. 27, 28.

Postremò observatu dignum est quòd *Psalm. 69. 9.* ubi *David* Propheta ait, Opprobria exprobrantium tibi ceciderunt super me, οἱ ἐνιδιστοὶ τῶν ἐνιδιστῶν ἐγώ (quòd idem est ac dixisset αἱ βλασφημίαι τῶν βλασφημοῦντων ἐγώ) *Chaldaeus* Paraphrastes hoc interpretatur de illa contumelia quæ Deo fit cultum illius communicando, Idolis, quanquam significatur per blasphemiam verborumve contumeliam, ita enim ἐνιδισμός significat. Quamobrem cùm filii *Israel* dicantur in oberrationibus suis circa Divinum cultum aversionibusque ad Idola, blasphemare, admodum facile est intellectū, è *Regula Conjugatorum*, quòd hæc eorum *Idololatria* rectè dici possit *Blasphemia*.

Quam proinde ob causam *Alcazar* Nomina *Blasphemiæ* in septem Capitibus *Bestiæ Apocalyptrice* interpretatur de Templis *Idolorum*, ipsèque *Grotius* γὰρ οὐκ ἐστὶν βλασφημία sic exponit. Plena Diis qui ita dicebantur in veri Dei injuriam. Tam facillè ab omnibus agnoscitur, *Blasphemiam* poni posse pro *Idololatria*. Estque certè aptissimus significantissimisque, *Icasmus* qui fingi potest, cùm nihil destabilem *Idololatriæ* naturam eo magis graphicè depingat. Nam *Idololatria* absolutissima subsannatio est ac vilificatio Dei quam malitia unquam potuit excogitare, atque æquè improba, ac si eum vilis illius ac insensatæ materiæ nominibus ex quibus *Imagines* suas conficiunt, appellarent, eumque pronunciarent illà nihilo meliorem. Quippe quòd dum Divinum cultum illi præstant, ipsi eam faciunt æqualem. Atque hæc quidem *Blasphemia* aliorum digniorum objectorum Cultui, qui tamen Dii non sunt, proportionatè subest. Nam infinità planè vilitate sordescunt, si cum Deo conferantur. Ac proinde immensà contumelia est horridaque *Blasphemia* adversus Deum, quicquam omnino colere præter ipsum.

CAP. VI.

1. Candela. 2. Caput, quàm aptè significet summam Potestatem sive in uno sive in pluribus constitutam. 3, 4. Caro, duæ notabiles illius significationes. 5. Cauda. Cædes. 6. Cælum & Terra. 7. Character. 8. Columnæ. Corona gemmis ornata. 9. Cornu. Cultus. 10. Desertum. 11. Deus. Dies. 12. Dolor parturientis. 13. Draco. 14. Ebrietas. 15. Eclipsis. 16. Equus. Eremus.

1. **C**andela. Candela vel Lucerna significare videtur prosperum rerum statum in hoc mundo. Job. 18. Nonne Lux impii extinguetur, nec splendet flamma ignis ejus? Lux obtenebrescet in tabernaculo illius, & Lucerna quæ super eum est extinguetur. Et cap. 29. Quis mihi tribuat ut sim juxta menses pristinos, secundum dies quibus Deus custodiebat me? Quando splendebat Lucerna ejus super caput meum, & ad lumen ejus ambulabam in tenebris. Consimilem prosperitatem ac successum Psalmista etiam eadem figurâ describit, Psalm. 18. 28. Quoniam tu illuminas lucernam meam Domine, tu Deus mi meas tenebras tuo lumine disjicis; in cantico quo Deo gratias agit pro sua liberatione à manibus Saul. Astrampsychnus & Nicephorus.

ὁ ἀστυκὸς εἰδὼν πνευματικὸν δούλῳ φάσκει.

Et Artemidorus lib. 2. cap. 9. Ἰδὼν δὲ καὶ λαμπρὴν ἐν οἴκῳ λαμπρὴν ἀγαθὴν· ὑποκρίνει γὰρ οὐρανὸν καὶ συνέλαβεν πᾶσιν. Candela sive lucerna splendida in domo accensa bonum portendit, incrementum utiq; Divitiarum rerumq; copiam. Postremo Achmetes, secundum mentem Ægyptiorum & Persarum; εἰ τις αὐτῇ λαμπρὰ καὶ φέροι αὐτὴν, εἰ μὴ καὶ βασίλειος ἐστὶν, οὗτος δόξαν καὶ εὐκλειαν καὶ δαδόνος ἐχθρῶν ἀνασῶν· εἰ δὲ οὐ κοινὴ, εὐχόμενος ἀνάλογον αὐτῇ λαμπρὰ. Et eodem capite rursus ait, Quod Lucernarum accensio gaudium significat & exhilarationem, καὶ εὐφροσύνην καὶ χαρὰν, extinctio verò earundem, nobis invitis, ἀλλὰ καὶ ἐκ τῶν ἀναλόγων οὗτοισι, afflictiones & ærumnas ab inimicis pro ratione tenebrarum.

2. **Caput.** Caput Bestiæ in his Propheticiis figuris eam Personam personæ sive significare penes quas suprema sit Potestas, æquè certò concludi potest, ac quartus Proportionalis in Arithmetica tribus numeris datis. Tres enim Analogia terminos hic etiam habemus, nempe Regnum summam ejus potestatem, & Bestiam quæ Prophetica figura est Regni. Quamobrem non possumus quin promptè sic concludamus; ut Regnum ad summam suam potestatem, ita Prophetica sive figurativa Bestia ad Caput suum; & alternatim, ut Regnum ad Bestiam, ita summa Potestas Regni ad caput Bestiæ. Unde manifestò videmus Caput Bestiæ respondere summa Potestati sive in una singulari persona sita sit sive in multis. Nam sicut Potestas in abstracto non consideratur, ita nec Personæ à Potestate sua abstractæ seu præcisæ, sed utraq; in concreto Caput hoc Politicum constituunt. Ac proinde si Principatus non sit nisi in multis, illi multi caput sunt, nec certè minus unum caput quod ex multis personis consistit, quàm corpus minus unum corpus, quod ex multis consistit personis. Quamvis si quis Imaginationis suæ symmetriam potius sequeretur quàm Rationis, caput ex multis Personis constitutum in corpore ex immensa Personarum multitudine conflato, magis elegantem magisq; proportionatam præ se ferret speciem, quàm una singularis Persona. Quemadmodum si Bestia ex globulis cereis concinnaretur multo sibi adherentibus, caput ex uno globulo confectum eiq; adjunctum, eam conformitatem haud habiturum esset quàm caput ex multis compositum ejusdem magnitudinis cum eis ex quibus totum corpus consistit.

3. **Caro.** Per carnem intelligitur in Scripturis quicquid Spiritui opponitur, ratione utiq; morali mysticæ, idq; omne consumendum est spiritu atq; igni. Verùm caro interdum magis particulatim significat id omne quod vulgò venit sub nomine Gal. 3. 3. *Placitorum Carnalium*, tali ferè sensu quo illud intelligitur apud S. Paulum. *Adeo dementes estis ut à spiritu exorsi nunc in carnem desinatis? vel cum spiritu inceperitis nunc carne perficimini?* uti Beza habet. Apostolus verò loquitur de lege Moisaica. Authórq; ad Hebræos magis expressim, qui de Christo loquens eumq; cum Cap. 7. 16. *Aarone Moisaico conferens, ait, Qui non secundum legem mandati carnalis factus est sacerdos, sed secundum virtutem vite insolubilis.* Et quod adhuc ad rem nostram propius accedit, cap. 9. v. 10. ubi loquitur de servitio, quod in cibis duntaxat consistebat

sistebat & potionibus & diversis ablutionibus ac ritibus carnalibus usq; ad tempus Correctionis imposito. Per carnem igitur intelligi possunt omnia illa externa Placita ac Instituta quæ homines temerè Christianitati accumulaverint, sive simpliciter inutilia, sive etiam superstitiosa ac Idololatrica. Hæc enim sunt ad spiritum Christianitatis idem quod obesse nimirumq; faginata ac insalubris carnis onus pondusve ad Hominis animam vel spiritum, *ἑτάσιν ἀχθὲ ἀρίστis.*

4. Sed enim & alia est Carnis significatio quæ crebrò occurrit in *Onirocriticis*. *Artemidor.* lib. 3. cap. 23. *Πασίς ὃ ἐκ ὄναδον ἰδὲν ἀπὸ τῶν ἰδίων σαρκῶν, πρῶτον γὰρ ἀναλαβῆναι τὸν βίον καὶ τὸν ὄναδον τῷ ἰδνίῳ σημαίνει.* Diviti somnare quiddam propriam carnem comedit, non est bonum, significat enim funditus subversum iri opes substantiamq; somniantis. Achmetes, cap. 283. juxta Indos, Persas, *Ægyptiōsq;* Interpretes; *Ἐὶ δὲ ἰδῇ τις ὅτι κρίας δευτέρως εἶδεν ἢ ἱσχυρῶς, ἐνέστη πλῆτον ἀνάλογον ἀπὸ μεγέθους βασιλῆος.* Cui consimilis est *Israëliitarum* comestio Carnis *Leviathanis* in Deserto. Nam *Leviathan* sive *Draco* est Rex *Ægyptius*. Et rursus, cap. 285. *Ἐὶ δὲ ἰδῇ τις ὅτι ἱσχυρὰ κρίας σκορπίου ἐν ἰσχυρῶσι, τοῖς τε ἰσχυρῶσι σημαίνει λήξεται.* Et postremò secundum Indos, cap. 87. *Ἐὰν τις ἰδῇ ὅτι σαρξ ὡς ἱσχυρῶς, χρυσὸν καὶ πλῆτον ἀνάλογον τῆς σαρκὸς κλάται.* Et semel tandem ac per compendium, *ἢ σαρξ ὅλη οἷς πᾶσι πλῆτον καὶ χρυσὸν διακρίσεται.* Caro universim refertur ad *universum opesque*, in Interpretatione Visionum ac Infomniorum.

5. Cauda Bestiæ ea pars est quæ eam sequitur comitaturve à tergo, cui igitur magni cujusvis Principis Magnatise Comitatus ex Analogia respondet. Cæterum Analogia quantum mihi videtur, maximè accurata est in serpentibus immanioris longitudinis, qui & longum proinde syrma post se trahunt; sed significationem habet satis luculentam etiam in aliis Animalibus, sicut observatum est in *Onirocriticis*. *Achmet.* *Ἐὰν ἰδῇ τις ὅτι ἐπωχῶτο τοιάτῃ ἱππῷ (τῷ φάει scilicet) μέγα, δασὺ καὶ μακρὸν ὄναδον ἔχοντα, ἐνέστη ἀναλόγου τῆς ἔξουσις αὐτοῦ ἀνάλογον τῷ πλῆθους καὶ μήκους τῷ ὄναδι.* Si quis somniaverit se generoso equo inequitare (qualem *Perse Pharas* appellant) amplam habenti caudam densamq; ac longam, comitatum habebit caterodumve hominum vel officiariorum, pro amplitudine longitudineq; Caudæ Equinæ, amplam ac prolixam. Tenebitq; hæc Analogia à Nobilibus ad Principes usq; ac Imperatores omnemq; Regni cujusvis vel Reipublicæ summam Potestatem. Quo quidem in casu eorum copiam populūq; syrma ipsorum sunt vel cauda.

Cades. Vide Mors, & Resurrectio.

6. Cælum & Terra. Per Cælum & Terram intelligitur *Universum*, quemadmodum *Grotius* rectè observavit in *Genesi*, abundeq; confirmavit in 2 Pet. 3. 13.

Cæterum quod per Cælum & Terram Prophetæ aliquando intelligunt *Universum Politicum*, hoc est, Regnum sive Politian, equidem illius rei luculentius argumentum exoptari non potest quàm quod reperitur *Esaï. c. 51. 15.* *At ego Jehovah Deus tuus qui mare, frementibus ejus fluctibus, fudo, nomine Jehovah armipotens, verba mea ori tuo suggeram, tēq; meæ manūs umbrā tegam ad plantandum cælum fundandūq; terram & ad dicendum Sioni, Populus meus es tu;* hoc est, ad efficiendum ut ii qui modò dispersi erant ac dissipati homunciones meraq; *Ægypti* mancipia, coalescant demum in Regnum vel Politian, propriisq; legibus ac magistratibus gubernentur. Rursus cap. 65. 17. *Ecce enim ego creo cælos novos & terram novam, & non memorabuntur priores nec venient in mentem; sed gaudete & exultate in perpetuum in his quæ ego creo.* Nam ecce ego creo *Jerusalem* exultationem & populum ejus gaudium. In quem locum *Forerius*, *Decrevi enim novum orbem condere, per quem intelligit Regnum Christi in terris, id est, Ecclesiam.* Juxta quem sensum etiam interpretatur, *Nam sicut Cæli novi ac Terra nova quæ ego facturū sum durabunt coram me, sic durabit semē vestrum atq; nomen vestrum.* Quamdiu duraturus sit novus orbis, i. e. Regnum Dei & Ecclesie, &c. Ipsēq; *Grotius*, quanquam hircus obliquis intueretur nec parū sibi videretur metuerē (quam verò ob causam ipse optime nōrit) à locis illis quæ commemoravimus, non potest tamen sibi temperare quin *novos cælos novūq; terram* *Apoc. 21.* interpretetur de statu Ecclesiæ in Terris, & Cl. *Hammondus* in 2 Pet. 3. expressim agnoscit *Novos cælos Novūq; terram* ibi memoratam sensum habere *Politicum*. Quam quidem Notionem operæ pretium erat tanto studium dilucidare, quoniam generalis hæc Analogia effectura est ut facilius intelligamus quid partes *Universi* figurativè significant, ut *in cælos sursum accersiri, desicciq; in terram & similia.*

Esaï. 66. 22.

7. Character. Servos ac milites Characteres recepisse in frontes manūq; quibus dignosci posset ad quos pertinerent, apud gnaros Antiquitatis omni caret controversiā, quippe quod ea de re apud Scriptores abunde sit testimoniorum. Vide quæ congesta sunt apud *Medum Grotiūq;* in *Apocal. 13.* *Siglus* verò *Propheticus* ullum visibilem

visibilem characterem manui frontive eorum qui notari dicuntur, inustum esse nequaquam supponit, sed apertam tantum professionem quod ad eos pertinent quorum characterem dicuntur recepisse. Etenim hi *Typi* tantummodo sunt *Proprietatis*, nec magis intelligendi sunt revera eis imprimi qui eos dicuntur gestare, quam integra illa hominum regna quæ *Bestiæ* vocantur *stylo Prophetico*, credendi sunt per metamorphosin in *Ursos* Pardosve abiisse. Hæc enim omnia *Attributa Typica* sunt, non *realia* propriæ.

8. *Columna*. Columnæ Principes Proceresve Regni significant, *μαγιστῶνας* vel τὰς *μαγιστῆς τῆς βασιλείας*, quemadmodum videre est apud *Achmetem*, cap. 148. & 160.

Corona gemmis ornata. De Corona Gemmarum ac lapidum pretiosorum, *Achmetes* ex *Oniroticis Indorum* cap. 247. Ἐὰν ἴδῃς ὅτι ἐστὶν ἐν τῇ κεφαλῇ αὐτῆς στέφανος ἐκ τιμίων λίθων καὶ μαργαρίτων, ἀναλόγων τῷ κόσμῳ καὶ τῷ κάλλει τῷ στέφανῳ ὅστις αὐτῇ ἐστὶν, ἐνύπνιον πλῆτον καὶ ὕψος καὶ δόξαν. Ubi vis interpretationis gemmas pretiososve lapides maximè videtur respicere, quippe qui divitiarum, summarumq; dignitatum ac honorum sunt *symbola*. Habent etiam sensum magis *mysticum* in hoc ipso capite, significantq; τὴν δογματικὴν τῶν θείων λαμπρότητα, *Divine doctrine veritatisq; splendorem*. Verum cap. 248. secundum mentem *Egyptiorum & Persarum* de mundanis tantum rebus exponuntur. Ἄλλος ἰδὲ ἴδῃ ταῦτα, margaritas scilicet & pretiosos lapides, ὅτι ἐνύπνιον quod abunde eorum habeat, ἐνύπνιον πλῆτον ἀνάλογον καὶ δόξαν, *divitias honorumq; pro margaritarum pretiosorumq; lapidum ratione inventurus est parem*.

9. *Cornu*. Cornu perinde ac *Caput* summam significat Potestatem Corporis Politici quod *Bestiæ* assimilatur, ut quæ *Bestiæ* pars est & summa & totius corporis propugnatrix. Interpretatio est Angeli apud *Danielem*, *Primum Cornu Rex primus est*. Decemq; cornua decem Reges ab Angelo dicuntur in *Apocalypsi*. Erant enim *propriorum* suorum Regnorum summitates ac cacumina, quanquam septimo capiti *Bestiæ* aliquo modo subordinata.

Cultus. Vide *Adoratio*.

10. *Desertum*. Per *Desertum* Paganismum intelligi *Alcazar* summa quidem cum confidentia pronunciat, loquens utiq; de muliere in *Deserto*, In qua, inquit, locutione notandum est per *Desertum* proculdubio figurari *Gentilitatem*. Pro qua opinione nubem quidem Testium introducit, *Clementem Alexandrinum, Origenem, Ambrosium, Basilium, Hieronymum, Gregorium, Hilarium, Hesychium, &c.* Rationem cujus Hieroglyphici hanc esse autumo: Quod *Idololatria* Paganorum frequenter celebrabatur in *Lucis & Nemoribus*, & in montium summitatibus & solitudinibus, Nominaq; Dæmonum eorum *עֲרִיכְו* & *עֲרִיכְו* relationem habent ad *Agros & Deserta*. Ut omittam *Idololatrias* supra vitæ merè *Animalis* Regionem nunquam ferè emergere, ipsorumq; Cultum ac Religionem pauxillo sanè elevationem esse quàm Elephantorum & Cercopithecorum.

11. *Deus*. Hebraico idiomate *יהוה* magistratum significat perinde ac Deum, quemadmodum ex multis sacrae Scripturae locis constat. Et *Artemidorus* Analogiam notavit à summa usq; antiquitate, lib. 2. cap. 37. Κοινὴ γὰρ πάσις ἐστὶν διὰ λόγον ἔχουσι πρὸς θεοπάτας. Ὁρῶντες γὰρ αὐτὸ τὸ παλαιὸν ἔχον. Τὸ γὰρ καλῶς δυνάμειν ἔχον θεῷ. Quicquid dominatur vim habet Dei. Et rursus lib. 3. c. 13. Θεὸς ὅστις ἐπολάει γινώσκων πάντας αὐτῷ, ἀρχὴν μαγιστῶν προσηγορίαν. Ἐπίσται γὰρ τοῖς θεοῖς καὶ οἱ ἀρχόντες δυνάμειν ἔχον καὶ καλῶς τινὲς ποιῶν. Si quis opulentus se Deum evasisse somniaverit, cum magnum obtenturum Principatum portendit. Principes enim benefaciendi & malefaciendi potestatem habent Diis ipsis quodammodo aequalem.

Dies. Vide *Tempus*.

12. *Dolor parturientis*. Dolor parturientis Figura est sive Imago magni studii ac conatus ad efficiendum aliquid nec sine multa difficultate, dolore, ac periculo. Finis verò propositivè affectio *enixus* quasi facinoris est quo erant gravidi, ac liberatio à dolore ac periculo quibus laborabant. Multa sunt exempla hujus *Iconismi* apud Prophetas. *Jerem.* 30. 6, 7. Quare ergo vidi omnis viri manum super lumbum suum quasi parturientis, & converse sunt universæ facies in auruginem. Vnde quia magna dies illa nec est similis ejus, tempus est tribulationis Jacob & ex ipso salvabitur. Item *Esaï.* 66. v. 7. Antequam parturiret peperit, antequam veniret partus ejus peperit masculum. Interpretes pleriq; intelligunt de subito partu Ecclesiæ, de subita nempe Conversione Gentium. *Grotius* de subita liberatione *Judææ* per *Maccabæum*.

13. *Draco*. Vox Hebraica est *תנין* significatq; *Draconem* vel *Serpentem*, item *Cetum*, ut qui magnus Serpens *Dracône* maris est. Et ad eam rationem *Septuaginta* reddunt *התנין הנורא* Gen. 1. τὰ κῆτα τὰ μεγάλα. Figuram esse *Diaboli* antiqua *Cabbala Mosæica* satis nos certos facere potest; & fortean, quanquam unus aliquis præcipuus

præcipuus Diabolus ibi notatur, serpens tamen illic ut in *stylo Prophetico*, *Heno-poëtice* intelligi possit, significareq; universum *Satanæ* Principatum Regnūve Tenebrarum, quod semper se opposuit Regno Dei. Ac proinde minimè mirum est ea Regna quæ tam speciali modo Ecclesiam afflixerint sub hac figura fuisse representata, veluti *Ægyptum Imperiūq; Romanum*.

Suscita te, suscita te, indue te fortitudinem d brachium Jehovah, suscita te sicut in diebus antiquis, sicut in generationibus seculorum. Nonne tu is es qui Ægyptum excidisti, qui cetum trucidasti? hoc est, Pharaonem. Sicut Ezechiel apertè pronunciat. Ecce ego adversus te Pharaon Rex Ægypti, Draco magne, qui cubas in medio fluminum tuorum. Atq; ob id ipsum sanè quod in mediis aquis jacet, appellatur Leviathan, tanquam si Serpens aquaticus esset sive Cetus. Tu confregisti capita Leviathan, dedisti eum escam populo in Deserto. Vatabl. ראשי ליתן capita Leviathan, ac si hic Leviathan, ut Draco Apocalypticus plura haberet capita. Esai. 31.
Cap. 29.
Psalm. 74. 14.

Hæ certè considerationes planè nobis innuunt, *septicipitem Serpentem* in *Apocalypsi*, qui *Respublica* est Regnūve *Romanum*, sic representari, non solum habità ratione ad antiquam illam Formam serpentinam quæ primos Parentes tentavit, sed alludendo etiam ad Regnum illud Tyrannicum *Ægypti*, quod sub imagine *Draconis Leviathanisq;* figuratum est. Nec ad *Romam Paganicam* tantum hunc Typum pertinere, sed etiam ad *Romam Pagano-Christianam*. Nam septem capita omnia sunt è corpore *Draconis*, & *Bestia quæ erat & non est & tamen est*, æquè *Draco* est ac *non est Draco*, ac proinde æquè *Ægyptus* (nè dicam magis) quàm *Ecclesia Dei*, Regnūve *Filii ejus Jesu Christi*.

14. *Ebrietas*. Aliquando significat, aded impletos esse homines & intoxicatos mundanarum opum ac voluptatum affluentia, ut nullam omnino curam sensumve habeant earum rerum quæ spectant ad Deum. *Esai. 29. Obstupefcite & admiramini qui cæci cecatis, absq; vino ebrii, absq; temeto titubantes, quoniam miscuit vobis Dominus spiritum soporis, & clausit oculos vestros, Prophetas & Principes vestros, qui vident visiones, operuit. In tam supinum stuporem ac temulentiam hujus mundi prosperitas homines sæpenumero conjicit. Achmetes ex Indorum Interpretationibus, cap. III. 'Edi tis idy dty iquidun dty, iuphon nlyon & iquoyan dnylyon tye mdy. Si quis somniaverit se vino inebriatum esse, Divitiæ ac potentia ei pro ratione inebriationis affluent. Idemq; affirmat in sequenti Capite ex sententia Ægyptiorum & Persarum. Est etiam inebriatio è poculo Afflictionis, cujus mentio sæpe fit in sacris Scripturis.*

15. *Eclipses*. *Eclipses Luminarium* quid significant facillè intelligetur si consideremus quem locum habeant *Sol* atq; *Luna* in *Mundo Politico*. Sunt enim proculdubio Dignitates summæ in illo Cælo. Quo de plura sub propriis suis Titulis. Interea loci suffecerit breviter notare ex *Achmete*, quod secundum *Indorum*, *Persarum*, *Ægyptiorumq;* *Onirocritica*, si *Sol* sit *aportis & dny dnytyon sine splendore* (talī putā specie qualem *Virgilius* describit.

Tum caput obscurā nitidum ferrugine tinxit)

& sine radiis, tē tdy & adofia dty ptyon dty dnylyon, ingloria illa obscuritas & tenebrositas refertur ad Personam Regis, ejusq; gloriæ imminutionem innuit. 'Edi & idy tis dty tē dny dnylyon dnylyon, dnylyon & dnylyon dnylyon dnylyon dnylyon. Quod si Sol passus fuerit Eclipsin, affligetur opprimeturq; inimicorum bello Rex.

Eandem sententiam ferunt de *Luna* atq; *Stellis*, si sint *dnylyon, dnylyon, sive dnylyon, tē tdy dny dny dny dny dnylyon dnylyon dnylyon*. Vide cap. 167, 168. Hæc faciliora sunt quàm ut opus sit eis insistere, necessariōq; agnoscenda sunt illo semel concessō, quod *Mundus* sive *Universum* symbolum sit *Propheticum Regni* sive *Politie*, quem admodum luculentè suo loco demonstravimus.

16. *Equus*. Nulla expressa Interpretatio hujus Animalis est in Scriptura. Verum Equus generosus cum Sessore naturaliter Regimen sive Imperium denotat. Quod etiam nobis innui videtur ex illo *Psalmi 45. 4. צלח רכב, hoc est, Prosperè age, equita. Quod Septuaginta reddunt dnylyon & dnylyon, Prosperè age & regna.*

Equus verò porro significat quemvis successum fortunamve illius qui ipsi inequitat. Ità *Achmetes* ex Interpretationibus *Indorum*. 'Edi tis idy dnylyon dnylyon dnylyon, dnylyon dnylyon dnylyon dnylyon dnylyon. Si quis somniaverit se inequitate Pharas (equo scilicet generoso) qui ordinatim obsequentēq; incedit, dnylyon & dnylyon dignitatem famamq; obtinebit equo cui inequitat parem. Atq; sic postea fusiū disserit de amplitudine, densitate, ac prolixitate eandē, declarans potestatem comitatūq; inequitantis ipsi ex analogia responsurum. Quod si caudā curtā sit pilisve rarā, potestatis defectum significare. Claudicationem

etiam

etiam Equi impedimenta præmonstrare in rebus Inequitantis, ejusq; intractabilitatem & contumaciam (si ἀνυπότακτος sit & σκληροχάλινος) Inequitantis noxam & afflictionem, multaq; alia consimiliter in Equo referuntur ad eum qui ipsi inequitat, cap. 152.

Et rursus cap. 233. Ἰππὸς τὸ φάρος τὸ ἐνθαλὸς εἰς ὕψος & ἀξίωμα χ' τὴν τῶν οὐρανῶν ἐκείθεν κελσιν. Et statim post, Ἐὰν ἰδῇ τις καὶ ὅτι ἵππος ἰνδὲ & κεραυνὸν φάρος ἐπαχέστατο, ἐνέησεν φῶς μιν μιν & ὕψος & ἀλχημοσύνην ἐν ὁπλίον λαῷ. Et paulò post, Εἰ δ' ἰδῇ τις ὅτι ἐποχέμινος τὸ φάρος καὶ ἵππος ἀσπίδα, ἐνέησεν ἀφοβίαν ἐξ ἐχθρῶν & δυνάμιν ἀνάλογον τῷ ἵππῳ. Et postremo, Ἐὰν ἰδῇ τις ὅτι ἵππος καὶ ἵππος ἀπὸ ἵππου φάρος, ἐνέησεν ἐκείνῳ ἐλάττωσιν ἐξουσίας. Ex quibus omnibus manifestò constat equos hos fessorum conditionem repræsentare, Populive cui præficiuntur, qui ipse equus est cui inequitant. Quod uberrimam sanè lucem afferret visionibus *quatuor Equorum*, in *Apocalypsi*, intelligendis, quorum fessores facillè intelliguntur *strategi* aliqui esse, qui propriè *Imperatores* dicuntur, quòdque per equos significatur, aut ad *Imperium* aut ad ipsos *Imperatores* referri.

Eremus. Vide Desertum.

C A P. VII.

1. Filius masculus. Flumen. Fluvii, *quid significant respectu Maris.* 2. *Quid respectu limpiditatis & irrigationis.* 3. Grando, *ejus significatio juxta Scripturam;* 4. *Juxtaq; antiqua Onirocritica.* Hora. 5. Ignis; *differentes illius significationes.* 6. Ignis de Cælo *quàm accuratum symbolum excommunicationis.* Insulæ. 7. Lapidès pretiosi, Locustæ, Luna, Lucerna, Lux. 8. Mare, Mensura, Mensis. 9. Meretrix. 10. *Accurata analogia Idololatriam inter & Fornicationem.* 11. Messis, *sensus illius auspiciatus & inauspiciatus.* Mola. 12. Mons; *varie illius significationes.* 13. Mors. Mundus. 14. Mulier & Mulieres. 15. Navis. Nota. 16. Nubes Cæli. Nuditas. 17. Occisi. Oculus.

Cassandr. Con-
sul. Art. 7.

1. **F**ilius Masculus. Sicut Mulier quæ parit non est Mulier singularis sed Ecclesia Apostolica, ita Filius ejus non est persona aliqua singularis sed Multitudo, Apoc. 12. cui Grotius etiam subscribit. Et Andreas in ipsum locum, Filius masculus est Ecclesiæ populus, Christus mysticus. Totus enim Christus & caput & corpus est, quemadmodum Cassandrus notavit è S. Augustino. Quamobrem si ὁ ἀπὸ ἀποκάλυψεως, 2 Thess. 2. 3?

Flumen. Vide Aqua.

Fluvii. Fluvius duplicem habet considerationem, primam respectu Originis suæ, unde venit & quòd recurrit. Quæ res innuitur Ecclesiast. 1. 7. Omnia flumina intrant in mare, & mare non redundat, ad locum unde exeunt flumina revertuntur ut iterum fluant. Juxta quam rationem supponendo Mare Typum Amplitudinis Domini five Imperii alicujus Principis, uti reverà est, Fluvii significabunt qualvis emissarias ex eo Potestates, five exercitus, five magistratus Provinciales, five quoscunq; alios qui summæ hujus Potestatis jussu peregrè profecti, ad illius utilitatem omnia agunt referuntque. Hi sanè juxta accuratissimam Analogiam Fluvii appellantur, quippe qui & ipsi & res ipsorum quas administrant ad magnum mare relabuntur, ipsūmq; semper respiciunt, amplitudinem utiq; illius Regni ad quod pertinent.

Achmetes cap. 178. ex sententia Indorum, Persarum & Aegyptiorum, ἡ θάλασσα & ὁ βυθὸς εἰς πρόσωπον τοῦ μεγάλου κελύφους βασιλέως. & ὅπως οἱ ποταμοὶ πάντες ἐκκλυσιν ἐν αὐτῇ, ὅτε & πᾶς ὁ πλῆθος τοῦ κόσμου εἰσέλθῃ ἐν αὐτῇ. Cujus sensus est, Quod quilibet magnus Rex mari figuratur, Regnum putà ejus, quòdque quemadmodum omnes fluvii currunt in mare, ita omnes mundi divitiæ ad eum confluunt. Et rursus ad eundem sensum, Ἐὰν ἰδῇ ὁ βασιλεὺς ὅτι ἴσθμὸς ποταμῶν περιστάλον ἐκ τῆς θάλασσης ἀνωθέν, πλῆθος ἐξ ἐθνῶν μαχεῖσθαι & χαρῆν αὐτῷ δέξασθαι. Quod novi Fluvii in mare confluentes novos redditus significant Regi Regnòve à remotis populis provenientes, ipsi fortean sub potestatem subactis.

2. Altera Fluviorum consideratio, est eorum limpidudo & irriguitas; sed & hoc respectu sensum habent aut spiritualem aut mundanum. De priori constat ex eo quod dictum est à Servatore, Johan. 7. 38. Qui credit in me, flumina aquæ vivæ fluent ex ventre ejus. Hoc autem dixit de spiritu quem credentes in eum erant accipienturi.

cepturi. Fructus autem hujus spiritus quatenus universæ Ecclesiæ communicabilis est, Justitia est, Pax & Gaudium, juxta *Onirocriticam* solutionem *Astrampsychi*.

Πηγάδιον τὰς ἐν αὐτῇ λύπαις.

De hac aqua Servator Christus *Johan. 4.* Quisquis biberit ex aqua illa quam ego ei dabo, non sitiet in æternum; sed aqua illa quam ego dabo ei, fiet in eo fons aquæ salientis in vitam æternam. Cui consimile est illud *Eesai. 58.* Et eris quasi hortus irriguus, & sicut Fons aquarum cujus non deficient aquæ.

Cæterum Aquæ intelliguntur etiam de *Mundana* affluentia, *Jerem. 31. 12.* Et venient & laudabunt in monte Sion, & confluent ad bona Domini, frumentum & vinum & oleum & fætum pecorum & armentorum, eritq; anima eorum quasi hortus irriguus & ultra non esurient. *Achmetes* cap. 176. secundum solutiones *Ægyptiorum*. Οἱ ἀδελφοὶ τὴν γὰρ πόλιν οἱ ζῶντες διακλυσθήσονται τῶν ἀνθρώπων. Fluvii qui solum irrigant, de rerum ad vitam humanam necessariarum affluentia intelliguntur. Ἐὰν ἴδῃ τις τὸν ἀδελφὸν τὴν γὰρ σωθῆναι ποταμὸν ἐξηρανωθῆναι, ἐνδείξει ὅτι αὐτὸς λιμὸν καὶ μέμνηται καὶ θλίψιν. Si quis somniaverit fluvium qui terram irrigare solet exsiccatum esse, famem portendit illi loco, ærumnam ac afflictionem.

Fornicatio. Vide Meretrix.

Gemma. Vide Corona.

3. *Grando*. Quando *Venti* ac *Tempestates*, *Commutationes Politicæ* bellæq; significant quemadmodum à *Grotio* agnoscitur aliisq; Interpretibus universis, uti apud *Danielem*, c. 7. v. 2. (ubi quatuor venti cœli dicuntur pugnare in mari magno) valde consentaneum est ut *Grandinis* tempestas bellum significet & *Inimicorum* incursionem, præsertim si ab *Aquilone* venerit, quippe quod ipsa *Meteor*i congelatio illius Regionis characterem præ se fert.

Duo eximia hujus figuræ Prophetica exempla habemus apud *Esaïam*. Primum cap. 28. Ecce fortis robustusq; Domini, quasi grandinis quedam procella impetuosaq; tempestas, quasi impotens quedam redundantis aquæ diluvies vos vi prosterneat humi. Pedibus conculcabimini ὁ superbiæ Corona temulenti *Ephraim*. Hæc significant (inquit *Forerius*) hostium adventum qui universum Regnum *Israel* devallaturi erant. Verum tam perspicuum est ut nullâ indigeret Interpretatione. Alterum exemplum occurrit *Eesai. cap. 30.* Sonabitq; Jehova voce suæ majestatis & brachii sui impressionem ostendet, cum truculento vultu & edacis ignis flamma, strage, nimbo, grandinisq; lapidibus. Nam Jehovæ voce pavefiet *Assyrius*, &c. hoc est, Exercitus Jehovæ aggredientur *Assyrium* ad instar fulminis fulgurisq; cum grandine. Tam manifestum est procellam grandinis, symbolum esse *Incursionis Impressionisve Hostium* juxta stylum Scripturæ.

4. Eademq; planè significatio agnoscitur in *Onirocriticis Artemidor.* lib. 2. c. 8. Ὅμῳ δὲ καὶ αἰχμαῖς καὶ χειμῶνι ταραχῇ πᾶσι καὶ κινδύνῳ καὶ ζημίας ἐπαγγέλλεται. Eadem ferè profert cap. 41. quæ non multum abludunt ab illo apud *Danielem*. Sed ut propius ad rem accedamus quantum ad *Grandinem*. *Achmetes* ex *Indorum*, *Persarum*, *Ægyptiorumq;* solutionibus *Onirocriticis*, cap. 191. ἡ χιὼν, ἡ χάλαζα καὶ ὁ πόντος θλίψιν καὶ μείμνηται καὶ βασάνους σημαίνει. Sed & adhuc magis particulatim de *Grandine* magisq; ad nostrum propositum accommodatè. Ἐὰν ἴδῃ τις χάλαζαν ἐν τόπῳ πεδυνῶν, ἔσθλην ἀδεῖαν ἐλπίσθαι. Si quis somniaverit grandinem cecidisse in locum, hostium expectare par est incursionem densam ac subitanam. Et porro, Ἐὰν ἴδῃ ὅτι ἡ χάλαζα ἐλυμῆναι τὴν καλὴν οὗ σίτου καὶ τῆς κελθῆς, σφαλὲν ἀνέλογον γενέσθαι τῆς κλάσεως ἐν τῷ τόπῳ ἀπὸ πολέμου. Quid si somniaverit *Grandinem* lesisse culmos stipulæve frumenti atq; hordei, pro eorum fractione strages futurae sunt cædēsq; hominum eo in loco per bellum.

Hora. Vide Tempus.

5. *Ignis*, Ignis varium symbolum est, significatq; bonum perinde atq; malum, sed semper per modum *Consumptionis* sive destructionis; quando verò id quod malum est destruit, est bonum. Ipse spiritus sanctus Igni assimilatur, quemadmodum *Baptista* testatur de Christo. Ipse vos baptizabit Spiritu sancto atq; igni, tali scilicet igni qui paleam exsturus sit, hordeum verò conservaturus, sicut eo in loco innuitur. Ità *Malach. 3.* Quis autem ejus adventus diem sustinebit? aut eo apparente consistet? Erit enim quasi quidam ignis explorans aut lanaria fullonia, sedensq; explorabit ac expurgabit argentum, & expurgabit *Levitas* ac tam puros reddet quam est aurum aut argentum, hoc est, scoriæ eorum absumet. Multa occurrunt exempla hujus sensus Ignis, sed supervacaneum est ea producere.

Quantum verò ad Ignem in altero sensu destructivo, ea significatio adhuc magis

K k k k

obvia

Matth. 3. 12.

obvia est. Unum locum pro omnibus in medium proferam, *Esai 66. 15. Est enim venturus in Igne Jehova similibus turbini quadrigis, ut iram sevitidumque, igneis incandescens flammis, exerat. Nam igne Jehova gladiôq; suo mortales omnes ulciscetur, eruntq; multi à Jehova caesi.*

Quàm idoneum *Ignis* symbolum sit *Consumptionis* sive *Destructionis* *Artemidorus* notavit, lib. 2. cap. 8. Ἰδιον δὲ πῦρ πᾶσαν ἔλκει ὀδύνην. Et in eodem capite eum significare ait, si satis magna illius in cœlo videatur copia, πολέμῳ ἑρῶδῳ Ἡοστίνῳ ἰνέκῃ-*sionem*, adventumq; eorum ab ea cœli plaga quâ ignis sit visus. Atq; huic consimiliter *Achmetes* secundum sententiam *Indorum* capite 159. Εἰ τις ἐκὰν ἀπὸ φλόγος, ἐν σολήμῳ ἐχθρῶν τελευτήσῃ. Et *Persarum* ac *Aegyptiorum*, cap. 160. Ἐὰν ἰδῇ ὁ βασιλεὺς ὅτι ἐκ κλονος τοῦ παλάσι αὐτοῦ ἐπλογίζοντο, βασιλείαν ἄλλαν σημαίνει, καὶ ἀπώλην τῶν μεγίστων ἐκ αὐτοῦ ἔσται. Et rursus, Ἐὰν ἰδῇ ὁ βασιλεὺς ὅτι ἐπλογίζονται αἱ τελεῖς αὐτοῦ, τὸν λαόν αὐτοῦ ἀπολέσει. Et postremo ait, quod si currus ipsius visus sit flammis corripui, ταπεινωθήσεται ἡ βασιλεία αὐτοῦ. Tam destructivum ubiq; symbolum est *Ignis*, speciatimq; denotat destructionem per bella ac hostilitates, quemadmodum observare licet ex suprâ citatis Autoribus.

6. *Ignis de cœlo.* *Ignis de cœlo* & *Fulmen*, meritò idem æstimari potest, ὅτι ὁ κεκρυμμένος ἰδὼν ἐστὶν ἄλλο ἢ πῦρ, quod *Artemidorus* notavit, lib. 2. cap. 8. Verùm per allusionem ad *Eliam* qui ignem de cœlo descendere fecit in eos quinquagenos qui ab *Achazia* missi erant ad eum apprehendendum, præclari illius miraculi fama efficere potuit ut *devocatio Ignis de Cœlo* in loquutionem abiret *Proverbialem*, ad significationem ingentis alicujus miraculi editi. Hic sensus probus esse potest. Nos verò *Iscasium* hic quærimus.

Ignis igitur *de cœlo*, secundum *Artemidorum*, significare potest ἀπειλὴν ἀντιθέτου, *comminationem* eorum qui pollent potestate; idq; aptè admodum, siquidem *Cælum* dignitatum locus est in *Universo Politico*. Nihil autem tam minax est quàm ille *ignis* vel *fulgur* quod *Tonitru* antecedit. Quid igitur aptius ad significandam *Excommunicationem* quàm illud; præsertim si supponatur à nullo inferiori Officiario vibrari sed ab Episcopo aliquo *Oecumenico* Ecclesiæ Catholicæ Capite, qui in superioribus hujus *Cæli Politici* Regionibus est collocatus? Quæ analogia etiam adhuc accuratior erit si consideremus quod *Artemidorus* observavit de *Tonitruo*. οὐ γὰρ ὁ κεκρυμμένος ἐστὶν, ἀλλὰ καὶ τὰ ἀνομήματα χωλεῖται. *Fulmen* enim non unit, sed unita disjicit. Quod & *excommunication* facit quæ membrum ab Ecclesia dilacerat.

Estq; porro ulterior Congruentia ut *Excommunication* appelletur *Fulmen*, vel *Ignis de cœlo*, ex eo quod *Ignis Infernalis* sit *comminatio*, cujus exitii *Sodoma* Typus erat quæ igni combusta est de cœlo, quemadmodum *J. Medus* observavit, & sanè cum judicio. Et quid obsecro novissima Ἐκπύρωσις est nisi *Ignis de cœlo*? Cui perditioni quisquis sibi tantum assumit ut homines adjudicet, meritò dici potest efficere ut *Ignis de cœlo* in ipsos descendat, quod *Fulmen* illud *Excommunicationis* comminatur.

Insule. *Insulas* significare posse *homines honore & dignitate excellentes*, ipsarum eminentia elatiôve supra Planitiem maris nobis naturaliter insinuat. Verùm aliquando eas significare posse *Templa*, locosq; consecratos, determinatio ipsarum à reliqua terra, ut sacra hæc *Ædificia* separantur à reliquis ædificiis, faciliè cujusvis *Imaginationem* inducere potest ut credat. Vide *Cl. Medum* in *Sigillum sextum*.

7. *Lapides pretiosi.* Vide *Gemma*.

Locustæ. Quod *Locustæ* numerosos significant exercitus hominum Regionem aliquam diripientium ac devastantium manifestum est ex *Joel. 1. 6. Nam invadit terram meam potens & innumcrabilis Gens, Leoninis dentibus, molares habens quales sunt vetuli Leonis, qui vineas meas vastas efficit sicq; decorticando nudas reddit ac pervastat dealbatis earum ramis.* Per *Gentem*, *Judæi* & *Vababli* cum aliis intelligant multitudinem *Locustarum*. Is verò solus Typus est; *Persæ*, *Babylonii*, aliæq; Nationes quæ *Judeam* pervastaturæ erant, hoc Typo significantur juxta sententiam *Munsteri* atq; *Clarii*. *Grotius* etiam interpretatur de copiis *Phul* & *Salmanassar*. Item capite proximo vers. 2. Illius Dici caligo & nubilositas *Locustarum* nubi imputatur in aëre volitantium, subitq; earum in terram descensio Auroræ in montes diffusioni comparatur. Et v. 8. Edenis *viridarii similis* est ante eas terra, post eas vasta solitudo, nempe quod omnes virides herbas devorant, ubicunq; venerint. Hæc est expositio multorum Interpretum *Hebræorum* ut & *Vababli*, *Castalionis*, *Druissi*, *Livelleii*. *Munsterus* verò & *Grotius* interpretantur de numerosis copiis *Babyloniorum* & *Affysiorum* qui pervastaturi erant *Judeam*.

Achmetes, cap. 300. secundum mentem *Indorum*, *Persarum* & *Aegyptiorum*. καὶ ὅταν ἡ ἀνέρις ἀπαγαλλάξῃ οἱ πλεῖστοι ἐχθρῶν κείνῳ. ἔτι γὰρ γίνεσθαι, ὅτι οὐκ ἀπολείπειται ἐκ τῶν ἀπώλην τῶ τόπων. Cujus

Cujus Aphorismi pars posterior referenda est ad *Indorum Onirocritica*, ut quæ proculdubio alludit ad illud *Joëlis*. Et rursus, *Ἐὰν ἰδῇ τις βασιλεὺς ἢ ἐξουσιαστὴς ἐν ἡμέρᾳ τῇ τῶν πενθῶν ἀνέλθης, πλῆθος ἰχθύων καὶ ἐξουσίας προσδόντων ἑαυτῷ, καὶ ὅσων ἐλυμήνατο αὐτῷ, τοιοῦτον βλέψαι ἢ αὐτοί. Si Rex quivis Princepsve Locustas viderit exeuntes in locum aliquem, potentem illic expectet inimicorum exercitum, quantumq; damni Locustæ intulerint tantundem daturi sunt Inimici.*

Luna. Vide Sol, Luna & Stella.

Lucerna, Lux. Vide Candela.

8. *Mare.* Aquæ populum significant, quemadmodum Angelus S. *Johannem* edocet. Congregatio populi in unum corpus *Politicum*, Regnumve vel Imperium apertè appellari potest *Mare* in mundo *Politico*, siquidem Aquarum congregatio sic appellatur in mundo *naturali*, Gen. 1. Totâq; Regnorum universitas magnave pars eorum juxta hanc analogiam nuncupari potest *Mare magnum* vel *Oceanus*, sicut figuratur in visione *Danielis*, cap. 7. Ego per nocturna visa mihi visus sum videre quatuor cæli ventos in magno mari certantes, &c. ubi per ventos bellum proculdubio intelligitur perinde ac per *mare magnum* multorum Regnorum comprehensio in quibus hic Turbo Tempestasq; belli sit orta, uno Regno adversus alterum pugnante, ut proprii Imperii fines proferant.

Hæc *Maris* similitudo agnoscitur etiam in Interpretationibus *Indorum, Persarum & Egyptiorum*. *Achmetis*, cap. 178. *Ἐὰν ἰδῇ τις ἐν ἡμέρᾳ τῇ θάλασσαν, πληγὴν ἢ καὶ τῆς βασιλείας πῶτον. Si quis somniaverit se dominum factum maris, ex integro Regni fiet Successor.* Et similiter de ventis, ὁ βασιλεὺς ἰδὼν ἰδῇ τὴν θάλασσαν σφίγγα ταρασσομένην ὑπὸ ἀνέμων γυναικί, ἐκ τῆς καλονύκτου περὶ τὸν ἀνέμον ἰδὼν ταρσυχθῆναι. Si Rex mare viderit vento turbatum à nota Regione, Populo aliquo ab illa Regione infestabitur. Εἰ δὲ ἰδῇ γαλήνησαν τὴν θάλασσαν, ὑπογεθῆναι ἐκ τῆς βασιλείας αὐτοῦ. Quid si tranquillum mare (per somnum putà) viderit, Regno fruetur cum pace. Hæc igitur *Maris* Interpretatio *Fluviorum* Interpretationem ultrà confirmabit.

Mensura. Vide Statera.

Mensis. Vide Tempus.

9. *Meretrix & Fornicatio.* Per Fornicationem *Idololatriam* significari infinitis exemplis in veteri Testamento probari potest. Exod. 34. 15. Nè incas pactum cum hominibus illarum Regionum, nè cum fornicati fuerint cum Diis suis, &c. Deuteron. 31. 16. Ecce tu dormies cum patribus tuis, & populus iste consurgens fornicabitur post Deos alienos in terra ad quam ingreditur, &c. Et Ezec. 6. 9. Fraus fui propter cor eorum fornicans & declinans à me, & propter oculos eorum fornicantes post Idola sua. *Idololatriam* igitur *Fornicationi* assimilari manifestissimum est.

Et sanè Ratio hujus *Icasm*i minimè est obscura, siquidem *Populus Dei*, illius *Sponsa* est, prout Deus etiam seipsum ejus *Maritum* appellat. Per quam Figuram innuitur summum humanæ Animæ fore gaudium & oblectationem si strictâ unione se cum Deo suo jungat sinceramq; se præstet in ejus fœdere, ejusq; officium esse sic facere, & singularem illum Religionis actum devotiq; Amoris qui ipsi debetur, in nullum aliud objectum ullo modo derivare debere, mentisq; nostræ oculum in eum solum oportere defigi. Hoc officium est cujusq; Animæ rationalis sive exteriori fœdere cum Deo conjuncta sit sive non. Et propterea ipsa *Ethnicorum Idololatria* hac ratione rectè Fornicatio dicitur, uti in primo illo loco Exodi, quem citavi. Verùm postquam externo etiam fœdere cum Deo conjuncta sit, Deusq; maritus illius tum jure tum de facto evaserit, Fornicatio tunc sanè duplo est atrocior.

10. Videmus igitur Analogiam *Fornicationem* inter & *Idololatriam*. Nam quemadmodum in *Fornicatione* specialis illa Passio propriiq; illius effectus, qui soli legitimo marito debentur, derivantur in aliam personam; ita in *Idololatria* summitas illa ac flos divinissimi nostri Affectus quæ Religiosa Devotio est & Adoratio cum externis suis signis soli Deo debitis, impenduntur exercenturq; circa aliquam Creaturam, sive Idola lignea lapideaque, sive quascunq; alias res quæ reverà non sunt Deus. Hæc fundamentalis Ratio est quod tam crebrò usurpatur hic *Iconismus* in sacris Scripturis.

Cui paucas alias congruentias insuper addere poteris, ut provocationem Zeli Dei adversus eos præsertim qui externum etiam fœdus cum eo inierunt; Pompam ac splendorem *Idololatriæ*, fuso respondentes meretricum, enormiq; se ornandi studio, quod Amasios suos illaqueent; Proclivitatem porro ac propensionem labendi in hoc peccatum, cum perinde naturale sit corruptæ huic conditioni Animæ visibilia cultus objecta deperire, atq; corpori est præcept ferri ad decerpenda illa gaudia quæ ex illecebroso quoq; objecto sibi obventura prælagit, nisi sublimior aliqua Lex utrobique

Prov. 30. 20.

nobis id interdiceret, Quibus superadungere potes *Insensibilitatem Conscientie*, in quam tam proclives sumus prolabi in utroq; peccato, dum secundo quasi flumine ferimur ad hæc vitia, tantq; *animali nostra nature* gratificatio inde obtingit. *Talis est via mulieris adulteræ* (utroq; sensu) *quæ comedit & tergens ac suum dicit, Non sum operata malum.* Et postremo, Quemadmodum in muliere quæ artibus usibusq; meretriciis assuescit, omnis ille amor honorq; qui suo debentur marito, extinguuntur; ita certè dum cultibus Idololatricis irretimur, suffocatur prorsus in nobis enecatq; Divinus ille sensus per quem Deo reverà fruimur, cujusq; vi nostrum erga eum officium dignoscimus, indispensabilisq; illas obedientiæ partes sapimus quibus eum verè honorare debemus.

Tam profundus sensus ac ponderosus occultatur sub uno hoc Prophetico *Iconismo* Fornicationis. Unde tam speciatim videtur affectari in *Apocalypsi* non solum per modum exprobrationis ob tam foedum peccatum, sed propter accuratam *Iconismi* significationem, ut qui tam verè plenèq; *Idololatriæ* naturam repræsentat.

11. *Messis*. Demessio segetis quàm aptè hominum interitum significet, ex illa apparitione duodecim virorum constare potest qui avenam certatim videbantur falci- bus defecare in *Merchia*, ex quo statim Pestilentia est subsequuta. Verùm illæ cades quæ Bello fiunt, multò adhuc aptius hoc typo exprimuntur. *Achmetes ex Indorum Onirocriticis*. 'Εστὶ ἰδὴ ἡ βασιλεὺς χόρευ δαυλῶν ἡ δεινὴταρ ἡ ἰσχυρὴ ἰσχυρὰ ἀνὰ αὐτῆς, ἐκείνη ταχὺς ἀπαρτὶς τοῦ λαοῦ αὐτοῦ. Si Rex somniaverit Regionem aliquam, quam propriam esse autumat, se videre demessam, subito auditurus est alicunde populi sui cedere esse factam. Hæc similitudo etiam in Scripturis occurrit. Jer. 51. 33. *Filia Babylonis quasi area, tempus tritura ejus adhuc modicum, & veniet tempus messio- nis ejus.*

Messis verò aliquando auspiciorem sensum habet, ut in illo Servatoris, Johan. 4. 35. *Erigite oculos & rura aspiciite ut jam alba sint ad messem, & messor mercedem accipit & sator fruges congerit ad vitam eternam, ut & sator simul gaudeat & messor.*

Mola. *Achmetes ex Onirocriticis Indorum*, cap. 194. 'Εστὶ ἰδὴ τῆς ἑπὶ τῆς πυλῶνος ἀλ- λήλα, ἡμεῖς ἀπαρτὶς ἡ ἰσχυρὰ ἐν τῇ ἑπὶ τῆς ἀναλῆψης τοῦ πόντου ἡ τῇ ἐκείνῃ τῶν ἰσχυρῶν, &c. Si quis somniaverit se molam habere molentem, res ipsius prosperos habiturae sunt exitus, victusq; fruetur affluentia, pro crassitudine ac amplitudine lapidum molarium, &c. Et cap. 195. ex Persarum & Egyptiorum Interpretationibus, 'Εστὶ παλὸς καὶ ἰσχυρὸς ἡ ἰσχυρὰ ἐν τῇ πύλῳ καὶ πύλῳ καὶ πύλῳ.

12. *Mons*. Mons varias habere potest significationes. Ut primò, significare potest *Templa* locosve sacros *Idololatrarum*, quorum crebra sit mentio in Scriptura sub no- mine *excelsorum* putà *locorum*. Jer. 3. 23. juxta versionem vulgarem *Latinam*: *Perd mendaces erant colles & multitudo montium, verè in Domino Deo nostro salus Israel.* Quem in locum *Grotius*: *Colles illi in quibus Idola celebrantur nos deceperunt.* Secundo, *Montes* significant *Civitates*. *Esaï*. cap. 13. 2. de *Babylone*; *In edito monte tollatur signum.* Forerius ex *Chaldeo Paraphraste*, *super munitionem quæ habitat pacificè.* Vulgaris versio *Latina* habet, *super montem caliginosum.* Super quo *Gro- tius*: *Id ideo, quia vetus Babylon in palustrihus locis sita erat unde ascendens vapor urbem obscurabat.* Jer. 51. 25. *Ecce ego ad te manus pestifer, ait Dominus, qui cor- rumpis universam terram, & extendam manum meam super te & evolvam te de pe- tris, &c. ubi Munsterus; Vocat Babylonem, inquit, montem ab edificiorum molem, cum urbs ipsa in planitie fuerit sita; & ex eadem analogia, Petras interpretatur de præfidiis turrium eminentium. Cui Vatablus & Clarus expressum consentiunt. Omnes verò montem hunc de Civitate Babylonis interpretantur. Et Zachar. 4. 7. Quis tu mons magne? ante Zorobabelem complanaberis. Grotius interpretatur de Babylone à Cyro diruta. Tertiò, *Achmetes* juxta sententiam Persarum, Indorum & Egyptiorum montes interpretatur de viris magnis & opulentis, cap. 144. ubi de Terræ motibus loquens eisq; rebus quæ ab illis subvertuntur, ὅς ἐστιν, inquit, ἡ ἰσχυρὰ, ἡ δεινὴταρ ἀναλῆψης τοῦ λαοῦ καὶ πύλῳ. Et postremo videtur intelligi interdum de integro Regno quod magnum evaserit. Ut Dan. 2. ubi lapis abscissus de monte sine manibus, ipse sit mons magnus terramq; implet universam.*

13. *Mors*. Mors est corporis atq; animæ dissolutio ac propterea non nisi ad natu- rale *Animal* propriè spectat. Verùm per analogiam ad corpora etiam *Politica* trans- ferri potest, quæ stylus Propheticus sub figuris *Animalium* personarumve singulari- um repræsentat, sive id fiat per simplicem appellationem *Viri* *Femine*, sive super- additis quibusdam viri vel femine natæ vel conditionibus, ut *Meretricis*, *Sponsæ*, *Testis* vel similibus. Jam verò quod *Vita spiritusq;* est ad naturale *Animal*, idem est

est Dominium & potestas ad figurativas Personas vel Animalia sensu Prophetica, utpote quæ corpora Politica sunt. Ac proinde quemadmodum naturalis vita læticia unius mors est, ita & analogæ vite perditio mors etiam est alterius. Cumq; spiritus sit in rebus omnibus etiam in eis quæ sunt inanimatæ, defectus exitusq; huius spiritus, per analogiam, earum rerum potest dici mors. Exempla sunt innumerabilia. Hoc tantum adjiciam, quod quemadmodum Idiomate Hebraico non esse idem est atq; mortuum esse, ita per analogiam in re qualibet quæ non est quod erat, in re qualibet utiq; quæ à priori conditione est mutata, hæc illius mutatio pro mortis quodam genere haberi potest, ut & mors ipsa vulgò mutatio appellatur.

Mundus. Vide Cælum & Terram.

14. *Mulier & mulieres.* Mulierem, schemate Prophetico, non significare unam aliquam foeminam singularem sed corpus politicum, jam supra notavimus. *Btenim vocem audio quasi parturientis, quasi cruciatum primò parturientis, vocem filie Sionis, Jer. 4. 31.* Verùm hoc schema tam frequens est ut prorsus supervacaneum sit pluribus exemplis insistere. *Sion* hîc, hoc est, illius incolæ, *Filia* vocatur eo sensu quo Puellam nobilem ac delicatulam significat. Est verò & alius sensus *Filiæ* qui conspicuus est, apud *Ezechielem*, ubi *Jerusalem* meretricem vocat, cap. 16. v. 35. *Propterea d meretrix, audi verbum Domini, &c.* declaratque, longius in criminatione sua sive querela progressus, ut *Hierosolyma* cum suis filiabus pejor erat quàm suæ sorores duæ *Sodoma* & *Samaria*, cum suis filiabus, quæ tamen v. 45. dicuntur viros suos respuisse, hoc est, meretrices fuisse & commississe Idololatriam. *Metropolis* igitur cum minoribus oppidis *Mater* ac *Filiæ* sunt, & consequenter mulieres omnes, & si Idololatricæ, tales quidem mulieres quæ illos inquinaturæ sint qui cultu publico cum eis fuerint conjuncti.

Cæterum alijs etiam sensus superest huius symboli *Mulieris*, non *Politici* quidem sed magis *Physici*, *Cabbalistici*q; quatenus vitam, sensum, sapientiãq; carnis significat. Hæc *mulier* est à qua summoperè nobis cavendum est nè cum ea coinquinemur, nimio scilicet affectu ejus suggestiones amplectendo, nimisve intimè cum ea compatiendo, sapiendove eas voluptates quibus nos illaqueare velit animũq; nostrum ac voluntatem quàm arctissime sibi hoc pacto constringere. Neq; enim sola *Idololatria* sed & aliq; omnia enormia vitia in nobis oriuntur ex eo quod falsis consilijs hujus *Eve* domesticæ auscultemus.

15. *Navis.* Quod *Navis* perinde ac *Mola* Hieroglyphicum esse possit *lucra*, quivis facile intelligere potest modò *Mercaturam* consideret. *Achmetes* secundum mentem *Egyptiorum* & *Persarum*, cap. 180. 'Εάν τις τις ὅτι ἀλλοτρίαν πλοῖα, πλοῖα προσήκουσιν ἀνδράσι τῶν πολλῶν ἔσται. Si quis somniverit se naves edificare, opulentus evadet pro ratione numeri navigiorum quæ edificaverit. Verùm antecedenti capite, juxta doctrinam *Indorum* Interpretum. 'Εάν τις τις ὅτι ἐπιβῆται πλοῖον ἡμετέριον, συναρπάξει ἀνδρῶν διὰ τὴν θύραν τοῦ πλοῖου. Quæ profectò Interpretatio est ab extremis usq; *Indis* petita. Nec facile sanè conjicere possumus cur *Navis* significet cætum hominum, religiosorum quorundam mysteriorum celebrandorum gratiā congregatum, nisi Navigium concepiamus Templum representare. Quod cur faciamus equidem nescio, nisi quod *Naves* ædificia sunt determinata ac solitaria ad instar *Templorum*, non sibi invicem conjuncta, non sanè magis quàm *Templa* alijs ædificijs. Quod verò *navis* imperatū dicitur, *Navis* mercatoria; ad *lucrum* Sacerdotis fortean è sacrificijs & oblationibus *Idolis* factis proveniens, ea in re alluditur. An verò obscuriores aliqui recessus in *Nave* representare possint *Adyta* in *Templis*, nescio. Hujusmodi particulatim persequenda per otium disquirendaq; cujusq; Imaginationi relinquo.

Nota. Vide Character.

16. *Nubes Cæli.* Phrasi scripturali videntur significare gloriam magnam ac potestatem. *Achmetes*, cap. 194. 'Εάν τις ὁ βασιλεὺς ἐπὶ τῶν πλοίων ἐκ τῆς θαλάσσης ἐλθὼν, ἐκ τῆς θαλάσσης ἐλθὼν ἐκ τῆς θαλάσσης, secundum mentem *Persarum* & *Egyptiorum*. Et cap. 162. secundum *Egyptios*, *Persas*, & *Indos*. 'Εάν τις ὁ βασιλεὺς ἐπὶ τῶν πλοίων ἐκ τῆς θαλάσσης ἐλθὼν, ἐκ τῆς θαλάσσης ἐλθὼν ἐκ τῆς θαλάσσης. Et rursus in eodem capite. 'Εάν τις ὁ βασιλεὺς ἐπὶ τῶν πλοίων ἐκ τῆς θαλάσσης ἐλθὼν, ἐκ τῆς θαλάσσης ἐλθὼν ἐκ τῆς θαλάσσης. Quorum omnium sensus hic est, Quod *Inequitatio* nobis *Ascensio*q; in cælum, bonam ac prosperitatem, successumq; adversus inimicos & potestatis dignitatēq; amplificationem significat.

Nuditas, intelligitur aut spiritualiter, ut *Apoc. 3. 18.* nempe *Divinis* gratijs nos esse destitutos, aut sensu magis vulgari, afflictionem, paupertatem & ignominiam significat. *Achmetes* ἐκ τῶν ἱερῶν καὶ γυμνῶν. 'Εάν τις τις ὁ βασιλεὺς ἐπὶ τῶν πλοίων ἐκ τῆς θαλάσσης ἐλθὼν, ἐκ τῆς θαλάσσης ἐλθὼν ἐκ τῆς θαλάσσης. Vide etiam cap. 117. ubi occurrunt quæ eodem faciunt.

17. *Ovis.*

Top. lib. 1.
cap. 14.

17. Occisi. Vide Resurrectio & Mors.

Oculus. Lux corporis, inquit Servator, *Oculus est*. Et *Aristoteles*, οὗτος ὁ οὐρανός, οὗτος ὁ ψυχῆ, *Oculum utiq; Animæ, mentem esse sive Intellectum*. Aded ut manifestum sit oculum esse *Iconismum scientiæ*, ut *Tenebræ cecitasq; sunt Ignorantiæ*. Quæ locutio est quæ trebrò occurrit in Scripturis.

Est autem peculiaris aptitudo in oculo ad significandam *humanam sapientiam* profectionemve *Politicam*; siquidem illud corporis organum non solum in *Capite* situm est, sed & præcipuus illius dux est totiusq; corporis, ut qui longius multò pertingere potest celeriusq; procurrare quàm quivis alius sensus. Quamobrem prospiciendi quidem in longitudinem, hoc est, sapienter maturèq; consulendi de rebus rectè administrandis, adinveniendiq; tales rationes quæ ad summæ rerum securitatem maximè facturæ sint & ad promovenda Reipublicæ commoda, *Oculus* profectò hujus peritiæ *symbolum* est significantissimum. Quod & *Ægyptii* videntur innuisse in noto illo *Hieroglyphico*, *sceptro scilicet cum oculo in ipsius summitate posito*; ubi palàm est oculum significare sapientiam illam *Politicam* profectionemq; ac consilium quæ necessaria sunt ad Rempubicam rectè administrandam in maximam illius securitatem atq; amplificationem. *Oculos* verò *Divinæ etiam Providentiæ* administrationem significare videtur innui Zachar. 4. 10. cui tamen hic non est insistendi locus.

C A P. VIII.

1. Paradisus. Pardus. Parturientis dolor. 2. Philtrum, οἶον θυμῷ, *virus esse amatorium*. 3. Verba Magica adhiberi solere in miscendis Philtris. 4. Piscatura. Pisces in mari mortui. 5. Pluvia. 6. Ranæ. 7. Resurrectio. Interfici vel occidi significare etiam Politicè. 8. Rex & Regnum. Rubrum. 9. Sancti. 10. Sanguis. 11. Sepultura. Serpens. 12. Sol, Luna & Stellæ; *spiritualis significatio Solis & Lunæ*. 13. *Secularis eorum significatio in genere*. 14. *Significatio eorum magis particularis eo in sensu*. 15. *Quonam sensu Rex Babylonis vocetur* 7777 sive Lucifer, *Occidentalisq; Cæsareatus Stella, in Apocalypsi*. 16. *Stellarum significatio magis mystica; quidq; ἀντὶ τῶν πλῶτων significet*. Sole adusti. Statera.

1. **P**aradisus. *Achmetes*, cap. 8. juxta *Indorum* Interpretum sententiam; *Si quis somniaverit se Paradisum intrasse, eum salvatum iri significat*. Ἄλλα ἔπλετο νοσηνὸν αὐτοῦ ἐπιτυχίαν σημαίνει. Verum significat etiam divitias mundanæq; prosperitatem. Et statim post de fructibus Paradisi: Ἐάν τις ἰδῇ τιν, inquit, ὅτι ἔφαγεν ἐκ τῶν καρπῶν τῶν δένδρων, αὐτὸς ἐνέσται ἐν τῇ γῇ αὐτὸς σοφίαν καὶ γνῶσιν, διότι οἱ καρποὶ οὗ παραδείσου λόγος δύνει καὶ ἀγαθὸν τοῦ χαίρειν. Si quis somniaverit se edisse fructibus arborum, inventurus est cum Fide sua Sapientiam & Cognitionem, quippe Paradisi fructus Notiones sunt divine atq; utiles.

Pardus. Achmetes cap. 272. ὁ πάρεσθαι εἰς ἐχθρὸν ἀδιάρκῃ καὶ καλῶν. *Pardus significat Inimicum irreconciliabilem*. Et in eodem Paragrapho; Si quis Dux belli somniaverit se pugnare cum hoc Animale, ἐνέσται πάλαν καὶ ἐχθρὸς θανάτου καὶ δολῆ καὶ ἀποφύβου. Cum hoste potente, fraudulento, & formidoloso bellum est gesturus.

Parturientis dolor. Vide Dolor parturientis.

2. *Philtrum*. *Philtrum* est Potio amatoria, Virus amatorium, Compositio ad amorem extorquendum ab eo qui eam biberit. J. *Medus* illud Apocal. 14. 8. *Vinum scilicet iræ scortationis suæ* (quod in Textu Græco est ἐκ τοῦ οἴνου τοῦ θυμῷ τῆς πορνείας αὐτῆς) *Philtri* facit periphrasin. Quod igitur sic reddit, *ex vino veneficii scortationis suæ*. Quemadmodum enim vox *Hebraica* נֶחֱם significat & iram & venenum, ita vox *Græca* θυμὸς eadem significat; sicut planissimè constat ex uno illo loco Deuteron. 32. 33. *Venenum draconum vinum eorum & venenum aspidum crudele*. Quod septuaginta reddunt, θυμὸς δρακόντων ὁ οἶνος αὐτῶν καὶ θυμὸς ἀσπίδων ἀναισθητός. Sunt & alia multa loca Scripturæ quæ eodem spectant. Vide *Grotium* in locum. Quamobrem ὁ οἶνος τοῦ θυμῷ idem est quod vinum venenatum, tali utiq; sensu quò *virus* esse possit *amatorium*. Quam enim aliam Portionem par est in manu esse meretricis, talis præsertim quæ dicitur ἐν τῇ φαρμακείᾳ αὐτῆς, per veneficium suum ac incantationem Nationes terræ seduxisse, hoc est, per poculum suum incantatum, ἐν τῇ οἴνῳ τοῦ φαρμάκου τῆς πορνείας αὐτῆς; Nam φάρμακον significat venenum perinde ac θυμὸς.

3. Ritus

3. Ritus verò Magicos ac Incantamenta in miscendis his Potionibus amatoris adhibita fuisse in Poëtarum scriptis passim famigeratur, ut apud *Juvenalem*, Satyr. 6.

Hippomanes carmenq; loquar coctumq; venenum.

Et prope finem illius Satyræ,

*Hic magicos affert cantus, hic Thessala vendit
Philtre*

Quæ planè innuunt *Philtre* fieri per *Incantationem* & *veneficium*. Et *Virgilius* sanè de superstitiosa collectione *Hippomanis*, potentis, ut creditur, in hujusmodi effectis efficiendis, idem notat, *Georgic.* 3.

*Hippomanes quod sæpe male legere Noverca,
Miseruntq; herbas & non innoxia verba.*

Et postremò *Ovidius* lib. 2. de Arte amandi.

*Non facient ut vivat amor Medeides herba,
Mistq; cum Magicis Marfa venena sonis.*

Quæ omnia loca cum multis aliis abunde nos erudiunt de natura *Philtre*, eam *Potionem* scilicet esse *Magicam*, & per certos quosdam ritus, legesq; *Incantationis* ac *veneficii*, qualiacunque, quæ vocantur, *Ingredientia* fuerint, superstitiosè mixtam; ac proinde τὸ εἶναι τὸ δυνάμει, vinum *veneficii* *Philtrumve* redditum, quod est *virus amatorium*, optimè consentire cum παρρησία cum *veneficio* meretricis (*Apoc.* 18. 23.) memorato; cujus cum accusata sit, nec ulla illius improbitatis indicia præter poculum quod manu tenet, in ea appareant, maximè omnium verisimile est illic quidem reperiri.

4. *Piscatura*. *Artemidor.* lib. 2. cap. 14. λαμβάνειν ἰχθύας ὅμα πολλὰς ἔμμεγας ἀγαθὸν ἔστιν αἰεὶ φέρει πᾶσιν. Somnare de piscium captura multorum magnorumq; bonum est, *lucrumq;* portendit omnibus qui ita somniaverint. *Achmetes* cap. 178. ἴδαι ἰδὲ ἴτι ἰχθυοῦσιν ἰχθύας ἐν τῇ θαλάσσῃ θάλασσαν, ἐνέσει πλοῦτον, &c. Si quis somniaverit se pisces inescatos cepisse in mari, divitias inventurus est, &c.

Pisces in mari mortui, *Artemidor.* lib. 2. cap. 18. ἰχθυὶ νεκροὶ ἐν θαλάσσῃ ἴδαι δακνὴν ἢ ἐνέσει, ἐν ἀγαθὸν μάλα γὰρ ἰστίδας σημαίνει, ἔτι τὰ περισσεύοντα ἐκ ἰστίων τελεσθῆναι. Si pisces mortuos in mari videaris somnare non est bonum: significat enim spes nostras irritas fore, nec quæ expectamus unquam eventura.

5. *Pluvia*. *Pluvia* significare potest puræ cœlestisq; doctrinæ refectionem. Ut in *Deuteronomio* cap. 32. 2. De stillabit in modum pluvie doctrina mea, sicut ut ros oratio mea, ut imber in stirpes, ut minuta pluvia in herbas. Item *Pacem* & *Justitiam* per supremam Potestatem, *Psal.* 72. 6. Regnum Christi eo modo describitur. Erit quasi descendens in detonsa prata pluvia, ut terram irrorans imber. Florebunt ejus tempore boni, multaq; pax donec desinet esse Luna. Similiter *Hosæ* cap. 10. v. 12. mentio fit de Domino adventuro depluturòq; *Justitiam*. *Achmetes* ex solutionibus *Indorum*, cap. 171. ἢ βερεχθὲν εἰς ἀθήνας ἐκπλήσσειν ἔστιν εἰς ἕλκος διακρίσσειν. *Pluvia* in petitionis impletionem divinamq; misericordiam solvitur. Et proinde ait, Si quis somniaverit agrum suum pluvia irrigari, ἐνέσει πλοῦτον ἔστιν χάρις ἔστιν ἕλκος ἀπὸ τοῦ, divitias, gaudium & misericordiam à Deo inventurus est. Et paulò post, τὴν βερεχθὲν καθάπερ interpretatur τὴν κοινὴν ἐνέργειαν. Quò spectat etiam illud *Psalmiſtæ*, *Psal.* 68. 9. Tū pluviam magnificè tuum, ô Deus, patrimonium conspergebas, fessumq; recreabas.

6. *Rana*. *Rana* Hieroglyphicum est imperfectionis, inquit *Pierius*, ex doctrina *Sacerdotum Egyptiorum*; existimátq; observationem semiperfectæ generationis hujus Animalis è limo *Nili* quem is inundans in terram ejicit, huic Hieroglyphico occasionem dedisse. Quippe post hanc inundationem Fluvii, Animal hoc semi-formatum cernitur, partim *Rana* partimq; *Lutum*; quod & *Horus Apollo* expressim affirmat: ἔστιν ὅτι ἐστὶν τὸ πρὸ ἐνέσει μὲν αὐτὴν βαλεῖται, πρὸ δὲ λατρεῖ γινώσκει τινὲς ἐμπερίαν.

Hieroglyph.
lib. 29.

Lib. 1. Hieroglyph.
25.

Cæterum ex eo quòd è cœno limòq; gignitur, equidem idoneum eam ego symbolam existimo ad significandam illam sapientiam quæ supernè non est, sed ἰσχυροῦς, θυμικὴ ἔστι δαμονιώδης, terrena, animalis sive sensualis & dæmoniaca, zelo amaro comitata & irritatione in corde, uti *Apostolus* eo in loco innuit, sapientiaq; quæ supernè proficiſcatur,

ficiscatur, prorsus contraria, quippe quæ primò pura est nullis mundanis concupiscentiis inquinata, dein pacifica, nullas conflans dissensiones, non verbis scateq; & altercationibus rixisq; importunarum similibus asperarumq; ac dissonarum coaxationum Ranarum (ita Græcè dictarum ab illo ingrato strepitu, ac si βάρεχοι idem esset atq; βουλεχῆς, πρὸς τῆς τεχνύτης τῆς βοῆς, à canora asperitate strepitûs quem edunt) multoq; minùs ad bellum proclivis sanguinisq; effusionem aut ad instigandos Reges Principesq; ad eandem. Cujus flagitiosi studii rauca asperaq; horum animalium coaxatio aptissimum potest esse symbolum, tantòq; magis, si isti ad Bellum Buccinatores, homines supponantur tales, qui perinde molles sint & imbelles ac nuda hæc & limosa animalia, non magis idonei ad pugnam quàm illa, sed tantùm qui buccinatores sint & instigatores ad bellum & confusionem, idq; proprii lucri causâ, quippe qui fervidis illis declamationibus & vociferationibus sui ipsorum gratiâ utuntur, quemadmodum strepitus quem Rana edit linguâ fit introrsum versùs gulam suam conversâ. Unde hoc Animal videtur miserorum horum homuncionum viva admodum Imago. Artemidor. lib. 2. cap. 15. βάρεχοι ὅ ἀνδρες γούτας ἔχοντες βουλοχῆς περισμαίνουσιν Ranæ homines impostores & scurras significant. Quod certè non multùm abludit ab ampliori hac nostra descriptione ipsorum.

7. *Resurrectio.* Resurrectionem mortuorum sensum Politicum habere æquè ac Theologicum Physicùmq; manifestò constat ex Ezechiele cap. 37. 9. Atq; ille mihi, Vaticinare ad Spiritum, inquit, vaticinare homo, & dic Spiritui, sic dicit Dominus Jehova, A quatuor Regionibus veni ò spiritus & hos interfectos affla, ut reviviscant. Itaq; vaticinatus sum, sicut eram jussus, atq; in illa venit spiritus revixeruntq; & in pedes suos constiterunt, exercitus sanè maximus. Hoc intelligendum esse sensu quidem Politico de restitutione populi Israëlitiçi è servitute & captivitate in terram propriam, manifestum est ex ipsius Dei ore in versibus subsequentibus. Et ille mihi, Homo, inquit, hæc ossa sunt totum genus Israëlitarum qui sanè dicunt aruisse ossa sua, spem suam periisse, seq; excisos esse. Quamobrem vaticinare & eis dicito, sic dicit Dominus Jehova, Ego aperiam sepulchra vestra, & vos meos ex sepulchris vestris extractos in terram Israëliticam introducam, &c.

Unde palàm est, excidi, interfici & è mortuis suscitari, sensum, quod dixi, Politicum habere æquè ac Naturalem vel Theologicum, Resurrectionemq; Recuperationem esse ejusmodi Jurum ac Immunitatum quæ nobis ereptæ sint, & liberationem à persecutione, afflictione & servitute. Achmetes cap. 5. secundùm doctrinam Indorum; Ἐάν τις ἐν οὐρανῷ θάσσειται ἀνέσσειται νεκρῶν, ἐν ᾧ τότῃ θανάτῳ τις, ἐκ δὲ δικαιοσύνης περὶ θάσσειται. Et cap. 6. secundùm doctrinam Onirocriticorum Persarum, Ἐάν τις ἰδῇ καθ' ὅπτιος νεκρῶν ἔγερσιν, ἐν ᾧ τότῃ ἡ ὁψις, ἐκ δὲ δεσμῶν λύτρωσις ἢ θλίψεων ἀπολύτρωσις ἔσται. Et postremò secundùm Ægyptios, cap. 7. Ἐάν τις ἰδῇ καθ' ὅπτιος νεκρῶν ἔγερσιν, δεσμῶν ἐλευθερίαν ἢ πολέμου πάθειν σημαίνει. Quorum omnium simul sumptorum sensus est, Quòd Visa per somnum de mortuorum resurrectione, Justitiæ administrationem, & liberationem à bello, servitute & afflictione significant.

8. *Rex & Regnum.* Si Rex consideretur tanquam unum aliquod distinctum genus summæ Potestatis, quando pro supremo Gubernatore ponitur, aut Icaismus esse potest, (Nam supremus quisq; gubernator se habet ad suum corpus Politicum ut Rex ad suum) aut certè Diorismus, qui Prophetica quædam Synecdoche est, uti dixi, specièq; ponit pro genere. Verùm si ità se res habeat, quemadmodum Cl. Medus abundè probavit (in dissertatiuncula sua, Quòd Regnum Romanum est quartum Regnum Danielis) quòd Rex utiq; & Regnum Hebraico idiomate æquè amplum significationis usum habet ac summa Potestas illudq; corpus quod ei subicitur sive Regnum sit sive Respublica, tum certè vocem Rex pro qualibet summa Potestate promiscuè usurpare (ut βασιλεὺς appellatur Apoc. 17.) Hellenismus tantùm est, & Interpretatio septem inibi capitum per septem Reges solutionem requirit nec in Diorismum nec Icaismum, sed tantùm in Henopæiam, quantum scilicet ad ea capita, quæ supponuntur tales esse summæ Potestates quæ penès multos sint.

Quòdq; porrò dicuntur septem Reges non septem genera Regum, ea certè non est inutilata loquendi formula. Dicimus enim, Quatuor morales virtutes, Quinq; sensus, Tria Principia Physica, Quatuor Passiones, & sic de reliquis. Ità quatuor Bestiæ apud Danielem quæ dicuntur ascendere ex mari, sunt quatuor genera Bestiarum, non Individua ejusdem generis. Et duo Testes in Apocalypsi sunt duo genera Testium, quemadmodum & Grotius ipse agnoscit.

Cæterùm, nisi esset quòd usus hanc loquendi formulam nobis familiarem reddiderit, septem certè genera Regum septem Reges appellare Diorismus esset, quippe quòd sermo magis restrictus est & determinatus. Nam Individuum magis determinatum

natum est quàm *Species*, & *Species* quàm *Genus*. Tam parùm in eo difficultatis est; quòd septem genera supremorum Gubernatorum septem Reges appellantur, quemadmodum fit in hoc loco *Apocalypseos*, cap. 17. 10.

Rubrum. Quòd Rubrum Rufumve symbolum fit sanguinolentæ crudelitatis barbaræq; persecutionis, intellectu adedò obvium est ut minimum operæ pretium videatur notasse. Quisq; agnoscit, quòd *ῥοῦθρον μέγας μίπιδος*, Apoc. 12. draco ille magnus rufus cum septem Capitis ita appellatur propter suam sanguinolentiam sive crudelitatem. Quòd verò septimum ejus caput è rufo enascens corpore significat Bestiam hanc crudelem fore etiam sub septimo capite, ipsamq; hanc crudelitatem partem esse Imaginis Bestiæ, nemo, quod sciam, hætenus observavit.

9. *Sancti*. Prima *Sanctorum* Appellatio ad *Israëlitas* pertinet qui populus erant separatus, divisusq; à reliquis Nationibus Dominòq; sanctificatus, adhærendo legi quam ipsis dederat, nec contaminando seipsos *Idololâtricis* Institutis Gentium, Deuter. 33. 2. Dominus de Sinai venit & de Sier ortus est nobis; apparuit de monte Pharan & cum eo sanctorum millia. Hoc est, inquit Vatablus, cum populo Israel, quorum fuerunt quidem multa millia, licet non singuli sancti, tamen sancta fuerunt millia quòd Deus illos sanctificasset & in populum suum illos sibi segregasset. Et porro in subsequenti versu, Dilexit populos, omnes sancti in manu ejus sunt. Quod planè dicitur de *Israëlitis* secundum eum sensum in Exodo, cap. 19. v. 5, 6. ubi vocantur Dei peculium ab omnibus populis separatum, Regnumq; Sacerdotum & Gens sancta. Atq; sic esse quidem dicuntur si dicto audientes Deo sint, fœdusq; illius conferrent.

Unde facile intellectu est eos Christianos in hunc Titulum succedere qui purè Evangelici sunt, nec contaminant seipsos ullis *Idololâtricis* ritibus vel consuetudinibus contra mandatum fœdusq; Dei; eos scilicet sanctos esse peculiari hoc sensu ac separato quòd se cum ritibus Gentium non miscent, sed præcepta unici illius Magistri *Jesu Christi* strictè observant, Quod si sincerè constanterq; faciunt (& certè de sinceritate ipsorum minimum subesse potest dubium, cum vitam suam pro veritate profundere ipsi minimè dubitaverint) quamvis sanè haud usquequaq; sapientes sint, quantum ad rationes mundanas, aut prudentes & plausibiles, nec humanæ infirmitatis labeculis omni ex parte immunes, sunt tamen proculdubio sancti illi quorum tam crebrò in *Apocalypsi* occurrit mentio, verusq; Israel Dei, quibuscunq; sub asperitatibus durisq; Fortunæ conditionibus personarum ipsorum dignitas obveletur. Testes enim amiciendi erant facis per mille ducentos sexaginta annos.

10. *Sanguis*. Sanguinem Cædis esse *Hieroglyphicum* ipsa Providentia videtur supponere præmittendo subinde prodigium pluvie sanguineæ ante eruptiones Bellorum atq; Cædium, ut Historiæ referunt omnèsq; homines naturaliter interpretantur. Atq; ubi Apostolus ait, Nondum ad sanguinem usq; restitistis, sensus est ad mortem usque, *Hebr. 12. 4.* five mysticè five naturaliter intelligatur. Sed enim etiam illuc ubi mors mysticè intelligitur, sentio fit etiam sanguinis. Ut quando Prophetæ præcipitur ut denunciaret contra eum qui in legem Dei contumaci animo peccaverit quòd certò sit mortuus, de morte æterna loquens; tamen si hanc comminationem omiserit Prophetæ, sanguis de illius manu dicitur requirendus. Et cap. 14. 19. etiam mors naturalis, ubi nulla est sanguinis effusio, ita describitur. Si autem & pestilentiam immisero super terram illam & effundero indignationem meam in sanguine ut auferam ex ea hominem & jumentum. In quem locum Grotius rectè ex Chaldaeo Paraphraste, Omne mortis immaturæ genus sanguis Hebræis. Sanguis igitur mortem significat, & sanguineum, mortuum. Quoniam, prout scriptum est, in sanguine vita est. Atq; huic quidem consonanter Achmetes juxta sententiam Egyptiorum & Persarum. *Τὸ αἷμα σώζει τὸν ἀνθρώπον ὡς ζῶν ἰσχυρ.* Ubi effusionem igitur illius sanguinis oportet esse mortem. Et per analogiam, cujusvis rei virium abolitio illiusve potentie virtutisve, quæ est quod est, illius rei mors est, five res animata sit five inanimata.

Scorpins. Vide *Serpens*.

11. *Sepultura*. Ubi cadaver insepultum jacet, duplicem habere potest significationem, aut mortis magis ignominiosæ aut spei Resuscitationis ad vitam. Juxta primum sensum illud dicitur apud Ecclesiasten. Siquis vel centum liberos gignat & per multos annos vitam ætatis suæ proroget, & idem non modò appetitum suum bonis non exaturet, verum etiam sepulturâ careat, dico hunc deteriore conditione esse quàm abortum. Aliàs, non sepeliri, significare potest solummodò illud quod visio portendit ex omni parte non perfectum iri, siquidem sepultura omnium finis est ac consummatio, etiam ipsius mortis. Unde Leonas Syrus cum somniasset se mortuum esse non autem sepultum, Artemidorus interpretatur de isthoc eventû, quòd scilicet viatoriam adeptus

Artemidor. li.
4. c. 84.

adeptus esset non autem coronatus. Menander verò Smyrnenſis cùm ſomniaſſet ſe etiam ſepukum eſſe, Ludis Olympiis victor coronatus eſt. Quamobrem non ſepeliri, in viſionibus quæ bonum portendunt, malum eſt, in iis verò quæ malum portendunt, bonum. Et Achmetes expreſſim juxta ſententiam Indorum Interpretum, ἡ ἀνάστασις ἡμετέρας ἐκ τῆς γῆς ἐκείνης. Si quid deſit quò minùs deſunctus ſepeliatur, ſpem ſignificat reviviſcendi.

Serpens. Forma illa infamis ſerpentina quæ Adamum decepit atq; Evam eòſq; conjecit in rebellionem adverſus Deum, non poteſt quin cuius fidem faciat veriſimilimum eſſe, omne genus Serpentinum in Scriptura à Prophetis deſcriptum ad regnum referendum eſſe Diaboli. Vide Draco.

12. Sol, Luna, & Stelle. Sol & Luna aut ſpiritualem habent ſignificationem aut ſecularem. Spirituales ſignificationis Solis illud exemplum eſt ubi Chriſtus appellatur Sol juſtitie; uti ſit apud Prophetam Malachiam. Apoſtolus etiam ad Ephesios; *Expergiſcere qui dormis & ſurge ex mortuis, & Chriſtus tibi aſfulgebit.* Luna etiam habere poteſt ſignificationem ſpiritualement, ſi eam ſupponamus Moſaice Oeconomix ſymbolum. Quod certè meritò eſſe poteſt, tum quòd Lux ſit, multòq; obſcurior Lux quàm Lux Evangelii, tum etiam quòd admodum ſcitè ſic alludi poteſt ad Novilunia aliàq; Judæorum feſta quorum ordo omninò ab iſthoc Planeta dependebat. Vide J. Medium in Apoc. 12.

Quibus addere poteſ, Quòd quemadmodum Lex Moſaica comparatur Luna, ita Lux Evangelii Chriſti Soli comparari poteſt. Verbum enim Dei Luci comparari maniſeſtum eſt ex illo Davidis; *Lucerna pedibus meis verbum tuum, & lumen ſemitis meis,* magnàq; illa Univerſi Lampas Sol lumen clariffimum eſt in quo homines poſſunt ambulare. Unde vulgaris illa locutio, *Apricitas ſcilicet Evangelii,* laudabili proſectò Analogià formata eſt ultràq; nobis confirmat lucem Evangelii unam eſſe poſſe ex ſignificationibus ſpiritualibus Solis.

13. Secularis ſignificatio Solis atq; Luna eſt quando ſignificant Potentiam Gloriamq; mundanam. Idq; aliquando in genere ſenſive lato ſumpto, ut Jerem. 15. v. 9. *Occidit ei Sol cùm adhuc eſſet Dies.* Quod Targum reddit, *Gloria ipſorum ab eis tranſiit etiam dum in vivis erant.* Huic conſimile eſt illud Amos. 8. 9. *Faciam ut occidat in meridie Sol, terramq; clara die tenebris obducam.* Vatabl. Cùm eritis in ſupremo felicitatis gradu, tunc indè vos dejiciam & infeliciffimos reddam. Rurſus Eſai. 60. 20. *Non occumbet ampliùs Sol tuus tunc Luna occidet,* hoc eſt, Non-interruptam habebis gloriam ac proſperitatem, quemadmodum immediatè ſequitur. *Nam Jehova tibi luxerit aterna, ſinita tui luctus die.* In huiusmodi locis Sol & Luna ſenſum quidem non habent determinatum ad ullam particularem in Regno quovis Dignitatem, ſed gloriam illius ac felicitatem tantùm in genere ſignificant.

14. In aliis verò locis ſenſus particularior eſſe poteſt horum Luminarium. Etenim, quemadmodum Politicum Univerſum eſt æquè ac Naturale (ſicut etiam oſtendi) quòd cælum ſuum habet perinde atq; terram; ita oportet eſſe aliquid in cælo hoc Politico quòd Principalibus maximèq; conſpicuis Naturalis cæli partibus, Soli, Lune, Stellisq; reſpondeat. Unde conſequitur quòd is qui Princeps eſt in mundo hoc Politico, illius ſit Sol. Sicut conſtare poteſt ex exemplo quantumvis ignobiliiori, de corpore ſcilicet Oeconomico, Gen. 37. 9. ex Inſomnio nimirum Joſephi qui Solem utiq; Lunamq; & duodecim Stellæ eum adoràſſe ſomniavit. Quòd Jacobus interpretans, *Quorſum ſpectat illud ſomnium,* inquit, *ſili mi, An ego & mater tua atq; fratres te ſummiſſe veneratum veniemus?* Quamobrem ſi hæc ſymbola tam diſtinctè ſignificant in Familia, quòd tantùm Oeconomicum corpus eſt, multò magis credendum eſt ea ita ſignificare in corpore Politico.

Achmetes ſecundùm mentem Indorum, Perſarum & Egyptiorum, cap. 167. ἡ ἀνάστασις ἡμετέρας ἐκ τῆς γῆς ἐκείνης ἀναγελάλλας, & ἡ οὐρανὸς ἐκ τῆς γῆς οὐρανὸς οὐδὲν ἔστιν ἡμετέρας (in ſequenti capite eum appellat τὸν ἀντίστοιχον ἡμῶν τὸν ἐκείνου βασιλέα, ſecundùm, minorémve Regem) ἡ ἀφ' οὗτος ἐκ τῆς γῆς οὐρανὸς, & οἱ λοιποὶ τῶν μεγάλων ἀδελφῶν ἐκ τῆς γῆς οὐρανὸς ἀδελφῶν οὐ βασιλεὺς, quos ſequenti capite appellat τὸν ἡγεμόνα & πλουσίαν & τὸν ἡγεμόνα οὐ βασιλεὺς. Senſus quorum omnium breviter hic eſt, Quòd in Viſionum Inſomniorumq; interpretationibus Sol quidem ſemper Regem ſignificat, Luna illi poteſtate proximam, Planeta Venus Reginam, reliquæ Stellæ majores, Principes Proceràſve Regni.

15. Quòd tam præciſè ſcrupuloſèq; intelligendum non eſt quin ſi Regina non ſit, quælibet perſona dignitatis gradu tertia per Planetam Veneris repræſentari poſſit. Nam Venus hæc etiam Lucifer eſt quem Hebræi לְחָיִיךְ appellant, ſub quo magnus ille

ille Rex Babylonis repræsentatur, Eſai. 14. 12. *Quo modo delapſus es de cælo Lucifer Aurora fili, deturbatus ad terram qui Gentes opprimebas? Quod videtur adverſari Analogiæ Onirocriticorum quæ Solem ſtatuunt Regem ſignificare* *ἡγεμὸν*. At enim non aiunt *Stellam* eum ſignificare non poſſe, præſertim cùm computatur non quidem cum *Regni ſui Principibus* ac Magnatibus, ſed cum aliis *Regibus*. Nam ut plures *Soles* ſimul ſint in mundo, contra Naturam eſt. Quamobrem in huiusmodi caſibus Parabola deſumenda eſt de *stellis* tantùm, præcipuûſq; è *Regibus* maximâ ſplendidiſſimâq; Stellâ ſignificandus. Quam ob cauſam quum *Romanum* Imperium duos habebat *Cæſares*, alterum alteri minimè ſubordinatos, *Soles* illi rectè appellari non poterant, ſed *ſtelle*, quanquam maximè illuſtres ſanè ac ſplendidæ. Quod optime convenit cum Interpretatione Cl. *Medi* qui magnam illam Stellam quæ ad clangorem *Tube tertiæ* cecidit, de Occidentalis *Cæſareatûs* expiratione intelligit.

16. Sed enim & magis *mysticum* Stellarum sensum esse, ex promissio Christi videtur innui, Apoc. 2. 28. *Et dabo ei Stellam matutinam*; quanquam nec sensum *Politico* fateor hic excludi. Verum ubi Christus ait, *Ego sum Davidis stirps atq; genus, stella clara & matutina*, proculdubio illud intelligendum est in sensu *Politico*. Omnia enim Regna ei tunc se non submiserant, nec etiamnum se submiserunt. Ubi verò *Stella Angelos* significant, illud magis *Cabbalisticum* est. Apoc. 1. 20. *Septem Stellæ Angeli sunt septem Ecclesiarum*. Quo sensu etiam intelligendæ sunt Job. 38. 7. *Cum me laudarent simul Stellæ matutinæ, & jubilarent omnes filii Dei*. E quibus quotquot stationem suam non servârunt sed in hanc terrestrem pollutionem delapsæ sunt, Stellæ deciduæ dici possunt; ἀστροὶ οὗ τοῦ ἕσπερος οἱ τῶν γῆς πτανοῦντες, *Stellæ de Cælo in terram lapsæ*. Juxta quam rationem illud Apoc. 9. 1. καὶ εἶδον ἀστέρα οὗ τοῦ ἕσπερος πωλητὴν ἄνθρωποις τὸν γῆν, nihil aliud est quàm periphrasis lapsi alicujus *Angeli* vel *Dæmonis*, qui postea appellatur Angelus Abyssî, magnus quidem præfectus in Regno Tenebrarum. Quòd hic sensus sit, manifestum est ex eo quòd dicitur non πτωτὸς sed πωλητὴς tempore perfecto. Nec alienum fortè erit huc addere quod *Horus Apollo* de hoc *Hieroglyphico* enunciat: Ἀσὲρ παρ' Ἀργυροῖς πωλὶ παρ' οὐρανοῦ, πωλὶ δ' ἰσχυρὸν ἀνδρῶν ἀλλοτρίῳ. Lib. 2. Hieroglyph. 1.

Sole aduſti. Vide Aduſti Sole.

Statera. Vide *Trutina*.

C A P. IX

1. Tempus. Horæ. Dies. *Quoddam Dies Annum significat, Icasum esse.* 2. Mensium & Dierum ad Historiam impiorum ac justorum Appropriatio, Latitudoq; ex posteriori in computandis diebus 1260 Apocalypticis conclusa. 3. Templum. Tenebræ, 4. Terræ motus. 5. Thronus Dei. Tonitru, *Divini Auxilii Iconismus in dissipandis hostium copiis;* 6. *Aliæ illius expositiones magis mysticæ.* 7. Torcular; 8. *Spiritualem etiam eadem interitumve significare.* 9. Trutina. Vestitus albus, Venti. Universum. 10. Stylum Propheticum *tam determinatè intelligibilem esse ut Vaticiniorum interpretandi studium ob rei difficultatem, admodum iniquè sanè reprehendatur.* 11. *An singuli Parabolarum Visionumve symbolicarum apices in Redditionibus scèdandi sint, & de schemate Lemmatocosmesia sive Paraphyadiaz.* 12. *Regulæ quædam ad quas expendi possint Vaticiniorum Interpretationes ad dijudicandum quæ magis legitima sint ac genuinæ, quæ verò minùs.*

1. **T**empus. Tempus & Tempora ac dimidium Temporis apud Danielem significare tres Annos ac dimidium, Grotii etiam calculo comprobatur, nec certè ulli, quod sciam, Interpretes ea de re dissentiant. Verùm hæc loquendi Formula ad nullum Prophetiarum schematum quæ descripsi, referri potest; sed nuda duntaxat est *synecdoche Generis*, quemadmodum & *Hora synecdoche speciei* quando ponitur pro Tempore indefinitè brevi, sicut interdum fit, ut 1 Thess. 2. 17. Nos verò fratres orbatì vobis ad temporis momentum, &c. Textus Græcus habet *ὥς καὶ ὅτε* *Deus*. Item ad Philem. 15. Fortassis enim idèd ad tempus absuit ut eum reciperes in perpetuum, &c. ad tempus in Græco exemplari est *ὥς* *Deus*.

Hic usus vocabuli *Hora*, in stylo vulgari est, uti dixi, *synecdoche speciei*; *Diorisurus* verò ei voci subest in stylo Prophetico. Quantum verò ad *Diem* quando

stium, & exterruit eos & persecuti sunt Philistheos, & percusserunt eos usq; ad locum qui erat subter Bethoar. Quod siue intelligatur figurative siue naturaliter, per Israelismum profecto Imago erit ac figura liberationis Ecclesie ab hostibus suis in omnem posteritatem. David etiam suam ab inimicis liberationem ad hunc modum describit, Psalm. 18. *Intonuit de celo Dominus & Altissimus dedit vocem suam, grandis & carbonis ignis; misit sagittas suas & dissipavit eos, fulgura multiplicavit & conturbavit eos.*

6. Est verò & alia Tonitruum significatio magis *Mystica*, ubi Prophetiam Divinamve Revelationem significat per modum allusionis ad *קול רצוה* *filiam vocis*, quod unum Prophetie genus est. Talis erat vox illa de celo quæ de Salvatore Christo testimonium perhibuit, *Matth. 3. 17.* item *Johan. 12. 28.* ubi populus qui astabant dixerunt, *Tonitruum esse factum.* Vide *Drusum* in locum. Cæterum, præter hæc, *Tonitruum* ex se significationem habet *Prophetie*, cum alterum vox cæli sit *voxq; Dei* appelletur, altera verò à Deo editum Oraculum, quanguam id fortè externo aliquo modo non fiat, sed in intimis humani animi penetralibus, quod verum vivumq; est *Sanctum sanctorum Dei.*

Est verò & alius sensus, cujus *Tonitruum* capax esse potest, ut nempe symbolum sit specialis alicujus præultrisq; Promulgationis *Evangelii* populo alicui qui aut nondum illud audiisset aut saltem ipsi nondum assensus sit ritève ei crediderit, atq; hoc sanè per allusionem ad legem *Israhelitis* latam cum *tonitru & fulgure*; nè dicam etiam aliquà ratione habità ad modum quo Deus è nubibus de filio Christo testificatus est, per *Tonitruum* vocem declarans, se & nomen suum in eo glorificasse, rursumq; glorificaturum esse. Vide *Ignis*.

*Johan. 12.
28, 29.*

7. *Torcular.* *Torcular* Hieroglyphicum esse magnæ pressuræ & afflictionis, immò verò effusionis sanguinis magnæq; cædis, ipsius rei natura testificatur, compressio-nem intelligo uvarum usq; dum sanguis earum elidatur, quemadmodum appellatur *Deuten. 32. 14.* *Et sanguinem uva biberit meracissimum.* Ad quam quidem rationem Scriptura hoc symbolo utitur. *Lament. cap. 1. v. 15.* *Conculcavit generosissimos quosq; meorum in medio mei, indito adversum me conventu solenni ad frangendas meos juvenes, Torculari calcavit Dominus virginem puellam Judæam.* Et *Joel. cap. 3. 12.* *Concitantur & proficiantur gentes in vallem Jeholaphat, nam ibi sedebam ad judicandum gentes omnes undique. Immittite falcem, maturuit enim messis; adeste, descendite, nam refertum est prælum, redundant torcula, tanta eorum est improprietas.* Hoc intelligitur de magna cæde Inimicorum *Judæorum* in valle *Jeholaphat*, in *קולקלת* *Qalkalat*, quemadmodum *Septuaginta* reddunt.

8. Sed enimvero quamvis hîc *Torcularis Iconismus* cædem significet, copiosamq; sanguinis effusionem, meminisse tamen oportet mortem ipsam cædemq; non semper *Physicè* significare, sed interdum *moraliter*. Et quantum ad me, equidem nullus dubito quid illud *Esai. 63.* (*Quis est qui venit de Edom tinctis vestibus de Bosra, &c. & rursus, Torcular calcavi solus, & aspersus est sanguis eorum super vestimenta mea*) quemcumq; alium sensum habeat, habeat etiam talem aliquam significationem *Allegoricam*, qualem antiqui Patres de *Spiritualibus Christi* victoriis ei affixerunt, quam fusius explicandi suo loco dabitur occasio.

9. *Trutina.* *Libram, Trutinam, Stateramve, Justitiam* significare conceptu cuius obviū est, cum præcipuum sit *Justitie commutative* Instrumentum, aptissimūq; symbolum exactè ponderandi partiendiq; omnia, omniavè accuratè dispensandi. *Achmetes ex Indorum Onirocriticis, cap. 15.* *ἔστι τις ἰσοκαλὶ ὄργανον ζυγὸν ἐν τῷ τῷ καθύπερθε, ὅτε οἱ ἀνθρώποι ποιοῦντες καὶ λαμβάνοντες ἴσους ᾖ.* Omittò huc transferbere, ut *πλάστιγγας*, *bilancem* scilicet ad aures judicis refert, pondera in lances injecta ad argumenta ab utraque parte allata, quæ ipse sine omni partium studio debet ponderare. Et rursus in eodem capite, *ἔστι δὲ ζυγὸν ἰσοκαλὸν καὶ καθύπερθε, ὅτε οἱ ἀνθρώποι ποιοῦντες καὶ λαμβάνοντες ἴσους ᾖ.* Et rationibus sanè particularioribus de conditione *Bilancis* atq; *Jugi* porro differit; sed hæc sufficere existimo ad ostendendum quàm confessum *Justitie* symbolum sit *Trutina*. Idemq; insinuat *αἰὲ τῶν μέτρων* de *mensuris*.

Venti. Vide *Mare*.

Vestitus albus. Vide *Albus vestitus*.

Universum. Vide *Cælum & Terra*.

Volucres. Vide *Aves*.

10. Hæ sunt præcipuæ voces *Iconice* quæ in stylo Prophetico occurrunt, quæ si fortè plures numero videri possint, quàm quæ præsentis hujus Tractatus usui infer-viant, alienum tamen minimè reputo hanc operam insumpsisse propter ea quæ in *Mysterio Pietatis* mihi scribendi data est occasio. Ut nihil dicam de non ingrata earum utilitate

utilitate in genere ad præcipuas *Visiones* ac *Prophetias* in Scriptura intelligendas. Spéròq; me manifestum fecisse partim hoc *Iconismorum Alphabeto*, partim antecedentium *Schematum Prophetico* explicatione, quòd æquè facile sit *Vaticinium* vel *Visionem* ex hoc stylo *Prophético* in linguam vulgarem vertere, atq; est unam linguam per alteram interpretari. Quòdq; difficultas intelligendi *Prophetias* haud sanè major sit, postquam quis determinatum peculiarium ipsarum *Iconismorum* sensum notaverit, quàm si vulgari sermone scriptæ fuissent, in quo æquè frequentes sunt verborum *Homonymiæ*, atq; hîc *Iconismorum*; & quòd nemini proinde vitio verti æquum sit, quòd *Vaticiniis* Scripturæ intelligendis operam navaverit, non magis certè quàm quòd *Historiis*, cum ipsa *Prophetia* nihil aliud sit quàm *Historia* quædam *Anticipatoria*, quæq; semel impleta æquè manifesta *Historia* est atq; illa de qua nulla unquam facta est prædictio.

11. Atq; hæc de *Propheticis* tum *Schematibus* tum *Iconismis* dicta sunt; in quorum posterioribus recensendis spero me nihil ullius momenti omisisse; & quantum ad priora an quicquam illîc ullius momenti omisum sit, ex eorum judicio dependet qui in *Parabolis* (eademq; ratio est in *Visionibus symbolicis* quæ planè *Propheticæ* sunt *Parabolæ*) interpretandis uniuscujusq; *particulæ* *Parabolæ* tam accuratam rationem in *Redditiõne* habendam esse negant, ut singulis in *Parabola* ramusculis aliquid in interpretamento ex analogia semper *particulariter* respondeat. Quædam enim tanquam *παραβολὰς τινὰς*, quæ substantiæ *Parabolæ* adnascantur eivè ornatûs causâ agglutinentur, considerant, nullamq; in *Redditiõne* nisi fortè generalem habere debere significationem contendunt, inscitæq; esse *πεννύλας*, siquis articulationi hîc insudet investigandæ Analogiæ: ut in *Parabola* de grano *sinapis*, quod cum excreverit maximum sit olerum, adeò ut veniant volucres celi ut nidulentur in ramis ipsius. Hîc rudem *πεννύλας* esse volunt siquis in *Redditiõne* quærat quid ex analogia respondeat volucris celi; id enim generalem tantum habere significationem & ad illustrandam magnitudinem arboris tantum esse adhibitum. Quod idem proculdubio illi statuturi essent de illo loco *Apocalypseo*, *Et omnes aves saturatæ sunt carnibus eorum*; nempe significare tantum, plenam fuisse victoriam eademq; magnam. Sic in *Parabola Virginum*, Matth. 25. v. 9. *Ite verò potius ad eos qui vendunt & ipsæ vobis emite*. Insubidè hîc quæri contenderent, quinam sint illi qui in *Redditiõne* *Parabolæ*, hîc *olei venditoribus* respondeant: *παραβολὰς* enim tantum esse externi corticis *parabolæ*, ad nihil aliud adhibitam, quàm ut significetur impeditum iri eos aliquibus rationibus in Christi adventu quò minus introëant in gaudia cœlestia, qui jam de suo non habent quò tantæ felicitatis fiant capaces. Ad me verò quod attinet, equidem ingenuè fateor proniorem me esse ad singulos *Parabolarum* visionumq; *symbolicarum* apices spectandos, ad eorumq; reddendam rationem in ipsarum Interpretationibus. Quòd si graves doctiq; viri id aliquando *ἀσέβητος* fore contenderint, & intra modestiores limites esse subsistendum, non multum renitor. Isthoc verò concessio, quòd sint aliqua in *Parabolis* visionibûsq; *symbolicis* *particulæ*, quarum nulla in *Redditiõnibus*, five Interpretationibus, saltem *particularis*, habenda sit ratio, manifestum est hoc esse quoddam *Schema Parabolicum* vel *Propheticum*. Nempe quando aliqua *particula* *Visionis* vel *Parabolæ*, *Decoris* vel *ornatûs causâ*, externo adnasci cortici intelligitur, cujus nulla, nisi fortè in genere, in interpretamento habenda est ratio; quæ igitur cum exteriori *Parabolæ* visionisve cortici, ornatûs gratiâ, sic adnasci vel adhærescere concipiatur, *παραβολαία* vel *ἀπαραλογοποίητα* aptè potest appellari, intèrq; *Schemata Prophetica* eis nominibus recenserî. Quod sic obiter monuisse eis hominibus fortè haud inutile erit, qui nimium multis allusionibus rerum & analogiis non facile patiuntur mentem suam obrui.

12. Id solum jam superest, ut paucas adnectamus *Regulas* quibus indicari possit de *Vaticiniorum* Interpretationibus, utra utri sit præferenda & tunc concludamus.

Prima Regula.

Illâ Interpretatio quæ exempla approbata notâmq; styli Prophetici analogiam strictissimè observat, præferenda est eis quæ ad arbitrium formantur, privatâmq; Imaginationem Interpretis.

Fundamentum hujus *Regulæ* hoc est, Quòd præterquam quòd tutius est approbata exempla sequi quàm eisdem destitui, privatôq; sensui in totum indulgere, cum ipse stylus Prophetarum *peculiaris quasi* quædam *lingua* sit sive *dialektus*; necessitas præterea est res intelligendi juxta sensum ipsorum *dialekti* linguæve, non autem secundum id quod *nostra* fortecan sonaverit. Quod perinde ridiculum est ac si *Anglus* quis

quis auditâ Latinâ voce *Dux*, *Anates*, Hebraicâ verò דור, *Monedulam* ex sua lingua vernacula intelligeret. Et tamen æquè absonum est & incongruum Prophetarum *Iconismos* interpretari ad sensus aut *vulgares* aut nostros proprios. Ac si propterea quodd vitia ac virtutes pinguntur figuris *Fœminarum Bœstiarumve*, nos ideo eum sensum stylo *Prophético* applicaremus, cùm tamen semper significant corpus *Politicum*, etiam in eo ipso schemate ubi Inscriptiones abstractæ eis imponuntur, Zachar. 5. 7. ubi mulier in media *Epha* sedens dicitur *Impietas*. Per quam Fœminam nihilominus *Vatibus* decem Tribus intelligit in *Idololatriam* lapsas. Alij; Interpretes ad eundem sensum exponunt. Atq; sic *grandinem* interpretari de *duritie cordis* perinde est ac si quis *Græcam Latinumve* vocem ex proximo alicujus *Anglicanæ* vocis sono interpretaretur. Hoc certè esset *μπαβδύμν* εἰς ἀλλο γίνεσθαι ut *Aristoteles* loquitur, prorsusq; obliuisci ubi simus quidve rei simus acturi.

Secunda Regula.

Illâ Interpretatio quæ eundem sensûs tenorem in eisdem verbis, in eadem præsertim visione, observat, præferenda est illi quæ prorsum retrorsumq; cursum iterat, totq; ferè distinctas significationes voci affingit, quot locis distinctis occurrit in visione.

Testem alternantem omnes suspectum habent, vel potius pro certo convictum tenent falsimonii; & certè ejusdem vocis in una eademq; visione interpretationem variare *sine ulla solida ratione*, fraudulentæ quidem & coactæ Interpretationis clara est demonstratio, Interpretémq; ex mundani alicujus commodi sensu de via deflexisse, turpitèq; in sui gratiam vim Textui intulisse. Exempli gratiâ; Siquis sic interpretaretur *Iconismum Bœstie*, ut *Regnum* vel *Imperium* nunc significet, nunc verò *Personam* aliquam Imperii *singularem*, mox verò *enorme aliquod Imperii vitium* denotet, an non fœda hæc foret ac deformis rerum confarcinatio, præ ea Interpretatione *Bœstie*, quâ tale *Regnum* corpûsve *Politicum* in singulis Visionis locis significetur? Atq; alias quidem hoc genus Tergiversationes huc asferre possum, verum una hæc instantia hoc loco sufficiet.

Tertia Regula.

Illâ Interpretatio quæ ad res Religionis Dei; Ecclesiam spectat, quæq; ad utilitatem adificationemq; nostram facit maximè, verisimilior Interpretatio est, etq; longè præferenda quæ minùs ad nos spectat, sed supponere videtur Divinum Spiritum eas res prædixisse quæ ad Ecclesiæ utilitatem parum aut nihil facturæ sint.

Veritas hujus Regulæ non solum ex perpetuis vaticiniorum exemplis, ubi admodum rarè occurrunt ulla quæ Dei Ecclesiam speciali aliquo modo non respiciunt, (Nam & *Russi*, *Nigri Pallidiq; Equorum Sessores* erant quasi tot speculatores qui Ecclesiam de succedentibus rerum suarum Periodis certiores facerent) sed etiam ex ipsius rei ratione apparet. Nam si numerus Vaticiniorum hac mensurâ non limetur, quinam tandem illius futuri sunt limites, & si ultra hos sint aliqua, cur non de omnibus Nationibus rebûsq; earum data sunt vaticinia etiam absq; omni respectu ad Ecclesiam?

Apo. 6.

Regula ultima.

Eas verisimilins est Interpretationes veras esse quæ menti nullo occæcata præjudicio externove præpondio de via deflexæ suggeruntur, quàm eas quæ ab ejusmodi hominibus formentur quibus rerum secularium sensus, mundanæq; spes vel timores, ullæve inimicitia aut displicentia præpondium falsum agglutinaverit eorûmq; judicium partium studio infecerint.

Veritas hujus Regulæ vel primo aspectu manifesta est, usum verò illius fateor magis mancum esse & incertum. Quanquam enim satis constare potest in multis locis Interpretem præjudicio laborare propter aliquam earum rationum quas subindicavi; tamen cùm haud ità facile sit certò cognoscere an quis omni omnino præjudicio sit immunis, Applicationem Regulæ necesse est sanè eò difficiliorem repertum iri. Cæterum ubi certa deest demonstratio, cauta conjectatio in illius locum jure succedit. Nec certè est quodd de vi atq; usu hujus ultimæ Regulæ nimis solliciti simus, quippe qui Interpretem magis quàm Interpretationem respicit, & à qualitate potius Personæ arguit quàm ab operis soliditate, quod rectius per tres antecedentes Regulas examinatur aliq; firma Principia Rationis ac Scientiæ.

CAP. X.

1. Ordo & Introitus scrutationis Vaticiniorum, incipiendo à decimo septimo capite Apocalypseos. 2. Decimum septimum & decimum tertium capita idem subjectum adequatè tractare per duos Congruentiarum Parallelismos probatum. 3. Parallelismus Congruentiarum inter Bestiam bicornem & Meretricem Babylonis. 4. Parallelismus Congruentiarum inter septicipitem Bestiam cum decem cornibus in capite decimo tertio & septicipitem Bestiam cum decem cornibus in capite decimo septimo. 5. Parallelismus septicipitem Bestiarum in illis capitibus perfectè adequatum esse atq; exactum, ut & Bestiæ bicornis & Meretricis, excepto quòd ortus ejus omissus, exitium verò memoratum sit in capite decimo septimo, de quibus utriusq; sufficiens redditur Ratio. 6. Adequata horum Parallelismorum ratio demonstrata, decimo septimo & decimo tertio capitibus ità inter se comparatis ut unum constet ab altero totum imbibere, excepto solummodo quod supra exceptum est. 7. Quam Naturalis autem & incoacta hæc sit Imbibitio, per duorum capitum Compositionem mox plenius probatum iri.

1. **A** Tq; nunc tandem sanè spero nos satis instructos esse ad præcipuum nostrum Institutum prosequendum. Quod est, in Scripturarum vaticiniis, fœdæ hujus Christiani orbis in conditionem illam Antichristianam Apostasiæ, in quam vulgò notum est eum degenerasse, prædictiones ac præfigurationes notare. Quod faciemus eodem ordine quem in *Idea Antichristianismi* observavimus, incipiendo primùm à primo illo & eminentissimo membro *Antichristianismi*, *Idololatriæ*, quam per omnia illa vaticinia quæ eò digitum intendisse autumamus sive in *Veteri* sive *Novo Testamento*, notabimus. Ordiendo à decimo septimo capite *Apocalypseos*, quæ *Porta* quasi *Régia* est, quæ nos ad contuendas, summâ quidem quæ exoptari potest claritate & certitudine, omnes illas rerum futurarum scenas, quæ aut à *S. Johanne* ipso aut à *S. Paulo*, *Danielé* de Ecclesia Christi in eo, quem nos descripsimus statu, exhibentur, intromittet.

Quamobrem cùm tanti sit momenti verum sensum *Visionis* hujus capitis certò cognoscere, diligentia sanè haud ordinariâ (quod & cum æquali, ut spero, factum est successu) genuinum *illius* sensum indagare par esse putabam, credòq; me, (diligenter eam comparando cum visione capitis decimi tertii, atq; sic demonstrando utraq; capita eandem adequatè rem tractare, ut & strictè observando notam *Propheticorum Schematum* analogiam,) tam indubitatam significationis utrarumq; visionum claritatem elicuisse, ut nemo sit, nisi datâ operâ cæcutiat, quin distinctè illius decimi septimi capitis veritatem sit percepturus.

2. Utraq; hæc capita idem prorsus subjectum tractare, & ut magis particulatim loquar, *Bestiam bicornem* eandem esse atq; *meretricem Babylonis*, *septicipitemq; Bestiam cum decem cornibus* in decimo tertio capite, eandem omni ex parte esse atq; *Bestiam septicipitem cum decem cornibus* in capite decimo septimo, multiplices *Congruentiæ* inter binas priores, & inter binas posteriores in his duobus sequentibus *Parallelismis* abundè demonstrabunt.

3. *Parallelismus Congruentiarum inter Bestiam bicornem & Meretricem Babylonicam.*

Congruentia I.

Bestia bicornis Meretrixq; Babylonica utraq; Instauratrices sunt Promotricèsq; *Idololatriæ* in Imperio.

Congruentia II.

Utraq; regimen imperiūve exercebant in *Bestiam septicipitem cum decem cornibus*.

Congruentia III.

Utraq; aspirabant ad Majestatem Potestatemq; planè Imperialem.

Congruentia IV.

Utraq; miraculorum effectrices erant, vel Præstigiatrices quædam seu *Veneficæ*, idq; in eum finem ut *Idololatriam* instaurarent.

Congruentia

Congruentia V.

Utræq; Pietatis sunt simulatrices magnamq; præ se ferunt speciem omnia agendi Christi causâ, cum reverâ sunt interim *Idololatriæ* introductrices & *Antichristianismi*.

Congruentia VI.

Utræq; crudeles ac sanguinolentæ persecutrices sunt Sanctorum, Testiumq; *Jesu*.

Congruentia VII.

Utræq; ita describuntur ut Jurisdictionem habere intelligantur in totum Imperium tam *Orientale* quàm *Occidentale*.

Congruentia VIII.

Sedes utrarumq; ita notificatur, ut perinde intelligi possit *novæ Romæ* esse sive *Constantinopoli* atq; in *Roma veteri*.

Congruentia IX.

Utrarumq; sedes postea determinantur ad *Romam veterem*.

4. *Parallelismus Congruentiarum* inter *Bestiam septicipitem cum decem cornibus* in capite decimo tertio, & *Bestiam septicipitem cum decem cornibus* cap. decimo septimo.

Congruentia I.

Utræq; septem capita habent & decem cornua.

Congruentia II.

Utrarumq; corpora descripta sunt symbolis crudelitatis & *Idololatriæ*.

Congruentia III.

In utrisq; visionibus *Bestia* septiceps *Bestia* est quæ aliquo modo esse cessaverat, quæq; restituta est ac sanata rursusq; revixit.

Congruentia IV.

Tempus interitus sive Non-existentiæ utriusq; non erat diuturnum.

Congruentia V.

In neutra visione *Bestia* tam perfecte restituta est ut omni ex parte sit eadem, sed ut sit potius *Imago* prioris, vel ut ita sit quæ prior uno sensu, ut non sit quæ prior altero, unde appellatur *Bestia quæ non est & tamen est*, vel quæ erat, & non est & tamen est.

Congruentia VI.

Utræq; *Bestiæ* dicuntur ascendere è mari.

Congruentia VII.

Utræq; destinantur ad exitium, ut quæ Regnum Sanctorum non sunt quod duraturum est in perpetuum.

Congruentia VIII.

De utrisq; hisce *Bestiis* restitutis dictum est, eos quorum nomina in libro vitæ non sunt scripta, adoraturos illas esse atq; admiraturos.

Congruentia IX.

Septem capita in utrisq; capita sunt *Idololatriæ*.

Congruentia X.

Bestiæ occiduntur & è vita exterminantur sub sexto capite, restituuntur sive in vitam resuscitantur sub capite septimo.

Congruentia XI.

Decem cornua in neutra *Bestia* actu regnabant temporibus S. *Johannis*.

Congruentia XII.

Decem cornua in utraq; *Bestia* regnum inchoarunt cum *Bestia*.

Congruentia XIII.

Decem cornua in utraq; *Bestia* virtutem suam dant *Bestiæ*.

Congruentia XIV.

Bestiæ in utraq; visione bellum gerunt cum Sanctis.

Congruentia XV.

Sancti in utraq; visione tandem *Bestiam* vincunt.

Congruentia XVI.

Fides & constantia Sanctorum exercetur ab utraq; *Bestia*.

Congruentia XVII.

Tempus utriusq; *Bestiæ* à Deo dicitur determinatum, sanctisq; Prophetis esse prædictum.

M m m m

Congru-

Congruentia XVIII.

Sedes hujus *septicipitis Bestiæ* non definitur (sed libera relinquitur in utraq; visione) quamvis *Meretricis* sedes *Bestiæq; bicornis*, satis accuratè sit determinata. Quod mirabilem sanè consensum habet cum Eventis.

5. Hi sunt duo *Parallelismi Congruentiarum*, de quorum posteriori ausim affirmare, cum tam exactum esse atq; adæquatum ut *Parallela septicipitem Bestiam* inter capite decimo tertio, & *Bestiam septicipitem* decimo septimo totum exhauriant in utroq; capite quod ad eam Bestiam spectat. Prior *Parallelismus* non est ita accuratus cum origo *Bestiæ bicornis* nulli rei *Parallela* sit in *Meretrice*, exitiūq; *Meretricis* nulli rei *Parallelum* in *Bestia bicorni*, prout illic describitur. Quamobrem illud peculiare est in *Visione* capitis decimi septimi quod de supplicio *Bestiæ bicornis*, *Meretricisve* tractat, juxta ipsum Titulum Visionis. *Hæc tu, ostendam tibi supplicium sive damnationem Meretricis magnæ.* Hoc verò nullum argumentum est adversus *identitatem* personarum ipsarum, præsertim cum ipsa *Bestia bicornis* supplicio afficienda sit morteq; mulctanda eodem tempore quo ipsa *Meretrix*, quemadmodum facile demonstrari potest ex *synchronismis Apocalypticis*. Et quantum ad omissionem originis *Meretricis* quò minùs cum origine *Bestiæ bicornis* possit conferri, neq; illud certè ullum argumentum est contra ipsarum *Identitatem*. Equidem si origo *Meretrici* assignata fuisset quæ ab origine *Bestiæ bicornis* discreparet, aliquid momenti id fuisset habiturum; Nunc verò cum non sit nisi nuda illius omissio, nihil significare potest nisi accuratum quoddam artificium *exterioris* etiam *corticis visionum*, quæ decorum in rebus omnibus usquequaq; observant. Ac proinde, cum haud ita speciosum esset aut consentaneum Mulierem narrare è terra enatam (quanquam bruta sanè sic nata dicuntur Gen. 1. 14.) illius originis mentio perquam opportunè profecto omissa est, præsertim cum *Bestiæ inequitans* sit introducta.

6. Verum enimverò cum minor *Congruentiarum* numerus in utroq; *Parallelismo* (modò nullæ intermixtæ repugnantia apparerent) non posset quin validum futurum sit argumentum pro *Identitate* subjectorum *Visionum* in utroq; capite, nempe, Quòd *Bestia bicornis* ac *Meretrix* una sit, *Bestiaq; septiceps* in utroq; capite eadem; quàm planè nunc persuasos nos esse oportet de his *Identitatibus*, cum *Congruentiæ* horum duorum *Parallelismorum* (illis solis locis exceptis de quibus tam pulchram reddidi rationem) totam utriusq; capitis materiam prorsus exhauriant? Quod ut apertiùs constare possit, exponam vobis ante oculos totum caput *decimum septimum*, singulisq; versibus quicquid ei in capite *decimo tertio* parallelum sit, perpetuo ordine subjungam; videbimus enim quòd sic totum caput sit imbibiturum.

Apoc. C A P. 17.

1. Tunc venit unus ex septem Angelis qui habebant septem phialas, & locutus est mecum dicens mihi, Hæc tu, ostendam tibi damnationem meretricis magnæ sedentis super aquas multas.

C A P. 13.

Maxima pars hujus primi versûs capitis *decimi septimi Apocalypseos* sola *Introductio* est ad Visionem, nulla pars visionis ipsius, ac proinde nihil opus ut in *decimo tertio* capite quicquam illi occurrat *parallelum*. Cæterum ut *Meretricis* collocatio super aquas multas consentire videatur cum uno ex nostris *Parallelis*, suo loco notabimus, nempe in *Co-expositione* horum duorum capitum.

C A P. 17.

2. Cum qua^a scortati sunt Reges terræ, & cujus^a scortationis vino inebriati sunt incolæ terræ.

C A P. 13.

11---Sed loquebatur ut^a Draco.

12. Et facit ut terra & ipsius incolæ adorent Bestiam illam^a primam cujus curata fuerit plaga lethalis.

14. Dicens incolis terræ, ut faciant^a imaginem Bestiæ quæ gladio vulnerata fuit, & revixit.

C A P.

^a Parall. 1.
Congr. 1.

CAP. 17.

3. Cumq; me per spiritum in desertum transtulisset, vidi mulierem * insidentem Bestiæ a coccineæ, plenæ nominibus b blasphemiae, habenti c capita septem & cornua decem.

CAP. 13.

* Parall. 1.
Congr. 2.

15. Datūmq; est ei ut * animaret imaginem Bestiæ ut etiam loquatur Imago Bestiæ.

2. Erātq; hæc Bestia quam vidi, similis a Pardo, & pedes ejus ut pedes Ursi, & os ejus ut os Leonis. * Parall. 2.
Congr. 2.

5. Datūmq; est os ei loquens magna & blasphemias.

6. Aperuit igitur os suum ad b blasphemiam adversus Deum, ut convitiis afficeret nomen ejus & tabernaculum ejus, & eos qui in cælo habitant.

1. Tum vidi bestiam quæ habebat c capita septem & cornua decem.

c Parall. 2.
Congr. 1.

CAP. 17.

4. Erat autem mulier illa amicta a purpurâ & cocco, & inaurata auro, lapidibus pretiosis & margaritis, habens b poculum aureum in manu sua plenum abominationibus & immunditiâ scortationis suæ.

CAP. 13.

12. Ea verò a Potestatem prioris bestie omnem exercet in conspectu ejus.

13. Editq; signa magna aded ut etiam ignem faciat è cælo descendere in terram in conspectu hominum.

a Parall. 2.
Congr. 4.
b Parall. 1.
Congr. 4.

14. Et seducit incolas terre propter b signa quæ datum est ei ut faciat in conspectu bestie.

CAP. 17.

5. Et in fronte sua nomen scriptum, a Myſterium, Babylon magna, mater illa scortationum & abominationum Terræ.

CAP. 13.

a Parall. 1.
Congr. 2.

11. Deinde vidi aliam bestiam ascendentem è terra habentem cornua duo similia a Agni, sed loquebatur ut Draco.

CAP. 17.

6. Et vidi mulierem illam ebriam * sanguine Sanctorum & sanguine Martyrum Jesu, & miratus sum cum viderem illam, admiratione magnâ.

CAP. 13.

* Parall. 1.
Congr. 6.

15. Datūmq; est ei ut animaret imaginem bestie ut etiam loquatur imago bestie, & faciat ut quicunq; non adoraverit imaginem bestie * occidantur.

CAP. 17.

7. Tunc dixit mihi Angelus, Quare miraris? Ego dicam tibi mysterium mulieris & Bestie quæ a portat eam, quæ habet b capita septem & cornua decem.

CAP. 13.

a Parall. 1.
Congr. 7.
b Parall. 2.
Congr. 1.

11. Deinde vidi aliam bestiam ascendentem è terra habentem cornua a duo similia Agni.

1. Tum vidi Bestiam habentem b capita septem & cornua decem.

C A P. 17.

8. Bestia quam vidisti ^a fuit & non est, & ascensura est ex ^b Abyſſo & in ^c exitium abitura: & ^d mirabuntur incolæ terræ (quorum ^a nomina scripta non sunt in libro vitæ à jactis mundi fundamentis) videntes bestiam quæ erat & non est, & tamen est.

C A P. 13.

^a Parall. 2.
Congr. 3.
^b Parall. 2.
Congr. 6.

2. Dedit autem ^a ei Draco virtutem suam ac Thronum suum & Potestatem magnam.

4. Et adorârunt ^a Draconem qui dedit potestatem bestię, &c. Vide & verl. 3.

1. Tunc vidi bestiam è ^b mari ascendentem.

^c Parall. 2.
Congr. 7.
^d Parall. 2.
Congr. 8.

10. Siquis in captivitatem abduxerit, in ^c captivitatem abibit; si quis gladio occiderit, oportet eum gladio ^c occidi.

3. (Et ^a admirans universa terra secuta est bestiam.

8. Itaq; adorabunt eum omnes incolæ terræ quorum non sunt scripta nomina ^a in libro vitæ Agni mactati jam inde à jactis mundi fundamentis.

3. Et vidi unum ex capitibus ejus quasi ^a lethaliter cæsum, sed ipsius plaga lethalis ^a curata est.

^a Parall. 2.
Congr. 5.

14. Dicens incolis terræ ut faciant ^c imaginem bestię quæ gladio vulnerata fuit, & revixit.

15. Datūmq; est ei ut animaret ^c imaginem ut etiam loquatur Imago bestię.

C A P. 17.

9. Hic est mens quæ habet sapientiam, septem capita ^a septem montes sunt super quos mulier sedet.

C A P. 13.

^a Parall. 1.
Congr. 8.

11. Deinde vidi aliam bestiam ascendentem è terra habentem cornua ^a duo similia agni, sed loquebatur ut Draco.

C A P. 17.

10. Et Reges septem sunt, quinque ceciderunt, unus est & ^a alius nondum venit, & cum venerit oportet eum ^b breve tempus manere.

^a Parall. 2.
Congr. 10.

C A P. 13.

^b Parall. 2.
Congr. 4.

1. --- Quæ habebat capita ^a septem & super capita ejus nomen blasphemię.

3. Et vidi unum ex capitibus ejus quasi lethaliter cæsum, sed ipsius plaga lethalis ^b curata est.

C A P. 17.

^a Parall. 2.
Congr. 9.
^b Parall. 2.
Congr. 7.

11. Bestia autem quæ erat & non est is octavus est, & è ^a septem illis est, & in ^c exitium abiit.

C A P. 13.

1. Quæ habebat capita septem, & super capita ejus nomen ^a blasphemię.

10. Siquis gladio occiderit, eum oportet gladio ^b occidi.

C A P. 17.

^a Parall. 2.
Congr. 11, 12.

12. Decem autem cornua quæ vidisti, decem Reges sunt qui regnum ^a nondum acceperunt, sed potestatem tanquam Reges ^a unâ horâ accipient cum bestia.

C A P. 13.

1. Quæ habebat capita septem & cornua decem & super cornua ejus decem ^a diademata.

C A P. 17.

^a Parall. 2.
Congr. 13.

13. Hi unum consilium habent & vires ac potestatem suam bestię ^a tradent.

C A P.

CAP. 13.

1. Tum vidi bestiam è mari ascendentem quæ * habebat cornua decem.

* Parall. 2.
Congr. 13.

CAP. 17.

14. Hi cum Agno^a pugnabunt, & Agnus^b vincet eos, quoniam Dominus domino-
rum est & Rex regum, & qui cum eo sunt^c vocati & electi & fideles.

CAP. 13.

4. Quis similis Bestiæ? quis poterit^a pugnare cum eâ?
7. Et datum est ei^a bellum gerere cum Sanctis, & eos vincere.
16. Sed & facit ut omnes, parvi & magni, divites & pauperes, liberi & servi
accipiant charactrem in manu sua dextra aut in frontibus suis.
17. Et nè quis possit^a emere aut vendere, nisi qui habeat charactrem aut nomen
Bestiæ aut numerum nominis ejus.

^a Parall. 2.
Congr. 14.

10. Siquis in captivitatem abduxerit in captivitatem^b abibit, siquis gladio occi-
derit oportet cum gladio occidi: hic est patientia & fides Sanctorum.

^b Parall. 2.
Congr. 15.
^c Parall. 2.
Congr. 16.

CAP. 17.

15. Deinde dixit mihi, Aquæ quas vidisti, ubi meretrix sedet, ^a populi sunt &
turbe & gentes & linguae.

CAP. 13.

7. Et data est ei potestas in omnem^a tribum & linguam & gentem.
12. Deinde vidi aliam Bestiam ascendentem è terra habentem cornua^a duo similia
Agni, & potestatem prioris Bestiæ^a omnem exercet in conspectu ejus.

^a Parall. 1.
Congr. 7.

CAP. 17.

16. Et decem cornua quæ vidisti in bestia hi odio persequentur meretricem, & so-
lam reddent illam & nudam, & carnes ejus comedent & ipsam igne exurent.

CAP. 13.

Nihil est in decimo tertio hoc capite quod decimo sexto versui alterius respon-
deat: Verum ille versus accuratè respondet præcipuo Titulo visionis, qui est *Magnæ
Meretricis damnatio*. Hunc verò defectum certitudini Parallelismi nostri nihil dero-
gare jam supra notavimus.

CAP. 17.

17. Dens enim dedit in corda eorum ut faciant quod placitum est ei, & ut consen-
tiant dentq; regnum suum Bestiæ donec compleantur^a verba Dei.

CAP. 13.

^a Parall. 2.
Congr. 7.

5. Datúmque est ei os loquens magna & blasphemias, & data est ei potestas agendi
menses^a quadraginta duos.

CAP. 17.

18. Et mulier quam vidisti est urbs illa magna quæ^a habet regnum super Reges
Terre.

CAP. 13.

^a Parall. 1.
Congr. 9.

18. Hic sapientia est, Qui intelligentiâ præditus est, computet numerum Bestiæ,
numerus enim hominis est, & numerus ejus^a sexcenta sexaginta sex.

7. Atq; sic duas decimi tertii capitis visiones in visionem decimi septimi totas im-
bibitas videmus, exceptâ origine Bestiæ bicornis, qua de re rationem jam reddidi.
Naturaliter verò imbibitas esse, non per vim injectas, ex Co-expositione nostra quam
de

de duobus hisce simul capitibus formaturus sum, mox clarè constabit; ubi versus illos versuumve partes *decimi tertii*, quos singulis versibus *decimi septimi* subjunximus, unà cum illis versibus quibus subiecti sunt interpretabimur. Cæterum antequam hoc pensum aggrediar, viam primò muniam confirmando certam quandam *Positionem* quæ magni profectò momenti est univèrsalisq; Influentiæ ad dilucidandam demonstrandamq; veram significationem visionum in utrisq; capitibus. Quod pensum & diligentia & brevitate absolvam quantà possum maximà.

CAP. XI.

1. *Quanti sit momenti probare septem capita Bestiæ septem esse summorum Magistratum genera.*
2. *Demonstrationem, quòd septiceps Bestia Romanum Regnum Imperiūve Idololatricum significet, quatenus Idololatricum, multum conferre ad prioris Positionis probationem.*
3. *Bestiam septicipitem Regnum esse sive Imperium;*
4. *Et nominatim Romanum.*
5. *Idololatricum eam esse Regnum Imperiūve Romanum.*
6. *Eam Imperium hoc Regnūve Idololatricum esse per omnia illa secula quibus sit Idololatricum.*
7. *Romanum Regnum sive Imperium eam representare per ea sola secula quibus sit Idololatricum. Unde verus sensus cedis Bestiæ ulterioꝝq; confirmatio prioris Assertionis est intelligenda.*
8. *Adequatam hanc Representationem Idololatricæ durationis Imperii planè innuere nullas septem personas singulares septem illius capita esse posse.*
9. *Eadem Conclusio ex inusta Idololatriæ nota septem capitibus, cum plures septem immò univèrsi Imperatores Pagani Idololatræ essent, illata.*
10. *Uti etiam ex vulgari loquendi formula quando Animalia per partium numerum distinguimus.*
11. *Et postremò, ex eo quòd certum sit quòd caput septimum una singularis persona non sit sed successio.*
12. *Quæcunq; Interpretatio septem hæc capita personas esse singulares supponit, non falsam solum esse sed & impossibilem.*
13. *Ex his quæ probata sunt, sequi Bestiam, cap. 17. Apoc. Romanum esse Imperium in Paganismi quoddam genus relapsum.*
14. *Ut & Meretricem Babylonicam non Romam Paganam esse sed Pagano-Christianam.*
15. *Adventūq; Antichristi in extrema consummatione seculi Fictionem esse Chimæricam.*
16. *Verum argumentum Visionum decimi septimi & decimi tertii capitum Apocalypscos.*

1. **P**ositio cujus mentionem feci, quæq; tanti est momenti, hæc est, *Septem scilicet capita Bestiæ non esse septem personas singulares sive Imperatores, sive alios summos Magistratus, sed septem summorum Magistratum genera alia aliis succedentia.* Quo quidem demonstrato, abundè nobis illinc constabit quoddam argumentum sit, quisq; sensus genuinus *Visionum* horum duorum capitum quæ præ manibus sunt.

2. Et certè multum nos in demonstratione hujus tanti momenti *Positionis* proficisse deprehendemus, postquam conclusionem hanc quæ viam eò muniat, satis stabiliverimus; *Bestiam* scilicet *septicipitem* cum decem cornibus *Regnum* Imperiūve *Romanum Idololatricum*, quatenus *Idololatricum*, significare, hoc est, quando & quamdiu Idololatricum, nec ultrà. Cujus Propositionis veritati demonstrandæ operam dabo gradatim & per partes.

1. 3. Primò igitur, per *Bestiam Regnum Imperiūve* intelligi, nihil opus est hinc repetere, cum id in *Alphabeto Prophetico* satis luculentè probaverim, monuerimq; porrò in *prima Regula* de comparandis Vaticiniorum Interpretationibus quàm absolum sit atq; ridiculum *Figuras Propheticas* secundum approbatum sensum ratūmq; *styli Prophetici* usum non interpretari. Quibus demum addere potes, cum *septem Capita Bestiæ* intelligantur de septem Regibus in *successione*, decemq; cornua de decem Regibus ad eam eodem tempore pertinentibus, necesse est ut *Regnum* sit sive *Imperium*.

2. 4. Secundò, *Septicipitem* hanc Bestiam cum decem cornibus *Romanum Regnum Imperiūve* esse, præterquam quòd decem cornua quæ decacorni *Bestiæ* apud *Danilem* respondent (quam Ecclesia semper de *Imperio Romano* interpretata est) Vaticinium ad hunc sensum videntur determinare, *Meretrix* præterea *Babylonica*, quæ dicitur insidere *Bestiæ septicipiti*, quāmq; omnes *Romam* esse intelligunt, (*Alcazar* viginti minimū Interpretes assert) idem necessariò inferit. Et postremò, Interpretatio Angeli,

Angeli, qui septem capita Bestiæ significare ait septem Montes perinde ac septem Reges planè demonstrat Bestiam esse Romanam, cum montes Romæ montes sint. Quomodo enim fieri potest ut septem montes Romæ, septem capita Bestiæ dicantur, nisi Bestia Romanum esset Imperium?

Septem verò montes Romam denotare nec ipsa Ribera negare ausus est. Et Grotius expressè super Textu, *Noti satis montes ex Poëtis & Historiis, nec ulla potest ad describendam Romam adferri nota illustrior.* Estq; communis omnium Interpretum sensus. Et quantum sanè ad Montacutium Episcopum qui ad Imperium Turcicum vult extendi, qui jam Constantinopoleos possessionem nacti sunt (quam Historia septem collium mentione aliquo etiam modo nobilitavit) veterem tamen Romam ab Angeli Interpretatione non excludit. Caterùm Bestiam septicipitem Turcicum Imperium non esse, certitudine planè mathematicâ concludere possumus. Quippe quòd ea Imperium est quod per successionem quinque capitum etiam S. Johannis temporibus duraverat, cum Imperium Turcicum nè in rerum quidem natura esset, multis centenariis annis post. Nec ullum Imperium erat cujus Metropolis ob septem colles celebris erat præter Romanum. Unde summâ, quæ exoptari potest, certitudine concludere licet, Bestiam septicipitem cum decem cornibus Imperium esse Romanum.

5. Tertiò, Septicipitem hanc Bestiam Idololatricum Regnum Imperiûmve Romanum esse ex multis indiciis apparere potest. Et primùm, ex eo quòd ipse Iconismus Bestiæ, eo sensu quem vox Græca sonat, quæ *Βελος* est, hoc est, Fera ex seipso significat Regnum Imperiûmve Idololatricum, quemadmodum in Alphabeto Prophetico satis demonstravimus. Quod quidem solum sufficere possit ad evincendam tertiam hanc assertionis nostræ partem.

Caterùm præter hæc, notatu dignum est in unaquaq; visione in qua septiceps hæc Bestia repræsentatur, illud occurrere quod planè eam declarat Idololatricam. Ut Apocalyp. 12. Ibi Draco dicitur vel *Serpens*; Quod igitur necesse est esse Regnum aliquod Paganicum, Imperiûmve Idololatricum, quippe cujus figura est ipsa effigies Diaboli, cujus bellum adversus Ecclesiam Christi, ejusq; debellatio atq; casus Regni Christi exaltatio. Ipseq; Grotius hunc *ὁ δράκων ὁ μέγας* magnum hunc rufum Draconem, Martem, Dæmonem Politicæ Romanæ Præsidem, quæ æquè insigniter Idololatrix erat atq; crudelis, lubens agnoscit.

Jam verò sicut certum est rufum Draconem Imperium esse Romanum Idololatricum, ita septicipitem Bestiam, cap. 13. commemoratam, idem Imperium Idololatricum esse æquè certò indicatur, ex eo quòd Bestia est cujus plaga lethalis curata est, quam in conflictu cum Michaelis copiis acceperat, quòdque Draco dictus sit potestatem suam huic bestiæ tradidisse, Bestiâq; hæc Imago appelletur Draconis, qui tam lethaliter vulneratus erat. Et ex eo porro quòd capite 17. septiceps Bestia quæ illuc exhibetur, Bestia quæ erat, nominata sit. Et quis alius, obsecro, ille est quàm Draco? Ac proinde Draco hic redivivus sive hæc Imago Draconis non potest non esse Imperium Idololatricum, vel Imperium rursus in Idololatriam lapsum.

Et postremò, Nè Lector fortè non satis attentus sit ad observandam Idololatriam septicipitis Bestiæ in 13. & 17. capitibus ex eis rationibus quas ego nominavi, Spiritus Dei ulteriori expressiori; hujus notæ inuisione eam insignivit in utrisq; illis visionibus, nomina Blasphemie super septem illius capita collocando in 13. cap. & declarando corpus ejus plenum nominibus Blasphemie cap. 17. per Blasphemiam intelligens Idololatriam, quemadmodum Alphabeto Prophetico abundè probavimus.

6. Quartò, Has visiones exhibere Romanum Imperium ut Idololatricum, per omnia illa tempora quibus sic erat, aut erat futurum, hinc apparet, Primò ex generali natura harum Propheticarum Figurarum, ubi Bestia semper significat Regnum Imperiûmve integrâ suâ successionem & durationem, nisi quid fortè innuatur contrarium. Quod manifestum est tum ex illis exemplis Danielis, ubi quatuor Bestiæ significant totidem Regna cum integris suis successionibus, tum etiam ex ipsa natura illius Schematis Prophetici quam Henopæiam appellamus, quæ semper cum his Bestiarum Iconismis conjuncta est. Henopæia enim nihil aliud est quàm Collectio tam successionis quàm multitudinis in unam individuum Formam vel speciem, sive Humana sit sive Belluina.

Rursus, ex eo quòd septiceps Bestia cap. 13. dicitur Imago Draconis, eadèmq; Bestia cap. 17. Bestia nominatur quæ erat, qui proculdubio erat Draco, hinc etiam patet duarum illarum Visionum scopum esse Imperium repræsentare per omnia tempora quibus sit Idololatricum, per tempora Primitivæ suæ puræve Paganæ Idololatriæ, perinde ac Imaginis Instaurationisve illius per Paganicum quoddam Idololatricumq; genus Christianitatis. Vel plenius sic; Septiceps hæc Bestia sic repræsentatur

ut

3.

Cap. 5.

Apoc. 12.

4.
Vide cap. 3.
scilicet 6.

ut intelligas eam sub uno aliquo capitum suorum pugnasse & lethaliter vulneratam esse, postea verò revixisse; Item ad certum tempus extitisse, deinde verò existere desisse, postea verò rursus extitutam, & tum demum perituram in perpetuum. Quamobrem tota duratio Bestiæ videtur his finibus concludi, divisa in duas partes per mortem cessationemve Bestiæ ad tempus. Cujus sensus apertus hic est; Imperium scilicet Regnumve Romanum, fuisse ac futurum esse Bestiam, hoc est, *Idololatrium*, per certam temporis seriem, tunc verò sic esse ad certum tempus cessaturum, postea verò *Idololatrium* rursus futurum esse, & tum postea sic esse in perpetuum cessaturum. Hæ figuræ igitur Propheticae, Bestias has intelligo, quæ hunc sensum exhibent, necessariò duas has integras Temporis partes, quibus Imperium repræsentatur tanquam *Idololatrium*, supponunt. Quemadmodum is qui lineam dissecat, totam lineam in duas partes secat.

Quibus omnibus adjicere potes, Cum septem capita *Draconis* repræsententur tanquam actu coronata, quamvis quinq; eorum cecidissent tempore S. *Johannis*, nec nisi unum præfens esset, septimumq; propterea in rerum natura nondum existeret, ex eo planè constare, totam durationem successionemq; Bestiæ hic exhiberi simul. Quod & adhuc evidentius est ex eo quòd septimum caput est ultimum sub quo Bestia una cum illo capite perit, quemadmodum Textus ille Ellipticus proculdubio innuit, cap. 17. v. 11. Cujus sensus integer hic est; Et Bestia quæ erat & non est, caput ejus scilicet, is est octavus & septem illis est, eaq; cum capite suo abit in perditionem, quemadmodum plenius per occasionem notabo suo in loco.

Quamobrem consentaneum est concludere, Quòd primum caput ad primum Bestiæ vel Imperii *Romani* principium pertingit, æquè ac ultimum ad illius perditionem. Neq; hic superaddam, cum & *ῥῶμῃ* & *ῥωμαίων* Romanum Imperium æquè ac Diabolum connotet, eum antiquitatem perinde utriusq; connotare posse.

5. 7. Quiutò & ultimò, Quòd *septiceps Bestia Romanum Imperium non ultra repræsentat quàm quatenus Idololatrium*, (quæ pars ultima nostræ assertionis est) ex eo apparebit, quòd Imago hæc Prophetica sive Iconismus *ἑνὸς* sive *Feræ* non adhibetur ad repræsentandum ullum Imperium quod non sit *Idololatrium*, quemadmodum suprà notavi; ac proinde si poneretur pro Regno Imperiòve quod non est *Idololatrium*, confimile esset falsæ in verbis affirmationi, symbolicæq; reperiretur calumnia. Nomina etiam *Blasphemie* in capitibus & in corpore ejus, ineptiorem adhuc reddunt hanc *septicipitem Bestiam* ad repræsentandum ullum Regnum quamdiu ab Idololatria sit immune. *Vitam*, inquam, reddunt *existentiamq; Bestiæ* omninò ineptam.

Cædes verò Bestiæ ejusve exterminatio è rerum natura, significare potest Imperium aliquod, quod *Idololatrium* erat, & ex consequenti secundum stylum Propheticum Bestia, nunc cessare sic esse: Cùmq; *Romanum* Imperium, quatenus Imperium, nondum esse cessaverit, cessaret verò *Idololatrium* esse postquam *Constantinus* ad Fidem Christianam conversus esset, manifestum est *cædem* Bestiæ ejusve *existentiæ* *cessationem* intelligendam esse de illo statu Imperii. Nam à tempore *Constantini* usq; ad introitum rursus *Idololatriæ* in Imperium, *Bestia vivens existensq;* inepta illius erat imago, merâque, quod dixi, *Hieroglyphica* calumnia.

Cæterum, sicut *Bestia occisa*, durante tempore quo cæsa jacet, omne tempus quo pura Christianitas in Imperio florebat, complectitur; ita *Bestia nondum cæsa*, & post cædem ad vitam restituta, totum illud temporis spatium quo Regnum Imperiumve Romanum *Idololatrium* erat, comprehendit, illud perinde quod antecesserat florentem puræ Christianitatis statum atq; illud quòd succedebat. Quæ altera clara est confirmatio veritatis quartæ partis nostræ Assertionis.

8. Abundè igitur liquet ex eis quæ allegavimus, *Bestiam septicipitem cum decem cornibus* Imperium Regnumve Romanum *Idololatrium* significare, quatenus *Idololatrium*, hoc est, quando & quamdiu *Idololatrium* est, & non ultra. Quod unum argumentum est haud mediocris sanè momenti ad evincendum septem capita Bestiæ non septem esse Personas singulares aliis alias succedentes, sed septem summorum Magistratuum genera. Quæ enim Personæ septem tempus explere possunt durationis Imperii quamdiu *Idololatrium* esset, nec multos centenos annos (immò supra annorum mille) summo Magistratu destitutos relinquere, atq; sic Bestiam fingere tot secula absq; capite viventem? Quo nihil dici potest absurdius.

9. Verùm huic soli Argumento non innitimur, quanquam illud solum sufficere potest ad præcipuam nostram Thesin stabiliendam. Confirmari enim porrò potest considerando naturam ac descriptionem horum septem capitum. Nam id quo describuntur, intelligi debet tanquam character qui ea distincturus sit ab omnibus aliis Bestiæ capitibus.

capitibus (siqua sint alia præter ipsa) quæ omiſſa ſint, & ſignificaturus hæc quæ hoc caractere inſigniuntur, omnia omnino eſſe quæ huius ſunt characteris. Ac proinde quando *ſeptem hæc Capita* dicuntur *ſeptem Coronas* geſtare (niſi eſſet ut diſtinguerentur à ſeptem montibus quibus Coronæ non tam propriè competunt) quærerem ex iis qui *ſeptem hæc capita, ſeptem Romanos Imperatores* faciunt, an ſeptem ſolummodo *Romani Imperatores* coronati eſſent? Sed ipſe quæſtioni à me propoſitæ jam reſpondi, agnoſcendo *ſeptem capita* geſtare *ſeptem Coronas*, ad ſenſum determinandum eo in loco ad talia objecta quorum proprium ſit Coronas geſtare, nempe ad *ſeptem Reges*, nè cuiuſquam Imaginatio ad ſeptem montes collèſſe divagetur.

At enimvero, cùm in ſubſequenti capite, *ſeptem hæc capita* (Nam eadem eſſe quæ cum *Michaële* pugnaverant, ex eo apparet, quòd unum ex ipſis repræſentatur tanquam lethaliſter in prælio vulneratum) dicantur inſcripta ſibi habere nomina *blaſphemie*, hoc eſt, *Idololatriæ*, inſtanter rogo, an plures non erant *blaſphemi* ſive *idololatrici* Imperatores in tota *Romana* ſucceſſione quàm *ſeptem*? Et reſpondere ſanè audeo, nihil morando conſenſum Adverſariorum, fuiſſe plures. Ac proinde *ſeptem ſingulares* Imperatores per *ſeptem Capita* intelligi non poſſe, ſed *ſeptem ſummorum Magistratuum genera*.

10. Cui in ſecundo loco addere potes; Quemadmodum in vulgari ſermone, per *Animal bipes* intelligitur Animal quod *duos omnino* habet *pedes*, non plures aut pauciores, & ſic *Animal quadrupes* quod *quatuor omnino pedes* habet, non plures: Ità per *Beſtiam ſepticipitem* naturaliter intelligendum eſſe Beſtiam quæ *ſeptem* habet *capita*, non plura nec puciora, cùm tam conſtanter * repræſentetur cum illo capitum numero, non plurium. Quod verum eſſe non poſteſt de Imperio Romano *Idololatrico*, niſi *ſeptem generum ſummorum Magistratuum* numerus non *Perſonarum* intelligatur. Nam *ſeptem ſingulares Perſonæ* in toto tractu durationis Imperii nihilo meliorem proſectò ſpeciem præbebunt quàm ſetæ *ſeptem ſolitariae* in *Apri Calydonii* dorſo eminentes, qui neq; pingi nec dici poſteſt Aper cum *ſeptem ſetis*, cùm integra quidem ſepes ſtrigæ ſit horum ſpiculorum ſetaceorum ejuſdem naturæ cum eis *ſeptem* quæ nominantur aut depingantur.

11. Poſtremo, *Beſtia* (ut ex ipſo Textu planè apparet) occiſa eſt ſub *ſexto capite*, quoniam illius cædes à S. *Johanne* * prædicta eſt qui vixit etiam cùm ſextum caput florebat, ultimumq; caput caput eſt *reſtitutionis* illius ſive reviviſcentiæ, nec ſunt plura omnino capita quàm *ſeptem*. Quamobrem manifeſtum eſt *Beſtiam* ſub *ſexto capite* fuiſſe occiſam. Nec præciſe dici poterat caput ultimum, caput eſſe *Beſtiæ quæ erat & non eſt & tamen eſt*, ſi antè exitiſſet quàm *Beſtia* occiſa eſſet & reſtituta. Quapropter palàm eſt eadem illius fuiſſe ſub *ſexto capite*, ut & *Beſtiam reſtitutam* non habere niſi *unum caput* à principio illius reſtitutionis ad finalem uſq; ejus perditionem, ſiquidem capita omnino non ſunt plura quàm *ſeptem*.

Jam verò eadem *Beſtiæ* ſive illius è rerum natura exterminationem, manifeſtum eſt fuiſſe *Chriſtianitatis*, *Paganismi* loco, in Imperium introductionem, & *Chriſtianorum* Imperatorum loco *Paganicorum Caſarum*. Cujus rerum ſtatùs duratio breve tantum tempus fore dicitur, ſi cum *Beſtiæ* reſtitutæ ſucceſſione conferatur. (Nam tempus breve dici tam proximè ſubſequentis capitis quàm proximè antecedentis capitis durationis reſpectu nullus dubito.) Verum breve illud tempus nemo dixerit tam breve eſſe ut unius Imperatoris Regno claudatur, ac proinde neceſſe eſt ut Imperatorum purè *Chriſtianorum* ſucceſſionem ſignificet.

Atq; ea propter multò magis caput ſeptimum (qui etiam *Rex octavus* appellatur, ſed inter capita ultimum perinde eſt atq; ſeptimum) ſignificare debet ſucceſſionem, cùm illius duratio futura ſit multò diuturnior. Quod eos verò attinet qui introitum ruruſus *Idololatriæ* in Imperium recentiorum faciunt, nondumve eam contendunt introiſſe, quàm diuturnum, obſecro, Regnum illius *Beſtiæ quæ erat & non eſt & tamen eſt*, juxta eorum computum, reperiendum erit? Si tempus illud breve in tredecies centenos annos jam excuſſerit, quot tandem annorum millia Regnum reſtitutæ *Beſtiæ* eſt duraturum? Tam impoſſibile eſt ut *ſeptimum ultimumve* caput de ulla ſingulari perſona intelligatur, ſed de ſucceſſione; niſi *Beſtiam* volunt vivere annos aliquot millenos ſine capite.

Quòd ſi *ſeptimum ultimumve* Caput, certi alicujus generis ſummorum Magistratuum ſucceſſionem ſignificat, non *Perſonam ſingularem*, tunc ſanè reliqua ſex Capita ſex ſummorum Magistratuum genera non ſex perſonas ſignificare debent, quemadmodum quivis qui nullo laborat præjudicio, facile agnituſus eſt.

12. Quæ quidem Concluſio digna erat inveſtigatu, quippe cujus plena confirmatio tam planè evincit talem Interpretationem quæ *ſeptem* ſupponat *Capita ſeptem*

* Ut cum omnibus ſeptem coronatis, Apoc. 12. cum uno è ſeptem vulnerato, cap. 13. cum ſucceſſione omnium ſeptem, cap. 17. Quæ ſunt omnia omnino loca ubi capitum beſtiæ ſit mentio.

* Apoc. 17. 11.

Vide ſell. 7.

Apoc. 17.

esse diversi generis summorum Magistratum successiones, non solum commodam esse ipsiq; Textui aperte consentaneam, sed etiam prorsus necessariam, omnēsq; alias Interpretationes quæ septem Personis nituntur, non solum falsas esse sed & impossibiles.

Apoc. 17. 8.

13. Jam verò ex conclusis porro patet, quodnam sit præcipuum subiectum hujus visionis in hoc decimo septimo capite Apocalypseos. Quod utiq; non sit Imperium Romanum purè Paganicum, quippe quod transierat maxima ex parte sub quinque primis capitibus, transibatq; tunc sub sexto S. Johannis temporibus. Quod caput sextum unà cum Bestia occisum est cessabatq; esse statim atq; Imperium Romanum Christianitatem receperat, Imperatorēsq; evaserant Christiani, Christianaq; Religio permanebat cultibus Idololatriæ incontaminata. Nam dum hoc erat (atq; ita profectò erat aliquando) Bestia cessabat esse. Cæterum Bestia S. Johanni exhibita in hac visione (Bestia quam vidisti fuit & non est) Bestia est qua fuit sed postea cessabat esse, dein verò extitura erat, sed demum in perpetuum peritura. Quæ Notæ simul sumptæ, tunc solum Bestiæ competere possunt ubi ad tempus cessaverit existere. Nomēq; est ei inditum cum respectu ad illud tempus momentaneæ suæ cessationis. Tunc enim omnia ista de illo vera erant, propriūsq; illius naturæ character est ordinisq; successionis, nempe quod illa ipsa sit Bestia qua purè Christianitati in Imperio erat successura.

Quapropter manifestum est, subiectum hujus visionis esse Romanum Imperium in Idololatriam quasi redivivam rursus relapsum, itaq; mansuram usq; ad finalem ex ipso Idololatriæ extirpationem. Quæ plena perfectaq; Bestiæ perditio est, illiusq; è rerum natura in perpetuum exterminatio, quemadmodum exterminatio Idololatriæ ex Imperio ad tempus, lethalis erat plaga cedēve Bestiæ ad tempus, ita tamen ut rursus revixerit evigilaveritq; in admodum vivam sui ipsius Imaginem.

14. Ex quibus porro sequitur, Quod Meretrix Babylonica de Roma Paganica nequitiam intelligi potest, sed de Roma Pagano-Christianā, sive de Romana Hierarchia, (Romanam intelligendo latissimo sensu) illicitis suis doctrinis, Idololatricisq; ritibus Christianitatem corrumpente. Qui autem fieri potest ut Roma Paganica quæ sub sex primis capitibus transierat, insideret Bestiæ quæ erat & non est & tamen est, hoc est, illi Bestiæ quæ nullam antè habebat existentiam quàm pura Christianitas facta esset Religio Imperii, sed illi rerum statui, tanquam funesta illius corruptio, sub septimo Capite erat successura?

Roma igitur Paganica sub sola successionē sex primorum Capitum, Bestia septicipiti insidebat. Quibus quidem solis temporibus rectè dici poterat & simpliciter quoddam sit. Verum statim atq; incorrupta Christianitas facta erat Religio Imperii, tunc rectè dici poterat, Quod Bestia erat sed non est, sed quod rursus ascensura erat ex Abyssu, & post certum quoddam, idq; haud exiguum, temporis spacium penitus peritura. Durante verò tempore corruptæ illius conditionis quando Christiana Religio Paganica evaserat & Idololatrica, rectè dici tunc poterat de Imperio, Quod Bestia est quæ erat & non est & tamen est. Verum Meretrix dicitur insidere huic ipsi Bestiæ. Quamobrem antiqua Roma non est sed Atecha Pagano-Christianā, Romanæve Hierarchia, quæ Meretrix est quæ Bestiæ insidet in hac visione.

15. Nec intelligi potest visio de Paganismo crasse sic dicto, qui rursus Romanum Imperium inundaturus esset paulò ante finem mundi sub Chimærico Antichristo tunc apparituro (quemadmodum quidam subterfugii causā libenter imaginantur) sed interpretanda est de Antichristianismo qui jam ipsum occupavit, propterea quoddam dictum est, Cæsares verè Christianos ad breve tantum tempus esse mansuros. Quod planè innuit statum Antichristianum, præ eo, ad longum sanè tempus esse duraturum.

Quamobrem si status hic Antichristianus nondum venerit, sed omnia probè se habeant, nec Idololatria Pagano-Christianā adhuc intraverit à regno Constantini ad hunc usq; diem, Regnum sanè Antichristi minimū erit, ter quaterve millenos annos, duraturum. Quæ tam monstruosa est consequentia tamq; ex diametro * sacris Scripturis contraria, ut omnino necesse sit Positionem quæ illam inferat esse falsam.

* Daniel. 7. 25.
et c. 12. 7.
Apoc. 13. 5.

16. Quamobrem tutò concludere possumus, Præcipuum subiectum visionis in hoc decimo septimo capite Apocalypseos, ut & illius in decimo tertio (quæ ferè eadem est quæ hæc) statum esse Romani Imperii corruptum & relapsū à vera ac pura Christianitate in conditionem Paganicā & Idololatricā, propter falsas directiones insertaq; aut maligna moderamina Romana Hierarchiæ, qui administrationem Imperii quantum ad res Religionis sibi assumpserunt. Sed ita tamen ut hæc Idololatrica conditio tum in Hierarchia tum in Imperio post certam Temporis periodum mutanda sit, veraq; Christianitas omnia iterum inundatura, nec Idololatria unquam repullulatura.

Hæc

Hæc est harum Visionum ratio summaria. Aggrediemur nunc expositionem singularum particularum utriusq; capitis, quâ generalis hæc Ratio firmius adhuc & luculentius demonstrabitur.

CAP. XII.

1. *Hujus Co-expositionis scopus atq; ordo. Vers. I. Quid intelligatur per Meretricem.*
2. *Cur magna dicta sit.* 3. *Eam Romam Paganicam non esse sed Romam Pseudo-Christianam.* Ver. II. *Qui Reges sint terræ, quæq; ipsorum Ebrietas.* 2. *Prima Congruentia Parallelismi primi confirmata.* Ver. III. *Quod & Bestia bicornis & Meretrix in deserto represententur, inter primi Parallelismi Congruentias recenseri potuisse.* 2. *Secunda Congruentia primi Parallelismi.* 3. *Quid intelligatur per colorem Bestiæ coccineum.* 4. *Secundi Parallelismi Congruentia secunda.* 5. *Secundi Parallelismi Congruentia prima.* Ver. IV. *Quid purpura ac coccum Mulieris, lapidescq; pretiosi ac margaritæ significent.* 2. *Quamq; manifestè tertia Congruentia primi Parallelismi sit demonstrata.* 3. *Quid intelligatur per Poculum abominationum in manu Meretricis.* 4. *Quod Poculum sit Philtrosum, cum illatione illinc veritatis quartæ Congruentiæ Parallelismi primi.* 5. *Præcipuum Incantamentum quod in miscendo hoc Philtro adhibitum sit.* 6. *Ignis de cælo Excommunicatio.* 7. *Alia miracula ad promovendam Idololatriam.* 8. *Quid Poculum aureum respectu metalli significet.* Ver. V. *Nomina Meretricum frontibus suis inscripta.* 2. *Totam sententiam nomen esse Meretricis; quamq; ridiculum sit per [Mysterium] meram synecdochen intelligere.* 3. *Interpretatio harum partium Nominis, Mysterium & Babylon;* 4. *Ut & Babylon magna, mater Fornicationum.* 5. *Quintæ Congruentiæ primi Parallelismi demonstratio.* 6. *Bestiæ bicornis ortus ab aliis diversus.*

I. IN hac Co-expositione, quanquam in aliis rebus non sim defuturus, præcipuus tamen scopus erit notare & confirmare *Congruentias* duorum *Parallelismorum* quos supra delineavi. Et brevitatis causâ absq; ulla ulteriori *Analysi*, secundum ordinem versuum decimi septimi capitis expositionem meam deducam, transeundo à versu ad versum & comparando illos è decimo tertio capite, quos perpetuò subjuxi, cum singulis in unoquoq; versu decimi septimi comprehensis, quemadmodum supra me facturum præmonui.

Ver. I. *Damnationem meretricis magnæ sedentis super aquas multas.* Condemnatio *magnæ meretricis* sive supplicium ad quod adjudicatur, eximia pars hujus visionis est, & propterea Titulum gerit totius. Nihil opus est ut eis rebus hîc insistam in quibus tam plenè Lectorem in *Doctrina Prophetorum Schematum* erudiui; Quomodo corpus *Politicum* multitudôve Personarum earumq; successio sub una individua specie formæve representetur; quod schema *Henopæiam* appellamus. Ac propterea facillè intellecturus est *Meretricem* non singularem quidem particularémve Fœminam ullam esse, sed Typum corporis *Politici*, quod cum *Meretrix* appellatur, conditionem illorum *Idololatricam* significat, quemadmodum abundè probavi in explicatione illius *Iconismi* in *Alphabeto* meo *Prophético*.

Cap. 3. sect. 7.

2. Quod verò dicitur *magna illa Meretrix*, significat aut summum in ea fornicandi furorem ac libidinem, aut amplitudinem illius Jurisdictionis. Quorum posterius optimè convenit cum illius collocatione super *aquas multas*. Exemplar *Græcum* habet *ἐν τῷ ὕδατι τῷ πολλῷ*, ubi secundum τὴν videtur demonstrativum esse & *emphaticum*, totum *Romanum Imperium* indigitans. Illud enim reverà *multæ illæ* sunt *aque*, magnum mare sive oceanus, juxta stylum *Propheticum*. Unde equidem existimo magnam *Meretricem*, *Romanam* esse *Hierarchiam* lato sensu sumptam, intelligendo totum corpus Cleri *Idololatrici* per totum *Romanum Imperium* diffusi; quanquam nihil dubito quin hæc Imputatio magis insigniter spectatura sit ad unam partem quàm ad alteram, ad *Romanam* magis quàm ad *Ecclesiam Græcam*; & tunc præcipuè cum *Episcopus Romanus* Universalis Episcopi Titulum nactus esset, quippe qui hinc modo magis peculiari affinem se fecit omnium fœdarum depravationum in *Ecclesia Catholica*.

Cap. 7. sect. 9.

3. Quodq; *Bestia bicornis* visio ejusmodi universalem corruptionem *Idololatricam* Para. Congr. 7.

in Clero significat in Orientalibus pariter atq; in Occidentalibus partibus Imperii, per duo cornua hujus Bestiæ innuitur, ut etiam ex eo quod dicitur exercere omnem potestatem prioris Bestiæ in conspectu ejus; qua de re amplius loqui differam donec ad decimum quintum hujus præsentis Capitis versum pervenimus. Hoc tantum notabo antequam ulterius progrediar, me in antecedenti capite, methodo planè demonstrativâ, probasse, magnam hanc Meretricem non intelligendam esse de ullo corpore Politico quod Idololatriam, dum Imperium Paganicum erat, promoverit, sed postquam evasisset permansissetq; aliquandiu Christianum, quanquam Paganicâ quâdam novelli modi Idololatriâ illius operâ tandem conspurcatum; Quam clarè evici per multa jam secula existisse, juxta evidentem sensum vaticinii. Itâ ut nullum hic obstaculum superesse possit, nec ullus super hac re scrupulus.

Ver. II. Cum qua sortati sunt Reges terre; hoc est, cujus illecebris & persuasionebus induciti Reges Romani Imperii (quod antiqua Terra habitabilis appellatur, Luc. 2.) doctrinas ritusq; Idololatrias, quæ est spiritualis fornicatio, admisserunt & amplexati sunt. Ad decem Reges fortean hic alludi potest, quorum mentio fit v. 13. quiq; unum consilium habere dicuntur, & vires ac potestatem suam Bestiæ tradere cui meretrix infidet. Et cujus sortationis vino inebriati sunt Incole terre, hoc est, Populus Imperii adeo inflammati erant, intoxicati & dementati infano zeli Idololatriæ æstu, ut eos furore oppido quàm Tragico adversus omnes pulchre suæ Dianæ oppugnatores contemptoresq; imbueret, tamq; stupidos, socordes securusq; redderet, ut omnibus injuriis imposturisq; expositi essent quibus hæc præstigiola Circe eos posset circumvenire.

Paral. 1.
Congr. 1.

2. Jam verò quemadmodum magna hæc Meretrix tantæ esse dicitur Promotrix instauratrixq; Idololatriæ, idem similiter de bicorni Bestiæ innuitur; quæ tamen duo habet cornua instar Agni, loqui tamen dicitur ut Draco, id est, Edicta doctrinasq; Idololatrias edere. Et rursus v. 12. facere dicitur ut terra & ipsius incola, hoc est, Imperium (ut supra dixi) adorent Bestiam illam primam cujus curata fuerit plaga letalis. Et v. 14. jubere terra incolæ imaginem Bestiæ facere quæ gladio vulnerata fuit, & revixit. Quarum citationum posterioris sensus hic est, Bestiam scilicet Bicornem suâ autoritate sermonisq; vi persuasisse Incolis Imperii, quod tum purè Christianum erat (ac proinde tempus tunc erat cædis mortisq; Bestiæ, sicut antecedenti capite demonstravi) ejusmodi Idololatriæ faciem rursus introducere (quanquam sub prætextu melius ornandi promovendiq; Christianitatem) ut Bestia occisa merito videri possit in hac Imagine reviviscere, hoc est, Imperium rectè dici Bestia denuò evasisse evadendo Idololatricum, sicut cades Bestia erat Imperii ab Idololatriâ cessatio. Ac proinde, Imaginem facere Bestiæ quæ occisa est, idem est atq; imaginem facere in gratiam Bestiæ, quæ occisa est, ut revivisceret denuò, saltem in hac imagine. Et in ipso Textu dicitur, & revixit; itâ Vatablus & Grotius, hoc est, statim atq; facta est hæc Imago, Bestia revixit denuò, in hac scilicet Imagine.

Ac propterea non adeo mirum est Bicornem hanc Bestiam dici facere ut Terre Incole adorent Bestiam illam primam, cujus curata fuerit plaga letalis, cum ea esset sanatrix illius & ad vitam restitutrix, capacemq; illam faceret illius adorationis, hoc est, Obedientiæ, quemadmodum notavi in Alphabeto Prophetico, idq; in istiusmodi mandatis quæ impia erant & Idololatriæ. Etenim postquam Pagano-Christianismus hic Religio facta est Imperii, Lex Decretumq; Imperii eo ipso fiebat, itâ ut obedientia rectè dici posset sanatæ Bestiæ præstari ab omnibus qui talem Religionem amplecterentur sèq; illi submitterent. Ex quibus omnibus manifestum est, Bestiam bicornem perinde ac Meretricem Babylonicam instauratricem fuisse Idololatriæ in Imperio ac Promotricem.

Ver. III. Cumq; me per spiritum in desertum transtulisset. Hæc nulla pars visionis est nisi Desertum etiam Hieroglyphicum faciamus. Et certè Alcazar ex autoritate multorum è Patribus symbolum Gentilismi facit. Cæterum sive Typum consideremus, sive secus, Bicornem hoc duobus sive Fera, naturaliter intelligetur esse in Deserto æquè ac Meretrix sic esse declaratur; atq; Pagano-Christianismus hic cujus ambæ cultrices sunt, quidnam aliud est quàm Gentilismus quidam? Adeo ut haud itâ absolum fuisset etiam hanc inter alias Parallelismi primi Congruentias recensuisse.

Paral. 1.
Congr. 2.

2. Vidi mulierem insidentem Bestiæ coccinea. Insidere Bestiæ innuit inequitationem, & directionem illius, excitationem stimulationemq; in hunc vel illum cursum, prout visum fuerit illius Sessori. Et Bestia bicornis similiter dicitur animare Bestiam septicipitem & excitare ad sanguinolenta illa Edicta ad quæ allusum videtur cap. 13. v. 15. ut Bestia reviviscens loqueretur, faceretq; ut quotquot ei se non submitterint, quatenus

quatenus *Bestia*, hoc est, quatenus *Idololatrica*, occidantur. Atq; hoc sufficere potest ad subindicationem veritatis secundæ *Congruentiæ Parallelismi* primi, Quod nempe *Meretrix* æquè atq; *Bestia Bicornis* moderamen habet atq; regimen in *Bestiam septicipitem*.

3. Jam verò quantum ad colorem *Bestiæ coccineum*, duplicem habet indicationem, primam *Crudelitatis Tyrannicæ*, alteram *Majestatis Imperialis*. Priori sensu *Viſorinus*, *Aretas*, *Zegerus*, *Viegas*, *Alcazar* aliq; eum interpretantur; posteriori *Cornelius à lapide*, *Paræus*, *Ribera* & *Grotius*. *Fera coccinea*, inquit ille, nimirum quia illo colore tingi solebant *Imperatorum Romanorum Paludamenta*. Verùm ubi uterq; sensus aded aptus est, ambo sanè intelligendi sunt per *Henopæiam*, quæ multa objecta præfigurata sub unum Typum reducit. Impræsentiarum verò crudelitatem *Bestiæ* tantum notabo sanguineo hoc colore depictam. Idemq; similiter figuratur in externa *Bestiæ septicipitis* forma, capite decimo tertio. *Pardi corpus* illic habet, *pedes Ursi*, os verò *Leonis*, quæ omnes *Bestiæ* eximie rapacitatis sunt & crudelitatis, unde planè confirmatur *Parallelismi* secundi *Congruentiæ* secunda.

Paral. 2.
Congr. 2.

4. *Plene nominibus Blasphemie*, hoc est, plenæ Titulis generibûsq; *Idololatriæ*. *Plene Diis*, ita *Grotius*, de Paganico Imperio interpretans. Nôsq; tunc reddere possumus *Plene demonibus*, secundum sensum *Cl. Medi*, hoc est, Plenæ superstitioso *Idololatricæ*q; cultu *Animarum Sanctorum defunctorum* (præter alias *Idololatrias* circa rationem colendi debitum religionis nostræ objectum, Deum Christumque, commissas) postquam utiq; Imperium *Pagano-Christianum* evaserat.

Nec certè *Bestia*, capite decimo tertio, ob fœdum hoc peccatum minùs est memorabilis. Nam quemadmodum *Bestia coccinea* plena erat nominibus *Blasphemie*, scutulata quasi nigricantibus istis Titulis, ita *Grotius* *Pardum* facit variis *Idololatriæ* objectis maculatum. *Pardalis varii coloris Animal*, sic *Idololatria Romana* Deos habebat *Mares*, *Feminas*, *Marifeminas*, *Maximos*, *Medioximos*, *Minimos*, vario vultu, vario habitu, varia potestate. Et certè *Idololatria Pagano-Christiana* ecquid ea illuc deficit? Annon & illa habet *Divos* suos *Divâsq;* quibus cultum religiosum præstant? Annon & illi *Dulian* profitentur & *Hyperdulian* perinde ac *Latrian*? Quod certè quàm proximè accedit ad rationem *Deorum Minimorum* & *Medioximorum* cultorum à *Paganis*. An non alii *Sancti* celebres sunt ob facultatem mala quædam particularia infligendi, alii ob facultatem impertiendi particularia quædam bona? Alii uno aspectu habitûque, alii autem alio? Annon quidam unum habent officium, alii aliud? quemadmodum plenius fusiûsq; suo loco differemus.

Cæterùm *Blasphemie*, hoc est, *Idololatria* hujus *Bestiæ* copiosius commemoratur expressiûsq; v. 5. *Datûmq; est ei os loquens magna & blasphemias*, hoc est, *Autoritas* stabiliendi magnas crassasve *Idololatrias* in Dei vivi contumeliam, *Cujus nomen dicitur blasphemare*, in proximè sequenti versu, & *tabernaculum ejus*, & *eos qui in celo habitant*. Deum quidem blasphemare, nempe colendo eum per *Imagines*, aliisve cultum religiosum tribuendo qui illi soli debeatur, eumq; sic vilificando, æquandôq; ipsi *Creaturas*. *Blasphemare verò Tabernaculum Dei*, hoc est, *corpus Christi*, (in quo inhabitat omnis plenitudo *Deitatis* corporaliter, ut loquitur *Apostolus*) prætendendo frustum panis, quod in istiusmodi fœdum gurgustium ablegant, quod vel *Imaginatio* cujusvis hominis horreat descendere, ipsissimum corpus Christi esse, illud utiq; corpus stupendâ gloriâ plenum. Quæ proculdubio misère obscuratur vititerq; proculcatur, dum frustum panis illud ipsum corpus reverà esse asseritur, & ob eam ipsam rationem adoratur. Et postremò blasphemare eos qui in celo habitant, *sanctos* scilicet, declarando eos aded ambitiosos esse rebellésq; adversus Deum, ut non solum acceptare sed extorquere velint cultum religiosum ab hominibus per *Neces* & *Incarcerationes* variâsq; *pressuras* & *afflictiones* quas sanguinolenta hæc *Bestia* *fin-*

Col. 2. 6.
Vide Ideam
Antichristi lib.
2. c. 5. secl.
2. 3.

Vide Ideam
Antichristi lib.
1. cap. 16.
secl. 2.

5. *Habenti capita septem & cornua decem*. Ità cap. 13. *Tum vidi Bestiam è mari ascendentem quæ habebat capita septem & cornua decem*. Quæ primæ *Congruentiæ* secundi *Parallelismi* evidentissima est demonstratio. Quid verò significetur per *capita septem decemq;* *cornua*, mox intelligemus.

Parall. 2.
Congr. 1.

Ver. IV. *Erat autem mulier illa amicta purpurâ & cocco, & inaurata auro, lapidibus pretiosis, & margaritis*. *Purpuram* & *coccum* colorem esse *Imperialem* supra notavimus

notavimus, atq; sic esse iterum hic à *Grotio* in hunc quartum versum agnoscitur. Sed enim opportunum hic est observare, Quòd, quemadmodum Bestiam, quæ est universum Imperium Romanum, *coccinam* Bestiam appellari concessum est, quanquam ille Habitus capitum Imperii erat proprius, Imperatores ipsos intelligo ac Senatores; ità hæc *Meretrix* purpurâ coccòq; amicta dici potest (hoc est, *Romana Hierarchia* totumve corpus illius Cleri) tametsi hic color ad caput solummodo pertineret, aut saltem ad superiores hujus corporis ordines à summo capite proximos. Talésq; sunt Togæ Habitúsq; *Romanorum Cardinalium*, quemadmodum satis notum est. Quod verò aurum spectat, pretiosos lapides & margaritas, manifestum est referri ad Coronam Papæ auream, Gemmis ac pretiosis lapidibus coruscantem, ut & ad Margaritas sumptuosæ suæ vestis *Sacerdotalis*, &c. Quod quidem arguit hanc visionem Ecclesiam *Romanam* propriè sic dictam modo magis peculiari respicere, quamvis leviori aliquâ stricturâ universum Imperii Clerum Idololatricum possit etiam attingere.

Caput verò *Romana Hierarchia* cum purpuratis suis *Cardinalibus Imperatorum Senatoriisq;* splendorem adeò referunt, ut manifestum sit Potestatis *Imperialis* ipsi *Papæ* inesse affectationem, cum Corona ejus ac vestimenta tam planè sint *Imperialia*. Et certè tametsi color Bestiæ caputq; septimum ab hoc *Mitrato* capite distinctum, *Imperatorem* agnoscendum innuit distinctum à *Papæ*, Hieroglyphicum tamen hoc planè significat *Papam Imperatoris* partes agere æquè aut magis quàm *Imperator* ipse. Quod mirificè convenit cum noto rerum eventu, apertèq; etiam prædicitur cap. 13. v. 12. *Et potestatem prioris bestiae omnem exercet in conspectu ejus*, hoc est, *Imperatoris* partes agit æquè magisve quàm ipse. Quod tamen intelligendum est præcipuè de *Bicorni Bestia* in *Roma* veteri residente, vel quatenus illuc residet, qui maturè sanè universalis Episcopi jus sibi vendicabat maturèq; per *Phocæ* Imperatoris liberalitatem sibi collatum habuit, posteaq; ità supra ipsos Imperatores emicuit, ut se ipsis majorem effecerit. Quanquam diffiteri nolo quin id verum sit quod *Grotius* tantoperè contendit, nec ipsos nec Imperium ipsorum adhuc cessasse, quemadmodum & ipsum vaticinium videtur testificari, cum caput septimum sit hujus Bestiæ à capite Bestiæ *Bicornis* sive *Meretricis* distinctum.

2. Quòd verò *Bestia* hæc *Bicornis*, pars princeps scilicet illius maximèq; eminens, exercet omnem potestatem primæ Bestiæ in conspectu ejus, ad admirationem usq; ex eo impletur quòd *Papæ* adeò partes agit *Imperatoris*, nempe ex eo quòd non solum *Mitram* simplicem *Bicornem* gerit ut *Episcopus*, sed Coronam triplicem *Imperialem* tanquàm si esset *Imperator*. Vestimenta etiam purpurea rubeaq; sandalia; Titulus ejus, *Dominus Deus noster*; Senatus *Cardinalium* purpuratorum; ut Reges Principesq; pedes ejus deosculentur institutus mos; Tributum è remotissimis Imperii partibus receptum; ejus Sanctorum cum junctis *Cardinalium* suffragiis Canonizatio; Legatorum missio ad Principes; vectigal ex prostibulis & meretricibus, &c. (de quibus multis id genus aliis plenius te docebit *Molinæus* in *Vate suo*) omnia sanè hæc *Imperialis Potestatis* dignitatésq; quædam erant imitamenta. Tam accuratè profectò dici potest exercere omnem potestatem *primæ Bestiæ* in conspectu ejus.

Quod & adhuc magis luculentè verum est, ex eo quòd omnem in rebus *Ecclesiasticis* potestatem *Imperatoris* aufert, ipsèq; eam solus exercere vult; nè addam ut virtute hujus integræ *Ecclesiasticæ Potestatis*, civilem etiam Imperii potestatem *Imperatoris* manibus magna ex parte extorfit. Tam terrificæ res erat Excommunicationis fulmen *Papale*. Atq; hoc quidem sufficit ad confirmandum primi *Parallelismi Congruentiam* tertiam.

3. *Habens poculum aureum in manu sua, plenum abominationibus & immunditiæ scortationis suæ*. Ubi *Grotius* in vocem *Abominationibus*; *βδελυγμῶν*, inquit ille, in viso quidem intelligendo, humor fætens, in re verò Dii falsi quos Græci vocant *βδελυγμῶν*. *Hebræi* שקצים & חועבות. Ac proinde immunditiæ scortationis suæ idem sonat quod priora, omniq; significant *Romana Hierarchia Idololatriam*. Et quemadmodum in antecedenti capite demonstravimus *Meretricem* hanc non intelligendam esse de *Roma Paganica*, ità hæc sanè circumstantia oppidò quàm naturaliter cum eo convenit. Mulier enim hæc cum poculo in manu, innuit Inchoatricem illam esse non quidem *Propinationis salutiferæ* sed *damnabilis* hujus *Pollutionis Idololatriæ*: Cúmque Imperium castum evasisset, refrixissetque, quantum ad hanc dementiam ac insaniam, vi puri Evangelii Christi ab istiusmodi fordibus repurgatum, istam certè mulierem per hoc *Incentivum*, per hoc *virus amatorium*, inflammare velle eorum animos novis stimulis libidinibúsque colendi Idola, efficeretq; ut scortentur à Deo suo.

4. Verùm aliquid porro superest in hoc poculo observatu dignum, nempe qua in re vis illius Incantationis Magiæve consistat. Poculum enim esse incantatum *Phil-*
trūmve

truncatè abundè sub eo Titulo in *Alphabeto Prophetico* probavi, nec solus Cl. Medus Cap. 8. sect. 2. sed & Cornelius à lapide, Alcazarg; ad eum sensum interpretantur. Quorum postremus præter sceditatem compositionis ut Bufonum cineres, Cerebrumq; hominum patibulis suspensorum, cantiones & execranda verba superaddit, quæ igitur necesse est ut *Magica* esse intelligantur, & virtutem habere miraculosam. Cui quidem respondet illud cap. 13. de *Bestia bicorni*, quæ ibi dicitur *edere signa magna*, adedè etiam ut ignem faciat è celo descendere in terram, itaq; seducere incolas terre propter signa quæ datum est ei ut faciat in conspectu *Bestie*, hoc est, in conspectu Imperii quod illa his signis ad Idololatriam seducebat, itaq; rursus hac seductione, occise *Bestia* introducebat *Imaginem*. Unde manifestum est, *Magiam* miraculosq; *Meretricis* atq; *Bestia bicornis* ad unum finem tendere, ad reducendam scilicet rursus Idololatriam in Imperium juxta quartam *Congruentiam Parabelis* primi.

V. 13, 14.
Paral. 1.
Congr. 4.

5. Una verò ex præcipuis *Incantationibus* quæ adhibitæ sunt in Poculo hoc *Magico*, erant proculdubio præpotentia illa ac terrifica verba *Excommunicationis*, comminatio illa damnandi homines ad *Ignem Infernalem* nisi se Idololatricis Ecclesiæ Instituti sint submissuri. Hoc fulmen à Romano *Veiove* non fecit sanè ut acciceret hoc Poculum, sed illius haustum dulciorem jucundiorèmq; reddidit, quippe quod sic salutis Poculi speciem adedè præ se ferebat in eis qui ipsum hauserint, postquam tanta cum auctoritate ac terrore declaratum esset eos qui repudiaverint certò esse perituros. Hoc principale *carmen* erat quod virtutem hujus Potionis adauxit, fecitq; *Meretricis* Amasios pressius se in sinum ejus contrahere, attonitos scilicet ineffabili periculo & miseriâ quæ eos maneat qui ex eo ausint prorepere. Quæ simulatitia facultas ablegandi homines ad *Infernum* ob non commissam *Idololatriam*, cum nec legitima sit nec naturalis, sed supra vires Naturæ, quæ alia meritò cenferi potest quàm *Magica*, vel *Diabolica*? Atq; hæc ea ipsa potestas est quæ planè apertèq; figuratur in illis verbis cap. 13. ubi *Bestia bicornis* facere dicitur ut ignis è celo descendat. Quem *Alphabeto Prophetico* planè jam probavi significantissimum esse *Excommunicationis Iconisum*. Cap. 7. sect. 6.

6. Nec frequentius quicquam in ore omnium mortalium occurrit quàm *Fulmen Papale*, de quo tam miraculosum imaginati sunt effectum, ut populus *Parisiensis* vulgò crediderint illud *Hereticos* ita ustulasse ut facies ipsorum, diabolorum instar, nigrescerent, oculiq; diro aspectu extarent, halitusq; noxii essent & pestilentes, quemadmodum præstantissimus ille vir *Edwinus Sandys* in suo *Europe speculo* commemorat. *Erasmus* etiam crebrò hæc metaphora utitur in colloquiis, ipsiq; Pontifices in ea gloriantur. Et certè ac si Populus non satis promptus esset ad intelligendam hanc similitudinem absq; visibili aliqua Ceremonia, *Papa* in solenni quadam *Excommunicatione* ardentes faces è sublimi jaculatur. Et postremò *Nauclerus* hac phrasi *Fulminationis* intra unius & alterius *Paginæ* ambitum ter quaterve utitur, ipsiq; *Papa* eos quos excommunicaverint tanquam fulmine afflatos considerant, itaq; de eis loquuntur, quemadmodum *Pareus* etiam notavit in locum. Ità ut nullum omnino spatium relictum sit addubitationibus an ad *Excommunicationem* allusum sit in illo ostento faciendi ut ignis descendat è celo, ut enim *Mortalis* quisquam id faciat, ingens profectò est miraculum.

7. Verùm ubi dicitur, quod seducit Incolas terre propter signa quæ datum est ei ut faciat, equidem fateor ad alia etiam miracula illuc posse alludi, cujusmodi magna copia est de quibus *Romana Ecclesia* gloriatur, quibusq; multas, quæ apud ipsos obinent, *Idololatriæ* species volunt confirmare. Quæ tamen, quotquot eorum verà sint, ingenti Sacerdotum studio ac diligentia *Idololatriam* promovendi meritò attribui possunt, qui eo pacto *Diabolum* invitant ad istos ludos faciendos circa *Imagines*, *Altaria*, *Cæmeteriæ* &c. Sed ut ad poculum *Magicum* denuò redeamus.

8. Consideravimus quæ in ipso fuit intus, *Magiam*q; illam *supernaturalem* liquori infusam; sed & ipsum Poculi metallum quod Aurum est, suam etiam habet significationem, sensumq; secum gerit *Magia* cujusdam magis naturalis quæ attrahit universa.

— Quid non mortalia pectora cogis
Auri sacra famēs? —

Quamobrem magna illa divitiarum affluentia, Honorèsq; ac dignitates quæ obtineri possunt in Ecclesia Romana, non minima quidem Pars est intoxicatricis illius Potionis in vestris vâ vris, immò verò quæ incolas terre inebriavit, fumis vaporibusq; *Ambitionis* & *Avaritiæ* caput ipsorum occupantibus, eorum præsertim è Clero Romano, qui his aureis Ecclesiæ donis non ditantur nisi sub conditione adjuvandi promo-

promovendiq; illius Idololatriam. Hoc poculum igitur symbolum esse censeo *sensualitatis, Luxurie & Affluentiae*, ex eoq; *inebriari* idem esse atq; abundare *mundana felicitate*, usq; ad Insensibilitatem rerum meliorum, stupidamq; securitatem & acquiescentiam in oblectamentis ac voluptatibus hujus praesentis vitae. Hic unus etiam esse potest sensus poculi hujus intoxicatorii, praeter ea quae supra attigimus.

Ver. V. *Et in fronte sua nomen scriptum.* Quod Interpretes recte notaverunt ad consuetudinem impudentium quarundam Meretricum, quae nomina sua propriis frontibus inscripta habebant, alludere; uti apparet ex illo apud *Senecam*, *Nomen tuum pendit in fronte, pretia stupri accepisti, & manus quae diis datura erat sacra, capturas tulit.*

2. *Mysterium, Babylon magna, mater illa scortationum & abominationum terre.* Quam totam Inscriptionem nomen *Meretricis* esse existimo. Scriptura enim saepe perquam longa formât Nomina etiam ex integra sententia, quemadmodum plenius notandi mox dabitur occasio. Quinimò ipsum vocabulum [*Mysterium*] pars Nominis est. Totiusq; sensus hic est, Nomen utiq; meretricis, esse *Babylonem magnam mysticam, meretricum matrem*, vel potius matrem *scortationum*, ita quaedam exemplaria habent, quae Versio vulgaris *Latina* sequitur, *Bezdque*, quodq; *Grotius* maxime probat, optimèq; convenit cum eo quod sequitur, & *abominationum Terra*, ut utraq; esse possint *Abstracta*. *Mysticum* autem hic idem significat quod *spirituale* alibi in *Apocalypsi*, Quae vocatur *spiritualiter Sodoma & Egyptus*, quemadmodum & *Cornelius à lapide* loca comparando statuit. Et certe magna Civitas est quae illic ita appellatur. Quamobrem ad cujusvis judicium provoco, an *Mystica spiritualis* sive *Babylon de Roma Paganica* intelligi possit, anve verisimile sit ut Spiritus Dei vocem [*Mysterium*] inscriptioni praefigere possit quae nihil ampliùs quàm jejunam *Synecdochem* in se habere intelligatur? Nam si de *Roma Paganica* exponi debet, nihil ampliùs *Mysterii* subest quàm unius *Paganica*, Idololatricae & persecutricis Civitatis positio pro altera. Cum qua proculdubio tam profunda ac venerabilis Praefatio quàm est [*Mysterium*] recte convenire non potest.

3. Quocirca, de *Civitate* seu *Politia Christiana Idololatrica* intelligi debet, aliòq; Idololatriis suis contaminante; sensumq; *Mysterii* hunc esse oportet, Ut illa utiq; *Hierarchia* quae per totum Imperium diffusa praetendit se puram illam esse & nondum adulteratam Ecclesiam Apostolicam, vulgòq; sic esse creditur, immò *Civitas illa è caelo, Fundamenta cujus muri sunt duodecim, in quibus duodecim nomina Apostolorum Agni sunt inscripta, illa Civitas in qua Deus absterfus est omnem lacrymam ab oculis servorum suorum, in qua mors ampliùs non extabit neq; luctus neq; clamor neq; dolor*, hoc est, nullae cruentae persecutiones, pressurae, torturae fidei-
lium servorum Christi futurae sunt ampliùs, ut recte *Grotius* locum interpretatur; illa deniq; *Civitas ubi nullum Templum est*, hoc est, nullum objectum versùs quod nos incurvemus praeter Dominum Deum omnipotentem & Agnum, qui solus religioso cultu est colendus: Hoc, inquam, *mysterium* est, ut *Oecumenica* haec *Hierarchia* corpùsve Cleri, qui gloriantur se puram hanc esse & Apostolicam Civitatem, ut qui circa res Fidei planè infallibili sunt judicio uti jactant, ipsa civitas *Babylon* reverà sint, quae, tantum absuit, ut castum puritatis cultus exemplar esset, ut è contrà Homini-
bus defunctis sacrificaret, *Belumq;* coleret & adoraret, cultumq; *Baalim*, hoc est, cultum *Demonum*, falsorumve Deorum per totum terrarum orbem propagaret, ipsos etiam *Judeos* peculiarem Dei populum eo morbo inficiens; tantumq; absuit ut veris Dei servis *protectio* esset & levamen, ut longè eos & tristi captivitate teneret, in ardentem igne fornacem illos etiam conjiciens qui incurvare se noluerint versùs Imaginem quam *Nebuchadnezar* erexerat. Hoc *Mysterium* est, & tamen oppidò quàm verum.

Etenim nimis sanè manifestum est *Pseudo-Christianam* hanc *Hierarchiam* professum Dei populum variis *Idololatriae* generibus contaminasse, eoq; sub dura servitute longo tempore captivos tenuisse, & praeter alias torturas ac persecutiones, multa fidelium servorum Christi millia vivicomburio confecisse. Quapropter verè *Mysterium* est ut illa quae tam audacter se Civitatem Dei profitetur, cuiq; tam feliciter res successit, ut ab universis ferè sic esse crederetur, reipsa reperiretur *Babylon illa sanguinolenta & Idololatrica*.

4. Et quia gloriatur se *Catholicam* illam esse æquè ac *Apostolicam* Ecclesiam, exornatur porrò Titulo *Magnae* perinde atq; *Babylonis*, & unà simul dictione appellatur *Babylon illa magna*, quippe cujus vastus civitatis ambitus (quam qui maxime parcam computationem inierunt ad 360 vel 380 stadia statuerunt circuitu extendi, *Plinius* & *Herodotus* ad 480) aptum symbolum est illius ipsorum jactantiae, quasi ii re-
verà

verà essent Ecclesia illa *Catholica & universalis*. Et postremò quia prætendit se *sponsam* esse Agni, *Matérq;* Ecclesia amat appellari, Spiritus Dei in hujus falsæ gloriationis opprobrium, *Matrem illam meretricum* appellat & *Abominationum Terræ*.

5. Qui Titulus planè demonstrat hanc Civitatem *Babylonis Romam Paganicam* non esse, sed *Politian* aliquam *Christianam*. Roma enim Paganica non erat *μῆτρς πό-
νως*, ut *Grotius* legit, Mater, hoc est, Author vel disseminatrix Idololatriæ per terrarum orbem. Gentes enim Idololatriæ erant ex seipsis absq; illius ope, illaq; discipula potius receptrixq; *Idololatriarum* ab ipsis, quas pro victoriarum numero adauxit, quemadmodum apparere potest ex Carmine illo promissorio quod *Macrobius* describit à *Romanis* adhibito quoties spem habebant urbem expugnandi capiendiq; evocantes per illud *Tutelares Deos Loci*, Templaq; ac solennes ritus eis *Romæ* pollicentes. Saturnal. lib. 7.
cap. 9.

Quamobrem *Mysterii* Titulus nomini *Meretricis* præfixus (vel potius cùm ipse pars Nominis sit, planèq; Mysterio Iniquitatis quod commemorat Apostolus, respondeat) 2 Thess. 2. 7. simul cum hac parte nominis consideratus (*mater Fornicationum & Abominationum Terræ*) cum demonstratione nostra in præcedenti capite manifestò consentit, ubi probavi per *Babylonem* necessariò intelligendam esse non quidem *Romam Ethnicam*, sed statum Ecclesiæ qui in *Ethnicismum Idololatriamq;* degenerasset. Quod, cùm profundius absconderetur quàm ut quilibet primo intuitu deprehendere potuerit, & coloratum obauratúm; esset speciosis prætextis magnificandi Christum ejúsq; Apostolos cum *Sanctis* reliquis, præsertim *Mariam* Virginem *Matrem Christi*, rectè appellatur *Mysterium*. Qua in re *Meretrix* hæc *Bicornisq;* *Bestia* accuratè conveniunt. Parall. 1.
Congr. 5. Etenim quòd *cornua agni similia* habet, id sanè prætextum est succedendi Christo & Apostolis, & potestatem indè habendi quâ Ecclesiam ad mentem Christi moderetur & gubernet, in rem ejus ac honorem, quem rebus singulis obtinent. Verùm loquela illius *Draconica* planè indicat eos Idololatricorum rituum auctores esse, doctrinarúm; cultûs adulterati editores. Unde quinta *Congruentia Parallelismi* primi manifesta est, cùm & *Meretrix* & *Bicornis Bestia* Introductrices reperiantur Idololatriæ sub obtentu promovendi Christianitatem.

6. Hic *Agninorum cornuum* loquelæq; *Draconica* sensus est in *Bestia bicorni*. Quantum verò ad ascensionem ejus è Terra, quæ ipsi peculiaris est, cùm reliquæ *Bestiæ* tum apud *Danielem* tum in *Apocalypsi* describantur tanquam ascendentes è *Mari*, etiam ventis in illius superficie contra se invicem præliantibus in *quatuor Bestiarum* ascensione apud *Danielem*, hoc demonstrat hanc quidem *Bestiam* generis esse prorsus diversi à cæteris, ut quæ caput suum extulit, non per bellum nec per vim gladii, quemadmodum alii *mundani Dynastæ* solent, sed ratione magis tacitâ occultâque, & ab obscurioribus primordiis. Cui origo privata non publica, inquit *Grotius*; additq; porro, morem esse *Hebræorum* vocare τὸ ἰδιότας *populum terræ*. Et *Molinæus* etiam Apo. 13. 11. in locum, Sic *Latini* homines novos & ex sordibus provectos ad nobilitatem & opes vocant *terræ Filios*, ipsaq; Scriptura dicit *Deum attollere humilem ex pulvere*. Quod quàm verum sit de *Meretrice* & *Bestia bicorni*, omnibus notum est.

C A P. XIII.

Ver. VI. Quid intelligatur per Martyres Jesu. 2. Sexta Congruentia Parallelismi primi. Ver. VII. Mulierem non esse Romam Ethnicam demonstrari posse è Bestia quæ eam bajulat. 2. Eam toti Imperio inequitare. 3. Duo Cornua Bestia duos esse Patriarchatus Imperiales, sed per Henopæiam perstringere etiam posse potestatem ligandi & solvendi, ut & mitræ Episcopalis cornua. 4. Septima Congruentia Parallelismi primi. 5. Prima Congruentia secundi. Ver. VIII. Quid significetur per ἀλώμενα. 2. Scopum visionis Bestiæ in hoc capite esse representationem Imperii in illa successione quâ sit Pagano-Christiana. 3. Prolixitatem Tituli nihil impedire quò minus appellari possit Nomen Bestiæ. 4. Quæ sit Nominis significatio. 5. Quòd Angelus, postquam integras Regni Imperiive Romani successiones considerasset, mentem defixit in illud tempus quo Imperium purè Christianum foret, & quare. Quòdque inde apparet quæ Temporis Bestiæ successio sit intelligenda. 6. Ut etiam ex nomine tituloque mutato in Fuit & non est & tamen est, unde quinta Congruentia secundi Parallelismi etiam evincitur. 7, 8. Quæ factum ut Angelus hæc nomina Bestiæ daret. Quòdque Ellipsis est ubi Angelus ait, Bestia quam vidisti fuit & non est, &c. 9. Nomen Fuit & non est & ascensura est, &c. significare successionum existendi ordinem, non actualem Existentiam aut Non-existentiam Bestiæ, cum illius rei confirmatione ex Alcazare. 10. Manifesta evictio ex Nomine [Fuit & non est & tamen est] quòd [Fuit & non est & tamen est] non significat actualem existentiam aut non-existentiam, sed ordinem existentia & similitudinem. 11. Quòd [non est & tamen est] nec sensus tolerabilis foret nec elegantia ulla, nisi leges contradictionis legitimæ pressè attingerentur in hac Mystica assertionem. 12. Absolutam tamen Identitatem in Essentia aut Qualitate huic affirmationi citra falsitatem subesse non posse, unde similitudinem eâ innui necesse est. 13. Quòd certitudo significationis hujus Tituli [Fuit & non est & tamen est] prioris sensum confirmat, & latitantem Ellipsin demonstrat in applicatione horum Nominum Bestiæ, quòd etiam ex aliis rationibus arguitur. 14. Cur Re-existentiam sive Imaginem Bestiæ de Imperio Idololatræ rursus factò, potius quàm de veteri Politia Romana in Potestate Pontificia denuò reviviscente sit interpretatus. 15. Congruentia tertia Parallelismi secundi. 16. Congruentia sexta. 17. Septima Congruentia. 18. Congruentia octava. 19. Congruentia tertia iterum notata, cum confirmatione indidem supra memoratæ Ellipseos. 20. Similitudinis propinquitatem pro Identitate haberi in communi sermonis elegantia, unde Bestiam quæ fuit & non est & tamen est, & Imaginem Bestiæ rursus evincitur idem esse, quintaque secundi Parallelismi Congruentia inde plenius confirmatur.

1 Cor. 11. 1.

VER. VI. Et vidi mulierem illam ebriam sanguine Sanctorum & sanguine Martyrum Jesu, hoc est, sanguine Sanctorum qui erant Martyres Jesu. Qui scilicet Martyres non erant pro doctrina hujus vel illius erronei spiritus falsive Doctoris, qui eos infatuare possit stolidâ confidentiâ, obfirmatâque temeritate deponendi vitam in testimonium pro mendacio subdole astutemque confecto in rem mundanumve commodum eorum qui ipsum excogitaverint. Equidem hi istiusmodi Martyres non erant, sed pressi ac præcisi Sectatores Agni Jesu Christi, illiusque solius vestigiis insistebant, & vestigiis eorum qui eum fideliter sectati sunt, Apostolos intelligo, juxta propriam ipsorum præceptionem, *Imitatores mei estote sicut ego sum Christi*, atque cum sanè sequebantur per res prosperas & adversas, per convitia & laudes, per vitam, ipsamque adeò mortem.

Paral. 1.
Congr. 6.

2. Quorum quidem mors Meretrici hinc imputatur, quoniam illa consiliis & animationibus suis Bestiam septicipitem stimulat ad homicidium sanguinisque effusionem, quemadmodum dicitur de Bicorni Bestia, quòd vitam & animationem huic Bestiæ redivivæ dedit, fecitque ut spirans hæc Imago loqueretur, mandarétque ut quotquot noluerint adorare, hoc est, obedire moremque gerere Imagini Bestiæ, etiam in eis rebus in quibus occisæ Bestiæ Imaginem gerebat, in ipsa putâ Idololatriâ, trucidarentur. Quæ sexta planè Congruentia est Parallelismi primi.

Ver. VII. Ego dicam tibi mysterium mulieris & bestie quæ portat eam. Quòd quidem mulieris Mysterium referat explicando primò ordinem & successionem Bestiæ quæ eam portat. Hæc enim demonstratio est, de Roma Paganica, (quemadmodum capite

capite undecimo hujus libri luculentè probavi) intelligi non oportere, ac proinde sensum Mysterii Tituli Meretricis, qui illius naturam illustrat, talem esse, qualem in versum quintum præcedenti capite declaravi.

2. Hic tantum notabimus ejus *inequitationem Bestiæ*, illam innuere talem esse Politian quæ totius Imperii regimen haberet, non ad unam partem limitaretur. Quemadmodum is qui equo vehitur, non intelligitur unam Equi partem equitare, alteram verò non-equitatam relinquere, sed totum equitare Equum: Ità certè *Meretrix* toti inequitat Bestiæ, hoc est, toti Imperio, tam *Orientali* quàm *Occidentali*. Quod cum descriptione *Bestiæ bicornis* etiam convenit, quam sic depictam in Visione existimo propter duos Patriarchatus Imperiales, alterum *Romæ*, alterum *Constantinopoli*, partientes quodammodo sic inter se Imperium, quemadmodum *Orientalis* *Occidentalesq;* *Cæsares* faciebant. Cæterum totus Clerus Imperii, Clerum intelligo *Idololatricum*, corpus est hujus *Meretricis* sive *Bestiæ*, cujus duo hi Patriarchatus Imperiales sunt *Cornua*.

3. Nec inveni quicquam adhuc apud Interpretes quod juxta stylum Propheticum de cornibus posset exponi, nisi hujusmodi aliqua Potestas in concreto locum etiam habere possit in Typo. Verum per *secundariam Henopæiam* (hoc semel admissio quod hi duo *Patriarchatus* duæ sunt reales Potestates sive Dignitates in concreto, nam Patriarchas ipsos hæc potestate præditos ego hic intelligo) ad duo etiam cornua *Mitra Episcopalis* fortean alludi etiam potest, sicut *septem Capita* significant *septem Montes* perinde ac *septem Reges*. Et *Josephus Acosta* in *Traçtatu suo de Temporibus novissimis*, de *Bestia bicorni* loquens, *Duo cornua*, inquit, *Episcopalis dignitatis*, putà *Mitra sive Infusa* (hæc enim est *bicornis*) *insigne sunt*. Videtur ergò quòd hic *Pseudopropheta* erit *Episcopus quispiam Apostata & simulator religionis*. Ad quam Interpretationem *duorum cornuum Bestiæ*, *Cornelii à lapide* etiam videtur inclinare sententia; recteq; sanè censet Interpretationem non magis opprobrio esse Episcopatu, quàm quòd *cornua Agni* dicuntur, opprobrio esse Christo; sed quòd argumentum potius est excellentiæ illius Gradûs ac Functionis, cum magnus hic *Apostata* populo commendare se studeat sub hoc Habitu ac Dignitate.

Lib. 2. cap. 17.

Nec opus est ut Cl. *Medi* Interpretationem hinc excludamus, qui per duo cornua potestatem *ligandi & solvendi* intelligit, quam *Pseudoprophetica* hæc *Bestia* ab *Agnò* Jesu Christo ad se derivatam præterdit; nam hæc duæ significationes, plurèsq; si plures essent, aptæ ac congruentes, per *Henopæiam* uni huic Typo subdi possent, proviso primùm, quod jam dixi, ut Typus unam significationem habeat, ex stylo Prophetico planè approbandam: Qui passim apud *Danielem* & in *Apocalypsi* per cornua *personas* aliquas intelligit summo loco ac dignitate constitutas non *abstractas potestates virtutesq;*, tanquam si quis Imperatorem cum duobus cornibus depingeret propterea quòd potestatem habeat *vite atq; necis*. Hoc sanè in *stylo Prophetico* non est tolerabile; Neq; hic sensus solus suffulcire posset tam solidum symbolum.

4. Quamobrem cum duo hæc cornua *Bestiam Pseudopropheticam* innuant super *Orientalem* æquè ac super *Occidentalem* Imperii partem extendi, cumq; *Meretricis* inequitas super *Bestiam septicipitem*, eam denotet totius Imperii habenas quodammodo tenuisse, hinc certè apparet septimam primi nostri *Parallelismi Congruentiam* argumentis ex his visionibus hauriendis minimè destitui. Quibus superaddere potes ulteriorem pleniorèq; confirmationem ex eis quæ diximus in versum primum Capite præcedente, sectionibus secundâ ac tertiâ.

Parall. 1.
Congr. 7.

5. *Quæ habet capita septem & cornua decem*. Eadem prorsus descriptio est *Bestiæ* quantum ad hoc, in capite decimo tertio, vers. 2. Et supra jam notavimus eam aperte probare *Congruentiam* primam *Parallelismi* secundi.

Parall. 2.
Congr. 1.

Ver. VIII. *Bestia quam vidisti fuit & non est, & ascensura est ex abyssò, & in exitum abitura*; & *ἐκ τῆς ἀβύσσου ὑπάγει*, hoc est, *ἐκ παραδείσου*, in *exitum consummatum perniciemve finalem*. Circumstantia enim eum planè sensum innuit. Etenim ex eo quòd dicitur etiam ante ultimam hanc vicem, eam non fuisse, (quod planè arguit eam fuisse perditam) naturaliter sequitur ultimam hanc insigniorem fore perditionem, & finalem perinde atq; ultimam; vocemq; *ἀπόβου* tali sensu accipiendam esse atq; in *ἡδὲ ἀποβίας* *Filius Perditionis*, qui idcirco sic appellatur quia claritate adventûs Christi penitus fiderandus est atq; consumendus; ac proinde hæc perditio eadem est de qua *Daniel* loquitur, *Et spectante me perempta est Bestia* (& de *bicorni* sanè *Bestia* loquitur) *ejusq; contrucidatum corpus igni traditum est ad cremandum*, hoc est, ut penitus consummeretur. Cæterum octavi hujus versûs intelligentia cum tanti sit momenti, uberiosem in eum *Paraphrasin* instituam, ut eò plenius illius scopum intelligamus, cujus hunc ferè sensum esse existimo.

Dan. 7. 11.

2. Bestia quam vidisti, quàmque duabus prioribus visionibus videras, eadem Bestia est, quemadmodum apparere potest è præcipuo illius charactere, *septem capitibus decemque cornibus*, atque unum idemque est Regnum Imperiumve Idololatricum, sicuti constat ex *serpentino* illius corpore in prima visione, è Nominibus *Blasphemie* in *singulis capitibus* in secunda, & è corpore pleno Nominibus *Blasphemie* in hac tertia & ultima. Præcipuus verò scopus hujus ultimæ visionis (quamvis priorem partem successionis hujus Imperii *Idololatrici* leviori aliquo respectu attingat, quatenus scilicet denuò *representatur* ea in parte integræ successionis quæ proximè antecedit Intervallum illud in quo ad tempus cessaret esse) præcipuus, inquam, scopus hujus visionis est determinatè hoc Imperium *Idololatricum* & adæquatè repræsentare sub illa temporis successione, quæ inceperit statim ab exitu illius Intervalli quo Imperium esset purè *Christianum*, nec Idololatricis superstitionibus adhuc contaminatum, etiam ad illud usque tempus, quo Idololatria postquam cursum suum rursus peregerit, ex Imperio prorsus exterminanda sit, illuc nunquam reditura.

3. Quamobrem Angelus rerum ordinem quasi super digitos dinumerans, & tunc particulatim magis hanc temporis successionem indigitans, *Bestia quam vidisti* (inquit ille *Johanni*) nomen scilicet ejus (nam *ecclasticus* Prophetæ stylus faciliè ejusmodi *Ellipsu* admittere potest) est, *Fuit & non est & ascensura est ex Abyssu & in exitium abitura*. Quod certè nomen est pauciorum syllabarum quàm, *Mysterium*, *Babylon illa magna*, *mater scortationum & abominationum Terræ*. Verùm tam prolixa Nomina non sunt adedè inusitata in Scripturis, quemadmodum apparet in *Mahershalal-bash-bash*. Quod Latine sic sonat, *ad festinandum spoliis acceleravit prædam*.

4. Jam verò sensus *Tituli Nominisve Bestie* hic est, Idololatricum scilicet hoc Imperium repræsentari solummodò sub illa temporis successione (secundùm præcipuum præsentis hujus visionis scopum) sub qua si consideretur, opportunum aliquando erit dicere, eam Bestiam esse quæ *fuit & non est & ascensura est ex Abyssu* & tum postea in exitium abitura, hoc est, peritura in perpetuum, nunquam denuò revictura. De illo tempore statimve Imperii, sub quo si consideretur aliquando tempestivum erit sic pronunciare, præsens hæc visio Bestiæ intelligenda est, & de nullo alio, ac proinde ob eam ipsam causam speciatim Christi Ecclesiæ commendata est in illud tempus, quo Imperium cessaret esse *Idololatricum*.

5. Angelus igitur cogitationes defigens in ea Ecclesiæ tempora, fideles hic præmonet de mira mutatione *Christiani* Imperii dum manebat adhuc purè Christianum, nondumque conspurcatum Idololatriâ. Purum utique hunc felicemque statum abiturum esse, Bestiamque rursus revicturam & in scenam prodituram, hoc est, Imperium *Idololatricum* denuò evasurum. Quæ præmonitio cum tam utilis sit omnibus qui eam sint recepturi, nempe ad præmuniendos illos contra *Idololatricas* illas Innovationes, quæ futurum erat, ut introducantur in Ecclesiam, minimè quidem mirum est mentem Angeli defixam esse in illa tempora, quando hujus visionis sensum *Johanni* aperuit, tanquam si præsens tum inter eos versaretur, commonefaciens ipsos de periculo futuro.

Hæc est una ratio determinandi sensum hujus Visionis ad illud tempus statimve Imperii *Idololatrici* ad quod ea digitum intendit, nempe mentes dirigendo in ea tempora quibus hæc *Nota Nominisve Bestie* rectè ei applicari potest tanquam futuræ nec dum ad vitam rursus restitutæ, quod tum erat quando Imperium planè erat Christianum.

6. Verùm enimverò, ut adhuc firmitus visionis mentem teneatis, certòque intelligatis sub qua temporis *successione Idololatricum* hoc Imperium hic repræsentatum sit, ejus Notam *Nominisve*, inquit Angelus, paululùm immutabo, eamque appellabo, *Bestiam quæ erat & non est & tamen est*. Qui quidem Titulus supponit eam consideratam tanquam præsentem, quamvis etiam agnoscatur adhuc futura, quippe quod *Prophetia* sit non *Historia*. Dico autem eam in hoc Titulo considerari tanquam præsentem. Quemadmodum & illa verba maximè naturaliter innuunt, *videntes Bestiam quæ erat & non est & tamen est*. Videmus enim oculisque usurpamus quæ *præsentia* sunt, ac proinde *ut* in Lectio videtur magis consentanea perinde ac magis authentica & approbata, (non autem *ut* *ut*, quemadmodum *Cl. Medus* contendit ex *Aretha*) denotatque Imperium rursus factum *Idololatricum* ut olim, ac proinde Bestiam esse quæ *erat*, & tamen verum id etiam esse, quod *Bestia est*; verùm ea Idololatria non est quæ consistit in cultu antiquorum Numinum *Paganicorum*, *Martis*, *Veneris*, *Vulcani*, &c. quamobrem hæc ratione Bestia est quæ *erat & non est*. Considerando verò rursus, quod dixi, objecta solummodò mutata esse, *sancitòque* coli tali Idololatriâ

Idololatriâ quâ Paganica Numina olim colebantur, istoc sanè respectu, *Paganismus* rancidus est quamvis circa nova objecta exerceatur. Et propterea quanquam Bestia aliquo modo dicitur *non esse*, verum tamen est, sensu valdè memorabili, eam etiam *esse*. Unde manifestum est per *Bestiam*, quæ erat & non est & tamen est, Romanum Imperium intelligi, postquam in *Paganicam* quandam & *Idololatricam* Christianitatem degenerasset. Quod tamen si *Christianitatem* profiteretur, *imaginem* tamen gessit antiqui Imperii *Paganici* & *Idololatrici*.

Ita ut *Imago Bestiæ*, & Bestia quæ erat & non est & tamen est, ad amussim sibi invicem respondeant. Imago enim est & non est illud cuius est Imago. Quod à quolibet facillè concipi potest & agnosci. Unde quintæ *Congruentiæ* secundi *Paralelismi* veritas planè apparet.

Paral. 2.
Congr. 5.

7. Interpretatio hæc quam dedi hujus versûs tam naturalis est & consentanea ut impossibile credam fore ut quisquam de ea dubitaret absq; obscuritate esset quæ oritur ex *Elliptica* loquendi formula quæ in principio versûs occurrit, *Bestia quam vidisti fuit & non est & ascensura est*, &c. videtur enim supponere *Romanum* hoc Imperium *Idololatricum* S. *Johannis* temporibus non fuisse aut præteruisse, quod veritati planè contrarium est. Verùm respondeo *Ellipsin* esse quam suppleri oportet, atq; tunc errorem in fumos esse arbiturum. Quod supplementum vel sic institui potest, quemadmodum jam innui, *Bestia quam vidisti, nomen scilicet ejus est, Fuit & non est*, &c. vel sic, *Bestia quam vidisti fuit & non est & ascensura est*, &c. hoc illius nomen est hic ejus character quo intelligatis sub qua temporis successione sit expectanda.

Etenim planè intelligendum est Angelum in conspectu suo habuisse integram Bestiæ successionem in duas partes, temporariâ illius interemptione per introductionem puræ Christianitatis in Paganismi locum, ut Religio fieret Imperii, dissectam. Jam verò has seculorum series mente suâ revolvens cum relatione ad Bestiam, primæ quidem nullum alium Titulum inscribere potuit quam, *Est*. Quippe quodd ante Idololatriæ cessationem in Imperio per victoriam puræ ac intemeratæ Christianitatis non erat proprium pronunciare de Bestia quodd *Fuit*, cum adhuc in rerum natura permaneret, multoq; minùs quodd, *Non est*, cum etiamnum existeret. Nec opportunum sanè erat mentionem facere de *Re-ascensione* illius ex *Abyss*o, cum nondum illuc descendisset, nec de ultima ac *finali* illius *perditione*, quippe quam post primam illius Interemptionem oporteret priùs reviviscere.

8. Quamobrem cum Titulus hic *Imperio Idololatr*ico in prima temporis serie sub qua consideraretur, minimè competat, manifestum est Angelum aspectum suum in has seculorum *successiones* porro projecisse, cumq; Intervallum invenisset in quo Bestia cessat esse, sed prævideret simul eam rursus ad vitam restitutum iri, & tum post certam temporis durationem in perpetuum perituram, sub ea ipsa periodo, palàm est, eum Bestiam descripsisse, nominando eam (ratione quidem abruptâ & raptuosâ absq; omni præfatione quodd id nomen ejus esset) *Bestiam quæ fuit & non est, sed quæ rursus in existentiam emersura esset, & postea in perpetuum peritura*. Quod Nomen Angelus ei tribuit dum oculum suum defigit in illud *Interregnum* ejus *temporariæ*ve *Non-existentiæ*, sed cum relatione tamen ad ejus *existentiam futuram* quæ objectum est hujus visionis. Quæ quidem occasio nominis ejus quanquam erat ferè momentanea, sicut & illa Infantis qui appellabatur *Maher-shalal-hash-bash*, permanens tamen esse potest Bestiæ nomenclatura, ad ostendendum suæ successionis ordinem. Nam conditio ejus ordôq; *successionis in existentiam* hoc nomine potius notatur, quàm declaratur quidquam de ipsius *existentia* aut *non-existentia* in temporibus S. *Johannis*. Quæ si diligenter considerentur rectèq; intelligantur, facillè ablatum sunt apparentem illam difficultatem in Textu quasi Bestia in S. *Johannis* temporibus non existeret.

9. Hæc enim locutio istiusmodi Assertionem minimè omnium attingit, sed tantum considerat successionem seriæve temporis sub quo Imperium hoc Idololatricum comprehenditur. Nomenq; indidit *Bestiæ* sub ultima successione non quidem cum relatione ad tempora S. *Johannis*, sed cum relatione ad *primam temporis seriæ* sub quo *Imperium Idololatricum* oporteret *existere*, & tunc ad temporis seriæ quo ipsum oporteret *non existere*, & postremò ad seriæ successionis quâ oporteret *rursus existere* & postea *perire in perpetuum*. Qui character ab his temporum successionebus cum se invicem comparatis æquè commodè fieri potuit temporibus *Danielis* atq; S. *Johannis*, quippe quæ nullam coherentiam ligationemve habent cum tempore Prophetæ, sed solummodò cum se invicem. Nam quicquid in hoc versu exprimitur, significatio tantum est de *successionis ordine* in *Existentia*, *Non-existentia*

&

& *Re-existentia*. Quæ mutationes eâ quidem ratione inter se satis arctè connectuntur; sed adhuc liberæ sunt ab omni colligatione cum Prophetæ tempore aut cum tempore cuiusquam alterius.

Cui quidem rei evincendæ quanquam satis anxie profectò insudavi, est tamen sententia admissu ità facilis, ut *Alcazar* eam in sua expositione supponat, nullâ rogatâ veniâ, nullâve datâ ratione cur supposuerit. Etenim dum intelligit redivivam sive re-existentm Bestiam de Imperio persecutorio sub *Juliano* Apostata quem *Regem* facit *octavum*, visionesq; agnoscit *Johanni* exhibitas esse *Domitiani* temporibus, quando *Romanum* Imperium actu erat *persecutorium*, manifestò sanè innuit [*Bestia quam vidisti fuit & non est*] non quidem intelligendum esse de *Existentia* aut *Non-existentia* cum visionis tempore connexa (falsum enim fuisset dicere temporibus *Domitiani* Bestia non est) sed de mutationibus duntaxat & successibus conditionis Imperii. Cùm igitur, inquit ille, *persecutiones interrumpendæ forent*, hac ipsâ Interruptione significatur quod Angelus ter repetit capite decimo septimo, dum ait de Bestia, Fuit & non est, erat & non est. Quod idem est ac si diceret, *Modò est & modò non est*. Quæ phrasis nullum certum *Existentiæ* aut *Non-existentiæ* tempus significat, sed tantum earum vicissitudinem.

Hæc in caput decimum tertium, & ad eundem sensum loquitur in decimum septimum caput, ubi asserit, per *Bestiam quæ fuit & non est*, Angelum tantummodò significare, *Intermissionem fore persecutionis*. Quibus adjicere possum Protestantium Interpretum expositiones generaliter eadem niti suppositione, quemadmodum *Paræus* notavit. Verum hanc rem spero me jam abundè demonstrâsse.

10. Et certè quod dictum est de prima Descriptione Bestiæ, *Fuit & non est, & ascensura est ex Abyssò & in exitium abitura*, intelligendum etiam est de secunda, *Erat & non est & tamen est*, nempe quòd *Nomen*, *Natura*, sive *Charactèr* Bestiæ est, nulla verò Assertio de præsentì illius *Existentia* aut *Non-existentia*. Nam de Idololatrico illo Imperio quod hîc indigitatur, propriè dici non poterat, quando *Johannes* scripsit, illud fuisse, sed non esse. Nam durabat tunc adhuc *existentiâ non-interruptâ*. Nec dici de eo poterat, *esse & non esse*, quippe quòd Idololatrici illius Imperii Paganici *Imago* non erat sed *ipsum* Imperium. Idq; summoperè notandum est quòd hæc Bestia sic describitur tanquam posthac ex abyssò, ascensura, quòdq; populus cùm in scenam iterum prodierit miraturi sint, *Bestiam videntes quæ erat & non est & tamen est*. Ubi igitur neq; [*erat*] neq; [*non est*] ullam habent connexionem ligationemve cum præsentì ætate *S. Johannis*, cùm adèò manifestum sit [*est*] nullum habere, cùm prædictio non sit de præsentì Bestia sed de Bestia futura. Atq; equidem mihi oppidò quàm improbabile videtur ut Titulus noménve Bestiæ tam immediatè in eodem versu cum hac tenui variatione rursus repeteretur, nisi id factum fuisset datâ operâ ut *Clavis* esse posset Tituli prioris interpretationi, & Lectorem consideratum in ejusmodi sensum conjicere, qualem ego explicavi. Verum legere & magis pro utriusq; isdè est certè Prophetiam insipidâ inutiliq; onerare tautologiâ, præcipuûmq; signum notâmvæ directionis ad verum illius sensum, obliterare. Sed pergitur.

11. Nec potest [*est & non est*] de ullo intelligi objecto sine pressâ quadam quasi strictura ad notas leges legitimæ *Contradictionis*. Qui ornatus ille mysticus est qui hîc affectatur ad excitandam admirationem, & sine quo sententia nec sensum habitura esset nec elegantiam. Eadem igitur res aliquo sensu affirmari hîc debet & negari de eodem subjecto. Quamobrem quemadmodum per illam partem Tituli [*erat & non est*] naturaliter intelligitur eam non esse quæ fuit, & sicut [*non est*] eadem latitudine intelligendum est qua [*erat*] (ut si [*erat*] totam existentiam innuat, [*non est*] totam etiam debet existentiam tollere, & si [*erat*] conditionem duntaxat existentia qualitatemve denotet, [*non est*] tantundem etiam tollere debet & nihil amplius) Ità sanè [*non est & tamen est*] eadem latitudine oportet intelligi, objectumq; Affirmationis eorum atq; Negationis esse æquale, hoc est, aut tota rei existentia affirmari debet & negari, aut eadem conditio sive qualitas.

12. Prius, hoc in casu dici non potest, cùm tam realis sit *contradictio*, ut aperta sit falsitas. Et certè in posteriori si perfectâ esset identitas, æquè rancida esset & irreconciliabilis *Contradictio*. Ut verbi gratiâ, si quis *Rex* esset & tum postea deponeretur ad tempus, mox verò in Regnum æquè plena cum potestate atq; antea restitueretur, realis profectò contradictio foret crassâq; falsitas dicere, & *Rex est & tamen non est Rex*. Unde Interpretationis *Hugonis Grotii* ineptitudo detegitur qui *Domitianum* facit Bestiam, *quæ non est & tamen est*. Nunquam enim de eo dici poterat eum Imperatorem non esse dum erat Imperator, aut dum non erat Imperator, cum

eum Imperatorem esse, siquidem Imperatorem esse eadem prorsus erat conditio utrisq; vicibus quibus sic fuit, si utiq; sic fuit duabus distinctis vicibus. Ubi nullum sanè habet subterfugium eruditus *Grotius* nisi recurrendo ad lectionem & παῖσαι.

Verùm quando hæc *Identitas* aliqua ex parte defectiva est, vergitq; ad naturam *similitudinis* potius quàm *exactæ Identitatis*, tum demum proprius est huiusmodi ænigma adhibendi locus, quippe quòd tametsi mentem legentis *contradictionis* umbrâ consternare poterit, declarabit tamen *veritatem*, quemadmodum apparet ex nostra Interpretatione *Bestiæ quæ non est & tamen est*; Quæ sic est, Quòd antiquum scilicet Imperium Idololatriæ *non est & tamen est*. Ubi utraq; pars vera est. Quantum enim ad modum *Idololatriæ*, eadem est Bestia; respectu verò personarum quas sic colere student, non est eadem; ac proinde, quemadmodum jam notavi, appellatur etiam *Imago Bestiæ*.

Paral. 2.
Congr. 5.

13. Quapropter secundus hic Titulus Bestiæ [*Erat & non est & tamen est*] cùm tam clarè deprehendatur non significare quidem *existentiam* sed *conditionem ordinemq; successionis*, ulterior confirmatio est Interpretationem nostram in priori Titulo Bestiæ, esse etiam veram, omissionemq; interserctionis vel subjunctionis huiusmodi formulæ, *Hoc est nomen ejus*, vel, *hæc est proprietas ejus*, & similia, meram *Ellipsin Prophetica* esse, celândiq; artificium, ob duplicem rationem hîc quidem approbandum, aut tanquam raptuosè & ecstasice dictum, & propterea adeò *Ellipticè*, aut ob id saltem quòd exempla reperiantur ejusmodi *Ellipseos* in aliis locis Scripturæ & in eisdem planè circumstantiis, ut Apoc. 1. & Exod. 3.

Objicere verò hîc eas *Ellipses* non talem offundere sensui obscuritatem atq; huic loco offunditur, id ipsum equidem esset agnoscere pro quo ego tantoperè contendo, *Ellipsin* nempe hîc adhiberi datâ operâ ut sensus *obscuretur*; sed obscurationem hanc rursus eò commendabiliorem esse, nec omninò invincibilem, ex eo quòd *Ellipsis* hæc exemplis non caret in Scriptura, sitq; fortean non sine aliqua allusione ad eos ipsos Textus, ubi Nomen Dei est יהוה אלהינו אלהינו *Ero qui ero* & ה' אלהינו ה' אלהינו *Exod. 3. 14* *χρυσος*. Quæ *Zegerus* & *Cornelius* à lapide ad insignem ostendendam discrepantiam cum nomine Bestiæ comparant. Et posterior quidem concludit Regnum impiorum aptè exprimi per *Erat & non est*; nomen verò Dei qui solus habet immortalitatem, cuiusq; Regnum Regnum est omnium seculorum, per *Qui est & qui erat & qui venturus est*; multaq; alia id genus addit comparando hoc nomen Dei cum Nomine Bestiæ, nam ità is hanc ejus descriptionem appellat: *Sicut Dei nomen est Jehovah*, hoc est, QUI EST; ità *Bestiæ nomen est*, QUI NON EST. *Secundò*, *Dei nomen est*, QUI FUIT ET EST; Bestiæ, QUI FUIT ET NON EST. *Tertiò*, *Dei nomen est*, FUIT ET ERIT; Bestiæ, NON ERIT AMPLIUS. Sic *Cornelius*. Quorum ultimum accuratè respondet nostræ interpretationi illius locutionis *εἰς ἀνάστασιν ἰσχύει*. Cæterum nimis copiosi sumus nimisq; solliciti in re dilucidanda quam tam plenè * jam suprà demonstravimus, probando scilicet hanc Bestiam

* Cap. 11. scilicet,
13, 14, &c.

cujus Nomen, Titulus vel Descriptio est [*erat & non est*] &c. Romanum esse Imperium postquam Christianitatis professionem suscepisset, & degenerasset deuò in posthumum quoddam genus Paganismi.

14. Quòd verò interpretatus sim Bestiam in sua *Re-existentia* de Imperio Idololatriæ iterum factò, potius quàm de formatione illius in novum aliquod Regimen Politicum, ut multi faciunt, id sanè ob hanc rationem feci, quia hoc *tertiæ* meæ *Regulæ* de interpretandis *Vaticiniis* magis est consentaneum. Et præterea quia Imperium sensu quidem Politico dici non potest unquam adhuc cessasse existere; Nunquam adhuc tempus fuit à primis usq; illius exordiis quo quis dicere potuerit, Non est. Et postremò *Meretrix* & *Bestia bicornis* contemporaneæ non forent *Bestiæ quæ erat & non est & tamen est*, nisi ortus hujus Bestiæ incipere intelligatur ex ejusmodi rationibus quas declaraverim, nempe nisi origo Bestiæ relapsus Imperii fuerit in Paganismi quoddam genus ac Idololatriæ.

15. Atq; hæc quidem de Nomine Bestiæ; *Congruentiarum* detectionem nunc prosequamur. *Fuit & non est & ascensura est ex Abyssò*, hoc est, Fuit in illo temporis decursu antequam *Michael* cum *Dracone* pugnavit eumq; occidit, sed ex ea cæde cessavit existere. Ac proinde dicitur capite decimo tertio, Quòd *Draco dedit ei suas vires*, hoc est, successit Hæres copiarum *Draconis*, Draconisq; exercitus (sic enim *δράκων* significat ut in *Κόλας δυνάμει*) relictus est illius usui & Regimini. Vel quia *Draco* Diabolum significat perinde atq; Imperium Paganicum, *Diabolus* huic Bestiæ copias suas tradidit suamq; potestatem ac thronum sicut Imperio Paganico fecerat, hoc est, *Assistentiam malorum spirituum*; *Idolorum* sive *Imaginum*, omnemq; Pompam ac satellitium Regni sui tenebrosi, sed ità ut mutaverit seipsum eaq; omnia in

in speciem veræ Lucis, suamq; malignitatem occultaverit sub prætextu ornandi promovendiq; Cultum Christianum. Vide Cl. *Medum* in locum.

Parall. 2.
Congr. 3.

Quæ Bestiæ rursus *erectio*, quæ plagam lethalem acceperat, illiusq; in vitam *resuscitatio*, Draconis ope armisq; illius militiæ propriis, cujusmodi sunt *Idolola* ac *Imagines falsæq; miracula*, aptissime conveniunt cum *Re-ascensione* ejus ex *Abyssso*. Sic enim *ἀβυσσος* significare potest, *Infernum* scilicet perinde atq; *Mare*. Atq; hinc demonstratur veritas *Congruentiæ* tertiæ *Parallelismi* secundi.

Parall. 2.
Congr. 6.

16. Quod si intelligamus *ἀβυσσος* mare denotare, quod frequentissime solet, & certè respectu Imperii, nullus dubitò quin ità hîc significet, hoc respondet *septicipiti Bestiæ* ascendenti ex *mari* cap. 13. v. 1. estq; sexta *Congruentia* secundi *Parallelismi*.

Parall. 2.
Congr. 7.

17. Et in exitium abitura. Juxta id quod scriptum est cap. 13. v. 10. *Qui in Captivitatem duxerit, in Captivitatem vadet. Qui gladio occiderit, oportet eum gladio occidi.* Quæ *Congruentia* septima est *Parallelismi* secundi.

Parall. 2.
Congr. 8.

18. Et mirabuntur incolæ terræ quorum nomina scripta non sunt in libro vitæ. Secundum illud quod legimus cap. 13. v. 3. Et admirans universa terra secuta est *Bestiam*, & v. 8. Itaq; adorabunt eam omnes Incolæ terræ quorum non sunt scripta nomina in libro vitæ Agni, &c. Quæ secundi *Parallelismi* *Congruentia* octava est.

19. Videntes bestiam quæ erat & non est. Dicitur hîc vel potius in principio hujus versûs, *non esse*, quemadmodum & *occidi* cap. 13. v. 3. Et vidi unum ex capitibus ejus quasi lethaliter cæsum; vulgaris versio, quasi occisum in mortem, quod eodem redit, ambobq; cum *Græco* consentiunt *ὡς ἰσχυμένον εἰς θάνατον*. Nec certè *ὡς*, quod quasi redditur, caput innuit haud ità lethali plagâ cæsum esse ut moreretur. Nam præterquam quod vulnus hoc *πληγὴ τῷ θανάτῳ* lethale vulnus plus semel appellatur, evidens est præterea quod particula *ὡς* non semper attenuat minuitve sensum, uti apparet cap. 5. v. 6. ubi reperimus *ἀγρίον ἰσχυδὲς ὡς ἰσχυμένον*, qui tamen Agnus reverà penitusq; occisus mactatusve erat, &c. Igitur ad *Rationem Imaginariam Representationis* refertur, non ad Imperfectionem mortis cædisve representatæ. Quamobrem hoc caput reverà occisum & trucidatum erat, ac supponit proinde corpus etiam fuisse mortuum, quemadmodum & hîc dicitur *non esse*. Quod jam notavi tertiam *Congruentiam* esse *Parallelismi* secundi.

Parall. 2.
Congr. 3.

Quæ *Congruentia* cum *Congruentiis* hujus *Parallelismi* perpetuis simul considerata, invincibilis confirmatio est veritatis expositionis nostræ in hunc locum, *Bestia quam vidisti fuit & non est*, &c. Nempe quod adæquatè loquitur de Bestia, sub ultima successione, re-existente, in hoc decimo septimo capite, perinde atq; de Bestia sanata in decimo tertio; quodq; nulla potest esse objectio contra nimis arctam sensûs occultationem in hac insigni *Ellipsi*, quippe quod tametsi commissura æquè invisibilis sit atq; in Artificiis Chalybeis perquam affabrè factis, manifestæ tamen *Congruentiæ* hujus *Parallelismi* secundi inter *septicipites*, hujus & decimi tertii capitis, *Bestias* non possunt quin sensum referent apud homines consideratos & intelligentes.

Parall. 2.
Congr. 5.

20. Non est & tamen est. Cujus jam ostendi nullum esse posse sensum, nisi intelligamus non perfectam quidem *Identitatem* sed potius representationem quandam vel similitudinem. Quæ quidem *Representatio* elegantia causâ Titulo indui potest *Identitatis*, tanquam si id quod valdè simile est, omnino esset *idem*. Ità is qui in *Elie* spiritu venerat, appellatus est *Elias*. Et egregius quispiam *Epicureus* vel *Platonicus* appellari potest *Epicurus redivivus*, vel *Plato redivivus*. Et vulgaris sanè locutio est, Talem quempiam nunquam moriturum esse quamdiu talis quispiam, putà filius ejus, ei admodum similis, sit victurus; concedendo sic patrem & vivum & mortuum esse posse simul; mortuum quidem quantum ad propriam suam personam, vivum verò in viva sui Imagine in superstite, scilicet filio. *Quamquam nullum monumentum clarius Servius Sulpitius relinquere potuit, quàm effigiem morum suorum, constantia, pietatis, ingenii filium.* De hujusmodi filio est illud dictum *Siracidis*; *Mortuus est pater ejus & quasi non est mortuus, similem enim reliquit sibi post se.*

Eccles. 30. 4.

Quapropter, quemadmodum *Servius Sulpitius* dici potest mortuus vivusq; simul, mortuus quidem quantum ad propriam personam, vivus verò in filio suo, qui tam perfecta illius effigies est; ità dici potest de Bestia, quod *non est & tamen est*, quoniam antiquum illud Paganicum Imperium, quæ Bestia illa erat, introductione puræ Christianitatis, occisa, reverà *non est*, & tamen *est*, ex eo quod revixerit in Imperio adeò Paganicè Idololatræ rursus facto, & adeò ad vivum referente illius statum in temporibus *Draconis*. Res enim dicitur existere (inquit *Cornelius à lapide*) cum ejus exemplar, Imago, Typus aut Figura existit. Et quàm viva sanè Imago

five

sive Representatio degener hoc Imperium sit illius sub *Dracone*, particulatim hic explicare possim; Verum id differam potiùs in Capita sequentia. Interea loci hoc sufficere potest in genere ad demonstrandam quintam nostram *Congruentiam Parallelismi* secundi.

CAP. XIV.

Ver. IX. Sophia quid significet, quòdque Siracides ad Hebraicum חכמה alludere videtur in descriptione illius. 2. Constantinopolin etiam septem montes habere conceditur, idque ad confirmationem facere octavae Congruentiae Parallelismi primi. Ver. X. Septem Capita de septem summorum Magistratum generibus interpretari, nullam esse theologicam sed naturalem ac necessariam veritatem. 2. Quam naturaliter differentes supremarum Potestatum Romani Imperii successiones in octo partes se dissolvant. 3. Unica illa vera ratio cur octo Reges recenseantur, cum tamen septem tantum capita sint Bestiae. 4. Divisionem Imperatorum in Paganos, Christianos, & Pagano-Christianos intendi supponere in enumeratione octo Regum, veritatem esse irrefragabilem. 5. Verisimillimum esse Angelum, post Regem sextum, nullam aliam summarum Potestatum Imperii rationem respexisse quam quae ad Religionem pertineret. 6. Ratio demonstrativa ab [unus est] Ellipsin subesse in Bestia quam vidisti fuit & non est, &c. 7. Cur & ἄλλοι ἔτι ἰδοὺ, potiùs quam ὁ ἴσθης. Unde ultima subdivisio confirmatur, decimamque Congruentia secundi Parallelismi evincitur. 8. Quarta Congruentia Parallelismi secundi. Ver. XI. Descriptionem Bestiae, Nomen illius esse, ejusque partem pro toto usurpari, quemadmodum fit in Nomine Dei. Quod & supra memoratam Ellipsin porro confirmat. 2. Facilis genuinúsque sensus istorum verborum ὅτι αὐτὸς ὁ ἴδους ὅτι ἡ ἐν τῷ ἰσθίῳ. 3. Sensus illius sententiae [Bestia quae erat & non est is octavus est] esse quòd illius caput is octavus est. 4. Octavum Regem per Henopœiam admittere posse plures Cæsares uno, in eodem tempore, & quare. 5. Parallelismi secundi Congruentia nona. 6. Septima Congruentia. Ver. XII. Parallelismi secundi Congruentia undecima. 2. Duodecima Congruentia. 3. Illius sententiae sensus, ἔξωθεν ὡς βασιλεὺς μὴν ὡς λαμβάνουσι μὲν τὸ δόξου. Ver. XIII. Congruentia Decima tertia, cum explicatione illius versús, Hi unum consilium habent ac vires & potestatem suam Bestiae tradent. 2. Papam supra Imperatorem etiam seculari Potestate elatum continuare posse successionem septimi Capitis, cum per ipsum nihil aliud significetur quam secularis Principatus Pagano-Christianus Imperii. Ver. XIV. Decima quarta Congruentia Parallelismi secundi. 2. Congruentia Decima quinta. 3. Decima sexta secundi Parallelismi Congruentia.

VER. IX. Hic est mens quae habet sapientiam, ὁ δὲ ὅς ἐστι σοφία, in tali sensu quo ὁ δὲ ὅς ἐστι σοφία ἰσθί, cap. 13. 18. hic est sapientia, hoc est, hic est speciale Arcanum, hic sapientia recondita est, vel Parabola Cabbalistica. Quemadmodum innuitur Ecclesiastic. 6. 22. Σοφία γὰρ καὶ τὸ ὄνομα αὐτῆς ἔστι, καὶ ὁ πολλοὶς ὅς ἐστι φανερός, Sapientia enim secundum nomen est ejus, & non est multis manifesta. Ubi verisimillimum est Siracidem alludere ad חכמה quod significat rem cooperire atque sic eam celare, ac si σοφία inde derivata esset. Et proculdubio sapientia veterum talis erat, externamque habebat crustam sive corticem perinde ac pulpam internam. Diogenemque sic potiùs oportebat de Parmenide scripsisse ἀτλήν τε εἶναι σοφίαν (non autem φιλοσοφίαν) τὴν μὲν καὶ ἀλῆθειαν, τὴν δὲ καὶ δόξαν. Antiquam scilicet Sophiam, quam Siracides sono alludere supponit ad חכמה, duplicem habere sensum, unum secundum externam apparentiam, alterum secundum internam veritatem. Quamobrem sicut ὁ δὲ ὅς ἐστι σοφία significat, Hic est hujusmodi recondita sapientia qualem descripsi; ita ὁ δὲ ὅς ἐστι σοφία significat, Hic sensus est qui tanquam in speciali antiquae Sophiae exemplo latitat, quae solita est insignes summique momenti veritates externis Hieroglyphicis Typisque occultare.

2. Septem capita, septem montes sunt super quos mulier sedet. Romam veterem hic indigitari per hos septem montes omnes Interpretes unanimiter consentiunt, cum illa civitas eo nomine celebratissima sit tum apud Historicos, tum apud Poetas. Ut apud Dionysium Halicarnasensem, Plinium, Plutarchum, etiam apud Varronem, Tertullianum,

num, aliósq̃ue. Apud Poëtas, ut *Virgilium*, *Horatium*, *Ovidium*, *Claudianum*, & *Sibyllas*. Quæ res cum aded notæ sint & obvia apud Expositores *Apocalypseos*, prorsus supervacaneum puto ulla huc asferre exempla.

Sunt autem qui magnoperè sibi placent quòd *Constantinopolin* etiam ob septem Colles in monumentis antiquitatis celebratam invenerint. Quod & *Montacutius* Episcopus facit in Tractatu, quem inscripsit, *Appello Casarem*; ubi affirmat Civitatem hanc *Νίκην ἑπτάκορον* à *Niceta* appellari, Urbemq; septicollem à *Paulo Diacono*, atq; sic esse agnosci à *Jano Doufa*, ac *Richardo Knollisso* in Historia sua *Turcica*. Quibus addam quod in Theatro urbium reperió, nempe *Scholarium* Patriarcham *Constantinopolitanum* in sua *Enarratione vaticinii de Turcici Regni interitu*, Civitatem *ἑπτάκορον* nominare. *Dilichius* etiam in hujus Civitatis Descriptione non solum septem montes commemorat, sed narrat præterea quàm magnifica super ipsos ædificia sita sint. Et postremò *Ludovicus Gotsfredus*, *Muri ejus* (inquit ille de hac Civitate loquens) *sunt incredibilis altitudinis, complèctentes ambitu suo septem colles*. Aded ut tamen non sit tam antiqua ac matura mentio septem montium *Byzantii* sive *Constantinopoleos* quàm sit *Roma*, nec veridissimile sit quin postquam Imperator Civitatem *Novam Romam* appellandam statuisset, *septem etiam colles* in ea invenire vellent (per æmulationem veteris urbis *Imperialis*) sive septem omnino essent sive non, hoc est, quamvis plures essent quàm septem, vel si pauciores, capere occasionem imaginandi unum eundemq; montem ob inæqualitates aliquas sive lacunulas, uno plures esse; dubitare tamen non possum quin ratio hujus Tituli aliqua sit haud contemnenda; cumq; apud Historiæ illius Scriptores obtinuerit, equidem non ibo inficias quin & illa pro urbe septicolli possit etiam haberi. Quod expositioni nostræ nihil allaturum est incommodi, sed confirmaturum potius Interpretationem de cornibus *Bestiæ*, quæ ego duos *Patriarchatus Imperiales Romanum & Constantinopolitanum* esse existimo. Quod latè patentem quidem *Pseudopropheticæ* illius *Bestiæ* Jurisdictionem ostendit, utpote quæ super totum Imperium tam *Orientale* quàm *Occidentale* sit diffusa.

Paral. 1.
Congr. 8.

Atq; hic invenimus sedem *Meretricis* æquè latam, his septem montibus ad *Romam veterem*, ut vulgò creditur, eam non defigentibus, sed illam permittentibus residere etiam *Novæ Romæ* sive *Constantinopoli*, cum & *septem colles* illic sint æquè ac in altera sede, quanquam non tam celebres quàm sunt illi alteri, quemadmodum nec fornicationum fama tanta ab unis sit quanta ab alteris. Juxta quem sensum *ἡ ἑπτά κεφαλαία ἡ πόλις ἑπτά ὄρη* reddi debet, *septem capita septem sunt montes*, hoc est, *septem capita* significant duos montium septenarios, unum *Romæ*, alterum *Constantinopoli*, unde octava primi *Parallelismi* *Congruentia* elucescit.

Ver. X. *Et Reges septem sunt*, hoc est, significant septem summorum Magistratuum genera. Qui *Reges* hic appellantur per *Diorismum* vel *Hebraismum*, qui per Regem Regnumq; quodvis corpus Politicum cum summa sua Potestate intelligunt, sive penes unum sit sive multos. Atq; *septem* quidem genera sunt, non *septem* diversorum generum *Individua*, sed tota cujusq; generis successio, per usitatam *Henopæiam*. Quòd verò *septem* diversa Magistratuum genera æquè aptè appellari possunt *septem capita* ac *septem personæ Individuæ*, ratione apertè demonstrari posse censeo, quippe quòd major differentia est inter genus & genus, quàm inter individua ejusdem generis. Unde profectò temeritatem *Grotii* demiror, quòd septem Formas Regiminis, in concreto acceptas (sicut omnes eas accipiunt) *ἡγεμονίας* appellaverit; cum tamen si sit hujusmodi septuplex summarum Potestatum in successione Imperii differentia, Imperio semel considerato ut *Bestia*, nobis vel invitis eo ipso *septiceps* evadet. Tantum proinde abest ut sit *ἡγεμονία*, ut *veritas* naturalis sit & inevitabilis.

2. Nunc verò Divisio successionis summarum Potestatum Imperii naturaliter sic fit. Potestas hæc aut penes multos erat aut penes unum. Penes multos, ut in *Consulibus*, *Tribunis militum* & *Decemviris*; Penes unum, ut in *Regibus*, *Dictatoribus* & *Imperatoribus*. Quos *Imperatores* rursus dividam in *Paganos*, *Christianos*, & *Pagano-Christianos*. Ità ut tota linea successionis harum supremarum Potestatum divisa sit primum in duas partes æquales, deinde utraq; duarum in tres subdivisa, & postremò una pars secundæ subdivisionis rursus in tres, ità ut tota linea naturaliter in octo partes solvatur, congruenter quidem rerum *Historiæ* ac declarationi *Vaticinii*.

Nam recensentur planè octo Reges, quanquam septem tantum capita *Bestiæ*. Nam sub *Christianis Imperatoribus* Imperium non erat *Bestia*, ac proinde nullum poterat illius esse caput.

3. Nec certè scio ullam tolerabilem hujus *Enigmatis*, octo quidem *Regum* & tamen septem tantum capitum, solutionem præter hanc. Brevis enim mora *Christianæ* successionis

succeſſionis è numero Capitum eos expungere non poteſt, cum mora *Decemviroꝝ* plus quadraginta vicibus brevior eſſet. Quamobrem hoc in cauſa non eſt; ſed quia *Imperium* durante eorum ſucceſſione non erat *Beſtia*, nec ipſi idonea verè *Beſtia* capita, ſed capita tantum erant *Regiſve nondum degenerantiſ* nec adhuc ruruſ *Paganiffantiſ Imperii*. Quod igitur intervallum erat *interitùſ Beſtiæ* quando non erat, caputq; proinde nec habebat nec habere poterat.

4. Nec minimuſ quidem locus eſt ulli Cavillo adverſuſ poſtremam noſtram ſubdiviſionem, quæ eſt Imperatorum diviſio in *Paganos*, purè *Chriſtianos* & *Pagano-Chriſtianos*, tanquam ſi cauſa non eſſet ſatiſ fundamentalis ultimæ hujus diſtributio- nis. Cum tamen è contrà tam fortis oppoſitio ſit inter duo prima illius membra ut alterum alterum excludat, ſeptimo ſanè Rege ſextum caput vulnerante & occidente. Et certè, quandoquidem, poſtquam Religio facta ſit Religio Regni Imperiive, Lex quodammodo illius Imperii evadit, cum ratione proſectò concludi poteſt *Politicum* etiam diſcrimen eſſe inter *Chriſtianum* & *Paganicum* Imperatorem. Ac poſtremò quicquid de eo ſit, manuſtum eſt omnibuſ, oppidò quàm eminentem inſignemq; di- ſferentiam eſſe *Chriſtianum* Imperatorem inter & *Paganicum*, majoriſq; momenti quantum ad *Eccleſiam Dei*, quàm eſt ulla *Politica* Regiminum diſtinctio. Quod ve- rò maximè Eccleſiæ illius interſit, certi eſſe poſſumus Deum maximè curare, ac pro- inde æquè ſaltem veriſimile eſſe eum ſummorum Magiſtratuum ſucceſſionem hoc di- ſcerniculo diſtincturum fuiſſe atq; ullo alio.

5. Immo verò tutò addi poſſe exiſtimo, probabile eſſe, poſtquam Angeluſ ad di- viſionem capitum vel potiùſ *Regum* in *Chriſtianos* & *Pagano-Chriſtianos* perveniſſet, eum neglexiſſe omnino conſiderationem *Politice* diſferentiæ Formarum Regiminis in Imperio, cum iſta notio ad ſuum propoſitum parum jam faceret, & eorum diſtin- ctione ex ſolius Religionis ratione facta contentum fuiſſe; verum uſq; dum huc per- veniſſet eoſ numeràſſe juxta Formæ *Politice* diſtinctionem, cum omneſ uſq; ad illud tempuſ in puro Paganismo conſentirent. Adeò ut hujus ſententiæ ſenſuſ [*Beſtiæ quæ erat & non eſt illiuſ caput oſtendit eſſe*] hîc eſſe videatur, ſummam ſcilicet Potesta- tem, (*Politica* forma Tituluſve cuiuſmodi fuerit, quæ redivivæ *Beſtiæ* præſt, hoc eſt, quæ *Idololatrico* ruruſ factò præſt Imperio) totam illam ſucceſſionem, ubi- cunq; oculum defixeris, ſive in *Papam*, ſive in *Imperatorem*, conſiderari tanquam *oſtendit Regem ultimũve caput Beſtiæ*. Hoc enim eſt cui ſoli hæc viſio inſervit, non autem inutilibuſ diſcriminatiunculiſ & curioſitatibuſ. Quæ ſuppoſitio *tertiæ no- ſtræ Regule* interpretandi prophetiaſ apprimè convenit.

Et quod dictum eſt in gratiam diſtinctionis duorum primorum membrorum ultimæ meæ ſubdiviſionis, tam facile applicari poteſt ad poſtremum cum ſecundo compara- tum, hoc eſt, *Pagano-Chriſtianum* cum *Chriſtiano*, ut nihil ampliùſ opuſ ſit quàm ut hoc obiter moneam & ſic ad alias reſ pergam.

Demonſtrationem veritatis primæ meæ ſubdiviſionis in *Conſuleſ*, *Tribunoſ militum*, *Decemviroſ*, & *Reges*, *Diſtatores* & *Imperatores* ſive *Cæſareſ*, uſq; dum hanc meam *Co- ſpoſitionem* finivero, diſſeram.

6. *Quinq; ceciderunt, unus eſt*. Quinq; qui ceciderunt *S. Johanniſ* temporibuſ, *Reges* erant, *Conſuleſ*, *Decemviri*, *Diſtatores* & *Tribuni militum*; unus qui tunc erat, continuata erat ſucceſſio *Cæſarum Paganicorum*.

Atq; hîc opportunuſ erit notare, cum *S. Johannes* unum è ſeptem capitibuſ *Be- ſtiæ* vixiſſe nec dum occiſum fuiſſe quando hæc viſio illi obtingebat, tam aperte aſſerat, quòd & tunc *Beſtia vixit*, & in rerum natura extitit, ac proinde quòd tum *Beſtia* non pervenerat ad ſtatuſ [*erat & non eſt*]. Quæ demonſtratio eſt planè Ma- thematica quòd [*erat & non eſt*] vel [*fuit & non eſt*] non ſignificant fixam aliquam determiſatamve *exiſtentiam* vel *non-exiſtentiam*, ſed earum tantum ordinem vel *ſucceſſionem*, quemadmodum declaravi; quòdque ex conſequenti ejuſmodi *Ellipſiſ* eſt qualem ſuppoſui in [*Beſtia quam vidisti fuit & non eſt*,] &c. Tam demonſtrativâ evidentiâ nituntur ſingulæ parteſ Interpretationis noſtræ; ſed pergo.

7. *Et aliuſ nondum venit*, ὁ ἄλλος ἔτι οὐκ ἦλθεν. Non ait ὁ ἕβδομος ἔτι οὐκ ἦλθεν, ſed ὁ ἄλλος, quippe quòd ſeptimuſ hîc non eſt propriè ex linea antecellorum, cum omneſ illi eſ- ſent *Pagani*. Quapropter appellatur ὁ ἄλλος ob inſignem diſferentiam diſtinctio- nemve ab eiſ qui præceſſerant, tanquam ſi planè *ſpecifica* eſſet, quemadmodum *Por- phyrinuſ* definivit, Ὅτι πᾶσα διαφορά προσηγομένη τινὶ ἑτέρῳ ποιεῖ, ἀλλ' αἱ μὴ κοινῶς τε ἡ ἰδίως ἀλλοῖον ποιεῖν, αἱ δὲ ἰδιότατα, ἄλλο. Et tunc addit αἱ μὲν οὖν οὐκ ποιεῖται ἄλλο εἶδοσιν καὶ κλίμαξαι, *Ille diſferentia quæ reſ faciunt ἄλλο τι, diſferentiæ vocantur ſpecificæ*, Quæ maximæ ſunt diſferentiæ quæ fieri poſſunt. Subdiviſionis noſtræ ultimæ tam ſolida proſectò eſt ratio.

Parall. 2.
Congr. 10.

Ex quibus porro planè constat, Bestiam lethali plagâ affectam esse in *sexto capite*. Hic enim ὁ ἄλλος, cum tam perfectè illi oppositus esset atq; contrarius, è rerum natura eam exterminabat, siquidem impossibile erat ut *caput Imperii* purè *Christianum* esset & *Paganicum* simul. Quod cum eo apprimè convenit quod occurrit capite decimo tertio, ubi enumerantur *septem capita Bestiæ* cum inscriptione in singulis *Blasphemiae*, hoc est, *Idololatriæ*. Jam verò cum *septem* tantum sint *capita Idololatriæ*, quorum quinq; ceciderant S. *Johannis* temporibus, septimùmq; ac ultimum pertineret ad *Bestiam redivivam*, cujus curata fuerit plaga lethalis, quæq; hic appellatur *Bestia quæ erat & non est & tamen est*, necessariò illa sors *sexto capiti* illi obtingit ut sit vulneratum cæsumve caput, sicut & caput est ex *existentia exterminatum* in hoc capite decimo septimo. Unde decimæ *Congruentiæ* secundi *Parallelismi* veritas apparet.

8. *Et cum venerit, oportet illum breve tempus manere.* Breve & longum termini sunt comparativi, respicerèq; debent alium aliquem terminum cum quo comparentur. Et proculdubio ad id quod proximum est, maximèq; recens memoratum maxime naturaliter respecturum sit; Ad durationem scilicet sexti Capitis vel Regis. Mora *septimi Regis* brevis erit si cum *sexto* conferatur. Quòdque mora illius brevis futura sit, videtur etiam præfigurari in illis verbis Capitis decimi tertii, *Et ipsius plaga lethalis curata est*. Nam tametsi ἡ ἀρχὴ τοῦ βασιλέως eam tandem reverà mortuam supponit, tamen ἡ ἀρχὴ τοῦ βασιλέως αὐτῷ ἐδραστεύθη, *ipsius plaga lethalis curata est*, videtur innuere moram illius in morte non fuisse diuturnam, sed ad instar potiùs alti cujusdam profundiq; somni, lethalisve animi deliquii. Talis enim plaga quæ hominem longo tempore in statum mortuorum transmittit, prorsus incurabilis est. Hæc verò hic curata fuisse dicitur.

Parall. 2.
Congr. 4.

Quamobrem hic mortis status in hac lethaliter vulnerata Bestia breve tantum tempus erat, sicut regnum τοῦ ἄλλου esse affirmatur, altero alterum necessariò inferente. Nam omninò quamdiu *Cæsares* purè erant *Christiani*, tamdiu *sextum* Caput quod cæsum erat (qui *Cæsares* erant *Idololatriæ*) in terra mortuum jacebat nec diutius. Quod quartam *Congruentiæ* secundi *Parallelismi* confirmat; Tempus scilicet *Mortis* sive *Non-existentiæ* Bestiæ in neutra illius fati descriptione fore diuturnum.

Ver. XI. *Bestia autem quæ erat & non est, is octavus est.* Observatu sanè dignum est, quòd quemadmodum Exod. 3. postquam Deus declarasset nomen suum esse ERO QUI ERO, postmodum partem tantum illius sumit, dicens, *Sic dicas filiis Israel, ERO misit me ad vos*: ità hic postquam hæc Bestia sic descripta esset [*Fuit & non est & ascensura est ex abyssu & in exitum abitura*] & paulò post [*erat & non est & tamen est*] brevis tamen portiuncula illius tantum adhibetur [*Bestia quæ erat & non est*] per quod significari censeo (sicut suprà notavi) hanc illius descriptionem tanquam nomen ejus considerari, sicut ὁ θεὸς καὶ ὁ υἱὸς ὁ ἐρχόμενος consideratur tanquam nomen Dei; atq; in his locis omnibus *Ellipsin* subesse, defectumve hujusmodi Monitionis, verum perinde firmiter subintelligendum esse ac si tale aliquod factum fuisset supplementum. V. 8. Θελὼν ὁ υἱὸς ἐνομασθῆναι, ὃν καὶ ἡ ἑστὶ καὶ ἡ ἐστὶν. Et in eodem versu, βλάπτει τὸ θηλον, φτίνει τὸ ἐνομα αὐτοῦ, ὃν καὶ ἡ ἐστὶ καὶ ἡ ἐστὶν. Et in versu hoc undecimo, καὶ τὸ θηλον ὃ τὸ ἐνομα αὐτοῦ, ὃν καὶ ἡ ἐστὶ καὶ ἡ ἐστὶν, &c.

2. *Is est octavus*, ità Beza, sed sensu haud ità pleno & adæquato. *Græcum* habet, καὶ αὐτὸς ὁ υἱὸς ὃν καὶ ἡ ἐστὶ καὶ ἡ ἐστὶν. Quod facillimè maximèq; naturaliter sic reddi potest, *Et ipsissimus ille octavus est & tamen è septem*; vel brevius sic, *& ipse octavus est & de septem*. Bestiam hanc *quæ erat & non est*, nempe caput ejus (est enim manifestò *Synecdoche*) & octavum Regem esse, & simul è *septem*, nempe è septem illis Regibus qui significantur per *capita Blasphemiae*, sive *Idololatriæ* capita.

Ubi certè perquam dignum est notatu quanta cum cautione & circumspectione res in sacrosancto hoc *Mysticoq; Apocalypseos* volumine descripta sint. Primum enim postquam venisset ad sextum caput sive Regem, non dicebat *sextus* est, sed *unus* est, ut viam sterneret ad proximum numerandum sub nomine τοῦ ἄλλου, quod tam apertæ significationis est sicut suprà notavi, tamq; necessariæ ad describendam naturam illius ab omnibus ejus antecessoribus prorsus differentem, cum illius propriè omninò non sit generis seu lineæ. Quid enim communionis affinitatisve intercedere potest purè *Christianos Cæsares* inter purèq; *Paganicos*?

Jam verò statim atq; pervenit ad ultimum hoc caput, quod non possum quin significantiæ causâ *Pagano-Christianum* appellem, (siquidem totum Imperium à capite ad calcem tale esse supponitur) hunc Regem *octavum* quidem appellandum censet, quippe qui è duplici linea oriundus, omnium suorum Antecessorum cognationem complectitur, *Christianorum* perinde ac *Paganorum*, ac proinde annu-

rando

rando τῶν ἄλλων successioni à quo etiam prognatus est, meritò vocatur Rex *oſtavus*. Et tamen considerando quòd *Paganicum* sive *Idololatricum* caput est æquè ac *Christianum*, dicitur unus esse è *septem*, nempe è septem istis Regibus qui notantur per septem ista *blasphemia capita* Bestiæ, quæ *septem* omnino sunt, non plura. Hic quidem, meo iudicio, sensus certissimus, facillimûsq; est quem de ullo Scripturæ loco quis exoptare potest.

3. Nec certè ei diffidere oportet propter duram illam, ut videtur, *synecdochen*; quâ tota Bestia pro parte ponitur, nempe pro capite, siquidem hæc loquendi formula non solum per hanc figuram defendi potest, sed & exemplis confirmari. Ut Dan. 2. 38. *Tu es ergo, ô Rex, caput aureum*; & tamen caput hoc aureum Typus erat totius Regni *Babylonis*. Quapropter manifestum est totum caput aureum pro præcipua aliqua illius parte poni. Item Dan. 4. 20, 22. *Arbor quam vidisti sublimem atq; robustam*, &c. *tu es Rex qui magnificatus es & invaluisti*, &c. Ubi nihilominus arbor illa symbolum erat totius illius Regni largæq; Amplitudinis Domini ejus. Ità ut Rex hic rursus Arbor appellatus sit, quamvis reverà pars sit tantum illius, *Radix* putà, prout *Βασιλεὺς* dicitur *ῥίζα* esse τῷ λαῷ. Arborisq; detruncatio ad humum usque, Figura erat ad significandum abscissionem ejus à Regno suo ad tempus. Quibus omnibus addas, sensum planè non esse sine hac *synecdoche*. Quomodo enim caput verè proprièq; esse potest tota Bestia? Quomodo Bestia esse potest sine capite?

4. Quamobrem Rex *oſtavus* successio est Christianorum *Cesarum* per illud tempus quo Imperium rursus *Paganissat*, hoc est, Idololatrias exercet in Christianitate. Quæ quidem tametsi eorum successio longa sit, personæq; plures uno simul in aliquibus seculis, per *Henopæiam* tamen sub unius Regis singularis specie representantur. Nam divisio in *septem* non per *Individua* sed per *Generum differentias*, sicut suprà declaravimus, facta est. Ac proinde *Orientalis*, *Occidentalisq;* Imperatores in Imperio simul regnantes in hoc Prophetico computandi modo rationes minime confundunt, quippe qui per *Individua* non numerat sed per *Genera successionēsq;* in unam Individuam formam speciēve concinnatas. Quæ ratio est cur nullius successionis *Personarum*, non certè magis quàm enumerationis *annorum*, in hoc libro *Apocalypseos* usquam facta sit mentio, quanquam res tractat quæ bis ferè mille annorum periodum explent idq; sanè citra tempus *Millennii*.

5. *Et è septem illis est*. Hoc etiam innuit septem capita Bestiæ capita esse Idololatrica, quemadmodum declarantur cap. 13. v. 1. Quæ demonstratio est nonæ *Congruentia Parallelismi* secundi.

Parall. 2.
Congr. 9.

6. *Et in exitium abit*, hoc est, in finalem perniciem; quemadmodum etiam innuitur capite decimo tertio v. 5. & v. 10. ubi tempus etiam ejus statuitur 1260 dierum, postea verò morti adjudicatur. Estq; septima *Congruentia* secundi *Parallelismi* quemadmodum jam notavimus.

Parall. 2.
Congr. 7.

Ver. XII. *Decem autem cornua quæ vidisti decem Reges sunt qui regnum nondum acceperunt*, hoc est, in temporibus S. *Johannis* qui vixit dum sextum caput regnabat, sub quo Bestia pugnavit & à *Michaële* occisa est, quo quidem in prælio etiam representatur cum septem capitibus & decem cornibus *sine coronis impositis*, quippe quorum Coronatio non futura erat ante caput septimum. Ac proinde [*qui regnum nondum acceperunt*] *cornuum* Typo respondet *nondum coronatorum*. Quæ est undecima *Congruentia* secundi *Parallelismi*.

Parall. 2.
Congr. 11.

2. *Sed Potestatem tanquam Reges unâ horâ accipiunt cum Bestia*, hoc est, cum Bestia cujus nomen est [*erat & non est & tamen est*] quæ est Bestia considerata sub successionē septimi ultimive capititis, capititis sanati sive convalescentis à lethali plaga sub qua succubuerat. Reges potestatem accipiunt & reipsa coronantur tanquam Reges eo tempore quo Bestia rursus in *Existentiā* prodit. Atq; ea propter sanata hujus Bestiæ cornua decem cum decem impositis coronis representantur cap. 13. v. 1. Quod accuratè huic præsentī Textui respondet, *Potestatem tanquam Reges unâ horâ accipiunt cum Bestia*, manifestaq; probatio est duodecimæ *Congruentia* *Parallelismi* secundi.

Parall. 2.
Congr. 12.

3. Ἄλλ' ἐξουσίαν οἱ βασιλεῖς μίαν ὥραν λαμβάνουσι μετὰ τῷ θηέ. Cujus sensum esse cenſeo, *Sed potestatem tanquam Reges accipiunt nunc hic nunc ille, vel nunc hi nunc illi, circa eandem horam cum Bestia*. Tempus enim præſens in *λαμβάνειν*, *actionis* productionem innuere potest, esseq; quasi *in fieri*, nec certè supponit quin acceptum eant (non quidem ratione adeò passivâ ut excludat omnem strenuum conatum in ipsis studiūq; acquirendi hanc potestatem; nam *λαμβάνειν ἀρχὴν* & *λαμβάνειν πόλιν* alacriorem sensum habent, magisq; actuosum quàm ut sic exponantur) quin accipiant, inquam, acceptūq; eant regiam hanc potestatem per aliquod temporis spaciū continuū, quamvis

quamvis alii aliis citius voti compotes fiant, nulli verò diu prædâ carent. Sic enim intelligi volo *μῆν ὕμν* per *Diorismum*, ut Horam non significet propriè dictam, sed breve quodlibet temporis spacium de cuius mensura Circumstantiarum ratio optimè nos doctura est quid sit iudicandum. Quapropter sic reddendum censeo, *sed potestatem accipiunt tanquam Reges circa idem tempus cum Bestia*. Sic ut versio *Anglicana* exponit Exod. 5. 18. *En cras pluam circa hoc tempus grandinem multam nimis*. Græcum habet, *ἰσὶν ἡμέρας βίβω ταύται τὴν ὕμν ἀνεὶον χέλασαν*. Quòd verò *μῆν ὕμν* significet τὴν αὐτὴν ὕμν manifestum est ex Exod. 36. 9. aliisq; multis Scripturæ locis.

Sensus igitur huiusmodi est; Circa id tempus scilicet quo futurum sit ut Bestia reviviscat & adoretur, hoc est, ut ei pareatur; vel apertius sic; Circa illud tempus quo Imperium in *Idololatriam* rursus sit relapsurum, veteresq; Ritus Paganicos resumpturum, quantumvis in objecta quidem Christiana eos sit collocaturum, circa illud ipsum tempus fore ut Imperium in *decem* diripiatur *Regna*, decemve hi Reges captent accipiantq; regalem potestatem, omnibus in scenam se proferentibus, Inceptaq; peragentibus intra paucillum tempus à prima degeneratione Imperii in Paganicas Superstitiones & Idololatrias. Quod fieri potest intra spacium quâdraginta vel quinquaginta annorum. Vide *Diagramma* decem Regum apud J. Medum.

Parall. 1.
Congr. 13.

Ver. XIII. *Hi unum consilium habent, & vires ac potestatem suam Bestiæ tradunt*. Ac propterea capite decimo tertio, hoc dono beneficiove dato exornatur, ubi describitur Bestia *cum septem capitibus ac decem cornibus, & cum decem diadematis super cornua decem*. Quod planè ostendit, etiam tunc cum reipsa Reges erant, se sponte vires suas huic Bestiæ tradidisse. Quæ enim vis potentiæve in Imperio eos compellere poterat, cum ipsi ejusdem robur essent? Unde decimæ tertiæ *Congruentiæ* secundi *Parallelismi* veritas apparet.

Verùm sensus hujus versûs breviter sic est; Hi decem Reges unam mentem habebunt, hoc est, unam mentem sententiâve in rebus Religionis, Religionem Imperii profitebuntur, hoc est, Religionem Pagano-Christianam, quâ Imperium denuò Bestia evadit, *sûsq; vires ac potestatem Bestiæ tradent*, hoc est, parati erunt, etiam vi armorum, si opus fuerit, aliæve quâcunq; potentiâ vel autoritate quam habuerint, Bestiam hanc in sua Bestiali, hoc est, in sua *Idololatrica* conditione *Paganisq;* superstitionibus tueri ac defendere; vel perpetuam supponendo *synecdochen*, Pagano-Christiani Imperatori (qui caput est hujus Bestiæ) copiarum suarum auxilium adversus omnes hujus *Pagano-Christianismi* oppugnatores ministrabunt. Imperator enim spectatur tanquam Pugil præcipuus, maximèq; universalis Dux omnium copiarum *Pagano-Christianarum*. Et sanè quantumvis distincti hi Reges sint absolutiq; in Regnis suis propriis, tamen si spectemus eos tanquam in unum, ex ratione Religionis Imperii, colligatos, cuius, Imperator, ex officio suo, præcipuus sit *Hyperaspistes*, hi decem quidem Reges considerari possunt tanquam in subordinationem quandam sub ipso reducti, concipi q; cornua esse hujus capitis, hujus nempe universalissimi *Ducis*, *Imperatorisve* illius exercitûs qui pugnant cum Agno; sed vis illa potestâve quæ omnia actuat animâtq; *Meretrix* est quæ *Bestiæ* infidet.

2. Et certè simul atq; caput *Meretricis* tam grande repertum sit ut supra secularia capita *Imperii* ipsiq; adeò Imperatores emineat, ut jactitatum illud jus *utrinq; gladii* sibi vendicet & usurpet, hoc est, simul atq; *Papa* repertus sit *Cæsarem* agere æquè ac universalem *Patriarcham*, non est sanè incongruens eum agnoscere representari in duobus locis perinde ac duas partes sustinere, conciperèq; illum in *ultimo capite* Bestiæ æquè ac in sumptuose ornato capite *Meretricis* præfiguratum. Nostra verò ratio magis distincta est *Grotiiq;* opinioni magis consentanea, qui majestatem Imperialem ad hunc usq; diem permanere tam acriter contendit. Et mihi sanè rationi maximè consonum videtur *Prophetias* interpretari juxta sensum phrasimq; *Historiæ*. Si quidem *Prophetia* nihil aliud quàm *Anticipativa Historia* est. Ac proinde cum *Romanorum* Imperatorum series Imperiûq; Titulus ac corpus Imperii etiamnum maneat (quanquam multò contractius) cûmq; ut tale in Historia consideretur, equidem maximè naturalem interpretandi vaticinia rationem censeo, secundum vulgò agnitam phrasin sensumq; Historicorum ea interpretari.

Verùm quod dixi, si *Papa* intelligatur locum supplere *Imperatorum*, quàm primùm quotiève appareat eum supra eos etiam *seculari* potestate emicare, verumq; se ostendere Imperii caput, *Cæsaris* partes agendo æquè ac *Patriarchæ*, illa etiam Interpretatio admodum laudabilis esset & irreprehensibilis. Summa enim Potestas Bestiæ, quæ erat & non est, ab Angelo tanquam unum idemq; caput spectatur, modò perpetuò caput sit illius Bestiæ quæ est *Pagano-Christiana*. Spiritus enim Prophetiæ inutiles distinctiones & discriminationes nihil moratur. Quamobrem illa suprema Potestas

testas quæ reperta fuerit Pagano-Christiana, unum idemq; perpetuò Caput est, juxta stylum Propheticum, quemadmodum suprà notavi. Illud verò quod illi reverà subsit, quamvis Imperatoris Titulo insignitum esset, in decem cornuum numerum referendum foret, ex divisione Imperii in multa Regna emergentium, in decem putà minimùm, vel circiter. Numerum enim illum symbolicè potiùs quàm omninò *Arithmetice* significare existimo.

Ver. XIV. *Hic cum Agno pugnabunt.* Quod hic dicitur de decem his Regibus, de Bestia dicitur capite decimo tertio. *Quid datum sit ei bellum gerere cum Sanctis,* quod idem est atq; *pugnare cum Agno.* Saul, Saul, *quid me persequeris?* Quumq; decem hi Reges cornua sint Bestiæ, quicquid ab illis fit, ab ipsa sit Bestia. Ità ut Bestia in utroq; capite bellum gerant cum Sanctis secundum Decimam quartam *Congruentiam Paralleliismi* secundi.

Parall. 1.
Congr. 14.

Quantum verò ad decimum sextum & decimum septimum versum capitis decimi tertii, sensus sic est, Neminem hominem scilicet cuiuscunq; sit ordinis, nisi sit *Pagano-Christiana* Professionis (id enim intelligitur per Characterem in dextra vel in frontibus acceptum) permissum iri mercaturam facere, ullumve tractare negotium in Imperio, decemve horum Regum territoriis; quod sanè obsidionis quoddam genus est per famem, ac proinde meritò inter belli Hostilitates recensitum. Quæ commercii interdictio effectum est Excommunicationis per *Bestiam Bicornem*. Exempla hoc genus militiæ in Historia passim sunt obvia. De Nomine Bestiæ, Numeròq; nominis illius quorum sit mentio versu 17, ad versum ultimum præsentis hujus capitis loquar.

2. *Et Agnus vincet eos.* Juxta illud quod occurrit capite decimo tertio v. 10. *Qui in captivitatem duxerit, in captivitatem vadet.* Decima quinta hæc *Congruentia* secundi *Paralleliismi* abundè manifesta est.

Parall. 2.
Congr. 15.

3. *Et qui cum eo sunt, vocati & electi, & fideles.* Congruenter quidem illi quod habetur capite decimo tertio v. 10. *Hic est patientia & fides Sanctorum.* Pondus rei illis verbis incumbit, *Electi & fideles, Patientia & Fides.* Multi enim sunt *vocati, pauci verò electi.* Illi verò electi qui cum eo esse dicuntur, strenui profectò milites sunt, & qui Agnum sequentur quocunq; iverit, nunquam eum ob quamcunq; persecutionem relicturi; sed firmiter ei fideliterq; adhaeruri, quibuscunq; perpeffionibus Patientia ipsorum exercenda sit. In quo decima sexta *Congruentia* secundi *Paralleliismi* comprehenditur.

Parall. 2.
Congr. 16.

CAP. XV.

Ver. XV. Congruentia septima Parallelismi primi. Ver. XVI. Inscitia eorum Interpretum qui Meretricis combustionem de adium Romæ per ignem concrematione intelligunt. Ver. XVII. Decem Reges Potestatem Regnumq; suum dedisse Bestiæ juxta Divinum propositum, quàm stupendum sit Arcanum. 2. Quo sensu dici possit Deus dedisse in corda ipsorum. 3. Fatum fuisse potius quàm Prudentiam Politicam quo res Meretricis tam prosperè olim gesta sint, cum monitione super ea re. 4. Donec compleantur verba Dei quomodo intelligendum sit; cum admonitione ad Ecclesiam Apostaticam. 5. Veritatis Congruentiæ decima septima secundi Parallelismi demonstratio. Ver. XVIII. Cur sedes Meretricis tam determinatè affixa sit tandem Romæ veteri in hoc vaticinio. 2, 3. Evidens ac confessa demonstratio quòd Roma vetus hîc indigitatur tanquam sedes Meretricis, cum brevi Paraphrasi in sensum illius versûs. 4. Sedem Bestiæ bicornis veteri Romæ etiam affixam esse; & de Cabbalistica ratione Apocalypseos. 5. Numerale Nomen Bestiæ esse Λαλῶν. sicq; esse scribendum, non autem Λατῶν, probatur ex antiqua orthographia Linguae tum Græcæ tum Latinæ. 6. Latinos veteres qui ut plurimum [i] longum ut [u] diphthongum proferebant, vocales suas pronunciâsse ad Græcorum exemplum proximè. 7. Quàm accuratè hoc nomen Λαλῶν eventui respondeat. 8. Inventionem Numeri 666 in aliis nominibus, determinatam hujus Applicabilitatem neutiquam enervare. 9. Quo sensu numerus 666 numerus Bestiæ appelletur. 10. Applicatio Radicis illius ex applicatione Radicis Tetractyos illustrata. 11. Ultima Congruentia Parallelismi primi. 12. Ultima Congruentia secundi. 13. Visionem Meretricis magis peculiarem esse ac appropriatam Ecclesiæ Romanæ. 14. De Inscriptione Mysterii in Coronam Papalem, & de Fæmina Papa.

VER. XV. *Aquæ quas vidisti, ubi Meretrix sedet, Populi sunt, & Gentes & Tribus Linguae.* Hæc aquarum Interpretatio ad describendam amplitudinem Jurisdictionis Meretricis facta, eam innuit admodum amplam esse. Et certè si cum isthoc conferamus quod occurrit capite decimo tertio v. 7. non minorem quidem indicare videtur ambitum quàm qui totius sit Imperii. Bestia enim illîc proculdubio totum Imperium est, & de ea tamen tantum dicitur, ὅτι ἰδὼν αὐτῇ ἰευσία ὅτι πᾶσαν φυλὴν καὶ γλῶσσαν καὶ ἔθνος. Non hîc dicitur fateor, πᾶσιν λαοῖς καὶ ἔθνεσιν, &c. Præcepta enim Artis interpretandi vaticinia hîc tradit Angelus, ac proinde commodè dicere non potuit aquas significare omnes populos ac turbas; veruntamen ex eo quòd tam multa verba accumulatur præ quàm in suprâ citato versu alterius Capitis occurrunt, idq; in numero plurali, videtur eundem latitudinis ambitum hîc indicare atq; in altero illo loco. Quod, ex eo quòd hos populos, turbas, gentes, & Linguas, τὰ ἰδιώτα τὰ πολλὰ sub initio hujus vaticinii appellat, (quæ totum Imperium videntur indicare, *utî suprâ monui) porro confirmatur. Quibus addere potes quòd tum Grotius tum Alcazar sensum loci de universali Romani Imperii ambitu intelligunt. Estq; præterea Cornelii à lapide in Textum glossema, *Aquæ quas vidisti* (ait ille) *significant omnes gentes & populos quibus Roma imperabit.*

* Cap. 12. in
v. 1, 2.

Parall. 1.
Congr. 7.

Cæterum duo cornua secunda Bestiæ idem significare suprâ jam monui. Utrùm verò ejus usurpatio omnis Potestatis primæ Bestiæ in conspectu ipsius, ad loci amplitudinem perinde referri non debeat atq; ad potestatis genera, aliis porro disquirendum relinquo. Satis jam prolatus est ad evincendam septimam Congruentiam nostri Parallelismi primi.

Ver. XVI. *Et decem cornua quæ vidisti in Bestia, hi odio persequentur Meretricem, & solam reddent eam & nudam, & carnes ejus comedent & ipsam igne exurent.* Igne exurere Diorismus est, & significat tantum consumere & perimere, facerq; ut quid definat esse quod erat. Qualem etiam cladem [solam eam reddere ac nudam, & carnes ejus comedere] significet, ejus rei declarationem in ultimam Tractatûs nostri partem differam.

Interea loci postquam tam apertè deteximus Meretricem hanc non esse quidem Civitatem lignis & lapidibus extructam, sed Hierarchicam Politiam, quæ in Idololatrici Paganismi genus quoddam degeneraverit, equidem fateor me nullam videre necessitatem ullius istiusmodi pugnæ, quæ ad antiquæ Civitatis Romæ Incendium collineet,

collineet, sed vaticinium hoc absq; ullo tali tumultu strepitūve bellico stragibūve aut vestibū sanguine volutatis expleri posse. Quæ certè res est quæ propter orbis Christiani pacem ac prosperitatem seriò sit consideranda. Odium enim horum Decem Cornuum adversus Meretricem, ejūsq; persecutio, nullas necessariò supponit militum conscriptiones, nullas instructas acies, vel Propugnaculorum oppugnationes, aut Murorum Ædiūve, longasve ad Romam usq; Expeditiones. Hæc enim Civitas amplior est quàm ut universæ Italiæ finibus contineatur. Est enim Politia Pseudoprophetica quæ se per omnes fines Imperii diffudit, Nympha aquatica, cujus vestimentorum oræ tam laxæ sunt ut toti Imperiali Oceano per multa secula fluitans insederit, ac proinde talis est cui nec concremationis supplicium nec submersionis compestat, sensu quidem illo crasso ac literali, quemadmodum vulgò res intelligitur; verum de istis proprio suo loco dicendum erit.

Ver. XVII. *Deus enim dedit in corda eorum ut faciant quod placitum est ei, & ut consentiant dentq; regnum suum Bestiæ.* Hoc idem prorsus videtur esse atq; versus decimus tertius, *Hi unum consilium vel unum animum habent* (quæ γυνή, ἕνα, quod respondet τῷ πνεύματι ἑνὶ ἡμῶν hoc in loco) & vires ac potestatem suam Bestiæ tradent. Quod verò maximè stupendum Arcanum est, nec sine summa humilitate ac veneratione recognoscendum, hoc est, Quòd Deus utiq; huic consilio ac communi Proposito horum Regum hîc immiscetur. Is hîc dicitur in eorum corda dedisse, appellaturq; illius propositi consilii impletio (τῆς γυναικὸς αὐτῆς) Regnum suum Bestiæ tradere. Cujus sensus obvius est, contribuere Regna sua ad constituendam hanc Bestiam Decacornem, ut filii Israël dici poterant ad aureum vitulum conflandum in aures suas contribuuisse.

2. Mirandum profectò hîc videtur Providentiæ specimen. Quò illud S. Pauli Act. 17. vix pertingit, ubi de crassis Paganorum Idololatriis loquens quæ multis sæculis per orbem terrarum invaluerant, *Temporibus*, inquit ille, *istius ignorantie per conniventiam dissimulatis, Deus nunc dēnūnciat omnibus ubiq; hominibus ut resipiscant.* Deus verò hîc non solum dicitur connivere in hac re, sed in corda horum regum dedisse, &c.

Quamobrem proximè omnium accedit ad indurationem cordis Pharaonis, ut nè dimitteret Israël, vel ad Christi Servatoris crucifixionem à Judæis. Quem cum inquit Petrus, acceperant, manibus sceleratis cruci affixum interemerunt, τὴν θεοῦ κρίσιν βουλὴν ἡ περὶ τοῦ οὐνοῦ καὶ τοῦ γῆς βουλὴν, definito consilio & providentiā Dei ipsorum furori quasi expositum atq; deditum. Videtur igitur quòd ejusmodi insuperabiles Circumstantiæ & opportunitates invitatoriæ, quas permissivā suā magisve positivā Providentiā Deus in mundum introducit ad explorandum vel potius detegendum quid in impiorum cordibus sit, quasq; certus est naturaliter effectum sortituras esse in eis qui in inferiorem hanc sortem fatūve lapsi sunt, considerantur quidem tanquam suggestiones, transmissionesve ac motiones in corda hominum à Deo ipso; quòdque per hujusmodi providentialem rerum contexturam, quam is permittit saltem si non fabricat, humanæ mentes ad hoc vel illud agendum determinantur. Nec ullam certè aliam rationem opus est ut intelligamus, de corde Pharaonis, quomodo induratum sit à Deo. Cujus præcipua causa erat, quòd Deus Magis permetteret, imitari saltem si non æquare maxima ex parte ipsius Moysi Miracula, sic enim Textus innuit, Magos scilicet per suas incantationes idem fecisse, & cor Pharaonis induratum fuisse.

Et intellectu profectò facile est, permitti posse Bestiæ Pseudopropheticæ (per officiosam opitulationem Potestatum tenebrarum) istiusmodi portentā edere, talibūsq; uti rationibus imponendi decem Regibus quæ satis certò determinaturæ essent mentes eorum ad Idololatricam Imperii Religionem. Quòd verò tam certò futurum esset ut deciperentur, ipsorum lapsū imputandum est malignisq; illius consequentiis, nulli verò Injustitiæ Dei.

3. Cæterum opportunum est hîc considerare (nè falsorum Prophetarum Schola nimium quantum suis retibus sacrificent, nimisq; fusè mirandæ perfectioni suæ & antecessorum suorum Peritiæ Politicæ applaudant) ut Politici Pontificii per longum quidem temporis spaciū secundo quasi flumine remigaverint, utq; Deus hujus Ignorantiæ tempora per conniventiam quasi dissimulaverit, ante inopinatam utiq; illam, in resurrectione Testium, Civitati ipsorum inflictam cladem, quā amplitudo Regni Bestiæ haud parū sanè accisa est, quanquam quod reliquum erat firmitus forsitan eo pacto coaluerit. Verū nihilominus pro certo statuere possumus, Noctem jam processisse Diemq; propinquasse, quo futurum est, ut nec Deus diu conniveat, nec homines tam universim dormiant altrove sopore obruantur quin facillè tandem evigilaturi sint ad vocem S. Pauli præcipientis omnibus ubiq; hominibus ut resipiscant;

Apo. 18. 7.

vel, si malis, *Johannis Baptiste, Resipiscite, appropinquavit enim Regnum Cælorum.* Neq; enim ullâ aliâ ratione præcaveri potest tremenda illa ac peremptoria sententia adversus Meretricem, (*quæ in corde suo dicit, sedeo Regina, nec sum vidua nec luctum video*) quàm abjiciendo Idola sua ac serviendo Deo viventi. Alioquin, *unâ die venient ejus plage, mors, & luctus, & fames, & igne exuretur, quia validus est Dominus Deus qui damnabit eam.* Quæ comminatio, quemadmodum haud ita pridem aliqua ex parte expleta est, ita pleno tandem, nisi resipuerint, maximèq; ingrato sensu poterit expleri. Tempus autem integræ suæ prosperitatis præfixum erat, uti planè apparet ex eo quod sequitur in præsentî hoc versu Capitis hujus decimi septimi.

4. *Donec compleantur verba Dei,* hoc est, Decem hæc regna, quæ ad *decacornem Bestiam* constituendam conspiraverant, cui *Meretrix* inequitatura esset eamq; pro suo libitu agitatura, ad hunc modum subjecta fore ad illud tantum tempus quod à Deo decretum sit & à Prophetis suis prædictum. Ad illud quidem tempus eos servos ipsius fore, *ἀρχὴ τῆς ἐκείνης τῆς βασιλείας τοῦ θιού, donec compleantur Dei verba,* Prophetæ *Danielis* ore prolata, non autem diutiùs. Nam apud *Danielem* cap. 7. apertè dicitur de *parvo Cornu*, qui potestatem sibi assumit mutandi tempora atq; leges (hoc est, qui dies festos ac solennitates pro libitu statuit, & in proprium lucrum Leges & Instituta facit, non solum nova quidem sed notis Dei legibus planè repugnantia) ea scilicet *illius in manu traditum iri usq; ad tempus & tempora & dimidium temporis.* Statim verò sequitur, *At judicium sedebit, ut auferatur potentia & conteratur ac disperdatur usq; ad finem.*

Apo. 9.

Verius igitur hic decimus septimus rationem reddit inexpectati odii ac hostilitatis decem cornuum adversus Meretricem in præcedenti versu; Traditionem scilicet Regnorum suorum *Bestiæ* (quæ Religionis *Idololatricæ* professio est quâ per *Meretricem Bestiæ* insidentem sunt intoxicati) ad tempus duntaxat determinatum duraturam esse Divinis Oraculis prædictum; illâ verò periodo siniente, rerum scenam fataliter mutatum iri, & de *Cornu parvulo magnæ Meretricis* sumptum iri supplicium, potentiâq; subinde contritum iri ac disperditum usq; ad finem. Durum verò esse contra stimulos recalcitrare, sicut cœlitus *Saulo* dixit Servator. Atq; utinam illi quorum maximè interest, fidem habere vellent voci, atq; sic pro persecutoribus, veri discipuli Christi, vivâq; illius Corporis, veræ utiq; Catholicæ Apostolicæq; Ecclesiæ, membra evaderent, cessarentq; esse *corpus Meretricis.*

Parall. 2.
Congr. 67.

5. Verum observare possumus à conjuncta horum duorum versuum consideratione, Decem hos Reges *sua Regna Bestiæ* tradere & *sedere cum Meretrice consociari* idem esse. Nam ex eo quod à *Meretrice* regantur, fit ut Imperium *Bestiæ* evadat, cum eo pacto fiat *Idololatricum.* Et quantum ad decem illa Regna, quanquam Reges appellantur *cornua Bestiæ* (ut quatuor *Alexandri* successores quatuor *cornua Græci* Imperii in quatuor partes divisi nuncupantur) tamen hæc Regna ipsa considerari possunt tanquam maxima pars corporis *Bestiæ*, dum *Meretricis* voluntati subjecta sunt ejusq; *Idololatricam* Religionem profitentur. Unde, ipsos adoriri *Meretricem* ad consumendam eam, idem reverà est, atq; perimere & interficere *Bestiam*, hoc est, efficere ut Imperium cesset esse *Idololatricum.*

Quamobrem manifestum est durationem hujus *decacornis Bestiæ* à Deo determinatam dici in hoc capite æquè ac in Capite decimo, tertio ubi dicitur datum ei esse potestatem faciendi *mensēs quadraginta duos*, hoc est, *tres annos & dimidium*, quod est, *Tempus & Tempora & dimidium temporis.* Unde veritas decimæ septimæ *Congruentiæ* secundi *Parallelismi* elucet.

Ver. XVIII. *Et mulier quam vidisti est urbs illa magna quæ habet regnum super Reges Terræ.* Hujus ultimæ partis Interpretationis adjectio eximii momenti est, rerumq; eventis admodum congruens. Etenim cum hæc *Hierarchia Idololatrica* æquè magnificam primitus sedem haberet in *Orientali* parte Imperii atq; in *Occidentali*; cumq; ambo hi *Imperiales Patriarchatus* æqualem, aut æquali saltem cum autoritate, operam darent Imperio depravando *Idololatricis* doctrinis & consuetudinibus, sedes magnæ *Meretricis* necessariò primitus non restringitur ad unum locum magis quam alterum. Verum cum *Occidentalis* hic postea *Patriarchatus* tantò supra alterum emergeret, eumq; excederet, non solum obstinato *Idololatriam* tuendi propagandiq; studio, (tamq; *sedè* delibutus esset vel potius suillinosè inebriatus sanguine *Martyrum Jesu*) sed & præterea jus titulûmq; *Episcopi Universalis* acquisivisset; cumq; diu jam hanc potestatem sibi arrogaverit exercueritq; (ut missas hîc faciam indignas illius insultationes in majestatem *Cæsaream*, ejus jurum usurpationes, gestationesq; Insignium Imperialium) cum *Idololatrica*, inquam, hæc *Hierarchia* in his *occidentalibus*

dentibus Imperii partibus tantum creverit, potestasque eorum qui in partibus erant Orientalibus tantum decreverit & contabuerit, nec duraverit adoleveritve ad eam crassam Antichristianismi mensuram quæ in altera reperitur, Spiritus Dei similiter dignorationis notam fortius Occidentali Hierarchiæ impressit quam Orientali; & quia illa jus sibi vendicat universalis Jurisdictionis, Romam veterem, (totam Hierarchiam intelligo, cujus Caput illic situm est,) magnam hanc fecit Meretricem. At enim, *Mulier quam vidisti est Urbs illa magna, quæ nunc habet regnum super Reges Terræ.* Est enim tempus præsens, dictumque in S. Johannis temporibus, quando nulla erat septicolis Civitas præter Romam veterem; quæ regnum habebat super Reges Terræ. Ac proinde necesse est ut illa sit.

2. Cæterum præterquam quod *ἡ ῥωμὰ βασιλεύσῃ* significationem habet temporis præsentis, idemque est atque si quis dixerit, *quæ nunc regnat*, observatu porro dignum est, quod nisi determinaretur ad hunc sensum, Nugatio potius esset, si fas sit ita loqui, quam Interpretatio, nullique usui foret illius additio, quippe quod incertum sonat, nec quicquam potest, quod non antè dictum sit, significare. Nam ex eo quod dicitur scortari cum Regibus Terræ, & Bestiæ inequitare, infiderisque populis & multitudinibus, & Nationibus, & Linguis, hoc jam tantundem valet quantum Regnum habere super Reges Terræ. Quamobrem adjectio hæc hoc in se peculiare habere debet, ut dicendo, *ἡ ῥωμὰ βασιλεύσῃ*, illa Civitas intelligeretur quæ orbi terrarum imperabat tempore S. Johannis. Ac proinde Roma esset septicolis.

Sed enim quid ego tanto studio enitor illud probare quod & ipsi Adversarii nostri minimè inficiantur, ut Ribera & Cornelius à Lapide, qui ambo agnoscunt Romam veterem hinc intelligi, & Alcazar etiam & Bellarminus, ab hoc versu particulariter convicti? Verba Bellarmini hæc sunt; *Neque enim alia Civitas est quæ Johannis tempore imperium habuerit super Reges Terræ quam Roma, & notissimum est super septem montes Romam edificatam esse.* Quæ duo simul considerata demonstratio est Romam in Italia hinc intelligi, nullam verò aliam Civitatem.

3. Sensus igitur hujus versûs brevi hæc Paraphrasi sic enucleari potest; *Mulier quam vidisti infidentem Bestiæ quæ erat & non est & tamen est*, magna illa Civitas est quæ regnat super Reges Terræ, hoc est, Roma est, cujus Incolæ, quamvis fluxu perpetuo alii aliis succedant, habentur tamen una eademque Civitas, quippe qui eisdem mœniis ædibusque includuntur, ut is unus idemque fluvius habetur qui inter easdem ripas fluit, quanquam eadem Aqua unum diem continuum non permanet.

Hæc *Mulier* igitur, quam Johannes Imperio sub ultimo capite inequantem vidit, sub prætextu quidem, quod verè Catholica & Apostolica Ecclesia esset, quanquam reipsa Meretrix Apostatica; hæc mulier, inquam, illa ipsa Civitas, illa magna Civitas, magna illa *Politia* Statûsve *Romanus* est qui nunc regnum habet super Reges Terræ, inquit Angelus S. Johanni. Ubi verò undè hoc fieri poterat nisi à Roma urbe Imperiali? Unde manifestum est Romanam Catholicam Ecclesiam (quemadmodum se appellat) quæ à septem montibus orbi imperat, intelligendam esse, utpote quæ consideratur tanquam una eademque Fœmina, cum nova hæc Romana Hierarchia æquè succedat sitaque sit in eadem Civitate, hoc est, intra mœnia Romana, ac antiqua *Politia* erat.

Quod æquè facile intellectu est ac si quis de certo quodam fluvio vaticinaretur qui post trecentos annos sanguine fluxurus esset, & tum demum adderet, fluvium hunc fluvium esse qui nunc septem ostiis in mare Mediterraneum se exonerat; manifestum enim est hoc intelligi oportere de Aquis Nili, nec tamen de eis quæ jam fluunt, sed de eis quæ post trecentos annos sunt fluxuræ. Et quemadmodum diceremus hunc ipsum fluvium Nilum qui nunc in Mediterraneum currit, illum fluvium esse qui post trecentos abhinc annos tinctus sanguine illuc sit cursus, quamvis aqua eadem non sit hoc tempore atque illo nec ejusdem qualitatis: ita dici poterat tempore S. Johannis illam ipsam Civitatem (intelligendo potestatem inibi sive *Politian*) quæ tunc orbi imperabat, *Bestiæ quæ erat, & non est & tamen est*, post tot secula inequitaturam, quanquam sanè *Politia* non magis eadem sit quam aqua Nili nunc fluens eadem est quæ cruenta illa aqua quæ prædicitur intra ripas suas post trecentos abhinc annos fluxura.

Tam facilis ac Naturalis est locutio Angeli in hoc ultimo versu, tamque manifesta sedis *Mulieris* determinatio ad Romam veterem, sicut reverà factum est.

4. Utque visio *Bestiæ bicornis* pari passu cum hac *Meretricis* procedat, ob easdem rationes quas hinc jam attuli, sect. 1. sedes *Bestiæ bicornis* ad Romam itidem tandem restringitur tanquam ad unicam universalis Capitis Corporis Pseudoprophetici sedem.

De Antichrist.
lib. 8. cap. 4.

Meteorolog.
Cosmic. lib. 4.
cap. 3.

Quæ restrictio detegitur per *Numerale Nomen* Bestiæ perinde ac per *Numerationem Numeri* ejus nomine comprehensi. Priorem *Computationem*, observatum est à *Donhamo* Episcopo, cavillis à quibusdam tanquam *Cabbalisticam* excipi. Sed enim satis luculentè probat ex *Irenæo* hunc computandi modum etiam ab ipso *S. Johanne* traditum fuisse: Et certè tametsi multi *Pseudo-cabbaliste* ipsum nomen *Cabbale* suspectum reddiderint, ingenuè tamen fateor me existimare, non de nihilo illius famam ortam esse & increbuisse, verùm reverà fuisse ejusmodi occultam rationem magna tradendi scientiæ Arcana, ejusq; partem fuisse *Numerorum symbola* (quod quidem frequens est in hoc Libro *Apocalypseo*, ut & primo capite *Geneseos* perpetuum) ut præteream illam ipsam loquendi formulam *Alpha & Omega*, videri planè *Cabbalisticam*, quippe apud quos frequens sit mentio *Aleph lucidi & Aleph tenebrosi*, de quibus *Robertus Flud* (qui magnoperè sibi placebat induendo se in hæc Profunda, quousq; illius situla pertingere poterat) *Habetis*, inquit ille, *Aleph Cabbalistarum tenebrosum in lucidum conversum omnia creans, celumq; ac terram informans, & consequenter habetis Alpha & Omega, Principium & Finem*. Hoc respondet versui illi *Orphaico* de Deo.

Ἀρχὴν αὐτὸς ἔχων ἄρα ὃ μύρον ἡδὲ τριαντάρ.

Quem *Plato* τὸν παλαιὸν λόγον appellat, nec dubito quin veterum *Cabbalistarum* doctrina fuerit, verisimillimūq; sit eam aliquo hujusmodi ornatu fuisse testam.

Apoc. 1. 8.

Grotius ipse agnoscit phrasin *Alpha & Omega Rabbinicam* esse, desumptamq; ab ipsorum *וי תהי ה' ואלף*. Illudq; quod sequitur, *והוא ה' ואלף*, quid aliud est quàm vocum *וי תהי* vel *וי תהי* *Talmudica* Expositio? Quæ hujus libri *Apocalypseo* est quædam peculiaritas. Quamobrem si deprehendatur in aliis rebus *Cabbalam* sapere, *Cabbalistica* hæc *Numeri Bestiæ* *Computatio* majorem ex eo meretur fidem quòd sit *Cabbalistica*.

5. Jam verò ex hac *Computatione* nomen illius invenitur *Λαλῖν*. *Valores* enim *Numerales* harum *Literarum* ad summam assurgunt 666.

Λ Α Τ Ε Ι Ν Ο Σ.

30. 1. 300. 5. 10. 50. 70. 200.

Hos numeros si addas, omninò conficiunt 666. *Grotius* Orthographiam vocis *Λαλῖν* vellicat, ac si scribi oporteret *Λαῖν*. Verùm præterquam quòd *Irenæus*, Pater *Græcorum*, qui certius cognoscere poterat quàm *Grotius* ullūve nunc dierum alius quomodo tunc hanc vocem scriberent, apertè affirmat eam cum *ν* scribi, eo ipso in loco quo an *Τιτᾶν* sic scribendum sit dubitat, & tali quidem tempore quando nesciebat an ea unquam huic Textui futura esset applicabilis. *Josephus Scaliger* hanc Regulam etiam tradit, *Græcos* utiq; in *Latinis* vocabulis mutare *ι* longæ antè *ν* in *α*, ut *Ζαβῖν*, *Ἀλῖν*, *Λαῖν*. Et *Latini* sanè ipsi loco *ι* longæ *ει* diphthongum scribebant. Cujus infinita occurrunt exempla apud *Ennium*,

Poinei sunt solitei sos sacrificare puellōs
Diveis—

Annualium libro septimo. Et rursus in eodem libro,

Quorum virtutes bellei fortuna pepercit,
Horundem me leibertatei parcere certum est.

Unum tantummodò versiculum superaddam, sed qui non pauciora quàm quinq; exempla offert.

Quam preimum Cascei populei tennere Lateinci.

Tam pauxillā profectò ratione nititur illa opinio *Grotii*.

6. Nec sanè enervari possunt hæc exempla propter suam antiquitatem aut infirmari, quippe quòd prisci *Latini* ad exemplum *Græcorum* proximè pronunciabant, sicut apparet in istis diphthongis *ει* & *α*, & in *γ*, quam recentiores *Latini* non distinguebant ab *ι*; quæ tamen *ν* brevis erat *Græcorum*, nec ullam aliam habebant præter ipsam. Quòd verò *Græci* eam pronunciabant ut *ν*, ex multis vocibus apparet ab

ab ea Lingua derivatis; ut in *Sus*, *Super*, *Fucus*, *Turba*, *Trutina*, & similibus, quæ sunt à Græcis *ὑς*, *ὑπὲρ*, *φύς*, *θύρα*, *τρίβη*. Quam Analogiam observat *Ennius*, in eo quodd dicit *Olympus* non *Olympus*, *Cyclops* non *Cyclops*, *Lucinus* non autem *Lychnus*, pronunciâtq; *ei*, *oi*, & *e*, *ai*,

— Adeffe —

Musai quai pedibus magnum polsat Olympum.

Annal. lib. i.

Et quantum ad illud exemplum in *Cyclops*, nono Annalium libro occurrit.

*Cyclopi venter velut olim turferat, atq;
Carnibus humanis.* —

Tertiumq; exemplum eodem loco habetur,

— *Lucnorum lumina bis sex.* —

Quod pronunciationem spectat & diphthongi tanquam *oi*, unum jam allatum est exemplum in *Poinci*. Cui adjicere potes lib. i.

*Quamquam multa manus ad coilei coirola templa
Tendebam lacrumans.*

Ubi etiam est *lacrumans* pro *lacrymans* quod à Græco *δαρμι* est, mutando *d* in *l*, ut in *Ulysses* ab *Ὀδυσσεύς*. Duo etiam habuimus exempla pronunciandi & ut *ai*, in *Musai*, & *quai*; quibus addere potes ex eodem libro,

— *O gnata tibi sunt ante ferondai
Aiomnai.* —

Suntq; alia exempla infinita eodem spectantia, unde apparere potest, Latinos veteres multò propius ad modum pronunciandi *Græcicum* accessisse quam *Latinos* recentiores, ac proinde verisimillimum esse *Græcos Latina* vocabula pronunciâsse secundum modum veterum *Latinorum*; cumq; hi dicerent *Lateinus* non autem *Latînus*, *Græcos* eo ipso dixisse scripsissq; *Ἀλφειὸς* non autem *Ἀλφειῶς*. Quod si *Ἀλφειῶς* reperiatur apud *Græcos* Authores, id factum fuisse ex officiosa Imperitia temerarium quorundam Scribarum Criticorumve qui vocis Orthographiam depravaverint. De cujusmodi temeritate exempla extant innumerabilia. Hæc verò argumenta trivialiora sunt quam ut eis insistamus.

7. Atq; sic tandem Nominis Orthographiam confirmavimus. Jam verò Applicatio Bestiæ bicorni mirum in modum adaptata est. Quamquam enim primò sua cornua quodam quasi cum æquilibrio gestare poterat, postea tamen cum Cornu *Orientale* tanto intervallo, omni ex parte, ab altero superatum esset, & in tam tenuem potestatem contractum, Bestia tandem tota ferè facta est *Ἀλφειὸς*, non *Ἀλφειῶς*. Et satis notum est statim ex Divisione Imperii in *Orientale* & *Occidentale*, *Græcos* Occidentales Ecclesias, *Latinos* Ecclesias appellâsse, seipsos verò vocâsse *Romanos*.

Quamobrem cum non solum *Latini* sed & *Græci Romanos* se appellarent, suôsq; Imperatores Imperatores *Romanos*, & suam porro Civitatem *Romam novam*, Regionemq; circa eam, *Romaniam*, Ecclesia *Latina*, sive *Ἀλφειὸς Ἀλφειῶς*, admodum particulariter sanè ac discriminatim indigitatur describiturq; per hoc *Numerale Nomen* Bestiæ *Ἀλφειὸς*, Eventu cum vaticinio perquam accuratè consentiente. Hæc enim distinctio *Græce Latineq;* Ecclesiæ adeò insignis erat adeoq; in confesso, ut in generalibus Conciliis *Occidentales* Episcopi *Latini* Episcopi appellarentur, & utrorumq; subscriptiones similiter distinctæ essent sub Titulis *Patrum Latinorum* & *Patrum Græcorum*. Tam exquisitè profectò Nomen Bestiæ eam ad *Romam Italianq;* determinat.

8. Nec quicquam hîc valeret si quis objiceret, multa alia esse nomina in quibus literarum valores additi summam 666 conficiant. Nam hanc vocem *Ἀλφειὸς* nihilominus ipsissimam illam esse vocem sive Nomen, non solum Eventum sed & connexio quam *Bestia bicornis* cum *Bestia septicipite* & *deacorni* i. e. cum Imperio *Romano* habet, planè demonstrat. Quis igitur tam idoneus ad hosce ludos in eo faciendos quam hæc Bestia *Latina*, cujusmodi planè deprehenditur, itaq; in rebus omnibus *Latini* ssat,

nissat, Missa, Precibus, Hymnis, Litanis, Canonibus, Decretalibus, Bullis, Conciliis, Bibliis, & similibus, ut levis profecto causa videri non possit quæ Divinum Spiritum moverit ad tam particulariter eam describendam ab hoc Nomine? Non potest, inquam, quodlibet, cujus nomen 666 suis literis complectatur, hæc esse Bestia, sed unà cum nomine hunc numerum continente, omnia illa quæ de bicorni Bestia dicuntur, ei adaptata esse debent, cuicunque sit, quam hanc Bestiam esse velis. Nemo enim qui animum attendit ad ea quæ dicturus est, sic unquam argumentabitur, Hujus Personæ hujusve Politie nomen 666 complectitur, Ergo hæc est Bestia. Sed potius sic, Hæc Persona vel Politia facit, fecitve omnia illa quæ Bestia bicornis, quantum ad Romanum Imperium, fecisse dicitur, & Nomen illius præterea complectitur 666. Quamobrem hæc proculdubio est Bestia. Hæc solida demum Ratiocinatio est, immò perfecta Demonstratio.

9. Hactenus Numerum Bestiæ in Nomine tantum Bestiæ numeravimus. Est verò porro ulterioris Cabbalismi in numerando Numero ipso, quo principalis Bestiæ resistentia iterum determinatim detegatur, Romanæq; Catholica Ecclesia quæ nunc sic appellatur, ea esse deprehendatur ad quam hæc Bestia bicornis visio maximè collineat. Quamobrem ut in antiqua Cabbala Numerus Denarius & Numerus Triginta sex, uterq; appellantur Tetraçys, cum reverà unus sive potentia Tetraçys sit, (quamquam sensu Cabbalistico magis quam Geometrico aut Arithmetico) quippe quorum alter è partibus Quaternarii simul additis, alter ex additione quatuor primorum Numerorum femininorum & masculinorum oritur: ita hic Numerus Bestiæ (quamvis Numerus illius appellatur) Potentia potius illius Numeri est qui Bestiam detegit, quam Numerus ipse.

Neq; enim dicere poterat, Quis si oculos, & Qui intelligentiâ præditus est computet numerum Bestiæ, si simplex perfectio Numeri esset, vel numeralium literarum alicujus Nominis additio. Major igitur Peritia requiritur ad computandum Numerum Bestiæ quam ad computandum Numerum Nominis illius. Et tamen humano more computandus est, Quemadmodum innuitur istis verbis [Numerus enim hominis est] Caterum unum solum Numerum datum computare non possumus nisi per Radicis extractionem.

10. Quamobrem sicut Radix quadratica numeri 36. meritò concipi potest indicare quodd celebratissima illa Tetraçys ad Hexameron Mosaicum relationem habebat, significabatq; uniuscujusq; Diei Creationem principium suum habere femininum perinde ac masculinum, ipso primo non excepto (quod consentaneum est illi Judæorum Aphorismo, [Nulla virtus Divina descendit sine indumento] Mosiq; assimulationi Creationis primi diei, Luci) ita Radix quadratica hujus Numeri Bestiæ indicare etiam potest ad quem hæc Bestiæ bicornis visio pertineat. Et jam sanè in Mystero Pietatis, Radicem ostendi hujus Numeri esse 25, eamq; planè convenire cum multis rebus memorabilibus in Ecclesia Romana eorumq; Civitate, idq; per modum perfectæ assuætionis Numero 12, qui Radix est 144, Numeri Cohortium quæ conspiciuntur cum Agno in monte Sion. Quæ cum abundè explicata sint in dicto Tractatu, & adhuc plenius intelligi possint ex Pottero ipso, plura verba super hac re hoc in loco facere superfedebam, Lectorémq; illuc prorsus remittam quò sibi satisfaciatur.

Lib. 5. cap. 16.
sect. 8.

Paral. 1.
Congr. 9.

11. Interea loci non dubitabo concludere manifestum esse partim ex eis quæ illic tradidi, partim ex his quæ superaddidi hoc in loco, sedem tam Bicornis Bestiæ quam Meretricis, tandem in suis utriusq; visionibus ad veterem Romam determinari, tanquam maximè durabilem conspicuamq; Sacerdotii Apostatici sedem, talémq; quæ, cum tam insigne hujus nequitie exemplum sit, mensura Regulæq; fiat comparandi dijudicandiq; magnitudinem Apostasie aliarum Ecclesiarum ex propinquiori accessu & consensu cum hac Regina Meretricum. Ac proinde ex indicatione Nominis, Numeri, Sedisve hujus præcipuæ partis Cleri Apostatici, clara indè nobis suppeditatur notitia firmæq; deprehensio totius corporis corrupti omniumq; illius partium ubicunq; & quamdiucunq; reperiendæ sint intra fines Romani Imperii.

Postquam verò semel absorptæ sint, & extraneæ alicujus Potestatis quasi alluvione abreptæ & alius alicujus Imperii subjectioni, equidem fateor, quòd (tamen si has etiam hac mensurâ metiri possumus) non video tamen, quò illas hæc duo vaticinia attingere possint ad easve collineare, cum & Bestia bicornis & Meretrix considerentur tanquam inequitatrices rectoricæq; Bestia septicipitis cum decem cornibus, ac proinde supponantur intra Romanum esse Imperium. Quæ quidem causa manifesta est cur hæc vaticinia Romana Ecclesiæ tam firmiter ad finem se affixerint, perinde ac si ad eam solam pertinerent. Pax enim erat ut sic fieret, propter durationis illius permanentiam æquè ac eminentiam Improbis.

Quæ

Quæ una etiam ratio esse potest cur hoc Cleri adulterati corpus *Bestia* appelletur *bicornis*, quippe quod omnes illi *Patriarchatus Græcæ* Ecclesiæ accensiti, maturè abrepti essent novo eos Imperio inundante; *Patriarchatus* verò *Constantinopolitanus* usq; ad ducentos circiter abhinc annos liber erat ab ea inundatione. Aded fidelis est spiritus propheticus in præfiguratione Eventuum; quemadmodum quivis deprehendere potest cui libuerit Historiam consulere. Interea loci satis (quod dixi) manifestum est sedem *Meretricis* perinde ac *Bestiæ bicornis* ad *Romam veterem* in utraq; visione determinari, Quæ est ultima Congruentia Parallelismi primi.

12. Ut & ultima secundi est, sedem *Bestiæ septicipitis* in utraq; visione liberam relinqui, nec ad ullam particularem Metropolin defigi. Equidem ex eo quod *septem Capita* *Bestiæ* Angelus de septem montibus *Romæ* interpretatur, manifestum est *Bestiam* aliquo modo ad eum locum referri, aliquemq; Titulum sive denominationem ab ea Civitate habere debere. Aliter quæ fieri poterat ut *septem Bestiæ capita* septem montium Typi essent? vaticinium verò quasi datâ operâ Imperialis sedis *Bestiæ septicipitis* determinationem prætermittens, privilegium illud *Meretrici* impertit, illiq; sedem septicollem assignat, dicens, *septem capita septem montes sunt super quos Mulier sedet*, Quod mirandum in modum cum eventu congruit. Nam *Romæ* profectò *Meretricis* constans sedes fuit, sedes verò *Bestiæ septicipitis* varia, nunc *Romæ*, nunc *Constantinopoli*, postremo in *Germania*.

Parall. 2.
Congr. 18.

13. Atq; sic quidem exquisitam vidimus Congruentiam Coincidentiamq; omnium partium visionum horum decimi tertii & decimi septimi Capitum cum se invicem: Quæ tamen aded accuratè sibi mutuo respondeant, fateor tamen non usq; aded adæquatè, quin visio *Meretricis Romanæ* Ecclesiæ pressiori archiorq; ratione perpetuò perstringat. Et certè præter apertam sedis illius designationem, quæ utriq; communis est, ornatus ejus supra modum splendidus ac magnificus, sanguinisq; sitiens crudelitas, vel potius profusissima ex Sanctorum sanguine ebrietas, quemadmodum describitur, videtur peculiari modo illi magis quàm Ecclesiæ *Græcæ* hanc visionem appropriare. Quæ quidem Ebrietas ut & enormis ornatuum splendor quamvis per totum *Meretricis* regnum non perpetuò fuerint, pro ratione tamen harum Figurarum Propheticarum, quæ integram rerum successionem sub una compacta specie exhibent, citra omnem temporis discriminationem semel erant representanda.

Quæ quidem consideratio quemlibet alium consimilem scrupulum de his Prophetis schematis & representationibus tollere potest. Quod enim ad tempus duntaxat factum sit, æquè has Imagines exornat ac quod permanens est & perpetuum, cum nulla successionis temporis mentio fiat sed omnia semel represententur.

14. Et propterea tamen illa Inscriptio [*Mysterium*] in Coronam Pontificis, quod proculdubio per imitationem factum est Inscriptionis in Mitram *Aaronis* (quidem omnium illius vestimentorum ornamentorumq; de industria in ornatu *Papali* affectatur imitatio) nunc mutata sit in [*Julius Pontifex Maximus*] nihilo tamen minus probabile est ad eam in hac *Meretricis* descriptione allusum esse. Cujus Historiæ veritatem *Douhamus* Episcopus summa quidem cum confidentia asserit, Quod autem est in fronte *Meretricis* scriptum fuisse nomen [*Mysterium*] id in Romano Pontifice completum esse, pro comperto habemus. Quæ quidem veritas est aded apud omnes in confesso, ut nec ipse *Lessius* in suo ad *Jacobum* Regem Responso, eam negare poterit. Quapropter quemadmodum Christus Servator primum illum proferenda verbum Psalmi vicesimi secundi, *Deus meus Deus meus ut quid dereliquisti me* & omnibus significavit totum Psalmum de sua passione esse vaticinium: ita primum hoc vocabulum Nominis *Meretricis Babylonis* in *Papalem* Tiaram inscriptum subindicatio erat totum nomen Titulumve ad *Papam* ejusq; Clerum pertinere, eosq; esse magnam hanc *Meretricem* quæ *Terræ Incolas* vino foricationis suæ inebriavit.

De Antichrist.
lib. 1. cap. 7.

Hæc quidem in Coronam *Papalem* Inscriptio, & *Papæ* scemina electio, quæ (præter alia) se *Meretricem* esse prodidit in *Romæ* plateis solenni processione laborando è dolore partumq; reddendo (atq; sic omnibus populis patefaciendo oppidò quam palpabili Hieroglyphico, *Romam* reverà sedem esse magnæ illius *Meretricis* Apocalypsicæ) duo insignia specimina sunt jocundæ illius, si fas sit ita loqui, Festivitatis, quæ aliquando observari potest in *Divina Providentia*, quæ *Naturæ* lucibus aliquo modo respondet in suis *Gamaieu* & ejusmodi jocularibus ludicrisq; Productionibus. Atq; equidem hujus de *Papæ* *Formina* Historiæ veritas æquè certa est atq; illa Inscriptio, si quidem sexaginta amplius Scriptorum testimonia idq; Pontificiorum, sat esse censendum sit ad fidem ei faciendam. Quæ omnia à *Gabriela Powell* afferuntur in Disputationibus suis Theologicis de *Antichristo*. Verum hæc res Expositioni horum duorum Capitum temerè interferendas non censui, siquidem eorum contextura abundè absq; eis perspicua est atq; firma.

Lib. 1. Cap. 26.
thes. 7.

C A P. XVI.

1. Quid restet ad plenissimam, quæ exoptari potest, veritati nostræ Co-expositionis fidem faciendam. 2. Politiam Romanam à Principio usq; ad finem tanquam unum Regnum Imperiũve considerari, ex Floro constare. 3. Quinq; præterisse supremi Magistratũs genera tempore S. Johannis, Reges, Consules, Tribunos Consulares, Decemviros, Dictatores; Tribunosq; Plebis summum Magistratum non fuisse; 4. Nec Tribunos militum simpliciter sic dictos. 5. Decemviros verò ac Tribunos Consulares reverà fuisse; 6. Ut & Dictatores. 7. Plura quàm quinq; summorum Magistratum genera S. Johannis tempore non præterisse, Interreges verò nec fuisse nec habitos esse ab Historicis summi Magistratũs genus à Regibus distinctum. 8. Triumviratum Reipublicæ constituendæ aut temporaneam fuisse contentionem confusionemq; in Politia Romana; 9. Aut formalem Cæsareatum quem Augustus, Lepidus & Antonius exercuerint. 10. Plenè ac sufficienter demonstrari posse Ratione & Historiâ Triumviratum Reipublicæ constituendæ sextam formam Regiminis non esse censendam ab Imperatoribus & quinq; Antecedentibus Formis distinctam. 11. Quamvis aliæ fuissent Formæ reverà distinctæ sed proxima quidem affinitatis cum reliquarum aliquibus, hand ità absonum fuisse, eas tanquam easdem censere cum eis cum quibus tantam habebant affinitatem. 12. Verùm rationem applicandi hanc visionem magis exactam esse, talémq; de qua vel ipse Scepticismus vix possit dubitare. 13. Argumenti totius capitis Conclusio, cum pressiore inculcatione illius veritatis.

I. **F**inivimus jam Co-expositionem horum decimi septimi & decimi tertii Capitum Apocalypseos, nisi quòd restat ut eam partem plenius confirmemus quæ septem Capita de septem summorum Magistratum generibus sibi invicem in Imperio succedentibus interpretatur; & ut magis particulatim indigitemus quàm accurata Bestiæ occise imago sit Bestia rediviva quantum ad Superstitionem & Idololatriam. Quibus si addidero solidam Ribera Interpretationis de Bestia septicipite Confutationem, ut & Hugonis Grøtii, spero nihil defuturum ad maximam veritati Interpretationis nostræ fidem faciendam quæ potest exoptari.

2. In primo Argumento Controversia tantum est de sex primis Capitibus, utrùm scilicet à Regibus ad Paganicos usq; Imperatores, intelligendo inclusivè, sex Formæ Regiminis fuerint non plures; vel, si malis, utrùm quinq; omninò fuerint ante Cæsares Romanos.

Regnum Imperiũve Romanum à primis usq; Regibus ac deinceps repetendum esse neminem credo dubitaturum, eandemve perpetuò esse Bestiam, quemadmodum Florus ipsum tanquam unum Hominem considerat, ejusq; ætates distinguit, primos à Romulo ducenos quinquagenos annos Populi Imperiũve Romani Infantia assignans, & ducenos dein annos illius Juventuti, alterosq; ducenos quinquagenos qui ad Augusti tempora pertinebant, Virili ætati Imperii; Proximos verò ducentos annos Senectutem Imperii appellat. Quod planè ostendit eum totam successionem, quanquam sub diversis ætatibus, tanquam unum idemq; Imperium spectasse. Quod tamen multo longævius erat quàm ut Trajani temporibus existimaretur consensuisse. Quamobrem cum ipsa Historia totam successionem Romani Populi tanquam unum corpus Politicum considerat, nè minimum quidem incongruentiæ esse potest in describendo hoc corpore per ejusmodi numerum Capitem quæ à primo Successionis initio ad ultimam Imperii Periodum pertingerent.

3. Quorum quinq; præterierant temporibus Johannis, non autem plura nec pauciora quàm quinque, quemadmodum jam probaturus sum, Reges scilicet, Consules, Tribuni, Decemviri & Dictatores. Populus enim Romanus nullas unquam præter has habuit summas Potestates ante Cæsares suos, nempe præter Reges, Consules, Tribunos Consulares, Decemviros, Dictatores.

De Regibus & Consulibus nulla omninò extat Controversia. Jam verò quantum ad Tribunos Consulares, illi quidem ità appellantur ad distinguendum eos à Tribunis Plebis, & Tribunis militum, vulgò sic dictis, quorum neutri summæ Potestates erant Romani Regni sive Imperii. Nam Tribuni plebis, Plebis potius quàm populi Romani Magistratus erant. Et quod paucos illos annos spectat quibus impediabant electionem aliorum Magistratum, Civitas tunc considerabatur tanquam Magistratu destituta. Quatuor annis sine Magistratibus Roma fuit, inquit sextus Rufus de eo tem-

pore. Quam Civitatis conditionem *Diodorus Siculus* etiam *ἡγεμονία* appellat. Atq; illud etiam *Marci Varronis* apud *Gellium* planè ostendit hos summam Potestatem esse non posse. In Magistratu habent alii vocationem, alii prensionem, alii neutrum; Vocationem, ut *Consules* & alii qui habent Imperium; Prensionem, ut *Tribuni Plebis* & alii qui habent viatorem: Neq; vocationem neq; prensionem, ut *Quaestores* & ceteri qui neq; licentiam habent nec viatorem. Ubi manifestum est *Tribunos plebis* inter eos recenseri qui non habent Imperium, ac proinde non sunt summi Magistratus.

A. Gell. Noct. Attic. lib. 13. cap. 12.

4. Ut certè *Tribuni militum* simpliciter sic dicti, non sunt; quemadmodum ex illo *Livii* loco apparet. *Disciplina enim militari, miles Centurionis, Centurio Tribuni, Tribunus Legati, Legatus Consulis* paret imperio. *Tribuni* verò *militum Consulari* potestate ii ipsi *Tribuni Consulares* sunt quos jam nominavi. De quibus *Fenestella*; Penès quem sanè magistratum (ut ipsum nomen indicat) eadem quæ apud *Consules* potestas erat, collata est, nominibus tantum immutatis, ac *Plebis* ratione haberi ccepta.

Liv. lib. 8.

De magistr. Roman. c. 16.

5. *Decemviros* summam fuisse Potestatem manifestum est ex *Livio*: Anno trecentesimo altero quàm condita Roma erat, iterum mutatur forma Civitatis ab *Consulibus* ad *Decemviros*, quemadmodum ab *Regibus* antè ad *Consules* venerat, translatò Imperio. Item ex *Sexto Ruso*: *Quadráginta* enim novem annis *Romæ Consules* defuerunt; sub *Decemviris*, duobus; sub *Tribunis militum*, quadráginta tribus; sine Magistratibus Roma fuit annis quatuor. Sic *Rusus* in suo *Breviario*; ubi hupera editio Textum fœdissimè corrumpit, legendo, *Novem enim annis*, pro *Quadráginta enim novem annis*, & postea, *tribus* pro *quadráginta tribus*, obliviscendo prorsus *Historicum* paulò antè dixisse *Populum Romanum* sub *Consulibus* fuisse quadrágentos sexaginta septem annos, nempe à *Bruto* & *Poplicola* ad *Pausam* & *Hirtium*, & tamen intra hoc spaciū numerasse tantum quadrágentos septendecim *Consules*. Qui igitur fieri potest ut novem anni lacunam expleant? Atq; hoc quidem dictum sit obiter. Hinc verò planè apparet summam Potestatem horum *Tribunorum Militum* perinde ac *Decemvirorum* ab hoc Autore asseri, *Consulari* Potestate eorum temporibus cessante. Et quod brevitate regni *Decemvirorum* attinet quod non durabat ultra biennium, id certè nihilo magis eos ex harum *Formarum* Regiminis catalogo delere potest, quàm *Othonis* regnum tantum trimestre eum potest ex *Romanorum* Imperatorum catalogo expungere.

Liv. lib. 3.

6. Et postremo, *Dictatores* summam Potestatem fuisse minimè dubitatur, immò apertè affirmatur à *Fenestella*. Ea summa quidem apud Romanos potestas fuit, à qua nec provocandi jus fuisse & animadversionem in capite cujuscunq; *Civis Romani*, totiusq; *Reipublicæ* summam ditionem penès ipsam habuisse, veterum scripta testantur. Nec quicquam contra nos facit quòd *Consules* erant, etiam *Dictatore* suam potestatem obtinente, cum iidem etiam essent durante regno *Imperatorum*. Quamdiu enim *Dictator* erat, *Consules* *Reipublicæ Romanæ* supremum Caput non erant, immò minori pollebant potestate quàm sub *Imperatoribus*. Et quanquam sanè hæc potestas diu durare non debebat, tamen prout rerum necessitas exigebat, subinde repetenda erat. *Sylla* tres annos continuos hoc officioungebatur, & *Julius Cæsar* decem; mox verò perpetua *Dictatura* unà cum *Imperatoris* Titulo illi commissa est, in quo *Augustus* ceteriq; *Imperatores Romani* ipsi successerunt.

De Magistr. Rom. c. 8.

7. Atq; sic certi sumus quinq; fuisse summorum Magistratuum genera in *Politia* sive Imperio Romano, ante *S. Johannis* tempora. Nec plura quàm quinq; fuisse credo facillè persuaderi posse, cum nullos queant alios Competitores asserre præter *Interreges*, & *Triumviros* *Reipublicæ constituendæ*, quos urget *Grotius*. Manifestum enim est *Interreges* ad Regalem Potestatem necessariò reduci debere, quippe quæ vicaria tantum illius appendix est, non autem summæ potestatis species per se distincta nec ab Historicis ita habita. Nam *Messalus Corvinus* in libro de *Augusti Progenie* mentionem tantum facit de *Regibus*, *Consulibus*, *Dictatoribus*, *Tribunis militaribus*, & *Tribunis plebis* usq; ad tempora *Cæsarum*, omisiss *Interregibus* & *Triumviris* illis quibus *Grotius* patrocinatur. Errat tantum in eo quòd *Tribunos plebis* summum facit Magistratum, quemadmodum apparet ex eis quæ suprà dicta sunt. *Livius* etiam *Interreges* omittit in sua *Romanarum* formarum Regiminis enumeratione. Quæ ab condita urbe Roma ad captam eandem urbem *Romani* sub *Regibus* primùm, *Consulibus* deinde, ac *Dictatoribus*, *Decemvirisq;* ac *Tribunis Consularibus* gessere, foris bella, domi seditiones, quinq; libris exposui. Ubi quinq; illæ formæ pro quibus contendimus distinctè enumerantur, nulla verò *Interregum* fit mentio (non certè magis quàm *Proconsulum*) cum & ipsi quasi *Proreges* tantum essent, subitq; & temporanea sedis vacantis suppletio, maturè mox perfectè permanentisq; Regis

Liv. lib. 6.

electione implenda. Et dum res administrabant, dicuntur præfuisse cum *Regia Potestate* ac *Insignibus*. Aded manifestum est *Reges & Interreges* unam duntaxat esse *Regiam Potestatem*, ac proinde rectè significari per unum *Bestiæ caput*, non autem per duo.

8. Et quantum ad *Triumviros Reipublicæ constituendæ*, *Tacitus*, qui datâ operâ sub initio *Annalium* suorum omnes summæ Potestatis formas in *Politia Romana* recenset, huiusmodi *Triumviratûs* mentionem omnem omittit. *Urbem Romanam à principio Reges habuere* (nulla illic mentio *Interregum*;) *Libertatem & Consulatam L. Brutus instituit*; *Dictaturæ ad tempus sumebantur*; neq; *Decemviratûs potestas ultra biennium*, neq; *Tribunorum Militum Consulare ius diu valuit*. Quæ loquendi ratio inquit cum nullam summæ Potestatis formam, quàm libet brevissimæ durationis, omittere voluisse, modò à cæteris satis esset distincta. Jam verò quum ea aggredditur tempora quibus hic *Triumviratûs Reipublicæ constituendæ* notandus esset, eum profectò prætervolat tanquam rem notatu haud satis dignam, ad hunc omnino modum pergens, *Non Cinna, non Sulla longa dominatio, & Pompeii Crassiq; potentia citò in Cæsarem* (qui quidem *Cinna* Consul tantum erat, *Sulla* primum Consul, dein *Dictator*, & *Pompeius & Crassus Consules* aut *Proconsules*, & nihil amplius:) nunc verò ubi locus maxime opportunus erat nominandi hunc *Triumviratûm Reipublicæ constituendæ*, tantum addit, *Lepidi & Antonii arma in Augustum cessere, qui cuncta discordiis Civilibus fessa nomine Principis sub Imperium capit*.

Quamobrem iuxta hanc rerum descriptionem, obtentus hic *Triumviratûs*, summus Magistratus non est, sed *Politica digladiatio contentiõve*, aut momentanea colluctatio inter hosce tres viros *Octavium, Antonium & Lepidum*. Et tamen *Triumviros Reipublicæ constituendos* seipsos appellaverunt, fucum tamen in eo caprùm populo fecerunt, nec ullam quidem legitimam habuerunt creationem ad illud officium, nisi *Octavius* supponatur fuisse *Imperator*, illiq; instituti admissivè ab ipso in participationem suæ *Imperatorie Potestatis*. Atq; tunc manifestum erit hanc omnino partem fuisse sexti Capitis quod & tempore *S. Johannis* existerat. Alioqui non est nisi momentanea usurpatio confusioq; in *Republica*, nullus autem legitimus Magistratus.

De Magistr.
Rom. cap. 22.

Ac proinde *Fenestella*, quanquam primum subdubitanter quidem de hoc *Triumviratu* loquitur, utrum *Potestatibus annumerandum censuerim* haud satis scia; mox tamen animum recolligit magisq; definitè pronunciat, *Quippe quod eas Potestates quas in iussu præterq; Senatûs auctoritatem quisq; non dicam sortitus fuerit, sed per libidinem dominandi arripuerit, Tyrannides potius quàm Potestates seu Magistratus appellandos duxerim*. Et ad calcem ejusdem Capitis, rursus hujus Potestatis prætextum severiter taxat, nullumq; legitimum Magistratum esse concludit: *Igitur Tyrannidem prætextu Magistratûs palliare pergentes, sese Triumviros Reipublicæ constituendæ appellavere, quorum utnq; auspiciis omnis Respublica niteretur. Cæterum eorum animos quorsum inclinarent, mox ipse eventus rerum ostendit, omnes res simul divinas humanasq; commiscens*. Quamobrem rebus sic intellectis, huiusmodi momentanea Colluctatio qualis hæc erat, nulla legitima Regiminis forma esse potest, sed præfens *Romanæ Reipublicæ confusio*, quibuscunq; nominibus hi usurpatores seipsos aliivè eos aut per metum aut per adulationem appellaverint.

9. Cæterum si hanc rem per alteram ansam tractemus, consideremusq; *Octavium Augustum* tanquam *Julii Cæsaris* heredem, pendens quem summa Imperii potestas fuerat, & tanquam hominem cui *Senatus dignitatem* supra ipsos *Consules* concesserat, potestatemq; nullâ lege limitatam, aded ut meritò *Princeps Reipublicæ* existimari posset, eumq; per technam tantummodò invirasse, permisissq; *Antonio & Lepido* Principatûs sui fieri participes, quò faciliùs *Brutum Cassiumque*, posteaq; hos ipsos sui Imperii socios unum post alterum supprimeret; Hi sanè *Triumviri* reverà reperiuntur tres esse *Imperatores* (ut certè hini subinde fuerunt, & terni aliquando quaterniq; in aliquibus Imperii casibus, sicut notum est omnibus in *Historia* vel *mediocriter versatis*) nulla autem species Regiminis à *sexto Capite* distincta quod est *Imperatorum*.

Etenim oàm essent *Copiarum Imperii* tres summi Duces, *Antonius* quidem *Orientalium*, *Octavius* verò *Occidentalium*, & *Lepidus* deniq; *Africanarum*, potestatemq; haberent legibus præfusa solutam nullivè alii Magistratui subordinatam, quid aliud obsecro erant quàm tres *Imperatores* simul, eaq; planè notione quâ *Romani Monarchæ* postea appellati sunt *Imperatores*? Et certè ad hanc rationem *Augustus* apud *Historicos* ab ipso obitu *Julii* patris ut *Imperator* dicitur negrâsse. Ad quem sensum *Suetonius* loquitur, Atq; ab eo tempore exercitiis comparatis primum cum *Marco Antonio*

Antonio Marcôq; Lepido, dein tantum cum Antonio, per duodecim ferè annos, novissime per quatuor & quadraginta solus Rempublicam tenuit. In quæ Naclerus sic commentatur: Regnavit annis quinquaginta sex, duodecim cum Antonio & Lepido, solus verò quadraginta quatuor. Et Chronologi quidem tum Pontificii tum Protestantes, initium Regni illius anno ab N. C. septingentesimo decimo affigunt.

10. Quamobrem hi *Triumviri Reipublicæ constituendæ* cum aut nullus in Republica Romana Magistratus essent aut cum Imperatoribus planè coinciderent, cumq; in formarum Regiminis enumeratione apud Historicos Romanos omissi sunt, aut lineæ *sexti Capitis*, hoc est, ordini Imperatorum accensiti; manifestum est sufficientem fuisse, vel potius necessariam causam non numerandi hunc *Triumviratum* inter illa Capita quæ *Johannis* tempore præterierant, ac proinde Historiæ veritatem accuratè cum visione consentire, quæ ait, *Quinq; ceciderunt*, non autem sex, nedum septem. Nulli enim Historici aliter numerant. Et quid plenior rei fidem facere potest quam ut Prophetia ipsâ linguâ utatur *Historicorum*? Quidve incongrui est aut indecori supponere visionem tot solummodò distincta capita recensere quor apertè & ex confesso habentur & capita & distincta, notanturq; passim in *Historia* tanquam memorabiles in *Politia Romana* Formæ Regiminis; cum & illæ quæ omissæ sunt in *visione*, in *Historicis* etiam narrationibus prætermittantur, tanquam ejusmodi de quibus aut consensum non sit distinctas esse formas aut omninò conclusum non esse?

11. Et certè si ullæ aliæ Regiminis formæ fuissent quæ viderentur solennem hunc septenarii Numerum conturbare, modò satis propinquam affinitatem cum aliquibus è principali septenario haberent, existimari potuissent singulæ tanquam unæ cum illis cum quibus tam propinquam haberent affinitatem, atq; ita Bestia etiamnum *septiceps* haberi, ut & *Nilus* septem habere ostia; (dum distincti illi Rivuli qui prope principalia fluentia hujus Fluvii septemflui currunt fluentis accensentur Principalibus, unq; cum eis habentur) atq; sic tanquam *isidrus* vel *isidrus* fluvius apud probatos Auctores passim celebrari. Quæ quidem libertas admodum tolerabilis futura fuisset, immò verò prorsus irreprehensibilis in quinq; illis Capitibus quæ jam præterierant; quandoquidem computus in posterum, cui totum rei pondus innititur, tam certò in *sexto* defixus est (cujus Apostolorum temporibus vices erant) ut nullam obscuritatem superinducere potuerit aut confusionem.

12. Et tamen ratio hîc multò exactior adhibetur, unde manifestum est maximam, quæ exoptari potest, de vero sensu hujus visionis quantum ad locum hunc, nos habere certitudinem; siquidem suprâ demonstravimus septem Capita Bestiæ ita intelligenda esse ut per totam Caputum successionem à principio ad finem usq; pertingant, ac proinde necesse esse ut sint distinctæ successiones tot generum summarum Potestatum, non septem personæ singulares; deprehendimusq; porrò de facto quinq; harum successionum perquam accuratè convenire cum numero quinq; illarum Formarum Regiminis quæ juxta Historiæ fidem, tempore *Johannis* præterierant, sextamq; quæ successerit, qui sunt Imperatores Paganici, illud ipsum fuisse caput quod tunc existerat. Quæ quidem res tam accuratâ ratione conveniunt, ut ipsum *Scepticismum* vix credam se abstinere posse quin assensum præbeat tam luculentæ veritati.

13. Manifestò igitur evicimus sex omninò fuisse summarum potestatum genera, Regum scilicet, Consulare, Triunitium, Decemvirale, Dictatorium & Imperatorium, à primo Regni Romani initio ad tempora Apostolorum. Illa enim Interregum Potestas planè erat Regia (si omninò memorabilis) ac proinde naturaliter uno eodémq; Capitis Typo quo Potestas Regia significatur; quemadmodum & *Triumviratus Reipublicæ constituendæ* (nisi status belli & confusionis fuerit) Imperatoria etiam erat Potestas, quanquam alio nomine oblecta, ac proinde ad sextum Caput rectè reducitur. Quod valdè proclive ac naturale cuilibet videbitur qui consideraverit quàm *Collectivi*, atq; *Henopoëtici*, si fas sit ita loqui, Typi Prophetici sint. Cujus *Collectivæ* horum Typorum *unitivæq;* rationis consideratio ex una parte, & expressa explicitaque, apud Historicos, quinq; distinctorum generum summarum Potestatum enumeratio ex altera, non potest quin certam & indubitatam homini persuasivem imprimat, Spiritum Propheticum nec plures nec pauciores Regiminis formas ante Imperatores recensere voluisse quàm quinque. Quod cum satis jam demonstratum sit, ad alterum pergo; nempe ad plenius explicandum, quàm aptè congruentèq; degener ille Imperii status qui præfiguratur per *Bestiam* quæ erat & non est & tamen est, *Imago* etiam *Bestiæ* appelletur.

CAP. XVII.

1. *Relapsus Imperii in Idololatriam in genere sufficere ad illud reddendum Imaginem veteris Imperii Paganici, & tamen similitudinem esse adhuc magis exquisitam & articulatam.*
2. *Propositum imitandi ritus Paganicos in Ecclesia degenerante.*
3. *Papa cum Cæsaribus Paganicis comparatus, ejusq; Cardinales cum Senatu Romano.*
4. *Tutelares Sancti cum Diis Tutelaribus comparati; Et de esu illius quod adoratur.*
5. *Minutorum multitudo Deastrorum Paganicorum collata, minbrq; deprebensa quàm Divorum Medicinæ rerumq; ruralium Præsidum in hac Pagano-Christiana Ecclesia.*
6. *Quod etiam sit in Artium Mechanicarum Præsidibus.*
7. *Sancti Numinaq; Paganica quantum ad sua officia comparati, & quàm scitè beatam Virginem surrogaverint in locum Veneris atq; Lunæ.*
8. *Viva admodum lineamenta Paganismi restituti in Pantheo, Virgini cunctisq; Sanctis dedicato; uti etiam in septem montibus septem distinctis Sanctis dedicatis; In extruendo Altaria & Imagines super ea erigendo; In exornandis hisce Imaginibus; In diebus Festis statuendis; In Adoratione & Precibus; In oblationibus Cereorum & Incensi; & in deportando Imagines in Processionibus.*
9. *In Votis, Juramentis, hominum defunctorum Deificationibus, Peregrinationibus, Curationibus miraculosis, earumq; monumentis in Templo suspensis.*
10. *In Asperisionibus & Purificationibus per aquam lustralem.*
11. *In abigendo Diabolo per Campanarum baptizatarum strepitus.*
12. *In Jubilæis modisq; generalibus celebrandi suorum Fæstorum.*
13. *In celebrandis Calendis Maii; In discurrendo per agros cum accensis facibus; In conspergendo pecudes aquâ lustrali per fraterculos S. Antonii; In transfliciendo ignes S. Johannis; In Sputo Baptismali; In Ludicrorum Magistro in Christi Natalitiis; in Carnisprivio aliisq; Festis.*
14. *Imaginem etiam Bestiæ aliquo modo in Funeribus revixisse.*
15. *Sed majorem in modum in religiosis Fraternitatibus sub hoc vel illo Sancto.*
16. *Ut etiam in Capitibus rasis; In Cœlibatûs voto, & in Ninevitis suis sive Flagellantibus.*
17. *In venditata facultate Christum corporaliter & personaliter deducendi in Missa;*
- 18, 19. *Ut & in magnificentioribus suis Processionibus.*
20. *Magna utilitas observandi quàm accurate Eventus prædictionibus de statu Ecclesiæ, respondeant.*
21. *Quàm demiretur stupetq; Hugonem Grotium, quod tam claram facilemq; Imaginis Bestiæ significationem declinaverit, & tam impossibilem elegerit & inutilem.*

1. **E**quidem simplicem Imperii mutationem denuò in supersticiosam aliquam & Idololatricam conditionem, tamen si nullum fuisset imitandi studium, ullave, inobservata primitus, coincidentia aut convenientia cum particularibus modis illius Idololatriæ ac superstitionis quæ antè extitè; propter generalem tamen in eis Imperii sic relapsi consensum meritò eam dici posse fatear prioris illius statûs Imaginem. Sed enim cum magis articulata similitudo sit etiam ad affectationem usq; aut saltem miro quodam fato, non abs re fore censeo pauca ex multis illis exemplis quæ occurrunt adnotare, ad majorem lucem pleniorèmq; fidem faciendam, quod per *Imaginem Bestiæ* intelligendus sit hic in Paganicas Superstitiones ac Idololatrias Imperii relapsus.

2. Et certè hanc *Imaginem* non fortè fortunâ factum fuisse, sed per imitationem, jam olim observatum est etiam ab eis qui in *Romana* Ecclesia vixerunt, & aliquo modo facta excusarunt; ut à Polydoro Virgilio, in Proœmio ad quinq; ultimos libros *De rerum Inventoribus*, ubi, *Patres*, ait, *Ritus suos ac Ceremoniâ à Paganis recepisse, sed in bona illorum parte recipienda, piè ac cum causa fecisse, quippe qui gentes etiam barbaras ad verè pietatis cultum ducere aventes, arbitrati sunt humanitatis condimentis tractandas, cum earum instituta hand prorsus horruerint, nec abstulerint, sed meliora fecerint, quo nè ullum religionis periculum crearetur, &c.* Ubi loqui videtur ad sensum Gregorii Magni in Epistola ad Mellitum, in qua *Demonum* oblationes mutari mavult quàm aboleri, *Festâq; Deorum in sanctorum Celebritates verti.* Quorum *Reliquiarum* Repositorium, Paganorum more, foliis ramisq; arborum ornandum statuit in diebus ipsorum nomini dedicatis. Et Theodoretus pingui sanè confidentiâ confitetur Festa S. Pauli, S. Petri, S. Marcelli, S. Thomæ, &c. in *Dionysiorum, Diasiorum, Pandiorum* aliarumq; Solemnitatum Paganicarum locum successisse. Quod *Bestiam* lethaliter vulneratam sanandi & in vitam revocandi maturam

maturam planè affectationem, in quolibet illius membro lineamentove, demonstrat.

Et *Durandum* deniq; tam parùm pudet imitationis consuetudinum *Paganicarum*, ut Ecclesiarum suarum dedicationem cum *Judeorum* Templo comparare non sit contentus, sed statim superaddit exemplum Dedicationis Imaginis illius *Babylonicæ* apud *Danielem*: *Nabuchodonosor* etiam Rex, inquit ille, vocavit omnes *Satrapas* & *Optimates* ad dedicationem statuæ aureæ quam fecerat. Cujus tamen rei in imaginum consecratione mentionem facere opportunius fuisset. Verùm ut minùs solliciti simus de ipsorum professionibus, ipsum Effectum propensionem eorum ad veteres Ritus consuetudinèsq; *Paganicas* declarabit, quemadmodum plurimis quanquam breviusculis exemplis luculentè probabo.

3. Ut primùm, ex *Divinis* illis *Honoribus* quos suprà notavi à *Papa* & affectari & acceptari, ut & *pedis deosculacionem*; Quid verò aliud ista sunt præterquam *Cæsarium Paganicorum* imitatio qui *Divinos Honores* etiam antequam defuncti essent recepere? Quantòve minùs *Idololatricè* sonat *Dominus Deus noster Papa* de Episcopo *Romano*, quàm *Edictum Domini Delq; nostri de Romano Imperatore Domitiano*? De quo etiam *Lampridius*, & *Aurelius Victor* eam testificantur affectationem, *Passus est adorari se appellariq; uti Deum*: Quem igitur *Papæ* ad vivum imitantur, qui etiam à *Diocletiano* aliisq; Imperatoribus didicerunt *pedem porrigere ad deosculandum*. Et quemadmodum *Numa Martium Marci* filium (quem *Pontificem Maximum* fecit) *Judicem* constituit ac *Arbitrum rerum, æquè Divinarum ac humanarum*, uti refert *Festus*; ità *Papa* sub prætextu universalis sui Pontificatùs jus sibi vendicat utriusq; gladii, *Cæsarisq;* partes agere vult perinde ac *Episcopi*, ut *Romani Cæsares* ante eum æquè *Pontifices Maximi* erant atq; *Imperatores*. Quæ viva lineamenta sunt in rediviva *Bestiæ* *Imagine*.

Quibus addere porrò potes *Senatum purpuratorum Cardinalium purpuratis Senatoribus* quos Imperatores in sua Politia habuerunt, respondentium; Potestatemq; *canonizandi Sanctos* quæ penès hos *Cardinales* cum *Papa* est, quæ potestati *Senatùs Romani* responderet, penès quem jus erat *Apotheoseos* sive homines defunctos referendi in album *Deorum*, constituendiq; ipsis *Templa, Aras, Statuæ, Festa*, quemadmodum *Papa* & *Cardinales* faciunt *Sanctis* defunctis, qui de Ecclesia *Romana* bene meruerint. Vide *Polydorum Virgilium* de rerum Inventoribus, ubi summâ confidentiâ affirmat Imitationem esse veteris Consuetudinis *Romanæ*. Hujus rei rationem nostri *Pontifices secuti non dubitanter videri possunt*. Polydor. lib. 6. cap. 8.

4. Rursus, quemadmodum veteres *Pagani Tutelaria* sua *Numina* habuerunt *Regnorum, Provinciarum & Civitatum*;

Dii quibus Imperium hoc steterat —

(supràq; notavi quomodo consueti sint *Deos Tutelares* è *Civitatibus* certo quodam carmine evocare) ità *Romana Ecclesia* suos habet *Tutelares Sanctos* hisce *Paganicis* *Numinibus* ad amussim respondentes; ut *S. Georgium* pro *Anglia*, *S. Andream* pro *Scotia*, *S. Patricium* pro *Hibernia*, *S. Jacobum* pro *Hispania*, *S. Michaëlem* pro *Gallia*, *S. Marcum* pro *Venetis*, *S. Ambrosium* pro *Mediolano*, *S. Dionysium* pro *Lugetia Parisorum*, *S. Romboutum* pro *Mechlinia*, *S. Petrum* & *S. Paulum*, vice *Romuli* & *Remi*, pro *Roma*. Cap. 12. vers. 9. sect. 5.

Præterea, Appropriatio horum *sanctorum* peculiaribus suis officiis exquisitissimo modo *Paganica* est, & *Divisioni unius illius objecti* *Divini cultus* in plurima, oppidò quàm consentanea; pro qua *Plinius* hanc instituit Apologiam, *Fragilis & laboriosa mortalitas in partes ista digessit infirmitatis suæ memor, ut portionibus quisq; polleret quo maxime indigeret*. Ac proinde ex hac ratione *Numina Paganica* in immensam ferè multitudinem excreverunt cum nec *Allia Cepeq;* apud ipsos quodam *Divinitatis* genere caruerint. Hist. Nat. lib. 1. cap. 7.

In hos *Aegyptios Idololatrias* est acerrimum illud *Ciceronis* dictum; *Ecquid tam amentem esse putas qui illud quo vescatur Deum esse credat?* Cujus tamen *Paganicæ* amentie *Pontificis* planè rei videntur, dum profitentur eum Deum esse quem in ventres suos deglutiant. De naturâ Deorum lib. 3.

5. Quàm minutam *Romani* fecerint *deorum suorum distributionem* is facile observare potest qui hæc nomina perlegerit, *Vistua, Potua, Pomona, Flora, Cinxia, Uncia, Garna,*

Carna, Cloacina, Febris, Fortuna, Tempestas, &c. Infinitum esset tot varietates recensere, & cum universis notissimæ sint, prorsus supervacaneum. Et certè *Romana* quæ nunc est Ecclesia, veteri superstitioni vix quicquam cedit hac particularitatum copia. Quid enim est cui illi *Sanctum* non præfecerunt perinde ac antiqui *Pagani* Deum Deamve, immò vero fortean magis particulatim quàm ipsi? Nam unus universalis Medicinæ præses Deus, unus putà *Apollo*, unusve potiùs *Æsculapius* ipsis non satisfacit, verùm tot peculiare *Sanctos* rei Medicæ præficiunt quot ferè sunt morbi: *S. Rochum* quidem pestilentie, *S. Cosmum* & *Damianum* ulceribus ac tumoribus, *S. Jobum* pustulis, *S. Apolloniam* dolori dentium, *S. Claram* oculis affectis, *S. Agatham* mammillis ulceratis, *S. Margaretam* obstetricationibus, *S. Petronellam* febribus, *S. Johannem* & *S. Valentinum* morbo comitali, *S. Benedictum* venenis, *S. Genoa* podagræ, *S. Mainium* icabiei, *S. Phiacrum* hæmorrhoidibus, *S. Sigismundum* caufoni, & *S. Entropium* hydropi, cum multis aliis quos nimio fastidio esset recensere.

Quemadmodum etiam *Pagani* varia habuerunt *Numina Ruralia*, ità Ecclesia *Romana* varios habet *Sanctos Rurales*; ut *S. Wendelinum* pro pastoribus, *S. Pelagium* pro bubulcis, *S. Antonium* pro subulcis, *S. Loyium* pro equis & armentis, *S. Feriolum* pro anseribus, *S. Johannem* pro agnis, *S. Hubertum* pro venatoribus suisq; canibus, *S. Getrudus* etiam specialem potestatem habet in mures foricelsque.

6. In *Romano Paganismo* veteri mercibus emundis vendundisq; omnibusq; omnino artibus facitandis, *Mercurius*, sicut & nomen illius innuit, præerat, eratq; similiter popularis Eloquentiæ Deus. Verùm Ecclesia *Romana* hac in re multò curiosior videtur, quæ singulis ferè artibus facitandis peculiarem *Sanctum* præfecit; ut *S. Honorium* pistioribus, *S. Eloyium* fabris ferrariis, *S. Lucam* pictoribus, *S. Nicolaum* nautis, *S. Ivam* jurisperitis, *S. Crispinum* calceariis, *S. Arnoldum* molitoribus, *S. Stephanum* textoribus, *S. Eulogium* carpentariis, *S. Goodmannum* sutoribus vestiariis, *S. Goarum* figulis, & *S. Urbanum* equitibus, quos vocant, cervisiariis, bellisve congeronibus, sicut & *S. Magdalenam* curtisannis sive meretricibus. Immensum esset tam prolixas afferre Inductiones quàm hæc materia est capax. Hoc sufficiet ad ostendendum quàm planè antiqua Theologia *Paganica* in appropriatis *Sanctorum* officiis revixerit, & quàm utilis illius notitia prætendi possit, quemadmodum & *Varro* olim definivit de *Diis Paganorum*, quantum inter sit, si sciatur quam quisq; Deus vim ac potestatem habeat cujusq; rei, ut perinde invocari possit.

7. Facile etiam hic esset, sed superfluum, hos *Sanctos* cum *Paganorum Divis* quantum ad officia sua comparare. Sic enim *S. Nicolaus* esset Divus *Neptunus*; *S. Margareta*, Diva *Lucina*; *S. Magdalena*, Diva *Flora*, & *S. Martinus*, Divus *Bacchus*; *S. Hubertus*, Diva *Diana*, & *S. Maturinus*, Divus *Apollo*; siquidem sapientiæ Deum consentaneum est optimum fore medicum *Fatuorum*.

Cæterùm beata Virgo, prout *Reginam Cæli* eam appellant, ità tot officia titulq; habitura est quot & ipsa *Luna*. *Junonem* enim *Lucinam* eam faciunt dum tam constanter illam invocant mulieres dolore laborantes; & deinde *Hecaten* sive *Proserpinam*, quippe quæ fingitur tam frequenter ad infernales umbras descendere ad animas liberandas è Purgatorio. Nautæq; eam tam frequenter invocando in *Tempestatibus*, in locum *Veneris* substituunt, *Neptunio*, sicut manifestum est ex supplicatione illa *Rhythmica* quam ad eam effundunt in Itinerationibus suis marinis.

Salve splendor Firmamenti,
Tu caliginosæ menti
Desuper irradia.
Placa mare maris Stella,
Nè involvat nos procella
Et tempestas obvia.

Et postremò nimium exuberans erga eam in terris mortalium devotio, tam multa illi extruendo Tempia & Altaria, occasionem dedit plura illi indendi nomina quàm *Dea* illa *Paganica* unquam habuit. Nam quemadmodum *Venus* appellata est *Idalia*, *Cytherea*, *Cnidia*, *Paphia*, multisq; aliis id genus Nominibus, à locis ubi colabatur; ità *Virgo Maria* appellatur virgo *Laurenstis*, virgo *Bononiensis*, *Aqua-sextiensis*, *Montferratensis*; virgo *Carmilitana*, virgo *Lucorum*, *Agrorum*, *Fontiumque*, cum innumerabilibus aliis Appellationibus. Verùm hæc minoris forsan momenti videri possunt.

8. Rediviva hæc veteris *Paganismi Romani Imago* magis adhuc luculentè se prodit in extruendo Tempia multifariis his *novorum* Deorum generibus (sic enim fit quicquid

quicquid cultu colitur religioso) aut religiosum Cultum eis exhibendo in Templis veterum. Cujus egregium quidem Exemplum est Beatae Virginis omnibusq; Sanctis Panthei consecratio, quod à Paganis dedicatum erat Cybele omnibusq; Diis. Quod perquam elegans profectò est lineamentum reditu hujus Imaginis Bestia. Neq; illud sanè multò inferius est quod Cornelius à lapide etiam notavit. Sub Regibus scilicet Romanis quemadmodum septem montes consecrati fuerè singuli singulis Diis, ita nunc consecratos esse singulos singulis Sanctis; Quod & alterum vivum lineamentum est hujus effigiei à S. Johanne prædictæ.

Verùm pergo; Speciatim etiam revivificatur hæc Imago in erigendo Altaria, Statuq; Sanctorum super ipsa collocando, in vestiendo ipsas vestimentis sumptuosis circumdòq; materia pretiosissimâ, Auro putâ, Ebore & Gemmis. Coronas præterea imponendo florùmq;serta eorum Caputibus, Diisq; festos instituendo in honorem nominis eorum & incurvando se coram ipsis, precèsq; ac supplicationes fundendo oculis manibûsq; devotè versûs eos sublati. Equa potest esse magis viva antiqui Pagani Imago quàm est hæc? Et tamen hoc facit Sanctis suis eorùmq; Imaginibus Ecclesia Romana, multòq; sanè plura, ad revivificandam Imaginem Bestia & ad vaticinium implendum.

Nam ut Pagani oblationes ferebant Idolis suis atq; Diis, ita & hi Sanctorum suorum Imaginibus, quemadmodum notissimum est. Ut Pagani lumina ante Imagines suas accendebant, (ut verbi causâ ante aram Saturni ex humaniori Expositione, ab Hercule, illius oraculi, facta,

Kai κεφαλὰς αὐτῶν καὶ τῶν πατέρων πύμνισι φῶτα)

multùmq; Religionis in igni Vestali statuebant; Apud nos itidem, inquit Polydorus, nullo magis honore quàm Cereis candelis decorantur extrinsecus Celicolæ. Antiqui Pagani Incensum adolebant Diis suis,

(—ubi Templum illi centùmq; Sabæo
Thure calent Ara)

Æneid. lib. 1.

quod consumptitium sacrificium (est, ipsaq; notatio vocabuli Thure, est *thure* sive *thuris*, à sacrificando:) ita & Ecclesia Romana Incensum adolet coram Imaginibus Sanctorum suorum, atq; hoc sacrificii genus ipsis perpetrant. Pagani certis quibusdam temporibus Idola sua in processione deportabant; Quod itidem facit Ecclesia Romana; In Imagine scilicet S. Roobi, Apollinis illius Apotropæi, & S. Genevesæ, Jovis illius pluvii, vel si mavis, Jovis pluviz, &c.

9. Ora Paganorum implebantur variis jurandi formulis per nomina Deorum suorum: ita & ora Pagano-Christianorum per suorum Sanctorum nomina. Votâq; faciendi ratio admodum consimilis est in utrisque. Patres Primitivæ Ecclesiæ in opprobrium Ethnicis objiciebant quòd Divinum honorem puris putis Mortalibus exhiberent, quorum Cadavera sive Reliquiæ in ipsis Templis eorum erant. Et Ecclesia certè Romana annon illa hunc ipsum Honorem Sanctis suis præstat, profiterûq; eorum Reliquiæ in suis Ecclesiis reponi? Veteres Pagani laboriosa susceperunt itinera, ad oraculum putâ Delphicum, vel Jovis Hammonis, ad Templum Esculapii aliave ejusmodi loca, ad responsa reportanda aut malorum levamina; & Romanistæ, annon illi æquè molestas peregrinationes ad Sanctorum suorum delubra suscipiunt?

Sive Sacerdotum fraude id factum sit sive officiosorum aliquorum Demonum ope, multa profectò miracula prodigiòsq; morborum Curationes credebantur fieri in Templis & prope Imagines Deorum Paganorum, certâq; earum monumenta in honorem Numinum suorum lucrùmq; Sacerdotis, (ut oblationes eo pacto augerentur) appensa erant. Polydorus è Strabone, Mos fuit in Templo, inquit, ejus Dei qui auxiliatus esset & præsertim Esculapii quod Epidauri insigne erat, tabellas appendere in quibus morbi sanati erant inscripti. Ad sensum cujus consuetudinis est illud Tibulli distichon,

Nunc Dea, nunc succurre mihi; nam posse mederi
Picta docet Templis multa tabella tuis.

Eleg. lib. 1, 3.

Idem agnoscit Polydorus fieri in Ecclesia Romana, & in memoriam eruris, brachii, auris, mammillæ aliûsve cujusvis partis ab hoc vel illo Sancto curatæ, effigiem harum partium publicè prope Delubra, aut saltem in Sacellis eorum Templisve appendi.

10. Ipsorum

10. Ipsorum etiam superstitio in *Aqua lustrali* notatu haud indigna est. Illius usus frequens erat apud *Athenienses*,

(*Spargit aquâ captos lustrali Graia Sacerdos*)

virtus verò illius meritò ac cum iudicio deridetur ab *Ovidio*.

Fest. lib. 2.

*Ab nimium faciles, qui tristia crimina cedis
Fluminea tolli posse putatis aquâ.*

Aeneas verò apud *Virgilium* contrà sentire videtur, qui patrem *Anchisem* alloquens quando sacrificium oblaturs erat, sic argumentatur.

Aeneid. lib. 2.

*Tu, genitor, cape sacra manu patriosq; penates;
Me bello à tanto digressum & cadè recentè
Attrectare nefas, donec me flumine vivo
Abluero.*

Et rursus in alio loco,

*Occupat Aeneas aditum, corpûsq; recentè
Spargit aquâ.*

Et in funere *Miseni*,

Aeneid. 6.

*Idem ter socios purâ circumdedit undâ
Spargens rore levi & ramo felicitis olive,
Lustravitq; viros.*

Tibullus etiam libro secundo *Elegiarum*,

*Casta placent Superis: pura cum veste venite,
Et manibus puram sumite fontis aquam.*

Aqua erat prope *Portam Capenam* *Mercurio* sacra quâ *Romani* veteres cum *Ramo laureo* soliti sunt se aspergere, *Mercatores* præsertim ad purgandos se à suis peccatis, speciatim à fraudibus & mendaciis. *Ovidius* tam graphicè ac festiviter Ceremoniam descripsit, & cum tam acri *Judicii* nota de malo effectu hujusmodi fictitiarum *Purificationum* ad corrumpendos hominum mores, ut mihi temperare non possim quin narrationem transcribam quanquam aliquantulum prolixam.

Fest. lib. 5.

*Est aqua Mercurii porta vicina Capenæ,
Si juvat expertis credere, Numen habet.
Huc venit incinctus tunicâ Mercator, & urnâ
Purus suffusa, quam ferat, haurit aquam.
Vda sit hinc *Laurus*; *Lauro* sparguntur ab uda
Omnia quæ dominos sunt habitura novos.
Spargit & ipse suos *Laurus* rorante capillos,
Et peragit solitâ fallere voce preces.
Abiue præteriti perjuriam temporis, inquit;
Abiue præteritâ perfida verba fide.
Sive ego te feci testem, falsòve citavi
Non audituri numina vana *Jovis*;
Sive Deum prudens alium Divòve fefelli,
Abstulerint celeres improba verba *Noti*.
Da modò lucra mihi, da factò gaudia lucro,
Et face ut emptori verba dedisse juvet.*

Hoc est, à *Mercurio* petit ut virtute hujus superstitiosæ Devotionis asperisionisq; sui ipsius aquâ suo Numini sacra emptores circumveniat ditescatq; cum hilari conscientia, & citra periculum iræ Deorum.

Exempla aquæ lustralis infinita sunt, ut & imitatio illius superstitionis oppidò quam

quàm frequens in *Ecclesia Romana*; ac certè verendum est, nè pari cum Hypocrisi & securitate peccandi, ex vana præsumptione virtutis huiusmodi superstitionarum & imaginariarum Purificationum, quas Poëta hic descripserit.

11. *Tubilustria* sive purificatio Tubarum aliqualem sanè cum Papali *Campanarum baptismatione* habere videtur affinitatem. Verùm similitudo, fateor, major foret si quemadmodum consecrata hæ *Campanæ* creduntur vim habere abigendi tinnitu suo Spiritus malos, ità hæ Tubæ creditæ fuissent virtutem habere fugandi Lemures spectrâq; suo clangore. Cæterùm ut hæ Tubæ non credantur istiusmodi specialem virtutem habere, Instrumentorum æneorum tinnitus cum *Aqua lustrali* conjunctus eam planè habere dicitur in *Fastis Ovidianis*.

*Rursus aquam tangit, Temesæq; concrepat æra,
Et rogat ut tellis exeat umbra suis.*

Fasti, lib. 3.

Quodd verò ænearum tinnitus Cucumarum, Cymbalorum, aliarumve ejusmodi rerum, superstitionè credebatur ab Ethnicis vim habere contra fascinationes & incantamenta, quæ effecta sunt mali alicujus Dæmonis, *Tibullus* etiam videtur in illo disticho significare,

*Cantus & à curru Lunam deducere tentat,
Et faceret, si non æra repulsa sonent.*

Lib. 1. Eleg. 8.

Quàm propè hoc accedat ad Pontificiam illam superstitionem abigendi malos Dæmonas *Campanarum baptismatarum strepitu* cuilibet judicandum relinquo.

12. Jam verò quantum ad Festa, Quid erat *Papæ Bonifacii octavi* singulis centenis annis *Jubilei* Institutio, nisi *Ludorum secularium* imitatio apud *Romanos*? Nam si *Mosem* imitatus esset, quinquaginta anni istius Celebritatis fuisset Periodicum Intervallum. Verùm ut quæ magis generalia sunt notemus, Cantus, Chorea, Compositiones, pedumq; vacillationes Festorum Paganicorum perpetui ferè erant comites.

Immemores nostri festas duxere Chorea.

Et rursus apud eundem Poëtam,

Pars pedibus terram pulsan & carmina dicunt.

Tibullus etiam dies eorum festos describit ab otiando combibendq; usq; dum pedibus titubent.

*Vina diem celebrent, non festâ luce maderè
Est pudor, errantes & malè ferre pedes.*

Lib. 2. Eleg. 11.

Quem Erasmus in Colloquiis magnoperè conqueritur modum esse celebrandi *Sanctorum Festa* suis Temporibus.

Mos erat apud Paganos in Festis Deorum suorum celebrandis, *Deos induere*, quemadmodum loquitur *Tertullianus*, hoc est, ut unus quispiam personam sustineat parteq; agat illius Dei cujus Festum celebretur. Hanc consuetudinem etiam invaluisse in *Ecclesia Romana* in suorum *Sanctorum* Festis, particulatim à fidis Testibus edoctus sum, unumq; aliquem in eis *Sancti* partes agere, ad demulcendum populum hilari quidem quanquam superstizioso quodam genere Ludicrorum. Vide *Polydor. Virgilium* de rerum Inventoribus, lib. 5. cap. 2.

13. Cæterùm ut pauca quædam ex ipsorum Festis particulatim consideremus, eaq; strictim attingamus; *Maiarum* frondium à ludibunda utriusq; sexûs Juventute domum reportatio quid aliud est præterquam imitatio *Floralium Romanorum* (quemadmodum *Polydorus* observavit) apud quos, inquit ille, sic *Flora cunctorum fructuum Dea*, mense Maio lascivè colebatur? *Cerealia* Paganorum noctu celebrabantur Sacerdotibus cum facibus ultrò citròq; discurrentibus. In cujus superstitionis imitationem *Polydorus* ait, in *Umbria* aliisq; *Italiae* partibus pridie Calend. *Martias*, id est, eâ nocte quæ primum diem mensis *Martii* præcedit, crebros passim fieri ignes, puerosq; facibus, quæ ex arundinibus jam aridis ut plurimum sunt, accensis per arva currere; ut precantes fecunditatem agrorum tum terrâ jam sætum parturiente. De *Paliliis*, *Ovidii* præceptum est in *Fastis*.

S f f f

Pastor

Fest. lib. 4.

*Pastor oves saturas ad prima crepuscula lustrat,
Unda prius spargat, virgâq; verrat humum.*

Sed hæc tantum præparatio est ad ovium *Lustrationem*; Ceremonia præcipua adhuc superest.

*Cerulei fiant puro de sulphure fumi,
Tactâq; fumanti sulphure balet ovis.*

Quæ *lustratio* per fumigationem in aquæ *lustralis* asperfionem stato anni tempore non in oves solas sed & equos bovesque, à S. *Antonii* fraterculis commutata est. Verum utriq; in superstitiosa expiatione sive lustratione brutorum animalium conveniunt. Mos transfiliendi Ignes quosdam S. *Johannis Baptiste* die structos exactior imitatio est antiquæ consuetudinis *Paganorum*, qui Ignes etiam in suprâ dictis *Paliliis* Festive quod *Dea Pales* sibi consecratum habebat, transfiliere.

Fest. lib. 4.

*Moxq; per ardentis stipulæ crepitantis acervos
Trajicias celeri stredda membra pede.*

Romanusq; hic *Hierophanta* *Ovidius* hujusce rei rationem illico reddit.

Omnia purgat edax ignis ———

Aded ut manifestum sit hujusmodi consuetudines quæ in Ecclesia *Romana* retentæ fuerint, *Paganicarum* superstitionum & *Purificationum* quædam quasi esse vestigia. Quarum ipsum *Sputum Baptismale* luculentum sanè videtur exemplum, quemadmodum ex illo *Persii* loco apparere potest.

Satyr. 2.

*Ecce avia, aut metuens Divum matertera canis
Exemit puerum, frontemq; atq; uda labella
Infami digito & lustralibus antè salivis
Expiat, prentes oculos inhibere perita,
Tunc manibus quatit, &c.*

Tam mirandam virtutem in *sputo* esse arbitrabantur vetulæ *Romana* contra fascinum aggressuramq; diaboli. Quam ceremoniam peragebant in ipso die *lustrico* Infantis qui etiam *Dies Nominalis* dicitur cum & nomen Infanti illo die tribuerent, ut *Saliva* hæc *lustralis* *Sputo Baptismali* in *Romana* Ecclesia magis accuratè respondeat. Verum id obiter dictum esto.

In antiquis *Saturnalibus*, Domini servis ministrabant epulis eos excipientes, quemadmodum L. *Accius* in his versibus commemorat;

————— per agros urbésq; ferè omnes
*Exercent epulis læti, famulosq; procurant
Quisq; suos* ———

De rerum Invent. l. 5. c. 2.

Unde *Polydorus* notat consuetudinem in Natalitiis Christi, unum aliquem ex servis constituendi Magistellum ludicrorum cui servi reliqui ipsiq; aded Dominus patèrve familias obediat, esse profectam. In *Quinquatriis* minoribus *Ludisve Megalensibus* homines personati vesanè lascivienterq; discurrebant impudica multa committentes. Hæc insania diem tantum unum & alterum in antiquo hoc Festo *Romano* durabat; verum eam non solum imitatur Ecclesia *Romana* in suis *Carnispriviis* sed longè excedit. Quippe quod hæc licentia istiusmodi atrocita sub personis perpetrandi flagitia (tanquam si abscondere se à conspectu Dei istoc pacto possent) non in dies duos sed in duos continuos Menses aliquibus in locis producit. Quo etiam tempore intemperanter edendi bibendiq; libertatem sibi immane quantum indulgent, perinde ac si corpora sua *Cellaria Penariaq;* in imminens *Quadragesima* jejunium constituere intenderent, quod facilius religiosæ illius Famis *obsidionem* possent sustinere. Unde *Carnisprivium* hoc duarum illarum nefariarum solennitatum *Paganicarum* videtur conjunctio, ludos *Megalenses* intelligo & *Bacchanalia*. Fædæ quorum Festorum & abominabiles atrocitates in impuris impudicisq; gestibus, omnigenisq; verborum pariter

pariter atq; actionum obscenitatibus, quanquam tantæ sunt & tam variæ ut non cujlibet sanè hominis sit, nisi perlectis harum Paganicarum Enormitatum narrationibus, eas imaginatione suâ assequi; novus tamen hic *Romanismus*, quemadmodum Historia ab oculatis testibus Pagano-Christianorum *Bacchanaliorum* nos certos facit, *Romam veterem* in omni genere impudentissimæ spurcitiei ac impuritatis in hoc festo superavit. Adeò ut *Bestia* hoc quidem in Articulo non solum sanata sit, sed & robustior facta & pinguior.

Pergere hîc possum observareq; quibus in rebus Ecclesia *Romana* veterum *Vinalia*, *Robigalia*, *Terminalia*, *Parentalia*, *Proserpinalia*, aliâq; *Ethnicorum* Festa imitetur; verum hæc sylva tam ampla vastave est ut citius illic æternum errabundus hæreere quam ullum possum invenire exitum.

14. Cæterum non omittam *Bestiam* aliquo modo revixisse etiam in *Funeribus* defunctorum.

Hinc *Tuba*, *Candela*, tandemq; *beatulus alto*
Compositus lecto —

Perf. Satyr. 3.

Hanc solennitatem *Funereas* etiam cantilenas habuisse, *Præficusq;* quæ mœstis suis modulationibus dolorem cierent, conductas, res est quam nemo non observavit. *Facèsq;* portandi pompa admodum graphicè apud *Virgilium* describitur.

Arcades ad portas ruere & de more vetusto
Funereas rapuere faces: lucet via longo
Ordine flammarum & latè discriminat agros.

Æneid.

Quàm propinqua Imitatio hujus Nocturnæ pompæ moderna *Pontificiorum* Funera sint, vel tardissima Imaginatio facilè potest discernere. Verum hujusmodi rebus non multum insistendum puto.

15. Nimis prolixum foret ut & supervacaneum rationem inire variorum Religiosorum Ordinum in veteri novôq; *Romanismo*. Satis erit si notemus, quemadmodum constat varias fuisse *sodalitates* Sacerdotum, Marium pariter atq; Fœminarum, in veteri Religione *Paganica*, devotas dedicatâsq; alias *Martii*, *Veneri* alias, aliâsq; *Vestæ*, & alias deniq; uni Numini, alias alteri; ità in *Romana* Ecclesia varios esse Sacerdotum Personarumq; Religiosorum Ordines, quorum alii hujus *Sancti* cultui addicti sunt, alii alterius; quidam cultui beatæ *Virginis*, alii *S. Francisci*, & sic de reliquis.

16. Tantum notabo *rasos vertex* nuperum non esse Inventum, sed ceremoniam antiquorum Sacerdotum *Isidis* ac *Diane*. Nec *Celibatus votum* adeò recens esse ut *Romane*, quæ nunc est, Religionis Manachis approprietur, siquidem *Vestæ*, *Apolinæ*, *Junonis Argivæ*, *Diane* ac *Minervæ* Sacerdotes ad perpetuam damnabantur virginitatem. *Cybelæsq;* Deorum matris Sacerdotes exsecando sibi virilia certò sibi constantem asciscebant *Celibatum*. Hoc novam *Romam* fateor non adeò examussum imitari, castitatem tamen interim tanta cum confidentia vovere, ac si seiplos sensu *Origenico* ac *Literali* Eunuchas fecissent, aut nati essent Eunuchi, propter Regnum Cœlorum. Verum quemadmodum hac in re à *Gallis* superantur, ità *Lupercos* longè superant in *Ninevitis* suis ac *Flagellantibus*, quippe qui scuticis caprinis non seiplos flagellabant sed obvios quosque. Illa igitur *Ninevitarum* aliorumq; seiplos flagellantium severitas ab *Egypto* potiùs, quæ tamen Imperii Romani pars erat, petenda est, quàm à *Roma* veteri, (siquidem qui *Isidi* sacrificabant, cædebant seiplos, dum Holocaustum igni consumebatur; καὶ οὐδὲν ἢ ἰσὶν τὸ αὐτοῦ αἵματι, inquit *Herodotus*;) aut à Sacerdotum *Deæ Syriæ* in se sævitia, aut à rigida *Diane Lacedæmonie* disciplina, quæ placanda non erat nisi per sævas cruentâsq; verberationes, quemadmodum aliàs notavi.

Myth. Piet.
lib. 3. cap. 13.

17. Tot profectò superstitionum *Romane Ecclesiæ* cum antiquo *Paganismo* Coincidentiæ sunt, ut oppidò quàm laboriosi penſi foret si vel minimam adniterer earum partem recensere, ac proinde hîc lubens plura referre supersedebo. Permite modò unicam insuper Congruentiam quæ menti meæ obversatur, eamq; præcipuam, silentio non præterire.

Paganorum Sacerdotes *εὐσεβίας* quandam prætendebant sive *Αυτοψίας*; se nempe facultatem habere exhibendi in Templorum Adytis *præsentialem* Deorum suorum *aspectum*. Quò respicere videtur illud Claudiani.

De rapto Pro-
serpina lib. 1.

*Jam mihi cernuntur trepidis delubra moveri
Sedibus, & clarum dispergere culmina lumen
Adventum testata Dei.*

Jam verò cujusslibet nullo laborantis præjudicio Conscientiam appello, an *Pontificia Transubstantiatio* professioq; facultatis præsentialem exhibendi, Quinquiverbalis sui carminis (uti ipsum illi faciunt) virtute, ipsius corporeæ Christi personæ comparen-
tiam, admodum exquisita non sit hujus Paganicæ *Epothe* imitatio. Christus, fa-
teor, secundum suam Divinitatem ubiq; est & per specialem illius operationem in ali-
quibus locis, & ex aliquibus occasionibus, modo quodam extraordinario adesse
rectè dici potest; verum profiteri se humanam corporeamve Christi præsentiam de
Cælo in Templum Sacellumve certâ verborum formulâ deducere posse, Bestiam pro-
fectò revivificare est in memorabili illa Imposturæ ac superstitionis *Paganica* parte,
quæ appellatur *ἑνὸς ἑοῦ*, sive Deorum è Cælo evocatio, ut visibilem suam præsen-
tiam Hominibus exhibeant.

De rerum In-
vent lib. 11.

18. Unicam adhuc singularem Rituum collationem superaddam & tunc conclu-
dam. Est autem Sacrificialis Pompæ *Paganorum* cum supplicationibus sive Processio-
nibus *Ecclesiæ Romane* comparatio, prout *Polydorus Virgilius* utraq; descripsit.

Pagani in superstitionis suis & *Idololatricis* Pompis Processionalibus Deorum suo-
rum Imagines deportabant, sed ad demulcendos animos rudis multitudinis ibat etiam
in hac Processione Imago quædam ludicra quam *Latini Citeriam* vocant; quàmq;
vulgò derivant à *κίτλη* & *ἰών*, alludendo in ea vocis ratione, ad *Pica loquacitatem*.
Nam ità formata est hæc Imago ut crepitaret & obgarriret in morem illius avis. *Quid*
ego cum illo disertem amplius, quem ego deniq; credo in pompa vestitatum iri ludis
pro Citeria? Catonis verba sunt contra *M. Cæcilium*. *Plautus* autem alterius formi-
dabilis Idoli mentionem facit, quod portabatur in his superstitionis spectaculis, quem
is *Manducum* appellat. *Quid si ad ludos me pro Manduco locem, quapropter clarè*
crepito dentibus? Erat enim ingens deformisq; Imago cum ore laxo, ad aures usq;
utrinq; rescisso, & horribiliter hians, & immanè dentibus stridens crepitansq; in
magnum hominum simplicium terrorem. De hac *Mormo* est illud *Juvenalis* dictum,
quam Rusticorum infantes in sinu Matrum vastis suis hiatibus ait territare.

— Cùm personæ pallentis hiatum
In gremio matris formidat rusticus Infans.

Verum postea hujus superstitiøsæ Pompæ *Paganicæ* ex *Apuleio* magis continua est
descriptio. Ecce, inquit, *pompe magna paulatim procedunt anteludia. Hic incin-*
ctus baltheo militem gerebat; illum succinctum Chlamyde copides, (i. e. cultri re-
curvi) & venabula venatorem fecerant; nec ille deerat qui Magistratum fascibus
purpuræq; luderet; Vidi & ursam, inquit, mansuetam quæ cultu matronali sellâ ve-
hebatur, & simiam pileo textili. Et sequitur, Jam sospitatricis Dea (Lunam in-
telligit) peculiaris Pompa moliebatur. Mulieres erant candido splendentes amici-
mine, vario letantes gestamine, verno florentes coronamine, quæ de gremio per viam
quæ sacer incedebat comitatus, solum sternerant flosculis. Ille etiam quæ ceteris un-
guentis & geniali balsamo guttatim excusso conspergebant plateas. Magnus præte-
rea sexus utriusq; numerus lucernis, tedis, cereis, & alio genere sciti luminis sile-
rum cælestium stirpem propitiantes. Symphonia dehinc suaves fistule tibiaq; mo-
dulis dulcissimis personabant; eas amœnus letissime juventutis veste niveâ præni-
tens sequebatur Chorus. Erant etiam qui facilem sacris viam dari predicarent; Lo-
cûq; velabantur quæ veheretur pompa, nec permittebatur cuiquam è fenestris eos spe-
ctare. Sic erant antiquorum Paganicorum religiosæ Pompæ ac Processiones.

19. Nunc rationem describamus quarundam Processionum sive supplicationum in
Ecclesiâ Romana, vel potiùs ex eodem *Polydoro* transcribamus, qui istiusmodi ritus igno-
rare non poterat. In supplicationum nostrarum pompa, inquit, solent ludicra quæ-
dam procedere, hoc est, ordo militaris equitum peditumq; vel effigies aliqua arguta,
loquax, ridicula, aut magnis malis latè debiscens, dentibusq; sonitum faciens, valdè
formidolosa, ac aliæ oblectationes ludicræ vagari; In quibus *Propheta* representantur,
alati pueri concinunt, chorus inducitur *feminarum & virorum tripudiantium, hic*
agit Davidem, ille Salomonem gerit, alii Reginas fugant, alii venatores ludunt,
simiam vel jumenta simul inducentes; ut deniq; in hoc ludicro apparatu multijugen-
recitentur Historiæ antiquæ! Item cereæ tedæ & symphonia adhibentur, loca velan-
tur

tur quâ pompa vehitur. Item pueri & puellæ ex fenestris vetantur despicere, hoc est, ex fenestris deorsum versum spectare. Præterea Sacerdotes vel alij Divorum personas agunt, eorum Imagines aut Reliquias ferentes, viæ & plateæ variis odoribus consperguntur floribusq; sternuntur, ac demum aliquot præficiuntur qui jubeant viam dari ut pompa sine impedimento procedat. Nunquid ovum ovo similis esse potest quàm est hæc Romana Processio antiquæ Pompæ superstitiolæ Paganorum? Solidè igitur Polydorus infert & citra omnem exceptionem, Ità Romani faciebant & aliæ pleræq; gentes à quibus ad nos ritus ejusmodi dubio procul manavit.

20. Tam plenè sanè antiquum hoc Paganicum Imperium, occisa utiq; Bestia, in vitam denuò rediit, tamq; perfectè affabréq; ejus Imago concinnata est consilio & regimine Bestiæ Bicornis sive Pseudoprophete. Nec possum, dum hæc considero, quin flexo poplite Divinam Providentiam, quæ tam accuratè rebus humanis invigilat, adorem, agnoscámq; cum gratiarum actione, ac humilitate quantâ possum maximâ, magni nostri Pastoris Domini Jesu Christi benignissimam curam ac fidelitatem qui statum Ecclesiæ tam exquisitè præfiguravit anteq; nos præmonuit, quomodo res ad tempus se essent habituræ, ut veritas horum eventuum firmiori nobis pignori foret certitudinis ejus restitutionis ad primitivam suam ac Apostolicam puritatem, quemadmodum & ipse prædixit in his propheticiis Visionibus.

21. Equidem accurata hæc Romane Ecclesiæ in Idololatria & Superstitione cum Imperio Paganico congruentia, cum abominabili utriusq; in vera Christi membra crudelitate, simul considerata cum interdictione omnis civilis commercii, vitæq; necessariorum privatione, nisi in Idololatræ praxi & professione ipsis se adjunxerint,

Non illis emendi quicquam
Aut vendendi copia,
Nec ipsam haurire aquam
Dabatur licentia,
Antequam thurificarent
Detestandis Idolis.

(quæ, quemadmodum Beda conqueritur, conditio erat primitivorum Christianorum qui Paganismi Idololatriis se nolebant submittere, & quæ reverà fors est eorum sub Ecclesiâ Romana, qui contra ipsorum Pagano-Christiani sumum suam sententiam declarant; immò Inquisitiones instituunt quibus vitam innocentibus eripiant, sanguinemq; venantur hominum innocentum, torquentq; ac cruciant & vivicomhuriis deserviunt in eos qui crassam Idololatriam cum eis committere renuunt:) similitudo, inquam, quam status Romane Ecclesiæ cum antiquo Paganismo gerit, in Idololatria, Superstitione & crudelitate (ut mendacia miracula taceam & imposturas) tam perfecta est omnibusq; numeris absoluta, ut non possum quin religiosissimè admirer exactam harum Divinarum visionum in Prædictione rei tanti momenti veracitatem, quemadmodum nec possum pariter satis demirari, nè dicam stupere Hugonis Grotii sortem, (cùm eventus rerum tam pleni sint & adæquati, tam apti exquisitèq; accommodati ad hanc Imaginis Bestiæ Interpretationem) ut homo eo ingenio & eruditione, expositione tam coactâ quàm sit illa quam is elegit, contentus sit, & tam futili, tam impossibili deniq; tamq; inutili. Quam tamen nunc plenius confutabo, postquam Interpretationis Ribere vanitatem ac ineptitudinem demonstravero.

SYNOPSIS PROPHETICA,

S I V E

COMPENDIOSUS PROSPECTUS

In Sacrarum Scripturarum

VATICINIA


D E

ANTICHRISTO VENTURO.

L I B. II.

C A P. I.

1. *Magna utilitas demonstrandi ineptitudinem Expositionum Riberæ & Grotii super his duobus Capitibus Apocalypseos. 2. Bestiam, juxta sententiam Riberæ, esse Diabolum; 3. Septemq; Reges, Reges impios septem seculorum Mundi. 4. Quinq; ex his seculis præterisse tempore S. Johannis, Regnumq; Antichristi esse septimum, Romamq; Ethnicam Meretricem. 5. Co-expositionis nostræ utilitas generalis. 6. Bestiam non esse Diabolum ex multis circumstantiis per eam probatum, Nec septem Capita septem istiusmodi secula ex lethali plaga in sextum caput inflictâ; 7. Nec Meretricem Romam esse Ethnicam, non certè magis quàm Bicornis Bestia ea sit. 8. Diabolum non posse esse Bestiam quæ fuit & non est, &c. argumentis probatum Co-expositioni nostræ non innitentibus. 9. Ulterior ejus rei probatio, ex ea parte illius Nominis [& tamen est] cum vindicatione illius Lætionis. 10. Expositionis septem capitum apud Riberam confutatio ex divisione durationis Mundi in septem secula precariâ & obnoxia. 11. Ex incoalescentia Regum cujusq; seculi in unum caput. 12. Ex Diaboli Eminentia & Superioritate super hæc capita. 13. Ex eo quòd nec tempus nec spacium relinquitur octavo Regi. 14. Ex disproportionalitate septimi seculi mundi ad reliqua, ac præsertim ad miranda illa facinora quæ intra illud tempus perpetratum iri aiunt ab Antichristo. 15. Et postremò à septem montibus Romano Imperio necessariò appropriandis. 16. Hæc Riberæ Expositiones ut & reliquas Romanorum Interpretum etiam ipsius Grotii judicio esse admodum ineptas, quippe quæ & illi occasionem dederunt excutendi novas.*

- I.  Actenus verò ac genuino sensui horum duorum præcipuorum Capitum Apocalypseos plenè ac luculentè demonstrando operam impendimus. Sed enimverò cùm Hypocrisis eorum & averlatio, quos mundani commodi sensus aliò diverterit, promptæ pronæq; admodum futuræ sint ad pondus ac evidentiam eludendam tam claræ demonstrationis, pratendendo scilicet homines quidem perquam doctos *Expositiones*, huic prorsus dissimiles, horum vaticiniorum tradidisse, ac proinde planè incertum esse quid significant, duos è præcipuis Expōitoribus in medium producā cōsq; quibus *Romana Ecclesia*

Ecclesia maximè adhæret, maximoperèq; in eis sibi ipsi applaudit, *Riberam* intelligo & *Grotium*, clarèq; demonstrabo quàm ineptæ, quàm coactæ, quàm omninò impossibiles sint ipsorum *Expositiones*; ut vel eos, qui præjudicio aliàs oecacati sint, pudeat in posterum se ad tam misera suffugia ac diverticula recipere.

2. *Expositio Bestiæ septicipitis cum decem cornibus*, quæ erat & non est & tamen est, ac *Meretricis Babylonica* quæ ei infidet, apud *Riberam* breviter sic est: *Bestia Diabolus* est consideratus cum relatione ad statum regnandi & non regnandi in orbe terrarum. Quamobrem ubi dictum est, *Bestia quam vidisti fuit & non est*, illud is interpretatur ad hunc modum, *Diabolus* in seculis præcedentibus ante Christum erat *Diabolus regnans*, verum tempore *S. Johannis* non erat *Diabolus regnans*, quippe quod *Princeps hujus mundi tunc ejectus erat*. Ac proinde ad hunc sensum dicitur *Bestia quæ fuit & non est*, verum futurus est denuò *Diabolus regnans* in Antichristo, qui caput septimum est, quo regnante rursus ascensurus est ex Abyssò.

3. *Septem Reges*, Reges sunt impii septem ætatum sive seculorum mundi ab *Adamo* ad diem usq; novissimum. Primum seculum est ab *Adamo* ad *Noe*, in quo *Cain* & *Gigantes* particulatim vapulant. Secundum à *Noe* ad *Abrahamum*, in quo *Nimrodes* perstringitur. Tertium ab *Abrahamo* ad *Davidem*, in quo Reges *Ægypti*, aliq; notantur tanquam persecutores oppugnatoreq; Populi Dei. Quartum à *Davide* ad *Captivitatem Babylonicam* in quo populus *Judaicus* multum affligebatur à Regibus *Affryæ*. Quintum à *Captivitate Babylonica* ad Adventum Christi, in quo multum affligebantur à *Chaldeis* & *Græcis*. Sextum ab adventu Christi ad adventum *Antichristi*, in quo *Ecclesia* multas passa est persecutiones à *Romanis* Imperatoribus & à *Turcis* & *Saracenis*, plurèq; adhuc pati potest ab eis qui in posterum sint exsurrecturi. Septimum ab adventu *Antichristi* ad Diem novissimum, in quo intervallo *Antichristus* cum decem suis cornibus, hoc est decem Regibus, crudeliùs *Ecclesiam* persecuturus est quàm unquam factum est hætenus.

4. Quinq; ex his *Capitibus*, id est, ex his *seculis* ætatib;ve cum impiis suis Regibus præterierant *S. Johannis temporibus*; unum tunc erat & etiamnum durat; alterum, id est, septimum & ultimum, nondum advenit, postquam verò semel advenit durare oportet breve tempus, hoc est, *tres annos & dimidium*, sive menses quadraginta duos, quippe quod *Antichristus* *Bestia* est in Capite decimo tertio, quemadmodum ille interpretatur. Et postremò quantum ad *Meretricem*, quæ *Bestiæ quæ erat & non est* inequitat, *Romam Ethnicam* esse ait. Hæc perspicua fidelisq; est *Expositionis Riberae* recitatio, quemadmodum cuivis liquere potest, cui cum lubet super ipso loco consulere.

5. In cujus examinatione ut & insequentis *Expositionis*, utilitatem nostræ adeò perspicuæ demonstrationis, quòd utiq; una eadèmq; res omninò intelligatur per *septicipitem Bestiam* in decimo tertio capite, & per *septicipitem Bestiam* in capite decimo septimo, deprehendere possumus: quod similiter fit in *Meretrice Babylonica* & *Bestia bicorni*. Nam vel hoc unum nugacitates ac vacillationes harum *Expositionum* per se facillè est detecturum.

6. *Bestiam quæ erat & non est*, *Regnum Diaboli* (ut *Ribera* loquitur) esse non posse, *Diabolumve regnantem* in mundo per sua membra qui ab initio ferè mundi regnare cœpit in hominibus, demonstrari potest ex *Bestia septicipite* in capite decimo tertio, quæ eadem planè est *Bestia*, cujus tempus durationis mensibus quadraginta duobus definitur. Quod indicium est *Riberam* toto cœlo errasse. Nam eadem numero *Bestia* debet habere eandem numero durationem. Rursus, *Bestiam* in decimo tertio capite *Antichristum* facit, hanc verò *Diabolum*, quæ altera est in ejus Interpretatione vacillatio. Verum porro, cum *Bestia* capite decimo tertio, dicatur ascendere ex mari, manifestum est secundum usitatum sensum illius Typi in *Stylò Prophetico*, corpus esse *Politicum* ex hominibus constitutum: Quomodo autem *Diabolus* talis esse potest cum tenebrosis suis Legionibus? Illi homines non sunt sed *Diaboli*, nec qui in *Captivitatem* duci possint aut gladio occidi, quod tamen dicitur de *Bestia* cujus illuc fit mentio. Præterea, *Draco*, hoc est *Diabolus*, copias suas tradere dicitur *Bestiæ septicipiti* in capite decimo tertio. Quomodo igitur *Bestia* potest esse ipse *Diabolus*?

Quibus omnibus addere potes, *Sextum* caput *Bestiæ* in illo capite lethaliter esse vulneratum, nunquam sanandum ante revivificationem *Bestiæ* ejusq; restitutionem sub capite septimo. Quomodo verò dici possunt impii sextæ ætatis Reges lethaliter esse vulnerati, *Bestiæ*ve non reviviscere ante caput septimum, cum *Ecclesia Christi* tam horrendis persecutionibus afflicta sit primitivis temporibus, & ad hunc usq; Diem à *Turcis* tam crudeliter infestetur ut antè à *Saracenis*? Hæc profectò Actiones
nulla

nulla indicia sunt quod caput *sextum* magis lethaliter aut æquè certè vulneratum sit quàm quinq; præcedentia. Postremò, Quomodo *Diabolus* in hoc decimo septimo capite *Imago* esse potest Bestiæ redivivæ quæ lethaliter vulnerata erat, cùm *Diabolus* denuò regnans *Pagano-Christianus* futurus non sit, sed aut omninò *Paganus* aut *Judeus*, quemadmodum & adversarii nostri consentunt? Ac proinde non futurus est *Imago* sed aut *res ipsa*, aut nè *Imago* quidem illius sed res toto cœlo differens.

7. Et quantum ad *Meretricem* quæ Bestiæ infidet, equidem hîc quærere possum, quo sensu *Roma Ethnica* duo cornua habeat *similia Agni*, cur è terra ascendere dicatur, cum aliis id genus quæstionibus, quas brevitatis causâ omitto. Notabo potiùs quàm indecorum sit atq; absonum, *Romam Ethnicam* fingere *Diabolo inequitantem*, cùm multò magis consentaneum sit concipere *Diabolum inequitantem Romæ Ethnicæ*, hoc est, regentem, actuantem, instigantemq; quò ipsi visum fuerit.

8. Cæterùm *Bestiam*, quæ erat & non est, non esse *Diabolum*, nunc aliis argumentis citra relationem ad caput decimum tertium evincemus. Ut, primùm, Si *Diabolus* Bestia sit, id quod eum talem constituit est illius naturæ improbitas, crudelitas ejus in Ecclesiam Dei, studiùmq; regnum erigendi, contra eum, *Idololatrarum*. Jam verò *Diabolus* nunquam talis cessavit esse ab initio Mundi ad hunc usq; diem. Hæc est ipsa indoles naturæ Bestiæ, atq; hæc natura ejus nondum occisa est, nec unquam, opinor, occidetur. Quamobrem nunquam de eo verum erat nec unquam futurum est verum, *Quod sit Bestia quæ erat & non est*. Nam ut regnet posteaq; regnare desinat, id tamen non efficit, ut Bestia sit & postmodum non Bestia, sed tantùm non regnans Bestia; sed & hoc etiam falsum est, quòd unquam hætenus regnans esse Bestia desiverit.

Nam ante adventum Christi exceptis *Judeis* toti ferè terrarum orbi imperabat, post verò Christi adventum trecentos circiter annos Tyrannidem in Christianos exercebat. Et postquam Imperium in solidum ferè Christianum factum esset, regnum tamen *Diaboli* angustioribus terminis non clauderetur quàm reliqui orbis habitabilis, cum quo si pars altera conferatur, exiguum sanè est terræ spaciolum; de quo tamen magna profectò segmina sunt abscissa, ut taceam illius in ipsum orbem Christianum dominationem introducendo tam universalem spiritûs Antichristianismi collusionem crassius *Idololatriis* crudelibusq; charissimorum servorum Dei persecutionibus consistentem. Nunc ergo quivis rem apud se perpendat pronuncietque, *Diabolus* Bestia sit non regnans an regnans in mundo ab adventu Christi ad hunc diem, & quàm omni ratione caret *Riberæ* Interpretatio qui Bestiam quæ erat & non est, de *Diabolo* laxè intelligit, non autem de *Romano Imperio* tali sensu quo nos exposuimus.

Quartum enim esse Imperium, quod est *Romanum*, decem cornua planè indicant, quæ sunt quartæ Bestiæ apud *Danielem* insignia, quod neminem credo adhuc fuisse tam enormiter delirum ut de *Diabolo* interpretaretur.

9. Præterea, Bestia hæc non solum dicitur *Bestia quæ erat & non est*, sed superadditur illius Titulo [*& tamen est*] Qui totus titulus de *Diabolo Antichristi* temporibus regnante secundum *Riberæ* sententiam, verus esse non potest. Etenim cùm tunc regnet, idem prorsus *Diabolus* est usquequaque, nemòq; tunc dicere potest quòd sit non regnans, quanquam tunc verum est, quòd sit. Adeò ut pars tantùm Tituli ei convenerit, nempe eum fuisse & esse. Quæ altera perspicua est falsitatis expositionis *Riberæ* detectio.

Nec ullum hîc in variis Lectionibus quærendum est effugium. Exemplaria enim pleraq; omnia habent, in *ἡ*, *καὶ* *ἔστιν*. Quæ istiusmodi videtur Contradictio, ut effecerit ut quidam *καὶ* *ἔστιν* omiserint, alii in *καὶ* *ἔστιν* ipsum commutaverint; cùm neutri interim ad genuinum vaticinii sensum penetrassent. Verùm cùm hæc Lectio quam sequimur, tam generaliter obtineat, quamvis primo aspectu tam obvia videatur inesse incongruitas & repugnantia, irrefragabile profectò argumentum est veram hanc omninò esse ac genuinam lectionem; & ex sola indubitata authenticâq; exemplarium fide factum esse, ut duæ illæ alteræ lectiones expunctæ sint, quas quorundam temeritas & imperitia in veræ locum intruserant.

10. Rursus, contra *septem Capitum*, quam tradidit, Expositionem, multa quidem obijci possunt. Ut primùm, Divisionem, quam fecit, totius durationis Mundi in septem ætates sive secula, rem esse sine omni ratione merèq; precariam, cùm nihil occurrat in Traditione aut Scriptura quod eam possit suffulcire. Est sanè antiqua *Elie* Traditio, quæ durationem Mundi in quatuor partes dividit, *Bis milles annos vacuitati*, *bis milles Legi*, & *bis milles Messie* assignans, magnùmq; demum superaddens *Sabbatissimum*. Verùm hujusmodi Divisionis qualem *Riberæ* finxit, nulla apud Antiquos fama est aut exemplum. Et in illis quidem gradibus

quos

quos fecit, caput *Mosis* transfiliit oppido quàm, profectò, inciviliter, ac si is homo esset nullius pretii, nec dignus qui inter præclaros hujus Divisionis *Articulos* recenseatur; cùm tamen proculdubio ea una sit ex eminentissimis temporum *Epochæ*, sicut apparet ex illa traditione *Elie*, ac proinde illius mentionem antè factam esse oportebat quàm descenderetur ad *Davidem*; ut & *Enochi* Natalitia ob suam tam celebrem in cælum assumptionem, antè notata esse debebant, quàm deveniretur ad *Noachum*. Ut alias præteream æquè legitimas Divisiones, quas facile hîc esset adnotare. Verùm breves hæ Indiciunculæ suffecerint ad ostendendum quàm lubricum fictitiũq; etiam ex hac parte commentum sit *Ribera* Expositio.

11. Verùm secundò, qui possunt Reges in singulis harum Mundi ætatum, cùm nullam habeant inter se *subordinationem* sed absoluti sint, absolutèq; propriis suis Regnis disjuncti, vel potius nullam habeant Politicam *Coordinationem* consociationemve tanquam Capita unius corporis *Politici*, qui, inquam, possunt unum caput singulare pro singulis Ætatibus constituere? Nullum omninò firmamentum est aut exemplum ullius hujusmodi rei in *stylo Prophetica*. Quòd si dixeris singulorum seculorum Reges unum esse caput, propterea quòd ad unum corpus pertinent, nempe ad *Diabolum*, tota quidem successio impiorum ac persecutorum Regum per omnia hæc secula ex hac ratione non nisi unum erunt caput, atq; ita *Bestia unum tantum* caput habebit non *septem*. Temporis enim distantia & successione, nullum discriminẽ *Capitum Bestiarumve*, sed notabilis aliqua ipsarum naturarum distinctio in *stylo Prophetico* constituit.

12. Tertiò, Admodum absolum est & incongruum hos improbos Reges Diaboli capita fingere, cùm Diabolus è contrà ipsorum potius Princeps sit atq; caput, quippe qui supra ipsos emicat tum *Naturæ præminentia*, cùm Angelus sit quantumvis impius, ut & illi non nisi impii homines, tum etiam *jure Imperii*, siquidem omnes qui rebelles sunt adversùs Regnum Dei additamentum fiunt Regno Diaboli. Aded ut expositio hac ratione æquè dura sit & præpostera, atq; siquis Equum pingeret caput quidem in coccyge, caudam verò à pectore pendulam habentem,

Spectatum admissi risum teneatis amici?

13. Quartò, Si *septem Reges*, septem Ætatum Mundi Reges impii sunt ad diem usq; novissimum, quis est ille Rex octavus? quòve Mundi seculo is futurus est? Videtur enim nihil aut loci aut temporis illi reliquum esse. Imò profectò *Ribera* hîc versutum admodum callidũq; huic rei præfecit Artificem qui è re sua in omnia, si possibile sit, loca temporãq; se insinuaturs sit: *Octavus hic Rex*, inquit ille, *Diabolus* est; verùm, *Diabolus*, inquam ego, *Bestia* est, juxta *Ribera* scilicet sententiam sive Hypothesein, atq; octavus hic dicitur unus è septem, nempe Capitibus sive Regibus; Qui verò fieri potest ut unus idẽq; & tota *Bestia* sit & tamen non nisi unum è capitibus ejus? Quamobrem manifestum est hanc Expositionem hoc respectu communi sensui ipsiq; primis humani intellectus Notionibus adversari.

14. Quintò, Septimum Mundi seculum, quod Regni *Antichristi* mensura est, ridiculæ profectò disparitatis est si cum reliquis conferatur, ut quod trium annorum & dimidii spacium non excedit, quemadmodum *Ribera* computat. Quod tamen magis tolerabile esset, si rectè proportionatum esset ad ingentia illa facinora quæ brevi istoc spacio ab *Antichristo* sunt perpetranda. Oportet enim eum universum terrarum orbem hoc pauxillo tempore sibi subicere, vel si malis, decem Reges, quos illi fingunt tunc temporis quando Antichristus suos ludos incepturus est totius orbis fore Imperatores. Primã enim illius Expeditione adversùs tres Reges transactã, Regem putã *Ægypti*, Regem *Libyæ*, & Regem *Æthiopie*, eisdẽq; ab ipso occisis, reliqui septem illi se sponte submittent, septẽq; fient Capita *Antichristi*, quorum primum bella ejus gerendo lethaliter vulneratum is è mortuis per miraculum suscitabit. Atq; sic mirabili Metamorphosi decem cornua in septem Capita mutaverunt, fecerũtq; quidem ut cornua *Antichristi* ante capita nascerentur. Tam miserè hærent hi homines & implicantur in prævaricatoriis suis Expositionibus sanctorum Oraculorum Dei.

Nec contenti uno hoc singulari Miraculo, occisos è mortuis suscitandi, magnum hunc *Dynasten* exornare, assignant illi porrò potestatem ignem *literaliter* de cœlo evocandi, efficiendq; ut propria sua statua loquatur. Regium ejus Palatium in *Judea* collocant, Genealogiãq; deducunt de tribu *Dan*, Thronũq; faciunt ipsum Templum Dei *Hierosolymis*, ipsũq; quasi Præconis voce expectatum *Judeorum Messiam* pronunciant, ad quem omnes se congregare debẽant. *Romã* etiam ab ipso

obsidenda est & comburenda. Et convocabit ad se gentes è quatuor Terra Regionibus ad consilia incunda quò Nomen Christianum subter Cœlum penitus deleant: Quod ut videtur nihil obstante Pontificis vigilantia totiusq; Concilii Cardinalium sedulorumq; suorum Emissariorum, omniumq; Copiarum Christiani orbis, in solidum ferè sunt effecturi: atq; hoc omne, quod miraculum est omnium sanè miraculorum maximum, intra spacium *trium annorum & dimidii*. Immo quod adhuc magis stupendum est, hic quadrimulus *Antichristus* non solum orbem Christianum debellabit, sed & *Turcarum* subjugabit Imperatorem, *Persiam* perdomabit, facietq; ut *Cham Tartarorum* in septentrione sibi se submittat, & usq; ad remotissima *Africae* regna sui Imperii fines promovebit. Quæ profectò talis Prophetica Fabulositas est qualem nemo quisquam in Historiis vel maximè *Romanticis* unquam ausus sit imitari. Tam incredibilis etiam ex hac ratione est hæc *Ribera* Expositio de septem Capitibus Bestiæ.

15. Sextò & ultimò, Ad eam solam Bestiam ad quam aliquo saltem modo *septem montes* spectant, *septem Reges* possunt pertinere; Nam utriq; per septem Bestiæ capita dicuntur significari, ac proinde utriq; proprio quodam ac peculiari modo ad Bestiam referuntur. Etenim cùm capita ipsius, Capita Typica sint, necesse est ut ad eam illud pertineat cuius sint Typi; sunt autem capita Typi montium perinde ac Regum: verum manifestum est septem montes ad *Romanam* Bestiam, hoc est, ad *Romanum* Imperium pertinere. Quamobrem ut septem Reges eò similiter pertineant, necesse est. Unde planè sequitur, hos Reges, Reges septem seculorum Mundi esse non posse. *Roma* enim condita non erat ante Annum ferè Mundi 3200, quando quartum etiam Mundi seculum, juxta ipsius *Riberae* computationem, penè præterierat. Aded omni ex parte impossibilis est hæc illius Expositio contrāq; omnem sensum & rationem. Et tamen optima omnium est quæ habent *Pontificii*, talisq; in qua se putent tutissimum reperire suffugium, uti apparet ex eo quòd *Cornelius à Lapide Lessiusq;* illi magis adherent quàm ullis aliis quæ hætenus ab eis inventæ sint.

16. Ineptitudinis quarum omnium Expositionum, amicè, ut videtur, misertus *Grotius* novam in ipsorum gratiam super propriam suam incudem emalleavit, quam tametsi aliàs aliqua ex parte jam examinavimus, levémq; invenimus & adulteratam, tamen cùm tanti momenti res sit, ad secundum examen adducemus, in quo si rursus manifestò falsa deprehensa fuerit pleniùsq; detecta crassis Incongruitatibus ac Repugnantis abundare, nihil profectò omissum spero, quò minùs summa quæ exoptari potest certitudo appareat veritatis illius Expositionis quam nòs in hæc decimum septimum & decimum tertium Capita *Apocalypseos* tanto studio elaboravimus.

CAP. II.

1. Bestia coccinea septiceps & decacornis Mulierq; ei infidens quid significant secundum Grotium.
2. Grotianæ Interpretationis ex Co-expositione nostra Confutatio.
3. Duo Fundamenta principalia fulcræve necessaria Interpretationis Grotii; Unum quodd. S. Johannes septem capita recenset incipiens à Claudio, cum illius Confutatione;
4. Alterum, quodd. visio hæc scripta sit temporibus Vespasiani, ostenditurq; quàm falsa ac vacillans sit ista opinio.
5. Exultationem Judæorum à Roma per Claudium multum abesse à demonstratione quodd. Johannes tunc in Patmo exularet, illaq; verba [Impulso Chresto] apud Suetonium nè hoc quidem evincere, quodd. ulli tunc Christiani è Civitate expellerentur;
6. Nec si illud Decretum ad Christianos pertineret, continuò sequi ad Johannem etiam pertigisse.
7. Responsum ad locum Epiphani pro Johannis exilio tunc temporis allegatum.
8. Responsum ad alium locum eodem spectantem.
9. Testimonium Epiphani contra principalem Grotii scopum facere.
10. Epiphani Testimonium unicum esse ac solitarium contra testimonia reliquorum Patrum, uniusq; Irenæi testimonium illius testimonio longè esse præferendum.
11. Testimonii Irenæi explicatio irreprehensibilis: quoddq; nec ipsa sensus illius detorsio Grotii proposito inservire potest.
12. Nè minimam quidem esse speciem Probabilitatis Apocalypsin citius scriptam fuisse quàm sub exitum Regni Domitiani.
13. Argumenta ex ipsa Apocalypsi quodd. scripta non sit ante Persecutionem sub Domitiano.
14. Quanti sit momenti hanc veritatem demonstrasse, quandoquidem universas Interpretationes Grotianas subvertit Sigillorum Tubarumq; cum omnibus suis Synchronis.

I. **E**Xaminemus igitur accuratius Grotii Interpretationem, cujus summa hæc est: Bestia coccinea cui infidet Meretrix Babylonica est antiqua Idololatria Romana, quam antiquus Ethnicus Romanus status sive Dominatio, quemadmodum ille appellat, regit ac dispensat. Septem capita Bestiæ septem Romani sunt Imperatores, Claudius, Nero, Galba, Otho, Vitellius, qui quidem quinq; ceciderant, quando visio hæc Johanni obtigit, aut saltem scripsit, uti supponit Grotius. Vespasianus verò tunc regnabat, Titus qui septimus, nondum advenerat, postquam verò advenerit breve tempus mansurus est. Bestia verò quæ erat & non est, quisq; Octavius Rex est, & ex consequenti Caput octavum, is Domitianus est, qui quemadmodum præterit Grotius, primum regnabat absente Vespasiano patre, cum verò post reditum Vespasiani, ab Imperii gubernaculo recessisset, tunc factus est Bestia quæ erat & non est, emerurus verò erat postea rursusq; Imperium resumpturus post Vespasiani Titiq; regnum, mortemq; violentam obiturus. Decem cornua, deniq; ait ille, decem Reges sunt, qui nondum erant (hoc est S. Johannis temporibus) in fide & reverentia Imperii Romani, sed futuri erant ad tempus. Iique, inquit, erant, Ostrogothi, Wisigothi, Vandali, Gepidæ, Longobardi, Heruli, Burgundiones, Hunni, Franci, Angli sive Saxones.

2. Hæc sunt fila principalia Interpretationis Grotii in decimum septimum caput Apocalypseos, cujus generales delineationes cum istis decimi tertii minimè respondeant, meritò eam suspectam reddat eis, qui satis consideraverint, quàm magna sit præsumptio vel potius demonstratio, quodd. hæc duo capita easdem planè res tractent, itaq; interim sint constituta ut alterum alteri lucem ferant.

Quamobrem, cum Draco Capite duodecimo, septem capita habens septemq; in capitibus diademata (quæ planè innunt, Regum significationem non montium illis intelligi) in uno Capite vulneratus sit illo prælio, sanatusq; rursus, ita ut omnes post eum admirarentur, hic rogare vellem Grotium, quisnam sit ex Imperatoribus qui lethaliter vulneratus sit in prælio illo cum Michaële sanatusq; rursus ad totius Mundi admirationem? Porro, Non sunt nisi septem Reges capite decimo tertio, qui sit igitur ut octo sint in decimo septimo? Tertio, Octo Reges capite decimo septimo juxta illius sententiam, Idololatriæ sunt universi. Idololatria verò septem tantummodo capitibus inscribitur capite decimo tertio, quod planè innuit Bestiam pluram non habuisse capita. Quarum rerum nullus esse potest sensus, nisi secundum talem Expositionem qualem ego jam exhibui.

Præterea, si Bestia, decimo septimo capite, Idololatria sit Romana Paganica, qui sit ut ultra menses quadraginta duos non maneat, juxta sensum hunc Grotianum?

illa enim duratio est *septicapitis Bestie* capite decimo tertio; Ipse etiam *decem cornua* unius Bestie agnoscit non eadem esse quæ *decem cornua* alterius. Omitto hæc Dominationem Romanam, quam ait *Meretricem Babylonicam* esse in capite decimo tertio, non eandem esse quæ *Magia* in capite altero, cum tamen satis constare existimem, *Meretricem Babylonicam Bestiamque bicornem* unius ejusdemque rei Typos esse. Verum fateor nimis Magistrale meritò hoc videri posse, propriam nostram *Expositionem* quantumlibet veram, reliquarum normam ac regulam constituere. Quamobrem ab iniquis hujusmodi conditionibus Grotium in solidum liberabo, illiusque Interpretationes in hæc duo capita *Apocalypseos*, secundum ejusmodi libera & communia principia, jam examinabo, ad quæ omnes provocent.

3. Quod facturum sum primo, ratione generaliori, duorum principalium Fundamentorum, quæ supponit, examinando soliditatem. Quorum unum est, Quod S. Johannes septem capita Bestie à Claudio incipiens recenset; Alterum, Quod visio *Meretricis Babylonicæ* ac Bestie quæ erat & non est, scripta sit à S. Johanne temporibus *Vespasiani*. Quæ Fundamenta tam necessaria sunt illius Interpretationi, ut sine illis non solum incongrua foret sed etiam impossibile; propterea quod *quinq;* dicuntur cecidisse & unus esse, &c. quem hæc igitur Interpretatio necessariò requirit, supponitque esse *Vespasianum*, adeoque tunc fuisse quando hæc visio visa est aut saltem scripta. Ac proinde rationes quas pro his Fundamentis adducit ed diligentiore merentur examinationem.

Pro quorum primo hæc duas profert. Prior est, quod *Claudius* primus esset Imperator qui persecutus est Christianos. Quod tamen universæ antiquitatis suffragiis adversatur, qui primam persecutionem *Neroni* affigunt, omittentes *Judeorum* expulsionem à *Roma*, aut ut nullius momenti rem, aut ut nihil ad Christianos attinentem, quatenus tales erant, sed quatenus habiti sunt *Judei*. Quantum autem ego video, *Caius Claudii* antecessor plus *Judeos Christianosque*, afflixit immanibus suis exorbitantiis quam unquam fecit *Claudius*. Qua de re ipse Grotius scripsit in Notationibus in 2 Thess. 2. *Moror metusque, maximus & Judeorum & Christianorum plenum habuit effectum*. Aded ut *Epocha* figi potuisset in *Caligula* æque commode ac in *Claudio* juxta hanc rationem, quod plane ostendit *Expositionem* esse precariam. Præterea, si *Epocha* incipiat à *Claudio*, quoniam Persecutor erat, cur non abrupta est computatio statim atque persecutio cessaverat? Nec *Galba* enim nec *Otho*, nec *Vitellius* nec *Titus* nec *Vespasianus*, nulli horum infames erant ob ullam persecutionem.

Alter ratio cur hæc *Epocha* fixa sit in *Claudio* est, quod ipse S. Johannes *Patmon* missus sit in exilium temporibus *Claudii*. Ac proinde calculum iniit à tempore sui exilii, ut *Ezekiel* ab *Epocha* suæ Captivitatis. Verum hæc admodum infirma est argumentatio. *Ezekiel* enim tempora non computabat à sua particulari Captivitate sed à captivitate *Jechonie*, quemadmodum videre est semel atque iterum apud *Gasparem Sanctium* in *Ezekielem*. Præterea, alia res est computare quod sibi acciderit, ut fecit *Ezekiel*, à tempore privatae suæ captivitatis, alia verò Regum successiones recensere ac Imperatorum à tam privata *Epocha*. Porro, quod adhuc deterius est, non omnino probabile est, S. Johannem *Patmon* in Exilium missum fuisse regno *Claudii*, non solum quod id passus sit non quidem ut *Judeus* sed ut *Testis Jesu*, verum etiam quod *Epocham* hanc literis non mandaverit, quod admodum necessarium fuisset pessimèque; omisum, si tanti futurum fuisset momenti ut inde certi possumus esse de veritate principalium visionum *Apocalypseos*.

His adde, quod S. Johannes non erat *Roma*, etiamque proinde ab hoc *Claudii* edito immunem fuisse; & si illic fuisset, aut ubicunque alibi, nullam fieri mentionem relegandi homines ad certa loca in his expulsionibus; videmusque Act. 18. *Aquilam* & *Priscillam*, qui *Romæ* expulsi erant, satis securè degisse *Corinthi*, quibus & S. Paulus se adjuvit, artemque communem cum ipsis exercuit *Tabernaculariam*. Et postremo contra universum Antiquitatis consensum est, *Irenæi*, *Origenis*, *Tertulliani*, *Eusebii*, *Hieronymi*, *Nicephori*, *Victorini*, *Primasii*, *Andree*, & *Aræ*, contraque universa tum *Pontificiorum* tum *Protestantium* suffragia, qui uno ore testantur S. Johannem in *Patmon* sub *Domitiano* missum esse in exilium. Sed non opus est ut hisce rebus tam prolixè in præsens immerer, siquidem & hoc etiam penitus subversura sit secundi Fundamenti confutatio.

4. Quod secundum Fundamentum hoc est, Visionem scilicet *Meretricis & Bestie* à S. Johanne scriptam fuisse temporibus *Vespasiani*. At enimvero nisi & tunc visa sit, ad Grotii propositum nihil facit, quandoquidem vox est non quidem *Johannis* sed *Angeli dicentis*, *Quinq; ceciderunt & unus est*, & propterea ipsam visionem perinde ac descriptionem illius oportet esse tempore *Vespasiani*, alioqui nihil effecturum est.

est. Addo & in *Patmo* Insula, quia semel ac in genere in ipso initio hujus libri *Visionum*, eas sibi obtigisse ait in *Patmo* Insula, nec aliter usquam monet per totum librum; unde incredibile est quin omnes ei obtigerint in istoc secessu. Quod ego hic noto ut obviam ire possim suppositioni Grotii in Dissertatione de *Antichristo*, nempe Quod tamen S. *Johannes* in *Patmon* missus esset in exilium sub *Claudio*, reversus tamen erat ex Insula tempore *Vespasiani*. Unde inferri volo, visionem Meretricis ac Bestiæ à *Johanne* non fuisse visam temporibus *Vespasiani*, sed scriptam tantum, prout & ipse * *Grotius* & *Hamondus* innuunt. Quod Expositionem Grotii penitus subvertit, quemadmodum supra notavi. Vide Sect. 9.

* Vide Grotium & Hamondum, in Apoc. c. 17. v. 9, 10.

5. Atq; hoc unum profecto quod sua sponte concessit, sufficere potest ad finem imponendum huic controversiæ. Cæterum cum res tanti momenti sit, paulò diutius ei immorabor, planèq; demonstrabo omnimodam hujus *Fundamenti* quo *Grotius* utitur, ineptitudinem ac imbecillitatem. Quamobrem perquam arctè adhaerentes suffragio Antiquitatis Catholico, omniumq; scriptorum, Pontificiorum pariter atq; Protestantium, examinemus iterum quam rationem habeat *Grotius* ut in exilium mittat *Johannem* in *Patmon* regnante *Claudio*. Expulsio enim *Judeorum* à *Roma* per *Claudium* multum sanè abest à demonstratione, quod *Johannes* *Patmon* missus sit in Exilium.

Primo enim probare debuit *Grotius* per *Judeos*, Christianos intelligi eo in loco. Neq; enim desunt non contemnendæ rationes quibus inducamur credere *Judeos* non *Christianos* hic intelligendos esse. Primo, quod Christiani regnum supernum quærebant ac cœleste, non sublunare ac terrenum. *Judei* verò istiusmodi *Christum Messiam* qui eos Mundi Dominos reddere posset, vesano quidem modo affectabant, ac proinde ab illis solis periculum esse *Roma* rectè statui poterat, quippe quorum tumultus ad terrena reportanda spolia manifestò tendebant. Secundo, in *Actis Apostolorum* Edicti *Claudii* mentio fit tanquam ad *Judeos* solos pertinentis, *Aquila*q; & *Priscilla* ut *Judei* (quod Christiani enim essent illo in loco, nè minima quidem est subindicatio) dicuntur à *Roma* *Corinthus* recessisse. Tertiò, Edicti *Tiberii* adversus Christianorum Accusatores recens recordatio, eam etiamnum in animis successorum ipsius vim obtinere potuit, ut sententia adeò dura contra ipsos tam citò non ferretur; præsertim cum populus essent, ut dixi, quorum cogitationes ad cœlum anhelabant, minimè verò inhiabant rebus terrenis. Et postremo, nulli antiquorum *Claudium* unquam ob ullam Christianis illatam injuriam culpaverunt, cum tamen si in exilium missi fuissent, ipsèq; S. *Johannes* in *Patmon* relegatus (quod sanè admodum severum futurum fuisset supplicium, carnique & sanguini ipsa morte paulò tolerabilius) proculdubio tantæ crudelitatis infamia ad posteros per Ecclesiam transmissa fuisset, *Claudius*q; Persecutoris inultam notam non effugisset.

Nec illa sanè *Suetonii* verba, *Claudius* *Judeos impulsore* *Chresto* tumultuantes *Roma* expulsi, edictum probant ad *Christianos* pertinere; sed Decretum tantum fuisse adversus *Judeos*. Quis enim ullam vim ejus assertioni inesse putare potest, quasi tumultuarentur *impulsore* *Chresto*, cum *Christus* tunc in terris non viveret, multoq; minùs *Roma*, quod *Judeos* ciceret in tumultus? nisi fortè fieri posset ut *Judei* per occasionem à Christianis offenderentur *Roma*, omnesq; in partes se moverent adversus eos quod talem agnoscerent *Messiam* qui crucifixus erat, & de quo proinde nulla spes esset ut ipsorum proposito inserviret in recuperando libertatem eorum eosq; cumulando mundanis opibus ac potentiâ. Quamobrem cum has turbas excitarent *Judei* de suo *Christo* sive *Messia* adversus *Christianos*, incerta fama efficere potuit ut *Suetonius* ista loquendi formâ uteretur; Hæc verò in *Judeorum* genium inspectio movere *Claudium* ut Civitate eos expelleret, in gratiam fortè *Christianorum* perinde ac propriæ securitatis. Tantum abest ut hic locus *Suetonii* Edictum determinet ad *Christianos*, ut *Orosius* hanc de ipso sententiam tulerit: *Ubi contra Christum tumultuantes* *Judeos* coërceri & comprimi jussit, an etiam *Christianos* simul velut cognatæ Religionis homines, voluerit expelli; nequaquam discernitur. Tam parùm constat *Claudium* ullo malo affecisse *Christianos* per Edictum illud à *Suetonio* memoratum.

6. Verùm supponamus Decretum ad *Christianos* etiam *Roma* spectasse; equidem precaria planè suppositio est existimare illud ad alias Imperii partes pertigisse. Et si ad alias partes Imperii pertigerit, non est tamen ad certum locum reformatio, sed tantum, quod supra monui, à certo loco Expulsi; & talium solummodò, ut verissimilimum est, qui tumultuarentur, aut à talibus saltem oppidis ubi tumultus excitare possent. Quod factum iri maximè omnium improbabile erat, ubi S. *Johannes* degebat. Cujus mite ac mansuetum Ingenium quemvis prudentem Præfectum meritò invitare

invitare potuit ut eum retineret, ad magis pacificam rerum administrationem. Et tamen tam absorta est hæc suppositio & absurda, ut hic solus sit qui tam duriter sit tractatus; nec cujusquam præterea exemplum producere possunt, temporibus *Claudii*, exulantis, cum tamen omnes Apostoli proculdubio satis studiosè incumberent suis muneribus fungendis ad Christianitatem propagandam in Imperio.

7. Cæterum respondebitis, Testimonium hoc de *Claudio*, quod *Judeos* Romæ expulerit, cum ei succenturiatum sit Testimonium etiam *Epiphani*, qui *Johannem* affirmat *Patmo* missum esse in Exilium sub eodem Imperatore, istiusmodi duplicem funiculum esse qui facile abrumpi non possit. Quod lubentiùs concederem si ullam vim haberent singuli, quippe quod primum nullam habere satis ostendi, idem effecturus in secundo.

Duo loci allegantur ex *Epiphani*: Prior, *Hæres.* 51. sect. 33. ubi de S. *Johanne* loquens, sic scribit; Ἀὐτὸς δὲ περὶ τῆς ἐξουσίας, ἐν χεῖρσι Κλαυδίου Καίσαρος ἀπολύεται, ὅτε εἰς τὴν Ἐδρῶν ἀπέβη, &c. Hæc verò verba non definitivè dicuntur de S. *Johanne*, tanquam si certò in *Patmo* esset regnante *Claudio Cæsare*, sed quod in *Patmo* esset ibiq; prophetasset. Quantum verò ad tempus, ait, longissimè quàm fieri poterat, fuisse regno *Claudii*. Is enim sensus est vocis ἀπολύεται, quod maturius fieri non possit ut prophetaret exul in *Patmo*. Verùm non affirmat simpliciter eum tunc prophetasse. Aded ut laxior sit magisq; conjecturalis Affirmatio de tempore, solùmq; asserit ultimam esse distantiam intra quam putari potest prophetasse, neutiquam interim negans quin tempus prophetandi serius esse possit, in regno putà *Domitiani*. Qua de re *Petavius* ità certus est, ut è regione Textus qui habet [*Imperante Claudio*] brevem hanc Notam Marginalem scripserit, mendosè pro *Domitiano*, pro concessio habens *Epiphani* magis definitivè locutum esse, quàm ego eum locutum credo; suspicorq; tum *Grotium* tum alios qui locum hunc in eundem finem cum illo citant, conscios fuisse ejusmodi sensus vocis ἀπολύεται quem ego innui, quod effecit, ut in Citationibus suis omitterent, ut quæ vim hujus Testimonii multum enervatura esset.

Neq; ullum profectò argumentum est, *Epiphani*um dogmaticè definire de S. *Johanne* quod prophetaret temporibus *Claudii*, quia si sic persuasus non esset, vulgarem secuturus fuisset opinionem, ut quæ commodior erat adversus *Montanistas* qui veritati *Apocalypseos* derogabant propter Epistolam ad Ecclesiam *Thyatirenses*, quum illi *Apocalypsin* antè scriptam prætendunt, quàm ulla illuc esset Ecclesia: tunc enim quò serius scripta sit, eò factum fuisset melius. Supponendo verò Patrem incertum esse utrùm verum esset, nec satis securum quin *Montaniste* probare possint nè *Domitiani* quidem temporibus ullam *Thyatiris* Ecclesiam fuisse, ecquid verisimilitudinis erat ut precisè ad *Domitiani* regnum se alligaret potius quàm alterius, nec utrumq; potius declinaret, & ad aliud responsum se reciperet, quod & reverà facit? Videtur enim valdè adamare objectionem his circumstantiis vestitam, cum eò usque, uti putat, Objectorem indè debellaverit, ut per suam ipsorum suppositionem ab eis extorquere posset S. *Johannem* Autoremve hujus libri visionum Spiritu Prophetico reverà fuisse præditum. Ἐὰν γὰρ εἴπωσι, ἐν τῇ τῇ ἐκκλησίᾳ εἰς Θυάτιραν, δυνάμει περὶ τῆς ἐξουσίας τῆς Ἰουδαίας. Nam si dicunt Ecclesiam in Thyatiris tunc non fuisse quando Johannes scripsit, planè declarant eum prophetasse anteq; significasse mox futuram. Quamobrem *Epiphanius* parum invenit rationis ex statu præsentis Controversiæ cur vulgarem potius opinionem eligeret, quàm quæ ipsi attribuitur ut propria.

8. Alter locus *Epiphani* occurrit, *Hæres.* 51. sect. 12. ubi dicit S. *Johannem* impulsus fuisse coactumq; instigatione Spiritus sancti ad scribendum Evangelium, quum multum, δὲ ἰσχυρῶς καὶ ταπεινοφροσύνη, illud declinaret. Adactus tamen est illo impulsu etiam cum grandævus esset, μὲν ἔτι ἐννενήκοντα τῆς ἡλικίας ἔσθι, μετὰ τὴν αὐτῷ ἀπὸ τῆς Πάτμου ἐπέσσει τὴν ἐν Κλαυδίῳ γενομένην Καίσαρος. Nonaginta amplius annos natus, post reditum ejus è *Patmo*, qui *Claudii* temporibus contigit. Ubi mentio adjicitur reditus illius è *Patmo*, quam confirmatio grandævutatis Apostoli eo tempore.

Jam verò videamus quid operæ magnus hic testis & Historiarum diligentissimus Inquisitor (quemadmodum *Grotius* eum perinde appellat atq; *Petavius* qui tam apertè illi hac in re contradicit) docto huic Interpreti in præsentī controversiā præstare possit. Hic enim locus, si qua vis fuisset in altero, eam penitus obtundit, quippe qui *Epiphani*um ostendit Chronologiæ nullatenus diligentem (sicut *Alcazar* rectè etiam observavit) dum S. *Johannem* nonaginta amplius annos natum facit temporibus *Claudii*: cum communis traditio Ecclesiæ sit eum admodum adolescentem fuisse quando suum iniit Apostolatam. S. *Hieronymus* Christum eum elegisse dicit cum omninò Adolescens esset sive puer. *Baronius* viginti quinq; annos non amplius natum facit in *Passione Servatoris*. Scriptura ipsa etiam eum inquit valdè Juvenem fuisse

ex eo quodd Christus matri ait de *Johanne*, *Mulier, ecce filius tuus*, quod supponit eum saltem æquè juvenem fuisse ac Servatorem Christum, quippe qui virgine natus est cum omnino quindecennis esset, sicut refert *Nicephorus* ex Epistola *Evodii* Episcopi *Antiochiensis*. Ex *Epiphani* verò Chronologia S. *Johannes* viginti minimum annis ætatem B. Virginis excederet; de qua tamen nihilominus Christus ait *Johanni*, *Ecce mater tua*. Et quod adhuc funestius est, si *Johannes* nonaginta annos natus esset quando à *Patmo* rediit regnante *Clandio*, Nativitatem Christi quadraginta ferè annos retrò pelleret, longèq; ante *Cyrenium* Syriæ Præfectum eam constitueret: quandoquidem omnes homines *Johannem* æquè juvenem saltem credunt ac Servatorem si non multò juniorem.

Quæ absurditates *Epiphani* ostendunt haud adeò magnum & irrefragabilem Testem in Historia, quàm *Grotius* eum facit. Ac proinde *Petavius* rursus fidenter in margine, è regione istorum verborum *Epiphani*, *ἐν τῷ βιβλίῳ τοῦ ἁγίου Κλαυδίου τῷ ἐκ τῆς Κωνσταντινουπόλεως*, scribit, *Sub Cocceio Nerva Johannes revocatur ab exilio*. Quod proculdubio verum est, consentitq; cum ætate quam *Epiphanius* assignat *Johanni* quando scripsit Evangelium. Nam si eum supponamus natum eodem tempore quo Servator, paulòve serius, hæc Evangelii scriptio in *Nervæ* annos incidet, eritve saltem paucis annis post *Domitianum*, quemadmodum videre est in Libris *Chronologicis*.

9. Cæterum quamvis Testimonium *Epiphani* validum hæc in re admitteremus, idem *Epiphanius* qui testatur *Johannem* in *Patmo* fuisse imperante *Clandio*, testatur etiam eodem tempore exiisse. Quod, quemadmodum * *suprà* notavi, *Grotii* institutum prorsus subvertit, utpote qui *Johannem* contendere debet *Vespasiani* temporibus prophetasse, alioqui actum omnino est de illius Expositione Capitis decimi septimi *Apocalypseos*. Credo autem me planè probasse nihil ex *Epiphani* elici posse, ad *Grotii* opinionem stabiliendam, quandoquidem hæc Patris loca aut conjecturæ sunt, aut inadvertentiæ, aut scribæ deniq; lapsus, qui nomen *Clandii*, ut videtur, magis promptè expeditève scripsit, quàm duorum alterorum Imperatorum, quemadmodum apparere potest in secunda illa Citatione, siquidem *Johannes* reverà id ætatis erat quando à *Patmo* exiit temporibus *Cocceii Nervæ*, non autem *Clandii*.

* ScB. 4.

10. Adeò ut nè unum quidem testem *Grotius* habeat ad suffulciendam novam hanc suam Inventionem. Et si unum hunc haberet, quid unus hic valet contra universum consensum *Antiquitatis* & *Ecclesiarum*? Immo verò quid est *Epiphani* Testimonium si cum Testimonio conferatur vel unici illius Patris *Irenæi* qui ducentis annis propiùs à S. *Johanne* temporibus aberat quàm *Epiphanius*, quiq; expressim asserit apud *Ensebi*um, quod *Apocalypsis* S. *Johanni* communicata sit sub exitum regni *Domitiani*? Nam de nomine *Bestiæ* loquens sic scribit, *εἰ δὲ ἴδῃ ἀπαράδῃν ἐν τῷ βιβλίῳ καὶ τῷ ἀποκάλυψιν ἱερογλυφῶν. ἡ γὰρ τοῦ πολλοῦ χεῖρα ἱερογλυφῶν τοῦ βιβλίου ἀποκάλυψιν ἀρχῆς. Si nomen Bestiæ vulgò hoc tempore esset propalandum, ab eo utiq; dictum fuisset qui eas visiones vidit quæ sub uno Titulo collectivo vocatur *Apocalypsis*. Nam haud diu est ex quo sunt visæ, sub exitum scilicet regni *Domitiani*.*

11. Nullus dubito quin hic horum verborum genuinus sit sensus, nec de *Visione solius Bestiæ* loquatur sub nomine *Apocalypseos* sed de toto *systemate visionum* ita appellato: Alioqui distinctionis ergò dicturus fuisset, non quidem *τὴν ἀποκάλυψιν ἱερογλυφῶν*, sed *τὴν αὐτὴν ἀποκάλυψιν ἱερογλυφῶν*. præsertim cum *Apocalypsis* notissimus tunc temporis esset hujus voluminis visionum *Titulus*, ut omittam nomen *Bestiæ* non visum fuisse à S. *Johanne* sed *Numerum Nominis* ejus. Ac proinde cum *Latinum* exemplar habeat, *Antichristi* nomen per ipsum utiq; editum fuisset, qui *Apocalypsin* videret, neq; enim antè multum temporis visum est, facile credo [visum] irreplisse pro *visæ* per Scribæ oscitantiam. Etenim nisi *Irenæi* interpretes intellexisset [qui *Apocalypsin* videret] de toto *systemate visionum*, non autem de *Bestia sola*, ejusq; nomine, dixisset potius *Revelationem*, & in majorem cautelam [ejus] etiam addidisset, ad reddendum sensum distinctum magis & determinatum; qui *Revelationem* ejus videret. Et postremò si supponeremus Testimonium hoc solummodò probare visionem decimi tertii capitis *Apocalypseos* visam fuisse sub exitum regni *Domitiani*, (quod nè minima quidem ex parte mihi probabile videtur) *Grotii* instituto neutiquam tamen inserviet, siquidem hæc decimi septimi capitis visio posterior est tum ordine *positionis* in *Apocalypsi* tum etiam ordine *naturæ*. Cum enim maximè perspicua sit visio de *Bestia septicipiti* & decacorni, quæ unquam S. *Johanni* exhibita est, cumq; clavem in se contineat ad alteras rectè intelligendas, loco ultimo succedere debet, quippe *Commentarius* naturaliter Textu posterior est juxta communem omnium hominum sensum ac rationem.

12. Quamobrem

12. Quamobrem cum nullum Argumentum produci possit, quod probet *Claudium* Christianos persecutum esse, multoq; minus *Johannem* misisse exulem in *Patmon*, *Domitianum* verò infamem fuisse Persecutorem; cumq; universa testetur Antiquitas S. *Johannem* in *Patmon* eo regnante missum esse exulem, ibiq; Apocalypsin recepisse, nihil est quod obicem ponere potest quò minus concludamus totum harum visionum volumen illic ab eo scriptum fuisse sub exitum regni *Domitiani*, quemadmodum affirmavit *Irenæus*; (quandoquidem secunda persecutio non incepit ante annum decimum *Domitiani*) exitum autem intelligo regni ejus realis & indubitati postquam *Tito* fratri successisset, non imaginarii illius in absentia Patris, tunc enim reverà non erat Imperator. Et certè tamen si admitteremus bis regnasse, si regni exitus mentio fiat in genere veluti hinc fit apud *Irenæum*, necesse est ut significet aut totius temporis exitum quo regnaverit, aut exitum notabilioris sui regni magisq; confessi, qui idem planè est, ac proinde proculdubio hinc indigitatur; ita ut *Irenæi* Auctoritas hoc artificio eludi non possit. Ut præteream, nullam Persecutionem memorari toto regno *Vespasiani* factam, nullamq; proinde *Johanni Patmon*, & ex consequenti nullam Prophetiam obtigisse; quemadmodum supra notavi. Aded ut nè minima quidem Probabilitatis species reliqua sit, *Apocalypsin* ullo alio tempore scriptam fuisse quàm quo eam scriptam *Irenæus* declarat.

13. Ipsa etiam *Apocalypsis* in generali Præfatione omnibus visionibus præfixa, testimonium perhibet contra hoc insomnium quòd *Johannes* in *Patmo* esset regnante *Claudio*. Ego Johannes qui & frater vester sum & socius in afflictione & regno & tolerantia Christi Jesu, &c. quod planè arguit tempus fuisse maximarum angustiarum apud Christianos, acerbæq; Persecutionis. Quod tamen nemini contigit præterquam *Johanni*, si hoc contigerit temporibus *Claudii* saltem in *Asia*, quibus Ecclesiis scribit.

Est autem & alius locus nostro proposito magis appositus, *Martyrium* intelligo *Antipæ Pergamene* Ecclesiæ Episcopi, qui passus est sub *Domitiano* annum circa decimum illius regni. Cujus in Historia id notatu dignissimum puto, quòd sollicitaretur à Loci Præfecto ad renunciandum Christianitati, quòd *Novitas* esset, urgendo in ipsum *ἐν τῇ τῶν νεοφύτων τιμωρίᾳ*, ipsissimum argumentum quo Pontificii utuntur ad seducendos modernos *Antipæ* sive *Antipapistas*. Id verò quò collineo hoc est; Quòd *Martyrii Antipæ* mentio in principio hujus libri visionum tanquam rei præteritæ, planè ostendit omnes visas fuisse post initium secundæ Persecutionis, quæ erat sub *Domitiano*, & viginti amplius annis post excidium *Hierosolymæ* per *Titum*. Nam de ipso tempore *Martyrii Antipæ* nulla subesse potest dubitatio, cum illius mentio in *Apocalypsi* facta Ecclesiam obligaret hujus Martyris memoriam haud vulgari diligentia ac curâ conservare. Nec possunt quidem ulla Post-figmenta de *Martyrii* circumstantiis modòve, fidem Ecclesiæ de tempore suspectam reddere. Tam solida undiquaq; certitudo est quòd visionum *Apocalypicarum* volumen *Johanni* traditum sit in *Patmo* sub exitum Regni *Domitiani*, evidentiaq; ex omni parte tam demonstrativa, ut *Scepticum* esse oporteat ad delirium usq; qui post debitam rei pensationem de ea possit dubitare.

14. Cujus veritatis Evictionem tam copiosè seduloq; elaboravi, propterea quòd non solum omnes *Grotii* interpretationes decimi tertii & decimi septimi Capituli solo æquat prorsusq; subvertit, sed & omnes illius expositiones *septem Sigillorum*, *septemq; Tubarum*, & ex consequenti totius Libri *Apocalypseos*. *Sigilla* enim & *Tubæ* interpretatur de rebus quæ multis annis ante hanc Prophetiam contigerant. Quod tam bellum *Apocalypseos* sensum reddit quàm si *Predictio* esset rerum præteritarum, cum tamen totius libri Præfatio vel potius Titulus expressim sic se habeat, *Apocalypsis sive Revelatio Jesu Christi quam dedit ipsi Deus ut indicaret servis suis, ἀπὸ τοῦ ἁγίου καὶ τῆς γυναίκος, ἧς οὐκ ἔστιν ἡμετέρας*, quæ oporteat fieri citò. Attamen secundum *Grotii* Interpretationem *Sigillorum* & *Tubarum*, quæ præcipua pars est Prophetiæ, ut & prælii *Michaëlis* cum *Dracone* multarumq; aliarum visionum, Titulus sic se habere deberet, *Revelatio Jesu Christi quam dedit ipsi Deus ut indicaret servis suis, quæ haud ità pridem facta sunt*. Quæ res cum tam Enigmaticè descriptæ sint, tanquam si ipsi in animo esset occultare ea, quæ in lucem ediderant manifesti eventus, Titulus magis propriè sic institui posset, *Obvelatio* sive *Obscuratio*, quàm *Revelatio*. Tam fecunda est vel una absurditas semel admissa ad multas alias progignendas propagandasque.

C A P. III.

I. Grotium, ut Parachronismum admittit in assignando tempore harum visionum, ita & Interpretationes fecisse perinde absurdas & incongruas. 2. Quam absq; omni ratione sit numerationem inire septem Capitum à Claudio, & desinere in Domitiano. 3. Antiquorum Patrum Cæcutionia qui Domitianum, Bestiam esse quæ erat & non est, discernere non poterant, qui infinito ferè propinquius ei adstabant quàm Grotius. 4. Quàm frivolum falsumq; sit hoc illius commentum. 5. Secunda, tertia, quartâq; Absurditas Grotianæ Expositionis hujus decimi septimi Capituli. 6. Absurditas quinta, sexta, septima & octava. 7. Nona, decima, undecima, & duodecima. 8. Decima tertia, decima quarta, decima quinta, & decima sexta Absurditas hujus Expositionis.

I. Quamobrem cùm Fundamentum Expositionum Grotii tam falsum sit & vacillans, taléq; quod non possit si durius prematur non subsidere, nec structura quidem potest esse solida, nec bene formata, sed coacta, distorta, & deformis. Nam si Prophetiæ eis perinde temporibus quadrant quò non collineant, atq; eis ad quæ pertinent, tam invincibili profectò obscuritate obnubilabuntur, ut & utilitatem suam omnem perdituræ sint & Autoritatem.

Demonstrabimus igitur, quemadmodum Grotius falsum posuit Fundamentum, ita omnes ejus Expositiones horum Capitum decimi septimi & decimi tertii, perinde duras esse & inapplicabiles, viamq; Regiam eum reliquissè, perq; vepres fossâsq; prorupissè, omniâq; evulsissè sepimenta, ut florum fasciculum colligat & malè olentium, statimq; marcescentium in manibus etiam dum eos colligit.

2. Supposito igitur quòd decimi septimi & decimi tertii Capituli visiones S. Johanni impertitæ sint temporibus Vespasiani (quod tamen nullus dubito quin falsissimum sit) brevem hanc faciamus perlustrationem Asperitatum atq; Incongruitatum Interpretationis à Grotio factæ.

Ut primò, Cùm septem Capita Bestiæ septem Imperatores faciat, quorum quinq; cecidissent tempore Vespasiani, nempe Claudius, Nero, Galba, Otho & Vitellius; dico me jam ostendissè nullam omninò esse rationem cur computum ineat à Claudio, siquidem neq; Johannes in exilium missus est eo regnante, nec is tam malus Imperator erat quàm Antecessor ejus Caius Caligula, nec Ecclesia decem Persecutiones commemorat tanquam ante Neronem inchoatas, nec ulla facta est querela de Neronis successoribus ante Domitianum, quòd hi istiusmodi capita sint Blasphemiarum præ reliquis Imperatoribus. Unde absq; omni ratione res est planéq; fictitia, ut quis asserat quinq; solummodò Capita præcessissè Vespasianum, cùm is decimus esset à Julio Cesare, & è successoribus duos tantum assumat, Titum & Domitianum, cùm triginta saltem ei successerint, quorum temporibus octo Christianorum Persecutiones contigerunt.

3. Quem curtum mancúmq; Computum Grotius nullâ aliâ ratione excusare potest, quàm quòd tam commodè in sortem cedat Domitiano ut sit Bestia quæ erat & non est & tamen est, quippe qui Imperator fuerat in absentia Patris, non erat quando impertita est hæc visio, & tamen erat, nempe in rerum natura, & rursus ascensus erat ex abyssò, hoc est, Imperator rursus futurus post Patris Fratrisq; Titi obitum. Hoc est in quo Grotius tantoperè sibi applaudit in magnam sanè antiquorum Patrum ignominiam, qui cùm adedò immani quanto propinquiores erant temporibus Domitiani quàm Grotius, non potuerunt tamen hanc Prophetiam in eo impletam discernere: quæ proinde, ut videtur, semper inutilis erat Ecclesiæ, cùm nullus rei ipsis facta sit præmonitio.

4. Sed ut liberè nostram super hoc Commento proferam sententiam; videtur e-quidem mihi supponere quòd spiritus Prophetiæ prædictionem affectet rerum bellularum potius quàm ponderosarum & utilium. Verùm quemadmodum jam ex Chronologia demonstravi suppositionem temporis hujus visionis esse falsam (quo peculiare fulcrum & commendabilitas Interpretationis funditus subvertitur) ita multæ in ea sunt Inconcinnitates defectûsq; etiam in Historia, nihilq; omninò inest quod non durum sit & suspectum.

Primùm enim, negabo Domitianum Imperatorem reverà unquam fuisse temporibus patris, sed præservidum tantummodò fuisse juvenem & actuosum, terminòsq;

Uuuu

etatis;

etatis, quod & *Vespasianus* pater conquerebatur, & concessa filio egressum esse; quod facere potuit nec tamen Imperator esse, ut & eo Titulo salutari, per enormem Civilitatem hominum Adulatorum: Civilis verò saluatio, nulla in Imperatoriam Potestatem est Inauguratio, alioqui *Titus* etiam Imperator factus fuisset tempore patris, quem Milites in Excidio *Hierosolymitano* universali Acclamatione gratulatoriâ salutarunt Imperatorem. Immò verò *Memphide* in *Apis* *Aegyptiaci* consecratione diadema gestavit. Magniq; rumores erant & suspiciones quòd Orientalem Imperii partem contra patrem occupâisset. Nimis proluxa res esset me in Historiam inducere; nullus verò dubito, quin locis omnibus comparatis, *Titus* Imperator æquè inventus erat temporibus patris atq; *Domitianus*, multoq; forsân magis, aptiorq; proinde persona quæ *Bestia sit quæ erat & non est*, hoc respectu, quàm *Domitianus*. Neutri verò apti, cùm neuter eorum reverà Imperator esset ante patris obitum.

Præterea, planè extra viam styli Prophetici est Personam singularem *Bestiam* appellare, quæ eo stylo *Corpus Politicum* semper significat. Et deinde dicere, quòd non est quia non est Imperator, vix quidem verum est. Elegânq; illa contradictio [non est & tamen est] sic exposita, ac si homo sit quamvis non sit Imperator, non est nisi furda & diluta Oppositio si cum ea conferatur quæ in nostra Expositione occurrit, ubi ostendo *Imaginem Bestiæ*, *Bestiam esse* & tamen non esse *Bestiam*. Non potuerunt autem dicere tempore *Vespasiani*, nec ipsius *Domitiani* tempore, *Domitianum* & Imperatorem fuisse & non Imperatorem simul.

Et postremò, *Ascensio ejus ex Abyssu*, Phrasis prophetica est, idémq; significat atq; *è mari ascendere*, sive è multitudine aquarum, quod corporibus Politicis propriè competit, ut quæ ex hominum multitudinibus consistunt. De persona verò singulari rectè non dicitur, non certè magis quàm *Bestia*, stylo putà Prophetico.

5. Secundò, Interpretatio Angeli de *Capitibus Bestiæ*, est, quòd tot sint Reges, quorum, inquit *Grotius*, *Domitianus* est octavus, *ὁ ὄγδοος ὢν, ἰς ὁκτῶνς ἄρχων*. Is octavus Rex est. Quocirca *Domitianus* planè & inevitabiliter caput octavum est, secundum Interpretationem *Grotii* (quæ omnium horum Regum naturam unam facit ac congenerem) & antecedentem Angeli expositionem quæ rejici non potest. Unde sequitur *Bestiam octo* habere capita, quod universis *Bestiæ* visionibus quæ eam semper *septicipitem* exhibent, ex diametro repugnat.

Tertiò, Et tamen *Grotius* *Domitianum* *Bestiam* ipsam etiam facit. Quod impossibile est, ut una eadémq; res & *Bestia* integra sit & Caput *Bestiæ*. Præterea, quàm durus & coactus sensus est, vel potiùs quàm ab omni omnino sensu aliena est Interpretatio quæ *Claudium*, *Neronem*, *Galbam*, *Othonem*, *Vitellium*, *Vespasianum*, & *Titum*, *Domitiani* Capita faciat, cùm omnes illi Potestate, utpote summâ, essent Pares; *Domitianus* utiq; cum reliquis illis septem antecedentibus *Cæsaribus*, qui & desiverant esse quando ille erat *Bestia*, quiq; proinde impossibile est ut illius essent septem Capita?

Quartò, Quàm vesanum Commentum est, decem cornua hujus unius, sive hominis sive *Bestiæ*, *Domitiani*, post aliquot sæcula quàm esse desivisset, capiti inferere, quemadmodum alibi *Grotium* fecisse notavi, qui decem hæc cornua *Ostrogothos*, *Wisigothos*, *Vandalos*, *Gepidas*, &c. esse statuit? Equidem *Domitianum* ex Inferis resuscitari oportet quòd rursus in terris vivat (sicut nuperus quidam Interpretator *Apocalypseos* imaginatus est) ut hæc pars Prophetiæ ullatenus illi competat. Unde Expositionis *Grotianæ* Enormitas plenè detegitur, quæ absq; adeò incredibilium fabularum adminiculo suffulciri non potest.

6. Quintò, *Bestia quæ erat & non est*, ea ipsa *Bestia* est cui Meretrix insidere dicitur, sicut patet ex Textu, *Bestia quam vidisti fuit & non est*, & Meretrix ei *Bestiæ* quam *Johannes vidit*, insidebat. Meretrixne igitur (quam *Grotius* Romanam Dominationem interpretetur) eques *Domitiani* temporibus tantum facta est, in antecedentibus verò & subsequenter seculis semper incedebat pedes?

Sextò, *Bestiam* quam vidit *Johannes*, *Grotius*, primò, interpretatur *Idololatriam Romanam Paganicam*. Verum enimvero adeòne brevis ævi erat hæc *Bestia*, ut septem Imperatorum regni spacio illius vita concluderetur? vixitve hæc *Bestia* tam longo tempore sine ullis capitibus, dein verò cum septem capitibus continuatim succedentibus, & rursus deniq; longo tempore sine capitibus ullis, quòd *Bestia* cum septem omnino Capitibus rectè appelletur?

Septimò, *Idololatriam in abstracto* *Bestiam* appellare à stylo Prophetico prorsus alienum est; unámq; & eandem *Bestiam* nunc *Idololatriam* facere, nunc *Domitianum*, est certè *Accidentia* in substantiis mutare & substantias vicissim in *Accidentia*, loquiq;

quique repugnanter expressæ ipsius Angeli interpretationi, qui ait, *Bestia quam vidisti fuit & non est*, quæ juxta rationes *Grotianas*, nullus esse potest præter *Domitianum*. Nec quærendum est ullum subterfugium hoc casu in *Henopeia* secundaria. Illa enim Figura nullum Receptaculum est *Imperitiarum* & *Tergiversationum* ab *Abstractis* ad *Concreta* in eodem genere, sed Repositorium commodum rerum diversarum eodem Typo significatarum; sicut facile est intelligere ex eis quæ super eo schemate declaravimus.

Octavo, si *Domitianus* Bestia sit *Meretrix*que; Potestas *Romana*, *Romana* tunc Potestas *Domitiani* dorso inequitat, ac si *Domitianus* Caput non esset sed Corpus Imperii. Vel si mavis, transformatus esset per, mirificam hanc Interpretationem in *Asinum Apuleianum*, cui *Romana* Potestas infideat. Sed enimverò cum *Domitianus* Potestatis *Romanæ* Princeps sit, hac quidem ratione sibi ipsi eum inequitare oportet, talémque *Centaurum* constituere, qualem nullus vel profundissimi ingenii Poëta unquam somniaverit.

7. Nonò, si *Meretrix* sit *Romana* Potestas *Paganica*, quomodo dici potest mater Fornicationum, perque poculum suum Reges terræ istoc Improbis genere intoxicasse, cum universa Terra antequam Imperium Christianum factum sit, suâ sponte Idololatraz essent, multosque Idololatriæ modos ipsi *Romæ* suppeditarent? Quam objectionem nec *Grotius* ipse nec quisquam alius, omnibus suis technis scitisque inventiunculis, unquam poterit diluere.

Decimo, Inscriptio hæc in frontem *Meretricis Babylonice*, *Babylon magna mater illa scortationum*, non potest intelligi de *Roma Ethnica* prout vult *Grotius*, quoniam ipsi præfixum est [*Mysterium*]. Quod valde pusillum profectò esset *Mysterium*, si nuda esset *Synecdoche*, nihilque aliud significaret quàm *Romam* *Paganicam* alteram esse *Babylonem*. *3. Adhuc, O Mysterii Profunditatem!*

Undecimo, Decem illa regna quæ *Grotius* insinuat decem esse cornua, Regna intra fines Imperii *Romani* (ut ille loquitur) non erant ante Imperii Conversionem ad Christianitatem, immò verò ante illius subversionem discernitionemve in multa Regna; quomodo igitur poterant hi Reges vires ac potestatem suam tradere *Bestiæ*, non dicam *Domitiano* qui longius ab ipsis remotus est, sed & *Idololatriæ Romanæ Paganicæ*, quæ ante tempus hoc discernitionis, Imperii Religio esse desiverat? Quomodo dici possunt carnem *Meretricis* comedere ipsamque igne exurere, cum Civitas *Romæ* *Meretrix Paganica* antè esse desivisset quàm hi Reges existerent, multoque prius quàm impugnata esset per *Totilam* & excisa, quod factum est Anno 547. cum *Gentilismus* è contrà ejectus esset, Templaque ipsorum & Idola diruta circa Annum 399. eianno proximum, quo (secundum falsam Diaboli conjecturam ex supputatione Rationis interioris Atrii Templi ad exterioris factam) ab Ethnicis expectabatur ut *Christianitas* supremum efflaret halitum?

Duodecimo, Quomodo decem isti Reges quos *Grotius* profert, dici possunt, secundum illius sensum, cum Agno pugnare, hoc est, pro *Idololatria Romana Paganica* contra *Christianitatem*, cum Imperium jam factum sit Christianum, nec *Bestia* illa *Paganica* esset cui vires ac potestatem suam commodarent contra Evangelii Prædicationem? Nunquid verisimile erat ut istiusmodi Reges decem qui hostes essent Christianitatis, intra fines, quod ait *Grotius*, Imperii *Romani* *Romanis* ipsis concedentibus regnarent? Adedò undiquaque impossibilis est de decem Cornibus hæc *Grotii* Interpretatio.

8. Decimotertio, Destructio hæc *Babylonis* perfecta est *παρωληθρα*, plena ac finalis destructio, projectione Lapidis molaris in medium mare illustrata. Nemo autem ex decem Regibus *Grotii*, *Romam* ad hunc modum unquam destruxit vastavitve.

Decimoquarto, Exhortatio illa ad Populum Dei ut exirent ex *Babylone*, nè peccatorum illius fiant participes, nullum bonum ferre sensum potest temporibus *Totilæ*. Numnam enim vult Angelus universos Christianos Civitatem *Romæ* relinquere in Anno 546. à multisque retrò Annis versùs tempora Constantini, quod nonnulli inter eos etiamnum esse possent Idololatraz Paganici, & non potius in Civitate manere, quò melius Idololatriam supprimant penitusque extinguant, nec eam sinant prosperare per cordationum sinceriorumque Christianorum absentiam? Equidem hoc glossa *Grotii* valde ridiculum est & incredibile, quod Angelum facit tam absonam adhibere Exhortationem.

Decimoquinto, si [Exite ex ea popule mi nè participes sitis peccatorum ejus] sic sonet, quemadmodum *Grotius* interpretatur, Tu popule mi, ubi apparuerit *Totilæ exercitus*, exite ad *Basilicas Apostolorum extra urbem*; consequens erit, ut rever-

tisse rursus in Civitatem postquam *Totilas* abiisset, reverti fuisset rursus in *Babylonem*, ejusq; denuò peccatorum participes fieri. Quod commentum est valdè vanum ac ineptum.

9. Postremo, Ut interpretetur istam Instigationem [*Reddite ei sicut & ipsa reddidit vobis, & duplicate ei duplum, &c.*] tanquam *Totile* factam atq; *Gothis*, durum est & ab omni ratione alienum. Quam enim injuriam *Roma* intulerat *Gothis*? Quinimò Imperium ab ipsis potius injuriam est passum. Ac proinde *Grotius* memor quàm malè pronomen *vbi* suæ Interpretationi inserviat, *Manuscripto* cuidam applaudit, quod pronomen illud omiserat, quanquam profectò haud admodum canorè, quippe cui reliqua exemplaria universa contradicunt. Sed *vbi*, abest in M S. non malè.

C A P. IV.

1. *Neceffe esse ut visionum Parachronizatio Grotium in consimiles Absurditates in interpretando capite decimo tertio conjiciat; Expositionemq; primi versùs illius novem decemve Absurditatibus laborare.* 2. *Quatuor crasse Repugnantia in secundo.* 3. *Incongruitates totidem sive vacillationes in tertio;* 4. *Quemadmodum & in quarto quintoque.* 5. *Due Absurditates in sexto & septimo;* 6. *Totidem in octavo.* 7. *Tres difficultates in Expositione versùs decimi.* 8. *Quinq; Incongruitates in undecimo.* 9. *Crassa Interpretatio versùs duodecimi.* 10. *Quatuor Absurditates in decimo tertio.* 11. *Octo Incongruitates sive vacillationes in expositionibus versùs decimi quarti.* 12. *Tres in decimo quinto.* 13. *Tres quatuorve adhuc in decimo sexto & decimo septimo.* 14. *Novem deniq; in versu decimo octavo.* 15. *Stupenda consideratio Absurditatis Grotianarum Expositionum cum Ingenii dotibus ac eruditione ejus comparata.* 16. *Perquam utilis à misello hoc Grotii, in hoc genere, specimine Illatio;* Omnes nempe Pontificiorum Expositiones in hæc duo Capita supra modum frivolas esse & incredibiles.

1. **T**OT quidem *Incongruitates & Incompetentia*, nè dicam *Impossibilitates & Contradictiones*, inventæ sunt in *Expositione* hujus Capitis decimi septimi. Videamus jam quàm bellè ipsi res successerit in *decimo tertio*. Ubi cum eandem libertatem sibi assumpserit applicandi vaticinia temporibus, de quibus nunquam intelligenda erant, mininè profectò mirandum est si Interpretationes reperiamus perinde duras & incongruentes. Percurramus igitur totum Caput à versu ad versum. Ubi,

In versu primo, *Bestiam septicipitem & decacornem* Idololatriam facit *Romanam*, cujus *Capita* sint septem Montes, cujusq; *Cornua* Reges decem, nempe, *Armenia, Thracia, Galatia, Ponti, Judæa, Arabia, Adiabene, Suevia, Alpium Cottiarum, & Alpium Idionni*. A quo computo tamen in secundis Notationibus variat. De quibus omittam quicquam amplius notare, quàm quòd Reges tam pusilli quàm istorum quidam sunt, præsertim si cum Imperio conferantur *Romano*, nomén *Cornuum* ipsius rectè mereri non possint, idq; minùs ratione *Idololatriæ*, ac si tam peculiare illius essent Defensores; nulla enim Historia commemorat quenquam adeo speciatim ac notabiliter illius causâ ab his cornubus impetum ac vulneratum, ipsaq; *Judæa* cornu videtur admodum incongruens Capiti *Idololatriæ*. Præterea Diadematum gestatio nimis magnificum est ornamentum pro eorum statu qui Tributarii erant Imperio Romano, ut quorundam taceam perangusta Territoria. Adèò ut inventio hæc de decem Regibus, videatur haud parùm elumbis ac languida, ipsūq; vaticinium sic expositum inutile, ut quod nullius rei notitiam Ecclesiæ affert, quæ ipsi ullo tempore in ullum usum inserviat.

Jam verò quantum ad *Bestiam* ipsam; Præterquam quòd non sit secundum stylum Propheticum *Bestiam* interpretari de vitio sed de corpore Politico, quomodo per eam representari potest *Romana* Idololatria, cum dicatur ascendere ex mari, quod & ipse *Grotius* confitetur significare, *ortum habere?* *Romana* verò *Idololatria* à *Johanne* præfigurari non potuit tanquam res postea surrectura, cum per multa secula in mundo jam fuisset, & etiamnum duraret. Quamobrem non inceptura erat cum quadraginta duobus mensibus futuris, nec cum eisdem desitura secundum sensum

sensum Grotii, Nec *Oesarum* quidem *Deificatio* novam constituit Idololatriam, non certè magis quàm aliorum Numinum in suam Religionem assumptio. Nec durabat illa Idololatria non nisi quadraginta duos menses, prout Grotius hoc loco menses exponit. Nec *Romana*, inquam, Idololatria, nec Cruditudo durabat non nisi menses quadraginta duos, ac proinde *Bestia* hic descripta non potest esse Idololatria feruio more sæviens eo sensu quam innuit Grotius.

Quibus omnibus addas, Quòd *septem capita septem montes Romæ* faciat, valdè improbabilem esse expositionem; tum quòd in præcedenti capite *Capita hæc* dicuntur *diademata gestare*, quod montibus sanè non competit, 9 unumq; ex ipsis in hoc capite 13. *vulnerari & sanari* rursus, quod æquè parum profectò competit inanimis hisce Terræ cumulis: tum etiam quòd admodum absonum sit 10 septem Capita decemq; cornua sensu concreto, *Bestiæ*, quod *abstractum* sit, inferere. Quod æquè dissentaneum est, ac si quis corpus Tauri ruffedinem faceret in *abstracto*, solidumq; dein ei caput & cornua infereret ex duris ossibus ac carne, &c. Si quis adeò curiosus esse velit ut computum ineat, inveniet sanè Interpretationem Grotii Novem minimum decemve vacillationibus vel incongruitatibus in hoc ipso primo versu laborare. Sed pergitur.

2. In secundo, Corpus quidem *Bestiæ* hujus Pardo similis *Claudius* facit, *Domitianum* verò *Osejus*. Quo nihil quidem esse potest à ratione alienius. *Bestiam* enim hanc *septicipitem & decacornem*, etiam capite decimo septimo, *Romanam* agnoscit Idololatriam. Unde consequens est, 1 *Claudius* & corpus esse *Bestiæ* & unum ex capitibus, 2 *Domitianum* verò & corpus & caput & os, quemadmodum apparet ex eis quæ præcedenti capite notavimus. Præterea, quod æquè durum est atq; quodvis aliud, cum *Claudius* corpus *Bestiæ* sit, *Domitianus* verò os ejus, 3 corpus per tot annos ore carebit quot intercesserunt *Claudii* Regnum inter & *Domitiani*, quod spacium erat annorum circiter quadraginta. Quòd 4 *Draco* etiam Potestatem suam *Bestiæ* dederit atq; Thronum, de *Romana Idololatria* vaticinium esse non potest, quasi ipsa tunc reciperet, quippe quòd illud multa ante secula factum sit.

3. In tertio, *Caput Bestiæ lethaliter vulneratum* Capitolium facit, ejusq; sanationem Reædificationem ejus per *Vespasianum*, cujus etiam in Nummis impressum est, *Roma resurget*. Jam verò dico primum, 1 duram esse Metaphoram de ligneo lapideove ædificio dicere, quòd lethaliter vulneratum sit, posteaq; sanatum. Sed Capitolium ponamus vulneratum, 2 Mons ipse non erat læsus, saltè non vulneratus lethaliter. Adeò ut nisi septem perinde essent Capitolia atq; Colles septem, admodum ægrè se cuiquam commendabit hoc commentum. Verùm si Capitolium mittas, & ad Collem te recipias, Collis certè vulnerari magis dici non potest, quàm caput hominis cum pileus solummodò incisus sit. Porro, Res præcipua ad quam collineat Grotius in interpretando casum hoc caput de Capitolio, non est vera. 3 Idololatria enim non omnino imminuta est Capitolii lapsu, nec Romanorum metus erat nè Idolorum cultus statim post ipsum lapsum esset, sed nè Imperium vastaretur septentrionalium gentium IncurSIONibus, & ob hanc rationem omen illud *Vespasiani* Nummis inscriptum est, *Roma resurget*. Et postremò, ubi dicitur, & admirata est universa terra post *Bestiam*, ex lethali vulnere sanato, manifestum est rem aliquam 4 mirabiliorem hic intelligendam esse quàm Capitolii reædificationem. Adeòne enim res mira erat, & quæ totum mundum attonitum reddat, ut Capitolium à tam opulenta Civitate totiusq; Mundi ferè Domina reædificaretur? Equidem si reædificatum non fuisset, id demum omnium maximum futurum fuisset miraculum.

4. In quarto, Interpretatur *Ægyptiæ Idololatriæ inservierunt*, ac si scriptum fuisset *Ægyptiæ Idololatriæ adoraverunt*. Quæ dura admodum locutio est atq; absona.

In quinto, Hic *Domitianus* os *Bestiæ* fingitur, ut suprà dixi, regnumq; *Bestiæ* ei attribuendo, 1 tota quidem *Bestia*; idq; sit propterea quòd persecutio *Domitiani* supponitur non excedere tres annos & dimidium. Persequi enim incepit, inquit Grotius, anno decimo tertio regni sui, & occisus est decimo sexto. 2 Hoc verò non probat illius persecutionem durasse tres annos omnino & dimidium. Et *Baronius* aliq; Chronologi initium ejus persecutionis, anno Regni sui decimo constituunt. Præterea 3 Textus non ait, Persecuturam esse tres annos & dimidium, sed tandiu mansuram. Sic enim *ἡ πόλις ἡν ἡ πόλις ἡν ἡ πόλις*, hoc loco significat. Vide Jac. c. 4. v. 13. *Domitianus* verò in Imperio mansit plus annos tres & dimidium, regnavit enim sexdecim annos, ipso eonfistente Grotio:

5. In sexto septimoque, *Domitianum* etiamnum Bestiam facit, exponitq; [& data est ei potestas in omnem tribum & linguam & gentem] de vi exempli ejus ad impudentiorem usum Idololatriæ. Hoc unum effugium est. Alterum verò hoc; Quòd *Dace*, *Catti*, & *Sarmate* illius regno victi sint, Romanáq; eo pacto Idololatria propagata; ac si illa deterior esset Idololatria quàm ista Barbarorum. Penès quemlibet verò judicium esto, an tam laxus sensus ac improprius mentem explere possit Prophetiæ, quæ de *Politica* loquitur, non de *Morali* potentia in Nationes, deq; re tanquam *nova*. Quòd autem *Romanum* Imperium tam amplam haberet Dominationem, in regnis antecedentium Imperatorum perinde verum erat atq; in illius, nempe ut potestatem haberet in omnem tribum, &c.

6. In octavo, Hic Bestiam facit, quàm omnes (quorum nomina non sunt scripta in libro vitæ) adorant, in una quidem Expositione, *Domitianum*, & *adorare* ipsum, esse Idololatriam ejus ac crudelitatem imitari, qui sensus est admodum insipidus & sine exemplo in hoc casu, talisq; cui ipse minimè confidit. Ac proinde in sua Post-expositione, *Domitianus* non est Bestia sed Idololatria, ac si *adorare* Idololatriam Locutio esset paulò tolerabilior. Verùm necesse est hujusmodi alternationes esse partiumq; quasi in sella dimotitationes, quando Interpretatio tam incommodè insidet Textui quàm hic facit.

7. In decimo, Siquis gladio occiderit oportet eum gladio occidi. Hoc applicat *Domitiano* qui à *Stephano* confossus est. Videtur autem maximè *consentaneum* ut abductionis in Captivitatem comminatio & occisionis gladio, eodem spectare intelligantur. Ac proinde cùm abductio in Captivitatem de *Domitiano* non intelligatur, ut nec occisio gladii ad eum referatur; sed ut vaticinium ad corpus Politicum pertineat non ad personam singularem. Nam *Patientia* Fidelq; Sanctorum videtur etiam innuere ampliorem virtutum suarum exercendarum campum quàm qui trium annorum & dimidii terminis contineatur; quemadmodum & intimatio eos liberatum iri à calamitatibus & ærumnis, postquam hæc Bestia devicta sit. Quòd si *Domitianus* illa Bestia sit, nè minima quidem earum pars ab illius obitu præterisse censenda est, cùm non pauciores quidem quàm octo gravissimæ persecutiones eos adhuc manerent. Nè suggeram majorem Christianos tolerasse afflictionem *Neronis* temporibus quàm *Domitiani*, quem ideo *Tertullianus* portionem *Neronis* tantum appellat. Ac proinde tunc maximè exercebatur *Fides* ac *Patientia* Sanctorum. Quod porro ostendit quàm precaria sit quàmque sine omni ratione hæc *Grotii* Expositio.

8. In undecimo, Hic Bestiam cornua duo similia Agni habentem, Artem facit Magicam, ipsaq; duo cornua abstinentioniam à Cibis, & Castitatem sive abstinentioniam à Mulieribus, Quas ille vult Imitationes esse Christianitatis ac proinde Agni cornua appellari. Quòd verò Bestia loquitur ut *Draco*, eà quidem re significari, quòd in honorem Diaboli sit quicquid loquitur. In qua Interpretatione hæc sunt vitia; Primum, quòd Bestia *Ars* sit, non autem corpus Politicum, quod Styli Prophetici legibus planè adversatur. 2. Quòd Cornua virtutes simulatitiae sint non potestates *Politicae* in hominibus aliquibus collocatae, qui genuinus sensus est cornuum in stylo Prophetico, quiq; prius inveniendus est quàm ullas alius sensus secundarius Typo adjungendus. 3. Coelibatus votum, Ciborumq; Abstinencia tantum abest ut sint Characteristicae virtutes *Christianitatis* ut ab ea prorsus abhorreant tanquam partes signave magnæ illius Apostasiæ quæ occupatura esset Ecclesiam. 4. Mira videtur subindicari in hujus Bestiæ ingenio repugnantia ac contrarietas, ut, cùm speciem *Christianam* adeò referret, loqueretur tamen ut *Diabolus*. Quòd si hæc Bestia *Magia* esset, mirum certè esset si non loqueretur lingua *Draconis*. Postremo, Tempora quibus *Grotius* hanc Prophetiam affigit, *Domitiani* scilicet & *Traiani*, commento huic minimè conveniunt, cùm hi Imperatores, *Magiæ* fautores omnino non essent, priórque ejus potius persecutor, adeoque illius ipsius *Apollonii* quem *Grotius* speciatim indigitari censet in hoc vaticinio.

9. In duodecimo, Quòd Bestia bicornis potestatem prioris Bestiæ omnem in conspectu ejus exerceat, per hoc significari vult, *Magiam* etiam sua perinde habere sacrificia atq; Idololatriam. At verò *Magia* quanquam sacrificia habebat, clandestina tamen erant, utpote quæ erant tam execrabilia atq; horrida. Sæpèq; *Philostatus* huic rei incumbit ut *Apollonium* purget ab hac suspitione. Quòd argumento est *Magiam* haud ità in propatulo horrendorum suorum sacrificiorum usum habuisse quàm hic Textus innueret, si *Grotii* Interpretatio vera esset. *Plinius* sacra prodigiosa appellat, narratq; hanc hominum mactationem Senatûs decreto sublata fuisse, hoc Epiphonemate *Romanam* Rempublicam impertiens, ob tam præclarum Senatûs.

Senatus-Consultum. Non satis estimari potest quantum Romanis debeat qui sustulere monstra, in quibus hominem occidere religiosum erat, mandi verò etiam saluberrimum. Atque hæc proculdubio illa propriè Magia est quæ distinguebatur ab Idololatria Paganica propriè sic dicta, talisque erat quam Romana Idololatria suam Potestatem in conspectu ejus exercere nullo prætextu pati voluerit. Neque ullam hujusmodi potestatem exercebat *Apollonius*, qui cum *Pythagoreus* esset ab omnibus cuiusmodi sacrificiis cruentis abhorrebat.

10. In decimo tertio, Interpretatur *eductio* Ignis de cælo, de fulgure quod in *Apollonii* Nativitate contigit, deque coruscatione luminis quam *Achillis* umbra edidit in decessu post *Apollonii* noctu ad sepulchrum cum ea colloquium. Quæ admodum frigida est Expositio. Cur enim fulgur illud quod in *Apollonii* Nativitate contigit, imputaretur ei tanquam effectum *Magiæ* illius, qui tunc nec *Magiæ* nec alius cuiusquam Artis erat capax? Ut omittam natum fuisse ante hoc vaticinium, quemadmodum & ipse *Grotius* ex propria sua Computatione necessario debet admittere & agnoscere; ob quam ipsam ideo rationem, Interpretatio est planè impossibilis. Illa luminis etiam coruscatione quam *Achillis* umbra in suo decessu edidit, ut sit *eductio* ignis de cælo, omnino est incredibile. Illa enim scintillatio Luminis fuit in terra ubi erat umbra, nec cælitus delapsa, sed prope terram emissâ, ut omittam in 4 secreto factum fuisse, quemadmodum constat apud *Philostratum*, non autem *ἐκ τοῦ οὐρανοῦ* in propatulo sive in conspectu hominum.

11. In decimo quarto [*dicens incolis terræ ut imaginem faciant Bestiæ*] ille interpretatur de *Apollonio* gloriantem se *Achillis* umbram excitasse in gratiam Idololatriæ. Quis autem unquam exposuit *εἰκόνα* (quod est Imaginem, Picturam, Statuamve facere) umbram excitare? Supposito enim quod *εἰκὼν* ita significet ut *umbra* Latinè, (cujus tamen ausim dicere nullum extare exemplum) *εἰκόνα* nihilominus sensus esset satis profectò ineptus, quandoquidem Evocationes *Magiæ* hujusmodi umbras non faciant, sed faciunt tantum ut nobis ante oculos appareant. 2. Non dicturus fuisset *εἰκόνα*, quod ut plurimum nihil ampliùs significat quàm *εἰκὼν*, sed *εἰκονίζεσθαι*, si gloriatio esset de re aliqua jam facta, non autem Præceptum Mandatumve faciendi aliquid. 3. Si sensus esset *ἀγαθὴν εἰκονίζεσθαι*, dictum etiam fuisset ad sensum commodius continuandum in versu proximo, *ἡ δὲ εἰκὼν ἀπὸ τοῦ οὐρανοῦ*, quemadmodum quivis agnosciturus est qui totius sententiæ contexturam observaverit. Postremò, Cum *Achillis* Umbræ Evocatio facta sit ad revivificandam Bestiam quæ lethalem plagam acceperat, sicut *Grotius* innuit, hæc sanè cum antecedente sua expositione digladiatur, quæ plagam hanc in reedificando Capitolio sanatam affirmat. Nec intelligi certè potest hæc sanatio naturaliter de ulla alia plaga præter eam qua de primùm facta est mentio, quàmque Bestia in pugna acceperat cum *Michaële*.

Grotius verò de aptitudine hujus Expositionis diffidens, post secundas cogitationes alteram excudit additque, nempe, Discipulos *Apollonii* fecisse, ut Statua ipsi erigeretur. Verùm si hoc sit *εἰκόνα* *umbra* *ἑσπέρη*, *Apollonius* reperiatur septiceps illa Bestia, quandoquidem Imago illi erigitur. 2. *Grotius* nullam profert Historiam quæ testetur Magos quosdam discipulos *Apollonii* hujusmodi Mandatum dedisse. 3. Illa locutio [*dicens incolis terræ*] majus quid sonat quàm pro mandato privato quorundam discipulorum *Apollonii*, singulari oppido paucisve in eo personis dato. Postremò, Res est equidem admodum jejuna unam singularem Statuam Idololatriæ dicatam notare, cum innumeræ jam essent in Imperio Romano.

12. In decimo quinto [*datumque est ei ut animaret imaginem Bestiæ ut etiam loquatur Imago Bestiæ*] hoc interpretatur de confabulatione *Apollonii* cum umbra *Achillis*, vel de suæ Statuæ loquela. Supposito autem Statuam ejus locutam esse (quod tamen *Philostratus*, qui hoc sibi onus imposuit, ut multis itinerationibus sedulisque inquisitionibus cognosceret ubi sepultus sit *Apollonius*, nusquam commemorat) non statim illud *Magiæ* imputandum est, cum illa *Idolorum* garrulitas sæpiùs notata sit in Historia absque ulla istiusmodi criminatione. 2. Imago illa quæ hic dicitur loqui, dicitur etiam præcipere, ut quicumque non adorarent Imaginem Bestiæ, occidantur. Nullum autem extat testimonium ejusmodi Edicti aut ab *Achillis* umbra aut à Statua *Apollonii*, ut ii qui non adorarent Imagines eorum, occidantur. 3. Quod si adoratio Imaginis Bestiæ intelligatur de universalitate Imaginum sive Idolorum; præterquam quod valde durum est atque absonum certum sensum hujus vocabuli mutare in quo ter antea usurpatum erat, illud præterea probatione caret, quod aut Statua *Apollonii* aut *Achillis* spectrum unquam præceperit, ut ii qui imagines in genere non adorarent, occidantur.

13. In decimo sexto & decimo septimo, καὶ οὐκ ὄψεται, videtur maximè naturaliter dici de imagine Bestiæ in versu præcedenti, de qua dictum est, ὁ ὄψεται, quæ aut umbra *Achillis* erat aut *Statua Apollonii*; hic tamen derepente *Magia* intelligitur, quod durum quidem est: effugium. Verùm hæc *Magia* ipsa est quæ facit ut omnes omnium ordinum homines alicui religiosæ sodalitati se adjungant, & in illius rei argumentum characterem recipiant inuictum hujus vel illius Numinis, fulmen putà pro *Jove*, folium hederaceum pro *Baccho*, cassidem pro *Marte*, & *Tridentem* pro *Neptuno*; aut nomina deorum suorum, numerumve nominibus comprehensum, alioquin ut nec liceat eis aut emere aut vendere.

Ad hæc verò respondeo, Characterem obsignatorum (cap. 7.) non esse visibilem puncturam sive stigmatismum, ac proinde nec verisimile esse ut in libro tam symbolico quàm sit *Apocalypsis*, Character Bestiæ tam crasse & literaliter intelligatur. 2. Hæ Fraternitates sive sodalitates, *Magia Apollonii* operà, *Trajanis* temporibus non sunt factæ, cum à longo antè tempore in usu fuissent. Postremò, non est credibile, nec ex ulla Historia probari potest, nullum Paganum potuisse emere aut vendere nisi sacrum aliquem in Corpore gestaret stigmatismum. Tam inadæquata est tamq; omnem citra rationem hæc Interpretationis *Grotii* pars.

14. In decimo octavo, *Ulpium Trajanum* eum facit ad quem Numerus 666. pertineat; sed citra, immò verò contra omnem rationem. Est enim pura puta illius hallucinatio quòd existimet Numerum intelligendum esse de cujuscunq; hominis Nomine, quippe quòd expressè dicitur, *Nomen esse Bestiæ*: Omnemq; occasionem tollit *Ribera* ullius hoc genus erroris, interpretando [*Numerus enim hominis est*] juxta mentem *Aretæ*, (aut saltem juxta quòd putavit illius mentem pariter fuisse oportere atq; suam) alio planè sensu; *Numerus enim proprius hominis est, & intellectum habentis & ratiocinantis est numerare*. 2. Si Numerus hominis esset, cum assignaretur ut nota unius cujuscunq; insigniter improbi & Ecclesiæ injuriosi, cur *Trajanus* in sortem cedat, cum Imperatores essent illo longè deteriores, vel potius cum is adeò benignus esset Imperator, nec tam crudelis Christianorum persecutor quàm alii, sed talis qui facilè desisteat, postquam rectè de statu rerum monitus esset, qui tantà apud Christianos existimatione fuit, ut cœlestibus gaudiis eum post mortem fruiturum tandem arbitrentur, quicq; apud Paganos partem faustæ illius acclamationis Senatûs ad *Cæsares* suos explebat, *Felicior Augusto, melior Trajano*?

3. Qualis hic saltus est, septem Bestiæ capita universa præterire, unumq; eligere, qui per totum hoc tempus in scena non apparuerat? 4. Illud etiam valde infirmum est & suspectum, quòd Numerus in Prænomine non autem in Nomine observetur. 5. Multò verò adhuc deterius est, quòd malè instituitur computatio. Nam proculdubio in *ΘΥΑΡΙΣ*, quomocunq; sigma finale scripseris, cum etiamnum sigma sit, nullum alium habiturum est valorem quam 200. unde summa Nominis erit, non quidem 666. sed 860. ut cuilibet constare potest, cui adlubescit computare. Nam quòd Sigma etiam in fine positum significet 200. manifestum est in *Νέλος*, *Ἰησοῦς*, *Δαλνός*, multisq; aliis exemplis. Hoc equidem verissimum est nec ullo evitari potest subterfugio, quemadmodum *Maresius*, *Grotii* adversarius, plenè contra ipsum demonstravit, ut certè ubiq; ferè eum debellat devincitque, quanquam *Grotius* interim satis præter decorum eum contemnit & in lutum sub inurbano illo sordidòq; nomine *Borborite* proculcat. 6. Character, Nomen & Numerus ad unum eundemq; pertinent. Quamobrem si Numerus *Trajanis* sit, Characterem illius etiam esse oportet. Nemòne verò emere aut vendere potuit nisi qui illius Characterem in manibus haberet frontibusq; inuictum? 7. *Hic sapientia est, qui intelligentiæ præditus est computet Numerum Bestiæ*, illiusmodi Præfatio est, quæ aliud Numerationis genus innuat, quàm simplicem collectionem Numeralium literarum Nominis in unam summam. 8. In quem finem positus est hic Numerus 666. quò denotetur *Ulpius Trajanus* Imperator, cum in nullius unquam mortalis mentem venerit eum hic significari, antequam *Grotius* hunc scopum & attigit & aberravit simul? 9. Et postremò, si *ΘΥΑΡΙΣ* in se 666. præcisè contineret, (ut planissimè 860. præcisè continet,) sequeretur quidem, hoc nulli fore obstaculo quò minùs *Trajanus* illa prior esse possit Bestia in visione secundum Expositionem *Grotii*. At verò simul recordari oportet quòd *Domitianum* antea fecerat hanc Bestiam atq; *Claudium*; adeò ut *Bestiarum Triumviratus* una tantum sit Bestia. Sed his tribus variationibus non contentus & Idololatriam præterea eam facit in *Abstracto*. Quod crassum profectò peccatum est adversus secundam nostram Regulam rectè interpretandi Prophetias. Tam infinitis modis coacta & distorta, immò precaria prorsus aut sibi ipsi repugnans perpetuò est horum duorum Capitulorum *Apocalypseos Grotiana* Interpretatio.

15. Cujus quidem rei consideratio sæpè me attonitum reddidit, ut Vir utiq; tam mirandis Ingenii dotibus ac eruditione præditus, tamq; uti ego semper sperabam, ingenuus, in ullo hoc genus specimine sibi unquam ullatenus placeret. Atq; eundem plus hæreo in investiganda causâ hujus infelicis Erroris in quem incidit, quam ullius Phænomeni in Natura, quod cogitationes meas unquam exercuit. Nam ut rem seriò egisse existimem in hac expositione sincerèq; dixisse sententiam, nota ejus in aliis rebus peritia atq; acumen mihi non permittit. Nec patitur sane illa Ingenuitas & Integritas quam ei inesse semper putavi, ut suspicarer eum scientem volentemq; ex studio partium, falsa procudisse glossèmata verumq; sensum adulterasse Oraculorum Dei: cum nihil profectò sit, meo judicio, magis abominandum, quam ut quispiam, quem Deus præclaris ingenii dotibus, doctrinæq; copiâ, ac bonâ apud homines existimatione locupletaverit, hisce omnibus utatur adversus largitorem, & ut *Factionis* commodis inservire possit, Christi Regnum tanto incommodo afficiat, ut veritates vel maximi momenti quæ eò pertineant, datâ operâ abscondat ab hominibus, illòsq; claritatis sui nimium celebrati Nominis splendore, oculos inter dictasq; veritates interposito, studeat occæcare.

16. Sed nolo nimis curiosus esse circa rem cujus profundum assequi non possum. Id quod è re nostra magis esset considerare, hoc est, Cum *Grotius* scilicet eximio ingenio doctrinæq; vir, adèd in Historia versatus, tanto zelo studioq; ad commodum harum visionum sensum in gratiam Ecclesiæ *Romane* concinnandum percitus esset, ut in eum finem libertatem sibi assumeret (etiam contra universum Antiquitatis consensum) in ea irruendi tempora quæ suo instituto maximè accommodata putaret, & tamen post hæc omnia, tam miserum ac incongruum artis suæ specimen ediderit, quanquam proculdubio, propriâ suâ sententiâ, multò præstantius quam quicquam eorum quæ Ecclesiæ *Romana* pro seipsa antea procudisset, quòd utiq; manifestum sit partim hinc, ab ipsius nempe *Grotii* Judicio, qui novo hoc Invento omnes præcedentes Expositiones antiquavit & condemnavit, & partim ex nostra multifariarum Incongruitatum &, ut ità dicam, Impossibilitatum Expositionis illius observatione, nullam extare Interpretationem contra principalem sensum Protestantium, quæ non supra modum infirma sit ac frivola, prorsusq; incredibilis & impossibilis. Immo quidni ausim etiam dicere, nec ullas in posterum excudi posse aut excogitari, quæ non statim omninò falsæ deprehendantur & incongruæ?

CAP. V.

1. *Noviter inventæ Interpretationis septem Caputum Bestiæ scopus; ut vim nempe Démonstrationis nostræ lib. 1. cap. 11. descriptæ eludat.* 2. *Summa illius demonstrationis proposita.* 3. *Hujus novæ Interpretationis brevis Propositio.* 4. *Argumenta quibus hæc Interpretatio funditus subvertitur.* 5. *Plures eòdem spectantes Refutationes.*

1. **Q**uod nè temerè affirmare videar, novum quoddam hujus generis specimen non inelegans sanè nec inargutum, in quod haud ità pridem incidi, in medium producam, quòd statim atq; examinatum fuerit, non dubito quin falsum ac absurdum sis deprehensurus. Eò autem præcipuè collineat, ut vim demonstrationis eludat quæ occurrit lib. 1. cap. 11. ubi manifestò evinco *Morètricem* quæ Bestiæ inequitat *quæ erat & non est & tamen est*, *Romam* esse non quidem *Paganicam* sed *Pontificiam*.

2. Quòd breviter sic effeci, Probando, 1. Bestiam septicipitem decacornem Romanum esse Imperium, quatenus, vel quamdiu, vel quibuscunq; temporum vicissitudinibus sit *Idololatricum*, & nunquam aliàs. 2. Deinde *septem Capita* septem esse genera summorum Magistratum, sed *Idololatriæ* universæ, temporibus *Idololatriæ* Imperii commensurata præcisè conjuncta. 3. *Caput* deniq; *sextum* Imperatores esse *Paganicos*, ipsūq; hoc caput esse quòd dicitur *lethaliter vulnerari*, ut & Bestia cum ipso interimi, & cessare existere. Unde duo hæc manifestò permanant Confectaria,

X x x x

Confecta.

Confectarium primum.

Cum nihil utiq; sit in universa Historia quod præfigeretur per eadem hujus Bestiæ Capitūq; sexti lethalem vulnerationem præter Imperii Conversionem ad Christianitatem successionemq; Christianorum Imperatorum in locum Paganicorum; cumq; successio hæc atq; conversio Præfigurationi Prophetica ad amissim respondeat, liquidò hinc constare, quòd Christiani Imperatores sexto capiti immediatè succedant, fuitq; proinde Rex septimus, qui breve tempus dicitur mansurus, Bestiāq; quæ erat, non est & tamen est, statim successura, cujus caput Rex octavus sit, & tamen Caput Bestiæ septimum, utpote qui futurus sit Idololatricus.

Confectarium secundum.

Unde necessariò sequitur, Meretricem Babylonicam quæ inequitare dicitur Bestiæ quæ erat, non est & tamen est, non quidem esse Romam Paganicam sed Pontificiam, utpote quæ sub Paganicis Cæsaribus Bestia non inequitat, sed Bestiæ in vitam existentisq; rursus restituta (ut & nomen ipsius indicat) sive Bestiæ sanatae resuscitatae in vivam Imaginem Imperii Paganici Idololatriæ, postquam Christianum factum esset, purèq; Christianorum Cæsarum successio exiisset, quæ brece tantummodo tempus erat duratura.

3. Hæc est Demonstrationis nostræ summa dicto loco uberius deductæ, quam nova hæc, quam dixi, Interpretatio eludere conatur ad hunc modum. Etenim cum negari non possit quin septem capita Bestiæ, septem sint summorum Magistratuum genera non Personæ singulares septem, hæc etiam Interpretatio, primum, admittit vel potius supponit septem successiones non quidem Personarum singularium, sed summorum Magistratuum aliquo modo distinctorum, sextumq; caput Bestiæ statuit Cæsarum successionem ab Augusto ad Diocletianum, solitariè, hoc est, absq; ullis sibi conjunctis Collegis regnantium, quem statum Cæsarum durasse innuit ad Annum Christi 282. ubi Diocletianus regnum init assumpto statim Collega Maximiano. Deinde septimum Caput esse Imperatores, socios Imperii Collegasve habentes, à Diocletiano ad Annum Christi 306. quod intervallum haud amplius 24 annos continet, ut Caput septimum vel Rex septimus breve tempus durare rectè dicatur. Octavum deniq; Caput sive Regem Octavum esse Imperatores Arianos. Quod certè Inventum iis, qui quodlibet credere malunt quàm Romam Pontificiam esse Idololatricam, ingeniosum meritò videri potest. Quàm verò falsum sit ac imbecillum, multis argumentis facile est demonstrare.

4. Etenim ut præteream, hiatum esse, septimum inter octavumq; caput; vel id solum, quòd octo Capita faciat hæc Interpretatio, manifestò evincit illius falsitatem, siquidem apertè id repugnet Textui, qui septem tantum Capita Bestiæ ubiq; assignat.

Deinde, Planissime constat ex eis quæ scripsimus, (lib. 1. cap. 11. sect. 11.) sextum esse Caput sub quo Bestia lethaliter vulnerata est & ad Non-existentiæ statum redacta. Nullus autem hujusmodi status Imperio obtigit sub successione Imperatorum singularium sive solitariè & sine Collega regnantium, nempe ante Diocletianum. Quamobrem horum successio sextum Caput esse non potest.

Porrò, Bestia quæ erat & non est & tamen est, plena dicitur nominibus Blasphemiae, hoc est, Idololatriæ; Imperium verò Ariannum factum, non erat plenum Idololatriæ, cum unā illā tantum infectum esset Idololatriā, quòd Christum cultu colerent religioso, tametsi verum eum non arbitrabantur esse Deum. Ut omittam, cum reverà Deus esset, quæstionem profectò esse an propriè dicti censendi sint Idololatre, utpote quorum cultus religiosus legitimus offendeat objectum, quanquam id factum sit casu potius, quàm consilio, debitæ rei agendæ peritiā.

Præterea, Bestia quæ erat & non est & tamen est, Imago Bestiæ est. Imperium verò Ariannum factum, qualis ea, obsecro, Bestiæ Imago est, quæ unicum tantum illius lineamentum habet, illudq; gracile admodum & evanidum? Compara Ariannam hanc Bestiæ Imaginem cum illa quæ descripta est lib. 1. cap. 17. et tunc dic mihi quam ex duabus vera demum illius sit Imago. Si vel unum *ἰδὼν ἱερὸν* cultu religioso colere, Imaginem Bestiæ in Imperio constituit, quid facturæ sunt tot defunctorum hominum in Imperio Pontificio cultæ multitudines!

Rursus

Rursus, Si Imperium *Arianismo* infectum, Imago sit Bestiæ, ubinam erat illa *Bestia bicornis* quæ miracula edidit coram hominibus, fecitq; ut ignis de cælo descenderet modo speciali præ cæteris ac mirabili, ad instaurandam *Bestiæ Imaginem*?

Ad hæc, Si Imperium infectum *Arianismo* Bestia sit instaurata, *Romana Ecclesia Meretrix* erat quæ ipsi inequicaret. Cur autem *Romana Ecclesia* Meretrix hæc censeretur potius quàm ulla alia Ecclesia, cùm multæ aliæ Ecclesiæ *Arianismo* majorem in modum laborarent quàm *Romana*, (quæ non nisi unum eis temporibus apud Historicos notatur Episcopum habuisse *Arianum*.) ego certè non video.

Denique, Bestiæ instauratæ data est Potestas agendi menses quadraginta duos, Imperium verò factum *Arianum* non sic mansit tam pauxillo tempore, nec ad annos 1260. sive ad tempus, tempora & dimidium temporis sic duravit.

5. Atq; hæc sanè Argumenta sufficere possunt ad tam lepidum commentum penitus subvertendum, quanquam rationes aliæ plures suppetunt si cui liberet expatiari. Opportunè enim hîc quæri potest de hujus Bestiæ instauratæ Synchronis, *sex* scilicet *Tubis*, quomodo contemporent Imperio facto *Ariano*? Et quænam sit *septem Phylarum* in Meretricem *Arianam* effusio? Cûrve *Ariane Meretrici* inscriptum fronti sit *μυθηον*, cùm *Arianismus* aperta esset maturèq; damnata Hæresis, nec Mysticum quicquam affectaret, sed à magis reconditis potius abhorreret Mysteriis? Adde, Meretricis sedem *septem Romæ* montibus affixam esse, *Arianismum* verò rem fuisse vagam, & in *Oriente* plus viguisse quàm in *Occidente*; Repetitâq; toties Imperatorum *Arianorum* & *Orthodoxorum* subalternationem non tam bellè convenire cum una illa Capitis Bestiæ lethaliter cæsi plaga. De *Magia* etiam & *Incantamentis* Ecclesiæ *Ariane* quæri potest aliisq; pluribus, sed plus satis jam dictum est in re tam facili ac comperta. Et tamen novum hoc inventum in medium proferre haud abs re fore duxi, ut clarè pateret, quibus auspiciis quisquam ulla excusurus sit Interpretamenta quæ interpretationi tam firmis validisq; vaticiniorum interpretandorum rationibus ac fundamentis innixæ adversentur, quàmq; facile sit, denso ea argumentorum imbre statim atq; apparuerint, obruere & confodere.

CAP. VI.

1. Co-expositionis nostræ Confectarium primum, veritatisq; illius probatio. 2. Secundi Confectarii utilitas magna ad pacem & securitatem Ecclesiæ. 3. Determinata Notio Longi ac Brevis. 4. Veritatis hujus Confectarii demonstratio. 5. Confectarium tertium, quartum, quintum, sextumque, cum ipsorum probationibus. 6. Demonstratio Confectarii septimi, quàmq; specialem usum habeat ad Orbis Christiani pacem. 7. Confectarium octavum cum illius probatione. 8. Confectarium nonum cum copiosa veritatis ejus demonstratione. 9. Veritas decimi Confectarii, quod Protestantes liberat à schismate, clarè demonstrata. 10. Confectarii undecimi probatio. 11. Probatio utilitatisq; insignis Confectarii duodecimi. 12. Quàm clarè apertèq; illa pars Antichristianismi quæ in Idololatria consistit, in his visionibus præfigurata sit ac prædicta, in Co-expositione nostra satis explicatum esse.

1. **Q**uamobrem cùm omni ex parte Adversarios profligaverimus campòq; expulerimus, satisq; de vero sensu horum duorum capitum *Apocalypseos* facti sumus securi, quandoquidem nihil in *Expositione* nostra distortum sit coarctumve, sed omnia juxta ratas Interpretationis *Prophetice* rationes in quatuor illis *Regulis* quas posuimus, juxtâq; notissimum symbolorum in *Alphabeto Prophetico* memoratorum sensum formata sint ac delineata; pauca nunc demum, sed quæ admodum ponderosa sint, *Confectaria*, aut partim inibi contenta, aut saltem necessariò è perpetua *Co-expositionis* dictorum capitum firmitudine emanantia, observemus ac describamus, ut primum,

Confect. 1.

Quod quadraginta duo menses, per quos duratio Bestiæ septicipitis & decacornis, post cæsi capitis curationem, præfiguratur, dierum menses non sunt, sed Anni 1260:

X x x x 2

Hoc

Hoc necessariò sequitur ex *Co-expositione* nostra, in qua clarè demonstravimus, *Bestiam* cujus *plaga* *lethalis* *curata* *sit*, *Bestiam*que *quæ* *erat*, *non* *est* & *tamen* *est*, unam & eandem absolute & adæquatè esse *Bestiam*, ac eandem propterea necessariò habere durationem. Duratio autem *Bestia* *quæ* *erat* & *non* *est* & *tamen* *est*, non potest esse per menses 42 *literaliter* intellectos. Oportet igitur eos *Symbolicè* significare, exponiq; debent de mensibus *Annorum*, quemadmodum *Annorum* *Hebdomades* apud *Danielem* exponuntur. Jam verò quòd duratio 42 mensium *literaliter* intelligi non possit de *Bestia* *quæ* *erat* & *non* *est* & *tamen* *est*, hinc est manifestum, quòd de *Rege* *septimo* dictum sit, quòd oportet illum *breve* *tempus* *manere*. Quæ debet peculiaris illius esse proprietas & distincta tum à proximè antecedente, tum à proximè subsequente *Rege*. Quod innuit utrosq; illo diutiùs manere oportere. Et tamen ille brevis *evi* *Rex* centum circiter annos ad minimum mansit, prout apparere potest ex *Historia*, ulteriùsq; demonstrabitur in sequenti *Confectario*. Unde necesse est, ut *Bestia* quæ erat & non est, plus *tres* *annos* *ac* *dimidium* *maneat*, immò verò plus annos centum. Quos, cum menses quadraginta duo minimè apti sint significare, manifestum est per menses hos, annos 1260 intelligi oportere. Quod erat demonstrandum.

Apoc. 17. 10.

Vide Myst. Piet.
l. 5 c. 15. sect. 2.

Confect. II.

Quòd *Ecclesia* libera erat ab *Idololatria* & *Antichristianismo* usq; ad *quadragesimum* fere à *Christo* nato *Annum*.

2. Insignis hæc certè est veritas, magnòq; propugnaculo contra ferocem multarum *Sectarum* *Fanaticarum* impetum qui sub prætextu judicandi rem quamlibet quæ ad propriam suam *Imaginationem* non quadret, *Idololatricam* & *Antichristianam*, reformare volunt etiam ad extremam *Confusionem*, *Deformitatem* & *Vastationem*. Hoc autem *Confectarium* summis maximèq; conspicuis *Religionis* *Christianæ* veritatibus tutum est *Refugium*; cum generali sententiæ *Ecclesiæ* de istiusmodi rebus quæ universim tunc tenerentur, conclusæve essent in *Conciliis*, nec *Idololatricas* fuisse nec *Antichristianas*, quasi per Dei digitum facta sit subscriptio.

Apoc. 17. 10.

3. Jam verò *Confectarii* veritas sic patet. De *Rege* *septimo* qui vocatur ὁ ἄλλος, (quémq; probavi *Imperatores* esse purè *Christianos*) de eo inquam, dicitur, quòd oportet illum *breve* *tempus* *manere*; quod nisi vaticinium omninò indeterminate loquitur nihilq; definit, consentaneum est ut intelligatur de tertia circiter parte illius spaci, quod hæc *Locutio* subindicat *longum* esse. *Breve* enim & *Longum* termini absoluti non sunt sed *relativi* sive *comparativi*, duòq; sunt extrema quæ medium supponunt. Quamobrem determinatam eorum *Ideam* meliori ratione definire non possumus, quàm si lineam supponamus in tres partes æquales divisam, totamq; consideremus lineam tanquam subjectum *Longitudinis*, duos *Trientes* lineæ ut subjectum *Mediocris*, unumq; *Trientem* *Brevitatis*. Unde colligere possumus universim quam *Rationem* (si accuratè *Mathematicè*q; loqui velimus) *Breve* & *Longum* ad se invicem habeant. Quòd scilicet notione quidem præcisâ, id quod *tertia* omninò pars est alterius, illius respectu *Breve* sit, sed in usu loquendi communi, quamvis paulo majus minùsve sit, rationes nihil conturbat.

Hujusmodi modus aliquis adinveniri debet ad definiendam hanc *Notionem*, alioqui *Breve* & *Longum* nihil significatura sunt, sed verba erunt sine scopo dicta, nisi eis in locis, ubi nota mensura sit *mediocritatis*. Ut quando dicimus, *Homo* *procerus*, vel *Homo* *humilis* *staturæ*, ubi pro concessio habetur, *mediocris* *staturæ* *hominem* tot habere pedes nec ampliùs. Postquam determinatæ alicujus *Notionis* horum duorum vocabulorum necessitatem seriò considerâsem, quàmq; naturaliter in hanc *Proportionem* labantur, equidem non potui assensum à tam manifesta veritate continere, quanquam præjudicio præpeditus meritò videri poteram, ex eis quæ alibi de

Myst. Piet. lib.
5. c. 16. sect. 9.

4. Admisso igitur illo pro genuino sensu horum terminorum *Brevis* & *Longi*, quem ego proposui, & duratione *Regis* *septimi* cum duratione *sexti* comparatâ, nempe *Cæsarum* *Paganicorum*, quæ à *Julio* ad *Constantinum* annos facit circiter 360; manifestum est *Regis* *septimi* durationem, hoc est, *Cæsarum* purè *Christianorum*, 120 fere annos constituere. Qui additi *Annis* *Christi* 312, quando *Constantinus* conversus est ad *Christianitatem*, annos 432 conficiunt. Quod nolo pronunciare ità definitum esse ac si intelligeremus *mathematicam* in rationibus *Brevit* atq; *Longi*, sed cum aliqua laxitate, qualis communem sermonem deceat in hujusmodi locutionibus, quamvis necesse sit subinde recurrere ad *Ideam* hanc *Mathematicam* ut dijudicemus an horum terminorum usus tolerabilis sit, an immane quantum devius.

devius. Quod verò laxiùs hîc relinquo, magis præcisè determinabitur in proportionè *Interioris* Atrii Templi ad *Exterius*, quæ tempus hoc paululùm intra quadringentos annos coërcebit, ità tamen ut præsentis hujus Computi ratio ad eam faciliè flecti possit & attemperari. Nam si *brevis* Terminus, viz. 120, in tres gradus partèsvè subdividatur, quicquid duos Trientes excedit, rectè & cum ratione Breve censeri potest in primo gradu *Comparisonis*. Et meminisse quidem oportet durationem Bestiæ instauratæ per Annorum menses computari, quod, sicut suprà notavi, latitudinem innuit triginta annis haud minorem, in harum Epocharum computatione; cum coarctatio rerum ad Anni coincidentiam, in tam longis periodis, naturisvè rerum ipsarum prædictarum, parùm habeat utilitatis, nec proinde affectetur intendatúq; à Spiritu illo qui hæc vaticinia dictaverit. Quæ non dubito quin admodum vera sit solidaq; observatio. Quamobrem satis manifestum est Ecclesiæ lapsus in Antichristianismum ante quadringentos ferè annos post natum Christum non contigisse, cum septimi Regis imperium ante id tempus non exiverit.

Confect. III.

Quòd Regnum Antichristi intra 1260 ferè annorum ambitum comprehenditur.

5. Tandiu enim Imperium permansurum erat Idololatricum, sicut evidens est ex *Co-expositione* nostra, primòq; illius *Confectario*. Sed ferè impossibile est ut Imperium diutius maneat Idololatricum quàm Clerus Idololaticus ei inequitet regátque, quæ *Meretrix* est *Bestiæve bicornis*, atq; hi typi, Typi sunt sive symbola *Antichristi*: Quas cum *Bestia decacorni*, i. e. cum Imperio *Pagano-Christiano* contemporare, plenius sequenti Capite probabimus.

Confect. IV.

Quòd Antichristus jamdudum ingressus est in mundum, millèq; ferè ac ducentos annos jam regnavit.

Veritas hujus *Confectarii* liquet ex secundo, ubi ostenditur quòd i. αλλ' sive *Cæsarum* purè Christianorum successio centum viginti ferè annos non exceßerit, qui anno Conversionis *Constantini* additi 312, annos 432 conficiunt; ab eo ferè tempore *Antichristus* regnare incepit, ac proinde mille ducentos ad minimum annos jam regnavit.

Confect. V.

Quòd secundùm computationem Propheticam Ruina Antichristi appropinquet, nihilq; eam retardare possit præter Nequitiam, Hypocrisim & Falsitatem, si ità fas sit loqui, Ecclesiarum Reformatarum.

Hoc *Confectarium* valdè manifestum est è tribus *Confectariis* proximè præcedentibus, nec opus est ut quicquam addamus ulterioris illustrationis ergò. Tantùm vide si lubet, *Mysterium Pietatis*, lib. 5. cap. 17. sect. 10. Qui quidem locus ut & quæ hîc dicuntur in hoc quinto *Confectario*, *Medana Hypothesi* innituntur, de numerando durationem Bestiæ & Synchronorum illius per annos. Quid verò ego de ipsa sentiam, in pluribus locis monui, apertèq; declaravi Periodum mille ducentorum sexaginta dierum, sive temporis, temporum & dimidii temporis, jam exiisse quantum ad usum omnem Propheticum, Ruinamq; Antichristi speciminalem jam factam esse in *Testium Resurrectione*. Id tamen etiamnum verum est, nostrarum Ecclesiarum peccata nè finalis illa *Antichristi* ruina appropinquet, seculaq; *Philadelphiana* accelerentur, posse esse obstaculo.

Confect. VI.

Quòd Imperium Romanum in decem Regna divisum, sedes facta sit Antichristi.

Hoc directè in *Co-expositione* nostra continetur, quippe Bestia *decacornis* ibi probatur Romanum esse Imperium sic divisum, *Meretrixque*, qui est *Antichristus*, dicitur huic Bestiæ insidere, *Bestiæq; bicornis* Clerus esse Imperii Idololaticus sub duobus illis Imperialibus *Patriarchatibus Roma & Constantinopoleos*; ut & *Meretrix* & *Bestia bicornis* unum idèmq; esse ibidem demonstrantur. Quæ abunde confirmant hoc sextum *Confectarium*.

Confect.

Consecr. VII.

Quod ruina quartæ Monarchiæ, quinteq; Introductio, quæ Regnum est Sanctorum Altissimi quemadmodum Daniel eam appellat, bella non supponit nec spolia Jurumve Invasorem ullius Principis Populive, secundum Styli quidem Prophetici tenorem, sed Renovationem duntaxat Imperii in Evangelicam Doctrinæ, Cultus, vitæq; Christianæ Puritatem.

6. Hoc planè constat ex *Co-expositione* nostra, ubi manifestum est, quod *Bestia*, quæ est *Monarchia Romana*, dicitur occidi & in rerum natura non esse, ex ea sola causa quod *Idololatria Paganica* ex ea expulsa esset, cessassetve Religio esse Imperii, quodq; resuscitata sit è mortuis & in existentiam denuò reducta, solâ Reintroductione *Idololatriæ* in Imperium, Ritûsq; Paganicos usurpando circa Objecta Christianitatis. Quod confirmari porro potest è Sigillo sexto, ubi Cælum Terrâq; misceri videntur totâq; Universitas *Politica* dissolvi, & tamen ipsum *Romanum Imperium* esse minimè desiit, sed mutatio tantum fuit à *Paganismo* ad *Christianitatem*. Quo de sexto Sigillo eruditissimus *Medus* hoc etiam adnotavit; *Jam verò mutationis hujus Objectum est Imperium Romanum; at non quâ Politicè à Cæsari-bus gubernatum, sed quâ Satanæ Principi ejûsq; Angelis Daemonibus religioso nomine subditum.*

Quapropter evidens est, quod secundum stylum Propheticum quarta hæc Monarchia *Idololatræ*, solius *Idololatriæ*, & quicquid aliud in ea sit *Antichristiani-smi*, repetitâ exterminatione destrui potest, eôq; ipso verum Regnum *Sanctorum Altissimi* inchoari, quanquam nè capillus quidem de capite cujusquam cadat, nec Princeps ullus subditûve in Juribus suis ac Fortunis quicquam lædatur. Hoc *Consecrarium* valdè perspicuum est, & perinde utile ad sedandum æstum & furorem quorundam Fanaticorum qui tale expectant Regnum *Sanctorum* qualem *Judei Messiam*, qui temporalibus scilicet eorum commodis inservire possit. Amor verò mundanus utrorumq; judicia perinde occæcavit.

Consecr. VIII.

Quod nulla expositio decimi septimi Capitis Apocalypseos quæ τὸν ἄλλοι sive Regem septimum purè Christianum non fecerit, vera esse potest & perfecta.

7. Hoc facile apparebit si consideremus mirificam Harmoniam quæ reperitur decimum tertium Caput inter & Caput decimum septimum; Quorum uno *Bestia occidi* dicitur, altero *cessare esse*; Uno *rediviva esse Bestiæ Imago*, altero *Bestia esse quæ erat & non est & tamen est*: quodq; tametsi octo Reges sint, non sunt tamen nisi septem *Bestiæ capita*; quem nodum nihil præter hanc Hypothésin solvere potest. Dum enim ἄλλοι regnabat, *Bestia non fuit*. At verò si caput illud purè *Christianum* non erat sed *Idololatricum*, *Bestia adhuc fuit* in rerum natura, octôq; habuit *Capita* etiam juxta ipsius Angeli computationem. Cæterum manifestum est supponi in *Bestia* cessationem ab existendo, ex istis verbis, *Erat & non est, & ascensura est ex Abyssso*. Quorum verborum sensum reddendo, præstantissimum illum interpretem *Josephum Medum* hac suppositione destitutum, solita sua etiam destituit peritia. Ait enim dici posse de hac *Bestia*, idq; S. *Johannis* tempore, & jam olim eam fuisse necdum tamen natam esse. Quod quidem menti nullo præjudicio laboranti non potest quin duriter sonet verbis Textûs applicatum. Nemo enim unquam dicet de re etiamnum existente, *Erat*, multôq; minùs, *Et non est*. Hujusmodi equidem asperitudo sensus meos tam duriter radit, ut si vaticinium absq; tali violentia contra ordinariam verborum significationem facta intelligere non possem, multum frigida suffunderet quod minùs Interpretationi præberem assensum. Verum doctissimus vir in aliis rebus tam egregiè se gessit, ut facilè hic mereatur veniam.

Consecr. IX.

Quod Meretrix Babylonica Constantinopli nunc non sedeat, sed quod vetus Roma sit, si ita fas sit loqui, sedes illius Imperialis.

8. Hujus *Consecrarii* veritas ex multis Conclusionibus in *Co-expositione* nostra apparet. 1. Primò enim, *Meretrix Babylonica Romano Imperio infidet, regitq; illud æ gubernat in rebus Religionis*. Quod de *Turca* verum non est, *Constantinopoli*.

tinopoli. 2. *Meretrix* Urbi illi *Septicollis* insidet quæ quasi orbis terrarum Domina erat S. *Johannis* temporibus (hic traditur tanquam certissimus sedis suæ character) quam *Constantinopolin* tunc non fuisse notissimum est. 3. Nomen *Bestiæ* repertum est *Asiæ*, quæ *Bestia bicornis* cum eadem sit quæ *Meretrix*, manifestum est hanc meretricem sedem habere in *Italia*. Et certè tametsi *Montacutius* Episcopus ingenii sui festivitatem ostentaverit in inveniendò Numero 666 in *Maquillis*, credo tamen eum fecisse tantum per ludum jocumq; in dispectos Adversarios, ut eorum ignorantia imponat illudatque. Quomodo enim existimare potest Numerus 666. *Mahometis* nomen subindicare, cum tam variis modis scriptum occurrat apud *Græcos* Historiographos? Etenim apud *Nicetam* vocatur *Μαχμὺς* apud *Chalcocondylam* *Μαχμὺς* apud *Johannem Cantacuzenum* *Μαχμὺς* apud *Ducam Michaelem* *Μαχμὺς* & postremò apud *Johannem Cananum* *Μαχμὺς* & *Μαχμὺς* sed nusquam quod sciam appellatur *Μαχμὺς*. Nec verisimile est nomen ejus exiturum in *τς* sed in *τς*. Adeò ut planè suspicer festivum Episcopi esse commentum quò se in hilaritatem paulò laxiùs effundat. 4. Septem montium *Roma* fama alterorum notitiam ità obruit & obscurat, ut non sit probabile quin illi, si non soli, præcipuè tamen indigentur in descriptione sedis *Meretricis*. Quòd si unica è Civitatibus indigitaretur, intolerandum esset opinari vaticinium ità lubricum esse & imperfectum, ut eùm duæ essent Civitates, una ob septem montes celebratissima, altera tam parùm celebrata ut frequenter dubitetur utrùm septem montes habeat necne, hanc Posteriores per urbem *septicollem* intelligeret, non autem priorem, eùm nè minima subindicatio in Textu sit quòd intelligatur de posteriori ad eamve ullo modo determinetur. 5. *Meretrix* sive *Antichristus* qui septem collibus insidet, multos ante annos erat, sicut ex quarto apparet *Confectario*, quàm *Turca Constantinopoleos* factus est dominus, quod non amplius ducentos abhinc annos contigit; ità ut *Antichristus*, ut videtur, mille annos fuderit citra *Pulvinum*. 6. Fronti *Meretricis Babylonice* inscriptum est *Mysterium*; *Turca* verò apertus professusq; est Christianorum Adversarius. 7. Denique, *Meretrix* sive *Antichristus* Imperii corruptor est per *Idololatriam* cultumve Idolorum; *Turca* verò eorundem everfor. Tam vana est eorum opinio quæ *Turcam Antichristum* imaginantur in *Apocalypsi* præfiguratum.

Confect. X.

Quòd Ecclesia Anglicana aliàve quævis Protestantium Ecclesia Ecclesiam reliquerit Romanam, non esse schisma.

9. Hoc vel primo aspectu, per *Co-expositionem* nostram, verum est. Neq; enim schisma esse potest illud facere quod omittere peccatum esset; vel si id non sufficit, quod monemur facere per Divinam vocem in *Apocalypsi*, *Exite ex ea popule mi, nè participes sitis peccatorum ejus & ex plagis ejus accipiatis*. Quæ quidem monitio digna est cui ab omnibus auscultetur quibus Incolumitas sua & salus cordi est, immunitasq; à peccato poenitq; *Meretricis*. Apoc. 18. 4.

Confect. XI.

Quòd Autoritas Patrum Conciliorumq; post annos ferè quadringentos à Christo nato habitorem nullam vim habeat ad controversias dirimendas adversus Ecclesias Protestantium iis de rebus in quibus Ecclesia Romana ab ipsis dissentit.

10. Hoc spontè fluit ex Epochâ *Antichristianismi* in ea tempora incidentis quorum facta est mentio: post quæ cum Ecclesia supponatur in grandem *Apostasiam* aliquo modo lapsa, nec Patrum doctrinæ, nec Concilia jus ullum habent ità decidendi controversias nos inter & Pontificios, ut Autoritative quicquam adversus nos testificentur. At enim observatu dignum est, Testimonium eorum vim habere adversus Pontificios in eis rebus in quibus ipsis contradicunt, utpote qui ea in re successivæ sententiæ Ecclesiæ serpenti hâc lue nondum mutata Testes sunt, aut saltem testantur quid de facto verum fuerit contra falsos prætextus Traditionum Pontificiarum.

Confect. XII.

Quòd omnes visiones quæ huic *Bestiæ septicipiti & decacornis* visioni, quæ durare dicitur menses quadraginta duos, synchronæ sunt aut isochronæ, spacium necessariò habent annorum mille ducentorum sexaginta. II. Syn-

11. *Synchronum* esse idem est atq; *incipere, continuare, & desinere simul*. Unde manifestum est, illud quod *synchronum* est illi quod mille ducentos sexaginta annos durat, ipsum annos totidem durare oportere. *Bestia* verò *mensēs quadraginta duo*, mille ducenti sexaginta anni sunt, per *Confectarium* primum. Quæ veritatis *Confectarii* hujus ultimi perspicua est demonstratio. Cujus usus maximi profectò momenti est ad detegendam falsitatem istiusmodi pusillarum Expositionum quas nonnulli his visionibus quæ huic *instauratæ Bestiæ visioni* synchronæ sunt, imponant. Si enim super hanc temporis mensuram distendas, disrumpentur statim & in frustula dissilient, eoque pacto (quod hic maturè notatum volo) *ab omni ulterioris ipsarum confutationis me liberabunt molestia*.

Quam ob causam operæ pretium fore existimo omnes visiones quæ huic *instauratæ Bestiæ visioni* synchronæ sunt notare, cum tam necessaria sit Methodus ad rectum earum sensum assequendum, certiusq; discernendum in quibus *Apocalypses* vaticiniis illa *Antichristianismi* lineamenta præfigurata sint, quæ in antecedenti Tractatu Lectori ante oculos proposuimus.

12. Interea loci nihil opus habeo ei in memoriam revocare, quod visiones horum duorum Capitum, quæ tam accuratè exposuimus, insignem illam *Antichristianismi* partem, quæ in cultu *Idololatrico* consistit, manifestò prædicunt, quomodo utiq; illa se per Imperium propagatura esset per seductionem & sedulitatem fallacis Cleri. Qui præfiguratus est in Typo *Bestiæ* duo cornua *Agni similia* habentis, sed quæ locutura sit ut *Draco*, *Imaginèmq; veteris Paganismi*, sub prætextu elevationis cujusdam devotionis & affectionis erga Christum, beatam Virginem reliquosq; Sanctos ac Martyres, rursus introductura: ut & in Typo *Meretricis Babylonice* quæ vocatur *Mater scortationum & abominationum Terræ*, i. e. Cultus *Idololatrici* & *Paganico* similis; quæq; Reges Terræ illiusq; Incolas poculo immunditiæ Fornicationum suarum dicitur inebriare, i. e. ad Idololatriam seducere. Hoc enim est *Agonizans Idololatriæ* calicem, quemadmodum & ipse *Grotius* interpretatur. Quamobrem hæ duæ insignes sunt Ecclesiæ in *Paganicos Idololatricosq; cultus lapsæ Prædicationes*. Producturus sum tamen & alias ex eodem libro, postquam viam Synchronismos quosdam demonstrando qui eodem pertineant, præmunivero.

C A P. VII.

I. *Synchronismus* Meretricis, Bestiæ bicornis, Bestiæq; instauratæ sive Bestiæ quæ erat, non est & tamen est, è Co-expositione nostra demonstratus. 2. Quibus & Pseudopropheta probatur synchronus, Cœtus virgineus, Duo Testes, Mulier in Deserto, & Atrium Exterius, ut qui aut iidem sunt aut Antistœchi, aut perpetuo cum illis ex necessitate connexi. 3. Rursus ratione magis abstractâ, Quod Bestia instaurata, Mulier in Deserto, Atrium exterius duôq; Testes Isochroni sunt. 4. Mulierem in Deserto Bestiamq; instauratam simul incipere, ac proinde Synchronas esse. 5. Bestiam verò instauratam duosq; Testes synchronos esse, ut qui simul finiunt. 6. Duos verò Testes Atriumq; exterius synchrona esse, ut quæ & incipiunt & finiunt simul. Quatuorq; hæc Synchrona Meretrici ac Bestiæ bicorni contemporare, quoniam Bestia bicornis Meretrixq; Bestiæ instauratæ contemporant, cui & contemporant reliqua tria. 7. Cœtum virgineum, eq; duodecim Tribubus obsignatos eundem esse Cœtum, ac utrosq; proinde Meretrici per Antistœchas synchronos, & ex consequenti reliquis sex quibus illa contemporat. 8. Cœtum virgineum obsignatorum supra dictum sex primarum Tubarum seriei contemporare, ut qui obsignati sunt immediatè ante clangorem Tubæ primæ, luctuq; Testium contemporant qui in fine Tubæ sextæ cessat. 9. Sex prima Sigilla, Prælium Michaelis cum Dracone Atriumq; Interius synchrona probantur. 10. Quod visio mensurationis Templi à prima Epocha incipiat, indicari à qualitate Personæ quæ librum apertum manu tenet. 11. Et ex eo quod locum supplet Angeli septimi, Tubæq; septimæ spacium septem Tonitruis. 12. A suspensione Clangoris Tubæ septimæ ut fiat Regressio. 13. Et ex eo quod aut novus Liber sit in manu Angeli, aut nova saltem libri Conditio. 14. A voce colloquente cum Johanne de cælo, ut in initio Prophetiarum Sigillorum. 15. Ab amaritudine libelli in ventre ejus, & quod iterum jussus sit vaticinari, idq; coram Regibus, Populis ac Nationibus. 16. Ab Epocha deniq; Visionis in sequenti Capite. 17. Synchronismus primorum sex Sigillorum cum Interiori Atrio, res maximi momenti. 18. Millesimæ Christi Imperium, Turbam Palmiferam, Novamq; Hierosolymam ac Ligationem Satana, septimæ Tubæ aliquo modo Synchrona esse universa.

Apoc. 12.

I. **Q**uod Bestia septiceps capite decimo tertio contemporet Bestiæ quæ Meretricem bajulat decimo septimo, manifestum est ex eo quod utraq; omni ex parte una eademq; Bestia sint, quemadmodum ex Co-expositione nostra apparet. Quod Meretrix etiam Babylonica, Bestiaq; bicornis eadem res sit, ex dicta Expositione liquido constat, quodq; proinde contemporent, nisi una eademq; res oriri possit etiam cum aliquandiu in rerum natura extiterit, durareq; adhuc etiam cum desierit existere. Quod Meretrix Bicornisq; Bestia Bestia septicipiti & decacorni in his duobus capitibus contemporent, ex eo manifestum est, quod Bestia bicornis Instauratrix est & sanatrix hujus septicipitis Bestiæ, ejusve in Existentiâ Restitutrix, hoc est, Clerus Idololatriæ Imperium Idololatricum rursus facit, unum sine altero non potest consistere, nec unum altero diutius durare, ut ex ipsarum rerum natura abundè constat. Adeo ut manifestum sit, quod naturæ rerum per has visiones significatarum connexio perpetua firmam nobis fidem facit eas synchronas esse, i. e. incipere, durare, & finire simul. Atq; sic ex plano perspicuèq; demonstrabili sensu, visionum Capituli decimi tertii & decimi septimi infallibiliter colligimus, Bestiam bicornem, Meretricem Babylonicam, Bestiam quæ erat & non est & tamen est, sive Bestiam Instauratam seu redivivam quæ dicitur septem habere capita decemq; cornua diadematibus redimita, sibi invicem contemporare.

2. Sed quatuor adhuc supersunt visiones hisce Synchronæ, quæ sic esse eodem modo possunt demonstrari, à naturali putâ & necessaria rerum ipsarum præfiguratarum inter se connexione, vel ex perfecta ipsarum identitate sub diversis schematis & Typis, cum res quas naturaliter significant tribus primis synchronis jam comprehensæ sunt, vel deniq; ex ratione Antistœchas perpetuæ oppositionis. Ut primò, per modum Identitatis, Pseudopropheta, hoc est, universam falsorum Prophetarum Corpus necessario contemporat Bestiæ bicorni, sive Meretrici, cum eadem planè res sint sub diversis Typis vel Nominibus. Per modum Antistœchas sive oppositæ Correspondentiæ, ut in Testibus lugubribus, Cœtusq; virgineus. Supposito enim quod vera Ecce-

sia nunquam esse desiverit, (quemadmodum omnes consentiunt) necesse est, ut cum temporibus *Meretricis Bestiaq; bicornis Cætus virginis Testesq; lugubres* correspondenti oppositione concurrant, & Posteriores quidem per *causam* cum illis connexionem. Quod proinde exemplum esse potest modi primi suprà memorati, quamquam nulla illius antea producta sit Instantia.

Subjectum etiam duarum istarum visionum *mixtarum* necessario eodem tempore cum tribus primis synchronis continetur, hac Hypothesi concessa, *Quod vera Ecclesia nunquam intercidit.* Tunc enim *Mulier in deserto* quid est aliud nisi Ecclesia pura ac virginea in Paganissimo Imperio abscondita, quæ *Imago est Bestiæ*? Quidve *Atrium Templi exterius à Gentibus calcatum*, nisi Christianum Imperium Christo veròq; Dei cultui dedicatum, sed novo quodam *Gentilismo* cultive *Idololatrico* oblitum, qui sic omnia inundat ut vera virgineaq; Ecclesia occultetur quodammodo hoc *Idololatrarum* diluvio, vel proculcetur saltem valdeq; deprimatur, Christiani orbis pars abjectissima facta? Quamobrem, ex nuda, inquam, rerum ipsarum natura artaq; quam habent inter se connexionem, evidentissime patet, *Meretricem, Bestiam bicornem, Bestiam septicipitem decacornem instauratam, Pseudopphetam, Cætum virginicum, Mulierem in Deserto, Duos Testes, Atrium Templi exterius à Gentibus calcatum*, univèrsa inter se contemporare.

Vide Cap. 3.
Confess. 1.

3. Sed enimvero rationem illam magis abstractam quam doctissimus *Medus* in probando hæc *synchrona* adhibuit, in totum non negligemus. Primò igitur manifestum est, *Mulierem in Deserto, Bestiam decacornem instauratam, Atrium exterius à Gentibus calcatum, Luctum duorum Testium, Isochrone* esse. *Mora* enim *Mulieris in deserto* notatur per *tempus & tempora & dimidium temporis*, uti etiam per *dies 1260*. Quæ ambæ locutiones tres annos & dimidium literaliter significant. *Bestiæ* etiam *decacornis instaurate* duratio, per *mensēs quadraginta duos* describitur, ut & *Atrii exterioris Conculcatio*; *Diēs*q; *Testium sacris amittorum* sunt 1260. Quæ omnes temporis descriptiones, *Mora Mulieris in deserto Isochrone* sunt, suntq; *literaliter* tres anni & dimidium. E quibus omnibus si vel una symbolice significet, credo neminem esse posse adeò *scepticum* perversumve, ut alias sic facere neget. Jam verò hæc quatuor non solum *Isochrone* sed *Synchrona* esse breviter sic apparebit.

Apoc. 12. 15.

4. *Mulier in Deserto Bestiaq; decacornis instaurata* simul incipiunt. Nam dum *Mulier* in desertum properat, *Draco* ex ore suo flumen ejicit quo eam abripi faceret, si possit, antequam illuc pervenisset. Sed scopo excidens ac furore percitus, statim ad alia consilia se confert, *Bestiamq; decacornem* instaurat, suisq; viribus, & Throno magnaq; Potestate donat. Quamobrem *Mulier* in *Eremum* citius ingredi non potuit, quam *Draco* Inimicum adversus eam instruxisset. Verum evidens est *Isochrone* ab eodem tempore incipientia esse *Synchrona*.

Apoc. 11. v. 12,
14, 15.

5. *Bestia decacornis instaurata* luctusq; *duorum Testium* simul finiunt. Nam sub exitum *Tube sextæ Testes* in cælum ascendunt, & in principio *septimæ*, quod *sextæ* fini conterminum est, hæc de cælo fit Acclamatio, *Facta sunt Regna Mundi Regna Domini nostri & Christi ejus.* Unde manifestum est aliquo quidem sensu *quadraginta duos menses*, quod tempus est Regni *Bestiæ decacornis instaurate*, tunc finiri. Quæ verò *Isochrone* sunt simulq; finiuntur, sunt etiam *synchrona*.

V. 1, 3.

6. *Luctus duorum Testium & sanctæ Civitatis* sive *Exterioris Atrii à Gentibus conculcatio* simul incipiunt: quemadmodum apparet *Apocalypsi*. 11. ubi planè innuitur uno eodemq; tempore oriri. *Luctum* intelligo *Testium*, dolorisq; eorum *Objectum*, *Civitatis* utiq; *sanctæ conculcationem à Gentibus*. Et præterea sub finem *Tube sextæ Testes* in cælum ascendunt, & in principio *septimæ* Gentes dicuntur propter Divinam in ipsas vindictam irasci: adeò ut *Synchronismus* hic (quamquam supervacaneum est, cum hæc *visa* suprà inventa sint *Isochrone*) in utroq; termino firmiter sit ligatus: *Mulier* verò in *Deserto* cum *Bestiæ decacornis instaurate* *synchrona* sit, *Bestia* hæc *decacornis duobus Testibus*, hi *duo Testes Exterioris Atrii* sive *sanctæ Civitatis Conculcationi à Gentibus*, manifestum est cuncta quatuor inter se contemporare.

Sed enim vi *Co-expositionis* nostræ demonstrari etiam potest, *Bestiam Bicornem, Meretricem, & Bestiam decacornem instauratam*, quæ planè *Bestia* est quæ erat & non est & tamen est, contemporare inter se. *Meretrix* enim & *bicornis Bestia* unus idemq; est hominum cætus atq; ordo, quorum suasu ac regimine Imperium Paganicum quod lethaliter vulneratum erat purè Evangelii prædicatione, iterum factum est *Paganissans*, atq; ità à salubri illo vulnere convaluit, resuscitatumq; est rursus in priorem statum *Idololatricum*, factaq; est *Bestia* quæ erat & non est & tamen est. Unde manifestum est Autores hujus *Instaurationis Bestiæ, Imaginisve Bestiæ* artifices,

ces, quā tales, incepisse simul cum Bestia. Hi verò, *Bestiam* intelligo & *Pseudo-prophetam*, (qui figuratur per *Meretricem* & *Bestiam bicornem*) ambo simul capiuntur, & vivi conjiciuntur in stagnum ignis ardens sulphure, Apocalypf. 19. 20. Quamobrem cum *Bestia hæc decacornis instaurata*, sicut supra demonstratum est, synchrona sit *Mulieri in deserto*, *duobus Testibus*, *sanctæq; Civitatis* sive Atrii exterioris *conculcationi*, manifestum est, *Meretricem* etiam *Babylonicam Bestiamq; bicornem* ipsis *synchronas* esse, cum cunctæ sint *Bestiæ decacorni instauratæ* synchronæ. Atq; demum in summa, *Mulierem in Deserto*, *Bestiam decacornem instauratam* (quæ eadem est quæ *Bestia quæ erat & non est & tamen est*, sive *Imago Bestiæ*) *Civitatem sanctam* sive *Atrium Exterius à Gentibus calcatum*, *Luctum Testium*, *Bestiam bicornem* & *Meretricem Babylonicam*, sēna nempe hæc universa synchrona esse inter se.

7. De contemporatione *Cætus virginæ* cum *Meretrice* (& consequenter cum reliquis quinq;) vide Cl. *Medum*. Res non est ubi quis hæsitare possit, propter necessariam *ἀντιστοιχίαν* magnāq; rei congruentiam ut Christus suos *militēs obsignatos* haberet, quæ sunt *Agni Cohortes* in monte *Sion*, simulatq; & quamdiu ii essent qui *Characterem Bestiæ* gestarent, quod fieri supponitur per totum illius Regnum, quandoquidem hæc Characteris receptio nihil aliud est quàm aperta professio à quorum partibus quis stet, eisve saltem appropriatio.

Verorum illorum membrorum *consignatorumve militum* Christi mentio fit in *septimo* & *decimo* quarto capite *Apocalypseos*. In quibus locis utriq; *Numerus idem* est, nempe 144 *Chiliades*, sive *Cohortes*, dicunturq; consignari, vel fronti notam inscriptam habere. *Afflictio* & *Patientia latq;* demum super inimicos *Victoria* utrorumq; fors est, utraq; Cohortes sunt *Apostolicæ* ut quæ abhorrent ab *Idololatria*, siquidem *Virgines* capite decimo quarto appellantur, eaq; in septimo adhibetur cautio in ordinata collocatione duodecim Tribuum ut eæ præcedant quæ splendidissima specimina zeli sui adversus *Idololatriam* ediderint. *Dan* verò & *Ephraim* ex illo censu planè expunguntur, quòd eo in crimine aded essent obnoxii, quemadmodum prolixius videre est apud *Josephum Meaum*. Nam quòd Duodecim Tribus de *Christianis* intelligendæ sint, non autem de *Judeis*, nemo dubitaturus est qui consideraverit quàm plena *Apocalypsis* ubiq; sit *Israëlismis*, aded ut falsi *Christiani*, *Judei* simulatitii appellentur, Apoc. 2. 9. *Novi blasphemiam eorum qui se dicunt Judeos esse & non sunt, sed synagoga Satanae*.

Manifestum est igitur 144 *Chiliadas* *consignatorum* servorum Dei capite septimo, & 144 *Chiliadas* in capite decimo quarto, eundem esse Apostolicum virginèumve Coetum. Quod multum profectò refert ut notemus, quandoquidem hinc evidens erit, quòd *sex prima Tuba* *sex primis nostris synchronis* contemporant, utpote quibus universis contemporant hæ 144 *Chiliades* *consignatorum Militum*, *cohorte* sive *virginæ* Christi.

8. Sex prima nostra synchrona his 144 cohortibus contemporare jam probatum est, ex eo quòd illæ & quinq; è sex synchronis *Meretrici* contemporant. Seriem verò *sex primarum Tubarum* eis contemporare sic demonstratur; Incipiunt enim cum *prima Tuba*, & ad finem usq; *sextæ* durant. Quòd incipiunt cum *prima Tuba*, ex capite septimo apparet. Post *sexti* enim *sigilli* effectum, cum procedendum statim esset ad *septimum*, quod *Tubarum sigillum* est, suspensio tamen fit paulisper, usq; dum hæ 144 *Chiliades* consignatæ sint, itaq; præunitæ adversus *Tubarum* mala. Verum simul atq; illæ consignatæ essent, aperitur *sigillum septimum*, septemq; Angeli cum *Tubis* suis apparent, &c. Quòd 144 cohortes quantum ad belli conditionem, & *ἀντιστοιχίαν* ad Adversarios qui sub *charactere Bestiæ* militant, terminantur in exitum *sextæ Tubæ*, ex eo manifestum est, quòd lugubris *Testium* conditio quæ cum hac bellicosa *Cætus virginæ* conditione contemporat, sub *Tubæ sextæ* exitum finitur, cap. 11. v. 14. *Va secundum abiit*, hoc est, *Tubæ sextæ abiit*, quod immediatè dicitur post *Testium* Ascensionem in coelum, magnāq; rerum commotionem, quæ eadem horā accidit. Quamobrem 144 *Cohortes virginæ*, quæ consignatæ erant initio *Tubæ primæ*, quantum ad earum conflictantem conditionem, terminantur quidem in exitum *sextæ*.

Atq; sic videmus, quemadmodum in *Synchronismorum Tabulis* depictum est, 144 *Chiliadum* cohortes è duodecim Tribubus *Israel* sigillo Dei frontibus consignatas, esse *communem* quasi *terminum* omnium eorum synchronorum ex hac atq; illac parte sitorum; nempe seriei *primarum sex Tubarum* ex uno latere, & sex primorum nostrorum synchronorum ex altero. *Decacornis* scilicet *Bestiæ instauratæ*, *Bestiæ bicornis*, *Duorum Testium* *sacris amicorum*, *Conculcationis exterioris Atrii*, sive sanctæ *Civitatis*, *Mulieris in deserto*, ac *Meretricis*.

9. Ità ut tutam firmamq; totius successionis rerum in his visionibus Prophetis jam nacti simus comprehensivunculam, ut qui mediam hanc partem tam arctè manu teneamus, ut nullo pacto possit elabi, quò minùs facile nobis foret, necessarium reliquorum ordinem aperire. Etenim necesse est ut *sex prima sigilla septimum* antecedant, *Præliumq; Michaëlem* inter & *Draconem* sit ante vulnerationem eadēve *Bestiæ ejusq; Instauracionem*. Unde consequens est ex ipsa natura rerum atq; ordine, eas esse synchronas; seriem intelligo sex primorum sigillorum, præliumq; *Michaëlis cum Dracone*. Quòd verò *Interioris Templi Atrium*, quod Angelus calamo suo *symmetrum* live *commensurabile* invenit, *sex primis Sigillis* sit etiam *synchronum*, hinc apparere potest, quòd conditionis eorum temporum *symbolum* tam aptum sit & significans. Nam in cruento illo *Draconis* prælio sancti Dei vitas proprias illius causà lubenter sacrificabant, quòd perquam aptè repræsentatur per Altare Holocaustorum *Interiori Templi Atrio* collocatum, ac planè apertèq; respondet visioni *Sigilli quinti*, ubi occisorum animæ dicuntur magnà voce vindictam petere de sub *Altari*.

Apc. 6. 9.

10. Sed præterea, cap. 11. visiones de novo incipiunt à prima Temporis *Epocha* quā *Sigilla*. Unde *Atrium Interioris* exquisitè *sex primis sigillis synchronum* esse oportet, cum *Exterioris Atrium* cum septimo inceperit.

Jam verò quòd nova vaticiniorum series à prima usq; *Epocha* illuc incipiat, indicationes sunt multæ ac notabiles cap. 10. quæ ad quemlibet hominem qui vel micam habuerit sagacitatis convincendum sufficiant. Primò enim, magnificentia illius Angeli, quemadmodum appellatur, qui *Librum apertum* manu tenet, tanta est, ut valde verisimile sit minorem personam non esse quàm ipsum Christum. Illustrium illorum radorum gloriæ descriptio ab eis non multum abludit qui primo capite ei attribuantur. Quòd verò *ixox* appellatur, quid illud aliud est quàm *אל נבר*? Quòdque pictus sit cum *Iride* circa caput cumq; facie Solem referente, quid hoc significare potest minus quàm *solem Justitiæ*, qui & *eternum est verbum*, cuiusq; vestitus *Mundus* est quem ipse fecit? Quin & loquela ejus ipsum facit manifestum, ejus rugitus ad morem *Leonis*, innuens eum *Leonem esse ex Tribu Judæ*. Videtur igitur quòd in qui sub specie *Agni* librum *septem sigillis* obsignatum ad ultimum usq; *sigillum* aperuerat, sub alia specie hinc appareat novam vaticiniorum inchoans seriem ab eadem *Epocha* in *Libro* hoc aperto.

11. Qua de re adhuc certiores esse possumus si consideremus quòd in locum *septimi Angeli* se intulerit, *Tubaq; septima* spacium *septem Tonitruis* compleat; Quòd signum evidens est totum curriculum *septem sigillorum* percursum esse ad ultimum usq; *Tonitru* Diei Judicii, eò usq; vel potius eo modo quo ipsi hoc tempore visum sit percurrere, antequam orsurus sit de novo.

12. Tertiò, Ex eo quòd jurat, *tempus non fore amplius, sed in diebus vocis septimi Angeli, quum futurum est ut clangat, consummandum esse Mysterium Dei* sicut *annunciavit servis suis Prophetis*, (ubi proculdubio respicitur illud Dan. 12. 7.) manifestum est temperare se ab explicitè procedendo ad finem usq; *Sigilli septimi*, hoc est, ad *Tuba septima* speciale ac determinatum effectum. Quæ suspensio haud parum nobis confirmat *Regressionem* esse; & quò, obsecro, nisi ad ipsam primam novæ seriei vaticiniorum Epocham? Immo verò *Regressio* necessariò supponitur propter juramentum Angeli, *tempus non fore amplius* nisi quòd à *Tuba septima* occupatur, cuius clangor non est ante *Testium Resurrectionem*, uti videre est sequenti capite, vers. 14, 15.

13. Quartò, *Novus hic liber*, (quòd tamen nunc haud ità probabile censeo, sed priorem potius esse librum cuius sigilla omnia ab Agao aperta sint, quique illius adhuc in manu sit, tametsi sub alia specie appareat) aut *novæ libri conditio* (utpote qui liber *apertus* nunc est, cum antea esset *signatus*, prior liber *oculis conspiciendus*, hic *deglutiendus in ventrem*) novam innuit vaticiniorum seriem inchoandam, diversæ naturæ à priori, unà, putà, *Fatum Imperii* respiciente; alterà *Ecclesiæ*, ut vult Cl. Medus; ut universus verò hic paratus nulli novo Instituto inserviat, mira res est & incredibilis.

14. Quintò, Illud quòd eruditissimus Medus urget de voce de celo tanquam *Tuba colloquentis* cum *Johanne*, suā vi non caret. Etenim, quemadmodum alias notavi, mentio *Tube*, quæ loco hoc tertio supprimitur, quàmque J. Medus vult subintelligi, omitti hinc potest, nè sensus vaticiniorum nimis apertus sit & expositus. Verum observatu dignum est satis notabilem Affinitatem intercedere inter Introitum primæ illius seriei Prophetiarum *Sigillorum*, atq; harum *Libri aperti*. Nam manifestum est cap. 4. v. 1. quòd ait *ostium apertum esse in celo, primamq; vocem, quæ erat tanquam*

Tuba,

Tuba, cum eo collocata: Ità hic cap. 10. ait, *vocem de celo cum eo collocatam esse*. λαλῶσα μετ' ἐμοῦ: quo innuitur vocale colloquium vel fermocinatio. Et loco prioris ἡ πρώτη, hic ponitur πάλιν. Quod tamen si referri potest ad vocem de celo v. 4. tamen quò minus opus est hac intimatione cœliq; mentione propter rem tam recens factam, eò probabilius est referri oportere ad vocem de celo quæ collocata est cum eo Cap. 4. r. Eòq; magis, quòd illa sola vox dicta sit λαλῶν, hæc autem vers. 4. hujus Capituli tantummodo λέγειν ac proinde tam rectè dici non potest, πάλιν λαλῶν, cum nè omnino quidem λαλῶν dicta sit antea. Quapropter vers. 8. πάλιν λαλῶσα μετ' ἐμοῦ maximè naturaliter refertur ad Caput 4. v. 1. ac proinde novum ab ea ipsa *Epocha* vaticiniorum initium indicat.

15. Sexto & ultimo, Postquam *Johannes* libellum devorasset, tales equidem licet observare circumstantias quæ strenuè suggerant novam vaticiniorum seriem ordiendam esse, quæ *Ecclesie Fatum* præcipuè contineri videatur. Primum, ex eo quòd libellus quanquam in ore ejus dulcis erat tanquam mel, amaruisse tamen dicitur in ventriculo. Quæ de amaritudine harum Prophetiarum præ istis quæ antecesserunt, nulla reddi potest ratio si idem subjectum respiciant, unæq; ad *Imperium* non pertineant, alteræ verò ad *Ecclesiam Dei*. Quamobrem *Ecclesie fatum* his continetur, ac proinde ab *Epocha* perinde alta ordiendæ sunt atq; illæ *Imperii*. Deinde, ex eo quòd Angelus ait, *ὅτι οὐ πάλιν προφητεύσεις*. Quæ quidem locutio, nisi ipsi rursus incipiendum esset prophetare à prima usq; *Epocha* eorum temporum de quibus hætenus prophetaverat, omni careret ratione. Nam si simpliciter significet eum iterum prophetare debere, eò sanè sensu iterum atq; iterum jam prophetaverat, ut qui tot visiones viderat, earumq; fecerat declarationes. Tertiò denique, ex eo quòd additur, *Coram populis, gentibus, linguis, & regibus multis*, argumento est, eum non ad pauca quæ reliqua sunt particularia pergere, sed magis excitatè jam & evigilatè agere oportere, altiusq; rem repetere; cumq; jam *libella devorato*, quasi cibo sumpto, refectus esset, de novo curriculum facere à prima usq; *Epocha*, & sic ut universi Mundi res æquè hic agatur atq; in Prophetiis Sigillorum.

16. Hæ rationes, spero, quemlibet inducere possunt ad credendum, quòd caput undecimum à prima visionum *Apocalypticarum Epochæ* incipiat. His verò adde, quòd caput duodecimum sic incipit, quemadmodum jam demonstratum est. Nulla enim visio inter *Sigilla* est, quæ *Michaëli* pugna cum *Dracone* sit prior. Quod demonstrationi est; quòd S. *Johannes* secundà hac vaticinandi vice ad altissimam *Epocham* recurrit, novamq; orditur vaticiniorum seriem, quæ nempe pertinet ad *Ecclesiam*. Quod cum tam clarè constet, quemlibet appello an omnino credibile sit aut possibile, ut cum visione adeò *acephala* inciperet, quæ à prima *Epocha* trecentis quadringentisve annis deficiat.

17. Quamobrem, proculdubio ut *Externæ Atriis* gentibus calcatum primis *sex Tubis* in sigillo septimo synchronum est, ità *Atriis Internis* primis *sex sigillis* est synchronum, quod erat demonstrandum. Quæ quidem conclusio summæ utilitatis est maximiq; ponderis, sicut suo loco apparebit.

18. Et ut tandem finiam; ut *Medialia* nostra *synchrota* ea quæ præcedunt necessariò ad hunc modum detexerunt; ità pari facilitate & certitudine etiam quæ sequuntur, detegent. Nam *Millenne Sanctorum Imperium*, *Ligatio Satane*, *Turba palmifera Triumphans*, *Cælestisq; Hierosolyma* in terris conspicua, hæc omnia aliquo sensu cum *Tuba septima* planè contemporant. *Septimus igitur Angelus clancit, & factæ sunt voces magna in celo, dicentes, Facta sunt regna mundi, regna Domini nostri & Christi ejus, qui regnabit in secula seculorum*. Adeò ut manifestum sit *Millenne Christi Sanctorumq; Imperium* sub *Tuba septima* eventurum esse. *Turba* etiam *Palmifera* immediate succedit 144 *Cohortibus virginibus*, quæ *sex primis Tubis* contemporant, unde & *Turba* hæc *Palmifera* sub *septima* necessariò est. *Ruina* etiam *Babylonis sexta Tuba* conterminat; ac proinde *Novæ Hierosolyma* quæ succedit, necessariò reperitur in septima. Et postremò, *Satana* qui cum *Michaële* pugnavit per *sex prima* continua *sigilla*, adeòq; dominatus est in regno *Antichristi* per *sex primas Tubas*, dici non potest *ligari*, in *Abyssum* conjici, ibiq; obferatus includi in mille annos, ante *millenne Christi Imperium*, ante gloriam ac splendorem *Cælestis Hierosolymæ* in terris, ante *Turbæ Palmiferæ* victoriam & Triumphum, hoc est, ante clangorem *Tubæ ultimæ*, non solà synchronorum serie, sed & ipsarum rerum naturà *Satane ligationem* in postremam illam temporum *Pæriodum* propellente.

Cap. 8. vers. 7.
Cap. 9. vers. 1.

Hoc

Hoc admodum planum est atq; obvium. Quòd si quis adhuc hæsitet, legat *Jos. Medum*, Part. 2. Synchronism. 4, 5, 6, 7. ubi pleniorẽ habiturus est & copiosiorẽ demonstrationem horum synchronorum *Tubæ septimæ* contemporantium. Quomodo verò hæc contemporatio intelligenda sit, ex sequenti capite melius apparebit.

C A P. VIII.

1. *Ratio, cur sex primæ Phialæ intra Tubam sextam collocentur, apud Joseph. Medum.* 2. *Quòd veritas hujus rationis ab haud verisimili sensu expirationis Regni Bestiæ dependeat, quasi immediatè post 42 menses integrè & universim esset expiraturum.* 3. *De interpretatione Styli Prophetici cautio.* 4. *Expiratio Regni Bestiæ in exitu Tubæ sextæ, partialis sive speciminalis esse, ex eo quòd Tuba septima Væ-Tuba appelletur, probatur;* 5. *Ut etiam à septem Tonitruis.* 6. *Duo alia Argumenta eòdem spectantia.* 7. *Deniq; à fixa Epocha synchronorum Medialium, cum rebus Europæ comparatâ.* 8. *Hinc sequi, quòd omnes Phialæ loca sua capeßere debeant in Tuba septima, utpote quæ septem ultimæ Plagæ sunt.* 9. *Idem porro probatur à cantico Citharistarum post partem in Bestiam victoriam;* 10. *Et ab ordine visionis Phialarum, ut & à Templo (ex quo Angeli egrediuntur) post sextam Tubam apparente, & ante nullius Phialæ effusionem.* 11. *Quo sensu Synchrona Medialia in Exitu Tubæ sextæ sint implenda.* 12. *Medialia synchrona quocunq; sensu graduve expirent, omnia simul expirare.* 13. *De initio Synchronorum Post-Medialium, quidq; tempus sit Millennii magis eminenter sic dicti.* 14. *Utilitas præmissorum horum ritè ordinatorum synchronismorum ad ulteriorem Inquisitionem in ea vaticinia quæ lapsum Ecclesiæ in Antichristianismum prædicunt.*

1. **O** Miseram ferè Phialarum collocationem, quarum sex primas Cl. Medus intra Tubam sextam collocat, ob hanc breviter rationem: Quòd cum septem ultimæ Plage sint Bestiæ, ab occidentis & ruentis Bestiæ initio debeant incipere. Verum suprà probatum est quadraginta duos menses dominationis Bestiæ & victoriarum in Sanctos, cum ultimo habitu Tubæ sextæ expirare, quemadmodum omnia Synchrona Medialia faciunt. Ac perinde verum est, *Thronum Bestiæ tenebrosus non fieri ante Phialam quintam.* Unde concludit quinq; saltem Phialas, si non sex, Tubam septimam præcedere.

2. Quæ quidem Cl. Medi ratiocinatio admodum firma foret, si certi esse possemus sensum durationis Bestiæ per 42 menses talem esse qualem ille supponit. Quòd duratio nempe regnũve ejus intelligendum sit *absolutè* (quasi tamdiu regnatura esset non autem diutiùs) nequaquam verò *comparativè*, hoc est, quòd exactis 42 mensibus non regnatura sit cum tam plena potestate splendidisq; victoriis in Sanctos, ità eos subdomando ut distincta *Politia* sive *Dynastia* apparere non possint satis potens ac valida ad seipsam defendendam ab illius Tyrannide & Cruelitatibus.

Qui posterior legitimus vaticinii potest esse sensus; perinde ac prior, nempe, Quòd simul atq; *Regnum* apparuerit sive *Politia* ex Christianis verè Evangelicis sive Apostolicis constituta, non Superstitiosis, non Idololatricis, non Sanguinolentis, minasq; ac eadem adversus veros Christi discipulos spirantibus, sed qui animatus in manifestis Religionis Christianæ articulis consentiant, nec alia ponant Fundamenta quàm quæ indubitatus verbi Divini sensus requirat, in aliis homines liberos sibi permittentes; simul, inquam, atq; hujusmodi *Politia* extiterit, quòd quadraginta duo menses Bestiæ dici possint, & quantum ad regni illius *integralitatem*, & ex eo quòd id jam inceptum sit quod illis certò ruinam pariet, exiisse, ac proinde *Stylo Prophetico*, ruinam æstimetur jam dedisse. Juxta quam rationem J. Medus interpretatus est illud apud *Esaïam*, *Cecidit, cecidit Babylon*; Cum tamen *Esaïa* temporibus prima duntaxat jacta essent ruinæ ejus fundamenta per *Medos*, qui jugum *Assyrium* excutientes, seq; asserentes in libertatem, *Eccebatandq;* sub novo suo Rege *Deioce* ædificantes, Regni fundamenta jecerunt, quòd fatale futurum erat *Babyloni*.

- Nec

Nec certè commodè intelligere possumus illud in *Apocalypsi*, post clangorem *Tubæ septimæ*, ad eum planè gradum quo dictum videtur, *Facta sunt regna mundi regna Domini nostri ac Christi ejus*. Cujus quidem fateor me non posse non suspicari sensum maximè sobrium Dicti illius Servatoris nonnihil esse similem, *Nunc mundi hujus adest Damnatio, nunc Princeps hujus Mundi ejicietur foras*. Et tamen Possessionem tenuit usq; ad tempora *Constantini*. Cæterum tali sensu quo regna mundi sub initium *Tubæ septimæ* fiant regna Christi, *Bestia* etiam suum Regnum perdidit, mensēq; quadraginta duo expiravere.

3. Magna igitur cautio adhibenda est in locutionibus Prophetis intelligen- dis, quæ semper altum admodum grandēq; sonant, resq; sic exprimunt, quemadmodum mentem maximè impleant, fortissimēq; feriant Imaginationem; quæ si præcisè scribe- rentur, restrictēq; ad *imagines*, styli altitudinem majestatemq; diminueret & depri- meret, facerētq; ut apud lectorem vim suam planè perdant *ecstaticam* ac *raptoriam*; ut taceam notabilem utilitatem quam istiusmodi animosæ pompaticæq; locutiones se- cum adducunt.

4. Neq; hic possibilis solummodo sensus est expirationis 42 mensium *Bestiæ* cum *Tubæ sextæ*; sed valdè etiam probabilis. Primò, quoniam *Tubæ septimæ* una ex *ve- tubis* est, & ruinam proinde cladēq; in aliquo sensu significat. *Va secundum abiit*, (hoc est, illius Præfiguratio, tali sensu quo *Ovidius* ait, *Janus habet finem*; mani- festum verò est quòd effectus *Tubæ sextæ* post inceptam *septimam* durare potest, ut effecta *primi Sigilli Tubæq; prima* durarunt postquam *secunda* incepissent, successio- ne, in effectis, harum partium visionum non quidem jacente, ut Pavimenti tessellæ, sed ut squamæ Piscium, ubi pars posterior prioris super priorem posterioris partem obducitur; sed hoc obiter dictum sit) & ecce *Va tertium veniet citò*. Quæ hæc *septima Tubæ* est, quæ igitur Flatus est destructionis in omnes Potestates quæ se Chri- sti regno opponunt. Quod igitur eum supponit prodire vicentem & ut vinceret, totūq; opus nondum consummatum esse in ipso introitu *Tubæ septimæ*, sed tan- tum adhuc superesse ut verisimillimum sit 42 menses *Bestiæ* nondum exactos esse ullo alio sensu quàm quo jam definivimus.

5. Quod adhuc magis consentaneum videbitur, si, secundo in loco, *septem Toni- trua* consideremus, quæ nullus dubito quin partes integrales sint *Tubæ septimæ*. Tex- tūq; ait, quòd fortis ille Angelus (quem Expōitores vulgò Christum interpretan- tur Leonem è Tribu *Judab*) clamavit voce magnā sicut Leo rugit, quòd; cum cla- maret loquuta sunt septem tonitrua voces suas, sic enim *Græcus* Textus se habet, & *ἑπτὰ τόνitτρα, ἡδυνάτω αὐτὴν ἡ τῆς βουλῆς τῆς ἐκείνης φωνή*. Quamobrem perpetuus hic rugitus Leo- nis è tribu *Judab* per septem hæc *Tonitrua*, distinctioq; spaciū *Tubæ septimæ* in has septem portiones, in quibus proculdubio belli stans, septēq; notabilia prælia ac victoriæ, Judiciæ ac Triumphī, miræ molimina, aliquo in sensu, intelliguntur, perquam latam supponunt *Continentem*, quæ de jure ad Christi regnum pertineat, sub initium *Tubæ septimæ*, nondum debellatam. Ac proinde valdè probabile est perquam magnam *Romani* Imperii partem sub jurisdictione & regimine Bicornis *Be- stiæ* esse posse etiam sub primū *Tubæ ultimæ* flatum, intravē *Tonitruī primi* fra- gorem.

6. Tertio, Dicitur de *Meretrice Babylonica*, quæ damnatur ad concremationem, quòd fumus ejus ascendit *αὶς τῆς αἰῶνος τῶν αἰῶνων*, hoc est, ad remotissima novissimāq; mundi secula. Nullus autem fumus esse potest quin aliquid ignis subsit, nec sanè ignis, nisi materia aliqua sit combustibilis. Qui locus igitur insinuat aliquid *Mer- trici* superfuturum quod comburatur, in postrema usq; mundi secula, in secula usq; *Tubæ novissimæ*. Et manifestum est dum quidam Reges eam igne exurunt, quòd alii illius vicem dolent, desclētque, (*tales utiq; qui cum ea scortati sint & luxuria- ti*) dum fumum vident incendii ejus.

Quartò, Divinæ sapientiæ magis consentaneum videtur ut Antichristiani hi *Ca- naanite* ad tempus mancant, partim ut umbra maculæ sint ad quam Ecclesiæ Apo- stolicæ immaculata puritas amabilisq; pulchritudo comparata illustrior appareat, & partim ut in excitamentum sint & exercitium zeli eorum & vigilantie, aliarūq; om- nium gratiarum ac virtutum.

7. Quintò & ultimò, Synchronorum *Medialium* Epochæ tam firmiter affixa est temporibus circa annum à Christo nato quadringentesimum, tum propter rationem brevis spaciū durationis *Regis septimi* ad durationem *sexti*, Atriūq; interioris ad ex- terius, tum etiam propter exquisitam concinnitatem *Medianæ* Interpretationis *tubæ primæ*, ut omnino non sit verisimile, Residuum, siquod sit, 42 Mensium, Anno- rumve Regni *Bestiæ* mille ducentorum sexaginta, ad talem Imperii mutationem sufficere

sufficere posse, quæ ad pleniorē exitus regni illius sensum assurrectura sit, quàm nos jam tradidimus. Et Interpretes certè, quanquam Prophetæ per raptum & ecstasin scribunt, visiones tamen eorum exponere debent cum cautione & sobrietate. Nisi res *Europæ* derepentè dehiscant, quemadmodum *Olaus* de Oceano glaciali narrat, quem & rugire ait Tonitruum instar in fissura glaciei, statimq; glaciem subsidere, (quod miraculum est supra omnem fidem) nullam video omninò probabilitatem sensus cujusquam aliis restringendi *Regnum Bestiæ* ad menses 42, quàm istiusmodi quem nos jam declaravimus.

8. Cujus Conclusionis consequens quidem hoc est, Quòd nulla ratio reliqua sit cur septem *Phialas* ante Tubam septimam collocemus, quòdque proinde luxatio quædam schematis *Chronologici* vaticiniorum meritò existimari possit, quæ *Cl. Medus* aliàs magno sanè cum judicio & acumine disposuit. Quamobrem locum debitum unumquodque membrum capestat, septemq; *Phialæ* aut septem *Tonitruis* currant parallelæ; (Quæ tunc probabilius est suppressa fuisse, quòd hæ illorum locum supplementa essent) currant, inquam, intra *Tubam septimam*, ut *Tubæ septem* intra *septimum sigillum*, (Hæc enim videtur facillima, naturalissima maximèq; appropinquata ipsarum dispositio. Hujusq; Positurae jus sibi vindicare videntur, ex eo quòd appellantur septem *Plagæ ultimæ* per quas expleta vel finita sit ira Dei, quòd fieri non posset nisi *Tubæ ultimæ* plagæ essent) aut saltem synchronæ sint *Tonitruo primo*, ut *septem Tonitrua Tubæ ultimæ*. Qua de re suo loco magis determinatè differemus.

9. Quibus omnibus addere potes quòd occurrit *Apoc. 15.* ubi mentio fit eorum qui victoriam jam nacti erant adversus Bestiam, & *Israëliitarum* more ex *Ægypto* effugerant, & propterea Citharas Dei manu tenentes cantant Canticum *Mosis* servi Dei & Canticum Agni, dicentes; *Magna & mirabilia sunt opera tua, Domine, Deus Omnipotens, justæ & veræ sunt viæ tuæ, Rex sanctorum. Quis non timebit te, Domine, & glorificabit nomen tuum? Nam solus sanctus es. Nam omnes gentes venient & adorabunt coram te, nam judicia tua patefacta sunt.* Quòd ad amissum nostræ suppositioni respondet. Primò, nempe, particularem aliquam duntaxat fore victoriam, Regnumq; Christi ad aliquot Nationes Regnave restrictum iri; quòd cum futurorum successuum sit pignus, in cælo sit illa Acclamatio, *Regna hujus mundi regna facta sunt Domini nostri ac Christi ejus.* Cujus quidem sententiæ hoc *Citharistarum* canticum commodissima videtur Interpretatio, *Omnes gentes venient & adorabunt coram te, nam judicia tua patefacta sunt.* Non quòd jam venissent, sed quòd certum sit eas aliquando illius potestati subjectum iri. Hic primus aspectus est * Templi Tabernaculi in cælo, quò Testes etiam ascenderunt.

10. Posthæc verò septem *Phialarum* effusio est, ut planè ex rerum ordine in Textu constat, sive illa *Medialia synchrona* notaveris, quæ suæ durationis tempore illustrantur (ut illud * *Bestiæ* instaurate, cui mox additur * *Cætus virginis* tanquam Parallelâ oppositione cum ipsa decurrens) post quæ hoc *Mosis* Canticum sequitur, in gratiarum actionem pro primis illis victoriis contra Bestiam, sive Templum consideraveris apertum in cælo, quòd hoc Canticum *Mosis* ordine sequitur, & ex quo Angeli qui septem habent phialas, prodeunt. Nam ab utrisq; innuitur, quòd *Phialæ* omnes in *septimam Tubam* procurrunt. Quòd porro confirmari potest ex cap. 11. ubi etiam Dei Templum aperitur in cælo, Arcæq; fœderis uti hic memoratur, brevissq; iræ futuræ significatio, adeò ut valde rationi consonum sit existimare eandem rem utrobique intelligi. Aspectus verò Templi (cap. 11.) Arcæq; est post initium clangoris *Tubæ septimæ*. Ergo septem *Phialæ* intra clangorem *Tubæ septimæ* sunt.

11. Breviter, (& sic tamen ut ad imum usq; præsentis controversiæ pertingamus) summi quidem momenti est observare, quòd septem *synchrona Medialia* Prophetiæ libri aperti, impletionem suam habent vel quoad *speciem* vel quoad *Gradus* in eadem specie, cum vel unus gradus sufficiat ad vaticinium impleandum quoad *speciem*: quòdque unum horum *synchronorum* impleri non potest quoad *speciem* vel quoad *gradus*, quin eo ipso omnia impleantur, quippe quæ tam arctè intimèq; inter se cohærent. Ut exempli causâ, si supponamus vel in una Republica Regnove Christiani orbis Ecclesiam rursus factam purè Apostolicam in doctrina pariter & disciplina, in vita atq; moribus, hinc statim sequitur *Regnum Bestiæ* quoad *speciem* hic expirasse, hoc est, unum hoc esse specimen Instantiæve hujus *specifici* eventus, nempe istiusmodi expirationis *regni Bestiæ* quæ *Resurrectionem Testium* secum adducat, regniq; Christi successionem in eo loco. Quòd quidem si contingat sub exitum 42 mensium à legitima Epochâ deductorum, Prophetia verè impletur in omnibus circumstantiis quoad *speciem*, in hoc primo exemplo; sed longius longiusq; postea procedere potest, quantum ad *gradus* & *latitudinem*.

Cæterum

Cæterum quod speciatim hîc contendo hoc est, quòd primus hic impletionis modus solummodò intenditur in *Medialibus* his *Synchronis* Prophetiæ *Libri aperti*, gradusq; *Phialis* reservantur in *Tuba ultima*.

12. Quòd; id quod dixi de *Regno Bestie*, necessariò verum est de reliquis; Impletionem scilicet eorum contemporantem cum sex primis Tubis primòq; *Tubæ septimæ* flatui conterminam, impletionem esse tantum quoad *speciem*, vel quoad *esse*, non quoad *gradus*, qui *Tubæ septimæ* reservantur. Ratio autem est, quia universa hæc septem *Synchrona* tam arcte uniuntur, adeòve unam eandemq; rem significant, ut necesse sit ut promoveantur & retardantur simul. Verbi gratiâ; *Meretricem Babyloniam* concipere non possumus in uno aliquo Regno igne exultam, hoc est, *Clerum* cessare *Idololatriæ* esse & *Antichristianum*, purèq; Apostolicum evadere quantum ad doctrinam & disciplinam, quin simul certi sumus Civilem etiam Magistratum *Antichristianum* esse cessasse, *Bestiamq; decacornem* hoc in loco suos quadraginta duos menses transgisse, *Bestiam* etiam *bicornem* evanuisse, ut quæ eadem est quæ *Meretrix*, *Testesq;* lugubrem suam Prophetiam abruptissè, utpote qui hîc non habent de quo conquerantur, *Atrium exterius* hac in parte purgatum esse à pollutione Gentium quæ illud conculcaverant, *Mulierem* hîc diutius non latere inter ferinos *Idololatrias*, sed, ut gloriosa Civitas, in monte apparere, quòd Gentium oculos ad se attrahat. Et postremo *signatas cohortes virgineas* *aliscoriarum* suam amittere hoc in loco, & præliantium Militum vice, pacificorum Sacerdotum Collegium evadere albis vestibus indutorum, essèq; ante Thronum Dei ei; servire nocte dièq; in Templo suo.

Modo quidem hoc conjuncto *Medialia* hæc *Synchrona* semper implebuntur, sive latius id fiat sive parcius, sive simpliciter quoad *speciem* sive iteratim quoad *gradus*, primâ Impletionem cum introitu *Tubæ septimæ* conterminante, reliquis in ea progredientibus usq; ad effusionem *Phialæ ultimæ*.

13. Et quod observatu dignum est, ultima illa *Synchrona* quæ suprà notavimus, nempe *Millenne Christi Regnum*, *Turba Palmifera*, *Nova Hierosolyma*, & *Ligatio Satane*, eo modo ac ratione incipiunt quibus hæc *Medialia Synchrona* desinunt expirantive. Verùm specialis illa & eminentissima *Epocha Ligationis Satane*, ut & *Millennis Imperii*, non init, opinor, ante finitam *Phialam septimam*; solutiòq; illa *Satanæ* ad breve tempus, collocanda est paulò ante *septimi Tonitru* vocem, quo universa *Terra* concremanda est, *Morsq;* & *Infernus* eis flammis simul involvendi. Spacium verò intermedium, *Millennium* est eminenter sic dictum. Cæterum quæ de his pinguiori modo hîc scripsimus, in *Visonum Apocalypticarum Ratione Synchronistica* magis limatè accuratèq; tractavimus, quòd lectorem remitto.

Apoc. 20. 3.

14. Quantum verò ad summam, hanc verissimam credo rutissimamq; esse conceptionem quam habere possumus de rerum serie in *visionibus Apocalypticis*. Quam cum satis pro scòpo nostro illustraverimus, majori, & mihi ipsi & aliis, uti spero, cum voluptate, ad producenda ex volumine hoc Prophetico ea loca perrecturus sum, quæ varia illa lapsuum Ecclesiæ in *Antichristianismum* genera prædicunt. Jam enim novimus ubi quærenda sint, nempe inter utriusq; Prophetiæ *Synchrona Medialia*, quæ à temporibus circa Annum à Christo nato quadringentesimum ad hæc ipsa fere secula pertingunt.

CAP. IX.

1. Tria alia Synchrona esse Medialia quæ Ecclesie lapsum prædicunt in Idololatriam; Qualia sunt, visio exterioris Atrii à Gentibus conculcati; 2. Mulier in Deserto. Quid per Desertum significetur. 3. Totius visionis brevis expositio. 4. Hypallagen esse in eo quod dicitur fugere in Desertum, sicut in eo ubi Hades dicitur in ignem conjici, Regnumq; apud Danielelem Sanctis dari. 5. Nostram Interpretationem Mulieris in Deserto, quanquam differt à Mediana, minime tamen ei repugnare. 6. Tertium Synchronum, Coetus virgineus. Quid significetur per cohortes ipsorum, quidq; per Canticum novum quod nemo quisquam præter ipsos discere poterat. 7. Quomodo milites Virginei lapsum Ecclesie in Idololatriam innuant.

1. PRÆTER notabilia illa ac Principalia vaticinia de Idololatria Ecclesie in decimo tertio & decimo septimo capite Apocalypseos, plures occurrunt subindicaciones ejusdem lapsus aliis etiam in locis. Equidem non pauciora quam sex è septem Synchronis Medialibus Prophetiarum Libri aperti, prædictiones sunt Idololatrici statûs Ecclesie. Quorum tria jam absolvimus, nempe Meretricem Babylonicam, Bestiam bicornem, & Bestiam septicipitem decacornem.

Primum eorum quæ supersunt est Atrium exterius, sive Civitas sancta à gentibus conculcata per spacium mensum quadraginta duorum. Quod Atrium exterius Civitatisve sanctæ quod intelligenda sit de eis qui visibilem Christianitatis professionem faciunt apud mundum, ex Synchronismorum evidentia apparet. Siquidem Templi Atrii interioris synchronismus ab ipso Ecclesie initio ad tempus porrigitur lapsus illius in talem conditionem quæ Angeli calamo minime commensurabilis esset, ac proinde facta esset rejectitia. sed Atrium quod extra Templum est, ejice foras, ita verba significant. Exterius autem Atrium pertinet ad Interius, cumq; Judæi multò antè rejecti fuissent, manifestum inde est, totum hoc intelligendum esse de orbe Christiano. Nec sanè magis mirandum est quod Templum Judæicum illiusve Atria Christianam Ecclesiam per Typum repræsentent, quam quod Tribus eorum id fecerint cap. 7. Nihil enim est hoc nisi tritus Israëlismus.

Quamobrem cum orbis Christianus harum Actionum sit scena, cumq; statim addatur de Atrio exteriori quod datum sit gentibus (quemadmodum scriptum est, cap. 17. Deus enim dedit in corda eorum ut faciant quod placitum est ei, & ut consentiant dentq; regnum suum Bestiæ donec compleantur verba Dei) quodq; calcaturæ essent sanctam civitatem mensibus quadraginta duobus (quæ sancta Civitas & Atrium exterius eadem quodammodo res est, quandoquidem ipsa Castra Israël Atrium exterius erant in Deserto; Atq; hoc exterius Atrium Populi Israëlitiçi Receptaculum cultûs anniversarii temporibus postquam Templum extructum erat, quemadmodum observavit J. Medus) hinc, inquam, evidens est in factis, si fas sit ita loqui, futurum fuisse, ut Christianus Orbis Gentilismo, hoc est, Paganismo, cujus vita animaq; est Idololatria, ad tantum temporis obrueretur, siquidem sancta Civitas Atriumve exterius existere hîc supponitur, populus utiq; qui Christianitatem profitentur & externis aliquibus modis Deo sunt dedicati, sed Ethnicâ quadam interim superstitione & Idololatriâ mirandum in modum obfiti.

Apoc. 12. 1.

v. 2.

v. 5.

v. 14.

2. Proximum horum posteriorum synchronorum est, Mulier in Deserto, illa scilicet mulier quæ duodecim stellarum coronam in capite gestat, cujus gloria decusq; est, quod pura illa sit & Apostolica Ecclesia, incontaminata superadditiis superstitionibus & Idololatriis, illa mulier quæ dicitur clamare parturiens & cruciari ut pareret, postq; diuturnos cruciatus ac dolores, hoc est, post acerbissimas persecutiones peperisse filium masculinum qui gentes esset rediturus; Hæc mulier cum ipsa locum non mutaret, dicitur tamen nihilominus aquile alas habere sibi datas, quibus in Desertum volaret, ut ibi tuta esse posset à persecutione antiqui Draconis rufi, qui sanguinolentæ sunt Imperii Romani Potestates Paganicæ ad Christianitatem nondum conversæ. Atq; equidem per hujusmodi fugam, quanquam in Desertum solummodò, contra eas satis munita est. Quod verò in Deserto esse dicitur, subindicatio est eam abscondi misceriq; inter eos qui sub externa Christianitatis professione propter supersticiosos suos ac Idololatricos cultus Pagani rursus videbantur evasisse; quemadmodum intelligere est ex interpretatione symboli Desertum in

Alphabeto

Alphabeto Prophetico. Homines enim non meram Arborum Bestiarumq; solitudinem per Desertum intelligendos esse manifestum est ex illo apud Evangelistam, *Vox clamantis in Deserto, parate viam Domini, complanate semitas ejus.* Quod Bestiis arboribusq; ille non dixit, sed Hominibus, quos hæc referunt quando functionibus & oblectamentis Naturæ merè vegetabilis ac animalis toti occupantur, cujus pars una est *superstitio & Idololatria*, quemadmodum supra monuimus. Matth. 3. 3:
Vid. lib. 1. cap. 12. v. 3. sect. 1.

3. Sensus igitur hujus vaticinii hic est; Quod pura & Apostolica Ecclesia quamquam eo ipso, ad tempus, à rufo Dracone defenderetur, serpsit tamen interea & longè latèq; se in ea diffudit Christiano-Paganismus quidam ab una parte ad alteram Orientali ad Occidentalem Aquilæ sive Imperii Romani alam. Quod propter Orientales suos ac Occidentales Cæsares cum duabus alis figuratur, idq; faciliori concinnitate quàm Pardus apud Danielelem cum quatuor, quæ Græci Imperii in quatuor partes divisionem significant. Hoc igitur subindicat Græcam Ecclesiam perinde ac Latinam in re cultûs Idololatrici fuisse culpabilem, juxta id quod de duobus cornibus Bestiæ notavi, ea significare scilicet duos Patriarchatus Imperiales, unum Romæ, alterum Constantinopoli, duas principales Cleri Idololatrici summitates. Nullus quidem dubito quin hæc significatio sit *Mulieris in Deserto*. Quamvis id durius dictum videatur, quod *volet* in Desertum, cum Desertum hoc illam potius invadat atq; occupet quàm illa Desertum in re significata. Cap. 7. 6.

4. Sed *Hypallage* est, cujus hoc exemplum non est solitarium, sed illi consimile ubi *Hades* dicitur in stagnum ignis ardens sulphure conjici, cum tamen Ignis in Hadem potius conjiciatur, in Mundi conflagratione, fulmine ac fulgure accensus. Figura sanè etiam sine necessitate & propter elegantiam à Poëtis affectata & usurpata.

Brutium Ponto feriente Corum.

Hujusmodi etiam *Hypallagen* suspicor esse apud Danielelem cap. 7. ubi ait, *Universa sub cælo regna datum iri populo Sanctorum Altissimi.* Cujus rei sensus nihil aliud quidem esse potest, quàm quod ii qui hæc regna jam possident, Sancti fieri possunt, hoc est, Professores & Fautores Religionis puræ ac Apostolicæ, & Idololatriæ Inventis Decretisq; Antichristi incoinguinatæ. Sed utcunque, hoc sanè optabile est, ut ii qui nimis propensi sunt ad imaginandum se Sanctos esse si hæc *Hypallage* non placeat, saltem modestiam Locutionis in Textu imitentur, nolintq; Regna capere antequam ipsis data sint.

5. 3. *Medus* visionem interpretatur *Mulieris in Deserto* in sensu paululùm à nobis diverso, comparando *Israëliitarum* fugam à Pharaone in Eremum, fugæ *Mulieris* à Dracone rufo, ipsorumq; libertatem serviendi *Jehovæ* secundum ritus à Mose institutos, Christianorum libertati ad suam Religionem exercendam; lapsus etiam in *Idololatriam*, *Apostasiam* *Idololatricæ* Ecclesiæ Christi in hoc statu; Itinerationes deniq; eorum quadraginta duas in eremo, Num. 33. memoratas, quadraginta duobus mensibus quibus *Mulier* dicitur manere in Deserto. Qui si expressim eisdem terminis descripi fuissent, nec solùm æquivalenter in 1260 diebus, sive Tempore, Temporibus & dimidio Temporis, magis apta fuisset magisq; aperta Ratio. At enimverò, utcunque, interpretatio admodum elegans est atq; plausibilis, unusq; esse potest Typi sensus quanquam non solus. Est enim horum Typorum Prophetorum proprium ut abundant Allusionibus. Cum verò status Ecclesiæ in Deserto idem sit atq; Captivitatis illius ac servitutis in *Egypto*, quemadmodum apparet ex Apoc. 11. hæc ratione Interpretationem quam ego dedi probabiliorem censeo, vel potius magis Authenticam. Cæterum non video quid necesse sit ut una alteram excludat, cum Regnum Draconis, verè Pharaonis regnum sit in novos hos *Israëlitas*, (nisi quod hoc Draconis regnum magis sanguinolentum erat) statûsq; rursus *Deserti* in quo *Mulier* occultatur non solùm servitutis *Egyptiacæ* renovatio, sed & instauratio Draconis quatenus *Idololatrici*, in fabricando tam vivam ejus Imaginem in novo hoc Pagano-christianismo, quem visiones *Apocalyptica* tam copiose prædicunt. v. 8.

6. Posteriorum horum synchronorum *Prophetiæ libri aperti* tertium atq; ultimum est cætus virginens, signati milites Agni super montem *Sion*, quorum descriptio mirandum in se continet mysterium. Nam quod dicuntur 144 *Chiliades* sive cohortes esse, non quidem numeri ipsorum definitio est, sed nature ac qualitatis secundum consuetudinem antiquæ *Cabbalæ*, quæ proprietates rerum per numeros describit. Radix igitur Numeri 144. quæ duodenarius est, planè ostendit eos veros esse discipulos ac successores illius Ecclesiæ quam Christus in duodecim Apostolis fundaverat,

fundaverat, Religionemq; Christianam non adulterasse cultu ullo Idololatriæ illicitivæ hominum Institutis, sed fidem ipsi servasse, cujus nomen frontibus inscriptum gerebant, tanquam *signati Dei Christi; servi, redempti*q; inestimabilis sanguinis illius pretio noluisse hominum servos ulla in re fieri ad dedecus & incommodum illius qui eos redemerat.

Novum etiam illud *Canticum* quod Citharistæ Citharis canunt ante Thronum, quod nemo potest discere nisi illa centum quadraginta quatuor millia, quid aliud est quam puræ Conscientiæ gaudium & immaculatæ coram Deo & omnibus Sanctis ejus, & ineffabilis voluptas Divini Spiritûs in nobis habitantis, cujus nulli participes esse possunt præterquam *novæ Nativitatis filii à terra redempti, & liberati* animo & affectu ab omnibus illaqueamentis hujus præsentis sæculi, qui simplex cor habent ac sincerum, & in quorum ore non est inventus dolus, sed recti & inculpati sunt ante Thronum Dei? Quæ conditio est adeo ecstatica & inenarrabilis, nempe *restitudo hæc sive Justitia ac Pax, Gaudiumq; in Spiritu sancto*, ut minimè mirandum sit quòd nulli dicantur, præter illa centum quadraginta quatuor millia, cognoscere quid pertineat ad hanc melodiam. Cor novit amaritudinem anime suæ, nec in gaudio ejus miscebitur extraneus. Verùm hæc excursio est cum præsentis nostro scopo non tam arcte cohærens.

Pro. 14. 10.

Apo. 14. 4.

v. 7, 8, 9.

7. Id quod nobis hic præcipuè est observandum hoc est, *Cœtum hunc virginem* synchronon esse, quod perpetuo Parallelismo eis opponitur qui *Characterem Bestiæ* receperint professiq; sint *Idololatæ*, quemadmodum *virginitatis* significatio, juxta sensum *Styli Prophetici*, planè indicat. Ad quam rationem, [*Hi sunt qui cum mulieribus non sunt inquinati*] rectè apteq; potest intelligi. Nec ipsi solummodò ab Idololatria se abstinere, sed & alios hortantur ut debitum adorationis suæ objectum eligant, ut eum *scilicet adorent qui fecit cælum & terram & mare & fontes aquarum*. Dei etiam judicia adversus *Babylonem* denunciant, dicentes, *Cecidit, cecidit Babylon urbs illa magna, quia vinum iræ scortationis suæ potandum præbuit omnibus gentibus*. Et postremò, tertius Angelus ex eodem cœtu horrendos & nunquam finiendos cruciatus denunciat eis qui adoraverint *Bestiam* & imaginem ejus, hoc est, qui se submiserint redivivæ illi Idololatriæ quam injunctura sit, quàm; ego jam tam plenè descripsi. Quam Comminationem velim eos seriò apud se perpendere quàm gravis sit, qui rem adeo indifferentem esse autumant utrum è *Protestantium* numero quispiam sit an *Pontificiorum*, ac si minæ hæc plusquam Tragicæ mera Terriculamenta essent vanaq; Mormolycea.

C A P. X.

1. *Tria alia Vaticinia quæ Ecclesie lapsum predicunt in Idololatriam, uti visio Tubæ sextæ, quæ Imperium Romanum multò post spectare probatur quàm factum sit Christianum.*
2. *In hac visione Græcam pariter ac Latinam Ecclesiam Idololatriæ ream peragi, & cum Aggravationibus, Paganis cum ipsis communibus.*
3. *Constare etiam ex illa visione quanti Orbis Christiani interesset si à crasso illo peccato se repurgarent, eosq; optimos eorum esse amicos, qui libere aperteq; ob hoc aliq; crimina in ea visione subindicata, reprehendunt.*
4. *Prophetia Pauli ad Timotheum proposita, ejusq; pars prima ex Epiphanio exposita de Instigatoribus ad prædictum hunc errorem;*
5. *Ut & pars illa quæ errorem ipsum continet, cultum scilicet Dæmonum: Unde manifestum sit, Prophetiam ad notorium hunc Ecclesie lapsum in Idololatriam spectare;*
6. *Sicut etiam ab instrumentis disseminationis hujus erroris;*
7. *Et à mentione Mysteriorum Pietatis antè proximè facta, cui hoc Iniquitatis mysterium opponitur;*
8. *Et postremò, à temporibus lapsis, quæ vocantur ὅροι χρόνου.*
9. *Qui Terminus esse probatur stylo Prophetico proprius, Tempus & tempora & dimidium temporis denotans, quod posterius est durationis quartæ Monarchiæ segmentum.*
10. *Horum ὅροι χρόνου regniq; Antichristi periodum per Numeros Dierum in ultimo Danielis indigitari.*

1. **M**edialibus hisce synchronis Libri Prophetiarum aperti, addemus tantùm visionem *Tubæ sextæ*, Prædictionem S. Pauli de *Apostasia posteriorum temporum*, illamq; Prophetiam apud *Danielem* unde hanc videtur Prædictionem hausisse, & tunc finem hoc genus Vaticiniis imponemus. Et

Et sanè *sextæ Tuba* visio admodum illustris est ac notabilis. Quòd de *Turcæ* autem intelligitur Christianum Orbem invadentibus, secundum Interpretationem *Cl. Medi*, abundè contra *Grotium* in Mysterio Pietatis demonstravimus. Quibus breviter addimus, Irruptionem Equitum *Euphrateorum* longè post fuisse quàm Imperium factum sit Christianum, immò verò quàm Pagano-Christianum, quandoquidem *Tuba sexta* est ultima earum quæ ordinatim sumptæ cum Regno *Pagano-Christianæ* Potestatis (*Bæstie quæ erat & non est & tamen est*) contemporant. Et quantum ad locum perinde ac tempus; Imperium fuisse ad quod hæc visio spectabat, ex sæpe repetito illo Characterè quo denotari solet, *Tertiæ* scilicet *partis* ratione, clarè constat. Nam *tertia pars hominum hæc dicitur occisa*. Romanum verò Imperium à *S. Johanne* ad *Trientem* sive partem tertiam orbis, suo seculo cogniti, æstimatum fuisse manifestum est ex Descriptione *Draconis rufi septicipitis & decacornis*, ex eo quòd dicitur caudà suà tertiam partem stellarum cœli traxisse & abjecisse in terram, *Apoc. 12. 4.*

Lib. 5. cap. 16.
scilicet 5.

Apoc. 9. 15.

Præterea, Positura horum Equitum talis erat, quemadmodum *J. Medus* etiam notavit, ut ratione aspectus *S. Johannis* in *Patmo* qui ad eos tanquam ab *Euphrate* venientes prospexit, necesse sit ut in Romani Imperii Territoria graderentur. Cujus etiam rei, *tertiæ nostræ Regule* interpretandi prophetias consideratio plenior nobis fidem facit. Quid enim ad *S. Johannem* attinebat, alias commemorare visiones quàm quæ ad Ecclesiam Christi spectarent? Quamobrem nullus omnino restat scrupulus, quin *Medana hæc Tuba sextæ* Interpretatio admodum vera sit.

2. Unde evidenter apparebit, prævisionem fuisse crassæ illius *Idololatriæ*, quæ tum in *Græca* tum in *Latina* Ecclesia mox erat futura. Etenim post descriptionem numerosi illius exercitus *Turcarum* sub Typo Equitum *Euphrateorum*, magnæque quam intulissent cladis, (utpote quorum operâ tertia pars hominum occisa est, per ignem, fumum ac sulphur quæ ex ore equorum prodibant adversus hostes suos Leonum more rugientium. Quibus addere potes præcedentem *Saracenorum* plagam, Locustarum istarum excruciantium) statim subjicitur; Porro reliqui homines qui occisi non sunt his plagis, non respuerunt ab operibus manuum suarum, ut nè adorarent *dæmonia & simulachra aurea, & argentea & ærea, & lapidea, & lignea, quæ neque videre possunt neque anare neque ambulare. Neque respuerunt ab homicidiis suis, neque à veneficiis suis, neque à scortatione sua, neque à furtis suis*. Potestne ulla esse expressior planiorve de Christiani Imperii Idololatriis Prophetia quàm hæc est? Nam sensus planè hic est; Quòd tamen si *Saraceni Turcæque* Ecclesias *Orientales* inundassent, omniæque vastassent igni atque gladio, *Occidentalis* tamen Imperii pars minimè id curaret, (ut nec *Græca* Ecclesia quantum oportebat) sed *Ecclesia Romana* nihilominus in cultu suo *Idololatræ* peristeret, in adoratione *Demoniorum* sive *Demonum*, Animarum scilicet *Hominum defunctorum* (*Anglicana* nostra Translatio legit *Debiles* hoc est, *Demonum malignorum*, & nulli certè (cùm Deus ipse non fiat) Divinos honores post obitum suum acceptarent, nisi maligni essent spiritus. * Tanta quidem contumelia est honor hic quem *Pontificii* Sanctis assignare prætendunt) & in cultu simulachrorum aureorum, argenteorum & æreorum, &c. quæ neque audire possunt nec videre nec ambulare. Hoc additur tanquam exaggeratio magis; palpabilis detectio vesanæ ac stupiditatis hujus peccati.

* Vide lib. 1.
cap. 12. ver. 3.
scilicet 4.

Etenim an non eadem est ratio in *Sanctorum* Imaginibus atque in Imaginibus *Deorum Ethnicorum*? *Sanctorum* Imagines, an clariùs vident, acutiùs audiunt, agiliùsve ambulant quàm *Idola* Paganorum? Quamobrem talem videmus reprehensionis rationem, hujus peccati *Idololatriæ*, quæ illi Paganorum communis sit cum eorum qui se Christianos appellant. Ità ut nulla reliqua sit rimula per quam possint elabi.

Cæterum alia quoque crimina sunt à quibus *Romana Ecclesia*, severo Dei judicio adversus Ecclesiam *Græcam* nihil apud ipsos valente, nondum respuit. Ut abs *Homicidiis*, in sanguinem insontem effundendo, crudelitèque homines ac insensè persequendo, sub *Hereseos* prætextu; à *Veneficiis*, in tali utique sensu quem exposui in *Idea Antichristianismi*; à *Fornicatione*, propter præternaturalem impuri sui Cleri constitutionem commissâ; & à *Furtis* denique, fraudes intelligo & imposturas, quibus credulum populum nummis suis emungunt. Verùm ista ad præsentem scopum non pertinent.

Lib. 1. cap. 18.

3. Intereà loci observatu dignum est, quàm immensi momenti foret ad incolumitatem ac prosperitatem Orbis Christiani si repurgare se vellent à crasso hoc *Idololatriæ* peccato, à cultu *Demonum*, Imaginūque aurearum, argentearum, ex aliisque materiis conflatarum. Quis enim novit, vel potiùs quis non novit quia Deus, qui immanem

immanem hanc *Turcarum* plagam propter crassas suas *Idololatrias* Christiano orbi induxit, facere possit, ut in proprium alveum rursus refluat, simul atq; nos rediverimus ad illam antiquam puram ac Apostolicam Christianitatem? Causa enim hujus magni mali remotâ malum ipsum inde remotum iri verisimillimum est.

Unde manifestum est, eos fidelissimos Christiani orbis ipsiusq; adeo *Romæ* amicos esse, qui ipsis non assentantur & in vitiis suis demulcent, suffulciuntque, mitigando & occultando fœda ipsorum facinora, sed apertè bonâq; fide cum eis agunt, ad propriam ipsorum incolumitatem ac salutem; qui neq; admittunt neq; excogitant subterfugia ad commendandas palliandâsve superstitiosas ipsorum ac *Idololatrias* consuetudines, sed palâm ipsis enunciant quantum à vero cultu Dei Christi; ad *Paganismum* & *Idololatriam* defecerint. Meliores sunt Reprehensiones fidelis amici, quàm conductitiæ adulationes blandi mercenarii.

4. Quamobrem in eadem loquendi libertate persistens non dubitabo affirmare Prædictionem illam S. Pauli 1 Tim. 4. ad Apostasiam Imperii in cultus *Idololatricos*, seducantis seductiq; Cleri operâ introductam spectare, qui cultum religiosum hominibus mortuis tribuendum docuerunt, itaq; *Sanctos Dei defunctos*, quantum in ipsis erant, in *Dæmonas Paganicos* commutârunt. Verba Prædictionis hæc sunt: *Spiritus autem manifestè dicit quia in novissimis temporibus discedent quidam à fide, attendentes spiritibus erroris & doctrinis demoniorum, in Hypocrisis loquentium mendacium, & cauteriatam habentium suam conscientiam, prohibentium nubere, abstinere à cibis, &c.* Græcum exemplar habet ἐν ὑποκρίσει ψευδολόγων, &c. quod Latine reddi debet, per Hypocrisim loquentium mendacium, & cauteriatam habentium suam conscientiam, &c. ut quivis qui Syntaxin intelligit, non potest non agnoscere. Nam τινες & ψευδολόγοι non possunt convenire Grammaticè, nec *Dæmonia* & *Conscientia cauteriatæ* juxta usitatum loquendi modum sensumque, si totum Textum rectè perpendas.

Prioris partis hujus Prædictionis expositio melior esse non potest quàm *Epiphanius* per occasionem scripsit in acerrima sua reprehensione *Collyridianorum*, qui Divinum cultum *Mariæ* Virgini exhibebant, offerendo ipsi *Collyridam*. Eis in more erat αἱ δόξα τῆς ἀνταρθίνης κολλυρίδα τινὰ ἐπιτελεῖν, quemadmodum Pater ille loquitur. Unde dicti sunt *Collyridiani*, cujus *Idololatriæ* fœminas quasdam in *Arabia* primas ait fuisse Inventrices, quæ ex *Thracia* illuc venerant, nefariâmq; hanc *ισχυρίαν* illuc exercebant, quod ille βλάσφημον πρῶγμα appellat (quod eò libentius noto, quoniam *Idololatria* toties in *Apocalypsi* eo nomine insignitur) tandèmq; super tota materia plenè rotundèq; sic concludit: Ὅτις τὸ πᾶν ἐστὶ ἀσέβης καὶ ἀδίκου, ἡραιομένον ἐν τῇ κηρύγματι τοῦ αἵματος τοῦ πνύματος, οἳ αἱ τὸ πᾶν διαβολικὴν ἰσχυρίαν καὶ πνύματος ἀκαθάρτου διδασκαλίαν. Πλεῖστα γὰρ εἰσι τῆς τοῦ Ἀποστόλου τινος τῆς ὑγιᾶς διδασκαλίας, πρὸς ἃς μύθοι καὶ διδασκαλίας δαίμωνων. Ἐσονται γὰρ, φησὶ, ἰσχυρίαι ἀσέβους, οἳ καὶ ἐν τῇ ἱστορίᾳ ἰσχυρίσθων. Quæ postrema verba planè innuunt hanc Apostasiam hîc intelligi de religioso cultu *Dæmonibus* exhibito, & *Animabus* hominum defunctorum. Et observatu dignum est *Chrysostomum* & *Theophylactum* δαίμονων legere non δαίμωνιον, quemadmodum *Erasmus* in locum ipsum notavit; si cui fortè illud vocabulum magis arridet quàm alterum; *Epiphanius* verò eandem rem per utraq; intelligere videtur, Animas nempe hominum defunctorum, religiosè cultorum, quos cum *Baalim* confert quos *Isrælitæ* coluerunt, uti *Psalmista* conqueritur, & initiati sunt Beelphegor, & comederunt sacrificia mortuorum. Quamobrem breviter secundum sententiam *Epiphani* πνύματα πλάνης, quod Latina versio reddit, *Spiritus erroris*, erroneæ sunt fallacèsq; doctrinæ sive prophetiæ (quemadmodum etiam *Grotius* ut plurimum πνύμα interpretatur) humanis mentibus à Diabolo inspiratæ. Sic enim appellat διαβολικὴν ἰσχυρίαν καὶ πνύματος ἀκαθάρτου διδασκαλίαν, Inspirationem Diabolicam doctrinâq; ab impuro spiritu traditam, ad contaminandum Dei cultum. Hoc ad ea verba Textus refertur, [Attendentes spiritibus erroris] quibus fontem & originem impiarum harum doctrinarum notari vult;

5. Materiam verò objectumve earum illâ magis definitivâ locutione includi, καὶ διδασκαλίας δαίμωνων, hoc est, non quidem doctrinis *Dæmoniorum* quatenus ab eis traditis suggestivæ, sed doctrinis de *Dæmonibus*, hoc est, circa *Dæmonas* circæ cultum mortuorum, sicut *Isrælitæ* *Baalim* coluerunt, quas *Psalmista* animas fuisse innuit hominum defunctorum. Πλεῖστα γὰρ εἰσι τῆς τοῦ Ἀποστόλου τινος τῆς ὑγιᾶς διδασκαλίας, πρὸς ἃς μύθοι καὶ διδασκαλίας δαίμωνων. Impletur enim hæc Prophetia in *Collyridianis*, viz. Discedent quidam à sana fide, attendentes fabulis, doctrinâq; de *dæmonibus*. Nam quòd Genitivus hîc, Genitivus esse potest Objecti æquè ac Agentis, nemo non agnoscat. Ab *Epiphanio* verò priori sensu hîc intelligi manifestum

manifestum est, tum ex eo quod *idola* ante *idolatriam* præfixit (quæ fabulosa narratione non concipiuntur à Dæmonibus sed de ipsis narrari) tum etiam quod immediate sequitur, *idola* *idola*, quod, *idola* *idola*, &c. Erunt enim, inquit, qui cultum religiosum mortuis præbent, &c. Quod tamen Apostolus non dicit, nisi *idola* *idola* *idola* significet doctrinas de dæmonibus, qui Animæ sunt hominum defunctorum, quemadmodum abundè alibi demonstravi. Quamobrem manifestum est ex hac Epiphanius expositione, hanc Prædictionem S. Pauli perquam facile applicari posse ad Ecclesiæ Romanæ Apostasiam, quod Divinum honorem sanctis præbeant, quod est manifestum *idola* *idola*, cultu religioso mortuos colere.

6. Quæ quidem prædictio etiam adhuc magis exquisitè reperietur Pontificis convenire, si consideremus quibus externis rationibus hic *Dæmonum* cultus promotus sit. Hi enim qui dicuntur à fide discedere, hoc est, à sana illius doctrina, quemadmodum Epiphanius interpretatur, & in Idolatriam *Dæmonum* cultum apostatare, dicuntur hoc facere *idola* *idola*, per Hypocrisim loquentium mendacium, (Apocalypsis eos vocat *idola* *idola*, mendacium facientes) hoc est, fingentium edentiumq; Legenda de miraculis Sanctorum suorum five *Dæmonum* Animarumve separataram. Quod profectò ita impudenter faciunt, ut si ipsis per conscientiam liceret quilibet pias fraudes fabulæq; consuere; unde dicuntur *idola* *idola* habere conscientiam suam. Quid magis ad vivum Græcos Romanosq; Legendarios exprimere potest quàm hoc? Et tamen character adhuc magis particulariter additur [*idola* *idola* nubere, abstinere à cibis] Quibus tam bellè quadrare potest hic character quàm Monachorum Ordinibus in quorum sodalitates nemo admitti poterat nisi sub stricta harum legum observatione? Prohibebant unumquemq; qui è sua Fraternitate esse voluit, uxorem ducere, & mandabant simul à certis quibuscumque cibis abstinere. Hæc sanè tam solidè & copiosè in *Apostasia* posteriorum Temporum à Cl. Medo scripta, demonstrantur, ut nihil præterea superaddere opus sit nisi illius *Dissertationis* commendationem. Vix ulla extat Prophetia quæ tam plene apteq; ullum attingit eventum, quàm hæc Ecclesiæ, eis temporibus quibus lapsa erat in hunc *Dæmonum* cultum per seductionem superstitionis fraudulentiq; Cleri.

7. Tertiò, Cùm summaria totius Mysteriorum Pietatis descriptio in ipso ultimo versu capituli antecedentis tam immediate præcedat, mihi profectò valdè videtur consentaneum ut immediata hæc Digressio in mentionem lapsus à puritate hujus mysterii, res pusilli momenti non sit, qualis esset paucorum *Pythagorissantium* Christianorum perfrictio, taliumve qui à Christianitate defecerint ut sequerentur *Apollo-nium*, (qua derein nullas memini me incidisse particulares Historias) sed magis celebris ac notoria Ecclesiæ Christi Apostasia magniq; Pietatis mysterii proximè antè memorati in *Iniquitatis mysterium* commutatio, quemadmodum alibi appellatur. Ista enim locutio [*Idola* *idola* à fide] nihil omnino obstat huic Interpretationi, quemadmodum J. Medus multis exemplis eisque satis aptis abundè demonstravit, ubi [*idola* *idola*] nunc de majori parte, nunc de toto fere populo dicitur; sicut videre est in suprà dicta *Dissertatione*.

8. Quartò & ultimo, Præfatio hujus Prædictionis [*Idola* *idola* *idola*, &c.] videtur non solum augustior, sed ad alium scopum determinatior quàm ut cum illo conveniat cum quo nos Grotius dimittere vult, cum strictura scilicet in *Apollo-nium* ejusq; sectatores. Est enim nimis dilutum frigidumq; glossema nihil amplius per [*Idola* *idola*] intelligere quàm per Adverbium *posthac*, ac si voces [*Idola* *idola*] in Terminum Artis jam non transissent, nec longè antè ab Angelo apud *Danielem* definitæ fuissent, aut saltem necessarium fuissent Consecra-
rium illius definitionis qui rogatus, *Usq; quò finis horum mirabilium?* Elevavit
dextram & sinistram suam in cælum & juravit per viventem in æternum fore in
tempus & tempora & dimidium temporis. Iterumq; rogatus à Daniele ut apertius
declaret, quando harum rerum finis sit futurus, hoc dat responsum, *Verba clausa*
esse & obliquata usq; ad tempus finis. (Quod sic appellatur, ut quod notabile il-
lud segmentum est temporis quod quartæ ultimæ Monarchiæ proximè finem ja-
cet.) Sed statim post, hanc addit subindicationem quæ hoc tempus finis indi-
gitet, *A tempore eum ablatum fuerit iuge sacrificium & postea fuerit abominatio in*
desolationem, dies mille ducentos nonaginta quinque, pervenerit. Beatum verò eum futurum esse
qui usq; ad dies mille trecentos triginta quinque, pervenerit.

Jam verò finis earum rerum quas Daniel inquisivit, sicut ex ipso Textu gene-
raliq; Interpretum consensu apparet, ad diem usq; Judicii, quomodocumq; ea locutio
intelligenda sit, se extendit. Unde consentaneum est concludere, *Danielis* vaticinia
per

per quatuor illa celeberrima Regna Monarchiæ Babylonice, Persicæ, Græcæ, ac Romanæ percurrere, Regnumq; Romanum contemperare cum plenitudine temporis Finēve temporum ac seculorum; cumq; pars quarta ultimq; sit divisionis hujus sacri Calendarii Prophetici, quemadmodum appellat Cl. Medus, rectè nuncupari Tempora novissima vel Dies novissimos in quibus Messias expectabatur venturus. Post Christi verò adventum cum futurum esset admodum mirabile ac notorium Antichristi regnum durante quartâ hæc Monarchiâ sive Tempore novissimo, qui per Bestiam bicornem ac Meretricem Babylonicam præfiguratur, quæ è Synchronis Medialibus sunt libri Prophetiarum aperti, quasq; jam demonstravi incipere annis circiter quadringentis post Christum natum, earumq; durationem eandem esse quæ Temporis, Temporum & dimidii Temporis, hancque, aliquo sensu, 1260 esse annorum, manifestum est hanc temporis portionem esse usque nunc, Novissimorum horum temporum posteriora, tempusve Finis propriè sic dictum, ut quod illi proximè adjacet vel contemnat, eaq; ipsa tempora de quibus in hoc capite loquitur Angelus, ubi jurejurando asserit, mirabilia ista, hoc est, portentosum Antichristi regnum duraturum esse in tempus & tempora & dimidium temporis; postquam verò completa fuerit dispersio manus populi sancti, universa hæc de quibus dictum est, completa fore. Quod idem est atq; illud in Apocalypsi, ubi Angelus jurat per viventem in secula seculorum, Tempus non fore amplius, nisi in diebus vocis septimi Angeli, cum clauxerit, consummatumq; erit mysterium Dei sicut evangelizavit per servos suos Prophetas, ubi alludit particulariter ad hunc locum Danielis. Hæc est vera interpretatio hujus loci Apocalypseos secundum communem sensum, constructionemq; Grammaticam. Quod planè ostendit, Tempus, Tempora & dimidium Temporis cum Tuba sexta finire.

Ex quibus rationibus planè constare potest cuivis qui nullo laborat præjudicio, quòd *Uropis* nãpoè terminus *Phrasifve* sit *stylo* prophetico propria, idẽmq; significant quòd *tempus* *Finis*, cum allusione ad *sacrum*, hoc *Kalendarium* *Danielis* ex quatuor *Monarchiis* consistens, utpote qui posterius segmentum sunt ultimæ, pari passu cum *Antichristi* regno decurrens, etq; planè contemporans. Sic enim communiter *Ecclesia*, *Tempus*, *tempora* & *dimidium temporis* interpretatur apud *Danielem*.

10. Quòd verò ad *Regnum Antichristi* pertinent, etiam in sensu Protestantium, *Jos. Medus*, meo quidem judicio, manifestissimè evicit, ab istis Numeris 1290 dierum, & 1335 dierum in exiguo suo Tractatu de his Numeris, quem *Revelationem Antichristi* appellat. Qui proculdubio dati sunt pro clave ad aperendam veritatem vaticiniorum *Danielis* de Regno hujus hominis peccati, & de tempore *Revelationis* illius, *Clausula & obsignata sunt verba usq; ad tempus Finis*, hoc est, usq; ad *hæc tempora posteriora, visus natus*, nec tamen tunc ea *intellecturi sunt impii, sapientes verò intelligent*, certiq; de ipsis esse possunt per clavem hanc Numerorum Annorum ab *Epocha Prophanationis Templi per Antiochum*, cum Eventu comparatorum; cum duabus primis utiq; notabilibus Instantiis *Revelationis hujus Hominis Peccati*.

Primus illorum Numerorum ab illa *Epocha*, finitur Anno Domini 1120, alter Anno 1165. (Tam irrefragabili enim evidentiâ jam demonstravi, Dies *Stylo prophetico* significare Annos & in hoc Tractatu & in **Mysterio Pietatis*, ut neminem credam ea de re dubitaturum; hinc verò *Dies* significare non posse Cl. *Medus* non minori quidem evidentiâ evicit.) Jam verò *Eventus prædictioni* ad admirationem usq; quadrat. Anno enim 1120, vera ac perfecta detectio sive descriptio *Antichristi* in lucemprodiit, nec ante id tempus, ut videre licet ex ratione illa compendiaria quam *J. Medus* super hac re dedit.

Alterius etiam Periodi exitus notabilis est propter *Waldenses* & *Albigenses*, quorum temporibus *Iniquitatis* *Mysterium* plenius revelatum est, contrāq; illud à numerosioribus hominum cœtibus Testimonium perhibitum. Unde *beati illi dicuntur qui ad hæc usq; tempora perveniunt*, propter exuberantem claritatem lucis Evangelii quæ tunc emicuit. Nec minùs beati illi qui propter Testimonium veritatis morte tunc temporis multati sunt, sed multò profectò beatiores, quippe quorum præmium majus futurum erat magisq; singulare atq; eximium. Prophetia enim declarat quemadmodum verè se res habet, non autem quomodo judiciis falsis perfidisq; sensibus carnalis Animi appareat. Vide pereruditum Authorem *J. Medum*. Neq; enim hisce rebus possum immorari.

Addo tantummodo, ad maiorem fidem faciendam expositioni Cl. Medii, nullam aliam locum hic habere posse. Neq; enim verisimile est hos *Numeros Dierum*, ul-

* Lib. 5. cap.
15. sect. 2.

lam esse Interpretationem Periodi suprâ memoratæ *Temporis*, *Temporum* & *dimidii Temporis*, cum utriq; à iusta hujus periodi mensura varient, cumq; sensus ænigmatica illius Locutionis non tam obscurus sit, quin omnes eum attingant in eôq; consentiant. Quibus addas *Epocham* ab *Antiocho* cum instituto non convenire, (8c difficile sanè est efficere ut illa * *Epocha* ullam aliam verisimilem significationem ei scopo congenerem habeat quàm *Literalem*) uti etiam præcipuæ difficultati de qua *Daniel* sollicitus erat, hoc modo non satisfieri, quæ est, quando hoc *tempus Finis* futurum esset, non *quantum* vel *quandiu* futurum. Ad cujus curriculum *isay* putà *naipr*, sive *temporis Finis* (quod est illud *Tempus*, *Tempora* & *dimidium Temporis*) Numeri hi 1290 & 1335 speciali modo nos dirigunt à suprâ dicta *Epocha* deducti, ut fusiùs videre licet si præstantem illum Interpretem adeas, ad quem paulò antè te remisî. Angelus *Danieli* narrat verba obsignata fore usq; ad *tempus Finis*, *Medusq;* clarè demonstrat rem revelatam fuisse in hoc tempore *Finis*, etiam in eis ipsis temporis articulis ad quos hi Numeri nos dirigunt. Quod profectò nostrâ dignum est tum consideratione, tum admiratione.

* Dan. 8. v. 14;
26.

CAP. XI.

1. *Expositio Prophetiæ Pauli ad Timotheum Epiphaniana ex relatione quam ad illam Danielis habet, confirmata.* 2. *Parachronismus à Grotio in hac Danielis Prophetia commissus, ejusq; ad Antiochum Applicatio quàm temeraria omniq; ratione destituta.* 3. *Confutatio Applicationis.* 4. *Recta temporis hujus Prophetiæ assignatio per Calvinum Medumque, qui ambo de Imperio Romano interpretantur.* 5. *Magis particularis enodatio duorum priorum versuum hujus Prophetiæ juxta mentem Cl. Medi;* 6. *Ut & tertii;* 7. *Atq; quarti.* 8. *Sensum hujus Prophetiæ tam apertè convenire cum illa S. Pauli, ut manifestum sit cum hac spectasse in eis verbis, τὸ ὅτι ἀνύστα ἦν αἰὼς αἰῶν.* 9. *Quamvis hæc Medi Interpretatio omnino inculpabilis sit, duos tamen priores prophetiæ versus aliter exponi posse, magisq; congruenter S. Pauli Prophetiæ in Epistola ad Thessalonicenses.*

1. **V**idemus igitur quàm parùm rationis habeat *Grotius* cur hos *versus naipr* adedò perfunctoriè interpretetur per frigidam illam ac indeterminatam voculam [*posthac*], cum in hoc saltem loco tam præcisam habeant ac determinatam significationem. Quod adhuc clariùs evincitur ex eo quòd Apostolus affirmat spiritum dicere *juris*, quod planè innuit aliquod extare scriptum antiquum in quo Prophetia hæc totidem ferè verbis scripta occurrat. Si qua enim vis sit argumentationis à vobis formisq; loquendi, necesse est ut *istud* tale quid significet, non *simplicem Inspirationem*, sed *verbalem* illius *descriptionem* quod est inspiratum. Quod Privilegium nec *Grotius*, nec alius quisquam pro sua Interpretatione afferre potest, si cum hac non consentiat in quam tam feliciter *Epiphanius* incidit, quàmq; *J. Medus* tam mirificè expolivit, & quæ deniq; tam accuratè cum illa *Danielis* Prophetia convenire deprehenditur. Quæ ultima erit lapsus Ecclesiæ in Idololatriam Prædictio, quam producere decrevimus. Verba hæc sunt.

Tunc faciet juxta voluntatem suam Rex, & extollet sese atq; magnificabit se super omnem Deum, & contra Deum deorum loquetur miranda, & prosperè evenient ei omnia donec finita fuerit ira. Nam quod determinatum est, fiet. I. Dan. 11. v. 36, 37, 38, 39.

Tunc ad Deum patrum suorum non adjiciet animum, nec ad concupiscentiam mulierum, nec ad ullum Deum adjiciet animum; Nam super omnia magnificabit se. II.

Unà enim cum Deo in sede sua venerabitur Mahuzzim, etiam cum Deo quem non noverunt majores ejus, venerabitur auro & argento & lapide pretioso rebûsq; pretiosis. III.

Et munimenta Mahuzzim Deo simul peregrino faciet, quem agnoscens honore cumulabit, istosq; faciet dominari in multis terrarum; in præmium dividet. IV.

2. Hæc est *Medana* Textus Translatio; quæ admodum facilis est ac naturalis quantum ad Regulas Grammaticas & Criticismum, sicut mox notabimus. Interea loci non possum non observare quàm omni fundamento ac ratione careat Interpretatio *Grotiana*, qui omnia hæc de *Antioche* intelligit, & contra *Antiquitatis* consensum, (quæ semper *Antichristum* hic præfigurari suspicata est) & contra rerum *Probabilitatem*. Nam

Nam ut directionem præteream illorum Numerorum supra memoratorum qui in illud *Tempus, Tempora & dimidium Temporis cadunt*, quæ mirandorum durationem in quæ *Daniel* inquit, comprehendunt, (quæ miranda præsentī hāc *Prophetia* æquē ac illā de *cornu parvulo* significantur) ut & necessariam determinationem hujus temporis, temporum & dimidii temporis per *Medialia synchrona* *Apocalypseos*; quis imaginari potest seriem visionum *Danielis* cap. 11. & 12. quæ ad *Diem Judicii* pertingunt, quod proculdubio faciunt, tam vastum admittere chasma seu hiatum quàm qui inter res gestas *Antiochi* & finem mundi intercedit, negligendo longum illud temporis spacium ubi res *Ecclesiæ* agitur, illiusq; fatum ac conditio erant describenda?

Quamobrem *Calvinus*, idq; cum judicio, interpretatus est hos versus de *Imperio Romano*, quod *Græco* immediatè successit (cujus in postremis temporibus *Antiochus* regnare dicitur secundum *Prophetiam Danielis*) quanquam nimis temerè sanè vicissim opinionem *Antiquorum* rejecit, qui *Antichristi* descriptionem hisce versibus latere suspicati sunt. Cl. *Medus* igitur utrumq; felicissimè conjunxit, quemadmodum mox videbimus.

3. Jam verò ut *Grotius* Parachronismum commisit in hac *Prophetia*, ità Applicationes ejus perinde frigida sunt & incongruæ. Nunquam enim probare potest *Antiochum* ad Deos patrum suorum animum non adjecisse, aut ad concupiscentiam mulierum; Contra quod commentum *Grotii*, ipsi scriptores *Pontificii* expressè testificantur. Nam *Cornelius à lapide* in ipsum locum, affirmat eum & Deos patrum coluisse, & *Judeos* pariter ad eos colendos coëgisse. Et tunc ipse, tum *Caspar Sanstius* *Antiochum* culpant ob mulierositatem suam enormemq; luxuriam. Et quantum ad *Mabuzzim*, præterquam quod *Antiochus* plurali numero unius alicujus Dei nomen proprium esse haud ità verisimile sit, nullam quidem affert *Historiam* quæ probet *Antiochum* tam fervidum fuisse hujus Dei *Modin* (quemadmodum hic eum appellari vult) cultorem, Templumve illi extructum fuisse in *Modin*, quæ *Judea* Civitas est in rupe excisa, quam & munimentum aliquod fuisse verisimile est, ac proinde appellatum esse *Modin*, absq; omni autem relatione ad hunc Imaginarium *Modinum Grotii*, Deum peregrinum, cujus *Antiochum* tam fervidum cultorem fuisse fingit. Pro qua opinione nullum quidem affert argumentum præterquam quod occurrit i *Mac.* 2. 15. ubi ministri *Antiochi* dicuntur *Judeos* cogere thura accendere & immolare in *Modin*, non autem Deo *Modin*. Unde nullam vim huic argumento inesse liquet, totamq; *Grotii* Interpretationem puram putam esse Imaginationem merumve Figmentum. Conjiciamus nunc oculos in expositionem *Medanam*.

4. *Medus* igitur, quemadmodum & *Calvinus* ante eum, vaticinium de *Antiocho*, in fine versûs tricesimi quinti cap. 11. abrupti supponit, resq; *Regni Romani* prædicendas iniri. Quæ quidem minimè dubia aut conjecturalis sententia est, sed ob rationes supra memoratas firma ac necessaria. Unde manifestum est *תור וצדק ושלום* rectè sic reddi, Tunc faciet juxta voluntatem suam Rex. Particula enim *ו* tam laxæ significationis est ut nulla facta sit injuria tam determinatum ei imponendo sensum; Quemadmodum & *Paræus* reddit *ו יאבסוהו, tum se bunt*, *Apoc.* 18. 9. Et per Regem hic intelligitur sicut alibi apud *Danielem*, *Respublica* sive *Regnum*. *Romanum* autem hic significari, successionis ordo indicat, ut quod *Græco* succedit juxta omnes *Chronologias*, & certè secundum *Historicorum* sententiam *Græco* successisse statuitur, statim atq; *Romani Macedonas* devicerant, quod factum est posterioribus temporibus *Antiochi*. Tam aptè coincidunt res amicèq; conspirant quantum ad rationem *Temporis* in hac nostra *Hypothesi*, quod sensum venâ facili perpetuò fluentem promittit. Cujusmodi hic est:

I. 5. In primo horum versuum, Statum utiq; *Regnumve Romanum* sub exitum regni *Antiochi* prosperrimo successu omnia gesturum esse, & pro libitu dominaturum; exaltaturum se esse populum eum, majoremq; se omni Regno effecturum. Gentem enim debellare, gentis illius est debellare Deos. Quos *Romani* à Civitatibus quas capiebant, vocali carmine, cujus supra mentionem feci, soliti sunt evocare, atq; sic Gentium Deos quodammodo captivos abducere, perinde ac populos ipsos. Immo ministri hujus *Reipublicæ* mirabilia locuti sunt ac blasphema adversus Deum Deorum, hoc est, adversus ipsum *Jesum Christum*, quem tam indignis dictis & contumeliis exceperunt, flagellarunt & crucifixerunt, & tamen prosperè res successit in Imperio quamvis nefaria hæc facinora adversus Christum perpetrassent, crudelitèq; persequerentur membra ejus, novas hoc pacto in eum contumelias cumulant & blasphemias, usq; dum tempus determinatum hujus furoris exisset, Imperiumq; factum esset Christianum.

Nam

Nam ut in proximo versu sequitur, successurum proximè erat illud tempus in quo futurum esset ut Imperium Romanum contemneret, negligeret abjiceretq; Deos majorum suorum, hoc est, Deos Paganicos, & converterentur ad Christianitatem, sed ut matrimonium simul (quod tanto antè in pretio erat apud Romanos, quemadmodum ex Legibus *Julia* & *Papia* appellatis apparet, quas *Constantinus* abrogavit) magno primùm haberetur despicatui, sed procedente tempore Sacerdotibus pariter & Monachis superstitionè interdiceretur, illo *Homine peccati* Imperii habenas manibus sibi arripiente, qui nullam ullius Dei rationem habiturus est, sed propter legem Christi antiquationem & conculcationem cervicum Principum, meritis dicitur se magnificare super omnia, sicut de eo scriptum est in Epistola ad *Thessalonicenses*.

II.

6. Et congruenter sanè huic *אמרי*, huic licentiæ illicitæ Deiq; contemptui, sequitur in versu tertio, *וְלֵאמֹר מַעֲרִים עַל כִּי יִבְרָךְ*, hoc est, *Nam unà cum, vel præter* (etenim *וְ* & *כִּי* ita significant) *Deum, venerabitur Mahuzzim*, *עַל כִּי* in sua ditione, *Grotius* reddit, referendo ad *Antiochum*, *Latina Translatio* legit, *in suo loco*, referendo ad *Idolum*, *Medus* verò *in sede sua*, referendo ad Christum Deum verum. Potest etiam & alius esse sensus *עַל כִּי יִבְרָךְ*, viz. *super basin ejus*, tanquam si honor *Mahuzzim* præstitus fundaretur super honorem, in eo ipso cultu, Christo destinatum, quæ planè defensio est *Pontificiorum*. Sensus igitur breviter hic est; manifestum esse quoddam Potestas *Romana*, sicut præcedenti commate dictum est, verum Dei timorem à se abjecturi sint, seipsos exaltaturi supra omne quod dicitur Deus, etiam supra Christum ipsum, propterea quoddam contra expressam Dei legem Divinum honorem præstituri sint *Mahuzzim* (quanquam sub prætextu verum, eo pacto, colendi Deum) aureis & argenteis lignisque statuis, & omni genere rerum sumptuosarum & pretiosarum, quemadmodum immediate sequitur, *וְלֵאמֹר אֲשֶׁר לֹא יִדְעוּ*, *אֲבוֹתָיו יִבְרָךְ בְּיָדָם*, hoc est, *etiam cum Deo quem non noverunt majores ejus*, id est, cum Christo, (qui verè erat *דֵּדִי לְיוֹרָם*, inter *Romana* Numina omninò peregrinus, talisq; cui veteres Romani nunquam sacrificassent) *venerabitur eos*, viz. *Mahuzzim, auro, argento, &c.*

III.

Unde manifestum est *Damonas* de quibus *S. Paulus* loquitur, hinc apud *Danielem* indigitari. Nam hi *Mauzzim* ipsi sunt, nempe *sancti* ab hoc Idololatrico Imperio in *Damonas* conversi, qui *Deastri* sic fiunt *falsive Dii*, hoc est, falsa religiosi cultus objecta, ut omnes sanè sunt nisi is qui fecit coelum & terram, *Jerem. 10. Dii qui non fecerunt valum ac terram peribunt de sub cælis*, &c. Et rursus in Psalmis, *πάντες οὐ θεοὶ ὁμοῦ ἰσχυροὶ, ὁ δὲ κύριος τὸς θεοὺς ἰσλάσεν*. Quæ loca innunt nullum verum esse objectum Divini cultus præter Deum eum qui coelum fecit atq; terram; reliqua omnia hujus cultus objecta, eo ipso fieri *Demonas* sive *Demonia*, *Deumculos*, *Deosve falsos*, quamvis injuriâ colentium. Quod autem hinc *Mauzzim* vocantur, quos *Paulus* *Dæmonia* appellat, mirandâ profectò sit Dei providentiâ, cum vox hæc *Hebraica*, quantum ad sensum, ipsa loquela sit eorum qui præ nimis superstitioso zelo ac affectu erga *sanctos* hunc introduxerunt *Dæmonum* cultum, magis sensibilem reponentes fiduciam in eorum Reliquiis ac Protectione quàm in ipso omnipræsenti Deo. Hos igitur vocabant *πύργος, πειβόλος, τείχη, ὀχυρώματα, δευροφύτοι, σωτηριασταί, Turres, Valla, Muros, Propugnacula, Spiculatores, Protectores*. Quæ omnia *Mauzzim* naturaliter proprièq; significant, uti copiosius videre est apud *Jos. Medum*. Tam facili ductu fuit sensus, de hoc abusu cultus *sanctorum*, quos, tametsi Christus in omni illo honore divino ipsis præstito prætenditur, manifestum est in Templorum dedicationibus aliisq; cultibus religiosi illius cum ipso consortes fieri.

7. Ad quod ultimus etiam verficulus collineare videtur, istis verbis tanto cum artificio obvolutum, מְבָרֵי מְעוֹת עַם-אֱרֹזָה נָכַר, *Munimenta Mauzzim cum Deo peregrino*, (tanquam si *Simul-tenentes* essent, ut loquuntur Juridici.) Quæ munimenta Ædificia sacra sunt, *Templa, Sacella, Monasteria* honori *Christi & sanctorum* dedicata. Loca enim hæc sacra מְבָרֵי appellantur cum allusione ad *Mauzzim*, quæ vox bellicosum sensum præ se fert, & *Militares* significat Protectores & *Hyperaspistas*, quorum ædes proinde meritò appellantur *Munimenta*. Versùs integri sensus hic est; Et potestas hæc *Romana* *Templa* eriget & *Ædificia* alia religiosa *Christo & sanctis*. Ubi *Christus* indigitatur per מְבָרֵי אֱרֹזָה *Deum peregrinum*, quippe qui secundùm humanitatem suam stirpe priundus est ab omnibus Nationibus Paganicis aliena, ità ut hac ratione alienior sit quàm quisquam alius esse possit, tum etiam *Deus* perfectus perfectusq; homo, quod ejusmodi Numen est quod in eorum mentem nunquam antea venisset. Tam eximie ac singulariter quidem præfiguratur in hoc vaticinio *Christus* sub nomine *Dei peregrini*. Postquam verò ipsis innotuerit, con-

IV.

Lib. 1. c. 17.
sect. 4.

dignum illi honorem præstabunt, nisi quod partem illius cum *Mauzzim* sint communicaturi, eósq; etiam Principes constituturi super Imperium, mundum inter ipsos distribuentes tanquam debitum (quemadmodum prætenditur) perpeffionum suarum præmium, dum unus *Sanctus* hujus Civitatis Regionisve Patronus sive Protector constituitur, aliq; aliarum, quemadmodum supra fusè enarravimus.

8. Hic profectò tam perspicuus facilisq; sensus est, ut minimè mirandum sit quòd *S. Paulus* ait, *Spiritum dixisse intus expressum, in posterioribus temporibus fore*, hoc est, in *Danielis* tempore, temporibus & dimidio temporis, quæ pars posterior est durationis *Romani* Imperii, ut homines à fide discederent, doctrinamq; *Dæmonolatricæ* cultusve *Mauzzim* amplecterentur. Cui quidem Prædictioni eventus adeò ad amissum respondet, ut mirum in modum præjudicio eum occæcari oporteat qui hoc nequit discernere; ut & enormem esse concinnitatis & proportionis contemptorem, si ipsi oblectamento non sit observare quàm commodè apteq; ingens illud ac deforme chasma inter Prædictiones in capite undecimo *Danielis* eásq; in duodecimo rebus summi quidem mómènti expleatur, seriésq; temporum ad diem usq; judicii filo continuo deducatur.

Cap. 18. sect.
11.

9. Tam omni ex parte in se irreprehensibilis est horum quatuor commatum apud *Danilem Medana* Interpretatio. Et certè quantum ego intelligo, unus potest esse continuus sensus qui reverà per totum Textum intenditur. Attamen diffiteri non possum, dum verba illa Apostoli respicio 2 *Thess.* 2. *Qui adversatur & extollitur supra omne quod dicitur Deus aut quod colitur*, quæ aperta videtur allusio ad hæc verba *Danielis*, *Extollet se atq; magnificabit se super omnem Deum*, quin suspicio mihi in animum irreat, per *Deuteroplerosin*, Pontificiam etiam Potestatem, quæ, postquam Papa eam supra Imperatores caput extulerat, rediviva quædam Imperialis Potestatis *Romanæ* Paganicæ imago erat, hîc porro perstringi, ac proinde duo priora commata ex his quatuor de Papa etiam exponi posse, deq; *Luciferiana* illius superbia, quemadmodum suo loco magis distinctè sum declaraturus.

C A P. XII.

Apoc. 11. 8.

1. *Cur tam prolixus hæcenus fuerit in Idololatriæ Ecclesiæ prædictionibus enarrandis, quòd; in reliquis Antichristianismi partibus brevior sit futurus.* 2. *Secundum Antichristianismi membrum per occisos Testes in Plateis magnæ Urbis Ægypti appellate jacentes præfiguratum.* 3. *Brevis expositio illius versùs Apocalypseos.* 4. *Quòd eadem res præfigurari videtur per Meretricem Babylonicam Bestiæ infidentem.* 5. *Prædictiones oppugnationis Sacerdotalis officii Christi.* 6. *Bestiam Bicornem ac Pseudopphetam eundem esse, Antichristianamq; Prophetici officii ejus oppugnationem utrisq; præfigurari.* 7. *Afflictionem verorum Prophetarum Christi per visionem duorum Testium significari, ut & Antichristianam oppugnationem Regalis officii ejus.*

1. Interea loci satis copiosè, uti spero, Divinam Providentiam vel à minima suspitione vindicavimus tam insignis neglectus defectusve, ut non prædixerit perinde ac præviderit generalem hunc Ecclesiæ lapsum in primam hanc principemq; *Antichristianismi* partem, *Dæmonum cultum* sive *Idololatriam*. Qua in re ed copiosius egi, cum præcipuus sit *Apostatantis* Ecclesiæ character, & reverà radix plerarumq; reliquarum Enormitatum *Antichristianarum* quæ in Christianum orbem irreperunt, illius saltem, sat scio, quæ nefariâ immanitate proximè ab ea abest, si non æquat vel exuperat, cruentæ scilicet Persecutionis charissimorum filiorum Dei, fideliumq; membrorum Jesu Christi, qui hujusmodi *Idololatricis* consuetudinibus se submittere nequeunt.

Cæterum ad primam methodum redibo, Prædictionesq; uniuscujusq; partis *Antichristianismi* exquiram eo ordine quo eos jam tractavi. Quod multò brevius nunc effecturus sum, cum principalem scopum jam attigerim, nec ferè quicquam reliquum sit, quàm ut Lectorem remittam ad multas earum Prophetiarum quas jam explicavi. Ut taceam, plurimas harum partium *Antichristianismi* quæ supersunt, non omnino æquè plenè frequentèrve prædictas esse atq; hanc *Idololatriam*.

2. Quemadmodum observare licet vel in hoc proximo membro quod nobis se offert, *Spiritualis* scilicet *Captivitas servitusve* cui homines subjiciuntur propter superstitiosarum opinionum, fastidiosarumq; ac inutilium observantiarum onus, falsamq; persuasionem poenarum subeundarum, non quidem vite emendande causâ,

causâ, sed *satisfactionis*, perinde ac si sanguis filii Dei nullius esset pretii aut valoris; cum tamen istiusmodi figmenta in nullum alium finem excusa sint, quàm ad Potestatem Tyrannicam injustumq; Sacerdotis quæstum augendum suffulciendumque.

Ad quam Ecclesiæ conditionem non dubito quin Spiritus Dei digitum intendant, Apoc. II. ubi cadavera duorum Testium dicuntur in plateis magna Urbis jacere, quæ vocatur spiritualiter Sodoma & Aegyptus, ubi & Dominus noster crucifixus est. *ἡ πόλις ἡ ἁγία καὶ ἡ πόλις ἡ πόρνη*, hoc est, *ἡ πόλις ἡ πόρνη*, secundum mysterium, vel Typicè, quemadmodum & ipse Grotius agnoscit. Dico igitur magnam hanc Civitatem, quæ mystica hæc Aegyptus est, illa Servitutis domus antiquæ Dei Ecclesiæ adhuc in Typo, & modernæ in Antitypò, esse Ecclesiam simulatitiam Catholicam Romanam, & Spiritualem hanc servitutem sub superstitionis Institutis Papæ, & cujuscunq; ejusdem farinae Cleri in hoc loco visionis perstringi.

Etenim cum Duo Testes, Bestiæ instauratæ synchroni sint, frustra somniatur rem ullam Hierosolymæ gestam hujus Prophetiæ impletionem esse. Estigitur, inquam, Romana Ecclesia quæ hæc mystica Aegyptus sit, Papæq; Pharaoh ille Aegyptius cum duris suis Ergodiotis, qui faciunt ut delusus populus sub superstitionum suarum oneribus laborent sudentq;. Spiritualis autem hujus Pharaonis, exercitûsq; sui Ecclesiastici subversio manifestò figuratur per illam Aegyptiorum in Mari rubro, quod Christi sanguini respondet, qui murus est à dextra & sinistra sinceris hîscæ Israëlitis in fuga sua ab his Tyrannis Aegyptiis, sed Pharaonem ejûsq; exercitum inundat obruitque; oribûsq; eorum, qui per seriam meditationem super virtutem scopûmq; proprium cruentæ passionis Christi ex hac servitute Aegyptiaca effugerunt, hoc gratiarum Actionis canticum indit, *Cantabo Jehovah quia gloriôsè magnificatus est; equum & sessorem ejus projecit in mare*; vel quod idem est, Canticum Moysi & Agni, Apoc. 15. *Magna & mirabilia sunt opera tua, Domine Deus omnipotens, justæ ac veræ sunt viæ tuæ, Rex sanctorum, &c.* Sed de his jam locuti sumus, ac *Lib. 1. cap. 4. scilicet 5.* proinde brevis hæc indicatiuncula sufficiet.

Tantum ad corroborationem hujus Typicæ significationis Aegypti omittere non possum, quomodo Canticum hoc Moysi atq; Agni dicatur cantari *ἐν τῇ θαλάσσῃ τῇ ὑάλινῃ* *καὶ ἐν τῇ πόλιν*. Quod notabile indicium est ad fugam Israëlitarum à Pharaone per Mare rubrum in hoc cantico alludi, tum ex eo quòd mare cujus super ripam dicitur cantari, Mare vitreum vocatur, quod duram maris consistentiam quam tunc habere videbatur, repræsentat, quippe quòd erat ut Murus vitreus crassus ex hac atq; illa parte Israëlitarum (immò verò expressè dicitur in Cantico Moysi (Exod. 15. 8.) *steterunt sicuti acervus fluentia, congelatiæ sunt voragine in corde maris*) tum ex eo quòd igni mixtum dicitur, quod nobis subindicat, quomodo duo hi solidi muri glaciei à lumine splendoreve Angeli qui noctu Israëlitas per mare rubrum euntes comitatus est, penetrarentur. Ad nomen etiam colorémve Maris, non est adedò veridissimile (cùm Rubrum, haud ità improprium sit Ignis Epithetum) in hac Descriptione alludi.

Potest etiam adhuc magis mystica subesse significatio mixtionis hujus maris cum igni (sanguinem intelligo Christi cum Spiritu mixtum) sed brevitatìs causâ hoc in præsens missum faciam, brevemq; tantummodò Paraphrasin instituam in versum quem citavi.

3. In plateis urbis magnæ, quæ vocatur spiritualiter Sodoma, & Aegyptus, *ἡ πόλις ἡ πόρνη καὶ ἡ πόλις ἡ πόρνη*, quod vulgò redditur, ubi & Dominus noster crucifixus est, qui valdè commodus facilisq; est sensus, si *ἡ πόλις* referamus ad magnam urbem, & [quæ spiritualiter vocatur Sodoma & Aegyptus] Parentheticè legamus. Quòd si illud referamus vel potiùs jungamus cum Sodoma & Aegypto, sensus quidem durior videtur, nisi Ellipsin subintelligamus, cujus supplementum tunc foret; *ἡ πόλις ἡ πόρνη καὶ ἡ πόλις ἡ πόρνη*. In plateis magnæ Civitatis, quæ spiritualiter vocatur Sodoma & Aegyptus, & Civitas ubi Dominus noster crucifixus est, hoc est, Prophetica Hierosolyma, ad quam proculdubio fit Allusio, quicquid sit de hac Ellipsi; sensumq; Textus hunc esse autumo:

Magnum utiq; illud corpus Politicum quod prætendit se Ecclesiam esse Catholicam, quanquam tam crassè à doctrina Apostolica praxiq; apostatantem, *καὶ ἡ πόρνη*, ut loquitur Grotius, spiritualiter sive mysticè Sodomam vocari ac Aegyptum, Civitatemq; ubi Christus est crucifixus, cum justo sanè opprobrio adversus contrarios suos prætextus, falsasq; species ac simulatas. Tanquam si Divinus Spiritus sic loqueretur: Cùm degener illa Ecclesia Romana gloriando de votivi Cœlibatûs professione perpetuâq; Virginitatis, præ se ferre velit, ac si ea esset verus ille *Catulus Virgineus* sanctaq; ac casta sponsa Christi atq; Agni, clarè enuncio, eam ni-

duri

dum esse immundarum volucrum, impuram ut *Sodomam* & pollutam sicut *Gomoram*. Cumq; prætendat se eam unicam esse *Christi filii mei Ecclesiam*, qui declaravit, *Si filius vus in libertatem vindicatis, verè liberi eritis*, eamq; esse *Hierosolymam* quæ libera est matèrque est omnium verè credentium, apud totum mundum profiteor eos spiritualiter ac mysticè eam ipsam terram *Ægypti* esse *Dominumq; servitutis*, in qua populus meus fastidiosus & superstitiosus onerosusq; Institutis (quæ nulli rei præterquam pompæ atq; fastui spiritualis hujus *Pharaonis* durorumq; ejus *Ergodiotarum* suffolendo inserviunt) opprimitur miserq; obteritur. Et postremo, cum hominibus persuasum velint se sanctam illam esse *Civitatem*, quæ per fugium sit ac receptaculum Sanctorum Dei, tutum contra Persecutionem præsidium ac munimentum, ubi Deus abstersurus sit omnem lacrymam ab oculis eorum, *Novam* illam *Hierosolymam* quæ de cælo descenderit (quæ profectò essent si id essent quod se esse gloriantur, Ecclesiam nempe Christi verè Apostolicam) equidem reverà successio sunt veteris illius *Hierosolymæ*, superstitiosorum utiq; acerborumq; *Scribarum* ac *Phariseorum* qui filium meum *Jesum* crucifixerunt, quemadmodum & hi ad hunc usq; diem vera illius membra crucifigunt, qui tamen ipse, quemadmodum eis nunciavit, persecutionem patitur, quoties illa patiuntur persecutionem.

Ac proinde, *in q; i ad quos ipse evangelizavit*, Christi membra perinde respicere potest atq; Christum ipsum, quanquam sit Aoristum prius. Commoda enim est illa Notatio *Grotii* atq; verà, *Aoristi, sine designatione temporis, designant quod fieri solet*. Atq; ea propter per [*isavpdu*] hic significatur repetita Christi persecutio in veris suis membris sub potestate hac *Antichristiana*. Crucifixio enim per *Diorismum* quodlibet persecutionis genus significare potest.

Hierosolyma igitur hic literaliter non intelligitur sub hoc involucro *Sodome* & *Ægypti*; (Qui certè adeò mysticus & spiritualis sensus non foret, sed mera *Synecdoche*, qualem puer quilibet Grammaticus facillè intellexerit) sed Magna illa Civitas, Politia est ex hominibus constituta, qui prætendunt se unicam illam esse veram Ecclesiam Catholicam, quanquam tam misere à Fide apostatantes. Hæc Civitas tali sensu mystico quem proposui, vocatur *Sodoma*, *Ægyptus*, & *Hierosolyma* ista quæ occidit Prophetas, Dominumq; crucifigit persequendo sua membra. Id verò quod nunc speciatim notamus, hoc est, quod appelletur *Ægyptus* ex eo quod Populum Dei in hujusmodi spirituali Captivitate ac servitute detineat.

4. Quam servitutem captivitatemq; animadvertere possumus etiam in figura *Meretricis Babylonice* quæ *Bestiæ* infidet, subindicari. Quod enim imperiosus hic Clerus *Romanus* sic appellatur, non ob id solum factum est quod *Babylon* in colendo *Belo* primum ferè videatur *Idololatriæ* exemplum, sed ob Tyrannicam suam superbiam populiq; in violenta Captivitate detentionem, ex qua nemo se subducere potuit pedemq; *Hierosolymam* versùs, verumq; Dei Templum referre, quin Cruelitati truculentæ hujus *Meretricis* caput exponeret, quæ in corde suo dicit, *Sedeo Regina & lucum non videbo*.

Bestia etiam cum dicatur à *Meretrice* inequitari, Bestiales quidem innuit labores & delationes Christiani Imperii quibus opprimebatur, sub eisq; per multa secula ingemiscebat. Quod quò magis Bestiam referret, *Equum* putà *Mulæmoe*, quibus non est intellectus, ipsum studuerunt in quanta maxima poterant retinere ignorantia, ut populus eo pacto patientius Sacerdotii calcaria pati posset, sessorémq; quietius tutiùsq; bajulare.

5. Hæ sunt præcipuæ stricturæ quæ occurrunt in visionibus Prophetis, quæ ad secundum hoc *Antichristianismi* membrum applicari possunt, idq; solummodò ratione hac generaliori. Illud *S. Pauli* magis particulare est; *Vetantium matrimonia contrahere, abstinere à cibis*; sed intellectu tam facile, ut sat sit nominasse. Ac proinde ad proximos *Antichristianismi* ramulos pergam, ad illas scilicet oppugnationes quibus sacra Christi officia, quatenus *Rex* est, *Propheta*, ac *Sacerdos*, impetuntur ac subruuntur. Contra quorum ultimum summa injuria hæc est, Quod alios præter Christum *Mediatores* constituent, cultumq; religiosum illis præstent (quod prædictum est à *S. Paulo* & *Daniele* eis in locis quos produximus & explicavimus, de *Demonibus* & *Manzsim*) quòdve supprimant vilive pendant præcipuum mortis Christi usum, quod solabile Conscientiæ levamen est ab omni suspicionem Divinæ iræ, metùve supplicii in altero mundo, ex eo quod pro peccatis non satisfecerimus in hoc, modò sincerè nos eorum pœnituerit morèsq; emendaverimus secundum Christi præcepta. Qui quidem abusus unum est ex præcipuis generibus servitutis ac Captivitatis quibus Dei populus subjugatur in hac *Ægypto* Spirituali; ac proinde generaliori modo præfiguratur in illo Typo quem jam explicavimus,

ut etiam in *Meretrice Babylonica* juxta ea quæ supra innuimus. Ità ut hoc Christi officium missum facere libeat, & ad officium *Regale* ac *Propheticum* pergere.

6. Quorum posterioris oppugnatio planè prædicitur in mentione *Pseudo-prophete* in *Apocalypsi* commemorati, qui idem est qui *Bestia Bicornis*, quæ *Bestia* lethali-
ter vulnerata (hoc est, Imperii *Paganici* Christiani facti) in novum quoddam ge-
nus *Paganismi* est *Instauratrix*, diciturq; magna signa edere in conspectu *Bestie*,
quibus seducebat incolæ terræ, faciebátq; ut adorarent *Imaginem Bestie* ejusq;
acciperent *characterem*, &c. cap. 13. Quæ res tam apertè dicuntur de *Pseudo-pro-*
pheta, cap. 19. 20. ut nihil subesse possit dubii, quin *Bestia Bicornis* & *Pseudo-*
propheta idem sint. Et comprehensa est *Bestia* & cum ea *Pseudo-propheta* ille qui
ediderit signa coram ea, quibus seduxit eos qui acceperunt *characterem Bestie* & qui
adoraverunt *imaginem ejus*.

Quamobrem manifestum est *Pseudo-prophetam Bestiamq; bicornem*, ac *Meretri-*
cem ex consequenti *Babylonicam*, unum idemq; prorsus esse, quemadmodum su-
prà notavi, ac proinde *Clerum Romanum Idololatriæ*, (qui se *Ecclesiam* adedò
infallibilem esse gloriatur, ac si *Deus* eos in quibuscunq; rebus, quæ à *Papa* suo
aut saltem ab eo, cum generali, quod ipsi æstimaverint, *Concilio* determinatæ
sint, certò inspiraret) in opprobrium jactatæ hujus *infallibilis Inspirationis*, sub
nomine titulove *Prophete* hîc præfigurari; Ex eo verò quòd *Mundum* doctrinis fal-
sis & aut *Diabolicis* miraculis, aut technis imposturisque miraculosa effecta imitan-
tibus seducant, eadem hominum *Societas* ignominiosè magis ac apertè, ob hanc
impietatem, condigno illo *Falsi Epitheto* [*ἁλὺς ὁ φησὶς*, falsus ille *Phopheta*] sibi
in contumeliam præfixo, infamatur. Quid istòc potest esse manifestius? Quæve
magis impia *Propheticæ* officii Christi oppugnatio quàm ut quis tantum sibi assu-
meret ut *infallibilis* sit Christi *Vicarius generalis* per orbem, & ut mundum tamen im-
pleret *Idololatriæ* ac *Mendaciis*? Quod fecit profectò plus minùsve hæc *Pseudo-*
prophetarum *Societas* ad mille ducentos circiter annos, quemadmodum patet ex
ultimo *Co-expositionis* nostræ *Confectario*.

7. Unde certi esse possumus veros *Prophetas* qui secundum doctrinæ *Apostoli-*
cæ rationem loquerentur, calamitosa habituros fuisse tempora, futurumq; fuisse ut
officium Christi *Propheticum* quatenus hos verbo Spiritus; suo illuminet, impug-
naretur, omnibusq; modis impeteretur, atq; hæc illius *Instrumenta* reprimerentur
afficerenturq; omnimodà injuriâ ac violentiâ, prout hoc *Iniquitatis mysterium* in-
crementum caperet in *Ecclesia*, quod incepisse videtur annis post natum Christum
circiter quadringentis.

Quæ *Ecclesiæ* conditio mihi viderur in visione *duorum Testium* esse præfigurata.
Quorum *Prophetandi* functio saccis amictorum, Regno *Pseudo-prophete*, quemad-
modum supra demonstratum est, contemporat. Istiusmodi verò est rerum descriptio
ut oppugnationem *Regalis officii* Christi perinde ac *Propheticæ* comprehendat, uti
ex Visionis explicatione constabit. Nam quisquis sibi tantum assumit, ut legum
Regis, *infallibilis* sit *Interpres*, idem reverà pro Rege leges condit sancitque, e-
umq; Throno ac sceptro exuit; vel quâcunq; aliâ ratione leges illius supprimi pos-
sint abscondiq; à populo aliâq; in illarum locum substitui, *Regale* hoc officium pla-
nè hoc pacto irritum redditur. Cum Verbo autem Dei quod *Novo Veteriq; Testa-*
mento continetur, apud hunc *Pseudo-prophetam* sic agi, in *Idea Antichristianismi*
abundè declaravimus.

CAP. X.

1. *Visio Testium Explicatio.* Ver. III. Ratio cur duo sint. Ver. IV, V. Cur duæ Olive & Candelabra, quidq; significet hominum occisio per ignem ex ore ipsorum prodeuntem. V, VI. Potestatem claudendi cœlos ne pluat, ipsi tribui posse per Metalepsin; 2. Vel potius per secundi generis Zoopœiam. 3. Secundum quam Figuram dicuntur terram percutere omni plagâ Egyptiacâ. Et quisnam harum plagarum sit sensus. Ver. VII. *ἔταρ τὰ ἔθνη, ἔξ τῆς ἀβύσσου*, Prælium & Mors Testium, quid significant. Ver. VIII. Egyptus & suprà dictæ Plagæ quàm opportunè simul commemorentur. Ver. IX. Tres dies & dimidium quid denotent, Cadaverq; Testium insepulta. Ver. X. Quid Terræ incolæ. XI. Quid Spiritus Dei in Testes ingrediens. Ver. XII. Veros Testes cælum non invadere, sed illuc ascendere accersitos. Ver. XIII. Terræ-motus, Civitas, casusq; Civitatis, Nominumq; hominum 7000 cædes, quid significant. 2. *Antichristianam Regalis ac Prophetici officii Christi oppugnationem in hac visione duorum Testium clarè præfigurari.*

1. Inquiramus jam quid de his injuriis renunciatum sit in hac visione duorum Testium lugentium. Neq; enim de nihilo est quod conquerantur ac lugeant, cum Regale perinde ac Propheticum Christi officium tam manifestò oppugnetur ab hoc Homine peccati. Brevem visionis explicationem dabimus à versu ad versum ordinatim procedentes, à tertio incipientes, pergentesq; usq; ad decimum quartum, ubi Testium Historia exit.

Ver. III. *Et dabo duobus testibus meis & prophetabunt diebus mille ducentis sexaginta, amici saccis.*

Dies hos totidem esse annos ex ultimo *Co-expositionis* nostræ *Consecratio* satis apparet. Quod verò Testes hi duo sint, partim sit propter Typos ad quos in Veteri Testamento alludunt, partim ob naturam rerum quas denotant. Typi ad quos alludunt, sunt Moses & Aaron, Elias & Elisha, Zerobabel & Jeshua, tria distincta sanctorum hominum paria qui ob populi regimen celebres erant in istiusmodi temporibus quæ hisce duorum Testium temporibus etiam sint analoga, utpote qui dum *exterioris Templi Atrium* à *Gentibus* conculcatur, dicuntur prophetare, hoc est, dum polluitur *Idololatriâ*. Quemadmodum Moses & Aaron *Israëlitis* in Eremo præfecti erant, ubi sæpe labebantur in *Idololatriam* (quod per *Mulierem in Deserta* fortean alludi potest) & Elias ac Elisha in *Apostasia* eorum *Baalitica*, & Zerobabel ac Jeshua quando abducti erant in *Captivitatem Babylonicam*.

Sunt etiam tria rerum paria quæ per duos hos Testes aptè possunt significari. Aut suppressi utiq; *Magistratus* & *Ministerium* (istiusmodi intelligo qui *Bestie decacorni* & *Pseudo-propheta* ex opposito respondeant, & *Mosis* ac *Aaronis*, *Zerobabelis* & *Jeshuæ* speciem gerant) aut *Populus Judaicus* (eos ex ipsis intelligo qui ita sinceri sunt, ut nisi *Antichristianismi* in mundum Imperium obstaret, ad Christum converterentur) unà cum *cœtu Christianorum virgineo*; aut deniq; (quæ duobus hisce postremis Testibus respondent) *Vetus Testamentum* ac *Novum*, quæ reliquis per *Henopœiam* addi possunt.

Ver. IV. *Hi sunt duæ olive, & duo candelabra in conspectu Domini terræ stantes.*

Manifestus est *Israëlisumus* ad illud apud *Zachariam* alludens, cap. 4. 11. *Quid sunt duæ olive istæ ad dextram candelabri & ad sinistram ejus?*

Et tunc postea, vers. 14. *Isti sunt duo filii olei qui assistunt Dominatori universæ terræ.* Quod omnes Interpretes de Zerobabele intelligunt atq; Jeshua.

Ver. V. *Et si quis voluerit eos nocere, ignis exiet de ore eorum & devorabit inimicos eorum; & si quis voluerit eos ledere, sic oportet eum occidi.*

Allusio est ad Historiam *Mosis* & *Eliæ* qui ignem cœlitus deduxerunt in Adversarios. Hic verò magis mysticè intelligendum est de igni Spiritus, sive de Lege Divina ex ore eorum prodeunte, quâ mundum convincant, Jer. 23. *Numquid non verba mea sunt quasi ignis, dicit Dominus, & quasi malleus conterens petram?* Ad instar hominis illius è mari, 4 Esdræ cap. 13. *Et quocumq; ferretur ex ore ejus vox, ardebant quicunq; ejus audirent sonitus, quemadmodum pervasatur incendio grassante terra.* Ac rursus eodem capite, *Et ecce, ut vidit venientis impetum multitudinis*

Ver. 29.

Ver. 4.

Ver. 9.

nis, non extulit manum suam nec ensensus est, aut ulla belli tela, sed, ut vidi, misit duntaxat ex ore suo quendam quasi flatum ignis, ex labiis suis flammantem spiritum, & ex lingua scintillas ac procellas ejaculans, quæ omnia commixta simul, scilicet flatus ignis, flammans spiritus, & procellarum vis, irruerunt cum impetu in multitudinem quæ erat parata pugnare, & omnes ita cremati sunt, ut subito ex innumerabili multitudine nihil extaret præter pulverem tantum nidoremque fumi. Quod postea exponitur, ver. 38. de vi legis ignea, Et perdet eos sine labore per legem igni consimilem.

Hinc intelligere licet quid significetur per [si quis eos voluerit ledere, sic enim oportet occidi]. Hicque erat sermo Domini ad Zerobabelem, ad quem alluditur in his Testibus, Non in exercitu nec in robore, sed in spiritu meo dicit Dominus exercituum.

Zechar. 4. 6.

Tam manifestum est duorum Testium arma, suæ lugubris vaticinationis tempore, esse tantum spiritualia. Quæ res digna est quæ notetur considereturque serio.

Ver. VI. Hi habent potestatem claudendi celum, ne pluat diebus prophetiæ ipsorum, & potestatem habent super aquas convertendi eas in sanguinem, & percutere terram omni plagâ quotiescunque voluerint.

Diebus prophetiæ ipsorum, hoc est, Lugubris ipsorum vaticinationis vel in diebus quibus prophetent facis amitti. Quemadmodum clarè intelligere licet ex versu tertio. Manifesta est allusio ad Eliam qui pluvie inhibuit temporibus Achab per tres annos & sex menses. Quod præcisè tempus est prophetiæ horum Testium, nempe mille ducenti sexaginta dies. Sensus vero necesse est ut sit magis mysticus, siquidem hi dies annos significant. Quamobrem per pluviam intelligitur puræ ac revivificantis doctrinæ Evangelicæ falsis hominum glossæ matris, nondum adulteratæ distillatio. Quæ cœlestes guttæ Lugubri durante Testium prophetiâ, non descendunt. Hæc verò Cœli clausura, ipsis ad hunc modum, ascribitur, non quod cœlestis huius roris descensum ipsi positive impediunt, sed per Metalepsin, qualem jam observavi in fessore equi rursi, cui potestas data esse dicitur ut sumeret pacem de terra, & ut invicem se interficiant, cuique datus est gladius magnus, cum tamen nihil amplius per hoc intelligatur, quam quod suo tempore multa crebrâque futura sit calamitas. Itâ ut effectum assignetur signo uti res talis eventura sit, ut in versu illo vulgari.

Apoc. 6. 4.

Palida luna pluit, rubicunda stat, alba serenat.

Hæc una est legitime interpretandi ratio; verum superest & altera melior. Nempe si hæc cœli clausura hisce duobus lugentibus testibus tribuatur, non quidem per nudam solummodo Metalepsin, sed per secundi generis Zoopaiam, qualem supra descripsi. In qua quantumvis is cui effecta attribuuntur, nullam adhibuerit ad ea producenda actionem vel activitatem; aliquo tamen sensu causalem in ea habeat influentiam. Quemadmodum solis absentia causa dici potest Noctis, omniumque facinorum sub illius umbraculo commissorum. Itâ suppressio horum testium locove ejectio, causa est clausuræ cœli, verbiq; puri apud populum inopie. Ipsis verò Testibus attribui non potest nisi per Metalepsin vel potius Zoopaiam.

3. Ad quam rationem conversio aquarum in sanguinem, terræque percussio omni plagâ quoties voluerint, ipsis attribuitur, nempe per Zoopaiam, tametsi nullam positivam actionem illæ exerant; non certè magis quam sol in omnibus illis Homicidiis & Adulteriis quæ propter illius absentiam in latibulo vel sub velamento committuntur umbrosæ Noctis. Ac proinde cum porro addatur quoties voluerint (ut omittam vocem, & dixi rebus etiam inanimatis apud bonos Auctores tribui) non est nisi altitudo sive sublimitas huiusce schematis, nec quicquam amplius significat, quam quoties opportunitates se dederint ad huiusmodi effecta, in quæ lugubris horum Testium conditio consequentialem, si ita fas sit loqui, influentiam habeat quamvis minimè activam. Voluntasque ipsis tribuitur pari profectò ratione & elegantia atque ipsa Activitas, & juxta necessariam certè Analogiam, siquidem occasionales illæ Consequentia occasionalibus actuum voluntatis in eo qui propriè agere dicitur nec per Zoopaiam, exertionibus ex amissum respondent. Si cui verò minus placet accuratior hæc & articulatio Analogiæ explicatio, equidem statuât per me licet, & præcipuum esse, copiamque ac crebritatem harum plagarum Egyptiacarum in genere tantum significari. Allusio est ad Moysen qui Terram Egypti decem plagis percussit. Quarum insidiosa per mysterium hisce duobus Testibus in humili hoc abjectoque statu existentibus ascribitur.

Sensus igitur breviter hic est. Quod Imperium Romanum, in quo spiritualis hæc Egyptus Dei populum in servitute detinet, sive Aquas suas habeat per bella intestina

ac tumultus in *Sanguinem conversas*, sive noxiis abundet *Ranis*, hoc est, hominibus lutulentis, salacibus ac Veneri deditis, sive otiosis ac *pediculosis* mendicis scateat, sordidâ squalidâq; paupertate, propter oppressionem malâmve rerum administrationem per eos qui sunt in Imperio, plerosq; omnes inundante, sive homines importunis *culicum muscarumq;* agminum incurfionibus infestentur inquietenturque, hoc est, numerosis superstitionum scrupulositatibus, anxiiq; Theologiæ Polemicæ controversiis, quæ pungunt mordentque, & mentes ac conscientias hominum, in nullum alium finem nisi sollicitudinis & inquietudinis ergò, divexant atq; turbant, *Bestiæ*ve quas corpora nostra esse volunt *Platonici*, malâ *lue* tabescant, hoc est, impuritate & putredine onustæ sint noxiôq; peccatorum mortalium veneno, seu multitudo inquieta sit ac si *inflammatis ulceribus* efferaretur, gentesve barbaræ ab Aquilone ad instar *violente grandinis procelle* Imperium invadant, *Turcæ* ac *Saraceni* ab Austro ad modum numerosi exercitûs *Locustarum*, palpabilisve *caligo* ac *cæcitas* in rebus divinis mentes hominum occupet, & *Primogenitus* deniq; in unaquaq; Familia inveniatur *mortuus*, hoc est (inquit *Alcazar*) Anima cujusq; æternæ morti obnoxia, (ac si animam esse nollet *adualis* *visuaria* sed *Primogenitam* esse in homine, aut saltem quoddam *jus* habeat *Primogenituræ*, id est, jus Imperii exercendi in corpus) Sensus, inquam est, quoddam omnes hæ mysticæ *Ægypti* plagæ qualescunq; sint, (& certè faultæ significationis esse non possunt) duobus his luctuosis *Testibus* per *Zoopæiam* attribuantur, utpote quæ sunt *contumelia* Testium, *Afflictionis*, locôq; ac dignitate dimotionis *consequentia necessaria*, ut Furta, Homicidia & Adulteria absentia Solis.

Ver. VII. *Et cum finierint Testimonium suum, Bestia quæ ascendit de Abyssu faciet adversum eos bellum, & vincet eos & occidet eos.*

Textus Græcus habet *ἡ βελία τῶν ἀβύσσων*. Quod nihil ampliùs significat quàm, quando peragent testimonium suum. Et ex abyssu, *ἐκ τῆς ἀβύσσου* significat, vel ex profundo puteo in terra, vel, ex *Mari*, atq; sic vel *Bicornem Bestiam* vel *Decacornem* denotare potest. Belligeratio cum ipsis significat, per *Diorismum*, qualemcunq; ipsorum oppugnationem studiûmq; subdomandi ipsos vel supprimendi, bello cædêq; non exclusis, quemadmodum propiùs à fine Prophetiæ ipsorum contigit, apud *Waldenses* utiq; & *Albigenses* aliôsque. Et sicut Bellum quamlibet oppugnationem significat, ita *Mors* & *Cedes* quamlibet ipsorum conditionis mutationem in pejus, ita ut cessent esse id quod fuerant antea. Quoddq; hæc *Politica mors* sit Imperiôve expoliatio ex eo manifestum est, quoddam *Resurrectio* ipsorum talis sit. Vide *Mors* & *Resurrectio* in *Alphabeto Prophetico*. Aded ut sensus hic sit; Quoddam Testes hi statim atq; officium suum testificandi veritatem peragere incipiunt, impetentur ab inimicis, supprimentur & *Politice* occiduntur, hoc est, omni excludentur dignitate & Imperio.

Ver. VIII. *Et cadavera eorum jacebunt in Plateis urbis magnæ quæ vocatur spiritualiter Sodoma & Ægyptus, ubi & Dominus noster crucifixus est.*

Hunc versum jam exposui capite proximè præcedenti. Hic tantum notari potest quàm bellè hæc *Ægypti* appellatio cum plagarum *Ægyptiacarum* mentione ad quas modò allusum est, conveniat, quæ terræ incubuerunt quoddam Dei populum in servitute non desisterent detinere, nec permetterent ipsis Deum colere secundum ejus voluntatem ac præcepta.

Ver. IX. *Et videbunt ex tribus & populis & linguis & gentibus cadavera eorum per tres dies & dimidium, & cadavera eorum non sument poni in monumentis.*

Carere sepulturâ, duplicem habet sensum, quemadmodum videre est in *Alphabeto Prophetico*. Ego verò faustiore veriore hîc esse existimo, quoddq; careant sepulturâ pignus esse eos tandem resurrecturos, nempe post *tres dies & dimidium*, Quoddam in *Mysterio Pietatis* ostendi idem esse quoddam *Tempus*, *Tempora & dimidium Temporis* five Anni mille ducenti sexaginta, quibus & *Testes saccis amitti* dicuntur prophetare. Etenim cum tantum *Politice* mortui sint, nihil repugnat omnino in veritate rei quæ significatur, ut modo luctuoso vaticinentur, immò verò necesse est ut sic fiat. Cumq; decrevisset Divinus Spiritus hæc duas partes conditionis ipsorum, nempe *Prophe-ticas* ipsorum *Testificationes*, omnisq; *Politica Potestatis expoliationem* nobis ante oculos proponere (quam *Potestatis privationem* Scriptura mortem populi appellat, ejusdêmq; recuperationem, *Resurrectionem* ipsius ad vitam) factum est sanè (partim ob id quoddam valde incongruum esset ut vaticinentur dum sunt mortui, partim quoddam tam longum tempus, quàm ipsorum vaticinandi functio durare dicitur, dies nempe mille ducenti sexaginta, haud ita conveniebant cadaveri insepulto jacenti in plateis, & post id tempus mox reviviscenti) ut cortex hujus visionis sic contexatur, tam mirabili utiq; Artificio ut hæc *Diffonantiæ* per *Homonymiam* istam *Trium dierum & Dimidii* evitentur, omnesq; *Figurationum* *Propheticarum* partes, perinde ac in-

ternus

ternus rerum significatarum sensus debitam proportionem ac symmetriam observent, idq; absq; omni impedimento, cuivis homini sagaci, in vera investiganda Interpretatione visionis, quippe cui *Tres dies & dimidium* facilè mentem in *Tempus, tempora & dimidium temporis* (quod idem prorsus est quod dies 1260) statim sint directuri. Utrum verò secundarià aliquà significatione hi *tres dies ac dimidium* talem sensum habere possint, qualem *Jos. Medus* proposuit, optimè definiturus est Eventus. Quantum ad me, parum vel potius nihil in Textu causæ video cur quis inde ejusmodi sensum eruat. Vide *Mysterium Pietatis* eaq; quæ suprâ scripsimus in hoc ipso *Tractatu*.

Ver. X. *Et Incolæ Terræ gaudebunt super illis & letabuntur & munera mittent invicem, quoniam hi duo Prophetae cruciarentur terræ incolæ.*

Terræ incolæ, Ribera alio in loco ex *Andrea* interpretatur, *Habentes in terra perpetuam cordis habitationem*, quorum mentes rebus *mundanis* nimium multum immorentur. Hi certè necesse est ut lætentur cum *duo Testes* occisi sint, siquidem liberæ eorum reprehensiones ex Divinis oraculis valdè inquietant cruciantq; eos qui mundum adeò carnemq; sapiunt. Vide * *mysterium Pietatis*.

Ver. XI. *Et post dies tres & dimidium Spiritus vitæ à Deo intravit in eos, & steterunt super pedes suos, & timor magnus cecidit super eos qui viderunt eos.*

Quod *Spiritus vitæ à Deo* intraverit in ipsos optimè respondet eis quæ jam ex *Zacharia* citavimus, *Non in exercitu, nec in robore, sed in spiritu meo dicit Dominus exercituum. Resurrectionem* hanc significationem habere *Politica* plenius intelligere potes, si *Alphabetum Propheticum* adeas, ex eis quæ nos illuc super hoc Termino tradidimus.

Ver. XII. *Et audierunt vocem magnam dicentem eis, Ascendite huc; & ascenderunt in cælum in nube, & viderunt eos inimici eorum.*

Mallem reddere, *et viderunt eos*, Nam audierunt, &c. cum hæc vox de Cælo ipsos à mortuis excitasset, ut Christi vox olim *Lazarum* excitavit. Per quod cælum hic intelliguntur celsiora in *Mundo Politico* loca, quod *Testes occisi* accersuntur per vocem illinc emissam dicentem, *Ascendite huc*. Ubi haud intempestivum est notare, veros *Testes* antequam sint accersiti, nunquam venire velle, nec ad morem antiquorum *Gigantum* cælum invadere contra eorum voluntatem qui illuc resident, sed manere usq; dum ex legitima vocatione ad Officia Politica Dignitatésq; accedere queant. Illud enim non de *cælo Politico* sed de *Spirituali* verum est, *Regnum cælorum vim pati & violentos rapere illud*.

Quod verò hi *Testes* dicantur in cælum ascendisse in nube, videtur Allusio esse ad *Ascensionem Christi* post ejus *Crucifixionem*, ad quam hic etiam allusum est versu octavo. Quóq; adhuc perfectior Allusio esse possit, *Luctuosæ Christi* Prophetiæ ante *Resurrectionem* tempus, tres circiter annos & dimidium æquabat, siqua *Chronologis* fides.

Ver. XIII. *Factusq; est in illa hora terræ-motus magnus, & decima pars Civitatis cecidit, & occisa sunt in terræ-motu nomina hominum septies mille, & reliqui territi sunt & dederunt gloriam Deo cæli.*

Quod *Terræ-motus* significet *Politicos* rerumq; mutationes, obvium cuiq; est notare. Quod verò *Civitas* hic memorata non intelligenda sit de *Civitate ex lateribus* lapidibúve extructa sed de *Politia*, haud ita in proclivi fuit cuivis assequi. Mihi autem satis constare videtur quod hæc *Civitas* ipsissima illa *Civitas* sit cujus mentio fit versu octavo, quæ appellatur *Civitas magna*, éstq; hæc magna *Civitas Meretrix Babylonica*, *Meretrixq; Babylonica* nihil aliud nisi *Cleri Idololatri* in Imperio corpus seu communitas, quæ ad *Septimum* sive ultimum caput *Bestiæ* pertinet, quod perinde ac sex prima, caput est *Blasphemiæ*, hoc est, caput *Idololatricum*. Unde intelligere licet quid significetur per hæc *septies mille nomina hominum*. Neq; enim hic septies nec mille numerum ullum determinatum significant (quamvis per elegantem *Diorismum* id facere videantur) sed naturam duntaxat ac conditionem eorum nominum hominum qui dicuntur occidi; Quod *Tituli* sint, *Dignitates, Officia, Ordines*ve hominum ad Christiani orbis statum pertinentium quatenus sub capite septimo, quod factum est *Idololatricum & Antichristianum*. Quod verò Numerus hic *Septenarius* ductus sit in *Millenarium*, integram solidamq; fortè significat omnium hujusmodi Officiorum Ordinúmque hominum abolitionem, saltè externi Corticis Prophetiæ ornatus inservit. Quod quidem si *Cl. Medus* notavisset, compendium ipsi fecisset operæ circa erüendum sensum τῶν ὁμοίων ἀριθμῶν, ademissetq; ei sollicitudinem de proportionalitate Numeri occisorum. Etenim nulli omnino homines necessariò hic supponuntur occidi, sed *Officia omnia Antichristiana ac Fra-*

ternitates tantum dissolvi & abrogari, resq; ad puritatem primorum quadringenorum Annorum reduci. Nam occidere, per *Diorisum* nihil amplius significat quam efficere ut res cesset esse. Quin hic verus sit huiusce loci sensus, nullus equidem dubito. Cui & τὸ διόρισεν τὴν πόλιν significatione valde consentaneum est arctissimèq; conjunctum.

Quòd verò ullum fit in lapides lateresque, in muros ædificiaq; *Roma*, aut in hac præsentii visione, ullave alia in *Apocalypsi*, consilium aut molitio, equidem fateor me adeò obtusà oculorum acie in præiens, ut illud non videam, cum *Politia Papalis* per *Hylasum* non *Materialis Urbs*, quantum ego possum perspicere, in omnibus illis contra ipsam denunciationibus intelligatur. Adèd ut si futurum sit ut incendatur aut devastetur, aut teræ-motibus absorbeat, fieri potest ut is casus sit obiter contingens, non speciatim præstitutus nec datà operà præfiguratus in visionibus *Apocalypsicis*. Quòd si tale quid eventurum sit in istiusmodi circumstantiis quæ speciali quodam ac peculiari modo ad aliquod horum vaticiniorum adaptetur, per secundi generis *Henopæiam* erit inibi comprehensum, quemadmodum in schematibus *Propheticis* monui.

Hac verò de re quicquid statutum fuerit, nullus interim dubito, quin decimus tertius hic versus capitis quod præ manibus est, præcipuè si non unice ad *Clerum Idololatricum* spectat. De reliquis verò dicitur, quòd *territi sunt & dederunt gloriam Deo*, ut qui iustus erat in iudiciis suis, juxta illud *Hymnodia Moysi* atq; *Agni*, *Quis non timebit te, Domine, & glorificabit nomen tuum?* Nam solus sanctus es, &c. Immo verò nè eventus minus amplius videatur quam reverà fuit, fuerunt etiam ex ipso *Clero*, *Papis* ipsis non exceptis, ut in *Adriano* patet & *Clemente*, præter *Laicos*, qui in communionè *Pontificia* adhuc manebant, qui non solum *territi sunt*, sed & *gloriam dederunt Deo*, hoc est, confessi sunt ob enormia delicta ac peccata *Cleri* miram hanc rerum mutationem contigisse, ut videre est in *Historia Concilii Tridentini*.

2. Ex eis quæ hic scripsimus & in *Mysterio Pietatis*, satis constare existimo, *Antichristianam* illam oppugnationem, quæ contra *Propheticum Regalèq;* Christi officium sit, in hac visione *duorum Testium*, qui occisi in plateis *magne urbis* jacere dicuntur, durante *exterioris Atrii Templi per Gentes conculcatione*, clarè præfigurari.

Et certè quanquam quidam sibi tantoperè placent in imaginando visionem hanc adeò inextricabilem *Griphum* vel *Ænigma*, non possum quin profitear illius sensum mihi quidem videri *meridiano sole* clariorem. Et quantum ad specialem illum nodum scrupulùmve quem versui octavo inesse arbitrantur, qui fieri possit ut hi *Testes* de ullis *Christiani orbis Incolis* intelligantur, cum *Cadavera ipsorum* jacere dicantur in plateis *Urbis magne ubi Dominus est crucifixus*, quam igitur oportet esse *Hierosolymam*; ad hoc jam respondi innuendo Civitatem hanc *Spiritualiter* ac *Mysticè*, veterem appellari *Hierosolymam*, æquè ac *Sodomam* & *Ægyptum*. Et si quis cor habeat ad audiendum (neq; enim ullum adeò magnum *Cerebri* laborem requirit ut intelligatur) brevis perspicuùsq; huiusce versùs sensus hic est: Quòd hi *duo Testes* spoliati jacebunt omni honore ac potestate in districtibus *Jurisdictionis* illius *Ecclesiæ* quæ semper hætenus maxima fuit (ut *magna Civitati* aptè sic respondeat) & nunc sanè admodum ampla est, ex merè formalibus, carnalibus, & hypocriticis veri Dei Cultus Professoribus consistens, in qua *Ecclesia Dominus* etiam noster crucifixus est. Quid istòc facilius intellectu esse potest, magisve perspicuum? Hoc enim solummodò supponit *Carnalem* hanc, *Hypocriticam*, *Testicidamq;* *Christianorum Ecclesiam*, unam eandemq; Civitatis, Synagogæ, falsæve *Ecclesiæ* successionem esse cum *Formali*, *Hypocritica* ac *Propheticida Ecclesia Judæorum*. Quæ manifesta veritas est, si hæc *Prophetia* eandem supponat si secus; sed pergitur.

CAP. XIV.

1. Cornu parvulum apud Danielelem Typum esse illius Potestatis quæ oppugnatura sit Regale officium Christi. 2. Quartum Regnum apud Danielelem non esse Lagidarum & Seleucidarum sed Romanum, ex communi Scriptorum Ecclesiasticorum consensu probatum; 3. Et ex eminentia ac magnitudine Regni quarti; 4. Ex temporis distantia inter Lagidarum & Seleucidarum Regnum, & Regnum Lapidis abscissi sine manibus, vel Regnum filii hominis, quod est Regnum etiam Cælorum sive Regnum Dei. 5. Grotiana Interpretatio Filii hominis profana & inepta, ac si per eum intelligeretur populus Romanus. 6. Par dementia in interpretando Lapidem sine manibus abscissum de eodem populo. 7. Insoliditas illius opinionis adhuc clariùs distinctiusq; detecta. 8. Regnum Lagidarum & Seleucidarum quartum Regnum non esse, ex decem Regum secundum Typum Co-existentia porro confirmatum; 9. Ab immensè differentibus Periodis, cum unum secundum Danielelem statim post Antiochum finiatur, alterum non ante Diem Judicii; 10. Et ex eo quod Daniel magnum Cornu, primum Regem faciat in tertio hoc Regno, quatuorq; minora post ipsum ex ejusdem Hirci capite enasci; 11. Et ex quatuor capitibus Pardi quæ quatuor Successores sunt Alexandri, in hac tertia Bestia sive Regno, ex eiq; quod Daniel Antiochum prope finem illius successionis collocat. 12. Quod Cornu parvulum necessariò ad Regnum Romanum pertinet & Decacorne & Pagano-Christianum factum simul. 13. Quod equalis durationis sit cum Meretrice & Bestia bicorni, saltèmq; cum illis & Bestia instaurata tempore coincidit. 14. Per quam Equalitatem & Co-incidentiam ipsa Meretrix Bestiæ bicornis esse demonstratur. 15. Quod Patriarcham Romanum magis speciatim hic Typus attingit. 16. Accurata Applicabilitas characterum hujus Cornu ad dictum Patriarcham. 17. Applicatio eorum characterum qui magis particulatim ad ejus oppugnationem Regalis officii Christi pertinent.

1. Illa etiam apud Danielelem Prophetia de Cornu parvulo, quod mutaturum dicitur tempora & leges, Antichristiana oppugnationis adversus Regale Christi officium huculenta est Prædictio. Nam quod hoc Cornu parvulum idem sit quod Bestia bicornis sive Meretrix Apocalyptica, neminem credo dubitaturum, qui consideraverit Cornu hoc Romani partem esse Imperii quod figuratur per Decem cornua, & ad ea ipsa tempora pertinere quibus Imperium reverà factum sit Decacorne, idq; non quidem *successione* sed *simul*: ut decem digiti pedum Statuæ, qui decem cornibus respondent, decem Regum *successiones* non significant sed decem Reges in eodem tempore constitutos; sicut digiti pedum Imaginis, nullam propriè in situ *precedentiam* habent sed potius *Co-ordinationem*.

2. Jam verò quod Regnum quartum quod præfiguratum est per Tibias ferreas, per Pedes decemq; digitos Imaginis, & per Bestiam dentes ferreos habentem decemq; cornua, Lagidarum non sit & Seleucidarum, quemadmodum vult Grotius, sed Regnum Romanorum, multæ sunt eaq; magni ponderis rationes, quibus convincamur.

Primò, Bestiam quartam Romanum esse Imperium communis omnium Scriptorum Ecclesiasticorum est sententia, quemadmodum & Cornelius à Lapide, & Gaspar Sanctius, utriq; Jesuita, confidentissimè tamen affirmant; verba posterioris hæc sunt, *Est ergo, omnium sententiâ, innominata hæc atq; horribilis Bellua Romanum Imperium, neq; necesse est quenquam nominare, cum nemo non dicat.*

3. Secundò, Lagidarum & Seleucidarum Regnum esse non posse, contrà ac perpendit Grotius (in qua devia quidem opinione universæ Ecclesiæ Christi sententiam relinquit ut Porphyrium sequatur juratum Christianæ Religionis hostem) manifestum est ex eo quod occurrit Dan. 7. 23. *Bestia quarta Regnum quartum erit in terra, & devorabit universam terram* (quod intelligi oportet eodem sensu quo antea Terra intellecta est) & *conculcabit & comminuet eam.* Quod sanè efficere dici non posset, nisi tam magnum esset quàm hic indicatur. Jam verò manifestum est quod Regnum Seleucidarum & Lagidarum nec majus erat nec excellentius, nec magis victoriosum Regnum quàm ullum è tribus præce-

Dan. 2:

præcedentibus, quàm *Babylonicum* scilicet, *Persicum*, illudve *Alexandri Magni* à cuius Regno hoc *Lagidarum* & *Selencidarum* distinctum esse volunt. Quamobrem eorum Regnum quartum hoc esse non potest.

Hæc conclusio *Gaspari Sanctio* tam perspicua videtur ut admodum severiter quidem, quantumvis iuste, *Porphyrum* castiget propter hunc errorem quem *Grotius* tam inauspicatò amplexus est. In hæc enim verba super hoc Textu adversus *Porphyrum* erumpit: *Vide Porphyrii stuporem & oscitantiam, in cuius mentem venire potuit ut existimaret regnum eorum qui Alexandro succedere, omnium esse maximum, quòdque omnem terram sibi subjecerit conculcaveritque, cum reliquis Regnis longè fuerit infirmius & ab omnibus concisum, & malè vexatum.* Immo verò ipsum Vaticanum Regnum successorum *Alexandri*, suo, magnitudine & potestate, facit inferiorius, *Dan.* 8. 22. ubi dicitur fore ut quatuor Regna confurgerent, sed non juxta fortitudinem potestatemve *Alexandri*, hoc est, quòd inferiora futura sint illius Regno. Quod proculdubio intelligendum est de eis simul sumptis, cum supervacanea foret de singulis monitio, ac si Spiritus Divinus partem toto minorem futuram prædixisset; ut præteream unum eundemque Hircum esse qui nunc unum Cornu permagnum, mox quatuor illi succedentia habere dicitur.

4. Tertiò, *Tibiarum ferrearum digitorumque pedum Regnum*, & Regnum *Bestie decem cornua & dentes ferreos habentis*, unum idemque Regnum est, etiam juxta sententiam *Grotii*, quod is *Lagidarum* & *Selencidarum* Regnum facit. Jam verò scriptum est *Dan.* 2. Quòd lapis de monte sine manibus abscissus percussurus sit comminutusque; has tibia pedumque digitos, immò totam Imaginem è ferro, ære, argento auroque conflata, itaque huic Regno *Selencidarum* succedurus, nempe secundum *Grotianam* hujusce visionis Interpretationem. Et cap. 7. *Venit quis tanquam filius hominis cum nubibus cæli ut recipiat regnum*, nempe extincto *Antiocho Epiphane* parvulo illo Cornu inter decem in quarto hoc Regno quod *Grotius* sibi finxit. De quo cornu dicitur ver. 21. *Aspiciebam & ecce illud Cornu faciebat bellum adversus sanctos, & prevalebat eis donec venit Antiquus dierum & judicium dedit sanctis Excelsi.* Quod idem est quod *Adventus Filii hominis cum nubibus*, ut Regnum ab Antiquo dierum recipiat, ver. 13. Ambòque cum Lapide sine manibus abscisso consentiunt, significando utique opus humanum non esse sed *Antiqui dierum*, nempe *Dei ipsius*, ipsumque reverà esse *Christi Regnum*, quemadmodum Interpretes semper adhuc exposuerunt. Quod *Grotii* Insomnio apertissimè repugnat, ut quarta *Bestia cum dentibus ferreis, ferreeque Tibie* Imaginis, Regnum *Lagidarum* & *Selencidarum* denotent, *Antiochusque* sit Cornu parvulum.

Antiochus enim *Epiphanes* ducentis ferè annis antè extinctus est quàm vel doctrinam Regni *Christus* prædicavit ullòve habuit discipulos qui illum sectarentur. Et tamen scriptum est *Dan.* 2. 44. *In diebus autem Regnorum illorum suscitabit Deus cæli regnum quod in æternum non dissipabitur* (ex quo loco nullus dubito quin illæ phrasæ [*Regnum Dei*] quemadmodum & ex illo superiori [*Regnum cælorum*] quæ toties in Evangelio occurrunt, ortæ sint, ut & ille Titulus *Filii hominis* quem *Christus* tam frequenter sibi attribuit, ipsèque *Grotius* in *Matthæi* cap. 8. v. 20. agnoscit *אֲנִי בֶרֶךְ* *filium hominis* *Dan.* 7. v. 13. memoratum, intelligendum esse de *Messia*) Quamobrem impossibile est ut Regnum *Lagidarum* & *Selencidarum* quartum Regnum sit.

5. Verùm hîc *Grotius* contra sententiam quæ erat quando scripsit in *Matthæum*, commentum adinvenit quod vix licet enunciare sine horrore summæque animi consternatione; Aded ut supra modum obstupescam, quòd Homo aliàs doctus & laudabilis, (quemadmodum ille de *Porphyrio* loquitur) in tam scævum seductus sit errorem. *Filius hominis veniens cum nubibus cæli*, sicut ille nunc vult, est *Populus Romanus* nullum intra se habens Regem. Cum Servator *Christus* summo Sacerdoti subinsinuasset se *Filium hominis* esse venientem cum nubibus cæli, tanta ipsi visa est arrogantia ut vestimenta scinderet, diceretque eum blasphemasse. Atque equidem credo nec *Judeum* nec *Christianum* rectè ab hoc crimine absolvere posse *Grotium* qui peculiarem *Messie* characterem prophano Paganicòque populo attribuit, atque id quidem propterea quòd Regem non haberent, quasi eam ob rem ullatenus essent præstantiores. At enim verò Reges illi habuerunt in principio, atque tum in Infantia Imperii sui, tum postea, supremam habuerunt Potestatem, tam amplam sanè ac magnificam ut faciliè ipsos vel à minima contemptus specie possit eximere. Summa aliqua semper ipsis præfuit Potestas, ita ut ob nullam aded privatam conditionem *Filius hominis* possent appellari. Potestas enim summa, summa est Potestas sub quocunque demum nomine formæve, ejusdemque ferè majestatis. Præterea populus erant admodum

celebris

celebris ac victoriosus ante *Antiochi* tempora. Adeò ut admodum dilutum inspici-
dumq; sit commentum *Grotii* quo phrasin *Filii hominis* ipsis vult applicari ob ul-
lam eorum vilitatem vel obscuritatem. Tales enim non erant temporibus *Anti-*
ochi.

6. Rursus, Regnum *filii hominis*, & *Lapis sine manibus abscissus*, & reverà &
secundum ipsius *Grotii* sententiam idem sunt; verum hic *Lapis Christus* est ejusq;
Regnum, utpote quod cœleste est, ἀνεσώτως, res quidem quæ non humanis viribus
effecta sit & consummata, sed *Divino spiritu* ac *virtute*. Quod hic sensus sit isto-
rum verborum [*sine manibus*] communi Interpretum, ut *S. Hieronymi*, *Irenæi*, *Ju-*
stini, *Epiphani*, *S. Augustini*, *Theodoret*, aliorumq; multorum suffragio confirmatur.

Ad quæ latibula putatis se jam recipere *Grotium*? Ad hoc utique, Hanc *Figuram*,
quæ adeò appropriata est Christo, totiesque de eo in *Novo Testamento* memorata,
Lapidem hunc abjiciendum esse tanquam si nec pretiosus esset nec *Angularis* lapis,
populòq; Paganico rursus, *Romanis* scilicet,tribuendum. Sic enim *Grotius* mini-
mè dubitat enunciare, Idem *Lapis* & *Filius hominis*. Filium verò hominis Popu-
lum *Romanum* paulò antè statuit. Potestne verò quisquam credere originem suc-
cessumve illius Populi, ἀνεσώτως, τὴν fuisse, rem speciali virtute *spiritusq; Dei* effe-
ctam, & non more humano, juxta ordinarium Mundi cursum seu rationem, eamq;
sanè haud optimam, cum prima hujus Populi initia facta sint per turbam Raptorum
ac Prædonum?

7. Atenim illud *Grotii* glossema esse non potest, inquietis. Audiamus igitur
quodnam sit. *Lapis abscissus de monte sine manibus*, secundum eum, exercitus est
populi qui suæ esset spontis nulliq; Regi pareret, cujus populi origo à monte, nempe
Palatino. In quibus verbis nihil profectò sani est aut solidi. Erátne enim quic-
quam Exercitus hic populúsve *Romanus* magis suæ spontis quòd nullum Regale Re-
gimen Potestátve *Romæ* tunc esset? Summa illa *Consulum* & *Senatorum* potestas
parem dirigendi coërcendiq; vim habuit ac si fuisset *Regia*. Adeò ut motus Exer-
citus nihilò indè magis factus sit spontaneus, nec ipsius quidem Populi. Præterea,
Lapis de monte sine manibus abscissus supponit à monte tunc sponte divisum fuisse
quando illinc dicitur abscissus. Cum autem *Romani* primùm à monte *Palatino* orti sunt,
vel quum primùm populus facti sunt *Romanus*, Potestas *Regia* apud ipsos obtinebat,
quippe quæ prima Regiminis forma hujus populi erat, ac proinde Populus suæ spon-
tis tunc non erant, etiam secundum hoc *Grotii* Commentum; adeò ut efficere ut om-
nia hic inter se consentiant, ipsi sit impossibile. Et postremò, Quòd montem hic sen-
su literali interpretaretur admodum inscitè factum est, & contra styli *Prophetici* ana-
logiam, ipsamq; præsentis Textus indicationem, qui dicit *lapidem hunc parvum qui*
statuam percusserat, montem magnum factum esse, & universam implevisse terram.
Quamobrem cum hic mons non literaliter sed Politicè significet, minimè dubium
est quin & alter sic significet, lapisq; aliquosensu, huic saxoso monti sit con-
gener.

Unde Interpretatio manifestò sic institui debet: Quòd scilicet ex magno illo monte,
hoc est, *Romano* Imperio, Populus suscitandus esset, non equidem per *Potentiam*
Politiámve humanam, sed per *spiritum Dei* Evangeliiq; prædicationem, per Christum
& Apostolos, qui peculiaris ipsi populus futurus esset subditq; fierent illius Regni,
hoc est, Quòd *Ecclesia Christi* abscindenda esset ex Imperio *Romano* absq; humano
auxilio. Hic facillimus sensus est minimèq; distortus, & contra quem nè minima
proferri potest objectio.

8. Quartò, quod jam supra innuì, *Decem cornua* quartæ Bestiæ dentes ferreos ha-
bentis, decemq; *digiti* tibiæ statux, idem significant. Quamobrem manifestum
est, cum *Decem Digiti* propter situm eorum co-ordinationem, decem etiam *Cornuum*
Co-existentiam arguant, decem Reges simul esse oportere in Regno quarto. Ve-
rùm in *Lagidarum* ac *Seleucidarum* Regno decem Reges nunquam fuerunt eodem
tempore simul; Ac proinde Regnum illud non potest esse Regnum quartum.

9. Quintò, *Antiochus Epiphanes*, hujus regni *Lagidarum* & *Seleucidarum* pars,
surgere dicitur in novissimo Regni successorum *Alexandri*, Dan. 8. 23. Quamob-
rem hoc Regnum *Lagidarum* & *Seleucidarum* antè bis mille ferè annos exiit; Reg-
num verò *Bestiæ quartæ* ad Diem usq; *Judicii* pertingit, Dan. cap. 7. v. 9, 10.
Aspicebam donec Throni positi sunt & Antiquus dierum sedit—Thronus ejus flam-
mæ ignis, rota ejus ignis accensus. Fluvius igneus rapidus à facie ejus egrediebatur,
millia millium ministrabant ei, & decies millies centena millia assistebant ei, iud-
cium sedit & libri aperti sunt, &c. Hanc descriptionem esse diei *Judicii*, communis
est tum *Christianorum* tum *Judeorum* opinio. Et accuratè sanè respondet *Stagno ig-*
nis

nis libriq; apertis, Apoc. 20. quæ & ipse Grotius de die novissimo interpreta-
tur. Unde securè concludere possumus Regnum *Lagidarum* & *Selencidarum* non
esse Regnum quartum, quippe quod longè ante hoc tempus esse desit; quantumvis
intelligeremus Diem judicii eodem sensu quo *Rabbini* suum דְּיָמֵי דִּינָא רַבָּא, juxta
quem sensum [*Aspiciebam donec throni positi sunt libriq; aperti*] sic intelligendum
est, *Daniclem* Prophetam prospectum habuisse usq; ad ultimum magni illius Diei ver-
minum. Verum magis particulatim ab initio illius Diei incipit versu undecimo. Hoc
verò obiter tantum notavi.

10. Sexto & ultimo, Regnum *Alexandri* illudq; successorum suorum unum
idemq; Regnum est. *Alexandri* verò Regnum tertium est, juxta ipsius *Grotii* con-
cessa. Jam verò quòd illud successorum ejus (cujus lineæ sunt *Dagida* & *Selen-
cide*) unum idemq; Regnum est cum regno *Alexandri*, manifestum est ex *Danielis*
capite. 8. v. 21. Porro *Hircus Caprarum Rex Græcorum* est, & Cornu grande quod
erat inter oculos ejus, ipse est Rex primus. Quòd autem fracto illo surrexerunt qua-
tuor pro eo, quatuor Reges de gente ejus consurgent, sed non in fortitudine ejus. Hoc
argumentum perspicuum est, quòd Regnum *Alexandri* ejusq; successorum unum i-
demq; est Regnum. *Alexandrum* enim vocat Regem primum, quòd necessario ar-
guit illius successores esse secundos, ac proinde ad unum idemq; regnum omnes per-
tinere. Immo planè ait, Quòd hæc quatuor cornua surrexerunt pro uno illo grandi
cornu, hoc est, illius loco. Quid hoc aliud est, quàm in illius locum succedere,
tanquam capita ejusdemq; Imperii? Nulla enim nova Bestia huic Bestie di-
citur succedere, sed Cornua Cornu. Et deniq; quòd quatuor cornua cum primo
compareret, dicatque, sed non in fortitudine ejus, porro innuit cognationem &
successionem ejusdem lineæ, eumq; non loqui de Capitibus duorum diversorum
Regnorum.

Quòd clariùs adhuc constabit ex vers. 8. *Hircus autem caprarum magnus factus est*
nimis; cumq; crevisset, fractum est cornu magnum, & orta sunt quatuor cornua pro
eo ad quatuor ventos celi. Sed ubi oportet hæc cornua oriri vel crescere, nisi in
illo capite quòd cornu magnum perdiderat, quòd compensatur quatuor minoribus
sed in suo genere insignibus? Valdè enim incongruum est & ab omni ratione alie-
num supponere ea ex ullo alio capite surgere. Ità ut *Latina versio* & *Septuaginta* Inter-
pretes non reddant, una subter illud, alteri *unumq; eorum*, locum capitis paulò infe-
riorem innuentes quàm quo magnum cornu steterat, sed idem planè caput eandemq;
Bestiam supponentes. Et certè si ad ullam aliam Bestiam pertinuissent, fieri non po-
tuit quin illa Bestia nominata esset. Quamobrem necesse est ut aut ex hujus *Hirci*
capite crescant, aut nullibi nisi ex humo, quòd ridiculum esset. Ac proinde ma-
nifestum est Regnum *Alexandri* & successorum ejus unum idemq; esse Reg-
num. Nam *Hircus* ille unus idemq; *Hircus* est sub hac diversorum Cornuum suc-
cessionem.

11. Et major tamen adhuc hujus veritatis evidentia elucet ex capite 7. v. 6. *Post*
hæc aspicebam, & ecce alia quasi Pardus, & alas habebat quasi avis quatuor super se,
& quatuor capita erant in Bestia, & potestas data est ei. Quatuor capita hujus
Bestie quatuor successores esse *Alexandri*, nempe *Perdicam*, *Selencum*, *Ptoleme-
um*, *Meleagrum*, ipse *Grotius* libere fatetur. Alia igitur quatuor, regna denotant
in quæ *Alexandri* Imperium post illius obitum divitum est, quòd nihilominus tan-
quam una Bestia consideratur, uti & *Romanum* Imperium in decem regna divitum
quæ per decem Cornua notantur, vel in partes Orientalem & Occidentalem distribu-
tum, per duas alas *Aquile* sic figuratum.

Hec quidem *Grotius*, si clarè eloqui velit, *Alexandrum* Bestiam facturum esset,
quemadmodum *Domitianum* fecit aliòsq; in *Apocalypsi*, contra omnes leges Inter-
pretationis Prophetice, immò verò contra quicquid rationi consonum est & concin-
num. Ejus glossema sic est: *Pardus varium Animal, scilicet Alexander moribus variis.*
Quàm supra modum hoc absurdum sit, quilibet apud se penset. Nam sic *Alexan-
der* inferior erit quatuor suis præcipuis Ministris, illiq; ipsius erunt caput. Quæ
Politica est Absurditas, immò caput illius postquam obisset, quæ est Absurditas
Metaphysica. Quamobrem *Alexander* primum caput, grandævum Cornu hujus Bestie
est non ipsius corpus, ut superior esse possit suis quatuor principalibus Ministris, nec
esse Bestia, quæ quatuor hæc cornua capitavo gestet etiam postquam ex hac rerum
scena exisset. Hæc enim nec Capita nec cornua erant antequam ille esset mortuus.
Alexander igitur primus est in successionem horum capitum cornuumve Bestie, non autem
Bestia ipsa.

Sed ut propius ad rem ipsam accedamus; Dico valdè manifestum esse ex quatuor
his

his capitibus alijsq; quatuor quas hic *Pardus* habere dicitur, quòd *Regnum tertium* quatuor primos *Alexandri* successores in se comprehendit. Nihil hoc evidentius esse potest vel ex ipso textu. *Pardus* enim describitur in tertio loco, & immediate pòst cum quarta *Bestia* memoratur & appellatur pariter quarta, v. 7. Quamobrem quadriceps hic *Pardus* manifestò tertia *Bestia* est. Jam verò quòd successio horum quatuor capitum usq; ad *Antiochum Epiphanem* unius ejusdemq; Regni est successio, ex cap. 8. 22. planè patet. Quòd autem fracto illo (nempe cornu illo magno) surrexerunt quatuor pro eo, quatuor Reges de gente ejus stabunt, sed non juxta fortitudinem ejus. In novissimo verò regni eorum (Textus Hebraicus habet *וּבְחֹמֶת מְדִינָתוֹ* quod Septuaginta reddunt *ἐν ἰσχυρῇ τῆς βασιλείας αὐτοῦ*) stabit Rex fortis facie & intelligens enigmata. Quem *Grotius* ceteriq; omnes agnoscunt esse *Antiochum Epiphanem*.

Unde liquidò constat, totam successionem *Præfectorum Alexandri* à primis illis quatuor inclusivè ad tempora usq; *Antiochi* unam successionem unumq; regnum esse. Nam *Antiochi* tempora, novissima regni eorum tempora appellat.

Quapropter manifestum est, cùm *Regnum Alexandri* unum idemq; regnum sit cum *Regno quatuor Præfectorum* (illud enim regnum tertium est) Regnumq; quatuor *Præfectorum* unum idemq; cum eorum successione ad *Antiochi* usq; tempora, quòd tota successio ab *Alexandro* ad *Antiochum* una successio sit Regnumq; unum. Equidem hoc si non sit demonstrativè verum, nulla omninò est apud ipsos *Mathematicos* demonstratio. Veruntamen hoc si verum sit, *Regnum Lagidarum* & *Seleucidarum* non potest esse *Regnum quartum*, sed *Regnum Imperiùmve Romanum*, quemadmodum omnes cordati homines atq; sobrii hactenus tenuerunt.

12. Qua de re cùm tam firmiter persuasi simus, facilè jam dignoscemus ubi hoc cornu parvulum, quod tempora & leges mutare dicitur, sit quærendum. Ubi enim ipsum investigare possumus nisi inter numerosa illa cornua in *Regno Imperiòve Romano*? non autem in *Græco*, ad quod refertur *Antiochus Epiphanes*. Et certè jam clarè demonstravimus, *Bestiam* Apocalypticam septicipitem ac decacornem, *Regnum* hoc esse *Romanum*, hancq; *Bestiam* semel sanata taliq; conditione constitutam, ut rectè dici possit, quòd sit *Bestia quæ erat & non est & tamen est*, (quod tum sit cùm facta sit *Pagano-Christiana*) Imperium hoc esse in decem Regna divisum, simulq; cum hac Divisione Imperium gradatim in Idololatriam relapsum fuisse per pravam Actuositatem, Regimèq; *Bestiæ bicornis* sive *Meretricis*, quam etiam ostendi sanata *Bestiæ* contemporare, sive *Bestiæ quæ erat, non est & tamen est*.

13. Verùm *Bestiæ instaurata* sive *sanata* duratio est per 42 menses, qui sunt dies 1260, seu tempus, tempora & dimidium temporis. Mora enim *Mulieris* in deserto utrolibet horum posteriorum numerorum indifferenter exprimitur, primusq; ac secundus simul adhibentur in visione Atrii exterioris & Duorum Testium. Quamobrem cùm 42 menses, & tempus & tempora & dimidium temporis idem sunt quod 1260 dies, idem sunt inter se. Cæterum cornu hoc parvulum apud *Danielem* de quo loquimur, suum etiam habet regnum definitum per tempus, tempora & dimidium temporis. Ergo ejusdem durationis est cum duratione *Meretricis Bestiæve bicornis*, quæ *Bestiæ instauratæ* cujus duratio est per menses 42, contemporat.

Quamobrem, Quòd coincidentia est saltem temporis, si non rerum, complicatio-
nisve naturarum (quinimò Identitatis quarundam) inter hoc cornu parvulum apud *Danielem*, illaq; tria synchrona, *Bestiam instauratam*, *Meretricem*, & *Bestiam bicornem*, vehemens quidem subest suspicio. Illa enim locutio Dan. 7. 24. Et alius consurget post eos, nulli omninò est obstaculo, quandoquidem אַחֵר יִשָּׁרֵף à Septuaginta redditur ἄλλος αὐτῶν ponè ipsos, quippe quòd sitūs ordinem perinde ac temporis significat. Quòdq; ponè collocetur, ea positura est convenientissima ad istiusmodi factum moliendum quale hoc cornu machinari dicitur, nempe ad subvertendum humiliandūve tres Reges. Quod technis potius ac consiliis ipsi faciendum est quàm aperto Marte.

14. Jam verò ab hac temporis Aequalitate sequetur porrò, quòd duratio hujus cornu parvuli sit 1260 annorum, per ultimum Co-expositionis nostræ Consecrarium. Quod rursus arguit quàm impossibile sit ut hoc cornu sit *Antiochus Epiphanes*. Quibus accedit quòd dicatur differre à reliquis cornibus in ipsorum explicatione. * Porrò cornua decem ipsius regni (hoc est Regni Romani, quemadmodum suprà demonstratum est) decem Reges erunt, & alius surget ἄλλος αὐτῶν ponè eos, וְהָיָה יֵשׁוּעָה מִן קִדְמוֹיָה, & ipse diversus erit à prioribus, & tres Reges humiliabit. Jam rogo, quisnam è Regibus decem, Regnisve, adedò diversum est à reliquis, nisi regnum sit Ecclesiasticum?

Quamobrem *Co-incidentia temporis* cum Imperio *Pagano-Christiano* longaq; *Duratio*, ut & *Diversitas* hujus Regni à decem reliquis, plusquam suspicio vehemens est, partem successionis esse *Regni* alicujus *Ecclesiastici* quod pari passu decurrere oportebat cum Imperio ad Christianitatem converso. Quòd si oriatur Quæstio utrùm *Regni* hujus *Ecclesiastici* pars hæc incorruptum *Christi Regnum* sit an *Regnum Antichristi*; solutio quidem minimè est difficilis. Quòd enim Christi regnum non sit, manifestum est ex eo, quòd *Antiquus dierum* venturus dicitur ut ipsum igni comburat & consumat. Unde planè liquet, Ecclesiam conjecturà non errasse, quòd *Cornu* hoc *parvulum Antichristum* esse censuerint, & ex consequenti, quemadmodum ego sentio, idem quòd *Bestia bicornis* & *Meretrix*, quæ planè *Isochrone* est, nullusq; dubito quin sit *Synchrona* huic *cornu parvulo*. Adjudicatur verò combustioni in *Apo-calypsi* ut *cornu* hoc *parvulum* hic apud *Danielem*.

15. Ut verbo igitur expediam; Hoc *cornu parvulum*, *Idololatricus* Imperii *Clerus* est, sed magis præcipuè speciatimq; magna illa pars & notoria sub Episcopo *Romano*, Qui singularem præ cæteris operam navavit, ad obtinendum degener hoc *Ecclesiasticum* in *Romano* Imperio Imperium, & ad Imperium præcipitandum in lapsum superstitionis & *Idololatriæ* ad idemq; in eisdem detinendum. Ac proinde rectè dicitur *Cornu* ex hac *Bestiâ* ortum, cùm ipsum Symbolum [*Bestia*] quemadmodum & ipse *Grotius* fatetur, innuat *Idololatriam*.

16. Et si accurata Applicationis aptitudo nos certos facere potest de recto Vaticinii sensu, hic certè falli non possumus, singulos examinando hujus *Cornu parvuli* characteres. Nam quemadmodum illud parvum est, ita origo *Paparum humilis* & obscura, eorumq; *Principatus* secularis *exiguus* quidem ad eos Principes comparibus quibuscum conflictarunt. Rursus, ut *Cornu* hoc *oculos hominis* habebat, ita notissimum est quantum ad *Exsequias Politicam* visusve acumen in rebus administrandis,

(Tu regere Imperio populos Romane memento)

nullam hominum extitisse Societatem, quæ cum *Hierarchia Romana* sit conferenda. Adeò ut in proverbium ferè abierit, Religionem *Pontificiam* nihil aliud esse quàm meram *Technam Politicam* ad augendum conservandūq; Honorem, Potentiam Opulentiamq; *Papæ* suisq; *Cleri*. Vide *Europæ Speculum* ab incomparabili Viro *Edwino Sandys* Equite aurato scriptum; deprehendes sanè hanc vaticinii partem mirandum in modum impletam, nec de nihilo esse quòd hoc *Cornu parvulum hominis oculos* in se habere dicitur, quòd de nullo alio cornu præter hoc per universa vaticinia narratur. Tertiò, Sicut hoc cornu dicitur *os habere loquens ingentia*, sive intellexeris de *venditatione suæ Potestatis* sive de *Blasphemia*, satis notum est ab hoc cornu talia verba enunciari, quæ *Papam omnibus Principibus* ac Imperatoribus innuunt majorem. Immò non solum *Infallibilis* dicitur, sed *Deus* appellatur, dignusq; declaratur Divino honore. Quartò, quantum ad *Humiliationem* subjugationemq; *trium Regum* quod *Cornu* hoc effecturum prædicitur, an non olim hoc præstitum est à *Papa Romano* in suis tractationibus *Leonis Isauri*; in subvertendo *Lombardorum* Regno ut sibi *Ravennæ* Exarchatum acquireret; & in excruciendo inquietandōq; *Henricum quartum*, ejusq; Successores Ecclesiasticis Fulminationibus, Technisq; Politicis ac malignis machinationibus, donec omne jus ac Jurisdictionem in *Italia* ipsis extorsisset?

17. Quintò, ut propius ad id quod præ manibus est accedamus ubi dicitur, Quòd *sermones contra Excelsum loquetur*, & *sanctos Altissimi conteret*, & *putabit quod possit mutare tempora & leges*, & *tradentur in manu ejus usq; ad tempus & tempora & dimidium temporis*, *Idololatricus*, inquam, hic Clerus non multum jam abest ab implendo *hanc Temporum Periodum*, cùm degeneratio Ecclesiæ ante annos quadringentos ferè post Christum natum inceperit, & (quod notatu dignius est) cùm ipsi tam notabilem cladem acceperint in decursu hujus *semi-temporis* quod alibi *semi-dies* dicitur, in quo enormis eorum dominatus probè comminutus est & castigatus. Sextò, Et quantum ad prædictionem de *conterendo & consumendo sanctos Altissimi*, hoc certè fecit modo truculentiori & crudeliori quàm ipsi *Pagani* in Christianos primitivæ Ecclesiæ, Quæ maximè furiosa *Regalitatis* Christi oppugnatio est quæ concipi potest: Veros utiq; illius subditos tam diris cædibus trucidare, & occidere. Septimò, Et quòd dicitur *sermones contra Excelsum loqui*, hoc est, contra *Divinam Majestatem*, an non hoc planè impletur in *Papæ* prætextibus, quòd potestatem habeat dispensationes concedendi circa *Leges Injunctionesq; Christi*, eæve prorsus seponendi? Cujus rei multa exempla in *Idea Antichristianismi* protulimus,

mus, eaq; istiusmodi, quæ probè notum sit ad illam Ecclesiam pertinere. Ad hæc reus est *Lesæ Majestatis Divina*, quod cultum religiosum suis *sanctis canonizatis* instituit, qui Honor est nulli debitus præterquam soli Deo. Postremò, Quod etiam dicitur *mutare Tempora & leges*; Quàm innumera Instituta procudit *Papa* de quibus verè usurpari potest illud quod Servator olim dixit *Scribis & Phariseis*, *Ἀπ' ἀρχῆς ἡ γέγονεν ἡτο*; *Ab initio non fuit sic?* Quid hoc igitur aliud est quàm *mutare Tempora & Leges?* Et sæpenumerò cum perfecta oppugnatione Legum Dei Christi; quemadmodum suo loco notavimus.

Unde clarè perspicimus *Antichristianam* hanc oppugnationem *Regalis officii Christi* admodum expresse prædictam esse in hac visione *cornu parvuli*, quod surrexit inter *decem cornua* in Imperio Romano, & Imperium, in Imperio, ut quidam loqui amant, fabricavit, factaq; est *Bestia bicornis* in *Bestia decacorni*, *Ecclesiasticum* extruens Imperium *Antichristianum* intra Civile, in oppugnationem veri Imperii *Regni Christi*, & in frustrationem Potestatis illius atq; Legum in Ecclesia, immò in oppugnationem *immutabilium* illorum Decretorum quæ *Æternus Logos* edidit, qui omnem hominem venientem in mundum illuminat.

CAP. XV.

1. *Visio Sessoris albi Equi (Apoc. 19.) proposita.* 2. *Generalior hujus Visionis Explicatio.* 3. *Quid significetur per Equum album, quid per Sessoris oculos flammeos.* 4. *Quid per Nomen sibi soli cognitum.* 5. *Quid per vestem tinctam sanguine.* Quodq; hic pariter atq; præcedentes *Characteres* applicari possunt *Christi corpori, Ecclesie.* 6. *Gladii ex ejus ore prodeuntis significatio;* 7. *Calcationisq; lacus vini iræ Dei.* 8. *Inscriptionis in ejus femore significatio quantum ad seipsum;* 9. *Quantumq; ad illius Ecclesiam, cui potest applicari; quemadmodum & Lacus vini Calcatio, Gladiiúsq; ex illius ore prodicens.*

1. **Q**uarum Oppugnationum posterior, illam intelligo adversus *æternum Logon*, admodum graphicè præfigurari mihi videtur Apoc. 19. incipiendo à versu undecimo; ubi videre licet, quid depressum sit ac proculcatum in regno *Meretricis Babylonice* (quam idem esse quod *Cornu parvulum* apud *Danielem* jam innui) ex descriptione *Hujus* victoriæ in *illius* occasu & ruina, *Meretricis* scilicet, quæ eadem est quæ *Bestia bicornis* sive *Pseudo-propheta*, qui capitur & simul cum *Bestia decacorni* in stagnum ignis ardens sulphure conjicitur, vers. 20. *Pompa* verò splendidq; ad hoc bellum victoriámq; incessio sic describitur.

11. *Et vidi cælum apertum & ecce Equus albus, & qui sedebat super eum vocabatur Fidelis & Verax, & cum justitia judicat & pugnat.*

12. *Oculi autem ejus sicut flamma ignis, & in capite ejus Diademata multa, habetq; nomen scriptum quod nemo novit nisi ipse.*

13. *Et vestitus erat veste aspersa sanguine, & vocatur nomen ejus VERBUM DEI.*

14. *Et Exercitus qui sunt in cælo, sequebantur eum in equis albis, vestiti byssino albo & mundo.*

15. *Et de ore ejus procedit gladius ex utraq; parte acutus, & in ipso percutiet gentes, & ipse reget eas in ferrea virga, & ipse calcet torcular vini furoris iræ Omnipotentis.*

16. *Et habet in vestimento & in femore ejus scriptum REX REGUM & DOMINUS DOMINANTIUM.*

2. Videtis in hac Visione *æternum Dei verbum*, cujus *Sacra Biblia* sunt aliquo sensu aliquaq; ex parte *Transcriptum*, ad victoriosum prælium splendide incedere, multis diadematis coronatum, tanquam jam possidens justum illum Titulum, totius mundi oculis visibiliter expositum, per Inscriptionem super femur illustris hujus Herois, *REX REGUM & DOMINUS DOMINANTIUM*. Quam Potestatem *Babylonis* Domina hætenus usurpaverat, & sub *Infallibilitatis* prætextu non solum manifestæ *Legi verbi Dei scriptæ* silentium indixerat, sed sædè admodum barbarèq; innata illa *Moralitatis* ac *Rationis Principia* proculcaverat, quæ *Æternus Logos* sive *Verbum æternum* humanis Animis iniecit, & per terrorem ac vim truculentam opere

quanto maximo poterat ea suffocare extinguereq; contenderat. Jam verò mirum in modum mutari incipit rerum scena, *puro Dei verbo* tam apertâ Pompâ ad prælium proficiscente, ad certumq; pergente contra corruptas, superstitiosas, Idololatrias sibiq; repugnantes opiniones, ineptaq; Instituta Antichristianæ illius hominum Societatis, quibus Papa specialiter præest, Triumphum ac victoriam.

3 Nulla ferè difficultas erit in intelligendo hoc Vaticinio si ad *Alphabetum Propheticum* recurramus, ubi notavi quid *Equus* quidq; *color albus* significant. Quod hujus *Herois* oculi dicantur tanquam *Flamma ignis*, egregium visus acumen denotat, quemadmodum scriptum est in Epistola ad Hebræos, *Quod vivus sit Dei sermo & efficax, discernatq; cogitationes & conceptiones cordis, nec ulla sit res creata quæ non manifesta sit in conspectu ipsius; quod verò omnia nuda sint & patentia oculis ejus quicum nobis est negotium.* Ubi verbum scriptum, & *Æternum* verbum simul describuntur, quemadmodum & hîc describi videntur in hac Visione per *Hexagrammam*.

Rursus quod oculi ejus dicantur tanquam *Flamma ignis*, notare porro possumus, Ignem esse Symbolum *Intellectualitatis*, præsertim Ignem flammeum, qui lucem implet, sicut faciliè intelligitur ex *Cabbala Philosophica* Creationis primi Diei.

*Ignis est ollis vigor & cælestis origo
Seminibus.*

Occurritq; in oraculis Magicis *αυγὴς τοῦ* & *αὐτὸς φανερὸς* Animæ tribuitur tanquam *δὴν τὴν ὁλὴν ἐν τοῦ*, ut loquitur *Plethon*. Quamobrem *Logos* rectè hîc dicitur oculos habere tanquam *flamam ignis*, quippe qui non solum *Intellectualis* est sed magnus ille ac *Æternus Intellectus*, unde omnes Substantiæ Intellectuales ortæ sunt, ut & Operationes earum peraguntur ope magis purorum, æthereorum igneorumq; spirituum.

4. Quod nomen etiam habeat inscriptum quod nemo noverit præter seipsum, Doctrinæ *Cabbalisticæ* videtur consentaneum, quæ *Aaronem* Symbolum facit *Æterni Verbi* quod implet universum; Ut & *Christi*, qui hoc Verbum est incarnatum. Allusio igitur est ad *Tetragrammaton Aaronis* Mitæ inscriptum, ad Nomen illud quod *ἀπὸ τοῦ ἐν ἀναπόλει* esse dicitur, nec ab ullo alio legi posse præterquam à summo Sacerdote qui aureæ laminæ ipsum super Mitram inscriptum habuit, quemadmodum *Alcazar* notavit. Verum in summa, *Incomprehensibilitatem* significat & *Imperscrutabilitatem Divinitatis Servatoris*, cum is solus qui sit eam comprehendere possit.

5. Quodq; vestimentum ejus sanguine aspersum dicitur, Symbolum est illius *Passionis*, ut cognoscamus *Messiam* esse qui hîc indigitatur. De quo S. *Johannes* in Evangelio scripsit, *ὁ λόγος σὰρξ ἐν ὕλῳ. Verbum facta caro est.* Atq; hîc appellatur *ὁ λόγος ὁ θεὸς*, *Verbum Dei*, & tamen cum veste sanguine aspersa, quod *Humanitatem* ejus indicat sive *Corpus terrestre*, (Nam hoc corpus non est nisi vestimentum Animæ, nulla pars hominis permanens juxta *Platonicos*) quod eum capacem reddidit oppetendæ mortem.

Hæc omnia de *Capite* nostro *Principève* dicta sunt, nec tamen absq; omni relatione ad *Corpus suum*, Ecclesiam. Ad quos etiam pertinet ut sint *alborum Equorum sessoris*, quemadmodum apparet ex versu decimo quarto. Illi etiam oculos habent igneos atq; flammeos, propter *Intellectualia* sua Charismata, diciturq; *homo Spiritualis omnia dijudicare*, 1 Cor. 2. Habent etiam Nomen quod nemo noverit præter seipsum, quæ est *nova eorum Nativitas*, *Divinæ Naturæ* participatio; vestimenta porro eorum sanguine aspersa sunt, quod tam multi ex ipsis trucidati sunt ob testimonium Evangelii adversus *Idololatriam* Tyrannidemq; *Antichristi*; omnesq; *Martyrium* passi, hoc est, occisi & mortificati quantum ad vitam peccati, Agniq; sanguine aspersi in remissionem delictorum quorumcunq; præteritorum. Et postremo futurum est ut coronentur & regnent tanquam Reges super Terram, propterea quod *Regnum & potestas & magnitudo regni quæ est subter omne cælum, detur tandem populo sanctorum Altissimi*, Dan. 7. 27.

6. Verum ut redeamus ad descriptionem cælestis hujus *Herois*; *Acutus gladius* dicitur ex ore illius prodire. Cui respondet quod occurrit in Epistola ad Hebræos, *Vivus est enim sermo Dei & efficax, & penetrantior quovis gladio ancipiti.* Quodq; dicitur *Gentes in virga ferrea regere*, allusio est ad Psalmum secundum, quod vaticinium est de *Messia*, *Reges eos in virga ferrea, & tanquam vas figuli confringes eos.* Quod Symbolum propheticum est mirandæ illius *Contritionis cordis*, quam *Verbum Dei*

Hebr. 4. 12.

Psalm. 2:9.

Dei efficax producit quando tempestivè sincerèq; evibratur adversùs Regni sui Inimicos; quemadmodum dicitur in Epistola ad Hebræos, *pertingere usq; ad divisionem animæ ac spiritûs, compagumq; & medullarum.* Talis quidem militia est hujus Cœlestis Exercitus. *Percutiet terram virgâ oris sui, & spiritu labiorum suorum interficiet impium, Esai. II. 4.*

7. Quòdq; dicitur *calcare torcular vini furoris ire Omnipotentis*, verisimile est referri debere ad illud Esaiæ, cap. 63. *Quis est iste qui venit de Edom, tinctis vestibus de Bosra, Iste formosus in stola sua, gradiens in multitudine fortitudinis suæ? Ego qui loquor Justitiam & propugnator sum ad salvandum.* Quæ istis respondent in hac præsentî visione occurrentibus, *Qui vocabatur Fidelis & Verax, & cum Justitia judicat & pugnat.* Verùm sequitur apud Esaiam, *Quare ergo rubrum est indumentum tuum, & vestimenta tua sicut calcantium in torculari? Torcular calcavi solus & de gentibus non est vir mecum, calcavi eos in furore meo & concalcavi eos in ira mea, & aspersus est sanguis eorum super vestimenta mea, & omnia indumenta mea inquinavi. Dies enim ultionis in corde meo, annus redemptionis meæ venit.* Hoc respondet illi quod scriptum est de Sessore albi Equi in hac Visione, quòd *vestitus esset veste aspersâ sanguine.* Quæ in utroq; horum vaticiniorum referuntur tum ad *Passionem Christi*, tum ad *viçtorias spirituales* adversùs Inimicos suos. *Torcularia* etiam invicem respondent in utraq; visione.

Cùmq; *messis*, sicuti ait Servator, consummatio sit seculi, *vindemiam* quæ aliquantò serior est, seriozem oportet partem esse alicujus seculi cujus *messis* sit consummatio. Aded ut visio hæc de *Edom & Bosra* huic *Apocalyptica* eâ etiam ratione optimè consentiat. Estq; porro haud indignum notatu, quòd *Bosra vindemiam* significet, *Edomq;* Ecclesiam *carnalem* persecutionibus sævam, valdeq; veræ *Hierosolymæ* infestam, ut *Edomite* olim erant *Israëli*. Nec opus est addere quòd *Edom & Ismael* unius ejusdémq; rei Typi sint. Unde prælium hoc planè spirituale videtur; quemadmodum fortassis occasionem capiam plenius evincendi alio in loco.

8. Postremò, Quòd scriptum sit in *femore* ejus, *REX REGUM & DOMINUS DOMINANTIUM*, *Regalem Christi stirpem* ostendit etiam secundùm carnem, ac si hunc Principatum sibi vendicaret quòd à *Davide* Rege sit oriundus: Juxta id quod scriptum est cap. 22. 16. *Ego sum Radix & progenies illa Davidis, Stella illa splendida & matutina. Radix Davidis* quantum ad *Divinitatem* (*ῥίζη δαυὶδ*) *progenies* verò *Davidis* quantum ad *Humanitatem*. Sensus verò hujus partis visionis hic est; nempe, quòd *Verbum Dei*, hoc est, *Lex Christi interna & externa* proximè jam abest à consummatissima victoria & triumpho, quamvis jam diu suppressa esset & in cœnũ planè proculcata in Regno *Bestie bicornis* sive *Meretricis*.

9. Quòd verò Ecclesia Christi, quæ illius corpus est, portionem etiam habet in hac parte visionis, facilè deprehenditur. Nam quòd Titulus hic, *REX REGUM & DOMINUS DOMINANTIUM*, *femori* illius inscriptus sit, significat Dominium etiam *Posteritatis* suæ, nempe *Ecclesie*, quemadmodum *Ribera & Alcazar* rectè notârunt; juxta quod alibi scriptum est in *Apocalypsi*, *Et fecit nos Reges & sacerdotes Deo.* Et quantum ad *calcationem Torcularis iræ Divine*, sive subjugationem *Edom*, annon Christus illud præstat per potentem & convincentem *Zelum Sanctorum* suorum fideliumq; *Ministrorum* verbi sui, qui seriò ac vehementer *Legem*, gravemq; Dei iram adversùs peccatores, in corda & conscientias horum carnaliter affectorum *Edomitarum* prementes, elidunt quasi, si fas sit ità loqui, hæc pressurâ, putridum sanguinem & corruptum, illud impiæ in ipsis vitæ principium ac fomitem, (nam vita Animalis in sanguine) atq; sic mortificantes eos, quantum ad peccatum, reviviscere mox faciunt ad justitiam & salutem æternam?

Atq; sic, acutum gladium quod attinet, qui hîc dicitur ex ore Christi prodire, idem sanè reverà est atq; is qui ex Sanctorum suorum ore prodit, qui Mundum regunt convincendo homines de impietate sua eosq; convertendo ad Deum. Acris hæc acutave ac penetrans *Increpatio* ex ore populi Dei adversùs *Bestiam & Pseudo-prophetam*, *Gladius* hîc esse dicitur *ex ore Christi* prodiens, quoniam eorum ora ipsius os est usu legitimo & possessione, ipsèq; spiritu suo inspirat, isti autem solummodò sunt illius *ὑποτάκται*, qui igneam hanc legem transmittunt, *Flatum* hunc igneum ac flammantem spiritum, quemadmodum appellatur apud *Esdram*, quo impii consumantur; Isti, inquam, sunt tantummodò ut porta occupata viave, per quam vel in qua hic acutus gladius quo Gentes percutiantur, tam potenter per victoriosum nostrum Servatorem vibratur. Hæc enim *Flamma Gladii*q; hic, meo quidem judicio, nihil aliud est, quàm clara veritas solidaq; ac penetrans Ratio ab

eterno

Gen. 9. 4.

aterno Verbo inspirata, quæ dum sancto, sincero minimèq; affectato Zelo Enthusiastico acuitur, irreprehensibilisq; vitæ & conversatione munitur, erit equidem acuto gladio haud absimilis cum Argento vivo in longam cavitatem ipsi indito, qui tanto cum pondere casurus sit, ut hostem uno ictu sit dissecturus, divisurusq; animam & spiritum, & in compages medullasq; penetraturus, sicuti loquitur Apostolus.

Hæc verò excursio præter præsentem scopum facta est, qui hîc tantum erat, ut ostenderem scilicet *Antichristianam* hanc oppugnationem contra *Regale Propheticumq;* Christi officium factam apud Prophetas esse præfiguratam. Quod spero me abundè præstitisse in explicatione visionum *duorum Testium*, *Cornuq;* parvuli oculos habentis, & in hujus præsentis visionis *Sessoris albi Equi*.

C A P. XVI.

1. Reliquos sacros Titulos Christi referri posse ad prophetias de quibus jam egimus;
2. Quemadmodum & omnes oppugnationes Divinæ vitæ in genere, præter mutationem Ecclesiæ in Civitatem mercaturæ, quæ prædici videtur in Lamentatione super ruinam Babylonis, Apoc. 18. Ver. IX. Versuum noni & decimi explicatio. Ver. XI. Sensus versuum undecimi, duodecimi & decimi tertii. Ver. XIV. Sensus decimi quarti, decimi quinti & decimi sexti; Ver. XVII. Et decimi septimi, decimi octavi, undevicesimi & vicesimi. Ver. XXI. Expositionis continuatio à versu vicesimo primo ad finem usq; capituli.

1. **Q**uantum ad illa alia personæ Christi *Attributa*, veluti, ubi appellatur *Æternus pater*, ubi *Deus* nuncupatur, *Lux*, *Veritas*, *Princépsq;* *pacis*, horum oppugnationes ad eas prophetias referri possunt de quibus jam egimus. Primum ad eas quæ ad prima Antichristianismi membra spectant. Neq; enim quicquam magis inimicum est *novæ Nativitati* sanctæve *Regenerationi* quam colluvies illa Idololatricarum ac superstitiosarum consuetudinum duobus primis Antichristianismi membris comprehensarum. Ista verò vaticinia de *Mauzzim* sive *Demonum cultu* prophetiæ sunt de oppugnatione *Divinitatis* Christi; Et caligo *Ægyptiaca*, oppugnationis *Lucis* Evangelicæ præfiguratio; *Pseudo-propheta* & *Mendaciorum* concinnatores, oppugnationis *Veritatis*; *Bellumq;* adversus *Sanctos*, *Rebellionis* contra *Principem Pacis*. Brevia hæc Intimamina reliquis his personæ Christi *Attributis* sufficere possunt. Pergemus jam ad prædictiones oppugnationum *Divinæ vitæ*.

2. Talésq; primæ erant quæ Divinam vitam in genere oppugnabant, Cujusmodi quidem & omnes istæ oppugnationes sunt hætenus commemoratæ, *Crassa Idololatria*, *onerosa Superstitio*, *Oppugnationesq;* contra Christum ut *Regem*, *Sacerdotem* & *Prophetam*. Ad quas istæ *particulares* oppugnationes *Divinæ vitæ in genere*, quas notavi, referri possunt, nec ulteriori indigent tractatione.

Idea Anti-christi. lib. 2. c. 7. scilicet 3. &c.

Unicum jam superest, quæ mutatio est Ecclesiæ Dei in Emporium Urbemve mercatoriam, per religiosas istas Nundinationes collationesq; Ecclesiasticarum Dignitatum, ob rationes solummodò *Mundanas* ac seculares, Conversio functionis sacrorum officiorum in meram mercaturam, lucrique capturam cujuscunq; gradus Sacerdotibus. Crassa hæc rerum personarumq; *Venalitas* in *Romana* Ecclesia graphicè admodum præfiguratur, vivisque, quod aiunt, coloribus depingitur in ista *Lamentatione* super ruinam *Babylonis*, Apoc. 18. incipiendo à versu nono. Cui breviter illustrandæ inter recensendum Vaticinium operam navabo.

Ver. IX. *Tum flebunt eam & plangent super ea reges terræ qui cum illa scortati & luxuriati sunt, quum viderint fumum incendii ejus;*

10. *Procul stantes propter metum cruciatûs ejus, & dicentes, Heu, heu, magna illa Civitas Babylon, Civitas illa fortis, quoniam unâ horâ venit judicium tuum.*

Civitatem hanc *Babylonem*, Civitatem non esse ex lateribus lapidibûsq; extructam sed *Politiam*, speciatiq; *Hierarchiam Romanam*, in *Co-expositione* nostra manifestò demonstravi. Nec videtur sanè mihi probabile, ut *Spiritus Divinus* Apostolum ad tam prolixam copiosamq; componendam *Threnodiam* super istius ruina & vastatione instigaret, si nihil aliud significaretur quàm Civitatis *Romane* in *literali* sensu incendium, idq; tam leve quàm quod à *Totila* factum sit, & cum tam nullo

ferè

ferè Instituto vel effectu. Quamobrem in illo sensu quem jam declaravimus, & de quo minimè dubitamus quin verus sit, pergamus breviter Textum illustrare.

In his duobus primis versiculis introducitur *Lamentatio* Regum terræ, talium qui cum ipsa fornicati sint, hoc est, talium qui ejusdem cum ipsa professionis *Idololatricæ* fuerint. Aliquando, nempe, fore innuitur, ut in eas angustias conjecta sit, ut Reges terræ quos vino fornicationis suæ inebriaverit, ipsi præ metu non auderent opem ferre, sed sinerent eam cremari porro usque ad finem. Quod rursus arguit casum *Babylonis* non futurum esse semel sed gradatim, quemadmodum jam notavi. Quamquam enim judicium ejus venit unâ horâ, nihil tamen impedit quò minùs illius executio intelligatur in tempus longiusculum produci.

Ver. XI. *Et Mercatores terræ flebunt & lugebunt super illam, quoniam merces eorum nemo emit ampliùs.*

12. *Merces auri & argenti & lapidis pretiosi, margaritarum, byssi, purpure, serici & cocci, & omne lignum thyinum & vas eburneum, & omne vas ex ligno pretiosissimo, ex ære & ferro, & marmore;*

13. *Et cinnamomum, & suffitus, & unguentum, & thur, & vinum, & oleum, & triticum, & jumenta, & oves, & equos, & rhedas, & mancipia, & animas hominum.*

Primum genus Lugentium lamentantiumve super *Babylonem* ii videntur esse qui sunt ex ordine seculari. Verùm enimvero per hos *ἑκαστὸς τῆς γῆς* intelligi debent *Personæ Ecclesiasticæ* quæ mercaturam faciunt in Ecclesia, ubi omnia supponuntur transigi administrativè propter pecuniam, commodumve aliquod *mundanum*: ac proinde in contumeliam appellantur *Mercatores terræ*, quanquam aliàs Tituli eorum professionesq; ad nihil aliud præterquam ad Deum, ad Christum Cælumq; digitum intendunt, quippe quorum, *Divinus, Sanctus, Sacer, vel Religiosus*, externus universorum est Character sive Titulus.

Varietates mercium quas tractant adedò numerosæ sunt, ut mysterium in omnibus investigare (cùm fortean nihil aliud sit quàm *Hylasmus*, sive luxuriantior in objectis *materialibus* immoratio in externi corticis Vaticanii uberiores ornatu, quæ & pro *Ἀμαλκωσυνή* proinde agnosci potest) nimis magna esset *θεωρία*. Cæterùm occasio in genere *Lamentationis* horum mercatorum est *ὅτι ἡ γῆρας αὐτῶν ἐν δυνάμει ἀποβήσεται*. Quod Nundinæ aut violenter abruptæ sint, aut prorsus infrequentatæ, quòd nulla emptio venditioq; talium Mercium in *Babylone* sit qualium solet esse, cùm & ipsa *Babylon*, utpote quæ ardens flammansq; jacet in ira Dei, facta sit inaccessible; *Nulla venundatio Auri, Argenti, Lapidum pretiosorum, Margaritarum, Byssi, Purpure* v. 12. *aut Cocci*, sumptuosorum ornamentorum superiorum illarum partium *Meretricis* (ut videre licet in * præcedente capite) *Papæ, Cardinalibus*, aliisq; magnis personis è corpore *Babylonico*, illorumq; ministris convenientium; Nullum lignum *Thyini* ad Templorum Testitudines ornandas, sculpendæve *Idola*, quibus sua fiant sacrificia vel oblationes, (nam illuc alludi suspicor in *τῶν ἑλκων θύρῳ*) Nullum *Thuris* *Suffitus*ve pro Imaginibus colendis; Nullæ Imagines ex ligno, ære, ferro, vel marmore, ullæve alia sacra *Utenilia*. Nam tam latæ significationis est *καὶ οὗτο*, prout usus vocabuli occurrit in *Historia Byzantina*, ubi Imagines argenteæ & aureæ appellantur *τὰ ἄγρια σκῆνα*. Et *Achmetis*, cap. 12. *Ἐάν τις τὸ ἁγίον χαλκῶν ἢ σιδερέων ἢ χαλκιδέων ἢ σιδερέων ἢ ὅτι ἴδων ἰαυδῆται* &c. ταῦτα γὰρ πάντα σκῆνα οὗ λόγου.

Sed ut pergamus; Nulla Nundinatio ampliùs in *Odoribus aromaticis, Oleis, vel Unguentis* ad sacras Unctiones; Nemo ampliùs participabit de *Pane* illius *benedictio*, nec *Idololatricam* ejus *Hostiam* degustabit vel ex purissimo Tritico confectam, nec pitissabit de *Vino Calicis* ejus, non sanè quantumvis jus fieret bibendi Laico; *Vitulus* etiam *Agnus*q; decumani sacræq; Vellera deficient; Nec fiet ampliùs per *Miseras* conductitias *Redemptio Animarum* ex *Purgatorio*; Equorum etiam, Curruum & Mancipiorum mercatura omninò cessabit in die illo.

Græcum exemplar habet *ἵππων & ἵπδων & σωματων*, quæ tria vocabula cùm in Genitivo casu sint sola reliquorum, nec tamen in *Regimine*, quemadmodum videre est si partes versùs utrinq; proximas cum eis legas, *& σωματων, & ὅτων, & κλῆρον, & πείσματα, & ἵππων, & ἵπδων, & σωματων, & ἰυχας ἀνθρώπων*, planè innuit ea simul sumi debere unamq; aliquam rem conficere. Quam igitur Pompam esse suspicor Paratumve ordinarium majorum aliquarum Dignitatum in hac *Babylone* mystica, clavemq; esse Interpretationi reliquarum harum mercium, quòd sic utique exponi debeant; ad eam scilicet ferè rationem juxta quam ego eas exposui, hâsq; exponi volo, non quidem *Equos, currus & mancipia*, sed tanquam si scriptum esset, *& γῆρας τινὰ ἐν ἵπδων & ἵππων & σωματων σωματικῶν*, Rhedas bijugas, quadrijugas vel sejugas, id est, equos binos, quaternos,

ternos, senosve habentes, & pedissequos utrinque ad latera Rhedæ currentes, qui *οἱ μάλιστα* hic dicuntur, non solum quod ea vox *servos* significet, sed magis speciatim fortasse quod hi servuli *nudi*, id est, sine *pallio penulæve*, quod *Hispani in quærpo* dicunt, currere soleant. Hujusmodi autem Rhedas quadrijugas sejugalve simul cum pedissequis tanquam unam mercem venum ire, res proculdubio insolita est, quod *literalis* tamen Interpretatio requirit. Verus igitur sensus est, idemque *Mysticus*; Quod Nundinatio talium Dignitatum in ipsorum Ecclesia, quas Rhedarum quadrijugarum sejugarumve cum pedissequis ad Rhedæ latera currentibus pompa paratissime ordinarius condeceat, defutura sit inter reliquas in ruina hac & desolatione *Babylonis*.

Ver. XIV. *Et fructus desiderii anime tue abierunt à te, & omnia pingua & præclara abierunt à te, nec ea invenies amplius.*

Hoc est, *Magnæ* illæ ac *opimæ* Promotiones ac Dignitates quas ambitiosa tua mundusque dedita anima tam vehementer concupiscit. Hæ enim sunt *ἡ δόξα τῆς ἐκδομίας*, *Poma desiderii*, quemadmodum habet vulgaris *Translatio*. Hæc sunt illa *λαμπρὰ & λιπαρὰ* pingua illa pulchræque objecta quæ salivam hominum oribus movent in pleno hoc *Babylonico* Emporio, ubi omnia pecuniâ obtineri possunt, verum absque ea fere nihil.

15. *Horum mercatores ab ea locupletati, procul præ metu cruciatûs ejus astabunt, plorantes & lugentes,*

16. *Et ita dicentes, Heu, Heu, Civitas illa magna induta byssino & purpurâ & coccino & auro deaurata gemmisque & margaritis, unâ horâ depopulata sunt tante opes.*

Sensus est, Quod Emptores perinde ac venditores *Spiritualium Promotionum*, qui ex ea mercatura locupletati sunt, tristes admodum erunt dum ruinam vident illius *Politie* quæ ipsos sustentaverat, nec tamen ei possunt opem ferre, sed magnificabunt tantummodo ingentem Pompam splendorumque *Meretricis* inter Lamenta super illius clades. Observandum enim est quod versus hic decimus sextus idem fere est qui quartus Capituli præcedentis, ubi vestitus *Meretricis* describitur. Quod intelligitur de *Papa & Cardinalibus* aliisque *Magnatibus Idololatricæ* illius Ecclesiæ.

Ver. XVII. *Item omnes Navicularii omnisque copia navalis & nautæ & quicumque in mari negotiantur, procul astiterunt.*

18. *Et ejus incendii fumum spectantes ita vociferari institerunt, Ecquæ par fuit Civitati illi magnæ?*

19. *Tum sparso super capita sua pulvere, flentes ac lugentes ita queritari, Heu, heu, Civitas magna in qua omnes habentes in mari Navigia ditati sunt ejus pretiis, ea unâ horâ depopulata est.*

Si consideremus quid *Mare* significet stylo Prophetico, multitudines nempe hominum in terra, Analogia facillè nos ducet in intelligentiam quid per *Navigia* innuatur; *Ædes* utique consecratæ à reliquis disjunctæ, ut *Navigia* ut plurimum separatim existunt in mari. Videtur igitur alludere ad Ecclesias Templæ *Babylonica* ob ipsorum abusum ad lucrosas Idololatrias ac Superstitiones, ubi usum, aspectum, possessionemve multarum rerum consecratarum venundant, Animas ex Purgatorio redimunt pecuniâ, nec inscitè dici possunt *καπηλεύειν ἢ λόγον τοῦ θεοῦ*, ipsum Dei verbum in corruptum aliquod & adulteratum mercimonium commutare.

Nimium fortassis phantasiæ indulgere videbimur si imaginæmur hæc *πλοῖα ἐμπορευτικά*, *Naves* hæc *mercatorias* cum ulla allusione memorari ad notum illud artis vocabulum in *Architectura Ecclesiastica*, *Navem* scilicet *Ecclesiæ*, quemadmodum & *Anglicè* appellamus, quanquam Cl. *Medus* in visione *Hirci* caprarum qui *Græci* imperii Symbolum erat, Allusionem esse putabat ad *ἄλγες*, Unde *Ægeadæ*, qui sunt *Macedones*, sint nominati. Nec omninò improbabile est (ut objectiones eorum anticipemus, qui magnam meritò erga locos Divino cultui consecratos gerunt reverentiam) ut Christus, qui olim conquestus est *Judeos* Templum *Hierosolymitanum* in speluncam *Latronum* convertisse, in hac *Visione*, cum tam vehementer provocatus sit, perinde severiter non absimiles peccatores increparet, dicendo hos homines *Babylonicos* Ecclesias suas, quas in meliores usus extructas oportebat, in totidem *Navigia falsorum astutorumque Mercatorum* commutasse. Vide *Alphabetum Propheticum*.

Cap. 27. 29. Tum sparso super capita sua pulvere, &c. Hi tres versus planè alludunt, & *Exscriptum* quomodo sunt è *Visione* vastationis *Tyri* apud *Ezekielem*. Et descendit de suis navibus cuncti remigatores navitæ, cuncti marini Gubernatores in terra stabunt & de te sublatâ voce tristem edent clamorem, ac imposito capitibus suis pulvere, in cinere volutati, & propter te attonsi amicique centonibus cum tristi merentis

rentis animi luctu deplorabunt, & assument super te carmen lugubre, te ita lamentantes, Fuit incomparabilis Tyrus quæ nunc in mari deleta jacet. Quod consimile est huic de Babylone, Heu, heu, magna illa civitas, &c. Ecquæ par erat Civitati illi magnæ? Atq; adeo consimiles stricturæ occurrunt, tum in hac visione Ezechielis, tum in illa Esaiæ, cap. 23. ut ingenuè fatear me suspicari has etiam esse eadem de re prophetias, præsertim dum considero scortationes Tyri tantoperè ipsi exprobrari in istis prophetiis, quemadmodum hic fit Babyloni.

Ea unâ horâ depopulata est, hoc est, derepentè & præter expectatum desolatio ipsi ingruit incumbitque, potest enim diu ardere nec incendi in omnibus locis simul, sicut supra notavi. Quod verò Navitæ hi tam lamentabilem ululatum tollerent, causa est manifesta; Actum enim est de quæstu eorum ac Mercatura, Qui modò divites facti erant de ejus pretiis. Sic habet & Translatio vulgaris, & satis accommodatè ad sensum literalem; sed in triplicibus æquè commodè significare potest ex thesauro Honorum, Dignitatum, Promotionum, officiorumq; Ecclesiasticorum quibus hos mercatores ditare valebat.

20. Latere super ea cælum, sanctiq; Apostoli atq; Prophetæ, quoniam Deus vestras injurias in eam ultus est.

Hoc est, Exultate vos Cælestes animi, super hos terræ mercatores, vósq; qui puram ac Apostolicam doctrinam docetis, nudamq; rerum veritatem mundo ante oculos exponitis, Lætamini, quòd Deus Antecessorum vestrorum sanguinem in eam ultus sit, sanguinem Waldensium & Albigensum eorumq; qui Mariæ Reginæ temporibus ob veritatem Evangelicam combusti sunt, reliquorumq; Sanctorum Martyrum Jesu.

Ver. XXI. Deinde sustulit robustus quidam Angelus saxum ingens, ut molam, & in mare dejecit dicens, Tali impetu jaciatur Babylon Civitas illa magna, nec amplius exstabit.

Sensus est, Quòd funditus tandem subvertetur & dissipabitur Idololatrica hæc Civitas sive Politia, nempe in effusione Phiale septimæ. Intereà verò loci omittere non possum quin notem, quàm omninò veri dissimile sit ut ingens hic Triumphus & exultatio, tamq; perfecta & consummata devastatio, per projectum à robusto Angelo lapidem magnum quasi molarem in fundum maris præfigurata, nihil aliud significet quàm Romam captam per Totilam, (quæ tamen statim vires suas recuperabat) Spiritusq; Apostolorum ac Prophetarum per cælorum fenestras deorsum spectantes mirificèq; gaudentes spectaculo quod non potuit non videri funestum atq; Tragicum quamplurimis quidem bonis Christianis.

22. Et vox citharædorum & musicorum & tibiæ ac tubæ canentium non audietur in te amplius, nec ullus artifex cujuscunq; artis audietur in te amplius, nec sonus mole in te audietur amplius.

23. Et lux lucernæ non lucebit in te amplius, nec amplius in te sponsi sponseve vox audietur. Quia mercatores tui erant principes terræ, tuisq; veneficiis erraverunt omnes gentes.

24. Et in ea sanguis Prophetarum & Sanctorum inventus est & omnium in terris occisorum.

Versus vicesimus secundus parsq; vicesimi tertii triste silentium ac desolationem hujus Civitatis complectuntur, reliqui causam illius destructionis.

Et vox Citharædorum & musicorum, &c. Tota hæc pars prior aut Propheticus Hylasmus esse potest & nihil amplius, (nisi quòd haud facile separari potest à Symphonis) unicam utiq; rem illustrans, destructionem scilicet, silentium, vastamq; solitudinem Hierarchiæ hujus Idololatricæ, per privationem absentiamve istiusmodi crassorum sensibiliūq; Objectorum quæ in Civitate habitata occurrere soleant, ut Musicorum voces, malleorum strepitus, pulsusq; Artificum, Molarum trirurationes, Lucernarum lumina noctu, cantusq; ac choreæ in Nuptiis & similia. Aut magis distincta esse potest ac articulata Allegoria cum relatione ad res particulares hujus Mystice Civitatis adumbrandas concinnata, ut si per melodiam hic memoratam intelligeremus potiùs Musicam Idololatricis suis sacris adhibitam, qui Diorsimus esset, & per hos rixistas, tales qui technas Sophisticas & Politicas in Theologia, Ecclesiæq; administranda in rem suæ Hierarchiæ confuant, istos Artifices Imperii in Imperio, eosq; insuper qui Scholasticas subtilitates perquam affabrè contextunt; per sonum mole, fraudulentum suum lucrum; nam i mulos tis. Quod & αλτρον αλτρον quemadmodum videre est apud Achmetem, & Molitores, vel ex proverbio, malè audiunt ob fraudes atq; furta; per Lucernæ lumen, Honorem ac prosperitatem, uti cognoscere licet ex eodem Autore. Et postremò per sponsum sponsamq; non Spirituale

tuale quidem connubium Christum inter & Monialem, Mariamve virginem & Monachum in Monasteriis, sed Pseudo-catholica hujus Religionis propagationem, eam scilicet haud propagatum iri ampliùs. Etenim Connubii finis est propagatio.

Quia mercatores tui erant Principes terræ, &c. Nunc sequitur causa magnæ hujus desolationis, quæ triplex est. Prima, *luxuria & magnificentia* horum mysticorum Mercatorum. Erant *magis mundi, magnoperèq; mundani*, ambitiosi, avari carnique dediti, quæ est ipsa mentis sapientiæve terrenæ essentia. Quæ quantum apud Pontifices, Cardinales, Abbates, aliisque *magis* Primates, Maximatève si velis, Romana Ecclesiæ viguerit, Historia omniumq; ferè hominum ora plenè ebuccinant.

Secunda est, *corruptio Mundi per Idololatriam* comitatam suffultamq; prætextu optestatis planè *Magica* mutandi elementa tali modo, quo universi Pharaonis Magi nunquam valuerint, nec quicquam simile ausi sint tentare, adedò omnem excedit fidem; Ut facta Magica inferioris generis præteream, Necromanticasq; Historiolas de apparitionibus Sanctorum defunctorum. Unde Idololatriam per *magis* hic indigitari liquet, quemadmodum & Poculum in manu Meretricis tanquam Philtrum quoddam consideratur. Quòd, inquam, decipi homines dicantur in utrisq; locis, per hæc Veneficia, seductionem planè innuit ad Idololatriam, ad quam ista tendunt; prout manifestò apparet ex eo quod scriptum est de miraculis Bestiæ bicornis Cap. 13.

Causa tertia & ultima est, *truculenta Crudelitas* hujus Hierarchiæ Romanæ. In ea inventus est sanguis Prophetarum & Sanctorum, &c. Talium scilicet qui, per conscientiam erga legem Dei Christique, Idololatricæ ipsorum professioni ac praxi se submittere non potuerint, sed fidem adversus ipsos perhibuerint testimonium. Nec illorum solummodò sanguinis effusio huic imputatur, sed omnium occisorum in terris; communes cædes Christiani orbis per publicos tumultus atq; bella, quibus illi, quò faciliùs suam potentiam in Regionibus Regnisq; stabiliant, mundum illaqueant, aut alunt saltem atq; promovent, à secularibus fortè potestatibus inchoata; cum è contra si veri essent Apostolorum successores, prout se venditant, id summo perè agerent ut Christiani mutuum non effunderent sanguinem, & pii integrasq; conscientia homines, propter fidelem puræ Apostolicæq; doctrinæ professionem libertatem vitamve non perderent, nec minùs solliciti essent nè Turca orbem Christianum invadat debellètque, quàm nè ipsi Idola Demonumq; cultum derelinquant, & à Propheticidiis suis, Fornicationibus, Veneficiis Imposturisq; furtuosis agant poenitentiam.

Apoc. 9. 20, 21.

C A P XVII.

1. *Mysticus hic sensus de Incendio Babylonis ex Co-expositione sua Alcazarisq; interpretatione confirmatus, quòdque idem præfiguratum sit per destructionem Tyri.*
2. *Quàm vivus Patriarchæ Romani apud Ezekielem Typus sit Rex Tyri.*
3. *Visio altera eòdem spectans apud Prophetam eundem.*
4. *Tertia visio apud Esaiam de Tyro Romam Paganicam, Christianam & tum postea Pagano-Christianam præsignificante. Ver. XVIII. Tyrum aliquando, hoc est, Romam à suo Pagano-Christianismo reformatum iri, purèq; Christianam rursus & Apostolicam futuram, secundum hanc Visionem.*
6. *Necesse esse ut hæc Visiones Tyri ulteriorem habeant sensum quàm qui in Litera ad eam spectet Civitatem.*
7. *Ultima visionis versùs decimi octavi Expositione, qui Prædictionem de Romæ Pagano-Christianæ Reformatione complectitur.*
8. *Quid significetur per פְּתֻי נִסְחָה, cum generali Notatione Aptitudinis horum quatuor postremorum Vaticiniorum ad significandas Ecclesiæ Romanæ Nundinationes in sua Administratione rerum Ecclesiasticarum.*

Esai. 6. 23.

1. **Q**uòd hujusmodi sensum aliquem Mysticum in genere huic Babylonis incendio, prolixæq; super eam Lamentationi subesse oporteat, Co-expositio nostra planè confirmat. Siquidem ibi manifestum est quòd Meretrix Babylonica Bicornisq; Bestia eadem res sit, quòdque ex consequenti non Civitas sed Politia per eam sit intelligenda. Ipseq; Alcazar hanc desolationem interpretatur sensu non quidem

dem *Literali* sed *Mystico*, quippe qui per eam *Romæ Paganicæ* ad *Christianitatem Conversionem* intelligit, quemadmodum ego *Romæ Pagano-Christianæ* ad puram rursus & Apostolicam *Christianitatem*. Quod significari quidem videtur in visione Tyri, quæ *mysticè* idem est quod *Incendium Babylonis*. Deiq; Spiritus videtur datâ operâ digitum huc intendere, cum phrasis aded ex integro è visionibus Tyri apud *Ezekielem* & *Esaïam* in Visionem hanc *Babylonis Apocalypticam* transferat, tanquam si ipsi in animo esset nos monere de quarta *Mysticæ* hujus *Civitatis* appellatione, eam utique *Tyrum* nominandam esse perinde ac *Sodomam*, *Ægyptum*, & *Babylonem*. Cum verò *Alcazar Romæ Paganicæ* per *Tyrum* vult intelligi, ego certe existimo *Romæ Pagano-Christianam* apud *Ezekielem*, apud *Esaïam*, *Romæ Paganicam*, *Christianam*, & *Pagano-Christianam* simul significari, prout breviter videbimus; nec omninò erit extra Propositum, cum *Mysticæ* hæ *Nundinationes* in eis omnibus attingantur.

2. Ecce igitur quàm ad vivum summus ille Sacerdos *Romanus* describatur apud *Ezekielem* sub Typo Regis Tyri, cap. 18.

Ver. 2. *Fili hominis dic principi Tyri, hæc dicit Dominus, Eò quòd elevatum est cor tuum, & dixisti, Deus ego sum, & in cathedra Dei sedi & in medio Marium, quum tu homo sis & non Deus, & posuisti cor tuum tanquam cor Dei.*

An non hic planè is est qui in *Cathedra infallibili* sedet in medio *Marium*, hoc est, inter mare *Tyrrhenum* & *Adriaticum* in *Italia*, seq; ipsum exaltat supra omne quod dicitur *Deus*? Hoc verò magis propriè spectat ad eam *Antichristiani*smi partem quæ *Divinæ Gratiæ Humilitatis* opponitur.

3. *Ecce sapientior es Daniele, nihil est absconditum quod sit absconditum tibi.*

Hoc tantum *Diorismus* est; sed venditam *Infallibilitatem* ac nunquam errantem *Inspirationem* grandis illius *Pseudo-prophete Romani* satis illustrat; paritèrque perstringere potest exquisitam illorum calliditatem sagacitatèmq; & universalem undiq; intelligentiam five notitiam ad res suas administrandas; Quidamq; Textum interpretantur de *Sapientia Politica* ob quam *Daniel* etiam insignis erat. Et ipse profectò prætextus *Infallibilitatis* in rebus Divinis, in falso hoc *Propheta Techna* est *Politica*; Totiùsq; ipsorum *Politix* scopus in solidum est *Potentix Opumq;* acquisitio. In quibus prosequendis nihil dubitant *Leges*, *Instituta* ac *Decreta* ipsius *Dei* mutare vel abrogare. Ad quod quidam hîc alludi imaginentur in nomine *Danielis*, quod *Dei* iudicium significat, ac si ipsi *Leges Decretaq;* majori cum iudicio condere possent quàm *Ille*. Cum tamen nihil aliud sint quàm *Inventa Politica* ad opes cumulandas, quemadmodum dixi, apertèq; indicatur in sequentibus versibus.

4. *Sapientiâ tuâ & intelligentiâ tuâ congregasti tibi opes, & acquisisti aurum & argentum in thesauris tuis.*

5. *Multitudine sapientiæ tuæ in negotiatione tua multiplicasti opes tuas, exaltatumq; est cor tuum propter opes tuas.*

Hæc est *mystica* illa *Mercatura* quam suprà notavimus in præcedenti Visione de *Ruina Babylonis*. Sequentes versus usq; ad versum decimum exitii illius est comminatio, in cuius fine cum additum sit, *Morte incircumcisorum morieris*, &c. Regem Tyri innuit stylo *Prophético* esse *Judeum*, quod in visionibus *Apocalypticis* idem sonat atq; *Christianum*, sive professione sive re ipsa. Quod ulteriori argumento est quòd huic vaticinio competat sensus etiam *Mysticus*.

3. Hæc verò majorem adhuc lucem mutuabuntur è sequenti Visione eodem in capite.

Ver. 12. *Fili hominis leva planctum super Regem Tyri, & dic ei, Sic dixit Dominus Jehovah, Tu sigillas summam, plenus sapientiâ & perfectus decore.*

Hoc est, Non est *Politia splendore Imperii*, qui comparari possint cum *Episcopatu Romano*.

13. *In Eden horto Dei fuisti, omnis lapis pretiosus operimentum tuum, Sardius, Topasius, & Jaspis, &c.*

Ornatur sicut *Meretrix Babylonica* propter lapides pretiosos gemmâsq; uti par est, quandoquidem *Meretrix* ipsèq; una eadèmq; res est significatu. Quòd autem dicitur in *Horto Eden* versari, quid dici potest convenientius amcenitati ac deliciis *Italix*, quam *Hortum Edénve Europæ* vulgò existimant?

14. *Tu Cherub unctus tegens, & sic posui te, in monte sancto Dei fuisti, in medio lapidum ignitorum ambulasti.*

Sensus est, Tu æstimaris ut *infallibile orbis Christiani Oraculum* (nam è *Cherubinis* *Deus* loquebatur) tūq; idem ille summus Sacerdos, Pontifex maximus es vestimentis Sacerdotalibus incedens, super quæ erant rutilantes illi *Lapides* qui splen-

Vid. Append. ad
Defens. Cabba-
læ meæ Philo-
sophicæ, cap. 5.
sect. 3.

debant sicut Ignis, Solisq; erant Symbolum secundum antiquam *Cabbalam*. Quod dignitatis fastigium, ad quod ascendisti, quanquam proclivis esse potes ad tibi ipsi ascribendum, tuæq; vigilantia ac calliditati, oportet tamen te scire, quod omnis Potestas à me sit, meumq; sit robur quo steteris.

15. *Perfectus fuisti in viis tuis à die quâ creatus es, donec inventa est iniquitas in te.*

Hoc est, Nullum erat vitium defectusve in te quod creatus esses Episcopus *Romanus* (Episcopatus enim ex meo est Instituto) donec degenerasti in *Superstitionem* & *Idololatricam*, primasq; reliquisti Creationis tuæ leges Apostolicas, funestamq; superinduxisti in Orbem Christianum Apostasiam.

16. *Multitudine negotiationis tuæ repleverunt medium tui iniquitatibus, & peccasti, & ut prophanum te ejiciam de monte Dei, & perdam te, ô Cherub tegens, de medio lapidum ignitorum.*

Per multiplicatas tuas *Negotiationes* ac *Mercaturas* (quales scilicet in antecedenti visione *Babylonis* descripsi) injustitiam facis (hæc sunt tua * *ἀδικήματα*) ac vim & manus attulisti eis qui adversus impias has *Nundinationes* loquuntur, & occidisti *Testes veritatis*. Quamobrem non sedebis amplius super *Romam septicollem*, quæ ob professionem Christi filii mei sancta est, sed humiliabo te, qui *Oraculum universale* te venditas, summumq; Orbis Christiani *Sacerdotem*, & spoliabo te vestimentis *Sacerdotalibus* quæ pretiosis lapidibus Ignis instar lucent, atq; hoc quidem modo perdam te.

17. *Elevatum est cor tuum propter decorem tuum, perdidisti sapientiam tuam propter splendorem tuum, in terram projiciam te, ante Reges ponam te ut videant te.*

18. *Præ multitudine iniquitatum tuarum & ob iniquitatem negotiationis tuæ, polluisti Sanctuaria tua, (Septuaginta habent ἱερῶν τὰ ἱεῖα) & producam ignem de medio tui qui consumet te, & redigam te in cinerem super terram in oculis omnium aspicientium te.*

Summa hæc est, Magnitudo splendörq; Episcopi *Romani*, prosecutio nempe & affectatio harum rerum in ipso, & pro ratione Ordinum in reliquis *Cleri Magnatibus*, effecit ut *Politiam* suam impiis corrumperent Principiis, aded ut polluerent profanarentve *Sanctuaria* sua, hoc est, *Ecclesias Christianas* istiusmodi *Idololatrico* ac *Superstitioso* cultu, qui maximè conduceret ad suum lucrum, tali *Nundinationum* iniquitate qualem in visione *Babylonis* innui; Pecuniæ putà *Missariæ*, Oblationum *Sanctis*, eorūmq; *Imaginibus* factarum, & similium. Quamobrem Rex hic *Tyri* (ut *Meretrix Babylonica*, quæ ejusdem rei est Typus) ad idem damnatur supplicium, ut concremetur scilicet & redigatur in cineres, per ignem qui erupturus sit e medio ipsius, quemadmodum dicitur de *Meretrice*, quod decem *Cornua*, qui principatus sunt intra suam Jurisdictionem, osuri sint meretricem, comesturi ejus carnem, & igne ipsam exsuri. Visio aded naturaliter applicatur ad idem quod *Meretrix Babylonica*, & tam difficulter in quibusdam locis ad *Regem Tyri*, ut non mediocris profectò indè certitudo sit scopum præcipuum *Vaticinii Pontificis Romanum* potius spectare quam *Tyri Principem*.

4. Qua de re adhuc magis certi esse possumus ex altero illo *Vaticinio* ad eundem ferè sensum apud *Esaïam*, cap. 23. Ubi *Forerius* non quidem *Romam Paganicam* notari existimat, sicut *Alcazar*, sed expressè dicit videri *Johannem* (Apoc. 18.) Civitatem *Antichristianorum* per hanc Civitatem *Tyri* intelligere, quanquam Civitatem ibi non nominat. Ver. 19. *Heu, heu, Civitas magna in qua omnes habentes in mari navigia ditati sunt ejus pretiis.* Ego verò cum *Forerio* & *Alcazare* simul junctis, existimo per *Tyrum* hîc intelligi *Romam Antichristianam* factam, *Antichristiana* illius *Hierarchia* cum hîc indigitetur sicut in *Babylone*. Etenim S. *Johannes*, quemadmodum suprâ monui, apertè nobis illum sensum visionis indicavit, easdem omnino phrasas transponendo in visionem *Babylonis*; quemadmodum liquet præter illa quæ jam notavimus etiam ex octavo versu hujusce Capituli, *Quis consuluit hoc super Tyrum, Civitatem coronantem, cujus mercatores Principes erant, cujus negotiatores Inchyti terre?* Mitto hîc, quàm aptè *Civitas coronans* ad eam *Politiam* quadret quæ in ordine ad *spiritualia*, jus sibi sumit auferendi imponendiq; Regum coronas & Imperatorum, fecitq; sanè cum Insultatione quæ fingi potest maximâ. Id tantum innuo reliqua, istis Apoc. 18. 23. examussim respondere, *Quia Mercatores tui erant Principes terre*, quemadmodum hîc *Principes* & *Inchyti terre*. Quàm aptè hæc Amplitudini Dignitatiq; *Papæ* & *Cardinalium* reliquisq; illius *Ecclesiæ Magnatibus* conveniant, cuiq; obvium est animadvertere. Cæterum superest quippiam in parte posteriori Capituli, quod lætum magis est & jucundum auditu, & boni profectò ominis, versu

15. Et erit in die illa, in oblivione eris, & Tyre, septuaginta annis, sicut dies Regis unius, post septuaginta autem annos erit quasi Tyro canticum meretricis, i. e. canet ut meretrix. Sic Forerius, ut & Translatio Anglicana.

Bonus hic pariter malusq; ex hoc versu affertur nuntius. Nam per *Tyrum* hic intelligitur, prout supra monui, *Roma Idololatrica*, quæ oblivioni tradenda est septuaginta annis, pro ratione dierum *unius Regis*, quem ego dico unum ex octo Regibus esse in *Apocalypsi* cap. 17. Et per sensum *Cabbalisticum* Numeri 70, facile dignoscitur quis sit, Rex utiq; *septimus*, quæ *Christianorum Caesarum* est successio. Spacium quorum regni, sive quamdiu regnaverint, hic non indicatur, sed natura eorum ac character, multiplicando 10 in 7. Cujus sensus *Cabbalisticus* est, quod per totum horum *Christianorum Caesarum* regnum (*Denarius* enim *Totalitatis* est symbolum) *Tyrus* oblivioni tradenda sit, hoc est, *Politia Romana Religionem* non professura sit *Idololatricam*; post hoc verò temporis spacium, tunc *Tyrus* rursus cantatura sit ut *meretrix*; versu

16. Sume citharam, circui Civitatem, & meretrix oblivioni tradita, bene cane, multiplica canticum ut sis in memoriam.

Hoc est, Tandem fore, postquam tempus abrogatæ *Idololatriæ* exierit, ut *Hierarchia Romana* pulchris prætextibus blandisq; loquelæ incantamentis, sermones suos & hortationes, corruptis populi inclinationibus miro concentu & congruentiâ adaptans, dulcisonasq; subinde & *Idololatricas* componens ad beatam *Virginem* aliisq; *Sanctos* cantilenas, his aliisq; id genus artibus illecebrisq; meretriciis brutos sensus ferientibus & illaqueantibus, Cultum *Idololatricum* in Imperium *Romanum* rursus sit introductura, voluntate Dei, quantum ego video, sic quodammodo statuente aut permittente, quemadmodum sequitur versu

17. Et erit post septuaginta annos, visitabit Dominus Tyrum & reducet eam ad merces suas, & rursus fornicabitur cum universis regibus terræ super faciem terræ.

Et erit, determinatio sensus est. Nam erit, alioquin nimis propè accedit ad *Tautologiam*. *Apostasia* illius in *Idololatriam* hic describitur, modo haud abfimili atq; *Meretricis Babylonica* quæcum *Reges terræ* dicuntur *fornicari*. Cumq; dicatur, *visitabit Dominus Tyrum*, id respondet illi quod occurrit *Apoc. 17. 17. Deus enim dedit in corda eorum ut faciant quod placitum est illi*. Quæ *Apostasia* etiam incipit, ut hic post annos septuaginta, ita illuc in *Apocalypsi* post Regem septimum. Quod verò sequitur omnium est gratissimum.

Vers. XVIII. Et erunt negotiatio ejus & merces ejus sanctificata Domino, & non condentur neq; reponentur, quia his qui habitaverint coram Domino, erit negotiatio ejus, ut manducet in saturitatem & in operimentum vetus. Anglicana Translatio habet durabile.

Hic rursus mutatur rerum scena, & equidem in melius. Interpretes enim hic universim consentiunt, *Conversionem* hic esse ad *Christum*. Sanctus verò *Hieronimus* quidamq; ex *Scriptoribus Hebrais* intelligunt de *Conversione* ipsius Civitatis *Tyri*. *Alcazar de Roma Paganica*. Ego verò existimo intelligendum esse de *Conversione Romæ Pagano-Christiane* ad antiquam puram & Apostolicam *Christianitatem*. Quod rerum *Congruentia* tum in hac *Visione* apud *Esaïam*, tum in illa apud *Ezekielem*, abundè videtur confirmare.

Neq; enim fieri potest quin expectandum sit, cum aded sit evidens, populum *Judaicum* unum magnum Sacramentum Typumve fuisse *Ecclesiæ Christi* futuræ, quemadmodum iterum iterumq; inculcatur in *Apocalypsi*, quæ utiq; illo Schemate, quem *Israëlisum* appellamus, tantoperè abundat; fieri, inquam, non potest quin expectandum sit, ut illæ Gentes quæ *Judeorum* hostes erant, *Tyrum* etiam gererent talium qui inimici futuri sint veræ *Ecclesiæ Christi*, utq; Prophetæ dum res prædicebant quæ ad eos pertinerent in prima Completione, quæ est *literalis*, in exaltatione sui spiritûs in istiusmodi locutiones eveherentur, quæ ad eos magis quadrarent quorum *Typi* essent, quàm ad ipsos. Ad quem modum multa de *Christo* vaticinia conformata sunt, perindèq; notata ab Interpretibus. Quæ vel purè *Allegorica* sunt vel *Mixta*, de quibus scripsimus in *Mysterio Pietatis*.

6. Atq; equidem duashas de *Tyro* Visiones aded perfectas de *Antichristo* illiusq; casu Prædictiones esse existimo, ut mereantur secundo Visionum generi accenseri, quandoquidem ea in ipsis reperiuntur quæ primæ ipsorum *Impletioni* non competant. Inter quæ illud est, quod *Tyrus* Meretrix appelletur, dicaturq; fornicari cum universis regibus terræ. Qui sensus certè non est tolerabilis si *literaliter* intelligatur de *Tyro*, facile verò & naturaliter intelligitur de *Roma Antichristiana*. Id quod *Cornelius à lapide* affert de *tyri* quod *cauponam* perinde ac *Meretricem* significet, misellum

Lib. 9. Cap 7.
sect. 2, 3, 4.

misellum est subterfugium, ac si Propheta verbalis joci gratiâ, tam insignem Civitati ob utiles suas Negotiationes & mercaturas impingeret contumeliam. Præterea quanquam ונה *cauponam* significat perinde ac *Meretricem*, ונה tamen solummodò significat scortari. Ac proinde ונה את כל מלכות הארץ sensum debet determinare alterius.

Item *septuaginta annorum silentium & oblivio* ad *Tyrum* applicari aded non potest *literaliter*, ut *Grotius* (quanquam illius minimè probo audaciam) non dubitet mutare Annos septuaginta in septem, tanquam si Textus corruptus esset. Quæ scæva profectò est infaustaq; Scripturas interpretandi ratio, nec multùm abludens ab illa *Cephalalgia* curatione, quæ fit per *decollationem*. Et sanè postquam hos annos reduxit ad *septem*, nec *vita* nec *regnum Salmanassar* septem erat annorum, nec is demum *Civitatis Rex*. Quod tamen juxta communem sensum necessariò videtur intelligendum.

Porro, cùm *Incircumcisorum* mors Principi *Tyri* intentetur, eum planè arguit ex professione membrum esse *Ecclesie Dei*, sed præcipuè cùm *Cherub unctus* appelletur, adorneturq; vestimentis *summi Sacerdotis*, contrâq; ipsum vibretur Comminatio, quasi ejiciendus esset è *Monte Dei* tanquam *profanus*, & reprehensus deniq; sit ob *polluta Sanctuaria*; Cuncta hæc plusquam subindica sunt, quòd *Rex Tyri* Typus sit magnæ alicujus Personæ qui Sacerdos sit in *Ecclesia Dei*, ad quem *Visio* hæc præcipuè pertineret, quæ nec intelligi potest ullâ cum sensû congruentiâ in aliquibus rebus, nisi ad eam referantur.

7. Cæterùm huic materiæ non ampliùs immorabor; ultimi hujus versûs brevem tantùm Explicationem instituam. *Et erunt negotiatio ejus, &c.* hoc est, *Tum*, vel *postea Negotiatio* (tam laxæ enim significationis est, quemadmodum notavimus in Dan. 11. 36.) & *merces ejus sanctificata erunt Domino*. Sensus est, Reditus illos ac Promotiones quas *Simonia* aliæq; perversæ ac injustæ rerum administrationes in Ecclesia in *Nundinationes & Mercaturas* mutaverant, ut & ea quæ mercedes meretricis fuerant, hoc est, ea quæ *Ecclesia Romana* per Artes suas Idololatricas ac meretricias acquisiverat, cuncta hæc tandem ablatum iri, & in usus bonos collatum, in verum scilicet essentialémq; Dei cultum, illiq; iri dedicatum, hoc est, appropriatum reali hujus servitio. *Non condentur nec reponentur*, hoc est, non corradentur in paucorum aliquorum manus ad rem sibi suisve Familiis conflandam amplificandâmve, non occupabunt possidebuntq; ut suum, (itâ enim vox ונה subindicare videtur) ad satisfaciendum suæ propriæ luxuriæ aut avaritiæ. *Quia hic qui habitaverint coram Domino erit negotiatio ejus*, hoc est, *Erit Domesticæ Fidei* (Gal. 6. 10.) qui alibi *Dei domestici* appellantur, talibus scilicet qui tanquam in conspectu Dei ambulent, sensumq; habeant ac reverentiam illius præsentis in omni sua conversatione; talibus qui *Fidei Christianæ* sint non *Factionis Antichristianæ*, sive *Laici* fuerint sive *Clerici*. *Ut manducent in saturitatem*, ut victus hominibus sufficiens suppetat, bellèq; caleat Hospitalitas, & saturentur pauperes ac famelici.

8. *Et in operimentum vetus*, למכסה עתיק significare potest vel *vestimentum durable*, vel *vestimentum modestum* ac *venustum* quale senem deceat. Nam למכסה עתיק verbatim reddi potest, *operimentum senis*; *Ut vestiantur veste honestâ & decorâ, qualis decet Senes & Presbyteros*, *Glossema* est ipsius *Cornelii à lapide*, in Interpretationem *Vatabli*, ad *operimentum senum*. Ex quo equidem suspicor quòd Prophetia hæc *Luciferianam* superbiam, *Pompamq; splendidam Papæ, Cardinalium*, aliorumq; Ecclesiæ illius *Magnatum* perstringat, prædicens tempus fore, ubi illi Reditus qui in *Antichristianam* hanc vanitatem perperam prodiguntur, meliùs expenduntur in *Christianam Hospitalitatem*, communemq; prospectionem universi corporis Christi, ut nemini *debitus victus* defiat, *honestusq; vestitus*, neq; *Clerico* neq; *Laico*. Verùm hæc *Excursiones* sunt ultrâ quàm institui.

Intereâ loci puto me valdè manifestum fecisse, tum ex *Apocalypsi*, tum ex his Visionibus *Ezekielis & Esaie*, *Nundinationes improbas ac mercaturas in Ecclesia Romana*, tanquam si *Mercatorum Civitas* omninò esset, clarè admodum graphicèq; in *Tyro* ac *Babylone* præfigurari.

CAP. XVIII.

1. *Falsa ipsorum Legenda perstringi in S. Pauli prophetia de Temporibus posterioribus.*
2. *Plenior Præfiguratio Antichristianæ illius oppugnationis Fidei in parte Prophetiæ ejus de Homine peccati.*
3. *Illius partis prophetiæ luculenta expositio.*
4. *Stricturæ in visionibus Apocalypticis eodem spectantes.*
5. *Romani Episcopi superbia in Rege Tyri præfigurata, ut & casus illius, & quo modo.*
6. *Splendor illius magnificus in Rege Tyri & Meretrice Babylonica representatus.*
7. *Superbia casusq; hujus Patriarchæ in Rege Babylonis præfiguratus. Sensus versuum duodecimi & decimi tertii. Vers. XIV. Sensus vaticinii à versu decimo quarto ad decimum nonum. Ver. XX. Explicatio versus vicefimi.*
10. *Plures Præfigurationes Superbiæ Papalis in Meretrice cornuq; parvulo.*
11. *Genuina facilisq; Expositio sive Paraphrasis tricesimi sexti & tricesimi septimi versuum undecimi Capituli Danielis, ubi Impia sui-ipsius elatio in Pontifice Romano clare prædicitur.*
12. *Sensum duorum sequentium versuum hujus Prædictionis eundem esse posse quem Cl. Medus reddidit.*

VENIMUS jam ad partes *Divine vite, Radicem & Ramulos*, in quorum priori diu non insistemus, quippe cujus prædictiones nec tam amplæ sunt nec tam frequentes. Veruntamen *Prophetia* de istiusmodi rebus quæ modis tam crassis *Christianæ Religionis Fidem* oppugnent subruantve, omni quidem ex parte non filet. Veluti, verbi gratiâ, de historiis *Legendaris*, quarum mentionem fecimus; An non illæ apertè prædicuntur in prophetia de *Apostasia posteriorum Temporum*? Quid doctrinæ *Demonum* introducendæ essent in *invelon Iudæorum* per *Hypocrisis* eorum qui *narrant mendacia*, qui per *Hypocriticum* obtentum *Abstinentiæ à Cibi atque Nuptiæ*, (tanquam si ipsi istiusmodi *Sanctuli* essent viriq; plane *Angelici*) sic quidem larvati lucrantur sibi apud populum opinionem *Sanctitatis*, eoque facilius *Sanctorum* cultum eis commendant, propter *Legenda* quæ illi finxerint mendacibus *Sanctorum* miraculis referta, ad quæ credenda populus admodum proclivis sit ob *Reverentiam* quam erga has *Sanctitatis Larvas* gerit. Quid hoc esse potest apertius?

2. Rursus, 2 *Thess.* 2. plenior illic est conditionis lapsæ Ecclesiæ hac in re præfiguratio, versu
8. *Et tunc retegetur impius ille quem Dominus conficiet spiritu oris sui, & illustri adventu suo abolebit.*
9. *Illum, inquam, cujus adventus est ex efficacia Satana cum omni potentia & signis ac prodigiis mendacibus.*
10. *Et cum omni fraude injustitiæ, in iis qui pereunt, pro eo quod amorem veritatis non receperunt ut salvi fierent.*
11. *Propterea igitur mittet illis Deus efficaciam deceptionis ut credant mendacio.*
12. *Ut damnentur omnes qui non crediderunt veritati, sed in Injustitiâ placide acquieverunt.*

3. Descriptio consistere videtur ex duabus illis partibus quæ in *Apocalypsi* breviter indicantur, nempe: *is qui facit* & *is qui amat mendacium*. *Impius hic*, hoc est, *Papa cum suo Clero* est *is qui facit* & *is qui amat mendacium*, cujus adventus est ex efficacia *Satanae* patris *Mendaciorum* in *rebus* & *signis* & *prodigiis*. Ubi *Satana* ad cuncta præcedentia refertur ad *cor*, ac si diceret, in omni falsa & fictitia specie *Potentia*, (curandi putâ ægrotos, liberandi animas è *Purgatorio*, &c.) *Signorum & Miraculorum*. Videtur enim in ulteriorem explanationem superaddere, *is videri videri tunc adiacet, in omni injusta iniquæ deceptione vel impostura*. Eadem sanè *Accusatio* quæ videtur adversus ipsos intendi in *Apocalypsi*, *is qui facit* & *is qui amat mendacium*.

Nunc verò *is qui facit* sequitur, Descriptio scilicet eorum qui amant mendacium. Atque hi illi quidem sunt, qui pereunt ob defectum *sinceræ amoris veritatis* quâ salvi fierent. *Hypocrisis* enim ut plurimum in fundo est ipsis qui hisce *Imposturis* decipi possunt. Quippe qui dum *Regnum Dei* ejusq; *justitiam* sincerè non quærunt, præda fiunt his deceptoribus. Quemadmodum plenius innuitur v. 12. (ubi dicuntur *injusti* & *iniqui*, *Placide acquiescere in injustitiâ*, eoque statu contenti esse) quodq; ob hanc causam mittit eis Deus efficaciam *deceptionis* (validamve delusionem ut habet *Tralatio Anglicana*) ut credant mendacio. Nec uni sanè sed mul-

tis;

tis; omnibus fabulosis impossibilitatibus *Transubstantiationis*, *Miraculorum Legendariorum*, *terrificarumq; Narratiuncularum Purgatorii*. Atque sic una pars ipsorum Ecclesiae *stolidi* fiunt & *Bigoti*, ut dicuntur, altera verò qui hanc rerum scenam contemplantur, quanquam ex ipsorum Ecclesia se esse profitentur, cœtus fiunt profanorum *Atheorum* clandestinorumq; omnis quidem *Religionis Derisorum*. Tam miserum in modum labefactatur *Christiana Fides* per hujusmodi *Imposturas*. Immo verò magna quæstio est, an illi ipsi qui superstitiosius eis adhærent, id non faciant ex confusione potiùs animi & obstupescatione, ex formidine ac suspitione, quàm ex ulla determinata certitudine firmave persuasione earum rerum quas publicè profitentur.

Nec pugnat quicquam hæc nostra Interpretatio cum illorum suppositione qui agnoscunt res aliquando extraordinarias in illa Ecclesia contingere. Nam & illæ, siquando fiunt, Mendaciis splendidis suffulciendis inserviunt. Atque satis profectò est, quod adeò abundant miraculis de illisq; gloriantur, quòdque adeò admodum paucae ex universis istorum narratiunculis omnino veræ sint, nec istorum ulla vera miracula, sed præstigiola ludibria Diaboli, egregii illius *Supercilii*, quemadmodum *Theodoretus* eum appellat.

4. Hisce addere potes Apoc. 13. v. 13. ubi *Bestia bicornis* (quæ idem est qui *Pseudo-propheta* & hic *Homo peccati*) dicitur magna edere signa *ἐν ὄψεϊ τοῦ θανάτου* & *ἐν ὄψεϊ τοῦ ζώου*, in conspectu Hominum & in conspectu Bestiæ, hoc est, inquit *Aretæ*, *ἐν ὄψεϊ τοῦ θανάτου* & *ἐν ὄψεϊ τοῦ ζώου*, oculos aspectantium perstringens. Et ad eum sensum *Bellarminus* verba ea etiam interpretatur. Quod præstigium nihilominus ad oculos animi perinde spectat atq; corporis. Nam *Transubstantiatio* non quidem efficit ut Panis aspectum externis oculis alium exhibeat atq; assolet, sed oculis *Fidei* & *Rationis*, quibus, cum efficere possunt ut fragmen Panis consecrati ipsum corpus personaq; Christi esse appareat, istiusmodi præstigium est ut nusquam illi par sit reperendum.

Accuratissimæ *Politie humane* (ut mollissimè dicam) in Religione sua fabricanda, manifesta affectatio, in Visione *Cornu parvuli habentis oculos*, perstringitur. *Atheismus* autem & *Infidelitas* in genere in istis locis Apocalypseos, cap. 22. 8. *Timidis autem & incredulis*, &c. & cap. 22. 15. *Foris autem erunt Canes*. Quæ loca quo sensu ad præsens argumentum pertineant, in *Idea Antichristianismi* jam explicavi, ac proinde, hæc rursus repetere supervacaneum esse sentio.

5. Venimus jam ad oppugnationes *Ramulorum Divine vite, Humilitatis, Puritatis, Charitatis*: Illaq; adversus primum eorum omnino est incomparabilis illa Elatio atque Fastus quem in suprâ dicta *Idea* descripsimus, quémq; Historia ubiq; conqueritur in *Pontifice Romano* adeò insigniter eminere. Quæ res ad vivum prorsus mihi representari videtur in visione *Ezekielis* de *Rege Tyri*; *Tyrum* enim Typum esse *Romæ Antichristianæ* credo me suprâ rationibus satis manifestis evicisse. Verba quorum recitandi mihi antè data est occasio hæc sunt; *Fili hominis* dic *Principi Tyri*, *Hec dicit Dominus*, *Eò quòd elevatum est cor tuum, & dixisti, Deus ego sum & in cathedra Dei sedeo in medio marium*. Annon hæc est ipsa appellatio quam *Papa* acceptat, *Dominus Deus noster Papa*? Quòdque sedes & Tribunal *Papæ* sit ipsa sedes & Tribunal *Dei*? Rursus ver. 6. *Propterea hæc dicit Dominus Deus*, *Eò quòd elevatum est cor tuum quasi cor Dei*, idcirco ecce, ego adducam super te *alienos robustissimos gentium*, &c. *Cor habere elevatum quasi cor Dei*, est suam voluntatem prosequi in rebus omnibus in eaq; dominari, *Voluntati enim ejus quis resistit*? *Rom. 9.* Illi autem an non *Papæ* voluntatem legem faciunt? *Supremum Numen in terris*, ad cujus nutum & auctoritatem omnia agenda sunt, sive justa sive injusta? immò verò injusta esse non possunt quando is ea vult? Quod certè agnoscere est in eo *cor quasi Dei*, sensu perquam eximio, non solum *irresistibile* sed & *infallibile*. Ad hoc quidem fastigium ascendit in fiducia *Politice* suæ subtilitatis & altutiae.

Robustissimi verò *gentium* nudabunt *gladios* suos super *pulchritudinem sapientie* suæ, polluentq; ejus decorem, inquit *Propheta*. Quod quomodo sonet in sensu *Literali* facile intelligi potest, perindèq; ad *Regem Tyri* applicari, & ex accidenti ad ruinam *Romæ*. Cæterum sensum etiam habere potest magis *Mysticum*; Atque tunc *ὁ υἱος τοῦ υἱος* quod reddunt *robustos gentium*, poterit nihil aliud significare quàm *fervidos obfirmatosq;* Assertores suffultoresq; veritatis, quæ nihil quidem *robustius* est & *fortius*, (*veritas magna est & fortior præ omnibus*, 3 *Esdræ*, cap. 4.) Hi strenui igitur *Athletæ* *gladios* suos nudabunt adversus *pulchritudinem sapientie* ejus, hoc est, *gladium* vibrabunt *Spiritus* (qui est *Verbum Dei*, etiam *gladius* iste qui ex ore *sefforis albi Equi* procedit (quæ *Ratio* est minimè *sophistica*, & *Scriptura*)

ptura) contra affabrè concinnatas subtilitates five *Scholasticas* five *Politicas*, omnesq; plausibiles pulchròsq; Sapientiæ *Pontificiæ* prætextus, Gloriæq; Evangelii tenebrosam reddet *sedem Bessie*, ut lux Solis, Ignis artificialis cujusq; lumen obscurat extinguatve. Ad hunc modum è medio gentium est Potestas *Pontificia* peritura.

6. Jam verò quantum ad eam plusquam Imperialem majestatem splendoremq; in *Papalibus* vestimentis, dicitur de *Rege Tyri*; *Omnis lapis pretiosus operimentum tuum, Sardius, Topazius & Jaspis*, quemadmodum dicitur de *Meretrice Babylonica*, quod amicta erat *auro, lapidibus pretiosis & margaritis*.

Quæ potestas *Pontificia* quanquam per Imaginem Mulieris præfigurata sit in *Apo-calypsi*, quò melius illustrentur *meretricia* illius Ecclesiæ *Mysteria*, fastus tamen illius, *Papæ* verò præter cæteros, per *Regem Babylonis* videtur tanquam in Typo exhiberi. Nunquid enim possibile est ut quisquam dubitet, cum *Babylon* aded notus sit Ecclesiæ *Antichristianæ* Typus, quin caput hujus Ecclesiæ *Antichristianæ* per *Regem Babylonis* tanquam in Typo pariter repræsentetur?

7. Audiamus igitur quid *Esaias* de exaltato hoc *Dynasta* enunciaverit Capite decimo quarto, versu

12. *Quomodo cecidisti de cælo Lucifer fili Auroræ? Et succisus es ad terram qui debilitabas gentes?*

13. *Tu autem dixisti in corde tuo, Cælum ascendam, super stellas Dei exaltabo solium meum, & sedabo in monte Congregationis in lateribus Aquilonis.*

Quomodo unaquæq; Natio per potestatem debilitetur *Pontificiam*, in *Idea Antichristianismi* satis demonstravimus. Ascensio ejus in cælum *stylo prophetico*, sui que ipsius exaltatio super *stellas Dei*, quæ stellæ sunt primæ magnitudinis in hoc cælo, idem est atq; scanio ejus in *Potestatem Imperialem* sui q; elatio supra omnes *Romani Imperii Reges atq; Principes*. Sessio ejus in *Monte congregationis*, in *Templo Dei* illius est sessio. Aded ut videatur duplex esse Allusio, tum ad *Montem Templi Dei Hierosolymis*, tum ad *Montem Pontificis sedem Romæ*, quæ præcipua Civitas est Ecclesiæ Christi. Sessio hæc in *Monte congregationis*, five *Dei Ecclesiæ*, mirifice coincidit cum vaticinio de sessione ejus, nempe *Hominis Peccati*, in *Templo Dei*, 2 *Thef. 2*. Neq; sanè [*in lateribus Aquilonis*] frustra superadditur, quanquam exigui profectò momenti in *litera*. Videtur enim prædicere *Dominium Papæ* magis *Aquilonem* versùs extensum iri; Satisq; notum est eum apud Ecclesias *Australes* res suas nihil prorsus promovere potuisse, quippe cui *Africana* semper strenuè resistebat; ut alias rationes taceam, quas brevitatis causâ prætermitto.

Ver. XIV. *Ascendam super Altitudinem nubium, similis ero Altissimo.*

Hoc est, Ascendam supra omne Imperium ac Dominium omni lege solutus, *divinitus*, infallibilis ut Deus.

15. *Veruntamen ad Infernum detraheris, ad latera sepulchri.*

16. *Videntes te, te prospicient, te contemplantur, dicentes, Num hic est vir ille, qui conturbabat terram, qui concutiebat regna?*

Sensus est, Num hic est Vir ille qui Mundum terrefecit, tremendis suis Excommunicationis fulminibus? quiq; magnâ quâ valuit apud Imperii Principes gratiâ, Cleriq; sui potestate luxare potuit, cardinibùsve dimovere Principatus atq; Regna, propter cæcitatem Populi, bardamq; eorum superstitionem?

17. *Qui posuit orbem terrarum sicut Desertum, & urbes ejus destruxit, & vinctis suis non aperuit carcerem.*

Hoc est, Qui per impios suos Incendarios Imperium *Romanum* bellis intestinis implevit magnâq; maluit superinducere depopulationes ac vastationes Civitatibus, quam illos dimittere quos *Babylonica* hæc *Egyptiæ* servitute tenebat. Quorum permulti modis admodum barbaris tractati sunt in arctioribus *Inquisitionis* carceribus, tantâq; mactati crudelitate ut omnes *Tragicas Historias sanguinolentorum scavorumq; Infidelium* excedat.

18. *Omnes Reges Gentium ipsi universi dormierunt cum gloria quisq; in sepulchro suo.*

Hoc est, Omnes *Dynastiæ Politicæ* Nationum, Regna Potestatesq; *seculares*, & expiraverunt & expiraturæ sunt, si ad te quidem comparentur, cum gloria, & honorificam obtinebunt sepulturam ac memoriam.

19. *Tu autem projectus es de sepulchro tuo tanquam stirps abominabilis --- ac veluti cadaver conculcatum.*

Sensus est, *Pontificiam Potestatem* non expiraturam esse cum illo omnino honore, memoriam verò illius abominabilem fore & execrabilem. Non obtinebit Regalem illam sepulturam, quorum corpora *Aromaticâ odoriferâve* condiebantur pollin-

cturâ, sepulchrâq; ornabantur pulchro artificio & splendido, sed erit ad instar putridi cadaveris in viam publicam ejecti, quod omnium oculos narêsq; offendit illâc transeuntium. Tam ingratus exhalabitur fâtor è monumentis ac Historiis *Antichristiana* hujus *Politie*, adedò *sanguinolenta* & *Idololatrica*, quemadmodum innuitur versu hoc ultimo.

Vide Homil.
contra Rebel.
part. 5 & 6.

Ver. XX. *Non habebis consortium cum eis in sepultura, quia terram tuam disperdidisti, populum tuum occidisti.*

Hoc est, Quemadmodum Potestas tua à *secularibus* Potestatibus ac *Dynastiis* Terræ distincta est ac diversa, ità Fatum tuum erit distinctum planè ac singulare. Nam infelix erit Memoria tua Noménq; tuum in sibilum omni posteritati. Et causa etiam singularis est, *Quia terram tuam disperdidisti, populum tuum occidisti*, hoc est, Quia cum præ te feras ac si *Christi Vicarius* eiles, *Ecclesiæ Sponsus*, *Orbis Christiani Pater*, *Gregisq; Pastor universalis*, Furem profectò egisti & Prædonem populando quasi, militari modo, in Imperio, edendo & impinguescendo, prout scriptum est Johan. 10. *Fur non venit nisi ut furetur & mactet & perdat oves.* Quod tu quidem immaniter fecisti, post tuum in Domum Dei usurpatum Imperium; Orbem Christianum implens Bellis intestinis ac vastationibus, internecionibus, sævisq; martyriis per *Vivi-comburia*, per *Equuleos* ac *Fidiculas*, omnèq; genus torturis, idq; in tuam propriam Terram populûmque, hoc est, in Christianos, quorum caput te esse venditas, immò spirituales eorum Patrem, vigilantemq; Protectorem. Quamobrem ut *Atrocitates* tuæ singulares fuerunt, sic erit tua pariter *Perditio*, exitûsq; tuus *infaustus*, fâtorq; memoriæ tuæ in nares exhalabit perpetuis hominum *Posteritatibus*, in secula seculorum.

Apo. 18. 24:

Causa horrendi hujus exitûs *Regis Babylonis* eadem est quæ exultionis *Reginæ Babylonis* sive *Meretricis*, (nam unius ejuldémq; rei sunt Typi) Et in ea sanguis *Prophetarum & Sanctorum inventus est, omniumq; qui occisi sunt in terra.* Et certè ultima illa clausula in *Vaticinio de Rege Babylonis*, Potestati *Papali* ità est propria, ut ad illam tantum, non autem ad *Babylonis Regem* pertineat. Quod quidem certitudinis hujus sublimioris ulteriorisq; sensûs hujus *Prophetiæ*, pignus est eximium: Tardiq; ingenii eum esse oportet, & à Religione nimis quàm alieni, qui dum tam miram rerum aptitudinem & congruentiam in vaticiniis de *Rege & Civitate Tyri*, deq; *Babylonis Rege* ad hunc modum explicatis considerat, *Divinæ Providentiæ* de rebus *Ecclesiæ* in tam longinqua tempora sollicitæ, piâ admiratione non abripiatur. Sed pergo.

10. Potestatis *Pontificiæ* celsitudo & sublimitas supra *Imperatoriam*, præfiguratur etiam per *Meretricem Bestiæ insidentem*. Nam proculdubio Sessor superior est *Bestiæ* cui insidet. Expresimq; dicitur de *Bestiæ bicorni*, quæ eadem est quæ *Meretrix*, Quod potestatem prioris *Bestiæ* omnem exercet in conspectu ejus.

Hicce addere potes prædictionem illam apud *Danielem*, cap. 7. 24. Et alius consurget post eos vel ponet eos Rex, (quem *Papam* esse supra demonstravi) ipsq; diversus erit à prioribus, & tres Reges humiliabit & sermones contra *Excelsum* loquetur, *Sanctisq; conteret Altissimi*, putabitq; se posse mutare tempora & leges. Quæ verba enormem illam Potestatem, quàm *Papa* sibi assumpturus erat, planè indicant. Quemadmodum facile intelligitur ex eis quæ supra scripsimus in hunc textum.

Postremò, videtur etiam mihi valdè manifestum, Quod immanis hæc *Papæ* superbia præfiguretur rursus apud *Danielem*, cap. 11. ver. 36, 37. Quorum duorum versuum brevem hanc *Paraphrasin* instituiam.

36. Post regnum *Antiochi Epiphanis*, qui Typus *Antichristi* erat insignisq; populi *Dei hostis* in *Græco Imperio*, consurget Rex *Sacrorum*, vel *Regalis*, si mallet, *Pontifex*, qui cum formato suo corpore *Politico*, Potestatēve *Ecclesiastica*, se verum illum *Antichristum* ostendet, respondens in *Romano Imperio*, quantum ad persecutiones *Populi Dei*, impio illi *Antiocho* in *Græco*, qui proximè ipsum præcessit. Qui Princeps *Ecclesiasticus* sive *Pontifex* *Fortune rerûq; cursum* inveniens ad voluntatem suam fluentem, tandem seipsum exaltabit supra omne quod dicitur *Deus*, hoc est, supra *supremum quemq; Magistratum*, *Imperatore ipso non excepto*. Immo stupenda loquetur contra ipsam *Divinam majestatem*, contra *Deum deorum*, ac si potestatem haberet abrogandi vel relaxandi *leges Dei Christi*q; ipsq; ededisset *supremum Numen* in *Terris*. Quæ quidem impia consilia prosperè ipsi succedent, quamdiu *Divina Providentiæ* visum fuerit *populum suum* illius *ira exercendum* permittere. Tempus enim plenæ illius *dominationis* decusum est, à *Deo*q; præstitutum, ultra tempus & tempora & dimidium temporis non duratura.

37. Et tamen nihilominus purè *Paganus* non erit, nec *Patrum* sive *Antecessorum* suorum

suorum (hoc est, summorum Magistratum Romanorum qui illis multis seculis ante
eum regnarunt) curabit Deos, cujusmodi fuerunt Mars, Neptunus, Jupiter, Venus,
& id genus reliqui. Hoc vero habebit singulare ac notabile, quod externâ specie ri-
gidus vite cœlibis ipse futurus sit professor, nec cum Dignitate sua Pontificali confisset
matrimonium; ejusdemq; ejus Clerus subjicietur legibus, quod facilius ferocientis sue
& insatiabilis Ambitionis consilia felicem obtineant exitum. Qui superbâ spiritus
sapientiæq; mundanæ ita tandem in eo luxuriabitur, ut omnem realem sincerumq; Re-
ligionis sensum exuturus sit, nullumq; omnino Deum vel hili curaturus; sed seipsum
magnificaturus super omnia.

12. In duobus sequentibus versibus nihil opus est ut quicquam in Interpretatione Medana varietur. Sensus enim eorum quatenus hos precedentes versus respiciunt, hic tantum est. Quod propter magnam hanc illius impietatem ac irreligionem aut saltem Animi elationem presumptionemq; adversus notas Dei leges, erecturus sit, proprii lucri causâ, *Demonum cultum, religiosum* (vel potius irreligiosum ac impium) prout suprà Textum exposuimus ex doctissimo *Medo*.

C A P. XIX.

I. Veritas antecedentis Paraphraseos ex prophetia S. Pauli de Homine peccati confirmata. Tres primi versus expositi. Ver. IV. Quibus in rebus Homo hic peccati se extollat supra omne quod dicitur Deus, quidq; sit, ostendere se tanquam sit Deus. Ver. V. Interpretatio istorum verborum [ut reveletur in suo tempore] quidq; id sit quod detineat. Ver. VII. [Nam mysterium jam operatur Iniquitatis] quomodo intelligendum sit, quisq; i natixov. Ver. VIII. Quid significetur per i auco, quisq; sensus modusq; perditionis illius, cum indicatione exquisita Applicabilitatis hujus vaticinii ad Pontificiam Potestatem ac Imposturam. 6. Parallelismus brevis Cornu parvulum inter apud Danielelem, & hunc filium Perditionis.

1. **Q**UOD unus hic certus sensus sit horum duorum versuum apud *Danilem*, Prophetia illa in secunda Epistola ad *Thessalonicenses*, plenius evincet, quæ tantam sanè cum hac cognationem habet ut nullus dubitem quin in eandem enormem Potestatem hujus *Patriarchæ Romani* suiq; *Cleri* digitum intendat, quodammodòq; indè sit *Exscriptum*.

1. Rogamus autem vos fratres per adventum Domini nostri Jesu Christi & nostre congregationis in ipsum, cujus mentionem feci in * priori mea Epistola. 2 Thess. 2: 1 Thess. 4: 17.

2. *Ut non citò dimoveamini à vestra mente, neq; terreamini neq; per Spiritum neq; per sermonem, neq; per Epistolam s. si ip̃s, tanquam à nobis, ac si nos vaticinati fu-
rimus, dixerimus, scripserimúsve quicquam per literas, nè per priores, quidem illas
ad vos missas, quod rectè in eum sensum exponi possit, quasi Dies Domini infu-
ret.*

3. *Nē quis vos seducat ullo modo, neq; per Inspirationis pretextum, neq; per Scripturam, neq; per ulla a me literas, perperam interpretatas. Dies enim ille non adveniet quin venerit defectio prius, (iuxta illud ἡ ἀποκάλυψις πρῶτον, antequam insigat illa venerit Apostasia (sic enim Alcázar interpretatur articulum ἡ hoc in loco) lapsus ille in cultus Idololatrias, quæ Rebellio est adversus Deum Christumque,) & ceterus fuerit Homo ille peccati, Filius ille perditionis.*

Quod hoc intelligendum sit de insigni illo *Antichristo*, Antiquorum communis est opinio; immò *Alcazaris*, *Riberae*, & ipsius *Bellarmini*. Nos verò dicimus *Antichristum* hunc *Papam* repertum iri cum suo Clero. Ridicula epim defensio est ut quis argumentum diluat, dicendo, quodd *Homo peccati* unam supponit personam singularem. Cum tamen *Homo* perinde atq; *Femina* stylo prophetico non solum Successionem hominum singularium, sed & corporis Politici per *Hemopriam* facilè significet, perindèq; hic successionem significet *Paparum* lapsorum cum suo Clero, qui appellantur *Filius perditionis* quoniam delendi sunt illustri adventu Christi potentèq; luce Evangelii. Non quidem *mundanâ* potentiâ aut robore, sed *spiritu meo*, inquit *Dominus exercituum*.

Ver. IV. Qui adversatur & extollitur supra omne quod dicitur Deus, aut quod colitur, ita ut quasi Deus in Templo Dei sedeat ostendens se tanquam sit Deus.

Quod *Episcopus Romanus* omnem apicem hujus prædictionis implet, quivis deprehendere potest qui oculos conjecerit in ea quæ scriptimus in *Idea Antichristianismi*, eaq; quæ communiter nota sunt omnibus qui rerum orbis Christiani Historiam vel primoribus labiis degustaverit. Manifestum enim inde est eum *adversari*, & *supra omne quod dicitur Deus* insigni aliqua ratione *extolli*. Adversatur & extollitur *supra Christum* qui verus Deus est quantum ad omnia illius officia, *Regale, Sacerdotale & Propheticum*, quemadmodum abundè probavi, atq; ideo ex consequenti *supra omnes Sanctos*. Immo nominatim extollitur *supra Sanctos* atq; *Angelos*, quemadmodum *Downhamus* Episcopus fusè probat in *Tractatu de Antichristo* lib. 4. cap. 4. Et quantum ad *Imperatores*, ipsas cervices eorum conculcat, & tanquam mancipia sibi subijcit, Coronas eorum, suis pedibus, capitibus excutit, eisdemq; pedibus eas capitibus rursus imponit. Tam clarè patet quod Princeps hic *Civitatis coronantis* exaltet seipsum *in terra regum* & *in civitate*, hoc est, *supra quascunq; Potestates sive Cælestes sive Terrestres*, quarum inter posteriores recensentur *Zabari, Augusti sive Imperatores Romani*.

Idea Antichristi.
lib. 2. cap.
11.

Hæc subindicatiuncula sufficit; Plenior enormis illius superbiæ amplificatio in *suprà dicta Idea Antichristianismi* describitur, quæ tamen major non est quàm quæ obvia est & notoria per vulgarem *samam* perinde ac *Historiam*. Locus hic hujus versùs aded ad amissum respondet illi apud *Danielem* cap. 11. 36. *Elevabitur & magnificabitur adversus omnem Deum*, ut minimè dubitem quin Apostolus ad *Regem superbiæ* illic descriptum respexerit, eandemq; hoc in loco rem indigitet per *Hominem peccati*.

Ita ut quasi Deus in Templo Dei sedeat, ostendens se tanquam sit Deus. *ἡ δὲ ἐκείνη ἡ εἰκὼν τοῦ θεοῦ*, hoc est, Facientem acceptantemq; istiusmodi res, quæ si ritu ad eum pertinerent, demonstrarent eum Deum esse. Hæc verò agendo admittendove, ostendat se esse Deum. Templum Dei hic est intelligendum aut *Materialiter*, atq; tunc manifestum est quàm bellè conveniat cum illo honore quem *Papa* recipit super Altare sedens in Ecclesia *S. Petri, Romæ*, post Electionem, cumq; adoratione ibi ipsi præstita; vel si *Figuratè* intelligatur pro populo qui Christi Nomen gerunt, ipsiq; sunt dedicati, hic etiam *sedet regnatq; ut Deus*, infallibiliter *dominatus*, omni lege solutus, immò ipsius Dei Leges aut abrogans aut Dispensationibus solvens relaxansque.

Ver. V. *Non retinetis, quod, cum adhuc essem apud vos, hæc dicebam vobis?*

6. *Et Nunc quid detineat scitis, ut reveletur in suo tempore;* Hoc est, quid obstat quod minus revelet se ostendatq; se in *Rerum Natura* existere. Omnia enim in confuso *Universi Potentialitate*, si fas sit ita loqui, existunt, sed modo occulto ac latenti, tanquam in semine, ut *Rosa Hyeme*, veruntamen *ἡ ῥόδὸς κατὰ* apparent. Quod verò obstabat quod minus *Antichristus* tunc appareret, secundum communem Antiquorum opinionem erat *Romani Imperii Integritas*, dicam, an *Integralitas*. Ante fractionem Imperii in decem Regna non adventurus erat *Antichristus*, nec nisi postea quidem, alio in sensu, fortean appariturus. Quod *ἡ κατὰ* hoc, *Romanum sit Imperium*, abundè Testium adducit *Alcazar ex Malvenda, Tertullianum, Chrysostomum, Ambrosium, Hieronymum, Augustinum, Theophylactum, Oecumenium*. Quibus superaddit *Anselmum, Haymonem, Strabum, Thomam, Lyranum, Cajetanum, Bellarminum, Suarezium, & Pamelium*.

Ver. VII. *Nam Mysterium jam operatur Iniquitatis, tantum qui nunc detinet, detinebit usq; dum è medio sublatum fuerit.*

Tertullianus & Chrysostomus & Expositores pleriq; omnes (ut *Alcazar* affirmat) operationem hanc Iniquitatis in temporibus Apostolorum tanquam Typum tantummodò & figuram intelligunt illius quæ futura sit sub *Antichristo*; Fuisse nempe tunc aliquid aut reverà existens aut saltem sub incude, quæ prævia esset *Representatio* statûs Ecclesiæ sub *Antichristo*. *Alcazar* vult *Paganismum* esse *Romanum*, sive cultum Idolorum. Illud verò *Iniquitatis Mysterium* non erat; cæterum forsan dixerit, Typum esse posse illius quod, postquam venerit, *Mysterium* foret, idq; sanè mirandum, viva nempe *Paganismi Imago* in Christianitate renovata, ac propterea futurum *Mysterium* in Typo suo operatum esse, æquè ac in suo Typo extitisse. Imperium enim in *Idolatriam* reviviscens, appellatur, *Bestia quæ erat & non est & tamen est*. Commentum sanè est haud usq; aded alienum.

Ego verò in eam pronior sum sententiam, quod Apostolus loquatur de re aliqua in Christianitate jam existente (nempe in Professoribus illius) quæ non multum ablunderet ab imagine magni illius *Antichristi* qui suo tempore erat appariturus; quod significare utiq; possit per præsentem hanc *Iniquitatis* operationem, errorem labemve aliquam

aliquam in quibusdam Christianis aliquasve illorum propensiones, ut qui non medio-crem *Antichristiani spiritus* saporem contraxissent, & nominatim spiritus conten- tionis de *Superioritate ac Dominio*. Cæterum annon *Simon Magus* hic perstringi possit, suo loco considerabimus.

Antichristianum autem hunc *Ambitionis æstum* in rebus minoribus se exercere oportet usquedum *ἡ αἰχμή*, usquedum *Romanus Imperator* propriè sic dictus, nempe qui sedem Imperialem habeat *Rome*, è medio sublatus fuerit; *ἡ αἰχμή* *ἡ αἰχμή*, usquedum illinc aut amotus sit aut deletus. Horum autem *Romanorum Cesarum* se-ries exiit in *Augustulo*. A quo statim tempore *Papa* partes suas egit in his *Occidenta-libus* Imperii Regionibus, magnasq; opes ac potentiam ex illius ruinis sibi conqui-sivit, tandèmq; visibiliter accrevit ad plenam mensuram staturamve illius *Homini* pec-cati sive *Antichristi*. Tunc satis magnus factus est ut conspiceretur ab omnibus qui cæci non essent, prout sequitur in versu proximo.

Ver. VIII. *Et tunc revelabitur ille Iniquus quem Dominus interficiet spiritu oris sui, & destruet illustratione sui adventus.*

Iniquus ille, *ἡ αἰχμή*, *exlex ille*, qui extollit se *supra leges Dei* Christique, & di-spen-sationes contra ipsas dare potest prout lubet. Cujus perditio erit per Evan-gelii prædicationem, & per victoriosam veritatis evidentiam, claramq; ac irrefraga-bilem Rationem, mundo per eos divulgatam qui ex *Spiritu Dei* loquuntur & ex vivo veròq; Principio in cordibus eorum ebulliente. Horum enim *os*, *Dei os est*, ipso-rumq; *halitus* tanquam torrens igneus ad consumendum impium Deceptorem.

Partem hujus Prophetiæ reliquam suprà exposuimus, ac propterea supervacaneum est Expositionem hoc loco repetere. Nulla profectò Prophetia magis expressum ad ullum eventum applicari potest quàm hæc ad *Papatus potestatem ac præstigiū*. Cùm effectus igitur jam existat, quis dubitare potest quin hæc sit illius prædictio, præser-tim cùm commune *Antiquitatis* suffragium habeamus quòd de quopiam intelligenda sit, qui postquam Imperium *Romanum* in partes diffractum sit, esset appariturus? Ante mille autem amplius annos jam facta est illa diffractio. Si quis *Tertullianum* roget quisnam sit *ἡ αἰχμή* hic, qui *Antichristi* Revelationem impediret, rotundum hoc illicò accipiet responsum; *Quis nisi Romanus Status? cujus in decem Reges abscissio dispersa, Antichristum superinducet, & tunc revelabitur Iniquus*. Quem-admodum fideles Christi servi experti sunt cum magno suo malo ac dolore infando.

6. Homo hic igitur peccati est *Cornu* illud parvulum *Homini* oculos in se habens (quibus utrisq; forsàn locutionibus *Humana Papatus Politia* innuitur) Rex ille di-versus à decem, ut qui Princeps *Ecclesiasticus* est, surgitq; ponè eos ut clanculum supra eos accrescat, technisq; suis Politicis omnes tandem superemineat: Quem *S. Paulus* *ἡ αἰχμή* *Hominem exlegem* appellat, ut & *Daniel* eum facit *Temporū & legum mutatorem*, ut qui coërceri non vult aut limitari eis quæ jam sint constitutæ, etiamsi Dei ejusq; Christi sanctiones fuerint. In illo *Cornu* est etiam *os loquens in-gentia*, idq; contra *Altissimum* hoc est, Dei Christiq; majestatem lædentia, quem-admodum *Homo hic peccati* etiam se gerit, corpus hoc *Papale*, qui *Papam* caput su-um, supra omne exaltant quod *Deus dicitur aut colitur*. Et postremò, sicut *Cornu parvulum* apud *Danilem* exurendum est *fluvio igneo & rapido à facie tremendi Ju-dicis* profluente; ita *Homo hic peccati* consumendus est *spiritu oris Domini ignitòq; splendore adventus ejus*. Quæ quidem considerationes nos persuadere possunt uni-cam eandemq; Personam perstringi & in *Cornu parvulo Daniel. 7.* & in dominabundo illo Rege cap. II. qui elevatur & magnificatur supra omnem Deum, cùm utriq; conve-niant in præsentī hac prophetia de *Homine peccati sibi*ve *Perditionis*.

Tam manifestum est hanc Prophetiam non intelligendam esse de *Caiso* aut de *Si-mone Mago*, uti *Grotius* absurdè opinatur; cujus opinionem jam examinabo, quippe quòd Nomen istius Autoris tantum apud quosdam valeat, alioquin vix operæ pretium esset in eam inquirere.

C A P. XX.

1. *Summa Expositionis Grotii in antecedentem Prophetiam Propositio.* 2. *Adventum Christi in hac Prophetia de Hierosolymæ excidio intelligi non posse.* 3. *Nec Apostasiam Caio attribui, eūve dici in Dei Templo sedere, nec rē ualior Vitellio adeo convenire.* 4. *Propositum Caii de collocanda Statua sua in Templo, nullum Mysterium fuisse Iniquitatis sed apertam Impietatem.* 5. *Ridicula sensus Prophetie luxatio per Grotium, dum Caium hominem peccati facit filiūq; Perditionis celatum per interjectam Vitellii presentiam, cum tamen remoto Vitellio non Caium quidem sed Simonem Magum faciat Hominem revelatum & deperditum.* 6. *Verissimum esse quod Simonis Magi Historiola Figmentum sit, & ex qua demum occasione sit natum.* 7. *Quod si vera sit haud ita tamen quadrare, cum impius hic Simon spiritu oris Christi ipse consumptus non sit, sed illius currus tantum atq; equi.* 8. *Grotium, Paulum introducere prophetantem de rebus præteritis, quippe cuius Epistola scripta est decem annis post obitum Caii, cum pleno Responso ad primum Grotii argumentum pro sententia contraria. Responsum ad secundum argumentum.* 10. *Demonstratio ex Scriptura ipsiusq; Grotii concessis, quod secunda hac Epistola scripta sit decem Annis post mortem Caii, quodq; casus etiam Simonis Magi ē curru igneo octo annis contigerit ante hanc Prophetiam.*

1. *Summa Expositionis Grotii in Caput hoc secundum secundam Epistolam ad Thessalonicenses, hæc est:*

Primò, Interpretatur Adventum Christi de excidio Hierosolymæ.

Secundò, Apostasiam sive Defectionem, & Revelationem Hominis peccati intelligit de Caio Caligula, qui profecto admodum impius erat Imperator, suamq; Statuam collocari voluit in Templo Hierosolymitano.

Tertiò, rē ualior vel rē ualiora Lucium vult esse Vitellium Syriæ Præsidem, & consequenter Judæam, qui rebus Judæorum favebat, ac proinde illius tempore non opportunum fuisse Caio, ut propositum collocandi Statuam suam in sancto Templo aperiret.

Quartò, Per operationem mysticis Iniquitatis, consilia intelligit Heliconis aliorūq; Ægyptiorum Impostorum, qui in magna gratia erant cum Caio, quiq; viam sternebant ad grande hoc Impietatis Specimen.

Quintò, Verum, postquam is qui detinetur in medio sublatus sit, hoc est, Lucius Vitellius (qui obstaculo adhuc fuerat Caio, quod minus impium propositum collocandi Statuam suam in Templo Hierosolymis exequeretur) tunc revelabitur Iniquus ille (qui clanculum adhuc egit cum sociis suis Conspiratoribus Helicone reliquisq;) Caius proculdubio, inquit, minime vero Simon Magus, inquit Grotius. Fuitne usquam gentium tam ridiculum. Apertè nullum in ulla serie Authorum Interpretatione admissum, nedum in sacris exponendis Scripturis.

Sextò, & ultimò, Hoc verò sit, propterea quod Prophetia pars reliqua loqui videatur de Mago vel Præstigiatore, cuiusmodi Simon Magus esse ferebatur, quem per aërem Romæ igneis quadrigis vestrum Petrus precibus suis ad Christum humi præcipitavit. Atq; ad hunc modum consumptus est Simon spiritu oris Domini, & illustri illius adventu, quemadmodum vult Grotius.

2. Hæc summa est illius expositionis, Cui ne unus quidem inest solidus articulus. Quantum enim ad primum, qui Christi adventum intelligit de excidio Hierosolymæ, quisquis consideraverit Epistolam hanc secundam esse Epistolam ad Thessalonicenses (quemadmodum max. probaturus sum) quodq; in priori Epistola de finali scribat adventu Christi, qui cum Resurrectione mortuorum conjungitur, nostriq; congregatione atq; obviatione Domino in aëre, non potest sanè sine magna vi rebus illata, quin hunc Christi adventum nostriq; ad eam congregationem in hac secunda Epistola, de eodem tempore deq; eadem re intelligat, de qua Adventus Christi in prima intelligitur. Atq; idè magis, quod tam serè eos obtestetur Apostolus per adventum Domini, nostriq; ad eam congregationem, addatq; porro p̄te salutis dñi rē vobis, p̄te dñi dñi, ut mente non dimoveantur, agitentur, nec quassentur, nec perturbentur vel tremefiant. Verba quæ tam grande sonant, quàm si vix mentis compotes essent præ metu instantis hujus casus, cum excidium Hierosolymitanum eos tantoperè afficere attingerè non posset, ut qui Thessalonice habitabant. Et postremò [neq; per sermonem neq; per Epistolam quæ per nos scripta sit] priorem planè videtur Epistolam

Epistolam respicere, ubi Apostolus per usitatam *ἀναλογία* loquens ac si is cum reliquis tunc viventibus obviam ituri essent Domino in Aëre, occasionem dedit *Thessalonicensibus* existimandi quod Dies Judicii brevi esset futurus. Quem igitur errorem corrigit in presenti hac Epistola. Unde manifestum est Adventum Christi hinc non intelligendum esse de excidio *Hierosolymæ*, sed de *Die novissimo*.

3. Et quantum ad *secundum*, ille etiam valdè infirmus est, quandoquidem *Caius* Apostata à Deo *Israel* dici propriè non poterat, quippe qui cum eo nunquam fœdere sit junctus. Neq; statuam suam in Templo collocavit *Hierosolymis*, quæ tamen præcipua res est ad quam *Grotius* collineat, multoq; minùs ipse illuc sedebat, quod tamen verba planè innuunt. Nec *ὁ ἐν αὐτοῖς οἷς καθύπερθε καθίσταται*, significat collocare se ipsum in Templo Dei, sed illuc sedere, ex consensu omnium Interpretum, alioqui *καθίσταται* scriptum fuisset non *αὐτοῖς*. Tam coactum ac distortum est unumquodq; in hoc Expositionis Articulo.

Tertius sensum haberet satis commodum, si ad res ipsas quadraret; & tamen tunc etiam aliquid subesse vitii videtur, si ipsa verba spectemus. Nam si *Vitellius* intelligeretur nec ampliùs quicquam, in utroq; loco scriptum fuisset, *ὁ κατίχον*, ut quod aptissimum fuisset genus ad personam denotandam.

4. Et quantum ad *quartum*, valdè equidem alienum est, *privatum* illud *celatimq; Caii* propositum de Statua sua in Templo Dei *Hierosolymis* collocanda, *Mysterium Iniquitatis* appellare. Simplex enim *clandestinitas celatimve* non statim rem quampiam constituit *Mysterium*, alioqui clancularia quæq; Furti, Homicidii vel Adulterii molitio *mysterium* esset *Iniquitatis*. Illud verò demum *mysterium* est quod quantumlibet verbis prolatum, suâ naturâ adhuc manet *mysteriosum*, ac profunditatis aliquid in se habens, sive *bonum* *Mysterium* sit sive *malum*. Hoc verò *Caii* Propositum de Statua sua in Templo *Hierosolymitano* collocanda, alia prorsus res est, nihilq; nisi manifesta quædam ac conspicua species Impietatis, qualem quisq; primo aspectu sit intellecturus. Ac proinde loca illa quæ à *Grotio* afferuntur, viz. *Rom. 11. 25. 1 Cor. 15. 51.* nihil faciunt ad hanc rem. Illa enim ardua ac profunda *Mysteria* sunt quæ illuc memorantur, etiam postquam fuerint divulgata.

5. In *quinto* Articulo, jam notavi, quàm enormis sit *luxatio*, eamq; credo profectò posse latere neminem. Quis enim non expectaturus esset juxta communem sermonis tenorem, postquam Apostolus prophetiam orsus sit cum mentione *Homini peccati*, quem & *filium perditionis* appellat, addens porro fore ut reveletur, & clandestinas jam esse ad eam rem molitiones, solùmq; *Lucium Vitellium* impedire quò minus retegatur suo tempore, sublatum verò iri illud impedimentum simulatq; *Vitellius* è medio sublatu sit, quis, inquam, non expectaturus esset ut versus octavus, Et tunc revelabitur ille Iniquus quem Dominus interficiet spiritu oris sui, & destruet illustratione sui Adventus. (prout antea *Filius perditionis* perinde atq; Homo peccati est dictus) intelligatur de eadem persona, cum qua Apostolus inceperat? Et tamen Homo peccati & Filius perditionis *Caius* est, *Iniquus* vero ille quem Dominus destruet (ac proinde *filius* est *perditionis* sensu eminentissimo) est *Simon Magus*. Tam violentis sanè *Grotius* Textum distendit fidiculis ut falsa Responsa extorqueat, quibus *Caius* accusetur & *Simon Magus*, *Papa* verò suspicionem effugiat, quòd sit ille *Antichristus*. Qua in re aut Judicium aut Consuetudinem *Grotii* valdè profectò periclitatur.

6. Et loco quidem ultimo; Cum ad *Simonem* pervenerit, quanquam fateor Historiam de igneis ejus quadrigis non esse impossibilem, multoq; minùs de lapsu per *Petri* præces in terram, longè tamen antè quàm mihi notus esset hujus fabulæ usus, narratio mihi semper visa est incredibilis, quanquam nemo quisquam est, opinor, qui *Spirituum existantiam* & *Apparitiones* magis firmiter credat quàm ego. Videbatur enim mihi adeò Ludicrum *Petrarchicum* referre, ut non possem non collocare inter *Figmenta* magis præcocia primaq; pia *Legenda* Ecclesiæ ab otiosis Monachis ad oblectandos credulos & supersticiosos inventa. Tam notorium Accidens cum in Civitate *Romæ* contigisset, non potuit sanè in vitis *Cesarum* non memorari, & nominatim *Neronis*; In cujus vita *Suetonius* inter spectacula Theatrica brevem hanc tantummodo subindicationem habet, cap. 12. *Itarus primo statim conatu juxta cubiculam Neronis decidit, ipsumq; cruore resperxit.* Ex qua inauspicata Poëtica Fictiois Representatio: *Legendum* hoc *Monasticum* videtur efformatum. In quo Narratores addunt, alterantq; prout ipsis visum fuerit. Quod quidem multum de Historie derogat fide.

7. Narrationem maximè accuratam & plausibilem Doctissimus *Hammondus* elegit occurrentem apud *Amobium*: *Viderant currum Simonis Magi & quadrigas igneas Petri*

Petri ore diffatas, & nominato Christo evanuisse; viderant pondere precipitatum suo, cruribus jacuisse praefractis: post deinde perlatum Brundam, cruciatibus & pudore defessum, ex altissimi culminis se rursus precipitasse fastigio. Hæc quidem verba [*Quadrigas igneas Petri ore diffatas evanuisse*] optime conveniunt cum [*quem Dominus interficiet spiritu oris sui*] (Nam ut Grotius præclare quidem atq; verè, Apostoli sunt os Christi, juxta quam rationem Visionem sefforis Equi albi ipse exposui:) quando autem currum video quadrigisque dissipatas & consumptas, Simonem verò Magum ad terram delabi integrum, nisi quod tibi ipsi præfracta sint, quæ, ut videtur, Brundæ postea ita sanatae sunt, ut pedibus insistere posset quod præcipitaret seipsum de loco aliquo edito, immò verò ad altiora: Adis Tabulata ascendere, (quis enim eum illuc perlaturus esset, cum inferius aliquod conclave homini claudo magis conveniret?) equidem non intelligo quomodo hæc Prophetia in ipsum Hominem peccati, aut Iniquum illum impleta sit, quod proprium subjectum est Prædictionis, sed in currum solummodò & quadrigas. Si ad hoc Accidens prophetia respexisset, ipse Simon proculdubio sideratus fuisset aut consumptus, non currus tantum cum quadrigis.

8. Quamobrem, admissâ Grotii Chronologiâ, qui, in rem suam, secundam hanc Epistolam ante primam scriptam prætendit, & in regnò Caii, vides tamen quàm distorta, quàm coacta quàmque nullatenus cum Textu consentiens sit illius expositio, cum idem hic ei eveniat, quod in aliis suis circa Prophetias Parachronismis. Sed ut omnem omnino nugandi ansam ipsi eripiam, dico utraq; has Epistolas anno nono decimove regni Claudii scriptas fuisse, tot utriusque annis post mortem Caii, ac proinde Grotium Paulum introduxisse de rebus præteritis prophetantem. Hanc constantem Ecclesiæ Traditionem esse nemo potest inficiari. Primum verò hoc tempus non est, quò Grotius omnes modestiæ limites transiit, ut manus ad ea porrigeret quæ defluunt ac vaneſcunt in ipsa præſentatione. Scio pauculos habere prætextus quibus secundam Epistolam scriptam ante primam probaret, ut eo pacto imaginari posset scriptam quàm maturè ipse velit. Argumentis verò, quæ ad hanc suam opinionem defendendam evaginat, proprios ipse sibi scindit digitos.

Primum est, à Conclusionem Epistolæ secundæ, *Salutatio mea manu Pauli, quod est signum in omni Epistola; ita scribo, viz. Gratia Domini nostri Jesu Christi cum omnibus vobis, Amen.* Hoc scriptum Pauli manu propriâ, signum est in unaquaque Epistola. Et tamen Grotius hinc inferre vult, hanc Epistolam prius scriptam fuisse, quia nullum hujusmodi signum reperitur in antecedente Epistola, quippe quod tunc in vivis erant apud Theſſalonicenses, qui jam manum Pauli cognoverint. Sed respondeo,

Primò, Epistolam scilicet antecedentem hoc ipsum signum habere. Annon enim concluditur cum [*Gratia Domini nostri Jesu Christi cum omnibus vobis, Amen?*] Atq; hoc, suprà ait, scriptum est, *manu propriâ, in omni Epistola [mea manu Pauli]* Signum igitur perinde valet in utraque Epistola.

Secundò, Nisi misisset ad eos priorem aliquam Epistolam cum hoc signo, colligere inde non potuerint hanc esse suam.

Tertiò, Misit eis Epistolam hæc priorem, sicut apparet ex cap. 2. v. 15. *Itaque fratres state & tenete traditiones quas didicistis sive per sermonem sive per Epistolam nostram.* Quamobrem signum hoc nulla potest esse prioritatis demonstratio, ita enim futura fuisset illa alterâ, quæ præcesserat, prior. Quæ aperta est repugnantia. Nec ipse Grotius it inficias quin Epistola hæc memorata hæc prior fuerit, sed eam perditam statuere mavult, quàm primam eam esse Epistolam, secundum Canonem.

Quartò, Hæc ipsa juxta Ecclesiæ Canonem primâ, ea planè Epistola est quæ cap. 2. v. 15. memoratur, quemadmodum ex argumento hujus secundi Capituli liquet, quod omnino nihil aliud est quàm sensus sui de Adventu Christi de quo scripserat priori Epistolâ, cap. 4. v. 13. usq; ad finem capituli, & cap. 5. v. 1, 2, 3. luculentior explicatio. Quibus quidem in locis istiusmodi locutiones sunt ac si Resurrectio Diæque novissimus instarent capitibusque ipsorum imminerent.

Ac proinde, Quintò & ultimò, illinc planè est, quod Paulus eos tam sollicitè moneat, quod secunda hæc Epistola sua sit, quodque ex signo suo, ut in omni Epistola, manu propriâ scripto, ea de re certi esse possint, ut per illius utriusque auctoritatem in animum quietum ac sedatum restitui possent, per quam ex sensu illius Epistolæ perperam intellecto, animo facti fuerant tam attonito ac perturbato. Tam apertè contra ipsum militat prima hæc Hugonis Grotii Argumentatio.

9. Secundum argumentum pro prioritatem secundæ hujus Epistolæ hoc est, Christi-

anos

anos scilicet *Theſſalonica* tam paucos tunc fuiſſe quando *Paulus* eam ſcripſit, ut Eccleſiam ſive Presbyterium conſtituere non poſſent, quò res Eccleſiæ autoritative adminiſtrarent. Ratio autem hæc eſt, *Quòd homines non ex regula viventes Apoſtolus hic non excommunicari præcepit, quòd juſti ceteris fuerit, ſed vitari, quòd juſt ſingularum eſt.* Ad quòd quò magis commodè reſpondeam, ipſa verba Apoſtoli hic apponam, cap. 3. v. 14, 15. *Quòd ſi quis non obedit verbo noſtro per Epistolam, hunc notate, & nè commiſceamini eum illo, ut confundatur, & nolite quaſi inimicum exiſtimare, ſed corripiſſe ut fratrem.* Verba in Græco exemplari ſunt præ ſynagoga, & reſolvi de adæptis. Prius occurrit I Cor. 5. 11. Nunc autem ſcripſi vobis non commiſceri, ſi is qui frater nominatur, eſt fornicator, &c. cum ejusmodi nec cibum ſumere. Quæ explicatio eſt præ ſynagoga. Ubi ipſius *Grotii* Adnotatio eſt, *Hebræis mos erat cibum communem non ſumere cum eo qui erat in vi qui excommunicatus erat.* Aded ut præ ſynagoga autem excommunicationem innuat, & ſupponat proinde Chriſtianos in *Theſſalonica* Eccleſiam fuiſſe (quemadmodum etiam & *Paulus* eos ſalutat) etiam tum cum ſecundam hanc Epistolam ipſis ſcripſit.

Et quantum ad reſolvi de adæptis, annon in prima ad *Theſſalonicenſes* occurrit, cap. 5. v. 14. reſolvi de adæptis. Et tamen *Grotius* agnoſcit Eccleſiam tunc in *Theſſalonica* fuiſſe propriè ſic dictam. Unde manifeſtum eſt nullam ei omnino fuiſſe cauſam ut harum Epistolarum ordinem inverteret, & Autoritatem propterea Eccleſiæ conſtantemq; Traditionem obtinere debere, ſecundamq; hanc Epistolam etiam in ſenſu Eccleſiæ ſecundam haberi oportere, hoc eſt, poſt primam ſcriptam. Quemadmodum etiam ex innatis Epistolæ argumentis apparet, quæ contra priorem *Grotii* Argumentationem produximus.

10. Jam verò primam Epistolam ipſe *Grotius* in Præfatione ad Annotationes in primam hanc Epistolam agnoſcit ſcriptam poſtquam *Paulus* fuiſſet *Theſſalonica*. *Paulus* autem *Theſſalonica* non fuit ante Concilium *Hierofolymis* ab Apoſtolis habitum, quemadmodum apparet ex Act. cap. 15, & 16. totaq; ſerie Hiſtoriæ Apoſtolorum. Nec Concilium ab Apoſtolis habitum eſt *Hierofolymis* ante annum decimum quartum Conſervationis *Pauli*, quemadmodum liquet ex Epistola ad *Galatas*, c. 2. v. 2. ubi ipſe *Grotius* fatetur *Paulum* tunc aſcendiſſe ad illud Concilium. Nihil credibilius reperio quàm notari hic illud ipſum *Pauli* iter cujus mentio Act. 15. 2. Veruntamen poſt hoc iter ad *Hierofolymam* *Paulus* *Silam* elegit (hoc eſt *Sylvanum*) & *Timotheum* (quemadmodum apparet ex Act. 15. v. 40. & 16. 1.) in itineris comites, quorum & nomina præfixa ſunt ſecundæ ad *Theſſalonicenſes* Epistola perinde atq; primæ; ut præteream in ſecunda mentionem fieri præſentis *Pauli* apud *Theſſalonicenſes*, cap. 2. v. 5.

Quamobrem & ſecunda & prima ſcriptæ ſunt quatuordecim annis poſt Conſervationem *Pauli*, & conſequenter circa Annum decimum regni *Claudii*, hoc eſt, annis circiter decem poſt mortem *Caii*, & octo circiter annis poſtquam *Petrus Simonis Magi* ex curru igneo *Romæ* præcipitato tibias præfregiſſet. *Grotius* enim ex *Hieronymi* ſententia & aliorum, geſtum hoc miraculoſum in anno *Claudii* ſecundo collocat. Aded ut *Paulum* faciat per Applicationem Hiſtoriæ *Simonis Magi* perinde atq; *Caii* ad Prædictionem de *Homine peccati* & *Filia perditionis*, de rebus præteritis vaticinari.

FFFFF

CAP. XXI.

1. *Præcellentia hujus recentioris Interpretationis præ illa Grotii.* 2. *Summa dicitur Expositionis proposita.* 3. *Prima pars hujus Expositionis eadem quæ Grotii, ac proinde jam confutata; secunda porro confutata ex Chronologia; ex ulteriori detectione incredibilitatis Historiæ de Simone Mago; ex sufficientia prioris Revelationis; & ex eo deniq; quod nusquam in ullo Templo federit ubi Divinos reciperet honores.* 4. *Tertia enervata, ex Chronologia Antiquorum, ex ipsiq; aded Scripturæ locis, quæ Apostolos innunt mature Judæis valedixisse.* 5. *ἡ ἀποστασία* band satis Grammaticè rei indicatæ convenire, cum & personam indicet. Nec Apostasiam cum Chronologia, nec Gnosticorum Impietatem Mystrium esse, sed apertam Hostilitatem adversus Ecclesiam. 6. *Ratio dura ac absorta interpretandi Quem, in [Quem Dominus interficiet, &c.] de duobus diversis subjectis, uno abolendo spiritu oris Christi, altero per illustrem illius adventum, idq; diversis locis ac temporibus.* 7. *Si Historia Simonis Magi vera fuisset & ad Prophetiam applicatio congrua, fieri non potuisset quin Antiqui Patres in eam incidissent, atq; sic quidem præludium quoddam Typicum esse potuisset ad magnum illum Antichristum venturum.* 8. *Breves Striçture Prophetica de Impuritate Antichristiana.* 9. *Antichristiana Crudelitas in visione Regis Babylonici Cornuq; parvuli prædicta.* 10. *Item in visione Testium trucidatorum, & in Bestia bicorni, quæ facit ut quicunq; nolint adorare Imaginem Bestiæ, eos Bestia decacornis occidat.* 11. *Porro in Visione Angeli cum Phiala tertia, & in declaratione causæ ruinæ Meretricis.* 12. *Et postremò, in descriptione Meretricis tanquam ebriæ sanguine Sanctorum.* 13. *Omnia membra Antichristianismi in Idea memorata tam expressim in sacre Scripture vaticiniis præfigurari ac predici, ut impossibile sit tam luculentam Evidentiam eternum elusum iri.* 14. *Amplum illud Apocalypseos testimonium, per novellam istam ὡς, ἀδὲν γινώσκοντες τὰ ἔσχατα, Expositionem, irritum fieri non posse.*

1. **O**Uamobrem recens quidam idemq; doctus sanè Interpres longè emundiori cum judicio, modò *Chronologia* annueret, regnum *Neronis* præclaro huic *Simonis* gesto elegit. Vectionem illius intelligo per aërem quadrigis igneis, ut sic saltem *Historia* commodè applicari possit ad *Prophetiam*. Qua in re cum *Simonem* solam partem faciat cujus res agitur, multò profectò meliori conditione est quàm *Grotius*, quippe qui, hoc pacto, violentam illam Textûs in versu octavo luxationem, quam in *Grotiana* Interpretatione notavimus, evitet. Verùm alternatio hæc *Historiæ Simonis* quantum ad Tempus, ulteriorem facto addit Incredibilitatem. Et tamen Applicatio ingeniosa sit, tam magnis tamen laborat difficultatibus, ut non possit quin omnem apud cautos perdat fidem. Cæterùm cuicumodi sit, primùm eam breviter describam, & examinabo postea, ut planius constet nullam esse Interpretationem, quæ conferri debeat cum illa quam communis *Protestantium* consensus confirmavit, qui maxima ex parte ad eum sensum *Prophetiam* interpretati sunt quem ego declaravi.

2. Primò, igitur, ille, ut *Grotius*, *Adventum Christi* interpretatur de excidio *Hierosolymitano*.

Secundò, *Revelatio Hominis peccati* est *Simonis*, *Romæ*, spectaculum quadrigis igneis per aërem vecti, unà cum *Gnosticorum* Persecutione in Christianos.

Tertiò, *Apostasiam* sive *Defectionem* intelligit de Defectione à Fide ad Hæresin *Gnosticorum*, vel de derelictione *Judeorum* per Apostolos, solitæq; circa Ritus *Mosaicos* conniventiae abruptione.

Quartò, ἡ ἀποστασία vel τὸ ἀποστῆναι est Apostolorum ad *Judeos* Evangelii *Predicatio* nondum defixa, eorūq; tanquam hominum contumacium ac desperatorum, necdum facta derelictio.

Quintò, *Mysterium Iniquitatis* quod jam operatur, est occulta Christi & Christianorum oppugnatio, expressaq; Christianitatis per sectam *Gnosticorum* sub *Simone* ac *Carpocrate* Renunciatio, statim atq; Apostoli popularibus suis *Judeis* valedixerint, palàm eruptura.

Sextò & ultimò, *Spiritus Oris Domini* est Oratio Petri quâ *Simon Magus* humi præcipitatus est, & illustris illius adventus *Hierosolymorum* Devastatio, quâ *Judei* *Gnostici*q; persecutores deleti sunt.

3. Hæc

3. Hæc est summa Interpretationis illius quam breviter jam sed diligenter expendimus. Contra cuius primam partem idem dicendum est quod contra primam partem Expositionis Grotii, cap. 20. sect. 2. nec opus est hic repetere. Illud solum sufficit, si æquus adsit Lector, nullôq; laborans præjudicio, ad utroq; Interpretationes penitus subvertendas.

Secunda, Præcipua Basis est totius Expositionis. Verùm hic primò repugnat Chronologia, Facti, Petri pariter ac Simonis Magi. Anno enim Claudii secundo Petrum ivisse Romam ad occupandum Simonem Magum nos docet Hieronymus, inquit Grotius, Regnôq; Claudii non Neronis hæc contigisse testes addit vetustissimos Justinum, Irenæum, Eusebium, Cyrillum, & Theodoretum. Quod autem Philastrius, inquit ille, & Posteriores quidam ad Neronis Tempora hæc referunt, errorem esse puto ortum ex ambiguo Nominis. Nam & Claudius ex Neronum erat Gente, patriq; ejus nomen Nero fuerat, &c. Per hanc Authenticam igitur Chronologiam nova hæc Expositio radicitus evellitur, quippe quæ huic innititur Fundamento; Quod expugnatio Simonis Magi per Petrum facta sit temporibus Neronis. Sed ut mittam Chronologiam, magnam ipsius Historiæ Incredibilitatem esse abundè suprà insinuavi. Quæ adhuc suspectior videbitur cuivis qui non sit nimium credulus si consideraverit, quid ei apud Baronium sit superadditum, nempe quod Petrus, extraordinario hoc miraculo quod edidit, præcipitando per preces suas Simonem Magum ex Aëre, tantum abfuit ab acquirendo honorem ullum apud Neronem spectatorem hujus conflictus, ut incarceraretur ob hoc tam splendidum facinus. Certè si Populus ob Magicam illam virtutem qua de Simon adeò gloriabatur, eum tanquam Deum honorabant, multò majorem honorem ei exhibitori fuissent quem ipso Simone potentior experti essent, qui tamen se magnam Dei potentiam venditabat.

Præterea, Simon Magus, Homo peccati revelandus propriè dici non poterat, tunc cum scripta est hæc Epistola; cum juxta nuperi etiam hujus Interpretis concessa sub initium Regni Claudii hominem impium ac blasphemum se ostendisset, præ se ferendo tanquam si Deus esset, Romæq; Divinos acceptando honores, nec quicquam contra apparet, quin perinde impius esset ab eo usq; tempore ad vitæ suæ finem.

Et postremò, quantum ad sessionem in Templo Dei; Quam obsecro is Sedem illic habuit? Quòdve Templum ei usquam extructum est? Statua quidem illi erecta fuisse dicitur. Hoc verò factum est sub initium Regni Claudii, ac proinde multò antè quàm hæc Prophetia scripta sit, quemadmodum patet cap. 20. sect. 10. Caterum nec hæc Statua Templum est, nec in ea potuit sedere Simon, fieriq; potest ut fictitia Statua fuerit, si vera sit Petri Ciaconii conjectura, Historiam scilicet originem traxisse ex antiqua inscriptione Paganica super marmor Anno 1574. effossum eo ipso in loco ubi hæc Statua Simonis fuisse dicebatur, Quæ Inscriptio erat, Semoni Sango Deo Fidio Sacrum, quemadmodum videre est apud Baronium.

4. Quantum ad tertiam, cum tam clarè constet ex antiquissimorum Testimoniis inauspicatam hanc Simonis Magi Pompam aëream Petriq; cum illo Pugnam sub initium Regni Claudii contigisse, quam, cum Simon sit Iniquus ille, Homôve Peccati, necesse est ut hæc Apostasia, qualiscunq; sit, antecedit; manifestum est nec Defectionem à Fide ad Gnosticorum Hæresin, nec derelictionem Judæorum per Apostolos, nec aliud quicquam quod Simonis spectaculum præcedit propter Epistolam seriùs scriptam, hic intelligi posse. Quantum verò ad Judæorum derelictionem per Apostolos, misso Simone, palàm tamen est eam hic non posse intelligi, quippe quæ multis antè annis incepta est, quàm hæc Prophetia sit scripta; Quemadmodum apparet ex Act. 13. v. 46. Vobis necesse fuit, inquit Paulus & Barnabas, primùm exponi sermonem Dei: postquam autem repellitis illum, & indignos vos ipsos discernitis eternâ vitâ, ecce convertimur ad Gentes. Hoc autem factum est anno Christi 41. in ipso initio Regni Claudii. Incepta autem hæc Judæorum derelictio rursus repetitur Act. 18. v. 6. Judæis autem sese opponentibus & blasphemantibus, excussis vestibus dixit eis Paulus, Sanguis vester super caput vestrum, purus ego ab hoc tempore ad Gentes proficiscar. Hoc autem contigit anno Christi 51. proximo nempe quàm Paulus scripsit ad Thessalonicenses. Quod malè profectò convenit cum istis v. 1, 2, 3. Nè terreamini quasi instet dies Domini, quoniam nisi venerit discessio primùm, &c. Quæ tamen decem antè annis incepta erat rursûsq; repetita intra annum circiter, quàm hæc Epistola scripta sit. Quæ igitur cum adeò è proximo ipsis immineret, vel potiùs jam occupasset, Dies Domini non poterat non instare, contra ac vult Apostolus. Quibus postremò addas, antecedi quidem simplicem decessum perinde ac defectionem significare, antecedi verò defectionem tantum.

5. Et quod quartam spectat; Ponere hic ὁ καὶ ὁ, cum non persona quidem, sed

res intelligatur, non est aded legitima *Syntaxis*. Præterea, τὸ ἀνέλεος vel τὸ ἀνέλεος hoc, ablatum prius fuisse oportet quàm *Simon Magus* se in scenam proferret, quippe quod *Iniquus ille* hoc remoto obstaculo statim dicitur appariturus. Cum autem ipse *Simonis Revelatio* decem ferè annis antè facta sit quàm hæc Epistola scripta, quomodo Apostolus dicere potest, *Nunc verò quid obstet nõstris?* Immo verò cum tunc ablatum esset illud Obstaculum, derelictionis nempe *Judeorum* per Apostolos procrastinatio, quemadmodum liquet ex Act. 13. v. 46. Nè, postremò, addam incredibile videri hanc esse Obstaculum quò minùs *Mysterium Iniquitatis* propagam fiat (hoc est, nè aperta Christi & Christianorum oppugnatio ac Persecutio expressaq; Christianitatis per Sectam Gnosticorum sub *Simone* ac *Carpocrate* Renunciatio exeat in effectum) quippe quod & *Paulus* & *Thessalonicenses*, ut patet v. 6. Obstaculum probè noverint; hanc autem si novissent *Apostoli* esse Obstaculum, procrastinationem scilicet *decessionis à Judæis*, tantas sanè calamitates Ecclesiæ superinducere nolissent tam subitâ ipsorum derelictione, cum hujus rei procrastinatio tam validus obex esset firmusq; agger contra *Gnosticismi* inundationem & Persecutionem Ecclesiæ.

Et quod *quintam* attinet, Eadem ferè hîc Objectio fieri potest quæ facta est contra expositionem *Grotii*, qui videtur rem quamlibet celatam, *Mysterium* statim facere, quæ falsa quidem vocabuli est significatio. Aperta enim ac manifesta Oppugnatio Renunciatiove Christianitatis destinata, sed interim clam alios habita (qui præsentis causæ status est) *Mysterium* certè non magis est quàm celatum Homicidium & Adulterium, quemadmodum suprà monui. Ut præteream *Carpocratem* cum suis violentè admodum & quasi obtorto collo huc arripi, tum propter temporis distantiam, tum etiam propterea quòd nec de ipso *Carpocrate* nec de *Gnosticis* aliis præter unum *Simonem* constat, quamvis *Magiam* colerent & *Idola*, aut habitos esse aut venditasse se Deos, aut Statuas sibi erectas habuisse, multòq; minùs in Templo ullo dici sedisse tanquam Deos. Ad solum igitur *Simonem* restringi debet Prophetia, quod tamen si fiat, prædictio erit post eventum.

6. Deniq; quantum ad *sextam* & *ultimam*, durum profectò videtur atq; absonum ut intelligamus poenam per *Spiritum Oris Domini* inflictam pertinere ad *Simonem Magum Romæ*; & cladem tamen per *illustrem illius adventum* illatam, *Gnosticos* spectare excidio *Hierosolymitano* involutos: præsertim si consideremus nullam fuisse *Simonis Magi* cum *Gnosticis* in unum corpus Politicum coalitionem, sed videri potius *Gnosticos* à *Nicolaitis* descendisse, quemadmodum *Baronius* innuit, ac proinde nullam ad se invicem habuisse relationem. Ut taceam, ipsum Textum sensu tenorèq; continuo minimèq; interciso dicere, *Quem Dominus interficiet spiritu oris sui, ac destruet illustratione sui adventus*. Quod nihil aliud est quàm *splendens flamma igneusq; spiritus* ex illius ore procedens (juxta illas Descriptiones apud *Esdram* & *Danielem*) in unum idemq; Objectum, in hominem utiq; Peccati (qui idem est quod *Cornu parvulum* apud *Danielem* qui ad hunc modum est delendus, nempe per *adventum Christi illustrem*) quem priori Epistolâ *Paulus* commemorat, quemadmodum clarè demonstravimus. *Simonem* autem *Magum spiritu oris sui, adventu* verò *suo illustri* alterum aliquem hominem peccati deleri, ridiculum est.

7. Quibus omnibus addere potes, si Historia *Simonis* vera sit, *Adventusq; Domini* de excidio *Hierosolymitano*, non de *Judicio ultimo* intelligendus, rem miram esse quòd antiquissimi Patres, qui propinquiorem habuerunt prospectum earum rerum quæ eis temporibus transactæ sunt, completionem Prophetiæ in *Simone Mago* & *Gnosticis*, *Carpocratianisq;* cernere non possent; nos verò qui maximè diffusi sumus ab eventis aded *Lynei* essemus in deprehendendo ipsorum ad prophetiam applicabilitatem. Cæterum abundè jam satis argumentorum attuli ad demonstrandum Prædictionis *S. Pauli* sensum genuinum hunc esse non posse. Quòd si adduci possim ut credam conditionem *Simonis* ac *Gnosticorum* in hac Prophetia uspiam perstringi, agnoscerem sanè eatenus Typicum quoddam esse posse præludium ad magnum illum *Antichristum* tunc futurum, illumq; præcipuè locum [nam *Mysterium jam operatur Iniquitatis*] de eis intelligendum putarem: Quod potest sanè fieri, quamvis reliquum Prophetiæ multis in locis *Simoni Gnosticisq;* minimè congruat, sed illimagno soli *Antichristo*, cujus *Magus* hic potest esse Typus tantum ac Figura, & certè non absona prorsus atq; furda, si cum characteribus magni illius *Antichristi* in Prophetiis passim occurrentibus conferatur. Ut in visione *Corni parvuli*, in visione *Meretricis Babylonice*, *Regis Tyri*, *Regisq; Babylonis*, *Bestiæ bicornis* sive *Pseudo-propheta*, *Regis Superbiæ*, in allusionibus ad *Sodomam* & *Aegyptum* & ad *Hierosolymam carnalem* & *propheticidam*, in Prophetia de Civitate *Tyri*,

Tyri, & in mentione *exclusorum* è *Civitate sancta*, & similibus, ubi characteres aut Capitis aut corporis *Antichristi* aut utriusq; deniq; inveniuntur, talésq; quia *Simone Gnostici*q; minimè abludant.

Quemadmodum enim *Simon* iste, *Magus* erat sive *Veneficus* & *prestigiator*, ita *Bestia bicornis* signa dicitur edere, *Meretrix*q; poculum *pauperculas* in manu tenere, *exclusiq;* è *Civitate sancta* inter alia *pauperculas*, i. e. *Magi* sive *Venefici* appellantur.

Rursus, ut *Simon* nomen primùmq; Exemplum impio illi peccato *Simonie* dedit, ita magnus ille *Antichristus* corpùsq; illius, in visione *Regis Tyri*, & *Civitatis Tyri*, & in *Threnodia Babylonis*, tanquam egregii rerum Sacrarum ac spiritualium Mercatores ac Nundinatores describuntur.

Tertiò, *Simonis* & *Gnosticorum* Apostasie pars *Judaismus* erat dum præ se ferebant se esse *Christianos*. In allusionibus autem ad *Hierosolymam* illam carnalem & *Aegyptum*, hanc notam *Antichristo* ejùsq; corpori inuri manifestum est, quasi populus essent onusti Ceremoniis, *Judeorum* instar, & servitute operum nemini nisi *Pharaoni* suo ejùsq; Ministris utilium lassati & protriti.

Quartò, *Simon* & *Gnostici* infames erant ob *impuritatem* suam ac *spurcitiam*. Corpùsq; hujus magni *Antichristi* Civitati *Sodome* planè assimilatur in visione *duorum Testium*, & inter *exclusos* è *sancta Civitate* recensentur *canes* & *scortatores* & *impudici*.

Quintò, Quamquam *Simon* & *Gnostici* tam scelerati erant tamq; foedis moribus ac impuris, erant tamen *γροιστοι*, haud vulgares professores ac gloriatores de *certitudine sue scientie* etiam in rebus maximè *Divinis*. Annon verò hic præcipuus character est *Antichristi* in visione *Regis Tyri*, *Ecce sapientior es Daniele*, nihil est absconditum quod sit absconditum tibi, & mox eodem capite, *Tu sigillas summam*, plenus *sapientia* & *perfectus decore*. Et in visione *Regis Babylonic*, de *Pulchritudine sapientie* illius fit mentio, & *Jezebel prophetissam* se dicit Apoc. 3. *Bestiaq; bicornis* idem est qui *Pseudo-propheta*; quibus innuitur caput corpùve hujus magni *Antichristi* *Infalibilitatem* quandam scientie sibi attribuere in rebus maximè *Divinis*, quamquam interim vità moribùsq; vilescant atq; planè sordcant.

Sextò, *Simon* & *Gnostici* oppugnatores erant & Persecutores veræ Ecclesie, quod ubiq; notorium est de magno illo *Antichristo*, ut in visione *Cornu parvuli* bellum gerentis cum *sanctis*, & in aliis locis quamplurimis, quæ nihil necesse sit notare cum aded sint obvia.

Septimò, *Simonis* sectatores polluerunt se *Idolis*. Et quid obsecro est *Meretrix Babylonica* quàm corpus *Antichristianum* *Idololatricum*? *Bicornisq; bestia* antiquæ quasi *Idololatrie Paganice* est *instauratrix*, &c. nemòq; dubitat quin insignis ille *Antichristus* sit *Idololatra*.

Octavò & ultimò, *Simon* grandia ac mirabilia de se prædicabat exaltabátq; se super omne quod dicitur Deus, *Divinòsq;* honores acceptabat in terris. Ità *Cornu parvulum* grandia & mirabilia dicitur de se prædicare apud *Danielem*, & *Rex superbia* extollere se super omnem Deum, & magnificare seipsum, tum apud *Danielem*, tum in Epistola ad *Thessalonicenses*.

Aded ut cùm istiusmodi eis temporibus agerentur, & per eos quidem qui aliquam Christianitatis speciem præ se ferebant, S. *Paulus* rectè potuit etiam de magno illo *Iniquitatis Mystério* pronunciare, quod & tunc aliquo sensu existeret, & operaretur; in *Simone* scilicet ejùsq; sectatoribus, qui tanquam Typus fuerunt & præludium ad miranda facinora magni illius *Antichristi* venturi, quòdq; nihil deesset præter amotionem validi illius obstaculi *Romæ*, *Occidentalis* scilicet *Casareatùs*, quo factò, & *ἀνομος*, insignis ille *Antichristus*, seipsum ostensurus esset, cujus *Simon* non erat nisi *Figura*. Vide cap. 19. ver. 7. Hæc sanè Expositio aliquantò plausibilior est illà *Alcazaris* (qui *Mysterium Iniquitatis* jam operans de puro *Paganismo* intelligit;) utrùm verò omnium optima sit, penès pios doctòsq; viros sit judicium.

Interea loci spero me veritatem sufficienter elucidasse præcipuarum Prophetiarum in scriptura, quæ ad enormem spectant elationem ac superbiam *Antichristi*, quæ tam manifestò primum *Divinæ vitæ* ramulum, *Humilitatem* Animiq; demissionem, oppugnat.

8. Proximè succedit *Puritas*, cui planè opponitur *Impuritas* ac *Impudicitia*. Prædictiones causarum quæ ad hoc vitium ducunt, jam attigimus. Quantum verò ad vitium ipsum, cùm aded individuus comes sit *Idololatrie* quæ *Spiritualis* quædam *Fornicatio* est seu *Adulterium*, ob id ipsum credo Spiritum Prophetie particulariorum illius Præfigurationum sive Prædictionum magis parcum fuisse. Verùm nihil dubito

dubito quin huc spectet illa *Magnæ Civitatis Descriptio* Apoc. 11. *Et cadavera eorum jacebunt in plateis urbis magnæ, quæ vocatur spiritualiter Sodoma, &c.* Quàm impura verò ac obscœna Civitas Sodoma fuerit, nemo potest ignorare.

Rursus illi qui excluduntur è *sancta Civitate* quæ aded ex Diametro huic urbi, *Sodomæ* nominatæ, opponitur, *Canes* appellantur, & ἄβδελυγμοί, *Abominabiles*, per quos, quemadmodum ex *Grotio* notavi, intelliguntur ἀρσενόκοιται & μαλακοί, id est, *Dranci & Patbici*, utriq; *Cinædi*, hoc est, obscœnitate caninâ præditi. *Scortatores* etiam in eodem Catalogo recensentur; sed de istis locis abundè jam diximus in *Idea Antichristianismi*. Postremò, quòd Ecclesia dicitur *Desertum* sive *Eremus*, id etiam subindicatio esse potest exuberantiæ istarum operationum *Animalis vitæ*, quæ *Cruditatem* sapiunt ac *Libidinem*. Atq; hæc intimamina de secunda Oppugnatione *Divine vitæ* in suis ramulis sufficiant.

9. Tertia & ultima illa est, quæ tam conspicuè ultimæ optimæq; trium Christianarum gratiarum opponitur, *Amori* utiq; *Divino* seu *Charitati*, eaq; est sanguinolenta illa *Cruditatis Antichristiana* adversus sinceros servos Christi. Quæ notatur in multis earum Visionum quas jam explicavimus, ac proinde nihil ampliùs opus est quàm ut in medium producamus. Primòq; eam de *Rege Babylonis* qui Papæ Typus est; Causa illius Ruinæ, in istac Visione, esse declaratur barbara ejus ac *Antichristiana* Cruditatis, Esai. 14. *Quia terram tuam disperdidisti, populum tuum occidisti*, hoc est, Orbis Christiani populum, Terram super quam Ecclesiasticum quendam Principatum tibi vendicas, tanquam Christi Vicarius; & tamen interim verissimos fidelissimòsq; illius servos modis truculentissimis occidisti atq; mactasti.

Rursus Daniel. cap. 7. *Cornu illic parvulum*, quæ Figura ejusdem Pontificiæ potestatis est, bellum gerere dicitur & conterere *Sanctos Altissimi*, hoc est, perpetuis persecutionibus eos interimere & consumere.

10. Tertia præfiguratio est, Apoc. 11. de duobus Testibus, *Bestia illa ascendens ex Abyssu geret adversus eos bellum, & vincet eos & occidet eos, & cadavera eorum jacebunt in plateis urbis magnæ quæ vocatur spiritualiter Sodoma & Ægyptus, ubi & Dominus noster crucifixus est.* Quæ descriptio est perpetuæ Oppugnationis & Persecutionis, expoliationisq; verorum servorum Dei, aut honoribus suis aut officiis, aut bonis aut vitis denique. Adeò ut *realis* sincerâq; *Christi Ecclesia*, quæ illius corpus est, dum exterius *Atrium* conculcatur, ad instar *Cadaveris* jaceat sine omni Politica vita ac Potestate; & horrendum in modum vulnerata, totâq; cruore oblita per truculenta Homicidia, Martyria, ac Interneciones fidelium suorum Membrorum.

Quartò, Apoc. 13. *Bestia Bicornis* instigare dicitur *Decacornem* (postquam in antiquam *Paganismi* formam *Idololatricam* revixerit) ad occidendos omnes qui mandatis suis *Idololatricis* nolint obtemperare; *Datumq; est ei ut animaret Imaginem Bestiæ*, ut etiam loquatur *Imago Bestiæ*, & faciat ut quicunq; non adorârint *Imaginem bestię* occidantur: Et nè quis possit emere aut vendere nisi qui habeat *characterem aut nomen Bestiæ*, aut numerum nominis ejus; hoc est, Quicunq; noluerint se *Romano-Catholicos* profiteri eòq; pacto *Paganissare* in Christianitate, fame & inedia enecandi essent, nec ipsis permittendum communi luce frui. Tanta nempe est *charitas* hujus *Tyrannicæ & Antichristianæ* Potestatis erga vera Christi membra. Verum, *Beati mortui qui in Domino moriuntur*, quemadmodum dicitur in sequenti Capite de Martyriis eorum qui ab hac potestate Pontificiæ mactantur.

11. Quintò, Illud etiam monumentum est crudelitatis *Romanæ Antichristianæ* (nam Phialæ effunduntur in *Bestiam*, Plagæ *Ægyptiæ* in *Ægyptum Antichristianam*) Apoc. 16. Ubi Angelus *tertiæ Phialæ*, qui fluvios vertit in sanguinem, sic loquitur: *Iustus es Domine, qui es, & qui eras, & qui eris, quòd hæc judicaris. Quoniam sanguinem Sanctorum & Prophetarum effuderunt, & sanguinem eis dedisti ad bibendum, digni enim sunt.*

Sextò, Ut ruina *Regis Babylonis* apud *Esaiam*, ità ruina *Meretricis Babylonice* apud *S. Johannem*, huic sævæ ac barbaræ crudelitati *Antichristianæ* imputatur, *trucidationi* scilicet *Sanctorum Dei*. *Vox Citharædorum & Musicorum non auditur in ea ampliùs, nec ullus Artifex cujuscunq; Artis auditur in ea ampliùs, & Lux Lucernæ non lucet in ea ampliùs*, sed extremis relinquitur tenebris ac solitudini, quia in ea sanguis *Prophetarum & Sanctorum inventus est & omnium in terris occisorum*. *Homicidæ* etiam nominatim recensentur in utroq; Catalogo *Exclusorum* è *sancta Civitate*.

12. Septimò & ultimò, In descriptione *Meretricis Babylonice*, quam suprà clarè demonstravi *Ecclesiam* significare, *Romanam* præsertim, in *Idololatriam* apostatantem, mentio fit execrabilis hujus ramuli *Antichristianismi*, hujus truculentæ Persecutionis

secutionis verorum membrorum Christi, expressa admodum & emphatica. Erat autem mulier amicta purpurâ & cocco, & inaurata auro, lapidibus pretiosis & margaritis, habens poculum aureum in manu sua, plenum abominationibus & immunditiâ scortationis suæ. Et in fronte sua nomen scriptum, *Mysterium Babylon magna, mater illa meretricum & abominationum terræ. Et vidi mulierem illam ebriam sanguine Sanctorum & sanguine Martyrum Jesu; & miratus sum, quum viderem illam, admiratione magnâ. Qui splendidam Papæ pompam suorumq; Principum Ecclesiasticorum Cardinalium aliorumq; Magnatum contemplatur, ut & sumptuosa & præfulgida Ornamenta coruscantium Altarium & Templorum; ut decoraverit se hæc Meretrix omnimodo ornatu, ut intexuerit funibus lectulum, ut straverit tapetibus pictis ex *Egypto*, ut suffierit cubile suum myrrhâ, aloë & cinnamomo, Incenso & odoribus aromaticis: si quam omnino habet *styli Prophetici* peritiam, non potest quin profiteatur hanc admodum vividam graphicamq; præfigurationem esse statûs Ecclesiæ Romane, quantum ad splendorem ejus ac sumptuositatem. Nam sic mundo propinatur *Idololatria*, aureo hoc poculo, externaq; hæc rerum pretiosarum specie.*

Verum hoc non unicum est hujus Ecclesiæ erratum. Ebria est etiam sanguine Sanctorum & sanguine Martyrum Jesu. Grotii glossema in hanc partem Textûs rem admodum ad vivum depingit: *vidit eam ore rabido despumante & evomente sanguinem, ut ebrii solent.* Quod necessariò omnes illius spectatores admiratione percussurum erat; ut fœmina tam sumptuose splendidèq; vestita, tam ferino esset sævòq; ingenio. Quam admirationem multum profectò in eis augeri oportet dum considerant quomodo illustris hæc Regina Catholicam Christi Ecclesiam seipsam profiteatur, Orbisq; Christiani Matrem, cum tamen adedè despumet ore, imò impotenti exoneratione stomachi, sanguine propriorum liberorum onusti, vestimenta conspurcet. Cæterum dum vitæ suorum Infantum tam prodiga est, demonstrat se Matrem quidem Catholicam non esse, sed sanguinolentam perfidamq; Meretricem, quemadmodum Spiritus sanctus fronti illius inscripsit, *Mater Meretricum & Abominationum Terræ.*

13. Atq; sic vidimus singula Antichristiani sui membra Idèa nostrâ comprehensa, ut facile in Romana Ecclesia inveniuntur, ita admodum graphicè expressèque, tanquam ad eam pertinentia, in scriptis sanctorum Prophetarum præfigurari, nullamq; esse elusionem exinanitionemve tam clarorum perspicuorumq; Testimoniorum per ulla humani ingenii cujuscumque Inventâ atq; Technas, cum abominandæ illius enormitates, tribus illis præcipuis Capitibus, *Imposturæ, Idololatriæ & Homicidii* comprehensæ, æquè determinatè ac conspicuè in his Prophetiis descriptæ sint atq; res jam transactæ describuntur in ulla Historia. Ac proinde veritas neminem latere potest, nisi talem qui otium suum intelligendo *stylo Prophetico* nondum impenderit, aut qui præjudicio aliquo, commodivè alicujus mundani sensu occæcetur. Quem apud quosdam tantum profectò valere existimo, ut eos effecturus sit etiam in demonstratione Mathematica hæsitare Scepticòsq; agere. Cæterum tam manifestam evictionem, in hac adedè immensi momenti veritate, quàm hic dilucidavimus, confidenter ausim affirmare non elusum iri frustravè fore in perpetuum.

14. Hoc pro certo scio, præcipuum illud effugium quo se adedè munire assolent, eos esse frustraturum, illa nempe verba in ipso initio *Apocalypseos*, *ἀπὸ τοῦ νῦν ἡ τῆς πόλεως ἡ βασιλεία τῶν οὐρανῶν*. Unde concludere volunt, nulla eventa præterquam ea quæ post communicatas has Prophetias brevè erant futura, ad ipsas debere applicari. Huic verò scrupulo credo me abundè satisfecisse in *Mysterio Pietatis*, monendò conclusionem hanc perinde absens esse ac si quis audito *Comœdiam* aliquam aut *Tragœdiam* agendam esse intra semi-quadrantem Horæ, statim concluderet universos illius Actus Scenâsq; ultra illud Tempus se non extensuras; cum sensus tantum sit, fore quidem ut intra illud tempus *Comœdia* vel *Tragœdia* agi incipiat. Ac proinde *Cornelius à lapide*, in ea verba [*Quæ oportet fieri citò*] apertè & cum judicio sic scribit, *Hoc est, quæ citò incipient fieri, licet non citò finiantur.* Et *Alcazar* in eadem verba, *Quasi diceret, In hac Revelatione continentur quedam quæ citò oportet fieri, & alia quæ non adedè citò implebuntur.* Estq; ipsius Grotii in ea Annotatio, *Alia citius, alia serius.* Verum propterea quòd quedam harum serierum visionum, quæ ad finem usq; rerum ultimum pertingunt, citò implendæ erant, dicitur idcirco in genere de earum subjectis, *ἀπὸ τοῦ νῦν ἡ τῆς πόλεως ἡ βασιλεία τῶν οὐρανῶν*. Quemadmodum opinor quis dicturus esset de Exercitu qui per milliarii quadrantem in longum extenderetur, quòd Exercitus hic ad ipsas portas Civitatis attingeret, cum tamen illi soli qui in primo ordine siti sint tam propè appulissent.

Rursus, nisi *ἀπὸ τοῦ νῦν ἡ τῆς πόλεως ἡ βασιλεία τῶν οὐρανῶν* significet, quæ citò incipient fieri, non autem finita

finita erunt, aperta Repugnantia est cum natura quarundam rerum prædictarum; ut cum regno sanctorum & Ligatione Satanae. Duratio enim horum eventuum per mille annos fore prædicitur. Quamobrem nisi mille anni breve Temporis spacium sit, Eventa prædicta ipsi Titulo voluminis Prophetici contradicunt, si nempe is sensus sit, τῆς ἀδελφικῆς ἐν τῷ χῳ, pro quo contenditur. Unde manifestum est, τῆς ἀδελφικῆς ἐν τῷ χῳ, in eventis singulis, non quidem significare quæ finita erunt, sed quæ fieri incipient, ἐν τῷ χῳ, nempe quatenus tota rerum series tunc incipit.

Tertiò, Quod ad significationem attinet hujus locutionis, ἐν τῷ χῳ, quàm subitum quàmve breve tempus per eam oportet denotari? Quisve illud definiturus est? Propheta enim Haggeus ubi dicit, *Adhuc unum modicum est & ego commovebo caelum & terram*, &c. illius prædictio in Tempus cadit, quingentis annis à tempore Prophetiae dissitum. Unde Sigillorum & Tubarum impletionem in Excidio Hierosolymitano quaerendi nulla est necessitas. Intelligendum est igitur comparative, quemadmodum Grotius modicum illud Tempus apud Aggeum interpretatur. Quo quidem in sensu ego similiter intelligi volo illa verba toties in Apocalypsi repetita, ἰδοὺ ἔρχομαι ταχὺ Ecce venio citò. Quæ speciali modo sigillum sextum respicere credo; quod describitur tanquam si Dies novissimus esset, sive Dies Judicii propriè sic dicti, sed reverà ruina est Draconis per Christum Imperiūq; Romani in proprias manus (statim à conversione Constantini ad Religionem Christianam) assumptio. Quod factum est bene multò minori spacio quàm annorum quingentorum, & tempore sanè admodum brevi, si cum magnitudine Incepti, quod in eo peractum est, conferatur.

Quartò, Sex prima Sigilla, Prælium Michaëlis cum Dracone, & Templi Atrium Interius; omnes hæ Visiones, earum eventa intelligo, minori temporis spacio, quàm quod Aggeus modicum appellat, finiuntur.

Quinto, Templi Atrii Exterioris, Meretricis Babylonica, Bestiæ bicornis, Bestiæ decacornis, Duorum Testium, Cætus virginis, Mulieris in eremo; omnium harum etiam Visionum eventa incipiunt fieri intra minus Temporis spacium quàm quod modicum vocatur ab Aggeo. Tubæ etiam intra hoc Tempus clangere inceperant. Res verò septem Ecclesiarum multò maturius finiri poterant, Impletionesq; semel atq; iterum repeti, quatenus volitantes vagæ sunt Prophetiæ, nec ulli Tempori locòve affixæ, (quemadmodum sit in reliquis Visionibus) prout etiam notavit Grotius. Atq; hoc spero satis fore ad confirmandum verum sensum generalis Argumenti sive Objecti harum Prophetiarum, nempe τῆς ἀδελφικῆς ἐν τῷ χῳ. Neq; quicquam ampliùs quàm hoc supponitur in Methodo quam Cl. Medus adhibet in interpretanda Apocalypsi.

Sextò, Ipsi Adversarii coguntur quasdam Prophetias interpretari de rebus quæ evenerunt aut eventuræ sunt bis quingentis ampliùs annis post prædictionem. Ut solutio Satanae, exercitus Gogi & Magogi, dilectæ Civitatis obsidium, Ignis delapsus de celo in obsessores, Dies Judicii universalis, & similia. Quæ ipsorum Hypothesi eò magis repugnant, quia ejusmodi ordinem sive concatenationem visionum non faciunt, cujusmodi Medus facit; eòq; proinde difficilior erat efficere ut tam commodè conveniant cum τῆς ἀδελφικῆς ἐν τῷ χῳ. Quantum verò ad eam viam cui ego faveo, ubi una res tam aptè ac necessariò alteram sibi inuncat, Primum Tonitruum septem Phialas, Tuba ultima septem Tonitrua, Sigillum ultimum septem Tubas, & primæ Sex harum Tubarum sua Synchrona, ut Sex prima Sigillorum sua, totum quodammodo Visionum volumen unius adeò compagis est, unaq; res alteram tam continuatim sequitur, ut statim atq; primus eventus apparuerit, tota series rectè dici possit incipere, & si citò, citò. Tam parum Repugantiæ habet Medana Methodus cum τῆς ἀδελφικῆς ἐν τῷ χῳ.

Et postremò, Cùm tam clarè demonstraverim Apocalypsin ante Domitiani Tempora S. Johanni non fuisse communicatam, ac proinde Applicationem hanc Sigillorum ac Tubarum ad excidium Hierosolymitanum, non solum duram esse (prout quivis videre potest modò examinaverit) sed etiam impossibilem, visionibus sic post eventum contingentibus; istasq; res propterea ex eorum numero esse non posse τῆς ἀδελφικῆς ἐν τῷ χῳ, quippe quæ jam præterierant, non autem erant futura; cùmq; coactus hic locutionis usus hujus solius expositionis causâ sit, cui si seridò adhereretur, efficeret ut Apocalypsis prorsus esset inexplicabilis, & ex consequenti Ecclesiæ inutilis, immò ineffabile damnum ipsi inferret, eam spoliando illustri illo Divine Providentiæ pignore: Hæc sanè omnia simul sumpta, momenti credo infinito majoris esse ad persuadendum nobis vulgari illi ac antiquæ τῆς ἀδελφικῆς ἐν τῷ χῳ, quam in principio nominavi, interpretationi adherere, quàm novellæ huic quæ non nisi recens admodum inventa est ad suffulciendas istiusmodi Apocalypseos expositiones

tiones quæ non solum admodum duræ sunt ac coactæ, sed prorsus impossibiles.

Atq; hoc vel plus satis credo fore ad amolienda omnia veritati præjudicia, quæ cujusquam animum occupare possint ex his verbis perperam intellectis, & ad efficiendum ut sine omni hæsitantia atq; mora irrefragabilem perspicuitatem agniturus sit earum Expositionum *Apocalypseos*, quas ego ipsi ante oculos proposui.

C A P. XXII.

1. *Mirabilis Perfectio Reformationis Ecclesiæ Anglicanæ in Doctrinis suis ac Institutis.* 2. *Quod Invocationem Sanctorum planè condemnat tanquam Idololatriam;* 3. *Ut & Adorationem Sacramenti sive Hostiæ, ubi mos noster in genua astandi inter communicandum vindicatur.* 4. *Cultus Imaginum per eam Condemnatio.* 5. *Rationem colendi Sanctos & Imagines eandem esse concludit apud Pontificios quæ olim erat apud Paganos.* 6. *Libera ejus justaq; censura de Ornatu Imaginum, prætextuq; quod Libri sint Laicorum.* 7. *Quam perfectè nos liberaverit à jugo illo Ægyptiaco quod nobis Papismi temporibus incubuit.* 8. *Dicrum Fæstorum Celebratio, observatio Quadragesimæ, usus Superpellicii, sensu Ecclesiæ Anglicanæ, ab omni Superstitionis aut Antichristianismi Imputatione vindicantur.* 9. *Quod Superpellicii usus ob nullas rationes Politicas in Ecclesiâ nostrâ retinetur, sed ex mera charitate, cum vindicatione usus signi Crucis in Baptismo.*

1. **P**ostquam veram Naturam *Ideæ* Antichristianismi tam clarè demonstravimus, apertèq; probavimus istiusmodi *Antichristianismum* Antichristianismum qui delineatus sit in ista *Idea*, cum ipsum *Antichristum* esse quem *Prophetiæ* in sacris Scripturis præfigurant, vel prædicunt, progrediendum nobis jam esset ad magis articulatam Applicationem dictæ *Ideæ* ac *Prophetiarum* ad statum Ecclesiæ, ab eis temporibus quibus in hunc *Antichristianismum* lapsa sit, ad hunc usq; diem. Cæterum cum hoc institutum nimis prolixum sit ac molinosum, minùsq; meo ingenio gratum qui longè majorem voluptatem capio in vindicando malè tractato amico, quam ungues ingerendo haud bene olentibus ulceribus aut *Peregrini* aut *Inimici professi*; Hæc saltem vice, eâ solâ parte *Applicationis* contentus ero quæ Ecclesiâ Anglicanam Reformatam attingit. Quæ nullus dubito quin eam liberaturus sim ab omni Imputatione suspicionève quasi rea esset, ulla in re, veri ac realis *Antichristianismi*, in *Doctrinis* suis aut *Institutis*. Unde manifestò apparebit quàm parum ad illam spectet libera hæc ac fidelis *Antichristianismi* delineatio, nisi quòd hinc occasionem capere debeat gratias agendi Deo humillimas ac ferventissimas, qui inclytos illos *Heroes* tam obfirmatâ animi fortitudine ac judicio munire dignatus est ad tam felicem mirabilèmq; perficiendam *Reformationem*, in qua nihil jam reliquum est, nullum membrum, minimùsve *Articulus* invisæ illius ac detestandæ *Imaginis Ideæ* Antichristi quam descripsimus, nullæ *fraudes* aut *adulterationes* Evangelii Christi in rem *Mundana Ecclesiæ*, & ad Sacerdotium alendum ex mendaciorum mercatura & imposturarum. Quod effecturum fuisset ut quemvis ingenuum hominem puderet illius *Ordinis* seu *Professionis* inveniri: Cum jam è contrâ nisi aliqua in animo latitet *Prophanitas*, merito hoc genus vitæ existimare possit *Personæ* suæ honori fore ac ornameto. Quòd autem hæc *jaçtantia* non sit sed *pura putata veritas*, percurrendo singula membra *Antichristianismi* (sive *Privativos* sive *Positivos* Evangelii *fines* oppugnantia, quæ in *Idea* proposui) breviter evincam.

2. Quorum è primo genere primum est *Idololatria*, In *Invocatione Sanctorum & Angelorum*, in *Adoratione Sacramenti* sive *Hostiæ*, & in cultu *Imaginum*. Quia in re tametsi universalis Ecclesiæ Anglicanæ usus praxisq; abundè eam liberet à crassis hujusmodi criminationibus, non abs re fore tamen censeo, in majorem illius honorem, ratam & declaratam ejus de hujusmodi rebus sententiam in lucem proferre, ut toti mundo innotescere possit, quàm sanum sincerumq; cor habeat in hisce summi momenti Religionis Articulis.

De *Invocatione* igitur *Sanctorum* (cum imaginum cultu) quòd apertè eam condemnet,

Artic. 22.
Hic verò
mitior Eccle-
sia sententia
est, quod de
Purgatorio, de
Reliquiis, &
de Indulgentiis
aquè ac de
Sanctorum In-
vocatione &
Imaginibus,
simul pronun-
ciat.

Lib. I. cap.
12. v. 3. sect.
4.

Lib. I. cap. 5.
sect. 13.

Artic. 28.

Artic. 31.

demanet, satis constat ex *Libro Articulorum*. Ubi rem* *futilem doctrinam istam* appellat, inaniter confictam, & nullis *Scripturarum Testimoniis innixam*, immò verò *Dei verbo repugnantem patius ac contradicentem*. Tantum abest ut super illud sit fundata. Et secunda pars *Homilie de Oratione*, huic rei probandæ tota infumitur, nempe, quod ad nullum præces nostras dirigere debemus præterquam ad ipsum Deum. Ubi præclara profectò afferuntur argumenta eò spectantia, ubiq; planè declarat Christum solum nostrum Mediatorem esse & Advocatum, quemadmodum facit etiam in *Liturgia*, ad præcidendum omnem prætextum orationes fundendi ad Sanctos; punctimq; tandem ac compendiosè concludit, *Invocationem rem esse Deo propriam, quam si Sanctis tribuamus, malè sonat & in ipsorum contumeliam, quam à nobis illatam equo animo ferre non possunt*. Quod perinde est ac si judicaret, *Idololatriam*. Quid enim aliud est *Idololatria* quàm illius cultus præstatio *Creaturae* qui soli convenit Deo? Ac proinde cum Sacrificio Paulo per Paganos *Lystræ* oblato comparat. Quòdque receptio Divini Honoris in contumeliam redundet cujuscunq; *Creaturae* quæ eam receperit, abundè alias notavimus.

Non nisi unum jam amplius urgebimus locum, cùmque explicitum admodum & magni momenti. Argumentum sic est: *Invocatio sive Oratio fieri non debet sine Fide in eum quem invocamus, sed debemus prius in eum credere quàm preces nostras ad eum fundamus; unde conficitur unum solùmque Deum nos orare debere*. Nam si quis diceret quod in Angelum Sanctumve credere debeamus, ullàmve aliam cuicunq; *Creaturam*, horrenda omninò esset adversus Deum *Blasphemia*. Hic locus notatu est dignissimus, clarq; Demonstratio quod *Invocatio Sanctorum* aperta *Idololatria* sit, itaq; ab Ecclesia Anglicana habita, utpote quæ planè agnitionem ejusmodi *Excellentia* supponit quæ nusquam reperitur nisi in solo Deo. Nec putari potest Sancta nostra Mater Ecclesia eam *Idololatriam* minùs existimare, ex eo quod appellet *Blasphemiam*, quandoquidem omnis *Idololatria* talis est, & sæpenumeto sic appellatur in Scriptura, quemadmodum suo loco notavimus.

3. Jam verò quantum ad secundam *Idololatriæ* speciem, *Adorationem Hostiæ*, quæ panem *Transubstantiatum* supponit, suam apertè sententiam declarat adversus tum *opinionem* tum *praxin*. Ut in libro *Articulorum*; *Panis & vini Transubstantiatio in Eucharistia ex sacris literis probari non potest; sed apertis Scripturæ verbis adversatur, Sacramenti naturam evertit, & multarum Superstitionum dedit occasionem*. Unde rectè & demonstrativè concludit, *Sacramentum Eucharistia non servandum esse, circumferendum, elevandum, nec adorandum*. Nemo enim est qui *Hostiam* adorare potest ex præsumptione quod *Christus sit*, cui *Divinus* debetur Honor, quin ipso facto sit *Idololatra*, quemadmodum alibi fusiùs demonstravi. Et rursus in eodem libro expressè declarat, *Missarum sacrificia quibus vulgò dicebatur Sacerdotem offerre Christum in Remissionem peccatorum aut culpæ pro vivis & defunctis, blasphemia Ficta esse & perniciosas Impositiones*. Cujus veritas facile intelligi potest ex eis quæ scripsimus in *Idea Antichristiani* smi de *Idololatria* abusq; Personæ ac officii Christi in hoc enormi errore.

Et in *Homilia de Sacramento*, *Missas Pontificias* expressim *Idololatriæ* accusat, eamque imputat ignorantia naturæ *Cœnæ Dominicæ*. *Quæ causa extitit crasse hujus Idololatriæ, nisi ignorantia illius? (nempe Cœnæ Dominicæ.) Quæ causa extitit harum Histrionicarum Missarum, nisi illius ignorantia?* Et paulo post, *Demus igitur operam Cœnæ Dominicæ ita intelligendæ ut in causa non simus, quod cultus Dei minuat aut exoleat, nec occasio sit ullius Idololatriæ, nec ullarum mutarum Missarum, ulliusve odii aut malitiæ, &c.* Quibus omnibus addere potes id quod in *Liturgia* nostra ad calcem *Communions* annectitur, viz. *Quod Sacramentalis Panis atq; Vinum manent adhuc in ipsis naturalibus suis substantiis, ac proinde adorare non debent (illa enim Idololatria foret ab omnibus fidelibus Christianis detestanda): Et naturale Corpus Sanguisq; Christi Servatoris nostri, in cælo sunt, non autem hic; quippe quod contra veritatem esset naturalis corporis Christi, ut in locis uno pluribus sit uno eodémque tempore*. Quæ quidem *Rubrica* summo cum judicio & fidelitate in *Liturgiam* nostram interfertur, suæque interfertionis finem mihi plenè assequi videtur. Nemo enim, opinor, tam crasse ignorantia, aut tam aperte malitiæ esse potest, ut prætendat post tam manifestam Ecclesiæ nostræ declarationem, quod ipse aut alius quisquam *Idololatriæ* reus esse possit ob humilem illam *Posituram assandi in Genua* dum recipit Sacramentum.

4. Et postremò, quantum ad *Imaginum cultum*, à nulla Ecclesia contra rem ullam magis ferri fieri potest Protestatio, quàm contra enormem hanc Impietatem à nostra est facta. Ut omittam quàm bene eas perstringat in *libro Articulorum*; in *Liturgia* quidem

quidem earum cultoribus *maledictionem* aperte denunciat, *Maledictus homo qui facit sculptile & constatile ad colendum illud.* Et in *Homilia adversus periculum Idololatriæ*, cum fervido quidem sed irreprehensibili prudentiq; zelo copiose invenitur contra ipsam *presentiam Imaginum* in Ecclesiis, tales intelligo quæ cultus quoquo modo capaces videantur, immò contra ipsam fabricationem *Imaginis Dei*, ulliusve *Personæ* è sacrosancta *Trinitate*, immò ipsius *Christi*, ut qui verè *Deus* est, contendens nullam fieri posse *Imaginem Christi*, quæ non sit *Imago mendax*, cum *Christus Deus* perinde sit atq; *Homo*. Quamobrem quantum ad *Divinitatem*, quæ par longè est præstantissima, cum nulla ejus *Imago* fieri possit, falsò appellatur *Imago Christi*. Ac proinde *Imagines Christi* non sunt tantum defectus, sed & mendacia.

Neq; hîc sanè subsistit, sed argumentum urget, idq; profectò non sine iudicio, contra *Imagines Sanctorum*; quorum *Animæ*, pars ipsorum excellentissima, per nullas, inquit illa, *Imagines representari possent aut exprimi*.

Cæterum de collocatione *Imaginum* in Templis, cum sancta quadam zelotypia affirmatissimè contendit, peccatum esse contra secundum Præceptum, hanc addens rationem, Quòd sic semel collocata statim colebantur, & etiamnum coluntur, sempèq; coluntur, quòdq; eo ipso abominanda evadent *Idola*, ab istis *Paganorum* nihil differentia, quippe quæ ex materia sunt eadem cum ipsis, easdèmq; *Homines* opiniones habent de *Sanctis* quibus eriguntur, quas *Pagani* de suis *Numinibus* habebant, eisdèmq; eos colunt ritibus ac ceremoniis. Et ut ostendat eandem habere *Opinionem* de *Sanctis* quam *Pagani* de variis suis *Numinibus*; istiusmodi *Sanctos* qui *Regnorum Custodes* fiant, *Diis Paganorum Tutelaribus* comparat; Cujusmodi erat *Belus Babylonis*, *Osiris & Isis Aegyptiis*, *Vulcanus Lemniis*; *Sanctos Civitatum Custodes* *Diis* eorum *Præsilibus*; Cujusmodi erat *Apollo Delphis*, *Minerva Athenis*, *Juno Carthagini* & *Quirinus Romæ*: Et postremò *Sanctos* in Templis locatos, *Jovi* in *Capitolio*, & *Dianæ* in celeberrimo illo Templo *Ephesi*.

Et quantum ad *Sanctos* qui in diversis locis *Imagines* habebant, cum *Domina Walsinghamiensi*, *Domina Ipsuicensi*, *Domina Wildoniensi*, *Venerem Cypriam*, *Venerem Paphiam*, & *Venerem Gnidiam* confert; cum *Numinibus marinis* *Neptuno*, *Tritone*, *Nereo* & *Venere*, *S. Christophorum*, *S. Clementem*, & *Beatam Virginem*; cum *Vulcano* & *Vesta* *Numinibus Ignis*, *S. Agatham*. Et postea innuens quemadmodum in antiquo *Paganismo*, *Amorum negotia*, *Bellorum*, *Morborumq;* in *Homnibus* ac *Brutis*, variis assignarentur *Numinibus*, ità & in *Religione Pontificia* *Sanctis* variis assignari; in hanc tandem vehementissimam pariter ac Religiosissimam *Exclamationem* prorumpit, *Ubi interim Divina Providentia debitusq; Deo honor? qui dicit, Cæli mei sunt, & terra est mea, totus mundus & quæ in eo existunt universa. Ego do victoriam, ego in fugam verto. Nisi ego Civitatem custodiam, frustra vigilat custos. Tu Domine & Homines conservabis & Bestias. Nos verò nec Cælum, nec Terram, nec Aquam, nec Regionem, nec Civitatem, nec Pacem Bellumve ipsi reliquimus quæ regat & moderetur, nec Homines, nec Bestias, nec Morbos quos curet. Ità ut vir pius præ ferventi indignatione meritò exclamare possit, O cælum! O terram & maria! In quam vesaniam, impietatemq; homines inciderunt! Heu, quantam Creaturæ Creatori suo ac Conditori impingunt contumeliam! nempe supponendo quasi, Deum aut non posse res humanas adjuvare, aut eis adjuvandis non vacare, & religiosam reponendo fiduciam in eis Sanctis, quos invocant, quæ tamen ad neminem pertinere potest præterquam solum Deum.*

5. Et quantum ad rationem colendi has *Imagines Sanctosque*, Quæ sit, inquit illa, ut more *Idololatrarum Gentilium*, *Incensum* adoleant, aurumq; offerant *Imaginibus*, *grallas*, *catenas*, & *naviculas*, *crura*, *brachia*, *virosq;* *integros*, & *mulieres* ex *cera confictas* ante *Imagines* suspendant, ac si per istas, *Sanctosve*, uti illi aiunt, à *Clanditate*, *Aegrotatione*, *Captivitate*, *Naufragiove* liberati essent! An non hoc est colere *Imagines*, tam severiter in *Dei verbo interdictum*? Et paulò post plenius & vehementius; Quamobrem cum videamus viros feminasq; peregrinationes catervatim facere ad *Imagines*, etq; in *genua* procidere, *manusq;* ante eas attollere, *Lucernas* accendere, *Incensum* adolere coram eis, aurum argentumq; eis offerre, *naviculas*, *grallas*, *catenas*, *viros*, *feminasq;* *cereas* coram ipsis suspendere, *Sanctatem Incolumitatemq;* quæ *Dei dona* sunt, istis, *Sanctisve*, quod illi malunt, quos representant, attribuentes; quæ, inquam, dubitare potest, quin hi nostri *Imaginum cultores* ac *Patroni*, dum in omnibus *Opinionibus Idololatricis* & *externis ritibus ac Ceremoniis* cum *Idololatriis Paganicis* conveniunt, convenient etiam in committendo maxime abominandam, quæ fieri potest, *Idololatriam*?

Equidem quod ad me attinet, ingenuè fateor me ea de re non omnino dubitare, ac proinde ab hisce locis aliisq; ejusdem naturæ multis in excellentissima hac Ecclesiæ nostræ Homilia passim occurrentibus, de Idololatria & Imaginibus, haud ita arduum pensum esse existimo probare talem statum Ecclesiæ qualis hic describitur, esse ipsam Imaginem Bestiæ in Apocalypsi prædictam, quemadmodum quivis ex antecedenti nostro Tractatu facile potest deprehendere.

* Apertè hic declarat Ecclesia sententiam suam, quam modestè infirmitat Art. 22. Ipsaq; scriptura Idola nunc vā putat nunc sēdā yuāla appellat.

Cæterum non detrectabo operam transcribendi unum alterumq; insuper locum; ut istum nimirum, de præclaro illo facinore pii Regis Hezekiæ in confringendo Serpente aeneo (post abusum illius ad Idololatriam) quamvis ex speciali Dei mandato erectus fuisset, adeoq; mystica esset ipsius Servatoris Figura. Quomodo, inquit illa, censetis pium illum Principem si nunc in vivis esset, nostra hæc Idola tractaturum, quæ contra* expressum Dei mandatum eriguntur, nec ullius rei figuræ sunt nisi stultitiæ, stultorumq; spectacula quæ fixis oculis tantq; affectu aspecient, quousq; haud magis sensati evadant quàm ipsa Ligna stipitè sue quos intuentur, atq; sic in hoc obtutu ad instar obstupesciturum alaudarum prolabantur, cumq; ipsi vivi sint, inanimes tamen truncos lapidè sue venerentur, aut Aurum Argentumve; itaq; coram Deo vivo abominabiles evadant & execrabiles Idololatra?

6. Et rursus; Jam verò quantum ad immodicas Imaginum Idolorumq; decorationes pigmentis & deurationibus, quantumq; ad sumptuosarum vestium ornatus, margaritarum lapidumq; pretiosorum; ad quid, obsecro, tendit istud nisi ad majorem incitationem illostationemq; ad Fornicationem spiritualem, quod Meretrices spirituales tam sumptuose lascivèq; ornentur? Quod Ecclesia Idololatræ satis profectò intelligit. Quippe quæ, cum non solum reverà Meretrix sit (quemadmodum Scriptura eam appellat) sed fæda, lutulenta ac rugosa Meretrix (ut quæ jam grandæva est) suumq; naturæ veraq; pulchritudinis defectum persentiscat, magnamq; quam ex se faceret nauseam & fastidium, talium idcirco Meretricum more cerusâ faciem oblini, decoratq; seipsam auro, margaritis, gemmis & omni genere ornamentorum pretiosorum, ut externâ horum pulchritudine & splendore fulgidâ ineptam stolidorum suorum Amasorum imaginationem oblectet, eòq; pacto eos alliciat ad spirituales fornicationem cum ipsa committendam. Ubi manifestissimum est, quod Ecclesia Anglicana (idq; profectò cum veritate & judicio) innuit Ecclesiam Romanam Apostaticam per Typum Meretricis Babylonica præfigurari, quemadmodum supra in præfati hoc Tractatu demonstravimus. Huicq; censuræ consequens est & consentaneum quod in sequenti Pagina occurrit, Proculdubio Propheta Daniel capite undecimo, hujusmodi sumptuosas Imaginum decorationes Auro, Argento & pretiosis Lapidibus, Regni Antichristi notam esse declarat. Ubi nemo prorsus dubitare potest quin alludatur ad illa verba Prophetæ, וְהָיָה מַעֲרֹךְ מִלְּפָנָיו, Nam ad Deum, vel unā cum Deo, Mauzzimos in sede ejus honorabit; cum Deo scilicet quem non agnoverunt majores ejus, auro eos colet & argento & lapide pretioso, rebûsq; pretiosis. Quod ap-
primè convenit illi hujus Prophetiæ sensui quem nos supra tradidimus.

Vers. 38.

Cap. 11. scilicet 6, 7.

Et quantum ad vulgarem illum Prætextum pro Imaginibus, Quod libri sint Laicorum, severiter quidem reprehendit tam ineptam & sophisticam Defensionem: Verum, apagite, inquit illa, pudendos illos colores ac palliationes Idololatriæ, de libris scripturisque Imaginum ac Piaturarum ad docendos Idiotas, immò verò ad faciendos Christianos, Idiotas, merosq; Fatuos, insulsosq; Pecudes. Solentne homines, obsecro, cum eosdem libros domi habeant, peregrinationes suscipere, ad Romam ac Compostellam, ad Hierosolymam, consimiles libros quærendi causâ quibus doceantur? Num lucernas accendunt sub meridie libris suis? Num Incensum adolent Aurumve ac Argentum, aliq; dona ipsis offerunt? Et paulò post; Quamobrem appellant, quodcumq; ipsi volunt, evidentissimum est ex Factis eorum quod libros scripturæ sue alias non faciant, quàm quæ maxime sedam horribilèmq; doceant Idololatriam, quemadmodum illi qui istiusmodi libris utuntur, quotidianâ suâ praxi comprobant. Proh libros & scripturas! in quas Magister Diabolicus, immò ipse Satanas nefarias lectiones impie Idololatriæ meticulosè suis discipulis (si duxi appellantur in Apocalypsi) & scholaribus inscripsit, ut eas inspicerent, legerent, discerent ad immensum Dei dedecus & horrendam sui ipsorum damnationem!

Et postremò, Orationis vela complicatura tandem sic concludit: Vera Religio Deoq; grata non consistit in fabricandis, erigendis, pingendis, deaurandis, vesticendis mutis æmortuisq; Imaginibus (quæ nihil aliud sunt quàm majuscula quedam Pupa ac Icuncule quibuscum grandævi Fatui per delirium impiamq; Idololatriam ludant ac nugentur) nec in osculandis ipsis, capitève coram ipsis aperiendo, aut procidendo in genua, Incensum adolendo, accendendo Lucernas, suspendendo Crura, Brachia, integrdq; corpora

corpora Cereæ coram ipsis, aut orando petendūq; ab ipsis aut à Sanctis, talia quæ penes Deum solum sit dare. Verum omnia illa vana sunt & abominabilia, maximèq; execrabilia in conspectu Dei. Quippe quum omnes hujusmodi non solum pecuniam operamq; inaniter impendunt, sed labore sumptūq; Dei iram extremamq; indignationem sibi lucrantur, eternamq; damnationem Corporis pariter atq; Animæ. Et paulò post; Quamobrem horrenda Dei ira terribilissimūq; nobis imminens periculum evitari non potest sine destructione plenāq; abolitione Imaginum & Idolorum ex Ecclesia Templōq; Dei. Quod ut perficiatur, Deus in mentem indat omnibus Christianis Principibus, Amen.

Tam liberè, fervidè peritèq; Ecclesia Anglicana Romanam Religionem crassæ Idololatriæ, in omnibus illis partibus quas in *Idea* recensui, condemnat. Neq; reliquit profectò instituitve ullam Consuetudinem aut Ceremoniam quæ ullam gerat similitudinem ullamve habeat cum tam nefario crimine cognationem. Adeo usquequaq; sanè inculpabilis est quantum ad primam hanc partem *Antichristianismi*, quæ est Ecclesiæ Christi per Paganicam quandam Idololatriam Pollutio.

7. Jam verò ad secundam *Antichristianismi* partem quod attinet, secundo Evangelii scopo privativo oppositam, qui est *Judaicorum Institutum & Ceremoniarum Jugi amotio*, in quorum loco *Antichristus* ingentem cumulum ac colluviem superstitiosarum Opinionum, Rituum & Ordinationum (quæ onus reperiuntur non solum Lege *Mosaicâ*, sed & ipsâ Tyrannide *Ægyptiacâ* intolerabilis) introduxit; quæro, An non Ecclesia Anglicana Decreto Regiæ Majestatis hujus Nationis nos à tam misera servitute liberavit? Cujus nunc torquetur patientia & excrucietur attendendo ad spectacula muta, Missæque, quemadmodum rectè in *Libro Homiliarum* vocantur, *Personatitias* vel *Larvaticas*, ubi propter ignorantiam linguæ nè hilum quidem *vite & devotionis* Auditori administratur? Cujus jam artus defatigantur longis susceptis Peregrinationibus superstitiosis, quò domo exulans & charissimâ uxore & liberis, inanem aliquam Statuam Imaginēve, *Rome*, *Compostelle*, aut *Hierosolymæ* salutet? Cujus jam Anima Corpūve læditur stolidis ac temerariis *Celibatibus*, aut *Sacerdotalis* aut *Monastici*, votis? Cujusve Uxor aut Filia per Hypocriticos ejusdem professores violatur? Cujus nunc pectus extorsione *Confessionis Auricularis* in ludum & oblectamentum profani aut Hypocritici Sacerdotis, & clandestinam pœnitentis injuriam effringitur & expilatur? Cujus mens jam aut stupefit aut distrahitur per nimis securam fidem & inevitabilem diffidentiam animiq; inquietudinem circa *incredibiles immodicissimas Opiniones*? Ecqua modesta Matrona jam consternatur ex Melancholica ista Imaginatione, quòd gravida sit puero ac Diabolo simul, quòdque foedus ille spiritus (cujus proprius locus Infernum est) quoties gravida sit, in illius ventre stabuletur? Equis ad eam mentis inopiam nunc adigitur ut in *Monachi Cucullum* irrepat quò abscondat se defendatq; ab irati Dei præsentia? *Caudamve Asini* osculetur, quò in gratiam redeat cum suo Triumphantis sessore? Nam in aliquibus locis (ait ea *Homilia*) *cauda Asini cui Dominus Jesus Christus insedit, inter alias reliquias offertur ad osculandum*: Ad quod in justam hanc fervidamq; Exclamationem erumpit; *O impios, effrontes, & durissimi Oris homines, qui has res adinvenerint! O stupidos, stolidos & meticulosos Homunciones, Brutōsq; magis quàm ipse Asinus cujus caudam osculabantur, qui fidem istiusmodi rebus adhibuerint!* Ubi non possum quin iterum notem, quàm rectè hæc Idololatriæ & Superstitiones in pusillanimitatem quandam ac meticulositatem resolvantur, quàmque congruenter descriptioni eorum qui in *Apocalypsi* excluduntur à sancta Civitate, quorum primus character est *Timidi*, (non quidem ob timorem illum qui ignavorum animos occupat in Bello, sed ob terribilia illa quibus homines in Religione dementantur) idemq; sonat atq; *Sanctimoniosi*, Homines nempe quorum animi debilitantur timiditq; redduntur vi superstitionis.

Sed ut pergamus, vel potiùs abrumparamus sermonem; Nam & fastidiosum esset & supervacaneum si omnes illas partes hic repeterem quibus in Descriptione hujus membri *Antichristianismi* immoratus sum. Quum olim factum sit ut abjectissimo incessu ad Cruces exorcizatas pròreperent, ut *Rationis lumen aqua lustrali* incantatūq; oleis *extinctum* haberent & suffocatum, *Oculos obscuratos* præstrictosve pompâ *Histrionicâ* Indumentisq; larvaticis Sacerdotum, Fidemq; abusam ut vim aliquam miraculicam ipsis subesse crederent propter eorum incantationes & consecrationes, ut & multis aliis rebus exorcizatis; cum intempestivâ *extreme Unctionis* administratione vexarentur, sordidq; tenerarum *variarum auriumq; Infantis* illitu in Baptismo; cum miseris exercerentur luctis corpus læsum inter & illaqueatam Conscientiam, de abstinentia à cibis, & numerositate & superstitione observationum Die-

rum Sanctis consecratorum; cum expoliarentur hominum animæ fructu *Passionis Christi* maximè consolatorio, dum eis persuadere volunt *illius satisfactionem* non ad *Penam* sed ad *Reatum* tantum tollendum pertinere; & postremò cum homines vix mentis compotes essent præ metu horrendi illius Figmenti, *Infernalis* cujusdam *Purgatorii*, corporaq; ferè excoriarentur barbaris *Paganicisq; Flagellationibus Processionariis*: de his omnibus quæro, aliisq; quibuscunq; quæ *Antichristiani*, aut *impositi Oneris* aut *Imposturæ* speciem præ se gerant (ad secundum hoc membrum *Antichristianismi* pertinentibus,) an non Cura & Fidelitas, an non Judicium incorruptum ac indelibata Probitas Pietasq; Serenissimorum Reverendissimorumq; nostrorum *Reformatorum*, tanquam lutum stercusq; Superstitionis ejecerit penitus univèrsa?

8. Verùm obijcies, *Sanctorum Festa* adhuc celebramus; observamus adhuc *Quadragesimam*, *Superpellicia* adhuc in usu sunt, *Signumq; Crucis* in *Baptismo*. Ceterum ad hæc facilè breviterq; respondeo. Levis enim & trivialis est Accusatio, & quæ nè ad minimam quidem *Antichristianismi* labeculam assurgit.

Quantum enim ad *Sanctorum Festa* in Ecclesia nostra, nec multa sunt, quò eorum Observatio onerosa evadat, nec *Idololatricè superstitionis*ve observantur, cum nullus cultus Religiosus eis exhiberi soleat, nullum Templum Altarèq; eis dedicari, nec preces ad eos fundi, sed honorifica tantum virtutum eorum mentio fieri, in nostram Imitationem. Qua in re Ecclesia nostra admodum explicite agit, suamq; Autoritatem Autoritati adjungit S. *Augustini*, declarando, *Nec Tempia nec Ecclesias extrui aut fabricari debere Martyribus Sanctisve, sed Deo soli, nec ullos Sacerdotes constitui Martyribus Sanctisve, sed Deo soli*: ut videre licet in secunda parte *Homiliæ* adversus *Periculum Idololatriæ*. Atq; is qui legerit præcepta quæ tradidit de observatione horum Festorum in *Constitutionibus* five *Canonibus Ecclesiasticis*, suam tantum Impietatem proditurus est si aded Religioso Instituto contradicat. Illius enim Injunctio est, *ut Diem Dominicum ceterosq; Dies Festivos juxta Regulam Divine voluntatis & Ecclesiæ Anglicanæ Instituta celebremus, in audiendo nempe Dei verbo, tam lecto quàm prædicato, in privatis publicisq; precibus faciendis, in peccatis Deo confitendis & eisdem emendandis, in charitate cum proximis (sicubi læsa fuerit) reconcilianda, in sacra communionem corporis & sanguinis Domini frequentanda, in pauperibus juvandis & egrotis visitandis, piam omnem & sobriam Conversationem interim adhibentes.*

Can. 13.

Part. 2. Cap. 14. Divis. 1.

Et nunc quidem quantum ad *Quadragesimam*; Quòd Ecclesia nostra nullius conscientia laqueum injiciat de discrimine ciborum, manifestum est ex eo quod occurrit apud eminentissimum illum Præsulem, *Jewellum*, Episcopum *Salisburiensem* in defensione suæ Apologiæ (Libro per auctoritatem publicam unicuiq; Ecclesiæ imperato) ubi dictum illud præstantissimum memorat *Tertulliani*; *Deus ventre non colitur, nec cibis, quos Dominus dicit perire, & in secessu, naturali lege, purgari. Nam qui per escas Dominum colit, propè est ut Dominum habeat ventrem suum.* Is cujus Religio aded carnalis est, parum distat ab eis qui ventrem faciunt Deum. Et in eadem Pagina de suo philosophans apertè dicit; *Piscium carniumve discrimen nihil moramur, sed mentis onus, & Conscientiæ laqueum.* Ipsaq; Ecclesia in *Homilia de jejniis* declarat, Nullam omninò esse sanctitatem in cibis, remq; esse in se indifferentem sive esu piscium *Quadragesimam* observemus, sive omnimodà cibi abstinentià usq; ad noctem, ubi cibum quemlibet promiscuè liceat comedere. Observationemq; *Quadragesimæ* per abstinentiam à carne fundamentum habere merè Politicum, & constitutum esse per Magistratum ad Incrementum Opsoniorum, Boum, Oviùmque, in majorem copiam melioremq; Pauperibus Provisionem, ad Classes etiam commodius instruendas, Oppidatq; Maritima ditanda Piscationibus, quò populosiora fiant meliùsq; parata ad repellendum Hostem, si qua fortè fiat Invasio. Quæ admodum honesta profectò solidatq; ratio est, cur à carne abstinemus in Jejniis *Quadragesimalibus*, piscibusq; vescamur, & ab omni Papismo & Superstitione remotissima.

Tertio, Quantum ad *Histrionica* ac *Pompatica* Sacerdotum *Vestimenta*, nemo ea potest aut magis seriò condemnare, aut magis falsè lepidèq; deridere quàm nostra fecit Ecclesia in illa nunquam satis laudata *Homilia* contra *Periculum Idololatriæ*. Ubi postquam notaverat quòd *Lactantius* Ethnicorum Idola *Papis minusculis*, quibuscum puellulæ ludere assolent, comparet; quòdque dicta Idola, nihil sint aliud quàm *Pupæ* quædam *majusculæ*, quibuscum grandævi Fatui ludant; Ecclesiæ nostræ, inquit illa, *Papis ejusmodi majusculis plene sunt mirum in modum decoratis & ornatis. Serta ac Coronæ capitibus ipsorum impositæ sunt, Margaritæ pretiosæ circa colla suspensæ, digiti annulis rutilant quibus lapides pretiosi ac splendidi sunt inserti,*

serii, inanimdq; corpora & rigida vestimentis auro rigidis vestiuntur. Credas sanè Sanctorum Imagines Principes aliquos esse à Terra usq; Petriæ huc appulsos, superbo sup ornatu insignes; Sanctorum verò Idola delicatulas quasdam & elegantulas Meretriculas Amasios suos ad lasciviam proritantes. Quibus rebus Sancti Dei non quidem honorantur sed turpissimè debonestantur, eorūq; Pietas, Sobrietas, Castitas, Abundantiarūq; opum & vanitatum Contemptus deturpatur, & in dubium vocatur. per monstrosas hæc decorationes à pia sobriq; ipsorum vita immane quantum differentes. Et tunc demum adjicitur quod ad ipsum spectat Sacerdotem; Et ut totum scenæ spectaculum omnibus numeris expleatur, non sufficit Idola sic decorare sed tandem intrant ipsi Sacerdotes Aura Gemmisq; similiter adornati, (ut idonei utiq; sint horum Dominorum Dominarūq; famuli & congruentes istiusmodi Deorum ac Deorum cultores) tardq; ac solenni incessu coram aureis hisce Pupis prodeunt, humiq; præcidunt in Genua ante honorabilia hæc Idola; moxq; surgentes Odores & Incensum ipsi offerunt, nimirum ut populo Duplicis, hoc patto, Idololatriæ exemplum edant, dum non nudum Idololum, sed etiam Aurum resq; alias pretiosas, quibus ornatum est, tam submissè adorant. Quid expressius contra hujusmodi Ornamenta Histrionica dici potest?

Verum respondebis, Quid hoc interim ad *superpelliciam*? Equidem res est tantilli momenti ut è memoria ferè esset elapsa. Quid, obsecro, *Antichristianismi* illic potes dispicere, modò satis candidum sit atq; mundum? Annon ipsa Agni Sponsa in *Apocalypsi* cooperiri dicitur byssino splendenti & candido? Putasne verò stylum Propheticum *Christi* Sponsam tali Habitu, quæ nota sit *Antichristi*, adornaturum? Quamobrem manifestum est nec *Superstitionem* simpliciter esse nec *Antichristianismum*, album candidūve gestare vestimentum, quamvis nullum sit vestimentum quin supersticiosè usurpari possit, pariq; superstitione rejici. Consecrare, exorcizare sive incantare vestimenta, quæ Sacerdotes gestent, quemadmodum fit in Ecclesia *Apostatica*, palpabile quoddam esset genus *Superstitionis*, ullamve in eis sanctitatem agnoscere: Hæc verò res est contrà quàm Ecclesia nostra apertè protestatur, utpote quæ in suis *Constitutionibus Ecclesiasticis* de Vestitu præscripto plane declarat, se id non agere in formis vestitus præscriptis ut ullam vestibus ipsis sanctimoniam aut præcipuam dignitatem tribuamus, sed ut gravitas, decorum atq; ordo per omnia conserventur. Cam. 74

9. Et certè imaginari hoc genus Ornamenti in Clero nostro *Anglicano*, fastui ipsorum gratificando inservire, acceptioresve se reddere studere apud populum ob externam hanc habitus speciem, quò illis magis requisitis essentialibusq; Animi Ornamenti tutius careant, admodum imbecille quidem est & citra omnem rationem suspicio. Quomodo enim censerì possunt sibi tantoperè placere in tali vestimento, aut acceptiores sperare se fore apud Populum ob istiusmodi Ornamentum quod illi adeò conspurcatum coinquinatumq; autument ex usu, per tot secula, istius *Mulieris Apostatarum*? Quamobrem inspicere, quàm penitissimè voles, nunquam sanè dispicies vitia illa *Antichristiana Superbiæ* aut *Hypocrisis* in ulla vel arctissima plica nivei hujus vestimenti latitantia. Quod nisi adeò candesceret ut oculos tuos perstringat eorūq; obtundat aciem, *Antichristianismi* loco, duas selectissimas Christianarum Gratiarum illius usu involutas detegere possis, *Charitatem* intelligo & *Humilitatem*.

Nam proculdubio *Heroici* nostri *Reformatores* non quidem, ut in more est apud quosdam, ex malevolentia quadam ac protervitate res administrabant, vel affectui proprio indulgebant suive animi impetuositati, sed cùm pars essent *castæ Sponsæ Christi*, Ecclesiæ verè *Apostolicæ* nostri omnium *Matris*, agebant ut *Mater* cum eis omnibus qui se Ecclesiæ Christi quoquo modo *Filios* profiterentur, ac proinde volebant eos dividi ultrà quàm necesse esset. Unde factum est ut Ecclesia nostra ex spiritu *Charitatis* teneraq; Indulgentiæ in rebus aliquibus in se indifferentibus eò se demiserit ut levem aliquam similitudinem ac convenientiam cum lapsa illa *Roma* Domina ferre non recusaret, ut hoc pacto deceptos illius Amasios ad purum Dei cultum revocaret. Quæ morigeratio illius, prudensq; ac humilis ad aliorum captus sui attemperatio, pulchrum sanè per aliquot annorum spacium fortita est effectum, *Catholicæque*, ut amant appellari, in publicæ *Liturgiæ* Celebratione se nobis adjungebant, usq; dum imperiosa illa *septem montibus insidens Mulier* (quæ ex omni occasione prodit se non *Matrem* quidem esse, sed *Meretricem* illam quæ nihil peni habet quin *Infans* vivus dividatur) *Romano-Catholicos Anglicanos* ab aqua hac & *Christiana Communionem* violenter avulsisset. Et tamen nihilominus necdum cessat Ecclesia nostra benignà hæc ac Christianà Civilitate suaviq; Morigeratione erga ipsos

ipſos uti, quò eos alliciat ad talem cultum qui ex omni parte æquè decorus fit atq; iſte Pontificiorum, & ſimul abſq; omni noxa aut Superſtitionis aut Idololatriæ.

Quæ quidem moderatio, dum mecum reputo, quamdiu adhibita fuerit, nec vel minimum apud hujus Nationis Catholicos obtinuerit effectum, equidem non poſſum quin cum aut ingenii tardiuſculi aut injuſti cenſeam, qui tertiam virtutem Chriſtianam in matre noſtra, Eccleſia Anglicana, prioribus ſuperadditam non ſtatim ſit agnituſ: Inexpugnabilem intelligo ac invincibilem Patientiam, cum per totum hoc
 Rom. 10. 21. Tempus nec querelam illam Prophetæ aſſumpſerit, *Toto die expandi manus meas ad populum contumacem & contradicentem*, firmumve illud Apoſtolorum Propoſitum,
 Act. 13. 46. Judæorum contumaciâ defatigatorum, *Quoniam indignos vos ipſos judicatis eternâ vitâ, ecce convertimur ad Gentes.*

Postremò, Quantum ad Crucis ſignum in Baptiſmo, eadem ſerè ratio eſt quæ de hoc ultimo, niſi quòd illius uſus maturiùs obtinuerit in Eccleſia, unde propter Antiquitatem factum eſt venerabilius; & ob eam ipſam cauſam retinetur, uti etiam propter ipſius Ceremoniæ ſignificantiam, verum abſq; omni detrectatione ipſi Sacramento, quippe quod ſine eo perfectum completumq; agnoſcitur. Addam etiam illud Tempeſtivum eſſe nunc ut maximè, cum Paſſio Servatoris adeò vili-fiât tamq; fœdè proculcetur à novo hominum genere qui in cordibus ſuis paganiffant quamquam linguam tingunt externis phraſibus ac locutionibus Chriſtianorum. Cæterum nihil opus eſt ut nimis ſoliciti ſimus hac in re, cum tam ampliter ſatiſfactum ſit ſcrupuloſis in libro Eccleſiaſticarum Conſtitutionum. Ac proinde pergemus nunc ad eas
 Canon. 30. Antichriſtianismi paucæ quæ poſitivos Evangelii ſines oppugnant.

C A P. XXIII.

1. Quàm ex Diametro oppoſita ſit Eccleſia noſtra illi Antichriſtianismi parti quæ Regale ac Propheticum Chriſti Officium ſubverteret; 2. Ut & illi quæ Sacerdotale officium impetit. 3. Eam nihil tenere adverſus ceteros illos Chriſti Titulos ſacros, Veritatem, Vitam, Lucem, &c. 4. Demonstrativa vindictio Episcopatus ab imputatione Antichriſtianismi, ex ipſa Apocalypſi petita. 5. Quantum ad ſtabilimentum Coronæ Eccleſiæq; Anglicanæ iſte liber faciat ſi rectè intelligatur. 6. Nullam poteſtatem Papalem aut Presbyterianam de jure ſupra Regem eſſe nè in cauſis quidem Eccleſiaſticis. 7. Eccleſiæ Anglicanæ ſententia ſuper hac re. 8. Peculiariſ gloria Eccleſiæ noſtræ quòd adeò in ſolidum immunis ſit omnium Fraudum & Impoſturarum. 9. Illius à Superbia immunitas; 10. Ab Antichriſtiana Impuritate; 11. Et à Crudelitate. 12. Reformatio illius eminens Impletio ſpeciminis Reſurrectioni Teſtium. 13. Hujus Vindicationis utilitas ad Papiſmum ſupprimendum atq; Schiſma.

1. **Q**Uæro igitur de tribus illis notiſſimis Chriſti officiis Regali, Sacerdotali & Prophetico, an non Eccleſia noſtra admodum fidelis eſt hac in re ac ſincera? nec ullorum iſtiusmodi oppugnationum clandestinarumve contra ipſa machinationum aſtricta, quas in Idea Antichriſtianismi recensuerim? Num Eccleſia noſtra præſendit ſe infallibilem eſſe, aliarumve jactitatæ Infallibilitati ullo modo connivet conſentitque? Immo verò, an non apertè declaravit, Generalia Concilia quia ex Homini-
 Artic. 21. bus conſtant, qui non omnes Spiritu & Verbo Dei reguntur, & errare poſſe & interdum erraſſe etiam in his quæ ad Deum pertinent; ideòq; quæ ab illis conſtituuntur, ut ad ſalutem neceſſaria, neq; robur habere neq; autoritatem, niſi oſtendi poſſint è ſacris literiſeſſe deſumpta? Et in antecedenti Articulo affirmat, Non licere Eccleſiæ quicquam inſtituere quod Verbo Dei ſcripto adverſetur, nec unum Scripturæ locum ſic exponere ut alteri contradicat. Et poſtremò concludit, Quid licet Eccleſia ſit Divinorum librorum Teſtis & conſervatrix, attamen ut adverſus eos nihil decernere, ita præter illos nihil credendum de neceſſitate ſalutis debet obtrudere. Ad quem ſenſum etiam loquitur in alio Articulo de Divinarum ſcripturarum ſufficientia; Scriptura ſacra, inquit illa, continet omnia quæ ad ſalutem ſunt neceſſaria, ita ut quicquid in ea non legitur neq; indè probari poteſt, non ſit à quoquam exigendum, ut tanquam
 Artic. 30. Articulus Fidei credatur aut ad ſalutis neceſſitatem requiri putetur.

Aliq; rursus eòdem ſpectantia proferit in excellentiſſima illa Exhortatione ad ſtudium

dium legendi intelligendiq; sacram Scripturam. Ubi quàm contentissimè singulos invitat ad diligentem illius perfectionem, declarans, *In sacris Scripturis plenè contineri quid debeamus agere, quid evitare & quid amplecti, & quid tandem à Deo expectare*: Optimamq; rationem eas intelligendi indicat, in Paragrapho digno quidem qui literis scribatur auris, prope finem primæ partis illius Homiliæ. Et in legendo Dei verbo, inquit illa, *is non maximè proficit, qui libri folia promptissimè vertere nòrit, memoritèrve teneat, sed is cui illud maximè conversum sit in succum atq; sanguinem, hoc est, qui sancto Spiritu maximè sit inspiratus, maximè in corde vitæq; mutatus in eam rem quam legit, qui minùs minùsq; indies superbus sit, minùs iracundus, minùs avarus minùsq; mundanarum vanarumq; voluptatum cupidus, qui quotidie (veterem vitiose vitæ relinquens consuetudinem) majores ac majores in virtute faciat profectus.*

Et in secunda parte dictæ Homiliæ filios suos præmunit animatq; contra impedimenta illa & obstacula quæ falsa illa ac perfida Ecclesia ipsis in viam iniecerit, de insuperabili Scripturæ difficultate & obscuritate, exhortans eos ut Dei opem implorent in legendis sacris literis, strenuè ipsis confirmans, modò seduli sint ac serii, si qua in re hæsitent, Deum ipsis aut virum aliquem pium ac prudentem missurum esse, (quemadmodum Philippum misit Eunuchus Prophetas legenti) qui eos doceat, aut ipsum cœlitus eorum mentibus lumen esse immissurum, eaq; edoctrum quæ eis necessaria sint, quorùmq; sint ignari: addens porrò ex S. Chrysostomo, *Quod humana mundandq; sapientia vel scientia ad intelligendam Scripturam non sit adedè necessaria, sed Revelatio Spiritus sancti qui verum ejus sensum eis inspiret, qui cum humilitate & diligentia eum investigaverint.*

Et postremò concludit, *Nullos esse Lectiōi Divini verbi Inimicos, nisi tales qui aut ita ignari sint, ut nesciant quàm salubris res sit, aut tam egroti ut medicinam aversentur maximè refocillatoriam quæ possint sanari, aut deniq; tam impii, ut id apripimè cupiant ut populus adhuc maneat in cecitate & ignorantia Dei.* Quàm ex Diametro oppositus sit hic nostræ Ecclesiæ Genius Antichristiano illi spiritui, quem ex Oppugnationibus suis clandestinisq; molitionibus adversus Regale ac Propheticum Christi Officiū descripsi, cuius internoscere obvium est cui libeat comparare.

2. Et quantū ad officiū sacerdotale, quod injuriā contumeliāq; afficitur, multiplicando Mediatōres, prætendendo oblationem ipsius corporis Christi in Missa, derogando virtuti illius Sacrificiū quod ipse fecit pro peccatis Mundi, quasi non ad Penam sed ad Reatum tantū se extenderet, singulisq; per impositas multas pœnasq; pro seipsis satisfaciendum esset, aut in hac vita aut in Purgatorio: Quod ad primum attinet, illud jam probavimus nostræ Ecclesiæ Doctrinæ prorsus adversari. Illéq; unicus Articulus, cujus partem contra Transubstantiationem jam citavimus, abundè nobis confirmabit ejus rejectionem duorum posteriorum. Oblatio Christi semel facta, inquit illa, *perfecta est Redemptio, propitiatio & satisfactio pro omnibus peccatis totius mundi, tam Originalibus quam Actualibus.* Neq; præter illam unicam est ulla alia pro peccatis Expiatio. Et tum sequitur, *Unde Missarum sacrificia, quibus vulgò dicebatur, Sacerdotem offerre Christum in remissionem pœnæ aut culpæ pro vivis & defunctis, blasphemia Figmenta sunt & perniciosæ Imposturæ.* Vide etiam Articulum de Hominis Justificatione, & Homiliam de salute & bonis operibus. Verū hæc adedè nota est Ecclesiæ nostræ Doctrina, ut supervacaneū sit ulteriorem operam infumere ad probandum eam ab illa asseri ac defendi.

3. Quantū ad oppugnationes aliorum Titulorum Christi in sexto capite secundi libri *Idea Antichristianismi* memoratorum, manifestum est eas ad Ecclesiam nostram nihil attingere. Neq; enim nos in Mendaciis, Legendariis falsiq; Miraculis mercaturam facimus, contra sacrum Titulum veritatis, nec operam damus detinendo Populo in Scripturarum ignorantia, & in tenebras claudendo, contra sacrum Titulum Lucis, neq; contra sacrum vitæ Titulum peccamus, constituendo Religionem nostram ex mutis spectaculis sordidumq; Rituum ac Ceremoniarum acervis, nec Divinitati Christi derogamus, Religiosum cultum exhibendo sanctis atq; Angelis, nec Paternitatem illius offendimus fingendo filios illius cœtum esse stipitem atq; lapidum, auferendo ipsis judicium discretionis, cogendq; eos credere ut Ecclesia credit, seu rectum seu secus, sive cum Scriptura sive contrā, tantūmq; abest, ut vita ullius filii Dei per nos periclitetur ob ullam captiosam impiamq; sanctionem, ut nihil profiteamur ad salutem necessarium præterquam quod conspicuum sit ex Scriptura, quemadmodum apparet ex eis quæ jam ex Ecclesiæ Articulis sunt allata; Quod quidem solum eam vindicaturum est ab imputatione sequentium partium Antichristianismi contra Pacem Regni Christi. Et quantū ad Absolutionem Principum à Juramentis,

H h h h

quæ

Artic. 31.

Artic. 11.

quæ unquam Ecclesia præterquam *Romana* tam blasphemam sibi assumpsit potestatem?

4. Proxima Antichristiana Oppugnatio & quæ occurrit Capite proximo, est contra *Divinam vitam* in Genere. Cujusmodi est *Idololatria*, omnēq; Genus *Superstitionis*, *muta spectacula*, *Linguae ignotæ usus in sacris*, *inanium penarum in realis Pœnitentiæ locum*, *vitæq; emendationis substitutio*; contra, quæ omnia Ecclesia nostra tam apertè protestatur in *Articulis* suis & passim in *Homiliis* ac tam asseveratè, ut citandi ipse mihi non facessam negotium. Quidam fortassis minùs bene animati proclives esse possunt ad imaginandum Officiū *Episcopale* Reditusq; majorem habere cognationem cum ista *Hypothesi* sub finem Capitis, quàm quivis homo moderatus unquam sit judicaturus. Oportet enim admodum ignarum esse statū Orbis Christiani qui non planè videat in illa *Hypothesi* Hierarchiam *Papalem* omninò adumbrari. Quod rursus sit plenius magisq; particulatim, in Capitibus nono & decimo. Et enim quantum ad me, quamvis singulorum Episcopatum hujus Nationis valores satis accuratè non calleam, dum amplitudinem tamen *Dioecesium*, grandēq; pondus tum *cure* tum *sumptus* in Functione hac condignè administranda, ipse mecum reputo, equidem credere non possum, quin officii Onus Redituum valori ubiq; sit præponderaturum. Et in Evangelio legimus, *Dignus enim est Operarius mercede sua*. Et quod ipsum Officiū Dignitatēve spectat, mihi nunquam persuaderi potest quòd ille Ordo Ecclesiæ qui *Symmetris* illius temporibus constitutus erat obtinuitque, vel ullā Rationis specie aut Conscientiæ *Antichristianus* queat censerī. Ecclesiam verò *Symmetram* fuisse quadringentis circiter annis post Christum natum, Confectarium est è *Co-expositione* nostra planè demonstrabile. Eaq; *Co-expositio* tam certa atq; evidens, ut nullius Scripturæ Interpretatio certior esse possit aut evidentior.

Luc. 10. 7.

5. Unde non possum quin demirer, quòd ullus genuinus Ecclesiæ *Anglicanæ* filius, aded caveret ab *Apocalypsi*, tantoperēq; sibi ab ipsa metueret ut eam tangere non ausit sine *manicis Hyberniciis* ab ipso *Grotio* consutis, nè mordeat; hoc est, nisi explicetur vel potiùs implicita magis fiat & involuta, per incertitas absurdasq; *Grotii* Interpretationes. Neq; enim usquam extat Liber qui magis facit ad stabilimentum *Coronæ Ecclesiæq; Anglicanæ* quàm sacer hic Liber *Apocalypseo*, si rectè solidēq; intelligatur; id quod prudens ille sagaxq; Princeps *Jacobus* beatæ Memoriam Rex, maturè deprehenderat, eaq; perinde usus est adversus usurpationes Ecclesiæ *Romanæ*. Et certè nihil ego in *Apocalypsi* invenio, quamvis stylus *Mysticus* videatur & *Ænigmaticus*, quod rationi non sit admodum consentaneum, eamq; considero tanquam *fidelissimum* maximēq; *Philosophicum* Scriptum quod ab ulla manu unquam sit exaratum. Cujus quidem rei delibationem quandam habemus in Catalogo isto qui malos eorum characteres complectitur qui è sancta Civitate excluduntur; Ubi *Zelus immanis* & *sanguinolentus*, ut & *vane* ac *superstitiosæ Imposturæ* tam apertè perstringuntur, prior in *omni*, *Homicida*, posteriores in *pagano*, & *πᾶς ὁ ποιεῖ τὸ φιλῶν τὸν ἑαυτοῦ*, *Magi*, *Exorcistæ*, sive *Incantatores*, & *mendaces Legendistæ*, & in *δουλοῖ*, *Timidi* & *meticulosi Animi*, qui ex Superstitione proclives sunt ad se delusionibus & mendaciis tam impudentum Deceptorum submittendos. Hos *fidelis Animarum nostrarum Redemptor* qui bonā fide cum humano Genere agit, ut delusas eorum mentes à Tyrannide & onere *Superstitionis* liberet, nigro notat carbone *Infamiae* & *Damnationis*. Tam constans amicus est Dominus *Jesus*, Humanitatis, Æquitatis, Veritatis ac Rationis.

6. Sed enim vero ut ista Visionum *Apocalypticarum* loca (quæ sanè non pauca sunt) omittamus, quæ hanc ipsam rem innuunt, equidem ratio æquitatq; omnium maxima est ut unusquisque Princeps Christianus proximè sub *Christo* supremum Caput sit super omnem eam Ecclesiæ *illius* partem cujus Rex sit sive Princeps, super *Clerum* perinde atq; *Laicos*, in causis *Ecclesiasticis* pariter atq; *Civilibus*, utq; nulla *Papalis* aut *Presbyteriana* Potestas supra eum sit, prout *Anglicanus* noster Episcopatus justissimè & ex professo ei se submittit. Cur enim ulli *Clerici* à Principe expectarent qui æquè pretiosam fidem cum ipsis receperit, ut potestate minuatur ex quo factus sit Christianus? Quod perinde injustum est, atq; esset ridiculum imaginari procerum quemq; hominem tantum de naturali sua statura perdere debere, quousq; humilior breviorve fiat Sacerdote qui eum baptizaverit. Christianitas enim Naturam Potestatēve non tollit, sed ritè ordinat rectēq; eis utitur.

Putāsne fieri potuisse ut Imperatorum Paganicorum quisquam ad fidem Christianam conversus esset si Episcopus *Romanus* Imperii Principatum sibi vendicasset quatenus factum sit Ecclesia Christi? An non potiùs suspicaturi fuissent prædicationem *Regni cælorum* Sacerdotum technam fuisse quā se *terre Dominos* constituerent? Immo

enimvero

enimvero *Princeps* semel factus *Christianus*, hoc est, unus ex eorum numero qui fidem Apostolicam verbo Divino perspicuisq; illis communiterq; confessis Religionis nostræ partibus comprehensam credunt & profitentur, Persona est tam sacra ut nihil supra illius Principatum scandere possit in suis propriis Dominis. Nam *unctio spiritus* quā credimus ad salutem, infinitè sanctior est quā ullum *Oleum* externum *Sacerdotale* cujuscumque. Cur igitur *solus* tam *sacer caput* esse non potest, *vitaq;* ac *motus origo*, in rebus Ecclesiæ administrandis? uterque major est, Christus ut *sacerdos* an ut *Sanctorum Rex*? Quive superioritatem in *Judeorum* Politia obtinebant, *Pontifices* an *Reges Israël*? An non verò Politia illa Typus erat seu figura Ecclesiæ Christi?

Lex Christi manifesta, prorsus *immutabilis* est, & sic certè esse debet. Nemo in terris circa vel unum illius apicem potest dispensare. Quantum verò ad Interpretationum Opiniones, Rituūq; ac Ceremoniarum Cultus Divini Autorizationem, aut hæc in Christiani Principis potestate est non autem in *Sacerdotis*, aut Regnum suum tutaq; illius Administratio non est in illius potestate. Hæc enim omnia juxta æternam Naturæ Rationisq; Legem in illius manu esse debent qui supremus sit Gubernator, aliterq; esse illius *Suprematui* planè repugnat. Nam qui habenas *Animarum* hominum tenet, *integras* regit *personas*. Et validissimæ habentæ sunt illæ *Religionis*. Ac proinde siqua potestas à *Regia* distincta res Religionis administrandi jus, ultra quā cum Regis consensu ac approbatione, sibi vendicaverit, ista Potestas reverà *Rex* est, ipsiq; *Rex* potestas precaria, quæ huc illuc diffletur, effleturq; tandem è Throno falso halitu horum hominum Principatum Ecclesiæ sibi vendicantium, quoties & quā violenter ipsis placuerit.

Quamobrem, quemadmodum *manifesta confessioq;* Christi *Lex immutabilis* est, ita quod *dubium* est merè *Rituale*, suam *Interpretationem* habere debet, *Mutationem* aut *Continuationem* ad judicium delectūq; cujusq; Christiani Principis, qui justè ac necessariò potestatem habet hujusmodi res accommodandi ad Pacem, Tranquillitatem ac Prosperitatem Regni sui. Nec habent sanè Potestates Ecclesiasticæ ullum jus affigendi Religioni Christianæ rem ullam modo immutabili & essentiali, quæ non expresse declarateq; in illa comprehensa sit secundū Divinam Scripturarum Autoritatem. Summa enim illi Religioni injuria est quā *æternam* esse oportet ac *universalem*, ut vincatur & astringatur aut Ritibus aut Opinionibus quæ *Temporarie* tantū sunt aut *Topicæ*; aut ut errores & hallucinationes cæcæ *Antiquitatis*, tanquam *Lex Medorum & Persarum* fiat magis seriæ ac oculatæ *Posteritati*; aut quæ ex *transitoria* aliqua occasione emerferint, ut omnes Importunitates ac Necessitates posterarum rerum Ecclesiæ, ullarūve illius partium, non valeant *descensum* ipsi denuò imperare in *Abyssum*, hoc est, ea abolere, quò Evangelium liberius currat & glorificetur.

7. Ac proinde apertissimè & cum judicio Ecclesia nostra in *Homilia* de Jejunis declarat, *Ecclesiam Dei nec debere nec posse obligari ulli Ordinationi nunc factæ aut in posterum faciendæ comminiscendæve per Autoritatem humanam, quin jure possit ob causas justas alterare, mutare, vel mitigare Ecclesiastica illa Decreta, seu Ordinationes, immò in totum ab eis recedere, eāq; violare, quando tendunt aut ad Superstitionem, aut ad Impietatem, quando populum à Deo retrahunt potiùs quā ullam in eis pariant ædificationem.* Et in libro *Articulorum* rursus planè asserit, *Traditiones atq; Ceremonias non omnino necessarium est esse ubiq; easdem aut prorsus consimiles. Nam & varia semper fuerunt & mutari possunt pro Regionum, Temporum, & morum diversitate, modò nihil contra Dei verbum instituat.* Et postremò ad calcem illius *Articuli*; *Qualibet Ecclesia particularis sive Nationalis auctoritatem habet instituendi, mutandi, aut abrogandi Ceremonias aut Ritus Ecclesiasticos humanà auctoritate institutos, modò omnia fiant ad ædificationem.* Quæ res tam dispensabilis & mutabilis naturæ si ordinari possint per potestatem à suprema cujuslibet nationis Christianæ potestate distinctam & independentem, immane dictu est quā effraenes commotiones & confusiones pariturum esset in Republica Christiana, dum Asinus stimulatur calcaribusq; suffoditur ut per eam viam pergat, ubi Angelum Domini videt cum stricto gladio ad eum repellendum!

Quamobrem tutissimum pariter est atq; justissimum, ut in omnibus rebus Christianæ Religionis *preteressentialibus*, Magistratus supremus in singulis Nationibus Christianis, approbandi ac rejiciendi jus habeat, nullsq; Ritus aut Opiniones in Decreta abeant nisi per illius Autoritatem, ut penès Sacerdotes non sit (quemadmodum eos ad eò fideles Principi esse decet, ut si penès ipsos esset, nollent) docere decernerève quicquam contra rem illius cujus subditi sint, contravè incolumitatem,

H h h h h 2

pacem

pacem ac prosperitatem totius Reipublicæ, cuius ipsi pars tantum sint, ac proinde nullam potestatem habere debeant faciendi quicquam independentem à Principe, qui totius Patriæ communis Pater est, cuiusq; commodum, publicum commodum est communèq; omnium emolumentum. Quem igitur omnino oportet caput esse Ecclesiæ super omnes causas & personas tam Ecclesiasticas quàm Civiles, (quemadmodum Ecclesia nostra manifestò agnoscit) ut vitalis Influentia ex æquo ab eo fluat in universa membra suorum Dominiorum.

Hæc verò speculatio est quæ tempestivius differri potuerit usq; dum ad *Antichristianam* Oppugnationem venissemus primi ramuli *Divinæ vitæ*, qui est *Humilitas*, cui enormis Fastus ac superbia suprematûs *Papalis* tam manifesta cum contumelia ac injuria adversatur. Quod nè minima verò *Antichristianismi* macula in ipso Episcopatu sit, abundè jam demonstravimus.

8. Nunc verò quantum ad illas Oppugnationes quæ *Fidem* impetunt *Divinæ vitæ* radicem, harum omnium Ecclesia nostra adedò immunis est, (quemadmodum cuilibet constare potest cui libuerit eas recensere) ut satis sit hoc tantum subindicasse. Superest solummodò ut opportunam hanc occasionem non omittam triumphandi illius gratiâ; quòd adedò in integrum repurgata sit à notoria ista, licet subtili ac versuta, specie *Antichristianismi*, illam *sui-querentem* intelligo *calliditatem* in istis doctrinis & consuetudinibus, quæ tam multe in Ecclesia Romana sunt & tam *lucrose*, & tamen nostra cœlitus gubernata Reformatio ab eis omnibus nos penitus emundavit ac repurgavit. Cujus quidem rei consideratio necessariò efficere debet ut Mater nostra Ecclesia Anglicana pulchra admodum & amabilis videatur cuiq; ingenuo ac gnaro formarum spectatori, qui non potest quin gratias agat Deo ob debitum illud Judicium ac Fidelitatem quam Serenissimis Reverendissimisque nostris Reformatoribus indiderit. Nec potest non magnæ esse animi satisfactioni probo cuiq; Sacerdoti seu Ministro Ecclesiæ, quòd nec *seipsum*, more Sacerdotii *Romani*, nec populum alat mendaciis; nec vel unam Panis buccellam ori indat per fraudes & imposturas à *Laiçis* suffuratam; quòdque quemadmodum operatur in *Evangelio*, ita ex *Evangelio* vivat, non autem ex *Figmentis* & scitè concinnatis *Fabulis*.

9. Ad oppugnationes etiam *Divinæ Gratiæ Humilitatis* quod attinet, quæ in capitibus nono, decimo, & undecimo recensentur, quòd earum itidem Ecclesia nostra immunis sit, manifestius est cuivis qui consideraverit quàm ut mihi opus sit particulatim demonstrandi operam suscipere. Non solum declaratur contra *Papæ Suprematum*, sed & juratur, prout justum admodum est atq; æquum. Et tamen peculiare quidam sint *Clericorum* Habitus, tamen, quemadmodum suprà notavi, Ecclesia nostra nullam eis rebus inesse sanctimoniam, sed ad decorem tantum, ordinumq; distinctionem adhiberi ex professo declarat. Discrimen autem *Laiçis* inter atq; *Clericos*, æquè antiquum est atq; ipsa Christianitas, & non partem solum sed & integras eas Ecclesiæ ætates percurrit quas nos *Symmetras* solemus appellare. Adedò manifestum est nihil reliquum esse in Ecclesiæ nostræ Anglicanæ constitutione quod ex sua natura cœlestem illam ac Christianam virtutem *Humilitatis* Antichristianiter oppugnet. Quòd si Personas curiosius inspectemus, quis ob stare potest quin Homo *Laiçus* perinde superbus sit atq; *Clericus*, & *Presbyter* æquè ac *Episcopus*? Ità ut universos hoc pacto *Antichristianos* fieri necesse esset.

10. Et certè porrò evidens est nullas earum Oppugnationum cœlestis Gratiæ *Puritatis*, quæ in duodecimo capite notantur, in Ecclesia nostra reperiri. Nec id solum, verum etiam credo nos posse (modò id fiat cum humillima gratiarum actione Omnipotenti Deo, quòd Heroicos nostros *Reformatores* tam exquisitâ Prudentiâ ac Judicio inspiraverit) de eximia commodissimâq; rerum constitutione in Academiis nostris, sine vanitate gloriari. Ubi nulli *Celibatûs Voto* obstringuntur, nec cellis includuntur solitariis, ut, si res tulerit, exotico aliquo habitu personati, cum verticibus rasis & circumcisis, vultuq; livido & obstupefacto (tanquam aves quædam peregrinæ) ostendantur, verum sub liberioribus magisq; masculis Legibus degunt magisq; ingenuis Exercitiis occupantur, sine *flagello* aut *Hypocrisis* superstitionis, eaq; eis studia commendantur, quibus tempus insumant, quæ animas verâ cognitione ac virtute exornent. Ubi etiam honestus frugalisq; victus eis provisorius est quibus lubet corpora perinde atq; Animas in *Academiæ* pulvere sepelire. Ad quod si natura aut vis aliqua Divinior eos idoneos fecerit, sic eis agere licet cum honore, & si *Celibatûs* fortè tæduerit vitæ adedò privatæ, Universitatem relinquere possunt quandocunq; placuerit, sine vel minimo dedecore aut ignominia. Quæ libertas ingenua & Christiana, meo quidem judicio, multò præferenda est superstitionis servituti ac Hypocrisis Monasteriorum *Pontificiorum*, ubi homines cavæ quasi includuntur in carce.

incarceranturve, tanquam tot Captivi Regis *Babylonis* totve Mystici *Pharaonis* Mancipia ad texendas nescio quas Telas imaginarias *Operum supererogationis*, quibus locupletetur Ecclesiae meritorum Thesaurarium, quæq; præfenti argento divendantur ad augendos redditus quibus sustentetur Pompa hujus magnifici Regis *Egypti*.

11. Postremò, quod ad istas maximè Antichristianas oppugnationes spectet, præstantissimæ illius Gratiæ *Charitatis*, tantum abest ut *Anglicana* nostra Ecclesia eam impugnet, ut egregium sanè illius virtutis sit exemplum, quippe quæ Doctrinâs praxeq; pessimæ istius Ecclesiae ultrà quàm necesse sit, nusquam condemnat, adversamq; partem ad communionem suam optimis quibusq; accommodationibus, suisq; ipsius ad ipsorum ingenia attemperationibus in publica *Liturgia*, ut quoquo modo aliquos ex ipsis veritati possit lucrifacere, invitat. Cùm è contrà imperiosa illa *Mulier in septem montibus* ut *Regina sedens*, expectat ut quisq; eam versùs se inflectat, cùm ea interim ad nullam æquam conditionem se acclinatura sit aut descensura, sed ut *Marpessa rupes* rigida persistat in propria sua voluntate, mundanòq; commodo prosequendo, quantumlibet eunq; æternis *Dei* legibus rectaq; *Rationis* adversentur.

Deinde quantum ad truculentum illud ac ferinum Decretum de occidendis *Hæreticis*, eis nempe qui quicquam tenent contra dogmata illius Ecclesiae, quanquam ea ipsa Dogmata expressæ Scripturæ planè repugnant; Quàm contraria *Antichristiano* huic ac *Diabolico* spiritui est *Anglicana* nostræ Ecclesiae Doctrina, quæ quemadmodum suprà notavi, declarat, *Nullam Ecclesiam Autoritatem habere decernendi quicquam quod sacræ Scripturæ adversetur, aut exigendi à quoquam ut credatur tanquam Articulus ad salutem necessarius*, ut videre licet in libro Articulorum. Anic. 20.

Nec ullam justam possunt pro detestanda hac crudelitate ex legibus Capitalibus hujus Regni adversùs Sacerdotes Pontificios ac Jesuitas *Apologiam* contexere. Quàm immane enim hîc discrimen est quum hi ut perduelles adversùs legitimum suum Principem capite plectuntur, illi verò (quos *Hæreticos* vocant) quia nolunt perduelles esse adversùs Deum Dominumq; *Jesum Christum*? nam quilibet *Idololatra* talis est, nec potest quisquam se *Romane* Ecclesiae submittere, quin eo ipso necesse sit ut se submittat *Idololatria*.

12. Equidem dum confidero quàm probus fidelisq; spiritus in libro *Homiliarum* aliisq; scriptis Ecclesiae nostræ passim spiret, quàmq; exquisitè perfectèque, per prudentem rerum administrationem & sanum solidumq; iudicium inclytorum nostrorum *Reformatorum*, ab omni illa Impostura ac Impietate liberati simus quæ propriè dici potest *Antichristiana*, quomodòq; hujusmodi homines, qui mente integrâ erant ac sincerâ, sanisq; in Fide iudicii, per supremam Potestatem ad imperium evecti essent tum in Ecclesia tum in Republica, non possum profectò me abstinere quin declararem me non omninò dubitare quin *Anglicana* Ecclesiae *Reformatio*, in eam conditionem quam breviter repræsentavi, una eminens esset *speciminalis Impletio vaticiniî de Resurrectione duorum Testium*, deq; voce illa de cælo (hoc est, à suprema Potestate) dicente eis, *Ascendite huc*. Nam singuli Prophetiæ apices exactè ad eventum possunt applicari, prout quivis deprehendere potest, cui libeat facere periculum. Ut præteream, tam illustrem Providentiam quàm est *Protestantium Reformatio*, nusquam per ullam visionem *Apocalypticam* prædictam esse, si non per visionem hanc. Nullæ enim ex *Phialis* intra *Tubam sextam* sunt, sicut *Testium Visio* est, sed intra septimam universæ, quemadmodum suprà satis manifestò probavimus. Nec illæ sanè *primam Reformationem* satis exprimunt in præcipuis suis Circumstantiis, nec ulla alia visio præterquam hæc de *Resurrectione Testium*.

Nec quicquam sanè scio quod effecturum sit ut quisquam super hac re hæsitet, nisi fortè sit quòd *Testes* dicantur *post tres Dies & dimidium* resurgere, hoc est, *post tria tempora & dimidium*, cùm *Reformatio* contigerit *intra* hæc Tempora, nempe *intra postremum semi-tempus*. Cæterum nulla Observatio magis trita esse potest quàm hæc; Designationem scilicet Temporis in multas partes divisi, nisi subindicatio aliqua ad alterutrum sensum determinet, significare posse spacium Temporis aut *plene jam finiti*, aut *finientis solummodo* in parte sua ultima. Ut si quis dicat, *Post triduum mortis resurrexit Christus*, nemo potest illud intelligere de Christo mortuo per *integrum Triduum*, vel *tres dies integros*. Atq; pari modo, *Aliquot post menses*, æquè commode exponi potest *intra* aliquot menses *post*, atq; *post* aliquot menses *in plenum* finitos. Et *Septuaginta* Interpretes expressè reddunt illud in *Genesi*, *כמשלש ימים ולא* *responso*, cùm genuinus sensus sit *intra tres menses*, vel *tribus* Cap. 38. 24. *ferè* mensibus *post*, ut *Castellio* vertit, vel cùm tertius mensis *ageretur*, ut habet expositio marginalis apud *Vatablum*. Unde manifestum est quòd *ulà* non necessariò ibi innuit Tempus *plene* elapsum, sed ultimam illius partem tunc elabi. Atq; sic oportet

oportet esse in hoc *Vaticinio*, cum *Reformatio* contigerit in *semi-tempore* live *semi-die* ultimo. Adeo de facili amovetur hic scrupulus. Ac proinde applicatio ita ad amissum eventui congruit, ut nullus dubitem quin hæc visio illius prædictio fuerit. Quod igitur debet *Reformationem* nostram eo magis sacram reddere, eamq; hominibus *Reverentiam* incutere, ut nec violenter aperteq; illam adoriri audent, nec occultius obliquiusve corrumpere clam ingerendo merces mucidas & ejectitias, quas pii nostri prudentesq; *Reformatores* reprobârunt jam olim longeq; ablegârunt.

13. Cæterum hæc *Mantissa* injecta est suprà quàm ex pacto debebatur. Pensum antè absolveram, quod utiq; erat ut probarem (& clarè id, ni fallor, & luculentè feci) Quod divinitus inspirata Prudentia ac Judicium Serenissimorum, Reverendissimorum maximeq; Heroicorum *Reformatorum* Ecclesiæ nostræ *Anglicanæ*, eam ab omni *Doctrina* professaq; Praxi, quæ rectè proprièq; *Antichristiana* censi possit, penitus repurgaverit emundaveritque, quodq; nihil teneat nec injungat quicquam, quod verè *Catholicæ* & *Apostolicæ* Fidei adversatur. Quæ justa ac tempestiva illius vindicatio cum libera nostra fideliqu; veræ Naturæ ac *Ideæ Antichristianismi* descriptione, talis scilicet qualem sacra Scripturæ *Vaticiniis* prædictam demonstravimus, simul considerata, non potest, uti spero, quin præclaro in æternum ei futurum sit Remedio, tutòq; Alexipharmaco contra duos istos invisos funestòsq; morbos Ecclesiæ, *Papismum* & *Schisma*. Quem felicem laborum nostrorum fructum pro infinita sua misericordia nobis largiatur Deus propter sola merita Domini *Jesu*. Amen.

FINIS.

EXPOSITIO

EXPOSITIO PROPHETICA

SEPTEM EPISTOLARUM

AD

SEPTEM ECCLESIAS

ASIATICAS

Missarum, ab Eo

QUI EST & QUI ERAT & QUI VENTURUS EST.

Per *Henricum Morum* Cantabrigiensem.

Cantic. cap. 2. v. 4.

*Quæ est ista quæ emergit ut Aurora, Lunâ pulchrior, splendentior Sole, & terribilis
ut Exercitus cum vexillis ?*

Ezechiel. cap. 43. v. 10.

*Tu, fili hominis, ostende Domui Israel domum istam, & erubescant propter Iniqui-
tates suas, & metiantur exemplar.*

LONDINI,

Typis *J. Macock*, Impensis *Johan. Martyn* sub Signo Campanæ, & *Gualteri
Kettilby* sub Signo Capitis Episcopi in Divi Pauli Cœmeterio.

MDC LXXIV.

EXPOSITIO PROPHETICA SEPTEM EPISTOLARUM AD SEPTEM ECCLESIAS ASIATICAS MISSARUM.

CAP. I.

Ad Mysticam sive Propheticam septem Epistolarum ad septem Ecclesias Asiaticas missarum Interpretationem Præparatio.

I.



Onemus primum, Quemadmodum duo illa subsequencia Vaticinia, *septem* scilicet *Sigillorum*, *Libriq; aperti*, à principio Ecclesiæ usq; ad ejus finem pertingunt: ita hoc *septem Ecclesiarum* ab initio Ecclesiæ ad mundi usq; finem pariter pertingere. Quod quidem consentaneum videtur tum ex Natura ipsius Visionis, tum ex subsequentibus Exemplis Vaticiniorum *septem Sigillorum Libriq; aperti*.

Ponemus deinde, Quemadmodum manifestum est, quatuor è septem Ecclesiis Nomina statum aliquem conditionemve in qua sint constitutæ, *Smyrna* scilicet, *Pergamus*, *Philadelpia* & *Laodicea*, distinctè significare: ita oppidò quàm credibile esse *trium reliquarum* nomina ad aliquod quo illorum Natura ac Conditio illustretur itidem alludere, nempe *Ephesi*, *Thyatira* atq; *Sardis*; sicut expressius in hujus nostræ Expositionis progressu notabimus.

Denique, Quod æquè commodè, si non commodiùs; primo loco notari poterat; Sensus hic septem Ecclesiarum *Mysticus*, quem nunc reddituri sumus, cum sensu earundem *Literali* non omnino digladiatur, neq; ullam utilem earum Applicabilitatem ad opportunas laudes vel vituperationes quarumlibet Ecclesiarum particularium, in quovis Ecclesiæ Christianæ seculo, quæ ob res consimiles aut obnoxie sint aut commendabiles, excludit. Verùm distincta Dei Providentia fidelisq; ejus rebus Ecclesiæ suæ invigilatio *Mysticâ* hæc interpretandi ratione meliùs quàm aut *Literali* aut *Morali* illustrari potest atq; explicari.

2. Dividemus igitur totam Ecclesiæ Christi durationem (præsertim quatenus intra *Romani* Imperii limites sita est, quod & alia *Apocalypseo* Vaticinia præcipuè videntur respicere) in *septem Intervalla*, primumq; supponemus Intervallum finiri ubi secundum inceperit, nempe in anno decimo *Neronis*, Annove Christi sexagesimo tertio.

3. Quæ igitur Ecclesiæ *Ephesina* periodus cum tam maturè exiverit, etiam triginta antè annos ferè, quàm *Johannes* scriberet Apocalypsin, egregiè profectò convenit cum loco illo cap. 1. v. 18, 19. ubi postquam Christus se *primum & ultimum* declaraverit (quemadmodum & antea eodem Capite vocatur *qui est & qui fuit & qui venturus est*) Mortisq; suæ ac Resurrectionis mentionem fecerit, quodq; victurus sit ad finem usq; mundi ad res Ecclesiæ suæ administrandas; statim subdit, *Scribe igitur quæ vidisti, & quæ sunt, & quæ sunt posthac futura*, (quod is expressè atq; immediatè *mysterium* appellat, *septem stellarum septemq; aurearum candelabrorum* ver. 20., quæ res est notatu dignissima) hoc est, Scribe quæ jam vidisti, vitæ tæ præteritæ temporibus, nempe Ecclesiæ *Ephesina* statum; Et quæ sunt, statum utiq; Ecclesiæ *Smyrnenæ* in quo & ipse constitutus es, illiusq; degustas *amaritudinem* in hoc tuq; in *Patmon* Insulam exilio; (Decem enim persecutiones jam tunc inceperant, secundaq; *Johannem* opprimebat) Et quæ sunt *posthac futura*, nempe ad mundi usq; finem, in Residuo Periodi Ecclesiæ *Smyrnenæ* & in Periodis reliquarum è septem Ecclesiis succedentium. Atq; proculdubio *albi Equi Sessoris Visio* id quod tunc præteritum erat respicit, nempe primam Christi militiam post devictam mortem & glorificati corporis conscensionem; qui subsidiarias postea copias Apostolis Discipulisq; ex alto demisit, adjuvitq; adeo, illustrèq; illud bellum primis Apostolicis temporibus inceptum tam feliciter ac gloriosè administravit, ut infinita hominum multitudo sub potestatem obedientiamq; Evangelii etiam intra *Ephesina* Periodi spacium redigerentur.

Apoc. 6. 1.

4. Unde nullus scrupulus subesse potest quin *Ephesina* Ecclesia statum Ecclesiæ præteritum repræsentare possit, nisi ob id solum quod nimis absconum videatur, Epistolam mittere ad Ecclesiam quæ tunc esse desivisset. Hoc verò argumentum nullam vim apud eos habere potest qui septem Ecclesias septem successivas Ecclesiæ conditiones ad mundi usq; finem significare autumant. Fac enim exitum *Ephesina* Ecclesiæ ultra *Johannis* tempora, putà ad annum Christi ferè centesimum, se extendere, reliquæ tamen Epistolæ scriptæ erunt ad Ecclesias nondum existentes, quasdamq; earum ante centenos, immò verò ante millenos aliquot annos non extituras. Quod tamen isti absurdum existimare non debent.

5. Brevissima igitur hujus rei ratio hæc est; Spiritum Dei in hac septem Ecclesiarum Visione duo præcipua sibi simul proponere videri. Unum summâ quâ potest efficacità, animare & urgere Ecclesiam ad bene agendum, ad adherendum veritati ac sanctitati per omnes præsentis vitæ calamitates ac pericula, eòq; pariter detertere ab omni genere peccati, cuicunq; sit, ac improbitatis, sive à Fide Apostasia sit, sive Idololatria, sive carnalium voluptatum nimia indulgentia, morumve ac bonæ disciplinæ qualiscunq; relaxatio. Cui Instituto Epistolaris hæc ratio admodum accommodata est, ut quæ formam præ se fert personalis cujusdam cum hominibus colloquii, eòq; fortius animadversionem eorum excitat, facitq; quodammodo vel invitos ad ea quæ dicuntur attendere. Alterum Institutum, idq; ità comparatum ut priorem commoditatem minimè amittat, Ecclesiam est de Dei Providentia ejusq; prospicientia erudire ac docere, ostenderèq; quomodo res omnes nudæ apertæq; ante illius conspectum jaceant, tali ordine ac successione, qua definitis temporibus sint eventura.

In *Literali* sensu harum Epistolarum ad septem Ecclesias, prius illud Institutum planè intenditur & obtinetur, intelligendo eas ad septem Ecclesias in *Asia* tunc existentes missas; Et magna profectò ex parte in sensu *Morali*. Hæ Epistolæ, inquam, cum tam faciliè applicari ad quamlibet Ecclesiæ Catholicæ cujusvis sæculi partem in eisdem aut consimilibus conditionis circumstantiis cum his Ecclesiis *Asiaticis* sitam, Epistolaris hæc ratio insignem habitura est efficaciam ac influentiam in eis animandis reprehendendive.

6. Cæterum, hæc magna illa est quæ hîc oritur difficultas, Cur Institutum *Propheticum* quod in *Mystica* Interpretatione nobis se prodit, huic Epistolari rationi intexi debuerit, præsertim cum Epistola ad Ecclesiam in *Epheso* scripta sit postquam *Ephesina* Periodus exivisset. Ad quod respondeo, Hoc *Propheticum* utiq; institutum sensumq; hunc *Mysticum* non *Ephesina* Ecclesiæ sed futuris sæculis esse destinatum. Eamq; propterea ob id solum reliquis accenseri ut totius successionis Ecclesiæ Integralitas per singulos suos status distinctos à principio ad finem usq; ultimum indè constituitur. Rationem verò hanc Epistolarem in *Mystico* hoc sensu etiamnum retineri ob eundem usum quem in *Literali* habuit ad septem Ecclesias reverà tunc in *Asia* existentes. Nam statim atq; quælibet harum Epistolarum ex hoc *Mystico* sensu intelligitur ad quamlibet succedentem Ecclesiæ partem dirigi, ut nunc exempli causâ (quem-

(quemadmodum mox patebit) Epistola ad Ecclesiam *sardensem* dirigi intelligitur ad Protestantium Ecclesias, sive ad Orbem Christianum reformatum, hæc particularis Ecclesiæ successio æquè tangi ac commoveri eâ debet atq; particularis illa *sardensis* Ecclesia in *Asia minori* eadem olim commovebatur. Atq; hic scopus Spiritûs sancti semel intellectus similem usum habebit in *Philadelphensi* præsertim Ecclesia, sed & in Ecclesia *Laodicensi*.

Quamobrem objectiones admodum tenues forent ac infirmæ, utilitate hujus rationis Epistolaris rectè pensatâ, etiamsi nullus alius harum septem Epistolarum ad septem Ecclesias sensus esset præter *Mysticum*. Quemadmodum enim in integra *Visione*, cujus initium aliquod præteritum præsensve respicit, tota tamen visio *Prophetiæ* titulo insignitur, quanquam illa pars quæ res præteritas respicit, non est nisi *Historica* repræsentatio: ita in integra hac visione *Epistolari*, quamvis prima etiam pars *Epistolari* sit, non est tamen nisi repræsentatio *Historica*, tempora exhibens personarumq; præteritas, (perinde ac si præsentibus essent eisque scribi posset) idq; uniformitatis gratiâ in forma *Epistolari*, veluti id quod in *Historia præterita* est, repræsentatur aliquando sub forma Visionis *Propheticæ*, quemadmodum fit in *Sessore equi albi*, quod primum est in visione sigillorum, quamvis illius sit repræsentatio quod partim præteritum partim præsens tunc erat. Quod verò futurum est, Objectum proprium est omnis Visionis *Propheticæ*.

Nunc verò præter hæc omnia, cum, quod ad sensum *Literalem* attinet, Ecclesia *Epheesi* tunc esset quando illa Epistola ad eam scripta est, cumq; cuilibet Ecclesiæ, juxta sensum *Moralem*, (quâcunq; Orbis Christiani parte & quâcunq; ætate) quæ mores imitetur *Epheesos*, applicari possit, hæc difficultas, meo quidem judicio, planè evanuit in minorem ipso nihilo nullitatem. Ac proinde minimè morando hanc Objectionem, *Epheesia* successionis terminum in decimo Regni *Neronis* Annôq; Christi sexagesimo tertio collocare non dubitabimus.

Usq; ad id temporis repræsentetur Christi Ecclesia sub Titulo *Epheesia*. Ab eo tempore usq; ad trecentos & paulò plures post Christum annos, sub nomine *Smyrnææ*. Indè ad finem circiter persecutionis *Albigensium* & *Waldensium* Ecclesia esto *Pergami* habitans. Ex illo tempore usq; dum Nationes integræ à Papa defecerint, *Thyatirensis* nomen eadem Ecclesia obtineat. Ab eo verò tempore quo *Protestantismus* Nationum Religio facta sit, usq; ad Phialam ultimam, *sardensis* Titulum hæc Ecclesia gerat. Deinceps verò ad quartum usq; * Tonitruum *Philadelphensis* nomine gaudeat. A quarto deniq; Tonitruo, donec Christus visibiliter in nubibus cœli ad judicium redierit, appelletur Ecclesia *Laodicensis*. Hæc sunt illa septem Intervalla, quæ quàm aptè Titulis horum distinctorum Ecclesiæ statuum succedentium rebûsq; quæ de ipsis in hac narrantur Visione, convenient, mox conabimur explicare.

* Vide Dialog.
Divin. Dial.
9. sect. 38.

CAP. II.

Ex primo Apocalypseo Capite, unde sensus hic Visionis septem Ecclesiarum Propheticus clariùs confirmetur, ulterior Præparatio.

I. Intereâ verò loci ad majorem Confirmationem sensûs hujus *Prophetici* sive *Mystici*, plura primùm instituemus in primum Caput *Apocalypseo* Adnotamenta, ubi unicam hanc eamq; satîs modestam supponemus Hypothesin; Spiritum scilicet Dei nihil uspiam Immethodicè frustrâve ponere, aut saltem nihil *Immethodici* frustrâ. Quamobrem in ipsum primum Versiculum, qui totius libri Titulum gerit, *Revelatio Jesu Christi quam dedit ei Deus ut scribis suis ostenderet quæ brevi futura sunt*, h. e. quæ futura sunt alia brevi, alia tempore procedente, uti omnes consentiunt Interpretes; non possum quin hoc adnotem, Quod Spiritus utiq; Dei, modo Titulum, quod aiunt, respicere velit, (quod proculdubio facturus est) nullas integras descripturus sit Visiones, cujusmodi hæc *septem Ecclesiarum* est, quin *summa* argumenti futura sit de rebus venturis, non de simpliciter *presentibus* & minimè absconditis, sed ante hominum oculos expositis, quemadmodum erat eo tempore harum Ecclesiarum status quarum hic facta est mentio. Ac proinde majus aliquod per

Apoc. 1. 1.

ipsas significari oportet quàm quod sensu *Literali* contineatur; qui non est de rebus futuris, prout *Titulus* requirit, sed de *presentibus* solummodo; aut de promissionibus quibusdam & comminationibus, quæ *Prophetica* prædictionis naturam propriè non constituunt, non certè magis quàm *Lex Mosi* *Prophetia* constituitur ob promissa ac comminationes annexas.

Vers. 3.

2. *Beatus qui legit, quique Prophetie dicta audiunt, tempus enim instat.* Hoc iterum planè innuit, librum hunc totum (integras illius intelligo Visiones) librum esse *Vaticiniorum*; qualem, quod paulò antè monui, promissa solummodo & comminationes eum facere non possunt, non magis quàm *Leges Mosaicæ* quibus adjunctæ sunt. Et, tametsi distincti *Septem Ecclesiarum* status distinctis particularium Ecclesiarum subsequentium seculorum in orbe Christiano statibus applicari possint, id tamen sensu hoc *Literali* per modum *Prædictionis* fieri non potest; sed tantum per modum *Exempli* virtutis atque vitii, piarumque atque impiarum Actionum quæ repetitis vicibus in omni Historia occurrunt. Unde hæ Epistolæ ad *Septem Ecclesias* si nihil in se contineant amplius, *Prophetia* existimari non debent, ac proinde heterogeneæ sunt, & à scope *Titulorum*; hujus Libri alienæ.

Vers. 4.

3. Veruntamen cum *Johannes*, postquam tam expressim *Prophetiarum librum* appellaverit, statim *Septem Ecclesias* in *Asia* ad hunc modum salutet, *Gratia vobis ac pax ab eo qui est & qui erat & qui venturus est*, equidem hoc mihi ejusmodi videtur, quod vi ferè cogere quempiam possit ad credendam Visionem hanc *Septem Ecclesiarum*, quam is ad eò immediatè aggreditur, *Vaticinium* esse, juxta *Titulum* in antecedente versu proximè memoratum. Ut taceam ipsam descriptionem Personæ cujus nomine eas salutatur, *Qui est & qui erat & qui venturus est*, oppidò quàm naturaliter innuere, extractari quæ ab initio Ecclesiæ ad extrema usque illius secula pertingunt. Quibus rebus amplius insistit versu septimo (postquam de Christi persona egerit) *Ecce venit cum nubibus*, (hoc ad ultimam *Laodicæ* periodum se extendit quando Deus judicaturus est populum) *eumque cernet omnis oculus & qui eum transfixerunt, deique eo plangent omnes terrarum Nationes*, (Terra enim tunc conflagratura est cum suis operibus) *Etiam, Amen.* Hoc certò eventurum est circa *Tonitruum septimum* (in cavo illo ac tenebroso gurgustio ubi sletus futurus est ac ploratus stridorque dentium) quicquid contra imaginaturi sunt aut oggannituri *filiis Infidelitatis*. Quamobrem mens scopulique spiritus *Prophetia* videtur hic longius proferri, etiam ad ultima usque mundi secula.

Vers. 5.

4. Quemadmodum porro declarat versu proximo, *Ego sum Alpha & Omega, principium & finis, inquit dominus, qui est & qui erat & qui venturus est, Omnipotens*; Illa scilicet Sapiencia ac Potestas quæ ab extremo ad extremum potenter pertingit, ordinatque omnia suaviter: Hoc, mihi certè, luculentè significare videtur visionem *Septem Ecclesiarum*, perinde atque *Septem Sigillorum* visionem, *Librique aperti*, à principio Ecclesiæ ad finem usque mundi se extendere. Quæ consideratio tam crebrò nobis inculcatur proculdubio, ut id de nihilo esse minimè censendum sit, sed ut index sit infallibilis, altiore aliquem *Septem Ecclesiis* subesse sensum, quàm primo aspectu eis subesse putemus. Summa enim Visionis, antequam ad particulares Ecclesias descendat, ab hoc incipit & cum eodem desinit, v. 11. & 18. *Ego sum primus & ultimus, & claves habeo mortis & Inferni.* Quod proculdubio ultimæ sententiæ executionem respicit sub septimo *Tonitruo*.

Vers. 10.

5. Ceterum egregium illud interim notandum est quod occurrit versu decimo, *Factus sum in spiritu Dei dominico, & audiivi post me magnam quasi Tubæ vocem.* Introitus hic pompaticus cum clangore Tubæ in hanc *Septem Ecclesiarum* visionem, & gloriosus Aspectus filii hominis in medio *Septem aureorum candelabrorum cum Septem stellis in dextra sua* ambulantis, tam propè accedit ad splendidum illud visionis *Septem Sigillorum* Præludium, ut nemo sagacioris ingenii facere possit quin utraque Visiones ejusdem comprehensionis ac momenti esse suspicetur, nec ad tam angustos usus restringi ut ad *Septem Ecclesias Asiaticas* solummodo pertineant. Nam in ipso initio utrarumque Visionum aspectus Christi gloriosus in medio Ecclesiæ occurrit, in priori stantis aut ambulantis in medio *Septem aureorum Candelabrorum*; in posteriori sedentis in medio *quatuor Animalium & viginti quatuor Seniorum*. Atque ambo hæ Præludia ad futuras Visiones cum *Tubæ clangore* introducuntur. Quamobrem cum pompa utrobique æqualis sit, verisimile omnino est, pondus utriusque visionis & comprehensionem esse æqualem. Neque sanè hic objici potest, pompam ante visionem *Septem Ecclesiarum* pro *Frontispicio* toti libro vaticiniorum destinatum esse, quippe quod *Frontispicium* æquè saltem splendidum iterum erigitur ante *Septem Sigillorum* visionem. Unde planè constat, prius illud ex toto destinatum esse visionibus

nibus *septem Ecclesiarum*, ac proinde magnum aliquod summique momenti *Mysterium* inibi latitans portendi, talisque quod præsens septem istarum particularium Ecclesiarum in *Asia* status attingere non potuerit, nedum exhaustire. Sed pergitur.

6. Dicentis, *Ego sum Alpha & Omega, primus & ultimus. Tu quæ cernis scribe in librum & mitte Ecclesiis quæ sunt in Asia.* Hic rursus immediatè ante Epistolarum missionem ad septem Ecclesias in *Asia*, illos suos Titulos exponit qui minimè omnium cum exigua istarum particularium Ecclesiarum duratione conveniunt. Sancta verò Ecclesia Catholica ab initio ad finem usque mundi perdurat. In quam igitur nullus dubito quin spiritus Prophetiæ suos oculos eo tempore conjecerit, mysticèq; per septem Ecclesias in *Asia* sanctam Catholicam Ecclesiam in septem succedentia Intervalla divisam, juxta Petri Galatini opinionem, intellexerit. Etenim si rationes rectè supputare velimus (nisi magnum aliquod subfit *Mysterium*) cur ad septem tantum Ecclesias *Asiaticas* scribendum esset, cum aliæ essent, multæ sanè aliæ aut hîc aut saltem in aliis Imperii partibus, quas verisimile sit propter ejusmodi vitia & virtutes rerumq; durarum perpeffiones quæ in his notantur, æquè notas fuisse.

7. Respondebis forsitan, *Asiam minorem* S. *Johannis* fuisse specialem quasi *Dioecesein*. Verum qui sic respondent, obliti videntur *Johannem* omnino passivè se habuisse in hisce *Visionibus*, nec aliter scripsisse quàm ut à Spiritu sancto movebatur, qui personarum non est acceptor. Ut mittam alias certè fuisse in *Asia* Ecclesias præter has septem. Cur igitur septem omnino? Cûrve hæ præter cæteras? *Septem* verò *universalitatem* significare in stylo Prophetico tritum est atq; obvium. Quapropter septem Ecclesiis in *Asia* idem est atq; *universis* in *Asia* Ecclesiis. Veruntamen res mira est omnes in *Asia* minori Ecclesias tam studiosè à Spiritu sancto salutari, reliquasq; interim per orbem Christianum Ecclesias insalutaras prorsus præteriri. Tanquam si hîc ageretur juxta vulgatum Proverbium, *Oscula per favorem dispensari*; cum tamen expressè dictum sit in Scripturis Deum non esse personarum acceptorem, quemadmodum paulò antè monui.

8. Cæterum urgebis porro, non esse possibile ut quicquam amplius hinc efficiamus quàm omnes in *Asia* Ecclesias hîc intelligi, nisi nomen *Asia* in Appellativum converteretur. Quæ consideratio obicem omnibus conatibus positura est hanc visionem *Mysticè* interpretandi, aded ut necessariò acquiescendum sit in sensu *Literali*. Verum *Hugo Grotius*, qui omnes Ecclesias ex ratione Nominum *Mysticè* etiam interpretatur, nullam tamen allusivam notavit significationem in voce *Asia*. Aded ut secundum eruditi hujus viri sententiam illius Argumenti sequela non sit ita firma.

At verò præter hæc, quanquam verborum lusibus, suprâ quàm opus sit, haud oblectari soleo, difficile tamen fore non credo, allusivam in nomine *Asia* significationem invenire destinato sensui *Mystico* satis appositam. Etenim *אשר* & *אש* (quorum prius *Fundamentum* significat, posterius *Actionem* vel effectum) quantum ad sonum *Paronomasticum*, tam propè ad vocem *Asia* accedunt ut Auris vel maxime *Critica* ac delicata nihil propinquius in hujusmodi causis possit requirere. Et quantum ad sensum utriusque, is ad præsens propositum admodum certè accommodatus est. Sic enim Inscriptio hæc, *septem Ecclesiis in Asia*, aut significabit, *universis* Ecclesiis in *Fundamento*, hoc est, quæ *Apostolicum* in rebus Doctrinæ ac Professionis *Fundamentum* observant, aut, *universis* Ecclesiis in *Actione*, hoc est, Epistolas has ad eas scriptas esse in destinata censuram *Actionum* ipsarum. Et expressum habetur apud *Dialecticos* de *Topico* Effectuum & *Actionum*; *Hujus loci sunt Laudes & vituperationes*, in quibus hæ Epistolæ omnino versantur. Et *novi opera tua*, cujusque est Epistolæ exordium. Præterea ad nullos missæ sunt præter eos, qui Christianæ Fidei *Fundamentalia* profitentur, nec quicquam quod eis repugnet intermiscet; quemadmodum in Interpretatione nostra appariturum est. Nec mirum est omnino S. *Johannem* quanquam *Græcè* scribit, ad vocabula *Hebraica*, cum ipse *Judeus* sit, aliquando allusiones facere, neq; id certè caret exemplo. *Siracides* enim planissimè eo in loco *Græci* textus, *Σοφία γὰρ καὶ ὁνομα αὐτῆς ἱστίον*, ad vocem *Hebraicam* *חָכְמָה* abseondere, ac si *σοφία* idem esset quod *חָכְמָה*, videtur alludere.

9. Verbales hæ Allusiones in stylo *Prophético* tam frequentes sunt ut nihil opus sit illud porro monere. Nec est, opinor, probabile Spiritum Dei in hoc libro vaticiniorum, ubi omnia tam augustum habent ambitum ac Majestatem, septem solas particulares Ecclesias ex universis orbis terrarum Ecclesiis idq; circumstantiis tam pompaticis salutare voluisse; & postquam tam magnificè vaticiniorum librum exorsus esset eumq; eo *Titulo* tam expressè insignivisset, statim postea, tanquam oblitus quid esset acturus, prolixam introducere visionem, septem partibus consistentem, in quibus nihil omnino sit *Propheticum*, sed, *Reprehensiones* tantum ac *Laudes*, *Cominationes*

Pet. Ram. lib.
1. cap. 9.

Ecclef. 6. 12.

minationes ac Promissa paucis particularibus Ecclesiis facta. Hoc sane secundum stabilem ordinem methodumque Divinae sapientiae non fieret, praesertim in hoc libro, quo nihil unquam accuratius scriptum extitit, nec in posterum unquam est extitutum.

Ver. 16.

10. *Et habebat in dextra sua stellas septem.* Equidem mihi admodum durum videtur, imaginari septem has Stellas septem esse tantum Episcopos septem quarumlibet particularium Ecclesiarum in *Asia*, tanquam si reliqui non sustentarentur nec gubernarentur manu Christi, essentve solummodo septem in manu *dextra*, reliqui vero omnes in *sinistra*. Repraesentationes huiusmodi tam sublimes Ecclesiis septem particularibus quibuscunque appropriari non possunt. *Septem* vero, *universas*, quantum ad coexistentiam pariter ac successionem ad mundi usque finem, significare oportet. Qui sensus dignus est quidem *Libro* tam *excelso* quam est hic *Apocalypticus*, mentique reliquorum septenariorum qui in libro hoc *Prophético* occurrunt, consentaneus; quippe qui *integram* significant successionem rerum aliquarum septenarum ad quas repraesentandas introducuntur.

Ver. 20.

11. *Septem Stelle Angeli septem Ecclesiarum sunt, & septem Candelabra quae vidisti septem sunt Ecclesiae.* Quanquam secundum sensum *Literalem* septem haec Ecclesiae septemque Angeli septem istis particularibus *Asiae* Ecclesiis supra memoratis facile applicantur; facere tamen non possum quin ex eo quod eas hic septem *Asiae* Ecclesias non appellaverit, sed septem Ecclesias in genere, invitationem esse censeam ad investigandum sensum aliquem ampliore *Propheticum*, qualem nos quaerimus; uti etiam ex eo quod dicat *Angelos* septem Ecclesiarum in genere nec nominatim Ecclesias recenseat; sed praecipue ex eo quod loco *Episcoporum* aut *Pastorum* *Angelos* appellet. Etenim cum in stylo *Prophético* huic libro proprio, qui omnia Angelorum Ministeriis ascribit, tam constanter perseveret, argumento est septem Epistolas ad Angelos Ecclesiarum scriptas *Propheticum* suum perinde sensum habere atque *Literalem*, vel potius hunc ipsum sensum maxime omnium intendi.

12. Omnes haec Indicationes ex primo hoc capite ad fidem faciendam quod septem *Asiae* Ecclesiarum sensus quidem *Propheticus* etiam sit, apud me, simul sumptae, eam vim obtinent, ut tametsi ipse ejusmodi sensum continuum *Mysticum* sive *Propheticum*, qui perpetuo facilis ac naturalis foret, producere non possem, non possem tamen quin suspicarer aliquem huiusmodi subesse sensum, quamvis supra vires meas esset eundem assequi. Quod si Divina gratia adjutus ejusmodi sensum erui qui & cohaerens sit & apprime utilis, & ex styli *Prophético* analogia satis affabre concinnatus, spero hanc *Preparationem* fidem Lectori vel invito extorturam. Qualis vero sit, ipsius oculis statim jam subjiciam.

CAP. III.

Interpretatio Epistolae ad Ecclesiam Ephesinam.

1. **E**X praecedentis Capitis versu ultimo significatum est, omisam septem Ecclesiarum Appropriationem, nominatim *Asiae*, bellam nobis esse invitationem ad suspicandum ampliore aliquem laxiorémque sensum subesse huic *septem Ecclesiarum* visioni. Et certe Relaxatio haec liberior est in *Græco* exemplari quam in *Tralatione Anglicana*, aliisque id genus *Tralationibus*. Textus enim originalis sic se habet, *ἡ αἱ ἐν τῇ λυχνίᾳ αἱ ἑπτὰ ἐστὶν ἐκκλησίαι αὐτῶν*, *Et septem Candelabra quae vidisti septem Ecclesiae sunt*, non *αἱ ἐν τῇ ἐκκλησίᾳ*, septem *illa* Ecclesiae; Quas sensu *Literali* cuius in proclivi esset existimare alias non esse quam istas in *Asia minori* sitas. Haec vero Ecclesiarum Divisio in septem sensu *mystico*, distributio potius est ex *adjunctis* quam è *subjectis*, dum tota Ecclesia Catholica per integram suam successionem à principio usque ad finem, pro septemplici morum suorum ac conditionum insigniori diversitate in septem Intervalla diducitur. Sic enim dicimus Ecclesiam *primitivam*, Ecclesiam *apostaticam*, Ecclesiam *reformatam*, &c. denotando non quidem locum, sed tempus earum ac qualitatem; Quas styli *Prophético* *Genius*, si ipsi ex usu esset eas exprimere, tanquam totidem Ecclesias locis distinctis sitas exhiberet.

2. Verum praeter haec, porro notandum est, omissionem septem has Ecclesias appropriandi *Asiae*, Interpretem *Mysticum* à ratione reddenda illius nominis, cum in

Interpre-

Interpretatione septem aureorum Candelaborum omissum sit, opportune liberare. Quod observatu dignum censeo ut omnis cavillandi pretextus iis præcludatur quibus *Greci* nominis, ab *Hebraica* Allusione reddita, ratio minus fortean sit satisfactura. Quanquam ipsorum cavillationem, eis qui majori pollent iudicio, existimatum iri spero omni omnino ratione carere.

3. Nec deniq; quodd ad septem *nominatim* Ecclesias in his ad ipsas scriptis Epistolis Spiritus Prophetiæ rursus redeat, determinanda propterea visio est præcisè & adequatè ad septem istas Ecclesias *Asiaticas*, *Topicè* intellectas; quandoquidem omnium harum Ecclesiarum nomina saltè per facilem *Allusionem*, significationem habent *Appellativam*, qualitatemq; earum ac conditionem *Mythicè* intellectarum manifestò denotant, quemadmodum in progressu *Expositionis* videbimus.

4. Primum igitur de Ecclesia *Ephesina* quam Christus ad hunc modum salutatur: *Ephesina Ecclesia Angelo sic scribito; Hæc dicit qui septem stellas suâ dextrâ tenet, qui in medio septem aureorum candelaborum ambulat.* Per *Angelos*, secundum stylum *Apocalypiticum*, omnes eos qui sub eorum Præfectura agunt quovis modo aut negotiantur, representari vel insinuari, suprà jam notavimus. Estq; aded frequens in *Apocalypsi* atq; obvium, ut nemini qui illo in libro versatus sit, ullo modo dubium esse possit. Quamobrem Christus scribendo hic Angelo Ecclesiæ *Ephesinae*, *mystico* hoc sensu, omnibus Episcopis, Pastoribus & Christianis in primo hoc Apostolico Ecclesiæ Intervallò scribere intelligitur.

Quodd verò particulatim in hac ad hanc Ecclesiam Epistola, (sensu putà illius *Mystico*) ipsis se commendat sub caractere illius qui septem stellas dextrâ suâ tenet, quiq; in medio septem aureorum candelaborum ambulat, sensus pompâ hæc Prophetica denudatus hic est; Quodd ego scilicet is sum qui omnes meos Episcopos ac Pastores, omnesq; qui Regno meo amplificando allaborant, sustento ab hoc tempore in perpetuum. Quemadmodum in primis Ecclesiæ suæ fundamentis jactendis declaravit; *Itè igitur & docete omnes Gentes eosq; baptizate in nomine Patris, Filii & Spiritus sancti, Docentes eos exequi quæcunq; vobis præcepi.* Et ecce ego vobis adfuturus sum perpetuo usq; ad finem seculi. Is in medio est suæ Ecclesiæ ubicunq; duo trêve in suo nomine sint congregati. Is per medium successionum septem Intervallorum Ecclesiæ, septem utiq; aureorum candelaborum, ad finem usq; mundi perambulat. Hoc autem dicitur ad animos addendos eis qui intra jacturi essent suæ Ecclesiæ, methodicèq; primo in loco ponitur ut quodd generale est & per omnia Ecclesiæ Intervalla ad finem seculi permeat.

Quodd verò *Frontispicium*, quemadmodum suprà appellavi, hujus visionis septem Ecclesiarum, qui gloriosus erat character semper beati Servatoris, *membratim* hic adhibetur ad introitum in partes hujus visionis, sicuti sit quiddem in singulis, (quodd ulteriori argumento est primarium harum Epistolarum sensum *Propheticum* esse, nec tam ad privatas aliquot Ecclesias *Asiaticas* quàm ad Ecclesiam Catholicam pertinere) non possum non notare quàm aptè id *sigillorum visioni* respondeat; Ubi etiam *Frontispicii* partes ad sigillorum quatuor introductionem adhibentur. Quatuor enim *Animalia* unum post aliud (idq; significatione admodum appositâ uti & hîc) in aperiendis primis quatuor Sigillis introducuntur hanc vocem edentia, *Veni & vide.* Quamobrem cum idem sit in utrisq; visionibus artificium, haud inarguta sanè subindicatio est eas esse paris momenti visiones, hoc est, latè admodum & comprehensive *Propheticas*; quemadmodum ex primo capite conatus sum evincere.

5. Quàm verò accommodata sit illa pars characteris beati Servatoris huic Visionis parti quæ ad *Ephesinam* Ecclesiam spectat, jam declaratum est. Allusionis *Paronomastica* aptitudinem in nomine jam considerabimus. Stylum enim Propheticum ejusmodi Allusiones affectare & *Grotius* & *Medus* omnesque, quodd sciam, Interpretes consentiunt. *Grotius* verò particulatim rationem nominum omnium harum Ecclesiarum reddit in Adnotationibus in *Apocalypsin*. Aded ut nihil subesse possit levitatis aut temeritatis si quis hac in re periculum fecerit. In voce *Ephesus* igitur, quantum ego video, duplex esse potest Allusio, & ad *apoc.* & ad *1 p.*. Nam quoad &, cum una ex tribus matribus Lætionis esset, quodd & *E* & *A* in se continebat, planè innuit, sonum *E* & *A* haud ità multum inter se discrepare. Quodd autem sensum vocis *apoc.* attinet, mirificè profectò & peculiariter huic Ecclesiæ accommodatus est, cum primum sit è septem Intervallum, & quasi *apoc.* (vóxq; *apoc.* idem significat) ipsi carcere unde incipit omnium septem Ecclesiarum successionis curriculum, quodd & in mundi finem desinit: Christianorumq; vocatio à *S. Paulo* curriculo comparatur.

Et nè ullus superfit scrupulus de prima hac Allusione, ex eo quodd *Martinus* expresse loquens de his tribus matribus Lætionis *1 p.* primam dicit valere *A*, secundam

Apoc. 2. 1.

Matth. 28. 19, 20.

Apoc. 6.

dam E & I, & tertiam O & U, in scriptis quidem *Hebraicis* non punctatis nihil frequentius est quàm & pro E; ut in אֵשׁ, אֶבֶן, אֶדְוִי, & similibus. Et in lingua Græca, α & ε, & α & ε crebrò, pro dialecti diversitate, inter se mutantur, ità ut difficultatis nihil reliquum esse possit super hac re.

Quod vero alterum attinet vocabulum, ἔρως, quod *Grotius* etiam expressè notavit sibi; elegit, Allusio quidem illa omni omnino labe caret & quantum ad sonum & quantum ad significationem. Magnum enim illum ardorem denotat, fervidumq; desiderium Ecclesiæ in temporibus illis Primitivis & Apostolicis erga res Christi Regniq; illius Amplificationem, eos utiq; sincerè enixeq; sub illius Herois auspiciis albo Equo insidentis, cum arcu sagittisq; in manu dextra, collineasse, & ad anteriora se intendisse, contendisseq; ad scopum, ad palmam ad quam supernè vocati sunt divinitus per Christum Jesum; eos inflammatos fuisse studio profèrendorum finium Imperii Christi in hac vita, & obtinendi postea immarcescibilem illam coronam, & comedendi fructus æternæ vitæ in cœlesti Paradiso Dei. Hæc prima illa fuit hujus Ecclesiæ charitas, hæc ipsorum ἔρως ἡ τῆς ἐκκλησίας, hoc vehemens sincerumq; desiderium, unicuq; scopus omnium Actionum eorum, nempe ut hic Christo servirent, eòq; postea fruerentur in cœlesti suo Regno. Ac proinde ex fervido hoc erga Christum amore, sensuq; propriæ felicitatis, facilè omnes initio difficultates devorabant.

Ver. 2, 3.

7. Quemadmodum notatur in duobus versibus sequentibus, *Novi opera tua, laborem & patientiam, utq; malos ferre nequeas.* Ii enim qui sincerè fervideq; boni sunt, fieri non potest quin Antipathian habeant adversus omne malum, cernantq; eos, qui, ut ut Apostolicè se gesserint, nec tamen intus boni sunt, meros *Hypocritas* esse ac mendaces.

Et eos exploraveris qui se profitentur Apostolos, nec sunt. Fuisse falsos Apostolos, fallaces operarios qui in Christi Apostolos transformabantur Apostolorum temporibus (intra quæ hujus Ecclesiæ Periodus constitit) ipse *Paulus* Apostolus commemorat, 2 Cor. 11. 13. Quod igitur valdè consentaneum est primæ hujus Ecclesiæ Intervallo. Quando enim præ se ferat quisquam à Deo se missum Apostolum esse, si non eà ætate quâ Apostoli reverà ab eo in mundum missi sint?

Et tolerasti patientiaq; uteris, & propter meum nomen laboras indefessus. Quod hic occurrit eundem ferè sensum habet atq; verba quæ in antecedenti versu occurrebant. Verùm hæc repetitio non fit frustra. Hæc enim verba, credo, nempe, ἡ δὲ τὸ ὅπου μὲν νεκροῦνται καὶ ἡ κληρονομία, speciali modo promissum illud versu septimo respiciunt. Qui laborare nolunt non comedent. Is verò qui multum laborat, nec propter inertem quendam languorem culpabilève lassitudinem intercessat, is dignus est qui pane vitæ vescatur. Præterea verò hic labor ac patientia summis hic repetitur circumstantiis, quò meliùs quorundam arguatur in hac *Ephesina* Ecclesia, negligentia ac desidia; quemadmodum fit in versu proximo.

Ver. 4.

8. Sed habeo de te quod exoptulem, quòd charitatem tuam pristinam omisisti. ἔτι τὴν ἀγάπην σου τὴν πρῶτην ἀφῆκας. *Grotius* & *Hammondus* exponunt, Quia de charitate pristina aliquid remisisti, itaq; agnoscunt ἀφῆκας relaxationem significare & remissionem sensu graduum intentioni contrario. Unde alia esse potest ratio allusionis in voce *Ephesus* ad ἀφῆκας, ità ut contradistinguat ab ἔρως; atq; *Ephesina* hæc Ecclesia nomen sic habere possit à charitate prima intensa & ab ejusdem remissione postmodum facta, per duplicem allusionem. Cæterum quemadmodum allusio ad ἔρως perfectior est quàm ad ἀφῆκας, ità proculdubio primum hoc Ecclesiæ intervallum celebratius exitit ob sincerum fervidumq; Christi amorem quàm ob ejusdem remissionem. Quod nonnihil facit ad corroborandum primi hujus Intervalli terminum.

Quòd charitatem tuam pristinam omisisti, hoc est, Quòd tam fervidus spiritu esse desiisti quàm eras initio. Quæ prima charitas cùm secundum Præcepti ipsius Christi mensuram esset, talis proculdubio erat quæ effecerit ut Ecclesia *Ephesina* Christum plus Patre, aut Matre, aut Uxore, aut Liberis réve. alià qualicunq; mundanà, prout ille postulaverat, amaret. Sub finem verò Intervalli hujus primæ successionis Ecclesiæ Amor hic animusq; obfirmatus flaccescebat, nimiumq; multi incipiebant *Gnosticos* agere, quemadmodum appellitant, hac in re, fideiq; abnegationem tempore persecutionis pro re nihili ducere, etiam ii qui profitebantur se ex Ecclesia esse numerosq; habiti sunt Fidelium. Hoc, intra Intervallum *Ephesinae* Ecclesiæ (nostro etiam sensu) contigisse, multæ reprehensiones & exhortationes in Epistolis Apostolorum planè evincunt. Vide clarissimi *Hammondi* notas in hanc ipsam Ecclesiam, quæ plenè scopum nostrum attingunt. Atq; Epistolæ *Pauli*, primæq; *Petri*, illaq; ad *Hebræos* scriptæ sunt cunctæ intra illud Intervallum quod Ecclesiæ *Ephesinae* assignavimus, culpæ

culpæ autem antea erant commissæ. Ob quas culpas, visio hæc eos reprehendit ac comminatur, quanquam in commonefactionem seculis futuris, quemadmodum videre est versu sequenti.

9. *Quamobrem memento unde excideris & ad sanitatem redi, ac priora opera facito.* Jubet eos ad priorem reverti eharitatem, quæ fortior ipsa erat morte. Atq; opportunum erat hoc dare mandatum atq; animationem Ecclesiæ propter ingentes Tentationes eis obventuras in Conditione *Smyrnæa*. Ante decem enim Persecutiones rariùs fiebant Martyria.

Ver. 9.

Alioqui adoriar te brevi, tuumq; Candelabrum ex suo loco movebo nisi ad sanitatem redieris, hoc est, per *Hypallagen*, Ego te dimovebo à Candelabro tuo. Quod igitur magis peculiariter dirigi videtur ad *Episcopos & Pastores* Ecclesiæ eo in tempore, ac si comminatio esset, propterea quod aut ipsi in hunc remissum charitatis gradum lapsi essent, aut greges sibi concreditos eò labi permisissent. *Septem enim Candelabra septem Ecclesiæ sunt*, c. 1. v. 20. *Et septem stellæ Angeli septem Ecclesiarum*, hoc est, *Episcopi & Pastores* Ecclesiæ. Quamobrem hæc adversus ipsos comminatio significare potest, per *Hypallagen*, eorum amotionem ab Ecclesia per vindictam aliquam Divinam, eorum nempe omnium qui remissi essent ac negligentes. Cæterum membris quibuscumque Ecclesiæ *Candelabri ab ipsis remotio* potest esse Juris communionis Ecclesiasticæ amissio sive perditio. Ut eripere alicui vel adimere alicui *Civitatem*, pro eo est atq; efficere ut Civis esse diutiùs desinat. Qui sensus etiam in *Episcopos* ac *Pastores* quadrare potest. Potest enim Christus eos in foro Divino abscindere, nè diutiùs membra sint Ecclesiæ, nec, per consequentiam, salutis participes. Sed cum figuratæ hæc locutiones duriores aliquibus videri possint (quamvis sic loqui queant, qui *enigmaticè* aut *Poëtice* volunt loqui) producendus tandem est alius sensus qui mihi profectò maximè omnium arridet, & in quo *Victorinus, Andreas, Lyranus, & Alcazar* unanimiter consentiunt, qui dimotionem Candelabri è suo loco, interpretantur de comminata aliqua rerum commotione tempestatève quæ Ecclesiam esset oppressura. Non quod innuatur Ecclesiam hanc indè abreptum aut ablatum iri, sed ut in Tempestate aut Terræ-motu, motam fore & agitatam. Hoc illi intelligunt de Ecclesia *Ephesina* in *Asia*, *Literaliter* intellecta. Quod argumento est Interpretationem ipsis visam fuisse facilem ac genuinam. Pariq; facilitate *Mystico* sensui applicari potest. Cæterum ego tempestatem paulò latiore excitari volo ac violentiorem, diram utiq; hîc intelligi Persecutionem quæ Ecclesiæ obventura erat in suo *Smyrneo* Intervallo. Consideratur enim perpetuò à principio usq; ad finem tanquam una eadèmq; Ecclesia Apostolica, quanquam in diversa hæc Intervalla distincta. Idq; summopere observandum est, *esse quidem in unaquaq; Epistola ad particularem quamq; Ecclesiam scripta, Prædictionem aliquam subsequenti Ecclesiæ intervallo implendam*. Quod hîc semel notandum putavi; & particulatim procedendo, propriis suis locis porro notabimus. Sensus igitur hujusmodi esse videtur, Nisi Ecclesia hoc *Ephesino* intervallo in altiore evigilet gradum zeli, amoris, studiùq; propagandi Regnum Christi, Christum animos eorum excitaturum esse, eosq; hujusmodi fervidis persecutionibus (sanguis Martyrum semen Ecclesiæ) exercitaturum, quæ efficaciores forent ad consilia sua adimplenda. Quod perinde contigit in decem persecutionibus intra *Smyrneam* Ecclesiæ Periodum.

10. *Quanquam id habes, quod Nicolaitarum facta odisti, quæ ego quoq; odi.* Ecclesia hoc tempore tam mollis ac remissa evaserat ut nihil superesset fervidæ illius industriz quæ in multis olim fuerat, nihil animi obfirmati in rebus omnibus sustinendis Christi gratiâ. Nec tamen tam corrupti evaserant ac belluini ut se impuritatibus dederent Nicolaitarum, quas subsequenti seculis aliqui sibi indulgebant per errorem temerariæ cujusdam actionis *Nicolai* Diaconi qui in his ipsis Apostolorum temporibus vixerat, & ab hoc vocitati sunt impuri hi nebulones *Nicolaitæ*. Admodum paucillum verò vel nihil potius hujus impuritatis se prodidit intra hujus *Ephesinæ* Ecclesiæ periodum. Quam tamen Divinus Spiritus prævidebat detestabiliter frequentem fore ac notoriam in istiusmodi perditis hominibus, quos tamen seipso Christianos appellitabant, Ecclesia tamen Apostolica pro suis noluerit agnoscere. Hoc conceditur Ecclesiæ *Ephesinæ* in eorum solamen ac honorem, quod *Nicolaitismo* sint immunes; & ut puritati patientiam invincibilem ac fortitudinem superaddere possint, porro subditur,

Ver. 10.

Vincenti dabo vinci arbore vitæ quæ est in medio Paradisi Dei mei. Pro operibus, ac exantlatis laboribus & difficultatibus devoratis, esitatio & refectio hîc ipsis promittitur; Pro patientia ac tolerantia, Paradisus voluptatis; pro vita ac sanguine propter Evangelium profusus, æternæ vitæ fruitio in regno Christi. Me-

Ver. 11.

K k k k k

memento

Luc. 23. 42.
49.

mento mei, domine, cum veneris in regnum tuum. Amen, dico tibi, hodie mecum eris in Paradiso.

Cæterum penè oblitus fuimus prioris partis hujus versûs septimi, *Qui aurem habet, audiat quid Spiritus dicat Ecclesiis*. Quod cum universis septem Epistolis commune sit *Epiphonema* per omnes à prima ad ultimam repetitum, proculdubio haud exigui momenti esse oportet. Ad duo igitur collineatum existimo in affigendo hoc cuiq; Epistolæ *Epiphonemate*. Unum, ut significetur nobis, tametsi *Literalis* sensus sit harum Epistolarum, unamquamq; tamen earum esse insuper *Parabolam*. Quod repetita hæc subindicatur loquendi formulâ, quâ Christus dum in vivis erat, ut plurimum usus est in fine *Parabolarum*, *Qui aures ad audiendum habet, audiat*. Ut taceamus sensum *Epiphonematis* idem insinuare, qui hic est; *Qui intelligentiam habet quâ profunditatem sensûs harum Epistolarum attingere possit, attingat*. Neq; enim est intra idum cuiuslibet ingenii, ipsarum investigare scopum. Alterum ad quod collineatur, est insinuatio sensum quidem septem hisce *Parabolicis* Epistolis *summi momenti* atq; utilitatis Ecclesiæ, subesse. Unde porro inferri volo, verisimillimum esse eam demum ipsarum Interpretationem quæ maximi omnium momenti sit, verissimam etiam fore. Ac talem equidem, hanc ipsam quam ego molior, apud homines doctos, ac prudentes judicatum iri spero. Atq; hæc de prima successione Ecclesiæ sub Titulo *Ephesinæ* dicta sunt.

CAP. IV.

Interpretatio Epistolæ ad Ecclesiam in Smyrna.

Apo. 2. 8.

1. *Tem Angela Ecclesiæ Smyrnæorum scribito*. Venimus jam ad secundam successionem statûs Ecclesiæ, cujus Titulus est Ecclesia *Smyrnæorum* vel Ecclesia in *Smyrna*; Cujusq; Intervallum est à decimo *Neronis* Annove Christi sexagesimo tertio, usq; ad annum Christi trecentessimum vicesimum quartum, ubi *Constantinus Magnus*, terribus Christianitatis professor, ejus pariter ac sui ipsius potentissimos adversarios bello devicerat. Tunc enim Ecclesia excitata est è pulvere (vel potius ex cæno sanguineq; in quos conculcata erat per decem crudelissimas persecutiones) incepitq; esse Ecclesia in *exaltatione* & *exaltatione*, juxta illius vocabuli significationem. Verum in hoc Afflictionum suarum ac Martyriorum intervallo Ecclesia reuera erat in *Smyrna*.

Smyrna enim & *myrra* idem sunt, *Myrrhamq;* significant. Quæ sive plantam ipsam respicias, quæ in locis arenosis, aridis incultisq; oritur, ipsaq; aspera est & spinosa, spiculatisq; foliis horrida, sive ipsum gummi arboris quod mordax est & amarulentum gustui, ipsumq; nomen inde in lingua *Syriaca* sortitum est מרמר quia *amara*, quemadmodum *Martinus* notavit, admodum profectò significans est hujus Intervalli Ecclesiæ quod succedit, quo horribiles illæ Paganicæ persecutiones adversus Christianos excitatæ comprehenduntur. Ità ut *Smyrna* amaram afflictionem & persecutionem Ecclesiæ significet, quemadmodum magna illa stella *Lampadem* referens nominata *Absynthium*, funestam Occidentalis *Cæsareatûs* calamitatem denotat.

2. Quibus addere potes *Smyrnam*, hoc est, *Myrrham* præcipuam pollincturæ partem fuisse in condiendis defunctorum corporibus. Quod iterum multa illa funera respicit, vel potius lanienas & *Martyria* Membrorum Christi per ingruentes istis temporibus persecutiones mox eventura. Præterea quatenus *Myrrha* corpus à corruptione conservat, symbolum esse potest *Memoriarum Martyrum* omni posteritati consecrandarum. Ut prætermittam ipsorum Corporum conservationem, quas *Reliquias* appellant; quanquam hæc quidem Allusio nullus prætextus esse potest abusu in his rebus repertorum. Et postremo, Allusio hæc ad *Myrrham*, adhuc magis emphatica est, ex eo quod corpus Servatoris fidelis illius *testis* sive *Martyris*, quemadmodum se appellat, post *Martyrium* in cruce peractum, *Myrrhâ* conditum esse dicitur, *Johan. 19. 39*.

3. Hæc dicit *Primus & Ultimus, qui fuit mortuus & revixit*. Tituli quibus Christus seipsum ornat dum Ecclesiam *Ephesinam* alloquitur, hi sunt; *Qui septem Stellæ suâ dextrâ tenet, & qui in medio septem aureorum Candelabrorum ambulat*, nempe per omnes ipsorum successiones; juxta promissum illud, *Ecce ego vobiscum ero usq;*

usq; ad finem seculi, innuendo istis verbis sui Spiritus presentiam, per quem in omnibus difficultatibus Episcopos Pastoresq; Ecclesie suae sit sustentaturus. Quae generalis quidem significatio satis attemperata videtur & adaptata conditioni Ecclesiae Ephesinae, cum ab ipsis expressum nihil amplius requirat quam zelum quendam ac fortitudinem in genere. Jam vero dum *Smyrnaeorum* Ecclesiam alloquitur, dumq; cruenta magis incipit & terribilis rerum scena, eos confirmare velle videtur altioribus, magisq; sensibilibus ac particularibus animationibus in ipso alloqui sui introitu; *Hec dicit Primus & Ultimus*, idem utiq; qui bellum propter hoc Regnum pro quo contendimus, inchoavit, ultimusq; futurus sum in acie ad Amicos opitulandum fugandumq; Inimicos perinde ac fueram primus. Et nolite, quæso, vereri, pro veritate mortem oppetere; Ipse enim quanquam crucifixus fui, ecce tamen *jam revixi*; Quod ego ea re vobis narro, ut pignus vobis esse possit vestrae itidem felicitatis, si & vos vitas vestras (prout temporum ratio brevi requiret) pro me meoq; Evangelio deponere velitis. Hoc admodum proprium est conditioni Ecclesiae in *Smyrneo* hoc Intervallo (in quo tam multae tamq; cruentae persecutiones erant futurae) valdeq; appositum.

4. *Novi opera tua ac calamitatem ac pauperiem*, hoc est, Novi magnam tuam afflictionem ac miseriam quam opprimeris, ut quae universis praesentis vitae solatilis destitueris, perpetuoq; in mortis versaris periculo. Quae quidem Condicio vere admodum *Smyrnea* est, secundum Titulum Ecclesiae in *Smyrna*.

Ver. 9:

Cum tamen dives sis: Gratiis scilicet spiritualibus Mansuetudinis, Patientiae, Christianaeq; Constantiae ac Fortitudinis, & sinceri invictiq; Amoris erga Dominum Jesum, etiam ad ipsam usq; mortem.

Noviq; eorum blasphemiam qui Judaeos se dicunt nec sunt, sed Synagoga Satanae, hoc est, Contumeliam illam mecum recognosco quam isti homines Christianitatem afficiunt qui exortis propter nomen meum persecutionibus pro nihilo ducunt fidem abnegare, quanquam interim Christianos se appellitent, tanquam si Christianus tam vilis esse possit falsusq; ac abjectus Hypocrita. Hoc certe est blasphemare eos qui ex meo nomine appellantur. Verus Christianus, Judaeus verus est qui corde circumciscus est linguaq; profunde non mentitur, Cujusq; fides in me tam fortis est, meliorisq; vitae spes tam firma, ut possit, si Evangelii mei causa id requirat, lubenter vitam hanc amittere, propter amorem mei Regniq; mei amplificationem. Hi vera sunt membra mea Ecclesiae qui non avergantur pati, alteri vero Synagoga Satanae, quemadmodum Petrus dixi, cum dissuadere me vellet a subeundo mortem Crucis, *Abi pone me Satana, scandalo mihi es, quia tu non sapis quae Dei sunt sed quae hominum*. Judaeos significare Christianos, nihil eo, in stylo Apocalyptico, est frequentius. Atq; haec fallorum Christianorum, per oppositionem huic *Smyrnea* Athletis, mentio, cum plane sensum insinuat quem nos dedimus.

Mat. 16. 23:

5. *Noli metueri quae passurus es*; Nolite imitari ignobilem istam ignaviam hujus Synagogae Satanae, horum Hypocritarum turpissimorumq; simulatorum. Post acrem illam Desertorum Fidei reprehensionem, rursus redit ad confirmandam corroborandamq; Ecclesiam *Smyrnam*, Ecce conjectura est Diabolus vestrum nonnullos in carcerem ut exploremini, feretisq; decem dierum afflictionem. Draco rufus, antiquus ille Serpens in suo cum Michaele praelio, (Res enim illius visionis cum hoc *Smyrneo* Ecclesiae intervallo coincidunt) Pagani, inquam, a veteri Serpente incitati multos è vobis in custodiam daturi sunt ut exploretur fides vestra, Deusq; fortitudinis vestrae ac constantiae gloriam reportet. Hoc vobis continget per Dies decem, hoc est, usq; ad tempus consummationis, quo aut victoria & redemptio vobis parta sit, aut moriamini.

Ver. 10:

Vel potius sic; *Decem dierum afflictionem feretis*: Decem cruentarum Persecutionum futurae sunt tempestates quas vos sustinere oportet; Decem scilicet earum Persecutionum quae adeo in Historia Ecclesiastica celebrantur, tamq; frequenter in omnium ferè ore occurrunt. Quae quidem consideratio inter alias haud parum profecto hanc nostram *Smyrnea* Ecclesiae Expositionem confirmat, & per consequentiam toti septem succedentium Intervallorum Hypothesi robur administrat.

6. Nec eorum Objectionem quicquam moror qui plures decem persecutiones numerant, addendo undecimam sub Constantio Ariano, duodecimam sub Juliano Apostata, & decimam tertiam sub Valente Ariano Imperatore. Prophetia enim cum anticipatoria quasi Historia sit, sat sane est, si loquatur juxta linguam usitatum Historicorum, quorum Narrationes in his decem adeo celebratis distincteq; cognitae Persecutionibus recensendis versantur. Neq; plures decem sunt in eo Intervallo quod Ecclesiae *Smyrnea* assignavimus. Post quam indicis manifestis se infert scena Per-

gamena Christianitate de Paganismo veteri devicto ejusque persecutionibus, triumphos agente. Et *Julianus* duos annos integros haud regnavit, erantque ejus ut plurimum diversi generis molimina, nec ulla eorum tanti momenti ut hunc computum conturbent. Ut taceam ea accidisse in intervallo diversae naturae ac denominationis, nec proinde notatu digna esse, ut quae si cum contrariis illius Periodi casibus conferantur, nullam habitura sunt rationem.

Equidem fateor *Arrianos* persecutiones satis notabiles esse, sed naturae longè diversae sunt ab his decem. Ecclesia *in Smyrna* constituta, superba perinde evasit ac exaltata è pulvere, & contentiosa perinde ac superba, juxta illud Sapientis, Prov. 13. 10. *Superbia nihil nisi contentionem dat, apud consultos verò est sapientia.* Christus igitur fidelis erat quantum ad promissum Ecclesiae *Smyrnae* factum, paraveratque ipsis coronam vitae securitatemque à Paganicis crudelitibus & Persecutionibus. Quod autem Ecclesia postea in *Pergamo* constituta inimicitias inter se exercerent, ipsorum culpae imputandum est non illius qui expressim ipsos docuerat, *In eo cognoscent omnes vos meos esse discipulos si mutuo vos amore prosequamini.*

Ad decem igitur illas Persecutiones per dies decem hic alludi nullus dubito. Quamquam nec inficias eo decem illos annos notiora crudelissima omnium Persecutionis sub *Diocletiano* speciatim etiam innui posse, aequè ac decem illas persecutiones in genere, per Prophetica *Henopeia*. *7. Esto fidelis ad mortem usque, & dabo tibi coronam vitae.* hoc est, Durate usque ad consummationem decem persecutionum quibus explorandi estis, & coronam vitae obtinebitis. Ego coronabo vos coronâ Imperiali, quae coronam vitae vobis fiet. Christianitas tandem Religio constituetur Imperii, quod à rufi Draconis persecutione vos in posterum incolumes conservabit. Crudelitati *Romani Paganismi* propter Religionis vestrae professionem non eritis diutius obnoxii. Haec igitur corona vitae vobis erit. Quod quidem consentaneum est dicto illi Apocalypsi. 21. 4. *Nec amplius mors erit,* hoc est, non erit Persecutio, hominumve Religionis ergo mactatio. Quae eximium in modum hujus *Smyrnae* Ecclesiae sub *Paganica* crudelitate erat conditio. Quamobrem postquam libertatem suam acquisivissent, vita corona ipsis erat per legem oppositionum. Hunc genium sensum esse apparebit porro ex eo quod sequitur.

Vers. 11.

8. *Qui autem habet audiat quid Spiritus dicat Ecclesiae.* Hoc cum usitatum sit Parabolarum *Epiphonema*, planè innuit quod haec dictum est, vaticinium esse *Parabolicum*. Est autem natura Prophetiae sive vaticinii ut ejusmodi res praedicat quae hic in terris peragenda sint. Ac proinde ubi promissum non est de rebus Divinis statim post hanc vitam, *Epiphonema* sequitur, uti valde manifestum est in promisso Ecclesiae *Thyatirensi* factum quod primum exemplum est *Epiphonematis* loco omnium ultimo positi, quod indicio est totam Epistolam ibi esse Prophetica. V. 26. *Qui vicerit & verba mea custodierit, in gentes ei dabo potestatem, &c.* Quod igitur ad praesentem hujus terrae scenam spectat. Ac proinde promissum hoc de *corona vitae* ante *Epiphonema*, de praemio in hac vita super hanc terram interpretandum statuo, quemadmodum hunc locum exposui.

Jam verò, quod sequitur hoc *Epiphonema*, est alterius generis Promissum, viz. *Qui vicerit non laedetur à secunda morte.* Est enim ipsis Confirmatio beatæ Immortalitatis post hanc vitam, videnturque porro respondere illi loco in Apocalypsi, c. 20. v. 6. *Beatus & sanctus qui partem habet in prima Resurrectione, In eos secunda mors non habet potestatem.* Quamobrem tametsi non quidem secundum severiorem rigidi syllogismi illationem, secundum tamen scitas illas ac delicatas stricturas Prophetiarum subindicationum conclusum volo, Promissum fortis in *Prima Resurrectione* afflictis hisce *Smyrnaeis* hic proponi. Quae fors propria erat *Martyrum* ac *Confessorum* juxta opinionem Ecclesiae primitivae, quemadmodum *Clarissimus Medus* doctè & cum judicio observavit. Quae quidem opinio hanc Epistolae ad Ecclesiam *Smyrnaeam* scriptae applicationem huic Intervallo, quod omnium ferè perpeffionum primitivorum Martyrum tempora complectitur, mirificè corroborat. Promissum quidem beatæ Immortalitatis satis proprium fuisset & accommodatum huic *Smyrneo* Ecclesiae statui, quibus tam frequenter ob professionem Evangelii vita erat perdenda; ut verò ipsis subindicetur se in prima Resurrectione partem habituros, quod proprium est *Martyrum*, sicut ex loco supra citato apparet, hujus Intervalli tam clarus est character, (in quo nempe Primitivi Martyres ferè omnes mortem passi sunt, in decem utique illis Persecutionibus) ut mirum in modum Expositionis praesentis hujus Epistolae secundum hanc *Mysticam* Rationem, quam adhibuimus, veritatem confirmet. Atque haec de Ecclesia in *Smyrna*, hoc est, in *Αμαρτινῇ* in *Amaritudine* Oppres-

sionis

fionis & Afflictionis, quemadmodum Allusio ad vocem *Syriacam* innuit. Ad Ecclesiam jam pergitur *Pergamenam*.

CAP. V.

Interpretatio Epistolæ ad Ecclesiam in Pergamo.

1. **I**tem Pergamenfis Ecclesiæ Angelo scribito. Intervallum hujus Ecclesiæ est ab anno Christi 324. ubi *Constantinus Licinii* copias penitus profligavit, non amplius triginta millibus è millibus centum & triginta elabentibus, itaq; cum suis victoriis Ecclesiam pariter ex diuturnis suis & intolerandis miseriis triumphantem reddidit, in sublime eam evehendo è funestis suis oppressiõibus & persecutiõibus. Ab hoc anno, inquam, ad annum millesimum ducentesimum quadragesimum secundum, quando *Papa Legatus Amelinus* cum *Trancavello* filio notho *Comitis Beziers* bellum Albigense finivit, Intervallum hoc sit Ecclesiæ in Pergamo.

Apoc. c. 2.
vers. 12.

2. De principio hujus Intervalli nullum potest esse dubium; & de illius terminatione, duæ hæ rationes adsunt quibus confirmetur. Prima est, quod posterior eorum Numerorum in ultimo Capite *Danielis*, viz. Numerus 1335, digitum intendit in principium rerum *Waldensium* & *Albigensium*, qui utriq; una Secta sunt & ab uno Autore, *Waldo Lugdunensi*, viro pio proboque, cujus prædicationes, suæq; & sectatorum suorum afflictiones & persecutiões inciderunt in terminum circiter illius Numeri, cujus Epochæ est Templi prophanatio per *Antiochum Epiphanem*. Tam notabile Providentiæ specimen est Exortus *Waldensium* iis temporibus inter Annum Christi 1160, & millesimum centesimum septuagesimum. Dammati enim erant tanquam Hæretici ab *Alexandro Papa* in Concilio *Lateranensi*, Anno 1162. Unde minime dubium est quin persecutiões statim sequerentur. Et *Josephus Medus* magno sanè cum judicio posteriorem hunc Numerum apud *Danielem*, in hæ ipsa tempora digitum intendere contendit. Nec sanè illa vox *Danielis*, hujus omnino opinionem enervat, ex eo quod dicit, *Beatus qui expectabit & perstringet ad dies mille trecentos triginta quinque*. Nam & in *Apocalypsi* etiam dicitur, *Beati mortui qui in Domino moriuntur*, hoc est, qui propter Dominum *Jesus* mortem oppetunt. Et de Ecclesia *Smyrnæa* dicitur, *Novi calamitatem tuam ac pauperiem, cum tamen dives sis*. Judicium Spiritus Dei carnalisq; hominis judicium hæc de rebus inter se prorsus adversantur. Quod hic *pauperiem* appellat, *Spiritus* appellat *divitias*; quod hic *miseriam*, *Spiritus* *Beatitudinem*. Quamobrem res *Waldensium* seu *Albigensium*, notabilis, distinctus conspicuusq; temporis articulus est etiam secundum sententiam *Spiritus* Prophetiæ.

Nunc verò secundo in loco, Intervallum hujus Ecclesiæ *Pergamenfis*, non in principium sed in exitum rerum *Waldensium* sive *Albigensium* termino, quippe, cum iidem ferè sint, eõq; igitur anno cujus feci mentionem, planè conclusi, eorum perpeffiões hoc pacto unius illius *Martyris Antipe* perpeffiõibus accuratius respondebunt, qui hic in Pergamo dicitur occidi. Cæterum harum rerum concinnitatem, postquam nominis Pergami sensum rationemq; aliquantisper excusserimus, rectius intelligemus.

3. Per Pergamum statum *Exaltationis* sive sublimitatis significari, supra monui. Sublimia omnia dicta *Asiaticæ Hieronymus* notat *Hesychius*, *Suidas* & *Servius*, inquit *Grotius* in Apoc. 1. 11. Unde ille Ecclesiam in Pergamo commonefacere nos ait de rebus celsis, Divinis utiq; ac cœlestibus. Verum hic *Moralis* sensus est non *Propheticus*. Cæterum cum eo nihilominus agnosco ad sublimitatis significationem alludi in genere, hæc verò omnium elegantissime maximeq; tempestive ratione ad præcedentem Ecclesiæ in *Smyrnæa* statum habitâ, qui status erat *Humiliationis amareq; afflictionis*. Verum in ipso hujus Intervalli initio, cum ex hoc humili, funesto ærumnosq; statu in statum gloriæ, pacis ac prosperitatis emergeret, quid potuit esse significantius quàm Titulo *Ecclesiæ in Pergamo* eam salutare, quemadmodum & hæc salutatur? Quod congratulationis quoddam genus est de recenti emerfione è nuperis suis miseriis. Atq; hic ipse sensus ad tempus in hoc intervallo obtinebit, ad dies nempe Apostasiæ suæ. Tunc verò Ecclesia Apostolica, Ecclesia quidem in Pergamo etiamnum erit, sed diverso sensu intellecta.

4. Pro styli igitur Prophetici sensus opulenta varietate, *Pergamus* etiam aliam hæc habet

habet significationem, qualem scilicet civitas *Babylon* civitasq; *Tyrus* quando ponuntur pro civitate *Roma*; Qui nequaquam talis sensus est ut mœnia lapidēsque *Romane* Civitatis intelligantur, sed *Romana Ecclesia* ejusque potestas & Jurisdictio. Et tali omnino sensu *Pergamus* hic pro *Roma* ponitur. Aded ut hæc Epistola ad Ecclesiam Christi in *Pergamo* scripta, (ad Ecclesiam utique verè Catholicam & Apostolicam) ad Ecclesiam hanc dirigitur sub *Romana Ecclesia* vel intra *Romane Ecclesie* jurisdictionem habitantem, *Romam veterem* præsertim intelligendo; prout visiones omnes *Apocalyptica* eam præcipuè perstringunt. *Romam* verò hoc sensu per *Pergamum* perstringi valde manifestum est, Primò, ex facili Allusione *Pergami* ad *Romam* propter consimilem vocabulorum significationem. Quemadmodum enim *Pergamus* sublimitatem significat, ita (sicut *Martinus* notat) *Roma* ab Hebraica voce *רומ* *Exaltari* originem ducit. Præterea ipse situs Urbis sublimis est ædificiisque excelsa juxta illud Poëtæ,

Collibus è septem totum circumspicit Orbem.

Omnium autem celsissimus est ipse Episcopus *Romanus*, qui se exaltat supra omne quod *Dens* dicitur aut colitur. Annon hic igitur idoneus est *Pergami* Episcopus, qui caput suum supra omnes Reges ac Imperatores Principesque terræ sic effert? Nostrium verò Intervallum Ecclesie *Pergamensis* ad summæ exaltationis suæ tempora pertingit, utpote quod & *Gregorii septimi* tempora comprehendit qui primus Imperatorem excommunicavit, potestatemque ipse sibi assumpsit creandi Imperatores: Et *Alexandri* tertii, qui Imperatoris *Frederici* cervicem pede imposito turpiter calcavit; Et *Cælestini* denique tertii, qui *Henricum sextum* uxoremque Imperatricem pede suo coronavit, & per ludibrium Imperatoris coronam pede capiti excussit postquam eum coronasset. Equidem Papæ *Romani* eis temporibus Episcopi erant sensu eximio *Pergameni*; nec post hoc Intervallum cristas suas tam altè unquam poterant attollere. *Bonifacius* quidem octavus Fulminator erat furiosus ac *Thraconicus*, excommunicavitque *Philippum* Regem *Gallie*, Pulchrum cognominatum. Verùm hanc ob id facinus mercedem tulit, ut stultus ab eo per opprobrium appellatus sit, itaque tandem tractatus, ut captus *Anagnia*, strigoso jumento contumeliosè impositus captivus deferretur *Romam*, ubi per mœrorem ac superbiam anima ipsi suffocata est, mortemque sic obiit ingloriam.

Deinde de hoc *Pergamo* dicitur quòd omnium Civitatum in *Asia*, Idololatriæ maxime sit dedita (ita de ea refert *Andreas Casariensis*) Qui Character *Romæ* notorius est præ reliquis Civitatibus universis. Ac proinde alibi in *Apocalypsi* meretrix *Babylonica* propter spiritualium suarum Fornicationum insatiabilitatem appellatur.

Tertiò, *Pergamenses* admodum feroces ac diligentes fuerunt Christianorum Apostolicorum Accusatores, ut afficerentur utique Martyrio, quemadmodum doctissimus *Hammondus* ex antiqua Historia in locum adnotavit. Ob quod etiam *Roma* aliàs taxatur in *Apocalypsi*, quæ ebria dicitur sanguine Sanctorum & sanguine Martyrum *Jesu*.

Quartò, Memoriam mandatum est Præfectum hujus Civitatis *Pergami* persuadere voluisse Christianis ut Fidem Apostolicam desererent, & redirent ad Ethnicismum, in re prædicta quædam sunt. Quòd antiquior Religio venerabilior esset magisque præferenda. Quemadmodum *Antiquitas* magnus est *Papalis* Ecclesie prætextus. Præfectus ille de Christianitate dixit quòd non nisi *idolo* æquum esset, non nisi *hesterino* quasi die orta; nec dubium est quin Ecclesia *Romana* sic pronunciaret de *Waldensium* Religione & *Albigensium*. Vide *Hammondum* in locum.

Postremò, Ut Martyr *Antipas* sit qui in *Pergamo* esset occisus, Ecquo certiori magisque definito indicio Ecclesia *Romana* sive *Papalis* indigitari potest quàm hoc? nam enim Pater est, & *adamas* qui est *Papa* non est nisi Reduplicatio vocabuli *pater*, sicut *Eusebius* notavit. Et *ant* idem sonat atque adversus sive contrà. Hoc sanè satis apertum est. Expectasse verò *Asiaticas* pro *Asinas* in hac, uti supponitur, Prophetia, styli *Apocalyptici* legibus repugnasset, qui de debita celeratione perinde sollicitus est atque de certitudine *Revelationis*. Aded ut locus tam perspicuus modo nimis rudi duroque supra reliquam repexam delicatamque harum visionum contexturam extare deprehensus fuisset, nimisque maturè sensum horum vaticiniorum intelligendi dedisset occasionem. Ut præteream *Antipapas* nullius hominis esse nomen proprium, ipsamque *Literalem* Historiam requirere ut sit *Antipas*. Quamobrem indicatio, & quoad sensum & quoad sonum in hac voce *Antipas*, æquè exquisita est atque, si styli *Apocalyptici* naturam respiciamus, esse aut potuit aut debuit. Ac proinde quis tam

tam cæcus esse potest quin facile videat quam aptus sit Typus hic *Antipas*, eorum quibus in hoc Ecclesiæ Intervallo propter suam sancti illius Patris, Papæ, qui dicitur, oppugnationem mors esset oppetenda? Nihil sanè congruentius magis harmonice sonat, quicquid contrà, per cavillationem, à quoquam dici possit. Summa igitur Interpretationis hujus præsentis Epistolæ ad Ecclesiam in Pergamo, ad puram Ecclesiam Apostolicam intra Jurisdictionem Romanæ Ecclesiæ manentem pertinebit, quemadmodum hic sensus planè innuit; ad mulierem utiq; in Deserto, sicut Spiritus sanctus alibi loquitur.

Hæc dicit qui gladium habet ancipitem acutum. Christus sic describitur in hac Epistola ad Ecclesiam in Pergamo, quia hic gladius Spiritus, quod Dei verbum est, (per Divinum Spiritum in nobis sapide intellectum) præcipua armatura erat quæ Ecclesia in Pergamo se à Pergamentis corruptionibus defendebat, itaq; se à falsis glossæmatis impurisq; traditionibus sive superstitionum hominum sive callidorum Impostorum, integram & incontaminatam conservabat. Vers. 13.

5. Novi tua facta & ubi habites, ubi Satanae thronus est, tenesq; meum nomen, nec meam fidem negasti etiam iis temporibus quibus Antipas fidus ille testis meus apud vos interfectus est, ubi Satanas habitat; hoc est, Novi te, quantum ad summam, rectè facere, & in maiorem tuam laudem, ubi habites confidero, etiam illic ubi Primogenitus *Luciferi* thronum suum habet, is qui se extollit supra omne quod Deus dicitur aut colitur, (sic Christus *Satanam* comparat *Lucifero* sive Regi *Babylonis* (de quo Propheta ait, ut cecidisti *Lucifer fili Auroræ*!) Luc. 10. 18. Vidi *Satanam* sicut fulgur de cælo cadentem) & tamen nec timor nec splendor illius Ecclesiæ efficere potuit ut nomen meum desereres, & cum verus Christianus esse deberes, ut *Antichristi* membrum evaderes, itaq; puram fidem Apostolicam relinqueres, nè in illis quidem temporibus quibus fidus meus testis *Antipas*, hoc est, simplices illi palamq; professi hostes Papæ ejusq; adulteratæ ac Idololatricæ Religionis, *Waldenses* scilicet & *Albigenses*, tam crudeliter tractati sunt ac trucidati. Qui apud vos occisi sunt, qui resististis quidem & tamen evasistis, quanquam in ipsa synagoga *Satanæ*, hoc est, in illa Ecclesia quæ omnium meorum verorum membrorum perfidiosa hostis est & acerba calumniatrix accusatrixq; ob id solum quod Improbitalis Legibus quas ipsa stabiliverit, nolunt assentiri, pejorq; profecto hostis quam *Draco* olim erat *Paganicus*, quem igitur mea Ecclesia paucis sæculis debellavit. Hic, inquam, *Satanæ* hostis perniciosior est quam *rufus* ille *Draco* propter calliditatem suam ac Hypocrisin, prætextusq; quod à me sit cum reverà sit contra me, & propter simulatæ meæ Autoritatis abusum adversus veræ meæ Ecclesiæ membra. Quamobrem non possum quin mecum recognoscam ubi habites, quomodòq; eà ratione peiori conditione constituta sis quam ipsa Ecclesia *Smyrneæ*, cui cum professo tantum inimico decertandum erat, tibi verò & cum maligno Inimico & cum Amico falso & Hypocritico. Præclare igitur abs te factum est quod in tam arduis & difficilibus rerum circumstantiis tam fortiter perseveres.

6. Hic sensus hujus versûs est in genere. Jam verò particulatim, cur *Waldenses* & *Albigenses*, qui hoc Ecclesiæ Intervallo persecutionibus infestati sunt, *Antipas* debeant appellari, cur *martyr*, cur *fidelis*, & cur *occisus* potius quam *cremat* vel *combustus*, hanc breviter reddemus rationem. Multitudinem autem sive corpus hominum successivum, sub una singulari persona stylo Prophetico representari, tam tritum est ut nihil opus sit notare. *Alcazar*, *Jesebelem* proximâ Epistolâ commemoratam Ecclesiam facit *Judeorum*; *Aretas*, *Nicolaitarum* Sectam; *Hammondus* verò, *Gnosticorum*. Jam verò ut hæc persona singularis *Antipas* appelletur, nihil profecto eo congruentius est doctrinæ *Waldensum* & *Albigensum*, qui audacter Papam esse *Antichristum*, Missam *abominationem*, Hostiam *Idolum*, & Purgatorium deniq; *fabulam* prædicabant. Et *Waldus* qui præcipuus hujus sectæ Author erat, ejusdem erat sententiæ, negans Papam Caput esse Ecclesiæ, ullamve habere auctoritatem in Reges Principesq; terræ, quos à solo Deo immediatè dependere contendebat. An non hic eximius erat *Antipas* tam directè impugnans *Jeseq; opponens* summæ *Paternitati* sancti Pontificis *Romani*? *Fideles* autem erant in eo quod tanti momenti veritates tam apertè mundo declarabant; Et *Martyres*, quia ob hoc ipsum mortem oppetebant; siquidem Dei causâ hoc perpassi sunt, & in amplificationem *Regni Christi*. Et *occisi* deniq; dicuntur (putà gladio aliòve quovis telo bellico) non *cremati*, quoniam concrematio sive combustio rarior erat hoc Ecclesiæ Intervallo; sed multa centena eorum millia in acie occisi sunt. Magna *Waldensum* multitudo qui arma sumpserant in *Germania*, ad internecionem usq; cæsi sunt Anno 1220, (ut *Matthæus Parisiensis* refert) cum in loco tam incommodo, nempe mare inter ac paludem,

dem, clausi essent, ut elabi non possent. Et *Josephus Medus* ex *Petri Perionii* libro de bello *Albigensium*, ferè decies centena eorum millia diversis temporibus, idq; in sola *Gallia*, bello occisos narrat. Quamobrem per *gladium occiso* admodum characteristicè de *fideli Martyre Antipa* in hac Epistola memoratur, cum vivicomburium nondum tam frequens esset, nullamq; rationem haberet ad ingentem illam multitudinem in bello occisorum. Unde hæc notabilis distinctio est inter præsens hoc Ecclesiæ in *Pergamo* intervallum, illudq; statûs illius in *Thyatiræ*, uti suo loco videbimus.

Nec certè hic ullus scrupulus subesse potest, quòd hunc locum de *Martyre Antipa*, *Albigensibus* & *Waldensibus*, qui in prælio occisi sunt, applicavimus, ac si minùs rectè, ob id ipsum, *Martyres* sint appellandi. Nam qui vitam servare potest abrenunciando veritatem, & tamen illius causâ eam perdit quantumvis in prælio, *Martyr* rectè judicatur. Atq; sic omninò se res habuit apud hos homines. Insignitèrque huc facit quod ab eruditissimo *Medo* notatum est, nempe, cum *Simon Monfortius* Crucelignatorum Dux magnâ clade eos ad *Morellum* devicisset, Episcopûsq; *Tolosanus* stragi intercedens, eos qui adhuc residui in tentoriis fortè manserant, misso quodam *Religioso* admoneret, ut tanto quasi Dei irati & contra eos pronunciantis flagello convicti jam tandem feritate depositâ, ad fidem, quam vocant, Catholicam converterentur, eos statim se populum Christi per *Bestiam* (Apoc. 13. 7.) victum retorquentes, fatûmq; suum agnoscences hoc quasi clypeo Tentationis impetum frustratos esse, atq; ad unum omnes à recurrentium militum manu interfectos fortiter occubuisse. Unde manifestum est *Martyres* fuisse propriè sic dictos, juxta nostram *Martyrii* definitionem: Ut erant sanè multi *Antipa* in hoc Intervallo qui eo etiam modo Martyrium passi sunt, contra quem nulla moveri possit Cavillatio, modo scilicet omninò passivo, nullâ factâ contra vim inferentes *resistentiâ*.

Veri 14

7. Sed habeo contra te paucâ, quòd habes istic qui *Balaami doctrinam* teneant qui *Balacum docuit scandalum* Israëlitis afferre quòd *Idolothytis* vescerentur & scortarentur. Hoc toti eorum cætui dicitur qui propriis judiciis & doctrinam & praxes Ecclesiæ *Romanæ* condemnabant. Hi verò in tria genera partiri possunt: In eos qui etiam si hujus sententiæ essent, communionem tamen cum ipsâ nihilominus colebant, prætendebantq; ea in re rectè se facere: in eos qui separaverant se ab illius communione; & in eos deniq; qui non solum se separassent, sed mortem ob id ipsum perpessus essent. Hi postremi *Martyr* erat *Antipas* suprâ nominatus; primi *Balaamitæ* qui hic reprehenduntur, qui ingenio erant magis *Gnostico*, nimumq; ad carnalem sapientiam proclives, eò prudentiores reliquis se existimantes quòd caput periculis ob opinionem suam in rebus Religionis non exponerent. Rectè profectò facitis, inquit ille, in profitendo sententiam vestram de Papalis Ecclesiæ enormitatibus, & in condemnando eas in internis vestris cogitationibus ac conscientiis; Hoc verò malè me habet, quòd permittitis, (aliqui vestrum) *Balaami doctrinam* effectum sortiri, hoc est, Quòd communionem colitis cum hac Ecclesia *Romana* in *Idololatria* sua Eucharistia, & comedendo *Deum* illius *Panacem* spirituales patris Fornicationem, & *Idololatriæ* scelere vosmet alligatis. (*Idolothytis* vesci unus modus est *Idololatriæ*, sed per *Diorismum* Propheticum *Idololatriam* hic significare potest in genere.) Hanc vobis libertatem aliisve indulgere, scandalum profectò est afferre *Israëlitis*, & occasionem dare & animationem multis ad adhærendum *Romanæ* Communioni, cum ab ea se separare debeant, ut nullum damnum veræ meæ Ecclesiæ fiat nec Regno meo detrimentum.

Durum hic fortassis tibi videri possit, quòd *Idolothytorum* comestionem interpreter de communione cum *Romana* Ecclesia in Missa sua *Idololatria*. Quomodo enim Panis ille consecratus *Idolo* dici potest offerri? Equidem verum est, cum cui offerre prætendunt, *Idolum* non esse sed Deum verum: At enim per *Idololatrias* suas consuetudines Divinum illi cultum communicando quod non est Deus, veri Dei naturam adeò deprimunt, ut notionem illius veram perdidisse videantur, ejusq; loco *Idolum* colere ex proprio cerebro fictum. Neq; enim verus Deus tam vilis res est & abjecta, ut quævis res alia illius cultum participet. Ac proinde secundum styli Prophetici rationem mordacem ac penetrantem, illi qui *Idololatriam* cum Dei veri cultu miscent, repræsentantur tanquam nullam habentes veram illius noticiam. Et propterea quicquid cultûs religiosi exhibent, cum veri Dei notitiâ destituti sint, *Idolo* alicui necessariò concipiuntur præstare. Juxta quem sensum intelligendum est illud *Amos*; Num mihi victimas & oblationes obtulistis in solitudine annis quadraginta, domus Israël? Immo verò Molochi tabernaculum tulistis, signumq; vestrorum simulachrorum, fides Dei vestri, quod vobis feceratis. Ubi verus Deus propter ipsorum

ipforum *Idololatriam* in colendis aliis Objectis, negat se ullo tempore tunc ab ipsis cultum fuisse, quanquam proculdubio putabant se victimas ac sacrificia illi obtulisse. Hoc sanè expressum est satisq; propositæ difficultati appositum.

Verùm in Expositione hac nostra id solum innuimus, *Diorisum* esse Propheticum sive Synecdochen, quâ *Idololatria* in genere per particularem illam speciem, *Idolothytorum* esum, significatur. Quæ locutio majori hîc cum aptitudine & elegantia usurpatur, quia *Idololatria* in ea Religionis parte committitur quæ in rebus consecratis comedendis celebratur. Et certè si consideremus Cœnam Dominicam Epulum Festumve esse post Sacrificium, juxta illud S. Pauli, *Pascha nostrum pro nobis immolatus est Christus, itaq; festum agamus*, statim atq; supponimus Sacrificium hoc *Idololatriæ* contaminatum, quæ obsecro magis naturalis appositâq; illius reprehensio esse potest quàm si Paganorum Festis Epulisve ex *Idolothytis* comparemus? Quamobrem nè minima quidem huic Interpretationi inest inconcinnitas aut inelegantia.

Quia & ipforum nominum hoc versu occurrentium rationem breviter attingere haud abs re fore puto, quippe quæ *Pergami* Titulo satis sunt consentaneæ. Nam ut *Pergamus* *sublime* significat, ita *Balaamus Dominum populi*. Qui quidem *Balaamus* cum *Pseudopropheta* sit, Papæq; atq; ejus Cleri Typus, cum *Pergamena* hac Periodo, in qua cervices Imperatorum calcavit, coronâsq; pede excussit capitibus, apprime profectò convenit. Quæ enim hæc potest esse major Dominatio? Et *Balacus*, qui hîc secularis potestas est, sive *exitium*, sive *inanitatem* significet, in horum temporum statum optimè quadrat, ubi potestas *Papalis* omnes ita subjugaverat ut *secularis* Magistratus non esset nisi cruentus illius Edictorum minister, surdave tantum Cypræ vices impletet, *Temporalis* Potestate ferè prorsus exinanitâ per lascivientiam *Spiritualis*.

8. Item habes & tu qui Nicolaitarum doctrinam teneant, id quod ego odi. Id etiam quibusdâ vestrum vitio vertendum est quòd vasa vestra eâ honestate ac sanctitate quâ par est non possidetis, quòdque tametsi spirituales *Pergami* fornicationes superbiâmq; planè *Luciferianam* discernere potestis, non tam puri tamen ipsi estis castiq; quàm oportet, tamq; liberi à carnis cupiditatibus. (Quæ turpitudine hîc per *Nicolaitismum Dioristicè* notatur, ut *Idololatria* antea in genere per esum *Idolothytorum*.) Caro & sanguis nimis quàm proclivis est ad res hujusmodi pro nihilo ducendas, quoniam adeò naturales sunt sensibûsq; congruæ: verùm apertè vobis enuncio, hoc mihi summopere displicere. *Estote sancti, quemadmodum & ego sanctus sum.*

Corrige te; alioquin aggrediar te brevi, & cum istis oris mei gladio depugnabo. Emendate mores istos nè ad vos veniam in judicio; Fortassis per magis sedulam *Dominorum Inquisitionis* vigilantiam, (quorum Dominatio præcipuè erat in Intervallo subsequenti) ut & aliarum Curiarum; Quarum ministri præ curiositate præter modum prompti erunt ad subodorandum & retegendum unumquemq; qui Religionem suam diffimulet. Frequensq; terror *Vivicomburii*, Lasciviæ ac Libidinis flammæ efficacius supprimet & extinguet. Et quemadmodum ad vos sic in judicio venturus sum nisi resipueritis, ita certè mecum statui cum Adversariis vestris porro pugnare, *Pergamenis* utiq; sive *Romanis*, oris mei gladio, usq; dum ingentes à corpore hujus latè extensæ arboris ramos absceiderim, integrâq; Nationes à communionem hujus Ecclesiæ *Idololatricæ* virtute verbi ac prædicationis Evangelii detruncaverim. Hæc est quorundam Eventuum in subsequenti Intervallo contingentium, secundum harum Epistolarum genium, prædictio.

9. Vincenti dabo vesci manna abscondito. Promissum hic cum post Epiphonema sequatur (Qui autem habet audiat) intelligi debet (juxta Regulam) *Theologicè* sive *spiritualiter*, non *Physicè* aut *Politicè*. Quamobrem sensus hic est; *Pergameni* quidem isti, quando album illud ac dulce crustulum consecratum oribus communicantium induunt, se verum *Manna* ipsis dare prætendunt, ipsum utiq; corpus meum sanguinemque, qui cruce effusus est, ipsâmq; meam carnem quæ illic crucifixæ est fractâq; pro ipsis, cum tamen Eucharistiam suam ita ministrent ut cœnam meam in *Idolothytorum* festum convertant, ejûsq; participes *Idololatriæ* ac Fornicationis spiritualis crimine astringunt, quandoquidem Divinum cultum illi præstant quod non est Deus. Ità ut, quemadmodum in rebus *Balaami Israëlitis*, Idolis immolata comedenda erant in ordine ad *carnalem Fornicationem*; ita qui hanc adulteratam Eucharistiam participant, eo ipso (præsertim ex quo quartum Concilium *Lateranense* celebratum est) necessario trahuntur in *spiritualem Fornicationem* sive *Idololatriam*. Qui verò fortis est obfirmatq; ab illicita hac communione abstinet, & per

fidem omnes devincit difficultates, pro externo hoc ac visibili albo crustulo quod amiserit, dabo illi *Mannâ* abscondito vesci, vero illo *Mannâ* spirituali, Johan. 6. memorato. *Caro enim mea verè est cibus, & sanguis meus verè est potus.* Verba autem quæ ego illic loquor, *Spiritus sunt & vita sunt.* Quod si in causa hac sustinenda illi mori obtigerit, ego *Manna* iterum occultum illi dabo, etiam invisibilem cibum Angelorum, animâq; ejus transibit in societatem beatorum *Geniorum*, Animarûmq; Sanctorum hujus vitæ ærumnis defunctorum.

10. Etq; dabo calculum album & in calculo novum nomen quod nullus novit nisi qui accipit, hoc est, Quamvis accusetur & contumeliosè tractetur pro Hæretico & Schismatico in Ecclesia *Pergamena* ubi *Satan* Accusator habitat, dabo tamen illi calculum album absolvamq; in judicio, & gaudium pacemq; bonæ Conscientiæ illi stabiliam. Vel sic, Ego dabo illi calculum album in quo novum nomen scriptum est, hoc est, Vetus homo penitus crucifigetur & novum assequetur hominem in sua puritate, & inestimabilem possidebit *Divinæ Naturæ* margaritam puram ac permanentem; Cujus præstantiam nemo novit, nisi qui illius sit particeps. Regenerationem illi consummabo aut in hac vita aut ex transitu in statum alterum, si subito contigerit ut abripiatur Martyrio. Atq; hoc quidem abundè compensabit omnes injurias quas elata *Pergami* Ecclesia illi in vita, bonis, bonové nomine sit illatura.

CAP. VI.

Interpretatio Epistolæ ad Ecclesiam in Thyatira.

Apo. 2. 18.

1. Item Angelo Ecclesiæ in *Thyatira* scribito. Vera Christi Ecclesia adhuc sub potestate & intra Jurisdictionem *Romanæ* Ecclesiæ est; Ac proinde quemadmodum *Roma* indigitata est per Civitatem *Babylonis*, *Tyri* & *Pergami*, ita hîc necessariò in hoc Intervallo intelligenda est per Civitatem *Thyatira*, tali putà sensu quali per Civitatem *Pergami*. Ad vocem *Θυάτιρα* (unde & *Strabo* & *Plinius*, aliq; qui *Critici* sunt, rationem Nominis *Thyatira* deducunt) hîc alludi proclivis sum ad credendum propter istas Autoritates, *Romanæq; Ecclesiæ* muliebritatem in hac periodo perstringi. Mollitiem ejus ac Luxuriam majora solito incrementa sumpsisse in hoc Intervallo non est dubitandum, ut nec ejus Avaritiam, mirâsq; mangonizationes ac ornatus in splendore Altarium, Templorum, vestium Sacerdotalium & similitum. Quod tam perpetuum tantôq; gradu priori Intervallo esse non potuit. Hîc verò illa continuè spectari potest tanquam *Θυάτιρα* *ιταυλα*, *Filia delicatula*, *sedens sicut Regina, & luctum non videns*, cum paulò antè propè abfuerit ut à *Waldensibus* & *Albigensibus* debellaretur, coactâq; esset in aciem prodire *virilitérq;* pugnare pro sua Incolumitate. Paulò post initium hujus Intervalli *Innocentius quartus* in Concilio *Lugdunensi* constituit, ut Cardinales cum roseis Galeris Stolisq; incederent, Equisq; inequitarerent cum Ephippiis Phalerisque, nobilitati sui Ordinis lautitiâq; Conditionis congruentibus. *Pauliq; secundi* Mitra speciatim notatur propter eximiam Gemmarum pretiositatem. Nec dubium est quin consimile Ecclesiastici splendoris ubiq; esset Incrementum. Paulò autem ante initium hujus Intervalli *Honorius tertius* statuit ut *Carmelite* albis vestibus incederent, ut morem virgineum magis ad vivum referrent, decrevitq; ut appellarentur *Familia Virginis*. Et *Franciscani* & *Dominicani* per totum hoc Intervallum notorii sunt, qui & Virginem *Mariam* pro peculiari sua Patrona habuerunt. Et ut summatim dicam, Ecclesia *Romana* intra hoc Intervallum venæ fœminæ ita indulgebant, ut generaliter sub regiminæ ac providentiæ *Domine*, potiùs quàm *Domini Jesu Christi* seiplos profiterentur. *Gregorius nonus* paulò ante præsentis hujus Intervalli principium, ut *Salve Regina*, Hymnus ad beatam Virginem, in universis Ecclesiis cantaretur, præcepit. *Bonifacius octavus* Anno 1293. orationem, *Ave virgo gloriosa*, composuit, & Anno 1470. Psalterium *Marianum* ejusq; Rosarium ab *Alano de Rupe* composita sunt.

*Vide an Psalterium Marianum antè non fuerit. Antidot. advers. Idol. c. 6. scilicet 8.

2. Quàm verò fœminina hæc Ecclesia hoc Intervallo esset, Observationes præstantissimi viri, *Edwini Sandis* Equitis aurati (quanquam post illius Intervalli exitum, cum vel per astum eos castigatiores in rebus Religionis futuros fuisse quivis judicaverit) plenè nos edocebunt. Honor, inquit ille, quem Virgini *Maria* exhibent, altero

altero tanto ut plurimum major est eo quem ipsi exhibent Servatori. Ubi unus quispiam Domini Devotum peculiarémve servum profitetur, integra oppida se Devotos Domine prolixè gloriantur. Magnificentissima Tempia illius ut plurimum sunt, & in Templis pulcherrima illius Altaria. Ubi unus quis ante Crucifixum orat, duo orant ante illius Imaginem. Ubi unus Christo Votum facit, decem faciunt illi Vota; & pro uno Miraculo quod refertur tanquam per Crucifixum factum, non pauciora fortean quàm centum per Imagines Virginis facta dicuntur. Diaboli in Exorcismo docentur nomen Dei atq; Trinitatis sine molestia ferre, ad nomen verò Domine voluntare se, vehementerq; cruciari assimulare. Ubi unus die Veneris jejunit propter passionem Domini, multi sanè Matris causà jejunit die Saturni. Et in Rosariis denas profectò Domine salutationes pro singulis Orationibus Dominicis filo adstringunt. * Campanula etiam quæ ad Ortum solis, ad Meridiem, ad solisq; pulsatur Occasum, Ave-Mariana campanula appellatur, quæ omnes homines illis statim temporibus ubiq; obstringuntur ad Devotiones suas Virgini Mariæ offerendas. Et postremò, Præcipui concionatores è suggestis auditores docent quicquid occurrit in Scriptura de Christo Dei filio dictum, idem Domine etiam applicare, tanquam ejusdem Dei filie. Annonigitur Romana Ecclesia meritò Thyatira nominatur alludendo ad θυάτιρα, quam & Strabo & Plinius rationem nominis illius Civitatis esse volunt? Quod Cornelius à lapide expressum in ipsum locum notavit. Verùm Strabo (inquit ille) lib. 13. Plinius lib. 5. cap. 9. & alii passim tradunt eam, nempe Civitatem Thyatiram, primitus nuncupatam à Seleuco filio Nicanoris, θυάτιρα, ob latum nuncium natæ sibi filie, unde nomen Thyatira. Thyatira igitur Græcè significat filiam, quod aptè competit Jezebeli illici, quæ hîc arguitur. Hæc Cornelius.

* Hoc institutum erat Papæ Johannis 22. intra priorem partem Intervalli Thyatiræ: vide Polydor. Virgil. de rebus Invent. lib. 6. cap. 12.

3. Et certè tametsi post investigationem horum locorum, ex Strabone Plinidq; citatorum, quod quæsi invenire non possem, nullam tamen rationem invenio cur ab hac parte Interpretationis meæ recedam. Primò, quòd quæ Cornelius hîc citat, quamvis in his inventa non sunt, in aliis forsan locis horum Autorum inveniri possint. Deinde quòd nihil opus sit hujusmodi Nominis notatione, cum Allusio Paronomastica sufficiat. Et Thyatira per se satis propè accedit ad sonum vocis Thygatira, quemadmodum universim ab eis concedi oportet qui illius derivationem inde duci contendunt. Nec difficile est id probare ex facili elisione literæ G. ex multis vocabulis. Anglicana satis obvia sunt. Ere magis erit exempla Græca proferre, ubi αα apud Poetas frequenter ponitur pro γαα. Etiam in medio vocabulorum, Bæotis pronunciantibus ια & ιον pro γα. Et à Latina voce magis Gallica mais profecta est, & à magister maister. Et Caninius in genere pronunciat, Alia sunt innumera bilia quæ deperdunt G. Quod argumento est eam debilem & evanidam esse consonantem, & quæ facillè degeneret in γ, ac prout locata sit, facillè posse deperdi. Quod planè evincit sonos θυάτιρα & θυγάτιρα satis propinquos esse quantum ad Paronomasticum allusionem ex cujusvis hominis judicio qui non surdus sit harum rerum æstimator.

Quòd autem θυγάτιρα idem sit quòd θυάτιρα, præter communem Analogiam formandi nomina Parisyllaba, quæ vocantur, à quinta declinatione, ut à χιλῶν, χιλῶνι, χιλῶνι, θυγάτων θυγάτωνι, θυγάτωνι, exemplum est, huic θυγάτιρα à θυγάτιρος exemplo exquisitè respondens, nempe μήτιρα à μήτιρος ità ut vocabulum abunde legitimum sit.

Et postremò quamvis concederemus nec apud Plinium nec apud Strabonem istiusmodi loca, quæ Cornelius citavit, extare; apud Stephanum tamen Byzantinum tale quid expressum occurrit in libro suo περὶ πόλεων ἡ δόμων, cujus ipsissima verba ut Lectori plenius satisfiat, transcribam. Θυάτιρα πόλις Λυδίας, ἡ περὶ τὴν Πελοποννησίαν, καλεῖται, καὶ ἡ Νικατοῦς Αὐσιμῆος πόλις, καὶ ἀπὸ τῆς θυάτιρος ἀπὸ γάτος, τῆς πόλεως ἰσχυρῶς θυάτιρα καὶ ἡ θυάτιρος, οὗ δὲ ἀπὸ τῆς γάτος hoc est, Thyatira Civitas Lydiæ Peloponnesi olim appellata est, & Semiramis, Seleucus verò filius Nicanoris bellum gerens cum Lysimacho, audiensq; sibi natam esse filiam, Civitatem Thyatira appellabat, & feminino genere pronunciatū oportet, cum neutro tamen ut plurimum pronuncietur. Certè cuncta hoc Paronomasticam Allusionem ad Thygatira quæ filiam significat, abundè spero confirmatura. Atq; hæc obiter de ratione nominis Thyatiræ.

4. Unicum hoc superaddam; Albedium nempe hoc Temporis Intervallum quod nos Ecclesiæ in Thyatira attribuimus, regnum Locustarum appellare; propter varietatem scilicet ordinum Monachorum qui intra hoc tempus exorti sunt. Et certè notatu dignissimum est quòd Polydorus Virgilius de uno illo circa ea tempora Franciscanorum Ordine scribit, qui beata Virginis servi erant peculiariter devoti; Totum, inquit, terrarum orbem una hæc implevit Familia, ut vulgus jam tum stupefactum, suspicaretur non tam pietatem quàm otium & ignaviam interdum multis cordi esse.

Quamobrem cum Ecclesia Romana Monachis ac Fraterculis ita scateret qui irrevocabili *Celibatus* voto *virilitatem* abjuraverant, vitam otiosam degentes, circumcursantes, atq; ultrò citròq; garritum euntes, ineptas populo narrantes fabulas, sicut Anus vetula ac Nutrices solent Infantibus, cum mentis etiam æquè levibus glabrisq; ac mulierum, capita cucullis obnupta habentes ac vestes fœminarum instar laxas longasq; tanquam si majori ambitione tenerentur ut Pedissequæ Ancillæ beatæ Virginis habeantur (quam Doctores hujus Ecclesiæ *filiam Dei* appellare amant) quàm servi militésq; *Jesu Christi*; an non valdè consentaneum erat ut spiritus Prophetiæ in justam reprehensionem hujus *muliebritatis* hunc Characterem Ecclesiæ *Romane* hoc tempore inureret, appellando eam *Thyatiram*, tanquam si *filiæ* potius quàm *fili* hominum, generali hac *muliebritate* pluribus in rebus quàm Monasticis his habitibus quorum mentio facta est se prodente, evasisent? Præterea hi vestitu muliebri homines, *Dominicani* præsertim, oppugnationes suas adversus veram Ecclesiam more oppidò quàm *femineo* obibant, non *viriliter* ut antea, aperto campo obviam se hosti obferentes, sed *pusillanimitè*, per perfidiam atq; dolos ut ducantur in *Inquisitionem*, & *crudeliter* tum postea & *insultatoriè*, quemadmodum facilè intelligitur ex lectione Historiæ, *sanctæ*, quam appellitant, *Inquisitionis*. Quamobrem cum omnia hæc Muliebritatis symptomata Ecclesiæ *Romane* in hoc Intervallo insint, rationi equidem consonum est ut sentiamus, hanc illius corruptionem hîc perstringi, eam appellando Civitatem *Thyatira*, per allusionem ad *Thyatira*, quod non quidem *filium* sed *filiam* Adami significat.

5. Cæterum absq; *Strabonis* & *Plinii* vel potius *Stephani Byzantii* autoritate esset, possem & alteram allusionem *Paronomasticam*, quam huic præferendam ducere, in medium proferre. Quamobrem secundum styli Prophetici opulentiam, statuerem etiam *Thyatira* ad *ἑὴν τῆς οὐλῆς* alludere, quod est, *contundere obterereve Aromata*, quo efficitur ut suaviores odores emittant: aut ad *ὑψηλὴν* sive *ὑψηλὴν*, *Altaria ad adorei adolendos*. Quorum utrumlibet ut mihi videtur, minùs coactum est quàm aut *Grotii* *ὁν ἀντιπᾶ* aut *Strabonis* *ὑψηλὴν*. Et quantum ad sensum; *Paronomasia* Persecutionum quidem verorum membrorum Christi intra hoc Intervallum admodum est significans, accuratèq; convenit cum Historia, in qua occisorum gladio rarior sit mentio; contra ac factum est in antecedenti Intervallo ubi *Martyr Antipas* occisus dicitur, (quod mirificè convenit cum ingenti illa *Waldensium* & *Albigensium* cæde qui martyrium in campo à copiis Pontificiis passi sunt, quemadmodum vox *ἀντιπᾶ* sive *ἀντιπᾶ* propriè *occidere* significat, putà gladio aliòve quovis telo bellico;

Ἀντιπᾶς μὲν ἀντιπᾶς, πάλιν δὲ τὸ αὐτὸ ἀμαρτυρῶν.)

Persecutiones verò in *Thyatira* Intervallo, *Vivicomburia* erant ut plurimum, aut Tortura, vitæ per longas & ærumnosas Incarcerationes consumptio & labefactio. Id verò quod maximè frequens maximèq; famosum erat in hac Periodo, hominum vivorum erat cum ignitis fascibus Concrematio. Hoc *Thyatiram* tot *ὑψηλῶν* implebat. Ubi etiam Crudelitas Persecutorum maximè execrabilis erat, Fides tamen, constantia & devota sinceritas beatorum Protestantium Martyrum, cum flammis globisq; fumi, suaviores omni thure ac odoribus ab Altari in cœlestis Majestatis præsentiam ascendebant, illicq; acceptæ erant illius gratiæ qui seipsum pro nobis tradidit oblationem hostiæq; Deo in odorem suavitatis.

Downham. de
Antichrist. lib.
6. cap. 5.

6. Frequentia horum Holocautomatum his temporibus à *sandro* Papista notata est; *Infinitos* *Lothardos* & *Sacramentarios* in tota Europa ignibus traditos fuisse. Nihil autem significantius esse potest mutationis scenæ Persecutionis Ecclesiæ in *Per-gamo*, ubi *Antipas* occisus est, in hanc in *Thyatira*, quæ ad *ὑψηλὴν* hæc alluditur, quàm locus ille in Historia *Albigensium* lib. 2. cap. 9. qui occasionem mihi dedit *Per-gamum* Intervallum terminandi in istum annum, viz. 1242. *Hic videtis*, inquit ille, *postremum conatum quem Albigenses fecisse invenimus, ultimūq; Peregrinorum Expeditionem adversus ipsos conscriptorum. Omnis postea contra eos Prosecutio per Monachos Inquisitores facta est, (Dominicanos intelligit, de quorum Patre Dominico, quando Mater ipsius in utero eum gestabat, Cane se gravidam somniavit ignem ex gutture evomenti) Qui Monachi, inquit ille, Pyras suas nunc accendebant plus quàm unquam factum erat hætenus. Et miserum hunc ac inermem populum opprimentes, & sigillatim ad necem extrahentes, effecerunt ut impossibile esset eos diutius subsistere. Atq; sic ærumnosa hæc Christi Ecclesia ex eo statu transiit quo *Antipas* gladio occisus est, ad statum *Thyatira* ubi *sancti Martyres Religionis reformatæ* igni-*

tis

tis fascibus concremabantur. Atq; hæc spero satis fore ad nos erudiendos cur Potestas ac Jurisdictio *Romane Ecclesie Thyatiræ* titulum hoc Intervallo gerat.

7. *Hæc dicit Dei filius qui oculos habet ignea flamma similes, cujusq; pedes similes sunt chalcolibano.* Ubi profectò haud alienum fore puto notare obiter quàm opportunus hic Christi Titulus sit & quasi datà operâ sumptus ad exprobandum *Romane Ecclesie* præposterum suum studium, superstitiosis colendi ritibus planèq; Idololatricis *Mariam* Virginem tanquam *Dei filiam*, eamq; quasi præferendi ipsi Christo vero *Dei filio*, quemadmodum suprà notatum est. Cæterum latiori sensu, *Filius Dei*, Christus hic est aut *Personaliter*, aut *Mysticè* pro Ecclesia, suo corpore, accipiendus. Si de Christo intelligas *personaliter*, ignei illius oculi, penetrantem ejus omniq; discernentem prospicientiam ac Providentiam denotant; portenditq; porò iram ejus ac vindictam adversus Persecutores, Ecclesiam suam ignitis fascibus infestantes. Pedes autem chalcolibano similes, obfirmatam innuunt viarum suarum constantiam ac puritatem. Quòd si pedes chalcolibano similes de corpore Christi mystico intelligamus, Descriptioni supplementum oportet ex antecedentis Capitis versu 15. accersì, *Pedes chalcolibano similes tanquam in fornace igniti*; quo significatur, *Tentatio* verè *ignea* quæ Ecclesie suæ hoc *Thyatiræ* intervallo, sensu vel maxime crasso obventura sit, cum multis servorum suorum palo alligatis standum sit cum pedibus in medio flammantis Pyre à barbaris suis Persecutoribus accensæ. Filium verò Dei præcedenti Capite descriptum, corporis etiam *Mystici* exhibere imaginem, *vocis* illius descriptio planè videtur innuere. Vox, inquam, ejus *multarum aquarum* sonitui comparata, descriptionem hanc, corpus etiam ejus mysticum respicere, quæ multitudo est, satis subindicat.

8. *Novi opera tua ac charitatem & fidem.* Vera Ecclesia in *Thyatira* cum oppressa esset & afflicta, arctissimâ officiosissimâq; Amicitia sibi invicem adhærebant, animabantq; ac confirmabant alii alios & supportabant quantum poterant, & ad omnem Pietatis exemplaritatem, debitumq; in Religionis potentia ac virtute profectum, tanquam Candidati illius Liberationis quam per fidem haud ità longè abesse perspexerant, anhelabant.

Et patientiam atq; opera, & postrema plura esse prioribus. Hoc est, Opera patientiæ tuæ video, in tolerando Incarcerationes, Torturas ipsamq; aded mortem, & particulatim in tradendo vosmetipsos in Oblationem Incensi, pyris fascibusq; consumendos ad tantas multitudines in veritatis meæ testimonium. Quod cum prope finem hujus Intervalli contingeret, perquam aptè dicitur, *& postrema plura esse prioribus.* Hoc certè eis quæ in Historiæ monumentis reperiuntur, apprime congruit.

9. *Sed habeo contra te pauca, quòd mulierem Jezebelem quæ dicit se Prophetissam, &c. Papalem scilicet Hierarchiam,* quæ prætendit se esse *infallibilem*, atq; hoc prætextu *Idololatriam* introducit quæ est *spiritualis Fornicatio*, detinetq; homines in communionem *Misse* suæ *Idololatricæ*, quam Divinus Spiritus *Idolothytorum* esui hic comparat. *Jezebel* igitur *Prophetissa Pseudopropheta* respondet in *Apocalypsi* post hæc memorato; atq; hæc exprobratio Ecclesie in *Thyatira*, quòd *Jezebelem* permittit dolos suos ad hunc modum exercere, voci illi Angeli, *Migrate ex ea populus mi, ne sitis ejus peccatorum participes, ne de plagis ejus accipiatis.* Solicitatio quædam est Principum ac populorum Christiani Orbis, talium utiq; qui fraudes cernant & Idololatrias *Romane Ecclesie*, ut defectionem ab ea faciant nec illius diutius ferant Imposturas. Tempus enim defectionis nunc appropinquabat, resq; eò planè maturefcebant, eratq; in eorum potestate, quibus præsens rerum conditio displicebat, easdem emendare; Et propterea dicit, *Quia finis mulierem Jezebelem*; Nos enim in culpa non sumus si eas res finamus, quas in potestate nostra non est corrigere.

10. *Jezebel* hæc, admodum profectò significans est *Romane Hierarchiæ* si ad libri Regum Historiam recurramus; non ob id solum quòd *Cerusa* fucòve se oblineret, (quod notorium est in Ecclesia *Romana*, (præsertim hoc Intervallo) talèq; quod Homiliæ Ecclesie nostræ Anglicanæ speciatim notent, comparando omnes opulentos illos splendidosq; ornatus Ecclesie *Romane*, Cerussaturæ rugosi vultus Meretricis) sed ob *Fornicationes* etiam ac *Veneficia*, quemadmodum notatur 4 Reg. 9. 22. *Quæ pax*, inquit, *durantibus adhuc tot matris tue Jezebelis stupris ac veneficiis*? Quod exactè respondet descriptioni Meretricis *Babylonice*, quæ dicitur *mater Fornicationum* & abominationum terræ, ex poculo etiam *Veneficii* in manu porò descripta, quo Reges terræ intoxicat, inebriatq; vino fornicationis suæ. Et quemadmodum illa ebria dicitur sanguine Sanctorum & sanguine Martyrum *Jesu*, ità *Jezebel*

3 Reg. 18. 4. *Jezebel* etiam satis suâ Historiâ celebratur ob Interfectiones Prophetarum Dei.

11. Fœdâq; illa Flagitia ab *Achabo* perpetrata, qui abominabilem se præstitit in colendis Idolis & inservis Dei veri persequendis, quiq; operandæ iniquitati se mancipasse dicitur, ea certè omnia astutæ ac sanguinolentæ huic Meretrici ac Veneficæ imputantur, quemadmodum Textus planè declarat: *Nemo autem erat consimilis Achabo, qui seipsum mancipaverat operandæ iniquitati coram Domino, quem Jezebel uxor instigabat.* Hoc est, *Romana* Hierarchia (quemadmodum & visio *Meretricis Babylonice* & *Bestiæ bicornis* planè significat) Author erat, Excogitatrix & Instigatrix ad omnes illas truculentas & Idololatricas actiones quibus Magistratus secularis se contemeravit durante illius potentiâ ac tyrannide in veros servos Christi. *Bestia bicornis* exercebat omnem potestatem coram *Bestia decacorni*, vel potius potestate seculari utebatur ad perducenda ad effectum omnia sua consilia Diabolica adversus filios Dei; quemadmodum *Jezebel* literas scripsit *Achabi* nomine ipsiusq; sigillo eas obsignavit. Ecclesia omnibus impiis Dogmatis suæ Religionis, & consuetudinibus Idololatricis quas ad mundana sua commoda promovenda excogitaverat, *Imperialis* autoritatis notam imprimendam curavit: atq; tunc si quis *Nabothus* paternam suam Hæreditatem nollet relinquere, possessionem scilicet sanctæ justæq; ac rationalis Conscientiæ, nec profiteri quicquam agere contra *veritatem* & *veritatem*, contra infitas veritates ac notiones quas Deus pro infinita sua misericordia ac fidelitate omnium mortalium mentibus persentiendas insevit, qui nullam innatæ luci violentiam, candelæ illi Domini omnia intima viscera perscrutanti, intulerint; is sanè per truculentos dolos hujus Meretricis *Jezebelis* falsò accusabatur Blasphemix in Deum atq; Regem, perinde ac si & *Catholicæ fidei* ac *seculari Magistratui* inimicus esset, atq; sic morti adjudicabatur. Morsq; ei per improbas hujusmodi accusationes hoc Intervallo obvenit, quemadmodum Intervallo præcedenti, in quo *Antipas* occisus est, in acie aperto Marte obtigit. Tam apposita est ad illustrandum statum hujus Intervalli Ecclesiæ sub Ecclesiæ *Romane* Tyrannide, ad *Jezebelis* Historiam Allusio.

12. Nec omninò durum est *Vineam* sensu *spirituali* ita interpretari ut aliquid intra nos significet, siquidem *Philo* aliq; antiqui Interpretes *Paradisum* hortumve *Edem* eo sensu interpretati sunt. Atq; alij certè non possunt non agnoscere Legem illam *Mosaicam* Deuter. 22. 9. *Vineam tuam miscellaneis nè conferito*, habere etiam sensum *Moralem* sive *Mysticum*, præceptumq; esse simplicitatis sive sinceritatis cordis. Quamobrem *Nabothi* vinea optimè significare potest voluntatem intellectumq; humanum illis solis notionibus rerumve notitiis constitum quæ sunt à Deo, sive innatæ sint illæ Animi *Ideæ*, sive quicquid per Spiritum Dei in sacris inspiratorum hominum scriptis porro communicetur, aut immediatius nobis inspiretur per habitationem illius Spiritus in nobis. Omnes hæ plantæ à cœlesti nostro Patre plantatæ sunt, nec ullum aliud semen conferendum est quod illis sit contrarium. Atq; hæc sanè vinea omnium verorum Christianorum Hæreditas est in eos ab Apostolicis usq; temporibus ad hunc ipsum diem descendens. Imperium verò *Romanum* Doctrinis *Meretricis Bestiæ bicornis*, aut etiam propriæ Naturæ corruptionibus coinquinatum, ed animum inclinabat ut antiquum hoc jus invaderet, ut *Achabus* olim possessionem vineæ *Nabothianæ*, sub prætextu quoddam hominibus propriam voluntatem ac intellectum supremæ potestati tradentibus, *Regiminis* ratio multò esset securior. Omnesq; qui *admirati sunt post Bestiam* in manus secularis Potestatis vineas suas tradebant, nec aliter Religionem profitebantur quàm secundum formam Imperii; atq; sic vineas suas habebant *seminibus confitis diversis*, immò verò *Apostolicæ* Plantationi planè contrariis. Mentèsq; eorum *crassis Mendaciis*, sedis omne genus *Idololatriis*, & truculentis adversus veros Dei filios *Inimicitiiis*, mirum in modum implebantur.

13. Quantum verò ad vineam *Naboth*, hoc est, ad vineas verorum Prophetarum vel Prophetissarum, uti vocabulum *Naboth* videtur subindicare, illæ non sunt traditæ, hoc est, Illi qui pro forma vel in speciem Christiani non erant, nec parem recens inventis mendaciis atq; veritati *Apostolicæ* fidem adhibebant, sed fide verâ vivâq; *Jesum* credebant esse Christum, hi vitas suas perdere malebant quàm vineas relinquere quæ nobile illud vinum eis ferebant, perpetuum illud Festum bonæ Conscientiæ pacisq; ac gaudii in Spiritu sancto. Unde erat quoddam Meretrix hæc & Venefica *Jezebel* mortem eorum machinaretur aut persecutionem & oppressionem, quemadmodum & duo Prophetæ dicuntur & *lugere sacco* & *occidi*. Vineam igitur *Nabothi* ille sensus est & notitia, conscientiaq; ac vita Spiritus in nova Nativitate, quâ

quâ homo planè vivideq; Christi vias & Antichristi dijudicans, æquè necessariò unum averfatur atq; alteri adhæret.

14. Vera enim firmaq; fides in Christum est à nova Nativitate, sicut & S. *Johannes* 1 *Johan. 5. 1.* testatur; *Omnis qui credit Jesum esse Christum, ex Deo natus est.* Ac proinde necesse est ut hic *Spiritus vitæ* antipathian habeat adversus omne id quod ipsi sit contrarium. Estq; hic ipse *Spiritus Prophetiæ* sensu nobilissimo; sicut *Johannes* itidem innuit in Epistola sua generali, ubi post mentionem multorum Pseudoprophetarum qui in mundum exierint, statim subdit, *In hoc cognoscitur Spiritus Dei; Omnis spiritus qui confitetur Jesum Christum in carne venientem, ex Deo est.* Quod accuratè convenit cum illo in *Apocalypsi*, ubi Angelus dicit *Johanni*, *Ego conferens tuus sum & fratrum tuorum habentium testimonium Jesu*, hoc est, eorum quorum corda firmiter vivaciterq; sibi testantur *Jesum* esse Christum perindeq; profitentur. Quod nulli præstare possunt nisi qui à Deo nati sunt, ac proinde Spiritum Dei habent. Quod subsequenter verbis planè innuitur, *Nam testimonium Jesu est Spiritus Prophetiæ*, hoc est, Quod quis idoneus sit ad testificandum *Jesum* esse Christum eo quo dictum est modo, à spiritu vitæq; Dei est in nobis qui omnem sanctam veritatem inspirat. Unde Angelus paritatis quoddam genus *Johannem* inter ac seipsum arguit, eosq; aded omnes qui testimonium habent *Jesu* juxta eum sensum quem declaravimus, atq; ab eis proinde noluit coli.

15. Cæterum hæc ferè Digressio est, nisi quod illustrare possit locum illum in *Apocalypsi* ubi duo *Testes* duo *Prophetae* etiam appellantur, (non tam à prædicando res futuras quàm à testificando veritatem ex *Spiritu vitæ in novâ nativitate*, & à tam firmiter tenendo hanc doctrinam ut illius causâ extrema quæque, etiam ipsam mortem, velint pati) & faciliorem conciliare fidem huic *Mystico* sensui vineæ *Nabothanæ*, vineæve *Prophetiarum*, cum nullas miraculosas prædictiones supponat sed ut quis affletur sanorum sensu ex *Spiritu vitæ*, præditusq; sit confidentiâ loquendi veritatem prout est in *Jesu*. Nihil opus est ut quicquam amplius per has res intelligatur.

16. *Docere, & seducere servos meos quod fornicentur & vescantur Idolothytis.* *Fœmina hæc Thyatirensis* (sive uxor sit *Thyatirensis* Episcopi sive alia aliqua persona nobilis, *Literæ* enim *Interpretes* hic dissentiant) juxta *Literalem* sensum à factis suis describitur tanquam rea tantummodo simulandi se *Prophetissam* esse, eaq; re seducendi servos Christi ad Fornicandum & ad vescenda *Idolothyta*. Quæ Gnosticismi, qui vocatur, pars præcipua est. Et veritatem quidem suppositæ historiæ nos nequaquam hic negamus; Verùm superaddimus, Admodum profectò improbable esse *Spiritum Prophetiæ* unam quamvis fœminam tam particulariter in scripto tantâ majestate fulgido notaturum fuisse (quod etiam *Alcazar* valdè seriò ac vehementer urget) nisi majus aliquod indè intenderetur. Quamobrem dico *Spiritum Prophetiæ* significantiæ malefactorum hujus fœminæ *Thyatirensis* opportunitate fretum, quæ partem enormitatum Ecclesiæ quæ hic perstringuntur, illustrent, nomen *Jezebelis* hisce addidisse ut *Prophetica* præfiguratio perfectior esset; siquidem Ecclesia *Romana* ad vivum adumbratur hac Allusione ad *Jezebelem* eis additâ quæ de hac *Thyatirensi* fœmina referuntur, viz. Quod se prætendat *Prophetissam* esse, ut *Romana* Ecclesia se esse *infallibilem*, quod Christi servos ad *Idololatriam* & *impuras libidines* traxerit, sicut *Romana* Ecclesia facit astringendo homines *Misse* aliisq; modis Deum colendi *superficiariis*, qui mentem relinquunt rebus sensibilibus perinde deditam, usibûsq; præterea *Idololatricis* necessariò eas illaqueant. Atq; hæc de Actionibus hujus fœminæ.

17. Jam verò ex eo quod hoc *Jezebelis* nomen ei inditum sit, proculdubio Dei Spiritus nos remittit ad illius Historiam ad perficiendum hunc *Parallelismum* fœminam hanc inter atq; *Romam*, quatenus scilicet *trucidatrix* est *Prophetarum* servorumq; Dei, & falsarum adversus eos *Accusationum concinnatrix*, ac si retinendo *Paternam Hereditatem*, puram nempe Conscientiam secundum antiquam fidem *Apostolicam* innatâsq; notiones veritatis quas Deus mentibus iniecit omnium mortalium, *blasphematores essent Dei* atq; *Regis*, criminisq; adversus *civilem* pariter atq; *spiritualem* Magistratum obnoxii. Et postremò (quod summoperè notandum est) Ecclesia *Romana* in hoc Intervallo successionis Ecclesiæ Christi, appellatur *Jezebel*, quoniam nihil obstantibus fucis suis ac cerussaturis elegantiaq; ornatuum meretriciâ, per fenestram brevi ejicienda erat, carôq; à canibus devoranda. Quod iusta Dei indignatio zelusq; *Jebu* (nobilium utiq; Reformatorum) Divino Spiritu instigati ad effectum perduxit in fine hujus Intervalli Ecclesiæ, quemadmodum hoc malum denunciatum etiam est in sequentibus partibus hujus Epistolæ.

18. Quod

Gregor. Franc.
Lexic. sancti.
tit. 107.

18. Quod quidem fatum ipso etiam nomine *Jezebelis* subindicari videtur. Quemadmodum enim satis severus in Lingua Hebraica Criticus in sua Notatione nominis *אִיבֵּל* (quod consimilem prorsus compositionem habet huic voci *אִיבֵּל*) illud componi posse ait aut ex *אִי* *ubi*, aut *אִי* *va*, aut *אִי* *non*, & *כְּבוֹד* *gloria*; ita ego dico vocem *אִיבֵּל* componi posse aut ex *אִי*, aut ex *אִי*, & *בֵּל* quod *habitaculum* significat, aut ex *אִי* & *בֵּל* quod *Chaldaicè* (quæ linguæ *Hebraicæ* dialectus est) significat *stercus*. Quæ nominis rationes apprimè *Jezebelis* Historiæ conveniunt fatôq; *Romana* Ecclesiæ in hujus Intervalli *Thyatirensis* exitu. Nam si derivemus *אִיבֵּל* ab *אִי* *ubi*, aut *אִי* *non*, & *בֵּל* *habitaculum*, planè respiciet *Jezebelis* deturbationem per fenestram ex habitaculo suo, sed & aptissimè præfigurabit *ejectionem Romanorum* Sacerdotum ac Monachorum sub initium Reformationis, nempe quodd exturbandi essent ex habitaculis suis, edictis Magistratum.

Quodd si derivemus vocem *אִיבֵּל* ab *אִי* *va* vel *heu* & *בֵּל* *stercus*, & crimen & poena *Romana* Ecclesiæ huic nomini inscripta deprehendentur, cum sordes & corruptiones ejus, stercorei comparentur; poenâq; subindicetur haud absimilis poenæ *Jezebelis*, quemadmodum scriptum est, *Et jacebit Jezebelis cadaver tanquam stercus sub dio*. Ità ut ipsa nominis notatio denotet quanto cum dedecore & contumeliâ Papalis potestas ac superstitio abolenda esset eis in locis ex quibus erat exterminanda, quodd in ipsum cænum utiq; esset conculcanda. Adeo ut in eum qui *Pergameno* Intervallo *עַל בֵּל* erat, i. e. Dominus populi, (Papali Hierarchiâ ubiq; dominante) in fine hujus *Thyatirensis* Intervalli hæc insultatoria Lamentatio sumi possit, cum allusione Paronomastica præcedenti Etymologiæ quoad sensum haud multum absimili, & propinqua satis sono vocis *אִיבֵּל*, nempe *אִי-בֵּל-הוּא*, *Heu stercus* sive *cænum Dominatus Papalis*! Heu quàm conculcatus est in lutum viarum! Quod egregiè præstitum est in Actionibus *Martini Lutheri* adversus Papam Clerumq; Romanum. Levitas forsân quibusdam videri potest adeo verborum indulgere lufibus; sed enimvero id leve censi non debet sed res summi profectò ponderis, quodd universa Nomina propria sive hominum sive urbium in his Propheticiis Epistolis scopo illi Prophetico adeo aptè incoacteq; & ad amissum convenient.

19. *Et dedi illi tempus ut penitentiam ageret, & non vult penitere à fornicatione sua*. Satis longum tempus habuit ad recognoscendas crassas suas Apostasias à puritate mei cultûs ex quo *Waldenses* & *Albigenses* testimonium adversus eam perhibuerant, & tamen manet adhuc obdurata & impœnitens, antiquamq; fornicandi consuetudinem etiamnum retinet.

20. *Ego verò eam in lectum, & cum ea adulterantes in magnam calamitatem prosteruam, nisi à suis operibus destiterint*. Nisi resipuerit, certum est me eam in lectum ægritudinis & languoris, pro illo lecto Adulterii quo terræ Reges acceperit, esse conjecturum. Robur ejus & Gloria multum diminuentur, Amalitiq; illius calamitatem lugebunt quam ego in ipsam sum inducturus. Erunt enim è Regibus qui osuri sunt Meretricem, nudamq; ac desolatam in dominiis suis reddituri, qui esuri sunt carnem ejus, eamq; igni concrematuri. Quemadmodum ante seculum ferè contigit, integris Nationibus ab ea deficientibus.

21. *Ejusq; filios morte mulctabo*, hoc est, Spiritus gladio eos occidam, itaq; illos ei mortuos reddam suâ conversione ad veritatem, aut, non mysticâ quidem sed naturali morte eos mulctabo, illos utiq; qui adversus veram meam Ecclesiam malum machinantur, sive integri Exercitus sint, sive seditiosi Emissarii; quemadmodum sæpe factum est post Reformationem.

Ut intelligant omnes Ecclesiæ eum esse me qui renes & corda scrutor, & vos pro suis quemq; operibus remunerabor, hoc est, Per omnia ora celebratissimum erit perq; totum Christianum Orbem notissimum, quàm justa mea judicia sint, quodd cum *Jezebele* non agam secundum pulchros suos prætextus Titulôsq; quæ sanctam Ecclesiam se appellat, prætextitq; omnes suas crudelitates ac Imposturas naniâsq; Idololatricas meæ gloriæ destinatas esse, cum in degenerem hunc statum, turpis lucriferumq; suarum mundanarum augendarum causâ, corruerit. Mei verò oculi qui flammantis ignis instar sunt, & in corda renâsq; hominum penetrant, abominabilem ipsorum Hypocrisim clarè vident: pedesq; *Chalcolibano* similes, qui de via puritatis justitiæq; nunquam descedunt, certò eos assequemur, debitamq; vindictam de eis summent. *Ego nunquamq; pro suis factis remunerabor*.

22. *Vobis autem dico reliquisq; Thyatirensibus quotquot hanc doctrinam non habent; vobis Pastoribus veræ meæ Ecclesiæ in Thyatira, reliquisq; qui vestræ fidei concediti sunt, qui doctrinam fidemq; Idololatricam Thyatirensis, hoc est, Romane Ecclesiæ non tenent.*

Et

Et qui profunda Satana non norunt, quemadmodum illi dicunt, hoc est, Qui non approbâstis profunda Mystera, ut illi loquuntur, rationis imperii, Romanæ Religionis (cujusmodi sunt innocentium hominum in rem sancta Ecclesie sive trucidationes, Infallibilitas, Transubstantiatio & similia) ego verò qui corda renescq; perscrutor, Satana profunda esse apertè declaro, quippe quæ ad nihil aliud tendunt quàm ad superbiam prorsus Luciferianam, ad Persecutiones barbaras ac truculenta Homicidia, & ad crassam deniq; Imposturam & Idololatriam.

Non imponam vobis aliud onus, at quod habetis tenete donec veniam. Ostendi vobis quàm approbatæ sint mihi viæ vestræ, vers. 19. ob id quod communionem cum hac Idololatriæ Jezebele non colatis, in eo animo persistite & ad extremum durate; Nullæ persecutiones vos territent, donec in judicio veniam adversus hanc Jezebelem; quæ idem est quod cornu parvulum apud Danielelem, quod sub exitum temporis, & temporum & dimidii temporis certò sum judicaturus.

21. Qui verò vicerit operâq; mea ad extremum retinuerit, huic ego dabo in gentes potestatem. Illa hominum multitudo illève populus qui verba mea ad extremum observaverit usq; ad ultimum semi-tempus è septem, ipsi potestatem habebunt in Pagano-Christianos, illi subdomabunt eos nec eorum amplius dominationem patientur.

Eòsq; virgâ ferreâ pascet; hoc est, sufficienti potentiâ ac rigore ad ipsos legibus coercendos, nè subjectionis jugum excutiant.

Tanquam vasa fictilia confringentur. Lapis pedes Imaginis percutiet atq; conteret. Hoc profectò tandem eventurum est.

Ut & ego à patre meo accepi. Ego in vobis & vos in me. Vos in me per virtutem potentiæ spiritûs mei sic regnabitis: Et ego in vobis juxta id quod scriptum est, Psalm. 2. Tibi Gentes in hereditatem, Orbis fines in possessionem dabo, quos tu sceptro regens, ferreo tanquam fictile collides. Hoc verò paulò longinquius est.

22. Etq; stellam dabo matutinam. Interea loci & quod proximè successurum est, Dabo illi stellam matutinam, hoc est, non contemnendum diluculum magni illius Diei illustis Regni Christi super terram in sanctis per suum Spiritum, Phosphorum præfulgidi Solis-ortûs beati Millennii propriè sic dicti. Hoc Intervallum idem est quod Phialarum quas tantus fumus concomitatur. Quemadmodum & promissum hic quod præstandum est proximâ Ecclesie successione, illicq; continuandum non enunciatum pari vigore atq; alibi, ubi Christus stella splendida matutina appellatur, hic tantummodo stella matutina absq; ornatu illius Epitheti. Regnum igitur Christi sub primo Tonitruo appellari potest stella matutina, sub secundo verò ac porro stella splendida matutina. Estq; notatu dignum, quod cùm in altero illo loco dicatur *ardet ignis*, in hoc nominetur *ardet ignis*. Quod significationem habere potest rei maturius obtingentis quàm expectabatur, quod exquisitè eventui respondet, qui sub priorem partem ultimi semi-temporis contigit. Sed hæc obiter tantum dicta sunt.

Qui aurem habet audiat quid spiritus dicat Ecclesiis. Nihil novi hic notandum in hoc Epiphonemate nisi quod post integram Epistolam collocetur, quod indicio est totam Epistolam esse Parabolam, nec de sola Ecclesia Thyatirensi, sensu literali, intelligendam esse; sed conditionem rerum aliis alicujus Ecclesie, Ecclesie verò Catholice & Apostolicæ, in Intervallo definito, præfigurari hic prophetice ac describi. Ac promissa proinde præstanda esse in hoc Terræ Theatro, quemadmodum & ex sua natura videntur talia esse quæ sensum habeant Politicum. Quod propterea certos nos simul facit talem Interpretationis tenorem ad tres sequentes Epistolas pertinere, quippe quod Epiphonema singulas claudit. Et nos ea propter Interpretationis nostræ rationem perinde instituemus.

CAP. VII.

Interpretatio Epistolæ ad Ecclesiam Sardanensem.

1. Tem Angelo Sardensis Ecclesie scribito. Sardes Civitatem Asia fuisse manifestum est, cap. 1. & sub nulla alia ratione considerata conditionem quintæ hujus successionis statûs Ecclesie non omnino illustrat. Concedendo autem hic rursus Pæronomasticam Allusionem ad Sardam lapidem pretiosum quod facit Grotius, no-

M m m m m

tandove

Vers. 25.

Vers. 26.

Vers. 27.

Vers. 28.

Apc. 22. 10.

Vers. 29.

Apc. 3. 1.

tandóve cum *Plinio*, illum lapidem sic appellatum esse ex eo quod *Sardibus* primum inventus sit, admodum profecto significans esse potest conditionis Orbis Christiani reformati intra hoc Intervallum quod à *Resurrectione Testinm* incipit, & in ultimam *Phialam*, partem intelligo, terminatur. Post quam incipit Intervallum *Philadelphie* secundumq; porro ac tertium *Tonitruum* occupat. Aliquæ speciales igitur qualitates Ecclesie *Sardiane* hic intelligendæ sunt ex lapide *Sarda*, aliæ ad laudem illius, aliæ ad nominis diminutionem. Virtus hujus lapidis est quod circumgestatus hominem hilarem reddat & animosum, & veneficia fuget & incantamenta, venenumq; ritè adhibitus expellat, quæ quidem *Sardiane* hujus Ecclesie privilegia quædam adumbrant. Cujusmodi sunt *leta illa ac hilaris securitas* in *Justificatione per fidem* in Christi sanguine, quodq; liberati sint à doctrinarum *Idololatricarum veneno* & *effe- seinatoris Incantamentis* Poculi Meretricis. Nihil hic *Jezebelis* in hac Ecclesia, nullaq; esus *Idolothytorum* mentio, nec in duabus subsequentibus Epistolis, quæ non contemnenda quidem confirmatio est veritatis sensus Mystici harum successio- num. Et illa pariter atq; hæc bene se habent sanæq; sunt, quantum ad hos Arti- culos.

Ceterum quod lætitiæ attinet sive hilaritatem suprà memoratam, illa sanè non sola Lapidis *Sardis* virtute sed & Civitatis *Sardis* nomine planè significatur; *Sar- dis* enim, quemadmodum in vulgari Dictionario Latino videre est, idem sonat atq; *Canticum Lætitie*. Quasi *Sardis* à שר cantare & אר quod אר Arabico exultare, deducendum esset, ut שרדן *Paradisus* à שר & דן, utpote qui *fructus lætitiæ edit*, deducendum videtur. Quas Notationes à viris Linguarum Orientalium peritissimis approbatas esse sat scio. Nec id præterire hic potui, cum nomen *Sardis* juxta hanc Notationem, cum *Citharistarum* canticum Apocalyp. 16. tam mirificè conveniat. Nam *Citharistarum* cantilena *Phialarum* effusionem immediatè antecedit, ac proinde cum *Sardiani* Intervalli initio coincidit. Quæ certè pulcherrima rerum congruitas est, sed quam ulterius hic prosequendi non est locus. Atq; hæc ferè sunt quæ ad lau- dem *Sardiane* Ecclesie faciunt in Allusione *Paronomastica* notanda.

2. Verum hic lapis *Sarda*, quæ vocatur etiam *Carnalina* & in lingua *Hebraica* שרדן ut qui humanam carnem sanguinemq; aded ad vivum refert, insinuare etiam videtur aliquid quod *Sardiane* Ecclesie derogat, tanquam si *Caro* essent non autem *Spiritus*, quæ quidem specialis videtur esse Ecclesie *Philadelphianæ* dispensatio. Cumq; Christi victoria in *Edom* fiat emittendo elidendóve corruptum veteris *Ada- mi* sanguinem, *Odem* hæc sive *Carnalina* eam è contrà habere virtutem dicitur ut sanguinem sistat, impediatq; quod minùs exeat; ac proinde admodum significans esse videtur earum doctrinarum in *Sardiane* Ecclesia, quæ debitam ac requisitam vete- ris hominis mortificationem prohibent, quasi timerent nè nimis debilitaretur, nimitumq; illius sanguinis vitæq; efflueret.

3. Scelus igitur est, quod, tametsi Ecclesia *Sardiana* à foedis *Idololatriis* crasisq; *Imposituris Papalis* Ecclesie liberata sit, status tamen illius non est, ut plurimum, ni- si *Carnalis*. Nondum est illa *Dispensatio Spiritûs vite*, sed maximi strepitus turbæq; sunt circa externas opiniones ac ceremonias. Videntur Christum cognoscere duntaxat secundum carnem, non secundum virtutem *Spiritus* ejus quo potens est omnia sibi ipsi subjungere. Quanquam Christus, postquam dixisset, *Carnem suam verè cibum esse, & sanguinem suum verè potum*, apertè se explicet, declarando expressim, *carnem nihil prodesse, verbûq; quæ ipse locutus est, spiritum esse & vitam esse*: Magna ta- men pars hujus Ecclesie *Sardiane*, *Lutheranos* intelligo, & propria torquent ingenia molestissimq; reliquo Orbi Christiano Reformato creant, defendendo scævum illud *Consubstantiationis* Paradoxon, nempe ut hoc pacto homines in suis Eucharistiis ce- lebrandis crassum illum sanguinem carnemq; Christi quæ in cruce olim crucifixa est, edere possint atq; bibere. Quid obsecro *Carnalina* speciem magis referre potest quàm hoc? Ut præteream nimis multos esse qui æquè crassè errant ac carnaliter, cir- ca naturam corporis in *resurrectione* suscitandi, dum ipsum imaginantur æquè terrenè modificatum (quanquam cœleste ac spirituale corpus in Scripturis appellatur) atq; illud corpus quod in sepulchrum condimus, capaxve est amplexuum tori Nuptialis. Aliæq; istiusmodi crassæ carnalèsq; opiniones sunt (quas sciens prudensq; prætermi- to) *Sardiana* hujus Ecclesie mentibus nondum expunctæ.

Ceterum, nullum magis nefarium est *Carnalitatæ* hujus Ecclesie indicium, quàm *Dissensiones* atq; *Schismata* ad mutuas usq; *Persecutiones*, quàmq; bella ejus intestina ingenioq; Christiano planè contraria, unâ parte Christiani Orbis reformati adversus alteram præliante. Hæc profecto rancidè carnem sapiunt, debitæq; *Spiritus* *Dispen- sationi* ex Diametro adverfantur. Quæ postquam advenerit, Ecclesiam introducet

Philadelphianam.

Johan. c. 6. v.
55.

Johan. c. 6. v.
63.

Philadelphianam; Ecclesiam sinceri minimèq; fucati Amoris & Charitatis, in qua juxta Prophetarum prædictiones belli strepitus inter Christianos non audietur amplius. Effrænis deniq; opes accumulandi libido huc accenseri potest, quæ Ecclesiam facit pessimo sensu, *Sardianam*, quasi *Cræsi Sardium* Regis opulentiam affectare mallems quàm Christi paupertatem, regnùmve illius, rejectis mundanis cupiditatibus, omni honesto studio morùmq; probitate promovere. Hæ stricturæ sufficere possunt ad ostendendum cur Spiritus Dei hanc Ecclesiæ suæ successione per *Sardianæ* Ecclesiæ Titulum significaverit.

4. *Hæc dicit qui septem Dei spiritus habet.* Numerus septenarius *universalitatem* aliquando significat; unde *Pythagorei* ἑπτάπλονοι appellant. Sensus igitur est, se in promptu habere omnes spirituales Divinæ gratias quas impertiat ad perficiendum Dei hominem in omni bono sermone atq; opere.

Et septem stellas, hoc est, Qui septem stellas tenet in dextra sua. Ità se habet in Descriptione ante alloquium ad Ecclesiam *Ephesinam*, quod ad majorem animationem hic repetitur; cùm Christus hoc pacto suam potentiam declaret promissumq; adjuvandi *Renovationem* Christiani Orbis per inceptam *Reformationem*, sicut *Formationem* ejus promoverat in Principio, & extirpationem Paganismi in Ecclesiæ primordiis quod Intervallum erat *Ephesinum*.

Novi tua opera qui cùm viventis nomen habeas, mortuus es. Statum tuum apertè video ac conditionem; vitæ quidem speciem præ te fers, quippe multum caloris habes atq; zeli, plurimàq; externo quodam fervore peragis quæ famam tibi conciliare possunt, quasi præter modum religiosa esses. Multaq; possunt esse Disputationes fervidæ pro hac vel illa cæremonia, pro hac vel illa opinione, & contra easdem, multæ eaq; valde vehementes disceptationes de Fide & Justificatione & similibus. Qui quidem Fervor & Activitas, vitæ speciem in se referunt: Verùm pro certo scias, nisi *Fidem* illam habeas quæ operatur per *Charitatem*, omnis hic æstus nihil aliud est nisi æris sonantis strepitus & tinientis cymbali. Cùmq; sic viva sis, meo tamen nihilominus judicio parum distas à mortua. Et tamen si ad hunc modum *calentem carnem* & *sanguinem* imiteris, non es tamen aliud quàm frigus *Sardius* ad meum quidem tactum sensumque. Quemadmodum *illa que in deliciis vivit, vivens mortua est*, quamvis seipsam tum omnium maximè vivere existimet, ita prorsus se res habet in eo qui Christiano Amore & Charitate destitutus, ferventi tamen, amarulento, imperitòq; ac præpostero zelo animatur. Hæc profectò *Dei* vita non est, sed meræ *Naturæ* ac *Carnalitatæ*.

1 Tim. 5.

5. *Præsta te vigilantem, & cetera moritura confirma.* Vide nè amoris vitæq; inopia *Fidem* etiam in discrimen vocet, morùmq; relaxatio *Atheismum* & *Infidelitatem* in universa superinducat.

Vers. 2.

Neq; enim inveni opera tua perfecta coram Deo meo. Quæ in se vitam habent, pergunt ad perfectionem. Quamobrem si antè gradum sistunt nullòq; faciunt profectus, indicio est lethalem aliquam intemperiem ipsi cordi vel radici inherere, atq; istiusmodi plantam necesse est marcescere ac mori. Opera tua nec perfecta sunt, nec ejusmodi sanè doctrinæ facile admittis quæ ad perfectionem efficaciter perducant.

Ademento igitur quomodo acceperis & audieris, & serva & penitentiam age, hoc est, Vos qui vera mea Ecclesia *Apostolica* estis, reminiscamini quæ à me ipsa aut *Apostolis* meis acceperitis. Verbo infallibili mordicus adhærete quod fideliter vos erudit & ad omnes debitas mensuras Pietatis excitabit; nec ullam fidem adhibete putridis corruptisq; glossæmatis hominum dolosorum, qui pulvinulos omnium axillis consuere volunt, opinionèsq; formare ac præcepta quæ carnis cupiditatibus faveant. Nimiùm admirari homines, *Carnalitatæ* certè pars est; admirari verò ob ipsas *carnales* opiniones præceptaq; vitioso animo faventia, *Sardianum* est sive *Carnalinum* bis tinctum. Resipiscite igitur, nam appropinquat regnum Dei, Isq; qui *septem spiritus Dei* habet præsto est ad opitulandum & succurrendum per Divinas suas gratias omnibus eis qui sincerè operam dant Justitiæ. Ità ut culpa in vós ipsos sit devolvenda.

Vers. 3.

Quod si non vigilaveris adoriar te ut fur, neq; scies quā te adoriar hora. Si redire nolis ad veram sobrietatem morùmq; sinceritatem, ingens aliquod malum ex inopinato tibi inferam. Subito adversus te veniam in judicio, cùm minimè ea de re cogitas. Pro infinita sua misericordia malum avertat omen Deus, cordaq; nostra mutet ut mores emendemus, illisq; rursus recipiamur in gratiam.

Vers. 4.

6. *Sed habes pauca nomina etiam in Sardis quæ sua vestimenta non contaminaverunt.* Quamvis *Sardianæ* Ecclesiæ Dispensatio tam generaliter *carnalis* sit, ad ipsum colorem illius lapidis *Carnalina*, qui meram Carnem atq; sanguinem aded ad vi-

vum refert; sunt tamen pauci aliqui qui vestimenta sua hoc colore non inquinaverunt, sed veluti primitiæ sunt *Dispensationis spiritus*, quorum homo interior renovatur indes in meam ipsius Imaginem, participesq; Divinæ Naturæ fiunt, verèq; sunt filii Lucis.

Et ambulant mecum in albis. Hi non solum præclaris meis fruuntur oblectamentisq; colloquiis, gratiasq; meas spirituales abundè participabunt, sed optimos rerum suarum successus habebunt maximèq; prosperos. Albis enim vestiri ita significat in *Onirocriticis*, quemadmodum videre est apud *Achmetem*.

Vers. 5.

Quia digni sunt. Atq; ego unumquemq; secundum opera sua remuneror.

7. *Qui vicerit, is albis induetur vestibus.* Qui omnes cupiditates hujus terreni corporis superaverit, illi communicabo *caeleste* sive *Divinum*. Hic sensus magis *Theologicus* est; *Politicus* verò est magis proprius, *Epiphonemate* integram Epistolam concludente. Quamobrem *albis vestibus vestiri*, cum hic promissum sit ei qui vicerit, significat (idq; hic potius quam in antecedenti versu) successum & prosperitatem in rebus externis, atq; immunitatem à dolore & afflictione, quemadmodum *Onirocritica* expressum interpretantur. Vide *Achmetem*.

Nec ejus nomen ex libro vitæ delebo. Sensus magis proprius ac *Politicus* est, Quod postquam Ecclesia per victorias suas in conditionem *Philadelphianam* emergerit, nunquam in posterum sit mutatura, saltem quantum ad externam formam, sed ad finem usq; duratura, quodq; eam Deus manifestò agnitus sit usq; ad extremum, etiam tum cum in *Laodicensem* statum transiverit, statúsq; persecutionis nunquam eam rursus sit obruturus. Atq; sic *Liber vitæ* hic significare potest ut *Corona vitæ* supra in Epistola ad Ecclesiam *Smyrnam*.

Et ejus nomen coram meo Patre coramq; ejus Angelis confitebor, hoc est, Agnoscam naturam illius evasisse quodammodo *Divinam* & *Angelicam*, idoneumq; proinde eorum fore comitem, in cœlesti meo regno in æternum. Hic *Moralis* sive *Theologicus* sensus esse potest: *Politicus* verò maximè intenditur, quemadmodum innuitur ex *Epiphonemate* postremo loco collocato. Confessio igitur nominum horum paucorum in *Sardis*, qui rectè se habent itaq; uti oportet, & aliorum quorumcumq; qui ad eorum sanctitatis mensuram anhelant (qui proinde semen sunt Ecclesiæ *Philadelphianæ*) eorum nominum à Christo coram Patre sanctisq; Angelis facta Confessio, ipsorum commemoratio est tanquam populi peculiari modo sibi proprii, & præter modum chari, ut agnoscendo eos more tam benevolò tanquam sibi proprios, favori & protectioni Dei fidelisq; ac vigili ministerio sanctorum ejus Angelorum specialiori modo commendentur: Quæ causa efficiens erit quod albis induantur, quodq; nomen eorum non deleatur è libro vitæ; hoc est, quod permanens sit externa eorum prosperitas ac securitas ab ærumnis & oppressiõibus; ut Innocentia hoc pacto & externa felicitas perpetuè comites sint in beato *Milennio*, quod idem ferè est quod Intervallum hoc Ecclesiæ *Philadelphianum*. Pauca hæc nomina in *Sardis* hanc summam tandem sunt confectura. Salutem enim ex *Sardibus* oriri oportet, non autem ex *Babylone*. Nec mirum omnino est Angelorum ministerium ita occupatum iri circa Ecclesiam quæ tunc aded Angelica sit evasura, quemadmodum plenius notatur in *Dialogis Divinis*.

8. Hæc sunt fortissima illa Argumenta quibus Christus utitur ad *Sardianam* Ecclesiam carnalem instigandam, ut sinceriores adhiberet conatus ad adipiscendam *spiritus Dispensationem*, & ad maturanda beatissimorum illorum temporum initia; Cujus rei auspiciata molitio per illustrem illum *Heroem* representatur albo Equo insidentem, cap. 19. ubi cum sequuntur in albis Equis Exercitus candido mundosq; byssino induti. Quod ad finem Intervalli hujus Ecclesiæ *Sardianæ* pertinet. Quorum magna pars ante hoc tempus verisimile est fore, ut colorem *carnalium* in purè album commutassent, ad ordinatim incedendum parati cum eo ad bellum illud spirituale (ut quidam hic dicuntur cum eo ambulare *in albis*) idq; mirà cum felicitate ac successu, quod & albæ vestes significant.

Vers. 6.

Qui aurem habet audiat quid Spiritus dicat Ecclesiis. Christianus verò Orbis reformatus præ cæteris, cum eorum res tam manifestò hic agatur. Illi enim, quod initio dixi, sunt Ecclesia hæc *Sardiana*. Cujus Intervalli principium cum sanctitate verà zeliq; sinceritate majorem in modum ornatum esset, meliori jure *Resurrectionis Testium* Titulum meruit. Et contè hic quanquam ob sua defecta multum reprehendantur, agnoscuntur tamen una esse è septem Ecclesiis in *Asia*, cap. 1. 11. hoc est, *una in fundamento*. Et vera & Apostolica Ecclesia etiamnum sunt, jurèq; optimo testimonium perhibent adversus *Idololatram* crassaq; *Antichristianam* consuetudinem Ecclesiæ *Romanæ*; tales intelligo quæ apud ipsos in legem abierint, eòq; ipso propriè fiant *Antichristianæ*. Hoc

Hoc quidem superaddere haud abs re fore putabam ad inhibendam præposteram quorundam proclivitatem propensq; affectus erga Ecclesiam Romanam, ob id solum quod omni ex parte Ecclesiarum Reformatarum conditio tam perfecta non sit quam possit exoptari. Etenim quanquam illarum conditio tam perfecta non sit quam oportet, cuius tamen nisi qui admodum moroso sit ingenio aut præjudiciis occæcato, non potest quin infinito melior videatur quam Ecclesie Romanæ. Atq; hæc de Sardiana Ecclesia.

CAP. VIII.

Interpretatio Epistolæ ad Ecclesiam Philadelphensem.

1. Item Angelo Ecclesie Philadelphenfis scribito. Quid sibi velit *Philadelpbia*, *Apoc. 3. 7.* manifestum est nullq; modo Enigmaticum. Ipsa vox fraternam charitatem significat; Quæ ritè intellecta, Legis est Impletio. Aded ut per *φιλανθρωπία* idem intelligatur atq; per *ἀγάπη*, Amor universalis (sumus enim omnes fratres in Adamo;) sed magis speciatim Amor eorum qui Fidei domestici sint, hoc est, qui in Christum credant. In Ecclesia Sardiana maximus strepitus erat circa Fidem: opera verò ejus non sunt inventa perfecta coram Deo. Hujus verò Ecclesie Inscriptio Amor est sive Charitas, quæ Legis, quod antè dixi, est Impletio. Velumq; ejus super me Amor erat. Hoc Philadelpbiana Ecclesie Insigne est. Quæ est ista quæ emergit ut Aurora, Luna *Cant. 2. 4.* pulchrior, splendens Sole, & terribilis ut Exercitus cum vexillis? Immo verò quænam alia illa esse potest quam hæc Ecclesia Philadelpbiana, ob Arma æquæ celebris atq; Amorem? quemadmodum in sermonis progressu videbimus. Intervallum enim hujus Ecclesie in ultima Phiala incipit & ad quartum pertingit Tonitruum.

Hoc dicit Sanctus. Et eam alloquitur Ecclesiam, quæ hujusmodi documenta avidè imbibit: *Estote sancti quoniam ego sanctus sum; & Estote ergo vos perfecti, sicut pater vester qui in cælis perfectus est.*

Verus. Is qui omnia sua promissa splendidasq; prædictiones de Ecclesia sua in hoc illius statu qui per Ecclesiam Philadelpbensem præfiguratur, impleturus est, ad eosq; scribit qui id credunt, firmamq; habent fiduciam in potentia spiritusq; Christi atq; Dei.

Qui Davidis clavem habet, quo aperiente nullus claudit, claudente nullus aperit. Quod Eliakim Hezekie erat, qui ex stirpe erat Davidis, idem Christus est Deo Patri, quem S. Johannes appellat Amorem, *III.* Ille princeps est Regni Dei minister, & universa, ut lubet, pro autoritate sibi commissa, gerit; Cujus potestatis clavis symbolum est, (vide Grotium in locum:) nihil est tam arduum atq; imperivium quin is penetrare possit, ostiumq; successui aperire, illudq; rursus adversus inimicos suos ocludere.

2. Novi tua opera. Atq; ita sanè ut ipsa approbem, quippe qui fructus sunt Divini Amoris, quo nihil ego habeo charius aut antiquius. Nihil tu ex zelo agis amarulento partiumve studio, nihil ex inani ostentatione ullave ratione seculari, sed simpliciter ex amore mei, meaq; justitiæ, & ex amore humani generis, ad cuius & præsentem & futuram Beatitudinem promovendam, omnes sincere nervos intendis. *Verf. 8.*

Ego tibi apertam proposui portam quam claudere nullus queat. Ecce ego providentiâ meâ ed res perduxî, quodq; exorsus sum speciali meo auxilio ita adjuvabo, ut omnium hominum ac Diabolorum contra machinantium ingratis, opportunitates naturâ sis Regni mei res gloriôsè ac prosperè administrandi. Hoc perficiendum est ultima phiala in magno illo prælio Dei omnipotentis, ubi & Bestia & Pseudopropheta *Apoc. 16. 19.* comprehendi dicuntur, & in stagnum ignis ardens sulphure conjici. Vide Dialogos Divinos.

Quoniam exiguas vires habes, & servasti meum verbum, & non negasti nomen meum. Grotius interpretatur, exiguum Exercitum. Atq; sic quidem *δυναμις* exponi potest, idq; appositè præsentî scopo, congruentérq; prælio paulò antè nominato. Sensus est: Quia pauci estis cum reliqua mea Ecclesia regnove comparati, (nam Sardiana etiâ Ecclesia illius regnum & Ecclesia est, ex qua Ecclesia Philadelpbiana emergit) sed præsertim cum Infidelium & Antichristianorum cælibus collati, cum

cis utiq; sub *Dracone* & *Bestia* & *Pseudopropheta*, & servastis tamen verbum meum nec nomen meum abnegastis, hoc est, illi quod sanctum verumq; est & in cordibus vestris adhæstis, idemq; professi estis verbis ac operibus; ideo vobiscum ero modo tam glorioso, tamq; felices vobis in Regno meo amplificando dabo successus. Hujus igitur Ecclesiæ *Philadelphiana* sunt Exercitus illi in cœlo visi Apoc. 19. Christum sequentes in equis albis candido mundoq; byssino induti (Quod & causæ ipsorum justiciam innuit & successus certitudinem) Ut & *Boanerges* illi in *ultima phiala* (alteri illi visioni synchrona) qui fulgurant intonantq; super civitatem in tres partes divisam, quo Civitates Gentium cadunt, *Babylónq;* cum suis filiabus penitus subvertitur.

Vesf. 9.

Ecce cogam nonnullos ex synagoga *Satanæ* qui se Judæos esse dicunt nec sunt, sed mentiuntur. *Judæi*, quemadmodum suprâ notavi, secundum stylum *Apocalypticum*, Christiani sunt. Et *Judæi* qui tales se profitentur nec sunt, sed mentiuntur, sunt *Pseudochristiani*, seu *Antichristianorum* cætus, hic verò è *Satanæ* synagoga esse censentur, propter abominanda illorum mendacia & truculenta Homicidia. Nam *Diabolus Homicida erat ab initio*, & eodem in loco mendax etiâ à Servatore appellatur. Ut præteream superbiam illius Ecclesiæ *Luciferianam*, *Satanæ* instar, Principis Diabolorum.

Johan. 8. 44.

Ecce eos adigam ut te ante pedes tuos veneratum veniant; Etiam eos qui antea Papæ pedes deosculati essent, elati illius Pontificis. Hoc admodum aptè respondet loco illi suprâ memoratæ visionis, ubi *Bestia* & *Pseudopropheta* comprehenduntur & vivi conjiciuntur in stagnum ignis: hoc est, *Bestiana* & *Pseudoprophetica* potestas, quâ talis, comburitur, destruitur & aboletur, potestâsq; *Philadelphiana* tunc supra omnes caput effert, vel Dominus potius solus in illo die exaltatur; Nam ad hoc præsertim tempus spectat dictum illud, *Non potentiâ neq; viribus, sed Spiritu meo, inquit Dominus Exercituum.*

Apoc. 19. 20.

Etiam, colluctatio profectò hætenus Ecclesiæ *Sardianæ* adversus illam Civitatem quæ *Sodoma* appellatur & *Egyptus*, quamvis in suo genere laudabilis fuerit, fuit tamen nihilominus certamen ferè *Edomi* adversus *Edomum*, partis aliquantò purioris adversus partem magis impuram, quantum ad *Vitam*, intelligo, & *Pietatem*; Nec arma militiæ ipsorum tam spiritualia fuerunt quàm par erat, nec induti sunt *byssino candido mundoq;* non eo utiq; aspirârunt ut fierent illa Ecclesia quæ nullâ maculâ aut rugâ aut ullâ tali re prædita sit: *Sardiana* verò tinctura eos nimium quantum co- inquinavit.

Cætèrùm, quemadmodum verum est sensu naturali, *carnem & sanguinem non posse hereditare regnum Dei*; ita etiam sensu *Politico*, gloriosa illa tempora Regni Dei apparere non posse, donec Ecclesia ex *Sardiano Carnalino*ve statu in *Philadelphianum* emerferit. Contra quam Ecclesiam Christus nullas omnino profert querelas, sed eam amat approbatq; in solidum, sicut & is vicissim ab ea animitus amatur. Et proculdubio illius Ecclesiæ status adeo amabilis est, ut etiam Inimicos suos in amorem sui sit pellectura, suisq; spontaneæ quasi obedientiæ subjectura, cum omnia in ipsa sint tam irreprehensibilia. Verùm ut plurimum homines improbi adversus viros bonos qui suæ Sectæ non sint, si qua fortè labicula infirmitatve eos maculaverit, admodum elatè ac ferociter se gerunt.

Ac proinde hanc *Philadelphianam* Ecclesiam, si nullam, Ecclesiam esse oportet quæ Pontificiorum corda emolliat, eosque, quotquot Deo visum fuerit, ad veritatis agnitionem reducat. Quantum verò ad *Civitates gentium*, victoriæ illius contra ipsas erunt ferè inenarrabiles. Hi enim sunt potentes illi *Fulminatores*, per quorum Intonationes & fulgurationes *Gentium Civitates* casuræ sunt, quemadmodum suprâ monui.

Teq; mihi charum esse intelligant. Ipsi Pontificii deprehendent ex stupendo Ecclesiæ *Philadelphianæ* successu, quanto honore apud Christum sit & quàm longè is illius *Integritatem, Simplicitem, Charitatem fraternam, Humilitatem, Mansuetudinem, Cultûsq; puritatem*, Pontificiorum fraudibus & *Imposturis, barbaris ipsorum Persecutionibus & crudelitatibus, Superbia Luciferiana, & superstitiosis ac Idololatri- cæ Ritibus* præferat.

Vesf. 10.

4. Quoniam servasti verbum patientiæ meæ, hoc est, Quoniam & animo mansueto es & fidelem te præbuidisti, nec retrocessisti tempore afflictionis, sed tolerasti omnia propter nomen meum.

Ego quoq; te adversus tentationis horam conservabo eventuram toti Orbi, quo tententur incolæ terrarum. Nempe eo tempore quo universus Orbis turbis bellisq; miciscetur in multiplices angustias ac calamitates conjectus. Quod fit sub *Phiala ultima*, ubi tres immundi spiritus ad Reges terræ & totius Orbis exeunt ad congregandos

eos ad praelium magna illius Dei Dei omnipotentis, tantusque sit terra-motus ut post homines natos tam ingens terra-motus nullus extiterit. In saevissima hac tempestate rerumque turbine ego te à periculo conservabo, incolumisque per omnia perambulabis. Minori cum damno effugies quam ulla hominum Secta propter conspicuam tuam Innocentiam, sinceritatem, vitæque exemplaritatem, Doctrinamque plane Apostolicam & irreprehensibilem, & propter singularem tuum erga me, totumque aded Genus humanum, amorem. Quoniam mitis es, & mansueta & benigna, beneficæque adversus omnes; Quoniam unitatis amatrix, nihilque proprio commodo querens, nemini infesta, solisque vitiis hominum ac miseriis inimica. Hæc cum singulari meo erga te favore in magna illa rerum confusione summæque fermentatione animorum ac fluctuatione, sub *Phiala ultima*, certò te sunt protectura. *Ecquis verò est qui vos læ-* i Pet. 3. 13:
dat si bonitatis imitatores sitis?

5. *Ecce venio citò.* Tu jam in illa temporis periodo versaris in qua magnum hoc Verf. 11:
judicium venturum est super terram, nempe sub *tonitruo primo*. Vel potius, quoniam Ecclesia *Philadelphiana* non supponitur distinde extare aut apparere ante *Phialam ultimam*, *ultima Phiala* hæc debet esse Periodus. Et tunc adventus hic ratione illius temporis admodum profectò citò fiet.

Tene quod habes, nè quis coronam tibi præripiat. Ex animi mei sententia tu sanè Ecclesia es, ô *Philadelpha*, nec ullius culpæ te infimulo, sincere te geris atque integrè. Retine igitur quicquid assecuta sis veritatis atque integritatis, ut coronam non priveris quam tibi decrevi. Nam in te implebuntur omnia mea gloriosa Promissa de Regno meo in terris.

6. *Qui vicerit, eum ego columnam faciam in templo Dei mei, quæ deinceps inde non exibat.* *Omni, Is qui vicerit*, hoc est, stylo Apocalyptico, omnes, vel universus ille hominum cætus qui vicerint. Quod hic intelligitur de *Philadelphianis*. Erunt tanquam columna in templo Dei, hoc est, Populus sanctus erunt fixus atque stabilis, vera sancta Catholica Ecclesia quæ nunquam deficiet, sed durabit usque dum in nubibus venero ad judicium die novissimo. Reliquæ omnes formæ ac denominationes deficient, hæc verò *Dominium* obtinebit usque ad extremum.

Etque Dei mei nomen inscribam. In hoc persequitur priorem metaphoram à columna sumptam; adjuncta allusione ad Antiquorum *κατοικησάτων*. Hi *Philadelphiani* nomen Dei sibi inscriptum habebunt, hoc est, Conversatio eorum atque mores tam sancti erunt & divini, ut æquè manifestum futurum sit omnibus, eos Ecclesiam sanctam electumque Dei populum esse ac si frontibus ipsorum esset inscriptum: Vel brevius, idque sensu magis Politico, *Nomen Dei mei* alludere potest ad *Jehovah Sham-mah*, innuendo hos *Philadelphianos* tam fore Ecclesiam quæ representatur per Civitatem *Hierosolymam* ab *Ezekiële* descriptam, quæ dicitur *Jehovah Sham-mah*. Cujus rei sequentia verba videntur magis expressa significatio.

Et nomen Civitatis Dei, novæ Hierosolymæ de celo à Deo meo descendit. *Nomen Civitatis, novæ Hierosolymæ*, pariter atque *Jehovah Sham-mah* ipsis inscribetur; Civitatis ubi Deus habitat, regnatque per Spiritum suum. Civitas illa erunt *Hierosolymæ*, sub *secundo tonitruo*, formæ ætæque constituta. Nam vocari atque esse *Hebraico* idiomate idem sonant. Et nomine vocatur *Verbum Dei*, Apoc. 19. 13. idem est atque, *Est verbum Dei*. Quamobrem *Philadelpha* hæc *secundo tonitruo* eadem sit quæ *novæ Hierosolymæ*; Titulus verò *Philadelphie* maturius incipit, & ad quartum usque *Tonitruum* pertingit.

Hæc *Philadelphianorum* Inscriptio, quod nova appellentur *Hierosolymæ*, &c. eisdem verbis quibus illa postea describitur Apoc. 21. nobilis indicatio est per Ecclesiam *Philadelphie* intelligendam esse successionem Ecclesiæ quæ sub *secundo tertioque Tonitruo* futura est, sed quæ primùm emergere debet *Phialæ ultimæ*. Nam est illa nova *Hierosolymæ* quæ de celo à Deo descendit. Quæ cum manifestum hunc habeat sensum Politicum, admodum duriter profectò accommodaretur Civitati *Philadelphie* in *Asia* literaliter intellectæ, nisi ratione habitâ ad succedens hoc Ecclesiæ Intervallum quo de loquimur. Nec promissum sanè *literali* Ecclesiæ *Philadelphie* præstitum est, quæ jam diu periit; Hæc profectò columna non erat tam durabilis ac diuturna. Ac proinde ulterioris alicujus sensus necessitas est, *Mystici* putâ sive *Prophæti*.

7. *Et novum meum nomen ei inscribam.* Expresse dicitur Apoc. 19. 16. quod Christus nomen in vestimento & femore scriptum habet, *Rex Regum & Dominorum Dominus*. Hoc ipsum nomen hic intelligi vult *Grotius*. Nec contemnendâ sanè ratione illius sententia nititur, cum nomen illud tam particulatim ac pompaticè describatur, tanquam illius nomen speciale. Et tamen si semper ad illud jus habuerit, tamen

tamen cum hujus juris acquisita possessio *nova recensq;* futura sit hoc Intervallo *Philadelphiano* post praelium *Herois* albo Equo insidentis, rectè appellatur *nomen novum*, aptissimèq; hūc *Philadelphianis* inscribitur, ut qui tam strenuè operam navaverint victoriis suis adipiscendis. Hi sunt illi *Boanerges* (super magnam Civitatem intonantes in tres partes divisam) ut & Equites illi albis Equis insidentes, quemadmodum supra significavi. Christus igitur per hos *Rex Regum & Dominorum Dominus* evadit, vel potius ipsos summum is in terris Imperium constituit. *Fixus est adis* Jehovæ *mons in culmine montium factusq;* *collum editissimus, confluentq;* *ad eum gentes omnes.* Quemadmodum eventurum est sub *Tonitruo tertio.* Per quod *tertium secundumq;* *Tonitruum, phialamq;* *ultimam,* Intervallum successionis Ecclesie *Philadelphianæ*, quemadmodum supra monui, deducitur.

Qui aurem habet, audiat, &c. Nihil opus est ut hic sensus rerum Politici subindicationem urgeamus ex eo quod *Epiphonema* ultimo loco sit positum, cum ipsæ locutionum formulæ id postularent, quamvis nullum hujusmodi haberemus indicem; sedè contrà potius argumentari possumus, cum res ipsæ tam manifestum habeant sensum *Politicum* non *Moralem* aut *Spiritualem*, quod nostram id confirmet Regulam de hujus *Epiphonematis* positione. Hoc autem obiter dictum sit. Ad *Laodicensem* Ecclesiam jam pergimus.

CAP. IX.

Interpretatio Epistolæ ad Ecclesiam Laodicensem.

Apoc. c. 3. v.
14.

1. **I**tem Angelo Ecclesie Laodicensis scribito. Intervallum successionis Ecclesie *Laodicensis*, quartum, quintum sextumq; *Tonitruum* est, hoc est, à *solutione Satanae* usq; ad *adventum Christi* ad iudicium sub *Tonitruo* sexto. Hoc Intervallo *Philadelphianæ* scena præterita est, ejusq; locum *Laodicea* occupat. Quæ vera quidem agnoscitur esse Ecclesia, quantum ad cultum doctrinamque, sed ut desidiofa ac *Lethargica* Ecclesia representatur, in qua prior ille zelus *Philadelphianus* apud plerosq; extinctus sit, quamvis sit verisimile hunc statum degenerem paulatim hoc Intervallo ipsis irrepsisse.

2. Sic igitur prævisum est secundum Divinæ Providentiæ seriem; Postquam gloriosus hic Ecclesie status qui secundo tertioq; *Tonitruo* synchronus est (quo durante spacio & paulò antè res *Philadelphianæ* scenam ornabant) orbem Christianum ab omnibus suis ineptis opinionibus ac superstitionibus, & ab execranda illa consuetudine persequendi se invicem ritè purgasset, veritasq; Evangelii purâ suâ simplicitate eluxisset, tantq; evidentiâ adversus omnes priorum seculorum ineptias ac *Imposturas*, ut Ecclesia in nullo ferè periculo constituta sit, nè rursus ab eisdem ipsi imponeretur, cum vaticinia penè universa ante oculos impleta perspexisset, ita ut nullum dubium subesse posset quin Ecclesia *Philadelphiana* vera esset Ecclesia, nec ulla superesset capacitas rerum innovandarum in fide cultuve; Post hæc, inquam, ut sunt res omnes quodammodo variabiles ac mutabiles sub sole, *Philadelphianæ* Ecclesie degenerandum tandem erat in statum hunc *Laodicenum*. Illudq; quod antea regnum *Spiritus* erat, *vivæq; Justitiæ Dei*, mox futura erat Ecclesia *Laodicea*; quæ *justitiam* magis vulgarem externamq; ac Politicam sive *populi Justitiam* significat. Externam Professionem rerumq; peractionem ad eum planè modum, qui à *Philadelphianis* viâ vivâ adhibitus est & cum virtute *Spiritus*, eandem hæc Ecclesia *Laodicensis* continuabit quidem sed oscitanter ac remissè cum pauxillo zeli spiritusve, & applaudet tamen sibi nihilominus ob scientiæ abundantiam propter vaticinia impleta, atq; ob puritatem externi cultus quem etiamnum retinet, tanquam si præclarè indè se haberet, nulliusq; rei indigeret.

3. Hæc summatim hujus Ecclesie conditio est, quemadmodum significantissimè ab ipso nomine subindicatur. Nam *Laodicensis* idem planè sonat atq; *Populi Justitia*. Populus verò est quælibet hominum multitudo in corpus *Politicum* collecta; sicut manifestum est ex illa notatione vocis *βασίλειος* ac si esset à *βασις* & *λαίς* & rursus apud Homerum,

ἡ λαοὶ ἐπὶ τοῖς πόλεσιν

Ac proinde *populus* cum corpus sint *Politicum*, certis quibusdam legibus reguntur ac continentur; quas si observent, perinde est quo animo quæve intentione id faciant, quove fonte facta proficiantur. *Nova Natura*, *Regeneratio* atq; *Spiritus* ab hac via longè dissita sunt. Nationalis autem sive Oecumenica Religio, Doctrina aut Cultus, quatenus ab extrâ sunt, nihil sunt aliud nisi *Lex Politica*, ejusmodiq; *Justitia* nihil aliud nisi *Justitia Laodicea*, quemadmodum abundè jam inculcatum est.

Cæterum præter hunc sensum nominis *Laodicea*, qui, nullus dubito, quin speciatim intendatur, potest quidem secundum multifarias styli *Prophetici* allusiones, alius sensus nobilis porro indigitari, qui sit huic Ecclesiæ admodum proprius. Ratio enim Nominis in *Laodicea*, potest etiam peti *ἐπεὶ ὡς θεὸς διὰ τοῦ τοῦ λαοῦ*, quoniam hujus Ecclesiæ Intervallo Deus venturus est ad *judicandum populum* modo quodam maximè illustri ac terribili. Ob id utique, quod hujus Ecclesiæ exitus ultimum iudicium propriè dictum introducit, ideo postremum hoc Ecclesiæ Intervallum appellatur *Laodicea*, i. e. *Judicatio populi*, omnium gentium terræ, die novissimo. Neq; quicquam occurrit frequentius in Scripturis, quam à notabili aliquo casu externo qui rem personamve sic nominatam respiciat, nominum impositio.

4. *Hæc dicit Amen, Testis fidus atq; verus.* Paulus secundâ Epistolâ ad *Corinthios* ait, *Omnes Dei promissiones in Christo sunt Etiam & Amen*, hoc est, tam firmæ sunt atq; certæ, ut nemo dubitare debeat eas præstitum iri. Quamobrem hoc Christi Attributum tempestivè hîc adducitur, utpote quod tum completionem respicit promissionum jam præstatarum in perducendo Ecclesiam suam ad admirabilem illam ac gloriosam Conditionem in successione *Philadelphiana*, tum præstationem etiam illius summi momenti promissi sub finem hujus Epistolæ de æterna vita ac beata immortalitate in Christi regno cœlesti. De qua hi *Laodicensi* degeneresve *Philadelphiani* (instar modernorum *Famelistarum* qui *Philadelphianam* hanc Dispensationem venditant) (nonnulli saltem) proclives fortean esse possunt ad dubitandum.

Cæterum Christus hîc porro appellatur *Testis fidus atq; verus*, quia tam fideliter testificatur veritatem de Conditione *Laodicensorum*, eosq; tam apertè monet de periculo. Cùmq; narratio tam Paradoxa ipsis apparitura sit, eò magis necessarium est suam fidelitatem ac veracitatem ipsis inculcare, ut fidem sic ipsis extorquere possit contra falsos suos sensus ac opiniones de semetipsis.

Principium Creatura Dei. Sublimiorem hoc sensum habet, sicut illud initio Evangelii S. *Johannis*, Christi; spectat *Divinitatem*, per quem omnia facta sunt & in quo subsistunt. Sed enim credo & illud magis speciatim hîc insinuari, quod expressim de eo declaratur (secundum Septuaginta Interpretes) à Propheta *Esaia*; *ἐγὼ ὡς μὲν ἄνθρωπος αἰσῶμαι, ἰνὸς αὐτοῦ ἐγενόμην*, *Inchoator* authorve *Mundi* sive seculi sub *Messia*. In quo cùm, quod suprà monui, omnia tam accuratè perfecit quantum ad promissa & prædictiones, opportuna hæc videtur repetitio illius quod subindicatum est in illo Attributo *Amen*: Perinde ac si diceret; Ego inceptor eram hujus mirabilis rerum scenæ ab eo tempore quo in terris incarnatus vixi ad hunc usq; diem, & videtis quàm stabili ratione secundum Prædictiones ac Prophetias omnia successerint. Quamobrem fidem mihi habete in reliquis (sive Comminationes sint sive Promissa) quæ jam vobis sum narraturus. Hic videtur genuinus sensus hujus præloquii ad Epistolam.

5. *Novi tua opera, qui neq; frigidus sis neq; fervidus.* Tuam video tepidam, formalem, remissamq; esse Dispensationem; Externam quidem formam adhuc retines Ecclesiæ *Philadelphianæ* quantum ad Doctrinam Cultumque, verum *spiritu illo vite in nova Nativitate* destitueris, qui proprius character erat defunctæ tuæ sororis *Philadelphie*.

Vers. 14.

Utinam aut frigidus esses aut fervidus. Quamquam in se melius non sit, tibi tamen melius foret si extrinsecus tam bona non esses quàm es, ut citius sic de propria tua inopia convinci possis & in statum poenitentiae & mortificationis & Regenerationis deniq; intrare, atq; ita mei *Spiritus* particeps fieri. Nunc verò calentis Carnis externa tantummodo Imago es ex qua Anima nuper exierit, etiam tum quum soror tua *Philadelpha* ex hoc mundo excessit. Tu externa quasi fabrica es illius *Philadelphie*, Spiritus autem te relinquit.

6. *Ergo quia tepidus es, neq; frigidus neq; fervidus, evomam te ex ore meo*, hoc est, flumine torrente verborum adversus te declarabo quantam nauseam ac fastidium mihi crees, quàmq; mihi moveas stomachum. Quod sit versu sequenti, ubi iusta illa adversus eam effundit opprobria, quod *arumosa sit & misera & pauper & caca & nuda*. Vel sensus forsan hujus Comminationis paulò profundior esse potest, nec tamen minùs solidus, quatenus prædictionem scilicet plenæ illius exterminationis innuat; Successionem scilicet Ecclesiæ Christi in terris in ea esse cessaturam.

Vers. 16.

N o n n o

Etenim

Etenim cum Immensitas Divinitatis Christi omnia comprehendat, ille nihil evomere potest quin statim intelligatur in Regionem Non-entium ejiciendum. Et *Laodicea* quidem Ecclesia ultima Providentiæ scena est, & Ecclesia hæc & universa adeo rerum scena in terris, illius causâ, finem brevi est habitura. Nam in proximo post hoc intervallum *Laodiceum Tonitruo*, quod omnium ultimum est, futura est *Conflagratio*. Nec nisi ad breve tempus solvendus est *Satanas*, adeo ut tempus *Laodiceæ* Ecclesiæ longum esse non possit. Quamobrem Comminatio, *Evomam te ex ore meo*, plenæ exterminationis Ecclesiæ & rerum natura, quantum ad statum illius in terris, potest esse prædictio. Etenim quemadmodum ante Diluvium dicitur Deum penituisse quod fecisset homines in terris animosq; indoluisse; ita Christus hic declarat quantum in ipso hæses stomachiq; cieatur adversus Ecclesiam suam sub hoc intervallo Tituloq; *Laodiceæ*, quàm cholera ejus & indignatio exardescat contra illius tepiditatem, quodq; proinde eam evomiturus sit cum flumine igneo, & calidarum flammarum sulphurearum Diluvio obruturus. Quod eventurum est in *Conflagratione*. Statu Ecclesiæ jam in senecta naturaliter in deterius prolabente, Christus consultissimum reputabit finem scenæ rerum imponere, suosq; ad Regnum suum cæleste transferre.

Ver. 17.

7. *Quoniam te divitem ditatūq; esse dico, nec ullā re indigere.* Atq; hæc sanè una ratio est fecunditæ ac desidiæ hujus Ecclesiæ *Laodiceæ*, quod jam omnia quæ optanda sunt se possidere existimet, ut Pacem rerūq; affluentiam, potestatem ac dominationem, securitatem ab inimicis, & externi cultus puritatem superstitione & idololatriâ liberam, scientiæ tum naturalis tum Theologicæ abundantiam, intelligentiam vaticiniorum propter manifestam ipsorum Completionem, suorumq; Antecessorum Interpretationes summa fide ac judicio elaboratas; Nullam oppressionem, nullam Persecutionem Conscientiæ causâ, vivente unoquoq; pacificè suōq; indulgente animo sub vitibus suis atq; ficibus. Quid igitur vel ad summam felicitatem nobis deest? Annon etiamnum sanus vera illa Ecclesia *Philadelphiana* novāq; illa *Hierosolyma*, quæ de cælo descendit cum omni sua opulentia ac splendore? Itā sanè quis putaret si carnali judicio res æstimet. Verum audiamus quid ille *Amen* dicat, *Te mihi verus, atq; fidus.*

Nec; scis te esse ærumnosum & miserum & pauperem & cæcū & nudum. Christus Ecclesiæ *Smyrnæ* dicit, *Novi tua opera & calamitatem ac pauperiem, cum tamen diver sis.* Primitiva Ecclesia dum *spiritus vitæ* in ea spirabat, quanquam in media omnium exteriorum solatium inopia, horrendis etiam persecutionibus infestata, Christi tamen judicio dives reputatur: *Laodiceis* verò in maxima rerum externarum affluentia, quoniam *spiritu vitæ* destituti sunt, *pauperes* existimantur & *ærumnosi* ac *nudi*, ac si nē unum quidem panniculam haberent quo humeros contegant; immodò *cæci* etiam quavis scientiâ tantoperè abundent, quippe qui *Mysteriorum spiritus vitæ* in *nova Nativitate* Animæq; in eternam vivāq; Justitiā renovatâ scientiâ & experienciâ privati sunt, & externo *Laodiceo* statui ac conditioni acquiescunt.

Ver. 18.

8. *Snadeo tibi ut à me aurum igni candens emas quo ditzscm.* Ego tibi author sim, ut omnes nervos intendas (hoc enim hujus est auri pretium quod solvi oportet) ad restituendum teipsum in statum novæ *Hierosolymæ* de cælo descendentis; Quæ civitas ex puro auro constabat, itā sanè igni purificato ut nigrum esset ac pellucidum ut vitrum. Hæc est *nova* in te *creatura*, transformatio naturæ tuæ in *cælestis Adam* imaginem. Hæc est opulentia reverà durabilis ac solida, talisq; quæ te in summos cælos sit comitatura, quando terra hæc ejusq; metalla igni colliguescant. Allabora igitur omni opere ad solidum hunc Theaurum acquirendum, qui fatales illas flammæ sustinebit nec peribit tecum in *Conflagratione* generali.

Et vestimenta candida quo induare, ne nuditatis tuæ consilio appareat. Ingenisse sedulo in hoc, o Spiritu casta *Laodicea*, superindui cupiens domicilio tuo spirituali quod est de cælo; ut sic induta nuda non inveniaris. Etenim dum in hoc terreno Tabernaculo es, onus existimare debes, nec oblectamentis hujus vitæ acquiescere, ex eo quod omnino pacificè te habeas omniāq; succedant prosperè. Non quod tibi suavor esset corripendi vitæ spaciū, sed ut sic induere vestimento hoc spirituali mortalitatis tibi absorbeatur à vita. Estq; *vita spiritus*, Divinitq; amor qui unam hanc sed summi momenti rem in te operetur, quæ tu quidem tantoperè indiges, nec tuam tamen persequentis indigentiam.

Et Collyrio illine tuos oculos ut cernas, hoc est, Purga teipsum per debitam mortificationis mensuram, purificationisq; interni hominis ab omni inquinamento carnis atq; spiritus, ut Prudentiam Divino-moralem assequi possis quæ recto te imbutura

butura sit iudicio in rebus omnibus discernendis. Hoc igitur Collyrium est, quo te suadeo ut oculos tuos illinas, purgatio utiq; tuipius ab omnibus *corruptionibus animalibus* ut *internam* perficias *justitiam* cum mei timore: *Externa* enim neminem perductura est ad cœlum. Unguentum quod ego præscribo, punget quidem, verum absq; illo cæca permanebis, nec viam unquam invenies ad æternam salutem.

9. *Ego quos amo, arguo.* Ego apertè, verè ac fideliter tecum ago, nec ex ulla profecto factum est malevolentia quod sic te arguam: sed ex amore *benivolentia*, quam sanè ex amore *complacentia* id fieri non potest. Etenim ut nunc te habes, omnino odiosum spectaculum es, valdeq; fastidiosum. Ac proinde ego te ad hunc modum arguo moneoq; ut status animi tui emendetur.

Et Castigo. *γῶδιν* quæ vox & erudire & verberare sive verberibus cedere significat. Posterior verò hîc potior videtur significatio. Quæ quidem Comminatio est externæ alicujus calamitatis & afflictionis quam Christus superinducturus sit in *Laodiceos* nisi de remissis suis moribus pœnitentiam egerint; & quidem tali ratione cujus ipsi causæ esse possint per suam morum relaxationem ac tepiditatem. Nam priori illo zelo ac sedulitate *Philadelphianâ* jam consopitâ, quâ Ecclesia in amplificando Dei Regno usâ est antea, eorum Inimici faciliè præter solitum augeri possunt, præsertim soluto jam *Satanâ* nullumq; lapidem ad decipiendas Nationes non movente, cui omnibus rationibus resistere deberent, navando strenuè operam conversioni Gentium ad veritatem. Atq; hoc quidem tempus esse potest, quo Prædictio de *Gogi* & *Magogi* implenda est, qui congregari dicuntur ad prælium, castrâq; Sanctorum circumire, & dilectam Civitatem, quæ in hoc statu Ecclesia appellatur *Laodicea*, sed in illa visione *Castra Sanctorum*, quia non solum multi erunt inter ipsos antiquo *Philadelphiano* ingenio Sancti, sed etiamnum externâ suâ formâ sanctus erunt populus Civitâq; sancta, à Gentilibus non prophanata, hoc est nullâ *Ethnicâ* superstitione, nec *Idololatriâ*, nec *Imposturâ*, nec *crudelitâ* polluta, nec eorum qui sic sunt, sub potestatem & dominationem reducta. Quæ tamen aliquando *Sanctæ Civitatis* conditio erat ad tempus & tempora & dimidium temporis, sive per quadraginta duos menses, Apoc. II. 2.

10. Et etiamnum appellatur *dilectâ Civitas* ob eandem rationem, non autem nova *Hierosolyma* de cœlo descendens, quoniam nova illa ac *cælestis* Natura tam generaliter apud ipsos perdita esset. Cæterum *Laodicea* hæc Ecclesia Christo *dilectâ* adhuc est, partim suâ, partim sororis defunctæ gratiâ, amabilis *Philadelphie*, (quam illa tantoperè refert in omnibus suis externis lineamentis) charissimæ illius sponsæ Christi.

Ac proinde *Civitatis dilectæ* Titulus cum præsentî hoc Textûs loco optimè convenit. *Ego quos amo arguo, imò etiam castigo.* Etenim hæ rerum angustia in quas *Laodiceis* conjiciendi sunt per obsidionem *Gogi* ac *Magogi*, ratio videtur probabilissima quâ ex sua *Tepiditate* ac veteriosa *Formalitate* excitari possint. Sed nè res periclitentur in deteriore indies conditionem ruere, nec insinuita fiat vicissitudinis Scenarum in Theatro hoc terrestri repetitio, Providentia tali tempore rerum seriem abrumpet, ut impia profanâq; mundi turba imperium nunquam rursus sit in veram suam Ecclesiam adeptura, sed finem imponet colluctationi per *Diluvium* *Ignis* de cœlo, quemadmodum in illa visione significatur. Hæc verò plura sunt quam quæ ad præsentem versiculum pertineant.

Quamobrem vehementior esto, & age pœnitentiam, hoc est, Corrigo emortuam illam *Formalitatem* ac *Tepiditatem*, *spiritum vitæ* assequendo per mortificationem & regenerationem, ut sic recuperare possis antiquum *Philadelphianum* zelum ac amorem. Hæc enim sola res est quâ indiges.

11. *Ecce pro foribus asto atq; pulso.* Noli causari difficultates. Ego non solum præsto sum ad opem tibi ferendam, sed sollicito te insuper; Ego bonas tibi motiones suggero, modò tu eas persequaris eisq; fideliter utaris.

Si quis auditâ voce meâ januam aperuerit, hoc est, Si quis obdiderit dictatis Conscientiæ, Lucisq; ac Gratia adjumentis usus fuerit quæ Christus illi subinde offerat, nec eum in re qualibet magna parvæ offenderit (quod impossibile est quin fiat ubi desiderium *sincerus* est, & hoc quidem sincerum desiderium *Janua* est quæ Christum intromittit, utpote qui per *famem* *sitimq;* *Justitiæ veram* ac *realem* in nos transit) tunc utiq; ait;

Ingrediar ad eum & cum eo cœnabo & ipse mecum, hoc est, Naturam meam Spiritumq; cum eo communicabo, illèq; carne meâ vescetur quæ verè cibus est, sanguinemq; meum bibet qui verè est potus: hoc est, particeps corporis sanguinisq; mei non in symbolis solummodo (Quæ quod servetis usq; dum venero, rectè facitis) sed

Job. 14. 20. 23. viâ verâ vivâque, quâ illud effectum dabitur; Ego in Patre meo & vos in me & ego in vobis. Si quis me amat is sermoni meo parebit, eumq; meus Pater amabit, & ad eum veniemus & apud eum manebimus. Quamobrem cum ad eum repletus fueris Deo vitæ, Patrêq; Luminum, non potes quin spiritu plenus sis omniq; alacritate & promptitudine ad omne opus bonum. Tepiditas tua ac socordia statim fugabuntur.

Ver. 21.

12. *Qui vicerit, ei dabo mecum in meo sedere throno, ut ego quoq; victor confedi cum meo Patre in ejus throno.* Et ut efficacius ex Tepiditate hac ac veterno excitari possis, me Patrêq; meo non solum in hac terrestri scena frueris, sed si ita contendas ut victoriam reportaveris eis rationibus quas tibi narravi, in *cæleste Regnum* maxime in Regno Patris mei: Quemadmodum ego postquam vicissem, ad cælum ascendi in gloriosa illa habitacula ibiq; ad Dei dextram confedi: Itâ qui tentationes & impedimenta, qui voluptates & illocebras hujus mundi inferioris vicerit, equidem faciam ut is mecum consideat in locis cœlestibus die novissimo. Quæ monitio eò tempestivior est quanto adventus magnæ illius Diei est propinquior. Visibiliter enim venturus sum ad iudicium proximo, post Gog & Magog obfidionem *Tonitruo*, ubi humilia vestra corpora in gloriosi mei corporis similitudinem transfigurabo, ut idonei mihi in cœlis socii esse possitis in æternum. Ecce *Mysterium vobis narro, non omnes dormietis, & tamen omnes immutabimini ut mortalitas absorbeat a vita.* Hoc sanè magnum ac stupendum Promissum est, sed considerare debetis quod ab eo dictum sit, qui est ille *Amen, verus ille fidusq; testis & principium Creatura Dei*, ac proinde & vult & potest omnia sua Consilia ad exitum perducere. Amen.

Matth. 25. 29.

Ver. 22.

13. *Qui autem habet, audiat quid Spiritus dicat Ecclesiis.* De Epiphonemate loco ultimo hic collocato ut in cunctis his quatuor Epistolis postremis, hanc forsitan proferre quispiam potest objectionem, hunc sensum scilicet promissi immediatè præcedentis haud satis *Politicum* esse vel *Propheticum*, sed merè *Theologicum* potius, cum Promissum in mundo altero sit præstandum, ac proinde nec proprium Prophetiæ objectum quæ res terrestribus hujus scenæ spectat. Atq; hoc propterea professæ nostræ Regulæ adversari.

Verum respondeo, Quamquam Promissum cœli adipiscendi post mortem hujus corporis, promissum sit merè *Theologicum*, deq; res spirituali ac invisibili nec super faciem hujus terræ spectandâ; Promissum tamen cœli obtinendi in *Resurrectione* dièq; Judicii generalis, cum diès sit magni illius ac *visibilis Conventus* in qua Animæ Sanctorum apparituræ sunt in corporibus glorificatis, eidem classi accenseri potest cum reliquis promissis *Epiphonemata* in unaquaq; Epistola immediatè præcedentibus; & visibiliter in hac vita perficiendis. Sensus enim Promissi breviter hic est; Quod, quemadmodum Christus post perpassiones suas, post mortem suam ac passionem visibiliter in cælum ascendit (Cælum enim Thronus Dei dicitur in Scripturis) sicq; *cælum* Christi *Thronus* factus est; itâ ii ex *Laodicea* qui ex cupiditatum suarum mortificatione statum vitæ in nova Nativitate assecuti fuerint, *visibiliter* in Christi *thronum* ascensuri sint, in *cælum* utique, in *communi conspectu* eorum qui relictî sint in terris, & in inferioribus Aëris Regionibus ad æternum ignem damnati, Diabolo præparatum & Angelis ejus.

Hic est simplex obviûsq; sensus hujus Promissi, talisq; quem *Epiphonematis* situs requirat. Nec mediocri meo quidem iudicio Confirmatio est *veri* ac *literalis* sensus illius Articuli Christianæ Fidei de *visibili Resurrectione* & glorificatione corporum nostrorum, Ascensionisq; in cœlestes Regiones, adversus eos qui omnes hujusmodi veritates diffilare volunt solvendo eas in *Allegoriam* merè *Moralem*. Adeo undequaq; harum Epistolarum Interpretationes & sibi ipsis & Apostolicæ veritati sunt consonæ.

CAP. X.

*Præcipuorum argumentorum veritatis, Mystica hujus sive Prophetica Expositio-
septem Epistolarum ad septem Ecclesias in Asia (per modum solutionis difficultatum
circa dictas Epistolas earumq; Circumstantias; alias vix aut ne vix quidem sol-
vendarum) Recapitulatio.*

1. **Q**uemadmodum in naturalibus Hypothesibus ea verissima habentur quæ Natu-
ra Phenomena omnium naturalissimè facillimèq; salvent, & præsertim si ta-
lia quæ aliter salvari non possint quàm ex proposita Hypothesi. ita illa Scri-
pturæ interpretatio, justam aliquam intelligo illius partem, verissima existimari de-
bet, quæ plurimas difficultates diluere potest quæ de eadem aut de Contextibus præ-
cedentibus subsequentiisque possunt proponi; Et si omnes solvat, eo est certior;
& si aliter non solvendas, adhuc major certitudo est inrefragabilis Demonstrationis.
Nunc verò *Mystica* hæc sive *Prophetica* harum Epistolarum Expositio, quam propè
ad hujus rei evidentiam accedat, Lectori (postquam solutiones perpenderit Que-
stionum, quæ aut ex Epistolis ipsis aut ex præcedenti Capite, facile quidem elici
possunt at non tam facile persolvi, nec omnino plenè ac satisfactorie, saltem earum
plurimæ, nisi ex Hypothesi quæ nos usi sumus) judicandum relinquam.

2. Ut primo in loco, Si quis quæreret cur Spiritus Prophetiæ, postquam tam ex-
presse significasset libri hujus *Apocalypsis* scopum esse ut *servis suis res futuras* osten-
deret, planèq; *prophetiarum librum* vocasset, ita repente a destinato Tituli sub-
jecto desiliret ut non minùs septem Epistolas, quæ nihil fere Prophetiæ in se habent
sed Promissa tantummodò & comminationes, ad certas Ecclesias scriberet, ante-
quam ulla propriè dictas prophetiæ tradat, idq; pari pompa faciat & æquè augu-
sto proœmio atq; cum tam celebrata Vaticinia quàm sunt *septem sigillorum libriq;
aperti*, aggreditur. Verùm juxta nostram Hypothesin, Responsum in promptu est;
nempe, Tametsi septem hæ Epistolæ ad septem Ecclesias *Asiaticas* solum habent *lite-
ralem*, *Parabolam* tamen esse sive *Prophetiam* parisiq; momenti, & quoad argumen-
tum & quoad temporis ambitum, (utpote quæ ab initio Ecclesiæ ad mundi finem
usq; pertingunt) atq; Vaticinia *sigillorum libriq; aperti*, easq; eo consilio tanta
cum pompa introduci ut scopus earum *Propheticus* hoc pacto subindicetur.

Secundò, Proclivis quispiam esse potest ad quærendum cur Spiritus *Literæ* ad Ec-
clesias in *Asia* dicter & non potius ad Ecclesias in *Europa*, *Asia* & *Africa*. Nam Ec-
clesia proculdubio in omnes illas mundi partes seipsam eo tempore disseminaverat.
Ac si spiritus veritatis personarum esset acceptor. Nam hæ *Johannis* quidem Epi-
stolæ non sunt sed *spiritus sancti*. Nostrum verò responsum in numero est; Quod
propter significantiam vocabull *Asia*, ut pares cum significationibus nominum septem
Ecclesiarum vices obtineat, sola *Asia* ad hanc rem selecta est. Veruntamen secun-
dum sensum Propheticum vera Ecclesia Catholica his literis salutatur sub istiusmodi
prævisis conditionibus in quas variatura esset ad finem usq; mundi. Adeo ut nul-
lum sit partium studium Personarumve acceptio hac in re.

Tertiò, Siquis sciscitetur de ordine sive præcedentia harum septem Ecclesiarum
ad quas scriptæ sunt Epistolæ. Quàm perspicua ac manifesta ratio ei occurrit, quæ
Epistolas juxta sensum suum *Propheticum* cum Intervallis Ecclesiæ Catholiæ eodem
ordine, quo hæ Ecclesiæ dispositæ sunt, jacentibus comparaverit? Hæc luculenta
quidem ratio est dignaq; illo Spiritu qui has Epistolas scripsit. An verò hoc ordine
dispositæ sint ex eo quodd Tabellarius *Patmo* proficiscens primum iter facit ad *Ephe-
sum*, deinde ad *Smyrnam*, & sic in ordine donec venerit ad *Laodiceam*, an sanctus
Spiritus Propheticus huc respexerit in dictando has literas, (quanquam *Alcazar* *Je-
suita* sic sentit) non possum quin sententiam, idq; non sine subrisu aliquo, suspendam.
Verùm de hac *arabica* mox magis particulatim agemus.

3. Quartò, Si quis roget, cur ad septem omnino Ecclesias in *Asia* Literæ mittan-
tur, non ad plures nec pauciores, (præsertim cum *Thyatirenses* nondum tunc fun-
datam fuisse, sed post scriptas has Epistolas, *Epiphanius* agnoscat;) Responsum, *sensu
literali*, quod plenè satisfactorum sit, difficile profectò est dare. Dicere enim hanc
librum *Apocalypsis* affectare numerum septenarium, & quia numero septenario in
sequenti parte omnino utitur, quæ prophetica est, propterea conformitatis ergò, in
scribendo ad Ecclesias quanquam *Literali* intellectas, eundem etiam numerum
adhibere,

adhibere, ratio videtur admodum jejuna, abjecta & nugatoria, Institutumque sancto Spiritu qui hunc librum dictavit, prorsus indignum. Verum numeri hujus septenarii usus perpetuus argumento potius est librum perpetuo vel ubique esse *Propheticum*, hasque adeo Epistolas Prophetiam esse, quemadmodum & eas explicavimus. Quas sic esse si agnoveris, Responsum planum est & obvium. Numerum scilicet septenarium hic adhiberi, ut *symbolicum*, cum nota sit *Universalitatis*, unde *Pythagorei*, sicut supra monuimus, eum appellarunt *ἡμετέριον*.

Quamobrem ad *septem* (nec *plures septem*) Ecclesias hic litera scribuntur, ut quae septem universae Ecclesiae Intervalla ab initio ad finem usque representant.

Quinto, Si quaeratur cur ad has potius septem Ecclesias quam ad ullas alias, quas verisimillimum sit easdem habere virtutes & vicia ob quas haec aut commendantur aut reprehenduntur; hujusce quidem rei ratio ipsis Nominum Notationibus inscripta est, cum unumquodque nomen, conditionem Ecclesiae Catholicae in illo succedentium temporum Intervallo quod haec vel illa Ecclesia ita nominata representat, talique ordine quo recensentur, significet.

Sexto, Si quis rationem petat cur Christus Stellas septem manu dextra tenens describat in Epistolis ad Ecclesias *Ephesinam* & *Sardianam*, cur eadem sit utrobique descriptio, curve talis omnino descriptio in utralibet: Secundum *Literalem* sensum difficile sane erit ullam peculiarem rationem investigare; secundum sensum vero *Propheticum* jam declaratum, ratio satis obvia est. Septem enim Stellae universos Pastores significant, sive praesentes sive in successione. Est autem *Ephesus* primordialis status Ecclesiae, ac proinde & tempestivum est & methodicum primum illius Fundatorem, sustentatorem, & continuatorem per hoc Emblemata representare: *Ecce ego vobiscum sum usque ad finem saeculi*. Quod autem hoc iterum innuitur in Epistola ad Ecclesiam *Sardianam*, evidentem id analogiam habet & congruentiam cum rebus Ecclesiae illic representatae. Ecclesia enim *Sardiana* novum quasi exordium est vel emergentia vera Ecclesiae Regni Christi ex potestate Regni *Antichristi*.

Septimo, Cur Ecclesia *Ephesina* praeter reliquis omnibus Ecclesiis propter falsorum Apostolorum explorationem sit commendanda? Cur non & aliae Ecclesiae ab ipsis imperi potuerint eisdemque pariter detegere aequae Ecclesiae *Ephesinae*? Cujus Problematum solutio facilis est in harum Epistolarum sensu Mystico, qui Intervallum *Ephesinum* intra Apostolorum tempora, reliqua citra collocat.

Apoc. 2. 10, 11.

Octavo, Siquis quaerat cur dictum sit Ecclesiae *Smyrnae* potius quam ulli alii Ecclesiae, *Esto fidelis ad mortem usque, & dabo tibi coronam vitae*; & rursus, *Qui vicerit non laedetur a secunda morte*: In literali sensu admodum difficile erit ullam peculiarem rationem invenire cur hoc perinde dici non possit Ecclesiae *Pergamene*, ubi homines propter Religionem occidebantur, ut videtur, ex mentione *Martyris Antipae*. At enim illic nulla Corona vitae sensu ullo peculiari erat obtinenda. Sed corona vitae, hoc est, Corona imperialis Primitivorum Martyrum perpassionibus sub decem Persecutionibus data est: Ad quos etiam juxta antiquae Ecclesiae opinionem, primae Resurrectionis promissum pertinebat. Quod hic oblique indigitatur (secundum modum styli *Apocalyptici*, qui res per Ellipses aliquando innuit) in isto Promisso, *Qui vicerit non laedetur secunda morte*; quo subindicatur eum primae Resurrectionis participem fore.

Apoc. 20. 6.

Nono, Siquis magis particulatim objiceret adversus Ecclesiarum *ἀτάξια*, eas nempe nec secundum meritum, nec secundum conditionum suarum congruentiam disponi, multoque melius futurum fuisse contenderet, si duae irreprehensibiles Ecclesiae una junctae fuissent, nempe *Smyrna* & *Philadelpheia*, contra quas nulla omnino profertur accusatio; & dein *Ephesus*, *Sardis* & *Laodicea*, contra quas nulla profertur accusatio de esu *Idolothytorum*; & postremo *Pergamus* & *Thyatira*, contra quas solas ea profertur Criminatio: Si quis, inquam, contenderet hanc methodum futuram fuisse multo accuratorem, equidem sensu *literalis* difficile foret, responsum formare commodum & satisfactorium, praesertim si urgeret Deum *Methodi* autorem esse perinde ac *Deum ordinis*. Veruntamen sensu *Mystico* sive *Prophético* Responsum superpetit satis solidum & exquisitum, idemque fere quod datum est ad consimilem difficultatem generalius ante propositam; Ecclesias has scilicet *Asiae* eo ordine recenseri quo Catholicae Ecclesiae Intervalla essent successura, quorum haec Ecclesiae *Asiaticae* symbola tantummodo erant, sive *Hieroglyphica*. Ac proinde duo illa Intervalla quae Regnum *Bestiae* ac *Pseudoprophetae* comprehendunt, Intervalla scilicet *Pergamensis* Ecclesiae & *Thyatirensis*, proximè post *Ephesum* & *Smyrnam* debere collocari, quoniam paulo post exitum illorum duorum Intervallorum *Idololatria* rursus in Ecclesiam Apostatantem intravit. Et tria subsequencia Intervalla *Sardis*, *Philadelpheia* & *Laodicea*,

Laodiceæ, Intervalla sunt veræ Ecclesiæ à dominantis *Idolatriæ* manibus elapſe, ac proinde in ipsis nulla de *Idolothytorum* esu, nulla de *Jezebele* fit mentio. Et *Philadelpia* quæ sanctissimum & gloriosissimum Ecclesiæ Intervallum est quod in terris unquam est extitutum, non quidem secundum suam dignitatem recensenda vel collocanda est, sed secundum temporis successionem prope finem mundi, quemadmodum hic disponitur. Verùm hac de re plus satis, quippe quam in genere jam antea attigimus.

5. Decimò, Cur Christus in descriptione sua ante Epistolam ad Ecclesiam *Pergamensem* cum gladio ancipite figuretur, ex ore putà ejus procedente, (secundum *Eliphticum* styli *Apocalypſici* loquendi modum) Quæ ratio sensu *literali* hæc de re reddi potest? Etenim (præsertim si hoc supplementum addatur) occisionem *Antipæ* cum gladio respicere non potest. Quæ res igitur peculiaris in Ecclesia hac *Pergamensi* occurrit quæ hanc requirat Descriptionem? Nihil profectò se offert in sensu *Literali*; sensu verò *Prophætico* Descriptio hæc admodum appositæ est, cum *Waldenses* & *Albigenses* hoc Intervallo Romanam Ecclesiam adorarentur, aut saltem seipſos putant; suam fidem hoc telo tam præclare defenderent, gladio nempe *Spiritus* quod est *verbum Dei*, quanquam ipsorum interim tot millia in Acie gladio occisi sunt, quod eo modo fidem suam defenderent.

Et loco quidem undecimo, Quantum ad descriptionem Christi ante Epistolam Ecclesiæ *Thyatirensis*, Et pedes ejus *Chalcobliano* similes (tanquam in fornace igniti) illud enim supplementum subintelligendum est ex ejus descriptione Capite primo, ut antea) Quam, inquam, peculiarem significationem habet hæc descriptio, quæ congruentiam cum ulla re in *Thyatirensi* Ecclesia *literaliter* intellecta? Nullam profectò. Verùm sensu *Prophætico* inferiora corporis Christi, Ecclesiæ utiq; in terris, membra admodum graphice depingit, invincibilem scilicet ipsorum zelum ac patientiam, Affectûq; sinceritatem, talem quidem quæ ignitissimas explorationes quibus excroci poterant, sustinuit, effectq; ut ad palum starent inter ardenes fauces flammarum globis supra caput exundantibus, nec tamen animo conciderent; quemadmodum notatum est in illius Epistolæ Interpretatione. Hic illius Intervalli Ecclesiæ status erat.

Duodecimò, In libro qui involucris *Enigmati* admodum est reſertus, & integumentis super integumenta, ubi Ecclesias *ovres Candela* appellat, & Episcopos *ſive Paſtores Stellar*, & *Angelas*, etiam tunc ubi interpretati minùsq; obscuros videri velle videtur; ut idem Author tam aperte planèq; mentionem cujuscumque nomine faceret, quod in *Antipæ* Martyre facit, niſi majus aliquod subesset mysterium, magna profectò esset difficultas nec à sagacioribus & curiosioribus ingeniis unquam devoranda. Equidem fateor me multoties demiratum esse quod *Antipæ* hæc nomine memoratur donec ultionem illius rei sensum intellexissem, qualem scilicet in Expositione illius Epistolæ explicavi.

6. Decimò tertio, Merito quis ſciſcitari potest, cur majorem Christus displicentiam exprimat contra *Laodicæſem* Ecclesiam, quàm contra *Sardensẽ*. Quanquam enim prior tepida dicitur, altera tamen, cum majorem vitæ speciem præſeſceret, nihilominus declaratur mortua. Ut Christus majori irâ exardescat adversus *Tepiditatem* quàm *Hypocrisiam*, & longè diriora huic commineatur quàm alteri, *Evo-mam te ex ore meo* (quod est rem penitus abjicere nunquam resumendam) non potest quin mirum videatur, cuius homini considerato. Certe, niſi majus aliquod subesset, Spiritus Christi non tam ſeſoniter loqueretur *Metaphorè* ſolummodo proſequendæ causæ. Verùm sensu *Prophætico* ſolutio facilis est, cum phraſis illa prædictionem innuat exterminationis Ecclesiæ à totis in fine mundi, quemadmodum exposuimus.

Decimo quarto, Quæri potest cur tam affectatè ac repetitum in ſingulis Epistolis Phraſis illa adhibeatur, *novi opera tua*, ſine ulla variatione aut omiſſione. Quæ res parvi profectò momenti videtur, in *Literali* ſenſu harum Epistolarum: ſenſu verò *Prophætico* data opera videtur ſic repeti ut Alluſionem inſinuat in *Aſia* ad vocem *Hebraicam* *תעשה* (tanquam ſi *אלהי ישראל*, eo conſilio poſitum eſſet, ut *Hebraico* *תעשה* *תעשה* reſponderet) ut *Aſia* ſuam etiam ſignificantiam haberet, perinde ac nomina ſeptem Ecclesiarum. Quam cum illa omnia habeant, non obſcura ſubindicatione eſt hanc repetitionem factam eſſe in talem aliquem ſinem qualem nos declaravimus: cum ſenſus *Literalis* nullam hujus rei rationem reddere poſſit.

Decimo quinto, Ipi *Alcaſari* hic aqua multum hæret, quod Spiritus Dei videatur particularem aliquam feminam in Ecclesia *Thyatirensi* notare, itaq; eam *Jezebele* nomine appellare, quemadmodum vulgò exiſtimatur. Atq; hæc profectò minora ſunt

sunt quam quæ majestatem hujus scripti *Apocalyptici* condeceant. Atenim, quodnam huic malo remedium inveniri potest sensu *Literali*, si cum constantia ac coherentia res velimus interpretari? Sensu verò *Prophético* nulla hujusmodi incongruitas est. Objectum dignum est quod in hoc genere Spiritus notet; cum *Jezebel* hæc, fucata sit illa foemina *Romana*, Reges terræ poculo spiritualis suæ fornicationis inebrians, quemadmodum in ipsum locum ostendimus.

7. Decimò sextò, Mirum videtur & à re alienum ut Promissum *potestatis in Gentes, stellamq;* recipiendi *matutinam*, (quæ proculdubio promissa *Politica* sunt) *Thyatirensi* Ecclesiæ fiat magis quam Pergameni aut *Ephesine*, aliisve Ecclesiis. Quas victorias quòdve Dominium *Thyatirensis* Ecclesia in Asia nacta est præ cæteris Ecclesiis? Durus est hic nodus in sensu *Literali*: in *Prophético* autem primo aspectu solvitur. Exitus enim Intervalli Ecclesiæ *Thyatirensis* integras Gentes introducit qui à Papa ejusq; Ecclesia *Idololatrica* defecerint, professiq; fuerint Religionem Reformatam, adeòq; eis in Regionibus partem Pontificiam sibi subjugaverint.

Decimò septimò, In Epistola ad Ecclesiam *Philadelphiensem* mentio fit de magna Tentatione quæ totum orbem oppressura sit terræq; incolæ exploratura, de qua ait, *Ecce venio cito*; cur hoc dictum est Ecclesiæ *Philadelphienfi* magis quam ulli alii Ecclesiæ hic nominatæ? Nè minima quidem hujusce rei rationis in sensu *Literali* extant vestigia. Sensu verò *Prophético* ratio obvia est. Siquidem, cum Intervallum *Philadelphianum* in ultima Phiala incipiat, in qua ingens ille ac terribilis *terre-motus* eventurus est, magna illa Tentatio quæ sit manifestò illinc intelligitur, quomodoq; ratione hujus *Philadelphienfis* Ecclesiæ cito sit ventura, cum illa incipiat eâ ipsâ Phialâ qua hic casus futurus est.

Decimò octavò, Cur *Philadelphienfi* huic, privatæ Ecclesiæ *Asiatice*, nomen *Civitatis Dei, Novæ Hierosolymæ* quæ de cælo à Deo descendit (idem planè quod narratur Apoc. 21.) inscriptum dicitur? Titulus hic major est ac turgentior, nisi rei alicujus majoris Typus symbolumve esset, quam ut privatæ alicui Ecclesiæ competat. *Propheticâ* autem interpretatione difficultas hæc penitus amovetur. *Philadelphianæ* enim Ecclesiæ Intervallum cum temporibus *novæ Hierosolymæ* coincidit (prope finem *Apocalypseos* memoratis) millennisq; Imperii Christi in terris.

8. Decimò nondò, Curiosi proclives esse possunt ad quærendum cur Ecclesia *Laodiceensis* seipsam eis temporibus existimaverit tam immensè præterq; modum, divitem auctamq; bonis, nec ullius rei indigentem. Et sanè cur hic illius status sit positus, quam cujusvis alius Ecclesiarum nominatarum, ex *literali* Hypothesi nullam haurire possumus rationem. Admittendo autem sensum *Propheticum*, hocq; ultimum esse Ecclesiæ Christi Intervallum, naturaliter quidem id eventurum est. *Laodicea* enim hæc, hæres relinquetur omnium Divitiarum sororis *Philadelphie*, *Pacis* scilicet, *Prosperitatis*, *puritatis* in *Culin*, *abundantiæ Scientiæ naturalis* omnimodæq; in *Vaticiniis* interpretandis *peritiæ*, & si qua res alia bona sit quæ ad Christi Ecclesiam pertineat, vitâ solâ Spirituq; excepto, quem *Philadelphiam* secum in mundum alterum deportaverat. Quàm faciliè igitur ac naturaliter vel potius necessariò hæc *Laodiceensis* Ecclesiæ descriptio in Intervallum ultimum incidit?

Et postremò, Quæstio est rogatu admodum obvia, cur hæc Phrasis, *Qui aurem habet audiat*, quam Servator toties usurpare observatur in fine *Parabolarum* populo narratarum, adeò repetitum hic in singulis Epistolis adhiberetur, si Parabola non essent sed Epistola ad singulas septem Ecclesiarum in Asia sitarum scripta. Et deinde cur hoc *Epiphonema* totam Epistolam aliquando clauderet, aliquando non. Cujus Problematis nulla tolerabilis est solutio secundum sensum harum Epistolarum *Literalem*. Supponendo autem sensum *Mythicum* sive *Propheticum*, necessitas erat affigendi hoc *Epiphonema* ut ostendatur ulteriorem sensum quam *Literalem* hic intendi: uti etiam ponendi aliquando *Epiphonema* ultimo omnium loco (ut in quatuor postremis Epistolis) ut promissum victori sive illi qui vicerit, certius intelligi possit sensum habere propriè *Propheticum* sive *Politicum*, non merè *Theologicum*, *moralem* sive *spiritualem*; quemadmodum abundè declaratum est in *Expositione*.

9. Multò plures quæstiones solutionesq; à consideratione *Literæ*, hujusq; *Hypotheseos* quâ utimur, ad illius soliditatem concinnitatēq; ostendendam producere potuissimus, nisi quòd judicarem superfluum, cum tam multas jam in medium protulerimus. Quæ simul cum perpetua facilitate naturaliq; ductu totius *Expositionis* omnium Epistolarum consideratæ, accuratq; Congruentiâ nominum Ecclesiarum cum Eventis succedentium Intervallorum veræ Ecclesiæ Catholicæ quæ repræsentant, meritò quis judicare possit impossibile fore quin cuilibet hujus nostra *Expositionis*, nullo præjudicio laboranti, Lectori, de illius veritate plenè sint satisfactura. Ate-

nim

nim abundè per experientiam edoctus sum, Ut ipsam Inventionem Divinarum Veritatum, ità & earundem pariter receptionem ab aliis inventarum, speciale Dei donum esse. Ac proinde illi soli deberi omnem gloriam in omnia secula. Amen:

EPILOGUS

Expositionis harum septem Epistolarum utilitatem exponens.

1. **A**Tq; hæc de veritate hujus nostræ Expositionis; pauca de illius utilitate jam subjungemus. Et certè utilitatem habet cuiusvis alii visionum Apocalypticarum Expositioni æqualem, eóq; majoris momenti quanto compendiosior sit earum omnium scopi comprehensio.

Primum enim Confirmationi fidei nostræ in particulari Christi Providentia vigilantiaq; super Ecclesiam inservit; cùm adedò manifestum sit ex hac Expositione quanta cum cura ac constantia res hæc in primis his quinq; Intervallis rexit & ordina-verit, quódq; haud alià conditione constitutæ sint quàm quâ in his Epistolis Prophe-ticis ipse prædixit fore.

2. Deinde, secundo in loco, Amplum hîc occurrit maturumq; Testimonium pro causa Protestantium, eos omnes intelligo qui contrà declararunt, renunciâruntq; Romanæ Ecclesiæ communionem, à temporibus usq; Waldensium ad primos Reforma-tores; vulgò sic dictos. Quippe quòd Waldenses hîc agnoscuntur fideles Christi Mar-tyres, illiq; alteri qui intra Intervallum Ecclesiæ in Thyatira vixerunt, non minus reportant Encomium, ut qui sic describuntur in Epistola ad illam Ecclesiam, *Novi tua opera & charitatem & fidem & ministerium & patientiam tuam, & opera tua novissima plura prioribus.* Adedò ut majores ac majores profectus fecerint, usq; dum in Nationales tandem Reformationes erupissent. An non digni igitur primi nostri Reformatores habebuntur quibus Resurrectionis Testium visio applicetur, qui tam amplum ab ipso Christo testimonium obtinent quem orbis terrarum Judi-cem Pater constituit? An non illi etiam in cælum ascendisse sensu Politico rectè dicentur, quibus præstitum est illud promissum Ecclesiæ in Thyatira factum, *Illi qui vicerit dabo potestatem in Gentes,* &c. Hoc igitur de Ecclesia in Thyatira, confir-mat porro quod alibi de Resurrectione Testium tradidimus. Impletionem scilicet illius Prophetiæ factam fuisse in miranda illa Reformatione, quam Deus præter om-nium expectationem per Lutherum aliósq; perfecit. Apoc. 2. 19.
Apoc. 11. 11;
12.
Apoc. 2. 26.

Cui tamen consequens erit clangorem sextæ Tubbæ jam esse præteritum, & quadra-ginta duos menses, mille ducentos sexaginta Dies, sive tempus & tempora ac dimi-dium temporis, quantum ad impletionem Prophetiæ exiisse, ac proinde in vānum fore, ut quis eventa futura ex hac suppositione, quòd horum Exitus adhuc sit futu-rus, computet, quiq; sic faciunt se confutatos Eventuum disparitate deprehensuros, eóq; pacto interpretandarum Prophetiarum studium derisioni & contemptui expo-situros, fidemq; hominum infirmaturos etiam de illis Expositionibus quæ sint veræ, resq; communis Adversarii insigniter indè promoturos.

3. Sed enim quemadmodum in se verissimum est, itè in rem Reformatæ Christia-nitatis maximè facit, ut recognoscamus Protestantium Reformationem impletionem esse visionis de Resurrectione Testium, eorúmque Ascensione in cælum, ut is honor Re-formationi qui ei debetur, haberi possit, (quippe cujus tam manifesta confirmatio est per Divinum Testimonium, ejusq; rectitudinis & æquitatis adversus Romanæ Ecclē-siæ Idololatriam ac Tyrannidem) utq; Magistratus & populus arctius ubiq; ex hac ratione uniantur, omnesq; Sectæ, quæ Fundamentum tenent, majorem sui invicem existimationem habeant, nec tantoperè, quod solent, se mutuo contemnant ac aver-sentur, sed paratæ sint ad Christianam unitatem & Amorem. Est enim hæc Spiritus Dispensatio quæ plagam Antichristo inflitura sit omnium quæ futuræ sint maximam, non autem gladius flammeus ex ore sessoris Equi albi literaliter intellectus, largève ignis flumina quasi per colliquias cælitus in ipsum effusa, ullumve aliud istiusmodi prodigiosum auxilium, quemadmodum quidam in fine mille ducentorum sexaginta dierum expectant. Quæ absurda suppositio ad nihil aliud idonea est nisi ad inanes animi æstus ac præsumptuosas opiniones, quibus nullum dabitur Responsum præter frustrationem ac pudorem.

Verum hæc luculenta veritas sic ut est intellecta, naturaliter tendit ad ingeneran-dam toti orbi Christiano Reformato mutuam sui ipsorum Existimationem, & ad sup-primendam inanem illam Præsumptionem in Sectis, quasi illæ solus Populus essent ad

quem *Testium* visio pertineret, ac proinde miras sibi res expectare deberent cum exitio aut suppressione reliquorum omnium qui suæ Sectæ non sint, conjunctas. Quæ ineptæ vel potius ab omni Christianitate abhorrentes opiniones, per veram fidelémq; *Resurrectionis Testium* Interpretationem quam ego publicavi, penitus expunguntur. Utpote quæ in viam eos reducit honorem debitum sibi mutuo præstandi, junctisq; studiis in spiritu sobrietatis communem *Reformati Orbis Christiani* rem promovendi potius quam ut una aliqua pars tam vanè fastuoséq; de seipsis præ reliquis præsumant, ac si aliquando de eis *Triumphos* sint celebraturi.

4. Et postremo, Expectatione hac absconâ ullorum hujusmodi Eventuum miraculorum in mille ducentorum sexaginta dierum exitu, deletâ, (siquidem tempus illud quantum ad *Prophetiarum impletionem* jam præterit, nec ullum tempus in futurum definitum est, sed rerum ordo tantum in Phialarum visione;) id solùm restat Protestantibus ut finalis ruinæ *Antichristi* beatiq; *Millennii* appropinquationem secundum profectus suos in *Mysterio realis Regenerationis* & indispensabilis Christianitatis officiis computent. Quò sanctiores, quò innocentiores, quò humiliores, quò vehementius ad celestia Bona anhelantes alii alios deprehenderint; Quò prudentiores fuerint, quò fideiiores obedientioresq; publico Magistratui; Quò mansuetiores benignioresq; erga se invicem, quòq; majori nixu ad bonum publicum communémq; universi generis humani felicitatem promovendam omnes suos nervos intenderint, (quod *Philadelphianum* sanè Intervallum introducet) tanto propius concludere poterunt ruinam *Antichristi*, gloriosumq; *Christi regnum* cum Sanctis in beato Millennio, instare. Quæ verò alia præter hæc sint Indicia in visionibus Prophetiis quibus illorum temporum appropinquationem computare possumus, ingenuè fateor me ignorare. Hæc autem excursio subita erat. Redeamus jam in viam.

Apoc. 2. 20.

5. Tertiò, In eo quod dicitur, *sed habeo contra te pauca quòd mulierem Jezebel* quæ se *Prophetissam* esse dicit, docere sinis & seducere servos meos quòd fornicentur & vescantur *Idolothytis*, &c. luculenta hîc profectò apparet Protestantium Reformatorum ab immani illo Schismatis crimine, quod *Romana Ecclesia* ipsis tam magisterialiter impingit, absolutio, cum planè innuat, separationem eorum ab *Ecclesia Romana* non solum non culpam fuisse sed & virtutem, partémq; debitæ mandatis *Christi* obedientiæ inviolabilem, & inobedientiam futuram fuisse, ac rebellionem adversus *Christum* non separasse, ac proinde impossibile esse ut ullum omnino esset schisma. Quæ quidem res digna est quam observatè notemus ac consideremus.

Quemadmodum & hoc (contra hominum quorundam, aliàs doctorum, opinionem) Quòd separare ab *Ecclesia Romana* ob ipsius *Idolatriam*, non est schisma coram Deo, sed tantum in conspectu hominum, eorúmque, quod licet suspicari, haud purissimis mentibus præditorum, sed talium potius qui majori mundani Ecclesiæ commodi, quàm Dei gloriæ ipsiusve cultûs puritatis sensu tangantur. *Christus* enim, qui *Deus* est in æternum benedictus, reprehendit hîc *Ecclesiam* in *Thyatira* quòd mulierem *Jezebel* diutius patiat, nec eam à se prorsus rejiciat, (ut Eunuchi eam olim è fenestra in Typo ejecerunt) idq; ob hanc ipsam causam quòd *Idolatriæ* sit Institutrix, Autórq; ac Fautrix Fornicationis spiritualis; sicut in Textu manifestum est. Aded ut coram Deo, id est, in conspectu Dei, & *Ecclesia Romana* *Idolatriæ* reatu manifestò teneatur, & ipsi etiam *Protestantes*, qui eo nomine communionem illi renunciârunt, vel à minima labecula aut suspiciuncula *Schismatis* aperte absolvantur. Quòd autem *Spiritus Dei* de hujus rei veritate spiritibus nostris omnino contestetur, nisi liberæ rationis usum perdideris, *Tractatus meus de Idololatriâ* abundè tibi demonstrabit.

6. Quartò, Ex eo quòd orbis Christianus Reformatus (præsertim post relaxationem probitatis vitæ atq; morum, streperasq; circa res nihili rixas & contentiones) sub Typo Ecclesiæ in *Sardibus*, tanquam in aded imperfecta conditione, quantumvis è crassiss *Papismi Idololatriis* emerita, (neq; enim ulla hîc superest aut de Doctrina *Balaam* aut de *Jezebele* querela) repræsentatur, hinc profectò discamus oportet humiles esse, non feroces nimis ac confidentes in doctrinis nostris ac opinionibus, sed cum omni mansuetudine alios alios ferre, paratósq; esse ad instructionem recipiendam alios ab aliis ad enucleandam veritatem.

Intereð autem loci, etiam dum res meliori non sunt conditione, cum deteriori sanè non sint quàm erat prædicta, hinc oportet nos discere, nostri esse officii non permittere animos nostros versus ollas carniûm *Ægyptiacas* relabi, aut apud nos statuere: è re nostra perinde fore, si *Romam* rursus reverteremur, atq; in meliori conditione non esse quàm in præsentî simus. Hic enim status *Sardianus* deerrationi in Deserto haud abfimilis est *Ægyptum* inter terrámq; promissam, qui status est *Philadelphianus*

delphianus in quem nullus est introitus nisi post *septem Phialas*, hoc est, antequam ultima aut effusa sit aut saltem effundatur. Quemadmodum scriptum est decimo quinto *Apocalypseo*; *Et impletum est templum ex gloria Dei ejusque potentia, ut nemo posset in templum intrare donec consummarentur septem Plaga Angelorum.* Ubi; *nemo*, secundum stylum *Apocalypticum*, significat, eum hominum cætum sive multitudinem qui ed intraturi essent, cumque; statum Ecclesiæ constituturi qui hinc *Nad*, nuncupatur: *Vivum* utique; *illud Dei templum*, non appariturum esse eâ conditione eminenti nisi post *Phialas*, ultimam scilicet aut elabentem aut elapsam. Quod cum loco illo Epistolæ ad *Philadelphiam* mirifice consentit, *Qui vicerit, cum ego columnam* *Apoc. 3. 12.* *faciam in templo Dei mei.* Aded ut hi *Philadelphiani* post fumum *Phialarum* non solum intraturi sint Templum, sed nunquam inde rursus egressuri, eo sensu quem nos explicavimus.

Quamobrem cum in *Eremali* quadam conditione constituti simus, cum Fide, Maturitudine ac Patientia expectare debemus donec Deus nos in felicem illam Terram introduxerit, nec murmurare adversus eum, ejusque; Providentiam contumeliis afficere, quod ipsi visum sit res tam lento gradu promovere, nec proterve falsoque; pronuntiare perinde à re nostra fore *Romam* reverti, dubiumque; esse plûsne profuerit an obsuerit Orbi Christiano nupera illa *Reformatio*. Hujusmodi enim cogitationes sermonesve, falsæ, absurdæ ingrataque; contumeliæ sunt adversus sacram Dei Providentiam, cujus vias amarulenta, superficialia profanaque; hæc Ingenia minimè intelligunt, quippe quorum oculos *Spiritus hujus mundi* prorsus occæcavit.

Cumque; nulla existat in Epistola ad Ecclesiam *Sardianam* de *Idolatria* querela, nec vel minima ad *separationem* animatiuncula, contra ac antea factum est; omnes Orbis Christiani Reformati Ecclesiæ omnesque; particulares Sectæ membraque; illius, solertissime cavere debent ut nè propter Ceremoniarum opinionumve discrepantiam dividantur à se invicem communionemque; violent, sed Fundamentum tenentes universi inviolabile, testimoniūque; adversus crassas *Idolatrias* immanesque; enormitates *Romane* Ecclesiæ junctim perhibentes, Paci studere mutuaque; Tolerantiæ, ut Reformati Christiani Orbis corpus ed robustius fiat magisque; compactum ad obstandum communi Adversario.

Præ cæteris verò omnibus huic uni summopere studendum est, ut mundemus utique; nos ipsos ab omni inquinamento carnis & spiritus, perficientes sanctificationem in timore Dei, ad averruncandam cladis illius immanitatem quam Christus comminatur *Sardianæ* Ecclesiæ subito & ex inopinato obventuram. Atque; hæc, si quid ego iudico, non contemnendæ utilitates sunt quæ in Interpretatione Epistolæ ad Ecclesiam *Sardianam* cerni possunt. *Apoc. 3. 31*

7. Quintò, Et quantum ad Expositionem Ecclesiæ *Philadelphianæ*, summi profecto ea momenti est ad efficiendum ut terrarum Orbis ad bonam frugem redeat. Est enim illa vulgaris Excusatio, quod impietas improbitasque; ubique; gentium ita domineatur; *Homines scilicet futuros esse homines dum mundus sit duraturus*, longèque; verisimilius esse quod res in deterius indies abitura sint quàm in melius: Ac proinde paucissimi sunt qui aut suos mores emendare student, aut autores sunt aliis ut id faciant. Cum tamen ex Epistola ad Ecclesiam *Philadelphianam* sensu *Prophetico*, manifestum sit fore aliquando tempus ubi iustitia veraque; sanctitas gloriosum Imperium obtentura sit in terris.

Qui verò ab hac persuasionem abhorrent, abhorrent etiam ut plurimum à persuasionem quod ulla sit in Varietate interpretandis certitudo. Illi nolunt nimirum tam præsumptuosi esse ut prætendant se ea intelligere posse, præsertim si istiusmodi sint quæ abominandam *Romanæ Ecclesiæ* improbitatem castigare videantur, aut tempora polliceri præsentibus longè meliora. Quod Hypocrisios quoddam genus est ab illo *Achazi* haud multum abludens, quando Propheta eum jussit signum petere à Domino Deo suo; Is verò bonus Hypocrita ac modestus negavit se signum petiturum, aut *Jehovam* tentaturum. Cujus responsi sensus est, Quod mentem suam inquietare noluerit & distrahere, magisque; obnoxium seipsum reddere, siquo modo conscius factus esset evidentie supernaturalis contra naturales sensus ac persuasiones animi sui carnalibus; cujus regimini totum se subijcere, obfirmatè apud se decreverat, noluitque; idem turbari immisione cujusvis *Divinioris Luck*. Applicatio admodum facilis est atque; obvia. *Isai. 7. 131*

8. Et postremò, Sensus *Prophetici* Epistolæ ad Ecclesiam *Laodicensi* admissi utilitas magna est ad corroborandam fidem circa nobilem illum Articulum; Quod terrestribus hæc scena finem habitura sit, inque; extremo rerum termino Christus visibiliter

venturus in iudicio ad remunerandos homines secundum opera sua ; Quod iudicaturus sit & vivos & mortuos juxta Orthodoxum sensum Doctrinae Apostolicae.

Quibus omnibus addi potest, Quod, quemadmodum harum septem Epistolarum ad septem in Asia Ecclesias, Expositiones parem ferè arguendi vim habent atq; quavis alia visiones in universa Apocalypsi; ita multò faciliores sunt, præcipuumq; scopum minori verborum ambitu attingunt, nec eam Synchronismorum operositatem quam alia, ad sensus enodationem, sibi annexam habent, sed septem tantum Intervalla sunt unum alteri manifestò succedentia, quorum limites in quantum res præteritæ sunt, facile determinantur. Novimusq; *Sardianum* Intervallum ibi finiri ubi incipit *Philadelphianum*. *Laodiceam* verò extremum esse omnium terminum. Quæ facilitas ac comprehensibilitas utilitatem harum Expositionum haud mediocriter amplificabit.

9. Cæterum inter omnes illarum Expositionum utilitates five generales five speciales, nulla ita me reficit ac recreat ut suavissima *Philadelphiani* Intervalli characteris recordatio. *Philadelphia* enim, uti notavimus, fraternam dilectionem significat, five dilectionem Proximi. Quis autem Proximus noster sit docet Servator in Parabola de *Samaritano* : nihilq; magis tritum est quam nos omnes in *Adamo* fratres esse. *Philadelphia* igitur amorem Proximi, id est, universi Generis humani amorem innuit. Qui proinde amor verè est Divinus, utpote qui profectus est à Deo, juxta illud *Johannis*, *Charissimi, amemus nos inter nos, nam amor à Deo est ; ac quisquis amat, ex Deo natus est Deusq; novit. Qui non amat, non novit Deum, nam Deus Amor est.* Atq; hæc omnia dicta sunt de Amore proximi, quod is nimirum Imago quædam sit aut proles Amoris illius qui verè Deus est. Unde fieri non potest quin & ipse verè sit Divinus & Origine & Opere, cum & à Deo sit, & universam Creaturam ut Deus ipse sincerissimo Amore complectatur, verissimamq; Dei notitiam in se contineat; Eam ipsam utiq; Dei notitiam qua de simul cum his temporibus *Philadelphianis* tam clarè vaticinatus est *Esaias*, *Nusquam malè aut nequiter fiet in meo sacro monte, quoniam tanta erit Jehova cognitionis plena terra quantis operitur aquis mare.*

Quæ profectò valde firma est solidaq; Conclusio, nihil malè aut nequiter factum iri in Monte sacro quod Terra verà hæc Dei cognitione ac notitiâ, quæ Amor Divinus est, tam plena sit futura. Nam hunc Amorem, docente Deo, nos didicimus, aliisq; virtutum mensuram ultimamve rationem in quam omnis bona actio resolvi & debet & potest, & citra quam nulla potest esse bona. Unde omnia faciendâ esse cum charitate ipse præcipit Apostolus, utpote sine qua nihil rectè potest fieri. Aded sanè consentaneum est ut quæ mater primâq; omnium rectè factorum est ratio, eadem sit felicissimi perfectissimiq; Ecclesiæ statûs nota propria ac appellatio.

Quod certè res magni momenti est notasse, ut & nostra & aliena dicta factaq; omniâq; omnino molimur ad hanc normam expendamus, exploremusq; spiritus an à Deo sint, memores illius Dicti Apostolici, *Qui non amat, non novit Deum, nam Deus est amor.* Qui venit sine hac Tessera non accipiendus est, & nè salvere quidem jubendus. Sine hac Tessera autem venit quisquis de rebus opinionibusve non necessaria disidia fovet & schismata, quibus à Genio *Philadelphiano* nihil esse potest alienius. Qui verò ea affert quæ liberrimum humani Generis Amorem spirant, quæ ad pacem Christiani Orbis faciunt ac concordiam, quæq; parentum animis ad filios, & filiorum animis ad parentes convertendis inserviunt, is demum spiritus veridicus est à Christo missus, & *Philadelphianorum* sæculorum quasi Prodrômus ac præ-nuncijs ab omnibus hominibus audiendus. In hoc omnes cognoscant vos meos esse discipulos, si mutuo vos amore prosequamini.

FINIS.

DE VERIS
RATIONIBUS
Sive Fundamentis
CERTITUDINIS
FIDEI
IN
REBUS RELIGIONIS
BREVIS
DISSERTATIO.

Per *Henricum Morum* Cantabrigiensem.

2 Theff. cap. 3.

ἵνα ῥυθῶμεν ἀπὸ τοῦ ἁποστόλου καὶ πονηρῶν ἀνθρώπων·
καὶ τοῦ πάντων ἡ πίστεως.

LONDINI,

Typis J. Macock, Impensis Joh. Martyn sub Signo Campanæ, & Gualteri
Kettilby sub Signo Capitis Episcopi in Divi Pauli Cœmeterio.
MDC LXXIV.

DE VERIS
RATIONIBUS
Sive Fundamentis
CERTITUDINIS
FIDEI
REBUS RELIGIONIS
BREVIS
DISSSERTATIO.

Per Henricum Morum Cantabrigie.

2 Thos. cap. 3.

Two papers and the cotton of cotton and paper.

LOVDIA

Typis J. Mace, Impensis Joh. Mace sub signo Campanæ & Gualteri
Kendall sub signo Capitis Episcopi in Divi Pauli Commercio.

MDCCLXXIV

D E

VERIS RATIONIBUS

CERTITUDINIS

F I D E I.



Ides tamen si ut plurimum rebus Religionis approprietur, vox tamen ipsa ex se nihil aliud significat præterquam *Assensum Persuasionemve de veritate alienius rei ex aliqua ratione ortam*. Quæ quidem persuasio nobis certa esse potest & indubitata, hoc est, Nos certò & absq; omni fluctuatione de ea persuaderi possumus, quamvis rationes falsæ sint ipsaq; aded res falsa, qua de tam firmiter persuasimus. Aded ut persuaderi firmiter dere aliqua, nullum aliis argumentum sit nec nobis ipsis esse debeat quoddam aut Rationes aut ipsa Fides sit vera. *Oi idioyáμouς είσις ίγουγγύμους*. Atq; hæc *idioyáμouς* facile oriri potest ex *idioyáμouς* aliqua vel *idioyáμouς*. Peculiaritas *temperamenti Educationisve* stupor eò usq; prævalere possunt, ut Assensui nostro magna sanè cum vi falsitatem obtendant (tum in rebus Naturalibus tum in Religiosis) aut ex rationibus admodum infirmis falsisque, aut ex omnino nullis præter Corporis temperiem, Educationem, Affectum, privati commodi studium & similia.

Cæterum *veræ* Rationes *certitudinis Fidei* tales sunt, quæ non solum *certam firmamq;* fidem ingenerent, sed etiam *veram*, idq; virtute *veritatis suæ* ac soliditatis, utpote quæ huiusmodi sunt quæ *veræ solidæq;* apparuerint omnibus qui eas absq; præiudicio partiúm; studio examinaverint, hoc est, eis universis quibus nec corporis temperies, nec educatio, nec affectus, nec privati studium commodi iudicium ipsis perverterit, sed *neque* habuerint purum ac perspicuum, tanquam oculum ad discernendos colores. Unde manifestum est primam maximèq; necessariam præparationem ad investigandas percipiendâsq; *veras* rationes *Certitudinis Fidei*, *Moralem esse Prudentiam*, tali utiq; sensu quo naturam ipsius descripsimus, in *Enchiridio Ethico*, lib. 2. cap. 2. Hæc sanè antecedere debet iudicium sententiæve nostram de qualibet sive *autoritate* sive *ratione*. Verum ut quis animi *polluti* homo tantum sibi assumeret ut ab institutis sententiisq; Ecclesiæ sub qua natus sit, dissentiret, equidem admodum audax facinus esset ac temerarium. Perinde quasi Deus magis obligaretur ad opem ferendam uni alicui homini *impio* in investiganda veritate, quàm *multitudini*, possitve quisquam tutius aut laudabilius *solus* errare quàm cum hominum *catu* cui *Autoritatis Titulus* impressus sit. Quoddam si huic rei incumbas ut *sanctitate* perfungaris cum *Dei timore*, & in omni incedas *humilitate* coram ipso & coram hominibus, poteris profectò *Magistrorum* tuorum *Fidelitatem* ipsorumq; *doctrinam* circa res *Religionis* ad manifesta hæc rationis Principia expendere.

Primum igitur, Manifestum est quoddam *Certitudo Fidei* præsupponit *Certitudinem* tum *Rationis* tum *Sensus* debitis circumstantiis positi. Etenim cum *Fides* propriè sic dicta nihil aliud sit præterquam *immobilis Assensus alicui Doctrinæ Infallibilis Testimonii fundamento innixa & proposita*, oportet aliquam esse *rationem* quæ nobis persuadeat illud *Testimonium* esse infallibile, hoc est, eos qui testificantur nec obnoxios esse errori in eis rebus quibus testimonium perhibent, nec animum habere

habere decipiendi alios quòd falsum verum esse credant, aut saltem nunquam nactos fuisse falsificandi opportunitatem in eis Articulis quos fidei nostræ proponunt. Certitudo *sensus* porro requiritur. Nam si Sensus certus non est, nullum Testimonium infallibile de veritate rei gestæ esse potest. Potestq; fieri ut *Mosis* cum Deo colloquium in monte merum fuerit Insomnium. Nec ulli certi esse poterant oculati testes *Resurrectionis Ascensionisq;* Servatoris, si Deus sensus nostros vult deludere. Quapropter ritè circumstantiati *sensus certitudinem* tollere, est reverà tollere *certitudinem Fidei* in præcipuis Religionis nostræ Articulis.

- II. Secundò, *Sensus & Ratio* rectè circumstantiantur sive in debitis circumstantiis ponuntur; Unus, quando *Organum sanum est, Medium aptè modificatum, objectiq; Intervallum debitè proportionatum, & similia*; Altera, quando cum *Morali conjungitur Prudentia rectè sic nuncupata*, qualis scilicet definitur in suprà dicto *Enchiridio*. Nempe ut ratio hæc in animo habitet nullo laboranti præjudicio, aut saltem qui nullo laborat præjudicio circa eam ipsam rem quæ proponitur. Sunt enim quædam veritates tam perspicuæ ut ipsa *Immoralitas* (modò eò usq; non prorumpat ut hominem stupidum prorsus ac dementem reddat) nulli futura sit impedimento quòd minùs ipsis assensum præbeamus, hoc est, quòd minùs ipse apparuerint omninò esse veræ, non certè magis quàm illaso oculo impedimento est, quòd minùs colores discernat, quod improbi perinde atq; probi homines faciunt juxta hanc Hypothefin. Ac proinde

- III. Tertium Theorema erit, Quòd sunt *naturales* quædam veritates sive *Logicæ*, sive *Physicæ*, sive *Mathematicæ*, quæ tam manifestò veræ sunt, ut constanter ac perpetuò *impiis* perinde ac *piis* sic appareant, modò mentis compotes sint nec propriis vim inferant facultatibus.

- IV. Quartum, Eas naturales veritates, sive *communes notiones* sint, seu *conclusiones scientificæ*, quæ tam manifestò veræ sunt, ut perpetuò malis juxta atq; bonis sic appareant, saltem æquè certas esse ac indubitatas quàm sit ulla omninò res cui mens ratioq; humana potest assentiri; hoc est, Esse saltem æquè firmam certitudinem horum Axiomatum quòd vera sint, quàm sit omninò ullorum. Ac propterea cum agnoscat certitudo in aliquibus rebus quas mens ratioq; nostra amplectuntur, ponamus sanè pro

- V. Quinto Theoremate, Quòd hæc naturales veritates quæ constanter tales apparent malis perinde atq; bonis, (modò laso cerebro non sint propriisve facultatibus vim inferant) sunt quidem in seipsis certissimè veræ.

- VI. Sextum, Quicquid repugnat *certaini veritati* non solum incertum esse, sed potiùs necessariò falsum; siquidem utræq; partes *Contradictionis* non possunt simul esse veræ.

- VII. Septimum, Nullam *Revelationem*, quæ aut ipsa, cuiusve ipsum revelandi *Propositum*, *Modusve* deniq; *Revelationis* Divinis Attributis repugnat, posse esse à Deo.

- VIII. Octavum, Nullam Traditionem hujusmodi *Revelationis* veram esse posse, quandoquidem ipsa Revelatio est impossibilis.

- IX. Nonum, Quòd nulla Revelatio à Deo est quæ repugnat sensui ritè circumstantiato. Hoc manifestum est ex prima Ratione; Quòd utiq; *Certitudo Fidei* præsupponit *certitudinem sensus* rectè circumstantiati. Nam si sensus nostri falli possunt etiam tunc quando debitis agunt Circumstantiis, certi esse non possumus eos unquam esse veraces. Quod necessariò certitudinem destruit omnis *Revelationis ab extrâ*, omnisq; omninò *Traditionis*, ipsamq; adeò ex consequenti Religionem subvertit Christianam. Quapropter Deus non potest esse Author ullius hujusmodi Revelationis per Conclusionem septimam. Repugnaret enim illius Sapientiæ ac Bonitati.

- X. Decimum, Nullam Revelationem esse à Deo quæ manifestis contradicit veritatibus naturalibus, quales scilicet suprà descripsimus. Hoc abundè patet è Theorematis 1, 2, 3, 4, 5, 6, 7. Nam si Ratio etiam ubi maximè perspicua est falsa esse potest, nullam habemus securitatem quòd unquam sit vera, ac proinde nullam *Fidei certitudinem* quæ Rationem præsupponit, per Theorema primum. Præterea per Theorema sextum, Id quod certæ veritati contradicit est certissimè falsum: Divina verò Revelatio vera est. Et propterea nulla Revelatio à Deo esse potest quæ istiusmodi contradictionem secum ingerit. Quinimò insuper addimus, Quòd si ulla Divina veritas esset quæ apud *ritè circumstantiatam Rationem* appareret firmæ cuilibet naturali veritati repugnare, Deus istiusmodi veritatem cum hominibus non communicaret per Theorema septimum. Nam Revelatio ejusmodi veritatis ejus Sapientiæ Attributo repugnaret. Quippe quæ *veram* Religionem æquè obnoxiam redderét suspicioni

spicioni & reprehensionem, atq; *falsum*. Neq; enim major Obiectio fieri potest contra veritatem cuiusvis Religionis quam quod Articulos proponit qui communibus notionibus indubitataq; scientiæ repugnant. Ut præteream, quod vel unicus obtentus huiusmodi veræ Revelationis, fallaci Sacerdotio facultatem ministraret totum mundum implendi Figmentis ac Mendaciis. Quamobrem Deus nunquam tanti mali Author erit hominibus. Et postremo, cum prima Revelatio per Traditionem ad posteros sit derivanda, cumq; Traditio non sit nisi Testimonium humanum, & infinitè magis lubricum ac fallibile quam sunt aut *veritas divina* aut *scientia naturalis*, quæ fieri potest ut quisquam homo nisi stipes planè sit ac Bardus, *humana Traditioni* contra *solidam scientiam communem*q; *notiones* fidem adhibeat? Adeo ut necessariò aut *cæca Superstitio* aut *Irreligio crassa* aut *universalis Scepticismus* hujus rei exitus foret.

Undecimum, Nullam Revelationem, quæ urget, fovet promovetve *Immoralitatem* posse esse à Deo. Hoc manifestum est è Theoremate septimo. Repugnat enim Divinis Attributis, ejus Justitiæ, Fidelitati, Bonitati, ac Puritati sive Sanctitati. Dei Imago Justitia est veraq; Sanctitas. Quocirca nulla Doctrina quæ ad Injustitiam tendit, Improbritatem & Impuritatem, Revelatio à Deo esse potest.

Duodecimum, Nullam cuiusvis Divinæ Revelationis Interpretationem quæ *Sensui Rationis* ritè circumstantiata perspicuæ ac indubitata *Moralitati* repugnat, sive à privata manu sive à publica proveniat, Inspirationem esse posse à Deo. Neq; ullà novâ opus est confirmatione hujus Theorematis. Quippe quod ea ipsa argumenta quæ nullam Divinam Revelationem ad hunc modum esse posse repugnantem probant, probant similiter nullam cuiusvis Revelationis Interpretationem *Sensui* ad hunc modum, *Rationi*, solidæ *Moralitati* repugnantem, esse posse Divinam.

Decimum tertium, Quod nulla sacra Scripturæ Interpretatio quæ Seditionem, Rebellionem vel Tyrannidem justificat, Inspiratio esse potest à Deo. Hoc facile evincitur è proximè præcedente Theoremate. *Seditio* enim & *Rebellio* graves sunt ac enormes *Injustitiæ* species adversus *Magistratum* uti & *Tyrannis* adversus *populum*; utraq; sanè modi tam immanes *Immoralitatis* ut nulla Scripturæ Interpretatio quæ has justificaverit, *vera* esse possit, nedum *Divinitus inspirata*.

Decimum quartum, Nulla Ecclesia quæ pro Articulis Fidei istiusmodi res proponit quæ ritè circumstantiatio *Sensui* & *Rationi*, solidæ *Moralitati* repugnant, infallibilis jure haberi potest. Ratio manifesta est: Etenim planè constat ex eis quæ hæcenus dicta sunt, eos reipsa jam esse deceptos, aut saltem aliis decipiendis operam navasse.

Decimum quintum, Certitudinem Fidei fundari non posse in *Infallibilitate* ullius Ecclesiæ, sive particularis seu universalis, tanquam infallibiliter inspiratæ quæ reipsa falli deprehenditur etiam in eis rebus quas pro necessariis Fidei Articulis credendas proponit. Hoc adeo per se perspicuum est ut ulteriori probatione non indigeat.

Decimum sextum, Certitudo Fidei *humana* ac *moralis* fundatur in certitudine *universalis Traditionis*, *Prophetiæ*, *Historiæ*, & in natura ipsarum rerum quæ traduntur, *Ratione* ac *Sensu* menti assistentibus in Disquisitionibus suis circa has res. Illam Fidei certitudinem *Moralem* voco ac *Humanam* quæ *Carnali Homini*, *Homini* *non dum regenito* competat; quemadmodum dicitur de Diabolis quod credunt & contremiscunt. Per *Traditionem universalem* intelligo talem Traditionem quæ ab Apostolis usq; extiterit, hoc est, quæ post Apostolatuum suorum perfunctionem, *semper* perinde ac *ubiq;* extitit in Ecclesia. Etenim cum futura esset tam generalis tamq; matura Ecclesiæ degeneratio quam quæ in sacris Scripturis prædicatur, Generalitas suffragiorum Ecclesiæ non semper erat sufficiens Argumentum ad probandam Traditionis veritatem. Quantum verò ad eas veritates, quæ constanter & immutabiliter ab Apostolicis Temporibus ad hunc usq; diem invaluerunt, equidem indicio est eas tam sacras fuisse tamq; certas ac indubitatas veritates tamq; vulgariter ac universaliter cognitæ agnitasque, ut in hominum potestate non esset eas adulterare. Per *Prophetiam* intelligo prædictiones Divinas, tum eas quæ sunt de adventu Christi, tum eas de Ecclesia post illius adventum. Per *Historiam* verò non solum illam Sacrorum Bibliorum innuò & particulatim *Testamenti Novi*, sed alias etiam Historias tam Ecclesiasticas quam Prophanas. Quid verò intelligam per *ipsam naturam rerum* quæ traduntur, optimè percipi potest ex istiusmodi Dissertationibus quæ de Christianitatis *Rationalitate*

Lib. 7. c. 9, 10,
11.

bilitate conscriptæ sint; Cujusmodi libri sunt D. *Hammondi, Baxterique*. Quin & meum etiam poteris consulere *Pietatis Mysteriorum*, ubi nostræ Fidei Christianæ *Rationabilitas* plenius repræsentatur, planèq; demonstratur penès Ecclesiam non fuisse etiam si id voluisset maxime, nos circa præcipuos Fidei nostræ articulos decipere.

XVII. Decimum septimum, Nulla Traditio magis universalis magisq; certa est quàm Traditio de ratione Authentica ejusmodi librorum in sacris Bibliis quos omnes Ecclesiæ unanimiter statuerint esse Canonicos. Non potest esse certior nec universalior Traditio quàm hæc, propterea quòd Testimonium habet universæ Ecclesiæ omniumq; illius partium unanimi consensu, quanquam in aliis rebus tantoperè inter se discrepant. Quamobrem nulla Traditio auctoritatem habere potest huic ullo modo æquiparandam. Ac proinde merito ponere possumus pro Theoremate

XVIII. Decimo octavo, Quòd sacrosancta Biblia Fundamentum sunt certitudinis Fidei firmissimum verissimūq; quod intellectui nostro offerri potest cui acquiescat. Ratio est, quia est maxime universalis tum tempore tum loco, maxime immaculata, maximeq; universaliter, idq; propter rationes peculiare maximeq; solidas, agnita Traditio quæ existit.

XIX. Decimum nonum, Sacrosancta Biblia siue sacram Scripturam à Spiritu Dei dictatam, hoc est, à viris sanctis Divinitusq; inspiratis scriptam, sufficienter perspicuam esse cuilibet intellectui nullo præjudicio laboranti in rebus omnibus necessariis ad salutem. Hoc necessariò verum est per Theorema septimum. Alioqui modus quo utitur Deus in revelando suam veritatem in sacris Scripturis, Divinis Attributis repugnaret; & quod Blasphemia esset effari, videretur sanè nimis quàm imperitè sacros suos *Amanuenses* inspirasse, hoc est, tali modo, qui ad Scripturarum finem nullatenus sit accommodatus, qui Animarum humanarum est salus; nec prospexisse satis recuperandæ Ecclesiæ ex crassis istis erroribus in quas ille & prævidit & prædixit eam esse lapsuram.

XX. Viceimum, Quòd verus primariūq; sensus sacræ Scripturæ *Literalis* est seu *Historicus*, nisi in istiusmodi partibus locisve ubi subindicatio sit *Parabolas* esse vel *visiones*, stylo Prophetico conscriptas, vel ubi *Literalis sensus* ritè circumstantiato sensui naturalive scientiæ repugnat, &c. Etenim id argumento est locum *Figuratè* vel *Parabolicè*, non *Literaliter* esse intelligendum. Hujus rei veritas è proximè præcedenti Theoremate apparet. Nam alioqui Scriptura non sufficienter perspicua esset in rebus omnibus ad salutem necessariis, immò verò in nullis omnino, sed omnes Articuli Fidei qui *Historiam* Christi respiciunt, oppidò quàm frivole leviculèq; possent in meras Allegoricas Fabulas Poeticasq; mythologias attenuari. Quòd verò Historia Christi literaliter intelligenda est, manifestum est tum ex ipso *Textu* tum ex perpetua ac *universali Traditione*. Qui si verus sensus non esset, argumento esset Scripturam etiam in præcipuis Fidei Articulis admodum obscurè scriptam esse. Quod antecedenti Theoremati planè adversatur. Cæterum quòd illa loca quæ ritè *circumstantio sensui naturalive scientiæ* repugnant, *Figuratè* interpretanda sunt, manifestum est è communi omnium hominum consensu, ex eo quòd universaliter inter ipsos convenit, quando Christus dicit, *Ego sum janua*, *Ego sum vera vitis*, &c. quòd hæc res *literaliter* non possunt esse veræ. Estq; par ratio in, *Hoc est corpus meum*.

XXI. Viceimum primum, Nullum Fidei Articulum esse cujus Professio facta sit à temporibus Apostolicis ad hunc usq; Diem, quiq; ab omnibus in Christiano Orbe Ecclesiis sit agnitus, qui non planè reveletur in scriptura. Hoc partim argui potest è Theorematis decimo nono & viceimo, ulteriūq; probari, comparando hos Fidei Articulos cum ipsis Scripturæ Textibus qui super eisdem rebus agunt.

XXII. Viceimum secundum, Quòd comprehensio horum Articulorum Fidei *semper* perinde ac *ubiq;* ab omnibus Christianis Ecclesiis ab Apostolicis temporibus ad hunc usq; Diem professorum, itaq; manifestorum è Scripturis sacris, optimo jure *Communis* nuncupatur seu *Catholica* ac *Apostolica Fides*.

XXIII. Viceimum tertium, Quòd est etiam *Divina* quædam *Fidei Certitudo*, quæ præter rationes quibus *Moralis* seu *Humana certitudo* innititur, suffulcitur porro ac corroboratur per *spiritum vitæ in nova Nativitate*, perq; *Rationem illuminatam*. Hoc non arguendum est, sed tacito internòq; sensu percipiendum. Intereà loci nihil ampliùs asseritur quàm hoc; Quòd hæc utiq; *Certitudo Divina*, altiorè habet gradum Firmitudinis, Persuasionis ac Assensûs sacrarum Scripturarum veritati;

veritati; ut quæ particeps est ejusdem spiritus cum Servatore ejusq; Apostolis, verum nihil variat in veritatibus quæ in communi Fide traduntur ac tenentur.

Vicesimum quartum, Quamlibetque; allatam *Inspirationem* vel Divinorum Oraculorum *Interpretationem* quæ suprà descriptæ *Communi* seu *Catholica & Apostolica Fidei* repugnat, Imposturam esse ac Falsimonium, sive à privata manu proveniret sive à publica. Ratio verò manifesta est ex eo quod *Articuli communis Fidei* doctrinæ erant hominum reverà Divinitus inspiratorum; nec potest Dei Spiritus ipse sibi contradicere. XXIV.

Vicesimum quintum, Nulla pars sacrae Scripturæ de se est inexplicabilis, talisve quæ prorsus intelligi non possit; verum perinde ut mentes hominum prædispositæ erunt, tempusq; erit idoneum, quemadmodum Deus jam largitus est, ita sanè poterit (prout rerum opportunitates flagitaverint) majorem adhuc ac majorem lucem animabus Fidelium impertiri, ad pleniorē generaliorēq; intellectionē obscurissimorum locorum in Divinis Oraculis. Veritas hujus Assertionis adeò perspicua est, ut parum abesse à Blasphemia merito videatur ipsi contradicere. Etenim asserere sacram Scripturam talem esse in se ut omnino intelligi non possit, perinde est atq; pronunciare *nullum ipse subesse sensum*: Quinimo affirmare hos vel illos libros in ipsa, librorumve locos nunquam intelligendos esse ab hominibus, est certè insinuare quasi *Divina Sapientia* non solum *oblectaret* se cum filiis hominum, sed & cum ipsis *nugaretur*. Hoc tantummodò subterfugium est obnoxie istius fraudumq; conscie Ecclesiæ quæ tantoperè sibi prætimet à fulgore illius lucis quæ adversus eam ex ejusmodi Scripturæ locis quæ à longo tempore obscura visa sint, emicat. XXV.

Vicesimum sextum, Quod innumera Scripturæ loca sunt, tam Præcepta quam Historias continentia, quæ æquè perspicuè intelligi possunt ac ipsi communis Fidei Articuli, & quæ proinde admodum utilia esse possunt ad ea explananda quæ videntur magis obscura. Hoc nullā probatione indiget præterquam provocatione ad experientiam & Theorema vicesimum. XXVI.

Vicesimum septimum, Nullum miraculum, quanquam ab hujusmodi homine patratum qui videri possit vitæ irreprehensibili & non vulgari sanctitate, posse per rationem ratificare ullam Doctrinam Praxinve, quæ ritè *circumstantiato sensui, naturalibus veritatibus*, aut *scientiis*, communive Christianæ Fidei, ullive perspicuæ Doctrinæ aut Assertioni in Scriptura, repugnat. Cujus rei Veritas, hinc manifestò patescit; Quod utiq; nemo quisquam tam certus esse potest quod hujusmodi homo versutus non sit callidusq; Hypocrita, ejusq; miraculum præstigium collusione Diaboli aut (si fortè ipse rei gestæ Testis oculatus non fuerit) falsa miraculi fama, quam sit certus de veritate ritè *circumstantiati sensus, communium Notionum ac naturalis scientiæ, Articulorum Fidei Apostolicæ*, aut cujuslibet *perspicuæ Assertionis in Scriptura*. Ac proinde in hujusmodi casu, rationi consentaneum est, ut eo quod maximè certum est gressus nostros dirigamus. XXVII.

Vicesimum octavum, Non solum jus esse sed & officium privati cujusq; hominis conversari cum Scripturis, modò præmonitus sit memineritq; contra ritè *circumstantiatum sensum, veritatem Naturalem, communem Honestatem, Analogiam Fidei Catholicæ*, contravere alia ulla *perspicua sacra Scripturæ Testimonia* interpretari quicquam sibi non licere. Hujus veritas ex proximè præcedenti Theoremate apparet. Curnam enim inhiabantur à recurrendo ad tot tamq; utiles ac efficaces *Informationes à spiritu infallibili*, cum tam commodè præmuniti sint contra omnem errorem, & tam subdole impetiti à tot non solum *fallibilibus* sed & *fraudentis hominibus*, quò seducantur? Et qui fieri potest ut non majus sit periculum nè in errorem seducamur ab eis qui non solum fallibiles sunt sed etiam fraudulentis & dolosi, quam ab inspiratis illis hominibus qui Scripturam conscripserunt, qui nec fallibiles erant in eis rebus quas scripserunt, nec animum habuerunt quenquam fallendi? Quapropter, cum nullum habeamus magis tutum quam est ipsa Scriptura Duce, quæ sine affectu, sine fraude & sine omni proprii commodi studio de rebus pronunciat, est certè non solum jus ac privilegium cujusq; Christiani sed & officium Scripturas consulere, statq; observare tempora conversandi cum eis, si ulla omnino ipsi sit æternæ suæ salutis cura. XXVIII.

Vicesimum nonum, Quod etiam privatus quispiam *spiritu vite in nova Nativitate* munitus, ritèq; circumstantiatâ Ratione, & sufficienter porrò cognitione XXIX.

Linguarum, Historiæ, Antiquitatis, solidæq; Philosophiæ adjutus, horum possit adminiculo, Divinæq; benedictione labores ejus secundante, aliqua obscuriorum locorum Scripturæ illustrare ad plenam sanè certitudinem ac satisfactionem & sibi ipsi & alteri cuilibet qui interpretationes ejus sine præjudicio perlegerit. Hujus Assertionis veritas probari potest ex multiplici Experientia, siquidem multi extiterunt qui talia Scripturæ loca dilucidarunt cumulatèq; plana fecerunt, quæ ad tempus visâ sunt admodum intricata & obscura. Sed evinci potest etiam à priori, è decimo septimo scilicet & decimo octavo Theoremate, quæ Scripturam maximè authenticam Traditionem affirmant, ut & à vicesimo quinto, quod eam negat aut in se non intelligibilem esse aut humano generi; & ex primo deniq; quod certitudinem Fidei certitudinem Rationis præsupponere asserit. Etenim hinc cùm objectum intellectus nostri hîc certum sit nec operam impendamus Figmento vel Delusioni, Ratiôq; nostra sit ritè circumstantiata nec occæcata præjudiciis, aut in assensum ante debitam deliberationem clarâq; rei perceptionem ac comprehensionem præcipitata; equidem si post tam circumspectam anxiamq; disquisitionem ipsi plenè satisfactum sit, etiam certò ipsi factum est satis, alioqui nulla certitudo esset in *Ratione ritè circumstantiata*, quæ tamen præsupponitur in *Certitudine Fidei* per Theorema primum. Adeò ut ipsa Fidei certitudo ruinas agere videatur si nemo privatus certus esse possit de interpretatione cujusvis loci Scripturæ qui semel obscurus est habitus. Nè addam, omnem Scripturam quæ semel obscura extitit, cujusq; Interpretatio ab universali Ecclesia nondum sit declarata, & fuisse hætenus, & fore porro per nescio quot secula omninò infructuosam ac inutilem. Quæ admodum vesana profectò est suppositio, talisq; quam nulli lubenter admiserint, nisi illi qui quidvis mallent admittere quàm illud Scripturæ lumen, quod tam apertè detegit quinam ipsi sint, & quàm indignas adhibeant præstigias ac imposturas in transactionibus suis cum filiis hominum.

XXX. Tricesimum, Quòd nulla Traditio vera esse potest quæ alicui perspicuo Scripturæ Textui repugnat. Ratio est, quia Scriptura est maximè vera maximèq; Authentica Traditio quæ existit, talisq; in qua Universa Ecclesia consenserit.

XXXI. Tricesimum primum, Si unus aliquis Articulus in Autoritate Traditionis fundatus, quem nunquam post hominum memoriam ab Ecclesia non traditum fuisse contenditur, falsus reperiatur, nulla reliqua est Certitudo quòd ulla Traditio sit vera, nisi talis quem nunquam in potestate Ecclesiæ esset supponere, corrumpere vel depravare, aut saltem è re ipsorum non foret circa eam ità se gerere. Ratio est, quia *Certitudo Traditionis*, quatenus *Traditio*, in eo omninò collocatur etiam ab eis ipsis qui tantoperè pro ea contendunt, quòd nihil in Ecclesiam introduci possit tanquam Praxis Doctrinæ Apostolica præterquam quod ab Apostolicis usq; temporibus reverà sic erat. Quamobrem si res aliqua semel in Ecclesiam introducatur, credaturq; ac usurpetur tanquam Apostolica, quæ tamen manifestò probari potest talis non esse, hoc fundamentum *Traditionis*, quatenus *Traditio*, funditus subvertitur, & si consideramus eam fallimoniam ac imposturam quæ tandiu in Orbe Christiano invaluit, pro nullo omninò Certitudinis Fundamento haberi potest. Quemadmodum nec *Ratio* quæ *Ratio*, nec *Sensus* quæ *Sensus*, sed quatenus ritè circumstantiati certitudinis scientiæ fundamenta esse possunt: ità nec *Traditio* quæ *Traditio* fundamentum esse potest certitudinis fidei, sed talis solummodò Traditio quam in degeneratæ Ecclesiæ potestate non esset supponere aut adulterare. Atq; hujusmodi profectò sola sunt sacrorum Bibliorum monumenta.

XXXII. Tricesimum secundum, Quòd *Sensus Ratiôq; ritè circumstantiati sacræq; Scriptura* verissima sunt Fundamenta *certitudinis Fidei*. Hæc est communis Protestantium Doctrina, & magna sanè ac irrefragabilis veritas, & quæ ad maximam quæ exoptari potest certitudinem ascendet, modò *Spiritus vitæ Delq;* adsit. Hic enim omnia firmiter arctèq; obsignabit, omnesq; addubitationes fluctuationesq; excludet. Interea loci etiam de Hominibus merè *Moralibus*, sed talibus tamen qui *Sensu Rationeq; ritè circumstantiatis* in suis de veritate sacræ Scripturæ ac Religionis dijudicationibus, utantur, manifestum est eos verissimis Fidei Fundamentis insistere, quibus se applicare possunt & inniti, quandoquidem sacra Scriptura *verissima omnium certissimâq;* est *Traditio*, nec *Traditio* ulla deprehendi potest vera, nisi ex *Certitudine ritè circumstantiati Sensûs ac Rationis*, prout è primo Theoremate apparet.

Hæc

Hæc Monita quanquam aliquantùm sanè numerosa, satis brevia tamen sunt, sed admodum efficacia, ut spero, si strictè observentur, ad tantà se imbuedum sapientià, ut nec ipse tibi impositurus sis, nec tibi ab aliis imponi, in rebus Religionis, permissurus; tantàq; demum Orthodoxià, ut nec *Enthusiastes* nec *Romanista*, sed verè *Catholicus*, *Primitivus Apostolicusq;* *Christianus* sis evasurus.

FINIS.

ANTIDOTUS

Itaque hanc doctrinam, quam hucusque non numeratam, sed per se
etiam manifestam esse, ut patet, si quis observaverit, etiam si
non sapienter, sed nec tamen improbitate sit, nec tamen
ita Religio, quamvis: tunc, cum Objectionibus, ut in
hoc tractatu, sed non catholice, rationem, etiam in

FINIS

NOTA

ANTIDOTUS
ADVERSUS
IDOLOLATRIAM:

SIVE

Differtatio brevis multa complectens

THEOREMATA

Ad dignoscendum quid sit haberive debeat

IDOLOLATRIA

Apud Christianos apprimè utilia.

CUM

Applicatione ad Doctrinam Concilii

TRIDENTINI

Ad sistendam, quantum fieri potest, Contagionem Romanam.

Per *Henricum Morum* Cantabrigiensem.

Matth. 4. 10.

Dominum Deum tuum adorabis, & illi soli servies.

LONDINI,

Typis *J. Macock*, Impensis *Johan. Martyn* sub Signo Campanæ, & *Gualteri Kettilby* sub Signo Capitis Episcopi in Divi *Pauli* Cœmeterio.

MDC LXXIV.

ANTI
ADVERSUS
IDOLOLATRIA:

Differtio brevis multa complexans

THEOREMATA

Ad dignoscendum quid sit habetive debeat

IDOLOLATRIA

Apud Christianos appropinquo nulla

COM

Applicatione ad Doctrinam Concilii

TRIDENTINI

Ad ascendendum, quoniam fuit potest. Congregationem Romanam.

Per Henricum Morum Cantabrigie.

1644. 4. 15.

Donatus Datus fatus datus. 1644. 4. 15.

LOVDIV

Typis J. Macek, Imperialis Typographi, sub signo Campanae & Gualtheri
Kenilly sub signo Capris Episcopi in Divi Pauli Coenaculo.

MDCXXIV

ANTIDOTUS

ADVERSUS

IDOLOLATRIAM.

C A P. I.

Quid sit Idololatria secundum Declarationem Divinam.

I.



U^e in Genere viæ sunt discernendi quid sit haberive debeat *Idololatria* apud Christianos; una, *Divina Declaratio*, altera perspicua dilucidq; *Ratio*; Quæ quidem tametsi una fortean alterâ longius haud pertingant, hoc est, quicquid per *Divinam Declarationem* *Idololatria* concludi possit, idem per *Rationem* nullo laborantem præjudicio possit itidem concludi, & vice versâ; junctorum tamen testimoniorum concursus majorem nobis veritatis certitudinem parit, duôq; funiculi simul contorti, fortiores sunt quàm utervis solus. Quam ob causam nos utraq; adhibebimus, & à *Divina Declaratione* capiemus exordium.

2. Primum igitur Theorema hoc erit, Quod, quemadmodum in Regimine Civili Supremæ potestatis jus est, *lese majestatis crimen* quid sit haberive debeat, & ut tale puniri, definire & declarare; ita manifestissimum Dei omnipotentis jus est, qui & *infinite bonus* est atq; *sapiens*, definire & declarare populo suo quid sit haberive debeat *Idololatria*, quæ quædam adversus Deum perduellio est, crimēq; *lese Majestatis Divina*. Quôdq; sic à Deo *Idololatria* declaratur, tale id à nobis haberi debet, quanquam lascivientis nostræ Rationis ludicra ac fugitiva versatilitas multa latibula subtilēsq; prætextus adinvenire possit quibus hanc rem illamve actionem à tam fœda imputatione excuset, ejusq; extenuet aut abscondat turpitudinem.

Cæterum, ut in rebus civilibus ipsa Declaratio, quod hoc vel illud *lese Majestatis* crimen sit, sensu quidem *Politico* efficit ut ipso facto sit tale; ita Divina Declaratio, quod hoc vel illud *Idololatria* sit, efficit sanè ut eo ipso fiat *Idololatria*, quamvis vulgari captui judiciove, neq; hæc *perduellio*, nec illud *Idololatria* sine præviis hisce Declarationibus fortean fuissent apparitura. Verùm ubi Legislator *infallibilis* est, maximè profectò est consentaneum ut nos submittamus non potestati soli sed sapientissimo illius judicio in rebus definiendis, simulq; persuasissimi illud reverà *Idololatriam* esse, quod is sic esse declaraverit.

3. Secundum Theorema, Quicquid à Deo *Idololatria* declarata est *Judeis*, idem à nobis *Christianis* agnosci debet *Idololatria*. Hujus Theorematis ratio ipsi Christianæ Religionis naturæ innititur. Etenim cum *Christianitas* Religio sit longè spiritualiior quàm *Judaismus* atq; ab omni omnino proinde superstitione abhorrens, nè minima quidem *superstitioni* omnium maximè *rancida*, ipsi nimirum *Idololatriæ*, fieri potest relaxatio. Quamobrem quicquid habitum est pro *Idololatriâ* apud *Judeos*, talēq; per *Divinam* Legem definitum, idem multò potiori jure sub *Christianitate* tale agnitum oportet, cum nè minimus quidem prætextus sit *relaxationi*.

Præterea, Nihil ritè habitum est apud *Judeos* (nec apud quenquam populum haberi

haberi potest) pro *Idololatria*, quin satis accuratè contra id cautum sit, satisq; manifestò sit interdictum in primo secundòq; Præcepto *Decalogi*. Totus verò Decalogus *Moralis* est, atq; sic à Deo declaratus, ex eò quòd proprio illius digito in tabulis lapideis scriptus dicatur, (qui permanentis animarum nostrarum substantiæ sunt symbola, cui omnia generalia *Moralitatis* præcepta insculpta sint, tanquam innata officii nostri Noëmata:) Ac proinde hinc innuitur, Præcepta *Decalogi* iusta esse & consentanea, non *visum* solum, sed & *verum*, non Lege aliquâ solâ *externâ*, sed & insita esse ipsi Naturæ nostræ ac Rationi, eorûmq; causam ac radicem illinc facile erui posse.

Quibus addere potes, Assumentum esse admodum *dubiosum* & heterogeneum, Dei sapientiæ serviq; illius *Mosis* indignum, cum reliquus Decalogus *Moralis* sit, imaginari unum & alterum præceptum alius esse naturæ. Tam temeraria crassaq; hæc est adversus *Divinam sapientiam* contumelia, ut meo certè iudicio, omni destituatur excusatione.

Ad hæc verò, *Moralitas Decalogi* agnoscitur etiam ab Ecclesia, cum *Liturgiæ* ubiq; pars sit, & facultatem virèsq; oremus quòd *secundum præceptum* observemus perinde atq; reliqua. Et Christus etiam remittit nos ad Decalogum quòd vitam æternam assequamur.

Marc. 10. 18,
19.

Et postremò, Videtur sanè à reliquis Legibus Mosaicis separatus quasi ac selectus tanquam *stabilis permanensq; Lex* Ecclesiæ Dei (unde & ipsis *Catechismis* inferitur) nunquam abolenda, vel potius in suo vigore semper retinenda, *secundi* potissimum *præcepti* causâ, ut fortiter contra validas illas Invitationes ad *Idololatriam*, quæ in constitutione nostræ Religionis offerre se nobis videantur, reniti possit, aut Ecclesiam eò lapsam, ad pristinum statum revocare; Quemadmodum *Judeis* olim repagulo erat quòd minùs Nationibus circumjacentibus se adjungerent in cultu sup *Idololatrico*. Quamobrem cum contra omne genus *Idololatriæ* cautum sit per Decalogum *Moralem* *Judeis* datum, nulla sanè illius genera à *Christianis* ullis recipi debent aut approbari.

III. 4. Theorema tertium, Quicquid *Idololatria* erat in *Paganis*, idem in nobis *Idololatriam* esse, quoties eam committimus. Hujus Assertionis ratio hæc est; Quoniam *Pagani* tam expressam à Deo Declarationem contra omne genus *Idololatriæ* non habebant quàm *Christiani* habent ac *Judei*, ac proinde in qua re cunq; isti *Idololatria* rei sunt, *Judeis* & *Christianis*, si consimilia faciunt, multò magis sunt rei.

IV. Theorema quartum, *Idololatria Paganorum* in hoc consistebat, Quòd aut aliquid, summum Numen esse censebant, quòd reverà non erat, perindèq; illud tanquam tale colebant, aut summum colebant Numen per Imaginem, aut cultum religiosum exhibebant, hoc est, Altaria erigebant, Tempia & Imagines, Sacrificia offerebant, nuncupabant Vota atq; invocabant tales quos ipsi noverint supremum non esse Deum, sed aut *Animas defunctorum* aut *Dæmonas*, aut *particulares* deniq; aliquas *Naturæ virtutes* vel *Apparentias*.

V. Quintum, Quòd tum *Divina* Declaratio, tum communis Orbis Christiani Consensus nobis asseveratissimè confirmant omnes prædictos modos *Idololatriæ Paganicæ*, ab ipsis usurpatos, fuisse in istis *Paganis* præses *Idololatricas*. Ac proinde per Theorema tertium multò magis sic esse necesse est, siue in *Judeis* siue in *Christianis*.

VI. 5. Sextum, Quòd cultus Religiosi præstatio, hoc est, extructio Templorum, Altarium erectio, Invocatio, Votorum nuncupatio & similia, alicui qui Deus summus non sit, tametsi non tanquam ipsi sed tanquam *inferiori* alicui Potestati *auxiliatrici* facta, manifesta est *Idololatria*. Hoc perspicuum est ex præcedenti Theoremate, & confirmari porro potest hac consideratione; Quòd *Idololatria* admodum rara erat apud Gentes, Romanos præsertim, si hic *Idololatria* modus reverà non sit *Idololatria*; Vixq; quicquam apud ipsos *Idololatria* invenietur, nisi error censendi aliquid summum esse Numen quòd reverà non est, perindèq; illud colendi tanquam tale. At enimvero si ulla omninò res summo Numine inferior cultu Religioso *Idololatriæ* immuni coli possit, res omnes possunt, quanquam aliæ aliis magis ridiculè atq; absurdè. Quamobrem quibuscumque supradictorum modorum cultus erga illud uti quòd summo Numine sit inferius, tametsi non tanquam erga summum Numen, necesse est ut sit *Idololatria*; alioqui ipse *Paganismus Romanus* admodum rarè, si omninò, illius erat reus, quippe qui Notionem habebant *summi Numinis* satis accuratam, satisq; distinctam ab aliis suis *Deitatibus*, adeò ut nisi fortè per Imaginem ipsum colebant, rarè aut nunquam potius deprehendendi sunt *Idololatriæ* juxta quorundam opinionem,

opinionem, qui aiunt nullos, qui notitiam habent unius veri Dei, Idololatriæ esse posse capaces.

6. Septimum, Quodd sacrificare, Incensum adolere, aut ullam Genuflexionem facere corporisve incurvationem versùs Imaginem ullo modo, tanquam cultùs illius Objectum, *Idololatria* est per *Divinam Declarationem*. Hoc manifestum est ex secundo primòq; Theoremate, quemadmodum vel primo intuitu constare potest. Nam in secundo Præcepto Decalogi apertè declaratur de Imaginibus, *Non incurvabis te eis, nec eis servies*. Quorum verborum proculdubio sensus est, Non erunt ullo modo Objectum illius cultùs quem religionis ergò præstes, sive Incurvatione versùs eas, sive alià quavisq; ratione. Secundum enim præceptum proculdubio Declaratio est *Divine* voluntatis circa cultum *Religiosum*, cujusmodicunq; fuerint Cereemoniæ.

Octavum, Quodd erigere Tempia, Altaria, Imagines, aut Incensum adolere *Sanctis Angelisve*, Invocare ipsos Votave ipsis nuncupare & similia, manifesta est *Idololatria*. Hæc evidens est ex tertio præcipue, quarto, quinto, sextòq; Theoremate hujus capituli. Dæmones enim *Paganici*, Christianorum *Sanctis Angelisq;* exquisitè respondent, quantum ad hoc; nisi quodd *spiritualis* hæc *Fornicatio raptus* sit in nostros *Sanctos Angelosq;*, sed *simplex* tantum *Fornicatio* in *Paganis* cum *impuris suis Dæmonibus*.

Nonum, Religiosa *Incurvatio* Crucifixum versùs, aut Hostiam, ullamve Imaginem, tanquam ad Objectum & non meram & inobservatam Circumstantiam accidentalem, est *Idololatria*. Hoc manifestum est ex Theoremate septimo & octavo. Cultus verò *Latriæ*, ex opinione Transsubstantiationis, Hostiæ exhibitus *Idololatria* est per tertium & quartum.

7. Theorema decimum, In cultu nostro Religioso, ullà figurà, imaginève, datà operà, uti, quanquam *circumstantialiter* tantum non autem *Objectivè*, sed ità tamen ut incurvemus nos versùs eam; & in genua procidamus coram ea cum oculis manibùsq; devotè versùs eam sublati, verum cum intentione, quod dixi, faciendi eam nullo modo *Objectum* hujus cultùs religiosi, tamen si hoc fieret in Natione ubi homines crebrò & ex professo id faciunt, esset nihilominus, non obstante illà intentione, crassum specimen *Idololatriæ*.

Quodd si universa Natio conspiraret ad hunc magis plausibilem istis incurvationibus gestibùsq; sensum imponendum, licèt sperare quidem possimus *Idololatriam* non esse, esset tamen proculdubio admodum impia ac scelerata Dei ludificatio, voluntatisq; ejus in secundo præcepto declaratæ frustratio (quod naturaliter innuit prohibitionem omnis omnino cultùs incurvationisve versùs Imaginem per modum Religionis) criminèq; æquè scandalosum & *Idololatriæ* contiguum, ac ingestio suiipius in lectum ad uxorem alterius, cum castis prætextibus, crasso esset adulterio.

Immo verò immensæ quæstionis est, si quis sciens prudensq; se in hujusmodi gestus ante Imaginem componat, an imago non futura sit *Objectum* horum gestuum & incurvationum vel illius ingratiis; vel potius manifestum videtur quodd ità sit futurum. Etenim corporalis actio Honoris ac Reverentiæ significans, *corporaliter* quidem, (quanquam non *mentaliter*) versùs Imaginem dirigitur ab eaq; recipitur, idq; pro libitū *Religionistæ*, (potest enim se abstinere) quodd eum facti reum facit.

Cæterum non est ut tantoperè de ultimo hoc Theoremate laboremus cum duo priora Theoremata Ecclesiam Romanam multifariam Idololatriarum satis abunde convincant, si modò *Divine Definitioni* stare volunt & *Declarationi sacre Scripturæ* super hac re.

VII.

VIII.

IX.

X.

CAP. II.

Quid sit Idololatria juxta Determinationem liberæ perspicuæq; Rationis.

1. **E**Xperiemur jam de *Romanistis*, ex manifestis *Definitionibus* & *Declarationibus* liberæ perspicuæq; *Rationis*, quàm sint huic crimini obnoxii. Qua igitur in methodo ponamus pro

Primo Theoremate, Quodd *Idololatria* Injustitiæ quoddam genus sit adversus Deum. Quodd hoc verum sit, ex Definitione Religionis apud *Ciceronem*, qui eam

Q q q q q 2

definit

I.

definit *Injustitiam adversus Deum*, apparere potest. Quæ non unius *Ciceronis* sententia est, sed ipsa *Rationis* ac *Naturæ* vox. Ac proinde cum *Idololatria* unum genus sit Irreligionis sive Impietatis, ut *Injustitiam* quandam adversus Deum includat necesse est,

- II. 2. Secundum Theorema, Quod *Idololatria* gravissimum ac perniciosus animæ morbus sit, turpiter eam in sensualitatem & *Materialitatem* deprimens ac demergens, longoque ipsam à vero sensu rectaque Dei notitia distinens intervallo, corporeisq; eam reddens concupiscentiis magis obnoxiam. Hæc, inquam, naturalis est *Idololatriæ* tendentia, tametsi humanæ Animæ in hoc statu lapsa, naturaliter proclives sint ad tam immanem morbum; quemadmodum & *Historia* & quotidiana *Experientia* abunde testificantur. Vide mala *Idololatriæ* effecta in *Mysterio Iniquitatis*, Part. I. lib. I. cap. 16.

Nec veritatem hujus Theorematis quicquam enervat, quod quis veram adhuc Dei notionem retinens juxta Divina illius attributa, possit interim, secundum peculiarem aliquem, quem sibi fingat, sensum aut intentionem, incurvare se versus corporeum cultus Objectum. Nam per vim lucisq; retineat necesse est, contra istiusmodi praxin, quæ eos naturaliter corrumpat ac coinquinet qui se ei assueverint. Ac propterea si *Kitam Dei* reverà in se haberet perinde atq; illius *Notionem*, istiusmodi profecto actiones cor suum ingrato quodam tactu radere persentisceret, perciperetq; quomodo invasuræ essent ac tentaturæ depressionem extinctionemq; illius verioris puriorisq; sensus Dei cultusq; illius, Animamq; ad externam vanitatem se ducturæ.

Ceterum ponamus hominem unum & alterum, à subsidendo à recta *Notione Deitatis* mentes suas posse retinere; *Idololatriæ* tamen nihilominus æquæ rei sunt, si Religiosum cultum Objectis corporeis exhibent, atq; is est *Adulterii* ac *Fornicationis*; quæ tamen tam cautè utitur ut nec sanitatem corpoream minuat nec naturales ingenii dotes inde obtundat. Ac proinde tametsi pauci aliqui hoc genus homines esse possint, leges tamen adversus *Fornicationem* & *Adulterium* deberent nihilominus unicuiq; esse admodum sacræ; etiam hisce ipsis cautiorebus eorum Transgressoribus, semperq; ab ipsis observari, cum tantum intersit Reipublicæ ut observentur.

Quod autem de *Dei cultu* diximus, Analogicè verum est de cultu *Sanctorum*, qui optimè tunc coluntur, cum virtutes eorum reminiscimur ac imitamur, non autem cum longè reductas genuflexiones coram ipsorum Imaginibus formamus, eorumve simulachra arctius amplexamur, quæ tamen ipsos *Sanctos* sanè, non magis quàm *Pomum* (quod dicitur) *ostream*, specie referunt.

- III. 3. Tertium Theorema, Quod vehementes illæ Declarationes *Divinæ Zelotypiæ*, illiusq; severæ Indignationis adversus *Idololatriam*, ipsi naturæ rei paternæq; suæ Animarum humanarum curæ, admodum congruunt. Ex præcedentibus Theorematis hoc patet, Quippe quod tum prærogativarum jurumq; ipsius *Divinæ Majestatis*, tum etiam Perfectionis, Nobilitationis, Salutisq; aded humanarum Animarum res hîc agitur. Hoc quidem ratione deprehendimus, Ratioq; nostra Divino rursus suffragio fortius confirmatur.

- IV. Quartum, Quod *Idololatria* quamvis aded immane sit peccatum, tamen, ubi maxime serio Animi proposito committitur, necessariò in se involvit Ignorantiam vel Errorem; aut in *Actu* scilicet *Cultus* aut in *Objecto*; quandoquidem *Objectum* vel *Deum* esse putant cum non sit, vel aliquod *Attributum Dei* habere cum non habeat, vel aliquâ *Divinâ Prærogativâ* frui cum non fruatur; aut errant in *Actu Actusve specie*, Divinum non reputantes esse cultum cum sit; aut deniq; in *Applicatione cultus*, arbitantes se Divinum cultum non applicare Objecto, quando reverà applicant.

- V. Quintum, Quod error circa *Objectum cultus* vel circa *Speciem cultus* vel circa illius *Applicationem* rem nullam excusare potest, quò minus pura puta sit *Idololatria*, siquidem nulli serîo *Idololatra* sunt sine aliquibus horum Errorum.

- VI. Sextum, Peculiaris honos seu cultus Deo tributus, illi tribuitur non quidem tam ut honos illius cultusve, quàm ut illius debitum atq; jus; aded ut quisquis eum Deo non tribuit, illumve alteri communicat, *Divinæ Majestati* faciat injuriam. Hoc manifestum est, illiq; quod in primo Theoremate occurrit consentaneum; Quod *Religio* utiq; *Injustitia* quædam sit adversus Deum. Et certè nisi Divinus Honor Deo tribueretur tanquam *Debitum* illius atq; *Jus*, actus *Honoris* omninò non esset sed potius *Benevolentie*.

- VII. 4. Septimum, Peculiaris illius honoris cultusve quem Deo præstamus jus fundatur aut in *Natura incommunicabili ejus Excellentiarum*, aut in *Excellentiis ejus nulli*, quod

quod scimus, *Creaturae communicatis*, aut deniq; in *Divina Declaratione* seu *Præscriptione* viarum rationumve eum hoc vel illo modo colendi, quas ipse aliquando descripserit.

Octavum, Quod Actiones qualibet, Gestusve aut Verba quæ ad ullam Creaturam tanquam ad *Objectum* dirigantur, naturaliter innuentia vel significantia aut *incommunicabiles* aut *incommunicatas* Dei Excellentias, est exhibitio illius cultus *Creaturae* quod solius Dei jus est atq; debitum, eaq; injuria adversus *Divinam Majestatem*, quæ proprie dicitur *Idololatria*. Evidentia hujus Theorematis hinc apparere potest, Quod nullus alius modus sit applicationis externi Cultus quam dirigendo istiusmodi significantes Actiones Gestusve aut Verba versùs Ens aliquod tanquam ad *Objectum*.

Nonum, Quod quarumlibet earum Actionum Gestuumve usurpatio, Rituumve quorumlibet quos verus supremusq; Deus in describendo modo sui cultus sibi elegerit ac vendicaverit, versùs vel cum relatione ad ullam Creaturam tanquam ad *Objectum* peractio, hæc etiam ipsa sit illa contra Deum injuria quam appellamus *Idololatriam*.

Ratio hæc est, Quoniam hujusmodi cultus peculiare Dei jus manifestè apparet, quod nemo in alterum transferre potest præter ipsummet Deum. Quamobrem eum jus hoc nulli alteri per ipsum communicatum sit, quotiescunq; hoc genus cultus adhibetur erga eum, adhiberi debet erga nullum verò alterum.

Nec potest quidem ejus derelictio hujusmodi cultus, illius postea usurpationem versùs ullam Creaturam licitam efficere, quoniam nulla Creatura Deus vel istiusmodi circumstantiis esse potest quibus ipsi visum est talem sibi cultum institueret. Nulla enim Creatura Deus omnino esse potest, nec proinde ullorum istorum modorum *Divini Cultus* quos Deus aliquando sibi ipsi instituerit, unquam capax. Præterea si derelictio hæc ac desuetudo ullius modi cultus *Divini* eum reddere possit Creaturae competitilem, tunc certe possumus Boves Ovèsq; (ut præteream alios Templi ritus) *Sanctis* sacrificare atq; *Demonibus* citra omnem *Idololatriam*.

9. Decimum, *Omnipercipiens omnipresentia* quæ audit videtq; quicquid dictum factumve sit in mundo, sive secundum Integrum consideretur sive distribuatur in *Terrestrem*, *Celestem* & *Supercelestem*, non tantum cunctæ hæc *Omnipercipientia* simul sumptæ sed qualibet earum sigillatim, certa quædam in Deo Excellentia est, & quantum nos quidem scimus, nulli Creaturae communicata.

Undecimum, Quod *omnipresentia* seu *omnipercipientia* hæc *Terrestri* unum & præcipuis Fundamentis sit Religiosi illius cultus Deo debiti quem appellamus *Invocationem*. Hoc certe manifestum est quod ob hanc ipsam causam quod Deus audit videtq; (quantumvis ipse sit invisibilis) quicquid dictum factumve sit in terris, hunc honorem habet, ut quolibet in loco vel ubiq; invocetur Templaq; ipsi extruantur. Quoniam is qui *Omniprensens* est, à Templo suo abesse non potest; verum illis semper adest ut invocetur.

Duodecimum, Quod nisi *Omnipresentia*, vel *Omnipercipientia* saltem *Terrestri* (si non *celesti*) Sanctis Angelisq; à Deo communicata sit, *Invocatio* utrorumlibet palpabilis est *Idololatria*. Hoc manifestum est ex Theoremate octavo. *Invocatio* enim supponit *Divinam Excellentiam*, Sanctis atq; Angelis incommunicatam, atq; sic jus illud illis communicat, quod ad solum Deum pertinet. Eaq; proinde injuria est adversus Deum quæ appellatur *Idololatria*.

Adeo ut inane sit illud effugium quo prætenditur quod eò magis Deum honoramus dum tam beneficium eum facimus erga *Sanctos* atq; *Angelos*, ut hanc excellentiam ipsis impertiat, quum tamen haud ita visum sit illius sapientiæ sic facere. Tantum enim abest ut hoc pacto eum honoremus, ut injuriâ eum afficiamus tribuendo jus illius alteri; eumq; sanè dehonestemus præsumendo quod sapientiùs meliusve facturus fuisset, si id fecisset quod tamen non fecit. Quanquam profectò, si tam prodigius esset in propriis suis Excellentiis creaturae communicandis quam quidam eum esse, ad palliandas suas proprias *Idololatrias*, nobis persuadere volunt, compendiosissima quidem via esset ad efficiendum ut obliviscantur homines Devotionum omnium erga Deum, eumq; penitus ex memoriis deleant, magisq; particularibus acquiescant *Sanctorum Angelorumq;* Patrociniis.

6. Decimum tertium, Persuasio nostra quod *Angelus Sanctusve* audire nos possit ubicunq; eum invocaverimus, illius *Invocationem* nequaquam excusat, nec immunes nos reddit *Idololatriæ*, siquidem omnis *Idololatria* cum serio instituto commissa aliquem supponit errorem, prout jam notatum est in Theoremate quarto.

Decimum quartum Theorema, Quod omnes modi seu rationes Communicationis hujus

VIII.

IX.

X.

XI.

XII.

XIII.

XIV.

hujus *Omnipercipientia* Sanctis Angelisve, aut admodum *incredibiles* sunt, si non *impossibiles*, aut supra modum *ridicula*, quantum ad ullam Excusationem ipsorum *Invocationis*. Quippe quum usitata *Sanctorum Angelorum* Residencia, juxta Ecclesie *Romane* sententiam, in *sede Beatorum* sit, illaq; sedes in coelo *Empyreo* supra omnes stellas sita, ut *Angeli Sancti*q; propter naturarum suarum exaltationem usq; abinde videant audiantq; quod dictum factumve sit per totum terrarum orbem in partibus etiam ex Diametro oppositis, supra modum *incredibile* est si non *impossibile*; immo sufficienter *incredibile* vel potius *impossibile*, tametsi *citra Lunam* degerent.

Atq; sane ut res omnes dum peraguntur videant omnesq; preces & supplicationes audiant in *speculo Divinitatis*, pariter *incredibile* est; id quod ipsius *Christi Humanitas* quantumvis cum *Divinitate* unita, sibi non arrogabat. Ut verò Deus aut in hoc speculo, aut alio quovis modo eos certiores faceret quòd hic vel ille homo eos oret ut ipsum orarent pro dictis personis, an non vel primo aspectu supra modum est *ridiculum*?

Et perinde quidem ridiculum est, *Sanctum Angelum*ve orare, tanquam si *presentes* nostras preces audirent, cum tamen in confesso sit eos esse *absentes*, & nescire omnino quòd oremus, nisi per *nuncium* aliquem facti certiores. Hujusmodi Devotio actus profecto est monstrosus & incongruus, planeq; indicat id nos facere *Creaturae* invisibili, quod factum oportet soli invisibili *Deo*, ac proinde *Idololatriam* esse, quippe quòd istiusmodi cultus jus tribuit aliis, qui illi soli competat.

Decimum quintum, Etiam si à Deo communicata esset Sanctis Angelisq; *Terrestri* saltem *Omnipercipientia*, tamen si is hujusce rei notitiam (quemadmodum cum non fecisse certissimum est) nobis non communicaverit, ipsorum *Invocatio* nihilominus admodum presumptuosa esset indubitatorum jurum Dei Invasio, ejusq; Prærogativarum diminutio, ac proinde quantum ad Actum *internum* non minus sane peccatum quam *Idololatria*.

Rationes hujus Theorematis sunt, Primum, Quòd Deus, cum nos celaverit notitiam communicationis hujus Excellentiae, eò ipso naturaliter innuat se nolle tamen eos invocatos, sed *honorem nostrae Invocationis Potestatis invisibilis*, sibi ipsi soli reservari.

Deinde, Quòd quicquid ex fide non est, peccatum sit; ac proinde cum ratio Invocationis *Sanctorum* vel *Angelorum* maxime fundamentalis, saltem dubia sit, ipsorum *Invocatio* peccatum est; cumq; sit contra jura Dei ad cultum ejus spectantia admissum, quid rectius existimari potest quam *Idololatria*?

Tertio, Principium hoc fingendi temerè imaginandi sine ulla Revelatione Divina quòd *Creaturae* ullae capaces sint istiusmodi honorum qui indubitata Dei jura sint ac Prærogativæ, *Incus* est & officina, *Prætextus* & *pallium* innumeris generibus deformatissimarum varietatum Objectorum *Idololatricorum*: Ac proinde contra tam presumptuosum & detestandum Principium quod & *Mater* & *Nutrix* est adeò innumerabilium modorum *Idololatriæ* atq; Injustitiæ adversus Deum, etiam juxta rationem humanam, apertè sententia ferri debet, tanquam *Idololatricum*, & ex consequenti omnes praxes consuetudinesve inde pendentes *Idololatria* etiam censerì. Ut pote quæ oriuntur ex tali Principio temerè assumpto quod tam fundamentalis pars sit *Idololatriæ* & Injustitiæ contra Deum; quòdque eum exponat omne genus injuriis *Idololatricis*.

Quarto, Audere id agere quod nescimus *Idololatria* sit necne, cum minimè opus sit, Conscientiæ eò nos non omnino impellente, hoc ipsum est *Idololatriam* committere audere. Audere autem *Idololatriam* committere, adeòq; *Divinam Majestatem* vilipendere ac provocare, quid hoc aliud est quam *Idololatriam* esse? Nam secundum *internum hominem*, principalèmq; Actionis *Moralitatem* talis est. Quemadmodum is *Moraliter* Homicida est, qui dubius vel haud ita certus quin proprius *amicus* esset, fortuito, quem intenderat, occiderit *inimicum*. Mens enim sensusq; hujus actionis est, quòd nihil pensi habiturus sit vel charissimum Amicum trucidare, quò minus ullam occasionem prætermittat ulciscendi Inimicum.

Et postremo, Hæc *Idololatria* eò magis conspicua est & criminosa, in invocandis *Sanctis Angelis*ve, quòd eorum *Omnipercipientia* adeò supra modum incredibilis sit si non impossibilis aut ridicula, quacumq; ratione defendatur, quemadmodum apparet ex antecedenti Theoremate.

8. Decimum sextum, Quòd *Præsentias symbolicas* erigere, seseq; illorum incurvare, consecrare Tempia & Altaria, Oblationes facere, Incensum adolere, & similia, declarati sunt à Deo summo, Deo *Israëlis*, modi cultus ipsi debiti, ac proinde

sine

sine illius concessione hi modi cultus nulli alteri sunt tribuendi, prout apparet ex Theoremate nono.

Decimum septimum, Quod *Pagani* colendo suos *Demonas*, quanquam non ut *supremum Deum*, per *Præsentias symbolicas*, Tempa, Altaria, Sacrificia & similia, ipso facto *Idololatriæ* evaserunt. Hoc manifestum est ex nono, decimo quinto & præcedente Theoremate.

Decimum octavum, Quamvis *Terrestrem* saltem admitteremus *Omnipercipientiam* Sanctis Angelisq; esse communicatam, nosq; hujus Communicationis habere notitiam, eoque pacto nos posse *civili* modo, quantumvis nobis invisibiles alloqui; tamen in istiusmodi circumstantiis eos invocare, putà ad Altare vel in Templo quæ ipsis dedicata sint, vel ad *symbolicas* ipsorum *Præsentias*, hoc palpabilis *Idololatria* foret. Veritas rursus manifesta est ex nono & decimo sexto Theoremate.

9. Decimum nonum, Incurvatio, Religionis ergò, versùs ullam apertam nudamve *Præsentiam symbolicam*, cuicunque figura sit seu Imago, tanquam ad *Objectum*, manifesta est *Idololatria*: In cultu *Sanctorum*, *Angelorum*, *Demonumque*, duplex *Idololatria*, in cultu Dei veri simplex.

Hujusce rei Ratio, partim in Theoremata nonum & decimum sextum, partim in naturam *Applicationis* hujusmodi cultus resolvitur. Nam cultus externus non aliter intelligitur ad *Præsentiam symbolicam* applicari, quàm illius directione versùs ipsam, tanquam *Objectum*. Quamobrem si Religiosa incurvatio versùs ullam Figuram Imaginemve dirigatur tanquam ad *Objectum*, Figura hæc seu Imago, cum cum Deo (si illi Imago sit dedicata) simul participat, quæ manifesta est *Idololatria*. *Directio* enim *Intentionis* nostræ hac in re, non est nisi *Præstigiū Jesuiticum*. Ac proinde ponam pro Theoremate

Vicesimo, Quod Religiosa Incurvatio si versùs *nudam Præsentiam symbolicam*, scienter & cum conscientia, à quibuscunq; dirigatur, quantumvis cum mentali reservatione, quod tantum ut circumstantiâ cultus eâ uti instituant, realis nihilominus est *Idololatria*.

Ratio est, quia Actio externa versùs istiusmodi rem, quæ tanquam apta nata consideratur ad recipiendam talem Actionem (quæq; frequenter receperit) si tali modo dirigatur, naturaliter notiones Relationisve *Actionis* & *Objecti* inter hæc duo conciliabit, sive nos id intendimus sive non. Estq; profectò perinde ridiculum prætere motus eorum seu actiones versùs circæve talem *Præsentiam symbolicam* ad eam non dirigi, circæve eam non versari, tanquam *Objectum*, atq; esset si Sagittarius metam contenderet, quam sagittâ impetit, *scopum* non esse vel *Objectum* sed *circumstantiam* suæ sagitationis; illq; qui Amicum amplexatur, Amicum non esse *Objectum* sed *Circumstantiam* suæ Amplexationis. Quæ commenta sunt longè extra viam Regiam omnis omnino *Rationis*, *Artisq; Logicæ*. Vide Theorema ultimum capitis antecedentis.

10. Vicesimum primum, Adoratio cujusvis *Objecti* quod nos per errorem credamus verum esse Deum visibilem ex Hypostatica Unionè cum illo factum, manifesta est *Idololatria*. Ratio est, quia error non excusat ab *Idololatria*, per Theoremata quartum & quintum. Atq; in hac quidem suppositione, deest nobis una pars *Objecti*, solâq; pars quæ separatim sive solitaria Divini Honoris est capax. Etenim nisi Deus uniatur cum hoc *Objecto* adorato, perinde est ac si planè absens esset. Nam Deus non consideratur nec intenditur in hoc Actu Adorationis, nisi quatenus cum visibili hoc *Objecto* unitus. Quæ unionis Relatio si intercidat, illa consideratio ac intentio pariter intercidit, Cultusq; cadit in meram creaturam.

Breviter, Si per errorem, aliquam ad vivum formatam statuem corpûsve aliquod inanime pro tali homine saluto, quamvis homo hic ejûsve anima præsens esset atq; salutationem hanc videret & audiret, palàm tamen est ineptè me fecisse deridendumq; me propinasse, neminemq; putaturum me eum salutasse quem volebam: Ità si *Objectum* ullum, solum putà, *Magicæ*ve aliquam *Statuam* pro vero visibili Numine adoro, cum tamen neutri tales sint; *Idololatriam* ago, & detestandum me reddo ob apertam impietatem, debitq; Adorationis *Objecto* excidi & aberravi.

11. Vicesimum secundum, Adoratio *Hostiæ* ex præsumptione quod in vivum Christi corpus sit transubstantiata, crassa idem est *Idololatria*. Hoc apparet ex antecedenti Theoremate. Quibus addere potes, *Romanistas*, dum *Transubstantiationem* hujus Adorationis veram ac *Fundamentalem* rationem faciunt, ipsi equidem supponunt quod, absq; hac foret, Adoratio *Hostiæ* futura esset *Idololatria*. Quod autem *transubstantiata* non sit, eorumq; ratio sit falsa, quivis æquè certus esse potest, atq; de ulla omnino re, quæ in universa rerum natura occurrit, nec minus

XVII.

XVIII.

XIX.

XX.

XXI.

XXII.

certus

certus quod sint *Idololatra* juxta propriam ipsorum suppositionem & implicationem: Quod *Costerus* sanè admodum Emphaticè expressèq; agnoscit, nempe si erent in doctrina de *Transsubstantiatione*, quemadmodum mox videbimus.

XXIII.

Theorema vicesimum tertium, Adoratio hostiæ per Protestantes aliòsve quoscunq; qui *Transsubstantiationem* non tenent, facta, manifesta est *Idololatria*. Ratio petenda est è Theorematis decimo nono & vicesimo. Nam Religiosa veneratio est versùs nudum Divinæ præsentiae Symbolum corporeum non Deum ipsum qualem * Pontificii autument: & quò Actio majorem in modum aggravetur, versùs Symbolum quod Imaginem sibi habet impressam, eamq; personæ quam colere prætendunt. Si hoc non sit *Idololatria*, quid obsecro esse potest?

* Vide Appendicem.

XXIV.

Vicesimum quartum, Invocatio Sanctorum & Angelorum, quanquam his considerationibus comitata, quòd Excellentia, quam in eis supponimus, quæq; eos honoris hujus capaces reddit, & finita censeatur, &, quantacunq; fuerit, tota à Deo derivata; excusari nihilominus non potest à crassa *Idololatria*. Hoc planè liquet ex septimo, octavo, decimo, & sic deinceps usq; ad decimum sextum Theorema. Tametsi enim Excellentia hæc finita supponatur, si tam magna tamen sit, ut nusquam invenienda sit nisi in Deo, illius solius jus est istiusmodi habere honores qui eam supponant. Atq; etiamsi censeatur concipiaturve à Deo derivata, tamen si ità non sit, incommunicatam Excellentiam Creaturæ tribuimus, Deumq; spoliamus suo jure ac honore. Et postremò, quamvis hæc Excellentia communicata esset nec tamen communicatio hæc nobis revelata, præsumptio perduellioni finitima foret adversùs *Divinam Majestatem* ità, de propria nostra sententia, istiusmodi res divulgare quæ peculiaria Deitatis jura violatura sint, &, (quod nos quidem scimus) innumeris crassissimæ *Idololatriæ* audacibus exemplis Mundum impletura. Ac proinde omnes praxes nostræ huic Principio innixæ necesse est ut *Idololatriæ* sint, affinesq; perduellionis adversùs *Majestatem Divinam*. Perpende probè Theorema decimum quintum.

XXV.

12. Theorema ultimum, Quòd hæc quæ prætendatur Consideratio, quòd utique, ubi Christus adest *corporaliter*, Divinus cultus suæ *Humanitati* non exhibetur sed *Divinitati*, quòdq; proinde, etiamsi Panis non transsubstantiaretur, cultus Divinus eidem præstatur Objecto cui prius, nempe *Divinitati*, quæ ubiq; est, & propterea in pane; hæc, inquam, Consideratio Adorationem Hostiæ non excusabit à palpabili *Idololatria*.

Primò enim, Pars illa prætextus quæ Divinum cultum nullo sensu debitum esse *humanitati* Christi, eive præstari oportere supponit, falsa est. Neq; enim major præsumptio est affirmare, quòd aliquo sensu *Divinus Cultus Humanitati* Christi communicabilis sit, quàm quòd *Divinitas* ipsi sit communicata. Tali igitur sensu quo *Divinitas Humanitati* communicata est, quæ per unionem *Hypostaticam* unum quid fiunt, *Divinus* etiam *cultus* ipsi communicari potest, nempe tanquam recognitio quòd Divinitus cum omnibus suis adorandis Attributis *Hypostaticè*, *vitaliter* & transplendenter in hac Christi *Humanitate* residet. Quod genus quoddam *Divini cultus* est *Humanitatis* Christi, illiq; soli peculiare, eiq; (*Humanitati* putà illius) debitum, quanquam Deus non sit *essentialiter*, sed *Hypostaticè* tantum unita cum eo qui est; & verò æquè naturaliter religiosi Divinive cultus in nostris ad Divinitatem accessibus particeps sit, atq; corpus eminenter probi, sancti sapientisq; hominis magnæ illius Reverentiæ civilisq; Honoris ipsi præstiti ob Excellentias illas quæ magis immediatè atq; intimè illius animæ inhaerent.

Qui honos indistinctè transit in totum hominem; Et quemadmodum ipsa præsentia corporea hujus præclaræ Personæ *civilem* honorem recipit, ità ex facili Analogia Christi *Humanitas* recipit *Divinum*, sed utraq; ut objecta partialia illius quod recipiunt & cum significatione statûs totius causæ, nempe quòd uniuntur, alter cum *Divinitate*, alter cum tam præstanti *Anima*; Hinc idonea utriq; Objecta evadunt integri illius cultus *externi* versùs ipsos præstiti, *Civilis* versùs unam, versùs alteram *Divini*.

Atq; ea propter secundo in loco, manifestum est non unum idemq; Objectum debitum adesse cultûsq; religiosi capax in utraque suppositione, in ea perinde quæ Panem *transsubstantiatum* supponit, atq; in ea quæ eum supponit non *transsubstantiatum*. Nam in priori vera vivaq; est corporea *Christi* præsentia, cujus integrum Suppositum, quemadmodum declaravimus, *Divini* honoris est capax; in posteriori verò ad summum est *Symbolica* tantum illius *præsentia*. Cujus Adoratio *Idololatria* est per decimum nonum, vicesimum & vicesimum primum Theorema.

Et postremò, quod obtentum illum attinet, Quòd tametsi Panis transsubstantiatus non

non esset, Divinitas tamen Christi ibi est, quòdque proinde debito cultus nostri Objecto non excidimus; hæc tam laxa excusatio est, ut *rubri panni* adorationem apud *Lappos*, ipsiusque adeò *Diaboli* apud *Americanos* tanquam licitam defenderet, modò prætenderint se Deum in illis colere. Deus enim in illo *rubro panno* est & in ipso Diabolo, eo quidem sensu quo dicitur esse ubique. Quinimo, nè ullum quidem est Objectum de quo Antiqui *Pagani* erraverint, opinando *Divina* Attributa inibi in hære, sive *Sol* fuerit, *Cælumve*, seu ulla alia Creatura cujus Adoratio hæc sophistica ratione ab Idololatria non possit excusari. Nam *Divina Attributa*, quemadmodum & *Deus* ipse, sunt ubique.

Adorationem nostram versùs supernaturalem & inimitabilem *Divine Præsentie* Transplendentiam, versùsve Naturam aliquam visibilem corpoream quæ cum Divinitate *Hypostaticè* unita sit, dirigere, non est certè vecors illud atque plumbeum, non illud stupidum ac delirum peccatum *Idololatriæ*. Quantum enim ad posterius, cuiusque rei Divinitas *Hypostaticè* unita sit, vel (ut omnes cavillationes evitemus circa terminos) æquè speciali Mysticoque modo communicata atque ipsi Christo; jus *Divini cultus* proportionaliter illi communicatur, quemadmodum jam insinuavi. Quantum verò ad prius, Illud per quod *Divina Transplendentia* apparet, Adorationis nostræ non magis Objectum est quàm est pellucidus Aer, per quem visibilis Christi *Humanitas* apparet quando colitur.

Verùm *Panis Eucharisticus*, cum neque *Hypostaticè* unitus sit cum Divinitate, nec sit medium per quod ulla huiusmodi supernaturalis *Præsentie Divine* Transplendentia nobis apparet, Adoratio, si versùs eam dirigatur, non potest quin palpabilis sit Idololatria. Panis enim Eucharisticus hanc Adorationem recipiet tanquam illius Objectum, per Theorema vicesimum & vicesimum tertium. Cæterùm Adoratio ullusve Divinus cultus Objecti in quo Divina Attributa *personaliter* non resident, (tali utique sensu qualis innuitur per illa verba S. Johannis, *Et verbum caro factum est*) sed tantum *localiter*, ut ita dicam, hoc necessariò, juxta solidam Rationem, Christianæque Ecclesiæ sententiam, pura puta erit *Idololatria*.

CAP. III.

Quod Romanistæ secundum Injunctionem Concilii Tridentini, summi cultus genere, ipsam utique Latræ, Hostiam colunt, quòdque crassissima Idololatria sit sic facere.

1. Postquam verò tam clarè distinctèque quid sit haberi debet *Idololatria* apud Christianos, evicimus ac declaravimus, plenius tandem Particularia quædam notemus, in quibus juxta has determinationes Ecclesiæ *Romana Idololatriæ* manifesta deprehenderetur, idque secundum ipsas Definitiones sui Concilii *Tridentini*. Velati primum, In *Adoratione hostiæ*, de qua ipsa verba Concilii sic habent: *Latræ cultum, qui vero Deo debetur, huic sanctissimo Sacramento in Veneratione esse adhibendum.* Et rursus, *Si quis dixerit in sancto Eucharistiæ Sacramento Christum non esse cultu Latræ etiam externo adorandum & sollemniter circumgestandum populòque proponendum publicè ut adoretur, Anathema sit.*

Concil. Tridenti
Sess. 21. cap. 3.
Can. 6.

2. Audax hæc crassa *Idololatriæ* (qualis proculdubio est) Injunctio, ipsorum de Doctrinæ *Transsubstantiationis* veritate Confidentia innititur. Caput enim de *Adoratione Hostiæ* capiti de *Transsubstantiatione* tanquam naturale vel potius necessarium illius Confectarium succedit. Nullus itaque dubitandi locus relinquitur, &c. hoc est, Cum Doctrina *Transsubstantiationis* tam bellè stabilita sit, nullus reliquus est scrupulus de Adoratione Hostiæ, sive de *Divino cultu*, Sacramento (seu *Christo* quemadmodum illuc appellatur) quando circumgestatur, populique conspectui publice in Processionibus exponitur, exhibendo.

Sed enim cum Doctrina *Transsubstantiationis* falsa sit, necessariò sequitur, quòd cultus Divinus Hostiæ præstitus æquè crassum sit *Idololatriæ* genus, atque ab ullis unquam Ethnicis sit commissum. Hoc enim pacto cultus, quem vocant, *Divinus*, cultusve *Latræ*, qui soli vero Deo tantum debetur, merè exhibetur *Creaturæ*, eique pusillæ admodum & contemptibili. Quod proinde necesse est ut crassa sit *Idololatria*, per Theoremata vicesimum primum & vicesimum secundum Capitis secundi.

3. Jam verò, quòd Doctrina *Transsubstantiationis* falsa sit, postquam in ipsis ver-

his Concilii eam proposuerimus, irrefragabilibus Demonstrationibus evincemus. *Concil. Trident. Sess. 3. cap. 4.* Per Consecrationem Panis & Vini, Conversionem fieri totius substantiæ Panis in substantiam Corporis Christi, & totius substantiæ Vini in substantiam Sanguinis ejus; quæ Conversio convenienter & propriè à sancta Catholica Ecclesia Transubstantiatio est appellata. Et paulò antè cap. 3. Siquis negaverit in venerabili Sacramento Eucharistiæ sub unaquaq; specie vel sub singulis cujusq; speciei partibus, separatione facta, totum Christum contineri, Anathema sit. In quibus paragraphis apertè affirmatur, quòd non solum panis in totum Christi corpus convertitur vinumq; in illius sanguinem, sed quòd utraq; eorum in totum Christi corpus convertuntur, & utroq; partes singulæ (quoties divisio separatione facta sit) in totum illius corpus commutantur. Quod quidem contradictionibus adeò scatens est Figmentum, ut nihil prorsus sit quod humanæ Animæ facultatibus æquè repugnet.

4. Hinc enim corpus Christi infinitis ferè millenis locis futurum est simul, infinitiq; millenis miliaribus à se invicem distantibus. Cùm tamen *Amphitruus* rectè cum servo suo *Sofia* expostulat, acriterq; increpat tanquam aut mentis minus compotem aut Impostorem, quòd ipsi persuadere vellet se domi esse (ut certè tunc erat haud ita procul à domo) cùm tamen ad eam distantiam à domo secum esset: *Quo id (malum) pacto potest fieri nunc uti tu hic sis & domi?* Et paulò antè in eodem colloquio cum servo suo, *Nemo unquam homo vidit, (ait ille) nec potest fieri, tempore uno homo idem duobus locis ut simul sit.* Qua in re *Amphitruus* omnino loquitur secundum communem sensum sententiæve omnium Mortalium, etiam infimorum *Idiotarum*.

5. Nunc verò rem examinemus secundum Principia *Literarum*, primaq; omnium Artium ac Scientiarum Rudimenta, *Physicæ, Metaphysicæ, Mathematicæ* atq; *Logicæ*. Principium *Physicum* est: Internum spacium quod corpus uno tempore occupat, corpori illud occupanti æquari. Jam supponamus unum idemq; corpus duo istiusmodi loca interna spaciæve eodem tempore occupare; Corpus hoc igitur hisce duobus spaciis est æquale, ut quod utraq; eodem tempore opplet, quæ tamen alterutrius spaciorum sunt duplum. Quamobrem & corpus, illius corporis duplum est in spacio alterutro fiti, ac proinde unum idemq; corpus duplum sui ipsius. Quæ enormis profectò est contradictio.

Rursus in *Metaphysicis*; Corpus Christi unum agnoscitur, idq; æquè ac ullum aliud corpus in tota rerum Universitate. Jam verò Notio *nnius* Metaphysica est, ut sit indivisum à se (tum quoad partes tum quoad totum) æquè ac divisum à quolibet alio. Corpus autem Christi cùm sit tum in Cælo, tum etiam, sine ulla ejusdem corporis continuatione, simul hic in Terra, totum Corpus dividitur à toto corpore, ac proinde omnino est & unum & multa simul. Quæ perfecta rursus est contradictio.

6. Tertiò, in *Mathematicis*; Cùm Concilium statuerit in separatione partium Speciei, (illius utiq; quod externam *Vini panis*ve similitudinem præ se gerit) quòd ex hac divisione dispartitio fiat Integri in tot integra Christi corpora divisi; hinc planè sequitur, Cùm Christi corpus eodem tempore semper sibi ipsi sit æquale, partem divisionis æquari Toti, contra communem illam Notionem apud *Euclidem*, *Quòd totum majus sit sua parte.*

Et postremo, Axioma *Logicum* est, *Partes quidem cum Toto consentire, dissentire verò inter se.* In suprà dicta autem Hostiæ seu Sacramenti divisione partes adeò inter se consentiunt, ut una omnino eademq; res sint. Cùmq; Divisio quælibet sive *Logica* sive *Physica*, divisio sit *nnius* alicujus in multa, hæc omnino divisio est *nnius* in unum, idq; seipsum; haud absimiliter illi, qui Textum compendii causâ, in unam partem divisit.

Quibus omnibus addere potes, Quòd nisi duos *Sofias* duosq; *Amphitruones* admittere velimus eo ipso sensu quo ludi isti jociq; sunt in illa *Plauti* Comœdia, nec Panis nec Vinum in corpus Christi integrum possunt transubstantiari. Hoc enim planè implicat eandem rem & esse & non esse eodem tempore. Res enim individua quævis permanens nec, postquam extiterit, unquam desitura, quæ fieri potest, futurumve est ut fiat ex re aliqua, illa nondum existit. Individuum verò Christi corpus incorruptibile fieri potest, futurumve est ut fiat ex pane consecrato, quippe qui in corpus ejus individuum convertitur. Corpus autem ejus individuum & incorruptibile indefinenter erat ante hanc consecrationem. Quamobrem & erat & non erat eodem tempore. Quod planè contra fundamentale illud Principium est in *Logica* & *Metaphysica*, *Utramq; partem Contradictionis non posse esse veram, vel, Idem unum posse esse & non esse simul.* Tam planè integrèq; omni sensui ac Rationi, omnibq; indubitatè Artium omnium ac Scientiarum Principiis Figmentum hoc *Transubstantiationis*

tionis contradicit ac repugnat. Unde manifestò constat eam esse falsam. Lege decem prima Theoremata brevis Dissertationis *de veris Rationibus Fidei*.

7. Et certè nullo nè minimo quidem è Scriptura suffulcitur adminiculo. Summa est, Quòd Christus panem manu tenens, *Hoc est corpus meum*, dixerit, partemq; postea * suo ori indiderit (æquè ac suis reliquum distribuerit discipulis :) quòd agendo integrum suum corpus, juxta doctrinam hujus Concilii, in guttur deglutivit semel; aut saltem sic facere potuit si voluisset. Atq; sic totum Christi corpus, caro, ossa, os, dentes, capilli, caput, calces, crura, brachia, humeri, venter, per os in stomachum transferunt universa, atq; sic erant universa in stomacho, quamvis totum corpus, stomacho excepto, etiamnum extrà esset. Quòd an verisimilius sit quàm ut verba illa Christi, *Hoc est corpus meum*, figuratè intelligenda sint, quivis judicet; quippe quum verbum substantivum satis frequenter hoc sensu in sacris Scripturis usurpetur, uti in [*ego sum vitis; septem vaccæ graciles, sunt septem anni famis*] & similibus: quumq; magis speciatim Servator ipse aliàs de carne sua comedenda, deq; bibendo sanguine loquens apertè profiteatur, *Verba quæ locutus sit* *ipsis, spiritum esse & vitam esse*, hoc est, *spiritualem esse ac ænigmaticam veritatem*, nec carnaliter aut *literaliter* intelligendam.

* Vide Paul.
Fagium in
Deuter. 8 v. 10.

J. ban. 15. 4.
Gen. 41. 27.

J. ban. 6. 63.

Quò verò quis Romanæ Ecclesiæ judicio hic fidem minùs habeat, quæ seipsam aded sacrosanctam ac infallibilem venditat; superbia quidem & mundana calliditas, omnifariâq; imponendi ratio ab Ecclesia ista, toties & tam citra omnem pudorem repetita ac usurpata, facere non potest, quin ipsius Autoritatem ad nihilum redigat in re quæ tantoperè ad *mundanum* suum commodum spectat, præsertim cum eam oppositam oporteat indubitatis communis Sensûs Rationisq; principiis, Artiûmq; omnium ac Scientiarum quibus Deus humanam mentem illuminaverit. Duodecimum Theorema supradicti Tractatûs perpende, unà cum decem reliquis indè citatis. Quamobrem quivis qui non sit ex merorum quos vocant *Bigottorum* numero, æquè certus esse potest *Transubstantiationem* merum Figmentum esse enormemq; falsitatem, ac de ulla realia cujusmodicunque.

8. Unde nexu quidem inevitabili consequetur, nec ipsi profectò negare queunt, eos maximè crassos esse ac palpabiles *Idololatrias*, & *Homicidas* insuper ex consequenti maximè omnium barbaros, dum insontes Dei servos quòd eisdem se nolint cum ipsis submittere *Idololatriis*, occidunt. *Costerus* Jesuita expressè articulâtq; hac in causa loquitur, (& congruenter, ut opinor, *Concilii* suppositionibus) Si Ecclesia scilicet ipsorum erret in Doctrina *Transubstantiationis*, eos ipso facto istiusmodi *Idololatriæ* reos esse, cujusmodi per totum terrarum orbem nunquam visa est aut audita. *Tolerabilior est enim error eorum*, inquit ille, *qui pro Deo colunt Statuam auream aut argenteam aut alterius materiæ Imaginem, quomodo Gentiles Deos suos venerabantur; vel pannum rubrum in hastam elevatum quod narratur de Lappis; vel viva Animalia ut quondam Egyptii: quàm eorum qui frustum panis, quod hæcenus per universum orbem tot annis fecere Christiani, nisi vera sit Doctrina Transubstantiationis.*

Francisc. Coster. Enchirid. Controvers. cap. 12.

Quæ plenior esse potest expressiorve crassæ *Idololatriæ* Ecclesiæ Romanæ Agnitio, si erroris nempe immunis non reperiatur *Transubstantiatio*? Quo tamen nihil in tota rerum natura occurrit quòd humanis facultatibus certius sit & exploratius, quemadmodum manifestum est ex eis quæ hic attulimus. Ac proinde necessariò sequitur *Romanistas* crassos esse *Idololatrias* ex secundo, tertio, quarto, septimo, nonoq; Theoremate Capitis primi, & è quarto, quinto, octavo, nono, vicesimo primo, vicesimo secundo, & vicesimo quinto Capitis secundi. Universa hæc Theoremata, sua contra ipsos, quòd admodum notorii sint *Idololatriæ*, conferent Testimonia.

9. Ac proinde cum hoc tam insigne sit ac palpabile *Idololatriæ* genus in *Eucharistia* ab ipsis commissum, seu in comestione corporis, ac potatione sanguinis Christi; ubi Christus per Sacerdotem offertur tanquam *Oblatio*, Populûsq; eo vescitur tanquam in *Epulo* post *sacrificium*, quòd sine Divina Adoratione Hostiæ præstata, ex præcepto hujus Ecclesiæ non peragitur: hoc profectò interpretationem nostram de esu *Idolothytorum* in Epistolis ad Ecclesias in *Pergamo* & *Thyatiri*, mirificè confirmat, cum hæc Hostiæ Adoratio tam apertè à Papa ejûsq; Clero rationem agnoscat habere cultûs Latriæ, quæ soli debetur Deo. Ac proinde mirabili cum delectu ac judicio à spiritu Prophetiæ præ omni alio *Idololatriæ* modo perstringitur, ut quæ tam crassum est confessumq; illius specimen, talèq; cui nulla parata sit excusatio aut evasio.

Hæc teneas vultus mutantem Protea nodo.

R R R R R

CAP.

CAP. IV.

Crassa Romanistarum Idololatria in Sanctorum Invocatione, etiam secundum approbationem Concilii Tridentini facta, ratamque consuetudinem Ecclesie.

Concil. Trident.
Sess. 9.

1. Cæterum aggrediemur etiam eos Idololatriæ modos in quibus Ecclesia Romana videri potest minus audax : quanquam profectò, una hæc, quæ ita crassa est, tam crebrò, tamque universim in Romana Ecclesia repetitur, ut per hanc solam, tametsi reliquas omnes missas faceremus, Idololatria eam videri posset totam ut foedissima lepra cooperuisse. Veruntamen utcunq; pergemus, primùmque ad *Invocationem Sanctorum*. De qua Concilium Tridentinum hanc Doctrinam expressim declarat: *Sanctos utiq; unà cum Christo regnantes, Orationes suas pro hominibus offerre, bonumque atq; utile esse suppliciter eos invocare; & ob beneficia impetranda à Deo per filium ejus Jesum Christum, ad eorum Orationes, opem, auxiliūque confugere.* Ubi Sanctorum Invocatio manifestò approbatur & commendatur. Et præterquam quòd orent pro nobis nostrasque Orationes Deo offerant, apertè præterea innuitur alia esse auxilia suppetiāsque, quas si supplicentur, hoc est, humillimā prostratissimāque devotione invocentur, asserre possint. Prætextus verò quòd totum hoc nihil aliud sit nisi bonorum illorum, quibus indigeamus, à Deo per filium Christum impetrandorum ratio, hoc sanè facit ut *Sancti* ad Paganicorum *Deorum Medioximorum* similitudinem propius accedant, *Demonūque* qui hominum negotia cum summo Numine transigebant.

2. Dico igitur, Etiam si ulterius non processissent, etiam hoc, quod Concilium Tridentinum tam apertè proficitur (& consequenter universa Romana Ecclesia) pura puta est Idololatria; quemadmodum ex tertio, quarto, quinto, sexto & octavo Theoremate primi capituli, & ex quinto, septimo, octavo, decimo, undecimo, duodecimo, decimo tertio, decimo quarto, decimo quinto, & vicefimo quarto secundi apparet. Sed enim si orationes illas examinemus quæ Sanctis offeruntur, ipsorum Invocatio adhuc magis inexcusabilis deprehenditur.

3. Quamobrem, si publicam Ecclesie Romanae consuetudinem consideremus ab ipsis Pontificibus autorizatam, Invocatio certè *Sanctorum* non in nudo [ora pro nobis] consistit, contrà ac quem populus proclivis est ad imaginandum statum esse Quæstionis (quanquam & mera ipsorum Invocatio ut pro nobis orent, futura esset Idololatria, quemadmodum jam demonstratum est;) sed, quod & ipsum Concilium insinuat, sunt etiam aliæ particulares suppetiæ atq; auxilia quæ ab ipsis petantur, quædamque ex eis, si Invocationum formulas spectemus, ejusmodi, quæ nulli nisi Deo Christoque proprium sit petentibus dare. Cujusmodi sunt Protectio à Diabolicis Incurfionibus, Divinæ Gratiae, gaudiūque Paradisi. Verùm ut res quas à Sanctis petunt, grandiores sunt quàm ut illi ipsarum sint Largitores, ita *compellationes*, Virginis præsertim Mariæ, supra naturam conditionemque sunt ullius creaturæ; unde necesse est ut hæc Sanctorum Invocatio crassissimus maximèque palpabilis Idololatriæ modus in hac Ecclesia appareat; Quemadmodum ex subsequentiis exemplis manifestum dabo. Quæ istiusmodi quidem Devotionis specimina sunt quæ in Conclavium Angulis mustitari non soleant, sed in ipsis Ecclesiis, idque vocibus *Stentoreis*, legi vel cantari. Hoc autem genus Idololatriæ exempla prælibare tantum visum est, non autem eis immorari. Immensum enim esset omnia quæ possemus in medium proferre.

4. Primūque, ut à *Sanctis* minoribus incipiamus, (quales certè omnes censendi sunt, si cum beata Virgine conferantur, cui proinde cultum tribuunt quem *Hyperduliam* appellitant, ut *Duliam* reliquis Sanctis, & *Latriam* Deo soli Christoque tanquam Deo) Oratio illa ad S. *Cosmam* & S. *Damianum* planè Petitio est, ut nos à morbis omnibus tam animæ quàm corporis conservent, ut vitam spiritus assequamur, & in gratia hęc vivamus, coeliq; posthac consortes simus.

O medici piissimi
Qui meritis clarissimi
In calis resurgetis,
A peste, clade corporum
Præservetis & operum,
Moribus nè langueamus :

Nec

*Nec moriamur spiritu,
Sed anima ab obitu
Velociter surgamus;
Et vivamus in Gratia,
Sacra cœli Palatia
Donec regrediamur.*

5. Huic consimile est illud ad *Franciscum* Devotionis specimen: *S. Francisce, prosperè veni; Pater accelera ad populum, qui premitur & teritur sub onere, palca, luto, latere, & sepultos Ægyptio sub sabulo nos libera, carnis extincto vitio. Quæ ad hunc sanctum planè Petitio est, ut nos liberet à Captivitate & servitute peccati, quod penès magnum illum nostrum Servatorem Redemptoremq; Jesum Christum solum est efficere.*

Illà etiam *S. Andrea* Invocatio fit ad impetrandum spiritualement illam gratiam ritè tolerandi Crucem hîc, ut cœlo posthac fruamur.

*Jam nos foveo languidos
Curdmq; nostri suscipe,
Quod per crucis victoriam
Cœli petamus Gratiam.*

Illà verò ad *S. Nicolam* fit contra aggressuras & incursationes Diaboli.

*Ergo piè nos exaudi
Assistentes tue laudi,
Nè subdamur Hostis fraudi
Nobis fer auxilia.*

*Nos ab omni malo ducas,
Vita recta nos conducas,
Post hanc vitam nos inducas
Ad æterna gaudia.*

Et consimilis quidem Devotio *S. Martino, S. Andrea, S. Jacobo, S. Bartholomæo* aliisque, quamvis non eisdem verbis, præstatur.

6. Postquam exemplum unum & alterum Orationum ad sanctas Divasve factarum dedero, paulo uberius eis insistam quæ beatæ Virgini offeruntur. A *S. Agnete* gratiam petunt maximam quam ipse Deus humanis Animabus potest impertire, hoc est, *Deo servire in perfectâ Charitate.* Hoc tamen tam ingens donum una hæc misella Diva precibus sollicitatur ut in homines universos conferat.

*Ave, Agnes gloriosa,
Me in fide serves recta,
Dulcis virgo & dilecta
Te exoro precibus:
Charitate da perfectâ
Deum, per quem es electa,
Colere piè omnibus.*

Devotio illa ad *S. Bregittam* effusa, fit, ut dignaretur peritum agere Naucleum, nôsq; tam tutò per omnes Tempestates casusq; hujus mundi ducere, ut tandem pulchro suo gubernatu vitam assequamur æternam. Rythmus sic habet.

*O Bregitta, mater bona,
Dulcis dulcix & matrona,
Nobis fer suffragia;
Naufragantes in hoc mari
Tuo ducta salutaris
Duc ad vitæ bravia.*

7. Illud verò ad *S. Catharinam* Devotionis specimen est, venæ paulò altioris, vel copiosioris potiùs magisq; expressæ. Tantum autem ab ea Bonum petitur, quantum penès nullum est præter Deum solum, dare.

Ave,

*Ave, virgo Dei digna
 Christo, prece, me consigna,
 Audi preces, presta votum;
 Cor in bono fac immotum.
 Confer mihi cor contritum;
 Rege Visum & Auditum;
 Rege Gustum & Olfactum,
 Virgo sancta rege Tactum;
 Ut in cunctis te regente
 Vivam Deo purâ mente.
 Christum pro me interpella,
 Salva mortis de procella.
 Superare fac me mundum
 Nè demergar in profundum.
 Nè me sinas naufragari
 Per peccata in hoc mari.
 Visita tu me infirmum,
 Et in bonis fac me firmum.
 Agonista Dei fortis
 Presto sis in hora mortis.
 Decumbentem fove, leva,
 Et de morte solve seva,
 Ut resurgam novus homo
 Civis in caelesti domo.*

8. Jam verò in Rythmo hoc Devotionali ad S. Catharinam observatu dignum est, quòd cùm Concilium Tridentinum homines ad Sanctorum orationes, opem auxiliùmq; confugere doceat, ex his tam multis versibus, non nisi duo tréve sint, quibus *sancta* oratur ut pro nobis intercedat, sed ut auxilium nobis ferat succurratq; tali ratione, quàm Historia *sanctæ* ad ejusq; nomen Allusio imaginationem Devoti induxerit ad credendum maximè naturaliter ipsi convenire. Ac si Largitrix esset Fortitudinis ac Patientiæ, & Puritatis Animi, ejusq; esset officium in ipsa mortis Agonia nos per præsentiam suam confirmare ac suffulcire. Quæ petitio ad alios etiam Sanctos frequens est. Tam manifestum est invocationem *sanctorum*, non simplicem esse petitionem ut orent pro nobis.

Heic verò Devotus totum Animæ juxta atq; corporis Regimen, huic *sanctæ* committit, ut illa omnes ejus facultates sensusq; regat, tantâq; ac tam sublimes virtutes gratiâq; ab ipsa petit, quantas nullus præter Deum nobis potest impertiri, quemadmodum suprâ monui. Unde invocatio ob eam ipsam etiam rationem non potest quin appareat vel crassissimo modo Idololatrica, quemadmodum & *Grotius*, qui tamen haud ità infenso animo est erga Errores *Pontificios*, expressim agnoscit declaratque.

CAP. V.

*Invocationum formulæ ad Beatam Virginem à Romana Ecclesia usurpata,
 insigniter Idololatricæ.*

1. **E**T certè si rectius sibi temperare nequeunt in Devotionibus versùs sanctos minores quibus *Scholastici* eum duntaxat cultum assignant quem *Duliam* vocant, quàm effrænes enormésq; se præbituri sunt in supplicibus suis accessibus ad Mariam Virginem Dei matrem, cui cultum assignant quem *Hyperduliam* appellitant? Atq; hoc id ipsum est quod jam notaturi sumus, quamvis neutiquam pro Argumenti copia; utpote quod volumen integrum impleturum esset. Aliquot tamen Exempla in medium proferam, eaq; publica satis & authentica, quemadmodum initio monui. In *Rosario*, Beata Virgo salutatur ad hunc modum.

Reparatrix

*Reparatrix & Salvatrix desperantis Animæ,
Irroratrix & Largitrix spiritualis Gratiæ,
Quod requiro, quod suspiro, mea sana vulnera,
Et da menti te poscenti Gratiarum munera;
Ut sim castus, & modestus, dulcis, fortis, sobrius,
Pius, rectus, circumspexus, similitatis nescius,
Eruditus & munitus Divinis Eloquiis,
Cautus, gravis, & suavis, benignus, amabilis,
Corde prudens, ore studens veritatem dicere,
Malum nolens, Deum volens pio semper opere.*

Præclara profecto Precatio si ad debitum facta fuisset Objectum. Talia verò hinc petuntur quæ penes nullum sit, præter ipsum *Jesus Christum* qui Deus est, petentibus largiri.

2. Neq; enim quicquam minus heic *Maria Virgo* supponitur, quàm *Servator*, *Gratiarumq; spiritualium Largitor*: Ut & æternæ vitæ donator, in his quæ sequuntur in *Oratione Prosaica*: *Pecatorum consolatrix, infirmorum curatrix, errantium revocatrix, iustorum confirmatrix, desolatorum spes & auxiliatrix, atq; mea promptissima adiutrix, tibi, Domina gloriosa, commendo hodie & quotidie Animam meam, ut me in custodiam tuam commendatum ab omnibus malis, & fraudibus Diaboli custodiam, atq; in hora mortis constanter mihi assistas, & animam ad æterna gaudia perducas.* Commendatur heic *Anima Devoti* in tutelam *Virginis*, ut ab omni malo, dolisq; ac technis omnibus *Diaboli* custodiatur, rogaturq; *Virgo* ut præstò sit in hora mortis illiusq; ope *Anima Devoti* æternis cœli Gaudiis perfruatur.

3. Cui haud absimile est quod ad calcem *Rosarii* occurrit; *Cor meum illumina, fulgens stella maris, Et ab Hostis machina semper tuearis.* O gloriosa *Virgo Maria*, mater Regis æterni, Libera nos ab omni malo, & à *Penis Inferni*. Quæ petitio est pro illuminatione Cordis, & pro securitate à *Diabolo* æternaq; morte: Quæ sanè solius filii Dei privilegium est, æternæ Patris sapientiæ, dare, qui etiam dicitur habere *claves Inferorum & Mortis*.

Apo. 1. 18.

4. Id verò quod observatu valdè dignum est, & ad quod potissimum collineo, hoc est, *Romanam* scilicet *Ecclesiam* posterioribus temporibus, antequam *Reformatio* eluxisset, *Virginis Patrocinium* studio adeò infans affectasse, ut filii Dei ferè obliiti essent, in eamq; omnes Devotiones insumpissent, quam *Christo* saltem æquant, atq; sic eam reverà, prout quidam illam amant appellare, *Dei filiam* faciunt, sensu æquè pleno ac sublimi, atq; *Christus* illius dicitur filius, quemadmodum mox plenius ex eis quæ afferentur, est appariturum. Ut ex illa *Oratione* ad *Beatam Virginem* quæ sequitur apud *Chemnitium*; *Te, mater illuminationis cordis mei, te, nutrix salutis meæ mentis, te obsecrant quantum possunt cuncta præcordia meæ. Exaudi Domina, adesto Propitia, adjuva Potentissima, ut mudentur sordes mentis meæ, ut illuminentur tenebre meæ. O gloriosa Domina, Porta vitæ, Janua salutis, Via Reconciliationis, Aditus Recuperationis, obsecro te per salvatricem tuam fecunditatem fac ut peccatorum meorum venia & vivendi gratia concedatur, & usq; in finem hic servus tuus sub tua Protectione custodiatur.* Quæ petitio & compellationes, exceptis quæ ad sexum pertineant, maxime propriè & naturaliter erga *Christum* usurpentur. *Virgo* verò heic *Salvatrix* nostra ac *Mediatrice* fit sine ullo, nisi *Sexus*, discrimine.

5. Quemadmodum rursus expressè sit in illa *Oratione* ad ipsam in *Festo Visitationis*.

Veni præcelsa Domina Maria; tu nos visita: Agras mentes illumina per sacre vitæ munera.

Veni Salvatrix seculi; sordes aufer peccati: In visitando populum pena tollas periculum.

Veni Regina Gentium; Dele flammæ reatum; Dele quodcunq; devium; Da vitam innocentium.

In qua *Invocatione* *Virgo Maria* *Servator* mundi apertè appellatur, oraturq; ut *spiritualem illuminationem Animæ* infundere dignetur, eamq; à sordibus tam *Peccati* quàm *Reatus* purgare. Per quod manifestò *Dei filio* æquatur alteraq; quasi *Christa* constituitur, *Dei filia*.

Ad eundem etiam sensum sunt *Orationes* illæ ad eam factæ, in *Festis Conceptionis & Annuntiationis*; sed infinitum esset omnia in medium proferre. Lege *Orationem* illam apud *Chemnitium*; ipsi à *Concilio Constantiensi* cantatum: Quæ antiquæ *Orationis Ecclesiæ* ad *Spiritum sanctum* perfecta est *Imitatio*.

CAP.

C A P. VI.

Plures formulæ Invocationum Beate Virginis ex Psalterio, quod dicitur, Mariæ, admodum Idololatricæ ac Blasphemæ.

1. **L**oca nunc tantum pauca notabimus in Psalterio Virginis Mariæ, ex quibus, quantum eis temporibus Ecclesia Romana se in tutelam ac Patrocinium Virginis intrusisset eamque fecisset *Dei filiam*, cum circa jura & prerogativas *Filii*, ejusque cultum potius se fidelem præbere debuisset, oppidò quàm evidens erit ac manifestum. Exordium capiam à Psalmo tricesimo: *In te, Domina, speravi, non confundar in æternum. In gratiam tuam suscipe me; inclina ad me aurem tuam. Tu es fortitudo mea & refugium meum, Consolatio mea & Protectio mea: ad te clamavi cum tribularetur cor meum, & exaudivisti de vertice collium æternorum. In manus tuas, Domina, commendo spiritum meum, meam totam vitam, diem ultimum.* Hic est ille integer Psalmus ad virginem: tali prorsus formâ, talique animi recumbentiâ, quali *David* Deum ipsum precatus est.

2. Caterum partibus tantum quibusdam selectioribus transcribendis contenti erimus. Ut ex Psalm. 71. *Resperge, Domina, cor meum dulcedine tuâ: Fac me oblivisci miseras hujus vite: Concupiscentias æternas excita in Anima mea, & de gaudio Paradisi inebria mentem meam.* Et rursus Psalm. 104. *Salus sempiterna in manu tua est, Domina; qui te dignè honoraverint, suscipient illam. Clementia tua non deficiet à seculis æternis, & misericordia tua à generatione in generationem.* Et Psalm. 117. *Dispositione tuâ mundus perseverat, quem tu, Domina, cum Deo fundasti ab initio. Tuus totus ego sum, Domina, saluum me fac, quoniam desiderabiles sunt laudes tue in tempore peregrinationis meæ.* Nemo Deo ipsi æterno majora attribuire, majorave ab ipso expectare potest.

Unde æternam Deitatem æquè Hypostaticè cum Virgine unitam faciunt atque cum ipso Christo, seq; erga eam gerunt tanquam si illa æquè propriè *Dei filia* esset, ac is *Dei filius*. Alioqui quomodo dici possit æternam salutem in sua Potestate habere, Mundique fundamenta ab initio unâ cum æterna Deitate jecisse?

3. Sunt & alia præterea loca in hoc Psalterio quibus Virginem Mariam Christam alteram Deive *Filiam* faciunt eo sensu quo Christus est *Filius*; applicando scilicet Virgini ipsas Phrases locutionesque quæ in Scriptura de Christo adhibentur. Ut Psalm. 2. *Venite ad eam omnes qui laboratis & tribulati estis, & refrigerium, & solatium dabit animabus vestris.* Et Psalm. 81. *Terge Fæditatem meam, Domina, que semper rutilas puritate. Fons vite, insue in os meum, ex quo viventes aqua profunt, & emanant. Omnes sitientes venite ad eam, & de fonte suo grater vos potabit.* Hoc donum est Spiritus quod penès Christum solum est in eum credentibus dare. Atque is est qui levamen & requies est omnium qui onerati sint & fatigati.

Et rursus Psalm. 46. *Omnes gentes, plaudite manibus, psallite in jubilo Virgini gloriosæ. Quoniam ipsa est porta vite, janua salutis, & via nostræ reconciliationis, spes penitentium, solamen lugentium, pax beata cordium atque salus.* Hoc Virgini attribuitur, cum tamen solus Christus sit, quæ via sit Salutis ac Reconciliationis nostræ cum Deo.

4. Fæculentum sanè ac fastidiosum argumentum est in quo versamur, ac proinde ut finiamus tandem, illam consideremus Blasphemiam quæ occurrit Psalm. 41. *Quemadmodum desiderat Cervus ad fontes aquarum, ita ad amorem tuum anhelat anima mea, Virgo sancta. Quia tu es genitrix vite meæ, & alitrix reparationis carnis meæ: quia tu lactatrix salvationis anime meæ, Initium & Finis totius salutis meæ.* Hic illud Virgini attribuitur, quod de Christo dicitur, nempe quod sit fidei salutisque nostræ Author & Consummator. Immo Creatio Generatione Vitæ Carnisque, perinde ac Salutis nostræ, Virgini hæc ascribitur. Quæ quidem nullum sensum nec veritatem habere possunt nisi illa *Dei filia* sit eadem planè ratione ac Christus *Dei filius*, vel *Deus*, & quod dixi, æquè propriè *Dei Filia* sit atque ille *Filius*.

5. Quemadmodum expressè *Filia Dei* in sua Litania appellatur. Quæ certè si consideremus quàm alti Tituli tum in hac Litania tum alias ipsi tribuantur, ut *Illuminatrix cordium, Fons misericordie, Flumen sapientiæ, Mater Dei, Regina celi, Domina mundi, Domina celi & terre*, admodum tenuis & obscura Appellatio esset

Job. 3. 37. 38.
Matth. 11. 28.

(quippe

(quippe quæ ad omnes foeminas spectat in Christum credentes) nisi istiusmodi aliquis sensus elatus ac sublimis subesset, ejusmodi subesse insinuavi.

Atq; ea propter, quum accessus ad ipsam supplices ejusmodi sint, ac si, quod dixi, *Christa* esset altera, *Deiq; filia* sensu æquè saltem sublimi ac Christus Dei filius est, cumq; *Filia Dei* in *Litania Mariae*, publicaq; ad eam facta supplicatione vocitetur, manifestum est illo Ecclesiae Intervallo, in quo maximè conspicuè notorièq; hoc contigerit, quòd Ecclesia *Romana* (quemadmodum & propter immensam Devotionum versùs Virginem copiam) rectè dici possit *Filiae* Dei potius quàm *Filii* cultrix. Quòdq; proinde, cum *spiritus Prophetiae* hæc tempora prævidisset, sicut per tale spacium *Romam Pergamum* appellavit, ita Intervallo proximo quando hæc rerum scena successura erat, titulum *Pergami* meritò in *Thyatira* mutaret, non sine derisoria Allusione ad occasionem nominis illius Civitatis, nuncium scilicet *Nicanori* allatum de *filia* sibi recens genita: Ac si Deus omnipotens, ex eo quòd *Romanista Mariam* Virginem in Dei *filiam* mutassent, consimilem haberet occasionem mutandi nomen *Pergami* in *Thyatiram*, quæ *filiam* significat.

6. Cui Insolentia ut obicem poneret Christus, videtur sanè datà operà in Epistola ad Ecclesiam *Thyatirenses Dei filii* Titulum sibi resumere, tametsi Filius hominis in præcedente capite appelletur, ex quo tamen perpetuè descriptionem suam ipsius accersit in cuiusq; ad Ecclesias Epistolæ exordio. Id quod, meo quidem iudicio, observatu dignissimum est; ut & hanc Virginis *Mariæ* in *Filiam Dei* mutationem solam, occasionem sufficientem esse mutandi *Romanae* Ecclesiae nomen à *Pergamo* in *Thyatiram*. Quod tamen nihil obstat quin res aliæ satis appositè eadem voce comprehendi possint per Prophetica *Henopiam*.

Apoc. 2. v. 18.
Apoc. 1. c. 13.

7. Hoc autem ex abundanti adjectum est præsentì nostro Instituto additamentum; Detectioni scilicet crassæ Idololatriæ Ecclesiae *Romanae* in Invocatione Sanctorum & præsertim *Mariæ* Virginis, quomodòq; Concilii *Tridentini* definitio hac in re Idololatræ sit, multòq; magis Ecclesiae praxis autoritate publicè comprobata.

8. Etenim hoc ipsum *Mariæ* Plasterium quod maximè enormes ac Blasphemias Invocationum Idololatricarum formulas continet, non est privatum unius alicujus obscuri & superstitiosi Monachi Inventum, sed Seraphici illius Doctoris S. *Bonaventurae*, olim *Cardinalis Romani*, titulum præ se fert. Quod non tenue profectò est illius libri in publicum cohonestamentum. Cæterum ut nihil prorsus deesset adeò Devotionalis generis Idololatriæ honori ac profectui, instituta est peculiaris Societas, *Fraternitas Psalterii Mariani* appellata, confirmatq; postea à *Sixto quarto*, multis additis Indulgentiis Anno 1470. Innocentiùsq; octavus plenariam Remissionem à pœna & culpa semel in Vita & semel in Articulo mortis omnibus ingredientibus istam Fraternitatem hisce Indulgentiis addidit.

9. Atq; sic quidem Ecclesiae *Romanae* status est etiam hodiernus, hoc est, etiamnum *Thyatira* est; ob cultum *Mariæ* Virginis Idololatricum oppidò quàm notoria: Intervallum verò Ecclesiae veræ in *Thyatira* desit postquam facta sit Reformatio, Papæq; jugum excusserimus, nec *Jezebelem* diutiùs passi sumus servos Dei deludere, modisq; cultus Idololatricis corrumpere. Sed hoc obiter dictum esto.

Abundè interea patet, Invocationem Sanctorum in Ecclesia *Romana* non esse petitionem ad eos simplicem ut orent pro nobis, sed & auxiliorum suppetiarumque, idq; ut plurimum ejusmodi, quas in nullius potestate sit præterquam Dei, Christi q; quatenus Deus est, dare, quæ proinde eò crassior est Idololatria.

CAP. VII.

Quod doctrina Concilii Tridentini de cultu Imaginum Idololatræ est, Doctrinaq; ratio infirma ac invalida.

1. **A**Tq; hæc de ipsorum Idololatria in Invocatione Sanctorum. Videamus jam quis Concilii *Tridentini* sensus sit de cultu Imaginum. Imagines porro Christi, *Deiparæ Virginis*, & aliorum Sanctorum, in Templis præsertim, habendas & retinendas esse, eisq; debitum honorem & reverentiam impertiendam. Quoniam honos qui eis exhibetur, refertur ad Prototypa, quæ illæ representant; ita ut per Imagines quas osculamur, & coram quibus caput aperimus & procumbimus, Christum adoremus,

Concil. Trid.
Sess. 9.

SSSSS

adoremus, & Sanctos quorum illa similitudinem gerunt, veneremur. Id quod Conciliorum, præsertim vero secundæ Nicænæ Synodi, Decretis contra Imaginum oppugnatores est sancitum.

Quæ sit Tridentinorum Patrum sententia palam est: Imagines nempe Christi, Beata Virginis, aliorumq; Sanctorum colendas esse; Rationesq; quas afferunt ad stabi-
liendum hoc Dogma duas esse: Prima est, Quod honor qui præstatur Imaginibus refertur ad Prototypa quæ repræsentant; Altera, Quod Injunctio hæc omnino eadem sit, quam Concilium Nicænum olim decreverat.

2. Ad quæ respondeo; Quod tantillum hoc quod Concilium Tridentinum de Imaginibus declaravit, aperta manifestaq; Idololatria est, per primi Capitis Theorema septimum, expressimq; contra præceptum Dei, qui interdixit nè ullam faceremus Imaginem ad incurvandam nos versùs eam, eamve oblundum. Concilium verò Tridentinum è contrà, Immo verò, ait, licet vobis Imagines Sanctorum sculptiles facere, & in Templis erigere, debitumq; eis præstare honorem cultumve, quinimò debetis sic facere; ipsasq; formulas innuit incurvandi se, & in genua procidendi, procumbendive ante eas. Hæc Concilii Definitio tam palpabiliter adversatur Mandato Dei, ut omittere sanè coacti sint secundum præceptum in Decalogo, nè populus resciscat quàm crasse adversùs Dei mandata peccet in assuetis suis ritibus & consuetudinibus Idololatricis quibus obligatur. Vide primum, secundum, nonum, decimumq; Theorema primi Capitis; ut & tertium, quartum, quintum, decimum octavum, decimum nonum & vicesimum secundi.

3. Nec possunt suæ omnino præstigiæ & tergiversationes, subtilisq; elusiones quicquam ipsis hîc prodesse. Etenim Decalogus proculdubio ad facilem populi captum scriptus est, quorum proinde Corda ac Conscientiæ optimi illius sint Interpretes; non autem Evasiones stolidæ perversæ perfidorum Sophistarum subterfugia, qui quod infirmas Animas Idololatriæ ac Damnationi æternæ prodant, Crumenasq; interim ipsis diductius aperiant, persuadere eis voluit Imagines in Templis à Concilio Tridentino injunctas, ut & honorem cultumve ipsarum nostriq; coram ipsis Incurvationem, cum Divina Interdictione (nè ulla faciamus Imagines sculptiles, nève nos ipsis incurvemus colamurve) posse consistere. Aded ut, quod dixi, ipsum Concilium apertam Christiano orbi exercendam imperet Idololatriam. Cùmq; tam prodigiosum ac enorme facinus sit, rationes tandem quibus ed impulsæ sint, consideremus.

4. Prima est, Quia honor Imagini præstitus refertur ad Prototypum. Verùm respondeo; Hanc relationem fieri aut virtute similitudinis quam illarum personarum gerant quas repræsentant, quod verba Concilii videntur innuere saltem circa Sanctos, [quorum illa similitudinem gerunt;] quemadmodum cùm Picturam hujus vel illius personæ laudamus, dicendo eam admodum venustam ac elegantem esse picturam, Laus hæc naturaliter ad eam personam refertur cujus sit Pictura, virtute similitudinis quæ picturam inter & hominem depictum intercedit.

Aut saltem fieri, nullâ quidem ratione habitâ personalis similitudinis, sed per directionem intentionis Devotionis, si fas sit ita loqui, quod is intendat ad aspectum, & incurvationem sui versùs Imaginem Christi, beatæ Virginis Sanctive cujusvis, occasionem simul sumere colendi sic Christum, beatam Virginem Sanctumve quemlibet, cùm Imago tantum Præsentia sit ipsorum symbolica latè sumpta, nec quicquam pensi habeatur an Symbolum Imagove ullam personalem gerat similitudinem illius Personæ quam repræsentat.

5. Verùm quantum ad prius, manifestum est, oppidò quàm incertum esse ullam Christi Imaginem, beatæ Virginis, Sanctive cujusvis carnali Figuræ harum personarum, dum in terris erant, esse confimilem. Quinimò contrarium potiùs certum est, cùm nullæ harum sanctarum Animarum istiusmodi mundanis vanitatibus deditæ essent, ut picturas suas dum in vivis erant, delineandas curarent. Vide *Mysterium Iniquitatis* Part. 1. lib. 1. cap. 14.

Cùm verò admodum improbabile sit quin Imago alicui saltem homini similis sit, qui aut nunc vivit, aut aliquando post orbem conditum vixit in terris; juxta hanc primam quidem suppositionem, honor hic cultusve Religiosus Christo, beatæ Virgini, Sanctive cuilibet alii destinatus, non solum illos non attinget, sed aliis aliquibus certò obtinget, qui, tantum absit ut sancti sint, ut sint fortean, aut fuerint turpissimi profligatissimiq; homines qui unquam vixerint in terris.

6. Sed præterea, Nulli, ut Sancti, antè coluntur quàm sint in cœlis, nec antè quidem propriè Sancti sunt: Gloriamq; sive splendores circa picturarum Capita planè ostendunt, omnino intendi ut Sancti in præsentī conditione cœlestis gloriæ repræsententur. Unde manifestum est Imagines neutiquam similes esse eis, quibus fiunt, repræsen-

repræsentandis. Quomodo enim possunt hæ *Imagines* æneæ, lapideæ aut ligneæ, ex ullâve alia materia factæ, Animæ separatæ similitudinem gerere cujusmodi in præsens omnes *Sancti* sunt? Quæve similitudo inter corpus Christi gloriosum, cœlestē ac spirituale, & Imaginem ex materia terrestri qualibetque factam potest intercedere? Non major certe quàm stercoreis frustulum fuliginēve inter ipsumque solem aut Auroræ splendorem.

Et quod maximè omnium considerandum est, Quæ terrestris Imago cum ullo pacto repræsentare potest qui verè est *Deus*, nec Adorationis nostræ Objectum est nisi quatenus *Divinum* hoc *Complexum* sit ex *Divinitate* perinde ac *Humanitate* consistens? Quis autem statuarius Deitatis effigiem exculpere potest? Aded ut prætextus hic referendi honorem ad *Prototypum*, primo hoc sensu valde elumbis sit ac frivolus. Nec, tametsi naturalis hæc relatio esset, omninò sequeretur nos hoc modo eos honorare debere, cum tam apertè interdictus sit, cumque alii modi sint longè meliores, commemoratio scilicet virtutum, earundemque imitatio.

7. Et quantum ad alterum illum sensum, est certè prioribus illis difficultatibus liberatus & evolutus; sed majores hæc occurrunt. Nam quod Christum Servatorem spectat, cum Imago illius quæ dicitur, non sit nisi *Præsentia* illius *symbolica*, Divinus cultus versùs ipsam præstitus aperta rursus Idololatria est, quemadmodum apparet ab Exemplo *Israëliitarum* qui Vitulum aureum colebant cum relatione ad *Jehovam*, uti manifestò constat ex Historia. Et quod ad beatam Virginem reliquosque Sanctos attinet, Incurvationem versùs ipsorum *Præsentias symbolicas* apertam esse *Idololatriam*, manifestum est ex octavo, nono & decimo Theoremate primi, & ex quinto, decimo nono & vicesimo secundi capitis hujus Tractatus. Exod. 32. 4. 5.

Et certè *Sanctorum*, quos vocant, *Imagines Præsentias* ipsorum *symbolicas* ad hunc modum facere, eosque ante has *Imagines* venerari ac colere, est *honorem Divinum* ipsis præstare. Hoc enim naturaliter declarat eos *terrestrem* saltem habere *Omnipræsentiam* aut *Omniscientiam*, quam nulla, quod scimus, Potestas invisibilis habet præter Deum. Verùm submissè se incurvare versùs personam infinitis ferè miliarium myriadibus distantem, res est adhuc magis coacta & ridicula. Ac proinde hujusmodi *Sanctorum* salutatio ad *Imagines Præsentias* suas *symbolicas*, dum versari agnoscuntur in sede Beatorum (quod certè sit oportetque fieri, nisi eos cœlo velimus exclusos) est agnoscere planè unam Animam Cœlum Terramque suâ præsentia implere, talive complecti *Omniscientiâ, cœlesti* scilicet ac *terrestri* simul. Quorum utrumlibet immensum illud est Dei omnipotentis Privilegium; ac proinde hæc ipsos colendi ratio, crassa est *Idololatria*, ut quæ *naturaliter* in ipsis talem perfectionem supponit, quæ nusquam reperiatur præterquam in Deo.

Præterea, quod & supra innui, cuiusmodi sit hæc Relatio sive respectus, cum Incurvatio fiat Prostratione corporis ante *Imagines*, sive mera *symbolica* sint sive Repræsentationes accuratæ, necesse est ut sit *Idololatria* ipso facto, per Capitis primi Theorema septimum. Cui consequens est, quod Sancti hoc Imaginum suarum cultu non honorantur, sed immani afficiuntur contumeliâ, quippe qui eos supponit eâ re gaudere ac oblectari quæ Domino Abominatio est crassaque expressu illius mandati violatio. Supponit, inquam, eos ambitiosos, inanis gloriæ cupidos, rebellesque esse adversus Deum. Ac proinde illi qui hanc rationem colendi eos per Invocationes & *Imagines* omnium vehementissimè oppugnant, verissimi omnium sunt ac fidelissimi ipsorum cultores, quippe qui tanto cum zelo animique ardore feruntur ad vindicandum eos à foedissimis illis probris ac contumeliis quibus alii eos cumula-verint. Tantum abest ut rei sint hac in re vel minimæ Rusticitatis Incivilitatisve adversus sanctos Dei.

CAP. VIII.

Doctrinam secundi Concilii Nicæni de cultu Imaginum (ad quod Concilium Tridentinum nos remittit) crasse etiam esse Idololatricam.

1. **J**AM verò quantum ad alteram Patrum horum *Tridentinorum* rationem, quam suam hac in re Determinationem volunt suffulcire, Autoritatem scilicet secundi Concilii *Nicæni* Anno circiter 780 habiti, (ut omittam, quod multò ante hoc tempus Ecclesia facta sit *Asymmetra*, quæ tamen magni profectò momenti est consideratio) breve hoc tantum hæc responsum dabo. Deus *Israëlis*, Pater Domini nostri *Jesu Christi*, expressum hoc mandatum *Ecclesie* dedit in perpetuum, *Non facies tibi Imaginem quavis sculptilem, non incurvabis te ei nec eam coles.* At verò è contrà Concilium *Nicænum* secundum ait, Licet tibi profectò incurvare te Imagini Christi, Beatæ Virginis & reliquorum Sanctorum. Deo autem nunc potius an hominibus obedire oporteat vos ipsi judicate; Possimq; porro addere, Hominibus tam inscitis in defendenda sua opinione ac nugacibus, tam falsis ac fabulosis in allegandis Testimoniis, & miraculorum Historiolis recitandis, quemadmodum *Chemnitius* copiosè probavit in suo Examine Concilii *Tridentini*.

Matth. 5. 15.

2. Exemplum proferam unum & alterum. *Nemo accendit Lucernam, & ponit eam subter modium.* Ergò Imagines Sanctorum collocandæ sunt super Altare Cereiq; accendendi coram ipsis in honorem eis debitum. Rursus, Psalm. 16. *Sed sanctis qui sunt in terra.* At enim, Sancti, inquiunt illi, in coelis sunt. Ergò Imagines eorum debent esse in terra, &c. Quod ad miracula attinet per Imagines facta, cujusmodi sunt earum loquelæ, interq; se colloquia, ægrotorum sanationes, ultiones injuriarum sibi factarum, guttarum roris & unguentorum distillationes quibus sanentur vulnerati, ægroti claudive, arefacto puteo Aquæ restitutio, & similia; res nimis quàm fastidiosa esset istiusmodi figmenta recitare.

Illud tamen de Imagine Virginis, quam *Devotus* suus, longum iter suscepturus, eiq; valedicturus, rogavit ut Candelam curaret quam ipsi accenderat, usq; dum redierit, præterire non possum. Historia enim affirmat eandem Candelam arsisse per sex continuos menses usq; ad reditum *Devoti*. Exemplum sanè prodigiosissimi *Prolongatoris*, quod quisquam unquam fando inaudiverit. Hujusmodi Imago Virginis multum profectò de Candelarum impensa, modò res licita esset ac possibilis, studiosis pauperculis demeret.

3. A paucis his subindicatiunculis, quali autoritate secundum hoc Concilium *Nicænum* haberi debeat, etiamsi nihil apertè contra Dei verbum conclusisset, facile quivis potest judicare. Ceterum quoniam illa clausula in hoc Paragrapho Concilii quem citavi, *Id quod Conciliorum, præsertim verò secunda Nicæna Synodi*, &c. ad determinationem quid hi Patres intelligant per illum *debitum honorem* & reverentiam, quam Imaginibus Christi Sanctorumq; deberi declarant, perinde collineare potest, atq; ad confirmationem propriæ suæ sententiæ per *Nicæni* Concilii Autoritatem, notabimus etiam qualem Imaginibus honorem aut reverentiam Concilium *Nicænum* assignaverit; Estq; breviter hujusmodi:

Quòd nempe colendæ sunt & adorandæ, & accendendo Cereos honorandæ, ac adolendo Incensum & suffimina. Quod satis rancidè profectò Idololatriam olet, quemadmodum & ipse *Grotius* in *Decalagum* non potest non agnoscere. Nee tamen hæc totum exhaustiunt. Invocatio Sanctorum ipsorumq; Mediatio, Diviniq; Numinis ob suarum Imaginum cultum nobis propitiatio, ut & morborum sanatio aliq; auxilia ac suppetiæ præter, *Ora pro nobis*, manifestò in cultu Imaginum eorum involvuntur secundum *Nicæni* Concilii sententiam.

4. Et certè legendo collectiones *Photii* apud *Iustellum*, quilibet proclivis esse possit ad existimandum, quòd *Latriæ* cultum Imagini Christi assignaverint, quippe qui voce *διαβάλλον* utuntur, ac si cultus ille qui Imagini præstatur ad Christum ipsum transfiret, qui illi certè non competeret, nisi Divinus cultus esset. Et ubi istud vocabulum non usurpatur, sensus tamen magnoperè huc tendit. Ut in hoc Paragrapho, de secundo Concilio *Nicæno*, apud *Photium*. *τὴν δὲ εἰκόνα χειρὶ ἐπὶ τιμῇ καὶ σεβασμῶντι τῷ εἰκονίζοντι προσκυνῆσαι καὶ τιμᾶσαι ψάλλοις ἀψάσαι ὑπεύθυνός τε καὶ ἐπισφραγισαί, τῆς προσκυνήσεως, καὶ τιμῆς διανοῆτι προσαγομένης καθ' ὅν τῶν ποικίλων καὶ τοῖς ἄλλοις ἱερῶς συμβόλοις καὶ τύποις τῆς καθ' ἡμᾶς ἀγιοτάτης λατρίας περιεχόμενα. Οὐ γὰρ ἐν αὐτοῖς ἰσάμεν καὶ συμπεικνόμεν τὴν τιμὴν*

τιμὴν καὶ προσκύνησιν, ὅδ' εἰς ἐκείνην καὶ διὰ τοῦτο τέλην χεῖρα· ἀλλὰ διὰ τῆς παρρησίας διαφέρει καὶ μάλιστα αὐτῶν διακρίσεις καὶ προσκυνησὶς ἰσχυριώως τοῦ καὶ ἀδιακρίτως εἰς τὴν ἀμείνον ἐκείνην ἐνοεῖν τὰ καὶ ἐνοεῖν διότι ἀναγκάσια.

Septima hæc Synodus, inquit ille, (hoc est, secunda Nicæna) Imaginem Christi, ad honorem & venerationem illius quem ipsa refert, adorandam atq; colendam suffragiis omnibus censuit & confirmavit; Cum Adoratio nimirum atq; honor adhibeatur eodem modo quo in aliis sacris notis & formis sanctissimæ Patriæ utimur. Neq; enim in illis consistimus, honoremq; ac Adorationem inibi concludimus, nec in diversos ac discrepantes fines distrahimur, sed per cultum ipsarum & adorationem, quæ discrepans videri possit ac divisa, nos sanctè ac indistinctè in indivisam illam undemq; ac unificam Deitatem sursum ferimur. Ubi apertissimè declaratur, eum ipsum cultum qui ad Deitatem transit, præstari prius, aut simul, Imagini Christi, ut qui reverà unus idemq; indivisus est cultus, quemadmodum & hunc cultum eum cultum esse qui appellatur Patria, soli; Deo altissimo competit.

5. Cultum verò religiosum Sanctorum omnium Imaginibus tribui, insinuari videtur in eo quod sequitur, ubi ait, Quod secunda hæc Synodus Nicæna (quam idem Photius ἁγίας καὶ δόξης πατρίων appellat) ἡ μόνη τὴν ἁγία χεῖρ ἅλλα καὶ ἀειπαθῆναι Μαρίας καὶ πάντων τῶν ἁγίων τὰς ἰσχυρὰς καὶ ἀναγκάσιαν τῆς τῶν προσκυνησὶς καὶ σεβασμίας τιμῆς καὶ προσκυνησὶς ἰσχυριώως τοῦ καὶ ἐνοεῖν. Καὶ γὰρ καὶ δι' αὐτῶν εἰς ἐνοεῖν τινὰ καὶ συναγωγὴν ἀναγκάσια δυνάμις καὶ πρὸς τὸ ἀνεύθυν τῶν ὁρατῶν, δι' αὐτῆς, ἀξίωμα δόξας καὶ ὑπερβολὴς συναφίας. Quod hæc Synodus non solum Imaginem Christi, verum etiam Mariæ semper Virginis omniumq; Sanctorum Imagines sacras, pro ratione excellentiæ & venerabilitatis Prototyporum colendas & adorandas constituit ac decrevit. Utpote per quas in unitivam quandam conjunctivamq; Visionem attollimur, cujus beneficio, Divino illo ac supernaturali congressu contactuque fruimur Illius, qui rerum expetendarum summus est; ipsius utiq; Dei.

Ecquid est quod majorem in modum Animas humanas Mysticā illā libidine, rabi-
dōq; Idololorum desiderio inflammare potest quā hæc Synodi Nicæna doctrina? Nam quantum ad Imaginem Christi, eadem Devotio cultusq; illi præstatur, qui ipsi præstatur Deo. Et quod ad Imagines Mariæ Virginis & reliquorum Sanctorum attinet, quamquam cultus qui ipsis assignatur, pro ratione Prototyporum videatur circum-
scribi, tali tamen modo coluntur ut dum Imaginibus Statuissve ipsorum adhæremus, idonei indè dicamur evadere ad tactualem fruendam unionem cum ipso Deo. Quod Philtrum efficacius est ad excitandam illam Idolomanian, vesanum illum rabiūq; Imaginum Idololorūve amorem ac desiderium, quā hoc? Quidve affectus hominum magis accendere potest erga Idololatriam, quā imaginari dum Idola colimus inanimisq; Statuis inhærescimus, quod ille individuus actus (qui proinde non potest esse nimis intensus) ipse est, quo aduniamur archisq; constringamur amplexibus veri æternūq; viventis Dei?

7. Sensus Synodi est, secundum representationem Photii, (quem si quis actus Synodi perlegerit, fidelissimum sanè deprehendet Interpretem) Quod colimus scilicet & nosmetipsos cum Deo unimus in Imaginum Virginis aliorūq; Sanctorum cultu, perinde atq; in cultu Imaginis Christi. Adeo ut Religiosus cultus sit omnis & crassa consequenter Idololatria, cum præstetur Stipitibus Lapidibūsq; reliquisq; ejusmodi Objectis inanimatis. Omnis enim Idololatriæ suffugium est quando in quæstionem vocatur, & astutè callidèq; defenditur, quod per Dæmonum cultum Imaginūque, supremi Numinis cultus, Devotionisq; ac affectuum cum illo conjunctio intenditur. Quamobrem cū Concilium Tridentinum ad mentem Concilii Nicæni sententiam suam declaraverint, cæcis, quod dicitur, ducentibus cæcos, deciderunt ambo in horrendam Idololatriæ foveam.

C A P. IX.

Sensus Doctrinae Concilii Tridentini de cultu Imaginum à generali praxi Romanæ Ecclesiæ Pontificiæq; suffragiis paulò determinatiùs illustratus, quo deprehenditur adhuc magis crasse Paganicæq; Idololatrica.

1. CÆterum quibusdam forsàn plenius satisfacturum sit, si proprium Ecclesiæ Romanæ de honore debito, quem illa Imaginibus Christi Sanctorumq; præstandum decrevit, sensum resciverint. Apertionem Capitis, corporisq; ante eas prostrationem, Concilium nihil dubitat speciatim, obiter, nominare. Sed enim, cùm Concilium, hoc, nec *Duliam*, nec *Hyperduliam*, nec *Latriam* appellet, in proclivi fortean erit quibusdam, vim loci eludere, interpretando de *Civili* tantum Reverentia hisce Imaginibus earumve Prototypis facta.

Verum enimvero cùm Concilium *Tridentinum* nihil ampliùs declaraverit, quæ certior esse potest mentis eorum Interpretis quàm constans Ecclesiæ consuetudo, sensusq; ejusmodi Doctorum qui ob eminentiam suam in *Sanctorum* numerum relati sint, ut *Thomas Aquinas* & *Bonaventura*, qui ambo declararunt Imaginem Christi cultu *Latriæ* colendam esse, eodem quo Christus ipse colitur?

2. Et *Azorius Jesuita* constantem affirmat opinionem esse *Theologorum* (suos proculdubio intelligit) Imaginem eodem honore cultive honorandam colendamq; esse quo is cujus sit Imago. Quod ab illo in Concilio *Niceno* non multum abludit, καὶ ἀναλογία τῆς τῶν ἀποστόλων ὑπερχῆς, in suprà memorata citatione. Omnes autem religiosi cultus capaces esse ipsum Concilium *Tridentinum* (perinde ac *Bellarminus* atq; alii si non omnes illius Ecclesiæ Theologi) palam agnoscit, ex eo quòd *Invocationem* ipsius assignaverit, quæ nulli *Potestati invisibili* præterquam ipsi *Divino Numini* competit. Unde manifestum est Imagines ipsorum cultu etiam religioso coli.

3. Sed & adhuc certiùs super hac re judicium ferre possumus, si Consecrationem harum Imaginum consideremus, quas Concilium *Tridentinum* colendas esse declarat. Consecratio enim ipsarum atq; cultus, eas ut *Deastros Paganicos* planè constituit, quemadmodum *Ostavius* apud *Minucium Felicem* Ethnicorum *Deos*, hoc est, *Idola* ipsorum falsè irridet: Ecce funditur, fabricatur, scalpitur; nondum est *Deus*. Ecce plumbatur, construitur, erigitur; nec adhuc *Deus* est. Ecce ornatur, consecratur, oratur; tunc postremò *Deus* est. Et certè si hac ratione res effici potest, *Romanæ Ecclesiæ* Imagines æquè belli *Deastri* reperientur atq; ullæ Ethnicorum.

4. *Chemnitius* Consecrationum aliquot formas recenset. Ego verò illas Imaginum *beatæ Virginis* & *S. Johannis* solas hîc apponam. Illa Virginis sic est: *Sanctifica, Deus, hanc Imaginem Beatæ Virginis, ut tuis fidelibus salutaris auxilii opem ferat, tonitrui aut fulmina, si valuerint, nocentia celerius expellantur, pluviarum quoq; inundatio, aut civilium bellorum commotio seu Paganorum devastatio ad præsentiam ejus comprimantur.* Quæ certè via compendiosissima est ad efficiendum, ut omnes homines veniant in istiusmodi periculis, seseq; sub protectione Imaginis Virginis, tanquam sub alismagni *Jehovæ* abscondant. Oppidò quàm proximè accedit hoc ad similitudinem *Telesmatum* Paganorum.

Audiamus verò & formulam Consecrationis Imaginis *S. Johannis*: *Præsta, Deus, ut omnes illam cum reverentia intuentes, precēsq; coram illa fundentes, pro quacunq; necessitate oraverint, exaudiantur. Sit hæc Imago Demonum sanctæ expulso, Angelorum advocatio, fidelium protectio, ejusq; in hoc loco potenter vigeat intercessio.* Quàm potens hoc Incantamentum est ad efficiendum ut Animæ infirmorum circa has Imagines, tanquam si ipsarum præsentia, ipsa Divina esset Protectio, perquam superstitiosè hæreant?

5. Has formas *Chemnitius* ex *Pontificali*, quod ille perlegerat, recenset. Cæterum *Rituale Romanum Pauli Quinti* Pontificis jussu editum, & *Urbani Octavi* auctoritate recognitum, nostro Instituto abundè suffecerit, cùm utriq; post Concilium *Tridentinum* vixerint, ac proinde per Interpretationem horum Pontificum facillè constiterit quis sit ille honor debitus, cujus mentionem faciunt Patres *Tridentini*, tanquam qui Imaginibus Christi, beatæ Virginis, aliùsve cujusvis Sancti debeat præstari. Consecratio enim Imaginum ipsorum sic se habet: *Præsta, Deus, ut quicunq; coram hac Imagine unigenitum Filium tuum, vel beatissimam Virginem (prout Imago fuerit*
que

que consecratur) vel gloriosum Apostolum, sive Martyrem, sive Confessorem aut Virginem, suppliciter colere ac honorare studuerit, illius meritis & obtentu à te gratiam in presenti & eternam gloriam obtineat in futura.

Adeo ut Virgo Sanctiq; alii, Gratia ac Gloria supplicantibus ante suas Imagines, Condistributores fiant cum ipso Christo, idq; ex propriis suis meritis, & propter cultum hunc ipsis præstitum in fundendo preces nostras ante Statuas ipsorum *Præsentis* sive *symbolicas*. Quæ major excogitari potest Blasphemia & Idololatria? *Ornatur, consecratur, oratur, tunc postremo fit Deus*, hoc est, Oratur ante Dæmonis statuum, sed ipse oratur interim Dæmon. Nihil amplius fit in ipso Paganismo. Et tamen ex ipsa Pontificis Interpretatione hic est ille debitus honor quem Sanctorum Imaginibus tribui oporteat. Posteriores partem perpende ultimi Theorematis Capitis primi, Formasq; Invocationum in quarto & quinto, ut & Theorema decimum octavum Capitis secundi.

6. Totum hoc, ex Auctoritate Ecclesiæ ipsorum, perspicuum est & expressum. Quodq; præter *Adorationes, Orationesq;* ante has Imagines, (quibus profecto, si Supplicantium, Imaginumq; *Posturas* consideremus, æquæ orantur, atq; *Pagani* suas oras agnoverint;) *Cerei* etiam ante eas accenduntur, Oblationesq; sunt *Incensæ & suffiminum*; *Festæ* etiam, *Templa & Altaria* eisdem Sanctis consecrata, *Imaginesq;* in *Processionibus circumgestationes*, (qui antiqui *Paganismi* mos erat) adeo omnibus nota sunt, ut nihil opus hic sit Autores allegare. Quodq; hæc Ecclesiæ *Romana* consuetudo sit conjunctim coherenteq; cum harum Imaginum cultu, toti Orbi innotescit, quodq; proinde æquæ vera *Idololatria* sit atq; ipse *Paganismus*, & ex consequenti *realis Idololatria*, per Theorema tertium Capitis primi. Et postremo notandum est, cum Concilium *Tridentinum* debitum honorem Imaginum nominet, nec colendi modos qui in usu apud ipsos erant, excipiat, maximè omnium consentaneum esse, ut intelligantur Patres *Tridentini* has ipsas cultus Circumstantias, quantumlibet Paganicæ sint, subindicare.

7. Eoq; magis, quoniam aliquas, in re Imaginum, pravitates ac abusus videntur velle corrigere; ut omne illicitum ac inhonestum lucrum, omnes lascivos Imaginum ornatus, omnem ebrietatem & comestationes profusas, & similia. Quibus quidem rebus mihi perinde gerere prudenterq; cautum videtur contra *Idololatriam*, ac si ad supprimendam fornicationem decrevissent, quod omnes meretrices *Romæ* ab omni procace venustate se abstineant ornatusq; illecebroso, ut summopere curent, linteamina omnia munda sint & candida; ut cum fratribus nata minoribus quibus *Pinus* rei suppetat, de noctis hospitio, æquiori pretio transigant; ut corpora sana luæq; immunda conservent, & similia; quæ certe abolitio non esset, sed scortorum scortationisq; in Papatu firmior constitutio. Atq; sic planè se habet in his cautionibus circa Imagines; *Exceptio firmat Regulam in non exceptis*. Quamobrem cum hæc *Idololatria* circumstantiæ à *Tridentinis* Patribus, in exceptionibus suis non nominentur, palam est eisdem ratificari. Quæ tamen antiquam *Idololatriam* Paganicam adeo ad vivum referunt, ut *Ludovicus Vivès* illius Ecclesiæ membrum, abstinere se non potuerit quin profiteretur, *non posse aliquid discrimen ostendi, nisi quod nomina tantum & titulos mutaverint*; hoc est, *Nomina & Objecta* sola antiquæ *Idololatriæ* Paganicæ alterata esse, non autem *Modos*.

8. Si Concilium *Tridentinum* reverà bonasq; fide Ecclesiæ suam in re Imaginum emendare corrigeréve voluissent, periti illius celebrisq; Medici *Butleri* exemplum sequi debuissent, ejusq; de esu Pyri præscriptum imitari; nempe, primùm, illud amputare diligenter nos debere, dein curare ut excindatur arulla extrahaturve rutelulo, ut cavamen postea impleatur sale, atq; his demum factis ut confestim projiciatur in cloacam. Hæc tutissima Methodus est eas res tractandi quibus intrinsicè aliquod venenum noxæ infit. Vide saluberrimas illas summòq; cum judicio descriptas Ecclesiæ *Anglicanæ* *Homilias* adversus periculum *Idololatriæ*.

9. Atq; hæc sufficiant ad demonstrandam Ecclesiæ *Romane* *Idololatriam* in quantum ab Ecclesia ipsa approbari videatur. Quantum verò ad crassas istas exorbitantias ad quas tamen commoverint, neutiquam tamen admitterent tanquam autoritate publicâ comprobatas, nec mihi ipsi nec Lectori negotium facebam me istiusmodi rebus immiscendo. Cujusmodi sunt sudores Imaginum arte representati, oculorum volutationes, artificium efficiendi ut subridere videantur pro re nata, frontemve contrahere vultumq; tristem induere, immò ponderosæ sentiri levésq; & similia. Quæ necessariò tendunt ad illaqueandum populum, quod spem suam ac fiduciam in ipsis Imaginibus ponant, quemadmodum illæ consecrationes innuunt quas citavi è *Chemnitio*, quodq; iste *Rythmus* videretur agnoscere, quo Christi faciem alloquuntur, quam appellant *Veronicam*. Qui *Rythmus* sic se habet.

Nos

*Nos perduc ad patriam, felix ô figura,
Ad videndam faciem qua est Christi pura.
Nos ab omni macula purga vitiorum,
Et tandem consortio junge beatorum.*

Et cum consimili cæca Devotione Crucem itidem affantur.

*O crux, spes unica
Hoc Passionis tempore,
Auge piis Justitiam,
Reisq; dona veniam.*

Non potest sanè quin hoc immane quid sonet atq; absontum auri cuilibet piæ & sensatæ. Et tamen Sancti cujusvis ante Imaginem suam ad auxilia suppetiâsq; ferendas, (cùm Imago & nomen & representationem Sancti gerat) cum oculis manibûsq; ad eam sublatis Invocatio, æquè verum est cum insensibili stipite lapidève colloquium, atq; hoc, & æquè crassum genus *Idololatriæ* quantumvis *Ecclesiæ Romanæ* autoritate comprobatur. Sed sermonem antè abrumpere institueram. Nec tamen possum quin hoc unicum superaddam, eò magis invisâ ac propudiosa videri in *Romana* Ecclesia Imagines, spectacula, quantò certius constat eas tot esse, inter alia, *κλειμματα* istorum, quorum in *Apocalypsi* mentio facta sit, Harpagonas.

Vide cap. 1.
Theor. 10.

Cap. 9. v. 21.

CAP. X.

Consecraria aliquot à luculenta hac crassa Idololatriæ Ecclesiæ Romanæ detractione deducta, cum sincera ac vehementi Exhortatione ad omnes homines, qui salutem suam seridè curant, ut sibi caveant, nè in illius Ecclesiæ communionem trabantur.

1. **A**tq; sic abundè quidem Ecclesiam Romanam crassæ Idololatriæ ream esse etiam secundum Concilii sui *Tridentini* concessiones & definitiones demonstravimus; sic utiq; eam esse, etiam si nihil ampliùs ipsi imputàremus, quàm quod ab ipso Concilio approbatum sit in adoranda *Hestia*, in *Sanctis invocandis* & in *colendis Imaginibus*. Caterum minimè interim obliviscendum est crimen adhuc ingravescere, frædiorémq; habere aspectum, si particulares Sanctorum invocandorum formulas Imaginûmq; colendarum Circumstantias ab ipsis etiam Pontificibus ratificatas, totiùsq; suæ Ecclesiæ usu ac consuetudine minimè prohibita corroboratas, consideremus. Quos proinde omninò consentaneum est esse mentis Concilii interpretes. Adèò ut nullus ipsis reliquus sit evadendi locus, quò minùs rei sint *Idololatriæ* maximè crassæ atq; palpabilis quæ unquam commissa sit per filios hominum, non minùs profectò crassæ quàm ipse *Romanus* olim fuerit *Paganismus*.

2. Unde loco proximo necessariò sequitur, eos maximè nefarios esse ac truculentos in servos Dei *Parricidas* qui usquam gentium extiterunt. Etenim sanè, tametsi veritas à parte ipsorum eò usq; stetit, ut res quæ à Dissidentibus postularent *licite* essent (quantumvis non omninò *necessariæ*;) tamen si expressam Scripturæ vocem consideremus, quæ non potest non esse admodum efficax ad Conscientiæ scrupulos movendos, immò verò ad figendum obsirmandûmq; animum in contrariis Opinionibus, ut taceam irrefragabilia *communis Sensûs* ac *Rationis*, Principiorûmq; *Artium* omnium & *Scientiarum*, quæ Religionis in ullis suis Disquisitionibus Theoreticis utiles videri possint, suffragia; cùm, inquam, hinc adèò proclive sit si non necessarium, ut aliqui homines in contrariam, vi Religionis ac Conscientiæ, abriperentur persuasionem, proculdubio etiam in hoc casu, tales qui à Doctrina & Praxi ipsorum dissensissent, occidisse, notorium in parte *Pontificia* futurum fuisset homicidium.

Nunc verò cùm ipsi *Parricidæ* in tam palpabili versentur errore, requirântq; à Dissidentibus ut *Blasphemias* profiteantur *crassâsq;* cum ipsis committant *Idololatrias*, quod est apertè *contra Deum* rebellare, sub prætextu obediendi *sanctæ* (pro-ut amant appellari) *Ecclesiæ*; cùmq; tot centena hominum millia propter Creatori servatam

servatam fidem, & indispensabilem erga Dominum *Iesum* obedientiam, trucidaverint; hoc *dibaphum* profectò *parricidium* est, talèq; cum quo eundè illæ barbaræ Persecutiones sub *Dracone* *ruso*, sub *Paganicis* utiq; *Imperatoribus*, non sint conferendæ.

3. A quibus duabus principalibus Considerationibus sequitur loco tertio, apta illa obviâq; Nominum septem Ecclesiarum Eventuumq; septem Intervallorum (per ipsa significatorum) congruitate cum *visionum* Præfigurationibus perspecta, nullum dubium esse posse, quin per *Balaam* in Epistola ad Ecclesiam in *Pergamo* memoratum, in qua *Antipas*, hoc est, Papæ oppugnatores trucidantur, *Hierarchia* *Papalis* intelligatur. Quod etiam fit in *Jezebele* Prophetissa, in Epistola ad Ecclesiam in *Thyatiris*, quæ interfecit etiam erat Prophetarum Dei, ambòq; egregii *Idololatriæ* Patroni, quemadmodum ex ipso textu patet.

Neq; aded istuc mirum est, ut *Balaam* & *Jezebel* cum alter vir sit, altera verò femina, eandem rem significant: Nam *Pseudopropheta* *Meretrixq;* *Babylonica* in sequentibus visionibus *Apocalypticis* ambo unam eandemq; rem denotant, *Hierarchiam* scilicet *Romanam*, *Papam* cum reliquo corpore *Ecclesiastico* complectentem.

4. Et verò quod de *visione* septem *istarum Ecclesiarum* dixi, idem de omnibus illis expositionibus decimi tertii, & decimi septimi Capitis *Apocalypseos*, eaq; de *Cornu parvulo* apud *Danielem* pariter pronuncio; nempe, cum verba vaticiniorum tam aptè ac naturaliter ad res illius Ecclesiæ applicari possint, cumq; præter *Synchronismorum* demonstrationem, duarum antecedentium Conclusionum ponderis sit superadditio, nè minimum quidem dubium scrupulùmve superesse posse, quin illæ Interpretationes sint veræ, Ecclesiâq; *Romana* corpus sit illud *Antichristi*, *Mater* illa *scortationum* & *abominationum* *Terræ*, hoc est, multifariorum modorum crassæ *Idololatriæ*, coccinæve illa *Meretrix* septem montibus insidens quæ & ebria est sanguine Sanctorum & sanguine Martyrum *Iesu*.

5. Ac proinde, quarto in loco, consequens esse, cum in Ecclesia *Romana* venenum *Antidoti* virtutem excedat, nullum illic esse posse salutis sperandæ fundamentum. Funesta veritas est ac deplorabilis, attamen cum veritas sit, eaq; tam imminenti momenti, nullo pacto profectò erat celanda. Quid Deus facturus sit iuxta magis occultas arcanâq; suæ Providentiæ rationes ipse solus novit. Ac proinde confidenter pronunciare non possumus unumquemq; Paganum *Idololatricum* æternum peritum. Cæterum nisi loqui velimus ultra quàm quod nobis permissum sit non autem iuxta facilem ac genuinum sacrosanctæ Scripturæ tenorem, profiteri quidem debemus quanquam non sine profunda animi mœstitia, nos nullum habere firmamentum autoritatève censendi declarandive quenquam è Religione Pontificia, quamdiu sic duraverit, in statu esse salutis; præsertim post vocem Angeli in Intervallo *Thyatirensi* prolatam, dicentis, *Exite ex ea, popule mi, ne participes sitis peccatorum ejus, & ex plagis ejus accipiat.* Et Apostolus in prima Epistola ad *Corinthios*; Nè errate, neq; scortatores, neq; Idololatræ, neq; Adulteri, &c. regni Dei hereditatem possidebunt. Et certè qui è *Romana* Ecclesia sunt, obligantur ad persistendum in *Idololatriâ* suis quamdiu vivant; aut ad renunciandum suæ Ecclesiæ, ac proinde ad Damnationem obstringuntur adherendo Ecclesiæ *Romana* nisi in ea possint vivere in æternum. Nam qui in istiusmodi capitali peccato, cujusmodi est *Idololatria*, sine pœnitentia, immò verò in cæca obstinatâq; perseverantia, moritur, qui fieri potest ut æternam evitet Damnationem?

6. Cæterum, etiamsi intra *Apocalypsin* nos continuissemus, ex eo solo libro de re liquidò constitisset, cap. 22. v. 14, 15. ubi omnes *Idololatræ* expressim excluduntur ab arbore vitæ, *Beati qui præstant ejus mandata* (quorum unum est quanquam per Ecclesiam *Romanam* expunctum, *Non adorabis Imaginem sculptilem*) ut sit jus eis in arborem vitæ, &c. Foris autem canes, & venefici, & scortatores, & homicidæ, & *Idololatræ*, & omnis qui amat & facit mendacium. Hi universi excluduntur è cœlesti *Hierosolyma*, & ab esu Arboris vitæ. De qua tamen qui non comederit, certissimè detinetur in æterna mortè. Quemadmodum scriptum est in præcedenti Capite, *Homicidis* scilicet, & scortatoribus, & veneficis, & *Idololatriis*, & omnibus mendacibus portionem esse in stagno ardente igni & sulphure, quod est mors secunda. Quæ sententia istac potest esse expressior?

7. Sed enim præter hanc Divinam adversus ipsos sententiam, *Idololatriæ* etiam sunt,

T t t t t

sunt, à seipsis utiq; condemnati aut saltem adversus seipsos sententiam ferunt, dum tam promptè pronunciant nullos Idololatrias salvari posse, quod frequenter faciunt ut Ecclesiam suam istoc pacto ab Idololatriæ propudio liberent. Etenim quoniam quidam Protestantes pro possibilitate salutis in *Romana* Ecclesia sententiam declarant, illi favorem ultrà extendunt ad liberandos seipsos à *Reatu*, ex eo quòd alii perbenignè præfagierint, per sinceram, quantumvis implicitam, de omnibus suis peccatis pœnitentiam (etiam de eis quæ propria illius Ecclesiæ sunt crimina) per misericordiam Dei in Christo liberandi sint à *Pœna*.

Hoc *charitatis* specimen in quibusdam è nostra Religione illi in locum clypei adhibent, quo omnem *Idololatriæ* imputationem à se defendant, sic argumentando: Nulli Idololatræ salvari possunt: Qui verò è *Romana* sunt Ecclesia juxta horum Protestantium opinionem possunt salvari: Ergo qui è *Romana* sunt Ecclesia non sunt *Idololatræ*.

Verùm enimvero; dum charitate quorundam ad hunc modum abutuntur, apertissimè etiam ex sui Syllogismi Propositione, sententiam Condemnationis à reliquis omnibus in propria Capita necessariò trahunt, quemadmodum & hîc contra seipsos tulerunt, affirmando, omnes Idololatrias damnandos esse, nullòve Idololatræ salvandos. Quippe quòd in præsentî hac Dissertatione, Luce meridianâ clariùs demonstratum sit, Ecclesiam *Romanam* esse *Idololatricam*.

8. Et certè in eo, quòd quidam è nostra Ecclesia eos dicant, per sinceram fervidamq; Pœnitentiam implicitam de peccatis universis (in quibus Idololatrias omniq; alia peccata includunt quorum se, propter cæcam pravamq; educationem, reos esse nesciant) salvari posse, nihil hîc ampliùs conceditur quàm sic, nempe quòd improbando Ecclesiam *Romanam* salvandi sint, & seipsos ab ea quantum possunt, avelendo, acerbiterq; pœnitendo quòd membra illius Ecclesiæ, quatenus talis, unquam fuerint, talèmq; animum gerendo ut statim atq; resciverint quàm corrupta sit Ecclesia, separare se ab ipsa minimè dubitaverint. Aded ut reverà ii è *Romana* Ecclesia quos quidam è nostris salvatum iri opinantur, non aliter salvandi sint, si omnino, quàm per implicitam renunciationem Communionis cum ipsa, quæ in foro Divino accipienda sit pro actuali formalive separatione.

Qua quidem in Positione si ulla esset veritas, ad honestiores *Paganos* perinde pertineret; sed neutros tutari potest, nisi in istiusmodi Circumstantiis, ubi opportunitatem non habuerint ediscendi veritatem: Quæ ex quo Reformatio enituerit, & præsertim hoc novissimo seculo, per Divinam Misericordiam, abundè hominibus est revelata. Ità ut omnes, præsertim ii qui in Protestantium Regionibus Regniſve degunt, omni destituantur excusatione, ac proinde nisi *Pseudoprophetissam* illam *Jezebel* relinquant (quemadmodum in Epistola appellatur ad Ecclesiam *Thyatirenses*) quæ corruptis suis Doctrinis populum decipit crassèq; Idololatricis usibus & consuetudinibus illaqueat, æternæ Dei Iræ ac Damnationi sunt obnoxii.

9. Tam pauxillum profectò est, quòd ab eis è reformatis Ecclesiis, qui mollissimè benignissimèq; de Ecclesiæ *Romane* Sæctatoribus loquuntur, conceditur. Et tamen pauxillum hoc retractum oportet, nisi probare possimus, esse ex ista Ecclesia qui etiam dum ex ista sunt, sinceræ fervidæq; Pœnitentiæ sint capaces. Pœnitere enim ut fur, qui malè sibi metuit à patibulo, Pœnitentia non est salutifera. Pœnitentiam verò sic agere, ut verum decet Christianum, nemo quidem potest nisi Dei Spiritum habeat & in statu sit Regenerationis.

Vera enim Pœnitentia ex detestatione deformitatis ipsius peccati oritur & ex amore pulchritudinis & amabilitatis *Divine vite* veræq; virtutis, quibus nulli tangi possunt nisi qui renati sint ex Deo geniti. Nunc verò sancta illa ac Divina *Nove Nativitatis* sensa, fraudibus & imposturis, Idololatriis crassis, fœvisq; ac truculentis Ecclesiæ *Romane* Parricidiis, quæ illa in charissimos Christi servos per multa jam secula perpetravit, aded contraria sunt, ut impossibile sit cuivis homini qui sanctum hunc sensum assecutus sit, quin continuò ab hac Ecclesia fugiat pari cum horrore & pavore atq; quilibet Rusticus à malo aliquo spectro, aggressivè Diaboli.

10. *Quisquis natus est ex Deo non peccat*, inquit S. *Johannes*. Qui igitur illi sic nati esse possunt, quorum ipsa Religio perpetuum est peccati exercitium, idq; summi generis, quippe qui crassos identidem *Idololatriæ* actus obeunt? Ut prætermittam hîc ipsorum assensum (dum truculentis illius Ecclesiæ Conclusionibus fidem suam dedunt ac suffragia) maximè barbaris ac sanguinolentis Sanctorum Persecutionibus quæ aut jam evenerint, aut suis temporibus evenire possint, aut postea per istam Ecclesiam unquam sint eventuræ: harum, inquam, omnium rei evadunt adjun-
gendo

gendo seiplos sanguinarie isti hominum Societati, apud quos trucidatio eorum qui Idololatriam cum ipsis committere nolunt, atq; sic contra Deum rebellare, in sanctam Papalem Legem abiit ac Decretum.

Ac proinde dico, qui potest quisquam concipere eos homines ex Deo natos esse, qui sanguinariis ac Idololatricis sordibus & impuritatibus tam fœdè contaminati sint, & non in *cæca* potius ac *carnali* conditione constitutos; & omnis veræ ac sinceræ dum sic sunt, Pœnitentiæ incapaces, ac consequenter pœnitentiæ agendæ de quotidianis suis *Idololatriis* quas committunt, & ut plurimum sanè (nè vacillet ipsorum damnatio) in ipso Articulo mortis, quò extra omnem salutis capacitatem positi sint dum membra manent istius Ecclesiæ? Quemadmodum planè apparet tum ex hoc præsentis argumento à natura *Regenerationis* petito, tum etiam ex opinione ipsorum *Pontificiorum* de statu *Idololatrarum* post hanc vitam, tum deniq; præcipuè ex expressa Divini Spiritûs sententia in *Scripturis*, quemadmodum suprà innui.

11. Ac propterea quintò & ultimò, Valdè quidem manifestum est quàm stupidæ ac negligentes suæ salutis illæ animæ sint quæ in *Romanæ* Ecclesiæ communionem persistant, quàmq; immaniter dementes ac vecordes sint ii qui cum nunquam ex ista Ecclesia essent, sed meliora Principia ediscendi opportunitatem habuerint, eaq; imbibierint, inducere tamen animum possunt ut reconcilientur cum ipsa. Non potest sanè quin hoc indicium sit ingentis alicujus defectûs aut *Judicii* aut *Sinceritatis*, quodd ad Religionem unquam allici queant quæ tam longè remota sit à cœlo Deoque.

12. Veruntamen hæc Ecclesia, est, fateor, ut fœmina in *libro Proverbiorum*, & sermone admodum blando & corde callido ac subtili, valdeq; gnara adoriendi illaqueandiq; homines imperitos ac simplices. Illa bellè callet quomodo carnales eorum sensus captivet luxuriosis suis illecebris; *Illa stragulis stravit lectum suum, pistoratis telis Egyptiacis, suffovit cubile suum myrrhâ, aloë & cinnamomo.* Illa Amasios suos excipit quàm dulcissimis Musicæ modulis, suavissimâq; cantat & jucundissimas cantilenas quibus eos in gremio suo consopiat; Tales utiq; quales sunt Idololatricæ illæ formulæ quas produxi, Invocationis Virginis *Mariæ* aliorumq; Sanctorum, quarum illa numerosam habet copiam. Ad quas credo Prophetam *Esaiam* alludere eo in loco ubi loquitur de Civitate *Tyri*, mysticè illuc representans *Romanæ* Ecclesiæ relapsum, *Sume citharam, circui Civitatem meretrix oblivioni tradita, bene cane, frequenta canticum, ut memoria tui sit.* Vide Synopsin Propheti- *Esai. 23. 16.* cam lib. 2. cap. 17. sect. 4.

13. Illa seipsam insuper deaurat pulchris ac speciosis Titulis *Unitatis*, *Antiquitatis*, *Universalitatis*, facultatis edendi *Miracula*, *Sanctitatis* itidem & *Infallibilitatis*, multumq; de se gloriatur, quodd potestatem habeat *Clavium*, tutamq; præstare possit ad cœlos viam *Absolutione Sacerdotali*, & si fortè opus fuerit, ex *repositis Meritis hominum sanctorum* suæ Ecclesiæ, quem *Thesaurum* ipsa custodit ac dispensat, oleum lampadibus addere improvidarum Virginum; atq; ita ipsis supplere operum Justitiæ defectum. Tam blandos sermones habet, subdolâq; verborum artificia ad imponendum imperitis hominum simplicium Judiciis.

14. Verum, quantum ad primum, manifestum est, illam *Unitatem*, quæ per vim consistit, nullum fructum esse *Spiritûs*, ac nullum proinde signum veræ Ecclesiæ; nec illam quidem quæ à liberis Agentibus sit, nisi sit etiam in bonum finem. *Salomon* enim latronum prædonumve consensum describit, animantium se invicem ad prædas & homicidia, & ad tam strictam societatem ineundam ut unum habituri sint marsupium. Ac proinde ut Societas hominum, sub *spiritualitatis* prætextu, in inveniendis consentiant defendendisve istiusmodi Doctrinis aut fictionibus quæ scopo suo *mundo* maxime inserviant, & ad facilius illudendum dorsisq; inequitandum credulorum hominum ac carnalium, quodd Domini fiant personarum ipsorum atq; opum; hæc sanè nulla *sancta* est *Unitas* sed horrida & injusta contra deceptos *Adami* filios Conspiratio.

15. Et quantum ad *Antiquitatem* & *Universalitatem*, utrâq; à parte sunt Protestantium, qui nulla fidei fundamenta faciunt nisi talia quæ manifestò contineantur in Scriptura quæ multò antiquior est multoq; universaliorem habet receptionem quàm ullæ earum rerum propter quas à *Romanæ* Ecclesia discessimus, quæ non sunt nisi fructus illius * *Apostasiæ* in quam post quadringentos ferè annos Ecclesia lapsura esset, secundum Divinam prædictionem. Adeo ut æquè *Antiqui* ac *Universales* simus atq; ipsa Ecclesia *Apostolica*, nec ullius profectò gestimus Ecclesiæ, quæ *Apostolica* non sit, membra apparere.

* Synops. Protest. lib. 2. cap. 6.

Et quantum ad *Miraculorum* venditationem, quæ ad subdola sua Figmenta rati-
ficanda producuntur, ipsæ omnino Fisiones sunt à Sacerdotibus formatae, aut
Diaboli Delusiones: juxta id quod scriptum est de Adventu *Antichristi*, illius
2 Thess. 2. 9. hominis peccati, (qui Papa cum suo Clero proculdubio est) nempe, *Quod ad-
ventus ejus sit secundum operationem Satana in omni potentia & signis & pro-
digiis mendacibus.* Aded ut in proprio dedecore gloriantur, & in notissimo se
Antichristi caractere jactitent, sanctamq; Ecclesiam se probare satagant, privile-
gia sibi vendicando illius hominis peccati & provocando ad signa palpabilia affi-
scentiæ Diaboli. Illinc enim sunt omnia *Miracula* quæ in favorem producuntur
istiusmodi opinionum ac consuetudinum quæ aperte Doctrinis sacrosanctæ Scripturæ
repugnent.

16. Jam verò, quantum ad eorum *Sanctitatem*, Quam sancta Ecclesia sint, ex lectis
Pontificum vitis Historiæq; *Cardinalium*, aliorumq; *Ordinum Ecclesiæ Romanæ* quivis
potest judicare. Quam rancidè omnia Fraudem oleant & Imposturam, Superbiam &
Avaritiam, Ostentationem & Hypocrisin; quam monstruosa *Sensualitatis* Exempla iden-
tidem fuerint ipsissimæ *Pontificum Sanctitates*, quam *Fornicationis* & *Adulterii*, Incestus
& Sodomie; ut *Simoniam* prætermittam, & infernale illud peccatum *Necromantie*.
Quantum verò ad *Homicidium* & *Idololatriam*, horrenda illa *Crimina*, non solum
ipsis familiaria facta sunt, sed & *Legis vim* apud ipsos obtinent, & in ipsam essen-
tiam Religionis eorum sunt intexta. Dic igitur, quam sancta illa Ecclesia sit, cu-
jus Religio *Idololatriæ* & *Homicidii* sit sanctio. Posterioris quorum Criminum,
Sanctæ Inquisitio exemplum est nusquam quidem æquiparandum. Et tamen hæc
Homicidarum Spelunca, cujus officium est trucidare homines qui cum Ecclesia *Roma-
na* *Idololatriam* nolint committere, *Sanctæ* sibi Titulum usurpat.

17. Et quantum ad venditam *Infallibilitatem*, In *Apocalypsi* S. *Johannis* ea
expressim prædicta est, perinde ac *Miraculorum* ostentatio. Nam quemadmodum
Apoc. 13. 13. *Bestia bicornis* dicitur magna signa edere, facereq; ut ignis descendat de cælo,
Apoc. 2. 20. quæ *Bicornis Bestia* Papa est cum suo Clero; ita *Jezebel* quæ eadem est *Hierarchia*,
fœmina dicitur quæ sibi nomen indit *Prophetissæ*, cujus proinde Oracula infalli-
bilis esse oportet. Neq; enim vult intelligi falsam se *Prophetissam* esse quanquam
revera talis sit. Talisq; Papa cum suo Clero à Divino Spiritu judicatur, ex eo quod
Apoc. 16. 13. *Pseudopropheta* perinde ac *Bestia Bicornis* dicitur in illis visionibus S. *Johan-
nis*.

Et dum prætendit se *Prophetam*, facile quidem, etiam citra Divinam Revelatio-
nem, *Pseudopropheta* esse ab illa una notoria *Transsubstantiationis* instantia mani-
festo potest probari. Quæ Doctrina est, quæ communi *Sensui* & *Rationi* omni-
busq; *mentis* humanæ *facultatibus* repugnat, apertèq; maximè perspicuis indu-
bitq; Artium ac Scientiarum omnium Principiis contradicit, quemadmodum suprà
probavi. Aded ut magis certi esse possimus hanc esse falsam, quam quod propria
corpora palpemus, digitosve numerare possimus in manibus pedibusve. Dic igi-
tur, sodes, utrùm verisimilius sit ut Ecclesia *Romana* infallibilis sit, an *Transsubstan-
tatio* merum Figmentum, præsertim cum *mundanis* suis commodis tantoperè infer-
viat, cumq; in tam multis deprehendantur fraudibus & Imposturis. Aded ut *In-
fallibilitas* merus fumus sit inanisque Jactitatio.

18. Et nunc quidem ad *Absolutionem Sacerdotalem* quod attinet, quasi tam tutò
per eam homines ad cælum transmittere possint, ab Infernive faucibus redimere,
hæc certè de *Sacerdotum* suorum potestate gloriatio, grandisonum vaniloquium est,
Johan. 3. 3. haud absumile illius de *Transsubstantiatione*. *Amen, Amen, dico tibi, nisi quis re-
vatus fuerit denud, non potest videre regnum Dei.* Verborumq; formula cuiquam
in lecto jacenti moribundo adhibita, haud majorem vim habet ad regenerandum
hominem quam *quinguerbiale* ipsorum *Carmen* ad transsubstantiandum Panem atq;
vinum in corpus sanguinemq; Christi. Si *Absolutionis forma* sortiatur effectum, in
eos fieri oportet, qui jam reverà regeniti sint, fervidèq; ac sincerè agant pœniten-
tiam, quod nemini competere posse probavi quamdiu & quousq; *Romanæ* Eccle-
siæ adhareat. Aded ut hoc in casu *Æthiops Æthiopem* lavet. Quod frustra suscepti
laboris est dispendium.

Naturæ mutationem oportet esse; alioqui nulla Ceremonia verbave quicquam
valent. Nam *Absolutionis* Formula, *carmen*, quod dixi, non est, quo rerum natura mu-
tetur, sed *Tessera* duntaxat, quâ liberè liceat per Excubitores Exploratoresq; transi-
re, viâq; tuta præstetur ad cœlestes Regionem. Verùm nisi quis per *Regeneratio-
nem* debitamq; *Pœnitentiam*, societatem affinitatemq; cum Sanctis Angelisq; inierit,
sed

sed reverà impurà Infernalique naturà adhuc implicitus sit & irretitus, *Regni tenebrarum* torvi satellites vendicabunt proculdubio quod suum est, certoque eam Animam in locum congenerem, secum captivam abducent, quantumlibet blandis sermonibus auspicatisque Ceremoniis adulabundus Sacerdos eam hinc demiserit. Hæc quidem maximè horrida, maximè periculosa, maximèque perfida illius Ecclesiæ *Romanæ* est Impositura (ad perdendas miseras credulasque Animas, quæ aded usque à vano Sacerdotis habitu ob salutis suæ securitatem dependent) in quam unquam delabi potuisset.

19. Et tamen nec hoc solo ad homines securè in improbitate consopiosos contenti sunt Artificio, sed præter professionem *excantandi* Animas ex *Purgatorio* per *Missas conductitias*, præterque pecuniarias Redemptiones per peccatorum Remissiones ac Indulgentias, nugasque alias nescio quas, ad Ecclesiam homines porro alliciunt hoc quidem nomine, quod magnam illam copiam habeant ac *Thesaurum* quasi *Meritorum* Virorum sanctorum ac Fœminarum; Operum utique *Supererogationis*, quæ sibi tradita prætendunt custodienda & dispensanda. Aded ut misella quævis Anima quæ sua omnia decoxerit, nec ullam bonorum Operum sortem habeat reliquam, abundè hinc, aut prece aut precio, instructa esse possit per hujus *Thesaurarii* mercatores: Quod præterquam quod Blasphema sit meritis Christi derogatio, est præterea crassissima falsitas quæ usquam gentium fando sit audita.

Nam Viri hi sancti quos appellant, Virginisque, ipsi profecto erant miserrimi peccatores, & horridissimis *Idololatriis* immortui sunt, ut qui in praxi illius Ecclesiæ sunt mortui. Et qui illi Ecclesiæ se adjungit, ipse necessariò evadit crassus *Idololatra*; ut præteream eum sigillum suum apponere, reumque seipsum facere effusionis omnis illius infantis sanguinis, sanguinis tot centenorum millium Martyrum, ob veritatem *Evangelicam* trucidatorum, quos *sanguinaria* illa *Fœmina* septem montibus infidens, cum maximè execrandis circumstantiis aded frequenter trucidaverit.

20. Quamobrem quisquis es, qui ullum sensum curæque habeas futuri tui statûs ac salutis, noli huic fœminæ subtilis labii doloque cordis credere, nec fidem habere ipsius fictionibus & grandiloquiis; sed quanto magis se magnificaverit, tanto magis tu eam humiliato, ostendendo ipsi deformem horridumque suum vultum in sacrarum Scripturarum speculo.

Si gloriatur se sanctam illam esse *Hierosolymam* Civitatem sibi simul conjunctam *Psalm. 122. 3.* & unitam, cum reliquis Orbis aded Sectis & Factionibus scateat; dic illi, Eam carnalem illam esse *Hierosolymam* in qua Christus in veris suis membris tam barbarè divexatus sit & trucidatus, lapidatusque ædium ipsius neutiquam vivos esse lapides, sed ferrea omnino violentiâ constrictos, murorumque *lithocollam* largâ infantis sanguinis effusione commixtam esse & contemperatam; siquidem ea bicornis illa Bestia est, quæ animaret *Imaginem Bestiæ* feceritque, ut mandaret ut quicumque edictis illius *Idololatricis* obtemperare noluerint, *occidantur*. *Apoc. 13.* Hæc Unitatis vestræ vis est, quæ à Dei Spiritu non est sed à spiritu Diaboli, qui Homicida erat ab initio. *Protestantium* verò *Diviso*, & sinceræ nostræ investigationis veritatis argumentum est fortiusque contra vos Pontificios Testimonium, quandoquidem, cum aded inter nos divisi simus, tam unanimem tamen adversus vos feramus sententiam, quippe quorum errata atque crimina aded impensè crassa sunt, ut non possit quin libera quævis acies ea facile cernat.

21. Si gloriatur de *Antiquitate*; Indulge ei illuc largiter, addèque porro eam Originem suam ducere à magno illo *Dracone*, *Serpente* illo antiquo qui vocatur *Diabolus* & *Satanas*, qui Homicida erat à Principio. *Vos ex patre Diabolo estis*, inquit *Joban. 8. 44.* *Servator*, patrisque vestri libidinibus libenter obtemperatis. Concedimus sanè & speciem Ecclesiæ vestræ & prosapiam extendi etiam ultra Apostolorum tempora, cum *Bestia bicornis*, *Paganicæ* *Bestiæ Imaginem*, magni scilicet *Draconis rufi*, instauraverit, introducendo iterum antiquas illas sanguinolentas *Persecutiones* & *Idololatrias*. Nobis sufficit quod nostra Ecclesia cum Apostolis inceperit.

Si *Universalitatem* jactitet amplaque Territoria; dic ei, Quod *MAGNA* sit illa *Apoc. 11.* *Urbs*, quæ vocatur spiritualiter *Sodoma* & *Ægyptus*, quodque sit *Babylon MAGNA*, mater illa *Scortationum* & *abominationum* Terra.

Si *Clavium* potestatem crepet & *Absolutionem* Sacerdotalem; dic ei, Quod is qui sanctus & verax est, qui habet *Clavem Davidis*, qui aperit & nemo claudit, & claudit & nemo aperit, hoc est, Dominus Jesus Christus, nunquam has Claves commissurus sit inveterato suo Inimico, notorio illi homini peccati sive *Antichristo*. *Apoc. 3.*

Si bellas suas Merces coram te expandet, *conductitiarum Missarum*, *Indulgentiarum*, *virtutitiorum bonorum Operum*, Virorum, quos vocant, sanctorum Fœminarumque,

Cap. 18.

rúmque, Opéſue ac externos Eccleſiæ ſuæ ſplendores, varietatéſq; opimorum emolumentorum & Dignitatum; dic illi, Quòd ſit Civitas illa mercaturæ de qua ſcriptum eſt, Merces ejus nemo emet ampliùs. *Væ, væ, Civitas illa magna, quæ amicta erat byſſo & purpurâ & cocco, & deaurata erat auro & lapide pretioſo & margaritis; quoniam unâ horâ vaſtata ſunt tanta divitiæ. Nam mercatores ejus erant Proceres terræ, ejúſq; veneficiis ſeductæ ſunt omnes gentes. Et in ea ſanguis Prophetarum & ſanguis Sanctorum inventus eſt, & omnium qui interfecti ſunt in terra.*

Apoc. 13. 13.

14.

Apoc. 19. 20.

2 Theſſ. 1. 9.

Apoc. 2. 20.

Apoc. 2. 14.

Apoc. 19. 20.

22. Si te attonitum reddere ſtudeat ſtupendorum Miraculorum per ipſam patratorem narrationibus; dic ei, Quòd ſit Beſtia illa bicornis, quæ magna edit ſigna, quæq; ſeducit Incolas terræ propter ſigna quæ datum eſt ei ut faciat in conſpectu Beſtiæ decacornis; vel Pſendopropheta ille edens ſigna, quibus ſeducit eos qui acceperint charactèrem Beſtiæ, & qui adoraverint imaginem ejus, qui ſimul cum Beſtia capiendus eſt, ambòq; vivi in ſtagnum ignis ardens ſulphure conjiciendi; vel denique, homo ille peccati filiúſq; perditionis, cujus adventus eſt ex efficacia Satane cum omni potentia & ſignis ac prodigiis mendacibus.

Si illaqueare te tentet per obtentum Infallibilitatis; dic ei, Quòd ſit fœmina illa Jezebel, quæ ſe Prophetiſſam vocat; vel Propheta Balaam, qui Iſraélitas illigavit Idololatriæ, illéq; ipſe Pſendopropheta qui ſimul cum Beſtia vivus conjiciendus ſit in ſtagnum ardentis ſulphuris.

* Apoc. 2. 13.

* Apoc. 3. 9.

* Apoc. 2. 13.

* Apoc. 2. 20.

* Apoc. 19. 20.

* Apoc. 11. 8.

* Apoc. 13. 11.

* Apoc. 17.

2 Theſſ. 2.

23. Et poſtremò, Si tibi imponere vult per ſpecioſum illum multúmque affectatum Titulum Sanctæ Eccleſiæ; dic ei, Quòd Spiritus veritatis in Divinis Oraculis (ſeipſam extollat quantum volet) talem ipſi characterem nuſquam aſſignat, ſed planè contrarium, ſedem Romanam *Thronum appellans Satane, Eccleſiámque eorum *ilius ſynagogam; Papam cum Clero ^bBalaam filium Bozor qui mercedem amavit iniquitatis, quíq; fidelem Chriſti Martyrem occidit Antipam; Fœminam ^cJezebelem quæ ſeipſam vocat Prophetiſſam, ſed reverà erat venefica, verorúmque Prophetarum Domini interemptrix; ^dPſendo-prophetam etiam eam innuit qui vivus capiendus eſt & in ſtagnum conjiciendus ignis atq; ſulphuris; Magnam porrò illam Civitatem quæ ſpiritualiter vocatur ^eSodoma & ^fEgyptus ubi Dominus noster eſt crucifixus; ^gBeſtiám quæ duo cornua habet ſimilia Agni, ſed Draconis vocem Idololatrias imperantis ſæváſq; perſecutiones adverſus populum Dei; ^hBabylonem illam magnam matrem ſcortationum & abominationum Terræ; Mulierem ſeptem montibus inſidentem quæ ebria eſt ſanguine Sanctorum & ſanguine Martyrum Jeſu; Et poſtremò, illum hominem peccati, illum notorium Antichriſtum, qui adverſatur & extollitur ſupra omne quod dicitur Deus, aut quod colitur. Cujus adventus eſt cum omni fraude injuſtitie in eis qui pereunt, pro eo quòd amorem veritatis non receperunt ut ſalvi fierent. Quapropter mittit illis Deus efficaciam Deceptionis, ut credant mendacio, ut damnentur omnes qui non crediderunt veritati ſed conſenſerunt iniquitati, hoc eſt, ⁱπᾱς ὁ φιλῶν perinde ac ^jπᾱς ὁ ποιεῖν ψῆδος. Illi qui Pontificia mendacia ac Impoſturas amant, perinde ac ii qui excogitant & comminiſcuntur, manifeſtò híc declarantur in ſtatu damnationis.

Pro. 5. 3.

Hoc ſaſciculo Rutæ & Abſynthii tanquam Antidoto præmuni te contra Idololatricam Infectionem halitûs mulieris extraneæ, cujus labia tamen ſavum ſtillant, leniúſq; oleo eſt palatum ejus. Et pro compertiſſimo habe eam verè Sanctam Eccleſiam eſſe non poſſe & in qua ſalus expectanda ſit, quam Dei Spiritus tam fœdis planéq; Stygiis Characteribus notaverit, glorietur de propria ſua Sanctitate quantum volet.

24. Et ſi fortè hoc reſponſum tibi dederit, Hoc non eſſe argumentari ſed in ſcripturalibus loquendi formulis convitiari: Breviter hoc illi regere; Cavendum ſcilicet eſſe nè dum ea te convitiarum inſimulat contra obnoxios & peccaminofos homines, ipſa rea deprehendatur Blaſphemie contra ſanctum Spiritum Dei. Equidem fateor, ſi loca illa prophetica iſtiusmodi perſonis applicarentur quibus reverà non competant, enormis omninò eſſet admodúmque agreſtis convitiandi modus, & ab omni Chriſtianitate comuniq; Humanitate longè remotus: Appellare verò Convitia quando applicantur ei ipſi hominum cætui de quibus reverà intelliguntur per eum Spiritum qui illa dictavit, ſpeciem quidem præ ſe ferre poteſt alicujus ſenſûs Civilitatis erga homines, verùm interim pura puta Blaſphemia eſt contra Spiritum Sanctum qui dictavit hæc Oracula.

Quòd verò perperam non applicantur, quivis nullo laborans præjudicio & vel vulgari patientiâ ingeniúq; captu, ſummam, quæ exoptanda ſit, certitudinem aſſequi poteſt, ex illa veritatis demonſtratione quæ octo poſtremis capitibus primi libri Synopſeos Prophetice

Prophetica comprehenditur; ut taceam *Expositionem septem Epistolarum ad septem Ecclesias in Asia*, caputq; illius decimum & ultimum.

25. Quamobrem, ô seria Anima, quisquis es, noli præ *Civilitatis* studio veritatem amittere, nec à destinata propriæ salutis prosecutione, ob inanem sensum applausum opprobriorumve hominum, desistere, ob ullamve considerationem quid ipsi de te sensuri sint quod attestatus sis steterisve ejusmodi veritatibus quæ tam ingratae sint multorum auribus, sed tam immensi interim momenti ut ab omnibus audiantur. Neq; enim minor res vertitur in delectu Ecclesiæ cui adhærendum sit, *Romanæ* an *Reformatæ*, quàm cœli hæreditas æternæq; vitæ ac gloriæ.

Quamobrem his armis accinctus strenuè te defende, & quandocunq; blandis verbis impetitus fueris mellitisq; sermonibus callidæ illius Mulieris, (quæ speciem quidem præ se geret magnæ sollicitudinis de futura tua felicitate, contentissimè te invitans, ut in gremium redeas Sanctæ Ecclesiæ) fac fideliter memineris quàm sancta sit illa Ecclesia juxta descriptionem Divinam, &, si assensus fueris astutis ejus persuasionibus importunisq; blandiloquiis, quod ipso facto, (da verbo vehementi veniam) Inferni faucibus te committas, conjiciásq; te ipsum in amplexus Diaboli.

Matth. 23. 15.

Deus pro infinita sua misericordia nobis omnibus largiatur gratiam, ut quæ dicta sunt, attentè perpendamus, mortisq; laqueos sic æternùm evitemus. Amen.

FINIS.

NUPERI

The first of these is the fact that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The second fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The third fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field.

The first of these is the fact that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The second fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The third fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field.

APPENDIX

The first of these is the fact that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The second fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field. The third fact is that the Academy has been able to secure the cooperation of the most distinguished scholars in the field of American history and literature. This has been accomplished through the efforts of the Secretary, Mr. [Name], who has been able to attract to the Academy the most able and accomplished scholars in the field.

NUPERI
ANTIDOTI
ADVERSUS
IDOLOLATRIAM
APPENDIX:
IN QUA

Vera & adæquata Notio seu Definitio

IDOLOLATRIÆ

Communiter sic dictæ proponitur,

Exempla plurima istiusmodi Idololatriæ in

ROMANA ECCLESIA

Per propositam Definitionem examinantur,

Consuetudines quædam in

ECCLESIA ANGLICANA

Vindicantur,

Seriæq; aliquot Monitiones de

IDOLOLATRIA SPIRITUALI

demum annectuntur.

Per *Henricum Morum* Cantabrigiensem.

LONDINI,

Typis *J. Macock*, Impensis *Johan. Martyn* sub Signo Campanæ, & *Gualteri*
Kettilby sub Signo Capitis Episcopi in Divi *Pauli* Cœmeterio.

MDC LXXIV.

NUMERI

ANTI DOTTI

ADVERBII

IDOLOLATRIAM

A. P. E. N. D. I. X.

IN QUA

Viri & adscripti Notio seu Definitio

IDOLOLATRIÆ

Compendio de eisdem scriptura

Exemplis pluribus illustrata Idololatris in

ROMANA ECCLESIA

Per Propositiones & Resolutiones examinatur

Constitutio in eisdem in

ECCLESIA ANGLICANA

Indicantur

Scripturae & non rationes de

IDOLATRIA SPIRITUALI

deinde amonetur

Per Resolutiones & Propositiones in

ADVERBII

Typo V. M. 1671. Typographi J. W. & J. W. Typographi J. W. & J. W. Typographi J. W. & J. W.

M. D. C. L. X. V.

NUPERI
ANTIDOTI
ADVERSUS
IDOLOLATRIAM
APPENDIX.

I.



UID fit, haberive debeat *Idololatria* apud Christianos, in *Antidoto adversus Idololatriam*, sufficienti quidem, quantum ad usus religiosos, evidentia ac certitudine jam detexi; sed tali interim ratione, ut varios tantum casus Instantiasve *Idololatriæ* exhibuerim, easque sic esse, aut per *Testimonium Divinum*, aut *commune hominum*, Christianorum puta, *suffragium* potius quam ex intrinseca ac generali *Notione Idololatriæ* probaverim, quæ illi *Tractatui* minimè destinabatur inferenda. Quandoquidem ista Methodus, quam tunc adhibui, ad eos usus finisque suffecit, quos mihi tunc proposueram, nempe ut

I. *Methodi sui in Antidoto adversus Idololatriam, brevem Explicationem.*

homines per argumenta perspicua atque obvia convincerem, quæ res professæ ac quotidiano usu in Ecclesia Romana celebratæ, justè possint *Idololatriæ* censerì.

2. Nunc verò, ut *Genio* magis curioso ac Philosophico cumulatius satisfaciamus, minutiùs & scrupulosius singula scrutabimur, & ex variis illis instantiis in *supradicto Tractatu* allatis unam generalem *Notionem Definitionemve Idololatriæ* communiter sic dictæ extrahemus & veram & adæquatam, quæ certa futura sit mensura quæ expeditè intelligere possimus, quid reverà *Idololatria* sit quid non. Nam manifestum est, ad quamcumque rem *Definitio* pertinet, *Definitum* ad eandem pertinere; & ad quamcumque rem *Definitio* non pertinet, *Definitum* ad eandem non pertinere. Quo innumerarum *λογωμαχiarum* occasio præscindetur, viâque intercludetur eis, qui in vaga verborum *Notionumque* incertitudine latebras sibi quærunt & suffugia. Aded immensi momenti res est, veram ac adæquatam hujusmodi *Idololatriæ* *Definitionem* proponere, Quam hanc esse censeo: *Cultus ritualis superstitiosus, quo, aut ex vi instituti consuetudinisque, aut ex naturali rerum verborumve significatu, Peculiaritates Divine violantur.* Nullum genus actusve *Idololatriæ* communiter sic dictæ sive *Ritualis* est qui sub generalem hanc *Notionem* non cadat, nec genus ullum actusve cultus *Ritualis* qui sub ipsam cadit, qui non sit *Idololatria*, quemadmodum post *Definitionis* explicationem apertius apparebit.

II. *Definitio Idololatriæ cum indicatione illius utilitatis.*

3. Quantum ad terminum definitum, *Idololatria*, nemo quisquam sanè adeò imperitus est, (quanquam secundum *Notationem Nominis*, cultum *Imaginis* seu *Idoli* propriè significat) ut hunc adæquatam *Idololatriæ* sensum concipiat, quandoquidem illi qui *Solem* colunt, pro *Idololatriæ* habentur, etiamsi eum colant sine *Imagine*. Ac proinde exemplo illo scrupulo, nihil obstat quò minùs *Idololatriæ* *Notio* æquè lata sit atque proposita *Definitio*; Quæ est, *Cultus Ritualis superstitiosus, quo, aut ex vi Instituti consuetudinisque, aut ex naturali rerum verborumve significatu, Peculiaritates*

III. *Explicatio Definitionis.*

Explicationis
Particula 1.

Partic. 2.

Partic. 3.

Partic. 4.

Partic. 5.

Partic. 6.

Partic. 7.

Prov. 26. 18.

Partic. 8.

Divinae violentur. Quorum singulorum Terminorum vim sensumq; breviter indicabimus. 1. Primum igitur, per cultum non intelligitur nuda aliqua opinio de objecto cultus. Nuda enim opinio de natura Objecti, Objectum respicit ut *speculandum*, non ut *colendum*. Cultus verò Objectum respicit ut *ale*, ad quod animus honorifico aliquo affectu seu devotione aut verà aut saltem simulatà feratur. Unde palàm est, *nudam Opinionem* non posse esse cultum, nec proinde *Idololatriam*, quamvis istiusmodi esset opinio quàm Peculiaritates *Divinae* violentur. 2. Multòq; minùs cultum *Ritualem*, qui est significatio honoris ad Objectum delatà, per signa externa & sensibilia, per verba utiq; gestus corporis aliive actiones; Hisce enim universis destituitur nuda Opinio. 3. Nec his contentus, addo tertio in loco, *superstitiosum*, ad cultum *Ritualem*, ut genus magis immediatum proximùmve esse possit. Per *superstitiosum* verò *Pseudo-religiosum* intelligo, si fas sit ità loqui, hoc est, falsum depravatùmq; Cultum Religiosum. 4. Objectum verò nullum nòminò, quoniam ad nullum unum Objecti genus restrictum volo; verùm sive *Deus* coli pretendatur, sive *Sanctus* seu *Angelus*, Objectumve aliud cujusmodicunque, quando eà ratione fit ut *Divinae* Peculiaritates violentur, hoc ipsum *Idololatria* est secundùm hanc Definitionem. 5. Cultus igitur *Ritualis superstitiosus* Genus proximum est Definitionis; Reliquum est Differentia, viz. Quo ex vi Instituti consuetudinisque, aut ex naturali rerum verborumve significatu, *Divinae* Peculiaritates violentur. 6. Quo] i. e. quo adhibito. Ex vi Instituti Consuetudinisq;] Sensus est, Si cultus hic ritualis adhibeatur, non pendere à mente Cultoris transiturus sit ad Objectum necne, sed certò, quantumlibet internum cultus actum suspenderit, ex ipsa vi Instituti consuetudinisq; ad assuetum transibit vulgòq; cognitum cultus Objectum. Ut si quis in Natione ubi in Templis *Solem* colunt incurvando se versùs *Orientem*, ipse etiam in Templo cum ipsis se versùs *Orientem* incurvaret; ut internum Animi cultum suspenderit, externà tamen illà incurvatione reverà coleret *Solem*, & manifestam committeret *Idololatriam*. 7. Aut ex naturali rerum verborumve significatu.] Eadem ferè ratio est quæ prioris clausulæ, eadèmq; res innuitur. Quod veri scilicet cultus *Ritualis*, quatenus *Ritualis*, præstatio, ab intentione nostra non pendet, sed à naturali rerum verborumve significatu, quem intentio nostra non mutat. Qualis est, inquit *Salomon*, qui insaniam simulans jaculatur ignes, sagittas, necem, talis est qui fraudulenter nocet amico suo, & deprehensus, se equidem ludere dicit. Verùm istæ Actiones lulum non significabant, sed malignum nocendi studium. Qui igitur fraudi, injuriæ, & Imposturæ dant operam, Actionum quidem istiusmodi hominum, non ex professà simulatave ipsorum intentione, sed ex naturali ipsius rei significatione omnino intituenda est Interpretatio. Quicquid contra genuinam ac domesticam rei ipsius indicationem fingitur, legitima Interpretatio haberi non debet, sed absurda ac distorta hominum in malo dolo deprehensorum tergiversatio. 8. Quod verò ad naturalem verborum significatum attinet, non sic intelligo ac si nullus figuratus verborum sensus admittendus esset sed nativum tantùm, verùm quòd nullus figuratus admittendus sit, qui non sit itidem naturalis, modòve legitimo figuratus. Neq; enim verborum sensus, quem quis intendat à nativo discrepans, statim figuratus est, sed si ad certam Figuram referri possit, nec contra generalem *Rhetoricæ* scopum usurpari. Neq; enim nos pro libitù novas in *Rhetoricæ* Figuras excudere possumus, non certè magis quàm novos Modos in tribus Figuris *Dialecticæ*. Sed omnia mensuranda sunt fine utriusq; Artis, Bene dicendi in prima, in altera Bene differendi. Quicquid consentaneum non sit posteriori, nullum esse potest præceptum in *Dialecticæ*; quicquid priori non sit consentaneum, nullum præceptum in *Rhetoricæ*. Et certè si pretendatur usus ullius ratæ Figuræ in *Rhetoricæ* qui illi fini non sit consentaneus, Figurà, quàm pretendimus uti, hìc sanè uti non possumus, sed verba, nostro loquentium periculo, in proprio suo sensu remanent. Ut si vecors quispiam homuncio, admodùmq; absoni ingenii, sic orationem suam ad Deum ordiretur, O infinitè impotens, inspiens & immisericors Deus! & prætenderet Ironiam esse sensumq; se contrarium sic loquendo subindicare, nūnam hoc eum liberaturum esset à maximè horrenda blasphemia? Minimè gentium. Usus enim illius Figuræ, hoc in loco, generali fini *Rhetoricæ*, quæ est Ars bene dicendi, non est consentaneus. Cum quo fine nulla detestabilis, deformis absurdq; loquendi formula potest convenire. Quamobrem si sensus figuratus hìc admitti nequit, ubi figura reperitur tam obvia ad quam sermo possit referri, quomodo Figuræ prætexus eum sermonem excusare potest, quem vel *Rhetoricæ* peritissimus difficulter inventurus sit Figuram ad quam referret? Exempli causà, si quis *S. Franciscum* sic oraret, O sancte Francisce, da mihi spiritum gratiæ in hac vita & eternam gloriam in vita futura; Ad quòd quopiam exclamante, crassissimam

crassissimam esse *Idololatriam*; si is qui absurdam hanc ac *Idololatricam* precandi formam adhibuerit, diceret, se figuratè intellexisse, nec quicquam amplius intendisse, quàm si sic orasset, *O sancte Francisce, Deum ora ut largiatur mihi spiritum gratie*, &c. hic etiam sermo cum tantam nauscam creet & detestationem, tantumq; pariat scandali, non potest esse *sermo figuratus*, sed necessario in proprium verborum sensum clauditur & quasi obseratur; & quemadmodum ille alter horrendam *Blasphemiam*, ità hic crassissimam *Idololatriam* commisisse meritò est existimandus. 9. *Peculiaritates Divine*]

Partic. 9.

Hoc magis generali ac abstracto Termino [*Peculiaritates*] uti hic coactus sum, ut complecti possit quæcunq; Deo sint peculiaris, sive *Attributa* sint, sive *Itus selecti*, illiusq; cultui appropriati, quos illius delectus satis est ad peculiare sibi efficiendos, quanquam penitus inspecti naturalem etiam habere possunt significationem earum Excellentiarum quæ Divino Numini sunt propriæ. Huiusmodi sunt *Templum* habere, *symbolicamq; Præsentiam* sibi erectam ad *Invocationem* cultumque, *Orationes ante hanc Præsentiam symbolicam effusæ*, *Incensq; suffumina*, *Lampades etiam Lucernæve accensæ*, &c. Hi, horumq; similes, modi erant quos elegit Deus ad significandum honorem cultumq; sibi debitum, ac proinde ad alium quemlibet colendum eisdem adhibere *Peculiaritatem* illius est violatio. 10. Et

Partic. 10.

quod ad *Attributa internæve Dei Peculiaritates* attinet, non parvi quidem momenti est sensum definitionis rectè hic intelligere. *Divina igitur Peculiaritas est quicquid nusquam reperitur nisi in solo Deo.* Ut si v. g. Divina Perfectio includeret in se 1000, *Millèq;* omnes complecteretur Numeros ac Perfectiones, nulla verò *creata* Perfectio plus quàm 10 includeret, si 15 annumerarentur *creata* Perfectioni, manifestum est quod id quod *Divina* Perfectioni peculiare est, attribueretur *creata*, ubi deest; Nam 15 inveniuntur quidem in 1000, in 10 verò nequaquam.

Non solum igitur 1000 Divina perfectio est, sed numeri omnes supra 10; hoc est, non solum integra, si fas sit ità loqui, Divinitas Deo peculiaris est, sed quicquid ipsi insit perfectionis quod nusquam alibi reperitur. Hoc nisi verum sit, nulla unquam à Paganis in innumeris suis Diis Dæmonibusve colendis commissa est *Idololatria*, integram enim Divinitatem Divinamve Perfectionem nulli nisi uni soli summo Deo attribuerunt. Ut verbo igitur absolvam; *Non sola integra Divinitas, Divinamve Attributum integrum, sed portio quolibet gradusve, strictiusve quavis generica, majorave quæcunq;* quàm quæ in *ulla Creatura* inveniuntur, Divina peculiaritates sunt habendæ. Ut si quis *Omniscientiam* alicui creaturæ tribueret, sed aliunde *derivatam*, (cùm Divina sit à se, ut & sua Essentia) cùm tamen *creata* & *derivata Omniscientia* genere conveniunt, nec ulla omnino Omniscientia reperitur nisi in solo Deo, etiam generica hæc *Omniscientia natura* illi soli competit, nec potest quin habeatur *Peculiaritas Divina*.

Eademq; ratio est de portione gradive huiusmodi *Omniscientia*, sive *Omnipercipientia*, de *Omnipercipientia* putà *cælesti terrestri*ve, modò major sit quàm pro creatura, & sic de reliquis. Atq; ea propter, in exhibendo cultu objecto alicui creato, si ex naturali rerum *verborumve significatione*, quemadmodum partic. 7. & 8. explicavimus, huiusmodi *Omnipercipientiam* attribuiamus, *Divinarum Peculiaritatum* aperta est violatio. 11. Nam per *Divinarum Peculiaritatum* violationem, quodlibet genus prophanationis aut vilificationis earundem intello, sive obscurando minuendove eas in ipso Deo, sive eas aliis communicando. Ut si istiusmodi *Præsentia symbolica* ad cultum illorum dirigendum erigeretur, quæ Deum prætendat representare, qui prorsus est irrepræsentabilis, ut qui infinitæ Majestatis est atq; Amplitudinis, hoc certè imminuere esset, obscurare planèq; abolere infinitam illam ac gloriosam Dei Majestatem quæ ipsi est peculiaris atq; propria, adeòq; *Idolum* eum efficere, quod manifesta proinde esset *Idololatria*.

Partic. 11.

12. Erigere verò *Præsentiam symbolicam Creaturæ*, hoc ob aliam rationem *Idololatria* esset, quippe quod *Omnipræsentiam* vel *Omnipercipientiam* majorem sanè quàm pro Creatura, ex partic. 7. hujus Explicationis, *Creaturæ* inesse implicaret.

Partic. 12.

4. Nam *Præsentia symbolica* nihil aliud est, nisi *Figura Imagove aliqua instituta vel erecta ad invocandum supplicandumve, alitè quavis ratione religiosà ad illam invisibilem Potestatem spiritumve colendum cui facta sit aut erecta.* Adeò ut summatim loquendo, omnis *Idololatria* istiusmodi sit, ut aut *Deum* mutet in *Idolum*, aut *Idolum*, hoc est, *Creaturam*, cui religiosum cultum præbemus, aliquà ratione mutet in *Deum*, illi scilicet tribuendo quod peculiare est Deo.

IV. Quid sit Præsentia symbolica.

5. Ex quo, ut omnem omnino circa terminos litigandi occasionem præscindamus, concludendum est, Cultum illum *Religiosum* qui perperam applicatus exhibitusve ulli Creaturæ *Idololatriam* constituit, rectè verèq; appellari etiam posse *Divinum*. Talisq; reverà est si Actum reddit *Idololatricum*, quippe supponit eum

V. Illum Religiosum Dæmonum cultum qui verè Idololatriæ erat, verè fuisse Divinum.

Divini

Divini Numinis *Peculiaritatem* aliquam violare, illamq; tribuere Creaturæ, atq; eo sanè respectu *Creaturam Deum* facere, immò addere potes etiam *Deum illum summum*, quippe quòd eo caractere eam indigitat, qui nusquam reperitur nisi in *summo Deo*. Nam persona quævis quæ sexcentos putà habeat characteres proprios ac peculiare nusquamq; alibi inveniendos, vel uno ex istis æquè certò definitur quàm universis, & qui personam per unum ex illis characteribus describit, *naturali rei significatu* eam ipsam personam indigitat quæ reliquos habet quingentos nonaginta novem; & si alienæ personæ singularem istum characterem applicet, eam ipsam, *naturali rei significatu*, illam personam facit characterum sexcentorum, quum nemo sit qui unum habet quin habeat omnes, nec ulli eorum nisi in unica certa persona reperiantur juxta Hypothesin. Atq; hujusmodi sanè *cultus Divinus* ille erat quem Ethnici *Demonibus* suis tribuebant, quanquam illi *Religiosum* tantummodo eum censebant, talémq; qui ipsi Deo peculiariter non competeret: Quod speciatim observari potest in *Platonistis*, quos tamen nec S. *Augustinus* nec ulli alii serii Christiani dubitabant in suo *Demonum* cultu, Idololatrias fuisse. Ac proinde si *justis* velimus uti *ponderibus* ac *mensuris*, quicunq; *Christiani* consimiles Ritus obeunt Sanctis Angelisve, prætendentes interim *Divinum cultum* non esse sed inferiorem quendam cultum *Religiosum*, illi etiam censendi sunt committere *Idololatriam*.

VI. Pontificis
Idololatria con-
vincendi me-
thodus in hoc
Tractatu.

6. Atq; hæc quidem una Methodus erat, eaq; satis utilis ac solida, coarguendi *Romanam Ecclesiam* de suis *Idololatriis*. Veruntamen sepositis in præsens omnibus illis exterioribus magisq; obviis argumentis, magis præcisè Philosophicèq; nunc agemus, argumentantes à solo illo maximè intrinseco essentialiq; Topico *Logica*, *Romanæq; Idololatriæ* per intimam rei *Notionem Definitionemve* examinabimus, ostendentes quòd etiam illud quod per *solan Divinam Revelationem* Idololatria videri possit, si altius penitusq; inspiciatur ac perpendatur, *Idololatria* etiam sit secundum propositam *Definitionem*.

VII. Quòd pro-
hibitio cultus
Dei per Imagi-
nem sit natu-
ralis sensus se-
cundi Præcepti.

7. Ut certè cultus Dei per Imaginem planè per Deum ipsum in secundo præcepto declaratur *Idololatria*: *Non facies tibi Imaginem sculptilem, &c. non incurvabis te ei neq; coles, &c.* Incurvatio Imagini illiusq; cultus, quanquam sub prætextu Deum colendi per eam, apertè prohibetur per hoc præceptum. Prohibitio enim cultus Dei alieni sufficienter evidens est ex primo Præcepto, ut nihil opus sit quicquam ea de re superaddi. *Ὁὐκ ἔσονται σοι θεοὶ ἄλλοι ἢ ἐγώ, Non habebis Deos alios præter me.* Quid potest esse expressius? Quò clare pronunciat quòd ipse solus colendus sit, idémq; simul sic pronunciando *Israëlitis* imperat. Cui naturaliter consequens est, Quòd proximum Præceptum saltem præcipuè circa puritatem congruitatémq; illius cultus versetur, prohibendo nè quis eum per Imaginem colat incurvando se versùs eam, eamve colendo quanquam cum Relatione ad ipsum. Hic maximè naturalis, quinimò necessarius quidem sensus est hujus præcepti, si extremam consideremus incredibilitatem aliarum omnium Interpretationum quæ afferuntur aut afferri possunt.

VIII. Quòd alii
sensus omnes
planè impossi-
biles sunt & in-
credibiles.

8. Nam supponamus primùm sensum esse, *Non incurvabis te versùs Imaginem quam tibi feceris & erexeris, nec coles eam*; ipsam Imaginem, inquam, Dei loco vel pro Deo non coles: Effet certè rei prohibitio, quæ humanæ Naturæ factu sit impossibilis; ut *Judæus* scilicet Imaginem coleret quam ipse ex ligno lapideve fecerit, pro illo Deo qui eum è terra *Aegypti* eduxit, & ex domo servitutis, quiq; universum adeò mundum creavit; tanquam si Imaginem ligneam lapideamve hunc Deum putare posset, nec eam cum Relatione duntaxat ad ipsum colere. Quàm delirum & nugacem hic fingere volunt *Divinum Legislatorem* per istiusmodi prohibitionem quæ ea hominibus interdicat quæ factu ipsis prorsus sint impossibilia? Et nunc alterum quidem hujus præcepti sensum esse supponamus, (neq; enim plura vel meditati ullius momenti mihi occurrunt) *Non facies tibi Idolum*, hoc est, Imaginem *Numinis* cujusvis *Paganici Delve falsi* cujusmodicunque. Hunc Principalem sensum esse non posse, manifestum est; Primùm, à conspicua superfluitate hujus præcepti, cum hoc tam strictè apertèq; antè interdictum esset, nè haberent Deos *Paganicos*, ullòve omnino Deos præter ipsum *Jehovam*. Quod dum observant, impossibile est ut faciant sibi Imagines aut Idola eorum Deorum quibus incurvent se ac colant. Aded ut prohibitio sit quæ planè supervacanea foret, si ille solus esset sensus hujus præcepti.

Et tum dein sensus hic cum verbis subsequentiis malè cohæret, *Ego Dominus Deus tuus Deus sum zelotypus*: Quod suspicionem innuit malè servatæ fidei inter membrum quodlibet Sponsæ suæ, Ecclesiæ, ac seipsum; nè illud alteri communicaverit quod ipsi peculiari modo debetur. Quòd si *Judæi* Idolum facerent, hoc est, Imaginem Dei alicujus

alicujus Paganici eamq; colerent, res plusquam in suspitione esset, aperteq; & ex professo reperirentur fidem *Jehovæ* fefellisse, & adulterium commisisse cum Deo alieno.

9. Quibus addere potes tertio, Quod ipse Deus hoc præceptum sic interpreta- tus sit, se nolle utiq; coli per Imaginem quantumvis erectam cultamq; cum relati- one ad seipsum. Quemadmodum abundè manifestum est in vitulo aureo quem *Aaron* fecit, qui non destinabatur in Imaginem *Apis* Dei illius *Ægyptiaci* sed sym- bolica Præsentia erat *Jehovæ*. Equidem *S. Stephanus* ait, Act. 7. 39, 40. *Et aver- si sunt corde suo in Ægyptum* (forte sensu etiam crassissimo si *Aaronem* ad suum propositum attrahere potuissent) *dicentes Aaroni, Fac nobis Deos qui præcant no- bis: sed verissimillimum est reprehensionem tantum esse affectationis rituum Ægypti- acorum in rebus Religionis, dum visibile aliquod Objectum Figuramve desiderabant, quâ fidem sustinerent, & in quam Devotionem suam impenderent, secundum mo- dum Ægyptiorum qui Divinum cultum Imaginibus præstabant. Ad hunc modum Re- ligationis, animi ipsorum impensè propendebant, sicuti & oribus salivam movebant ollæ carniū Ægypti. Ob quod facinus porro reprehenduntur Psalm. 106. 19. Et fecerunt vitulum in Horeb & adoraverunt Imaginem sculptilem, & mutaverunt glo- riam suam, hoc est, Deum Israël, Divinamve ejus præsentiam, in similitudinem Vituli comedentis fenum. Tanquam si *Jehovab*, Omnipotens, Infinitus, & Æternus ille Deus, qui ea magnalia fecit in Ægypto, mirabilia in terra Cham, terribilia in mari rubro, repræsentari posset per ullam talem figuram. Adeò ut hac in re planè oblitus esset Deum Servatorem, quàm excellens sit Essentia prorsusq; per ullam Imaginem irrepræsentabilis, & oblitus mandatum illius (qui specialis est summig; profectò momenti modus eum obliviscendi) Non facies tibi Imaginem sculptilem, non incurvabis te ei nec coles eam.*

IX. Aureum vitulum Imaginem *Apis* non fuisse sed symbolicam Præsentiam *Jehovæ*.

10. Cæterum hulla loca tam idonea sunt ad convincendum, quod aureus Vitulus quem *Aaron* fecit factus sit ac adoratus cum Relatione ad *Jehovam*, quàm quæ in ipsa Historia occurrunt. Deus populo promiserat se Angelum suum missurum qui præcat ipsis & custodiat eos in via, Exod. 23. 20. Hoc cum populus cognosceret desperaretq; de *Mose* unquam rursus videndo, aut impatiens esset illius tam diutinae moræ in monte (quod *S. Stephanus* interpretatur rejectionem *Mosis* ipsiusve repul- sionem ab eis, Act. 7. 39. de *Mose* enim dictum est non de Deo) accedunt ad *Aaronem* (Exod. 32.) dicuntq; ei, *Surge, fac nobis Deos qui nobis præcant*. Cui postulatu statim assentitur *Aaron*, & postquam ab ipsis in aures aureas recepisset, formavit ex eis vitulum conflatilem. Dixeruntq; continuo, *Hi sunt Dii tui, Israël, qui te eduxerunt de terra Ægypti*. Et edificavit *Aaron* Altare coram hac Imagine quam ipse fecerat, & clamavit voce Præconis dicens, *Cras solennitas Domini est*, id est, *Jehovæ*. Et die crastino juxta hoc edictum, festum celebrarunt, & obtulerunt Ho- locausta hostiasq; pacificas huic ipsi Imagini. Nunc dicat quivis, qui nullo laborat præjudicio, cui symbolica hæc Præsentia erigi posset præterquam *Jehovæ*? An non *Israélite* ab *Aarone* petebant quod Deus promiserat? Angelum in quo Deus suum positurus esset nomen? Nunquid dubitabat *Aaron* ipsorum postulatu annuere & explere? An non populus de symbolica hac Præsentia clamat, *Hi sunt Dii tui, ô Israël*, vel quod idem est, *Hic est Deus tuus, ô Israël*, (quemadmodum habet *Nebe- mias* cap. 9. v. 18.) *qui eduxit te de terra Ægypti*, quod planè impossibile est ut intelligant de Vitulo aureo qui hesterno primum die factus est, ac proinde necessa- riò intelligitur de illo Deo qui ipsos ex *Ægypto* eduxerat, qui *Jehovab* est, nullum autem Numen *Ægyptiacum*, sed is qui omnes illas plagas *Ægypto* superinduxerat, extensq; brachio populum suum liberaverat. Et postremo, Annon Altare extru- ctum coram eadem symbolica Præsentia, Diesq; festus indictus qui celebretur Do- mino? Quæ magis perspicua coherentia exoptari potest ad certitudinem sensus ullius loci Scripturæ confirmandam?

X. Quod Hi- storia aurei vituli hunc sen- sum planè sup- ponit.

11. Omnia ductu naturali in hac Hypothesi fluunt: Supponendo autem Vitulum hunc, symbolicam Præsentiam *Apis* Dei *Ægyptii*, qui formâ erat bovinâ (Quod ali- quibus antiquorum Patrum occasionem, opinor, dare poterat sentiendi sic esse, quippe qui non considerassent *Cherub* etiam significare *Bovem* vel *Vitulum*, unamq; è formis Angelicis in curru Dei & *Bovem* esse & *Cherub* appellari, *Cherubinosq;* in Arca hujus figuræ fuisse, quod symbolum est Angelorum qui sunt currus Dei, Psalm. 68. 17. *Currus Dei non semel decem millia, multiplicia millia in quibus est Dominus sicut in Sinai in sanctitate*. In quo sancto monte currus hic, seu quadrigæ (quoniam ex quatuor partibus consistebat) conspectæ sunt ab *Aarone*, quemadmo- dum illæ ab *Ezekiele*, ubi una pars formam Bovis vel Vituli habebat, cunctaq; qua-

XI. Crassa Re- pugnantia quas involvit suppo- sitio, quod vi- tulus symbolica præsentia sit Dei *Apis*.

tuor

tuor. pedes *bovinos*. Tam parum aliena est forma *Bovis* vel *Vituli* ab usu *Præsentia* repræsentandæ Dei *Israëlis*) sed supponendo, inquam, quod non sit *Præsentia* symbolica *Jehovæ*, sed juxta Opinionem quorundam (quam ex honore quem Patribus deferunt, amplectuntur) *Apis Egyptiaci*, quam durum interim & intolerandum opprobrium in summum Dei Sacerdotem Pontificemve conjiciunt dum affirmant eum tam profanè impièq; Idolum *Ægyptium* Dei populo colendum erexisse, operamq; eis commodasse in violando tum primo tum secundo præcepto simul; atq; etiam tunc, cum populus tantum flagitabat ut promissum ipsis factum compleretur, nempe ut *visibilis Præsentia* Dei, Angelive in quo nomen suum posuerit, eis præiret itinerantibus, & tamen *Aaronem* nihilominus in hujus locum *Præsentiam symbolicam* alieni Dei substituisse? Præterea ipse populus de eo sic non sentiebat, quippe qui declarabat *symbolicam* esse *Præsentiam* illius qui eos de terra *Ægypti* eduxerat. Nec possibile fuit ut crederent *Ægyptium Apim* fuisse qui id fecerit, quiq; omnes illas plagas propriæ terræ inflixerit in gratiam populi extranei. Huc accedit, Quod universa declarantur fuisse per *Mosem*, in Nomine Dei *Israëlis*, facta, cui & *Aaron* Altare coram Vitulo extruxit, Diemq; festum *Jehovæ*, Præconis voce indixit; quod si per Vitulum hunc intelligeretur *Apis Ægyptius*, par esset repugnantia, ac, si quis diceret, *Apim* & *Jehovam* unum idemq; esse Numen.

XII. Certitudo hinc falsa, quod secundum Præceptum, Cultum Dei per Imaginem prohibeat.

12. Quamobrem de nulla re magis certi esse possimus quam quod aureus hic Vitulus sive *Cherub Jehovæ* erectus sit per *Aaronem* & sic à populo intellectus. Cujus tamen *Cherubi* cultum apud omnes in confesso est fuisse *Idololatriam*. Unde manifestò sequitur, quod secundum præceptum cultum Dei per Imaginem prohibeat, quod erat probandum. Nec certè scio quibus suffugiis adversæ sententiæ homines tam claram evadere possint hujus Argumenti Præceptiq; evidentiam. Cum Deus tam apertè mentem propriæ suæ legis per severam suam vindictam in cultores vituli aurei quantumvis sibi erecti, sit interpretatus.

XIII. Duae evasiones ad evitandum hunc sensum; Prima à Translacione vocis *ἰδωλον* apud Septuaginta, proposita & refutata.

13. Optimæ maximèq; pervulgatæ Evasiones hæ duæ sunt. Prima est, quod *Septuaginta* Interpretes, dum *ἰδωλον* reddunt non *ἡμιῶν sculptile*, sed *Idolum*, satis clarè insinuant Imaginem ad cultum veri Dei hic non prohiberi, sed *Idola* tantum sive Imagines Deorum Paganicorum aut quorumcunq; Deorum falsorum. Qui verò sic argumentantur, oblivisci videntur, quod *Græca* vox *ἰδωλον* æquè indifferētis latèq; significationis est atq; *Latina* vox *Imago*. *Plotinus* cum rogaretur ut sederet ad Picturam ejus delineandam, recusavit, dicens, se nolle eis id negotii facessere ut *ἰδωλον εἰδωλον* describant, ut *Imaginem Imaginis*, *umbræ umbram* delineant. Adè ut meliori ratione concipere possimus *Septuaginta* hoc vocabulum elegisse, tanquam universalem, contra non modò *Statuarum* sed & *Picturarum* cultum, obicem: vel delectum fecisse vocis *ἰδωλον* potiùs quam *ἡμιῶν sculptile*, quia determinatiùs significat istiusmodi *sculptilia* quæ Imagines sint Imaginève sibi insculptas habeant, quod ipsis utiq; non liceat cuiquam se incurvare, minime vetando cultûs directionem versùs rem omnem sculptilem etiam eam quæ non omninò prætendit Deum facere *repræsentabilem*, quemadmodum sit in *Imaginibus*. Quamobrem cum hæ sint tam obviæ Rationes cur *Septuaginta* *ἰδωλον* potiùs transfulerint quam *ἡμιῶν sculptile*, manifestum est, *Idolorum Ethnicorum* respectu fecisse, mendosè & insequenter colligi.

Præterea, supponamus *ἰδωλον* significare eo ipso sensu quo volunt Adversarii, quid hinc lucratur, siquidem Textus tunc sic curret; *Non facies tibi quodvis Idolum Imaginève Dei ullius Paganici, nec similitudinem rei cujusvis quæ sit in cælis suprâ aut infrâ in terra aut in aquis sub terra, non incurvabis te eis nec coles*. Manifestum adhuc est nihilominus omnem omninò Imaginum & Picturarum cultum non solum Deorum *Paganicorum*, sed cujusmodicunq; prohiberi. Ac proinde coli non possunt nè cum relatione quidem ad ipsum Deum verum. Vel si subsequētia verba, *Nec similitudinem rei cujusvis in cælo suprâ, &c.* de Paganicorum Deorum Imaginibus intellecta velis, (Quod omni prorsus Logicæ repugnat nec à quovis admitti potest qui rationi satis attenderit, cum Præcepti Objectum apertè hic in duas partes sit distributum; primam quidem, *Idola Imaginève Deorum Paganicorum*, alteram, quascunq; præterea similitudines Imaginève;) si verba, inquam, ad eundem sensum cum præcedentibus tracta velis, ut Imagines Deorum Paganicorum aut quorumcunq; Deorum falsorum per ea intelligi possint, atq; tota sic prohibitio esset de istiusmodi Imaginibus seu Idolis, illud etiam planè digladiaretur cum verbis proximè sequentibus, *Ego enim Deus sum zelotypus*. Nam in hoc casu, quemadmodum suprâ notavi, res ultra zelotypiæ ambiguitatem processit, cum Actus confessus compertusq; foret spiritualis Adulterii, quæ *Idololatria* est. Inferre verò velle ex mentione

mentionem *zelotypiæ* Divinæ, quod *alieni* alicujus Dei intelligenda sit Imago, (quis enim *maritus* *zelotypiâ* moveretur adversus uxorem quod honoret osculeturve *propriam illius* picturam?) hoc certè argutum omninò sophisma est super falsam Hypothesin extructum; ac si *pictura viri* virum æquè facile fraudare posset eo quod illi ab uxore debetur, quàm *Imago* Deum fraudare eo quod debetur ipsi. Nam cùm Imago *visibilis* sit, Deus verò *invisibilis* nec per Imaginem repræsentabilis, manifestum periculum est nè quis devotionem adjungat, quæ sola res est quam nos Deo pendere possumus, splendide ac speciosè Imagini magis quàm Deo ipsi ejusve veræ Notioni in mentibus nostris; & nè colendo eum tam vili crassòq; modo, abducatur tandem ad Deos alios colendos æquè viles & abjectos atq; hunc ipsum, hoc genere cultûs, reddiderit.

14. Altera Evasio quæ longè maximi est momenti, hæc est, Quod prætendunt utiq; Deum ipsum, Legem suam in alium sensum interpretatum esse atq; nos volumus, præcipiendo aureos *Cherubinos* super Propitiatorium ad proprium cultum imponi. Hæc excusatio admodum frequens est apud Pontificios, secundumq; Concilium *Nicænum* eandem adhibet. At enim manifestum est, à præsentī causa admodum esse alienum. Scopus enim secundi præcepti non est operis omnis effigiati in locis Divini cultûs prohibitio, sed incurvationis versùs Imagines earumq; adorationis, quò *Cherubinatorum* casus non pertingit. Populus enim nunquam jussus est incurvare se versùs aureos *Cherubinos* eòsve adorare, nec profitentur *Judæi* se sic fecisse, sed incurvâsse se versùs Deum, eumq; solum adorâsse. Et præterea quòd non destinabantur Populo in Objectum Cultûs sive Adorationis ex eo manifestum est, quòd ab eorum conspectu diligenter essent absconditi. Et si Imaginatione per velum penetrare possent & se coràm quasi sistere *Cherubinis*, positura tamen ipsorum planè ostendit eos nunquam destinatos esse cultui seu Adorationi, cùm facies ipsorum populo non essent obversæ, quò salutationes eorum reciperent, sed versùs se invicem. Equidem si Objectum essent, quòd ex præcepto declaratione Divina, quando videntur, deberet adorari, eadem *religiosa Affectio* concipi possit etiam per velum versùs eos dirigi. Adoratio verò *formalis* Objecto *visibili* facta dum absconditur & fit invisibile, æquè absolum, meo quidem judicio, est, & contra naturam, atq; Incurvatio suiipsius versùs personam aliquam ponè murum lateritium, in quo nè minima sit fissura vel transenna per quam quis transpiciat. Quamobrem cùm nec præceptum sit *Judæis* ut se *Cherubinis* aureis incurvent, eòsque adorent, nec professi ipsorum praxis, cùmque *Cherubinatorum* positura talis sit quæ planè insinuet eos factos non fuisse ut ab eis adorentur, summòq; studio absconditi essent ab oculis populi nè eos viderent, (quanquam symbola erant specialis præsentiae Divinæ, notæq; seu Instrumenta ad Adorationem suam illorum dirigendam ubi Deus speciali modo præsens erat) manifestum est eos populo nullum fuisse Adorationis Objectum, populùmque minimè fuisse obstrictum incurvare se ipsis eòsve colere, quanquam se versùs eos incurvabant tanquam determinativam Circumstantiam Adorationis suæ Deo factæ. Hoc tam evidens est, ut nemo, opinor, qui satis perpenderit illud ausit negare, nempe *Cherubinos* populo non fuisse Objectum Adorationis, multòq; minùs à Deo ad id destinatos.

15. Magna verò illa Difficultas, ut videtur quibusdam, est, quomodo Pontifex Maximus, quando introibat in Sanctum sanctorum (quod quotannis semel faciebat) & incurvabat se, ut illi opinantur, coram his *Cherubinis* nudis & aspectui suo expositis, ità se adhibere posset, ut reatum effugeret incurvandi se sculptilibus Imaginibus easque colendi. Quod si fecit, equidem fateor Pontificios non contemnendam indè nactos defensionem suæ Interpretationis secundi Præcepti, ac si veri Dei cultum per Imaginem non prohiberet. Ad hanc verò Difficultatem duobus modis respondeo.

16. Primò, Quòd si Pontifex Maximus, quando erat in Sancto sanctorum, incurvare se non potuit ad Deum adorandum isto gestu corporis, quin eo ipso se incurvaret *Cherubinis* Objectivè & non merè Circumstantialiter, aperte nego eum illuc se incurvâsse. Nec probare unquam poterunt eum sic fecisse, cùm nulla illius rei in Scriptura, ubi quomodo se gerere oporteat præscribitur, (Levitic. 16.) facta sit mentio. Sed enim, cùm manifesta sit in secundo Præcepto prohibitio, nè quis Imaginibus sculptilibus se incurvet, demonstrari hinc potest Pontificem Maximum hoc in casu illud facere noluisse. Nam si melior sit obedientia quàm victimæ, & auscultare magis quàm offerre adipem arietum, 1 Reg. cap. 15. v. 22. certè Pontifex Maximus non potuit non videre quin tam perspicui strictiq; Præcepti obedientia, Non incurvabis te ulli Imagini sculptili nec coles eam, &c. melior esset, quàm tam sancti

XIV. Secunda Evasio de Cherubinis super Propitiatorium, proposita & refutata.

XV. De Adoratione Pontificis maximi in Sancto sanctorum, Difficultas proposita.

XVI. Prima Responsio, negando factum, si fieri non posset sine incurvatione Cherubinis tanquam objecto.

mandati, sub prætextu colendi Deum incurvando se Cherubinis, violatio. Quamobrem certi esse possumus eum hoc in casu se versum illos noluisse incurvare. Quod si versum illos se incurvare posset sine hoc periculo, sublata est difficultas verumque secundum Præcepti sensus firmus manet & inviolabilis, Deum nempe ipsum non colendum esse per Imaginem, incurvando nos ipsi eamque colendo.

XVII. Respon-
sio secunda, as-
serendo Ponti-
ficem istiusmo-
di circumstan-
tiis se incurva-
re potuisse, qui-
bus Cherubini
non fierent cul-
tus sui Obje-
ctum.

17. Jam verò præter hæc in secundo loco respondeo, Si quis adeò probabile putet Pontificem Maximum se alicubi, dum in Sancto sanctorum erat, versum Propitiatorium incurvasse, tempus verisimillimum eligamus, nempe quando propinquius ad illud accedebat ad aspergendum sanguine; manifestum est nullum esse colorem cur quis dicat eum hisce Circumstantiis se Cherubinis incurvasse eoque coluisse.

1. Quia primum quod illi agendum incumberebat quando illi intrandum erat intra velum, hoc erat, ut *assumeret plenum Thuribulum prunis ignitis & plenas volas suas de Incenso Aromatico comminuto, & inferret intra velum, poneretque Incensum super ignem coram Domino, ut nubes Incensi operiat Propitiatorium quod est super Testimonium, ne moriatur, Levit. 16. v. 12.* Quod indicio est, ne respectare quidem illi permissum fuisse versum Propitiatorium, nedum versum ipsum adorare, priusquam omnia super Propitiatorium aureique adeò Cherubini Iacens nube essent absconditi, quod illius instar est occultationis ipsorum à conspectu populi per velum. Aureumque proinde eorum splendorem nullum fuisse Adorationi cultuive destinatum Objectum, quippe fumo ad hunc modum obvelatum, nec videndum ad quamlibet distantiam.

2. Nunc verò, quando Pontifex Maximus propius accedit ad Propitiatorium, quod probabilissimum tempus supponimus adorandi, videamus quam possibile hic sit, ut reus appareat colendi Cherubinos etiam si tunc incurvaret se versum Thronum Dei, magis quam in priori circumstantia. Duo enim Cherubini in duobus extremis Propitiatorii collocabantur idque cum faciebus sibi invicem obversis, non autem cuivis qui versum Propitiatorium ascenderet; quæ quidem positura minimè idonea erat ad adorationes recipiendas si ullis rutilatiunculis in densa hac fumi nubisve caligine cerni possent. Et certè si possent, directioni tantum essent Pontifici Maximo quod visu eos perinde supervaderet, ac præteriret infalutatos, sequendo illam subindicationem quam Deus ei dederat, Exod. 25, *Conveniâque tecum illuc & loquar tecum* מְקוֹל הַכְּפֹרֶת *de supra Propitiatorium inter duos Cherubinos super arcam Testimonii positos.* Et in Psalmis describitur tanquam sedens inter Cherubinos, Psalm. 80. 1. & 99. 1. Hoc igitur compertissimum est, Pontificem Maximum non potuisse quin specialem Dei præsentiam intelligeret inter duos Cherubinos sedentem, ac proinde devotionem suam dirigens corporisque gestum juxta illud monitum, sui incurvationem formare debuit versum illam inter duos Cherubinos Præsentiam, à Propitiatorio sursum, ac si Majestas invisibilis illic collocata esset in Throno Cathedræ Regali. Cui facta quidem incurvatio, ad Cherubinos spectare non potest, non certè magis quam Incurvatio Principi facta super amplum Thronum Cathedræve sedenti, ad opus effigiatum in brachiis Cathedræ spectare potest, duobus Aquilinis putà Capitibus perquam affabrè ornatis. Ecquis ullam potest adorationem concipere duobus illis Aquilinis Capitibus præstitum, dum salutantis adoratio versum faciem personæve Principis sursum & inter duo Aquilina Capita dirigitur? quanquam sanè duo Capita Aquilina commodiori situ posita sunt ut quis eis se incurvet, quam facies Cherubinatorum. Est igitur undique planum ac manifestum, nec populum Judæorum nec Pontificem Maximum incurvasse se Cherubinis, nec eos ullâ ratione coluisse incurvando se versum eos, sed eum solum qui sedebat inter Cherubinos, quod erat demonstrandum. Ac proinde nullam evasionem esse reliquam, quâ eludatur secundi Præcepti vis quod tam strictè prohibet veri Dei cultum per quamvis Imaginem sculptilem. Qui igitur ex sensu illius præcepti necessariò est Idololatria.

XVIII. Idolo-
latria in secun-
do Præcepto in-
terdicta, ad
propositam Idolo-
latria definitio-
nem redunda.

18. Restat nunc & reducamus hoc genus Idololatriæ, (quemadmodum & in reliquis omnibus ordine fiet) ad generalem nostram Idololatriæ definitionem, ut sic esse constare possit etiam secundum conspicuam naturam notionemve rei, nempe ex eo quod colendo Deum per Imaginem *Peculiaritates Divini Numinis* violantur. Quod evidens hic videtur ob duplicem quidem rationem; tum ex eo quod infinita & irrepræsentabilis Majestas Divina per Animalem Figuram sit *repræsentabilis*, quod peculiarem Divini Numinis Excellentiam perquam turpiter deprimit ac vilificat, quippe modis adeò infinitis formam visibilem quamlibetque excedentis, ac proinde nulla Animalis Figura illius Repræsentativum prætendi ullo modo potest; tum etiam ex eo quod Divinus cultus hisce Figuris Animalibus *Præsentis sue symbolice*, qui soli Deo peculiaris est, tribuitur.

19. Qui

19. Qui *Divinus cultus Representativus* Figuras eas planè arguit, non merè *Hieroglyphicas*, sive illi qui colunt eas sic appellatas volunt sive secus: Quemadmodum apertè constat ex prima ad *Romanos*, ubi Apostolus de istis Paganorum sapientibus, qui Deum cognoverint & tamen tam stolidè subtiles erant & imaginationi indulgentes, ut eum in *Imaginibus Hominum, & volucrum, & quadrupedum, & reptilium* colerent, quas ignorare non poterant, ad summum, *Hieroglyphica* illius tantum esse non *personalia Representativa* illius Deitatis, nihilominus quod has Figuras colerent, manifestò declarat, eos mutasse *gloriam incorruptibilis Dei in similitudinem Imaginis harum corruptibilium* Animantium. Nam colendo has Imagines cum Relatione ad Deum, aptitudinem eis inesse naturaliter agnoscunt supponuntve ad representandam gloriam Dei, *Divinamve* illius *Præsentiam*; Quam ineffabilem igitur necesse est vilificationem esse infinitæ illius ac gloriosæ Majestatis. Et quis obsecro prætextus esse potest cur Figura ulla *Præsentivæ symbolica* Divinum cultum sibi præstitum haberet, essetve ullo in sensu Objectum illius, si nullam conciperetur habere aptitudinem ad representandam Divinitatem? Ac proinde *Psalmista*, juxta hanc naturalem Notionem vel ex naturali rei actionisve significatu, (explic. part. 7.) ex eo quod *Israélite* vitulum aureum adorârunt, eos divinam gloriam in eam animantem commutasse declarat *Psalm.* 106. 19. *Et fecerunt vitulum in Horeb & adoraverunt sculptile, & mutaverunt gloriam suam, (i. e. Deum suum ut Vatablus aliq; omnes interpretantur) in similitudinem vituli comedentis fenum.* Quod illi *S. Pauli* perquam aptè respondet, *Mutaverunt gloriam incorruptibilis Dei in similitudinem Imaginis corruptibilis hominis*, *Rom.* 1. v. 23.

20. Quod verò *Representativarum* harum *Imaginum* cultus cum relatione ad Deum, Divini cultus etiam ipsis sit præstatio, præter *Explicationis* partic. 7. manifestum porro est ex Scriptura, ut *Act.* 7. *Et vitulum fecerunt diebus illis & obtulerunt hostiam simulacro.* Excipere verò hîc, sacrificium sic factum, *Relativum* fuisse seu *Transitivum*, quod ad Deum transiret, non autem *Terminativum* quod terminaretur in vitulum ipsum, *Scholasticæ* Næniæ sunt & Araneæ. Sacrificium cultus est Deo peculiariter debitus, nec per ullam distinctionem evasionemve potest aliud quicquam eum participare, ita ut ei obferatur. Hoc quidem evidens est in hoc genere Divini cultus, estq; par ratio in universis. *Adorârunt Vitulum in Horeb*, sed cum relatione ad *Jehovam*, quemadmodum manifestò apparet ex Historia, ac proinde cum *Latria Relativa*, sive *Transitiva*, non *Terminativa*. Hæccine verò potest distinctio tam subtilis Texturæ probum suum operire? minimè gentium. Si hæc distinctio valeret, Actumve ipsorum justum præstare posset, cur aut *Psalmista* aut *S. Stephanus* eos crimineretur? Manifestum est igitur, *Divinum cultum* ita Deo soli debitum esse ut nullo quidem sensu ulli alii rei sit debitus, sed & merè naturalis externusve Actus illi soli fieri debeat. Atq; ob id ipsum etiam per Imaginem non vult coli, nec Imago ullò in sensu sui cultus sit particeps, quod tamen fiet in *naturali Actus Externitate* si cultus fiat versùs Imaginem visibilem. Nam quantum ad speciem externam, non aliter sanè nos adhibemus versùs Imaginem quam versùs Deum ipsum, nec ullo alio externo Gestu utimur versùs unum quàm versùs alterum. Ut putà si Imago poneretur Dei Patris in Hominis grandævi Figurâ ac Habitu, vellétq; quispiam Deum adorare versùs hanc Imaginem, talem formando vultum, tam devotum aspectum, tam Religiosam seriâmq; spirituum motionem in oculis quæ profundam Reverentiam quam Deo debemus condeceat; hæc certè naturalis, visibilis, externaq; cultus Actio ad Imaginem planè transit perinde, eoque modo quo ad Deum ipsum, talisq; est, ut major magisve vivida summæ suæ devotionis significatio à nullo supplicante fieri possit. Cui igitur, obsecro, nisi Deo soli hoc competere potest? Et propterea ut quis hujusmodi Devotionis significationes erga inanimem stipitem lapidemve adhibeat, *Divinarum Peculiaritatum* quàm turpissima est violatio, communicando utiq; eas tam indigno subjecto, perinde ac minuendo, obscurando, vel potius abolendo infinitam ac gloriosam Divini Numinis Majestatem, dum eam supponit implicatve per Imaginem ex ligno, metallo aut lapide, *representabilem*, quemadmodum suprà notavi.

21. Et nunc quidem quantum ad statuam Imaginemve Christi, si cultus versùs eam dirigatur cum tam Religioso vultu, tamq; devoto oculorum jactu quàm antea, quibus summa significetur quæ debita sit Deo, quæve à nobis ipsis præstari possit, veneratio, manifestum est exteriorem hunc Ritualement cultum huic etiam Imagini fieri, nec magis certè dubitari potest, quàm si osculatio Imaginis, Ritus esset, osculumq; Imagini daretur, an Imago Objectum esset istius Osculationis cum universa illa exteriori Devotione inibi adhibita. Ac proinde Imago ad hunc modum adorata, quam

XIX. Distinctionem inter Imagines Hieroglyphicas & Representativas dum Divinus cultus eis præstatur, nihil valere.

XX. Quod colendo Representativas has Imagines cum relatione ad Deum Divinus cultus illis tribuitur, ut patet Imagini Dei Patris.

XXI. Quod par Ratio sit de Imaginè Christi.

quam *relativè* duntaxat, *Divinum tamen cultum* participat. Quà quidem participatione, Divini Numinis Peculiaritates manifestò violantur, perinde ac adolendo Incensum, aliàve quâvis ratione sacrificando Imagini; quemadmodum S. *Stephanus* de *Israëlitis* conqueritur quòd sacrificarent aureo Vitulo, quanquam cum relatione ad *Jehovam*, quod tamen Idololatriam eluere non potest.

XXII. Relativam Idololatriam puram putam perinde esse Idololatriam, ac relativum Adulterium & Homicidium, purum putum Homicidium & Adulterium.

22. Nam ex communi sensu pervulgatâq; omnium hominum intelligentia quivis judicet, An Actio perquam impensè incongrua Objectôq; indebito præstita, ob relationem destinatam ad Objectum debitum vel congruum possit excusari. Nihil magis enormiter incongruum esse potest quàm ut quis *Divinum cultum* qui *Latria* est, stipiti lapidive sculptili tribuat, qui *Idolum* vulgò appellatur vel *Imago*. Atq; *Latria* hæc huic *Idolo* exhibita id ipsum est quod maximè propriè *Idololatria* vocatur. Sed enimvero, si in exhibenda *Latria* huic *Idolo*, quod objectum est adedè impensè *incongruum*, cum *Relatione* ad objectum *congruum*, rectè agamus factumq; sit licitum, summa rei huc recidit, Quòd *Relativa* quidem *Idololatria* sit licita, quod sensus æquè inscitus est & absonus, ac si quis diceret *Relativum Homicidium* vel *Relativum Adulterium* licitum esse. Ut si quis innocentem quemlibet in quem inciderit occideret, ut iram suam sic evomat contra nocentem qui meruisset occidi; quasi verò istud Actionem excusare possit, quò minùs existimanda sit apertum Homicidium: vel, si quis cum muliere aliena per benignam suæ absentis recordationem concumberet, crassum non esset Adulterium. Cur igitur hæc *Relativa Idololatria* aperta perinde Idololatria non est ac Relativum Homicidium & Adulterium, apertum Adulterium & Homicidium? Cûrve Homicidium & Adulterium Relativum, apertum adhuc manet Homicidium & Adulterium, nisi quòd destinata illa Relatio specificam Facti turpitudinem non tollat? Quì igitur potest destinata in *Relativa Idololatria* Relatio specificam istius facti Turpitudinem tollere, quò minùs pura puta adhuc maneat Idololatria?

XXIII. Idololatriam relativam realem propriamq; esse Idololatriam etiam juxta præcisam notionem scholarum.

23. Quæ tamen sic profectò manet, etiam præciso sensu notionève *Scholarum*; cum *Latria*, hoc in casu, reverà non sit *Transitiva* vel *Relativa*, quatenus *Latria*, sed terminata in ipsum *Idolum*. Nam quatenus *Latria*, ultrà transire verè ac realiter non potest, sed illuc finitur, & in relatione ad Deum Actio definit esse *Latria*, illius utiq; honos cultûsve, specièmq; mutat, & *Actus contumeliæ*, contemptûs, inobedientiæ, turpissimæq; ignominia adversus eum evadit. Nec potest intentio *Religionista* specificationem Actûs alterare, quò minùs ignominia actus sit adversus Deum, quamvis evitari non possit, quin Deus illius Actûs sit *Objectum*, sed Objectum erit Actûs sub hac specificatione ignominia. Quemadmodum sit in Medico qui per talem medicinam *Ægrotum* curare intenderit, sed reverà eum eadem, tanquam propinato veneno, sperimit. *Ægrotus* nihilominus quicquid intenderit Medicus, nullum est *realis* Curationis Objectum, sed è contrà *Peremptionis* solius. Quamobrem cum nulla *realis* *Latria* in hac *Relativa Idololatria* ad Deum transeat sed ignominia tantum ac contumelia, *Latria* reverà (cuicunque fuerit Intentio) in Imaginem *Idolumve* terminatur, ac proinde *Idololatria* est in sensu *Scholastico* maximè proprio. Etenim unus idemq; Actus quemadmodum contrarias *specificationes* respectu duorum diversorum Objectorum habere potest, ità & duas diversas *Terminationes* respectu eorundem. Exempli causâ, unus homo Rosis delectatur, alter magnâ adversus eas laborat antipathia, tertius Rosarum calathum in locum introducit; Hic unus Actus & *gratificatio* est & *offensio*, gratificatio quidem illi qui delectatur Rosis, offensio verò isti qui Rosas tantoperè averfatur: Actus *gratificationis* in unum horum Objectorum terminatur, in eum scilicet cui gratæ sunt Rosæ; Actus verò *offensionis* terminatur in alterum. Pari planè ratione, Actus *Latriæ* Divinive cultûs in Imaginem *Idolumve* terminatur, Actus *ignominia* & contumeliæ in Deum, qui provocatur, cuiusq; detrectatur autoritas. Quid potest esse manifestius? Quamobrem cum Divinus cultus in Imaginem Christi terminetur, nec ad eum verè ac realiter transeat, sed tantum secundum ineptam nostram intentionem, palàm est *Divinas peculiaritates* hoc pacto violari propriamq; esse Idololatriam.

XXIV. An Divinus cultus versùs Imaginem Christi præstitus irre-presentabilitatem Divini Numinis violat, ut & versùs Imaginem Spiritûs S.

24. Restat verò magis curiosa quæstio, utrùm cultus Divinus versùs Christi Imaginem præstitus alteram illam in se etiam involvat *Peculiaritatem* Divini Numinis *violationem*, ex eo quòd *Representabile* hoc pacto fiat per Imaginem? Etenim cum *Christus* homo perinde sit atq; Deus, statum quæstionis valdè differentem videtur efficere ab eo de Imagine *Dei Patris*. Verùm respondeo, parem utrobique esse rationem, cum Christus æterna, infinita ac gloriosa Majestas Divina sit æquè ac Homo, nec cultûs Divini capax nisi quatenus sit Majestas illa Infinita. Quamobrem qui Imaginem erigit eamq; Christi Imaginem appellat, Divinumq; cultum versùs eum dirigit, æternam

æternam ac infinitam Dei Majestatem æquè palpabiliter deprehenditur, per lignum lapidémve sculptilem, facere repræsentabilem, atq; is qui Divinum cultum versùs istiusmodi Imaginem sculptilem Dei Patris direxerit. Pater enim & Filius æquales sunt, Filiùsq; proinde *æqualiter irrepræsentabilis*, quantum quidem ad id quod in ipso Divini cultùs sit capax. Quod tamen hæc Imago repræsentare prætendit prætendendo se Christi esse Imaginem, ac proinde illam infinitæ ac gloriose Majestatis Divinæ peculiaritatem violat, quæ eam irrepræsentabilem facit per ullam Imaginem corpoream. Qui Christum adorat, ipsum Divinum Numen adorat, ac proinde Majestatem illius blasphemare non debet eam repræsentabilem faciendo per ullam corpoream Imaginem. Divinum Numen humanæ Naturæ Christi Templo Hypostaticè quidem unitum insidet, verùm æterna ac infinita Divinitas sola est quam illic adoramus. Tam parum superest scrupuli, qui aut *Judeum* aut *Turcam* impedire possit, ex ulla suspitione Idololatriæ, dum Christum sic colimus, quò minus fiant Christiani.

Quod verò de Patris ac Filii Imaginibus Statuissve diximus, idem de Imagine *s. spiritus* dicendum est. Columba Hieroglyphicum quidem illius esse potest, ut Descriptio illa Antiqui dierum apud *Danielem* Hieroglyphicum Dei Patris; Divinum verò cultum versùs hujusmodi Columbæ Imaginem dirigere, eadem prorsus Idololatria est quæ facta est versùs Imagines Dei Patris Christique.

25. Nulla igitur symbolica Præsentia, stabilisve ac visibilis *Figura Animalis* præter sanctam Humanitatem Domini Jesu Christi, quæ cum æterna Divinitate Hypostaticè unita est, cultum Divinum habere potest versùs se exhibitum, quin ipso facto sit Idololatria. Peculiare, inquam, Privilegium est Humanitatis Christi, ut capax sit Divini cultùs versùs se præstiti, propter unionem cum Divinitate, quemadmodum corporis privilegium est hominis sapientis & virtute eximiâ præditi, propter sapientiam virtutemq; quæ in illius anima resident, magnam illam habere versùs se factam Reverentiam solius Animæ gratiâ cum qua Hypostaticè est unitum. Animâ verò semel separatâ per mortem, corpori, secundum communem omnium hominum sensum praximque consueta illa Reverentia diutius non præstatur, ut quæ solius animæ causâ semper præstabatur. Adeò ut medium quoddam honoris genus peculiare, (majus quidem quàm cuius ulla alia creatura capax sit, minus verò Divino,) Humanitati Christi, virtute Hypostaticæ illius unionis cum Divinitate, (quod in Imagine Christi non fit) naturaliter obtingat. Et propterea, præter crassam illam Idololatriam in Divino cultu versùs illius Imaginem exhibendo, suprà memoratam, est etiam illic hujus sanctæ Humanitatis Christi Privilegii violatio. Versùs quam *vivam* Divinitatis *Præsentiam* *symbolicam* solam, Divinum exhibere cultum, quando visibiliter in terris versabatur, futurum fuisset consentaneum, nempe postquam perspicua unionis illius cum Divinitate facta esset declaratio. Quæ magis apertè ac tempestivè manifestata est postea per *S. Johannem*. Sed enimvero, si profundam illam ac ineffabilem B. Servatoris humilitatem consideremus, qui cum quidam ei dixisset, *Magister bone*, statim hominem increpavit, declarans nullum esse bonum nisi unum, nempe Deum, Marc. 10. v. 17. valdè profectò videtur verisimile, si quis expressum Divinum cultum versùs visibilem illius Humanitatem exhibere voluisset, ut *Lycaonii* qui *Paulo* & *Barnabæ* sacrificare voluerunt, quòd fuisset recusaturus. Sed hoc tantum obiter dictum esto.

26. Hactenus de Imaginibus quæ referuntur ad Deum. Quibus ex sententia *Con-* *cilii Nican* (præstanti illo doctòq; ac limatissimi judicii Patriarchâ *Constanti-* *nopolitano Photio* interpretante) assignata est *Latria relativa*, quam & *Azorius* *Je-* *suita* constantem agnoscit *Romanorum* Theologorum fuisse opinionem. Et certè ut sic sit, magna videtur necessitas, quòd commodior fiat hoc genus Religionis sensus. Nam Incensum adolent hisce Imaginibus, quòd sacrificium quoddam est; cùmq; preces effundant coram ipsis oculòsq; & manus versùs ipsas tollunt cum compellationibus Imagini Prototypòq; communibus, hoc etiam Precationis sacrificium est ipsis oblatum æquè sane directò & expressim, si non magis, quàm sacrificia in altari *eorum* Vitulo aureo, *ipsi aureo Vitulo* offerebantur. Quod quidem quoniam factum est super Altare coram Imagine, *S. Stephanus* plenus Spiritu sancto, apertè declarat, eos *sacrificasse Idolo*.

Quamobrem cùm tam evidens sit, quòd in hujusmodi casibus agnoscere debeant se *Latriam* exhibere Imaginibus, videbatur sanè scitissimum tutissimùmq; Inventum, declarare in genere, Imagines, quæ referuntur ad Deum, *Latriam* sibi factam habere debere, non autem *absolutam* sed *relativam*, quò, quemadmodum illi putant, inferius quoddam *Latria* genus evadat, quandoquidem *Latria* hæc relativa (propter

XXV. Nullam
symbolicam
Præsentiam
præter sanctam
Humanitatem
Christi, Divini
cultus capax
esse versùs se
facti.

XXVI. Necessitas ut Pontificii Latriam relativam eis Imaginibus præstitam agnoscant quæ referuntur ad Deum.

(propter relativam suam rationem) Deo sit incompetens. Quàm bellum autem hoc sit subterfugium suprà notavimus.

Quodd verò hic sensus sit ipsorum Ecclesiæ, etiam ipsius Concilii *Tridentini*, in confesso est apud *Azorium* ab eòq; speciatim notatum, & consentaneum sanè si non necessarium ut ab unoquoque, qui hisce Imaginibus colendis seriò dat operam, agnoscat. Nam si *Latria relativa* non esset, sed talis cultus cujus ipsæ Imagines sint capaces, cujusq; Objectum ultimum esse possint, cultusq; illuc possit terminari, quàm tenue & exiguum, quàm vile ac depressum Cultus genus esset illud futurum? Adeò ut reperiretur merus lusus inutilisq; cum Imaginibus connugatio, cultu Imaginis quantumvis ad Deum relatæ, illius Adorationem nihil omninò promovente animùve acuente ad Religionem, sed necessariò potiùs nos deprimente (dum cultus restringitur ad id cujus Imago ipsa Objectum sit ultimum) ad maximè evanidum tenuemq; cultus modum, qui exprimi potest, modò sit, quod profectò fieri oportet, tam parùm digno Objecto commensuratus. Quamobrem incredibile prorsus est ut hic sensus sit colendi Imagines ad Deum relatæ, ullive è Populo, qui eas docentur colere, illas non colant, summum illum affectum ac venerationem exerendo, quibus utuntur erga Deum, cum Imago ad Deum referatur, ipsiq; doceantur etiam secundum sententiam Concilii *Tridentini*, per Imaginem Christi, quam adorant, Christum ipsum adorari. Tam manifestum est, actum Adorationis ante Imaginem ad Deum relatam, destinatum esse Adorationem Dei ipsius, secundum Concilium *Tridentinum*.

Vide Antidot.
cap. 17. sect. 1.

Quantum verò ad suffugia privatorum Doctorum illius Ecclesiæ pro re nata adhibita, qui Incurvationis cultum Devotionisq; signa eundem concomitantia in ipsam Imaginem volunt terminari, ut certò sic viam præcludant omni sensui significatione *Latriæ*, quàm miserè illis hærebit aqua in solvendis difficultatibus de adolendo Incenso precibusq; ad Deum effundendis ante has Imagines ad eum relatæ? ut taceam secundum Præceptum hujusmodi Tergiversatoribus planè contravenite, quod universim Incurvationem prohibet versùs Imagines ad Deum relatæ, quò objectum cultus fiant quoquam modo, nec ullis se Deus eludi patietur evasionibus. Est enim Deus zelotypus, &c.

Nec omninò sanè indecorum erat (quanquam minùs fortean methodicum,) subterfugio adeò distorto ac absurdo viam tam strenuè intercludere, addam etiam *Tridentino* Concilio adeò repugnanti, (qui *Lapis Lydius* est eorum Fidei,) ubi hisce verbis expressis declaratur, quòd *per Imaginem Christi Christum adoramus*. Ea verò *Adoratio* quæ Christo sit, *Divina Adoratio* est & consequenter *Latria*.

XXVII. Reductio cultus Angelorum & Sanctorum ad Definitionem propositam & nominatim Invocationis votumq; eis factorum.

27. Pergimus jam ad considerationem Imaginum *Præsentiarumve Symbolicarum Sanctorum & Angelorum*, ad omnesq; modos religiosi ipsorum cultus: quorum *Invocatio* maximè principalis est, & scopus quasi ac fundamentum omnium reliquorum. Quem quidem ipsorum cultum etiam *Idololatricum* esse manifestà ejus reductione ad propositam Definitionem *Idololatriæ* planè demonstrabo. Quod summa cum brevitate, cum nulla omninò hac in re difficultas sit, effectum dabo. Exordium autem sumam ab *Invocatione*, quam in *Antidoto* ad nullam *invisibilem Potestatem* Spiritumve præter solum Deum pertinere probavi. Propterea quòd nemo firmam fidem habere potest aut certitudinem quòd *Invocationes* nostras audire possint ullamve habeant *Omnipræsentiam* vel *Omnipercipientiam*, nè terrestrem quidem. Unde manifestum est in eis invocandis unam è *Divinis Peculiaritatibus* violari vel profanari, ex eo quòd communicetur creaturæ, cum soli Deo jure sit attribuenda. Siquidem Sancti nullam hujusmodi *Omnipercipientiam* vel *Omnipræsentiam* in se habent, quemadmodum ipse *Thorndikius* homo aliàs superstitionibus Pontificiis nimium quantum addictus, non potest non fateri.

Invocare verò eos ab eisq; istiusmodi res petere quas penès Deum solum sit largiri, quod omnes *Papistæ* faciunt, quemadmodum idem *Thorndikius* planè asserit, nec figurati sermonis prætextu eludi potest, (ut ex Definitionis explicatione patet partic. 8.) hæc duplex *Idololatria* est, ut quæ duas *Divinas Peculiaritates* simul violat, tum *Omnipræsentiam* sive *Omnipercipientiam* Divinam, tum illius *Omnipotentiam*, dum eam potentiam Creaturæ attribuunt, quæ soli insit Deo. *Sancto* verò cuivis *Angelove* vota facere in istiusmodi periculis, à quibus nos creatura liberare possit, idem ferè *Idololatriæ* genus est, quòd *simplex invocatio*, nempe si utraq; aut mente tantum concepta sint aut voce pariter prolata.

XXVIII. Idololatria exigendi Templi, Altaria, Imagines seu Præsentias Symbolicas Sanctis Angelisve ad propositam Definitionem redunda.

28. Jam verò quòd ad Erectionem *Templorum, Altarium, Imaginum, seu Symbolicarum Præsentiarum* Sanctis Angelisve factarum attinet, quæ omnia manifestò cum Relatione ad Invocationem fiunt, inde quidem planè liquet, omnia in finem *Idololatricum*

Idololatricum fieri, ac ob eam ipsam rationem atrā Idololatriæ fuligine maculari. Cæterum ut distinctius porro agamus, cum Deus hos cultus modos sibi ipsi appropriaverit, cumq; illius iudicium quid ipsi, quando ratione magis externā ac rituali coli vult, maximè conveniat aptissimèq; congruat, sit infallibile, evidens profectò Præsumptio est ac Profanatio *Peculiaritatum* illius Numinis, eisdem Creaturæ communicare, quemadmodum probavi in *Antidoto*. Et postremo ipsa rei natura Idololatriam demonstrat, cum sint permanentes significationes naturalium *Peculiaritatum Dei* Creaturæ communicatarum. Templum enim *Præsentiaq; symbolica* congruenter securèq; erigitur Deo, quoniam certi sumus de illius inibi residentia seu Præsentia, quemadmodum & *radi* inhabitationem Divini Numinis inibi innuit. Sint certè quot voles, *symbolica Præsentia Templaque*, & ad quantam voles distantiam, Deus certò domi erit in omnibus, quippe qui omnipræsens est. Quod verò ad finitam *invisibilem Potestatem* Spiritumve attinet, quamvis unicum tantum Templum, *Præsentiaq; symbolica* ei erigeretur, nulla foret huius Spiritus residentia inibi certitudo, vel si effectus esset alicujus Spiritus ibi præsentis, quòd non alius aliquis Spiritus sit quàm is cui Templum vel symbolica Præsentia erat erecta, quòd non sit alius *Sanctus Angelusve* pro alio, immò quòd *Diabolus* non sit loco *Angeli Sanctive*. Tempia verò hæc *Præsentiaq; symbolica* cum in multis locis longè invicem diffitis erigantur, planè supponit ex *naturali rei significatu* eos in multis locis distantibus esse simul, quæ solius Divini Numinis *peculiaritas* est. *Μὴν γὰρ τὸ θεῶν ἐστὶν τόπος, ἐν αὐτῷ τῷ παντὶ ἐκδηλούμενος* & rursus, *Ὅπου γὰρ ἀγγελὸς διδάσκει ἐκδηλοῦται τόπος ἐν αὐτῷ τῷ παντὶ ἐκδηλούμενος*, si *μὴ μὴν ἐκδηλοῦται* &c. quemadmodum ex *Athanasio*, & *Anastasio Niceno* alibi notavimus. Quæ incongruitates etiam observandæ sunt in *Altari* erigendo aut singulari aut pluribus in locis longè diffitis, eidem *Sancto Angelove*. Ut præteream odiosam illam relationem ad *sacrificium*, quòdq; supponit Sanctis etiam Angelisq; sacrificari, quòd aperta confessaq; est apud omnes *Idololatria*.

29. Neq; ulla hinc afferenda est huic rei excusatio, quòd *Templum & Altare Deo soli principali sensu* prætendantur erigi & dedicari, *Sancto* verò, *respectu secundario minúsve principali*. Nam præterquam quòd Deus zelotypus est, omnisq; impatiens consortis in honoribus sibi ipsi debitis, (quanquam *huc* tantum non autem *ibi* ei deberentur) *naturalis* erigendi *Templa* ac *Altaria* finitæ creaturæ, intentione Agentis mutari neutiquam potest *significatio*. Quod sicuti jam notavi, Omnipræsentiam illius innuit, quæ soli propria est ac peculiaris Deo. Ac proinde communicatio hæc *Peculiaritatis* Divini Numinis, Creaturæ, quicquid nos intenderimus, *Idololatria* est juxta perspicuam illius Definitionem.

30. Quantum ad superstitiosum Cultum versùs nudas *Præsentias symbolicas* apertæve Sanctorum aut Angelorum *Imagines* præstitum, supponendo eundem prorsus esse qui ipsi Sancto Angelove præsentis ac visibili præstaretur, quòd hoc eos repræsentabiles inuatur, nulla profectò est *Idololatria*. Nam quòd *illi* sic fiant per *Imaginem* repræsentabiles, ad *Divinas* quidem *Peculiaritates* nihil attinet nec easdem violat quoquam modo. In hoc verò versatur *Idololatria*, quòd Actus, eos certò præsentis supponat; (Valdè enim abscondita res est & incongrua ut quis se personæ absenti incurvet :) Et verò cum hæc *symbolica Præsentia* multæ sint, Locisq; longè à se invicem distantibus, *Angelum Sanctumve* pluribus uno locis esse simul, tantumq; sortiri *Omnipræsentia* quantum nulli competere agnosci potest, præterquam soli Deo; adeò ut illa *Divina Peculiaritas*, quando quis se ad hunc modum *symbolicis Præsentis Imaginibusve Sancti* vel *Angeli* incurvat, violetur.

31. Et certè quamvis nulla *necessaria* sit inter res connexio, valdè magnum tamen est periculum, in vulgo præsertim, quando se incurvant versùs *Imagines Sancti* vel *Angeli*, còsve ante dictas *Imagines* invocant, periculum est, inquam, nè in summam procurrant Devotionem & Reverentialem affectum ac Passionem in quam humana Natura excitari potest, vultive ad Religionem composito motioneve Spirituum in oculis profundè devotâ, exprimi. Quæ Passio ejusq; significatio soli debentur Deo. Estq; *Idololatria* perquam sordida, ut quisquam eam *Sancto Angelove* applicet, multòq; magis intolerandum quando *Imaginibus* eorum adhibetur ligneis aut lapideis, quantacunq; arte pictæ sint & deauratæ. Manifestum est enim quòd per istiusmodi cultum specialis *Dei peculiaritas* violatur, qui solus hoc genere Devotionis est colendus. Quam tamen observavi à Plebe simplici æquè ad plenum expressam versùs Sancti *Imaginem*, atq; unquam factum memini ab homine maximè devoto in suis precibus ad Deum. Adeò ut non de nihilo sit quòd hoc à me hîc obiter sit notatum. Et certè si hoc fiat versùs *Imaginem Sancti*, indubitanter concludere licet, non posse quin fiat versùs eas *Imagines* quæ ad Deum ipsum referuntur. Cæterum hoc præter propositum scopum est.

32. Quod

XXXIX. *Idololatria incurvandi se versùs Imagines Sanctorum & Angelorum in quâ consistat.*

XXX. *Idololatria incurvandi se versùs Imagines Sanctorum & Angelorum in quâ consistat.*

XXXI. *Periculum nè vulgus eam Devotionem quæ Deo debetur in colendis Sanctorum & Angelorum Imaginibus adhibeat.*

XXXII. Ritus
adolendi Incen-
sum & accen-
dendi Lucernas
coram eis, ad
Definitionem
redundus.

32. Quod ad Ritus attinet adolendi Incensum & accendendi Lucernas coram *Præsentis Symbolicis* Sanctorum & Angelorum; cum consuetudinis adolendi Incensum & accendendi Lampadas ante *symbolicam Præsentiam* *Jehovæ* in Sanctuario tam conspicua sit Imitatio, manifesta profecto violatio est Illius Peculiaritatum proprio suo delectu sic judicatarum. Et quantum ad *Incensum*, sacrificium esse aliàs innui idq; nobilissimum ac significantissimum. Pariq; profecto jure Sacrificium ex Oribus Bobusq; in inferiorem ceremoniam deprimere possunt, atq; hoc Incensi. Nam ex usu consensuq; Nationum ad supremi Numinis cultum alterum altero magis non restringitur. *Lampadesq;* ac *panes Propositionis* indicare videntur *Jehovam*, patrem Luminum, à quo provenit omne perfectum donum, quiq; sua bonitate pascit universa. Et Lucernæ ante Imagines *Sanctorum & Angelorum*, tanquam si & illi Lucularum quarundam paterculi essent, Lumen ac solatium expectandum esse à supplicantibus qui preces suas versùs has *symbolicas Præsentias* fuderint, saltem subinſinuant; ac si præsentis utiq; illic essent ad assistendum eis qui ipsos invocaverint opemq; eorum imploraverint. Quod *Omnipræsentiam* quandam sive *Omnipercipientiam* finitis hisce ac creatis spiritibus inesse supponere vel implicare etiam atq; etiam inculcavi, & consequenter *Divinarum Peculiaritatum* esse violationem. Tam facile varii illi Actus Idololatrici in Ecclesia Romana observati in *Sanctis Angelisq;* colendis ad perspicuam Definitionem reduci possunt veramq; Notionem generalem Idololatriæ quam proposuimus. Quantum verò ad sublimes illas Compellationes, ad B. Virginem præsertim, tales utiq; quæ *peculiares* Divini Numinis *Excellentias* planè denotent, sunt sanè tam apertè *Idololatriæ* ut nullà indigeant reductione.

XXXIII. Per-
plexitates qua
obtruduntur in
Mysterio SS.
Trinitatis nulla
cum Ratione
afferi posse
contra perspi-
cuis demonstra-
tiones quod Do-
ctrina Trans-
substantiatio-
nis sit falsa.

33. Ut nec *Artolatria* ipforum apud eos qui libero judicio sint, illudq; credant quod certissimè verum est, quod Panis scilicet non sit *Transsubstantiatus*, quemadmodum iterum atq; iterum in *Antidoto* adversus *Idololatriam* irrefragabiliter demonstravi. Quarum demonstrationum perspicuitatem perplexitates quæ obtenduntur in Mysterio SS. *Trinitatis* neutiquam possunt obscurare, cum & inter ipsa *Objecta* & inter *Facultates* hinc atq; illinc tam immensum sit discrimen. Etenim in *Transsubstantiatione* *Objectum* materia est seu corpus, substantia finita & quæ à sensibus nostris ac ratione facillè potest comprehendi. In Mysterio *Trinitatis* *Objectum* est infinita & incomprehensibilis Deitas, substantia incorporea, seu *spiritus* ad quem *sensus nostri* non pertingunt nè in infima quidem illius notione. Triuna verò Deitas etiam *Rationem* nostram transcendit, quamvis ipsi non repugnet. Nunc verò *Facultates* quæ versantur circa *Transsubstantiationem*, sunt quinq; sensus in debitis circumstantiis constituti, *Organo* utiq; *Distance* & *Medio* congruenter dispositis ac proportionatis, unde *sensus* necessario capaces evadunt dijudicandi quale sit *Objectum*, corpus hoc sit an illud, *Humanum* putà *corpus* an *Panis frustulum*. Ad hæc, non exterior sola ratio sed illud etiam quod Græci *νοῦς* appellant (qui primas & per se evidentes *Notiones communes* complectitur sive *Axiomata*, quæ sine ope syllogismi *Noëmaticè* vera ac manifesta sunt) *Objectum* plenè firmiterq; apprehendit in hac controversia. Quandoquidem *Transsubstantiatio* in apertas cum hisce ac manifestas repugnantias facillè resolvitur, quemadmodum abundè in *Antidoto* illiusq; *Defensione* demonstravi. In Mysterio autem *Trinitatis* nulla omninò est aut cum *externis Sensibus* aut *communibus Notionibus* repugnantia; Exterior tantum *Ratio* ac *Imaginatio* nebulas aliquas circa eam & obscuritates obducit, quas animi in contemplatione bene exercitati facillè cernunt, simulq; à venerando hoc Mysterio dispellunt in quantum antiquis Ecclesiæ Catholicæ Symbolis nobis exhibetur. Quamobrem è duabus conclamatis opinionibus illa minùs desperata videtur, quæ tametsi Panis non sit transsubstantiatus, modò interim transsubstantiatus credatur, præstare vult ita credentes non fore *Idololatrias*, quàm quæ Panem transsubstantiat ut sic evitetur crimen *Idololatriæ*.

XXXIV. Quid
credant Panem
in Eucharistia
non esse, Ponti-
ficios neuti-
quam liberare
ab aperta Ar-
tolatria, qua
est Idololatri-
a.

34. Atq; equidem fateor meipsum olim in hanc Opinionem proclivem fuisse, hoc in casu eos non fore *Idololatrias* (vide *Ideam Antichristianismi*, lib. I. cap. 13. sect. 6.) antequam rem pressius & anquisitiùs considerassem. Neq; nunc dierum desunt profecto Ecclesiæ *Romane* arguti Patroni qui miro suadendi artificio & eloquentià minùs cautos in hanc securitatem trahunt, nempe quòd si Panis non *Transsubstantiatus* reperiretur, *Artolatrias* tamen eos esse non posse qui credunt *Transsubstantiatum*. Nam dum credunt *Transsubstantiatum*, credunt etiam illic non esse, nempe intra *Symbola* seu *species*, indèq; prætendunt evidenter demonstrari posse se eum non posse colere, sed *Christum* duntaxat in cujus substantiam creditur transsubstantiatus. Nam quidquid sumitur, inquit illi, pro *Objecto Cultus*, Intellectum

lectum oportet affirmare, (aut verè aut falsò) illuc esse quò cultus dirigitur; Quòd argumentum plausibilem præ se fert acuminis speciem; Verùm respondeo, Ubi quid Objectum cultus sit per errorem, nihil necesse est ut Intellectus illuc esse affirmet, sed potius contrarium. Neq; enim existimat indebitum Objectum illuc esse sed debitum. Qui *solem* adorabant, illud utiq; quòd nos appellamus Solem, quòdq; flammeum quoddam esse corpus sensus & intelligentiæ expers intelligimus, eandemq; sui speciem *Heliolatrarum* oculis exhibebat atq; nostris (quemadmodum species eadem eis apparet qui panem *Transubstantiatum* credunt atq; eis qui idem non credunt) quocunq; demum nomine appelletur, ii sanè non credebant, id quòd nos scimus Solem esse, illuc esse, sed intellectuale Numen, qualis Sol non est; & tamen nihilominus agnoscimus omnes eos *Heliolatrias* fuisse & consequenter *Idololatrias*. Quamobrem modò *justis ponderibus ac mensuris* uti velimus, *Pontificios* etiam concludere debemus *Artolatrias* & ex consequenti *Idololatrias*, cum Panis non sit *Transubstantiatus*, siquidem Adoratio eorum in *Panem* tunc, loco Christi, delabitur, ut *Heliolatrarum* in *Solem* loco intellectualis Numinis. Qui amico colaphum impingit in fusco crepusculi, inimicum esse ratus, amicum illuc non esse planè censet, qui tamen nihilominus seipsum ictus illius Objectum sentit cum magno suo malo, optatq; se illuc non fuisse. *Idololatriam* hanc per errorem committi lubens agnosco, verùm idem sit in omni *Idololatria*, quæ ex serio Animi instituto committitur; adèd ut hoc factum liberare non possit à tam nefarii criminis ignominia. Quòd verò *Idololatria* sit evidens est, cum panis frustulo *Divinus* deferatur *honos*, quæ Peculiaritas est Divini Numinis, nulli nisi ipsi tribuenda. Violatio verò cujusvis *Divina Peculiaritatis* *Idololatria* est, per propositam Definitionem.

35. Virtute cujus Definitionis varias *Romane Ecclesiæ Idololatrias*, in colendis *Imaginibus Christi*, in colendis *invocandisq; Sanctis* atq; *Angelis*, & in adoranda deniq; *Eucharistia* planè apertèq; demonstravimus. Ac virtute quidem ejusdem Definitionis *Paganorum Idololatriæ* æquè clarè, in colendo supremo Numine per *Imagines*, retegì possunt, & in Religioso cultu quem *Demonibus* suis exhibebant, quèmq; hæc Definitio facilè probaret esse *Divinum*. Verùm hoc omnino extra præsentem scopum foret, nec omnino utile, aut argumento quòd præ manibus est congruum.

XXXV. Applicationem Idololatriæ Paganicæ ad hanc Definitionem, extra præsentem esse scopum.

36. Restat nunc tantùm ut Ceremonias aliquas in nostra Ecclesia usurpatas, applicando eas ad hanc Definitionem, ab imputatione *Idololatriæ* perinde atq; multas *Romane Ecclesiæ Idololatricas* evicimus, liberemus. Quæ non minùs utilis erit quàm, fortean, jucunda nostris consideratio, dum observant, quàm frustra Adversarii manus injecturi sint tenuibus istis funiculis quibus nos rursus retrahendos sperant in *Papismum*. Nam si Definitio *Idololatriæ* illis applicari non potest, manifestum est eas non posse esse *Idololatricas*. Definitionem verò eis applicari non posse tam facile ostenditur, ut huic Argumento insistere minimè sit necesse. In genere igitur notandum est quàm ingens discrimen sit inter *Religiosum* cultum propriè sic dictum, qui idem est qui cultus *Divinus*, ac pium vel *Religiosum affectum & respectum Præferentiæ*ve unius rei præ altera, propter relationem quam habet ad Objecta exercitiūve *Religionis* nostræ *Divinæ* cultus. Est quidem paulò inurbanus proverbium, *Si amas me, ama canem meum*, significationem tamen habere potest à præsentì instituto minimè alienam. Non est enim intelligendum de *Amore Amicitie*, sed de istiusmodi *Amore* cujus inferior illa creatura sit capax, quèmq; par sit illi impertiri cum relatione ad Dominum suum cui debeatur *Amor Amicitie*. Ità illi qui sinceram erga Deum gerunt *Divinam Reverentiam*, minimè mirum est si animum in se proclivem sentiant ad aliquam habendam *Reverentiam respectumve* erga eas res vel personas quæ speciali modo ad eum referuntur: sive *Sacerdos* sit seu *Templum*, ullūve *sacrum vas*, & id genus alia. Quæ *Reverentia* toto genere differt ab illo *Divino cultu* seu *Reverentia* quæ ipsi Deo debetur (plus inquam differt quàm *Amor Amici* ab amore caniculæ illius) ac proinde nulla esse potest *Divini Numinis Peculiaritas* & consequenter nulla *Peculiaritatum* illius violatio, si alteri alicui tribuatur. Quæ vera Notio est *Idololatriæ*.

XXXVI. Magnum discrimen inter Religiosum respectum vel præferentiam & Cultum Divinum.

37. Paucis aliquibus hoc exemplis illustrabimus & sic concludemus. Qui capita aperiant in Ecclesia, idèmq; faciunt etiam tunc cum Liturgia publica illuc non celebratur, nullo pacto concipiendi sunt *Divinam Reverentiam cultumve*. Deo peculiariter debitum, *Ædificio* in quo sint præstare; sed quia locus hic ad usum sacros est separatus & differentis conditionis à locis ordinariis qui talem relationem ad Deum *Divinumq; cultum* non habent, ex profundæ *Devotionis* habitu erga Deum, inferiorè hanc affectionem & reverentiam erga locum illius cultus etiam exprimunt,

XXXVII. Apperto capite versari in Ecclesia per hanc Definitionem ab Idololatria liberatum.

per modum *Discriminationis* & *Præferentie* illius præ aliis ædificiis communibus, quantacumq; magnificentia sint extructa. Quod certè non est reverentiam exhibere ullo modo æqualem, ejusdemve generis cum ea quam præstamus Deo, sed major tantum aliisq; classis reverentia est quam ea sit, quam ulli loco exhibemus qui non refertur ad Deum. In quo quidem nihilo plus Idololatriæ est quam quoddam *Moses* calcæos sibi de pedibus detraxerit quia terra sacra erat, ob specialem Dei illic apparentis præsentiam. Ac proinde nequaquam incongruens erat aliquam ipsi loco exhibere reverentiam in istis circumstantiis, nec profanare aut contaminare canosis pedibus. Quinimò necessarium erat si expressum Dei spectes præceptum. Vel si quis ultrò sic faceret, eo sensu reverentiæ quem insinuavi, quamvis *superstitiosum* quidem esse posset sub Christianitate, non posset tamen esse *Idololatricum*, cum nullæ *Divini Numinis Peculiaritates* indè violentur.

XXXVIII. *De osculatione Bibliorum in Juramentis accipiendis.*

38. *Deosculatio* etiam *Bibliorum* in Juramentis accipiendis, quæ in usu est apud nos (quæq; secundum propriam vocis Notationem, appellari potest *Adoratio*, cum ea vox aut admotionem oris rei osculandæ, aut manûs Adorantis admotionem suo ori propriè significet, atq; sic eam osculando, quoddam amorem nostrum atq; affectionem præcipuè, sed honorem simul erga personam vel rem ostendimus, quam ad hunc modum salutamus) hæc Cereemonia nihil aliud est quam significatio amoris ac existimationis quam habemus etiam de *materiali*, si ita loqui fas sit, *verbo* Dei, cujus lectione tam Divina solatia ac voluptates percipimus, quodq; nobis notitiam imperit Divinæ voluntatis & salutis illius quæ per Jesum Christum in hoc libro revelatur. Et si quis post seriam alicujus Capitis lectionem, corde ejus gestiente præ gaudio sanctaq; Consolatione abundante, (ex pio affectu erga ipsum Instrumentum tantæ gratiæ ac solatii ipsi communicati) oscularetur demum Biblia dum deponit, quæ major Idololatria in hoc esset, quam ille commiserit, qui Biblia pectus inter ac brachia tam arctè è suggesto in conspectu Populi compressit ad significandum quam chara ipsi essent esseq; debeant universis?

XXXIX. *Incurvationem versùs Altare mensamve Dominicam sub veram notionem Definitionemve Idololatriæ non cadere.*

39. Et quantum ad *Incurvationem versùs Altare*, qui sic faciunt, per illam Actionem proculdubio Deo Adorationem intendunt propriè summòve sensu sic dictam, ita ut species sit *Latria*. Quæ quoddam versùs locum dirigatur, ex se Idololatria esse non potest, cum omnino peragi non possit, quin versùs aliquem dirigatur locum. Et si Ecclesia *Uniformitatis* gratiâ unum locum eligat præ reliquis, modò Adoratio *versùs* eum tantum fiat, non potest esse *Idololatria*. Etenim Deum colere *versùs locum* quam *in loco* non major est Idololatria; Utræq; enim tantum *Circumstantiæ* sunt, non autem Divini cultûs *Objecta*. Jam verò postquam par esse statuerit ut Adorationem adhibeamus quum primùm in Dei domum introverimus, ut & *uniformitatis* causâ versùs certum aliquem illius locum partemve, cumq; totus locus aliqua ratione sanctus sit, & tamen *Præferentia* sit unius partis præ alia propter devotionem plusquam ordinariam in celebrandis longè omnium charissimis Religionis nostræ *Mysteriis* illic adhibitam, *Mortem* intelligo ac *Passionem* B. *Servatoris nostramq;* cum ipso *unionem* per participationem illius Carnis atq; Sanguinis, minimè profectò mirum est si ille locus ubi hujus rei symbola exhibentur magnaq; hæc ac pretiosa *Mysteria* celebrantur, *Præferentiam* habeat in Religiosa nostra affectione ac respectu præ reliquis locis in Ecclesia universis, ut sit quasi *Instrumentum directivum* versùs quam partem Ecclesiæ Adorationes facere debeamus; nempe ut *Altare* sive *Mensa Dominica* hoc *Instrumentum* sit *Directionis*, utq; hic peculiaris illius honos sit, hoc munere fungi. Quo quidem in sensu Incurvationes versùs eam fiunt, ut versùs *Propitiatorium* olim apud *Judeos*, aut nunc versùs *volumen Legis* sub canopeo in synagogis absq; omni specie aut suspitione *Idololatriæ*.

Divinus enim cultus *illi* neutiquam præstatur in hisce circumstantiis, *versùs quod* dirigatur, sed *ipsi soli Deo*; cum nulla *Animalis Figura* exponatur quæ hunc cultum recipiat, quemadmodum sit apud Paganos; cumq; *Panis Eucharisticus* nullâ ratione *Præsentia symbolica* sit, perinde ac nullam Imaginem sibi impressam habeat, sed & *Panis* & *Vinum* mera signa sint *corporis Christi occisi, crucifixi vel mactati, sanguinisq; effusi* pro nobis. Quæ proinde persona Christi non sunt, nec *Hypostaticè* in hoc statu unita cum illius persona, & consequenter nec *Symbola* eorum, ulla esse possunt *Præsentia symbolica*; quemadmodum in *Antidoti Defensione* notavi. Altare igitur eum honorem obtinet ut *Instrumentum directivum* sit, *quorsum*, ut Ecclesia honorem, *ubi*, Divina fiat Adoratio. Adoratio verò non magis fit *Altari*, ex eo quod *versùs* illud fiat, quam *Ecclesiæ Templove*, quoddam fiat *in eo*. Quandoquidem nulla super illud prostat *Figura Animalis*, quemadmodum antiqui Pagani sentiebant Deos suos in variis id genus formis apparere, atq; eos propterea sub eisdem colebant.

lebant. Hoc enim *Representativum* esset *Personale* Cultumq; versùs ipsum factum reciperet, juxta manifestum sensum Scripturæ & naturalem Rationis interpretationem. Hic verò cum nulla hujusmodi statua aut Imago erecta sit, tota res est in vado.

Quamobrem honos omnis quem Altare recipit in his Adorationibus versùs ipsum factis, hic est, ut adhibeatur ut *instrumentum directivum* populo ad ostendendum quò vultus vertere debeant, quando has Adorationes peragunt Deo, quod longè abest à tribuendo ullum cultum Divinum *Mense* seu *Altari*, ac proinde longè extra ictum nostræ Definitionis *Idololatriæ*.

40. Et ad eundem modum cum omnia *Nomina* ac *Attributa* Dei sacra sint, majorémq; erga ea habeamus Reverentiam, quàm erga ulla vocabula nominave quæ non referuntur ad Deum, (quanquam nullum quidem cultum reverentiámve Divinam eis debemus, quippe quæ Deus non sunt sed verba quæ transeunt ut alii soni solent) cum omnia, inquam, Dei Nomina sacra sint, tamen quia nomen *Jesu*, Dei manifestationem nobis in maximè obligatoriis circumstantiis exhibet, idcirco, quemadmodum *Mysteria* super Altare celebrata causa erant prælationis illius præ reliquis Ecclesiæ partibus universis, ut locum designet versùs quem adorationem dirigamus, ità hoc nomen *Jesu* præ reliquis omnibus nominibus vocabulisve quæ Deum significant, aut illius *Attributa*, meritò adhiberi potest ad determinandum *Tempus* & occasionem quando in publica Liturgia uberiori modo debeamus Devotionem nostram exerere in colendo Deo *Servatore*, præsertim cum Scriptura tale quid nobis subinsinuare videatur. Atq; hic quidem honos est Nomini *Jesu* datus, ut ad illius nominationem nobis occasionem arripiamus profundam præbendi Reverentiam Divinúmque cultum æterno nostro Redemptori. Unde manifestum est eum honorem qui *Nomini Jesu* obtingit aut *Altari*, in incurvationibus factis ad nominationem unius & versùs situm alterius, multum abesse ab honore Divino, *Divinúsque*, propterea *Peculiaritates* indè non violari, nec ullam *Idololatriam* committi.

XL. Nec incurvationem ad nomen *Jesu*.

41. Et postremo, quantum ad *Eucharistiam* sacræ *Panis* ac *Vini* symbola, quòd in genua *ipsis* non præcidimus, in *Antidoti Defensione* abundè ostendi: verum in ea invenimur positura, quoniam devotis erga Deum ejaculationibus toti occupamur, cordibus nostris versùs eum anhelantibus inter recipiendum sanctum hoc sacramentum. Atq; hæc sanè summa illius Reverentiæ debita est, quam per Rubricam Ecclesiæ nostræ ullamve indè directionem, in celebrandis sacris hisce *Mysteriis* requiri video. Et si privati aliqui Doctores Ecclesiæ de adorando Sacramento quicquam dicant, cum talis intelligatur Affectio & Reverentia quæ erga *verbum Dei sacræ Biblia* exprimitur, hanc nullam *Divinarum Peculiaritatum violationem* esse suprà notavi, ac proinde nullam esse posse *Idololatriam*. Et si loquuntur de *Adoratione propriè sic dicta*, equidem per charitatem suspicor, intelligendum esse de *Adoratione versùs symbola* facta, quemadmodum suprà explicavi factum versùs Altare, hoc est, utendo eis tanquam *Instrumentis directivis* versùs quæ adorationem præstamus Christo, nequaquam verò *ipsis* tanquam *Objectis* illius. Quod valde difficile credo ut quisquam imaginetur fieri, qui sibi ipsi conscius sit, quali motu agatur Anima, quando Actum *realis sinceræque Adorationis Divinæ* cultus obit, perpendatq; secum, quid sit quoquo sensu illius esse *Objectum*. Syntaxin profectò inventurus esset tam turpiter vitiosam ac distortam, rem quamlibet quoquo sensu *Objectum Adorationis* facere præter Deum, ut tantæ vecordię eum prorsus puderet, magisq; absonum deprehenderet & incongruum, magisq; impertinens ac onerosum, quàm si quis solem visibilem adoraturus, candelam junceam oculos inter atq; solem interponeret, & ad eam simul adorandam tanquam *Objectum* cum relatione ad solem se obligaret, dum prætendit ultimam eodem tempore ipsum solem adorare; manifestum utiq; est, distractioni ac impedimento ipsi fore.

XLI. Nihil quod vel minime habeat speciem Idololatriæ in celebranda cœna Dominica ab Ecclesiâ nostrâ requiri.

42. Quod certè meritò facit ut suspicemur eos qui ad adorationem faciendam *externis Objectis* aded proclives sunt, ad corda quidem animosq; cum *eterna* illa ac *invisibili Potestate* conjungendos, (quæ in minima cogitationum distractione optimè sentitur) non satis acri intentione ferri, sed externis hisce rebus lubenter inhzere velle, atq; sic Religionem in Terram demum deprimere solòve æquare, Animasq; hominum permittere in inerti quadam carnalitate stupere planè ac obbrutescere. Quamobrem de quibuscunq; particularibus Ecclesiæ nostræ Doctoribus meliora spero quàm ut in animo habeant Adorationem Divinamve cultum symbolis *Eucharisticis* præstitum, rem licitam asserere, quasi Adoratio *Objecto indebito* facta transire sic possit ad *Objectum debitum*, nempe ad Christum; hoc enim suprà probavi manifestum esse *Idololatriam*.

XLII. Ratio cur quidam homines ad adoranda externa Objecta sint proclives.

XLIII. *Mem-
tem Ecclesia
non interpre-
tandam esse ex
temerè dissi-
privati ejus-
cunq; Doctrina.*

43. Quod si quis ex Ecclesia nostra tam inconsideratè loqueretur, quid istud ad ipsam Ecclesiam, quæ se longè infra hos limites continet? Atq; ii quidem qui ex Ecclesia sunt, ad nullorum particularium hominum opiniones tenentur, sed ad generalem professionem praximq; Ecclesiæ. Quæ ex his instantiis, (quæ tamen maxime omnium scrupulum movent) videre potes quàm immunis sit ab omni labe maculæve Idololatriæ juxta veram illius Notionem ac Definitionem, quippe quæ nullos Religiosos ritus usurpat quibus *Divini Numinis Peculiaritates* violentur.

XLIV. *Ingen-
periculum in
relinquendo pu-
gionem Ecclesi-
am pro Ecclesia
Idololatriæ.*

44. Ac proinde brevem hanc operam, quam insumpsi in ritibus tum Romanæ Ecclesiæ tum nostræ, per tam perspicuam Regulam, adedè libere & fideliter examinandis, gratam perinde fore confido ac tempestivam omnibus qui salutem suam seriò curant, summopereq; eos spero sibi, hoc lubrico seculo, cauturos, nè puram relinquant Ecclesiam pro Ecclesia tam multifariis Idololatriæ maculis contaminata, quinimò & illos qui in ista Ecclesia contaminata sint, meliùs sibi prospecturos ineundo communionem cum illa Ecclesia quæ est magis pura. Interea verò loci, zelum hunc nostrum plusquam ordinarium excusatum iri spero in re tam immensi momenti, & in qua vertitur æterna nostra felicitas atq; salus, quippe quum tam expressè declaratur in Scripturis, *Nullum Idololatriam Celorum regnum esse hereditarium.*

XLV. *Spiritu-
alis Idolola-
tria. Varia
illius Instantia,
ut Avaritia,
quam Apostolus
appellat Idolola-
triam.*

25. Quod quidem quemadmodum irrefragabiliter verum est & in confesso apud omnes de hac *externa ac Rituali Idololatria*, ita sanè non minùs verum est de *interna seu spirituali*, nisi sincerè studeamus nosmet ab ea liberare. Sunt enim alia *Idololatria* Genera quàm quibus hætenus institimus, taliq; quæ pari curâ evitari debeant, si propria nostra nobis cordi sit salus. S. Paulus unum expressim ex hoc genere memorat & ipso nomine indicat, *Mortificate igitur membra vestra terrestria, scortationem, impuritatem, mollitiem, cupiditatem malam, & avaritiam quæ est Idololatria*, Colof. 3.5. Vox Græca est *μαρτυρελα*, *Pecuniæ cupiditas*, quam credo Apostolum *Idololatriam* non reputare propter *Images* in nummos usitatè impressas, sed propter fidem ac recumbentiam quam pleriq; habent in incertis divitiis. Eadèmq; prorsus ratio est in rebus omnibus *Mandanis* cujusmodicunque, in Potestate, in Amicis, aliisq; id genus reliquis. Qui majorem in his fiduciam ponunt quàm in Deo vivente, spiritualem manifestò committunt Idololatriam. *Confidite Jehova in perpetuum, Nam in Deo Jehova est abur sempiternum*, Isai. 26. 4. *Jehova mea rupes est, arx mea, Deus meus, meum Numen cui confidam*, Psalm. 18. 2. *Etiā si occiderit me, in ipso sperabo*, inquit *Jobus*, Job. 13. 15. Atq; sic nos oportet facere, cuicunq; permiserit occidere nos, vel ullo modo persequi, quippe certos nihil in pejus obtingere posse eis qui fiduciam ponunt in eo. Quod si cùm omnia visibilia solatia deficiunt, in Deo invisibili nostra itidem deficit fides, indicio est nos Creaturam fecisse rupem Confidentia nostræ, eq; illud tribuisse quod *peculiare* est Deo, quod manifesta est Idololatria.

XLVI. *Falsam
Ideam de Deo
fovere, horri-
dam, ac terri-
ficam, alterum
genus esse spi-
ritualis Idolola-
triam.*

46. Quemadmodum etiam esset si falsam Ideam de Deo formaremus, magis horridam ac terrificam quàm maxime formidabilia *Idola Paganorum*; Huicq; adulareretur & nobismetipsis, quasi in speciali apud ipsum essemus gratia, quia talem eum credimus qualem nos falsò confinximus, adamantinæ putà *severitatis*, vel potius *crudelitatis* erga partem humani generis longè maximam, ad æterna & ineffabilia tormenta inevitabiliter damnandam, sed adedè inæquali interim erga personas nostras præ reliquis mortalibus universis indulgentiâ ut necessariò ac fataliter salvandi simus, quomodocunq; vitam instituerimus, ex eo solo quod sic voluerit, atq; hoc ipsissimum Fundamentum foret Fidei nostræ ac recumbentia in Deum; Hoc certè etiam *spiritualis* esset *Idololatria*, & egregia pretiosi illius Divini Attributi, si non ipsius Naturæ Dei violatio, quem S. *Johannes Amorem* esse declarat, *Deus amor est, & qui in amore manet, in Deo manet & Deus in eo*, S. Johan. 4. 16.

XLVII. *Chri-
stianos qui ob
dissensum per
consentiam
in rebus Reli-
gionis perse-
quuntur & occi-
dunt alii alios,
Deum Christia-
norum commu-
tare in sa-
dissimum Idola-
trum Paganorum.*

47. Lege *Mosaicâ* vetitum est nè quis alienum suffimentum ignemve offerat, atq; æquè stricte sanè vetitum est Evangelio Christi. Etenim cùm discipuli ejus ignem de cœlo devotarum voluerint, (quemadmodum ab *Elia* olim factum erat) ob injuriam Domino suo ac Magistro illatam, objurgabat eos dicens, *Nescitis cujus spiritus vos sitis*, Luc. 9. 54. Acerbus ac truculentus zelus (Apostolus *ζῆλος* *τιμῆς* appellat) alienus ille ignis est vel suffimentum Domino minimè offerendum sub Evangelio. Nihil enim magis alienum esse potest à spiritu Evangelii quàm illud. Johan. 16. 2. *Veniet tempus quum quisquis trucidabit vos, putabit se salvum se servaturum*, acceptum quoddam Divini cultus genus præstare Deo, ac si oblationem sacrificiumve ipsi offerret. Atq; hoc equidem est illud *alienum Incensum*, *Ignis & sacrificium* quod omnes *Religionista* Deo offerunt (cujuscunq; fuerint Sectæ aut Opinionis, sive *Pontificia* sive *Reformata*) qui ob dissensum in rebus Religionis persequuntur & trucidant alii alios, ac si hæc genuina arma essent militiæ Christi, qui tamen expressim

pressim pronuntiavit, *In hoc cognoscent omnes vos meos esse discipulos, si mutuo vos amore prosequamini.* Dum verò persequuntur, occidunt, & præ barbaro quodam zelo mactant alii alios, putantes se hac ratione *καλῶς περὶ τοῦ θεοῦ*, acceptum cultum præstare Deo, commutant quidem Christianorum Deum vivum in turpissima Idola Paganorum, quibus solenne erat hujusmodi sanguinolentis hominum mactationibus sive *ἀρδύων θυσίαι*, coli, apertèq; proinde spirituales Idololatriam committunt, violando ac deturpando peculiarem Dei Christianorum characterem, dum ad hunc modum eum prætendunt colere.

48. S. Paulus cohortatur Romanos, cap. 12. ut præsent corpora sua, hostiam viventem, sanctam, acceptam Deo, quam & τὴν λογικὴν λατρίαν ἡμῶν, cultum nostrum rationalem appellat, illum utiq; Divinum Cultum, qui maxime congruum est & rationi consentaneum ut tribuatur Deo, nempe ut dedicemus devoveamúsq; omnes vires ac facultates animæ juxta atq; corporis, (nam ex eo quòd *ὅσα ζῶσα* dicitur, Anima manifestò implicatur) Deo colendo ac serviendo. Hæc est illa nostra rationalis congruensq; Latria, quam Deo debemus; ac proinde, si vires omnes animi robúrque corporis nobis ipsis serviendis impendamus nostrisq; carnalibus ac Mundanis cupiditatibus, manifestum est nos ex nobismetipsis Idolum efficere, nobisq; illum cultum tribuere, quod rationi consentaneum est ut soli tribuatur Deo.

49. Cúmque scriptum sit, *Diliges Dominum Deum tuum ex toto corde tuo, & ex tota anima tua*, hoc est, summus vigor ac plenitudo amoris nostri omnino in eum derivanda sint, aliáq; amanda illius gratiâ, Deo hoc postulante ut peculiare suum debitum, certè si fervorem hunc & integritatem affectuum nostrorum erga ullam personam aut rem, Amicum, Uxorem, Filium, Existimationem, Voluptatem, aliúve cujusmodicunque, ferri sinamus, hæc Divina Peculiaritas violatur, éstq; certissimè genus quoddam spiritualis Idololatriæ. Unde minùs mirandum tam frequenter hominibus Fortunam adversari in eis rebus vel personis quas tam impensè amant quibúsve supra modum oblectantur. Ac proinde incolumitas nostra est perinde ac officium, affectus moderatos habere erga res omnes præter solum Deum, ubi nullum esse potest excessus periculum.

50. Et postremò (in argumentum enim incidimus adèd copiosum, ut necesse sit nobis limites imponere nè nullum videamur invenire posse exitum) notissimum est nec negari potest, quin Deus finis ultimus sit rerum omnium. Sic est in se, & sic esse à nobis agnosci debet tum per verba tum per actiones nostras. Quamobrem si actionum nostrarum finem ultimum nosmetipsos facimus, nostrámque propriam felicitatem quatenus nostram, non autem quatenus juxta voluntatem sit naturámque Divinam, callidum quasi paciscentes pactum cum omnisicio Deo idémq; non ultra præstantes (quod omnium pessimum est) quàm cum præsentì nostra quiete, securitate & emolumento consistat, præferentes hæc illius voluntati ac præcepto, hæc etiam manifesta est Idololatria spiritualis, rurúsque nosmetipsos Idola facimus, nos faciendo finem ultimum nostrarum Actionum. Finis enim ultimus non potest esse nisi unus, quæ voluntas Patris est, Lumen notitiæ Dei in facie Jesu Christi in nobis manifestati, qui splendor illius Gloriæ est expressáq; forma illius Personæ. Qui in carne declaravit se non descendisse de cælo ut voluntatem suam faceret, sed voluntatem ejus qui misit illum.

Hæc igitur suprema lex est Deiq; mandatum de puritate sui cultus ut nullam habeamus voluntatem finémve Proprium. Nam quemadmodum non nisi unum Deum habere debemus, *Audi Israel, Dominus Deus noster Deus unus est*, Deut. 6. 4. ità habere debemus non nisi unam voluntatem, voluntatem utiq; illius Dei quem colimus. Quam certè non habemus, si ullam habemus propriam sive quærentem voluntatem, finémve, voluntati Dei non subordinatum. Cujus Voluntas atq; Lex, nihil sibi quærentis Amoris Lex est, qui paratus est agere, & in bonum Creationis Dei quidvis, quantumlibet acerbum ac dolorificum, contentus pati. Cujus conspicuum quidem exemplum erat Beatus Servator. Atq; hoc equidem est de quo testatur Domini Jesu Intimus, in calce suæ Epistolæ, 1 Johan. 5. 20. *Scimus item Dei filium venisse, & nos eo ingenio donasse, ut verum cognoscamus Deum, sumúsque in vero, in ejus filio Jesu Christo. Is verus est Deus æternusq; vita. Filioli, cavete vobis ab Idolis.* Amen.

XLVIII. Vires omnes corporis atq; Animæ propria voluntatis satisfactiōni impendere, hujus Idololatriæ exemplum alterum.

XLIX. Plenitudinis integritatisq; affectuum nostrorum in quamlibet creaturam effusum aliud ejusdem rei exemplum.

L. Nosmetipsos finem ultimum facere actionum nostrarum cultusq; ad Deum præstiti, instantia gratia hujus spiritualis Idololatriæ.

DIVINORUM
HYMNORUM
HEPTACHORDON:

SIVE IN

Nativitatem Christi,

IN

*Ejus Passionem, Resurrectionem, Ascensionem, missionem Spiritûs
Sancti, & in Mundi Creationem*

EJUSQUE

Redemptionem per Christum Re-introductione Novæ Creaturæ

CARMINA SEPTEM,

Anglicè primitùs scripta & nunc demum Latinè versa.

Per Henricum Morum Cantabrigiensem.

Pſalm. 96.

Ἄσπετε τῷ κυρίῳ ᾄσμα καὶνόν, ᾄσατε τῷ κυρίῳ πᾶσα ἡ γῆ.

Ἀναγγεῖλαι ἐν τοῖς ἔθνεσι τὴν δόξαν αὐτοῦ, ἐναγγελίζετε ἡμῶν ἐξ ἡμῶν τὸ σωτήριον αὐτοῦ.

LONDINI,

Typis J. Macock, Impensis Joh. Martyn sub Signo Campanæ, & Gualteri
Kettilby sub Signo Capitis Episcopi in Divi Pauli Cœmeterio.

MDC LXXIV.

DIVINORUM HYMNORUM HEPTACHORDON.

HYMNUS PRIMUS.

In NATIVITATEM Christ



Antea Dei soboles summi de vertice Cœlli
Lapsum *Adamidum* mœstos miserata dolores
Descendit, linquens ultrò *Cœlestia Tempe*,
Nos ad ea ut reduces traheret felicia Regna.

*Narratio Hi-
storica.*

Deposuit vestes radiantis lucis coruscas
Personam ornabant quæ Majestate verendam,
Humanas subistq; vices ac tristia Fata,
Humanâ formâ & mortali sanguine cœtus.

3.

Matutina suo sic lapsa est cœlitus Orbe
Spirantis terræ ut condant se Stella sepulchro.
Æthereum extinguens splendorem protinus omnem
Udi uteri ingressu castæq; humilissq; Puellæ.

4.

Angelici ergò Chori, decurso tempore, tandem
Cœlesti celebrant *Nataliâ Mystica* cantu,
Atq; immensa ferunt inopinâ gaudia vocè, &
Pastorum vigiles læti modulantur ad aures.

5.

Æterni sic sancta Dei proles, Homo facta est,
Ut queat esse Dei proles, Humana Propago,
Divinam possint rursusq; capessere formam
Quâ consanguineo mens *Enthea* Numine gaudet.

*Historia Appli-
cata ad promo-
vendam vitam
probitatem.*

Z z z z z

6. Da

6.

Da Pater & mentes humiles, da cordaq; pura,
Imple animosq; tuo *cœlesti* prorsus amore;
Sic toto ut totum dum haurimus pectore Christum,
Omnes possimus *Divino* semine nasci.

7.

Dâq; precor, Pater *alme*, sacrâ sic stirpe renatâ
In tam *Divinum* sensum vitæq; vigorem,
Condigno *horrore* ut fugiamus turpia cuncta
Quæramusq; tui vivi solatia verbi.

8.

Utq; hoc *cœlesti* mens enutrita *cibatu*
Ætatem Christi tandem pertingat *adultam*,
Quâ tunc tam stabili gressu prosequamur *Honestum*,
Omnibus ut constet quâ simus *Origine* natî.

9.

Tu *Soboli* concede *tuæ*, ut vis nulla pudicas
Inquinet huic Animas, cogâtve ad turpia Facta,
Erigat at celsa in campo quocunq; Trophæa,
Clareat ut latis *Patris* indè *Potentia* terris.

Da tandem nobis post splendida bella peracta,
Terrenæq; hujus passis incommoda vitæ,
Cum Christo gnato tua nos quoq; pignora posse
Promissa accipere in puro *Patrimonio* Cœlo.

HYMNUS SECUNDUS

In PASSIONEM Christi.

Narratio Hi-
storica.

Pastor ab excelso descendit fidus Olympo
Palantes in valle Greges Telluris opacæ
Ut legat, & cecâ mortis Regione jacentes
Excitet ad læti visenda Palatia Cœli.
Delicias tantas equidem res magna fuisse
Liquisse, atq; bonis ultrò caruisse supremis;
Verùm & velle pati vitæ mala summa caducæ,
Immensum hoc sanè est & inenarrabile Factum.

2.

Quem modò fulgentem *cœlestis* gloria cinxit,
Vitæ hujus jam urgent vilisq; gravésq; Tenebræ;
Dûmq; assueta oculos feriunt malefacta tenellos,
Illius heu! misero lacerantur corda dolore.
Innocuos levis irridet contemptio mores.
Quæ verò attonito fecit miracula mundo

Invidia

Invidia hæc carpit, tetro & Phariſæa veneno
Tincta, maligno auſu, Rabies ſua ſpicula figit.

3.

Tandem odium tumida in tantum ebulliverat unda
Subjicerent falſos ut Teſtes, morte nefanda
Quò dominum vitæ poſſent occidere, poſtquam
Candida contortis lacerarant membra flagellis.
Quin præ contemptu & Regalis purpuræ amiſtu
Induerant corpus, ſpinarum & tempora latreo,
Atq; indulgentes luſum ſibi porro malignum
Pro ſceptro *Tyrium* dignantur arundine veſtem.

4.

Tunc per ridiculum venerantur poplite flexo
Conſpuiturq; ſacer petulanti milite vultus.
Arborea tandem fixerunt in Cruce paſſum,
Proh pudor! atq; duos poſuere utrinq; latrones.
Clavis, heu! miſero fodere pedesq; manusq;
Sanguineis ſubter, maduerunt gramina guttis.
Ferreæ Nox oculos urget, Mortiſq; dolores
Divini extingunt florentia lumina vultus.

5.

Peccati infelix portans ſic pondera noſtri
Innocuus queritur gemibundis vocibus Agnus;
Dumq; ita nos redimit triftis de Faucibus Orci
Multa inter, propriam amittit, ſuſpiria, vitam,
Natura, en! reſilit, ſubito perterrita caſu,
Exhorretq; mali ſpeciem ſtupefaſta nefandi.
Conſcia Terra tremit, duræ Rupesq; dehifcunt,
Attonitiſq; aufert lucem Sol aureus Orbi.

6.

Et nos tam ſurdo interea ſenſu eſſe queamus
Quàm talem non flere vicem lacrymiſq; maderè?
Facta ſit hæc noſtra cum triftis Agonia culpa,
Noſtra ut non crucient obnoxia corda timores?
Scilicet huic viſum eſt tam diras pendere poenas
Iratum ut proprio placaret ſanguine Numen,
Virgarum & ſævos nobis defenderet iſtus,
Queis ſolet ira Dei ſclerata ſcindere gentem.

7.

Nequitiës, O turpe Caput! quâ filius olim eſt
Ipſe Dei tanta & tam dira ſubiſſe coactus!
O Amor immenſam ſuperas qui gurgite Abyſſum,
Tâmq; aptam proſers, ſemper venerande, medelam;
O amor, Angorem vincens ac, viribus, Orcum,
Qui poteris penſari unquam tali niſi amore
Quo vitâmq; animâmq; atq; omnia membra teramus
Puro ſancta Dei proſequentes Numina cultu?

8.

Quémnam etenim nunc non pudeat conflare querelas
De Cruce quam nobis rata Mortificatio figat,

Z z z z z z

Dum

*Hiſtoria Appli-
catio ad promo-
vendam vitæ
probitatem.*

Dum recolit secum miseros tristeq; dolores
Quos nostris pro Animis Servator pertulit ipse?
Quisve potest nunc sava indulgere æstibus iræ
Invidiamve fovere Odiūmve in pectore acerbū,
Attento gratq; recenset corde stupendum
Immensūmq; sui dum Servatoris Amorem?

9.

Da, pater, ergo, tuus propriam cūm Filius olim
Pro nobis *naturalem* deperdere *vitam*
Nequaquam abnuerit, *vitam* ut nos sacrificemus
Impuram nostram, mactemus & impia membra :
Ut nobis *ipsis defuncti*, postea *Christo*
Vivamus soli, qui nobis mortis ut atras
Pelleret ærumpas dirum Infernūq; dolorem,
Sponte suā irato facta est grata Hostia Patri.

10.

Datanti ut possit renovatus sensus Amoris
Nostra illi firmis constringere pectora vinculis,
Invictaq; omnes vi cogere mutua amorū
Præstare officia, atq; animum coalescere in unum;
Nullus ut, obtentu, locus Iræ Odiōve superfit,
Illati damni, quōdve ulla injuria facta est.
Quippe Dei proles etiam *tunc hostibus ipsis*
Charam non renuit pro nobis fundere vitam.

HYMNUS TERTIUS

In RESURRECTIONEM Christi.

I.

Quisnam hīc quem video lentum descendere ab *Edom*
Et *Bosra*, madidas conspersum sanguine vestes?
Ille est quem Judæ dederat Gens perfida morti,
Quem pessum dederant immissæ coelitus iræ.

2.

Illius, heu! anima innocua est vi sola coacta
Purpuream calcare irati Numinis Orcam.
Hinc est quōd niveos ita commaculavit amictus
Sanguineo & tinxit sua vestimenta rubore.

3.

Inferno & Morti pugnavit fortiter, atro
Claudere, plus triduo, nec eum valere sepulchro.
Libertatem etenim est subito se vindice nactus
Invictūmq; caput de Manibus extulit imis.

4.

Horribilis confregit ahena Repagula Mortis
De Peccato egitq; suos Ereboq; Triumphos,

Quassarat

Narratio Hi-
storica.

Esai. 63. 3.

Quassarat quum Regna gravi *Infernal*a motu
Implératq; omnes diris terroribus *Umbras*.

5.

Ille vel invito mactatum corpus ab *Orco*
Eripuit rursúsq; tulit sua faucia membra,
Omnia perfundens *Terræ* loca finitima indè
Suavi expectatæ vitæ immortalis odore.

6.

Æterni O invicta Dei venerandâq; Proles,
Peccatum qui vicisti *Mortemq; Erebumque*,
Præclaros nobis etiam concede Triumphos
Mortifera ex animis cuncta ut *Peccata* fugentur.

Historia Appli-
catio ad probi-
tatem vitæ pro-
movendam.

7.

Perge, age, subde armis porrò victricibus * *Edom*,
Illius & stirpem reſeca radicibus omnem,
In nobis pulchrâq; tuam bonus erige Formam,
Deformare solet miserè quam perfidus || *Edom*.

* ὁ νικῶν τὴν
ἀδύην, Phil. Jud.
Caro & sanguis
moraliter in-
tellecti.
|| *Vetus Adam*,
Rom. 6. 6.

8.

Da *mortis* virtute *tua* ut nos *mortificemus*
Affectus praves, cæcosq; Cupidinis ignes,
In nos, ut *nobis defunctos* prorsus, abundè
Etheream infundas vitæ simplicis auram.

9.

Sicq; ad Justitiam nostras expergito mentes,
Vivificâq; tuâ perdulci vitâ & amore,
Ut verbis factisq; tuas hîc pandere laudes
Possimus, puro & mox vitam degere cœlo.

10.

Fac nos æthereâ incedamus gloriâ amicti
Ambrosiâq; gerant fulgentia corpora vestem,
Cum, Pastor venerande, tuos tu comiter Agnos
Cœlestes ad Agros duces & lucida *Tempe*.

HYMNUS QUARTUS

In ASCENSIONEM Christi.

1.

COnspicius Cœlum Deus ecce ascendit in altum
Clangore gressus alacri comitante Tubarum,
Regalem, supra nubes, sedemq; capeſſens
Extendit totum Victor sua Sceptra per Orbem.

Narratio Hi-
storica.

2.

Mobilis aut *Tholus* aut fixum & venerabile *Templum*,
Judeis olim *paucis* sua Numina clausit:

Sed

Sed nostram huic postquam visum est assumere carnem
Protulit extremæ Imperium ad pomœria Terræ.

3.

Quippe quod in carne Humana tot tristia passio
In totam effluxit patrata Redemptio Gentem.
Humanumq; suâ genus omne ita morte redemptum
Ducet ad æternæ credentes gaudia vitæ.

4.

* AB. 1. 9.

Eja igitur laudes, claras huic pangite laudes,
Immenso totum Sceptro qui temperat Orbem;
Cælum olim ascendit * vectus qui nube coruscâ
Ter, quater, huic laudes, claras huic pangite laudes.

5.

Hic captivantem duxit captivum; Ereboq;
Ecce, Triumphato, & prostratis viribus Orci,
Fulgenti his tumidos perstrinxit gloriâ ocellos
Aëreis qui dia plagis habitacula ponunt.

6.

Humanâ formâ est humanâ & carne profectus,
Quam Crucis ornabant toleratæ vulnera, quæ ille
Cœlituum ante oculos monstrabat hiantia Patri,
Splendida, syderio & rutilantia cuncta fluore.

7.

Historia Ap-
plicatio.

O firmum veniæ peccati, dulcèq; pignus!
Atq; statûs nullo claudendi limite vitæ!
Quippe suis Humana potest natura peremptis
Sordibus æternum fieri grata Incola cœli.

8.

Pronos ergo animos sursum, Pater alme, levato
Ad charam Patriam miseri quam liquimus olim;
Et sanctis purga cordis penetralia flammis,
Illâ apti ut simus purâ sic vescier aurâ.

9.

Fac nostra in superis sit conversatio Cœlis
Ad tuam, ubi Christus gestat Sceptra aurea, dextram.
Mundanumq; omnem in nobis extinguito amorem,
Arctius affectum tecum ut coëamus in unum.

10.

Celso animo fac spernamus Terrestria cuncta,
Præsentis fusè & spargamus munera sæcli,
Ut sic æternæ lucremur præmia vitæ,
Quæ proprio est nobis mercatus sanguine Christus.

11.

* AB. 1. 11.

Flammiferis ut cùm vectus redit ille quadrigis
Auratâq; effulget, * ut olim, gloria nube,

Nostræ

Nostræ animæ puræ inveniantur & immaculatæ,
Innocuæ & dulci virtutis luce nitentes.

12.

Ut sic findentes Aquilinis Aëra pennis
Illius Æthereis possint se adjungere Turmis,
Geniorum & tandem illustri comitante catervâ
Luminis Æterni ad lætas deducier Oras.

HYMNUS QUINTUS

In MISSIONE M Spiritus sancti.

1.

Corpoream Christus postquam subduxerat atq;
Cœlo discipulis formam occultaverat alto,
Illi, heu! Orborum ritu, tristisq; querelas
Fudere, assiduo & miseri indulsere dolori.

Narratio Hi-
storica.

2.

Syderei verum ille petit sublimia Cœli
Ut majora inibi magis sacrâq; dona capeffat,
Inq; sinus horum, quos hac Tellure reliquit,
Sedibus Æthereis felici depluat imbrj.

3.

Ergo his sollicitis mox mortalis vice carnis
Spiritus offertur, divinitq; munera vite.
Æternum Fontem, æternos laticesq; ministrat,
Arentes Animas recreans & languida corda.

4.

Nempe animosq; lacrimasq; omnes concorditer uno
Dum coeunt, sacro sese absconduntq; recessu,
Ecce, ruit rapidâ de cœlo effusa procellâ
Gratia linguarum bisido memorabilis igni.

5.

Occupat æternus delectas Spiritus ædes
Viribus & plenis imo à fundamine quassat,
At tali interea, linguas dote ornat, ut illæ
Attonitas reddant Aures & Pectora findant.

AB. c. 2)

6.

Spiritus & sancti Zeli & coelestis Amoris
Adveniat, Domine, & distincti Spiritus Æqui,
Roboris à supera descendat Spiritus Æthra,
Concordisq; Animi, Pacem impensq; colentis.

Historia Ap-
plicative.

7.

Spiritus arguta, per seipsumq; loquelæ,
Cujus vim per seipsum est mens conscia quæque,

Cæcâq;

AB. c. 37.

Cæcâq; pervadet pravi Penetralia Cordis,
Errorémq; omnem Peccatúm; indè fugabit.

8.

Purifici nobis veniat citò Spiritus *ignis*
Anfractus Animi scrutans & Pectoris ima,
Irarum ut *pugnet* turpèsq; cupidinis cæstros
Mitia Divinæ accendendo *lumina* vitæ.

9.

Inq; tui hac, *Fidei* huc accedat Spiritus, Hora
Roboris, adversas possit quæ frangere vires
Peccati: Auxilio hoc freti ut semper valeamus
Debellare feros armis victricibus hostes.

10.

Spiritus interne infletur, Rex inclyte, *Vita*,
Ut nostro sic corde tuas conscribere leges
Possis, quò vivo *instinctu* ac omni absq; labore
Natura ex *propria* Justum patremus & Æquum.

11.

In cunctas Orbis fundatur Spiritus Oras
Tota ut Justitiæ renovetur Imagine Tellus,
Frangantur *Satana* ut scelerata atq; impia Regna,
Subjecta & Christi fiant grato omnia Sceptro.

12.

Torrentis ritu magni, ingentisve *Procella*
Coelitus excurrans obstantes proruat omnes,
Atq; omnem impuram legem stolidamq; refingat,
Uni ut subdatur *Christi* Gens omnis *Amori*.

13.

In cunctis Pax læta locis *Æquumq; Bonumq;*
Crescant, O fructus, edit quos *Spiritus*, almos!
Crescat *Amicitia* & *mansuetus* deniq; *mos*, &
Omnia Spiritui quæ sunt bene consona *Christi*.

14.

Concede hæc, O sancte Pater veraxque, futuri
Conscia qui corda inspirasti Vatribus olim,
Confestim attonito propera fata aurea mundo,
Servorúm; audi concórdia vota tuorum.

HYMNUS SEXTUS

In CREATIONEM Mundi.

1.

Narratio Hi-
storica.

Augusti cùm prima Deus Fundamina Mundi
Substruxit, tenerum pulchrè formavit & Orbem,

Divi-

Divino splendore Chaos penetrante profundum,
Illius *Angelicae* laudes panxere *Camena*.

Progenies tunc læta Dei, ô quàm dulcè canebant!
Extulit ut primos ejus Lux aurea vultus,
Et croceas Aurora comas, quæ primitus omnem
Naturam pinxit specie variante Colorum.

701. 33. 7.

Omnia quæ fecit, fecit sex ille diebus,
Quicquid Terra tenet Coelumve aut Cæcula Ponti;
Septimam & indè diem proprio dignatus honore
Separat, ut celebrent sancto hæc sua Numina cultu.

Nos ergo, cum prole Dei, jam læta canamus
Carmina, *cùmq;* alacti usq; ad sydera voce feramus,
Omnia qui ex *Nihilo* in lucem produxit opaco
Fulgidâq; extendit lati *verbo* atria Cœli.

O rerum Sator ætæ, tuis mirandèq; Factis
Omnibus! Heu, stupidi quàm percelluntur ocelli
His quæ quotidie occurrunt saturarèq; possint
Obtusum sensum & longo vilescere ab usu!

Quales sunt grati Reditus *Noctisq;* *Dièsq;*
Atq; ratæ *Tempestates* revolubilis *Anni*,
Agricolæ qui ritè solet pensare labores
Farrâq; sufficiens & læti pocula Vini.

stellarum certâ, Numeros, habilèq; Figuras,
Ac *Lunæ* pariter cursus, tu lege revincis,
Tu cæcos æstus furiosâq; *Materiai*
Divino placidè componis prælia Verbo.

Amplexus, *Terræ* partes, tu cogis in arctos,
Durâ hæc consensûs vitæ dulcèq; Catenâ:
Tu tenues *pluvie* guttas mirâ arte rotundas,
Enitet unde *Iris* vario depictâ colore.

Nubibus impinguas *oleum stillantibus* Agros,
Ac viridi vegetas flores ac gramina Campo.
Tu *sylvas* florere comis facis, atq; *volucres*
Frondebis argutas densis crispare querelas.

A a a a a

Tu

10.

Tu *Pecore* exornas vario ridentia prata,
Planitiemq; rigant flexis tua *Flumina* rivis,
Squamigeram liquido tu pascis in æquore gentem,
Permeat & totum *Bonitas* tua sustinet Orbem.

11.

Historia Appli-
catio.

Hæc tu cuncta tuâ fabricasti, ut cætera, dextrâ,
Æternâq; Homini fecisti subdita lege,
Verum ut rursus Homo tibi sit subjectus, & ultro
Obsequium justum & justos tibi præstet honores.

12.

Ergo crea, Pater alme, in nobis *pectora pura*,
Erectusq; regat renovatos Spiritus artus,
Nos iterum ut lapsæ reparantes munera vitæ
Cuncta tibi Officia absolvamus justaq; jura.

13.

Utq; sumus *toti* Sator, ex te, sancte, *profecti*,
Atq; *animam* pariter nobis *corpûsq;* dedisti,
Corpora sic *animasq;* tuo addicamus honori,
Nôsq; tua oblatos *totos* exhauriat Ara.

HYMNUS SEPTIMUS

In REDEMPTIONEM Mundi per Christum Nova Creaturæ
Re-introductione.

1.

TEllurem fecit Dominus Cœlûmq; profundum,
Verbum ejus cuncta creavit;
Atq; Creaturæ leges proprias dedit omni,
Quæ etiamnum servat easdem.
Constanti repetens cursus vice, tempora reddit
Rata *Sol* revolubilis Anni;
Certâ & *Luna* suas commutans lege Figuras
Nunc plena est nunc cava vultu.

2.

Paoniam retinent virtutem in montibus *Herba*,
Retinent speciem atq; virorem;
Nec mores *Pecora* aut *Volucres* mutare videbis
Aliâmq; assumere formam.
Solutus *Homo* est ausus Naturæ frangere leges
Prima usq; ab Origine Mundi,
Angelica & postquam ac fulgentia perdidit ora
Speciem gestare ferinam.

3.

Ille Dei sacra jura ferox fugit propriæ atris
Animæ percitus œstris.

Unde

Unde *Homini vera*, heu! *species* defecit in ipso
 Citò, *Brutalisq;* secuta est.
 At tu, sancte *Parens*, *verbo* qui cuncta creasti,
 Æterno *foedere* sancis;
 In nostram carnem *Verbo* veniente, ut eodem
 Fœcunda *Redemptio* fiat.

4.

Nobile opus manuum propriâ sic labe fatiscens
 Renovatâ tu *Arte* refingis;
Verbo nos *incarnato* retrahisq; beatæ
 Ad pristina munera vitæ.
 Cujus quum *Incepti* luxit magè *gloria*, *Christus*
 Victo dum surgit ab *Orco*,
 Unius duplex hæc ritè *Creatio Fœsti*
 Celebratur *Luce Diei*.

5.

Ille Deus densis primæ qui Noctis ab umbris
 Lucem eradiare jubebat,
 Vivificet nostra atq; illuminet intima Corda
 Divini lumine verbi;
 Ut postquam hæc nova sit perfecta *Creatio* nobis
 Ad lætum ductaq; finem,
 Fulgeat illustris *Faciei gloria Christi*
 Nostri in mentibus orti.

Applicatio 2
 Cor. 4. 6.

6.

Ut sic nos à peccatis vitisq; redempti
 Nostri cessemus *opellis*,
 Ac *Paci æternæq;* *Dei* feriemur *Amori*
 Animis quem *Spiritus* inflet.
 Terrenis tandem vacuiq; laboribus alto
 Celebremus *Gaudia Cœlo*
 (Felices inter *Genios*) habiturâq; nullum
Jubileæ ac Sabbata finem.

Heb. 4. 10.

Aaaaaa 2

CARMINA

C A R M I N A

Quædam in

SCRIPTIS PHILOSOPHICIS

*Anglicè occurrentia*Et hîc per Autorem *Latinè* reddita.*In Antidoto adversus Atheismum, lib. 3. cap. 4.*

UT ferrugineo laternæ cortice clausa
 Lux, timidos regimus noctis, quâ, tempore gressus,
 Canales ut vitemus pluviâsq; lacunas,
 Pauxillos mittit radios de cûlmine nigro :
 Per latus at plures fundit reſerata Feneſtra
 Cornea ; Verùm ubi jam poſt cara pericla viai
 Eſt perducta domum nigricanti exutaq; Theca,
 Nuda, ô quàm claro Lampas tunc lumine fulget,
 Æſtivos referens ſplendoribus æmula Soles !

Terreſtri ſic mens conſuſa in corpore, dum iſtis
 Anguſtis claudiſq; aſtringitur Inſtrumentis,
 Segniùs heu ! proprios proſert ac parciùs actus ;
 Hic parit auditum, viſum parit ille meatus,
 Guſtum alii olfactumque : Exuta at corpore toto
 Ut lampas quam nulla tegit nigra ſtancea turris,
 Integra ſit ſenſûs ac vitæ lucida ſphæra,
 Conſpicit atq; ſemel quicquid tenet ejus Horizon,
 Ærea eſt jam tota Auris, jam totus Ocellus.

In Deſenſione Moralis Cabbalæ, Cap. 3.

Eſt magè difficile effrænes moderarier æſtus
Delicio inſtigante animam, quàm urente *Dolore*.
 Tam validè alleſtat noſtros nam blandula ſenſus
 Dulcedo, ut vix aut nè vix illo abſtineat ſe,
 Proclivis quod tam miſerè Natura cupiſcit.
 Verùm Ira atq; Dolor, manifeſti ſcilicet hoſtes
 Humanæ vitæ, haud ægrè ſuperantur ab ipſa.
 At *Virtus* victrix per utrumq; ſua explicat arma,
 Erigit & *Guyon* illuſtria ubiq; Trophæa.

IN DIVINIS DIALOGIS

Hylobaris Cantilena de Divina Providentia, Dialog. 2. ſect. 28.

Ubi nunc objecta tui ſunt
 Luſtûs Gemitûſq; Metûſque ?
 Abiêre ut ſomnia vana
 E fumis corporis orta.
 Piceum ô Formidinis antrum !
 Lemurum tenebroſa Caverna !
 Animam quæ Noctis amaræ
 Tetris perterritat *Umbris*.
 Quid Peſtis ? Carcer ? Amicûm

Jaſtura,

Jactura, ac Bella Famésque?
 Quid Mors quæ cuncta resorbet?
 Nil sunt nisi *Mormolycea*
 Mentis ratione carentis,
 Cæcorum & *Panicæ* horror.
 Unum te collige in Orbem
 Lucis, terramq; relinque,
 Animæ vaga sensu coërce
 Latum peragrantia mundum;
 Sphæram sic mens tua in unam
 Lucentem pacta, Timores
 (Ut *Noctis* inania *Spetra*
Surgens Aurora) fugabit.

Clarè tunc cernere possis
 Teneris ut cuncta lacertis
Bonitas complectitur alma,
 Quodq; hæc non sunt mala vera,
 Mala quæ vulgò esse putantur,
 Verùm opportuna medela ac
 Majorum cura malorum;
 Anima ut mortalia cuncta
 Sublimi transvolet alâ;
 Talem repetatq; statum quo
 Pedibus Fata omnia calcet.

Vis certò secula Mundi
 Quædam *Divina* creavit,
 Sapienterq; atq; benigò
 Etiamnum cuncta gubernat:
 Sed nostra *Inscitia* casus
 Temerè causatur iniquos,
 Cùm nemo fingere possit
 Meliori tramite cursum
 Primo quàm qui extitit usq;
 Decurso Solis ab Orbe

Summi de vertice Cœli
 Qui conspici omnia, novit
 Melius quàm ego quid sit agendum,
 Nec, cùm meus ipse ego non sum,
 Mea si fortè ille reposeat,
 Egrè id reputo esse ferendum.

Cæcis tua pectora curis
 Propriâq; cupidine purga,
 Mala nulla Deo esse profecta
 Clarâ tunc luce videbis.
 Torum rutilantibus Orbem
 Radiis *Bonitatis* hic implet,
 Seseq; per omnia fundit.
 Cuncta hic, seu Lumen & *Aurâ*,
 Pertransit *Spiritus*, illis
 Vitalis ut Halitus haustus,
 Sibi queis non turpiter ulro
 Volupe est confidere mortem.

Verùm quos occupat *Impus*
Vive Ignorantia *Legis*,
 Hos semper sollicitudo
 Rerum de casibus agit
 Miseris perplexaq; rodunt
 Tristes præcordia Cura.

Bathynoi *Cantilena*, *Dialog.* 3. *Secl.* 37.

Clarè hujus pangite laudes
Mundum qui condidit altum,
Cœlos sine fine tetendit,
Vivósq; hic pinsuit Orbes.
Hic celsi in vertice *Olympi*
Oculo vigili agmina pascit;
Oculúmq; hunc multiplicavit,
Medio ut quòq; agmine præsit.
Radio sic singula recto
Circumcurrentia tangit.
Agili motu illa rotata
Formant Noctémq; Diémque.
Æstas, *Autumnus*, *Hyém*sq;
Præno horum inducitur Axe.
Nunquam circa *Ignea Centra*
Cessant agitare *Choreas*.

Dum pulchro hoc ordine pergunt,
Jucundam motibus Echo
Vasti per inania Cœli
Penetrantem molliter urgent.
Melos! almi quod *Jovis* imum
Lato cor mulcet amore,
Vagulis delinit & aures
In sphaëris velificantùm.
Non sermo, Lingua nec ulla,
Quò vox non ivit eorum.

Deus est Sapiénsq; Bonúsque;
Testatur tota creata
Vis, Linguáq; quæq; fatetur.
Unde orta, huc cuncta recurrunt,
Ut grata flumina, Ponto,
Hinc quod sumpsere, rependunt.

Totum nunc me, ecce, resigno,
Tuus omnis sum, accipe me omnem.
Propriâ Deus eripe *flammâ*,
Vera hæc *Mors*, vera *Gebenna*.
Odium atrox, *Livor* & *Ira*
Gravis & *Vindicta* facessat,
Pia nec præcordia tentet,
Quævis malefana *Cupido*.

Liber, tua facta canendo,
Tremulas tunc pectine chordas
Feriam ictu vividiori.

O proles sancta *sophiæ*
Vanæ qui Relligiones
Ritè excussistis, adeste,
Cantúsq; adjungite vestros.
Vos de procul, ecce, saluto
Citharâ mihi dulcè vibrissans.

Seu vos *Ægyptia Tellus*,
Seu *Græca*, *Assatica*, sive
Juga *Carmeli Libantæ*,
*Montis*ve cacumina *Luna*,
(Pinguis nivea ubera *Nili*)
Aliúsve locus teneat, Nos
Omnes sumus unus & idem,
Quamquam loca diffita habemus,
Dum omnes communiter unâ
Vitali vescimur Aurâ.

Unâ vice surgite, sacra
Unâ faciamus, odores
Tingant suavi Æthera fumo.
O, quàm bene molliter urit
Cœlestis fulgetra mentem
Mysteria ad ardua anhelam!
Substantia tota Animai
In nubes Thuris odoras
Cœlum scandit resoluta:
Scandat cœlósq; ita tota,
Nostri ut pars nulla superfit
Præter vocémve manúmve
(Neq; enim his est pluribus usus)
Operâ quas porro teramus
Gratæ Citharæve Lyraeve.
Clarè hujus pangite laudes
Mundum qui condidit altum.

*Sophonis Cantilena à Bathynoo cantata,
Dialog. 4. Sect. 39.*

O Deus omnipotens! equidem magna atq; stupenda
Tua sunt opera edita Mundo.
Est ratióq; viarum justa ac vera tuarum,
Sanctorum ô inclyte Princeps!
Quis poterit quin te timeat, Domine, atq; verendum
Submissè nomen honoret?
Quippe quòd es sanctus solus, tuáq; omnia Facta
Puro candore renident.
Omnis adoratum veniet Gens quum imotuère
Tua Judicia æqua per Orbem:
Vota tibi sanctè facient, & lumine cuncti
Sub Evangelico requiescent.

*Cantilena Philothei,
Dialog. 5. Sect. 41.*

O tu quem in sede superna
Residentem gloria cingit,
Quo vivimus atq; movemur!
O quàm dulce atq; decorum est
Consensu Cordis & Oris,
Hilari corde oréq; grato
Nomen celebrare tuum, cum
Rosea Aurora Æthera pingit!
Cum fulgida Sydera surgunt,
Memorare fidem atq; favores
Ingentes, carmine læto!
Citharam cape Barbitulúmque,
Quin incipiat Lyra dulcis,
Instrumenta & decachorda,
Cumq; his argentea jungant
Tinnitus Cymbala acutos.
Animum ut recreant tua Facta!
Quantos ago ego indè Triumphos!
Tua quis miracula narret!
Tua Consilia alta ut Abyssus,
Cæcis abscondita homullis,
Stultis abscondita, quorum
Vitium corda obtenebravit.

INDEX

RERUM AC VERBORUM LOCORUMQUE S. Scripturæ in hoc
Volumine Theologico explicatorum INDEX locupletissimus.

A

A Aronis causa in consando aureo vitulo
aperitur p. 458. l. 15

Abaddon & Apollyon. Vide Apollyon &
Abaddon.

Abel mysticè quid significet p. 93. l. 1

Aborach, Bestia cui inequitet Mahometes
p. 164. l. 50

Abstinencia à carne in religiosis quibusdam
ordinibus; Frans & Noxa illius Instituti
p. 496. l. 32

Abu & p. 180. l. 39

Achazum filium suum sacrificasse more Ca-
naanitico p. 114. l. 55

Achazi Hypocritis quomodo à quibusdam imi-
tata p. 823. l. 51

Achmetis Collectio Onirocritica p. 595. l. 43

Acta Apostolorum

Cap. 2. v. 2, 3. p. 169. l. 1. v. 23. p. 653. l. 31

Cap. 3. v. 13, 21. p. 238. l. 3

Cap. 7. v. 39, 40. p. 875. l. 8. & l. 32. v. 43.
p. 532. l. 7

Cap. 13. v. 39. p. 327. l. 41

Cap. 17. v. 31. p. 237. l. 57

Actus variatio prope Rosleburg p. 303. l. 25

Ad Nā yāwēz ē tēxā non arguere res plerasq;
in Apocalypsi ad Excidium Hierosolymæ Ro-
māq; Ethnicam pertinere p. 195. l. 28 &
p. 196. Nulli eis esse posse latibulo qui perspicui-
tatem Visionum Apocalypticarum indē volunt
obscurare p. 763. l. 43 & p. 764

Adus quā late sit significationis, quæq; ve-
cis secundū Plutarchum ratio p. 71. l. 40

Adorationem panis in Eucharistia ex persua-
sione quod ipse Christus sit, crassam esse Idolo-
latrām p. 477. l. 11 & p. 843. l. 56

Adoratæ Hostiæ Idololatrām ex eo non ex-
cusari quod quis putet panem non esse in Eu-
charistia p. 478. l. 33

Adorationem Hostiæ etiam per eos, qui Tran-
substantiationem non tenent, factam, manife-
stam esse Idololatrām p. 844. l. 4

Adorationem Hostiæ, ex eo quod Divinitas
Christi tantum colitur, non Humanitas, ab
Idololatria excusari non posse p. 844. l. 28 &
p. 845

Adorandi Objecta sensibilia proclivitas in
quibusdam hominibus unde proficiatur p. 887
l. 52

Adventum Christi in Prophetia de Homine
peccati non esse Excidium Hierosolymitanum
p. 754. l. 44 & p. 755

Ærem Regionem esse malignorum Dæmonum
p. 596. l. 37

Eterna Justitia in Vaticinio Danielis quid
p. 257. l. 33. p. 261. l. 3

Eternus logos quā graphicè in Apocalypsi
descriptus p. 735. l. 26 & p. 736

Agar quid significet p. 390. l. 7

Agrippam non fuisse Messiam abscissum
p. 263. l. 22

Albus calculus quid p. 798. l. 8

Aleph Cabbalistarum lucidum & tenebrosū
p. 656. l. 11

אֶלֶף à Septuaginta reddi, אֶלֶף & חֵדָּה
solus æquē ac duos, sapientia & mysticam p. 455
l. 55 & p. 456

אלף Apoc. 10. v. 5. pro אלף quod est α p.
18. l. 29

ο αλφ p. 647. l. 54 & p. 648

ο αλφ sive Rex septimus quā necessariō
intelligendus de Cæsaribus purē Christianis
p. 698. l. 29

Allegoria Passionis, Resurrectionis, Ascensio-
nis, &c. quā elumbis & inutilis res sit, si con-
feratur cum Historia p. 232. l. 13

Allegoricè scripturam interpretandi faculta-
tem nullum donum esse spirituale, ibid. l. 47.

Allusiones Prophetarum: Vide Prophetarum
Allusiones.

אֶלֶף cur non constanter duos à Septuagin-
ta redditum, sed interdum אֶלֶף p. 456. l. 7

Alphabetum Iconismorum Prophetarum:
Vide Iconismorum Prophetarum Alphabetum.

Alphabeti hujus utilitas p. 595. l. 14

Alpha & Omega Phrasis Rabbinica apud
Grotium p. 656. l. 20

Amen, Christus cur ita dictus in Prologo
Epistolæ ad Ecclesiam Laodicensem p. 813.
l. 17

אֶלֶף apud Danielelem eo sensu quo אֶלֶף אֶלֶף
אֶלֶף apud Parmenidem p. 592. l. 38

Amilcas nomen Dei cui Carthaginienſes sa-
crificabant p. 115. l. 20

Amor suiipsius omnium animalium Passionum
radix p. 84. l. 5 Nullam ipsi inesse vitiosita-
tem quatenus animalis Affectus, & quare, ibid.

Amor à Christo Apostolisq; commendatus
qualis sit p. 320. l. 1

Amor Christi quo incallescere debet Novus
Fœderator p. 399. l. 27

Amor proximi quomodo Divinus p. 824
l. 22.

Amor Divinus omnium bonarum Actionum
ratio prima ac mensura, idēq; perfectissimi
status Ecclesiæ peculiaris charactēr p. 824. l. 31

Amos

Cap. 5. v. 15. p. 582. l. 60.

אֶלֶף & חֵדָּה quoduplex ipsorum sit signi-
ficatio

B b b b b

INDEX.

ficatio p. 62. l. 18

Angelus æternum Evangelium prædicans quid significet p. 46. l. 14

Angelos Divinas esse Imaginationes quàm stolidi sit ac profana opinio p. 55. l. 6

Angelorum trium Preconum Deuteroplerosis p. 3. l. 21

Angelos bonos existere quomodo probetur p. 76. l. 25 & p. 196. l. 18

Angelorum lapsus: Vide Lapsus Angelorum. Angelos singulos personas esse vitâ sensûq; præditas p. 78. l. 8

Angelos per stellâs Cabbalisticè significari p. 615. l. 18

Angeli in Apocalypsi quid denotent p. 787 l. 14

ANGLICANA Ecclesia: Vide Ecclesia Anglicana.

Animam post mortem vivere atq; agere, Opinionem non esse in Ecclesiam per Patres & Schola Platonica introductam p. 65. l. 42

Animam post mortem non dormire Scripturæ probatum p. 68, 69, 70, 71

Animæ latius sumpta significatio p. 75. l. 49

Animam post mortem vitâ non privari p. 77 l. 8 Quibus argumentis confirmetur illa assertio, ibid. ad finem usq; pagina.

Animas in mundi Conflagratione perire Stoicorum opinio p. 79. l. 41

Animæ potestas ad organizandum Vehiculum in statu separato p. 77. l. 44

Animæ separatæ vis & ætîvitas p. 155. l. 1 vitam ejus in terris insomnium quasi esse, ibid. l. 13

Animæ separatæ vis in proprium vehiculum illustrata, ibid. l. 23

Anima Jesu quàm Divinâ Virtute prædita p. 222. l. 7

Anima Coeli cur & qualis à Vanino ficta p. 296. l. 13 Belli hujus commentii ex motu Telluris Confutatio p. 296. l. 38

Animalis vitæ plenius intellecta utilitas p. 3 l. 22

Antemedialium Visionum ad statum Ecclesie Applicatio p. 40 & 41

Antichristi ruinæ appropinquationem nullis aliis indiciis nunc æstimari posse, nisi ex vera Pietatis profectû in Ecclesiis reformatis p. 14 l. 27

Antichristi descriptio à circumstantialibus characteribus, omissis partibus essentialibus, quàm sit incommoda p. 447. l. 31 & p. 448 & è contrâ p. 5. l. 25

Antichristum non procreatum iri ex Tribu Dan sed ex Tribu Levi etiam secundum Gregorii Magni sententiam p. 545. l. 41

Antichristus in Leviathane præfiguratus p. 552. l. 50 & p. 553

Antichristum qui Christianum se profiteatur, æquè insignem esse posse Antichristum, atq; is qui sit Extraneus p. 573. l. 25 p. 582. l. 39

Antichristum illum insignem, Antichristianismumve à Prophetis prædictum in ipsa fore

Ecclesia non extra p. 574. l. 14 Hujusce rei Prædictiones p. 630. l. 5 p. 636. l. 11 & p. 637 l. 13 p. 640. l. 50 & p. 641 p. 687. l. 47 & 698 l. 52 p. 710. l. 17 & l. 44, &c. p. 713. l. 1 p. 715 l. 31 & p. 716, 717, 718, 719, 720 p. 721. l. 4 & p. 722

Antichristi veri adventus an uspiam in Scriptura sub eo ipso nomine prædictus sit p. 580 l. 49 & p. 581, 582, 583

Antichristorum istorum multorum apud S. Johannem unde profecta sit mentio p. 582. l. 6

Antichristi nomen declinare cum res ipsa appareat, valde absolum esse, undeq; Patres id nomen magno illi Ecclesie Adversario venturo imposuerint p. 583. l. 16

Antichristi adventum in fine Mundi merum esse Fictum p. 630. l. 44

Antichristi regum quo temporum ambitu comprehendatur p. 697. l. 16

Antichristum jamdudum ingressum esse in mundum p. 697. l. 34

Antichristi ruina quomodo jam appropinquare dicatur, quæq; illius rei sint obstacula p. 697 l. 31

Antichristus ille insignis & Simon Magus Gnosticisq; collati inter se, mirisq; illorum consensus & congruentia p. 761. l. 4

Antichristi ruinæ finalis appropinquatio quibus rationibus computanda p. 822. l. 9

Antichristianismo vero impugnando operam dare, rem minimè illiberalem esse aut ignobilem p. 6. l. 1 & p. 7

Antichristianus Ecclesie status cur tam satyricè perstringatur in Visionibus Apocalypticis p. 11. l. 25

Antichristianismi principia duo generalia quibus consistat p. 448. l. 21

Antichristianismum in Idæa nostra descriptum Pagano-Christianismi quoddam genus esse p. 579 & 580

Antichropismus quid sit quæq; illius origo p. 594. l. 8. Schema necessarium esse ac demonstrabile ibid. l. 38

Antinomorum opinio quàm absurda p. 324 l. 16

Antinomorum doctrina immanitas p. 346. l. 2

Antipas Martyr quis p. 794. l. 50 & p. 795 l. 15 & p. 684. l. 26

Antiphrasim quid p. 84. l. 53

Antiphrasibus. Vide Immolationes hominum.

Antiphrasibus omnes expiatorias esse Catharmata p. 117. l. 15

Antitrinitariorum doctrina examinatio p. 415 & 416

Antitrinitariorum defensio cum Responso ad Defensionem p. 415. l. 22 & p. 416

Aoristi significatio secundum Grotium p. 722 l. 20

Ανδραγαθία non poni pro ἀνδραγία 1 Pet. 3. 20. & de significatione ἀνδραγία p. 68. l. 37 & 50

Aperto Capite in Ecclesia versari nihil in se habere Idololatrici p. 885. l. 56 & p. 886

Apocalypsis

INDEX.

Apocalypsis

Cap. 1. v. 1 p. 195. l. 28 & p. 763. l. 43 & p. 764, 765 v. 1. 3, 4, 7, 8, 10, 11, 16, 18, 19, 20. p. 783. l. 47 & p. 784. 786
 Cap. 2. v. 10 p. 585. l. 39. *capituli secundi tertiiq; perpetua Interpretatio* à p. 786. l. 39 ad p. 816
 Cap. 3. Vide Cap. 2.
 Cap. 4. v. 1 p. 704. l. 61 & p. 705 v. 6, 7 p. 183 l. 26 & p. 184. l. 31
 Cap. 5. v. 1 p. 592. l. 38
 Cap. 6. à ver. 1. ad v. 13 p. 183. l. 48 & p. 184, 185
 Cap. 8. à ver. 7. ad finem cap. 9 p. 185, 186, 187, 188 c. 8. v. 10 p. 615. l. 8
 Cap. 9. vide cap. 8 c. 9. v. 1 p. 615. l. 23 v. 5 p. 586. l. 25 v. 15 p. 587. l. 5 v. 20 p. 713. l. 22
 Cap. 10. v. 6, 7 p. 704. l. 38 v. 11 p. 178. l. 57 & p. 705. l. 11
 Cap. 11. v. 1 p. 185. l. 15 v. 3. ad v. 13 p. 724, 725, 726, 727, 728 & p. 803. l. 20 c. 11. v. 7 p. 180. l. 11 v. 8 p. 189. l. 46 & p. 721. l. 44 & p. 728 v. 9 p. 179. l. 40 v. 10 p. 803. l. 20 v. 11 p. 179. l. 40 p. 777. l. 48 v. 15 p. 188. l. 35 v. 19 p. 708. l. 43
 Cap. 12. v. 3 p. 613. l. 4 v. 7 p. 185. l. 15
 Cap. 13 & cap. 17. ambo illa capita simul exponuntur à pag. 631. ad pag. 693 c. 13. v. 6 p. 633 l. 35 v. 12. 14 p. 632. l. 28 v. 11. 18 p. 191. l. 10 & p. 192, 193
 Cap. 14. v. 1 p. 585. l. 53 v. 8 p. 610. l. 42
 Cap. 15. v. 2 p. 721. l. 28 v. 3, 4 p. 708. l. 21 v. 8 p. 823. l. 3
 Cap. 17. v. 8 p. 190, 191 v. 10 p. 612. l. 54 & p. 613 Cap. 17 & 13 ambo illa capita simul exponuntur à p. 631 ad p. 693
 Cap. 18. v. 23 p. 611. l. 19 c. 18 à ver. 9 ad v. 24 p. 738 ad p. 742
 Cap. 19. v. 10 p. 466. l. 20 & p. 803. l. 9 c. 19 à v. 11 ad v. 16 p. 735 ad p. 738
 Cap. 20. v. 4 p. 181. l. 3 & p. 182 v. 6 p. 792 l. 55
 Cap. 21. v. 8 & c. 22. v. 15 p. 569. l. 27
 Cap. 22. v. 7. 20 p. 764. l. 14 v. 10 p. 805. l. 36 v. 15 p. 569. l. 27
 Apocalypseos mira ordinatio & perspicuitas, p. 37. l. 28 *Necessaria ac inevitabilis ejus Intelligibilitas demonstrata*, ibid. l. 38 & p. 47 l. 14
 Apocalypsis quomodo Evangelia Atq; Apostolorum tam maturè scripta arguat p. 288. l. 17
 Apocalypsin totam scriptam fuisse temporibus Domitiani p. 683. l. 42 & p. 684 Quod omnes subvertit Grotii Interpretationes p. 684 l. 43
 Apocalypsis fidelissimum maximèq; Philosophicum Scriptum quod ab ulla manu unquam sit exaratum p. 774. l. 33 Quantum ad stabilimentum Corona Ecclesieq; Anglicana faciat, ibid. l. 29 & p. 699. l. 33
 Apocalypsis quàm eximium Apotheoseos Christi sit argumentum p. 162. l. 13

Apocalypticorum Visorum divisio in septuaginta, misa & paludosa p. 18. l. 52

Apocalypticarum Visionum utilitas ad Providentiam particularem, Angelorumq; Existentiam evincendam p. 196. l. 18 & ad Animæ immortalitatem, ibid. l. 47 Ad Divinitatem Christi & Trinitatem, ibid. l. 55 & p. 197

Apocalypticarum Visionum usus adversus Homines Fanaticos in rebus Religionis, ibid. l. 11 & p. 8. l. 32 & p. 696. l. 18 p. 698. l. 2 Et in rebus Civilibus p. 198. l. 6 Adversus Judæos etiam atq; Atheos, ibid. l. 39 Speculum esse quo naturam Romanæ Apostasie contempleretur p. 198. l. 54 & p. 199 Et ad quod Ecclesiæ Reformatae se examinent p. 199. l. 13

Apocalypticæ Expositiones veras nullas extare aut excogitari posse contra principalem sensum Protestantium p. 693. l. 17 & p. 695. l. 24

Apocalypticarum Visionum compages quàm una ac continua p. 764. l. 42

Apoc. c. 13 & c. 17 quodnam verum sit visorum istis capitibus contentorum argumentum p. 630. l. 55

Ἀπολλών & *Ἀβδδὸν* quid significent p. 70. l. 29 *Ἀπολλών* Bestiæ significare illius *ἁγίου* p. 639. l. 51

Apollonii apud Brachmanas exceptio p. 94 l. 6 Quàm idoneus esset Paganismi instaurator ibid. l. 26 Et quàm misellus tamen Pythagoreus ibid. l. 32

Apollonii & Christi Parallelismus ab Anthore cur factus p. 125. l. 42

Apollonii abstinencia à carne & vino, & in quem finem p. 129. l. 15

Apollonii Sanationes p. 138. l. 47 & 139

Apollonii Christi q; facta breviter comparata p. 141. l. 11 Ejus ingenium Spiritusve qualis ibid. l. 38 Superbia multis exemplis probata p. 142, 143

De Apollonii exitu ex hac vita opiniones variae p. 160. l. 23 Dicitur versiculos novitio cui-dam Philosopho Tyanae p. 161. l. 39 Apparet Aureliano Imperatori, ibid. l. 48

Apollyon & Abaddon quò alludant p. 187 l. 13

Apostasiam in Prophetia de Homine Peccati memoratam nec defectionem esse à fide ad Gnosticorum Hæresin, nec derelictionem Judæorum per Apostolos p. 759. l. 39

Apostasie Ecclesiæ Epocha: Vide Epocha Apostasie Ecclesiæ.

Apostolorum nullum in reliquos habuisse principatum p. 546. l. 46

Ἀποστασία Paganorum quàm latè se extendant p. 117. l. 20

Apotheosis Christi ejusq; cultus à suspitione Idololatriæ vindicatus p. 156. l. 39 & 157

Apotheoseos Christi Corollarium, ibid. l. 44

Apotheoseos Christi demonstrationes insignes p. 162. l. 2

Apotheoseos Christi tria magna consequentia p. 168. l. 29

Apotheoseos

I N D E X.

Apotheoseos Christi predictio p.269. l.50
 & p.270
 Apum Respublica p.85. l.4
 Apis & Anapis Astrologici p.301. l.54
 Aquæ per Christum in Vinum conversæ occasio & significatio p.136. l.17
 Aquæ quid significant ex Interpretatione Angeli p.652. l.26
 Aquæ lustralis aspergines in Ecclesia Apostolica cum illarum usu in Paganismo comparata p.668
 Ascensio Christi operationum Animæ in tenuiori vehiculo pignus p.154. l.48
 Ascensionis Christi predictio p.269. l.39
 Asia quid allusivè significet in septem Ecclesiis Asiaticis p.785. l.35
 Aspectus Planetarum quàm frivolis iunitantur fundamentis p.304. l.23 & p.307. l.15
 Astarte Dea Venus, Abominanda ejus Turpitudinis p.110. l.15
 Asus verborum p.615. l.20
 Astrologica Divinatio ab Apollonio & Brachmanis affectata p.129. l.19
 Astrologia quibus potissimum argumentis defendatur p.298. l.36 & p.299
 Astrologiæ confutatio p.302 ad p.313
 Astrologorum fallax ad eventus Provocatio p.310. l.14
 Astrologiæ affinitas cum Dæmonolatria p.311. l.46
 Astrologiæ prima Rudimenta p.299. l.28 & p.300
 Athei Aristotelici quomodo omnem vim Evangelii evadant p.295. l.40
 Atrii Interioris Expositio secundum Grotium & Medum p.185. l.31
 Atrium Exterius à Gentibus conculcatum: Vide Civitas sancta.
 Averruncus & Robigus qualia Numina p.102. l.4
 Authoris Apologia quod volumen Theologicum prius publicaverit quàm Philosophicum p.1. l.16 Illius studium ut omnibus quidem prodest, offendat verò neminem, ibid. l.42, Fidelitas ejus in explanando Mysterio Pietatis p.2. l.27
 Author cur toties exagitet Quakeros & Familistas p.4. l.9
 Authoris methodus in demonstranda veritate Religionis Christianæ p.4. l.38 Apologia pro styli sui asperitate aliquibus in locis p.1. l.58
 Authorem non ex defectu charitatis sed ex vera charitate & fidelitate erga Ecclesias tum Reformatas tum ipsam etiam Romanam Vaticinaria quæ ab antiquis de Antichristo intellecta sunt ad eam Ecclesiam applicuisse p.10. & 11
 Authorem peritiam interpretandi prophetias nunquam affectasse, sed ferè nolenti volenti clarissimam earum rerum intelligentiam ipsi obtigisse p.12. l.46 claritatis certitudinisq; Interpretationum specimina quædam memorata, ib. l.49 & p.13

Certitudinem hanc fecisse ut has suas Interpretationes per conscientiam ipsi celare non liceret p.13. l.13
 Authoris ignorantia ad tempus circa Resurrectionem Testium, minúsque perfectæ ejus cognitio naturæ Idololatriæ p.13. l.24 & 33
 Occasio scribendi Mysterium Iniquitatis & Antidotum adversus Idololatriam, ibid. l.38
 Quàm nullo cum partium studio versatus sit in Prophetiis interpretandis p.13. l.61 & p.14
 Authoris monitio repetita ad Ecclesias Reformatas de moribus emendandis p.14. l.7
 Resurrectionem Testium jam factam esse indubitata Authoris persuasio p.14. l.24
 Authoris de puro & glorioso Ecclesiæ statu in terris futuro constantissimum affirmatissimumq; presagium p.14. l.27
 Authorem quid moverit ad tam diligentem detectionem Imposturæ Familismi p.247. l.15
 Authoris ad sinceriores Trementes sive Quakeros Expositio p.431, 432, 433, 434 Pax animi & satisfactio quod defunctus sit officio p.434. l.17
 Authoris benignus olim Error de Artolatriis, ejusq; correctio p.477. l.47 & p.478 p.884 l.53
 Autoritativam obtrusionem crassarum Falsitatum, Incredulitatem gignere circa totum Mysterium Pietatis p.408. l.18 Quàm latè pateat pestiferum hoc malum in Transubstantiatione, Consubstantiatione, absoluta Reprobatione, &c. ibid. l.45

B.

Baalim & אלהים cur à Septuaginta toties reddita p.456. l.10
 Babylonis casum non semel fore sed gradatim p.739. l.5 p.741. l.8
 Babylonis casum, Romæ per Totilam Incendium esse non posse p.741. l.29
 Babylonem, Politiam esse non Urbem ex Expositione nostra demonstratum p.742. l.52
 Babylonis desolatio, posse fore, ut Romæ Paganæ Christianæ ad puram rursus & Apostolicam Christianitatem tantum sit Conversio p.742. l.62 & p.743 p.9. l.60 & p.10 p.11 l.18
 Bacchanaliorum descriptio p.108. l.42
 Bacchanaliorum Antichristianorum descriptio p.555. l.17
 Balaamus & Balacus quid præfigurent p.797 l.16
 Balaamum & Jezebelem idem significare p.861. l.13
 Balaamitæ in Ecclesia Pergamena qui p.796 l.33
 Baptismi tempus, deq; signo Crucis p.440 l.24
 Baran, Interpres Regis Persiæ p.595. l.48
 Barchocab Typum esse posse insignis illius Antichristi p.581. l.24

Bateux &

INDEX.

Beresx, quæ ratio nominis, cuiusq; rei sit
Symbolum p.611.l.51 & p.612
Baubus & *Ceteris Historiola* p.111.l.10
Bellona sive *Dea Syria sacra* p.112.l.28
Belus & *Baal-peor* p.117.l.25
Bestia septicipitis decacornis capita & *cor-
 nua quæ apud Grotium* p.190.l.11 & p.191
 l.4
Bestia bicornis Ars Magica apud eundem,
ejusq; commentu confutatio p.191.l.11
*Bestiam singularem significare corpus Politi-
 cum, demonstratum ex Daniele* p.588.l.49 &
 p.589
*Bestiam unam individuum representare Reg-
 num corpusve Politicum ab ortu ejus usq; ad il-
 lius interitum* p.589.l.21
Bestiam septicipitem Apocalypticam, Regnum
esse sive Imperium p.626.l.42 *Et nominatum*
Romanum, ibid. l.50 & p.627 *Eam Regnum esse*
Romanum Idololatricum p.627.l.18 *Imperium*
Turcicum eam non esse p.627.l.11 *Eam Imperi-
 um Romanum Idololatricum esse per omnia illa*
secula quibus sit Idololatricum, ibid. l.57 *Et per*
sola illa secula p.628.l.26
Bestiam septicipitem Apoc.17 Romanum esse
Imperium in Paganismi quoddam genus relapsum
p.630.l.5
*Bestiam septicipitem tribus visionibus exhi-
 bitam unum idemq; esse Regnum Imperiumve*
Idololatricum p.640.l.1
Bestia nomen Apoc.17. fuscè expositum p.640
 l.15 & p.641, &c. [*Bestia quæ erat, non est & ta-
 men est*] *quomodo intelligendum* p.640.l.5 &
 p.642.l.35
*Bestia Imago cur de Imperio rursus Idolola-
 trico potius quàm Pontificio facta, interpretan-
 da sit* p.643.l.43
Bestia nomen [Fuit & non est, &c.] *Existenti-
 am vel Non-existentiam determinatam non*
*significare, sed ordinem & successionem, Mathe-
 maticè demonstratum* p.647.l.45
Bestia caput sextum fuisse quod vulneratum
esset, clarè demonstratum p.648.l.6
Bestia quæ erat, &c. quomodo Rex octavus
dici possit p.649.l.7
*Bestia bicornis sedes cur tam determinatè af-
 fixa sit Romæ veteri, in illa visione* p.655.l.6
 & p.656 & p.657.l.30
Bestia septicipitis sedes cur in utraq; visione
libera p.659.l.9
*Bestiam, quæ erat & non est, Apoc. 17. Diabo-
 lum esse secundum Riberam* p.675.l.7 *Exposi-
 tionis confutatio, ibid.* l.42 & p.676
*Bestiam bicornem non esse Idololatriam Ro-
 manam, contra Grotium* p.688.l.49 & p.689
Bestiam bicornem non esse Artem Magicam,
contra Grotium p.690.l.35 & p.691
*Bestiam, quæ erat & non est & tamen est, &
 quæ Imago est Bestia, Imperium esse non posse*
factum Arianum p.694.l.43 & p.695
*Bibliorum osculationem in juramentis acci-
 piendis nihil in se habere Idololatrici* p.886
 l.13

Bicornis Bestia, cur sic dictus Imperii Clerus
adulteratus p.659.l.1
*Blasphemiam in Christum maximam esse Im-
 mortalitatis in Evangelio promissæ per Allego-
 rias Elusionem* p.172.l.61 & p.173
Blasphemia *ἡ ἐν τῷ ἁγίῳ πνεύματι* p.599.l.12
*Blasphemia quàm aptus sit Idololatriæ Ica-
 mus* p.599.l.42
Βλασφημία πνεύματος *de Idololatria dictum apud*
Epiphanium p.714.l.33
Boni Genii quales potissimum homines sint
evasuri p.118.l.51
Bonitatem veram superstitiosis ac Hypocritis
qualicunq; indutam specie non placere p.354
 l.49
A. Borelii Legislator cum Mysterio Pietatis
collatus p.4.l.27
Boreliana methodus probandi Evangelia
Atq; Apostolorum tam maturè scripta quàm
præ se ferunt p.280.l.10 & p.281, 282, 283, 284,
 285, 286, 287, 288
Borelianæ Methodi ad probandum Historiam
*Christi tam maturè scriptam cum methodo Au-
 thoris felix conspiratio* p.288.l.28
Brachmapes Solis Sacerdotes ejusq; apud ipsos
cultus p.94.l.1
Brevis & Longi ratio quomodo definienda
 p.696.l.31
Brevis Terminus in tres gradus divisus
 p.697.l.4

C.

CAbbalisticas scribendi formulas sepe occur-
 rere in Apocalypsi p.656.l.2
כבד *conspicua symbola Residentiæ Divinæ*
 p.457.l.41
Cæci curationis per lutum sputumq; egregia
significatio p.137.l.29
*Cæcili contra Resurrectionem Mundi; Con-
 flagrationem scommata* p.217.l.33
Cædis Bestia verus sensus quomodo eruendus
 p.628.l.36
*Cœlestis corporis animam non esse incapa-
 cem* p.215.l.44 *Summum id illius esse præ-
 mium* p.216.l.1 *penesq; Christum illud do-
 nare, ibid.* l.16
*Cœlestium in die novissimo corporum recupe-
 randi ratio* p.215.l.12
*Cain, Ratio nominis, quidq; illius partus signi-
 ficet* p.92.l.34
καὶ οὗτοι οἱ καὶ τὰς αἰῶνες *legendum esse Apoc.*
17. clarè evincitur p.676.l.45
*Caius plus Christianos afflixisse quàm Clau-
 dium* p.618.l.26
Caius non esse Hominem peccati p.755
 l.6
Calendarium Propheticum J. M. p.716.l.4
Calvinismi periculum p.414.l.1
*Calumniarum Antichristianarum exempla va-
 ria, & speciatim Hæreseos* p.560.l.18 &
 p.561
 C c c c c
 Campa-

INDEX.

Campanarum baptizatio quàm propè ad Tubilustria Paganorum Instrumentaq; aenea ad abigendos Lemures accedat p.669.l.4
 Candela sex menses continuos ardens B. Virginis tutela commendata p.856.l.26
 Candelabrum ex suo loco movere p.789.l.9
 Canis rabidus & ab eo morsus homo quomodo sanati ab Apollonio p.138.l.50 & p.139
 Canticum novum quod à Coetu virgineo cantatur, quid significet p.712.l.6
 Cantilena Hylobaris de Divina Providentia p.904.905
 Cantilena Bathynoi, Devotio Philosophi aliàs dicta p.906
 Cantilena Sophronis p.907.l.20
 Cantilena Philothei, de consilio Divino circa propagationem Regni Christi in veritate & iustitia p.907.l.34 & p.908
 Cantus Meretricis Tyri mystica p.745.l.15 & p.863.l.27
 Caput Expositio quàm utilis Prædicandi ratio p.437.l.26
 Caprea inustam Notam Capreae essentialem non esse, sed capritam naturam p.201.l.14
 Caput Ecclesiae Catholicae neminem unum præter Christum esse posse p.545.l.47 & p.546
 Caputq; hoc non esse invisibile, ibid.l.8
 Caput quàm aptè significet summam Potestatem p.600.l.26
 Caput Bestiae lethuliter vulneratum Capitolium non fuisse p.689.l.30
 Cardani insulsa opinio quod Lumen visibile & Intellectus sit idem p.95.l.35
 Cardani egregia fatuitas in calculando Nativitatem Christi p.297.l.47 & p.312.l.57
 Carnis Christi esus sanguinisq; potatio quid sint p.338.l.18
 Carnisprivium, ludorum Megalensium & Bacchanaliorum conjunctio p.670.l.47 & p.671
 Carpocratem cum suis Gnosticis inscitè ad Prophetiam de Homine peccati referri p.760.l.22
 Carthaginienfes sacrificasse homines Saturno p.115.l.10
 Cazimi, combustio & liberatio à combustionem p.306.l.4
 Καὶ τὸν εἰς ᾧ quomodo intelligendum p.71.l.13
 Catechesis quàm utilis Evangelii prædicandi ratio p.437.l.12
 Catharmata Paganorum p.116.l.34 & viliissima plebe facta, ibid.l.42
 Cerealia Paganorum quomodo Umbri jam aliq; Italiae incolae imitentur p.669.l.46
 Ceremoniae additionales in Ecclesia Christiana quales esse debeant p.443.l.5
 Ceremoniarum onere ut populum Dei liberet Christum venisse in mundum p.451.l.33 & p.452.l.8
 Cereris & Baubus Historia turpis & ridicula p.111.l.10

Cervorum Sicularum solertia politica p.85.l.28
 Characteres personae Messiae in Vaticiniis præfigurati p.269,270,271 & p.290,291,292
 Characterem Bestiae in manu frontè accipere quid sit p.651.l.15
 Characterem Bestiae non esse visibilem aliquam puncturam aut stigmatismum p.692.l.10
 Charitatis descriptio p.89.l.31
 Caritas in N. T. quàm diligenter inculcata p.316.l.35
 Charitatis commendatio apud Apostolos p.320 & p.322
 Caritas, summa Divinitatis participatio, idq; ipsum quo Dei filii evadimus p.322.l.47
 Charitatis sensu ita incalescendum ut nihil peccetur contra Puritatem p.403.l.40
 Charitatis præstantia quodq; ipsa vita Animadq; sit Politiae Christi p.557.l.52 & p.558
 Χρηστέον τοῖς ἀγῶσι Coloss. 2. quomodo intelligendum p.451.l.42
 Cherub μὲν significare Divineq; Praesentiae esse symbolum p.457.l.53 & p.875.l.53
 Cherubinos populo Judaico non fuisse Obiectum Adorationis p.877.l.12 Nec Pontifici Maximo in Sancto sanctorum, ibid.l.52 & p.878
 Christi interni perinde atq; externi necessitas p.2.l.39
 Christi praecepta severa licet, rationi tamen esse consentanea p.4.l.60 & p.5
 Christi Spiritus Apollonii Spiritui quàm contrarius p.143.l.25
 Christi Spiritum, qualis sit, nullum hominem naturalem, aut re aut imaginatione assequi posse, ibid.l.35
 Christus, què factum ut princeps sit Angelorum aequè ac Hominum cum Angelis ordine sit inferior p.158.l.12 & p.159
 Christi capacitates adeò universales fuisse ut maxime idoneus omnino esset, qui caput fieret omnium Intellectualium ordinum p.159.l.29
 Christi Nativitas, Passio, Ascensio, & Intercessio quot partes Religionis Paganicae complectatur p.159.l.48
 Christo judicium omne commissum à Patre p.216.l.30
 Christi sacrificium in cruce, prædictum p.269.l.12
 Christum non esse Personam fictitiam probatum ex Historiis Paganorum p.273.l.45 & p.274 & 276
 Christi Historiam maturè scriptam fuisse: Vide Historiam de Christo, &c.
 Christum venisse in mundum ut peccatum ex eo exterminet p.314.l.36 & p.315
 Christo, Divinitas quo sensu attribuenda p.350.l.48 & 844,845
 Christus quo sensu Pater appellandus p.453.l.8
 Christus mysticè intellectus pro Ecclesia p.604.l.28 p.801.l.9

Christus

I N D E X.

Christus, ille משיחא apud Danielelem [c. 11] p.719.l.57

Christus quàm constans amicus Humanitatis, Æquitatis, Veritatis ac Rationis p.774.l.42

Christianum nè speculativum quidem esse, indicium animi admodum stupidi ac tardi p.81.l.47

Christiani Mysterii veritatis demonstratio à sua Rationabilitate etq; ab omne genus hominibus constanter adhibita fide p.248.l.33

Christianæ religionis utilitas in genere p.314.l.9

Christiani statûs puerilis, descriptio p.306 l.21

Christiani militis valida armatura p.334 l.47 vehemens ejus ad perfectionem contentio p.335.l.6

Christiani vocatio quàm sancta sit & cælestis p.335.l.35

Christiani realis, verus character p.356 l.38

Christiani falsi character verus p.356.l.50 & p.357

Christianorum verorum contra Phariseos vindictio ab insimulatione Blasphemix p.357 l.32 & 358 Superbiæ, ibid.l.9 Neutralitatis, ibid.l.29 Injustitiæ, ibid.l.39 Convitiationis, ibid.l.46 Zeli tumultuarii, ibid.l.59 & p.359 Insanix sive phreneseos, ibid.l.17 Luxuriæ morisq; dissoluti, ibid.l.61 & p.360 Prodigalitatis, ibid.l.13 Ambitionis & Sui-quæstionis, ibid.l.21

Christianorum tarditas in vero detegendo Antichristo cum Judæorum in vero Christo dignoscendo comparata p.582.l.29

Christiani falsi ac mendaces qui p.791.l.24

Christianitas Judaismi & Paganismi perfectio, & veluti Recapitulatio p.121.l.38

Christianitatem Judaismo successisse speciali Dei consilio, non Influentiâ stellarum p.297 l.30

Christianitatis utilitas ad bona hujus vite privata p.375.l.19

Christianitatis utilitas ad bona Politica p.376.l.7

Christianitas vindicata ab injustis insimulationibus tanquam si rebus Politicis minus esset utilis, ibid.l.35 & p.377

Citeria & Manducus quid p.672.l.18

Civitas magna in tres partes divisa Apoc.16. quid significet p.45.l.54

Civitatum Gentium casus quid p.45.l.49

Civitas magna ubi Christus crucifixus est, quæ sit p.189.l.47

Civitas sancta à Gentibus conculcata, Idololatriæ in Ecclesia futura præfiguratio p.710 l.18

Claudius, primum Christianorum persecutorem non fuisse sed Neronem p.680.l.22

Claudius & corpus esse Bestiæ & caput, Domitianum verò & caput & corpus & os Bestiæ, commentum Grotianum p.683.l.21

Cleri depauperandi studium profanitatem rancidè olere & Atheismum aut Infidelitatem p.430.l.26

Cœlibatûs votivi onus p.496.l.50 & p.497 scopi ipsius magis abditæ & perniciosi p.497

l.13 scopi illius magis obvii, ibid.l.33 & p.498 Noxæ ingentes p.498.l.6

Cœlibatûs votum in Sacerdotibus ac Monachis quantam vim habeat ad Impuritatem p.554 l.26

Cœlibatûs votum Ritûs Paganicus antiquus in Sacerdotibus Vestæ, Apollinis, Junonis Argivæ, &c. p.671.l.34

Cœnæ Dominicæ celebratio quàm utilis sit Passionis Christi commemoratio nunquam antiquanda p.368.l.28

Cœtus Virgineus quomodo lapsus Ecclesiæ in Idololatriam innuat p.712.l.19

Cœtum Virgineum eq; duodecim Tribubus obsignatos, eundem esse cœtum p.703.l.12

Co-expositionis nostræ usus exemplum egregium p.675.l.36 & p.676 p.679.l.40 & p.680

Co-expositionis suæ firmitas quibus rationibus nitatur p.695.l.42

Co-expositionis nostræ Consecrarii duodecimi utilitas insignis ad detegendam falsitatem trivialium Expositionum cujuslibet visionis quæ Synchrona sit visioni Bestiæ instaurata p.700 l.1

Cognitionis spiritualis onus p.496.l.17

Collyridianorum Idololatria ab Epiphanio reprehensa p.714.l.27

Collyrium Laodicenum p.814.l.60 & p.815

Ad Coloffenses

Cap.2.v.18 p.118.l.23 v.19 p.532.l.1

Cometarum sublunarium qualia effecta & præfagia p.219.l.32

Comminationes stylo etiam symbolico scriptas conditionales esse posse p.12.l.5

Communicabilitatem Christianæ Religionis ejus Rationabilitatem innuere p.382.l.49 & 383

Communicandi rectè, methodus p.383.l.12 Exemplum breve illius methodi, ibid.l.26

Communione quinam excludendi sint, & de Positura inter recipiendum, Communionisq; fructu p.439.l.40 & p.440

Conceptus quomodo fiat secundum Harvæum p.120.l.10

Concionum quis maximè genuinus sit usus p.437.l.37 & 438 l.43

Concubinæ Sacerdotibus permisse quàm absurdum spectaculum p.555.l.30

Concilii Tridentini de Adoratione Hostiæ doctrina quàm sit Idololatrica p.845.l.36.846,847

Concilii Tridentini præceptum de Imaginibus præcepto Dei planè contrarium p.854.l.9

Concilii Nicæni secundi doctrinam de cultu Imaginum crasse esse Idololatricam p.856.l.2 Quibus rebus illius Concilii levetur Autoritas, ibid.l.5

Concilium

INDEX.

Concilium Nicænum qualem honorem Imaginibus assignaverit p.856.l.42

Concilium Nicænum Latrian, apud Photium, Imagini Christi, cultumq; saltem religiosum Sanctorum Imaginibus assignare p.856. l. 49 & p.857

Concilii Tridentini de Imaginum cultu doctrina, praxi & sententiis præcipuorum membrorum Romanæ Ecclesiæ illustrata p.858.l.2

Concilium verè sanctum verèq; Oecumenicum sub secundo Tonitruo futurum p.30.l.45

Confessionis Anniversaria necessitas conscientiarum carnificina p.501.l.35

Confessionem auricularem nullum habere fundamentum in Scripturis p.502.l.29

Confessionem voluntariam & in genere, utilem fore in Ecclesia in quibusdam circumstantiis, & in ordine ad Absolutionem à sacerdote p.503.l.1 Ut & Confessionem particularem modo sit voluntaria, ibid.l.15

Confessionum auricularium servitus & Noxa, ibid.l.21 & p.504

Conflagratio mundi p.79.l.37

Conflagratio mundi è Scripturis probata p.205.l.39. p.206,207

Conflagratio mundi quomodo à Christianis magis sobriis intelligatur p.217. l. 54 & p.218

Conflagrationis terræ possibilitas multis argumentis probata p.218,219,220,221,222

Conflagrationis possibilitas quibus fallaciis improbabilis hominibus reddatur p.223.l.19

Conflagrationis rationabilitas probata p.223 l.39.p.224

Conscientiæ libertas: Vide Libertas conscientie.

Constantinopolin, Novam Sionem captam à Turcis, sanctam esse Civitatem secundum Grotium à Gogo & Magogo obsessam p.193.l.62 & p.194

Constantinopolin septicollem esse perinde ac Romam p.646.l.4

Constantinopolin sedem nunc non esse Meretricis Babylonice sed Romam veterem p.698 l.52 & p.699

Convivium quo excipiebatur Apollonius à Jarchâ & Brachmanis p.138.l.34 & p.94.l.9

Koerbidz quid sit p.62.l.39

I Corinth.

Cap.1.v.30 p.329.l.28

Cap.2.v.14 p.130.l.62 & p.343.l.1

Cap.3.v.5 p.506.l.51

Cap.4.v.15 p.116.l.45

Cap.10.v.9 p.66.l.39

Cap.11.v.26 p.368.l.33

Cap.13.v.4 p.558.l.49 v.9,10 p.235.l.18

Cap.15.v.32 p.61.l.55 v.51 p.371.l.22

2 Corinth.

Cap.5.v.1,2,3,4,5,6 p.63.l.51 p.64.l.15 & l.50 & p.65 v.16 p.238. l. 63 v.21 p.364 l.48

Cornua bicornis Bestiæ quid significant p.639.l.9

Cornua duo similia Agni perperam à Grotio interpretata p.690.l.35

Cornu parvulum necessario ad Regnum Romanum pertinere jam decacorne factum & Paganis-Christianum simul p.733.l.24

Cornu parvulum Meretrici ac Bestiæ bicorni iuxta esse, cumq; illis & Bestia instaurata tempore saltem coincidere p.733.l.35 Unde & Cornu parvulum ipsam Meretricem Bestiamve bicornem esse demonstratur p.733.l.54 & p.734 Cur oculos hominis habere dicatur p.734 l.24 quam accuratè Patriarcham Romanum præfigeret, ibid.l.13

Corona vitæ Ecclesiæ Smyrnæ promissa quid p.792.l.20

Corona vitæ cur Ecclesiæ Smyrnæ appropriata p.818.l.33

Costeri Jesuitæ confessio quàm immanes Idololatæ sint Romanistæ si panis Eucharisticus non sit transubstantiatus p.847.l.32

Crudelitas Satanæ in Paganismo p.112 in Cathaia & Mangi, ibid.l.24 in Siam & Pegu, ibid.l.38 in Zeilan, ibid.l.5 in Hispaniola, Mexico & Peru p.113

Crudelitatum Antichristianarum exempla varia p.564 ad p.568

Cultum publicum essentialem esse Religioni à persecutione immuni p.435.l.19 Recta circumstantiarum ipsius mensura p.435.l.32

Cultus publici Christianorum Domum Templum propriè dici non posse p.436.l.16

Cultus Non-Dei sine Imagine, primus modus Idololatriæ p.435.l.27 & p.456

Cultus veri Dei per Imaginem, alter modus Idololatriæ p.437 & 458,459,460

Cultus Non-Dei per Imaginem, tertius modus Idololatriæ p.460.l.47 & p.461

Cultus Imaginis vel Complicati ex Imagine & Demone pro vivo aliquo Numine, quartus modus Idololatriæ p.461.l.61 & p.462

Cultus Statuæ tanquam cum supremo Numine Magicis Ritibus vitaliter unitæ, quintus modus Idololatriæ p.463.l.6 p.843.l.40

Cultus Idololatriæ modos omnes ad hos quinque reduci posse p.463.l.46

Cultus Divini Objectum unum perinde esse ac invisibile p.464.l.11

Cultus in Latrian, Dulian, & Cultum Civilem mendosa Distributio p.465.l.26

Cultum ejusdem denominationis Angelis Hominiбусq; competere, non autem Angelis & Deo, & quare p.465.l.55 & p.466

Cultum qui sanctis Angelisq; debetur, rectè Civilem appellari, & quare p.466.l.40

Cultum religiosum non esse nisi unum, quibus rationibus probatur p.467.l.23

Cultum quem exhibemus viris Dei, sacrisve Bibliis non esse religiosum p.467. l.60 & p.468

Cultus in sua genera recta distributio p.468 l.31

Cultus religiosi definitio, ibid.l.44

Cultum

INDEX

Cultum religiosum Obiecto inidoneo quantumvis coactè sitèq; exhibitum, crassam esse Idololatriam p.469.l.4

Cultusq; propterea religiosi nullos esse gradus específicos sed omnem esse Latrion, ibid.l.20

Cultus religiosi signa appropriata p.470.l.45 p.471.472

Cultus Divini signa quanquam perperam à Paganis adhibita erga Deos falsos, non desinere esse signa istiusmodi cultus p.471.l.42

Cultum religiosum ab Autore definitum, cultum esse Deo soli debitum, ac proinde Divinum, ex eòq; se sua argumenta ad Idololatriam redarguendam esse desumpturum p.473.l.5

Cultus religiosus Humanitati Christi quomodo communicabilis p.844.l.34

Cultum rituale non pendere à mente Cultoris transiture sit ad Obiectum necne p.872 l.21

Cultum religiosum qui Creature applicatus Idololatriam constituat, reverà esse Divinum, p.873.l.51 & p.874 Creaturamq; Deum facere summum, ibid.l.2

Cultum Divinum inter & religiosum respectum vel præferentiam quantum sit discrimen p.885.l.32

Cultus Divini puritas in quo maximè consistat p.889.l.45

Cultus Angelorum Sanctorumq; per Invocationem, Erectionem Templorum, Altarium, Imaginum, &c. ad Idololatriæ definitionem reductus p.882.l.37 & p.883,884 Evasioni occurritur 883.l.27

Currus Dei qualis, quomodòq; ab Aarone visus in monte Sinai p.458. l.15 & p.875 l.59

Cybeles sacra quàm turpia p.108.l.37 Circulator Cybeleus, ibid.l.47

Cynocephali cum Luna consensus sive sympathia p.86.l.10 Luna per huiusmodi Animalia adoratio qualis, ibid.l.18

D.

Dæmonum ignorantia ipsorumq; cultus solus p.94.l.38

Dæmones famelici sitim sanguinis profitentes p.113.l.45

Dæmones Incubi p.120.l.32

Dæmoniorum Ejectio per Christum & mortuorum Excitatio quid portenderent p.131 l.34

Dæmonum Residentiæ prope statuas suas que apud Paganos argumenta p.461.l.21

Dæmonis ac statuar in unam personam coalescentium commentum p.461.l.43

Dæmonum Magica per statuas ad certa loca devinctio p.461.l.43

Dæmonem esse quicquid religiosè colitur, præter mundi conditorem p.719.l.33

Dæmoniacorum copia, temporibus Christi, præquam nunc est, rationes p.131,132,133

Dæmoniacorum videri posse abunde esse aut fuisse hisce nostris temporibus p.133.l.17

Dæmoniacus cui nomen Legio p.134 Difficultates circa eum propositæ ac solutæ l.18 Cur Christus nomen Dæmoniaci rogaret l.55 Cur permiserit Dæmonibus in Porcos intrare p.135 l.29 istiusq; rei significatio l.43

Dæmoniacus Athenis quomodo per Apollonium sanatus p.139.l.28

Dæmoniorum ejiciendi formulæ apud Judæos & Egyptios p.351.l.36 δαίμων & ἑρμῆς idem ferè sonare, & quid propriè δαίμων p.118.l.24

δαίμονες paulinoi & ialexoi p.461.l.33

δαίμων & δαυμνός idem apud Patres p.714 l.40

δαίμονες Paulini iidem qui Mahuzzim apud Danielelem p.719.l.30

δαίμονες, quàm latè significare possit ista vox p.133.l.38

Daniel.

Cap.2.v.34 p.731.l.6 v.44 p.730.l.38

Cap.7.v.6 p.732.l.40 v.8.24 p.734.l.21 v.13 p.730.l.24 v.23 p.729.l.50 v.24 p.733.l.47 v.25 p.654.l.16

Cap.8.v.14.26 p.717.l.4 v.21 p.732.l.13 v.22 p.730.l.11

Cap.9. v.24, 25, 26, 27 p.256, 257, 258, 259

Cap.11. v.36, 37 p.750.l.48 v.36, 37, 38, 39 p.717.l.41 & p.718, 719, 720

Cap.12.v.11, 12 p.716.l.32

David Georgius & H.N. quales Propheta p.163.l.1 Vafros Veteratores & Impostores fuisse potius quàm simplices Enthusiastas, ibid.l.49 Quanta Illuminationis eorum summa p.164.l.1 Mahometes ipsis orthodoxior in præcipuis Religionis articulis, ibid.l.31

Deastrorum multitudo Paganicorum cum Divorum Pontificiorum multitudine comparata p.665.l.57 & p.666

Decalogum totum morale esse, chrq; Tabulis lapideis Dei digito inscriptus dicatur p.480.l.27

Decalogum totum morale esse quibus confirmetur argumentis p.838.l.2

Decalogum ad populi captum scriptum esse, nec versutorum sophismatis eludendum p.854 l.23

Decalogi, in primo secundòq; præcepto sensus genuinus ac necessarius p.874. l.27 & p.875, 876

Decemviros summam fuisse potestatem ex Livio constare p.661.l.15

Decem Cornua Bestiæ perperam à Grotio exposita p.687.l.26 & p.688.l.35

Decem persecutiones prædictæ in Divinis Oraculis p.791.l.50 & p.792

Deificationem realem ac Physicam nemini competere præterquam Christo, quòdq; aliter statuere sit Christianitatem subvertere p.60 l.30

D d d d d

Dei

INDEX

Dei existentiae ratio ex idea ipsius petita p. 74. l. 1. Ulteriorq; ejusdem confirmatio ex concatenatione illiuscum rationibus reddendis rerum ceterarum p. 74. l. 18. Probatio ex rerum formationibus, ipsorumq; confessionibus Physio-
logorum, *ibid.* l. 35 & p. 75. l. 1

Dei definitio apud Plutarchum p. 96. l. 62

Dei praesentia specialis in caelis, sive Divina Schechina p. 156. l. 8

Dei notitia verissima quae sit, quomodoq; seculis Philadelphianis maxime propria p. 824 l. 25

Δεῦρος vox antiqua apud Macrobius p. 95 l. 13

Deos induere quid sit apud Paganos, ejusq; apud Pontificios imitatio p. 669. l. 35

Deos Paganorum plerumq; omnes, homines fuisse p. 117. l. 39

Desertum Gentilismi symbolum p. 632. l. 51

Desertum cur Paganismum indiget p. 602 l. 29

Deum esse credere quem deglutire possumus quam absurdum apud Ciceronem p. 665. l. 53

Deus quomodo dicatur in corda dedisse decem Regibus ut regnum suum dent Bestiae p. 653. l. 13

Deuteronom.

Cap. 22. v. 9 p. 802. l. 33

Cap. 29. v. 14, 15 p. 66. l. 13

Deuteroplerosis Praeonii trium Angelorum p. 31. l. 21

Deuteroplerosis an tertium quoddam genus Henopceiae p. 589. l. 60

Diaboli dominium in mundo ante adventum Christi p. 105. l. 41

Diaboli crudelitas in personas hominum sub Paganismo p. 132. l. 6. Illius potestas in Excommunicatos & Apostatas, *ibid.* l. 22. Posterioris exempla quaedam egregia in vertiginosis quibusdam huius seculi seculis l. 26

Diabolus quomodo abusus sit Praedictione quadam Apocalypticâ in damnum Ecclesiae p. 385. l. 11

Diaboli falsa conjectura de expiratione Christianismi p. 687. l. 37

Διάβολος, variae illius vocis significationes p. 386. l. 23. ὁ κατὰ διάβολον Novum Testamentum cur redditum p. 387. l. 36

Δικαιοσύνη, δικαιοσύνη & δικαιοσύνη p. 327. l. 29

Dictatores, summam fuisse potestatem p. 661 l. 32

Dies cur Annos nunquam significant, rationes Grotii propositae & confutatae p. 176. l. 46 & p. 177

Dies iudicii septima Potentia Evangelica p. 371. l. 13. Illius Diei incertitudo, *ibid.* l. 44. Crepusculi vespertini illius Diei descriptio p. 372. l. 31. Matutini descriptio, *ibid.* l. 53 & p. 373

Dies Festi 441. l. 16

Dierum Fectorum Numerositas cum inefficaci rerum Divinarum ministerio conjuncta quan-

tum momentum habeat ad mores spurcos & impuros p. 553. l. 54 & p. 554

Dies 1260. quomodo exponendi, ut & Tres Dies & Dimidium p. 585. l. 62 & p. 586

Dies cum annum significat, icalmum esse p. 616. l. 1

Dignitatum Astrologicarum tum Essentialium tum Accidentalium confutatio p. 305. l. 56 & p. 306, 307

Dii ὅμνηται omnes eorumq; divinitas p. 96. l. 1

Dijovis & Vejovis idem qui Apollo p. 101 l. 49

Diluvium igneum universale quibus rationibus arguatur probabile p. 220. l. 47

Δίωκος p. 93. l. 56

Diorismus ejusq; genera p. 585. l. 33 & p. 586, 587

De Diorismorum Numeralium usu problema paulo curiosius p. 586. l. 59

Diorismorum proportionalium & specificorum exempla p. 507. l. 26

Diphili Tragedi de Conflagratione Vaticinium p. 221. l. 34

Directio apud Astrologos quid p. 301. l. 33

Directores vel significatores principales quinam sint p. 301. l. 48

Dispensationes contra legem Christi cum illius rei fraude & noxa p. 520. l. 37. Hujus potestatis pretextus perfidiosus, *ibid.* l. 59 & p. 521. Malum huius pretextus effectum p. 521. l. 10

Dissensiones Christianorum circa Trinitatem, circa Divinam essentiam, circa creationem mundi, circa Animam humanam, circa Christum atq; Angelos p. 54 & 55

Divinae Providentiae de rebus Ecclesiae matura sollicitudo è vaticiniis antiquis elucescens p. 750. l. 30

Divinae vitae triumphus externi Imperii Diaboli ruinâ contractior p. 172. l. 29. Conspicua illius eminentia primitivis temporibus, *ibid.* l. 35

Divinae vitae triumphus externus quam bene firmatus quâq; plenè celebratus p. 374. l. 15. Quam gratus sit hominibus verè piis, *ibid.* l. 48

Divinae vitae ramulos sine Fide in Deo & Christo in meram degenerare moralitatem p. 403 l. 9

Divinatio Astrologica ob Apollonio & Brachmanis affectata p. 129. l. 19

Divinationis Apollonii p. 140. l. 23. ab Insomniis l. 29. à pipilationibus passerum l. 37. à tonitruo l. 42. à monstroso partu l. 46. ab Halone l. 49

Divinitas Christi probata ex primo capite Evangelii S. Johannis p. 58. l. 34 & p. 59. Ut à cultu Divino ei exhibite, *ibid.* l. 42

Divinitatis Christi negatio Religionis Christianae subversio p. 60. l. 30

Divinitatem Christi & mysterium Trinitatis nullas in se habere repugnantias p. 380. l. 3 & p. 381. l. 13

Divinitatis

INDEX.

Divinitatis Christi, prout à Scholasticis explicatur, examinatio p.414.l.38

Divinitatis Christi inculcationem creaturam omnem arguere cultus religiosi incapacem p.470 l.22

Doctores quosdam meras strigas esse & Infanti fugas p.398.l.10

ἁγιογραφία [Coloss. 2. 20.] quid sit p.451 l.48

Domus celestis p.301.l.1

Domorum Nativitatis erectionisq; schematicæ consuetudo p.307.l.31

Domitianus Bestia quæ erat & non est, &c. apud Grotium p.190.l.54

Domitianus sc. Bestia quæ erat & non est, fuisset, Patres utiq; qui magis è propinquo eum aspectabant, sic esse deprehendissent p.685.l.39

Domitianum non fuisse Imperatorem tempore patris, non magis nec æquè sanè quàm Titus frater p.685.l.55 & p.686

Domitianum Bestiam esse quæ erat & non est, quàm vesanum Grotii commentum p.686.l.33 & p.687

Domitianus portio Neronis p.690.l.30

Draco quomodo dicatur vires suas dedisse Bestiæ p.643.l.54

Draco serpénsvæ septiceps quomodo ad Romanam Pagano-christianam etiam pertineat p.603.l.14

Dulias officium ad neutram Decalogi tabulam referri posse p.467.l.9

Duo Testes quas binas res potissimum significent p.200.l.15 Quotuplici sensu vivi dici possint vel occisi, ibid. l.26 & p.201

Duorum Testium & conculcationis exterioris Atrii à Gentibus, explicatio Grotiana p.189.l.24

Duorum Testium visionis vera explicatio p.724,725,726,727,728

E.

Ecclésiæ Anglicanæ ab omni suspitione Antichristianismi vindicatio, à p.765 ad p.778

Ecclesiæ Anglicanæ Reformatio in doctrinis suis & institutis quàm sit perfecta p.765.l.21

Ecclesiæ Anglicanæ Invocationem Sanctorum, Adorationem Sacramenti sive Hostiæ cultumq; Imaginum tanquam Idololatriæ planè condemnat p.765.l.47 & p.766,767 Rationem colendi Sanctos & Imagines eandem esse concludit apud Pontificios quæ olim colendi Deastros erat apud Paganos p.767.l.48 Libera ejus justq; censura de ornatu Imaginum pretextuq; quod libri sint Laicorum p.768.l.18 Romanam Ecclesiæ Apostaticam Meretricem esse Babyloniam minime dissimulat, ibid. l.23 Notâsq; Regni Antichristi in ea apparere, ibid.l.36

Ecclesiæ Anglicanæ quàm perfectè nos liberaverit à Jugo illo Ægyptiaco quod nobis Papismi temporibus incubuit p.769. l.16 Dierum

Restorum Quadragesimæq; Observatio, usq; Superpellitil, Signiq; Crucis in Baptismo, in sensu Ecclesiæ Anglicanæ quàm nihil Superstitionis aut Antichristianismi sapiant p.770.l.12 & p.771,772

Ecclesiæ Anglicanæ quàm ex diametro opposita sit illi Antichristianismi parti quæ Regale & Propheticum Christi officium oppugnat p.772.l.37 & p.773 Ut & illi quæ Sacerdotale p.773.l.31 Eam nihil tenere adversus ceteros Christi Titulos, Veritatem, Vitam, Lucem, &c. p.773.l.14

Ecclesiæ Anglicanæ peculiaris gloria quod aded in solidum immunis sit omnium fraudum & Impositurarum p.776.l.13 Illius à Superbia Immunitas, ibid. l.30 Ab Antichristiana Impuritate, ibid.l.45 Et à crudelitate p.777 l.5

Ecclesiæ Anglicanæ nihil quod vel minimam habeat speciem Idololatriæ in celebranda Cœna Dominica requirere p.887.l.28

Ecclesiæ apostatantis status, quantum ad enorme studium cultus externi erga Servatorem Sanctorumq; ex Divina Providentiæ consilia interpretatio p.173.l.48 & p.174

Ecclesiæ Apostaticæ status ridiculi paniter ac calamitosi Descriptio p.175.l.26

Ecclesiæ post Apostasiam latuisse tantum in Eremito, non periisse p.173.l.37

Ecclesiæ corrupta postquam Christianitas facta sit Religio Imperii p.173.l.34

Ecclesiæ Fabrica debitq; pulchritudo p.435.l.34

Ecclesiæ Lapsus & Instauratio prædicta in Apocalypsi p.182.l.25

Ecclesiæ lapsus accuratissimis circumstantiis prædictus ut firmum sit pignus illius restitutionis p.673.l.9

Ecclesiæ à virgine constituta ut primùm superba, dein contentiosa evaserit p.792.l.7

Ecclesiæ Reformatæ, qualis Idololatriæ illa rea videantur p.182.l.25

Ecclesiæ restitutæ descriptio p.175.l.53 & p.176

Ecclesiæ status per Antemediales Visiones prædicti compendiosa descriptio p.38.l.20

Ecclesiæ status per Mediales visiones prædicti descriptio p.38.l.37

Ecclesiæ status per Postmediales prædicti descriptio p.39.l.28

Ecclesiæ status in Deserto idem qui servitutis in Ægypto p.711.l.45

Ecclesiæ cur Anglicè Church appellata, vanaq; Sectariorum circa eam rem Cavillatio p.436.l.40

Ecclesiæ, quamvis Templum non sit, esse tamen aliquà ratione Sanctam, ibid. l.52 & p.437

Ecclesiæ sufficienter unam effici ex eo quod unum caput habeat Christum unamq; Legem Apostolicam p.546.l.27

Ecclesiæ liberam fuisse ab Idololatriæ & Anti-

INDEX

Antichristianismo ad annum quadringentesimum ferè à nato Christo p.696.l.19

Ecclesiæ paci ac securitati quantum conferat Co-expositionis Consecrarium secundum p.696.l.21

Ecclesiæ paci quantum conferat Consecrarium septimum p.678.l.7

*Ecclesiastica Potestatis Pompæq; majoris Imperiali, plausibilis suppositio p.537.l.23 Ratio-
num hujus suppositionis Imbecillitas p.537.l.38
Noxæ ab ea provenientes in depellendis Eccle-
siasticorum animis à veritatis sanctitatisq; stu-
dio, faciendq; ut quicquid verum sanctumq;
sit, si ipsorum avaritiæ & ambitioni adverte-
tur, oppugnet p.538.l.6 Quid hujusmodi Po-
testas Luciferiana subversura esset Regnum
Christi & in merum Emporium mutatura p.
538.l.57 & p.539*

Expositionis in r. equalis p.69.l.30

*Eclipsis Solis in Passione Servatoris quæ fieri
possit ut in Historiis Gentilium non occurrat p.
148.l.16 Quid de illius commemoratione sta-
tuendum sit apud Phlegontem & Thallum,
ibid. l.33 Calvinii Sententia de illa Eclipsi,
ibid. l.52*

Edom & Bosra p.737.l.22

*Efflagellationis Nummulariorum è Templo quis
sensur sit p.136.l.34*

*Ei in alio non scribendum esse, multis
confirmatur argumentis p.656.l.31*

*Electionis & Reprobationis examinatio p.
411 & 412*

*Elephantorum ingenium Politicum p.85
l.36*

*Elephantis religionem syderum inesse opinio
Plinii p.86.l.23*

*Eleusinia quàm sœda & obscœna p.110.l.31
Illorum sacrorum magnificentia, magnaq; fre-
quentatio, ibid. l.41*

*Ellipsis Prophetica quid propriè sit p.592
l.28*

*Ellipseos Propheticæ proprietates exemplis il-
lustrata p.592.l.51 & p.643.l.22*

*Elohim etiam cum verbo pluralis Numeri con-
junctum, de vero Deo intelligi p.457.l.30*

*Ex [Johan. I] quomodo intelligendum
p.57.l.16*

Enthusiasticæ quid propriè significet p.64.l.35

*Enthusiastica Intemperies quàm conjuncta
cum superbia p.165.l.57*

*Enthusiastarum conditio incurabilis p.211
l.14*

*Enthusiasmus Mahometis quomodo tempera-
tus, ejusq; successus ratio p.166.l.2*

*Ephesus quomodo à peste per Apollonium li-
berata p.139.l.10*

*Ephesus quid allusivè significet in Ecclesia
Ephesina p.787.l.53 & p.788*

Ad Ephesios

Cap.1.v.10 p.121.l.42

Cap.2.v.14 p.452.l.8

Cap.3.v.16 p.343.l.27

Cap.4.v.11 p.509.l.33

*Ephodum Michæ & Tetaphim vero Deo fu-
isse consecrator p.459.l.18*

*Epiphani loci de ablegatione Johannis in
Patmon, explicatus p.682.l.12*

*Epiphani loci alter de Johannis reditu è
Patmo à Petavio correctus, ibid. l.46 & p.
683*

*Epiphanius quàm indiligens Historie & im-
peritus p.683.l.11 Nisi errar fortè scribæ esset,
ibid. l.23*

*Epiphonema Epistolarum ad septem Ecclesias
quid significet p.790.l.3 Ejus positio p.792.l.31
& p.812.l.12*

*Episcopatus Anglicani ab Imputatione Anti-
christianismi ex ipsa Apocalypsi petita vindi-
catio p.774.l.14*

*Epocha Visionum Apocalypiticarum ubi repe-
rienda p.34*

*Epocha Apostasie Ecclesiæ p.696.l.19 & p.
697 p.707.l.57 p.710.l.21 p.27.l.18 Quam
habeat latitudinem p.17.l.34 p.34.l.3 &
p.35*

Epocha & Epochæ quid p.51.l.ultima

*Epocha Paganorum quomodo affectetur in
Transubstantiatione Pontificiorum p.671.l.55
& p.672*

Equæ à vento gravida p.120.l.13

Equi albi Sessoris prælium quid p.46.l.2

*Equi albi Sessoris visio fusè explicata p.735,
736, 737*

*Equitum Euphratorum Explicatio secun-
dum Grovium p.187.l.34 & secundum J. Me-
dum, ibid. l.57*

*Equi statua ænea cum Sessore, Telema Con-
stantinopolitanum contra pestem p.364.l.4*

*Erectio Schematis Astrologici quot modis fi-
at p.301.l.14*

*Error maximè fundamentalis radixq; omni-
um corruptionum in Ecclesia Christi p.406
l.17*

Eremus: Vide Desertum.

Esaias

Cap.7.v.14 p.291.l.13

Cap.9.v.6 p.270.l.5

Cap.11.v.4 p.737.l.3 v.10 p.271.l.24

*Cap.14 à vers.12 ad v.20 p.749.l.15 & p.
750*

*Cap.23. v.15,16,17,18 p.744.l.43 & 745
v.16 p.863 v.18 p.746.l.22*

Cap.26.v.21 & c.27.v.1 p.553.l.16

Cap.27: Vide Cap.26

Cap.29.v.8 p.340.l.27

Cap.41.v.11,12 p.400.l.39

Cap.53.v.1 usq; ad v.13 p.266,267,268

*Ethnicorum sapientiores in t. v. v. v. po-
tius fuisse quàm meros Paganos p.110.l.40*

*Evangelium videri Gentibus potius quàm Ju-
dæis destinatum p.121.l.ult.*

*Evangelium Johannis à Turcis pro amuleto
adhibitum p.172.l.2*

*Evangeliorum exemplaria omnia nunquam
fuisse*

INDEX.

fuisse combusta p.289.l13 Nec depravata aut corrupta, ibid. l.37 Idq; ex ipsis variis sectionibus aliquo modo constare p.290.l1

Evangelii veritas probata, ex successu quem habuit Hierosolymis, ex severitate Præceptorum, &c. p.293 & 294

Evangelium Christi quibus amoris nostri demonstrationibus prosequi debeamus p.405.l19

Evangelium appellari potuisse vel Novam Legem vel Novum Fœdus p.386.l52 Cur appellatur *Διὰ τὴν πόλιν* potius quàm *Νέον* p.387.l7

Evangelii sensum ad tarditatem vel exiguitatem cujuslibet imbecillis Ingenii demitti non debere p.384.l15

Evangelii finis privativus & positivus p.448 l.42

Evangelium Christi cur æternum dictum p.2 l.61

Evangelii scopus, indoles atq; vis p.121 l.15

Eucharistiæ sive mysterii communionis corporis Christi abusus immanissimus p.572.l5

Euphratæ equites quo paxillo rebus Imperii Turcici affixi sint, quibusq; iudiciis constet ad quod mundi seculum illud vaticinium pertineat p.587.l20

Evdvovvplav & ἱερὴν αἰνέσασθαι p.595.l19

Evomitionis Ecclesiæ Laodicensis profundior significatio p.813.l60. & p.814 & 819 l.40

Excellentiam mediam Deum inter atq; Homines soli Christo *Διαδοχῶς* competere p.465 l.45

Excellentiam tantum infinitam & increatam debitum esse Objectum cultus religiosi p.479 l.28

Exemplum Christi quarta Potentia Evangelica p.348.l24

Exemplum Christi vindicatum ab insimulationibus Blasphemiarum p.349.l45 & p.350 Magiæ p.351.l2 Profanitatis, ibid.l.4 Neutralitatis p.352.l1 Injustitiarum, ibid.l.16 Convitiationis, ibid.l.48 Zeli tumultuarii, ibid.l.6 & p.353 Desperationis, ibid.l.12 Dementiæ l.23 Morum dissolutorum l.61 & p.354,355 Ambitionis & Sui-quæstionis, ibid.l.15

Exemplum Christi p*ro* Animabus quàm ingens Privilegium p.361.l5

Exodus

Cap.3.v.14 & c.34 v.8 p.381.l56

Cap.23.v.20 p.875.l29

Cap.32.v.1 p.875.l33

Cap.34 vide cap.3

Exorcizatorum Elementorum in usus suos superstitiosos distributio p.494.l11

Exorcizatio Diaboli ex Infante baptizando, quale spectaculum p.494.l21

Ezechiel.

Cap.1.v.10 & c.10 v.14 p.458.l1

Cap.10 vide cap.1

Cap.27.v.29 p.740.l58

Cap.28.v.2,3,4,5 p.743. l.15 & à v.12 ad

v.18 ibid. l.46 & p.744

Cap.28.v.2 p.748.l40 & v.7.l53

Cap.43.v.10,11 p.255.l54

Cap.47.v.8,9, &c. p.256.l4

F.

Familiaritas Dæmonum cum Astrologia non raro conjuncta p.311.l37 & p.312

Familismus, Oeconomia nempe Spiritus, cum aliis tumidis illius encomiis p.230.l48

Familismum ministerium Spiritus nullo pacto esse posse p.236.l9

Familismi Noxa & periculum p.246 & 247

Familistarum Arcanum præcipuum quid sit p.230.l2

Familistas nec Immortalitatem Animæ nec Spirituum existentiam credere p.243.l50 & p.244,245

Familistarum absurditas in rejicendo personam Christi & adhaerendo tam carnali Ductori quàm est H.N. p.317.l35 & p.318

Familistæ quâ occasione Amoris Titulum sibi vendicaverint p.319.l19

Familistarum contemptus in Christum ob maestam illam ejulationem in Cruce p.365.l18

Fanatici homines quo Spiritu regantur p.233.l49

Fati Divinæ Providentiæ ambrosius Ecclesiæ apostaticus quomodo comprehendatur p.653.l24 & p.654 p.715.l46 p.734.l27 p.745.l25

Feræ Regna Idololatriæ & Tyrannidis quomodo rectè representent p.598.l33 & p.599

Festa Paganorum: Vide Jubilei.

Ficus maledictio per Servatorem quid significet p.136.l54 & p.137

Fides, vitæ Divinæ radix p.88.l60

Fide solâ an salvemur p.325,326,327,328,329,330

Fides tantopere à Paulo commendata qualis sit p.326.l62 & p.327

Fidei Christianæ pars præcipua p.328.l34

Fides nobis imputata ad justitiam qualis p.328.l57 & p.329

Fidei Historicæ natura p.386.l8

Fidem veram ac salvificam propriè Fœdus esse, ibid.l.23

Fides Abrahami ad partum Isaac Spiritualis quàm necessariò imitanda p.392.l13

Fidei Christianæ Objectum eminentissimum obiter detectum p.393.l3

Fidei salvificæ sive Fœderis Christiani Objectum adequatum p.394.l40

Fides quædam ferè omnipotens Nobis Fœderatori necessaria p.399.l11

Fides qualis sit quâ distinguitur à Cogitione & Sapientia p.518.l20

Fides, quali Ecclesiæ constitutione necessariò ferè extinguatur p.539 & 540

E e e e e

Fidem

INDEX

Fidem veram firmamq; in Christum à Nova esse Nativitate p.803.l.3
 Fides in genere quid sit p.827.l.5
 Fides propriè sic dicta quid p.827.l.42
 Fidem firmam posse esse falsam p.827.l.8
 Fidei certitudo humana ac moralis quæ sit quibûsq; rebus innitatur p.829.l.42
 Fides communis & Catholica quæ p.830.l.53
 Fidei certitudo Divina qualis sit, & quid insuper addat humanæ ac morali p.830.l.57 & p.831
 Figuratus quando rectè dici possit sermo, quando non p.872.l.38 & p.873
 Filia quid significet stylo prophetico p.609.l.14
 Filiorum Dei per Antichristianam Potestatem indigna tractatio p.533.l.8
 Filium Dei cur Christus se appellet in exordio Epistolæ ad Ecclesiam Thyatirensis p.853.l.16
 Filium ordinis visionum Apocalypticarum principale, quodnam sit p.18.l.10
 Fili huius tripartitio in sex prima Sigilla, sex primas Tubas & septem Tonitrua p.18.l.46
 Flagellantium sive Ninevitarum ordo unde originem cepit p.671.l.42
 Flagellatio, illius Inefficacia, Penitentis Hypocrisis, barbara Ecclesiæ superbia, Noxæ inde proveniunt p.498.l.24
 Flora Dea p.109.l.41
 Fœdera vetera plura fuisse uno p.388.l.2
 Fœderum duorum differentia per duplicem similitudinem illustrata [Gal.4] 389.l.19
 Fœderis veteris natura adumbrata in Agar filioq; ejus Ismaële p.390.l.7
 Fœderis Novi adumbratio in Sarah, ejûsq; filio Isaac p.391.l.11
 Fœdere Christiano nihil ex nostra parte requiri, quàm periculosus error & execranda Hypocrisis p.395.l.61 & p.396
 Fœderis Novi petitionem actualem, supponere Resipiscentiam p.397.l.26
 Fœderis secundi filium & mancipium primi ut discernuntur p.400.l.25
 Fœdus & Testamentum in quo convenient p.386.l.43
 Fœdus illud vetus quodnam sit à quo speciatim Novum distinguitur p.388.l.8 Discrimen ipsorum, ibid. Obiectio adversus datum discrimen cum Responso, ibid.l.26
 Fœdus secundum cur non facile frangatur p.388.l.45
 Fœdus secundum inter atq; primum discrimen illud ingens in quo consistat p.392.l.52 & p.393
 Fœdus Novum inire quid sit p.397.l.6
 Fœdus Novum ac in Fœdus operum mutetur periculum esse, Amorq; Christi in Amicitiam mercenariam p.401.l.51
 Fœderatorem Novum ex aqua & spiritu ge-

nitum esse p.397.l.34
 Fœderatores Novi sive recens nati in Christo, quomodo tractandi p.397.l.48
 Fœderator Novus quæ principia stricte debeat observare p.398 & 399
 Fœderator Novus quàm diligentem instituit debeat examinationem ad inveniendum quicquid in ipso sit corruptum, &c. p.399.l.46
 Fœderatoris Novi circumspectio perpetua & vigilantia p.402.l.35 Ejus conversatio apud homines, ibid.l.55 & p.403
 Fœlicior Augusto, melior Trajano, acclamatio populi ad Cæsares suos p.692.l.32
 Fortitudinis stupenda in B. Servatore copiosa descriptio p.90.l.6
 Fulminis natura & effecta p.220.l.1
 Fulminatrix legio, ibid.l.22
 Fundamenta verissima certissimâq; Fidei quæ sint p.832.l.49

G.

G. Litera quàm facile in vocabulis deperda-
 tur p.799.l.31
 Gabrielis salutatio ad Mariam cur facta p.125.l.13

Ad Galatas

Cap.2.v.16 p.330.l.10
 Cap.3.v.21 p.330.l.43
 Cap.4.v.2.22,23 p.339.l.19
 Cap.5.v.14 p.331.l.6
 Generationes hominum initium habuisse p.79.l.23

Genesis

Cap.1.v.14 p.141.l.penult.
 Cap.3.v.15 p.291.l.9
 Cap.4.v.1 p.92.l.32
 Cap.18 & 19 p.381.l.59
 Cap.49.v.10 p.251.l.24
 Genitivus Obiecti & Agentis p.714.l.60
 Gigantum generatio qualis secundum Josephum p.120.l.6
 Gladius acutus ex ore Sessoris Equi albi prodians [Apoc.19] quid sit p.736.l.55 & p.737
 Gladius hic quomodo ad ipsos sanctos pertineat, ibid.l.51 & p.738
 Gladius Robustorum gentium [Ezech.28] adversus Principem Tyri stricturn quid p.748.l.53 & p.749
 Globi à Sacerdotibus Egyptiis clam custoditi p.96.l.9
 Gloria Dei quid p.345.l.44
 Gloriam reliquos dedisse Deo, [Apoc.11.v.13] de quibus intelligendum p.728.l.19
 Gogi & Magogi Obsidium quid p.31.l.3
 Græcorum veterumq; Latinorum similitudo & consensus in vocalibus pronunciandis scribendiq; p.656.l.48 & p.657
 Gratia discriminativa quomodo admittatur, ejûsq; vi irresistibili quosdam salvari p.413.l.16

Gratiam

INDEX.

Gratiam sufficientem reliquis offerri multisq;
ex ipsis salvatum iri, *ibid.* l. 29

Gratiam & veritatem per Christum contigisse,
quomodo intelligendum p. 451. l. 7

Gratitudo in brutis perfectiorq; Pharisaica p.
84. l. 54

Grotii ingenium humanum ac benignum, un-
de ejus, in interpretando Apocalypsin, errores
profluxerunt, sed nec à minus benigno eorum-
dem per Authorem detectio p. 194. l. 32

Grotius quàm misere hallucinatus sit in in-
terpretanda Imagine Bestiæ p. 673. l. 39

Grotii in cap. 17. Apocalypseos consutatio p.
679 ad p. 688 Expositionis Fundamenta duo
quibus necessariò suffulcienda sit p. 680. l. 11
Fundamenti interpretationum tam malè positis
infelicissimus illius successus p. 685. l. 12

Grotius cur tam alternans in Expositionibus
p. 690. l. 11 Crassum illius peccatum adversus
secundam Regulam interpretandi prophetias p.
692. l. 53

Grotii immane facinus, si claritatis sui no-
minis interpositu Divinam veritatem obscura-
re voluerit p. 693. l. 1

Grotii successus inauspicati in suis Inter-
pretationibus Apocalypticis quedam non con-
temnenda utilitas p. 693. l. 17

Grotii *dispositio* absurdissimum in inter-
pretando 2 Thess. cap. 2. versu octavo p. 754.
l. 32 & p. 755. l. 30

Grotius in prophetia, de Homine peccati,
Paulum introducit de præteritis prophetantem
p. 756. l. 20 & 757. l. 38

Grotiana Methodus interpretandi Apoca-
lypsin quàm incerta & absurda, quàmque firma ac
demonstrativa sit Medana p. 182. l. 41

Grotiana Methodus probandi Historiam de
vita Christi tam maturè scriptam p. 288. l. 5 &
p. 289

Grotiana Interpretatio Filii Hominis [Dan.
7] profana ac inepta p. 730. l. 46 Par dementia
in interpretando Lapidem sine manibus abscis-
sum p. 731. l. 5

Gruum prudentia politica p. 45. l. 13

Guianæ & Pariz Incolas hominibus immo-
latis vesci p. 113. l. 37

H.

הַבְּלִי, *idola* p. 460. l. 2

Hæresin & Schisma peccata esse contra Ec-
clesiam verè Catholicam & Apostolicam p. 561
l. 23

Hæresis quid sit p. 52. l. 18

Hæreticum neminem esse posse aut Schismaticum
qui corporis Apostolici sit membrum p.
563. l. 3

Haggæus

Cap. 2. v. 6, 7, 8, 9 p. 255. l. 9

Hebdomadum Danielis Expositio p. 256, 257
usq; ad p. 261

Hebdomadum Epocha Functiana p. 260. l. 59

Hebdomadum Epocha Lydiatæa p. 261. l. 1

Ad Hebræos

Cap. 2. v. 17, 18 p. 237. l. 8

Cap. 6. v. 1, 2 p. 235. l. 20

Cap. 9. v. 24, 25, 26, 27, 28 p. 237. l. 22

Cap. 10. v. 11 p. 237. l. 19

Cap. 11. v. 26 p. 66. l. 41 & p. 238. l. 40

Cap. 12. v. 2 p. 255. l. 17 v. 9 & 22 p. 70. l. 9

Cap. 13. v. 8 p. 238. l. 42

Helga & Hecla Vulcani in Islandia p. 218
l. 23

Henopœiæ prima & præcipua species quæ sit
p. 588. l. 41 Duo altera genera Henopœiæ p. 589
l. 48

Heroum cultus per Paganos defensio p. 98
l. 17 Eos cultros fuisse ob gratificationes tantum
Animalis vitæ p. 104. l. 36

Heroes Paganorum quales p. 119. l. 15 Fran-
cisci Pici de Heroibus à Diis oriundis opinio,
ibid. l. 38

Heroum exempla citra tempus movendi vel
agendi p. 120. l. 47

Hexecadem quàm verisimile sit mensuram
esse primam sive Divisorem Numeri Dierum
1260 p. 616. l. 18

Hierosolymorum excidium quibus prodigiis
comitatum p. 210. l. 17

Historiam de Christo maturam veramque scri-
ptam fuisse dum oculati testes adhuc vivebant
p. 277. l. 47 & p. 278, 279, 280, 281, 282, 283,
284, 285, 286, 287, 288, 289

Historiæ Evangelii abjectio sub pretextu
auscultandi lumini interno quàm periculosa res
sit

H. N. Literali sensui Scripturæ quàm infestus
& Evangelii ministris secundum literam do-
centibus p. 229. l. 20 Ejus cura nè Novitii sui
quenquam consulant aut cuiquam fidem habe-
ant, nè dictatis quidem propria conscientia,
sed solis Senioribus suæ Familiæ p. 230. l. 6 Se
Mosi, Johanni Baptistæ, ipsiq; Christo antepo-
nit, *ibid.* l. 32

H. N. Christus pro suo tempore & maximus
natu Familiæ post eum in perpetuum p. 231. l. 18
Rationes ob quas H. N. adeò se magnificet pro-
positæ ac confutæ, *ibid.* l. 43 & p. 232, 233

H. N. nulla edidisse miracula p. 233. l. 10 Nec
nullum specialem fuisse Perfectionis aut Preco-
nem aut Exemplum, *ibid.* l. 24 Nullum extare in
Scripturis de H. N. ejusve doctrina Vaticinium
p. 234. l. 26 & p. 235

H. N. qualis vir fuerit, & quàm ineptus Di-
vini Amoris magister p. 316. l. penult. & p. 317

H. N. nullam unquam specimen amoris sui er-
ga genus humanum dedisse sicut Christus &
Apostoli p. 318. l. 12 Quàm injustus sit Tituli
Amoris usurpator, *ibid.* l. 39

Hoc est corpus meum, necessariò figuratè esse
intelligendum p. 847. l. 3

Hominis imagine cur Regnum Christi depin-
gatur p. 598. l. 39

Homo peccati, qualis Clerus rectè censeatur,
&

INDEX

& Leviathanis descriptione præfigurari p.552
 l.32 & p.553
 Homo peccati quomodo dicatur ostendere se
 tanquam sit Deus p.752.l.24
 Homo peccati quomodo spiritu oris Christi
 delendus p.753.l.14
 Homo peccati quando adventurus juxta
 commune Antiquitatis suffragium p.752.l.41
 & p.753.l.24
 Homo peccati & Cornu parvulum inter se
 comparati p.753.l.33
 Homonymia quid sit & quomodo differat à
 secundo genere Henopœiæ p.593.l.8
 Honoris Christo debiti rationes multifarie
 p.452.l.51
 Hostiæ adoratio: Vide Adoratio Hostiæ.
 Humiliationes Christi ut semper compensatæ
 Exaltationibus p.143.l.44 & p.144
 Humilitatis descriptio p.89.l.19
 Humilitas quàm serid commendetur à Christo
 & Apostolis p.315.l.35 & p.316
 Humilitatem sic exercendam esse ut non sapi-
 at superbiam p.403.l.23
 Humilitatem proprium esse characterem perso-
 næ spiritusq; Christi p.545.l.15
 Hylasmus quid sit cum ejus generibus &
 Exemplis p.588.l.11
 Hymni ab Ecclesia componendi p.441.l.16
 Hymnus in Nativitatem Christi p.893 In
 Passionem Christi p.894,895 In Resurrectio-
 nem p.896
 Hymnus in Ascensionem p.897,898 In Mis-
 sionem Spiritus s. p.899 In Creationem Mun-
 di p.900,901 In Redemptionem Mundi per
 Christum Novæ Creaturæ Re-introduktionem p.
 902
 Hypallages Prophetiæ Exempla nonnulla
 p.711.l.20
 Hypocrisin Professorum Religionis, Atheis
 mundum implevisse p.407.l.24
 Hypostasin unicam in Deitate rationibus My-
 sterii Christianitatis non sufficere p.59.l.51

I.

IΑΧΕΥΩΛΙΑ Eleusiniorum pars p.111.l.6
 Janua quæ Christum intromittat p.815
 l.55
 Jao nomen solis p.94.l.ult.
 Icalmus quid sit, quodq; hujus Figuræ cre-
 britas ita Vaticinia non obscurat quin aequè fa-
 cile intelligi possint ac Scutorum Gentilitiorum
 explicationes qualibet edisci p.594.l.44
 Iconismorum Metallaxis quid sit p.594.l.53
 Iconismorum Prophetiarum Alphabetum, à
 p.595 ad p.617 Per quod cum singuli Iconismi
 facile inveniri possint, in generalem hunc In-
 dicem Alphabeticum eos non inserui.
 Iconismorum Prophetiarum rectè intelligen-
 dorum optima ratio p.595.l.33
 Idea Christianismi Divinæ Bonitati quàm sit
 congrua p.228.l.35

Ideæ Antichristianismi describendæ artifi-
 cium p.448.l.42
 Ideæ Antichristianismi confirmatio ex Apoc.
 c.21.v.8 & c.22 v.15 p.569.l.52
 Ideæ Antichristianismi summaria Represen-
 tatio p.570.l.6 & p.571,572
 Idea Antichristianismi quàm mirificè consen-
 tiat cum Prophetiis de statu Ecclesiæ Apostatico
 p.763.l.29
 Idololatriam & Persecutionem duo illa esse
 immanissima crimina ob quæ tanta mala orbi
 Antichristiano intententur ex visionibus Apoca-
 lypticis planè constare p.111.l.60 & p.12
 Idololatriam genuinum vitæ animalis esse
 fructum, undeq; id constet p.86.l.45 & p.87
 Idololatriæ extirpatio per Messiam, prædicta
 à Jeremia p.449.l.15 & aliis locis V. & N.
 Testamenti, ibid. l. penult. & p.450
 Idololatria omnis quomodo sit Blasphemia
 p.472.l.19
 Idololatriæ incapaces nos non reddere veri
 Dei professionem p.476.l.15 & p.477,478
 Idololatriæ damnum, & injuria Deo p.485
 l.33 Sanctis Angelisque, ibid. l.48 ipsis Idolo-
 latris p.486.l.10
 Idololatriam homines convertere in lupos
 atq; urfos p.486.l.30 Fontem esse Impuritatis
 & omnimodæ Improbitalis, ibid. l.42 & p.487
 Quanta damna Ecclesiæ Christi inferat totiq;
 aded mundo p.487.l.22 & p.488
 Idololatria quàm aptè significetur per Fornica-
 tionem & Adulterium p.607.l.37 & p.608
 Idololatria apostatantis Ecclesiæ character
 præcipuus, curq; tam fusè prædictus p.720
 l.38
 Idololatria à Deo sic declarata quàm mani-
 festo jure talis sit habenda p.837.l.17
 Idololatria quàm gravis animi morbus p.840
 l.5 Immanitas criminis, ibid. 37 Quod tamen
 in Idololatriis seriis semper comitatur Ignoran-
 tia p.840.l.44
 Idololatriæ Ethnorum defensionis per ipsos
 vel extenuationis quis sit usus p.100.l.9 Re-
 sponso ad Defensionem, ibid. l.34
 Idololatria Ethnorum in quo consisteret
 p.838.l.35
 Idololatriæ exempla plurima quæ specioso
 pretextu in Ecclesiam introduci possint p.454
 l.36
 Idololatriæ notio nimis stricta & nimis
 laxa p.455.l.1 Quàm utilis sit veræ notionis
 illius Investigatio p.455.l.23
 Idololatriam non restringendam esse ad Ido-
 lorum cultum propriè sic dictorum p.455.l.27
 Idololatriæ peccatum in quo consistat p.463
 l.23
 Idololatriam esse rei cujuslibet alius cultum
 præter Deum p.463.l.57 & p.464
 Idololatria quid sit p.468.l.54 & p.475
 l.37
 Idololatria ut committatur, requiri ut cul-
 tus religiosus dirigatur ad indebitum objectum
 tanquam

INDEX.

tanquam ad Objectum non tanquam circumstantiam p.469.l.32 *Non autem tanquam ad ipsum Deum, ibid.* l.48 *Ipsos quidem Paganos istiusmodi Idololatriæ nunquam fuisse reos* p.470.l.3 & p.838.l.47

Idololatriam esse vel unam Divini Numinis peculiaritatem in cultu Creaturæ agnoscere p.475.l.2 & p.873.l.17

Idololatriæ periculum in incurvando se versus Imaginem, quanquam circumstantialiter tantum quoad animi propositum, non autem Objective p.839.l.25

Idololatriæ communiter sic dictæ accurata Definitio p.871.l.19 *Definitionis Explicatio, ibid.* l.35 & p.872,873

Idololatria in secundo Præcepto interdicta ad Definitionem Idololatriæ reducta p.878.l.52

Idololatriæ Spiritualis instantiæ variæ p.888.l.18 & p.889

Idolum esse quicquid religiosè colitur cum non sit Deus p.455.l.53

Idolum & Non-Deum i.e. Non-Deum idem esse existimatione Divinâ p.456.l.33

Idola ipsa quæ factum ut Pagani pro Diis haberent p.461.l.11

Idolum inter & Imaginem ineptè distingui, ubi utraq; sunt religiosi cultus objecta p.479.l.11

Idolothytorum comestio in Ecclesia Pergamensi quomodo interpretanda p.796.l.27 & p.797

Jejunium Christi ac solitudo ante Ministerium suum quid denotent p.127.l.61 & p.128

Jeremias

Cap.1.v.5 p.66.l.14

Cap.2.v.27 p.583.l.5

Cap.10.v.7,8,9,10,11 p.449.l.19

Jezebel, quàm viva sit Romanæ Hierarchiæ figura p.801.l.52 & p.802 p.803.l.41 & p.804

Ignis de cælo quàm accuratam Excommunicationis symbolum p.606.l.16

Ignis de cælo educio, de fulgure in Nativitate Apollonii vel cornuscatione Umbæ Achillis frigide à Grotio exposita p.691.l.8

Ignis exiens ex ore Teltium quo homines occidantur quid p.724.l.52 & p.725

Idol & Idolatry p.115.l.32

Imaginum cultus per Paganos Defensio p.98.l.40 & p.99,100

Imago Jovis p.98.l.47 *Æoli, ibid.* l.penult. *Cereris* p.99.l.7

Imago Apollinis sive Solis p.99.l.12

Imaginum usus noxa & periculum p.101.l.3

Imagines & Picturæ in locis publici cultus, an & quomodo ferendæ p.442.l.8

Imaginem nullam, præter Jesum Christum, vivam Patris Imaginem, esse colendam p.456.l.39

Imaginem Christi nullam veram esse si licitum esset eam adorare p.480.l.3 *Illicitum vero esse quamvis extaret, ibid.* l.17

Imaginum usum ad memoriam & Devotionem, prætextum fuisse Ethnicorum p.480.l.56 & p.481 *Hujus Apologiæ vanitas* p.481.l.23 & p.482

Imaginum cultus finem lucrum esse Sacerdotis p.482.l.51 *Artes variæ quibus hæ imagines fiant lucrosæ* p.483.l.9

Imago Bestiæ vivis depicta coloribus à p.664 *ad* p.673

Imaginis Bestiæ loquela quomodo à Grotio exposita p.691.l.48

Imaginum cultum à Tridentinis Patribus præceptum, esse Idololatricum p.853.l.50 & p.854

Imagines colendas esse ex eo minimè probari quod Honor referatur ad Prototypum p.854.l.33

Imaginem Animæ separata Christi; quædam quàm insulsum sit effingere velle p.855.l.1

Imaginum Sanctorum cultum, esse reverà in ipsos Sanctos contumeliam p.855.l.40

Imaginem eodem cultu honorandam esse quo is cujus sit imago, constans opinio Theologorum Pontificiorum p.858.l.12

Imagines quomodo suâ consecratione Deastri fiant sive Idola p.858.l.26 & p.859.l.7 *Paganorum Telestina quomodo referant* p.858.l.36

Imaginum cultus quibus rebus aliis præter orationem & adorationem consistat p.859.l.15

Imaginum debitum honorem omnia in usu apud Pontificios includere, quæ Patres Tridentini non exceperint p.859.l.23 *Circa rem Imaginum quanta cautio adhiberi debeat, ibid.* l.45

Imagines omnes cum relatione ad Deum cultas eo ipso fieri Repræsentativas p.879.l.1 *Cultumq; Divinum ipsis impertiri, ibid.* l.23 & p.880

Imagini Christi cultus Divinus præstitus an Irrepræsentabilitatem Divini Numinis violet p.880.l.55 & p.881

Imbibitio capitis 13 *Apoc. in caput* 17 p.622.l.37 & p.623,624,625

Immolationes hominum sub Paganismo p.113.l.27 *in Virginia, Peru, Brasilia, Nicragua, ibid. & in Mexico* p.114.l.3

Immolationem Hominum ab Abrahamo Isaac offerente, initia non sumpsisse, sed à malitia Diaboli p.115.l.34

Immolationes hominum in Britania, Lusitania, Gallia, Germania, Thracia, Moña insula, Græcia, ibid. In Sicilia, Italia, Agypto, India, Persia, &c. p.116.l.3

Immortalitatis in Evangelio promissæ per allegorias elusionem summam esse in Christum blasphemiam p.172.l.48

Immortalitatis Animæ quàm certa facilisq; demonstratio sit Resurrectio & Ascensio Christi p.369.l.9

F f f f f f

Impe-

INDEX.

Imperium tam Orientale quàm Occidentale
Idololatriâ contaminatum p. 711. l. 7 & 713
l. 22

Impuritas Paganismi p. 108, 109, 110, 111
Impurissimæ superstitiones in Tartaria, Ma-
labar, Narfinga, totâq; Continente Americana
p. 111. l. 19

Impuritas quibus rebus promoveatur in Ec-
clesia Antichristiana p. 553. l. 42 & p. 554,
555, 556

Imputari in iustitiam quid p. 327. l. 14
Incantationis notio generalis apud Agrippam
p. 493. l. 16

Incantationum & Exorcizationum exempla
varia p. 492. l. 19 & p. 493

Incarceratio Satanæ quid significet p. 32. l. 1

Incurvationem versus Altare & ad nomen
Jesu nihil in se habere Idololatriæ p. 886. l. 28
& p. 887

Infallibilitatis prætextus Confutatio à p. 508
ad p. 518 Usurpationem juris infallibiliter in-
terpretandi leges Christi, Regalis ejus Officii
esse supplantationem p. 508. l. 32 & p. 509

Infallibilitatem promissam fuisse primis dun-
taxat Ecclesiæ Fundatoribus p. 510. l. 43 & p.
511. l. 25 Apostolicorum scriptorum tutam ad
nostra usq; tempora per Ecclesiæ Traditionem,
ipsius non arguere Infallibilitatem p. 512. l. 32

Infallibili iudice non solum nihil opus esse,
sed nullum esse è re magis fore Ecclesiæ p. 513
l. 32

Infallibilitatis defectum non tollere Ecclesiæ
autoritatem, cum privati cujusq; officium sit
in rebus reverè dubiis Ecclesiæ sententiæ stare
p. 513. l. 47

Infallibili iudice in causis Civilibus quan-
quam opus sit, in rebus tamen Religionis longè
aliter se habere, ibid. l. 61 & p. 514

Infallibilitatem Ecclesiæ exemplo Ecclesiæ Ju-
daicæ refutari p. 516. l. 27 Et Christianæ etiam
totius ferè in Arianismum lapsæ p. 517. l. 5

Infallibilis Judicis defectum haud ita grandi
damno esse populo Dei p. 517. l. 23 & p. 518
l. 28

Infallibilitatis Fraus & Noxa p. 518. l. 43

Infallibilitati magni illius Pseudoprophetæ
redarguenda locus opportunissimus p. 524. l. 11

Infantum baptizandorum obsessio quàm hor-
rida suppositio p. 494. l. 40

Injunctiones rigidas Reguo Christi esse con-
trarias p. 520. l. 25

Inquisitionis sanctæ, quæ dicitur, descriptio
p. 567. l. 12 & p. 568

Insomniorum & Visionum interpretandi ra-
tionem eandem esse, modò insomnia merè Ty-
pica sint non ex corporis temperie orta p. 595
l. 54 & p. 596

Institutorum externorum vilificationem nul-
lum signum esse Novi Fœderatoris sed insolentis
Animi & carnalis p. 402. l. 45

Intentio Sacerdotis in Sacramentis admini-
strandis quantas anxietates creare possit p. 501
l. 3

Intercessio Christi p. 159. l. 39

Interreges, Potestatem non fuisse à Regia di-
stinctam p. 661. l. 48

Intervalla septem Ecclesiarum p. 781. l. 33 &
p. 783. l. 27

Invocationem Spiritus particularis invisibi-
lis, Idololatriam esse, & quare p. 474. l. 1

Invocationis jus in Omnipresentia sive Omni-
percipientia quadam fundari p. 841. l. 34

Invocatio Sanctorum Angelorumve quare Idol-
olatriæ p. 841. l. 41 p. 842. p. 844. l. 11

Invocationis Sanctorum formulæ variæ Idol-
olatriæ à p. 848 ad p. 853

Invocationum Formulæ ad B. Virginem in-
signiter Idololatriæ p. 850. l. 45 & p. 851, 852,
853

Invocationem Sanctorum non esse nudum
[Ora pro nobis] p. 848. l. 28 p. 850. l. 33 & p.
853. l. 43

Job.

Cap. 31. v. 26, 27, 28 p. 87. l. 7

Cap. 38. v. 19, 21 p. 66. l. 16

Cap. 41. v. 5, 6, 7, 9, 10, 11, 12, 15, 25 p. 552
l. 46 & p. 553

Johannem in Patman non fuisse ablegatum
temporibus Claudii p. 680. l. 40

Johannem nec vidisse, nec scripsisse visionem
Meretricis & Bestiæ, temporibus Vespasiani p.
680. l. 58 & p. 681

Johannes quando suum iniverit Apostolatam
p. 682. l. 59

Johannis Evang.

Cap. 1. v. 11 p. 66. l. 43 v. 17 p. 451. l. 9 v. 21 p.
234. l. 43 v. 32 p. 226. l. 48

Cap. 3. v. 13 p. 67. l. 18 v. 14 p. 361. l. 47 v. 31
p. 67. l. 16

Cap. 5. v. 26 p. 238. l. 12

Cap. 6. v. 34, 51, 54, 56, 62, 63 p. 338. l. 25 v. 36
p. 451. l. 19 v. 38 p. 67. l. 15 v. 44 p. 238 v. 62
p. 67. l. 22

Cap. 8. v. 58 p. 350. l. 11

Cap. 9. v. 3 p. 67. l. 37 v. 6 p. 137. l. 29

Cap. 10. v. 30-34 p. 350. l. 1

Cap. 12. v. 31 p. 107. l. 4 v. 32 p. 145. l. 59

Cap. 14. v. 15 p. 338. l. 54 & p. 509. l. 30

Cap. 16. v. 8 p. 170. l. 42 v. 13 p. 509. l. 32 v.
28 p. 67. l. 17

Cap. 17. v. 4, 5 p. 67. l. 5

Cap. 20. v. 23 p. 502. l. 1

Johannis Epist. 1

Cap. 2. v. 1 p. 237. l. 32

Cap. 2. v. 18 p. 580. l. 40 v. 22 p. 581. l. 24

Cap. 3. v. 9 p. 341. l. 1

Cap. 4. v. 2 p. 581. l. 52 & p. 582

Josephi testimonium de tempore adventus
Messiæ p. 264. l. 26

Josephi testimonium de Christo supposititi-
um p. 275. l. 4

Jovis à Jehovah derivatio p. 162. l. 35

Iphicratis stratagema p. 167. l. 12

Ἰσχυρὸς ὁ ἰσθμὸς ὁ σπουδαῖος quisnam sit sensus il-
lorum verborum p. 739. l. 53

Irenæi

INDEX.

Irenæi testimonium de tempore Scripturæ
Apocalypseos p.683.l.32

Isaac & Israel quid mysticè significant p.391

l.33

Isaacus Typus Christi in nobis geniti p.328

l.34

Ismael quid significet, cuiusq; rei symbolum
sit p.390.l.39

Isochronæ Visiones quatuor p.21.l.1

Israëlitas Jehovah coluisse in vitulo aureo p.
457.l.19

Israëlismus quid p.591.l.16 Sacramentalita-
tem Ecclesiæ Judaicæ, respectu ad Christianam,
crebro huius schematis usui occasionem dedisse
p.591.l.22 p.745.l.46

Jubilæi Pontificii modiq; generales celebra-
di sua Festa cum Paganorum Festis comparati
p.669.l.27

Judæi, qui factum sit ut Messiam ignorarent
p.54.l.10

Judæi lux mundi ante adventum Christi
p.108 Illi imputari debere siquid olim nostrum
Hemispherium tolerabilius fuerit Americano,
ibid.l.15 Sed nec tantam vim habuisse quin
crasse Idololatriæ ubiq; obtinuerint, ibid.l.23

Judæorum obiectio contra adventum Messia
p.295.l.19

Judæos Christum potiori jure adorare debere
quam eorum Patres præsentiam Angelorum p.
381.l.55

Judæos fuisse Idololatrias quævis verum De-
um professi sint p.477.l.5

Judæorum expulsionem à Roma per Claudi-
um minimè probare Christianos per eum expul-
sos p.681.l.19

Judaismum respexisse tantum gratificationes
Animalis vitæ p.104.l.penult.

Judaismi præstantia præ Paganismo p.105
l.9

Judicium Novissimum Principalia tria quæ
comitentur p.204.l.18

Judicium omne Christo commissum à Patre
p.216.l.30

Juliani propositum de ædificando Templo Hie-
rosolymitano p.275.l.23

Jupiter Cælestis, Marinus, & Infernalis p.
98.l.13

Juramentum ab eis præstandum qui sub præ-
textu libertatis conscientia religionem mutare
volunt p.428.l.41

Justitia æterna [Dan.9.v.24] quid significet
p.3.l.1

* Justitia Christiana qualis p.327.l.50 & p.
328

* Justitia Fidei quid secundum Apostolum p.
330.l.33

Justitiam Fidei non esse Imaginationem sed
Realitatem p.331.l.19

Justitiam Fidei Novam esse Creaturam p.
331.l.33

Justitiam Fidei non excludere bona opera p.
332.l.38

Justitia Imaginaria contentorum conditio per
oppugnatores Arielis & Sionis præfigurata p.
340.l.15

Justitia imaginaria quot quantq; damna Ani-
mæ inferat p.341.l.27

Justitiam imputativam quibus scripturæ locis
stabilitum est p.325.l.40 & p.326 Erroris
illius cause naturales quæ, ibid.l.21

Justitiæ imputativæ Examinatio p.417.l.10

Justitia Laodicens qualis p.813.l.1

Justitiæ Realis Necessitas irrefragabilibus
Scripturæ testimoniis probata p.329.l.46

Justificationem in sanguine Christi per Maris
rubri transitum significari p.8.l.49

Justificatio, quid vox significet p.327.l.29

Justificationis per fidem Notio unica legiti-
ma p.329.l.8

K.

K Alendarium Propheticum J. Medi p.716
l.4 & l.27

L.

L Accedemoniorum Juvenum flagellatio ad
aram Dianæ p.112.l.14

Laodicens Ecclesiæ status descriptio p.812
l.29 & 813,814,815

Laodicea, quæ ratio nominis p.812.l.50 &
p.813

Laodicens Ecclesiæ res & Gogi ac Magogi
obsidio quomodo coincidunt p.815.l.15

Laodicens Ecclesiæ, cur præ cæteris adeo
opulenta, sua saltem opinione, representata p.
820.l.31

Lapsus Angelorum in quo consistat p.76.l.48

Lapsus effectum in vehicula, ibid.l.51 Non
extinxisse vitam p.77.l.3

Lapsus Animæ à Divina vita accelerare
partem Cain p.92.l.15 Eiusdem lapsus paulo
plenior descriptio, ibid.l.17

Lapsi generis humani error primus maximeq;
fundamentalis p.92.l.37 Quam naturaliter
Genus humanum post lapsum subditum sit Ty-
rannidi Diaboli p.106.l.21 Illius rei exempla
in Gentibus Americanis, ibid.l.41

Lapsus hominum ac Angelorum ejusq; effe-
ctus cur permittendi ad tempus p.225.l.52 &
p.226

Lapsus Angelorum & Hominum unde inno-
tescat p.226.l.23 Hujus lapsus utilitas p.226
l.30 & l.60 & p.227

Lapsus nomen bestia quomodo computandum
p.656.l.25

Latina Ecclesiæ & Latini Patres olim dicti
qui nunc Romani p.657.l.30

Laudis sensus in Brutis p.84.l.43

Legislatores in Deorum numerum relati p.
117.l.46

Sub Lege non esse quomodo dicantur qui sunt
in Christo p.331.l.1

Legis

INDEX.

Legis Christi absconsionem in lingua peregrina supplantationem esse illius Imperii p. 519 l. 14 Ut & calumniationem & vilificationem ejus, ibid. l. 20

Legum Christi vilificatio minorem irrogando penam ob Admissa contra ipsas, quàm contra leviora Instituta Ecclesie p. 520. l. 10

Lemnii Messores quàm mirabili fulmine itti p. 220. l. 27

Λυμναίων ποσειδών quid p. 618. l. 42

Λυμναίων ποσειδών quid p. 594. l. 35

Leonæ Syri & Menandri Smyrnenfis insomnia ab Artemidoro interpretata p. 613. l. 61 & p. 614

Lex & Fœdus in quo convenient p. 386 l. 31

Lex ignea Typus legis Spiritus p. 591. l. penult. & p. 592

Liber vitæ & Corona vitæ quam interdum habeant significationem p. 808. l. 22

Libertas novi Fœderis in quibus præcipue consistat p. 393. l. 24 & p. 394

De Libertate Conscientiæ p. 423, 424, 425, 426, 427

Libertatis Conscientiæ jus ad eos qui Deum esse negant vitæq; futuram, non pertinere p. 422. l. 55

Libertatis Conscientiæ jus ad quales Religionis professores pertineat p. 423. l. 8 Hujusmodi juris Libertatis Conscientiæ concessionem contra rem nullius ferè Ecclesie facere nisi Romanæ, ibid. l. 51 & p. 424

Libertatis Conscientiæ antiquorum Patrum autoritate confirmatio p. 424. l. 17

Libertas Conscientiæ argumentis è re ipsa ductis confirmata p. 424. l. 37 & à magnis incommodis quibus adversa sententia oneratur p. 425. l. 3

Libertatem Religionis commune & naturale jus esse omnium Nationum ac Personarum p. 425 l. 46 Populum quemlibet qui reverà hoc jus agnoscit, potestatem etiam habere emittendi Legatos in alias Nationes de rebus Religionis, deq; ipsorum illis conversatione, &c. p. 426 l. 5 Theorema verò hoc propter generalem mundi perversitatem ad praxin difficulter posse revocari, ibid. l. 54 & p. 427 : Vide Magistratus Christianus.

Lignum Thyinum p. 739. l. 38

Liturgiæ publicæ usus in Ecclesia quanta commoditas p. 438. l. 18

Locustarum Interpretatio de Mahomete ac Saracenis p. 186. l. 47 & p. 187

Αὐτὸς, vox apud Platonicos & Judæos eodem sensu usurpata quo apud Christianos p. 59 l. 1

Logon, mundum etiam incredulum creasse p. 59. l. 33

Λογὸς οὗτος p. 327. l. 14

Loricæ Equitum Euphratæorum igneas, Hyacinthinas & Sulphureas, Pulverem Pyrium suis temporibus jam inventum fore, præsignificare p. 188. l. 5

Loti uxor quali fulmine in statuam salis conversa, & cur p. 220. l. 34

Lucas

Cap. 4. v. 7 p. 467. l. 23

Cap. 7. v. 38 p. 354. l. 9

Cap. 20. v. 38 p. 63. l. 24

Cap. 23. v. 42, 43 p. 70. l. 44

Lucas quod Evangelium Actaq; Apostolorum tam maturè scripserit, peculiare argumentum p. 287. l. 44

Ludus Dianæ p. 161. l. 11

Lumen intra nos quo de Spirituales quidam tantoperè gloriantur, quomodo debeat intelligi p. 346. l. 28

Lumen intra nos informationem debere accipere ab extrà p. 346. l. 51 & p. 347

Luna per Mahometem divisa & redintegrata p. 167. l. 55

Lunæ vim humefactivam reliquorum Planetarum Insulentiam non arguere p. 303. l. 1

Lupercalia cur per homines nudos celebrata p. 109. l. 24

M.

Machinamenti Evangelici Potentia prima, à p. 314. l. 35 ad p. 333. l. 7 Prima & secunda potentia illius p. 333. l. 7 & p. 335. l. 49 Potentias duas primas Officium, reliquas quinque subsidia complecti, ibid. l. 51

Machinamenti Evangelici imperitam aliquam aut perfidiosam fuisse tractationem, quod tam parùm exitii hæcenus Regno Diaboli intulerit p. 405. l. 43

Magia Divina Anima Jesu p. 222. l. 17

Magia ab Idololatria Paganica distincta qualis p. 690. l. 56

Magica verba Philtris miscendis adhiberi solita p. 611. l. 1

Magorum itineratio cur memorata p. 125 l. 17

Magistratus officium in re Religionis p. 428, 429, 430, 431

Magistratus Christianus quibus personis, quibusq; cum circumstantiis Conscientiæ libertatem concedere debeat p. 428. l. 18

Magistratum Christianum ad munera publica eos qui Christiani non sint admittere non debere, modò Christiani suppetant ad ea obeunda idonei p. 429. l. 1 Nec opiniones hominum fallibiles magni facere, sed unumquemq; secundum vitæ merita & facultatem serviendi Reipublicæ aut Ecclesie, æstimare p. 429. l. 12 Quod honorifica & sufficientia stipendia continuare debet aut providere eis qui laborant in sermone & doctrina, ibid. l. 36

Magistratum Christianum istiusmodi Sectas suppressere debere quæ immediatam prætendant Inspirationem nulli sobriæ rationi examinandam, & quare p. 430. l. 6 Scholas etiam humanæ Literaturæ aut erigere aut suffulcire, cum ponderosis illius rei rationibus, ibid. l. 47. Rationum

I N D E X.

*tionum illarum in Fanaticos Perfectionarios
ulterior prosecutio* p.431.l.3

Mahometes quàm alto gradu se collocet p.
164.l.44 *Iter ejus in cælos, ibid.* & p.165 *Adi-
rabilis illius congressus cum Deo* p.165.l.36
Quæ tunc à Deo acceperit, ibid. l.48 *In cælo
septimo commendat se Christo* p.165.l.31

Mahometem, verum non fuisse Prophetam
quæ constat p.166.l.36 & p.167 *Nigra macula
cordi ipsius per Angelum Gabrielem exempta* p.
167.l.20 *Ejus miracula, ibid.* l.30

Mahometani quomodo Semicristiani p.171
l.39 & 172

Mahometanismus & Familismus comparati
p.3.l.52

Mahuzzim apud Danielelem [cap.11] qui sint
p.719.l.14

Maiarum Kalendarum celebratio & Flora-
lia Romana inter se comparata p.669.l.42

Malachias

Cap.3.v.1 p.256.l.9 p.270.l.33 & p.333.l.
penult.

Manducus: Vide Citeria.

Manifestationum Divinarum in Natura, de-
scriptio p.97.l.4 *Quomodo in unum Deum de-
finant juxta subtiliorem Paganorum Apologiam,
ibid.* l.32

Manifestationes internæ p.97.l.36

Manifestationum in personas commutatio p.
97.l.48 *Illiusq; rei ratio ac defensio, ibid.* l.54
& p.98

Ad Manifestationes etiam Genios Spiritusve
referri p.98.l.7

Manifestationes ad vitam mediam relatæ p.
103.l.48

Manna qualis Typus p.591.l.52

Manna verum quid p.798.l.2

Marcus

Cap.3.v.21 p.353.l.32

Cap.6.v.5,6 p.130.l.51

Cap.8.v.27,28 p.67.l.44

Mare rubrum, ubi Pharao pessundatus est,
cujus rei typus sit p.592.l.21

Maresium, quanquam magno quidem con-
temptu à Grotio exceptum, multò tamen eo su-
periores esse in expositionibus Apocalypticis
p.692.l.41

Mariam Virginem Junonis Lucinæ Venerisq;
locum Ecclesia Apostatica quomodo supplere fa-
ciat p.666.l.38

Maria Virgo quanto majori studio apud Pon-
tificios culta (in Intervallo Thyatirensi) tan-
quam Dei filia, quàm Christus ipse verus Dei
filius p.798.l.45 & p.799 & p.801.l.3.

Mariæ Psalterium quæ autoritate sit apud
Pontificios p.853.l.28

Mars & Venus, Irascibile & Concupiscibile
p.103.l.44

Martyrium Christianorum reale, argumen-
tum esse irrefragabile, quoddam Resurrectio non
sit Allegorica p.172.l.44

Martyres Jesu qui veri sint p.638.l.38

Mors eorum cur Meretrici imputetur, ibid.
l.48

Martyrium qui recusant, falsos esse Christia-
nos p.791.l.24

Matthæus

Cap.10.v.26 p.70.l.22

Cap.16.v.14 p.67.l.41 v.18 p.509.l.29

Cap.18.v.18 p.501.l. penult.

Cap.24.v.30,31,32-36 p.204.l.27 & p.288
l.17

Cap.27.v.46 p.353.l.12

Cap.29.v.29 p.816.l.10

J. Medi Encomia p.176.l.13

J. Medi lapsus, circa expositionem Bestiæ quæ
erat, non est & tamen est p.698.l.40

Medialium Visionum ad statum Ecclesiæ Ap-
plicatio p.42 & 43

Medialium Synchronorum naturalis colliga-
tio p.188.l.55 & p.189

Mediatorum Dæmonum opinio quàm late
diffusa p.118.l.6

Mediatorem unicum esse Jesum Christum
p.528.l.39 *Ad leviores quosdam prætextus mul-
tiplicandi Mediatores responsum, ibid.* l.56 &

p.529 *Hujus erroris ulterior Confutatio* p.529
l.8 *Frans & Noxa in multiplicandis Mediato-*

ribus, ibid. l.32 *Noxa specialis incremento
Gratiæ & Sanctitatis* p.529.l.37

Melchisedechum Christum fuisse secundum
quosdam p.66.l.33

Menippi & Lamiæ Historia p.139.l.39

Mensura temporis Visionum Medialium an-
thentica quæ p.34.l.53

Mensurationis Templi Visionem à prima Epo-
cha incipere quibus rationibus probetur p.704
l.16 & p.705

Mensium & Dierum ad Historiam impiorum
& justorum appropriatio p.616.l.5

Mercatores terre Mystici qui p.739.l.20

Mercurius, Logos Divinus p.102.l.27

Merendi pretextus in Religiosis quibusdam
Ordinibus quàm invisum superbiæ specimen
p.552.l.14

Meritis nos non posse nostris Deum devincere
p.339.l.16

Meretricem Babylonicam [Apor.17] descri-
ptam, Romam quidem Paganam non esse sed Pa-
gano-christianam p.630.l.26

Meretricum nomina frontibus suis inscribi
solita p.636.l.6

Meretricis sedes cur tam determinatè affixa
sit tandem Romæ veteri in Vaticinio p.654
l.48 & p.655 & p.658.l.54

Meretricis sedem esse Romam veterem, clarè
demonstratur p.655.l.43 & p.658.l.54

Meretricis Visionem, Ecclesiam Romanam
pressiori ratione perstringere p.659.l.22

Meretricem Babylonicam non esse Romam
Ethnicam contra Riberam p.676.l.7

Meretricem non esse Romanam Potestatem
Paganicam, contra Grotium p.687.l.15

G g g g g g

Messiam

INDEX.

Messiam jam advenisse demonstratum, à p. 251 ad p. 265

Messiam eo tempore à Judæis expectatum fuisse quo Christus venit, multis testimoniis comprobatum p. 264. l. 18 & p. 265. l. 6

Messiarum duorum figmento apud Judæos unde data sit occasio p. 267. l. 18

Messia ad crucem destinatio in Peficta tradita p. 267. l. 23

Messius & Sponsa preparatio quid significent p. 31. l. 46

Metallaxis Iconismorum [Apoc. 16] p. 45 l. 55

Metalepsis quid, cum illius probatione & illustratione per exempla p. 593. l. 47

Metragyrta & Menagyrta p. 108. l. 44 Michæas

Cap. 5. v. 2 p. 290. l. 36

Millennii appropinquantis maximè utilis consideratio p. 202. l. 35

Millennii initium ubi fixerit Grotius p. 193 l. 45

Millennii sensus magis sobrius p. 422. l. 8.

Ministerium Angelorum quàm credibile p. 135. l. 17

Ministerium Spiritus verum quale p. 236 l. 20

Ministerii finem esse non ut quis sua dona ostentet, sed ut populum adificet p. 438. l. 27

Ministerii sui magnificandi quæ sit optima ratio p. 439. l. 13

Miracula Christi ad quot genera referenda, tria q; præcipue de eis notanda p. 130. l. 10

Cur sæpe silentium imperaret eis in quibus fecerit miraculum, ibid. l. 26 Cur nunquam frustra esset in tentando miraculo p. 130. l. 44

Imaginationis vi stolidè ab Atheis Christi miracula imputari p. 130. l. 49

Miracula mendacia & Reliquiæ p. 541, 542, 543

Miraculum nullum contra sensum Rationemq; rectè circumstantiatam communemq; Fidem valere debere p. 831. l. 30

Missæ usus magis alieni, quales perplexitates creare possint p. 500. l. 29

Missio Spiritus sancti quàm necessaria p. 168 l. 33

Missio Spiritus die Pentecostes Circumstantia explicata p. 169. l. 6 Continuada illius Assistentia Apostolis quocunq; irent, ibid. l. 55

& p. 170 Rerum verò patratarum credibilitatem ab ipso successu argui p. 170. l. 12

Missio Paracleti tria effecta insignia p. 170 l. 42

Quòd Mundum arguturus esset de Peccato quid sit, ibid. l. 48

Quid de æquitate p. 171. l. 1

Quid de Judicio, ibid. l. 4

Plenior illius Textus Explicatio p. 171. l. 10 & 22

Hujus Vaticinii Christi quàm lata sit Impletio, ibid. l. 32

Modin, Deu Grotii fides p. 718. l. 26

Moloch Idolo pueri immolati p. 114. l. 36

Non februat tantum, ibid. l. 48

Montacutii Episcopi festivitas in fingendo

Numerum 666 in nomine Mahometis p. 699 l. 5

Montanistæ cur Apocalypsin haberent suspectam falsimonii p. 682. l. 30

Mortem impenitentes peccatores eidem conditioni tradere quâ ipsi sunt diaboli p. 372 l. 1

Mortis secundæ mentio in Epistola ad Smyrnæos quàm præclare nostram illius Epistolæ interpretationem confirmet p. 792. l. 44

Mors secunda quid sit p. 181. l. 61

Mosem Typorum suorum sensum intellexisse, illamq; Immortalitatem per Christum revelandam p. 105. l. 9

Mosem, Christum, & Mahometem Legislatores fuisse perinde Astrales, quàm stolidæ Vani opinionis p. 297. l. 51 & p. 298

Mosaica Sabbata Festiq; reliqua omnia intra res hujus vitæ claudi p. 105. l. 19

Mulieris Eremicolæ interpretatio Grotiana p. 189. l. 61 & p. 190

Mulier in deserto Idololatriæ in Ecclesia futura præfiguratio p. 710. l. 44

Illius Visionis brevis Expositio p. 711. l. 7

Mundi vita motusq; generalis quos speciales effectus habere possit pro diversis Animalium naturis p. 86. l. 28

Mundanorum Phænomenon affectuosa admirationi nihil incommodi subesse nisi animum in stuporem quendam deprimat primaq; Cause oblivionem p. 87. l. 13

Mundi partes tot Numina Paganis p. 103 l. 13

De Musica in Ecclesiis p. 441. l. 3

Mystra quid sit p. 51. l. 36

Mystagogus Christianus quomodo se gere debeat erga magis tardos & illiteratos p. 384. l. 3

Officii illius ulterior descriptio, ibid. l. 33

Mysteria Religionis ab omni Repugnantia seu Incompossibilitate immunia esse debere p. 379. l. 53

Mysterium Christianitatis præcipuum in quo consistat p. 81. l. 31

Mysterii Christiani Intelligibilitas quibus nitatur fundamentis p. 225. l. 34

Mysterium Iniquitatis non apertam Impietatem sed Pietatis speciem coopertam innuere p. 447 l. 14

Mysterii Iniquitatis in genere descriptio p. 453. l. 41

Mysterii Iniquitatis proprietates proprietatibus Mysterii Pietatis in genere oppositæ, & quâ methodo prosequenda p. 454. l. 2

Mysterii Iniquitatis operatio temporibus Apostoli quid sit p. 752. l. 46 & p. 753 & 761 l. 44

Mysterii Pietatis Proprietates quatuor primariæ p. 51. l. 8

Mysterii Pietatis proprietates derivativæ p. 378. l. 14

Mysterium, nominis ratio p. 51. l. 22

Mysterii

INDEX.

Mysterii falsa notio apud Grotium p. 755
l. 18 & apud Interpretem recentiorem p. 760
l. 17
Mysterium, Babylon magna, mater illa scor-
tationum, &c. quomodo intelligendum p. 636
l. 11
Mysterium Coronæ Papali insculptum p. 659
l. 36
Mysterium fronti Meretricis inscriptum fa-
cere, ut intelligi non possit de Roma Ethnica
p. 687. l. 21

N.

Nati qui Ecclesiæ status p. 823. l. 6
Nativitas Christi è Virgine & possibilis &
rationabilis p. 123. l. 111 *Cur Christum oporteret*
nasci è Virgine, ibid. l. 23 & p. 124
Nativitatis Circumstantiæ Humilitatem Ho-
minibus commendantes p. 124. l. 51 & p. 125
Nativitatis Christi descriptio cum descriptio-
ne Nativitatis Apollonii comparata p. 125
l. 52 & p. 126
Nativitatis Christi in Bethlehem predictio
quàm mirandis circumstantiis impleta p. 290
l. 36
Nativitatis è Virgine predictio p. 291. l. 7
Nativitatis calculandæ tempus præcisum
quàm difficulter inveniendum p. 307. l. 53 &
p. 308
Nativitatis Christi calculatio quàm satnè à
Cardano venditata p. 297. l. 47 & p. 312. l. 57
& p. 313
Nativitatis correctio per Trutinam Hermi-
tis, per Animodar & per Accidentia Nati p.
308. l. 17
Nativitatis correctionem per Accidentia Na-
ti esse aut Professionem Annuam, aut Transi-
tionem, aut Directionem p. 308. l. 56
Navis ænea Telema Constantinopolitanum
contra pericula tempestuosæ maris p. 364. l. 8
Navis Mercatoria cur hominum cætum Re-
ligionis ergà congregatum significet p. 609
l. 37
Navigia Babylonica [Apoc. 18. v. 19] quid in-
nuant p. 740. l. 40
Nehemias
Cap. 9. v. 18 p. 875. l. 44
R. Nehemiæ testimonium de tempore adven-
tus Messie p. 264. l. 18
H. Nicolai: Vide H. N.
Nicolaitæ unde originem duxerint p. 789
l. 45
Nicolaitismus quàm maturè Ecclesiam inva-
serit p. 787. l. 26
Nigredo quàm aptum symbolum Justitiæ &
Severitatis p. 185. l. 1
Nilus, Numen apud Egyptios magnum, ut
Ganges apud Indos p. 104. l. 13.
Nocti Deus cur gallus sacrificatus, Baccho
caper, & Cereri sus p. 103. l. 33
Nus & Andus quales sint p. 75. l. 45

Nomina Dei veri ut Jah, El, Adonai, &c. in
Exorcismis Magicis usurpata p. 493. l. 9
Nomina Hominum septies mille occisa
[Apoc. 11] quomodo intelligenda p. 727. l. 43
Nomen sibi soli cognitum in Sessore Equi al-
bi, [Apoc. 19] quid innuat p. 736. l. 26
Nominalium Allusionum in Prophetiis exem-
pla p. 188. l. 3
Nova Creatura quid sit & in quibus consti-
stat p. 331. l. 39
Novæ Creaturæ justitia, sanctitas, & sapi-
entia, ibid. l. 57 & p. 332
Noviter inventæ Interpretationis septem ca-
pitum Bestiæ propositio p. 694. l. 19
Novæ hujus Expositionis Confutatio p. 694
l. 34
Novi Fœderis tenor p. 526. l. 29
Nova Hierosolyma descendens de Cælo quid
significet & quando futura p. 30. l. 45
Nova Hierosolyma Agni Sponsa quæ secun-
dum Grotium p. 194. l. 7
Nova Hierosolyma & dilecta Civitas ut dif-
ferant p. 815. l. 30
Novum Nomen quid p. 798. l. 8
Novum Christi nomen Philadelphianis inscri-
ptum, quid p. 811. l. 57 & p. 812
Novitas Religionis objecta Christianis pri-
mitivis ut & nunc dierum Protestantibus p.
684. l. 28
Novi opera tua, cur in singulis Epistolis ad
septem Ecclesias repetitum p. 819. l. 51
Numen Paganorum innominatum ad quod
omnes cultus referebant p. 95. l. 47 & p. 96
Atundum id fuisse materiale, ibid. l. 16
Numerum Bestiæ ad Ulpium non pertinere
p. 191. l. 23 & p. 692. l. 18
Numerus Bestiæ [666] quomodo Hierarchi-
am Romanam perstringat p. 192. l. 20
Numeri Bestiæ uberrima Explicatio p. 191
l. 35 & p. 192, 193
Numerum Bestiæ Potentiam potius esse illi-
us Numeri, qui Bestiam detegit quàm Numerum
ipsum p. 658. l. 21
Numerorum Danielis [1290] & [1235]
usus insignis ad detegenda tempora Antichristi
p. 716. l. 32
Numerum [666] quamvis in aliis Nomi-
nibus præter 666, reperiatur, nihil de vi
sua perdere ad probandum Hierarchiam Ro-
manam Bestiam esse Bicornem p. 657. l. 47 &
p. 658
Numerositatis Dierum festorum onus p. 496
l. 25
Nymphæ circa Pana saltantes quid p. 102
l. 18
Nympharum Dianæ canticum Apollonium
in cælos evocantium p. 160. l. 41

O.

Obligatio ex nostra parte in Novo Fœdere
 ex ipsa Novi Testamenti Inscriptione pro-
 batur

INDEX.

batur p.394.l.52 & p.395 Caelestemq; Hereditatem sub conditione nobis promitti multis locis Scripturae demonstratur p.396.l.1

Obscuritatis Mysteriorum Christianae Religionis causa seu Rationes p.52.l.41 & p.53

Obscuritas Mysteriorum Christianitatis probata ab effectibus p.54 & 55

Obscuritas quomodo Mysteriorum reddat Venerabilius p.378.l.23 & p.379

Observantiarum levium multitudinem ad omnes intolerandum assurgere posse p.488.l.33

Observantiam nullam Religiosam levem esse quae obligationis nexum conscientiae injicit p.488.l.47

Ὁ καλὸν, quàm inscitè ad derelictionis Iudaeorum per Apostolos procrastinationem referatur p.759 l.pennult. & p.760

Octavus Rex quomodo octavus & tamen è septem p.648.l.44 & p.649

Octavum Regem Domitianum esse, impossibile, contra Grotium p.686.l.26

Octo Reges esse, quanquam septem tantum capita Bestiae; vera illius Aenigmatis solutio p.646.l.50 & p.647

Oculus cur sapientiae Politicae symbolum p.610.l.6

Oculi flammei Sessoris Equi albi quid significant p.736.l.8

Officia Christi, ut Sacerdotis, & Judicis, die novissimo, quomodo sublata per H.N. p.241.l.13 & p.142, 143

Ὁν δυνάμει virus esse amatorium p.610.l.42

Ὁνδία apud Achmetem etiam desueta appellari p.595.l.pennult.

Ὁνδίων antiquorum usus ad Iconismos Propheticos rectè intelligendos p.595.l.42

Opinionum obtrusio iniquior quàm Ceremoniarum p.443.l.21

Opiniones Deductitiae quales commendari debeant p.443.l.17

Opinionum afflictantium onus p.499.l.25 & p.500

Opiniones Aegyptiis culicibus muscisq; comparatae p.726.l.4

Opinionum incredibilium impossibiliūq; obtrusio quàm immensa piis & ingenuis hominibus vexatio p.504.l.6

Opinionum determinandarum curiositas in Ecclesia Antichristiana unde provenerit p.534 l.7

Opinionem nudam Cultum esse non posse, multoq; minùs Cultum Ritualement p.872.l.3

De Oratione, quaeq; vera sit orandi ratio per Spiritum p.437.l.58 & p.438

Orbis Christiani, quanti interesset, si repurgare se vellent à crasso illo peccato Idololatriae p.713.l.59 & p.714

Ὁρθόδοξιαe vaneve scientiae pabulum insalubre ac flatulentum p.407.l.17

Ὁς in Visionibus sensum necessariū non minueret p.644.l.21

Ὁς μὲν καὶ κατὰ τὴν, &c. [Apoc.10.v.7] quomodo exponendum p.18.l.24 & p.28.l.17

Ὁς κατὰ τὴν [Apoc.11.7] quomodo intelligendum p.180.l.11

P.

Paganorum Religionem Animalis vitae limites non excessisse p.3.l.22

Paganos unum Numen supremum tenuisse rerum omnium conditorem p.462.l.29

Paganos ipsos unum tantum Deum coluisse tanquam summum p.470.l.6

Palilia ut consuetudines quasdam referant in Ecclesia Romana p.669.l.61 & p.670

Panos descriptio copiosa, descriptiq; significatio p.102.l.14 Nympha ab eo adamata Syrinx, Uxor Echo, & lambe filia, quid significet, ibid.l.31

Pantheon B. Virgini cunctisq; sanctis dedicatum ut olim Cybelae omnibusq; Diis p.667 l.2

Papale fulmen, Ignis de caelo [Apoc.13.v.13] p.635.l.13

Papa femina p.659.l.49

Papa cum Caesaribus comparatus, ejusq; Cardinales cum Senatu Romano p.665.l.12

Papa Romanus quàm eximio sensu Episcopus Pergamenus p.794.l.15

Papatūs extinctio turpis & ignominiosa ab Esaia predicta p.749.l.15 & p.750 Etiam à S. Johanne p.803.l.56 & p.804

Parabola Equitum sacri Nemoris, & Aetitae p.572.l.27

Parabola, quae absurditas ostenditur eorum qui Idololatriam suam ex eo excusant quòd Demones Paganicos non colant, sed B. Virginem, S. Petrum & S. Paulum, &c. p.573.l.48

In Parabolarum Visionūq; Symbolicarum Redditionibus an singuli apices sectandi sint p.618.l.13

Paradisus post mortem fruendus juxta Iudaeos qualis p.71.l.1

Parallelismi Christum inter & Apollonium utilitas p.3.l.32 & p.162.l.33

Parallelismi contumeliarum in servatorem & in veros illius Sectatores conjectarum usus p.360.l.56

Parallelismi Congruentiarum cap. 17 & cap. 13 Apoc. p.620.l.42 & p.621, &c.

Parmenidis Effatum de antiqua Sapientia p.592.l.38

Paronomasia Prophetica quid p.593.l.22

Παρονομασία quale sit Schema Propheticum p.618.l.42

Paschatis à Christo cum discipulis celebrati allegoria Familistica horrida & execranda p.240.l.42 & p.241

Passio Christi Religionis Christianae Epoche p.3.l.2

Passionis Christi vis ineffabilis ad subvertendum Regnum Diaboli p.144.l.38 & p.145 Enthusiatarum quorundam in Passionem Christi Blaspheemia

INDEX.

Blasphemia p.145.l.31 *Accidentia* Passionem concomitantia Effecta Passionis significare, ibid. l.60 & p.146

Passio Christi cur tam gravis p.145.l.31 & p.146.l.18 *Iustum* passum esse pro injusto non esse injustitiam apud Deum p.146.l.29

Passionis Christi cum Tyrannide Satanæ comparata utilitas p.147.l.44

Passioni Christi quid respondeat in Historia Apollonii p.149.l.60

Passio Christi quinta Potentia Evangelica, ejusq; virtus à Servatore specialiter notata p.361.l.38

Passionis Christi *Mysterium* à quibus præcipue contemptum, maleve aestimatum p.365.l.1 In Christi ejulatus in Cruce quorundam Blasphemia p.365.l.18

Passionis Christi finem, peccati extirpationem perinde esse atq; Pacificationem conscientiae p.366.l.10

Passio Christi allegoricè intellecta quàm jejunia res sit atq; inutilis si cum Historica Applicatione conferatur p.367.l.3 *Circumstantiarum* Passionis Christi Applicationes particulares p.367 & 368

Passionis Christi usum qui non agnoscunt, veros Israëlitas non esse sed Serpentum progeniem p.368.l.17

Passionis Ferie Celebratio p.441.l.44

Passiones Animales in se esse innocuas p.84 l.27 Nobiliorum harum Passionum exempla in brutis p.8.l.42

Nullam ex Passionibus Animalibus extinguere oportet, nisi excellentioris boni adipiscendi causa p.87.l.21

Παρά τὸ μέλλον & αὐτὸ quo sensu Christus dixit sit p.532.l.47

Patrum Conciliorumq; post annos ferè quadringentos à nato Christo habitorem qualis sit Autoritas p.699.l.44

Pauca illa nomina in Sardis : Vide Sardis.

Pauli Epistolæ quàm peculiarem in se habent veritatis αὐτοφάνειαν p.278.l.22 Primum ac maturrimum Christianitatis sensum in illis contineri p.278.l.41

Peccati abolitionem non fieri absq; aliquo configendi spacio, Quæq; Methodus ad eam rem maximè utilis p.401.l.15

Peculiaritas Divina quomodo intelligenda p.873.l.19

Peculiaritates Divinas duobus modis violari, ibid.l.43

Peregrinationes & Jubilæi p.498.l.52

Perfectionariorum jactabunda Hypocrisis, undeq; ea proveniat p.419.l.1 Ad quas leges suam Perfectionem expendant, Funestusq; eventus eorum Apostasia à persona Christi p.419.l.10

Perfectionis plus eis inesse qui à nomine Perfectionis abhorrent quàm in his qui eam tantopere venditant p.419.l.30

Pergamus quid significet p.793. l.41 & p.794

Persecutio & Idololatria : Vide Idololatria & Persecutio.

Persecutionum Antichristianarum Atrocitates : Vide Crudelitatum Antichristianarum Exempla.

Personalia Christi officia nunquam esse antiquanda p.237.l.7 & p.238,239

Personam Christi ab H. Nicolai esse exauctoratam p.239.l.37 & p.240,241,242

Personæ Christi transcendens Eminentia, etiam absq; recursum ad Evangelia, demonstrata, illiusq; rei utilitas p.277.l.16

Personalis regni Christi in terris examinatio, ut & Millennii p.422.l.3

Quomodo vertendum in secundo Decalogi præcepto p.876.l.27

Petri Epist. 1.

Cap.1.v.22 p.320.l.53 & p.321 v.4 p.206 l.34

Cap.3.v.18,19 Istorum versuum Paraphrasis p.68.l.17 p.237

Cap.4.v.3 p.475.l.43

Petri Epist. 2.

Cap.1.v.13 p.69.l.61

Cap.1 & Cap.3 Adventum Christi illic memoratum necessariò intelligendum esse de adventu ultimo p.205,206,207

Cap.1.v.11,12,13,14,15,16,17,18. p.206

Phialæ quartæ effusio in Solem p.45. l.24 Quintæ in Thronum Bestiæ l.29 Sextæ in Euphratem, Septimæq; in aërem, quid significant.

Phialæ sex primæ cur intra Tubam septem collocata apud J. Medum p.706.l.25

Phialas omnes collocari debere intra Tubam septimam p.708.l.8

Philadelphiana Ecclesia qualem Ecclesia Apostolica statum præfigeret p.809.l.10 & p.810,811,812

Philadelphianam Ecclesiam omnium splendidarum Prædictionum de Christi Ecclesia Impletionem fore p.809.l.26

Philadelphianæ Perfectionis descriptio p.809 l.37 & p.810.l.1 & l.26 & p.811.l.4

Philadelphiana Ecclesia eadem ferè quæ Nova Hierosolyma p.811.l.39

Philadelphianos, Equites illos esse Equis albis insidentes, & Boanerges super magnam Civitatem in tres partes divisam intonantes p.808.l.46 & p.812.l.1

Philadelphianæ Ecclesiæ Expositio Prophetica quanti momenti sit ad reducendum Terrarum Orbem ad bonam frugem p.823.l.37

Philadelphiani Intervalli suavissima ac jucundissima Recordatio p.824.l.13

Philadelphianorum seculorum Prænunciatus sive Prodromus p.824.l.39

Philadelphiani Intervalli initium & finis p.33.l.1

Ad Philippenſes

Cap.1.v.21,22,23,24 Sensus eorum versuum p.69.l.40

H h h h h

Cap.

INDEX.

Cap. 2. v. 6, 7, 8 p. 67. l. 1
Cap. 3. v. 11 p. 65. l. 14
Philtrum quomodo misceatur p. 611. l. 1
Philtrum ex quibus compositum p. 635. l. 2
Photius fidelissimus doctrina Concilii Nicæni de cultu Imaginum Interpres p. 857. l. 40
Qui tamen Latrion Imagini Christi, Sanctorumq; Imaginibus cultum saltem religiosum tribuit, ibid. l. 27 & p. 881. l. 47
Quadragesimus, septenarius cur sic appellatus p. 597. l. 23
Plaga decem Ægyptiacæ quo sensu per Testes Ægypto mysticæ infligendæ p. 725. l. 41 & p. 726
Planetarum qualitates & per Terram penetratio p. 299. l. 32
Planetarum Dignitates Essentiales & Accidentales p. 300. l. 3 & l. 44
Planetarum Influencias nec ab Æstu marino nec à directione Actus ad Polum argui p. 303. l. 12
Planetarum Stationem & Repedationem adversus Astronomos facere p. 303. l. 37 & p. 307. l. 3
Planetarum Domi, Exaltationes & Aspectus, ex quàm levibus occasionibus inventi p. 304. l. 11
Planetæ stellis fixis quàm inscitè ab Astrologis prelati p. 304. l. 37
Planetis Qualitates primæ quàm falsè attributæ p. 304. l. 48
Platissus sive lances Bilancis ad aures Judicis quàm bellè referantur apud Achmetem p. 617. l. 48
Plinii de mundi Conflagratione sententia p. 221. l. 3
Pluto, Ops, & Bona Dea qualia Numina p. 103. l. 18
Poculi Meretricis Explicatio p. 634. l. 48 & p. 635. l. 636
Possum intra [Apoc. 13] quàm inscitè à Grotio interpretatum p. 691. l. 21
Possum intra Suelo Apollonii statuæ perperam ab eodem applicatum p. 691. l. 39
Politicæ Sapientiæ in Brutis specimina p. 85. l. 4
Adeòq; Vitæ Animalis esse partem, ibid. l. 45
Polytheismi cum Atheismo connexio necessaria p. 93. l. 18
A Polytheismo quomodo Pagani se defendere p. 93. l. 22
Polytheismi dilutio per eos qui Deum æternam immaterialémq; mentem statuebant, resq; omnes illius esse Manifestationes p. 96. l. penult. & p. 97
Pontifex Romanus quàm ad vivum apud Ezechielem descriptus sub Typo Regis Tyri p. 743. l. 14 & rursus l. 49 & p. 744 & 748. l. 40
Pontifex Romanus à Deo primitus institutus p. 744. l. 5
Quæq; sit Negotiationis illius iniquitas per quam sua polluit Sanctuaria, ibid. l. 24

Postmedialium Visionum ad statum Ecclesiæ applicatio p. 43 & 44. 45
Post tres dies & dimidium, quomodo intelligendum p. 777. l. 48
Postulata Apocalyptica p. 38, 39 & 40
Præ-existentia Animæ Messie sive Christi Servatoris p. 66 & 67
Prædicandi ratio triplex, Catechesis, Expositio, Conciones, earumq; omnium inter se comparatio p. 437. l. 13
Prædictiones nullas fuisse de lapsu Ecclesiæ in suum Pagano-christianismum, prorsus incredibile p. 580. l. 11
Et quàm malè collocata sit opera eorum Interpretum, qui easdem conati sunt obscurare, ibid. l. 27
Prædictiones Apocalypticas non determinari ad annum p. 697. l. 6
Prædictionem aliquam esse in Epistolis ad singulas antecedentes Ecclesias in subsequenti Ecclesiæ Intervallo, implendam p. 789. l. 36
Præ-existentiæ Animarum quæ loca Scripturæ videantur favere p. 66 & 67
Præsentias symbolicas Christi Sanctorumve colere, Idololatriam esse p. 855. l. 16
Præsentia symbolica quid sit? p. 873. l. 53
Præsentiam nullam symbolicam, præter sanctam Christi Humanitatem, Divini cultus versus se facti esse capacem p. 881. l. 20
Preces veri viviq; Christiani quorsum maxime tendant p. 400. l. 8 & 402. l. 18
Priapi Imago & Sacrificium p. 109. l. 7
Privatæ Coargutionis præcellentia cum publicis Concionibus collatæ p. 439. l. 36
Privato cuiq; non solum permitti sed & præcipi ut ipse pro se in rebus Fidei judicet p. 514. l. 38
Idem jus ac privilegium ratione etiam demonstratum p. 514. l. 53
Privati cujusq; rationem seu judicium non esse privatum Spiritum sensu illo ignominioso quo quidam volunt p. 515. l. 16
Privati cujusq; jus judicandi pro seipso in rebus fidei, neminem facere Ecclesiâ suâ superiore, nec æqualem p. 515. l. 41
Nec supponere quidem eum sapientiozem Ecclesiâ seipsum existimare, sed potius de æterna sua conditione magis esse sollicitum p. 516. l. 11
Nec Privatam suam esse Sapientiam cui adhareat, sed sapientiam Dei omnibus cognitam præterquam eis qui sponte cæcutiant, ibid. l. 16
Privatus quispiam quibus adjutus administris certum Scripturæ sensum possit eruere p. 831. l. 61 & p. 832
Processiones Paganicæ & Pontificiæ comparatæ p. 672. l. 15
Prodigia ante Judicia Extraordinaria frequenter apparuisse p. 209. l. 22
Proleptata quibus usus sit Author ad respondendum Objectionibus Psychopannychitarum, ex 1 Cor. 15 petitis p. 62. l. 1
Prophetias affirmare prorsus esse inexplicabiles, blasphemiam planè sapere adversus Spiritum sanctum p. 7. l. 31
Ad

INDEX.

Ad Prophetias intelligendas integritatem cordis magis quàm ingenii excellentiam requiri p.7.l.52 & p.47.l.34

Prophetiarum intelligentiam ad pacem Orbis Christiani magnopere facere p.8.l.2

Recte Prophetiarum intelligentiæ utilitas contra Quinto-monarchianos aliòsq; Enthufiastas, ut Quakeros & Familistas p.8.l.32

Prophetiarum intelligentiæ, Protestantibus qui in Imperio sunt, utilitas p.9.l.22 & *universo Orbi Christiano* l.33

Prophetias Apocalypticas Hierarchiæ quidem Papali malè ominari, nec sic tamen quin ab Idololatriis aliisq; enormibus peccatis repurgata tuta esse possit Ecclesia Romana p.9.l.48

Prophetiarum Apocalypticarum eventus ad annum non præfiniri p.14.l.44

Prophetico Christi officio quanta sit contumelia communium Notionum dictatis silentium imperare p.523.l.28 *Hujus Tyrannidis exempla egregia quibus magnus ille Pseudopropheta detegatur, ibid.* l.36 & p.524

Prophetiam, Historiam quasi anticipatoriam esse p.618.l.9 & p.650.l.49 & p.663.l.13

Prophetiæ Pauli ad Timotheum Expositio Epiphaniæ ex Daniele confirmata p.717 l.28

Prophetiæ Spiritus, sensu nobilissimo, qualis sit p.803.l.6 *Vide Vineæ Nabothi.*

Prophetarum Allusiones vel Transfultus p.266.l.5 *Allusiones has vel purè Allegoricas esse vel mixtas, ibid.* l.21 *De mixtis, earumq; vi in argumentatione* p.266.l.43

Prophetiæ: Vide Vaticinia.

Propitiatorium versùs quod adorabant Judæi, quid significaret p.592.l.10

Προφῆται p.352.l.6

Protestantium derelictionem Ecclesiæ Romanæ non esse Schisma p.699.l.33

Providentiam Dei particularem esse, ad res personarumq; singulas pertingentem p.75.l.18

Providentiæ Divinæ Festivitas cum Naturæ lusibus in suis Gamaieu comparata p.659 l.53

Providentiæ Divinæ de rebus Ecclesiæ maturatione sollicitudo p.750.l.30

Prudentia Moralis prima maximèq; necessaria preparatio ad veras rationes assequendas certitudinis Fidei p.827.l.27

L. Psalmorum

Psalms.2.v.9 p.736.l.58

Psalms.16.v.8 p.269.l.25

Psalms.22.v.16 p.292.l.9

Psalms.45.v.6 p.269.l.57

Psalms.68.v.18 p.269.l.39

Psalms.74.v.14 p.553.l.14

Psalms.106.v.19 p.875.l.16 v.26 p.117.l.31 v.28 p.714.l.44 v.37 p.114.l.53

Psalms.110.v.1.4 p.269.l.51

Pseudoprophetæ illius egregii olim venturi characteres particulares p.522.l.22

Pseudoprophetam, Bestiam bicornem & Me-

retricem Babylonicam idem esse p.723.l.3

Psychopannychitarum opinionis periculum & Inconsolabilitas p.61.l.27

Pugnæ Michaëlis cum Dracone Expositio secundum Medum & secundum Grotium p.185 l.18

Purgatorium ex [1 Pet. c. 3. v. 19] probari non posse p.69.l.1 & 6

Purgatorii figmentum horrendum p.504.l.38 *Terrificam hanc fabulam totam molem reliquarum superstitionum infinito facere gravio-rem, ibid.* l.53 & p.505

Purgatorii confutatio p.506.l.14

Purgatorii nullum fundamentum esse nec in Scriptura nec apud Patres p.506.l.50 & p.507

Purgatorii crassa fraus noxæq; ingens p.507 l.11

Purgatorii descriptio immane quantum poetica p.542.l.17

Puritatis descriptio p.89.l.49

Puritatis stricta per Servatorem Apostolosq; præceptio p.323.l.16 & p.324

Puritatem sic exercendam esse ut nihil peccetur contra Humilitatem p.403.l.34

Purificatæ Animæ status egregius & stupendus p.321.l.52

Pythagoreorum quàm pura olim fuerit Religio ac Philosophia p.464.l.1

Q

Quadragesima duos menses Bestiæ, Anno- rum Menses esse quibus rationibus demonstratur p.696.l.1

Quadratum 666. quid indigitet p.199.l.4

Quadraticæ Radicis Extractionem per periti- am numerandi Numerum Bestiæ insinuari p.191.l.37 & p.192

Quadraticarum Radicum Numeri Bestiæ & Numeri Chiliarum Agni sive Novæ Hierosolymæ Ἀντιοχία p.192.l.9

Quakeri: Vide Trementes.

Quartum Regnum apud Danielem non esse Lagidarum & Seleucidarum sed Romanum, argumentis multis etq; validis demonstratum p.729 ad p.733 *Ex communi Scriptorum Ecclesiasticorum consensu* p.729.l.42 *Ex eminentia & magnitudine Regni quarti* p.729.l.47 & p.730 *Ex temporis distantia inter Lagidarum & Seleucidarum Regnum & Regnum lapidis abscissi sine manibus* p.730.l.18 *Ex decenti Regum secundum Typum co-existentia* p.731.l.48 *Ab immensè differentibus Periodis, uno statim post Antiochum finiente, altero non nisi ante diem Judicii* p.731.l.54 & p.732 *Ex eo quòd Daniel magnum cornu primum Regem faciat in Regno tertio, quatuorq; minora post ipsum ex ejusdem Hirci capite enasci* p.732.l.9 *Et ex quatuor deniq; capitibus Pardi, qui quatuor sunt successores Alexandri, ex eòq; quòd Daniel Antiochum prope finem illius successionis collocet* p.732.l.40 & p.733 Quatuor

INDEX

Quatuor Animalia ante Thronum [Apoc.4] quomodo intelligenda secundum Grotium p. 183. l.26 quomodo secundum Medum, ibid. l.38

Quinquatria minora Ludive Megalenses Carnispriviorum Pontificiorum quam similes p.670.l.38

Quinq; menses Locustarum quomodo exponendi p.586.l.25

Quod quinq; præterierant supremi Magistratûs genera tempore S. Johannis p.660.l.47 Nec plura quam quinq; p.661.l.46 Quam certa sit hujus rei evidentia p.663.l.19

Quinta Monarchiæ introductionem bella non supponere nec spolia nec ullius Principis Populivæ Jurum Invasionem p.698.l.2

Quinto-Monarchianorum Satanicus furor p.202.l.4 Quibus rationibus optimè extinguitur, ibid. l.21

R.

RASI vertices, ritus Sacerdotum Iſidis ac Dianæ p.671.l.33

Ratio quid p.87.l.34

Ratio quando rectè circumſtantiata p.828 l.11

Reconciliationis Mundi cum Deo per mortem Christi fuſor Explicatio p.59.l.56 & p.60

Reformatio Anglicana, eminens Prophetiæ de Reſurrectione Teſtium ſpeciminalis impletio p.8.l.32 & p.777.l.30

Reformationis Anglicanæ reſtitutio triplici argumento confirmata p.11.l.46

Reformata Eccleſiæ ſtatus per Eccleſiam Sardenſem præfiguratus p.805.l. penult. & p.806, 807, 808.l.54 Vitia illius perſtriſta p.806.l.29 & p.807.l.19 Mina illi intentata niſi ad doctrinam vitæq; Apoſtolicam redeat, vigiletque, ibid.l.43 & p.823.l.31

Reformata Eccleſia Reſurrectio Teſtium p.808.l.55

Reformata Eccleſia, quanquam haud ſatis perfectæ, præferenda Romanæ p.809.l.1 & p.822.l.57 & p.823

Reformata Eccleſiæ à ſchiſmatis crimine Divino calculo abſolutæ p.822.l.25

Reformata Eccleſiæ quibus rebus per Typum ſuum [Eccleſiam Sardoniam] modeſtiam doceantur mutuamq; tolerantiam p.821.l.60 & p.822.l.49 p.823.l.22

Reformata Eccleſiæ eadem Gratiæ adminicula offerri quæ olim Primitivæ p.807.l.9

Reformatarum Eccleſiarum vitia ac maculæ obſcurius in Prophetia libri aperti, in Epistoſta tamen ad Eccleſiam Sardoniam ſatis aperte ſignificari p.44.l.13

Reformatores noſtri Eccleſiæ primi quàm digni quibus Reſurrectionis Teſtium Viſio applicetur p.821.l.15 Quamq; id notatu ſit utile p.821.l.40 & p.822

Regenitus verè qui ſit, requieſcere neſcit

donec omnis ex eo exacta ſit corruptio p.400 l.1

Regiam Potestatem, in cauſis etiam Eccleſiaſticis, in propriis Regnis & Papali & Presbyterianâ eſſe majorem p.774.l.47 & p.775 Eccleſiæ Anglicanæ, ſuper hac re, ſententia p.775 l.39

Regina Cœli p.109.l.57

Regna Mundi omnia quomodo Diabolus Chriſto oſtenderit p.127.l.46

Regnum Angelorum Animarumq; ſeparatarum eſſe, undeq; illud innotefcat p.78.l.15

Regnum Antichriſti Divinæ Gratiæ charitatis contrarium p.559 & 560

Regni Antichriſti abſurda ac fabuloſa deſcriptio p.677.l.40 & p.678

Regni Beſtiæ per menses 42 durationem duplici ſenſu intelligi poſſe p.706.l.33 & p.607

Regni Beſtiæ expirationem in exitu Tubæ ſextæ partialem eſſe ſive ſpeciminalem, multis probatur argumentis p.707.l.16

Regnum Chriſti perſonale in terris perſtriſtum p.182.l.9

Regni Chriſti deſcriptio è Scripturis p.558 l.12 Deſcriptionem hanc conſtari ex effectis Charitatis, ibid.l.41

Regni Cœleſtis quales ſint qui ſunt capaces p.365.l.38

Regni Lucis & Tenebrarum Inimicitia perpetuæ ac bella p.78.l.20

Regni Lucis liberatio ſupernaturalis in Mundi Conflagratione p.80.l.17 Illius rei ratio, ibid.l.39

Regni Lucis Princeps qualis eſſe debeat p.81.l.7

Regno Lucis aſſiſtere quòd ſpeciali modo debeat Deus p.227.l.5

Regni Lucis Princeps qualis à Divina Providentia conſtituendus p.227.l.14 & p.228

Regnum quartum: Vide Quartum Regnum. Regnum Spiritûs apud Cabbaliſtas p.236 l.20

Regni Tenebrarum ruinam aliquando conſummatiſſimam fore p.79.l.6

Regni Tenebrarum ac Lucis conſlictus p.226 l.60 & p.227

Regulæ quedam quibus opiniones examinentur p.409, 410

Regularum diſtarum uſus generalis p.411 l.7 Uſus earundem ſpecialis in favorem hominum mutuum, opinionibus diſſentientium p.411.l.24

Regulæ quedam ad quas expendi poſſint Vaticiniorum Interpretationes p.618.l.52 & p.619

Relativam Idololatriam æquè veram Idololatriam eſſe ac relativum Adulterium verum Adulterium p.880.l.6

Relativam Idololatriam realem propriamq; eſſe Idololatriam etiam juxta præciſam rationem Scholarum p.880.l.27

Relativam

INDEX.

Relativam Latriam, quanta necessitas sit, ut Pontificii tribuant Imaginibus Dei Christique p.881.l.46 & p.882

Religio an inst brutis p.86.l.8

Religionem Ethnorum ultra vitam Animalem se non extendisse p.101.l.45

Religioni Romanæ, Græcæ, Ægyptiæ Gentiumq; omnium in eo consensus, quod ultra vitam Animalem se non extenderent p.104.l.1

Religionem Hominis potius gratiâ institutam esse quàm Dei p.351.l.50

Religionis nostræ æstimationem minimè consistere in damnando universos ad infernum Inferni barathrum qui eam non profiteantur p.404 Intempestiva apud Christianos hujus opinionis Inculcatio p.404.l.31 & p.405

In Religionibus omnibus quæ bona sunt, à bono Christiano debere laudari p.405.l.7

Religiones falsæ quàm magnam Orbis terrarum partem occupaverint p.405.l.28

Religionem electitiam veram Pietatem ubiq; extinguere p.407.l.7

Religionis cujusdam professio, quæ reverè Dei Evangelitq; quædam quasi derisio sit p.418.l.7

Religionem morum corruptricem à Magistratu jure coerceri posse, & quæ robur Regni & tutamen tolleret p.427.l.11 Et cui Persecutionis principia inseparabiliter intexta sint p.427.l.29 Ad objectionem Responsio, Sæcæ utiq; omnes persecutioni esse deditas, &c. ibid. l.37

Renatorum animis peccata æquè dolorifica esse ac morbos corporibus p.340. l. 60 & p.341

Resignationis genus quoddam falsum & periculosum, quale & Spiritus Apostatæ promovere videantur p.106.l.54

Resignationis hujus specimen in Trementibus p.107.l.2

Resurrectio Christi; quàm defixus in eam Christi fuerit oculus p.151.l.13 Divinæ vitæ per eam Triumphatus, ibid. l. 31 Immortalitatis Animæ Confirmatio p.152.l.34 Totiusq; ministerii Christi, ibid.l.54 Quæ factum ut pontifices proceresq; Judæorum per eam non essent conversi p.153. l. 22 Quomodo evinci possit Demonis non fuisse delusionem, ibid. l.42

Resurrectionis Christi veritatem, ex eo quòd pro libitu apparuerit & disparuerit, minimè infirmari p.154.l.27

Resurrectionis Christi à mortuis Prædictio p.269.l.25

Resurrectionis Christi certitudo p.294 l. 4

Resurrectionem mortuorum non quidem morali, sed naturali sensu, fore è Scripturis probatum p.205.l.19

Resurrectio mortuorum Scholastica quàm grata auribus Atheorum p.210.l.47 Qualis lapis offendiculi quibusdam Enthusiasticis p.211.l.3

Contra Resurrectionem Obsectio ab Activitate Animæ extra corpus cum Responsio p.214 l. 11

Resurrectionis Mysterium ab omnibus Objectionibus tum Atheorum tum Enthusiastarum per Autorem liberatum p.215.l.38

Resurrectionis defensio per Autorem quousq; se extendat p.217.l.3

Resurrectionem etiam Scholasticam non esse impossibilem unde possit demonstrari p.217.l.9

Resurrectio prima [Apoc.20] quomodo intelligenda p.180.l.51 & p.181

Resurrectionis primæ filii annobis apparituri, & cur p.182.l.13

Resurrectio & Ascensio Christi sextæ Potentia Evangelica p.369.l.8 Magna illius ad impellendos homines ad vitæ probitatem vis p.369 l.35 & p.370

Resurrectionem Testium, Reformationis hand ità pridem factæ esse Impletionem, Quantiq; inter sit Ecclesiarum Reformatarum illud scire p.8.l.32 & 59 & p.9.l.1

Resurrectio quibus Objectionibus per Atheos impetita p.211.l.25 Ad objectiones Responsa p.212 & 213

Resurrectio visibilis quomodo confirmetur ex Expositione Prophetica Epistolæ ad Ecclesiam Laodicenam p.816.l.23 & p.823.l.61

Quid innuat apud Paulum 1 Tim.4 & quàm rectè illuc usurpatum p.717.l.31 & p.720.l.6

Revelationem nullam à Deo esse quæ sensui rectè circumstantiato repugnet p.828.l.43 aut manifestis veritatibus naturalibus, ibid. l. 51 Immortalitatemve siveat aut promoveat p.829 l.13

Rex Babylonis quonam sensu vocetur מלך שוה Lucifer, Occidentalisq; Cæsareatûs Stella p.614.l.60 & p.615

Rex septimus: Vide זלל &.

Rex superbiæ [Dan.11.v.36] quàm imperitè per Grotium de Antiocho expositus p.717 l.52 & p.718 Quàm necessario intelligendus sit de Antichristo p.718.l.1

Rex Regum & Dominus Dominantium, Sessoris Equi albi Titulus [Apoc.19] quomodo intelligendus p.737.l.28

Rex superbiæ à Daniele prædictus p.750.l.48 p.751,752

Rex superbiæ & Cornu parvulum idem quod Homo peccati, ac proinde iidem inter se p.753.l.45

Riberæ & Grotii Expositiones [cap.17. Apoc.] quanti momenti sit ut confutentur p.674. l.33 & p.675

Ritus Panos quid significet p.102.l.54

Ritus Paganicos imitandi studium in Ecclesia degenerante p.664.l.43

Romam ipsam aliquando reformatum iri non abnuere Oracula p.11.l.23

INDEX.

Romæ convertendæ Apocalypsis quomodo in-
serviat p.11.l.27

Romam incendio vastatum iri, ex sensu va-
ticipinii minimè constare p.652.l.54 & p.653
p.728.l.6

Romæ Potificiæ res quali fato creverint, qua-
llq; dilapsuræ p.653.l.50 & p.654

Romæ septem montes singuli singulis Sanctis
nunc consecrati, ut olim singuli singulis Diis
p.667.l.4

Roma per Totilam capta & incensa malè per
Grotium applicata ad Incendium Babylonis p.
687.l.48 & p.688

Romæ totiusq; aded orbis Christiani Amici
fidelissimi quinam sint p.714.l.5

Roma ex Paganica Christiana, ex Christia-
na Pagano-Christiana & Idololatrica, & ex
Pagano-Christiana purè Christiana rursus red-
denda p.745.l.1 & l.34 p.746.l.22

Roma & Pergamus inter se comparatæ p.
794.l.9

Romanæ Hierarchiæ ruina quas ob causas in
vaticiniis comminata p.742.l.4 p.743.l.36 p.
744.l.11 & l.28 p.750.l.6

Romanæ Ecclesiæ in dissentientes crudelitas
quibus aggravetur Circumstantiis, quàmq; cla-
rè indè constet eam mulierem illam esse quæ
Sanctorum sanguine ebria sit & sanguine Mar-
tyrum Jesu p.860.l.36 & p.861

Romana in Ecclesia quàm exigua vel quàm
nulla potius spes sit salutis p.861.l.28 Quòsq;
quidam è nostris salvatum iri credunt, non ali-
ter tamen salvandos credere quàm per implici-
tam illius communionis renunciationem p.
862.l.20

Romanæ Ecclesiæ cum vera penitentia sta-
tùq; Regenerationis quàm malè consistat com-
munio p.862.l.41 & p.863

Romanæ Ecclesiæ calliditas descripta p.863
l.22 Unitatem quàm vanè venditet, ibid. l.43
& Antiquitatem & Universalitatem, ibid. l.54
Miracula etiam p.864.l.1 & Sanctitatem, ibid.
l.12 & Infallibilitatem, ibid. 25 Ut & Ab-
solutionem Sacerdotalem, ibid. l.46 & p.865
& Thesaurum deniq; Meritorum, ibid. l.12

Romanæ Ecclesiæ gloriationum ex vera sta-
tùs illius descriptione è sacris Oraculis petita,
Confutatio p.865.l.31 & p.866

Romanæ Ecclesiæ gloriationes è dictis Vati-
ciniis solidè confutari, minimèq; eam indè
contumeliis affici: Quibùsq; rationibus id cui-
vis qui nullo laborat præjudicio, possit constare
p.866.l.49 & p.867

Romani Imperii supremarum Potestatum suc-
cessionem quàm naturaliter in octo partes se dis-
solvant p.646.l.50 & p.647

Romanum Imperium à Regibus usq; ad illi-
us exitum uni Homini apud Florum compara-
tum p.660.l.36

Romanum Imperium in decem Regna divi-
sum, sedes facta Antichristi p.697.l.47

Imperium Romanum in decem Regna diffra-

ctum introducere Antichristum p.752.l.40 &
p.753.l.24

Ad Romanos

Cap.4.v.5 p.329.l.10

Cap.5.v.6.10 p.237.l.37

Cap.6.v.7 p.327.l.40

Cap.8.v.10,11 p.328.l.16

Ruina finalis Antichristi: Vide Antichristi ru-
ina finalis.

Rupes percussa qualis Typus p.591.l.55

Rusticitas eorum hominum qui omnem Divi-
nam veritatem etiam in modis & circumstan-
tiis comprehensibilem esse volunt. p.379.l.20

S.

Sacerdotii Christi perpetuitas p.273.l.14

Sacerdoti Reverentiam rectius queri in
vitæ doctrinæq; vi ac potentia quàm in pompa
quavis Histrionica p.490.l.46 & p.491

Sacrificia in omnibus Religionibus propitia-
tiones fuisse iræ Deorum p.147 Ex quo sen-
su mors Christi est interpretanda, ibid. l. 23
Odiosa illorum subtilitas quæ hanc veritatem
delere conantur, ibid. l.29

Sacrificium Christi Reatum tantum tollere
non pœnam, quàm nefaria ista doctrina sit, cri-
ménque, quàm Judæ, majus p.527 & 528 Hu-
jus doctrina Noxa, ibid. l.16

Sagarum Magorùmq; cibi evanidi & deluso-
rii p.131.l.10

Saitani Templi Inscriptio Mystica, quæq; il-
lius sit mens p.96.l.30

Sanctitatis gradum exiguum non quidem
sufficere Homini Christiano p.333.l.7 & p.
334.335

Sanctorum, Angelorùmq; & Hominum pio-
rum naturæ proximitas p.466.l.43

Sanctos non percipere preces nostras ac suspi-
ria, nec per propriam suæ naturæ excellentiam
nec per Revelationem Divinam p.474.l.31

Sanctorum absentiam ab Imaginibus non ex-
cusare ab Idololatria p.479

Sanctorum Angelorùmq; cultum religiosum,
realem esse adversus eos contumeliam ac bla-
sphemiam p.485.l.49 & p.486

Sanctorum Appellatio quomodo Evangelicis,
Ecclesiisve Reformatis competat p.613.l.11

Sancti Tutelares cum Diis Tutelaribus com-
parati p.665.l.35

Sanctorum Altaria, Statuæ, Tempa, Festa,
Adorationes, Invocationes, Cereorum Oblatio-
nes & Incensi, Jurationes per eos, & Vota eis
facta, Imaginum deportationes in processioni-
bus, Peregrinationes ad eas, curationùmq; mi-
raculosarum monumenta in Templis suspensa,
manifesta lineamenta esse Imaginis Bestiæ p.
667.l.9

Sancti quomodo in Dæmonas seu Dæmonia
vertantur, deq; ea re Danielis & Pauli prædi-
ctio p.719.l.30

Sanctos

INDEX.

Sanctos veros Regna antè non accipere quàm data sint eis p.711.l.30

Sanctorum Invocationem etiam à Tridentinis Patribus præscriptam, esse Idololatricam p.848.l.10

Sanguis in Fæderibus quid significet, & quid Sanguis Christi in Fædere Christiano p.395 l.13

Sanguis, vis vitæq; Animalis secundum sententiam Ægyptiorum & Persarum p.613 l.48

Sanguinolenta oppugnatio Imperii Christi in trucidandis fidelibus suis subditis p.521 l.51

Lib. Sapientiæ

Cap.8.v.19,20 p.66.l.22

Cap.13.v.1 p.93.l.7

Sapientiam Divinam è reali justitia & sanctitate nasci p.341.l.34 & p.342,343

Saracenos significari per locustas Apocalypticas p.186.l.47

Saracenicæ Regni duratio & de rebus Saracenorum p.586.l.25

Sarah quid significet, cujusq; rei symbolum p.391.l.11

Sardis quid significet, ejusq; cum Hymnodia Citharistarum & doxologia Seniorum, convenientia p.31.l.39 p.44.l.1

Sardæ lapidis qualitates p.806.l.6

Sardis, quæ ratio nominis p.806.l.17 Rationes hujus nominis cum citharistarum Cantico [Apoc.16] concentus, ibid.l.23

Sarda quæ & Carnalina quomodo vitia quædam Ecclesiæ reformatæ præfiguret & illustret p.806.l.29

Pauca illa in Sardis Nomina quomodo intelligenda p.807.l.60 & p.808 Semen esse Ecclesiæ Philadelphianæ, ibid.l.29 Horum paucorum Nominum per Christum Confessio quid sit p.808.l.24

Sardiana Ecclesiæ & Philadelphiana inter se comparata p.809.l.15

Sardianus status deernationi Israëlitarum in Deserto non absimilis p.822.l.61 & p.823 l.13

Sardiana Ecclesiæ novum quasi exordium vel Emergentia veræ Ecclesiæ Regni Christi ex Potestate Regni Antichristi p.818.l.16

Satanæ Synagoga cætus Antichristianus & quare p.810.l.13

Satisfactionem Christi ad Reatum tantummodo tollendum non ad pœnam se extendere quàm Antichristiana sit doctrina p.505.l.20 In quàm multifarios labores ac molestias hæc doctrina & figmentum Purgatorii homines conjiciant, ibid.l.40 & p.506

Saturnalia quæ consuetudine apud Pontificios referantur p.670.l.31

Sævitæ Antichristianæ Exempla varia p.564

Scala Divinæ Lucis per quàm Mahometes ascendit in Cælos p.165.l.23

Sci. quàm latè significet p.739.l.42

Schisma quid sit p.562.l.45

Schismatica quedam Meticulositas Antichristianæ Ecclesiæ in abstinendo à communione in rebus sacris, cum Apostolicis, fraudulentumq; eorum propositum ea in re p.563.l.21

Scientiæ etiam naturali quanto Obstaculo sint Animi vitia p.343.l.33 & p.344

Scopus Evangelii privativus Idololatriæ Abolitio, Onerisq; Ceremoniarum ablatio p.449, 450, 451, 452

Scopus positivus Evangelii p.452, 453

Scripturarum solida cognitio Philosophiæ prælata p.1.l.27

Scripturæ perspicuitatem in rebus ad salutem necessariis, Infallibilis Judicis tollere necessitatem p.513

Scripturam, cum nullum indiget Judicem infallibilem, ullumve fidelem Traditionum custodem, seipsam eo ipso declarare solam sufficientem normam Ductorumve p.513.l.16

Scripturarum abscondendarum prætextus fraudulentus p.519.l.36

Scripturarum Excellentia vindicata, ibid.l.42 & p.520

Scripturæ interpretanda ratio solidissima ac firmissima p.817.l.6

Scripturam maximè certam esse Traditionem p.830.l.6 firmissimamq; Fundamentum Fidei, ibid.l.14

Scripturam sufficienter esse perspicuam p.830.l.19

Scripturæ sensus quando literalis aut Historicus, quando figuratus tantum aut Parabolicus habendus p.830.l.29

Scripturæ partem nullam in se esse inexplicabilem p.831.l.10

Scripturas consulere ac legere non solum jus esse sed & Officium cujusq; Christiani p.831 l.43

Sensus rectè circumstantiatus p.828.l.9

Separare ab Ecclesiâ Romana, ob ipsius Idololatriam, Schisma non esse coram Deo, Divino etiam suffragio comprobatum p.822 l.34

Septem, stylo prophetico universalitatem significare p.785.l.20 & p.807.l.9 p.818.l.5

Septem capita Bestiæ septem esse summorum Magistratum genera, quâ methodo demonstratur p.626.l.31 & p.627, &c.

Septem capita Bestiæ ut sint septem Personæ planè esse impossibile p.628.l.52 & p.629, 630

Septem capita Bestiæ de septem summorum Magistratum generibus interpretari nullam esse theologiam, contra Grotium p.646.l.45

Septem capitum Bestiæ numerationem inire à Claudio & desinere in Domitianum omni carere ratione p.685.l.23

Septem capita Bestiæ [Apoc.13] non esse septem montes, contra Grotium p.689.l.7

INDEX

Septem Ecclesiarum visio visioni septem Sigillorum Libriq; aperti Synchrona p.781.l.11

Septem Ecclesiarum visio cur Epistolari forma constituta p.782.l.31 & p.783

Septem Ecclesiarum visio quibus rationibus demonstratur esse Prophetica p.783.l.41 & p.784,785,786 & p.787.l.37 item p.817,818,819,820

Septem Reges [Apoc.17] Reges esse impios Septem Aetatum mundi ab Adamo ad Diem novissimum, secundum Riberam p.675.l.14 Expositionis hujus Confutatio p.676.l.55 & p.677

Septem Reges ad Romanum Imperium propter septem montes, quorum capita Bestiae, Typi sunt, necessariò pertinere p.678.l.14

Septem Tonitrua partes Tubae septimae p.707.l.31

Serapis Aegyptius quid p.96.l.21

Sermo Servatoris reverenter lectus in Ecclesia quanti sit momenti p.438.l.47

Serpens aeneus Passionis Christi Typus propheticus p.361.l.49 & p.364.l.39

Serpentem aeneum non Artis aut Naturae vi Israelitas sanasse p.362.l.1

Serpentem aeneum non fuisse Telesma sensu Gaffarelli p.364.l.21

Serpens aeneus quàm perfecta Christi praefiguratio p.364.l.44

Serpenti aeneo Incensi adoletio Idololatrica p.460.l.22

Serpens aeneus Christi Typus in Cruce pendens p.591.l.44

Servator qualis doctor Amoris p.318.l.52 & p.319

Servatoris jus quo colatur in perpetuum tanquam aeternus Logos qui creavit caelum & terram p.449.l.29

Sessio Christi ad Dei dextram quid significet figuratè & propriè p.155.l.46

Severitatum variarum Antichristianarum Enumeratio p.499.l.7

Sexti Rufi locus restitutus p.661.l.18

Sigillorum sex primorum explicatio secundum Grotium p.183.l.54 & p.184

Sigillorum sex primorum explicatio secundum J. Medum, ibid.l.31 & p.185

Sigma quomodocunq; scriptum nullum alium habere valorem quàm 200 p.632.l.36

Signorum appropriatorum cultus religiosi generalis distributio p.472.l.32

Similitudinem per Identitatem eleganter aliquando exprimi p.644.l.41

Simonis Magi Historiolam Figmentum esse; & qua de occasione ortum p.755.l.46 & p.756 & 758.l.33 p.759.l.15

Simonis cum igneis quadrigis spectaculum, regio Claudii contigisse, non autem Neronis, contra recentiore quendam Interpretem p.759.l.6

Simonem Magum non fuisse Hominem peccati p.759.l.25 Nec statnam ei erectam

fuisse, nedum in Templo ut Deum sedisse p.759.l.30

Simonem cum Gnosticis unum Hominem peccati constituere non posse, quem Dominus interficiat spiritu oris sui, destruatq; illustri suo adventu p.760.l.29

Simonem & Gnosticos in ea parte prophetiae [Nam Mysterium jam operatur Iniquitatis] ut Typum illius magni Antichristi forsan notari, quàmq; multis rebus inter se conveniant p.760.l.51 & p.761

Sinceritas (via media inter Infirmitatem simulatitiam & Perfectionis venditionem) descripta p.420.l.32 & p.421

Sinceri Christiani plenior adhuc character p.421.l.14 Qui ad hunc statum non aspirant Hypocritas esse, qui se supra esse pretendunt, contra aeternum Christi Sacerdotium Conspiratores p.421.l.46

Smyrna quid allusivè significet in Ecclesia Smyrnaea p.790.l.22

Sodalitates Romanae Paganicae cum Pontificiis comparatae p.671.l.25

Sodomae, per ignem de caelo, subversio, possibilitatis Conflagrationis terrae pignus p.220.l.43

Sol unicum Paganorum Numen ad quod reliqua referebant p.93.l.23 Sol mundi mens, ibid.l.59

Soli nec unitatem, nec ulla è reliquis Divinis Attributis competere p.95.l.21

Solis tamen & Apollinis Delphici Nomina unitatem innuere, ibid.l.10

Solis cultores cum Artolatris comparati p.477.l.28

Solis ac Lunae significatio spiritualis p.614.l.11

Solidianismi Examinatio, & quo sensu Fides dici possit sola iustificare p.417.l.45

Solutio Diaboli ubi inceperit secundum Grotium p.193.l.55

Sopla, quae ratio Nominis p.645.l.35 Duplicem fuisse apud antiquos, ibid.l.41

Sopla vocis allusio ad צופה p.785.l.51

Spectrum in monte Caucaaso per Apollonium fugatum p.139.l.33

Spirituum Atheorum agmina innumera esse, eorundemq; descriptio p.78.l.33

Spirituum Apostatarum malitia qualis sit in genus humanum p.106.l.45

Spiritus Astralis impuritas quid sit, qualèsq; faciat praecoeres ac vates p.233.l.49

Spiritus Fidei ut distinguatur à Spiritu Cognitionis & Sapientiae p.518.l.8

Spiritus Oeconomias multas fore ementitias circa initia Temporum Regni Spiritus, ut olim Messiae ementititii multi erant circa tempora veri Messiae p.197.l.53

Spiritus promissi potentiam ac vim non esse absolutam & omnipotentem, sed ita ferè se habere in rebus Divinis ut Spiritus Naturae in naturalibus p.347.l.55 & p.348

Spiritus

INDEX.

Spiritus promissio *Macchinamenti Evangelici* potentia tertia p.336. l.9. è multis locis V. & N. Testamenti probata p.337,338,339

Spiritus Propheticum nulli uni Personæ appropriatum esse, sed esse liberum p.522. l.47 & p.523

Spiritus Religionis Ceremoniarum onere suffocari p.374. l.42

Spiritus S. optimum esse in Mystero Christianitatis Mystagogum p.53. l.2

Spiritus S. Angelus à quibusdam habitus, unde Personalitas illius arguatur p.57. l.39

Spiritus S. descensus in Christum in forma Columbæ p.126. l.45

Spiritus esse substantiæ sue particulares immortales p.75. l.39 Illius rei probatio p.76 l.3

Spiritus Geniorum & Hominum quomodo inter se differant, ibid. l.17

Spiritus verè Christiani descriptio p.420 l.3

Spiritus nos certos facere de veritate Scripturarum, sententiam esse hand ita superciliosè explodendam p.517. l.42 & p.518

Sponsa per Apollonium è mortuis quomodo excitata p.240. l.9

Sponsa Agni quæ secundum Grotium p.193. l.42

Sputum Baptismale à quo ritu Paganico ortum p.670. l.19

Stationes & Repedationes Planetarum cur Debilitates Planetarum habeat p.307. l.43

Statua Apollonii, vocalis p.161. l.36

Statua Magica cum supremo Numine vitaliter unita, commentum Procli p.462. l.46 & p.463

Stellas Planetasq; suo usu non carere quamvis nulla veritas sit in Astrologia p.302. l.26

Stellas non esse causas varietatis rerum, ibid. l.42

Stellas solémq; apud Originem ζῆα ἀνὰ λόγον & ἀνὰ νόον, nec tamen à nobis colenda p.466. l.56 & p.467

Stellæ sensus magis Mysticus p.615. l.13

Stellam dare Matutinam quid p.805. l.27

Stella splendida Matutina, & ἀνὰ πρῶτον quomodo differant p.805. l.33

Stephanus ut ab Apollonio in ecstasi maniacæ animatus, dum Domitianum trucidabat p.141. l.1

Stephanus Martyr quomodo Christum viderit ad dextram Dei p.156. l.21

Stoicismus & Spartanismus à Divina vita quàm alieni p.145. l.45

Stylus Propheticus quàm determinatè intelligibilis p.618. l.5

Stylus Propheticus quæ cautione interpretandus p.707. l.9 & p.708. l.2

Substantiam omnem reverà esse individuum p.381. l.17

Succeffionem Individuorum representari uno Individuo p.589. l.11

Succoth Benoth p.110. l.8

Suetonii Testimonium de tempore Adventus Christi p.265. l.24

Suetonii locus ventilatus de expulsionem Judæorum tumultuantium, impulsore Chresto p.681. l.38

Sui-quæsitio veris Christianis quàm facile imputetur per Hypocritas p.360. l.37

Summi Sacerdotis in Sanctum sanctorum semel quotannis Introitus quid significaret p.592. l.6

Superbia Cleri Antichristiani quales habeat fomites ac fulcra p.551. l.21 & p.552

Superstitio quid propriè sit p.443. l.23 & p.455. l.15

Superstitionem etiam esse posse in oppugnandis Ceremoniis, &c. p.406. l.45 & p.407

Supralapsariorum doctrina quàm immane portentum p.408. l.50 & p.409

Syderum per terræ viscera penetratio quàm mendosè apud Astrologos conclusa p.304. l.44 & p.305. l.11

Symboli Athanasiani verba, cujusmodi sunt, Unus & Unitas, Deus & Omnipotens, Æqualis, &c. latitudinem sensus admittere p.380. l.25

Symbolum Athanasianum nec Polytheismum nec Idololatriam, nec ullam Absurditatem Repugnantiamve involvere p.380. l.53 & p.381

Symboli Nicæni verba ea [Credo unam Catholicam & Apostolicam Ecclesiam] quomodo intelligenda p.561. l.44 & p.562

Symmetra Ecclesiæ tempora per rationem Interioris Atrii ad Exteriorius quomodo indicata p.197. l.38

Axiomata Synchronistica p.17. l.1

Synchronarum visionum Initia Finisq; quæ latitudine sint intelligendi p.17. l.33

Synchronorum Apocalypticorum plena ordinatq; Propositio p.18. l.1 p.19. l.3 & p.20

Synchronismi visorum Antemedialium p.25. l.1 & p.27. l.21 p.704. l.1 & p.705. l.30

Synchronismorum Medialium Demonstrationes p.20. l.46 p.21,22,23 & p.701. l.31 p.702,703

Synchronismi visorum Postmedialium p.27 l.36 & p.28 p.705. l.43

Synchronismi Phialarum cum primo Tonitruo contemporantium demonstratio p.28 & 29 Vide & p.706,707,708

Synchronismorum Medialium naturalis Collegatio p.188. l.55 & p.189

Synchronismos intelligendi necessitas ex Erroribus Grotii demonstrata p.194. l.25

Synchrona Medialia quo sensu in exitu Tubæ sextæ sint implenda p.708. l.48 & p.709

Synchrona Medialia quocunq; sensu gradue expirant, omnia simul expirare p.709 l.4

Synchronorum Postmedialium Initium, Tempusq;

INDEX

usq; Millennium magis eminenter sic dicti p. 709. l. 27

Syrbachan Interpres Regis Indiae p. 595. l. 45

T.

TAbernaculum ac דברִי Israëlitarum quid significarent p. 591. l. 32

Taciti testimonium de tempore adventus Messiae p. 265. l. 8

Taciti error de Judæis tanquam caput Asinicolentibus p. 458. l. 32

Tarphan Interpres Pharaonis Regis Aegypti p. 595. l. 49

Texitui Babylonici [Apoc. 18] quales sint p. 741. l. 57

תורה & תוספתא quid significant p. 213. l. 30
Quenam sint earum vocum significationes speciales p. 214. l. 42

Tualai quid p. 52. l. 9

Telestematicas Preparationes omnino esse superstitiosas p. 362. l. 14

Telestematicae Imagines cum Diis Tutelaribus comparatae p. 362. l. 27

Telestematicum effecta caelestibus Insuetudinibus non posse imputari, ibid. l. 52 & p. 363

Telestematicum vis an ex similitudine sit p. 363. l. 9 & p. 364

Telestema cur sic dictum p. 364. l. 29

Templi cum Atriis Ichnographia p. 26 & 27

Templa Paganorum fuisse ferè omnia Sepulchra p. 117. l. 35

Tempus adventus Messiae vaticinio Jacobi predictum p. 251. l. 23

Tempus Finis quid p. 715. l. 54 & p. 716

Idem quod ὥρα καὶ καιρὸς p. 716. l. 25 & p. 717

Tempus, tempora & dimidium temporis p. 615. l. 44

Tentationes Christi aliaeque vitae ejus asperitates quorsum tendant p. 127. l. 8

Tentatio ejus à Diabolo, ibid. l. 26

Teraphim, statuae vocales fatidicae p. 461. l. 54

Tertia pars, quid significet stylo Apocalyp-tico p. 587. l. 26 p. 186. l. 5 & p. 713. l. 9

Testes cur duo p. 724. l. 25

Testium duorum visio explicata p. 724, 725, 726, 727, 728

Testium potestas claudendi caelos nè pluatur, quomodo intelligenda p. 725. l. 14

Testes veros caelum non invadere sed illuc venire accersitos p. 727. l. 29

Testimonium Christo ter caelitus perhibitum p. 128. l. 46

Testimonia de Apollonio quam obscura & ridicula p. 129. l. 35

Tetractys duplex ejusque Explicatio & Applicatio ad illustrandum Numerum Bestiae p. 658. l. 13

Tetractys majoris ad Hexameron Mosai-cum relatio p. 658. l. 31

ἑστὶν ἔκστασις in Aethiopia Vulcanus memorabilis p. 218. l. 38

Ad Thessalonicenses

Epistola 2.

Cap. 2. v. 1, 2, 3, 4, 5, 6, 7, 8 p. 751. l. 31 & p. 752, 753 usq; ad p. 761

Cap. 2. v. 7 p. 761. l. 44

Cap. 2. v. 8, 9, 10, 11, 12 p. 747. l. 29

Ad Thessalonicenses secundam reverà esse secundam Epistolam non primam, contra Grotium p. 756. l. 26 & p. 757

Thronus Christi, Caelum p. 816. l. 6

Thyatiris Ecclesiam non fuisse temporibus S. Johannis opinio Montanistarum p. 682. l. 31

Thyatira quomodo Romam denotet, quaeque vocis illius ratio p. 798. l. 22 & p. 799 & 800

Θυατῖρα alludere etiam ad Θυατῖνα p. 800. l. 22

Thyatirae Intervallum à cultu virginis, tanquam si Filia Dei esset aequè sublimi sensu ac Christus ipse Dei filius, denominatum p. 853. l. 3

Tidor & Ternate Insularum Orientalium In-cola Solis Lunaeque Cultores p. 86. l. 58

Ad Timotheum

Epistola prima.

Cap. 3. v. 15 p. 509. l. 33

Cap. 4. v. 3 p. 451. l. 52 & v. 1, 2, 3 p. 714. l. 13 & p. 715, 716

Ad Timotheum

Epistola secunda.

Cap. 1. v. 12 p. 63. l. 51 v. 10 p. 369. l. 11 v. 20 p. 105. l. penult.

Cap. 4. v. 8 p. 63. l. 51

τι καὶ ἄλλοι [2 Thess. 2] quid sit p. 752. l. 37 & p. 753. l. 6

Tonitruum significatio magis mystica p. 617. l. 8

Tophet & Vallis Hinnom quae ratio Nomi-num p. 144. l. 40

Torcularis significatio magis spiritualis p. 617. l. 36

Torcularis calcatio à Sessore Equi albi p. 739. l. 6

Traditio minus rectè circumstantiata, quam lubricum incertumque argumentum p. 832. l. 30

Transfiguratio Christi in monte p. 128. l. 17

significatio illius, ibid. l. 32 Utilitas p. 128. l. 37

Transfixionis manuum pedumque Christi præ-dictio p. 192. l. 3

Translatio Ecclesiae Christi ad Aethereas su-as mansiones, cum brevi caelestis Beatitudinis descriptione p. 373. l. 29

Transubstantiationis lucrum causam esse cur in Ecclesia Antichristiana tam mordicus te-neatur p. 483. l. 37

Quam mirificus Intercessor Sacerdos

INDEX

Sacerdos sit ex hoc Prætextu, *ibid.* l. 49 *Varia rationes de re sua utendi hoc dogmate* p. 484. l. 11
Honor ineffabilis inde Sacerdoti contingens, *ibid.* l. 30 *Quod inde videri possit omni lege major* p. 484. l. 50

Transubstantiationis absurditates p. 523 l. 36

Transubstantiationis Incredibilitas quanto sit Ecclesie damno p. 543. l. 16 *Quam naturaliter Atheismum introducat, ibid.* l. 36 *Quam compressus Impossibilitatum fasciculus* p. 543 l. 58 & p. 544 *Venditatem Ecclesie Infallibilitatem leviores esse quam ut ipsi contraponderet* p. 544. l. 19 *Nec credibilem reddi posse fictorum miraculorum obtentu, ibid.* l. 29

Transubstantiatio Panis ni fiat, Adorationem Hostie esse Idololatricam p. 843. l. 40 & p. 844. l. 45 & p. 847. l. 29

Transubstantiationem communi sensui, indubitatisq; omnium Artium ac Scientiarum rudimentis aperte repugnare p. 846. l. 13 & p. 847

Transubstantiationis crassam falsitatem, perplexitatem in mysterio S. S. Trinitatis, obtentu neutiquam posse tegi p. 884. l. 24

Transubstantiatio quamvis firmiter credatur à quopiam, id tamen eum ab Idololatria minimè liberare p. 884. l. 53 & p. 885

Tremantes quid lucrati sint ex quo à Christo defecerint p. 432. l. 11

In Tremementum secta Spiritus Dei effecta non reperiri sed potius Pythonismi, *ibid.* l. 43 *Inspirationes eorum Divinas non esse sed Diabolicas* p. 433. l. 4 *Mysticarum allegoriarum vana apud eos venditatio, ibid.* l. 15

Tremantes cur tam amarulenti contra Ministros Christi p. 433. l. 46

Tremantes per Autorem moniti ne ad Familismum divertant p. 434. l. 1

Tremementum sincerorum conditionis Commiserabilitas p. 434. l. 25 *Spes reditutionis ad Christum, ibid.* l. 49

Tres dies & dimidium [Apoc. 11. v. 9. 11] quomodo intelligendi p. 179. l. 4 & p. 180. l. 26 & p. 726. l. 44 & p. 727

Tres dies & dimidium [Apoc. 11] necessariè resolvendos esse in Antichronismum p. 594. l. 22

Tria Ministeria, Legis sub Patre, Fidei sub Filio & Amoris sub Spiritu, Familisticè intellecta quale Insomnium p. 235. l. 44

Triados Platonice descriptio p. 55. l. 44 *Unitatis trium Hypostaseon, gradatim facta Explicatio* p. 56. l. 10 *Quomodo cunctæ unum sint Divinum Numen adorabile* p. 56 l. 38

Triados Platonice cum scripturis probabilis convenientia p. 57. l. 6

Triadem Platonice non esse Paganicam Inventum p. 57. l. 22 & p. 59. l. 5

Tribuni Consulares & Tribuni Plebis &

Tribunis Militum distincti p. 660. l. 52 & p. 661. l. 10

Trigonorum Astrologicorum commentum confutatum p. 305. l. 26

Contra Trinitatem Christianam Cavillationes aliquot p. 56. l. 55

Trinitatis Christianæ veritas & sacris paginis probata p. 57. l. 30 & p. 58

Trinitatis Negatio Christianitatis subverso p. 60. l. 30

Tetræ & Imperium Romanum indigere p. 186. l. 5

Triumviros Reipublicæ constituendæ aut summam potestatem non fuisse p. 662. l. 5 aut à potestate Imperatoria non distinctam, *ibid.* l. 45 & p. 663

Tubarum sex primarum Expositiones secundum Grotium & secundum Medum p. 183 l. 48 & p. 186, 187, 188

Tubam sextam Imperium Romanum multo post spectare quam factum sit Christianum p. 713. l. 3

Tubæ sextæ Clangorem jam præterisse quantum ad Impletionem Prophetiæ, quàmque id notatu sit utile p. 821. l. 32

Tubam septimam in septem Tonitrua ut Sigillum septimum in septem Tubas, dividi p. 18. l. 34

Tubæ septimæ Expositio Grotiana p. 188. l. 36 *Expositio vera, ibid.* l. 43

Tubæ ultimæ tempus ad finem usq; mundi pertingere p. 18. l. 22

Turcæ an unquam Ecclesiam Occidentalem vastaturi sint, sicut Orientalem vastarunt p. 11. l. 14

Turcas per Equites Euphrateos significari p. 187. l. 55

Turcæ, Persæ dicti in Historia Græca p. 188. l. 1

Turcici Imperii ad Christianitatem convertendi quanam sit spes p. 172. l. 5

Tyrus Ecclesie Apostaticæ appellatio quarta p. 743. l. 7

Tyrus mystica, Civitas coronans cur dicta p. 744. l. 53

Tyri Visiones [Esai. 23] quam necessariè mysticè sint intelligendæ p. 745. l. 56 & p. 746

U.

1 particula quam laxa sit significatio p. 718. l. 40

Vanini vanitas ac superbia p. 296. l. 28 *Illius temulentia ac levitas in admittendo Vaticinia & Apparitiones & negando tamen earum consequentias* p. 297. l. 1

Varronis dictum memorabile de distinctis officiis Deorum, quam rationem sequi videatur Ecclesia Apostatica p. 666. l. 30

Vaticinia

INDEX

- Vaticinia : *Vide Prophetias.*
- Vaticinia Christi paucis fuisse, & quare p. 138. l. 1
- Vaticiniorum Despectus apud levia Ingenia ipsorumque contra ea Objectiones p. 249. l. 25
- Vaticinium Danielis, septuaginta nempe Hebdomades quomodo probent Messiam venisse p. 261. l. 25 p. 262. l. 25 p. 263. l. 8
- Vaticinium Esaiæ novem Messiae characteres complectens p. 266. l. 52 & p. 267. l. 268
- Vaticinium hoc nec ad populum Judæorum nec ad Jeremiam adequatè applicari posse p. 268. l. 6 & l. 19
- Vaticinium Haggai de tempore adventus Messiae p. 255. l. 9
- Vaticinii Jacobi vera Explicatio, cum Confutatione precipuarum Evasianum Judæorum p. 251. l. 252. l. 253. l. 254
- Vaticinium Malachiae de tempore adventus Messiae p. 256. l. 19
- Vaticinia Jacobi, Haggai & Danielis quàm manifesta argumenta sint Messiam jam venisse p. 264. l. 8
- Vaticinia apud Judæos vera cur essent, ratio specialis p. 250. l. 29
- Vaticiniorum verorum exempla apud Gentes p. 250. l. 33
- Vaticinia de Messia nec supposita esse à Judæis nec corrupta p. 249. l. 45 Responsum de obscuritate Vaticiniorum, ibid. l. 56 Obiectio à libero arbitrio sumpta diluitur p. 250. l. 1
- Vaticinia, obscura esse debere, tum propter liberum Hominis arbitrium, tum propter Inimicos Ecclesiae, tam Homines quàm Demones p. 584. l. 12 & p. 585
- Vaticiniorum obscurandorum ars quibus potissimum rebus consistat p. 585. l. 23
- Vaticiniorum Systema novum incipere [Apoc. 10. 8] quibus rationibus confirmetur p. 178 l. 49 & p. 179. 704. 705
- Vaticiniorum V. T. usus peculiaris ad convincendos Homines Atheos & Melancholicos p. 272. l. 46
- Vaticinium notabile à Vanino agnitum de nece Julii Cæsaris p. 250. l. 41
- Vaticinium Danielis Vespasiano per Josephum perperam applicatum p. 264. l. 44
- Vaticiniorum ad notos eventus, quò Religionis Christianae veritas evincatur, applicatio p. 272. l. 46 & p. 273. l. 34
- Vaticinationes omnes è fortuito estu tumultuque Imaginationis neutiquam oriri p. 250 l. 10
- Vehicula Angelorum lapsu mutata p. 76 l. 48
- Venus caelestis & popularis p. 109. l. 45
- Venus Melitta, ibid. l. 56
- Venus eadem quæ Luna & Hecate p. 110 l. 11 Abominanda cultus illius turpitudine apud Eusebium descripta p. 110. l. 16
- Veræ Rationes Certitudinis Fidei quales sint p. 827. l. 21
- Verbo Dei omnia creata fuisse significatum per statnam ab Incolis Thebaidos cultam p. 462. l. 38
- Veritatem salutiferam præ Civilitatis studio non esse amittendam p. 867. l. 3
- Veronica, ad eamque Oratio p. 859. l. 60 & p. 860
- Versiculi Mnemonici quibus Visionum Apocalypticarum series memoria faciliè retineantur p. 35. 36. 37
- Vesta an idem quod Sol & Apollo p. 103 l. 25
- Vestimentorum religiosorum virtus fictitia, cum fraude hujus Opinionis malisq; ejusdem Consequentis p. 491. l. 25 & p. 492
- Vestimenta summi Sacerdotis quid significarent p. 592. l. 40
- Vestimenta candida Laodiceæ Ecclesiae commendata p. 814. l. 51
- Vix mediæ Calvinismum inter & Arminianismum examinatio p. 413 & 414
- Vinea Nabothi quid mysticè significet p. 802. l. 17 & l. 35 p. 803. l. 24
- Virginis Mariæ compellationes Idololatricæ, ut, Salvatrix Animæ, Largitrix Spiritualis Gratiæ p. 851 Dei Filia eo ferè sensu quo Christus Dei Filius dicitur p. 851. l. 32 & 852 l. 25 & l. 50 Illuminatrix cordis, Porta vitæ, Janua salutis p. 852. l. 51 & l. 40 Salvatrix seculi p. 851. l. 50 Regina Gentium p. 851. l. 52 Fundatrix Mundi p. 852. l. 21 Genetrix vitæ, Initium & finis totius salutis p. 852. l. 47
- Virtutem Animæ naturalem esse, vitium extraneum p. 345. l. 1
- Visibilitas personalis redditus Christi ad Judicium è Scripturis demonstrata p. 204. l. 25 & p. 205 p. 816. l. 30 p. 823. l. 60
- Visibilis redditus Christi ad Judicium Congruentia ac necessitas p. 208. l. 12 Argumenta ad eos adhibita qui miraculofam ejus credunt Nativitatem, Transfigurationem, Ascensionem, &c. ibid. l. 38 Argumenta adversus eos qui Infideles sunt, &c. p. 208. l. 53 & p. 209. 210
- Visiones Imaginæve Propheticas etiam ea quæ subinde fiunt aut seriùs pari fulgore, ac quæ perpetuò, representare p. 659. l. 28
- Visionem quidem partialem id quod preteritum est aliquando respicere p. 782. l. 9 & p. 783. l. 7
- Vita Animalis in genere quid sit p. 83 l. 51
- Vita Æterna quid significet apud Familistas p. 243. l. 34
- Vita Divina cur non statim ad debitam attollatur gloriam p. 82. l. 17 & p. 83
- Vita Divina quàm inspicua res sit Homini merè naturali p. 88. l. 43
- Vitæ Divinæ ramus p. 89. l. 6
- Vita Divina quo sensu sic dicta p. 89. l. 12
- Necessariò

INDEX.

Necessario inesse diuinitatem cuilibet, vel deo saluati, qualis speciali modo erat Christus p. 89. *ibid.*

Divina vita quomodo in se contineat. Iustitiam, Temperantiam, Fortitudinem ac Prudentiam p. 89 & 90

Vita Divina Mysterio Christianitatis clavis optima p. 91. l. 4

Vitæ Divinæ Triumphus personalis etiam in Ecclesia Apostatica p. 175. l. 16

Vitæ Divinæ pretiositas p. 226. l. 45

Vitam Divinam, in genere, quæ oppugnet p. 535. l. 36 & p. 536, 537, 538

Vita Media, cuius radix sit ratio p. 87. l. 30

Vitæ Mediæ partes & effecta p. 87. l. 42 & p. 88

Vita Media quousque in rebus Religionis possit progredi p. 88. l. 17

Vitam Terrestrem, mortem potius esse quam vitam p. 215. l. 1

Vitulum aureum Apis Ægyptii figuram non fuisse sed Cherubum p. 457. l. 53

Vitulos aureos in Dan & Bethel duos fuisse Cherubinos ad cultum Dei Israël erectos p. 458. l. 43 & p. 459

Vituli aurei cultum in Horeb idololatriam fuisse ut & Vitulorum in Dan & Bethel p. 459 l. 40 & p. 460

Vitulum aureum Imaginem Apis non fuisse, sed symbolicam præsentiam Jehovah p. 875. l. 4

Vitulum aureum Dei Apis symbolicam fuisse Præsentiam quam immanis sit Repugnantia p. 875. l. 53

Ulpium Trajanum hominem fingendo ad quem Numerus 666 pertineat, quam sedè hallucinatus sit Grotius p. 692. l. 18

Umbræ, quas projicere possit Christianitas postquam in Ecclesia Sol Iustitiæ in occasum præcipitaverit p. 494. l. 38

Una, apud Spenserum, quam ad vivum, statum Ecclesiæ in Eremita representet p. 174. l. 26 & p. 175

Una Catholica & Apostolica Ecclesia, quomodo intelligenda p. 561. l. 44 & p. 562

Unctio extrema aliq; ritus superstitiosi circa homines moribundos p. 494. l. 56 & p. 495 *Ut & circa mortuos, cum fraude & noxa horum rituum* p. 495. l. 30

Unionem Christi cum Deo inter nostramque cum eadem, discrimen p. 60. l. 36

Unionis Hypostaticæ clarior solito explicatio p. 381. l. 13

Unionem Christi cum æterno verbo nullam implicare contradictionem p. 381. l. 34

Unio Christi cum Deo cum illa Angelorum comparata qui in V. T. nomen Jehovah gestabant p. 382. l. 1

Unio Servatoris cum æterno verbo quam rationabilis, curque cum illa Hypostasi distinctim ab aliis p. 382. l. 17

Unum virum feminamve unam singularem stylo Prophetico corpus politicum representare p. 589. l. 33

Voluptates quibus se addicere debent qui vitam expetunt immortalem p. 370. l. 1

Votorum religiosorum illaqueationes p. 500 l. 20

Waldensium quid p. 715. l. 44 & p. 716

Waldensium res & Albigenisium apud Danielem perstrictæ p. 793. l. 13

Waldenses & Albigenes quid sint Martyr Antipas p. 795. l. 25 & p. 796

Waldenses Martyres quanquam in prelio occisi p. 796. l. 8

Vulcanus cur claudus sit p. 103. l. 17

Vulcanorum Historia ex Plinio & Acosta p. 218, 219

Z.

Z Abii cur sanguinem sacrificiorum comederent p. 461. l. 30

Zeli falsorum quorundam Boanergium descriptio p. 385. l. 3

Zelum quemlibet ardoremve Ministerium vivum non constituere p. 385. l. 32

Zelotypiæ mentionem in secundo præcepto Decalogi minimè probare Imaginis cultum ibi prohibitum de Imagine solummodo Dei alieni esse intelligendum p. 876. l. 62 & p. 877

Zōa, quatuor Bestiæ Apocalyptice cur vocatæ sint non autem dñea p. 598. l. 44

Zodiaci Divisio in Trigonos p. 299. l. 60

Zodiacum hunc ipsūque Cælum ubi esse supponitur, merum esse Figmentum p. 305. l. 3

Zōon quàm latam habeat significationem p. 68. l. 26

Zoopœia quid sit p. 590. l. 3

Zoopœiæ genus alterum probatum illustratumque ab exemplis, ibid. l. 13

Præcipuorum membrorum *Antichristianismi Descriptionum* simul &
Predictionum eisdem respondentium Index particularis.

- A**rtolatria Romana *descripta* p.475.l.30
p.477.l.11 & 478
Artolatria Romana *prædicta* p.796.l.26 p.
803.l.29 & p.847.l.51
Astutia Politica *Hierarchie Antichristiane*
descripta p.546.l.62 & p.547.548
Astutia Politica *Hierarchie Antichristiane*
prædicta p.734.l.24 p.743.l.25 *ibid.* l.36 p.
748.l.28 p.753.l.33 p.805.l.1
Blasphemia *adversus Angelos Sanctosq;* de-
scripta p.485.l.49 & p.486
Blasphemia *adversus Angelos Sanctosq;* præ-
dicta p.633.l.35 p.713.l.36
Caput Antichristianæ Ecclesiæ *ut Divinos*
Titulos sit acceptaturus, *Description* p.549.l.19
Predictio p.743.l.16 p.748.l.37 p.749.l.36
Ut in Reges & Imperatores *insultaturus*, De-
scriptio p.549.l.35 *Predictio* p.749.l.39 p.
750.l.54 p.752.l.10
Excelsus Homagii à *summis Magistratibus*
huic capiti prestiti *descriptio* p.549.l.54 & p.
550 *Predictio* p.749.l.19 p.750.l.35
Suiipsius Exaltatio supra Deum & quantum
ad jurisdictionem & quantum ad honorem seu
precedentiam, *descripta* p.550.l.14 *Predicta*
p.751.l.6 p.752.l.4
Suiipsius exaltatio supra Deum *in ipsa Dei*
domo literaliter intellecta, *descripta* p.551
l.1 *Predicta* p.551.l.8 p.749.l.25 & p.752
l.26
Cœlibatus & Abstinentiæ à *cibis* *Description*
p.496.l.32 & p.497
Cœlibatus & abstinentiæ à *cibis* *Predictio*
p.715.l.20
Cœlibatus impuritas *descripta* p.498.l.6
Cœlibatus impuritas *prædicta* p.713.l.52
p.721.l.59
Cœlibatus Antichristianus *descriptus* p.554
l.26
Cœlibatus Antichristianus *prædictus* p.751
l.3
Ceremonialitas Ecclesiæ Antichristianæ de-
scripta p.489.l.9 & 490
Ceremonialitas *huius Ecclesiæ* *prædicta* p.722
l.14 p.728.l.37 p.664 usq; ad p.672
Christi oppugnatio (*quatenus est Veritas*)
descripta p.530.l.34 *Predicta* p.738.l.20
Quatenus Lux, *descript.* p.530.l.53 *Predict.* p.
738.l.20 *Quatenus Vita*, *descript.* p.531.l.16
Predict. p.738.l.20 *Quatenus Deus*, *descript.*
p.531.l.31 & p.532 *Predict.* p.738.l.20 *Qua-*
tenus Pater, *descript.* p.532.l.47 & p.533 *Præ-*
dict. p.738.l.23
Christi oppugnationis *quatenus Princeps pa-*
cis, *doctrinas falsas obtrudendo vel non necessa-*
rias, *vim iuramentorum obligatoriam solvendo*,
& *belligerando contra Sanctos*, *Description* p.
533.l.50 & p.534 *Predictio* p.738.l.20 p.742
l.25 p.749.l.46
Crudelitas Antichristianæ Ecclesiæ *in Sanctos*
& *Prophetas* *descripta* p.521.l.48 & p.524.l.20
p.564,565,566,567,568
Crudelitas Antichristianæ Ecclesiæ *in San-*
ctos & Prophetas *prædicta* p.633.l.5 p.713.l.
52 p.742.l.21 p.762.l.13 & p.763 p.795.l.16
p.800.l.22 p.802.l.22 p.803.l.50
Fides *quibus modis extinguatur in Ecclesia*
Antichristiana, *Description* p.539.l.42 & p.540
Predictio p.544.l.41 p.748.l.30
Fraudentia lucrosa *notata in genere* p.454
l.11 *Passimq; in Idea Antichristianismi* de-
scripta. *Predicta verò* p.713.l.56 & p.744.l.14
Vide Imperii Sacerdotalis acquirendi, &c.
Idololatria Ecclesiæ Antichristianæ *descripta*
p.473.l.29 & p.474,475
Idololatriæ Ecclesiæ Antichristianæ *prædicta*
p.630.l.20 p.631,632,633,634 p.700.l.16 p.
710.l.12 & p.711,712 ad p.720 p.796.l.26
p.803.l.29
Imperii Sacerdotalis *acquirendi amplifican-*
diq; ratio fraudulenta, *præter universalem frau-*
dem per totam rerum administrationem diffu-
sam & p.454 notatam, *magis speciatim* de-
scripta p.547.l.4 & p.548 *Fraus verò hæc ge-*
neralis prædicta p.733.l.47 p.734.l.24 p.742
l.4 p.744.l.11 & l.28
Impuritas Ecclesiæ Antichristianæ *descripta*
p.553.l.42 & p.554,555,556
Impuritas Ecclesiæ Antichristianæ *prædicta*
p.557.l.28 p.761.l.55 & p.762
Incantationum & Exorcizationum *Description*
p.492.l.18 & p.493,494
Incantationum & Exorcizationum *Predictio*
p.713.l.52 p.742.l.11
Infallibilitatis *prætextus* Antichristianus de-
scriptus p.508.l.32 & p.509
Infallibilitatis *prætextus* Antichristianus *præ-*
dictus p.723.l.13 p.743.l.19 & l.58 p.797.l.
18 p.801.l.37
Mendacium Miraculorum & Figmentorum
in Ecclesia Antichristiana affectatorum De-
scriptio p.541,542,543,544
Mendacium Miraculorum & Figmentorum
in Ecclesia Antichristiana affectatorum *Prædi-*
ctio p.544.l.41 p.635.l.44 p.747.l.16 & p.
748 p.715.l.14
Mercatura Ecclesiæ Antichristianæ : *Vide*
Nundinationes.
Multiplicatarum Superstitionum *onus servi-*
tusq; *descripta* p.488 ad p.507
Multiplicatarum Superstitionum *onus servi-*
tusq; *prædicta* p.720.l.53 & p.721 & 722.l.2
p.722.l.33 & l.49
Nun-

Index Particularis.

Nundinationes *Ecclesie Antichristianae* descriptae p.537.l.23 & 538, 539

Nundinationes *Ecclesie Antichristianae* praedictae p.738.l.37 à p.738 ad p.742 p.744.l.11 p.746.l.52

Potestatis praetextus à Christo derivata dum contra Christum agunt, Descriptio p.508.l.32 ad p.524 & p.559.l.5 & 570.l.47

Hujus praetextus Praedictio p.636.l.30 p.639.l.21

Prophetici Officii Christi oppugnatio descripta p.522,523,524

Prophetici Officii Christi oppugnatio praedicta p.723.l.3 p.728.l.28

Regalis ac Legislatorii Officii Christi oppugnatio descripta p.519,520,521

Regalis ac Legislatorii Officii Christi oppugnatio praedicta p.728.l.28 p.729.l.27 p.734.l.45 & p.735 p.738.l.6

Regalis ac Prophetici Officii Christi quatenus Aeternus Logos, oppugnatio descripta p.521.l.39 & p.523.l.28 & p.524

Regalis ac Prophetici Officii Christi quatenus Aeternus Logos, oppugnatio praedicta p.735.l.26 & p.736 p.737.l.51

Sacerdotalis Officii Christi oppugnatio p.525, 526,527,528,529

In eminentia repetitione Oblationis realis corporis Christi, descripta p.525.l.15 Praedicta p.633.l.35

In contumelia adversus Christi corpus Dei Tabernaculum, descript. 525.l.41 & p.526 praedict. p.633.l.35

In sacrificio suo propitiatorio vilificando, quasi ad Reatum solum tollendum valeret non ad Penam, descript. p.526.l.47 & p.527 praedict. p.722.l.56

In constituendo alios Mediatore, descript. p.528.l.38 & p.529 Praedict. p.722.l.53

Sanctorum cultus Idololatricus descriptus p.473.l.46 & p.474

Sanctorum cultus Idololatricus praedictus p.714.l.27 & p.715 p.719.l.17 & p.720

Sodomiae in Ecclesia Antichristiana crebritas descripta p.556.l.53 & p.557

Sodomiae in Ecclesia Antichristiana crebritas praedicta p.557.l.35 & p.762.l.2

Superbiae, in Ecclesia, Antichristianae descriptio p.537.l.23 & p.538,539 & p.545.l.35 & p.548. 551,552,553

Superbiae, in Ecclesia, Antichristianae praedictio p.553.l.1 p.634 p.749.l.5 & p.750,751,752, 753 p.794.l.1 p.797

F I N I S.

ERRATA.

P Refat. p. 1. l. 34. lege corroborata, l. 48. lenem, p. 2. l. 5. lancinaret. Illi, p. 3. l. 6. Christianitati, l. 25. definiatur, p. 5. l. 55. At enim, p. 6. l. 38. in gremio, p. 7. l. 21. cetera, p. 8. l. 14. vendicare, l. 16. vendicet, l. 33. necessario, l. 59. Epinicion, p. 9. l. 12. octavari, l. 19. ex caris, l. 51. Papalem, l. 60. Et tamen, p. 10. l. 37. Babylonis, p. 11. l. 8. lavz, l. 9. coelibus, piz, l. 35. perferentia, p. 12. l. 35. resistentiam, l. 60. inexpugnabile, p. 13. l. 29. cap. 17. l. 54. juveniliore, p. 14. l. 24. moliendas. Visionem, l. 36. Erit, etc.

Acta Synodica. p. 18. l. 41. subindicetur, libri, p. 21. l. 1. Eremicolz, p. 22. l. 2. cap. 13. l. 22. Ascensionem, p. 23. l. 3. ut hi, p. 31. l. 26. *avvixw* id est, p. 34. l. 27. Numerationibus, p. 35. l. 43. excedunt, p. 39. l. 5. Sed &, l. 25. curriculi, p. 40. l. 39. in pralio, p. 46. l. penult. pro Tabz lege Phialz.

Myth. Pietat. p. 58. l. 8. dele *sz*, p. 64. l. 53. lege *szwstajaz*, p. 76. l. 13. impassibiles, p. 79. l. 33. Secla, p. 81. l. 12. quaque, p. 86. l. 24. scilicet syderum, p. 92. l. 26. persona, p. 94. l. 11. Lunula, l. 18. tantam, p. 95. l. 39. non aliter, l. 50. qua sunt, p. 98. l. 1. *apwstoloz*, l. 39. *idolatrium*, p. 99. l. 33. *sz*, p. 102. l. 4. Robigum, p. 103. l. 49. cognitione, Belli, p. 106. l. 55. spaciunt faciunt, p. 108. l. 44. Cybela, p. 111. l. 18. *sz*, p. 113. l. 37. adjacentium, p. 117. l. 8. *szwstajaz*, l. 45. Liberum, p. 118. l. 29. *szwstajaz*, l. 31. *szwstajaz*, l. 36. *szwstajaz*, p. 119. l. 36. Zide, p. 121. l. 53. prospectum, p. 138. l. 36. cum, p. 144. l. 8. vestimenta, p. 149. l. 47. termocinans, p. 162. l. 49. exuta, p. 165. l. 50. primam, p. 171. l. 56. Anaiar, p. 173. l. 24. Christianitas facta, p. 174. l. 28. subultum, p. 179. l. 35. incipient, p. 192. l. 5. linearem, p. 193. l. 2. v. g. p. 194. l. 6. possederunt, p. 196. l. 24. prateritarum, p. 207. l. 2. oppidd, l. 16. auritus, p. 215. l. 21. ut qui, l. 42. Anima, p. 219. l. 27. furiosa, p. 221. l. 37. *szwstajaz*, p. 224. l. 18. lentam, p. 228. l. 41. declaraverit, legeritque, p. 235. l. 57. commendandam, p. 240. l. 4. fit, p. 241. l. 62. impudentis, id, p. 246. l. 28. Domino, p. 248. l. 17. Vaino, p. 251. l. 43. explicata, p. 252. l. 1. lege, vocabulum *szwstajaz* significare potest Congregationem, Expectationem, Obedientiam vel Contractionem, p. 254. l. 27. ablatum, p. 257. l. 13. *szwstajaz*, p. 258. l. 29. *szwstajaz*, p. 261. l. 28. dele non, p. 271. l. 29. *szwstajaz*, p. 298. l. 49. Alurorum, p. 309. l. 43. Almugeam, p. 310. l. 54. striatas tabulas, p. 314. l. 29. beatum, p. 316. l. 49. opus fuerit, p. 320. l. 35. obrepserit, p. 322. l. 8. Piellus, p. 325. l. 8. adhibitarum, p. 336. l. 47. traham efficiam, tribulam, p. 345. l. 54. fueris, p. 346. l. 33. abrogent, p. 347. l. 30. adversus, l. 57. quz videatur, p. 355. l. 5. Publicanis, p. 358. l. 38. Pharisaicam, p. 365. l. 4. Giganteos, p. 372. l. 52. explebit, p. 373. l. 27. quam, p. 384. l. 43. cantatur, p. 385. l. 22. reddendumque, p. 386. l. 15. affici, p. 388. l. 56. Principii, p. 390. l. 27. sic ut, p. 392. l. 62. liberz, p. 402. l. 7. competat, p. 410. l. 4. verz, p. 414. l. 38. discrepet, p. 417. l. 26. evaserant, p. 418. l. 7. Fideique, p. 425. l. 21. Religioni, l. 53. accerere, p. 426. l. 9. tentandumque, p. 435. l. 51. scandalofave, p. 442. l. 42. alii alios, p. 443. l. 7. oporteat, l. 35. amplectendave.

Idea Antichristian. p. 451. l. penult. Potestatum, p. 455. l. 55. *szwstajaz*, l. 57. eo ipso, p. 469. l. 49. necessarium, p. 470. l. 22. adhiberi, p. 471. l. 25. Dei utique, p. 474. l. 55. inutile, p. 475. l. 13. audire, p. 483. l. 24. attractura, p. 488. l. 12. sic satis, p. 492. l. 18. me, alterius, p. 496. l. 49. Regulam, nimis, p. 500. l. 21. illaqueentur, p. 503. l. 12. judicaturumve, l. 25. Ecclesiastico-Pol. p. 506. l. 30. quin ipsum, p. 512. l. 2. sola certa, p. 516. l. 28. operz, p. 517. l. 52. immediato, p. 519. l. 52. stabiliendaque, p. 526. l. 29. nempe; ut, l. 40. marcidifque, p. 527. l. 30. propriique, p. 528. l. 13. illic, p. 540. l. 55. quz vel, p. 544. l. 24. audenter, p. 555. l. 28. & absque, p. 563. l. 50. Pharisaicz, p. 566. l. 6. arbori, p. 570. l. 22. torum, p. 573. l. 2. infallibilis.

Synopsis Prophet. p. 580. l. 3. Christiana, revera, p. 582. l. 16. prehender arcteq; constringat, p. 591. l. 30. Ecclesia, p. 592. l. 12. *szwstajaz*, p. 600. l. 29. Regnum, summam, p. 601. l. 55. studio, p. 604. l. 11. afferet, p. 618. l. 37. sectandos, l. 51. judicari, p. 619. l. 8. Vatablus, p. 623. l. 19. Congr. 3. p. 625. l. 33. Congr. 17. p. 630. l. 8. Quod, p. 632. l. 23. tanta, p. 635. l. 51. sint inus, p. 638. l. 53. Quz sexta, p. 639. l. 23. Infula, p. 641. l. 14. formula, p. 644. l. 4. Idola, l. 52. superstitie scilicet, p. 647. l. 4. Regive, p. 658. l. 61. Par enim, p. 659. l. 56. Iusibus, p. 661. l. 24. Panfam, p. 661. l. 61. regnasse, p. 663. l. 26. *szwstajaz*, p. 667. l. 28. sacrificium est, p. 671. l. 35. Monachis, l. 40. Eunuchos, p. 673. l. 21. crudelitate simul considerata; cum, p. 674. l. 31. vero, p. 681. l. 13. nititur, p. 685. l. 47. nullius, p. 700. l. 29. Prædictiones, p. 705. l. 54. Satanas, p. 709. l. 9. retardentur, p. 711. l. 10. ab Orientali, p. 718. l. 40. 1. p. 725. l. 30. ubi res, p. 728. l. 19. spectet, p. 734. l. 23. comparatus, p. 748. l. 3. fiunt, p. 749. l. 60. cum ullo, p. 753. l. 45. unam, p. 768. l. 28. fulgida, p. 771. l. 36. imbecillis, p. 772. l. 39. ularum, p. 773. l. 49. Mendacis Legendariis, p. 775. l. 12. Interpretationum, opinionum, p. 778. l. 17. futura fit.

Expos. Prophet. p. 784. l. 47. Die dominico, l. 60. destinata, p. 785. l. 13. scribendum erat, l. 15. fuisse? p. 792. l. 30. oppositorum, p. 797. l. 57. astringant, l. 58. Balsami, Israelitis, Idol. p. 798. l. 2. manna, p. 799. l. 2. se profutetur, l. 10. jejulant, l. 50. *szwstajaz*, l. 54. cuncta hæc, p. 800. l. 4. lævibus, l. 27. odores, l. 47. Lolhardos, p. 802. l. 35. potest, p. 811. l. 31. *szwstajaz*, p. 821. l. 29. alibi.

Reliqua scripta. p. 830. l. 42. circumstantiatio, p. 832. l. 33. quam, p. 833. l. 2. te, p. 841. l. 20. adhibetur, erga eum adhiberi debet, erga, p. 844. l. 40. Divinitas, p. 848. l. 23. ipsi, p. 863. l. 26. textis, p. 865. l. 61. expandat, p. 876. l. 19. possumus, l. 34. delineant, l. 41. fit, p. 878. l. 57. fit, p. 879. l. 28. cultus, p. 880. l. 62. eam, p. 881. l. 52. tollant, p. 886. l. 52. fit, p. 887. l. 62. manifestam, p. 898. l. 16. timidus, p. 906. l. 25. sphaeris, velificantium.

Errata quz mihi impressa exemplaria festinantibus perlegenti occurrebant, hæc ferè sunt omnia. Siqua verò sunt alia quz me fugerint, five per Typographi, five per Scribarum, five per meam ipsius incuriam facta, Lector, quz est illius humanitas, ipse corriget & condonabit.

